














~~24~~ = 55 = 2



Just 209  
m 96

THESAURVS  
ANTIQVITATVM  
ET  
HISTORIARVM  
ITALIAE.  
REGIONVM ET VRBIVM  
IVRIS VENETI  
TOMI QVINTI PARS PRIMA









THESAVRVS  
ANTIQVITATVM  
ET  
HISTORIARVM  
ITALIAE,  
REGIONVM ET VRBIVM  
JVRIS VENETI.  
*TOMI QVINTI PARS PRIMA.*





THESSALONICA  
ANTIQVITATVM  
HISTORIARVM  
ITALIAE  
REGIONVM ET VRBIVM  
VARIS VERNIT  
TOMI QVINTI PARS PRIMA







LOND. BAC.  
Apud PETRUM VANDER AAR.







THESAVRVS  
ANTIQVITATVM  
ET  
HISTORIARVM  
ITALIAE,

*Quo continentur*

Optimi quique Scriptores,

*Qui*

REGIONVM ET VRBIVM  
I VRIS VENETI

*Confiniumque Populorum ac Civitatum Res Antiquas, aliasque vario  
tempore gestas, memoriae prodiderunt:*

Digeri olim coeptus Cura & Studio

JOANNIS GEORGII GRAEVII.

*Accesserunt*

Variae & accuratae Tabulae, tam Geographicae, quam aliae,  
ut & Indices ad singulos Libros locupletissimi:


CVM PRAEFATIONIBVS

PETRI BURMANNI,

*J. U. D. Historiarum, Graecae Linguae, Eloquentiae & Historiae foederati Belgii,  
in Academia Lugduno-Batava Professoris.*

TOMI QVINTI PARS PRIMA.

Scriptores hujus Tomi pagina versa indicat.



LUGDVNI BATAVORVM,

Excudit

PETRVS VANDER Aa,

*Bibliopola, Civitatis atque Academiae Typographus, MDCCXXII.*

*Cum speciali Privilegio Illustr. ac Praepotent. Ordinum Hollandiae & West-Frisiae.*



THE  
MUTUAL  
MORTGAGE  
E

OF  
THE  
MUTUAL  
MORTGAGE

OF  
THE  
MUTUAL  
MORTGAGE

OF  
THE  
MUTUAL  
MORTGAGE

OF  
THE  
MUTUAL  
MORTGAGE



# S E R I E S S C R I P T O R U M

Qui in Quinto Tomo Thesauri Antiquitatum  
& Historiarum Italiæ inveniuntur.

## P A R S P R I M A.

**B**ernardi Justiniani, Patricii Veneti, Senatorii Equestrisque Ordinis Viri Clarissimi, de Origine Urbis Venetiarum rebusque gestis a Venetis Libri quindecim: in quibus gravissimo stylo non solum res Venetæ, verum etiam bella Gothorum, Longobardorum & Saracenorum amplissime continentur. Adjectis tribus libris de Divi Marci Evangelistæ Vita, ejus translatione & sepulturæ loco.

*Donati Jannotii, Reipublicæ Florentinæ à Secretis, Dialogus de Republica Venetorum, cum Notis Nicolai Crassi.*

*Gasparis Contareni, Patricii Veneti, & S. R. E. Cardinalis, de Magistratibus & Republica Venetorum Libri V. cum Notis Nicolai Crassi. Accesserunt Balthasaris Bonifacii, de majoribus Comitibus & Judiciis capitalibus duæ Epistolæ.*

*Nicolai Crassi, Veneti, de Formâ potentissimæ ac florentissimæ Reipublicæ Venetæ per omnem ejus Ætatem Mista Liber singularis, antehac Auctoris Notis in Donati Jannotii Dialogum, & Gasparis Contareni de Republica Venetorum Libros V. subjunctus, nunc vero ob elegantiam suam separatim impressus.*

*Blondus Flavius, de Origine & Gestis Venetorum.*

*Petri Bembi, Patritii Veneti, Cardinalis, Historiæ Venetæ Libri XII. Editio Novissima, cum optimis Exemplaribus collata, accuratissimè castigata, atque Indice copiosissimo adaucta.*

*Marci Antonii Cocci Sabellici, de Situ Urbis Venetæ, Magistratibus, & Officio Prætoris, atque Scribarum ingeniosa descriptio: ut & ejusdem Genethliacum ac Oraculum.*

## P A R S S E C U N D A E T T E R T I A.

*Splendor magnificentissimæ Urbis Venetiarum clarissimus; è figuris elegantissimis, & accurata descriptione emicans; in duas Partes distributus: Quarum Prior, Tempia inclytæ Urbis magnifica, Collegia, Monumenta, Mausolea, Epitaphia, Inscriptiones, Statuas, Picturas, Sculpturas, ac reliqua ibidem memoriâ digna continet: Posterior, Regimen Serenissimæ Rei-*  
*Tom. V. \*\**  
*pu-*



## SERIES SCRIPTORUM TOMI QUINTI.

publicæ Venetæ, Magistratus, Dignitates, Ædificia publica atque privata, Pompas, Festa, Spectacula, & sumptuosissima quæque recenset. Opus collectum atque editum ex Scriptoribus optimis atque luculentis.

### P A R S   Q U A R T A.

*Antonii Stellæ, Clerici Veneti*, Elogiorum Venetorum navali pugna Illustrium Liber.

*Nicolai Crassi, Junioris, Philosophiæ, & J. U. C.* Elogia Patritiorum Venetorum Belli, Pacisque artibus Illustrium.

*Bartholomæi Facii, Reipublicæ Genuensis a Secretis*, de bello Veneto Clodiano Liber; ut & aliud parvi temporis Bellum Venetum.

*Antonii de Ville, Equitis Galli*, Pyctomachia Veneta, seu Pugna Venetorum in Ponte annua.

*Josephi Laurentii, Lucensis*, Dissertatio de Desponsatione Maris Adriatici, aliisque ad eam pertinentibus, vel cum ea convenientibus.

*Joannis Valacrii, Scoto-Britanni*, Spectacula Veneta, Epigrammatibus aliquot celebrata.

*Andree Mocenici, P. V. D.* Belli memorabilis Cameracensis adversus Venetos Historiæ Libri Sex: quibus Epitome latior præmissa est, unde breviter omnia intelligi possunt, quæ in singulis Libris continentur.

*Bernardini Arluni, Jureconsulti, Patricii Mediolanensis*, de Bello Veneto Libri Sex, ubi quæ, Seculo XVI. novo, a Germanis, Gallis, Hispanis, variisque Italiæ Principibus, adversus Venetos gesta, ad his vero infirmata sunt, usque ad Pacem inter hos omnes initam, aliaque huc pertinentia, dilucidissime & solidissime enarrantur. *Nunc primum e MS. editi.*





BERNARDI JUSTINIANI,  
*Patritii Veneti, Senatorii Equestrisque Ordinis  
Viri Clarissimi,*

DE

ORIGINE URBIS  
VENETIARUM  
REBUSQUE GESTIS

A

V E N E T I S  
LIBRI QUINDECIM:


In quibus gravissimo Stylo non solum res Venetæ, verum etiam bella  
Gothorum, Longobardorum & Saracenorum amplissime continentur.

Adjectis tribus libris

DE

DIVI MARCI Evangelistæ VITA, ejus TRANSLATIONE  
& SEPULTURÆ LOCO.

*Editio Novissima, nitidissima, à mendis purgata,  
ac Indice aucta.*



LUGDUNI BATAVORUM,  
Sumptibus PETRI VANDER Aa,  
*Bibliopolæ, & Typographi Academiae atque Civitatis.*



NOV 18 1891





# PRÆFATIO NOVÆ HUIUS EDITIONIS. BENEVOLE LECTOR.

**S***I in describenda Urbis Venetiarum origine multus essem & laudi Auctoris diu immorarer, actum agerem, quoniam hæc copiose ab Auctore in opere ipso explicatur, illa autem a Benedicto Brognolo in Præfatione sua huic libro præmissa meliori modo celebratur. Cui ex abundanti Elogia ab aliis Viris Illustribus in Bernardum Justinianum conscripta adjunximus. Quo autem pacto Urbi Venetiarum in dies singulos aliqua accesserit familia, atque aliquod constructum fuerit ædificium, ut tandem ex tam humilibus initiis in illam magnitudinem non aliquo subitario mortalium concursu, sed sensim & per continuata annorum spatia excreverit & coaluerit, omnium optime ex hoc opere cognosci potest. Propterea Lectorem ad id ablegamus, & nos solummodo ea, quæ studium & industria nostra in repetendo hoc opere præstiterunt, indicabimus. Primum scias nos Exemplar Venetiis Anno M.D. XXXIV. per Bernardinum Benalium impressum secutos esse, quod quidem distinctionibus & punctis male subnotatum erat, sed pro viribus nostris prius emendavimus, & recognovimus, vitia parvi momenti, quæ librariorum incuria irrepsérant, sustulimus, alia autem majoris ponderis, ne auctorem mutilaremus, missa fecimus, & solummodo in margine hujus Editionis nostram sententiam cum asterisco notatam adjecimus. Deinde Nomina propria, & alia notatu digna, ut & Orationes Epistolæque, quarum nonnullæ in hoc libro occurrunt, Characteribus à textu diversis, quo sub aspectum lectoris statim venirent, excudi curavimus. Postremo Indicem locupletissimum, & huic operi valde necessarium affiximus. Hæc si grate excipies, hosce quindecim libros de Origine Urbis Venetiarum, & tres libros De S. Marci Evangelistæ Vita, Translatione, & Sepulturæ loco, cætera ejus scripta, quorum Benedictus Brognolus in præfatione sua fere sub finem mentionem facit, Deo volente sequentur. Interim hisce frui & vale.*

---

## IN BERNARDUM JUSTINIANUM Elogia. EX JACOBI PHILIPPI BERGOMATIS Supplemento Chronicorum.

**B***ERNARDUM quoque Justinianum patricium Venetum Philosophum & oratorum sui sæculi apud suos Venetos principem prædictis viris illustribus merito annumerandum puto: eo quod non modo apud senatum suum Venetum, verum & apud curiam Romanam & universam Italiam atque Galliam, alias quoque nationes orator missus: cum gravissimas causas sapientissime perorasset, singularem semper dicendi gloriam omnium doctissimorum virorum judicio affectus est. Hic autem cum & Græcæ, ac Latine apprime eruditissimus haberetur: plura e Græco in Latinum transtulit. E quibus Isocratis libellus ad Nicoclum regem: scripsit etiam historiam Gotthorum elegantem, vitamque Justiniani patriarchæ Veneti avunculi sui lib. 1. edidit. Et innumeros pene sermones & eosdem quidem ornatissimos atque elegantissimos: nec non epistolas pene innumeras ad diversos dedit: atque alia multa. Hic in anno salutis nostræ 1471. ad Sixtum pontificem maximum ab senatu suo orator missus: apud eundem de resistendo Turcorum licentiæ cum lachrymis agens Turcos Christianis duo imperia. 4. regna. 20. provincias: ducentas urbes utriusque sexus innumerabilem multitudinem ademit. Tandem in anno domini 1410. procurator sancti Marci: & eques auratus deficiens a filio ejus. F. regis exequiis honestatus est.*



ELOGIA IN  
EX PAULI JOVII  
Elogiis Doctorum Virorum.



ERNARDUS Justinianus Venetus à prima patriæ nascentis origine Historiam scribere orsus, quod susceperat grave munus elegantissime perfecit: ita, ut eum nobili gloria dignum existimemus, quum patritius, eruditoque patre genitus, quod patriæ debebat egregie, cumulateque persolverit.

L A T O M I

Quærere debueras aliquem toto orbe latino,  
O Imperatrix Hadriæ.  
Qui quæ gessisti præclara domique forisque  
Inde usque ab incunabulis,  
Ore, animoque pari, nullo corruptus amore,  
Ad posteros transmitteret  
Quæstisti multis, quadam præmortua seclis  
Jam parte: nec repertus est.  
Ergone desperas? poteras: sed respice, civis  
Qui præstet hic Bernardus est.  
Quare age, grata suo quantum Verona Catullo,  
Persolve: ni plus debeas.

EX NICOLAI CRASSI  
Elogiis Patritiorum Venetorum.



USPICITE universi, atque sanctissime veneramini hoc ipsum non magis Bernardi Justiniani Senatoris amplissimi, quam Eloquentiæ ipsius, atque virtutis illustre simulacrum, quod maxime pio, gratoque animo, & incomparabili merito inter Veneti nominis, egregia lumina spectandum proponitur, Hac ille promissa cæsarie, & generosæ frontis decore venerandus, seculorum omnium memoria dignissimus heros summum æternæ gloriæ decus comparavit, cum cæteros omnes splendore, atque dignitate æquales, non modo corporis proceritate, & oris gravissimi majestate vinceret, sed etiam commendatione virtutis, atque doctrinæ longe, multumque superaret. Etenim hic ille fuit, qui Græcis, Latinisque literis usque ad miraculum instructus, magistratibus, & legationibus fere cunctis domi, forisque præclarissime perfunctus, cum & Rempublicam & Musas impensè coleret, utriusque rei gratia eximiis honoribus excultus, elegantissima denique historia conscripta, Latini sermonis puritate, gravi cum primis, atque facundo stylo, rerum denique scriptarum fide plane admirabili, ita cætera erga Venetam, atque adeo literatam Rempublicam egregia merita cumulavit, ut inde non sibi modo, atque posteris, sed ipsi quoque patriæ, immo vero Italiæ, & Europæ æternam gloriam compararet. Cæterum Senatorem amplissimum, cujus illustris fama nullis seculis consenescet, stupenda virtute, atque divina prudentia supra mortales omnes eminentem usque adeo senatus suspexit, ut cum Divi Marci Procurator creatus esset, atque se domi ob affectam ætatem contineret, nihil tamen magni ponderis, atque momenti decerneretur, nisi ad eum honoris, atque adeo publicæ utilitatis ergo senatores mitterentur, qui sententiam perquirerent, & ad senatum referrent; sic undique felicissimus senex lucis usuram amisit, ipsumque revisit cælum quasi postliminii jure, unde in hanc urbem venerat; post mortem etiam plane beatus, cum tantis laudibus fuerit promeritus, ut Pauli Jovii luculentissimi scriptoris divino præconio clebraretur, dicata in pernobilis musæo inter sapientes viros effigie, atque elogio perscripto: cumque præter cæteros tanti generis amplissimos senatores in Georgio Equite legationibus maximis honestissime perfuncto, & Laurentio senatore illustrissimo renasci quodammodo gloriose, & reviviscere videatur.



A U T H O R E M.  
EX GERARDI JOANNIS VOSSII,  
De Historicis Latinis. lib. III. cap. 8.

**B**ERNARDUS Justinianus, Leonardi ante memorati filius, patricius Venetus, qui Urbis suæ nomine, anno dñcccc LXXI. ad Sixtum Pontificem legatus fuit, scripsit vitam patruī sui Laurentii Justiniani, protopatriarchæ Veneti: qui anno decessit dñcccc LV. Ea tum operibus Laurentii hujus Basileæ editis præfigitur: tum etiam apud Surium exstat in Sanctorum historia T. I. die VIII. Jan. Item de origine Venetiarum egit: idque, ut Jovii quoque judicium est, eleganter. Ad hæc scripsit vitam Marci Evangelistæ, & de corpore ejus Venetias translato. Quin Gothicam etiam historiam, ac præclare quidem condidisse, autor est Jacobus Bergomas in Supplem: Chronic.

M O R E R I  
dans son Dictionaire Historique.

**J**USTINIANI (Bernard) de Venise, celebre par sa qualité & sa doctrine, a vécu dans le XV. Siecle. Il étoit fils de Leonard Justiniani, dont je parle ailleurs comme d'un homme d'une grande littérature, & neveu de Saint Laurent Justinien premier Patriarche de Venise. Celui-ci soutint très-bien l'éclat & la reputation de sa famille, & fut employé dans les principales affaires de la Republique. En 1471. il fut Ambassadeur à Rome auprès du Pape Sixte IV. A son retour, il composa la vie de Saint Laurent Justinien son oncle, que nous avons en tête des Ouvrages de ce grand Prélat imprimez à Bâle, & dans le recueil des vies des Saints de Surius. Il publia encore un Traité de l'origine de Venise, l'Histoire des Goths; la vie de Saint Marc l'Evangeliste & d'autres Ouvrages, qui temoignent que Bernard Justinien avoit beaucoup d'érudition, de discernement, & de pieté. Il ne manquoit pas aussi d'éloquence, & il ne faut que voir ses Epîtres, ses Oraisons, & ses discours remplis de sentences qui l'ont fait surnommer le Philosophe. On assure qu'il mourut avant l'an 1495.

BENEDICTUS BROGNOLUS  
LAURENTIO JUSTINIANO,

Patricio generoso viroque magnanimo

S A L. P L. D.

**M**AXIME vellem magnifice Laurenti compater observande datum esset, ut qui originem Venetiarum urbis primariæ novissime conscripsit Clarissimus vir pater tuus Bernardus Justinianus, qui immortalitate dignus erat, is tantum vel vitæ adhuc vel otii sortitus esset, ut ipse suum opus, & emendare, & expolire suo more potuisset, non quod hic labor, qui ex ejus obitu nobis videtur obtigisse, gravis existat, quem quantum ad me attinet, tantæ quoque gloriæ mihi esse duco, ut vel propter hoc etiam levis videatur, sed quod & æquius fuerat, ut qui ex altera opera unicam laudem meritus fuerat, is ex hac quoque eam cumulatam ferret, & si quis Aristarchus erat aut Varus cujus vel examini ponderandum, vel limæ expoliendum recte credi posset, is ipse erat imprimis. Cæterum quando hoc optantes in cælum (ut proverbium est) sagittas mittere postulamus & cribro aquam circumferre, mihi faciendum statui, ut hanc curam, quam ex ipsius jussu mihi demandasti, susciperem, & hanc historiam ea lege, qua jussit recognoscerem, licet quanta sit hujus muneris magnitudo me non fugiat. Si quidem in censore historiarum, quæ maxime variæ sunt, non pauciorum artium cognitio requiritur quam in historico ipso, quem nullius fere artis ignarum esse oportet, non moralis, non politicæ, non militaris, non architecturæ, non fere cujusquam alius, quod alioquin non modo non posset ingenia, morem, studia, instituta, consilia, res gestas, opera alia, cujusmodi essent recte ut oporteret scribere; sed ne intelligere quidem, non magis quam in cantibus, aut sonis consonantias dissonantiasque ignarus musicæ deprehendere. Cui rei illud etiam accedit, quod ut absque egregia quadam artis oratoriæ peritia monumentis, tanta rerum multitu-



do, tantaque varietas, recte, ut ratio postulat, prodi non posset. Ita sine pari artis dicendi comprehensione utrum secundum eam res scriptae fuerint, an non, quisquam videre non poterit, non magis quam caecus (ut vulgo fertur) de coloribus recte judicare: quum praesertim illud ita sit faciendum eaque varietate sententiarum, verborum, compositionis, figurarum, aliarumque hujusmodi rerum, ut historia suavitatem habeat. Et licet ea quae exponantur, paria inter se omnia non existant, oratio tamen universa ad parem dicendi cursum, & aequabilitatem quandam, & eundem tenorem reducatur, quod sine quodam artificio procul dubio fieri nequit. Mitto affectus qui attingendi sunt, conciones, quae inseruntur, nec non ea quae in emendandis operibus Fabius ait considerata neque solum nunquid desit, aut redundet, aut quippiam sit quod in melius mutari queat? verum etiam nunquid tumeat quod premendum sit, aut humile existat, quod sit attollendum, & alia id genus quae animadvertenti tam multa mihi videri solent, & talia, ut intra nonum annum ad quod spatium temporis Flaccus praecipit editionem premendam esse, ut factum fuit a Cinna, aut decimum, ut ab Isocrate, qui auctores quum scripsissent, ille quidem Smyrnam; hic aut panegyricum, orationem multo minorem; quam haec historia passi sunt abire. Cinna quidem novem annos, Isocrates vero decem, priusquam illa opera publicarent, ut intra (inquam) haec temporis intervalla etiam mentem quam acerrime intendentibus, & animum liberum habentibus, & tempus vacuum. Quibus rebus ad hujusmodi munera obeunda maxime opus est, vix credam omnia videri posse ne dum intra unum, aut alterum mensem, & ei cui neque animus curis sit vacuus, neque otium unquam fere ullum detur: verum quum animadvertam me ad hoc munus delectum fuisse a sapientissimo parente tuo priusquam decederet, quem mihi verisimile non est falli potuisse, nisi forsitan in hoc tantum erravit, quod me quoque arbitratus est tanti operis censorem idoneum fore, tum hoc fretus, tum etiam doctissimo ac eloquentissimo affine tuo ac patricio dignissimo, nec non senatore gravissimo atque optimo, qui quum divi Marci procurator creatus fuerit, qui honor in hac magnificentissima & praecipua civitate ducatu proximus habetur, non tantum celsitudine & splendore ipsius extollitur, atque illustratur, quantum sublimitate & nitore suae fidei, abstinentiae, integritatis, justitiae, probitatis, & aliarum virtutum ipse eum extollit atque illustrat: Dominico Mauroceno summo judicio summoque consilio viro; qui ad omnia erat adhibendus, non mediocriter confirmatus rem aggressus sum, & secundum leges historiae omnia quam diligentissime licuit, contemplatus. Ceterum praeter paucula quaedam quae vel rudia vel inchoata relicta fuerant, quibus manum imposuimus extremam, nihil prorsus repperi, quod ut in opere cujus auctor prius extinctus esset quam ederetur, non magnopere probandum esse censerem. Nam res primum ea disciplinarum omnium intelligentia, & artium cognitione expositae sunt, eaque legum omnium historiae scribendae observatione, ut facile appareat nihil omnino defuisse scriptori, quo minus intelligeret quid esset unumquodque quod narrandum foret, & quale, seu quo modo actum gestumve aut factum num prudenter, aut juste, aut fortiter, aut secundum aliam virtutem vel artem, an contra, vel etiam casu aut fortuna. Nec factum esse ob ullam rem non ob amorem cujusquam non odium, non invidiam non aliam hujusmodi causam quo minus omnia ut haberent non plus aut minus vel aliter quam verum esset libere atque ut oporteret loqueretur, si-ve in aliquo immorandum, si-ve quid percurrendum aut quovis alio modo explicandum fuerit. Deinde cum multa ac diversa fuerint explicanda, ea sic disposuit, ut nihil extiterit omnino quod non suum locum decentissime sortitum fuerit. Quid dicam de copia verborum & delectu, nec non etiam compositione & numero, denique tota oratione & genere dicendi? Quis existimaret hominem in administrationibus reipublicae continenter versatum, nec solum domi sed etiam foris, & propterea a litterarum studio fere semper avocatum, tam copiosum in dicendo, tam elegantem fieri potuisse? Quod igitur in aliis dicentibus non amplum habetur praemium teste Quintiliano oratio emendata, & dilucida, quodque eis magis est vitium deesse, quam ut ex eo magnam virtutem adepti videantur nonne in ipso vel maximum est ducendum? Sed adde quod & gravis est, & ornatus, & ita, ut quae dicta sint ab ipso, ea neque aptius, neque suavius commemorari potuisse videantur. Quod tamen haud quaquam ita est admirandum siquidem quales sunt artifices, talia & eorum opera esse consueverunt. Totus enim gravis, totus compositus & suavis erat, qui omnibus scientiis comparandis usque adeo semper deditus fuerat, omnibusque disciplinis intelligendis & artibus, caeterisque rebus ex quibus sapientia constat & eloquentia cui praecipue incubuerat, ut si quid de ulla earum fuisset quod per occupationes & otii penuriam aliquando ad scientiam suam adjicere non potuisset, id sibi detractum fuisse arbitraretur. Sed in praesentia non id agitur ut omnes ejus laudes explicentur. Non solum igitur in narrationibus, aut descriptionibus, & aliis ejusmodi partibus historiae mira fuit facundia, sed etiam nec minus in concionibus, nisi forsitan prudentia in eis desideretur aut vis, aut alia quaequam virtus dicendi, quod vel decorum personarum non servavit, vel rationem causarum non habuerit, aut veritatem, moratam orationem, vel acrimoniam, aliasve formas dicendi & figuras ubi fuerit opus non adhibuerit. Quorum rerum nullam profecto videbimus accidisse, siquidem ea gravitate & ornatu eas confecit, ut non facile invenias quo pacto meliores fieri potuissent. Quare eum ob alias



## AD LAURENTIUM JUSTINIANUM EPISTOLA.

partes historiae omnes, tum vero nec minus propter has conciones, nihil dubitaverim eum inter veteres illos scriptores annumerare & excellentes. Quippe qui praeter id quod ex caeteris virtutibus dicendi quibuscunque ad hanc historiam scribendam fuit opus, nulla extitit, qua non solertissime fuerit usus, nusquam satis habuit quantumvis ei propter rationes praedictas neque parum esset neque leve sententias quas & graves & aptas excogitasset, veluti lineamentis quibusdam expressisse, sed tanquam pictor magnificentissimus nec minus peritus coloribus quoque optimis eas voluit quam pulcherrime exornare. Sed supervacaneum est id verbis coner ostendere, quod est rebus ipsis apertius mox sese ipsum ostensurum. Nec sum tamen inscius quam audacter faciam, qui hoc munus, quod est doctiorum, usurpem, & super huiusmodi operibus sententiam feram. Sed mihi persuasum est idem ab optimo quoque quicunque hunc librum legerit iudicatum iri, nec me tantum meo amore erga scriptorem moveri, ut ita sentiam, quantum ipsa rei veritate. Unum est tantum quod verear quo pacto nonnulli sint accepturi, quod huic historiae bellum Gotthorum inseruerit, necnon etiam Langobardorum & Saracenorum, aut in eis exponendis praesertim bello Gotthorum latiuscule sese extenderit. Sed primum quum ejus intentio fuerit, ut civitatis Venetiarum originem traderet, non video quomodo illa praetermitti potuerint propter quae ea fuerint constituta: Deinde (ne alias rationes dicam) si ea uberius sunt exposita, aut aliquid earum, nihil tamen superfluum est commemoratum, & ipsa quoque tam digna sunt cognitu, ut etiamsi ad rem alioqui nihil ob ullam causam attinerent, & plenius etiam exposita essent omnia, vel maximam tamen habendam censerem gratiam ei, qui nobis eorum historiam Latine sic tradidisset. Quemadmodum igitur Vergilius ex Aeneide: Ovidius ex metamorphosi: Caesar ex commentariis: Persius: Valerius Flaccus: alii item ex aliis operibus suis, unicam laudem fuerunt consecuti, licet defuncti fuissent, priusquam illa emendassent edidissentve; sic non dubito clarissimum patrem tuum singularem gloriam ex hac historia apud optimum quemque, qui eam legerit, adepturum: quamvis decesserit & ipse priusquam eam vel castigare, vel expolire valuisset. Quare licet mihi ambiguum non sit, eum si diutius vixisset multo magis & melius suum opus elimaturum fuisse, & quaedam forsitan ad majorem brevitatem redacturum, nonnulla magis illustraturum, alia alio modo in melius mutaturum, ne quid aliis quae composuisset ulla in parte deterius foret, tu tamen nobis auctoribus non expectabis dum quispiam alius omnia morosius velit persequi, librum passim feriat, & dum eum formosiores studeat reddere, & politiores cicatricosum ipsum (ut verbis Quintiliani utar) & magis deformem efficiat. Sed primo quoque tempore desiderio tum aliorum, tum in primis tuorum civium, qui cupiditate flagrant, ut ex parente tuo hanc historiam cognoscant, satisfacies, & eam imprimendam curabis, quae elegantius composita est, quam ut ullus posset existimare, qui nosset quam semper auctor ejus ita fuerit tum publice tum privatim occupatus, ut mirum sit eum potuisse unquam vel ad haec scribenda sese instituere: Quum interea eam ita composuerit, ut non a negotioso, sed ab otiosissimo scripta esse videatur. Qua de re quo minus dubites si modo possim satisve deceat per hoc id efficere hoc in loco unum (sic enim mihi visum est) breviter, vel uno spiritu commemorabo, sed tu, quodcunque id fuerit, dabis veniam libere loquenti. Licet enim tu quoque non parve ei, qui te genuit, laudi existas, quod Byzantio, ut hinc incipiam, sive Constantino poli qua urbe neque magnificentius, neque praeclearius quicquam facile habetur, oriundus ex illustrissima Justiniani imperatoris prosapia, & Venetiis quae Byzantio tum aliis dotibus, & ornamentis, tum magnitudine rerum gestarum & gloria minime cedunt, ortus, & ea domo, quae praeter patrem tuum & Leonardum avum, qui clarissima civitatis lumina extiterunt, Nicolaum quoque Justinianum antea produxit, qui familiam vestram, quae injuria fortunae & culpa temporum ad unum redacta fuerat, propagavit spectatum omnis probitatis exemplum, necnon Thomam Justinianum aliud Venetiarum columen, & praesidium singulare, & praeterea beatum Laurentium avi tui Leonardi fratrem primum Venetiarum patriarcham dignissimum, cujus nescias quid potissimum laudes, atque adeo potius admireris, summam doctrinam & scientiam, an eloquentiam insignem, an admirandam sanctitatem & alios praeterea permultos viros praestantes (non enim modo locus est ut omnes recenseam, nedum de omnibus omnia dicam) ita te & privatim, & publice geris, ita omnibus in rebus administrandis versaris, ut si non iisdem prorsus artibus, & institutis (non enim omnes possunt Bernardi Justiniani esse, Leonardive, aut Laurentii Venetiarum patriarchae, ne dicam Justiniani Imperatores, quin etiam re vera in tanta rerum copia, & varietate ne commodum quidem esset, unum tantummodo & idem iter ab omnibus teneri) at aliis de laude & gloria cum eis prope dixerim contendere velle videaris. Tamen neque tam dignam, neque tam diuturnam, neque tam propriam ex te quam ex hac historia capit laudem, quoniam tu quantum ad ipsum attinet fœtus corporis, illa animi, tu modum vitae humanae excedere non potes, illa in perpetuum durare, tu si constans, si pius si fortis, si fide, si magnitudine animi, & aliis optimis quibusque moribus, & virtutibus praeditus, haec abs te habes, & ab electione tua. Illa praeter ipsum auctorem habet neminem, ipse non solum corpus ejus produxit, & characteribus tanquam lineamentis, & membris formavit, sed sensus etiam & sententias ei tanquam animam infudit, neque figuris solum tanquam vestibus eam induit, sed coloribus quoque

tan-



# BENED. BROGN. AD LAURENT. JUSTIN. EPISTOLA.

*tanquam gemmis & margaritis ipsam castissime exornavit. Quo circa quando ejus gloriæ non minorem quam debes curam geris, dabis operam non solum ut hæc historia imprimatur cum vita Divi Marci, & ejus translatione; ac aliis opusculis quæ huic adjunxit, sed etiam ejus epistolas, atque adeo etiam & multo magis orationes, ad quas emendas expoliendasque quo plus otii nactus fuit, eo etiam in suo genere elegantiores extitere \*: Immo (tulit enim domus tua quasi ad imitationem familiæ Curionum continua serie præstantissimos oratores) his addes etiam illam avi tui Leonardi orationem funebrem, quam in laudem Caroli Zeni habuit, & si quam præterea aliorum more oratorum litteris mandatam reliquit, de illis causis quas egit vel in foro vel in senatu, ubi vi dicendi tantum polluit, & eloquentia, ut & illud assecutus fuerit quod de Pericle traditum est, ut non loqui aut orare, sed tonare & coruscare videretur: & illud quod de Cicrone: ut quemadmodum Romæ Cicero in judiciis, sic ipse Venetiis tanquam alter Cicero in eis regnare diceretur. Hæc licet tua sponte ad id mihi satis propensus visus fueris, intelligens hujusmodi monumentis nullum dignius, nullum nobilius, nullum præstabilius esse. Tamen mihi sumpsi ut ad te scriberem, ut oleum (sicuti vulgo fertur) adderem camino, & currentem impellerem, quo hæc opera publicaturus eo alacrius id faceres, quod id a tuis si modo in his judiciis quicquam habent, intelligeres comprobari. Vale.*

\* Scripta illa, de quibus hic mentio fit, etiam typis mandabimus.





## BERNARDI JUSTINIANI,

*Veneti Patricii, Senatorii Ordinis Viri Amplissimi, Equitisque Clarissimi,*

D E

ORIGINE URBIS GESTISQUE  
V E N E T O R U M  
H I S T O R I Æ  
P R O O E M I U M.



**S**OLENT plerique historiae cupidores, quibus Venetiarum urbem videre, aut de ea aliquid audire contingit, vehementius admirari: Quenam tam nova insolensque ducendae vitae ratio homines terra natos campestribus locis assuetos induxerit, civitatem condere inter paludes. Fuisse etenim alibi urbes in aquis sitas, & legimus & audivimus: Ut Tyrum apud Phoenices: Justinopolim apud Histros: Cyzicum in Asia. In Galliis autem ejusdem nominis Venetos oppida habuisse consimili situ Caesar describit. Sed ad eas omnes ex continenti lingulis quibusdam erat accessus, ut terram omnino reliquisse non viderentur. Mediis autem in aquis urbs constituta, nec visa unquam nec audita. Majorem autem interdum admirationem excitat loci difficultas & insolentia, quam operis magnitudo: ut pons ille lapideus per transversum pelagus a Bais ad Puteolos ductus: aut Aegyptiae quoque Pyramides, quarum tametsi moles & altitudo sese admirandam praebeat: non tamen illud minus quod, ingentia illa saxa unde sint comportata, vix bene percipi possit: cum omnia circumquaque arena contexta sint. Adde civitatis quoque amplitudinem, quae diuturnitate libertatis, & rerum gestarum gloria: nec non sanctissimarum legum institutis, inter primarias omnium seculorum annumerari potest. Sic enim sine cujusquam injuria loqui libet. Placuit itaque facere huic communi desiderio satis, & insolitae hujus originis causas in lucem proferre. Non ut in Rivalti primis quasi seminibus conquiescamus unius insulae tenuis atque pusillae; sed ulterius progrediamur, causasque retexamus hujus condendae, quam videmus, civitatis. Quibus videlicet adacti rerum conversionibus tot mortales, aut vi compulsi, aut certo judicio adducti, primum ceteras insulas & littora tenuerint: demum plerisque aut desertis aut relictis convenerint in unam, quae ad justam Civitatis mensuram redacta caput esse cepit & princeps Venetiarum, ut per annos octoginta supra CCC. tantis Italia imperiumque malis (ceterarum enim gentium clades nobis omittendae) tum a barbaris, tum ab haereticis laboraverit, ut praeter Theodorici Gotthi annos, quibus Italiam tenuit, nulla pene unquam illis sit requies data. Qui labores tamen a multis mandati memoriae: utinam eo ordine Scriptorumque concordia, atque ea tam rerum quam temporum ratione, quae satisfacere legenti possent: ad ea praesertim quae indaganda apertiusque declaranda suscepimus. Sed multa confusa obscura & male invicem compacta inconditaque, falsa quaedam etiam & quod ab uno scriptum ab alio praetermissum: ut nullam pene in his historiae bene digestae lucem aut gratiam reperiatis. Tantum ex his excipere amor incescit, quantum ad declarandum quod quaerimus satis fuerit, haud contemnenda ut mihi quidem videtur ratione. Nam si illam perfectam & absolutam dicimus civitatem, quae per se se rebus omnibus ad humanae vitae usum suppeditandis satis ampla sufficiensque est, ut sapientibus omnibus placet, sane non video, quo pacto Rivalentis post Athilae ex Italia discessum, recte civitas appellari potuerit: duabus solum parvis insulis habitata. Quanquam ex his, qui de Venetiarum initio conscripserunt, aliter Venetus illud, aliter externus assumit. Siquidem prisca Rivalentis incolae initia ultima repetentes exordia sumpsere ab Aede sacra primum in Rivalto condita, atque Deo optimo maximo aeterna memoria consecrata: Externi autem de Rivalto nihil seorsum: De omnibus insulis Venetis simul eas ab Atilae in Italiam adventu originem accepisse. Quae sententiae licet diversae sint, non tamen a vero sunt alienae: Siquidem omnium rerum, quae aut natura gignuntur, aut arte constant, plura fere semper inesse principia videmus. Natura quidem ut in foetibus animantium, arte ut in pictoris imagine quam stylo primum designat, colores deinde adhibet penicillo. Navalis quoque faber primo quasi spinalem carinam supponit, deinde costis munit, donec in aquam deducat; sic primas omnium civitatum origines fuisse humiliores haud profecto dubium. Nam ut alias multas taceam, Romae primordia ab Evandri Palanteo nonnulli repetunt; alii ab Ascanii filia: Romulus deinde superiora omnia delevit. Sumere etenim licet civitatum initia, vel altiora, vel absolutiora, ut cuique magis videtur. Arbitraria enim res omnis posita in populorum principumque voluntate. Veneta posteritas maluit in majorem exordio permanere, quod sanctum religiosumque accepisset. Magnum enim antiquae religionis radices convellere. Aliae siquidem civitates aut operum magnorum initiis, aut conditorum dignitati, nonnullae numinibus ortus consecravere. Defuere ista Venetiis, nullis munitis unquam moenibus aut arcibus, neminem praeterea unum potest asserere conditorem, etiam si ab Athilana clade fumatur initium. Nulli debet hoc beneficium nisi Deo optimo maximo bonorum omnium origini atque auctori, ad cuius operis exortum, benignam largamque dexteram porrexisset dubitare non licet. Ast duo illa nobis relicta, situs videlicet & condendi ratio, omnibus tum moenibus, tum conditoribus memorabiliora. Situs quidem admirabilis in visus antehac & inauditus, nec minus condendi ratio, ut suo loco dicetur. Sicubi vero apud alios, aut obscurius aliquid, aut variis contrariisque sententiis traditum offenderimus, sequi probabiliora planioraque reddere propositi est. Non omitemus etiam siquid inter narrandum vel utilius vel jocundius ad notitiam sese offeret. Neque enim venia-

B. Justinianus. A. indi-



indignus existat, quisquis peregrinationem ingressus præcipue longiorem, si forte in oppidum aliquid illustrius, regionemve inciderit amœniorem, lustrare illam ejusque gentis quicquid sit vel usu vel notitia dignum scrutari haud neglexerit. Nam & Thucydides proposito insistens, & Herodotus gentes & terras & mores in quos incidit nosse concupiscens non uterque in genere suo non laudandus. Orsus sum autem hæc, tum aliis, tum ipsi mihi: dum equidem non minus turpe existimo patriæ meæ originem ignorare, quam si de natalibus meis interroganti respondere non possim. Nam si M. Cato sibi gloriæ duxit, quod octogenarius & omnibus functus honoribus origines suas in manibus haberet, quibus populorum initia memoriæ mandaret, cur mihi quoque ejus exemplo patriæ meæ originem hætenus omnibus fere ignotam scrutari, & omnibus in lucem dare non liceat? Aggrediemur igitur & nos nostram. Cæterum cum Venetiæ Venetiarumque nomina sæpius nobis sint repetenda, ut omnis nominum tollatur error, illud præmittendum, mediterraneam quidem omnem regionem, quæ æstuaria ista circumjacet, Venetiam quondam appellatam. Fuisse autem, cum in his paludibus nulla erat habitatio præter piscatorias salinariasve casas, in Insularum modum propriis quasque nominibus nuncupatas. Has omnes post Athilæ adventum excidiumque Urbium earum, quæ æstuaria contingebant, frequentius inhabitari ceptas, & præter propria nomina universas Venetias appellatas. In his fuit Rivalentis insula, in quam aliquot post sæcula magnus confluit mortalium numerus, atque in ea omnium Insularum & littorum una cum Venetiarum nomine principatus est constitutus. Venetiaque interdum, sæpius tamen Venetiæ plurali numero Civitas appellata. Ejus Urbis originem describere instituimus. Sed prius tamen aliqua de gente Veneta, deque Situ ac locorum natura paucis aperiemus, ut his etiam qui nec viderunt unquam nec visuri sunt, sola si fieri potest lectione fiat satis.

## LIBER PRIMUS.

**V**ENETORUM Gentem satis constat perantiquam, & multorum scriptis celebratam. Persequi singulos non est necesse, satis fuerit præstantiores. Hi de ejus origine bifariam sensere, *Livius Enetos*, prius dictos ex *Paphlagonia Asiæ* regione post *Trojam* incensam amisso rege *Phylemene*, Duce *Antenore*, in hæc intima superi maris stagna classe venisse auctor est, nomenque universæ genti dedisse. *Catonem Plinius* asserit atque *Cornelium* nepotem idem sensisse, *Venetos* ortos stirpe *Trojana*, & *Quintus Curtius Alexandri* magni transitum in *Asiam* describens, hujus etiam meminit nominis & gentis. Cæterum alii longe ab his abeunt in diversum. Ex iis *Gallis* oriundos volunt, qui oram Oceani accolunt, contra *Britannos*. Siquidem *Cajus Cæsar* de *Venetis* scribens, ejus dicit civitatis longe amplissimam fuisse auctoritatem, omnis oræ maritimæ, regionumque earum. Qui & naves haberent *Veneti* plurimas, quibus in *Britanniam* navigare consuevissent, & scientia atque usu rerum nauticarum cæteros antecellerent, & in magno impetu maris, atque aperto paucis portubus interjectis, quos tenent ipsi, omnes fere, qui eodem mari uti consueverunt, haberent vectigales. Addit paulo post eos in æstuariis aliquot oppida tenuisse, quæ quidem omnia sunt a nostris nunc *Venetis* non dissimilia. *Diodorus Siculus* haud ignobilis scriptor hanc & ipse probat sententiam. Qui hoc sunt opinati, credidere cum iis *Gallis* descendisse in *Italiam*, qui *Tarquino Prisco* regnante domo profecti, quum *Alpes* transissent multis conditis Urbibus *Galliæ* nomen indidere, *Venetos*que in partem tenuisse has potissimum terras, quas superi maris sinus offundit, placuit *Straboni* rem ponere pro incerta. Et profecto magnis utraque auctoribus subnisa sententia est. Attamen non video quid prohibeat in unum ambas coire posse, ut videlicet & *Paphlagonες* pulsus *Euganeis* nomen genti dederint: Quod *Livius* scribit: & oceani accolæ aliquot post sæculis quum omnem *Cisalpinam* armis obtinuissent, in partem felicitis expeditionis accepisse hanc regionem, quæ a prioribus *Venetis* incoleretur, pellectos tum maritimis studiis, tum aliqua etiam quasi patrii nominis cognatione, in unamque confusos & gentem & nomen. Utcunque fuerit, consentire videntur plerique utranque gentem sæculis licet diversis in hanc regionem armatos descendisse, qui vero priores nomen dederint in dubio relin-

A qui. *Herodotus* vero ob antiquitatem pater appellatus historiæ libro secundo: Ubi de moribus *Babyloniorum* in nuptiis adjungendis narrat, audivisse asserit, eandem de nuptiis Legem *Venetis* apud *Illyrios* in usu tum fuisse. Quæ quidem provinciæ tametsi aliquantisper locis distinguantur, earum tamen propinquitas facile dat errori veniam. Inde fortasse *Servius* quoque grammaticus *Venetos* voluit ab *Eneto Illyricorum* rege dictos. Sed in hac rerum antiquitate licet unicuique, quod magis libet, opinari. Satis illud fuerit gentem nomenque fuisse antiquissimum & ab magnis ubique scriptoribus celebratum. *Lodovicus* rex qui nunc *Francorum* regnum gubernat, dum oratorem agerem apud eum appellare solebat me collegamque familiaribus in colloquiis consanguineos. Quod scriptum diceret a majoribus, qui veteres *Francorum* natales memoriæ prodidissent, *Gallos Venetos*que iisdem majoribus cretos. Si vero *Asiæ* potius quam *Galliæ Veneta* initia sunt dicanda, non est a nobis prætermittenda laus, qua is, quem dixi, *Curtius* eam gentem ornavit. Tradit enim immunes ab omni tributi collatione semper extitisse, & ab *Alexandro* impetravisse, tributum, quod ne *Persis* quidem tulissent, pendere ne cogerentur. Hanc profecto immunitatis gloriam Deo fert acceptam, semperque feret Civitas hæc. De gente igitur ac nomine satis dictum. De regione quam in *Italia* tenere & ejus finibus pauca subjicientur.

*Venetie* Provinciæ fines priscais temporibus obscuros admodum reperio, & incertos. Nam si ex quo primum in hæc loca descendit *Antenor Venetum* quoque nomen huic genti inditum est, nihil fere ultra scriptum accipio, quam pepulisse *Euganeos* ad *Alpes* usque. Sed dextera lævaque quousque progressi sint explicitum ab ullo non video. Si vero primi nomen genti dedere *Galli*: non etiam video plus obtinuisse quam *Veronam* usque *Mantuum*que. Siquidem *Plinius Gallos Orobios Bergomum*, *Comum*que condidisse asserit. *Cremonam* & *Brixiam Cenomanos*. *Mantuum* quidem *Plinius* ad *Venetos*, *Veronam* autem ad *Euganeos* refert. Hæc ab occidente. Ab oriente vero concordant prisca omnes ad *Aquilejam* usque fines protendisse lapidibus conterminam, & campestria omnia oppida tenuisse ad *Alpium* radices, ut paulo post dicemus: *Montana* hinc *Retios*, hinc *Carnos* incoluisse. Ut autem longius *Venetia* extenta non fuerit, magnam (ut mihi quidem videtur) *Livius quinto historiæ libro* fidem facit:









GOLFE DE VENISE  
avec les Côtes maritimes Bayes et Ports,  
etc. de la  
GRECE, DALMATIE et ITALIE  
recemment donnee au Public par  
PIERRE VANDER A.  
Marchand Libraire A LEBDE.  
Lignes d'Allemagne de 15 au Degre.  
Lignes de France de 20 au Degre.



45

44

43

42





45

44

43

42





facit: Dum de *Etruscorum* potentia narrat, quos dicit omnia trans *Padum* loca, excepto *Venetorum* angulo, qui sinum circumcolunt usque ad *Alpes*, tenuisse. Quo fit ut satis mirer unde acceperint nonnulli ex recentioribus, & præsertim *Paulus Diaconus Longobardæ* scriptor historiæ, quique eum secuti sunt, *Venetiam* alterum extendisse caput ad *Abduam*, alterum in *Pannoniam*. Neque enim post ea tempora ex ullis monumentis accipio *Venetorum* opes tam in immensum crevisse, ut eos sibi subderent fines. Quinimmo tantis deinceps ea terra est afflictata excursionibus barbarorum, ut satis habuerint eos, quos diximus, fines tueri. *Galliæ* quidem *Cisalpinæ* nomen & pervetustum est, & maxime olim patuit, ut has etiam paludes *Vitruvius* scriptor inter antiquos non vulgaris *Gallicas* appellet. Nec ullis etiam literis scriptum invenio, quo pacto *Veneto* nomine *Gallicum* sit extinctum. Nisi quod *Longobardæ* scriptores historiæ tradunt: *Longobardos* postquam eo omni *Italiæ* tractu, qui clauditur *Alpibus* & *Apennino*, sunt potiti, non *Galliæ* sed *Venetie* nomen substulisse, *Longobardiam*que eum appellavisse. Hæc de occidentis Capite *Abduam* versus dicta velim. Quod autem orientis caput protendunt in *Pannoniam*, facile fateor, me non satis intelligere, quo pacto *Italiæ* pars ultra *Italiam* extendatur. Præsertim si *Pannonios* solos illos dicimus, qui accolunt *Danubium* ultra citraque. Nam si tota *Italia* clauditur *Alpibus*, eorumque montium claustra naturam pro finibus *Italiæ* dedisse omnes fatentur, quonam pacto ad *Histrum* porrecti dici possunt *Italiæ* fines? Neque enim crediderim ullum ausum scribere, *Italiam* usque ad *Danubium* fines protendisse. Sed fortasse voluerunt *Pannoniam* citeriorem nuncupare, quicquid est ultra *Alpium* juga citra *Danubium*. Ut hinc a Jugo *Alpium Italiæ*, & *Venetia Italiæ* pars, inde *Pannonia* citerior habeatur, quam nunc *Stiriam* *Carinthiam*que, olim *Noricum* & *Illyricum* appellavere. Quos forte si secuti sunt fines, meminisse debuerant *Alpium* juga *Italiæ* latera esse non capita. Caput enim *Italiæ* ab oriente *Pola* est *Histriæ* civitas, quam *Plinius* tertio historiæ libro pietatem *Juliam* scribit appellatam, & a *Colchis* conditam, nemo est qui nesciat, fluviumque *Arsum* haud procul in mare cadentem terminum *Italiæ* constitutum. Inter *Venetiam* vero & *Histriam* interjecta *Iapidia* est. Sed profecto sicuti cæterarum omnium rerum, sic locorum, regionum, urbium, nationum magna mutatio facta. De *Venetie* lateribus nulla dubitatio est, quin a dextera *Alpibus*, a sinistra paludibus & mari claudantur usque *Ravennam*. Cæterum hac tempestate sola littora & insulæ per æstuaria sparæ gentile nomen retinere.

*Ultimum Adriatici* maris sinum tenue littus circumflectit, cujus a tergo vastæ jacent paludes, tum a fluminum exoneratione, tum a maris æstu. Eas natura summa rerum artifex objecto littore ex arenæ cumulis aggesto a pelagi fluctibus defendit. Alluat enim mare quicquid intra eas constructum est, nisi littora, quasi muri pro munimento obstant, non tamen quin mortalium labor naturæ non sit auxilio, maximis saxorum & vallorum obicibus adversum pelagi tempestates impetusque ventorum. Hæc stagna continentis oram lambunt. Cingebantur autem ea tempestate multis egregiis urbibus, nam orientis caput *Aquilegia* nobilis olim *Romanorum* colonia tenebat. Ita tamen ut *Straboni* placeat, & *Venetie* terminum & extra *Venetiam* fuisse. Quod communi fere omnium sententiæ non placet. Huic proxima fuit *Concordia*, inde *Opitergium*,

A deinde *Altinum* vetusti nominis oppida, sequebantur *Taurisum* & *Patavium*, licet *Taurisum* recentius fuerit, neque ulla priscis temporibus ea de Urbe memoria habeatur, ex in *Monfiliis*, quod *Acellum* multis placet olim fuisse. Sed hæc omnes aliquanto a mari subductiores. Inde *Adria Etruscorum* quondam colonia, quæ mari nomen dedit, & ultimum caput *Ravenna* claudebat, quæ tota paludibus cinctæ, pontibusque compacta, per insertos urbi euripos naviculis lustrabatur. Talem enim *Strabo* describit, qui fuit *Cæsaris Augusti* temporibus, atque ex asseribus pene totam, & ligneis ædificiis compactam. Sed B qui deinceps eam frequentavere nobilemque reddidere templis & turribus & superbis ædificiis. *Augustus*, *Tiberius*, *Trajanus*, *Valentinianus*, *Theodoricus* implevere terra paludes, ut eam tandem redegerint in continentem, ita factam, ut, quæ olim tota fere aquis allueretur, nunc ab his recedat passuum plusquam tribus millibus. In hæc autem stagna præter alia minora exonerantur flumina septem præalta ab *Alpibus* cadentia, vomentia maximam vim aquarum. *Tiliamentum*, *Liquentia*, *Plavis*, *Brenta*, *Bacilio*, tria hæc nominis recentioris. Sane *Meduacus* fuit quem C *Brentam* posteriores appellavere. Licet *Plinius* duos ipse numeret *Meduacos*, ex quibus (ut opinor) alter *Bacilio* nunc est. *Atbesis* deinde *Padusque*. Nunc autem *Padus* & *Atbesis* omnem eam paludum partem, in quam cadunt, arena straverunt. Idem fecere alia flumina a capite superiori multis in locis, nisi quantum potuit mortalium industria defendere, ut, quæ stagna olim paulominus ducentorum passuum millibus per longitudinem extendebantur, nunc ad dimidium redacta sint. Latitudo ubi apertior, tum fuit passuum duodecim millibus, antiquioribus vero temporibus dimidio vastiores. Perpendant D nunc diligentius *Veneti*, si sapiant, quantum paludum hominum negligentia ex aggestione temporis sit amissum, meminerintque quantum bellorum a suis majoribus cum regibus etiam & Imperatoribus sit exhaustum, quantum auri profusum, quantum sanguinis, dum illi sternere eas conantur, *Veneti* vero latius eas propagare contendunt. Sed profecto videtur natura in corrumpendis, quas producit rebus, & in diversam speciem formamque redigendis novos nimium adhibere modos, quos fieri posse non facile credideris. Nam quod nulla potuit per tot sæcula exercituum armorumque vis, ut has paludes exsicarent, in continentemque redigerent: posteaquam hujusmodi Injuriam non solum non repreßere *Veneti*, sed inferentes etiam in ditionem vertere suam, quasi defisset omne periculum, nec ab arena fluminum amplius effet metuendum, ita in negligentiam oblivionemque versa sunt omnia. Privatæque plus potuit usus, atque commoditas quam publicæ tam ingentis admirandæque Civitatis opes, ut in discrimen veniant ædificia, templa, turres, leges, magistratusque atque concilia, quibus in rebus privatorum hominum opes omniaque illa commoda continentur. Ex iis F quæ memoravimus fluminibus septem, existimarem fortasse septem maria has paludes appellatas nisi nonnullis videretur *Plinium* maluisse *Padum* eum esse, qui septem maria efficiat deductum in fossas inter *Ravennam* *Altinum*que cxx. millibus passuum, tamen quia largius vomit septem maria dictum facere. Cæterum quod sequitur non alienum a sententia nostra videri potest. Nam paulo post omnia ea fossas fluminaque primos Asagos fecisse *Etruscos* dicit, egesto amnis impetu per transversum in *Hadrianorum* paludes, quæ septem maria appellantur. Ut non tam tractus il-



le inferior paludium ubi *Padus* exoneratur, quam omnes omnino paludes septem maria sint appellata. Et præterea *Padum* septem capitibus influere in pelagus apud neminem legi. Attamen si diversum *Plinius* sensit nulla mihi cum tanti hominis auctore contentio sit. Littus autem interciditur totidem fere paludium ostiis, quot majora flumina influunt in paludes. Inde marinus æstus ingreditur egrediturque, & vices alternat sexta quaque hora per reciprocationes, quibus tum crescunt tum decrescunt lunaris cursus ratione. Siquidem oppositiones ejus sideris pleniluniaeque majores agunt æstus, minores vero quo magis ab his recedunt. Nusquam fere alibi per omne mediterraneum aquarum fluxum refluxumque fieri vult is, quem diximus, *Strabo*. Nostri autem Navarchi ubique dicunt accidere, sed longe minori vel ascensu vel descensu. Siquidem increscunt hujus sinus stagna quatuor propemodum pedes. Noto vero sæviente autumnii tempore aut brumæ, septem aliquando vidimus intumuisse.

Vada Paludium distincta canalibus sinuosis & tortuosis, quasi venis quibusdam per universum vadorum corpus diffusis, Flumina siquidem cum primum a paludibus imbibuntur quacunque dispersa in his stagnant. Maris item ostia, quæ longe majora sunt, quam capita fluminum crescente æstu & in paludes influente, tantisper remorantur fluviorum aquas, quoad vicissim omnes æstu recedente in mare refundantur. Ita quicquid est fætidum malignumque, aufert æstus in mare, redditque ærem salubriorem, ut paulo post dicemus. Et ut de fluminibus supradiximus, ita a mari aquæ per ramos hinc atque inde errantibus flexibus, sine ulla lege feruntur. Cæterum summo quidem aquarum æstu contacta sunt vada omnia, eo vero decedente, aquæ quoque decrescunt, & in canales delabuntur, plurima tamen stagnorum parte vada semper contacta, semperque cymbis & minoribus naviculis navigabilia. Majores naves nisi canales non recipiunt. Ne vero locorum ignari sinuosis fallantur flexibus, margines palis defixis notant, quos metas appellant. Piscationes plurimæ atque optimæ ex omni piscium genere. Compertum est *Venetum* hoc mare pisces gignere longe quam *Tyrrhenum* sapidiore. Causam eam credunt propterea, quod plurima, quæ diximus flumina eademque maxima in hoc pelagus influunt velut in lacum, infero longe minus, ut per multa passuum millia dulcescat. Apparet hoc ex Euxino ponto nobilissimum piscium feracissimo, in quem duo supra viginti maxima cadunt flumina *Ister* præcipue *Thanaïs*que, ut vix appareat falsus. Qui vero pisces his aluntur stagnis, sapore longe omnibus præstant. Destituuntur magnitudine, sive quod mare natura majores procreet, sive quod assidua piscatione exhauriuntur stagna, neque crescere ad naturalem mensuram permittuntur. Apricatur hic maxima avium palustrium multitudo tam vario genere quam campestres, quo fit ut aucupium exerceant studio non mediocri. Sal vero nullis aquis melior natura congelat, & hunc quæstum, nisi maximus tum fuisset, non notasset *Cassiodorus* tam diligenter epistola, quam ad *Venetos* scripsit. Nunc dicere satis fuerit propter salinas tuendas conservandasque, majores plurima & maxima cum finitimis bella gessisse. Littorum quoque haud spernenda feracitas est. Olerum omnis generis copia, par nunc etiam tantæ civitati. Conservantur non minus ferme gelida hyeme quam æstate. Quod eo mirandum magis, quo omnibus sunt ventis & tempestatibus obnoxia. Studio tamen & industria omnia, quæ

A diximus maxima ex parte elaborata. Hæc autem de quibus scribimus, si forte exilia videntur & humilia, non tamen omittenda duximus, qui & nova describimus, & raro alibi visa.

B Aëris Temperies saluberrima veterum scriptorum testimoniis celebrata. Nam præterquam quod a nonnullis memoriæ datum, *Ravennam* potissimum delectam, ubi gladiatores & membris firmandis & augendis viribus operam darent. *Vitruvius* nobilis in suo genere scriptor non asserit id solum, sed affert etiam ejus rei causas. Nam posteaquam descripsit, quales esse paludes oporteat, vel natura, vel studio, quibusque causis salubres reddantur. Exemplar, inquit, huic rei sunt *Gallicæ* paludes, quæ circum *Altinum*, *Ravennam*, & *Aquilejam*, aliaque, quæ in ejusmodi locis municipia sunt proxima paludibus, quod his rationibus habent incredibilem salubritatem. Fluxu quoque aquarum ac refluxu tum agitur & expurgatur aer, tum quicquid est corruptius in mare procul aufertur. Aliud quoque proculdubio in causa est ventorum undique liberi & aperti flatus non tamen ex montium vallibus quasi per fistulas irruentium, ex quo fit, ut sicut sunt minus violenti, ita reddant undique ærem puriorem. Necnon maris falsedo, quum sit natura calidior, & minus humida, temperiem gignit æquabiliorem. In his vero paludibus loca præter cætera saluberrima ea sunt ubi fundum excreta, non ex cæno constat: ut *Clodia*, *Amorianum*, *Boreanum*. Salubritatis paludium nullum certius testimonium, quam frequens senectus, ut vix reperias apud aliam *Italiæ* regionem plures plenioresque annis senes. Quæsti sumus superius fluminum ostia has paludes arena replevisse. Non est ab re illud quoque memorare, hanc urbem, sicuti sudor, & industria mortalium ædificavit, sic iisdem studiis conservandam. Enimvero pari diligentia advertendum, ne rebus in hanc civitatem extrinsecus advectis, atque per incuriam in aquam dejectis paludibus fiat injuria. Longe etenim plura importantur, quam exportentur. Itaque cavendum, ne plus stramenti aquis injiciatur, quam potens sit fluxus refluxusque in pelagus evomere. Corrupti enim ea necesse est, & ærem infici. Itaque majores ad eam rem multa remedia legibus instituere. Incedant minores oportet majorum institutis, si perpetuam hanc urbem esse volunt. Cæterum in his stagnis exitere ab ipso ævo vada quædam multis in locis sparsa, aquis extantia, variis intervallis solidiora, eminentioraque ambitu parva ad piscatorias salinariasve casas sustinendas. Quibus duobus præcipue quæstibus mortales, qui tum eas incolabant victitabant. Stravere deinde ea latius amplioraque reddidere mortalium manus ad commodiorem usum in Insularum quasi speciem. De his *Cassiodorus* in illa de *Venetis* epistola scribit his verbis: *Eas non natura protulit, sed hominum cura fundavit*: Naturam dicit non protulisse, quoniam qua tempestate ad ipsas est profectus, centum siquidem aut circiter post *Athilam* annis, eas revisit. Constraverant jam amplioresque reddiderant mortalium manus ad majora etiam ædificia sustinenda. Neque negaverim alia habitacula fuisse ad voluptatem præcipue, quæ latioribus spatiis paterent similia continenti. Ea siquidem *Bajanis* poëta villis comparavit. Satis enim verisimile, tum *Altinates* cives, tum *Pavinos* sparsa habuisse domicilia per ea loca, ad quæ poscentibus anni temporibus animi causa commearent.

F Insularum numerus quis tum fuerit ante *Venetias* conditas, non invenio. Sed parum (ut opinor) variat ab viceno, ut postea commodius docebi-



cebimus. Nam sicut aliquarum nomina extant, quæ absorptæ aquis interiere; Ita in sequentibus temporibus, vel natura, vel manus aliquam potuit excitare, quæ tum non esset. Porro si superioribus sæculis in *Ægeæ* submersas aliquas, emersas nonnullas magnas & amplas & legimus, & ætate nostra vidimus. Fieri facilius potuit, ut per tot sæcula inter has longe minores aliquæ vel erumperent, vel interirent. Earum fundum ubique pene cænosum est. *Ædificiorum* tamen moles maximæ, quas videmus non sine spectantium admiratione, sese offerunt contemplandas. Quo videlicet pacto fieri potuerit, ut sine ullo fundamento solidiori in tantam altitudinem exsurgant. Nullibi saxum aut tophum, aut aliquid firmitus natura supponit. Extulerunt eas mortaliū manus ex aquis egesto cæno, quod fieri quotidie conspiciamus, solum sternebant & cilindris adæquato componebant casas, aut arundineas, aut asseritias. Majoribus deinde ædificiis fundamenta supponere didicerunt, aut ex arundinibus, aut ex viminibus, ut nostra etiam ætas in veterum effossionibus ædificiorum hujusmodi sæpe fundamenti genus non sine admiratione reperiatur. Posterius vero crescente libidine ædificandi didicere majores crassioresque supponere saxis alnos aut robora indirectum fixa, supraque ea item ex robore tabulata, saxa deinde ingentia plurimo cum impendio. Optimus igitur Deus (neque enim aliunde illucere potuit hujusmodi consilium) harum unam delegit, *Rivaltum* nomine ambitu paulo majorem, Situ longe præstantiorem. In qua duo illa admiranda constitueret, primum ut homines terræ nati, assuetique, civitatem in paludibus aliquando meditarentur. Deinde ita conderent, ut ubi quicumque ad ea tunc loca oculos adjecisset, vix crederet posse condi oppidulum, ibi nunc urbem ambitu maximam immensas templorum moles, turres præaltas, ingentes ædes admirantes conspiciamus. Immutabili siquidem atque æterna lege, qua Deus omnipotens cuncta mortalium opera mortalitate damnavit. Quum *Romanum* imperium ex omnium gentium nationumque congestis opibus in supremam excrevisset altitudinem, Barbaræ quoque visæ sunt nationes velut in vindictam conjuravisse ad ejus excidium subversionemque. Quadringentos per annos diripere *Italiam*, vastare civitates & oppida, proculcavere divina omnia humanaque. Cæterum quum natura ita sit comparatum, ut omnia quæ composuit longe celerius dissipet ac dissolvat. In ejus tamen urbis Imperio evertendo, si non pari maximo tamen tempore miserandisque calamitatibus est elaboratum. Illud divino consilio servatum, ut qui præstarent pietate ac religione, vel pulsi domo factionibus, vel longis vexationibus fatigati receptum haberent, quo cum uxoribus liberisque confugerent. Atque post longa tandem naufragia sibi sanctorumque reliquiis peterent salutis portum. Essentque tandem ejus loci futuræ opes omni humana opinione majores. Cæterum magni temporis opus & immensum fuit laboris, *Rivaltus* autem dicta ne sit ex canali cæteris altiori, an quia sit aliis insulis ut est aliqua in parte, præsertim ad tabernas gemmarum eminentior, incertum. Expeditis igitur quæ polliciti sumus jam ad ejus prima quasi semina veniamus, a quibus majores duxerunt urbis initium.

Sita erat *Rivaltus* insula littoribus propior, quam continenti: haud longe quidem ab ostio *Meduaci* Fluminis. Eo portu *Patavini* plurimum utebantur propter mercaturam, & navigationes, quas maximas exercebant. Frequentius autem habitabatur, quam pro loci tenuitate: non ab his

A solum, qui ex piscatione & aucupio victum quærebant; Sed a naviculariis maxime, vadariisque, naviumque fabris. Quod necesse erat, & accidere videmus ubicunque civitates a mari procul recedentes navigationes exercent, & portus ad mare tenent, ut locum habeant vel ad ingressum portusque custodiam, vel ad excipiendos nautas, necessariisque diversoriis recreandos: erat hanc juxta parvo intervallo insula alia ambitu breviori ad portus ostium paulo projectior, *Olivolos* appellata: in quam placet nonnullis *Antenorem* portum ingressum exploratum misisse, qui nam mortales ea incolerent loca, ajuntque illam *Trojam* deinde vocitatam. Cæterum hac de qua scribimus tempestate templo carebant, nec erat ubi sacra conficerentur: sæpe sermo habitus erat inter incolas ea de re, convenire tamen non poterant, aut de loco, aut de sumptus collatione, donec (sic volente Deo) noctu exortus in *Rivaltus* ignis ex domo Architecti navium cui *Entinopo* nomen fuit, illam quamprimum in cinerem solvit. Furente deinde vento proximæ quæque corripuntur: accurrentibus (ut solet) cunctis, quum extingui non posse quantalibet aquæ vi ea pestis videretur, quin potius magis magisque in asseritias arundineasque casas debaccharetur, & jam periculum juxta esset, ne vicus totus absumeretur: Ferunt architectum ut erat vir bonus & pius quum indoleret tam propinquo vici periculo; quasi id accidisset ob divinæ rei contemptum, cui verba incolæ dedissent de ecclesia condenda; extulisse ad cælum manus precantemque dixisse: Conditor hujus cæli siderumque summe Deus, cujus imperio cuncta subiecta sunt, venti hujus rabiem siste, impera flammæ, ne ultra sæviat, peccavimus, qui sanctissimi tecti tui hætenus rationem non habuimus. Veruntamen parce prostratis supplicibus, neque aqua jam, neque brachia officium præstant, ventus ignisque quasi conjurati ad nostrum excidium increpant. Emigrandum in alias terras nisi cito subvenis. Ecce solum domus incensæ, quod unum restat tibi libens ad ædem voveo condonoque. Idem quoque cæteri incolæ orantes facere cum lachrymis, & pro se quisque ad novum templum aliquid vovere. Vix nuncupatum votum, mox præsens affuit precantibus Deus. Ecce ventus omnis cadere, & in largissimum imbrem nubes omnes solvi, absumptæ ea flamma quatuor & viginti domus. Ingens ut in tenui loco damnum. Sed lætitia de salute reliquarum, sustulit ejus damni mœstitiam, *Ædes* ex voto construitur, dicaturque Beatissimo *Jacobo* Apostolo Anno Domini primo & vigesimo supra quadringentesimum Pontificibus *Zozimo* & *Honorio* imperante. Episcopi qui eam dedicavere *Severianus Patavinus*, *Hilarius Altinas*, *Jucundus Taurisanus*, *Epodius Opiterginus*. Ecclesiæ cura *Felici* Sacerdoti demandata. Hoc unum dedicationis monumentum ex illis temporibus ab nostris hominibus fidelissime est conservatum. Neque aliud omnino fertur tum conditum jactumve fundamentum majoris operis. Summa cum alacritate hæc peracta. Neque solum incensæ domus restructæ, sed novæ etiam novis advenientibus incolis constructæ.

F Relatus est etiam in monumentum dies quasi natalitius octavo videlicet Kalendas Aprilis. Sed utrum eo die Ecclesia construi cæpta, an eo die consecrata, nulli hætenus memoriæ proditum. Continuo autem circumjectæ insulæ, quæ templo carerent, quibusque antea multo longinquius incommodiusque aut festis solennibusque diebus, aut extremis vitæ temporibus divina sacramenta quærentur. Longe frequentius *Rivaltum* accedere, necessaria comparare, novitate loci te-



neri, transferre denique domicilia cæperunt. *Orum Rivalti* majores inde accepere, magna (ut mihi quidem videtur) usi ratione, vel pietatis ac religionis, vel temporis & diei majestate. Nul- lum est enim in civitate ædificium templo aug- stius sanctiusve, vel ad divinam opem difficili- bus in rebus ex alto petendam, vel ad cœtum, conventumque societatis humanæ. Sacrosancta autem delecta dies, qua divinus gloriosissimæ Vir- gini nuncius ab Archangelo delatus est, ineffa- bili cælestis altitudinis ad humilitatis abyssum in- clinatione. Quum summa illa & æterna sapien- tia, verbumque Dei in uterum descendit pudici- ssimæ virginis ut jacentem in profundo mise- randæ caliginis hominem ad cælestium spirituum felicissimam societatem sublevaret. Sed profe- cto divinæ sapientiæ nullus est numerus. Qui enim eo die ad redimendum genus humanum universum in genitrice deligenda humilitatem præcipue respexit, ut ipsa professæ est. Is ex- citari eodem quoque die voluit, humillimis in locis, & ab humillimis hominibus ad præsens im- perium constituendum tam ingentis operis ini- tium. Reddenda nunc nobis ratio est, cur, quæ a nonnullis de his *Rivalti* initiis sunt descripta, quum speciosiora videantur, sequi non sit visum. Nam dum ea initia augustiori aliquo quasi fasti- gio educere conantur, finxere regem senatum que *Patavinum*, metu *Athilæ* perculsum quatuor consulibus dedisse negotium urbis in *Rivalto* con- dendæ. In quam ingruente barbaro ipse cum re- gina liberisque & omni thesauro una cum senatu confugerent. Addunt alii ternos dehinc consu- les novellæ urbi datos. Nomina consulum refe- runt, alius alia. Conditam Ecclesiam dicunt se- cundo consulum ordine, nonnulli tertio. For- tuito tamen omnes & non consilio, usque adeo ut nisi ignis architecti casam invasisset non regi non consulibus de Ecclesia in nova civitate con- struenda subiisse animum velint. Quam profecto opus primum esse oportuit in nova civitate. Cæterum facile est ingenio vel mediocri depre- hendere quam hujusmodi commenta nullam apud gravem lectorem mereantur fidem. Omitto enim quod nullum proferunt auctorem vetustioreque codicem, aut ex *Venetis* aut ex *Patavinis* unde ista deprompserint. Qui autem primus hæc lit- teris mandavit triginta aut paulo plus supra cen- tum annos hanc excedit ætatem. Omitto dein- de ambitus insulæ quam tenuis tum fuerit vix ad regiam capiendam, ne dum ad tantæ civitatis se- natum satis capax. Ædes vero, quæ ad futuræ urbis populum parabatur, vix etiam nunc ex- tenditur passibus novem quaque versum. Sed condonemus hæc omnia, & excutiamus diligen- tius veritatem. Quis obsecro historiæ paulum modo familiarior scriptum legit his temporibus in *Italia* regnavisse reges? *Romani* siquidem ad urbes & colonias magistratus ad municipia præ- fectos prætores prius ad provincias, deinde præ- fides mittere soliti. Regium quidem nomen in- solens & non solum *Romanis* urbibus, aut pro- vinciiis non concessum, sed ne exteris quidem principibus, nisi beneficii loco permissum. *Pa- tavio* vero inter *Romanas* colonias, & fide & gra- tia longe præstanti ut post docebimus, Reges ab imperio, vel datos, vel permissos, quis unquam audivit? Qui si nonnullæ apud eos regum ima- gines ostenduntur fuere illi quidem longe recen- tiores, nec *Patavini* reges, sed *Romani*. Qui cum ex *Germania* in *Italiam* transfirent plerunque coronæ suscipiendæ gratia apud *Patavium* præ- claram & Alpibus propinquam civitatem diutius interdum moram traxere: quod ex literis apud imagines incisis liquido apparet; ut *Henrici Fre-*

*dericique*. Hujus vero regis senatusque trepida- bundum nimis consilium enarrant, qui xxx. per annos ante hostis adventum effugium sibi para- verint. Tribus enim & xxx. annis aut circiter antequam *Italiam* attingeret *Athilas*, constructa ædes est, deque hac re certissima sunt monimen- ta. Ad hæc autem videamus quam rei utriusque tempora non convenient. *Juventius Celi* *Athi- le* vitam ex *Prisci* & *Jordanis* historia excerptam (is fuit magister epistolarum *Theodosii* junioris, & ad ipsum *Athilam* legatus) cæteris, ut mihi qui- dem videtur, diligentius scripsit. Refert is *Ce- lius* vixisse *Athilam* annos sex & quinquaginta adeoque hoc pro vero compertum asserit: ut ple- rique rerum scriptores tradiderint natum quo die *Cajus Julius Cæsar* multos ante annos, mortuum nocte ejus diei quo *Cæsar* in Senatu confossus est. Mortuus est autem *Athila* circiter annum domi- ni sextum quinquagesimum supra cccc. paulo post everfam *Aquilejam*, direptamque *Galliam Cisalpinam*, unde illud *Martiani* somnium vulga- tum: Qua nocte *Athilam* crapula nuptialis ex- tinxit: vidisse contractum illius arcum. Obiisse autem *Martianum* anno Domini cccclviii. nula apud quenquam Scriptorem dubitatio est. Fa- cile igitur est deprehendere natalem *Athilæ* an- num. Is fuit quadringentesimus aut insequens a Christi nativitate. Agebat igitur primum & vi- gesimum annum quo tempore *Patavii* rex & Se- natus providentissimus fugam parabat. Quis au- tem obsecro tantus esse potuit terror ab adole- scente vix dum pubertatem egresso? disjuncto tantis terrarum spatiis & in ultima *Sarmatia* aut *Scythia* bellum gerente? Ut *Itali* de novis que- rendis sedibus agitent? At qui si uni regi con- sulibusque, quod reliquum est, condebatur no- va illa civitas, quam mihi temerariam narrant re- gis diligentiam, quam periculosam? Feratne ci- vilitatis opulentæ vel senatus, vel populus parare sibi principem suum receptum fugæ adventante hoste? Se vero barbaro & irato hosti cum libe- ris & uxoribus ad prædam captivitatemque re- linqui? Scribunt enim id publico consilio factum, immunitatesque datas, habitatum eo conceden- tibus. Porro male sanum regem eos popularis ali- quis tumultus in frustra discerpisset. Quum enim soleant principes hujusmodi periculorum tempo- ribus munitionibus intendere, purgare fossas, mœnia reficere, erigere propugnacula, populos hortari ut bono sint animo: primos denique sese ad omne periculum & polliceri, & præstare. Hos magnanimos vel reges vel consules in civium oculis atque conspectu latebras sibi fœdissimas longe plus tali causâ quam loci natura quæsisse, ut verbi acerbitate quoad licet parcâ, scriben- dum nullo modo fuit. Hæc & pleraque alia pe- nitus absurda nonnulli cum viderent defendi non posse dixere bis *Athilam* *Italiæ* & imperio mina- tum. Primo quidem cum in *Gallias* irrupit: & cum *Ætio Romanisque* confligit. Iterum autem cum cepit & evertit *Aquilejam*. Ut autem hoc sit verum: nihil tamen ad rem: vix enim quin- que intercessere anni inter ambas expeditiones. Nam *Gallicus* conflictus sub obitu *Theodosii* ju- nioris profligatus est. *Italiam* vero ingressus est *Athila Martiano* apud *Constantinopolim* imperante. Itaque quatuor aut quinque anni eam quam dixi- mus absurditatem tollere non possunt. Accedit illud quoque, quod nullo modo veritati, quam ex ipsa re eruere necesse est, cohærere potest. Scribunt enim post ingressum *Athilæ* in *Italiam* misisse regem uxorem cum liberis & omni The- sauro in *Rivalentum*. Oportuit igitur *Rivalentum* aut mænibus esse septam, aut aliqua munitam arce, aut quod est probabilius & mænibus & arce, ubi non



non solum a Barbaris hostibus, sed ab Piratis etiam tuti confisterent. Alioquin non ibi regina deponenda fuit, liberique regii, quum aperta esset undique insula, pateretque circumquaque descensus, nisi forte ad prædam deponebantur potius quam ad salutem. Ubinam autem scriptum reperiunt, aut mænibus unquam septam, aut arce munitam? Sed si illis idoneus auctor deest, ubinam vestigia ulla aut arcium, aut mænium apparent? Qui si arcem condere in loco tam angusto cupido incessisset, quid cæteris construendis tectis soli superfuisset? Quum vix tota insula ad solam arcem regiam capiendam sufficeret? Sed profecto sicuti vero attestantur omnia; sic inter vera falsitas statim friget. Nam *Cassiodorus* qui proximus illis fuit temporibus, scripsit epistolam illam celeberrimam, quæ de *Venetis* undique circumfertur: Non quidem aut regi, aut reginæ, non consulibus *Patavinis*, sed *Tribunis Venetiarum*. Multa præterea addam si otium sit, per quæ perspicuum, quod dicimus, appareat. Si *Patavinus* aliquis scriptor eruere hos reges & consules, hæc denique Senatus consulta de nova in *Rivaltio* condenda civitate ex antiquioribus ullis potuisset monumentis, qui doctissimis semper floruerunt viris, quanto pretio coëmisset? præsertim *Franciscus Senior Carrariensis*. Siquidem *Franciscus Petrarcha* acerrimo vir ingenio plurimis ab eo principe tam vivens quam moriens honoribus auctus studiosissimus historiæ, ut in ejus vita testatur *Paulus Vergerius*. Nunquid si de regibus consulibusve *Patavinis Rivalti* conditoribus aliquid comperisset in *Carrariensis* gratiam omisisset? Hac tamen de re verbum haud unquam fecit. *Paulus* quoque *Vergerius*, ejusdem familiæ studiosissimus, qua doctrina qua rerum omnium co-

gnitione, declarat liber de moribus ingenuis ab eo compositus. Is *Carrariensium* res gestas literis dum mandat, historiæ initio queritur, ante *Ezerini de Romano* tempora, qui tyrannidem totius fere *Galliæ* tenuit, nullam esse omnino notitiam rerum *Patavinarum*, invitatus præterea ab amico ad *Venetam* historiam scribendam, respondit per epistolam, quæ nunc etiam extat: nulla se habere *Veneta* monumenta, & falsa scribere animum inducere non posse. Quo verbo notavit ea, quæ nunc refellimus, quæ scripta jam viderat. Testatus id ipsum parvo libello, quem de *Venetiarum* origine conscripsit. Nec variat procul a nostris. Nullibi autem rex, nullibi reperitur consul. Docti nimirum viri hæc repudiavere, dedignati scripta sua hujusmodi inventis fædere. Neque tamen tergiversamur *Rivaltum* a *Patavinis* præcipue profugis *Athilana* tempestate conditam fuisse. Cæterum aliud est civitatem condidisse publico consilio. Aliud desolata jam patria alias sedes fortuito potius quam consulto quæsisse. Omisiss igitur his, & plerisque aliis veteres sequuti sumus & sequemur memorias ab antiquissimis receptas, & aggrediemur secundum quasi hujus urbis exortum. Quem externi scriptores omnes fere sunt sequuti ab *Athilæ* in *Italiam* adventu. Quum autem per omnia eorum temporum barbararum nationum nomina deducenda nobis narratio sit: Inter eos autem, qui de iis rebus scripserunt nonnulla interdum diversitas inveniatur; si quis fortasse scriptum aliquid aliter apud alios offenderit, quam apud nos haud miretur. Sequuti sumus quæcunque scriptorum auctoritate diligentius perpensa, visa sunt probabiliora.

## LIBER SECUNDUS.



Antequam de *Athilæ* Regis adventu scribam non erit ab re aliquanto altius percensere initia causæque malorum, quæ scribenda suscepimus. Neque enim ea temporum calamitas solam *Venetiam* pervasit: corripuit pene totum orbem christianum. Dum paulatim serpunt eorum malorum contagia. Molestum non esse non poterit cognoscere quem in modum Christiana religio, quæ non armis non exercitibus, sed innumerabilium martyrum sanguine omnes pene nationes pervaserat, suasque fecerat, ad eum in præsentia rerum statum sit redacta: ut maximam desideret ejus, de qua depulsa est, possessionis partem. Verumenim vero tristium quoque rerum cognitio interdum non injucunda, utilis profecto semper multis cavendis rebus, multis morderandis. Causa si recte perpendatur illa mihi solet videri, una communis rerum omnium labes, Religionis videlicet, & imperii, tam inter sese, quam invicem discessio atque divisio. Nam quæ natura aut arte constant, sicuti compagine ordinis oriuntur & crescunt; ita dissolutione dilabuntur & intereunt. Multos per annos ab *Romanis* Imperatoribus decem præcipuis persecutionibus Christianam adversus fidem omnibus cruciatuum generibus erat sævitum. Nihil tamen improba potuit rabies aliud, quam ut quanto atrocius grassaretur, tanto latius ea propagaretur, ut in ejus asseveranda veritate divinum evidentius apparuerit testimonium. Imperii immensa vis illa atque potestas, quæ totum sub pedibus orbem miserat adversus inermes una innocentia fretos, tandem succubuit. Donec ut huic aliquando

tempestatum tranquillitas daretur. Illucere visus est *Constantini* Imperatoris splendor & lumen, qui *Maxentio* ac *Licinio* interfectis, purgatoque cæteris tyrannis imperio, magnis præterea tam in oriente, quam aquilone gestis rebus, cum Christianam professus esset religionem publico edicto, potestatem Christianis fecit sacras *Ædes* construendi conciliaque cogendi. Hactenus sancte pieque, & cui profecto plurimum debet Christiana religio. Subiit deinde animus *Romam* relinquere, omnesque imperii opes mare ultra in Pontum usque transferre, valetudinifne atque animi gratia, an vero ut quodam quasi freno, metatistque ad *Bosphorum Thracium* castris, *Asiam Europamque* in officio ac fide contineret, habeo pro incerto. Sane duo nimium vel maxima Christianæ genti incommoda sunt secuta alterum religioni, alterum Imperio. Nimis autem sibi invicem ambo conjuncta possunt; vel ad perniciem, vel ad salutem. Quoniam utrunque multitudinis opinione continetur. Tunc enim data universæ Ecclesiæ pace, avaritia atque invidia communes mortalium pestes sacerdotum invasere mentes, ambiri magna sacerdotia, exquiri Ecclesiæ divites & opulentæ. Atque ea ex re sævior alia suborta pestis. Nam plures continuo hæreses excitatæ, quæ tametsi a primis quasi fidei elementis nunquam defuerint ad illustrandam magis magisque veritatem: ut *Menandrii*, *Ebionitæ*, *Martiani*, *Fotiniani*, *Manichei* & plerique alii. Tamen donec Imperium in *Italia* apud urbem *Romam* stetit, omnes orientis Ecclesiæ *Romanam* quasi totius fidei verticem & magistram sunt veneratæ. Postea vero quam in orientem concessit



cessit imperium, & sacerdotalis ambitio quam diximus, acrius invaluit. Tum vero ut quisque plurimum ingenio valebat, Imperatori ostentare se se sapere plus aliis videri velle. Nova dogmata ferere obstinatiusque defendere. *Græci* siquidem & *Asiatici* fere erant omnes, apud quos ea tempestate florebat omne litterarum genus. Tum vero indignam rem videri, non una cum Imperatore, quem tanquam Deum venerabantur, Pontificiam quoque ad eos transisse dignitatem. Pestilentissima autem omnium surrexit *Arrbii* vesania. Hunc *Alexandrinæ* Ecclesiæ diaconum ferunt a Beatissimo *Petro* patriarcha & martyre ab Ecclesia depulsum; nugacem hominem & superbum, & ubique in fide cavillantem. Pontifices vero *Romani* cum longius abessent, *Græci* vero quotidie lateribus hærent Imperatorum, quo pacto possent errores coram retundere aut retinere præsentibus officiis eorum amorem. Cæterum unum conciliorum adversus hæreses remedium quod supererat: neque sæpissime fieri poterat propter longinquam terrarum marisque distantiam: neque iis semper aderant Imperatores & perquam raro Pontifices, nisi per legatos. Quantum autem valeat omnibus in rebus capitis auctoritas, nemo nescit. Locupleti est testimonio *Constantinus*, quem scribit *Eusebius* extremo vitæ tempore *Arrbianum* virus suscepisse. Tantum profecto vulnus avertisset *Silvestri* præsentis auctoritas, nec in *Constantini* posteros pestis illa transisset, ut multi deinde Imperatores maximam orbis partem, & Barbaras præsertim infecerint nationes. Ambitionem autem sacerdotalem ejus temporis abunde declarant libelli accusatorii ad *Constantinum* delati in eo concilio, quod apud *Niceam* celebratum est, & ab eo in ignem projecti. Ita omnia ardebant calumniis, accusationibus maledictis. Atque adeo pestis invaluit, ut cum cæteri pene omnes catholicæ fidei quasi duces metu Imperatorum, aut ad *Arrbianam* defecissent heresim: aut obviam inimicis ire non auderent. Unus pene *Athanasius* acerrimus catholicæ fidei propugnator, locum in toto orbe, ubi vitam duceret, nisi apud viduam sex annis delitesceret in *Galliis* non invenit. Quinimmo quod nefas dictu est, Imperatoriæ quoque conjuges de fidei articulis sententiam ferebant adversus Antistites sanctissimos atque doctissimos. Cum interea *Romanis* pontificibus nihil esset reliqui, nisi ut ad potestatem a Christo & Ecclesia permissam se se conferrent, Anathematibus agerent & censuris, ut ipsis quoque non pepercerint interdum Imperatoribus. Sed quid proficerent? Enimvero capitale aliud non minus suboriri malum. Hæresiarchæ siquidem a conciliis vel a Pontificibus damnati honoribus spoliati, tum populos accendere contra Pontifices damnare aulos Imperatores. Scriptum reliquit *Augustinus* in libro de hæresibus. *Hircanum* Episcopum octo & viginti supra centum collegisse hæreses ad eam ætatem. Extat præterea *Hieronymi* epistola ad *Damasum* Pontificem, ubi de hoc furore Ecclesiarum orientalium lamentatur. Quanta autem ab hæresibus illis mala sint consequuta, quis dicat? Siquidem Imperium hæreses primum conficere, paulo deinde post evertere. Postremo involvere bellis universum pene orbem & omni affligere genere calamitatum. Ab his enim tandem emerfit *Saracena* atque in eam cæteræ omnes conspiravere: ut paulo post videbimus. Abducta siquidem a *Constantino* in orientem magna senatus parte & *Romanorum* præterea robore militum tribunisque & centurionibus, & quicquid erat in *Romanis* legionibus firmissimum. Imperium apud *Italiam* tam re quam nomine velut

A exangue destitutum est, & facile quidem *Constantinus* dum ducere spiritum licuit majestatem Imperii inveterata virtutis opinione ab omnibus Barbaris intactam inviolatamque dedit. Postea vero quam ad *Constantini* liberos & nepotes est transmissum, qui summam posuerant gloriam in Catholicorum persecutione sanctorum conversa sunt omnia. *Constans* siquidem Catholicus, qui *Romam* tenebat facile a *Magnetio* tyranno in *Galliis* est oppressus, quum satis illi virium non adesset ad irruentem in se hostem propulsandum: Auxilia autem a *Constantio* fratre seu ob religionis perfidiam *Arrbiana*, seu ob regnandi libidinem ægrius submitterentur. *Valens* inde hæreticus *Constantini* nepos acerrime omnium catholicos est persecutus. Nec horrendum minus piaculum ejus posteris iisdem hostibus persolvunt: ut paulo post dicemus. Omitto præterea quantum mutatione loci, ut cæteris in rebus natura solet, *Romana* soboles in deterius sit delapsa. Non amplius maxima illic *Romanorum* procerum nomina audita sunt. Unus *Theodosius* (& is quidem *Hispanus* genere) arrogatus in Imperium a *Gratiano*, *Romanam* repræsentavit virtutem, multum armis multum religione. Cæterum cum eo quoque *Romana* virtus cecidit. Neque mirum hoc accidisse. *Italiam* reliquerat *Constantius* id est orbis umbilicum, ut extremas nationes peteret. Neque enim censendæ orbis partes vastæ solitudines & arenæ, aut ferina ingenia potius quam humana. Illæ propriæ orbis & illæ partes quæ sub mitiori cæli plaga mortalibus incoluntur non tam ferarum ritu vitam agentibus quam & humanitate præditis & naturali ratione: ut *Ægyptus*, *Africa*, *Hispaniæ*, *Galliæ*, *Germania*, *Pannoniæ*, *Græcia*, *Epyrus*, *Macedonia*, *Asiaque*, quam minorem vocant. Et præterea insulæ omnes mediterranei, quas inter sedet *Italia* tanquam regina, ad quas circum provincias paribus ferme itinerum spatiis, vel terra, vel mari transmissio est. Cincta præterea hinc supero, hinc infero, *Ionium* & *Ægeum* quasi pedibus premeus. Quid autem in *Constantinopoli* simile? Projecta longius & tanquam in Pontum Euxinum relegata. Confidet fateor media inter *Græciam* & *Asiam*. Cæterum in extremo pene orientis margine posita procul a barbaris aquilonaribus. A quibus longe magis *Italiæ* metuendum fuit quam oriente, adeo ut excidium vitare sæpius non potuerit. Principalibus siquidem imperii viribus procul ablatis quicquid erat periculi prius ad eventum sortemque fortunæ linquebatur, quam satis esset temporis ad adhibenda remedia. Pro-pinquitas etenim quantum ad celeritatem valeat, celeritas autem ad pericula propulsanda, nemo nescit. Moritur duobus relictis filiis *Arcadio* & *Honorio* impuberi adhuc ætate. Non ignarus pater quanta a Barbaris nationibus imminerent pericula, non sine magna de iis animi sollicitudine decedit. Cum eorum adolescentiam videret parum idoneam tanto imperio administrando, nec haberet quorum fidei satis tuto committeret: Tres illi erant præcipui exercituum duces pares ferme opibus & auctoritate, *Rufino* orientem, *Gildoni* *Africam*, *Sthiliconi* occidentem administrandum relinquit, Comites appellat. Neque facile reperio ante *Theodosium* Comitum nomen dignitatis titulum prætulisse, ut aut ab eo, aut a *Constantino* traxisse originem credam. Moriens liberos illorum fidei commendat. Cæterum quid fides ac Dei metus apud imperandi libidinem armis succinctam valet? Illi vero vix dum defuncto *Theodosio* rapere sibi provincias quisque suas adoriuntur. *Rufinus* *Asiæ*, *Gildo* *Africæ* pænas dedere. *Sthilico* reliquus imperii dux *Vandalus* gente



gente excellens disciplina militari: successu rerum ingentes opes amplissimamque dignitatem comparaverat, ut *Honorius* duas ejus filias, unam prius, alteram deinde priori defuncta duxerit in matrimonium. Quum autem cæteros sublato e medio videret, invasit Barbarum hominem cupidus Imperii rapiendi. Hæc *Stiliconis* proditio permagni Christiano Imperio stetit, & multifariam a scriptoribus tradita est. Nobis ut initio promissimus probabiliora, ipsique magis congruentia sequi decretum est. Erat homini nulla fides, ingenium ad simulandum & dissimulandum commodissimum, auctoritas & amicitia ingens apud omnes Barbaras nationes: Hinc initium malorum omnium. Optimum siquidem ad id, quod mente agitabat, factu ratus; si Imperium affiduis bellis attereret. Solicitare Barbaros trans *Rhenum* infidentes non desistit. Alia vero ex parte suadet *Archadio* orientem tenenti ut missas faciat *Gothicas* omnes copias, quas imperium in *Misia* firmissimas habebat simulatione levandæ eo sumptu reipublicæ. Missi *Visigothi* quasi proprio depulsi in *Pannonias* succedunt magna cum indignatione. Ibique cum de creando rege summa inter duos principes oriretur contentio. *Radagasus* videlicet & *Alaricum*. Tandem ita convenere ut *Radagasus* primo quoque tempore coactis quam maximis posset copiis in *Italiam* descenderet, *Alaricus* autem eventum rerum in *Pannoniis* moraretur. Erat is *Alaricus* nobili *Balthorum* familia, ut infra uberius docebimus loco commodiori, armis strenuus & fide præstans. *Radagasus* adjunctis *Hunnis*, *Vandalisque* per *Venetie* saltus *Italiam* ingreditur Anno domini cccc. vi. *Stilico*, qui summæ rerum præesset, cognito illius adventu, obviam procedit, consilia hostis explorat: ad illud omni conatu tendit, ut incautum opprimat. Assequutus eum in *Etruriæ* montibus cum insidiis locatis ad iniquum congregiendi locum compulisset, prælio inito facile proturbat, palantes deinde in fugam vertit. Recepere illi se se in convalles *Fesulanæ*. Obseptis autem a *Stilicone* omnibus unde egredi possent itineribus, inspectantibus *Romanis* potiusquam decertantibus, fame atque inedia innumera mortalium millia confecit. *Radagasus* fugiens interceptus, reliqui omnes vilissimo pretio venundati. Ea elatus victoria *Stilico*, quod solus jam facile omnia administraret, majorem in spem imperii rapiendi exarsit. *Alaricum* veterem amicum multis nuntiis hortatur ut in *Italiam* armatus transcendat: inde vero *Burgundiones*, *Suevos*, *Alanos*, qui *Rheni* ripas infederant creberrimis nunciis sollicitat, ut in *Gallias* transmittant. Ipse consul designatur. Cum autem quotidie novos in *Galliis* motus excitari nunciaretur, suadet *Honorio*, ut ad eos sedandos proficiscatur, facile pro majestate Imperii composituro, se se interea *Alarico* occurrurum quem in *Italiam* iter cœpisse afferebatur. Re igitur ex sententia composita eodem fere tempore, & *Honorius* in *Gallias* proficiscitur, & *Alaricus* apud *Ravennam* castra locat, colloquia deinde inter Duces haberi cæpta. Pollicetur *Stilico* daturum operam apud *Honorium* ut in *Italia* aut in *Galliis* sedes habeat & stipendium. Accipit *Alaricus* conditionem. Simulat *Stilico* expectare ab *Honorio* responsum, illo tamen consilio, ut, si fieri possit, de Barbarorum transitu certum habeat aliquid, & rem conficiat adjutore *Alarico*. Postea vero quam *Gothus* bis aut ter *Stiliconem* de promissis appellatum, rem differre animadvertit, fraudem aliquam subesse vereri cœpit, & importunius colloquii finem urgere. At contra *Stilico* trahere omnia, & alias deinde alias moræ causasnectere.

A Sunt qui scribunt triennio rem a *Stilicone* ductam: dum concepti sceleris tempus & occasionem quærit. Cum vero *Alaricus* ludos sibi liquido dari perspiceret, cepit consilium, ut *Honorio* in *Galliis* agenti omnia clam submissis nuntiis prodent. Intellecta re *Honorius* mox *Gallicos* motus (utcunque potest) componit, *Romanam* revertitur fœdus ex senatus sententia cum *Alarico* avidissime componit. Fœdera ea feruntur: ut excedens *Italia* sedes sibi constituto stipendio habeat in *Galliis*, ibi se defensorem imperii profiteatur. Excedendi præscriptus dies. *Stilico* ea intellecta re acriter indignatus. Simulat tamen pro tempore pacem comprobare. Amovet itaque castra procul ab *Alarico* & omnia aperit itinera: cæterum ut quam ægerrime ferebat pacem rescindat, imperat *Sauli Hebræo* homini (huic omnia credebat & summam rerum apud castra demandat) ut cum delecto copiarum flore sacro sancto paschatis die *Gothica* adoriatur castra, fore existimans id, quod evenit, ut *Gothi* tum pacis nuper confectæ fiducia, tum solennis diei reverentia negligentius custodias agerent. Ipse *Romanam* proficiscitur. *Judeus* ut erat imperatum prima sacrosanctæ diei luce *Gothorum* castra invadit. Oritur in castris tumultus, improvisa re percussus *Alaricus* ignarus quid rei sit, primum cunctatur quid agat. Posteaquam hostem adesse armatum cognoscit, elata voce deprecatur per Christi fidem, si humana non valeat, ut eo die prælio abstineat, crastina luce copias in aciem educturum. Enimvero *Judeus* eo magis insistere & urgere. Ad eas ingeminatas voces, tametsi primo aggrediendi ardore acriter a *Romanorum* res gereretur, defixit tamen admiratio *Romanorum* animos, cum viderent neminem hostium armatum progredi, sed vulnera potius mortemque pati, quam arma capere, id unum agere, ut vocibus & elevatis in cælum manibus divinam opem obtestantibus auxilium ex alto poscerent. Cæterum instigante *Judeo* & pugnam magis atque magis accendente, motus in vindictam Deus. Nanque *Alaricus* postea quam impiam videt hostis pertinaciam conversus ad suos, perfolvimus inquit commilitones domino Jesu Christo quem debuimus honorem, ipse nobiscum poenas de scelerato hoste repetat, qui nisi vestro sanguine satiari non potest. Agite signiferi inferte signa, negligite castra, non ad tuenda valla nati estis, virtutem patriam in acie sagittis gladiisque declarete. Ipse primus cum globo militum vix satis armatus in hostem fertur. Tanta continuo animorum conversio facta, ut *Gothi* velut in rabiem versi ex omnibus castrorum portis erumperent. *Romani* ut diximus prius pietatem barbaræ gentis admirati, ut primum adversa in se signa ferri conspiciunt, suspenduntur animo, tum religione, tum metu, eos *Judeus* hortari ad pugnam conatur, & in aciem cogere. Cæterum vix signa discerni hostium signis immixta, confusus præterea tubarum sonus strepitusque & discurrentium voces, quid consilii in eo tumultu caperent incertos efficiebant. Tamen ubi de vita & sanguine agi *Romani* conspexerunt, redintegrare aciem sæpius conati sunt, & ut sagittas vitarent, quarum nullus irritus cadebat ictus, procursu in hostem facto, gladiis cominus rem gerunt. Sed quis adversus invitum Deum & pro *Gothis* tunc agentem, efficax sit conatus? Non sustinere *Romani* diutius. Cæterum dissipatis ordinibus effusa late fuga palantes, & in una pedum pernecitate salutis spem ponentes, ut quemque fors tulit proxima loca petiere. Hostis rabidus eos insequutus finem insectandi atque cædendi, lassitudine corporum fecit. Castra



stra a *Gothis* capta direptaque: profligatus per hunc modum *Romanus* infelicissima omnium pugna, quas octingentis ab annis fecissent. *Alaricus* igitur aliquot absumptis diebus, tum recipiendis, tum subigendis urbibus interjectis, superato *Apennino* *Romam* ducit, nullis obviam factis. Tandem urbs *Roma* gentium domina Christianæ fidei domicilium omni ope destituta captiva, *Visigottho* Regi, eidemque *Arrbiano* cervicem summittit. Direpta vastataque, intactis tamen a Barbaro sacris Apostolorum *Ædibus* atque vasis, anno domini cccc. xii. iterum post *Breni Galli* captivitatem. At si invicem comparentur *Breni* & *Alarici* victoriæ, superavit profecto *Gothibus* gloria *Gallum*. Ille modicam ad huc urbem cepit. Hic gentium omnium reginam. Ille arce frustratus atque inde repulsus. Hic tota potitus urbe spoliata reliquit. *Sthilico* deinde cum *Eucherio* filio *Honorii* iussu ab immissis est interfectus. Excedens *Roma* *Alaricus* morbo correptus interiit apud *Cosentiam* anno vix dum circumacto. Quid deinde malorum seditionum tyrannorum, quantum cladum sit acceptum ad hæc usque tempora de quibus scribimus enumerare difficile sit, nedum enarrare. Ut *Galliis*, *Hispaniis*, *Germaniis* aliquis quotidie novus Imperator exurgeret: ut quicumque majores ordines duceret, id sibi nominis arrogaret. Omittere cætera consilium est, ut tandem ad *Athilam* veniamus *Hunnorum* regem, quem xxx. aut circiter annis post *Alaricum* non minoribus aut viribus, aut animis utriusque imperii excindendi cupido incessit. *Hunnos* a *Scythiis* oriundos omnes scriptores tradunt, feram gentem & immanem humani sanguinis præter cæteras sitientem, proprii vero nimium quam prodigam. Quæque in præliis committendis nullum pene faceret discrimen inter victoriam & mortem. A *Riphaeis* montibus egressi irruptionem fecere ad inferiores *Romani* Imperii provincias circiter annum domini ccc. Pars superata *Mæotide* orientem & *Asiam* excurrere. De quibus Beatissimus *Hieronymus* apud *Bethleem* agens tempora illa miseratus, ad oceanum scribit. Alia pars septentrionem versus iter convertit. *Gothos* bello invadere, qui multos ante annos *Pannonias* ultra citraque *Danubium* incoluerant. Devictosque tandem & multis defatigatos præliis vectigales fecere. In *Germaniam* deinde *Mandulco* & *Subtaro* fratre Regibus transtulere arma. At vero defuncto *Mandulco* *Bleda* & *Athila* patre *Subtarus* *Mandulci* frater bellum *Burgundionibus* intulit, multisque præliis defatigatos adeo afflixit, ut desperata alioquin salute novum consilium caperent. Conversi nanque (ut sæpe fit adversis in rebus) ad divinum auxilium Christianum baptismum receperunt. Votis conversis, conversa victoria est. Nanque iterum *Hunni* *Burgundionibus* congressi, maxima accepta clade & *Subtaro* Rege interfecto in pristinas sedes retrocesserunt. Sunt qui *Burgundiones* *Scythicam* quoque gentem, sunt qui *Germanicam* scribunt fuisse. Illud satis constat *Valentiniani* temporibus *Rhenum* transisse sedesque inter *Rhenum* *Rhodanum*que cepisse. Sic appellati quia vicatim habitarent & quasi sub tentoriis, *Burgos* enim hujusmodi habitationes *Galli* appellant, eas sedes ad hunc usque diem semper incolere. Placuit multis, in quibus est *Celius Hunnos* fuisse, qui & *Avares*, postea vero ex utroque nomine *Hungaros* appellatos. Quid autem de *Hungaris* acceperimus, dicemus paulo post. *Athila* Regis gesta a pluribus memoriæ mandata sunt, diverso tamen bellorum ordine, dum alius aliud prius ab eo gestum narrat. Cætera quidem omitemus, attingemus breviter ea,

A quæ ad rem *Venetam* maxime pertinere existimabimus. Is igitur *Athila* natu major apud *Subtaram*, patrum & *Mandulcum* patrem militaribus studiis innutritus, defunctis illis, per totum pene septentrionem arma circumtulit, non tam dominandi cupidus quam vincendi. Eam demum magnam gloriam existimans, si illius vim & enssem, quem quasi martis spoliū semper in bellis gestabat, nemo mortalium sustineret. Nam & *Sarmatiam* omnem & finitimos quoque populos bello perdomuit. Ducens deinde adversus orientalis imperii provincias, congressus *Macrino* Imperatorio duce apud *Martianopolim*, atque eo superato transiisse *Danubio* populabundus *Pannonias*, *Illyrios*, *Messiam*, *Thraciam* usque vastavit, ipsam petiturus *Constantinopolim*, nisi a *Theodosii II.* ducibus undique accitis repressus & (ut nonnulli volunt) ingenti accepta clade profligatus in patrias revertisset sedes. Ea clade nihil territus, *Bleda* fratre ingenio mitiori, qui bellum cum *Romanis* dissuaderet, immissis percussoribus interfecto, invadere occidentale imperium adortus est. Itaque adjunctis quatuor barbararum nationum regibus, *Erulorum*, *Alanorum*, *Gepidarum*, *Turcilingorum*, quarum copiarum numerum ad quingenta millia extitisse ferunt, in *Gallias* transgressus est. Dimicavit de summa rerum apud *Tholosam* cum *Etio Romano* duce, qui maxima ipse quoque auxilia contraxerat *Gothorum*, *Alanorum*, *Francorum*, *Burgundionum*. Commissum prælium est in *Cathalau-nicis* campis maxima mortalium strage. Siquidem centum & octoginta millia in eo prælio cecidisse omnes tradunt. Superior fuit *Romanus*. Majore igitur accepto detrimento *Athila* quam illato relictis *Galliis* copias transiisse *Rheno* in *Pannonias* reduxit, irritata potius quam remissa bellandi cupiditate. Unus *Etius* anxium *Athila* tenebat animum, fecerat illius virtutis & disciplinæ periculum, mora una erat quominus bellum renovaret. Tandem *Romæ* Imperatoris *Valentiniani*, iussu malo sui imperii ob affectatæ tyrannidis suspicionem, *Etius* occiditur. Eo accepto nuntio lætus *Athila* & quasi compedibus liberatus, nudatum ducibus Imperium cum videret & præterea defutura *Romanis* auxilia multarum gentium, quæ *Romana* signa in *Cathalau-nicis* campis *Etii* diligentia sequutæ fuerant, maturandum ratus, instituit quam primum in *Italiam* ducere. Evocatis igitur ad colloquium *Barbaris* regibus principibusque quos ante in bellis duxerat apud *Budam* conventum habuit: atque ad eos hujusmodi orationem habuisse ferunt. Et si non dubito viri fortissimi eandem vobis nunc mentem esse, quæ in aliis aggrediendis gentibus posteaquam militaria opera edere mecum cepistis semper fuit. De communi tamen tam gloria quam commodo communi quoque consilio deliberandum arbitror. Ex eo tempore quo pater patruisque meus, vita functi: multa aliis cum gentibus nationibusque gessimus bella. *Sarmatiam* *Germaniam*que fere totam victores pervagati. Quæcunque tulit animus omnia subegimus. Cæterum ut verum fatear, non mihi tunc illis in victoriis animus conquiescebat, indigna enim virtute vestra videbantur. Illa me rapiebat cupido. Hoc semper exarsi *Romam* ipsam petere, cumque omnibus *Romani* Imperii viribus decertare, nonne vos idem quoque haud sane minus quam ego exoptare videbamini? Quotiens enim voces exaudiui *Romam* conclamantium? Tempus a me semper expectatum, ut expediti aliarum gentium bellis? omnes nervos animosque in hoc unum intenderemus. Nam, ut agricolæ solent, prius quicquid male herbidum impedit, eradicandum curamus, ut felicius respondeat messis. In *Constantinopolim* eadem



eadem mente duximus, Messiam, Macedoniam, Thraciam depopulati, Urbes inter medias aut recepimus, aut desolavimus. Rhenum deinde victores trajecimus. Quem ad finem tot labores suscepti? Nempe ut iis praesidiis Romani jampridem destinati vobis hostes nudati spoliarentur. Ceterum quod tamdiu cupivistis in manibus vestris est. Libet amplius non morari. Nulla major unquam facultas data bene gerendae rei, destitutum est imperium & ducibus & exercitibus. Nam praeter ceteros quos varii abstulerunt casus, Etius qui adversum nos apud Tholosam est congressus dux sane belli & prudens & fortis una illius imperii spes, a Valentiniano his diebus est interfectus, reliqui sine virtute, sine nomine, ipsum Imperatorem post Etii mortem, qui inde veniunt, narrant veluti recordem factum. Auxilia autem ab aliis gentibus, quenam Romano alia futura sunt? Bene agatur cum Martiano, si parvis quas habet copiis Asiam atque Africam tuebitur. Franci scilicet ac Burgundiones in Italiam sunt transitori, quis credat? Rem illi suam in Campis Cathalaunicis egerunt, nunc agitur aliena. Dubitamus ne igitur tot incommodis oppressum hostem invadere? Memini puerum saepius audivisse ante annos. xxx. Alaricum gente Gothum Romam cepisse, captam diripuisse. An ille majoribus validioribusque quam nos copiis Italiam est ingressus? Neque vero Romanis dux est nunc ullus fortior & disciplina instructior militari, quam Stilico Vandalus fuit. Quoniam autem viribus & armis gerenda res est, hostem si hosti compares, peniteat ne vos viri fortissimi huiusmodi corporum & animorum? Ad subigendum orbem nati nedom Italiam? Pudet dicere cum quo hoste conferendae sint manus. Vestrum sane singulos vix illorum deni sustineant. Quid enim? An equos equis? Pila sagittis, Ensis gladios, pedestrem denique illorum aciem cum Equestri vestra conferam? Et gloriantur adhuc victoriam penes se in Galliis stetisse, Hunnos inde expulisse, quasi virtus illorum in causa fuerit & non sociorum Germanorum, qui nunc illis nulli futuri sunt. Nostra nunc omnes sequentur signa. Sed fuerit ut illi jactant, patiemurne fortissimi viri inultam diutius Cathalaunicam maculam? Et qui martis animum, non minus quam gladium gestamus, mundi quoque totius persequi injurias profitemur. Bellorum gloriam superbis quidem solo nomine hostibus, sed ignavis alioquin & inertibus hominibus relinuemus? Diu nimium imperium apud illos fuit, incipiat penes fortes viros esse. Universi orbis gazam, omne aurum & argentum sacra omnia & prophana omnibus direptis provinciis, gentibus, nationibus domum suam averterunt. Nos ultores totius orbis, totius quoque orbis damna non repetemus? Eam nobis gloriam saepius Dii nostri multos per vates praedixerunt. Nec minus siderum sortiumque gnari, hoc tempus illud esse vaticinantur. Spondeo paucis mensibus, ne dicam diebus: si modo idem vobis animus est, signa nostra superbissima urbis medio desixurum. Nec in tantae victoriae premium ipse sibi dux vester quippiam nisi gloriam querit. Cetera omnia quae Dii vobis parata offerunt ad uxores liberosque vestros domum onustis jumentis deportate. Respondere omnes non tam verbis quam clamoribus, ut Consilium perageret & Romam repetitis saepius vocibus inclamare. Admonitos igitur ut incertam parati instructique adessent diem domum remittit. Fama conventus hujus magnam Germaniae partem pervagata, innumerabilem concivit multitudinem praedae cupiditate. Succinctus igitur multorum regum socialibus copiis Rugorum, Ostrogottorum, Erulorum, Turcilingorum Guadorumque anno domini L. supra cccc. iter arripuit, omnem pene aquilonem secum trahens, plenus irarum & vindictam Gallicae stragis adhuc spirans. Ad cujus motus rumores, facile omnes

A Italiae populi contremuere, quum viderent Imperium sine ducibus sine copiis. Valentinianus liquidem Imperator neque consilii, neque animi satis compos sese Ravennam receperat, quam validis firmaverat munitionibus. Dimissa ut nonnulli volunt in Histriam Noricumque copiarum parte, quae hostem ab Italiae faucibus arceret. Venetiae civitates consternatae & ipsae metu, eventum potius expectare, quam ut fruere inanis spei remedia. Ingressus iter Athila quacunque it, rapit secum omnes in praedae spem. Nonnulli tradunt vastatis prius provinciis inter Danubium Adriaticumque interjectis in Dalmatiam descendisse, maritimasque urbes Spaletum, Tragurium, Sebenicum, Iadderam, Signam, Polam, Tergestum vi captas diripuisse. Alii vero quibus magis accedo fustulisse omnes moras & recta contendisse. Iter enim a Buda urbe usque Goritiam & planum est & apertum. Tametsi scriptum quidam reliquerint Maximum Tyrannum occiso in Galliis Gratiano, haec alpium claustra septuaginta aut circiter annos ante Athile adventum firmissimis obsepsisse munimentis, ut excluderet Italia Theodosium ex oriente in Italiam properantem. Ceterum Theodosium simulasse mari trajecturum, ea credita re Tyrannum saltibus illis munimentisque desertis, navibus imposuisse quicquid illi roboris adesset, Theodosium assequutum, quod sperabat ex diverso terrestri agmine, munimenta Alpium praesidiis nudata disjecisse, hostem apud Aquilejam interfecisse. Hanc ego rem multorum scriptis confirmatam haud equidem omnino refellere ausim. Praesertim cum memoriae quoque sit traditum Theodoricum & Narsetem & Haisulphum & Desiderium Longobardos munire pluribus in locis Alpium saltus conatos. Nihil tamen profecisse, qui Alpini saltus semper patuerint majoribus irrupentibus hostium viribus. Ceterum quid hisce de locis claustrisque oculis acceperimus, non videtur praetermittendum. Nam cum imminente Turcorum adventu in eam provinciam legati profecti essemus ad eos praecipue saltus an obstrui possent diligentius contemplandos, regionem omnem speculati, ita reperiebamus. A Buda ex Pannoniis ad Italiam vadenti plura esse itinera. Commodissimum omnium inter Noricum & Liburnos, ut a Buda Sagabriam urbem Pannonicam tendas, planissimum iter omne est & apertum passus circiter cc. inter Sagabriam vero & Lubianam olim Liburniam Alpes mirum in modum submittuntur, humillimumque & minime asperum jugum praestant non equis tantum, sed carris etiam onustis. Eo in iugo divortium est aquarum, neque ultra quam duobus tribusve passuum millibus extenditur. Descensus est deinde collibus ubique mollioribus in planitiem admodum aequam & apertam. Inde Sagabriam versus defluit Lubiana ejusdem nominis flumen, & in Savum cadit. Hinc vero Vipagus amnis in diversum defluens, vallem Goritiae irrigat, & in Sontium amnem haud procul a mari exoneratur. Haec omnis planities alibi latior est, alibi contractior, nusquam tamen patet minus quinque passuum millibus, ut etiam maxima armatorum multitudo non tantum confusis ordinibus, sed in acies quoque campestris distributa possit incedere. Omne igitur iter a Buda usque Goritiam ccc. aut circiter passuum millia. Hoc iter & brevissimum est, & commodissimum. Cetera omnia impeditissima, neque magnis exercitibus pervia. Non itaque dubitem; ut superius diximus, Athilam primam tenuisse viam, nisi forte partem aliquam equitatus ad excursiones Dalmaticas transmissit, ut eam omnem oram diriperent, ac vastarent.



Libet hic si liceat de natura rerum opifice queri, quæ cum *Italiam* altissimis Alpium munimentis circumdatam ab cæteris gentibus defendat, has pene solas *Venetie* fauces reliquit planiores apertioresque, quam ut eas maximi impeditissimique exercitus non possint superare. Hinc *Cimbri*, *Gothi*, *Hunni*, *Eruli*, *Vandali*, *Galli*, *Avars*, *Longobardi*, *Hungari*, *Sclavi*, hinc novissime *Turci* jam quinquies *Italiam* ingressi, minante nescio quid maximo atque optimo moderatore rerum omnium humanarum Deo, quem interdum pie vereri & possumus & debemus, Fauces istas ad flagellandam pro meritis *Italiam* pervias & apertas permisisse. Quanquam eandem quoque superandi Alpes commoditatem reciproca quadam facultate non minus ad *Italos* pertinuisse videri

A possit. Quodcumque pro arbitrio his videretur barbaras impetere nationes, ut *Romanis* quondam videmus extitisse, qui non aliunde quam per Alpium tramites in *Pannonias* *Messiam* *Germaniam* *Galias* denique & *Hispanias* ingentes exercitus ductavere. Itaque quod ad imperium attinet tam Barbaris quam *Italici* omnis in viribus ac disciplina militari res semper fuit: semperque erit. At vero id nobis acerbum dolendumque propterea videtur quod *Italici* vires deficientibus incolis mirum in modum sunt exhaustæ. Virtusque militaris vix quicquam retinet exempli veteris spiritusque, translata videntur omnia ad Barbaras nationes, seu desidia nostrorum temporum, seu morum malignitate.

## LIBER TERTIUS.

**C**um mecum ipse inter scribendum tantarum conversiones rerum animo reputo, illud consideratione haud indignum occurrit quam bene digesta commensurataque sapientia, summus mortalium rerumque omnium arbiter, & gubernator Deus longe breviorum dedisset homini vivendi cursum, quam multis animantium generibus, præcipue cum supra cætera quasi regem & dominatorem constituisset. Nam si eos metimur humanæ vitæ annos, posteaquam videlicet homo pollere incipit ratione, unde & rationalis nomen accepit, usque quo, accedentibus corporis, & ingenii viribus; obire hujus vitæ munera non magis potest, quam necesse est. Sane quicquid inter hæc medium est, non tantum exiguum, sed pusillum etiam videatur. Cur autem usque adeo parca avaraque, quod multi queruntur, mensura erga hominem sit usus, alii aliud sensere. At vero mihi etiam mollius habendum videtur: nedum non querendum, aut deplorandum, quin maxima potius videtur usus indulgentia. Nam si in hoc brevi spatio tanta rapi insania plerosque mortalium videmus, ut nihil apud eos compositum pacatumque sit, nihil pensi habeant aggrediendis in rebus: dum libidini suæ pareant omnia perturbationibus misceant, diffidiis, bellis, ruinis, omnibusque calamitatum generibus. Quid tandem futurum fuisse existimandum, si longius illi vitæ spatium, ut Cervo, ut Elephanto longinquas quoque spes natura tribuisset? Porro brevitatis hæc adimit, aut certe mitigat plerisque cupiditatem & ardorem, multas novandi res, multas turbandi. Cum imminere jam sibi tam cupiditatum quam earum fructuum finem conspiciunt, ut ille sint interdum quasi ante flavam segetem præcidendæ. At vero si longiora in spatia mittere, spes liceret, cuinam dubium est tentaturos fuisse homines, ut per ea, quæ producturi essent sæcula feliciorum rebusque omnibus opulentiorum agerent vitam? Quis etenim servire semper vellet, quis non regnare etiam? Quis semper in paupertate degere, quis non per scelus etiam & sanguinem alienum aurum, & opes appetere? Bene igitur cum homine actum est. Summa namque dei sapientia quod in homine servile erat, fluxum caducumque fecit. Quod vero regale, divinitatis partem aliquam communicavit, immortalemque dedit. Neque enim satis fortis per se efficaxque erat ratio, ut hominem a nefandis cupiditatibus abstraheret, nisi brevitatem vitæ, quasi frenum addidisset. Neque inficior esse nonnullos, qui bonitate naturæ constantique & minime

C vana mentis ratione per sese mittere sub pedibus perturbationes quascunque intemperantes & turbulentas possint, virtutemque ipsam expeditis animis sequi. Cæterum cum his indulgentius se habet divina sapientia quibus pro virtute meritisque, mercede non dilata, in cælestem quam primum, & nunquam defuturam recipit beatitudinem. Et præterea immensa illa summi dei bonitas non ad paucorum tantum utilitatem fructumque respicit, quam ad universi totius cui moderatur utilitatem & decorem, ut ejus pulchritudo cunctis ex partibus pariter eluceat. Quibuscunque igitur contigerit hæc meditari non parvo illis solatio inter ærumnas hujus vitæ, quas effugere non possumus, Lectionem istam futuram speramus. Ita sursum deorsumque per hos annos omnia divina & humana versata sunt. Prosequemur igitur de adventu *Athila* regis in *Italiam* quid acceperimus, quæque ab eo multis horum stagnorum urbibus initia sunt data. *Athila* Alpestri jugo superato continuato itinere ad *Sontium* amnem pervenit, dividit hic amnis ab Alpibus cadens *Carfos* montes olim *Lapidiam* vocatos ab reliqua *Venetia*, inque eo loco maxime in angustum coit quicquid est inter Alpes & mare. Neque enim ibi latitudo patet plus quinque & viginti millibus passuum. Hi vero qui nunc vocantur *Carfii* montibus haud multum arduis, sed lapidosis admodum asperantur, circumflectuntque *Tergerstinum* sinum ad *Histriam* pertinentes. Alterum *Sontii* caput *Veruca* oppidum obtinet distans a Mari duobus millibus passuum a *Theodorico Gotthorum* Rege olim conditum, nunc *Monfalconus* appellatum. Alterum caput juxta radices Alpium tenet oppidum *Goritia* nomine colle editiori. Illa fortasse *Noreja* cujus *Strabo* meminit, si amnis, quod ille vult, commode naves ad urbem usque perducatur. *Sontius* vaduosus est multis in locis & majori anni parte. Statim autem ut adventare *Hunni* tanta cum multitudine est nunciatus: tametsi quicquid *Romani* atque *Itali* roboris ad arcendum hostem potuit *Valentinianus* ad eas fauces transmisit, tamen impares viribus quum aperto campo congregi non auderent, ad proximas civitates dilabuntur. *Aquilejam* maxime, quæ tum potens in primis Civitas, & objecta magis periculo, multis præterea mortalium generibus habitata. Quoniam autem subibat metus, ne Barbarus ad ejus urbis aut oppugnationem aut obsidionem omnes vires intenderet, placuit *Aquilejensibus* in omnis fortunæ casum (haud sane quod intelligerent quantam rem molirentur, sed monitu potius divino, quam rationis humanæ consilio) Castellum propinquum in maris littore *Gradum* nomine, validius mu-



munire. Contulere illuc sacram pretiosamque supellectilem & reliquias sanctorum. Tum igitur secunda post *Rivaltum* eo loci *Venetiarum* fundamenta sunt jacta. Appellatum autem *Gradum* nostri ferunt ab aquis quas tunc gradatas indigenae appellabant. Quoniam autem *Aquilejam* omnes externi scriptores tradunt primam *Venetiarum* quasi parentem, & ipsa deinde *Gradus* creata *Venetiarum* Metropolis, atque ibi Patriarchalis sedes constituta. Non erit ab re *Aquilejae* urbis situm paucis docere: tum a quibus condita, aucta deinde: postremo quo pacto fuerit everfa. Tenuit *Aquileja* ut supradiximus caput paludium ad orientem. Distabat a mari, ut *Straboni* placet, passibus decem millibus, ut *Plinio* duodecim. Medioque inter Alpes & mare spatio veluti campestre propugnaculum infidebat campis illis imperitans, ut hac illacve transire conantem hostem procul arceret. Brevior nunc a mari tractus, neque excedit passus quinque millia urbis ambitus incertus. Maenia tamen feruntur extitisse altitudine & crassitudine firmissima, *Natissionem* amnem praeterfluxisse omnes scribunt. Nunc ad *Aquilejam* usque non pervenit, sed supra aliquanto *Torum* amnem secum rapit, & ambo in *Sontium* cadunt. Fluvius per *Aquilejam* nunc labitur in alveo scaturiens, *Natisso* appellatus, qui profecto fluvius ille esse non potuit, quem *Strabo* scribit *Norejam* usque naves subvexisse. *Sontii* sane nomen recentius est, neque apud antiquos notum, *Natissionem* *Blondo* placet illum fuisse. Et tamen eundem *Natissionem* scribit defluere apud *Austriæ* civitatem. Id quo pacto fieri possit distante *Sontio* ab ea civitate multis passuum millibus, non satis intelligo. Ejus rei judicium indigenis locorumque gnaris relinquamus. Neque hæc quæ nunc visitur *Aquileja* ea est quæ olim fuit, sed illius antiquæ nobilitas & opulentia magna memoratur. Coloniam ibi deductam a *Romanis* *Titus Livius* auctor est libro septimo supra vigesimum, *Histris* vicinisque populis acerrime adversantibus ne deduceretur, tum *Aquilejensium* misericordia, quibus imponi perpetua servitus videbatur, tum metu ne idem sibi accideret, quod finitimis videbant. Ob eam maxime causam deductam dicit *Strabo*, ut incumbentes *Italiae* Barbari hoc quasi munimento procul arcerentur. Locus enim commodissimus vel repellendo, vel inferendo *Transalpinis* nationibus bello. Maxime autem accrevit obversantibus ibi *Romanis* legionibus. Magni siquidem exercitus & imperia quum cætera alia, tum magna etiam negotia secum trahunt. Res ibi ingentes exercebantur propter egregium urbis situm *Europam* *Asiae* conjungentem. *Athile* tamen regis factum cæteris aliis argumentis præstantius est, qui dignam duxerit, ad cujus expugnationem, ut *Paulo Diacono* placet tris aestates, ut omnes consentiunt, plurimum & laboris & temporis absumeret. *Aquilejensium* autem perpetuam constantemque in Imperio Romano fidem *Julius Capitolinus* in utriusque *Maximini* vita quum ab iis obsiderentur, scribit. Tanta fide *Aquilejenses* contra *Maximinos* pro senatu fuisse, ut *Funes arcubus ex capillis mulierum facerent, quum deficerent nervi ad sagittas emittendas*. Dum igitur & *Aquileja* & aliæ *Venetiae* civitates ad adventantis hostis vel oppugnationem vel obsidionem parant sese, *Athila* jam *Goritiæ* campos tenebat. *Sontio* transmissio, dimittit ad proximas urbes caduceatorem, non se venisse, ut iis bellum injuriamve inferat. Unam *Romam* se petere, unum imperium pro hoste habere, paratum venisse pacem dare, si obsequi velint, armis cogere, si nolint. Quum responsa a plerisque redderentur haud satis ex illius sen-

tentia scriptum reliquit *Celius*: duas ex nobilioribus Civitates deditionem fecisse, *Taurisum* & *Veronam* hanc ab *Helvidio* antistite, & a *Tempesta* Civitatis principe, illam a *Diacherico* traditam. Fortiter ab *Aquilejensibus* responsum: Ejus autem urbis vel oppugnationem vel obsidionem, quamvis diuturnam & perdifficilem fore *Athila* intelligebat, a tergo tamen relinqui non placebat. Neque inde, nisi expugnata discedere, tum ob ingentis spem prædæ, tum ne hujus exemplo aliæ Civitates obstinatoribus animis defensionem pararent. Dimittit partem copiarum ad oppida circunquaque, aut recipienda, aut opprimenda. Ad terrorem autem jubet excursiones maximas fieri, sædari late omnia ferro ignique, ipse copias ad urbem ducit. Aliæ vero ejus oræ Civitates *Concordia*, *Altinum*, *Opitergium*, *Patavium*, & quicquid est oppidorum inter has civitates, & Alpes, posteaquam fugientium ex agris agmina metu exanimata trepidatione omnia compleverunt, ipsosque ex editioribus urbium turribus viderunt ignes, tum vero velut urbes ipsæ cum agris conflagrarent (veris etiam majora, ut fit, afferebant, amissam *Aquilejam* hostem adventare) agitare cæperunt nova quique consilia & ad fugam omnia. Alii per mare in alienas terras, alii *Transalpes*, quum *Italiae* non satis fiderent. Hic vero multi mortales *Aquilejensium* exemplo, qui charissima quæque apud *Gradum* ante deposuerant, animum & ipsi convertere ad littora, atque insulas urbibus objectas. Ibi tantisper futuri cum uxoribus & liberis, quoad nimbus hic atque tempestas imminens solveretur. Accinguntur omnes operi, complentur littora, Insulaeque omnes, loca legunt aut fortiuntur, casas construunt, tectaue moliantur tum majora, tum minora; faber jam sibi quisque, tum naves contrahunt omnis generis, minores, quibus ab urbibus ad littora trajiciant, majores, ut si eos ad littora persequatur hostis, tum sese in altum proripiant & alienas terras petant, ut cujusque tulerit fortuna. Interea vero consumptis omnibus circa regionibus, quum nihil jam amplius, quod raperet barbarus haberet, ut ad famem periculosum in bellis malum videretur spectare res, relinquere vero obsidionem haud placeret, consilium capit relinquendi copiarum partem ad *Aquilejam*, cum reliquis autem urbes alias aggrediendi, quarum expugnationem minoris operis sperabat fore. Primo igitur *Concordiam* ducit. Distabat hæc Civitas ab *Aquileja* xx. passuum millibus. Nihil accidit oppidanis inopinatum, complures enim dies hostem expectaverant. Hic vero scribunt nonnulli decem & septem millia amisisse, in prælio vero, an in urbis expugnatione non dicunt. In eo concordant omnes vel integra civitate, vel ab *Athila* jam oppressa, multos ex hac quoque mortales ad mare dilapsos, littus quod erat e regione civitatis tenuisse, vicumque *Caprulas* appellatum, quod deinde nomen oppido mansit. Licet nonnulli tradant *Petroniam* postea dictam. Vicit tamen antiquitas, & priscum nomen retentum. Ingressus *Concordiam* Barbarus ferro ignique tectis immisso, omnem urbem funditus evertit. Conspiciuntur nunc ejus vestigia, tum parva, tum rara. *Opitergii* eadem fuit fortuna. Et ipsi viribus diffusi, adversam littoris partem infedere. Sævitur quoque in id oppidum, & in urbem *Cenetam* paulum ab eo distantem. *Equilum* ædificatum ex *Opitergii* ruinis civitas & ipsa littora. Tum ad *Altinum* ducit nobilem civitatem prius *Antenoridem* vocitatum. Licet *Servius* grammaticus *Patavinos* dicat primis temporibus eo nomine usos. Erat *Altinum*, ut ex *Strabone* videre licet: ad speciem *Ravennæ*



tota fere inter paludes. Sed ea de qua loquimur tempestate redacta magna ex parte in continen-tem. Ibi oppidanos repperit fossis & aggeribus intercisis, paludes circunquaque admixtas accepisse, & reddidisse pene inaccessibilem. Sed cum viderent omnem hostium multitudinem accingi ad implendas & cratibus ligneis explandas: versas autem in cinerem duas propinquas civitates, similem & ipsi cladem veriti: eodem sancto spiritu animis illabante, sex insulas propinquas, urbi objectas tenere. Ita eas partiti, aut quia sex essent urbi portæ: ut fama fert, aut quia in sex erat partes civitas divisa, ut quæque aut sorte aut ex composito unam ex iis caperet. Insularum nomina hæc sunt: *Torcellum*, *Majurbium*, *Amianum*, *Boreanum*, *Constantiacum*, & *Amorianum*. Duæ ab aquis submersæ *Constantiacum* & *Amianum*. Nam præter quædam monasteria conservata studio & diligentia, aliud ex his insulis apparet nihil. Cæteræ quatuor adhuc supersunt, & facile declarant templorum magnitudine & numero *Altini* urbis, unde sunt ortæ, nobilitatem. *Patavini* interea quum crebris nunciis frustra petiissent ab Imperatore auxilium & fumantes vicinas viderent urbes, non amplius cunctandum rati, terra marive salutem quærere instituunt. Quantis opibus tum esset *Patavium* non habeo comperit, nisi quod magis video celebratas ea tempestate *Aquilejæ* & *Ravennæ* laudes, quam *Patavii*. Certe *Augusto* imperante, qua ætate scripsit *Strabo*, ita amplæ magnificæque ab eo traditæ fuerunt, ut mihi videantur ejus verba non omittenda. *Patavium est cunctas ejus regionis urbes excellens. Nuper in ea censi sunt quingenti equestris ordinis viri. Antiquis autem annis centum viginti militum millia armasse constat. Quam vero civitas ipsa & virorum probitate, & artium bonitate floruerit, Magnitudo cum aliarum rerum Romanam misrarum, tum vero Pannorum & vestimentorum omnifariam mercatura declarat. A mari sursum habet navigationem fluvio per paludes delato, ducentis & quinquaginta a Meduaco portu stadiis. Portus autem ipse eodem quo fluvius nomine vocatur Meduacus.* Hæc *Strabo*. Cujus autem generis, aut gentis fuerint quingenti equites, quos *Strabo* scribit, declarat *Plinius* & *Quintus Asconius*, qui *Patavium Romanorum* coloniam fuisse dicunt. Non eo deductam more, quo cæteræ urbes solebant, sed datum esse *Patavinis* jus ipsum *Latii*, ut in designandis *Romæ* magistratibus, ferendi suffragii jus haberent. Quoniam vero nullis magis temporibus Aquilonares nationes, aut repellendo, aut laceffendo *Romanam* virtutem exercuerunt, quam post *Augusti* tempora. Ob eam causam *Ravenna* post *Augustum* crevit maxime. Et item *Aquileja*. Illa propter maris superi oportunitatem conjunctam cum vicinitate urbis *Romæ*. Hæc quia claustra *Italiæ*, quasi in manibus teneret. *Patavium* vero & a *Roma* & ab Alpibus, & a mari magis recedens, sicut illæ crevere, ita ipsum ex eo quod fuerat opibus imminutum, haud mirum: Inde neglectam magis ab Imperatore *Patavium* opinor, quam *Aquilejam*. *Patavini* vero multi, qui antea didicissent ex *Rivaltio* insula, *Methamaucoque* littoreo, quæ apud objecta esset stagna æris salubritas, temperies, commoditasque. Qui navigandi fructus, quove pacto omnia necessaria facile mari ex longinquo adveherentur: tum etiam vicinarum urbium exemplo ducti: eo confugere constituunt. Qui omnino etiam plerique non desperabant fore, ut post effusam hanc fortunæ tempestatisque sævitiam ad patriam reverti possent. Jamque *Athila* ad portas urbis aderat. Hic vero non invenio

A apud ullum scriptorem, quonammodo ea sit positus. Expugnatane, an derelicta, an vero tradita per deditionem. Sane in eo omnes concordant, direptam atque excissam, & magnam oppidanorum partem, quas prædiximus insulas, & littora tenuisse. Duas videlicet propinquas, *Rivaltum* & *Olivolum*, tum alia duo littorea *Methamaucum* & *Albiolam*: cur illas potissimum, postea planius dicemus. Simili terrore perculsa *Patavina* oppida *Adcussum*, quod nunc *Este*: *Monfalicis* & montium *Patavinorum* populi palantes, trepidantesque confugiunt. Hi *Philistinam*, quæ nunc *Pelestrina*, & *Clodiam*, quæ nunc *Clugia*, & *Brintillas*, & *Caput Aggeris* infederunt. *Vincentiæ* nobilis urbis, ut *Celio* placet, similis quoque fuit fortuna. Nec ipsi non etiam, quia propinqua erant stagna, ad condendas *Venetias*, fati magnum convenarum numerum contulerunt. Cæterum captis uno fere cursu, excissisque tot urbibus, haud visum barbaro abire longius ab alteris castris, quæ contra *Aquilejam* stabant. Reversus urget obsidionem multo quam antea diligentius. Placuit plerisque scriptoribus: *Aquilejam* primam fuisse urbem, quam everterit *Barbarus*. Deinde ad alias itum. Mihi probari nullo modo potest obsidio tam lenta. Nam si tris æstates *Athila* consumpsit apud *Aquilejam*: ut *Paulo Diacono* placet, si minoris fuit temporis obsidio, ut alii volunt: Et ego magis existimo, diuturnam tamen & durissimam fuisse obsidionem omnes consentiunt. Non igitur video quo pacto ea regio neque ampla admodum, nec segetum feracissima, pascere potuerit tantum hominum jumentorumque, ut consistere posset diutius in his locis. Maxime quum illi *Romanæ* classes mare clauderent. Adde, quod *Aquilejenses* cæteraque oppida ad rumorem adventantis hostis, corrupisse segetes omnes & pabula, aut in munitas urbes comportasse verisimile est. Nihil igitur prohibuit *Athilam* ad alias urbes ducere, & *Aquilejensem* obsidionem non relinquere. Quod ad utranque rem satis superque copiarum illi superesset. Dum circa eam urbem tempus terit, littorei populi, & insula res nihil ultra movere, quam ut expectarent eventum *Aquilejæ*. *Athilana* vero multitudo consumptis omnibus, quæ ex tot urbium præda diripuerat, ægrius quotidie ferre, circa unam urbem jam diutius teneri: & in exercitu feri prius capta inter milites secretiora colloquia. Queri deinde propalam spargereque voces, cibaria sibi jumentisque poscentium. Solere *Hunnos* ferro mori, & in acie pugnantes, non fame inediaque. Quidnam venissent in *Italiam* divitem illam & opimam, si circa unius urbis muros tabescendum erat? Crudeliora pati obsidentes, quam obsessos, tot urbes cœpisse, a fundamentis excidisse, cur non par fortuna sit speranda, si ad alias quoque *Italiæ* urbes ducantur. Proinde orare, ut aut reverti liceat in *Pannonias* ad uxores, & liberos, aut ultra producantur, pessimum esse fame mori. Has voces *Athila* cum audiret, metueretque, ne serperent latius, & improba aliqua seditio oriretur, plenus curarum, quid ageret, aut quo verteret sese. Forte *Aquilejæ* muris obequitans, erigit oculos ad turrim editiorem, prospicit inde *Ciconias* pullis inplumibus rostro apprehensis, littus proximum petere. Rex quem ferunt fuisse augurii studiosum ex eminenti loco, conversus ad suos, ut exaudiri posset. Videtis ne inquit, ut aves illæ præsciæ futuræ cladis assumptis pignoribus, urbem relinquunt? Sic isti quos obsidemus meditantur. Et effugient illi quidem, nisi eorum fugam averterimus. Sin parumper annitimur, urbs & omnis urbis gaza in mani-



manibus vestris est. Responsum ab omni multitudine paratos mori per ferrum potius quam per inediam. Ducat sub mœnia & quocumque libet. Paratos se cælum scandere, si oporteat. Operam, quam fortes viros decet, præstituros. Quis tum esset oppidanorum atque *Romani* præsidii status, quum urbem hoc postremo impetu superare est adortus, scriptum ab ullo non invenio, & quum omnes dicant *Athilam* fame compulsum ad oppugnationem venisse & ciconiarum discessum ad felix augurium vertisse. Tamen an eadem fames urgeret obsessos sicut innuere augurium videtur, & quo animo defensa sit urbs, & quo expugnata, incertum. Sicut etiam incertum, an muros hostis transcenderit, an vero tormentis aperuerit. Capta urbs opulentissima ab irato hoste, jussus miles per omnes sexum & ætatem pariter sævire. Sacra profanaque omnia direpta, nec a templis & urbis mœnibus temperatum, omnia ita eruta a fundamentis, ut ubinam fuerint, nullum fere antiqui operis vestigium conspiciatur. Cæsa ut juvenco *Celio* placet, septem supra triginta mortalium millia. Cæterum irumpentibus in urbem barbaris per illam discurrentium rapientium, efferentiumque confusionem, multi mortales sese ad mare fuga proripiunt, & quicquid possunt sacri profanique *Gradum* comportant. Aucta *Gradus* non turba solum populari, sed nobilium etiam numero virorum. Cæterum *Niceta* patriarcha, initione Barbaricæ excursionis, an vero posteaquam obsideri, aut oppugnari cœpta *Aquileja* incertum, *Gradum* & ipse profugit cum sacris omnibus cumque sanctorum reliquis. Ibique tantisper fuit, quoad *Athila* ex *Italia* discessu versa in serenum tempestas. Hanc urbis captivitatem, aliter nonnulli confingunt, scribunt etenim cæsum quem supradiximus in acie populi numerum. Reliquam deinde multitudinem ad justam obsidionem redactam, quum extrema atque horrenda fame conficeretur: fugam meditantem, statuas armatas in speciem muralium custodum, ut fallerent obsidentes, in mœnibus quibus visum est locis disposuisse. Noctu igitur populum omnem per mare evasisse, & in fugam se dedisse. Luce facta, quum avis quam falconem appellant, statuæ unius capite insedisset & obsidentes animadvertissent, miratos primum, fraude deinde patefacta, & quid rei esset conjectura assequutos, effractis portis urbis, offendisse populum fuga ex urbe dilapsam. Cæterum majoris lævitatæ confictio est, quam ut indigeat confutatione, ut videlicet tantæ civitatis multitudo in fugam utcunque voluit, vel interdiu, vel noctu sese proripuerint. Et ab obsidentium nemine non clamor, non tumultus, nullus denique strepitus, aut vox (rem sane incredibilem) discurrentium fugientiumque sit exaudita. Illud non omittendum quod ab omnibus scriptoribus ejusce cladis, magnis laudibus est celebratum. Dum capta urbe omni crudelitatis genere *Hunni* grassarentur, non a puerorum raptu, non a virginum violatione. Virginem pudicitiae timentem insequenti *Hunno*, tunc mihi inquit pudicitiam eripias? Quum fugiens in supremam ædium partem evolasset, *Hunno* nihilo segnius insequente, lachrymans illa & solutis criminibus vim deprecata, quum non impetraret, nihil tale *Hunno* metuente, age, inquit illa, insequere tu me nunc si potes, & rabidam istam tuam libidinem exfatia. Hæc inquiens ex altissima specula in subiectum *Natisse* amnem sese præcipitem dedit. Addunt nonnulli virgines alias, quasi communi consilio crudas carnes & foetentes inter mammillas collocavisse, ut eo foetore aversi *Hunni* ab his opprimendis abstinerent: licet *Andreas Lom-*

*bardas* scribat eas extitisse. Sive autem *Aquilejenses*, sive gentis alterius sua apud nos laude carere non volumus. Tenuit apud multos opinio, ne nullum *Athila* in tam longa obsidione monumentum relinqueret, speculam condidisse in camporum medio tumulto editiori ex subiecta terra congesto, quam *Utinum* appellavit. Quatuor ibi etiam effodisse puteos miræ altitudinis. Quamquam *Blondus* ea opera extructa esse putat ab *Austrasiis* ab anno trecentesimo citra: Id causæ afferens: quod de his operibus ante id tempus neque in *Gothorum*, neque in *Longobardorum* monumentis ulla sit tradita memoria. Quicquid fuerit operum magnitudo infinitam pene multitudinem ad ea perficienda convenisse testatur. Igitur *Athila* omni *Venetia* regione, aut eversa, aut recepta *Athesi* transmissa, subactis præterea, & versis civitatibus omnibus *Abduam* usque *Vincen-tia*, *Mantua*, *Brixia*, *Crémonea*, *Bergamo*, omnia igni ferroque demolitus est. Scripsere nonnulli ad *Ravennam* quoque *Athilam* declinasse, ductum urbis nobilitate. *Johannem* autem Archiepiscopum urbe dedita per prostratas fores Barbarum equo deduxisse. Temperasse *Athilam* suosque illius precibus omni genere crudelitatis, pari affectis calamitate *Transpadanis* populis, *Papia*, *Placentia*, *Parma*, *Mutina*, superato *Apennino* in *Etruriam* se confert: Inde *Romam* ducturus. Consultis aruspibus & monentibus, ut urbem eam caveret, exemplo *Alarici*, qui ea capta continuo extinctus est, in *Galliam* reflectit iter. Incertus tamen animi & ardens adhuc cupiditate videndæ *Romæ*, suspensis itineribus substitit aliquantisper. Obviam fit interea apud *Hostiliam Leo* pontifex plenus dierum cum altero ex Consulibus & magna Senatus parte. Posteaquam *Athila* in conspectu fuit, Pontifex & qui cum eo erant ex equis desilire. Propius deinde facto, Senatus, *Leo* inquit, populusque *Romanus* victor quondam orbis terrarum, nunc a te o *Athila* victus pacem oratum venit. Ad hanc tuam gloriam nihil addi poterat, nisi ut eum supplicem haberes, ad quem paulo ante universus orbis supplicatum concurrebat. Vicisti igitur orbem terrarum, qui victorem illius vicisti. Restat nil aliud, nisi ut qui tot gentes sub ditionem misisti, nunc ipse te parcendo vincas. Nam si deo assimilis esse vis, ut ferunt te cupere, qui jam omnes mortales es supergressus, cogita Deum non minus gloriosum esse parcendo, quam cædendo. Sensere flagellum tuum contumaces, sentiant nunc supplices clementiam & bonitatem, posteaquam imperata quæcumque jusseris sunt facturi. Ad hæc pontificis verba Barbarus defixo aspectu, & oculis intentis contemplatus Venerabilem Pontificis effigiem, canosque & madentes lachrymis oculos, tactus communis fortunæ misericordia est. Itaque substitit aliquantisper cunctabundus, & jam magis magisque mitescere animo incipiebat. Ut vero Consul & Senatus ad pedes illius sese prostrati proolvere, victus tandem est. Et vultu apertiori jussis ut starent: nullo alio ad consultandum sumpto spatio: Bono estote, inquit, animo tu Pontifex vosque *Romani*, veniam libentes damus. Sunt qui dicant, & in primis *Cælius* ea conditione veniam impetratam, ut pendere quotannis tributum *Hunnis* pollicerentur. Duces exercitus seorsum majorem in modum quum hæc viderent, admirati tam subitam regis facilitatem: Cur inquiunt tam cito invicte Rex de sententia decedis? Ferunt *Athilam* respondisse: Nonne vidistis duos illos juvenes, alterum a dextris, a sinistris alterum strictis gladiis, torvis oculis mihi mortem minantes, nisi quod petebat senex iste promitterem? Nostrum est imperium, nostra



Roma, vectigalis Hunnorum facta. Revertamur ad uxores & liberos pleni opibus quas promisi, pleni gloria. Sive igitur id fuit, sive quia ingenio fertur fuisse mitiori, se sponte dedentibus, seu etiam quod extimuerit aruspicum responsa: Tanta profecto conversio a concitata rabie ad sedatam animi tranquillitatem, non mihi sine divino numine facta videri potest. Ut quum susceptum tam longinquum tantisque cum laboribus copiisque & impensis iter ad finem pervenisset, jam jamque concupito frueretur voto: cæteris sive neglectis sive dimissis suisque inconsultis & pene invitis spreta tam opulenta præda, Domum infecta re, ad quam venerat, remigraret. Cessit igitur iterum in Pannonias, ubi novis adolescentulæ nuptiis celebrandis totus intentus, dum cibo vinoque intemperantius utitur, subita morte extinctus est. Concurfu deinde omnium facto, maximis honoribus de gentis more est elatus. Nobilissimus quisque pheretrum ejus inaurato folio eminentius constitutum funebre carmen adequitantes præcinebant. Illic est Maximus Hunnorum Rex Athila patre genitus Mandulco, fortissimarum gentium fortissimus ipse dominator. Qui inaudita ante se potentia Scythica & Germanica regna solus subegit. Nec minus utriusque Romani imperii viribus, civitatibusque proculcatis in extremum terrorem adduxit. Servitutem illis, exitiumque remisit, vectigali contentus. Summo eorum Pontifice deprecante. Dum hæc omnia felicissimo proventu gerit, non vulnere hostium, non fraude suorum, sed gente incolumi inter gaudia lætus sine sensu doloris occubuit. Posteaquam Hunni condidere, diem secundum epulis & omni lætitiæ genere peregerunt. Hæc omnia a Jordane scripta accepisse dicit Celi. Post Athilæ ab Italia discessum, Venetiæ populi, quum liberum jam esset consilium capiendi sedes, pars redire ad ruinas excitandas, emigrare alii in alias terras. Nonnulli autem quibus securitas magis placeret prægustata illius dulcedine, & assuescere incipientes locorum apricitati, suspensis adhuc erant animis quid agerent. Cæperunt autem præter alia minora loca ut diximus quindecim, sex littorea Gradum, Caprulas, Equilum, Methamaucum, Albiolam, Pelestrinam: Novem vero insularia, Turricellum, Majurbium, Boreanum, Amianum, Constantiacum, Amorianum, Rivalentum, Olivolum, Clodiam. Minorum insularum hæc fuisse nomina, accepimus: Castratia Marcelliana, Castrumputium, Centenaria, Mustones, Vigilia, Barbaria, Brintille, Baybæ, Caput aggeris: Singulorum igitur locorum cætus, ut tali tantaque in re fuit necesse, consilia quotidie agitabant pro se quisque, & invicem interdum. Quin hinc viderent locorum situm, quem nuper essent experti ab hoste tam immani inexpugnabilem, viderent præterea quanto prudentius sibi consuluisent, qui eo profugerant, quam qui ad urbem tuendam remansissent. Hinc vero cum novum, tum durum nimis videbatur, assuetos urbanis cætibz & Conciliis, ædificiis quoque laxioribus mollioribusque, camporum præterea amoenitati applicare animum ad cætus salinarios piscatoriosve tectaque asseritia, tum parva, tum humilia, & quod maximum ad incolendas paludes. Apud Rivalentum vero, inquam pariter & Methamaucum, multi ut diximus ex Patavinis confugerant: placuit iis cæterisque profugis divini spiritus clementiam implorare, ut mentibus illaberetur, quid in hac horrenda rerum facie consilii captandum esset. Alii etenim & ea pars major erat redeundum ad patrias instaurandas ruinas censebant. Nonnulli vero hic permanendum aliquantisper quod intermissam potestatem non sedatam penitus existimarent. Ne rursus Athilane reliquæ de quibus

A multa ferebantur Italica degustata præda Italiam repeterent. Excidium patriæ illis adhuc erat in oculis. Hac igitur in sententiarum varietate, quum omnes in unum convenissent, Virum ferunt ætate grandiore & nobilitate meritisque ac sanctitate vitæ venerabilem, ita apud eos loquutum. Si jam ex animo non excidisset fratres optimi, id quod paulo ante fieri vidimus, cum Athila Rex Patavii mania tormentis quateret, ruerentque ad solum omnia, non esset ambigua (opinor) præsentis consilii deliberatio. Quis enim habens id in memoria, cogitare posset illuc remigrandum esse, ubi tantam meminisset factam excidii fœditatem? Duo præsertim diversa ante oculos habens exempla neutiquam negligenda? vidensque eos qui hostis furorem impetumque fugientes cum se cernerent viribus impares in hæc stagna declinarunt servatos esse, superesseque illis incolumes uxores & liberos primarium rerum humanarum solatium, illos autem qui dum se urbem tutari posse credunt, illic mansere, hostiles expertos esse gladios vel in ultimam abductos barbariem durissima vincula, servitutemque pati? Sed profecto ita natura comparatum, vitamus pericula cum instant, præterita quum sunt, quasi nunquam fuerint oblivioni mandamus. Ignoscite fratres, si sententiam dixerò forte, non expectatam, & veniam date sive ætati, sive fortunæ, quæ me jamdiu multis malis edoctum, cavere pericula monet libentius quam experiri. Rhadagasum vidimus adolescentes per has ipsas Venetiæ fauces cum ducentis millibus armatorum ingressum, nostra omnia diripuisse, sacra prophanaque vastavisse. Vix dum incubuimus ad instaurandam urbem: Ecce Alaricus alter Gotthorum rex, non minoribus quam ille copiis in hanc provinciam irrumpit, quæ tum tulerimus omnis generis mala, horret animus non solum dicere, sed etiam reminisci. Sic omnis labor instauracionis absumptus incassum. Quid passi jam tertium simus ab Athila. Quid juvat commemorare? Satis superque lachrymarum est, ne recentibus recentiores addamus. Si ergo nec Rhadagasi exitio Alaricus, nec Alarici morte Athila est deterritus. Quominus eorum reliquias ipse tertius persequeretur. Qui possum non timere, ne quispiam alius ex ea Barbarie idem quod illi aggressi sunt, adoriatur? Multitudinem mortaliū abundare tantam nunc audio in illis terris, quantam antea nunquam. Nunquam autem dux defuit, neque deerit multitudini concitata. Martianus vix eos arcet ab imperii provinciis. Vereor itaque ne torrens ille rursus irruat in nos omni divina & humana ope destitutos. Quid autem reliquum spei esse potest in Imperio? Nam præter Africam a Vandalis occupatam, amissum iis annis quicquid ultra Alpes tenebat imperium Oceano tenus quondam, nunc ad Alpes usque contractum. Ipsæ quoque Alpes, quæ satis tutam præstare solebant Italiam, quid jam habent munimenti? Eunt redeuntque quasi per campestria. Sublatus Etius est una spes inclinantis imperii. Nulli jam duces, nulli exercitus, qui aut hosti terrori sint, aut nobis auxilio. Itaque ego istam sententiam redeundi, non tam laudare possum, quam quæ experti sumus, ne iterum accidant, magnopere timere. Censeo igitur hic sedes ponendas. Locus præsentī fortunæ multis de causis placet, cur placeat, brevibus expediam. Tria præcipue optari solent ad civitatis rationem deligendam, Aeris salubritas, Commoditas earum rerum, quæ necessarie sunt ad victum, & ab externis periculis locus, quam maxime fieri potest munitus. Ad aeris quidem salubritatem, qui possunt optari testes certiores, quam multi, quos hic videmus annos septuaginta & octoginta natos? Et qui præterea vultus? Quæ proceritas? Qui colores? Nec ullæ delitiæ hoc robur & firmitatem præstant. Sed quum exercitatio corporis per maritimas navigationes acti-



tum aëris (ut mihi quidem videtur) quædam benignitas & temperamentum. Pueri frequentes fecunditatem indicant, fecunditas salubritatem. Neque non arguunt ista copiam etiam ad vitam. Nam etsi nihil hic nascitur, juxta tamen est Patavinus ager, & fertilissima omnis hæc regio. Sed fac ut isti negent, est a læva Noricum, Epirus, Acarnan, Ambraciusque sinus, a dextris vero Ravennas ager, cinctus quinque uberrimis urbibus, & omnis præterea Italiæ ora Siciliam usque. Exemplum domesticum tenemus, siquando anni intemperie carior fuit annona, nonne a mari Patavinis erat profugium? Vos appello incolæ veteres, unde reficitis celaria frumento, vino, oleo? Hac in Calamitate vastatis satis omnibus & vineis tot tamen populos uberime pavistis. Agri vestri naves erunt vestræ, vineas & oliveta naves vestræ præstabunt. Portus adest omnium commodissimus. Homines & navigandi, & exercendæ pecuniæ apprime periti. Cur dubitem, quin si viri sumus, primum optimus Deus, deinde nostra industria sit sustentura? Excissa sunt duo primaria nostri sinus emporia, Patavinum & Aquilejense, utriusque locum nunc tenemus. Video siquidem situs hujus præstantiam quo nullus est in orbe nobilior, neque enim præter Ravennatem portum alius superest, unde omnis oriens commodius intra occidentis viscera cum omnibus peregrinis pretiosissime mercibus penetrare queat. Sed hæc tanta, sicuti polliceri non ausim, ita non dubitem, quod ad rem præsentem pertinet, facile nos & omni cum ubertate vitam acturos. Magna vis est Mercaturæ præsertim maritimæ, ejus est quicquid ubique est. Quid præterea dicam, quod fuit tertium de munitione loci, ac securitate, ea vero est inexpugnabilis. Distamus a Continenti millibus passuum decem, ab littore tribus. Sane nulla munitio validior quam quæ oppugnari non potest. Dic ex qua parte hostis in hanc insulam transiliat? Quæ nam materia tantum aquarum sternat? Quas autem moles operum non dissipent vires tempestatum, & aperti ventorum flatus? Adde Canales qui vada dividunt, altissimos. Multarum rerum documenta malo nostro Athila præbuisse potest. Bellum tot menses per hæc vicina loca circumtulit. Ad prædam tamen in hæc littora, aut insulas non transmisit. Quod si quem forte movet patriæ pietas, sane me quoque movet. Neque enim ferreus ipse sum, ut ejus amissione non movear, sed dolere tum pietatis est, tum humanæ imbecillitatis, ad hujusmodi casus obnoxia. Parere Deo rerum omnium domino virtutis necessitatique: decet autem sibi quemque spem bonam proponere, rationemque sequi, unum remedium difficillimis in rebus. Conditior urbis nostræ nefas non putavit Troja excissa alias mari sibi perscrutari sedes. Non Aeneas eadem clade profugus: nec mihi quisquam obtendat loci tenuitatem. Non hic Romam, aut Babylona meditatur, sed etiam ipsam Romam unico primum colle conditam accipio. Satis sit nobis interea evadere in libertatem, cætera optimo relinquenda deo. Obijciunt quidam magnitudinem laboris, & sumptus in sternendo, quasi si domum redeant omnia sine labore integra, aut instaurata sint reperturi, quæ nunc sunt obruta ruinis templa, mænia, arces, fossæ. Quis non videat quanto minori impensa necessaria hic ædificabuntur, quam instaurabuntur illic? parva ædificatio satis est ad necessitatem. Non mænia egemus, non arcibus, non fossis, quæ quum illic maxime sunt necessaria, tum multa etiam sæcula desiderant, sed ut de me dicam quod sentio: Non tam illarum rerum dulcis fuit possessio, quam amissio tristis. Omnem illam voluptatem Athila secum tulit. Nolite præterea existimare, me tam vitæ cupidum primum & septuagesimum agentem annum, tantisque delassatum malis, ut non libenter si possim inter patriæ meæ cineres terra condi velim. Turpe est

A sapienti dimenso per omnes fortunæ vices itinere & jam finem tenenti de reditu potius quam de portu cogitare, sed ad liberos nepotesque meos est respectus, quos ex flammis barbarorumque gladiis humeris pene meis eripui. Non puto præterea factum sine divino numine, ut eodem tempore tot populi has sedes adamarint. Utinam sit idem inter eos animus sicut idem fuit consilium. Si deus hoc dederit, concipio animo aliquid magnum. Video hanc ædem miraculo potius factam atque agente Deo quam humano consilio. Nec mihi non etiam videtur aliquid quod ferunt de Beato Marco evangelista, qui dum rediret ab Aquileja divertit huc, & nescio quæ magnæ spei arcana revelavit. Non sunt contemnenda, quæ de divinis monitis feruntur. Agite igitur bene juvante deo firmate hic sedes, caras habete uxores, caros liberos. Dumque omnia excissa sunt, vos locum libertatemque capeffite. Dominus noster Jesus Christus pietatis & misericordiæ parens faxit, ut quod magis ex ejus honore, & re vestra futurum est deligatis. Secundum Apennini senis orationem maximo consensu accepta a multis sententia eo in loco commodandi, cætera omnia plena laborum incertorumque casuum. Hic pax, hic secura requies futura. Abierit Patavium nonnulli, alio alii. Cæteri apud priores incolas simul decrevere quæcunque se se ostenderet fortuna, ibi ævum ducere. Illi maxime in quorum bonis littora & salinæ & piscationes privatim erant, qui quasi patriam non desererent, constanti proposito fortunæ conditionem acceperunt. Idem Methamauci in quem magna multitudo Patavinorum confugerat, quod ea tempestate littus in ea regione maxime amplum erat. Neque enim ibi situm erat oppidum ubi nunc est, sed duobus millibus passuum in mare projectius, ut ex ruinis mari abruptis nunc etiam apparet. Libentius igitur eo convenerant, quam ad insulas. Nec suberat etiam sternendi opus, quæ res tum labore & impensa, tum diuturnitate temporis indigeret. Idem quoque ab cæteris tum insulis tum littoribus consilii captum. Annus domini erat sextus & quinquagesimus supra quadringentesimum, Pontifex maximus Leo primus. Martianus adhuc orientale imperium tenebat, quum Patavini profugique alii has capere sedes. Et profecto consideranti mihi, hinc Rivalti primam Ecclesiam, hinc vero stabilem in hac insula positam sedem intra triginta aut paulo plus annos contigisse. Haud mirum si intervallum parvi temporis errori causam dedit, de quo superius latius differuimus, quum utrumque exortum complexa sit hominis unius ætas. Nam sicuti verisimile est post primam ædem, in qua possent sacra confici, frequentius Rivalentum habitam: ita accedente postea profugorum turba, Athilanum gladium fugiente, unas pene videri potuit exortus, & quasi continuata conditio. Cæterum sicuti diversa est Ecclesiæ & urbis condendæ ratio, ita sedium positio firmarum repræsentare proculdubio videtur certior civitatis exortum, maxime post dirutum Patavium frequentatamque majorem in modum Rivalentum. At si originem urbis ab Athila dusemus non erit facile annum & mensem & diem colligere ut supra fecimus de Ecclesia, etiam si astronomicis calculis utamur, ut fecisse Lucium Tarucium ferunt, qui natalem urbis Romæ diem alioquin incognitum, reperisse rationibus astronomicis gloriatus est. Et præterea nonnulli ex eadem disciplina aliquanto audaciores natalem mundi diem adducti sunt, ut calculo subjicerent, traderentque fuisse surgente ab horizonte cancro & luna ex dimidio sole in leone, Saturno in Capricorno, Jove in Sagittario, Marte in Scorpione, Venere in Libra, Mercurio in Virgine. Hæc si illi aut ratione collegerunt, aut



collegisse videri voluerunt, nobis ea profiteri animus non est, præsertim quum annus quo *Athila* in *Italiam* descendit, incertus. Nam alii quinquagesimo supra. cccc. alii secundo, alii tertio tradunt, alii vero tempus non definiunt. Non est præterea verisimile omnes insulas & littora

A eodem mense atque die uno consilio primos aut lapides aut palos defixisse. Hanc igitur rem dedisse etiam causam existimo, cur maiores nostri maluerint ab Ecclesiæ initio, quod certum tenebant, quam ab *Athila*, quod incertum erat diem sumere natalem.

## LIBER QUARTUS.

**O**riginem primam *Rivalti* ex antiquis *Venetorum* monumentis excerptam primo libro descripsimus, quæ vera non apparebant repudiavimus, prosecuti deinde sumus cæterarum insularum & littorum initia ab externis scriptoribus celebrata. At vero adhuc nullum in iis oppidum appellari civitas recte potuit. Ne ipsa quidem *Rivaltus*, tenues erant opes, rara illis initiis domicilia, ut vicatim potius quam urbes ulla habitasse diceret. Versabantur adhuc animis incertis. Quum oculos mittebat ad campestria, eorum desiderium natura renovabat. Inde vero metuebant interdum ne non satis tempestas *Athilana* in tranquillum solvisset. Audiebantur rumores ex *Pannoniis*, magnum cogi numerum copiarum ex reliquiis *Athilanis*. Metus eos in huiusmodi locis continebat potius quam locorum amor. Ceu adactæ tempestate aves, inter arborum frondes, quas liberatas grandinis casu, atra tamen adhuc cæli species inde movere non sinit, paratas quum primum illuxerit avolare, sic novus hinc instaurandi labor, & voces incertæ, hinc vero innatus agrorum amor, cogebat profugorum cætus pro tempore consilia capere. Qui *Rivaltum* tenuerunt, *Olivolum* insulam, quam supradiximus juxta sitam, continuo ceperunt. *Olivolos* autem dicta non quidem ex olivis ibi confitis, ut vulgo creditum, sed quasi *Oligovolos* idest parva terra. *Castellana* deinde insulæ nomen fuit, *Andreas* siquidem *Dandulus* scribit compertum habere quæ tempestate hæc agerentur, extitisse adhuc castelli mænia, magna ex parte collapsa. Porro quum prima se se portui offerat, curæ esse oportuit, illam in potestate retinere, tum ut portui dominarentur, tum ut quæ ingrederentur naves haberent quo in tutum se se reciperent, præsertim quum fuga a piratis evassissent. Quibus semper *Adriaticum* mare fuit infestum. Mores siquidem gentium ex natura rerum commodisque hominum locorumque gigni necesse est. Sive igitur tum aliqua erat munitio, sive deinde facta, & ob eam castellum sit appellatum, relinqueretur in medio. Castellum autem quodcunque fuit vetustate deinde collapsum eam portus munionem minores etiam videmus restituisse. Qui duo castella erexerunt in ostio portus dextra lævaque. Turrim vero *Phaream* adhuc stantem vidit ætas nostra antiquissimam & altitudinis eximia. Quæ certius nautæ nullum habuere signum portum ingredi tendentes, eam vetustate collabantem *Mapheus Gerardus Quartus Venetiarum* patriarcha nunc reficit. Construitur prima in *Olivolo*. Aedes sanctis Martyribus *Sergio* & *Baccho*. *Meduacus* amnis urbem *Patavium* præterfluens & in hæc stagna delabens eum, de quo dicimus, portum facit: nunc sancti *Nicolai* appellatur, ob *Ædem* & ejus sancti reliquias, condito juxta portum monasterio, locatas. Aberat tunc ora paludium a *Patavio* circiter tredecim millia passuum. Portus ostium ab continentis ora ferme totidem, ut ex *Livii decimo libro* aperte perspici potest: Dum describit *Gleonymi Lacedæmonii* descensionem in *Patavinos*. Testimonium præterea

B recentius habemus. Nam vicus qui nunc corrupto nomine *Auriacus* appellatur, dicebatur a majoribus ora lacus, quod ad eum usque locum patrum memoria paludes stagnarent. Præmarium *Veneti* magistratum tribunos appellavere, qui in civilibus capitalibusque causis jus dicerent. Placuit nomen popolare nec insolens nec humilior. Annuus erat & una quæque sibi insula oppidumve littoreum duos tribunos creabat. Ad rem vero publicam si gravius aliquid accideret consultandam, indicebantur conventus omnium insularum & littorum. Atque ad eam rem quotannis alius atque alius deligebatur locus, ut omnium populorum dignitas servaretur cum pace concordiaque. Quæ consuetudo tantisper duravit & continenter servata est, donec per magnam rerum necessitatem, varietatemque fortunæ ad molem hanc imperii constituendam *Venetie* urbes & oppida pervenerunt. Quod cum ita sit, cum propter ea mala, quæ deinceps per multos annos facta sunt, Civitas *Venetiarum* fuerit constituta, non erit præter intentionem nostram, qui originem ejus tradere proposuimus, ea commemorare, quæ ad nostri continuationem styli, hoc loco nobis etiam satis opportune se se offerunt exponenda, ubi quæ a *Venetis* deinceps gesta fuerint per annos ferme centum, id est, ab *Athila* usque ad *Narfetem* patricium, nulla extent monumenta, ut nisi hæc darentur quæ inter ea explicaremus, Cursus nostræ narrationis fuerit supprimendus, aut rebus tot annorum prætermisissis, ad eas, quæ post id spatium temporis gestæ fuissent transitus faciendus: si illud nobis propositum fuisset, ut res gestas *Venetiarum*, non originem ejus urbis conscriberemus. Eorum igitur temporum malorumque seriem breviter percurreremus. *Romæ* post *Athila* ex *Italia* discessum, magni tumultus orti. Exaudiri voces propalam exprobrantium *Valentiniano*, cum *Ætii* ducis *Romani* necem, quo stante nihil rei publicæ timendum fuerat, tum urbem *Romam* vestigalem *Scythicæ* gentis factam. Auget has voces *Maximus* patricius: Quippe jampridem ad imperium aspirans, & arrepto tempore *Valentinianum* per *Transillam* *Ætii* militem interficiendum curat, Imperiumque occupat. Ut vero tyrannidem stabiliorem reddat, majore aliqua auctoritate, *Eudoxam* *Valentiniani* sororem, quum demulcere blanditiis ad nuptias haud posset rapere per vim adortus est. Mulier superba & injuriæ impatiens dissimulato dolore. At tibi inquit scelerate permagni stabunt hæ nuptiæ, qui & fratrem Imperatorem per insidias interficere, & illius sororis corpus per vim attrectare ausus es. Statim *Genferico* *Vandalo* imperium, si trajiciat, pollicetur, facilem rem demonstrat, destitutum omne viribus, & virtute ducum. *Vandalorum* hoc genus per ea secula celebre admodum fuit. *Vandali* dicti a *Vandalo* fluvio apud eos, qui nunc *Poloni* vocitantur, perlabente. Porro *Polonia* provincia latissime patet. Hujus partem *Vandali* tenuere. *Stiliconis* deinde tempore, ut supra docuimus, ab eo concitati confedere ad *Rheni* ripas. Atque anno secundo post captam urbem



Romam in Gallias transire maximasque res deinceps gessere tum in Gallis, tum in Hispaniis. Dum hæc igitur in Italia gererentur, forte ejus gentis Rex *Genfericus*, quascunque potuerat copias ex Hispaniis in Africam navigio trajecerat permagnam continuo subegit *Africa* partem. Sollicitatus autem ab muliere, aliam adortus provinciam est. Coactis omnibus *Africa* viribus ingenti confecta classe, in Italiam transmittit. Trecenta fuisse armatorum millia, scriptores tradunt, tum *Vandalorum*, tum *Afrorum*, & *Maurorum*. Oritur in urbe tumultus, & *Maximus* tyrannus interficitur. Populus per montes sylvasque, senatus ut cuique visum, per oppida dissipatur. Barbarus ad urbem signa movet. Tenebat adhuc Pontificatum *Leo* Pontifex. Conatus senex idem facere in demulcendo *Genferici* animo, quod antea in *Athila* fecisset, obviam illi cum principibus aliquot *Romanis* honoris causa procedit. Postulat ut omnem urbis prædam, posteaquam sic regi regum placitum est, sibi habeat, sacris abstineat. Longe aliter secundus successit conatus. Derisit supplicem senem homo barbarus & avarus, & *Arrbrianus*. Insanis, inquit, o senex, qui venisse me credis tantis cum copiis ut quicquam vobis relinquerem, quod usui mihi esset, & voluptati. Facili negotio captam militi tradit non diripiendam solum, sed etiam devastandam templis sacrisque *Ædibus* maxime infensus, quia ea urbs catholice fidei caput teneret. Cujus ob perfidiam *Arrbrianam* agebat hostem infestissimum. Per hunc præcipue modum *Africa* illa *Romani* imperii æmula, a *Romanis* bis victa tanta cum gloria redivivis quasi cineribus exuscitata *Romam* vicissim captam subegit, diripuit, ac vastavit: Ingens exemplum vel imbecillitatis, vel instabilitatis rerum humanarum. Abfuit quatuordecim dies populus ab spoliata ac deserta urbe. Satisque inter omnes scriptores constat, *Vandalum* longe majori crudelitate grassatum, quam quinquaginta antea annos *Alaricum*, siquidem sacris ille ubique locis pepercit. *Vandalus* quasi Deo hominibusque hostis sine discrimine sacra profanaque omnia depopulatus est. Movens ab urbe *Campania* omni direpta, urbe *Capua* vi capta, & solo æquata completis navibus *Italica* præda onustis, cum *Eudoxa* in *Africam* est reversus. Excitati *Romæ* continuo majores quam antea motus. Nam sexdecim per annos caput extulere tyranni decem, Imperiumque diripuerunt. Cædes, direptiones, bonorum proscriptiones enumerare, majoris esset negotii quam receperimus. Replevere omnia stragibus & rapinis infelici omnium tyrannidum eventu. Et tanta tamen est inter mortales dominandi libido, ne dicam infania furorque, ut per mortes & vulnera in apertissima quaque pericula mortales mitat. Rem dignam admiratione, nisi quod assidua armorum tractatio, & metum mortis adimit, & ad omnia audenda compellit. Eam *Genfericus* rursus repetendi Imperii nactus occasionem, quasi deseruisse captam a se *Romam*, & Imperium pœniteret, majorem quam antea ex omni *Africa* contrahit classem. Suane id sponte ac desiderio molitus sit, an vero impellente *Eudoxa* conjugè superba foemina, quæ in exilium potius sibi profecta, quam ad regnum se dignum existimabat, incertum. At vero *Leo* primus ex *Græca* gente orientis Imperator, ut primum quid *Vandalus* moliretur intellexit, ferre & ipse suppetias *Romanis* instituit. *Antemius* imperium tenebat, & *Basiliscum* quendam classi præfecerat. Ipse ad urbem quibus cum potuit copiis sedere constituit. Contraxit maximam classem *Basiliscus*. Ambæ autem infimul junctæ *Romana* vi-

A delicet & *Græca*, *Genfericum* offendunt apud *Populonium Etruriæ* urbem juxta eam, quæ nunc *Plumbinium* appellatur. Superior vento *Romanus* agilitate præterea navium & nautica disciplina præstantior tanto ardore in hostem fertur, ut *Genfericus* seu ob navium multitudinem turbatis ordinibus, seu pavore compulsi, irruentis in se hostis vento superioris, fugam arripuerit. Idem cæteræ faciunt naves. Perque hunc modum maxima potentissimaque classis dissipata. Post *Antemium Richimer Olimbrius*: post *Richimerem*, ac deinde *Glicerius* Nepos postea, tum *Augustulus* & *Orestes* Imperium rapuerunt. Quæ tum re-  
B rum apud *Romam* confusio, quanti per omnem *Italiam* motus excitati, sane qui legat audiatve alias calamitates, quovis gentium confugere, sedesque ubi jus \* capere potius quam eas perpeti \* *Fortetubi* vis.  
C *Venetia* spectare videretur ipsa vero pace liberius frui. *Biorgus Alanorum* rex, qui postea dicti sunt *Alemanni*, hæc de *Italia* atque imperio mala cum audiret, per *Tridentinos* saltus populabundus irrumpit, atque ultra progressus, continuatis excursionibus direptionibusque *Galliam* omnem & *Venetiam*, *Hisriam* usque pervasit. Rediens ab *Rithimere Gottho* apud *Benacum* oppressus & interfectus est. Libet in tantis rerum  
D turbinibus exemplum non omittere æterna memoria dignum *Paulini* Episcopi *Nolani*: Gravior est enim lucis radius, qui per densas tenebras elucet. De cujus virtute & doctrina extat *Hieronymi* testimonium in epistola libris *Geneseos* præscripta. Nec minus *Augustini* juxta finem *primi libri de civitate Dei*. Cæteris autem præstantius est *Gregorii* in dialogo. Scribit etenim viduæ mulieris abductum fuisse filium captivum in *Africam* a *Genferici* militibus. Ignara mater vivus ne esset an mortuus, ut tandem rescivit vivum esse, & in servitute degere, proficiscitur ad *Paulinum*, postulat ab eo pecuniam ad unici filii redemptionem. Misereor tibi, inquit *Paulinus* o mulier, sed nihil jam mihi superest, condonare me tibi possum, pecuniam erogare non possum. Illud relictum, ut si ita libet, pro filio tuo succedam in servitutem. Mulier cum neque petere hoc ob auctoritatem tanti viri auderet, neque abnuere ob filii caritatem in fletum tota diffuere. Non tulit vir sanctus illius lachrymas. Eamus, inquit, filium tibi propitio Deo restituam. Mox itaque mutata veste ambo in *Africam* transmittunt, filium teneri reperiunt apud generum *Genferici*, a quo cum mulier advoluta genibus lachrymans libertatem filii imploraret, nec moveretur Barbarus. Tum mulier, at ego inquit tibi hunc hominem (manu *Paulinum* demonstrans) pro filio meo in servitutem do. Contemplatus ille hominis faciem liberalem, & integram adhuc ætatem conversus ad *Paulinum*: Et quidnam, inquit, artificii tibi est? Excolere inquit *Paulinus* hortos novi. Tum Barbarus, qui mirifice hortis oblectaretur, accipio mulier conditionem, cape tibi filium, Tu mihi hortulanus esto. Cum autem sæpe *Paulinus* ad herilem mensam, nunc floribus, nunc olusculis redolentibus irrequeret, verbaque & mores illius prudentibusque pluresque hortulano homine dignam, dominus contemplaretur, nec jam existimaret sordido aut abjecto loco natum, liberaliusque quotidie, & honestius haberet, adactus spiritu *Paulinus* ad dominum accedit. Here inquit servus tuus sum, Tibi omnia debeo, qui supra fortunam meam quasi pro filio me habes, non pro servo. Prospice rebus tuis, Socer propediem humanis concedet, percussus hac voce Socerum adit, & docet quid de hortulano audierit. Accersiri cum rex con-  
E  
F  
B. Justinianus. C 2 fe-



festum jubet. Eo viso immutatus facie Rex est ac totus intremuit. *Paulino* seorsum amoto ad Generum inquit. Nocte præterita dum dormire adversum me latum iudicium est, ut flagellum deponerem, quod manu tenebam. Hunc hominem inter eos iudices sedentem vidi, abi igitur & diligenter inquire hominis fortunam, & præterea quæ ratio impulerit ad huiusmodi verba. Adjuratus *Paulinus* aperit rem omnem, ut Episcopatum in patria gerebat, ut viduæ lachrymis permotus *Carthaginem* venerit, se passus sit venundari, & vicem pueri subire. Quod autem de focero monuerit, id sibi a Deo revelatum. His intellectis rebus & focer & gener, tum admiratione tum metu pænæ attoniti liberum illi quam primum commeatum, & quicquid præterea aliud sibi vellet præbuerunt. Gratiis actis *Paulinus*, impetrataque suorum *Nolanorum* libertate, duabus onustis frumento navibus, cum omnibus civibus, quasi triumphum agens in patriam est reversus, longe majore cum gloria, si quis recte existimet ex *Africa* in *Italiam*, quam *Genfericus* ante ex *Italia* in *Africam* revertisset. *Genfericus* paulo post morbo correptus interiit. *Honoricus* post *Genfericum* regnum suscipit, qui tanta in Catholicos rabie desæviit, ut omnes pene *Africa* Episcopos ad trecentorum numerum propriis spoliatis Ecclesiis in *Sardiniam* relegarit, eorum Ecclesias *Arbrianis* distribuerit. Tenuere igitur *Africam* *Vandali*: donec *Justinianus* Imperator commotus tanta rerum indignitate *Belisarium* ad expellendos deturbandosque cum ingenti classe copiisque transmisit. Hic *Glimerem* regem acie profligatum captumque catena aurea vinctum *Constantinopolim* secum detulit in triumphum, atque ex eo tempore deletum pene a *Justiniano*, & *Vandalorum* Imperium & nomen. Non videtur ut opinor, his tantis malis addi quippiam posse. Initia fuere, gradusque fecerunt ad majora. Talem tum urbis *Romæ* tum totius Imperii rerum statum, cum per universum jam orbem fama vulgaret. *Odoacer* *Herulorum* Rex, gente *Rhutenus* elatus & ipse animo est ad *Italiam* invadendam: nonnulli tamen vocatum occultis nuntiis a *Romanis* tradunt. Qui domesticis partium dissidiis quemvis rerum statum quam præsentem mallent. Tenebat *Odoacer* eam *Pannoniæ* partem ubi *Hister* fluvius in *Euxinum* pontum cadit. Magni erat apud eam gentem post *Athila* mortem nominis & auctoritatis. Is igitur *Odoacer* coacta quam potuit maxima multitudine *Athilinarum* reliquiarum in *Italiam* ducere constituit repetiturus (ut agebat) injuriam ab *Hunnis* factam. Qui urbem *Romam* & *Italiam* quam in manibus haberent ad unius (ut dicebat) homunculi decrepiti preces remisisset. Eamus inquit commilitones prædam repetitum, quam tantis laboribus coemptam *Athila* vobis in *Italia* deposuit. Per eosdem igitur *Venetia* saltus nemine obviam facto, ingressus est. Aperta offendit omnia & adæquata solo. Læva vero audit in paludibus habitare profugorum multitudinem, in morem apricantium avium indignam tanto itinere prædam existimans, his relictis, per *Galliam* recta vadens maturavit iter, ut quam primum cum exercitu *Romano*, quem ad *Abduam* esse intellexerat congregaretur. Tenebat tunc Imperium *Augustulus* quidam tam re quam nomine nullius auctoritatis. *Orestis* pater *Romane* militiæ Dux per militum potentiam filium Imperatorem fieri curaverat. Cognito igitur *Odoaceris* adventu coactis undique *Italicis* auxiliis ad *Abduam*, juxta *Ticinum* urbem castra locat, eo consilio, ut in quam declinet *Odoacer* cum exercitu partem hostem persequatur. Fore

A existimans, ut in *Italia* diutius moram trahere non posset. Mutare consilium coactus est celerius quam putabat. Nam *Odoacer* magnis usibus itineribus nihil ad *Abduam* moratus flumen trajicit, & pugnandi copiam facit. Sed profecto nihil est quod non vincat audacia. Tantus enim continuo *Orestis* exercitum terror invasit, ut quamprimum *Odoaceris* signa cecinere, omnia fere auxilia dilabi cæperint, *Orestem*que deferere. *Romane* legiones plus sociorum discessu perterritæ, quam hostium adventu intra ordines subsistunt. Congredi tamen *Orestes* ausus non est. Cum illis sese in *Ticinum* urbem recepit. Sed nulla satis tuta est munitio fugienti. Fortunam *Odoacer* prosperam sequutus urbem expugnare aggreditur. Neque tamen nisi post longam obsidionem, multasque superatas difficultates ea potitur, tanta *Romanorum* militum cæde, ut vix dimidium superfuerit. *Orestem* haud longe a *Placentia* inspectante exercitu, interfecit. *Augustulus* desertus a suis fuga elapsus dum *Romam* versus iter tendit, repudiatus a Senatu purpuram deposuit, & diadema. Urbem *Romam* ingressus *Odoacer* maximo honore exceptus & in capitulum deductus est. Rex appellatus primus *Romæ* & *Italiæ* regnum sortitus, infelici quidem eventu. Tenuit *Italiam* annos quatuordecim, ea lege, ut ipse sui que milites tertiam omnium fructuum partem vel acciperent, vel raperent. Atque per hunc maxime modum orbis terrarum imperium ab *Augusto* maximo felicissimoque omnium mortalium principe derivatum ad *Augustulum*, nescio quem vel fortuna vel genere vel nomine minimum post annos quingentos ad extremum interitum (sic ferente lege rerum humanarum) delapsum est. Sed illud maximo argumenti fuerit miserandæ eorum temporum conditionis, quod ita sibi *Italiam* proculcasse est visus *Odoacer*. Ut ausus sit ea relictæ, quasi exanimi, eodem quo venerat itinere reverti in *Pannonias* adversum *Phelteam* *Rugorum* regem, qui *Turingos* quos *Odoacer* in patrio solo reliquerat bello exagitabat. Congressus acie *Phelteam* interfecit. Iterumque in *Italiam* iisdem itineribus, perque eandem *Venetia* oram incolumi securoque agmine regressus. Neque donec absuit ullus est excitatus in *Italia* motus. Tantum obstupuerant *Italarum* animi. At vero ut nullus esset calamitatum finis, *Gothorum* tempus advenerat de quibus nunc agendum. Ea gens per multa sæcula maximam belli gloriam obtinuit. Non erit ab re ejus initia breviter percernere. Nam licet *Theodorici* temporibus, qui ob ingentes virtutes magni cognomine dignus habitus est, *Italia* fere omnis tranquillum egerit statum *Romanis* etiam Temporibus invidendum. Passa tamen est alias sub *Gothis* regibus calamitates omnium maximas ob quas frequentius habitari *Venetia* cæpere. Itaque non video quo pacto assequi possim, ut id plane intelligatur, nisi & a quibus illæ & quo pacto illatæ fuerint præsertim gravissimæ quæque, breviter attingatur. Accedit quod ejus gentis posteritas haud procul *Italiæ* faucibus nunc posita est, horum de quibus scribimus locorum pene accola. Ad Ingenia etenim moresque gentium producendos, nihil est natura cæli solique potentius. Multa autem a majoribus tum bello tum pace ea cum gente sunt acta. Ut ejus cognitio perutilis non esse non possit. *Gothi* prius *Getæ* appellati: Ut *Turcos* nunc dicimus, qui olim *Turcæ*: *Scythica* & ipsa gens domo egressi ad novas quærendas sedes incredibili multitudine. Bipartito deinde nomine sunt usi, ut alii *Ostrogothi* alii *Visigothi* appellarentur: Neque nomen diversitatem scrutari nunc juvat, erupere ab usque



*Lucii Luculli & Augusti* temporibus. Ut si lyrico carmini credimus, eo quoque tempore formidini *Romanis* esse cæperint. Nec ullam gentem accipio per tot sæcula cum *Romanis*, tum *Ducibus*, tum *Imperatoribus* bella gessisse. Multa etiam adversus alios pro *Romanis*. Imperitare *Asiæ Pannoniis, Hispaniis, Africæ* novissime *Italiæ*. Belli gloria claruere septingentis & amplius annis, pacem cum *Romanis* bello ferre semper prætulere, jam inde ab *Augusto*. Varia deinceps cum *Romanis* fortuna usi, primum illis bellum fuit cum *Domitiano*. Nam cum *Danubium* transmississent, primo *P. Sabinum* & deinde *Fustum Cornelium* gravibus præliis superatos, castris exutos pervicerunt. Terramque quam armati infederant, constanter retinuerunt. At contra *Trajanus* cum iis deinde congressus cæfos fusosque adegit cedere trans *Histrum*, ita tamen ut in prioribus barbarici soli sedibus permanerent. Plures prætereo. *Philippo* imperante, accitis aliis quoque gentibus, *Trifalis, Carpis, Astringis, Herulis* ad trecenta millia *Histro* iterum transmissis, *Romanas* invadere provincias. Missus a *Philippo Decius*, & aliquot præliis congressus victus discessit, potiusquam victor, lacerata vero republica a triginta tyrannis, ut sit adversis in rebus, ad novandas & ipsi res excitati sunt. *Messiam, Traciam* & deinde transmissis *Helleponto, Asiam* invadere, cædibus & rapinis facere omnia. Qua tempestate templum *Dianæ Ephefinæ* inter septem nobilissima orbis spectacula olim numeratum direptum ab iis concrematumque est. Cæterum *Claudius secundus* ejus nominis maximam omnium de ea gente victoriam est consequutus. Ejus epistola ad *Brochum* amicum testis est. *Claudius Brocho salutem. Delevimus trecenta millia Gothorum. Duo millia navium submersimus. Tecta sunt flumina scutis spatibus & lanceolis omnia littora operiuntur, Campi ossibus latent tecti. Nullum iter purum est ingens carrago deserta. Tantum mularum & mularum cepimus, ut binas & ternas miles possit adjungere, & infra. Nostra diligentia pugnatum est apud *Messios*, & multa prælia fuerunt apud *Martianopolim*. Multi naufragio perierunt: plerique capti reges. Captæ diversarum gentium nobiles femine, repletae barbaris servis, senibus cultoribus *Romanæ* provincie. Factus miles Barbarus est colonus ex *Gotho*. Nec ulla fuit regio quæ *Gothum* servum triumphali quodam servitio non haberet. *Aurelianus* deinde rursus cum his ultra *Danubium* confligit, ac devicit. Inter quos mulieres aliquot virilem in morem pugnantes captæ atque in *Triumphum* ductæ titulo præscripto ex *Amazonum* genere ortas, enimvero cum *Sermatiam Romanam* provinciam, quæ inter ulteriorem *Pannoniam* & *Scythas* interjacet occupavissent. *Constantinus Flavius* inde pulsos maxima cæde perdomuit. Pace data sedes priores permisit. Fortique eorum opera usus est in eo prælio, quod apud *Nicomediam* adversus *Licinium Imperatorem* conferuit. Sedem illam deinde per septuaginta & amplius annos obtinere, donec videlicet *Hunni* ex *Scytia* recentiores, ut superius diximus *Gothos* inde populare, ejus gentis terribilis procurfus, cum omnes circum accolas pavore complexisset, adegit *Valentem* Imperatorem hæresi *Arrhianum*, ut *Gothos* ab sedibus *Hunnis* pulsos in provincias citra *Danubium*, fide data reciperet, ea ratione, ut si transire *Danubium* *Hunni* molirentur, novo *Gothorum* adjuncto subsidio majoribus resisteret viribus. Atqui ut fidelioribus uteretur ad christianam adductos fidem, dedit operam ut *Arrhiano* dogmate imbuerentur, fuit etenim acerrimus christianorum hostis. Inter ea *Hunni* aliorum iter flectunt. Ger-*

*manos* petunt cum *Burgundionibus* sæpe congressi. Nunc victores nunc victi, varia fortuna dimicare. Postea vero quam *Hunorum* discessu *Constantinopolis* & circumjectæ provincie metu liberatæ, ingens ab iis ortum periculum. Imperatorii siquidem quæstores quasi non amplius eo milite imperium indigeret, pro damno reputare quicquid his, aut pecuniæ, aut cibariorum impenderetur. *Gothorum* duces orto ex fame rerumque omnium inopia tumultu, quæstoribus interfectis nec dubia adversus imperium rebellione, *Messiam* primum ubi infederant *Traciam* deinde, & *Daciam* ripensem tum diripiunt, tum præsedibus occupant. Et quæcunque fert animus nullo adversante cædibus & rapinis pervastant. Eo accepto nuncio, *Valens* consternatus animo & catholicæ persecutionis penitentia ductus, quasi id evenisset in vindictam sceleris *Arrhiani*, restitui quam primum curat in proprias ecclesias catholicos episcopos. At sera penitentia semper turpis fere semper inutilis est. Nam cum exercitum ægre comparasset congressi prælio sunt *Romani* *Gothique* apud *Adrianopolim*. Profligati *Romani* ingenti clade. Ipse fugiens in agresti casa latens igni cum ipso tecto concrematur. Neque sustinisset eam cladem diutius imperium: Quin omnia *Gothi* ditionis suæ facerent, nisi *Gratianus Valentis* nepos *Theodosium* summum ea tempestate belli ducem, ex *Galliis* accitum, imperii consortem declarasset: ejus principis virtus recreatis confestim imperii viribus, non solum *Gothos* compescuit, sed multis adversis præliis fatigatos edomitofque ad quascunque visum est pacis conditiones adegit. Sedes & stipendia, ut continuarent præstantius duxit. Cum *Atalarico* rege foedus iniit. Eoque milite non aliter ac *Romano* semper est usus. In eo siquidem bello quod cum *Eugenio* & *Arbogasto* tyrannis in *Galliis* maximum *Theodosius* gessit primam aciem decem millibus *Gothorum* in fronte tuendam dedit. Cæsi sunt ad unum omnes, & inclinare jam cæperat ad hostem victoria, nisi *Theodosius* nil dejectus animo, ut vere christianum ducem decuit, ad divinum petendum ex alto auxilium, sese vertisset. Tanta continuo cæli coorta tempestas, ut hostes in quorum vultus & ora venti rabies grandinisque impetus imbris mixtæ involvebatur, nec oculis nec manu operam præstare possent. Retortis cervicibus, quasi cæci fortuito tela jacere, nec gladiis uti posse. *Romanis* vero qui Deum cernerent ex alto auxilium laborantibus ferre, mirum in modum accrevire vires. Spes siquidem semper adjicit animos, animos vires sequuntur. Itaque victores ex victis pene momento facti: ultimi *Gothorum* stragem *Tyrannos* cum suis fere omnibus ad internecionem ceciderunt. Perseverare in *Romano* stipendio usque ad *Radagasum Alaricumque*. Ex eo *Alarico*, qui *Romam* cepit, *Theoboricus* nepos quartus ab *Alarico*, qui tum *Hispanias* obtinebat *Aëti* ducis *Romani* societatem sequutus est. Cum *Athila* vero in acie steterunt *Valimir* & *Theodemir* diversi *Gothorum* reges: Repulso *Athila* & in *Pannonias* reverso cum ejus filiis bellum gesserunt, eosque interfecerunt. Conversi paulo post intulere bellum *Leoni*, qui primus ex *Græca* gente imperium obtinuit. Visa *Leoni* gens est, beneficiis potius vincenda quam armis: Pacem cum iis foedusque constituit. Occiso *Leone* a conjuratis, *Zeno Isauricus* imperium suscepit. Hunc *Zenonem* accipio *Arrhianam* hæresim fovisse, atque eam ob rem *Theodoricum* olim *Theodemiris* regis filium magnæ indolis adolescentem, *Gothicamque* gentem summis beneficiis profecutum. Annuum illi stipendium constituit patricii titulo & equestri ex ære statua exornavit. At



vero Theodoricus non solum erga Imperatorem gratus videri velle, sed erga Senatum quoque quibuscumque posset officiis, Aulicos omnes Romanamque juventutem non minus urbanis, quam militaribus studiis amplecti omnibus charum se reddere, ut nemo eum non tanquam Romanum diligeret. Dum hæc apud Constantinopolim geruntur, Italia quotidie majoribus affici calamitatibus. Barbarus siquidem Odoacer, non jam oneribus premere, sed rapinis quicquid collibuisse extorquere, nulli rei parcere, non sacræ, non prophanæ. Spes una supererat Romanis in imperio. Postea vero quam Theodorici fama moreque sunt Romam perlatis, cum ad Zenonem Imperatorem, tum ad eum quotidie nuntii a primoribus ventitare, postulare afflictis rebus opem, instare ut adventum maret. Polliceri cum primum Romana signa videant omnem Italiam defecturam. Theodoricus autem mirifice hanc rem non cupere solum, sed ardere, delecto ad eam rem quod visum est tempore, Zenonem ita allocutum accipio. Nisi existimarem optime Imperator rem de qua sum dicturus, non minus tibi gloriæ imperioque, quam mihi commodo futuram, supersedissem verbum facere. Ingentia tua erga me patremque merita deposcunt ut imperii gloriam & dignitatem commodis meis omnibus anteferam. Voces quotidie optime rex ad me ex Italia perferuntur quo pacto Herulus ille Odoacer eam terram olim imperii sedem devastet, quibus oneribus indignitatibusque afficiat. Romanorum procerum nuntii in summam versi rerum omnium desperationem, aliam quantumlibet, vel miserrimam vitæ conditionem ferre se posse dicunt. Tyrannidem huius hominis pati non posse. Implorant auxilium afflictis rebus. Non dubito quin eadem quoque ad te perlata sint. At vero alia ex parte Gotthicæ gentis primores, quibus hæc nota sunt, quotidie aures obtundunt, instant, urgent, ut provinciam istam suscipiam. Queruntur se gentem nec ignobilem, nec inertem per desidia jam annos fere decem torpere otio. Barbaros nescio quos nunc primum notos ubique jam terrarum raptis imperii provinciis florere opibus & dignitate. Vandalum Africam, Visigotthum Hispanias, Burgundionem Gallias, Herulos istos & Turcilingos Italiam orbis florem, non tantum obtinere, sed proculcare. Solos Gotthos omnium infelicitissimos desidia languescere. Fateor optime rex non posse me his vocibus non moveri, ut qui seditionem aliquam interdum metuum, moneo tamen eos & interdum redarguo: Quid vobis vultis? Nunquid non stipendium vobis penditur? Nihil huiusmodi querimur inquit: Tabescere ignavia otioque non possumus, hæc illi. Nam quod ad me attinet iis me rex honoribus afficiis quibus plures & majores optare non possim. Habes pluribus annis non ut stipendiarium sed ut filium. Explorare quid jubeas constitui, idque optimum ducere quod imperaveris. Nam si forte hanc imperii nomine provinciam suscipiendam statuis. Nihil possum gratius audire. Habebis me vel pro Gotthorum duce, vel pro milite. Sin vero majorum rerum curæ impedimento sunt, quominus huic rei animum adhibeas. At ego non dubitabo majestatem tuam consulere, quid hac in re & mihi agendum & illis respondendum videatur. Nam si me gente Barbarum natura progeniuit, non tamen negavit, quin moribus, qui magis placerent, non imbueret. Placere quos a majoribus accepi, qui cum Romanis jam annis fere ducentis versati. Romanis potiusquam Gotthicis moribus assimilati habiti sunt. Itaque illud prætermittendum non videtur magnam mihi spem esse si tu annueris brevi rem hanc feliciter confecturam. Hostis quam nullius sit ingenii optime novi, nullius consilii, omnia temere agit, copiæ modicæ ac tironum Italorum fere omnes. Sed quod maximum est

A invisus omnibus ejus terræ mortalibus, in qua bellum gerendum est. Nobis vero & copiæ valide sunt, & auxilia non deerunt. Plures fortasse quam velim ad huiusmodi magni nominis bellum concurrant. In primis autem Romani imperii dignitas & existimatio spem maximam præbet a quo dignus habitus sim quem honestet hoc munere. Etsi cætera desint auxilia, hoc solo nomine ausim captum aggredi. Itaque tum his rationibus, tum defectione Italiæ quam ut signa nova conspexerit, transituram ad nos esse non dubito, felicia omnia sperare licet. Puderet præterea, si nihil aperiā quid cogitanti animo de imperio subierit, plus ne commodi an incommodi ex hoc bello sit capturum. Commoda ut videtur, plura sunt. Liberaveris tu ærarium stipendio Gotthorum ex fructibus earum, quibus nunc insident, provinciarum. Ea pecunia uti poteris ad res Persicas, & Africanas. Nihil est enim quod ab Aquilonis parte quam insidemus metuas, imperium præterea liberabis invidia qua nunc laborat. Latius increbruit apud Barbaras nationes, Romanos sibi rapere omnia, Neminem pro socio, omnes pro servis habere. Inde fit ut provinciæ sæpius exagitentur. At vero cum videbunt imperium admittere alios quoque ad communionem, queri desinent, & animis etiam atque etiam mitescent. An illud quoque parvi estimandum? Quod imperii dignitas, & existimatio amissione Italiæ jam pridem depressa non restituetur solum, sed augebitur? Cum qui nunc jactant plus potuisse inimicos imperii, quam imperium, videbunt amicos etiam imperii nunc plus posse quam inimicos. Illud autem commemorare officii nostri est, & cogitare sapientiæ tuæ. Qui si res voto respondent, sane Italia non tam mihi recepta fuerit quam imperio. Poteris tu quidem quicquid erit terrarum mariumque, quicquid præterea copiarum & exercituum ad gloriam imperii referre, cujus beneficio restituta sit. Neque tua minus erit Roma re ipsa quam titulo. Sin vero ut bellorum interdum se habent eventus adversi aliquid acciderit, nihil erit amissum imperio, nullum periculum tuæ res adibunt. Illud profecto quispiam pro commodo suscipiat. Qui cum inter Barbaros ea contentio sit futura non potest imperium, nisi de utriusque gentis laboribus tutius, securiusque reddi. Dixi quæ visa sunt. Si quid forte liberius excidit, aut quod minus majestatem sapientiamque tuam decuerit audire, accipies pro tua mansuetudine in bonam partem veniamque dabis aut etati aut armorum studio, cui genitor magis quam verbis assuescere voluit. Deus bene vertat quicquid statueris. Ea cum Theodoricus dixisset delectatus Zeno juvenis tum modestia, tum prudentia.

E Respondit se audisse eum perlubenter, rem magni ponderis prolatam, & indigere consilio. Sumpto itaque ad deliberandum spatio, placuit ad Senatum deferre. Ibi vero plures dictæ sententiæ. Placebat ærarium gravi onere levare, gratificari magnæ virtutis juveni ex usu publico videbatur, indignum ducebatur Italiam lacerari. Si successisset recuperari eam terram pro imperio apparebat. At vero nonnulli indignam rem arbitrabantur, alienari Barbaris hominibus primam imperii sedem. Qui si illam vexabat Odoacer, non id fiebat ex imperii & senatus consensu. Redactum ad id inopiæ & timoris imperium indignabantur ut proprio nomine non auderet ab Herulo nescio quo armis propriam sedem repetere. Vicit tandem sententia com meatum, & potestatem Theodorico tribuendi. Nam cum spes non esset, posse tantum bellum sola ærarii pecunia sustineri Theodoricum sperabant, qui rem ipse suam esset acturus, longe minori sumptu fideliusque & fortius ac celerius negotium confecturum. Denique si res prospere succederent magna ex parte honori & dignitati imperii consultum fore. Illud non de fore

F ami-



amicum semper imperii futurum. Sin vero negarent nunquam apud se, aut in *Italia* amicum fore. Qua igitur die profectus est omni cum honore, Imperator extra urbem deduxit amictu regio contactumque sacro velamine. Id erat maximi honoris insigne multa senatus parte comitante, & effusa totius populi multitudine. Coactis igitur *Theodoricus* quibuscunque potuit amicorum regum nationumque auxiliis maturavit profectionem celerius opinione omnium. Auxiliumne illi *Zeno* Imperator praestiterit, an non, scriptum non reperio. Licet verisimile videtur, tum Imperii honoris causa, tum ut eum magis sibi hoc beneficio obstrictum redderet copiis eum aut aliquo stipendio ornasse. Praesertim cum rem quoque imperii in utrunque eventum agi non esset dubium. *Odoacer* interea certior factus, quid *Ostrogothus* moliretur, impediendum illius iter omni conatu existimavit. Erant ei amici *Gepidae*, *Heruli*, *Turcilingi*, quos a *Phelteo Rugorum* Rege sedibus pullos, ut supra diximus restituerat. Hos facile induxit, ut adjunctis sibi praeterea nonnullis ex reliquiis *Athilanis* manum coegerint haud contemnendam. Caeterum *Theodorici* praesentis studium & auctoritas, ut caeteris in rebus solet, vicit ejus qui longius aberat beneficium. Magnam eorum partem, tum promissis, tum minis *Theodoricus* avertit & spe praedae pellexit, ut sua signa sequerentur. Caeteros qui armis impedire conati sunt cum essent sine duce, & rem alienam agerent aliquot levibus praeliis victos facile in proprias sedes repulit. Plurimum enim interest, rem ipse tuam agas, an alienam cures. Ingressus igitur iter iisdem quibus antea, & *Athila* & *Odoacer* itineribus, per eosdem *Venetiae* saltus ad *Sontii* amnis ripas cum omnibus copiis constitit. At vero *Odoacer*, cognita *Theodorici* profectione, congregi quam primum decrevit, ne si intra viscera hostem reciperet defectio aliqua, aut motus major *Italiae* populorum oriretur. Eodem igitur fere tempore uterque exercitus ad easdem amnis ripas confedere: Tentare uterque trahere hostem ad iniquam congregiendi rationem. Alveus quidem fluminis intermedius ob fidus aestivum vadofus erat ubique. Ripae tamen praeruptae & altiores difficilem transitum praebant. Tandem prior *Ostrogothus* ripam decliviorē nactus in ulteriori copias omnes exposuit, & pugnandi copiam fecit. Nihil animo territus *Odoacer*, suos ipse quoque in aciem produxit. Concurrere Barbarae acies collatis utrinque signis animis infestissimis. Hos *Italiae* possessio, quam tot per annos retinuerant, ira & indignatione concitos ad omnem mortis contemptum rapiebat. Illos vero antiquum bellorum decus, & quod invadenti major semper est animus, quam repellenti, stimulos addebat. In primis cum cogitabant, nisi vincerent, nullibi praeterea fore consistendi locum amissis prioribus sedibus & dignitate: iniere praelium *Heruli* nimio cum ardore. Ex quo factum, ut impetus & indignatio sicuti cum est moderata animos facit: Ita si nimia est, rationem loco moveat, & nihil agas feliciter: apud *Gothos* ordines melius servati, acies prudentius instructae. Omnia quoque ab ea parte in eo congressu diligentius administrata. Aequo aliquamdiu Marte pugnatum est, multis utrinque cadentibus cum neutri loco cederent, & ubi semel constiterant, inde aut hostem propellerent, aut ibidem ipsi caderent: turbata tandem, & loco mota *Odoaceris* acies, & quo impetu praelium inierant, eodem se in fugam praecipites dedere. Nec prius constitere, quam ad *Padum* eumque locum quem *Hostiliam* vocant *Odoacer* pervenit. *Theodoricus* autem ea potitus victoria, nihil moratus, quum

A cognovisset *Odoacrem* ad *Hostiliam* declinasse, ipse *Veronam* se recipit. Quae civitas mox eo audito conflictu missis nunciis ad *Theodoricum* defecit. *Odoacer* iterum coactis priori ex conflictu reliquiis & novis undique evocatis auxiliis *Veronam* versus contendit. *Theodoricus* exercitu recreato progressus adversus hostem est. Explicavere acies uterque in subjectis *Veronae* campis, longe tamen imparibus animis. Quid enim non audent, quos recens victoria alacriores reddiderat? Quid autem spei esse poterat iis, qui superioris conflictus imaginem adhuc recentem ante oculos haberent? Itaque vix dum tentata praelii fortuna iterum *Heruli* terga verterunt. *Odoacer* quasi fera venabulo saucia, rabie concita ignarus quid consilii capiat *Romam* ducere constituit. Omnia ibi reperit hostilia, portas firmatas, Cives de manibus parato vim repellere, omnes com meatus in urbem comportatos. Quibus commotus rebus *Odoacer* in suburbia debacchatus quicquid repperit igni ferroque demolitus est. *Theodoricus* autem receptis *Galliae Transpadanae* urbibus auctoque earum auxiliis exercitu: Dum *Romam* versus proficisci apparat, audit *Odoacrem* magnis allectos pollicitationibus plerosque *Flaminiae* populos ad se traxisse, ipsum autem *Ravennam* contendisse. Constitit apud *Papiam* *Theodoricus* atque eam urbem validis firmavit munitionibus. Ibi relicta uxore liberisque cum expeditis omnibus copiis *Ravennam* cum est insequutus. Consedit in *Candiani* campis secundum maris litus ad orientem. Dum autem urbem aggeribus & castellis pluribus locis excitatis obsidere apparat, *Odoacer* priusquam ad justam redigatur obsidionem tentare iterum decrevit belli fortunam. Exploratis itaque *Gothorum* castris ubi aptiora essent, atque custodiae rariores eruptione facta tumultum in *Theodorici* castris haud mediocrem excitavit. Praelium confertum. Caesi ex utraque parte complures. Tandem *Odoacer* majori accepto quam illato detrimento in urbem repulsus est. Post eam pugnam *Ariminum* urbs evestigio se se *Theodorico* dedit. Erant ibi naves aliquot castellatae, quas *Graeci* dromones appellant. Inde ad *Ravennatem* portum advehi imperavit. Ut ab ea quoque parte obsidionem magis urgeret. Paucis interjectis diebus iterum auctus *Odoacer* erumpere, in urbem denuo repulsus. Praerat tunc *Ravennae* *Joannes* Archiepiscopus magnae vir sanctitatis. Quum videret quibus in calamitatibus & periculis universae civitatis populus versaretur, Sequestrem se intulit ad pacem inter eos reges componendam: durae ferebantur conditiones quippe in fortuna admodum dispari. Cum res itaque convenire non possent, passa est *Ravenna* difficultates maximas famis & pestilentiae supra omnium fidem. Ut sordidissimis quibuscunque dictu etiam horrendis non parceretur. Tribus annis pertinax utrinque duravit obsidio, dedit tandem se se *Odoacer* hosti una cum filio suisque omnibus ea conditione, ut corporibus & vitae parceretur, angulum aliquem *Italiae* illis *Theodoricus* inhabitandum daret. Ingressus urbem *Theodoricus*: videre hominem non iustitavit: atque eo dissimulante a *Gothis* quibusdam per rixae speciem pater filiusque interfecti. Adeo tyrannidis cupiditas ubi semel animum occupavit nullus esse potest adversus eam virtuti locus. *Herulis* attribuit agros nonnullos juxta *Taurinos* saltus, illisque regem dedit. Perfecto igitur bello, atque omni recepta *Italia*, *Theodoricus* *Romam* profectus, susceptus est a Senatu populoque omni honoris cultu atque laetitia. Interea vero dum *Ravenna* obsidetur, & bello ardet *Italia*, *Gundibaldus Burgundionum* rex maxima manu Alpes transf-



transgressus vastissimas edidit populationes, non agros tantum diripuit, sed urbes etiam immunitas, ingentem abduxit prædam rerum hominumque. Calamitatis hujus magnitudo melius ex in sequenti libro cognoscetur. Novem jam Barbarorum exercitus annis circiter octoginta vel ingredientium vel egredientium cædibusque & rapinis omnia sædantium attrivere *Italiam*. Ita quidem ut mirum fuerit aut civem oppido aut

A colonum agro superfuisse. Nec in oriente quidem imperii res quietæ perstiterè, ut desideratus sit aliquando *Theodoricus & Gotthi*. Nam *Bulgares* ingentibus copiis *Isaurici* temporibus in *Traciam* descendisse auctor est *Dandulus*. Magna spe vastitates edidisse. Consumptam quoque igni *Constantinopolim* scribit, sed a *Bulgaris* ne an fortuito immissus ignis fuerit, silentio præterit.

## LIBER QUINTUS.



Attingimus superiori libro quam brevissime potuimus labores calamitatesque, quibus annis paulo minus XL. post *Athila* discesum oppressa *Italia* est. Non ut eorum temporum historiam scriberemus, sed ut quædam quæ magis insignia ac memoratu digna sunt visa narraremus, ex quibus adacti sint homines ad hæc paludium confugia petenda, ea sumus profecuti. Cætera diligentiae eorum, qui scripserunt, vel qui scripturi sunt omisimus, sed ejus libri initio diximus, omnis per eos annos rerum *Venetarum* cursus, qui ab *Athila* ad *Narfetem* eunuchum defluxit, nullis *Venetorum* externorumque monumentis satis est exploratus. Neque id mirum. Quis enim ex *Venetis* five tenuem eorum inspicias conditionem sive assiduos rerum undique perstreptentium terrores recentibus adhuc novisque rebus, animum possit appellere ad memorias conficiendas? Intenti erant omnes ad paludes sternendas, tecta construenda, paranda navigia, eaque exercenda quibus qualemcumque possent vitam agerent. Satis illis erat animam ducere. Omnisque cura in alendis familiis pro temporum conditione consumebatur. Scriptorem igitur *Venetum* nemo requirat. Si autem ad externos te referas, idem facile dicas. Neque enim videri poterant aquatiliū nauticorumque fortunæ (quo enim alio nomine illis temporibus censendi sunt?) ulla dignæ cognitione, nedum ut litteris & historiæ mandarentur. Tanta illis erat aliarum rerum copia magnarum quas quotidie aliam super aliam turbulentissimus rerum status ubique volebat memoratu digna, ut illis potius superesset, quam deesset scribendi materia. Et tamen qui tunc præstiterint ingeniis, & ad scribendum valuerint, vix unum aut alterum proferas. Docti nunc homines cupidi res illas nosse, queruntur quotidie rerum scientiam & scribendi facultatem cæterasque bonas artes una cum imperio concidisse. Cæterum quantum vel conjecturis, vel rationibus, quibus ad veritatem eruendam (ubi cætera defunt) maxime adhærendum est, comprehendere potuimus. Ea mihi tantummodo illis de rebus scribenda sunt relicta, quæ necessario non accidere non potuerunt. Primum quidem profugam gentem illam, quæ tum videret tum audiret, quantis ea tempestate malis omnis *Italia* premeretur, atque usu jam edocta perspiceret. Quantum præstaret tenuem vitam tuo agere, quam copiosam tantis malis obnoxiam captarum a se novarum sedium non poenituisset deinde nunquam desuisse sternere æstuarialia, tecta moliri. Aliaque ad agendam vitam necessaria parare navigandi studium illis fuit præcipuum. Itaque naves omnis generis comparare. In illis spem omnem ponere vel ad mercaturam exercendam, vel ad piratas persequendos, ut vetus illa *Liburnicarum* agilitatis gloria in hunc usque diem apud *Venetos* perseveret. Rem præterea publicam (quantacunque illa esset) procu-

B rare oportuit. Leges instituere, magistratus pro usu legere, tum majores, tum minores. Cogere pro tempore concilia, in quibus ut necessitas exposceret, quid agendum esset, quid fugiendum deliberarent. Augeri etiam convenarum numerum majorem in modum: his præcipue. XL. annis, in quibus nulla fuisset promissa *Italiae* requies necesse fuit. Illud autem ante omnia constituerunt redigere fluminum ostia in potestatem, ne accolæ pro libidine licentiori ingressi eos improviso armati adorirentur. Maxima siquidem tum *Venetis* oblata ad libertatem facultas est, quis enim illis iret obviam? Desolatis regionibus, everfis urbibus quæ circum exanimis jacerent: in quibus tot barbarorum exercitus centum annorum vastitate nil reliqui fecissent? Satis unicuique videbatur domum tutari suam. Quis præterea ab paludibus cæno & alga arundinibusque contextis esset metus? Quis a gente profuga, quæ temporaria potius rerum necessitate, quam certo stabili iudicio eam foeda delegisse loca putaretur? Nihil in his erat quod metuerent. Nullæ opes. Nulla per vim quærendi victus ratio omnia per laborem sudoremque. Commoda se se accolis obtulerat novæ gentis vicinitas multum in ea rerum inopia ac difficultate usum ex eorum commerciis capiebant. His igitur ex causis nihil fuit cur accolæ in extruendis quæcunque vellent operibus ad libertatem tuendam necessariis quicquam impedimenti opponerent. Fieri enim apparebat non tam præsumendi dominatus cupiditate, quam quod nec insulas, nec littora alioquin habitari tuto possent. Quibus autem operibus ostia fluminum munita sunt, aliunde non accipio. Nisi quod suspicari licet non procul ab his fuisse quibus nunc utuntur. Hæc una res primis illis temporibus, salvam incolumenque præstitit *Venetam* libertatem. Facile permitti suis legibus vivere. Denique ad nullam rem aliam, nisi ad necessaria familiis subministranda operam ac tempus impendere. Regno autem *Italiae* ad *Theodoricum* delato, magna in utramque partem in *Venetis* facta rerum conversio est. Siquidem *Italia* mirum in modum respirare ac quasi refluere cepit. Quo factum ut sicuti his annis. XL. maritimæ *Venetiae* civitates ex *Italiae* calamitatibus increverant. Ita post *Italiam* in meliorem statum redactam crescere & augeri non potuerint nam quousque *Theodoricus* regnum tenuit, nulli deinceps ejecti patriis, nulli spoliati bonis ut inde ad hæc stagna concurrerent. At vero aliud non minus commodum hi, qui jam convenerant, consequuti. Nam cum *Theodoricus* summa cum justitia regnum administraret, desiere *Veneti* ab accolis metuere & jam tuto se ibi morari posse confidebant, ut fuerit hoc maxime necessarium vel ad salutem, vel ad libertatem. Tenuis siquidem fortuna quam principis justitia non amplectitur satis tuta securaque esse non potest. Eam *Theodoricus* instituit regni felicitatem si volentibus & libentibus imperitaret, nam ut initio solet, nullam repulit a supplicantibus *Romanis*



postulationem. Omnia liberaliter concedere. Idem quoque ut se se offerebat occasio ubique facere: prædarum illud fuit bonitatis testimonium, nam cum, ut supra docuimus, *Gundibaldus Burgundionum* rex tum, cum *Theodoricus* cum *Odoacre* de *Italiae* possessione certaret, maximum captivorum numerum in *Burgundiam* abduxisset. Misit *Theodoricus Epiphanium Ticinensem* Episcopum multo cum auro in *Burgundiam* ad eos redimendos. Susceptus est a *Burgundione* magno cum honore. Ad paciscendum cum venissent & explorato captivorum numero aurum supplere non videretur, conversus *Epiphanius* ad preces, *Burgundionem* orat, ut communis fortunæ misereatur, & se liberalem exhibeat. Peristere nihilominus *Burgundio* in sententia cum vero se nihil proficere *Epiphanius* videret. Fac igitur inquit o rex rem ad calculum redigi & numerum captivorum inspicere, pro quibus aurum deest, cum respondisset regius procurator restare adhuc sex millia, tum *Epiphanius*: obsecro rex impera, ut ex iis aliqui producantur. Cum processissent squallore & sordibus enecti: Tum *Epiphanius*: tuamne o Rex munificentiam liberalitatemque tam parvo aestimas, ut istorum miserorum capitibus præponendam non arbitreris. Habet hoc sanctitatis opinio, ut ubique sibi honorem præscribat. Motus *Burgundio* ad hoc verbum eveftigio: Age inquit Episcopo, tolle tibi qui residui sunt omnes tibi condono. Non potes hac pietate, & vultu tam venerabili amicus dei non esse: Ora eum pro me. Dum autem *Theodoricus* urbem perlustrat, atque ejus pulchritudinem quanta fuerit animo concipit, miseratus majorum operum moles aut dirutas, aut casum minantis, dat operam, ut instaurentur mœnia, Thermae, Aquæductus, Theatra, Tempia, Porticus, Statuas aut magnitudine insignes, aut artificio. Nihil omisit quin *Romani* decoris & ornatus ingenti curam & studium præ se ferre videretur. Conversus autem ad mores legesque quas audiebat in præceps corruisse. Similem curam ad reformandas impendit. Et ut nihil *Romanæ* libertatis, cujus cum populum studiosum intelligeret, arrogare sibi videretur, omnia per magistratus *Romanos* curanda demandabat. Annua instituit salaria fenatoribus ad inopiam redactis. Pecuniam nulla alia imagine percuti voluit, quam qua ante adventum suum signabatur. Omnia igitur cogitare ac facere quasi sibi cum præstantissimis quibusque superioris sæculi & antiqui exempli principibus certamen esset atque contentio. Igitur constitutis urbis *Romæ* ut visum est rebus, decrevit ipse secedere. Civitatem regendam administrandamque permisit senatui populoque *Romano* *Ravennam* ipse concessit. Quam autem ob causam *Romæ* regiam non constituerit, sunt qui existiment sibi a populo *Romano* metuuisse cujus ingenia essent ferociora & ad res novandas cupidiora. Nonnulli *Ravennæ* placuisse sedem ideo volunt, quasi commodiorem ad Barbaras arcendas ab *Italiae* ingressu nationes. Mihi quidem dubium non est, cum *Italia* infero superoque cingatur mari, longe plus a supero metuendum fuisse: sed non ego a Barbaris solum timuisse *Theodoricum* existimo. Quis enim dubitat non oculos etiam vertisse ad orientis imperium, quod erat ea tempestate & præpotens & formidolosum. Nec mihi quispiam *Zenonis* in *Theodoricum* amorem commemoret, cæteros enim affectus potentiae majoris metus expellit. Multos amamus cum minus possunt, crescente potentia, & timemus & odimus. Ut igitur maxima est rerum humanarum conversio, si ipse a *Zenone* non timuit, non tamen prudentissimo principi metuendum a *Zenonis* posteris non fuit, ne posteris quoque *Theodorici* nimium pro-

A pinquum imperium aliquando videretur. Itaque latus lævum *Italiae* sibi quacunque ratione munendum existimavit & classibus & navalibus, ubi momento instrui paratique classes ad omnem insurgentem motum facile possent: cedere præterea urbemque *Romam* relinquere, illa quoque causa, ut opinor, impulit, nam cum nullius erga se gentis fidem *Gothicæ* præponendam existimaret: animadvertit non imprudenter, si per *Gothos* principes rem publicam administrari *Romani* conspicerent, eorum gratiam esse non posse diuturnam. Et præterea si utrique genti magistratus demandaret, fore ut dissidia seditionesque inter eos facile orirentur, se vero alterius gentis odium subire oportere, præsertim cum moribus essent diversis, & *Gothi* victores primas sibi semper deberi existimarent. Adde quod maximum erat *Arrhianam* perfidiam. Quo enim pacto eam ipse rem conciliaret? Cum *Romana* urbs principatum catholicæ teneret, Princeps autem alteri sectæ se se addixisset? Ut in exequendis divinis officiis aut abesse a Catholicis principem oporteret, aut senatum populumque *Romanum* ab *Arrhianis*? Diversos ritus, diversasque cerimonias utrique servarent? Optimum igitur existimavit ab oculis *Romanorum* cum principibus secedere. Cur autem *Ravennam* potissimum. Sane vel ex breviori arena \* itinere, vel ex planiori *Appennini* saltu, \* Forte a Roma. vel quod *Roma* *Ravennam* proficiscenti altissima *Padi* ostia superanda non sunt. Quæ quidem simul omnia magnistransmittendis exercitibus non parvi esse momenti videbantur. *Ravennæ* situm repetere non est necesse. Quantum sat fuit libro primo declaravimus. Nullus locus commodior ad opes augendas propinqua urbi *Romæ* & intra intimum superi maris sinum recepta. Sane oportuit cum nullum *Urbs Roma* commodius haberet emporium, ut crescente Imperio ipsa quoque succresceret. Primum qui eam majorem in modum celebrem reddidit *Augustum* fuisse tradunt, magnas ibi tenuit instructas classes Navali subductas omnium amplissimo juxta *Clasense* oppidum parvo a *Ravenna* intervallo, ad eam unam rem ædificato, ut mercatoribus nautisque hospitia præberet ad rem nauticam opportuna. Nulla nunc ejus oppidi apparent vestigia. Nulla navalis. Neque ejus quoque Turris pharææ cujus altitudinem *Plinius* asserit omnium fuisse ultimam, quas *Romani* imperii portus habuerint. Hæc omnia (tanta est edacitas temporis & antiquitatis) cum omnibus vestigiis interiere. At vero *Tiberius Claudius Germanicus* primus eam urbem muro cinxit, ut ex litteris ad portam auream incisus apparet. *Valentinianus* posterior ob terrorem adventantis *Athilæ* permunivit, translato autem in orientem Imperio maxime ea urbs increvit, cum ibi receptus esset, omnium fere navium, quæ vel ad bellum vel ad mercaturam, ex *Constantinopoli* in *Italiam*, item vicissim ex *Italia* in orientem proficiscerentur. Duo deinde illi contingere mirum in modum ad opes amplificandas accommoda unum quod *Theodorici* regia eo in loco condita firmataque. Moratus est ibi annos fere XL. Alterum quod Imperatoris *Hexarchi* pulsus *Italia* *Gothis* plus annis CC. eam sedem incoluere. Desiit autem frequentari pluribus de causis prima quidem illa, quia cum *Romani* Pontifices post translatum in occidentem imperium exactisque ex omni *Italia* *Longobardis* multum auctoritate atque opibus aucti essent, nulli jam amplius *Itali* aut externi nominis principes ut antea *Ravennam* in delitiis habuere: *Franci* paucos per annos tenuere imperium, *Germani* vero *Othones*, *Henrici*, *Federici*, si per *Taurinos* saltus ingrederentur, divertere apud *Mediolanum* soliti. Cum in-

B. Justinianus. D ter-



terea *Romani* quoque Pontifices ingratum non haberent minui *Ravennatis* sedis auctoritatem, quæ sæpius cum *Romana* de dignitate contenderat, cæterum interea crescens *Venetie* civitas rem nauticam ferè omnem mercaturamque & navigationes ad se traduxit. Præsertim cum ad transvehenda orientis aromata in *Pannonias Germaniamve* commodiori esset situ posita quam *Ravenna*. Itaque paulatim omnibus commerciis destituta diu jacuit, donec a *Venetis* in societatem recepta eorum beneficio respirare aliquantisper & reflorescere visa est: sed ut ad *Theodoricum* revertamur, iustitiam in primis mirifice coluit. Hæc duo feruntur exempla. Fures adeo acribus pænis est infectatus, ut liceret per omnem fere *Italiam* apertis januis speculisque dies & noctes agere. Alterum autem quod cum mulier defuncto viro secundas nuptias amatori spondidisset, & conditionem addidisset filium domo ejecturam, questus est filius de matre apud *Theodoricum*. Negabat constanter mulier suum esse filium, suppositum dicebat cum eniteretur, multis hinc atque hinc argumentis contendebatur. Rex ingenio sagax ut veritatem erueret: *Atqui inquit o mulier potes, si me audis facilliter ista te molestia liberare: Quin tu juvenem istum qui filium tuum se facit, maritum accipe: minor est ætate & facile \* liberalior.* Mulier animo commota, primum subsistit quid responderet, cum aliquantum se collegisset multis cavillationibus eam rem subterfugere, neque sibi ipsi constare cepit, sed omnia ambagibus involvere. *Theodorico* major orta suspicio est. Itaque finxit se pænam addere, nisi consentiret. Tum adacta mulier sceleris horrore suum esse filium confessa est. Usus præterea liberalitate est erga *Patarinam* urbem excissam. Jacuerat annos LX. ab *Athile* demolitione dirutis mœnibus & sine ullo munimento. Miseratus urbemque nobilissimam ad tam infelicem redactam conditionem, ut ipsa per se surgere non posset. Vallo & fossa urbem munivit tum frequentius habitari cæpta. Major exin *Venetis* orta molestia est, præsertim qui *Rivalentum* & objecta incolebant loca. Itaque *Medauci* fluminis ostium cæteraque ejus oræ loca, unde majus ab illis esset periculum, validiori quam ante præsidio muniunt, saltus alpium pluribus in locis permuniunt. *Verucam* oppidum erexit haud procul ab *Aquileja*, ut *Tergestinos* infideret saltus. *Tridentum* apud *Retios* validius firmavit. Alpium claustra nulli genti, quam *Gothicæ* credidit. Neque facile alia quam *Gothica* præsidia ad suspectiores *Italiae* custodias adhibuit. Illud pro maximo regni firmamento arbitratus est si principum regumque affinitatibus jungeretur, filiam *Clodovei Francorum* regis ipse in uxorem accepit tradidit filiam *Viseigothorum* regi *Hispaniam* tenenti. Virili stirpe ipse caruit. Regnum præterea latius propagavit. Nam præter *Italiam Romanæ* dominatus est provincie & *Narbonensi*, *Gallie*. Ab oriente vero *Histris* & *Dalmatis*, *Pannonie* quoque *Sirniensi*: Dum igitur summa cum felicitate regnum administrat, primam rerum mutationem ab hoc initio originem habuisse ferunt. *Clodoveus Francorum* rex *Alarico Gothorum* regi eo nomine bellum indixit, quia *Arrbianam* hæresim foveret, sibi vero infidelem bello regem persequendum æquum censeret. Votis itaque ingentibus rite factis si victoria potiretur. Coactis undecumque potuit copiis in *Hispanias* adversus *Alaricum* duxit. *Alaricus* contra haud segnius ab *Urdegalla Vasconie* urbe movens, cum præpotenti occurrit exercitu. Collatis utrinque signis apud *Pictavos* congressi *Franci*, *Hispanique*, post longum ancepsque certamen *Alaricus* fusus & interfectus.

\* Forte, facie.

A Elatus victoria *Clodoveus* quotquot *Arrbianæ* sectæ urbes reperit, cepit omnes atque diripuit. *Almaricus*, *Alarici* filius, *Theodorici* gener adolescens cum quibus potuit paterni exercitus reliquiis intra *Pyreneos* saltus se recepit. Hanc foci vi-  
 B tanturiam *Theodoricus* cum accepisset, ægerrime tulit, tum ob *Alarici* affinitatem, tum quia nisi evestigio opem ferret perditum iri videbat *Arrbrianum* nomen, cui mirum in modum afficeretur. Hæc dum in *Galliis* atque *Italia* geruntur addidit aliud fortuna facinus haud minus efficax ad omnia magis magisque perturbanda. Nam *Anastasius Zenonis* filius cum imperium apud *Constantinopolim* morte patris accepisset, fama-  
 C tanturum ad se rerum a *Clodoveo* gestarum in orientem esset perlata, statuit per oratores *Clodoveo* gratulari. Munera insuper addidit *Tunicam* blacteam, qua soli uterentur Imperatores, multis præterea aliis insignibus. *Patricium* & *consulem* & *Augustum* appellavit. Eum honorem *Franci* susceperunt maxima cum pompa, fama-  
 D que & litteris per orbem dimissis auxerunt. Quæ cum omnia *Theodoricus* audiret, & in *Ostrogothæ* gentis contumeliam facta arbitraretur, decrevit ipse genero *Almarico* quacunque posset ratione suppetias ferre, præsertim cum intelligeret *Clodoveum* in ejus perniciem incumbere. Copias  
 E coëgit ad numerum armatorum XL. millium, præcipue *Gepidarum*, quos apud se lectissimos habebat. *Ilbam* comitem illis præfecit. Ducenti in *Vasconiam Ilbæ*, ut se *Almarici* copiis adjungeret, *Clodovei* exercitus *Aquitaniæ* provincie præsidio relictus occurrere instituit cum armatorum xxx. millibus, ancipiti aliquamdiu Marte pugnatum: prælium atrox commissum est. *Franci* tandem profligati & magna ex parte cæsi. *Theodoricus* favit *Arrbianæ* sectæ quoad vixit, illam sustentavit & visibus & auctoritate. At ea *Gothicæ* gentis labe excidium in *Italia* multorum  
 F malorum initium cepit. *Justinus* nanque senior *Anastasi* filius, summa religione princeps, cum delere omnem in orbe hæresin instituisset præcipue *Arrbianam* edictum pronunciat, ut ejectis ex omni imperio *Episcopis Arrbrianis*, eorum ecclesie Catholicorum administrationi committantur. Concitus hoc edicto vehementi ira *Theodoricus*, decernit continuo legatos ad *Justinum*, *Joannem Pontificem Romanum*, *Agapitumque* & *patricium* consules ambos: Hos ideo libentius quia summa tum pollebant auctoritate. Jam enim inceperat Tyrannum potius quam regem agere: ut præstantes quosque viros odisset & abesse longius vellet. Mandatorum hæc fuit summa: Audisse *Theodoricum Justinum* edictum de catholicis & *Arrbrianis*. Non dubitare hoc in sui contumeliam factum, quem jampridem insensum habuerint & *Anastasius* pater & *Justinus* filius, nulla quidem ipsius culpa, sed ob *Italicum* regnum justis armis quæsitum conservatumque & auctum summa cum justitia & diligentia. Proinde bene quoque agi cum *Justino*, si imperium ipse suum tam diligenter administret. Ut illi supersit tempus otiumque ad hæc sacerdotalia judicia curanda. Censere præstantius esse, ut reges Pontificesque seorsum quisque munera sua obeant. Certent inter se verbis sacerdotes, dummodo vi temperent & armis. Moneant igitur *Justinum* ut abstineat edicto, quod nisi fecerit, certiorum faciant quicquid ille injuriæ intulerit *Arrbrianis* Ecclesiis, idem quoque se catholicis illaturum. *Justinus* legatos maximis honoribus accepit, & præcipue *Joannem Pontificem*. Nam & populus omnis longe obviam illi ab urbe progressus est cum sacra omni pompa. Et *Justinus* genibus se se Pontificis summisit. Legati deinde potestate di-



dicendi facta: *Afferimus inquit o Imperator duram nimium legationem, quam perfidi & crudelissimi Regis ferox & superbus animus imperavit, tuum erit deligere quod omnipotens Deus optimum in tantæ rei sue discrimine demonstrabit.* Mandata deinde exponunt. Audivit eos *Justinus* magna cum moderatione, ut nihil commoveretur mandatorum superbia & indignitate. Consultis deinde legatis quid in eo rei christianæ periculo agendum esset. Tandem variis inter eos habitis disceptationibus, *Justinus* ex communi sententia misereri maluit eorum malorum, quæ facile consecutura animo conciperet, quam rem christianam & totum fere orbem perditum ire. Itaque differre edictum satius existimarunt. Cæterum quid profuit cum superbo & obstinato homine mansuetudo: Barbarum diutius ingenium *Theodoricus* metiri non potuit. Nam *Justinus* facilitas, quæ mollire illius animum debuerat, majorem in modum effervavit. Siquidem invidia percitus, quod maximo amore *Justinus* & Pontificem & legatos habuisset, quasi in ipsius contumeliam factum, infirmatos variis criminibus in carcerem conjectos fame deinde atque inedia necavit. Pari rabie defævit in multos *Romani* senatus principes. *Boetium Severinum*, & *Symmachum* focerum viros consulares atque summæ auctoritatis, apud *Papianum* relegatos interfici jussit. *Boetium*, qui librum nobilissimum de trinitate quasi adversus *Arrianos* in ejus contumeliam composuisset. Ipse non multo post ut nonnulli volunt a populo, nonnulli ventris profluvio magnis cruciatibus extinctus est: Anno duo de. XL. post adeptum *Italiæ* regnum. Auctor est *Procopius* post *Boetium Symmachumque* interfectos, cum cœnanti *Theodorico* caput pilcis esset oblatum, refugisse *Theodoricum* quasi *Symmachi* faciem oblatam. Illud autem caput torvos in eum oculos defixisse visum: *Gregorius* in dialogo scribit ab *Liparensi Siculo* heremita, cum eo, quo *Theodoricus* obiit, die in cælum oculos subtulisset in ardentem *Vulcani* ollam præcipitatum. Hujus tanti viri morte relictum mortalibus exemplum, nullam esse rem fortunæ vicibus non subjectam, non opes, non liberos, non imperium, non denique virtutem ipsam, quam supra omnem fortunam collocatam gentiles philosophi voluerunt. Eripiuntur omnia, sola illa constans perpetuaque felicitas est, quam optimus Deus mortalibus gratis infundit, nec igni, nec ferro, nec ipsa quoque corporis ægritudine labefactanda. Sub extrema *Theodorici* tempora concuti superioribus malis cœpit *Italia*. Nam *Sclavi* fera gens tum primum magnis copiis in *Histriam* primasque *Venetia* fauces transcendere. Ea gens *Scythica* & ipsa origine, dum *Romanum* ut pleræque aliæ gentes imperium invadunt, præclarum sibi nomen armis fecere. Domo egressi *Mauritii* tempore, incolere regionem *Bosphoro Cimmerico* adjacentem circa *Tanaï* caput & *Maotidem* paludem. Pars ad dexteram *Aquilonem* versus declinavit, inque duas est divisa partes. Hi *Boëmi*, illi *Poloni* appellati. Altera autem ad lævam transiisse *Danubio* sedes cepere prope *Sarum* flumen *Dalmatiam* usque pertinentes. *Sclavorum* nomen in hunc usque diem retinere. Eandem autem fuisse gentem *Boëmos*, *Polonos*, & *Sclavos*, illud attestatur, quod omnes quas diximus nationes nunc etiam eadem utuntur lingua. Tandem ad oram *Hadriatici* maris descenderunt, *Narentam* oppidum juxta flumen ejusdem nominis condiderunt. Piraticam exercuerunt plurimos per annos. Multa deinceps bella *Venetis* cum *Naretanis* consequuta sunt, multæ acceptæ clades, multæ illatæ: donec a *Venetis* edomiti in ditionem cum reliqua *Dalma-*

*tia* recepti. *Histriæ* populi *Venetiarum* accola his terroribus compulsi in insulam se conferunt, cui tunc *Capraria* nomen fuit. Condidere oppidum & in *Justinus* Imperatoris gratiam *Justinopolim* appellavere. Nec omnino vetus interiiit nomen. Incolæ enim in hunc usque diem a finitimis *Capretiani* nuncupantur. Mortuo *Theodorico* sine liberis maribus *Amalasuenta* filia regnum administrandum suscepit pro *Athalarico* filio suo octavum agente annum. De cujus laudibus mulieris *Cassiodorus* plurima supra muliebrem virtutem scribit. Hæc breviter excepmus. Videre neminem eam mulierem sine veneratione potuisse, audire loquentem fuisse miraculum, *Græcis Latinisque* litteris egregie imbutam, omnium gentium nationumque, quibus cum *Romano* imperio aliqua esset consuetudo, linguam novisse, vernaculo vocis sono quasi inde duxisset originem locutam. Tantæ autem gravitatis ac insimulando & dissimulando prudentiæ, ut cum improbos redargueret acriusve increparet, nihil sibi quod acerbum esset illatum & dicerent & sentirent. Quibus ex rebus tantam sibi comparasse dicit tum auctoritatem, tum amorem, ut illi non paruisse, etiam si nulla timeretur pæna, nefarium duceretur. Suscepto regno sapiens mulier, quæ optime nosset, quibus rebus pater gratiam benevolentiamque, quibus item odium sibi comparasset, *Symmachi* & *Boetii* filiis patrimonium restituit: *Athalaricum* filium ut *Romanis* moribus & disciplina imbueretur, enixe operam dedit. Non fuit ea in re felicior, Surdo ut ajunt canebat fabulas. Nam cum tres ex ea gente quasi gubernatores puero essent instituti, mox illi actis in lævam partem pueri moribus, ut facilius ipsi undecunque libuisset, & raperent & extorquerent. Longe in diversum ac mater cupiebat instruere cœperunt. Ea simulata ratione non fuisse *Gothicis* Regibus morem liberos regios aliis studiis quam armorum disciplina instituere, solere litteras disciplinarumque magistros adimere pueris animos, quos magnanimos facere oporteret. Ferebat hoc iniquo animo mater. Cæterum utcumque poterat dissimulabat. Interim non definebat admonere, & illi *Justinus* potentiam formidolosam reddere: quantumque quotidie illius nomen cresceret inter *Romanos*. Defuncto autem paulo post *Justinus*, eo metu Rex puer liberatus: *Næ tu mihi inquit mater amplius Justinus metum non incuties.* Itaque deinde cœpit quasi sublato freno licentius in omne vitium ferri, prudens mulier non tam pueri moribus quam propriæ metuere cœpit. Itaque ne quid adversus se adolescens moliretur, tres illos, quos supradiximus *Gothorum* principes *Athalarici* corruptores interfici curat. Dum hæc in *Italia* geruntur, sicuti *Theodorici* virtutis fama, dum viveret, longe lateque inter Barbaras increbruerat nationes, ita illius morte dissipatus per orbem rumor *Italiam* regi a muliere & puero: excitare Barbaros fecit ad *Italiam* repetendam. *Alemanni* nanque gens & ipsa *Germanica Venetiam* ingressi, vicinalque regiones crebris incurfionibus depopulati, cædibus & rapinis omnia compleverunt. Jamque regredi res cæpere ad pristinam superiorum calamitatum speciem. Moritur octavo post *Theodoricum* anno *Athalaricus*. Regina consortem regni suscipit *Theodatum* Consobrinum, quem *Theodoricus* vivens multis affecerat honoribus magna indolis spe primis pubertatis annis implevit omnes futuræ probitatis. Videbatur ingenio mitiori & ad disciplinam virtutesque liberales accommo. *Platonem* plurimum in manibus habebat. Scripsit historiam, videbaturque laudis & gloriæ cupidior. At vero nihil est quod magis mortalium aperiatur ingenia, quam imperium. Siquidem rerum mul-



tarum earumque magnarum licentia quicquid est virtutis, aut vitii producit in lucem. Nihil fuit regina Consobrina quam in filio arrogando felicior. Mox enim ut rerum potens factus est avorum ignavumque se prodidit. Laborem fugere, inertiae etiam se dedere, odisse tam virtutem quam virtuti deditos, gregandae pecuniae incumbere, ut dicere non dubitaret providere se, ne si forte dimittendum esset regnum, vitam non posset ducere. Infelix in utroque Regina cuncta ut poterat administrabat. Indigne quoque ferre Theodatus. Nam neque ipse facere, neque reginam permittere, ut tandem ingratiissimus homo, qui alienam virtutem sibi dedecori esse arbitraretur, in lacus *Vulsinensis* insulam relegarit, atque ut scelus sceleri addat, facultatem paulo post praebuit propinquis eorum, quos illa occidi iusserat, ut eam pro libidine interficerent. Magis Theodatus omnibus invisus esse, improbum scelus omnes detestari: Ea exre invidiam conflavit, quasi sublato capite, omnia denique regni negotia in pejus ruere. Cum autem Justinianus Justinus nepos qui defuncto Justino imperium susceperat, res magnas in Asia & Africa gereret, crescereque in dies illius gloriam Theodatus animadverteret, trepidare coepit. Levis & inconstans homo, nunc per legatos pacem deprecari, nunc si bellum inferat, minari se defensurum. Atque ita se tum verbis tum factis gerere, ut facile intellecta hominis levitate Justinianus, bellum illi quam primum inferre maturaverit. Nihil enim magis injuriam invitat, quam manifestus injuriae metus. Eo bello ducem declarat Bellisarium insigni virtute praestantem praecipue disciplina militari. Is magna comparata classe & simulata in Africam traiectione in Siciliam declinat. Catinam primam urbem, deinde Syracusas, ejectis Gothorum praefidiis recipit. Quarum exemplo pleraeque ejus insulae civitates se se Justiniano dedunt. Recepta Sicilia, vulgavit palam Justinianus hoc bellum suscepisse, cum alias ob multas Theodati injurias imperio illatas, tum quia catholicos cum indignitate opprimeret, Arrbianos quam maximis posset honoribus sublevaret. Mittit Justinianus ex parte alia Mundum belli ducem ad Dalmatiam recipiendam. Mundus brevi Salonam ad deditiorem compulit, & videbatur pari felicitati caetera confecturus. Perterrefactus Theodatus metu tantarum rerum, pacem per legatos a Justiniano petit, pollicetur Sicilia decedere, tributum pro Italia pendere Coronam auream librarum. xxx. & in quamcunque imperator jusserit expeditionem auxilium trium millium militum Romanorum, permittere imperio jurisdictionem in Episcopos virosque senatorios. Daturumque operam ut Imperatoris nomen inter divina officia sacrasque ceremonias, priori ante regnum loco pronunciaretur. Statua nulla regi Italico locetur, nisi secundum imperatoriam. Respondit Justinianus longe magis ex usu Theodati fore si ad se veniat, regnum dimittat. Aevum agat cum doctis omnibus, nec divitias, nec quicquid concupiscat defuturum. Caeterum ut varii sunt fere semper bellorum eventus, coactus est Bellisarius ob novos in Africa excitatos motus in Apbriam reverti. Et Dalmatiae res intemperantia Mundi ducis in periculum adductae, Gotthi qui caeterarum urbium praefidia tenebant in unum coacti, praelium ausi sunt cum Mundo conferere. Mundi filius interfectus. Dum vero profligati Gotthi in fugam vertuntur periculum Mundus non vitavit. Nam ira interfecti filii concitum intemperantiusque ante alios evolantem & hostes insequentem conversi in eum hostes & pene solum conspicati, acerrime se defendentem interficiunt, quibus tamen rebus nihil ter-

ritus Justinianus, sed qua caeteris in rebus usus erat fortitudine felicitateque, compositis Apbricae rebus, Bellisarium in Italiam properare jubet, qui toto Calabriae ac Lucaniae tractu brevi recepto, Neapolim profectus, per Aquaeductum notis silentio ingressus nil sentientibus aut Gotthis, aut oppidanis, eam urbem occupat. Constantianum vero novis cum copiis bello Dalmatico praeficit. Principes Gotthi accepto detrimento Neapolis amissae, cum Theodati, tum socordiam, tum levitatem animadverterent ad tanti belli pondus administrandum, pejora autem in dies expectarent, alio sibi rege opus arbitrati, Vitigitem primum belli ducem regem creavere. Missi a novo Rege qui Theodatum interficerent: affecuti sunt fugientem apud Anxur urbem, quae nunc Terracina dicitur eumque interficiunt. Tenuit regnum Amalasuenta cum Athalarico filio annis octo. Theodatus anno tertio interfectus est. Haecenus pauca de Venetis rebus attigimus: professi libri quarti initio, nihil habere quod iis de rebus ab Athila ad Narsetem scriberemus. Appropinquant ea tempora. Qualis etenim tunc esset Venetiarum status utemur Cassiodori epistolarum regiarum magistri testimonio, in qua multa de novella gente licet videre: de locorum Situ, de gentis victu, de exercitiis, de moribus. Viderat liquidem Cassiodorus eam gentem eorumque delectatus est studiis. Ejus exemplum operae pretium non praetermittere existimavimus. Tribunus Venetiarum Senatus praepositus data pridem censione jussimus, ut Histria provincia vini & olei species, quarum praesenti anno copia indulta profuitur ad Ravennatem feliciter dirigeret mansionem. Sed vos qui numerosa navigia in ejus confinio possidetis pari devotione grata provide, ut quod illa parata est tradere, vos studeatis sub celeritate portare. Similis erit quippe utrique gratia protectionis: Quando unum ex his dissociatum impleri non permittit effectum. Estote ergo promptissimi ad vicina, qui saepe spatia transmittitis infinita. Per hospitia quodammodo vestra discurritis, qui per patriam avigatis. Accedit etiam vestris commodis quod vobis aliud iter aperitur perpetua tranquillitate tranquillum. Nam cum ventis sevientibus mare fuerit clausum vobis via panditur per amoenissima fluviorum. Carinae vestrae status asperos ventorum non paveant. Terram cum summa felicitate contingunt, putantur eminus per prata ferri, cum contingit alveum non videri. Tractae finibus ambulant, quae stare rudentibus consueverant. Et conditione mutata pedibus juvant homines naves suas. Vestricem sine labore trahunt. Et pro panno velorum utuntur passu prosperiore nautarum. Juvat referre quemadmodum habitationes vestras sitas esse perspeximus. Venetiae praedicabiles quoddam plenae nobilibus. Ab austro Ravennam Padumque contingunt. Ab oriente jucunditate Ionii littoris perfruuntur. Ubi alternus aestus egrediens modo claudit, modo aperit faciem reciproca inundatione camporum. Hic vobis aquatilium avium more domus est. Namque terrestri modo, modo cernitur Insularis, ut illic magis existimes esse cyclades, ubi subito locorum facies respicis immutatas. Earum quippe similitudine per aequora longe patentia domicilia videntur sparsa. Quae non natura protulit, sed hominum cura fundavit, viminibus flexis illigatis. Terrena illic soliditas aggregatur, & maritimo fluctui, tam fragilis munitio, non dubitatur opponi. Quando vadisum littus moles nescit ejicere undarum & sine viribus fertur, quod altitudinis auxilio non juvatur. Habitatibus igitur una copia est, ut solis piscibus expleantur, paupertas ibi divitibus sub aequalitate convivit, unus cibus omnes reficit. Habitatio simul universa concludit. Nesciunt de penatibus invidere. Et sub hac mensura degentes, evadunt vitium, cui mundum



constat esse obnoxium. In salinis autem exercendis tota contentio est, pro aratris, pro falcibus Cilindros volvitis. Inde vobis fructus enascitur, quando in ipsis & quæ non facitis possidetis. Moneta illic percutitur victualis. Arti vestræ omnis fructus additus. Potest aurum aliquis minus quærere, nemo est qui salem non desideret invenire: merito quando isti debetur omnis cibus, qui potest esse gravissimus. Proinde naves quas more animalium vestris parietibus alligastis diligenti cura reficite, ut cum vos vir experientissimus Laurentius, qui ad procurandas species est directus commonere curaverit, festinetis excurrere. Quatenus expensas necessarias nulla difficultate tardetis, qui pro qualitate aeris compendium vobis elicere potestis itineris. Ex hujus epistolæ verbis facile excipere est, quibus tum moribus vitam ducebant, quæ gentis studia, quæ vivendi disciplina. Eos siquidem temporum conditio coegbat ad omnem contemnendum subeundumque laborem. Cujus contemptu quæcunque humanus animus concupiscit, facile consequitur, nulla vitare maris pericula, nullos domi labores fugere, omnes adire vitæ difficultates, dum se se familiarque suas sustentarent. Frugalitati in primis studuisse sat constat. Quæ labore acquiruntur, carius retinentur. Tenuis victus, cibus potusque vulgaris, nulla paratus cura, vestis modica, quippe frigoris & caloris quibus essent assueti patientissimi. Humilis ædificatio. Parvo contenti, quippe minimo assueti, cum sua cuique satis placerent, dum sibi uxoribus liberisque suppetent. Delitias horrere non minus quam squalorem. Fructus illis domestici pro messibus & vindemiis, piscationes erant & salinæ. Cæteræ siquidem ejus oræ salinæ desolatæ cultoribus ob RUEBANTUR aquis. In salis fructu semper illis maximum fuit compendium. Proque eo ab accolis tuendo plurima bella fecerunt. Carebant præcipuis humani generis pestibus luxuria & avaritia, quæ contrariæ cum sint Comites tamen fere semper sunt individuae, & altera alteram sollicitat. Friget enim luxuria sine pecunia. Agebatur vita procul a cupiditate. Aureum ego apud eos seculum fuisse dicerem, nisi quod circumfusi per Italiam cæterasque provincias terrores, & præcipue assidui piratarum insultus adigebant, ut semper in armis essent. Summum eo seculo decus existimabant, piratam agilitate navium consequi. Verum profecto illud est: Nullum esse tantum malum ex quo sapiens utilitatem capere non possit. Ex pirata namque pessimo hominum genere ille fructus erat, ut exercerent juventutem discerentque repellere hostem & armis consequi, bellisque navalibus si quando accideret assuefierent. Cæterum longe maxima fuit mercaturæ navigationumque exercitatio illis quoque temporibus, omnia jam maria percurrere, portus omnes & emporia scrutari diligentius, quid portari commodum, quid exportari, ex quibus fructus aliquis percipi posset. Maxima inter eos vigeat concordia, summus erat amor, illis omnia communia, Privata pro publicis habere, publica pro privatis. Inde necessario illud consequebatur, ut maximo esset in cultu justitia. Quis enim auderet injuriam alteri facere, quæ publice facta omnibus videretur? Ita nulla apud eos fraus dolusve tam procul esse a mendacio quam a rapina. Domi igitur veritati assueti, facile ubique erant ejusmodi. Maximæ fidei apud omnes gentes habebantur, credendaque pecunia præferbantur aliis, in tractandisque negotiis fuit illis præcipuum externas injurias negotiatoribus illatas nullo modo pati. Ea ratione, qui, cum omnis eorum victus inter alienas terras versaretur, oportuit, nisi una cum bonis perire mallerent

A tutari sese & operam dare, ut immunes ubique haberentur ab injuria. Idque longe magis servatum sequentibus seculis. Postea quam videlicet & numero negotiatorum & magnitudine negotiorum increverant, lex fuit repetere prius ablata, nisi redderentur, armis deinde vendicare si possent. Si virium facultas non adesset, tum interdiceret mutua invicem commercia, ut raro accideret, quin quod una non impetrarent via, altera non succederet. Religioni ut studerent, si non eos naturalis amor sane cum labores, tum pericula in quibus versarentur adigebant. Nihil est enim quod mortalium mentes ad cælum magis erigat quam periculum metusque, præcipue ubi humana defunt auxilia. Quænam autem major illis alia tum esset spes? Nescit pauper humana destitutus ope, aliam implorare quam divinam. Maris præterea pericula & navigationum quanta sint, nemo nescit, cum vel tempestatibus agitantur vel discissis velis ornamentisque confRACTIS sine cælo ullove fidere, quam viam teneant, aut quæ fulcent maria nesciunt. Adde piratarum pericula quos effugere præsertim in superi maris angustiis nullo modo poterant: Cum iis non de rebus tantum, sed de vita & sanguine erat diminutio. Hæc autem vota non a nautis tantum cæterisque in periculis constitutis persolvi solent, sed domi longe magis ab uxoribus & liberis. Tum templa adeunt, vota nuncupant, ut reduces atque uberi cum fructu domum superi remittant. Nec minus aliarum quoque civitatum calamitates, ne idem illis accideret eorum pectora concutiebant. Veluti cum tonante cælo crebrisque ignibus corruscante pavida mortalium corda ad unius se dei opem auxiliumque convertunt. Sed nihil erat quod eos in hac laborum periculorumque patientia constantes detineret magis quam libertatis amor. Cum viderent quicquid illis ex laborum fructibus accederet, in suam non alienam verti libidinem. Hoc adigebat eos ad cætera contemnenda, quæ prima mortales extimant. Præsertim cum viderent quantis in malis, qui illa concupiscerent, versarentur. Adepta siquidem libertate, quis tot navigationum, commerciorum peregrinationumque labores sine ulla intermissione subeat? Nihil habeat ubi interdum animum remittatur. His quoque temporibus si libertatem sustuleris, vix quenquam reperias præter ordines humiliores, qui in hac alga & arundinibus vitam duceret. Nemo siquidem post laborem requiem non appetit. Libertas illis securusque suis cum familiis status pro requie succedebat. Qui de moribus civitatum scripserunt, solent plerique antiquorum laudare mores, suorum temporum reprehendere. Eam rationem secuti quia omnia in deterius labantur. Hoc profecto sicuti verum, ita illud pro laude earum de quibus scribunt civitatum. Nonnulli addiderunt serius eas tandem quam cæteras in vitia prolapsas. Non est cur fortasse idem quoque hac de urbe dici non possit. Integris quidem & incorruptis moribus permanisse ad hæc usque tempora, non ego dicere ausim, multa sæcula duravisse. Fortasse non immerito quispiam dixerit. Quales igitur Venetiæ fuerint ea de qua scribimus tempestate, dictum a nobis. Sequentibus vero sæculis quales extiterint, non eam provinciam suscepimus, ut scriberemus. Scripsit aliqua breviter Albertus Magnus *Sextodecimo historie libro*. Longe plura executus est Henricus *Ariminensis* ex ordine prædicatorum libro quem de quatuor virtutibus cardinalibus conscripit. Quos profecto qui legit superiorum omnium civitatum laudibus, prisca semper excepta Roma non immerito hanc de qua scribimus æquare possit. Causam autem



consideranti mihi, cur hæc morum quasi lege quadam in deterius mutatio accidat, illa præcipue videbatur: Naturam unicuique tam rei quam animis hominum suos numeros dedisse. Quos intra si res humanæ continentur, incolumi statu ac diuturno perseverant. At vero si altius tendunt, & in longe majus excrescunt quam patiantur mortalium vires, quibus etiam suus numerus est a natura constitutus in earum rerum gubernatione, succumbant necesse est. Unum illud relictum tanto malo remedium principum cura &

A diligentia: ut sicuti ignavia & incuria labuntur, ita industria & diligentia sustineantur. Siquidem unum quodque iisdem artibus conservatur, quibus ab initio adeptum est. At ubi pro labore & vigilantia indiligentia ignaviaque sensim subrepunt, aut quod proximum est reipublicæ cura affectusque ad privata commoda convertitur, frustra meliora patrum tempora optabis. Neque sane tum dabitur justus querendi locus. Quid enim æquius quam si in ea re quam tu neglexeris, detrimentum accipias?

## LIBER SEXTUS.

**G**othorum bellum a *Justiniano* imperatore susceptum pro *Italia* liberanda, gestumque non minori virtute quam gloria recensere non ea mente adorti sumus, ut laudem surripere remus iis, qui longe quam nos copiosius eam historiam conscribere, nihil enim minus quæsimus quærimusve, quin gratias illis debemus. Nam præter earum rerum notitiam quam reliquere posteritati, nobis quoque præstiterit, ut causas *Venetæ* condendæ urbis, quas scrutamur atque perquirimus, clariores reddere liceret. Denique nec omnia quidem persecuti sumus, quæ ab illis de hoc bello tradita sunt monumentis. Sed collectis tantummodo his, quæ ad rem nostram pertinent & magis probantur, cætera omisimus, quod idem in reliquis quoque faciemus, quæ deinceps scripturi sumus: si prius tamen pauca de *Justiniano* perstrinxerimus, a cura præpositoque nostro non abhorrentia. Fuit is princeps magnæ virtutis & gloriæ, *Parthos* multis attritos præliis perdomuit, orientem pacavit, *Africam* imperio a *Vandalis* ereptam, ut supradiximus, *Bellisario* duce, restituit: Cæterum conditæ ab eo leges per omnem fere orbem diffusæ æternum illi nomen peperere. Et tamen ipse quoque primo suscepti imperii tempore vitare non potuit, quin suadente *Anthenuo* Episcopo *Constantinopolitano* in *Eutychianam* hæresim laberetur. Evocavit *Roma* *Agapetum* Pontificem ut in ejus sectæ sententiam ipsum traheret. Profectus ad eum *Agapetus* magno honore susceptus est. Cum vero *Justinianus* blandis primum suasionibus usus, minas deinde etiam adjecisset: Et quid inquit *Agapetus* imperator fraudene igitur Romanum pontificem aggredieris? Evocasti quasi ad *Justinianum*. Nunc autem (ut videre videor) ad *Diocletianum* trajeci hoccine decuit? Haud ita se cum Romanis pontificibus habuit *Justinus* avunculus princeps christianissimus & acerrimus hæreticorum vindex. Motus eo verbo *Justinianus* atque non minus delectatus, quam admiratus pontificis libertatem atque constantiam: Quoniam inquit tu in meam sententiam transire non vis, ego in tuam transeam necesse est, ne christi fidem duas in partes proscindamus: Itaque catholicam deinde confessionem fidelissime recepit. Hoc ideo præcipue memoratum velim, ut exemplo confirmem quod secundo libro docuimus: imperatores fere omnes unde plurima sunt mala consecuta aliqua hæresi contaminatos extitisse. Ejus pontificis horatu bellum hoc *Gothicum* suscepit atrox fuit & diuturnum, & sicut iusta causa bello prætendi, ita non minori cum iustitia defendi videbatur. *Justinianus* quidem præ se ferre quod ad inertes homines avaros, rapaces, hæreticos Regnum *Italiæ*, ubi legitima sedes esset imperii, pervenisset. *Gothi* quod regno paterno & avito iustis armis quæsito, possessio annis supra quinquaginta propelli

B ac deturbari, nefas & contra jus gentium arbitrabantur. Bellatum obstinatissimis animis vario eventu annis duo de viginti. Dum *Gothus Romanus* *Gothum* alternis vicibus variante (ut solet) fortuna superare contendit. Neque est consilii singulas hujus belli referre calamitates, satis fuerit summam eas colligere, ex quibus *Italiæ* labores quam magni fuerint, planius apparebit. Primum transmisere a *Justiniano* copiarum duces plus. XL. classes duodecim cum supplementis. Urbs *Roma* amissa, & a *Bellisario* *Justiniani* duce bis tum recepta, tum amissa, a *Vitigite* *Gothorum* rege cum centum quinquaginta millibus annum integrum crudelissimam obsidionem famemque passa, ut ne infantibus quidem pepercerint matres, nedum sordidis, aut horrendis visu, audituque cibis abstinerint. A *Totila* deinde Rege tres longissimas & atrocissimas obsidiones perpeffa. In cives omnes sexumque & ætatem ferro sævitum, mania disiecta, Palatia, Thermæ, Theatra, aliaque admirandi operis ædificia, aut excissa, aut magna ex parte labefactata. Senatus ipse tum a *Vitigite*, tum a *Totila* aut lacertus aut necatus. *Roma* quod omnem pene fidem excedit sine colono tam mare, quam foemina relicta. Nobilium fortuna tetrior, qui aut in hostili urbis ingressu, aut quia *Gothi* Reges obsides secum ducerent, re male gesta necabantur. Similes clades eadem tempestate consumpsere alias pleraque *Italiæ* urbes oppidaque. Siquidem *Mediolanum* a *Burgundionibus* obsessum & indigna omnia passum, postremo dirutum, ac solo æquatum, cæsis triginta civium millibus, *Papia*, *Placentia*, *Brixillum*, *Ravenna*, *Ariminum*, *Perusia*, *Neapolis* ter quaterve aut captæ, aut crudeliter obsessæ. Omnis *Gallia Cisalpina* vastata, *Venetia* afflictata, *Flaminia*, *Ethruiria*, *Peligni*, *Umbri*, *Calabri*, omnisque ambitus *Hydrunti* protrititus, & proculcatus, nunc vincentibus Romanis, nunc *Gothis*. Itemque nunc obsessis pulsive ex uribus, quas tenebant *Gothis*, nunc Romanis. Fames præterea tres insignes, totidemque pestilentia per eos annos *Italiam* depopulatæ. Ille maiorum cumulus, quod recepta *Ravenna* a *Bellisario* & *Vitigite* *Gothorum* Rege *Constantinopolim* ad *Justinianum* in triumphum delato, ventum est ad alios duces imperatorios avaros & rapaces, qui cum stipendia militibus non penderent, sed sibi retinerent oppidanos spoliabant. Improba nimium miserorum civium fortuna. Siquidem cives & oppidani extra mœnia ab hostibus, intus diripiebantur a militibus, quum duces qui munitas tenerent arces, pro servis ducerent oppidanos. Non igitur deerant quotidie, crescentibus *Italiæ* malis qui ad hæc loca, quasi in portum confugerent. Dum inter urbium expugnationes vastationes, agrorum direptiones, mulierum violationes, puerorum virginumque raptus, & præterea seditiones suspicionesque, pessimum, quia sine re-



medio malum, non viderent quonam pacto ea mala fugerent commodius, quam ut sese ad hæc loca receperent. Cæterum in his erant præcipue qui pecunia pollerent, quibusque esset usus ejus tractandæ. Siquidem navigationes alibi per omnem fere *Italiae* oram desierant, quum omnia bellis arderent, classesque hinc imperatoriae, hinc *Gothicæ* suspecta omnia facerent. Tunc autem fortuna, quæ cum in omni re, tum vero in mercatura plurimum dominatur, parvo impendio, tum inopem tum divitem facere. Cæterum *Veneti* classibus protecti imperatoriis, adversos maxima ex parte casus evitare, piratas autem non metuere, freti multitudine & agilitate navium. Fiebat inde ex mercatura, quod commodissimum esset multitudini, non continendæ solum in his sedibus, sed etiam augendæ, ut quotidie nobiliores ditioresque viri ad minores sustentandos ordine accederent. Quum natura ita sit comparatum, ut alteri sine alteris agere vitam commode haud possint. Octavus belli hujus agebatur annus, quum *Veneti* hac tempestate eo usque increverant, ut apud accolæ siquid dissensionis oriretur, haud parum haberetur momenti, utrasque partes sequerentur: hoc in bello imperatoria signa semper secuti sunt. Prima illis fuit cum *Bellisario* imperatorio duce apud *Ravennam* expeditio, quæ post diurnam obsidionem in deditionem una cum *Vitigite* rege est recepta. Nam quum *Vitigis* a *Bellisario* omnibus pene *Italiae* terris exclusus, *Ravennam* sese recepisset, cum delecto *Gothorum* principum militumque robore, expugnationem autem *Bellisarius* desperaret præpotentis & munitissimæ urbis, fame extremo obsessarum urbium malo ad deditionem compellere adortus est. Terra quidem importari nihil poterat, quum hostis *Bellisarius* circum omnia militibus teneret. Mare vero infestum reddiderant Imperatoriæ classes, ut nihil nisi furtim inferri posset. Et longe minus quam tanto alendo populo sufficeret. *Ariminum* præterea & *Ancon* proxime a dextra urbes, partium erant *Bellisarii*, ad eam arcendam invectionem appprime accommodæ. A læva *Padus* restabat, & *Veneti*. Tenebant vero tum *Veneti*, ut supradictum est paludes omnes ab *Aquileja* ad usque *Padusæ* stagnum *Ravennæ* propinquum. Et ab ea parte diligenti custodia servabatur. Ostium erat reliquum *Ravennæ* proximum nunc primum appellatum, olim *Spineticum* ab urbe *Spina* juxta posita atque (ut *Plinio* placet) a *Diomede* condita, cujus etiam vestigia nunc visuntur. Illud erat in hostium potestate, atque inde *Transpadanæ* *Gothorum* urbes frumentum & omnis generis commeatus secundo flumine obsessis subministrabant. Ad eam invectionem prohibendam excogitat in primis *Bellisarius* firmare milite fluminis ripas. Evocat deinde a *Venetis* naves aliquot ad id quod meditabatur aptas tam mari, quam fluminibus, quibus per assiduam maris & fluviorum consuetudinem abundare eos intelligebat, agiles & acturias, alveis neque planis omnino, neque omnino obesis, ut undam fluctumque faucis, quem maritima aura ciet, in arenæ cumulos incursans facile omni cum æstu superare possint. Facit enim natura, ut in quo quisque maxime se se exercent, in eo quoque excellat. Tabulatis deinde circumquaque obsepri ac muniri jubet ad missilium ictus, iis mandat, ut pars adverso fursum flumine feratur ad descensum hostilium navium perturbandum impediendumque, alii vero observent fluminis ostium, ne quid inferri a mari liceat. *Vitigis* Rex & oppidani, mox ut instructæ naves apparuere ad fluminis ostium, desperatam pene rem *Gothicam* existimant, nisi alio remedio restituatur, admonent *Gothos*,

A qui apud *Ticinum* agebant, quo in statu sit *Ravenna* *Vitigis*que. Extemplo ipsi quoque cognito periculo adoriuntur per extrema omnia & obstantia transitum percurrere. Itaque non jam singulis navibus vehi permittunt cibaria, sed confecta navigiorum fluvialium quam maxima possunt classe, aliquas præcedere jubent bellico apparatu instructas, alias classem subsequi. Onerarias in medium collocant. Sic apparebat tutam commeatum delationem fore. Sed nimirum in bellis vel fortuna quod ajunt vel quod verius est deus fortunam agens dominatur, ut a *Ticino* solverunt flumine satis alto, & alveo pleniori, priusquam ad locum ad quem tendebant appellant, in sicco omnes destituuntur, quasi aqua omnis in mare subterfugisset. Tum vero hinc *Venete* naves optime ad hujusmodi occasiones instructæ, hinc *Bellisarii* milites ex ripa missilibus & tormentis hostilem classem invadunt. Turbati inexpectata re *Gothi*, subistere suspensi primum quid agant, & cogitare si quo modo se se explicent, & vada præterlabantur non remis tantum, sed contis etiam. Quum irritus cederet omnis conatus exonerare naves aggrediuntur, & cum bellicis levioribusque onera partiri. Cæterum tum magis magisque *Venetus* instare, neque alterius agendi negotium spacium hosti dare, quam ut corpora a missilibus protegerent, quæ grandinis in morem decidebant. Milites quoque *Bellisarii* *Venetis* navibus insilientes acrius *Gothos* premere. Itaque nec a fronte nec a latere ulla dabatur quies. Postea vero quam *Bellisarii* jussu nonnullæ ex *Venetis* naves agiliores adverso flumine fursum delatæ, militibus onustæ in terga hostium conversæ, invasere insiliereque in eorum naves: non sustinere *Gothi*, sed cæsis aliquot & quam plurimis vulneratis, se se cum navibus omnibus & oneribus *Bellisario* dedidere. Præda omnis tum terrestri, tum navali militi concessa. Ea maxime res *Vitigitem* & qui cum eo erant obsessi principum *Gothorum* fregit animos, inque eam adduxit rerum desperationem, ut *Francorum* & *Burgundionum* legatos accerferent, qui tum *Liguriam* tenebant. Hi venientes magna auxilia, si *Gothi* eos in regni *Italiae* societatem admittant, pollicentur. *Gothi* in ambiguo versari, quas deligerent partes. Hæc quidem colloquia dum feruntur, *Bellisarius* ut erat callido ingenio, non minus quam forti, perquam benignas obtulit *Gothis* pacis conditiones, ut elusi frustratique omni spe *Franci* *Burgundiones*que domum redierint. Neque longo post interjecto tempore potitus *Ravenna* *Bellisarius* est, atque inde *Constantinopolim* cum captivo *Vitigite* profectus. Sed illud omitti non debet quod scribit hoc loco *Blondus*, *Venetos* imperio subditos tum fuisse, his verbis. Inde *Veneti* imperio subditi, *Gothis* adversabantur: verbo (ut mihi quidem videtur) usus, non (ut solet) diligentius expenso, præsertim quum neque ibi, neque alio historiæ suæ loco habeat, quemadmodum subdiderit eos imperator. Neque enim negamus semper *Venetos* imperio detulisse honorem cultumque, quem solent ac debent minoris fortunæ populi potentioribus deferre, licet propriis vivant legibus, & subditi non sint. Sed aliud est honorem deferre superiori, aliud parere. Non paruisse autem *Venetos* imperio ex ea epistola quam *Cassiodorus* nomine imperatoris *Venetis* scripsit perspicere apparet, cum ea licentiosior quidem sit, ut fert consuetudo superioris ad inferiorem, sed tamen suadentis non imperantis, nam qui subdito imperat, paucis agit, ut cum eo qui parere debeat, non rationem poscere, qui vero suadet, opus est agat pluribus, ut admittatur ratione, quod fortasse respueretur voluntate. Hac ergo



ergo *Cassiodori* epistola cum Imperator agat cum *Venetis* sicut cum liberis, non video quomodo recte asserere quis valeat eos Imperatori subditos extitisse. Quin Blondus ipse *secundo historiae libro*: nihil ultra juris in *Venetos* asserit habuisse Imperatorem quam honoris & reverentiae. Sed de hoc infra fortasse & planius & uberius. Et haec etiam hoc loco praeterissem, nisi in *Cassiodori* incidissem epistolam, quae cum attulisset hujus refellendae opinionis occasionem, nobis visa est non praetermittenda. Ea *Ravennae* deditio longe celebrius fecit *Venetorum* nomen. Nam & multis honoribus, ut par erat, benemeritos de republica socios in partem laborum *Bellisarius* affecit. Et qui exiguis adhuc opibus ad eam fuissent diem, eorum latius diffundi coepit virtus & nomen. Bellum deinde *Justinianus* per alios gessit duces. Sed cum ut supradiximus ad vastandam diripiendamque potius *Italiam*, quam liberandam transmitti viderentur, *Totila* Regis maximum praclarissimumque fecere nomen. Rem ille *Gothicam* in pristinum decus erexit. *Roma* ter capta & plebisque magnis urbibus in ditionem receptis, ut nulla jam pene signa imperii per *Italiam* conspicerentur. Tamen quum videret tot per annos urgeri bello pertinacissimo *Gothicam* gentem, decrevit pacem a *Justiniano* petere per legatos, neque admodum fortasse iniquis conditionibus, nisi quod Imperator magnae virtutis animique indignum est arbitratus a Barbaro conditiones pacis ferri. Ea sprete legatione, longe majoribus quam antea viribus, iterum aggredi *Italiam* statuit. *Narsetem* Eunuchum eo bello administrando ducem, ut diximus, declarat, cui tanti belli finis & gloria debebatur. Fuit autem *Totila* Rex, cum belli artibus & militari disciplina instructissimus, tum vero diligentia in obeundis rebus admiranda. Ingenio vero in quamcumque seu mansuetudinis seu crudelitatis partem animi impetus raperet, facili nimium ac proclivi. Multas edidit in eo bello crudelitates, quas initio libri perstrinximus, nonnulla quoque signa clementiae. Illud non videtur praetereundum. Nam cum urbem *Romam* semel captam & amissam, iterum per proditorem noctu ingressus recepisset, *Paulus* quidam e *Cilicia* praefectus equitum urbi praesidio relictus excitus nocturnis *Totilanorum* militum per urbem discurrentium clamoribus in *Adriani* molem quam nunc *Castrum sancti Angeli* nuncupant, sese cum quadringentis selectis equitibus recepit. Defuit illi tempus ob repentinum improvisumque hostium in urbem ingressum ad muniendam arcem cibariis. Advolat ad arcem *Totila* & occupatam reperit. Oppugnare illam instituit. *Paulus* eruptione in hostem facta consertoque praelio non sine multa caede *Gothorum* ultra pontem propellit. Idque aliquotiens factum. Neque circumvenire eum *Totilas* propter pontis angustias majoribus copiis, neque praelium ante arcem, aut in ponte committere sine magna suorum caede poterat. Cum autem videret majori suorum damno eruptiones fieri & per transfugam cognovisset hostem diutius propter ciborum indigentiam obsidionem ferre non posse. Ne mihi inquit ipse parum prudens videor, qui desperatis hominibus, ut meorum quisque fortissimus est, obiciam, firmate milites stationes citra pontis exitum, atque eas diligenter observate, tum finite ut pro libidine hostis latius in spatium se se effundat. Aut ego vobis illos omnes interfectos, sine ullius vestrum vulnere dabo, aut ante tertiam lucem sponte ipsi sese in manus nostras injicient. Cum dimoveri longius hostem, *Paulus* perspexisset, *Totila* consilium facile intellexit. Inde colloquia haberi caepa. *Totilas* ut arcem sibi redderent

A postulat, illi vero, ut incolumes cum suis omnibus abire liceat. At vero *Totilas* condiciones abundi ad ejus arbitrium relinqui velle. Cum igitur convenire non possent, convocatis *Paulus* ad concionem militibus, *Videtis inquit Commilitones rem ad extremum redactam, obsidet nos crudelissimus hostis, & fugae spem omnem validis undique praesidiis ademit, Arce non contenti sanguinem nostrum sitiunt. Nec virtute licet uti, nec eorum gladios evadere, longinqua expectare auxilia ciborum inopia non finit, aut fame igitur pereundum, aut gladio. Deditionem ad hostis arbitrium, quod tertium videtur morte pejorem duco. Mori per virtutem praestat quam per ludibrium, & cruciatum, ille diuturnum ciet dolorem, mors puncto effugit. Magnus autem dolor viro forti esse non potest, qui brevis est. Est nobis unus doloris finis & vitae. Illud restat armatis optandum, quod nobis eripi non potest, ut occasum nostrum vindicta praecedat. Haec nos cogitatio consoletur pro fide, pro justitia, pro Justiniani gloria appetimus. Gratissimum ipsi deo fuerit hoc sanguinis nostri sacrum. Itaque si virilis vobis non muliebris est animus ultro morti injuriam per illius contemptum inferamus, priusquam illa nobis per dedecus, & cruciatum. Hoc meum consilium est, ubi rariores laxioresque pateant hostium custodiae post primam vigiliam, qua maxime hora somno vinoque obruti jacent, deque nobis nil tale metuunt cuneo facto, strictisque gladiis frangere illas & in tutum evadere. Quid si forte quispiam Deus virtuti nostrae adsit? Si hoc negatur quanta maxima fieri potest eorum caede strageque cadamus. Non illi minus virtutem admirentur nostram, quam doleant sanguine suo respersos cecidisse, cruciatum & ludibria de nobis ledere quos volebant non potuisse. Laudavere omnes sui ducis consilium seque invicem complexi morti devovere. Non fuit hoc *Totila* secretum, sed eo intellecto quum videret sibi cum desperatis rem futuram fierique non posse quin de suis multi & praecipue praestantiores hostili manu caderent, mutare & ipse consilium instituit. Itaque pronunciari jubet ante arcis Januam, ut quicumque abire inde velit, atque arcem relinquere, *Totilam* potestatem facere, dum arma eorumque linquant. Sin malint apud eum merere pari loco & stipendio, & honore cum suis habiturum. Accepere multi permanendi conditionem. *Paulum* aliosque nonnullos, qui abire maluerint pecunia, & comeatu ad transmittendum liberalissime jovit. Potitus urbe *Totila* longe se mitiorem placabiliorumque quam antea fecerat exhibuit, tum quibusdam quae desolaverat aedificiis restituendis, tum revocanda plebe quae sparsa per *Campaniam* vagabatur. Difficilior tum fuit revocatio quam ante dispersio. Cum hoc *Totila* Rege fuit *Justiniano* *Narsete* duce bellum gerendum. Pauca quae restant ejus belli insignia monumenta breviter transigemus. *Narsetes* Eunuchus sicut ego accipio primus ex his qui vetustatis oblivionem superarunt, magnum ut in ea fortuna dedit *Venetis* rebus nomen, carus erat *Justiniano* praeter alios cum virtute, tum fide. Multa per eum bella feliciter gessit. Opes autem imperii omnes fere unus administrabat. Quum igitur *Justinianus* aetate jam gravis videret annum belli agi duodecimum, ut quotidianis jam curis defatigatus, aut redintegrandum majoribus, quam antea viribus, aut omnino cum suo & imperii dedecore deponendum videret, potestatem *Narseti* facit, ut quantis videretur viribus & apparatu ipse in *Italiam* primo quoque tempore dux belli proficiscatur. Tantum imponat felicem bello finem. Erat illi amicitia multis cum regibus & populis propter virtutis famam, facile ab iis (praeter *Romani* imperii opes) quaecumque voluit auxilia*



impetravit inter quos ab *Alboino* Rege veteri amico *Langobardorum* equitum duodecim millia succinctus itaque maximis bellicofarum gentium copiis *Langobardorum*, *Gepidarum*, *Hunnorum*, *Herulorum*, *Persarum*, *Arabumque*, præter *Græcos* & *Macedonas* & *Thracas* & *Mæfios* & *Dacos*. Ut primum tempus educendi fuit, ex *Illyrico* movens, *Dalmatiam* & *Tergeſtini* sinus oram circumſectens. *Sontio* tandem amne superato, apud *Aquilejæ* dirutæ reliquias confedit. Prius autem quam in *Italiam* perveniret, accidit apud *Anconem* quasi navale præludium, felix præſagium ſuſcepti belli, in quo *Veneti* iterum virtutis nauticæ præclarum ſpecimen edidere. Nam dum urbs *Ancon* oppugnatur acriter a *Gothhis* terramarique, *Valerianus* *Ravennæ* præfectus accerſitis tum ex *Dalmatis*, tum ex *Venetis*, quæcunque potuit auxiliis navibus quadraginta majoribus optime inſtructis, *Anconem* verſus tendit iter obſeſſis opem laturus. *Goththorum* duces & ipſi progreſſi in altum navibus ſeptem & quadraginta, hortati utrinque ſuos ſigno dato inſeſtis proris concurrunt, & aliquamdiu incerto Marte pugnatum eſt, ſed procedente prælio, facile melior *Romanis* apparuit. Quamvis enim & numero hoſtis ſuperaret, & virtute bellatorum non cederet, imperiti tamen rei nauticæ ſeſe invicem nunc puppibus, nunc proris conturbare, turbati vero immobiles hæſere, ut neque expedire ſeſe, neque in hoſtem ferri poſſent. Si quæ vero, ut ſuorum incurſionem vitarent, forte declinarent in partem, circumveniri facile ab hoſte, & imprefſione facta perfringi, atque expugnari. At *Græcos* ſociosque diſciplina rei nauticæ reddere alacres, ac fidentes, non invicem confundi, ſed quaſi peſtredi acie depugnare, ordinem ſervare docti. Et vel adverſis frontibus conſerere vel circumagi celerius, ſicubi ſocii laborarent. Itaque cum aliquamdiu pugnatum eſſet, proſtigata tandem *Totile* claſſis eſt, ſubmerſæ naves aliquot cum ipſis pugnatoribus: cæteræ ab *Romanis* captæ. Decem incolumes fuga lapſæ propinquum littus tenuere. Hujus victoriæ fama *Juſtiniani* partes per omnem *Italiam* mirifice erexit, debilitavit *Goththorum*, acceptum omen in totiuſeventum belli. Igitur eo felici accepto nuncio *Narſes* ab *Aquilejæ* bifariam ducere inſtituit. Partem per *Campeſtrem* *Venetie* ire jubet, & maturare iter, ne hoſtis eos *Atheſis*, *Padique* tranſitu prohibeat, hi *Langobardi* duodecim millia fuere. Reliquas copias circumire paludes, & *Ravennam* verſus iter agere. Sed quoniam ſeptem præalta flumina omnia navibus tranſmittenda celeritatem impediabant, ad eam tollendam difficultatem, *Venectorum* naves maxime contulerunt, funibus enim alligatæ tabulisque conſtrata præbuere & tutum & celerem trajectum. Eum in modum foſſa quoque *Philiftina* *Clodiaque*, tum etiam *Brondulum* & *Carbonaria*, *Fornaces* nunc appellata, *Capreſiaque* *Padi* oſtium, quæ *Magnavacca* nunc dicitur facile ſuperata ſunt. Ipſe ut loca cognosceret per æſtuaria navicula delatus, & inſulas illas viſens, apud *Rivalentum* deſcendit. Maxime eſt delectatus tum loci novitate tum ſtudiis incolarum. Laudavit liberalibus verbis auxilia eo in bello imperatoriis rebus collata, præcipue in his duobus poſtremis apud *Ravennam* & *Anconem*. Venere ad *Narſetem* oratores frequentes ejus oræ populorum imperata facturi. In his *Patavinci*, qui poſteaquam cætera ad declarandam fidem executi, queſti ſunt multis verbis, æſtuaria atque littora *Patavio* objecta, per injuriam ſibi a *Venetis* ablata, ſuos majores illa quondam poſſeſſiſſe, portu *Meduaco* ſemper uſos fuiſſe, tum cum longe lateque pollerent, & opum ma-

gnitudine & multitudine negotiorum, nunc omnia per injuriam a *Venetis* erepta, quid apud imperium deliquerint ignorare, ſemper inquirunt in cultu habitum eſt a nobis *Narſes Romanum* nomen. Miſſa aliquando auxilio eorum bellis (quod ex noſtris monumentis extat) plus centum millia militum. Ob quæ merita majores donati civitate & ſuffragandi jure. Nunc (ſi Deo placet) erepta nobis omnis navigatio eſt, ſpoliamur portu littoribusque noſtris & ſtagnis ab ipſo pene orbis initio poſſeſſis. Quin arcent etiam ab eorum ingreſſu, muniunt oſtia fluminum vallis, ut neque ingredi, neque egredi, niſi ad eorum libidinem liceat. Afficiunt nos iſti longe majori clade, quam *Goththi* unquam, aut *Hunni*, illi affixere paucos per annos, hi vero in æternum ſi liceat, queſti olim apud *Odoacrem* & *Theodoricum*, nihil retulimus præter verba. Nec mirum: Quid enim ſperare decuit amicos *Romani* nominis ab illius inimicis? Nunc vero confugimus ad te *Narſes* maxima ſpe. Proſciſceris ad bellum, cujus cauſa, ſi parvis magnalicer conferre, ejusdem generis cum noſtra eſt. Ereptam a *Goththis* *Italiam* Imperator per te repetit. Repetimus nos per te ſtagna nobis a *Venetis* erepta. Quod igitur edere poteſ evidentius cunctis mortalibus juſtiſſimi propoſiti tui teſtimonium pellendi *Goththos* malæfidei poſſeſſores *Italia*, quam ſi hæc loca per injuriam a *Venetis* erepta reſtitui compellas antiquiſſimis fideliffimisque ſociis? Hæc & pleraque alia cum *Patavincus* eſſet queſtus, tum *Nicolaus Rivalenti* tribunus. Si *Patavinci* meminiffe vellent quæ patribus noſtris communiter acciderunt quæque ipſi maluerunt, quum tempus optandi fuit, neque nobis eſſent nunc moleſti, neque tibi *Narſes*, quanquam, ut videtur, nunquam hujusmodi querimonie deſiſtent, qui, ut ipſi fatentur, ſæpius queſti ſunt, ſemper reſecti. Ex quo poteſ cognoscere qua injuria nunc de nobis queruntur, ſed agemus cum his mitius, nec acrius inſectabimur, ut ipſi nos, quippe qui ut & vicinos & conſanguineos & fratres decet, nos cum ipſis gere-re inſtituimus. Credo ego te *Narſes*, dum iter hac facis audiſſe, ut *Athila* rex *Hunnorum* centum ab hinc annis, omnes circum urbes exciderit, magna pars confugerit ad objecta urbibus loca. Idem fecere fratres noſtri, conſeſſere huc. Ea vero tempeſtate iſtorum, qui nunc loquuntur patres, diverſas per orbis partes, ut cuique libuit emigrare præſertim quibus pecuniæ adeſſent ad peregrinationem. Pars ad inſtaurandas ruinas, ubi vitam degerent reſerſi ſunt. Quid proſecerint, illud eſt teſtimonio: manſere ſine ullo munimento ſexaginta per annos, quod niſi *Theodoricus* *Goththorum* Rex quem vere conditorum ſuum poſſunt appellare, licet nunc *Goththorum* nomen inſeſtum ſibi fingunt vallo & foſſa permuniffet hodiene iſti quidem qui loquuntur *Patavincum* ſuum incolerent: Nunc *Theodorici* beneficio venere. Sed obſecro fratres (fratres enim ſumus ex iſſdem prognati majoribus) cur non quum *Theodoricus* urbem veſtram inſtaurabat æſtuaria iſta nobis abſtulit, vobis conſeſſit? Puduſt veſtros majores verbum facere ne dum poſtulare, quum meminiffent patres ſuos alias ſibi ſedes delegiſſe, noſtros ex convento remanſiſſe, Paludem ſtraviſſe, ſedes hic poſuiſſe. Hæc autem loca quia ſummi Dei clementia coaluerunt in hanc quam cernis frequentiam, omnibus innocuam, nobis laborioſam, invitum dico, vix perpeti poſſunt. Implent queſtibus omnia, quaſi nos urbem eorum exciderimus ſocietatem dedignati noſtram, quum habitare nobiſcum amice provocarentur, & ſeorſum malent, nunc demum queruntur, noſtra inquirunt occupatiſ. Enimvero cur veſtra dicatis, quæ & deſeruiſſis, & nobis incolenda reliquiſtis, non video, nempe ab initio gentes, quæ loca inveniebant vacua colo-

B. *Juſtinianus*. E. *vis*



nis possessoribusque, ea capiebant incolebantque optimo gentium & naturæ jure. Sic a vobis factum. Deservistis ea, nobisque permixistis, deserta cepimus & a vobis relicta. Quæ igitur a nobis injuria, placuit ex vobis pluribus deligere sedes alias, aliquibus ad illas ruinas redire. Accessistis nos ponere hic sedes maluimus. Consedimus hic. In diversum itum ab utrisque cur nunc mutato consilio in nostra vultis irrumpere, nos de vestris turbamus quicquam? Nisi forte æquum censeatis in illis ruinis & lapidibus imperium restitisse. Et quod Patavio juris quondam fuit in his paludibus, eo deleto etiam integrum permansisse. Quis dicat hoc? ut excissa civitate, deletis magistratibus, extincto in ea urbe divino omni & humano jure, perstiterit tamen in solo illo ruinis obruto, publici quicquam dominii, aut jurisdictionis? Sed ubi nam jus fasque? Imperium & jurisdictionis, nisi in cætu conventuque hominum jura inter se pactaque & leges statuentium: Si in solo hoc illove esset jurisdictio, sane ab æterno duceretur, nec mutaretur unquam. Siquidem solum immobile ac sempiternum, nunc fortunæ subiecta omnia sunt, mutantur indies imperia ac transferuntur. Ludit hunc ludum fortuna, cui parere necesse est. Cæterum vide Narses hominum injuriam. Majores vestri o Patavini ex Asia pelago huc delati, Euganeam gentem, quæ omnem hanc regionem ad alpes usque obtinebat, Duce Anthenore bello petiere, per vim ejectos expulere. Si exsurgat nunc Euganeus quispiam & proprias sedes repetat, quid acturi estis? Quod si æquum censeatis, veteres colonos per vim atque arma deturbare, quis tandem nunc vobis de consanguineis querendirelictus locus? Quin etiam queruntur, quod in urbes atque adeo in domos nostras pro libidine ingredi armatis non liceat. Quid enim aliud dicunt quum lamentantur horum stagnorum ostia custodibus muniri: Cæterum libenter ex vobis quæsierim, cur urbe aperta uti nunc non perseveratis? Cur vallo his exactis annis circumdeditis? Nonne in portis vestris custodie versantur? Si Veneti armati in vos veniant, quid agant illæ? Jus est, ut quod quisque in se nolit, id in alio ne petat. Portæ nostræ ora fluminum sunt quas si pacati petitis, haud aliter semper excipiemi, quam consanguineos par est. Sin armati, quod sæpe fecistis facitisque, Jus gentium tuebimur. Invasores non aliter, quam apertos hostes repellemus. Cæterum majus quiddam Narses videto. Quæsti ne estis unquam de hac injuria apud ullos? si nunquam, videte quo pacto vos explicetis, qui dixistis sæpe quæstos. Si quæsti, aut apud Gotthos & Herulos, aut apud Imperatorem. Si apud illos spretas igitur Imperator, & antelatus Gotthus, quod si est, cur nunc appellatis Romanum imperium: Si apud Imperatorem, quod sæpe fecistis, exauditine estis, an vero repulsi, exauditos non dicetis. Centum & plures etiam epistolas habemus Zenonis, Leonis, Justiniani, Justiniani, testes fidei & observantiae nostræ erga imperatoriam majestatem. Itemque eorum erga nos clementiæ & munificentiae. Restat ut repulsi, & adhuc libet contendere? Nunquam ne desinent importunæ hujusmodi, atque totiens explosæ querimoniæ? Obtundere ne etiam venistis aures principis hujus plenas tantarum rerum curis? Quin potius accingimur uterque populus conferre, quicquid in nobis est auxilii, ad hoc maximum ejus opus. Illiberale est, si me auditis, & nimium de re propria cogitantis, turbare tantis rerum fluctibus publicas principis curas. Extulerunt præterea Narses merita majorum. Rursus honores delatos ab imperio. Tantum abest, ut merita inficeret vestra, ut in his etiam maxime Veneti gloriemur. An nostrum plurimi ex illis etiam Patavinis patribus oriundi non sumus: Cæterum quod ad præsentem rem attinet (ni fallor) præstitisset commemorare aliquid a vobis proprie factum, quam superiorum illorum, quorum memoria omnis pene

A extincta est, solis meritis inniti: Scio dicetis defuisse vires. Et si quid in hoc bello pro Gotthis fecistis, invitos fecisse credo equidem. Sed ita dictum velim, ne merita vestra extollendo, videamini ulla in re Venetis præstitisse. Tu vero Narses, siquid de nobis expertus es? ne eo metiare animum nostrum. Exiguum illud fuit. Longe ardentior est, semperque erit erga imperii gloriam, proficisceris tu quidem ad hoc bellum, dux magnarum rerum. Experieris ut speramus fidelissimos constantissimosque socios aliquando aliqua in re magna, nunquam satisfacturos, aut imperatoriae majestati, aut gloriæ tue, aut nobis ipsis, nisi fidem nostram, & animi magnitudinem, non verbis solum, aut opibus, sed corporibus propriis, & sanguine etiam ipso contestemur. Postquam Tribunus finem dicendi fecit, respondit Narses: Dignam sibi rem videri, quæ etiam atque etiam diligentius perpendatur. Sibi esse proficiscendum, tempore causæ cognitionem indigere. Interim hortatus est utrunque populum ad pacem concordiamque, Patavinos vero, ut patriam instaurent, & vincant Venetos studio & diligentia apud imperium. Prius autem quam discederet, duas Aedes hac in insula vovit, si fieret voti compos. Totila Rex cognito jam antea Narsis adventu, in universum ea quæ ad tanti belli molem necessaria videbantur, impigre moliri. Maxima tamen illa angebatur cura, quod intellexerat Langobardos iter facere per Cispalpinam. Eo consilio ut interjectas civitates tentarent, Taurisium, Patavium, Vincentiam, Veronam. Si id non succedat, Padum quamprimum transmittant. Præstantius autem indicabat iis occurrere, & priusquam cæteris copiis Narsis adjungerentur experiri, belli fortunam. Thejam primum belli ducem transmittit ad eos distinendos simulque continendas in fide civitates. Cæterum multa (ut est bellorum incertus eventus) huic consilio obstitere. Nam & ob pecuniæ inopiam aliquot Gotthorum duces ex hibernis educere non potuit, & sociæ civitates, posteaquam Narses in Italia pedem posuisse acceperunt, imperata negligentius faciebant. Franci quoque Liguribus finitimi, cum quibus illi erat fœdus, verbis magis quam re auxilia parare. Continuit quidem Thejas civitates in officio, præcludere vero Langobardis transitum haud potuit ob militum paucitatem. Itaque longe celerius Totilæ opinione Langobardi iter conficiunt. Siquidem flumina interjecta paludesque, quæ eos moraturæ videbantur, exsiccatis per æstivum sidus ubique fossis, facilem transitum præbuerunt, transmissio Pado, pontem an ratibus incertum, ad Brixillum castra muniunt. Erat autem Brixillum ea tempestate cuius Cispadanarum civitatum, excepta Ravenna pene par & magnitudine & civium frequentia. Secuti semper & Romanorum & Imperatoris partes. Narses interea per æstuarium cæteras ut dixi copias Ravennam transmittit. Atque animo jam præsumens Totilæ consilium, quingentos delecti roboris milites auxilio Langobardis continuo dimittit. Totila accepto Langobardorum transitu, quanquam spe celerius transmississent, tamen in confligendi proposito constantius persistit, Thejæ ut advolet imperat, consiliumque patefacit. Erat procul dubio Langobardus equite melior, peditem circumfusa oppida præbebant. Peditem Totila præstabat, longe inferior erat equite. Inter hæc tamen discrimina, seu quod plus periculi in conjunctione copiarum hostilium videret, seu quod ferox ingenium & ad conferendum intemperantius eum rapiebat, seu potius, quod instaret jam & regni finis, & vitæ, quem nono futurum anno Benedictus Abbas ante prædixerat: Neque prætergredi jam fas esset:



esset: Perseveravit in consilio tentandi belli fortunam. Itaque convocatis ad concionem militibus, ut eorum animos confirmaret, in hæc verba orationem habuisse ferunt. Nulla unquam mihi milites fortunæ facies tam severam sese pertimescendamque dedit, ex quo regem creastis, ut quum ora, vultusque vestros intuear, non omnis abscedat, seu tristitiæ nebula, seu periculi metus. Tantum vestra virtus præstitit mihi semper animi fiduciæque. Non quum Justiniani duces apud Papiam multitudine copiarum freti superbe nimis atque insolenter ad pugnam provocarent. Sed plus dimidio numero inferiores clarissimam de superbo hoste victoriam retulistis. Sic postea quum Bellisarius iterum e Græcia reversus, maximis trajecisset copiis, & complevisset omnia terroribus nihil ob id deteriti, urbem Romam bis cepimus, & maxima Italiæ pars subacta. Omittamus alia innumera. Quo autem loco ponam citatissimum tabellario iter, ne dum armatis, cum à Perusio septem castris Hydruntum usque profectu gloriantem hostem, quasi vos urbe Roma, & omni Campania solutis obsidibus Romanis exclusisset, profligavisset, cecidisset? Gothorum generi semper fuit animus asperis in rebus major, quam in secundis. Neque his tamen victoriis elati, contempsimus unquam cum superbo hoste pacem. Nam & Theodatus & deinde Vitigis reges vestri semper pacem deprecati, semper sprete. Vetera illa, quid nos. Legatos nuper misimus (ut scitis) Constantinopolim, qui pacem & quidem, meliori nostra fortuna suppliciter peterent, pollicerentur Romam liberam permissuros, & quicquid est Italiæ ad fretum usque Siculo, Gothis tantum sineret, patrum avorumque sedes iustissimo bello partas. Pudet dicere quo pacto accepti sunt: quo pacto dimissi: ut ne digni quidem responso sint habiti. Quis hanc ferat superbiam? Pacem autem quam vobiscum velit Imperator, declarat hic quem videtis conatus. Eripiat vobis singulis vitam, si possit. Sed iustitiæ non deerit arbiter deus. Una in re sane Justiniano gratiam debemus, qui cum muliere non cum viro, nobis rem esse deinceps voluit. Qui successorem Bellisario dederit hunc Eunuchum muliebria apprime edoctum officia, qui inter imbelles mortuorum imagines vitam agit non inter armatos, nec in castris. Cæterum si virtus vestra solitaque fortuna mea non nos deserit milites, turpius ego vobis hunc Narsetem quoad laceßendo viros venerit, exutum castris & virili veste Constantinopolim remittam ad suum Imperatorem, quam modo Bellisarium. Illum ita mansuetum reddam, ut fallere deinceps neque naturam, neque homines audeat. Quod ad rem præsentem attinet, & ad hostem, qui in proximo sedet, eum si de medio tollimus, vicinus milites. Omnis suo Ducum hoc equite spes est, referat se necesse est ad Syros, & Arabes sine viribus, sine sanguine homines. Cur autem hunc equitem ego magis timeam. Quam aut Bellisarii, aut Johannis, aut denique eos omnes quos totiens pervicistis? Equitatus est quoque nobis, qui totam Italiam jam annos sexdecim victor pervadit: Neque enim in barbis ad genua promissis, virtus pendet, sed in gladiis & lacertis. Non arcus illis, aut sagittæ Gothicis directiores. Illud mihi milites certam pollicetur victoriam, quia hostes rogati & pene invitati, quippe pro alieno imperio in aciem prodibunt. Vos paternam avitamque possessionem, in qua nati educatique estis tuemini. Siquid præterea divinæ iustitiæ in terris reliqui est, bono animo esse debetis deturbatum veniunt antiquissimos colonos possessione sanguine majorum parta. Mea igitur est sententiâ milites, si in eandem vos videro unanimis consentire, crastina die hoc bellum vobis conficere, potiusquam expectemus, ut cæteræ Narsedis copię iis adjungantur, & difficile factu fiat, quod facile nunc est. Quod igitur summo mane si

A placet, sum facturus, ut a me Rege, atque Duce vestro pugnae signum accipiat, nunc a vobis ego Rex vester signum sententiæ hujus sum accepturus. Acclamavere omnes operam pollicentur dignam Gothico nomine, superioribusque victoriis. Laudati a Rege & ut corpora curarent iussi. In sequenti luce castris ambo duces exercitus eduxere. Quo pacto instructi processerint, nostri negotii non est. Satis sit illud non filere. Fortunam licet infestam infensamque negare tamen Totila noluisse, eam militaris disciplinæ gloriam, quam plerisque magni nominis ducibus concessit: ut si quando adverso Marte depugnaverunt. Fama tamen vulgaverit nunquam prudentius quam eodie acies intruxisse & omne ducis officium fortius obiisse. Confertum prælium est animis infestissimis, Totila suos nunc hortari, nunc monere, ut pristini decoris, gentilisque gloriæ meminissent, non alienum agere negotium, ut illi, sed pro uxoribus & liberis dimicare, finem laborum si fortius nunc instent, advenisse. Nunquam autem fore amplius, si terga dent apud crudelissimum hostem, veniæ locum. Alia ex parte Langobardus. Non pudet milites patres vestros ab glaciali oceano per omnes gentes victores pertransisse: Nunc vero eorum filios, si tamen filii estis pedestrem aciem ex equis sustinere vix posse? Nisi forte equis ideo domo estis profecti, ut fugiatis hostem, non ut persequamini. His & hujusmodi vocibus & infligabat alius alium, & pro se quisque eniti in conspectu ducum, præclarum aliquod facinus edere. Incerto aliquandiu Marte pugnatum est. Sed cum signo dato aliquot oppidanorum cohortes ex Brixilli portis repente erupissent, & Langobardus eo auxilio magis accensus acrius impressionem ubique faceret, Gothibus diutius sustinere non valuit. Itaque fatisciente jam & aperta pluribus in locis Gothica acie, quam restituere sæpius Totila nequicquam conatus est, desperatis jam rebus, Non ego inquit secundus Gothorum rex & Theodoricus magni successor, ab Eunuchus duce Græcis mulieribus & pueris ludibrium Constantinopolim in triumphum deferar. Hæc dicens: subditis equo calcaribus cum globo juvenum, ubi maxime conferta ex adverso stabat Langobardorum acies, sese immittit. Ibi post multorum stragem, in quos obvios delatus est, ut dignum fuit forti rege, & magnanimo duce, acerrime pugnans occumbit. Audita regis morte, omnes Gothorum copię momento fere tum cæsæ, tum dissipatæ. Quotquot superfuerunt transmissio Pado, Ticinum confugiunt. Ibi Thejas omnium Gothorum consensu Rex declaratus. Langobardi a Narsete domum remissi, maximis affecti donis & honoribus. Cæterum majora illis præmia non multo post fortuna promiserat. Jamque bellum Gothicum confectum apparebat, siquidem magna Italiæ pars eo anno a Narsete recepta. Cæterum Thejas suscepto regno, & distributis quasunque erueret potuit pecuniis, ingentes copias confecit. Evocavit Burgundionum Francorumque auxilia ex foederibus: nec unquam ea gens majorem in Italia exercitum confecisse traditum est. Igitur insequenti anno Narses Thejam haud multo virtute & animi & corporis Totila inferiorem apud Luceriam in Apulis centum millibus equitum instructum, quum tribus diebus depugnatum esset magna strage superavit. Reliquum illi operis fuit Burgundiones & Francos, qui aliquot per annos Cisalpinam Galliam tenuerant, Italia depellere, quod illos cognoverat Transpadanam Galliam pervasare. Amingo & Lotario, & Bucellino ducibus totam Venetiam Histriam usque ea calamitas pervasit. Cum igitur Narses recipiendis urbibus intentus, quæ in hostium adhuc essent potestate



circa *Samnium* & *Campaniam* arma circumferret, neque satis tutum existimaret aliquid a tergo relinquere non pacatum, unde novus aliquis motus excitaretur, *Dagisteum* maximum belli ducem in *Galliam* adversus eos tumultus cum delecto militum robore dimittit. Is *Dagisteus* eos insecutus, non repressit solum, sed prælio apud *Tanetum* commisso, ingenti cæde profligavit: Sunt qui scribant *Burgundionum Francorumque* aciem plus centum millibus constitisse. Per hunc maxime modum finis est impositus *Gothico* bello, summa primum *Justiniani*, tum vero *Narsetis* gloria, & felicitate. Anno ejus belli duo de vigesimo, secundo autem & septuagesimo posteaquam *Theodoricus* magnus *Italiam* ingressus est. Soluturus *Narsetes* Deo vota ex manubiis bello partis & *Romæ* & *Ravennæ* basilicas: voti quoque apud *Venerios* non immemor: duas in *Rivaltis* construi curat: transmissionis suæ memoriam: Alteram *Theodoro* martyri, eo in loco ubi nunc est ædes *Sancti Marci*, quæ illam *Theodori* a *Narsete* conditam majori ambitu nunc includit, postea scilicet quam *Beati Evangelistæ* corpus *Venetias* est delatum, alteram vero *Mennæ* & *Geminiano*,

A ubi nunc fere medium est areæ *Sancti Marci*. Secabat tum aream *Euripus*. Hæc vero Ecclesia ultra rivum erat posita in adversa ripa e regione ædis *Sancti Marci*. Crescente autem ædificiis urbe, placuit campum jacentem ab illius Ecclesiæ tergo, qui *Broilum* vulgo appellabatur, adjungere areæ *Sancti Marci*. Atque ut eam continuarent rivum constraverunt, & Ecclesiam e medio sustulerunt. Transluleruntque ad extremum totius areæ, Duce *Vitali Michaele* secundo in eum locum ubi sita nunc est. Jam vero *Rivaltus*, quæ primum paulo plus quam ripam citra canalem magnum obtinebat, ad adventum *Narsetis*, ita increverat, ut usque ad Ædem, quæ nunc est *Sancti Marci*, frequentia ædificia continuarent. Occuparentque quicquid canalıs circumflectens ab ponte *Rivalti*, usque ad Ædem *sancti Marci* ambit atque complectitur. Ibi enim habitari frequentius captum, tum ob propinquitatem portus, tum etiam ob mitiorem cæli plagam. Qui ea regio in meridiem versa, naves facile defendat ab Borea & Aquilone.

## LIBER SEPTIMUS.

**E**xpeditis quam brevissimo potuimus compendio annorum decem supra centum laboribus, quibus diversarum injuriis gentium & præcipue *Gothorum Italia* est afflictata: Sequuntur *Langobardorum* tempora, quorum calamitates & si magnitudine fortasse pares, diuturnitate procul dubio superiores fuere, sensit præcipue *Venetia*. Nam etsi nunquam fere ea regio ab excursionibus vastationibusque conquievit, aliquæ tamen ex his urbibus, quas delevit *Athila* cœperant instaurari, neque in earum quasi stirpium germina hæctenus est sævitum. Agri interdum vastati, urbibus temperatum. Nobiliores sane familiæ, quas *Gothicæ* clades, quasi procellæ quædam in hos portus ejiciebant, cum primum aliqua cæli serenitas illucesceret, tum spes instaurandæ patriæ, tum memoria civilium actionum facile ad patrias quenque suas retrahebat. His vero temporibus in quæ ingredimur, ita iterum perditæ & excissæ sunt, ut non mirer fuisset, qui tradiderint ex *Langobardorum* maxime calamitatibus conditas fuisse *Venetias*. Ea ut opinor maxime ductos ratione, quod ea tempestate majorem in modum nobilioribus familiis sint refertæ, quum repetita urbium excidia, cives ad fugam compellerent, sine spe ad eas redeundi. Et qui ad has insulas sese conferrent certo permanendi proposito transmigrarent. Erunt autem deinceps incrementa rerum *Venetarum* aliquantisper lucidiora neque tantum aliena prosequi, quam nostra pari gradu exequi videbimur. Placet autem *Langobardorum* originem breviter quasi annotare. Hanc gentem ex ultima *Germania* oriundam inter omnes constat. Erupisse autem ex insula *Scandinavia*, subducta maxime ad glaciale polum, avulsa a continenti magno hæud admodum intervallo. Ut Oceani æstus tum fluxu, tum refluxu, nunc insulam faciant, nunc redigant in continentem. Hujus insulæ populi, dum majorem in multitudinem excreviscent, quam ut ad eorum victum insula sufficeret, tesseram misere in partes tris, ut in quam sors caderet, ad novas quærendas sedes proficisceretur. Domo egressi *Ajone* & *Tatone* ducibus, armis sibi viam fecere. Finitimis quibusque aut bello edomitis, aut ada-

C Etis ad sedium communicationem, *Vinuli* prius dicti, deinde *Langobardos* sese appellavere, cujus de nominis causa multa feruntur. In eam tamen sententiam fere omnia a Barbarum longitudine sic appellatos, quas soli inter Germaniæ populos enutrent. Decem sub regibus ad eam, de qua scribimus, ætatem fuere. Inter quos *Lamissio* secundus poenas a *Bulgaris* ob necem *Agilmundi* Regis interfecti ingenti victoria repetivit. Atque ea tempestate tum primum *Bulgarorum* nomen auditum. Tenuere sub *Andoino Rugilandam* provinciam annos octo atque triginta, a quo deinde in *Pannoniam* sunt translati. Quas sedes, tum eo sub Rege, tum sub *Alboino* ejus filio incolere, per annos duos & quadraginta. Fœdus & amicitiam cum imperio constanter servavere. Ab hoc *Alboino Narsetes* quum ad expeditionem *Italicam* duodecim equitum millia ejus gentis perquam liberaliter tradita accepisset, reversi in *Pannonias*. Summa cum gloria *Totila* Regis interfecti, sicuti primas sibi partes confecti tribuebant belli, qui Regem soli interfecissent: Ita (ut fit) famam hujus terræ inter populares summis laudibus extulere, illius pulchritudinem narrare, fructuum omnis generis, & præsertim vini feracitatem, oppidorum tum copiam, tum magnitudinem. Quibus auditis rebus *Langobardi* magis magisque quotidie accendi animo, atque occasionem optare, ad eas petendas sedes. Neque non libenter quidem *Alboinus* audire. Expectabat ipse quoque tempus commodius. Obtulit autem brevi sese adverso & infelici *Italiæ* fato, per hunc maxime modum. Namque *Justiniano* maxima cum gloria vita functo, & imperio ad *Justinum* secundum delato, dum *Narsetes* maximis (ut par erat *Italiæ* servatorem) opibus floreret, illæ vero & invidiam comparassent, & inimicos, accidit ut adversa fere semper secundis rebus fortuna? quod tanta cum gloria *Justinianus* restituerat malefani nepotis impotentia demum perturbaret. *Narsetis* siquidem inimici *Justino* suadent, ut posteaquam *Italia* a *Gothis* liberata neque exercitibus neque classibus indigeat, *Italiæ* totius proventuum pecunias deferri ad sese imperet. Exhaustum siquidem diuturnis *Justiniani* bellis ærarium. Non esse, unde & *Africano* & *Persico* suppeditari bello possit. Et præ-



præterea tot provinciarum præfidiis quas in fide continere necesse sit. Enimvero cur tantum auri *Narses* exorbeat? Cur ipsi nunc *Italia* quasi Regi tributum pendat? Nisi forte *Theodoricus Gothi* exemplo regnum *Italiae* meditatur. Majusque deinceps ab eo quam a *Gotho* expectetur bellum. Hæc cum sapius ab adulatoribus ad *Iustinum* deferrentur, placuit *Narseti* mandare, ut omnes *Italiae* pecunias simul ac exigantur, transmittat *Constantinopolim*. Facile quidem vir mitissimus atque optimus, sicuti eam sententiam non improbat, ut quicquid superesset pecuniarum solutis militum copiarumque stipendiis ad *Italiam* a Barbaris defendendam transmitterentur: ita non probabat omnes transmitti, nudatamque relinqui omnibus præfidiis *Italiam*. Ne si forte repentina aliqua & inopinata necessitas ingrueret, priusquam a *Constantinopoli* accerferentur auxilia, insignè aliquod acciperetur detrimentum. Nam & *Burgundiones* & *Franci* & *Visigothi* apud *Gallias* semper in armis erant. Hæc prima semina contentionum exitere. Quæ (ut fit) dum ultro citroque agitantur, crescente indies *Aulicorum*, tum invidia, tum avaritia, spargi in vulgus voces cæpere. Nihil *Narseti* deesse præter diademam. Stipatum incedere Senatoribus, abuti imperii opibus ad parandum sibi regnum. Tandem *Sophia Iustini* conjux petulans mulier & superba, & quæ virum quancunque in partem vellet, ageret, impulit *Iustinum* ad eum ex *Italia* revocandum, addit præterea ingratitude contumeliam. Fore inquit, ut bene cum *Narsete* agatur, si reversus inter regias ancillas, partiendis lane aut purpure pensis ævum impendat. Non tulit vir alti animi, nec responso pepercit. Egone inquit lanam purpuramve? Telam ego tibi ordiar ejusce longitudinis, quam neque tu, neque posteri tui præcisam videbunt unquam. Sentiet ingrata femina, cum viro sibi rem esse, non cum muliere, qualis suus est vir. Plenus igitur animi irarumque statim cum *Alboino* vetere amico per nuncium agit, hotatur ut in *Italiam* primo quoque tempore armatus descendat. Ipse leniendi doloris ac remittendi animi causa *Neapolim* concedit. Dum igitur ea gens ad id quod votis exoptaverant, ultro invitata, vires quas possunt undique & auxilia ex omni *Germania* contrahunt. Ferunt *Joanem* pontificem, qui cognovisset quam moleste & indignanter eam rem *Narses* accepisset, *Neapolim* ad eum profectum, tum ut amicum consolaretur, tum ut videret, si quomodo molliri posset illius animus, & cœptum cum *Alboino* foedus revocaret. Reperit pontifex amicum acerbissime injuriam ferentem, ut cohibere se se ipse non posset. Nihil est enim magno præsertim viro acerbius contumelia, egone pro liberata a *Gothis Italia* fædissimæ mulierculæ contumeliam feram? pereat cum marito & omni stirpe. Pontifex ad preces conversus orat per Deum immortalem, ne perditum ire velit omnia, quæ ipse tantis cum laboribus, & gloria in integrum restituisset. Rem publicam privatis injuriis anteferat, exemplo magnorum omnium virorum valeat plus apud fortem animum *Iustiniani* avunculi amor, quam stultitia infani adolescentis, pervicit tandem mitis ingenii amicum, ut quam primum nunciis agat apud *Alboinum*, atque ab incepto si possit novis adductis rationibus deterreat. Cæterum non semper voti compos pœnitentia est, siquidem peracta ferre erant omnia apud *Langobardos* ad protectionem. Multiplex documentum ex eo exemplo posteris futurum, vel ex mulieris petulantis infania, vel ex præcipiti nimium indignatione, vel ex male digesti consilii fera pœnitentia. Prius vero quam *Alboinus* iter ingrediatur, sedes proprias in *Pan-*

*noniis* apud *Hunnos* veteres amicos incolendas deponit, ea lege seu fædere, ut si cæpta non ex sententia succedant, *Langobardis* restituantur, fin in *Italia* *Langobardi* morentur, sibi habeant *Hunni*, & optimo jure possideant. Ita factum, ut *Hunni* adscitis in sedium communionem *Avarebus* gente finitima, & confuso utroque nomine, *Hungari* ab eo tempore hanc usque ætatem, sedes illas perpetua fælicique tenuerint possessione. Hæc *Blondus*, & quos *Blondus* est secutus. Alii vero inter quos *Dandalus* noster est, egressam volunt hanc gentem ex *Scythia* post ea, de quibus scribimus tempora circiter annum domini. vccc. lxxx. *Ungaro* nomine, feram moribus, & immanem: ita ut fama ferret, crudas carnes, & potum humani sanguinis non horrere, *Avares* ex *Pannoniis* prælio pulsos ejecisse. Descendisse deinde armatos in *Italiam*. Adversum quos *Berengarius Forojulienfis*, qui tunc *Italiae* regnum tenebat, cum instructis quindecim millibus militum huic genti occurrisset cæsis pene suis omnibus fuga salutem quæsit. *Taurisium* deinde *Patavium*, *Brixiam*, *Mediolanum*, ad montem usque *Jovis* populabundi excurrere omnia cædibus & rapinis fædantes. Inde iter remensi in *Venetorum* littora declinavere. Civitatem novam & *Equilum* jam nascentes, *Clugiam*, *Caput Aggeris* direptas igni ferroque vastavere. Minori littorum malo, quod se se fere omnes ante eorum adventum in insulas receperant. Conati sunt lintribus alveolis pelli-cisque navibus in insulas & præcipue novam *Venetiam* transmittere. Jam enim fama increbruerat, multas apud eam congestas opes. *Petrus* autem tribunus dux fortis & impiger, coactis qualicunque pro tempore potuit navibus die apostolorum *Petri* & *Pauli* gentem furore & avaritia cæcam & inpositam aggressus est. Minori negotio quam animo eorum naves lintres & alveolos disjecit ac demersit. Illi deinde multis acceptis a *Berengario* muneribus, onusti præda, Anno postquam in *Italiam* venerant in *Pannonias* sunt reversi. Irrupisse deinde scribunt, in *Germaniam* *Gallias*que. *Saxones* deinde bello cum petiissent ab *Henrico* Imperatore, *Saxonum* duce, apud urbem *Metisburgum* ad internecionem ferre deletos. Reliquias domum reversas, intra *Pannonias* se se continuisse. Hæc omnia *Dandalus*. *Iustinus* nec avunculo similis, haud satis intelligens quid egisset, ageretve, blandis maledicorum vocibus delibutus, *Longinum* patricium *Italico* administrando bello ducem creat *Exarchi* titulo. Ea exarchatus dignitas maxima præter cæteras in imperio habebatur. Optimum autem ratus prævenire hostem accelerata classe mari transmittere eum jubet. Sapiens consilium, si tamen tum copiis, tum pecuniis optime instructum transmitteret: advolat in *Italiam* utriusque conatus fama *Longini* videlicet & *Langobardi*, nec jam alia species suboriri omnium oculis, quam si alter *Athila* transcendisse *Alpes* nunciaretur. Eo magis perterritis omnibus, quo ab *Athila* ad ea usque tempora nullum calamitatum genus non attrivisset *Italiam*, oculos plerique populorum advertente ad has insulas, solos prudentes, ac beatos dictare, qui eripuissent se se tantis ex malis & in portum vindicassent. Jam de fuga cogitare, sua contrahere, loca tutiora meditari. Siquidem nihil tutius, præsentiusve aliud succurrere remedium videbatur. *Narses* ut primum de *Longini* adventu certior est factus omnes copias dimittit, & non ita multo post vita excedit, maxima cum gloria gestarum rerum. *Longinus* accelerata classe exponit *Ravennæ* quicquid virium advexerat & copiarum. Reperit omnia opinione deteriora remque non tam dignitate novi nominis quam co-



piis, & pecuniis indigere. Omnia terroribus plena. Desiit post *Narsetem* consulatus, & una cum potentia prisca regendi forma, nominaque magistratuum pene omnia interiere. Præsidentem ipse *Rome* constituit: deinde mutatum in ducis nomen. Primarius ipse res apud *Ravennam*, quæ deinde sedes Exarchis fuit, administrabat. Intentiori tamen ad defendendum studio, quam la cessendum, quia pauciores haberet copias quam ut cominus congregiendum cum hoste tutum existimaret. Ingressi igitur *Italiam Langobardi Alboino* Rege circiter annum domini quingentesimum sexagesimum octavum cum uxoribus & liberis, innumerabili præterea multitudine bellicosus ex gentibus coacta. Addidere se se in fortis societatem *Saxones*, viginti millia. Qui cum domi a *Francis* diuturno bello premerentur, & ipsi *Langobardorum* societatem libenter secuti sunt, & a *Francis* ut propriis sedibus excederent, libentius permitti. Ingressi autem per eos (quos sæpe dicimus) *Venetie* campos, obvium neminem habuere. Fama ferunt Regem quum per confragosos saltus tandem ad *Vipagum* amnem pervenisset, ubi hilarior se se offert campestri planicie *Italiae* facies, prospectum petiisse ex monte a læva posito, inde ex ejus vertice speculatum longe lateque gloriabundum ad suos dixisse. *Hæc est commilitones perpulchra illa Italia, quam sectamur, crinibus eam tenemus*: exinde autem montem Regis ab incolis appellatum. Ejus ingressu fuga omnium late facta, quum alii in montes, alii ad paludes dilaberentur. Gerebat ea tempestate pontificatum *Aquilejensem* *Paulus* Episcopus, gente *Romanus*, *Romane* Ecclesie Cardinalis, *Aquilejensem* consecutus erat episcopatum per schisma contra canonicas sanctiones, & consecratus ab *Honorato* Archiepiscopo *Mediolanensi*. Eum *Pelagius* pontifex execratum & non consecratum pronunciaverat, petieratque a *Narsete*, ut ambos sub custodia habitos *Constantinopolim* ad principem transmitteret, quoniam & *Paulus* contra canonicam consuetudinem esset delectus, & *Honoratus* contra patrum morem consecrare esset ausus: is igitur *Paulus* cum memoria repeteret, quid *Athilano* tempore *Niceta* Episcopus: quid *Marcellianus* *Odoacris* tempestate, pari in periculo consilii cæpissent, multaue audisset de hujus gentis feritate præsertim post pugnam apud *Brixillum* cum *Totila* Rege profligatam, & ipse perterrefactus cedendum tempori satius ducens, idem quod illi consilium capere instituit. Ceperant siquidem ut supra demonstravimus castrum e regione *Aquileje* Urbis in littore positum atque in eum locum rem omnem sacram contulerant, se seque ibi munierant. Sequi eorum exemplum *Paulus* decrevit, *Gradum*que proficisci. Eamus inquit fratres, sæva imminet tempestas, portum petamus, quem quondam petiere patres nostri. Est nobis apud *Gradum* ab *Athile* tempore ædes haud quidem ampla sed ornata ultra loci dignitatem, domus tectaque bene facta abunde suppetunt ad receptum, quousque serenum illucescat: laudante omni sacerdotio consilium, corpora secum detulit, *Hilarii*, *Cantiani*, *Cantii*, *Cantianille*, *Euphemie*, *Dorothee*, *Teclæ* & *Erasmæ*. Excivit præterea *Geminianum* sacerdotem ex *Tergesto* oppido pene in solitudinem redacto, iussitque ut ossa martyrum *XLII*. secum deportaret. Quæ ibi summo quondam honore colebantur. Repleta ob eum terrorem, cum cætera *Venetiarum* loca, tum vero *Rivaltus*, cujus duæ insulæ quum turbam confugientium non caperent, adjecere tertiam *Lupaum* appellatam. Hanc insulam canalis, quem magnum dicunt, interfecat. Hinc atque hinc duæ construuntur ædes, altera san-

A *ctæ Cruci*, altera beatis martyribus *Hermagoræ* & *Fortunato*. Hæc dum apud *Venetos* geruntur, *Alboinus* *Gisulpho* nepote *Venetie* provincie præfecto, ipse *Taurisio* primum, deinde *Verona* cujus maxime urbis pulchritudine delectatus est, cæterisque *Venetie* aut *Gallie* civitatibus ad *Abduam* usque, exceptis *Patarvio* *Mantuaque*, aut per vim aut per deditionem receptis, *Veronam* est reversus. Ibi regni sedem constituit, dum solenne convivium celebrat, vino immodice hausto factus hilarior, poculum, quod ex offe capitis *Comundi Gepidarum* Regis bello interfecti auro gemmisque distinxerat afferri jubet. Is *Comundus* pater fuerat *Rhofimundæ* *Alboini* conjugis, quæ tum convivio accumbebat. Allato poculo, quum ipse se se proluisset porrigi jubet *Rhofimundæ*. Commota mulier tum rei, tum loci contumelia, quum invita & indignans degustasset, simulato subrisu sane inquit hoc vinum non insuave est. Peracto deinde convivio paulo post per amatorem *Alboinum* interficiendum curat cum exprobratione. *Disceat ebriosus vir quale de conjugis spectaculum tot principibus ediderit, qui inter epulas & in oculis omnium impurissimum os, & crudelissimos oculos pavit suos*. *Clephin* *Langobardi* Regem creant. Eo quoque ob nimiam crudelitatem interfecto, aliquot per annos Regibus abstinere. Copias & opes, & quicquid provinciarum obtinebant inter triginta ejus gentis primores partiti sunt *Clephi* non mitiores, Duces eos appellavere. Sed eo fædiora *Itali* passi quo multitudine imperantium auctæ crudelitates non imminutæ. Nullum enim genus sævitie, aut immanitatis omissum. Admirabilis tamen illis rerum fuit successus. Vix enim credibili celeritate maximam *Italiae* partem occupavere. Nam ante primum elapsum annum, *Arimino* expugnato, inde *Picentes*, *Umbros*, *Pelignos*, *Marfos*, *Campaniam*, *Ethruariam*, magnam *Samnii* partem, sub jugum misere. Quasunque cæpere civitates omnes fere diripere, non ædificiis nobilioribus pepercere. *Theatra*, *Basilicas* publicaue hujusmodi magni operis ædificia, quibus *Italia* erat referta, aut ad solum stravere, aut magna ex parte ruinis fædare. Ne viderentur autem *Gothis* aut *Herulis* fuisse mitiores, in utrumque mortalium sexum, non aliter sæviere quam in pecudes, neque initio tantum ea sunt patrata, sed per annos cc. quibus tenuere *Italiam* continuatis inter se depugnare bellis, nullum est autem malorum calamitatumque genus, quod secum bella præsertim continuata, non afferant. Excurrebant, diripiebant, ferro atque igni cuncta vastabant. Civitates jacebant pene exanimæ, agri deserti & vastati, quum inter alternas tum victorias, tum conflictus, in prædam semper cederent Barbaro victori. Postea quam omni genere direptionum calamitatumque *Italia* fere tota sunt abusi, pertæsum tandem eos, ut mobile vulgus est eorum præsertim qui nimia laborant felicitate, atque vi & armis omnia arrogant, diutius sub ducibus vitam agere, Reges iterum appetiere, atque omnium consensu *Anthas* virum fortem & acerrimum belli ducem sibi præficiunt. Regnum longe lateque propagavit, omnem *Italiam* ad fretum usque *Siculum* excurrens, *Columnam* in littore defixam, hasta contingens. Hic inquit Ego fines *Langobardici* Regni constituo. Quicumque eos violaverit penas dato. Interea *Longinus* Exarchus quum satis per eos annos habuisset continere se se intra *Ravennam* revocatus *Constantinopolim* a *Justino* prius profectus ad *Venetos*, ut inde sumeret navigationem, laudavit eos qui semper in Imperatoris officio mansissent, privilegiis & immunitatibus, quibus *Narses* affecerat, majores amplioresque superaddidit. *Paulo* *Roma-*



no *Aquilejensi* Episcopo apud *Gradum* vita fun-  
cto, *Probinus* sufficitur. Qui & ipse *Grado* di-  
scedere non est ausus propter *Langobardorum* indi-  
gnitates & injurias, *Elias* deinde natione *Græcus*  
in ejus locum subrogatur. Siquidem provincia-  
les Episcopi sedibus a *Paulo* suis propter schisma  
depulsi apud *Gradum* convenire, atque hunc *Eli-*  
*am* & vitæ innocentia, & virtute præstantem,  
pontificem deligunt. Quum autem *Gisulphus Ven-*  
*etiæ* dux immodicis provinciam exactionibus ve-  
xaret, nec Deo parcens, nec Ecclesiæ, tum ob  
avaritiam, tum quod indigne ferret tris ordine  
antistites *Aquilejensem* pro *Gradenſi* sedem reliquis-  
se, atque ob eam rem non auderet *Elias Aquile-*  
*jam* redire, convocat apud *Gradum* concilium. Ad  
quod celebrandum viginti provinciales Episcopi  
profecti sunt. Refert ad eorum consulta quoti-  
dianas *Langobardi* injurias, qui innata genti ava-  
ritia Ecclesiam laceret. Grassaturus procul du-  
bio quotidie majoribus nisi provideant, cum i-  
dem omnes & faterentur & quererentur, scisci-  
tatus illorum sententias, alius ad pontificem mit-  
tendum censere, alius ad Imperatorem qui cer-  
tiores de his rebus faciant tum quoque præsentem  
opem remediumque poscant aut si id impetrari non  
liceat, saltem per epistolas acrioribus agant ver-  
bis: Tum *Elias*. Et si eandem nobis patres men-  
tem esse non dubito, longe tamen mihi alia sententia  
est. Pacem optamus omnes ab hac gente nefaria.  
Quid enim mirum? Qui nam obsecro cruciatus, aut  
quæ denique mors hujusmodi vita non optabilior? Sed  
ego nulla prorsus ad eam consequendam remedia quæ  
memorantur existimo. Nonne periculum sæpius fa-  
ctum quid epistole cum hoc hominum genere quid ver-  
ba proficiant. Sæpe patres accidit, ut unum asse-  
qui velimus, at vero diversum aliud eveniat, quod  
hac in re magnopere verendum est, non enim consi-  
lio semper respondet eventus, irritabitur epistolis homi-  
nis ferocia, non mollietur, ingenia mitia precibus  
& mansuetudine facile inflectas, fera barbaraque  
pertinacius incrudescunt. Expertus olim est *Paulus*.  
Expertus *Probinus* neque nos quoque nostro malo non  
periculum fecimus. Quæ vobis hætenus fructum  
epistole in quibus nunc spem locatis attulerunt? Quin  
memini sæpius audisse me nunciis interdum egisse pon-  
tifices. Verba illis semper data. Post eorum di-  
scessum immitius quam ante adversus ecclesiam sæ-  
viere, pecunias a nobis expetunt non verba. Hujus-  
modi igitur remedia perpendenti mihi illud videre vi-  
deor, quousque patres quicquam nobis rei fuerit cum  
hoc homine. Magna esto vel parva, nec pacem ab  
eo, nec quietem sperandam. Non ille christi fidem  
colit, non Deos gentium. An creditis optari ut ille  
simulat reditum in *Aquilejam* nostrum propter reli-  
gionem? Si hæc ad eum enixius querendum ratio  
moveret, aliter se se nobiscum gerat intractandis Ec-  
clesiæ negotiis: non clericos in vinculis habeat. Non  
colonos Ecclesiæ verberibus afficiat, si non beneficiis  
alliceret, & honoribus, at injuriis quibus nunquam  
parcit abstineret. Insanit miser avaritia. Redi-  
tum exoptat, ut quo propinquius eo commodius ex-  
pilet ac diripiat Ecclesiam, quicquid præterea catho-  
licorum elemosynis nobis erogatur homo impius, id to-  
tum Ecclesiæ extorqueat. At non semper vivet. Succe-  
det aliquis mitioris ingenii. Quid si pejorem sufficient?  
Diutius nos fratres hæc spes frustrata est hac una ex-  
pectatione centum & amplius annos, id est ab *Athi-*  
*la* in hunc usque diem meliorem Ecclesiæ statum ex-  
pectamus. Deterior indies est factus, sed alium finge-  
minus avarum fore quenam obsecro fideli satis grata  
accidere potest vita inter infideles? Aut quam ego  
deteriorem molestioremque existimem, quam inter  
hæreticos? Cum gentili homine nunquam fere acci-  
dit contentio. At vero nulla datur pax cum hære-  
ticis, vel propter quotidianos Ecclesiarum fructus

A qui ab eodem christiano nomine utrisque proveniunt,  
vel quia ferre non possunt in eadem asseveranda ve-  
ritate superari. Elati sunt & superbi. Si quando  
admonitionibus exemplis sanctorum dictis cum iis agi-  
tur, mox ad jurgia prorumpunt, pati non possunt vin-  
ci se se ratione & a catholicis compelli ad confessio-  
nem veritatis. Si vota vestra fratres accedunt, sen-  
tentia mea hæc est: ut in hunc locum patriarchalis  
transferatur sedes, hic pacatam, hic christiana re-  
ligione dignam agere vitam licebit, si non tam lau-  
tam, & opulentam, at pace plenam atque concordia.  
Pacem dominus noster generi suo quasi hæreditariam  
legavit, pax sectanda nobis, ipsi procul ab ejus ocu-  
lis agemus, & a nostris ille. Non dubito Roma-  
num pontificem, & Imperatorem, cum intelligent qui-  
bus in calamitatibus hæc versetur Ecclesia, facile  
hoc nostrum votum comprobabunt. Assensere omnes.  
Missi continuo nuntii ad *Pelagium* pontificem con-  
ciliii nomine supplicatum ut *Venetas* Ecclesias mi-  
seratus, extremis in difficultatibus constitutas *A-*  
*quilejensem* transferat dignitatem apud oppidum  
*Gradenſe*, ubi procul a *Langobardis* longe tran-  
quilliorum securiorumque vitam acturi sunt, an-  
nuit benigne *Pelagius*. Translationis illius series  
nunc etiam extat, quam apponere operæ præ-  
tium existimavi, tum ipsa re confirmandis, quæ  
dicta sunt a nobis atque deinceps dicentur de hu-  
jusce provinciæ calamitatibus, tum ut veritas  
*Gradenſis* honoris magis illucescat, præterea non é-  
rit injucundum, ritum moremque antiquorum pa-  
trum in conciliis habendis cognoscere. Cum in  
civitate *Gradenſi* *Elias* Episcopus sanctæ novæ  
*Aquilejensis* Ecclesiæ, cum episcopis quorum no-  
mina subscriptiones propriæ manifestant, in con-  
cilium convenissent, & in nova Basilica sanctæ  
venerabilis matris *Euphemie* confedisset, posi-  
tis in medio sacrosanctis evangelis, *Elias* primæ  
sedis Episcopus dixit. Ineffabilia sunt opera do-  
mini nostri Jesu christi, & paulo post. Nam in-  
ter angores quibus Ecclesia domini circumqua-  
que depressa suspirat, & gentium ferocissimas  
manus cladesque miseræ provinciæ nostræ fateor  
me supra spem meam, ad hunc venerabilem cæ-  
tum invitavisse sanctissimam vestram caritatem:  
Et infra. Dignum ergo sanctissimi fratres man-  
suetudo nostra ducit ex consensu Beatiss. Pa-  
pæ *Pelagii*, cui communiter nostram descri-  
psimus necessitudinem. Si vestræ placeat san-  
ctitati, hanc civitatem *Gradenſem* nostram con-  
firmare perpetuo metropolim, novamque vo-  
care *Aquilejam*. Et infra: quoniam quotidie  
hostile aliquod toleramus flagellum, jam pridem  
ab *Athila Hunnorum* rege *Aquilejensis* civitas no-  
stra funditus est destructa. Et postea *Gotho-*  
*rum* incurſu, & cæterorum barbarorum quas-  
fata vix spirat. Sed & nunc *Langobardorum* ne-  
fandæ gentis flagella substinere non valens, ex  
consensu Beatissimi *Pelagii* papæ: si vestræ pla-  
ceat sanctitati, hanc civitatem *Gradenſem* no-  
stram perpetuo firmare Metropolim novamque  
eam vocare *Aquilejam*. Sancta Synodus dixit.  
Quæ vestra Beatitudo proposuit, omnes pari con-  
firmamus assensu. Si vestræ placeat sanctitati  
Beatissimi papæ *Pelagii* privilegium pro hac ipsa  
intentione ab ipso transmissum in medio recitan-  
dum deferatur; *Laurentius* præbyter legatus apo-  
stolicæ sedis repræsentavit privilegium *Gradenſis*  
Ecclesiæ. Sequentur litteræ apostolicæ. *Pela-*  
*gius* urbis Romæ Episcopus: Et infra: Compa-  
tientes mæoris necessitudini & rabiem furentium  
perpendentes *Langobardorum* inclinati precibus  
vestris, per hujus præcepti seriem superscriptum  
castrum *Gradenſe* totius *Venetiæ* & *Histriæ* Me-  
tropolim perpetuo confirmamus cum omnibus  
Ecclesiæ pertinentibus, statuentes &c. Quo  
com-



completo universi Episcopi voce compari, exaudi christe *Pelagio* vitam omnes uno consensu sanctissimi *Pelagii* præceptionemque vestram sequimur. Et infra. Sancta synodus tertio confirmavit, fiat, fiat, fiat. Per hunc maxime modum *Elias* ex *Aquilejensi* Episcopo, *Gradenfis* patriarcha renunciatus est. Agebatur autem annus Domini quingentesimus octogesimus, aut circiter. Hæc subjecisse placuit ad declarandam *Gradenfis* Ecclesiæ nobilitatem. Quæ metropolitanum honorem plus annis centum, ante *Aquilejensem* est consecuta, ut postea docebimus. Domum *Elias* fatis amplam in Aedem Beatæ *Euphemie* construi curat, dedicatque. Inque ea locat sanctorum corpora *Hermagoræ* & *Fortunati*, quæ ex *Aquileja* vetere deportarat ea corpora usque ad annum domini M. apud *Gradum* summa veneratione sunt habita. Periclitata vero *Hotonis* ducis tempore, & *Ursonis* ejus fratris patriarchæ *Gradenfis*. Nam cum ambo per seditionem civilem in *Histriam* concessissent, *Pepo Aquilejensis* patriarcha gente *Germanus* acerrimus *Venetorum* hostis arrepta occasione armis *Henrici* Imperatoris per dolum insidiis positus incautos *Gradenfes*, urbem templumque & Ecclesiam invadit. Diripere pretiosissima quæque & thesauros omnes Ecclesiæ. Altare autem *Hermagoræ* & *Fortunati* in quo fama ferebatur eorum esse corpora, spoliant dux & patriarcha ex *Histria* *Gradum* advolant. Prius autem quam *Veneti* armati *Gradum* accurrant: *Aquilejenses* fuga arrepta domum reverfi. Scribit autem *Andreas Dandulus* sanctorum corpora, quæ ablata ab *Aquilejensibus* *Veneti* verebantur: cum diligentius de loco perquisissent, reperta in crypta quadam sancti *Marci* secretiore loco collocata: Aedificat præterea *Elias* monasterium apud insulam propinquam barbariam appellatam, inhabitandamque sacris virginibus tradit in honorem beatissimæ genitricis. Templum idolorum vetustum, situm in littore e regione urbis transfert in Aedem Beati *Petri*. Quantis vero tunc premeretur calamitatibus *Italia*, illud maxime declarat, qui *Pelagius* pontifex cum ferre non posset illius gentis injurias adactus transmittere est ad *Tiberium* Imperatorem, *Gregorium Gordiani* filium, *Romanæ* Ecclesiæ levitam, qui postea fuit pontifex primus ejus nominis, opem imploratum *Italie* atque Ecclesiæ *Romanæ* malis. Igitur *Elia* post sanctissime actum pontificatum, perfuncto humanis rebus, *Severus Ravennas* sufficitur anno domini quingentesimo octogesimo sexto. Neque hujus pontificatus atrocioribus caruit injuriis, præter enim id quod a *Longobardo* quotidie vexaretur, hunc *Smaragdus* patricius *Ravennas* Exarchus, qui *Longino* successerat, novo persecutionis genere aggreditur. Siquidem Imperatores atque eorum Exarchi quibus poterant honoribus *Ravennatem* sedem amplificare contendebant æmulatione *Romanæ*. Ea causa fiebat, ut *Ravennates* Episcopi sæpe deficerent a *Romanis*. Cum autem *Joannes Ravennas* Episcopus, severum Antiquitatem *Aquilejæ* pellicere ad suas partes haud quaquam posset, adhibuit *Smaragdum* Exarchum qui primum precibus pollicitationibusque deinde minis atque terroribus *Severum* adoratus est. Cum vero illa non proficerent vi agendum ratus, *Gradum* proficiscitur. *Severum* de Basilica tractum secum adducit *Ravennam* aliis tribus cum Episcopis, quos tandem omnes communicari *Joanni* schismatico invitos adigit. Post elapsam autem annum, quum ad sedes quisque reverteretur suas, *Veneti* rudes adhuc earum rerum, nisi quod *Romanum* nomen illis summæ erat venerationi substitere aliquantisper, an essent recipiendi, concilioque super ea re omnium op-

A pidorum indicto, cum plerique suscipiendos existimarent, neque id illis noxæ tribuendum, quod inviti compulsique fecissent, & si forte quippiam deliquissent poenitere non eos & abjurare hæresim paratos: alia ex parte quibus sanior esset mens censerent id non esse arbitrii secularis, hæreticos qui per annum in hæresi permansissent seculari ausu Ecclesiæ catholicæ reconciliare, pontificis *Romani* id munus esse ad quem maxime omne de catholica fide iudicium pertineat rem ad eum deferendam. Et expectandum, quid eos agere placeat. Vicit tandem hæc sententia, & ex ejusdem pontificis responso non prius a sua quisque Ecclesia recipitur, quam in synodo decem Episcoporum apud *Maranum* oppidum, quod olim *Varanum* fuit coacta in omnium conspectu abjuratæ hæresi renunciarent. Tantum valebat apud novos populos fidei, & *Romanæ* sedis reverentia, secuti sunt anni Beatissimi *Gregorii* summi pontificis, quibus nimis multa contigere mala. Nulla certior afferri species potest, quam ejusdem pontificis scripta, cum aliis multis in epistolis, hominibusque, tum in expositione *Ezechielis* has calamitates deplorantis. Quid est quod jam in hoc mundo libeat? ubique luctus aspicimus, undique gemitus audimus, destructæ urbes, eversa sunt castra, depopulati agri, in solitudinem terra redacta, nullus in Agris Agricola, pene nullus in urbibus habitator remansit: Et tamen ipse parvæ generis humani reliquiæ adhuc quotidie & sine cessatione feriuntur. Alios in captivitatem duci, alios interfici videmus. Ipsa etiam quæ aliquando mundi domina esse videbatur, qualis remanserit Roma conspiciamus immensis doloribus multipliciter attrita, desolatione civium, impressione hostium, frequentia ruinarum: jam de illa potentes ablati sunt. Ubi enim Senatus? Ubi jam populus? Omnis in ea dignitatum ordo extinctus. Et tamen ipsos nos paucos, qui remansimus, adhuc quotidie innumerae tribulationes premunt. Jam vacua ruit Roma: ruinis namque crebrescentibus ipsa destrui ædificia videmus. Et postquam defecerunt homines etiam parietes cadunt. Et alibi. Post hæc gravior plaga fuit adventus *Agilulphi*: ita ut oculis meis cernerem Romanos more canum incola \* funibus ligatos, qui ad Fran-  
ciam ducebantur venales: Vidit etiam ille pontifex (quid enim mali non vidit suo in pontificatu) exisse ex *Syria* classem *Saracenam* prædabundam: Tunc primum apud Christianos auditam: quæ littora *Siciliæ* insulæ omnia foedissimis populationibus diripuit ac vastavit: Extat ejus epistola ad Episcopos insulæ, qua usus pietatis officio gravissimis consolatur verbis, ut interim forti sint anime, non defutura domini auxilia; si ad eum toto corde confugiant. At hic tamen Beatissimus *Gregorius* quæcunque potuit his malis adhibuit remedia. Nam *Agilulphum* Regem convertit ad Christi fidem, annitente uxore *Theudelinda* pientissima femina, cui ob eximiam religionem dialogorum librum inscripsit. Ea gens prius gentium Deos adoraverat, at paulo post in *Arrianam* omnes deflexerant. Unius *Ariperti* Regis virtus ea tempestate memorabilis habetur: præter enim *Domum Alpium Cotiarum* *Romanæ* ecclesiæ, in quis *Genua* fuit cum omnibus ejus urbis oppidis, solitum scribunt, mutata veste sæpius regnum perlustrare, ut intelligeret, quid de se præfectisque suis populi loquerentur. Sed qui post *Gregorium* secuti sunt anni, fuere superioribus atrociores. Quia imperium nunquam cessavit ab Exarchis exercitibusque in *Italiam* transmittendis: ita ut triplici jam bellorum genere *Itali* premerentur. Nam præterquam quod mutuis inter se *Langobardi* (ut diximus) digladiabantur bellis, *Græci* alia ex parte nunc *Roma-*  
nis

\* Forte colla.



nis pontificibus ferebant auxilium, nunc eos saevissimis persequabantur edictis, contra sanctorum patrum Catholicas sanctiones, ut nulla jam neque animis, neque corporibus daretur quies. Dum igitur occultum Dei iudicium lacerandam proculcandamque *Italiam* impiis nationibus tradit, *Patavium* jam tertio ab *Agilulpho Langobardorum* Rege penitus deletur. Apertum enim & vallo tantum planisque a *Theodorico* munitum jacuerat: quum vero efferre paulisper caput, & frequentius habitari accepisset, casis ex asseribus constructis, quibus ea maxime abundat regio: teneretur autem ab Hexarcho valido militum praesidio, iratus *Agilulphus* civitati, qui cum Hexarcho sentiret, admotis ad urbem castris, reperit eam validius quam putaverat permunitam. Quum igitur aliquotiens superare munimenta tentasset, repulsus est. Tandem ventum nactus vehementiorem, noctu faculas pice illitas multis ex partibus scorpionibus conjici in urbem jubet. Corripuit facile ignis materiam. Extemplo autem ubi collucere simul pluribus ex locis flamma conspicitur, milites oppidanique periculo consternati, primum unde erumpant quaerere. Dum non inveniunt, urbem addacti periculo, *Langobardo* dedunt. Urbs concremata, Cives quo vellent abire permitti. Pari clade affectum *Acelum* agri *Patavini* oppidum, cui nunc *Monfalicis* nomen est. Multi tum mortales omnis ordinis *Venetias* commigravere, praesertim *Metamaucum*, *Rivaltum*que, quorum frequentia quam prioribus tribus insulis haud commode colligerentur, addidere quartam *Geminam* appellatam. Sita haec est inter *Rivaltum* & *Olivolum*, in ea duae Basilicae aedificatae, altera Beato *Joanni Baptista*, altera Beato *Martino*. Clades haec *Patavina* mirum in modum *Venetiarum* opes & libertatem confirmavit, neque enim deerant (ut inter vicinos solent) quotidianae rixae contentionesque, invidia praecipue navigationum, quas sibi ereptas querebantur. Solus externus absterrebat metus, ne si forte armis decertarent, praeda uterque populus esset tam *Graecis*, quam *Langobardis*. Severus autem patriarcha post impetratum a *Gregorio* pontifice novae sedis privilegium, vita excedit, cui *Martianus* sufficitur, & *Martiano Candiano Ariminensis*. Hujus *Candiani* tempore alia Episcopalis sedes ab Haereticorum sacrilegis manibus erepta, ad haec littora confugit. Nam *Gisulphus Venetiae* Dux horum populorum hostis acerrimus, quum veteris *Aquilejae* sedem *Gradum* translatam ferre non posset, neque pellicere eos Antistites pollicitationibus ut redirent, *Joannem* quendam Abbatem patriarcham praeter jus fasque constituit. Eam rem *Joannes Concordiensis* Episcopus, vir sanctus & justus permoleste ferens: Ego ne inquit diutius Ecclesiam meam patiar Sathanae inservire? Equidem vindicabo eam ipsumque me in libertatem. Et ubicunque morari datum erit, sub alas suas suscipiet Dominus *Iesus*, fidelemque nobis sese in omnem fortunam ducem praebit. Itaque relictis *Concordiae* resurgentis aedificiis, ad *Caprularum* oppidum littoreum, jam antea a *Concordiensibus* captum cum omni re sacra confugit. Ejus sedis translatio confirmatur a *Deodato* summo pontifice. Schismatis hujus paulo post *Gisulphus* acre perfolvit piaculum. *Avares* enim nunc *Bavari* appellati ingressi *Italiam* per *Venetiae* saltus, *Gisulphum* obvium factum, nec pugnam detrectantem, multis confectum vulneribus interficiunt, & *Langobardi* pene omnes ad internicionem caesi. Secundum id praelium *Avares* in aliquot divisi partes *Liburniam* *Venetiam*que rapinis & incendiis longe lateque foedavere. *Cacannus* vero (sic enim *Avares* Re-

ges appellant) quum omnia circum oppida aut per vim, aut per deditionem recepisset, *Cormonum*, *Osozum*, *Nemasum*, *Arceniam*, *Glemonam*, *Obliginum*, ad *Forum Julium* ducit. In quod oppidum *Gisulphi* conjugem cum omni *Thesau*ro confugisse compererat: Mulier impudica *Ava*rem conspicata obequitantem oppidi moenibus, crispo capillo, & aurea chlamyde fulgentem, exarsit in illius libidinem, neque diutius tulit, quin sese cum urbe munitissima, *The*saurisque omnibus *Avaris* fidei permitteret. Non fefellit omnino datam fidem *Avaris*, semel illa abusus: Abi inquit in malam crucem impudica mulier, exple libidinem, quam nec aetas provectior, nec vidualis pudor, nec regale decus cohibere potuit, tuoque corpore dignis hominibus commiscere. Eam duodecim deinde *Avaribus* in omne ludibrium abutendam prostituit, palo deinde suffixit. Evertit ab ipsis radicibus oppidum, ut non solum instauratum sit nunquam, sed ubinam situm fuerit, nullis certioribus vestigiis, aut monumentis extet, nisi quod dum in eam provinciam legationis munere profecti, admiraremur interiisse nobilis oppidi vestigia: dum scrutamur & incolas, & loca, tandem repertus est in ingressu *Alpium* aliquanto supra *Tulmetium*, vicus adhuc nobili Ecclesia. Ubi pavimenta conspiciuntur musivo opere depicta, & lapides juxta templum antiquis & magnis incisi literis. Ejus loci nomen quum quaereremus, & *Zulium* respondissent, facile intelleximus locum esse, quem quaerebamus, & *Zulium* corrupto nomine pro *Julio* appellari. Illud est certum *Plinio* quoque teste, *Julien*ses *Carnorum* gentem esse, sive *Carnis* finitimam. Oppidi postea nomen versum est in provinciae, patria *Foro Juliana* appellata. Haec quae audivimus vidimusque, non omittere placuit, tanquam de re & antiqua & obscura, donec certiora oppidi illius vestigia forte reperiantur. Cum autem pervincere *Graden*ses Antistites *Langobardi* non possent, ut a *Grado Aquilejam* redirent, deligunt ipsi sibi pontificem *Fortunatum* quendam *Arbrianum*, non Cleri, non populi consensu, nec expectata quidem summi pontificis auctoritate. Hic *Fortunatus Langobardorum* armis fretus, magna militum manu navibus imposita, *Gradum* improvise adortus, Ecclesiam diripit, caesis nonnullis, aliquot vulneratis, abacta in nares praeda sese in fugam proripit. Hunc *Honorius* pontifex certior injuriae factus, tanquam haereticum deturbat pontificatu, inque ejus locum sufficit *Primogenium* gente *Aretinum* subdiaconum Ecclesiae *Romanae*, sed neque huic pacatior extitit pontificatus. Nam ut illa sedes nunquam a *Langobardicis* injuriis conquiesceret, tum directionibus & rapinis, tum captivitatibus *Graden*sium hominum, qui decepti publica fide in eorum manus incidebant, Patriarcham compulerunt exostulare per legatos opem ab *Heraclio* Imperatore. Intempestive quidem & alieno tempore, qui maximis curis orientalium bellorum *Heraclius* esset implicitus, quo uno potuit amorem, pietatemque in illam Ecclesiam declaravit, dono *Primogenio* misit vasa quaedam aurea, argenteaque damnorum solatium & praeterea Cathedram Beati *Marci*, qua apud *Alexandriam* pontifex fuisset \*. Quamque ipse post devictum *Cosdroem* ab *Alexandria* cate-  
\* Scilicet  
 us.



niano videretur inferior, gloriabundus conscripfit. Is autem *Rhotarius* non armis solum *Romanas* partes excindere est annixus, sed astum quoque adhibet *Arrhianæ* perfidiæ, quæ mirum in modum increbruerat per omnes orbis partes. Nam quum videret catholicos cum *Romanis* pontificibus hexarchisque sentire, ut partes suas reddat firmiores, & nos inquit *Arrhianas* fovebimus ne ulla nobis in re catholici superiores existant, qui viribus & armis sunt inferiores. In eam sententiam facile barbaram gentem trahit. Jamque ad id ventum, ut in omnibus fere *Italiæ* urbibus duæ essent Ecclesiæ, duo Episcopi, alter catholicus, alter *Arrhianus*. Ut non injuria questissimus initio secundi libri, tum fidei christianæ, tum imperii detrimenta ab hæreticis profecta. Porro hæc pestis traxit tandem ad sese cæteras hæreses. Et per omnem fere orbem diffusa semper increvit. Sed ipsa quoque orientis Ecclesia, quæ ob imperii majestatem cum *Romana* de dignitate certaret, nunquam novis inventis conquievit. *Johannes* præsul *Constantinopolitanus* ausus est sibi titulum præscribere Episcopum universalem, maxime subnixus *Mauritii* imperatoris auctoritate. Enimvero commotus hominis imprudentia *Gregorius* pontifex, & ut *Romanum* genere, & ut Summum pontificem auctoritate par fuit, inhibuit ingenua cum libertate, ne eo titulo uteretur. His maxime verbis. O tempora o mores! Ecce cuncta in *Europæ* partibus Barbarorum juri sunt tradita, destructæ urbes, everfa castra, depopulatæ provinciæ, nullus terram cultor inhabitat. Sæviunt & dominantur quotidie in morte fidelium cultores idolorum. Et tamen Sacerdotes, qui in pavimento & cinere flentes jacere debuerunt, vanitatis sibi nomina expetunt. Hac præterea tempestate *Cyrus Alexandrinus* Episcopus, & *Sergius Constantinopolitanus* excitavere ingentibus studiis hæresim *Monochelitarum*, unam tantum naturam in Christo asserentes, ad quam abolendam cum quatuor in conciliis agitata esset hæresis, tandem omnium consensu damnata. Hanc hæresim *Heraclius* post tantas de *Persis* victorias, summi Dei beneficiis ingratus & suscepit & magno studio defendit. Atque deinde ut fere Hæresiarchæ omnes ad magicas artes sese convertit. Perfolvit autem paulo post impietatis poenas lacerato a *Sarracenis* imperio & omnibus fere provinciis orientis amissis, ut quod sæpe queri solemus maxima ea tempestate sit facta jactura, tum imperii, tum religionis. Porro altera fere semper alteram secuta est. Perseveravit hæc impotens pertinacia, atque catholici fidei scissura ab his temporibus ad nostram usque ætatem. Qui si aliquando respicere, & ad *Romanam* reverti fidem velle sunt visi, metus a Barbaris, quem cum periculo semper pro tempore metiti sunt, eos adegit, non autem libera ingenuaque confessio siquidem ad hunc diem quindicies a *Romana* defecerunt, totiens videlicet quoad tam religione, quam imperio spoliati per orbem vagantes exemplum cunctis mortalibus dedere, nullas esse tam ingentes opes, quas non superbia seditioque comminuat. Sed de *Sarraceno* imperio aliqua paulo post, si prius de *Venetis* nonnulla, quæ intermissa sunt, expediemus. *Rhotarius* igitur omni cis *Apenninum* *Etbruria* & *Lunensi* ora *Liguribusque*, & deinde *Gallia*, quæ ad Hexarchum defecerant ad partes suas retractis,

A signa in *Venetos* convertit. *Opitergium Venetiæ* oppidum instaurari coeptum expugnat ac diruit. Et id quidem tertio ab *Athilæ* demolitione circiter annum domini sexcentesium quinquagesimum. Præsidebat Episcopus *Opitergio Magnus Altinus* vir eximiæ sanctitatis. Miserabatur assiduas commissi sibi gregis calamitates. Virus tamen illud *Arrhianum* ferebat longe molestius, qui acerbiores illi essent de fide contentiones, quibuscunque rerum incommodis. Blasphemi vero in Deum homines non illi ferri posse videbantur. Neque ulla spes suberat ad saniolem mentem revocandi avaros homines & superbos, qui favere illis *Langobardos* cernebat magistratus. Tutius igitur visum animis corporibusque cedere. Locum capit in stagnis haud procul a continenti. Amor autem sanctissimi viri maximam secum mortalium turbam traxit, multaque eum nobilitas comitata est. Quæ quasi parentem potius quam præfulem deferere non possent. Ibi civitatem condit, quam *Heracliam* appellat in *Heraclii* gratiam. Nec dum enim labe illa, quam diximus *Heraclium* infecebat, sed summa cum christianæ fidei gloria imperium administrabat. Civitas deinceps *Severinus* summus pontifex & *Primogenius* patriarcha *Gradenfis* confirmavere. Maximam auxit apud omnes sanctitatis opinionem pietas & amor, quem erga profugos paterna quadam pietate declarabat, non verbis tantum & blandiori sermone, sed ipsa quoque re, vel ex proprio, vel ex amicorum beneficio collata. Vixit ad ultimam usque senectutem. Multis miraculis claruit, memoriæ mandatis ab his, qui ejus vitam scripserunt. Mortuus, inter sanctos relatus est. Tenuit fama constans, ad hunc usque diem, sanctum illum, novem Ecclesias in hac *Rivaltio* divina monitum revelatione, construxisse, quarum nomina etiam hodie feruntur. Hoc *Andreas Dandulo* non placet. Quin eas a quibus sint conditæ & quo tempore sigillatim recitat. Eodem exemplo *Paulus Altini* urbis nuper instauratæ Episcopus *Arrhianos Langobardosque* fugiens, *Torcellum* se confert, quem catholica gens fere omnis secuta est. Quid amplius moramur inquiring? Quibus nec corpori, nec animæ, capere salutem licet? Sequamur vestigia vicinorum patrum. Detulit secum corpora sancti *Theonisti Trabate*, *Liberalis*, brachium beati *Jacobi* Apostoli. Et multas præterea sanctorum reliquias. Vita post mensem functo, subrogatur *Maurus* qui hujus translationis privilegium a *Severino* urbis Antistite meruit. Construxit ædes complures, quas inter Monasterium nobile *Joannis* evangelistæ, quod nunc etiam extat, virginesque sacre ab eo ibidem dicatæ. Ea quoque tempestate *Paulus Patavii* Catholicus Episcopus urbis totiens excissæ, nuper concrematæ, quum ad cæterarum ærumnarum cumulum videret accedere, *Arrhianæ* quoque perfidiæ molestias, quasi desperatis rebus, *Metamaucum* confugit, ibique aliam condit Episcopalem sedem. Perseveravit eo in loco annis ..... donec urbs assiduis tempestatibus conquassata: fatiscentibus fundamentis, arenæ impositis, Aëstibus præterea a noto vento tandem expugnata totaque inter fluctus absorpta est. Sedes deinceps Episcopalis *Clodiam* translata, ubi in hunc usque diem perseverat.



## LIBER OCTAVUS.



anno domini sexcentesimo quinquagesimo a prima vero Ecclesia in *Rivaltio* condita cccxxx. Quinque jam Ecclesiis pontificalibus, atque earum una metropolitana *Venetiae* condecoratae sunt. Qui si vel spacium lit-  
torum vel oppidorum adhuc exiguitatem metimur, nimis multae fortasse videri possunt. Ceterum id facile donatum a summis pontificibus, tum uti catholicis Ecclesiis populisque, qui ad haec aestuaria confugerent ab haereticorum injuriis daretur quies, tum ad comprimendam *Aquilejanae* Ecclesiae nimium superbientis auctoritatem. Quae ut supra libro tertio dictum est, ob ejus sedis opulentiam in his haereticorum contentionibus, male interdum *Romanae* Ecclesiae parebat. Si quando praeterea (quod saepe contingere erat necesse ob crebras Ecclesiae dissensiones) concilia cogerentur, eo facilius secundum summi pontificis sententiam decreta ferebantur, quo pluribus Episcoporum suffragiis inniterentur partes Ecclesiae. Maximo fuit adjumento his insulis ad libertatem Pontificum auctoritas. Atque dum ad ea tempora diligentius animum adverto, non dubito plus ad incolendas augendasque *Venetias Arrbianarum* persecutionum contulisse labem, quam *Gothorum Langobardorumque* saevitiam. Non igitur mirum si ab hujusmodi profecta initiis semper fuit apud eos divino in cultu religio, aucta deinde, atque sacrarum rerum, quam nunc videmus, in immensum creverit amplitudo. Praeter etenim urbem *Romam* nullam crediderim extare sacris rebus divitiorem, aut, Parochiales quas appellant, sacris aedibus, aut sanctorum reliquiis, aut monasteriis utriusque sexus & omnium ordinum, aut supellectile sacra, aut domibus hospitalitatis, aut scholis (quas fraternitates vocant) innumeris, aut denique ubi majori sumptu pompaque, tum supplicationes, tum divina officia celebrentur omnia. Sed ecce jam pestilentior altera superioribus omnibus lues extollere caput coepit: *Sarracena* videlicet gentis secta. Quae non orientis solum imperium, sed *Italiam* quoque maximis laboribus involvit. Diversa tamen ratione. Exorta siquidem mox invasit imperium, *Italiam* vero, quia oppressio a *Sarracenis* imperio eo liberati metu *Langobardi*, non habebant quem metuerent, extorquebant rapiebant quicquid libido suggeret. Omnis enim ea tempestate pontificatus auctoritas imperii viribus stabat. Itaque relicta ad eorum libidinem *Italia* est. Hoc tamen alibi fortasse commodius. *Sarracena* autem secta nihil apud suos, apud nostros commentaria reperiuntur nonnulla. Quae deinde posteriores, sacris litteris dediti, non tam scribendae historiae gratia, quam ejus confutandi erroris, memoriae tradidere. Ea prosequi non institui, sed admirationi multorum occurrere. Quo videlicet pacto homo omni scelere opertus, ausus sit adversus christianam religionem tantis rationibus, miraculis, prophetarumque testimoniis toto orbe receptam, faedam eam stultamque insaniam evomere. *Sarracenum* nomen *Agarenum* antea dictum, non sacri tantum auctores tradunt, sed *Strabo* etiam, qui in *Arabiae* descriptione, *Agareni* nominis meminit. Apparet ex *Ptolemaeo* deinde id nomen ementitos ac praetermissis *Agareni*, *Sarracenos* se appellavisse. Quasi puderet ex ancilla, non ex libera originem duxisse. *Agareni* autem olim dicti, ab *Agar* ancilla *Sarae* uxoris *Abrae*. Ex qua progenitus *Hismael*. Ejus

A stirpis posteritum *Hismabelitae*, tum *Agareni* dicti. Hinc mirari licet summi Dei judicia, qui ad unius ancillulae ab ipso reprobatae semen totius pene orbis imperium redigi permiserit. Tenuerunt *Petreae* montes in Arabia, qui *Melanes Graeco* nomine, *Latino Nigri* dicuntur. Ab oriente *Judaeam* contingunt contra finum *Arabici* maris. Ab occasu pertinent usque ad *Aegyptum*, *Arabia* dicta, quia *Arab* eorum lingua, deserta significet. Prioribus tamen saeculis *Sabaea* gens appellata, ut apud *Genesim* est videre, in Patriarchae *Noe* posteritatibus. Hanc *Arabiam* alii foelicem: *Solinus* sacram dicit appellatam. Quia omnis generis aromata atque odora menta gignat, quibus Dii solent placari. Extenduntur longe lateque ad dexteram & ad laevam, ut & *Syriae* montes & *Aegypti* pleaque ac *Lybiae* deserta incolant. Iccirco fera & immanis gens est, cum omnibus superioribus saeculis, tum in hunc usque diem latrocinii maxime dedita. Rapto vivunt, & venationibus. Urbes, aut vicos rarissimos habent. Sub divo cum uxoribus & liberis in tentoriis, *Scythico* de more vitam agunt. Arma illis nulla, praeter scutum, enssem, & lanceam ex arundinis genere, quae apud illos nascitur solidissima: Et ipsi quoque ferro inviolabilis, corporibus ficcis & humore carentibus, statura justa, fusca facie, barba rara, Ceterum viribus & agilitate praestant. Gestus & incessus gravitate plenus. In latrociniiis nemini parcent, ut ipse *Sultanus* tutum liberumque viarum transitum statuta pecunia redimere cogatur. Apud *Arabas* igitur *Mahumetus* emerfit *Hismabelita* genere, sordido loco, & parentibus idololatri. Utroque orbatus, puerilibus annis furaci quaestu victum quaesivit, locandis conducendisque mulis, ac camelis ad merces deportandas. Nam in hunc usque diem furacissimi sunt omnium. At vero ut primum adolevit, morem *Arabicae* gentis, inter quos versabatur, secutus latrociniiis se totum dedit. Inque ejus quaestus genere tum calliditate ingenii, tum corporis robore, quibus rebus plurimum praestabat, ceteris ex eodem genere latronibus sicariisque facile superior evadit. Pecuniam sibi comparat, manumque cogit, duobus aut tribus fortiter factis nomen inter populares adeptus est. Superatis igitur fortunae impedimentis, primus illi affulsit ad dominatum favor viduae mulieris, in cujus amorem sese insinuans, tum praestigiis quibusdam, & amatoriiis carminibus, quibus apprime esset instructus, tum blanditiis variisque artibus (ut fit) deceptam, ad conjugium pellexit, surripuit illi non pecuniam modo, sed castella quoque a viro relicta. Quibus instructus, modo finitimos regi *Persico* subiectos praedis abactis exagitat, modo aliorum excursionem facit. Secutus est *Heraclii* partes eo in bello, quod maximum cum *Cosdroe* gessit. Non desunt ex *Graecis* scriptoribus, qui *Turcum* quendam dicunt *Cosdroe* militem, quum procul esset *Mahumetum* conspicatus audacius praeliantem subditis equo calcaribus in eum incurrisse, atque secundum faciem vulnerasse. Eo confecto bello, crescente indies dominandi libidine (semper enim cupiditati cupiditas major accrescit) ecce apud *Constantinopolim* ingentem illi occasionem ad magnas obeundas res fortuna contulit. Nam *Sarraceni*, quos diximus, *Heraclii* partes secutos, quum stipendia aegrius solverentur, distribuarenturque in pecuniae locum togae militibus, *Sarracenus* autem procurator suis quoque militibus togarum partem importunius expeteret, responsum a *Spadone* quaestorio acrioribus verbis: Quid



me Sarracene tantopere urges? Ego ne Canibus panem dederō, quem debeo filiis? Accensus ira Sarracenus, Canes igitur sunt, qui tantum imperii sanguine proprio Heraclio pepererunt? ipsi viderint. Statimque citato ad suos equo: Vacuus inquit milites pecunia ad vos redeo, plenus contumelia. Relato Quæstoris responso indignabundi ad unum omnes Umaro duce ad Mahumetum transiere. Elatus tanto copiarum accessu Mahumetus non jam arenas, nemoraquē Arabicasve rupes, sed imperium ipsum orientis meditari cœpit. Nam Persarum, Medorumque regna, post adversum Cosdros confictum ad summam erat inopiam redacta, bellatoribus autem & exercitibus exhausta. Provinciæ vero Romanæ nullis ferme tenebantur præfidiis. Quæ dum animo secum volvit ecce lævum nescio quod numen a Constantinopoli Monachum suscitavit nomine Sergium, qui incenso ad dominandi libidinem animo majorem quoque lignorum struem superinjiceret. Erat hic Monachus ingenio & facundia plusquam doctrina instructus. Honorem quem virtute & meritis assequi non posset, per nova dogmata consequi conatus. Nestorianam hæresim professus, de Ecclesia summo cum dedecore depulsus est. Ira concitus atque omni spe dejectus recuperandi apud catholicos honoris, audax autem ad omne facinus. At ego inquit honorem quem hic assequi non possum, posteaquam aliunde querere necesse est: Græcis ostendam quid Sergius valeat. Celebris erat jam Mahumeti fama multaque de illius hominis, tum ingenio, tum nova crescente indies potentia ferebantur. Itaque ad eum proficisci constituit. Venisse se dicit ut illi ostendat, quo pacto si se audiat facile assequi possit orientis imperium. Duo illi esse necessaria vires videlicet, & populorum voluntatem. Copiis eum abundare, præsertim hac recenti Sarracenorum defectione. Nec dubitare quotidie alios quoque idem facturos. Nam omnes imperii duces, & copias ad extremam redactas inopiam. Amorem autem populorum, duo in primis maxime conciliare licentiam vivendi & religionis metum. Audivisse oportere quantis universæ Romanæ provinciæ premantur oneribus, exactores imperatorios non quidem exigere, sed diripere. Heraclii nomen paucis annis toti Asiæ non gratum solum, sed venerabile, nullas nunc aures ferre posse, odisse hominem propter avaritiam & detestari. Neque enim solitis esse contentum exactionibus, addere tributa tributis, onera oneribus, colere agros miseris colonis jam non licere, agrestia jumenta una cum instrumentis per vim auferri, mortem sibi omnes impreari potius quam tantis in malis vitam ducant, avaritiam hominem excæcavisse, nihil aliud quam aurum sitire, aditus ad eum nullos esse, neminem audire qui de suis queratur exactoribus, omnia per interpretes agere, respondere illos non quod jussi sunt, sed quod ipsis est commodo, gemmis cogendis intentum inter pellices, & obsoletos vitam ducere. Nunquam igitur inquit optare potuisti certorem o Rex occasionem ad imperium occupandum, quam nunc fortuna, quasi plenis tibi velis offert. Unum illud deest, ut ad ea, quæ illa subministrat ipse non desis. Ingenium artemque ad populos conciliandos addas. Miscere religionis aliquid opus est, & auctoritatem ex cælo petere. Quod principes multi fecerunt. Moventur populi in primis religione. Rudes & indocti omnis rationis expertes in fide labant. Discissi sunt christiani centum in hæreses, attriti oneribus, si veluti cælo demissus illis appareas, viamque illis libertatis ostenderis, pronuntiarisque omnium tributorum absolutionem, hac mercede, qua nullam gratiorem præstare po-

tes, omnes ad tua signa concurrent. Iis & hujusmodi verbis Sergius ardentem suoapte ingenio hominem, longe magis inflammavit. Advocatis Judæis aliquot ex multis, quos circa se plurimos habebat, aliisque christianis hæreticis, ex communi consilio decrevit cujuscunque sectæ populos pro viribus & ingenio ad amorem adjicere, addere divini numinis opinionem aliquam, miscere in unum Judaicam legem, cum fide christiana, & ex utraque accipere quicquid esset populis difficilius, tum creditu, tum factu. Judæis Messiam se asserit, promittit hæreticis ab Ecclesia pulsus profugium, populis autem omnibus tributorum liberationem, ut autem christianis gratum se reddat, christum in primis sibi laudandum censuit, virum dicens fuisse sanctissimum & omni virtute præstantem, ut in Alcorano fateatur, supra hominem extitisse. Verbum & spiritum, & animam Dei nuncupat. De virgine natum confitetur, quam miris effert laudibus. Miracula omnia concedit, & quicquid Evangelii continentur: Dum tamen Alcorano suo non discordent, corrupisse enim evangelia dicebat apostolorum discipulos, ut necesse fuerit per Alcoranum suum emendari. Inque ea confessione, usque adeo christianis eblanditus, ut baptizari voluerit a Sergio. Hæc ad capiendos christianos in universum. Cum singulis autem hæresibus id servavit. Ex una quaque hæresi excerpit aliquid quod servandum diceret, ut videretur cum omnibus consentire. Ex iis in unum confusis, ipse suam composuit. Negat siquidem trinitatem cum Sabellio: Binarium numerum in divinis ponit cum Manicheo. Negat æqualitatem patris & filii cum Mario & Eunomio. Spiritum sanctum dicit creaturam cum Macedonio. Probat cum Nicolaitis multitudinem uxorum, & per omnes ferme hæreses circumiens, aliquid ex unaquaque deligit quod sequatur. Nec Judæos expertes novæ legis finire voluit utrumque instituit & circumcisionem, & baptismum. Christum purum hominem Dei naturam simplicissimam. Testamentum vetus confirmat. Nisi quod idem quod de evangelii supradiximus, dicebat corruptum multis in locis, a Judæorum posteris: Simulacra etiam inhibuit. His autem non contentus majorem ad capiendum omne genus hominum sagemam intexit. Non fuit ullus unquam Aristippus ex Cyrenæis: non Cynicus quispiam Diogenis canis sectator, qui ausus sit sordidiora fædioraque scriptis demandare. Gulæ, veneris & omnibus voluptatum generibus habenas dedit. Usque adeo ut suam post mortem paradisum hisce in rebus constituerit angelos Sarracenis epulantibus pincernarum officium præstituros omnem turpitudinem ibi reperias. Addidit ad hæc fabulas quasdam, ne pueris quidem, & aniculis recitandas. In quibus tempus terere operæ pretium, non putavi. Quisquis nosse desiderat legat Alcoranum, generis humani miserebitur. His confectis rebus, pronunciari se se imperat a summo Deo legatum cælo demissum ad liberandum genus humanum ab injustis exactionibus, placari eum oportere hujus legis susceptione traditum sibi a Deo gladium, quo invitos & parere recusantes poena mortis afficiat. Sin minus tributis cogantur solis armis, non verborum ambagibus, rem divinam dijudicandam. Finxisse etiam ferunt Columbam ad ejus aures advolare solitam & Taurum mansuefactum scripta deferre cornibus involuta, quasi delata cælo. Legi qui scripserit: Non Mahumetum Alcoranum edidisse, sed ejus posteros scripta, quæ ille reliquerat collecta rithmicis versibus composuisse. Prius autem quam delecti compositores in unum convenirent, magnis contentionibus actum ut non-



nullas provincias armis quoque ad eum librum recipiendum cogi necesse fuerit. In eo autem libro sane nihil reperias ullo ordine, ingenio, doctrina, aut denique naturali ratione subnixum. Facile præ se fert compositum potius ab arma tractante, quam ab homine sapientiæ dedito. Omnia vim, libidinem, licentiam spirantia. Adeptus igitur, tum armis, tum iis fallaciis, magnum in oriente nomen, arma movet adversus imperium. Primus illi rerum successus affulsit, rebellione *Damascenæ* urbis, & omnium fere *Syriæ* civitatum, convertit inde arma adversus *Hormisdam Persarum* Regem *Cosdroæ* filium. Fractum adversis paternis bellis facile compulit ad tributum, atque ad ipsius legem suscipiendam. Inde reversus *Antiochiam* urbem maximam nobilissimamque, & christianæ religionis quasi parentem, per deditiorem recipit. Fuit hæc civitas duplici cincta muro, turribus sexaginta supra cccc. Ecclesiis sexaginta supra ccc. *Antiocheno* vero patriarchatui tres & quinquaginta supra centum Episcopi suffraganei extitere. Quæ civitas nullis profecto viribus, aut machinis expugnari poterat, quia tamen scissa esset centum hæresibus, quum audissent tributorum liberationem, facile afflictæ gentes, & omni spe destitutæ, sine certo doctore, sine lege ad excutiendum tam religionis quam tributorum jugum, ad eum convolvere. Similem quoque cladem sacrosanctæ civitas *Hierosolyma* perpeffa. Nulla omnino virtute, aut viribus defensa, cervicem fædissimæ genti summittit. Hæ artes & hæc consilia plus etiam quam eblandiri spes ulla potuit, illius imperium propagare. Non illa quæ nonnulli fabulosa narratione tradunt. *Heracium* semel acie victum & quinquaginta supra centum millibus amissis, iterum reparato exercitu nocte ea, quæ diem pugnæ præcedebat, alia quinquaginta millia nullo invadente hoste exanimata reperisse. At si causas tam fælicis citatque progressus diligentius exquirimus, nescio an ulla major *Mahumetum* juverit, quam *Heracii*, sive ingenii pravitas, sive ignavia. Mox siquidem post debellatum *Cosdroem*, crucemque domini tanta cum gloria receptam, horum immemor a christo beneficiorum, omni se perfidiæ labe contaminavit. Suscitavit primus hæresim *Monochelitarum*, quæ deinde plurimum invaluit, unam tantum in christo voluntatem asserentium, sortilegiis & magicis divinationibus se totum tradidit. Acceperat ab iis ut caveret gentem circuncisam, ab ea sibi periculum imminere. Effugisse periculum visus est proposito edicto, ut *Judæi* ubique gentium vel invitati ad baptismum cogerentur, quasi nihil a *Sarracena*, quæ eodem circuncidendi ritu uteretur, sibi esset periculi. *Romæ* in vasa sacra per vim ab Exarcho direpta, manus iniecit. Uxore defuncta, filiam ejus in matris locum conjugem accepit, superavit tamen hæc omnia ingens ignavia contemptusque rerum omnium, quæ ad rem publicam pertinerent. Qui quotidie rueret cernens imperium amissa præsertim *Asia*, *Syria*que & *Aegypto*, quasi vecordi animo ac stupente, omnia perditum iri permetteret. Itaque vix discerni queat, an audacia *Mahumetus* majori fuerit, an successu fæliciori. Extinxit hæc labes & *Arrbianam* hæresim, & cæteras præterea omnes. Ita ut quicquid erat veneni sparsum inter illas minus annis centum in hanc unam confusum conflatumque sit per hos siquidem annos, *Syriam*, *Phenicem*, *Aegyptum*, *Aphricam*, magnam *Hispaniarum* partem a christianis avulsam *Sarraceni* in suam potestatem rede gere. *Bethicam* quidem, quam nunc *Granatam* appellant, *Vandali* *Gotthique* obtinebant *Arrbiani* omnes.

A Admixti deinde *Sarracenis* jam septingentis & amplius annis, in eos confusi, atque tum locorum munitione, tum virtute, & armorum exercitatione transmarinis etiam ex *Aphrica* auxiliis, pelli inde ab finitimis christianis Regibus non potuerunt. Ex iis temporibus coepere *Veneti*, nunc cum imperatoriis classibus, nunc propriis signis & nomine, arma cum ea gente conferre, quin si alia non intercederet bellandi ratio, piraticam *Sarraceni* ab anno sexcentesimo semper exercuerunt, ut necessitas *Venetos* impulerit, qui tum per omnia maria navigabant, sæpissime cum his navalibus præliis decertare. Executi sumus hunc *Sarracenorum* cursum quam brevissime potuimus, tam gentis quam sectæ & imperii, rem ut mihi quidem videtur in primis memorabilem. Gentem enim aliam ab omnibus sæculis ex tam humilibus initiis, tam brevi in tantum vel imperii vel sectæ amplificationem excrevisse non reperio. Tempus ad *Venetos* redire est. *Venetie* nomen usque ad hanc tempestatem omni provinciæ mediterraneæ fuisse dubium apud neminem invenio. Cæterum *Langobardi* deinceps id nominis sustulere, & publico gentis decreto, quicquid est ab hoc nostro Alpium angulo ad *Abduam* usque intra *Padum* & Alpes *Langobardiam* appellavere. Primus apud quem legerim *Venetias* numero plurali dictas, *Cassiodorus* est. Postea videlicet, quam omnibus accisis mediterraneis urbibus, earum profugi ad proximas insulas & littora confugerunt. *Paulus* etiam *Diaconus*, qui scripsit *Langobardorum* temporibus post *Cassiodorum* plurali numero *Venetias* appellat, ea præcipue ducti ratione, quia cum multa in his stagnis oppida eodem pene tempore consurrexissent, quorum nomina haud satis essent externis nota, non irrationabile rati sunt, eodem quoque nomine omnia appellare, libertati vero earum atque incremento, cum haud minus inviderent *Langobardi*, quam ægre ferrent cum *Hexarcho Romanis*que sentire, laceffere quotidie aliquo injuriæ genere, detinere, spoliare, fidem publicam fallere. Et quo acrius in oriente imperium premeretur, eo plus in *Venetam* gentem audere. Non tamen ut publice bellum unquam intulerint. Nam ex eorum Emporiis & navigationibus magnas tum commoditates, tum utilitates capiebant. Ferebant eos *Veneti* utcunque poterant impigre, ubi opus esset, occurrere. Nec dies nec noctes arma ponere. Longe diversa a *Gotthorum* temporum ratione. Tunc enim tenues opibus, potius contemptui esse quam invidiæ. Postea vero quam auctis, tum opibus, tum populorum frequentia, invidia accrevit, necessitas inerat per virtutem præsentiamque animi libertatem conservare, præcipue post orientalis imperii inclinationem. *Heracii* siquidem posterius quasi paternam imperii hæreditatem accepissent ad imperium funditus evertendum, ita apud eos immutatae sunt naturæ morumque leges. Solent mortalium animi admoneri adversis in rebus corrigique ac mitescere, illo autem cadente imperio nequiores avarioresque imperatores quotidie reddi. Amissæ jam erant totius orientis provinciæ quum *Constantians*, quem alii *Constantium* appellatum volunt, *Heracii* nepos, quasi avo bene cessisset *Monochelitarum* hæresis ab *Heraclio* cæpta ardentius illam quam avus ante fecisset propagare adnixus est. *Martino* pontifici per nuncium imperat, neque enim precibus agere ex imperii dignitate censebat, ut eam hæresim suscipiat. *Martinus* summa virtute & sanctitate Pontifex, id vero se facturum constanter negat, Imperatori jus esse petere quicquid in *Martini* bonis numeretur, Christi fidem & religionem ad unum Deum omnipotentem



pertinere, eam defendendam suscepisse. Nequaquam illam proditurum, videat quid avus paterque profecerint. Rem *Sarracenorum* & *Langobardorum* his seditionibus atque discordiis non imperii actam, qui *Asiam* pene totam & *Aphricam Italianque* subegerint. Commotus indignatione *Constans* dissimulat ejus rei dolorem, transmittit ad pontificem ex suis quempiam, qui confingat Imperatorem poenitentia ductum redire in gratiam velle cum pontifice, & Ecclesia, at vero vincum catenis *Constantinopolim* deducant. Pontifex eo nuntio gaudio perfusus facile liberalibus blandisque verbis decipitur. Itaque ferreis compedibus injectis ad naves delatus *Constantinopolimque* miseranda specie transportatus *Cersonam* Ponti oppidum relegatus est, eundem habuit *Martinus* exitum, quem *Clemens* ejus nominis *Primus*, simili ferme injuria eodemque loco in exilio finivit. Enimvero *Constans* tanti sceleris paulo post multiplex piaculum tulit, nam *Mabujas Sarracenus* classe scapharum M. vcc. cum *Constantis* classe congressus, *Romano* fuso ac profligato; *Cyprum* insulam cepit ac diripuit. Anno insequenti idem *Mabujas* classe iterum educta *Cretam* Insulam depopulatus est. Induciæ deinde biennii inter eos pactæ, quibus peractis, alia super addita Imperio clades: *Armenii* quidem qui semper ad eam diem cum Imperio steterant *Sarracenis* fœdere juncti sunt: Amissaque per hunc modum illa quoque provincia est.

Tertio iterum *Mabujas* classe repetita ab *Alexandria* solvens, *Rhodum* insulam duxit cepitque. Colossus omnium maximum in portus ostio constitutum, non illius tantum urbis, sed orbis etiam ornamentum, *Judeo* homini pretio minuendum dedit, eo ære noningenti cameli onerati. *Constans* ea clade permotus classem, quam maximam potest, conficit, congressusque iterum *Sarracenis* apud *Liciam* jam quartum fusus fugatusque, ea addita ignominia, ut mutata veste cæteraque relicta classe satis habuerit navicula fugam arripere. His tot tantisque flagellis admonitus, qui respicere debuerat, crudelior indies fieri ea *Monochelitarum* insania vexatus in multos parere recusantes tum verberibus aliisque cruciatibus tum bonorum spoliationibus, & exiliis atrocissime defævit. Dum ea in oriente geruntur non videtur hoc loco prætereundum *Ariperti* Regis, qui per ea tempora *Langobardorum* regnum tenebat, factum præclarum in regni administratione, longe diversum ab eo, quod in susceptione edidit. Nam qui Regnum *Comperti* Regis filio interfecto per scelus invaserat, summam suscepto regno in deum pietatem & in creditos sibi populos justitiam declaravit. Siquidem præter alia in *Romanam* Ecclesiam pietatis testimonia, *Alpes Cottias*, ubi nunc *Genua* est, tractumque illum *Ligurica* gentis ad inferum vergentem dono dedit Ecclesiæ. Justitiæ autem conservandæ usque adeo animum intendit ut interdum depositis regiis insignibus, ac mutata veste Regnum lustraret, exploraretque diligentius quid populi de se, quid de iis, quibus administranda credita erat justitia, sentirent, ut pro dignitate unicuique meritum referret. Adeo interdum, qui legitimum suscipit imperium, per omne latrocinium administrat, qui per scelus, & injuriam, pie sancteque, ludatque per omne ludorum genus mortaliū animis fortuna, effugere enim primi facinoris piaculum non potuit. Nam conjuratione adversus eum facta, dum in fugam se proripit, atque in *Ticinum* amnem incumbens tergo inimicis se se cum equo demittit suffocatus interiit. Neque eo uno piaculo poenas luit, in filios impuberes, qui nihil meruerant poena processit, Ea

A liquidem re cognita *Grimoaldus* dux *Beneventanus*, relicto *Romoaldo* filio ad *Beneventi* & *Apuliæ* præsidium, quibuscunque potest copiis *Papiam* advolat, deturbatisque *Ariperti* filiis ipse Regnum invadit. Hos *Italici* motus *Clodoveus Francorum* Rex, quum persensisset, tentare ipse quoque fortunam statuit, si quando per eas *Langobardorum* dissensiones ad *Italici* dominatum posset irripere\*, transmisit aliquot equitum cohortes quasi *Ariperti* filiis opem laturus. *Grimoaldus* dux fortis & impiger vix dum satis occupato regno illis ad *Alpium* radices occurrit. Collatis invicem haud magno intervallo castris, simulat timorem fugamque. *Grimoaldus* castra relinquit, præda ac cibariis plena, præsertim vino, cujus est eagens maxime appetens. *Galli* fuga hostium bene credita in deserta castra impetum faciunt, diripiuntque ac veluti jam parta victoria se se mero ingurgitant. Erumpit ex insidiis *Grimoaldus*, atque hostem nil tale expectantem invadit. Illi repentino insultu attoniti, incerti quid agant, facile opprimuntur, cæsi que aut capti ad unum omnes. Expiatum tandem primum *Ariperti* regis facinus est. Nam *Perteris* filius a *Grimoaldo* paterno regno pulsus, dum patria extorris & errabundus per *Gallias* auxilium amisso regno quæritans vagatur nec invenit, atque in *Britaniam* trajicere meditatur: Vocem sine auctore ad eum perlatam ferunt. Quid moraris regnum repetere? Quoniam tibi iter est? Advola in *Italiam* defunctus est *Grimoaldus*, & tibi regnum servatur. Miratus *Perteris*, & ut erat vir fortis & acer, sed divinis quoque rebus maxime deditus in *Italiam* flectit iter. Inque paternum regnum magno *Langobardorum* consensu subvectus est. Dum hæc in *Italia* geruntur, alia ex parte depravatum nimis *Constantis* ingenium quum intermittere non posset, quin aliquid nefandum semper cogitaret, expeditionem in *Italiam* meditata est. Honesto quidem titulo, ut eam a *Langobardis* liberet, quod nihil se per *Exarchos* proficere quereretur rem esse, quæ ipsum exigat imperatorem. Usus tamen eo consilio sapiens princeps, ut si id non succedat tamen ne vacuus redeat opimam ex ea provincia prædam *Constantinopolim* reportet. Magnam conficit classem multoque milite complet. Sumit ab *Athenis* navigationem, nec ullibi subsistit, donec *Tarenti* omnes copias exponeret, allati in *Italiam* rumores de Imperatoris adventu magnam cunctis populis expectationem præbuere, terrorem *Langobardis*. *Luceriam* urbem in *Apulis* munitissimam, per vim expugnat. Fælix principium cito fortuna destituit. Nam *Geruntiam* & *Beneventum* aggressus, repperit eas a *Grimoaldo* optime permunitas. Reliquerat ad earum præsidium *Romoaldum* filium, ipse ad evocandas undique copias, munienda oppida cæteraque paranda, quæ diuturno ac magno sustinendo bello opportuna judicabat profectus. Filius egregiam patri operam præstitit. Nam juvenis impiger & magni animi ubique occurrens imperatorios conatus elusit. *Constans* amisso copiarum duce *Græco*, quem secum advexerat *Saburrum* quendam *Neapolitanum* civem suffecit, non tam sine virtute quam sine nomine & gratia militari. *Græci* indigne ducem *Italum* ferentes, omne certamen cum *Langobardis* detrectare. Itaque *Constans* tametsi copiis superior, tamen nonnullis suis cœptis incommodis, & præcipue, quod adventare *Grimoaldum* afferebatur satis habuit ruto posse *Romam* proficisci, obviam prodiit *Vitalianus* pontifex, sexto ab urbe milliario totius cleri populique frequentia suscepit, deduxitque maximo cum honore. Ipse vero summa usus mansuetudine & Pontificem adoravit, & Apostolorum & alias urbis Basilicas, quas

\* Forte: ita  
repetere.



quas omni opulentia refertas repperit. Nam sublato ex ea urbe Imperio reliqua remanserat auctoritas pontificatus, quam quisque per orbem veneraretur, & ad quam haberent adversis in rebus aliquid confugii. Itaque magno in cultu & honore pontifices habebantur. Afferebantur quotidie donaria amplissima, tum ex *Italia* tum undecunque. Itaque *Constans* quicquid studii in perlustranda urbe adhibere videbatur spes illud direptionis, & prædæ faciebat. Coepit rerum omnium sine discrimine tam sacri usus, quam profani delectum habere, *Græcos* secum advexerat artifices harum rerum peritissimos, qui eum docerent, quid secum auferendum esset, & quid pontifici ac *Romanis* solatii causa relinquendum. Quæ tamen vasa maximi essent ponderis ea plurimum probabat. Itaque *Romam* a nullo unquam hoste tantum detrimenti passam ferunt. Una in re quam *Gothi* aut *Vandali* prudentior, qui illi multa destruxerunt, laceraverunt, comminueruntque ac detrimenta reliquerunt, tum ut essent posteris testimonio Barbaricæ crudelitatis, tum quanta olim fuisset ejus urbis magnificentia ex reliquiis extantibus perciperetur. *Constans* ne ullum appareret vestigium furtorum latrociniorumque suorum, integræ quæcunque potuit vasa, toreumata, statuas, columnas, marmora, tabulas pictas duodecim diebus, quibus urbem lustravit, in naves asportanda curavit. Eo patrato sacrilegio solvens, *Neapoli* dum apud *Syracusas* balneo ac libidini dat operam, a suis occiditur, & *Mezentius* quidam vel ut alii volunt *Misessius* a nonnullis ex ea classe militibus imperator est acclamatus. Interca *Langobardi* post imperatoris ex *Italia* discessum omni priore soluti timore effrenata licentia abuti. Unum aut duo subjiciemus exempla insigni crudelitate memoranda. Primum in *Venetis* patratum. Nam *Lupus* dux *Forojulianus* innato genti in *Venetos* odio diripere & ipse *Gradensem* Ecclesiam instituit navibus compluribus coactis militibusque completis *Gradium* annavigat. *Gradenfes* incauti, & qui nihil tale metuerent, facile opprimuntur. Ille basilicam quæ quotidie magis florere incipiebat spoliari diripitque. Sed aurum illud sacrilego homini permagno stetit. Dedit enim continuo meritas sacrilegii pænas. Nam dum *Lupus* ob eos, quos supradiximus de *Constantis* adventu ex oriente rumores haud mediocrem de re *Langobarda* concepisset metum, *Grimoaldus* autem *Lupi* copias evocasset ad suarum civitatum defensionem, quas in *Apulia* tenebat obaudivit. *Lupus* apud *Forojulium* se se continuit, maluitque alieno in periculo eventum expectare, quam spoliari viribus & copiis, commotus est *Grimoaldus*, vindictam autem distulit, donec *Constans* ex *Italia* cederet. Iterum vero *Franci*, qui hos motus audirent majorem quam antea manum parabant, quibus ut obfisteret *Grimoaldus* *Papiam* sibi relinquendam ex usu non existimavit. Sed ibi omnes copias continere statuit, ab *Avaribus* amicis petiit, ut in *Forojulium* descenderent, atque *Lupo* duci quam maximum possint, bellum inferant. Cum *Avares* *Grimoaldo* amico satisfacere decrevissent, atque magna manu pararent in *Forojulium* descendere, *Lupus* vir impiger ac strenuus, qui hoc rescisset obviam illis ducit. Et apud *Flumen Histrie* oppidum cum *Avaribus* congressus. Quatuor diebus pugnatum. Tertia *Lupus* *Avarum* castra capit ac diripit, ipsi ad montes dilapsi ibi sese continent, magnamque suarum copiarum partem, quæ nondum advenerant, expectant. Aucti copiis & præsertim recentibus, *Avares* prælium redintegrant, atque in *Langobardos* impetum faciunt. *Langobardi* triduo prælio de-

A fatigati cum sustinere vix arma humeris possent, fusi fugatique sunt, & *Lupus* est interfectus. *Avares* deinde *Venetiam* ingressi cædibus & rapinis omnia longe lateque fœdare, nec nisi maximis precibus, annitente *Grimoaldo* (qui quas cupiverat de inimico pænas sumpsisset) stragibus finem fecere. Cæterum quoniam historiam earum rerum texere in animo non est, libet summatim hoc addere vix unquam *Venetias Forojulium*que ex eo tempore quo *Langobardi* *Italiam* ingressi sunt, annum sine cædibus & rapinis transmisisse. Præcipue vero post *Heraclii* & imperii in oriente inclinationem, ut extemplo dicemus. Omittendum autem non est insigne *Grimoaldi* crudelissimumque facinus. Quo uno impietate ac crudelitate omnem Barbariem superavit. *Forum Popilii Flaminie* civitas *Romani* imperii fidem semper secuta, non nihil *Grimoaldi* militibus, qui inde iter agerent (ut in bellis plerunque solet) damni intulerat. Id vero indignanter tulit *Grimoaldus*, & simulato in *Ethruiriam* itinere per *Apennini* juga convallesque insuetis tramitibus cum expeditis aliquot equitum turmis in *Flaminiam* descendit. Prima luce sabbati sancti cum suis confedit haud procul ab urbe. Et qua hora populum omnem convenisse ad Basilicam divini celebrandi officii causa est arbitratus, Civitatem ingressus ad Basilicam exsertis gladiis pergit. Convenerat populus clerusque omnis sacris amicti vestibus ad solennia peragenda. Cædem ab his *Langobardus* incipit, tum deinde in omnem multitudinem veluti furore concitus, debacchatur. Non ab veneranda senum canitie, non ab infantibus puerisque temperatum, quum in sinu & complexu parentum jugularentur. Parentes deinde ipsi cervices præberent. Grassatum pari perfidia & crudelitate in omnem sexum, & conditionem. Completa cadaveribus Basilica miseranda specie, tum per reliquam urbem excurrit, eandemque ubique cædem edidit. Neque eo contentus in omnia urbis ædificia defævit, atque uno die & civitas desiderata est & omnia urbis ædificia solo æquata. Sed non ibi conquivit *Italia* & præsertim *Venetie* malum. Quin iterum nova non attigerit calamitas. Nam *Arnephites Lupi* de quo supradiximus filius, *Sclavorum Dalmatarum*que manu repetere paternum *Foro Julii* ducatum adortus cum multorum ejus provincie defectione populorum secundo successu pervenisset ad *Natissone* usque fluvium: missus a *Grimoaldo Vescarius* dux *Vincentinus* delectis copiis occurrit. Acre commissum inter eos prælium, *Vescarius Arnephitem* magna cæde profligatum interfecit. Nec satis illud afflictæ *Venetie* fuit, quippe quum *Grimoaldus* cognovisset *Opiterginos* in *Venetis* *Arnephiti* partes sequutos eodem odio percitus paucis post diebus in eos ducit. Civitatem capit & jam quarto radicitus evertit. In corpora civium tamen haud aliter defævit, quam ut relictis armis cum singulis abirent quo vellent vestimentis. Agrum omnem divisit in *Forojulianos*, *Tarvisinos* & *Cenetenfes*. Profugi cives patria extorres ad paludes sese recipiunt. Quum vero *Heraclia* novum *Venetiarum* oppidum confugientem multitudinem capere haud posset, adversum littus tenere. In quo *Equilum* oppidum constructum, & alia Episcopalis sedes dedicata. Idem fecere plurimi majoris ordinis viri, ut inde *Torcellum* se conferrent, novas construerent Ecclesias. Aliam *Sergio* & *Baccho*, aliam *Maximo* & *Marciliano*. Vicum appellaverunt *Constantiacum* a *Constantio* imperatore, qui tunc vitam agebat. Quod si pro vero recipimus: Sic enim *Andreas Dandulus* scribit: Ergo alio nomine tunc appellatus est, quum pri-



primum ex *Altini* ruinis est ædificatum. Sex enim scribit tunc conditas insulas & earum unam *Constantiacum* appellat. Neque enim tunc eo no-

A mine potuit appellari. Extant adhuc ejus vicini monasteria. Ipse vicus a fluctibus submersus.

## LIBER NONUS.

**S**i cui forte nimium externis in enarandis rebus insistere videmur, pauca de *Venetis* attingere. Primum quidem profitemur nos longe magis, si datum esset optavisse, ut eorum, quæ illis accidere temporibus uberiores memoriam mandatam litteris haberemus, deinde admonemus nos operis initio profectos, non tam primam *Rivalti* originem descripturos, quam eas, quæ accidissent causas & eos labores cur *Venetia* conderentur, sed adactis paupertate & inopia litterarum scribere tantum licuit, licetque quantum nobis a majoribus relictum est. Elaboratumque paulominus annis quadringentis priusquam perfecta dici possit & absoluta. Continuata siquidem *Italia* calamitates, & incommoda, quæ tamen junctæ rebus labantis imperii, fecere, ut apud *Venetos* cresceret quotidie convenarum frequentia, unde tandem condita dici posset. Quo autem pacto in dies singulos aliqua accesserit familia, atque aliquod construeretur ædificium, id vero memoratu impossibile, cum præsertim non aliquo subitario mortalium concursu coaluerint ad eam magnitudinem, quam exquirimus, sed sensim, & per continuata quæ dicimus annorum spatia, ut cum quotidianæ clades nunquam desinerent, quotidie quoque aliquid his insulis accederet. Prosequemur igitur cætera ut fecimus, & qui plusquam dimidium itineris peregimus, centum quoque qui supersunt annorum labores breviter transigemus. Illud fortasse intelligere quispiam expectet, nunquid oppida in æstuariis posita a maritimis injuriis vexata sint, an vero, quod vix credibile sit, tranquilla semper pacataque perstiterint. Nam cum mare hoc *Dalmatis*, & *Histris* gentibus feris & latrociniiis maritimis assuetis infame semper extiterit, fieri sane non potuit, quin aliqua aliquando a mari illata vis aliquod incommodum non sit acceptum. *Gradum* sæpe oppidum & spoliatum, & direptum, cum a *Langobardis*, tum a *Saracenis* accepimus, propter eas, quas initio quinti libri *Venetiarum* diximus, conditiones. Aliis vero de insulis & oppidis nihil legimus. Unius tantum apud *Rivaltum* de piratis vindictæ vel tempus, vel causam incertus sum vicissine dicam altitudinem temporis, an vero adhuc in obscuro versari. Vestigium tamen illius extare potius dixerim, quam claram quasi faciem. Ea est seu vindicta seu victoria, ob quam supplicatio *Mariarum* a majoribus appellata originem habuisse fama celebravit. Morem ferunt fuisse, ut *Venetæ* virgines cum parentibus & cognatis statuto quotannis die, quarto videlicet nonas februarias ad Ecclesiam Episcopalem in castello insula sitam accederent. Juvenes autem convenirent ad virgines contemplandas. Ibi præsentibus parentibus & agnatis de nuptiis agebant, cum quisque quæ sibi magis placeret, posset deligere. Accidisse autem ferunt, ut nocte ejus diei, quo conventus celebrari soleret (Annus enim quis fuerit incertus) *Tergestini* piratæ *Venetorum* hostes, aliquot cum navigiis profecti hora conventus Templum invaderent, ornatumque virginum diriperent. Fugientes cum præda piratas Juventus *Veneta* navibus agillimis infecuta, eos offendunt ultra *Caprulas* oppidum, fessos tum vigilia tum labore remigandi, ita integri obrutos vino somnoque inva-

B dunt, parvo negotio naves cum hostibus capiunt, aut mergunt, prædaque omni recepta pænas de prædonibus gladiis repetiere. Ob eam lætitiā memoriāque bene gestæ rei, ut illis temporibus magna cum lætitiā susceptæ indictam ferunt supplicationem in singulos annos. Hanc ego five victoriæ five vindictæ nomen meretur veram extitisse non dubito. Supplicatio siquidem antiquissima est, neque ab re existimari debet instituta, sed foelicem aliquem & insignem pro tempore eventum designavisse. Fama per manus a majoribus tradita in hunc usque diem perseverat, *Victoriam de Tergestinis* prædonibus eo die partam. Quo vero tempore acciderit obscurius, *Gothorumne*, an *Langobardorum*. Nam *Petro Polano* Duce (ut quidam volunt) nullo modo placet. Si quidem *Venetorum* opes ea tempestate majorem in modum erant auctæ, ut credibile non sit paucos piratas in frequentem omni populo Ecclesiam, duobus cum navigiis ad hoc facinus impetum fecisse. *Langobardorum* vero credibilis. Nam & aperta tum erant omnia oppida insularum littorumque, ut fieri non potuerit quin crebro cum his navalibus *Veneti* certaminibus dimicaret. Cæterum dum hæc scribimus ille nobis mos silentio prætermittendus non videtur, quem scribit *Herodotus* apud *Babylonios* extitisse. Et nos initio hujus operis perstrinximus. Scribit *Secundo Historiæ Libro* solitos quotannis *Babylonios* juvenes virginesque ad locum convenire ex lege constitutum nuptiis celebrandis. Lex ea erat ut præco ab omnium pulcherrima inciperet, & publice interrogaret, quis nam juvenum vellet majori eam pretio licitari, plus offerenti tradebatur. Deponebatur pecunia apud magistratum. Eo pacto per pulchritudinis gradus ad alias descendebatur. Pulchris viro datis, tum ad deformes se præco referebat, & a turpiori incipiens, eam licitabatur, qui minori vellet. Perque hunc modum ex pulchriorum pecunia deformibus dotes comparabantur. Additque *Herodotus* audivisse morem hunc apud *Enatos* existere in *Illyriis*. Qui si hæc ea gens est, quod ego initio operis pro incerto posui, potuit ille licitandi mos vetustate deleri, fervari solummodo quasi vestigium aliquod ejus consuetudinis apud eam ætatem de qua scribimus. Enimvero hujusmodi pompa sicut illis sæculis minores erant opes, ita minori quoque apparatu agi solitam probabile videtur. Crescentibus vero opibus luxuria quoque (ut fit) in immensum excrevit. Centum enim ab hinc annis abrogata penitus est, ut eam hæc ætas nunquam viderit. Tota oblivioni data publicis in monumentis ejus vestigia quædam videre licet. Singulæ urbis viciniæ numero ad sex & sexaginta pro cuiusque frequentia, Virgines duas ex nobilioribus, aut ad summum quatuor exornabant aureo & gemmis & omni cultu corporis quam poterant splendidissimo. Exornandi cura mandabatur ejus viciniæ primoribus per vices singulis quibusque annis. Petebatur hoc munus ingenti ambitione, & certamen erat in his componendis maximum. Primum ducebant honorem sumptu cæteros superasse. Hoc igitur ornatu ad sanctum *Marcum* navibus quæque suis conveniebant. Duce honoris causa salutato universa pompa iter castellum versus dirigebat, ibi solenni celebrato sacrificio, Epi-



Episcopum clerumque omnem naves accipiebant, & sancti *Marci* versus pompa deferebatur. Dux omni cum nobilitate *Bucentaurum* conscendebat: Navis ducalis ea est: *Bucinatorium* latino vocabulo eam nonnulli interpretantur. Nescio an probari hoc debeat navem omnium maximam, quæ Ducem majestatemque publicam veheret, navem *Bucinatorium* appellatam. Suspiciari potius libet insignitas fuisse puppes pictura aliqua, quæ magnum centaurum repræsentaret. Quod fieri semper solitum apud *Venetos* in puppibus longarum navium videmus. Conjectare enim in hujusmodi obscuris decentius est, quam pro certis asserere. Nam & poetæ centauri, & chimææ & pistris nomina navibus dedere. Hoc apparatu supplicatio ordine ferebatur. Celebrabatur tribus festis diebus. Primi diei pompam exposuimus in sequentibus duobus per urbis *Euripos* deducebatur, in plures divisa quasi ordines. Contendebatur interdum acerrimis studiis, quibus deducebatur ravis, magnæque ex hoc discordiæ sapius ortæ. Dum quisque propter domum propriam devehi contendit. Descendebant etenim virgines in privatas nobilium propinquorum domos. Ibique frequentibus tum conviviis epulisque, tum aliis quoque lætitiæ generibus agebatur dies. Sublatum hoc festi genus, seu potius per defuetudinem abrogatum post *Clodienſe* bellum, quod maximum gessit hæc civitas, centum ab hinc annis. Illud nascentis populi lætitiæ superstes vestigium permansit, ut dux quotannis vigilia ejus diei ducalibus exornatus insignibus, & ingenti nobilium comitantium pompa, ad ædem Beatissimæ *Mariæ Formosæ* gratiis agendis excedat. Quocunque autem tempore hæc acciderunt, nunquam hujusmodi injuriæ a mari destitire. Siquidem post translata in *Rivaltum* ducatus sedem, sæpe a *Sclavis* piratis interdum a *Saracenis* littora hæc & insulæ vastatæ. *Gradus* ipsa & *Caprula* depopulatæ. Dum hæc apud *Venetos* aguntur, illuxit in orientem novi post *Constantium* imperatoris pietas & virtus, ut superiorum imperatorum malignitati perfidiæque nonnulla daretur intermissio. *Constantinus* siquidem *Constantii* filius cum de patris nece (ut superiori libro descripsimus) esset allatum, classe e vestigio summa celeritate confecta, ad opprimendum *Magnetium*, qui se pro imperatore apud *Siciliam* gerebat, advolavit. Reperit tyrannum nudatum spoliatumque copiis tam terrestribus quam navalibus. Proditus a suis in *Constantini* potestatem venit, meritasque luit pœnas. Facili deinde negotio & exercitum & classem & *Italicam* omnem gazam recepit. Reversus *Constantinopolim*, magna cum gloria suscipitur. Scribunt nonnulli *Saracenos* audita *Constantis* morte ex *Aphrica* in *Siciliam* transfretasse. Transvexisse *Constantii* prædam in *Alexandriam* *Ægyptumque*. Ego tamen hac in re *Græcæ* historiæ, & *Andrææ Dandulo* magis accedo. Statim enim *Constantinopolim* *Romanis* illis ornamentis refertam omnes viderunt videntque statuis præcipue columniis, aliisque admirandis opibus, quorum tanta fuit copia, ut ad ornandas quoque *Venetias* multa deinde translata sint. Vasis item & Gemmis, atque auro miro artificio fabrefacto, quarum profecto rerum nihil omnino apud *Alexandriam* conspicitur. Reversus *Constantinus* seu naturæ bonitate, seu paternis avitisque flagellis admonitus, *Monochelitarum* obrenunciata hæresi, Catholicam fidem professus collapsas eorum Ecclesias majorum negligentia, summa cura restituit. Quibus intellectis rebus *Agatho* pontifex summo gaudio perfusus atque ab eo invitatus *Constantinopolim* est profectus. Maximis susceptus est honoribus.

A Multa de componenda utriusque ecclesiæ pace collocuti. Quibus in rebus facilem se præbuit imperator. Cæterum illud quoque *Agatho* perficiendum sumpsit, si forte posset, pacem quoque & concordiam inter *Langobardos* imperiumque componere. Ea vero dum agitantur, *Saraceni* majori quam unquam antea confecta classe, *Constantinopoli* ipsam petere adorti sunt. Magno tunc periculo christiana res versata est. Affuit imperatoris pietati optimus Deus, nam quum *Gallienus* quidam architectus ab *Helyopoli* *Syriæ* transfuga ignem *Romanos* edocuisse, qui sub aqua arderet, eo artificio concremata omnis *Saracena* classis, hostilesque copię ingenti accepta clade dissipatæ, usque adeo ut pacem ab Imperatore *Saraceni* petierint, eamque conditionem acceperint, ut quotannis libras auri mille persolverent, servos quinquaginta equosque totidem. Quoniam autem magnas jam radices miserat hæresis illa *Monochelitarum*, placuit tum imperatori, tum Pontifici convocari concilium. Sexta igitur synodus apud *Constantinopolim* celebrata, ad quam validius firmandam *Agathonis* pontificis oratores advenerunt. Hæresis magno consensu damnata. Quoniam autem tum propter urbis nobilitatem, tum propter propinquitatem harum paludium sapius nobis de *Ravenna* urbe, & habita mentio est, & habenda, hoc non omittendum videtur. Creverat ut libro quinto docuimus magnam in amplitudinem, Jamque ad id devenerat, ut *Romano* Pontifici non pareret. Nam quum ex primis patrum institutis omnis electio Episcoporum ad clerum accedente consensu populi pertineret, confirmatio autem ad proximum superiorem, utpote ad Archiepiscopum, Archiepiscopi ad Primatem vel Patriarcham, Primatis ad summum Pontificem, summi vero Pontificis ad Imperatorem. *Ravennæ* autem urbis Archiepiscopus nullum haberet superiorem Patriarcham, ejus confirmatio ad summum Pontificem jure ipso pertinebat, servatusque erat mos iste, donec in immensum evecta in deliciis esse cœpit Imperatorum, quorum erat jus non in Episcopos solum, sed in ipsum quoque Pontificem, facile ea civitas ab Imperatore impetravit, ut statim delectus Archiepiscopus, nulla habita confirmationis ratione, pro confirmato haberetur, inoleverat mos iste ad usque *Constantinum* & *Agathonem*. *Ravennatesque* Archiepiscopi deligere soliti suffraganeos sibi subjectos & consecrare. Nullum omnino neque in eo quod diximus neque alia ulla in re adversus illos *Romano* Pontifici jus erat. Accidit autem ut *Theodorus* Archiepiscopus sive innata homini fide ac virtute, sive (ut nonnulli ferunt) commotus cleri *Ravennatis* petulantia, & injuriis, laudante eam rem *Olympo* Exarcho eodemque comite *Romam* proficisceretur. Ibi *Theodorus* solenni consensu se suamque sedem *Agathonis* sedique *Romanæ* submisit. Edidit aliud quoque signum *Constantinus* pietatis in Deum & in *Romanam* sedem reverentiæ. Nam quum antea *Romani* Pontifices *Romæ* delecti confirmationem ab Imperatore expectarent, ut supra libro VII. docuimus, is *Constantinus* edicto pronuntiavit, ut quem Clerus & populus, & exercitus Pontificem delegisset, is sine alia confirmatione Imperatoria pro Pontifice haberetur. Dum vero hæc aguntur, tractatus concordie pacisque inter *Langobardos* & imperium dilatus. Quod quidem imperium ne diutius conquiesceret, nova *Bulgaræ* gentis examina ad *Danubii* ripas confedere. Incertum habeo utrum illa gens fuerit ea, quam supra *Agelmundum* *Langobardorum* Ducem interfecisse docuimus, an ea, quæ *Zenone* *Isaurico* imperium tenente *Constantinopolis* subur-



bana depopulata est. Novam fuisse plerique volunt. Quum igitur transire *Danubium* pararent ejus gentis metu percitus *Constantinus* occurrere illis instituit, flumen omnibus cum viribus transmittit, ut in ulteriori potius *Misia* & procul ab imperii corde bellum gerat, quam post receptum intra viscera hostem de imperio dimicare cogatur. Cæterum fefellit eum spes, nam hosti congressus, maxima strage est profligatus, atque post magnas longe lateque depopulationes, satis habuit inito cum his fœdere, atque amicitia utramque *Missiam* inhabitandam concedere. Quievit interim *Bulgari* aliquot per annos, sed nulla satis firma ferocis inter ingenii populos esse pax potest. Alterna itum vicissitudine pacis & belli, postea vero quam majorem in modum deminutum illud imperium est. Firmiorem deinde aliquanto pacem reddidit Beatissimus *Cyrillus* oratione siquidem & miraculis Regem cum universa gente ad christianum suscipiendum baptismum perduxit. De quo quidem Rege memorabile illud. Qui cum præter christianum characterem ad monasticam quoque vitam se contulisset, Regnumque administrandum majori natu filio reliquisset, atque ille paterno contempto exemplo redisset ad gentilitatem, Pater commotus filii temeritate, egressus monasterium, & monastica tantisper veste deposita, sceptro regio resumpto, filium in vincula conjicit, atque tam visu quam regno deturbat. Non ego inquit te regem institui, ut aliter quam a me edoctus esses, Regnum meum gubernares, amittes tu visum regnumque posteaquam tibi mentis oculos animi impietas excæcavit. Suffecto itaque in ejus locum filio natu minori, summa gentis concordia & pace, ad monasticam vitam, quam semel voverat reversus est. Ejus autem gentis adventus, sedesque datæ, non parvo tandem imperio usui fuere. Tenuere eas usque ad *Turcorum* in *Europam* transmissionem, multa cum iis prælia gesserunt, repressi *Turci* multoties, neque ullam gentem ferociorem acrioremque in bellis experti sunt, ut ætate quoque nostra *Bulgari* complures de *Turco* hoste victorias reportarent. Hæc autem quæ supradiximus Imperatoris *Constantini* adversa cum *Bulgaris* prælia in *Italiam* allata pacis tractatum omnem cui *Agatho* magnopere studuerat diremit, *Langobardorum* animi elati ad omnia quæcunque libido & avaritia suassisset audenda, cum viderent imperium duplici vexatum morbo, uno externis *Saracenorum* *Bulgarorum*que bellis, altero discordiis pontificum, & imperatorum, nihil jam in *Italia* sanctum, nihil fidei reliquum esse. Pontifices destituti transmarinis auxiliis, per se ipsi quid possent? Mittebantur Exarchi sine ullis copiis viribusve. Copiæ, quas apud *Ravennam* pusillas teneſque tenerent, pascebantur civitatum sociarum non tam proventibus quam rapinis. Itaque pontificis atque Imperatoris partes ad id jam redactæ, ut nihil relinqui videretur, nisi quod *Langobardus* sponte & velut in gratiam permisisset. Maxime ea tempestate *Venetie* auctæ cum tanta malorum incommoda *Italia* ferre non posset. Multæ accedere familiæ, multæ Ecclesiæ conditæ, in quis apud *Torcellum* Ecclesia cathedralis Beatissimæ virginis, ubi deposita corpora sanctorum *Heliodori Altinensis* Episcopi liberalis confessoris *Trabe* & *Rabate* & *Theonisti* martyrum. Item brachium Beatissimi *Jacobi* Apostoli. Scriptum legi cum *Luitprandus* Rex, qui paulo post *Grimoaldum* regnum accepit, omnem *Flaminiam*, *Etruriam*, *Campaniam* usque vastaret, Urbemque *Romam* se jam jam obsessurum minaretur, *Gregorium* Pontificem mari legatos ad *Carolum Martellum* misisse, imploratum auxilia *Romanis*

A & Ecclesiæ laborantibus. Bellum gerebat *Martellus* adversus *Saracenos*, qui subactis *Hispaniis* magnam *Galliarum* partem omnem videlicet *Aquitaniam Pireneis* montibus adjacentem *Rhodanum* usque occupaverunt, tanta foelicitate usus ut ccc. Lxx. millia *Saracenorum* uno prælio ab eo interfecta scriptores tradant. Fama tantarum rerum permotus *Gregorius*, misit ad eum per legatos claves confessionis basilicæ sancti *Petri*, sic enim appellant, his verbis: defendis tu nunc *Gallias Carole* a Christi hostibus, si Christi amore duceris, præcipuam christi sedem tutare, Regnum *Franciæ* propagasti, eripe ab inimicis arcem christianæ fidei in extremum discrimen adductam, alioquin non Christo sed tibi tot labores suscepisse videbere. Illud memineris majores tibi gratias referre Christum posse, quam tu concupiscere. *Carolus* legatos Pontificis perquam magno honore accepit. Respondit videre eos quantis nunc distineatur, tum curis, tum periculis. Cæterum bono animo faciant Pontificem & *Romanos*. Non dubitare pro eo, quod sibi esset cum *Luitprando* Rege, fœdere, atque amicitia in sui gratiam ab urbe *Roma* & a Pontifice temperaturum. Erant jampridem magno victi amore. Neque aut *Martellum* spes fefellit, aut *Gregorium Martellus*. Audito siquidem *Caroli* nuncio *Luitprandus*, respondit perquam liberaliter, obsequi se illius desiderio paratum. Castra continuo ab urbe *Roma* procul amovet. Nam *Luitprandum* accipio (ut illius Regis prudentia summopere laudatur) nihil diligentius per tempus omne, quo regnum tenuit observasse, quam ut *Francorum* & *Avarum* amicitiam diligenter excoleret. Illa maxime ratione, qui hinc *Avares* ab oriente, hinc *Francos* ab occidente finitimos haberet. Illis autem amicis nihil esset regno suo metuendum. Ex his autem quæ postea consecutæ sunt rebus, *Francorum* nomen singularisque præterea ejus gentis in *Romanam* Ecclesiam pietas celebrari cœpit, inque ejus potentiam omnes respicere. Quippe cum res *Italice* imperii viribus, & auctoritate ad eum usque diem stetissent, necesse erat, ut illo labente hæc quoque consuetudo seu proprio destituta auxilio caderet. Nam *Justinianus Secundus* eandem *Monochelitarum* hæresim suscitare aggressus, manus & ipse in *Sergium* Pontificem injicere per Exarchum adortus est. Paulo post pœnas sceleris dedit. Bis imperio dejectus, bis ægre restitutus. Truncatus denique naribus auribusque, ludibrio orbi fuit. Neque evolvere hominis fortunam nunc nobis animus est. Satis fuerit miserabile *Ravennæ* urbis exitium breviter perstringere. Nam dum *Justinianus* flagellis admonitus magna ex parte resipisset, excolere autem & gratificari *Romanæ* Ecclesiæ omni pietatis studio contendit, perdidit pene *Ravennatem* Ecclesiam & civitatem. Extulerant *Ravennam* ut supradiximus Exarchi Imperatorii maximam in superbiam, inflictum illi Ecclesiæ ab *Agathone* Pontifici Archiepiscopi confirmandi vulnus. Tulerant ægerime & præcipue omnis fere nobilitas, maxime quia post *Gothorum* tempora, vetustæ illæ nobilesque *Romanæ* familiæ ceciderant. Ea re factum erat, ut *Roma* pene collapsa, vix spiraret. *Ravenna* autem mirum in modum cunctis rebus esset amplificata, ut tandem parem se faceret nobilitate. Itaque quum *Felix* ejus urbis Archiepiscopus a nonnullis novarum rerum cupidus elatus vendicare omnino se se in libertatem tempore *Agathonis* amissam constituisset, veteremque pecuniæ pensionem, quæ *Romano* debebatur pontifici, pernegaret, inque cæteris rebus a *Romano* Pontifice imperatis ita se gereret, quasi nihil sibi negotii cum



cum Romana esset Ecclesia, posteaquam certioribus nunciis est allatum *Constantinum* Pontificem detulisse ad *Justinianum* de *Ravennatis* Archiepiscopi contumacia, etsi difficile *Felix* existimabat Imperatorem quicquam acerbius adversus civitatem imperio carissimam commissurum. Audacior tamen quam ad resistendum paratior, convocatis ad concionem civibus praesertim amicis & necessariis, quibus *Romanum* pontificem existimabat invisum. *Ravennates* inquit cives mei, & si vobis ecclesiae nostrae causam cum Romano pontifice perspectam esse non dubito, quam ex me saepius audistis. Tamen & innocentiam purgare nostram decrevi, & sententiam quid agi placeat explorare. Privatae quidem cum illo mihi nunquam fuere inimicitiae, omnes vestra causa susceptae. Sane commoda rationesque meae poscebant, ut illius potius amicus esse cuperem, quam inimicus, sed eam demum summam patriae charitatem semper existimavi, si honorem dignitatemque meorum civium ceteris post Deum commodis anteponerem. Fateor me ferre non posse illius injurias, nobilissimamque totius orbis Ecclesiam ab Imperatoribus regibusque omni semper honore decoratam, a Romano Pontifice quotidie intolerandam in servitutem redigi. Quid enim superiora recenseam? Quae vobis sunt non magis memoriae quam dolori, ut contra jus fasque extorquere a nobis *Agatho* ausus sit, quod amplissimo atque aequissimo Imperatorio privilegio possedimus. Solebat haec sedes Imperatorum beneficio, immunis omnino esse a Romana, quem Archiepiscopum deligere vobis placeat, is nulla indigebat Romani pontificis confirmatione. Nunc si Deo placet Romanae confirmationis necessitatem instituerunt, ut si Romanus nolit eum, qui a vobis deligitur, ejici spoliarique vestro beneficio necesse sit. Ergo quia *Theodorus* vobis, & huic sedi inimicus prodere voluit honorem fidemque sedi suae promissam, id ergo nos per ignaviam omnes patiemur? Quis hanc contumeliam ferat? Solebat haec sedes vicinarum Episcopos Civitatum, quae huic urbi circumstant deligere, unde & pentapolis est appellata, Beneficia totius Exarchatus conferre, causas dijudicare, appellationes admittere. Duravit mos iste ab usque patrum avorumque memoria. Eripuere Romani pontifices vobis omnia haec, & unius Archiepiscopi vestri superbissima violentia, qui non Archiepiscopum, sed tyrannum hac in sede se se gerebat, Romam transulere, nunc eo non contenti hanc adinvenere pensionem, nimia facilitas novam facile injuriam parit, nuper repertam dicunt vetustis in codicibus, eam quasi debitam repetunt. Recusavi fateor, recusaboque, nisi forte perdere quoque hoc mavultis, & quod ipsi cupiunt, servitutis jugum subire. Ergo si aliud quoque confingant tributum, incognita re persolvemus? Quis tandem illis erit finis injuriarum, nobis servitutis? Omitto quaedam falsa conficta de me crimina, ut qui jure non potest, ad maledicta confugiat. Non ea pertimesco. Id aegre fero, id molestum est, nobilissimam hanc sedem vestram hoc pacto pessundari. Vixi semper in oculis vestris, vivoque. Si quid a me peccatum, illud est quod Ecclesiam vestram vosque omnes nimium semper dilexi. Nunquam inconsultis *Ravennatibus* meis patiar hujus Ecclesiae jura perfringi, neque gloriabitur Romanus Archiepiscopum vestrum minis adactum permisisse omnibus ornamentis & commodis vestram Ecclesiam spoliari. Cur enim permiserim? Non video unde illi tantum superbiae accreverit, vobis autem tantum virium sit imminutum. Quid si unquam fuit tempus fratres optimi in libertatem vindicandi, hoc profecto illud est. Quid Romanis antiqui roboris restat? Omnis extincta ejus urbis nobilitas. Civitas jacet desolata ac deserta incolis, obruta ruinis. Nullus senatus, nulla justae civitatis species. Translata sunt in hanc urbem sum-

A mi Dei benignitate omnia Romana illa antiqua decora nobilitatis magnificentiae, opum, ipsius denique virtutis, ut vetus illa Roma resurrexisse apud nos videri possit. Adde quod externa, quae illis adesse solebant auxilia, omnia sunt amissa. Dissident cum Imperatoribus. Expilantur, spoliuntur. Nonne iis annis *Constantius* quicquid apud eos fuit insigne, vel pretio, vel arte, omne aurum argentumque celatum ceteras denique ejus urbis reliquias *Constantinopolim* advexit? Nuper *Justinianus* *Zachariam* Protospatharium Romam ad injicienda Sergio pontifici vincula nonne transmisit? Et tamen hominum sive servitiam sive superbiam augeri videas. B Quid vos? Quo loco vos habet Imperator? Diligit hanc urbem perinde ac oculi pupillam. Haec sedes imperii est. Hic aerarium. Hic castra observantur Romana. Est mihi praeterea cum *Lombardo* Rege vetus familiaritas. Fidissima cum *Mediolanensi* *Aquilejensi*que Archiepiscopis amicitia, qui *Theodori* Archiepiscopi vestri factum, indignissime tulerunt. De liberandis nostris Ecclesiis saepius inter nos actum. Non dubito quin si quid acrius moverit Romanus, non aliter quam ad commune depellendum jugum praesto sint affuturi, cum omnibus opibus sociarum civitatum. Nolite hanc occasionem omittere, quae semper non aderit. Audendum nunc est. Plura interdum praestat animus, quam vires, libertatem, quam eripere volunt, liberis vestris retinete. Nuncium ego si ita videtur ad *Justinianum* quamprimum mittam purgatum, quae pontifex detulerit. Nos quibuscunque necessariis occurremus. Haec cum *Felix* dixisset & illius amici ad exacuendas concionis iras magis quam ad consultandum convenissent, pro se quisque laudare *Felici* consilium, & se se in libertatem vindicare velle profiterentur. Neque enim fieri posse credebant, ut *Justinianus*, qui plura ante in Pontificem Romanum odii multa in *Ravennam* urbem amoris dederat argumenta, adduceretur, ut gravius quidpiam adversus eam statueret civitatem. C Ceterum omnia *Felici* temere agenti infelicitate cessere. Raro enim felix temeritas est. Quippe *Justinianus*, qui nihil magis optaret quam offerri sibi occasionem declarandi erga Pontificem animi, imperat *Theodoro* patricio classem apud *Siciliam* agenti, ut quam primum aucta classe *Ravennam* proficiscatur, det operam ut *Felix* Archiepiscopus pontifici satisfaciat. Quod si forte facere contemnat, victum cum quibus visum sit *Constantinopolim* deducat. Archiepiscopus & illius factio ut primum facti sunt certiores de illius adventu, evocare omni studio contendunt ex omnibus *Flaminiae* civitatibus, *Cervia*, *Comaclo*, *Casena*, *Forocornelio*, ac *Popilio* quaecunque possunt auxilia, idemque ex omni Exarchatu. Nec segnior *Theodorus* postea quam cognoscit per nuntios re armisque non verbis agendum fore, in *Illyricum* declinans inde non supplemento solum sed numero quoque classem auget. *Arenetis* quotquot naves in promptu habeant accersit, & ut in tempore adsint ad *Ravennam* admonet. Quibus comparatis rebus postea quam classis se se in conspectum dedit, consternati metu *Ravennates* turbulentius omnia, quam res exigeret obire, festinare, trepidare, interdum quid agant incerti subsistere, excurrere interdum, neque satis quid consilii capiendum dispicere, progrediendumne esset, an regrediendum. Sed raptis ut primum potuere armis convenerant ab Exarchatu auxilia omnis generis multitudine. Itaque cum non amplius tempus egeret consilio accurrere ad mare omnes ad arcendum procul a littore hostem. Cum vero *Theodori* milites tranquillam nacti tempestatem pluribus de locis coepissent ex navibus in littus



prosilire, *Ravennates* autem sine duce, agresti impediti potius quam instructi multitudine, quæ & inermis & sine telis advenisset, cum impares se se viribus perspicerent, territi hostium audacia, maxima pars a littore retro cedere & ad fugam spectare cœpit. Pauci conductitii pugnam cum *Græcis* conferere ausi. Nonnullum ibi prælium commissum. Cæterum parvo negotio cæsi ac repulsi terga vertunt. *Theodorus* eos cædendo confectatus cum fugientibus in urbem est ingressus. Quæstione deinde habita, eorum, qui Archiepiscopo favissent, nonnullos interficit, alios *Romam* delegat, plerosque una cum pontifice in vinculis habitos, venditis direptisque omnibus eorum bonis *Constantinopolim* deducit, *Felici* Archiepiscopo *Justinianus* candentis æris inspectione visum hebetavit, atque una cum cæteris *Ravennatibus* per *Ponti* oppida relegatos divisit. Hanc cladem *Ravennatem*, ut scriptores tradunt, si quis non solum hujus belli *Langobardici* tempora percerneat, sed *Gothorum* quoque calamitates, vix ullam reperiet huic ab infelicis pontificis temeritate exortæ, conferendam. Ne-

A que dubito finitimos circa populos exhorruisse, cum spoliata tam brevi civibus nobilioribus primariam *Italiæ* civitatem viderent, quæ nuper alias omni floruisse opulentia, sibi que mirum in modum pertinuisset. Adeo fluxa incertaque erant omnia. Eo miserabiliora quo haud satis statuere animo possent, Imperatoriane sequerentur signa an *Langobarda*. Cum par utrinque periculum non parentes confectaretur, *Veneti* quidem non miserari non poterant, quantum licet iis in rebus, quæ alioquin ex usu commodoque accidere videntur. Nam quum ea civitas in visceribus harum paludium hæreret, non poterat non cum periculo libertatis *Venetorum* oppidorum accrescere, nec decrescere quidem, quin eorum libertas tutior, & cæteræ commoditates ampliores redderentur. Haud ignarus sum aliquot me annos excurrisse, ex quibus *Veneti* primum jam sibi ducem delegerant. Cæterum malui prius *Justinianum* expedire, & applicare superioribus, ne in sequentem librum seriem narrandi nostram interruptio aliqua turbaret.

## LIBER DECIMUS.



uo pacto auctæ *Venetia*, & præcipue *Rivaltus* vel frequentia civium, vel locorum amplificatione, superius declaratum. Ut non ab re quispiam forte miretur tot loca tanto inter se spatio distantia hinc inter barbaros constituta & suspecta omnia hinc vero inter piratas *Illyricos*, quasi tamen uno eodemque spiritu, tot sæculis libertatem tueri potuisse, sed longe magis ea increscit admiratio, quod annis fere sexcentis (tot enim fluxere ab Ecclesia prima in *Rivaltio* condita usque ad primum fortunæ felicioris accessum, quæ anno domini millesimo aspiravit) nihil unquam ab externis *Venetæ* genti suis in stagnis fuerit ereptum, nihil ipsi terra, vel mari alieni acquisitum, continuere se se propriis æstuariis inclusi littoribus & continentis ora. Prima siquidem illis fuit *Dalmatiæ* receptio. Nam cum ab accolis montanis per principum seditiones assiduis vexationibus premerentur, imperium autem orientis indies concideret, ut auxilium afflictis sociorum rebus ferre non posset sponte *Venetos Dalmatiæ* accerfiere. Qui explorato Imperatoris consensu, magna confecta classe, Duce *Petro Ursoilo* urbes illas acceperunt in ditionem. Hæc mari, terra vero ante annos mille ab urbe condita Dominatus gratia in continentem *Veneti* pedem non posuere. Ea cum mente mecum ipse volutarem, videbam hanc tarditatem accidisse, qui maria fere omnia, portus, insulæque stante *Romano* imperio, facile in officio ac pace continebantur. Quum autem post annum domini millesimum multis tum bellis, tum seditionibus fatigatum iret in præceps, Barbarique illud & præcipue *Turci* jam jam oppressuri viderentur, concurrissent autem Christiani principes ad illius auxilium, quum proficere nil possent, ne Christianorum loca præda essent infidelium, multas civitates & insulas recepere. Multa tum *Veneti* pretio, multa per deditionem adepti. Eam rem cum stagnorum *Venetorum* accolæ, quique Civitates eas principes tenebant magno (ut fit) concussi metu *Venetæ* surgentis potentia quotidie acrius animadverterent, ad ejus excidium intendere animos cœperunt, novum belli genus meditati, ut videlicet longius productis in hæc æsturia fluminum fossis omnia arena complerent in continentemque

C redigerent, Castella pro terminis erexere. *Veneti* qui facile animadverterent, quid sibi vellent hujusmodi munitiones aliis frustra tentatis remediis ad arma iere, perque tercentum & amplius annos constituendis finium terminis depugnatum, donec *Taurisium* primum & aliquot post annis *Patavium*, *Vicentiam*, *Veronam*, circiter annum domini millesimum quadringentesimum receperunt. Longius autem digressis ad tempora de quibus scribimus reverti placet, & brevibus refellere, quod interdum subire multorum animos solet, repletas tum fuisse has insulas & littora ex infimo hominum genere, nullos autem nobilioris conditionis viros accessisse. Qui hoc existimant meminisse debent centum fere annis ante hæc tempora scriptam fuisse *Cassiodori* epistolam, in qua *Venetias* prædicabiles appellat, plenæque nobilibus dicit. Ut si de oppidis jam in stagnis constructis loquebatur certiori non egeamus testimonio. Sin vero de *Romanis* circum ea stagna coloniis, cuinam incredibile videri debet, eos non propinquas potius sedes appetiisse, præsertim tutas, atque sub eo cælo positas cui assuevissent ab infantia, quam exclusi tam *Italia*, quam patrio solo in transmarinam aliquam, *Transalpinam*ve Barbariem, tam lingua quam moribus dissimillimam transmigrarent? Adde quod in illis etiam nationibus nihil erat ea tempestate tutum, nihil pacatum. Nam & *Heraclii* temporibus amissa est *Asia* *Syriaque*, *Pheniciam* & *Aegyptum*, & *Africam* *Saraceni* magna ex parte suas fecerant, usque adeo, ut & in *Siciliam* & *Italiam* ingentes educere classes auderent, omniaque direptionibus populationibusque fædare, *Germaniæ* vero atque *Galliæ* ab *Athila* usque ad hæc tempora omni belorum genere jacebant attritæ. Ita quidem ut illa sæcula consideranti mihi, non natio, non lingua, sed totus pene orbis in ruinam concidisse videri soleat. Quis præterea non videat constare non potuisse diutius tantam mortalium multitudinem ex infimis ordinibus, nisi nobiliores divitioresque commiscerentur? Humanam siquidem societatem pluribus temperari ordinibus necesse est, quorum singuli cæteris indigeant, singulis cæteri ea quibus abundant, conferre possint. Varietas, enim humanæ indigentia, quæ sparsa per omnes est ordines, varia quoque supplemen-



ta poscit. Quibus multa oportet cum artificia-  
tum studia subministrant. Ordinem vero nobi-  
liorum, quis non maxime necessarium existimet?  
Cum in omni conventu nedum Civitate, ordo  
ille locum teneat, quem tenet caput in corpore,  
ut juxta sit civitatem stare sine nobilitate, atque  
quodcunque corpus sine capite. Quinimmo si  
ordinum vim & naturam diligentius inspicimus,  
longe magis inferiores confugere videbimus ad  
superiores, quam inferioribus accedere superio-  
res, ad copiam etenim semper indigentia confu-  
git. Abundare autem magis divites quam inopes  
nemo nescit. Quod si locorum angustiae animo  
fubeunt, ut non satis commode potuerint viri no-  
biles & laute vitam ducere, meminisse debent du-  
centorum annorum spatia præbere potuisse satis  
magnam parandis necessariis omnibus commodi-  
tatem ad honestum vitæ cultum. Nam sicuti  
omnia tempus aufert, ita omnia quoque tempo-  
re perficiuntur, ut sane existimandum sit, non  
defuisse illis locis nobiles colonos, nec loca colo-  
nis nobilibus excipiendis, sed ut non tantum no-  
bilitate crescerent, quam dignitate & moderatio-  
ne rerum, factum est novis incommodis acceptis,  
quæ nunc dicemus. Non etenim solum ex com-  
modis incommoda sed commoda etiam ex incom-  
modis sæpius eveniunt, accidit enim eodem fere  
tempore, ut nonnulli ex finitimis, latronum mo-  
re quasi communi consilio diversis ex fluminum  
ostiiis erumpentes *Gradum* & *Heraciam* & *Rival-  
tum* oppida invaderent. A mari quoque naves  
nonnullæ onerariæ quæ ex oriente venissent, a pi-  
ratis noctu æstuaria ingressis, cum custodias *Ve-  
neti* negligentius agerent, furtim opprimuntur  
priusquam navium custodes somno obruti, satis  
intelligant, quinam mortales in eas transcende-  
rint, re palam facta, & clamore excitato a pro-  
pinquis aliis navibus, quæ juxta in anchoris sta-  
rent, fit undique concursus, Prædones cum se  
detectos intelligerent, in suas resiliunt, cum telo  
quod primum ad manus illis obvenerat. Prius  
autem quam concursus pugnam dirimat, atque  
illi se se in fugam vertant, cæsi aliquot, non nul-  
li quoque vulnerati onera tamen navium magna  
ex parte conservata. Ea cædes & damna, cum  
querelis omnia complevisset, statim indictum apud  
*Heraciam* concilium. Flebiles ibi primum  
exaudiri voces, maxime vero quorum intererat,  
non esse mirum hoc accidisse, illud admirandum  
non quotidie pejora nunciari, ignaviam magistra-  
tum in culpa esse, qui nec leges nec mores re-  
vereantur bona civium pro nihilo haberi. Itaque  
singuli (ut in huiusmodi solet) post rem peractam  
memorare aliquid, quod si esset actum nihil fuisse  
esset detrimenti, spectare jam res ad sedi-  
tionem, nec audere majores natu adversus con-  
citatum multitudinem quicquam proloqui. Cir-  
cumstant *Christophorum* patriarcham, orant ut pro  
auctoritate, qua maxima inter eos populos tum  
pollebat, compescat & temperet eos motus.  
Grandior erat ætate vitæ quoque sanctitate ac  
meritis & usu rerum humanarum, quicquid con-  
suleret, quasi oraculum haberi. Facile omnes  
ad eum oculos convertunt. Itaque oratione bre-  
viter facta ad implorandum sancti spiritus auxi-  
lium, sic deinde locutum accipio. *Exposcitis a  
me fratres carissimi quid in his vestris periculis ac  
malis, quæ vobis ab infestissimis insidiatoribus quo-  
tidie inferuntur censeam faciendum. In quibus lugeo  
vobiscum miseratus fortunam vestram, in qua ego pari-  
ter vobiscum senex confectus ætate constitutus sum. Et si  
vero ab hac re videatur abhorreere professio mea, co-  
git me tamen caritas vestra ut vobis quoquo modo  
possim satisfaciam. Neque enim erit ab re qui cu-  
rare debeo animarum salutem, consulere quoque ve-*

*stræ omnium incolumitati. Cum ad bene recteque  
vivendum conducat non parum salutaris rei publicæ  
defensio. Ad quod officium me compellit, tum ve-  
tus illa pietas, qua ad me olim pari animorum con-  
sensu hæc dignitas delata est, tum vel maxime re-  
cens hæc quam ex præsentis studio erga me vestro in-  
tueri licet, misereor igitur vestri fratres, atque hu-  
iusmodi lachrymas, & incommoda ut a vobis abi-  
gam libenter, si liceat in me meaue ipse convertam.  
Non tamen ut diffidendum ducam de divina clemen-  
tia. Monemur enim ab Apostolo, ut adversis in re-  
bus spem fiduciamque non amittamus, quæ magnam  
habet apud eum retributionem. Itaque forti sumus  
animo, & quod primarium est, mali causa diligen-  
tius dispiciatur. Causa enim cognita facile remedium  
adhibeas. Primum enim illud considerandum vide-  
tur qualem nobis locorum, qualemve rerum statum  
dederit seu natura, seu loci necessitas. Vasta patet  
stagnorum amplitudo. Coguntur hi accolæ vestri &  
naves instruunt ad oram. Unde sint erupturi non  
intelligitis. At illi prodeunt quasi ex insidiis latro-  
num more. Quid nos? Et per mutuam pietatem, ne  
sint hæc dicta in ullius injuriam. Non enim ea no-  
bis persequi licet, culpa enim est rerum locorumque,  
non aliuscujusquam. Primum conventus indicitur,  
expectatur ut tribuni conveniant. Tum consultatur,  
qui classi præsent. Hic vero nihil dicam amplius.  
Neque enim decet, & tacerem si per caritatem lice-  
ret. Satis fuerit unum aut alterum exemplum attu-  
lisse, ex quo facillime malum per vos ipsi, quam a  
me causam teneatis. Fortunatus olim solvens ab  
*Aquileja* decem navibus nocte intempesta, refracto  
Natisse ostio, cum ad officium antelucanum canonici  
convenissent, spoliato per vim & arma Patriarchio  
posteaquam prædam per otium sortitus est, pridie  
quam vestri tribuni gradum appellant, incolumis *A-  
quilejam* cum præda est reversus. Quanta cum in-  
dignitate non dico. Sane si audita re statim *Vene-  
tus* advolasset, impetum fecissent in latrones, deque  
his prædæ adhuc incubantibus, quod facile licuit,  
supplicium sumpsissent. Quis dubitat quin nec *Lupus  
Forojulii* dux, qui *Gradum* iterum, nec *Lupi  
filius*, qui *Equilum* & *Heraciam* petivere, no-  
stras aquas nunquam attigissent? Illinc igitur celeritas  
hostium mihi videtur in causa, hinc tarditas no-  
stra. Hæc autem non solum naturæ vitio oritur,  
sed rerum etiam interdum necessitate, vincere tardi-  
tatem nisi diligentia & celeritate non possumus. Di-  
ligentia quidem ut munitionem vigiles in officio conti-  
nenter maneant, in occurrendo aut auxilia si fieri  
possit advolent, quæritis igitur quo pacto id efficiam,  
loquamur liberior, detegatur morbus non in contume-  
liam, sed ut curetur. Hostis antiquus humani ge-  
neris, nullo severiori telo mortalium petit animos quam  
ambitionis, Eorum præsertim qui excellere viden-  
tur, aut natura, aut fortuna. Flens dico, impe-  
rare omnes volumus, parere nemo. Sic pereunt una  
duo vel maxima omnibus in principatibus bona. Quis  
enim bene imperet non bene parenti, aut quis bene  
pareat ardens imperii cupiditate? Hinc seditiones,  
diffidiaque, dum omnes quærunt, quæ sua sunt,  
non quæ rei publicæ, contenditur in sententiis. Quæ  
sunt decreta tergiversamur. Moras inducimus.  
Quod alteri placet, displicet plerumque alteri. Ce-  
dere invicem nolumus. Primi sumus ubi utilitas,  
at ubi periculum paucos videmus, sed quæ rebus a-  
gendis maxime nocet propria populorum tarditas &  
negligentia irrepit, de quibus querimur cui quidem  
malo, nisi providetis, plures parentur naves licet,  
melius instruantur, aptiores sint vestri milites ad  
nautica opera, semper ad huiusmodi cædes & rapi-  
nas, lachrymæ & ejulatus vestrorum audientur.  
Quod igitur inquiet aliquis remedium? Non ego affe-  
ram aliud, quam quod sapientes semper attulerunt,  
ut contrarium contrario tollam, calido frigidum, fri-  
gido.*



gido calidum, si enim in multitudine vitium est, nempe nihil magis multitudini contrarium, quam unus, reducat res ad unitatem, salva erit res Veneta. In uno igitur principe qui cuncta moderetur, cuique ceteri ordines libenter cedant illa insunt commoda: Primum quod abstuleris incommoda, quæ dixi, & contentionis & æmulationis. Omnia deinde graviter & mature deliberari, & ab uno celeriter effici videas. Quibus duabus in rebus agendarum rerum felicitas inest. Considerate præterea etiam atque etiam animis vestris longe dissimilem vobis ac populis ceteris, qui multitudine reguntur, esse vivendi rationem, siquidem ceteri conclusi iisdem mænibus quotidie una conveniunt, dictis sententiis decernitur, statimque peragitur. Et tamen impediti multitudine vix evitari incommoda multa possunt. Vobis autem ratio longe dispar. Siquidem ambitus est maximus. Ex altera parte pro mænibus littora sunt, ex altera continentis ora. Multa utrinque ostia veluti portæ, multa oppida, multi tribuni. Accedit ad hæc incommoda, quod interdum eodem tempore & ab hostibus ex continenti, & a Piratis a mari improvise invadimur. His tot tantisque malis multi eant obviam, sed ad unum principem omnes respiciant, necesse est, unus sit temporum rerumque moderator. Continebit fluminum custodes in officio. Naves instructæ signum expectabunt. Ut primum navem ipse insilierit cunctas aquas navibus videbis. Ipse ad primam periculorum molem procurret, ad minora mittet alios. Liberius vos fratres cum finitimis habetenus habuistis, exiguis opibus, & extra invidiam constitutis. Quædam enim animalia parvitas ipsa reddit tuta. Nunc quia auctæ sunt opes, invidia metusque accrevit. Et quid præterea dicam quantum in re gerenda valet auctoritas? Auctoritas in quam vel apud tuos, ut pareant, vel apud externos ut pareant injuriis? Ipse Senatus populusque Romanus pene collapsus, nunc unius pontificii nominis sustinetur auctoritate. Et Langobardi cum in multos sese divisissent duces post multa detrimenta ad Regem tandem reverterunt. Nec mirum. Quis enim sine duce exercitus, quæ sine Navarcho navis, sine patre familias domus, bene rem gerat? Agite igitur bene juvante Deo eligite fortem, justum, deum timentem, in pauperes pium, in improbos severum. Honore insignibusque sit princeps, justitia & innocentia par ceteris. Poeniteatne vos hujusmodi principis? Sed ubi inquiet aliquis phoenix iste? Satis sit interea deligere ceteris meliorem. Nemo enim quia caput non habet omnis expers vitii, non mavult habere caput, quam sine capite hac illacve agitari. Sedere hoc in confessu video aliquot, quorum si quem unum deligatis, non poeniteat. Ipse Deus omnipotens vota secundet vestra. Ea cum dixisset Patriarcha maximis laudibus ejus sententia ab universis accepta. Itaque absumptis aliquot diebus tum quotidianis sacrificiis, supplicationibusque, tum erogandis etiam eleemosynis omni studio summi Dei clementiam placare annexi sunt, ut principem daret, qui Venetam rem pace & ubertate salvam præstaret & incolumem. Prius autem quam electio haberetur, placuit de nomine & de regendi potestate consultari. In ducis nomen consensum. Cum regium nimis videretur invidiosum, & in Italia deluetum, semper enim hæc civitas tam nomina quam mores, qui præ se nimiam ferrent elationem, odio est profecuta. Nostro siquidem sæculo vidimus regiam dignitatem a Frederico Terto huic oblatam civitati, quamvis autem summi Dei benignitate Venetum posset imperium ejus majestate nominis sustinere, nemo tamen unus inventus, qui auderet eo de nomine tanquam insolentiori ad senatum referre. Nam quod nonnulli existimant hanc dignitatem Venetis collatam ab Imperatore, non invenio Imperatores in or-

A nandis illustrioribus viris, nomine usos ducali, sed aut patricios, aut tribunos aut consules aut magistros militum, aut protospatharios nuncupasse. Sane Ducum dignitate eodem fere tempore, hinc Langobardi, hinc Exarchi Ravennates Italiam replevere, Nam & Beneventanum Ducem, & Spoletanum, & Forojulianum & Bergomatem, & Taurisnum legimus. Neque in his solum urbibus, sed & Bononiæ & Anconæ & Iadere etiam præfuisse duces: Prius autem quam deligerent, lege diffiniri placuit ducis potestatem. Ne postquam esset creatus, aut ipse sibi majorem arrogaret, quam par esset, aut per gratiam popularem consequeretur. Itaque decreverunt, ut præesset majoribus in causis, quæ publicam dignitatem salutemque respicerent. Jus haberet concionem publicam convocandi. Tribuni vero jus dicerent privatis in causis, ut antea. Eosque unusquisque sibi populus constitueret. Provocare tamen ad ducem liceret gravioribus in causis. Concilia Episcoporum & clericorum non nisi permittente duce cogerentur. Prælaturæ & Ecclesiastica beneficia a clero & populo delata acciperent a duce possessionem, quam appellant investitionem. Quod ne cui mirum videatur civitates religioni, & Romanæ sedi semper deditas ita constituisse, meminerit quod supradiximus sæculis illis morem fuisse, ut Romani pontifices a Clero populoque delecti non tamen inirent pontificatum nisi confirmati prius ab Imperatore. Siquidem Gregorius Gordiani, qui postea fuit primus summus pontifex ejus nominis, missus est a Pelagio novo delecto pontifice ad Mauricium Imperatorem purgatum Pelagium si pontificatum inisset, antequam principalem confirmationem acciperet, coactum enim invitumque fecisse. Idem quoque facere Ravennates Archiepiscopos oportebat. Aliquot autem per annos hoc confirmandi munus obiere Exarchi Imperatorum nomine. Primus Constantinus Constantii filius & Justiniani secundi pater, sanctionem edidit, ut quem Clerus & exercitus populusque Romanus elegissent, is e vestigio pro pontifice haberetur, nulla expectata aut a principe aut ab Exarcho confirmatione. Ex Veneta igitur nobilitate Paulus Heraclia oriundus Dux creatur anno Domini sexcentesimo nonagesimo septimo virtute & claritate generis facile primus. Jusjurandum a patriarcha præstitum omnium nomine populorum juste ac sancte ducatus administrandi. Quæ tum insignia suscepit, haud quaquam ab ullo traditum accipio, præter capitis ornamentum. Non tamen ut extento posterius in altum cornu tereti atque pleno, quale nunc Duces gerunt, extiterit. Sed ut ex antiquissimis picturis videre pluribus in locis licet & præsertim in Aede sancti Marci, mitra altius eminebat, quasi in pyramidis figuram, ut summorum Pontificum mitras videmus, licet illæ albæ, hæc vero purpurea. Limbus semper aureus oram bireti præcinxit. Collum quoque circumdare monili, quod Bavarum vocant ab ea fortasse gente nomen profectum, quod eo prima usa fuerit, sandaliis quoque sive calceis picturatis uti illis egregium fuit. Nihil prius Paulus duxit, quam intestinas externasque discordias sedare, omnis publicæ felicitatis inimicas. Quod facile est consecutus, tum nova auctus dignitate, tum diligentia prudentiaque. Id etiam facilius, quod apud Forojulium nunquam inter Langobardos civiles motus cessare, dum desciscunt Duces a Regibus. Siquidem Reges plerique apud Ticinum regiam cum tenerent, Duces vero Forojuliani, aut Spoletani, quum abessent inde longius deficiebant sæpius a Regibus, & fere semper in ar-



mis erant. Inito Ducatu firmavit diligentius fluminum custodias, & castellis munivit. Statuit ut oppida omnia navium numero pro opibus imperato ad omne Ducis signum, in armis essent. Navalia construerent septa munitaque, quorum adhuc vestigia videmus, ne aut accolis aut piratis paterent. Factum principis diligentia per omnem ejus ducatum, ut *Veneti* fines illæsi ab omni externorum injuria perseveraverint. Cum *Ariperto* Rege amicitiam coluit. Fædus iniit cum *Luitprando* a quo multis immunitatibus est donatus. Quod bellis alii plerunque solent, ipse amicitia & officiis patriæ fines auxit. Propagavit eos a *Plavi* majore ad usque alveum vastum, qui *Plavis* ficcus appellatur. Eosque deinde privilegio *Desiderius Langobardus* confirmavit. Scriptum reliquit *Dandulus* id egisse *Paulum* de finibus prorogatis una cum *Marcello* militum magistro. Quod si ita est, apparet eum magistratum, aut ante Ducem fuisse, aut cum ducatu cœpisse. Scribit præterea magistros militum apud *Græcos* omnibus tribunis ante latos extitisse, quasi populi moderatores. De eorum temporum magistratibus plura profari haud facile est. Neque enim ulla fere extant, quod sæpe querimur eorum temporum bene digesta monumenta. Si tamen decet hæc & hujusmodi conjectura assequi, multos crediderim ejus generis extitisse creatos magistratus, qui nunc extant. Quis enim credat judices non datos mercaturæ? non datos rei nauticæ? non stabilibus bonis? non pactis conventisque? Quin progrediar si licet ulterius, multa quoque eorum temporum nomina in hæc usque nostra continuo usu derivata. Cum nomina novandi, non videam quænam ulla satis digna afferri possit ratio in his præsertim magistratibus, qui ex civitatum natura, non autem ulla ingruente nova ratione, semper creati sunt. Quales multos videmus, tum forenses, tum conciliorum genera. Sicuti *Romæ*, ex quo cepere prætura, ædilitas, tribunatus, censura. Cæterum quemadmodum suspicari quodcumque libet, licet ita temere affirmare quæ obruta sunt tanta oblivionis caligine non decet. Idem quoque dici de legibus jure videtur posse. De his enim scribere certius aliquid non ausim. Duo in universum attingere non piget, quæ & innata sunt genti, quæque nunc etiam videmus extare. Nam tamesi tempora delabuntur, locorum tamen natura, & quæ ab ea proficiscitur vivendi disciplina, mutari nequeunt, ex quibus duci leges oportet. Nam cum omnis *Venetorum*, hominum vivendi ratio mercatura constaret, gerendis autem negotiis, nihil esset tam infestum adversumque quam implicatum litigiis, foro detineri, ubi tempus contereret, melioribus impendendum rebus, tollendæ illis fuerunt causæ omnes, ex quibus lites orirentur, aut in longum protraherentur. Primam igitur his malis dare causam viderunt legum multitudinem & prolixitatem, qua ex re varii interdum fallacesque a causidicis sensus, diversæ & vassæ interpretationes subministrantur. Fieri autem ex eo, quod qui valerent ingenio & lingua, dominarentur in judiciis, novis semper cavillationibus, & versutiis intenti, quibus ementirentur veritatem in æternum causarum exitus protrahi curarent. Ex his immodici subsequabantur sumptus capite ipso majores. Ad eas evitandas res utile existimarunt paucas esse leges, & quam fieri posset brevissimas. Facile hoc comprobatur ex his, quibus nunc in foro utuntur. His nihil potest esse brevius. Legibus igitur imperatoriis omnino abstinerunt, quod nonnulli ad eam causam referunt, ne præjudicium face-

rent *Venetæ* libertati, nonnullorum Regum exemplo. Ego tamen magis in eam partem accipio quam supradixi, adinvenerunt autem iudicandi formam longe breviorē contrāctioremque. Quoniam autem paucis brevibusque legibus causæ omnes comprehendere non possent, aliud necessario consequeretur, ut videlicet cum deficerent scriptæ leges, æqui & boni ratio apud eos plurimum valeret. Innatus est enim gentibus fere omnibus æqui bonique sensus & ratio, ut secundum ea judicari omnes cupiamus. Nam quæ scriptæ sunt leges, hominum leges recte dici possunt, æqui vero bonique rationes divinæ existimari solent, quoniam ab ipsa natura proficiscuntur. Hæc pauca de forensibus legibus, quibus contrahentium inter se civium voluntates mutæque obligationes diffiniuntur, statuta *Veneti* appellant. Aliud apud eos legum fuit genus, quas veteres *Romani* tum plebiscita, tum senatus consulta appellabant. Hoc legum genus variabile est juxta rerum temporumque conversiones ad reipublicæ statum magis pertinent, quam ad privatum civitatis usum. Has leges *Veneti* partes vocavere. Quod quidem nomen unde sit deductum, non accipio, nisi quod hujusmodi decreta, vim ullam non fortiuntur nisi a majori parte concilii comprobata. Inde captam partem dicunt. In multa autem genera dividuntur, quarum singulæ ad diversos pertinent magistratus. Quales autem illis temporibus extiterint, cum nullis litteris hætenus memoratum acceperim, non est quoda mēscribi quispiam expectet. Hæc igitur pauca de legibus. Cum *Paulus* ducatum summa cum pace administrasset annos viginti menses sex dies octo vita decedit, magno *Venetorum* mærore in *Heracليا* sepelitur. In ejus locum *Marcellus* sufficitur. Patria *Heraclianus* tranquillo ingenio & mansueto. Amicitiam siquidem *Langobardorum* Regum a *Paulo* susceptam, diligentius fortasse coluit, quam erat necesse. Caruerat etenim *Aquileja* vetus canonico patriarcha usque ad hæc tempora, *Gradenfis*que sedes & dignitate & opibus magis magisque in dies augebatur. Tandem quod superiores *Langobardi* principes pervincere non potuerant, primus *Luitprandus* cum nemo quæreretur, aut reclamaret, impetrat a *Gregorio* tertio, ut patriarcham *Aquilejensem* in gratiam recipiat, palliumque quod est Metropolitanæ dignitatis insignis, ex more *Severo* patriarchæ transmittat. Quo quidem *Aquileja*, ab *Helia* patriarcha, cum *Gradum* translata *Aquilejensis* sedes est annis ferme quinquaginta supra centum, ad eam diem caruerat. Divisæ tunc sunt Ecclesiæ *Gradenfis* & *Aquilejensis* & utrique in partem suffraganei Episcopi dati, ut mediterranei ad *Mincium* usque *Aquilejensi* cederent. *Venetiarum* vero & *Histriæ* totius ad *Gradensem* pertinerent. Hinc sumpsit initium continuatumque ad annos usque nostros, utriusque Ecclesiæ *Aquilejensis* *Gradenfis*que dissidium. Cum duas Ecclesias metropoliticas propinquitas pacis & quietis inimica non ferret, quippe quæ invicem abessent paulo plus passuum x. millibus. *Severus Luitprandi* armis fretus continuo *Gradensem* invadit Ecclesiam, *Candianum* patriarcham multis indignitatibus & contumeliis afficit. Mox apparuit quid inter *Pauli* diligentiam studiumque, *Marcelli* vero seu negligentiam, seu desidiam interesset, pacemque constare, non in sola principum voluntate, sed in animi præstantia fortitudineque. Nunquam fere deinceps *Aquilejensis* destitit ab inferenda *Veneti* injuria. Aperto sæpe bello persecutus non *Gradensem* modo sedem, sed oram omnem *Venetie* maritimam, dum præsules *Aquilejenses*, *Venetos* invadunt fines, vel eorum hosti;



hostibus tum auxilium armis afferunt, tum receptu commeatuque juvant. Novissime autem maximo *Genuensi* bello (Sic enim tum propter magnitudinem tum propter pericula appellavere) *Forojuliani*, *Ungari*, *Genuenses*, *Patavinique* fœdere conjuncti *Venetum* omnino nomen excindere conati. Justiore parte Deus non adjuvit solum, sed etiam imperio auxit. Ducatum *Marcellus* tenuit annos novem dies xxi. Concilio rursus apud *Heraciam* indicto, *Ursus* sufficitur nobili genere anno Domini. vcc. xxvi. *Venetum* nomen magnitudine animi, & rebus præclare gestis primus illustrat. Excitata est sub hoc Duce *Veneta* juvenus mirum in modum ad arma tractanda. Nam qui, cum corporum agilitate tum robore præstarent, animis vero nulli ferme genti cederent, nactus Ducem spectatorem laudatoremque virtutis, pudere jam semper pro uxoribus & liberis arma capere. Impune licere non solum accolis paludium, sed *Histris* quoque & *Dalmatis* in se insurgere, damnis afficere, cum interea vindictam capere & pœnas repetere non daretur, neminem non videre quid sibi velit hæc patientia. Quid enim aliud, quam ut quotidie magis magisque & hostibus animi & *Venetis* metus accrescat? Itaque exercere eos *Ursus* decrevit, & lucta firmandis membris & jaculo & sagitta, in primis scorpione, quæ machina semper in pretio habita est apud *Venetos*, non quidem ut Rotula intenderent, quam molinellum vocant, ut nunc sollet. Cujus quidem rotulæ nec nomen tunc fuit, nec usus. Pudor erat alio uti auxilio. Sed fucinctis unco ferreo renibus, ut stantes assuescerent, firmo gradu simul & machinam tendere, & sagittam emittere, nec labare pedibus movente navi, sed ictum statim ingeminare. Ad ea quoque *Ursus* armatorum militum numerum in singulis auxit navibus. Adeo autem & agilitate & ad omnem ferendam tempestatem firmitate idoneas reddiderunt, ut & *Liburnicas* & *Dalmaticas*, quarum celebre semper fuit nomen, omni præstando officio superarent. Itaque non jam contenti prædones, piratasque in fugam vertere, insequi eos etiam, & in eorum portus irrumperere, munitiones ingredi, in terram descendere mœnia turreaque tentare, concremare navigia, prædas agere. Classes Imperatoriæ eos maxime *Saracenorum* temporibus ut supra diximus navalibus pugnis exercuerunt. Erant ea tempestate *Græci*, sicut fere semper antea rei nauticæ principes. Cum his *Veneti* militabant, & stipendia agebant, aut auxilio erant Imperatoribus, disciplinam itaque navalem diuturnæ bellorum consuetudine ab his maxime acceperunt. Magnum autem egregiumque *Venetae* genti nomen & decus peperit *Ravennæ* urbis receptio, quam nunc scribemus. Ut non tam *Langobardorum* deinceps nomen vereri aut formidare quam velut ex æquo laceffere viderentur posse. Nam dum *Luitprandus* cives *Ravennates* partibus discissos animadverteret, & nobilitatem actam in exilium, eamque civitatis partem nomini Imperatoris infensam copiis admotis, expugnandi eam urbem periculum facere instituit. Cum vero spes minus succederet, *Classense* juxta oppidum capit diripitque. Parat deinde *Ravennatem* obsidionem acrius urgere. Cæterum *Luitprandi* cœpto aliunde exortum impedimentum. Nam *Carolus* forte *Martellus* dum *Saracenos* per omnem *Galliam Hispaniamque* acerrimo bello exagitat, transmissere ex *Aphrica* *Saracenis* auxilia innumerabili multitudine, & provinciam omnem *Narbonensem* occupare. Cum vero *Carolus* se longe inferiorem viribus copiisque perspiceret, constituit ipse quoque undique auxilia contrahere, in primis ab a-

A amico *Luitprando*. *Luitprandus* igitur ut majori *Carolus* beneficio devinceret, ipse cum lectissimo militum robore in *Galliam* proficiscitur. Relinquit ad *Ravennatem* obsidionem *Ildeprandum* nepotem & *Perendum* Ducem *Vicentinum*. Hi quidem post *Luitprandi* discessum nacti bene gerendæ rei occasionem per aliquot nobilium factionem urbe potiuntur. *Paulus* Exarchus elapsus fuga, ad *Venetos* se confert, cum aliud non haberet profugium. Magno a *Venetis* honore excipitur. Hortatus eum est *Ursus* ad bonam spem, hos solere ludos facere fortunam. Et quidem si fortes invenit animos, restituere solere, quæ eripiat cum usura. Secuti sunt eum paulo post *Gregorii* pontificis nuncii, causam Exarchi brevi quidem epistola, sed admodum efficaci commendantis. Exemplum fidei causam visum est annotare.

*Gregorius Episcopus servus servorum Dei: Dilecto filio Urso duci Venetiarum.*

Quia peccato favente, *Ravennatum* civitas quæ multarum caput extat Ecclesiarum a nefanda gente *Langobardorum* capta est, & filius noster eximius dominus Exarchus apud *Venetias*, ut cognovimus, moratur, debeat nobilitas tua ei adherere, & cum eo nostra vice pariter decertare, ut ad pristinum statum sanctæ reipublicæ in imperiali servitio dominorum filiorumque nostrorum *Leonis* & *Constantini* magnorum imperatorum ipsa revocetur *Ravennatum* civitas zelo & amore sanctæ fidei nostræ. Deus te incolumem custodiat dilectissime fili. Quibus perlectis litteris, concilium omnium insularum ex more indictum, ubi primum pontificis litteræ recitatæ. Exarcho deinde dicendi quicquid vellet, potestas facta. Tum ille. *Fortuna* inquit *Urse* dux humanis in rebus nimium præpotens adegit imperatorium Exarchum, ut factus exemplum instabilitatis humanæ, ad te confugiat. Pulsus *Ravenna* & *Exarchatu* per conjurationem a communibus hostibus *Langobardis*, qui jam animo præsumunt totius *Italiæ* dominatum. Et profecto spes illos non fallit, nisi quorum interest & prævideant quid meditentur, & impediant. Duo optime dux ut huc me conferrem potissimum impulerunt. Primum quod egregia semper fides atque opera erga Imperatoriam majestatem omnibus temporibus, tum *Græcis*, tum *Langobardis* declarata a vobis est, deinde quod ea gens non minus vobis est inimica quam imperio. Nam siquid vobiscum quasi amici dissimulant, totum hoc si recte causam dispicere volumus ab pontificis & imperii metu proficiscitur. Et hoc sane eorum principum beneficium est. Videte igitur an illi nobis spernendi sint propter quorum metum, vobis illi amicos esse se fingunt. Nam si diutius eam retinere urbem *Luitprando* dabitur, cogitare etiam atque etiam oportebit, quo pacto hæc æstuaria oppidaque ab eorum injuriis defendatis. In manibus vestris est, aut imperio *Ravennam* restituere, aut *Luitprando* permittere. Alterum vobis statuendum. Non possum existimare vos dubitare utrum præstet. Sanè negare opem amico, quam conferre facile possis auferre est. Occasionem igitur vobis attuli maximo vestro beneficio gratiam imperatoriam novo merito promerendi. Porro paucis diebus imperatorium Exarchum sine impensa sine periculo in *Exarchatus* sedem restituere potestis. Quam gratum sit hoc futurum Imperatoribus intelligitis, tum ex urbis præstantia, tum ex litteris pontificiis, quantis nunc precibus apud vos agant, si detur coram id agere? Sic tamen vos statuere decet ac si præsentibus adsint, non ego hoc a vobis *Paulus* exigo, sed *Leo* & *Constantinus* imperatores. Quid illis vobis sit respondendum cogitate. Quam vero gratum etiam pontifici sit futurum ipsius vobis litteræ declarant. Itaque eodem facinore, data vobis facultas apud summos orbis principes ingens beneficium promerendi.



Pace tua dixerim optime Dux, non ita mihi videtur e-  
mortua omnis tum pontificia, tum Imperatoria maje-  
stas, ut superum clementia illis non satis sit huic solven-  
do vel referendo beneficio. Omnis nunc se offert oppor-  
tunitas ad rem benegerendam. Luitprandus abiit  
in Gallias cum omni delectu roboris Langobardi.  
Ravennam duo juvenes obtinent, qui quasi extra  
omne periculum constituti negligentius & urbis custo-  
dias, & cetera omnia administrant. Diripiunt  
sacra ac prophana. Mortales omnes per avaritiam  
& libidinem certatim sibi infensos reddunt, ut in  
summa ea civitas nunc versetur desperatione. Nihil  
aliud quam aliquod undecunque remedium malis  
expectant. Id ego compertum habeo ex profugis, qui  
quotidie ad me transeunt, ex quibus hæc omnia co-  
gnoscere potestis. Civitas a mari infirmior est, tum  
murorum humilitate, tum rarioribus custodiis. Nul-  
lum enim nobis fuit unquam à Langobardis ab ea ur-  
bis parte periculum, neque enim mari unquam Lan-  
gobardi valuerunt. Inde recipienda vobis est. Id  
facile consequi potestis, tum copia rerum navalium,  
tum virtute vestra. Non hæc vobis amittenda op-  
portunitas. Occasionem quasi aviculam, si manu  
semel emittas, frustra recipere eam coneris. Si ita-  
quoque videbitur premere urbem a terra eodem tem-  
pore, mihi in animo est, ut tametsi difficilis ab ea  
parte est oppugnatio, intentis tamen omnibus ad eam  
defensionis partem, vobis ejus urbis a mari recipien-  
dæ & honos & meritum debeatur. Ceterum matura-  
to est opus, neque expectandus Luitprandi reditus,  
qui difficiliora omnia sit factururus. In vestram fidem  
confugi, vestram fidem imploro. Nolite omnibus  
mortalibus palam facere rem Imperatoriam tanto in  
discrimine constitutam vobis contemptui fuisse. Po-  
steaquam Exarchus finem dicendi fecit, eo sum-  
moto sententiæ ex Veneto more, rogari cœptæ.  
Cum autem varie dicerentur, & ambigua fore  
deliberatio videretur, maxime autem memoraretur  
Ariperti Luitprandique Regum, cum Vene-  
tis amicitia, fœdere etiam conjuncta, quam vio-  
lari non minus periculofum, quam turpe videretur.  
Tum Ursus quaquam inquit pleraque memo-  
rari audio, ad hujusmodi rei sententiam dicendam,  
incipiam tamen patres a fide publica, quæ me magis  
moveret, si eam violatum iri (ut nonnulli existi-  
mant) intelligerem. Mihi vero minime omnium pla-  
cet fidem fallere, fœdera contemni. Quo enim pa-  
cto sine fide genus humanum constet? Quin pro ea  
auctoritate quam in nos contulistis, vos hortor, ut  
tum hac in re, tum ceteris aliis fidem justitiamque,  
quæ viros magnos maxime decet, colatis, sed eam  
ut assequi possimus causam altius discutiemus, quæ  
nunc agitur. Est nobis fœdus cum Luitprando, sed  
est quoque cum imperatoribus. Ceterum meminisse  
debemus in Luitprandi fœdere cautum exceptumque  
fœdus Constantinopolitanum, ne quid fraudis illi  
fiat. Semper etenim aliis in fœderibus id servatum,  
neque id mirum. Siquidem ab eo salus libertasque  
vestra pendet. In Constantinopolitanis autem fœde-  
ribus, nihil excipitur omnino. Proferantur si pla-  
cet orientis fœdera, privilegia, fidesque tum datæ,  
tum receptæ. Nihil usquam aliter reperietis, ne-  
que hoc secretioribus tantum scripturis mandatum,  
sed omnibus hoc Italici ita est exploratum, ut nemo  
ambigat omnem vobis salutis spem, siquid forte ad-  
versi accidat, tum in imperio, tum in pontifice esse  
collocatum. Quam quidem opinionem sustinete pa-  
tres per Deum immortalem quantum potestis. Qui-  
bus enim in auxiliis siquid adversi accidat, spem po-  
natis? Nihil enim vos magis defendit ab injuria vel  
vicinorum, vel Barbarorum, quam quod existimant,  
nunquam vobis hæc auxilia defutura. Parumne vi-  
detur in his humanarum fluctibus rerum navim no-  
stram his ambabus quasi fundatam anchoris stare?  
nisi forte id minus notum esse creditis Langobardis,

A qui profecto nullis infligendis abstinuissent malis, nisi  
multis didicissent experimentis, vestros homines, li-  
bertatemque vestram pontificatui & imperio esse ca-  
rissimam. Quæ cum ita sint cautio hæc quæ memo-  
ratur in imperatorio fœdere adhibenda illa quidem  
est, non in Langobardo. Reliqua hujusce rei deli-  
beratio mihi planior videtur, quam ut multis indi-  
geat. Siquidem hæc Ravennæ recuperatio per ma-  
gni Patres æstimanda. Vultisne ab ea parte aditum  
Langobardis relinquere, ut quandocunque libeat (nun-  
quam etenim non libebit) liceat armatis irrumpere  
in hæc æstuaria? Nisi forte murum ducere per Pa-  
dusam paludem, & majoribus munimentis eam ex-  
cludere consilium est. B Quibus eos navibus si per æ-  
stuaria? Quibus exercitibus si per littora ducent, re-  
sistetis? qui si neque pontificis auctoritas, atque  
ejus epistola, quæ nuper est recitata vehementius vos  
moveret, vestra tamen causa suscipienda vobis ala-  
cri & forti animo esset hæc resitutio. In qua non  
de aliena, sed de vestra agi salute & libertate dissi-  
mulari non potest. Nunc autem cum summus ponti-  
fex intercedat cui omnia debetis, potestisne dubitare,  
quid vobis sit respondendum? Recitate iterum episto-  
lam, & videte quo loco Langobardos habeat. Qua  
loco ejus urbis amissionem, & imperatorum injuriam.  
C Quid denique de vestra in se fide, & erga impera-  
tores observantia polliceatur. Potuitne efficacius  
scribi? Dixi de pontificis litteris. Quid de Exar-  
cho? Qui tam supplici oratione fidem vestram implo-  
rat. Tametsi dixit, & quidem vere dixit impera-  
tores eos esse, non autem Paulum, qui fidem vestram  
requirunt. Aut repudianda igitur vobis eorum sup-  
plicatio, aut admittenda. Cogitate etiam atque  
animis vestris quid si negatis expectandum sit, non  
tam a Luitprando ereptam querentur Ravennam  
quam a vobis. Vestra erit noxa, rejicietur in vos  
culpa omnis. Quis est enim sperandus in amore fru-  
ctus, si non amicum amor allicit ad facilia eadem-  
que commoda? Quantum vero illud est qui Raven-  
nam si non recipiunt, cedat imperium Langobardis  
D necesse est, de omni Italiæ possessione? Ea est enim  
unica fere Exarchi sedes, ea omnium imperii mili-  
tum quasi castra. Ibi ærarium publicum. Raven-  
nam denique si sustuleris imperio cum Exarchata,  
quid illi ditionis in Italia remanebit? Calaber scilicet  
& Brutius & Apulus, & Samnis nescio quis. Vultis  
igitur ejicere ex Italia imperium ut pro eo Lan-  
gobardi servitutem adeatis? Permittite Ravennam  
Langobardis. Contemnite Exarchi preces. Ne ci-  
to permutationis pœnitebit. Majores nostri hoc con-  
silio atque mente in hæc se stagna contulerunt, ut li-  
bertatem præcipue conservarent. E Vanum profecto  
& multis objectum periculis consilium, nisi una quo-  
que constituissem quibus se principibus tuendos defen-  
dendosque permitterent. Duos potissimum & viderunt  
& delegerunt Pontificem & Imperatorem. Illis  
adhærescere, illos sequi voluere. Placuit in eorum  
auctoritate armisque omnem spem salutis libertatis-  
que ponere. Aut igitur mutandum vobis consilium  
est, & Langobarda sequenda signa, aut in impera-  
torio fœdere perseverandum. Quicquid auctæ sunt  
Venetiæ vel dignitate, vel opibus, vel potentia, to-  
tum ab his principatibus est collatum. Nulla mihi  
credite satis firma amicitia est, quæ accipiendis so-  
lum beneficiis studeat nunquam referendis. Cur igitur  
F dubitamus & fidem servare & vestram liberta-  
tem vestra virtute redimere? Pericula non prævide-  
re, nec antequam ingruant propellere, sed expectare,  
mulierum consilia sunt non virorum. Mea sententia  
est, ut Exarcho respondeatur, molestam nobis exti-  
tisse hanc Luitprandi injuriam. Semper imperato-  
rum majestatem & Pontifices Romanos omni honore  
& reverentia prosecutos, paratos esse opes, vires, vi-  
tam denique exponere ad eum in sedem restituendum.  
Tum de ratione recipiendæ urbis cum Exarcho aga-  
B. Justinianus. H tur.



tur. Ipse Forum Cornelii proficiscatur quasi repudiat a Venetis atque inde excitis undique imperii copiis machinisque comparatis, aggrediatur urbem terra, vos navibus & mari. Deus vota secundet vestra. Venit in ducis sententiam omne concilium. Ursus pacis diebus in instruenda classe consumptis, ea fuit navium octoginta omnis generis. xx. majoribus & altioribus capitibus longarum etiam totidem, post meridiem solvit, leni Boreæ spiritu, & molli remigio tempus expectans simulata in orientem profectio, quasi laturo opem Imperatori Saracenos, ante lucem ut erat cum Exarcho compositum, haud procul ab urbe aliquantisper moratur, donec terra Exarchus oppugnare urbem adoriatur, ipse vero eodem tempore aggressurus a mari. Ignibus igitur a classe editis redditisque, Exarchus ipse urbem a terra quam maximo potest impetu & clamoribus invadit. Exciti a somno juvenes Ildeprandus & Perendeus nocturno insultu & ignari quidnam rei esset, ad portas murosque militibus firmandos accurrunt, ut vero dilucescente aurora jam classem ad urbis mœnia applicitam nunciatum est, ancipiti periculo districti, cunctari primum quid consilii capiant, tum vero, ut majorum navium mali atque antennæ armatis oneratae murisque pontibus injectis incubere, & de superiore loco urbis propugnatores telis lapidibusque propelli capere novo exciti periculo & clamore Ildeprandus & Perendeus pro muro magno animo, prælium ineunt. Cæterum cum jam Veneti magno numero in urbem de muris armati defiliissent, urbe jam pene capta Paulus ad mare suis circumductis accurrit. Ursus vero cum delecta juvenum manu effracta maris porta, tandem cuneo facto, urbem invadunt. Occurrunt Langobardi, & cominus hostem propellere nituntur. Atrox pugna committitur. Cæterum tum quia plerumque plus animi est invadenti quam repellenti, tum quia populus cum Exarcho sentiret, ut primum sine periculo id se facere posse cognoscunt, arma capiunt. Repulsi itaque duplici hoste Langobardi atque urbs recepta magna universæ civitatis lætitia. In eo prælio Perendeus dux Vicentinus pugnans occumbit. Ildeprandus in Urbi ducis potestatem venit. Atque per hunc maxime modum Exarchus in sedem suam a Venetis est restitutus. Hanc ita se habuisse victoriam, cum omnia Veneta monumenta testantur, tum Paulus Diaconus meminit in historia, quam de Langobardis scriptam reliquit, adeo ut cum in Luitprandi regis laudes, & victorias videatur fortasse nimius, hanc tamen infelicitate rem gestam, subticendam non existimarit. Dum hæc ad Ravennam geruntur. Leo imperator apud Constantinopolim vix ulla virtute præstans insigni autem perfidia atque avaritia, aliquot ante annos perditum ire imperium omni ratione properabat. Quoniam autem ea de quibus scribimus tempora haud satis apud scriptorem ullum reperiuntur bene in ordinem digesta. Quin tam regum, quam pontificum magna insit varietas, consilii non est singula exequi, aut explicare. Satis fuerit breviter ea perstringere ad declarandam eorum temporum malignitatem. Leo igitur iste direptioni Ecclesiarum intentus, omne adhibuit studium, ut quascunque posset nobiliores Constantinopolis primo tum reliqui orientis basilicas auro gemmisque & omnibus pretiosis rabida quadam avaritia, spoliaret. Ejusmodi injuriam Deus optimus maximus ferre non potuit Zulemonem Saracenum Admiratum exsuscitat, qui tercentarum classe navium Constantinopoli bellum intulit. Dupliciter se virtute populus tutatus est. Non destitit in primis quibuscunque posset modis, auxilium ex alto petere. Erat quotidie in sacrifi-

A ciis supplicationibus, jejuniis, orationibus, inde præterea nihil ommissum a juventute, quin murorum portarumque custodias summa diligentia agerent, stationes quisque suas servaret. Sæpe tentata expugnatio Urbis est, semper repulsa. Per tulit ea civitas fere biennium durissimam obsidionem, miserandam famem, ingens pestis est subsecuta. Ex qua trecenta mortalium millia desiderata sunt, solatium illi fuit, quod ea profectioe classis Saracena haud minori calamitate afflictata est, quam civitas obsidione. Nam frigoribus ac tempestatibus conquassata ipsi quoque difficultates omnes passi. Absumptis trecentis aliis millibus ad nihilum pene redacta in Syriam revertit. Leo igitur quasi victoriam aliquam consecutus, se viore quam antea avaritia insanire cœpit. Tentare si possit Romanas quoque basilicas ausus. Imperat Exarcho ut pretiosissima quæque sibi Constantinopolim mittantur, qui si Pontifex aliquid objiciat impedimenti transmittat eum Constantinopolim in vinculis, aut morte quavis afficiat. Romani ea de re certiores facti (fama siquidem continuo vulgatum quid Leo moliretur) maxima horrendæ rei indignitate commoti assistere dies noctesque Pontifici, excubias agere, utcumque possent, hortari ne animo deficiat, aut tantum permittat patrari scelus, sibi in animo esse cum usque ad sanguinem cum liberis non deferere. Vim facere aliquoties Exarchus immisissis satellibus militibusque conatus est præliis nonnullis interdum factis repulsus. Langobardi qui hæc intelligerent, ut est eorum hominum natura, qui discordiis seditionibusque aluntur perlibenter eam rem acceperunt, atque ut imperatoris existimationi quam possent maxime detraherent Romanis & Pontifici peditum equitumque aliquot turmas suppetias miserunt. Cum videret Leo tam caram esse Romano populo pontificis vitam cedere ipse quoque & diversam tenere viam, aliquanto tamen pejorem instituit. Aliquot menses quiescit, cum interea blanditiis pollicitationibusque demulcet quasi in gratiam cum eo redire vellet. Excogitat autem horrendum aliud facinus sanctorum videlicet imagines apud omnes christianos delere igni ferroque. Idololatriam eas sapere causatus ut autem pontificem quem in sententiam pellicere non posse dubitabat, commodius adjecto metu perducatur, cum Langobardis ipse novum fœdus init, ut eo metu pontificem perterrefaciat mollioremque reddat. Postea igitur quam id agere decrevit, simulat ea de re cum Pontifice agere velle. Pontifex abominatus atrocitatem sceleris, primum audacter negat, deinde litteris nuntiisque conatur avertere hominem a proposito. Leo nihilominus indies pertinacior edictum in oriente pronunciat, Romam deinde ad Pontificem deferri jubet. Excogitavit improbus homo id sceleris, non tam ad religionem, cujus esset hostis insensissimus, quam ad avaritiam, ut omne argentum, aurumve signatum sanctorum imaginibus, parere nolentibus, jure posset extorquere. Cum hujusmodi edictum Romam esset allatum, mira quadam indignatio defixit omnium animos. Non dum erat Ursus Ravenna cum classe Venetias reversus, cum Ravennam hoc allatum est. Maximi ubique tumultus orti, ipsi quoque imperatorii milites ejusmodi scelus ferre non posse, quin palam una cum cæteris omnium voces exaudirentur, nunquam pontificis & christi causam deserturos. Hicne Imperator christianus est? Hocne præsidium adversus Barbaros? Barbaris ipse omnibus Mahumeto quoque deterior? Ille enim christianis non interdicit quin sibi quas volunt, imagines habeant, suis legibus utantur. Hic christianorum prædo, non Imperator, cæcus



avaritia, tollere christianam fidem, non imagines meditatur. Alio christianis populis Imperatore opus est. Deligendum non qui hæc scelera committat, sed qui committunt omnibus cruciatibus & suppliciis afficiat. Jam enim increbruerat *Caroli Martelli* pietas, auctoritasque, ad eum omnes respiciebant. Illum dictitare principatu dignum, illum imperio. Verum enimvero præstare existimavit pacis amator pontifex rem interrim dissimulari, fore fortasse ut Imperator ab ea infania resipiscat. Neque tamen non semel atque iterum *Leonem* admonet, ut desistat ab incepto. Interea vero epistolas per orbem dimittit, principes provincialque christianas certiores omnes facere non desinit, quid impius conetur imperator. Hortatur ut in antiquorum patrum traditionibus perseverent. Pertinacior quotidie cum redderetur, percussit eum pontifex anathemate, & præterea sanctionem edidit, qua illi *Italiam Hispaniamque* subtraxit, interdictis earum vectigalibus provinciarum. *Leo* nihilominus perinde atque insaniret annis octo supra viginti, quibus imperium tenuit, nunciis per orbem dimissis, tum precibus agens, tum minis, nihil omisit ad obtinendum quod animo proposuisset. *Venetos* etiam & *Ursum* ducem per legatos aggressus est. Responsum ab his magno animo animadvertere eum potuisse, quanto semper studio & honore omnibus temporibus imperatoriam excoluerint majestatem, maxime tamen novissima *Ravennæ* urbis receptione. Non veritos in eorum gratiam regem amicum, & fæderatum, bello lacerare. Esse tamen ita a maioribus institutos, ut ubi de sacrosancta agatur religione, *Romanæ* Ecclesiæ salutis & honori nullo modo desint, cum omnipotenti Deo potius quam ulli mortalium sit parendum. Itaque *Romanum* Pontificem non deserturos. *Leo* autem *Constantinopoli* & in oriente debacchatus, omnis generis supplicia cruciatumque edidit adversus edicto parere recusantes. Passi tum multi martyres, in quibus *Theodosia* & *Paulus* genere & principatu clarus, & præterea vir maximæ sanctitatis. Cujus corpus *Venerias* delatum apud sancti *Georgii* majoris nunc veneramur. *Constantinus* quoque regis urbis Episco-

A pus illi acriter resistens, verberibus cæsus, capite truncatur. In ejus locum *Nicetam* spadonem impurissimum hominem præter omnis cleri & populi consensum, intrusit, Sacerdotes ipse instituit, nec prius ab insania cessatum, quam *Romæ Gregorius* synodum Episcoporum octingentorum trium, qua nulla unquam frequentior habitata est, ob eam insaniam congregavit. Imagines sanctione patrum confirmatæ, & Imperatori aqua & igni interdictum est. Eadem peste *Constantinus* filius infectus, congregato apud *Constantinopolim* concilio Episcoporum ccc. conatus est rescindere acta synodi *Gregorianæ*. Majori vero parte ad sanctorum patrum traditiones inclinante, dissolvi jussit concilium, & re infecta discessum. Qui vero jam ad omnem Christianæ religionis contemptum ac pene odium pervenisset, fædus amicitiamque iniit cum *Abdalla Saracenorū* Admirato acerrimo christianorum hoste ac persecutore, velut in vindictam repudiatæ hæresis imaginum. Dum hæc per orbem geruntur orta inter *Heraclianos Equilanosque Venetos* de finibus controversia, quæ cum tolli haud quaquam videretur posse, ad arma concursum. Biennio vario eventu bellatum, ad internicionem usque amborum populorum. *Ursus* ingenio ferocior eo in bello vitare non potuit *Venetæ* gentis odium, dum favere civibus suis nimium putatur. Itaque quasi malorum omnium auctor, orto tumultu interfectus est. Ducatum gessit annis undecim, mensibus quinque summa cum gloria, nisi finis infelicior, magnis illius virtutibus invidisset. *Calistus* interea *Aquilejensis* patriarcha, quietis impatiens, duas in *Venetis* insulas per hos annos occupare adoritur, alteram quæ *Centenaria*, alteram quæ *Mussionum* appellabatur. *Veneti* cum ablata repeterent, nec restituerentur, & armis non minus quam jure eodem tempore bellum appararent, *Gregorius* gravibus minis *Calistum* increpitum temeritatis, compulit ad eas insulas *Graden-si* restituendas. Paruit *Calistus*, atque restituit. Interiit penitus *Centenaria*, alterius vero turris nunc solum visitur inter paludes, quæ in hunc usque diem *Mussionum* nuncupatur.

## LIBER UNDECIMUS.

**C**um *Venetorum* hominum ingenia eorum præcipue temporum de quibus scribimus, cum hac ætate comparare otium est. Distare invicem natura, haud sane mediocriter videntur. Fuere siquidem prisca illi quantum ex iis, quæ extant memoriis conjectare licet ferocioribus ingeniis, ac manu promptis atque ægre injuriam ferentibus. Argumento sunt tum duces, tum magistri militum quorum acta cum populi, qui libertati fuerant assueti, ferre non possent, acrius in eos animadverberunt. Animus illis fuit ob injuriam ab imperatore orientis acceptam totius gentis solenni decreto votum emittere barbas abraddendi, quibus tunc utebantur, donec derupto fædere ablatisque rebus satisfaceret. Perseveravit ea ferocia annis circa. L. supra. vcc. At vero ex eo tempore in præsentem usque diem vix ulla memoratur seditio, non major aliquis excitatus motus. Hujusce rei causas consideranti mihi non tam naturæ immutationi tribuendum videbatur, quæ semper eodem cælo subjecta eadem quoque gignit ingenia, quam disciplinæ vivendi legibus recentioribus emendatæ. Admirabili namque legum temperatura factum, divina (ut ita di-

E xerim) potius quam humana, ut nullius civitatis extet memoria, quæ majore civium concordia constantiori gubernandi disciplina tot sæcula transierit. Duces primum populi acclamationibus deligebantur. Quis autem nescit quantum plebis concitata valeant voluntates, largitiones, odia, vindictæ, seditiones, cæteræque hujusmodi pestes? quamdiu autem in usu hæc fuit eligendi consuetudo, nunquam fere cessatum ab hujusmodi turbulenta principum nece, ut ex quadraginta aut circiter ducibus, qui per eos annos rempublicam tenere, dimidium fere infelici ac violenta morte sublatis sint. Post ea tempora cœpere majores suffragiis deligere. Primusque *Sebastianus Zianus* ab undecim electoribus est creatus. Auctus deinde paulatim numerus, & ad unum supra. xl. subductus. Variatæ quoque leges in cæteris deligendis magistratibus. Priscis siquidem temporibus interdum duo, quatuor interdum ex primariis civibus quotannis a senatu populoque deligebantur, quorum erat potestas omnes creare pro arbitrio magistratus. Eum morem consideranti mihi & si videbatur nimiam tributam quatuor civibus potestatem, ut judices darent privatis omnibus publicisque causis honores, quibus



videretur demandarent, duo tamen bona majores secutos existimabam. Primum quod omnis quæ solet adhiberi in suffragationibus ambitio, tollebatur, & juventutem, quam nunc videmus omnem fere ætatem contere in honorum magistratuumque petitionibus melioribus exercitiis intendere oportebat. Quibus & corporibus vires accederent, & animis usus rerum atque experientia. Non autem tabescere otio, aut ad malas artes animum applicare. Aliud quoque videbam eos commodum secutos, civilis siquidem justitia primum civitatis bonum per eum legendi ritum liberius administrabatur, neque enim judex metuebat sententiam ferre adversus eum, cujus deinde suffragium & judicium non esset subiturus. Hoc autem quantum juridicundo noceat, querimus quotidie omnes. Cæterum in hac humanæ vitæ consuetudine, bona malis admixta sunt. Vix enim quicquam reperias tam bonum, ut non secum aliquid interdum afferat malitiæ. Multorum suffragatio profecto plus habet æquitatis. Nec illud quoque non habet, quod augetur civilis amor, atque concordia petitionibus, salutationibus, officiisque mutuis. Qualem autem locum teneat in civitate concordiae bonum, quis referat? At habet incommoda quæ diximus ut justitiæ interdum fiat injuria. Sed quænam esse potest sine justitia in civitate concordia? Igitur nihil illa sententia præclarius. Studere principem oportere, non tam ut bonis utatur legibus, quam ut bonos faciat cives, quod autem bonum civem efficiat nihil æque reperias, ac si virtuti præmium, malefacto supplicium appliceris. Idque non tam fiat lege quam facto.

Post *Urſi* ducis patratam cædem variæ (ut fit) contentiones ortæ, aliis indigne ferentibus mortem fortissimi & clarissimi ducis, aliis ferocitatem improbantibus, qui duos inter se populos decertare invicem & quasi digladiari subegisset. Cum vero de indicendo populorum concilio sermo haberetur, & apud *Heraciam* de more vocavissent, jactari voces per *Venetos* cæptæ. Enimvero indignam rem, *Heraciam* sibi jam regiam *Venetorum* præscripsisse. Cur enim non & alibi concilia cogantur? posteaquam & multitudine civium, opibus & vetustate non æquari modo aliæ quoque urbes possint *Heraciae*, sed etiam superiores haberi. Exhaustam præterea jam esse civibus *Heraciam*, destitutam viribus propter assidua bella. Alibi conveniendum, & communicandus honor cæteris quoque populis. Decretum igitur ut apud *Metamaucum* cogatur, quod erat ea tempestate cæteris frequentius ampliusque. Ibi vero quum de eligendo duce tribuni referrent, major orta contentio, adversantibus plerisque ne Duces deinceps deligantur, pro dominis enim se gerere, non pro ducibus, agere omnia ad libidinem, cæteros contemptui habere, non servare leges, non plebiscita, commemorare præterea *Urſi* ducis ferociam, ut semper armatis stipatus incederet, bellum ex bello fereret, nec pace, nec quiete contentus, quid enim impulit majores nostros ad incolendum paludes, nisi ut liberi pacatique vivamus? Et neque regibus serviamus neque imperatoribus? Quod si servitus placet, multæ sunt regiones civitatesque ubi ævum ducere sit præstantius. Itaque rejecta omnium populorum suffragiis ducis electio est. Placuit annuam potestatem creari, eosque magistros militum appellari, qui magistratus apud imperium Tribunatu habebatur major, sed utcunque fuerit, ego tamen existimo magistros militum proprie dictos, qui exercitibus præessent. Nam omnes quos eo titulo legimus ubicunque delectos, Duces armorum fuere, & ob eam rem tum crediderim dele-

A ctos, ut in bellis haberent *Veneti* quos sequerentur. Id quidem *Venetis* ea tempestate ut supradiximus maxime fuit necessarium. Hunc magistratum apud *Heraciam* initium habuisse vult *Dandulus*. Cum & Monachus & omnes fere alii, qui de *Venetis* rebus scripsere initio creatos velint apud *Metamaucum*, nam ut diximus & frequentia & opibus maxime *Metamaucum* increverat. Portui propinquum *Meduaco*. *Metamaucum* vero appellatum quasi transmeduacum. Est enim ab *Histris* ad *Meduacum* portum tutior navigatio, quam si dexteram teneas ab *Anchone* & *Ravenna* ob illud *Italiae* latus omnino importuosum. Nam

B a Borea vento maxime periculum est. Conditum autem ultra *Meduacum* portum visitur passus circiter quinque millia. Neque situm tum fuit oppidum ubi nunc est, sed passus circiter quingentos in mare projectus. Delectus primus magister militum *Dominicus Leo* anno domini septimo & trigésimo supra septingentesimum. Nihil eo anno memorabile gestum. Exacto anno *Felix Cornicula* sufficitur, Vir mansueto ingenio & amabili, cui nihil fuit potius, quam tollere simultates dissidiaque. Restituit ab exilio *Deodatum Urſi* ducis filium. Cæterum ne unquam finitimi *Venetis* populi a Barbaris conquiescerent, eo anno *Sclavi* magna contracta manu in *Forumjulium* prædatum descendunt. In quos *Rachis* dux *Forojulianus* delatus, non reppulit solum, sed ingenti quoque cecidit strage. Anno circumacto *Deodatus Urſi* ducis filius magister militum creatur, quem nonnulli scribunt biennio magistratum tenuisse. *Jubianus Hypatus Deodato* sufficitur. Is ad egregiam virtutem nobilitatemque addidit etiam consulatus decus ab Imperatore donatum. Sunt ex nostris, qui scripserunt eo anno receptam a *Venetis* bello *Ravennam*, & *Exarcho* traditam majore tamen auctoritate subnixum non est. *Jubiano* subrogatur

D *Joannes Fabriciacus* infelici suffragio. Prius enim quam annum circummagat, magistratu dejicitur & oculis privatur. Eo anno *Heraciani* & *Equilani* iterum renato bello, maximo prælio decertavere, juxta canalem ad hunc diem arcus appellatum. Adeoque infensis animis pugnatum, ut a meridie ad noctem usque non nisi defessi mutuis cædibus vulneribusque quieverint. Fractæ eo bello vires amborum populorum & pene ad nihilum redactæ, *Venetos* interea pertæsum (ut mobile natura vulgus est) magistrorum militum. Et jam flagitare duces incipiunt, cum indicto ob eam rem concilio oblita multitudo paternæ ferocitatis, & infelici *Urſi* ducis exitus ducem creant

E *Deodatum* filium. Isque primus in *Metamauco* ducatum accepit, haud multo tamen feliciore ab *Urſi* genitoris eventu. Apud *Langobardos* interea regnum suscipit *Astulphus* vir impiger & armis præstans opera maxime *Zachariæ* pontificis, quem *Astulphus* multis pollicitationibus demulserat, ut *Rachisum* fratrem fortis quidem sed mitioris ingenii, ad cedendum sibi regnum hortaretur. Ipse si regnum obtineat magna pontifici *Romanisque* pollicitus. Moritur paulopost *Zacharias* inque ejus locum *Gregorius Quartus* sufficitur. Eum *Astulphus* iterum multis precibus promissisque demulcet. Novam cum eo pacem fædusque constituit in annos XL. solenni pactorum forma astipulata. Atque adhibito jure jurando, quicquid secundum ea convenissent re ipsa comprobaturum. Sed nulla sunt ingenia falli magis idonea quam bonorum. Vixdum enim peracto fædere *Astulphus* ingenium perdidit vafrum atque fallax. Vexare Ecclesiam adoritur supra cæteros ante se reges. Habita siquidem erat a plerisque superiorum aliqua Dei & honoris Eccle-



lesia ratio. Temperaverunt fere omnes ab urbe *Roma*. Et si quando illi detrimentum inferrent, videri malebant ob vindictam quam ultro ob odium fecisse. Is omni pudore & humanæ fidei sensu rejecto, ante exactum tertium pactorum mensem *Romanarum* partium urbes invadit, agros diripit vastatque, nec prius conquiescit, quam *Ravennam* & plerasque illi adjacentes urbes in suam redigat potestatem. Admiratus pontifex per nuntios queritur, hæccine promissa conventionaque? Cæterum nunquam verba defunt cupienti fallere. Quos interea ludos pontifici dederit, tum promissis, tum minis, quantis muneribus pontifex eum demulcere conatus sit, scribere non est necesse. Neque enim id agimus, mala majora instant. Mittere primum pontifex decrevit *Paulum* fratrem *Constantinopolim* ad imperatores patrem filiumque opem imploratum afflictis Ecclesiæ & *Italiæ* rebus, celeri auxilio opus esse. Siquidem Ecclesiam *Romanam* & totius *Italiæ* statum ad eas rerum omnium difficultates redactum, ut nisi primo quoque tempore firma mittantur auxilia, opem a quavis gente imploratuos. Haud dubie *Pipinum* & *Franco*s significans, dum igitur *Gregorius* legatum mittit, defunctus erat *Leo* & acceperat solus paternum imperium *Constantinus*, *Leone* patre truculentior. Hic *Caballinus* *Ochopronymos* dictus est. Addidit ad paternam impietatem, ut maleficiis adjectus dæmonum responsa cruentis confuleret sacrificiis, in delendis quoque imaginibus cum *Paulus* applicuit, perseverabat. Et quoscunque edicto rebelles inveniret suppliciis afficiebat crudelissimis. *Stephanum* celeberrimæ sanctitatis virum, edicto non parentem, quinimmo & apud populum, & apud Imperatorem impietatem edicti magna cum libertate damnantem, crudelissime occidi iussit. Pænas tamen tanti sceleris vindex Deus paulo post petiit. Nam cum *Bulgaris* bellum moturus navium classem duum millium eduxisset, continuis tempestatibus usque adeo tum in *Helleponto*, tum in *Euxino* est afflictata, ut vix tertia pars nulla penitus confecta re domum redierit. *Paulus* itaque *Gregorii* frater repperit omnia opinione deteriora. Alia enim ex parte *Turci* superato *Tauro* monte, quem complures annos infederant descensione facta, in adjacentem planitiem, magna coacta manu populabundi finitimas quasque provincias excurrere cœperunt. Hanc *Turcorum* gentem multos per annos satis obscuram extitisse, neque ullis antiquorum scriptorum litteris celebratam invenio. *Scythus* fuisse & a *Caucasi*, aut *Caspii* montis rupibus erupisse, fere omnes consentiunt. Egressos prius pastorali & contemnenda manu, in *Perside* & *Media*, latrocinia exercuere. Perque multos annos ibi fuere sine egregio nomine. Paulatim autem successu temporum tantum & viribus & animis increvere, ut nonnulli tradant *Iustiniani* temporibus penetrare ausos ad *Hellepontum* usque, & Duce *Bocano Turco* *Bosphorum* *Thracium* opulentam urbem aggredi ausos, ut mirum videri debeat, quo pacto nihil omnino de ea gente usque ad *Constantinum Quintum* de quo nunc scribimus annis ferme ducentis, scriptum reperiat. Vix in eo bello, quod cum *Cosdroe* gessit *Heraclius*, eorum nomen auditum. Quicquid id fuerit *Constantino Leonis* filio imperante ex *Perside* egressi, *Ciliciam* quam nunc minorem *Armeniam* vocant, occupavere. Semperque eam regionem tenuere. In maximam aucti multitudinem, illinc cum *Persis*, hinc cum *Sarracenis* continenter bella gesserunt ad annum usque domini octogesimum supra millesimum. *Sarracenis* autem diuturnis *Turcorum* vexationibus defatigatis, finis tandem bello impositus. Ea lege ut suscepta *Sarracena*

A superstitione, *Turci* illis imperitarent. Factum hoc decem aut circiter annis priusquam christiani principes communi consilio maximum illud bellum ad terram sanctam recipiendam, tum terra, tum mari inferrent orienti. Quis autem tum esset earum gentium status cum christiani transmisere. Et quo pacto ea tempestate *Turcicum* nomen propagatum sit, non ego apud ullum reperio probabilius descriptum, quam apud *Andream Dandulum*. Eam rem propter scriptoris auctoritatem cui facultas affuit quæcunque altius condita in lucem eruere, ex *Græca* præsertim historia, quam habuit familiarem, ut ex chronicis ejus apparet, commemorare non pigebit. Scribit enim *Belzethem orientis Regem præpotentem innumerabili multitudine Persarum aliarumque gentium succinctum, Asiam* versus, vastatis quacumque iter faceret omnibus igni ferroque intermediis tam urbibus quam agris cum *Constantinopolitano Imperatore Romano*, nomine conflixisse. Maxima tandem strage *Romanum* fusum profligatumque. Barbarus ea victoria clatus, omnem *Asiam* *Syriamque* diripuit ac vastavit. Quatuor autem quasi compedes illis iniecit provinciis. Siquidem *Solimano* nepoti, *Turciam* obtinendam tradit, quasi murum inter *Persas* & imperium, alium vero nomine ducatum *Damasco* urbi præficit adversus *Caliphum Aegyptium*, siquis ab ea parte motus excitetur, *Antiochiæ* vero *Auxicum* genere *Turcum*, & *Alapiae* quam olim *Epiphaniam*, nunc *Alepon* vocant, *Assagurum*. Hæc *Dandulus*. Decem post annis transmisere christiani, ut diximus in orientem, atque ex ea tempestate *Turcorum* nomen antea vix satis notum maxime celebrari cæpit. Porro *Saladinum* cujus in eo bello inclytum fuit virtutis nomen, quique tam *Syriæ* quam *Aegypti* imperium ex ea gente primus obtinuit, genere *Turcum* fuisse apud omnes constat. Quamvis utraque gens in unum deinde quasi corpus sese confuderit, ut & *Turci* pro *Sarracenis* & *Sarraceni* pro *Turcis* haberentur. Nam cum christiani principes eas terras bello petiissent delendæ *Mahumetane* sectæ causa, tam *Turci* quam *Sarraceni* quasi ad commune incendium concurrere. Maximos tum christiani *Turcorum* exercitus profligavere. Complures opulentas civitates aut recepere, aut expugnare, omnem fere *Ciliciam* *Armeniam*, *Cappadociam*, *Syriam*, *Phœnicem*, *Palestinam*, *Hierosolymam* tandem sacrosanctam urbem recepere. Cæterum magnis fortuna successibus fere semper inimica, paulopost subvertit omnia, quæ prius læta præstiterat. Ducentesimo nanque post primam transmissionem anno eadem fortuna christianos expulit oriente, ut autem ad *Turcos* redeam *Sarracena* gens majori imperii parte spoliata, post christianum bellum, primas *Turcis* partes facile concessit. Nullus deinceps ex ea gente principatum obtinuit, quin *Sarraceno* homini in hunc usque diem tractare arma non licet. Soli dominantur *Turci*, ut *Aulici* ac nobilissimi quique *Turcica* loquantur lingua, pudeat *Arabica* verbum facere. Qui aliquo præterea principatu præstant, *Asiam* & *Persida* versus, *Turcomanos* se nuncupant. Qui vero *Syriam*, *Palestinam*, *Aegyptum* populi incolunt, *Sarraceni* dicuntur, *Mauri*, qui *Africam* prisco gentis nomine. Pulsis vero ex oriente christianis, major deinde *Turcis* *Asiam* tenentibus rerum successus fuit. Omnia nanque ad *Hellepontum* usque brevi tempore occupavere. Multa de ea gente scitu digna se se scribenda offerunt, sed non ea historiæ mandanda suscepimus. Illud non omittendum quod multis in locis deploravimus seditiones & bella, cum cæterorum invicem principum christianorum, tum vero *Venetorum* *Genuensiumque*. A quibus *Genuensibus* per ducentos fere annos, id est post



*Cretæ insulæ emptionem, usque ad Philippi Mariæ Mediolani ducis dominatum, nulla fere unquam fuit Venetis quies. Maximam Turcis commoditatem præstitisse ad christianum Imperium terra marique evertendum. Quo etenim usque conjunctis classibus Turcis obstiteret retro potius Turci pedem tulere, quam ut ultra processerint. Cum vero ruptis fæderibus quibus ambo populi juncti erant una cum Joanne XXII. Pontifice & Alexio Imperatore Constantinopolitano, cæpere invicem conferere arma, tunc Morbassanus Achajam subegit. Baixetes deinde Constantinopolim obsedit. Sigismundum Ungariæ regem & Joannem Burgundiæ ducem apud Nicopolim insigni victoria pluribus captis principibus in fugam dedit. Et nisi Tomiris Tartarus genere, quæ Tamberlanum vulgus adhuc vocitat, per eos dies decies centenis millibus in Asiam irrupisset, Baixetemque Turcum congressum acie, profligatum cæpisset. Eo tunc exitu iisque armis Constantinopolitanum cecidisset imperium, quibus deinde quinquaginta post annis a Mahumeto Baixetis nepote expugnatum extinctumque est. Hæc pauca de Turcis. Ut ad Gregorium & Astulfum redeamus. Astulphus cum delegatis missis rescisset, ira concitus, nec minus optime intelligens quid pontifici & Romanis ex oriente sperandum esset, nuncio ad Gregorium misso, Tu ne mihi inquit minas intentas? Magno tibi stabit hæc in orientem legatio. Itaque præter alias a me latas condiciones, Populus omnis Romanus mihi singulos aureos in capita in annum tributum pendat, sin condiciones non accipitis, mox ad urbem ducemus, & hostilia omnia tam in corpora quam in urbis ædificia a nobis expecta. Consternatus metu eo nuncio pontifex populusque Romanus, quum neque viribus valere se intelligerent, nec ullam expectarent ab imperio salutem, dissimulandum tamen & priusquam se ad alia consilia convertant, ducendam rem satius existimant, donec Paulus pontificis frater ex oriente revertatur. Itaque emollire contendunt muneribus barbari atque avari hominis crudelitatem. Obstinator ille quam mitior his rebus fieri, usque adeo ut cum protrahi rem animadverteret, rursus denunciarit, nisi quam primum condiciones a se latas accipiant, nullam deinceps illis reliquam spem salutis fore, urbem cum sacris profanisque omnibus in ditionem velle. At vero hoc secundo perlato nuncio miserabilis omnium animos mæstitia defixit. Pontifex ad lachrymas orationesque conversus, consilium afflictis extremoque loco constitutis rebus ex alto petere, supplicationes quotidie habere miserando habitu & lachrymabili corporis cultu. Concurfus ad eas maximi ex omni populo fieri. Præferebatur crucis vexillum, atque sub ea fœdera cum Langobardo icta innexa pendebant. Lachrymis vocibus ejulativibus omnia complebantur. Postea vero quam satis placata divina clementia attritione populi visa est, tum consilium & conventus omnium ordinum habitus. Atque ibi de novo aliquo remedio capiendum actum. Quæ vero per ea tempora urbi Romæ fuerit regendi forma, apud neminem scriptum invenio, nisi quantum exquirere ex his licet, quæ mandata memoriæ sunt. Exarchus quidem apud Ravennam pro imperio cuncta in Italia administrabat, atque ad eum referebantur omnia, quæ ad summam imperii pertinerent. Res præcipue militaris & omnium pecuniarum rationes in illud ærarium conferebantur. Legimus etiam ab Exarcho, duces Romam mitti solitos publicasne ad imperii res administrandas, an vero privatas dijudicandas, incertum habeo. Ipse tamen omnium erat arbiter atque præceptor. Romæ vero urbanas civilesque res senatus popu-*

lusque administrabat. Quæ vero ad Romanæ reipublicæ statum pertinerent, gerebantur pontificis auctoritate. Neque enim apud Exarchum procul agentem tractari poterant. Neque alius quisquam præter Exarchum Ravennatem erat magistratus, in cujus fide virtuteque aut imperium aut Romanus populus quiesceret. Pontifex vero seu cum delecto ad id senatu, seu cum primoribus urbis decernebat. Non ambitione sed pietate audire populum oportebat, monere, hortari, cæteraque id genus. Maxime hoc videre licet ex Gregorii epistolis ad Mauricium imperatorem. Qui quidem imperator haud aliter Gregorium quibusdam in rebus redarguit, quam si apud ipsum totius gerendæ reipublicæ cura consisteret. Necesse igitur fuit, ut absente imperatore & Exarcho illius vicem gerente, ad aliquam majorem auctoritatem negotia, tum consultanda, tum peragenda deferentur. Nomina vero quæ tum fuerint, aut magistratuum aut consiliorum incertum. Mutata enim pro temporum varietate, Consules alia auctoritate quam superiores, & bandaresios & senatores & præfectos, & regionum capita legimus & audivimus. Cæterum ut ad consulta Gregorii Romanorumque revertamur Paulus Gregorii frater ex oriente reversus, quid egerit renunciat. Verba sibi a Constantino multa data. In his autem nullam ponendam spem. Quod illud quoque imperium variis multarum gentium incommodis affligeretur. Cum igitur non amplius differendum videretur, exquirenturque sententiæ. Enimvero omnium voces in Pipinum Francorum Regem consentire. Eum unum qui possit tantis mederi malis. Si non exaudiat comploratam esse rem Romanam & Ecclesiam. Itaque omnium consensu legationem decernunt, quæ miserandis Italiæ rebus opem imploret. Decreti ad eum legati, Primus ejus familiæ Francorum regnum Zachariæ pontificis auctoritate fuerat consecutus. Celebre tunc erat per universum fere orbem Pipini nomen, patrique Carolo atque Pipino avo haud quaquam dissimilis. Præclaras res bello gesserat. Magnam autem spem præbebat Martelli patris exemplum. Cujus & virtus & auctoritas effecerat ut Luitprandus Rex ad primas illius litteras ab obsidenda Roma copias amoveret. Dum itaque hæc Romæ geruntur, Veneti, qui intelligerent hæc omnia, & quorsum evasura essent conjectura assequi non possent, sibi tamen non poterant non timere, maxime vero Ravennæ urbis amissione, quæ quidem urbs cum omni Exarchatu in Langobardi imperii & avari hominis ditionem venisset, metuebant autem ne latius hoc incendium corripere. Finitima siquidem cum essent Veneta æstuaria Ravennatibus, ut supra diximus, littora vero aperta præcipue a Clodia oppido usque ad Fossam, quæ nunc Fornaces olim vero Carbonaria appellabatur. Brondulanum tantummodo littus Athesis fluminis ostium intercidebat, unde in mare influit. Erat autem is locus sine ullo munimento, ut igitur si quando ab eo capite urgeret hostis, longius arceretur, neque liber illi transitus per omnia littora pateret, placuit Brondulum munire Castello validiori, quasi propugnaculum ad omnes ex ea parte impetus sustinendos, atque ut ejus ostii transitus semper esset in Venetorum potestate. Deodatus igitur dux cum XII. Ducatus anno ad id maturandum opus profectus esset, Galla civis Metamaucenus audax ad omne facinus, cæteris autem in rebus, quæ ad promerendum honorem valent, penitus destitutus, stipatus conjuratorum manu Deodatum operi intentum improvise adoritur. Committitur prælium aliquanto iniquius, cum parati imparatos adorirentur. Metu perculsi,



qui circa ducem versabantur, fugam capeffunt, Dux oppressus capitur a *Galla* ducatuque & oculis privatur. Neque *Gallæ* tamen patratum scelus diuturniori fuit lætitiæ. Nam vix peracto anno omnium *Venetorum* consensu ejicitur ducatu male parto & quod *Deodato* injuste inflixerat, oculis ipse iuste erutis vitam finivit. *Dominicus Menegatius* dux deligitur anno domini septingentesimo quinquagesimo *Metamauco* oriundus. Diminuta ducis potestas est, duobus adjunctis Tribunis ad omnes causas administrandas. Eos cum ille ferre non posset, duosne duci vestro compedes injecistis? Superbiæ primum notatus, qui patriæ legibus iniquius contumaciisque pareret, dum conatur ducatum in pristinam potestatem redigere, ab indignanti populo anno octavo ipse ducatu pellitur ac visu privatur, interea missi a pontifice *Romanisque* Legati: quid egerint, non prius dicemus quam de *Francorum* gente ac nomine *Gallicane* sit an aliunde irruerit perstrinxerimus. *Francorum* nomen a *Franconia Germaniæ* provincia originem habuisse constat. Ea provincia *Burgundionibus* contermina est. *Clodius* & *Meroveus* principes ejus gentis *Valentiniano* imperante primi transire *Rhenum* adortinovas quærendi sedes gratia. *Etius* dux *Romanus* qui tum *Gallias* obtinebat, etsi novam gentem recipere intra *Galliam* non placebat, tamen cum ad ingentes *Athilæ*, qui ferebantur motus, animum & curam intenderet, repellere illos ex usu reipublicæ non indicavit\*. Sedes illis benigne attribuit, ut amicorum potius opera uti posset contra potentissimum instructissimumque hostem, quam novis augeri *Athilam* auxiliis. Sapientis officium existimans plures sibi inimicos eodem tempore non facere. In eo igitur prælio quod maximum omnium in *Catalaunicis* campis confertum est, dexterum cornu *Etius Meroveo* regendum demandavit. *Meroveo Clodoveus* filius in regno succedit. Is *Clodoveus* multis foeliciter gestis bellis, maximum sibi comparat in armis nomen. Memorabile illud quod primus *Clodoveus* & qui insecti sunt Reges ad hunc usque diem annis plus mille Catholicam semper fidei regulam nulla infectam hæresis labe sunt secuti. Transmisere in posteros regnum per quinquaginta supra ducentos annos usque ad omne regium munus. Quo tempore forte *Pipinus* in *Austrasiis Germana* & ipsa gente acri ingenio juvenis & manu promptus, principatum tenebat. Is adjecit animum ad *Franciæ* regnum. Gradum illum per opportunum existimans, si ejectis aliis ipse ad regni administrationem irreperet, improbis quibusdam hominibus demandatam. Eam igitur cum per pacem consequi posse desperaret, coactis quam maximis potuit copiis, transmissis *Rheno* in *Gallias* irrumpit. Prælioque cum regni gubernatoribus acri Marte commisso, profligatis & in fugam actis, susceptus a Rege benigne est, & domus regiæ magister creatus. Ea apud *Francos* maxima dignitas habetur. Successit patri *Pipino Carolus* cognomento *Martellus*. Is virtute & gloria rerum gestarum nemini fere superiorum omnium regum concessit. Nec tamen alium sibi in regno titulum aut honorem *Martellus* quæsit, quam magistri domus, quem a *Pipino* patre accepisset. Moritur *Martellus* *Pipino* secundo filio relicto. Is patri avoque similis, cum pro *Chilperico* Rege magnas gessisset res, magnamque sibi tum gloriam, tum apud omnes regni principes gratiam conciliaffet, ea, qua *Pipinus* avus arte magisterium regiæ domus apud *Francos* vendicaverat, ipse regnum adeptus est. Nam cum *Chilpericus* ineptus & ipse ad tantum administrandum regnum haberetur, Principes ejus re-

\* Fortasse  
judicavit.

Agni (incertum sua sponte id fecerint, an *Pipini* suasionem) *Zachariam Romanum* pontificem consulere decreverunt, quem maxime regno præfici oporteret. Pontifex respondit regno digniorem, qui regno foret utilior. Per hunc maxime modum *Pipinus* ex magistro regiæ domus totius regni princeps est declaratus. Atque ex ea tempestate *Francorum* regnum illud ex *Gallico Francum* appellari captum. Ad hunc igitur *Pipinum* secundum legati a pontifice atque a *Romanis* missi perquam benigne accipiuntur. Ex quibus maximus natu longa oratione deploravit miserabilem & lugubrem sub *Langobarda* gente Ecclesiæ *Romane* & totius *Italiæ* statum. Desolatas urbes, exustos agros & relictos sine cultore. Multas urbes cum omnibus civibus desideratas. Nemo quispiam invictissime rex eam nunc terram cognoscat, qui semel ante viderit. Nihil illi pristini decoris restat. Avaritiam ejus gentis inexplebilem quis dicat? Diripiunt, extorquent, aut per vim aut per calumnias, quicquam auri aut argenti in domo Itali civis non facile reperias. Tributa exigunt in capita civium *Romanorum*. Sæviunt in libera corpora non aliter quam in pecudum. Quid enim dicam raptus virginum & puerorum cæteraque id genus? Tutæ in parentum sinu virgines, uxores in conjugum thalamo esse non possunt, eandem crudelitatem avaritiamque in templa sacraque omnia exercent. Quotidie pontifex senatusque *Romanus*, *Langobardica* defigi signa, media in urbe expectant. Vivit pontifex palpitanti corde. Metus interdum re ipsa peior est. Finem res habet, metus non habet. *Gotthorum* crudelitatem nullam fuisse dicas si conferatur *Langobardæ*. Siquidem illi contendere bello ne *Italia* quam per tot annos juse possederant, pellerentur. Hæc gens nepharia & alienam rapuere terram, & indigenas omnes si possint in desertas insulas deturbent. Jam vero quod ad christianam religionem attinet, pro hostibus habent quotquot se catholicos profitentur. *Arrhimum* pro Christo colunt perfida gens & *Sarracena* deterior. Illius venenum apertum est. Hi vero Christi divinitatem pietatis simulatione blasphemant. Non sic *Theodoricus* *Gotthique*. Sed licebat cuique quam malebant hæresim sequi. Hi vero catholicis vim adhibent, pellunt Ecclesiis, fructibus spoliant. Una in re pietatem dicas colere, quod *Arrhianis* Ecclesiis nihil tribuunt, sibi ipsi omnia rapiunt. Quid multa? Evellant si possint pontificatum a radicibus & ipsam urbem *Romam* cum omnibus sacris. Ad hæc præterea adjecit sæpius a *Constantino* imperatore opem imploratam & auxilium, relatum nihil præter verba. Nulla jam *Pipine* potentissime regum, spes salutem spondet, nisi quam tu dederis. Eam si negas, in alias terras *Italis* est migrandum. Et cogitandum cujusnam gentis fidei commendanda sunt capita principum Apostolorum, & præterea tot martyrum millia. Gessisti tu quidem pater avusque tuus plurima bella pro sacrosancta christi fide. Nempe omnes illas generi vestro victorias, non cæca contulit fortuna, sed omnipotens Deus exercituumque dominus. Quis autem earum fructus, si tu hic in *Galliis* vincas. Hostes autem tui arcem Ecclesiæ, quæ *Roma* est, excindant? Tuam itaque opem *Pipine* poscimus. Tuum imploramus auxilium. Te inquam obsecramus per Dei omnipotentis hominumque fidem, ut tantis in malis periculisque constitutam non deferas, sed ab hac gente superis immortalibus atque mortalibus omnibus inimica, salvam liberamque præstes, qui unus potes præstare quod vis: longe etenim tibi gloriosius fuerit voluisse quam potuisse. Ad hæc verba *Pipinus* graviter animo commotus est. Cum lachrymis etiam legati non temperarent, respondit acerbum sibi admodum fuisse audire quibus in ærumnis pontifex populusque *Romanus* a *Langobardis* agitur, devinctum se priorem benefi-



cio ab *Romana* Ecclesia, & regnum *Franciae* illi debere. Daturum operam, sanguine etiam si necesse sit, non ingratum videri. Proinde bono sint animo. Urbem *Romam* pontificemque brevi restitutum in pristinam dignitatem. Sunt qui dicant hæc per litteras acta, ne *Astulphus* resciret. Quod mihi non probatur. Neque enim verisimile tantam rem tantis in difficultatibus constitutam, non coram per legatos sed solis litteris commendatam. Neque dubium esse poterat *Astulpho*, si cum pontifice non conveniret non idem facturum *Gregorium* quod alter *Gregorius* ab *Martello* patre petiisset. Multa prætereunda nobis quæ interea *Astulphus*, avertendi *Gregorii* causa ne *Pipinum* accerferet tum minis, tum pollicitationibus conatus est: idem *Constantinus* Imperator communicato cum *Astulpho* consilio & conjunctis oratoribus, tam apud pontificem quam *Pipinum* non dissimulanter tentavit. Cum uterque pati non posset *Francorum* regi quicquam negotii in *Italia* esse. Quasi divinarent quid tandem esset futurum. Irrita cessere omnia. Nam per *Langobardum* stetit quominus pax coiret. Ad duci nunquam potuit ad *Ravennam* & Exarchum restituendum. Omni igitur pacis sublata spe, *Gregorius* in *Franciam* est profectus, exceptus maximis honoribus, & quicquid poposcit liberalissime est consecutus. At *Pipinus* ingentibus copiis in *Italiam* veniens ad *Papie* obsidionem confedit. Neque interim *Astulphus* variis pollicitationibus artibusque eludere tam *Pipinum* quam *Gregorium* desistit, adeo ut firmatis iterum prioribus solenni stipulatione fæderibus, *Pipinum* adduxerit, ut priusquam peractum esset, quod in fæderibus cavebatur, in *Franciam* cum omnibus copiis redierit. *Pipini* discessu insolentior truculentiorque factus *Astulphus* quam maximum potest exercitum cogit, atque in urbem ducit, nulli parcens generi crudelitatis, diripit omnia suburbana ferroque & igni vastat, tris menses totos urbem durissima preffit obsidione, ut vix unquam antea tanta detrimenta sit passa. Statim pontifex & *Romani* duos secundo *Tyberi* oratores in *Franciam* advolare jubent, ut quo in statu res *Romana* sit *Pipinus* cognoscat. Cæterum jam antea certior factus quippe in fide *Romanis* data constantissimus ad reditum accingebatur. Magnis igitur itineribus iterum superatis Alpibus ad *Papie* obsidionem confedit. *Astulphum*que astu & mendacio meliorem, quam viribus adigit ad deditiorem, & ad imperata quæcunque voluit peragenda. Quum interea *Constantinus* Imperator eorum omnium, quæ agerentur in *Italia* certior factus missis & terra & mari ad *Pipinum* legatis, impedire ac perturbare omnia conatus est. Tantum livori concessit, ut antiquissimum capitalemque hostem mallet *Ravennam* & Exarchatum obtinere, quam pontifici *Romanis*que permittere. Ne *Francorum* gens compositæ *Italicae* pacis gloria potiretur. Ante vero quam *Pipinus* in *Gallias* reverteret *Astulphus* apoplexi correptus interiit. *Constantini* autem oratores contendere statim in nituntur apud *Pipinum*, ut *Ravenna* & Exarchatus, quem semper imperium tenuerat restitueretur. Excusavit *Pipinus* res *Italicas* omnes in unius potestate pontificis constitutas. Ferunt nonnulli *Pipinum* priusquam ex *Italia* discederet dono Exarchatum Ecclesiæ dedisse. Complectebatur autem Exarchatus quicquid citra *Placentinum* agrum includitur *Pado* atque *Apennino* & *Adriatico* mari *Venetorum*que paludibus *Ariminum* usque, ut dubitem interdum permissa potius a *Pipino* pontifici quam dono data, quæ nunquam *Pipinus* acceperit in ditionem, non armis non jure alio. *Caroli* magni potius crediderim eam fuisse

A donationem, quæ postea subsecuta. Utcunque fuerit desit hac tempestate *Græcorum* Exarchatus in *Italia* qui annis quinque & septuaginta supra centum perseveraverat. *Constantinus* interea apud *Constantinopolim* morbo Elephantiaco correptus, maximisque vexatus cruciatibus defecit, ut fama dispersum sit clamantem expirasse: *Flammæ sum inextinguibili damnatus*. Ejus corpus *Theodora* nurus mulier christianissima hortatu *Theodosii* patriarchæ de sepulchro extrahi & publice comburi pulveremque in mare jactari iussit. Dum hæc in *Italia* & oriente geruntur, res quotidie apud *Constantinopolim* in deterius labi, quum fere semper nequiores parentibus filii infœlix illud sceptrum capesscerent. Nam *Leo Constantini* hæretici filius defuncto patre solus administrandum imperium suscepit. Gemmarum amore insaniens. Siquidem non contentus his, quas undique conquisierat: *Quid inquit moror? Cur tantum auri, Gemmarum Carbonum, Margaritarum, Hyacinthorum in hoc sacrario deperditur? Paupertatem Christum laudasse afferunt non Gemmas. Educamus eas in lucem, & Imperatorum caput ornemus*. Manum misit ad sacram coronam miræ pulchritudinis, quæ per multos annos in Sacrario sanctæ *Sophie* maxima veneratione servabatur, Carbunculis, Sapphiris, margaritisque distinctam. Dum vero illam capiti accommodat, & in publicum gloriabundus incedit, mox illi caput carbunculi apostemate intumescit, ut paucis post diebus morientem, Sacras res in usum attigisse pœniteret. Imperium suscepit *Hyrene Atheniensis* genere quam *Constantinus* pater huic *Leoni* ob eximiam pulchritudinem in matrimonium dederat. Prudentia quidem non minus quam forma præstitisse ferunt. Hæc cum pro *Constantino* filio adhuc adolescente imperium administraret. Mulier viro olim *Leone* ac socero *Constantino* prudentior mox dedit operam, ut septima apud *Constantinopolim* synodus pro imaginum hæresi tollenda cogeretur. Convenere patres quinquaginta supra ccc. ibique tandem summo eorum consensu hæresis damnata. Versus ibi duos tunc editos ferunt, qui deinde in latinum versi, nunc in *Æde Beatissimi Marci* leguntur.

Nam Deus est quod imago docet, sed non Deus ipsa.

Hanc videas, sed mente colas quod cernis in ipsa. Hæc dum in oriente geruntur post infœlices & infaustos nonnullorum vel ducum, vel magistrorum militum eventus, *Mauritius* apud *Metamaucum* dux deligitur patria *Heraclia*, genere nobili & opibus insignis. Primum omnium dat operam, civilem amorem, discordiis e medio sublatis, conciliare, in quo fuit fœlicissimus. Nam per annos tres & viginti, quibus ducatum tenuit nulla intestina seditio apud *Venetos* orta. Ob eamque rem fuere etiam res externæ fœliciores. Civilis quippe consensus externas quoque res paciores præstat. Quod externi motus sæpe aguntur civilium rerum flatu. *Histriam* autem & *Fo-rojulium Langobardi*, itemque Urbem *Romam* & Ecclesiam, hinc *Langobardi*, illinc *Græci* multis affecere incommodis. Nec eo quidem tempore defuere *Gradenfi* Ecclesiæ quotidianæ a *Langobardis* injuriæ. *Joannes* siquidem *Aquilejensis* patriarcha occasione arrepta, discordiæ inter *Stephanum* pontificem & *Astulphum* ortæ, adversus *Romanam* Ecclesiam, animos sustulit, ut quicquid videretur fretus *Langobardorum* potentia ad libidinem auderet. In primis autem aggreditur *Gradensem* quam maxime potest Ecclesiam deprimere. Traxit ad se omnes fere *Histriæ* Episcopos, ut a *Gradenfi* sede abscissi, *Aquilejensi* essent suffraganei. Illi itaque omnibus in rebus ita se gerere, quasi nihil esset negotii cum *Gradenfi*. Id vero



vero cum *Mauritius* cæterique *Veneti* ferre non possent, questus *Mauritius* Dux & *Joannes Gradenſis* patriarcha per nuncios apud *Stephanum* pontificem opem ad verſus implorant injuriam. Dedit quam primum Pontifex literas ad *Aquilejenſem* plenas doloris & comminationis, imperat acrioribus verbis, ut ab eo facinore deſiſtat. Similes ad alios *Hiſtrienſes* Episcopos. Nihil autem cum illæ proficerent, *Veneti* coacto concilio decernunt ex *Mauritii* ſententia, ut priuſquam armis vindictam reptant, per legatos iterum agant. Querantur apud *Stephanum* litteras nihil profuiſſe, acriori opus remedio. Duo decreti oratores: Magnus ſacerdos & *Scriniarius*, quem nunc Secretarium vocant, & *Constantinus* tribunus, qui *Romam* una cum *Stephano* Patriarcha proficiſcantur. Eo cum veniſſent priuſquam ad pontificem admittantur, vita deſunctus *Stephanus* eſt, & *Adrianus* patria *Romanus* genere nobili, virtute autem ac morum ſanctitate conſpicuus, in pontificatum ſubrogatur. Admiſſi ad pontificem *Veneti* oratores, & juſſi dicere quam ad rem veniſſent: peractis de more gratulationibus de novo pontificatu, ita cæpit patriarcha. *Eſi neque animus neque vires Beatiſſime pater ſuperum benignitate, ad Aquilejenſis patriarchæ propulſandam injuriam Venetæ genti deſint. Mauritiuſ* tamen dux *Venetique* dum ad honorem pontificium potius quam *Venetum* reſpiciendum putant, arbitratu ſunt filiorum officium priuſquam aliud remedium experiantur: Sedem hanc ſacroſanctam conſulere, quid illis agendum putet. A cujus conſultis imperatiſque diſcedere nullum illis conſilium eſt. *Joannes Aquilejenſis* patriarcha magna elatus ſuperbia ob pallium illi Eccleſiæ *Luitprandi* precibus tranſmiſſum, immemor tanti accepti ab *Romana* Eccleſia beneficii, annum jam integrum ſollicitare non deſiſtit *Iſtrienſes* Episcopos tum minis, tum promiſſis, ut deſerta prodiſtaque *Gradenſi* Eccleſia, cujus ſunt ſuffraganei, tranſeant ad *Aquilejenſem*. Neque id deprimentæ tantum *Gradenſis* Eccleſiæ cauſa moliri ſe dicit, quam ut parem ſe faciat dignitate potentiaque *Romano*. Cujus jam pridem excutere jugum conatur. Aliquos facile in ſententiam pellexit. Nonnullorum in tua fide conſtantium vi aggreſſus, vaſtauit agros, villas diripuit aut combuſſit. Eo quoque inſania prorupit, ut omni contempta Chriſti religione, ad verſus ſanctorum pontificum decreta confundere conſecrationes omnium Eccleſiarum ordinumque non vereatur. Queſti ſumus dum viveret apud *Stephanum* pontificem. Maxime commotus animo eſt, acerbas dedit ad hunc *Joannem* litteras. Quid exiſtimas pater ſancte? Quo ſupercilio, qua ſuperbia recepiſſe credis? Nam legiſſe dicere non poſſum. Nihil reſpondiſſe ſatis certe ſcio, cum aliis de cauſis, tum vero quod a ſuperioribus injuriis plures & majores deinceps addidit contumelias. Diſtitat palam nihil ſibi eſſe negotii cum *Romano* pontifice, habere ſocios Episcopos, quorum auctoritate ſuffultus, nihil ſibi metuat, *Mediolanenſem* credo dicat & *Ravennatem*. Tuum eſt igitur Beatiſſime pater proſpicere *Romanæ* dignitati, & videre an hæc tibi ſit indignitas & contumelia ferenda. Nos diutius ferre niſi te volente atque adeo imperante non poſſumus. Aut nobis noſtræ Eccleſiæ deſerendæ, aut tu probile injuriam qui potes. Quæ ſi noſtro aliquo merito accideret, eſſet fortasſe alicui ſolatio locus. Sed quid unquam a nobis *Aquilejenſi* ſedi injuriæ illatum? Quis primus impetravit ſtabilem in *Grado* ſedem? Nonne *Heliuſ*? Hic vero, quis fuit? Sane *Aquilejenſis* Episcopus priuſquam *Gradenſis*. Laudavit eum hæc ſanctiſſima ſedes. Atque ejus auctoritate non propria *Gradum* tranſlata *Aquilejenſis* Eccleſia eſt. Et ut nomen rem ipſam teſtaretur, novam *Aquilejam* appellari *Gradum* voluere. Hoccine peccatum noſtrum eſt pater ſancte? Ideo ne tranſcendant in noſtra littora, va-

A ſtent omnia diripiantque. Quid dicam quotiens patriarchium invaſerint, quotiens ipſam Eccleſiam? Tandem pacis conciliandæ cauſa, placuit huic ſedi dividere Eccleſias earumque ſuffraganeos, vix ea decreta conſtitutione, Centenariam inſulam *Severus Aquilejenſis* invaſit. Ignosce pater ſancte. Liberalitas bonitaſque *Gregorii* pontificis, qui pallium illud ad *Langobardi* regis gratiam dono miſit, *Venetas* Eccleſias in has impulit calamitates. Satis illi primum erat ſuperbiæ, tranſmiſſum a *Gregorio* pallium ad inſaniam redegit, ut ad hunc uſque diem nunquam ab injuria crudeliſſimæ gentis ſit ceſſatum. Quod ſi ea eſt hominum invidia, ut querantur compluribus jam ſedibus Episcopalibus has inſulas decoratas, obſecro pater ſancte, expulſine ab *Arrhianis* hæreticis miſeri Episcopi, qui ad nos confugerent, ſuſcipine a *Venetis* debuerunt, an vero expelli? Simulant de nobis queri, quorum peccatum nullum eſt, queruntur improbi homines de ſacroſancta hac ſede deque ſuperioribus pontificibus, quorum imperio atque auctoritate, quinque jam ſedes Episcopales barbaros gladios & *Arrhianam* perfidiam fugientes in hæc ſe ſtagna receperunt, quas ſi videas tum cleri frequentia populorumque, tum templis & monaſteriis inſtruſtas ſane retuliſſe gratiam *Romanæ* Eccleſiæ videbuntur. Eas quotidie augeri & excrescere ferre non poſſunt, viam excindendi meditati ſunt, ſi *Gradenſem* dignitatem extinguant. Nam ſi hoc recipis pater ſancte, nimirum cæteræ deſolentur Eccleſiæ neceſſe eſt. Neque id ſatis. Revertantur oportet, inſulæ omnes & oppida in priſtinas paludes, fac enim ut *Aquilejenſi* ſubdantur. Credis ne pater ſancte aliquid magis *Langobardos* principes tentaturos, quam ut tot pulcherrima oppida, tum littorea, tum inſularia deſolentur? Ea igitur omnia ſuſtuleris, ſi *Gradenſem*, quæ caput eſt, dignitate ſpoliaris. Non poſſumus exiſtimare tibi æquum videri. Sane huic ſanctæ ſedi, nec decori fuerit, nec ornammento, ut nulla unquam hæreſi Eccleſiæ pollutæ, nullo ſchiſmate contaminatæ, pontificum dicto ſemper parentes, pro gratia meritoque excidium a barbara gente permittente ac volente pontifice pariantur. Quod ſi forte in hujus ſanctæ ſedis honorem, aut commodum, libet deſtruere quæ condidiſtis, impera ut libet. Durum erit fateor, & morte pejus. Sed extingue *Gradenſe* nomen, demolire Eccleſiam meam quæ perquam magnifica ſurrexit. Dirue oppidum a fundamentis, vacuumque littus in arenam verte. Feremus omnia. Tu pater es. Tu Chriſti vicarius. Non minus imperata faciemus in deſerendo quæ condidimus, quam cum ob profanata iſtorum dogmata ab eorum conſuetudine, hac imperante ſede diſceſſimus. Noſtris omnia peccatis attribuemus. Si hæc placent, fac tu. Non illi faciant. Non ſibi arrogant quod tuum unius eſt. Sin magis ut ſperamus ſemel ſtatutas, & in optimam frugem eveſtas Eccleſias conſervare libet. Noli Beatiſſime pater tantum *Aquilejenſi* tribuere, ut deſtruere poſſit quod tua Beatiſſimo ſuſtinere non valeat. Potes tu quidem ſancte pater facere quod vis, illite nolente non poſſunt. Honorem ſummi Dei a Chriſto tibi creditum, neſandæ genti profanandum ne prodideris. Hæc pro me dicta velim, proque tot cleriſ & Eccleſiis tibi deditiſſimis. Ceterum ut omnia tibi pater ſancte ſint nota, nihil eſt illis hac\*, Jure tam acerbum moleſtum-  
que, quam quod intelligunt, niſi conſeſtim ſuccurratur, & ad priora conventa, ut ſuo quæque jure Eccleſia contenta ſit, redigantur, difficile fore ne populi ad arma bellumque concurrant. Id minime omnium devotiſſimæ tibi Eccleſiæ volunt, quin prius quam id accadat, omnia in ſe ſuaque ſupplicia depoſcunt. Tribunus deinde *Mauritii* ducis nomine, pauca quædam in eandem ſententiam & præcipue extremæ partis addit. Commotus eſt *Adrianus* eorum oratione haud mediocriter, dolere ſe dixit

B. *Juſtinianus*. I eo-

\* Forte.  
Hac in re.



eorum vexationibus, & ipsorum vices miserari, neque relicturum communi humani generis inimico occasionem, ferrum & arma capiendi, dat continuo operam ut acres scribantur litteræ, quæ imperent tam *Aquilejensi*, quam *Histriensibus* Episcopis, ut ad sacrosancta Romanæ Ecclesiæ decreta redeant, nec consecrare audeant aliena in Ecclesia, præter patrum instituta sub æternæ damnationis comminatione. Quod si facere ne-

gligant, acrioribus statim pænis eorum perfidiam persequuturum. Irrita omnino non fuere mandata. Cæterum plus instantis periculi metus, quam verba profuere. Neque enim prius illi opere executi, quam post *Caroli* adventum in *Italiam*, deletumque *Langobardum* nomen. Adeo metus sæpius quam honestas, redigit homines ad officium.

## LIBER DUODECIMUS.

**D**um ad *Caroli* magni tempora majoresque ab ea gente difficultates propius accedimus plura nobis scribenda sese offerunt memoratu digna. Nam & maximi regis in *Italiam* adventus & finis *Langobardici* regni & *Romanæ* Ecclesiæ principatus admodum auctus, & *Romani* imperii sive divisio, sive ut nonnulli volunt translatio. Magna sunt omnia, neque a nobis prætereunda, præsertim quia prius aliquot per annos maximis est periculis laboratum, deinde conversa, ut sæpe solet fortuna ex *Francorum* imperio *Venetiam* urbem maxime nobilitatam multis in bellis accepimus. Breviter tamen omnia transigemus. Quod si nonnulla forte diversitas reperietur annorum Pontificum Imperatorumque, præfari nunc etiam libet probabiliora secuturos, defuncto apud *Langobardos Astulpho* Rege, & *Stephano* Pontifice in humanis adhuc agente, *Langobardi* duces fere omnes in *Rachisum* bellica virtute præstantem consentiebant. Quem *Rachisum Astulphus* frater ut supradiximus suadente *Zacharia* pontifice regno fraudarat, inde plus indignatione quam voto monasticam arripuerat vitam. Tenebat autem ea tempestate *Desiderius Histrie* dux *Hethrurie* quoque præfecturam, & copiis satis validis erat succinctus, regnum igitur occupare adortus, nunciis ad *Stephanum*, qui tunc pontificatum maximum tenebat, dimissis, precibus, blandisque pollicitationibus postulat ut ad regnum suscipiendum pontificias illi opes subministret, quum id rescisset *Rachisus Desiderii* olim inimicus, elatus ab amicis ad regnum recipiendum, quod bis jam sibi deberetur, egressus monasterium copias *Langobardorum*, quæ fere omnes præter *Heiruscus* in eum respiciebant, quam maximas potest cogit. Eo metu perterritus *Desiderius*, ne impar viribus cum *Rachisio* congregiatur, fædus cum *Stephano* componit, pollicitus se restitutum quicquid Ecclesiæ a *Langobardis* fuisset ereptum, adjunctis tum quibus potest blanditiis, tum diris etiam execrationibus si fidem fallat. Fuit enim *Desiderius* ingenio ad fallendum percommodo, vel minis ubi opus esset, vel blanditiis. Nulla homini fides, nulla religio, perinde habere, pactum fallere, ac servare. Gloriæ non tam cupidus quam potentiæ. Militariibus quidem artibus satis instructus, ut tamen in obeundis periculis animo potius interdum destitueretur, quam ipsi superesset audacia. *Stephanus* magnis delinitus pollicitationibus fædere cum *Desiderio* inito nuncios ad *Rachisum* mittit, admonet, *Desiderium* a se Regem appellatum, proinde armis abstinere, caveatque omnipotentis Dei iram, qui votum religionis quod solenne semel emisisset ementiatur. Meminerit præterea sibi rem futuram non cum *Desiderio* solum, sed cum *Romanis* & *Francis*, quorum auxilia non sint *Desiderio* defutura. Assensere tandem pontifici *Rachisus* & *Langobardi*. *Desiderius* *Ferrariam*, *Faventiamque* Ecclesiæ continuo restituit. Cæte-

**B**ra bonis datis verbis differt. Sub idem fere tempus *Stephano* defuncto moritur *Pipinus* apud *Gallias*. Ejus audita morte, *Desiderius*, cui semper *Gallorum* potentia fuerat suspecta, quasi eo freno liberatus ad ingenium redire, ludosque *Romanis* & pontifici dare cæpit, ut non solum ablata non restitueret, sed etiam alia confectis dolis surriperet. Interea *Stephanus* peropportune humanis decedit. Subrogatur in ejus locum totius cleri populique consensu is quem supradiximus *Adrianus*, cui præter cæteras virtutes insignis erat animi magnitudo. At vero *Desiderius* accepta tanti viri in pontificem electione (Quippe tyrannidi semper invisa virtus est) ut erat in utrunque animi habitum, & minandi & demulcendi semper paratus, occupare hominis benevolentiam statuit. Itaque postulat per legatos fædera instaurari, quæ sibi cum aliis essent pontificibus. Paratum se esse respondit *Adrianus*, si *Desiderius* ea restituat, quæ per eadem, quæ instaurari exposculabat, fædera a se vel a superioribus pontificibus erepta restituat. Alioquin *Adrianum* novis non indigere fæderibus, posteaquam veterata facile antiquarentur. *Desiderius* autem cum illi nihil verba proficerent, minis in pontificem agere constituit. Arma undique movet, omnia miscet, nunciis litterisque per *Italiam* dimissis magna se moliri demonstrat. Neque tamen non etiam re comprobatur. Nam *Exarchatus* & *Ravennatum* fines ingressus, omnia diripere ac vastare cæpit. *Ravennates* sublato jam *Exarchatu*, qui per quinque supra centum & *LXX.* annos a *Narfetis* morte incolumi dignitate steterat opem per legatos a pontifice implorant. Monet pontifex *Desiderium*, ut desistat ab incæpto, nec fædera vix adhuc mandata litteris infringat. Respondet *Desiderius* arrogantius longe quam antea, *Veniat inquit ad me Adrianus, & doceat ipse quid velit, justa impetrabit si videbuntur.* Eadem bis per oratores, & acta & relata, ut nunquam tamen destitit quascunque valuit Ecclesiæ civitates sollicitare affiscereque in suas partes. Omnia *Adrianus* ad *Carolum Magnum* aut per nuntios, aut per legatos defert. In eum spes omnes suas conjicit. Sed qui difficile rem ad arma converti vellet, tentare decrevit humana divinaque omnia priusquam externas in *Italiam* advocet nationes. Abbatem mittit sanctæ *Sabinæ* ad *Desiderium*, & viginti præterea monachos pullata veste, atque horrenda specie, cum humanis, tum divinis obtestationibus, qui moneant abstinere ab injuria, ablata repetant. Contemnit eos ut erat impotens animi: *Gladiis inquit gerenda res, & breviori veste, non larvis istis & personatis hominibus.* Respondet per legatos pontifici nisi quam primum ad eum veniat, castra ad urbem moturum. Pontifex nihil ob id territus claudi portas urbis imperat, mænia refici ac muniri. *Carolo* singula per litteras denunciat, totumque populum quotidie habet in orationibus supplicationibusque. At vero cum videret *Desiderius* sibi rem esse cum eo, qui



qui minas nihil extimesceret, nec jam dubitaret *Adrianum* se ad *Carolum* recepturum (Sic enim increbruerat) occupare *Carolum* per nuncios flatuit. Itaque longe secus ac se habeant de rebus *Italicis* certior facit. *Adrianum* accusat pertinaciae superbiaeque, per eum stare quominus res ad pacem componatur. Nec alium se iudicem quam *Carolum* optare. Cum autem videret *Desiderius* nullam verbis haberi fidem, alia avertere *Carolum* via aggreditur, ab ope pontifici ferenda. Conventum *Papiae* indicit principum *Langobardorum*, simulat se quasi festum huiusmodi laboribus & paenitentia ductum decrevisse in gratiam redire cum *Adriano*. Teneri quoque jam pridem *Desiderium* visendi sacra limina Apostolorum. Itaque *Romam* proficisci instituisse, deque omnibus *Italiae* rebus cum *Adriano* colloqui, non dubitare facile conventuros, ducere quoque secum instituit *Aldigisum* filium & *Carlomani* liberos una cum *Berta* matre quasi ad pontificem adorandum. Undique praeterea nuncios cum litteris dimittit, rem sibi cum pontifice convenisse, ut ejusce rei rumor in *Gallias* quam primum ad *Carolum* perferatur. Iis igitur compositis rebus priusquam ingrediatur iter Legatos mittit ad *Adrianum* duos ex *Langobardis* principibus, qui moneant de *Desiderii* adventu, decrevisse Regem in gratiam cum eo redire paratum facere quaecunque velit facile rem conventuram, neque tot legationibus indigere. Et praeterea ex longo tempore votum sibi esse visere Apostolorum limina, utrique officio una profectione satisfacturum. Iis igitur peractis compositisque rebus iter ingreditur maxima pompa, ut latius fama diffundatur. Ea valebat plurimum, non tantum ad *Carolum* remorandum, sed ad confirmandos etiam in fide socios. At vero *Adrianus* nunciato apparatu regio, & paulo post intellecta legatione nihil dubius quam ad rem haec omnia composuisset, diffipare illius insidias forti animo instituit. Imperat quam primum tris episcopos *Albanensem*, *Prænestinum* *Tiburatinum*que ire obviam *Desiderio* ac protestari ne *Romani* Ducatus fines ingredi audeat, alioquin diras omnes execrationes & anathemata denuncient. Obstupuit *Desiderius* ad huiusmodi nuncium, suspensus aliquandiu quid ageret. Tandem ut exultationem inter suos retineat, multa pontifici minatus, nec ultra progredi ausus, *Papiam* cum omni comitatu regressus est. Quum autem male sibi fraudem cessisse animadverteret, neque jam dubium videret fore, ut irritatus ea re *Carolus* suppetias pontifici longe promptius afferret, statuit se ad bellum sustinendum parare, cætera omittere. *Adrianus* autem nihilo segnior senatum cogere instituit, deque his rebus consultare. Quum convenissent, quanquam fere omnis clerus *Romanique* palam *Carolum* vocarent, solum eum dicerent, qui ferocem retundere tyranni animum possit, in eo uno spem ponendam, sententias de more exquirere, cohortari tamen & ad bonam spem afflictum Senatum erigere, non spernendum duxit: Deum praefatus superosque omnes ita cepit. Quonam peccato nostro fieri dicam fratres in christo carissimi, ut ducentis fere jam annis ab hac nefaria gente laboret Ecclesia, vexetur & laceretur Italia? quam immerito Deum iudicem appello. Quid enim unquam a nobis injuriæ huic genti illatum? Sed omittamus superiores Reges illos, quorum superbiam crudelitatemque sensere miseri Itali. Tamen ut a patribus nostris accepimus nonnulla interdum dabatur quies. Quod autem hoc genus hominum an ferarum dixerim? Quales inquam fuere ambo hi proximi, quos jam annos. xxx. patimur, *Astulphus* & *Desiderius*? Quis eorum ingratitudinem perfidiamque satis digne queri

A possit? *Astulphus* a *Gregorio* regnum adeptus est. Ab eodem *Gregorio* *Stephano*que *Desiderius*. Ambo quaecunque voluere fœdera, quascunque dixerunt pacis conditiones, obtinere, & tamen tantorum immemores beneficiorum, fœdera icta in annos. xxx. vix quarto elapso mense violavere. Neque solum ulla facta restitutio, ut solenni stipulatione sancitum erat, sed aliæ quoque super alias civitates Ecclesie surreptæ: hæc a perfidis hominibus gratia pro beneficio pontificibus reddita. Illud profecto est. Hæc mala patimur fratres quemadmodum *Apostolus* ait, ut probatio fidei nostræ pretiosior auro sit & argento, quod per ignem probatur. Emolliendum quispiam fortasse dicat animum hominis si fieri potest. Prudens sane consilium. Sed quotiens id sumus experti? Quotiens pactis etiam iniquioribus? Sævior sit & truculentior, tametsi nulla illi fides est, nulla religio. Si promissis stamus decipimur, si quod postulat negamus, armis agunt. Quo autem statu ecclesia sit, quis non advertat? Avertit omnem *Exarchatum*, magnam *Romani* partem ducatus per vim obtinet. *Italicæ* omnes copiae *Langobarda* sequuntur signa. O miseram & Ecclesie & *Italicæ* conditionem. Servitutem nostram homo superbissimus meditatur. Quid enim aliud sibi vult, quum jubet ut ad eum accedamus? Æqua si petierimus impetraturi. Ergo *Desideri* tu mihi iudex eris? Iudicem non habet Ecclesia regina gentium, nisi eum cui assistit in vestitu deaurato. Num ergo summi Dei maximus pontifex huic portento serviet? Mori me fratres malim quam eum diem videre. Quum omnis senatus idem se malle repetisset, resumpsit pontifex: Bono sitis animo fratres. Vocem hanc vestram pietate plenam dominus non contemnet. Illud me in hac rerum difficultate magnopere consolatur, quod habet Ecclesia firmam potensque præsidium *Carolorum* regum, quorum bis jam periculum fecimus. Superavimus aliquando in orientis auxiliis, nunc autem quid dicam? Ignoscite fratres, invidia labefactat omnia. Torquentur animo eos qui jam centum fere annis adversus omnem barbariem decertant crescere in nomen & amplitudinem. Quis autem dubitet divino factum consilio, ut hæc *Carolorum* familia pro Ecclesie salute ad hanc potentie gloriam evecta sit? Reliquum igitur illud est, ut ibi sint auxilia querenda, ubi & potentissima sunt, & causæ nostræ fidissima. An non hostis ipse noster idem iudicavit? Qui quotidie tum legatis, tum muneribus fatigare ac precibus *Carolus* non desistit. Horret *Caroli* nomen, non aliter quam *Leonem* vulpes. At videte hominis sive levitatem sive pertinaciam. Frustratus cæteris quos expertus est dolis, illam (ut nostis) his diebus fraudem confinxit, ut simularet se nobiscum convenisse, iter ad nos ingressus est maxima pompa ut fama ad *Carolum* perferretur. Advolabit ejus malo citius fortasse quam vellet. Statim siquidem *Carolus* admonuimus, quid nos in illius repulsam & ignominiam fecissemus. Quid igitur conari miser potuit, aut *Carolo* acerbius, quam nepotes secum deducere, aut ad rem nostram optabilius quam quo esset in *Carolus* animo apertius ostenderet. Incidit infelix in foveam quam fecit, ut convertatur dolor in caput ejus & in verticem ipsius iniquitas ejus descendat. Testor dominum nostrum, superosque omnes, invitum accersere externas in *Italiam* nationes sed quid obsecro aliud consilii restat afflictis rebus? Adactos ad extrema omnia quoque extrema decet experiri, potius quam perire. Venenum interdum veneno pellas oportet. Ita tollendum quando aliter non potest malo breviori bellum sempiternum. Quanquam hæc *Carolorum* familia inter externos censenda non est, qui neque ab hujus sedis traditionibus unquam descivit, nec eam deseruit summis in laboribus constitutam. Non enim ille minus censendus est civis qui virtute & sanguine, quam qui origine civitatem me-



ruit. Ad primum Martelli nuncium Luitprandus signa ab urbe retulit. Utinam sic iste faciat. Quoniam autem hæc nobis spes non est, alterum Pipinum experiatur oportet. Non ita ut spero Langobardus iste verba ludosque dabit Carolo, quales Asculphus Pipino dedit. Habeo multis nunciis exploratum illius animum. Itaque bene iuvante Deo decernite legationem ad eum cujus paternæ & avitæ virtutes undique jam per totum orbem celebrantur. Magistratus quæ curanda sunt curent, & præsertim murorum portarumque custodias. Nos nec privatim nec publice officio deerimus, ut sanguine etiam publicam salutem si opus sit pristinum in gradum restitueamus. Legati pontificis maximo honore a Carolo suscepti. Quæ vero de Langobardis regi ad urbem simulata profectioe retulerunt commovere mirifice Carolum, & præcipue de Berta filiorumque comitatu. Itaque non amplius verbis agendum ratus, mittere duos ipse oratores ad pontificem deinde ad Desiderium instituit, qui referant nisi quam primum Langobardus pontifici satisfaciat, mox iter Alpium ingressurum. Adrianus autem qui Desiderii ingenium egregie calleret, veritus ne verba iterum utrisque daret, duos ex suis cum Gallicis ire imperat. Et si quid Desiderius cavilletur respondeant. Gallici vero utrumque audire, & nosse diligentius omnia possint. Quidque de utriusque iustitia audiverint ad Carolum referre, ne novo ullo impedimento profectioem Caroli remorentur. Nihilo mollior huiusmodi legatione Langobardus est factus. Legati pontificii cum Gallicis ad Carolum reversi, eos quum audisset, mihi, Carolus inquit, tu quoque ludos? nil morandum ratus, castra movere statuit, & Italiam versus tendere. Fuit hic princeps tam pacis quam belli virtutibus excellens. Nam religione ac pietate in Deum, bonitate, iustitia, munificentia in omnes, magnificentia quoque operum superiorum omnium gloriam aut superavit, aut æquavit. In bellis autem administrandis difficile dicas utrum fortior, an faciliior extiterit. Res ab eo gestæ optime declarant. Nemo unus unquam tantum in Europa terrarum gentium nationumque subegit. Galliis, Hispaniis, Germanis, Polonis, Sarmatis, Pannoniis, Illyriis, Sclavis dominatus est, Italiae vero parti & majori & opulentiori. Amavit præterea litteras ipse non indoctus. Doctos autem viros summo pretio habuit. Conventum doctorum hominum apud Lutetiam Parisiorum instituit, quanto cum beneficio sacrarum litterarum, non est opus commemorare. Qui quidem conventus per tot sæcula, non solum nunquam a vera aberravit fide, sed plagam omnem illam occidui climatis firmam in fide præstitit, & inconcussam. Musica tam vocis quam soni inter occupationes delectatus est. Abduxit secum in Gallias quos maxime præstare in utroque genere intellexit. Illud in ea regum stirpe fuit insigne naturæ donum. Raro enim summa virtus parem atque ejusdem gradus virtutem demittit in liberos, rarius in nepotes, rarissime in pronepotes. In hac autem stirpe per hos gradus quatuor parentes omni virtute excellentes a filiis sunt superati. Interea Desiderius de Caroli adventu certior factus urbem Papiam validissimis obsepit munimentis. Alpium tramites aut castellis obstruit, aut succis arboribus, eos maxime quacunque Carolum iter facturum esset verisimile, ipse saltus Taurinos & Cæsaream Augustam omnibus Langobardorum copiis infedit. Castra locat opportuno loco, ut sive per Cinisum, sive per Jovis saltum hostis transcendat, paratus occurrat, transitumque prohibeat. Carolus vero qui omnia experiri mallet, quam armis agere, posteaquam montem Cinisum

A conscendit semel iterumque per nuncios Langobardum tentat, an possit pecunia pontificem & Ecclesiam ab hoc labore redimere. Quum vero repetitæ sæpius preces obstinatorem redderent quam molliorem, frustratus omni spe, Descendamus inquit ex hoc vertice, & hominem hunc male sanum, nec Deum nec homines metuentem flagello ad sanitatem adigamus. Itaque per avia inviaque (quid enim est obitruum potentiori?) superatis quibuscunque castellis & tramitibus multorum cæde facta deturbare custodias, & dissipare munimenta cepit. Perterrefactus audita re, nec tamen credita, Desiderius, quum respicerent sui omnes ad fugam, omittit consilium occurrendi Carolo & acie decernendi. Ad spem illam se vertit, ut eum distineat quam potest diutius Papiensi obsidione. Ad quam urbem obsidendam profecturum Carolum non dubitabat. Nam fore existimabat ut majoribus regni sui rebus implicitus in Italia diutius morari non posset. Itaque jam antea urbem quibuscunque potuerat ad diuturnam obsidionem sustinendam necessariis instruxerat, eam ingressus est cum flore roboris Langobardi. Carolus transmissis Alpibus & cognito Desiderii consilio quum expugnationem munitissimæ urbis haud quaquam facilem videret, obsidionem vero diuturnam fore, dimittit copiarum partem ad urbes alias Langobardi nominis recipiendas. Veronam præcipue in qua Desiderius liberos & uxorem cum pretiosissimis quibusque deposuerat. Romam ipse ad pontificem profectus maximis honoribus susceptus est. Concursum totius Romani populi ad Basilicam Beatissimi Petri factus. Quo quidem loco uterque populus Romanus videlicet & Gallicus perpetuum inter se foedus amicitiamque solenni jurejurando sanxerunt. Ea intellecta re plerique Langobardi duces publica illis data a pontifice fide ad urbem venere, barbam & capillum totondere, quo prolixiore utebantur, seseque Beatissimo Petro pontificique maximo permiscere. Carolus ibi aliquot moratus dies multisque una cum Adriano compositis rebus post sextum obsidionis mensem ad urgendam gravius Papiam revertitur. Evocatis auxiliis machinisque undique advehi iussis ad urbis expugnationem necessariis, tentare eam primum instituit a fluminis parte, quæ esset infirmior. Ad quam rem conficiendam quum navibus indigeret, cognoscit Venetos eos esse apud quos omnium navium sit copia, posse inde eum quotquot velit, & cujuscunque generis, affatim urgenti necessitati providere. Quoniam autem intelligeret gentem esse imperii studiosam, ut faciliores ad concedendum reddat, postulat a pontifice nuncium, qui una cum suo ad Venetos proficiscatur. Eo ambo quum venissent, & quid vellent exposuissent. Addidit Gallicus audisse Carolum multa de Veneta gente, eam esse in Galliis ad oram oceani positam. Genus idem hominum & nomine & disciplina navali, habuisse semper inter carissimos. Itaque orare ne graventur obsequi ea in re, cujus gratiam non esset oblivioni traditurus. Dux Mauritius utrisque nunciis honorifice ac liberaliter acceptis, concilio de more coacto ad tribunos rem defert. Diu variis disceptationibus consultatum. Quibusdam enim gratificari maximo & præpotenti Regi quemque jam fama increbresceret Imperatorem fore, e republica videbatur præter summi quoque pontificis desiderium, cui omnia sese debere existimarent. Alii vero metuere ne Constantinus Imperator gravi & iniquo animo rem eam acciperet, quem non erat dubium moleste laturum augeri Francorum in Italia potentiam. Desiderii quoque Regis erga se studium multis in rebus perspectum memorabatur, præcipue vero in Heracleum



sum finibus, quos a *Luitprando Venetis* donatos amplissimo privilegio *Desiderius* confirmarat. Vicit tamen sententia præsentis ut solet rerum fortunæ. Itaque naves quinque supra viginti contactas adversus missilia ex alto cadentia optime tam remigibus quam militibus instructas *Papiam* ad *Carolus* transmissere. Quæ omnia cum *Desiderius* intelligeret, nec jam posse & a terra & a flumine oppugnationem sustineri diutius, desperatis rebus *Carolo* sese, urbemque supplex permisit. Per hunc maxime modum *Langobardorum* regnum quod viginti supra. cc. annos *Italiam* obtinuerat, finem habuit. Addunt rerum scriptores, alias quoque terrarum civitatumque donationes Ecclesiæ a *Carolo* factas in *Hethruria*, *Umbria* &c.

Referunt autem nonnulli non tam factam quam confirmatam Ecclesiæ a *Carolo Pipini* donationem, & multarum præterea civitatum. Quæ quidem sententia mihi non probatur, nisi forte scriptis appareat certioribus confirmata. Sed *Caroli* potius donum arbitror extitisse, ut supra docuimus. Nam totius *Langobardi* confecti belli gloria, earumque civitatum receptio, longe magis ad *Carolus* pertinuit, quam ad *Pipinum*. Visum est autem pontifici *Carolo*que *Langobardam* gentem non omnino delere, quæ jam confusione commixti sanguinis cum *Italo* per affinitates tot sæculorum, una eademque gens videri poterat. Veste quoque & lingua magna ex parte non dissimiles. Imperium illi & magistratus adimere satis est visum, præterquam nonnullis in *Lombardia* locis, a quibus minus esset periculi, permisum autem *Lombardiæ* nomen civitatibus, quas *Apenninum* inter & *Alpes* obtinuerant. *Ravennam* vero *Exarchatum* olim *Flaminiam* deinceps *Romandiolam* appellari placuit. *Carolus Pipinum* filium in *Italia* relinquit, ad persequendas belli reliquias si quæ restarent, ipse vero his tantis summa cum felicitate confectis rebus ingenti parta gloria in *Franciam* revertitur secum abducto quasi in triumphi speciem Rege *Langobardo*. Rediturus sic statuente Deo iterum haud magno temporis intervallo in *Italiam* ad maiorem gloriam repetendam. Non sum nescius scriptum aliquos reliquias transfretasse *Carolus* in orientem ad sancta veneranda ac recuperanda loca. Seriem deinde longam narrant rerum feliciter illis in provinciis gestarum plurimasque secum retulisse dono sibi datas a *Constantino* reliquias, eam ego historiam non ausim improbare, nec probare quidem. Sane non video *Carolo* tunc in *Italia* fuisse, quum ad infesta omnia proficisceretur, copiam navigiorum, quibus exercitum transmitteret dignum *Carolo*, præsertim cum imperatores ægerrime ferrent *Gallicam* potentiam in immensum augeri. Qui si reversus in *Galliam* eam expeditionem desumpsit, scribendum etiam fuit unde navigationem sumpserit, quibus classibus copiisque transmissit præsertim ad expeditionem tam longinquam & gloriosam. Et præterea *Eginardus* illius regis non familiaris solum, sed etiam contubernalis, qui *Caroli* vitam eleganti stylo, ut illa sæcula ferebant, descripsit, inter alias ejus principis Barbaricas expeditiones, profecto hanc tam insignem & gloriosam omittere non debuit. Illorum ego sententiam magis sequar, qui hanc omnem partem narrationis omittendam duxerunt. Tradunt præterea plerique eorum temporum scriptores *Adrianum* pontificem habito concilio centum quinquaginta trium episcoporum *Carolo* contulisse jus eligendi pontificem, & investituras conferendi. Aliquibus non placet & cur non placeat admiror, cum hoc idem in sanctorum patrum decretis habeatur. Nam *Di-*

*stinctione* LXIII. cap. II. ita legitur. *Adrianus* papa *Romam* venire *Carolus* regem ad defendendas res Ecclesiæ postulavit. *Carolus* vero *Romam* veniens *Papiam* obsedit. Ibi relictis exercitu in sancta resurrectione ab *Adriano* papa *Romæ* honorifice susceptus est. Post tantam resurrectionem reversus *Papiam* cepit *Desiderium* Regem, deinde *Romam* reversus constituit sibi Synodum cum *Adriano* papa in patriarchatu *Lateranensi* in Ecclesia sancti *Salvatoris*. Quæ Synodus celebrata est a centum quinquaginta tribus Episcopis religiosi & Abbatibus. *Adrianus* autem papa cum universa Synodo tradiderunt *Carolo* jus & potestatem eligendi pontificem & ordinandi Apostolicam sedem. Dignitatem quoque patriciatu ei concesserunt. Insuper Archiepiscopos & Episcopos per singulas provincias ab eo investituram accipere diffinivit, ut nisi a Rege laudetur, & investitur Episcopus a nemine consecratur. Et quicumque contra hoc decretum ageret anathematis vinculo eum innodavit, & nisi resipisceret bona ejus publicari præcepit. Idem & *Leo* & *Gregorius*. Sequentibus deinde in capitulis habetur *Lodovicum Caroli* filium *Paschali* pontifici, superius privilegium renuntiasse, ut duplici testimonio veritas illa innixa sit. Cæterum consideranti mihi calamitates & vulnera *Italiæ* inflicta per *Langobardos*, credo ego illud posse non inter minora numerari. Qui maxima tunc addita facultas est *Saracenis* non terra tantum, sed mari quoque majores augendi vires. Quibus deinde sæpius & *Neapolim* & urbem *Romam* & totum pene inferum superumque mare depopulati sunt. Ut aliquando in ultimum *Adriatici* maris sinum illapsi & *Gradum* & *Caprulas Veneta* oppida diripuerint. Superioribus sæculis *Italia* mari undique imperitans. Et præterea quæcunque gentes *Italiam* tenuerunt ad *Langobardos* usque non minori semper cura maritimas excoluere vires quam terrestres. *Gothi* siquidem & præsertim *Theodoricus* & *Totila* ingentes tenuere Classes in utroque mari. *Langobardi* vero nullam gessere omnino maris majorem curam. Tractum *Italiæ* præcipue tenebant inter *Padum* & *Alpes*, gloriati cum esse *Italiæ* paradisum. Ob eamque rationem exhausta viribus *Italia* propter nunquam intermissa cum *Langobardis* bella, si quando classibus egeret imperium non erat *Italiæ* unde tribueret. Dum autem hæc *Romæ* geruntur *Rivaltus* que quotidie & frequentia & opibus increfcit, & jam propius instarent tempora, quibus non Episcopali solum, sed ducali etiam dignitate extolatur. Cæpere *Rivaltini* ferre indignius quinque insulas populo frequentissimas, quum antiquitate nulli oppidorum cederent, Antistite ad eum diem caruisse. Annuit benigne *Mauritius*. Concilioque *Venetorum* super ea re habito decretum, agere apud *Adrianum*, ut novus detur *Rivalto* circumjacentibusque insulis Episcopus, benigne ab *Adriano* impetratum. Coacta igitur Synodo totius Cleri populique assistentibus duce & patriarcha primus creatur episcopus *Obeliatius Eneagrii* tribuni *Metamauceni* filius, constituitur autem Episcopalis sedes in insula *Castellana*, quæ ut antea diximus *Olivulus* appellabatur. Unde & Episcopo *Castellano* semper nomen mansit. *Ursus Particiacus*, qui eum Episcopatum tertio tenuit loco, Ecclesiam erexit, quæ nunc extat dignam civitate & Episcopo. Eam Beatissimo *Petro* Apostolo dicavit. Ibi perseveravit donec ætate nostra *Nicolaus Quintus* pontifex maximus patriarchali titulo auxit. Transtulit enim *Gradenfis* Ecclesiæ dignitatem in hanc *Venetiarum* urbem suppresso utroque titulo & *Gradenfi*, & *Castellano*. Primum *Venetiarum* patriarcham creavit *Laurentium*



*zium Justinianum*, qui vivens moriensque multis claruit miraculis. Translatio facta anno Domini millesimo quadringentesimo quinquagesimo primo, Octavo Idus octobris. *Mauritius* interea ob ingentes præclarasque virtutes nomine quoque factus illustrior, undecimo sui ducatus anno, consulatus honore ab imperatore decoratur. Dum autem tranquilla in pace principatum administrat, ob eamque rem carus est omnibus, rem impetrat a *Venetis* male tunc intellectam, turbulentum daturam posteris *Venetis* exemplum. *Joannem* siquidem filium consortem sibi in ducatu cooptat. Septem per annos cum filio ducatum tenuit. Tercio & vigesimo ducatus anno vita decedit. Reliquit magnum sui desiderium ob bene gestum principatum. *Joannes* deinde filius solus ducatum administrat, moribus & vita longe patri dissimilis. Nam quas *Mauritius* pater discordias civiles e medio sustulerat, eas in integrum filius pravitae ingenii restituere annixus est: *Heracliensium* maxime & *Equilano*, qui de finibus longas habuissent ante controversias. Impetravit ipse quoque utriusque malo tam filii quam patris, ut *Mauritium* filium exemplo paterno ducatus consortem sibi populus arrogaret. Suffragatum adolescenti, *Mauritii* avi nomen & ducatus memoria benegeſti, neque non illud etiam accessit ad favorem, qui cupiebant filii facere periculum, si forte patris temperaret crudelitatem. Visus est tamen quum primum juvenis ingenium pertractari, & agendis rebus diversari cæpit patri quam avo longe similior, ut jam *Venetos* poeniteret facilitatis, quam viginti ante annis erga *Mauritium* avum præstitissent. Primum his ducibus operum fuit, ut mortuo *Obelato* Episcopo *Olivolensi*, *Christophorus* gente *Græcus* annum natus duo de vigesimum in ejus sufficeretur locum. Id vero maxima cum indignatione populus omnis accepit & jam quotidie simile aliquid patrare, tyrannumque potius quam ducem sese gerere, Virgines violare, nobilioribus feminis injuriam facere, rapere, crimina confingere. Deinde accepta pecunia remittere, nullum omittere aut avaritiæ, aut crudelitatis exemplum, superstes erat adhuc, *Gradensem*que tenebat sedem *Joannes*, quem supra docuimus *Romam* ad *Adrianum* Pontificem profectum. Is vir sanctus & justus, grandis jam ætate ab omnibus *Venetis* miro tum amore, tum veneratione colebatur. Quum igitur audiret ducum istorum flagitia, rapinas crudelitatesque, non poterat non animo moveri. Admonebat nunc patrem, nunc filium, ut aliquanto mitius temperatiusque se haberent erga fidissimos sibi populos. Amore & gratia ducendos esse, non vi & injuriis. Memorabat illis *Mauritium* patrem avumque facilitate, justitia, liberalitate, iis moribus facile quicquid voluerit, impetravisse. Hæc quum semel aut bis paterno affectu pro officio commonefaceret, ira tum pater, tum filius commoti sunt. Nihil enim homini flagitioso acerbius commonefactione punitur, & incrudescit conscientia repræsentatione scelerum. Et quod sanctus vir illis in salutem firmitatemque ducatus memorabat, id depravata ingenia in suam perniciem pervertere. Hem quantum petulans hic senex sibi arrogat. Statim occupare eum per insidias tendunt. *Mauritius* filius sic imperante patre causa dissimulata aliquot instructis navibus, *Gradam* proficiscitur. Pontifex ignarus insidiarum quum honorifice excepiſſet Ducem ab ejus satellitibus comprehensus & de summa turri præceps dejectus est, cum exprobratione, *disce putide senex in duces dominosque tuos deinceps non oblatrare. Documento eris cæteris tui similibus ut de moribus ad vulgus lo-*

*quantur, Principes omittant.* Noluit optimus Deus martyrem suum merito honore fraudare. Cruor ubi cecidit subjectum marmor maculis infecit. Quæ per multa deinde sæcula in tanti sceleris testimonium sese visendas venerandasque præbuerunt. Ea res mirum in modum omnium *Venetorum* turbavit animos, adeo ut nisi commonefacti duces ab amicis & familiaribus, supplici & demissa oratione apud quoscunque poterant facinus purgassent, aut igni, aut ferro piaculum tanti sceleris persolvissent. Solatio turbatis mentibus illud fuit, qui fortunatus ejus sancti nepos in demortui locum omnium oppidorum ac totius cleri consensu suffectus est. Quasi restituerent in propinquo dignitatem, quam innocenti patruo duces eripuissent. Perfecta est hoc tempore ædes sancti *Moyſi* prophetæ *Archizeſorum Scoparium*que facultatibus, ut ab eis testamento fuerat constitutum. Nam hæc familiæ tunc erant extinctæ, prædiis præterea dotata magnis, inter quæ vinea fuit adjacens Ecclesiæ, ubi magna deinde ædificia constructa, magnæque ædium moles nunc visuntur. Hac tempeſtate æſtuaria præter modum intumescere. Tum continuatis per multos dies imbris ex quis cadentia desuper flumina, ripas omnes & aggeres superaverunt. Tum vero irrumpentibus a Noto vento maritimis fluctibus descensum fluminum morantibus, ut omnes insulas & altiora quæque loca duobus ferme pedibus altior unda pervaderet. Timuerint omnes eo diluvio pelli *Venetis*. Nobile redditur hac tempeſtate apud *Brondulum* in *Venetis* divino Archangeli monitu Beati *Michaelis* monasterium. Siquidem ut constanti fama multorumque litteris apud finitimos celebratum est. *Sergius Senogalliæ* princeps dum lepræ morbo correptus undique remedia conquiret, nec ulla invenit. Admonetur in somnis per visum ab Archangelo, ut si amor illum salutis tenet, adeat Monasterium suo nomini dicatum, apud *Brondulum* situm, cujus honor præter cætera sibi dicata monasteria, curæ est. Expergefactus *Sergius*, communicato viso de nominis loco perquirens, cum certi nihil posset explorare, & ob id maxime animo cruciaretur, inſequenti nocte eadem redeuntis angeli forma eodemque vultu se se offert. Iterumque monet ut alacri animo navem conscendat, ventum secundum sequatur, illi se ducem non defuturum, & ad locum usque deducturum. Bis jam eodem visu repetito nihil dubius divinum monitum id esse, paratis omnibus ad profectionem, priusque votis rite factis spei plenus navem conscendit. *Eamus inquit socii, angelum ducem sequamur, præbebit ipse auras felices, & ad locum ad quem tendimus perducet.* Noctu solventes tranquillo mari & leni flante aura, imperat navarcho ut vela vento præbeat, littus teneat quantum potest, nec terram deferat, ut commode explorare possint nomina locorum. Spirabat autem aura a Noto vento. Itaque poſtridie ad solis ortum, vident in littore Ecclesiam, & juxta monasterium, percunctari *Sergius* jubet loci nomen. Responsum *Brondulum* esse & monasterium Sancti *Michaelis*. Lætus admodum nomine, tam loci quam monasterii, ilico de navi exiliens ire ad Ecclesiam pergit, pergens a lepra mundatur. Tantæ rei miraculo vix sui compos, & nimio gaudio exhilaratus, vota Deo solvit magnis muneribus amplissimisque ædificiis monasterium donat. Neque minus animæ sollicitus quam antea corpori, una cum conjuge *Margarita* gente *Græca*, quia sine liberis essent pie ac sancte vitam finivit, bis hoc monasterium ab eo tempore dirutum, atque solo æquatum, ut paulo post videbimus.



## LIBER DECIMUS TERTIUS.



**L**angobardæ gentis calamitates, quibus *Italiam* supra. cc. annos vexavere ad finem perduxisse juvat, ingredimur autem tempora longe *Venetis* difficiliora. Nunquam enim cum *Gothis* aut *Langobardis* de salute ac libertate dimicatum. Præda aliquando ex *Venetis* acta, illatum aliquod hominibus detrimentum, & *Gradenfis* patriarchatus vexatus. Postea vero quam ejectionis *Italia Langobardis*, *Galli* principatum obtinuerunt, tunc salus & libertas in ultimum discrimen adducta: quem autem in modum bellum conflatum, quidque *Gallicos* principes impulerit ad arma *Venetis* inferenda nunc nobis enarrandum; si prius de novo imperatoris delectu, deque imperii divisione & dividendi causa, nonnulla breviter aperientur. Defuncto magna cum gloria *Adriano* pontifice *Leo tertius* subrogatur patria & ipse *Romanus*, haud longe *Adriano* impar & vitæ sanctitate moribusque pontificatu dignis, & animi magnitudine. Liberata itaque *Ecclesia Langobardorum* metu, non tamen omnis penitus extincta humana pestis est, lascivire clerus & majorem in modum honoribus studere cæpit. Natura siquidem comparatum: ut postea quam ab externis quies laboribus datur, intestinæ seditiones facile obrepant dominandi cupiditate. Cum igitur omnis pene imperii potestas ad pontificem esset relata, *Romanus* clerus statim caput extulit. Dumque labante ut solet secundis rebus cleri disciplina compescere illius licentiam, & mores pontifex, intendit. Conjuravere ex clero aliquot audaciores adversus pontificem, ut confectis criminibus, populo ad illius odium concitato facilius eum de pontificatu deturbent. Sed cum apud plebem magna *Leo* polleret auctoritate, vi agendum rati, ingens sunt adorti nefas, innumeris enim affectum injuriis, cæsum, occæcatumque in carcerem trudent. Affuit suo pontifici optimus Deus, & divinum ac memorandum in eo miraculum expressit. Plagas enim curavit, vires reddidit, & quod majori omnibus fuit admirationi visum ei restituit. Quibus a Deo beneficiis *Leo* affectus deceptis custodibus evasit e carcere, & in *Galliam* ad *Carolum* est profectus. Reversus in *Italiam* *Carolus* per *Forojulium*, maximi illi honores habiti. Tota provincia ad Alpes usque effusa est. *Veneti* quoque Duces obviam illi prodire comitatu magno, quibus benigne *Carolus* acceptis, de impenso navium ad *Papiensem* obsidionem auxilio, humane gratias egit. Ut non solum sibi rem gratam fuisse demonstraret, sed re etiam, si necesse aliquando esset, comprobaturum sponderet. Seorsum autem illi quoque obviam processit *Fortunatus* patriarcha *Gradenfis*, cujus patrum a ducibus interfectum supra demonstravimus. Atque una *Obelerius* tribunus *Metamaucenus*. Nam tribuni appellati, qui tribunatum gessissent, quasi tribunitii, dives opibus, ingenio prompto & audaci ad omne facinus, & qui ad ducatum per factionem invadendum, occulte aspiraret. Ambo *Romam* cum *Carolo* profecti honoris causa. Muneribus etiam quæsierunt illius gratiam, quam sibi percommodam præsertim adversus duces inimicos fore existimabant. *Carolus* antequam ad urbem perveniret, *Forojulianam* provinciam, quam novis rebus studere cognoverat (ejus siquidem præfectum *Tarvisini* interfecerant) sibi componendam ratus, recepta *Tarvisio* cæterisque provinciæ compositis rebus,

**A**d urbem veniens prodeuntibus obviam omnibus ordinibus totoque populo, majore quam antea gloria excipitur. Concilio indicto, recitatisque ab accusatoribus jactatis in *Leonem* criminibus, patrum sententias *Carolus* scrutatus est. Responsum ab universis decretum vetus extare antiquorum patrum pontificem *Romanum* a nullo alio quam a se ipso judicari oportere. *Leo* autem insequentem die circumfuso populo umbonem conscendens manu tenens evangelia jurejurando affirmavit se infontem esse eorum omnium quæ jactarent inimici. Eique cum tanto miraculo luminis restituti publice conspecto propter opinionem sanctitatis & reverentiam ab omnibus fides est habita. Quamobrem *Carolus* in delatorum caput constituit animadvertere, sed impetravit pius pontifex a *Carolo* veniam inimicis non sine labore. Postero autem die acclamante populo universo declaratur *Carolus* imperator, & *Pipinus* filius *Italiae* rex anno domini primo supra octingentesimum. Magna tum rerum, dignitatumque conversio facta. Gloriatur ab eo tempore *Romana* sedes, ab se imperium dependere. Cum ante gloriaretur a nemine quam ab uno Deo superari. Imperialia siquidem insignia sibi ipsi occidentis imperator arrogare non audet, solus summus pontifex a nemine tradita, propria gerit auctoritate. Apud Altare parvum in latere Basilicæ sancti *Petri* consecratur Imperator, & a pontifice accipit insignia, Pontifex vero, dum consecratur imperatoris ornatus insignibus, ad altare majus beati *Petri* accipit unctionem. Hæc breviter de novo delecto imperatore. Restat autem ut de imperii utriusque divisione deque dividendi causa breviter subjiciamus. Dum hæc in *Italia* geruntur, *Irene Leonis* Imperatoris *Constantinopolitani* quondam uxor, quum filium *Constantinum* adolescentem improbum & flagitiosum compescere, & ad regios mores traducere non posset, pertinax filius atque emendationis impatiens, matrem omni spoliata potestate imperio deturbat. Mater in omni fortuna sapiens & magnanima. Mibi ne tu inquit scelerate manum injicis? jam discas quid sit parenti vim afferre. Statim resumpto Imperio filium ipsa dejicit, regiamque deturbat, & in Insulam *Lesbon* relegat, quæ nunc *Mytilenæ* appellatur. Fuit ea mulier genere *Atheniensis*, adeo eleganti forma, ut ob ejus eximiam pulchritudinem ductus Imperator, filio desponderit. Multis præterea ferunt regiis virtutibus exornatam. Certior autem facta novum *Romæ* delectum Imperatorem, & si intelligeret prudens mulier, quantum vulnus imperium accepisset, tamen cum esset firmandi imperii cupidior, *Leonem* spatharium oratorem in *Gallias* ad *Carolum* mittit, ut gratulatus primum de novo imperio, tum agat de fædere ineundo. *Carolus* cum oblatam sibi majoris aggrediendæ rei occasionem conspiceret, Legatum *Irenes* & honorifice suscipit, & perquam blande alloquitur. Remissurum se continuo Oratores, qui cum regina colloquantur, & agant de his omnibus, quæ ex usu utriusque sint futura. Missi *Ambinensis* Episcopus, & *Eligandus* comes. His mandat, ut de fæderibus ineundis peragant, tum quibus possunt verbis, mulierem ad nuptias & invitent, & hortentur. Facile si hoc assequatur fore existimans, ut rursus imperium his nuptiis in integrum restitueretur. His auditis mandatis *Irene*, quum sobole alia careret, & intelligeret quam sibi præclarum



rum foret si his nuptiis non solum firmaret imperium, sed majorem etiam in modum auget, haud spernendum duxit oblatum ejus principis connubium. Sumpto igitur spacio ad deliberandum, *Entienis* patricius, qui id rescisset, statim ad *Nicephorum* fratrem rem defert, is apud milites magnæ erat auctoritatis, cum hortatur ad imperium aggrediendum. Communicato cum quibus visum est consilio, spargere primo per vulgus voces capere. Enimvero indignam rem esse mulierem aulam inconsulto senatu populoque & militibus, imperium ad Barbaram gentem transferre (Sic enim cætera gentes *Græci* vocant) Non satis esse quod truncatam dimidiatamque reliquerint imperii majestatem, & ex uno duo creata sint imperia, nisi etiam quod reliquum est a *Græcis* in *Gallos* penitus transferatur. Quid enim aliud sibi volunt hæ nuptiæ? Quis non videat, si conveniant, quoque partem *Gallicum* imperatorem invasurum? Extincturumque *Romanum* penitus nomen a quo cætera omnium gentium nationumque dependeant imperia? Audiebantur hæ voces (ut par est) fummo cum dolore, *Græcæ* gentis & indignatione. Facili igitur negotio conjurati mulierem de palatio deturbant. *Nicephorus* imperium occupat ablegata *Irene* in *Lesbon* insulam apud filium. Scribunt alii *Irenen* primum *Caroli* nuptias appetisse, *Carolus* repudiavisse. Sed priori sententiæ magis accedo. An obsecro ille refutaret? Quod si assequi posset ex dimidio totum atque integrum tam imperium, quam gloriam consequeretur? Non caret etiam suspitione, falso *Irenen* de his nuptiis infimulatam, Fratresque *Nicephorum* & *Entienem* eam rem confinxisse, ut facilius exorto ob id populari tumultu imperio pelleretur. Legatos *Caroli* *Nicephorus* continuo accitos perquam benignis verbis habet, Amicitiam optare *Caroli* demonstrat, eam sperat ex re utriusque fore. Foedera sibi placere dicit. Si ea perseverent ambos integrum habituros imperium. Itaque cum his facile componit. Reversi ad *Carolum* legati qui tunc in *Germania* agebat quod \* *Saliburgum*, Formulam foederum & quæcunque ab his acta referunt. Eos *Carolus* transmittit ad pontificem, ut de his omnibus faciant certiores. *Veneti* autem cum primum divisum imperium, fædera que inter novos tractari imperatores intellexerunt, ut in maximis solet rebus, multa animo versare. *Gallorum* enim imperium nimium præpotens, & propinquius suspectius habere. Experti nuper *Gothicum* & *Langobardum* a quibus gentibus nunquam libertati suæ non metuerant. Assueti præterea *Constantinopolitano*, ubi magnam gerebant negotia. Cumque non nisi mari quærendæ sibi essent opes, longe autem plus valeret mari orientis quam occidentis imperium, dant omni studio operam, occulte submissis qui id prece vel pretio contendunt, ut si forte agant imperatores, de dividenda provinciarum cura, ab occidentali eximantur. Facile ab *Nicephoro* impetratum. Et *Caroli* oratores quibus hæc æstuaria haud quaquam essent cognita, paludum statim contempserunt nomen. Conditiones igitur fæderum plerique summarias memoriæ prodiderunt, ut alter curam gerat rerum orientalium, alter occidentalium. Præter provincias & urbes, quas quisque principum proprio jure possideret. Neque quod ad *Italiam* attinet alii provinciis dati fines. Infiniti enim extitisset & temporis & laboris. Duo in medio relicta, & neutri parti aliter ascripta, quam ut utrumque colerent imperatorem. Alterum *Venetia* stagna oppidaque, alterum *Beneventum* in *Samniis*. Quod *Grimoaldus* ex reliquiis *Langobardæ* gentis maxima virtu-

\* Forte  
Apud.

A te contra *Græcorum* primum, deinde *Gallorum* potentiam fortissime & constantissime conservarat. Scribit Blondus libro. xi. utimur enim libenter ejus in hac parte testimonio, quia externus, & hæc de quibus scribimus præter cæteros diligentissime conquirit. Scribit inquam his verbis. *Beneventanus autem gentis Langobardæ dux, & si Græco magis favebat, neutritamen imperatorum subditus erat. Pariter altera in Italiae parte Veneti: Et si Græco consentiebant magis quam Romano, non tamen in illius omnimoda potestate erant. Paulo etiam post. In his autem fæderibus illud accurate apud vetustos scriptores legimus intervenisse, ut Veneta urbs Italiae maritima, utrumque reverita imperatorem propriis uteretur legibus. Et si bello siue pace neutrius partis conferretur. Hæc Blondus. Neque tamen aliam ipse affert rationem cur neutri parti sint definita. Nempe mirum videri potest, in universa orbis divisione, duo hæc loca *Beneventum* & hæc stagna, seorsum quasi sacra quædam inviolata & intacta permanuisse. Cæterum eam rem diligentius consideranti mihi, illa fortasse potuit maxime ratio subire. Relicta hæc loca quasi terminos inter utrumque Imperatorem. Nam sicuti hæc stagna media sunt inter *Dalmatiam* atque *Ravennam* quorum hæc *Gallico*, illa orientis cedebat imperio, ita *Beneventum* quoque medium sedebat inter eam *Italiae* partem, quæ ad septentrionem vergit *Gallico* adjudicatam, & eam quæ ad meridiem *Nicephoro*. Hæc quidem fæderum conditiones quibus & *Gotfredus* & *Ugo* & *Pontius* & *Eginardus* & plerique alii diversis verbis, sed in hanc omnes fere sententiam attestantur. Sic celebratam hanc divisionem accepimus. Nunc breviter de dividendi causa. Nam posteaquam opes imperii ea tempestate magnopere inclinavere, ut supra docuimus, in *Asia* quidem nova *Saracenorum* *Turcorum*que potentia, quos *Constantinopolitani* Imperatores varia bellorum fortuna, nunc repellendo, nunc lacecendo ægre sustinebant, in *Europa* vero *Bulgarorum* in *Messiam* & *Thraciam* irruptione, ad id jam ventum, ut cum a *Romanis* pontificibus auxilia rebus *Italiae* peterentur, *Constantinopolis* inter has gentes posita, vix satis haberet virium ad propulsandum hostem & se tuendam, nedum in alias terras auxilia transmittenda. Neque ut videtur eadem hæc fuit ratio dividendi imperii, quæ prius a *Constantino* in *Thraciam* transferendi. Siquidem *Constantinus* non ad *Romani* jus imperii, sed ad loci mutationem respexit, qui aut ad imperii locum commodiorem, aut sibi jucundiorem respectum adhibuit, permansit etenim ipse unus utriusque *Romæ* princeps & Imperator, licet locorum ratio mutata. Hac vero tempestate cura tantum imperii divisa, iccirco novus a pontifice delectus occidentis Imperator, qui armis occidentem & auctoritate tutaretur. Quod *Constantinopolitanus* facere non posset, fædusque & amicitia inter eos principes inita, ut si quando opus exigat, alter alteri ferat auxilium. Itaque quod ad imperium attinet sapienter ac sancte decretum ab Ecclesia est. Quod autem ad religionem, discussa illa quidem erat in oriente hac tempestate, ne dicam extincta. Omnibus spoliata primariis Ecclesiis, *Antiochena*, *Hierosolymitana*, *Alexandrina*. Et ipsa denique *Constantinopolis* *Romanæ* fere semper erat diversa. Solus occasus relictus intemeratus & integer, in quo catholicæ lumen fidei, evicta omni hæreticorum nebula, refugeret. Cum autem in multa esset divisus regna, ut semper fuit, unum aliquem principem deligi oportuit, ad quem laborans Ecclesia, si forte errarent a fide principes se conferret. Qui tum auctoritate, tum armis compescere eos valeret. Por-*



ro si Gregorio pontifici Pipini arma, aut Adriano Caroli confugium defuisset. Quid nam malorum calamitatumque religioni non expectandum a Langobardis fuit? Cæterum illud quoque non omittendum: Naturam omnia numeris suis constituisse, neque infinitam esse voluisse ullius regni potentiam. Universi autem orbis si quis populorum regnorumque multitudinem consideret, haud crediderim, ex unius arce mentis recte gubernari posse. Ita quoque nec imperii, quam vero ex usu christianæ reipublicæ fuerit, eventus ipse docuit. Duravit etenim imperium apud occidentem annis paulominus. vc. Ex quo videlicet Gregorius solenni decreto legem illam vulgo notam sanxit electionis imperii. Rem raram, neque non admirabilem, in tanta præsertim instabilitate humanarum rerum, nisi quod optimum Deum eam existimem sanxisse. Ut sacrosanctam religionem apud *Transalpinas* nationes ad omnem proclives novitatem, hac Imperatorii nominis maiestate, in fide atque officio contineret. Divisionis igitur imperii hæc fuit ratio. Interea vero dum hæc apud novos geruntur imperatores, Primus inter *Venetos* inde motus exortus. *Fortunatus* siquidem *Gradensis* patriarcha haud immemor injuriæ interfecti a *Mauritiis* ducibus, propinqui patriarchæ & *Obelerius* Tribunus *Metamaucenus* flagrans ducatus invadendi cupiditate juvenesambo & ingenio forociori, conjuratione inita minus quam prudenter adversus duces palam facta, ille in *Franciam* profugit. Nonnulla ut supradiximus apud urbem *Romam* Caroli fretus familiaritate, *Obelerius* vero ac cæteri conjurati *Tarvisum*. *Fortunatus* interea ut & gratiam sibi apud *Carolum*, & inimicis ducibus comparet odium, simulat causam profectionis, eam maxime ut *Carolo* declaret quantum sit acceptum detrimenti in *Nicephori* fæderibus, qui urbes *Dalmatiæ* maritimas amiserit ducum *Venetorum* fraude. Eos id enixe contendisse. Explicat earum regionum opportunitatem percommodam magnis gerendis rebus, seu transmittendis in *Noricum* exercitibus *Pannoniasve*, seu arcendis hostibus ab *Italia*. Commemorat quam commodus olim fuerit inde transitus *Narseti*. Ut recepta sit *Venetorum* & *Dalmatarum* armis, olim *Anchona* nuper *Ravenna*. Hæc prima *Venetis* *Gallici* belli fomenta extitere. Neque tamen *Italiæ* rebus *Carolus* multum studii adhibere poterat, majoribus implicitus curis. Sed ad *Pipini* curam remittere. Eadem *Pipinus* ab accolis *Venetorum*, crebro audire, qui ferre non poterant crescentem indies *Venetorum* libertatem & opes. Dissimulare tamen & interim expectare præstantius extimabat, donec commodior offerretur occasio. Cum *Venetis* hæc omnia essent aperta, ne forte imparati a *Pipino* opprimantur, legationem ad *Nicephorum* decernunt. Minor natu de more gentis, verba in hanc sententiam fecit. *Missi sumus o Imperator a duce populoque Veneto, ut pro officio ac fide, quæ semper a majoribus devincti imperio fuerunt, Majestatem tuam moneamus hisce de rebus, quæ in Italia geruntur. Nequid fortasse detrimenti capiat imperium, perspectum tibi esse debet in fæderibus Gallicis nuper initis, Dalmatiam partibus orientis accessisse, optimo quidem jure, quippe qua divisa ab Adriatico mari tota in orientem spectat. Cæterum cepisse jam rumoribus per Italiam ubique spargi, Gallicos principes id ægerrime ferre. Non tam quod ex ea re magna sperent emolumenta quam aspirent ad superi maris imperium, siquidem adjunctis quod maxime cupiunt Dalmatiæ urbibus, quis reliquam ejus maris oram ab eorum classibus defendat? Quantum autem momenti ad Italiæ imperium Adriaticum mare semper attulerit, neminem nescire. Justinia-*

*A* ni quidem temporibus quum *Totila* *Gothorum* Rex terra marique potens, totam fere Italiam Romanis exercitibus, aut classibus exclusisset, *Dalmatiæ Venetorumque* classes primum *Narseti* *Italiæ* ingressum aperuere. Nam & ab iis *Gothorum* classis est profligata, & *Anchona* urbs recepta. Et *Narsetis* copiarum opera navium *Venetarum* superatis paucis diebus septem præaltis fluminibus *Ravennam* trajecit sunt. Qui si infero quod obtinet superum quoque jungatur mare, cedat Majestas tua universo mari necesse est. Non sunt autem hæc *Venetis* vires, ut hinc a *Ravennatibus*, inde a *Dalmatis* tutari se valeant. Itaque vel invitos ad eandem ad quam cæteri fortunam inclinatuos. Quod si acciderit ignosce Imperator, speras ne te retenturum ullam in Italia urbem portumve? Oppugnati terra, marique deficient omnes. Atque ea *Italiæ* ora, quæ semper imperium secuta est, & magna quondam *Græcia* appellata *Gallico* serviet imperatori. *Siciliæ* deinde imminet, & *Corcyræ* & in *Peloponnesum* omnemque *Græciam* ducet, cum volet. Hæc cum magna sunt, tum vero illa majora, quod cum maximam *Europæ* partem *Francus* obtineat, etiam atque etiam considerandum erit, quali in periculo futura sit ipsa *Constantinopolis*. Nedum *Epirus*. *Missia*, *Macedoniaque* in discrimen non veniant, finem nullum habet regni cupiditas. Qui per mulieris fraudem dimidium pene imperii subtraxit, nisi totam Italiam *Romamque* sub ditionem miserit, non quiescet. Quod ad *Venetos* attinet parati sunt ad ultimum excidium perferendum, dum tu gloriam imperiumque tuum, & *Dalmatiam*, quæ nobis imminet, haud neglexeris. Per idem quoque tempus legati a *Dalmatis* eadem hæc ad *Nicephorum* querentes venere. Quibus commotus rebus *Nicephorus* bonoque ut animo essent jussis classem in *Adriaticum* se se primo quoque tempore missurum respondit, illisque rebus diligenter provisorum. Quoniam autem bellum hoc proculdubio propter *Dalmatas Venetorum* accolas conflatum est. Haud erit ab re, pauca quædam breviter de ea provincia scribere, scitu non indigna. Ejus fines uti cæterarum quoque provinciarum pro temporum varietate immutatos videmus. Nunc siquidem eam appellamus *Dalmatiam*, quæ a *Pola* *Histriæ* civitate, usque ad *Catarum* urbem *Albanis* confinem pertingit. Antiquioribus autem temporibus *Liburni*, qui nunc pro *Dalmatis* habentur, accolæ *Histris* fuere. Primamque post *Histros* ejus oræ partem tenere, eorum metropolis fuit *Iadera* urbs, ut non satis mirer *Blondum* *Forliviensem*, scriptum reliquisse eosdem esse & *Liburnos* & *Forojulianos*, cum præter cæteros auctores celebre *Liburnicarum* navium nomen satis illi testimonio esse debuisset, non eam gentem quærendam in continenti, sed juxta maris oram, quæ hujusmodi uteretur navibus quod profecto accidere non potuit *Forojulianis*, quibus nullæ unquam fuere maritimæ opes. Cæterum poëta etiam cursum *Antenor* ordine prosecutus Regna *Liburnorum* ostiis *Timavi* recte præposuit, ut prius ea legeret *Antenor* quam ad *Timavi* fontem perveniret. Qui fons quoque antequam *Forojulium* attingas, apud *Iapidas* in mare prorumpit. Deceptus autem *Blondus* qui *Timavum* fluvium existimavit non in *Iapidia* scaturire, sed apud *Patavos*, eumque esse qui *Brentam* fluvium producit. Atque *Antenorem* prius oram *Forojulii* legisse, quam ad *Brentam* perveniret. Sed explosa jam est ab omnibus doctioribus hæc de *Timavo* sententia. *Montana* vero omnia, *Croatiam* hæc ætas appellat, cui contermini sunt & *Sclavi* & *Bassinienses*, olim autem *Illyrii*, & *Triballi* appellati. Post eos vero a *Drino* fluvio usque *Dyrachium* *Albani*, olim *Epirotæ*, quos deinde *Rasiani* consequuntur.



Omnes hæ provincie *Pannonie*, *Missie*que a septentrionis latere *Danubium* versus adhærent, subiectæ semper imperio, inde duces, inde reges dati. Magna ex his civitatibus vectigalia exigebantur. Dum igitur his de *Pipino* curis *Veneti* agitantur, nec tamen quotidie scelus addere sceleri Duces intermitterent, conjurati quos diximus *Tarvisum* concessisse, accitis undique *Venetis* exilibus communicisque consiliis, *Obelerium* tribunum ducem acclamavere. *Mauritii* duces pater & filius priusquam conjurati *Venetiam* perveniant rebus diffidentes una cum *Christophoro* Episcopo *Castellano* patria excedunt, *Mantuam*que se conferunt. *Obelerius* factione partium stipatus, *Venetias* advolat, & ducatum invadit. *Fortunatus* autem patriarcha cum in *Gallis* ageret, deque fuga ducum ac de novo amici *Obelerii* ducatu certior esset factus liberatus metu, *Gradum* revertitur. Impetrat a *Carolo* amplissimum *Ecclesie Gradenſis* privilegium. Ex ejus exemplo quod est apud *Andream Dandulum*, videre licet, nullum fuisse tum imperio *Gallico* jus maritimæ *Venetie*, additur ad eam rem monumentum aliud admodum efficax. Nam *Carolus* post compositum cum *Nicephoro* fædus, quum *Joannem* quendam ad *Istriam* provinciam administrandam ducem præfecisset: Ea autem provincia insolitis ac novis vexaretur exactionibus mittuntur a *Carolo* tres, ut appellabantur earum rerum inquisitores, qui clementem populumque non aggravent, restituant autem in pristinas ac consuetas *Græcorum* pensiones. De *Venetorum* oppidis verbum fit omnino nullum. Quibus ex rebus facile apparet sicut *Istriam* provinciam occidentali cessione, ita *Venetie* maritimam ab eo liberam permanſisse. *Veneti* interea petente *Obelerio* *Beatum* fratrem ducatus consortem cooptant. Addunt nonnulli tertium quoque ducem *Valentinianum* fratrem, natu minorem. Interea autem *Obelerius* inito ducatu ut erat ingenio ferociori cupidoque novarum rerum, cum quotidie perſentisceret expulsos duces de reditu in patriam cum amicis agitare, præsertim cum *Heracianis* unde essent oriundi favere cœpit. *Equilani* *Heracienſium* inimicis, odiaque quotidie inter eos majora ferere. Invaſerat etenim eos populos pestis illa communis omnium gentium, ut crescentibus opibus & sublato *Langobardorum* metu, qui maxima semper in concordia eos continuerat, ipsi inter se novis agitantur seditionibus. Accidit igitur ut nonnulli cives *Equilani* littus occuparent, quod pertinet a *Liquentia* in fossam *Raymundinam*, ibi sese castellis fossisque muniunt, eam littoris partem *Heraciani* suorum finium afferebant, nec abſuit suspicio, factum id consilio & suadente *Obelerio* Duce. *Georgius* autem *Joannasius* nobilis *Heracianus* vir potens & ducum superiorum amicus coacta maxima ex continenti & ex littoribus *Heracienſium* manu *Equilano* munimenta armis ingreditur castella invadit, & diruit. Exciti ad repentinum tumultum *Equilani*, utcunque possunt arma capiunt, & vicinos, signis ex alto editis, ad auxilium conclamant. Oritur inter eos pugna cædesque major, quam pro numero. *Gaulus* nobilis *Equilanus* quatuor fratribus occisis, fugam arripit levi navicula & *Metamaucum* rem ducibus affert. Statim *Obelerius* *Equilum* advolat, dimittit per omnes insulas & oppida nuncios, præcipue ad *Equilano* amicos, ut accurrant ad tumultum. Conveniunt tribuni. Ibi quum variæ dicerentur sententiæ. Aliique aliis (ut fit) magis faverent. Hi quidem accusare *Heracianos* insolentiae atque superbiae. Jam non posse miseros *Equilanos* diutius *Heracianis* vicinis spiritum ducere. Quotidie cædi, uri, diripi, *Gaulus* fratrum sanguine

A resperſus implorare Dei atque hominum fidem. Alii vero contra jactare. Cœpiſſe *Equilanos* injuriam inferre, qui fines turbassent, castellaque erexissent, queri prius de injuria oportuisse, neminem sibi ipsi jus dicere fas esse. Per hunc modum major inter eos, qui accurrerant ad tumultum orta seditio est. Ut periculum prope jam esset, ne non armis temperarent. Audiri non posse, qui dicerent sententiam, ex superiore loco. *Obelerius* autem qui ut diximus nihil magis cuperet, quam excindi *Heraciam*, diversum sumit consilium, ut majorem fidem nanciscatur. Nam ut erat lingua non minus, quam manu promptus. B Videtisne inquit optimi cives quid minantur dissensiones istæ atque odia. Latius opinione omnium serpet hoc malum, nisi ante caverimus, prudentia hic opus est. Periclitamur etenim ne contagio hæc per omnes circumeat populos. Et quod duorum oppidorum malum est, fiat omnium. Insanabili laborant isti ut videtis morbo, ter depugnare usque ad excidium. Jam ipsi se confecere. Quid jam de his urbibus superest? Missurosne unquam arma aut evellere speratis infita medullis odia? Quæ nam familia cædem cruoremque, aut fratrum, aut liberorum ante oculos non habet? Ullumne judicium conventave tollent harum rerum memoriam? Enimvero invitatus dico, & eorum vesaniæ me miseret. C Nullum tamen remedium prospicere huic tanto malo possum, nisi tollantur ambarum reliquæ, & in alia oppida tranſeant, prius quam venenum hoc alios inficiat. Durum forte hoc & acerbum alicui videatur. Sed nunquid non videtis ut præterea *Heracilia* continenti affixa, magnum aliquid periculum omnibus minetur, si forte desperatis rebus aliunde poscat auxilium. Majus hoc mihi videtur periculum quam illud damnum: cavenda vobis o cives surgentis *Gallici* imperii potentia. Periculum videre videor ne munimenta & quod illis superest paludium jam fere constratum adæquatumque solo transcendat maximo cum periculo civitatum reliquarum. D Quid etiam si quod de *Heracilia* metumimus *Equilum* prævertat diuturnis fatigatum bellis? Remedium huic malo reliquum nullum video, quam ut recipiant sese utrique populi alias in insulas aut littora. Complures sunt summi Dei munere optime constitutæ. Nulla est quæ locum illis cæteraque commoda ad transnigrandum perlibenter non impertiat. Substitit primo ad horrendum novumque consilium concio. Tum *Obelerii* amici & qui verebantur *Metamauceni*, ne referta nobilibus familiis civitas adhuc caput extolleret, & ad repetendam ducatus sedem respiraret, *Equilanos* facile in sententiam traxerunt. E Ut igitur *Equilani* idem quoque contendere cæperunt & vociferari malle per orbem vagari cum uxoribus liberisque quam amplius tyrannidem perferre *Heracianæ* gentis. Tandem sententia pervicit, quæ censuit ambas civitates desolari, ne externus hostis eas ingredi ac munire posset. Paucis itaque diebus id confectum negotii est. Eoque celerius quo quotidie crescebat a *Pipino* Rege metus. Nobiliores familiae complures numero magna ex parte *Metamaucum Rivaltum*que translatae. Earum adhuc extant vestigia civitatum, ex quibus conjectare licet, qualia tunc, non illa tantum fuerint oppida, sed alia quoque variis casibus extincta. F Eorum magnitudo apparet ex templorum ornatu, & navalibus & turrium altitudine, & amplitudine locorum ad omnem usum, ut mirum non sit si dirutis illis, *Rivaltus* in hanc quam videmus amplitudinem crevit. Non defuere qui scriptum reliquerint. *Pipinum Italiae* Regem eas urbes excidisse. Idque etiam bifariam factum tradunt. Nonnulli eo tempore quum in *Metamaucum* duxit, ut paulo post dicemus. Alii autem antefactum volunt bisque im-



petum a *Pipino* illatum in *Venetos*. Nostra mihi magis placet historia. Nam qui scribunt everſa a *Pipino*, *Caroli* patris juffu factum volunt, & hortatu *Fortunati* patriarchæ. Omitto autem quam fit indignum credere principem tali virtute & gravitate, nulla provocatum injuria in populos bene de ſe meritos deſæviſſe uſque ad excidium. Violaſſe præterea ab re iſta cum *Nicephoro* fœdera contra jus falſque. Qui ea tantopere & appetiviſſet, & in poſteros ut inviolata tranſmitterentur curaviſſet, ut omnes ſcribunt, & nos paulo poſt docebimus. Cæterum *Fortunatus* etiam cauſam odii, quam habuerit in *Venetos*, non video ut patriæ excidium quæriraret. Ducum inimicorum exitium concupiſſe non inficior. Quid autem ad *Venetos*? Qui pœnas de *Fortunati* inimicis uſque adeo acres ſumpſiſſet, ut eos ducatu pulſos in exilium egiſſent? nunquid non duces jam pulſi erant patria & extorres vagabantur quum *Heracia* everſa eſt? Et erant præterea duces creati, qui complices *Fortunato* fuerant ad priores duces inimicos expellendos, ut veriſimile ſit, odii nihil jam ſuperſuiſſe, vel ingentem bene de ſe meritam a quibus eo honore affectus fuerat vel in amicos duces in locum inimicorum ſuffectos. Cæterum quid illo certius argumento, qui creatis amicis ducibus in patriam continuo *Fortunatus* reverti non dubitavit. Reverſus autem amplum attulit *Venetis* privilegium cum in ſedis *Gradenſis*, cui præerat honorem, tum vero immunitatis *Venetiarum* ab occidentali imperio certiſſimum teſtimonium. Ullum igitur odii argumentum vel a *Carolo* in *Venetos*, qui tali munere eos ornavit, vel a patriarcha qui impetrarit, proſecto non video. Sed belli cauſam pro magnitudine jam bre-

A viter exponemus. Vixdum firmato fœdere inter imperatores, ut eſt mos rerum humanarum, maxime inter principes ejuſdem gloriæ æmulos, diſcordia oriri cæpta. Dum *Carolus*, ſive quod magis veriſimile eſt, & a pluribus memoratur, *Pipinus* filius *Italiæ* Rex *Dalmatas* ad ſuas partes trahere conatur? *Nicephorus* vero præter imminutum ab *Irene* imperium hoc quoque aliud letale inſligi imperio vulnus, haud quaquam ferendum putat. *Pipinus* ſiquidem ægre admodum ferre nullos ſibi eſſe portus ab dextra ſuperi maris ora quibus eſſet frequentiſſima, præter *Hiſtriæ* angulum qui clauderetur, hinc a *Venetis*, inde autem a *Dalmatis*. Omnes autem portus eſſe in *Nicephori* poteſtate. Iis præterea portubus maxima eſſet copia, cum omnis generis navigiorum, tum vero *Liburnicarum* longarumque navium, quæ navalibus gerendis bellis præcipue eſſent neceſſariæ. Sibi vero levum relinqui *Italiæ* latus importuofum & omni genere navium deſtitutum? Ut invito *Nicephoro* cujus ſemper claſſes per eam oram verſarentur, ipſe niſi precario, nec tranſmittere in *Dalmatiam*, nec omnino per mare navigare poſſet. Præter id igitur quod inſatiabilis eſt mortalium cupido dominandi, ſimul quoque indignabatur circumscribi *Italiæ* littoribus, quaſi carceribus. Omnia igitur tentanda ſibi ſtatuit, ut *Dalmatas* aut pollicitationibus precibuſve, aut ſi id non ſuccederet, vi & armis ad ſuas partes trahat. Illa quoque non nihil irritabat ſpes, qui orientis imperium indies cum inclinaret, non difficile exiſtimabat accidere poſſe, ut ſupero mari ſub ditionem miſſo, orientis imperium, ut quondam fuerat, occidentali adjungeretur.

## LIBER DECIMUS QUARTUS.

**P**ipino ut ſuperius demonſtravimus quum magnas res animo conciperet, ac ſtatuiſſet avertere *Dalmatiæ* urbes, incipere a *Venetis* placuit, non quod in iis paludibus eſſet quid invioſum, præter laborem & induſtriam incolarum. Non agri, non vineæ, non quippiam ſpecioſum campeſtre, aut montanum. Commoditatem quidem tranſmittendi per *Venetos* haud negatum iri dubitabat. *Dalmatiæ* vero rationes longe diverſas videbat, difficilioreſque ibi contentiones. Sperabat autem gradum illi *Venetos* ad avertendam *Dalmatiam* facile ſi vellent, facturos, ſciebat magnam inter eos populos animorum eſſe conjunctionem. Igitur tentare *Venetos* prius decrevit per *Fortunatum* patriarcham paternum amicum. Conciliat autem invicem eos populos communis timor, maximum concordiaæ vinculum. Quippe quum intelligerent quæcumque alterum raperet fortuna, ſubire eandem alteri neceſſe fore. Aperit eam rem *Fortunatus Obelerio* duci, facile hominem in ſententiam pellexit. *Veneti* tribuni tametſi antea perſenſerant eam rem curæ *Pipino* eſſe, & quotidie expectabant aliquid ejuſmodi, tamen poſtea quam aperta ſunt *Pipini* poſtulata, ut videlicet *Venetis* placeret arctiori aliquo fœderis vinculo reverentiam & amorem erga ſe patremque ſuum declarare, id ſi facerent gratiſſimam utriſque rem fore. Perculit animos omnium, & in ancipiti diſcrimine conſtituit, qui viderent his poſtulatſi ſe in periculum adduci, aut in ejus odium incidendi, ſi negarent. Quod præpotentem Regem cupere intelligebat, aut fidem fallendi orientis imperatori datam. Digna igitur viſa res, ob quam concilium indiceretur. Ibi

D quum *Pipini* poſtulata recitarentur magnum primo ſilentium animos deſixit. Tum paulatim ſermo invicem haberi cæptus, prout in hanc, aut in illam partem quiſque magis inclinaret. Conſtantibus tamen plerique ex ſuggeſſo loqui *Obelerius* proclivior ad *Pipini* partes. *Honorium* tribunum *Metamaucenum* excitari per præconem jubet ad ſententiam dicendam, quem ſciret earumdem partium cupidiorum. Et erat *Honorius* vir magnæ inter *Venetos* auctoritatis, facundiaæ vero ut iis temporibus non minoris. In hanc itaque ſententiam locutum accipio. *Vellem inclyti duces optimo Deo placuiſſet, ut ſicuti majores noſtri ſalutis gratia in hæc ſe loca receperunt, ita poſteris opes reliquiſſent, quibus incolumes & ab omni procul animi ſolicitudine liceret agere ætatem, ſed neque collatæ vires pares incertis periculis, & auxilia, quibus aliquando fidebamus, cum magnopere ſunt imminuta, tum fortasſe etiam longius poſita, quam præſentium expoſcat magnitudo periculorum. Nimum enim obeſt longinquitas auxiliis poſcendis præbendiſque. Gothicorum quidem temporum annos ſatis quiete tranquilleque peregimus. Secuti ſunt paulopoſt *Langobardi*. Cum iis varia fortuna tranſactum. Sed in malis illud magno erat præſidio, quod Imperatorii *Exarchi* *Ravennam* tenentes & *Emiliam* & *Picentes*, & in *Venetia* aliquot urbes, atque iis conjuncta pontificum *Romanorum* auctoritas ſane & deterrebat finitimos ab injuriis, & animos nobis ad eas arcendas repellendaſque præbebant. Nunc vero mutata nimum tempora, mutata res, quid enim dicam? Qui & vicinum Regem potentiſſimum habemus hærentem in viſceribus. Eumque (niſi provideamus) infeſtiſſimum tenentem omnia circumloca, atque nos pene obſidentem? Imperium vero *Conſtanti-**



nopolitanum cuius viribus inniti, & in quo sperare solebamus, postea quam in duas est divisum partes, dimidium quoque virium amiserit necesse est. Gallicum nuper exortum imminet cervicibus. Atque ita jam præ se fert, ut si illius amicitiam contempserimus cogamur inimicitias experiri, quæ res quanti sit æstimanda quum mecum ipse confidero (quanquam haud libenter animus novis se se implicat curis) metus me tamen cogit interdum vereri, ne nova rerum conditio novum exigat consilium. Nam si semper eodem cursu se haberent humanæ res, sane consilia variare non oporteret. Stultum enim quum bene te habeas sedem mutare. Quum autem quotidie alia super alia corrumpi, mutari, oriri que videamus: Quis non intelligit ut se se illa convertunt; ita nobis quoque esse in consiliis variandum? Et quemadmodum quod experimento utile comprobaveris, mutare sine causa imprudentis est. Ita quum nova se ostenderit causa, non mutare dementis? Quæ quum ita sint, considerare etiam atque etiam debemus qualis sit rerum status, quale periculum. Et providere ne forte dum volumus nimium præteritis consiliis insistere futuris periculis opprimamur. Pipinus Italiæ Rex Caroli Imperatoris filius fædus nobiscum optat. Aut igitur admittendum aut negandum, alterum nobis eligendum. Difficilis deliberatio. Dicit quispiam fateor. De pace siquidem & bello agitur. Sed quoniam est respondendum, quis pacem bello tam iniquo non anteponat? Nam ut ab eo incipiam, consideramus ne qualis, quantusque est, cum quo nobis bellum suscipiendum? Adjice quod juvenis, & quod in iram dicunt procliviorum. Antea vix nostra turbamur\* a Langobardi ducis, aut vicini populi injuria, quin perfractis munimentis in ostiis fluminum positis in hæc æstuaria irrumperent. Nunc Regem Italiæ spreum a nobis repudiatumque si bellum adversus vos terra marique moverit, feremus? Et a Langobardis quidem, illud opitulabatur maxime. Diffidebant plerumque inter se duces & mutuis se se lacerabant bellis. Nos quieti eventum spectabamus in eo non anxii, uter superior evaderet. Sic nunquam non dabatur aliqua quies. Nunc autem quum unus sit rerum potens, quumque omnis hæc ora, omne Forojulium, Histria & omnia circumquaque in unius Pipini sint preestate. Si pluribus ex locis fluminum perfractis munimentis, quæ facile abundans multitudo ne perfringet, uno eodemque tempore irrumperet in nos, quo tandem pacto districti tam diversis irruptionibus resistemus? Quid autem si a Ravenna, quæ fuit semper antea nostrarum partium, nunc autem in illius est potestate, moverit? Atque per littora equitatum illum suum invictum inferet? Quid agemus? Naviculis credo aut cymbis talem repellemus hostem. Quid si ab Aquileja lapidibusque? oblitine sumus majores natu, quam facile Lupus dux Forojulianus in littus trajecerit? Gradum oppresserit? diripueritque? An quod ille fecit hic non audebit? Quid si eodem tempore ab utroque capite Foro scilicet Julio & Ravenna in littora transcendet nostra, quibus nos armis tutabimur? Scilicet oratores mittemus Constantinopolim, capta, direpta, excissa erit hæc omnis maritima, prius quam vestri oratores illuc applicuerint. Et quoniam a nonnullis omnis spes in imperatoris classibus collocatur, haud inficior equidem illud esse aliquid. Sed videte quæso quid agatis, ne frustra postea pœniteat. Primum quidem quis mihi fidejubeat, Nicephorum vestra pericula pro suis subiturum, vestramque amicitiam amicitie Caroli magni præpositorum? Quid vero si aliquo ipse in bello implicatus adversus Sarracenum, aut Bulgarum distinebitur? Quid habetis certi missurum auxilia, quibus ipse fortassis indigeat? Sed mittet inquiet aliquis. Quid inquam si non mittet? An hoc fortunæ ludibrio committendum? Cujus est prudentiæ committere sese periculo, cuius sit finis incertus? Præsertim si

\* Forte turbabantur.

A ab eo possis abstinere? Unde illud ortum proverbium? Sapientis esse nihil committere cuius eum postea pœniteat. Quod si usu comprobatum videmus, ubi magis illud cavendum, quam in suscipiendo bello? Et eo præsertim quod nulla virium paritate suscipitur? Si profecto Carolus sub cuius jam ditione, & Gallias & Hispanias Germaniamque pene totam conspiciamus, ducturum in Pannonias vulgaverit, ut Bulgaris conjunctus Nicephoro bellum inferat, nesciat ille quid consilii capiat, nedum ut bellum suscipiat vestri gratia, Propria deserat ut alienis auxilio sit. Quid illud quoque? Quod si Pipinus velit sublata mercatura, omnes has urbes sine armis deleat? Nolo Pipinus armis utatur non equitatum inferat, non peditatum, tantum prohibeat ne quid nostrarum mercium per ostia fluminum subvehatur ad superiora. Hoc si fecerit, quid vobis vester oriens, vestra Constantino-  
B polis proderit, cuius igitur prudentiæ est cum eo bellum gerere, qui sine bello vos possit conficere? Sed neque illud minus vos debet movere, qui omnis pontificia Romanaque majestas cum hoc novo imperio stat multis invicem officiis obligata. Mementote quantum Romanæ sedi semper tribuendum censueritis. Non dubitastis Leonis quarti & Constantini quinti Imperatorum pro sanctorum imaginibus inimicitias subire. Cui si in pontificis gratiam imperatorum privilegia, quæ nunc jactari audio, pro nihilo duxistis, quanto magis valere debet tot populorum salus & incolumitas, quæ in extremo discrimine constituuntur. Censeo igitur Regis amicitiam non repudiandam, Legatos mittendos qui gratias agant pro oblata amicitia, paratos esse eam amplecti æquis conditionibus. Hæc ubi Honorius dixit inclinare conventus visus in Pipini amicitiam. Et fortasse re comprobassent, nisi Angelus Heraclianus, qui postea in Rivalto primus ducatum gessit & divitiis & nobilitate potens, ingenio vero & eloquentia facile primus, ita esset locutus. Nonnullam optimi patres Honorius nobis (ut mihi quidem videtur) fecit injuriam, qui cum initio orationis proposuisset ineundum cum Pipino fædus, aut negandum, dum ineundi causas agit, totam convertit orationem ad negandi pericula, quasi nullum penitus immineret annuenti. Caterum quum longe plura & majora imminere mihi videantur, si fædus ineas, maxime cavendum existimo, ne vano decepti timore, pœnas inconstantie subeamus. Quid enim honori si doceo nulla magis re Vinctos agi præcipites in bellum, & bellum quidem inexpiabile, quam ex hoc fædere Pipiniano? Bellum tu a Carolo metuis. Ego nullum a Carolo, maximum a Nicephoro. Videamus uter prudentius. Incipiamus a Carolo: Unde quæso ab eo Rege timor? Dubium est princeps ille sit ne clarior armis, an religione. Non ego eum ita expertem credam divini humanique juris, ut tum contra jurata cum Nicephoro fœdera, tum adversus amicos bene de se meritos, nulla laceffit injuria intemperantius sæviat. At Pipinus minatur nescio quid. Minis igitur tu mecum agis? Nostri majores, si ad Agilulphi Regis, qui Patavium excidit, si ad Rotarii qui Opitergium diruit, minas attendissent, non effugissent servitutis jugum. Non est gravitatis tuæ omni verbo, quasi turbine circumferri. Nimium est verba inter & res. Illud semper cavendum sapienti fuit, semperque erit: ut certa pericula non adeat, ut incerta vitet. Itaque nihil ego causæ in Carolo invenio, nisi forte credas Pipinum filium adversum patris voluntatem arma sumpturum. Quod quidem quam sit absurdum videbimus paulopost. At in Nicephoro, si eum deserimus causas video plurimas & maximas. Omitto superiorum imperatorum beneficia. Omnia tibi vetera condono. Venio ad recentiora. Imploravistis ab eo instaurationem fœderis, facile acquievit. Privilegiorum & immunitatum renovationem liberalissime concessit. Medii ut sitis inter eum & Carolum, id quoque patitur. Pe-



tistis nuper auxilia contra Pipini minas, liberaliter transmissurum ex pollicitus. Pro his tot tantisque meritis, vos relinquere eum, & hostibus ejus adhaerere meditamini? Quoniam igitur animo hanc perfidiam (nescio enim quo nomine hoc fœdus aliter appellem) laturum existimatis? Sane non mihi pares causas videntur, alterum læsisse nunquam, invisisse etiam quum potuimus, alterum autem, qui semper fuit amicissimus, fallere & ipsius hosti adhaerere. Quid ad hanc iniquitatem addi potest? Siquidem illud pessimum facinus reor si pro maximo benefactio, maximam referas injuriam. Itaque non est Honori quod quicquam metuas a Carolo. Omnia tibi metuenda sunt a Nicephoro. Accipe illud etiam quod non potest Pipinus nobis bellum inferre, quin inter Carolum & Nicephorum bellum erumpat. Siquidem si Carolus arma sumit, aut idem faciat Nicephorus oportet, aut amisso occidentis imperio, expellatur etiam oriente. Nam si Pipinus Venetos & Dalmatas subegerit, paucis annis totum superum sub ditionem mittat, necesse est. Si vero cum infero superum conjunxerit, cedit Nicephorus Italia, cedit Sicilia, cedit Corcyra, nusquam gentium mari imperatoria navis apparebit. Relinquitur igitur quod supradixi, ut si nos Pipinus bello appetat, bello quoque inter se imperatores digladiantur. Hoc autem Carolum velle quam sit parum probabile, quis non videat? Ut qui nuper sit a pontifice populoque Romano ex magna orbis parte imperator conclamatus, ut Italiam ab hæreticis infidelibusque defendat. Ipse adversus christianorum imperatorem collegamque, ut ita dixerim, suum cum quo curam hanc imperii partitus est, ruptis fœderibus contra jus fasque nefaria arma induat? Quis hæc portentosa credat? Credat etiam pontificem Romanum unum inter reges judicem & arbitrum tueri velle fœderum, quæ tenet in manibus, violatorem. Quod Honorius metu, persequi acrius. Qui dimidiam ablatam sibi dignitatem æquo animo ferens, non inferat injuriam, sed propulset? Nobis certe eo succenseat minus pontifex oportet. Quo magis & in imaginibus (quod a te satis extra rem & intempestive commemoratum est) comburendis, & cæteris in rebus, quæ ad christianam pertinent religionem, ecclesiæ dignitatem, imperatoriis edictis semper anteposimus. Vacuum igitur te ab hoc metu prestes licet. Cæterum ut ad Carolum redeam non illi desunt curæ solitudinesque suæ. A quo nuper Romæ dum acclamationibus in cælum tollitur & Saxon & Danus, & Hispanus descivere. Nunquam nationes illæ quievero, nunquam quiescent indomitæ & impatientes jugi. Quæ quum ita sint nullam Carolo video causam neque adversum nos, neque Nicephorum contra. Quale autem a Nicephoro bellum futurum patres. Horret animus commemorare. Non tenet Illyrium? non Siciliam citra & ultra Pharam? non Corcyram? non loca & maria omnia, quæ circumcirca jacent? non orientem pene totum? At si is a nobis proditus validam instruat classem, quam facile potest instruere, qui mari maxima pollet potentia, & hac laceffit injuria in loca hæc inferiora descendat. Quomodo te ab ea tuearis? Quomodo defendas? Nonne omnis nostra res in maximo sit discrimine constituta? Ut nec Pipini miles, nec eques te ab isto periculo vindicet? Adde quo in periculo versentur omnium nostrum facultates, quæ in ejus ditione nostrorum hominum negotiatione sunt positæ. Auferent primum (negari non potest) quicquid habent vestri homines in oriente pecuniæ, mercium, nominum. Parum erit hoc. Trudentur in carcerem miseri nostri homines, qui nihil deliquerunt, aut vita etiam luent. Quos gemitus lachrymasque tum vides? explebitur ne his? non certe excindantur & in paludes redeant omnium ingratis. Jam classis aderit valida & præpotens, in portus vestros, atque adeo in vestra viscera irrumpet, plena irarum vin-

A dictamque sitiens. Si converterit illa sese adversum nos. Vulnerati tot cladibus aliis super alias, sustinebitis hunc hostem? Ad Pipini scilicet auxilia confugiendum. Hic vero mihi sapientia vestra patres opus est. Et videte per Deum immortalem, ne suspectior vobis periculosiorque cum Pipino sit futura pax deserto Nicephoro, quam apertum bellum socio Pipino. Equidem in sociis deligendis illa duo spectanda reor, fidem socialem, & potentiam. De fide satis illud fuerit quod diximus de Caroli religione. Cæterum illa mihi patres præcipue hisce magnis in rebus placere solet fides, quæ proficitur ab animorum consensu, non quæ tantum scriptura & tabulis continetur. Video autem circumfinitimos, sicuti nobis inimicos, ita Pipino quam carissimos. Illos colit, arcana communicat, horum consilio atque opera utitur. Primam igitur nescio quo pacto me tuto committam inimicorum meorum amicissimo. Adde quod juvenis (& ut Honorius inquit) ad iram proclivior. Præter illud quoque, quod reges quodcumque volunt, id pro æquo ducunt. Hæc quum ita sint: Si Nicephorus deseritur, & injuriam Pipinus inferat, cujus nam fidem opemve patres imploraturi estis? Nicephorine? Quo vultu? quo re? Derisui eritis utrisque. Illi tamen odio eritis maximo cui semper fuistis carissimi, quemque contra omne divinum humanumque jus, violata fide contemptui habueritis. Quum autem semel Pipinus caperit, nulla temperabit injuria, abutetur ut servis. Ne tibi tunc Honori nimium Pipinus propinquus videbitur. Pax erit omni bello perniciosior. Eripiet vobis patres pax ista libertatem. Ducatum tu geres Obeleri, aut tu Beate? Duces dabuntur Galli Germanique quos ipse jussit. Ferre oportebit omnem contumeliam, quam diversa sese offeret rerum facies. Adde quod ferunt aliquando Patavinos tentavisse apud Narsetem redigere Rivalentum in ditionem. Siquid simile nunc apud Pipinum molientur amici & regii contubernales, quisnam pene Deus ab ea nos eripiet injuria? Æquo sane judice disceptabitur, horret animus reputare hæc ejusmodi mille pericula. Conferte nunc si placet cum Pipino Constantinopolitanos imperatores. Nihil infidum ab his unquam, innumeris beneficiis privilegiisque donati si longis terrarum spatiis disjungimur. Id vero summum beneficium est ad libertatem. Si nunt vivere legibus nostris. Mercataram apud eos exercemus maxima cum libertate ipsis commodam, nobis uberrimam. Restat ut pauca nunc de potentia, quanquam & si a Constantinopoli magno spatio disjungimur, tamen ejus imperium terra marique tam longe lateque patet, ut ei finitimi simus. Nam si Pipini vires cum Nicephori conferas quantum ad res nostras pertinet, admodum quidem perexiguæ sunt. Tenet in supero Carolus a Ravenna usque Syontum, in infero vero a Neapoli Gades usque. Sed quid ad Nicephorum? Sub cujus ditione & superum mare pene totum est, & Ionium, & Ægeum? Pontus quoque & Hellespontus? Insulæ præterea omnes intra Pontum, & Oceanum, Baleares præter? Quanquam enim Saracenorum imperium Syria, Ægypto & Aphrica jam Christianum pepulerit nomen, maria tamen omnia nostra sunt. Classes Imperatoriæ toto dominantur mari, quemadmodum igitur mari positi constitutique mari vitæ quærimus ita salus & libertas omnis a mari dependet. Etsi necessitas adigat (quandoquidem versat suas fortuna vices) maritima nobis non campestris, aut montana auxilia sunt querenda. Nostrum existimare nunc possumus quicquid mari nunc tenet imperium, ad ejus loca navigamus, ibi negociamur, perinde ac in nostris versetur locis, quo fit ut non mirari non possim, qui dixeris maritimam nostram sola mercatura consistere, posse nunc animum inducere, ut tam præclaræ orientis navigationes merciaque tollantur, quoniam enim gentium naviga-

\* Proculdubio; etc.



bunt vestrae naves? *Ravennam credo, aut Anconam.* Sane ibi liberaliter excipiemini, quippe qui ferre non possunt diminui quotidie apud se mercaturam, crescere apud vos. Ergo reliquum erit ut commerciis orientalibus amissis pulsati ab iis paucis *Pipini* emporiis ad casas piscatorias redeatis. Nec illud enim verendum ne *Pipinus* in has insulas transscendat. Inferat fortasse aliquam littoribus injuriam, in insulas non transcendet. Illae mœnia, illae arces inexpugnabiles, unam patres teneamus viam, non per multas vagemur. Nulla etenim navis satis certum portum teneat, quæ nunc hac nunc illac agitur in diversum. Alioquin impingat in scopulum necesse est. Classem imperatoriam non ego hostilem ex auxiliari faciendam censeo, quod si contra jus fasque *Pipinus* bellum inferet, quod nec verisimile est, nec credi dignum. Libertatem patres tuebimur Arbitro fœderum, & innocentiae nostræ vindice Deo. Censeo igitur in Constantinopolitano fœdere perseverandum. *Pipino* gratias agendas, observasse vos semper illius majestatem, & *Caroli* patris, idem semper facturos. Tum legatio ad *Carolum* mittatur, purgatum, quæ de nobis inimici jactant. Hæc mea sententia est. Optimus Deus meliorem vobis approbet. Hæc quum *Angelus* dixisset, magno omnium assensu ejus sententia accepta est, & procul dubio anceps utrinque periculum imminebat. Cæterum ita erant animati omnes, ut in quasunque potius terras existimarent transmigrandum, quam in his sedibus agendum cum servitute ævum. Eam autem quo pacto fugerent non videbant, cum odio finitimorum, qui maxima apud *Pipinum* gratia pollerent, tum quod hæreret in visceribus *Ravenna* antiquissimum commodissimumque *Italiae* atque *Urbis Romæ* emporium. Ad eam vero cum hominum frequentia, tum opibus augendam, non erat dubium, quin *Pipinus* omnes vires intenderet. Atque illuc omnia negocia transfutura. Desertum autem iri portus omnes *Venetos* & oppida. Sublato autem mercaturæ studio, quid reliqui supererat, nisi servitutem subire morte pejorem? Ab eo die cessatum non est, poscere ex alto *Venetis* rebus opem. Spei non nihil esse in *Caroli* clementia cujus justitia mansuetudoque maxima eo sæculo ferebatur. Decreti itaque ad *Carolum* legati in quis volunt nonnulli *Obeherium* & *Beatum* duces extitisse. Convenere eum apud *Theodonium* in *Germania* agentem. Idem fecere *Dalmatæ* in causa licet diversa, & utrique eodem tempore. *Veneti* exposuere eam maxime causam profectionis, quod intellexissent esse nonnullos tum ex finitimis, tum ex *Venetis* exulibus a quibus delatum sit *Francorum* nomen infestum *Venetæ* genti esse. Id autem a maledicis jactari non tam prodendæ veritatis causa, quam ineundæ vanis artibus apud eum gratiæ. Cæterum spem *Venetis* omnem in ejus sapientia & æquitate constitutam, quam autem a vero sit alienum nemini omnium mortalium magis quam *Carolo* esse perspectum, qui meminisse debeat quum *Desiderius Langobardique* omnia fere in *Italia* obtinerent. Ad primum ipsius nuncium naves quinque & viginti missas militibus instructas, neque inutilem eo in bello *Venetorum* operam fuisse. Cæterum si in fœderibus cum *Nicephoro* constitutis, neutri parti adjudicati sumus, cui injuriam fecimus nos? Gens innocua, unius mercaturæ studiosi. Non agri nobis, non vineæ, in aquis nati educatique. Majores nostri salutis libertatisque causa in ea stagna commigravere. Ab his ita sumus instituti, ut cum omni mortalium genere pacem colamus. Abstineamus ab injuria omnium hominum commodis inserviamus quoad licet. Neminem pro hoste reputant *Veneti*, nisi forte piratas communes omnium gentium inimi-

A cos. Ne igitur per Deum immortalem invictissime cæsar dignos nos fecerint inimici nostri indignatione tua, postea quam hinc justitia, atque clementia, hinc vero innocentia, tenuisque fortuna dignos profecto non facit. *Carolus* eorum oratione permotus, ut erat miti ingenio, benignis verbis respondit. Non sibi unquam potius fuisse hostem bello vincere, quam pace fidem servare. Proinde inspectis fœderibus, jussit redirent ad suos, & patriis legibus ut ante assueverant, fruerentur. Jam *Niceta* patricius ab imperatore cum instructa classe missus ad tuendam *Dalmatiam Venetiasque Epiri* oram legens si qua forte in his locis *Pipini* classis obversaretur, quum nullam intelligeret, recta navigans *Dalmatiæ* urbes, quas a *Pipino* tentatas accipiebat, hortatus ut in fide & officio perseverent, *Venetias* est delatus. Ibi inter *Pipinum* & *Dalmatas Niceta* patricio præsentem de pace actum. Quod convenire non possent, prorogatae induciæ usque in Augustum. Quidnam autem *Pipinus* moliretur in *Dalmatas*, ita ut induciis opus fuerit ab ullo auctore non explicatur, ut *Gallicus* etiam scriptor *Annonius* qui de hoc bello scripsit quædam breviter a nostris omnino non abhorrentia eam rem totam omiserit. *Fortunatus* patriarcha quum primum de *Niceta* adventu certior est factus iterum in *Franciam* profugit. Qui haud dubie *Galorum* partibus favere existimabatur. *Niceta Venetiis* aliquot moratus dies, inde solvit *Obeherio* duce, *Spatario* declarato multisque aliis ornato donis. Profectus autem cum *Niceta Beatus Obeherii* frater missus, tum ad agendas imperatori gratias, tum ad eum in amore confirmandum. Ire etiam cum eo jussi aliquot magnæ auctoritatis viri, quos pro *Gallis* sentire erat suspicio. *Constantinopolimque* relegati. In quis fuere *Christophorus Castellanus* Episcopus, & *Felix* ejus insulæ tribunus. Interea *Carolus* dierum & gloriæ plenus omnem curam studiumque disponendis regnorum negotiis adhibere, cupientissimus imperatorii servandi fœderis, & in posteros transmittendi. *Pipinus* vero tum ferocior ætate, tum etiam nimia patris fœlicitate potentior factus, magnas versare animo res magna imperia classem parare adversus imperatoriam si redeat in *Adriaticum*. *Veneti* principio insequentis anni haud ignari quibus in periculis versarentur nihil jam omittendum rati, primum celerrimis navigiis rursus *Nicephorum* monent, quid *Francus* terra marique molietur, Classem mittat quam celerrime. Tum naves & quæ sibi aderant instruunt, & quæ aberant accersunt. Castellum quod in ulteriore *Bronduli* ripa *Deodatum* ducem *Ursi* filium construxisse diximus, valido firmant præsidio. Aliaque parant quæ longinquo sustinendo bello necessaria videantur. Neque *Nicephorus* segnior. Rursum *Paulum* patricium aucta superioris anni classe, bellum *Pipino* inferre jubet quam potest maximum. Is in *Tyrrhenum* mare delatus, ut bellum a *Dalmatis* & *Venetis* avertat, *Populoniæ Ethruviæ* urbem juxta eam quæ nunc *Plumbinum* vocatur, partim fraude, partim viribus captam diripit. Cæteras ejus oræ urbes vexat, ferro incendiisque, navigiis omnibus consumptis igni, aut demersis. Alia præterea *Nicephori* Classis præfecto *Niceta* patricio, in mare *Adriaticum* delata, *Italiae* oram *Pipini* partium exagitat. *Comaclum* adoritur vetustum oppidum & in stagnis palustribus haud procul a *Ravenna* situm, sed quoniam maritimus æstus, aqua vix vadis innatante majora navigia admittere non valebat, classis altum tenuit, nec admota oppidi mœnibus est. Minoribus quicquid potuit ferro ignique circumquaque demolitur. Tandem vastata omni ea ora in



*Dalmatas* declinat, easque urbes hortatur, ut in fide permaneant, *Venetias* est delatus. Magno exceptus honore ac lætitia. Interea vero quum e *Constantinopoli* dux *Beatus* revertisset multis auctus honoribus præsertim consulatu, qui honos protospathario habebatur major, *Obelerius* in fratrem livore majorem in modum est commotus, quamquam jam antea inter eos haud occultæ essent similitudines. Fuisse enim *Beatum* ferunt amabili ingenio atque tractabili, *Obelerium* autem insolentiori, verbisque & factis (ut diximus) ferociori. Præterea hi *Gallici* motus, sicut *Obelerii* gratiam auctoritatemque minuerant, quippe qui *Gallicam* duxerat uxorem, ita auxerant *Beati*. Præter id quod quum *Carolus* ad urbem ire pergeret, profectus est ut diximus ad eum visendum *Obelerius* cum *Fortunato*. Quos *Pipinus* excepit nimium quam familiariter. Eas omnes ob res quum increbruiisset opinio cum *Gallis* eum sentire, seque tum despectum, tum suspectum cernebat, novas res volvere animo cæpit. Tandemque ad *Carolum* in *Germaniam* profugit, exponit fratris injurias, quem sponte in ducatus consortium ascivisset, opes communicavisset, male sibi gratiam relatum. Cætera pati potuisse, sed quum insidias suæ vitæ tenderet, non tulisse, confugisse ad opem *Caroli* unicum in terris justitiæ profugium. Tum demonstrat parvo negotio fieri posse, ut *Veneti* vel invitati ad ejus partes trahantur *Fortunato* patriarcha fidissimo amico ad id maxime amittente\*. *Obelerium* tamen & *Beatum* in gratiam rediisse, eventus ipse docuit, ut paulo post docebimus. Ambosque quasi *Venetia* deperata re ad *Pipinum* transivisse. Addunt ad hæc alii, & *Gallici* præsertim auctores, quos recentiores sunt secuti. *Pipinum* non multo post audita *Nicephori* classe, quum se imparem maritimis viribus cerneret, nec congregi auderet, ad agendum de pace revertisse. Convenisse pro *Dalmatis* *Paulum Iaderæ* ducem & *Donatum* episcopum. Dum verò inter *Pipinum* & *Nicetam* conditiones feruntur adacti metu *Obelerius* & *Beatus* ne si forte alio sequestre pax conveniat, Ducatu a *Venetis* excludantur, ultro sese his colloquiis ingerunt, & immiscent, ut tam *Venetis* quam utrisque si possint satisfaciunt imperatoribus. Temere tamen id aggressi & inconsultius. Nam neque a *Venetis* ea de re mandatum quicquam erat, & *Pipinus* præterea ut magnorum principum mos est, si quid illi sperandum proponerent, promissum sibi ab iis existimabat. Quum vero conditiones convenire non possent, & *Niceta* rediisset cum omni classe in orientem, relicta *Veneta* re. *Pipinus* qui jampridem & suspectos & infensos haberet *Venetos*, mox ira concitus posteaquam videt redigi pacem non posse ad eas, quas *Obelerius* dixerat conditiones, culpam omnem in duces rejecit, qui promissis non stetissent, ab his queritur se delusum, eos objurgat, qui pacem turbassent, ut ipse jactabat. Atque ex eo die bellum adversus eos meditari cæpit. Accessit ad iram quod a *Venetis* audierat imperatoriam classem & supplemento & pecuniis, tum anno superiore, tum in præsentia ad\* vitam. Utcunque se res habuerint, belli causam fuisse constat, tum *Dalmatica* ad pacem colloquia, tum constantiam *Venetorum* in imperatoria fide. *Pipinus* igitur *Venetis* bellum moturus classem statim *Ravennæ* quam maximam potest cogit, tum ad infestandos *Dalmatiae* portus, tum ut diligentius prohibeat ne commeatus *Venetias* importentur. Ea spe ut exclusis terra marique cibariis, *Veneti* adacti inedia maturius faciant deditionem. Imperat præterea fluviales naves quam plurimas potest. *Veneti* vero certiores facti, longe celerius opinione ma-

A turari bellum, nuncios mittunt diversis navigiis ad classes imperatorias accersendas. Inde Castello *Brundulensi* præsidium duplicant, aut ad arcendum si possint hostem, aut si minus distinendum donec accurrant orientis auxilia. Nuncii *Paulum Cefferanum* offendunt classis alterius imperatorium ducem, qui recreatis militibus acceptoque remigium commeatumque supplemento *Adriaticum* versus navigationem instituit. *Veneti* præterea & ipsi bipartito sese accingunt adversus hostem, majores enim Castellatas naves stare juxta portus ostium in anchoris jubent, eumque aditum obstruere adversus classem *Ravennatam*. B Tum etiam ut si ex adversa parte per paludes fiat impetus, præsto sint ad procul arcendam. Cæterum adversus fluviales *Pipini* naves navicularum classem omnis generis ex omnibus insulis littoreisque oppidis contrahunt. Et ad signum parati sint jubent. Hæc dum apud *Venetos* geruntur *Pipinus* cum terrestri agmine superatis *Padi* atque *Atbesis* ostiis contra *Brundulum* constitisset, decrevit Castellum quod ab ea ripa positum munitumque diximus occupare. Situm erat e regione *Bronduli* vici. Distabat autem a mari & vicus & Castellum passus fere quingentos. Canalis utrunque intersecabat latitudinis passuum. xxx. C cum aliquot locis scalis admotis transcendere in muros *Franci* conarentur, *Venetique* qui præsidio erant, acriter resisterent, deturbarent etiam scandentes omni genere missilium (nam & parvus ambitu locus erat, ut milites plures essent quam pro loci defensione) *Pipinus* quum frustra se tempus terere animadverteret, capit consilium relicto castello impositaque navibus copiarum parte tranquillo mari ostium circumflectere, & copias exponere in littore ulteriori ut occupato ex utraque parte fluminis ostio facilius tutiusque reliquas copias transmittat. Quo facile facto (neque enim *Veneti* audebant in altum procedere minoribus naviculis, Majores autem ad defensionem *Meduaci* portus tenebant) potitur *Brondulano* vico *Pipinus*. *Clodiam* exinde pergens eam recipit. Tum deinde *Palestinam* prope ostium *Barchilionis*. *Albiolam* quoque haud magno intervallo interjectam a *Metamauco*, alto tamen & lato canali. Restitit ibi *Pipinus* aliquantisper, contemplatus locorum naturam. Quo pacto reliquum quod supererat belli in opprimenda *Metamauco* conficeret. Cognita *Metamauceni* cives *Brondulensis* portus amissione & adventu irati in se hostis, diffidere jam alios portus tutari posse, & transitum *Pipino* prohiberi proinde trepidare ac tumultuari inter se, variæ quoque exaudiri voces. E Præsertim posteaquam nunciatum est, *Clodiam* in ejus jam esse potestate. Qui cum *Gallis* senserant, non desistere invehiri in eos, & maledictis incessere, qui ab initio vetuissent ne ad *Carolum* *Pipinum*que transirent. Vulgi mos est ab eventu res expendere, culpamque in auctores referre si minus prospere cedunt. Quum etiam jactare satis adhuc temporis superesse (si sani sunt) mittendis ad *Pipinum* legatis, qui rem cum eo transigant utcunque possint, potiusquam ultimum excidium opperiri. Alii vero & præsertim *Angelus* cujus supra fecimus mentionem, populum, ut bono sint animo, hortari. Docere periculum hoc vitari non potuisse, littora semper extitisse pervia terrestribus exercitibus. Insulas vero eas esse, in quibus spem salutis ponant. Ad eas non esse terrestribus copiis trajectionem. Expertos eos tum *Athilæ* temporibus, tum sæpius deinceps *Gottthorum Langobardorum*ve. In insulis tuta fore omnia. Interim haud procul esse imperatoriam classem, eam facile terrores istos dissipaturam, tantisper in proximam *Rivaltam* secedant. Sic fa-

\* Forte amittente.

\* Legendum credo: adjutam.



facile elufuros *Gallorum* minas. Porro nullam esse salutis spem si eo in loco expectetur hostis. Neque fidei aut promissis *Pipini* standum. Si recte meminerint, quotiens id *Pipinus* postulaverit, quotiens illi negaverint. Haud solere superbos reges tam facile injuriam remittere. Præsertim quum manibus victoriam tenere sibi videantur. Conventu igitur indicto, solennisque sacrificii peracta precatione, placuit sententia in *Rivaltum* transmittendi. Libentius autem *Rivaltus* delecta quod portui *Meduaco* esset propinquior, & quatuor præterea circumdata insulis, facile ad omnem suscipiendam multitudinem suffectura. Decretum igitur, ut juvenus naves conscendat. Turba imbellis cum omni thesauro transmittat. Omnis igitur certatim populus cum ducibus & magistratibus sacerdotibus sanctorumque reliquiis uxoribus liberisque & omni pretiosa re, tum sacra, tum prophana in *Rivaltum* transmissere. Anno Domini nono supra octingentesimum, paucis apud *Metamaucum* relictis qui totius eventum rei expectare maluerunt. Quum vero *Pipinus* illum se elapsumque de manibus hostem videret, segniores autem fore *Rivalti* obsidionem, quia nec mari, nec terra deerant insulis commeatus ob ostiorum multitudinem, quæ diligentius observari non poterant, tum propter maris vastitatem, tum quia classem in multas dividi custodias non placebat, quum indies expectaretur imperatoria, substitit aliquantisper cunctabundus. Erat in conspectu *Rivaltus* propinquus & parvus & sine munimento locus, in quem *Veneti* fere omnes opes thesaurosque congefserant. Conversus ad suos: Quid agimus commilitones? Transmittendane vobis hæc palus, an vero *Ravenna* repetenda infecta re? Nonnulli quibus sanior erat mens, memorabant sine navibus transmissionem fieri non posse, nullas adesse paratas. Inscientia præterea locorum deterrebat. Alii vero ferre non poterant elusos sese ab huiusmodi hoste. Non deerant qui de more gentis assentabundi jactarent. Vide stultitiam superbiamque hominum, qui in fugam versi, & quasi aves funda concitæ in arundinea septa abvolavere, ibi se tutos existimant. Cunctabimurne o imperator qui *Rhodanum Rhenum*que totiens tranavimus, stagnum hoc ignavum

A & emortuum superare? Accerere naves, quæ tibi tot locis in promptu affatim adsunt, imple eas militibus, mox ut per hæc stagna remis & velis agi viderint, genibus tuis advolventur. Voci-  
bus igitur sublatis regem adhortari ad trajiciendum gazasque illas, quas sibi tenere manibus videbantur diripiendas. Concitatus *Pipinus* his vocibus, tamen quod animadverteret haud quaquam facilem transmissionem fore, existimationisque discrimen si non succedat subitum, decrevit primum tentare per caduceatorem, quem *Galli Araldum* vocant, si forte dedere se velint. Mandat ut in *Rivaltum* proficiscatur referat venisse *Pipinum Italiae* Regem suo patrisque *Caroli* imperatoris nomine ad earum omnium paludium & oppidorum receptionem. Dignos esse *Venetos* omni supplicio, qui quamprimum per legatos deditionem non fecerint. Cæterum ut Clementia innata *Francis* Regibus utatur, esse adhuc si sapiant veniæ locum. Si quod hætenus distulerunt, quamprimum exequantur. Sin malint pertinaciter secum agere, scire debeant, idem se de *Rivaltum* facturum deque *Metamauco* cæterisque oppidis a se captis, quod de perfidis tetrerrimisque hostibus dignum sit, omnia ferro atque igni demoliturum. Hæc a *Pipino* mandata quanquam & superbiæ *Gallicæ* plena videbantur, parum etiam  
C fidei irato in se hosti tribuendum, placuit tamen duos ad eum legatos honoris & emolliendi animi causa transmittere. Maxime autem temporis producendi causa, donec classis imperatoria in qua spes erat omnis appareret. Neque rebantur eam longius abesse. Legati ut erat mandatum supplici habitu voceque & verbis, veniam pacemque poposcere. Cum eos ille superbo atque insolentiori supercilio accepisset, ad pacemne, an ad deditionem venistis o *Veneti*? Quum ad pacem illi respondissent, quam æquam judicaret. Rex responso commotus, ad deditionem inquit evocavi, non ad paciscendum, proinde abite, ac vestris renunciate, pænas superbiæ statim daturus, qui nostram totiens contempserint misericordiam. Inde advolare jubet omnia ejus oræ navigia, Bellum navale quam maximum potest parat.

## LIBER DECIMUS QUINTUS.

**V**eneti & præcipue insulares, jam ab initio quum primum est allatum *Pipinum* littora conscendisse ignari quousque esset progressurus, paraverant sese ad prælium dimicandique fortunam, si forte transmissionem in insulas tentaret. Veriti siquidem ne id accideret, plurimas per id temporis naves ædificandas veteresque reficiendas curaverant. Accincti omnes velut ad repellendum commune excidium. Duabus in rebus spes erat omnis, tum in navium agilitate, quibus longe præstabant, tum in peritia scientiaque locorum, & præsertim canalium ut supra diximus errantium. Animati viam prius per sanguinem & corpora hostilibus præbere armis, quam finire ut pedem in *Rivaltum* ponant. Primum omnium *Venetis* fuit placare Deum, & ipsius veniam exposcere, aliquot dierum supplicationibus per omnia delubra arasque. Patriarcha clerusque omnis sacrificia solennia instituit. Matronæ & puellaris ætas circumire delubra ubi conditæ reliquiæ sanctorum, votis jejuniisque opem ex alto petere, inque ea maximam victoriæ spem collocare. Tribuni & Magistratus a curia dies no-

E tesque non discedere, & quæcumque paranda, agenda instruendaque sunt imperare. Cæteros quidem canales, præter eum per quem agenda *Gallica* erat classis, quibus possunt obicibus, tum pallationibus, tum demersis navibus saxorum plenis muniunt, ne circumagi hostis a tergo possit. Palos quos indices seu metas diximus, qua venturum hostem suspicantur, ex vadis tollunt, ut eorum inscientia, viam hostis tenere non possit. Naves ita dividunt, primam aciem minoribus navibus instruunt ad laceffendum turbandumque hostem, majores & quas ad portum in anchoris locatas superius docuimus, castellis, & propugnaculis instructas, pro tempore accersunt. Proximæ enim erant, & quasi statariam aciem in canali, per quod hostes tendere decrevisse ferebatur, ordine invicem vinctos statuunt. Dum *Veneti* ad certamen se parant, non segnior *Pipinus* naves quasunque potest, ut diximus undecunque convocat ad transmittendum, quod non sine ingenti dedecore fore videbatur, si *Italiae* Rex tam parva territum transmissione retrocederet. Convenere naves maxima ex parte fluviatiles, latioribus & planioribus carinis & quidem satis aptæ in-



indirectum ferri sursum deorsumve. Verti vero & in hanc aut illam partem flecti nesciæ, implevit eas militibus, quippe capacissimas, in quorum multitudine roboreque omnis illi erat spes. Classis Venetæ præfectus cui Victori nomen fuit nobilis Heraclianus magni nominis inter Venetos, tum fortitudinis, tum prudentiæ nunciis dimissis per omnes insulas & oppida, ut ad diem instructi paratique adsint. Posteaquam convenere convocatis ad concionem navium præfectis atque navarchis ex puppi prætoriæ triremis loco editiori ut omnes exaudirent, ita eos est allocutus. Et si fortasse decere minus videtur sapientem belli ducem in committendo prælio nimium fortunæ confidere, ne quod est unius Dei sibi arroget, eodem tamen ipso Deo propugnatore, non possum de felici crastinæ dimicationis eventu dubitare. Nam quum hinc pro fædere servando, illinc pro violando conferendæ sint manus, ego ne Deum ipsum fæderum testem superosque omnes partibus nostris auxilium laturum non sperem? Quod si terrestri pugna nobis agenda res esset & non navali, non esset adhuc animus victoriam superbo hosti, nisi per sanguinem vitamque concedere. Quid enim tristius quam vinci, turpius quam servire? Sed quum navali prælio sit dimicandum, cuius illi nunquam periculum fecere, vos omnes ætatem in eo belli genere cum imperatoris classibus adversum Saracenos contrivistis, tantum abest ut eos metuum, ut longe plus verear, ne cepti Pipinum pæniteat, domumque redeat sine congressu, tanta vobis erepta gloria, & nulla data superbæ pæna. Primum quidem, quod ad spem bonam promovet, locorum conditio est ubi congregiendum. Sane optare non potuistis vobis commodiora, hostibus impeditiora. Nota sunt vobis vada omnia ubi altiora, ubi humiliora, noti sunt canales eorumque flexus refluxusque marini quoque æstus qua increscunt hora, qua relabuntur. Omnia ignota sunt hosti. Ut eorum naves sive a latere, sive a tergo circumvenire velint, quod inter pugnandum sæpe necesse est, sane flecti non possint quin in vada quasi scopulos impingant præsertim quum nec ætuariæ sint & minime agiles factæ ad ferenda pondera non ad celeritatem. Quid præterea si forte qua hora confligendum erit, Ventus & fluctus increbrescet? Creditis ne eos pedibus posse consistere? quam nunquam hæc littora & has paludes attigisse vellent, correpti bili nausæque quasi comitiali morbo languescent. Ne illis nova videbitur horum camporum facies, & longe diversa, quam ex Albiola prospicientibus apparebat. Occæcavit homines superbia & prædandi libido, ut quid moliantur non intelligant. Postquam dimidium imperii per fraudem raperunt, cælum sibi contingere videntur. Expectabant credo leves homines, ut hospitio eos invitaretis, cenam optimam appararetis, aurum gemmasque conjugum in conspectum daretis. Quicquid placeret sibi uxoribusque tollerent. Hac spe ducti venerunt inflati Caroli & Pipini nominibus. Sed si viri fortes estis, quales in Ionio aut Ægeo aliquando sum expertus, intelligent in gladiis & lacertis, non in vanis istis nominibus victoriam stare. Quin etiam conviciis non parcent, piscatores & nautas appellant. Bene quidem nautas experientur (ut spero) crastina die, an officium præstetis, nec minus illud quidem falsæ ac facete quam piscatores. Sed ne fallantur, si me auditis, dabit operam implere retia vestra atque naves Gallicis piscibus, eosque rogabit, ut degustent, magisne Venetæ aquæ sint salis, an Britanica. Ergo levissimos homines non pudet, cum piscatoribus contra jus fasque bellum gerere? Quod si ulla unquam tum iustitia, tum necessitas pugnantibus fuit ad omnem explicandam expromendamque virtutem, vobis profecto nunc est. Veniunt illi ab ultimis oceani littoribus ad vestras domos diripiendas, quid iniustius? Rogati Carolum iuvistis apud Pa-

A. *piam navibus vestris atque militibus, en gratia quam referunt. Sed hoc non est satis. Fœdera Imperatores fecerunt, violatum illi veniunt. Vos fidem & iusjurandum servare decrevistis. Hæc utriusque partis iustitia. Sed quænam illos necessitas pugnandi adigit? invadunt vos vestraque, quasi per ludum & jocum, accincti ad diripiendas domos vestras, excindenda oppida. Barbaro Athila longe immaniores. Ille destructis urbibus hæc littora insulasque patribus vestris incolendas permisit. Isti hæc confugia ab eo relicta destructum desolatumque venerunt. De vobis autem quid dicam? defendere pergitis patriam, templa superum sacrasque aras a majoribus conditas ne desolentur. Domos vestras ne diripiantur. Parentes vestros ne jugulentur. Uxores ne prostituantur. Virgines ne violentur, liberos ne rapiantur, atque post ejusmodi contumelias ne omnes in teterrimam servitutem abducantur. Fera silvestres si earum cubilia catulique a venatoribus petuntur, ultro præcipientes ruunt in venabula. Quid vos tandem, quibus est longe acrior pignorum vestrorum sensus, amorque, facere debetis, latere vestros non potestis, quibus eos animis defendatis. In eorum conspectu res gerenda est. Plenæ erunt speculæ turrium domorumque unde uxores vestræ palpitanti corde prospicient pugnam & eventum. Sed omittamus plura*

C. *persequi, ne videamur, aut de omnipotentis iustitia, aut de vestra virtute dubitare. Hoc ego vobis polliceor spondeoque si crastina luce in congregiendi proposito perseverent, futuram vobis potestatem, ut quocumque malueritis vel ferro, vel aqua supplicium de perfido hoste sumatis. Respondere omnes se ducem suum secuturos forti atque alacri animo. Laudati a præfecto, & domum dimissi, atque in crastinum diem corpora curare iussi. In sequenti luce cum esset allatum ab Albiolensi littore Gallos solvere paratos, Venetus præfectus, qui totam fere noctem parandæ atque instruendæ classi operam impenderat, peractis sacrificiis, iussis omnibus naves conscendere minores & agiliores adversus hostem ferri imperat. His mandat ut quam diutissime possunt, missilibus hostiles remorentur naves quoad æstu refluxente aqua decedat. Remiges Gallorum sagittis eminus feriant, cominus autem non congregiantur. Igitur Gallica classis instructa, ut primum a littore solverunt, procul cernunt, cymbarum multitudinem quasi nebulam adversum se ferri. Admirati aliquandiu in remis subsistunt, ut inconspicuum venere, contempta parvitate, classem procedere jubent. Venetæ vero quæ sensim eo usque decedentem aquæ fluxum expectaverant, ut vident hostem remiges urgere dato signo, instructis cymbarum ordinibus locis quæque suis, equestrem ex celeritate aciem putares, adversus hostem feruntur. Factæ propius ad sagittæ jactum, fretæ agilitate a fronte a tergo & a lateribus hostem laceffere missilibus, ut erat imperatum. Et primum quidem minores hostium naves, facili negotio proturbant implicantque inscientia locorum neque prælio navali aptas, nec celeritati hostium pares. Magna pars refluxente æstu in sicco destituuntur, tum majores quæ per canalem vehébantur, eminus petunt, arcu, funda, scorpione, earum remiges feriunt magna ex parte inermes, sed dum ad canalis reflexum est ventum, ibi vero aspiceres, nec navem, nec militem officium facere. Naves ægre verti flectique, graves & plenæ militum ferri indirectum, neque gubernacula exaudire, nonnullæ in vada impingi. Miles autem Gallicus navalis pugnae infuetus ut primum inter gerendam rem, nutare sub pedibus navis cæpit gradum sistere non posse, sed trepidare ac conturbari. Multi præterea maritima nausæ corripit, ad omne negotium inutiles. Clamoribus conten-*



tionibusque misceri omnia. Alia ex parte instare *Venetis* & omnifariam missilibus incescere. Ut vero *Venetæ* naves majores de superiore loco vident hostem vadis implicitum, Classis præfectus nihil moratus, agite inquit milites, victoria, quam promisi in manibus vestris est. Vos quod spondestis nunc præstare, si modo viri estis non mulieres. Ea quum dixisset signum dari jubet, sublatoque nautico clamore velis remisque alacres omnes movent secunda aqua quum *Gallus* adversa ferretur. Nitentem hostem flexum alium canalis circumagere invadunt. Tum vero cominus congressi faxis, telis ex altioribus propugnaculis hostem feriunt, nonnullas autem eorum naves inter pugnandum injectis ferreis harpagonibus sensim ad vada trahunt. Nonnullæ accepta ex latere aqua merguntur, aut in sicco destituuntur. Illa vero res victoriam diutius remorari non est passa. Maximam siquidem ollarum multitudinem picis & calcis super hostilium navium tabulata jaculantur. Quibus lubricatis nec gradum sistere *Gallicus* poterat, nec virtute uti, vel ad tuendum, vel ad feriendum. Impeditus undique, & neque animo, neque corpore satis constans, tum vero iniquo nimium pugnari Marte cerneret vinctis diceret cum solutis rem esse. Profligata regia classis, cædes ingens edita, incertum majorne aqua an ferro. Quum neque aut in vadis destituti possent explicare sese, & obnoxii paterent ad omnes ictus. Naves præterea quæ in canali- libus oppugnarentur *Venetarum* rostris ex transverso incurfantibus, aquam ex lateribus accipiunt mergunturque. Canale in quo prælium commissum est orfani nomen in hunc usque diem obtinuit ob ingentem numerum occisorum: Certum testimonium ejus pugnae atque victoriae. Fuere nonnulli qui licentius hujus victoriae gloria abusi, tradidere *Pipinum* ponte per paludes constrato suppositis ratibus, vasisque ligneis in *Rivaltum* trajecisse. *Venetos* observato aquarum fluxu vento secundo impetum in pontem fecisse, commisso de ponte prælio pontem tandem disjectum & *Gallos* in aquis suffocatos. Hoc sicuti vix fani sit credere, *Francos* nisi longo tempore pontem conjungere potuisse quinque milium longitudinis. Regemque credidisse existimationem salutemque suorum doliis vinculisque vimineis. Ita longe mihi probabilius, quod narratum est. Adde, quis credat Regem non vidisse quam facili negotio *Veneti* vel noctu, vel interdiu ignem pluribus in locis in pontem injicere potuerit? vel tempestatum etiam periculum non cavisse? Si quæ forte orirentur ante transmissionem? Vidi ego apud *Metamaucenos* vetus monumentum, in quo memoriae proditum classem classi congressam *Gallicam* profligatam, ob eamque rem bene gestam donatos præclara immunitate *Metamaucenos*, quod eo in prælio astum quoque virtuti ad decipiendos *Gallos* addidissent. Ea adversa pugna *Pipinus* incertus animi quid deinceps moliatur, hostem non solum e manibus elapsum, sed ausum etiam sibi obviam ire, ferroque decernere. Dum cunctatur quid agat, ecce alia ex parte *Pauli Cæspæriani* imperatorii ducis oram *Dalmatiæ* legentis adventus nunciatur. Alacres eo nuncio *Veneti*, majoribus longe animis ex recenti victoria, nulla mora majores naves iterum insiliunt. Et obviam paulo ire pergunt, ut conjunctis viribus, hostem si forte expectet in alto, adorian- tur. Regii qui circa *Histriæ* portus obversabantur, facti & ipsi certiores de ejus adventu, veriti illud, quod *Venetis* parabat, ne videlicet utraque classis jungatur, & in se ambæ ferantur, expectare non ausi, vento remoque fuga elapsi, sese *Ravennam* recipiunt. *Pipinus* igitur duplici

A re male gesta, ingenti ira percitus everfis omnibus oppidis, quæ prius in deditionem receperat. *Albiola*, *Palestina*, *Clodia*, *Ravennam* versus reflectit iter, omnia igni ferroque vastat, nec prophanis parcat, nec sacris. In his monasterium sancti *Michaëlis* de quo supra diximus spoliatum direptumque solo æquat. Tradunt hic scriptores omnes paulo post inter imperatoriae classis ducem, *Venetosque* & *Pipinum* amicitiam fœdusque renovatum, ut *Nicephori* partium *Veneti* pace belloque censerentur. Eodem anno *Pipinus* apud *Mediolanum* per opportune vita functus, ferociori quam *Venetis* expediret ingenio. Nonnulli ex externis scriptum reliquere, *Venetias* hoc bello a *Pipino* sub ditionem missas. Et *Blondus* olim familiaris meus scriptor sane cætera diligens, hac tamen in re, neutiquam sibi admodum bene constat. Siquidem juxta finem *Undecimi libri*, dum bellum *Heracleiense* describit, dicit *Pipinum* *Heraciam* *Equilumque* *Veneta* oppida invasisse, cives autem campestrium locorum munitione diffisos, Civitates deseruisse, *Venetiasque* maximo familiarum numero commigravisse. Scribit autem paulo post initio. *xii. libri* in *Venetis* monumentis eo bello factam *Venetiae* subjectionem. Hæc autem quo pacto convenient, non satis intelligo. Nam si tantus familiarum numerus sponte *Heracia* relicta *Venetias* confugit, quo igitur pacto *Pipinus* *Venetias* subjecit? Cives profecto relicta *Heracia* *Venetias* commigraverant. Quas tu igitur *Venetias* memoras? Supererant enim alia paulominus viginti oppidis. Et tu subjectas scribis *Venetias*? An qui *Pipinum* fugiebant ultro sese *Pipino* in servitutem dabant? Quis hanc repugnantiam conciliet? Quod autem scribit haberi ex *Venetis* monumentis, sane quid iis contineatur, scripsi superius. Scribunt etenim demolitam *Heraciam* ab *Venetis* non a *Pipino*. Cæterum paulo post facile nobiscum in gratiam redit, ubi profitetur se ex sententia bellum hoc *Metamaucense* scripturum. Scribit enim *Pipinum* a *Ravenna* littora *Veneta* transcendisse, omnia oppida usque ad *Albiolam* recepisse. *Metamaucenos* duces, & omnem senatum sedes transtulisse in insulam *Rivaltum*, exceptis qui deserere patriam noluerunt. Subdit illud quoque post imperatoriae classis adventum pacem inter imperatorem *Pipinumque* renovatam, ea conditione, ut *Veneti* *Nicephori* partium pace belloque censerentur. Sed quid de *Paulo Diacono Aquilejensi* dicam? Qui scribit *Pipinum* *Venetiam* subegisse per ducem *Obelerii* & *Beati* deditionem? Quasi nihil intersit inter transfugas homines, & publicæ deditionis auctores, & ut mendacium contegat, subdit continuo libertatem *Venetis* donatam. Optime sane ista cohærent. Factus est cito *Pipinus* ex acerrimo hoste liberalis amicus. Quin magnæ *Venetis* est laudi, qui fugientibus ad hostem ducibus, fide ipsi moti non sunt. Quam vero non fuerit *Venetis* gratus *Obelerii* ducis transitus ad *Pipinum*, hinc perspicue apparet, quod ducatu depulsus *Obelerius*, aliquot post annis a *Justiniano* Duce captus apud *Vigiliam* civitatem capite pænas luit. Ab hoc autem *Diacono* facile *Blondus* ipse nos liberat. Scribit enim hunc *Diaconum* ubi potest libenter *Venetorum* gloriæ detrachere. Causam errori dedere (sic enim libet magis opinari) tria illa quatuorve expugnata oppida a Rege præpotente, quasi reliqua etiam necesse fuerit in illius venisse ditionem. At vero quotiens vidimus amissis regionibus, urbes, amissis urbibus, arces incolumes stetisse; Nec stetisse solum, sed etiam imperium restituisse. Satis fuerit unius *Romæ* exemplum, cujus libertas in solo capitolio retenta, cætera quoque restituit. Hæc fortasse pluribus



bus quam necesse fuit, sed ne cui forte videremur ab re & quidem haud spernenda externis scriptoribus refragari. Hæc a nobis uberius ac distinctius explicata. Victoria pacisque paucis diebus geminata lætitia labores in quibus multifariam per eos dies *Veneti* sunt versati, non solum in oblivionem dedit, sed ingenti etiam spe omnium implevit animos, læta deinde omnia successura. Primum igitur per omnia templa gratiæ Deo actæ, exhibitaque in defatigatam plebem pietatis & largitionis officia. Deinde publico totius gentis decreto expostulata superum venia, coacta concione de firmanda ducatus sede omnium consensu decretum, ut in *Rivalto* quam Deus probasse tanta victoria videbatur, atque ubi jam locum capissent firmaretur, nemo non questus est majores non animadvertisse quanto tutior commodiorque ibi sedes ducatus foret, quam in *Heracليا* aut *Metamauco*. Hic pax, hic securitas vel a continenti, vel a mari. Mænibus non indigere non portis, paludium munitionem inaccessibilem, inexpugnabilemque, expertos esse quanto tutiores sint insulæ littoribus. In *Grado* sæpius, nuper in *Metamauco*. Proinde quod sælix faustumque esset nomini populoque *Veneto* bene juvante Deo, sedes ibi firmata. Id vero posteaquam est actum, nihil ad omnium populorum lætitiā deesse videbatur, nisi ut in ducem deligendum pari concordia convenirent, aberant siquidem *Obelerius* & *Beatus*, non audebant in patriam reverti. Per amicos & cognatos agebant quibus poterant artibus, ut delectus ducis impediretur. Complures illi favere cum misericordia, quæ plurimum solet mortalium animos emollire in principum hominum calamitatibus, tum *Beati* fratris gratia cujus ingenium amabile. Quicquid forte ab eo peccatum esset, totum in fratris *Obelerii* culpam referebatur. Primores tamen & populi maxima pars, elati victoria, quæ longe magis eorum animos ad orientis imperatorem inclinaverat, illorum reditum audire non poterant. Hæc quum *Obelerius* intelligeret, instituit aliunde petere opem. Perfecta siquidem pace *Nicephorus* duos legatos ad *Carolū* miserat *Leonem* & *Arsaphium* spatarios, qui pacta inter utrosque principes confirmarent. *Carolus* autem apud *Aquis granum* agens quum semper antea honorem imperio detulisset, vinci se liberalitate non est passus. Remittit ipse quatuor Oratores ad *Nicephorum* *Gildonem* Episcopum, *Ugonem* comitem *Turonensem*, *Aigonem* comitem *Forojulii*. Addit *Annonius Gallicus* scriptor quartum *Obelerium Venetiæ* ducem patria extorrem. Siquidem *Obelerius* inquietus animi, quum exclusum se ducatu ac patria videret, impetravit a *Carolo* commendationem ad *Nicephorum*, quem facile sperabat omnia a *Venetis* impetraturum. Annuit *Carolus*. *Veneti* quum illius protectionem intellexissent, suspicati quam rem fratres molirentur, & ipsi suos oratores quos ad agendas imperatori gratias delegerant, admonent de *Obelerii* adventu, imperantque ut diligenter quid molietur advertat. Erat quoque tum forte apud *Venetos* *Obersapius* imperatorius apocrifarius, qui tractandis rebus omnibus, quæ ad bellum *Gallicum* pertinerent, semper affuerat. Eum quoque monent, ut *Nicephorum* certiore reddat de *Obelerii* adventu. Caveat hominem majestatis suæ inimicum, nihil de eo audiat, nisi prius explorata *Venetorum* voluntate. Interea tribuni accelerare ducis electionem. At vero amici *Obelerii* *Beati*que omnibus conatibus impedire. Vociferari non posse, nec debere ducem eligi vivis & extantibus ducibus aliis, atque eorum ducatu non abrogato. Qui si per injuriam extra patriam agant, judi-

A cium tamen legitimum de his haud hætenus factum. Nec ducatu lege pulsos etiam si absint, pessimum exemplum agi, indicta atque injudicata causa damnari. Quod enim facinus, quod scelus admifere? Ut & ducatu spoliarentur & bonis omnibus? Ambitionem nonnullorum in causa esse, quibus dies annus videatur ad ducatum invadendum. Itaque quum esset ad eam rem indicta concio, major adhuc contentio suborta postulatumque ab amicis *Obelerii*, ut potestas ei publica fieret tuto veniendi & coram causam agendi suam. Dicturum enim pro se eorum utrumque, quæ nemo mortalium noverit, scire eos, quæ alii nesciant. Vulgatum esse, Insanum sano propria in causa plus sapere. Rejectis eorum postulatis, postremo maximis altercationibus adnixi sunt, ut referent tribuni prius de *Beati* causa quam *Obelerii*. Facile misericordiam sperabant ob *Beati* mitius ingenium. Id si impetrarent, non erat dubium quin frater fratrem restitueret. Itaque quum diu multumque de ea re esset certatum, neque ea quoque admissa postulatio, tum a maxima tribunorum parte relatum. Sub hac ferme verborum formula. Quum *Obelerius* *Beatus*que male ducatum administrarint atque cum hostibus senserint, placeretne novum ducem creari? Tandem tribunus *Metamaucenus*. Vereri inquit interdum cogor o patres, ne libertatis nomen, quod usurpare & quo tantopere gloriari nonnulli solent, verbo magis quam re persequantur. Quid est enim tam libertatis proprium, quam æqualis inter cives omnes legum observatio? Leges servari tunc dicimus, quum omnes civitatis ordines, his obnoxii sunt, non quum earum obliviscimur ad majorum potentiorumque libidinem. Omnes autem leges formulam criminalium judiciorum exactissime instituerunt. Primum quidem ut accusetur reus, ut deinde citetur, ut audiat, ut producantur testes, ut diligentius examinentur. Nunc præpostere omnia, Quid horum obsecro hac in causa servatum. Qui si in privatorum causis hæc servantur omnia, quo pacto, non sese infelicitissimos omnium *Obelerius* & *Beatus* existiment? In judicium rapi omnium fortunarum nullo eorum, quæ diximus ordine servato? Obsecro tribuni pellere eos ducatu vultis. Quam ob causam? Quia videlicet male ducatum gesserunt. Hoc autem nonne prius istis omnibus probandum fuerat? Simile videtur perinde ac si quis ideo morte dignus judicetur quia furtum dicatur fecisse, nihil autem probetur. Quis hunc damnandi morem approbet? placeatne tribuni si quis de vobis ita referat? Quod si tale quippiam tentari nemo vestrum patiat, cur non miseret infelicitissimorum ducum, ad quorum damnationem nihil nisi tria verba recitantur? Huic vos patres per Deum immortalem, perque eam libertatem, quæ fuit semper vobis, ipsa vita carior, tanto malo occurrite. Et quid afferunt? *Mauritios* duces ab *Obelerio* & *Beato* depulsos, quam sit hoc falsum nostis omnes. Arripere sponte fugam nemine persequente, sine vi, sine tumultu. Sanctissimi viri anima de turri præcipitata, & conscientia scelerum nocturnis somniis, quasi furiis agitata, expulit eos ducatu. At paulopost *Obelerius* dux est acclamatus, magnum scilicet crimen. Videte patres nonnullorum impudentiam. Nam si optare ducatum crimen est, cur ipsi nunc ambiunt? Quod licere sibi existimant, cur alii crimini dant? Ab eadem invidiæ radice, illud quoque obestant, quod *Gallicam* duxerit uxorem. Infortunium illud patres non crimen est. O miserandam humanæ vitæ conditionem, qui nuptiis istis nomen *Venetum* ducatumque vestrum honestare non fædare existimavit, nunc post tris susceptos liberos, qui patrem appellare vix possint, venit cum filiis in periculum fortunarum. In eo quoque crimine periclitata libertas *Veneta* est. Qui *Romam* cum *Fortunato* ierit. Honestius credo cum *scurra* aliquo, quam cum patriar-



cha profectus esset. Iverunt ad spectaculum illud non solum multi quos praesentes hic cernimus, sed Italia fere omnis. At sensit Pipini societatem. Id vero patres si crimen est (libere loquar) actum de libertate vestra est. Si cuique dicere non licet sententiam de republica quam sentit. Tyrannorum istem, ut audire nolint quod ingratum illis est, non liberorum populorum. Qui si felix eventus adversam sententiam comprobasse videtur, meminisse debent datam homini a Deo mentem bonam, fidem, integritatem, non autem divinandi rationem. Tantum ne fuit scelus si pertimuit Obelerius bellum cum potentissimis regibus suscipere? Bellum inquam atrox, pericula, labores, impendia, quae profecto omnia sunt consecuta. Quid est magis ducis proprium quam civis suos in pace continere? bella vitare? Porro si Pipinus complusculos dies in his traxisset moram littoribus. Sed plura non licet, ne damnare videar sententiam quam deus meliorem approbavit. Reliquum est tempus in quo post secundum Nicetiae adventum, de pace inter principes agi ceptum. Ubi iactari audio nescio quae voce submissiori. Quin altius proferrunt, ut omnes exaudiant? Si vera sunt reipublice satisfiat, sin falsa, dent ut redargui possint. Jamdudum hoc queror. Oravimus ut illis fiat publica veniendi potestas, exaudire nolunt. Illud profecto mihi tribuni probare non potestis, aliter iustitiae posse satis fieri, quam ut veritas e tenebris in lucem eruatur. Quo igitur pacto melius id consequimini? Testibusne & certioribus argumentis, an solis maledictis, & vulgi suspitione? Ceterum ut quantum sit in ea re periculi, intelligatis. Dicunt Pipinum in iurgio Obelerium proditorem appellavisse. Ergo quia juvenis impotens & iracundus (ut ipsi quoque fatentur) qui quod volebat assequi non poterat, in convicia prorupit, etiam si falsa sit e mentitis, pendendus erit Obelerius quasi proditor? Quid si nunc ostendo aliam ejus convicii causam extitisse? An ignoratis patres questum saepius Pipinum, quod imperatoriam classem pecunia juvissetis, & supplemento? Nonne dignus est hic nodus, qui certioribus testibus dissolvatur? Igitur (ut aliquando finiam) aut vetus vobis servandus est mos plenus iustitia, aut ambitionis, & invidiae morsibus, omnia permittenda. Haec sunt patres fere omnia crimina quae conquisitis undecumque calumniis colligere inimici potuerunt, ex ducatu sex annis gesto. Neque haec defendendi illius causa dixi, quid enim purgarem ea, quae non obijciuntur? Sed tantum ut ostenderem pessimum exemplum agi, & a vestra aequitate atque iustitia procul abigendum. Nihil est enim ad seditionem proclivius praesertim in liberis populis, quam varietas iudiciorum. Sed quid tandem Beato fratri obijciunt, cujus de periculo non minus agitur, quam Obelerii. Nunquid & ipse duces expulit? Aut Gallicam duxit uxorem? aut denique quicquam illi rei cum Pipino? Qui absuit legatus Constantinopoli? Et in periculum una cum fratre rapitur omnium fortunarum. Quae quum ita sint, non possum existimare patres vos propter alterius forte imprudentiam alterum insontem, & qui nihil mali commisit prodere inimicis velle potiusquam propter Beati fratris innocentiam Obelerii imprudentiae veniam dare. Orationem amici & propinqui ducum, maximis precibus nonnulli quoque lachrymis profecuti. Nec deerant, qui tum misericordia Beati & juvenis & ingenio peramabili, tum etiam quod obiecto iustitiae quasi simulacro, nonnulla ducibus inferri videbatur injuria flecterentur, qui primi valebant opibus infimulati de ambitione, vix audere palam verba facere. Maxime autem in principum calamitatibus mortalium animi non possunt non misericordia moveri. Et profecto data illis fides publica extitisset veniendi, nisi *Timotheus Rivalti* tribunus sententiam dicere rogatus non dubitasset

de superiori loco orationem habere. Is propter maximum rerum usum, & ab ineunte aetate libere loquendi consuetudinem, praesertim ubi publicum privatumque commodum, contrariis sententiis ageretur, erexit omnium in se oculos. Dixisse autem in hanc sententiam ferunt. Utinam patres optimi in hoc bonorum malorumque hodierno convictu, quantum improbis ad fallendum natura audaciae confert, tantum bonis ad cavendum spiritus & diligentiae contulisset, profecto non tu Antoni, Obelerii causam audacius, ne dicam impudentius ageres, quam nos reipublice salutem diligenter tueremur. Defensor Obelerii qui nullam hanc rem publicam esse voluit. Queritur de legibus & judiciis, qui eam salvam volunt & incolumen, iniustitiae accusantur. Quid vobis videtur? Tu Antoni causam, quae nunc agitur, quasi privatam, deque privata re tractavisti. Neque id mirum. Qui magnam aetatis partem contrivisti in foro iudicis. Nos eam publicam existimamus. Immo quae totam contineat rempublicam, & quam longe secus ac privatae solent causae agitari oporteat. Nam publicis in rebus queritur non quid uni, sed quid universae civitati utile est. Quod de citatione dixisti, ideo in privatis necessaria. Quia quotidie ab urbe absunt homines ad privata negotia, & obscurum est, cur absint. Ut igitur reo non fiat fraus absenti iusta de causa, citatio est instituta. Principem autem a civitate abesse longius non licet, sine causa legitima, & universae nota civitati. Sin aliter abest, ut Obelerius absentiae causa, nisi mala ex radice nasci non potest. Quid igitur tum citatione opus est? Omitto autem quam sit ridiculum principem citari, qui ipse sponte debet legibus occurrere. Tu quoque Antoni qui hoc optime nosti, nunquam petisti, ut citaretur, petisti, ut illi publica potestas fieret se coram purgandi. Cur ipse non venit? Fores apertae sunt. Honestius veniet sine fide publica, si innocens est. Praecidet maledicorum linguas, nemo ducatum ambiet, nemo fortunis eum deturbabit. Cur igitur non venit? Conscientia hominem & malefacta, non minus errabundum agunt per alienas terras, quam modo dixeris ex conscientia priores duces aufugisse. Si quidem haud minus est patriam prodere, quam unum patriarcham aut omnibus Venetis libertatem eripere, quam uni illi vitam. Vivat igitur apud eos, quos sibi dominos delegit. Mittat eos quos ne inter liberos viveret fuga deseruit. Atque ut intelligas, quam ego hanc causam longe putem a privata distare, quaero ex te si duces Mauricii pater & filius, qui nunc Mantuae degunt, ipsi quoque ducatum repetant. Quid consulas? Ereptum sibi dicant per factiosos homines, sine formula iudiciorum, sine testibus indicta causa, quid ad haec dicas? Suadeasne ut illis potestas fiat ad dicendam causam? Si negas, cur ergo quod in aliis injustum censet tuis in amicis quasi equum postulas? Nihil ergo ex me audies de Obelerii moribus, rapinis, stupris, & nefariis sceleribus aliis. Non enim persequimur, quae si singula recitentur, vix mensis sufficiat. Itaque omnia quae dixisti de conjunctione Taurisina, & de Gallica uxore, & de Caroli amicitia & de eleganti illa oratione qua sedus Pipini suasit, illi condonemus. Sed fuerit ante hac pravis & non ferendis moribus ut omnis norunt. Mihi nunc sane frangi factus videtur, qui sibi ipse a patria exilium indixerit, ut nos ab improba servitute liberaret, vitam illi patres debemus. Salus siquidem exitiumque regni in manu principis est. Nam post illam egregiam orationem, qua suasit ut relicto Nicephoro ad Pipinum transiremus, quum suam sententiam detectam despectamque videret, atque una cum fide amisisse dignitatem, in Franciam ad Carolum profugit. Repudiatus a Carolo ad Pipinum se recipit. Nota sunt omnia, allata litteris, relata per nuncios. Nihil Obelerium dies noctesque apud Pi-



Pipinum agitare, nisi de bello vobis inferendo, qui si mentior, dicat quid aliud egerit per tot menses. O egregium ducem, qui hostem urget ad bellum inferendum. Suos autem cives deterret a repellendo. An vero eventus ipse non docuit? quas enim partes secutus est Obelerius? Audebisne dicere cum Venetis sensisse, qui semper apud Pipinum, & inter ejus contubernales versatus est? At id agebat, ut pacem componeret, & in patriam redire posset, quid autem egerat, ut non posset? Videtis ne, ut ipse se prodat? ceterum patres majus nunc aliud agitur, quam putatis quod occultant. Deliberastis omnium consensu deferere Metamaucum & huc commigrare, quam sapienter & necessario, non est hujus temporis. Vultisne igitur consultum illud rescindere, & in Metamaucum remigrare? Si consilii penitet, reducite hunc hominem, rem cito conficiet. Quid enim aliud istos nunc agere existimatis? Hoc volunt, hoc meditantur. Exciditne vobis memoria patres? ad quam rem homo ille respexit cum evertit nobilissimas illas duas in Venetis civitates? Non possum meminisse sine lachrymis, quod majores vestri ducentis & amplius annis in his extruendis urbibus aggererant, hic bonus princeps viginti diebus nefandis diruit ad solum usque. Sane id diligentius Athila efficere non potuisset. Nihil illum ad tale patrandum facinus impulit, nisi metus invidiaeque, ne iterum ducatus in Heracliam transferretur. Urfus Heraclienfis qua virtute princeps? Quibus rebus gestis? Tamen quia ferebatur noluisse pacem Equilanis dare, vitare non potuit populare odium & tumultu orto occisus est. Huic autem Obelerio, qui duas ex nobilioribus urbes uno pene spiritu est demolitus, Ducalem parabimus navem, ad eum reducendum? Quid enim nunc aliud de Rivalto cogitat? majores & impotentiores referet quam antea spiritus, plenus irarum minarumque, praecipue adversus hanc insulam quasi causam desolatae patriae. Quis illum prohibebit? immo quis adversus eum hiscere audebit? Quum stipatus Gallicis satellitibus iisdemque armatis incedet, quum litteras quotidie a Pipino proferet, quum ore oculis vultuque minabitur? rejicite patres per Deum immortalem ista consilia exitialia pestifera. In opere sunt omnes ut videtis, aedificare apparant sternere paludes, lapides & materiam invehere. Quum primum illum restitueritis, tepescat hic aedificandi calor necesse est. Quis enim erit tam inspiens, qui non videat ducem brevi ducatum ex hac urbe in patriam propriam translaturum? Sumptus autem & labores in hac Rivalto positos in irritum casuros? Nec illud quoque patres non etiam atque etiam vobis considerandum. Quid seditionum odiorumque, quid denique perturbationis sit consecuturum. Regnent necesse est illius amici, cum suo duce, fugiant ducis faciem, atque conspectum quicumque ducis libidini sunt adversati. Qualem igitur domi pacem, quam in judiciis equitatem, in conciliis moderationem, quam denique usquam concordiam speratis? At facilis est ingenii & temperantis. Eodem loco habebit omnes. Si talem cognoscitis, aut experti estis decernite ut lubet, sed si superbissimum, ad vindictam implacabilem, nolite ab hoc homine publicis in rebus expectare moderationem, quam nunquam in propriis adhibuit. Pravitas enim morum secundis in crudebit rebus, non emendatur. Haec domi, quid foris? Qualis per Deum erit tum rerum status? Vivunt adhuc etiam Nicephorus & Pipinus, sopitae sunt inimicitiae, non extinctae, vivet in sempiternum inimicitarum fomes. Placetne iterum quae passi estis denuo experiri? & in superiora iterum pericula revolvam? Vultisne rursus, aut iratum in haec stagna recipere Pipinum, quem amicum & orantem repulistis? An vero cernere iterum littora vestra compleri equitibus, ardere oppida, portus obsideri? Quiescet scilicet Obelerius oblitus superiora. Nullas modestus

A homo ad Pipinum mittet epistolas, nullas accipiet. Hoc quantum sit qui non intelligit, aut aliud sibi vult, aut nec illud intelligit, quam sit periculosum libertatem suam prodere amicis inimicorum. Quid autem demens queror? Nihil est quod timeamus. Aderit scilicet ad primum renovati Gallici belli periculum, cum ingenti classe Niceta patricius, quia vero Nicephoro gratias pro beneficio reddideritis amplissimas: quam praeterea bene sibi ista conveniunt, ut oratores nunc mittatis agendis gratis Constantinopolim: hinc vero in ducatum restituatis ejus inimicum? At per Deum immortalem, si quis est in nobis humanitatis sensus, pudor aliquando possit, quod posse non videtur gratia accepti beneficii. Sane Oberasio illius apocrisario, qui tot menses tanta cum fide & amore apud vos versatus est, cupio intelligere, quo vultu, quo ore, consilium vestrum probaturi esis. Mirari satis non possum quo pacto haec tot tantaque tum honoris dignitatisque, tum salutis libertatisque pericula non solum subire, sed ne audire quidem possimus. Ite igitur in suffragium patres & quandoquidem male Nicephori fœdus successit, Pipinum sequimini. Nihil profecto erit reliqui, nisi ut domi seditionibus concisi, foris vero deserti ab eo a quo salutem accepistis inimici vestri jugum subire cogamini. Illud vero quod in calce orationis adjecit de Beato fratre, omnino patres, nihil est, nisi creditis eo restituto, Obelerium quieturum, & utriusque amicos, non de utriusque fratris reditu, semper & per omne facinus molituros. Itaque aut ambo vestra cum salute excludendi, aut ambo cum vestro excidio recipiendi. Mota universa concio est, praedicare omnes nunquam sapientius, aut fortius senatore locutum, bene ac feliciter semper omnia Venetis processura, si multos ejusmodi cives habeant. Maxime propter ea quae commemoravit pericula, in quae incidere nullo modo vellent. Quo autem pacto vitari possent non videbant, si rediret in patriam Obelerius. Alio deinde decreto paucis interjectis diebus relegatus Obelerius Constantinopolim, laderam vero Beatus de quo metuebatur minus. Non defuerunt, qui tradiderint Beatum nunquam ducatum deposuisse, in Rivaltumque transmigravisse a Metamauco una cum cæteris. Et septimo defunctum anno, quod liquido falsum est. Nam sicuti de anno non ambigitur quo haec transmigratio facta, ita initio insequentis delectum primum ducem a plerisque ex scriptoribus nostris memoriae mandatum. Valentini junioris fortuna qualis extiterit, non satis comperio. Ducis deligendi dies quum advenisset, peractis solennibus sacrificiis quanquam alii quoque eum honorem appeterent praestantes opibus & virtute, unus tamen eminebat inter alios. Is erat Angelus Particiacus, qui Pipini dissuaserat societatem, in eum omnes ordines oculos conjecerant. Itaque summo omnium consensu a populo dux salutatus est. Angelus igitur primus hunc honorem in Rivalto est consecutus anno domini octingentesimo nono. Addiderunt praeterea tribunos duos, qui juxta ducem civiles criminalesque causas judicarent, annuosque constituerunt. Juridicundo palatium locus delectus, ubi nunc est, & domicilium principis juxta constructum. Licet ex aliquarum aedium vetustate, quae quidem vetustas honorem quandam majoribus aedificiis, & quasi venerationem praestare solet, nonnulli existiment duces ea tempestate privatis ducatum aedibus egisse. Quod ipsa re secus apparet, neque praeter vulgarem opinionem quicquam habet auctoritatis, semper etenim duces juxta Sancti Marci aedem forumque & judiciale & venale habitavere. Laxari autem majorem in modum, & ampliores reddi insulas jam captas placuit constratis & in solidiorem humum paludibus



redactis, ut concurrenti multitudini tecta satis essent. *Pupiliam* quoque insulam medio fere spatio inter *Rivaltum* & *Metamaucum* cepere, eamque latius constravere. Namque ut ex Ecclesia & ruinis aqua obrutis adhuc apparet, frequentius olim oppidum habitatum est. Cæterum deinceps maritimis inundationibus defatigati incolæ omnes in *Rivaltum*, & præcipue in insulam, quam *Dorsum Durum* appellant commigravere. Impetravit *Angelus* a *Carolo* pacis confirmationem nuper apud *Ravennam* confectæ & multas præterea immunitates. Siquidem *Carolus* ut supradiximus orientalis fæderis atque amicitiae mirum in modum semper exitit studiosus, *Michaellem* & *Leonem Quintum* imperatores, qui *Nicephoro* succedere, omnibus est officiis profecutus. Instauravit cum iis pacem fædusque, mutuoque sese fratres appellavere paulopost ob summam rerum omnium fælicitatem magni cognomen consecutus, ingenti cum gloria rerum gestarum defunctus est. Easdem immunitates a *Lodovico Caroli* filio *Angelus* facile obtinet, nec minori quoque libertate per plurimos imperii successores itum. Duo supra xx. immunitatum privilegia recitat *Laurentius* monachus a *Carolo Primo* adusque *Fridericum Secundum* ex *Andrea Danduli* chro-

A|nicis collecta. Nobis ea repetere supervacaneum est visum. Condita complures ædes hujus ducis tempore. Urbem *Heracliam* prius dirutam, unde esset oriundus instaurat, Civitatemque novam appellat. *Rivalti* nomen permanfit ducali urbi aliquot etiam per annos. Ita ut tum *Rivaltus*, tum *Venetia* appellaretur. Termini ejus ab *Grado* oppido ad oppidum *Caput Aggeris*, & quod juxta est *Lauretum*. Qui quidem terminus secundum littus apud portum verum terminatur inter *Fornaces* & *Gaurum Padi* ostia. A continenti autem *Patavinos* fines versus pertinet ad usque castella duo, *Athesi* fluvio interlabente, alterum *Venetia* in hunc usque diem appellatum, alterum vero in adversa ripa paulo superius, dictum *Cassellum Ducis*, positum in *Athesi* insula quæ *Pollicinum Rodigii* nuncupatur. Fines autem inter *Venetum* & *Patavinum* qui fuerint, facile percipi licet, & ex iis quæ dicimus nominibus, & ex hujus *Angeli* ducis donatione Monasterio sancti *Ilarii* facta, & a *Dandulo* in chronicis recitata. Pro his finibus conservandis plurima atque ingentia suscepta bella, tum cum *Patavinis*, tum cum iis, qui *Patavio* sunt dominati, *Friderico secundo*, *Ecerino de Romano Scalensibusque*, & novissime *Carrariensibus*.

## Bernardi Justiniani de Origine Urbis, Gestisque Venetorum Librorum XV.

F I N I S.

# BERNARDI JUSTINIANI, DE DIVI MARCI EVANGELISTÆ VITA, TRANSLATIONE, ET SEPULTURÆ LOCO, LIBER I.



um *Venetia* urbis originem scribere constituiſſem memini me attigisse operis initio, in ejus conditione accidisse nihil, quale in aliis condendis urbibus solet. Non mœnia, non portas, nullas denique arces extructas. Subiit deinde animum paucis post translatum ducatum annis beatissimum *Marcum* evangelistam ex urbe *Alexandria*, ubi octingentis aut fere annis jacuerat, a *Venetis* mercatoribus sublatum & *Venetias* esse translatum, quare non alienum a proposito nostro arbitratus neque præter rem, si ad ea quæ hæcenus exposui hoc etiam adjunxero, quo pacto res ea gesta fuerit commemorare constitui, ut is ad urbem novam, vel muniendam, vel ornandam quasi conditor, sane protector nobilissimus accesserit. Cujus munitione & patrocínio invicta tandem & inexpugnabilis redderetur. Siquidem decem aut paulo plures intercessere anni inter absolutam *Venetiam*, & translatum ex *Alexandria* evangelistam. Quod agendum illa etiam res me non mediocriter commovebat, qui isse in oblivionem mihi sanctus videbatur. Ut plerique de nostris etiam (quod nefas dictu existimabam) dubitarent, an corpus illud sanctissimum, nunc etiam in templo sibi dicato situm perseveraret. Eam rem ex memoria pene omnium excidisse, non potui non ægre ferre. Qui & huic sancto subtractus honor, & ipsi civitati de præterito patrono haud mediocris illata videretur injuria, tam ob illius singulares divinasque virtutes, quam ob ingentia erga *Venetum* nomen merita, præ-

C|sertim quum ea quæ ab illo sancto acta fuerunt, parcius ab aliis sint descripta, quam (nisi fallor) ipsius dignitas & excellentia deſcat, ut non nisi pauca quædam in seriem digesta reperiuntur. Quod aliis quoque fere omnibus eorum temporum sanctis accidisse videmus. Ut pauca sint de eorum vita moribusque tradita. Summum illis sæculis decus fuit, & unicus prope honoris cultus palma martyrii. In eo omnis laus, omnis erat gloria constituta, ita quidem ut neminem sacri illorum temporum Canones sancti titulo dignum, præterquam martyres existimarent. Eum qui assequabantur satis amplam relinquebant virtutis suæ memoriam. Aliqua igitur aliunde colligere non piguit quæ digniora visa sunt. Fuit etenim hic sanctus multis divinis exornatus donis, evangelio, prædicatione, disciplina, martyrio. Illuxit inter præfatos illos viros Apostolicos veluti præcipuum splendidissimumque sidus. Vitam igitur primum, translationem deinde ex *Alexandria* in hanc urbem describemus. Videbimus deinde, an de loco ubi quiescat sit dubitandum. Fuit *Marcus Israeliticus* genere tribu *Levitica*. Sacerdotium non minus virtute, quam genere promeruit. Destinavit eum dominus ad fortiorum excellentioremque militiam. Cælestem sapius illius doctrinam audivit. Plurima illius opera admiranda vidit. Primitiasque christianæ fidei corde penitus imbibit ex divino illius ore altius haustas post ascensum autem in cælum ad *Petrum* sese contulit summum Apostolorum ducem. Nomen sub eo principe dedit, atque ab



eo baptismatis characterem accepit, totum se illi tradidit. Factus illius comes individuus. Nunquam deinceps deseruit illius latus. Ut *Petrus Damianus Romanæ Ecclesiæ Cardinalis* quum de discipuli erga præceptorem amore loqueretur, ita scriptum reliquerit. *Ea fide Marcus & dilectione magistrum prosequutus est, ut unum cor, una in duobus anima corporibus habitasse videretur.* Amoris testimonium *Petrus* prima reddit epistola, in qua his verbis utitur. *Salutat Vos, ea quæ in Babylone electa est ecclesia, & Marcus filius meus,* Pro Babylone Romam significans. Erat autem *Marcus* ore, verbis, gestu, ita compositus, ut quicquid diceret ageretve, spiraret (quod nunquam sine Deo est) cum prudentia sanctitatem. Tantæ vero humilitatis extitisse ferunt, ut qui sacerdotis officium pertimesceret, quasi nimis amplum, & excelsum, seque eo munere minime dignum existimaret, pollicem sibi amputasse dicatur, quo parum idoneus illi ministerio haberetur. Anno autem domini primo & quadragesimo *Petrus* Apostolus *Antiochena* Ecclesia constituta, quam septem per annos rexit, subrogato *Evodio* successore, *Romam* ad propagandam latius christi fidem *Simonem*que magum, qui illam acrius infectabatur, expugnandum contendit, cum eo *Marcus* profectus est. *Romæ* igitur cum essent, maximam *Marcus Romanorum* fratrum gratiam & amorem comparavit, carior quotidie omnibus esse, unum *Christum Jesum* in ore habere, si quando præceptor majoribus intenderet urbis regiones perambulare, infectari idolorum cultum, & de *Christi* veri Dei cælesti doctrina factisque mirabilibus, quorum ipse multa oculis accepisset, prædicare. Quæ quum maxima a cunctis attentione audirentur, admirationemque parerent, *Clemens* pontifex maximus, & *Papias Hieropolitanus* Episcopus, rogatum a fratribus tradunt. Ut quæ ipse vidisset, & præceptorem de *Christo* differentem audisset, litteris mandaret. Annuit ille, scripsitque *Græcis* litteris evangelium. Breve illud quidem.

*Prius tamen edere non est visum, quam cum præceptore communicaret, ipsiusque iudicio emendandum si videretur subiceret. Pio delectatus furto magister est, probavit illud, legendumque & vulgandum cunctis per orbem permisit Ecclesiis:* hæc *Eusebius*. Ut mirari se dicat *Damianus*, cur librum illum patres inscripserint non *Petro* potius quam *Marco*, scripsit autem ut *Martino* historico placet. Anno domini primo & XL. postea vero quum *Petrus* Apostolus diffundendæ latius fidei ardore succensus ad subigendas christiano nomini alias quoque provincias, quasi legatos dimittere instituisset, urbis autem *Aquilejæ* nobilitatem, frequentiamque intelligeret, placuit eam legationem *Marco* potissimum demandare, cujus optime nosset, tum oris gratiam singulareque bene instituti animi virtutes, tum vitæ sanctimoniam, ut tam verbo quam exemplo fructus ederet uberiores. Eam procurationem *Marcus* alacri suscepit animo, non quod suæ fideret virtuti, sed quod quicquid ageret diceretve omnem spem in summi Dei clementia, & principis sui precibus jampridem collocavisset. Dies igitur & noctes ipsum Deum obtestari, sibi vires non esse tantæ patrandæ rei, consilium præstaret ipse & auxilium, de cujus ageretur, cum honore, tum religione propaganda. Responsum accepit, ut forti animo munus arriperet, divinam illi opem non defuturam. Proficiscenti igitur *Aquilejam* primam illi occasionem obtulit rei bene gerendæ *Athaulphus* quidam adolescens nobili loco natus. Qui cum lepra laboraret, & ingredienti urbem *Marco* primus forte occurrisset, intuitus eum

A *Marcus*, & accedens quasi medicus, morbum contemplatus, erexit eum in spem salutis si modo illum audiret. Renuntiat continuo juvenis patri *Ulphio*, quid a peregrino homine audierit. Mox pater accurrens obsecrat *Marcum* summis precibus, ut si quid potest, filii morbo succurrat. Respondet *Marcus* per eum stare quominus sanctur. Nam si monitis suis obtemperet, & mementi fidem præstare velit, facile illi salutem posse restitui. Pater lachrymans omnia se facturum spondet. Tum Beatus *Marcus* idola illi cæpit eorumque vanitatem detestari prædicare doctorem gentium cælo demissum *Christum Jesum* Dei filium. Medicinam autem & lavacrum ad eum morbum, nullum esse efficacius, quam *Christi* baptismus. Quum assensisset pater, omniaque facturum quæcunque imperaret, polliceretur, oratione *Marcus* ad Deum facta, postea quam juvenem aqua sacri baptismatis lavit, a lepra continuo mundatus est. Hujus miraculi fama, statim urbem pervasit universam. Magni ad novum hospitem visendum concursus fieri, alii genus flagitare, alii adventus causam. Mirari doctrinæ genus inauditum antea. Respondere singulis *Marcus* mira mansuetudine. Uno autem, aut altero edito ad comparandam fidem miraculo, veluti tellurem aliquam incultam sentibusque plenam, aratro proscindendam accepisset, ita cælestis amore regis incensus, mox accingitur ad idolorum vepres eradicandos. Jamque liberius in Deos gentium invehi, homines fuisse contestans, eorumque principem, vitam stupro, adulterio, paricidio, & omni libidinis genere commaculatam duxisse, idem de aliis quos pro diis habeant demonstrare. Mortuos tandem, famamque & popularem eorum gratiam sibi dæmones fabrefactis eorum simulacris, vendicavisse. Nullum iis inesse spiritum, nullam animam, sed a dæmonibus occultis præstigiis moveri loquique, unum esse D Deum terræ cælique conditorem. Qui misertus tantorum errorum, filium cælo demissum delegavit, ad veritatem mortalibus declarandam. Cæteros esse spiritus fallaces invidos & deceptorios. Fælicitatem aliis polliceri, qua propter superbiam sint ipsi depulsi. Quum autem quotidie ejus nomen increbresceret magnamque christo adscivisset multitudinem, formandam sibi meliori vitæ morumque disciplina ratus, primæ tam ecclesiæ, quam templi in ea urbe fundamenta jecit. Quæ semper nobilissimum in *Italia* tenuit locum. Sacerdotes & diaconos instituit, ritumque, tum solennis sacrificii, tum orandi psallendique diurnis atque nocturnis horis dedit. E Quibus rite peractis biennio ad eam rem ibi consumpto, quum eum Beatus Apostolus *Romam* accersisset, assumpto sibi comite Beato *Hermachora*, quem ejus urbis antistitem crearat, iter *Romam* versus instituit, magno totius fere civitatis mærore. Sed in primis eorum quos christi quasi filios pepererat, qui longe plus suavissimis moribus & exemplis purissimam sanctitatem redolentibus ad christi confessionem, quam verbis pellecti, quasi nunquam deinceps carissimum patrem essent visuri, deplorabant. Fertur autem fama multorum sæculorum tradita per manus eorum, qui primi hæc loca incoluere, accidisse eo in itinere quiddam, quod prætermittendum non videtur. Nam dum ad urbem revertitur, maris autem fæda nimium facies ventis & fluctibus appareret, delegit per paludes unda mitiori iter agere. Itaque divertit ad insulam *Rivaltum*. Ibi perquam benigne ab incolis excipitur. Dum autem noctu quietem capit, Angelus per visum eum adit facie hilariori. Adsum tibi *Marce* fælix de cælo nuncius. Nostine ubi nunc agas? Longior quam credis hic tibi



tibi debetur quies, cum autem ille naufragium his verbis significari dubitaret bono sis animo inquit. Non tibi tam ignavum mortis genus destinatum, sed post longos adhuc labores tuus te princeps, pro cuius honore nunc certas, martyrii corona decorabit. Cæterum ut tibi gratior iste sit locus, quem tam humilem tenuemque nunc vides, nosse te velim, tempus adhuc fore, quum ossa tua e barbarorum manibus erepta, hic perpetuo quiescant. Evadet in gentem magnam ope tua precibusque, tantum virtutem pietatemque colant, lætus huiusmodi nuncio actisque Deo gratiis iter peragit. *Romam* igitur summa cum laude reversus, magnæ illi gratulationes habitæ, tum a præceptore qui illius fidem & diligentiam magnopere laudavit, tum a *Romanis* etiam fratribus, quorum numerum auctum vicissim *Marcus* quum videret, summa lætitia est affectus. Confirmata ab Apostolo *Hermachoræ* electio in *Aquilejensi* sede, Is deinde *Hermachoras* multis editis miraculis, multisque mortalibus ad christi fidem conciliatis, tandem *Sebasto Aquilejensi* præside in carcerem trusus, cum *Fortunato* Archidiacono fælici palma, capite truncatus est. *Petro* autem visum non est permittendum *Marci* virtutem diutius *Romæ* in otio torpescere, mandat aliam illi maximi ponderis provinciam *Alexandriam*, ut *Ægypti*, *Palestinæ*, *Cyrenesque* tractum omnem ad confessionem sacrosanctæ fidei perducatur. Neque territus est Apostolus legationis magnitudine ac difficultate, qui nulla esset in orbe gens colendis idolis corruptior, & omni mortalium genere frequentior. Sed nihil erat tam arduum tanque magnum, qui jam non posse existimaret maxima cum spe *Marco* demandari. Fælix non illa minus fuit profectio prælagium illi animos fecit. Mox etenim ad eam terram appulsa navi, accidit forte, ut calceus in terram descendenti solveretur. Ille in prosperum prædicationis retulit initium. Ad comites conversus, *Agite fratres bono simus animo. Agnosco domini mei præceptum.* Hoc idem *Moyse* mandavit. Missurus etenim ad *Ægyptios*, solve inquit calciamenta de pedibus tuis. Et christus discipulis ad erudiendas gentes profecturis: *Nihil inquit tuleritis in via, neque peram, neque virgam, neque calciamenta. Prospera reddet dominus itinera nostra, liberatis ab omni sorde terrene cupiditatis:* urbem ingressus casu divertit apud *Anianum* quendam indigenam a quo liberaliter est exceptus. Accidit autem ut *Anianus* eo forte die manum sibi subula alte defigeret, dolore concitus, exclamat unus Deus. Accepit vocem evangelista, & confirmatus in spem fælicioris eventus, *Bene inquit se res habet, posteaquam hic quoque aliquis est unius Dei sensus & ratio.* Conversus inde ad *Anianum*, inquit in eum quem invocasti, mox ipse te reddet incolumem. Sputo in terram facto, subulæ ictum linit. Ictus momento cicatricem obduxit. Hoc primum *Marcus* edidit *Alexandriæ* signum, Christi domini exemplum secutus, quum visum homini, quem cæcum mater ediderat, per sputum restituit. Admiratus hospes rei prodigium, non solum viciniam, sed urbem pene totam miraculi fama complevit. Concurritur ad eum visendum. Qua gente sit percunctatur, unde profectus, quam ad rem venerit. Christianum respondet esse, venisse *Roma* Christi fidem ad *Ægyptios* prædicatum. Secum tulisse mercem regni cælorum, quam vendat *Ægyptiis*. Liberalem se fore mercatorem, & parvo si emptorem habeat venditurum. Quum his & huiusmodi sermonibus, adjunctis quoque miraculis populum sibi conciliasset, majus restare negotium perspiciebat exstirpandis

A innumeris & inveteratis illius gentis erroribus, ut difficile dictu sit utrum magis fuerit incredibile. Potuisse tantum mortalium numerum adigi ad execrabiles ejusmodi superstitiones, an vero hominem unum tot hominum millia illis exstirpatis infantiis, ad unius veri Dei cultum, tam brevi traducere potuisse. Pro maximis colebant diis *Serapim* olim *Argivorum* Regem *Isidemque Inachi* filiam (ut poetæ tradunt) a *Jove* stupratam. Parum hoc erat. Pro diis habebant *Crocodilum*, *Bovem*, *Capram*, *Felem*, *Hircum*, *Simiam*, *Accipitrem*, atque *Ibim*, *Lepidotum* piscem, & *Oxyrinthum*, murem, & araneam, quorum ple-  
B risque & templa & urbes dedicassent. Infinita numero huiusmodi portenta venerabantur, ut ad olera usque descenderent, porrumque & cæpe. In primis autem carnem\*, illi divinos deferabant  
C honores. Eorum flagitiorum *Ma. Varro* causas late explicavit, quæ interim nobis sunt omittendæ. *Marcus* autem quum hanc Deorum collusionem aspiceret jam inveteratam, & animis hominum altius inustam, non tamen animo defecit, id primum est aggressus, ut hominis nobilitatem & excellentiam plurimis experimentis edoceat, quantumque cæteris, vel a summo Deo, vel a natura creatis rebus præstet. Rem præposteram ac minime ferendam demonstrat indignissimum quodque a dignioribus adorari Deum unum cælum & terram condidisse, Animantibus replevisse: Cæterisque rebus ad solius hominis usum procreatis, ut pro beneficiis benefactorem adorarent, non ut pro benefactore beneficia, Maximum autem omnium errorem eum esse pervertere naturæ Dei-  
D que rationem. Qui si portentis istis, quæ colant, juvari interdum videantur, discant tamen non in eo stare divinum numen. Alioquin ad fordidissima quæque adoranda redigatur homo necesse est, quorum illi sit usus, usum enim esse homini eorum omnium. Hæc cum exemplis omnis generis confirmaret, tum ad cælestem doctrinam sermonem vertebat. Non esse passum optimum Deum, humanum genus inter hos errores tenebrasque volutari. Filium sibi coæternum in terram demisisse. Doctorem omnibus gentibus dedisse. Explicare deinde Christi Dei filii vitam & gesta, a se conscripta, eamque cælestem disciplinam omnifariam miraculis confirmatam. Sed nihil erat quod magis animos omnium, qui eum  
E contemplarentur, in admirationem adduceret, quam singularis vitæ austeritas & abstinencia, cibi potusque parcitas, tenuitas vestis, & totius corporis neglectus, ut nudo propior, quam induto, tam hieme, quam æstate semper incederet. Hæc omnia illius verbis magnam præbebant fidem. Nihil est enim quod magis animos omnium conciliet, quam pecuniæ rerumque earum, quas cæteri mortales pro maximis habent contemptus. Solam hominis salutem quærere apparebat. Maximus jam undique ad eum audiendum concursus fieri. Inter cætera autem non minoris illi operis fuit redigere ad rectam Christi disciplinam nonnullos quos ibi reperit christianam professos religionem, Judaicos autem ritus & cerimonias non deferrent. Ea re *Marcus* animadversa, quum  
F eradicandam sibi eam superstitionem videret, moliter id agendum est ratus, ne eradicata *Zizania* eradicaretur simul & triticum. Comparata igitur sibi apud eos gratia, & auctoritate, qui ejusdem & ipse gentis olim fuisset, miraculis præterea, quæ quotidie in omnium oculis edebat, edocuit suos illos prophetas, quibus fidem tantam adhiberent, unum Christum Jesum suis carminibus cecinisse. Veteres autem cerimonias ritusque extitisse novæ legis figuras. Vetera illa omnia abolenda. Neque amplius umbram sequen-

\* Forti-  
Canem.



quendam. Posteaquam veritas illuxisset, his & huiusmodi sermonibus (quod maximi fuit operis) ex malefanis *Judæis* optimos reddidit christianos, ita ut eum ubique sequerentur colerentque, & ut carissimum parentem venerarentur. Quum igitur gentilium sacerdotes perspicerent quanta quotidie *Marcus* cresceret auctoritate, quales ad eum concursus fierent, infremere spiritu vehementius, pati nullo modo posse ferere hunc hominem novam istam frugem, quæ cresceret indies, fore tandem, ut horrea sua idolotica segete exinanirentur. Cogere igitur quotidie adversus eum concilia, insidias nectere, mortem denique meditari. Ea quum ad *Marcum* res fuisset allata, declinare instituit eorum rabiem, non tam mortis metu (certum enim responsum acceperat ab angelo de martyrio suscipiendo) sed ut priusquam illud subiret feliciori comitatu pompae frequentiori ad caelestem suum imperatorem triumphans rediret. Relicto igitur tantisper *Aniano Alexandrinæ* Ecclesiæ præside, institutisque sacerdotibus *Melito*, *Sabino*, & *Cerdonio*, secessit in *Pentapolim*, quæ & *Cyrene* appellatur. Fama ad eas jam pervenerat regiones. Exceptus est magna lætitia, longe tamen majori, posteaquam & videre hominem, & audire licuit. Disciplinam mirari, & sapientiam in Idolorum cultu destruendo, cum rationibus, tum vero signis, atque miraculis. Quibus quicquid diceret suaderetve, facile in sententiam ducebat, potiusquam trahebat. Infirmos sanare, dæmones expellere, cæcis visum, claudis ingressum restituere. Simulacra quocunque iret dejiciebantur. Quum vero lustratis omnibus circa regionibus ad unius Dei & Christi Jesu confessionem, incredibilis accessisset multitudo, plures sparsim condidit Ecclesias, *Libyam* minorem simili successu peragravit. Tantum ubique moræ facere, quantum fructus & salus eorum populorum deposcebat. Postea vero quam diligens agricola quasi demessis omnibus circum provinciis legisse, felicissimam sibi frugem visus est, instituit *Alexandrinam* Ecclesiam revivere, anno ut ferunt secundo postquam inde discessit. Exceptus est mira fratrum lætitia & gratulatione, reperit magnum auctos in numerum, delubrumque construxisse juxta mare rupibus quibusdam adhærens, eo in loco qui tum dicebatur *Statio Bubulci*, quod nunc etiam *Marci* nomini dicatum est, maxima est affectus lætitia, semina ab sese jacta fructus tam uberes, tam brevi protulisse, ut qui ante ejus adventum Dæmonum illecebris, aut fallaciis irretiti per tenebras errarent, agnita nunc tandem caelestis sideris claritate, oculos aperuissent. Nihil tamen sibi tribuere, nihil omnino humanæ aut eloquentiæ, aut sapientiæ. Omnia Dei potentiae cujus unius esset corda convertere ferebat accepta. Cum autem de eo sancto multa referantur memoria digna. Tum illud præclarissimum qui Ecclesiam quam ipse instituit *Alexandrinam* arctiori vivendi genere & quasi monastica vita, ita composuit. Ut *Philon* *Judæorum* disertissimus multa de illius sanctimonia memoranda reliquerit. Hic *Philon* *Romam* venit *Claudio* imperante, *Petrum* sæpius audivit, atque illius familiaritate plurimum est usus. De baptismo, suscepit nec ne, dubitatur. Is *Philon* seu ad gentis suæ gratiam, quæ primam illam Ecclesiam tenuisset, seu veritatis lumine illustratus, plurima memoratu digna scriptis mandavit. Quæ quidem *Eusebius Cæsariensis* secundo Ecclesiastica historia libro. c. xvii. diligentius est complexus. Capita quædam tum *Eusebii*, tum *Philonis* inferere visum est. *Eusebius*, hunc *Marcum* tradunt ad *Aegyptum* perrexisse, atque evangelium

A quod ipse scripserat prædicasse primamque Ecclesiam apud *Alexandriam* constituisse. Tanta autem refertur multitudo credentium virorum ac mulierum exemplo sobrietatis ejus & continentie congregata ut etiam conversatio eorum qui per ipsum crediderant, & vita abstinentie dedita sobriaque convivia, *Librorum* memorie mandata sint a viro disertissimo *Philone*, quos constat ab eo esse compositos. Et infra. Nam in libello quem *Philon* de vita theoretica conscripsit, primo omnium tradit qui renunciant cunctis facultatibus suis, qui sese ad huiusmodi philosophiam dederint, & bonis suis cedant. Tum deinde quod omnes vitæ hujus sollicitudines procul abjiciant. Et extra urbem egressi in ortulis vel exiguis quibusque agellulis degant. Refugientes imparis propositi consortia, & vitæ dissimilis contubernia, scientes impedimento esse hoc arduum volentibus iter virtutis incedere. Tali quippe ordine calore fidei incitati, hi qui primitus credebant, vitam duxisse memorantur. Et infra, denique eidem libro de quo diximus, tale initium dedit. In multis inquit orbis terræ partibus hoc genus hominum reperitur. Oportebat namque perfecti hujus boni participem fieri omnem Græciam, omnemque barbariem. In *Aegypto* tamen major est copia per singula quæque territoria, præcipue autem circa *Alexandriam* regio est magis philosophiæ quam frugibus opportuna supra lacum, cui nomen *Meridi* sita colliculis quibusdam molliter & clementer erecta, ad munimentum, simul aëris temperiem commoda. Et descriptis eorum habitaculis est inquit in singulis locis consecrata orationi domus, quam monasterium appellant, vel *Semnon*, qui in lingua nostra sonat honestorum conventiculum. In quod secedentes honestæ & castæ vitæ mysteria celebrant. Nihil illuc prorsus quod ad cibum potumque pertinet inferentes vel ad reliqua humani corporis ministeria. Sed legis tantum libros, & volumina prophetarum, hymnos quoque in Deum cæteraque his similia. In quorum disciplinis atque exercitiis instituti ad perfectam beatamque vitam studiis jugibus coalescunt. Et post aliquot iterum dicit. Ab ortu enim diei usque ad vesperam, totum ab eis spatium in studiorum exercitiis ducitur, quibus ad divinam prophetiam per sacras litteras imbuuntur. Patrum leges in allegoricam intelligentiam deducentes, quia formas esse & imagines quæ in legis littera scripta sunt, opinantur, latentis intrinsecus profundi cujusdam divinique mysterii. Habent etiam disputationes quasdam & interpretationes veterum virorum, qui & auctores ipsius sectæ extiterunt. Quos allegoricæ ac figuræ intelligentiæ normam, quam plurimis scriptorum suorum constat tradidisse monumentis, quorum illi velut itineris sui ducum & auctorum instituta pariter sequuntur, & morem. Et infra. Itaque non solum subtilius intelligunt hymnos veterum, sed etiam ipsi faciunt novos in Deum. Omnibus eos & metris & sonis, honesta satis & suavi compage modulantes. Et infra. Continentiam vero velut fundamentum quoddam, primo in animo collocant. Et ita demum reliquas super hanc pergunt ædificare virtutes. Cibum potumque nullus eorum ante solis occasum capit. Tempus scilicet lucis cum philosophiæ studiis, curam vero corporis cum nocte sociantes. Nonnulli autem etiam post triduum in communicationem veniunt cibi, quos scilicet edacior studiorum fames perurget. Jam vero hi qui in eruditionibus sapientiæ, & profundiore intelligentia sacrorum voluminum conversantur tanquam copiosis dapibus inbiantes expleri nequeunt, & contuendo acrius inflammantur. Ita ut nec quarto jam, nec quinto, sed sexto demum die non tam desideratum, quam necessarium corpori indulgeant cibum. Hæc *Eusebius* de *Philone*. Multis aliis omissis brevitate causa. Et profecto quanquam *Philon*



paulo fuit *Marco* recentior, non tamen maxima caret admiratione, tam paucis annis, tantos fructus *Marci* labores edere potuisse. Inde postea per multa sæcula repleta est *Nitria*, & *Thebais*, & *Aegyptus* non tantum monachis, sed pene exercitibus monachorum, ut etiam deserta serpentium potius, & bestiarum, quam mortalium habitacula, monachis sint repleta. Inde *Macarii*, *Ilariones*, *Pauli*, *Antonii*, alique cælestis militiæ duces tantis laudibus decantati. Hi fructus non immerito illius laboribus adscribendi. Ut non injuria *Cassiodorus*, & *Isidorus*, & *Cassianus Massiliensis* *Marcum* principem & quasi parentem monasticæ vitæ appellaverint. Nam *Cassiodorus libro secundo de vita monachorum Aegyptiorum* *Marcum* evangelistam principem ejus vitæ extitisse asserit. Et dedignamur adhuc atque erubescimus christianam profiteri fidem receptam a gentilibus super cælesti quodam spiritu sic agente, signorum testimoniis super omnem naturæ vim atque potentiam. Quæ enim sapientia eloquentiave tam parvo tempore tantam animorum conversionem efficere potuisset? Quum igitur cresceret indies hujus nominis auctoritas per universam *Aegyptum* aliasque circumquaque regiones, idolorum sacerdotes conjuratione adversus eum facta septimo Kalend. majas qui fuit paschalis apud christianos dies, nam his forte diebus *Serapis* solennia agebantur, mortem illi decreverunt. Carnifices misere suos ad eum comprehendendum, qui illis diebus christianam multitudinem in publicum prodire non putarent aursam. Mortis genus hoc fuit. *Marcum* reperiunt apud christianorum ecclesiam. Celebrabat tum forte rei divinæ solennia. Injecta igitur collo catena fune alligata, ut erat sacris vestibus indutus, raptare per civitatis vias & compita cæperunt, vociferantes, ducamus hunc Bubalum ad loca Bubulci, novam significantes Ecclesiam christianorum. Horrendum sanctus ille præbuit ac fædissimum visu spectaculum, percutso lacertoque ore, confractis omnibus membris, tabo fluente, & cruore stillante. Nemo fuit etiam ex gentilibus, qui non indignam deplorandamque rem existimaret innocentissimum virum hujusmodi cruciatibus discerpi ac lacerari. Vespere tandem facto, pene exanimem in carcerem reducunt. Ferunt ad carcerem venisse dominum *Jesum Christum* clarissimo lumine præfulgentem, ut fidelissimum fortissimumque militem consolaretur, atque his verbis usum. *Pax tibi Marce Evangelista meus. Ecce hora prope nunc adest, qua post tantos labores & cruciatus triumphatis Italiae & Aegypti populis ad sempiternam mecum requiem letus in cælum conscendas.* Ille autem: *gratias tibi ago domine Jesu, qui me dignum habueris, qui pro nomine tuo patiar, quod & tu prior pro me facere dignatus es.* In sequenti luce carnifices iisdem, quibus pridie vocibus raptare iterum pergunt. Cæterum exanguis & sine ullo jam spiritu, elevatis in cælum oculis, memor magistri verborum, in manus inquit tuas domine commendo spiritum meum, sanctissimam animam in domino exhalavit. Incredibile est quanta christianorum

A multitudo ad illud spectaculum concurrerit. Ipsi etiam gentilibus lachrymas movit ea crudelitas, ut non minus exarserint in iram gentilium sacerdotes ex eo concursu, quam cum publice eum Christi nomen prædicantem audirent, prohibere igitur pergunt ne corpus christiani tollant, in ignem mittere conati sunt, & fecissent illi quidem, nisi dominus servum martyremque suum ab eo furore defendisset. Tullit ipse auxilium ex alto, ferunt etenim sævam continuo obortam tempestatem, sordidissimas cælum nubes operuisse grandine & imbribus. Fulgura præterea corruscationesque & tonitrua toto cælo excitata, usque adeo ut sacerdotum satellites, qui ad illud rapiendum corpus concurrerant, diffugere continuo, corpusque christianis relinquere adacti sint. Extulerunt igitur illud christiani, cum lachrymis, tum vocibus pietate plenis, quasi patrem ducem doctoremque amississent. Et in ea quam supradiximus Ecclesia honorifico sepulchro condiderunt. Celebratum sequentibus sæculis maxima veneratione frequentiaque. Epistolæ *Gregorii Romani* pontificis ad *Eulogium Alexandrinum* patriarcham, itemque *Eulogii* ad *Gregorium*, perspicue declarant, quanta sit ibi habitus reverentia, quum & ille se commendari evangelistæ apud eum moranti enixius petat, & hic officium perstitisse liberaliter affirmet. Facile patiebantur barbaræ infideles illæ nationes hujusmodi genus sanctorum hospitem apud se in honore esse. Propterea quod haud parvo semper illis usui fuere ab christianis hominibus ad ea loca peregre proficiscentibus, ut nunc etiam videmus. Mortuus est *Marcus* ætatis anno septimo & quinquagesimo, septennio videlicet antequam *Petrus Romæ* pro Christi nomine crucem subiret. Nobilem reddidit *Alexandrinam* Ecclesiam tam vita quam morte. Factum etenim eximia illius sanctitate, ut *Alexandrina* Ecclesia secundum ab *Romana* locum obtinuerit, posthabita *Antiochena*. Licet illi aliquando *Petrus* Apostolorum princeps præfuisset. Quin etiam Apostolicæ nomen promeruit, ea ut opinor causa, quod *Marci* legatione *Petrus* illi quoque Ecclesiæ quasi præfuisse videretur. Inclytum præterea *Marcus* quinque præclarissimis titulis consecutus est nomen. Primum quidem sacrosancti evangelii scriptione. Duabus deinde nobilibus constitutis Ecclesiis *Aquilejensi* & *Alexandrina*. Monasticæ item vitæ quasi principatu. Postremo triumphali palma martyrii. *Petrus Damianus* hujus sancti vitam sanè his verbis breviter & egregie conclusit. *Beata es Alexandria viri hujus sanguine purpurata. Felix & tu Italia corporis ejus thesauro dives effecta. Factum est enim ut ad Italiam deinde sit reversus, ut terra in qua datum est ei evangelium scribere, mereretur sacras ejus reliquias possidere.* Hæc *Damianus*. Effigies quoque ipsius mandata litteris est, ut tam corporis quam animæ perpetua illius esset memoria. Venusta facie dicitur extitisse, longo naso, superducto supercilio, pulchris oculis, recalvastr, proluxa barba, habitudinis optimæ, ætate constanti, canis aspersus, moribus gravis, gratia Dei plenus.



## LIBER II.

### DE TRANSLATIONE B. MARCI.

**D**escripta Beatissimi Evangelistæ vita quantum licuit ex antiquis monumentis excerpere, Translatio nunc illius quum ex urbe *Alexandria* in *Venetiam* est advectus, nobis peragenda. Quo videlicet tempore, a quibus, & quo pacto, quibusque testibus comprobata. Anno domini *vccc. xxviii.* *Justiniano Venetorum* duce, dum *Leo quintus* imperator *Constantinopolitanus* bellum *Ægyptio* regi quam maximo conatu inferre instituisset, Classem a *Venetis* auxilium ex fœdere postulavit. Edictum præterea pronunciavit magna adjuncta pœna, ne quis omnino christianæ gentis, navigaret ad infidelium loca. Interea bonus quidam nomine tribunus *Metamaucensis*, & *Rusticus Torcellanus Veneti* ambo, qui magna tunc negotia in *Alexandria* gerebant, sive ut nonnulli scribunt, adversa adacti ventorum tempestate, seu tempus advenisse rati rerum benegerendarum, in *Alexandriam* decem navibus sunt delati. Fuit perquam gratus *Saracenis* eorum adventus, ob merces occiduas, quibus propter imperatorum edictum maxime indigerent. Quum appulissent, reperiunt templi Beati *Marci* Aedituos, ubi sanctissimum illius corpus jacebat, ingenti affectos mœre. Primum qui rerum omnium premerentur inopia, non accedentibus *Alexandriam* christianis hominibus, ut solebant, ex quorum eleemosynis vitam agerent. Deinde qui *Cararum* Rex qui regias aedes omni pretiosorum lapidum genere exornare instituisset, illis forte diebus imperaverat, ut ex omnibus christianorum templis nobilissimi quique lapides & marmora conquirentur, atque ad se se afferentur. Et jam regii fabri evellere incæperant ex Beati *Marci* templo, quæ videbantur elegantiora. Accidit autem ut vir christianus hoc cernens, commotus rei indignitate, lapidem ex iis nobiliorem, quem *Saracenus* auferre paraverat, malleo confringeret, & verbo quoque non abstineret. Sacrum ne inquit hunc tu lapidem tolles? Hoc quum *Saracenus* audisset, ex templo christianus comprehensus est, & acriter virgis cæsus. Ea res aedituos tum mœre, tum metu vehementius affecit. Duo ii erant, alter cui nomen *Stauracius*, alter sacerdos nomine *Theodorus*. Quæ quum omnia mercatores quos diximus *Veneti* animadverterent, (videbant enim corpus Evangelistæ (ut fit) adversis in rebus negligentius asservari), subiit animus tentare aedituos, & experiri tum donis, tum promissis num forsitan tradere Evangelistam vellent, ut secum *Venetias* deportarent. Primum igitur queruntur eorum vicem fortunamque qui ejusmodi inopia laborent, deinde qui brevi templum illud ex quo utcumque vitam sustentent, in ruinam sititurum perituros fame & inopia, nisi alicunde dominus *Iesus* & Beatus *Marcus* illis succurrat. Id quum aliquoties dixissent, eosque donis nonnullis eleemosynarum nomine sibi devinxissent. Et quid inquit moramini? Tam vobis, quam huic sancto salutem quærere? Quum illi quærerent, quid nam sibi agendum censerent. Sinite inquit, ut *Venetias* nobiscum deferamus, ubi & sanctus summo erit honore, & vos divitem beatamque semper agetis vitam. Neque enim ulla gens est, quæ hujusmodi res sacras majori pre-

**A** cio æstimet. Id quum aeditui audissent, abhorre-  
re primum visi sunt, tum peccati metu, tum  
mortis. Ne si forte tam christiani, quam *Saraceni*  
id rescissent, morte pœnas lucent. *Veneti*  
nihil ob id segnius instare. Quod ad peccatum  
attinet, n. rari se dicunt eos peccatum vereri, ubi  
plurimum sit rationis & meriti. Nonne videtis  
inquiunt ut sublati ornamentis aedes hæc tandem  
corruat necesse est? Spoliatur undique, crustæ,  
columnæque asportantur. Corpus hoc sanctissimum  
remanebit sine nomine, aut in sordidum aliquem  
abjicietur locum. Monent ut videant etiam atque  
etiam ne pietas illa quam præ se ferant impietas  
habenda sit. Qui enim non prohibet injuriam  
quum potest, facere videtur. Monemur ab evangelio  
quid hujusmodi temporibus sit agendum. Si  
persequantur in unam civitatem, ut fugiant in  
aliam. Nonne si præsens nunc sanctus adsit  
dicturus est? Videtis filii quanto nunc in  
periculo domus versatur mea? Jam impiæ manus  
sepulchro malleos injiciunt. Et quid expectatis?  
An ut ossa mea, quæ semel per hanc urbem  
raptata sunt, denuo discerptantur, aut in  
aliquam Barbariem asportentur? Quid igitur  
ad hæc respondeatis? Futurum *Venetiis* hoc  
corpus est summo cum honore & veneratione, si  
nos audieritis, vos autem omnibus in deliciis.  
**C** De morte nihil est quod timeatis. Quo pacto  
transigi negotium oporteat sine periculo commemorant.  
Victi tandem sacerdotes hujusmodi pollicitationibus  
acquiescere. Illi cæteris confectis negotiis paratisque  
navibus ad discessum, admittuntur in templum ab  
aedituis intempesta nocte. Primum igitur sindonem,  
qua Beatissimum corpus involutum jacebat a posteriori  
parte dissuunt sigillis intactis, quæ anteriorem  
obsignabant. Atque in aliam vestem sericam purissimam  
transponunt in ejus autem locum substituunt Beatæ  
*Clandiæ* corpus, quod haud inde procul jacebat, iisdemque  
muniunt sigillis, sportulæ deinde ad eam rem paratæ,  
sanctum imponunt, conteguntque virentibus herbis.  
**D** Suillis deinde carnibus, quas maxime *Saraceni*  
abominantur, operiunt. Ablato per hunc modum  
sanctissimo furto, miram ferunt odoris fragrantiam  
undique diffusam, ut suspicati sint nonnulli ex  
*Saracenis* sacras illas reliquias loco motas, &  
accurrerint ad locum explorandum. Summa etenim  
veneratione ad ea usque tempora vel inter gentiles  
etiam, ut diximus habebatur, perspectis autem  
sigillis, deposita fraudis opinione multi abeunt,  
nonnulli diligentius inquirunt. Dum autem sportula  
ad navem deferretur, quasi nauticum cibarium,  
scrutari custodes quænam res ibi lateret, suillarum  
foetorem abominati, nihil ultra perquirunt. Frustratis  
**E** per hunc modum *Saracenis* simul etiam vestigalium  
custodibus, ut in hujusmodi solet largitione  
delinitis, ad naves profecti incolumi cum furto  
perveniant corpus velis involvunt, vela imponunt  
antennis, antennas in altum elevant, statimque  
se se extra pharum in tutum recipiunt insequenti  
nocte secundo vento iter arripere. Ea in navigatione  
multa feruntur ab eo sancto facta miracula,  
tradidere illud inter cætera, qui quum acrius  
per totam fere noctem ventus sævisset, atque sub-  
latis semper velis, quasi prosperum tenerent cursum,  
enavigassent, apparuit Beatissimus sanctus



*Dominico monacho Comaclensi, magnæ sanctitatis viro. Age inquit Dominice, Navarchum mone, ut confestim vela demittat, terra proxima est, impinget in scopulum navis nisi caverit. Illucescere incipiebat aurora, quum simul jussa Navarchus facit, & montem prospicit imminuentem. Strophades erant insulæ, quas posteri Strivalias dixerent. Ad lævam continuo navarchus iter flectit. Nautæ gratis Evangelistæ actis placido cursu ad Umagi Histriæ oppidi portum perveniunt. Statim autem civitas acceptis hujus sacratissimi furti nunciis, navemque in Histriam feliciter applicuisse, data venia legis prævaricationi, Beatissimum Evangelistam pro tanti hospitis dignitate omni lætitiæ genere suscipiunt. Anno domini. vccc. xxviii. pridie calend. februarias. Atque ab eo tempore, cum in patronum peculiarem assumpserunt. Fertur etiam a nonnullis Theodorum & Stauratium Evangelistæ comites a Justiniano duce perquam benigne ac liberaliter susceptos habitosque. Et alia nonnulla facta quæ ab Andrea Dandulo in chronicis sunt omissa. Mihi quoque suspecta res est ob eam quam in sequenti libro rationem adducemus. Translatio hujus sancti ex urbe Alexandria, quam narravimus, multorum scriptorum testimoniis celebrata est, tum Venetorum, tum externorum, Venetorum quidem omittemus. Sane Singibertus, Vincentius, Sicardus, Jacobus de Voragine, Paulinus episcopus, & cæteri fere omnes eorum temporum scriptores, translationem hanc scriptis mandavere suis. Petrus quoque Damianus sanctæ Romanæ Ecclesiæ cardinalis & summa sacrarum litterarum doctrina eruditus hujusmodi verbis usus est, quodam ex suis libello. Marcus ex Alexandria transfectus est Deo disponente Venetias, ut qui totum orientem velut aureus lucifer illustraverat, nunc per plagas occidui climatis præsentis suæ radiis enitescat, per Egyptum quippe sibi dedicat ortum, per Venetias tenet occasum. Illic Alexandriæ sortitus est Ecclesiæ solium, hic renascentis Aquilejæ novum statuit principatum. Hæc Damianus uno in tempore ab illis erratum est. Translatum enim nonnulli scripserunt Anno domini. cccc. lvii. Leone imperante. Leonis igitur nomen causam errori dedit. Nam illi Leonis primi tempora sunt secuti. Quum Leonis Quinti temporibus sit translatus. Restat ut pauca nunc de loco ubi repositus est, subjiciamus. Justinianus igitur Venetiarum dux, dum nobile huic sancto templum construere apparat, diem obit. Quod autem vivens perficere non potuit, ut pietati in sanctum satis faceret, moriens multam ad eam rem legavit pecuniam, placuit locus juxta ducale palatium medius inter ducis domum, & ædem Beati Theodori, quam supradiximus a Narsete conditam. Ibi Joannes dux olim Justiniani frater, ædem excitavit. Primicerium & capellanos instituit, qui diurnum nocturnumque officium divinis laudibus celebrarent. Capella ducis appellata, corpus autem Evangelistæ Arcula ærea obseratum intra columnam recondunt marmoreis lapidibus compactam summa adhibita diligentia, ne quis locum cognoscat, præter ducem & primicerium. Quæ vero causa eos impulerit, ut ignoto loco reponi mallerent, quum res sit perantiqua. Scrutari paulo post conabimur, & ubi requiescat eruere. Stetit autem templum illud incolume a Joanne Particiacho usque ad Petrum Candianum iv. idest annis circiter centum viginti tredecim ducum successione. Mutari deinde templi speciem necessitas coegit. Sanctique depositio una cum templo translata. Nam quum Petrus Candianus quem ducatum ea tempestate tenuisse diximus, tyrannum potius ageret quam ducem. Jamque il-*

lius injurias populus amplius ferre non posset, in illius cædem conjuravere. Difficilis autem erat ad eum opprimendum aditus. Stipatum enim armatis fere semper erat palatium, & præsertim externo milite. Populus igitur quum omnes obseptas videret vias ad ingressum, aliunde medietatur ducem aggredi. Ædes erant trans rivum e regione palatii Petri Ursojoli viri divitis & potentis, qui postea ducatum aliquot mensibus tenuit, inde aggrediuntur ducem comburere cum universa familia, faculas ignitas & pice illitas in ædes palatii jaculantur. Facile tabulata corripuere ignem & latius per omnes ædes flamma diffusa. Alii vero armati egressum illius ad Januas observant. Quum vero duobus in se irruentibus hostibus eodem tempore resistere Candianus non posset, maluit se se populi misericordiæ, quam ignis furori committere, tametsi placatiorem populum quam ignem non invenit. Igitur ipse comitesque eripere inde se se, & per Ecclesiam fugam capere instituunt. Quum hoc idem amici illius & necessarii fore a duce intellexissent, convenere omnes ad ecclesiæ januam unde illi foret egressus, non tam resistendi consilio quam deprecandi populi, ut adjunctis eorum precibus supplicantis ducis species miserabilior redderetur. Ecce autem apertis Ecclesiæ foribus filium ipse parvulum ex ulnis nutricis acceptum manibus populo protendit, & supplicare lachrymans, veniamque deprecari apparat. Extra Ecclesiam vero cognati & amici armatorum tumultum & clamorem sistere conantur orantes ut duci suo, si non aliud, pauca saltem verba facere liceat. Prius vero quam verbum faceret, quis enim in hujusmodi clamoribus exaudiretur? Certatim omnes quasi primis percussoribus palma deberetur, pene momento multis confossus vulneribus una cum puero filio trucidatus est. Neque eorum morte exfaciatus populus, raptatum pedibus ad macellum traxerunt, ibique canibus dilaniandum reliquerunt. Eo palatii incendio, Ecclesia illa prima quam diximus sancti Marci violata est ob propinquitatem aliquantisper. Idem tamen populus qui incendium immiserat ducis sanguine exfaciatus saluti fuit Ecclesiæ. Nam quum frequentissimus ad cædem ducis convenisset, ut viderunt eodem igne ejectum ex ædibus ducem, & ædem protectoris conflagrare, ultro se se in ignem immittunt. Donec omnino extinctus est. Suffectus in Candiani locum Petrus Ursojoli, moribus longe dissimilis. Nihil prius hic Petrus sibi agendum duxit, quam evangelistæ ædem propriis sumptibus instaurare. Tabulam auream ad ornatum magnæ aræ (quam palam vocant) apud Constantinopolim eleganti opere fabricandam curavit. Eam deinde Petro Ziano duce Angelus Falerius solus Ecclesiæ sancti Marci procurator majorem in modum exornavit gemmis & margaritis circiter annum domini. xx. supra millesimum & c. Templi autem instauratio magnificentior decreta, quam antea fuerat, quum populi voces exaudirentur jure optimo Evangelistam eo sacrario non dignatum. Fato permissum priorem Ecclesiam cum palatio conflagrare, ut nobilior magnificentiorque resurgeret. Excitandam esse superbam aliquam templi molem singularem & raram. Accitis igitur ex Constantinopoli primariis architectis, templum instaurari & ampliari qua poterat cæptum. Ornatus quidem & artificium magnitudinem longe superavit. Quoniam ampliorem ut supradiximus molem loci angustia non capiebant, satis habuere ut opinor illis præsertim temporibus, atque ea surgentis civitatis conditione, si par magnitudine aut Salomonis templo, aut Jovis capitolini moles exurgeret. Quorum alterum sexa-



sexaginta cubitorum longitudinem viginti latitudinem, non excessisse legimus. Capitolinum vero & si *Hierosolymitano* majus proculdubio extitit, magnum tamen admodum non fuisse illud testimonio est, qui iisdem nunc fundamentis excuscatum videmus in templum Beatissimæ virginis *Ara Celi* nuncupatum. Et præterea æneæ tegulæ quibus aliquando capitolinum *Romanus* operuit, translatae sunt permissu *Constantinopolitani* imperatoris in gratiam pontificis, ad tectum Basilicæ Beatissimi *Petri* vix autem illius templi dimidium operiunt. Non enim priscos apparet, tam delectatos vastitate templorum quam pretio & ornatu. Neque enim facile reperias ullum ex gentilium templis cum Basilicis Apostolorum amplitudine comparandum. Molibus etenim multo majoribus christiani deinde templa erexere. *Ædes* quidem Beatæ *Sophiæ* a *Justiniano* condita cæteras ferme superavit orbis moles, quamvis nunc magna ex parte magnitudine sua collapsa sit. Dux autem *Ursolus* seu penitentia ductus, qui ædes ad incendium palatii & *Candiani* ducis necem accommodasset, seu innato religionis adeundæ desiderio, secundo ducatus anno monasticam vitam est ingressus profectus in *Aquitaniam*, cum Beato *Romoaldo Ravennate*, ibi sanctissime exacta vita, multis miraculis claruisse ferunt, rarum apud seculares principes exemplum. Placuit igitur templi figura in crucis speciem stipite & brachiis tam longitudine, quam latitudine pene paribus, passuum ferme quinquaginta latitudine, atque altitudine juxta. Tota ædes pensilis est præter fundamenta parietum & columnarum. Itaque fornices per omnem Ecclesiam circumducti ad omnia templi pavimenta substinenda, creberimis columnis impositi, ut ponderi pavimentorum, ac supergredientium mortalium sufficerent. Altius subduxere versus altare magnum ad eam quam vocant confessionem secretioribus reponendis reliquiis aptam ob eam autem causam facti fornices videntur, ut templi moles eminentior, & ab aquis subductior redderetur. Multis enim gradibus initio fuit ascensus in templum, qui nunc obruti sunt tellure. Solum siquidem in quo ædes surrexit, longe tunc fuit depressius, quam nunc est, Aestuvariorum natura ita ferente. Nam crescentibus continenter vadis aquæ quoque semper crescunt. Arena ex superioribus locis per fluvios in has paludes deversa, ut nova semper addi stramenta antiquis ædificiis necesse sit. Puteos in ea Ecclesia quinque foderunt. Rationem ejus operis ferunt nonnulli, ut si qui forte flatus terram subter conciperentur, facilem sibi meatum exitumque reperiant. Qui si ea fuit causa, ob eam quoque rem fortasse per universam Ecclesiam fornices circumduxere. Ut eam molem a tremoris terræ periculo quasi eructatione quadam moliori liberam præstarent. Pavimenta omnia tam Ecclesiæ quam porticum tabulis marmoreis constructa circum depictis opere musivo & vermiculato lapidibus peregrinis. Parietes omnes ad supremas usque coronas marmoreis vestiti crustis, venis ita correspondentibus, & solidum parietem emittentibus, ut depicti potius videantur, quam invicem compacti. Nullus omnino in ea æde lapis nisi marmoreus, aut peregrinus. Supra coronas autem ubi arcus testudinesque confurgunt, omnia musivo opere, eodemque inaurato, nisi quantum imagines, quas variis esse coloribus oportet, occupant, quinque confurgunt cubi, medius videlicet qui templi contegit medium. Et

A quatuor præterea ex quatuor crucis capitibus. Omnes eodem opere, quo diximus exornati, ut quum ingressus Ecclesiam oculos sustuleris auro fulgere omnia videantur. Novi testamenti historia fere omnis ibi depicta, multaque veteris. Cæterum nescio artificine laude dignius sit templum, an ornatu, qui in eo opere octingentæ & quinquaginta aut circiter columnæ erectæ sunt, quæ quum omnes ad ornatum maxime sint positæ, partem tamen quæque suam tanti operis sustinere videntur. Capita omnia columnarum, foresque templi inauratæ. Cæterum miro artificio omnes templi partes inter se compactæ parietibus, columnis, arcubus, testudinibus, cubis, vel specie, vel firmitate ita ad oculorum satietatem compositis, ut nihil pulchrius, aut speciosius videatur offerri posse. Templum circumdatum porticibus, quæ latera templi atque parietes undique sustentant. Et ipsæ quoque porticus inhærent fornicibus quasi sustentaculis exterioribus. Ut duplici hoc firmamento tota moles inhæreat. Multi architecti ex omni orbe opus hoc contemplati, ita judicarunt maximo artificio confectum. Nam egregium illud in hoc templo animadvertere licet Arcus testudinesque ita compactas & ad solum usque perductas, ut si columnæ minores inter arcus mediæ tollantur, opus tamen persistat, & minime corruat. Qui primariæ arcuum columnæ, tam crassæ, ac firmæ sint, ut alia junctura non egeant, quum illis tellus pro corda sit. Sed profecto verum est. Qui legisse memini apud summæ auctoritatis scriptorem, semper fere accidere, ut quæ ad vitæ usum in ædificiis reperta sunt, eadem quoque pulchritudinem & decorem afferant. Nam si eas columnas inde subtrahas, vasta quædam & deserta potius area appareat quam templum. Prima ecclesiæ facies quinque testudinibus subnixa est, quas supra alii quinque arcus auratis picturis, ut supradixi, refulgent, pinarum ordine & statuarum. Supra ipsum autem templi vestibulum, extensa areola est, sita sub divo, cujus in medio quatuor ænei atque inaurati suspiciuntur equi columnis impositi, magnum de se spectaculum præbentes. Eo gradu motuque corporum, ut jam jam desilire in subjectam planitiem pariter omnes velle videantur. Rarum opus & perantiquum, ad solis quadrigam fabricati, mirum in iis artificium. Nam ita omnes sunt assimiles, ut nihil in singulis ab aliis dissimile omnino reperias. Et tamen & cervicibus & pedibus ita consistunt, ut pari gradu tendentes, sint omnino & gradu & motu dissimiles. Vidi ego aliquando in gemma signatos, sculptos etiam vidi in arcu triumphali *Constantini* apud urbem *Romanam*, ubi sol quadriga insidens marmore incisus est. Allati ex *Constantinopoli* feruntur. Sicut fere cætera pretiosa ejus templi marmora. Plateæ duæ seu campi patent circa ipsam ædem, ambæ maximis spaciis vel longitudine, vel latitudine. Annis centum aut circiter perfectum opus est, & nova Ecclesia dedicata Anno domini. M. LXXXVIII. Octavo idus octobris. Corpus Evangelistæ sublatum ex ea columna, ubi per tot annos delituerat, novo alio delecto loco, est collocatum. Antiqua tamen lege ne quis locum cognoscat, nisi dux, primicerius, & Ecclesiæ procurator. Id vero quo pacto sit gestum, quia res cognitu digna est, sequenti libro differemus. Constructa paulo post ab Ecclesiæ læva turris est eximiae altitudinis præclarum opus. In his vero paludibus admirandum.



## LIBER III. DE SEPULTURÆ LOCO.

**V**Ita igitur Evangelistæ translatioque, & ecclesiæ conditio quam brevissimelicuit a nobis superiore libro sunt enarratæ. Restat ut nonnullis satis fiat, sanctissimas ejus reliquias eo in templo nunc etiam locatas. Qui adduci vix possunt, ut credant ibi sitas, qui sepulchrum nullum appareat, non incisæ litteræ, non designatus locus primum autem peto ut a me non expectent eas proferri oculis omnium cernendas. Satis fuerit probare validissimis tum testimoniis, tum argumentis in eo templo adhuc quiescere. Proferre autem eas in lucem in aliorum situm est potestate. Hanc ego pro viribus non patiar infligi S. Evangelistæ injuriam, non majoribus nostris, non ipsi denique veritati, ut mendaciis permittam credi tanti sancti Translationem esse confictam. Neque etiam profecto illud ut credatur majores nostros tantis periculis laboribusque hujusmodi thesauros vendicavisse templum hoc tantis sumptibus magnificentissimum in illius honorem construxisse, ut deinde per desidiam imprudentiamve, quæcunque illa esse potuit spoliarentur. Aequus modo sit lector & attentus & rationem faciliiter admittens. Primum illud quidem satis constat in urbe *Alexandria*, ubi primum patriarchatum condidit, tenuitque & mortuum & sepultum. Hoc omnis affirmat ecclesia, ut dubitare fas non sit. Illi præterea, quos supra memoravimus sacræ historiæ doctores, Posteriorum memoriæ mandaverunt transvectum ex *Alexandria Venetias*, quorum scripta repetere supervacuum est. Tertium aliud placet addere, *Venetam* omnem historiam tradidisse, depositum fuisse *Venetis* in Ecclesia beati *Theodori*, quæ major deinde ampliorque ambitu reddita ejus nomini dedicata est. Hæc quum omnia ita habeant sese, non intelligo cur in ea perseverare non debeat, in qua semel fuerit collocatum, nisi forte probent aut igni corruptum, aut furto sublatum, hæc nisi probentur testibus fidei, quam nostri, non minoris, dubitare profecto non decet. Non tamen aliquibus solum hoc satisfacit. Cupiunt audire aliquid, quod propius accedat ad faciendam fidem. Conabimur efficere & recta incedemus, testes afferemus omni exceptione majores. Remque divinam divinis etiam rationibus certissimam reddemus. Dixi superius, quum universæ civitatis lætitiā pro tanti sancti susceptione describerem, repositum in æde propinqua palatio. Decretum autem illi templum amplius, augustiusque, quod ædem *Theodori* ambire completique posset. Collocatum fuisse summa diligentia ignoto omnibus loco præterquam duci, & custodibus qui ex *Alexandria* eum secuti fuerant. Post eum autem quem diximus ignem, qui magnam Ecclesiæ corruptit partem, accidit inopinatum quiddam ut videlicet inter id tempus, quo instauratur Ecclesia, ad finem perducto opere, dum dies dedicationis instar triginta supra centum elapsis annis, neque *Vitalis Falerius*, qui tum ducatum tenebat, nec primicerius aliufve quispiam intelligeret, ubi nam locatus esset Evangelista. Sublatis veluti fato quodam conscis omnibus. Id vero mirum in modum grave molestumque esse universæ civitati, Clerus populusque omnis ægerrime ferre. Tantam erectam molem

**A** in illius honorem, tantos denique sumptus laboresque susceptos centum & amplius annis, nunc autem usque adeoque nescio quo ut querebantur infortunio miserabiliter esset amissum. Neque facile dictu majorine mæstitia, an pudore afficerentur. En quam diligenter asservata tanta res est? quam juste nobis totus exprobrabit orbis? Ut quem furto aliunde substulimus, is furtim quoque fuerit a nobis ablatum. Dum igitur mæsta civitas nullum jam humanum cernit remedium, nisi ut ad implorandam divinam opem, tota sese convertat, solemni triduo instituto jejunio votisque rite, ob eam rem factis habitisque tum orationibus, tum supplicationibus, quinta & vigesima junii mensis die, quum magna populi multitudo ad evangelistæ Ecclesiam convenisset, accidit miraculum hoc: Quod omnem populum in magnam admirationem excitavit. Lapides calloprecia cujusdam (ea est columna pluribus ex lapidibus compacta) loco sensim moveri cepti. Cadentibusque & admirantibus omnibus, arca ubi corpus latebat mira cum odoris fragrantia, omnium oculis sese videndam offert. Incredibile dictu, quanta lætitia oborta, quantis clamoribus, quibusque lachrymis ea res sit excepta. In terram prostrati omnes, quas maximas possunt Deo gratias agunt. Qui patronum ducem propugnatoremque suum, jam aliis desperatis remediis restituerit. Neque tanta fuit ejus diei lætitia quum ex *Alexandria* transvectus susceptusque est, quanta ejus diei, quo se populi totius oculis præsentem exhibuit. Ex pristino siquidem mærore, major semper solet oriri lætitia. Illustrata dies tanti prodigii gloria est. Decretumque ut festa sit quotannis. Generalis præterea a tota civitate fiat gratulatio. Clerus solenne instituit officium. Atque per annos jam. cccc. solenni pompa hujus lætitiæ memoria celebratur. Traditur hæc apparitio ab omnibus *Venetis* historicis per hunc quem diximus modum. Licet aliqui fabulas addant aliquas indignas, quæ recitentur. Non equidem satis intelligo, quid ad universi populi testimonium labefactandum, a quoquam possit adduci. Nisi forte dicant miraculis istis non facile credendum. Vulgo hæc tradenda, non doctis hominibus. Non diffiteor prudentis esse, hæc quæ præter naturam accidere videntur habere pro suspectis, nisi firmissimis certissimisque testimoniis rationibusque comprobentur. Alioquin nulla miracula fidem habeant necesse est. Quod non solum apud christianos, sed gentiles etiam apud philosophos nunquam negatum. Videamus igitur quibus innitatur testimoniis, & an pro levibus habenda sint, a populo incipiamus. Univerfus populus tantæ civitatis amisso patrono mærens afflictus in lachrymas & preces omnipotentem Deum solutus, ut suum illis restituat patronum, Solennibus tandem peractis votis, vident ex columna prodeuntem, seseque publice ostentantem, gratulantur, clamoribus excipiunt. Festa decernunt. Hæc nisi populus *Venetus* affirmat, negato ut lubet. Interrogetur enim quasi præsens. An quintum & vigesimum junii diem celeberrimum esse voluerit? Affirmabit. An gratulationes, eo die solennes fieri mandaverit? An sacerdotium clerusque omnis proprium ejus diei habendum in Ecclesia officium in-



instituerit? non respondere non poterit ea omnia ab eo decreta atque instituta, extant tamen tabulae publicae, extant ipsius decreta. Quid ad hoc possunt dicere? Sed si hoc non satisfacit, rursum interrogetur populus, cur plus honoris in eum sanctum eo die sit collatum, quam quò, vel quum *Venetias* allatus est, vel cum in caelum sublatus. Ad hujus siquidem diei solennitatem lege decretum est, ut omnes Antistites & praelati *Venetorum* insularum insignibus amicti vestimentis, una cum reliquo clero procedant. Nulla alia ejus sancti solennitate convenire lege compelluntur. Eodem quoque die aquae sanctae aspersio ex rosacea conficitur in testimonium fragrantiae qua populum omnem, ex columna egrediens, complevit. Et praeterea digitus ejus & liber & annulus, & quicquid miraculorum ab eo sancto editum est inter pompam, eo die proferitur. Haec autem omnia per. cccc. & amplius annos diligentissime servantur. Quam igitur ob causam haec omnia sunt instituta? Interrogetur etiam si placet partane sit aliqua insignis eo die victoria. Accideritve eo die quicquam tanta laetitia dignum. Et quidem respondebit ingentem victoriam beneficiumque suscepisse. Vicisse antiquitatem oblivionemque. Amissum thesaurum recepisse patronumque suum, dum uberius deplorat, misericordem omnipotentemque Deum praesentem exhibuisse. Haec ne igitur totius populi contestatio, non verbis sed factis, serie tot saeculorum confirmata hoc non probabit? Ergo aut mendacem fuisse oportet omnem civitatem, falsaeque illa finxisse, aut justam habuisse causam tantae gratulationis, praesertim quum nihil sit, cur quisquam dicat locum hac in re, ulli vel minime fraudi fuisse. Nam si mentiendi libido eorum animos incescit, non video cur non longe melius credibiliusque fallere potuerint, si sepulchrum aliquod erigerent magnificum splendidumque & Evangelista dignum, vel visenda aliqua ossa undecunque collecta quum vellent, proponerent. At superstitionem metuerunt. Recte quidem & vere. Neque enim de Barbaris aliquibus reprobisve idololatriis, sermo nunc est, sed de maximo ac religioso loquimur populo vero cultore christianae religionis. Qui si superstitionem metuisse asserunt, quae nam aut major, aut execrabilior, quam per annos cccc. adulterinis officiis, falsis gratulationibus, diebus nefastis civitatem implicitam tenuisse? Neque longe plus metuisse Deum evangelistamque suum iis fraudibus atque figmentis ad iram indignationemque, quam ad opem & auxilium provocare, nec plura de populo. Quid dicam de *Henrico Quarto* imperatore, qui quum forte apud *Tarvisium* ageret, & paucos ante dies, *Falerii* ducis filiae sacri fontis officium praestitisset, audito tantae rei ostento, dignam existimavit rem, ad quam visendam praesens proficisceretur? Veniens Ecclesiam invisit, Evangelistam vidit, vota solvit, & illi reverentiam quam cupierat, exhibuit. Hoc si confictum extitit quod omnes *Veneti* tradunt historici, cujus fuit temeritatis *Falerium* ducem populumque *Venetum* imperatorem invitasse ad videndam rem commentitiam ficticiamque? Aut cujus levitatis si ipse re male explorata ad ludibrium & derisum *Venetias* est profectus? Venisse quidem *Venetias* multa testantur privilegia, cum huic civitati, tum multis praeterea monasteriis concessa. Utrum igitur magis obsecro credendum? Fretos illos confisosque rei veritate quam propter *Tarvisii* propinquitatem centum ex testibus audire potuerat, ut amico gratificarentur, invitavisse, an ut sese derisui perpetuoque ejus principis odio exponerent? Qui

A hoc ultimum credit, mihi videtur, dum non credendo sapiens vult videri, periculum adire, ne non credendo insipiens existimetur. Nulla est enim propior ad suscipiendam fraudem via, quam si eos quos fallas existimes, nihil sibi cavere ne fallantur. Caeterum nihil fuit cur *Henricus* metueret, ne falleretur, vel ipsi ne fallerent. Vidi ego chronicam pervetustam apud sancti *Nicolai* ab Abbate *Zenone* confectam. Quae ubi apparitionem per eum quem diximus modum narravit, subjicit deinde corpus expositum in Ecclesiae medio integrum & incorruptum, apparatu celebrandi sacrificii ad depascendos populi oculos usque ad octavum idus octobres, quo die Ecclesia dedicata. Multaque scribit eo spatium miracula edidisse. Extat praeterea hujus historiae pictura summo ordine depicta in ejusdem sancti Ecclesiae musivo & antiquissimo opere, litteris pedibus circumscripta. Maestum ibi videas sacerdotium. Videas populum prostratum & orantem. Columnam sese aperientem, & corporis sancti arcam quasi evomentem. Ubi vero sanctus deponitur, inscriptum est his verbis.

COLLOCATIO SANCTI MARCI. Quod si juris omnes consulti tantum antiquitati tribuunt, ut pergamenae antiquiori opponi non liceat, etiam si nec Notarius nec testis ullus superfit. Periclitabiturne igitur totius civitatis hujus existimatio fidesque tot tantisque validissimis antiquissimisque monumentis in hujus sancti honorem memoriae mandatis, praesertim quum qui nostra non recipiunt, ipsi de suo, quod vel levitatis vel tarditatis signum est, quicquam proferre non audent. Caeterum interrogabunt isti fortasse, an deinceps abhinc annis cccc. alius produci possit testis, hujusmodi depositionis. Seriem igitur, ut temporum sequamur, habemus omni exceptione majorem *Jacobum Voraginesem* dignitate *Genuensem* Archiepiscopum, Religione ordinis praedicatorum, ea vero doctrina, & auctoritate, ut ejus scripta sanctorum solennitatibus in Ecclesiis omnibus celebrentur. Is posteaquam evangelistae vitam breviter descripsit, adjecit nonnulla de eo sancto miracula. Inter caetera autem *Julianum* quendam narrat genere *Faventium*, in *Papiensi* praedicatorum conventu, dum morbo laborat, extremumque agit spiritum, vidisse evangelistam sese juxta ipsius aegroti lectulum ponere, vocemque audisse interrogantis. *Marce quid hic agis? Marcum* respondisse. *Veni ad hunc aegrotum relaturus illi gratias pro ea reverentia ac devotione, qua locum ubi quiesco sedulo visitavit.* Impletus continuo locus viris candida veste fulgentibus. Excitatus eo visu aegrotus & spiritu hilaris, vocari jubet conventus priorem, atque illi rem omnem narrat. Statimque inter hymnos & laudes sanctam animam efflavit. Id accidisse narrat anno Domini. M. cc. xli. Accepisse autem haec ab ipso Conventus priore. Videant qui haecenus dubitavere, quanta notatu digna paucis in his verbis ab hoc Archiepiscopo recitentur, scribit prius *Venetias* translatus, subdit hunc *Julianum* locum, ubi sanctus requiesceret, assidue visitasse. Dicit accidisse annis centum septuaginta, post eam quam scribimus apparitionem.

F Qui autem rem scribit, & qui sanctum illum visitavit, externi generis ambo, ut eorum fidei detrahi nihil possit. Dicant, excogitent, quantumvis tergiversentur. Profecto nisi damnari pertinaciae cupiunt, dubitare de loco non possunt, quin in hoc templo sit collocatus. Quanta vero tunc fuerit sanctus noster nominis celebritate, *Faventinus* iste declarat. Posteaquam etiam ex *Flaminia* ad eum venerandum populi confluebant. Nec ex reliqua *Italia* idem factum dubitare



licet. Minus quoque ex oriente, ubi celebri fuerat fama, quum ex *Galliis Hispanisque* sæpissime illorum principum nuncii veniant ad eum venerandum. *Lodovicus Francorum* Rex his annis voti gratia solvendi quo se obstrinxisset, ducentos aureos sancto offerendos transmisit. Neque causetur quispiam me miracula persequi. Non enim illud ego visum ægroti pro argumento recipio quo beatus illi Marcus, aut ille candidatorum chorus apparuit. Accipio infirmi verba contentis illud se corpus assidua veneratione visitasse. Quæ quidem omni miraculo carent. Si autem persequendi miracula cupido incesset, non ego unum, alterumve, sed innumera habeo, quæ proferam & maxima, & omni memoria digna, quibus abstinendum est, tum ne longior fiam, tum ne majoris calumniæ relinquam locum iis, qui ad credenda miracula tardiores existunt. Ut autem per seculorum ordinem incedamus sequuntur anni post centum alios *Andree Danduli* ducis qui scripsit historiam. Nam declarare mens est singulis quibusque sæculis non dubitatum eo in templo quiescere. Scribit etenim prius seriem apparitionis in eandem & ipse formam. Subdit deinceps sacratissimum sese illius corpus vidisse, his verbis. *Die itaque octava octobris subsequenti* *Ecclesia, consensuque duce primicerio & procuratore reverendum corpus in ea secreta collocatur. Locus igitur omnibus usque in hodiernum diem præterquam eorum successoribus extat incognitus, Nec propterea nescientium fides vacillet, quum ego qui loquor procuratoris gerens officium, nunc Christi gratia dux effectus possim dicere verba Joannis Cap. xviii. Et qui vidit testimonium perhibuit, & verum est testimonium ejus. Et ille scit quia vera dicit, ut & vos credatis. Et Joannis penultimo capite: ut credentes ejus meritis vitam habeatis. Addit deinceps *Henrici quarti* testimonium, quod supra diximus. Omittamus de *Andree Danduli* persona nunc dicere, ut princeps fuerit hujus civitatis, ut in eo principe fuerint quæcunque magna desiderari possunt. Ingenium, doctrina, Juris divini humanique scientia. Usus vero omniumque rerum notitiam. Sed nihil aliud chronici libri, quos supradixi abunde testantur, quibus totius orbis historiam a Christi nativitate complexus est. Duo tantum considerare nunc libet: Quid se vidisse dicat, & eam rem quibus asserat verbis. Posteaquam apparitionem sancti descripsit, gessisse se illius ecclesiæ procuratorem scribit, & gerere tunc ducatum, illud præterea corpus tam procuratorem, quam ducem vidisse. Obsecro tantum virum non puderet ea mandare litteris & memoriæ in tanta re, & eorum testem se profiteri, si quæ non vidisset, ea se vidisse perscripisset? Quum quod narrat ad devotionem quidem conciliandam valeat populorum, suæ autem vel civitatis gloriæ omnino nihil intersit. Siquidem hic nulla est commemoratio, vel devictorum hostium, vel imperii propagati in eo quidem judicio nullus testis posset esse gravior quam civitatis princeps, nullus certior, quam is, qui se asserat & affirmet sanctum corpus bis vidisse, fungentem primo procuratoris magistratu, postea universæ civitatis principatu. Addo ad hoc centum scriptorum testimoniis in hanc civitatem sancti corpus esse delatum. Item ex omnibus *Venetis* monumentis locum depositionis ducibus, primiceriis, & procuratoribus notum semper extitisse, quum igitur dux historiam scriberet, quæ vulgata esset omnibus, & non dubitaret ad primicerii procuratorumque manus esse venturam, profecto non scriberet, nisi quæ essent omnium testimonio comprobata. Reliquum igitur est, ut pro verissimo certissi-*

A moque habeatur corpus illud Beatissimum vidisse. Atque illud necessario consequitur, ut ab eo tempore quo se se in lucem dedit, usque ad *Andream Dandulum*, qui fuere anni cc. xl. aut paulo plures. Locus semper notus extiterit ducibus primiceriis & procuratoribus. Neque enim aliunde *Andreas* videre illum potuit, nisi edoctus a præcessoribus, memoria per seriem derivata in posteros omnes. Servatum autem semper hunc communicandi morem, ex eo constat, qui quum *Antonius Venerius* dux, qui fuit post *Andream Dandulum* circiter annis triginta decimo sui ducatus anno *Franciscum Bembum* primicerium Ecclesiæ designavisset, ut ordinem servaret a majoribus traditum, communicandi cum primiceriis locum Evangelistæ, accersi primicerium jubet, & seorsum habito secreto patefecit, redigique in publicam memoriam imperavit. Scriba maximus ducis in librum retulit in quo annotatæ erant aliæ res secretiores. Exemplum apposui. Nota quod in anno. M. ccclxxxxi. Die. xxvi. octobris existente in camera serenissimi domini *Antonii Venerii Venetiarum* &c. *Inchyti ducis, & venerabili & nobili viro domino Francisco Bembo primicerio Ecclesiæ sive capellæ suæ sancti Marci, ipse dominus dux vocavit apud se solum in maximo secreto dominum primicerium antedictum, & dixit ei in maxima credentia nemine audire valente, ubi est corpus sancti Marci in Ecclesia vel capella sua prædicta. Et de præsentis commisit & mandavit mihi Petro de quadraginta Venetiarum cancellario, qui dare deberem solenniter sacramentum domino primicerio antedicto de tenendo de credentia factum prædictum, & quod nullo tempore unquam revelabit alicui aliquo modo. Quod sacramentum de mandato serenissimi & excellentissimi domini ducis prædicti, ego Cancellarius prædictus dedi sacramentum domino primicerio prædicto. Qui juravit tractis scripturis observare & adimplere, ut superius per ordinem dictum est. Vixit autem *Franciscus Bembus* post eum diem annis sex atque viginti, ut ex litteris sepulchro ejus incisis apparet, duos alios apud duces, *Michaelem* videlicet *Stennum*, & *Thomam Mocenicum*. Qui profecto duces etiam si ab aliis non didicissent, hunc tamen *Bembum* eos edocuisse dubitandum non est, successit *Mocenco* *Franciscus Foscarus*. Et illi quoque notum locum fuisse, præter alia multa habeo certum argumentum validissimo teste comprobatum. Is fuit Beatus *Laurentius Justinianus* patriarcha. Nam quum forte placuisset principi *Foscaro* dominioque Beatissimi *Nicolai* tumulum portui propinquum aperiri, corpusque ibi multis sæculis obferatum in lucem ad omnium oculos proferri, maximam ea ex re tota civitas lætitiæ gratulationemque suscepit. Eo exemplo factum est, ut *Laurentio*, qui ægerrime ferret aliquem credere templum sancti *Marci* patrono spoliatum, idem ut de sancto nostro fieret, vehementius in desiderium veniret. Traxit in eam quoque sententiam *Foscarum*, qui illi omnia credebatur. Dicebat autem *Foscarus* rem tantam ac tale spectaculum pacatam optare universam civitatem, ut illi possent quam maximi adhiberi honores. Ingentibus autem ea tempestate bellorum turbinibus, cum *Francisco Sforcia Mediolani* duce res publica jactabatur, pollicebatur autem pace facta se voti civitatem compotem facturum, atque locum ubi quiesceret aperturum. Idem quoque multis dixit aliis, qui nunc etiam vivunt, quos proferre possim si velim. Non visum fuit omnipotenti Deo rem ex eorum fieri constituto. Nam post pacem compositam paucis mensibus *Laurentius* primum sublatus est, & *Foscarus* in valetudinem incidit, ex qua diem obiit extremum. Non re-*



cusabo etiam ego aliquid ad hoc in testimonium afferre, ignoscent tamen ut spero, qui nostra legent, si novissimus testis accessero, & æquo patientur animo, si actoris simul & testis officium hac in re præstitero. Memini adolescens dum Beatum *Laurentium* patrum visito vidisse ac legisse in patriarchalibus ædibus libellum pergamenum vetustate oblitum, in quo descripta noscebantur omnia sanctorum corpora ac reliquæ in hac urbe sitæ, quibus videlicet in Ecclesiis, altaribusve locarentur. Incipiebat autem a Beati *Marci* tanquam primi civitatis patroni Ecclesia, his verbis. *In Ecclesia. S. Marci corpus Beati Evangelistæ*: locumque ubi situs esset continuo subijciebat, plura mihi non licet ne videar plura scire velle, quam illi voluerint, quibus tanti custodiendi thesauri cura est demandata. Cæterum movebit fortasse aliquis, quidnam illud extiterit, cur majores eum locum ignorari maluerint, neque sepulcro aliquo specioso splendidoque recondi. Sane ejusmodi rei plures afferri solent rationes, ut de re antiquissima, quam necesse sit conjecturis potius assequi, quam scripturis. Harum illa mihi videtur cæteris præferenda. Quo videlicet depositum illud, omni thesauro pretiosius, tutius fideliusque ab omni injuria servaretur. Nam quum ea ratione has reliquias maximo cum periculo atque latitia accepissent, ut apud eos sæculis omnibus essent futuræ, cui nam mirum videri debet, si eo loco sitas esse voluerunt, unde nulla vis, aut ingenium, non ignis, non ferrum posset eruere. Nempe ex ignoto loco tollere furtum potest nemo. Ex quocunque cognito ac perspecto tolli potest. Nullæ sunt custodiæ, quas aurum non labefactet, ut neque tures, nec arces ab auri machina sint tutæ, periculum quotidie facimus & videmus. Dederant ipsi paulo ante testimonium, qui hunc ipsum sanctum e sepulchro *Alexandrino* corruptis custodibus, abstulissent. Cur non igitur idem quoque *Veneti* domi suæ fieri posse dubitarent? Sic vertente conditione rerum humanarum, ut quod alicubi accidit, ubique possit accidere. Vidimus ætate nostra furtum illud famosissimum *Stammatii Cretensis*, quo nullum unquam in toto orbe majus, pretiosiusve perpetratum est, quum ex sancti *Marci* sacrario, perforatis Ecclesiæ parietibus evulsisque marmoribus gemmas omnes & vasa quæque pretiosissima quinque continuatis noctibus, domum suam asportavit. Dumque furto incubat atque hæret cogitabundus quid consilii capiat, captus ipse est cum omni gaza & in sequenti luce in crucem sublatus. Viderat semel locum ingressus una cum familia principis cujusdam, cui thesauri ostendebantur. Singula notavit, aggressusque est quod vix ullum ingenium excogitare potuisset. Id profecto non esset ausus, si locum omnem, & quæ circa essent non vidisset, resque ibi quas abstulit oculis non notavisset. Maxima reliquiarum pars quæ in hac urbe visuntur per eundem fere modum sunt delatæ. Itaque verum illud est quod vulgo dicitur. Quæ procul absunt ab oculis, absunt procul a corde. Causa igitur cur ignorari maluerunt tribui non potest nisi Evangelistæ caritati, quem admodum accidere videmus in pretiosissimis quibusque, ut maxime abscondamus quæ magnopere diligimus. Legi senatus consultum admodum pervetustum, quo majorum diligentia narratur in sanctorum corporibus in hanc urbem deferendis, prohibet autem magnis adjunctis pœnis eorum sepulchra aperiuntur. Sed diligentissime ferreis repagulis obstruantur. Quod si ea fuere majores nostri diligentia in aliis sanctorum reliquiis, quanto verissimilius est quamcumque ex-

A cogitari potuerunt in proprii patroni salutem & tutamen adhibita? causa nobis est expedita generalior quidem, & quæ ad omnia fortuita cavenda referatur. Cæterum quis ambigat in tanta temporis antiquitate, præsertim ubi non ipsa res, sed sola voluntas quærat aliiis etiam de causis, ut sic statuerent adduci potuisse. Sunt enim qui factum dicant, ne Sultanus *Ægyptius* re cognita mercatores *Venetos* in vincula conjiceret, bonis spoliaret, ut ablatum restitueretur. Sunt qui ne quotidie principibus, imperatoribus, regibus, aliisque principibus nobilioribusque viris operam assiduam impenderent. Qui ejus visendi desiderio tenerentur cum rerum impedimento publicarum, ejus vero thesauri periculo. Solet enim in hujusmodi ostendendis rebus crebro accidere, ut vel precario, vel subreptione membrum aliquodve auferatur. Quibus omnibus periculis obstat perquam egregie inscientia loci. Satis igitur ut opinor factum est omnibus, qui certiores esse cupiunt ejus rei, quam totiens repetivimus. Neque video quid reliqui jam supersit, nisi forte respondere etiam illis placet, qui dubitant, aut furto sublatum, aut corruptum igni. De furto quidem nemo omnium mortalium hætenus gloriatus est se furto abstulisse, aut alia quavis ad eos ratione pervenisse, nisi forte audiendus est *Constantiensis* nescio quis, qui dicere audeat apud se esse. Quo tamen tempore sit ad eos translatus, aut quo pacto hinc sublatus, adhibito quam maximo potui studio, ut mendacium si necesse esset possem refellere, ab iis excipere nihil potui. Quo igitur pacto eum in mendacio deprehendas, qui ne solo quidem verbo uti audeat, nedum ut testem afferat, aut monumentum? Et præterea credibile est quem omnibus sæculis *Veneti* obstrutum obseratumque tanta cum diligentia custodiendum curaverint, ut nemini eum locum cognitum esse vellent, ad eam deinde negligentiam incuriamque prolapsos, ut quasi per ludum jocumque subripi in *Germaniam*que auferri sint passi. Ut autem respondeamus ad ignem. Primam quidem Ecclesiam arsisse dubium non est, in qua elatum e navi deposuere. Neque pluribus est repetendum quo pacto quum amissus crederetur, sit ab universo populo receptus, totiensque visus, adoratusque, postea vero quam in hanc instauratam denovo collocatur, semel sacrarium quoddam minime huic locando thesauro accommodum ignis corripit duce *Jacobo Teupolo* circiter annum domini. xxx. supra millesimum & cc. videlicet post apparitionem annis centum. xl. Ante vero Archiepiscopum *Voraginesem* annis circiter decem. Ante *Andream Dandulum* ducem annis. c. xv. Iterum autem ætate nostra circiter annum domini. xx. supra millesimum & cccc. Ecclesiæ cubi lignei arsere. Lapideis vero aut reliquæ Ecclesiæ nulla omnino facta injuria. Præter eos igitur quos dixi nullus invasit ignis Ecclesiam. Itaque nulla ab igne dubitatio relinquitur, sed fac ut alias quoque arserit, quis autem credat eum thesaurum quem haberent tam carum ac pretiosum ejusmodi arca collocatum, quam ignis aut ferrum aliquod posset demoliri? Ligno scilicet commendandus fuit, aut lateribus & non saxis & ferro. Et si fieri posset arcule etiam adamantinæ. Cæterum quid pluribus ego has diluam suspiciones nulli nixas nec rationibus, nec testis? Si quum ipsi auctorem nullum habeant non scriptum non indicium, non quamvis aliam, vel minimam conjecturam, decem tamen testimonia ad quamvis rem arduam comprobendam idonea, satis illis non videntur ad fidem quam quærimus faciendam? Absit tamen ut hoc credam. Spero equidem (nisi me amor hujus glo-



riofissimi sancti fallit, pro cuius honore hunc scribendi laborem summa pietate ac devotione suscepit) neminem fore iudicem tam iniquum, at-

que a vero tam alienum & aversum, qui non ea, quæ a nobis sunt dicta, summo cum assensu atque fide suscipiat.

## F I N I S.

# INDEX NOMINUM, RERUM AC SENTENTIARUM.



A.  
Abdalla Saracenorum Admiratus. 118.B  
— fuit acerrimus christianorum hostis. ibid.  
Acelum agri Patavini oppidum, nunc Monfiflex. 81.C  
— ab Agilulpho concrematur. ibid.  
Adria Etruscorum colonia. 6.A  
— nomen mari dedit. ibid.  
Adrianus Pontifex Summus literas dat Aquilejensi Patriarchæ ut redeat ad Ecclesiam Romanam. 131.A  
— Pontifex Desiderii facta ad Carolum Magnum defert. 132.E  
— Pontifex tres Episcopos Desiderio obviam mittit. 133.D  
— jubet ne fines Ducatus Romani ingrediatur. ibid.  
— Pontifex habet orationem ad Senatum Romanum. 133.E  
— Pontifex jus eligendi Pontificem Carolo contulit. 137.F  
— habetur hoc in patrum decretis. ibid. 138.A  
— Stephano Pontifici sufficitur. 129.B  
Adriaticum mare piratis semper fuit infestum. 35.D  
Ædes in Rivalto constructa Jacobo Apostolo dicatur. 10.E  
Aër circa Venetias saluberrimus celebratur. 8.A  
— fluxu & refluxu aquarum expurgatur. 8.B  
Æstus aufert in mare, quicquid est fetidum malignumque. 7.C  
Aëtius vid. Etius.  
Africa à Romanis bis victa. 37.C  
Agapetus Pontifex Max. à Justiniano Constantinopolim evocatur. 59.D  
— ejus alloquium ad Justinianum. ibid.  
Agareni ab Agar ancilla Saræ uxoris Abræ sunt dicti. 85.F  
Agatho Pontifex Max. ad Constantinum Constantinopolim proficiscitur. 97.F  
Agilulphus Langobardorum rex a Gregorio Pontifice ad Christi fidem convertitur. 80.E  
— Patavium tertio penitus delet. 81.A  
Aigo comes Forojulii legatus a Carolo Imperat. ad Nicephorum missus. 165.D  
Alaricus Visigothorum Rex ad regnum custodiendum eligitur. 17.C  
— erat nobili Balthorum familia. ibid.  
— apud Ravennam castra locat. 17.E  
— habet colloquium cum Sthilicone. ibid.  
— cum Honorio Imperat. fœdus componit. 18.A  
— Sthiliconem de promissis appellat. 17.F  
— ludos à Sthilicone sibi dari perspicit, Honorio in Galliis rem nuntiis prodit. 18.A  
— à Saulo Hebræo aggressus primum se tueri cunctatur. 18.C

Alaricus mortem potius voluit pati, quam arma in festo Paschatis capere. ibid.  
— instigante Judeo, primus vix satis armatus in hostem fertur. 18.D  
— habet orationem ad suos. ibid.  
— Romanos plane profligavit. 19.A  
— Romam exercitum ducit. ibid.  
— capit ac diripuit Romam. ibid.  
— ejus victoria superat victoriam Brenni. 19.B  
— Roma excedens apud Cosentiam interit. ibid.  
— Romam totam omnium gentium reginam occupat. ibid.  
— spoliata ac direpta relinquit. ibid.  
— secundo Venetiæ fauces diripuit. 32.C  
— Visigothorum Rex Hispaniam tenens à Clodoveo Francorum Rege interficitur. 51.F  
Alani postea Alemanni sunt dicti. 38.B  
Albertus Magnus historicus. 58.F  
Albiola insula à Pipino occupatur. 158.D  
Albiola urbs littorea à Venetis condita. 31.D  
Alboini verba cum ad Vipagum amnem pervenisset. 75.B  
Alboinus Rex Longobardorum. 65.A  
— duodecim millia equitum Justiniano in auxilium mittit. ibid.  
— Andoini Regis Longobardi filius. 72.C  
— Narseti ad expeditionem Italicam duodecim equitum millia tradidit. 72.D  
— sedes proprias apud Hunnos incolendas depunit. 74.A  
— Rex Longobardorum cum innumerabili multitudo in Italiam ingreditur. 75.A  
— Gisulphum nepotem Venetiæ provincie præficitur. 76.A  
— primum Taurisum deinde Veronam proficiscitur. 76.A  
— Venetiæ aut Gallie civitatibus receptis Veronam est reversus. ibid.  
— Veronæ sedem constituit. ibid.  
— poculum in convivium ex cranio Comundi Regis Gepidarum factum afferri jubet. ibid.  
— per amatorem uxoris interficitur. 76.B  
Alcoranum potius ab arma tractante, quam ab homine sapientiæ dedito est compositum. 89.A  
Alemanni antiquitus Alani sunt dicti. 38.B  
— Venetiam vicinasque regiones depopulati sunt. 54.E  
Alexandrina Ecclesia secundum locum a Romana obtinuit. 180.C  
Alexandrini quales habuerunt Deos. 176.A  
Almaricus Alarici Regis Visigothorum filius, erat gener Theodorici. 52.A  
— cum reliquiis paterni exercitus intra Pyreneos saltus se recipit. 52.A  
Alpes



# INDEX NOMINUM, RERUM AC SENTENTIARUM.

Alpes sunt Italiae latera non capita. 5. D  
 Altinates cives sparsa habuerunt domicilia per loca palustria. 8. F  
 Altinum oppidum vetustum. 6. A  
 — nobilis civitas prius Antenoris vocitata. 26. F  
 — ad speciem Ravennae tota inter paludes fuit posita. 27. A  
 — tempore Attilae maxima ex parte in continentem fuit redacta. ibid.  
 — in sex partes civitas erat divisa. ibid.  
 Amalasuenta filia Theodorici regnum administrandum suscepit. 54. A  
 — plurimum a Cassiodoro laudatur. ibid.  
 — Symmachi & Boëthii filius patrimonium restituit. 54. C  
 — filio Iustini potentiam formidolosam reddebat. 54. D  
 — Regina Theodatum consobrinum consortem regni suscipit. 54. F  
 Amianum pars vel insula urbis Altini. 27. B  
 Amianus insula urbis Venetiarum. 31. D  
 Amicitia non est firma, quae accipiendis solum beneficiis studet, nunquam referendis. 114. F  
 Amorianus insula urbis Venetiarum. 31. D  
 Anastasius Zenonis filius in regno Orientali patri succedit. 52. A  
 — munera Clodoveo mittit & gratulatur per Oratores de victoria. 52. B  
 — patricium & Consulem & Augustum Clodoveum appellat. ibid.  
 Ancon a Gothis terra marique oppugnatur. 65. B  
 Andoinus Longobardorum rex tenuit Rugilandam provinciam annos octo. 72. C  
 — transulit Longobardos in Pannoniam. ibid.  
 Andreas Dandulus historicus, Graecam historiam habuit quam familiarem. 122. A  
 — — Dux vidit corpus S. Marci. 191. B  
 Angelus Falerius Ecclesiae S. Marci procurator. 184. E  
 — Heraclianus primus in Rivalto ducatum gessit. 152. C  
 — — orationem Honorio contradicentem in conventu habuit. ibid.  
 — — populum Venetum, ut bono sint animo, hortatur. 158. E  
 — — suadet Venetos in Rivalentum insulam secedant. 158. F  
 — Particiacus summo omnium consensu Dux salutatur. 170. E  
 — — primus honorem ducalem in Rivalto est consecutus. ibid.  
 — — a Carolo pacis confirmationem impetrat. 171. A  
 — — easdem immunitates a Ludovico Caroli filio obtinuit. 171. B  
 — — Heracliam instaurat. 172. A  
 Animus invadenti semper major est, quam repellenti. 45. E  
 Antemius, Romani imperii tyrannus. 37. F  
 — jungit classem suam Leonis Imperatoris Orientalis. ibid.  
 — offendit Gensericum apud Populonium Etruriae urbem. 38. A  
 — Genserici classem fudit fugavitque. ibid.  
 Antenor in Italiam cum classe descendit. 4. C  
 — nomen Venetum genti indidit. ibid.  
 — Euganeos ad Alpes usque pepulit. ibid.  
 — in Insulam Olivolum exploratores misit. 10. A  
 — prius ad ora Liburnorum quam ad Timavi fontem pervenit. 146. E  
 Anthan à Longobardis Rex creatur. 76. E  
 — omnem Italiam ad fretum Siculum usque excurrit. ibid.  
 Anthenus Episcopus Constantinopolitanus. 59. D  
 Antiochia urbs nobilissima christianae religionis quasi parens fuit. 89. B

Antiochia à Mahumede per deditionem occupatur. 89. B  
 — habuit murum duplicem. ibid.  
 — habuit 460 ecclesias. ibid.  
 — ejus patriarchatui 153 Episcopi extitere suffraganei. ibid.  
 — scissa centum haeresibus ad Muhamedem convolavit. 89. C  
 Antonius Venerius Dux Francisco Bembo Primicerio designato locum S. Marci patefecit. 192. A. B  
 Anxur urbs nunc Terracina. 56. B  
 Aquilegia nobilis Romanorum colonia. 5. F  
 — quando eversa. 12. B  
 — tempore Valentiniani imprimis tum fuit potens. 24. F  
 — prima Venetiarum parens habetur. 25. A  
 — caput paludum ad Orientem. ibid.  
 — passuum decem millibus à mari distabat. 25. B  
 — hodierna non est ea quae olim fuit. 25. C  
 — est locus commodissimus vel repellendo vel inferendo Transalpinis nationibus bello. 25. D  
 — Europam Asiae conjungebat. ibid.  
 — ab Attica tres aestates fuit obsessa. ibid.  
 — quasi claustra Italiae in manibus tenebat. 27. E  
 — fuit urbs prima, quam Attila evertit. 28. B  
 — per tres annos obsidionem Attilae passa est. 28. C  
 — quomodo fuit occupata an vi an deditione, incertum est. 29. A  
 — ita fuit eruta à fundamentis, ut nullum vestigium ubinam fuerit, conspiciatur. 29. B  
 — Patriarcham iterum accipit. 110. D  
 Aquilejenses fuerunt in fide constantes erga Romanos. 25. E  
 — funes arcubus ex capillis mulierum fecerunt, nervis deficientibus. ibid.  
 — quicquid sacri profanique capere possunt Gradum comportant. 29. C  
 — deligunt sibi Pontificem Fortunatum quendam Arrbianum. 82. D  
 — Patriarcha saepius injuriam Venetis intulit. 110. F  
 Arabes olim gens Sabaea fuit dicta. 86. A  
 Arabia ab aliis Felix, ab aliis Sacra est dicta. ibid.  
 — quare Sacra est dicta. ibid.  
 Arbogastus in Gallia tyrannus. 42. C  
 Arcadius Imperator Orientalis Gothicas copias dimisit. 17. B  
 Arcenia oppidum. 82. A  
 Aripertus Rex Longobardorum virtute memorabili. 80. E  
 — Rex Longobardorum praeclare regnum administravit. 91. D  
 — Alpes Cotias, ubi nunc Genua est Ecclesiae Romanae dono dedit. 91. E  
 — regis insignibus depositis, diligentius quid populi de se sentirent, exploravit. ibid.  
 — in Ticino amne suffocatur. 91. F  
 Ariminum urbs Theodorico sese dedit. 46. D  
 — ter quaterve aut captum aut obsessum. 60. D  
 Armenia minor olim Cilicia. 121. F  
 Armenii Saracenis foedere se jungunt. 91. C  
 Arnephites Lupi Ducis Forojulii filius. 94. D  
 — paternum Ducatum repetit. ibid.  
 Arrius haereticus tempore Constantini M. oritur. 15. A  
 — fuit Ecclesiae Alexandrinae Diaconus. ibid.  
 — à Petro Patriarcha ab Ecclesia depellitur. ibid.  
 — fuit homo nugax & superbus in fide cavillans. 15. B  
 Arfias fluvius terminus Italiae. 5. D  
 Astulphus apud Longobardos regnum suscipit. 120. E  
 — rex Longobardorum cum Gregorio IV. foedus in annos XL. init. 120. F  
 B. Justinianus. N 2 Astul-



# INDEX NOMINUM,

**A**stulphus peracto vix fœdere vafrum atque fallax ingenium prodidit. 120. F  
 — Ecclesiam supra cæteros ante se reges vexat. ibid.  
 — Romanarum partium urbes invadit, agros diripit & vastat. 121. A  
 — à Romanis tributum exigit. 123. C  
 — muneribus à Pontifice missis obstinator fit. 123. D  
 — tam Pipinum quam Gregorium eludit. 127. C  
 — Pipinum pollicitationibus, ut in Franciam reverteretur, adduxit. ibid.  
 — tres menses urbem Romam obsidione premit. 127. D  
 — antequam Pipinus in Gallias reverteret apoplexi interit. 127. E  
**Atani** populi Rheni ripas insident. 17. E  
**Ataulphus** adolescens nobilis lepra laborans a Marco Evangelista Sanatur. 174. A  
**Athalaricus** filius Theodoricus in omne vitium ferebatur. 54. D  
 — anno octavo post Theodoricum patrem moritur. 54. E  
**Athanasius** acerrimus catholice fidei propugnator. 15. D  
 — apud viduam in Galliis sex annis delituit. ibid.  
**Athesis** omnem paludum partem arena stravit. 6. C  
**Attila** annos sex & quinquaginta vixit. 12. A  
 — natus eodem die, quo Julius Cæsar multos ante annos natus. ibid. B  
 — mortuus ejus diei nocte, quo Cæsar confossus est. 12. B  
 — mortuus circiter annum 456, paulo post ever- sam Aquilejam. ibid.  
 — crapula nuptiali extinguitur. ibid.  
 — in Sarmatia & Scythia bellum gessit. 12. C  
 — in Gallias irrupit. 12. E  
 — cum Aëtio Romanisque confligit. ibid.  
 — Aquilejam iterum capit & evertit. ibid.  
 — Martiano apud Constantinopolim Imperante Italiam ingreditur. 12. F  
 — Hunnorum Rex cupidus erat imperium Roma- num exscindendi. 19. C  
 — filius Mandulci Regis Hunnorum. 19. D  
 — gesta diverso bellorum ordine narrantur. 19. F  
 — per totum pene septentrionem arma circumtu- lit. 20. A  
 — fuit non tam dominandi quam vincendi cupi- dus. ibid.  
 — gloriam magnam existimavit, si nemo morta- lium vim gladii sustinere posset. ibid.  
 — Sarmatiam perdomuit. ibid.  
 — apud Martianopolim Macrinum Imperatorium ducem superat. ibid.  
 — Pannonias, Illyrios, Messiam vastat. 20. B  
 — à Theodosii II. ducibus profligatur. ibid.  
 — Bledam fratrem bellum cum Romanis dissua- dentem interficit. ibid.  
 — adjunctis Erulorum, Alanorum, Gepidarum, & Turcilingorum regibus in Gallias transgreditur. ibid.  
 — cum Aëtio Romano duce apud Tholosam de summa rerum dimicat. 20. C  
 — mortem Aëtii audiens instituit in Italiam du- cere. 20. D  
 — apud Budam reges ac principes ad colloquium convocat. ibid.  
 — Orationem ad Reges & principes habuit. ibid.  
 — quacunque it omnes secum in prædæ spem ra- pit. 22. A  
 — qualem viam in itinere in Italiam tenuit. 22. F  
 — Italiam ingrediens ad Sontium amnem perve- nit. 24. D  
 — Caduceatorem ad urbes Venetiæ mittit. 25. F

**Attila** ad terrorem urbibus incutiendum omnia late ferro ignique sedari jubet. 26. B  
 — ad Aquilejam partem copiarum relinquens ad Concordiam copias ducit. 26. D  
 — Concordiam urbem funditus evertit. 26. E  
 — Opitergium, & Cenetam urbem evertit. 26. F  
 — multis urbibus exscissis, acrius contra Aquile- jam obsidionem urget. 28. B  
 — Ciconias ex turri Aquilejensi pullis rostro ap- prebensis littus proximum pctere vidit. 28. F  
 — fuit augurii Studiosus. ibid.  
 — fugam Aquilejensium ex avium fuga prædixit. ibid.  
 — in memoriam obsidionis Aquilejæ speculam U- tinum appellatam condidit. 30. A  
 — putcos miræ altitudinis effodit. ibid.  
 — Mantuam, Brixiam, Cremonam, Bergo- mum demolitus est. 30. B  
 — superato Apennino in Etruriam se confert. 30. C  
 — Romam ducturus ab Aruspibus monetur, ut urbem caveret. ibid.  
 — exemplum Alarici aspiciens in Galliam refle- tit iter. ibid.  
 — cupiditate Romæ videndæ aliquantis per sub- stitit. ibid.  
 — Orationi Pontificis respondet. 30. E  
 — vidit duos juvenes ab utroque latere Pontificis sibi minantes. 30. F  
 — a concitata rabie ad sedatam animi tranquil- litatem fuit conversus. 31. A  
 — cessit iterum in Pannonias. 31. B  
 — nuptiis celebrandis intentus, cibo vinoque in- temperantius utens, subita morte extinguitur. ibid.  
 — maximis honoribus de gentis more est elatus. ibid.  
 — tertium Venetiæ fauces ingrediens omnia de- populatus est. 32. C  
 — quo anno in Italiam descendit incertum est. 35. A  
**Avares** nunc Bavari Gisulphum obvium factum in- terficiunt. 81. F  
 — Liburniam Venetiamque rapinis & incendiis fœdant. ibid.  
 — in Forumjulium contra Lupum descendunt. 93. E  
 — à Lupo castris exuti sunt. 93. F  
 — aucti copiis prælium redintegrant. ibid.  
 — Lupus ab iis interficitur. ibid.  
 — Venetiam ingressi cædibus & rapinis omnia fœdant. 94. A  
**Avaritia** communis mortalium pestis. 14. E  
**Auctoritas** capitis quantum valeat, nemo nescit. 15. B  
**Aucupium** Veneti exercent studio non mediocri. 7. E  
**Audacia** quod non vincat nihil est. 40. A  
**Augustulus** post Glycerium imperium Romanum ra- puit. 38. A  
 — tam re quam nomine nullius auctoritatis fuit. 39. F  
 — à senatu Romano repudiatus purpuram & diadema deposuit. 40. B  
**Augustus** paludes Ravennæ in Continentem redegit. 6. B  
**Aurelianus** Imperator Gothos ultra Danubium de- vicit. 41. D  
**Auriacus** vicus antiquitus ora lacus dicebatur. 36. B  
**B**abyloniorum mos in nuptiis celebrandis. 96. D  
**Bacchilio** flumen ab Alpibus cadens. 6. B  
**Bacchus** Martyr. 35. E  
**Bajazetes** Constantinopolim obsedit. 123. A  
 — Sigismundum Ungariæ Regem apud Nicopo- lim in fugam dedit. 123. B  
 Bea-



Beatus Obelerii frater cum Niceta ad Nicephorum proficiscitur. 156. C  
 — frater Obelerii consulatu auctus Venetias re-vertit. 157. A  
 — frater Obelerii Iaderam relegatur. 170. D  
 Bellisarius Justiniani Imperatoris belli Dux. 39. C  
 — Glimorem Regem acie prosligatum captumque Constantinopolim secum detulit. 39. C  
 — Dux belli à Justiniano declaratur. 55. C  
 — fuit vir disciplina militari præstans. ibid.  
 — is simulata in Africam traiectione in Siciliam declinat. ibid.  
 — Catinam & Syracusas ejectis Gothorum præ-  
 fidiis recipit. ibid.  
 — ob motus excitatos in Africa, Africam rever-  
 titur. 55. E  
 — in Italiam iterum properat. 56. A  
 — totum Calabriae ac Lucaniae tractum brevi re-  
 cepit. ibid.  
 — Neapolim silentio noctis per aquæ ductum in-  
 gressus, occupat. ibid.  
 — Ravenna recepta Vitigitem Gothorum Regem  
 captivum ducit. 60. E  
 — Constantinopolim ad Justinianum in trium-  
 phum Vitigem desert. ibid.  
 — benignas Gothis obtulit pacis conditiones. 62. D  
 Bellum Gothicum annis duo de viginti duravit. 60. B  
 — Gothicum finitur. 71. A  
 — Clodiense quando gestum. 97. C  
 Benedictus Abbas finem regni Gothici prædixerat. 68. F  
 Beneventum in Samniis neutri parti imperii est  
 ascriptum. 143. F  
 Berengarius Italiae rex ab Hungaris superatur. 74. B  
 Bergomum à Gallis Orobiis fuit conditum. 4. D  
 Bernardus Justinianus apud Ludovicum Regem Fran-  
 corum fuit Orator. 4. B  
 — — ab eo fuit consanguineus appellatus. ibid.  
 — — vestigia nobilis oppidi Fori Julii inve-  
 nit. 82. C  
 — — auctor se testem de loco S. Marci sepul-  
 turae præstitit. 193. A  
 Bethica nunc Granada appellatur. 89. F  
 Biorgius Alanorum Rex per Tridentinos saltus in  
 Italiam populabundus irrumpit. 38. B  
 — direptionibus excursionibusque Galliam, Ve-  
 netiam & Histriam usque pervasit. ibid.  
 — ab Rithimere Gottho apud Benacum interfici-  
 tur. 38. C  
 Bleda filius Mandulci Regis Hunnorum. 19. D  
 — bellum cum Romanis dissuadens à fratre At-  
 tila interficitur. 20. B  
 Blondus ab auctore castigatur. 25. C. 62. E  
 — ab auctore castigatur. 146. D  
 Bohemi originem e Sclavis gente Scythica ducunt. 53. E  
 Borinenfes olim Triballi sunt vocati. 146. F  
 Borcanum pars vel insula urbis Altini. 27. B  
 Boreanus insula Urbis Venetiarum. 31. D  
 Brennus Gallus Romam adhuc modicam cepit. 19. B  
 — arce frustratur & inde repellitur. ibid.  
 Brenta flumen ab Alpibus cadens. 6. B  
 Brintillæ insula urbis Venetiarum una. 28. B  
 Brinxia à Cenomanis fuit condita. 4. D  
 Brixillum ter quaterve aut captum aut obseffum. 60. D  
 — cuius Cispadanarum civitatum, excepta Ra-  
 venna par. 68. E  
 Brundulum castellum distabat a mari passus fere  
 quingentos. 158. B  
 Bucentaurus est navis ducalis. 97. A  
 — Bucinatoriam latino vocabulo eam nonnulli  
 interpretantur. ibid.  
 — alii a pictura qua erat insignita ita dictam  
 putant. ibid.

Buda urbs. 22. B  
 Bulgares in Thraciam descendunt. 48. A  
 Bulgari ad Danubii ripas confedere. 98. F  
 — Cyrilli oratione ad christianum suscipiendum  
 baptisma sunt perducti. 99. B  
 — magno imperio usui fuere. 99. C  
 — complures de Turcis victorias reportavere. 99. D  
 Bulgarorum nomen quando primum auditum. 72. C  
 — rex ad monasticam vitam se contulit. 99. B  
 — regnum administrandum majori natu filio re-  
 liquit. ibid.  
 — ejus filius ad gentilitatem redit. ibid.  
 — vestem monasticam deponit, & filium in vin-  
 cula conjicit. 99. C  
 — filium natu minorem in fratris locum suffecit.  
 ibid.  
 — ad monasticam vitam, quam semel voverat,  
 revertitur. 99. C  
 Burgundiones gentem Scythicam alii Germanicam  
 fuisse scribunt. 19. E  
 — Rhenum transierunt & inter Rhenum Rhodu-  
 numque sedes ceperunt. ibid.  
 — unde ita dicti. ibid.  
 — bello Hunnorum afflicti baptisma recipiunt.  
 ibid.  
 C.  
 Cacannus sic Avars Reges appellant. 81. F  
 — Avarum rex Forum Julium obsedit. 82. A  
 — conjugem Gisulphi cum omni Thesauris in eo ca-  
 pit. 82. A  
 — Avarum Rex conjugem Gisulphi Avaribus in  
 ludibrium abutendam prostituit. 82. B  
 — Forum Julium ab ipsis radicibus evertit. 82. B  
 Cæsena Flaminiae civitas. 102. E  
 Cajus Cæsar meminit Venetorum in Gallia. 3. B  
 Calabria a Bellisario occupatur. 56. A  
 Calistus Aquilejensis patriarcha in Venetis insulas  
 Centenariam & Mussionum occupare studeat. 118. C  
 Campania urbs à Genferico diripitur. 37. D  
 — à Luitprando Rege Longobardorum vastatur.  
 99. F  
 Candianus Ariminensis Martiano in patriarchatu  
 sufficitur. 81. D  
 — sede Episcopali ab Hereticis erepta, ad littora  
 Veneta confugit. ibid.  
 Caprulæ oppidum à vico ita dicto nomen retinuit.  
 26. E  
 — vicus e regione Concordiæ. ibid.  
 — Petronia postea dicta. ibid.  
 — urbs littorea a Venetis capta. 31. D  
 Capua à Genferico vi capitur & solo æquatur. 37. D  
 Caput Aggeris urbis Venetiarum una Insula. 28. B  
 Carinthia olim Illyricum. 5. D  
 Carolus Magnus Rex Francorum Abbatem S. Sa-  
 binæ ad Desiderium mittit. 132. E  
 — — Francorum rex; pacis & belli virtutibus  
 excelluit. 135. C  
 — — nemo unquam tantum terrarum, gentium,  
 nationumque subegit. 135. D  
 — — ipse non indoctus literas amavit. 135. D  
 — — conventum doctorum hominum apud Lu-  
 tetiam Parisiorum instituit. 135. D  
 — — Longobardam gentem omnino delere noluit.  
 137. C  
 — — loca nonnulla iis inhabitanda dedit. ibid.  
 — — Pipinum filium in Italia relinquit. 137. D  
 — — ipse secum abducto Desiderio Rege Lon-  
 gobardo in Franciam revertitur. ibid.  
 — Martellus bellum cum Saracenis gessit. 100. A  
 — — 370 millia Saracenorum uno prælio occi-  
 dit. ibid.  
 — — Pipino patri successit. 125. E  
 — — non alium in regno titulum quam magistri  
 domus quæsit. ibid.



# INDEX NOMINUM,

Carolus in Italiam cum exercitu descendit. 136. A  
 — Veronam urbem in qua Desiderii liberos &  
 uxorem deposuerat, recipi iubet. 136. C  
 — Romam ad Pontificem proficiscitur. ibid.  
 — rebus cum Adriano compositis ad urgendam gra-  
 vius Papiam revertitur. 136. D  
 — legatum ad Venetos petitum naves mittit. ibid.  
 — Venetis de auxilio navium gratias agit. 141. D  
 — Francorum Rex Imperator declaratur. 142. B  
 — Oratores remittit ad Irenem Imperatricem O-  
 rientem. 142. E  
 — qui Imperatricem ad nuptias invitent. ibid.  
 — & Nicephorus imperium inter se dividunt.  
 143. E  
 — Joannem quendam Istriæ provinciæ ducem præ-  
 fecit. 147. B  
 — Imperator benignis verbis legatis Venetis re-  
 spondet. 156. A  
 — Imperator quatuor oratores ad Nicephorum  
 mittit. 165. D  
 — Imperat. Orientalis fœderis semper existit stu-  
 diosus. 171. A  
 — Michaëlem & Leonem V. Imperatores Orien-  
 tis omnibus officiis prosecutus est. 171. B  
 — ob summam rerum felicitatem Magni cognomen  
 consecutus est. ibid.  
 Carni populi montana incoluerunt. 4. D  
 Carfi montes olim Iapidia vocabantur. 24. D  
 Cassiodorus quæstum salis Veneti celebrat. 7. E  
 — proximus temporibus invasionis Attilæ vixit.  
 13. B  
 — scripsit epistolam non Regi non consulibus Pa-  
 tavinis sed Tribunis Venetiarum. 13. B  
 — de novella gente Veneta epistolam scripsit. 56. C  
 — primus est qui Venetias numero plurali dixit.  
 90. C  
 — Marcum Principem Monachorum appellat.  
 179. B  
 Catarum urbs Albanis confinis. 146. D  
 Cato sensit Venetos ortos stirpe Trojana. 3. A  
 Causa cognita facile remedium adhibeas. 106. B  
 Cefferanus classis Imperatoriæ dux. 158. A  
 — Adriaticum versus navigationem instituit.  
 158. A  
 Celeritas ad pericula propulsanda multum valet  
 16. E  
 Ceneta urbs ab Attila vastatur. 26. F  
 Cenomani Cremonam & Brixiam condiderunt. 4. D  
 Centenaria insula interiit. 118. D  
 — insula una ex Venetis. 118. C  
 Cervia Flaminie civitas. 102. E  
 Chilpericus rex Galliarum a Magnatibus abrogatur.  
 125. F  
 Christiani Ciliciam, Armeniam, Cappadociam,  
 Syriam, Phœnicem, Palestinam, & Hierosoly-  
 mam urbem recepere. 122. D  
 Christophorus patriarcha Heraclienfis habet ora-  
 tionem ad populum Venetum. 105. F  
 — Castellanus Episcopus Constantinopolim relega-  
 tur. 156. C  
 Cilicia nunc Armenia minor. 121. F  
 Cinisius mons. 135. F  
 Civitas condenda tria requirit. 32. F  
 Clafenſe oppidum parvo à Ravenna intervallo. 50. D  
 — nulla hujus oppidi nunc apparent vestigia. ibid.  
 Claudianus II. Imperator de Gothis victoriam est  
 consecutus. 41. C  
 Clemens I. simili injuria eodemque loco in exilio  
 quam Martinus Pontif. vitam finivit. 91. B  
 — Pontifex Maximus. 173. C  
 Clephis a Longobardis Rex creatur. 76. B  
 — ob nimiam crudelitatem interficitur. ibid.  
 Clodia insula urbis Venetiarum. 31. D  
 — insula a Pipino occupatur. 158. D  
 Clodienſe bellum quando gestum. 97. C

Clodius princeps Francorum primus Rhenum transiit.  
 125. B  
 Clodoveus Francorum Rex Alarico Visi Gotthorum  
 regi bellum indicit. 51. E  
 — omnes Arrianæ sectæ urbes cepit ac diripuit.  
 52. A  
 — Francorum Rex ad Italiæ dominatum irrepere  
 tentat. 92. A  
 — aliquot equitum cohortes in Italiam misit. ibid.  
 — quæ ad unum omnes captæ cæsæque sunt.  
 92. B  
 — Meroveo Francorum Regi in regno successit.  
 125. C  
 — multis bellis feliciter gestis nomen maximum si-  
 bi comparat. 125. D  
 Clugia olim Clodia insularum Venetarum una. 28. A  
 Cognitio rerum tristium interdum non injucunda.  
 13. E  
 — est utilis multis cavendis rebus, multis mode-  
 randis. ibid.  
 Colossus totius orbis fuit ornamentum. 91. C  
 Comaclum Flaminie civitas. 102. E  
 — oppidum vetustum in stagnis palustribus haud  
 procul à Ravenna situm est. 156. F  
 Comitum nomen ante Theodosium non facile reperi-  
 tur. 16. F  
 — aut à Constantino aut abs Theodosio Originem  
 traxisse credibile est. 16. F  
 Comum à Gallis Orobiis fuit conditum. 4. D  
 Comundus Rex Gepidarum pater Rosmundæ uxo-  
 ris Alboini. 76. B  
 — ab Alboino in bello interficitur. ibid.  
 — ex cranio ipsius Alboinus fecit poculum. 76. A  
 Concilium est remedium adversus hæreses. 15. B  
 — apud Nicæam celebratum. 15. C  
 — apud Maranum oppidum habetur. 80. B  
 — VI. apud Constantinopolim celebratum. 98. B  
 — Constantinopolitanum re infecta dissolvitur.  
 118. A  
 — Romanum habitum in Leonem. ibid.  
 — in quo imagines sunt confirmatæ. ibid.  
 — septimum apud Constantinopolim fuit celebra-  
 tum. 128. D  
 — duo versus in eo sunt editi de Imaginum hære-  
 si. ibid.  
 — Romæ ab Adriano convocatum. 138. A  
 — Romæ indicitur contra Leonem III. Pontifi-  
 cem. 142. A  
 Concordia civitas Aquilegiæ proxima. 5. F  
 — ab Attila obsidetur. 26. D  
 — ab Aquileja 20 passuum millibus distabat. ibid.  
 — ab Attila funditus evertitur. 26. E  
 Concordienſes urbe oppressa ad mare dilabuntur.  
 ibid.  
 — littus e regione civitatis tenent. ibid.  
 Confirmatio Episcopi ad Archiepiscopum pertinebat.  
 98. C  
 — Archiepiscopi ad Patriarcham. ibid.  
 — Patriarchæ ad Summum Pontificem. ibid.  
 — Pontificis summi ad Imperatorem. ibid.  
 Conjectare in obscuris decentius est, quam pro  
 certis asserere. 97. A  
 Constans filius Constantini Romam obtinuit. 16. A  
 — à Magnetio in Galliis est oppressus. ibid.  
 — aliis Constantius nepos Heraclii Imperatoris  
 Orientalis. 90. E  
 — avo Heraclio succedens hæresin Monochelita-  
 rum propagare adnixus est. 90. F  
 — Martino Pontifici imperat ut eam hæresin su-  
 scipiat. 90. F  
 — quartum apud Liciam a Saracenis navali pu-  
 gna superatur. 91. C  
 — Imperator Orientalis expeditionem in Italiam  
 meditatus est. 92. C  
 — Tarenti omnes copias exponit. 92. D  
 Con-



Constantia Luceriam in Apulis urbem munitissimam  
 per vim expugnat. 92. D  
 — Geruntiam & Beneventum aggreditur. 92. E  
 — praelium detrectans Romam proficiscitur. 92. F  
 — Imperator Græcos artifices secum Romam ad-  
 vexerat. 93. A  
 — quæcunque potuit, in naves asportanda cura-  
 vit. 93. B  
 — Neapoli balneo ac libidini operam dans occidi-  
 tur. 93. C  
 Constantiacus insula urbis Venetiarum. 31. D  
 Constantiacum pars vel insula urbis Altini. 27. B  
 — vicus à Constantio Imperatore appellatum. 94. F  
 — ex Altini ruinis est ædificatum. 95. A  
 — vicus à fluctibus fuit submersus. 96. A  
 Constantianus bello Dalmatico à Justiniano præsi-  
 citur. 56. A  
 Constantinopolis tanquam in Pontum Euxinum est  
 relegata. 16. D  
 — considet media inter Græciam & Asiam. ibid.  
 — Hunnorum discessu metu liberatur. 42. A  
 — igne consumitur. 48. A  
 — a Zulemone Saraceno Admirato oppugnatur. 115. F  
 Constantinus M. Imperator Imperium purgat ty-  
 rannis. 14. D  
 — primus inter Imperatores Christianam religio-  
 nem profitetur. ibid.  
 — Maxentium ac Licinium interficit. ibid.  
 — Christianis facit potestatem sacras Aedes con-  
 struendi. ibid.  
 — Romam relinquit. ibid.  
 — M. Arrianum virus suscepit. 15. B  
 — M. magnam senatus Romani partem in Orien-  
 tem secum abduxit. 15. F  
 — Italiam tam re quam nomine velut ex sanguinem  
 relinquit. ibid.  
 — maiestatem imperii virtutis opinione inviola-  
 tam dedit. 16. A  
 — Constantii Imperatoris filius. 97. D  
 — ad Magnetium opprimendum cum classe in Si-  
 ciliam advolet. ibid.  
 — Constantinopolim reversus magna cum gloria  
 suscipitur. 97. E  
 — Monochelitarum hæresi obrenunciat. 97. F  
 — collapsas Catholicas ecclesias summa cura resti-  
 tuit. ibid.  
 — edicto pronuntiavit Pontificem a populo & cle-  
 ro electum alia confirmatione non egere. 98. E  
 — maxima strage à Bulgaris est profligatus. 99. A  
 — cum his fœdus init. ibid.  
 — Missiam utramque inhabitandam concedit. ibid.  
 — filius Leonis Concilium apud Constantinopolim  
 congregat. 118. A  
 — acta Synodi Gregorianæ rescindere conatur. ibid.  
 — Imperator cum Abdalla Saracenorum Admira-  
 to fœdus amicitiamque init. 118. B  
 — Imperator Orientalis Caballinus Ochpronimus  
 fuit dictus. 121. C  
 — Leone patre fuit truculentior. ibid.  
 — Stephanum edicto suo non parentem occidi ius-  
 sit. ibid.  
 — classis ejus in Euxino & Hellesponto valde fuit  
 afflictata. 121. D  
 — Imperator pati volebat Francorum regi in Ita-  
 lia rem esse. 127. B  
 — Imperator legatos ad Pipinum mittit. 127. E  
 — malebat Ravennam Longobardum obtinere,  
 quam Pontifici permittere. ibid.  
 — Imperator morbo Elephantia defecit. 128. A  
 — moriens dixit flammæ inextinguibili sum da-  
 mnatus. ibid.  
 — tribunus legatus Venetus ad Pontificem. 129. B  
 — Flavius Gothos perdomuit. 41. E  
 — sedes priores eis permisit. ibid.

Constantius Flavius adversus Licinium praelium con-  
 seruit. ibid.  
 — Episcopus Constantinopolitanus verberibus cæ-  
 sus capite truncatur. 118. A  
 — fratri Constanti ægre auxilia misit. 16. A  
 — Imp. Provinciarum præfectos Comites appellat. 16. E  
 — duobus relictis filiis Arcadio & Honorio mori-  
 tur. 16. E  
 — non sine magna de iis animi solitudine dece-  
 dit. ibid.  
 — tribus exercituum ducibus regnum administran-  
 dum relinquit. ibid.  
 Contagia malorum paulatim serpunt. 13. D  
 Contrarium contrario tollendum. 106. F  
 Cormonum oppidum. 82. A  
 Cosdros Rex Persarum. 82. F  
 Cosentia urbs. 19. B  
 Cremona à Cenomanis fuit condita. 4. D  
 Creta insula à Saracenis occupatur. 91. B  
 Croatia olim Montana sunt appellata. 146. F  
 Cupiditas regni nullum finem habet. 146. C  
 Cupido nulla ignoti. 193. E  
 Curtius (Quintus) Eneatorum meminit. 3. A  
 — — Alexandri transitum in Asiam descripsit. ibid.  
 Cyprus insula à Saracenis occupatur. 91. B  
 Cyrillus oratione ad fidem Christianam perduxit. 99. B  
 Cyrus Alexandrinus Episcopus hæresin Monocheli-  
 tarum excitavit. 83. C

## D.

Dagisteus maximus belli dux à Narsete adversus  
 Burgundiones & Francos in Galliam mitti-  
 tur. 71. A  
 — eos repressit praelio apud Tanetum commisso. ibid.  
 Dalmatæ Venetos sponte accersiere. 103. D  
 — legatos ad Nicephorum mittunt. 146. C  
 Dalmatia Venetis prima fuit receptio. 103. D  
 — Imperio orientis cessit. 144. B  
 — Polæ Histriæ civitatis & Catari urbis fines  
 pertingit. 146. D  
 Damasus Pontifex. 15. E  
 Damiani elogium in Marcum Evangelistam. 180. D  
 Danubius fluvius. 19. D  
 Deodatus Ursi ducis filius à Felice Cornicula mili-  
 tum magistro in patriam restituitur. 120. B  
 — Ursi ducis filius magister milium 111. crea-  
 tur. 120. C  
 — ex magistro militum iterum Dux Venetus crea-  
 tur. ibid.  
 — is primus Ducatum in Metamauco accepit. ibid.  
 — non multo feliciori ab Ursi genitoris eventu. 120. E  
 — Dux Venetus à Galla cive Metamauceno capi-  
 tur & oculis privatur. 125. A  
 Desiderius Histriæ dux regnum Longobardicum oc-  
 cupare adoritur. 131. C  
 — cum Stephano Pontifice fœdus init. 131. D  
 — fuit ingenio ad fallendum percommodo. 131. E  
 — Rex Longobardorum Ferrariam, Faventiam-  
 que Ecclesiæ restituit. 131. F  
 — Rex Langobardorum per legatos ab Adriano  
 Pontifice fœdera instaurari postulat. 132. C  
 — ejus verba ad admonitionem Pontificis. 132. D  
 — Legatos Caroli Magni contemnit. 132. E  
 — Carolum Magnum longe secus ac se habeant de  
 rebus Italicis certiore facit. 133. A  
 — Adrianum pertinaciæ superbiæque accusat. 133. A  
 — Conventum Papiæ principum Langobardorum  
 indicit. ibid.  
 — duos legatos mittit ad Adrianum de adventu  
 ejus Pontificem monentes. 133. B  
 — a Pontifice inhibitus Papiam regreditur. 133. D  
 De-



# INDEX NOMINUM,

- Desiderius Rex Longobardorum Papiam validissime munit.* 135. E  
*— Alpium tramites aut castellis aut arboribus succisis obstruit.* 135. F  
*— Rex Longobardorum Carolo sese, urbemque permittit.* 137. A  
*Detrimentum capere in ea re quam negleximus quid æquius.* 60. A  
*Diodorus Siculus est eadem sententia, Venetos in Gallia habitasse.* 3. C  
*Discordia publicæ felicitatis est inimica.* 108. F  
*Divitiæ quando crescunt, luxuria in immensum excrescit.* 96. E  
*Dolor, qui brevis est, viro forti non esse potest magnus.* 64. B  
*Dominicus Leo primus militum magister à Venetis deligitur.* 120. B  
*— Menegatius Dux Venetus deligitur.* 125. A  
*— — ob superbiam ducatu pellitur.* 125. B  
*Dorsum durum insula in æstuariis Venetis.* 171. A  
*Dromones sunt naves castellatæ.* 46. D
- E.
- E***bion hæreticus.* 14. F  
*Ecclesia Aquilejana ob opulentiam Romanæ Ecclesiæ male parebat.* 85. B  
*— in Rivalto prima Jacobo Apostolo dedicata.* 10. E  
*— quo die fuit constructa aut consecrata non constat.* 10. F  
*— in Rivalto 33 annis ante adventum Attilæ in Italiam fuit ædificata.* 12. A  
*— S. Marci olim à Narsete Theodoro martyri fuit dicata.* 71. B  
*— S. Marci prima incendio palatii fuit violata.* 184. D  
*— S. Marci instauratur & ampliatur.* 184. F  
*— S. Marci centum annis fuit perfecta.* 186. E  
*— Joanni Baptiste in Insula Gemina est ædificata.* 81. C  
*— beato Martino in Insula Gemina est ædificata.* ibid.  
*— B. Sophiæ ferme cæteras orbis moles superavit.* 185. B  
*— B. Theodori major reddita S. Marco est dedicata.* 187. C  
*Ecclesiæ Orientis omnes Romam quasi totius fidei verticem & magistram sunt veneratæ.* 14. F  
*— duæ à Venetis sunt ædificatæ.* 75. F  
*— S. Marci descriptio.* 185. D  
*Eginardus Caroli Magni vitam eleganti stylo descripsit.* 137. E  
*Elias natione Græcus ab Episcopis provincialibus in Pontificem deligitur.* 77. A  
*— Episcopus convocat apud Gradum Concilium.* 77. B  
*— habet orationem ad patres.* 77. C  
*— Episcopus Gradensis ex Aquilejensi est factus.* 79. A  
*— Episcopus monasterium ædificat.* 79. C  
*— in honorem virginis Mariæ sacris virginibus tradidit.* ibid.  
*— templum idolorum in ædem B. Petri transfert.* ibid.  
*— Patriarcha Gradensis moritur.* 79. D  
*Eneri ex Paphlagonia Asiæ regione Venetis nomen dedere.* 3. A  
*Enetus Illyricorum Rex.* 4. A  
*— ab illo Veneti nomen accepere.* ibid.  
*Entinopus navium Architectus in Rivalto.* 10. B  
*Epiphanius Ticinensis Episcopus in Burgundiam ad Gundibaldum Regem mittitur.* 49. A  
*— cum aurum ad redimendos captivos non suppleret, ad preces conversus est.* 49. A  
*— Captivi omnes illi à Rege donantur.* 49. C
- Epistola Cassiodori de novella Gente Venetia.* 56. C  
*— Gregorii ad Ursam Ducem Venetum.* 112. B  
*Epodius Episcopus Opiterginus consecrationi Ecclesiæ in Rivalto interfuit.* 10. E  
*Equilum ex Opitergii ruinis fuit ædificatum.* 26. F  
*— urbs littorea à Venetis condita.* 31. D  
*— oppidum fuit constructum.* 94. F  
*— urbs suasu Obelerii excinditur.* 148. E  
*Este oppidum Patavinum olim Adeustum.* 28. A  
*Ethruia à Luitprando Rege Longobardorum vastatur.* 99. F  
*Etius Dux Romani exercitus auxilia Gothorum, Alanorum, Francorum & Burgundionum contrahit.* 20. C  
*— superat Attilam in campis Cathalaunicis.* ibid.  
*— una fuit mora quo minus bellum Attila renovaret.* 20. D  
*— ob suspicionem affectatæ tyrannidis à Valentiniano interficitur.* ibid.  
*— Romanorum dux una spes inclinantis imperii fuit.* 32. E  
*— dux Romanus Gallias obtinuit.* 125. B  
*— sedes Francis benigne attribuit.* 125. C  
*— Meroveo dextrum cornu Meroveo contra Attilam demandat.* ibid.  
*Etrusci omnia trans Padum loca, excepto Veneto- rum angulo, tenuerunt.* 5. A  
*Eudoxa Valentiniani soror a Maximo blanditiis ad nuptias demulceri non potuit.* 36. E  
*— per vim à Maximo rapitur.* ibid.  
*— mulier injuriæ impatiens dolorem dissimulat.* ibid.  
*— Genserico Vandalo imperium, si trajiciat, pollicetur.* 36. F  
*Eventus bellorum est incertus.* 68. C  
*Eugenius in Gallia tyrannus.* 42. C  
*Eulogius Alexandrinus patriarcha.* 180. B  
*Evodius fuit successor Petri in Ecclesia Antiochena.* 173. B  
*Eusebius Ecclesiasticæ historiæ scriptor.* 177. F  
*— multa memoranda de Marco Evangelista reliquit.* ibid.  
*Euxinus pontus piscium nobilissimorum feracissimus.* 7. D  
*Ezerinus de Romano tyrannidem fere totius Galliæ tenuit.* 14. A
- F.
- F***alstas inter vera statim friget.* 13. B  
*Fame mori pessimum est.* 28. E  
*Fames est periculosum in bellis malum.* 26. D  
*Faventia Ecclesiæ Romanæ a Desiderio restituitur.* 131. F  
*Felix Ecclesiæ Rivalentine præponitur.* 10. E  
*Felix Ravennæ Archiepiscopus vendicare sese in libertatem constituit.* 100. F  
*— pecuniæ pensionem Pontifici Romano pernegat.* ibid.  
*— habuit orationem ad Ravennates.* 101. A  
*— Cornicula secundus militum magister Venetus.* 120. B  
*— — fuit vir mansueto & amabili ingenio.* ibid.  
*— — ab exilio Deodatum Urbi ducis filium restituit.* ibid.  
*Felix insulæ Castellane tribunus Constantinopolim relegatur.* 156. C  
*Ferraria Ecclesiæ Romanæ a Desiderio restituitur.* 131. F  
*Fides ac Dei metus apud imperandi libidinem armis succinctam parum valet.* 16. F  
*Flaminia a Luitprando Rege Longobardorum vastatur.* 99. F  
*Flumen Histriæ oppidum.* 93. F  
*Fœdus inter Honorium Imperat. & Alaricum Regem Visigothorum.* 18. A  
*— fœderis istius conditiones.* ibid.  
*Fœ-*



Fœmina Aquilejensis pudicitiae timens in subiectum  
 Natisse amnem sese præcipitem dat. 29. F  
 Forojuliani nullas habuere opes maritimas. 146. E  
 Fossa oppidum in littore Veneto, nunc Fornaces,  
 olim Carbonaria appellabatur. 124. E  
 Fortuna in bellis dominatur. 62. A  
 — aliquando restituit quæ eripuit cum usura. 112. A  
 — magnis successibus semper fere est inimica, 122. D  
 Fortunati corpus ex Aquileja Gradum deportatum  
 est. 79. A  
 Fortunatus quidam Arrbianus Antistes Aquilejensis  
 eligitur. 82. D  
 — ab Honorio Pontifice pontificatu deturbatur. ibid.  
 — Patriarcha Gradenfis obviam Carolo Franco-  
 rum Regi processit. 141. E  
 — Gradenfis Patriarcha prima belli Gallici fo-  
 menta incendit. 145. C. D  
 — Patriarcha de Obelerii ducatu certior factus  
 Gradum revertitur. 147. B  
 — impetrat à Carolo amplissimum Gradenfi Ec-  
 clesiae privilegium. ibid.  
 — Patriarcha Gradenfis adventante cum classe  
 Niceta in Franciam profugit. 156. C  
 — Archidiaconus Aquilejensis capite truncatur. 175. B  
 Forum Cornelium Flaminiae civitas. 102. E  
 — Julium oppidum non solum nunquam est in-  
 stauratum, sed ubinam situm fuerit, nulla monu-  
 menta extant. 82. B  
 — Popilii civitas Flaminiae. 94. B  
 — — imperii fidem semper secuta. ibid.  
 — — Grimoaldi militibus damnum intule-  
 runt. ibid.  
 — — à Grimoaldo solo æquatur. 94. D  
 — Popilium Flaminiae civitas. 102. E  
 Franci Liguribus sunt finitimi. 68. D  
 — vini sunt maxime appetentes. 92. B  
 — in deserta Grimoaldi castra impetum faciunt. ibid.  
 — ab Grimoaldo ex insidiis erumpente cæduntur  
 & ad unum omnes capiuntur. ibid.  
 — a Franconia Germaniae provincia originem ha-  
 bent. 125. B  
 Franciscus Bembus Primicerius Ecclesiae S. Marci  
 designatur. 192. A  
 — Senior Carrariensis Franciscum Petrarcham  
 honoribus auxit. 13. C  
 — Foscarus Dux Venetus Mocenico successit. 192. D  
 — — S. Marcum in lucem ad omnium oculos  
 proferre promittebat. 192. E  
 — Petrarcha vivens ac moriens à Francisco se-  
 niore Carrariensi honoribus auctus est. 13. C  
 Franconia Burgundionibus est contermina. 125. B  
 Furtum ex ignoto loco nemo tollere potest. 193. C  
 G.  
 Galla civis Metamaucenus Deodatum Ducem Ve-  
 netum capit & oculis privat. 125. A  
 — Dux factus, vix anno peracto abrogatur. ibid.  
 Galli ex Venetis sunt orti, qui oram Oceani acco-  
 lunt. 3. B  
 — & Veneti iisdem majoribus sunt creti. 4. B  
 — Orobii Bergomum & Comum civitates condi-  
 derunt. 4. C  
 — sub obitum Theodosii junioris ab Attila sunt  
 profligati. 12. E  
 Gallia Cisalpina quando direpta. 12. B  
 — — omnis vastata est. 60. D  
 Galliae Cisalpinæ nomen pervetustum est. 5. B  
 Gallicum regnum Francum nominatur. 126. A  
 Gallienus architectus Romanos ignem sub aqua ar-  
 dentem docuit. 98. A

Gaulus nobilis Equilanus quatuor fratribus occisis  
 Metamaucum fugit. 147. E  
 Gemina quarta insula prioribus additur. 81. C  
 — sita hæc est inter Rivalentum & Olivolum. ibid.  
 — in ea duæ Basilicæ sunt ædificatæ. ibid.  
 Genfericus Rex Vandalorum ex Hispaniis in Afri-  
 cam trajicit. 37. A  
 — hortatu Eudoxæ uxoris Maximi in Italiam  
 transmittit. ibid.  
 — Rex ad urbem Romam signa movet. 37. B  
 — Leonem Pontificem deridet. ibid.  
 — ejus alloquium ad Pontificem. ibid.  
 — Romam captam militi deripiendam tradit. 37. C  
 — longe majori crudelitate grassatus est, quam  
 Alaricus. ibid.  
 — urbem Capuam vi cepit, & solo æquavit. ibid.  
 — navibus Italica præda onustis cum Eudoxa in  
 Africam revertitur. ibid.  
 — ad repetendum Imperium Romanum magnam  
 contrahit classem. 37. E  
 — ab Antemio tyranno Romano pugna navali  
 vincitur. 38. A  
 — habuit in somno apparitionem. 39. A  
 — morbo correptus interit. 39. B  
 Georgius Joannasius nobilis Heraclianus Equilano-  
 rum munimenta invadit ac diruit. 147. E  
 Genuenses & Veneti per ducentos fere annos bella  
 gesserunt. 122. F  
 Gildo exercitus Dux Africae à Constantio præficitur. 16. E  
 — Africam provinciam sibi rapiens, ei penas de-  
 dit. 16. F  
 Gisluphus Venetiæ dux immodicis provinciam exa-  
 ctionibus vexat. 77. A  
 — Venetiæ Dux Joannem quendam præter jus  
 fasque patriarcham constituit. 81. E  
 — Venetiæ Dux ab Avaribus interficitur. 81. F  
 — conjux ejus ad Forum Julium confugit. 82. A  
 — exarsit in libidinem Avaris. ibid.  
 — sese cum urbe & thesauris omnibus Avaris fi-  
 dei permittit. ibid.  
 Glemona oppidum. ibid.  
 Glycerius successit Richimero Olymbrio in Imperio  
 Romano. 38. A  
 Goritia oppidum colle editiori juxta radices Alpium  
 conditum. 24. E  
 — fortasse olim Noreja fuit vocata. ibid.  
 Gothi velut in rabiem versi ex omnibus castrorum  
 portis erumpunt. 18. E  
 — ab Hunnis sunt devicti. 19. D  
 — Pannonias ultra citraque Danubium incolue-  
 runt. ibid.  
 — per multa secula maximam belli gloriam obti-  
 nuerunt. 40. D  
 — prius Getæ sunt appellati. 40. F  
 — alii Ostrogothi, alii Visigothi appellantur. ibid.  
 — tempore Lucii Luculli & Augusti temporibus  
 Romanis formidini fuerunt. 41. A  
 — P. Sabinum & Fustum Cornelium castris exu-  
 tos pervicerunt. 41. B  
 — à Trajano cæsi fusique sunt. ibid.  
 — Dianæ Ephesinæ templum diripuerunt. 41. C  
 — à Claudio II. victi sunt. ibid.  
 — a Constantino Flavio e Sermatia provincia Ro-  
 mana pelluntur. 41. E  
 — Arrbiano dogmate sunt imbuti. ibid.  
 — Messiam, Thraciam & Daciam occupant. 42. A  
 — filios Attilæ interfecerunt. 42. E  
 — in Romano stipendio usque ad Radagasum A-  
 lariumque perseveraverunt. ibid.  
 B. Justinianus. O Gothi



- Gothi *Vitigitem* primum belli ducem regem creavere. 56. A  
 — *Theodatum* apud *Anxur* urbem interficiunt. 56. B  
 — *Ravennae* succurrere parant. 62. A  
 — cum omnibus navibus *Bellisario* sese dedidere. 62. C  
*Gradenſes* *Antiſtites* à *Grado* *Aquilejam* redire nolebant. 82. D  
*Gradum* caſtellum in littore maris ab *Aquilejenſibus* fuit conditum. 24. F  
 — unde dictum. 25. A  
 — oppidum cum a *Longobardis* tum a *Saracenis* ſpoliatum & direptum eſt. 95. D  
*Gradus* urbs ſecunda *Venetiarum* parens. 25. A  
 — *Venetiarum* Metropolis. ibid.  
 — habuit ſedem patriarchalem. ibid.  
 — numero nobilium virorum *Aquileja* eruta augetur. 29. C  
 — urbs littorea à *Venetis* occupata. 31. D  
*Græci* tempore *Constantini M.* omne literarum genus excolebant. 15. A  
 — ſemper fuere rei nauticæ principes. 111. D  
*Gratianus* Imperator Romanus *Theodoſium* *Hiſpanum* in Imperium arrogatur. 16. B  
 — Imperator à *Maximo* in *Galliis* occiditur. 22. B  
 — *Valentis* nepos *Theodoſium* belli Ducem Imperii conſortem declarat. 42. D  
*Gregorius* Pontifex Maximus deplorat *Calamitates* *Italiæ*. 80. B  
 — Pontifex *Agilulphum* regem *Longobardorum* ad *Chriſti* fidem convertit. 80. E  
 — *Theodelinde* uxori *Agilulphi* dialogorum librum inſcripſit. ibid.  
 — Pontifex Romanus inhibet ne *Conſtantiopol.* Præſul titulo *Episcopi* univerſalis uteretur. 83. B  
 — Pontifex ad *Carolum Martellum* imploratum auxilia legatos miſit. 99. F  
 — Pontifex cauſam *Pauli Exarchi* epiſtola *Venetis* commendat. 112. B  
 — Concilium Romanum in *Leonem* congregat. ibid.  
 — *Caliſtum* compulſit ad inſulas *Gradenſi* ditioni reſtituendas. 118. C  
 — IV. *Zachariæ* Pontifici ſufficitur. 120. E  
 — cum *Aſtulpho* *Longobardorum* Rege pacem & ſedus in annos XL. init. 120. F  
 — *Paulum* fratrem *Conſtantiopolim* opem imploratum mittit. 121. B  
 — in *Franciam* proficiſcitur. 127. B  
 — quicquid popoſcit a *Pipino* conſequitur. 127. C  
*Grimoaldus* Dux *Beneventanus* deturbatis *Aritper-* ti filiis regnum invadit. 92. A  
 — Rex *Longobardorum* *Francis* ad *Alpium* radices occurrit. 92. A  
 — aſtute caſtra præda ac cibariis præſertim vino onuſta reliquit. 92. B  
 — *Francos* caſtra ſua diripientes & mero obrutos opprimit. 92. B  
 — ab *Avaribus* ut *Lupo* duci bellum inferant petiit. 93. E  
 — in *Flaminiam* cum aliquot equitum turmis deſcendit. 94. B  
 — prima luce *Sabbati* ad urbem *Forum Popilii* conſedit. ibid.  
 — Civitatem ingreſſus ad *Baſilicam* exſertis gladiis pergit. 94. C  
 — graſſatus pari crudelitate in omnem ſexum & conditionem. ibid.  
 — uno die omnia urbis ædificia ſolo æquavit. 94. D  
 — *Opitergum* capit & radicitus evertit. 94. E  
 — agrum *Opiterginum* in *Forojulianos*, *Tarviſinos* & *Genetenſes* dividit. ibid.  
 — *Beneventanum* ducatum contra *Græcos* & *Gallos* fortiffime defendit. 144. A  
 — *Burgundionum* Rex *Alpes* tranſgrediens maximas edidit populationes. 46. F. 47. A  
 H.  
**H**æreſis facit ad illuſtrandum magis magiſque veritatem. 14. F  
 — *Arriana* maximam orbis partem infecit. 15. C  
 — ratio cur. 15. D  
*Heliodori* *Altinenſis* *Episcopi* corpus *Torcelli* in Ecclēſia Cathedrali eſt depoſitum. 99. F  
*Helvidius* *Tauriſii* *Antiſtes* tradit *Attilæ* *Tauriſium*. 26. A  
*Helyopolis* *Syriæ* urbs. 98. A  
*Henricus* *Ariminenſis* de quatuor virtutibus cardinalibus conſcripſit librum. 58. F  
 — Imperator *Hungaros* ad internecionem delevit. 74. D  
 — IV. Imperator *Venetias* veniens *S. Marcum* vidit, & vota ſolvit. 189. E  
*Heraclia* novum *Venetiarum* oppidum ad illud conſugientes capere non potuit. 94. E  
 — urbs ſuaſu *Obelerii* exſcinditur. 148. E  
 — ab *Angelo* *Particiaco* inſtauratur. 172. A  
 — Civitas nova appellata eſt. ibid.  
*Heracliani* & *Equilani* *Veneti* de finibus diſſentiunt. 118. B  
 — & *Equilani* maximo prælio inter ſe decertant. 120. D  
 — eo bello pene ad nihilum ſunt reſtaſti. ibid.  
*Heraclius* Imperator *Orientalis* *Antiſti* *Aquilejenſi* dona mittit. 82. E  
 — Cathedralam *B. Marci*, qua apud *Alexandriam* Pontifex uſus fuerat, *Aquilejam* miſit. 82. F  
 — Imperator hæreſin *Monochelitarum* ſuſcepit & defendit. 83. D  
 — ad magicas artes ſeſe convertit. ibid.  
 — omni ſe perfidiæ labe contaminavit. 89. D  
 — ſortilegiis & magicis divinationibus ſe totam tradidit. ibid.  
 — ut *Judæi* vel invitati ad baptiſmum cogerentur, edicit. 89. E  
 — *Romæ* in vaſa ſacra manus injecit. ibid.  
 — uxore deſuncta, filiam in matris locum conjugem accepit. ibid.  
*Hermachoras* urbis *Aquilejæ* *Antiſtes* a *Marco Evangeliſta* creatur. 174. E  
 — cum *Marco* *Romam* veniens in *Aquilejenſi* ſede ab *Petro* confirmatur. 175. B  
 — a *Sebaſto* *Aquilejenſi* præſide capite truncatur. ibid.  
*Hermachoræ* corpus ex *Aquileja* *Gradum* deportatum eſt. 79. A  
*Herodotus* ob antiquitatem pater hiſtoriæ appellatur. 4. A  
*Hieronymus* ſcripſit epiſtolam ad *Damaſum* Pontificem. 15. E  
 — apud *Bethleëm* agens de excuſſione *Hunorum* ſcribit. 19. D  
*Hierolyma* cervicem fœdiſſimæ genti ſubmiſit. 89. C  
*Hilarius* *Episcopus* *Altinas* conſecrationi *Ecclēſiæ* in *Rivalto* interfuit. 10. E  
*Hircanus* *Episcopus* 128 hæreſes collegit. 15. E  
*Hiſmaël* ab *Agar* eſt progenitus. 85. F  
*Hiſter* fluvius in *Pontum Euxinum* cadit. 39. D  
*Hiſtriæ* populi præ timore *Sclavorum* in *Inſulam Caprariam* dictam ſe conſerunt. 54. A  
 — oppidum *Juſtinopolin* ibi condunt. ibid.  
*Homo* ſupra cætera quaſi Rex & dominator conſtitutus eſt. 23. C  
 — à ratione nomen rationalis accepit. ibid.  
*Honoricus* poſt *Genſericum* regnum ſuſcipit. 39. B  
 — magna in *Catholicos* rabie deſcevit. ibid.  
 — omnes *Africæ* *Episcopos* *Ecclēſiis* ſpoliatos in *Sardiniam* relegavit. 39. C  
 — *Catholicorum* *Ecclēſias* *Arrhianis* diſtribuit. ibid.  
 Ho-



# RERUM AC SENTENTIARUM.

Honorius Pontifex Romanus.	10. E
— filias Stbilonis in matrimonium duxit.	17. A
— Imperat. suasu Stbilonis in Gallias proficiscitur.	17. E
— Imperator Gallicos motus composuit.	18. A
— Romam revertens cum Alarico fœdus init.	ibid.
— Pontifex Fortunatum Aquilejensem Antistitem deturbat.	82. D
— in ejus locum Primogenium sufficit.	ibid.
— tribunus Metamaucenus partium Pipini cupidior orationem habet in concilio.	150. D
Hormisda Cosdroæ regis Persarum filius.	89. A
— à Mahumede factus est tributarius.	ibid.
Hungari ab Hunnis & Avaribus ita sunt appellati.	19. F
— ex Scythia egressi sunt.	74. A
— crudas carnes & potum humani sanguinis non abhorrent.	74. B
— Avarès ex Pannoniis ejecerunt.	ibid.
— in Italiam armati descendunt.	ibid.
— Berengarium Italiæ regnum tenentem superant.	ibid.
— Equilum, Clugiam, Caput Aggeris vastaverunt.	74. C
— à Berengario muneribus acceptis, præda onusti in Pannonias sunt reversi.	74. D
— ab Henrico Imperatore apud Metisburgum ad internecionem sunt deleti.	ibid.
Hungarorum nomen ab Hunnis & Avaribus est coalitum.	74. A
Hunni a Scythis sunt oriundi.	19. C
— fuit gens fera humani sanguinis sitiens.	ibid.
— Gothos bello invasere.	19. D
— devictos Gothos vestigales fecere.	ibid.
— in Germaniam Mandulco & Subtaro fratre Regibus arma transfulere.	ibid.
— accepta clade ab Hunnis in pristinas sedes retrocesserunt.	19. E
— in Castris Attilæ voces seditionem olentes spargebant.	28. D
— se cælum ascendere, si oporteat, paratos esse dicunt.	29. A
— omnem crudelitatem in occupanda Aquileja exercuerunt.	29. E

## I.

Jacobi Apostoli brachium Torcelli est depositum.	99. F
Jacobus de Voragine translationem S. Marci memoriæ prodidit.	183. C
— Voraginenfis Genuensis Archiepiscopus in omnibus Ecclesiis celebratur.	190. C
— Marci Evangelistæ vitam descripsit.	190. D
Iadera urbs ab Attila depopulatur.	22. B
— urbs metropolis Dalmatarum.	146. D
Iapidia inter Venetiam & Histriam interjecta.	5. D
Ilba Comes Dux copiarum in auxilium Almarico à Theodorico missarum.	52. C
Ildeprandus à Luitprando obsidioni Ravennæ præficitur.	112. A
— in Urbi Ducis Veneti potestatem venit.	115. D
Illyrii eandem legem de nuptiis quam Veneti habuerunt.	4. A
— nunc Sclavi.	146. F
Imperatores habuerunt jus in Pontificem.	98. D
Imperium omnium maxime mortalium aperit ingenium.	54. F
Incendium magnum in Rivalto exoritur.	10. B
— in Rivalto ad votum & preces incolarum extinguitur.	10. D
Indignatio cum est moderata animos facit, si nimia est rationem loco movet.	45. E
Infanus sano propria in causa plus sapit.	166. B
Insulæ in mari Egæo aliquæ sunt submersæ.	9. A
— nonnullæ iterum sunt emersæ.	ibid.
— majores urbis Venetæ.	31. D
— minores urbis Venetæ.	ibid.

Insularum majorum urbis Venetiarum nomina.	ibid.
— minorum urbis Venetiarum nomina.	ibid.
Invidia communis mortalium pestis.	14. E
Joannes Fabriciacus V. militum magister.	120. D
— anno nondum absoluto magistratu dejicitur, & oculis privatur.	120. D
— Archiepiscopus Ravennæ magnæ vir sanctitatis.	46. D
— sequestrem se infert ad pacem inter eos reges componendam.	ibid.
— Pontifex Neapolim ad Narsetem proficiscitur.	73. D
— hortatur ut fœdus cum Alboino cœptum revocaret.	73. E
— Episcopus Ravennas honoribus sedem suam amplificare contendit.	79. E
— Severum antistitem Aquilejensem ad suas partes pellicere non potuit.	ibid.
— Concordiensis Episcopus relicta Concordiâ ad Caprularum oppidum cum omni re sacra confugit.	81. E
— Præsul Constantinopolitanus sibi præscribit titulum Episcopum universalem.	83. B
— Aquilejensis patriarcha adversus Romanam Ecclesiam animos irritat.	128. F
— Gradensem Ecclesiam deprimere aggreditur.	ib.
— Histriæ Episcopos ut Aquilejensi essent suffraganei, ad se traxit.	ibid.
— Gradenfis Patriarcha.	129. A
— Gradenfis Episcopus ob admonitionem in duces Venetos de turri dejectus est.	139. F
— patri Mauritio consors in ducatu cooptatur.	139. B
— solus ducatum administrat.	ibid.
— Mauritium filium consortem populus illi dedit.	ib.
— Dux Venetus Justiniani Ducis frater Ædem S. Marco excitavit.	183. E
Jordan fuit magister Epistolarum Theodosii junioris.	12. A
— legatus ad Attilam missus.	ibid.
Irene Leonis conjux Imperium suscepit.	128. C
— fuit genere Atheniensis & eximie pulchritudinis.	128. C
— operam dedit ut septima apud Constantinopolim Synodus cogeretur.	128. D
— in Insulam Lesbion filium relegat.	142. D
— fœdus inire cum Carolo per legatos gessit.	ibid.
Isis Inachi filia a Jove stuprata est.	176. A
— ab Alexandrinis pro Dea habita est.	ibid.
Ister flumen cadit in Pontum Euxinum.	7. E
Italia Alpibus clauditur.	5. C
— usque ad Danubium fines nunquam protendit.	ib.
— per 400 annos a Barbaris fuit direpta.	9. D
— sedet inter insulas maris mediterranei tanquam regina.	16. C
— cingitur supero ac infero mari.	ibid.
— Ionium & Ægeum mare quasi pedibus premit.	16. D
— altissimis Alpium munimentis est circumdata.	23. A
— tempore Theodorici respirare ac resorere cœpit.	48. E
— fame & pestilentia ter depopulata est.	60. C
— diversarum gentium præcipue Gothorum injuriis est afflictata.	71. C
— triplici bellorum genere premebatur.	80. F
— maximis laboribus involvitur a Saracenis.	85. D
— ad Longobardorum libidinem est relicta.	ibid.
Jucundus Episcopus Taurisanus consecrationi Ecclesiæ in Rivalto interfuit.	10. E
Jubianus Hypatus IV. magister militum.	120. C
— — is addidit consulatus decus ab Imperatore datum.	ibid.
Justinianus Vandalorum imperium & nomen est deletum.	39. C
— Imperator Bellisarium ad expellendos Vandalos cum classe mittit.	39. C
— Justinus nepos imperium Orientale suscepit.	55. B



# INDEX NOMINUM,

- Justinianus bellum Theodato inferre maturat. 55. C  
 — Bellisarium belli ducem declarat. ibid.  
 — Imperator Mundum belli ducem ad Dalmatiam recipiendam mittit. 55. D  
 — Imperator fuit princeps magnæ virtutis & gloriæ. 59. C  
 — Parthos multis attritos præliis perdomuit. ibid.  
 — Africam Vandalis eripuit. ibid.  
 — legibus conditis æternum sibi nomen peperit. ibid.  
 — suadente Anthenuo Episcopo Constantinop. in Eutychianam hæresin labitur. ibid.  
 — Agapetum Pontificem Roma evocat. 59. D  
 — Agapeti Pontificis libertatem & constantiam admiratus est. ibid.  
 — ejus responsio ad Pontificem. 59. E  
 — quas habuit belli Gothici causas. ibid.  
 — longe majoribus quam antea viribus, Italiam aggredi statuit. 63. C  
 — cum gloria vita functus est. 72. E  
 — Felici Archiepiscopo Ravennati candentis æris inspectione visum hebetavit. 103. B  
 — Venetiarum dux dum templum S. Mariæ templum construere parat, diem obit. 183. D  
 — multam ad eam rem pecuniam legavit. ibid.  
 — II. Imperator in Sergium Pontificem manus injecit. 100. D  
 — — truncatus maribus auribusque ludibrio orbi fuit. ibid.  
 — — Theodoro Patricio cum classe Ravennam proficisci. 102. D  
 — — det operam ut Felicem Archiepiscopum Constantinopolim victum deducat. ibid.  
 Justinopolis apud Histros in aqua fuit sita. i. proœm.  
 — ab Histris est condita in Insula Capraria. 54. A  
 — in gratiam Justinii Imperatoris ita dicta. ibid.  
 Justinus Anastasii Imperatoris filius summa religione princeps. 52. D  
 — Arrianam hæresin delere instituit. ibid.  
 — Imperator Orientis genibus Pontificis sese submisit. 52. F  
 — Longinum patricium Italico administrando bello ducem creat. 74. D  
 — II. successit Justiniano. 42. E  
 — — Narseti mandat, ut omnes Italiæ pecunias Constantinopolim transmittat. 73. A  
 Juventius Cælius Attilæ vitam diligentius scripsit. 12. A

## L.

- Laurentius Justinianus Patriarcha Venetus. I. 138. F  
 — — Patriarcha Venetus. 192. D  
 — presbyter legatus Apostolicæ sedis. 78. F  
 — Monachus xx immunitatum privilegia Venetis ab Imperatoribus concessa enumerat. 171. B  
 Langobardi ex ultima Germania sunt oriundi. 71. E  
 — ex Insula Scandinavia eruperunt. ibid.  
 — dum Insula non sufficeret, tesseram in partes tres misere. ibid.  
 — Ajone & Tatone ducibus domo egressi armis sibi viam fecere. 71. F  
 — Vinuli prius sunt dicti. 72. C  
 — a barbarum longitudine Longobardi sunt dicti. ibid.  
 — soli inter Germaniæ populos longam barbam enutriebant. ibid.  
 — à Bulgaris ob necem Agilmundi regis interfecti. ibid.  
 Langobardi vide Longobardi.  
 Langobardorum regnum finem habuit. 137. A  
 Leo Pontifex Attilæ obviam fit. 30. C  
 — Orationem habet ad Attilam. ibid.  
 — oratione Attilam delinit. ibid.  
 — Pontifex conatur animum Genferici demulcere, quod antea in Attila fecerat. 37. B  
 — obviam illi cum principibus aliquot Romanis procedit. ibid.

- Leo postulat, ut omnem urbis prædam sibi habeat, sacris abstineat. 37. B  
 — ab homine barbaro & avaro deridetur. ibid.  
 Leo I. Orientis Imperator Romanis suppetias ferre instituit. 37. F  
 — — ex gente Græca Imperator fœdus cum Gothis constituit. 42. F  
 — Imperator perfidia atque avaritia imperium perditum ire properabat. 115. E  
 — basilicas auro gemmisque spoliât. 115. F  
 — Imperator Romanas basilicas tentare ausus est. 116. B  
 — Exarcho imperat, ut pretiosissima ex basilicis Constantinopolim mittat. ibid.  
 — a Pontifice Gregorio anathemate percutitur. 117. B  
 — Constantini filius administrandum imperium suscipit. 128. B  
 — gemmarum & auri amore insaniens fuit. 128. B  
 — manum misit ad coronam in sacrario S. Sophiæ servatam. ibid.  
 Leo III. Adriano Pontifici sufficitur. 141. B  
 — — cæsus occæcatusque in carcerem datur. 141. C  
 — — visus à Deo ei restituitur. 141. D  
 — — custodibus deceptis in Galliam ad Carolum proficiscitur. ibid.  
 — — in Pontificatum restituitur. 142. B  
 — V. Imperator Constantinopolitanus Ægyptio regi infert. 181. A  
 — — Classem à Venetis auxiliarem ex fœdere postulat. ibid.  
 — — edicit ne Christiani ad infidelium loca navigarent. ibid.  
 Libido dominandi in apertissima pericula mortales mittit. 37. E  
 Libelli accusatorii ad Constantinum delati de ambitione sacerdotali. 15. C  
 Liburni nunc pro Dalmatis habentur. 146. D  
 — accolæ Histris fuere. ibid.  
 Liburnicæ naves navalibus gerendis bellis erant necessariae. 150. B  
 Licentia vivendi amorem populi conciliat. 87. D  
 Lipientia flumen ab Alpibus cadens. 6. B  
 Literæ Gregorii ad Ursum ducem Venetum. 112. B  
 Livii sententia de Origine Venetorum. 3. A  
 Livius descriptor descensionis Cleonymi Lacedæmonii in Patavinos. 35. F  
 Longinus a Justino titulo Exarchi belli dux creatur. 74. D  
 — Ravennæ copias exponit. 74. F  
 — Exarchus Constantinopolim à Justino revocatur. 76. F  
 — ante professionem Venetos adiit. ibid.  
 — laudat eos ob fidem in Imperatorem. ibid.  
 — privilegiis & immunitatibus eos donat. ibid.  
 Longobardi Italiæ tractu inter Alpes & Apenninum sunt potiti. 5. B  
 — Longobardiam eum appellarunt. ibid.  
 — Totilam equite præstabant. 68. F  
 — maximis affecti donis domum à Narsete remissi. 70. E  
 — maximis calamitatibus Italiam affecerunt. 71. C  
 — Alboino Rege in Italiam ingrediuntur. 75. A  
 — Venetiæ campos ingressi neminem obviam habuere. 75. B  
 — per aliquot annos Regibus abstinuere. 76. C  
 — inter triginta duces copias & provincias partiantur. ibid.  
 — vix credibili celeritate maximam Italiæ partem occupavere. ibid.  
 — per annos 200 Italiam tenere. 76. D  
 — Anthon Regem iterum sibi præficiunt. 76. E  
 Lon-



- Longobardi post Constantis ex Italia discessum effrenata licentia abuti sunt. 93. C  
 — nomen Venetiarum sustulerunt. 90. B  
 — terram intra Padum & Alpes Longobardiam appellarunt. ibid.  
 — nunquam publice bellum Venetiis intulerunt. 90. D  
 — ex emporiis & navigationibus Venetorum magnas commoditates capiebant. ibid.  
 — à natura discordiis seditionibusque alebantur. 116. C  
 — Pontifici contra Leonem Imperat. turmas aliquot mittebant. ibid.  
 — imagines apud Christianos delere constituit. 116. D  
 — duces barba & capillo tonsis Pontifici se permisere. 136. D  
 Longobardorum nomen à Carolo magno est deletum. 132. A  
 — Reges apud Ticinum regiam tenuerunt. 108. F  
 Lubiana olim Liburnia. 22. D  
 — fluvius in Savum cadit. 22. E  
 Lucania a Bellisario occupatur. 56. A  
 Lucius Tarucius natalem urbis Romæ diem reperit. 34. F  
 Ludovicus Rex Francorum auctorem, oratorem apud eum agentem consanguineum appellavit. 4. B  
 — Caroli filius Paschali Pontifici privilegium Pontificem eligendi renuntiat. 138. B  
 — Francorum Rex ducentos aureos S. Marco offerendos Venetias transmisit. 191. A  
 Luitprandus Rex Longobardorum Flaminiam, Etruriam & Campaniam vastavit. 99. F  
 — Rex Longobardorum Romam obsidere minaretur. 99. F  
 — intercessione Caroli Marselli castra ab urbe Roma amovet. 100. C  
 — Francorum & Avarum amicitiam diligenter excoluit. ibid.  
 — oppidum Classense capit diripitque. 111. E  
 — cum exercitu in Galliam proficiscitur. 112. A  
 Lupaus insula Rivalto adjicitur. 75. F  
 Lupus Dux Longobardus Gradenses incautos opprimit. 93. D  
 — Ecclesiam spoliatur & diripit. ibid.  
 — à Grimoaldo in subsidium vocatus non paruit. ibid.  
 — Dux ad Flumen Histrie oppidum cum Avaribus congregitur. 93. F  
 — post triduanum prælum Avarum castra capit ac diruit. ibid.  
 — ab Avaribus copiis auctis interficitur. 94. A  
 Luxuria & avaritia sunt pestes humani generis. 57. C  
 — sine pecunia friget. 57. D

## M.

- Macedonius Spiritum S. dicit creaturam. 88. C  
 Magnetius tyrannus in Galliis Constantem oppressit. 16. A  
 — a suis proditus in Constantini potestatem venit. 97. D  
 Magnus Altinus Opitergii Episcopus. 84. A  
 — Opitergium reliquit, & in stagnis locum capit. 84. B  
 — Heracliam civitatem in Heraclii gratiam condidit. ibid.  
 Mahujas Alexandria solvens classe Rhodum insulam capit. 91. C  
 — Saracenus classe Imperatoria profligata Cyprus insulam cepit ac diripuit. 91. B  
 — anno sequenti Cretam insulam depopulatus est. ibid.  
 Mahumades Bajazetis nepos imperium Constantinopolitanum excidit. 123. B

- Mahumetus genere Ismaelita apud Arabes emerfit. 86. C  
 Mahumetus parentibus orbatus furaci questu vitum quæsit. 86. C  
 — viduam divitem præstigiis deceptam ad conjugium pellexit. 86. D  
 — secutus est Heraclii partes in bello cum Cosdroe gesto. 86. E  
 Majurbium pars vel Insula urbis Altini. 27. B  
 Majurbius insula urbis Venetiarum. 31. D  
 Malum nullum est tantum, ex quo sapiens utilitatem capere non possit. 57. D  
 Mandulcus Bleda & Athila filiis relictis mortem obit. 19. D  
 — & Subtarus Reges Hunnorum. ibid.  
 Manichæus binarium numerum in divinis posuit. 88. C  
 Mansuetudo cum homine superbo & obstinato nil prodest. 53. B  
 Mantua à Venetis fuit condita. 4. D  
 Maphæus Gerardus IV. Venetiarum patriarcha. 35. E  
 Maranum oppidum olim Varanum. 80. B  
 Marcellus Dux II. in Pauli locum sufficitur. 110. C  
 Marcus Evangelista ex urbe Alexandria Venetias est translatus. 171. C  
 — Alexandriæ fere octingentis annis jacuit. ibid.  
 — a Venetis pro urbis conditore & protectore habetur. 171. D  
 — urbem Venetiarum invictam & inexpugnabilem reddit. ibid.  
 — de eo fuit dubitatum, an in templo illi dicato jaceat. ibid.  
 — fuit Israeliticus genere tribu Levitica. 172. D  
 — Sacerdotium non minus virtute quam genere promeruit. ibid.  
 — ad Petrum sese contulit summum Apostolorum ducem. 172. E  
 — factus est Comes Petri Apostoli individuus. 173. A  
 — Evangelista cum Petro Romam proficiscitur. 173. B  
 — Evangelista a Petro Apostolo Aquilejam missus est. 173. E  
 — Aquilejam proficiscens Ataulphum adolescentem nobili loco natum lepra laborantem sanavit. 173. F  
 — Evangelista primæ Ecclesiæ & templi fundamenta Aquilejæ jecit. 174. D  
 — Hermachoram urbis Aquilejæ Antistitem instituit. 174. E  
 — Evangelista a Petro Aquileja Romam iterum accersitum. ibid.  
 — Romam proficiscens insulam Rivalentum diverstit. 174. F  
 — Angelus ei in Rivalto moranti apparet. ibid.  
 — Angelus ei translationem corporis Aquilejæ Venetias prædixit. 175. A  
 — Evangelista a Petro Alexandriam mittitur. 175. C  
 — Alexandriam veniens apud Anianum quendam casu divertit. 175. D  
 — sanat Aniani manum subula alte defixam. 175. E  
 — Evangelista nudo propior, quam induto tam hyeme, quam æstate incedit. 176. E  
 — Anianum Alexandrinæ Ecclesiæ præsidem instituit. 177. B  
 — relictæ Alexandria Cyrenen secessit. ibid.  
 — Libyam minorem peragravit. 177. C  
 — anno secundo postquam Alexandria discessit eam revisit. 177. D  
 — Evangelista Princeps & quasi parens monasticæ vitæ appellatur. 179. A



# INDEX NOMINUM,

Marcus Evangelista quoad staturam describitur. 180. E  
 — Evangelista cum Alexandria Venetias transferretur miracula edidit. 182. E  
 — Dominico monacho Comaclensi apparuit. 183. A  
 — Evangelista non Leonis I. sed V. tempore Venetias est translatus. 183. D  
 — Evangelista ubi Venetiis sit sepultus nemini nisi Duci & primicerio notum est. 183. E  
 — Evangelista miraculo quodam inventus est Venetiæ. 188. B  
 — digitus, liber & annulus quando populo Veneto ostenduntur. 189. B  
 — Evangelista Juliano Faventino ægrotanti apparuit. 190. D  
 — ejus apparitio Venetiis pictura & inscriptione confirmatur. 190. B  
 — apud Alexandriam fuit Pontifex. 82. F  
 — Cathedra ejus ab Heraclio Aquilejam fuit missus 82. F  
 — pollicem sibi amputavit, quo indignus Sacerdotis ministerio haberetur. 173. B  
 — a Carnificibus captus per civitatis vias raptatur. 179. C  
 — eum in carcere adiit Jesus Christus & consolatur. 179. D  
 — sub manibus Carnificum animam efflavit. 179. E  
 — ejus Corpus gentiles concremare voluerunt. 180. A  
 — tempestate oborta corpus ejus christianis relinquitur. 180. B  
 — quinque præclarissimis titulis nomen est consecutus. 180. D  
 Marius æqualitatem patris & filii negavit. 88. C  
 Martiani somnium. 12. B  
 Martianus Imperator anno 458 mortuus est. ibid.  
 — Imperator Constantinopolitanus. 12. F  
 — Severo in Patriarchatu sufficitur. 81. D  
 Martinus Pontifex a Constante Imperatore jussus hæresin Monochelitarum suscipere, id negat. 90. F  
 — catenis vinctus Constantinopolim ducitur. 91. A  
 — Cersonam Ponti oppidum relegatus. 91. B  
 Mauri Africam inhabitant. 122. E  
 Mauritius Imperator orientalis. 83. B  
 — apud Metamaucum Dux Venetus eligitur. 128. D  
 — felicissime discordias tollit. ibid.  
 — sub ducatu ejus nullæ fuerunt seditiones. 128. E  
 — Dux Venetus consulatus honore ab imperatore decoratur. 139. A  
 — Joannem filium consortem in ducatu sibi cooptat. ibid.  
 — tertio & vigesimo ducatus anno vita decedit. ibid.  
 — Joannis filius patri ducatus consors a populo datur. 139. B  
 — tyrannum potius quam ducem se gessit. 139. C  
 — pater & filius Duces Veneti patria excedunt. 147. A  
 Maurus subrogatur Paulo Torcellensi Episcopo. 84. D  
 — monasterium nobile Joannis Evangelistæ construxit. ibid.  
 Maximus tyrannus Alpium claustra munimentis obsepavit. 22. B  
 — Gratianum in Galliis occidit. ibid.  
 — Patricius ad imperium Romanum aspirat. 36. E  
 — Valentinianum per Transillam Aëtii militem interficiendum curat. ibid.  
 — Eudoxam Valentiniani sororem per vim ad nuptias rapuit. ibid.  
 — Tyrannus Romanus interficitur. 37. A  
 Mediolanum à Burgundionibus dirutum ac solo æquatum est. 60. D

Meduacus fluvius à posterioribus Brenta appellatus. 6. B  
 — portus idem nomen ac fluvius habet. 27. D  
 — amnis urbem Patavium prætersluit. 35. E  
 — in stagna Veneta delabens portum facit. 35. F  
 Menandrus hæreticus. 14. F  
 Mercaturæ maritimæ magna vis est. 33. C  
 Meroveus princeps Francorum primus Rhenum transit. 125. B  
 Metamauceni ob Gallicam classem profligatam immunitate sunt donati. 163. E  
 Metamaucum cæteris urbibus Venetis frequentius ampliusque erat. 119. D  
 — appellatum ita quasi transmeduacum. 120. A  
 Metamaucum urbs littorea à Venetis condita. 31. D  
 Metus interdum re ipsa pejor est. 126. C  
 — sæpius quam honestas, homines ad officium redigit. 132. A  
 Mezentius Imperator à militibus acclamatur. 93. C  
 Michael Stennus Dux Venetus. 192. D  
 Misericordia plurimum solet mortalium animos emollire. 165. C  
 Monfalconus oppidum olim Verruca. 24. E  
 Monochelitarum hæresis in quatuor conciliis fuit agitata. 83. C  
 — omnium consensu fuit damnata. ibid.  
 Moniflex Acellum olim fuit dictum. 6. A  
 Morbassanus Achajam subegit. 123. A  
 Mori per virtutem præstat quam per ludibrium. 64. B  
 Muhametus Judaicam legem cum fide Christiana commiscuit. 88. A  
 — Judeis Messiam se asserit. ibid.  
 — se baptizari curavit a Sergio. 88. B  
 — ex omnibus hæresibus suam composuit. 88. C  
 — trinitatem cum Sabellio negavit. ibid.  
 — numerum binarium in divinis cum Manichæo ponit. ibid.  
 — æqualitatem patris & filii cum Mario & Eunomio negavit. ibid.  
 — Spiritum S. dicit creaturam cum Macedonio. ibid.  
 — multitudinem uxorum cum Nicolaitis probat. ibid.  
 — circumcisionem & baptismum instituit. ibid.  
 — adversus Hormisdam Persarum regem Cosdroe filium arma vertit. 89. A  
 — ad tributum & ad ipsius legem suscipiendam compulit. 89. B  
 — Antiochiam urbem christianæ religionis quasi parentem deditione occupat. ibid.  
 Mundus belli Dux à Justiniano ad Dalmatiam recipiendam mittitur. 55. D  
 — Salonam ad deditionem compulit. ibid.  
 — acerrime se defendens à Gothis interficitur. 55. F  
 Munition nulla validior, quam quæ oppugnari non potest. 33. C  
 — nulla satis tuta fugienti. 40. B  
 Mussionum una ex Venetis insulis. 118. C

N.

Narenta oppidum juxta flumen ejusdem nominis. 53. F  
 — a Sclavis fuit conditum. ibid.  
 Narces Justiniano erat carus cum virtute, tum fide. 64. E  
 — delectatus est tum urbis Venetiarum novitate, tum studiis incolarum. 65. E  
 — laudat auxilia in bello Imperatoriis rebus collata. 65. F  
 — duas Aedes in Rivalto vocit, si compos voti fieret. 68. B  
 — Thejam apud Luceriam in Apulis, cum tribus diebus pugnatum esset, superavit. 70. F  
 Nar-



Narfes Burgundiones & Francos Italia depellere studebat. 70. F  
 — Dagiseum maximum belli ducem in Galliam dimittit. 71. A  
 — ex manubiis Romæ & Ravennæ, basilicas construxit. 71. B  
 — in Rivalto, voti non immemor, duas Aedes construi curat. ibid.  
 — alteram Theodoro martyri dicat, nunc ibi est aedes S. Marci. ibid.  
 — alteram Menne & Geminiano dicans. ibid.  
 — de Longini adventu certior factus copias dimittit. 74. F  
 — maxima cum gloria gestarum rerum vita excedit. ibid.  
 Narfetes Eunuchus dux belli Italici à Bellisario declaratur. 63. C  
 — ægre tulit injuriam uxoris Justini. 73. C  
 — Alboinum in Italiam evocat. 73. D  
 — leniendi doloris causa Neapolim concedit. ibid.  
 Natisso fluviolus per Aquilejam labens, alter Natisso esse non potest. 25. B  
 — amnis præterfluxit moenia Aquilejæ. ibid.  
 — nunc ad eam urbem non pervenit. ibid.  
 — in Sontium cadit. ibid.  
 Natura in corrumpendis rebus, quas producit, novos adhibet modos. 6. D  
 — unicuique rei suos numeros dedit. 59. A  
 Navigatio est res valde periculosa. 58. B  
 Neapolis silentio noctis per aque ductum à Bellisario occupatur. 56. A  
 — ter quaterve aut capta aut obseffa. 60. D  
 Nemasum oppidum. 82. A  
 Nicephorus Irenen de Imperio deturbat. 143. B  
 — ablegat illam in Lesbion Insulam apud filium. ibid.  
 — duos legatos ad Carolum ad pacta confirmanda mittit. 165. D  
 Niceta Aquilejensis patriarcha Gradum profugit. 29. C  
 — spado homo impurissimus Episcopus Constantinopolitanus à Leone constituitur. 118. A  
 Niceta patricius ab Imperatore cum classe ad tuendam Dalmatiam Venetiasque mittitur. 156. A  
 — eo præsentente inter Pipinum & Dalmatas de pace agitur. 156. B  
 — Venetiis aliquot dies moratus Obelerium Spartarium declarat. 156. C  
 — Italiæ oram Pipini partium exagitat. 156. F  
 — Comaculum vetustum oppidum adoritur. ibid.  
 Nicolaitæ uxorum multitudinem probarunt. 88. C  
 Nicolaus Rivalti tribunus respondet accusationi Patavinorum. 66. C  
 — V. Ecclesiam Castellanam patriarchali titulo auxit. 138. F  
 — transfudit Gradenfis dignitatem Ecclesiæ in urbem Venetiarum. ibid.  
 O.  
 Obelerius tribunus Metamaucenus ad Ducatum per factionem invadendum, occulte aspirat. 141. E  
 — cum Carolo Francorum Rege Romam proficiscitur. ibid.  
 — tribunus Dux Venetus ab exulibus Tarvisi degentibus acclamatur. 147. A  
 — Venetias advolat & Ducatum invadit. 147. B  
 — Dux novarum rerum erat cupidus. 147. D  
 — favere cepit Equilanis Heraclensium inimicis. ibid.  
 — odia inter eos majora serit. ibid.  
 — Equilum advolans concilium convocat. 147. F  
 — habet orationem ad populum. 148. A  
 — Dux ad Pipini partes se procliviores declarat. 150. D  
 — Honorium tribunum Metamaucenum ad sententiam dicendam jubet. ibid.

Obelerius Dux in fratrem livore commovetur. 157. A  
 — Gallicam uxorem duxerat. ibid.  
 — cum Fortunato ad Carolum visendum proficiscitur. 157. B  
 — Carolo demonstrat, quomodo Venetos ad suas partes trahere posset. 157. C  
 — & Beatus ultro sese colloquiis Pipini & Nicetæ ingerunt. 157. D  
 — a Justiniano Duce captus capite poenas luit. 164. E  
 — Dux Venetus patria extorrens commendationem à Carolo ad Nicephorum impetrat. 165. E  
 — Constantinopolim relegatur. 170. D  
 Obeliatus Eneagrii tribuni Metamauceni filius Episcopus Metamaucenus I. constituitur. 138. E  
 Oberlapius Imperatorius apocrisarius tractandis rebus omnibus Venetiis affuit. 165. E  
 Obliginum oppidum. 82. A  
 Occasio quasi avicula est, si manu emittas, frustra eam recipere coneris. 113. B  
 Odoacer Herulorum Rex Italiam invadere parat. 39. D  
 — tenuit partem Pannoniæ ubi Hister fluvius in Euxinum Pontum cadit. ibid.  
 — Orestæ copiam pugnandi facit. 40. A  
 — Ticino urbe potitur. 40. B  
 — Orestem juxta Placentiam inspectante exercitu interficit. ibid.  
 — Romam ingreditur. ibid.  
 — regnum Romæ & Italiæ infelici eventu sortitur. ibid.  
 — quatuordecim annos Italiam tenuit. 40. C  
 — in Pannonias adversus Pbelteum Rugorum Regem revertitur. 40. D  
 — Pbelteo Rugorum Rege victo & interfecto in Italiam regreditur. ibid.  
 — ad Sontii amnis ripas cum copiis constitit. 45. C  
 — a Theodorico vincitur fugatusque. 45. F  
 — cum Flaminie populis pollicitationibus allectis Ravennam contendit. 46. B  
 — Romam veniens portas firmatas invenit. ibid.  
 — castra Gothorum aggreditur. 46. C  
 — majori accepto quam illato detrimento in urbem Ravennam repellitur. 46. D  
 — una cum filio sese dedit Theodorico. 46. E  
 — pater & filius a Gothis interficitur. ibid.  
 Olera in littoribus Venetis crescentia civitati sufficiunt. 7. F  
 — non minus hyeme quam æstate conservantur. ibid.  
 Olivolos insula parvo intervallo juxta Rivalentum. 10. A  
 — in illam Antenor exploratum quosdam misit. ibid.  
 — fuit deinde Troja vocitata. ibid.  
 Olivulus Insula urbis Venetiarum. 31. D  
 — insulâ juxta Rivalentum est sita. 35. C  
 — unde ita dicta. 35. D  
 — Castellana deinde fuit dicta. ibid.  
 Opitergium oppidum vetustum. 6. A  
 — ab Attila igni ferroque devastatur. 26. F  
 Opitergium à Grimoaldo capitur & radicitus evertitur. 94. E  
 Oratio Alarici ad suos milites. 18. D  
 — Attilæ ad Principes & Reges quos ante in bellis duxerat. 20. E  
 — Leonis Pontificis ad Attilam. 30. D  
 — viri cujusdam ex profugientibus in insulas Venetas. 32. A  
 — Theodorici filii Theodemiris regis Gothorum. 42. B  
 — Legatorum Theodorici ad Justinum. 53. A  
 — Pauli equitum præfecti ad milites. 64. A  
 Ora-



# INDEX NOMINUM,

Oratio Nicolai Tribuni Rivalentini ad Narsetem de Patavinis.	66 C
— Totilæ ad exercitum.	69. A
— Eliæ in concilio ad patres.	77. C
— Felicis ad Ravennates.	101. A
— Christophori patriarchæ Heracliensis.	105. F
— Ursi Ducis Veneti ad populum.	113. D
— legatorum Pontificiorum ad Pipinum II. Regem Francorum.	126. B
— Adriani Pontificis ad Senatum Romanum.	133. E
— unius ex Venetis legatis ad Nicephorum.	145. E
— Obelerii ad populum Venetum.	148. A
— Honorii tribuni Metamauceni.	150. D
— Angeli Heracliani in conventu habita.	152. C
— Victoris Classis Venetæ præfecti ad navium præfectos atque navarchus.	161. A
— tribuni Metamauceni pro Obelerio & Beato fratribus.	166. C
— Timothei tribuni Rivalti.	168. A
— persuadet Venetis, ne Obelerium & Beatum Duces extorres revocent.	ibid.
Orestes ad Abdum juxta Ticinum urbem castra locat.	39. F
— pater Augustuli Romanæ militiæ Dux.	ibid.
— per militum potentiam filium Imperatorem fieri curavit.	ibid.
— congregari non ausus in Ticinum se recipit.	40. A
Ofopum oppidum.	82. A
Ostium Ravennæ proximum primarium appellatur.	61. D
— olim Spineticum ab urbe Spina juxta posita.	ibid.
— a Diomede dicitur conditum.	ibid.

## P.

<b>P</b> adus fluvius omnem paludum partem arena stravit.	6. C
— fluvius in fossas deductus septem maria efficit.	6. E
Palestina insula à Pipino occupatur.	158. D
Pannonii dicuntur illi, qui Danubium ultra citraque accolunt.	5. C
Pannonia citerior nunc Stiria Carinthiaque appellatur.	5. D
Paphlagonia Asiæ regio.	3. A
Paphlagonες pulsus Euganeis nomen genti dederunt.	3. C
Papia urbs ter quaterve aut capta aut obsessa.	60. D
Papias Hieropolitanus Episcopus.	173. C
Patavii Rex circa 21 Attilæ annum fugam paravit.	12. C
— Rex post ingressum Attilæ in Italiam uxorem cum liberis in Rivalentum mittit.	12. F
Patavini sparsa habuerunt domicilia per loca palustria.	8. F
— portu Meduaci propter mercaturam & navigationes utebantur.	9. F
— frustra auxilium ab Imperatore petentes terramque salutem querunt.	27. B
— habebant jus in designandis Romæ magistratibus ferendi suffragii.	27. D
— urbe expugnata littora tenuerunt.	28. D
— insulas urbis Venetiarum insederunt.	ibid.
— apud Narsetem questi sunt æstuarium sibi à Venetis per injuriam ablata.	65. F
— memorant merita erga imperium Romanum.	66. A
— sæpius de injuria Venetorum sunt questi, semper rejehti.	66. C
Patavium nunquam Reges habuit.	11. F
— doctissimis semper floruit viris.	13. B
— urbs laudibus minor fuit quam Aquileja & Ravenna.	27. C
— tempore Augusti fuit ampla & magnifica.	ibid.

Patavium, in ea urbe quingenti equestris ordinis viri sunt cens.	27. C
— centum viginti militum millia armasse constat.	ibid.
— à mari navigationem habet fluvio per paludes delato.	27. D
— Romanorum colonia fuit.	ibid.
— urbs ab Attila fuit directæ & excissa.	28. A
— vallo & fossa a Theodorico est munita.	51. D
— tertio ab Agilulpho penitus deletur.	81. A
Patriarcha Venetiarum IV. Mapheus Gerardus.	35. E
Paulinus Episcopus Nolanus ab Hieronymo, Augustino & Gregorio laudatur.	38. C
— Episcopus Nolanus pro viduæ cujusdam filio in servitutem succedit.	38. D
— annunciat spiritu adactus Hero suo mortem fore.	38. F
— eum in somno inter judicem se condemnantes Gensericus vidit sedentem.	39. A
— Episcopus Nolanus causam adventus sui in Africam hero aperit.	ibid.
— liber ab hero duobus onustis frumento navibus dimittitur.	39. B
— impetrat à Genserico Nolanorum suorum libertatem.	ibid.
— quasi triumphum agens in patriam revertitur.	ibid.
— Episcopus translationem S. Marci literis mandavit.	183. C
Paulus Vergerius conscripsit vitam Francisci senioris Carrariensis.	13. C
— — familiæ Carrariensium studiosissimus.	ibid.
— — queritur nullam esse notitiam rerum Patavinarum ante Ezerini de Romano tempora.	14. A
— — ab amico ad Venetam historiam scribendam invitatur.	ibid.
— — per epistolam respondit, nulla habere se Veneta monumenta.	ibid.
— — falsa scribere animum inducere non posse dixit.	ibid.
— — scripsit parvum libellum de Venetiarum origine.	ibid.
— — ejus liber non variat procul à nostris.	ibid.
— equitum præfectus molem Adriani acriter defendit.	63. D
— habet orationem ad milites.	64. A
— Episcopus gente Romanus Pontifex Aquilejensis.	75. C
— Episcopatum Aquilejensem per schisma consecutus est.	ibid.
— ab Honorato Archiepiscopo Mediolanensi consecratus est.	ibid.
— Gradum proficiscitur.	75. E
— Sanctorum corpora secum detulit.	ibid.
— Aquilejensis Episcopus apud Gradum moritur.	77. A
— Altini urbis Episcopus Arrhianos fugiens Torcellum se confert.	84. D
— detulit secum reliquias.	ibid.
— Patavii Episcopus excissa urbe Metamaucum confugit.	84. E
— Episcopalem sedem ibi condit.	ibid.
— Heraclia oriundus primus Dux Venetus creatur.	108. D
— quæ insignia suscepit.	ibid.
— intestinas externasque discordias sedare studet.	108. F
— dux Venetus amicitia & officiis patriæ fines auxit.	109. A
— Dux Venetus cum Ariperto Rege amicitiam coluit.	ibid.
— sædus init cum Luitprando.	ibid.
— a Luitprando multis immunitatibus est donatus.	ibid.
Pau-	



# RERUM AC SENTENTIARUM.

Paulus Dux I. vita decedens in Heraclia sepelitur. 110. C  
 — Exarchus Ravenna occupata ad Venetos se con- 112. A  
 fert.  
 — magno cum honore à Venetis excipitur. ibid.  
 — Exarchus à Venetis in sedem suam est restitu- 115. D  
 tus.  
 — genere & principatu clarus martyrium subit. 117. D  
 — à Nicephoro ad bellum Pipino inferendum cum 156. E  
 classe mittitur.  
 — Populonium Etruriæ urbem captam diripit. ibid.  
 — Diaconus Longobardorum historiæ scriptor. 5. A  
 — falsitatis insimulatur. ibid.  
 — Diaconus Aquilejensis ab auctore castigatur. 164. D  
 — Diaconus Venetorum gloriæ libenter detrabit. 164. F  
 Pauper humana destitutus ope, divinam implo- 58. B  
 rat.  
 Pax nulla satis firma inter ferocis ingenii popu- 99. B  
 los esse potest.  
 Pecuniæ obediunt omnia. 193. C  
 Pelagius Pontifex Episcopatum Aquilejensem Gra- 78. B  
 dum transferri permittit.  
 — Pontifex mittit opem imploratum Gregorium 79. D  
 malis Italiæ.  
 — Pontifex apud Mauritium Imperatorem se ex- 108. C  
 cusat, quod Pontificatum sine ejus confirmatione  
 inisset.  
 Pelestrina olim Philistina Insularum Venetarum 28. A  
 una.  
 — urbs littorea à Venetis condita. 31. D  
 Pepo Aquilejensis patriarcha, Venetorum hostis a- 79. B  
 cerrimus.  
 — Gradenfes incautos, urbem, templum & Eccle- ibid.  
 siam invadit.  
 — diripuit omnes Ecclesiæ thesauros. ibid.  
 — Hermagoræ & Fortunati altare spoliatur. 79. C  
 Perendeus Dux Vicentinus obsidioni Ravennæ à 112. A  
 Luitprando præficitur.  
 — Dux Vicentinus in defensione Ravennæ occidi- 115. D  
 tur.  
 Pericula cum instant vitamus, præterita cum 32. B  
 sunt, oblivioni mandamus.  
 — non prævidere nec propellere mulierum, non vi- 114. F  
 rorum est.  
 Periculum & metus mortalium mentes ad cælum 58. A  
 erigit.  
 Perteris filius Ariperti a Grimoaldo paterno regno 92. B  
 expellitur.  
 — per Gallias amisso regno auxilium quæritans 114. F  
 vagatur.  
 — in Britanniam trajicere meditans, vocem sine 92. C  
 auctore audit.  
 — in Italiam iterum veniens in regnum Longobar- ibid.  
 dorum subiectus est.  
 Perusia ter quaterve aut capta aut obfessa. 60. D  
 Petronia olim Caprulæ. 26. E  
 Petrus tribunus Venetius Hungarorum naves disjecit 74. C  
 & demersit.  
 — Antiochiæ Ecclesiam constituit. 173. B  
 — Romam ad Simonem magnum expugnandum 173. B  
 contendit.  
 — Apostolus Marcum Evangelistam Alexandriam 175. C  
 mittit.  
 — Apostolus Antiochenæ Ecclesiæ præfuit. 180. D  
 — Candianus Dux tyrannum potius quam ducem 183. F  
 egit.  
 — in illius cædem populus conjurat. 184. A  
 — una cum puero filio trucidatur. 184. C  
 — corpus ejus canibus dilaniandum relinqui- 184. D  
 tur.  
 — Damianus Romanæ Ecclesiæ Cardinalis. 173. A

Petrus Damianus scripsit librum de amore discipuli 173. A  
 erga præceptorem.  
 — Ursojulus per aliquot menses ducatum tenuit. 184. A  
 — — Marci Ædem propriis sumptibus instau- 184. E  
 rat.  
 — — tabulam auream ad ornatum magnæ arie 185. B  
 fabricandam curavit. ibid.  
 — — secundo ducatus anno monasticam vitam 185. B  
 est ingressus.  
 — — profectus in Aquitaniam multis ibi mira- 184. E  
 culis claruit. ibid.  
 — Zianus Dux Venetus. 35. E  
 Pharea turris est signum nautæ portum ingredienti. ibid.  
 — à Mapheo Gerardo patriarcha Veneto est refe- 40. D  
 eta. ibid.  
 Phelteus Rugorum Rex Turingos bello exagitat. 177. E  
 — ab Odoacro interficitur. 177. E  
 Philo Judæus multa de Marci Evangelistæ sancti- 177. E  
 monia memoranda reliquit.  
 — — Romam veniens Petrum sæpius audit. 3. A  
 ibid.  
 Phylemenes Rex Paphlagoniæ. 124. D  
 Pipinus Francorum Rex ubique celebris erat. 125. D  
 — in Austrasiis Gente Germana Princeps. 125. D  
 — animum ad Franciæ regnum adjecit. ibid.  
 — transmissio Rheno in Gallias irrumpit. ibid.  
 — Gubernatoribus Franciæ profligatis domus Re- 125. E  
 giæ magister creatur. 127. D  
 — iterum in Italiam cum exercitu proficiscitur. 127. D  
 — Astulphum ad imperata quæcunque voluit, adi- 127. F  
 git. 132. B  
 — Ravennatem Exarchatum Ecclesiæ Romanæ 142. B  
 dono dedit. 149. E  
 — Rex Gallie moritur. 150. A  
 — Caroli filius Rex Italiæ nominatur. 156. B  
 — arctius vinculum cum Venetis inire vult. 156. D  
 — filius Caroli Rex Italiæ Dalmatas ad suas par- 157. E  
 tes trahere conatur. 157. F  
 — cum Dalmatis Niceta classis Orientis Impera- 158. D  
 toriæ præfetto præsentem, de pace agit. 160. A  
 — magnam classem adversus Imperatoriam Orien- 160. D  
 tis parat. 163. C  
 — Venetos suspectos & insensos habet. 163. F  
 — Obelerium tanquam pacis turbatorem objurgat. 164. A  
 ibid. 164. A  
 — Venetis bellam moturus classem Ravennæ co- 164. A  
 git. 164. A  
 — Commeatus Venetias importari prohibet. 164. A  
 — Brundulano vico potitur. 164. A  
 — Clodiam insulam, Palestinam, & Albiolam 164. A  
 occupat. 164. A  
 — Castellum Brundulum occupare decernit. 164. A  
 — deliberat an Veneti sunt invadendi an relin- 164. A  
 quendi. 164. A  
 — mittit caduceatorem ad Venetos. 164. A  
 — bellum navale adversus Venetos parat. 164. A  
 — à Venetis pugna navali superatur. 164. A  
 — motu classis imperatoris Ravennam se recipit. 164. A  
 ingenti ira percitus oppida omnia evertit. 164. A  
 — apud Mediolanum vita fungitur. 164. A  
 — II. patri Carolo Martello successit. 164. A  
 — apud Francos regnum adeptus est. 164. A  
 — — legatis Pontificis promittit urbem Romam 164. A  
 in pristinam dignitatem se restitutum. 164. A  
 — — ingentibus copiis in Italiam venit. 164. A  
 — — Papiam urbem obsedit. 164. A  
 — — artibus Astulphi adductus in Franciam re 164. A  
 infecta redit. 164. A  
 Piratæ mare Adriaticum semper infestant. 35. D  
 Pisces in stagnis Venetis non sunt magni. 7. E  
 B. Justinianus. P. Pisces



# INDEX NOMINUM,

Placentia ter quaterve aut capta aut obfessa. 60. D  
 Plavis flumen ab Alpibus cadens. 6. B  
 Plumbinum olim Populonia Etruriæ urbs. 38. A  
 Pœnitentia fera semper turpis, fere inutilis est. 42. B  
 — non semper voti compos. 73. F  
 Pola Histriæ civitas est caput Italiæ ab Oriente. 5. D  
 — Pietas Julia fuit appellata. ibid.  
 — à Colchis fuit condita. ibid.  
 — urbs ab Attila devastatur. 22. B  
 — Histriæ civitas. 146. D  
 Pollicinum Rodigii, olim castellum ducis est nuncupatum. 172. C  
 Poloni è Sclavis gente Scythica sunt orti. 53. E  
 Pons lapideus à Bais ad Puteolos insolentia admirationem excitat. 1. proœm.  
 Pontifices Romani non pepercerunt Imperatoribus, anathematibus & censuris agere. 15. D  
 Populonia Etruriæ urbs nunc Plumbinum appellatur. 38. A  
 Portus S. Nicolai, ubi, & quare ita dictus. 35. F  
 Potestas Ducis Veneti, quæ. 108. B  
 Preces Architecti in Rivalto. 10. C  
 Principium felix cito fortuna destitit. 92. D  
 Probinus Paulo in Episcopatu sufficitur. 77. A  
 — propter Langobardorum injurias Grado discedere non est ausus. ibid.  
 Propinquitas multum ad celeritatem valet. 16. E  
 Pupilia insula inter Rivalentum & Metamaucum. 171. A

R.

Racchis dux Foro-Julianus Sclavos ingenti strage cecidit. 120. C  
 Rachisius monasterio egressus regnum administrandum suscipit. 131. D  
 — Pontifici assentiens regno se abstinit. 131. F  
 Radagasus Visigothorum Rex ad Italiam invadendam eligitur. 17. C  
 — cum Hunnis, Vandalisque per Venetiæ saltus Italiam ingreditur. 17. C  
 — ad iniquum congregiendi locum à Stiblicone compellitur. 17. D  
 — in convalles Fesulanæ confugit. ibid.  
 — à Stiblicone ibi obseptus egredi inde non potuit. ibid.  
 — fugiens interceptus. ibid.  
 Ravenna urbs pene tota ex asseribus & ligneis ædificiis fuit compacta. 6. A  
 — deinceps templis, turribus & ædificiis superbis nobilis fuit reddita. 6. B  
 — tota fere olim aquis alluebatur. ibid.  
 — nunc ab aquis plus quam tribus millibus passuum recedit. ibid.  
 — urbs ab Imperatore Valentiniano munitionibus firmatur. 22. A  
 — post Augustum Imperatorem maxime crevit. 27. E  
 — maximas difficultates tempore obsidionis Theodorici passa est. 46. E  
 — ejus obsidio tribus annis duravit. ibid.  
 — ab Augusto celebris fuit reddita. 50. D  
 — commerciis destituta diu jacuit. 51. A  
 — à Venetis in societatem recepta aliquantisper respiravit. ibid.  
 — ter quaterve aut capta aut obfessa. 60. D  
 — in magnam amplitudinem creta Pontifici Romano non parebat. 98. C  
 — primaria Italiæ civitas civibus nobilioribus à Justiniano privatur. 104. A  
 — a Luitprandi ducibus occupatur. 112. A  
 — a Venetis & Paulo Exarcho Longobardis eripitur. 115. D  
 — antiquissimum Italiæ atque urbis Romæ emporium. 155. C

Ravennæ erat receptus egredientium & ingredientium navium. 50. E  
 — Archiepiscopus nullum habuit superiorem Patriarcham. 98. C  
 Ravennas Exarchatus Pontifici datus non à Pipino sed a Carolo Magno ut auctor putat. 127. F  
 Ravennates Archiepiscopi suffraganeos sibi subiectos deligebant & consecrabant. 98. D  
 — contra Justinianum auxilia ex omnibus Flaminie civitatibus evocant. 102. E  
 Reges Romani ex Germania in Italiam transeuntes apud Patavium diu interdum morati sunt. 11. F  
 Regium nomen Romanis odiosum. 11. E  
 — nomen in Italia fuit desuetum. 107. E  
 — Venetis à Frederico III. fuit oblatum. 107. F  
 Religio & imperium sibi invicem conjuncta nimis possunt. 14. E  
 — imprimis populum movet. 87. F  
 Rem ipse tuam agas an alienam cures plurimum interest. 45. C  
 Retii montana incoluerunt. 4. D  
 Rex Patavii circa 21 Attilæ annum fugam paravit. 12. C  
 Rhadafus primum Venetiæ fauces ingrediens sacra prophanaque vastavit. 32. C  
 Rhodus insula à Saracenis occupatur. 91. C  
 Rhotarius Arialdo Agilulphi filio sufficitur. 82. F  
 — erat ingenio ferox, alioquin justus. ibid.  
 — Codicem legum conscripsit. 83. A  
 — Arrhianas partes fovebat. ibid.  
 — in omnibus Italiæ urbibus duas Ecclesias instituit, alteram Catholicam alteram Arrhianam. ibid.  
 Richimer Olymbrius successit Antemio in Imperio Romano. 38. A  
 Rivalentus post Attilæ ex Italia discessum civitas appellari potuit. 1. proœm.  
 — unde ita dictus. 9. E  
 — cæteris locis ambitu paulo major, situque præstantior. 9. C  
 — est insula sita propior littoribus quam continenti. 9. F  
 — haud longe ab ostio Meduaci fluminis. ibid.  
 — habitabatur ex piscatione & aucupio victum querentibus. 10. A  
 — exorto incendio in cinerem solvitur. 10. B  
 — insula jussu Regis & Senatus Patavini fuit condita. 11. C  
 — vix ad solam arcem regiam capiendam sufficiebat. 13. A  
 — à Patavinis profugis Attilana tempestate fuit condita. 14. B  
 — insula urbis Venetiarum. 31. D  
 — maxime post dirutum Patavium fuit frequentata. 34. E  
 — insula dirutis Heraclia & Equila in magnam amplitudinem crevit. 148. F  
 — est locus parvus, sine munimento. 159. C  
 — urbs ducalis per aliquot annos nomen retinuit. 172. A  
 Roma primordia ab Evandri Palanteo habuisse à nonnullis dicitur. 1. proœm.  
 — totius fidei vertex & magistra ab omnibus Orientis ecclesiis est habita. 14. F  
 — gentium domina. 19. A  
 — Christianæ fidei domicilium. ibid.  
 — Visigothi Regi Alarico, Arriano cervicem submittere debuit. ibid.  
 — Hunnis vectigalis facta. 31. A  
 — a Genferico diripitur & devastatur. 37. C  
 — ab Africa capta & direpta. ibid.  
 — per sedecim annos a tyrannis diripitur. 37. D  
 — integrum annum crudelissimam obsidionem à Vigtæ Gothorum rege passa est. 60. B  
 Roma



Roma à Totila tres longissimas & atrocissimas ob-  
diones perpeſſa eſt. 60. C  
— ſine colono tam mare quam ſcmina fuit relicta. 60. C  
— à nullo unquam hoſte tantum detrimenti paſſa  
eſt, quam a Conſtante. 93. B  
— ab Aſtolpho tres menſes obſidione premitur. 127. D  
Romæ urbis ſtatus tempore Gregorii IV. 123. E  
Romani ad colonias magiſtratus, ad municipia præ-  
fectos mittere ſoliti. 11. E  
— Gothorum pietatem admirantur. 18. E  
— in pedum pernecitate ſpem ſalutis ponunt. 18. F  
— eorum caſtra à Gothis capta diripiuntur. 19. A  
— per Alpium tramites in Pannonias, Meſſiam,  
Germaniam, Gallias & Hispanias exercitus du-  
ctarunt. 24. A  
— poſt Auguſtum maxime ſunt laceſſiti. 27. E  
— more canum in colla ligati funibus, venales  
ſunt ducti. 80. D  
Romanum imperium in ſupremam excrevit altitu-  
dinem. 9. D  
— imperium initium ſumpſit ab Auguſto & deſiit  
in Auguſtulo. 40. C  
Romoaldus filius Grimoaldi Conſtantis conatus elu-  
ſit. 92. E  
Roſimunda filia Comundi Regis Gepidarum. 76. B  
— uxor Alboini regis Longobardorum. ibid.  
— jūſſu mariti bibit ex cranio patris poculo factò.  
ibid.  
— uxor Alboini per amatorem maritum interfici  
curat. ibid.  
Rotharius ſigna in Venetos convertit. 84. E  
— Opitergium Venetiæ oppidum expugnat ac di-  
ruit. 84. A  
Rufinus exercitus Dux Orienti a Conſtantio præſi-  
citur. 16. E  
— Aſiam ſibi rapiens illi pœnas dedit. 16. F  
Ruſticus Torcellanus Venetus adverſa tempeſtate  
Alexandriam adigitur. 181. B  
S.  
Sabellius trinitatem negavit. 88. C  
Sagabria urbs Pannonica. 22. D  
Sal ex aquis Venetis eſt optimus. 7. E  
Saladinus genere Turca Syriæ & Ægypti imperium  
obtinuit. 122. C  
Salona urbs in Dalmatia à Juſtiniano occupatur. 55. D  
Saracena claſſis littora Siciliæ vaſtat. 80. D  
Saracenæ ſectæ Commentaria apud Venetos repe-  
riuntur nonnulla. 85. D  
Saraceni antea Agareni ſunt dicti. 85. E  
— piraticam ab anno ſexcenteſimo exercuere. 90. A  
— ex humilibus initiis in magnum imperium ex-  
crevere. 90. B  
— Syriam, Phœnicem, Ægyptum, Africam ma-  
guamque Hiſpaniarum partem in ſuam poteſtatem  
redegere. 89. F  
— ex Africa in Siciliam transfretant. 97. E  
— à Conſtantino ingentem cladem acceperere. 98. B  
— tributarii Conſtantino ſunt facti. ibid.  
— Aquitaniam occuparunt. 100. A  
— primas partes Turcis conceſſerunt. 122. E  
— Neapolim, Romam & totum inferum ſuperum-  
que mare ſæpius depopulati ſunt. 138. C  
— Gradum & Caprulas Veneta oppida diripue-  
runt. ibid.  
Saracenorum mores. 86. B  
Saul Hebræus prima diei luce Gothorum caſtra in-  
vadit. 18. B  
— homo Hebræus Stibliconi à Secretis. ibid.  
— jūſſus eſt à Stiblicone Gothica caſtra die Pa-  
ſchatis adoriri. ibid.  
Savus flumen Dalmatiæ. 53. E

Saxones ſeſe Longobardis in ſocietatem addidere. 75. B  
— a Francis diuturno bello premebantur. ibid.  
Sclavi gens fera in Hiſtriam tranſcendunt. 53. E  
— dum Romanum imperium invadunt præclarum  
ſibi nomen armis fecere. ibid.  
— incoluere regionem Boſphoro Cimmerico adja-  
centem. ibid.  
— in duas eſt diviſa partes, Boemos & Polonos.  
ibid.  
— nomen in hunc uſque diem retinent, qui prope  
Savum flumen habitant. ibid.  
— Narentam oppidum juxta flumen ejuſdem no-  
minis condiderunt. 53. F  
— Piraticam plurimos per annos exercuere. ibid.  
— multa bella cum Venetis geſſerunt. ibid.  
— in Forumjulium prædatum deſcendunt. 120. C  
— a Racchidi repelluntur, cedunturque. ibid.  
— olim Illyrii ſunt dicti. 146. F  
Scorpio eſt genus armorum, quod in pretio ſemper  
habitum eſt apud Venetos. 111. C  
Scripta inventis fœdare docti viri dedignantur. 14. B  
Sebaſtianus Zianus Dux Venetus ab undecim ele-  
ctoribus eſt creatus. 118. F  
Sebaſtus Aquilejenſis Præſes Hermachoram Anti-  
ſitem & Fortunatum Archidiaconum capite trun-  
cavit. 175. B  
Sebenicum urbs ab Attila evertitur. 22. B  
Serapis olim Argivorum Rex Alexandriæ pro Deo  
colebatur. 176. A  
Sergius Martyr. 35. E  
— Præſul Conſtantinop. hæreſin Monochelitarum  
excitat. 83. C  
— unam tantum naturam in Chriſto aſſerit. ibid.  
— Monachus Conſtantinopolitanus libidine domi-  
nandi incenditur. 87. B  
— honorem, quem virtute aſſequi non poſſet, per  
nova dogmata conſequi conatur. ibid.  
— Neſtorianam hæreſin profeſſus eſt. ibid.  
— de Eccleſia ſummo cum dedecore depellitur.  
ibid.  
— ad Mahumetum proficiſcitur. 87. C  
— Monachus Muhameto occaſionem ad imperium  
occupandum ſuggerit. 87. E  
— Senogalliæ princeps lepræ morbo corripitur. 140. C  
— ab Archangelo S. Michaeli admonetur ut Mo-  
naſterium apud Brundulum ſitum adeat. 140. D  
— ad Brondulum & monaſterium S. Michaelis  
pergens lepra mundatur. 140. F  
— magnis muneribus monaſterium donat. ibid.  
Sermatia provincia Romana. 41. E  
— inter Pannoniam & Scythas interjacet. ibid.  
Servius voluit Venetos ab Eneto Illyricorum rege  
dictos. 4. A  
Severianus Episcopus Patavinus conſecrationi Ec-  
cleſiæ in Rivalto interfuit. 10. E  
Severus Ravennas Eliæ Patriarchæ ſufficitur. 79. D  
— patriarcha vita excedit. 81. D  
— patriarcha pallium à Gregorio miſſum accipit.  
110. D  
— Luitprandi armis fretus Gradenſem invadit ec-  
cleſiam. 110. E  
— Candianum patriarcham Gradenſem multis  
contumeliis afficit. 110. F  
Sicardus translationem S. Marci memoriæ prodidit.  
183. C  
Singibertus translationem S. Marci ſcriptis man-  
davit. ibid.  
Sigismundus Ungariæ rex à Bajazete Turcarum re-  
ge in fugam datur. 123. B  
Signa urbs ab Attila diruitur. 22. B  
Smaragdus patricius Ravennas Exarchus Longino  
ſucceſſit. 79. E  
B. Juſtinianus. P 2 Sma-



# INDEX NOMINUM,

- Smaragdus Exarchus Severum Gradensem Episcopum secum adducit Ravennam.* 79.F  
*Solis radius, qui per densas tenebras elucet gravior est.* 38.C  
*Somnium Martiani.* 12.B  
*Sontii nomen est recentius, nec apud antiquos notum.* 25.C  
*— Natissinem Blondo placet illum fuisse.* ibid.  
*Sontius amnis.* 22.E  
*— amnis ab Alpibus cadit.* 24.D  
*— Carfos montes à reliqua Venetia dividit.* ibid.  
*— amnis multis in locis & majori anni parte vadofus.* 24.E  
*Sophia Justinii uxor petulans mulier & superba.* 73.C  
*— impulit Justinum ad Narsetem ex Italia revocandum.* ibid.  
*— ingratitude contumeliam addit.* ibid.  
*Spaletum urbs ab Attila diripitur.* 22.B  
*Spes semper adjicit animos, animos vires sequuntur.* 42.D  
*Stammatus Cretensis furtum famosissimum perpetravit.* 193.D  
*Stauracius templi S. Marci Alexandriae ædituus.* 181.D  
*Stephanus Pontifex summus moritur.* 129.A.B  
*— Patriarcha Venetus habet orationem ad Pontificem Adrianum.* 129.B  
*— Pontifex Max: Rachisum admonet, Desiderium à se Regem appellatum.* 131.E  
*Sthilico exercitus Dux Occidenti à Constantio præficitur.* 16.E  
*— Vandalus disciplina militari excelluit.* 17.A  
*— ingentes opes & dignitatem sibi comparavit.* 17.A  
*— ejus filias Honorius in matrimonium duxit.* ibid.  
*— cum invasit cupido imperii rapiendi.* ibid.  
*— ejus proditio Christiano imperio permagni stetit.* ibid.  
*— ei erat nulla fides.* ibid.  
*— ingenium ad simulandum ac dissimulandum habebat commodissimum.* ibid.  
*— Radagaso obviam it.* 17.C  
*— omni conatu tendit, ut incautum opprimat.* ibid.  
*— fame atque inedia innumera mortalium millia confecit.* 17.D  
*— Radagasum fugientem interceptit.* ibid.  
*— Radagasti victoria elatus in spem rapiendi imperii exarsit.* ibid.  
*— Alaricum ut in Italiam transcendat hortatur.* ibid.  
*— Burgundiones ut in Gallias transmittant, nuntiis sollicitat.* 17.E  
*— consul designatur.* ibid.  
*— suadet Honorio, ut ad motus sedandos proficiscatur in Galliam.* ibid.  
*— Alarico in Galliis sedes & stipendium pollicetur.* ibid.  
*— fœdus cum Alarico pro tempore comprobatur.* 18.B  
*— amovet castra procul ab Alarico.* ibid.  
*— imperat Sauli Hebræo homini Gothica castra die Paschatis adoriri.* ibid.  
*— cum Eucherio filio Honorii jussu interficitur.* 19.B  
*Stiria olim Noricum.* 5.D  
*Strabo originem Venetorum pro re incerta ponit.* 3.C  
*— in Arabia descriptione Agareni nominis meminit.* 85.E  
*Subtarius & Mandulcus Reges Hunnorum.* 19.D  
*— Rex Hunnorum Burgundionibus bellum intulit.* ibid.  
*Subtarius Rex Hunnorum à Burgundionibus interficitur.* 19.E  
*Suevi populi Rheni ripas insident.* 17.E  
*Superbia & seditio omnes opes comminuit.* 83.E  

T.

*Tanais flumen in Pontum Euxinum cadit.* 7.E  
*Tarvisini præfectum à Carolo rege institutum interfecerunt.* 141.E  
*Taurisium, de ea urbe nulla memoria priscis temporibus.* 6.A  
*— Attilæ se dedit.* 26.A  
*Temeritas raro felix est.* 102.D  
*Tempesta Taurisii princeps Attilæ Taurisium tradit.* 26.A  
*Tergestini pirate templum Venetum invadunt, ornatumque virginum diripiunt.* 95.F  
*— à Venetis capiuntur & merguntur.* 96.B  
*Tergestinum urbs ab Attila demolitur.* 22.B  
*Tergestum pene in solitudinem redactum.* 75.F  
*Terracina urbs olim Auxur.* 56.B  
*Thejas Totilæ belli dux civitates in officio continebat.* 68.D  
*— omnium Gothorum consensu Rex declaratur.* 70.D  
*— Burgundionum Francorum auxilia evocat.* 70.E  
*— haud multo virtute & corpore Totila inferior fuit.* ibid.  
*— à Narsete apud Luceriam in Apulis fuit superatus.* 70.F  
*Theodatus ab Amalasuenta consors regni suscipitur.* 54.F  
*— rerum potens factus avarum ignavumque se prodit.* 55.A  
*— Amalasuentam in insulam lacus Vulturnensis relegavit.* 55.B  
*— permisit ut interficeretur.* ibid.  
*— pacem per legatos à Justiniano petit.* 55.D  
*— pacis ipsius condiciones.* ibid.  
*Theodemir Gothorum Rex cum Attila in acie stetit.* 42.E  
*Theodora nurus Constantini mulier christianissima.* 128.A  
*— corpus Constantini de sepulchro extrahi jussit.* ibid.  
*— corpus publice combustum in mare jactat.* ibid.  
*Theodoricus Gothorum Rex ob ingentes virtutes Magnus fuit dictus.* 40.E  
*— Theodemiri filius omnibus charum se reddidit.* 43.A  
*— à Romanis in auxilium invitatur.* 43.B  
*— orationem habet ad Zenonem Imperatorem.* 42.B  
*— nepos Alarici Regis Gothorum Hispanias obtinuit.* 42.E  
*— Aëtii Ducis Romani Societatem sequutus est.* ibid.  
*— in Italiam adversus Odoacrum proficiscitur.* 45.A  
*— idem iter, quo Attila & Odoacer, Italiam ingreditur.* 45.C  
*— Odoacrum fudit fugatque.* 45.F  
*— ad Veronam se recipit.* 46.A  
*— Papiam validis firmat munitionibus.* 46.C  
*— cum omnibus copiis Odoacrem Ravennam est insequutus.* ibid.  
*— Herulis agros juxta Taurinos saltus attribuit.* 46.E  
*— recepta Italia Romam proficiscitur.* ibid.  
*— à Senatu omni honoris cultu suscipitur.* ibid.  
*— summa cum justitia regnum administravit.* 48.F  
*— nullum à supplicantibus Romanis repulit.* 48.F  
*— Epiphanium Ticinensem Episcopum cum auro ad redimendos captivos misit.* 49.A  
*— urbem Romam & ædificia instaurat.* 49.C  

Theo-



# RERUM AC SENTENTIARUM.

Theodoricus ad leges reformandas magnam curam impendit. 49.C  
 — omnia per magistratus Romanos curanda demandavit. 49.D  
 — annua salaria Senatoribus instituit. ibid.  
 — pecuniam nulla alia imagine, quam qua ante adventum suum signabatur, excudi voluit. ibid.  
 — Romam Senatui regendam permisit. 49.E  
 — Ravennam ipse concessit. ibid.  
 — rationes quare Ravennæ non Romæ sedem constituit. ibid. & 50  
 — annos fere 40 Ravennæ moratus est. 50.E  
 — justitiam mirifice coluit. 51.A  
 — fures acribus poenis infectatus est. 51.B  
 — in veritate eruenda erat sagax. ibid.  
 — liberalitate usus est erga urbem Patavinam. 51.C  
 — Verucam oppidum haud procul ab Aquileja erexit. 51.D  
 — Tridentum apud Retios validius firmavit. ibid.  
 — Alpi claustra nulli genti, quam Gothicæ credidit. ibid.  
 — Gothica præsidia ad suspectiores Italiæ custodias adhibuit. ibid.  
 — filiam Clodovei Francorum Regis in uxorem accipit. 51.E  
 — filiam suam Viscigothorum Regi Hispaniam tenenti tradidit. ibid.  
 — virili stirpe caruit. ibid.  
 — victoriam à Clodoveo obtentam ægerrime tulit. 52.A  
 — mirum in modum Arrianum nomen fovebat. ibid.  
 — genero Almarico suppetias fert. 52.B  
 — ob edictum in Arrianos pronunciatum legatos ad Justinum mittit. 52.D  
 — ejus mandatorum summa, quæ. 52.E  
 — legatos ad Justinum se missos redeuntes misere necavit. 53.B  
 — Boëtium Severinum, & Symmachum Socerum viros consulares interfecit. ibid.  
 — ventris profluvio magnis cruciatibus exstinguitur. 53.C  
 — Patavii conditor appellari potest. 66.E  
 Theodorus Archiepiscopus Ravennas se suamque sedem Agathon Pontifici submisit. 98.E  
 — classis Imperatoriæ præfectus in Illyritum declinat. 102.E  
 — Classis Imperatoriæ præfectus Arenetis naves accersit. ibid.  
 — Ravennates cedendo confectatus cum fugientibus in urbem est ingressus. 103.A  
 — Felicem Archiepiscopum Constantinopolim deducit. 103.B  
 — in templo S. Marci Alexandriæ Sacerdos. 181.D  
 Theodosius Hispanus in Imperium à Gratiano arrogatur. 16.B  
 — Romanam representavit virtutem. ibid.  
 — cum eo Romana virtus cecidit. ibid.  
 — II. Imperator Atrilam reprimit. 20.B  
 — Imperator Gothos compescuit. 42.C  
 — ad quascunque pacis conditiones adegit. ibid.  
 — cum Athalarico Rege Gothorum fœdus init. ibid.  
 — eoque tanquam milite Romano usus est. ibid.  
 Theudelinda uxor Agilulphi femina pietissima. 80.E  
 Thomas Mocenicus Dux Venetus. 192.D  
 Tiberius paludes Ravennæ in continentem redegit. 6.B  
 — Claudius primus Ravennam muro cinxit. 50.E  
 Ticinum ab Odoacro capitur. 40.B  
 Tiliamentum flumen præaltum ab Alpibus cadit. 6.B  
 Timotheus Rivalti tribunus contra dicit orationi tribuni Metamauceni. 168.A

Tomiris Tartarus vulgo Tamberlanus Bajazetem Turcam profligat. 123.B  
 Torcellum pars vel insula urbis Altini. 27.B  
 Torus annis à Natiffone raptus in Sontium cadit. 25.B  
 Totila ter longissime & atrocissime Romam obsedit. 60.C  
 — rem Gothicam in pristinum decus erexit. 63.B  
 — a Justiniano pacem per legatos frustra petit. ibid.  
 — fuit Rex artibus belli & militari disciplina instructissimus. 63.C  
 — ejus factum in Paulum equitum præfectum. 63.D  
 — obsessis in mole Adriani libertatem abeundi concedit. 64.D  
 — Paulum equitum præfectum pecunia & com-  
 meatu juvit. ibid.  
 — Thejam primarium belli ducem ad Langobardos destinandos transmittit. 68.C  
 — ob pecuniæ inopiam Duces ex hybernis educere non potuit. 68.D  
 — Longobardos pedite præstabat. 68.F  
 — habet Orationem ad exercitum. 69.A  
 — captivitatem timens acerrime pugnans occum-  
 bit. 70.D  
 Totilæ classis à Romanis profligabatur. 65.D  
 Tragurium urbs ab Attila diripitur. 22.B  
 Trajanus paludes Ravennæ in continentem redegit. 6.B  
 Triballi nunc Boffinenses. 146.F  
 Tribuni fuerunt primarius Magistratus Venetorum. 36.B  
 — in civilibus capitalibusque causis jus dicebant. ibid.  
 — erant annui. ibid.  
 Tridentum a Theodorico validius firmatum est. 51.D  
 Turcæ ad Mubametum transeunt. 87.A  
 — Taurum montem superant. 121.D  
 — in provincias finitimas excurrunt. ibid.  
 — nullis antiquorum scriptorum literis sunt celebrati. ibid.  
 — Scythas & à Caucasi, aut Caspii montis rupibus erupisse omnes consentiunt. 121.E  
 — prius pastoralis & contemnenda manu in Perside & Media latrocinia exercuere. ibid.  
 — Justiniani tempore usque ad Hellespontum penetrarunt. ibid.  
 — de eis annis ferme ducentis nihil scriptum reperitur. ibid.  
 — tempore Constantini V. Ciliciam occupavere. 121.F  
 — cum Persis & Saracenis continenter bella gesserunt. ibid.  
 — Saracenam superstitionem ea lege susceperunt, ut Saracenis imperitarent. 121.A  
 — & Saraceni in unum corpus coaluere. 122.D  
 Turci tempore Justiniani jam quinquies Italiam ingressi erant. 23.A  
 Turcomani quinam sunt. 122.E  
 Turricellus, locus insularis urbis Venetiarum. 31.D  
 Tyrannidis cupiditas ubi semel animum occupavit nullus esse potest adversus eam virtuti locus. 46.F  
 Tyrus urbs apud Phœnices in aquis fuit sita. 1. proem.

## V.

Valemir Gothorum Rex cum Atrila in acie stetit. 42.E  
 Valens Constantini nepos omnium acerrime Catholicos persequutus est. 16.B  
 — Imperator hæresi Arrhianæ additus. 41.E  
 — Gothos ad fidem Christianam adduxit. 41.F



# INDEX NOMINUM,

*Valens in proprias Ecclesias Catholicos Episcopos re-*  
*stitui curat.* 42. B  
*— à Gothis apud Adrianopolim prosligati sunt.*  
*ibid.*  
*— in agresti casa latens cum ipso tecto concrema-*  
*tur.* *ibid.*  
*Valentinianus Imperator Romanus Etium ob suspi-*  
*cionem affectati imperii occidit.* 20. D  
*— Imperator Ravennam munitionibus firmat.*  
*22. A*  
*— Imperator ad arcendos Hunnos ad Venetiæ fau-*  
*ces exercitum mittit.* 24. F  
*— Imperator à Maximo interficitur.* 36. E  
*— posterior ob terrorem Attilæ Ravennam per-*  
*munivit.* 50. E  
*Valerianus Ravennæ præfectus Anconi opem fert.*  
*65. B*  
*Vandali tum temporis admodum fuere celebres.* 36. F  
*— à Vandalo fluvio ita dicti.* *ibid.*  
*— partem Poloniæ tenuerunt.* *ibid.*  
*— Stiliconis tempore ad Rheni ripas confedere.*  
*ibid.*  
*— & Gothi Granadam obtinuerunt.* 89. F  
*Vandalus fluvijs nomen dedit populo.* 36. F  
*— fluvijs præterlabitur apud eos, qui Poloni*  
*dicuntur.* *ibid.*  
*Veſtarius Dux Vicentinus Arnephiti occurrit.* 94. D  
*— Arnephitem interfecit.* 94. E  
*Veneta initia potius Asiæ quam Galliæ sunt dicanda.*  
*4. B*  
*Veneti in Galliis oppida nomine Venetiarum habue-*  
*runt.* 1. proœm.  
*— prius Eneti sunt dicti.* 3. A  
*— ex Paphlagonia Asiæ regione post Trojam in-*  
*censam in stagna superi maris venere.* *ibid.*  
*— Galli scientia ac usu rerum nauticarum cæ-*  
*teros antecelluerunt.* 3. B  
*— sunt gens antiquissima & a magnis scriptoribus*  
*celebrata.* 4. A  
*— ex Asia oriundi immunes ab omni tributi col-*  
*latione semper exstiterunt.* 4. B  
*— ab Alexandro tributum pondere ne cogerentur*  
*impetrarunt.* *ibid.*  
*— & Galli iisdem majoribus sunt creti.* *ibid.*  
*— exercent aucupium non mediocri studio.* 7. E  
*— populi post Attilæ ex Italia discessum sex loca,*  
*præter alia minora, littorea ceperunt.* 31. D  
*— urbis diem natalem ab Ecclesiæ initio non ab*  
*Attilæ ingressa sumunt.* 36. A  
*— potius metu quam locorum amore in insulis con-*  
*tinebantur.* 35. C  
*— magistratum primarium Tribunos appellavere.*  
*36. B*  
*— ab Attila usque ad Narsetem nulla habent re-*  
*rum gestarum monumenta.* 36. D  
*— artem navigandi maxime excoluerunt.* 47. E  
*— in navibus omnem spem posuerunt.* 47. F  
*— ante omnia constituerunt redigere fluminum*  
*ostia in potestatem.* 48. B  
*— in primis frugalitati student.* 57. B  
*— luxuria & avaritia pestibus generis humani ca-*  
*rebant.* 57. C  
*— privata pro publicis habebant, publica pro pri-*  
*vatis.* 57. E  
*— majorem in modum justitiam excolebant.* *ibid.*  
*— maximæ fidei apud omnes gentes habebantur.*  
*57. F*  
*— cum piratis non de rebus tantum, sed de vita*  
*& sanguine dimicabant.* 58. B  
*— adempta libertate inter algam & arundines*  
*vitam non ducerent.* 58. D  
*— bello Gothico maxime increvere.* 61. B  
*— cum Bellisario in expeditionem apud Ravennam*  
*procedunt.* 61. C  
*— omnes paludes ab Aquileja usque Padusæ fla-*  
*gnum Ravennæ propinquum tenebant.* 61. D

*Veneti licet propriis vivant legibus, & subditi non*  
*sint imperio semper honorem detulerunt.* 62. E  
*— Imperatoribus nunquam paruerunt.* 62. F  
*— multis honoribus à Bellisario sunt affecti.*  
*63. A*  
*— virtutis nauticæ præclarum specimen apud*  
*Anconem edidit.* 65. A  
*— Narseti naves ad trajiciendas copias dedere.*  
*65. E*  
*— & Patavini iisdem prognati majoribus.* 66. E  
*— cum Saracenis arma sæpius contulerunt.* 90. A  
*— Gothorum tempore potius contemptui quam in-*  
*vidiæ erant.* 90. D  
*— Tergeſtinos piratas vincunt, prædamque reci-*  
*piunt.* 96. B  
*— supplicationes in memoriam hujus victoriæ in-*  
*stituunt.* *ibid.*  
*— annis fere sexcentis nihil de suis amiserunt.*  
*103. C*  
*— nihil vel mari vel terra intra hoc tempus ac-*  
*quisivere.* *ibid.*  
*— Dalmatia prima illis fuit receptio.* 103. D  
*— multa pretio, multa per deditionem sunt ade-*  
*pti.* 103. E  
*— per tercentum constituendis finium terminis de-*  
*pugnaverunt.* 104. C  
*— Taurisum, Patavium, Vicentiam, & Ve-*  
*ronam receperunt.* *ibid.*  
*— Ducis potestatem diffiniunt.* 108. A  
*— Ducem primum Paulum Heraclienſem creant.*  
*108. D*  
*— duce Paulo ab omni externorum injuria per-*  
*manſerunt illæſi.* 109. A  
*— legibus Imperatoriis abſtinuerunt.* 109. F  
*— ne præjudicium facerent Venetiæ libertati.*  
*110. A*  
*— æqui & boni plurimum rationem habebant.*  
*ibid.*  
*— leges suas statuta appellant.* 110. B  
*— sub Duce Urſo non solum se defendebant, sed*  
*invadebant hostes.* 111. D  
*— urbis Ravennæ receptione celebriores sunt fa-*  
*cti.* 111. E  
*— apud Metamaucum concilia cogi decernunt.*  
*119. D*  
*— Ducis electionem rejiciunt.* 119. F  
*— annuam potestatem creant.* *ibid.*  
*— summum magistratum militum magistros ap-*  
*pellant.* *ibid.*  
*— iterum ducem Deodatum Urſi filium creant.*  
*120. E*  
*— & Genuenſes per ducentos fere annos bella*  
*gesserunt.* 122. F  
*— Brondulum Caſtello muniunt.* 124. E  
*— potestatem ducis diminuerunt.* 125. A  
*— vindictam de Aquilejenſibus repetere conſti-*  
*tuunt.* 129. A  
*— diu deliberaverunt quam in partem declina-*  
*rent.* 136. F  
*— naves quinque Papiam ad Carolum Magnum*  
*mittunt.* 137. A  
*— ab Adriano Pontifice novum Episcopum Ri-*  
*valto petunt.* 138. E  
*— Obeliatum Eneagrii tribuni Metamauceni fi-*  
*lium Episcopum Metamaucenum conſtituunt.* *ibid.*  
*— cum Gothis aut Langobardis de ſalute ac li-*  
*bertate dimicarunt.* 141. A  
*— operam dant, ut ab Occidentali provincia exi-*  
*mantur.* 143. E  
*— ad Nicephorum Orientis Imperatorem legatos*  
*mittunt.* 145. E  
*— natu minor de eis Orationem ad Nicephorum*  
*habet.* *ibid.*  
*— petente Obelerio Beatum fratrem ducatus con-*  
*sortem cooptant.* 147. E  
*Vene-*



# RERUM AC SENTENTIARUM.

Veneti in sententiam Angeli Heracliani eunt. 155. B  
 — per orationem Honorii tribuni in Pipini amicitiam inclinare sunt visi. 152. C  
 — legatos ad Carolam Imperat. apud Theodonium in Germania agentem mittunt. 155. D  
 — Nicephorum, quid Francus terra marique molitur monent. 156. D  
 — Castellum in ulteriore Bronduli ripa valido firmant praesidio. 156. E  
 — nuntios ad classes imperatorias accersendas mittunt. 158. A  
 — praesidium Brundulensi Castello duplicant. ibid.  
 — omni modo ad repellendum hostem Pipinum se parant. 158. B  
 — littoribus relictis in Rivalentum transeunt. 159. A  
 — in navium agilitate & scientia peritiaque locorum praestabant. 159. E  
 — Canales praeter unum omnibus rebus muniunt. 160. E  
 — legatos ad Pipinum temporis producendi causa mittunt. 160. C  
 — loco, in quo classis Gallica est superata, Orfani nomen dedere. 163. C  
 — de finibus plurima bella susceperunt. 172. B  
 — mercatores aeduios templi S. Marci Alexandriae donis corrumpere tentant. 181. D  
 — quomodo Alexandria Venetias corpus S. Marci transfulerunt. 182. A & seqq.  
 — S. Marcum in patronum peculiarem assumpserunt. 183. B  
 — ducem Petrum Candianum in aedibus comburere volunt. 184. A  
 Venetia provincia ab oriente ad Aquilejam usque fuit extenta. 4. D  
 Venetiae nulla munita moenia habuere. i. proem.  
 — neminem conditorem asserere possunt. ibid.  
 — initium Deo optimo debent. ibid.  
 — ejus situs & condendi ratio est memorabilis. ibid.  
 — amplitudine, diuturnitate libertatis & rerum gestarum gloria inter primarias civitates annumerantur. ibid.  
 — provinciae fines priscis temporibus fuerunt obscuri & incerti. 4. C  
 — à dextera Alpibus, à sinistra paludibus & mari claudantur. 5. E  
 — metu invasionis Attilanae sunt consternatae. 22. A  
 — civitas rem nauticam mercaturamque ad se traduxit. 51. A  
 — ad transvehenda orientis aromata commodius erat sita, quam Ravenna. ibid.  
 — tempore Langobardorum familiis nobilioribus sunt referta. 71. D  
 — ex Langobardorum maxime calamitatibus sunt condita. ibid.  
 — magis persecutione Arrhiana quam Gothorum Longobardorumque servitia fuerant aucta. 85. B  
 — sacris rebus sunt divitiores omnibus civitatibus. 83. C  
 — à Cassiodoro primum plurali numero sunt ita dicta. 90. C  
 — non subitario concursu, sed sensim ad eam magnitudinem coaluerunt. 95. C  
 — inter magna malorum incommoda maxime sunt aucta. 99. E  
 — neutri parti imperii sunt adscripta. 143. F  
 Venetiarum fundamenta secunda quando sunt jacta. 144. A  
 Venetorum civitates ex Italiae calamitatibus increverant. 25. A  
 — opes & libertatem clades Patavina valde confirmavit. 48. E  
 — 81. C

Venetum mare gignit pisces longe sapidiores quam Tyrrhenum. 7. D  
 — causa ipsius. ibid.  
 Ventus ex montium vallibus quasi per fistulas irruens reddit aërem puriorem. 8. B  
 Verona ab Euganeis fuit condita. 4. D  
 — à Diacherico Attilae traditur. 26. A  
 — ad Theodoricum defecit. 46. A  
 Verruca oppidum Sontii amnis caput. 24. E  
 — à Theodorico Gothorum Rege est conditum. ibid.  
 — nunc Monfalconus appellatur. ibid.  
 Verruca oppidum haud procul ab Aquileja à Theodorico est erectum. 51. D  
 Ugo Comes Turonensis legatus Caroli Imperat. ad Nicephorum. 165. D  
 Victor Classis Venetae praefectus fuit nobilis Heraclianus. 161. A  
 — nuntios per omnes insulas & oppida, ut ad diem parati adsint mittit. ibid.  
 — convocatis navium praefectis atque navarchis orationem habuit. ibid.  
 — Classis Venetae praefectus instruit aciem. 162. C. D  
 — init pugnam cum Pipino. 163. A  
 Vincentia ab Attila fuit expugnata & direpta. 28. B  
 — ad condendas Venetias magnum convenarum numerum contulit. ibid.  
 Vincentius translationem S. Marci scriptis mandavit. 183. C  
 Vipagus amnis vallem Goritiae irrigat. 22. E.  
 — 75. B  
 — in Sontium amnem haud procul à mari exoneratur. ibid.  
 Visigothi ab Arcadio dimissi in Pannonias secedunt. 17. B  
 — summa de creando Rege inter eos oritur contentio. ibid.  
 Ulphius pater Ataulphi adolescentis a Marco sanatur. 174. A  
 Umagum Histriae oppidum. 183. A  
 Virtus supra omnem fortunam à gentilibus Philosophis collocabatur. 53. D  
 — eripi non potest, sed sola constans & perpetua felicitas est. ibid.  
 Virtus non in barbis ad genua promissis, sed in gladiis & lacertis pendet. 69. E  
 Vita brevior hominibus data, quam multis animantium generibus. 23. C  
 — brevis adimit plerisque cupiditatem res multas novandi ac turbandi. 23. E  
 Vitalianus Pontifex Constanti Imperatori obviam prodit. 92. F  
 Vitalis Michael II. Dux Venetus. 72. A  
 — Falerius Dux Venetus. 187. E  
 — — ignorabat ubinam locatus esset S. Marcus. ibid.  
 Vitigis Gothorum Rex terris Italiae exclusus, Ravennam sese recepit. 61. C  
 — & Francos & Burgundiones in auxilium accersit. 62. D  
 Vitruvius scriptor nobilis. 8. A  
 — affert causas aëris temperiei. ibid.  
 Urbis Venetiarum descriptio quoad situm, gentis vitum, exercitia & mores. 56. C  
 Urso Patriarcha Gradensis per seditionem civilem Histriam concessit. 79. B  
 Ursus Marcello duci sufficitur. 111. A  
 — Venetum nomen, rebus praeclare gestis primus illustrat. ibid.  
 — sub eo Veneta juvenus ad arma tractanda excitata est. 111. B  
 Ursus Dux Venetus habet orationem ad populum Venetum. 113. D  
 Ursus



# INDEX NOMINUM, RERUM AC SENTENTIARUM.

Urfus ob favorem in suos cives odium populi Veneti  
incurrit. 118.B  
— quasi malorum auctor interficitur. 118.C  
— Particiacus Episcopatum Castellatum tertio  
loco tenuit. 138.F  
— Ecclesiam civitate & Episcopo dignam erexit.  
ibid.  
— Petro Apostolo eam dedicavit. ibid.  
Ufus Privatus plus potuit, quam publicæ opes.  
6.E

Z.  
Zacharias Pontifex moritur. 120.E  
Zeno Isauricus occiso Leone Imperium suscepit. 42.F  
— Theodoricum Theodemiris regis Gothorum fi-  
lium summis beneficiis est prosequutus. ibid.  
— Abbas S. Nicolai in Chronico vetusto appari-  
tionem S. Marci testatur. 190.A  
Zozimus Pontifex Romanus. 10.E  
Zulemon Saracenus Constantinopoli bellum infert.  
115.F.  
Zulium vicus corrupto nomine pro Julio appellatur.  
82.C

F I N I S.





DONATI JANNOTII,

*Reipublicæ Florentinæ à Secretis,*

DIALOGUS

DE

REPUBLICA  
VENETORUM,

cum

NOTIS

NICOLAI CRASSI.

*Editio Novissima, Emendatior & Auctior.*



LUGDUNI BATAVORUM,

Sumptibus PETRI VANDER Aa,

*Bibliopolæ, & Typographi Academiae atque Civitatis.*



THE NEW YORK PUBLIC LIBRARY

ASTOR LENOX AND TILDEN FOUNDATIONS

500 N. 5TH ST. NEW YORK, N. Y.

THE NEW YORK PUBLIC LIBRARY  
ASTOR LENOX AND TILDEN FOUNDATIONS  
500 N. 5TH ST. NEW YORK, N. Y.

THE NEW YORK PUBLIC LIBRARY  
ASTOR LENOX AND TILDEN FOUNDATIONS  
500 N. 5TH ST. NEW YORK, N. Y.

THE NEW YORK PUBLIC LIBRARY  
ASTOR LENOX AND TILDEN FOUNDATIONS  
500 N. 5TH ST. NEW YORK, N. Y.

THE NEW YORK PUBLIC LIBRARY  
ASTOR LENOX AND TILDEN FOUNDATIONS  
500 N. 5TH ST. NEW YORK, N. Y.

THE NEW YORK PUBLIC LIBRARY  
ASTOR LENOX AND TILDEN FOUNDATIONS  
500 N. 5TH ST. NEW YORK, N. Y.

THE NEW YORK PUBLIC LIBRARY  
ASTOR LENOX AND TILDEN FOUNDATIONS  
500 N. 5TH ST. NEW YORK, N. Y.

THE NEW YORK PUBLIC LIBRARY  
ASTOR LENOX AND TILDEN FOUNDATIONS  
500 N. 5TH ST. NEW YORK, N. Y.

THE NEW YORK PUBLIC LIBRARY  
ASTOR LENOX AND TILDEN FOUNDATIONS  
500 N. 5TH ST. NEW YORK, N. Y.

THE NEW YORK PUBLIC LIBRARY  
ASTOR LENOX AND TILDEN FOUNDATIONS  
500 N. 5TH ST. NEW YORK, N. Y.

THE NEW YORK PUBLIC LIBRARY  
ASTOR LENOX AND TILDEN FOUNDATIONS  
500 N. 5TH ST. NEW YORK, N. Y.



# PRÆFATIO

## HUJUS NOVÆ EDITIONIS.

**A**CCIPE hic, Benevole Lector, florentissimæ æque ac sapientissime institutæ Reipublicæ Venetæ descriptionem egregiam. Debemus hanc operam Donato Jannotio, Senatori Florentino, ejusdemque Reipublicæ à Secretis, ut reliquas ejus dignitates, & quibus summa cum laude functus est, officia taceamus, provocantes ad subsequens magni Gerardi Joannis Vossii Testimonium, ubi & plura recensentur, quæ Auctor posteritati reliquit, eruditionis & ingenii monumenta. Præsens operis dignitas moverat Nicolaum Crassum, ut in illud simul & Gasparis Contareni de Republica Venetorum Libros V. quædam annotaret, quæ eandem ac Jannotii & Contareni Labores apud Viros maximi Nominis videbamus obtinere æstimationem. Subjuncta vero erant sub finem Jannotii, nulla nisi aliquot verborum apposita allegatione, adeo ut pervolvendus erat fere à capite ad calcem usque totus Liber, ubi sciri debebat, ad quem illustrandum locum hæc vel illa pertineret Nota. Ea molestia ut levaremus Lectorem, cum præsens opus ob utilitatem ejus ac præstantiam, ad optimas editiones, demuo curaremus imprimendum: Annotata illa Crassi paginis mox subjecimus, ut Textus & Notæ illum illustrantes uno habeantur intuitu. Nihil præterea omisimus, quo opus quâ literas, quâ chartam exhibeamus nitidissimum. Nomina propria, ut eo facilius pateant, diversis a contextu literis imprimi curavimus; quod & observavimus, ubi, absoluta una materia, ad aliam transit Auctor. Indicem tandem subjecimus Rerum & Verborum accuratorem & locupletissimum. Hæc sunt, Benevole Lector, de quibus Te monitum volumus. Vale, nobisque fave.

---

## J U D I C I U M

DE

### AUCTORE NOSTRO

## GERARDI JOANNIS VOSSII,

*Lib. III. Cap 7. de Historicis Latinis.*

**J**ANNUTIUS MANETTUS, five, ut eum Leander Albertus vocat, Janetus Manetus, discipulus erat Emanuelis Chrysoloræ, condiscipulus Dominici Flocci. Senator fuit Florentinus. Equestri dignitate ornatus est à Nicolao V. Legationes varias ad Reges, Principesque, atque etiam Pontificem Maximum obiit. Vir erat trium linguarum peritus: ut qui ex Hebræo Psalterium, ex Græco Isagogen Porphyrii, & Aristotelis Categoriarum Librum verterit. Multa etiam alia illi debemus: interque ea Libros VI. de Illustribus Longævis; de Vita Nicolai V. Pont. Max. Libros IV, qui Romæ in bibliotheca Vaticana, & Pisauri in Serenissimi Ducis bibliotheca, adservantur; Historiam de Rebus Genuensibus Lib. II; Laudationem Genuensium, quæ MSa Oxonii exstat in bibliotheca Collegii Novi; Historiam Pistoriensium Lib. III, quam edidit, cum Reipubl. Florentinæ nomine Pistorium gubernaret; Vitam Alphonsi Regis, quam

\* 2



quam non absolvit. Item *Vitam Socratis, Sengæ, Plutarchi, Dantis, & Bocacii*: quarum duæ primæ exstant *Cæsenæ* in bibliotheca Franciscana. De eo sic canit *Ugolinus Verinus* Lib. 11. Florentiæ Illustratæ:

*Est quoque Fannocti celeberrima Fama trilinguis,  
Plurima qui Hebræo de fonte volumina vertit*

*In Latium, & nostris dedit hæc noscenda MANETUS.*

Ubi pro *Fannocti*, uti *Parifina* habet editio, malim *Fannotti*, cum *Italīs* sit *Giannotto*: unde verum nomen sit *Fannottus*, vel *Fannotius*: ut fortasse etiam apud *Leandrum* in *Thufciæ* descriptione, Pag. 70. Ed. Colon. ann. 1567. ubi *Fannetus* vocatur, *Fannotus*, vel *Fannotius*, debeat reponi. Natus est *Florentiæ* anno clccccxvi. ix. Kal. Jul. Obiit *Neapoli* anno clcccclix.

## EPISTOLA DEDICATORIA, QUÆ

In Editionibus veteribus

NOTIS IN AUCTOREM NOSTRUM

Præfixa habebatur.

ERUDITISSIMO VIRO, ATQUE VENETO  
SENATORI AMPLISSIMO,  
DOMINICO MOLINO,  
NICOLAUS CRASSUS

S. P. D.



FFERO tibi, *Moline*, Senator amplissime, *Notas*, quæ iussu, & auspiciis tuis ad *Fannotium*, & *Contarenum* conscriptæ sunt: exiguum profecto munus, sed multis nominibus tibi debitum. Tu namque *literatorum Mecænas*, & Princeps, eorum omnium, qui studiis atque doctrinis dediti sunt, scripta jure quodam tuo tibi vendicas. Cum vero nihil *Patriæ* libertate, atque amplitudine sanctius & antiquius habeas, hæc nostra qualiacunque sint, quæ ad *Venetæ Reipublicæ* splendorem, & dignitatem pertinent, tibi quidem uni, & hercule merito tuo debentur, præterea nemini. Quid? quod tu non solum in causâ fuisti, ut huic operi manus admoverem; sed multa adjumenta subministrasti, ut à te profectum opus ad te reverti meritissimo videatur. Accipe igitur ab homine, qui jam inde à patre, & majoribus est in ære tuo, æternum hoc non grati minus, quàm devincti animi testimonium: cumque pro ingentibus meritis in me tuis, viriumque mearum imbecillitate non sim solvendo, concede saltem, ut levi hoc munusculo omnia tuâ causâ & velle, & debere non modo fatear, sed etiam profitear, & præ me feram. Vale.



# DONATI JANNOTII,

*Reipublicæ Florentinæ à Secretis,*

## DIALOGUS

DE

## REPUBLICA VENETORUM.

PERSONÆ,

TRYPHO GABRIELIUS,

ET

JOANNES BORGARENUS.



QUI studio varios hominum mores cognoscendi allekti ad urbes, exterasque regiones peragrandas mentem appulerunt, diligenter animadvertere, notareque solent, si quid uspiam offendant, quod ob infirmam aliquam vel conditionem, vel causam absque accuratissima contemplatione prætermitti nequeat, unde non ipsi tantum prudentiores doctioresque fiant; verum etiam qui domo pedem nunquam extulerunt, ex ea peregrinatione fructum aliquem colligant. Quo sane fit, ut aliqui cum publicorum, tum privatorum etiam ædificiorum exempla capiant; quidam vero, si qua sunt reliqua vetera monumenta, illa perscrutentur; alii quid regio quæque ferat eximium, atque singulare, cognoscere velint; nonnulli, prout in aliquam vel arcem, vel urbem inciderunt natura, sive operibus artis ita communitam, ut inexpugnabilis habeatur, ejusdem formam, atque figuram exprimere studeant, deductis ad ipsam rem imitandam quam proxime lineis: unusquisque tandem ea notat, atque observat, quibus suum ipsius ingenium potissimum capitur, aut etiam quorum commemorationem audientium auribus cum jucundiorum, tum etiam admirabiliorem posse accidere existimat. Ab hac igitur laudabili consuetudine cum minime discedendum mihi judicarem, aliquid monumentis litterarum prode constituui, quod hæc ipsa præstaret, ac testatum relinqueret, quasunque provincias, aut urbes hoc anno perlustrassem, posteaquam mihi Florentiâ discedere contigit, sine illo fructu neutiquam obitas fuisset, quem trahere, & percipere debent omnes illi, qui dormien-

A dum sibi in hac vita minime putant. Cum vero diu cogitasset, quæ potissimum scriberem, ea commemoranda non duxi, quæ superius enumeravi, propterea quod ipsorum notitiam quilibet aliunde sibi facile comparare, atque haurire potest; amici autem mei, quibus ego rem gratam facere in primis studeo, his multo præstantiora, atque majora intelligere cupiunt. Quapropter in eam sententiam adductus sum, ut æque jucundos, & hilares, atque serios, & graves exponerem, atque traderem sermones quosdam, quos cum nostro Joanne Borgareno duo Veneti Patricii contulere, Tryphon Gabrieli, & Hieronymus Quirinus, atque etiam unus Patavinis civibus Nicolaus Leonicus, omnes cumulatissimi plurimis, maximisque virtutibus, ipsaque fama celeberrimi, & maxime illustres. His autem sermonibus cum ego quoque interfuissem, id quod magnopere semper optaveram, ex iis intellexi, Venetæ Reipublicæ scilicet administrationem, maxime dignam quidem illam hisce temporibus, quæ à cunctis intelligatur, nec non observetur, neque vero minus à nobis omnibus suspiciatur, quam priscis illis temporibus suspicerentur Reipublicæ Lacedæmoniorum, atque Romanorum. Et quoniam sermo primum habitus<sup>1</sup> fuit de Administratione illius Reipublicæ in genere, deinde vero de singulis Magistratibus, postremo de Forma, sive Temperatione ejusdem Reipublicæ; à primo nobis etiam fuerit auspicandum, non solum quia natura ita comparatum est, ut communiora faciliorem intelligentiam habeant; sed etiam quoniam ab hoc primo sermone proximus alter totus necessario pendet, ab utroque autem tertius eadem ratione. Atque ut melius intelligatur, & percipiatur, quæ fuerit occasio Tryphoni Gabrieli, horum sermonum auctori, collo-

1. Et quoniam sermo primum habitus fuit, &c.] De Veneta Republica tria proponit Iannotius tractanda, quæ totidem dialogis completi instituerat. Ex his desiderantur postremi duo, aut non editi in lucem, aut ab implicito occupationibus aliis nunquam conscripti. Veruntamen ea, quæ altero dialogo de singulis Magistratibus fuerant expli-

canda, memoriæ prodidit eruditissimus, atque illustrissimus vir Caspar Contarenius, ex quibus expleri poterunt ea, quæ desunt huic loco: quodque pariter dialogo tertio disputandum fuerat de genere, sive forma Venetæ Reipublicæ. Nos ejusdem Contareni opinionem explicaturi pertractabimus, ut huic quoque desiderio satis à nobis fiat.



loquendi, atque disputandi his ipsis de rebus, paulo quidem altius, & aliquanto longius à re proposita exordium repetam, mox tamen sequar eundem ordinem, quem adhibuit ipse in suis gravissimis, sapientissimisque sermonibus instituendis.

Itaque cum *Patavium* accessissem, ab *Ioanne Borgareno* ciye nostro accersitus, ut una liberalissimis artibus operam daremus, ubi quieti dies aliquot sunt à me concessi, id in primis curavit *Ioannes* vir admodum prudens & humanus, ut diligenter, & per otium aspicerem, quicquid esset in illa urbe pereximium, atque singulare, nimirum publica, & privata quæque ædificia cum elegantissima, tum etiam ornatissima, nec non mœnia recentissime extructa circa totam urbem, quibus inexpugnabilis eadem redditur, alia quoque plurima ejus generis, quibus à me diligentissime inspectis, atque animadversis, dedit ille operam, ut aliquot insignes, atque egregios viros, qui *Patavii* tunc erant, de facie cognoscerem. Quare cum perductus fuisset ab eodem ad virum summis honoribus, summaque reverentia dignissimum *Petrum Bembum*, cujus fama propter eximias animi virtutes longe, lateque diffunditur, sane quam facile aditum impetravi. Conveni præterea *Nicolaum Leonicum*, Græcæ, Latinæque Philosophiæ maximum magistrum, prout unicuique cognoscere licebit ex iis, quæ non pauca conscripsit, atque in lucem edidit. Versabatur *Gabrielius Trypho* tunc in quodam suo prædio, ubi diu, multumque commorari ipse consueverat ab omni procul ambitione liber, atque expeditus à cura, & sollicitudine civilium rerum, & ob eam quoque rem incommodorum expers, quæ urbana vita secum plurima afferre solet. Ille vero in sua villa satis beate, ac feliciter fruitur hac vita, communi- que omnibus spiritu, & quidem tanta cum animi sui tranquillitate, quantam maxime potest humana mens capere; neque sane ullum tempus intermittit, quin antiquissimos illos, & præstantissimos viros sibi socios adhibeat, *Marcum*, inquam, *Tullium*, *Virgilium*, *Horatium*, *Dantem*, *Petrarcham*, atque *Boccacium*, quibuscum ille continenter atatem agit in evolvendis eorum voluminibus multum occupatus. Et quoniam villa, in qua degit, non multum abest ab Urbe, usu etiam venit eidem, ut citra incommodum *Patavium*, quoties liber, frequentare possit, ad amicis impertiendum aliquid suæ suavitatis ex consuetudine, quam profecto universi, qui noverint hominem, expetere, atque complecti quam avidissime solent. Nam præter insignem morum suorum gravitatem, refertus est quam maxima comitate, & benignitate, quæ res cunctorum mentibus afferunt incredibile quoddam Viri desiderium. Veruntamen id in præsentia mihi non est propositum, ut hujus nobilissimi Viri egregias virtutes prædicandas suscipiam, propterea quod & ipse laudibus à me profectis non indiget, & ego potius ad sermones, quos habuit, exponendos propero, quæ documenta præstiterint uberiora insitæ virtutis. Posteaquam igitur intelleximus eundem *Patavii* futurum intra spatium bidui, decrevimus expectare potius adventum suum, quam eò nos conferre: quo quidem curriculo elapso statim atque fuit auditum à nobis ipsum advenisse, salutandi causa convenimus ad ædes *Petri Bembi*, apud quem divertere solet, cum *Patavium* venit, ibique Hominem nacti ex animi voto, perhumane atque peramanter ab eo fuimus accepti. Peractis autem mutuis salutationibus, ubi suam operam, atque studium alter alteri detulit, quemadmo-

dum moris est inter illos, qui non sunt antea noti, in quoddam cubiculum secessimus ab ipso deducti, quod aliquantum aberat ab ædium frequentissima parte, ibique ut assedimus, colloqui cœperunt ipse *Trypho*, & *Ioannes* in hanc sententiam.

*Trypho*. Multum est, mi *Ioannes*, id, quod tibi debeo, cujus opera, atque studio in singulos dies novis copiis amicorum subinde augeor: quæ sane res tanti est apud me, ut neque abs te, neque à quoquam alio majus, & præstantius beneficium accipere queam.

*Ioannes*. Si noster amor, nostraque amicitia patitur, suavissime *Trypho*, ut alter nostrum alteri quicquam debeat, ego sane plurimum tibi debere me sentio pro multis officiis, in quibus hoc ipsum esse non postremum duco, quod per te mihi licet iis, qui me invisuri *Patavium* accedunt, amicis meis, impertire fructum jucundissimum tuorum sermonum, eoque cum honoris, tum officii genere eos prosequi, quod multo pluris absque dubio faciendum est, quam si quis exhibeat ad spectandum ædificia magnifica, vias publicas, ædes sacras, atque id genus alia, quæ præclara, & maxime insignia videntur esse in hac Urbe. Hinc etenim contingere vix unquam potest, ut aliquis evadat prudentior, & sapientior, quam fuisset antea: sed consuetudines, & colloquia cum probis viris id præstant, ut quisque non modo magis prudens excitata industria, verum etiam fiat & solertior, & promptior ad amplectendas virtutes. Quare si quis amicorum me adit longe charissimus, huic ipse tribuere valeo nihil amplius, sat scio, sive ad jucunditatem aliquam, sive ad animi fructum, quam tuam consuetudinem, & familiaritatem. Omnes enim eximias, singularesque virtutes, unde singulorum mentibus ea vis, quam dicebam, ingeneretur, in te perspicere, atque intueri ipse mihi videor. Sed quia in hunc sermonem incidimus, aveo tibi dicere, quid nobis in mentem venerit, cum te modo adiremus.

*Trypho*. Dicit, mi *Ioannes*, quicquid lubet: id enim mihi quoque futurum est perjucundum, quod esse visum fuerit ex animi tui sententia. Unà conterere totum debemus hunc diem, & si aliquid est nobis optandum, quo tædium levemus, nihil optabile magis arbitror, quam scitum aliquod colloquium.

*Ioannes*. Cum ad te proficisceremur modo ex ædibus nostris, cœperam huic familiari meo tuos mores exponere, & hujusce vitæ rationem à te institutæ, quæ mihi quantum probetur, vix queam verbis consequi. Cogitantibus autem nobis quisnam existeret, quicum conferendus esses è veteribus, is in mentem venit, quem *Cicero* longe amicissimum habuit, suisque scriptis admodum celebravit, *Pomponius Atticus*. Si quidem ambo nati estis è gente Patricia, patriamque nobilissimam, atque celeberrimam nacti: *Pomponius* autem cum materna sua lingua facundissimus esset, *Græci* sermonis fuit etiam sane quam peritus. Tu quoque cum hac vernacula lingua, quâ modo utimur, tum *Latino* sermone, & scribis, & loqueris omnium quàm ornatissime, atque elegantissime. Pares itidem, & similes estis adeo liberalitate, ut ea certo statui non possit uter antecellat. Quamvis enim eandem, quâ *Pomponius* olim magnificentia pecunias, & facultates tu largiri non possis, qui à re domestica non ita es, ut ille, paratus; magna tamen est copia tibi, quæ nunquam deficiet amplissimarum virtutum, atque maximarum, quas cum aliis quia communicare perbenigne lo-



soles, hoc sane fit, ut liberalitas tua sit eò maior, atque excellentior habenda, quò magis antecellunt virtutes divitiis, atque iis omnibus, quæ vocantur fortunæ bona. Quod autem vos quam simillimos, & quam conjunctissimos efficit, est id vitæ genus, quòd uterque vestrum pariter colit, atque amplexus est. *Pomponius* semper à publicis negotiis vacuus, solutusque vixit: tu vero civilium rerum quamvis peritissimus, ut ille quoque fuerat in sua Republica, nihilominus ab ipsarum administratione te contulisti ad hanc vitæ summam quietem, & tranquillitatem, qua certè quemadmodum ille ita fruebatur, ut aliis etiam prodesset, atque adeo prospiceret, quibuscumque consiliis, atque rebus maxime posset: sic etiam tu nihil officii in quiete hac tua prætermittis, quòd à te proficisci in communem rem possit. Itaque in hac ipsa collatione facienda cœpimus accurate inspicere, atque animadvertere utriusque temporis rationem, atque conditionem præsentis, inquam, ætatis, atque illius, quæ tunc erat, utrum his quoque intercederet ea similitudo, & conjunctio, quam vobis ipsis intercedere palam intuebamur, ut id, quòd vulgo prædicari, jactarique solet, eandem sæpenumero condiciones temporum redire, & incurrere, tanquam verum, minimeque ambiguum affirmari posset, argumento quidem ad fidem faciendam multo efficaciori, quam indu-

*Trypho.* Persuasissimum quidem habeo, id verum quam simillimum esse, sive Apophthegma, sive Proverbium appellare velimus, multis saltem ex partibus, si non omnino. Conjicere autem hoc ille facillime potest, qui mentis aciem, & contemplationem voluerit intendere ad eum, qui nunc est, rerum statum, *Italique* miserrime affectæ conditionem, cujus quidem infortunia, & calamitates duo tempora mihi videntur habere spectanda præcipue; alterum quòd ipsi pariter *Italique*, ac Imperio Romano prima causa, & origo malorum fuit, quando *Cæsar* suis armis Urbem oppressit; alterum, quòd ejus miseras tandem ad summum extulit, quo tempore *Gothi*, *Hunni*, *Vandali*, atque *Longobardi* totam Regionem excurrentes sceleratissime sunt depopulati. Nunc autem si contemplari pergamus ea, quæ cum in Oriente, tum in Occidente paucis abhinc annis plurima contigerunt, animadverti facile poterit, iis omnibus, qui in *Italia* degunt, alterum ex illis temporibus imminere: utrum autem sit magis pertimescendum, expedire non possum. Nam prius illud tempus, quòd antecessit, ab altero deinde proximo fuit exceptum, unde vicissitudines omnes illæ ortum habuerunt, quæ cunctis rebus eam, quam cernimus adhuc, faciem induxerunt, abolita penitus, & sublata jam pridem forma, quæ temporibus fuerat veterum *Romanorum*. Sed nolo certe committere, ut totus hic dies tribuatur nostris ærumnis, calamitatibusque recensendis. Quare veniam ad id, quòd præcipue me attingit: nam quæ tu modo de me affirmabas, ego minime probo. Vide autem ne summa tua benevolentia erga me omnem modum excedat, teque in fraudem adducat: quandoquidem nullam in me tam insignem virtutem agnosco, ut cum tali viro, qualis fuit *Atticus* ipsa re, videar comparandus. Illud tamen in præsentia non differam, utrum cum eo componendus ipse, nec ne sim; propterea quòd in hac disputatione si nonnihil versarer, merito suspectus evaderem, quasi existimarem, ingenio, aut prudentia *Pomponium* æquari à me posse. Quòd autem modo dicebas, nos quam

A simillimos reddere, in eo similitudinem aliam nullam esse video; quam cujusdam eventus. Nam, quemadmodum ille administrationem Reipublicæ attingere noluit; ita sponte à publicis muneribus ego me subduxi: sed rationes, & causæ non sunt eadem, quæ nos impulerunt ad optandum idem vitæ genus, quin immo plane sibi sunt adversæ, & contrariæ. *Pomponius* enim cum intelligeret suam Rempublicam corruptissimam esse, neque vero integrum sibi fore, ut formam pristinam eidem restitueret, ab eadem gerenda destitit, ne simul periret; siquidem Respublica, quæ non manet in suo statu, perinde se habet, atque mare tempestatibus agitata, cui si quis interea se, suæque committit, non habet inde facultatem arbitrato suo pedem referendi. Ego vero curam omnem civilium rerum non ob id omisi, quandoquidem nostra Respublica non est depravata, quin potius hac ætate (ni fallor) est omnium absolutissima, atque perfectissima, si fuit unquam alias, quippe cujus ratio est ejusmodi, ut excellentioribus institutis temperari nequeat, neque vero majori cum tranquillitate, & concordia geri, cum sit à seditionibus infitis plane disjuncta, omnibusque iis rebus, quæ florentissimis Civitatibus perniciem afferre solent, quòdque longe præstantissimum est, optimorum, fortissimorumque civium magna copia floret, quorum sapientia, & virtute quam felicissime regitur. Quamobrem ipse mihi non parum congratulor, primum quòd in *Italia* præcipue natus sim, hoc est in regione cæterarum principis, ac regina; deinde *Venetis*, qua in Urbe multas ex illis virtutibus expressas licet intueri, quæ de priscis hominibus illis cum *Romanis*, tum *Græcis*, constanti fama, & omnium sermone celebrari solent. Atque eo sane fit, ut neque *Lacedæmoniorum*, neque *Romanorum* multum invidiam Reipublicæ: licet enim tot gentes, provinciæque ceciderint sub hujus imperium, quòd omnes noverunt; non tamen idcirco minus beatam, felicemque nostram ipse duxerim; quandoquidem non est in magnitudine imperii publica felicitas sita; sed in ea re, ut pacate, & tranquille cives omnes vivant; quo in genere, si nostram Rempublicam dixerò *Romane* antecellere, puto equidem fore, ut nulli prorsus accusationi jure sim obnoxius. Ex his igitur, quæ disputavi, potes intelligere, iisdem rationibus me non adductum fuisse, ut hoc ipse genus vitæ instituerem complecti, quibus impulsus est olim *Pomponius Atticus*. Commemorare autem nihil modo attinet, quid me induxerit ad suscipiendam hanc rationem vitæ: quòd si forte cognoscere studeas, atque instare pergas, hoc unum certe in præsentia dixerò; ad hanc vitam liberam, & omnibus curis humanis expeditam, ipsa natura me propensum semper exstitisse, eandemque libentissime complexum fuisse; quòd certo scirem patriæ meæ nihil hanc rem vel officere, vel incommodare, cui quidem cum suppetat ingens copia præstantissimorum civium, nihil opus est opera, vel industria mea. Præter hæc, alia non pauca possem adducere ad hanc ipsam vel causam, vel defensionem meam; veruntamen ea dixisse, quæ audisti, sufficiat.

*Ioannes.* Valde mihi probantur isthæc omnia, quæ de te, atque *Pomponio* differuisti, in quibus modestiam ingenitam tibi facile cognovi. Sed in præsentia nolo ad tuas laudes prædicandas ingredi, cum præsertim eæ non satis æquis auribus à te accipiantur, ut ego quidem arbitror, ea de causa quòd existimes, ibi non esse verbis, & sermonibus opus, ubi res ipsa loqui-



tur, operaque extant. Enimvero si recte sermones tuos ipse animadverti, dictum est à te modo, non habere te, quod *Romanis* ita multum invidias, & tantum non æquare cum illis cives tuos cœpisti. Dic ergo sodes: Ene tu revera in hac sententia, ut existimes, Rempublicam vestram cum *Romana* comparari posse?

*Trypho.* Ita plane sentio. Nam, quamvis imperium nostræ Civitatis, ut modo dicebam, amplitudini *Romane* respondere nullo modo queat; alia tamen, & satis quidem multa non defunt, quibus ea quoque multum superatur à nobis, unde compensatio quædam, & æqualitas oritur. Quidam autem ex iis, quorum monumentis Res à nostra Republica gestæ commendatæ fuerunt, <sup>1</sup> in quorum numero est, ne quid te celem, M. *Antonius Sabellicus*, quem virum nomine coram aliis minime appellassem, ne quis existimaret à me illum accusari; qui summa eloquentia nostræ Urbis res illustravit; fuerunt, inquam, nonnulli, qui *Venetam* Rempublicam cum *Romana* conferre voluerunt; sed in ea collatione instituenda non usi sunt ea prudentia, quam res exigebat. Nam bella nostra tantummodo cum *Romanorum* bellis contulerunt, quæ procul dubio vel intervallo quam longissimo non possumus assequi. Neque verò quisquam est adeò rudis, atque rerum expers, quin, ubi collationem à *Sabellico in Historiis suis* institutam legerit, eandem sentiat assentationem quandam manifestissimam esse, <sup>2</sup> cum tamen idem multa præterierit, atque missa fecerit, quæ sa-

tis confidenter afferre poterat, iisque fundamentis innixus utramque rempublicam citra ullam suspensionem assentandi inter se componere.

*Ioannes.* Tui quidem hi sermones, *Tryphosua-*vissime, cupiditate sciendi magna me incitarunt, quam ratione vestra Respublica *Romanam* æquiparet. Profecto si rem ita se habere putarem, esset quod animo ingentem voluptatem caperem, dum cogitarem, non esse damnanda tam facile hæc tempora, quibus ejusmodi Rempublicam stantem intueamur, quæ minime concedat antiquissimis illis, quæ sermonibus, & prædicatione cunctorum sunt adeò celebres. Quæso igitur, ne graveris, quando in sermonibus ejusmodi hic dies traducendus est, hoc ipsum, quod ajebas modo, mihi comprobare.

*Trypho.* Nihil, quod tibi jucundum accadat, mihi grave duco: sed heus tu, habesne compertum, quanam ratione Respublica à nobis administraretur? quæ sit ejusdem forma? quæ temperatio? quæ leges?

*Ioannes.* Equidem legi pridem quoddam *Sabellici* opusculum, in quo vestri Magistratus omnes percententur: percunctatus etiam sum à pluribus, modo hoc, modo illud: sed tamen ex iis omnibus, quæ vel ipse legi, vel ab aliis accepi, nondum Reipublicæ vestræ administrationem plane sum affecutus, quemadmodum se habeat, & cujusmodi sit. Atque ut dicam illud, quod ipse sentio, ille *Sabellici* libellus non est magno usui. Licet enim commemoret, atque enumeret singulos Magistratus, tamen non subjicit oculis, neque exprimit ipsam formam, & coagmen-

<sup>1</sup>. In quorum numero est, ne quid te celem. M. *Antonius Sabellicus*.] Satis acriter Auctor hoc loco perstringit *Sabellicum*, quem apertissime assentationis nomine condemnat; quin, ut vulnus altius infligat, talem civem, & Patricium *Venetum*, qualis *Trypho Gabriellus* fuit, summa opinione integritatis, atque innocentiae hæc differentem inducit, quæ tamen ab eo profecta nullo modo existimo, sed ab ipso *Iannotio in Sabellicum* non bene animato, qua de causa, incertum; non enim decet judicium interponere in re minime nota. Ab *Iannotio* certè, quod constat, *Bodinus* hausit, vir doctrina varia, & multiplex, magnæque eloquentia, sed præcipiti nimis ad res innovandas ingenio, & ad optimis quibusque auctoribus detrahendum maxime proclivi. Insectatur is quam acerbissime pluribus in locis, sed præcipuè *Cap. IV. sua Methodi* *Antonium Sabellicum*, quem incescit his verbis: *Quis autem risum tenere possit, qui Sabellici scripta legat, ubi Venetorum bella cum Romanis gestis comparat. At ne Donatus quidem Iannotius civis Venetus istam comparationem ferre potuit.* Equidem *Bodino Iannotius* eam gratiam debet, quod *Venetus* civis è *Florentino* sit repente factus: quanquam id ut memoriæ lapsus excusari potest. Illud autem quam ratione excusari poterit, hominem, qui prudens atque sapiens haberi velit, ab alieno sic pendere judicio atque sensu, ut temerè sententiam ferat incomperita re, aut certè non probè cognita, matureque perpensa. Nam si *Bodinus* ea, quæ *Sabellicus* scripsit, non oscitanter legisset, hanc *Iannotii* censuram minime probasset, neque Virum innocentissimum irrisset, ne risus in se tandem consequerentur. Sed audiamus ipsum *Sabellicum* suis verbis loquentem. Volumus enim, ut non alius, quam ipse, causam suam agat, & se ipsum vindicet à calumnia per injuriam imposita. Hæc igitur ait in Præfatione, seu Proœmio suæ Historiæ *Rerum Venetarum*. *Fuerunt populorum quorundam, qui imperio quandoque potiti sunt, res, quis nesciat? magnifica & ampla, vel in primis Romanorum, quibus splendore ac magnitudine eorum, qua foris gessere, fortasse cedimus: verum sanctitate legum, juris æquatione, innocentia, ceterisque sanctioribus institutis res Veneta cum Romanis collata non modo non deteriores illis, sed longè etiam, adfuit modo æquus iudex, meliores reperirentur.* Fatetur ergò *Sabellicus* ingenuè id, quod res est, neque amplitudine imperii, neque rerum gestarum gloria *Romana* Reipublicæ *Venetæ* exæquandam; alia tamen quædam esse, quibus eadem meritis videri queat non solum par, sed superior; cujusmodi sunt sanctitas legum, juris æquatio, innocentia, innata libertas, quin etiam originis primordia, quæ probat honestiora multò accidisse, & nobiliora *Venetæ* Urbi, quam *Romana*. Hæc autem, præterquam quod ab omnibus uno fermè ore celebrantur, sunt ferè eadem, aut certè non diversa multum ab iis, quæ *Iannotius* hic tradit, ut satis

mirari nequeam, quid illi venerit in mentem, accusare *Sabellicum* plane sibi consentientem. Nam licet idem non semel in suis *Historiis* inter se contulerit gesta utriusque Reipublicæ, nullibi tamen, quod sciam, vel potentiam, vel imperium æquavit; sed in quibusdam rebus tantum eventa, pericula, labores, consilia, fortunæ varietates, atque id genus alia notavit, in quibus cum multa inveniret inter se quam simillima, operæ pretium duxit, quam speciem & similitudinem in iis cognovisset, eandem quoque spectandam aliis exhibere. Hac ratione ductus *Decadis primæ Libro secundo* bellum à *Gallis Senonibus* Urbi *Romæ* illatum, quod ad sedes *Capitolinas* usque pervasit, composuit bello, quo *Galli*, *Pipino Duce*, in intima hæc æstuaria penetrarunt, imminentes *Rivo - Alto*, quo taurum in tutissimam arcem, *Metamanco* relicto, *Veneri* Magistratus, & cives omnes commigrarant. Cum autem multa percereret in ea collatione, quæ viderentur utriusque esse quam simillima, id in quo tam *Romana* fortuna superior, quam virtus apparuit, minime prætermisit, immò verò prædicavit iis verbis: *Verum in eo Romana virtus clarior, quod hostes ad unum cæsi sunt.* Sic etiam initio *primi Libri secunda Decadis* bella descripturus contra *Genueses* suscepta, præfatur, ea simillimam videri sibi habere speciem cum iis, quæ *Romanus* populus cum *Carthagenensibus* olim gessit. Enumeratis autem iis, quæ constare hanc similitudinem sibi viderentur, tandem ita concludit. *Eventus si non idem, non tamen omnino diversus. Excidit Carthago illa ingens: superba Genue abjectis armis, quia plus non potuit, victoribus Venetis perpetuo cecit.* Quid habent hæc verba, quod iuste reprehendi valeat? Nonne sincerè veritatis expressam confessionem continent? Ubi nam assentatio? Ubi mentiendi libido? Non erat igitur, cur *Iannotius* iniquè carperet: multoque minus, cur *Bodinus* irrideret, & petulanter inveheretur in virum innocentissimum, qui satis bona fide *Venetos* cum *Romanis* contulit.

<sup>2</sup>. Cum tamen idem multa præterierit, atque missa fecerit.] Quid præterierit *Sabellicus*, nescio; illud verò scio, memoriæ commendasse quamplurima, ab ipsa veritate, mirum, quantum disjuncta, & procul remota: non quidem dedita opera, absit ab innocentissimo Viro tantum criminis, sed quia natus alieno solo, & ab iis monumentis destitutus, è quibus veritas erui solet. Illud verò non satis mirari possum, multos fuisse *Rerum Venetarum* Scriptores, qui ex eo non pauca ejus generis transcripserint. Longum esset recensere, quoties *Historicus* ille offenderit. Sed exemplo esse possunt, quæ de *Francisco Dandulo* Duce literis mandavit, cui cum paternum esset, & avitum, ac gentile cognomentum *Canis*; fabellam ex eo haud invenustam aut concinnavit, aut transcripsit: Ducem ipsum, antequam Principatum adeptus esset, ad *Romanum* Pontificem Oratorem, ut cum *Venetæ* Reipublicæ, cui sacris inter-



mentationem totius Reipublicæ, seu temperamentum.

*Trypho.* Non est alienum à veritate hoc, quod ipse dicis: habet enim se Respublica quælibet ad instar cuiusdam corporis, sive ut verius dicam, ipsa est quoddam corpus, à natura quidem ipsa præcipue formatum, sed mox ab arte quoque multum expolitur: Siquidem quando natura hominem effinxit, universitatem, seu communionem quandam formare instituit. Itaque cum singulæ Respublicæ sint quoddam corpus, necesse etiam est, ut sua membra singulis non desint, quibus membris quoniam mutua quædam ratio, & conjunctio debet intercedere, non secus atque inter membra cuiuscunque corporis; atque inde fit, ut qui huiusmodi conspirationem, atque societatem singulorum Reipublicæ membrorum inter se non cognoverit, ne corpus quidem ipsum intelligere valeat, qua ratione sit constitutum, atque adeo affectum. Hoc ergo est, in quo *Sabellici* diligentiam, studiumque desidero, qui tametsi collegerit, atque recensuerit omnes

A Magistratus; non tamen aperit, quoniam inter se modo sint apti, connexique, & quid, quantumque alter ex altero pendeat, ita ut absoluta, planeque integra conformatio Reipublicæ colligi inde valeat. Quapropter id principio tibi cognoscendum fuerit, quemadmodum administratio nostræ Reipublicæ temperata sit; alioqui nihil eorum, quæ cupis, intelligere poteris. Nescio tamen, utrum hæc omnia possint expediri commode hujus dici duntaxat exiguo curriculum.

*Ioannes.* Mihi quidem satis fuerit à te percipere genus ipsum administrationis in vestra Republica; hoc enim percepto facile, deinde deinde cognoscere potero, &, quibus in rebus ea vel consentiat, vel discrepet ab omnibus aliis, apud me statuere.

*Trypho.* Recte ais. Itaque sermonem instituemus de nostra Republica, qui tibi non mediocri voluptati futurus est administrationes varias civitatum investigare, atque intelligere cupienti. Nam perspicies in hac nostra ratione præstantissimi-

tenderat, conciliaret, cum neque audiri, neque coram admitti ab irato Pontifice posset, clam accessisse, dum ille pranderet, prostratumque sub mensa, uti canes soliti sunt, & pedes amplexus quæcunque petebat, obtinuisse, indeque *Canis* cognomentum nactum. Attamen scimus nos, & cuilibet facile notum esse potest, non modò ex iis literis, quæ anno à Christo nato 1280. *Johannes Dandulus* Dux dedit ad externos Principes, in quibus disertè scripsit. *Ordinamus Nobiles, & sapientes viros Marcum Quirinum, Ioan. Canem Dandulum, & Iacobum Theopolum Ambassadors, &c.* & ex iis, quæ *Petrus Guilombardus* in suorum temporum Historia memoriæ tradidit. *Franciscum Dandulum, filiumque D. Ioannis Canis electum fuisse Ducem, 8. Ianuarii 1328.* quæ cuncta literis consignavit *Franciscus Sanfovinius*: sed multò magis ex multis antiquissimis contractibus, & testamentis *Dandula* gentis, & ex publicis factorum tabulis, quæ *Consilia* vocant, non modò patrem, & avum *Francisci* ipsius Ducis, sed plures alios ex ea familia *Canes* appellatos: Quæ cuncta apud se habet *Dominicus Molinus*, Senator amplissimus, & cui Respublica literaria non minus, quàm *Venetæ* plurimum debet.

1. Nam perspicies in hac nostra ratione.] Siquid *Iannotius* culpat, id quam avidissimè arripit, sed non tam facile assentitur *Bodinus*, si quid ille probat. Nam propensissimus est ad maledicendum, quod sanè ingenii quoddam vitio, sive morbo facit; præcipue verò quodam odio imbutus in Rempublicam *Venetam* nihil non agit, ut ejusdem existimationem imminuat, & splendorem obscuret. Itaque quam præstantissimam affirmat *Iannotius*, & ex antiquis rebus publicis nulli inferiorem, hanc ipse infra omnes abiicit, abjectamque obtritet. Aut, inquit, præstantia *Venetorum* est in bellica virtute, aut in legum aequitate, aut in imperii magnitudine, & opibus, aut in artium varietate. Hæc à se ita enumerata cuncta iisdem detrahit, tametsi nonnihil hæere cogitur in legum præstantia. Sed veritas facile contra hominum ingenia, calliditatem, solertiam, contraque fictas omnium insidias se per se ipsam defendit. In enumeratione sua prætermisit *Bodinus* unam ex partibus præcipuis, quæ quia in civili administratione cuncta sibi vendicat, à Philosophis appellatur Civilis Virtus, aut etiam absolute Virtus. Callidè verò satis, atque fraudulenter id, quod erat caput, subiecit tanquam appendicem, cum ait: *Venetis si qua virtute, profecto consilium, & prudentia præstant; aliarum virtutum laudem, nec illis eripere, nec concedere velim majorem, quàm aliis.* Ab homine vel invito hanc vocem veritas expressit, ut, dum trinebaret *Venetis* id, quod erat maximum, cogeretur approbare ex ea confessione in qua potissimum vigeret, ac eniteret atque dignitatem, in qua potissimum vigeret, ac eniteret ea virtus, quæ, ut docet *Aristoteles* (11. Politicorum, cum tam parentibus, quàm Imperantibus alia sint communis; ipsa duntaxat Imperantibus propria virtus est. Attamen *Bodinus* eam non attingit, nisi perquam leviter: inter præcipuas partes certè non enumerat: quanquam ea, quæ recenset omnia, sunt quasi aciticia, nihilque, excepta præstantia legum, Reipublicæ insitum. Nam bellica virtus eatenus est necessaria, quoad incolumitas reipublicæ ac dignitas defendenda est acriter: alioqui pro animi libidine lacerare bello, & immerentes vexare non censetur æquum, & multo minus liberos homines libertate spoliare. Quo fit, ut etiam propagare imperium, quod gloriofissimum habetur, finitimasque regiones ditioni suæ adjungere, multo sæpius aliquid criminis, quàm laudis verè habeat. Cur autem *Venetis* suum Imperium latius non pro-

tulerint, causas multiplices atque varias copiosè refert *Vir* liberalibus disciplinis, & eloquentia non minus, quàm generis splendore, & amplissimis dignitatibus nobilissimus *Paulus Paruta* in suis *Disputationibus Politicis*, quas *Italice* scripsit. Sed caput illud est; *Suis contentos fuisse, aliena nunquam appetivisse præcos illos Venetos, quippe qui non alia de causa in æstuarium convenerant, quàm ut hostium impetus effugerent, pacateque viverent: id verò moderationis, atque iustitiæ, non imbecillitatis, aut desidiæ argumentum est.* Siquidem classes instructissimæ, longeque ornatissimæ frequenter emissa, & omnes apparatus bellici paratissimi: resque tot, tantæque præclare, fortiter, & feliciter gesta, quibus omnes historiæ refertissimæ sunt, satis superque mendacii, immò vero summæ malevolentia & livoris coarguunt *Bodinum* agentem, *Venetos* bellica laude omnibus ferè populis inferiores esse. Quod si perpetuo bello pacem præverterunt, & non nisi provocati maximis injuriis, aut religione, & Italica libertatis causa animum induxerunt, ut arma tandem sumerent, facile quoque deponenda, ubi res & occasio ita postulare; optimo consilio sunt usi, & adducti ea ratione, quod, ut *Aristoteles* ait, VII. Polit. *Finitis belli pax est, atque otium negotii.* Qui verò solent incertis belli casibus se, suæque committere, plurimum etiam à fortuna pendere coguntur, & periclitari sæpe de salute, non de imperio tantum. De *Venetis* opibus, quas idem *Bodinus* extenuat, dum publici *Ærarii* inopiam quandam causatur, dabitur alias disserendi opportunissimus locus. Sed profecto *Bodinus* ostendit, quam parum sapiat, qui pacis diuturnæ commodis florentem Rempublicam non distinguit ab ea, quæ tunc erat, cum *Iannotius* hæc scriberet, triennio tantum post obitum Ducis *Leonardi Lauretani* ex diuturnis bellis afflicta, plurimumque exhausta. Ferri autem nullo modo debet, neque potest, quod ait de Religione, atque interferit alieno loco; complexus enim enumerando eam minimè fuerat: sed cum sciret, hoc nomine *Venetos* plurimum gloriari, quod Religionem sinceram perpetuò coluissent, in qua esset eorum Respublica educata, & orta, conatus est hanc illis laudem eripere, aut certè imminuere, dum ait, *Venetos non curare magnopere, quam quinque religionem privatim colat, idque ex eo colligit, quod Pontificibus Quæstiones Impietatis ademerint.* Vtrumque falsum; nihil enim adimi cuiquam potest, quod ei non fuerit permixtum; permitti verò non potuit, antequam fuerit institutum. Quæstiones autem Impietatis in *Venetis* ditione jam inde ab anno 1289, à Christo nato haberi cœptæ, *Marino Mauroceno* Duce, non quidem ex Pontificis Maximi decreto, aut sacra, ut vocant, Inquisitionis Tribunali erecto: sed pro *Venetæ* Pietate, quod os maximè debet obstruere *Bodino*, ab ipso Duce probè viri ex Reipublicæ decreto constituti, ut *Annalium* verbis utar, pro inquirendis hæreticis, quos inventos, & Prælatorum judicio damnatos, Dux comburere teneretur. Tribunal verò, quod modò videmus, non ita longo intervallo permixtum est Ecclesiasticis Viris. Sed ubi primum à Senatu concessum, ea cautio est adhibita, ne specie Religionis innocentes oppressi, vel in discrimen capitis adducerentur, vel bonis atque fortunis everterentur. Quapropter optimo consilio institutum fuit, ut ex ordine Patricio tres Viri designarentur, summa cum dignitate, tum prudentia præditi, qui rebus omnibus adessent, iisque probè cognitis, tum demum pronuntiare sententiam permitterent, cum res teneretur, omnique fraudis aut malitiæ suspicio abesset. Nam semper *Venetæ* Reipublicæ id propositum fuit, ut externos etiam & peregrinos, nedum cives suos, præstaret ab omni violentia & injuria tutos, & ne calumniis atque fraudibus locus ullus esset,



tissimas leges, optima instituta, & prudentissimam rerum omnium temperationem: & quam singula, prout res ferret, atque exigeret, accuratissime, atque exactissime modo non obferventur; nihilominus hæc nostra civilis administratio non ita multis accusationibus, five reprehensionibus patet. Cadit enim hoc vitium in formam Reipublicæ quamlibet, id quod exemplis cum *Romanorum*, tum *Spartanorum* apertif-

Atime constat. Satis est autem universa, quæ contingunt, errata in hac Civitate non ejusmodi esse, ut aliquod insigne detrimentum importare possint.

*Ioannes*. Perquam mihi gratum, jucundumque fuerit, institutiones hæc vestras probe omnes cognoscere, quas quidem ego non dubito præclarissimas esse. Siquidem Imperium, quod in tam multa secula stabile permanfit, nulla dome-

set, quibus innocentium hominum vita periclitaretur, aut existimatio graviter offenderetur. Hinc ea libertas tantopere celebrata, quæ communis est omnibus iis, qui *Venetis* agunt, in earum rerum, quas quisque possidet, tuta possessione, & in tranquillitate quadam animi sita, quæ nullas metuit insidias, nullam vim reformidat, & quacunque ratione libet, suam vitam instituit, quandoquidem in tam ampla civitate ac negotiosa, nulli aut pauci sunt, qui actiones hominum vel malignè, vel curiosè observent. *Bodinus* autem, qui perversè cuncta interpretatur, hanc vivendi, prout dixi, liberam facultatem flagitiorum licentiam vocat, & imponentem; perinde ac si apud *Venetos* nullæ poenæ constitutæ essent, quibus homines à facinoribus absterrentur, nullaque animadversio fontes plecteretur. Atqui de legum ipsarum æquitate & præstantia, quia nihil habebat, quod reprehenderet, cum maximè cuperet, rem dissimulandam putavit, atque id tantum protulit, ex moribus civium eandem fore intelligendam: eos tamen quin prudentiæ nomine plurimum commendaret, vi veritatis impulsus, ut dixi, facere non potuit. Ultimam enumerationis membrum fuit artium varietas: sed artium nomine non tantum opificia, verum etiam, ut paulo post explicat, mercaturam accipit, quæ certè multum confert ad rerum affluentiam & copiam, cujus rei gratia civitates frequentari solent. Navarunt huic operam præsci *Veneti*, atque ita navarunt, ut non modò quàm affluentissimam & copiosissimam, sed commune quoddam emporium Orientis, Occidentisque constituerint eam Urbem, in qua nihil erat initio ex iis, quæ spectant ad victum, præter salinas, & piscationes. Quamvis autem, ut sunt res omnes humanæ vicissitudini obnoxie, ex quo patefacta est *Lusitanis* navigatio in *Indiam*, negotiationibus aromatum interceptis, quæ juxta frequentes erant, atque quæstuosæ, nonnihil in urbe *Veneta* refrigerint mercaturæ studia; non tamen hæc ita intermissa, & abjecta sunt, ut veterem suam celebritatem Civitas amiserit, quæ plurimum adhuc frequentari solet, non solum à finitimis populis, sed à remotissimis gentibus. Cives profectò *Veneri* non tam multi, quàm olim maria navigando transmittunt, & ad longinqua loca proficiscuntur mercaturæ causâ: sed numquid Reipublicæ dignitas in eo posita est, ut sui potius cives mercaturam exercent, quam convenæ, atque exteri? Si *Bodinus* hoc ita sentit, fateri etiam debet, universa opificia, quæ cum mercatura conjungit, ut inde colligat argumentum Reipublicæ benè constitutæ, non ab aliis, quàm ab iis, qui gubernacula tenent, exercenda, quod certè non minus absurdum, quàm ridiculum foret. Sed profectò non sanæ mentis argumentum est, quæ adventitia & adjuncta sunt, illa consecrari, quæ verò penitus rem attingunt, non commemorare. Debuerat *Bodinus* in rebus iis recensendis, ex quibus præstantiam reipublicæ spectari oporteret, *Aristotelis* mentem ac judicium sequi, qui scripsit *Politiconum* IV. Cujuslibet civilis administrationis tres partes sunt, quæ si rectè se habeant, necesse est, ut ipsa quoque civilis administratio rectè se habeat, & alia distinguatur ab aliis, quatenus harum singula distinguuntur. Ex his verò tribus partibus una est, quæ de Publicis Rebus deliberat: altera, quæ continet Magistratus: tertia, quæ iudicia. Quoniam igitur consistit excellentia cujusvis reipublicæ in iis tribus rebus, quæ sunt planè insitæ: age videamus in ipsa *Veneta* Republica, quemadmodum singulæ se habeant, institutæque sint. De prima sic ait ipse *Bodinus*: Iam verò in consiliis de Republica capiendis, atque omnino in bellis suscipiendis, in percutiendis foederibus, in tuenda pace, magna prudentia utuntur. De postrema quoque ita scribit: Hoc etiam magna laude dignum est, quod socios, & inquilinos summa juris æqualitate fovent, peregrinos quoque summa prosequuntur humanitate, &c. Medium tantum culpatur, atque reprehendit iis verbis: Nullum reipublice malè constituta argumentum Platoni majus videtur, quàm Magistratum, & Medicorum multitudo, quæ nusquam major fuit, quàm olim apud *Athenienses*, & his temporibus apud *Venetos*. Atque ita ex iis tribus capitibus, quibus administratio civilis tota continetur, in *Veneta* Republica duo *Bodinus* probat, unum tantum improbat, multitudinem scilicet Magistratum, ex qua dominandi libidinem, & opum quærendarum cupiditatem augeri docet; furta præterea, sordes, & corruptelas omnes plurimum inde alii miratur ad extremum, cur *Veneti*, qui tam sapienter omnia, non patiantur etiam Censores creari, ut olim *Romani*, & his quoque temporibus *Lucenses*, & *Genuenses*. Quæ certè res arguit, cum Reipublicæ *Veneta* rationem probe non tenuisse, neque satis attentè legisse hæc, quæ tantopere jactare solet ab *Iannotio*

scripta, ex quibus facile cognoscere potuisset, Censores apud *Venetos* non desiderari, & non modò rationem compescendi ambitus, sed etiam sordes & corruptelas, initam fuisse. Nam præter Censores ipsos, qui in ejusmodi inquirunt, instituti sunt etiam Trium-Viri, vulgo dicti *Syndici*, quorum munus est expendere, utrum res à Magistratibus actæ fuerint ex legum præscripto, & an peccatum sit aliquid per malitiam & fraudem ab iis, qui in provinciis publica munera exercent; quod etiam Trium-Viri Advocatores, ac Decem-Viri, summus Reipublicæ Magistratus, non raro cognoscunt, & si quid commissum fuerit, maxima severitate coercunt. Ad immoderatum verò luxum Magistratus creatus est, qui dicitur ad *Pompas*, cujus etiam *Iannotius* ipse mentionem facit: ex quibus manifestum est, locum non habere, quæ *Bodinus* adjecit *Venetis* Magistratibus. Quod si vel cunctis vitiis remotis, in ipsa multitudine Magistratum aliquid adhuc vitii residere putat, coargui facile potest hac ratione: quia multò celerius, expeditius, ac etiam melius res conficiuntur, quo plures operi manus admovent, & auxilio subeunt. Quapropter *Aristoteles* docet *Politiconum* IV. in parvis civitatibus necessitate quadam fieri propter hominum paucitatem, ut uni Magistratui plura munera committenda sint, quod ait idem prorsus esse, ac facere, ut Magistratus instar pyramidum earum sint, quæ multa lumina sustinent; sed in magnis urbibus, ubi magnâ est civium multitudo, oportere munera distingui, & plures Magistratus institui duplici de causa; altera, quia multi cives Magistratus adipisci non possunt, ubi Magistratus pauci instituti sunt; altera, quam superius attigi, quia melius unumquodque opus absolvitur eo studio, quod in una tantum re ponitur, quàm eo, quod anxie in pluribus versatur; ex quibus ita concludit: quapropter nihil obstat, quo minus plura studia, potestateque aliquæ jubeant, non enim invicem se impediunt. Præsertim ubi res omnes prudenter ordinatæ sunt, & omnis multitudo convenit, atque in unum conspirat, quemadmodum *Venetis* præclare institutum videmus, ut universa judicia tam de capite, quàm de fortunis, quæ per inferiores Magistratus exerceri solent postremo referantur ad unum Quadraginta-virale Collegium, cujus est ejus rei cognitio, & supremum arbitrium. Oportuerat igitur *Bodinum*, ne quid inconsultè proferret, non tantum descriptiones Magistratum varias intueri, & Reipublicæ partes, quàm multæ sint: sed præcipuè observare, quàm forent eadem aptæ, connexæque ad invicem: & quam compositè, & convenientè singulæ distributæ; quod certe in genere plurimum excellit, & admirabilis *Veneta* Republica meritis videtur. Confutatis à nobis, & rejectis iis, quæ temerè *Bodinus* reprehendit in *Venetis* Magistratibus, quorum varietas, numerus, & ordo magno publicis rebus ornamento est, ac emolumento: nulla non erit optimè constituta ex iis tribus partibus, quæ ab *Aristotele* commemorantur, ut præcipuè, & insitæ: proindeque universa Republica absoluta. Sunt præter hæc alia duo, non quidem ut ipsæ causæ, sed effectus, & signa, ut *Aristoteles* ait *Politiconum* III. Republica benè composita: Ubi *Carthagenensium* Rempublicam utroque hoc nomine laudat, quod illius ordo diu integer permanferit, quodque nullas pertulerit seditiones memoratu dignas, nullamque tyrannidem. Hæc autem in *Veneta* Rempublica maximè conveniunt, de quibus extat præclarum *Iannotii* testimonium.

1. Siquidem Imperium, quod in tam multa secula, &c. ] Reipublicæ *Veneta* præstantiam asserit *Iannotius*, & arguit ex iis duabus rebus, quæ consequuntur administrationem optimè ordinatam. *Bodinus* autem, ut hæc utraque *Venetis* eripiat, persuadere conatur, eos imperium stabile nulum habuisse ante *Caroli* & *Nicephori* tempora, quin etiam libertate donatos primùm tunc fuisse. Ad hæc *Iannotius* adducit infra, sentientem, extitisse in Ducibus ipsis summam potestatem, & plane regium statum usque ad tempora *Sebastiani Ziani*, annum scilicet à Christo nato 1175, quo tempore Magnum Concilium stabilitum ait; unde numerat usque ad tempus, quo ea scriberet, non plures, quàm annos circiter 360, qui certè numerus exiguus admodum est præ ævo millenario, quod jam pridem sustinet; superavitque ipsa Republica penè altero seculo. Objicit etiam bella civilia media in Urbe gesta, conjurationesque *Bovenianas*, *Falerianas*, *Thesulanæ*, *Bajamonianæ*, nec non graves & diuturnas; sic enim habet; *Insurrectionum*, *Scavolarum*, *Ieliorum*, *Bassæarum* seditiones, exilia, clades, atque insuper octodecim Duces supplicio, vel exilio affectos. *Iannotius* quidem infra pauciores numerat (libet enim *υπερτον υποτερον* respondere) sed hoc nihil refert; demum etiam



metistica impressione labefactatum, neque ulla vi infusa, id profectò necessarium est, eximia quadam solertia, & admiranda providentia temperatum esse. Et quidem ipsi fortunæ magnas gratias habeo, quæ me in hunc sermonem opportunè adduxit, unde tibi data est occasio ea commemorandi, quæ diu, multumque intelligere mihi erat in optatis. Aggrediaris igitur, quando lubet, ad rem institutam; quandoquidem ad audiendum me quam promptissimum, & quam paratissimum habes.

*Trypho.* Quamvis hoc non utar cubiculo, tamen expedire arbitror, ut in eo maneamus, quod vergat ad septentrionem, eoque solis immodicos æstus non facile admittat; præterea vero hîc à domesticis tumultibus quam longissime absumus: iis autem quemadmodum afficiat, id genus vitæ, quod mihi sponte optavi, declarare potest. Vir optimus, & summa observantia dignissimus *Petrus Bembo* ob egregias virtutes non paucos habet è nobilibus viris, qui secum quam libentissime versari solent: immo nullus in hac Urbe vir insignis est, qui salutandi

causa ad eum non accedat: quod si alibi commoremur, fieri non potest, quin ii nobis obstreant, atque incommodent, qui frequentare consueverunt has ædes officii causa. Quare permanebimus hoc in loco ab aliis sejuncti, ut institutis sermonibus totum diem tribuamus.

*Ioannes.* Valde mihi probatur hoc tuum consilium, jamque ut differere incipias, avidissime expecto.

*Trypho.* Priusquam disputationem ingrediar, vos nonnullis de rebus commonitos velim, quæ quodammodo viam nobis munient ad id, quod tendimus. Nam quicumque cupit intelligere alicujus Reipublicæ gubernationem, aut est civis, atque particeps ejusdem Reipublicæ, aut est peregrinus.

Si Civis est, oportet ut quinque cognoscat, & quam optime teneat, in quibus consultandi vis tota versatur. *Principio* Civitatis opes, atque facultates, nimirum quæ sint ejusdem vectigalia, nec non etiam sumptus. *Deinde* pacis, & belli universam rationem, hoc est, quibus armis vel instructa jampridem sit, vel instrui adhuc

etiam multo plures necatos, vel extrusos fuisse: id profectò arguit, non fuisse in Ducibus regiam potestatem, ut *Bodinus* ex *Iannotio* tradit, cujus quidem rationes, seu verius conjecturæ sunt refellendæ suo loco: id in præsentia sufficit tantum adnotasse. De seditionibus autem, & conjugationibus illud modo dixerim, quod *Aristoteles* de *Carthaginensibus*, neque ullam seditionem extitisse memoratu dignam, neque ullum tyrannum. *Bajamontanam* tantummodo conjugationem excipio, ex qua periculum ingens conflatum erat Reipublicæ, quanquam non fuit in animo conjuratis libertatem evertere, sed inimicos, & adversarios depellere à gubernaculis: quo fit, ut ea quoque non adversus patriam, sed adversus Ducem, privato nomine conjuratorum hostem, habita fuerit. Gravissimum tamen inde incendium exarsit, quod non sine sanguine, & quorundam exilio restingui potuit. Cætera omnia conatus quosdam tantum habuerunt, qui maturè admodum sunt oppressi, priusquam erumperent, & aliquid vel minimum detrimentum Reipublicæ inferrent: neque vero tam multa fuerunt, quam videri ea cupit, dum plura ex uno *Bodinus* facit, sed non bene. Nam *Theopulanas*, & *Bajamontanas* conjugationes, tanquam res omnino diversas distinguit ac separat, quin etiam multitudinis numero recensitas memorat, & præterea bella civilia media in Urbe gesta, quæ quo plura videantur, adjicit etiam, sæpe: cum tamen in Urbe non nisi semel fuerit dimicatum; idque in ipsa conjugatione *Bajamontana*, sive *Theopulana*, quæ non fuit alia atque alia, sed prorsus eadem, & una, ab eo, quem sibi Ducem conjurati præfecerant, nomina hæc adepta, *Bajamonte* ex *Theopula* nobilissima, & vetustissima gente. Reliquæ conjugationes sunt duæ, videlicet *Bovoniana*, & *Faleriana*, quæ sub ipsis initiis vindictæ nihil omnino obeffe Reipublicæ potuerunt. Nam quæ antiquissimis temporibus proditæ fuerunt *Scævolarum*, *Ieliorum*, *Basiliorum*, aliarumque Nobilium Familiarum privatæ concertationes & digladiationes, hæ conjugationum loco atque numero haberi non debent, propterea quod sibi ipsis, non Reipublicæ perniciem struebant. Atque ita summum fuerunt tres conjugationes, à quibus tamen ipsa Respublica nihil damni accepit; & ex his una tantum memoratu digna in tot annorum curriculo à Republica emenso, quot exacti fuerunt ad hæc nostra tempora, jam inde ab anno cxxx., quo primum ea cepit. Sed quia *Bodinus* hoc illi decus invidet, & pariter in dubium revocat diuturnitatem illius libertatis, hæc nobis à calumniis hominis fuerit vindicanda, qui duntaxat ad tempora *Caroli*, & *Nicephori*, quorum pactis accepisse *Venetos* libertatem ait, *Venetæ* Reipublicæ ortum, ac primordia rejicit: prius autem, quasdam rerum publicarum formas singulares fuisse, & à dispersis huc atque illuc in scopulis habitatum, quod tamen nullo modo probat, nec probare potest: veruntamen postulat, ut sibi tanquam *Xenocrati* injurato fides habeatur. Quia tamen apertissime refellebatur creatione Ducum, qui coepti sunt eligi anno dcccvi., vel ut ipse habet, anno dcccvi. à Christo nato, conatus est, ut usurparet hæc tempora, tanquam prorsus eadem, intervallum interjectum quoque è medio tollere, quod tamen non erat minus uno seculo. Quid prodigiosum, & portentosum magis fieri queat, non video: sed facillè in angustias compellitur, qui regium tramitem deserit, & diverticula quærit. Quare tenetur *Bodinus*, nec evadere potest, quin Respublica fuerit, ubi primum Reipublicæ Dux præfectus est. Nam postea *Metamaucum* ab *Heraclea* translata, tandemque à *Metamaucum* in *Rivum altum*, Ducatus sedes nihilo magis Reipublicam immutare potuit, quam regnorum status ipsi Reges,

ubi domicilium & sedem collocare statuunt modò in hoc, modò in illo suæ ditionis oppido. At enim, inquit *Bodinus*, saltem priusquam Dux unus crearetur, cujusque pagis suum jus erat, & imperium ab aliis divisum. Quis autem hoc ait? Siquidem ex antiquissimis Annalibus licet intelligere, antequam Duces in Republica instituerentur, penes Magistratos militum summum imperium fuisse, qui Magistratus, ut scribit *Andreas Dandulus*, tribunatu major erat secundum *Græcorum usum*, proindeque universæ Reipublicæ præsedebat, ac Tribunis omnibus. Ubi verò Dux institutus est, summum quidem jus, quod prius obtinebat, amisit, sed retinuit adhuc auctoritatem proximam à Duce. Constat id apertissime ex eo, quod annales scribunt, cum fines *Venetæ* Ducatus essent statuendi ex fœdere inter *Luitprandum* Regem, & *Rempulicam* inito, rem transactam esse per hos utrosque, *Paulum* Ducem, & *Marcellum* Magistrum militum, qui eidem in Ducatu proxime successit. Urso quoque, tertio Duce, interempto, cum illius administrationis pertæsum esset, credibile admodum est, ad antiquam reditum fuisse, Magistroque militum Imperium denuo restitutum, quoad iterum Ducem præfici Reipublicæ placuit. Ea vero semper una fuit eademque, quamvis aliis temporibus alios Magistratus habuerit, & ante Duces, vel Magistri militum præfuerint, vel Tribuni: quorum nomina vetustas obliteravit, nihil est admirandum, quæ Regum potentissimorum memoriam, immò verò gentium, & nationum, quamplurimarum, omnino delevit. Cum verò *Italia* calamitates continuarentur, à Barbaris miserè affectæ atque laceratæ, satis habebant sua pacatè ac tranquillè tueri, quicumque administrabant ea tempestate apud *Venetos* summam rerum, quæ tunc angustissima erant, atque tenuissima: quare in tanta barbarie, quæ tunc ubique vigebat, dum optimæ artes atque literæ omnes conticescerent, unde res præclarissimæ interciderunt, quid mirum, si *Venetæ* nonnihil obscuratæ sunt? Superest tamen *Epistola Honorii Pontificis* Anno d c xxx. ad *Episcopos Istria*, & *Venetia* scripta, in qua de *Venetæ* Republica fit mentio: unde apparet, *Bodinum* falsò tradidisse, plures eo tempore fuisse Respublicas & non unam tantum: quanquam hæc duo coherere inter se non possunt, quæ manifestissime pugnant pactis *Nicephori*, & *Caroli* (sic enim ipse ait) *Venetos* libertatem primam accepisse, & habuisse formas Reipublicæ antea singulares. Nam quomodo non tantum una Respublica: sed plures apud illos erant, qui ea libertate carebant, quam nondum acceperant, Scitum illud est, mendacem esse memorem oportere, ne se ipse prodatur. Fœdere quidem inter *Carolum*, & *Nicephorum* icto, cum omnes Imperii provinciæ dividerentur, illud cautum fuit, ut *Venetæ* libertatem suam retinerent, & propriis uterentur legibus, sicut antea solebant, utrumque Imperatorem æque ac simul reveriti, sed sive bello, sive pace censi neutrius partis, ut disertissimis verbis planè scribit *Blondus*, qui ex antiquissimis auctoribus se accepisse tradit. Veruntamen ob mercaturæ studia, quibus erant addicti, & propter ingentia commoda & emolumenta, quæ percipiebantur ex navigationibus in Orientem, unde res omnes cum privatæ, tum publicæ plurimum augebantur, visi sunt *Venetæ* propendere cunctis temporibus magis in partes Orientalis, quam Occidentalis Imperii.



huc debeat; quæque bella superioribus ætatibus gesta fuerint, & quonam successu; quot etiam, quantæque finitimorum copiae, atque vires, ut quibus sit vel diffidendum, vel confidendum probe intelligatur; & quibus sive adiutoribus, & sociis in bello, sive etiam adversis, atque infestis oportebit uti. *Adhæc* autem quæ sit ratio, & facultas ipsius regionis tuendæ, hoc est, quamnam ad id præsidia, & quot requirantur; quod ut cognoscatur, opus est habere perspectum quam optime regionis situm, & cuiusmodi sit ille, animadvertere, utrum in planitie, an in monte; propene, an procul à mari collocatus; & an careat fluminibus, an potius abundet. *Mox* eorum, quæ importantur, & quæ exportantur, est habenda notitia, ut videantur quæ suppetant, quæve desint. *Tandem* quoad ferendas leges is, qui velit administrare publicas res, nosse debet, quæ Monarchiæ, seu tyrannidi leges magis congruant; rursus quæ vel Aristocratiæ, vel Oligarchiæ, vel Democratiæ, vel Ochlocratiæ, atque ita singulis aliis imperii formis sint accommodatæ. Hæc igitur omnia civibus esse nota debent.

Qui vero peregrinus, & non civis est, ante omnia cognoscere debet administrationis Urbanæ totam rationem. Quare cogitanti mihi te non esse participem nostræ Civitatis, cuius regimen à te ipso percipere valeas, antequam ea, quæ dixi, attingam, faciam ut intelligas, quamnam sit apud nos ipsos *Ratio Civilis Administrationis*: Deinde vero persequar ordine singula, quantum è re videbitur. Quod si forte in his sermonibus audies, quod aliàs etiam memineris abs te auditum fuisse, quodque non magni momenti tibi videatur; nolim tamen, ut minus attentum te mihi præbeas: futurum est enim, ut singula in ulum veniant, cumque magna parvis, & ignota notis conjuncta, colligataque sint; nihil omnino ex iis omittendum fuerit.

*Ioannes*. Dic, amabo, quicquid in rem visum tibi fuerit, mi *Trypho*: nam quæcunque protuleris, existimabo quam prudentissime & quam optime fuisse prolata.

*Trypho*. Urbs ipsa, *Venetiarum*, nomine insignita, parvis aliquot insulis continetur, quæ posite sunt in æstuariis maris *Adriatici* contra flumen, quod *Patavinos* agros interfuit, nomine *Medoacum*, quâ idem in stagna non ita pridem rectâ ferebatur. Qua in re animadvertere debes, hunc *Italiæ* tractum, quem veteres appellaverunt olim *Venetiam*, ita secundum *Adriæ* littora depressum, & proclivem esse, ut propter aquarum magnam copiam ab iis fluminibus, quibus tota regio scatet, invectam, & propter æstum maris, quâ littus patet, influentis, intra non exigua pars in paludem abierit. Est autem id omne spatium interceptum instar arcus, non quidem remissi, sed potius contenti, cuius ar-

cus in ipsa continente similitudinem exprimit id, quod hic stagna circum amplectitur undecunque concavum. Nervus autem est id, quod vocamus littus, quandam speciem præ se ferens aggeris crassioris, est etiam ubi latioris; inchoatur id ab ipso mari sive sinu *Adriatico*, & rectâ fere continenter procurrit, quoad infra *Brondulum* ipsam continentem attingat. Interrumpitur alicubi tamen hoc ipsum littus, ut maritimos æstus cum accedentes, tum etiam redeuntes admittat, & fluminibus iis facultatem præbeat, quæ delabuntur in æstuaria, petendi mare, ut se exonerent. Ideoque nonnulli existimant, hæc intervalla disjuncta nihil aliud, quam ostia fluviorum esse, quæ modo vocari solent à nobis *Portus*, propterea quod ut cæteri portus aditum præbent omnibus navigiis, quæ huc undique mercibus onusta commeant, aut etiam hinc abeunt. In his autem præcipui sunt portus ad *Brondulum*, ad *Fossam Clodiam*, ad *Metamaucum*, ad *Castella gemina*, ad *D. Erasmi*, ad *Littus*, quod vocatur *majus*, & quod triplex portus. Quicquid igitur interceptum spatii continetur intra hunc aggerem, quem descripsi, atque continentem, id ipsum est, quod vulgo dicitur, æstuarium, sive stagna maris *Adriani*, quæ tamen aquis ubique ita non sunt obruta, quin extent ab ipsis, atque emineant certa quædam loca. Hæc sunt insulæ, in quas finitimi quique populi, ut *Attilæ* vim effugerent, olim sese abdiderunt, moxque coeuntes omnes, & in unum coacti, hanc Urbis formam pulcherrimam tandem effinxerunt. Ea distat à continente, quâ minimum quinque millia passuum: à littore autem ipso fere duo. Priscis temporibus longius aberat à continente, nempe ad decem millia passuum, propterea quod æstuarium pertinebant usque ad eum locum situm ad *Medoaci* ripas, qui tunc, ut plerique arbitrantur, ob eam rem vocari solebat *Ora lacus*, modo corrupto vocabulo dicitur *Oriacum*. Industria Majorum nostrorum obstare non potuit, quin id spatii totum aggerendo flumina complerent, quod inde ad pagum *Safusinas* usque intercedit, ubi navigia, quæ *Patavio* solvunt *Venetias*, aut *Venetis Patavium*, operâ, & vi trochlearum super aggerem quandam evecta, qui ab urbe *Medoacum* avertit; hinc ad æstuarium; illinc ad fluminis alveum recta transmittuntur.

Ipsa vero natura hujus Urbis situm valde tutum præ cæteris omnibus effinxit: neque enim duntaxat à continente, sed etiam à mari, quamvis in aquis sita nullam vim reformidat. Præstant autem id ipsa stagna, quibus undique circa Urbem, & etiam intra navigatur, omnibus locis ita humilia, atque adeo depressa, ut nisi parva quædam navigia facile non admittant: quibus sane sit, ut cum maris æstus maxime recedit, plu-

1. *Portus ad Castella gemina.* Castellorum portus scriptoribus multis est ad *D. Nicolai*, nomenque sumit ab antiquissimo templo, & coenobio Monachorum Sancti *Benedicti*. Castella verò sunt eo situ, atque artificio constructa & communita, ut naves atque triremes, si portum ingredi velint, per viarum ambages non semel proram puppemque, & latera certissimis tormentorum ictibus necessario exponant.

2. *Ubi navigia, quæ Patavio solvunt Venetias.* Ut *Medoacus* amnis commode interserviret navigationi, nec tamen in æstuarium, quibus maxime Respublica consultum vellet, irumperet: ad *Lizlasufinam* usque pars fluminis deducta erat; unde *Clodiam* versus traducebatur, ut in mare influeret. Dividebat eo loci *Medoacum* amnem ab æstuariis solidus agger, qui in cunei modum surgebat: machina ibi constituta tanta laitudine, ut commode cymbas, & majora navigia, quæ flumina percurrere solent, recipere posset: ex hac trochleis, & ductariis funibus demittebatur instrumentum quadrangulare, ex asseribus compactum, multoque

ferro munitum, quod *Currum* vocabant; & cum ad aquam pervenisset, ita immergebatur, naviculisque substernebatur, ut super ipso facile sponte sua constitui, atque firmari posset. Quo facto à duobus, vel pluribus hominibus, pro ponderis ac navigii magnitudine, trochleis ipsis, & ductariis funibus sensim trahebatur ad summum cuneum, moxque in aliam partem demittebatur, donec ad aquam perveniret: tunc vero, supernatante cymba, retrahebatur ad summum aggerem, ut quocunque accederent navigia, vel in *Medoacum* amnem, vel in æstuarium, ad ea evehenda demitteretur; pari namque ratione utrinque trahi, ac demitti facillimè poterat. At superioribus annis totus agger cum machina sublatus, sic enim æstuariis conducere visum est. Pars verò fluminis novo alveo navigabili, multo antequam ad *Lizlasufinam* perveniret in mare, *Clodiam* versus derivata, atque adeo ne influere possit in æstuarium; quæ nunc novo Euripo *Mauritianum* usque perveniunt, novis machinis, quas *Portas* appellant, separata.



plurima loca detecta conspiciantur. Si quis igitur à continente statueret *Venetias* invadere, ad copias suas traducendas sternere pontibus, aut ratibus cogeretur, quicquid æquoris est interjectum inter urbem ipsam, & continentem; quæ res ob maximam operis difficultatem confici nullo modo posset. Quicumque vero ad eandem Urbem invadendam cogitaret instruere, atque ornare classem intra ipsa æstuaria, huic objicerentur incommoda gravissima duo. Alterum, quod ab vadorum humilitatem nihil loci posset obtinere ad navigia explicanda: ut enim æstu maris in accessu maxime se attollente; classis alicubi stare instructa fortasse queat; paucis tamen horis eadem maximum periculum adiret, ne hæreret in vadis. Alterum; quod operam frustra, & tempus impenderet is, qui natus non haberet valde loci peritos: nam sæpentero contingeret, ut ipsa navigia præter Euriporum alveum devectora, mox ab aquis in sicco destituerentur, quippe quæ vel cum maxime æstus intumescit, nunquam ita tolluntur, ut, quæ libet, navigandi facultatem integram relinquunt. Si quis autem conetur à mari *Venetias* aggredi, objectum ante omnia æstuaria littus penetrandum eidem necessario fuerit: obstructis itaque sive ostiis, sive portibus illis, quos supra memoravi, aditus omnino intercluderetur ad ipsa æstuaria. Neque vero id efficere operosum esset, quoniam ea intervalla non ita multum lata, nec profunda sunt. Siquidem in Urbis ipsi conspectu is, qui appellatur, *Geminorum Castellorum Portus*, eam profunditatem non habet, quin majora navigia expectare oporteat, quoad æstus accedat, & quidem maximus. Sed aliud est præterea, quod obstat ingredientibus: nam quotiescunque tempestatibus vel ad modicum tempus fuerit mare concitatum, ejusdem viæ subeunt ingentem vicissitudinem ante ipsum portum undarum, ac turbinum vi impulsis, atque jactatis huc, & illuc arenis, ita ut, qua paterat aliquando facillimus ad urbem aditus, eadem postea contingat omnem obstructam viam esse. Quæ res necessitatem affert aliquot homines huic muneri præficiendi, qui cum tempestas desierit, ubinam ea reliquerit aditum patientem, exploratum eant, ut eum navigiis cum ingredientibus; tum egredientibus commonstrare valeant. In faucibus autem portuum cæterorum ædificari castella possunt, sive propugnacula, quæ tormentis instructa ab ingressu arceant. Quod si quis etiam classem in æstuaria transveheret, in easdem incurreret difficultates, in quibus eum versaturum superius ostendimus, qui classem intra ipsa æstuaria vellet adornare. Præterea vero in iis Euripis collocata, per quos accedere propius hostis niteretur, oppletæ ruderibus naves obfirmarentur, quæ bellicis tormentis oppidò munitæ, quoscunque infestos accedentes longius summovent. Quid? quod ii, qui ratibus, aut alia quacunque hujusmodi machinatione ad Urbem appellerent, adversus eos valli per tota æstuaria depacti, certa quadam forma componi, statuique possent, quæ res afferret iisdem gravissimum impedimentum; præterquam quod insensus hostis quæ irumperet (nam fieri nullo modo posset, ut falleret, aliud emetiendo, atque aliud capiendo iter) excitari posset conjunctis navibus aliquod

A propugnaculum à lateribus adeò firmum, ac munitum, ut omnes id subire, immò accedere prope perhorrescerent; quâ ratione videmus *Ferrariam*, *Patavium*, & *Cremam*, aliaque nostris temporibus oppida communita. His de causis arbitror urbis nostræ situm ab hostili quavis irruptione tutissimum esse. Rex *Attila* idcirco post *Aquilejam* everfam, cum liberius excurreret per hunc *Italiae* tractum, qui *Venetie* tunc nomen obtinebat, eos omnes, qui huc se receperant, ut ejus impetum evitarent, aggrediendos suis armis non existimavit. *Pipinus* autem *Caroli Magni* filius, *Obelerio* Duce nono gerente Rempublicam, qui aggressus est administrationem anno Salutis 804. aggredi quidem nostram urbem temere fuit ausus eâ classe, quam *Ravennæ* apparatus instruxerat; sed ejus inconsulta temeritas, atque amentia non alium eventum habuit, quam commerita fuerat: à Majoribus enim nostris magno cum dedecore fusus, amissa classe, profligatusque fuit.

B Urbem porro totam Euripus quidam, qui *Canalis major* à nobis dicitur, in duas partes fecat: altera pariter ad meridiem, & occidentem; altera spectat ad orientem, & septentrionem. Refert Euripus iste quadantenus serpentis formam, & antiquam literæ S notam imitari videtur, sed contrario modo descriptam, prout expressum hic vides; ubique satis profundus, & eâ latitudine, quæ flumen aliquod satis amplum æquet, quo non secus Urbs ipsa discriminatur, atque *Arnò* vel *Florentia*; vel *Pisæ*, sive *Tiberi Roma*, sive *Atthesi Verona*. Ejusdem origo prima ad *Medoacum* refertur, qui prius quam ad *Safusinas* cursu averteretur, in mare se profundeabat per illud ostium, quod appellatur modo *Castellorum Portus*. Influxunt in ipsum alii quoque prope innumeri Euripi patentes in latitudinem satis amplam, quibus nostra distinguitur, neque vero minus ornatur, quam vestra Urbs amplitudine, & pulchritudine publicarum viarum. Hi maxima ex parte non nisi cymbis perlustrari possunt; neque tamen aliquot defunt, qui habeant ab altero latere vias lapidibus stratas, sed quam paucissimi vias exhibent ab utroque, quas appellamus vernacula lingua, fundamenta. Quam simillima forent hæc ei viarum generi, quod apud vos *Arno* imminet, crepidinibus demptis. Neque vero tantum *Venetis* sunt hæc mari viæ; verum etiam terra sunt illi, qui dicuntur *Calles*, non tamen satis aspectu elegantes, & pulchri: præterquam enim quod breviores plerumque sunt, & rectâ non tendunt, non ita multos facile comperias, qui binos homines admittant unâ pari gressu incedentes, adeo coeunt in arctum, atque angusti sunt. Quoniam vero intercurfantes Euripi passim eos interrumpunt, quo totam per Urbem facere iter pedibus liceat, adjunguntur iidem, & continuantur ponticulis lapideis quam plurimis superinductis, quorum licet numerus ingens, ea tamen non est frequentia, quin sæpenumero circuitus quidam capiendus sit, vel ad proxima loca proficiscenti.

E Frequentissimam vero, celeberrimamque totius Urbis regionem, in quam omnes mercatores conflunt, adeptam *Rivi alti* nomen cum Regia via, quæ ducit ad ædem sacram *D. Marci*, atque ipsum Ducarium, pons

1. Calles non ita multos facile comperias, qui binos homines, &c.] Noctu, prout credo, *Venetiam* Urbem perlustravit *Florentinus* scriptor, aut potius scribere voluit, paucissimos esse calles, qui binos, aut etiam ternos homines pari

gressu unâ incedentes non admittant. Multæ sunt etiam viæ peramplæ, quas *Venetiarum* vulgus *Salicatas*, vel *Piscinas* appellat; multas plateas, quas *Campos* dicunt, & *Sanfovini* in iis, quæ de *Venesa* Urbe scripsit, l. v. recensuit.



pons è ligno sublicius transversarius jungit<sup>1</sup>, quo uno maximum Euripum illum transcendere licet. Sed ne semper cogantur hunc pontem adire illi, quibus huc, aut illuc transmittendum est (quod certe nimis incommodum accideret) pluribus locis certi quidam homines attributi sunt, qui eo genere cymbarum, quod proxime explicabitur, quæstus, & compendii causa quemlibet trajiciunt; unde nomina Trajectuum locis ipsis indita. Cæterum qui præstant hanc operam, inopes, & plebeji sunt, iisque mandatur hoc munus à quodam Magistratu, qui hanc ipsam rem curat, & omnes destinat ad trajiciendum alios aliis locis: cautum est porrò lege, quot homines per singulas vices, & etiam quanta mercedula transportandi sunt. Quibus rebus fit, ut ut Euripi maximi transmissio neque difficilis ulli sit, neque sumptu gravis, tametsi præter eum pontem nullus alius suppetat. Hoc modo terrestre iter in Urbe nostra conficitur, quam tamen etiam mari totam pervadere, & quidem majori quodam compendio, & commodo licet. Est nobis quoddam genus cymbarum ad id comparatum, quas *Gondulas* ipsi nominamus, eleganter, affabreque factas, quibus sunt omnes Euripi perenniter instructi: utimur autem his equorum, mulorum, ac rhedarum vice, quarum spectatur innumerabilis fere multitudo. Nam cum longè plurimæ sint eæ, quas Patricii, & reliqui cives semper ad usus proprios instructas in promptu habent, tum multis partibus illæ plures adhuc sunt, quæ tenentur ab iis, qui inde lucrum quærunt.

Urbis quidem ipsius pulchritudinem multo magis maritima, quam terrestri profectio contemplari licet; propterea quod Euripi latiores plerique sunt, & pulcherrima quæque ædificia secus ipsos exstructa, quæ licet eos, quos vocamus *Calles*, nonnunquam prospectent (nam singula utrinque possunt adiri, & à terra, & à mari) nihilominus ipsa facies ædificiorum, quæ præcipue totius operis elegantiam ostendat, aquis plurimum incubat, & prospectum pandit, est ubi etiam pertineat ad aliquot *Calles*, quorum tamen angustia nimia facit, ut operis magnificentia non satis appareat. Cæterum magna sordium pars urbe tota per Euripos excipitur, æstuque maris abrepta fertur in altum; quanquam hoc Euriporum alveis non sufficit prorsus evacuandis, proindeque danda est assidue, prout datur, opera, ut excavato alveo penitus purgentur. Nihil de salubritate aeris modo attinet dicere. Priscis quidem temporibus, quod *Vitruvius* perhibet; habebantur omnium deterrima hæc loca palustria. Nunc inter omnes constat, *Patarvium*,

A [atque *Venetias* frui præ cæteris *Italiae* oppidis aère quam saluberrimo. Argumento est, quod in utraque Urbe plurimi affecta, & inclinata jam ætate senes reperiuntur, qui tamen & corporis, & mentis robore satis pollent. Expedita verò facilitas cuinam est ignota consequendi ea, quæ ad victum sunt necessaria? Autores ii, qui scripserunt olim de urbium situ, eas prudentissime conditas existimarunt, quæ non in maritimo littore, sed procul essent inde sitæ, minimum sex, summum decem passuum millia. Nimiram propinquitatem maris ea de causa non probant, incursionibus, & latrociniiis piratarum ne sit urbs obnoxia, id autem intervalli, quod dixi, laudant idcirco, ne commoditatibus illis careat, quos mare suppeditat. Urbs ergo nostra cum posita sit intra æstuarium, maris opportunitate sanè quam facile utitur; quibus autem rebus est ab hostium aggressionibus, ut jam dixi, tuta; iisdem etiam piratarum incursionibus non reformidat: cumque non procul absit à continente, non minorem inde, quam si collocaretur in ipsa, fructum quoque capit, præsertim cum sit in Urbis conspectu *Italiae* feracissimus ager in earegione, cui *Venetie* nomen quondam erat, idemque passim distinctus pulcherrimis amnibus, cujusmodi sunt, *Tiliaventus*, *Liquetia*, *Anaxus*, *Silis*, *Medoacus*, *Atthesis*, qui omnes in æstuarium decurrunt; unde fit, ut non solum affluenter, atque copiose; verum etiam tutissime, atque facillimè in nostram Urbem, quæ ad victum necessaria sunt, importari queant. Atque ita ex iis, quæ sunt hæcenus exposita, colligere licet, nihil eorum in Civitate nostra desiderari, quæ vel ad sui defensionem requiruntur, vel ad parandi victus facilitatem.

Hic est *Venetiarum* situs; hæc opportunitates, de quibus ea duntaxat attingere volui, quæ magis ad rem fore mihi videbantur: quamvis autem te non latere quicquam ex iis scirem, prætermittere tamen nihil volui, ne redderetur explicatio mea quodammodo manca, & imperfecta.


D *Ioannes*. Explorata mihi quidem erant ea, quæ de Urbis vestrae Situ commemorasti, quippe quam ipse non semel aditam perlustravi; hæc tamen ipsa mihi jucundissimum fuit abs te modo audire; siquidem oratio tua renovavit eorum, quæ jam pridem conspecta fuerant, memoriam. Sed cur, amabo, dixisti, expositionem tuam mancam, & imperfectam futuram, si descriptionem situs omisisses?

*Trypho*. Non una quidam ex causa, & ratione: Nam cum de nostra Republica sermonem habituri simus, consentaneum minime dicebam ad ipsam aggredi, nisi prius aliquid egissem de se-

1. Pons è ligno sublicius transversarius jungit, &c.] Existimarunt aliqui, sed perperam, fabricam hujus lignei pontis fuisse antiquissimam, repetendamque à priscis temporibus Urbis conditæ. Verum tamen locupletissimus testis est *Andreas Dandulus*, eam nonnisi anno xii. *Raynerii Zeni Ducis* inchoatam, antea verò nihil penitus exstitisse, quo pars utraque Urbis continuaretur, intercurrente maximo Euripo disterminata, quemadmodum his locis omnibus, quæ nunc vocantur *Trajectus*. Pons autem hic à moneta primum nomen invenit, propterea quod exemisset onus persolvendæ monetæ, hoc est exiguæ illius mercedis ex navulo, quod modo asse *Veneto* solet æstimari, semisse paucis jam annis, dimidio autem minus erat antiquis temporibus, quemadmodum scriptum reliquit idem *Andreas Dandulus*. Non prius igitur, quam anno millesimo ducesimo sexagesimo quarto pons, cujus meminit *Jannotius*, hic ex ligno factus. Anno autem millesimo quadringentesimo plane fuit consummatus, & post annos triginta cancellis ligneis circumseptus ad latera utrinque. His autem postea revulsis & dissipatis, cum mortalium multorum perniciæ & strage, qui *Friedericum* Imperatorem Urbem ineuntem conferti con-

globatique simul in eo ponte spectabant, cancellorum loco officinæ sunt excitatæ, & in duos ordines divisæ, ponte in latitudinem aucto. Temporibus autem nostris ex Senatus Consulto pons ligneus omnino sublatus, & recens alter ex *Istrian*o lapide fabricatus est: cujus anno à *Christo* nato millesimo quingentesimo octogesimo octavo fundamenta posita palis ex ulmo sedecim pedum altitudine, hinc & illinc impactis, pari fere numero contignationes e latice desuper injectæ, crassissimis trabibus invicem compactæ, & connectæ: in iis ingentia marmorum fragmina ingesta & conferta, interstratis lateribus alternis, cæmentoque oblitis. His fundamentis jactis operosa moles elegantissima specie, & prospectu pulcherrima, in unum fornecem protenta maximum, & amplissimum, non minori quam triennii spatio fuit elata, duabus officinarum ordinibus interdistincta, ad quam summam triplex ascensus ac descensus visitur. Regia tamen, seu media via, multo paucioribus gradibus aditur; reliquæ à lateribus duæ, pluribus, sed humilioribus pro varia transeuntium opportunitate. Latera duo, quæ Euripum prospectant, perpetua columnarum serie ex *Istrian*o marmore exornata.





1845-1846





Ponte di RIALTO.

Pons RIALTIS.  
Architectura Ansh. del Ponte.

Pont de RIALTE.









LIBRARY OF THE UNIVERSITY OF SEVILLE

1850



fede, in qua est collocata; cum præsertim ad alicujus Reipublicæ formam probe intelligendam permagni referat, quod spectat non ad mores tantum, sed etiam ad potentiam, & opes habere cognitam, & perspectam naturam loci, atque situs, à quo continetur: quam ipsam obrem ii, qui præcepta condendi urbes tradiderunt, permultum interesse docent, ubinam sedes eligatur, utrum in colle, an potius in plano, propene, an procul, à fluminibus, & à mari. Quid? quod omnium Philosophorum celebris est doctrina, universas artes, & disciplinas ab iis, quæ magis communia videntur, inchoari debere. Hoc autem posito, non video, quid magis commune possit esse in Republica Veneta, quam sedes ipsius Urbis, cujus quidem ii non sunt participes tantummodo, qui Rempublicam gerunt; sed etiam omnes incolæ, atque peregrini. Certe quicumque peritissimi artifices haberi volunt, aut pingendo, aut fingendo, hæc ipsa Philosophorum decreta sectantur, ut semper à quibusdam rebus communioribus initium sumant. Pictores enim antequam ullam imaginem certam ad vivum expriment, ducere quasdam lineas ex arte solent, quibus adumbratur quædam communis effigies, minimeque distincta; mox paulatim eidem propria lineamenta inducunt, donec absolutam exhibeant singulorum membrorum conformatio-

nem. Neque vero sequuntur aliam rationem, qui statuas conficiunt. Nam si contemplari velimus aliquod signum erectum ex iis, quæ sunt adhuc rudia, & tantum inchoata, nobis quidem dicendum fuerit, caput, brachia, & crura, potius hoc loco, & illo futura esse, quam hoc esse caput, & illa vel brachia, vel crura: adeo natura ipsa impellente cogimur non tantum in cognoscendo atque intelligendo, sed etiam in quovis opere faciendo à rebus communioribus ducere principium. Atque mihi hæc causæ fuerunt, à *Descriptione situs Urbis* incipiendi, tanquam à re magis communi quam cætera omnia. Hunc eundem ordinem in iis, quæ proxima sunt, etiam observabo: tractaturus enim de *Reipublicæ Administratione*, principio de *Partibus ipsius in genere* agam; deinde vero ad *singulas earum Conditiones* explicandas veniam: quare mihi non semel ad idem principium recurrendum fuerit; nescio tamen an ex animi tui sententia sit futurus hic ordo.

*Ioannes.* Quidni sit futurus? Omnibus in rebus summam quandam prudentiam adhiberi abs te video.

*Trypho.* Dicam igitur eos omnes, qui *Venetis* degunt, Urbe jam quantum satis erat à nobis descripta, tres in *Classes* distributos esse, *Popularium*, *Civium*, & *Patriciorum*: qua quidem in partitione scio me non à *Sabellico* tantum

1. Dicam igitur eos omnes, qui *Venetis* degunt, tres in classes distributos esse, *Popularium*, *Civium*, *Patriciorum*.] Tripartita hæc divisio passim *Venetis* auditur. Auctores etiam illi, qui bipartito diviserunt, ut *Contarenus*, in Nobiles atque Populares, coacti sunt inde Populares dividere in duos ordines, infimæ plebis unum, honestioris generis alterum. Quamobrem satius erit hanc divisionem retinere, quam *Triphoni Gabrielio* acceptam refert *Jannotius*. Non me latet, in primis controversum esse, an, qui *Venetis* appellari solent Cives, revera sint cives. Nam quia suffragium non ferunt in deliberando, & nullius publici Magistratus insignia gerunt, propterea Civium albo plerique illos exemerunt. Enimvero quæ varios populorum mores, & leges perscrutanti in historia occurrunt, fateri cogunt, non unum, sed permulta genera civium, ac diversa existere, ita ut civis definitio asserri nulla possit, quæ in omnes, qui dicuntur cives, ex æquo conveniat, sed prout in iis evenit, quæ analogia vocant, potissimum genus definitione propria explicandum sit, unde genera inferiora suo quæque ordine propriam rationem desumant eò evidentius, quod propiora fuerint præcipuo illi generi. Quapropter *Aristoteles* non cuncta civium genera (id enim tanta in varietate qui poterat?) sed civium genus omnium longe præstantissimum definitione sua comprehendere instituit: cujus principis generis habita ratione difficile non foret intelligere cætera. Quo fit, ut merito vel malignitatis, vel inscitæ dampnetur *Bodinus*, qui temere in re tam aperta maledicere ausus est *Aristoteli*. Non enim ubique nationum, & gentium, quod satis constat, iisdemque temporibus, eodem jure cives perpetuo extiterunt. *Athenis* Solonis lege sancitum erat, ut ab honoribus & Magistratibus arceretur quarta Civium classis, quæ multitudine tres alias classes longè superabat, non tamen excluderetur à judiciis, & à jure concionis habendæ. In *Romana* quoque Republica contigisse legimus, ut quidam optimo jure censerentur Cives, quidam mediocri, quidam deterriori; cujusmodi fuisse cum alios populos, tum *Cerites* accepimus, quibus sine ullo suffragii jure data Civitas fuit. Qui vero dicuntur *Venetis* Cives, sive *Cittadini* (ut vocis ipsius propria vis materna lingua exprimitur) quin Civium numero habendi sint, negari non potest, non quidem optimo jure, quo duntaxat ii, qui Nobiles sive *Patricii* vocantur; sed medio quodam jure, & satis honesto. Nam præter arcana Reipublicæ, quæ cuncta eis conceduntur, obeunt etiam gravissima munera, persæpe in Republica funguntur legationibus, quas vulgò *Residentias* vocant, apud Duces, & Proreges, multosq; etiam Principes, qui non sunt infra regale nomen, & fastigium: exercent extra ordinem apud Imperatores ipsos, & supremos Principes amplissima munera. Quin etiam ad expediendas & conficiendas res maximi ponderis, horum Civium fidei opera Respublica utitur, quod ex *Annalibus Venetis*, ac li opera Respublica utitur, quod ex *Annalibus Venetis*, ac etiam ex vulgatis historiis in promptu est cognoscere. Quid? quod *Jannotius* inferius tradit, se non habere compertum,

legem ullam existere, qua fuerit olim cautum atque sancitum, ne Cives ulli nominarentur ab Electoribus, præterquam *Patricii*, aut ne ratio haberetur eorum in Comitibus, si nominarentur: quod nos etiam nullo unquam tempore decretum invenire potuimus: *Trierachos* quidem hoc ex ordine creatos aliquando legimus, & *Cameracensi* bello unus ex Reipublicæ Ducibus fuit *Aloysius Dardanus*, qui Legati nomen obtinuit *Oriaci*, & *Mirani*, totiusque illius continentis tractus, qui in proximo erat. Quod si aptitudine & facultate potius gerendorum munerum, quam actu ipso gerendi, Civis definiri debet (alioqui senes, & pueri Cives non existerent, & ea pars Civium non modica, quæ consulto abstinet honoribus) non video, quid repugnet, quominus ii, qui dicuntur Cives, tales verè existant, & ab omnibus haberi, & possint, & debeant. Distinguenda sunt tamen hic duo genera Civium. Unum, quod ab *Origine* dicitur, atque in illos convenit, qui non modo patrem, avum, & prævum Civem habuerunt, sed præterea sordidas artes nunquam exercuisse tam se, quam omnes illos probare possint; quod quidem apud Advocatores *Trium-Viros* fit solemniter ritu, & publicis tabulis consignatur ejus rei memoria. Alterum genus est eorum Civium, quorum Majores non constat extitisse Cives; ipsi tamen in Urbe vel nati sunt, vel educati, vel, quod postremo lege definitum est, decennium saltem *Venetis* commemorati domicilium ac sedem ibidem fixerunt. Fruuntur ii sanè privilegiis *Venetorum* Civium in portoriis, & vectigalibus potissimum, quæ dimidio minora persolvunt, quam advæne atque exteri. Veruntamen, ut à sordidis artibus abstineant, nihil est necesse. Non enim iis patet aditus ad ampla illa munera, quæ Civibus ab *Origine* permittuntur, præterea nemini. Caput hujus ordinis Magnus est *Venetiarum* Cancellarius, cui publici tabularii suprema cura demandata est, & arcanis quibusque non modo Senatus, sed etiam Concilii *Decem-Virum*, & Collegii præest, nihilque, quod veniat in deliberationem, aut in iudicium, eum latet. Is togam Senatoriam, laxioribus manicis, purpurei aut violacei coloris, pro temporibus gerit, & maximum est in honore, quoad vivit, atque existimatione, ut *Patricii* omnes non gravatè ipsi locum cedant: post obitum verò publico funere effertur, quod frequentes Patres, ac Dux ipse de more deducunt. Secundum Magnum Cancellarium Quatuor-Viri eminent, qui à secretis *Decem-Virum* appellantur, atque aliis omnibus antecellunt dignitate. Succedunt alii xv. qui Senatus excipiunt arcana, nec non acta describunt, & rerum maximarum consiliis intersunt; præter hos nulli ad secreta Reipublicæ admittuntur. Alii *Tabellionum*, seu *Scribarum Ducalium* tantum munere funguntur, qui dicuntur vel ordinarii, vel adsciti extra ordinem. Nam triplex ordo inter publicos Scribas omnino intercedit, quorum ultimus gradum facit ad medium, & medius ad primum, facto prius tamen eruditionis atque ingenii periculo. Licet iis porro, qui cum Imperio in provincias *Patricii* mittuntur, aut Orato-



tum dissentire, qui duas priores Classes inter se confundit, eodemque plebis nomine æqualiter cenfer; sed etiam à compluribus aliis, qui nihil tribuunt iis, qui non sunt Patricii, cæteroque omnes habent Populi numero, atque loco: qua de re fufius alibi. Ego tamen sum in ea fententia, ut exiftimem, eo modo, quo dixi, partitionem faciendam effe. Quare *Popularium* nomine eos tantum accipio, qui dici folent communiter plebei, hoc eft, qui fordidas artes exercent vitæ fufiinendæ causâ, neque ullum ornamentum, aut honoris gradum adipiscuntur in Civitate: *Cives* autem illos appello,

res deftinantur ad maximos Principes, ex ordine Scribarum medio unum, aut alterum fecum ducere, qui literis confcribendis interfuiat. Inferioris ordinis adhibere aliquem non licet, nisi per Decem-Virale Concilium fortè copia fiat. Habent præterea Cives ii, qui Originarii *Venetii* vocantur, præter eas, quas superius dixi, legationes, extra Urbem alia non pauca honesta munera. Magnus regni *Creta* Cancellarius habitu, incesfu, & dignitate *Veneto* fimilis ex eorum ordine legitur, idque à majori Patriciorum Concilio: Præfectus arcis *Crema*, metallorum fodinis Vicarius, qui à Decem-Viris olim, nunc à Senatu eliguntur, & alii non pauci. Plebei homines in Urbe *Venetia* tertium tenent, qui, prout diverfis artibus, & negotiis vacant, in varia quoque collegia tribuuntur: ex his tamen alia sunt necessaria, alia libera. Nam cunctis opificibus imposita est neceffitas non modo profitendi suam artem, quam in publico exercent, fed nomina etiam dandi in unum collegium, quod fortitur appellationem suam à genere opificii. Ejusmodi igitur Collegia *neceffaria* voco, in quibus is, qui principem locum obtinet, dici solet *Gastaldio*, qui cum Affefforibus suis (vulgo de *Banca* vocant) jus habet non modo convocandi Collegii, fed etiam ferendarum legum, vel abrogandarum, prout Collegii utilitas, & ratio temporum postulat: leges tamen ab illis propositæ, & consensu majoris partis à Collegio firmatæ, nisi ab Ædilibus fancitæ, & approbatæ fuerint, nihil roboris habent, quinimo irritæ cenferunt. Hæc igitur collegia tot numero exiftunt, quot genera opificiorum publice exercentur. Quæ verò pietatis ergo duntaxat instituta sunt, quæ multo plura exiftunt, hæc *libera* nuncupo, propterea quod nonnisi volentes admittunt, nolentes non cogunt. In fingulis templis, & facris ædibus, quæ sunt longe plurimæ, binæ minimùm *Fratria*, vulgo Scholas vocant, five Confraternitates; altera, quæ sanctissimi nominis Sacramenti insignitur; altera, quæ Deiparæ Virgini eft dedicata: fed præterea vix ullum delubrum aut facellum extat, in quo Viri sancti alicujus celebritas non recolatur: ex quo fit, ut horum Collegiorum prope infinitus fit numerus, in quibus omnibus plebei homines honores adipiscuntur. Patricii namque, & cives, licet pro eorum pietate in collegium cooptentur, & stipem conferant, à dignitatibus abftinent. Obtinent vero Cives sex amplissima Collegia; sex Urbis regionibus attributa, & magnarum scholarum titulo donata. Ex his binæ sanctissimæ Virgini consecratæ sunt, una quidem *Charitatis*, nomine antiquissima, altera vero *Mifericordie* addito cognomine: binæ quoque duobus Evangelii fcriptoribus dedicatæ, D. *Joanni*, qui Apostolorum omnium *Christo* fuit chariffimus, & D. *Marco* Civitatis *Veneta* Patrono; totidem duobus Cœlitibus *Rocco*, & *Theodoro*. Cooptare licet in has omne genus hominum, Patricii tamen fuis honoribus contenti, ut civibus imperii speciem aliquam relinquant, quamvis in focietatem adfciti, ad honores non admittuntur. Qui præfunt his collegiis, magno sunt in pretio, magnique Custodes vocantur; eorum fpectatæ fidei, atque integritati ingens pecuniæ numerus conceditur ex piorum hominum legatis atque largitionibus, tum ad inopiam & miferiam pauperum fublevandam, tum ad nobiles virgines collocandas. Affident iis alii nonnulli in eodem fuffeftu cum difcrimine dignitatis, quæ vocabulo ipfo designatur, Vicarii, Scribæ, Syndici, Decanorum, & Adjunctorum. Nonnulli vero tractandi, & conficiendi magnus Custos cum illis, qui fibi affident, jus integrum habet: fed in rebus maximi ponderis ac momenti Majus Concilium convocare folent; cujus illi omnes sunt participes, quicumque perfuncti funt munere aliquo in focietate; nam qui nullos gesserunt honores, lege à Concilio arcentur. Atque hæc de Civibus, ac Popularibus dicta funto.

1. De Primordiis, atque incrementis noſtra Civitatis, &c.] Multa fuerunt in ſtagnis oppida condita, multæque variis temporibus inſulæ frequentatæ ab iis populis, qui barbarorum immanem ſævitiam atque tyrannidem fugiebant: nihil tamen & celebrius & antiquius eo, quod ſtabile domicilium ac ſedem præbuit libertati. *Caroli Magni* temporibus gremio ſuo complexum, quicquid per omnes inſulas erat diſſipatum. Huic igitur ad non obſcurum futuro-

qui geniti, & educati in hac Urbe, non ipſi tantum, verum etiam & parentes & majores eorum, magiſque liberalibus artibus addiſti, aliquid ſplendoris merito confeſuti ſunt veluti quodam gradu honoris conſenſo; quo fit, ut communis hæc patria debeat eos amplecti tanquam à ſe ipſa genitos, atque procreatos: *Patricii* vero, ſeu *Gentiles Viri*, ut à nobis vocantur, illi ſunt, in quorum poteſtate, & arbitrio eſt ipſa Reſpublica, totumque jus, & Imperium cum terra, tum mari. Eorum Nobilitas, quamvis clariffima fit; tamen ut magis atque magis omnibus pateat, *de Primordiis, atque Incrementis*

rum omen, proprio *Rivi alti* nomine inſignitæ inſulæ, accepta *Veneta* Urbis origo non injuria refertur cum dignitatis, tum antiquitatis habita ratione. Nam prima inter omnes alias colli, & frequentari cœpta, quod perſugium tuſſimum contineret adverſus efferarum gentium impetum, primas quoque ſemper obtinuit, præterquam iis paucis, quibus *Heraclea*, & *Metamaucum* annis floruerunt. Cæterum de Urbis origine fuit opinio duplex, quarum alteram jamdiu comprobavit communis aſſenſus; anno ſcilicet quadringenteſimo vigefimo primo, Urbem conditam feſto die Annunciationis Deiparæ Virgini, qui dies Urbis natalis ſemper habitus, ſolemni, & maxima religione à *Venetis* cultus. Altera verò opinio, quam ſequi videtur *Contarenius*, ad *Attila* irruptionem uſque rem protrahit, quaſi vis alia Barbarorum nulla fuerit antea, qua mortales compelli potuerint ad hæc æſtuaria, nihilque trepidatum temporibus illis, quibus *Alaricus*, *Ataulphus*, & *Radaſius*, ingentes copias ſecum in *Italiam* trahentes, & cladem plurimam *Venetis* intulerunt. Equidem ſi *Alarici* unius expeditio prima, qua *Gothis*, *Hunnis*, & *Alanis* in ſocietate aſcitis per ſaltus Tridentinos *Venetiam* irrupit xiv. Kal. Septemb. Anno cxi. formidoloſa cunctis *Italis* adeo uſque fuit, ut qui à periculo & metu longius aberant, de *Italia* deferenda ſerid cogitarent, adeundiſque inſulis *Corſica*, *Sardinia*, & *Sicilia*; quo animo *Venetos* exiſtiſſe tunc exiſtimandum, quorum agros pervaserat tantus ille furor, urbeſque omnes vel affligerat, vel planè ſubegerat? Nonne quod alii cogitabant, oportuit eos facere, ut uxores, & liberos, & fortunas ſuas in inſulas transportarent, atque eo promptius, quo pariter & periculum, & perſugium propius? Ergo ab honeſtiſſimis civibus frequentata, exinde nonnihil acceſſionis ad celebritatem, æſtuaria cum ſuis inſulis confequi cœperunt, antea non niſi à pauperibus, abjectiſque hominibus, cujuſmodi piſcatores, & navicularii, habitari ſolita. Continuata poſthac *Italia* infortunia per alias proximas barbararum gentium irruptiones, quibus expoſita *Venetia* prima ſemper fuit, accolæ impulerunt æſtuariorum, ut mapalia, ſeu tuguria plura ædificarent, quæ ſe reciperent, urgente alioque diſcrimine. Non tamen probare poſſum eorum ſententiam, qui periculi ab *Attila* imminentiſ declinandi cauſâ, neſcio quem Regem *Patavii* primum novæ urbis fabricandæ conſilium cepiſſe, memoriæ prodiderunt: & quodam etiam è ſuis civibus *Rivum altum* miſiſſe magnis opibus, & Conſulari poteſtate præditos, quorum etiam nomina, ſi diis placet, recitant ex quodam vetuſtiſſimo monumento in tabulario *Patavino*, ut ajunt, reperto, quod quidem non gravabor adducere hoc loco, ut omnes videant, quanti quanti faciendum ſit, expreſſum totidem verbis ex ſermone vernaculo.

Anno à *Christo* nato cxxx. ultimo verò *Innocentii* *Pape* primi ex *Apono* oriundi, cum maxima gloria & felicitate florere *Patavinum* regnum, adminiſtrantibus *Rempublicam* *Galiano* Fontana, *Simone* Glaucone, & *Antonio* Gaulo *Lovanio* *Coff. Honorio*, & *Theodoſio* *Arcadii* filio imperantibus; per *Conſules*, & *Senatum* *Patavinum* decretum fuit, ut principes aliquot viri ex omnibus delecti ædificarent urbem prope *Rivum altum*, cogerentque in eandem omnes ex circumjacentibus inſulis, & unum eſſet potius oppidum portuoſum, quam multa, ubi ſtationem haberet claſſis apparatus, maritimisque rebus jugiter aſſueta, ad cuſtodiam portus, perſugiumque, ſi quod bellum ingrueret, exhibendum longe tuſſimum: *Gothorum* enim multitudine, inſolentiaque ſpectata tenere ſeſe adhuc memoria, illos unâ cum Rege ſuo *Alarico* *Italiam* ingreſſos, reliquiſſe eam rapinis atque incendiis vaſtatam, ipſamque urbem inſeſto agmine petiſſe, & direptioni mandaſſe. Quare præter eos motus, quos aliâs attuliſſent *Gothi*, cives *Patavinos* perceptis conatibus iis, qui ex *Auſtraliſ*, & *Occidentaliſ* regionibus tunc per eos gliſcerent, timore adductos ſtaſiſſe, vel eo ipſo anno cxxx. xvi. Kal. April. urbem condere, in qua perſugium compararetur, & porius juxta fluminis oſtium, coacta univerſa multitudine in eum locum, cui nomen *Rivo alto* ex inſulis, & ſtagnis, atque adeo ex tota provinciâ. Urbem porro *Venetias* nominatum iri, biennioque præſuturos operi eo tranſmiſſis conſules, à quibus fundamenta jacta vi. Kal. April. circa maridemi primos autem præſectos operi *Conſules* *Albertum* *Faletrium*, *Tho-*



*tis nostræ Civitatis statui quædam dicere.*

Quo tempore maximum belli terrorem toti *Italiae* inferebat, propediemque invasurus ipsam dicebatur *Attila Rex Hunnorum*, fama conitans est, eos populos, qui *Veneti* tunc appellabantur, apparatu tam magno exterritos, in aestuaria maris *Adriatici* commigrasse, & parvas eas

A insulas tenuisse, quæ positæ sunt inter ipsum lit-  
tus & continentem. Autores hujus fugæ *Patavini*  
sunt habiti, & cum *Aquilejæ*, & *Concordiæ* cives,  
aliorumque oppidorum finitimorum; & alii qui-  
dem alias insulas insederunt. Urbis tamen ipsius pri-  
ma fundamenta in *Rivo alto Patavinos* jecisse fuit  
memoriæ proditum anno *cdxxi*, & quidem ipso die  
fe

Thomam Candianum, & Zenonem Daulum: alteros Con-  
sules Lucianum Paulum, Maximum Lucium, & Ugonem  
Fufum.

Hoc dicitur exemplum esse illius monumenti, quod ex-  
nescio quo *Patavino* tabulario fuerit depromptum, cum ta-  
men ipsum *Patavium* dirutum, & solo æquatum sine ullis  
habitoribus diutissime manserit, & usque eo rerum *Pa-  
tavarum* memoria interierit, ut ne *Patavini* quidem ipsi ne-  
gare audeant, quod à viris gravissimis testatum accepimus,  
ejus urbis nullam prorsus extare memoriam ante *Ecelini*  
Tyranii crudelissima tempora: Quid? quod in nostris *Anna-*  
*libus* scriptum reperimus, *Patavinis* suis Oratoribus ad *Nar-*  
*sem* missis, dum *Ravennam* per hæc æstivaria contenderet, id  
ab eo contendisse summo studio, sed frustra, quod antea non se-  
mel, & ab *Odoacre*, & à *Theodorico*; uti paludium stagnorum-  
que possessione, quæ per injuriam sibi erepta criminabantur  
*Venetis* deciderentur, atque expellerentur. Non igitur *Ur-*  
*bis* conditores, sive primi auctores, quin potius hostes *Pa-*  
*tavini* fuerunt, quoad oppugnati à *Longobardis*, & *Patavio*  
everso, coacti sunt ad illos confugere, à quibus dissidebant.  
Quin ergo monumentum hoc falsum fictumque fuerit, nul-  
lus dubito: sed quia *Scarleoio* arque nonnullis rerum no-  
strarum scriptoribus imposuit, *Venetique* nominis calumniator  
post homines natos nequissimus, ut libertati *Veneta* no-  
tam inureret, hoc ipso tanquam firmissimo innititur funda-  
mento, *Patavinis* subjectam ab ipso natali fuisse *Rempublicam*  
nostram, operæ pretium existimo. decretum hoc,  
quod circumfertur ineptissime & absurdissime concinnatum,  
examinare: quot enim verba, totidem sunt expressa menda-  
cia.

Primum est: ultimum annum *Innocentii* primi à *Christo* nato fuisse cxxx. cum ejus obitus contingerit quadriennio ante: successit *Zosimus*, qui obiit anno duodevigesimo extremo: creatus fuit anno proximo *Bonifacius* primus, cujus anno post altero Urbis fundamenta posita.

Alterum : Innocentium Pontificem fuisse oriundum ex *Apono*, qui locus à *Pavatio* abest passuum quatuor millia. Impudentia scriptoris eminentis, aut summa imperitia, ut *Pavatinum* faceret Pontificem ; *Aponum*, sive *Aponensem* pro *Albano* ridiculè accepit.

Tertium: tunc regnum *Patavinum* ullum viguisse, quo tempore Imperatores rerum potiebantur: id verò nullus, quantumvis hebes & rudis, ignorare potest; licet ut muniat undique causam, perbelle mendax iste cum ipso regno, senatum, consules, cives *Patavinos*, Rempublicam confundat.

Quartum: antequam *Rivus altus* ædificaretur, hoc est, annum cdxxi. extitisse complura oppidula per hæc stagna dispersa, ex quibus tunc una demum civitas coalescit. Contigit hoc satis longo intervallo post, nimirum anno dcccxi. *Heraclæa* primum, & *Equilio* funditus everfis: deinde *Albiola*, *Clodia*, *Metamanco*, & aliis, unde plurimum incrementi *Rivo alto* accessit, quemadmodum ex omnibus annalibus clarissimè constat. Sed ante annum cdxxi. nullum erat in his paludibus oppidum, ac ne in fœmnis quidem. Nisi quis velit ea, quæ *Strabo* scripsit de *Aquileja*, *Adria*, & aliis oppidis, quæ tunc temporis mari alluebantur ad *Metamancum*, *Heracliam*, *Equilium*, & alias insulas, ineptissimè, ut sceleratus nebulo fecit, atque prodigiosissimè traducere.

Quintum : inane studium ad custodiam & tutelam portus, cum nullæ barbarorum copię maritimę forent, non modò classis apparandę, sed urbis condendę; præposterumque ac peruersum illorum cõsiliũ, qui minime cõsulerent suę incolumitatĩ inter agrorum & urbiũ sãvas direptiones, cum *Alaricus & Ataulphus* essent in *Italia*, ceteręque Imperii provincię omnes bello arderent, à tyrannīs fædissime laceratę. Sed cum summa pax & tranquillitas ubique vigeret, *Italia*, *Gallia*, & *Hispania* proximè pacatis, barbarisque omnibus compressis, ac Tyrannis deletis, de quibus Imperator *Honorius* triumpharat anno *ccxvii*, tunc intempestiva formidine fugam adornarent, hoste nullo apparente, ne dum insequerentur.

Sexum: ex Australibus regionibus atque Occidentalibus ea tempestate *Gothorum* motus auditos; qui stabili foedere cum *Romanis* juncti, *Alanos*, & *Vandalos* in *Hispania* multo præliis attriverant, & certam demum *Gallia* partem possidendam acceperant, beneficii præmiique loco ab Imperatore, cui strenuam fidelemque operam, si unquam alias, præstabant. Auctor hujus eminentis decreti, quisquis ille fuit, cum audiret, à doctis viris scriptores quosdam amentia reprehensos immaturè nimis, causatos *Hunnigos* terrores; pro *Attila* & *Hunnis* subjecit *Gothos* & *Alaricum*; astute quidem, sed non satis aut consulto, aut scite. Nam licet aggressiones *Gothorum* urbis novæ origini multo, quàm

*Attila* irruptio, propiores fuerint: uterque tamen timor in-  
tempestivus, ac nullus; ille, quia jam desierat, hic, quia  
longum aberat, *Attila* nondum, aut vix dum in lucem su-  
scepto, & *Romano* Imperio post diuturnas ærumnas, & ca-  
lamitates ad spem amplitudinis pristina reviviscere.

Septimum: tunc statim *Rivo alto* inditum *Veneriarum* nomen ex illo *Patavinorum* Senatus Consulto, quod nomen perspicuè vetera monumenta docent omnibus initio pariter commune fuisse, quæcunque continerentur his littoribus atque stagnis oppida; multo autem post, ut proprium, *Rivo alto* tributum, quàm migrationes eò fierent ex omnibus insulis. Etenim multæ sunt veteres sanctiones, multa privilegia, quæ leguntur edita, & data in urbe *Rivo alto*. Seroque admodum hoc ipsum *Veneriarum* nomen tam longe lateque patens olim, quam stagna omnia, & littora in *Rivi alii* terminos concessit, secus atque præ se fert hoc *Patavinum* decretum imperitissimè confectum, & omnino falsum.

Sicut ergo constanti Civitatis opinione Urbis conditæ dies est VIII. Kal. Aprilis, ita ex *Patavino* decreto id contigisse nemo sanus est, qui dicere possit: ex nostris Annalibus liquidum constat, quamvis ratione divino potius, quam hominum consilio nova civitas ad *Rivum altum* constituta fuerit, Ceperat ibi vicus esse satis frequens, non modò piscatoribus & naviculariis, sed multis aliis mortalibus in unum coactis, postquam *Venetia* urbes *Alaricus*, & *Radagaisus* cum ingentibus barbarorum copiis invaserant. Ex arundinibus & asseribus constructæ habitationes, una duntaxat fuerat ex lateribus structa, quam incolebat illius fabricator *Entinopus* Cretenfis. Contigit, ut incendium repentè coortum, ventis favientibus, quaquaversum propagaretur, & vicum absumeret. Remediis ad flammam inhibendam omnibus tentatis, operisque inani labore defatigatis, conversus ad cœlestem opem implorandam, qua erat *Entinopus* ille religione ac pietate, solemini voto palam sese obstringit & obligat, si cohiberetur illicò flammarum furentium imperus, offerre se ad consecrandum tantum soli, quantum satis foret ad rem divinam peragendam, cujus rei gratia suscipere cogerentur itineris atque incommodi plurimum universi incolæ, templa delubraque adituri longo intervallo disjuncta. Conceptis precibus & votis præter omnium spem subito flamma substitit, ac incendium recedit, largissimis imbribus, ut fama, cælitus effusus. Atque ita, quò se voti religione solveret, in area suæ habitationis, quæ conflagraverat, *Entinopus* sacellum ædificavit, & *D. Jacobo* Apostolo dedicandum curavit, insigni celebrique admodum cerimonia, quippe cui dederint simul operam Episcopi quatuor, *Severianus* Patavinus, *Hilarius* Altinas, *Jucundus* Taurisanus, & *Epodius* Opiterginus: ac ne quid omini fausto & læto deesset, *Felix* ille sacerdos nominatus dicitur, cui primum sacelli cura demandata fuerat. Dedicationis autem dies festus, & ædificationis principium planè idem fuit, sed unius anni curriculo intercedente, quod omnia monumenta vetera testantur, utrumque VIII. Kalend. Aprilis contigisse, quæ lux orbi jucundissima, & sanctissima illuxit, cum optatissimi nuntii ad beatissimam Virginem, tum inauditi explicabilisque sacramenti, quod humanam divinamque naturam simul copulavit. Unà ergo cum tanti mysterii memoria, & cum novo templo illius urbis primordia jure consecrata, cujus foret ea laus unica & præcipua, quod nullis unquam profanis ritibus & superstitionibus, *Christiane* tantum Religioni nomen suum dederit, in qua orta, educata, & aucta perstabit æternum fixa, nec non consensescet. Novi porro fani aut sacelli exedificatio, circumfluentibus undique finitimis, ut ejus opportunitate uterentur facilius, tanti momenti fuit ad *Rivi alti* frequentiam, ut civitatis nomen, & famam inde habere cœperit, aucto magnopere numero ædificiorum, quæ circumcirca in dies excitabantur. Supervenerunt postea misera illa tempora, quibus *Attila* Rex *Hunorum* aggressus *Italiam*, nobilissimas quasque urbes *Venetie* deformavit, & diruit. Tunc oppida multa in stagnis simul inchoata, *Gradas* ab *Aquilensibus*; *Caprula* à *Concordiensibus*; ab *Altinatibus* *Torcillum*, *Majorbium*, *Boreanum*, & *Amorianum*; ab *Atestinis*, proximisque *Montis Silicis* civibus *Clodia*, *Metamaucum*, *Philistina*; & ab aliis alia, quibus postea relictis ob *Pipini* Regis, & *Gallorum* aggressionem, omnes in *Rivum altum* convenère. Et Urbem satis antea frequentem, frequentissimam, & incolis referatam justæ magnitudinis constituerunt. Ex his apparet, *Contarenum* incrementum potius & amplitudinem, quam ortum urbis respicere, dum *Attila* adventum commemorat, cum multo ante, anno scilicet cxxxii, condita fuerit, quod etiam publica fide & auctoritate statuitur, quæ ab eodem anno enumeravit semper annos urbis conditæ.



fecto Annunciationis Deiparæ Virginis, qui celebratur VIII. kalend. Aprilis. Et quoniam motus, & aggressiones *Hunnorum* tardius processerant; à primis enim rumoribus usque ad irruptionem ipsorum effluxere anni quatuor & viginti, quod quidem temporis curriculum iidem consuluerunt ad instaurandas copias detrimentaque sarcienda, quæ subierant, & pertulerant non modica, vel commisso ad *Tolosam* ingenti prælio cæsi, & profligati, vel perdomandis *Illyricis*, *Dalmatis*, atque *Istis* in ipso adventu permultum occupati. Quapropter hæc mora temporis interposita, atque interjecta, non multum incrementi Civitas tunc accepit, quin etiam patrias sedes multi repetierunt; sed qui tenebant *Rivum altum*, nihil immutata sententia ibidem commorati perpetuo manserunt. Ubi vero tandem Barbari in *Italiam* ingressi *Aquilejam* vi captam everterunt, eo tempore *Veneti* quam frequentissimi convenerunt ad æstuarium, & insulas omnes passim compleverunt. Sunt qui memoriæ tradiderint eo, quo dixi, Beatæ Virginis Festo die dedicatum fuisse templum D. *Jacobo* Apostolo sacrum, ab iis, qui tunc erant incolæ *Rivi alti*, primum extructum, unde Civitatis ipsius ducta sunt primordia; veruntamen anno CDXLVI. cum *Attila* jam pervassisset, & pervassisset *Italiam*, earum civitatum, quas nominavi, populos in has insulas convenisse tanquam in tutissima loca, frequentissimoque omnium, qui adessent, habito concilio, tandem constitutum fuisse, ut domicilium stabile, atque certum ibi collocaretur, neque ullus reditus amplius in continentem: atque hæc altera quodammodo statuuntur incunabula nascentis Urbis ab his autoribus. Sed hæc opinionum variatio non est alicujus momenti, & nostra nihil penitus interesse potest: illud enim exploratissimum, & certissimum est, ob *Hunnorum* terrorem confluentibus in dies magis ac magis hominibus, Civitatem mirum in modum auctam, & amplificatam excrevisse adeo, ut non multo post armis decernere potuerit adversus *Istros*, atque *Dalmatas*, à quibus

A infestabatur, & victoriam consequi, atque etiam *Belisario* summo *Justiniani* Imperatoris Duci auxilia non contemnenda suppeditare in obsidione *Ravennæ* contra *Gothos*, eo rerum eventu, ut *Vitiges* ipsorum Rex bello captus, transmissus ab eo fuerit victus ad *Constantinopolim*. Anno quoque fere centesimo ab ipsa Urbe condita, cum venisset ad *Italiam* vindicandam à servitute *Gothorum* *Narses* alter Dux ejusdem *Justiniani*, non mediocribus officiis, atque copiis à nostris adjutus, ut aliquod monumentum harum rerum apud nos extaret, grati animi ergo duo fana curavit ædificanda; alterum D. *Theodoro* martyri sacrum, ubi nunc ædes conspicitur D. *Marci*; alterum B Divis *Geminiano*, atque *Menæ*; quod quidem erat olim in medio foro, sed ornandi, & amplificandi loci causa mox dirutum, *Vitali Michælio* Duce denuo conditum fuit in extrema area. Permultum etiam Civitas incrementi accepit ex infesto *Longobardorum* adventu post *Narfetis* obitum, cujus gentis immanitas efferata fecit, ut omnes undique certatim has in Insulas fugerent, ipsaque Civitas longe, lateque propagaretur. Quin etiam paucis post annis cum *Agilulphus* *Longobardorum* Rex *Patavium*, atque *Acelum* funditus evertit, Respublica multum crevit confluentibus incolis utrinque, quarum ingentem vim, atque numerum neque *Rivus altus*, neque Insulæ proximæ capere amplius poterant, ideoque C complere habitatoribus necesse fuit aliam Insulam, quæ *Gemina* eo tempore dicebatur, Urbe non modò frequentiori, sed ampliori etiam redita: quæ sane in hoc statu permansit quiete, & tranquille nullo bello gesto, præterquam quod à finitimorum injuriis acerrime se, suaque defendit usque ad illud tempus, quo Duces in Republica cœptum est creari, qui fuit annus ab Urbe condita CCLXXXII. Ab eo tempore paulatim vigor excitari, & egregia vis animorum sese efferre cœpit, maximorumque inimicorum impetu represso & Imperium & robur simul amplificavit, ut cum <sup>1</sup> *Gallorum* vim sustinuit & egregie devicit *Obelerio* Duce IX. cujus rei supra memi-

1. *Gallorum vim sustinuit, & egregie devicit.* J His ipsis temporibus *Beati*, *Venetiarum* Principis, auspiciis & ductu parta est insignis victoria, quæ cunctis ferè celebrata scriptoribus, à quibusdam in dubium revocatur. Sed *Annalibus Venetis* antiquissimis, atque probatissimis, & monumentis amplissimis hujus pugnae, quæ multiplicia supersunt ad hæc usque tempora, nescio cur aliqui minorem fidem tribuendam censeant, quàm plebejo & rusticano sermone conscriptis ab ignoto auctore, nescio quibus *Francorum* *Annalibus*, unde *Aimonius*, sive *Annonius*, *Rheginus*, *Ado*, & quidam monachus ex cœnobio *Engolismensi*, qui vitam *Caroli Magni* per annos digessisse traditur, non modò hauserunt rem gestam, & sententiam, prout ipsi tradunt; sed etiam verba ipsa fuerunt mutuati, & quod ridiculum est, eodem propè ordine structa, & collocata. Quamvis intuentibus rem totam probe & accurate, à nostris *Annalibus*, *Franci*, etiamsi veri essent *Annales*, & eo tempore scripti, non omnino diffident, quatenus ajunt, à *Pipino Venetiam subactam*. Nam ejusmodi famam per *Galliam* increbuisse, credendum ex eo, quod plurima *Venetæ* oppida *Pipini* armis capta, *Metamaucum* quoque ipsum occupatum fuerat, ubi usque ad eum diem Imperii *Venetis* sedes erat collocata. Accessit huic etiam causæ *Venetorum* Ducum, qui exulabant, *Obelerii* fratrumque ad *Gallos* transfugium, quod nomine deditionis fuit ab ipsis acceptum. Propterea conati sunt *Franci* non modo victoriam, sed gloriam quoque subactæ *Venetia* sibi vindicare: quibus nos hæc opponimus, & regerimus. Primò, irritum & inane omnino fuisse, per Duces transfugas & perduelles quicquid fuerit gestum. Deinde, quamvis oppida multa capta eversaque fuerint, ab his tamen calamitatibus *Rivum altum*, cæteraque finitimas insulas intactas mansisse, quò Dux, & omnis Magistratus ex *Metamauco*, ingensque Patriciorum numerus, ex omnibus insulis communi consilio commigraverat. Postremo, quod ipsam causam & rem totam continet, cum *Pipinus* in intima stagna sese insinueret, ut extremam bello manum imponeret, capta *Rivo alto*, accepisse illam memorabilem cla-

dem, multis *Francorum* millibus deletis, atque trucidatis, coactumque *Venetis* finibus abscedere irritum conatu. Sed operæ pretium fuerit hæc altius repetere, totamque rei gestæ seriem ob oculos ponere, ut omnes probe intelligant, & aperte videant, nullam fuisse causam justam & legitimam *Carolo Sigonio* doctissimo Viro inhibendi assensum, & in medio relinquendi rem, ut minus compertam; neque *Cæsari Baronio* Cardinali ita pertendendi, ut etiam coarguendos existimaret nobiscum sentientes. Quid enim perversi, & malevoli scribant, susque deque. Cum igitur è vita migrasset *Obelias*, qui *Olivolensis* Episcopus primus ordinis fuerat, alteriusque sufficiens gratia in demortui locum, comitia popularia solemniter habebantur, *Joannes*, & *Mauritius* Duces, ille pater, hic filius, opibus & gratia connixi, quam maximè poterant, *Christophorum* quendam *Gracum*, cui studebant impensius, annos duodeviginti natum eò fastigii extulerunt. Res indigna visa tribunis, multisque optimatibus, quorum omnium auctoritate ac potentia fretus, conscientia quoque stimulante, cujus est vis maxima, *Joannes* Gradenensis Patriarcha, vir optimus atque innocentissimus, ut adolescentem consecraret, adduci non poterat; tantumque abfuit, ut Ducibus obsequeretur non modò precibus, sed convitio propè assiduo agentibus, ut pro ea persona & dignitate, quam sustinebat, cum etiam grandis admodum natu foret ac provecta ætate, liberius utrumque admonitum potius increparet. Hinc novi ac inauditi sceleris violentia exarsit, ingentium calamitatum & malorum origo. Impotens animi, & furore præceps adolescens instructo navigio, patre Duce connivente, cum satellitibus *Gracum* derepente advolat, & Pontificem nihil minus suspicantem opprimit, injectisque manibus sacrilegis ex altissima turri, quæ sacris ædibus imminet (namque illò confugerat) deturbatum in caput præcipitem agit. In tanti sceleris memoriam proditur divinitus factum, ut saxa respersa tam altè cruorem imbiberint, ut nullo modo potuerit unquam elui, multaque secula hominibus spectaculo fuerit. Atrocitas facinoris hujus allatura fuerat non mi-



ni. Gessere deinde Majores nostri res maximas, & præcipue mari, bellicque victores Imperii suis latissime protulerunt. Hinc ad res in continente animis conversi eos eventus, qui res humanas sequuntur, experti sunt in iis, quæ fuerant aggressi, ut omnibus est notum. Sed quoniam civitates amittunt veteres suos cives & novos asciscunt, ob domesticas seditiones, ob externa bella, aut etiam pestilentiae causâ: nostra Civitas nihil ejusmodi est unquam passa, ut in diversas partes, factionesque distracta, modo hanc, modo illam extrudere coacta fuerit, quod

accidisse videmus ferè cunctis *Italiae* urbibus, quæ civilibus odiis atque armis se ipsos prope deleverunt. Externa verò bella ita propulsavit, ut estimationem, atque gloriam sibi comparaverit aucta etiam ditione: pestilentiae vim duntaxat aliquando subiit, quemadmodum contigit *Andrea Dandolo* Duce LIV. qui ad id fastigium eventus est anno MCCCXLI. & in eo fuit usque ad annum MCCCXLV. Unde conjecturæ locus relinquitur, hanc fuisse pestilentiam illam insignem anni MCCCXLVIII. à *Boccacio* vestro tantopere celebratam. Eo quidem tempore lues

pe

minus filio, quam patri supremum exitium, nisi re maturè composita, sese ut culpa eximerent, in quodam è satellitibus crimen conjecissent, infamiam tamen declinare nunquam potuerunt, neque invidiam, & odia cunctorum civium, qui studia suffragiaque sua illi detulerunt, quem scirent omnium insensissimum Ducibus futurum, *Graden* Patriarcha renunciato, qui arctissima propinquitate interemptum attingeret, *Fortunato* nepote, opinor, ex fratre. Quin nova discordiarum semina excitanda forent, veteraque plurimum augenda, nulli dubium erat: Patriarcha Ducibus diffidere, Duces Patriarchæ, utrinque suspiciones fraudum, atque insidiarum. Opportunitas tantum expectabatur, quam antecapere unusquisque pro virili studebat. Sed *Fortunatus* gemino stimulo incitatus, & persequendæ necis patruo iniquissimè allatæ, & avertendi periculi, quod sciret imminere sibi, mirum nō occupasset, atque anteverisset. *Obelerius* Tribunus *Metamaucensis*, & Optimates nonnulli, coitione facta de necandis aut extrudendis Ducibus, agitabant consilia. Fueritne Patriarcha ipse auctor, non expedit, socium quidem se præbuit non modo hortatorem. Nihil propius erat, quam ut res ex voto succederet, nisi delata per certos judices ad Duces præcaveri potuisset. Conjurati conjuncti in magnas angustias de relinquenda patria omnes cogitarunt, non tamen inconsultò ac temerè, sed re constituta, ut Patriarcha in *Galliam* proficisceretur, ad Imperatoris *Caroli* auxilium fidemque implorandam; *Obelerius*, & cæteri audaces, atque manu prompti *Taurisium* se recipere imminentes Ducibus, si qua daretur opportunitas ex vicino oppido: quæ spes atque expectatio minimè fessellit. Audito enim *Obelerium* in propinquo esse, non solum propinqui, affines, amici, clientes, sed etiam quotquot in Ducibus sperant concitati, vel offensione aliqua accepta, vel studio ipsorum, ad ipsum profugiebant ex Urbe clam noctu; ea res ingentem trepidationem Ducibus injecit, ne aut ab omnibus destituerentur, si res ad manus veniret, aut cunctando diutius domi opprimerentur, incerti quosnam caverent, aut fideles haberent in Urbe sibi omnium maximè suspecta. Quapropter obfistere *Obelerio* non auri vim apertam paranti, jamque arma inferenti, turpiter excidunt patria, atque dignitate. Re pervulgata & comperta conjurati appropinquarunt, *Metamaucenique* omnes effusi obviam *Obelerio* civi suo reduci gratulantur, & faustis vocibus, & ominibus Principatum destinant, quem certè paulo post obtinuit in conventu publico, insularum pariter omnium accedente consensu. Dux *Obelerius* declaratus ad firmandas opes pro magno negotio habuit exorare populum, ut adjutores, & collegas sibi habere liceret *Beatum* & *Valentinum*, fratres minores natu. Mox datis literis ad *Fortunatum* Patriarcham de re feliciter gesta certior facit, ne pergeret Imperatoris animum incendere amplius; *Gallici* auxiliis nihil opus fore, quamprimum inter maturaret, & sedem repeteret. Hinc planè intentus in eam curam cogitationemque, ut Principatum sibi ac suis stabiliret, quo dignitatis recuperandæ Ducibus extorribus adiutum omnem præcluderet, atque spem præcideret, *Heracleana* urbi, ex qua illi traxerant originem, machinatus excidium, ad extremum attulit, specie tuendæ pacis & tranquillitatis, bellorumque civilium semina tollendi inter cives *Heracleanos* & *Equilinos* assidue vigentium, qui capitalibus odiis inter se diffidebant, trahebantque alias civitates omnes in suas partes. In publico igitur conventu ea lex fuit perlata, qua funditus eversum oppidum utrumque, & incolæ universi migrarunt, quò cuique libitum. Res tranquillæ futuræ videbantur, sublati undique causis omnibus turbarum, concorditer administrantibus fratribus rempublicam, ex *Gallia* reverto pridem *Fortunato*, amplissimis Privilegiis à *Carolo* impetratis, quorum exemplum est videre apud *Andream Dandum*. Sed unus adhuc hærebatur scrupulus, unus ille timor, qui *Obelerium*, & fratres non benè habebat, ne pulsi Duces quandoque restituerentur, idque in gratiam Imperatoris *Constantinopolitani*, qui sæpè contenderat hanc rem satis vehementer, cum duceret alienissimum à sua dignitate, non minus supplicum, quam suam negligere causam: cum eos habuisset semper conjunctissimos, acceptoque beneficio consideret magis fore obnoxios. Hac de re *Obelerium* sollicitum nuntius recens perculit; *Constantinopoli* classem instrui, in *Dalmatia* mittendam ac *Venetia* oras,

quam primum navigatio tuta crederetur. Quapropter rebus suis diffidens, & magnopere anxius cum *Fortunato* Patriarcha rem totam confert, aliis quoque amicorum præcipuis in consilium adhibitis: id inter omnes convenit, nihil amplius cunctandum, sed externa præsidia cito comparanda, quibus adversus ingruentem vim sese præmunirent. Itaque licet hyems immineret quam proxima, unà in viam se dant *Obelerius* & *Beatus*, adituri *Carolus*, minimo fratre *Valentino* domi relicto, propinquorum & amicorum præsidiis peregre instructo. Tunc Imperator *Carolus* erat in *Germania*, ubi celeberrimum conventum agebat apud *Theodunum*, & commodum quidam Principes *Dalmatarum* advenierant, inter quos memorantur præcipuè *Paulus* & *Donatus*, ille Comes in urbe *Fadera*, hic autem Episcopus, imploraturi auxilium adversus *Nicephorum*, à quo defeceant quibusdam provocati injuriis. Hos igitur nacti Duces, & cum iis congressi, quia causa communis ipsorum agi videbatur, communicatis inter se consiliis *Carolo* demonstrant, quanti referat exturbare *Græcos* navigatione, commerciiisque *Adriatici* maris penitus excludere: quanto fuerit incommodo ea res hæctenus neglecta, quantoque usui futura, si vindicaretur, universo *Italico* regno, & in primis *Ravenna*. Quibus rationibus facillè *Carolus* adductus, perbenignè complectitur *Dalmatas*, & *Venetos* Duces, spondetque inito cedere, se perpetuo futurum ad retinendam dignitatem ipsis adiutorem, quam etiam auctoritate sua munit, atque sancit. *Annales Francici* supra memorati, id ut exprimerent rustico illo atque barbaro sermone, tunc edidisse *Carolus*, tradiderunt, *Ordinationem de populis*, atque *Ducibus Venetia & Dalmatia*. Sed *Nauderus*, & alii postea rem, ut sit, in majus tollentes longissimo temporis intervallo commenti sunt nescio quam postulat, quo jure quisque viveret, unde arrepta fuit ansa formodum à malignis, & invidis quibusdam maledicendi, ac detrahendi libertati *Venetae* Reipublicæ. Sed fugit illos ratio & animadversio, non fuisse primo constantiæ & justitiæ *Caroli*, quos triennio ante sui juris esse declarasset, quemadmodum vel à primis temporibus fuisse cognoverat, eisdem citra ullam noxam libertatem eripere, cum nulla esset injuria unquam laceffitus. Deinde minimè situm in arbitrio Ducum illorum, quas ipsi juberent leges Reipublicæ imponere, nedum ab aliis jussas per fraudem obtrudere. Quod si aliquid publicæ libertati contrarium pepigissent, quod nec ostendunt, nec à sanis hominibus credi potest; adhuc tamen non quid pepigerint Duces, non quid jusserit *Carolus*; sed quid Reipublicæ sciverit, est examinandum. Inconsultis Tribunis, & injussu populi factum, si quid modo factum fuerit, ex eo facile cognoscitur, & aperte constat, quod causæ nihil erat *Venetis* eo tempore, cur à priori cedere discedendum putarent, quo pariter juncti erant cum utroque Imperio, ut *Gallis* sese adjungerent, immo vero, ut isti ridicule scribunt, subjicerent. Sed illud propalam testatur, & prorsus evincit, in amicitia *Græcorum* *Venetos* mansisse, quod cum classe *Byzantio* profectus *Nicetas* Patricius, ad comprimentes *Dalmatas*, & *Jadrenses* præcipue, qui auctoribus iis, quos diximus, rebus novis studebant, non modo Reipublicæ opibus cunctis fuit adjutus: sed insigni quoque gratulatione *Metamauci* exceptus, quo appulsus fuerat post res *Dalmatia* compositas; ibi concilio coacto ex omnibus insulis, quid in mandatis haberet, aperit, & cum *Venetis* agit, ut pulsi *Mauritii* Duces, si non pristinae dignitati, saltem foris, & penatibus suis restituerentur: sed homines cum præteritorum scelorum & crudelitatis, tum libertatis memores, quam rebus omnibus præferrent, neque Præfecti, qui aderat, studio & contentione, neque auctoritate *Nicephori* potuerunt adduci, ut permitteretur exulibus reditus in patriam. Prudenter itaque *Nicetas*, cum nihil proficeret, ne cives alienaret, id consilium abiecit, & alterum suscepit, quod in rem magis esset, quibuscunque posset officiis demerendi *Obelerium*; Protospatarium enim cum renunciavit, qui titulus eo tempore non vulgaris erat, & non solum ejus propinquos & familiares, sed etiam ex Optimatibus præstantissimum quemque, vel muneribus, vel pollicitis sibi obstringere curavit, *Fortunato* Patriarchæ itidem multa præstaturus, nisi ille sub classis adventum rebus suis timens ad *Carolus* se recipere statuisset. Pacatis *Dalmatia* rebus, ne quid moveretur, quod ipsius reditum *Constantinopolim*



pestifera Civitatem nostram multum exhaustit, ut ad recuperandam pristinam suam frequentiam, ac celebritatem necesse fuerit edicto quodam sancire, ut quicumque se conferret ad habitandum *Venetias*, is elapso biennio Civis haberetur. Sed pestilentiae ea vis est, ut plerumque non sit exitio nisi plebeculae, cui remedia illa praesto non sunt, quae suppetunt instructis, optimeque paratis, à re domestica. Quo fit, ut facile existimem, eos omnes, qui munire se adversus ingruentem mali vim commodissime poterant, eo quod opibus abundarent, ejus calamitatis exper-

tes, praeter paucos, fuisse. Non multi menses effluerunt, ex quo mihi loqui contigit cum Vi- ro quodam Patricio è civibus vestris, qui percunctanti mihi genus detrimenti, quod pestis ante biennium intulisset civitati vestrae, in hanc sententiam respondit; ipsam plebem misere affectam, & afflictam esse, ceteros omnes prope incolumes evasisse, qui rebus necessariis ad vitam destituti non essent; ut ex iis, quae narravi, constare putem, Urbem nostram quam frequentissimam perbrevis evasisse: cumque calamitates illas minime pertulerit, quarum occasione mutatis ha-

bi-

*nopolim* morari amplius posset, biennales inducias cum *Gal- lis* constituit *Nicetas*, deditque operam, ut secum mitterentur per speciem legationis ad Imperatorem Patricii quidam *Gallico* nomini nonnihil additi, inter quos eminebat *Obelerii* frater *Beatus*. *Nicephorus* Legatos omnes perbenigne complexus tantum abfuit, ut causam exulum tueri pergeret, ut pro negotio habuerit, quod *Nicetas* acceperat conciliare sibi, si qui forent adversarum partium. Quapropter ad ea munera, nec non ornamenta, quibus affecti & auxit singulos Legatos, *Beatum* Ducem, priusquam *Venetias* rediret, solemnī ceremonia *Hyparum* creavit. Erat ea dignitas multo amplior quam *Protospatharii*; unde dissidia gravissima inter fratres orta, cum alter alteri concedere nullo pacto vellet, *Obelerius* praerogativam aetatis, ac dignitatis, communicique honoris cum fratribus summum beneficium, & magnifice praedicare, & palam exprobrare. Contra *Beatus* efferre Imperatoris iudicium, quo fratri non modò æquatus, sed praestatus fuisset, ob indolem, atque praestantiam animi majorem. Animos utriusque acrius incendebant, & amicorum diversa studia, & rumores vulgi. Pauci *Obelerio* studebant homini iracundo, moribus difficillimis, ac praefracto ingenio: *Beatus* erat in oculis & deliciis omnium, propter ingenii suavitatem, summamque elegantiam: hinc planè repugnantes sensus, atque voluntates. Hic amplecti, & curare sedulo, quae jucunda civibus; ille ingrata, & invisa ob invidiam fratris: ille propensior in *Gracos*, hic autem in *Francos*, & accedebant causae ex affinitate, nam duxerat ex *Gallia* nobilem uxorem, cujus illecebrae apud hominem valebant, adiciebantque eo stimulos acriores, quod sibi visus imparior à praesidiis domesticis, existimabat externa ambiri oportere. *Gracorum* copias reputabat pro *Beato* stare; nullum sibi aliud pertugium praeter *Francos* relinqui, ni amissa existimatione dignitateque omni vellet civibus despiciatui ac ludibrio esse, vel cum certa perniciē Reipublicae adnitendum sibi, quo retineret principem locum, & deiceret fratrem, ut adversus audaciam & perfidiam inimicorum *Gallorum* praesidio se tegeter, atque communiret. In ea cogitatione *Obelerius* defixus per emissarios quosdam suos cum in eo jam foret, ut cum *Pipino* Rege pacifceretur (huic enim res *Italia* jam commissae tuerant) elapsis induciis iis, quas *Nicetas* fecerat, *Paulus* Dux *Cephaloniae* appulit cum classe, qua *Graca* ditionis oppida tueretur. Cum verò nullae *Gallicae* naves in altum existerent, ne frustra suscepta expeditio ab eo videretur, ex iis locis, quae tenebantur *Gallicis* praesidiis, aggredi, & oppugnare aliquem constituit. Visum est opportunius ordiri à *Comaclo*, quod situm est in stagnis ad *Padi* ostia, piscatu fructuosissimum, & è salinarum, quae frequentes etiam tunc inerant, amplis vestigalibus. Igitur *Venetorum* auxilia è propinquo accersit, quae debebantur *Gracis* ex antiquo foedere. Ea verò ne mitterentur, impedire non potuit, quamvis maxime cuperet *Obelerius*. Quod autem proximum erat, ne cui forent usui, cum *Beato* etiam ipse proficisci voluit, & diu ludificatus *Gracos* varia cunctatione, cum spectator certaminis verius, quam adjutor esset, ut irrita cederet oppugnatio, magna causa fuit. Nam veteranus miles, quierat in *Comaclo*, ex *Ravennae* statione subsidio missus, à muro saepe depulit *Gracos* maxima cum caede, ut tandem potiundi oppidi nulla spe relicta, Praefectus classis incepto illo abstiterit, moerens quod ignominiam, & dedecus turpiter subisset, pro laude & gloria, quam inconsulto nimis quaesierat. Eam labem ut abstergeret, famaeque consulere, existimavit operae pretium esse derivare in *Venetos* crimen rei male à se gestae: & forte quod *Obelerius* vitio suo fecerat, id publico decreto factum opinabatur. Ergo ratus Imperatori suo ægre non futurum, si, rebus ejus in tuto constitutis, cum *Pipino* transigeret, firmaretque pacem, desertis ac destitutis iis, à quibus ipse destitutum se conquereretur, constituit, ut æquiore *Pipino* adhuc uteretur, *Obelerium* simul & *Beatum* comprehendere. At percussu atrocitate rei, quam resciverant Duces, neque enim tanta res latere diu potuit, in auctorem insidias erant conversuri, ac ni vererentur *Nicephorum*, male multaturi. Sed ille, ubi videt fraudem esse patefactam, ne qua vis inferretur sibi, propere discessit, atque ita pacis negotium infectum reliquit. *Obelerius*, qui conatibus *Pauli* propterea obstitisset, quod se communi periculo cerneret implicitum, quodque sui non alterius vellet

esse muneris, quam moliretur fraudem summamque perfidiam, ne, quod instituerat, corrumpere, maturare statuit; nec satis habuit tantum ipse ad hostes transugere, sed auctoritate sua quoque *Valentinum* impulit, quem habebat obsequentissimum ut minimum natu, in societatem sceleris, & furoris sui; quia etiam classis eam partem, cui praefectus erat, inimicis prodidit, ad quorum vim propulsandam *Reipublica* eum miserat. Hoc facinus honestarunt *Franci* deditionis nomine, cum tamen esset proditio, atque perduellium. Ut fratrem modo depelleret à gubernaculis, nihil veritus infamis ille ac nefarius proditor, & rapinis, & caedibus hostium objicere patriam. *Pipinus*, eductis copiis, quas in promptu habebat, ne qua mora interposita, *Veneri* colligerent animos, quos eo nuntio credebatur abjectos jacere, oblata naviter utebatur opportunitate, & ad majorem terrorem incutiendum, quacumque duceret agmen in oris maritimis, omnia complebat rapinis, caedibus, incendiis. Excepturi qui erant primum Regis impetum, trepidantes in fugam se conjicere, idem exemplum proximi oppidani secuti, penates imminentibus *Francis* vacuos relinquere. Maxima omnium aetatem, ordinumque fuga ad *Metamaucum* fiebat ex omnibus insulis, quippe ubi *Tribuni* essent cum *Beato* Duce de *Reipublicae* summa consultantes. Invaserat plerosque tanta trepidatio, ut planè desperarent de ipsa libertate: sed omnium animos erexit, atque confirmavit oratio vehemens, & acris fortissimi Ducis, desertores & transfugas fratres multum execrantis, obligantisque *Reipublicae* fidem, nec non caput suum. Excepere ipsum perorantem nonnulli Optimates, quibus nihil erat antiquius, quam *Reipublicae* salus. Ab his animosè ac prudenter sententiae sunt dictae, & à concione frequentissima statim comprobatae. Principio Duces, qui ad *Francos* turpiter defece- rant, hostes communi decreto patriae iudicati, dignitate ornamentisque omnibus non modo spoliati, sed etiam poena supplicii capitalis adjecta, si quando capti venirent in potestatem, quod quidem contigit utrique; sed diverso tempore. Hinc ad rationem belli propulsandi conversi, cum ipsi *Metamauco* jamjam inmineret, non expectandos ibi hostes differebant, sed insulis continenti proximis relictis, quae hostilibus incursionibus facile paterent, tum liberis, & conjugibus, & fortunis omnibus in *Rivum altum* continuo transmittendum, circumjacentibus stagnis undique munitum, quò penetrare infestae classes nullae possent. Inter *Tribunos Rivi alti* multum eminebat & opibus, & splendore generis, & auctoritate, *Patricieca* è familia, sive *Patriciaca*, traditur enim hoc nomen ab illo deductum, ingentis animi vir, nomine *Angelus*: is vicem suam sollicitus, & nonnihil veritus, ne quid decederet forte auctoritati suae, si Dux ibi confisteret, ceteri summa potestas, cum repugnasset aliquamdiu huic deliberationi, ad ultimum est assensus, sed ea conditione, ut Dux in *Olivolo* sedem collocaret, *Tribuno* jus & fas esset, locum suum tueri. Commodum *Veneri* trajecerant in *Rivum altum*, cum *Pipinus* infesto exercitu *Metamaucum* venit, desertumque cunctis ab incolis oppidum ingressus, quae parta jam victoria solent à victoribus, ea publicae laetitiae signa cuncta edidit: forsanique ad patrem ipsam literas dedit, quasi jam bello confecto, atque profligatum. Nam praeter insulas & oppida, quae invaserat, ipsam etiam *Venetorum* occupaverat regiam, & bini Duces ad ipsum cum classe transiverant. Una duntaxat anus *Metamauci* permanserat, à penatibus divelli non passa: virilis animi supra sexum & aetatem mulier. Haec ad Regem perducta cunctis audientibus de fuga Ducis, de metu, ac perturbatione, in qua versarentur omnes, desperatis rebus, quae gratissima forent auribus, omnia retulit. Ut homines oratione sua sensit inflammati, suorum formidinem, qui patriam deseruerant, execrari simulans, *Gallos*, urgeret instarentque, palam hortabatur, ne ad animos colligendos, dato spatio temporis, occasio praesens è manibus amitteretur. Raptim conjunctis ratibus facillimum fore, secundo aestu pervadere modica illa stagna, quae millia passuum quinque summum propè aberant, & consternatos universos, vel momento opprimere. Quinos habere se fratres in propinquo ad *Pupiliam*, qui ratium fabricandarum essent omnes periti: si copiam Rex faciat eos conveniendi, haud gravatè venturos ad praestandam operam, modo certa merces, quam peterent, eis perfolveretur. Audita est maximo assensu omnium mulier-



bitatoribus renovari debuerit, integrum, atque incorruptum genus id servasse, quod à primis Autoribus suis acceperat. Hujus autem generis nobilitatem insignem esse suadet illa ratio, quod qui has in Insulas confugerunt, atque hoc ipsum Civitatis corpus primum efformarunt, eos veri quam simillimum sit extitisse domi suæ Nobilissimos, aut certe quam opulentissimos. Nam tenuiores, & qui non habentur aliquo numero, cum adjunctis opportunis instructi minime sint ad vitam tuendam, facultatemque nullam habeant aliò commigrandi, loco se movere non possunt, &

ideo quicquid vel boni, vel mali casus allaturus est, domi expectare coguntur, quod quidem & hac tempestate nostra in *Gallia Cisalpina* fieri videmus, ut bellorum tempestates effugiant non abjecti, & inopes, sed qui divitiis, & splendore generis plurimum excellunt. Plebs ramen eò postea sese confert, ubi quæ pertinent ad victum, melius atque facilius existimat comparari posse. Quapropter ubi primum ii, qui fuerant orti claro genere, vel opibus valebant, finitimis è locis convenerunt in hæc æstuaria, pro certo existimandum est, ingentem quoque vim plebejorum non

liercula, & animos *Francis* addebant res prosperè gestæ, non ausis *Venetis* uspiam ad certamen occurrere, & longioris moræ cuncti impatientes, bello quamprimum finem avebant imponere. Quapropter collaudatam aniculum ingentibus pollicitationibus oneratam è vestigio dimittunt. Illa, quid hostibus persuasisset, coram fratribus monet: nec opus, aut precibus, aut rationibus agere, conveniunt illicò inter se volentes quid agant. Profecti ad Regem, & ab ipso benigne appellati ad rates contendas naviter incumbunt; subijcunt dolia funibus conjuncta, ut impositi milites armati ab aquis extarent. Compages autem ratiùm ita structa erat, ut funibus præcisiss, qua liberet, nando confestim disjungerentur & trabes, & dolia, neque ulli possent insistere, ac vestigium ponere. Hi antequàm se conferrent ad Regem, *Beatum* Ducem certiores fecerant, quidnam molirentur, quò alacrius & confidentius obviam hostibus prodiret. Jam pervenerant ad *Euripum* altiore rates, cui temporibus illis nomen erat *Arcus*; tum verò primum nomen *Orphani* est adeptus ab insigni *Francorum* strage, quæ ibi contigit, ut vulgus solet more suo nomina frequenter imponere. Principio utrinque satis fortiter pugnabatur, immodè verò *Galli* alacri animo triumphum cecinerant ante victoriam. Ubi verò leviora navigia *Francos* eludere coeperunt, quæ faciliè ad gubernatoris nutum circumagebantur; rates autem pars æstui maris sequi cogebantur, pars in vadis temerè impactæ se expedire non poterant; certamine & ratibus molientis cunctis occupatis, quinque illi fabri tempore usi in mare defiliunt, & gladiis, quos ad eam rem paratos gerebant, alii alia ex parte secare funes aggrediuntur. Fœdum spectaculum, disiectis trabibus, & doliis passim fluctuantibus, cum nullum haberent hostes consistendi locum, præcipites omnes in mare devolvebantur, & armis pergravantibus vorticibus hausti, (nam violentissimi æstus ibi semper concitantur) nullis opem ferentibus confestim peribant: si qui verò impliciti limo hærebant in vadis, obruebantur undique telis incidentibus; ita incruenta victoria potiti sunt *Veneti*, unius aniculæ, & paucorum hominum solertia, quorum nomina ut intercidere temporum injuria, ita constanti fama ex *Bognola* familia extitisse memorantur, digni certè, quorum memoria semper celebretur. Cæterum virtutis hominum illud est tributum, ut non modò ipsi fratres, eorumque domus, sed universi *Metamaucenses*, & *Pupilienses* immunes essent vestigialium, & munerum omnium: neque militare quicquam cogeretur unquam, nisi Dux ipse in militiam proficisceretur. Post eversam *Pupiliam Genuesi* bello incolæ omnes *Venetias* transmigrarunt, eorumque maxima pars ad *D. Agnetis*, ubi collegium est adhuc frequentissimum, sedem & domicilium collocavit. Diploma immunitatis hujus admodum insigne, paucis ante annis apud illos conspicietur bulla, quam modò vocant, plumbea communium, in qua *Deiparæ* virginis effigies impressa, & *Beati* Ducis nomen inscriptum erat: nondum enim *D. Marcus Evangelista* Patronus fuerat à *Venetis* adoptatus, quod ejus corpore *Alexandriæ Venetias* translato post aliquod annos contigisse novimus. Per incuriam & negligentiam eorum, qui collegio illi præerant, præclarum hoc monumentum desideratur: siquidem *Euronoto* quondam per ætuum flante, cum maris æstus intumescens exundasset amplissimè, planaque ædificiorum cuncta superasset, ut alia multa supellex, sic etiam scripta, quæ lignea continebat arca, undis sunt corrupta, vel ita, ut legi non possent, obliterata. Superest adhuc quedam syndographa, quæ docet, diploma illud examinatum fuisse, & corroboratum: Ducemque *Raynerium Zenum*, & Consiliarios ejus subscripsisse. Sed *Metamauceni* majori diligentia sunt omni, qui majorum virtutis testimonium, posterique inde omnibus partæ immunitatis, retinuerunt ad hæc usque tempora saluum & incolume, & cuilibet faciliè apud eos videre est. At *Pipinum* nec opinata clade affectum ea res habebat sollicitum, & vehementer angebat, quod antea debellatum esse vulgaverat: si modò abiret irritò conatu, se cum reputabat, existimationis jacturam se maximam facturum; fortè opinione clementiæ leniter agendo, quod nulla vis expressisset, obtineri posse. E *Venetis* igitur captivis, quos non paucos habebat, promissisque onerat ingentibus, & stantissimos deligit, promissisque onerat ingentibus, & spem certam facit, si cum Republica pax & fœdus convenerint; quemadmodum sine pretio illos dimississet liberos,

ita etiam cæteros omnes gratis dimissurum. Per eos in hanc sententiam ad Tribunos scribit, quorum affines, & propinqui multi captivi tenebantur: Non eà de causâ bellum præsens ab illo susceptum, ut *Venetis* libertatem eriperet, aut quid imminutum vellet: in eo graviter ab ipsis peccatum esse, quod ætiori fœdere ita *Græcis* se adjunxerint, & *Francos* despexerint, cum tamen ex formula primi fœderis gerere se medios, & neutris adversari deberent, sed ex æquo adesse. Hanc injuriam, & contemptum ultum se venisse, & pro copiis & opibus, quibus sit instructus, acceptum recens detrimentum prope nullum esse: si aditus omnes undique obsidere pergat, commeatibus interclusis eò deductum iri, ut brevi conficiantur penuria, & inedia: sed malle servare incolumes, quam perdere funditus, existimantem studiis inconsultis partium, quæcunque accidissent hætenus, imputanda esse, at universæ Republicæ condonanda. Prospicerent igitur maturè, idque constituerent, utrum facilitatis & clementiæ illius, an acerbioris & odii facerent periculum. Ad amicitiam & fœdus confirmandum in posterum alterutrum optionem à se illis deferri; vel sententia rescissa *Obelerius* cum fratre penatibus & dignitati suæ restituerentur; vel *Beatus* etiam se abdicaret, ac è patria discederet. Anceps deliberatio tenebat Patres, qui & perpessuri erant extrema prius omnia, quàm perduellibus Ducibus reditum concederent, & consultum volebant Duci bene adeo merito. Cum vero plerique omnes inclinarent ad pacem, quæ à præpotenti hoste non magis data, quam accepta, decora satis ac tuta esse videbatur: *Beatus*, in quem cuncti oculos converterant, ut declinaret invidiam, patriæque consuleret: Non committam, inquit, ut mea unius causa periclitetur ipsa Respublica, vestraque omnium salus. Si cum Rege non aliter pax constare potest, quam amoto me à rerum administratione, volens, & libens me abdisco, & in exilium pergo. Assurrexerunt omnes peroranti Duci, gratiisque actis, & laudibus plurimis congestis, conservatæ Republicæ decus hac insigni pietate prædicabant ab illo cumulatam esse: felix exilium futurum, quo non amissa, sed planè servata patria foret. Diversa fama exinde tenuit de *Beato*: alii negant in patriam revertisse amplius, sed in exilio paulo post diem suum obiisse: alii profectum memorant cum Legatis ad Regem, qui faciendæ pacis gratia mittebantur, quaque morum suavitate plurimum pollebat, ex inimico amicissimum sibi reddidisse, ut incolumi dignitate sit in patriam reversus: sed auctores hujus sententiæ inter se etiam variant. Nam scribunt aliqui, paulò post suum reditum magno desiderio relicto è vita migrasse: aliqui tradunt, ex eo constatam invidiam, quod Rex illum admiratione virtutis liberaliter non modò habuisset, sed muneribus etiam affectum dimississet, quibus rebus injecta suspicio, nec inanis fuerit, ne fratri reconciliaretur, & cum *Franco* sentiret, cui recentibus officiis obligatus, & obnoxius esset: ea re collectam apud cives gratiam amisisse, & relegatum *Faderam*, adnitentibus iis, qui ex hominis ruina sperabant fore, ut ipsi crescerent. Quoquomodo se res habuerit, illud certò constat, Principatu abiisse *Beatum*, vel exilio, vel morte, haud multo post initam à Republica cum *Pipino* pacem, cuius in locum successus fuit omnium civium assensu *Angelus* ille *Participatius*, quem superius dixi, qui partibus *Græcorum* enixè, si quis alius, favebat, eidemque Tribuni bini assidere jussi, qui publicis negotiis cum eo darent operam, singulis annis deligendi ex arbitrio populi. Hi, postea Consiliarios nomen sunt adepti, qui primò bini, deinde quaterni sunt creati, postremò seni, quot numero sunt regiones urbis, quem morem persistere cernimus ad hæc usque tempora. *Obelerius*, quod proditoribus cunctis usum venit, ubi conatus eorum nequaquam succedunt, contempnus à *Pipino*, & *Francis* invisus aëque ac *Græcis*, *Nicophoro* flagitanti datus fuit ad pœnam, quo in acie à *Bulgaris* cæso evasit ad tempus: sed post exilium annorum amplius quàm viginti, occupata *Vegla* insula in *Fanatico* sinu, & *Metamaucens* deficientibus ad illum oppido potitus, postea mutata fortuna, victus, atque in prælio captus, supplicio capitali tandem est affectus. De *Valentino* tertio fratre nihil traditur: quia tamen *Annales* veteres disertè testantur, in agro *Patavino* ad vicum, cui *Sirata* est nomen, quendam *Venetum* Ducem mactatum fuisse, fœdeque à populo tractum, & dilanatum, quod ajunt contigisse in *Pipini* discessu, cum cadere non potuerit id in alios fratres, non levi conjectura *D. Jamotius.* C ad-



non multo post eisdem sese adjunxisse, cum spe commodorum allectam, tum locorum tutissima habitatione.

Præstant ergo nostri Patricii longe plurimum claritate generis, quippe qui referunt ejus originem ad eos nobilissimos, atque opulentissimos Viros, qui Barbarorum incursiones effugientes, constituendæ Civitatis his locis primi autores fuerunt. Præstant etiam altera ratione, quod incorruptum, & sincerum quam maximè idem genus adhibita cura maxima præstiterunt, cum præsertim nihil unquam ex iis rebus passa fuerit Civitas, quæ mutationis, aut innovationis afferre solent necessitatem. Accessit huic major etiam claritas, & æstimatio, postquam Majora Comititia constituta sunt ad publica negotia gerenda, & administranda. Quis enim nesciat, eos qui publicis rebus minime vacant, cum nihil omnino conferant ad augendam suam nobilitatem, eo sensim deduci, ut eam qua sunt præditi quoque amittant, vitamque agere cogantur deteriori conditione quam mutæ pecudes, nihil altum, & sublime unquam cogitantes? Id quidem facile in omnibus illis civitatibus cognosci potest, in quibus tyranni per violentiam rerum potiti, illud unum propositum habere solent, ut deprimant, atque abjiciant omnino homines eo torpore inducto, ut nesciant in vita sua vigilantne, an dormiant. Enimvero Comitii Majoribus interclusis (expositurus autem sum loco suo, quo tempore fuerint instituta, & interclusa majora Comititia) cum ad ea nullis in posterum aditus patuerit, nisi oppidò paucis, ut quindecim iis familiis, quæ causa conspirationis *Bajamontanae*, tringintaque iis viris, qui asciti sunt inter patricios *Ligustico* bello, & diversis temporibus quidam

A alii; hac etiam ratione majorem dignitatem, atque existimationem videmus eidem ordini paratam, & comparatam.

Sed ut hanc disputationem totam absolvam; *Tria* mihi *Tempora* præcipue in nostra Republica consideranda sese offerunt: *Primum* totum id curriculum, quod ab Urbe condita usque ad majora Comititia constituta effluxit; quo sane tempore Majores nostri gerentibus ipsam Rempublicam vel Tribunis, vel Ducibus, ut suo loco dicam, non multum celebritatis, aut nominis consecuti sunt, satisque illis fuit acceptum à suis autoribus decus, & ornamentum, delatumque in hanc Civitatem, minime amittere. *Altera* tempora fuerunt à Comitiiis majoribus institutis, donec aditum contigit ad eadem obstrui: tunc enim ex administratione publicorum munerum facto veluti gradu cives ad amplitudinem majorem ascendere cœperunt. *Postrema* vero tempora deducta sunt hæcenus à Comitiiis Majoribus interclusis, quæ res contulit iisdem summam dignitatem, & ad id fastigium cunctos extulit, quodque eas rationes, quas commemoravi, prius attingere minime potuerant. Si quid igitur in cunctis urbibus *Italiae* manet, & viget antiquissimæ Nobilitatis, id sane, quod à te ipso percipere potes, in nostra eminet præcipue, & excellit quam maxime.

C Ii, qui modo vocantur Cives, quicquid splendoris nunc habent, non nisi ab interclusis Comitiiis id adepti sunt. Nam cum res publicæ tunc omnibus communicarentur (quod quidem inferius efficiam, ut distincte intelligas) verisimile est admodum, omnes eos, qui præditi fuissent aliqua nobilitate, & virtute, tunc Majoribus Comitiiis comprehensos fuisse, & si qui sunt exclusi, pau-

adducor, ut credam in *Valentinum* editum id sævitæ exemplum. Hunc finem habuerunt intestina dissidia, quibus turpiter inter se confisati fratres perdiderunt se ipsos, & prope Rempublicam. Sed res ferè prostratas cum divina benignitas, cujus præsidio libertas tunc maxime stetit, tum vero erexit virtus & constantia civium, qui vitam fortunæque omnes in discrimen adducere, quam subire servitium ullum maluerunt; quaque animi fortitudine *Nicephoro* primùm, ne *Mauritio* recipere Duces cogerentur, eadem obstiterunt iterum *Pipino*, *Obelerium* per vim reducere molienti: quinimodò transfugam Ducem, quisquis ille fuit, in ejus oculis ausi sunt maestatum discerpere, & in *Beati* locum eum Ducem deligere, qui *Francis* semper adversatus quam maximè fuerat. Ergo qui scripserunt à *Pipino* subactas *Venetias*, si qui sunt, qui scripserint, aut secuti sunt rumores dissipatos temerè, aut nominis ambiguitate in errorem inducti, quod nomen omnibus insulis tunc erat commune, quotquot paludibus & stagnis iis continebantur. *Thomas Fugarius* vir nobilis *Avenionensis*, qui res *Venetas* commendavit posteritati *Francico* sermone, quamvis ad tempestatem referat eam cladem, quam *Pipinus* accepit eo modo, quo scripsimus: nihilominus ingenuè, apertèque testatum reliquit, & *Venetos* libertatem propugnasse fortiter, & propugnatam retinuisse integram perpetuò; quod si prædictum Annalium scriptorem exceperis, & Auctores eos, qui eadem verba exscripserunt; tot seculorum consensus approbavit. *Constantinus* tantum *Porphirogenitus* Imperator, qui de administrando Imperio scripsit ad *Romanum* filium, in hujus belli historia *Cap. xxviii.* ab omnibus aliis dissentit, & quidem in pluribus. Nam primò tradit, *Pipinum* bellum inferentem, quæ tractus proximus erat in *Venetis* insulas, in continenti tantummodo castra posuisse; deinde cum in eo esset, ut *Damaucum*, sive potius *Madaucum* navigaret, sic enim *Metamaucum* superius vocavit, à *Venetis* illum tractum sic obstructum fuisse, ut frustra in continenti sex menses contriverit postremò desperata re litteras misisse, quibus invitaret ad pacem, & ad fœdus: *Venetosque* ipsos facillè assensisse, ut se à belli molestiis liberarent, immo tributum nomine plurima pollicitos, quorum pars quædam exigua suis adhuc temporibus persolveri solet. Veruntamen si vera sunt, quæ scribit hic Auctor, necessario fateri hoc etiam oportet, *Venetos* pariter & *Francos* Annales omnes falsos esse. Nam ille ad insulas & itagna nunquam penetrasse, sed in continente perpetuo vult hæsisse *Pipinum*. Hi vero non modo testantur pervasisse, sed cepisse & devastasse insulas non paucas, in primis autem *Metamaucum*, tunc Imperii sedem. Dum vero de fine belli desperasse Regem, ideoque per nuntios & litteras transégisse

prodit, luculenter indicat, penes quos extiterit victoria. Quæ vero de pactione tributorum commemorat, ea tam vera sunt, quam quæ superiori capite ab eodem sunt dicta: *Pipinum* habuisse tres fratres eo temporis, qui *Francia* omni imperarent, & *Sclavonia*: quæque *cap. xxv.* de *Narsese* habet, temporibus Imperatricis *Irenes*, & Papæ *Zacharia*, *Narsetem* summo cum imperio in *Italiam* missum: præter alia innumera, quæ potius ad fabulam accedunt, quam ad ullam historiam, ut parum sapiat, qui habendam iis fidem putet. Non est autem hujus loci recensere singula, quæ cuivis legenti passim erunt obvia. Quod spectat ad tributa persolvenda Regibus *Italia*, quos Imperatorum nomine *Byzantini* non dignabantur, utrumque falso est ab illo memorie proditum, & nomine tributum fuisse quicquam persolutum, & hujus rei principium à *Pipino* factum. Apud eos, qui gesta scripserunt temporum illorum, extant adhuc exempla quædam immunitatum, quæ Imperatores, seu Reges *Italia* concesserunt *Venetis*. Ut enim liceret illis mercaturæ causa, in quæ vellent emporia & loca, proficisci, tutoque commorari ubilibet intra fines Imperii, & pro libito abire, tutoque auferre omnia: & ne tenerentur, nisi certa quædam vestigalia persolvere; neve juri dicundo inter *Venetos* cives in ditione Imperii commorantes præficeretur aliquis, præter judices à republica missos: hæc, & id genus alia privilegia quamplurima, sicut à priscis Imperatoribus obtinuerant, sic etiam, ut obtinerentur ab iis, dabant operam, qui administrationem Imperii succedentes capeferent. Horum causa privilegiorum, & immunitatum expediebat reipublicæ pacisci, ut potius publico nomine, quam privato persolverentur quædam iis, quos dixi Principibus; quæ si quis appellat tributa, per me sanè appellet, dummodo constet, nomen tantum, sed rem nullam esse; aut certè potentissimi Principes, maximique Reges, qui fructus alicujus & commodi causâ, his aut illis, quotannis non pauca persolvunt, habeantur vestigales eorum atque tributarii. Sed his de rebus satis, immo nimis multa,

1. *Verisimile est admodum*, &c.] Ex antiquissimis factis, quorum exemplum apud *Molinum*, ut diximus, reperitur, duo maximi ponderis atque momenti facillimè cognoscuntur: alterum, quod scribit hic *Jannotius*, omnes, qui præditi Nobilitate & virtute ad Reipublicæ administrationem accesserant, Majoribus Comitiiis comprehensos, quàm paucissimis exclusis, qui tamen idem jus non multo post obtinuerunt: alterum vero, cunctas ferè Patriciorum familias, contra quàm vulgo creditur, & in quibusdam ementitis earum originibus legitur, non modo antiquissimas esse, sed rem ipsam publicam jam à primis temporibus attigisse: quod in nostris *Venetorum* Elogiis satis superque, Deo juvante, demonstrabimus.



paucos extitisse: quod sane indicat illa magna civium frequentia, quæ superioribus ætatibus in Comitibus aderat. Quid? quod ex iis, qui fuerant exclusi, plerisque adhuc tributum fuit idem jus diversis temporibus. Unde conicere possumus eos, quos modo contingit nominari cives, vel tunc è plebe fuisse, neque in Republica dignitatis ullum locum habuisse, sed ea, quæ nunc habent ornamenta, post ea tempora sibi comparasse, vel aliunde se contulisse in hanc urbem habitandi causa, in qua tempore procedente nacti sint eas facultates, atque opes, quibus honestissimi modo habitati, iis privilegiis ornantur, quorum causa *Veneti* Cives nominantur, unamque tribus ex partibus Civitatis explent, summo quidem assensu totius Reipublicæ, quæ cum res ita postulat atque exigit, eorundem facultatibus, atque opibus perlibenter utitur, non secus atque Nobilium, ac Patriciorum.

Plebeji vero, quos Populares nobis appellare libet, ingenti numero sunt, ex diversis generibus incolarum conflato. Nam plerique eorum sunt advenæ, atque peregrini, qui allesti cupiditate quæstus faciendi, habitatum veniunt; & quamvis in Urbe diu nonnunquam morentur, in ea tamen nihil aliud, quam in diem vivunt; aut etiam si quid lucri forte collegerunt, id redeuntes in patriam statim secum afferunt, quemadmodum fieri videmus à *Bergomatibus*, aliisque hominibus externarum gentium, & nationum, quibus est nostra civitas referatissima. Hoc ipsum sive plebejorum, sive popularium corpustenuiores opifices complectitur, innumeros prope, qui, quoniam suæ conditionis humilitatem nunquam supergressi sunt, idcirco nihil in Republica juris habent. Est aliud quoque præter ea, quæ dixi, popularium genus, quo loco mancipiorum solemus uti, cujusmodi sunt, qui cymbas agunt, & cæteri id genus. De Mercatoribus autem nil attinet dicere, quorum summa vis, atque adeo frequentia confluit ex omnibus regionibus in hanc ipsam Urbem, quam ceu communem orbis terrarum mercatum frequentaresolent propter ingentem maris opportunitatem, & pro iis copiis, quas afferunt faciendo quæstui, pecuniæque colligendæ strenuè dant operam: mox ubi visum è re sua fuerit, Civitatem relinquunt, quæ de causâ nulla pars ejusdem haberi debent. Hactenus de conditione incolarum verba fecimus: superest, ut de Reipublicæ administratione modo faciamus, in potestate Nobilium plane constituta, nisi quid huic sermoni fortasse prævertendum putas.

*Ioannes.* Antequam pergas ad alia, hæc duo scire optarim: *Unum*, quot sint in Urbe ferendis armis idonei; *Alterum*, quot Viri Nobiles, seu Patricii.

*Trypho.* Quanquam non satis accurate, quæ rogas, explicare possum, neque vero multum ea faciunt ad rem nostram, dicam tamen id, quod ex aliorum sermonibus aliàs intellexi, quodque propius existimo ad veritatem accedere.

Feruntur esse in Urbe nostra xx. millia ostiorum, seu familiarum: moris autem est duos pro singulis ostiis homines accipere, quæ ratione possent in aciem educi xl. armatorum millia. Olim profectò (non satis explicatum habeo, quo tempore) cum certam ob causam, quæ memoria etiam excidit, ii qui tunc Reipublicæ præerant, investigarent, quot homines apti bello inveniri possent, censa fuerunt capita xl. millia, qui numerus cum eo, quem retuli modo, perbelle convenit. Hoc itaque posito, nullus, opinor, esse poterit fraudi locus, cum præsertim ex quo censa fuerunt ea xl. millia, Civitas majori numero

A civium aucta videatur, neque ullus casus extiterit, quo sit infrequentior reddita.

Patricii verò, tam qui Comitibus dant operam, quàm qui iisdem abstinere, quod tamen fit à paucis, adjunctis quoque illis, quos abesse domo contingit sua, vel Reipublicæ causâ, ut Præfecturas, & Præturas obeant in subiectis oppidis, aliisque publicis muneribus ejusmodi fungantur, seu terra, seu mari, omnes in unum coacti, prout affirmantes multos audivi, fuerint ad ter mille, paulò certè plures, aut pauciores.

B Sed omissis tandem disputationibus his de conditione plebejorum, & civium incolarumque numero, aggrediamur *Reipublicæ Gubernationem*, quæ Patricios tantummodò continet, & præterea neminem, id quod antea monui. Præsumt ergò Patricii cum summo Imperio toti Civitati, & universis oppidis, quæ sunt in ditione *Veneta* cùm in ora maritima, tùm in continente. Res autem administrationis universa procedit hoc modo.

C Principio statuerunt quoddam fundamentum, seu basim, quâ Respublica tota sustinetur, hoc est Majora Comititia, quæ vernacula nostra lingua vocamus *Magnum Concilium*. Pendent igitur ab hoc fundamento, & basi cæteræ omnes partes ipsius Reipublicæ, si non omnino, saltem maxima ex parte, & pariter continentur ipso Patricii omnes, quibus quidem è convenire per ætatem licet: quæ de re fusius alibi.

Hinc oritur, & procreatur alterum Concilium permagna cum autoritate, tùm existimatione, quod (ut cum *Hetrusco* loquar *Hetrusce*) de *Pregati*, materna verò nostra lingua dicitur, de *Pregai*, Latine verò commodè potest appellari, *Rogatorum Concilium*, aut etiam *Senatus*. Quænam verò sit ejusdem optandi ratio, & quibus ex Patriciis, & ex quo numero constet, quænam denique sint illius facultates, & munera, cuncta hæc explicabuntur uberius loco quidem suo.

D Rogatorum Concilium excipit *Collegium*, quod constat ex certo quodam numero Magistratum, prout inferius intelliges.

Tandem Caput est omnium *Dux*, atque *Princeps*, qui gradus est eminentissimus in nostra Republica, cujus præcipua membra sunt quatuor ea recensita, nempe Comititia, Concilium Rogatorum, Collegium, tandemque ipse Princeps.

*Ioannes.* Audivi sermonibus usurpari quam frequentissimè nomina Decem-Virum, D. Marci Procuratorum, & Trium-Virum Advocatorum, tanquam Magistratum maximæ, ac summæ dignitatis, de quibus tamen tu nihil.

E *Trypho.* Non inficior, hos Magistratus honestissimos, & amplissimos esse: consulto tamen à me prætermitti sunt, propterea quod ex iis non conflatur ipsum Corpus Reipublicæ; nam cæteròquin obtinent summam dignitatem, & res publicas curant, si quis alius Magistratus. Dabo quidem operam ut planè suo loco intelligas, cujusnam modi sint, & quid habeant juris omnes hi magistratus, quorum meministi, & quæ ratione juncti cum universa Republica.

Ut igitur è revertar, unde oratio deflexit, totum Reipublicæ Corpus & absolutum quaternis illis membris, quæ dudum exposui, pyramidique, si rectè animadvertas, quàm similimum redditur, basi quidem, uti constat latiori præditæ, sed ubi assurgit, in arctum sensim coeunti, quoad in punctum quoddam terminata desinat. Itaque statuamus hujusce pyramidis basim, Majora Comititia, quæ latissime patent, & continent omnes, qui nati sunt annos ætatis xxv. immo etiam nonnullos, qui pau-



ciores; quam rem fufius infra: neque enim confentaneum fuerit, in eundem fermonem omnia temere conijcere. Pyramis arctari mox incipit in Rogatorum Concilio, quod Reipublicæ membrum est præftantiffimum propter graviffima negotia, de quibus agit: neque vero Patricios omnes admittit, ut Majora Comitia. Fastigiatur inde pyramis provecta ad Collegium, quod quidem cætera membra multum supereminet, cum prospiciat, & consulat univerfæ Reipublicæ. Tandem fastigium pyramidis abfolvitur in ipfo Duce cujuldæ turbinis inflar acuminati, qui pofitus est in fummo, & in omnium confpectu. Decujus amplitudine, atque dignitate nihil est, quod pluribus agam, cum nullus adeo fit rudis, tamque ftupido ingenio, quin ubi Principis nomen tantum audit, ibi fummam honoris amplitudinem collocatam intelligat. Quamvis autem unâ cum Principe fedent ut Collegæ, fine quibus nihil geri poteft ab ipfo, Confiliarii; nihilominus fi quis accurate infpiciat, quanto intervallo diftat eorum dignitas à Principatu, non in fummo fastigio pyramidis illos collocabit, fed eodem loco, quo Collegium fuit à nobis pofitum. Nam quemadmodum Confiliarii dignitas Senatoriam fuperat; ita etiam fuperatur ipfamet à Principe, quæ ratione fit æqualis, & par omnino Collegio: fic etiam Procuratores, Advocatores, Triumviri, & ipfi Decemviri, de quibus & tu meminifti nuper, & nos acturi fumus poft hæc uberius, non alio loco ftatuendi fuerint, quàm ubi Collegium; & id quidem ratione duntaxat illius honoris, qui tribuitur iisdem ob infignem exiftimationem, quam fuerunt adepti omnes hi Magistratus: alioquin enim membra Reipublicæ nulla funt ex præcipuis: fed præcipuis annexa; quam rem cognofces apertius, ubi me differentem de ipsis paulò poft audieris. Hactenus quidem quod ab optimo pictore præftari dixi, hoc à me quoque præftitum opinor, uti fueram pollicitus. Siquidem ille antequam certam rei, vel perfonæ formam coloribus exprimat, ita quibufdam lineis communibus illam adumbrat, ut quædam fpecies, & forma intuenti appareat; fic etiam ego delineavi nonnihil univerfum corpus Reipublicæ, & rudi quadam *Minerva*, fed ita descripsi, ut ejus aliquam formam percipere commodè valueris, fiquidem meis sermonibus aures, & mentem præbuiſti.

*Ioannes.* Ita prorfus est, niſi fallor; & verò impreſſam in animo mihi habere videor imaginem quandam, & formam hujusveſtræ Reipublicæ. Puto etiam te rectè cœpiſſe à rebus communibus, ex quibus tota notitia pendet rerum ſingularum. Quod igitur eſt reliquum ad eas explicandas accedito: ego verò ſumma cum voluptate te loquentem audiam.

*Trypho.* Quod quidem à te ipſo meminiffe debes, hactenus fuit actum de *Venetæ* urbis ſitu, & de incolarum generibus, & quanam eſſent illi perſpeximus, à quibus adminiſtraretur Reipublica, cujus etiam formam quandam deſcripſimus, ſed in univerſum: proximum eſt, expli-

A | care omnia ſigillatim: atque ut perſequar omnino pictorum opus, quod mihi ad imitandum propoſui, ſeu ſtatuariorum, non ſemel ad prima initia recurram, quod & ipſe perſpicias. Dico autem res quatuor eſſe, in quibus eſt ſita tota *Vis*, & *Majeſtas Reipublicæ*; nimirum, *Jus Magistratuum creandorum*, *Deliberationes omnes de pace*, & *de bello*, *Legum lationes*, tandemque *Provocationes*. Primum ex his eſt in arbitrio Majorum Comitiorum, quandoquidem Magiſtratus omnes in ipsis creantur. Nihilominus extant quædam munera, ut ſuo loco dicam, quæ mandare, & committere, ſpectat ad Senatum, cujus etiam propriæ ſunt omnes  
B | *Deliberationes de pace*, & *de bello*. Poteſt autem Collegium Decemvirum, de quo nondum verba feci, his de rebus decernere æquali poteſtate: veruntamen id non eſt inſitum ipſi Reipublicæ, ſed fit extra ordinem, ut patebit inferius. E legum lationibus aliæ ſunt penes Majora Comitia, aliæ penes ipſum Senatum: poſſunt tamen etiam quædam leges ferri ad Concilium X- Virum. Provocationes autem tametſi non ſunt in poteſtate Majorum Comitiorum omnino, tamen inde profectò magna ex parte pendent. Dux unâ cum ſuis Confiliariis, de quibus etiam, cum fuerit opportunum, nonnulla dicentur, adest, atque præeſt omnibus rebus, quæ vel à tribus iis Conciliis, quæ  
C | commemoravi, vel etiam à Concilio Decemvirum ſolent adminiſtrari: ſed hæc maniſeſtius ſuo loco. Et quoniam in publicis negotiis omnia referuntur ad Ducem, ſingulaque ejus nomine adminiſtrantur, ipſe Dux adhibitis illis Magiſtratibus, quorum propria eſt actio, refert unâ cum illis ad Collegium, quicquid eſt agendum, ibique præſente poſtea Duce diſputatur, & ſingula momenta cum rationum, tum rerum quàm diligentiffime expenſa, poſtremò deferentur ad Senatum, cujus tantummodo eſt ſancire, & decernere. Sed hujus adminiſtrationis ordo, atque tota ratio declaranda fuerit infra loco ſuo.  
D | Cæterum quæ ſunt hactenus expoſita, noſtræ Reipublicæ Corpus exhibent tantum nude, ac ſimpliciter; ſingula modo membra, ſingulaque partes ſuis veluti coloribus illuſtrandæ, & ornandæ ſunt. Quapropter neceſſe eſt ad prima initia revenire, videlicet ad *Majora Comitia*, ut ſingula in iis perluftramus; atque perſequamur, niſi forte ſit aliquid, quod antea cognofcere velis.

*Ioannes.* Multa quidem mihi occurrunt de re quærenda: ſed nolo meis importunis percunctationibus interpellare continentem orationem tuam, quæ quo longius procedit, atque excurrit, eo maniſeſtius, & clarius explicat ea, de quibus interdum mihi dubitare contingit.

E | *Trypho.* Perſequar igitur ordinem pridem inſtitutum, & cum diſputaturus modo ſim de tota ratione Majorum Comitiorum, referam primum de *ipſorum Origine*, quid ego ſentiam, deinde cætera, quæ ad eadem ſpectant, attexam omnia. Puto<sup>1</sup> equidem quod ex Annalium noſtrorum monumentis colligere licet, non primis illis


1. Puto equidem, quod ex Annalium noſtrorum, &c.] Majora Comitia multo ſunt antiquiora, quàm Jannotius hic tradit, & quicumque dixerit, primis ab Urbe condita temporibus inſtituta, haud longè à veritate aberraverit. Non tamen ea ratione, qua modo fit, ſed pro temporum conditione variè convocatur Majus hoc, prout modo vocatè, Concilium. Cogebatur primis temporibus ex variis inſulis, ut Tribunos, Judices, & Ducem eligeret, reſque ſummas, in quibus Reipublicæ ſalus ageretur, decerneret: qui vero convenirent in unum, quove modo electiones fierent, aut ſententiæ dicerentur, in tanta antiquiſſimi temporis ca-

ligine ex tenebris erui non poteſt, illud certè in promptu eſt, ante annum à Chriſto nato 990. in cunctis Annalibus, & convocationis Concilii, & Judicium, & Ducis cum ſuo Concilio, & Nobilium Virorum, & Primiorum; ſeu Majorum Veneticorum frequenter mentionem fieri. Poſt annum vero 990, electiones multas videmus non modo Judicium, Legatorum ad Principes & Confiliarium, verum etiam Prætorum in civitatibus Dalmatiae. At Sebaſtiano Ziano, & Aureo Maſtropetro Ducibus, non ſolum multi Magiſtratus numerantur, ſed etiam Procuratores, & Sapientes, & Judices ſiſci, & Advocatores communis, immo vero Majoris & Minoris Con-









CONSILII MAJORIS CONCESSUS.











illis ab Urbe condita temporibus à Majoribus nostris instituta, quod plerique arbitrantur, hæc ipsa Majora Comitia, quinimmo haud paucis post ætatibus ortum habuisse, quam rem facile tu quoque ipse conjicere poteris. Priscis enim temporibus Urbs habuit Consules, exemplo quidem, ut existimo, *Patavinorum*, qui hujusmodi Reipublicæ administratione tunc utebantur: sed progressu temporis, ommissis Consulibus, singuli Tribuni creati cœpti sunt in singulis Insulis, qui non alibi jus dicebant, atque imperabant, quam ubi creabantur: sed quid tamen accideret, in quo communis omnium utilitas, atque salus videretur agi, conveniebant omnes Tribuni unâ cum civibus suis *Heracleam*, quæ tunc erat in his ipsis *Venetiarum* æstuariis Insula posita inter littus, & eam continentis partem, quam utrinque flumina *Liquentia*, & *Anaxus* irrigant: mutato nomine deinde fuit appellata *Civitas Nova*; sed his temporibus nulla prorsus est, adjuncta continenti, atque aggesta ferè quidem tota. Hac in Insula convocatis omnibus Tribunis habebantur deliberationes de negotiis publicis. Erat id Concilii genus, ut credi par est, temerè coactum: nihil enim adhuc illis legibus sancitum erat, cur hi potius, quàm illi convocarentur, quemadmodum posterioribus temporibus definitum est. Sed cum Tribuni non satis pacatè administrarent Rempubicam, iidem causam dederunt optandi Duces, qui cœpti sunt creati anno *Christianæ* salutis

A D C C I I I, juxta communioem opinionem, anno C C L X X X I I ab Urbe condita. Porro eadem ratione planè Rempubicam gerere sunt aggressi Duces, quâ Tribuni solebant: nam quemadmodum ab his factum esse dicimus, ita etiam Duces aliquoties indicebant Concilium, quodque prius in singulos Tribunos distributum fuerat, vel imperii, vel existimationis, atque dignitatis, id uni donatum est, collatumque Duci, quæ res illius auctoritatem ad summum evexit. Argumento illud est, quod quamvis ex omnibus monumentis, quæ quidem ad manus meas pervenerunt, historiarum nostrarum, illud apertissime constet, post creatum Ducem, nihilominus creati Tribunos nunquam desitos esse, à quibus in suis Insulis jus diceretur ut antea, ita tamen ut daretur provocatio ad Principem; vix tamen horum Tribunalium in historiis ulla fiat mentio, rarè quidem certè. Nam eo bello, quod Majores nostri gesserunt ad *Ravennam* pro Imperatoris Exarcho contra *Longobardos* consilio *Gregorii Secundi* Pontificis, *Horleo Vrsio* Duce I I I. Tribuni quidam memorantur à nostris scriptoribus. Ita etiam bello, quod *Pipinus* Caroli Magni filius intulit *Obelerio* Duce I X. de nonnullis Tribunis itidem fit mentio: aliàs autem ipsorum nomen audire nunquam certè memini, quò fit, ut existimem hujusmodi magistratum tandem interiisse. Itaque Dux moderabatur universam Rempubicam propria auctoritate, quæ cum nullis frænis coerceretur, ac-

Concilii disertè fit mentio, prout in antiquissima scriptura; cujus verba si referrentur, operæ nos pretium facturi existimavimus.

In nomine Domini nostri Jesu Christi, anno Domini 1187, mensis Junii Ind. v. *Rivoalti*. Nos quidem Petrus Justinianus, & Dominicus Memo ambo Procuratores operis Beati Marci per præceptum Domini nostri Aurei Mastropetri, & Collaudatione Judicum, & majoris ac minoris Concilii, & Advocatorum nostri communis, & populi Venetiarum promittentes promittimus cum nostris successoribus ejusdem operis Beati Marci vobis Dominico Venerio, &c. & vestris heredibus, & successoribus, qui cum superscriptis vestris navibus in præsentiarum cum stolo Venetiæ ad obsidionem Jadre ire, vel mittere debetis, si in via eundo in ipso itinere dehinc ad Jadræm, vel inde huc redeundo aliquod damnum vobis adveniat de aliquo Coredò vestrarum superscriptarum navium, de quo supra salientes navim soliti sint restituere, & reddere pro habere illorum. Nos de toto illo damno vobis restituere, & dare debemus veras tres partes pro communi Venetiæ de bonis, & habere Sancti Marci. Præterea, &c.

Ego Aureo Mastropetro, Dei gratia, Dux manu mea scripsi.

Ego Petrus Justinianus, Procurator operis Sancti Marci m. m. f.

Ego Joannes Michaël, Judex. m. m. f.

Ego Petrus Baduario, Judex communis m. m. f.

Ego Aldigerius Baduario, Consiliator m. m. f.

Ego Joannes Giesolo m. m. f.

Ego Joannes Vilioni m. m. f.

Ego Julianus Damianus, Diaconus, & Notarius complervi, & roboravi.

Ego Andreas Presbyter S. Canciani, & Notarius, sicut vidi in matre, testis sum in filia.

Ego Petrus Michaël, ut vidi in matre, testis sum in filia.

Quodnam vero Minus Concilium appellaretur, haud facile dixerim: non certè, prout nonnulli credunt, XL Virale: etenim sapius in antiquis legibus scriptum legimus, Nos Dux Venetiarum, &c. cum nostris Judicibus, ac Sapientibus Concilii minoris, & majoris, & XL, & collaudatione populi Venetiarum, quò fit, ut Minus Concilium aliud omnino fuerit à XL Virali. Crediderim potius ad fenos Consiliarios Duci adjunctos referri, sed hoc etiam difficultate non caret, cum haud semel Sapientes Minoris Concilii vocatos reperiam. Ex his apparet, Majora Comitia ante *Sebastianum* Ducem instituta: post eum vero ad eorum, quæ modo videmus, similitudinem quandam propius accessisse, quod forsan *Fannotius* ipse voluit. Factos vero injuria temporum non habemus ante annum 1261. Ex his apertissime constat, longè alia ratione Majus Concilium constitutum fuisse, quàm modo fit. Veruntamen aditum quandam dedisse, & aperuisse viam ad hanc ipsam, quam videmus perpolutam, & numeris omnibus absolutam rationem Comitiorum.

Itaque Dux moderabatur universam Rempubicam.] Bodinus, & alii quidam recentiores non satis bene in Rem-

publicam *Venetam* animati, ex iis, quæ *Fannotius* hoc loco scribit, occasione sumpta falsissimam & absurdissimam rem litteris mandarunt: penes eos Duces, qui præcesserunt ætate *Sebastianum Zianum*, planè fuisse regiam potestatem: cum tamen istiusmodi nihil *Fannotio* exciderit, quippe qui nullibi tribuat jus Ducibus regium: veruntamen multo majorem auctoritatem, quàm quæ in præsentia, ita ut ad regiam administrationem quàm proximè videretur accedere. Quo in genere mirum alicui videri non debet, si nonnihil est falsus homo peregrinus, cui satis non fuerit si ve facultatis ad res externas pervestigandas parum sibi notas. Illi quidem acri vituperatione digni, qui temerè & impudenter Auctoribus assingunt, passimque obtrudunt pro sinceris ea, quæ nunquam illi somniarunt. Quemadmodum Bodinus penè transtulit in planè, quodque *Fannotius* ait, olim Duces in Republica fuisse penè ut summos Principes; hoc ille interpretatus est ex ingenio suo, in Ducibus fuisse planè regium statum. Falli tamen *Fannotium*, quatenus existimat, antiquissimos Duces negotia publica curare, arbitrioque suo moderari cuncta potuisse, vetus Reipublicæ *Venetæ* institutum declarat, quæcunque tractanda inciderent ac deliberanda, expediendi non alio nomine, quàm Ducis, ejusdemque jussu & edicto præmuniendi, quicquid publicè mandaretur, aut promulgaretur. Quo fit, ut species ubique regni ac principatus, si quis altius rem non expendat, intuenti occurrat, & nihil appareat nisi magnificum, immo verò summum, eaque species fallere possit, vel hac ipsa ætate, nedum tam longo temporis intervallo in rebus à nostra memoria nimium quantum remotis. Equidem hoc unum argumentum satis esset, non modo ad refellendum *Fannotium* in fraudem impulsam, sed etiam ad obterendas calumnias omnes malignorum; nisi alia tam multa suppetere illustria, & comperta, ut prætermitti ac sileri nullo pacto debeant. Ante omnia nobis occurrit nomen ipsum Ducis, idcirco à liberis populis ei tributum, quem vellent esse moderatorem perpetuum Reipublicæ: quod scirent id non immensæ cujusdam potestatis, supremique dominatus, aut imperii vocabulum esse: sed certis quibusdam legibus temperatæ, coercitæque jurisdictionis alia auctoritate, ex qua penderet majori, & præstantiori. Nam si ve *Longobardorum* gens, ut nonnullis placet, si ve à *Constantinopolitanis* Imperatoribus missi Exarchi (quemadmodum probare studet *Hieronymus Rubeus* Historiæ *Ravennatis* egregius Scriptor) excogitarent primi rationem creandorum Ducum: constaret semper iis Duces obnoxios fuisse, à quibus ejusmodi titulum essent consecuti, nec repugnare, nec adversari impune potuisse. Sic Exarchi cuncta gerentes arbitratu suo dabant, & auferebant civitatibus, quos volebant Duces, & *Longobardi* Regiæ administrationis pertacti, tribuisse Proceribus aliquot perhibentur hoc nomen, quibus inter se dissentientibus, sedèque grassantibus imposuerunt universis paulo post Regem Reipublicæ Ducem existimant: certè moderati & equi regiminis, non summi ac immensi, planè incolumi liberta-



accidebat plerumque, ut nimis insolenter iis sese efferrent, qui eâ præditi essent. Quæ causa fuit post necem illatam tertio Duci, ut à nostris majoribus constitueretur, à Ducibus eligendis in posterum temperandum esse, & quidam novus Magistratus institueretur, qui Magister Equitum appellatus est: neque tamen is Magi-

stratus diuturnus fuit; nam quinquennio post finem habuit; & Respublica delata est iterum ad Duces, quorum administratio turbulentior fuit iis de causis, quas dixi, usque ad *Sebastianum Zianum* xxxix Ducem: unde accidit, ut ex ipsis Ducibus tres confossi fuerint, & novem ex-cæcati in exilium pulsi.

Post

te formam statuere. Demonstrat hoc evidenter jus Ducis, siue lex ea pervetus, priusquam Dux nominaretur, à populo lata, cujus memoriam exceptam publicis Annalibus ad posteros ita pervenisse, nihil ut testatius divini cuiusdam muneris loco habendum, ut invidorum atque improborum malignitas probe coarguatur. Ergo quemadmodum *Regialex*, Ulpiano teste, omne imperium, & omnem potestatem in populum Regi conferebat, quam legem *Livius* tradit cum Urbe ipsa natam: ita lex *Venetis* Ducatus omnium antiquissima tantum abest, ut omnem transferat potestatem à populo in Ducem, ut è quatuor supremæ Majestatis viribus, unum permiserit imperium judiciale, idque etiam suis finibus circumscriptum: cunctas autem deliberationes rerum maximarum creationesque Magistratum, exceptis iudiciis, in eorum potestate relinquat, penes quos antea fuerat, unà cum legum lationibus, scitis, & sanctionibus. Sed recitare libet ex *Andrea Dandolo* singula capita legis, seu juris Ducarii. Unanimitè, inquit, decreverunt solum Ducem præesse, qui aquo moderamine populum gubernaret, & jus atque potestatem haberet in publicis causis generalem concionem advocandi, Tribunos etiam & Judices constituendi, qui in privatis causis, exceptis meris Spiritualibus, tam Clericis, quam Laicis, æquabiliter jura tribuerent, ita tamen quod gravatis quodcumque libeat Ducis remedium implorare. Ejusque jussione Clericorum concilia, & electiones Prælatu-rarum à Clero & Populo debeant inchoare, & electi ab eo investitionem accipere, & ejus mandato inthronizari. His enim salubriter ordinatis, &c. Ex his apparet, universam potestatem Ducis judiciali potissimum jure terminatam fuisse, ut libere administraret, quicquid eò spectaret, juri-que dicundo præficeret etiam, quos mallet: hoc verò non diu Ducibus permissum, ut ex Annalibus ipsis clarissimè constat. Si quis tamen argumentum hinc eruat summæ potestatis, quæ aliunde non pendeat, neque aliò respiciat, hunc etiam fateri oportebit, summam Potestatem in Curiiis, quæ Parlamenta vocantur, modo residere, Regesque maximos & amplissimos non amplius Reges, sed eorum arbitrio voluntateque subiectos, qui citra provocationem judicent singulis de rebus, quasi Rex aliquis ejusmodi facultate præbita imperio ac potestate summa unquam se abdicarit, aut quicquam de jure suo decedendum putarit. Optimatesque & Populus *Venetis* in Duce creando ita concesserint omnes in ejus Imperium, ut avita libertate voluerint sese ultro spoliare. Quis credat, homines liberos decorisque avidos ita rationem ac mentem omnem abjecisse, ut potius in cervicibus suis imponent impotentissimum dominum, quam custodem, ut vindicem communis libertatis adficerent? Sed ut omnes aperte videant, omninoque intelligant, Imperium semper in Populo supremum mansisse, hæc erunt animadvertenda, & consideranda: jus Optimatum atque Populi seu liberi, fuisse de fortunis & capite Civium judicandi, neque modo in privatos sæpenumero animadvertisse, sed etiam Duces ipsos nonnunquam multasse cum ignominia, & exilio, tum etiam cæde: quin etiam ad horum auctoritatem magis moderandam, paucis post annis, quam creari denuo fuerint cepti, ademptam illis facultatem initio collatam, eligendi Tribunos aut Judices: tandem vero nihil omnino Duces absque assensu Populi, Populum vero potuisse, vel invitis Ducibus, quicquid è Republica videretur jubendo statuere: Populi autem nomine complexor etiam Optimates, ne qua fortasse vis hoc in verbo fiat. Hæc non fallacibus ac levibus nixa conjecturis, sed testimoniis comprobata, & illustrissimis exemplis ab historia petitis, nonne multo potius Imperium Optimatum ac Populi, quam ullius ex antiquis Ducibus evincere fuisse? Aggrediamur igitur rem propositam, & ostendamus, auctoritatem judiciorum non ita Populum transfuisse in Tribunos ac Duces, ut integrum sibi non foret, si quando vellet, de maximis criminibus, ut de rebus aliis, cognoscere. Cum aliquot è Primariis civibus antiquæ nobilitatis & magnæ potentia conspirassent in Duces *Participatios*, *Angelum*, & *Fusinianum*, statuit ejusmodi facinus Populus vindicare, quemadmodum in *minori Chronico* scribit *Andreas Dandulus*, majestatisque damnatos *Joannem Tornaricum*, seu *Talonicum*, & *Bonum Brandanitium*, seu *Bragadenum* (nam cognomina utraque variè scripta reperio) patibulo addixit: supplicii locum è regione *D. Georgii* idcirco reor *Annales* præcipuè notasse, quod alibi fontes antea plecterentur, nimirum in area, quæ dicitur adhuc *Bragora*, corrupto forsitan vocabulo à Græco ἀγρεα. Tertius conjurationis princeps *Joannes Montanarius* cum fuga sibi consulisset, ad *Lorbarium* Regem, bonis sub hasta divenditis perpetuo exulavit. Non minus celebre judicium, & quæstiones habitæ

de *Petri Gradonici* optimi Ducis nece, cum satagente *Urso* novo Duce tres à Populo Judices constituti, *Petrus* Episcopus *Equilinus*, *Joannes* Archidiaconus *Gradenis*, & *Dominicus Masonus*, in reos pœnæ capitalis retulerunt hos cives, *Joannem Gradonicum*, & duos ejus filios, *Stephanum Sabularium*, & *Joannem Labrescam*, qui tamen trucidati fuerunt, à quibus, incertum, antequam more majorum pœna sumi posset: tres *Petri*, unus *Candianus*, alter *Clerensius*, tertius *Flabanicus* unà cum *Dominico Feletrio* Constantinopolim; *Stephanus* autem *Candianus*, plurimique alii in *Transalpinam Galliam* relegati, & ne quis unquam restitueretur, severe cautum. Hæc à Judicibus, quos diximus, decreta, comperimus auctoritate Populi esse comprobata; sicut etiam de *Urseola* gente factum novimus, honoribus atque ornamentis omnibus à Populo spoliata; sed nihil æquè declarat supremum jus Populi, quam sententia capitalis per eundem lata in *Petrum Candianum*, quartum Ducis ipsius filium, atque ut ferebat ejus temporis consuetudo, patri non modo successorem, sed collegam datum. Is perditis profligatisque moribus adolescens, cum patris gravissimi viri atque sapientissimi, ad meliorem frugem ipsam iterum ac sæpius revocantis, asperiora monita, & disciplinam sustinere non posset, consilium coepit iniquissimum, instigantibus iis, qui ejus amentia, furorique palam serviebant, ut ille patrocinaretur vicissim ipsorum audacia, conjuratione inita in senis & dignitatem, & vitam: sed re patefacta & comperta in custodiam traditus, qui clandestinis appetierat insidiis paternum caput, publico Populi judicio condemnatus, afficiendus jamjam erat extremo supplicio. Tunc specie miserabili parens in publicum prodiit, profusique lachrymis deprecari acerbiter supplicii, atque sceditatem, deplorare suam calamitatem, ostentare canitiem, commemorare tam merita majorum, quam sua, quibus miseri filii vitam condonari, ætatisque suæ imbecillitati palam flagitabat: non impietatem, nec scelus ullum adolescenti, sed imprudentiam, atque inscitiam crimen id confasse: quare non atroci adeo animadversione, sed alia minus gravi coercendum esse, ni perditum vellent juxta datum, atque patrem. Constitutum erat Populo suum judicium obfirmare, sed optimi Ducis mœrore atque orbitate commoti, ne quid ille in se gravius consuleret ob angorem veriti, rescissa priori sententia, ita statuerunt, ut pœnam quidem mortis evaderet ille in gratiam patris; veruntamen dignitate pariter atque patria amissa, citra ullam spem illius, aut hujus recuperandæ in sempiternum exilium deportaretur. Subscriperant huic sententiæ simul omnes Ordines, solennique jurejurando etiam se obligarunt: id verò quia violari mox contigit inconstantia vulgi, acclamantis eum Principem ab exequiis patris, res malè vertit, & renunciantibus, & renunciato, ut cuilibet est in promptu. Quid hic dicturos existimamus, quid causaturos, quicunque Ducibus antiquis summum jus tribuerunt? Nonne summum dicitur id, quo nihil est majus? cujus imperio continentur omnes, & coercentur? Atqui nihil in *Venetis* Annalibus tam frequens, & obvium, quam Duces ipsi à Populo coerceri soliti. Dicent fortasse, non tantum quid factum fuerit, quam quo jure factum fuerit, spectari oportere. Veruntamen ipsa lex Ducatus antiquitus lata declarat, non injuria coercitos Duces, aut plus, quam tributum fuisset, sibi vindicantes, aut gravius alicujus noxæ criminis compertos; & quanquam nonnulli vim Populi concitati, legitima tamen judicia multi subièrunt, ejusmodi præter supra dicta de *Obelerio* quoque Duce accepimus factum, perduellionis damnato sub *Gallicum* bellum. Is huc atque illuc extorris diu, & multum vagarus, cum redire in patriam nunquam potuisset, vel potentissimorum Principum gratia & patrocinio, vim adhibendam existimavit, funesto consilio, quod illi tandem supremum exitum attulit. Nam *Metamaucum* accitus à civibus suis, qui defectione facta transierunt in illius partes, non multo post oppugnatione expugnatoque oppido, vivus in *Joannem Ducis* venit potestatem, abscissisque cervicibus, ex sententia lata, temeritatis & perfidia pœnas unà luit. Ex quibus animadvertere cuilibet datur, quam inaniam, quam falsam, absurdamque sint de summa Ducum potestate quorundam commenta. Quid enim? *Obelerius* vel duorum fratrum subsidio fultus (nam *Beatum* constat initio unà consensisse) *Gallici* partibus addictus non una de causa, rem tamen ex arbitrio conficere nunquam potuit, adversantis aliis, qui *Gracis* obnixè studebant; & erit aliquis tam rudis atque adeo vecors, qui putet auctoritatem supremam penes Duces fuisse? Cur ergo *Mauritius* Senior plebi jucundissimus, qui summis opibus, summaque existimatione florebat, pro imperio nunquam restituit Ducatus sedem, paulo ante *Ma-*

taman-



Post *Vitalis Michaëlii* cædem, qui proxime *Sebastianum* anteceffit, in creatione Ducis variatum est, & nova quadam eligendi ratione adhibita renunciatus est ipse Dux anno MCLXXIV. Ad quod fortasse, vel certe ad proximum tempus Majorum Comitiorum principia referenda duxerim. Id autem in hanc sententiam me inclinem facit, quod in omnibus nostris monumentis scriptum reperio, idemque asserit *Lib. xi. sue Historiæ* Bernardus Justinianus, quotquot ante *Sebastianum Zianum* extiterunt Duces, eos omnes quam tumultuosissime declaratos esse to-

atius Populi rumore, & acclamatione. Nam si tunc ea fuisset ratio Comitiorum, quæ fuit instituta deinde, prout ipse percipies, nullo modo fieri potuisset, ut res perageretur tam tumultuose; sed quo modo cæteri omnes Magistratus, eodem creati & Duces fuissent in Comitibus ipsis: nam neque rationi consentaneum videtur, neque verisimile, tanti honoris, & tantæ amplitudinis Magistratum temere, & eâ, quâ dixi, perturbatione creatum fuisse, reliquos autem vel minimos tam pulchra, & decenti tamque accurata ratione deligi consuevisse. Præterea vero priusquam eripe-

*samancum* translata, *Heraclea* suæ patriæ? Cur in candidatorum suffragationibus, si quos rerum sacrarum Antistites designari vellent, non semel legimus Duces repulsum fuisse? quinimmo Tribunorum studiis nonnunquam suffragatos, qui maximè Ducibus invidi, atque infensi essent? quemadmodum ob consanguineam Patriarchæ eadem *Fortunatus Fianini*, & *Mauritio* Ducibus omnium offensissimus, nihilominus Tribunorum suffragatione successisse proditur, ac mirum conatibus Ducum obistere solitos, si quid perniciosum molirentur, Tribunos legimus; qua de causa in *Rivo alto* post *Gallicum* bellum *Angelus Participatius* Dux ubi à Populo dictus, stabilire visum est omnibus exemplum salutare, in auguratione *Dominici Monegarii* pridem institutum, geminos, qui Duci assiderent, Tribunos creandi: quæ res tantopere augebat jus ipsius Reipublicæ, quantopere compescebat audaciam Ducum, quibus obnoxii Tribuni non amplius agebant in posterum creandi jussu atque arbitrio Populi; ne quis tamen existimet, antequam ea fierent, summos rerum moderatores atque arbitros Duces extitisse, contra quam lege Ducaria constitutum esset, *Gregorii II.* Pontificis expendendæ litteræ, quarum hæc inscriptio; *Dilectis fratribus Donato Patriarcha, & Episcopis, atque Marcello Duci, & Plebi Venetiarum, &c.* In ipsis autem litteris (nam cuncta recitare nil attinet) præcipuè debent hæc verba notari, & perpendi: *Quia igitur missa relatione ad nos à Deo salvata communitas vestra petiit contra Foro-Juliensem Antistitem agentes, quod cupiat invadere ditionem Gradenfis Ecclesiæ.* Communitatis enim sive Communis nomen nihil aliud significat, quam Rempublicam ipsam, quod etiam *Carolus Sigonius* probe animadvertit *Historia de Regno Italiae Libro x.* Supremam verò Majestatem temporibus iis unâ cum Duce in populo resedisse, ostendit Ducis pariter atque Plebis in litterarum fronte prima mentio: sic etiam in litteris datis à *Gregorio III.* licet inscriptio desideretur absoluta & integra, vitio librorum, qui compendia sectantur, indicat tamen aut Plebis, aut Populi prætermisissimum nomen, quatenus apposta est hujus compendii nota, *Dilecto filio Urso Venetiarum, &c.* tunc quidem alia sententia, quam cum postea contigit *Dalmatia* domitæ, & *Croatia* titulos accedere: immò verò in antiquo exemplari vidimus diserte scriptum *Tribunis, & Populo.* Sed in deliberationibus, in foederibus, & quibuscunque sanctionibus, quarum memoria litteris commendata superest, expressum legimus populi ipsius nomen: & quia commemorare singula nimis longum esset, unum aut alterum satis fuerit in medium asserere ex antiquioribus, quæ ad nos pervenerunt. *Angelus Participatius* Dux, & *Justinianus* filius ejus, & collega concesserunt *Abbati sancti Servuli Capellam* Beati *Ilarii*, cum suis territoriis, at his ipsis verbis. Nos quidem *Angelus, & Justinianus* per divinam gratiam *Venetia* Provincia Duces unâ cum Reverendo *D. Fortunato sanctæ Gradenfis, & Aquilejensis Ecclesiæ Patriarcha, & Christophoro venerabili Episcopo sanctæ Olivolensis Ecclesiæ, atque universis populis habitantibus, plebe Christo dilecta, &c.* Subscribunt verò Patriarcha, Duces, Episcopus, *Joannes*, *Tribunus*, & multi alii. *Petrus* verò *Tribunus* cum *Clodienfis* pactionem fecit de iis, quæ Duci præstare deberent, in qua diserte scriptum; *Chartam securitatis facimus nos Petrus Tribunus Dux, & omnes totius Venetiæ majores, & minores, quorum nomina subius erunt scripta.* Sunt autem ad quinquaginta nomina, quæ legipossunt.

*Ego Petrus Tribunus, Dei gratia Dux, confirmo.*

*Ego Petrus Forentino, Iudex manu mea scripsi.*

*Ego Petrus Caloprinus, Iudex manu mea scripsi.*

*Ego Feliculus Marin Iudex manu mea scripsi, &c.*

At de *Petro IV. Candiano* Duce scribit *Andreas Dandulus*: *Iste Dux cum Bono Patriarcha, Petro Episcopo Olivolensi, Ioanne Episcopo Torcellano, & cæteris Episcopis, Clero, ac Populo Venetiarum decretum ab Urso Duce conditum renovantes, sanxerunt inhibentes commercium de mancipiis Christianis. Nono quoque sui Ducatus anno Dux cum Patriarcha, Episcopis, Clero, & Populo Venetiæ legatos misit Ioannem Contareno, & Ioannem Dente Ioanni Papa, & Ottone Imperatori, &c.* Cum verò descivissent à Republica omnes *Istria* populi, coacti sunt armis iterum imperata facere, novaque impositione se obligare, cuius extant tabulæ: In nomine *Dominici nostri Iesu Christi*, imperante *DD. Ottone Serenissimo Imperatore* anno quarto, die *xii. mensis Octobris*, Indictione quinta. *His tabulis Sicardus Comes, atque Istria vestigalis*

*facta convenire se ajunt unâ cum Petro Orseolo gloriosissimo Venetiarum Duce, & cum universo suo populo.* In foedere quoque omnium gloriosissimo inito cum Patriarcha *Hierosolymitano*, cæterisque Principibus anno à Christo nato *MCXX. i.* non semel repetita leguntur hæc verba; *Vobisque Duci Venetiarum, & Vestra genti promittimus.* Innumera sunt, quæ Ducem cum Judicibus, & Principalibus, seu Primatibus, ac Populo Venetiarum nominant, nec ullam unquam sanctionem, pactionem, foedus, Ducis unius nomine celebratum in totis *Venetis* Annalibus ostendi potest: quod certissimè arguit, nihil agi potuisse inconsulto Populo, cujus etiam rei documentum capere possumus ex eo, quod voti causa cum *Venetias* profectus esset, ut beati *Marci* veneraretur corpus, *Otto Imperator*, clamque omnes adventum suum esse voluisset, fortasse ne quid turbarum se absente fieret; triduo post ejus abitum, convocata concione, ut hospitium, quod inscio populo impertierat, sibi fraudi non esset, Dux *Petrus Orseolus II.* exposuit rem gestam, necessitatemque excusavit accurata oratione, quam excusationem à Populo acceptam dum *Annales* tradunt, haud obscurè significant, fieri potuisse, ut ea non acciperetur, & Dux reus fieret. Quod si non erat integrum atque tutum, excipere in ædibus alicuius Principem hospitio; qui poterat ipse Dux inconsulto Populo, vel Collegas, vel Successores liberè designare liberos? Vix credam *Fannotium* ita unquam opinatum, aut hallucinatum oportet in re apertissima. Nihil enim in *Venetia* Historia notius, magisque compertum, quam senioris *Mauritii* meritis ac precibus, eximii loco muneris, id à Populo indultum, mox in exemplum perniciosissimum à posteris tractum, ut impetrarent alii filii, alii fratribus consortium Principatus, atque adeo successi- onem; neque tamen unquam memoriæ proditor hoc factum, nisi Populo assentiente, atque comprobante. Nam Duces nihil aliud, nisi quod rogabant, sicut etiam in deliberationibus publicis, & legum lationibus: Populi verò supremum judicium erat, in quo Duces acquiescere qualicunque oportebat. Argumento sit, quod *Dominicus Flabianicus* Dux cum ejusmodi consuetudinem abolitam cupe- ret, quæ nonnihil detrimenti videretur allatura Reipublicæ illudque haberet exploratum, legem abrogare potestatis ejusdem fore, quæ scivisset non ipse pro imperio antiquavit, sed indicta publica concione ad Populum retulit, cujus id scitum esse, atque jussu noverat, vellentne cum certa perniciæ fixum stare, an metus omnis tollendi causâ re- figi, ac rescindi? Ridiculum fortè videbitur quod attexam, sed valde appositum, ni fallor, atque adeo opportunum vel in minutis quibuscunque & minimis rebus, ad ostendendum, Populo quantum juris esset. Legimus enim in *Græcorum* quandoque odium, à quibus plurimum dissidere cœperat Respublica in publico concilio sancitum omnino fuisse, ne quis summitteret barbam, præterquam luctus causâ. Ex his apparet, quàm verè sit à nobis dictum, nihil agi unquam consuevisse sine Populi jussu, ideoque in ejus offensionem facile incurrebant, si qui Duces aliquando sibi plus arbitrii sumpsisset, quàm lege tribueretur in negotiis gerendis: quid? quod immerentes odia multi etiam subibant ex communi sententia rebus constitutis, si minus eæ succederent, atque accideret, ut infortunium aliquod grave acciperetur ob Ducum suasiones, consilia, vel infaus- ta auspicia: vulgo nimirum ex eventibus cuncta me- tieute, & cujus nomine juberi edicique solita, huic temerè accepta referente tam bona quàm mala. Ita cum *Vitalis Fa- letri* Ducis funus duceretur, ab universo Populo diræ fuit devotum, quod summa caritas annonæ fuisset eo Principe, & exprobrandæ rei gratia vino & pane ingestis, sepul- chrum ejus contratum, & commaculatum. Tale quid etiam paucis jam annis contigisse novimus *Petro Laureda- no*, Duci optimo & innocentissimo, cum tamen hic an- nis quadringentis ferè posterior *Sebastiano Ziano*, ille vero superior annis plus quam nonaginta. Quod etiam tempo- ribus nostris non semel accidit, cum annonæ præsertim ubertas & caritas à vulgo Ducibus tribui soleat, non alia certè ratione, quàm antiquissima Reipublicæ consuetudine cunctas deliberationes, atque publica edicta non alio, quam Ducis ipsius nomine vulgandi. Quæ res ostendit, præter- itis omnibus temporibus haud dissimiliratione, quàm mo- dō administratam Rempublicam, differimenque illud ab *Fannotio* indutum prorsus nullum esse; cum præsertim ea, quam



eriperetur ea facultas Populo nominandi Ducis; Dux autoritate suâ, quâ plurimum eminebat, suoque arbitrato, ut aiebam modo, administrabat Rempublicam, ita ut in societatem Principatus nonnulli etiam filios vocarent: nam *Dominicum Flabanicum* Ducem xxix. scimus ejusmodi consuetudinem abolendam curasse. Quare quicunque monumenta evolverit historiarum nostrarum (atque id velim scias, ubi contingit à me laudari nostra monumenta, nullo modo id accipiendum esse de Historiis *Sabellici*, neque de aliis hujusmodi scriptis pervulgatis; ab his enim non pauca prætermissa fuerunt, quæ fortasse multo pluris apud me sunt, quam quicquid est ab ipsis memoriæ proditum: eos igitur de nostris Rebus Commentarios laudo, qui apud nos manuscripti extant, sicut non ita pridem *Nicolaus Leonicus* ætatis nostræ maximum decus, & ornamentum exhibuit mihi quoddam Fragmentum Historiæ *Venetæ*, unde multa percepi singularia) hæc igitur vetera nostra monumenta quicunque perlegerit, in iis vix unquam reperiet Magistratus aliqujus mentionem factam, à quo certè res publicæ fuerint procuratæ. In *Vitali Michaëlio* Duce, qui cæsus fuit, dum iret ad *D. Zachariæ*, & successorem habuit *Sebastianum Zianum*, invenio primum usurpari nomen hoc, *Signoria*, cui Latine responderet vox, Dominatio, non ita tamen ut constet, quisnam esset is Magistratus, & qua autoritate. Hæc enim verba tantummodò scripta comperio: *Dominicus Maurocenius Venetias pervenit, & exposuit coram Duce, & Dominatione.* In *Sebastiano* quoque *Ziano*, qui *Vitalem* proxime excepit, & magis accurata suffragatione Princeps est creatus, quam prius adhiberi consueffet, hanc ipsam Dominationis mentionem audio; sic etiam in *Henrico Dandulo*, qui *Sebastiano* successit, & in multis aliis deinceps animadverti, ejusmodi Dominationis nomen expressum fuisse, quod ante *Vitalem Michaëlium*, ut prædixi, nunquam ipse legi. Quæ res facit, ut existimem, nullos Magistratus fuisse temporibus iis, quæ præcesserunt administrationem *Sebastiani Ziani*, præter eos, qui præfecti rebus privatis essent: & horum quidem electio, quod in quibusdam Commentariis nostris scriptum reperio, ad Quatuor-Viros pertinebat, quibus id committebatur; sed à quibus, non liquet. Fuisse verò tunc aliquos Magistratus in Urbe præter ipsum Ducem, vel ex eo constat, quod *Dominicus Flabanicus* is, quem memoravi, universam familiam, sive gentem *Urseolorum* à Magistratibus, atque honoribus excludendam in perpetuum curavit: nam si nulli Magistratus omnino fuissent, quid attinisset ab illis *Urseolos* excludere? Veruntamen ante *Sebastianum Zianum* publicos Magistratus non extitisse, hoc est, qui gererent ea, quæ ad imperium spectant, illud opinor, evincit, quod aliàs, ubi quicquam infortunii & incommodi accideret, quod Civitatem non mediocriter afficeret, non alius quàm ipse Dux incurrebat in odium, offensionemque publicam,

A eidemque communiter accepta ferebantur omnia, quæ Reipublicæ contingerent, vel bona, vel mala. Quapropter in exilium sæpenumero expellebantur, aut palàm trucidabantur, quemadmodum *Vitali Michaëlio* factum est, quem supra nominavi. Nam Publicum *Ærarium*, quod *Camere* apud nos nomen habet, ob assidua bella gesta contra *Græcorum* Imperatorem *Emanuelem*, cum nimis exhaustum esset, atque exinanitum, ea, quæ dicuntur à nobis *Impræstita*, primus excogitavit, nimirum edixit, ut unusquisque Reipublicæ commodaret de certo quodam pecuniæ numero sibi constituto, pro quo singulis annis ab eadem caperet Usuras Quincunces. Ea res tantam invidiam Duci apud multos conflavit, ut ipso Resurrectionis Dominicæ Festo die confusus ad pontem fuerit in itinere ad *D. Zachariæ*. Certè si Magistratus ulli tunc extitissent, qui unà cum ipso Duce Reipublicæ præfuisent, quemadmodum tempestate nostra fieri videmus, tota vis illa non incubuisset in unum Ducem, sed alios quoque pervasisset, quos adjutores, & socios nactus esset in gerenda Republica; videmus enim contigisse id posterioribus ætatibus Duce *XLV. Raynerio Zeno*, qui creatus est anno *M CC LII*. Nam *Cretensi* bello, quo plurimum adversos, infestosque *Genuenses* habuimus, immensis sumptibus in rem militarem factis, necesse fuit imponere Civitati nova vestigalia, quæ res, simulatque præconis audita est vox, concitavit in universo Populo tam ingentes tumultus, ut omnes insensissimis animis accurrentes Ducarium obfuderint; neque verò multitudinis impetus, & furor, vel ipsa præsentia Ducis, & reverentia potuit unquam reprimi: quare cum pedem referret intrò, abiretque è conspectu, plebs incitata privatorum ædes invasit, ex quibus aliquot diripuit & cæde vastavit. Hoc in tumultu Populus acerbiter odii sui in universam Rempublicam converrit, non solum in Ducem, cum sciret, illum non Reipublicæ Dominum, sed participem esse. Sed quo tempore *Vitalis Michaëlius* administrabat Rempublicam, ipse totam invidiam, culpamque sustinuit ex commodatis pecuniis uni sibi confiatam, propterea quod omnia versabantur in sua potestate. Temporibus quidem nostris Respublica magnum vulnus accepit anno *M D IX*. exercitu nostro profligato per *Ludovicum* Galliarum Regem: consecuta est eam cladem defectio cunctarum urbium, quas obtinebat ipsa Respublica in *Gallia Cisalpina*. Nullus tamen extitit ob eam rem, qui raperet in invidiam Ducem *Lauredanum*, cumque perferre sumptus ingentes Cives cogerentur, nullus tumultus in eum, nulla vox audita: non alia de causa, nisi quod summa rerum non erat penes ipsum Ducem, sed erat in potestate publicorum Conciliorum, atque Magistratuum. Ut ex his, quæ disputavimus, satis constet, hos publicos Magistratus ante *Sebastiani Ziani* tempora nullos plane fuisse. Quod quidem si tanquam verò consentaneum statuimus, quis usus esse

quam affert, historia Ducis *Raynerii Zeni*, à populo civitatis lapidusque appetiti, propter molendi tritici vestigal auctum à Senatu, fidem tantum faciat, semper in Duces redundare solitum, quicquid offensæ contraherent præfides Reipublicæ, doceatque turbam furore concitatum, posteaquam amplius in Principem grassari non potuit, ex ejus manibus elapsum domique suæ abditum, non tam in Principes atque auctores ejus sententiæ, quàm in privatos cives impetum tulisse, quos ejusmodi res & causa minime attingebat. Sed rem totam ut paucis complectamur, semper Dux Venetorum libera in Republica tantum obtinuit summi juris atque auctoritatis, quantum ingenio, bonis artibus, gratia, & opibus, vel propinquorum, vel amicorum apud cives valuit: imperii summam vim ipsam nun-

quam habuit, sed imaginem tantum quandam, & umbram imperii, plus minusve, pro temporum varietate. Antiquitus penes illum fuit iudices statuere, & Magistratus quosdam etiam designare: quin etiam Domini nomen quandoque audiebat, mox id lege fuit veritum, ut alia permulta, quæ antiquis Ducibus honestandis vel concessa, vel permissa fuerant. Serenissimi tamen titulus adhuc manet, regaliaque insignia, & sella in medio suggestu; comitatus etiam eorum, qui modò *Scutarii*, olim verò *Excusarii* vocari solebant, ad perexiguum numerum contractus superest: Veruntamen ad extrema prope nunc devenit, cum in funere cujusque Principis creati Quatuor-Viri de potestate illius semper aliquid detrahant.




esse poterat Majorum Comitiorum, quæ vel his nostris temporibus nullis aliis rebus, quam Magistratibus creandis præstant suam operam?

Hic aliquis excipiat fortasse, potuisse fieri, ut crearentur in Comitii illi Magistratus, quos privatis negotiis præpositos dicebamus esse: nam Civitatem videri, nunquam iis caruisse, quæ mercaturæ studium perpetuò coluerit. Sed tamen his respondere non est difficile, quàm absurdissimum fore, si Magistratus ejusmodi, qui præ aliis, qui summam Rempublicam continent, exigui momenti sunt, tam exquisita diligentia, tamque accurata ratione delecti dicantur, cum tamen præstantissimus, atque amplissimus omnium Magistratus, hoc est ipse Dux ad eò temerè, tumultuosèque consueverit à populo nominari. Quid? quod autoritas nostrorum Commentariorum ei sententiæ adversatur, in quibus, ut dixi modò, scriptum reperitur, hujusmodi Magistratus eligendi curam Quatuor-Viris initio demandatam fuisse.

Si quis autem urgeat, in capiendis consiliis de Republica præstitisse suam operam ea Comitia Duci: certè non negaverim fieri potuisse, ut à Ducibus institutum fuerit quoddam genus Concilii, in quod adhibiti fuerint certi quidam cives, quibuscum illi sua consilia nonnunquam conferrent, id, quod paulò post apertius; sed nullo modo existimarem, tantum numerum civium non alià quàm consultandi causâ cum Principe in unum locum coisse. Nam qui gubernacula tenet in civitate præsertim satis ampla, & frequenti, cujusmodi est nostra, assidue versari debet in consultatione. Quamobrem necessarium Ducibus fuisset quotidiana convocatione defatigare Comitiam: Cives autem publicis rebus ut duntaxat intenti prorsus abjicerent curam suarum rerum, id certè fieri nullo modo unquam potuisset. Siquidem Magistratum vicissitudines non alia de causa adinventæ sunt, nisi ut unusquisque in partem laboris, & sollicitudinis ita veniat, uti commodorum particeps est, utique in Republica. Præterea verò quisquis evolvit nostra monumenta supra tempora *Sebastiani Ziani*, paucos omninò Cives reperit, qui publicis rebus operam navarint, & rebus gelis familias suas illustrarint, id quod postea contigit. Ejus rei nulla potest afferri, præterquam hæc, causa, quod vellent ipsos Duces arbitratu suo cuncta gerere, atque moderari. Sed posteaquam Majora Comitiam sunt instituta, & suprema Ducis autoritas, nonnihil temperata societate Magistratum, & Conciliorum: exinde cives rebus gerendis operam dantes existimationem, decus, & gloriam sibi compararunt: ut hac in re Civitati, Reipublicæque nostræ prorsus idem contigerit, quòd *Romanæ* olim, in qua familiæ civium splendore suo caruerunt, quamdiu Reges habuerunt summum imperium. Quod ubi primum fuit extinctum, atque in ea deletum, statim magna celebritate cœptæ sunt augeri. Innumeros prope Cives memorare possem citra tempora *Sebastiani Ziani*, qui rebus maritimis studentes classium

A nostrarum summum imperium habuerunt, & magno Reipublicæ cum fructu, atque dignitate celebrem nominis sui memoriam posteris reliquerunt: supra verò tempora *Sebastiani Ziani* perquam pauci rebus gerendis præfuisse narrantur. *Dominico* quidem *Mauroceno* xxxvii. Duce invenio *Dominicum Maurocenum* Ducis ipsius vel patruelem, vel filium, ut nonnulli sentiunt, unà cum *Marino Gradonico* Præfectum Classi fuisse, quæ deducta est adversus *Polanos*, & cæteros *Istros*. Ubi discessit à vita *Ordelaubus Faletrus* Dux xxxiv. ad *Pannoniæ* Regem, cum quo tunc erat bellum, tres Legati missi fuerunt, *Vitalis Faletrus*, *Ursus Justinianus*, atque *Marinus Maurocenus*. *Vitali* quoque *Michaële* Duce xxi. classi, quæ proficiscebatur in *Asiam*, Præfecti dati sunt *Henricus Contarenius* Episcopus *Olivolensis*, nec non filius Ducis. Præterea verò cum Dux esset *Vitalis Faletrus*, *Dominicum Dandulum*, *Andream Michaëlium*, & *Jacobum Aurium* comperio Legatos ivisse ad *Alexium* Orientis Imperatorem. Sic etiam aliis temporibus alii memorantur, qui fuerint adhibiti ad tractanda negotia publica: sed omnes hi quàm paucissimi numero sunt præ omnibus iis, qui deinceps à temporibus *Sebastiani Ziani* clarissimi evaserunt ob administrationes Reipublicæ. Id verò factum est ab institutis Comitii, propterea quod dignitates, & munera publica, tum domi, tum foris in plurimos cives tribuebantur, unde plurimi quoque decus sibi comparare familiasque suas plurimum illustrare cœperunt; quod vel hisce nostris temporibus fieri videmus. Atque hanc ipsam fuisse causam existimo; cur antiquissimæ familiæ Patricii ordinis, præter oppidò paucas, quæ celebritatem adeptæ sunt à Ducibus editis, cujusmodi fuerunt, *Baduaria*, *Mema*, *Contarena*, *Faletria*, *Maurocena*, *Michaëlia*, & nonnullæ alæ, tam multæ vero, quæ fuerunt supra tempora *Sebastiani Ziani* versatæ, fuerint in ea obscuritate, ut aliquarum nomina vix ad nos pervenerint. Postremò tandem, quod meam sententiam maximè confirmat, hoc Gentilis hominis nomen, quod Nobilitatis est proprium; in nostris monumentis nunquam usurpatur ante administrationem *Petri Ziani* Ducis xlii, qui patrem habuit *Sebastianum* Ducem sæpe memoratum: Eò Duce *Creta* Insula in ditionem *Venetam* cessit, quæ ut in Reipublicæ fide melius contineretur, decreta est eò colonia *Venetorum* Civium, partim quidem ex iis, qui equo mererent, partim autem ex assuetis militiæ pedestri: Igitur in iis Historiæ fragmentis, quæ sum nactus à *Leonico* nostro, hæc ita scripta reperi: *Postea verò decretum est in Gentiles homines, atque populares, qui se conferrent eò ad habitandum cum suis familiis, Cretam Insulam totam tribuendam esse*. Neque tamen arbitror tunc idem omninò significasse, quod nunc significat hoc Gentilis hominis nomen. Nam quæ temporibus illis Comitiam erant (hæc autem quænam, & cujusmodi forent, efficiam, ut suo loco intelligas) non admittebant id, quod modò est, inter Patricios, po-



1. Postremò tandem, quod meam sententiam, &c.] Licet aliquando hoc ipsum Gentilis hominis nomen in primis Annalibus reperiatur, contra quam credit *Iannotius*; nam *Petro Gradonico* Duce legimus hæc ipsa verba: *Et avvenne che'l sopradetto Dose veniva mal voluto dal popolo, & etiam dalli zentilhomeni, perche el non curava de favellar al popolo, a con li zentilhomeni, ne'l voleva altra compagnia, se non delli soi servi*. Sicuri etiam alibi non semel. Frequentius tamen vocantur *Majores*, aut *Primores*, & sæpius *Tribuni*: etenim hoc nomine censebantur non modò, qui functi essent *Tribunatu*, sed etiam, qui ex familiis tribunitiis ducerent originem, hoc est, unde aliquando *Tribuni* creati essent. Arguit hoc ea loquendi formula, quam *Annales* usurpant, ubi loquuntur

de familiis Patriciorum. *Fuerunt antiqui Tribuni*. Frequentius etiam legimus in iisdem, ab hujus, aut illius familiæ *Tribunis* sacras ædes complures vel ædificatas, vel ornatas esse: nec non *Tribunos*, & *Magnates Urbis* ita decrevisse: quo fit, ut late admodum pateret hoc *Tribuni* nomen, & complecteretur Patricios, & Nobiles cunctos, prout etiam voces *Majorum*, aut *Primorum*; quæ si *Iannotius* noster animadvertisset, profectò quod miraretur, nihil habuisset, in monumentis antiquis *Venetorum* hanc Gentilis, ut modò loquimur, hominis vocem non audiri. Nomenclatura enim est haud recens, res autem pævæta, & prisca vocabula memoriz commendata.



popularesque discriminis: idcirco quæ vis appellationi Gentilis hominis subjecta est modo in aliis cunctis civitatibus, eandem crediderim tunc etiam in nostra fuisse, ut eo nomine Cives illi significarentur, qui præ cæteris omnibus eminent, aut antiquitate generis, aut opibus, aut auctoritate. Adeptas est autem principatum ipse *Petrus Zianus* anno *Christi* M CCV, eodemque trigesimo post *Sebastianum* patrem, qui creatus fuerat anno M C LXXV. Quo quidem temporis intervallo conjicere possumus eligendi Ducis rationem correctam fuisse, ejus autem summam potentiam legibus latissimè temperatam; instituta quoque Comitia, cum cæteris Magistratibus; eoque magis, quod in ejusdem Principis vita diploma quoddam confectum legi, pro Colonia *Cretensi*, in quo commemoratos inveni quatuor Consiliarios, binos Judices, nec non Advocatores, de quibus sit sermo postea loco suo, primum creatos fuisse temporibus *Aurii Mastropetri*, qui Rempubicam administravit eo temporis intervallo, quod supra commemoratum est annorum triginta, & *Sebastiano* Duci proximè successit. Unde colligere possumus, his iisdem temporibus Majora Comitia ad magistratus eligendos constituta, stabilitaque fuisse. Neque tamen inficias iverim, nomen Comitiorum superioribus etiam temporibus nonnunquam usurpatum legi, quod constat ex aliquibus Privilegiis *Vitalis Michaëlii* Ducis, quæ non ita pridem fecit, ut aspi cerem, *M. Antonius Michaëlius*, Vir ob antiquam generis nobilitatem & ob ingenii, virtutumque maximarum ornamenta plurima dignissimus, qui diligatur, atque celebretur à cunctis hominibus. Subscribunt iis privilegiis trecenti ferè cives, quos ipse *Vitalis* Dux nominat Comitiorum participes. Sed cujusnam rei gratiâ, & à quo fuerint instituta ea Comitia, nihil est apertum. Equidem, si quid Comitiorum genus concedimus temporibus iis, eorundem autores videntur Duces ipsi fuisse, ut, quandocunque sibi collibitum esset, uterentur consilio, atque civium opera, non secus atque prisca *Romanorum* Reges, qui cum Senatu publicis de rebus agere solebant, sed ubi maximè videbatur hoc in rem suam fore.

Ego verò cum de prima Comitiorum origine disputo, aliud Comitiorum genus accipi noluerim, quàm cui tributa est facultas creandi cætera Concilia, atque Magistratus, qui rerum cum publicarum, tum privatarum curam singuli suscipiunt. Nam quæ superioribus ætatibus erant, si tamen erant, existimo parum auctoritatis obtinuisse. Minimè quidem id à veritate alienum puto, quod superius monui, speciem, & formam quandam Comitiorum apud Duces fuisse, quæ tamen tota penderent ex eorum arbitrio, nullamque aliam præstarent operam, præter eam, quam ipsi requirerent. Videtur enim æquitati consentaneum fuisse, ut qui summum jus, & imperium in Republica haberent, eandemque arbitratu suo plane regerent, atque administrarent, iidem voluntates etiam civium longe plurimorum studerent aliquo genere obsequii sibi demereri, & ob eam rem Comitia quædam indixerint. Sed multo magis illud me movet, quod non video, qui fieri potuisset unquam, ut Majores nostri tam admirabilem rerum ordinem, tamque pulcherrimam distribuendi honores, & munera publica rationem, hoc est ipsa, quæ nunc habemus constituta Comitia, nullo proposito sibi ad imitandum exemplo primum excogitarent. Nam temporibus iis nulli dubium est, hujusmodi formam publicæ administrationis apud

A aliquas urbes, vel gentes nusquam extitisse, quæcunque tunc omnino haud essent ignotæ. Atqui ea, quæ nullo exemplo inducenda sunt, tot tantisque difficultates secum afferre solent, ut plerumque rejiciantur, tanquam nimis ardua, quæ fieri vix, aut forte nullo modo possint. Proficiscitur id ex ea re, quod homines in rebus singulis agendis nonnisi rationes illas & sequuntur, & probant, quas vel suo, vel aliorum aliquo periculo cognitæ, & perspectas habeant: paucissimi verò sunt, & semper fuerunt, qui nova comminisci, & aliis persuadere valeant: ideoque cum in Republica contingit aliquid innovandum, instituta vetera semper ob oculos habentur, ad quæ de more cuncta referuntur, & ad propria quidem ubi suppetunt, secus ad aliena. Quare multi sunt autores, qui tradunt, *Romulum* iuæ reipublicæ exemplum de *Græcis* sumpsisse; & vos etiam ipsi anno *Christi* MCDXCIV, majora vestra Comitia ad instar eorum, quæ sunt apud nos, effinxistis: quin etiam anno MDII, usi nostro exemplo, summum apud vos Magistratum, quem *Consalonarium* vocatis, ex annuo perpetuum efficere statuistis. Utinam verò in rem, atque fructum patriæ vestræ, nec non ad totius *Italici* nominis decus, & existimationem ea mente quoque fuissetis, ut Reipublicæ nostræ cætera instituta, quæ non sunt ita cunctis in promptu, & obvia, quemadmodum vel Ducis administratio perpetua, vel ipsa Comitia non dissimili ratione suscipienda, imitationeque completenda vobis visa essent. Nam vestra civitas retinisset libertatem suam, neque vicissitudines illas fuisset experta, quæ perniciem extremam tandem rebus intulerunt. Dico igitur monstri, ac prodigii simile quid futurum fuisse, si Majores nostri sine ullo exemplo, cum ordinare vellent statum Reipublicæ, ex ingenio tantummodo suo depromptam repente attulissent universam hanc rationem Comitiorum tam egregiam atque præstabilem, tamque humanitati aptam, & Civium concordiæ: quæ sane ratio non modò liberam, perpetuoque incolumem nobis patriam præstitit; sed etiam rebus semper in meliùs procedentibus quodammodo gradum eidem fecit ad eam, quæ nunc est, Imperii amplitudinem, & auctoritatem. Quamobrem hæc duæ rationes à me proximè adductæ, præter ea pauca, quæ superant adhuc, monumenta, efficiunt, ut credi possit, aliquam Comitiorum formam extitisse supra tempora Ducis *Sebastiani Ziani*, unde majoribus nostris post *Vitalis Michaëlii* cædem, cum redigere ad meliorem formam Rempubicam cogitarent, oblata fuisset opportunitas instituendi hæc Comitia publica adtribuendos honores, atque magistratus.

E Quapropter ut summatim comprehendam, in nostra Republica *Tres Rationes*, sive *Formæ Comitiorum* fuerunt; *Prima*, per totum illud tempus continuatâ, quo Duces regio ferè more dominabantur, usque ad Ducem *Sebastianum Zianum*; *Alterâ* verò, quam eo tempore institutam dixi. Hinc autem *Tertia* promanavit, cui quidem anno *Christi* MCCXCVII, Duce *Petro Gradonico* fuit initium datum, eademque felicissime Respublica nostra gubernatur usque ad hæc tempora. Itaque ii, qui Comitiorum morem tradunt antiquissimum esse, si de Comitiiis alterius generis loquantur, quam quæ postea creandorum Magistratum causa sunt adhibita, fortè non falluntur; alioquin in errore versantur. Nam, ut pluribus dixi, atque comprobavi, non nisi post *Vitalis Michaëlii* cædem ea sunt usurpata, quo tempore singula munera, & negotia publica directâ fuerunt ad certam normam, atque regulam, ut in



in civili societate quietè viveretur. Nescio vero utrum tibi satietatem, & molestiam attulerim tam longa disputatione de prima Comitiorum origine, de qua certe mihi fuit agendum, ne quid ex iis prætermitterem, quæ ad eam rem pertinent. Tu, qui singula momenta diligenter expendere soles, quicquid è re visum fuerit, complectare velim, cæteraque abjicias.

*Ioannes.* Equidem singula persequendo quò magis excutis, eò majorem voluptatem capio ex sermonibus tuis. Morem plane mihi gessisti in hac tota Comitiorum percensenda origine: nam multa scitu digna nunc à te intellexi, quæ discrepant ab aliorum sententiis, & quidem plurimorum, à quibus affirmatur, ea, quæ nunc vigent apud vos Majora Comiticia, vetustissimis etiam temporibus extitisse. Sed pluribus hac de re disputare nihil amplius attinet: satis est mihi quidnam sentias, ex ipso te audisse, quem rectè sentire mihi persuadebo, donec aliud occurrat, quod magis arrideat. Nunc autem intelligere cupio, quemadmodum existimes rem gestam esse, dum Comiticia sunt instituta post *Vitalis Michaëlii* cædem. Ad hæc autem, quibus temporibus, & qua de causa postea fuerit ad ipsa Comiticia interclusus, atque obstructus aditus. Nam qui fuerunt ab iis exclusi, permirum videtur, si passi fuerint æquo animo, se spoliari, non tantum jure, quod haberent, creandi Magistratus, & Ducem, sed plane consequendi eos honores omni facultate: neque verò mihi aliquid in mentem incurrit, quod ipsos continere in officio potuerit.

*Trypho.* Quamvis ex iis, quæ à me disputata sunt hæctenus, hæc ipsa, quæ modò percunctaris, intelligi queant, saltem aliqua ex parte: nihilominus ut animi sensum magis aperiam, quod à me satis arbitror demonstratum esse iis conjecturis, & argumentis allatis, quæ invenire potui; illud item repetam, Majora Comiticia tunc ortum habuisse, cum visillata est, atque cædes *Vitalis Michaëlii*, atque ut ego quidem persuasum habeo, itatim in ipsa creatione *Sebastiani Ziani*. Utrum verò Comiticia Ducis electionem, an ipsa Ducis electio Comiticia potius antecesserit, in medio relinquo; sic etiam num fortè simul utraque res extiterit. Nam aliquid unum ex his tribus factum videtur. Ergo qui tunc in Republica valebant autoritate, sive jampridem, sive nuperime hanc ipsam adepti, hi multitudinis insolentia tanta perspecta, quæ fuisset ausa violentas manus injicere in Ducem, dederunt operam, ut vitiis omnibus, quæ videbantur hæere in Republica, sublatis è medio, præciderent omnes vias domesticæ seditionis. Erat autem vitium longe maximum in ipsa Ducis electione, quæ tanto cum tumultu fieri solebat, ut dixi, atque iterum dicam: ex quo contingere poterat, ut dignus aliquis non magis quàm indignus ad summam amplitudinem pervenire posset, dummodò plebi, & populo gratus esset. Alterum quoque vitium positum erat in nimia potestate, & licentia Ducis. His duobus vitiis alia quædam non pauca conjuncta erant ex iisdem capitibus deducta, quæ Civitati nostræ supremum exitium attulissent, nisi opportunis remediis adhibendis ei prospectum fuisset. Quare prius illud vitium ita sustulerant, ut à plebis, & populi temeritate ad certum paucorum

A arbitrium transferrent omnem potestatem Ducis eligendi, ex uno quidem in alterum extremum subito delapsi. Hoc autem non alia de causa factum esse crediderim, nisi quod usu plerumque veniat, ut quicumque sibi aliquid minus utile, quin etiam valde noxium expertus ipsa re comperiat, ad extremum deferatur, atque deveniat ejus rei contrarium. Cum igitur ob ea, quæ dicta sunt, animadverterent ii, qui præsidebant Reipublicæ, perniciosissimam rem esse Principis electionem temerariam adeò, & tumultuosam: amplexi sunt diversam rationem, atque omninò contrariam, ut paucis committerent id, quod erat universorum. Sic etiam unius Principis summam autoritatem, quod erat alterum vitium simul corrigendum, adhibita Comitiorum frequentia moderati sunt ad cunctos Magistratus distribuendos, qua sanè re magnopere caverunt, nequid agendi libera, & integra facultas relinqueretur, eidem consulendo in posterum. Et eorum quidem Comitiorum totam rationem fuisse illam puto, quæ postea diù permansit usque ad illud tempus, quo cœptum est intercudi; fuit autem hujusmodi. Singulis annis extremo mense Septembri ad festum diem Dedicationis *S. Michaëlis* Archangeli bis seni Cives deligebantur, bini è singulis tribubus (nam Civitas tota senis tribubus continetur) his autem, quod nostra monumenta perhibent, fas atque integrum erat, ex universa Civitate sibi cooptare à *CDL.* usque ad *CDLXX.* cives, & ea conditione, ut singuli possent è familia sua quatuor viros summum asciscere. Ex iis autem omnibus in unum coactis conflata quidem Majora Comiticia, sed in annum erant, quæ Magistratus omnes creabant, ut nunc moris est. Intra finem verentis anni, *Duodecim Viri*, quos dixi, rursus eligebantur, qui jus Comitiorum tribuebant eodem modo in proximum annum.

*Ioannes.* Antequam tuum sermonem ad alia conferas, hi *Duodecim-Viri*, quibus collata erat facultas implendi Comiticia, quonam modo, & à quibus designabantur? Præterea, si Comiticia nulla certa, & legitima ratione constabant ante Ducis *Vitalis Michaëlii* tempora, quosnam usus afferre ipsa potuerunt ad altera formanda, recens, atque instituenda? Postremo, cur *Duodecim-Viri* tributum erat à *CDL.* usque ad *CDLXX.* cives nominare certo quodam numero?

*Trypho.* Nihil mihi planè constat ex iis, quæ nunc percunctaris: dicam tamen ea, quæ proxima veritati censeo. Si concedere volumus id, quod admodum verisimile mihi videtur & antea jam dixi, fuisse rationem aliquam Comitiorum supra ipsa tempora, quibus erat Dux *Vitalis Michaëlius*, fieri potuisset, ut in iis Comitibus *Duodecim-Viri* primùm suffragiis creati fuerint, vel fortitò educti, quos deinde proximis annis ea Comiticia decernerent, quæ nondum munus annum confecerant; paucis antè diebus. Quæ vero supra *Vitalem Michaëlium* dicuntur fuisse, quamvis earum rerum, quæ tunc nullæ essent, imaginem aliquam exprimere minimè potuerint; tamen hæc hominibus eam mentem satis fuit attulisse, ut aggressi fuerint ad alterum quoddam genus ipsorum concinnandum, atque absolvendum.

Contigit autem<sup>1</sup>, ut qui de coercenda nimia po-

<sup>1</sup>. Contigit autem, ut qui &c.] Fallitur Iannotius: semper enim penes Majora Comiticia summa potestas fuit, & cum Tribuni Reipublicæ præerant: quod clarè ostendit Andreas Dandulus, dum ait; Interea Venetia maruimalis regio propter bellicas clades populis aucta in qualibet insula tribunos

annuales constituit, qui incolis justitiam exhiberent, facta vero in communi cæmentia omnibus comprovincialibus congregatis determinare consuevit: & postquam Duces creari cœpti sunt, ut supra ostendimus, & ex omnibus prius annalibus manifestissimè apparet.



potestate Ducis primi laborarunt, & de tollendis iis duobus vitiis, quæ commemoravi, cum præ oculis haberent amplissimum Concilium è lectissimis Civibus pridem institutum, in id ipsum transfundere cogitarint, quicquid autoritatis, atque juris Ducibus ademissent, ab uno extremo in alterum declinantes, quemadmodum superius admonui de creatione Ducis, ea potestate nimirum, quæ nimia videretur, erepta uni, hoc est Duci, & plurimis tradita, existimarent magis tranquillam, civilemque Reipublicæ administrationem fore. Neque vero mirum cuiquam videri debet, si quicquid ipsi Duci detraxerant, sibi attribuerunt. Nam summa potestas in aliquem conferenda erat, eaque in unum quemlibet collata, vel singulatim, vel etiam unâ cum paucis, in easdem difficultates incurrebat, id quod animadvertere quam facillimum erat. His rationibus adducti Rempublicam committere pluribus statuerunt: qua in re statuenda difficultatis adhuc nonnihil habebant, quod expedita non erat aliqua ratio, qua possent vel universi, vel certè maxima pars id obire summi juris, atque autoritatis, quod solus Dux exercere antea consuevisset. Ad id autem planè expediendum magno fuit usui vetus illa, cujusmodicunque fuerat Comitiorum à Ducibus adinventata ratio. Nam veri quàm simillimum, eam quoque Duces non semel adhibuisse, ut aliquam à populo gratiam inirent, ubi munus aliquod publicum mandari oporteret, aut etiam aliqua deliberatio gravior habenda esset de bello, aut pace, aut aliis hujusmodi rebus. Itaque cum animadverterent ii, quibus erat curæ redigere statum Reipublicæ ad meliorem formam, id Comitiorum genus aptissimum, & opportunissimum esse tractandis, atque gerendis publicis negotiis, facillimè persuasi sunt, ut transferrent eò universam autoritatem Ducibus ablatam.

Et quoniam Conventus ille constabat circiter Civibus quadringentis, quemadmodum ex iis privilegiis potest intelligi, quæ superius attuli: ob eam rem potuit etiam fieri, ut per Duodecim-Viros ferè totidem eligerentur, nempe quinquaginta, vel septuaginta supra quadringentos. Sed ut pluribus obsequerentur, instituerunt, ut hi singuli per Duodecim-Viros electi facultatem haberent adsciscendi tot è familiis suis, quot fuerunt expositi. Postremò verò decretum est ad magis conciliandos animos cunctorum civium, ut ea Comitiorum recens instituta, singulis annis quibusque instaurarentur, ut ii, quibus excludi contigisset præsentem annum, ipem conservare suam possent, ac referre in proximum, eaque ratione magis ac magis administraretur tranquillè Respublica. Puto à me tuis postremis interrogationibus satis esse factum. Nam recensui tibi quicquid ex iis monumentis potui colligere, quæ nobis supersunt. Propterea si nihil est amplius tibi, quod requiras, alia prosequar, quæ restant adhuc ex iis, quæ primum quæsieras, discutienda.

*Ioannes.* Prosequere, amabo: nihil est enim, quod te amplius his de rebus interrogem.

*Trypho.* Perstitit igitur ea consuetudo singulis annis, quam dixi, Majorum Comitiorum renovandorum, inchoata post necem *Vitalis Michaelii* Ducis, hoc est ab anno MCLXX; vel, quod alii malunt, MCLXXV. quo tempore statum eandem invaluisse, multis verisimilibus conjecturis ducti; perstitit, inquam, ad annum usque MCCCXVII; qui fuit septimus annus administrationis *Petri Gradonici*. Erant ea tempestate Quadraginta-Virum Collegio Præfecti,

A quemadmodum in Commentariis nostris scriptum invenio, *Leonardus Bembo*, & *Marcus Baduarius*, à quibus lata fuit hujusmodi lex ad idem Collegium: *Ut quicumque eo anno Majoribus Comitibus operam darent, aut saltem quadriennio proximo dedissent, hi tantummodo, eorum posterius juris id haberent, ita ut nihil amplius esset immutandum, secus atque consuevisset hætenus fieri.* Quæ lex à Quadraginta-Viris laudata,

receptaque maximo consensu, mox ubi perlata est ad universa Comitiorum, non aliam propensionem animorum in iis quoque reperit, tantoque studio cunctis ætatibus deinceps fuit observata, ut quindecim familiis exceptis, quæ causa *Bajamontanæ* conjurationis adscitæ sunt, trigintaque

B iis viris, qui profligato *Genuensi* bello id præmii, mercedisqueloco consecuti sunt, paucissimis omnino contigerit eo jure donari, non tamen

C iisdem temporibus, neque easdem ob causas. Hoc sanè pacto *Tristanus Savornianus* in Patriciorum ordinem cooptatus est propter immen-

tos labores contentionesque, quas animo constantissimo pertulit Reipublicæ causa. Cujus familia licet in nostra Civitate novissima esset;

nonnihilominus *Hieronymus* ejus nepos Vir insigni morum probitate, atque animi fortitudine præditus, hoc anno inter Senatores locum obtinuit, quod munus, & ornatissimum, & amplissimum est, quemadmodum te non semel audisse puto, & uberius explicaturus infra quoque sum. Atque ita sanè Comitiorum interclusum fuit, quæ res in vulgaribus Historiis nusquam est expressa, sed in iis Commentariis tantummodo prodita, qui domi conservantur apud nonnullos Patricios, ut qui diligentissimus non fuerit, maximeque sollicitus nostris de Antiquitatibus investigandis, cum necesse sit in ignoratione versari rerum plurimarum, quæ dignissimæ sunt animadversione, ac memoria.

D *Ioannes.* Ita quidem est, & idcirco tibi gratias habeo, qui mihi communicandas duxeris tam benignè res adeo memorabiles, nondum satis notas. Quod nisi fortè contingat interrogationibus meis interpellari à me nunc orationem tuam, hæc tria quoque mihi exponere quæso ne graveris: *Primum*; Quibus de causis adducti sint ii, qui se præbuerunt autores, ut intercluderetur Comitiorum, atque illi, quibus excludi contigerit, quonam modo id tulerint. Vix quidem credam potuisse tantam rem confici, nisi magna opportunitas quædam affuisset. *Deinde* verò; Quidnam muneris tunc fuerit Quadraginta-Viratus. *Tandem*; Utrum Comitiorum interclusis eorum duntaxat habendam rationem censuerint, qui fuissent electi per Duodecim-Viros, an eorum etiam, quos iidem postea cooptassent, hoc est ex eadem familia binos, ternos, aut summum quaternos Viros, quos licuisse singulis nominare dixisti.

E *Trypho.* Hæ tuæ percunctationes nihil interpellant orationem meam: nam ea, quæ sciscitaris, ad rem spectant omnia. Quapropter eodem ordine respondebo, quo tu me interrogasti; Atque ut exordiar à *Primo*, non extat in monumentis nostris aliquid expressum, quod occasionem, vel causam attulerit intercludendi Comitiorum: quanquam credi vix potest, ut ipse modò

F ajebas, citra occasionem aliquam potuisse tantam rem confici. Posset hoc innumeris exemplis allatis à me comprobari, non earum modò civitatum, quæ sunt in melius, in quarum numero quoque nostram reponendam censeo, sed etiam illarum, quæ mutatae fuerint in deterius. Sed vel ipsius nostræ Reipublicæ vicissitudines, si animum advertas, hujus rei facere potuerint



amplissimam fidem. Nunquam tamen me vel legisse, vel audisse memini, quæ causa extiterit, vel occasio intercludendi Comitia: immò verò neque mente, cogitationeque ipsa possum quicquam assequi, quod promanarit ex eo genere Comitiorum mali, vel incommodi, unde postea fuerit ortum innovandi studium. Sed ea ratione tantum crediderim persuasos fuisse; qui fuerunt autores ejus mutationis, quod viderent quotidie causa negotiationis ingentem numerum advenarum in Urbem confluere, quibus contingere potuisset non multis post annis, ut adipiscerentur jura Comitiorum, nec non Magistratus. Itaque ne permiscerent suum genus externo generi, atque ita Nobilitas ejus contaminaretur, quam sinceram & integram conservare quam maxime optabant, inierunt consilium ita statuendi Comitia, ut modò audivisti, in quæ delectum Civitatis florem totum coegerunt. Nullus enim Vir tunc, opinor, paulò insignior extitit, qui Comitibus iis quinquennialibus comprehensus non fuerit. Enimverò potuit etiam fieri, ut ambitio, & cupiditas plus habendi compulerit cives ad hæc innovanda. Nam publicis muneribus omnibus ad pauciores collatis, eveniebat, ut ad eos, qui participes eorundem futuri essent, plus emolumenti, atque dignitatis inde redundaret. Quamquam hæc omnia conjecturis innixa sunt: nam de his rebus, ut prædixi, certi nihil constat. Caterum eos, qui fuerunt exclusi, ægiè rem tulisse, potest intelligi ex illa conspiratione, quæ ab interclusis Comitibus mox in lucem prodierit. Nihil enim aliud ansam eidem præbuit, nisi quod *Marinus Bozonius*, qui fuit primus auctor, & alii quidam cum eo cives animadvertissent, sibi omnes aditus iri præcolum ad publica munera. Sed quemadmodum fuit inconsultum illud facinus, atque temerarium; sic etiam caruit prospero, ac felici eventu, quinimmo perierit exitium autoribus suis. Sed quoniam tota Civitas erat in maxima perturbatione ab interclusis Comitibus, ii, qui obtinebant Rempublicam, ita statuerunt, ut quicumque Comitibus ipsis continerentur, singulis annis subijci deberent suffragiis in Quadraginta-virali Collegio ad diem sacram *D. Michaëlis*. Si quis autem saltem dimidiam partem suffragiorum minimè ferret, is non admitteretur in Comitibus per ejus anti curriculum, & alius in ejus locum subrogaretur, ut quidem verisimile arbitror. Fiebat autem, opinor, ut nullus unquam à Comitibus excluderetur, & ii, qui semel delecti fuerant, semper approbarentur; quare consuetudo suffragiorum tandem obsolevit, eademque perpetuo Comitibus perseveraverunt.

Quod autem *Secundo* loco quæstisti de Collegio Quadraginta-virali, non aliud existimo fuisse, quam Capitale, de quo inferius agam. Faciunt, ut mihi persuadeam id, tres omnino rationes: prima, quod in confessio apud omnes est, hoc Quadraginta-virale Collegium antiquissimum esse, licet apud nullum scriptorem inveniam, quo tempore fuerit institutum: altera est, quoniam superioribus ætatibus in gravissimis rebus cunctis versabatur, non in judiciis tantummodo, immò Dux etiam cum illis conveniebat, atque præsens aderat: postrema ratio est, quoniam præter hoc ipsum nullum est aliud Quadraginta-Virum Collegium, de quo fiat mentio. Nam Civilia utraque multo post ipsum Capitale instructa sunt, id quod uberius suo loco.

Ad id vero, quod *Postremo* quæstisti loco, itidem respondeo, à me existimari, non eos tantummodo, quos Duodecim Viri delegissent, sed etiam cæteros, quos hi postea secum addu-

xissent, simul omnes Majoribus Comitibus comprehensos fuisse. Quamvis autem quinquennialia Comitibus in unum coacta videantur conflare multo majorem numerum Virorum, quam modo sit: attamen cum facile credi possit, alternis annis semper eisdem eligi consuevisse, hac ratione ex quinque Comitibus bina superessent, ternaque vacarent. Continebantur hoc numero Patricii quater mille, & quingenti, paulò plus, immò sæpe. Ne verò id alicui mirum videatur, propterea quod hac ætate vix ad ter mille numerantur, illud erit considerandum, intermediiis ætatibus non paucas veteres familias intercessisse, quod animadverti facile potest, & planè intelligi facta invicem collatione utriusque census, ejus, inquam, qui temporibus hisce notris, & illius, qui fuit habitus anno Christi MCDXL. Quod autem facit, ut existimem in numerum Patriciorum ascriptos fuisse non solum Cives à Duodecim-Viris nominatos, sed etiam socios omnes à nominatis adscitos, est, quod alias contigisset pluribus familiis, ut in Patricios, & Cives divisæ abirent, quæ tamen procul dubio sunt modò quam paucissimæ. Multò quidem plures olim fuisse persuasissimum habeo, sed earum plerumque extinctos fuisse.

*Ioannes*. Fieri quidem potuit, ut illi, qui populares evaserunt, minimè perrexerint antiquæ suæ Nobilitatis decus conservare, contra quam factum est ab ipsis Patriciis. Nam cui præcluditur aditus ad gerendas respublicas, is illustrare suam familiam minimè potest, ac ne retinere quidem splendorem, si quem prius habebat. Quid? quod antiqua nomina familiarum fortasse commutata sunt, quæ res offundere solet ingentes tenebras, & ex certissimis res omnes quam incertas reddere. Sed nisi grave tibi fortasse est, hoc mihi, quod item spectat ad rem propositam, edisseras velim: Homines iis qui Comitibus interclusi fuissent, licebatne Magistratus, & honores deferre? Neque enim videris mihi satis expotuisse, utrum cum ipso jure Comitiorum erepta quoque fuerit eisdem facultas obtinendi munera.

*Trypho*. Novi quidem, id explicatum à me non fuisse; sed neque modò tibi quærenti satis facere possum, cum nihil ea de re mihi perspectum sit. Existimo tamen iis temporibus non fuisse præcise vetitum, ne Magistratus his civibus mandarentur. Nam vel hac nostra tempestate pro comperto non habeo ejusmodi legem latam adhuc esse, qua fuerit exceptum, *ne Civibus ulli nomina entur ab Electoribus, præterquam Patricii, aut ne ratio ipsorum haberetur in Comitibus, si nominarentur*. Quinimmo contigisse id non semel audio, ut Patricius nominatus fuerit ab uno Electorum, veruntamen ex reliquis Collegis tot non accessisse, quot opus est ad subeunda, & expedienda Comitiorum suffragia, qua de re proximè tractabitur. Quare possumus arbitrari cunctos Magistratus iis, qui Comitiorum jus haberent, communicatos fuisse, cæteros, qui fuissent exclusi, nunquam in partem vocatos. Sed res obstructas, & circumfusas tot tantisque tenebris, quæso, ne scrutemur, & reliqua persequamur his prætermisiss.

Hæc apud nos Comitibus, de quibus tam multa disputavi, consistant ex omnium Patriciorum multitudine in unum collecta, iisdemque potest interesse quilibet ex gente patricia ad ferenda suffragia, modo transegerit ætatis annum vigesimum quintum, non tamen ante quam se doceat id ætatis esse, hoc est, Advocatorum tribunal adeat, de quo Magistratu postea nobis erit sermo, ibique alterius parentis, aut si neu-



ter parentum fuerit superstes, ejus juramento, qui sibi cognatione quam proximus, & quam conjunctissimus sit, fides ampla fiat, annum quintum supra vigesimum jam exactum esse; duobus etiam testibus eodem adhibitis, qui certò afferant, ex omnium sermonibus, communique ipsa prædicatione pro comperto se habere, legitimis natalibus, & ex iis parentibus, quos nominat, eundem procreatum fuisse, quibus ita peractis, tùm demum cum cæteris convenire ad Comititia potest, ut dixi, & ferre suffragia.

Cæterum ut etiam juniores habere queant aliquem sensum civilis administrationis, prospectum est iis, qui vigesimum annum fuerint egressi, ne desit aliqua saltem ratio consequendi id, quod optant: eaque talis est. Pridie nonas Decembris, qui dies *D. Barbaræ* sacer est, adolescentes illi, qui facultatem hanc sibi concedi cupiunt, coram Trium-Viris Advocatoribus omnes conveniunt, ut eos de viginti annorum ætate jam exacta doceant, ostendantque se non aliis, aut natalibus, aut parentibus ortos, quam quos usurparint. Ejus autem rei fides eodem planè modo facienda est, quem superius descripsi, mandaturque publicis monumentis apud eum Magistratum. Porro singuli adolescentes de natalium, legitimæque ætatis indicatione syngrapham accipiunt ab omnibus Trium-Viris obsignatam, quam præbet unus à secretis alteri deferendam, qui fungitur eodem munere apud Quadraginta Viros; atque is eorum, qui syngraphas detulerunt, nomina singula parvo quodam in chirographo sigillarim describit, omnibusque iis collectis ad *D. Barbaræ* diem Principem, & Consiliarios adit (de Consiliariis; nec non de Quadraginta-Viris loco suo fusius) quibus inspectantibus eos chirographos conjicit in urnam: cumque ex illis omnibus, qui recensiti fuerint, id quod animadvertendum inprimis est, quinta pars ad Comititia debeat admitti: hoc tamen intelligi tantum debet, quando Candidati plures non sunt quam CL. in quo numero XXXI. quinta pars est; tot enim ad summum singulis annis admitti possunt. Quare non ampliùs habetur quintæ partis ratio, si quando Candidati exceßerint hunc numerum CL. Quot autem nomina fuerint in urnam conjecta, totidem globuli argentei demittuntur in alteram, quibus inferuntur aurei globuli summum unus & triginta; sed pauciores, ubi Candidatorum quinta pars non attingit eum numerum. Educuntur inde sortitò per Ducem singuli chirographi ex urna priore, quibus eductis, absque mora nomen recitatur, quod est ibi scriptum, & ex altera statim urna globulus eximitur, qui si fuerit aureus, intelligitur huic jus ferendi suffragia comparatum esse, quod nos materna nostra lingua, *Ballottare*, dicimus; apud vos autem dicitur, *Rendere il partito*: si argenteus contigerit, nihil illi datur, sed spem fortis rejicere debet in sequentem annum. Pergitur ordine suo deinceps alios chirographos extrahere, subindeque globulos, modo quo dixi, donec omninò globulis aureis urna sit exhausta; quos qui sortiti fuerint, obtinent omnes facultatem conveniendi ad Comititia suffragandi causa. Fuerat id olim in more posi-

tum, ut biennio priusquam suffragia ferre possent adolescentes, Comititiis interessent. His temporibus id in usu ampliùs non habetur. Reliqui verò omnes, quibus argenteum globulum fors ipsa obtulit, coguntur annum proximum expectare, & æquo animo perferre ejusmodi moram, nisi fortè vigesimum quintum annum interim expleverint. Semel autem facta fide de natalibus, & legitima ætate, non est opus, ut iterum fides ulla fiat ab eo, qui fortis periculum facere vult in sequentibus annis. Satis est iis de rebus habere testimonium impetratum à scriba Trium-Virum Advocatorum, ordinique porro insistere, quem dudum exposui. Turbulentis verò temporibus ipsius Reipublicæ consuetudo quædam obtinuit, ut jura Comitiorum cum facultate suffragiorum iis concederentur, qui suis pecuniis, & facultatibus ipsam adjuverent, modò viginti annos nati essent. Quemadmodum factum cernimus hoc ipso anno, quo Patres iis, quibus nondum liceret per ætatem, censuerunt jus Comitiorum concedi oportere, si vel certum pecuniæ numerum liberaliter offerrent, donarentque Reipublicæ, vel etiam commodarent aliquanto majorem summam, quam postea sine usuris recepturi essent. Altera quidem ex his rationibus à me traditis citra ætatem, possunt juniores obtinere jura Comitiorum; quæ res expediat, nec ne, in præsentia non dis-puto.

*Ioannes.* Expedire quidem ego censuerim; nam quemadmodum senioribus pulchrum, atque optabile est, corpore firmo, & salubri præditum esse; sic etiam junioribus optanda, & præstabilis est prudentia quædam senilis. Hanc vero sibi juniores comparare non possunt, nisi maturiùs, atque tempestiviùs assuescant iis artibus, quarum studio, & exercitatione percipi potest. Sed amabo te, intermissam orationem revoca.

*Trypho.* Id quoque prætereundum minimè videtur, ubi contigerit, ut alicujus pater, & avus Comititiis nunquam vacaverint, eorumque nomina sive absentiae, sive aliam quamvis ob causam nunquam in codicem publicum relata fuerint, prout in ætate indicata, ut monui, fieri consuevit; non posse jus Comitiorum unquam adipisci, quicumque ab his procreatus genitusque fuerit, nisi ad ipsos Trium-Viros Advocatores confugiat, eosdemque doceat, quibuscunque vel rationibus, vel argumentis commodè potest, ex ordine patricio majores suos extitisse, proptereaque in Patriciorum numerum se adscribendum esse: qua de re <sup>1</sup> Trium-Viros quoque oportet ad Capitale Quadraginta-Virum Collegium referre, cujus est omnino statuere, & pronunciare, sitne Patricius ille habendus, necne. Sed nequis impunè fucum facere aggrediatur, & per summam fraudem, atque malitiam ementiri audeat unquam patricium genus, lege cautum fuit: *Ut quingentos aureos apud Magistratum deponat is, qui ejusmodi judicium subire velit, eorumque jacturam sustineat, si causâ ceciderit.* Hactenus quidem exposui tibi, quinam sint illi, quibus ad nostra Comititia convenire liceat. Quod autem superest, agendum fuerit de *Ratione*, qua Magistratus eligi consueverunt, in Comitiorum autoritate planè collocata,

1. *Qua de re Trium-Viros, &c.* De Patriciis non amplius ad Capitale Quadraginta Virum Collegium refertur ab Advocatoribus: sed amplissimum Collegium institutum est, quod *Solemne* vocatur, in quo præter Quadraginta Viros Dux ipse adest cum suis Consiliariis, ac Præconsultoribus, quos Sapi entes vocamus: ad hoc de iis, qui Patricios ma-

jores suos extitisse docere volunt, ideoque in Patriciorum se numerum cooptari, refertur: cujus partes sunt constituere, an Patricius ille haberi debeat, nec ne. Multæ præterea sanctiones conditæ, quibus cautum est, ne quis in re tanti ponderis, atque momenti verba dare, aut quavis ratione fucum facere possit.



ta, quod & antea monui. Siquidem Rerum omnium publicam Administrationem ad quatuor capita revocavi, quæ sunt hæc, Magistratuum Creationes, Legum Lationes, summæ Deliberationes de pace, & de bello, tandemque Provocationes: quorum primum dixi totum pendere ab ipsis Comitibus. Sed ut facilius rem teneas, opus esse arbitror, ut ejus *Conclavis* formam, in quo fit conventus, oculis tuis subijcere describendo moliar. Quod si tu coram illud inspexisti, & singula, quæ sunt in eo, diligenter notasti, possum ab hoc opere & libenter persuadere.

*Ioannes.* Ego verò id, quod tu dicis, Conclave coram inspexi, veruntamen ejus memoriam renovari mihi pergratum fuerit: vix enim fieri potest, quin aliquid exciderit mente præcipuum, atque singulare, cum præsertim tot, tantaque in hac Urbe præclarissima contemplatus sim, quorum species, atque simulachra cogitationi obversantur simul & permista, & confusa.

*Trypho.* Quandoquidem tu minime abs re futuram existimas *Conclavis* hujus, quam audire cupis, explicationem, ejusdem formam tibi proponam quam paucissimis potero. Ea vero quaternos angulos habet & quaterna latera, sed non æquali inter se magnitudine prædita: bina ex his sunt minora, bina tanto majora, ut excurrat in longitudinem spatium plus duplo, quam in latitudinem. Hæc enim, ut aliquando me observasse numerando memini, non nisi duos supra triginta passus absolvit. illa vero protenditur usque ad passus LXXVI. Adhærent, & conjuncta sunt parietibus undique scabella quædam cum duobus gradibus, quorum alter cætera scabella, five subsellia, quæ in æquo & plano Conclavis disposita sunt, ita æquat, ut nihilo altius assurgat: alter vero gradus eminentior est, & quisquis in eo sedet, in conspectu cæterorum necessario versatur. Tribunal autem Principis statuere mos est secundum latera duo conclavis minor, sed prout exigere videtur anni tempus, alterutrinque. Porro nihil aliud est hujusmodi tribunal, quam suggestum quoddam è tignis constructum, quod à pavimento conclavis tantum extat, quantum prior ille gradus, quo ad scabella dicta conscenditur, alteri vero gradui itidem subijcitur, qui sedem Principis sustinet incumbentem sibi. Porro in ipso Conclavis plano secundum longitudinem novem subsellia, sed duplicata constituta sunt, hoc est transversis, ad reclinandum dorsum, tignis intersepta, ne se tergo, & humeris utrobique sedentes contingant, quod quidem necessario fieret, illis non intercedentibus. Habent autem alterum à fronte, alterum à tergo binis ex majoribus: latera vero minora conclavis à dextra, & sinistra. Fiant autem ex his novem subselliis, unà cum duobus illis gradibus eminentiorum, quæ collocata diximus ad majora latera, decem plane ordi-

nes. Nam majus alterum latus cum suis subsellis, & ea subsellia, quæ illis proxime subiecta cernuntur, sunt unius ordinis, non tamen utraque pars ipsorum, sed altera tantum; ea nimirum, quæ superioribus ex adversa respondet. Adversa pars autem spectat ad secundum ordinem, unà cum dimidia parte alterius è regione siti. Eademque est omnino ratio cæterorum omnium, usque ad alterum majus in Conclavi latus. Quamobrem si quis inter utrumlibet latius incedit, & subsellia proxima contingit, hunc habere unius, & ejusdem ordinis, alteram partem à dextris, alteram à sinistris, quibus continentur Patricii bifariam distincti, & adversò vultu sese invicem semper intuentes. Hi quidem omnes ordines sunt numero deni, verum coagmentantur, & rediguntur ad majores quinos, quorum primus complectitur utrumque ordinem, quem secundum latera bina majora explicatum protuli: alter vero duos ordines huic, atque illi proxime adhærentes, atque ita reliqui, qua ratione quintus duos ordines continebit in medio positos. Quotiescunque igitur ad urnam suffragiorum (quam rem infra melius intelliges) unus ex his quinque ordinibus accersiri solet, revera bini ordines accersiri habentur. Sed ne quid omnino prætermittam, patet ingressus ad Conclave ipsum præcipue januis duabus: Altera, si quis aspectum convertat ad id majus latus, quod lumen per fenestras admittit ad illustrandum locum, huic à sinistra spectandam se exhibebit in minori latere, veruntamen quàm proxime ad alterum majus. Est etiam quoddam ostium in ipso minori latere, quod Electoribus patet, ubi sunt creati ad renuntiandos competitores, ut suo loco exponam. Altera verò janua conspicitur in eo majori latere, quod nullas fenestras habet, non procul ab altero minori. Et ejusmodi quidem est Conclave, in quo Patricii ad Comititia convenire solent, ut Magistratus omnes creentur octavo quoque die, scilicet Dominico, quandoque frequentius etiam, ut Augustus, Septembrique mensibus evenire cernimus, quando Senatus deligitur, aliisque temporibus nonnunquam, prout usus requirit.

*Eligendorum* porro *Magistratuum* apud nos hujusmodi est *Ratio*. *Electores* primum sorte ducuntur, quos Nominatores vos appellare contuevit. Qui denique renuntiati fuerint ab his Electoribus, in Comitibus ipsis debent suffragiis subijci, & qui plura ex his consecutus fuerit, ita tamen ut superet dimidiam partem, is obtinuisse dicitur Magistratum. Et quoniam singulis diebus Comitiorum, pauciores quam novem Magistratus creare nunquam licet, Electores quoque noveni sunt necessario creandi. Sed in nonnullis Magistratibus cum duo tantum competitores statuuntur, & in plurimis quatuor, singulis Comitiorum diebus contingere oportet, ut Magistratus optentur, aut ex alterutro genere, aut ex utro-

1. Quandoquidem tu minime abs re futurum, &c.] Sicuti Majora Comititia sensim ad formam hanc perfectissimam, quam modò cuncti admirantur, ut superius diximus, pervenire; variisque decretis vel tempus convocandi, atque adeo dimittendi: vel qua potissimum ratione iretur in suffragia vel quinam essent in Concilio admittendi, ejusque generis multa pro temporum varietate, non speciosè magis, quàm prudenter à Majoribus nostris constituta fuerunt: ita Comitiorum locus atque sedes, in quam convocari deberent, non semper una atque eadem fuit. Neque enim solummodo priscis temporibus *Herculeæ*, *Metamæuræ*, ac denique *Rivaltæ* habebantur: sed postquam etiam sedes ipsa, & domicilium imperii faustis tandem omnibus fuerunt in *Rivum altum* translata, ac æternum fixa; modò in Principum ædes, qui antiquitus pro eorum arbitrio, vel in Ducario, vel in privatis eorum pe-

natibus habitabant; modò in *D. Marci* Ecclesiam, aut etiam in alia templa comitia vocata legimus, his vero temporibus, atque superiori ætate non alibi, quàm in amplissimo, & augustissimo conclavi haberi solent, sicuti *Fannotius* scribit. Attamen cum paucis ante annis Ducarium ferè totum cum ipso conclavi repente incendio deformatum, atque absumptum fuerit, cuncta non solum in pristinum nitorem restituta, sed multò etiam ampliora, atque augustiora reddita sunt, tanto auri splendore, tabularum egregiè pictarum varietate, tantisque ornamentis, ut nihil supra Scabellorum verò, de quibus *Fannotius* mentionem facit, effigiem quandam hic expressam apponere decrevimus, sicut etiam Tribunalis ipsius Principis, ut cuncta non auribus tantum percipi possint, sed oculis etiam quodammodo spectari.



utroque permiste. Rarissimè quidem ex eo solum genere, quod binos habet tantummodò competitores, sed tunc ordines Electorum non nisi duo fiunt: aliàs autem semper quaterni, si ve ex eo tantum genere, quod Candidatos quatuor exponit, si ve ex hoc, & ex illo confusè Magistratus extiterint. Constant ordines Electorum singuli ex novem Patriciis, quibus quidem fors fuerit propitia, quos ordines appellare nos solemus *Manus*, adjecto numero primæ, secundæ, tertiæ, & quartæ prout singulæ primo, secundo, tertio, & quarto loco sorte fuerint ductæ. Prius quidem, si tibi videbitur, exponam, *Quonam modo Electores sortitò ducantur*, deinde vero *Creationem ipsam Magistratuum*.

*Ioannes*. Opus est, ut ad arbitrium tuum ipse totum me referam, qui nihil his de rebus exploratum habeam, præter id, quod abs te narrante percepi.

*Trypho*. Ergo quâ die sunt habenda Comititia, solet ære Campano quodam signum dari ad certam diei horam, nempe in ipsa meridie, neque vero pulsatio intermittit unquam, nisi hora absoluta, quo temporis intervallo in conclave id amplissimam, quod modo descripsi, conveniunt ex ordine patricio, qui Comitiorum jus habent. Nam fores ubi clausæ fuerint, clavesque ad Tribunal Principis delatæ, nulli patet amplius ingressus, præterquam illi, qui sit aut Consiliarius, aut Trium-Vir ex Advocatoribus, aut Præfectus Decem-Virum, aut postremo Censor. Convocatis, atque ingressis omnibus ingreditur Dux, quem Consilarii deducunt, & ii Trium-Viri, qui præfunt Quadraginta-Virali Collegio, atque adeo nisi prius accesserint, tunc ingrediuntur terni Decem-Virum Præsides, & Advocatores, nec non bini Censores, de quibus omnibus inferius. Omnes hi, quos dixi, præter eos, qui Præfecti sunt XL-Viris, induti sunt eo genere vestimenti, quod à nobis Ducale solet appellari, estque vel Coccinum, vel ex panno quovis, sed latioribus manicis, & qua manus exeruntur, latè diductis, dissimile non nihil vestimentis iis, quæ nos privatim gerere consuevimus, è nigri coloris panno, collectis atque conclusis in arcum manicis ad manus. Sedet autem Dux<sup>1</sup> in suo tribunali, quod medium positum est in altero latere minori, prout opportunitas vel æstatis vel hyemis requirit. Velim autem scias ea, quæ sunt in plano subsellia, ab utroque capite intercisa esse, sed ab altera semel tantum, ab altera bis. Illic à proximis subselliis dirempta est quædam pars sex ulnarum, non amplius. Hic autem binæ partes æquali magnitudine præditæ, quarum ea, quæ media intercedit inter alteram priori loco sitam, quæ constituit caput, & inter reliquum corpus subselliorum, transferri solet ex uno loco ad alterum secundum anni tempus. Itaque semper est una tantum pars ab eo capite subselliorum, quod prospectat ipsum tribunal; ab altero duæ: & quotiescunque tribunal aliò transferendum est, amovetur ea pars, quæ caput ipsum efficit, & pertrahitur ad locum, quem tribunal vacuum relinquit. Ad continuanda porrò subsellia inferitur ea pars, quæ peti solet ab altero capite subselliorum, nimirum ea, quam diximus huc atque illuc traduci: altera vero pars, hoc est ipsum caput, retrahitur atque applicatur ad reliquum corpus, ut tribunali, quantum decet, spatii relinquatur. Sedet igitur, quemadmodum dicere cœperam, Dux

A in hoc suo tribunali, & assident ipsi à dextra tres ex Consiliariis, & unus ex Præsidibus XL-Virum: à sinistra verò tres alii Consilarii, & duo reliqui Præsides Quadraginta-Virum. In extremo quoque tribunali bina sunt hinc, atque illinc aulæis instrata subsellia, in quibus sedet Scribarum princeps, seu magnus Cancellarius, ut modò dicitur, atque alii ministri. Magistratus etiam illi, quorum meminimus, loca sibi destinata ad sedendam occupant. Nam Trium-Vir ille Advocator, cujus prærogativa est per illam hebdomadam, & is ex Præsidibus Decem-Virum, cui simile jus obtigit in suo Magistratu, conferunt sese ad alterum minus Conclavis latus; ut in gradu eminentiori subselliorum, quæ conjuncta sunt parietibus, circa medium confideant è regione Ducis. Teget autem latus Advocatoris interior Decem-Vir. A dextris autem horum, sed in majori latere prope angulum, tres Auditores Veteres dicti sedes suas habent: Recentiores verò totidem in eorum conspectu, sed aliquanto remotiores ab altero angulo. Duo Censores deinde, singuli in altero majori latere fere medii sedent. Reliqui duo Trium-Viri Advocatores, duoque Præsides Decem-Virum, eadem quoque majora latera, sed extrema, tenent juxta utrumque angulum, illi quidem à dextra Principis: hi verò à sinistra. Omnes hi Magistratus, quos dixi, in supremo gradu subselliorum collocati sunt, & ubi Collegæ pari dignitate unà sedent, semper honestiorem locum retinet is, qui major est natu. Præbet autem id ingredientibus insigne quoddam spectaculum. Occurrit enim primum Ducis ipsius aspectus, qui satis eminenti loco, ut dixi, solum suum habet. Singula porrò conclavis latera spectanda se offerunt, insignita præsentia tot Magistratuum, ut quocunque intuentium oculi sese vertant, nihil aliud cernant, quam magnificentiam, amplitudinem, majestatem.

*Ioannes*. Præter eam, quam modo dixisti honestatis, & ornamentis, intelligere velim, utrum alia fortè causa extiterit, quæ majores vestros impulerit adtribuenda certa loca Magistratibus iis, & quidem ejusmodi ordine, quem exposuisti.

*Trypho*. Alia certe præterea, & non una fuit. Nam curare debent hi Magistratus, ut cum modestia, & cum gravitate singuli sedeant; illud autem præcipuè, ne quis, dum itur in suffragia, verbo aut nutu se, aut quemquam commendare audeat: quam rem præstare commodè non possent; si uno & eodem loco simul omnes sederent. Efficit insuper is ordo, ut cum præsentia tantorum Magistratuum singulæ partes Conclavis ornatissimæ sint, nullus, quantumvis magna vir existimatione, turpe sibi ducat in illis locis sedere, quæ procul absunt ab ipso tribunali Ducis. Ea re quoque fit, ut juvenes senibus permisti propter reverentiam majori cum gravitate, & modestia sedere cogantur, quam si forte ab iisdem sederent admodum disjuncti.

*Ioannes*. Nisi cœptam disputationem intempestive interpello, scire quoque velim, an cæteri Magistratus honestiori quopiam loco sedeant, quam cives privati.

*Trypho*. Nullis aliis Magistratibus præter eos, quos dixi, certus aliquis locus destinatus est, sed ubi collibitum est, quisque sedet: filii tamen, atque fratres Ducis eo non tantum vivente, sed etiam defuncto honestiorem quemdam locum ha-



1. Sedet autem Dux, &c.] Tribunal modò Principis perpetuò statuitur in latere minori Conclavis, quod Castell-

lum spectat, incredibilemque præ se fert gravitatem, & majestatem.









ELECTIO MAGISTRATUM.

a. Dux. b. Consiliarii. c. XL. Viralis Consilii Praefecti. d. a Secretis. e. Magnus Cancellarius. f. Decem-Virum Praefectus. g. Trium Viri Advocator. h. Decem-Virum Praefecti Apparitor. i. Trium Viri Advocatoris Apparit. k. Nobiles, qui procedunt ad sortem. l. Urna. m. Tabella globulos recipiens.











habere solent; Equites etiam, & Doctores: inter alios verò nullum est discrimen. Pro sug-  
gesto, quo sustinetur Principis solium, in plano  
& æquo Conclavis<sup>1</sup> urnæ tres statuuntur, eos  
*Pileos* nos dicimus, quæ altiore basi sublatae,  
tantum ab humo extant, ut nullus inferre oculo,  
& introspicere queat; præter id etiam sunt  
undique circumclusæ, & duntaxat in singulis  
duabus extremis urnis supernè, quæ sunt obiectæ,  
duo foramina patent ad inferendas manus, ubi  
globuli fuerint extrahendi; quæ verò media est  
urna, unicum tantum habet, sitaque est in ipso  
conspectu Ducis; aliæ propter scabellorum illorum  
suprema capita, in quibus modo dicebam  
Scribarum principem, unà cum cæteris ministris  
confidere solitos. Injici porro solent in utramque  
circiter octingenti globuli sigillatim, qui ex  
ære vel aurichalco conflati sunt argento superin-  
ducto. Nam cum mille, & quingenti ferè viri  
ex gente patricia Comitum frequentare soleant,  
vel summum sexcenti, globulorum quoque nu-  
merus huic numero respondere debet. Argen-  
teis globulis permiscetur sexaginta inaurati, hoc  
est, in singulis duabus urnis triginta. Quæ ve-  
rò media est, habet quatuor supraviginti ob-  
ductas argento, & triginta sex auro, in univer-  
sum non plures quam sexaginta. Convocatis igitur  
Comitiis, & in unum coactis, ubi cuncti Pa-  
tricii sedes quique suas acceperunt, & Concla-  
vis fores opportunè conclusæ sunt, tunc Scriba-  
rum princeps ex duabus concionibus propinquo-  
rem ascendit (conciones autem sunt ferè in me-  
dio conclavi modico intervallo bina loca inter se  
disjuncta super alterum gradum subselliorum ela-  
ta, quæ adhærent majori lateri lumina nulla ha-  
benti) & ex editiore loco illo pronunciat omnes  
Magistratus, qui creandi sunt eadem ipsa die. Si  
qua lex quoque ferri debet, eam nominatim non  
exprimit, sed hæc tantum subjicit: *Et eæ leges  
ferendæ sunt, quam in rem visæ fuerint.* His dic-  
tis ad tribunal confestim redit, proque ipso vo-  
cat Advocatores, Trium-Viros, Decemvirum  
Præfectos, Censores, & Auditores cum vete-  
res, tum recentiores, & eos omnes sacramento  
jubeat obligari, daturos pro viribus operam, ut  
leges Comitiorum omnes observentur; in quibus  
est: *Uniusque loco suo sedendum, neque mu-  
tanda subsellia, certum ante tempus: Ne quis alia  
via, quam decet, ad Magistratus adipiscendos as-  
pirare audeat, neque suam operam, & industriam  
alteri præstare, & alia id genus quam plurima.*  
Exhibito sacramento referunt iidem Magistratus  
sefe ad loca tributa, & subinde consurgunt ex  
Consiliariis tres ætate minus provectâ. Inter hos,  
qui maximus est natu, sessum abit pro media urna:  
qui vero minimus est, pro sinistra: tertius  
ætate media, pro dextra sedet. Occupant autem  
hi duo, qui extremas tuentur, utraque ca-  
pita illorum subselliorum, quæ scribarum prin-  
cipi assignata sunt cum aliis ministris. Is porro,  
qui medium locum tenet, Consiliarius paratum  
habet scabellum quoddam ante tribunal Ducis  
oblique productum, quod capere debet etiam Electores,  
uti mox intelliges. Sortiuntur exinde, quinam ordines subselliorum ad urnas prius  
accessuri sint, & à quo capite, & latere simul  
inchoandum: quod fit ex pacto. Demittuntur  
in urnam quampiam globuli argentei coloris numero  
decem: ex his quini sunt insigniti numero-  
rum notis, ita ut in singulis singulæ notæ repe-

A riantur, ab uno usque ad quinque: cuncti tamen  
habent hæc eadem verba pariter inscripta: *Caput  
ad Brolium, & latus ad D. Georgii.* Quini reli-  
qui globuli habent eandem quidem singuli, sin-  
gulas numerorum notas, sed non eadem verba.  
Nam loco eorum, quæ dicta sunt, in his omni-  
bus legitur: *Caput ad Castellum, & latus ad D.  
Marci.* Sortes inde ducuntur, & quicumque glo-  
bulus forte obvenit, is docet, à quonam ordi-  
ne subselliorum sit faciendum initium, & simul  
etiam à quonam capite, atque latere. Nam si  
globulo appareat, exempli gratia, unitas impres-  
sa, & in eodem legatur: *Caput ad Brolium, &  
latus ad G. Georgii;* primum ordinem vocari per-  
spicue intelligitur, & ab eo capite, & latere au-  
spicandum esse, quod ipsa verba declarant. Tunc  
autem globulus alter conquistus in urna eximi-  
tur, qui primi forte ducti focius est, & gerit uni-  
tatem inscriptam unà cum his verbis; *Caput ad  
Castellum, & latus ad D. Marci.* Nam cum se-  
mel prima subsellia vocata sint, eadem bis acce-  
dere minimè possunt. Postea globulus alter for-  
te ducitur, qui proximo, & secundo loco voca-  
ta subsellia ostendit. Atque ita ducere sorte, &  
vocare pergunt, quoad Electorum numerus ab-  
solutus fuerit. Illud autem in primis adverten-  
C dum, quodcumque fors ad aliqua subsellia per-  
venerit, non simplicem, sed duplicem advocari  
ordinem. Siquidem conflare unum ex binis ad-  
monui superius, qui denis globulis inscripti ap-  
pellantur latera. Progrediuntur ergò Patricii in  
suo quisque ordine ad alteram ex duabus extremis  
urnis, quæ sibi respondet, & injecta manu glo-  
bulum educit, qui si non fuerit auro, sed argen-  
to obductus, parata est ad urnæ basin alia quæ-  
dam, in quam dimittitur ab eo, cui fors non pro-  
cessit, atque ad pristinum locum illico reditur.  
Sin autem auratum globulum quis sortitus fuerit,  
tradit in manus Consiliario propter urnam seden-  
D ti, & ad urnam in medio sitam continuo pergit,  
unde etiam globulum depromit, qui si contige-  
rit ex argento, posteaquam exhibuerit eum Con-  
siliario, qui in medio sedet, infecta re itidem fe-  
stinat ad locum suum. Sin autem ex auro; re-  
cognoscit in manus sumptum Consiliarius, & Pa-  
tricius ille tunc habetur in numero Electorum,  
atque in primo ordine, qui sedere jubetur in sca-  
bello, quod ante Ducis tribunal oblique diximus  
protendi, converso tamen ad ipsum Ducem ob-  
tutu, idque ex eâ causa, ne quis illi se commen-  
dare nutu valeat, aut alia quacunque studii signi-  
ficatione. Præter hæc autem unus ex iis, qui  
E sunt à secretis, alta voce pronunciat Electoris no-  
men, ut intelligant omnes, qui sunt ex eadem  
familia, unum ex ipsis in Electorum numero jam  
esse; fratres etiam uxoris, focer, & sororii, &  
qui excludi solent per eundem à sortitione, sive  
ut apud vos dicitur, interdictum habent. Sedet  
Electo, & cæteri deinceps quoad omnes Ele-  
ctores creati fuerint, & in sedendo principem  
locum tenet is, qui major est natu. Quod si  
fortè contigerit in primo ordine creando, ut ex  
eadem familia bini fortiantur; qui posterior fuit;  
in secundum ordinem rejicitur, & asciscitur in  
ejus locum is, qui proximè succedit, neque am-  
F plius ulli Patricio, vel ex eadem familia, vel ex  
iis affinis, quos recensui, datur ea die sortis  
ducendæ beneficio frui. Siquidem lege cautum  
est: *Ut in quatuor ordinibus Electorum, qui simul  
omnes triginta sex viros complectuntur, censere plu-*

1. Urna tres statuuntur, &c.] Apposui quoque urna-  
rum, quos *Pileos* dicimus, imaginem cum basi; statuun-

tur verò ante Principis tribunal hac ipsa ratione.



plures non valeant, quàm duo ex una familia; neque tamen in eodem ordine: sed alter in altero. Quapropter Electores novem ejusdem ordinis existere debent ex diversis novem familiis. His peractis ei, qui fuerit inter Electores minima ætate, defert syngrapham quispiam à secretis, in qua Magistratus omnes ea die creandi ordine suo sunt descripti. Est autem syngrapha sigillo publico munita, ne qua ratione corrumpi possit, & adulterari. Mox Electores dant obstricti juramento fidem, nullos alios à se nominatum iri, quam quos usui Reipublicæ fore arbitrati fuerint, & quæ proximum est, egrediuntur è conclavi, & in locum sese recipiunt ipsis contributum. Post hos novem Electores, qui nomine primæ Manus, hoc est, primi ordinis donantur, alii novem itatim creantur pro secundo ordine, & eadem ratione deinceps pro tertio, & pro quarto. Singuli verò numero suo completo proficiscuntur accepta syngrapha, ut dixi, in sedes constitutas.

*Ioannes.* In his omnibus, quæ de creandis Electoribus à te sunt dicta, quatuor ex animo meo Scrupuli fuerint evellendi. Atque hic Primus est: Dixisti modo in duabus extremis urnis recondi solere globulos, ad mille & quingentos, non accuratè quidem calculo subducto, sed quantum visu duntaxat æstimare licet. Fieri potest, opinor, quum ventum est ad ultima subsellia, ut nonnulli supersint aurati globuli adhuc sorte ducendi, neque tamen ex argento tot suppetant, quot accessuris ad fortiendum possint sufficere: unde mihi videtur fieri, ut quibus omnium potestremis accedere contigit, illi non satis æqua conditione sint, propterea quod facillime duci possunt, ubi cum paucis argenteis, aurati globuli sunt relictæ. Quapropter, si quid est à vobis hac in re cautum, intelligere cupio. *Alter* verò scrupulus est: Utrum aliqua ratione data fuerit opera, ne quis Patricius venire possit ad fortitionem alio subselliorum ordine quàm suo. Nam dum revertitur ad sedendum, posset aliquis clanculum insinuare se in alterum subselliorum ordinem, nondum evocatum. *Tertius* autem est: An fuerit excogitatum aliquod remedium ad impediendas fraudes in globulis eliciendis. Posset enim quispiam tenere conditum in manibus globulum auratum, quem postea simularet sorte ductum esse. *Postremò* scire cupio: Ecquid apud vos intersit auspicari fortitionem ab uno latere subselliorum magis, quàm ab altero. Siquidem videntur uno & eodem tempore simul utraque tendere ad fortiendum, cum singula petant urnam, quæ respondet sibi; quæ tamen res in capitibus subselliorum minime procederet. Itaque mihi causam edisseras velim, quæ Majores vestros induxerit, ut statuerent ordinem non inter capita solum, sed & inter latera.

*Trypho.* Sapienter quæris; à me vero dabitur opera, ut hæc omnia quàm paucissimis tibi aperiam.

Quod igitur primo loco scrupulum injiciebat, verum est quicquid autumas. Nam plerumque accidit, ut cum iis, qui censentur ordine postremo, multo melius agatur, non semel etiam cum iis, qui postremi sunt in hoc ordine. Sed Consiliarios ad urnas confidentiū partes sunt, ubi fortitio processit ad ultima subsellia, & spectat ad finem, obviare, an globuli argentei, & Patricii ad sortes venturi, pari numero sint, & si qui desunt, supplere; si qui redundant, eximere.

Ne quis autem Patricius accedat ad urnas extra suum ordinem, lex est apud nos, quæ jubet in eos, qui subsellia permutant, & aliò se transferunt, animadverti quàm graviter, idque ab i-

A plo primo Comitiorum exordio, donec fuerit absoluta creatio triginta sex Electorum: nam potest licet omnibus ordinem mutare, & abire quod libet. Solent etiam, ubi subsellia completa sunt, occludi quædam ostiola, quæ sunt in capitibus, neque referantur antequam tempus veniat exeundi ad sortes. Insunt hæc ostiola subselliis quibusque, exceptis binis secundum latera majora, quibus quidem ea de causa non fuerunt imposita, ne ministris, & aliis forent impedimento, quos frequenter oportet conclave ingredi, vel egredi; præcipue vero Patriciis ipsis, qui redeuntès à fortitione, ut ad sedendum se referant, per illud spatium transire debent, quod utrinque patet interjectum inter ea subsellia, singuli tamen per suum, hoc est, quod spectat ad suum ordinem; & quoniam posset etiam accidere (quæ res mihi nunc primum in mentem venit) ut Patriciorum aliquis tentaret iterum ad urnas procedere in ordine suo, veluti si qui primo loco progressi sunt, iidem reversi minimè confiderent, sed admixti ultimis insisterent. Ea fraus ne locum haberet, à majoribus nostris institutum est, ut aliquot ex ministris togati quidem, sed capitis rubro integumento, comitentur in reditu postremos singulorum ordinum, eoque modo secernantur à primis ultimi. Quare nullus ex his potest illis se adungere, atque unà reverti ad periculum sortis faciendum.

Ut autem nihil fraudis adhiberi queat in globulis auratis supponendis, ita cautum est. Apud nos plura genera sunt ejusmodi globulorum, quæ dissimilia satis apparent pro varietate notarum, quibus impressa sunt, nimirum Alphabeti literis. Injecturi porrò globulos auratos in urnas ministri, ex unoquoque genere singulas capiunt (sex autem genere ferè) & simul omnes in urnam condunt, ut ex ipsis unus aliquis sortito ducatur, cujus nota indicet, ex quo genere globuli seligendi sunt, idque tunc usurpatur, atque in urnas infertur. Hæc autem inspectante Duce, & Consiliariis omnia peraguntur, & non alio tempore, quàm ubi proximum est ad fortitionem venire. Quamobrem fieri non potest, ut aliquis noverit, qua nota globuli præcipue consignati sint, & ad fraudem struendam hac in re se comparet: nullam quidem posset aliam struere, quam secum domo asferre globulum, & præbita specie quasi recens ex urna deprompserit, ostendere palam, quem occultè gestabat in manu. Quapropter exhiberi solent Consiliariis prope urnas sedentibus, nimirum ut probe inspiciantur, & recognoscantur ab ipsis, utrum præditi sint resera legitima. Priscis temporibus id in more positum erat, ut id globuli genus injiceretur, quod Consiliariis, & Duci potissimum placuisset. Temporibus nostris tota res permittitur forti.

Ultimo loco quærebas de laterum distinctione. Non semel dixi, quotiescunque ex ordinibus unus accerferetur, duos ordines advenire subselliorum, qui dicuntur latera. Nunc quia posset evenire, ut duo ex eadem familia singuli quidem ad suas urnas, & à suo latere, sed pariter uno atque eodem tempore contenderent ad ducendas sortes, ne si forte globulus auratus utrique simul obveniret, controversia oriretur, uter ad urnam in medio positam admittendus esset (nam simul ambo non possunt ob commune genus) hac ergo ex causa statuerunt, ut ille priori loco veniat, cujus ordini, sive lateri fors affuerit, eoque globulum inauratum quoque sortiente, alter à fortiendo exclusus ad sedendum revertitur, argenteum verò capiente, tunc ad urnam mediam admovet manum, ac tuetur suum locum. Videor mihi cuncta, de quibus ambigere te dixeras, satis



tis explicasse: nisi quid aliud ambiguum superest, instituta persequar.

*Ioannes.* Nihil omnino, mi *Trypho*; persequere, ut lubet.

*Trypho.* Posteaquam Electorum quaterni ordines eo, quo dixi modo creati secesserint, alius post alium in proprias sedes (simul enim atque fuerit impletus primus ordo, abit in locum suum conclavi relicto, & deinceps alter creatur, intereaque ille suos *Candidatos* designat, quemadmodum explicabo) tunc licet ad alia subsellia transire, si velit, Patricio cuivis. Si qua vero lex ad Comititia perferenda est, hoc tempus opportunum habetur, dum Magistratuum competitorum instituuntur, & modus talis est. Meminisse te credo id, quod antea dixi, ex nostris Magistratibus alios esse, qui *Candidatos* quatuor ad summum admittant; alios qui non nisi duos. Quoniam vero nunc ex hoc genere, nunc ex illo, interdum etiam ex utroque simul Magistratus creantur: idcirco Electorum ordines plerumque certe quaterni, nonnunquam bini tantummodo statuendi sunt. Sed faciamus quaternos ordines constitutos esse. Ubi primus in sede sua collocatus est unoquoque Electorum pro ætate capiente locum, unus à secretis nempe is, cuius hæ sunt partes, recitat cunctis audientibus eas leges, à quibus recedere non licet in Candidatis renunciandis: eæ non alia de causa institutæ sunt, quam ut renunciatio sincere fiat, absque fūco, & dolo. Quibus perlectis novem globulos coniecit in urnam distinctos numerorum notis, quas gerunt insculptas. Tunc Electorum unusquisque, sed initio à senioribus ducto, ex urna globulum depromit, qui notat eum Magistratum, in quo sibi renunciare Candidatum licet. Oportet enim vel unitatis, vel binarii, vel cuiuspiam alterius numeri, usque ad novenarium, deprompto globulo notam aliquam impressam fore. Cuncunque igitur Electorum unitas obtigerit, facultas datur eligendi, quem velit in eo magistratu, qui primo loco scriptus occurrit in syngrapha tradita juniori per Scribam à secretis. Dicitur apud nos is Elector primam vocem, hoc est nominationem, seu nominandi facultatem habere: is qui binarium duxerit, secundam, atque ita deinceps. Quandocunque vero creandi sunt undecim Magistratus, qui numerus est omnium maximus, qui creari possunt; ille, qui primum nactus est, habet insuper decimum; qui vero secundum, itidem undecimum. Licet autem Electoribus, quod est observandum, permutare, si velint, inter se Magistratuum nomina, quæcunque fors obtulit: neque quicquam interest, sitne primo, an secundo, tertioque loco scriptum illud nomen, cuius est permutatio facienda. Et quoniam pro iis, quos renunciarint, coguntur ipsi Electores præstare se vades, sive prædes, quos appellare vos consuevistis *Mallevadores*, Elector qui cum alio nomen permutavit, nihilominus obligatur, & præse esse debet pro eo, qui renunciatus fuerit ab altero permutante, idque præsertim ubi creantur Magistratus, à quibus publica pecunia tractanda est. Quocirca qui permutationem facere instituunt, id oneris habent, ut præstent culpam illorum, quos minime nominarint. Ergo qui primum nomen adeptus est, hoc est, cui datum est à sorte jus nominandi Candidatum aliquem in primo Magistratu, qui cæteris etiam omnibus honestior habetur (nam diverso in honore sunt nostri Magistratus, & alius alio dignior & præstantior est) quod si contigerit ab eo permutatum fuisse: Elector ille, qui subiit in eundem

locum, primas tenet in nominando ex Patriciis, quemcunque libeat: verumtamen is, qui nominatur ab eo, subjici debet etiam suffragiis cæterorum omnium, & ex novem, si non plura, saltem sex adeptus, nominationem suam ratam habet: si quid autem ei numero desit, necesse est eidem Electori, ut alterum nominet, & eo forte repulsam ferente, tertium etiam, & quartum, neque unquam desistat, donec aliquis approbatus fuerit aliorum iudicio. Refertur autem huius candidati nomen in syngrapham à Scriba, qui est à secretis, qui supponit illud nomini Magistratus, diserteque exprimit dignitatem, si quam modo obtinet, vel aliàs obtinuit, & à quo fuerit electus, & in quonam ordine. Deinde pergit Elector alter nominare, is qui secundæ nominationis potestatem habet, & qui nominatus, & electus est, approbatur, & refertur in syngrapham sub magistratu, cuius effectus est candidatus nomine suo scripto. Primi quidem, secundique ordinis prorsus eadem est ratio: sed in tertio, & in quarto variare sæpe contingit. Si quando enim creandi sunt Magistratus ex iis, qui tantum duos competitorum admittunt, ii renunciari solent in primo, & secundo tantum ordine, quo fit ut Electores tertii, & quarti, nonnulli facultate eligendi careant, illi nimirum, qui globulum duxerint, consignatum ea nota, cui nulla nominatio, sive magistratus responderet. Neque tamen omnino nihil præstiterit Electorem esse, quanquam fors nominandi potestatem minime tribuerit. Nam cum subire Electorum suffragia debeant, quemadmodum explicatum est, omnes qui nominantur; eidem si non eligendi, at certe approbandi vel rejiciendi, quoscunque elegerint alii, suppetit facultas. Sicubi vero difficultas oriretur, & Electores inter se controversarentur, veluti si quis eorum veller aliquem nominare, de quo ambigeretur, an suffragia ferri omnino possent, tunc ex Advocatoribus unus, itemque ex Præfectis Decem-Virum eò conferre se debent, ubi fuerint Electores ii, & controversas ipsorum iudicare. Per hunc modum omnibus candidatis, sive competitoribus Magistratum delectis, non licet Electoribus ad Comititia reverti. Datur hoc tantummodo Consiliariis, Præfectis Decem-Virum, Advocatoribus, & Censoribus, si quando Electores fuerint. Illi porro scribæ, qui singulis ordinibus affuerunt à secretis, deferunt syngraphas ad magnum Cancellarium, in quibus ordine descripti sunt Magistratus, infra quoque nomina singulorum Candidatorum, cum omnibus iis, quæ adjungi solita dixi. Est autem illud observandum, cum modo quatuor, modo duo tantum competitorum in singulis magistratibus instituere liceat, prout vel ab omnibus, vel à duobus ordinibus duntaxat eligi consueverunt, tum pauciores etiam designare posse quam quatuor, aut duos. Nam contingere potest, & sæpe contingit, ut plures ordines in unum Candidatum, interdum etiam universi pariter conspirent; quod ubi contingit, nihil obstat, quo minus de ipso suffragia ferenda sint, quamvis competitorum tunc nulli appareant. Videtur enim quodammodo ipse sui competitor, quatenus à pluribus ordinibus designatur. Sed faciamus in unoquoque Magistratu singulos à singulis ordinibus electos fuisse, tunc quæri solet, utrum aliquo vitio laborent sive impedimento, quod quidem multiplex esse potest, aut quia tantum temporis nondum est exactum, quantum opus est ad consequendum alterum Magistratum; aut quia publicum munus obit, unus ex conjunctis, per quem Candidatus aliquis excludatur; aut quia de reperundis fuit postulatus, atque id



genus alia, quæ cum publicis monumentis consignata sint, momento temporis eruuntur, atque in lucem veniunt. Si quis igitur comperitus fuerit ejusmodi vitii, illius in suffragiis ferendis ratio non habetur. Quod si ex competitoribus quatuor terni excluderentur, is unus, qui relinqueretur, suffragiis impertiri non posset, propterea quod competitoribus omnibus careret. Atque hoc in genere documentum cujusdam loco accipere potes; quicumque ab uno tantum ordine fuerit designatus, eum nisi competitor adsit, nullo modo suffragiorum compotem futurum, ne dum magistratus; quicumque vero saltem à duobus ordinibus, etiam si bini competitores alii non admitterentur, quos reliqui bini ordines statuisent; posse nihilominus ipsum absque competitoribus ob eam rationem, quam attuli, consequi magistratum, dummodo quicquam aliud ob stare non reperiatur. Primarius ergo Scriba recitat, & percenset ex scripto unà cum suis competitoribus, omnes Magistratus, eo modo prorsus, atque ordine, quo descriptos dixi. Mox à capite orsus pronunciat competitores in primo Magistratu, qui etiam præstantissimus est; principem vero locum tribuit illi, quem exhibuerit primus ordo competitorum: accedente vero consensu forte alterius ordinis, id etiam exprimitur. Ac ne quid ex omnibus his rebus te lateat vel minimum, accipe hoc exemplum: nam ita pronunciarum solet à primario Scriba: *Andreas Grittus, fuit Patavii Prætor, Præde Georgio Cornelio filio Petri, in ordine primo; in secundo: Andreas Grittus fuit Patavii Prætor, Dominico Trivisano Præde*: atque hoc modo toties repetitur Candidati nomen, quot numero sunt ordines, à quibus fuerit nominatus. Recensitis autem omnibus Candidatis in eo magistratu, non hi tantummodo, quorum est res agenda, sed omnes etiam, qui sunt ex eadem familia, vel aliqua conjunctione arctiore, invicem se excludunt, è conclavi egressi præstolantur alicubi interea, dum feruntur suffragia. Post eorum discessum, Scriba magnus alta voce simul omnes admonet, humano divinoque jure præceptum esse, ut ei suffragentur, quem optimum fore ducunt, maximeque è Republica. Quibus dictis primum Candidatum exhibet. Tunc adolescentuli quidam, quibus id munus datur, festinant ad excipienda suffragia parvis quibusdam lata pilis ex albo lino confectis. Præferunt autem singuli binos loculos ligneos inter se connexos; prasinum, & album; hunc interiorem qui favet; illum exteriorem, qui rejicit Candidatum: qui sanè loculi ita fabricati sunt, ut nullus queat introspicere, & animadvertere, in utrum pila deciderit. Et quoniam Conclave ipsum satis late patet, & vix fieri potest, quin aliquod existat murmur, Candidati nomen assidue iterari solet, dum colliguntur suffragia per eosdem adolescentulos: collata vero, atque excepta deferuntur ad tribunal Principis, & quæ propitia sunt inferuntur in quod-

A dam vasculum album; adversa in alterum prasinum; recensent autem, & enumerant Consiliarii, illa quidem, qui sedent ad dexteram Principis; hæc vero, qui sunt ad sinistram. Cæterum si pauciora fuerint propitia, quam pro dimidia parte suffragiorum, nihil à Candidato potest obtineri: sin autem plura, nihil prohibet, ideoque refertur in scripta, quot numero suffragia dimidiam partem superaverint. Inter suffragia numeranda competitores alii, quos Scriba magnus pronuntiavit, ordine suo periculum faciunt, & qui plura supra dimidiam partem suffragia tulerit, hic superatis competitoribus obtinet Magistratum. Subinde vero per eundem Scribarum principem recitantur nomina competitorum in proximo Magistratu, qui statim foras abeunt, unaque omnes illi, qui per eos à suffragiis arceri solent. Qui vero primi excesserant, denuo ingrediuntur. Idem prorsus adhibetur ordo in cæteris omnibus. Creatis autem omnibus Magistratibus, quicumque illos adepti sunt, palam à Scriba magno commemorantur jubente coram Censoribus, ut se sistant, à quibus delatum juramentum accepturi sunt, nihil eos fecisse contra quam leges præcipiant, causâ Magistratus. Post hæc dimittuntur Comitiam. Sed illud certe nullo modo est prætermittendum, si contingat, ut nullus Candidatus exuperet dimidiam partem suffragiorum in universis Magistratibus, ea die nihil omnino gestum, & creatum fuisse, cum omnes pariter exciderint à sua petitione. Quoniam vero Comitiam ultra solis occasum producere, & continuare minimelicit, antiquissima lex jubet, ubi advesperascit, ut eorum tantum nomina commemorentur, qui Magistratus adepti sunt usque ad illud tempus: si qui vero suffragia nondum subierunt, eorum non habenda est ratio: quo fit, ut minimè frui possint eo beneficio, quod propter nominationem Electorum consecuti fuerant: siquidem proximis Comitiam alii competitores denuo instituuntur. Hujusmodi creandorum Magistratuum apud nos est ratio, in qua commemoranda certè fui longior, ne quid fortasse prætermitterem, quin tibi explicarem: neque tamen scio, an adhuc meæ voluntati atque studio satis hac in re fecerim. Ex eo plane intelligam, ubi tu rem sic explicatam, & exploratam habueris, ut nullus amplius relinquantur dubitandi locus.

*Ioannes.* Quamvis accurate satis hanc rationem periculus fueris, duo tamen adhuc mihi restant, quæ intelligere cupio; *Primum*, qua de causa<sup>2</sup> Scribarum princeps, ubi nomen Candidati alicujus edit, simul etiam recenset honores, si quos olim obtinuit: *Deinde*, cur Electoris quoque nomen referat.

*Trypho.* Paucissima sunt ea, de quibus nunc quæris. Unà cum nomine Candidati percensentur ea munera, quæ superioribus temporibus eidem mandata sunt, ad conciliandam majorem benevolentiam, & gratiam, ut appareat eo, quem

1. *Præferunt autem singuli, &c.* Loculi lignei inter se connexi sunt hac ipsa specie, quam hic subjecimus: prasinus inscriptus est his notis *De No*, qui rejicit candidatum: albus verò *De Si*, qui favet: in aliis verò decretis, in quibus posset alicui non liquere, tres sunt loculi simul conjuncti: tertius autem est ruber, atque inscriptus *Non sint*.

Incredibile dictu est, quam aptè & decorè, quamque celeriter cuncta fiant, quæ ad suffragia ferenda spectant. Declaravit *Jannotius* egregiè universam eligendi, atque adeo suffragandi rationem. Operæ tamen pretium existimavi imaginem oculis fujicere tribunalis, dum Electores sortito creantur, quod vulgo dicimus *Andar a Capello*, est autem ejusmodi.

In suffragiis vero numerandis, postquam loculi delati sunt coram Consiliariis, qui huic rei præfunt, pilæ, seu globuli linei inferuntur in quandam tabellam, ducentis foraminibus



perviam, tanto artificio concinnatam, ut quotiescunque globuli immittuntur, toties ex eorum numero ducenti in capfulam subjectam decidunt, & mirabili celeritate numerentur. Hujus autem effigiem apposuimus, ut nihil omnino desiderari possit, quod totam hanc absolutissimam suffragiorum ferendorum rationem patefacere, & quovis modo illustrare possit.

2. *Primum qua de causa, &c.* Non solum Candidati nomen edit magnus Cancellarius, sed patris quoque, atque avi, si Dux, aut D. Marci Procurator fuerit: quod etiam ad majorem Candidati notionem maximè spectat, tum quia sæpè plures erunt ex eadem gente eodem nomine vocati, qui paterno nomine differunt: tum etiam quia in Magistratibus committendis haud immeritò, plurimi facimus, quo quisque genitore, quaque familia ortus, & procreatus sit.











RECENSIO CANDIDATORUM.

1. Prae. 2. Consiliarii. 3. Praesides Quadraginta-Virum. 4. Magnus Cancellarius. 5. Urnae et Globuli.











quem nunc petit, non indignus esse, qui fuerit alio Magistratu aliàs dignus habitus. Fortasse quoque ob diversam causam: nam fieri potuit, ut in obeunda, & administranda superiori provincia talem se non præstiterit, ut præsens merito deferenda illi videatur. Quare non aliam ob causam recenseri solent honores atque dignitates, quibus ii sunt perfuncti, nisi ut renovata memoria rerum gestarum, facilius judicari possit, an præsentibus quoque iisdem committendæ sint.

Electorum verò nomina simul etiam eduntur, non propter eam rem tantum, quam superius tradidi, nimirum, quod ubi tractandæ sunt publicæ pecuniæ, is, qui Candidatum aliquem approbatione sua laudat, debet pro ipso fidejubere, & peculatum præstare, si quem forte admisit, verum etiam in cunctis aliis Magistratibus, quibus nulla pecuniæ cura est, facile unusquisque intelligere, ac statuere possit, prospexitne bono publico ille, qui nominavit, arbitratus talem virum è Republica fore, an verò amicitia, vel alia quacunque privata ratione fuerit adductus, ut cum potius, quàm alium nominandum putaret. Et harum quidem singularum rerum eas causas affero, quæ vero mihi quàm simillimæ videntur esse. Meminisse autem debes in universis rebus publicis multa sancita esse, quæ cur ita sint, ne probabilis quidem ulla potest assignari causa, vel ratio, ne dum planè vera: quod non iis modò Civitatibus usu venit, in quarum administratione sæpè fuit variatum; sed illis etiam, quæ semper iisdem cum institutis, tum legibus usæ viguerunt. Quamvis enim ea perpetuo manserint, & maneant, nimia certè vetustas obliteravit rationes, quibus adinventæ, primùmque usurpatae sunt. Quare nihil est, quod mirum tibi videatur, si quid audisti à me, vel fortasse audies, cujus afferre causam nullam ipse possum.

*Ioannes.* Recte, prudenterque: ego verò quicquam non requiro, nisi quod investigari, & cognosci valeat. Cedo mihi nunc quæro, licetne quibuscunque contigerit Electoribus esse, competitores quoque fieri atque nominari, vel ab aliis, vel fortè etiam à se ipsis.

*Trypho.* Utrumque pariter licet; ideoque Scribarum princeps, ubi nomen alicujus occurrit, qui se ipsum nominavit, & competitorem statuerit, ad hunc modum pronunciat: *Andreas Gritius in ordine primo, ex semet ipso renunciatus*, hisque cætera adjungit. Neque vero alienum est ab æquitate, ut qui alios, semet ipsum quoque nominare valeat, ubi spes fuerit adipiscendi Magistratus.

*Ioannes.* Si recte memini, nondum edisseruisti, quis Patriciorum numerus necessarius sit habendis Comitibus.

*Trypho.* Recte mones; neque vero mihi potuisset id in mentem incurrere, nisi modo injectum fuisset ex hac voce tua. Quæ res manifeste ostendit, quanti referat in hujusmodi sermonibus interrogantis prudentia. Dico igitur nullum certum numerum definitum esse, qui convenire debeat ad Magistratus instituendos: vix tamen unquam contingere, quin Conclave refertum sit maxima frequentia: sed tamen ubi res alia transigenda foret, ut puta novæ leges ferendæ, aut habitæ deliberationes aliquæ sanciendæ, quibus de rebus infra commodius, nihil ex ipsis omnino confici peragique potest, nisi Comitibus interfuerint saltem Patricii sexcenti. Quin etiam nisi quattuor è Consiliariis præsentibus fuerint, nec Magistratus creare, nec aliud quicquam tractare, & perficere datur.

*Ioannes.* Hæc tota Magistratuum creandorum explicata ratio, potestne aliqua fraude adhibita depravari, & corrumpi, ita ut opes, & gratia, cæteraque hujusmodi, præter fas alicui patefaciant aditum ad Magistratus?

*Trypho.* Quid tibi velis, intelligo: sed quoniam hic non est locus, responsum differam. Planè res fiet, cum de Censoribus erit sermo. Quamobrem si nihil amplius restat, quod de Comitibus Majoribus intelligere cupias, perfuncti erimus hac laboris parte. Nam de præcipuis quibusdam, & singularibus rebus, quæ ad ipsa quoque Comitibus spectare solent, agendum nobis fuerit magis opportuno loco. Ab hac igitur nostræ Reipublicæ basi, sive fundamento facto veluti gradu conscendemus, si libet, ad *Rogatorum Concilium*, hoc est ad *Senatum*, qui Comitibus proximè consequitur, ut superius dixi.

*Ioannes.* Quandoquidem ea, quæ ad Comitibus facere videbantur, explicata sunt omnia, per me non stat, quominus ad enarrationem proximam accedas, quandocunque libeat. Satis enim mihi à te factum cumulatissimè intelligo, neque vero mihi amplius quicquam in mentem vanit, quod enucleari percunctando velim.

*Trypho.* *Concilium Rogatorum*, paulo ante ut insinuavi, est unum è potissimis nostræ Reipublicæ membris, quæ quatuor esse dicebam, nempe Majora Comitibus, Rogatorum Concilium, Collegium, & Ducem: agit enim, atque deliberat de omnibus gravissimis rebus. Constat autem antiquis temporibus è Senatoribus tantum sexaginta: coeptum est addere postea nunc viginti, nunc viginti quinque, quoad postremò tandem sancitum fuit, ut ad illos sexaginta totidem accederent. Præbuit, opinor, accessionis faciendæ causam magnitudo, & frequentia negotiorum, quæ temporibus illis acciderunt, quibus lex est perlatæ, ut in deliberando singula eò magis excuterentur, quo consultationibus plures darent operam, quemadmodum factum comperimus, ubi *Creta* defecit, *Laurentio Celfo* Duce quinquagesimo octavo. Siquidem viri ex ordine Patricio viginti quinque Senatoribus aliis tunc adjuncti sunt: & non multò antea *Ioanne Delphino* Principe, totidem fuerant asciti in eundem ordinem, sancientiæ pacis ergò cum *Pannoniæ* Rege. Bello deinde *Patavino*, & non semel aliàs constat, idem factum fuisse varias ob causas, atque ita consuetudo tandem obtinuit, ut viginti quotannis cooptarentur. Auctus in duplum numerus tempore *Michaëlis Steni*, qui fuit in ordine Ducum sexagesimus tertius. Ad extremum verò *Francisco Foscaro* Principe, crevit idem Adjunctorum numerus usque ad sexaginta. Velim autem scias non plures ex una familia quàm tres omnino inter sexaginta veteres Senatores locum habere posse: inter Adjunctos quoque duos; aliquando tres, si modo bini duntaxat fuerint in veterum numero. Atque ita complectitur Rogatorum Concilium hos centum, & viginti viros, quos commemoravi, propterea verò nonnullos magistratus; immò quædam alia concilia, sed non eodem jure. Sunt enim, qui facultatem habent ferendi suffragium, quod vos appellare consuevistis *Rendere il partito*; sunt etiam, quibus hoc non licet, sed honoris gratiâ datur interesse tantum, ut quæ geruntur in Republica intelligere valeant.

Hi verò sunt, qui Senatum ingrediuntur cum ipso jure suffragii, Dux, tres Consilarii, qui dicuntur inferiores, & duo Censores, qui postquam abierunt è Magistratu, tunc obtinere solent jus ferendi suffragii. Tres Viri, qui præsentis actis per Supracattaldiones; nam hi jurisdictione confecta veniunt in Senatum nacti jura



suffragiorum ad quoddam tempus. Accedunt his tres publicorum vectigalium custodes, qui reddituum Gubernatores vocantur. Tres quoque rei frumentariae Praefecti, quatuor salis procurando, tres urbani Quaestores, tres, qui veteribus rationibus praesunt inspiciendis, totidem, qui recentioribus. Tres Aediles viarum, tres Navali Praefecti, tres Quaestoribus Praepositi, tres Magistratibus Decem, tres fisci Recuperatores.

Quibus autem in Senatum venire licet, sed absque jure suffragii, sunt omnes hi, Collegium Sapientum, Trium-Viri aquis custodiendis, Concilium Decem Sapientum, Trium-Viri valetudini tuendae, Trium-Viri vectigalibus, Magistratus is, qui mercibus advehendis praest ex *Alexandria*, Tres Viri, ex *Damasco* duodecim, ex *Londino* totidem. Omnes hi, quos recensui, in unum collecti apud nos constituunt Senatum, sive Rogatorum Concilium.

*Ioannes.* Effet mihi multum in optatis aliquid intelligere de his Magistratibus, modo id opportunum tibi videatur.

*Trypho.* Mihi constitutum est nihil de his dicere, propterea quod nihil ad rem faciunt: intendimus enim ea commemorare tantummodo, quae spectare possunt ad constitutionem universae Reipublicae. Itaque ut propositae narrationi insitam, Concilium Rogatorum ob id nominatur; quia priscis illis temporibus, ut plerique referunt, a publicis ministris convocabantur Patrii, & quodammodo rogabantur, ut accedere vellent ad consultationes, & deliberationes publicis de rebus. Creantur autem Rogati, sive Senatores, nimirum illi priores sexaginta, quibus haec appellatio competit potissimum, eodem modo, quo Magistratus omnes in Comitibus solent, & seni quidem singulis diebus, verum capto tam mature tempore, ut ante Kalendas Octobris omnes sint creati; qua die Magistratum ineunt. Caeteri sexaginta, qui dicuntur Adjuncti uno eodemque tempore cum in Comitibus tum in Senatu creari solent anni vertentis, idque fit hoc pacto. Tercio Kalendas Octobris, qui dies Beati *Michaëlis* Archangeli memoriae consecratus est, cogitur, qui tunc est Senatus, & integrum est cuique, modo jus suffragiorum obtineat, nominare, quem velit inter Adjunctos referri. Porro nominati omnes scripto mandantur: proxima die Comitibus Majora indicuntur, & unus ex iis, qui sunt a secretis, cunctorum nomina publice recitat è scripto, & in urnam conjicit, unde singula sorte ducit ordine continuo, pro quibus itur in suffragia, & quicumque superaverit dimidiam partem, ille novo Senatui adjungendus erit.

*Ioannes.* Nonne posset accidere, ut reliqui repullam ferrent ex iis, qui nominati sunt, ita ut ad complendum sexaginta Adjunctorum numerum nonnihil deesset?

*Trypho.* Posset, tamen rarissime; tunc autem ii Senatores, qui desiderantur, (semper enim paucissimi sunt) eodem modo subrogantur proximis Comitibus, neque solet aliter fieri, si quando priores illi sexaginta, quorum praecipua est autoritas, intra tempus approbati omnes non fuissent. Sed ut redeamus ad ipsam rem; quicumque sunt hujus Concilii participes effecti, caeteri Magistratus nihil interest, quo tempore sint renunciati. Ineuntibus enim novis Senatoribus annumerari debent, quotquot versantur in iis muneribus, quae modo commemoravi, & dum jurisdictionem suam ..... quamdiu jurisdictionem minimè absolverint. Ea tamen absoluta, priusquam Senatores annum suum conficiant, statim

locum relinquunt successoribus, qui simulatque approbati fuerint, veniunt in Senatum. Consuevimus etiam difficillimo Reipublicae tempore facere copiam Senatus aliquot Patriiis, qui publici aerarii inopiam sublevare voluerint privato suo censu, nimirum mutuando certo pecuniae numero per leges definito, quae tempus etiam constituunt, quo licet eo munere honorario frui, ne si fortasse solutio anticiparetur, amittere collatum beneficium intempestivè cogantur: verum quamdiu pecuniae restitutio facienda differtur, tamdiu nullus excludi debet à Senatu, idque perpetuo solemne est. Nunquam tamen illis communicantur jura suffragii, sed tantum patet aditus in Senatum, in quo nullam Reipublicae praestant aliam operam, nisi quod publicis negotiis vacant intelligendis, atque illis perturbationibus audiendis, quae in hominibus continenter excitari solent. Haec autem consuetudo, si non omnino, saltem aliqua ratione videtur non improbanda, quod inde non unum fructum publica res capiat. Nam praeter illud, quod civium pecuniis utitur, hoc etiam pariter conficit, ut juniores (nam ejusmodi plerique sunt) mature sibi usum rerum comparare queant, & ad summam virtutem tempestivè proficere: quod certe quam expediat Reipublicae, nullus non intelligit. Convocari porro Senatus, haberi quoque solet, quotiescunque Collegium censuerit, prout inferius exponam: Magistratibus etiam, & Advocatoribus datur; his, cum de re quapiam ad ipsum relaturi sunt: illis, cum legem aliquam sancire voluerint, & quotiescunque Senatores convenire debent, aere campano semper id significatur; attamen etiam per publicos praeco-nes, seu viatores accersiri solent. Enimvero capere aliquid neutram in partem licet: ita enim nos loquimur; hoc est decerni, & sanciri nihil omnino potest, nisi quatuor saltem Consilarii fuerint in Senatu, & ex omnibus Senatoribus, quibus est jus ferendi suffragii, ad minus sexaginta: sed vix unquam accidit, quin multo major sit frequentia. Agitur in Senatu de maximis & gravissimis quibusque negotiis universae Reipublicae; consultatur, & deliberatur de pace, de bello, de induciis, de foederibus, de rationibus comparandae pecuniae ad usum Reipublicae. Sed haec omnia quomodo tractentur, expresse patebunt, ubi sermo nobis erit de Collegio. Leges quoque approbatae sanciantur ab hoc ipso Senatu, de quibus primum cognoscit ille Magistratus, ad quem pertinet ea res, cujus causa lex est jubenda, mox Collegium adit, atque ostendit ejusdem legis, vel utilitatem, vel necessitatem. Approbante Collegio tum demum fertur ad Senatum, à quo nisi laudata fuerit, rata non habetur. Sancita verò praeco- nis voce promulgatur, à quo tempore omnes ea tenentur, & suscipit hanc curam Magistratus, qui fuit legis autor. Hoc modo Trium-Viri, qui nomen habent à pompa, propterea quod est eorum munus prospicere, in victu & vestitu modesta quaedam parsimonia ut adhibeantur, non ita pridem novas leges condiderunt his ipsis de rebus, quae postea sunt approbatae à Senatu, & palam edictae, neque nunc ulli ab earum observatione discedere licet. Quanquam à nobis interdum dari solent opera, ut non modo in Senatu, sed etiam in Majoribus Comitibus nonnullae leges sciscantur: id opinor, est in arbitrio positum Magistratus, à quo lex fertur, & non alia de causa procurari existimo, quam ut accedat eidem legi major quaedam autoritas. Ita Censores paucis abhinc mensibus, qui Magistratus recens institutus est ad ambitionem Candidatorum nimiam coercendam, jusserunt eam legem, ne



quis congratularetur cuiquam Magistratum adeptum. Quæ lex à Patribus comprobata maximo consensu, multò majori etiam in Comitibus stabilita est, atque hoc tempore observata quàm accuratissimè viget. Præter hæc autem pertinet ad Senatum, sive Rogatorum Concilium Imperatoris electio, qui classi præsit, ubi aliquod bellum mari gerendum est, & Legati optio, si fortè belli terrestris periculum imminet. Pertinet etiam creatio trium Magistratum, quos communi vocabulo Sapientes appellamus, sed alios Maximos, alios à Continente, postremos omnium à Mari. Faciam brevi, ut hæc omnia planissimè intelligas.

*Modus eligendi*, quos percensui omnes, talis est. Senatorum cuique datur nominare, quem libet, & pro singulis nominatis colliguntur suffragia, cui verò plura contigerint supra dimidiam partem, huic munus deferitur. Sed quia non semel evenire solet, ut qui plurimorum iudicio aptissimus habetur, nihil oneris sustinere velit: exempli gratiâ, Legati partes in exercitu, quin immò se molestissimè laturum significet, si quis autor esse velit ejus sententiæ; propterea certa quædam ratio fuit à nostris inita, ut offensionis incurrendæ nullo periculo posset hic vir à Senatoribus nominari, neque res ipsa publica fraudaretur eo fructu, quem percipere meritò deberet è sui civis virtute. Jubentur ergò singuli Senatores in parvo quodam chirographo nomen illius scribere, cujus industriæ munus id committendum existimant. Collecta in unum chirographa reponuntur in urna, & singulatim per Scribam magnum educuntur, & nomina descriptorum omnia publicè recitantur, & pro singulis ordine itur in suffragia, & in quemcunque magis ea propenderint supra dimidiam partem, in eundem conferunt eam curam, & administrationem. Cæterum quando præficitur Imperator classi, quisquis à Senatu designatus fuerit eo modo, quem dixi, postea debet etiam in Comitibus subire suffragia competitoribus attributis per quatuor Electorum ordines, ut explicatum est supra. Munus autem imperatorium ei mandari solet, qui plura suffragia consecutus est, modò non infra dimidiam partem. Consilarii tandem atque Censores partim creantur in Senatu, partim in Comitibus. Cum perventum eò fuerit, modum explicabo. Sunt enim quædam, quæ nunc exponere, neque licet, neque expedit, cum magis pendeant ab iis, quæ tradenda sunt, quam ab iis, quæ sunt tradita. Quoniam vero cumulatè satis edisseruimus, quicquid spectare videbatur ad auctoritatem Rogatorum, sive Senatus, reliqua prosequenda fuerint, nisi prius aliquid occurrat, de quo percunctari velis.

*Ioannes.* Hoc unum modo. Dixisti Senatores Kalendas Octobris ingredi solitos ad capeffendam Rempublicam. Estne aliqua ratio, cur hoc potius, quam alio tempore soleant auspicari?

*Trypho.* Unicam tantum rationem asferre possumus hujus rei, de qua nunc tu quæris, bella per æstatem geri solita superioribus ætatibus: nunc enim quemadmodum est videre, miles tam hyeme, quam æstate continetur in castris: idcirco imminente hyeme Senatus publicam administrationem suscipiebat, ut æstati proxima: deinde cum flagraret bellum, satis instructus esset cum à notitia: tum ab usu rerum gerendarum. Nam si alio tempore, ut puta æstate incedente, ad Rempublicam administrandam ingrederentur ii, qui succedere veteribus Senatoribus debent, incurrerent in principia belli, nulla præditi scientia, nulloque usu rerum, & fortasse non bene deliberando magnum aliquod detrimentum

A importarent ipsi Reipublicæ. Hac, opinor, de causa Majores nostri temporis id potissimum statuerunt.

*Ioannes.* Adhuc mihi duo subeunt in mentem quærenda; *Primum*: An qui fuerit in Senatu per annum, sive inter sexaginta Primarios lectus, sive inter Adjunctos, idem proximo & in sequenti anno possit etiam esse; *Alterum*. Quomodo soleant, in Senatu excipi suffragia.

*Trypho.* Quod attinet ad primum, scire debes, nullam à munere Senatorio vacationem necessariò requiri, & ideo non modò in annum proximum, sed etiam in tertium, & quartum, continenterque deinceps prorogari posse, nullo discrimine inter Primarios, & inter Adjunctos. Quisnam verò modus sit excipiendi suffragia, opportuno ac suo loco faciam, ut intelligas.

*Ioannes.* Igitur perge, quemadmodum institui.

*Trypho.* Excipitur Senatus ab eo, quod nominamus *Collegium*, estque veluti tertium membrum in Republica, & maxima cum honestate, tum auctoritate. Constat autem præcipue tribus ex his Magistratibus, qui *Sapientes* appellantur, aut Maximis Rebus, aut Continenti, aut Mari Præfecti, numeroque sunt sexdecim; primi quidem generis sex, cæterorum quinque singulatim. Accedunt his unà cum ipso Principe sex Consilarii, tresque Præsides XL-Virum, proptereaque hi Reipublicæ Majestatem sustinent. Porro Sapientes Mari, qui vocari etiam solent, Sapientes Ordinibus, tractant ea negotia, quæ spectant ad res maritimas quacunque ratione, non modo belli, vel pacis. Sapientes verò Continenti prospicere debent rei bellicæ & militiæ terrestri, nec non etiam paci. Horum præcipue partes sunt, eos omnes, qui Reipublicæ stipendia merent, in albo recensitos habere, & curam ipsorum gerere. Cæterum ii, qui sunt Sapientes Maximis Rebus, universa procurant, & domi & foris, iisdemque potissimum incumbit cura omnis pacis & belli, scribendi ad Principes, nec non respondendi, tandemque consulendi, & administrandi omnes partes Reipublicæ. Superioribus temporibus, quod prætermittendum non est, suprema quidem auctoritas horum Sapientum complectebatur universam administrationem cæterorum omnium, qui tamen attingere non poterant ea, quæ ipsi administrabant. Quare licebat Maximis Sapientibus agere cuncta negotia militiæ terrestri, adhibitis tamen Sapientibus Continenti, quibus eodem modo jus erat adjungere sese Mari Sapientibus, & unà cum ipsis res maritimas pertractare, ita ut qui Maximis Rebus Sapientes essent, iidem quoque Præfecti haberentur tam Continenti, quàm Mari. Sapientes autem Continenti, maris etiam procurationem susciperent, & præterea aliud nihil. Temporibus nostris nonnihil variatum est in hac rerum administrandarum ratione paucis abhinc annis. Nam Continenti Sapientes publica lege redditi sunt æquales Sapientibus Maximis, quod quidem spectat ad rerum administrationem. Jurisdictio, & facultas tantummodo Sapientum Mari permanet iisdem limitibus circumscripta, quibus erat prius. Exstiteret quidem initio non nisi Sapientes Maximis rebus; sed aucta Republica & amplificato maris imperio cum publica negotia permultum incrementi acceperant, necesse fuit creare alios Sapientes, quibus cura maris potissima mandaretur. Idem omnino contigit, ubi propagari cœpta est in continenti Reipublica, ut opus huic etiam esset præficere alios Sapientes, quod quidem factum est eo tempore, quo primum *Taurisum* in nostram di-



ditionem cessit. Cæterorum Sapientum primordia originis nescio: quanquam majori existimatione, atque dignitate primis temporibus fuere Sapientes Mari, quàm Continenti. Sed parto jam imperio terrestri, nostrorumque animis ac studiis ad continentem conversis, illi iacturam fecerunt suæ dignitatis, hi verò compotes facti sunt amplioris multò. Sapientes omnes eligi solent in Senatu non alio modo, quàm Legatus copiarum terrestrium, quam rem exposuimus. Verùm re non fugiat, Maximis Rebus Sapientem quemquam non optari, quin provecta jam sit ætate, maximaque virtute: Sapientes quoque Continenti licet non eadem, magna tamen in existimatione versari, atque dignitate; multò quidem in minori Sapientes Mari, qui Magistratus hoc tempore nulli ferè est usui, nisi quòd exercitationis junioribus præbet opportunitatem. Nam si de aliqua re graviori est deliberandum, præsto sunt alii Sapientes Continenti, & Maximis Rebus.

Commune id habent hi singuli Magistratus, ut eligant singulos *Præsides*, & præficient sibi, quorum munus durare solet ad septimum usque diem, quo tempore elapso succeditur. Refert is ad Collegium, atque commemorat quæcunque agenda spectant ad suum Magistratum. Res autem hoc modo peragitur. Collegium quotidie coit horis post ortum solis circiter duabus. Meminisse autem debes in nomen Collegii venire non modo tres Magistratus hos Sapientum, quos diximus, verum etiam Principem, & Consiliarios, nec non tres Præsides Quadraginta-Virum, qui quoniam ipsius Reipublicæ Majestatem referunt, appellatione *Dominatus* apud nos donantur, neque verò minus in Collegium adhiberi solent, quàm in Concilium Rogatorum, Decem-Virum, Majoraque in Comitia, ut nihil plane sit agendum sine ipsorum præsentia. Habet sanè Dux unà cum suis Consiliariis speciem quandam Regis, qui licet singulis Magistratibus negotia tribuat, ipse tamen adesse velit dum pertractantur, ejus tamen præsentia non efficit, quin ea penes illos sint, quorum arbitrio præcipue commissa fuerint. Sic etiam tres ii Magistratus, qui Sapientes dicuntur, quanquam suis de rebus consultant coram ipso Principe, coramque tum Consiliariis, tum Quadraginta-Virum Præsilibus, nihilominus ea cura ipsis præcipue incumbit.

Convocato igitur Collegio recitari solent omnes litteræ ab eo tempore latae, quo fuit proximè concessum; audiuntur quoque Oratores Principum, si qui audiri postulant, tresque illi Sapientum ordines ea tractant, quæ proprii sunt muneris, moventibus, & referentibus Præsilibus suis. Quod si aliqua deliberatio capienda sit de gravioribus rebus, quæ Sapientum Maximorum operam, & consilium expostulant, aut etiam Sapientum, qui curant res Continentis, possunt excludi Sapientes Mari, qui tamen his consultationibus interesse nunquam prohibentur, nisi fortè quid nimium referat; & magnopere urgeat: cætera tantum audire debent, & in silentio versari: quod si velint aliquando sententiam dicere, nulla est ejus habenda ratio, dum ad Senatum refertur, quemadmodum cæterorum Sapientum, & eorum, qui præfident Quadraginta-virali Collegio, Consiliariorum quoque Principis haberi solet. Atque ut aliquo exemplo hujusce administrationis rationem totam accipias, faciamus aliquid esse deliberandum illis de rebus, quæ pertinent ad Sapientes Mari. Aggrediuntur hi sanè ad rem administrandam, sed prohibere non possunt, quin cæteri Sapientes,

A si velint, omnibus intersint. Versantur igitur in ipsa consultatione; sed quid sentiant, exponere non ipsis tantum, veruntamen omnibus, qui sunt è Collegio, datur. Prout autem vel omnes in eadem, vel alii sunt in alia sententia: sic etiam vel unà, vel singulatim ad Senatum referunt. Licet enim singulis cum Sapientibus, tum Consiliariis, multoque magis ipsi Principi, cum dissentit ab aliis, separatim ab ipsis rem quamlibet ad Senatum deferre. Cunctæ porro sententiæ unà cum auctoris sui nomine per eum, qui est à Secretis, mandantur scripto; cumque nihil omnino sit deliberandum, quod quidem spectat ad publicam administrationem, absque consilio & approbatione Senatus, eo convocato accedunt ii Magistratus, sententias omnes descriptas secum deferentes, quas hoc ordine exponunt. Si quidem plures, non una fuerint (ponamus autem quatuor esse) simul omnes proponuntur, sed primo loco ea, cujus est autor præstantissimus Magistratus. Nam si qua profiscitur à Duce, vel Consiliariis, ea cæteris omnibus anteferridebet: si qua itidem à Maximis Sapientibus, prius est recitanda, quàm quæ promanat à Sapientibus Continenti, qui præcedunt eodem modo Sapientes Mari. Si verò inter se non conveniunt hi singuli ordines, sed in eodem plures sententiæ fuerint ipsa de re, quæ suam administrationem attingit, illius sententia principem locum habet, qui præcellere inter Collegas existimatur. Posteaquam verò de universis relatum est, si quis è numero Sapientum velit contradicere, nullus è Senatoribus potest antevertere: primæ verò partes concedendæ semper sunt ei, qui præminet auctoritate, atque honore inter Sapientes: deinde verò potestas sit cunctis Senatoribus oppugnandi, quicquid libuerit ex iis sententiis.

Ubi verò satis accuratè disputatum est, singulaque momenta rationum maturius expensa, colliguntur *Suffragia* pro cunctis simul ad hunc modum. Si quatuor sententiæ fuerint, ut esse posuimus, quatuor Viri à Secretis prodeunt albo colore singuli gestantes loculum, præ manibus succedit alius à Secretis, unà cum prasino, postremo loco venit rubrum, qui præterdit. E quatuor illis, qui tenent loculos albos, primus alta voce pronunciat auctoris nomen, qui sententiam attulerit primo loco expositam: alter secundi auctoris, proximus tertii, & postremus quarti. Porro Senatores ipsi, in quemcunque loculum maluerit quisque pro ea sententia, quam laudant, suffragia sua conferunt. Si quis est forte, qui cunctas pariter improbet, is prasinum ad manus habet. Si cui nondum liquet, tantisper expectandum est, donec ad extremum ruber circumferatur, qui *Loculus* appellatur à nobis, *non sincerorum*, hoc est illorum, qui neque damnant, neque probant ullam è sententiis. Collecta ad hunc modum suffragia postea numerantur, & cui plura delata propitia fuerint, ita tamen ut superent dimidiam partem, ea demum sententia firma censetur, atque rata, nec insuper opus est alia comprobatione. Sin autem dimidiam partem nulla supergrediatur, illius, quæ pauciora suffragia tulerit, ratione non habita, pro reliquis tribus iterum feruntur, nec alio certo modo, quàm antea, nimirum adhibitis loculis tribus candido colore, unà cum prasino, atque rubro. Et si qua plura quàm pro dimidia parte tunc adipiscatur, sancita est: alioquin altera quoque prætermittitur inferior suffragiis, & quæ supersunt, duæ tantum admittuntur, de integro binis loculis albis circumlatis, nec non prasino, & rubro. Quod si adhuc neutra potuerit



tuerit assequi numerum definitum, quæ propius inde abest, referri solet altera rejecta: quare duntaxat adhibetur unus è loculis albis, non tamen sine prasino de more, atque rubro. Veruntamen si quod aliis sententiis, id huic etiam contigerit, ut nequeat attingere, aut superare dimidia suffragia, quod quidem accidit, ubi pauciora conferuntur in album, plura in alios duos loculos, nulla ex propositis sententiis approbationem habet, unde fit, ut nova consultatione, atque relatione sit opus, cum res agitur admodum necessaria. Quod quidem præstari potest, vel eadem die, cum ipsi Duci, singulisque Consiliariis, Præsidibus quoque Quadraginta-Virum, atque Sapientibus integrum sit, ut diximus, de omnibus referre: potest etiam id rejici in alteram diem. Sed profecto vix unquam evenit, quin è tot sententiis, una tandem non comprobetur: *Partes* vernaculo sermone has appellare consuevimus: quare licebit utroque vocabulo pro eadem re uti. Si tamen nulla sententia unquam sanciretur, & aliqua deliberatio foret expedienda, idque res ipsa necessario tandem postularet, quid fieri soleat à nobis, tunc planius intelliges, quando sermonem habebimus de Concilio Decem-Virum. Sed illud prætermitti nullo modo debet, ubi primum pro sententiis omnibus simul incuntur suffragia, si plura quam dimidia comperta fuerint in rubro, quem appellari dixi à nobis loculum minime sincerorum, hoc est eorum, quibus nihil liquet, tunc omnes illas sententias pariter excludi, ita ut pro nulla sit redeundum amplius ad suffragia, sed aliæ deliberationes instituendæ.

*Ioannes.* Quantum quidem ex tuis sermonibus colligere potui, mihi videntur hi Sapientes auctores esse omnium sententiarum, quibus referendis præfunt: nec enim alium quemquam video, qui facultatem habeat referendi, sed tantum contradicendi.

*Trypho.* Ita est, ut tu dicis. Sed quia fieri potest, ut aliquis sit in numero Senatorum, qui vel consilii vel commentationis quid habeat in usum Reipublicæ, quod nulli vel Sapientum, vel Consiliariorum in mentem incurrat, is ut fructus minimè pereat, sancitum est, ut communicari ea sententia possit cum quolibet ex iis, qui referendi jus habent, ut in Senatu cum cæteris discutiatur. Sed ne ad Senatum feratur aliqua rogatio sine consilio Sapientum, & eorum, quos dixi, præter quasdam alias rationes, de quibus aliàs, id ob eam rem præcipue constitutum est, ut perturbatio vitetur, quæ nimia foret, si liceret unicuique suam sententiam proferre singulis de rebus. Ad hæc autem verisimile non videtur, ut quæ prudentissimis & sapientissimis Viris in mentem non veniunt, ex quibus sanè Collegium constar, eadem ab aliis intelligi, & cognosci queant: & quamvis hoc aliquando possit evenire, id erit vix unquam, ut meritò susque deque ferant; cum præsertim in rebus constituendis semper minoribus majora commoda sint anteponenda.

*Ioannes.* Id modo superest, ut intelligam, ad suum munus obeundum quodnam tempus præfinitum sit hisce tribus ordinibus Sapientum, & utrum simul, & eodem tempore cuncti deligantur.

*Trypho.* Singulis tempus sex mensium est definitum; non tamen eodem tempore omnes eligi solent. Nam qui dicuntur Sapientes Maximis Rebus, ii duobus anni temporibus eliguntur,

A & terni qualibet vice, sed intervallo trium mensium intercedente; Sapientes autem alii Continenti, & Mari, licet etiam ipsi binis temporibus, parique intervallo, hoc tamen habet discriminis, quod prima vice terni, altera bini designantur. Sicubi verò magna negotiorum moles, & multiplex urget, Adjuncti Sapientibus Maximis, alii tres accedunt, quos Extra Ordinem Sapientes nominamus. Hæc in hoc toto genere habui tibi commemoranda: quod si præterea nihil requiris, ad reliqua pergam.

*Ioannes.* Ut sanè libet: nihil enim amplius intelligere cupio de istis Sapientibus.

B *Trypho.* Pervenimus tandem ad supremum omnium Magistratum in nostra Civitate, quem appellare consuevimus *Principem*, & *Ducem*. In hoc, tanquam in summo quodam apice Republica definit, de cujus antiqua Origine, & Autoritate maxima, qua pollebat priscis illis ætatibus, & quemadmodum ea postremò temperata fuerit, superius abundè satis, superque egimus. Superfunt igitur hæc duo tantum explicanda, *Quo pacto* videlicet *eligatur*, & *Qua modo sit præditus autoritate*.

C Atque ut singula probè intelligas, post obitum Ducis statim ingrediuntur Ducarium sex Consilarii, unà cum tribus Præsidibus Quadraginta-Virum, de quibus dicam inferius. Natu maximus inter Consiliarios *Produx* appellatur: nam quædam administrat, quæ sunt ipsius Ducis, cujusmodi est obsignare syngraphas exhiberi solitas iis, qui recens munera suscipiunt. Sed litteræ, quæ mittuntur ad Magistratum extra Urbem, & ad omnes alios, Gubernatorum nomine scribi solent, quibus efferre Ducario pedem non licet, antequam Dux in demortui locum sit suffectus. Occludi solent etiam Ducarii fores, in quibus tamen ostiola quædam relinquuntur, per quæ tantum patet exitus, atque ingressus. Præsidia simul, & excubiæ nonnullæ adsunt potius ad morem antiquum custodiendum, quam quod iis sit opus: neque enim Civitas magis afficitur in Principis obitu, quam Patricii cujuslibet, qui privatus egerit: quo fit, ut immutatum in ipsa quicquam non appareat. Et quanquam<sup>1</sup> Magistratus nulli conveniunt ad jus dicendum, antequam Dux renuntietur; id habet eam causam, quod Patriciis in habenda electione plurimum occupatis, administrare quicquam minimè vacat.

D Porro Ducalibus vestimentis exornatum cadaver Ducis in eam, quam vocant, Aulam Publicorum deferri mandatur, ubi triduum quiescit: bis denis autem Patriciis id munus datur, ut amicti veste coccinea deducant ipsum, & circumfedeant ibidem commorantes, quod munus etiam proximis diebus obire solent. His peractis celebratur funus tam insigni & magnifico apparatu, quam decet amplitudinem tanti Magistratus.

E Ab exequiis altera die Comititia inducuntur, in quibus admonentur omnes à Scribarum principe, cum sit initium faciendum creationis Ducis primo loco quinos Correctores, & ternos Inquisitores eligi oportere. Surgit inde Produx, & verba facit ad Concilium, collaudataque plurimum vita, & moribus, nec non administratione Ducis extincti, exhortatur omnes, ut in Principe statuendo Reipublicæ utilitati, atque dignitati inservire studeant. Postea recitari jubentur ex scripto leges, quibus tota ratio continetur Ducis eligendi. Tandemque prorsus eodem

<sup>1</sup>. Et quanquam magistratus nulli, &c.] Nunc lege lata statutum fuit, ut præter Trium-Viros Advocatores nonnulli

Magistratus ad jus dicendum convenire possint, ac debeant.



eodem modo, quo cæteri Magistratus, creantur quinque *Correctores*, tresque *Inquisitores*. Horum munus est perquam diligenter inquirere in vitam superioris Ducis, & acta universa, & observare, an discefferit aliquatenus à præscripto legum, & eum, si quid offendisse fortasse comperiant, illicò differre. Pœna, qua mulctandus ipse foret, in hæredes transfertur; sed multa pecuniaria tantum irrogatur: nimis enim à justitia alienum esset, pro culpa, quæ Dux obnoxius pœnæ videatur, hæredes nihil tale commeritos acerbius plecti. Ejusmodi quæstio solet exerceri in Comitibus ipsis, quippe quæ gravissima ducitur propter ejus personæ dignitatem. Nihilominus etiam posset eadem exerceri in Concilio capitali Quadraginta-Virum, ut inferius docebimus. Dux *Lauredanus* ob insignem integritatem atque sapientiam dignus, ut ejus memoria cum maxima veneratione ab omnibus colatur, tertius annus modò agitur ab ejusdem obitu, cum eâ ratione, qua diximus, condemnatus est, quod eam personam sustinuisse minùs liberaliter, & non satis pro dignitate Reipublicæ judicatus esset. Quare ipsius hæredes coacti sunt multam dependere, quæ non minor erat aureis quingentis supra mille.

*Ioannes*. Videtur hujusmodi lex mihi non satis æqua, quia rationi consentaneum non est, ut ejus, in quo nihil peccavit, aliquis pœnas luat.

*Trypho*. Ita est: sed in hoc genere pœnam subit nonnisi quod obnoxium est, ipsa nempe hæreditas mulctanda, quam quicumque adit, ejus nomen præstare debet. Et verò prudentissimi fuerunt illi, qui hanc legem sciverunt, ex qua fit, ut Duces pareant ipsis legibus multò attentius, quippe quos non fugiat fore, ut hæredes plectantur ipsorum culpâ, quamvis effugerint ipsi animadversionem. Sed ad rem, quæso, nostram. Partes Correctorum sunt videre, & animadvertere, an nova lege quapiam sit opus, qua sit obstringendus is, qui futurus est Princeps, & an aliquid vitii sit emendandum, quod extiterit in administratione demortui Ducis. Horum gratia statim ubi creati fuerint, sese conferunt in sedes attributas ipsis, & quoties opus est, iterant conventum, donec ea, quæ vel immutanda, vel prorsus innovanda videantur, habeant constituta. Quæ certè res expediri nequeunt adeò celeriter, quin triduum aut etiam quatrimum ipsis impendatur. Rebus omnibus diligenter expensis, atque animadversis significant id Consiliariis, & Præsidibus Quadraginta-Virum, à quibus inducuntur Comitibus, more, & loco usitatis. Congregato Concilio accedunt eò quinque Correctores, à quibus refertur de iis, quæ visa fuerint vel emendanda, vel in mores etiam inducenda, & singula vel approbantur, vel rejiciuntur suffragiis adhibitis: qua sanè ratione, quicquid opus habet emendatione, statim corrigitur, & si quid erutum fuerit, quod expediat Reipublicæ promulgatione legis alterius, id facile asciscitur.

Postera die Comitibus, rursus convocantur, quibus, nisi trigessimus annus exegerit, nullus interesse potest, & opportuno tempore conclusis ostiis in Conclavi numerantur omnes, qui eò convenerint, & in quandam urnam, *Pileum*, ut jam monui, dictam, sed ex eo genere, quod in summo apice tantum semel est perforatum, dejiuntur aurei globuli triginta propriâ notâ insigniti, & ex argenteis tam multi, quot aureis conjuncti capita recensita æquant. Post hæc è

A Consiliariis minimus ætate contendit ad ædem sacram *D. Marci*, conterminam conjunctamque Ducario, ut nosti, atque ubi ad aram maximam supplicavit, puerum, quem libeat, accersitum in Comitibus deducit, ut pro singulis Patriciis, quibus id per legem non licet, ne quis fraudi locus relinquatur, dum accedunt ad sortitionem, ipse sortiatur. Antiquis autem temporibus moris erat, ut quemcunque primum fors obrulisset puerum visum bonæ indolis, eum Consiliarius adduceret in Comitibus, ut obiret hoc munus. Vocatur is puer modò *Ballottinus*, & in supplicationibus progredi solet ante Ducem, cui debet esse curæ, ut posteaquam pervenerit ad legitimam ætatem, adscribatur in eorum numerum, qui sunt à Secretis. Perductus igitur in Comitibus statuitur hic puer ante conspectum Præsidentum, Quadraginta-Virum, & Consiliarium, & unus, ex utroque nomine, cui fors contigerit, pro urna sessum ire pergit. Sortiuntur autem subsellia, quo singula debeant ordine ad urnam accedere. Veruntamen in Magistratibus eligendis cum duplex ordo subselliorum semper accedat, cujus rei gratia binæ quoque urnæ statuuntur, in hac electione tanquam proprium & singulare notari debet, unam stare urnam, singulosque ordines subselliorum separatim accedere. Quamobrem sicuti aliàs pro quinque ordinibus duplicatis sortes injiciuntur, sic in præsentibus, ubi *Ducis Electores* erunt creandi, pro simplicibus decem sortes injici oportet, quæ deinceps eundem indicant, quinam ordines in sortitione debent præcedere. Sed erit sciendum, ubi fors in unum ex iis quinque ceciderit, qui sunt ad *D. Georgii* versus, ex eo capite accessum fieri, quod *Brolium* spectat; contra verò, ab eo, quod *Castellum*, inchoandum fore, ubi fors alicui contigerit à latere *D. Marci*; quam rem facile abs te percipi, atque intelligi arbitror, ex ea Conclavis descriptione, quam superius adduxi. Cujuscunque autem ordinis fors educta fuerit, Patricius ille, qui sedet in eo capite, à quo est inchoandum, surgit ex loco suo, & ad urnam tendit. Puer, qui affidet urnæ, depromit ex ea globulum ejus vice, quem demittit in urnam alteram infra pedes positam: si fuerit argenteus. Patricius ille, cujus nomine sortitio est peracta, exit è Conclavi. Sin auratus obtigerit; Consiliario porrigitur, ut notam inspiciat, & ejus Patricii nomen enunciatur per Scribarum principem, idemque continuo medius inter duos à Secretis deducitur extra Conclave in quoddam cubiculum. Mox advocantur ad tribunal omnes, qui sunt ejusdem familiæ, nec non etiam patruus, avunculi, consobrini, socer, uxoris fratres, fororumque viri, & tandem omnes illi, qui fuerint ejus causâ à sortitione excludendi. Cum ad tribunal venerint, à Scriba numerantur, totidemque globuli ex argenteis ab urna eximuntur, omnes autem illi abeunt à Conclavi, cum nihil aliud habeant exclusi à sortitione quod agant. Eadem ratione pergitur per singulos ordines succedentes, quoad aurati globuli triginta fuerint omnes educti, quos quicumque beneficio sortis affecti fuerint, secedunt in idem cubiculum, ubi sese continent, interea dum ab aliis disceditur. Dimisso Concilio unâ prodeunt, & confident in conspectu Præsidentum, Quadraginta Virum, & Consiliarium in binis subselliis, quæ sunt in medio sita, pares numero utrinque. Postea conjectis in urnam aureis globulis novem, & uno super viginti argenteis, sortitioneque facta subselliorum, utrum inchoare debeat, atque unde, nam singuli ad urnam pergunt, unde singulorum nomine globulum depromit, quoad no-



vem aureis fuerit exhausta, puer ille, quem dixi. Quibus argentei contigerunt, abeunt quo libet; reliqui novem sortiti aureos ad cubiculum redeunt, ex quo, posteaquam convenerint omnes numero perfecto, traducuntur in alterum à Consiliariis, Præsilibusque Quadraginta-Virum, ubi sunt omnia in promptu ad usum necessaria. Hic ad electionis munus peragendum, ut decet, sacramento obligati tamdiu clausi manent, quoad elegerint è quadraginta familiis diversis Quadraginta-Viros, quæ res hoc modo procedit. Simulatque Novem-Viri conclusi fuerint, sortuntur, quis eorum primas in nominando debeat obtinere, quis proximas, quis tertias partes, atque ita deinceps, juxta quem ordinem pronunciant, quosunque libet: Suffragia colliguntur pro singulis, qui pronunciantur, & qui septem ex ipsis consecutus fuerit, habetur unus è numero Quadraginta-Virum. Omnibus his creatis res ad Consiliarios deferitur, qui statim ea ipsa die, si ad vesperam multum non inclinatur, aut certe postera, Comititia Maxima indicunt. Quibus convocatis Scribarum princeps accitis duobus à Secretis ad Novem-Viros accedit, à quibus accipit syngrapham, in quibus descripta sunt nomina electorum Quadraginta-Virum, & ad Comititia reversus Consiliariis jubentibus eadem recitat: singuli, prout nominantur, adeunt tribunal, & è Comititiis transferuntur in alterum Conclave. Si quem abesse contigerit, conquistum eunt unus è Consiliariis, & unus è Præfectis Quadraginta-Virum, qui hominem adepti statim in Comititia perducunt, nulla colloquendi cum aliquo potestate facta, & exinde quod concesserunt omnes alii ex eodem numero; quo impleto demum Comititia, neque prius dimittuntur. Et quemadmodum Triginta-Viri superius dicti, sic etiam hi Quadraginta sistere se pergunt ante Consiliarios, & Præsides Quadraginta-Virum, atque in binis subselliis intermediis confident, & ad urnam evocantur sortibus eductis, in qua duodetriginta globuli argentei inter aureos bis senos reconduntur. Illi, quorum nomine puer argenteos exprompserit, statim dimittuntur, hi, pro quibus aureos, in eundem locum, ubi Novem-Viri antea fuerunt, aut aliò si libet, à Consiliariis & sociis deducuntur, & in electione jurati, prout superius est dictum, ibi se continent occlusis perpetuò foribus, donec Viginti quinque viros elegerint ex totidem familiis inter se diversis, neque pauciora quam novem suffragia singuli requirunt, qui postea creati nunciantur Consiliariis atque eorum sociis, qui statim habent Comititia, si fert ita tempus, alioqui rejiciunt in diem proximam. Recitantur eo modo, quò superius ostendi, horum Viginti quinque nomina per Scribarum principem, quibus auditis ad tribunal singuli progressi dimittuntur ex Comititiis in conclave alterum, quemadmodum Quadraginta-Viri antea nominati, & si quis non adest, accersitur eo modo, quo dixi, & ad Comititia statim deducitur, atque inde ad aliorum conventum. Ubi vero coacti sunt omnes, è Comititio disceditur, ipsi vero prodeunt in conspectum eorum, qui præsunt, & in sedibus suis collocati sortito advocantur ad urnam, quæ continet novem aureos globulos, sexdecim argenteos: quibus hi contigerint, abeunt; quibus illi, permanent & conclusi ad instar aliorum, quos commemoravi, non paucioribus suffragiis, quam septenis eligunt Quadraginta quinque viros ex familiis diversis Quadraginta quinque. Comititiis indictis hi quoque renunciuntur, & omnes qui aderant, & qui aberant in unum coacti ea ratione, quam exposui, ubi Comititia dimissa fuerint,

A accedunt ad Consiliarios, & alios, qui præsunt sedentque coram ipsis, & prout fors evenerit, ad urnam advocati se conferunt intra se cohibentem undecim globulos aureos, quatuor trigintaque argenteos. Hos qui sortiti fuerint, quoquò libet proficiscuntur. Alii vero manent, qui jurando more cæterorum obstricti, eodemque modo prorsus occlusi saltem novem suffragia in unum conferentes eligunt Quadraginta-Viros, & unum præterea, qui sunt *Electores Ducis*, ex aliis atque aliis familiis omnes separati.

B *Ioannes.* Hæc res est admodum implicata, satisque longa, neque certe magno usui videtur esse.

*Trypho.* Id verò disputare in præsentia nolum: nihil enim, ut præmonui, hodie à me accipies, quam simplicem administrationem nostræ Reipublicæ. Quapropter ut institutam narrationem prosequar, posteaquam advocatis Comititiis Electores hi quadraginta & unus renunciati omnes fuerint, & in Conclave sibi tributum introducti, quemadmodum est dictum, principio sacris opera datur ad implorandam cœlestis Spiritus opem, & unusquisque solemni Sacramento se obligat fore, ut omnes rerum humanarum cupiditates abjiciat, & eum tantum deligat, quem prospexerit ornamento & usui futurum Reipublicæ, & quæcunque dicta vel acta fuerint inter ipsos, nulli proditura. Post hæc autem nullis adhibitis Scribis aut ministris ipsi soli includuntur, ita ut à nemine prorsus conspiciantur, & primo loco tres *Præsides* optant ex Senioribus, quos *Priores* nominant, deinde *binos à Secretis*, sed ex junioribus. Præsides eunt sessum, & ante se mensam quandam positam habent; in ea bini loculi coherentes, atque conjuncti, cujusmodi Magistratibus creandis adhiberi diximus, quorum alter continet globulos quadraginta & unum, eadem nota insignitos, ne cui fraudi sit locus. Cæteri Electores occupant eas sedes, quas cuique libet. Illi duo, qui sunt à Secretis, chirographa numero quadraginta & unum à se confecta & circumplicata cuique distribuunt, similiter globulos expromptos quadraginta & unum. Ordine verò ante Præsides ternos singuli evocati chirographum suum in mensa deponunt, in quo scriptum est nomen illius, quem Ducem optarint. Excipiuntur ea nomina ex chirographis per duos à Secretis, adjecto numero suffragatorum unicuique. Vix autem unquam plura nomina excipiuntur, quam sex aut octò, quia ferè non sunt plures ii, quos justè credi potest ad id honoris fastigium provehendos esse. Postea reconduntur in urna nomina descripta, ut ex ea sortito educantur, & cui prima fors obtigerit, si fortè unus est ex numero Electorum, emittitur extemplo in Aulam Quadraginta-Viralem, atque inibi clauditur. Mox Electoribus singulis fit potestas accusandi hominem, quocunque nomine libet, & arguendi esse indignum tanto Magistratu. Si quid ab aliquo dictum fuerit, accuratè notant, & referunt in scriptum illi duo à Secretis. Accersitur ille deinde, & in conspectum adducitur, omniaque eidem objecta recitantur ex scripto; purgandi quoque, si velit, datur sui locus; quo facto iterum egreditur in eandem Aulam, idque toties fit, quoties aliquis superest, qui accusare velit, aut ipse se tueri pergat. His peractis itur in suffragia, quibus omnibus latis, conveniunt universi Electores ante ipsos Præsides, quorum natu maximus adhibita quadam virgula numerat suffragia, quæ vel propitia, vel adversa fuerint in utroque loculo. Nam si quinque supra viginti suffragantur ipsi, Dux habetur statim, nec alteri suffragari licet: sin-



liquid desit huic numero, depromendum est alterum nomen ex eadem urna, in qua conjecta sunt nomina sortienda, una cum numero suffragatorum, quot cuique fuerint; continuatur hic ordo, quoad perventum fuerit ad aliquem, qui viginti quinque suffragia saltem adipiscatur. Fieri quidem potest, ut nullus tot assequatur, sed ubi res hæc evenit, necessarium est Electores tamdiu clausos detineri, totiesque nominationes iterari & suffragationes, donec aliquis extet, in quem inclinet is numerus, qui modo dictus est. Hæc autem ratio fuit eligendi Ducis, usque ad creationem hujus, in qua nonnihil est variatum. Non enim fuit ille Dux prius renunciatus, quam cæteri omnes competitores suffragia subirent. Quare si quis eo posterior in sortitione extitisset, & tamen obtinuisset ampliora suffragia, Dux habitus esset, & non ipse, viginti quinque suffragia primum licet assecutus.

Hoc itaque pacto, ut diximus, creato Duce, permulta sunt, quæ fieri solent honoris causa: Primum illud, quod Electores per Scribarum principem, qui de more nuncium hoc præfert, certiores faciunt Consiliarios & Præsides Quadraginta-Virum, quem creaverint Ducem, ipsique accedunt ante alios omnes ad congratulandum, & æs campanum pulsari jubent, nisi intempesta nox fuerit. Quo signo propinqui omnes, & amici excitati ad salutandum Ducem properè conveniunt. Interea moneta recens cuditur, & ipsius nomine signatur. Proximum his est, quod Electoribus Dux adhibitis in ædem *D. Marci* descendit, atque ubi devotè supplicatum est, unà omnes in pulpitem ascendunt; natu verò maximus ad populum verba facit, qui convenire solet in templo maxima frequentia; narrat in mortui Principis locum alterum suffectum, quem multis laudibus ornatum palam ostendit, ingentes acclamationes & plausus referentem, in certum approbationis lætitiæque argumentum. Tunc ipse quoque Dux alloquitur populum, optimeque sperare jubet de suo principatu. Ubi peroravit, ex pulpito descendunt, & Principem deducunt ad aram maximam, ubi delato à Basilicæ Procuratoribus sacramento jurat in leges, & accipit vexillum de manu illius, qui vices Primicerii ex officio gerit. Atque ita certo pecuniæ numero ad altare oblato procedit ad ingressum atque aditum chori, & ibi duobus comitibus non amplius ascitis, quorum alter sustinet vexillum, alter, qui sanguine aut certè necessitudine conjunctissimus est, argenteum craterem deferat aurea & argentea pecunia quam maximè refertum, in qua nomen est inscriptum atque<sup>1</sup> facies Ducis. A nautis, qui versantur in Navali Reipublicæ, in ligneum pulpitem sublatus egreditur ex templo, & per aream totam circumfertur, eo, qui craterem tenet, in plebem nummos assidue passimque spargente. Exhausto cratere, qua patet ostium regium, ingreditur in Ducarium, atque ubi pervenit ad primos scalarum gradus, ex pulpito defilit. Conscendenti verò præsto sunt Consiliarii & Præsides Quadraginta-Virum, qui adventum præstolabantur, occurrentes in medio ascensu, & excipientes enitentem ad summos gradus, ibique unus ex Consiliariis, qui ætate cæteros præcedit, imponit ejus capiti Pileum, quem Duces gestare solent. Hinc ad Publicorum Aulam contendit, in qua commoratur aliquantisper, & sedet in quadam

A sella in eum usum parata. Tandemque ad suas ædes ab iisdem deducitur, quibus una cum Ducario traditis, confestim disceditur. Hæc igitur in novi Principis creatione solent honoris causâ officia præstari. Sed Majestatis plurimum ei præterea conciliant ea, quæ à communi usu longè distant, ornamenta vestium, in primis ipse pileus apice perinsignis, qui non nihil ab occipitio in altum assurgit, deinde intra pileum velamen album ex lino, quod totum caput circumtegit, protentis ad aures, & pendentibus inde vittis collo tenus. Ad hæc oculos hominum convertit is, quem gerit, amictus, nullis manicis impeditus, uti nostræ togæ, sed perquam similis illi vestimento, quod vulgo pallium dici solet, eaque longitudine, ut usque ad talos demittatur. Circumplectat autem collum appendix rotunda, quæ pertinet usque ad cingulum undequaque, & pretiosis, quas fulcit pellibus obducta. Vestes omnes contextæ de more sunt ex quolibet genere pannorum, cujusmodi sunt ea, quæ vocantur, Velutum, Rasum, sericum *Damascenum*, & Broccatum, tela quoque cum aurea, tum argentea. Quotiescunque progreditur in publicum, æs campanum insonat, & præferuntur aliquot vexilla in altum sublevata: clangunt etiam buccinæ quædam insigni magnitudine. Succedit porro pulvinar, sellaque aurea. De Musica re nihil dico, quæ communis est omnibus in Italia Principibus. Procedit inde sub Umbella tandem Dux ipse, utrinque bini Oratores præcipui latus ejus tegunt, alii à tergo stipant. Hos prosequuntur ad tricena paria Nobilium Virorum, qui Ducalibus vestimentis omnes induti sunt ex Coccino confectis, aut alio genere panni. Ille, qui exterior incedit in primo pari, sustinet elatum ensen, quem præ manu gerit. Hæc autem omnia præbent ejusmodi spectaculum, quod reverentiam non minus, quam admirationem injicit. Temporibus certè nostris *Andreas Gritus*, qui ornatus est tam insigni dignitate propter eximias singularesque animi virtutes, non parum adjicit huic pompæ ornamentis & magnificentiæ ex ea dignitate, nec non venustate, quam habet summam in aspectu. Enimverò, quod animos contemplantium mirum in modum pascit, est illud, quod cuilibet tunc in mentem subit, nulla violentia id honoris à civibus exprimi, quemadmodum in tyrannide fieri solet, sed ultro deferri Principi ex legum præscripto & ex instituto Reipublicæ, quæ jubet illum omni genere observantiæ coli; id verò tam severe à cunctis exigitur, ut è Patriciis quidam subierit gravissimam pœnam, non alia de causâ, quam quod à Principe dicta sententia de nescio qua re, his verbis ad eum usus fuisset: *Serenissime Princeps nugaris*. Quæ sanè visa sunt è triviis desumpta, & minimè digna, quæ jactarentur in eam personam. Hæc habui dicere de Principis Electione, nec non de summis Honoribus, qui eidem habentur. Reliquum est, ut de Consiliariis quoque disseramus, qua sint autoritate in Republica, & quas partes habeant, si tamen nihil tibi superest, quod requiras amplius.

F *Ioannes*. Antequam pergas ad alia, cedo mihi quæso. Quantum temporis tribuitur huic Electioni?

*Trypho*. Consideranda fuerint in ipsa *Tria Temporis Curricula*. Primum ab obitu Principis usque

1. Atque facies Ducis, &c.] Immo verò facies ipsa Ducis non inscribitur modò in nummis Reipublicæ, quod lege vetitum est, sed nomen tantum, & effigies quædam, & ima-

go non hujus, aut illius Ducis, sed hominis Ducalibus insignibus exornati.



que ad initium Electores instituendi. Alterum ab hoc initio, usque ad suum finem. Postremum ex quo Electores concludi solent, usque ad creationem. *Primo* tempore iusta persolvuntur, ac eliguntur, cum Inquisitores tum Correctores, qui vel multum, vel parum temporis contere possunt, dum suum munus obeunt; prout etiam vel multa vel pauca sunt ea, quæ indigent correctione & institutione. *Alterum* certe curriculum non est valde longum, quandoquidem universæ sortitiones atque electiones, donec unus & quadraginta Electores designati sunt, absolvuntur quàm citò, neque tamen his pauciores impendi, quàm quini dies possunt, propterea quod Comititia quinquies indicere est opus. *Postremum* vero tam longum, quàm breve contigerit: nam inter Electores, ubi sunt coacti, incidere multas controversias est existimandum, quæ aut citò dirimi possunt, aut in longum duci. Veruntamen intra senos atque octonos dies, quin expedita fuerit Electio, nunquam intellexi. Est etiam quando celerius multò res conficitur, pro sensu atque animo Electorum, qui variè est affectus. Tu, qui *Romæ* versatus es diu, optimè rem nosti.

*Ioannes.* Sed prætermisisse videris illud, quod adhuc scire aveo: An Inquisitoribus definitum sit quoddam tempus ad suum munus præstandum.

*Trypho.* Unius anni curriculum tribui solet, intra quod conficere debeant suam Jurisdictionem.

*Ioannes.* Ne graveris etiam exponere, si quid habes, cur solemnes tot ritus adhibeantur, ubi Dux est creatus: exempli causa: Cur alloquatur populum, in *D. Marci*: Cur ad Publicorum Aulam deducatur: Et præterea, si alicunde tenes, undenam ea insignia, quæ Duci præferuntur, à te modo exposita.

*Trypho.* Cur alloquatur Dux populum ex eo loco, quem dixi, non plane novi. Rationi tamen consentaneum hoc ipsum videtur, ut dum spectandus exhibetur ipsi, verba faciat, & in spem optimæ administrationis omnium animos erigat.

Cur deducatur<sup>1</sup> ad Aulam Publicorum, causam nullam habeo, nisi fortè id propterea institutum fuit, ut imbecillitatis humanæ memoria ipsi renovetur. Ut enim antea memoravimus, cum Principem ex vita discedere contingit, illius funus in eandem Aulam defertur.

Insignia porro, quæ recensuimus, fama est ab *Alexandro III.* profecta esse, cujus non modò dignitatem, sed etiam salutem adversus *Abenobarbi Friderici* furorem Respublica texit.

*Ioannes.* Nostin' verò, quo tempore sumpserit initium ejusmodi Electio Ducis tam ordinate instituta?

*Trypho.* Referam id, quod ex nostris monumentis hausi. Quemadmodum superius explicatum est, penes Populum erat potestas eligendi Ducis, & acclamationibus quibusdam res peragebatur tumultuosè. Obtinuit mos ita creandi summum Magistratum usque ad tempora *Sebastiani Ziani*, qui post illatam *Vitali Michaëlio* necem ab Undecim Viris Dux creatus est, ut nonnulli memoriæ prodiderunt suffragatione xxxiv. Virum id munus adeptis, qui prius beneficio sortis instituti fuerant. *Aurius Mastropetrus*, & quaterni proximi Duces per Quadraginta-Viros electi fuerunt, hoc modo. Ex universis civibus quatuor optabantur cives. Ab his eligeban-

A tur postea Quadraginta-Viri, quorum singulis licebat, ubi simul convenerant, cum Ducem nominare, quem existimaret tantæ amplitudinis gradum conscendere oportere. Omnes, qui nominati fuerant, subiciebantur suffragiis; is autem Dux erat, qui majori cumulo competitores dejiceret. Primus omnium Dux eo modo & ordine, quem diximus, *Marinus Maurocenus* electus est anno mcccli. Cæterum in quibusdam nostris Commentariis, quod animadvertere debes, à *Sebastiano Ziano* usque ad *Petrum Gradenicum* de cunctis electionibus Ducum hæc habentur verba: *Dux iste creatus est per electionem, & comprobatus per populi acclamationem.* Ad ejusmodi probationem pertinere censeo, quod Electores in *D. Marci* pulpitu ascendunt, & à se Ducem creatum in publicum enunciant, atque tunc ingenti clamore edito ad declarandam animorum lætitiā electio Ducis palam approbetur à populo. Quæ sane res cum minimè necessaria sit, tamen conservatur, & adhibetur magis cærimoniarum cujusdam loco, quàm alia ex causa: Fortasse necessaria res erat antiquis temporibus, quibus obtinuerit mos ita faciendi, ut contineretur in officio populus electione privatus. Hæc habeo dicere de his rebus, & nihil aliud prætere.

*Ioannes.* Cumulatissimè mihi satisfactum arbitror ex iis, quæ à te accepi. Perge, quæso, ut institui.

*Trypho.* Quemadmodum dicebam, in persona Ducis positum est supremum Imperium *Venetæ* Reipublicæ, in qua solus apparet rerum ipse Dominus. Sed quamvis obtineat tantum amplitudinis, nulla tamen res est, in qua liberam, atque integram potestatem habeat. Nihil enim statuere potest, quantumvis minimum, & multò minus præstare ac exequi, nisi adsint illi *Consilarii*, qui sex numero sunt, ex singulis tribubus, & ex honestissimis quibusque Patriciis electi accuratè, quandoquidem summa dignitas Magistratus hoc ita requirit. Non eliguntur hi feni simul eodem tempore, neque eodem momento ineunt Magistratum, sed eliguntur duplici vice, terni, alio atque alio tempore, vel ex iis tribubus, quæ sunt ternæ citra, vel ex iis ternis, quæ sunt ultra Maximum Canalem. Modus autem hic est, ut exposui superius: Ex cunctis iis Magistratibus, qui in Comititiis Majoribus creari solent, alii quatuor competitores desiderant, alii tantum duos. Quoniam igitur hic Magistratus unus ex iis est, qui per Majora Comititia renunciatur, ad alteram classem pertinet, nimirum ad priorem: sed Rogatorum Concilium ex singulis tribubus unum legit, qui suffragia deinde subit omnium in Comititiis, quæ certè convocare solemne est, quodocunque tres Consilarii fuerint eligendi. Ubi vero quatuor Electorum ordines absoluti sunt, & in sedes attributas singuli coacti, ut eligantur competitores, quemadmodum exposui modo, per aliquem à Secretis significatur unicuique, qui Rogatorum Concilium ingreditur cum jure suffragii, ut ex Conclavi, in quo habentur Comititia, transeat in alterum quodam intervallo disjunctum, ubi Senatus de more cogi solet. Posteaquam omnes convenerunt, accedit eò Dux adhibitis unà Consiliariis, nec non Præsidibus Quadraginta-Virum, & eam tribum sortiti, ex qua primus sit eligendus Consiliarius, quisque nominat eum, quem maxime cupit. Omnes,

F 3

qui

<sup>1</sup>. Cur deducatur ad aulam, &c.] Non alià sane de causa Dux deducitur ad Aulam Publicorum, quàm ut humanæ

conditionis memor sit. Quod etiam à Magno Cancellario prisco ritu, & solemnibus verbis in memoriam revocatur.



qui nominati sunt, describuntur, & pro singulis ordine suo suffragia feruntur. Qui plura supra dimidiam partem fuerit consecutus, is electus est Competitor. Modus autem hic eligendi per concilium Rogatorum, dici solet Scrutinium. Redeunt porro Senatores unà cum Duce ad Comititia, & Competitores renunciati per quaternos Electorum ordines, suffragia subeunt eo modo, quo dixi, singuli. Cui plura suffragantur, modò superent dimidiam partem, Consiliarius ab omnibus habetur. Evenire potest in Comititiis, ut unus tantummodò Competitor nominetur, atque interdum non alius, quàm qui in Concilio Rogatorum fuit renunciatus. Id ubi evenit, pro uno tantum illo debet iri in suffragia, tametsi id nemini conceditur, qui Competitore careat. Nam quicumque in diversis Conciliis renunciatur, is videtur quodam modo secum ipse competitor esse, idque verisimilitudinis nonnihil habet. Is igitur unus Consiliarius evadit, si præter dimidiam partem suffragiorum saltem unam assequitur. Ferè autem semper usù venit, quod etiam observare debes, ut etiam quando plures uno Competitores habentur, (hoc autem accidit plerumque) tamen ille Magistratum adipiscatur, qui à Senatu Competitor electus est. Id ex eo fieri puto, quod existimari soleat, eum, qui ab ipso Senatu productus est, præ cæteris esse dignum eo Magistratu, utpote comprobatum iudicio tot numero Senatorum, quemadmodum ex iis, quæ differui, non latere te arbitror. Præterquam quod is, qui in Senatu renunciatur, minus est de ambitu suspectus, quàm qui ea ratione, quam dixi, in ipsis Comititiis, quod quidem facillè animadvertere potes ex te ipso. His etiam accedit, quod quicumque in Concilio Rogatorum suffragati sunt homini, suffragantur eidem quoque in Majori Concilio; ut ex omnibus his causis atque rationibus is, qui creatus fuit in ipso Senatu, plurimum approbari soleat etiam in Comitio.

Sex igitur hi Consiliiarii semper assident Duci, & cum ipso res omnes peragunt præcipue publicas, cuiusmodi est, audire postulata, publicas literas omnes resignare, privilegia indulgere, & id genus alia, quæ tamen ab ipso Duce perfici non possunt, nisi adsint unà quaterni Consiliiarii: possunt quidem ab ipsis, si fortè Dux absit. De rebus omnibus ad Comititia referunt, quæ præcipua est ipsorum autoritas; possunt etiam ad Senatum referre, & ad Concilium Decem-Virum. Qui tamen ad Senatum præcipue referunt, nimirum Sapientes, de quibus meminimus, & qui præcipue ad Decem-Viros, hoc est eorumdem Præsides; his ad Majora Comititia referre nullo modo licet. Quare Consiliiariorum autoritas multò major est, quàm Sapientum, & eorum, qui Decem-Viris præsent. Est tamen animadvertendum, integrum fore vel uni Consiliario, etiam si nullus alius cum ipso conveniat, referre cum ad Comititia, tum ad Senatum; sed non ita ad Decem-Viros, nisi tres accedant; quo fit, ut quatuor simul convenire oporteat. Annum est munus ipsum Consiliiarii, quod tamen non obitur, nisi menses octo; quatuor impenduntur alii Quadraginta-Virali Collegio, quod capitis iudicia exercere solet. Sedent in eo perpetuo tres Consiliiarii, qui vocari solent Inferiores, dum inibi sedent. Liberum vero est ipsis

A huic Collegio interesse, vel primos quatuor menses, vel quatuor extremos, vel etiam ex his atque illis menses pariter binos. Quare quicumque inferior Consiliarius existit, necesse est, ut fuerit, vel esse debeat quoque major, sive superior, proindeque sint omnibus temporibus noveni Consiliiarii, ex iis unà cum Duce sedent assidui seni, & in collegio Quadraginta-Virali hi terni, quos dixi. Quandocunque verò iidem abeunt Magistratu, aut certe pergunt, ut sedeant unà cum Duce, tres ex eo numero qui assidebant, se conferunt ad Quadraginta-Viros, aut exacto Magistratu, tres alii denuo sunt creandi. Scire quoque debes, unà cum Duce & Consiliariis tres ex Quadraginta-Viris Capitalibus pariter sedere, quos vocare consuevimus Capita Quadraginta-Virum, qui binis tantum mensibus sunt in hoc honore. Cum de Collegiis Quadraginta-Viralibus agam, melius id intelliges. Quapropter *Dominationis* nomine intelligi solent, Dux unà cum senis Consiliariis, prætereaque terni Præsides Quadraginta-Virum.

*Ioannes.* Cedo, priusquam ad alia transeas, cur tres Consiliiarii sedent inter Quadraginta-Viros, & tres horum Præsides cum Duce & Consiliariis?

C *Trypho.* Quod in nostris commentariis invenire potui, hoc in causa est. Antiquis temporibus Dux atque sui Consiliiarii interesse consueverant iudiciis Quadraginta-Viralibus: *Marcus* autem *Cornelius*, qui anno MCCCXLV. Dux creatus est, ob negotiorum ingentem multitudinem, quorum copia in dies magis augebatur, propagata Republica, permisit eam curam his Consiliariis quos dixi. Tres itidem Præsides Quadraginta-Virum Duci assident cum ipsis Consiliariis, ut, quemadmodum Quadraginta-Viratus communicat cum iis, qui Reipublicæ præsent, ob illos tres Consiliiarios, qui inter ipsos versantur, sic etiam ii, qui summum locum obtinent, aliquam habeant communionem cum Quadraginta-Viratu, tribus ejus Præsidibus in confessum receptis; atque ita vicissitudine quadam altera pars intersit alterius munerum functionibus, quippe quæ conjunctæ erant invicem ante Ducem *Marcum Cornelium*.

D Ut autem modò perstringamus, quicquid superest de Duce: is, quemadmodum aiebam, cum suis Consiliariis adest in Collegio, in Senatu, nec non in Comititiis, quin etiam in Concilio Decem-Virum, de quo agendum proximè. Referendi vero potestatem habet ad singula Concilia, nimirum ad Comititia, ut Consiliiarii, ad Senatum, ut Sapientes; ad Decem-Viros, ut eorumdem Præsides. Nam cunctis iis Magistratibus comitem se adjungere potest, qui sunt Principes atque Præsides Conciliorum; quo fit, ut nulla res agatur ipso non præsent, pariterque ipse unus nihil per se agere possit. Omnia quæ tractantur negotia, ejus nomen præferunt, literæ, privilegia, scriptaque alia publica, tanquam foret ipse tantum autor, cuncta scribuntur illius nomine: externæ quoque epistolæ missæ vel à Principibus, vel ab Oratoribus, qui ubique locorum agunt, dantur omnes, & perferuntur ad ipsum Ducem. Quando contingit Sapientes Mari, seu Continenti Præsides, aut etiam alios Magistratus ad eorum Legatos, vel Duces, vel alios Publicos Ministros aliquid scribere, hoc modo subscribitur: *Andreas Gritus Dux Venetia-*

Sex igitur hi Consiliiarii. Consiliiarii præterea bene mane soli conveniunt, & usque ad tertiam diei horam, aut privatos homines cum supplicibus libellis, aut Magistratus inter se de iurisdictione certantes audiunt; deinde vero cum

Principe ac Sapientibus sacris intersunt, mox simul coeunt omnes, aut de rebus publicis tractaturi, aut exterorum Principum Legatos, aut subjectorum populorum Oratores, aut etiam privatos homines audituri.



*tiarum*, &c. Eadem ratio adhibetur in quovis alio scripti genere, qualia sunt diplomata, privilegia, obligationes, leges, & alia. Concilium x-Virum, de quo proximus erit sermo, variat hanc formam, & duplici ratione describit. Aut enim univrsum Concilium scribit, tuncque ita subscribunt: *Andreas Gritti Dux Venetiarum*, &c. cum Concilio nostro *Decem-Virum*; aut soli principes *Decem-Virum*, hoc est ii, qui Præfeti sunt eidem Concilio, uti mox dicetur, & utuntur ea forma: *Andreas Gritti Dux Venetiarum*, &c. cum Capitibus Consilii *Decem-Virum*. Respondentes, prout viderint subscriptum fuisse, ita supra scribunt. Sed ut persequar institutam rem, octavo quoque die, utputa Mercurii, consuevit noster Dux inferius descendere eo tempore, quo dicitur jus à Magistratibus, & circumlustrans ambulacra duo, in quibus eorum sedes sunt collocatæ, ad singulas inhihet gressum, Magistratumque ibi sedentem iustitiæ commonet. Si quis autem est, cui jus obtinere suum minime videatur, tunc adit supplex Ducem, & totam rem exponit. Qui si iudicat supplicem illum iniuria affeci, statim imperat illi Magistratui, ut jus ipsi reddat; alioquin arguit immerito conquerentem, & administrationem coeptam persequitur. Variatum est in hoc ordine à quibusdam Ducibus, qui stata die noluerunt semper fungi eo munere, ut improvisti Magistratibus incumbere. Negotiorum multitudo fuit in causa nonnunquam, ut intermitteret Dux hunc morem in aliqua hebdomada. Ut autem Dux pro dignitate sui Magistratus honorificè ac magnificè satis agat, annua pensio ei persolvitur aureorum ter mille, nec non quingentorum; sed quatuor variis temporibus convivia debet celebrare, festo die *S. Stephani* unum, *D. Marci* alterum, *Ascensionis* tertium, postremum die *S. Viti*. Ad hæc convivia mos est vocare Patricios diversis ætatibus. Quapropter ad primum adhiberi solent, præter Consiliarios, Præfetos Quadraginta-Virum, Advocatores, & Præsides *Decem-Virum*, illi quoque, qui sunt ætate admodum provecti. Ad alterum porro, qui sunt minus affecti; sic ad tertium, & quartum natu minores ordine, graduque suo semper invitantur; idque ita institutum est, ut ætas quælibet Patriciorum convivorum minime sit expers. Præter hæc unicuique Patricio, qui Comitii interfuit, munus quoddam impertire Dux quotannis debet. Non multis abhinc annis præbere singulis mos erat quinte anates marinas. Exhibetur modò certum monetæ genus, quod ejus rei gratia cuditur. In altera parte *D. Marci* vexillum Duci porrigentis effigies impressa. In altera nomen Ducis est inscriptum, & ejus administrationis quotus annus, ita: *Andree Gritti Venetiarum Principis munus*, Anno IV. Nunc plene habes, quicquid ad præcipuas facit nostræ Reipublicæ partes, quibus, ut accepisti, publicæ administrationis ordo totus continetur inter se colligatis atque implicitis, ea ratione, qua est dictum. Restat, ut verba faciamus de Concilio *Decem-Virum*, de Procuratoribus, Advocatoribus, Quadraginta-Viris, atque de Censoribus. Sed nescio, an satietate tam longæ orationis sis adhuc defatigatus.

*Ioannes*. At istuc mihi verbum est à te præreptum. Major enim est linguæ labor in disse-  
rendo, quam aurium in audiendo, si rectè opi-  
nor, quæ jucundissimis sermonibus admodum le-  
vantur.

*Trypho*. Ita est planè, ut dicis, nisi quod af-  
firmas de auribus, istuc ipsum de lingua dici quo-  
que potest; idque ipsa re nunc intelligo. Nam  
quavis modo sit hora tertia, ex quo loqui cœ-

pi, nullo tamen labore sum defessus, tantum ob-  
lectationis capio ex hac re, de qua colloquor.  
Et profecto nullum sermonis genus majorem vo-  
luptatem iis animis affert, in quibus enitet ali-  
quid generosum, quam ubi de istiusmodi repu-  
blica agitur, quæ si non planè & omninò (ne vi-  
dear huic nostræ administrationi fortè nimium  
tribuere) at certè majori ex parte est rectè insti-  
tuta. Quando igitur audire tibi non est grave,  
persequar ea, quæ supersunt adhuc exponenda.

*Ioannes*. Persequere amabo; nihil est enim,  
quod mihi gratius accidere queat.

*Trypho*. Quod superius admonui, Reipublicæ  
universus ordo positus est in præcipuis partibus  
iis quatuor, quos dixi. *Concilium Decem-Virum*,  
de quo sermo habendus, licet unum sit ex mem-  
bris maximi momenti, nihilominus est quid an-  
nexum magis, quàm præcipuè institum, & ad  
Dictatorem, ut puto, quàm proxime accedit,  
qui dicebatur apud *Romanos* in magnis periculis.  
Hoc interest, quod Dictator creari solebat qui-  
busdam modo temporibus turbulentis, *Decem-  
Viratus* in nostra Republica semper adest, eadem-  
que pollet suprema autoritate, qua Rogatorum  
Consilium, & Civitas universa; nam decernere  
potest de rebus publicis, utcunque libet, nec  
ulla est, unde pendeat superior potestas. Non  
tamen uti solet hac autoritate, præterquam in  
rebus gravissimis, quibus alià ratione non facile  
subveniri potest, quales occultæ deliberationes  
sunt de bello inferendo, de pace componenda,  
clandestinæque omnes transactiones, aut pertra-  
ctationes expeditæ, missiones Legatorum in ca-  
stra. Quæ certè si in Collegio examinarentur;  
ac deinde in Senatu deliberarentur, ubi delibe-  
randa jure optimo forent, non iis rationibus for-  
tasse, quas tempus exigeret, hoc est non silen-  
tio, neque promptè, ac celeriter administraren-  
tur. Cum adhuc essem adolescens, tamen rectè  
memini eo bello, quod in *Clusentinis* finibus cum  
vestra Republica gessimus, pace tua dixerim;  
duos ex Oratoribus vestris in nostram Urbem ve-  
nisse, *Paulum Antonium Soderinum*, & *Joannem  
Baptistam Rodulphum* (nisi fortè mihi exciderunt  
eorum nomina) homines, ut à nostris fuerunt  
habiti, multis egregiis ornamentis animi refer-  
tos, ad conventa cum nostra Reipublica sancien-  
da missos, quæ cum omninò tam Dux, quàm  
Collegium inire vellet, antequam fama recens  
in vulgus manaret de classe, quàm *Turca* instrue-  
bat adversus Rempublicam, ne si ea perveniret  
ad aures *Florentinorum*, ii convenire ampliùs nol-  
lent, prævidentes nos gravi bello mox implicitos  
fore, cumque in Senatu res obtineri non posset,  
tandem in Concilio *Decem-Virum* fuit ad finem  
perducta. Acceptis postea literis, quibus appa-  
ratus *Turcarum* significabantur, nullus fuit, quin  
probaret eam deliberationem. Quod exemplum  
commemoravi, ut facilius intelligeres; cujus-  
modi sit autoritas hujusce Concilii, & quibus in  
rebus ab eodem usurpari soleat. Itaque ubi Col-  
legium decrevit aliquam rem transigere, sed  
quam occultissimè, ut exempli gratia; si videre-  
tur è Republica icere aliquod fœdus cum Rege  
*Gallie*, aliove Principe, ac Republica, ad ali-  
quod aggrediendum perinsigne facinus, sed o-  
porteret omnino rem in occulto esse; quoad  
conficeretur; tunc Oratoribus, & hominibus  
iis, quorum opera necessaria esset in eo negotio,  
literæ mitti solent ita subscriptæ: *Andreas Grit-  
tus Dux Venetiarum*, &c. cum nostro Concilio *De-  
cem-Virum*. Eadem quoque supra scribuntur ab  
iis, qui respondent, & eorum literæ perferun-  
tur ad *Decem-Virum* principes, qui veniunt in  
Collegium, unde tum excluduntur tres Præfe-  
ti



cti Quadraginta-Virum, tresque Sapientes Mari, ita ut illis ingredientibus hi statim exeant. Ab his res eatenus pertractatur, atque agitur, quoad ipsa deliberatio sit expedienda. Neque tamen hæc pertractare & agitare est ipsorum tantum, sed adsunt etiam alii ex Concilio Decem-Virum à tribus suis principibus accersiti. Ubi verò deliberatio fuerit habenda, præter Ducem, & Consiliarios, universumque Concilium Decem-Virum<sup>1</sup>, nec non Sapientes Maximis Rebus atque Continenti, necesse est, ut Quindecim viri intersint, qui dicuntur Adjuncti, & Trium-Viri Advocatores, & novem Procuratores. Quoniam verò hi quatuor supra viginti sunt his temporibus, ut jam explicabitur, quinam deliberationibus interesse debeant, per Concilium Decem-Virum sunt delecti. Veruntamen jus ferendi suffragii non est æquè omnibus. Id enim datur solum ipsis Decem-Vis, Adjunctis, Duci, atque senis Consiliariis. Omnes autem, qui concilii Decem-Virum sunt participes in unum collecti, appellatione non alia continentur, quàm Concilii Decem-Virum cum Adjunctis, quod tamen nunquam cogi solet, nisi de rebus gravissimis sit deliberandum, & quidem ad ipsius Reipublicæ summam pertinentibus, quæ aliòquin in Senatu disputandæ essent, sed propter eas causas, quas attuli, hoc in Concilio tractantur aliquando. Quidam sunt autores, institutum fuisse Concilium Decem-Virum, quo tempore cæsus est Dux *Vitalis Michaëlius*, ad eos coercendos, qui aliquid molirentur contra Rempublicam. Aliqui ejus originem referunt ad tempora *Petri Gradonici*. Autoritas initio perexigua fuit, auctaque deinde paulatim existimatio. Nam præter crimina læsæ Majestatis, & perduelles omnes, in quos animadvertit, vindicat etiam sibi horum criminum reos, adulteratæ pecuniæ, præposteræque libidinis. Ad hæc aliquam tractat pecuniæ vim, quæ representatur à Quæstoribus, & etiam aliunde. Habet quoque in navali triremes proprias his duabus characteribus insignitas C & X. quæ indicant, illas esse penes Capita x-Virum. Tormentorum præterea bellicorum curam omnem gerit. Enimverò ad aliquid deliberandum ex iis ipsis de rebus conveniunt ipsi tantum x-Viri, præter Consiliarios sex, & Principem, nemine alio adhibito; quod Concilium x-Virum simplex appellatur. In publicis autem rebus, non in his, tantummodò obtinet eam auctoritatem, quam superius exposui, & quæcunque occulte peragenda sunt, præcipue administrat. Quapropter à nostris majoribus sancitum est, ut in eo Sapientes Maximis Rebus, atque Continenti, Advocatores, & ex Procuratoribus novem convenirent, & xv-Viri Decem-Vis adjungerentur. Cujus quidem Magistratus summa potentia quandoque tam insignem invidiam eidem conflavit, ut ægrè admodum successores fuerint impetrati: sed huic malo tandem occurrerunt ii, qui ad gubernacula Reipublicæ summi viri sedebant. Per vicerunt enim contendendo quam maximè, ut lex ea ferretur, qua cautum est, ut antequam successores designati essent, Decem-Viri non abirent suo Magistratu. Constat is ex Patriciis numero decem, qui eliguntur in Comitibus ea ratione, qua cæteri. Singulis mensibus ex eo numero tres fortiuntur, qui vocari solent *Capita Decem-*

A *Virum*. Horum trium singulis hebdomadibus unus est Præfectus, qui, majora Comitibus ubi celebrantur, in conspectu sedet, nec non ex adverso Ducis. Penes hos insignia sunt ipsius Magistratus continenter quem regunt, indicendique Concilii partes præcipuas habent, ad quod ipsi referunt, non tamen valent per se singuli, sed simul omnes, aut bini saltem. Debent autem octavo quoque die convocare Concilium, hoc est alios septem, aut etiam frequentius rebus ingruentibus, de quibus oporteat consilium capere, & deliberare. Antiquitus nullum certum tempus definitum erat, quo Concilium ejusmodi indiceretur. Sed quoniam, ubi Decem-Viri conveniebant, in magna perturbatione Civitas tota versabatur, non sine gravi causa convenire ipsos rata, id, quod diximus, tempus definire placuit, ut amplius non teneretur ea sollicitudine. Quando verò sententia de aliquo ferenda est facto rei capitalis apud ipsos reo, & propter aliquod crimen, ex iis quinque dictis, in custodiam tradito, non datur eidem reo ad Concilium pro se verba facere, neque adhibere patronum aliquem ad suam causam tuendam, sed ante Præfectos ipsos duntaxat sistitur, & quicquid expressum fuerit ab eo, literis mandatur; de quo demum ad Concilium per eosdem refertur, & tunc opus est, ut unus eorum suscipiat partes hominis tuendi, alioqui patrocinium & defensionem habere nullatenus potest. A Decem-Vis provocare ad alios non licet, neque verò immutari aliquid in sententiis latis, præterquam vel ab ipsismet, qui tulerunt, aut à successoribus, si quid in eis immutandum fortè videatur. Eorum vero Præsides, atque Præfecti sunt ii, qui Conclave, in quo habentur Comitibus, præsentia sua ornant, eo, quo dictum est, ordine circumsedentes, in Rogatorum quoque Concilium non ipsi tantum, sed alii quoque septem Decem-Viri omnes cooptantur. Munus autem annuum est hujus Magistratus, quo abeuntibus alterum inire continuo licet, quod etiam Sapientibus, & Consiliariis, ut præmonui, datur; omnes enim hi Magistratus Sapientes maritimis, terrestribus, maximisque rebus, Consiliarii, Decem-Viri, Advocatores, atque Censores, impedimentum nullum sibi mutuo inferunt; quin absoluta confectaue jurisdictione ex uno in alium transire cuique sit integrum; quin etiam si qui in minori Magistratu versatur, majorem adeptus nihil obstat, quin hunc statim ineat, priore neglecto.

E *Ioannes*. Necessariò consequens est his rebus, quas differis, omnes eos Magistratus, quos enumerasti, ex ipsa vicissitudine imperii gerendi, penes oppidò paucos Optimates redactum iri.

F *Trypho*. Recte quidem colligis, idque a nobis ita prædicari solet, quotiescunque Patricius aliquis eò pervenerit, ut Sapiens Continenti perficiatur; sanè quàm rarè evenire posse, quin assequatur adhuc aliquem ex iis Magistratibus. Sed ad rem propositam. Intellexisti Concilium Decem-Virum membrum quoddam à Republica divulsus esse, immò verò sejunctum ab eadem omninò, neque vero alio vinculo, quàm quod ut cæteri Magistratus per Comitibus creantur. De quo cum satis multa dicta fuerint, restat, ut de Procuratoribus aliqua dicamus. Et Magistratus is in nostra Civitate maxima cum honestate, tùm existimatione, quamvis ex eorum numero non sit,

<sup>1</sup> Concilium Decem-Virum.] Nulli modò sunt Decem-Vis adjuncti; longo namque usu edoctis Patriciis additione carere multo satius visum est. Constituitur id Concilium à Duce, sex Consiliariis, ac ipsis Decem-Vis, præterea nemine. Hi vero de pace, & bello, atque publico ara-

rio nihil planè deliberant. Crimina tantum, eaque summa, & atrocissima audiunt, atque in fontes animadvertunt, præcipuè perduelles: immò vero tres instituti sunt ex hoc ipso Concilio, qui cum studiosè in fontes inquirere debeant, ex eo Status Inquisitores appellantur.



fit, in quo ratio sita est nostræ administrationis; sed quia nonnisi cum vita hæc dignitas terminatur, sicut illa Ducis, idcirco magno in honore atque pretio habetur. Præter hæc quoque Magistratus antiquissimus est, & attulit usque ad nostra tempora eam existimationem. Nullus enim fuit unquam in nostra Republica vir nobilis magnæ autoritatis, quin honestari voluerit hac dignitate, ut perpaucissimi Duces sint renunciati, ex quo primum traditur eadem instituta, qui non extiterint prius in hoc numero atque loco. Unus priscis temporibus erat Procurator, ut ædis *Marcia* res omnes procuraret, & sacras opes custodiret, idcirco creatus. In obitu deinde *Sebastiani Ziani*, qui multos fundos legavit ædi *S. Marci*, ut distribuerentur per Procuratorem in pauperes fructus inde percepti, cum unus tam multis negotiis par esse non posset, necesse fuit alterum Procuratorem institui, qui *Sebastiani Ziani* legatum procuraret. Autem in dies multiplicatisque legatis, tertium anno MCCLXX. oportuit creari, quo tempore Dux erat *Raynerius Zenus*, eaque ratione visum est negotia distribui, ut unus eorum templum, & sacras opes curaret; alter ea, quæ ab incolentibus Urbem citra magnum canalem; tertius demum, quæ legata essent ab aliis incolis ultra eundem canalem. Nos ea consuevimus nominare de *Citra*, & de *Ultra*. Eodem quoque Duce *Raynerio Zeno* quartus electus est, & additus illi collega, qui res templi curabat. Bini alii creati sunt ejusdem rei gratiâ, cum Dux esset in Republica *Joannes Superantius*. Sed ubi *Franciscus Foscarius* Dux est dictus, anno MCDXXIII. terni sunt adjecti. Quare Procuratorum numerus ad novem excrevit, ex quibus tres procurabant res ædis *Marcia* cum sacris opibus; tres legata in regionibus, atque tribubus ternis citra canalem; tres reliqui in aliis totidem ultra ipsum canalem, quemadmodum etiam fieri consueverat, cum tres solum erant. Cæterum anno MDIX, cum à *Ludovico* Franciæ Rege nostri exercitus ad *Abduam* fusi fugatique sunt, compulsa quærendæ pecuniæ gratiâ Respublica fuit ad ejusmodi honorem tribuendum iis, qui certum pecuniæ numerum eidem mutuò concederent. Exinde tam insignis accessio facta est, ut in præsentia sint numero quatuor & viginti. Omnes autem hi, qui superioribus novem accesserunt, alii in alias ex iis tribus Procuratoribus tributii fuerunt. Eorum administratio, ut exposui, versatur in distribuendis legatis. Habent etiam jus & autoritatem compellendi hæredes, ut ejus, à quo instituti fuerunt, voluntati pareant. Ducalibus indumentis ornati incedunt famulorum aliquo subsequente; à cunctis Magistratibus datur eis locus, nisi in proprio confessu: in supplicationibus quoque, dum procedunt sociati cum Præfectis Quadraginta-Virum, & Consiliariis per singula paria, claudunt ipsorum latus à læva gradientes. Assignantur Procuratoribus ædes ad habitandum, aut certe annua pensio aureorum sexaginta. Inter Senatores cuncti numerantur; non item inter Decem-Viros, sed tantum novem, qui ex singulis procurationibus terni ab eo Concilio eliguntur. Ad alium verò Magistratum ipsis aditus non patet, præterquam ad unum ex his duobus, aut ad Maximos Sapientes, aut ad Decem-Viros Adjunctos. Sed quo tempore summus Præfectus classis, vel Legatus in castris eligendus est, lex ad Senatum fertur, ut etiam Procuratorum omnium ratio haberi queat. Quod quidem ea de causa institutum fuit, ut per vi-

A ros magna existimatione & autoritate res bellicæ gererentur, quales existunt ii, qui hac dignitate sunt præditi. Majoribus autem Comitibus interesse non possunt, una Principis electione excepta, quæ singulari quadam lege fuit concessa. Superioribus temporibus moris erat, dum Comitibus Majora celebrarentur, eos interea versari ac morari in atrio Ducarii, & nisi dimisso Concilio inde non discedere, ut præsto essent ad occurrendum, si quid mali accideret. Et fortasse quoque fuit hoc ipsum in causa, cur interdictum sit eis Comitio à majoribus nostris. Sed in præsentia consuetudo hæc obsolevit conveniendi, commorandique in atrio Ducarii, donec habentur Comitibus, daturque illis opera. Id ex ea quiete ac tranquillitate profectum est, quam in nostra Republica contemplari licet, ex qua certè fit, ut nullus putet in Civitate posse accidere aliquid ejusmodi, quod præsentiam Procuratorum, opemque desideret. Atque ut omnia, quæ dici possunt in hoc genere, absolvam, nullus est in Republica alius Magistratus, quem nostri Patricii tantopere expetere soleant. Vereor tamen, ne plurimum detrahatur ejus dignitati. Nam qui nonnisi multum provecta ætate, spectataque virtute hominibus honor tribuebatur, hoc temporibus nostris permultos vidimus, qui nullum privilegium haberent virtutis atque ætatis. Id vero temporum malignitati fuerit adscribendum, quæ necessitatem hanc Reipublicæ imposuit maximis difficultatibus implicatæ, graviterque affectæ.

*Ioannes*. Cur hic Magistratus sit in ea opinione, causam nullam video. Fructus enim utilitatis ex eo perceptæ, cum habitatio duntaxat, vel annua pensio sexaginta aureorum suppeditetur, tantus esse nequit, ut expetendus omnibus ideò videatur. Sed nec etiam video, quomodo habeat hæc administratio tantum dignitatis. Quamvis enim veniant in Senatum, communis est ejusmodi honor cum tam multis aliis, ut tantæ amplitudinis esse causa præcipua non debeat. Unum est tantummodò, quod magnificiendum existimarim, in Concilium Decem-Virum adscribi, quemadmodum ostendisti; sed tamen id novem duntaxat impertiri solet, quos etiam ætate partaque existimatione antecellere par est opinari.

*Trypho*. Rectè ais, idque monere institueram, sed memoria excidit. Quod verò spectat ad Magistratus autoritatem, nec non dignitatem, crediderim, acceptas illis referendum esse, qui sunt insigniti hoc honore, perfunctique hoc munere. Iis enim mandari consuevit vel ad hoc usque tempus, qui cum prudentia, tum probitate celeberrimi sunt. Quo fit, ut primarios viros ex Patriciis nostris hac dignitate ornari perpetuo contigerit, proptereaque etiam ex ordine procuratorio fuisse, quicunque ascenderunt ad summum apicem Reipublicæ. Nam sæpe numero ita evenire videtur, ut artes, atque scientiæ aut nobiles habeantur, aut viles, pro eorum conditione, qui ipsas profitentur.

Hactenus recensui, quicquid mihi venit in mentem de Procuratoribus dicere, neque succurrit quicquam aliud, quod narrare valeam. Quare, nisi quid superest, de quo etiam dubites, rationem judiciorum explicare incipiam, ubi certè, quidnam rei sint *Quadraginta-Viralia Collegia*, *Trium-Viratusque Advocatorum*, nec non *Auditorum cum Veterum*, tum *Recentiorum*, & cujusmodi sit *Præfectura Quadraginta-Virum*, & *Collegium Frugibus providendis*, tandemque de *Consiliariis inferioribus*, nonnihil intelliges. Hæc omnia cum sint invicem conjuncta atque colli-

D. Jannotius. G. gata,



gata, propterea simul de omnibus differendum fuerit.

*Ioannes.* Nulla mihi dubitatio residet, aut scrupulus, qui sit evellendus, in iis rebus, quæ pertinent ad Procuratores. Quapropter expecto, ut edisseras, quæ præposuisti; arbitror autem & auditu, & notatu quàm dignissima esse.

*Trypho.* In nostra Civitate tria sunt Concilia, quæ singula complectuntur XL. Patricios viros, ideoque nominantur XL-Viratus. Primò ut aspiciemur ab eo, qui est minima dignitate, nomen est XL-*Viratus Civilis Novus*; hic civilibus causis audiendis vacat, sed externis tantum. Nam id genus provocationis eo deferri solet, quod à sententiis provincialium Magistratuum datur. Alter appellatur XL-*Viratus Civilis Vetus*, qui civilibus causis urbanis operam impendit, urbanorumque Magistratuum sententias omnes, quando provocatum fuerit ab ipsis, aut rescindit, aut sancit. Tertius est *Capitalis XL-Viratus*, quippe qui rei capitali unus est præfectus, urbanaque & externa pariter cognoscit, non à provocatione modo, sed re planè integra, hoc est antequàm judicari ullus Magistratus. Est aliud præterea Concilium<sup>1</sup>, seu Collegium, quod nomen habet à frugibus, ex tam multis Magistratibus coagmentatum, ut duo supra viginti conveniant Patricii viri; quoniam vero ii, qui præfecti sunt frugibus, inter hos censentur, propterea Concilium hoc nuncupatur *Collegium Frugum*.

Quadraginta-Viratus creandi est ejusmodi ratio. Per Majora Comitia XL-Viri eliguntur, qui exegerint omnes trigessimus ætatis suæ annum; nullus enim est capax hujus Magistratus, qui nondum emensus fuerit id curriculum temporis; cæteros autem Magistratus quilibet obtinere potest, simulatque pervenerit ad annum vigesimum quintum. Non absolvitur hæc electio una tantum die; sed octonis diebus, ita ut singulis eorum eligantur quini. Hi XL-Viri primò ingrediuntur ad cognoscendas provocationes externas, quod munus est XL-Viratus Civilis Novi, in quo versantur iudices menses octo; alii quadraginta creantur statim ab eo tempore, qui succedunt primis; illi vero transeunt in Veterem Civilem XL-Viratum, cui dant operam itidem menses octo; & ad extremum evadunt Iudices Capitales, conficiuntque jurisdictionem in tertio XL-Viratu, postquam elapsi fuerint octo menses reliqui; succedunt autem alii prorsus eodem modo.

Singula XL-Viralia Concilia tres *Præfectos* habent seu *Præsides*, & duos *Propræfectos*, qui honor est bimestris. Illi à nobis vocari solent, *Capita Quadraginta-Viratus Civilis Novi*; *Capita Quadraginta-Viratus Civilis Veteris*; & *Capita Quadraginta-Viratus Rerum Capitalium*. Ex his postremi sunt, quos convenire cum Duce, & Consiliariis superius est dictum, & cum iisdem gerere personam *Venete Reipublicæ*.

Hi Præfecti, & etiam Propræfecti hoc pacto eliguntur. Ubi Quadraginta-Viri Civiles Novi creati sunt, qui post octo menses evadunt Veteres Civiles, & post alios octo Iudices Capitales, paucis ante diebus, quàm incant Magistratum, in conspectu Ducis & Consiliariorum, nec non etiam Præfectorum Quadraginta-Virum, qui omnes nomen *Dominatus* apud nos

habent, in altera urna reponuntur quadraginta chirographa singulorum nominibus inscripta; in altera quoque globuli sexdecim aurati inter alios viginti quatuor obductos argento. Permixtis confusisque omnibus de industria quàm maximè, ex urna priori chirographum sortito depromitur, & recitatur id nomen, quod est in eo scriptum. Deinde globulus elicitur ex secunda, qui si est ex argento nihil obtinet ille, cujus nomine fuit elicitus; sin ex auro, unus habetur ex Præfectis XL-Virum binis primis mensibus; alter, extremusque Præfectus non alia ratione colliguntur. Ad proximos binos omnes quoque instituuntur eodem tempore atque modo tres alii Præfecti; sic etiam alii, atque alii tertio, & quarto loco, ut futuri sint omnes numero bis seni. Post hæc tam diu chirographa pergunt ex urna sua educere, quoad aurei globuli, qui adhuc sunt reliqui quatuor, depromantur ex altera. Qui sortiti hos fuerint, nominantur *Præfecti pro re nata*, & sunt quatuor numero, quorum partes & officia jamjam explicabo. Simul etiam duo Propræfecti, atque hoc modo creantur. Omnia nomina, quibus nihil obigit, sunt autem quatuor ac viginti, conjiciuntur in urnam. Globuli quoque undecim aurei, argenteis tredecim permixti, demittuntur in alteram. Singula deinde chirographa extrahuntur, singulique globuli. Quorum nomina incidunt in aureos, hi sunt Propræfecti, primum par ad duos primos menses, alterum ad duos proximos; ita tertium, & quartum. Tres autem ultimi sunt pro re nata Propræfecti. Quapropter eodem tempore unà designantur, qui futuri sunt cum Præfecti, tum Propræfecti tam binis primis mensibus, quam reliquis, usque ad octo deinceps.

Quibuscunque obtigerit in Quadraginta-Viratu Civili Novo, ut instituuntur Præfecti atque Propræfecti, sive sollemnes, sive pro re nata, retinent eundem gradum in Quadraginta-Viratu altero ac extremo. Siquidem, ut diximus, Quadraginta-Viri Civiles Novi, octo mensibus exactis, evadunt Quadraginta-Viri Civiles Veteres, & post alios menses octo, Quadraginta-Viri Capitales. Sedent igitur ii, qui dicuntur *Capita Quadraginta-Viratus Civilis Novi*, in honestissimo ejus Concilii loco, cujus sunt tanquam Præsides. Autoritatem verò habent statuendi de forma judicii, tollendique omnem controversiam atque contentionem de causæ agendæ ratione, si qua oriatur; ut, exempli gratia, si veniret in disceptationem; Utrum hæc illi causæ prævertenda esset, an hæc, & illa scripta essent recitanda, & cætera id genus. Præcipuæ tandem eorum partes sunt, iis, qui controversias habent, legitimo tempore atque ordine copiam facere Concilii. Quapropter summo mane singulis diebus, antequam Quadraginta-Viri confideant, ipsi præveniunt, ut ejusmodi controversias audiant, atque dirimant. Propræfecti quidem idcirco instituti sunt, quod si quis ex Præfectis recusaretur ut Iudex parum æquus, & addictus alterutri ex partibus, sive necessitudinis, sive alterius cujusque rei gratiâ, qui subiret ejus locum, iudex minimè deesset. Pro re nata creantur adhuc Præfecti, ut in promptu sit, qui succedat, si quis Præfectus obtineat, atque incat alium Magistratum: semper

<sup>1</sup>. Est aliud præterea Concilium,] Concilium Frugum nihil in præsentia judicat aut definit, præter ea, quæ ad fruges ipsas, & rei præsertim *frumentaria* copiam maximè spectant: sed in ejus locum Viginti-Virum, & Duodecim-Virum Collegia suffecta sunt, quæ eodem planè ordine & ratione cau-

sas audiunt, quibus Quadragesima-viralia Concilia: sed quæ ec. nummorum summam non excedunt, à Duodecimo-virali; quæ vero superant usque ad D. nummos, à Vigesimo-virali Collegio terminantur.



per enim alium capere, si libet, sed eo, quem gerit, deposito, cuique licet. Quod si usu veniret, ut Præfecti solemnes fierent omnes, qui erant pro re nata, & tamen adhuc esset opus alio; tunc res ad sortem revocatur, ac unus ex iis debet eligi, quibus in sortitione prima nihil obigit. Eadem ratione si Propræfectus abiret suo Magistratu, ut gereret alterum, qui Propræfectus erat pro re nata in ejus locum succedit. Et si aliquis ex his desideraretur, fieret id, quod diximus, de Præfectis pro renata. Sed postquam octo menses fuerint elapsi, Quadraginta-Viri Civiles Novi transeunt in locum Quadraginta-Virum Civilium Veterum, & alii Quadraginta-Viri recens creantur futuri iudices in Quadraginta-Viratu Civili Novo. Quicumque igitur primo, secundo, tertio, & quarto loco Præfecti, sive Propræfecti per duos menses fuerant in Quadraginta-Viratu Civili Novo, eodem planè ordine, atque eadem autoritate sunt in altero proximo Quadraginta-Viratu. Porro mensibus octo itidem transactis hi, qui erant Quadraginta-Viri Civiles Veteres, evadunt Quadraginta-Viri Capitaes, nec non Quadraginta-Viri Civiles Novi, postmodo fiunt Veteres, & alii Quadraginta-Viri Novi sunt creandi. Qui erant in Veterum Præfecti atque Propræfecti, sunt adhuc eodem ordine Quadraginta-Virum Capitalium. Sed hoc tantum interest, quod horum Præfecti non in Concilio, sed cum Duce, Consiliariisque sedent, quod superius exposui. In eorum autem loco sedent inter Iudices Capitaes tres *Consilarii*, qui dicuntur *Inferiores*, unà cum tribus iis Præfectis, qui succedunt proximis mensibus, ex quibus unus quidem supra, alii verò duo confident infra ipsos, sed non semper iidem; nam singulis hebdomadibus sedes permutantur, vicissimque locum superiorem tres illi obtinent. Quapropter Præsidium loco sunt in Quadraginta-Viratu ipsi Consilarii, unà cum Præfectis autoritate legum referendarum, ut dicemus, præditi.

Adhæc in Comitibus creantur tres Magistratus, qui causas omnes præferunt ad Quadraginta-Viros, singuli verò ad id Consilium, quod sibi est attributum. Primus continet *Trium-Viros Advocatores* Reipublicæ, à quibus causæ perferuntur ad Quadraginta-Viros Capitaes; Alter *Trium-Viros Auditores Veteres*, qui causas ad Civile Concilium Vetus afferunt urbanas; Tertius *Trium-Viros Auditores Recentiores*, qui externas inferunt in Novum Quadraginta-Viratum. Sanè Trium-Virum Advocatorum Magistratus maxima est autoritate in nostra Republica, & non nisi viris conceditur, qui & matura ætate, & probitate, & prudentia spectabiles habeantur. Præcipua cura ipsi incumbit, ut leges non violentur; quapropter in judiciis reo semper adversatur. Si quis autem in civili disceptatione causâ cecidit, tam actor, quam reus, & sententia lata est à provinciali Magistratu, nimirum, vel à Præto, vel à Præfecto, qui mittuntur ad urbes, atque oppida regenda *Venetæ* ditionis: hic Auditores recentiores adire potest, eosque omnibus iis argumentis, quæ sunt idonea fidei faciendæ edocere potest, de injuria quam existimat sibi illatâ. Agitur verò causa partium apud hos Auditores, quomodo acta fuit ad priorem iudicem, proferunturque eadem tabulæ atque scripta, eadem testimonia, quoad saltem unus, si non simul omnes, intercedere statuat: intercessio ipsa refertur in publicum codicem.

Ubi lis æstimatur majoris, quam trecentis aureis, causa perferenda est ad XL-Viros Civiles Novos; & qui reus erat ante iudicem priorem,

A siquidem provocet ipse, hic evadit actor; alter ex actore fit reus, tametsi neuter eorum nomen suum mutat. Nam qui reus erat initio, vocatur adhuc reus, atque ita etiam actor. Sed quando Auditores intercedunt, notari debet ab iis bimestre spatium non amplius concedi provocanti, intra quod si copia non fiat eidem Concilii aliqua de causa, futurum ut adversarius conetur exequi sententiam iudicis prioris. Quapropter is, qui ab Auditoribus obtinuit, ut intercederetur, ubi animadvertit se Concilium consequi non posse intra tempus sibi præfinitum, confugit ad Præfectos Quadraginta-Virum, ut de intercessione proferenda Concilium consulant, à quo uno id præstari potest, & præterea à nemine. Atque ita demum prorogatur intercessio ad duos alios menses; & etiam si contingeret hoc tempus elabi non audita causa, potest eodem modo impetrari alia prorogatio, atque alia.

Sed quemadmodum causæ tractantur in hoc Concilio, planius ut intelligas, hæc præterea dico, Reum, nempe illum, de quo præjudicia sunt facta ab altero iudice, simulatque ab Auditoribus impetraverit intercessionem, contendere ad Præfectos Quadraginta-Virum, ut fiat copia Concilii. A quibus certè fit, modò aliæ causæ, quæ præcedant, non sint impedimento; aliòquin facere recusant, comperendinantque ad triduum, neque enim possunt ultra hoc tempus, quod omnium longissimum atque summum est, quod audiendis causis tribuant Quadraginta-Viri. Sed ubi demum Concilii copia facta est, adhibitis iis patronis, quos libet, eodem procedit, & jubet eos pro se verba facere, aut ipsemet verba facit. Actor etiam, nempe ille, secundum quem pronunciata fuit altera sententia, aut ipse causam agit, si mavult, aut causidicos adhibet, sed nullus est, quin causidicos adhibere malit. Præstant eam operam, aut cives, aut viri nobiles, qui profitentur hanc facultatem cum tuendi, tum accusandi, mercedis causâ, prout vel à reis producantur, vel ab actoribus. *Advocati* ut juris periti sint, minimè requiruntur, nec etiam, ut illi facultati unquam operam dederint. Satis est, ut in decretis atque sanctionibus Reipublicæ sint egregiè versati. Scias autem velim, antiquissima quadam lege cautum fuisse, ne quis habeat orationem ad Magistratum, qui non sit vir Patricius. Ideoque ejusmodi Advocatos in Comitibus xxiv. instituti, ex his tantum quatuor iis Curiis, quæ sunt apud *Rivum altum*; iis verò, quæ sunt in ipso Ducario, cæteros attribui. Si quis alteri litem intendit, aut in ipsum infertur, necesse est, ut alicujus opera ex ipsis utatur, & certam quandam mercedem eidem persolvat. Necessitas autem huic vicissim imponitur, ut pro eo diligenter causam agat, à quo mercedem accepit. Sed ejusmodi consuetudo in præsentia admodum non tenet. Nam quamvis adhuc in more sit Advocatos creare; perpauca tamen causis agendis vacant, utilitatis, quam tamen percipiunt, fructibus contenti: solet enim mandari hoc munus ferè tantum junioribus. His igitur opibus destituti, qui habent controversias, ad aliorum patrocinium necessariò confugiunt.

F Atque ita cum magna sit paucitas eorum, qui profiteri velint hanc artem, ex patricio genere, permessa est aliis ea cura, contra quam lex præcipiebat. Sed ut ad rem institutam, locus, ex quo verba faciunt Advocati, satis eminens est. Ad pedes Notarius adest Quadraginta-Virum, qui præ manibus tenet eas tabulas, quæ sunt exhibendæ, frequenter verò inter orandum recitare jubetur aliud atque aliud caput, hoc aut illud scriptum. Singulis partibus ad causam di-



cendum præfinitum est certum sesqui-horæ spatium, excepto eo tempore, quod recitandis tabulis atque scriptis datur. Quapropter interea dum loquitur Advocatus, stat horologium, in quo arena defluit; inclinatur autem in laus, dum Notarius legit, ne quid ex constituto tempore depereat. Ubi repetitur oratio, de integro erigitur, ut magna quædam similitudo his nostratibus Advocatis cum antiquis *Romanorum* Oratoribus intercedere videatur. Posteaquam singulæ partes allegarunt sua jura, & nihil aliud superest, quàm ut feratur sententia, ex Quadraginta-Viris unus natu quidem minimus singulis iudicibus ejusmodi sacramentum defert, sic eum iudicatum, ut recta conscientia persuaserit. Exinde suffragia adhibentur ferendæ sententiæ, quæ colliguntur in tribus loculis, una coagmentatis. Quicunque priorem sententiam rescindunt, inferunt in primum: in proximum, quicunque comprobant, quod *Laudare* nos dicimus. Quibus nondum liquet, hi *Non sinceri* appellantur, & in extremum loculum deiciunt globulum, quem habent. Si plures numero sunt eorum, qui laudant, quàm qui rescindunt, neutroque inclinant suffragia; causa tunc est peracta, lataque est contra reum, hoc est eum, qui provocavit, sententia. Quod si ea, quæ rescindunt, superant alia duo conjuncta; tunc intelligitur sententia prior nullius esse roboris, rediturque ad eundem iudicem, si libet ab eo, qui gravem rem ducit. Nam Quadraginta-Viri nihil aliud, nisi quod prioris iudicis ipsam sententiam antiquant, aut irritam faciunt. Fieri autem posset, ut non-nihil æqui contineret ejus postulatio, secundum quem lata fuerat altera sententia. Quapropter ut obtineat, si quid esset æqui, potest iterum venire ad eundem iudicem, novaque afferre postulata, & eodem planè ordine, lite ac iudicio persequi. Veruntamen si nulla pars alias utraque superat, hoc etiam altero iudicio res non definitur; proinde de integro causam agere oportebit, non alio quidem ordine, quàm fuit explicatum. In hoc autem iudicio, quod est tertium, non habenda est ratio eorum, qui *Non sinceri* vocantur. Quibus enim bis audita causa, tamen nondum liquet, pro certo existimari potest, fore ut amplius non liqueat. Quare spectatur eorum numerus modo, qui probant aut improbant, causaque demum obtinetur per eos, utri superaverint. Hac itaque ratione plurimum tribus continuatis iudiciis causa, cujuscunque generis ea fuerit, expediri solet. Antea spectare consueverat adhuc in tertio iudicio, si quibus etiam non liqueret; atque ideo non superante una reliquis duas partes, nihil eo iudicio decretum existimabatur, & opus erat orationem dictam iterare, eodem quidem ordine, sed ad multo plures iudices. Accedebant enim Quadraginta-Viri Capitales. Sed eo tempore, quod notari debet, Quadraginta-Viri Civiles Novi nulli adhuc erant. Quare quicquid per eos nunc administratur, id administrari per Veteres olim consueverat. Illud quoque prætereundum minime fuerit, ea die, qua prima iudicium inchoatur, nihil aliud agi, nisi quod ipsa causa breviter proponitur; hoc est breviter ostenditur, cujuscunque sit ea res, de qua est disceptandum, nullaue alia re audita itur in suffragia (vernacula nostra lingua, *Ballottæ* nomine utitur, idque etiam ego dum loquerer *Heiruscè*, toties usurpavi, ut existimem in numerum *Heiruscorum* jam receptum esse, donatumque ipsa civitate uti novum civem) sed unusquisque globulum eò injicit, quo solent ii, quibus res nondum liquet. Reliquis diebus Advocati orationem habent pro suis

A quisque partibus, & eo, quo dictum est ordine, cætera procedunt. Postremo iudicio, quod prætermitti non debet, utrisque non semel tantum verba facere, sed quotiescunque libet, toties etiam licet, dummodo sesqui-hora non præterlabatur ad singulos cives, eademque die sententia plane terminetur. Quare interdum usu venit, ut partibus, orationem sæpius iterantibus, totoque matutino tempore consumpto, necessarium sit terminandi iudicii causâ, ut XL-Viri convenient rursus post meridiem.

B Si litis æstimatio quinquaginta quidem excedit, sed non aureos trecentos, admissa provocatio per Auditores pertinere intelligitur ad *Collegium Frugum* ea de causâ institutum, ut ab aureis quinquaginta usque ad trecentos omnes causas, tam externas, quam urbanas tandem definiat. Alternis porro mensibus, eas vicissim audit, & res aguntur eadem ratione atque ordine, quo apud Quadraginta-Viros, nullo intercedente discrimine, nisi quod oritur à numero. Si quidem Collegium Frugum constitutum est ex iudicibus viginti duobus, cum bis viginti contineat Quadraginta-Viratus.

C Quod si lis fuerit infra quinquaginta aureos, neque ad Collegium Frugum, neque ad Quadraginta-Viros deferretur, sed *Auditores* ipsi pro sua potestate minimis hisce causis finem tunc imponunt, quandocunque tres simul, hoc est omnes conveniunt; aliòquin aliud iudicium convocari solet, si altera pars petat ex tribus Magistratibus coagmentatum, nimirum ex Auditoribus cum Veteribus, tum Novis, & ex iis, quos vocamus *Cataveres*; omnes autem collecti sunt novem iudices, ex quibus minimè septem adesse oportet, si sententia est ferenda, alias non fertur. Est autem rata ea sententia, quæ superat dimidiam partem suffragiorum. Veruntamen si tres Auditores simul, omnes nempe consentiunt, opus est, ut æquo animo rem ferat is, qui causâ cecidit.

D Atqui scire id oportet, si fortasse contingat, ut ne unus quidem ex Auditoribus velit intercedere, duobus mensibus elapsis, qui petit id, huic licere ad Quadraginta-Viros ita demum accedere, si deponat eam pecuniæ summam, quæ Auditori persolvitur. Solet autem æstimata lite pro centenis quibusque aureis certum quid ei persolvi, dum tamen intercedat. Eo non intercedente, ubi provocatio datur, pertinet id pecuniæ genus ad ærarium publicum. Nihil autem obtineri potest, nisi ea pecunia deposita fuerit, ac duo menses elapsi. Enimvero si controversia fuerit inter cives, hoc est urbana, qui provocare intendit, Auditores Veteres petit, à quibus quandocunque provocatio admittitur, aut imponitur liti finis, si minoris ea ducitur aureis quinquaginta; aut alterutro debet introduci, à quinquaginta ad trecentos aureos, in Collegium Frugum supra trecentos ad XL-Viratum Veterem Civilem, non alia ratione, quàm fieri diximus ad Novum.

E Verum *Capitalis* de rebus omnibus cum urbanis, tum externis pariter cognoscit, neque modò causas & crimina delata ex provocatione, sed etiam ea, de quibus nullum præiudicium est factum. Nam quæstiones universæ maleficiorum constitutæ sunt de more in hoc ipso Concilio, præterquam furti simplicis, cædisque non certo consilio factæ, quæ pertinent ad Trium-Viros Nocturnos; vulnere quoque in alia parte, quàm in facie: hæc enim à Quinque-Viris Paci permitti solent.

F Quicunque igitur provocare instituit ab aliquo Magistratu, vel urbano, vel provinciali, con-



confugit ad Trium-Viros Advocatores, qui diligenter animadversa causa, & re probè inspecta, an sit intercedendum, maturè deliberant; si visa fuerit intercessio non impertienda, omnesque pariter convenient in hac sententia, remedium aliud nullum superest, quàm alios Advocatores præstolari. Sin autem intercessioni locus fuerit, qui satis est, ut ab uno eorum præbeatur, eodem ordine atque ratione omnes res procedunt, sicut in cæteris Conciliis Quadraginta-viralibus, non alio discrimine, quàm quod in illis Auditores Veteres ac Novi, postquam intercesserunt, nihil aliud curant, partesque ipsæ accedunt ad Quadraginta-Viros, adhibitis patronis sive causidicis. In hoc autem Trium-Viri Advocatores non solum intercedendo provocaciones admittunt, sed etiam patroni munere funguntur ad XL-Viros, causa per eos introducta. Qui verò provocavit, si reus erat, fit actor, tametsi non alio, quàm rei nomine vocetur. Patrocinantur autem ipsi, vel omnes Advocatores, aut certe ille unus, qui decrevit intercessionem: sed qui apud priorem iudicem fuerat actor, hic mutatus in reum, quamvis actor maneat revera atque ita nominetur, aut ipse suam causam agit, aut adhibet Advocatos, quod in binis aliis XL-Virum Conciliis fieri solet, idem quoque hic peragitur, atque eodem modo, quoad sententia feratur, aut secundum, aut adversus reum: illud, ubi ea rescinditur, fieri solet; hoc, ubi comprobatur sententia iudicis prioris; ad hunc tamen redire non amplius licet, quemadmodum in civilibus causis evenire solet, quandoquidem statuunt ipsi XL-Viri, an reus plectendus sit, & qua ratione plectendus. Res autem hoc modo procedit. Advocatores, ubi fuerit antiquata sententia, quam prior iudex tulit, referunt ad Concilium ea de re, utrùm reus aliqua poena dignus videatur. Si per plures obtineat, ut impunitus discedat, eo ipso censetur statim absolutus. Veruntamen si plurium suffragatione affectus non fuerit impunitatem, Advocatores, Consilarii inferiores, & Præfecti Concilii sententiam rogant (præter hos autem nullus alius rogare potest) qua poena videatur ille afficiendus. Potest quidem fieri, ut omnes in eadem sententia convenient; sed quandoque habent varias discrepantesque sententias: nam singulis referre de poena pro suo arbitrio datur. Pro singulis itaque sententiis colliguntur suffragia, eaque sancitur, in quam propenderint suffragia majoris partis, atque ita prout eadem jubet, reus poenam subit. Nonnunquam contingit, ut aliquis injustè damnetur à Magistratu, quo post provocationem absoluto, ejus injustitiæ poenas nullus sit, qui pendat: hoc enim in Magistratu ipso certum ponitur, erroris causam præbuisse non malitiam ullam, sed vel opinionem, vel rei fortè culpam. Præterea verò integrum est ipsi Magistratui, qua ratione cæteri se defendunt, suum iudicium tueri. Quod si contigerit hominem condemnatum fuisse propter falsum testimonium, quod aliquis dixerit, aut aliam accusatoris fraudem, quæ Magistratum induxerit; puniri solent illi testes, atque accusatores ea ratione, qua dictum est, dummodo sistuntur; alioqui publica voce præconis evocati citantur, quod à nobis *stridare* vulgo dici solet, hoc est certum tempus definire, quo se sistere debeant. Intra hoc nisi se sistant, legitime damnari solent, hoc est bona publicantur, ipsi verò multantur exilio, tandemque afficiuntur iis poenis, quas ipsæ leges statuerint in reos contumaces; hoc autem modo cum omnibus agitur, qui se non sistunt citati. Sed multa pertinent ad hæc iudicia singulari ratione, quæ in præ-

A sentia mihi satis minimè succurrunt. Ne graveris quæso tu interrogare, si quid habes minus perspectum.

*Ioannes.* Nisi tibi grave accadat respondere, mihi quidem gratissimum fuerit percunctari. Cedo igitur, si quis provocat à provincialibus Magistratibus, qui adesse nequeunt, ut suam sententiam tueantur, quonam modo res transigitur?

B *Trypho.* Hac ratione: aut ipsa controversia est inter actorem; & reum, ut si quis de illata vi postulatus condemnaretur; aut inter Magistratum, & eundem reum quemadmodum sæpenu-  
mero fieri solet, ut dentur occulta iudicia, quibus à iudice maleficii reus peragatur. In priori non est, quod Magistratus ipse laboret de sententia tuenda, cum ad illum spectet, secundum quem lata fuit. In altera controversia, si reus provocat, Magistratus verò ipse constituit adesse, expectandum erit, donec jurisdictionem conficiat, ut tunc demum adfit. Quod si adesse negligat, permittere potest, ut Quadraginta-Viri videant, statuuntque quid juris, atque ita causa transigi potest atque terminari. Hoc autem quod dixi, commune est omnibus causis, in quibus agitur res capitis, aut etiam civilis.

C *Ioannes.* Gedo adhuc; quando Magistratus illi, qui sunt in provincia, sententiam tulerint contra aliquem egestate afflictum; nam controversiæ non minus inter pauperes, quàm inter locupletes oriuntur, facinora quoque cum ab his, tum ab illis æquè perpetrantur; sed tamen pauperibus, quia sumptus sustinere non possunt, non suppetit ea facultas, ut *Venetias* petant, siue causæ civiles fuerint, siue capitales, quia sermo est pariter de omnibus; habetisne igitur aliquid hac de re constitutum, quo liceat illis obtinere jus suum, quibus inopia moram infert atque impedimentum?

D *Trypho.* Maximè verò; neque est, quod ipse putes, Majores nostros huic rei minimè succurrisse, cui succurrendum maximè fuerat, si cuivis alii. Nam multis partibus sunt plures egeni, quàm divites, id quod omnes norunt; sicut autem majorem numerum conflant, ita minus ambitionis morbo laborant. Quamobrem si datur ipsis tranquillè vivere à nemine oppressis, in eo plane acquiescunt neque turbas excitant; quo fit, ut ii, qui student novis rebus, ambitione adducti quiescere cogantur, dum cernunt illos quiescentes. Quod si contra fiat, atque inopes malè accipiantur, oritur inde seges magna seditionum, plurimumque tumultus consequuntur, ubi ansa præbetur, nisi eorum, qui præsumunt, vigilantia citò hæc mala sedentur. Argumento id est, quod civitates invadere statuentes, summi belli Duces potissimum in eam spem sunt erecti, ex eo quod viderent, populos malè acceptos non probè in suum Principem animatos esse. Prudenter itaque Majores nostri operam dederunt, ut non minus pauperibus, quàm divitibus per leges ipsas liceret suum jus obtinere. Sanxerunt enim, ut Trium-Viri Auditores Novi ditionem *Venetam* universam in Continente biennio quoque lustrantes peragrarent, & commorarentur ubique locorum aliquantisper, ut si quis esset, qui ad eos provocandi gratiâ conferre se non potuisset *Venetias* usque, is ejusmodi facultate minimè careat. Dant igitur operam Auditores omnibus iis causis, quæ ad ipsos delatæ fuerint, tam capitalibus, quàm civilibus audiendis, ex quibus omnibus eæ literis consignantur, quæ saltem uni, si non pluribus visæ fuerint cum æquitate, & iustitia conjunctæ. *Venetias* reversi referunt ad Quadraginta-Viros ea ratione, quæ est dictum, ad Capitales, quæ-



cunque capitis censentur; res autem alterius generis ad Civiles Novos. Quo fit, ut non solum Trium-Viri Advocatores, sed etiam Auditores Novi in Capitali Quadraginta-Viratu causas persequantur, sed non alias præter has, quas modo recensui. Et quia nimis longum atque etiam operosum esset, Auditores obire provincias maritimas, quadriennio quoque mosest creare Duum-viros, qui *Syndici Maritimi* à nobis appellari solent, ut oppida & urbes, cunctaque adeo loca perlustrent, quæ in *Dalmatia*, in *Illyrico*, atque in *Græcia* obtinet Respublica, præstaturi eadem, quæ Auditores in Continenti, relaturi quoque post reditum ad Quadraginta-Viros vel Capitales, vel Civiles Novos, prout causæ exegerint, quas quidem agunt non secus, quam Advocatores. Itaque Syndici causam pro reo dicunt; contraria pars adhibet Advocos, ut dixi, aut ipsa pro se verba facit. Eas verò causas, quæ intercedunt reo cum Magistratu, antequam jurisdictio conficiatur, agere non licet, nisi Magistratus ipse assentiatur, quod superius monui.

*Ioannes.* Hæ controversiæ, quæ oriuntur ex provocationibus, possuntne ab aliis cognosci, quàm à Quadraginta-Visis?

*Trypho.* Possunt, sed non omnes. Nam de civilibus Senatus cognoscere potest, non item de aliis. Quænam verò sit ratio cognoscendi, jam intelliges,

*Ioannes.* Ad Quadraginta-vitalia Concilia spectantne aliæ causæ, præter eas, quæ deferuntur ex provocationibus?

*Trypho.* Utique spectant, sed non ad alia, nisi ad Capitale, quod etiam cognoscit, atque statuit de re adhuc integra, quemadmodum solet prior iudex, ut superius dixi: exempli gratia; si quis vitæ, aut fortunarum, aut existimationis discrimen, sive detrimentum aliquod subierit, licet huic pergere ad ipsos Advocatores, & adversarium eorum criminum postulare. Causa verò suscepta per eos agitur, ut exposui superius. Multa præterea in hoc Quadraginta-vitali Concilio pertractari solent, quæ suscipiuntur ab Advocatoribus Collegio iubente; ratio verò est huiusmodi: fieri posset, ut aliquis ex iis, qui maritimis rebus præfecti sunt, aut Legatus in castris, aut Orator apud Principes, aut quilibet alius Magistratus non obiret publicum munus ex præscripto, atque ex formula. Hæc ubi comperta fuerint ex literis aliisque nuntiis, quos de more venire omnes in Collegium paulò ante admonui, licet unicuique eorum, qui interfunt, adversus ipsum sententiam dicere, nec non referre ad collegas alios de eadem. Si quis autem ita ferat, velintne Magistratum non solum abrogari, verum etiam illi mandari, ut se Advocatoribus tradat, & permittat; idque sancitum fuerit in Rogatorum Concilio, prout explicavi, aut etiam in Concilio Decem-Virum (siquidem rata sunt ab alterutro comprobata, & iusta) reo tunc imponitur ea necessitas, ut se Advocatoribus sistat, à quibus oppugnari debet non secus ac nocens: causa vero agitur ea planè ratione, atque ordine, quo supra memoravi, aut in Concilio Quadraginta-Virum, aut in Senatu, aut etiam in Majoribus Comitibus, pro Advocatorum arbitrio, à quibus iussu Collegii suscepta res fuerit. Eiusmodi sanè causa erat *Angeli Trivisani*, qui post acceptam cladem in *Pado* à *Ferrarie* Duce negligentia reus factus est, accusatusque ab Advocatoribus ex autoritate Collegii, imò verò eorum, qui Reipublicæ præsident (hoc enim rectè dici potest) poenas quoque dedit. Non dissimilis fuit causa Ducis *Lauredani*, de qua supra memini; neque verò illa Ducis

*Antonii Grimani*, sed non paucis antè annis, quàm perveniret ad eam summam dignitatem. Hic Imperator ornatissimæ classis adversus *Turcas* in crimen vocatus est, quod cum hoste manum conferere noluisse, eoque inspectante amissa *Naupactus* esset. Utraque verò causa cum propter objecta crimina, quæ levia non erant, tum propter eorum, quorum nomina delata fuerant, summam dignitatem, rejecta fuit ab ipsis Advocatoribus ad Majora Comitia.

*Ioannes.* Nondum certè dixisti, quisnam ferre valeat ad Majora Comitia, aut ad Rogatorum Concilium, quandocunque ejus generis causæ inibi tractantur.

*Trypho.* Ita est, sed nihil tibi omnino deperit: nunc enim ad hæc omnia explicanda ingredior. Ad ea Concilia, quæ commemorantur abs te, Advocatores, aut eorum loco Auditores Novi, Syndicique Maritimi, quorum autoritas est in causis provincialibus, Dux etiam, & Consiliarii, & Præfecti Quadraginta-Virum, de poena, quæ sumi debet, jus habent ferendi. Cæteris omnibus, quocunque in Concilio res agatur, in aliquam sententiam ex his discedendum fuerit.

*Ioannes.* Quando contigerit aliquem comprehendere, atque in manu esse, ut quæstiones de ipso sint habendæ, vel tormentis, vel alia ratione, quodnam genus instituti atque juris apud vos est?

*Trypho.* Præclarum sanè, atque ejusmodi, ut nihil eo melius opinor, queat excogitari. Ubi res & causa delata fuerit ad Trium-Viros Advocatores, sive integra, quemadmodum fieri solet in priori iudicio, sive ex provocatione, sive ex autoritate Collegii, accuratè res ab iisdem expendi solet, suisque ponderibus atque momentis examinari. Si fuerit gravis atque ejusmodi, ut existimandum sit, aliquod periculum imminere, nisi celeriter & quam occultè res ea peragatur, jus est ipsis per se jubendi, ut comprehendatur reus, sed non jus, eum in custodia retinendi amplius quàm triduum. Cum autem quæstionem de homine oporteat habere, petendi sunt Quadraginta-Viri exposita causa, ut quoad ipsa probè cognita fuerit, ac dijudicata, per eos potestas fiat hominis retinendi, nec non in ipsa quæstione tormenta admovendi. Quæ sanè potestas fieri solet, modò assentiatur major pars Quadraginta-Virum. Veruntamen si causa tanti momenti non fuerit, ut opus esse videatur tam magna celeritate, ac silentio, solent Advocatores petere à Quadraginta-Visis, ut liceat sibi reum comprehendere; qua facultate impetrata non requiritur amplius alia, ut quem comprehenderint, retinere possint: sufficit enim jus prehensionis datum, assentientibus Quadraginta-Visis ex majori parte. Fit exinde potestas quæstionis habendæ, quæ facta potestate comprehendendi sive retinendi, negari non solet. Quæstionibus præest Collegium quoddam, quod constitutum est ex duobus Consiliariis Inferioribus, totidemque ex Judicibus Nocturnis, atque ex uno Præfecto Quadraginta-Virum, & ex uno Advocatore, qui coram omnibus à reo quærit. Is autem si causam suam tueri conatur, rationes & argumenta undique conquirat, testes quoque cæteraque omnia, quibus innocentiam suam comprobare possit. Tunc autem, si quatuor è Collegio saltem id censeant, admoventur tormenta, ut sensus doloris atque cruciatus ab eodem exprimat, quod proposito solum metu tacere constituit. Habita vero quæstio per unum à Secretis refertur in codicem, & promulgatur ex more; nimirum copia fit illius cum patronis rei, tum



tum Advocatis etiam pro contraria parte, si qua modo est, tandemque omnibus, qui cupiant legere, aut videre. Postea reditur ad ipsos Quadragenta-Viros, & eo, quo diximus ordine, cuncta peraguntur. Advocatores ipsi reum quam acerrimè oppugnant, qui vicissim adhibet Advocatos, ut suam causam orent, alteroque, vel summum tertio iudicio, ad extremum aut absolvitur, aut condemnatur. Post damnationem vero poena definitur, quam pendere debeat, ex Advocatorum sententia, vel certè Consiliariorum Inferiorum, vel Præfectorum Quadragenta-Virum, qui cum illis confident, ut necessario sit ea poena subeunda reo, quam maxima suffragiorum pars constituerit.

*Ioannes.* Si contingat, à Quadragenta-Viris minimè dari jus comprehendendi, aut etiam retinendi, quando iubentibus Advocatoribus reus datus in custodiam fuerit, quid tunc agi solet?

*Trypho.* Si Quadragenta-Viri non tribuant jus prehensionis, gravius quicquam de reo consuli non potest: alterutrum enim poni necessario debet, aut hominem in nulla re quicquam nocuisse, aut non ejusmodi, quæ digna sint animadversione tanti Concilii, sed ad Magistratus Minores de jure spectent, nimirum vel ad Trium-Viros Nocturnos, vel ad Quinque-Viros Pacis. Eadem ratione, si quispiam in custodiam tradatur, quem retinere per Quadragenta-Viros non liceat, restitutus in integrum, atque liberabit, inhibito Advocatore, nequid ultra pergat.

*Ioannes.* Prout singula mihi occurrunt, dubitationemque identidem afferunt, sic in iis percurrationes varias interpono, ut mirum non sit, si nonnunquam complector ea, quæ non satis inter se coherant. Cum igitur fines Imperii, ditionisque vestræ satis latè patere sciam cum terra, tum mari, nec non satis amplam, & frequentem esse Urbem, tanti imperii sedem, existimo necessario fieri, ut magni concursus fiant ad Judicum tribunalia. Quapropter explicari mihi, atque edisseri cupio, quisnam ordo, & quænam ratio soleat adhiberi, ut citra perturbationem res expediantur.

*Trypho.* Ratio, & ordo ejusmodi est: Causæ omnes, verbi gratiâ, delatæ ad Advocatores, per unum à Secretis excipiuntur, literisque mandantur, primo, secundo, tertio loco, ac deinceps, prout singulæ deferuntur. Quo verò ordine sunt exceptæ literisque mandatæ, eodem planè inducuntur in Quadragenta-virale Concilium; nec alius ordo in secundo, ac tertio iudicio, quam in primo statuitur. *Prærogative* tamen *Privilegium* est certis causis, quæ licet postremæ fuerint, cunctis anteferuntur. Hujusmodi sunt <sup>1</sup> in carcerem conjectorum, sepulturæ, medicinæ, farinæ ex farinaria taberna, mercedis pupillorum, conjunctorumque causæ, utpote si pater in iudicio disceptaret cum filio, aut frater cum fratre; Procuratoriæ tandem, hoc est quæ ad Procuratorum pertinent administrationem. Hæ sunt causæ, quæ cæteras omnes debent antecedere: quæ donatæ fuerint hoc privilegio præter eas, non memini.

*Ioannes.* In quolibet Concilio Quadragenta-virali evenire posse, arbitror, ut extremo iudicio utraque adæquet urna, tam quæ rescindit, quam quæ stabilit aliquam sententiam, ita ut nihil omnino constituatur. Cedo ergò, si quod

A remedium comparatum habetis, ne sententia, cum id evenerit, relinquatur anceps atque incerta.

*Trypho.* Si fortè, quemadmodum ais, neque rescindatur sententia, neque comprobetur, & res civilis agatur, permutantur judicia, succeduntque Concilia Quadragenta-Virum Civilia, alterum in alterius locum. Quod si contigerit aliquid ejusmodi in Collegio Frugum, causæ provinciales atque externæ ad Quadragenta-Viros Novos; urbanæ verò ad Veteres sunt rejiciendæ, orandæque de integro, quemadmodum in Quadragenta-virilibus Conciliis fieri diximus. B Enimverò si paria numero fuerint etiam tunc suffragia, in Majoribus Comitibus lex ea ferri debet, ut Rogatorum Concilium de ipsa re cognoscat. Lege sancitâ causa agitur in Senatu, atque in eo demum terminatur. Atque ita controversiæ ex provocatione delatæ ad Quadragenta-Viros, perveniunt etiam ad Senatum, quam rem antea declarare tibi pollicitus fueram.

Sed tamen ubicunque capitis res agitur, à Quadragenta-Viris toties iterantur suffragia, quoad in alterutram partem denique propendeant. Igitur quæ ad Quadragenta-Viros capitales causæ deferuntur, has oportet ab iisdem expediri omnino. Veruntamen te latere non debet, fieri quoque posse, ut alterutra urna, quæ damnat, & absolvit, plus uno tantum suffragio nihil habeat; quod si accidat, neque rescissa, neque comprobata habetur sententia; ideoque rejicitur ad alios Quadragenta-Viros eadem ratione definienda, quæ fuit jam exposita. Id autem institutum est ob eam rem à majoribus nostris, ne quis ab uno tantum judicaretur: hoc enim existimabant nullo modo consentaneum esse.

*Ioannes.* Est ne tibi aliquid comperto de *Primordiis horum Conciliorum* Quadragenta-viralem, & Advocatorum, & Auditorum Veterum, atque adeo Novorum? Adhæc, quidnam Majoribus vestris Causæ fuerit, ut hos Magistratus instituendos putaverint, atque illa Concilia?

*Trypho.* Dicam tibi, quodcumque mihi est in comperto. *Trium-Viros Advocatores* quidam ferunt institutos esse, cum Dux esset in Republica *Aurius Mastropetrus*, qui creatus est anno MCLXXVIII. *Quadragenta-Viratus Capitalis*, quo tempore fuerit institutus, nunquam intellexi. Videtur hoc verisimile, non aliam fuisse illi originem, quam Advocatoribus, à quibus causæ deferuntur ad Quadragenta-Viros. Sed neque à veritate fuerit alienum; Advocatores aliquanto prius extitisse, & ad Majora Comitia ferre consuevisse, quæ paulo antè, ut disseruimus, instituta fuerant. Postea vero confluentibus causis & multiplicatis, nimis grave ac molestum visum esse, tam frequenter & crebro convocandis Comitibus, à privatis negotiis homines distrahere. Hac de causa eam cogitationem susceptam, tanquam omnium optimam, ut alterum quoddam Concilium institueretur, præficereturque huic potissimum curæ audiendi provocationes. Quamquam multi adhuc Quadragenta-viralis hujus Concilii originem ad superiora tempora, multoque antiquiora solent referre. Sed alii viderint, quænam sententia propius ad veritatem accedat. Antiquitus vacare solebat hoc Concilium tam civilibus, quam capitalibus rebus au-

1. Hujusmodi sunt, &c.] Sunt quoque aliæ causæ, quæ hujusmodi privilegio comprehenduntur, regni scilicet *Cresæ*, propter loci longinquitatem; ejus Magistratus, qui *Superio-*

rum vocatur, ubi de alimentis, aut jure dotium agitur: eæque præ cæteris, quæ propter paria suffragia ab altero Quadragesimo virali Collegio non fuerint terminatæ.



audiendis, de quibus omnibus Advocatores ad ipsum ferebant. Hi verò cum tantum oneris sustinere non possent, multiplicata Civitate, nec non aucto Imperio, cum etiam causæ in dies magis abundarent, propterea *Veteres Auditores* instituti sunt *Andrea Dandolo* Duce, qui creatus est anno MCCCXLI. ut omnes causæ civiles, & urbanæ, & provinciales in Quadraginta-virale Collegium ab ipsis introducerentur. Propagatis autem Imperii finibus in continente, quo tempore Dux erat *Michaël Stenus*, qui creatus est anno MCCCC. adeoque strenuè ac feliciter Republicam gessit, ut in ejus ditionem atque potestatem magna ex parte redegerit, quæcunque in *Gallia Cisalpina* modò tenet oppida; cum itaque permultum causæ crevissent ex hac propagatione, necessarium fuit alios *Auditores* creare, qui Novi, hoc est *Recentiores* nominati sunt, ut introducerent causas civiles provinciales. Et quia tot, tantisque negotiis expediendis satis non erat unus *Quadraginta-Viratus*, institutus fuit is, qui dicitur *Vetus*, ad cognoscendum pariter de causis externis, atque urbanis omnibus, per Auditores Veteres atque Novos introducendis. Contigit hæc institutio temporibus *Francisci Foscarei*, qui creatus est Dux anno MCDXXIII. Temporibus verò tandem nostris *Quadraginta-Viratus Civilis Novus* insuper accessit, cui permixtæ fuerunt provinciales, urbanæ verò causæ Veteri duntaxat relictæ. Antequam Novus Quadraginta-Viratus adhiberetur, ita res se habuerat. Auditores cum Veteres, tum Novi, si quæ lites æstimabantur minoris quàm aureis triginta, has omnes transigere solebant, sed quisque suas. A triginta usque ad aureos trecentos causæ omnes pertinebant ad Collegium Frugum, supra hunc numerum statuebant Veteres Quadraginta-Viri, quos adire oportebat: Auditores autem Veteres urbanas, & provinciales causas Novi introducebant. Hi quoque pariter atque illi, quod notare debes, non solum provocationes admittebant intercedendo; verum etiam se interponebant, atque orabant ad Civiles Quadraginta-Viros, quemadmodum ad Capitales modò solent Advocatores, causas eorum omnium, pro quibus intercessissent. Sed his temporibus nihil aliud præstant Auditores, quàm intercessionem: cætera permittunt, ac relinquunt eorum industriæ, quorum præcipua res atque utilitas agitur. Id, quandoquidem primum mihi nunc occurrit, te celare nolui. Advocatoribus autem res capitales, sicut in præsentia sunt, ita etiam curæ tunc erant, easdemque in Concilium Quadraginta-Virum Capitalium introducebant eadem planè ratione, qua modo solent. Ex his ergo intelligere potes, ex quo Novissimus Quadraginta-Viratus institutus est, haud ita multa immutari contigisse de instituta ratione judiciorum. Cæterum de Collegio Frugum nihil habeo dicere, quod quidem spectet ad initium, atque ejus originem: nunquam enim legisse me recolo, aut ab alio accepisse, quibus temporibus institutum fuerit; non dico de iis Magistratibus, ex quibus constat, verum de re conflata, coagmentataque ex ipsis, cui nomen est hoc tempore Collegium Frugum. Conjecturæ tamen cuidam locus est, aut non multo ante, aut certè paulo post exordium illud habuisse, quàm Vetus Quadraginta-Viratus institutus esset. Veruntamen hac in re diutius non est insistendum, quæ ignorata nihil omnino detrimenti, comperta nihil utilitatis poterit afferre. Hoc unum prætereundum minimè duxi, cum magna sit occupatio in propriis rebus eorum Magistratuum, ex quibus Collegium conflatur, proptereaque difficile ad-

A modum convenire possint nostrates homines; hac re animadversa, ut judicia sint magis expedita, minusque incommodi percipiant ii, qui controversantur, in ea cogitatione diu multumque versari, ut per Majora Comitia Triginta-Viris electis, quemadmodum in omnibus Magistratibus fieri consuevit, ad obeundum hoc ipsum munus Collegii Frugum, præcipuum quoddam Concilium instituatur, quod in nulla alia cura sit occupatum, voceturque *Concilium Triginta-Virum*. Persequentes autem opere id, quod animo cogitant, brevi quoque perfecturos persuasissimum habeo. Hac de re certè monitum propterea te volui, ut nulla caperet admiratio, si quando audires, Collegium Frugum tandem Obsolevisse. Expone, si quid habes præterea, quod quærendum putes.

B *Ioannes*. Dixisti antea, certum quemdam numerum pecuniæ Auditores ab iis, qui controversias haberent, accipere solitos. Recensito mihi nunc accurate ac disertè, quodnam laboris atque industriæ præmium percipere debeant non solum Auditores ipsi Veteres ac Novi, sed etiam Advocatores & præterea Judices, quos equidem arbitror multum laborare in obeundo, ac præstando munere, prout decet.

C *Trypho*. Ut de Auditoribus cum Veteribus, tum Novis primo loco dicam, qui iudicio reputant aliquid hoc est Actores, & urbanos Magistratus cum primum adeunt, quanti res controversa æstimata fuerit, tantum persolvere debent iisdem certo quodam numero pro centenis quibusque aureis definito, ac tributo; nos appellamus *Carattos* id pecuniæ genus, quod etiam ab iis, qui provocant, Auditoribus, dummodo provocationes admittant, præberi solet, ubi tamen Quadraginta-Viri sententiam rescindunt. Quandocunque id contingit, iudices priores, quicquid acceperant pecuniæ ab iis, qui contendebant, restituere coguntur ipsis Auditoribus, qui certè non sunt participes tunc illius lucri, cum sententia fertur à Quadraginta-Viris contra provocantes. Magistratibus autem, qui sunt in provinciis, à contententibus in iudicio quicquam non persolvitur, sed à provocantibus tantum Auditoribus Novis, impetrata nimirum intercessione, rescissaque sententia. Trium-Viris Advocatoribus, præter id stipendium, quod ex ærario publico, sed exiguum ferunt, nonnihil cedit in lucrum ex impositis multis, nec non ex iis rebus, quæ fraudatis portoriis, sive importando, sive exportando fuerint interceptæ; ut, præterquam quod honestissimus est hic Magistratus, non parum fructus quoque afferat & emolumentum. Quadraginta-Viri ex quolibet quadraginta-Viratu, quotiescunque conventus eorum celebratur, tertiam partem aurei nummi singuli lucrantur. Omnes quidem mane de more convenire solent; sed ubi conveniunt à prandio, ex eo quod res ita ferat, XL-Viri Civiles nihil amplius habent; Capitalibus tantum stipendium duplex obtingit. Ad hunc vero quasi calcem spatio decurso (nunc enim in hujus rei memoriam incurro) obitoque triplici Quadraginta-Viratu, & transactis partibus, nemini licet in numero eodem reponi, præterquam octo mensium intervallo; tamdiu reditus intercluditur ad eam petitionem. Cedo modo si quid aliud occurrit.

*Ioannes*. Cujusdam Magistratus Nocturni meministi, ex quo duo cum Collegis cæteris præessent Capitalibus quæstionibus, cum de reis haberentur: sed quis foret hic Magistratus, non exposuisti.

*Trypho*. Non inficior equidem; nam id præter-



termisi, ut non interromperetur narratio, quæ instituta esset. Sex viri Patricii in custodia Urbis collocandi, ex singulis tribubus eligi singuli consueverunt, qui omnes communi nomine vocantur Judices Nocturni, propterea quod nocturna maleficia puniebant olim: sed hac tempestate nonnulla certè, quæ nocte; non pauca tamen, quæ luce palam committuntur, jure suo vindicant; cujusmodi sunt illæ fraudes atque fallaciæ, in quas impellit aut pecuniarum aviditas, aut alii pravi cæcique animorum motus. Cœpit hic Magistratus creari, quo tempore Dux erat in Republica *Marinus Maurocenus*; atque initio duos habuit, quorum alter citra canalem, ut dicimus, hoc est maximum Euripum; alter verò ultra, nocturnas vigilias agebat: his porro quatuor adjecti sunt, Duce *Raynerio Zeno*. Sex tanquam primarii Duces sunt ipsis tributi, qui tot ministros atque satellites sub manu habent, quot necessarii putantur ad præstandam operam. Tres ex his Ducibus unà cum suis cohortibus pernoctant ad Ducarium, & ad *D. Marci* vicinitates & confinia quoque obire soliti. Totidem alii versantur in *Rivo alto*, finitimaque loca itidem perlustrant. Curare debent, ne quid mali accidat in Urbe, ne quis offensionem alicunde accipiat; armatis, quibus intervenerint, arma detrahunt, & quoscunque deprehenderint in facinore, è vestigio comprehendunt, traduntque in custodiam; fontes autem ab ipsis Judicibus Nocturnis judicati plectuntur, ubi delicta pertineant ad eum Magistratum; aliòquin eorum arbitrio permitti debent, qui legitimi sunt Judices ad ea constituti. Sed mei consilii non est, hujus Magistratus, neque alterius cujusque singula persequi. Hanc enim disputationem aggredi nolui, quia longior est, neque id modo, sed etiam quia, cum ab Urbe diu multumque absim, ex usu atque fori consuetudine eam notitiam non habeo, quæ necessaria est ei, qui alterum condocet. Futurum est aliquando, ut *Venetias* adeas; ibi reperire non paucos, & faciliè poteris, qui tibi planè rationem Magistratuum explicent; & si omnes alii defuerint, certè noster *Hieronymus Quirinus* nunquam tibi deerit, vir non minus humanitate atque comitate, quam insigni doctrina & facundia ornatus. Veruntamen si quid habes adhuc ambiguum de judiciis, explica: nam si præterea nihil ambigis, aliqua de Censoribus dicam, quos in extremam narrationem ea de causa rejeci, quod minus pertinere videbantur ad ea, quæ sunt dicta. De his igitur agendum fuerit, modo tu ita censeas.

*Ioannes.* Ego vero censeo, nam rationem judiciorum, quam probè explicasti, ita cognitam perspectamque habere me puto, ut nihil sit relictum, de quo amplius addubitem.

*Trypho.* Bini sunt Censores, qui Magistratus non ita pridem institutus est ad coercendam ambitionem Patriciorum. Antequam vero hi Censores crearentur, Trium-Viris Advocatoribus, & Præfectis Decem-Virum iis, qui sedent in eminentissimo loco Comitiorum, dum Magistratus eligebantur, id erat curæ, ne quis ambitione sua corrumperet jura, eamque Reipublicæ operam sedulo navabant, ut opes, aliaque adjumenta corruptelæ id genus nemini viam struerent ad eos Magistratus, quos aliòquin obtinere, & assequi nunquam potuissent. Itaque posteaquam electi erant Magistratus, nondum Comitii dimissi investigabant, an aliquid animadversione atque pœna dignum commisissent ii, qui honores fuerant consecuti. Deprehensos autem in crimine reos peragebant, quemadmodum in judiciis fieri supra dixi, tanquam legum & Reipu-

A blicæ status everfores. Sed cum in dies augeri ambitio planè videretur, tandemque allatura perniciem communibus rebus, nisi remedium opportunum adhiberetur, recens hic Magistratus institutus est, cujus est ea cura præcipua, ut inter viros Patricios ambitum coërceat. Sed ut in eo, quod tibi sum pollicitus, fidem meam liberem, clandestinæ certorum hominum conspirationes, qui venalia cum haberent suffragia, quæstum faciebant, hujus Magistratus creandi causam attulerunt. Hi cum ambitiosissimis quibusque coitione facta, qua die Magistratus erant tribuendi, constitutam inter se rem jam pridem habebant, in quem omnium suffragia convertenda essent: poterant autem licitantibus duplex obsequium præstare. Nam si quis beneficio fortis consecutus fuerat arbitrium, potestatemque nominationis (qua ratione, dixi) is autem aliquem ex iis nominabat, in quem constituissent ea die suffragia conferre. Omnes alii deinde suffragabantur, ut electio in Comitii comprobaretur. Sunt, qui hac re facta perperam animadversa, cum etiam intelligant, apud nos moris esse, ut Magistratus aliquando venales proponantur, in eam sententiam sunt adducti, ut censeant labefactum iri statum Reipublicæ, & in tyrannidem aliquam degeneraturum, si minus hac ipsa, filiorum saltem ætate. Veruntamen quando Censores instituti sunt, nihil ejusmodi vereor, animi securus; ne qua perniciēs ingrueret inde, formidarem, si hac tempestate Censores nulli essent. Quibus hoc mihi persuadeam, intelliges aliàs, quandoquidem hæc considerare non est hujus loci.

Superfedere tamen nolo commemorationi explicationique ejus cum rationis, tum usus, quo *Venales* haberi solent nostri Magistratus, ut, si quatenus aliquid detrahit virtutibus, atque opibus adjicit, ex quo fieret, ut attentiores ad has homines evaderent, remissiores autem ad illarum studia, non sine maximo publici boni detrimento, propterea videatur hæc consuetudo non satis probanda: intelligas tamen aliqua ratione defendi, tolerarique eam posse. Quando aliqua necessitate Respublica urgetur, ii, quorum interest operam navare faciendæ pecuniæ, utpote Collegium, quemadmodum explicavi, & etiam Concilium Decem-Virum, præter alia, de quibus constituerint vel ad Senatum, vel ad Comitia referre, nonnunquam de his referunt, ut vel ii, qui futuri sunt Senatores, data pecunia, vel quatuor Procuratores, aut sex eligantur, aut alii denique Magistratus illis tribuantur, qui suis facultatibus opem Reipublicæ tulerint. Leges autem ejusmodi ferri possunt tam ad Majora Comitia, quam ad Senatum. Sed quotiescunque Senatus consultus fuerit, consuli debent præterea Majora Comitia, quæ tamen possunt ejusmodi sancire inconsulto Senatu. Quicquid igitur Comitia decreverint, exequendum erit; aliæ vero ineundæ rationes, si quicquam non sciverint.

*Ioannes.* Antea dixisti, quantum universa Respublica, tantundem posse quoque Concilium Decem-Virum. Quidni ergo ferantur ejusmodi leges ad Decem-Viros, eorundemque auctoritate jubeantur?

*Trypho.* Jus omne Magistratuum creandorum est penes Comitia, cætera Decem-Viri summam habent auctoritatem. Quæ causa est, cum refertur ad Senatum de aliqua re simili, ut semper ea conditio sit adjicienda, referendi postremo ad ipsa Comitia. Re comprobata planeque constituta, ubi visum maturum fuerit eos Magistratus creare, qui committendi, concedendique

*D. Jannotius.* H sunt



sunt civibus, ærarii publici inopiæ subvenientibus; principiò quaterni ordines Electorum fiunt, quemadmodum in creatione qualibet fieri solet; & quia contingit nonnunquam, quod superius monui, ut non plures ordines, quàm bini competitores renuncient, hîc ad renunciationem quatuor adhibentur. His autem competitoribus alii adjiciuntur ea ratione, quam Scrutinium appellari dixi, per Rogatorum Concilium renunciati. Nam dum ab Electoribus datur opera, ut eligantur ac nominentur candidati sui, interea secedunt in conclave proximum, in quo Concilium Rogatorum de more cogitur, omnes, qui jus suffragiorum habent in Senatu. Quicunque autem nominari cupit, ad fores accedit, & eum, qui est à Secretis, ea de re monet. Nomina eorum in chirographa singula inferuntur, & educuntur ex urna sortis ipsius ordine subjicienda suffragiis ab egressu statim. Candidatus porro statuitur ejus Magistratus, quisquis ita suffragia propitia tulerit, ut superet eorum dimidiam partem. Renunciantur hi postea in ipsis Comitiis; sed antequam pro ullo contingat in suffragia ire, is liberaliter offert Reipublicæ quicquid eidem commodare statuit, aut potest, supra id, quod fuerit præscriptum atque constitutum. Atque ita demum suffragia conferuntur, addictura, adjudicaturaque illi Magistratum, in quem plura collocata fuerint, modo non infra dimidium. Est ubi minora pollicitus obtinet Magistratum, si quid habet insigne ad existimationem, & decus.

*Ioannes.* Quænam pecuniæ summa præstitui solet ejusmodi Magistratuum creationi?

*Trypho.* Maxima nunquam definitur, sed minima tantum, eaque pro temporum conditione ita variatur, ut modò plùs, modò minùs mutuum detur. Hoc anno, cum pecuniis multis opus esset Reipublicæ ad sustinendos bellicos sumptus, quos idèò facit, ut legitimo Principi *Mediolanum* restitueretur, lex in Comitiis lata fuit, ut certi quidam Magistratus illis mandarentur, qui commodarent ipsi Reipublicæ de ducentis aureis: supra id licet unicuique polliceri, quantum libet. Cum primùm ejusmodi mos obtinere cœpit, constituebatur, id quod prætereundum non est, ut Magistratus traderetur etiam nihil pollicenti, modò dejiceret alios, qui pollicerentur, supra dimidiam partem pluribus suffragiis, quod certè non semel quoque usù veniebat. Sed competitor is erat ex eorum numero, qui renunciabantur per quatuor Electorum ordines. Nam per Senatum nullus, nisi ea conditione, ut pollicendum quid esset, nominabatur. Et quia contingere potest, ut Senator evadat, ubi pecunia in Senatum patefacit aditum, is qui Senator aliòqui creatus non esset, præteritis aliquibus ex illis, qui futuri erant, ut in hunc numerum omnes referantur, qui communi opinione prudentes habentur (nam Senatorium munus est ejus momenti, quod tibi compertum esse persuasum habeo) per Majora Comitia hi quoque asciscuntur, ubi creandi sunt ii, qui vocantur Adjuncti, non quod ulla lex cogat, aut jubeat eos eligi, sed quia in ejusmodi re quilibet ita fieri oportere intelligit. Mos hic habendi venales Magistratus, sed falsò ita dictus, anno *mpix.* cœptus est haberi, quo tempore nostris copiis fufis fugatisque in prælio cum *Aloysio XII.* Rege *Gallie* gesto, coacta fuit Respublica sustinere se, quibuscunque rationibus fieri potuit. Veruntamen, quod animadvertere potes à te ipso, non satis est ad assequendos Magistratus polliceri pecuniam, sed oportet etiam competitores superare suffragiis; nec unquam nisi difficillimis tem-

poribus ea res usurpatur; quo fit, ut corruptelæ genus minimè videam, quod à nonnullis prædicari, immò fingi solet, neque tamen id approbare velim ea de causa, quàm dixi. Nihilominus aliquid concedendum videtur conditioni temporum.

*Ioannes.* Ne graveris, amabo, illud mihi exponere, cur in creandis Magistratibus pecuniæ causa præter eos competitores, qui legitimi sunt, alii quoque per Senatum constituentur; & cur ii Magistratus, qui non plures exigunt quàm duos, quatuor ordinibus Electorum opus hoc tempore habeant.

*Trypho.* Hæc propterea fiunt, quod ad Republicam deferuntur eò plura & majora, quò major & frequentior numerus est competitorum. Postremis autem Comitiis, id quoque scias velim, pronunciari palam eos Magistratus, qui creandi fuerint in sequentibus pecuniæ causâ, quò suppetat unicuique tempus dandi operam, ut eam, quam expetit, sibi dignitatem compareret, cum procuranda impetrandaque à Senatu electione, tum providè atque maturè iis expediendis, quæ sibi adjumento futura sunt ad id, quod intendit.

Sed eò redeamus, unde sumus digressi. Quod in Conclavi describendo supra monuimus, in quo Comitia majora celebrantur, sedent Censores in loco eminentiori, atque his temporibus obeunt sustinentque eas partes, quæ Advocatoribus, & Præfectis *x-Virum* commissæ antea fuerant. Sed emendandi atque corrigendi præterea jus habent, quicquid pravi usus, & corruptelæ ambitionem inducit. Quapropter legem quandam tulerunt propè ante biennium, quacum iis, qui obtinerent Magistratus, consuetudo congratulandi fuit omnino sublata.

*Ioannes.* Tantone Reipublicæ detrimento erat, ut esset ea consuetudo latâ lege tollenda?

*Trypho.* Erat cuidam potius dedecori, quàm ulli detrimento. Creatis enim Magistratibus, qui voti compotes fuerant, illicò certum aliquem locum insidebant, in quo Patricii vel omnes, vel maxima ex parte, dum egrederentur conclavi, in ipsos inciderent, & congratulationes vulgò concelebrabantur, cum quisque videri vellet honoris autor, etiam si cunctis opibus adversatus esset. Quo in genere satis multa intercidebant vulgarium hominum magis imperitiæ, quàm gravitati patriciæ verba accommodata. Nunc igitur obsoleta sunt hæc studia, atque hic pravi usus abolitus est opera Censorum, atque diligentia, qua certè futurum esse persuasum habeo, si modò is, qui rebus omnibus prospicit, constitutum id habet, ut aliquot secula vigeat ea Respublica, quæ ornata est optimis institutis, & sanctissimis legibus, ut si non aliud, saltem documenta præbeat, quemadmodum se gerant, atque regant, civitates *Italiae*, ne qua tyrannide opprimantur libertate amissa; futurum, inquam, existimo Censorum industria, ut depellantur à Republica omnes illi morbi, quibus aliqua pars ejusdem affligi posset. Hactenus ejus administrationis universa ratio, qua sustinentur res omnes publicæ, fuit à nobis exposita, & singula quæque tam accuratè explicata, ut oppidò pauca, ni fallor, prætermissa fuerint. De singulis Magistratibus, ut prædixi, nihil quidem agam; aliud erit de his omnibus differendi locus, aut certè poteris ab iis quærere, & audire commodius, qui probè gnari sunt harum rerum, *Venetias* profectus.

Nunc esset habendus sermo de iis quinque Rebus, quæ debent esse compertæ cuilibet homini, qui veniat in communionem ipsius Civitatis; sed nol-



nollem tibi molestus esse tam longa oratione.

*Ioannes.* Sermones tui mihi esse graves nullo modo possunt, quandoquidem aviditas audiendi plurimum augetur eorum, quæ tu commemoras, grata quadam varietate. Argumenti præterea genus ipsum tam grave, ut nullus sit tam degenerere, abjectoque animo, quin ejus desiderium atque studium facile commoveat, attentior me reddit, efficitque, ut molestia & satietas, si qua oriri posset, convertatur ad animi fructum atque voluptatem. Quamobrem nisi tu labore disputationis hujus defessus es, per me licet expedias omnia, quæ dicenda sunt.

*Trypho.* Facile patior omne id absolvi, quod est institutum, cum præsertim hac die ipse mihi videar ad hanc disputationem maxime paratus. Fieri posset, ut non essem ita promptus aliàs. De iis igitur quinque Rebus, quas commemoravi, quantum pertinet ad rem nostram, dicam, neque singula persequar.

Univerſum Imperium nostræ Reipublicæ, quod neminem præterire persuasum habeo, duabus omnino partibus continetur, quarum altera spectat ad continentem, & ad mare altera. Utrunque sui *Fructus* uberes ac multi; sed uberissimi atque plurimi sunt ex continente, præcipueque ex regione *Longobardorum*, in qua, præter alia non exigua, septem nobilissimæ urbes sunt in nostra ditione, *Tarvisum*, *Patavium*, *Vicentia*, *Verona*, *Brixia*, *Bergomum*, & *Crema*. Mari quoque Respublica nostra dominatur in *Cypro*, in *Creta*, in *Corcyra*, præter alias Insulas; oramque maritimam tenet *Illyrici*, *Dalmatiæ*, & *Histriæ* satis longo tractu, in quo non paucae sunt urbes, & quam plura oppida, ex quibus emolumenta non modica nostra Civitas capit. Ejus autem *Vestigalia* amplissima sunt atque multiplicia, utpotè rebus omnibus, quæ vel importantur, vel exportantur, imposita portoria, inter quæ centena millia florenorum affert, quod pro vino duntaxat solet exigi; ad hæc Scriptura maris, atque continentis, Decumæ, & Censui Patriciorum, omniumque civium. Est hoc tributum genus illi persimile, quod à vobis Arbitrium appellari audio. Sunt enim multi ex Patricio, atque ex civium ordine, qui licet fundos atque agros minime possideant, negotiationis tamen causâ sunt locupletissimi. His ergo pariter, atque illis hoc tributum imponitur, quod *Tanſæ* apud nos nomen habet, hoc est æstimationis: quandoquidem singulorum opes atque facultates de more taxari debent, id est æstimari, & quanti res unius cujusque fuerint æstimatæ, pro eo constitui, quid illi dependendum sit. Asseveranter à multis affirmatur, ex omnibus vestigialibus Urbis, maris, atque continentis, in annos singulos supra ducenta millia decies aureorum colligi. Reditus nostros annuos summam descripsi: siquid magis enucleatum distinctumque cupis, tabulæ accepti consulendæ sunt, & rationes ipsæ, quæ referuntur à vestigialium Præfectis, investigandæ. Sed quemadmodum res urbanæ pariter, atque externæ fructuosissimæ sunt, ita etiam non modici *Sumptus*, qui jugiter fiunt. Principio terrestrium Copiarum Ducem continua stipendia merentem apud nos habemus, cui præmia satis ampla constituta sunt, & iis cohortibus militum, quas non paucas conducit. Hac dignitate fuit ornatus à nobis prope ante biennium *Franciscus Maria Roboreus* Urbini Dux, vir & rerum bellicarum scientia, & insigni prudentia, præter alias innumeras animi virtutes, celeberrimus imperator hujus nostræ ætatis, in cujus industria & fide ita conquiescimus, ut quamdiu copiis ille nostris præest cum summo impe-

rio, si qua vis inferatur alicunde, non reformidemus. Ad hæc afficiuntur, à nobis continuo stipendio mille gravis armaturæ milites, paulò plus, minusve, prætereaque is peditum numerus, qui par esse possit custodiendis omnibus iis locis, quæ tenenda præfidiis nostris firmandaque ducimus, non modo cum bellum aliquod ingruit atque viget, sed etiam ubi conquievit planè, & res sunt tranquillæ. Multis quoque strenuis hominibus merces tribui solet, quorum opera atque studio, cum res ita postulat, exercitus nostri conscribuntur atque comparantur: omnesæ copiæ, quæ sunt paratæ & instructæ, in ea *Longobardicæ* regionis oppida tribui solent, quæ vel assidua custodia & præsidio indigent, vel quæcunque pertinent ad victum, commode suppeditant; ubi gerendum bellum fuerit, illinc evocantur, & quo necessitas magis urget, eo proficiuntur. Ad tuendam insuper ditionem maritimam ab injuriis omnibus, denæ, aut duodenæ triremes sunt semper in promptu, quæ distributis invicem partibus maria percurrunt, & *Cyprum*, *Cretam*, & *Corcyram*, aliasque Insulas, & loca magis opportuna de more circumſident. Singulis autem triremibus sunt quinquaginta sedilia, in unoquoque tres remiges collocantur ita, ut omnes hi numero sint centum, & quinquaginta, sed accedunt illis homines bello apti non pauciores quam octoginta, neque plures quam centum. Pretium remigibus non ita magnum tribui solet. Triremes enim certis in locis instruuntur, utputa in maritimis oris *Dalmatiæ*, & *Illyrici*, quarum incolæ non modò re tenui, sed omnino angusta, conducti parva mercede se remigio addicunt. Bellatores autem triremibus imponendos opus est eodem stipendio donatos augere, quo cæteros operam navantes in militia terrestri. Sumptibus igitur omnibus in unum collatis, qui solent in remiges, in milites, in commeatum, cæterosque apparatus continenter infumi, menstrui cujusque spatii habita ratione, prope septingentis aureis constiterint singulæ triremes. Non exiguæ præterea sunt impensæ, quæ fiunt in tuenda belli navalis plurima instrumenta; res tibi, de Navali cum audies, multò magis patebit. Cæterum quod vestigalia Reipublicæ plurimum exhaurit, *Montis*, ut modò vocant, triplicis est ratio, nimirum *Veteris*, *Novi*, atque adeo *Novissimi*. Vetus autem originem suam ducit à temporibus usque *Vitalis Michaëlis* Ducis, qui Montis hujus instituendi primus autor fuit, ut sustineret sumptus immensos in eo bello factos, quod adversus *Emanuellem* Imperatorem tunc gerebatur; vocatur hic alio nomine, *Imprestita*, nempe Commodata. Alter bello *Ferrariensi* Mons habuit exordium, *Ioanne* *Mocenico* Duce, patrum nostrorum ætate. Tertius demum post annum MDIX. exercitibus nostris profligatis ab *Aloysio* XII. *Galliæ* Rege. Singuli porro Montes nihil aliud sunt, quam acervus & cumulus earum pecuniarum, de quibus maximis Reipublicæ necessitatibus à Patriciis, & civibus nostris commodatum fuit. Quæ necessitates, quia multæ frequentesque fuerunt, idcirco montes hi cuncti, sed præcipuè duo primi, evaserunt quædam immanis & immensa moles. Quapropter in usuras, quæ solvuntur semisse & quadrante, maxima pars nostrorum vestigialium abijt, ex quo fit, ut coacervare pecuniam vix unquam possit, quamvis propter amplitudinem imperii sit copiosa Respublica. Veruntamen ut sui fructus essent illi usui, consueverunt majores nostri, ingruente bello, Montis veteris usuras nequiquam pendere; confecto quoque ipso bello non præsentis anni, sed ejus, quo solutiones conquie-



rant, habere rationem, atque ita deinceps intermissas pensiones prosequi. Quare posterius est hic Mons annis quadraginta, & etiam aliquanto amplius hac tempestate. Novo quidem Patricii nostri admodum prudenter biennio ante consulerunt, atque prospexerunt. Usuræ quoque Montis hujus multæ residebant, & quando suis creditoribus erant persolvendæ, non præsentēs, sed exactæ numerabantur, qua ratione fieri videmus nunc in Monte veteri. Ut ergo tantum æris alieni conflatum dissolverent, suisque vectigalibus permitterent Rempubicam frui, importunissimo fœnore tandem liberatam, lege lata sanxerunt, ut nihil penderetur in posterum usuræ amplius nomine; quæ vero deberentur antea, nondum persolutæ redigerentur in unum, unâ cum sua sorte. Quo fit, ut quisquis habet pecunias creditas huic Monti, eidem referantur accepta, unâ eâdemque ratione tam caput ipsum, quam fœnus ex ipso profectum; id autem, quod singulis annis pensitari solet, à creditoribus ipsis numerandum sit in aliqua parte pecuniæ, quæ debetur sibi, non in alicujus pensionis atque fructus loco. Qua ratione Respublica paulatim recreatur, onere gravi levata æris alieni, brevique universa nomina expedirentur, si continuerentur adhuc aliquot annis solutiones. Sed in qua vicissitudine sint omnia, tu vides, bellorumque continuatione quanti sumptus faciendi, ut nec tibi, nec ulli mirum videri debeat, si non dissolutum fuerit, quicquid superest æris alieni, non modo, sed instituendi præterea nonnulli alii Montes: ex quibus unius rationem prope initam audio, qui nomine subsidii appellandus sit, ut subsidio sit ad eos sumptus sustinendos, qui subeundi nobis necessario sunt. Sed ut regrediar eò, unde sum digressus, pensiones à duobus hisce Montibus solvendæ, quam ratione convertantur in usum Reipublicæ ex iis, quæ dicta sunt, constare tibi satis arbitror.

*Ioannes.* Ni fallor, eo tempore, quo gendum est bellum, nihil à Monte vetere penditur cuiquam, sed ita resident uturæ, quæ interea debentur, ut si eo anno, quo solutiones intermissæ fuerint, debitiones fortè supersint annorum quadraginta, tertio quoque duorum, si eadem intermissio procedat, quæ certe nullis temporibus est definita. Mons novus etiam quicquam solvere non cogitur, sed cum modus aliquis factus sit usuris ejusdem, nullam omnino jacturam subire potest, nisi quatenus non dissolvit ea, quæ jam pridem debet. Quibus in rebus nihil aliud incommodi cernitur, præter allatam creditoribus moram exigendi. Veruntamen ipsa res exigit, & æquitas suadet, ut æquo animo perferatur, si quid incommodat in communibus Reipublicæ difficultatibus. Relinquitur autem Mons tertius, nempe novissimus, de quo tu nondum quicquam edisseruisti.

*Trypho.* Non est, cur aliud quicquam de hoc Monte dicam præter id, quod huic uni contingit ex omnibus, ut usuras quincunces continenter solvat.

*Ioannes.* Estne locus aliquis negotiationi relictus in his vestris Montibus, quemadmodum *Genuæ*, & *Florentiæ* consuevit relinqui?

*Trypho.* Nostri Montes non secus ac aliæ omnes merces liberè comparari, & venire possunt. Veruntamen duo primi sunt minima fide, quia sæpe contingit, ut nihil pensitent, interceptis à Republica fructibus. Novissimus continuata pen-

sitatione unus tuetur suam fidem.

Nunc ubi de Reipublicæ vectigalibus atque sumptibus egimus, progredientes ulterius loquemur *de Bello*, & *de Pace*. Requirit hæc disputatio prius eam cognitionem, quibus armis nostra Respublica sit parata, & instructa, & unde suppeditentur eidem res omnes bellicæ; quæ faciam ut intelligas, & alia quædam opportuna. Quis, quantusque solemnissimus apparatus sit militiæ omnis tam maritimæ, quam terrestris, ex iis, quæ dicta fuerint, propemodum cognovisse te arbitror. De apparatu, qui sit extra ordinem, nihil attinet dicere. Nam quotiescunque opus est augere militibus copias terrestres, eo mercenario genere uti consuevimus, cujus hac tempestate in *Italia* usus est assiduus. Neque necessaria est ea cura comparandi arma suppeditanda militibus, atque tribuenda: quicunque accedit, ut stipendia faciat Reipublicæ secum defert ea, quæ sunt illi necessaria. Satis est providere iis rebus, quarum magnum est opus, tormentorum bellicorum, in maxima copia pulveris, & nitri, omniumque instrumentorum, quæ apta sunt vel oppugnandis, vel tuendis arcibus, in quibus rebus comparandis nostra Respublica adhibita summa diligentia, nulli sumptui parcat. Navali bello, quemadmodum superius exposui, triremes nostras adornamus in certis locis, ubi quàm exigua mercede & pretio invitati gestiunt homines in remigum numerum adscribi. Ad præliandum vero illos adhibemus, qui terrestribus præliis quoque habentur apti. Et quamvis ii sint cum iis armis, quibus opus habent; nihilominus quia nonnihil discriminis inter ea, quæ pertinent ad pugnam varium genus, intercedit; ideo Respublica curat, & dat omnem operam, ut abunde copioseque admodum adsit parata his omnibus, ne quid postea sibi desit ad tuitionem, cum necessitas urget. Si quando vero classes emittendæ, maritimæque vires essent adaugendæ, nihil incidit opportunum huic rei, quo careat Respublica. Est in Urbe, ne quid te lateat, certus quidam locus, in quo triremes, & navigia cuncta fabricantur, & quæ necessaria sunt bellis, apparantur omnia, vernacula lingua vulgo, *Arsenale*, dictum, murorum ambitu continente circumvallatum, ex omni parte clauso aditu, præter unam portam, & quâ navigiis ingressum, vel egressum aperit Euripus; tanta vero elegantia, nec non amplitudine, ut introeuntibus urbis speciem referat æqualem, immò forte majorem, ut profectò autumo, quam vestrum illud oppidum in via, quæ *Pisas* ducit. Recolo me ibi fuisse multis abhinc annis, cum suscepissem iter causâ perlustrandæ *Pisas*, *Lucam*, atque *Genuam*, cum tota ora maritima: est autem quod accepi, nomen oppido illi *Empolis*. Distinctæ sunt porro sedes in nostro Navali pro vario genere, atque copia rerum instructarum, alibique alia coagmentantur, & elaborantur. Loca tributa compingendis navigiis sunt quædam spatia, quæ à nobis, *Voltri*, hoc est fornices nuncupantur, superimpositis tectis ad arcendos imbres, qui defluunt pariter à dextris, atque à sinistris. Tàm verò per singula latè atque longè patent, quàm moles ejus navigii poscere videtur, quod inibi asservatur, sive fabricatur. In plures ordines ea spatia distributa sunt, non æquali numero, sed prout in longum protenditur is locus, in quo sita sunt.

Non

1. Est in urbe, ne quid &c.] Arsenale modo non solum murorum ambitu circumvallatum, sed Euripo, fossarum instar, undique circumdatum, insulæ speciem præ se fert. Ni-

hilque toto in hoc genere aut pulchrius, aut instructius, aut ornatius non dicam videri potest, sed ne mente quidem & cogitatione comprehendi.



Non multis ante diebus cum *Venetis* essem, de integro contemplandi cupido me incessit, quicquid erat apparatus in toto Navali; neque vero grave mihi duxi, cunctos eos ordines singulatim adire, & coram invisere, ut commodè cernerem genus omne navigiorum, quod sub tectis esset, aut inchoatum, aut omnino perfectum; ejusmodi sunt & triremes, & biremes, & phaseli, & quinqueremes onerariæ ad merces convehendas ex *Beryto*, *Alexandria*, *Africa*, atque *Belgio*, quamvis *Belgica* negotiatio in præsentia refrixit. Duo quoque Bucen- tauri, quod navigii genus in ceremoniis tantum solemnibus adhiberi solet, principibusque viris suscipiendis, quo tempore statuunt ad Urbem nostram proficisci; sunt etiam quædam triremes insignitæ his duabus literis, C. X. quæ Concilii x-Virum nota est, ostenditque, eas in Concilii illius potestate; præterea verò nullius Magistratus esse; quod quidem ea de causa institutum fuit, ut si quid accideret improvisum atque inopinatum, semper essent ad manus promptæ aliquot triremes. Cuncta vero navigia non sunt instructa, cum alia sint inchoata, paulatimque absol- vantur, alia, quæ vitium fecerunt, reficiantur; sed urgente necessitate brevi adornarentur; si- quidem nihil aliud opus esset, quam fabrorum, operariorumque numerum augere. Sunt præ- ter hæc apparatus cuique suæ tributæ sedes, utpote tormentorum bellicorum, & utriusque generis armorum, quæ ad vim cum inferendam, tum propulsandam necessaria sunt, anchorarum, gubernaculorum, malorum, velorum, & ruden- tum. Sunt etiam certa loca illis destinata, qui candentes laminas tractant, ut thoraces conflent, & ferramenta, cum clavis quælibet fabrefacien- tibus, quæ ad navigiorum fabricationem neces- saria sunt. In apparatu quoque bombardarum, maximam vim reperi omnium tormentorum & majorum, & minorum, cujuscunque generis, utputa quas vocamus moschettos, falconetos, canones, dimidiata, quadrantia, colubrinæ, sacros, & his similia; continenter autem recen- tia conflare solent, & eorum materia in hunc u- sum converti, quæ non sunt accommodata mi- litia hujus nostræ ætatis, cujuscumque majora tor- menta non pauca vidi ex eo genere, quod coa- gmentari & compingi solebat, cujus antiquis temporibus usus frequens erat; minora quoque navigiis tunc imponi solita magno numero inspe- xi ex ferro, quasi decurtata. In Armamentario sunt Arma, quibus instruantur armatorum dena millia quolibet momento, multoque plures ad- huc, necessitate imminente. Ad arcendam vim comparata sunt quædam capitis, atque pectoris integumenta, nec non thoraces multi ex eo ge- nere, quod militiae terrestri modo nihil esset u- tile. Ad inferendam quoque plurima spectantur, inprimis magna vis eorum, qui dicuntur sclop- pi, unâ cum eorum pyxidibus atque retinaculis, squari, machæræ, veruta, enses graviore, bal- listæ, Scythicæ arcus, omnia singulari apparatu collocata, & ordine. Longum esset particula- tim universa consequi. Tu cum eas *Venetias*, in- visurus es coram inter cætera hoc ipsum Na- vale, in quo contemplari poteris hæc à merecen- sita, & alia multa, quæ prætereo consulto, ne molestior sim. Hoc unum tamen silentio non est transeundum, in Ducario propter Ducis ha- bitationem apparatus armorum quemdam con- servari, qui satis esse queat hominibus armandis propè mille & quingentis, ob eam rem à majo- ribus nostris institutum, ut facile coercerentur, atque opprimerentur, si qui contra Rempubli- cam fierent domestici impetus, qualis fuit con-

A spiratio *Bajamontis Theupuli*, quo tempore Dux erat *Petrus Gradonicus*, inauguratus anno M CC XC; & quam *Marinus Falerius* iniit, Dux quin- quagesimus quintus, electus anno M CCC LIV. Fuerat autem id consilii *Bajamonti Theupulo*, ut auxiliis popularium instructus Ducarium invade- ret, ibique Ducem obruncaret, & quoscunque Patricii generis viros posset comprehenderet, ut occuparet tyrannidem nostræ Civitatis. Sed im- brium magna vi de cælo ingruente, quibus ita conjurationis participes impediti fuerunt, ut mi- nime ad tempus adfuerint, factum est, ut con- silia & conatus omnes ad nihilum reciderint. B Nam Duci & Patriciis omnibus datum inde fuit, ut mature consulerent capiti, atque rebus suis, & ipse Dux conjuratorum cum fugæ se daret per eam viam, quæ ab æde *Marcia* fert ad *Rivum altum*, à muliere interiit lapidea pila desuper ex fenestraictus. *Marinus* autem *Falerius* cum Dux esset, non contentus eo fastigio, tyrannidem cogitabat, Patriciisque viris cædem moliebatur. Sed unius ex conjuratorum numero proditur in- dicio, amisit eam vitam, qua minime sunt digni homines nefarii, siqui conantur opprimere pa- triam suam tyrannide. Ut igitur impressiones ejusmodi prohiberentur, majores nostri statue- runt, & dederunt operam, ut semper instru- ctum esset Ducarium ea copia armorum, quæ cunctis ad tuitionem atque custodiam opportune suppetere. Quod autem spectat ad *Bella*, quæ gessere majores nostri, fuerunt ea solemnia Reipublicæ atque continentia cum Imperatori- bus *Græcis*, & *Ungaris* Regibus, sed antiquis temporibus, non recenti hominum memoria. Nam posteaquam *Turcæ* in *Græcia* dominati sunt, non minùs *Ungari*, quam nos ipsi coacti fuimus eorum vim arcere atque propugnare; quapropter amplificatio imperii nulla deinde contigit; sed quicquid insularum tenemus in *Jonio*, & *Ægeo* mari, oppidorumque in maritimis *Istriae*, *Dal- matia*, *Illyrici*, & *Peloponnesi*, id eorum bello- tum præmium fuit, quæ confecta sunt olim con- tra *Ungaros*, & *Græcos*. In *Syria* quoque com- missimus multa prælia, non modò cum populis alienis à *Christiano* ritu, sed etiam cum *Liguri- bus*, sive *Genuensibus*, in qua dimicatione & con- certatione tam adversa fortuna semel usi fuimus; ut cogitandum fuerit de laribus defendendis, ad extremum tamen insigni virtute atque fortitudi- ne *Victoris Pisani*, *Caroli Zeni*, *Jacobi Caballi Veronensis*, & aliorum præterea Ducum, vi- cimus egregie. Post hæc in *Gallia Cisalpina* bel- la inchoata sunt, in quibus multa secundissima nobis evenerunt, eaque cum Imperii propagatio, tum opum accessio, quæ *Christianis* Principibus omnibus formidolosissima evasit, & necesse fuit illis unâ foedus icere, molientibus eam suspectam vim nonnihil deprimere; hinc *Abduana* clades illa, & imperii amissio, quantumcunque nobis fuerat in *Longobardorum* regione. Tandem cun- ctando fortunæ vim ita fregimus, ut propè amif- sum imperium omne receperimus, recuperata quoque pristina dignitate; inde factum est, ut *Franisco* Rege proximè in bello capto, illius potentiam atque minas minime horruerimus, qui terrorem incutiebat *Italiae*; *Galliaque* u- niversæ, immò verò eidem in præsentia bellum indixerimus, cujus exitus felices quidem augura- mur, si modò in pulcherrimam hanc provinciam perbenigne intendere superi adhuc propitii, & volentes omnes constituerint. De *Finitimorum Viribus* nihil attinet dicere, quæ omnibus sunt perspectissimæ, maximeque cognitæ. Quis opes *Turcicas* ignorat, quot, quantæque sint? iis por- ro ditio maritima Reipublicæ quaquaversus uni-  
H 3 versa



versa circumcluditur, & circumfeditur. *Germanie* verò, quantumvis magnæ, cum distractæ sint, hoc tempore non videntur valdè formidandæ, & qui res omnes illius provinciæ, rationesque tenet, facillime animadvertere & cognoscere potest, ægre admodum eas in unum contrahendas esse. Quæ si dissociatæ non existerent atque dissipatæ, nulli dubium est, quin multo plus terroris atque adeo periculi impenderet ab iis *Italiæ*, quàm ab ipsis *Turcis*. Sed per censere atque enumerare omnes eas rationes, quæ me in hanc sententiam adducunt, nimis longum esset. De *Mediolano* sollicita non est admodum *Respublica*, nisi quando est in ditione atque potestate aut *Galliæ* Regis, aut ullius potentissimi Principis; tametsi res ita comparatæ sunt ejus principatus, ut non parum habeat negotii, quisquis eum possidet, in dominatu retinendo, atque defendendo. Reliqui sunt *Mantuae* pariter, & *Ferrariæ* Duces, quorum opes atque vires tantæ non existunt, ut pertimescendæ sint à nobis, id quod omnes vident.

De *Custodia Regionis* atque tuitione (nam tertio loco superius hæc proposita fuerant) audisti, quam ratione, & quibus præfidiis terrestria, atque maritima quæque tueamur, cum modo versaremur in ea narratione; quapropter nihil amplius fuerit hac in re immorandum. Hoc unum, quod quidem te latere nolo, tantummodo dicam, cum majores nostri cognovissent, id re ipsa experti, amitti posse vel unica clade accepta, quicquid esset Imperii sibi in continente, ab iisdem consilium initum fuisse, cunctas urbes atque oppida ita muniendi, ut direptionibus & rapinis hostium non paterent, si quando exercitus *Reipublicæ* dissipati essent. Quamobrem ab anno MDIX, usque ad hoc tempus, sex urbes communitas adedò firmavimus, nempe *Taurisum*, *Patavium*, *Veronam*, *Brixiam*, *Bergomum*, & *Cremam*, ut inexpugnabiles modò à cunctis habeantur. *Bergomi* munitiones sunt minùs aliquantò firmæ, quàm cæterarum urbium, ob collis propinquitatem. Sola *Vicentia* relinquitur immunita, quæ licet habeat collem quemdam ita sibi imminentem, ut magno sit impedimento ejus munitioni, nihilominus *Bartholomæus Livianus*, qui *Reipublicæ* copiarum Summus Dux fuit, exemplar quoddam effinxerat, atque excogitarat, quò tuta redderetur eadem ab hostium injuriis. *Lemniacum* oppidum inter *Patavium* atque *Mantuam* ad *Atthesim* situm, in eo numero putatur, quo sunt quæque opportunissima, & qui præfunt *Reipublicæ*, quemadmodum audio, assiduè instant atque urgent, ut communiatur.

Quarto loco *Rerum*, quæ importantur, atque exportantur, consideranda *Vis*, atque genus fuerat. Hæc quoque non indigent propè ulla ex-

A plicatione, cum manifestissima res sit, atque omnibus pateat, Urbem nostram, quæ in mari posita est, opus habere convectis universis rebus, quæcunque pertinent ad hominum vitam sustinendam, quippe cui plurima cum terra, & nulla cum aqua ratio, & communicatio necessaria palàm intercedit. Quæ solent exportari, non alia sunt quàm panis sive serici, sive lanei, aliæque merces permultæ variorum generum, solertia laboreque artificum nostrorum confecta. Plurimas etiam mercatores convehentes inferunt ex *Africa*, & *Alexandria*, nec non ex *Beryto*, quæ postea diffundi solent per has omnes provincias.

B Ultimo loco proposita erat *Legum Latio*; quæ res spectat ad aliud genus disputationis, quod esset instituendum, si tu intelligere cuperes, utrum *Reipublicæ* nostræ ratio sit simplex, an composita; cujusnam vero formæ, si simplex, aut in quam magis propendeat, si composita; quæ tecum ipse cogitare potes atque examinare, cognitis & perspectis rebus omnibus, in quibus est posita. Quod si alterius audire malis hac derelictam, cumulatissimè tibi satisfieri poterit à *Nicolao Leonico* Doctore *Patavino*, qui cum sit insignis Philosophus, & peritissimus omnium; multò amplius differet his de rebus, quàm quilibet alius. Exposui tibi administrationem nostræ *Reipublicæ* quàm brevissimè, & quàm facillimè fieri potuit. Si quid amplius desideras, polliceor, atque adedò recipio, non recusaturum me hos ipsos sermones repetere, quoad omnia probè comprehendas, atque ita percalles, ut communicare possis eadem cum amicis tuis.

C *Ioannes*. Satis est, superque factum desiderio meo, & puto me institutionem vestræ *Reipublicæ* non minus tenere, quàm si ego educatus in ipsa, atque natuseissem. Propediem me *Venetias* iturum confido, ibique à Nobilissimo viro *Hieronymo Quirino*, Privatorum Magistratuum quænam sit jurisdictio, intelligam. Post hæc à *Nicolao Leonico* percontabor ea, quæ modò dicebas: non enim decet laborare ac defatigari unum tot in rebus. Certè quicquid laboris hodie causa mea suscepisti, de hoc plurimum te amo, plurimumque debeo. Quod si pateretur id amicitia nostra, pollicerer tibi vicissim, quicquid operæ ac studii ab amico gratissimo carissimoque proficisci potest.

D Quibus dictis omnes illicò surreximus, & ad viridarium perreximus, in quo invenimus *Bembum* cum aliquot nobilissimis viris deambulantem, atque conferentem. Ad hos progredientes quoque nos adjunximus, atque una circuivimus totum viridarium sæpius. Inclinatam verò cernentes ad vesperam diem omnes postea discessimus, & admodum læti ex eo congressu domos nostras revenimus.

1. Privatorum Magistratum, &c.] Quæ defunt huic loco, ex Libris, quos de *Venetia Republica* scripsit doctissimus Vir, amplissimisque Cardinalis *Caspar Contarenius*, præsertim quarto & quinto, suppleri possunt: in quibus more nostro nonnulla sumus animadverturi, quæ vel à scribente o-

missa, vel postquàm scripsit, in *Republica* introducta fuerunt.

2. Conferatur hic *Caroli Crassi de Forma Republicæ Venetæ Liber Singularis*, qui olim hisce Notis subjunctus, nunc vero & separatim prodit.





# I N D E X

## RERUM ET VERBORUM.



Numeri cum literis majusculis paginas & Textum, absque  
literis vero paginas & Notas indicant.

### A.

<b>A</b> bduana clades.	122. E
Acelum Agilulphus evertit.	28. B
Acta qui describant.	22
Administratio Civilis quibus partibus constet.	11
— Reipublicæ Venetæ olim & nunc eadem.	46
— Rerum publicarum ad quatuor capita revoca- ta.	40. A. 61. A
Ado scriptor vitæ Caroli Magni.	27
Advocati.	102. D
Advocatores acta Magistratum expendunt.	12
— quando creati.	51. B. 110. D
— Electorum Magistratum controversias judi- cant.	70. C. D
— describuntur.	101. D
— eorum stipendium.	112. D
— olim Censorum officio fungebantur.	113. E
Ædiles viarum Senatum ingrediuntur.	75. A
Ægeo (in) Venetorum ditio quorum bellorum præ- mium.	122. C
Æquabilitas Juris Venetorum.	11
Ærarium publicum ob bella exhausta.	48. A
Æstuarium stagna maris Adriatici.	16. B
Agilulphus Longobardorum Rex, Patavium & Ace- lum evertit.	28. B
Aimonius sive Annonius scriptor vitæ Caroli Ma- gni.	27
Alani Italiam invadunt.	24
Alaricus Italiam invadit.	ibid.
Alexander III. a Republica Veneta contra Frideri- cum Abenobarbum testus.	89. D
Alexius Imperator Orientis.	50. B
Aloyfius XII. Rex Gallie Venetos vincit.	115. F
Altinates varia oppida ædificant.	26
Amorianum ædificatum.	ibid.
Anaxus amnis in æstuarium decurrit.	20. B
Andar a Capello quid dicatur.	71
Andreas, Presbyter S. Canciani, & Notarius.	41
Annonæ ubertas & caritas Ducibus tribuitur.	46
Annonius sive Aimonius scriptor vitæ Caroli Ma- gni.	27
Antenorius (Beatus) Ducis Obelerii frater & Colle- ga.	27. 29.
— — Ducatui se abdicat.	34
— (Obelerius) Dux Venetorum.	27. 29
— — Dux & fratres ad Gallos transfugiunt.	27. 32
— — Tribunus Metamaucensis Duces Galbaros expellit, & Dux eligitur.	28. D. 27. 29
— — Dux Venetus cum Carolo M. fœdus init contra Nicephorum Imp. Græcum.	30
— — ejus supplicium.	34
— (Valentinus) frater & Collega Ducis.	29
— — dilaniatur.	34
Aquileja ab Hunnis eversa.	27. B
Aquilejenses Venetiarum conditores habiti.	26. A
— Gradum ædificant.	26
Arbitrium quid appelletur.	117. D
Arcana Senatus qui excipiant.	22
Arcus Orphani unde dictus.	33
Aristoteles civilem virtutem Imperantium propriam dicit.	9

Aristoteles partes civilis administrationis recenset.	11
— quod civium genus definitione sua comprehende- rit.	21
Armamentarium.	121. D
Armorum apparatus Venetiis.	121. C
Arnus fluvius.	18. C
Arsenale.	120. D
Ataulphus Italiam invadit.	24
Atestini varia oppida ædificant.	26
Athenis quarta civium classis ab honoribus arceba- tur.	21
Athesis fluvius.	18. C
— in æstuarium decurrit.	20. B
Attila, Hunnorum Rex, Venetos aggredi non existi- mavit.	18. A
— Italiam invadit.	25. A
— Venetiæ urbes vastat.	26
Auditores.	101. D
— quas causas judicent.	104. C
— eorum præmium.	112. C
— Veteres quando instituti.	111. A
— Novi quando creati.	111. B
— in provincias abeunt ad provocaciones au- diendas.	106. E
Aurius (Jacobus) Legatus ad Alexium Imperato- rem.	50. B

### B.

<b>B</b> aduario (Aldigerius) Confiliator.	41
— (Petrus) Judex Communis.	ibid.
Baduarius (Marcus) XL-Virum Præfectus.	56. A
Bagnola ex familia mulier & quinque fratres Ve- netis ingentem de Gallis victoriam procurant.	32. 33
Bajamontana conjuratio.	12. 13. 35. C. 56. B
Ballota quid significet.	103. F
Ballotare quid significet.	59. E
Ballotinus quis vocetur.	84. A
Banca (de) quid vocetur.	23
Barba non nisi luctus causa summittenda.	46
D. Barbaræ die sors ducitur de Patriciis ad Comitiam admittendis.	59. C
Barbari Italiam invadunt.	24
Baronius (Cæsar) Cardinalis notatus.	28
Basiliorum concertatio.	13
Basseorum seditio.	12
Beatus, Ducis Obelerii frater & Collega.	27. 29
— ad Carolum M. abijt auxilia petitum contra Ni- cephorum Imp. Græcum.	30
— ad Nicephorum Imp. legatus abijt.	31
— a Nicephoro Hypatus creatur.	31
— ejus cum fratre Obelerio dissidium.	31
— Dux Venetos ob invasionem Gallorum trepi- dantes erigit.	32
— Ducatu se abdicat.	34
Belisarius, Dux Justiniani Imperatoris, contra Go- thos a Venetis adjutus.	28. A
Belli ratio apud Venetos.	120. A
Bellicus apparatus Venetorum.	120. A
Bellum ubi decernatur.	40. A
— de eo Senatus deliberat.	76. D
— ejus cura Sapientibus maximis rebus incumbit.	78. D
Bembus (Leonardus) XL-Virum Præfectus.	56. A
Bem-	



Bembus (Petrus) Patavinus.	3.B	Celsus (Laurentius) Dux Venetorum.	74.D
— — laudatur.	13.B	Censores.	113.E
S. Benedicti Monachi.	15	— an Venetiis creentur.	11
Bergomates multi Venetiis.	37.C	— Senatum ingrediuntur cum jure suffragii.	74.F
Bergomum Venetorum ditionis.	117.C	— quare instituti.	76.F
— quando munitum.	123.C	— a quibus creentur.	77.D
Boccacius Florentinus.	30.A	— gratulationem ob magistratum lege sustulerunt.	116.C
Bodinus perstringit Sabellicum, & perstringitur.	7	— ubi in Conclavi sedeant.	116.C
— in Venetorum Republica multa reprehendit.	9	Census Patriciorum & civium.	117.D
— Venetis detrabit.	10. 11. 12	Charitatis schola.	23
— refutatur.	10. 11	Christophorus quidam Græcus Episcopus Olivolen-	
— Reipublicæ Venetæ præstantiam ipse fatetur.	11	sis electus magnorum tumultuum causa.	28.45
— vel malignitatis vel inscitie damnatur.	21	Cittadini, Cives Veneti.	21
— falsitatis & absurditatis arguitur.	41	Cives Reipublicæ quæ scire debeant.	14.B. 116.F
Bonifacius I. Papa.	25	— Veneti an revera sint cives.	21
Boreanum ædificatum.	26	— — eorum duo genera.	22
Borgareus (Joannes.)	2.A. 3.A	— — originarii quibus fruuntur honoribus.	22.
— (Joannes) cur civilium rerum curam omiserit.	6.B.E	— — describuntur.	23.A
Bovoniana conjuratio.	12. 13	— — quando advenæ elapso biennio iis adscri-	
Bovonius (Marinus) conspiracyonis auctor.	57.C	pti.	31.A
Bragadenus (Bonus) conjuratus supplicio affe-		— — unde ipsorum splendor.	36.C
ctus.	43	— — a quo tempore publicis rebus operam na-	
Bragora supplicii locus, unde dicatur.	43	varint.	49.D
Brandanitiis (Bonus) conjuratus supplicio affe-		Civilis Administratio quibus partibus constet.	11
ctus.	34	Civitas Nova.	41.B
Brixia Venetorum ditionis.	117.C	Classis a Venetis contra Polanos & Istros missa.	
— inexpugnabilis habetur.	123.C	— a Venetis in Asiam missa.	50.A
Brondulum.	16.A.B	— —	50.B
Bucentauri, navigii genus.	121.A	Cletensis (Petrus) relegatus.	44
		Clodia.	15
		— ædificata.	26
		— Fossa.	16.B
		Clodieneses cum Petro Tribuno passionem faciant.	45
		Collegia libera.	23
		— necessaria.	23
		— XL-Viralia.	98.F. 99.A
		— XL-Virum Civiliū quando instituta.	111.B.C
		— sex sive Scholæ magnæ.	23
		Collegium.	38.C. 78.B
		— ad illud referunt Præsides Sapientum.	79.B
		— in nomen ejus qui veniant.	79.C
		— quando coeat.	79.C
		— quæ negotia tractet.	79.E
		— Senatum convocat.	76.C
		— Decem-Virum de quibus agere possit.	40.B
		vid. Decem-Viri.	
		— Duodecim-Virum.	99
		— Frugum.	99.B
		— — quas causas judicet.	104.A
		— — quando institutum.	111.E
		— — num obseverit.	112.B
		— Quadraginta Virale quid muneris olim fuerit.	56.D. 57.E
		— — — Capitale (ad) num de Patriciis	
		Trium-Viri referant.	60.E
		— — Virum Capitalium quando institutum.	110.D
		— Sapientum Senatum ingreditur.	75.B
		— Solemne.	59
		— Viginti-Virum.	99
		Colonia Venetorum Civium in Cretam decreta.	50.
			D. 51.B
		Comaclum tentatur.	31
		Comitia Majora sive Magnum Concilium.	38.B
		— — ipsorum origo.	40.E. 51.A. 52.E
		— — constituta æstimationem Patriciorum au-	
		gent.	35.B
		— — ab iis interclusis Cives Veneti splendorem	
		suum adepti.	36.C
		— — fundamentum Reipublicæ Venetæ.	38.B
		— — omnes Magistratus creant.	40.A
		— — eorum principia ad quæ tempora referan-	
		tur.	45.A
		Comi-	

C.

**C**aballus (Jacobus) Veronensis, Venetorum belli Dux.

Calles Venetiis.	18.D
Caloprinus (Petrus) Judex.	45
Camera, ærarium publicum.	48.A
Cameracense bellum.	22
Campi sive plateæ.	18
Canalis Major.	18.B
Cancellarius Magnus Venetiarum cujus ordinis caput, ejusque honores.	22
— — candidatos Magistratum pronunciat.	72.B
— — Regni Cretæ.	23
Candianus (Petrus) Ducis filius ac collega, in patrem conspirat & relegatur.	44
— (Petrus IV) Dux inhibuit commercium de mahicipiis Christianis.	45
Candidati a quibus designentur.	69.A
— quorum & quot suffragiis eorum nominatio habeatur rata.	70.A
— eorum nomina & honores a Scribarum principe recitantur.	72.B.E
Canis cognomentum gentile Ducis Francisci Danduli.	8
Capita Decem-Virum.	95.F
— XL-Viratum.	99.E
— Quadraginta-Viratus Civilis novi quam habeant auctoritatem.	100.D
Capulæ ædificatæ.	26
Captivis (de) quomodo habeantur quæstiones.	108.C
Caratti quid vocetur.	112.C
Caroli Imperatoris pactis Veneti libertatem accepisse falso dicuntur.	12. 14
Carolus M. Imperator Fortunato Patriarchæ Gradenſi amplissima concedit privilegia.	29
— — cum Venetis & Dalmatis fœdus init, eis-que auxilia contra Nicephorum promittit.	30
Cassiodorus de priscorum Venetorum vita non pauca tradit.	14
Castella gemina (ad) portus.	16.B
Castellorum Portus.	17.C. 18.C
Cataveres qui dicantur.	104.C



Comitia Majora num sine ullo exemplo ad imitandum proposito excogitata. 51.E.52.C  
 — eorum tres rationes sive formæ. 52.E  
 — quomodo post Vitalis Michaëlis cædem ad formam præsentem instituta. 53.B.C  
 — quando & qua de causa interclusa. 53.B.  
 — — — — — D.56.D.57.A  
 — — — ex quibus consent. 54.C.58.F  
 — — — penes ipsa semper fuit summa potestas. 53  
 — — — num in ea transfusa sit auctoritas Ducibus adempta. 55.A  
 — — — singulis annis renovantur. 55.D.E  
 — — — interclusa quonam modo tulerint exclusi. 56.D.57.C  
 — — — omnes Magistratus eligunt. 60.F.114.F  
 — — — eorum Conclave describitur. 61.B  
 — — — ubi habita ac habeantur. 61  
 — — — eorum confessus. 63.F.64.A  
 — — — ultra solis occasum non producantur. 72.C  
 — — — quis iis habendis Patriciorum numerus sit necessarius. — 73.E  
 — — — eligunt XL-Viros. 99.C  
 — — — creant Trium-Viros. 101.D  
 — — — qui ad ea ferant. 108.B  
 — — — Florentinorum ad instar Venetorum constituta. 52.B  
 Commeatus Venetias copiose & tutissime importari potest. 20.C  
 Communitas quid significet. 45  
 Competitores per Rogatorum Concilium renunciati. 115.A  
 Concilia Quadraginta-Viralia. 99.A  
 — — — quando instituta. 110.D.111.B.C  
 — — — eorum Propræfetti & Præfetti pro re nata. 100.E.F  
 Concilium Decem Sapientum Senatum ingrediuntur. 75.B  
 — Decem-Virum describitur. 94.B  
 — — — quomodo subscribat. 93.A  
 — — — num habeat adjunctos. 95.A  
 — — — quo tempore institutum. 95.C  
 — — — ex quot Patriciis constet. 95.F  
 — — — quando convocetur. 96.A  
 — — — ejus Auctoritas. 95.C.96.A.C  
 — — — ejus triremes. 121.B  
 — Magnum quando a Bodino stabilitum dicatur. 12  
 — — — fundamentum Reipublicæ Venetæ. 38.B  
 — Minus quid appellatum. 41  
 — Rogatorum. 38.C.74.B  
 — — — cur ita dicatur. 75.C  
 — — — qui ad illud ferant. 108.B  
 — — — Competitores renunciat. 115.A  
 — Triginta-Virum. 112.A  
 Conciones, loca in Conclavi. 65.C  
 Conclave Majorum Comitiorum describitur. 61.B  
 Concordientes Venetiarum conditores habiti. 26.A  
 — Capulas ædificant. 26  
 Confalonarius Magistratus apud Florentinos. 52.B  
 Confraternitates. 23  
 Congratulatio ob magistratum adeptum lege prohibita. 76.F.77.A  
 Conjuratio Bajamontana impedita. 122.A  
 — — — Bovoniana. 57.C  
 — — — in Duces Participatios. 43  
 — — — in Ducem Petrum Gradonicum. 44  
 — — — Petri Candiani in patrem, Ducem. 44  
 Consilia Venetorum prudentissima. 11  
 Consilarii unde originem ducant. 34  
 — — — una cum Principe sedent ut Collegæ. 39.B  
 — — — eorum in electione Magistratum officium. 65.  
 — — — — — E.67.F  
 — — — quot requirantur in Comitibus præsentibus. 73.F  
 — — — quot requirantur in Senatu. 76.D  
 — — — a quibus creantur. 77.D

Consilarii Collegium ingrediuntur. 78.C.79.C  
 — eorum natu maximus quando appelletur Produx. 82.C  
 — — — Duci semper adsint oportet, ubi quid statuendum. 90.C.91.D  
 — — — eorum electio. 90.D  
 — — — eorum munera & auctoritas. 91.D  
 — — — eorum numerus. 92.A  
 — — — tres cur inter XL-Viros sedeant. 92.B  
 — — — Inferiores Senatum ingrediuntur cum jure suffragii. 74.F  
 — — — qui dicantur. 91.F  
 — — — inter Judices Capitales. 101.C  
 Constantinus Porphyrogenitus Imperator quid de bello Venetorum cum Gallis gesto tradat. 35  
 Consules Venetorum priscis temporibus. 41.A  
 Contarenus (Caspar) incolas Venetiarum bipartito dividit. 21  
 — — — (Henricus) Episcopus Olivolensis, Classis Præfectus. 50.B  
 Continentis res a quibus tractentur. 78.C  
 Convivia Ducis. 93.C  
 Copiarum Dux continua apud Venetos meret stipendia. 117.E  
 Corcyra Venetorum ditionis. 117.C  
 Cornelius (Marcus) Dux Venetorum curam judicii XL-Viralibus assidendi Consiliariis permittit. 92.C  
 — — — — — 82.E  
 Correctores quini Duce defuncto creantur. 82.E  
 — eorum munus. 83.D  
 Corfica (de) adeunda Itali cogitant. 24  
 Crema Venetorum ditionis. 117.C  
 — — — inexpugnabilis habetur. 123.D  
 Cremæ Præfectus. 23  
 Creta quando in Venetorum ditionem cesserit. 50.D  
 — — — quando defecerit. 74.D  
 — — — ejus in judiciis prærogativæ privilegium. 109  
 Cretæ Magnus Cancellarius. 23  
 Currus quid. 16  
 Custodes magni. 23  
 — — — publicorum vestigialium Senatum ingrediuntur. 75.A  
 Custodia Regionis Venetæ. 123.B  
 Cyprus Venetorum ditionis. 117.C  
 D.

Dalmatæ a Venetis victi. 27.D  
 — — — a Carolo M. auxilia petunt contra Nicephorum Imp. Græcum. 30  
 Dalmatia Venetorum ditionis. 117.C  
 — — — (in) Venetorum ditio quorum bellorum præmium. 122.D  
 Damaucum Metamaucum dictum. 35  
 Damianus (Julianus) Diaconus & Notarius. 41  
 Dandulus (Andreas) Chronici Auctor. 43  
 — — — testatur quando pons publicus inchoatus. 19  
 — — — Dux Venetiarum quando creatus. 30.A  
 — — — — — 111.A  
 — — — (Dominicus) Legatus ad Alexium Imperatorem. 50.B  
 — — — (Franciscus) Dux cur cognominatus Canis. 8  
 — — — (Joannes Canis) 9  
 Dardanus (Aloysius) Legati nomen obtinuit. 22  
 Decem-Viri. 94.B  
 — — — acta Magistratum cognoscunt. 12  
 — — — eorum Præfetti Electorum Magistratum controversias judicant. 70.C.D  
 — — — quomodo subscribant. 93.A  
 — — — num habeant Adjunctos. 95.A  
 — — — eorum Capita sive Præsides. 95.F  
 Decem-Virum Collegium de quibus agat. 40.B  
 — — — (à Secretis) qui appellantur. 22  
 Deliberationes de negotiis publicis olim in insula Heraclea habitæ. 41.B  
 Delphinus (Joannes) Dux Venetorum. 74.D  
 — — — — — D. Jannotius. I Do-



- Dominationis nomen quando primum adhibitum.* 47. B  
 — *nomine qui intelligantur.* 92. B  
*Dominatus appellatione qui donentur.* 79. C. 99. F  
*Donatus Episcopus à Carolo M. auxilium petit contra Nicephorum Imp. Græcum.* 30  
*Ducale, vestimenti genus.* 63. D  
*Ducarii Juris capita.* 43  
*Ducarium a populo Veneto obseffum.* 48. C  
*Ducatus Veneti sedes transfata.* 13  
*Duces a quibus primum creati.* 42  
*Duces Venetiarum quando creati cæpti.* 41. C  
 — *eorum potestas imminuta.* 43  
 — *a populo nonnunquam ignominia & exilio mulctati.* 43  
 — *eorum usque ad Sebastianum Zianum administratio turbulentior.* 44. A  
 — *a populo sæpius coërciti.* 44  
 — *ante Sebastianum Zianum tumultuosissime declarati.* 45. A  
 — *odia subibant, ubi res minus feliciter succedebant.* 46  
 — *quamdium filios in societatem Principatus vocaverint.* 47. A  
 — *sæpe expulsi aut trucidati.* 48. A  
*Duodecim-Viri Majora Comititia implendi facultatem habebant.* 54. B. 55. D  
 — *ab iis electorum quæ habita fuerit ratio, Comititiis interclusis.* 56. E. 57. F  
*Duodecim-Virum Collegium.* 99  
*Dux Venetiarum.* 82. B  
 — *gradus eminentissimus in Republica.* 38. D  
 — *ejus nomine publica negotia administrantur.* 40. C  
 — *quæ olim ejus auctoritas.* 42. C  
 — *in ejus creatione quando variatum.* 45. A  
 — *ei non fuit integrum Principem aliquem in ædibus hospitio excipere.* 46  
 — *ejus unius nomine nulla sanctio, nulla pæctio, nullum fœdus celebratum.* 46  
 — *non nisi assentiente populo collegas sibi designavit.* 46  
 — *quando auctoritate sua plurimum eminuerit.* 47. A  
 — *ob infortunium civitatem afficiens offensionem publicam incurrebat.* 47. E  
 — *tantum juris & auctoritatis obtinuit, quantum apud cives valuit.* 47  
 — *nunquam summam imperii vim, sed imaginem tantum imperii habuit.* 47. 48  
 — *ejus eligendi ratio quando correctæ, & potentia temperata.* 51. A  
 — *ejus in electione quæ olim vitia.* 53. D  
 — *ejus tribunal.* 61. D  
 — *Senatum ingreditur.* 74. F  
 — *Collegium ingreditur.* 78. C. 79. C  
 — *ejus funus.* 82. E  
 — *in ejus defuncti vitam & acta inquiritur.* 83. A  
 — *ejus hæredes puniuntur, ubi ipse a legibus discessit.* 83. A  
 — *ejus electio.* 83. F. 86. B  
 — *ejus honores.* 87. B  
 — *ubi juret in leges.* 87. D  
 — *ejus vestium ornamenta.* 88. A  
 — *quanta ipsi debeatur observantia.* 88. E  
 — *ejus in electione tria temporis curricula.* 88. F  
 — *cur, eo creato, tot adhibeantur solemnnes ritus.* 89. C  
 — *unde insignia, quæ ipsi electo præferuntur.* 89. D  
 — *ejus electio quando cæperit.* 89. E  
 — *ejus auctoritas.* 90. C. 92. D
- Dux Venetiarum olim judiciis XL-viralibus intererat.* 92. C  
 — *ejus annua pensio & convivium.* 93. C  
 — *ejus munera Patriciis missa.* 93. D  
 E.  
**E**celinus Tyrannus. 25  
*Electio Ducis.* 83. F. 86. B  
 — *quando cæperit.* 89. E  
 — *quando variata.* 87. A  
 — *Magistratuum.* 62. D. 69. A  
*Electores Ducis quomodo creentur.* 84. C  
 — *quomodo munus suum obeant.* 86. B  
 — *Magistratuum sorte ducuntur.* 62. D. 63. B.  
 — *quot eorum fiant ordines.* 63. A  
 — *eorum juramentum.* 67. A  
 — *Candidatos designant & eligunt.* 69. A.  
 — *se vades præstant pro iis, quos renunciantur.* 70. A  
 — *eorum controversiæ a quibus judicentur.* 69. E  
 — *eorum nomina à Primario Scriba eduntur.* 70. C. D  
 — *num etiam Competitores fieri queant.* 71. C. 73. A  
 — *73. D*  
*Emanuel Imperator Græcorum cum Venetis bellum gerit.* 48. A. 118. E  
*Empolis oppidum.* 120. E  
*Entinopus Cretenfis, fabricator, ex voto sacellum ædificat.* 26  
*Epodius Opiterginus Episcopus.* 26  
*Equilini assidue ab Heracleensibus dissident ipsorum exitio.* 29  
*D. Erasmi portus.* 16. B  
*Euripus sive Canalis Major.* 18. B  
*Exarchi pro lubitu Duces constituiebant & auferebant civitatibus.* 42  
 F.  
**F**abri quinque Gallos decipiunt. 33  
*Faleriana conjuratio.* 12. 13  
*Falerius (Marinus) Dux Venetiarum conspirat contra Rempublicam.* 122. B  
*Faletrus (Ordelaphus) Dux Venetiarum.* 50. A  
 — *(Vitalis) Dux Venetiarum ob annonæ caritatem odium populi subiit.* 46  
 — *Venetorum ad Regem Pannoniæ legatus.* 50. A  
*Feletrius (Dominicus) relegatus.* 44  
*Felix, primus Sacelli D. Jacobi sacerdos.* 26  
*Ferraria a Venetis non pertimescenda.* 123. B  
*Ferrariense bellum.* 118. E  
*Finitimi Venetorum.* 122. F  
*Flabanicus (Dominicus) Dux Venetorum consuetudinem aliquam abolitam cupiens ad populum retulit.* 46  
 — *consuetudinem, qua Duces sibi filios collegas asciscabant, abolendam curavit.* 47. A  
 — *Urseolos a magistratibus & honoribus excludi curat.* 47. D  
 — *(Petrus) relegatus.* 44  
*Florentia Arno discriminatur.* 18. C  
 — *peste afficitur.* 32. A  
*Florentini Comititia sua Majora ad instar Venetorum effingunt.* 52. B  
 — *cum Venetis conventa sanciant.* 94. D  
*Fodinis metallorum Vicarius.* 23  
*Fœderibus (de) Senatus deliberat.* 76. D  
*Forentio (Petrus) Judex.* 45  
*Fortunatus Patriarcha Gradenfis & Aquilejensis.* 29. 45  
 — *Patriarcha amplissima a Carolo impetrat privilegia.* 29  
 — *Patriarcha invitis Ducibus electus.* 45  
*Foscarus (Franciscus) Dux Venetiarum.* 74. E. 97. C  
 Fo-



# RERUM ET VERBORUM.

Fofcarus ( <i>Franciscus</i> ) Dux Venetiarum quando creatus.	111 B
Foffa Clodia.	16. B
Fragmentum <i>Historiae Venetæ</i> apud Nicolaum Leonicum.	47. B
Franciscus Rex, <i>Italiæ Galliæque</i> terrorem incussit.	122. F
Fratriæ.	23
Fridericus Imperator Venetias venit.	19
Frugum Collegium.	99. B
Fugarus ( <i>Thomas</i> ) auctor rerum Venetarum.	35
G.	
Gabrielius ( <i>Trypho</i> ) Patricius Venetus.	2. A
— — — — — ejus elogium.	4. E
Galbarus ( <i>Joannes</i> ) Dux Venetiarum Patriarcham Gradenfem e turri præcipitat.	28
— — — — — ejicitur.	29
— — — — — Mauritius Dux Venetiarum.	28
— — — — — ejicitur.	29
Galli in intima ufque Venetorum æftuaria penetrarunt.	8. 32
— a Venetis memorabili clade affecti irriti conatu abfeedunt.	27. 28. C
— cum Græcis biennales inducias conftituunt.	31
— Metamaucum capiunt.	32
— a muliere quadam decipiuntur.	32. 33
— Senones Romæ bellum intulerunt	8
Gallia Cifalpina bello vexata.	34. A. 122. D
— — — — — magna ex parte quando in poteftatem Venetorum venerit.	111. B
— — — — — Venetorum imperium auget.	122. D
— — — — — ejus urbes a Venetis deficiunt.	48. D
Gaftalcio.	23
Gemina infula habitatoribus completa.	28. C
D. Geminiani templum.	28. B
Gentiles Viri Veneti.	24. A
Gentilis hominis nomen Nobilitatis proprium.	50. D
— — — — — appellatio quid olim fignificaverit.	51. A
Genuenfe bellum.	56. B
Genuenfes cum Venetis gesserunt bellum fimile bellis Punicis.	8. 122. D
— Venetis infefi.	48. B
Germania Venetis non valde formidanda.	123. A
Giefolo ( <i>Joannes</i> ).	41
Gondula.	19. B
Gothi Italiam invadunt & populantur.	5. D. 24
Gradonicus ( <i>Joannes</i> ) pœnæ capitalis reus.	44
— ( <i>Marinus</i> ) claffis Præfeftus.	50. A
— ( <i>Petrus</i> ) Dux Venetiarum quando inauguratus.	122. A
— — — — — a conjuratis occifus.	44
Gradus ædificatur.	26
Græci cum Venetis bella geffere.	122. C
Gratulatio ob magistratum lege fublata.	116. C
Gregorius II. Pontifex.	42. B
— — — — — ejus literæ ad Venetos.	45
Grimanus ( <i>Antonius</i> ) Dux in judicium vocatus.	108. A
Gritrus ( <i>Andreas</i> ) Dux Venetiarum.	88. D
Gubernatio Reipublicæ Venetæ.	38. B
Gubernatores reddituum Senatui ingrediuntur.	75. A
Guilombardus ( <i>Petrus</i> ) Historicus	9
H.	
Hæretici a quibus inquirantur & damnentur.	10
Heraclea infula Ducatus Veneti fedes.	13
— in ea habebantur a Tribunis deliberationes de negotiis publicis.	41. B
Heracleani affidue ab Equilinis diffident ipforum exitio.	29
Hilarius Altinas Epifcopus.	26
Hiftria Venetorum ditiois.	117. C
Honorius Pontifex antiquitatem Venetæ Reip. adfruit.	14
Hungari cum Venetis bella geffere.	122. C
Hunni Italiam invadunt.	24. 25. A

Hunni Italiam populantur.	5. D
— Venetiæ urbes vafiant.	26
— quare in invadenda Italia tardius procefferint.	27. A
— Aquilejam evertunt.	27. B
Hypati quæ fit dignitas.	31

## I.

D. Jacobi Apoftoli facellum & templum.	26. 27. B
Jannotius ( <i>Donatus</i> ) in Sabellicum non bene animatus perstringitur.	7
Jeliorum feditio.	12. 13
B. Ilarii Capella Abbati S. Servuli conceditur.	45
Illyrico (in) Venetorum ditio quorum bellorum præmium.	117. C. 122. D
Imperator claffis a Senatu eligitur.	77. A
Imperii cujufvis felicitas in quo fita.	6. D
— Romani malorum caufa & origo.	5. D
Impræftita a quo excogitata.	48. A
Incendium votis ac precibus cobibitum.	26
India a Lufitanis petita.	11
Induciis (de) Senatus deliberat.	76. D
Innocentius Papa.	24. 25
Inopes quomodo jus fuum obtineant.	106. C
Inquifitio qua cautione Ecclefiafticis Viris conceffa.	10
Inquifitores tres, Duce defuncto, creantur.	82. E
— eorum munus.	83. A
— quantum temporis ipsis tribuatur.	89. C
— Status.	96.
Infignia Ducis electi, unde.	89. D
Joannes Archidiaconus Gradenfis.	44
— Dux Venetiarum Patriarcham Gradenfem e turri deturbat.	28
— ejicitur.	29
— II. Dux Venetiarum Obelerium morte punit.	44
— Patriarcha Gradenfis e turri deturbatur.	28
D. Joannis Evangeliftæ Schola.	23
Jonio (in) Venetorum ditio quorum bellorum præmium.	122. C
Iftri cum Venetis bella geffere.	50. A
— a Venetis victi.	27. D
— deficientes fubacti.	45
— a Venetis claffe petiti.	50. A
Iftria (in) Venetorum ditio quorum bellorum præmium.	122. D
Itali ob barbarorum invafionem de Italia deferenda cogitant.	24
Italia cæterarum regionum princeps ac regina.	6. C
— malorum ejus caufæ.	5. C
— calamitas ejus multa antiqua monumenta obliteravit.	14
Jucundus, Taurifanus Epifcopus.	26
Judices Nocturni.	113. A
Judicia Venetorum.	99. A. 100. D. 101. E. F
— — — — — eorum ratio & Ordo.	109. D
Julius Cæfar.	5. D
Juris æquabilitas Venetorum.	11
— Ducarii capita.	43
Justinianorum feditio.	12
Justinianus ( <i>Bernardus</i> ) Historicus.	45. A
— ( <i>Petrus</i> ) Procurator S. Marci.	41
— ( <i>Urfus</i> ) Venetorum ad Regem Pannoniæ legatus.	50. A

## L.

Labrefca ( <i>Joannes</i> ) pœnæ capitalis reus.	44
Lacedæmoniorum Respublica.	6. E
Laudare quid dicatur.	103. B
Lauredanus ( <i>Leonardus</i> ) Dux Venetiarum.	48. D
— ( <i>Petrus</i> ) Dux Venetiarum innocentiffimus odium populi fubiit.	46
— — — — — post obitum reus factus.	83.
	B. 107. F
Legata piorum hominum quibus concedantur.	23



Legati in castris munere suo non recte fungentes ubi  
judicentur. 107. D  
Legatus exercitus a Senatu eligitur. 77. A  
Leges in Republica Veneta præstantissimæ. 10. B.  
11. A  
— a quibus ratæ habeantur & promulgentur.  
76. D. E  
Legum latio. 124. B  
— — ad quos pertineat. 40. B  
Lemniacum oppidum. 123. D  
Leonici (Nicolaus) Patavinus. 2. A  
— — Philosophiæ maximus Magister. 3. B  
— — exhibuit fragmentum Venetæ historiæ.  
47. B  
— — laudatur. 124. B  
Lex Regia quantum Regi conferat. 43  
Ligusticum bellum. 35. C  
Liquetia amnis in æstuarium decurrit. 20. B  
Littus majus. 16. B  
Livianus (Bartholomæus) copiarum Venetiarum  
Dux. 123. D  
Lizlafusina. 15. 16  
Loculi in electione Magistratum. 71. D  
— in deliberationibus. 80. D  
Lombardia Venetorum ditio. 117. C  
Longobardi Italiam invadunt. 28. B  
— — populantur. 5. D  
— Patavium evertunt. 25  
— creandorum Ducum rationem excogitant. 42  
Ludovicus Gallie Rex Venetos vincit. 48. D. 97. D  
Luitprandus Rex cum Venetis fœdus iniit. 14  
Lulitani in Indiam navigantes Venetorum negotia-  
tionem aliqua ex parte intercipiunt. 11  
Luxus immoderatus a quibus coërceatur. 12  
M.  
Madaucum Metamaucum dictum. 35  
Magistratus ubi sufficiant pauci; ubi requi-  
rantur plures. 12  
— omnes in Majoribus Comitibus creantur. 40.  
A. 114. F  
— ante Sebastiani Ziani administrationem, qui  
existimentur fuisse. 47. C  
— eorum vicissitudo quare inventa. 49. C  
— qua ratione eligantur. 60. F. 62. D. 69. A  
— num Venetiis sint venales. 114. C. 115. C. F  
— ad Pompas. 12  
— Alexandrinarum mercium Senatui ingredi-  
tur. 75. B  
— Damascenarum mercium Senatui ingredi-  
tur. 75. B  
— Londinensium mercium Senatui ingredi-  
tur. 75. B  
— Superiorum in judiciis prærogativæ privile-  
gium. 109  
Magistratuum multitudo culpatur, & defenditur.  
11. 12  
— acta a quibus cognoscantur. 12  
Magistri Equitum quando creati. 43. A  
— Militum Reipublicæ præfuerunt. 14  
Majestatem Reipublicæ qui referant. 79. C  
Majorbium ædificatum. 26  
Majores qui olim dicti. 49  
Mallevadores qui dicantur. 69. E  
Mantua Venetis non pertimescenda. 123. B  
Manus quid appelletur. 63. A  
Marcellus Militum Magister fines inter Luitpran-  
dum & Venetos statuit. 14  
D. Marcus Evangelista Civitatis Venetæ Patro-  
nus. 23  
— ejus Schola. 23  
Marin (Feliculo) Judex. 45  
Maritimæ res ad quos spectent. 78. C  
Masonus (Dominicus) conjuratos judicat. 44  
Mastropetrus (Aureus vel Aurius) Dux Venetia-  
rum. 40. 41

Mastropetrus (Aureus) quando Rempublicam ad-  
ministraverit. 51. B  
— — qua ratione electus. 89. F  
— — quando electus. 110. D  
Mauritius Dux Venetiarum. 28  
— meritis ac precibus obtinet, ut filium sibi col-  
legam asciscat. 46  
— ejicitur. 29  
Mauroceno (Marino) Duce Quæstiones Impietatis  
haberi coeptæ. 10  
Maurocenus (Dominicus) Dux Venetiarum. 50. A  
— — Ducis vel filius, vel patruelis classis  
Præfectus. 50. A  
— (Marinus) Venetorum ad Regem Pannoniæ  
Legatus. 50. A  
— — Dux qua ratione electus. 90. A. 113. A  
Mediolanum ut legitimo Principi restitatur Veneti  
bellum gerunt. 115. D  
— Venetis non valde formidandum. 123. A  
Medoacus amnis in æstuarium decurrit. 15. D. 18. C.  
20. B  
Memo (Dominicus) Procurator S. Marci. 41  
D. Menæ templum. 28. B  
Mercatores ubi confluant. 18. E  
— plurimi Venetiis. 37. C  
Mercatura Venetiis florentissima. 11  
Metallorum fodinis Vicarius. 23  
Metamaucenses cur vestigalium immunes. 33  
Metamaucum a Venetis bello Gallico relictum.  
8. 32  
— (ad) portus. 16. B  
— oppidum ædificatur. 26  
— imperii Veneti sedes, a Gallis occupatum. 13.  
27. 32  
— Madaucum dictum. 35  
Michaël (Joannes) Judex. 41  
— (Petrus) 41  
Michaëlius (Andreas) Legatus ad Alexium Impe-  
ratorem. 50. B  
— (M. Antonius) laudatur. 51. C  
— (Vitalis) Dux Venetiarum. 28. B  
— — cæsus. 47. B. 48. B  
Militia Venetorum. 118. A. 120. A  
Militiæ qui prospiciant. 78. C  
Misericordiæ Schola. 23  
Molinus (Dominicus) Senator. 9  
Monegarius (Dominicus) inauguratur. 45  
Moneta ponti nomen dedit. 19  
Montanarius (Joannes) conjuratus perpetuo exu-  
lat. 43  
Montes Reipublicæ Venetæ quid sint. 118. D  
— Genuensium & Florentinorum. 119. F  
Montis Silicis cives varia oppida ædificant. 26  
N.  
Narfes, Dux Justiniani Imperatoris, ut Venetos  
expellat, a Patavinis rogatus. 25  
— a Venetis adjutus. 28. A  
— duo fana ædificanda curat. 28. A  
Naves ubi fabricentur. 120. D  
Naupactus amissa. 108. A  
Negotiatio Venetiis aliqua ex parte intercepta. 11  
Nicephori pactis Veneti libertatem accepisse falso  
dicuntur. 12. 14  
Nicephorus Imperator Græcus bellum in Venetos  
parat. 29  
— — Legatos Venetos benigne excipit.  
31  
Nicetas classe Byzantio profectus contra Dalmatas  
Metamauci excipitur. 30  
— cum Gallis biennales inducias constituit. 31  
Nocturni Judices. 113. A  
Nominatores apud Florentinos. 62. D  
Non sinceri qui dicantur. 103. B  
Notarius. 102. F  
Nummi an facie Ducis insigniantur. 87. E  
O.



## O.

- O**belerius Tribunus Metamaucensis Duces Gal-  
baros ejicit & Dux eligitur. 28.D.29  
— a Niceta Protospatarius renunciatur. 30  
— Dux & frater Beatus cum Carolo M. fœdus  
ineunt contra Nicephorum Imperatorem Græcum.  
30  
— ejus cum fratre Beato dissidium. 31  
— proditor patriæ cum fratre ad Gallos transfu-  
git. 31.32  
— perduellionis damnatus supplicio affectus. 34.  
44  
Obeliatius Olivolensis Episcopus. 28  
Odoacer, ut Venetos expellat, a Patavinis rogatus.  
25  
Olivolensis Episcopi ob electionem magni tumultus  
exort. 28  
Opes Venetorum. 117.B  
Opifices tenentur nomina dare in aliquot plebejorum  
collegium. 23  
Ora lacus quid. 16.C  
Oratores Principum ubi audiantur. 79.E  
— apud Principes munere suo non recte fungentes  
ubi judicentur. 107.D  
Oriacum quid. 16.C  
Otto Imperator Venetias venit D. Marci corpus  
veneraturus. 46

## P.

- P**acis ratio apud Venetos. 120.A  
Palustria loca olim omnium deterrima habita.  
19.D  
Partes quid appelletur. 81.B  
Participatius (Angelus) Dux Venetiarum. 34.45  
— — in eum conjuratio facta. 43  
— — cum filio Justiniano Abbati S. Servuli  
Capellam concedit. 45  
Paruta (Paulus) Veneti Imperii non latius propa-  
gati rationes refert. 10  
Patavini num Venetiarum fuerint conditores. 24.  
26.A  
— cum Venetis bellum gessere. 74.D  
Patavinum decretum ementitum examinatur. 24.25  
— Regnum an ullum floruerit tempore, quo Vene-  
tiæ condite. 24.25  
Patavium gaudet aëre saluberrimo. 19.D.20.A  
— dirutum. 25.28.B  
— Venetorum ditionis. 117.C  
— inexpugnabile habetur. 123.C  
Patriciaca vel Patricieca familia. 32  
Patriciacus (Angelus) Tribunus Rivi alti. 32  
Patricii Veneti. 24.A  
— — in Collegia popularium cooptati a di-  
gnitatibus tamen abstinere. 23  
— — in provincias vel ad Principes missi e  
Scribarum ordine unum secum ducunt. 22.23  
— — quot requirantur ad habenda Comititia.  
73.E  
— — quando mutuando pecuniam in Senatum  
admittantur. 76.A  
— — eorum familiæ antiquæ cur in tanta  
fuerint obscuritate. 50.C  
— — eorum præstantia. 35.A  
— — eorum numerus. 38.A  
— — præsent Imperio Veneto. 38.B  
— — eorum olim major numerus quam ho-  
die, & quare. 58.A  
— — quo ætatis anno transacto in Comititiis  
suffragia ferre queant. 58.F  
— — juniores sortis beneficio ad Comititia ad-  
mittuntur. 59.B  
— — quando & qua conditione facultatem  
suffragia ferendi juniores obtineant. 60.B  
— — quorum Pater & avus Comititiis nun-  
quam vacavit, qua ratione jus Comitiorum adi-  
piscantur. 60.D

- Patricii Veneti qui electioni Ducis intersint. 83.F  
— — quo ordine ad convivium Ducis vocentur.  
93.D  
Paulus Comes in urbe Jadera a Carolo M. auxilium  
petit contra Nicephorum Imp. Græcum. 30  
— Dux Venetiarum fines inter Luitprandum &  
Venetos statuit. 14  
— Dux Cephallenæ quæ gesserit. 31  
Pauperes quomodo jus suum obtineant. 106.C  
— ubi subleventur. 23  
Pax ubi decernatur. 40.A.76.D  
— ejus cura Sapientibus maximis rebus incumbit.  
78.D  
Pecunia publica (de) comparanda Senatus delibe-  
rat. 76.D  
Peloponneſo (in) Venetorum ditio quorum bello-  
rum præmium. 122.D  
Pensio annua Ducis. 93.C  
Peregrinantes quid observare soleant. 1.A  
Peregrinus de Republica quæ scire debeat. 15.B  
Pestis aliquando Venetos afflixit. 30.A  
— Florentinos afflixit. 32.A  
Petrus Episcopus Equilinus. 44  
Philistina ædificatur. 26  
Pilci urnæ dicuntur in electione Magistratum.  
65.A  
Pileus sive urna in electione Ducis. 83.F  
Pipinus Rex usque in æstuarium Venetorum penetrat.  
8  
— Venetos frustra aggressus. 18.A.30  
— ob ejus aggressionem Veneti omnes Rivum al-  
tum convenere. 26  
— plurima Veneta oppida capit. 27  
— rebus Italiæ præest. 31  
— rebus infelicitè gestis Venetis pacem offert. 33  
Pisæ Arno discriminantur. 18.C  
Pisanus (Victor) Venetorum belli Dux. 122.D  
Piscinæ. 18  
Plebeji Veneti. 37.B  
Polani a Venetis classe petiti. 50.A  
Pompa Ducis electi. 87.B  
— — ejus causæ. 89.C  
Pomponius Atticus Ciceronis scriptis celebratus. 4.E  
— — cur a gerenda Republica destiterit. 6.A  
Pons e ligno sublicius. 19.A  
Populares Veneti. 23.A.37.B  
— — in varia collegia tribuuntur. 23  
Populi Veneti nomen & Optimates complectitur.  
43  
Populus Venetus in creando Duce libertatis ratio-  
nem habuit. 43  
— — semper supremum imperium obtinuit. 43  
— — ejus supremum judicium erat. 46  
Portæ, machinarum genus. 16  
Portus Castellorum. 18.C  
— præcipui. 16.B  
Præconsultores. 59  
— vid. Sapientes.  
Præfecti Decem-Virum. 95.F  
— — Electorum Magistratum controvers-  
fias judicant. 70.C.D  
— — olim Censorum officio fungebantur.  
113.E  
— — Navali Senatum ingrediuntur. 75.A  
— — pro re nata quare instituti. 100.B.F  
— — XL-Virium Collegiorum. 99.E  
— — rei frumentariæ Senatum ingrediuntur. 75.A  
— — Sali procurando Senatum ingrediuntur. 75.A  
Præfectus arcis Cremæ. 23  
Prærogativæ Privilegium in Judiciis. 109.E  
Præsides X-Virum. 95.F  
— — Electorum Ducis. 86.C  
— — XL-Virium Collegiorum. 99.E  
— — XL-Virum, Collegium ingrediuntur. 78.C  
79.C  
D. Jannotius. K. Præ-



<i>Præfides Sapientum.</i>	79. B	<i>Rivus altus Venetorum in bello Gallico refugium.</i>	8. 32
<i>Prætores in civitatibus Dalmatiae.</i>	40	— — — <i>ejus incendium.</i>	26
<i>Pregai (de) &amp; de Pregati quid.</i>	38. C	— — — <i>capto a Gallis Metamauco, Ducis &amp;</i>	
<i>Primores qui olim dicti.</i>	49	— — — <i>Magistratus refugium.</i>	27
<i>Princeps Venetorum gradus eminentissimus in Re-</i>		— — — <i>incolis abundat.</i>	28. B
— <i>publica.</i>	38. D	<i>Roboreus (Franciscus Maria) Urbini Dux, copis</i>	
<i>Priores Electorum Ducis.</i>	86. C	— <i>Venetis præfuit.</i>	117. F
<i>Privilegia in portoriis quibus concedantur.</i>	22	<i>S. Rocci Schola.</i>	23
<i>Procuratores.</i>	96. F	<i>Rogatorum Concilium.</i>	38. C. 74. B
— <i>eorum numerus quomodo auctus.</i>	97. B	— — — <i>cur ita dicatur.</i>	75. C
— <i>eorum administratio &amp; auctoritas.</i>	97. D. E.	— — — <i>competitores renunciat.</i>	115. A
	98. B	<i>Roma Tiberi discriminatur.</i>	18. C
<i>Produx.</i>	82. C	<i>Romana Respublica multis imperavit gentibus.</i>	6. C
— <i>cujus in electione Ducis Patricios admoneat.</i>	82. E. F	— — — <i>comparatur cum Veneta.</i>	7. A
<i>Propæfæcti XL-Viraliū Collegiorum.</i>	99. E	— — — <i>tres habuit civium classes.</i>	21
— <i>quare instituti.</i>	100. E	<i>Romulus Reipublicæ suæ exemplum de Græcis sum-</i>	
<i>Protospatarii dignitas.</i>	30	— <i>psisse fertur.</i>	52. B
<i>Provocationes unde pendeant.</i>	40. B	<i>Rubeus (Hieronymus) Historiæ Ravennatis scri-</i>	
— <i>quo deferantur.</i>	99. A	— <i>ptor.</i>	42
— <i>quomodo instituendæ.</i>	104. F		
— <i>num &amp; ab aliis quam XL-Viris cognoscantur.</i>	107. B		
<i>Pupilia eversa.</i>	33		
<i>Pupilienses cur vestigalium immunes.</i>	33		
Q.			
<b>Q</b> uadraginta-Viralia Collegia.	98. F. 99. A	<b>S</b> abellicus (M. Antonius) perstringitur & defen-	
<i>Quadraginta-Viratus quid muneris olim fue-</i>		— <i>ditur.</i>	7. B. 8. C. 9. B
— <i>rit.</i>	56. D. 57. E	— — — <i>in multis erravit.</i>	8
— — — <i>Capitalis quando institutus.</i>	110. D	<i>Sabularius (Stephanus) pœnæ capitalis reus.</i>	44
— — — <i>olim &amp; causis civilibus vacabat.</i>	110. F	<i>Safusinae pagus.</i>	16. D. 18. C
— — — <i>num ad illum de Patriciis Trium-</i>		<i>Salicatae.</i>	18
— <i>Viri referant.</i>	60. E	<i>Sanguis a saxis imbibitur, ut non possit elui.</i>	28
— — — <i>Civilis Novus quando institutus.</i>	111. B	<i>Sanlovinus de Urbe Veneta scripsit.</i>	9. 18
— — — <i>Vetus quando institutus.</i>	111. B	<i>Sapientes.</i>	59
— <i>Viri quos Duces elegerint.</i>	89. F	— <i>Senatum ingrediuntur.</i>	75. B
— — — <i>quas causas præter provocationes judicent.</i>	107. C	— <i>a Senatu eliguntur.</i>	77. A
— — — <i>eorum lucrum.</i>	112. E	— <i>Collegium constituunt.</i>	78. B
— — — <i>eorum Præfides Collegium ingrediuntur.</i>	78. C. 79. C.	— <i>qui eorum primi existere, &amp; quare numerus</i>	
— — — <i>eorum Præfides Duci assident.</i>	92. B. C	— <i>eorum auctus.</i>	78. F
— — — <i>Capitales quas causas judicent.</i>	104. E	— <i>ubi eligantur.</i>	79. A
— — — <i>Civiles quas causas judicent.</i>	101. F	— <i>eorum Præfides.</i>	79. A
<i>Quæstiones de captivis quomodo instituuntur.</i>	108. C	— <i>ad Senatum referunt.</i>	80. A
— <i>Impietatis quando in Veneta ditione haberi cœ-</i>		— <i>auctores omnium sententiarum, quibus referen-</i>	
— <i>ptæ.</i>	10	— <i>dis præfunt.</i>	81. C
<i>Quæstores Senatum ingrediuntur.</i>	75. A	— <i>quodnam tempus ipsis præfinitum, &amp; quando</i>	
<i>Quatuor-Viri.</i>	22	— <i>eligantur.</i>	81. F
— — — <i>quos elegerint Magistratus.</i>	47. D	— <i>Continenti quæ negotia tractent.</i>	78. C
— — — <i>in funere Principis cujusque creati de po-</i>		— — — <i>Sapientibus Maximis æquales redditi.</i>	78. E
— <i>testate illius semper aliquid detrahunt.</i>	48	— <i>extra Ordinem.</i>	82. A
<i>Quirinus (Hieronymus) Patricius Venetus</i>	2. A	— <i>Mari vel Sapientes Ordinibus quæ negotia</i>	
— — — <i>laudatur.</i>	113. D	— <i>tractent.</i>	78. C
— <i>(Marcus) Ambassator.</i>	99	— <i>Maximis Rebus quæ negotia tractent.</i>	78. D
R.			
<b>R</b> adagafius Italiam invadit.	24	<i>Sardinia (de) adeunda Itali cogitant.</i>	24
— <i>Ravenna a Belisario obsessa.</i>	28. A	<i>Savornianus (Tristanus) ob merita in Patriciorum</i>	
<i>Reditus Venetorum.</i>	117. B	— <i>Ordinem cooptatus.</i>	56. B
<i>Regia via.</i>	18. E	<i>Saxa sanguinem imbibentes, ut nequeat elui.</i>	28
<i>Religio sincera a Venetis perpetuo culta.</i>	10	<i>Scævolarum seditio.</i>	12. 13
<i>Rendere id partito quid significet.</i>	59. E. 74. F	<i>Scholæ sive Fratriæ.</i>	23
<i>Residentiae quid dicetur.</i>	21	— <i>magnæ.</i>	23
<i>Res quæ importantur &amp; exportantur.</i>	123. E	<i>Scriba magnus quid in Electione Ducis agat.</i>	82. E
<i>Respublica cum corpore comparatur.</i>	9. A	— — — <i>quid in Electione Magistratuum agat.</i>	84. E. 85. B. 87. B
<i>Rhegino scriptor vitæ Caroli Magni.</i>	27. A	— — — <i>C. 71. B. D. 72. A. B</i>	
<i>Rivus altus.</i>	24	<i>Scribæ Ducales.</i>	22
— — — <i>Ducatus Veneti sedes.</i>	13	— <i>publici triplicis ordinis.</i>	22
— — — <i>celeberrima Venetiarum Regio.</i>	18. E	<i>Scrutinium quid appelletur.</i>	115. A
— — — <i>ejus incrementa.</i>	25. 26	<i>Secretis (à) Decem-Virum qui appellantur.</i>	22
		— — — <i>bini Electorum Ducis.</i>	86. C
		<i>Sedes Ducatus Veneti translata.</i>	13
		<i>Seditiones Venetiis excitatae.</i>	12. 13
		<i>Senatores quot requirantur in Senatu.</i>	76. D
		<i>Senatus Venetorum vel Rogatorum Concilium.</i>	38. C
		— — — <i>ejus arcana qui excipiant.</i>	22
		— — — <i>de bello &amp; pace agit.</i>	40. A. B
		— — — <i>describitur.</i>	74. B
		— — — <i>qui eum ingrediantur cum jure suffragii.</i>	74. F
			Se-



# RERUM ET VERBORUM.

Senatus quos admittat absque Jure suffragii.	75. A
— cur dicatur Concilium Rogatorum.	75. C
— quomodo & quando creetur.	75. C
— ejus copia sit quandoque Patriciis mutuata certa pecunia.	76. A
— quoties convocetur.	76. B
— quæ negotia tractet.	76. D
— qui ad eum requirantur, ubi quid sanciri debet.	76. D
— quos Magistratus eligat.	77. A
— sapientes eligit.	79. A
— ad eum Sapientes referunt.	80. A
Senes corporis & mentis robore Venetiis & Patavii reperiuntur.	20. A
S. Servuli Abbas Capellam B. Narii obtinet.	45
Severianus Patavinus Episcopus.	26
Sicardus Comes.	45
Sicilia (de) adeunda Itali cogitant.	24
Signoria, Nomen quo tempore primum adhibitum fuerit.	47. B
Sigionius (Carolus) notatus.	28
— Historiæ de Reg. Italiæ Scriptor.	45
Silicis (Montis) cives varia oppida ædificant.	26
Silis amnis in æstuarium decurrit.	20. B
Soderinus (Paulus Antonius) Orator Florentinorum.	94. D
Solon quartam civium classem ab honoribus lege ar- cuit	21
Sors die D. Barbaræ.	59. C
— in Magistratum electione.	65. A
Status inquisitores.	96
Stenus (Michaël) Dux Venetiarum quotus in ordine Ducum.	74. D
— — quando Dux creatus.	111. A
Stipendia merentes, ■ quibus curentur.	78. C
Strata vicus.	34
Stridare quid significet.	105. F
Suffragia in Comitibus ferre qui per ætatem possint.	58. F
— in Comitibus ferendi facultas quando Patriciis junioribus concedatur.	60. B
— ferendi jus in Senatu qui habeant.	74. F
— in deliberationibus quomodo colligantur.	80. D
Sumptus Venetorum.	117. E
Superantius (Joannes) Dux Venetiarum.	97. C
Supplicia conjuratorum.	43
Supracastaldiones.	74. F
Syndici Magistratum acta expendunt.	12
— Maritimi.	107
Syria (in) Venetorum bella.	122. D
T.	
Tabelliones.	22
Talonicus (Joannes) conjuratus supplicio affectus.	43
Tanfa quid dicatur.	117. D
Tarvisum Venetorum ditionis.	117. C
Taurisum in Venetorum ditionem cessit.	78. F
— inexpugnabile habetur.	123. C
S. Theodori Schola.	23
— Templum.	28. A
Theodoricus ut Venetos expellat, a Patavinis rogatus.	25
Theupulana conjuratio.	12. 13
Theupuli (Bajamontis) conspiratio impedita.	122. A
Theupulus (Jacobus) Ambassator.	9
Tiberis fluvius.	18. C
Tiliaventus amnis in æstuarium decurrit.	20. B
Tornarius (Joannes) conjuratus supplicio affectus.	43
Torcellum ædificatur.	26
Trajectus.	19. A
Tres Viri, qui præsumt actis per Supracastaldiones, Senatum ingrediuntur cum jure suffragii.	74. F

Tribunal inquisitionis qua cautione Ecclesiasticis vis concessum.	10
— Principis.	61. D. 63. D
Tribuni Reipublicæ Venetæ præfuerunt.	14
— quando creari cæpi.	41. A
— duo, qui Duci assiderent, creati.	34. 45
— qui olim dicti.	49
Tribunus (Petrus) Dux Venet. cum Clodiensibus pacem facit.	45
Tributa num a Venetis Italiæ Regibus soluta.	36
Tridentini saltus.	24
Trierachi ex quo ordine creati.	22
Triginta-Viri.	112. A
Triplex portus.	16. B
Triremes ubi fabricentur.	120. D
Trivisanus (Angelus) negligentie reus factus.	107. F
Trium-Viri Magistratum acta expendunt.	12
— — num de Patriciis ad Capitale XL-virale Collegium referant.	60. E
— — Advocatores.	101. D
— — Aquis custodiendis Senatum ingrediuntur.	75. B
— — Auditores.	101. D
— — Novi in provincias abeunt ad pro- vocationes audiendas.	106. E
— — Pomparum quo munere fungantur.	76. E
— — Valetudini tuendæ Senatum ingrediuntur.	75. B
— — Vectigalibus Senatum ingrediuntur.	75. B
Tumultus ob nova vectigalia.	48. C
Turcæ in Græcia dominantes.	122. C
— Venetorum ditionem maritimam quaquaversus circumfident.	122. F. 123. A
Tyranni quod habeant propositum.	35. B

## V.

Valentinus Ducis Obelerii frater & Collega.	29
— cum fratre obelerio ad Gallos transfugit.	32
— ejus mors.	34
Vandali Italiam populi.	5. D
Vectigalia Venetorum.	117. C
Vegla insula ab Obelerio occupata.	34
Venerius (Dominicus) ad obsidionem Jadre abit.	41
Veneta Respublica omnium absolutissima & perfectissima.	6. B
— — comparatur cum Romana.	7. A
— — ejus præstantiam Bodinus vel invitatus approbat.	9
— — præstantissimis legibus gaudet.	10. B. 11. A
— — omnes partes administrationis civilis continet.	11
— — cur tamdiu stabilis permanserit.	12. A
— — quando libertatem acceperit, disputatur.	12. 13
— — ejus Administratio.	22. B
— — Duces creat, & imperium amplificat.	28. C
— — tria in ea tempora consideranda.	36. A
— — ejus Gubernatio.	38. B
— — ejus præcipua membra.	38. D
— — ejus vis & Majestas in quibus consistat.	40. A
— — eadem qua olim administratur ratione.	46
— — ejus Majestatem qui referant.	79. C
— — ejus Imperium duabus partibus continetur.	117. B
— — ejus redditus & opes.	117. B
— — ejus vectigalia.	117. C
— — ejus sumptus.	117. E
— — ejus militia terrestris & maritima.	118. A. B. C. 120. A
— — ejus montes quid sint.	118. D



# INDEX RERUM ET VERBORUM.


Veneta Respublica quo apparatu gaudeat bellico. 120. A. 121. C  
 — a quo tempore ejus imperium augeri de- 122. C  
 — fierit. 122. E  
 — Christianis Principibus formidolosa. 122. E  
 Veneti a Gallis bello usque in æstuariis petiti. 8  
 — eorum cum Genuensibus bellum cui simile. 8. 56  
 — Consiliis & prudentia præstant. 9  
 — cur suum Imperium latius non protulerint. 9. 10  
 — eorum apparatus bellicus. 10  
 — non nisi summa necessitate moti arma sumunt. 10  
 — eorum consilia prudentissima. 11  
 — eorum Magistratum multitudo culpatur. 11  
 — cum Luitprando foedus inierunt. 14  
 — earum monumenta antiqua cur interciderint. 14  
 — foederi inter Carolum & Nicephorum inclusi. 14  
 — eorum bellum Cameracense. 22  
 — Istros & Dalmatas vincunt. 27. D  
 — Belisarium contra Gothos adjuvant. 28. A  
 — Gallorum vim sustinent & devincunt. 28. D  
 — Imperii sui fines latissime proferunt. 29. A  
 — a Carolo M. auxilium petunt contra Nice- 30  
 phorum Imp. Græcum. 30  
 — diffidiis intestinis turbantur. 31  
 — eorum cum Gallis bellum. 32. 97. D  
 — ob bellum Gallicum, Metamauco relicto, in 32  
 Rivum altum transmittunt. 32  
 — integrum ac incorruptum genus suum serva- 33. A  
 runt. 33. A  
 — eis ab Imperatoribus sive Regibus Italiæ im- 36  
 munitates concessæ. 36  
 — priscis temporibus habuerunt Consules & Tri- 41. A  
 bunos. 41. A  
 — in Duce eligendo libertatis rationem habue- 43  
 runt. 43  
 — Duces suos sæpe coërcuerunt. 44  
 — eorum foedus cum Patriarcha Hierosolymita- 46  
 no. 46  
 — eorum bellum cum Emanuele Imp. Græcorum. 48. A. 118. E  
 — Genuenses bello Cretensi infestos habent. 48. B  
 — eorum exercitus a Ludovico Galliæ Rege pro- 48. D  
 fligatur. 48. D  
 — quando Creta ipsorum in ditionem cesserit. 50. D  
 — cum Florentinis conventa sancunt. 94. D  
 — eorum bellum cum Polanis & Istris. 50. A  
 — eorum bellum Patavinum. 74. D  
 — eorum bellum in Clusentinis finibus. 94. D  
 — eorum bellum Ferrariense. 118. E  
 — eorum cum Ungaris & Græcis bella solemnia 122. C  
 & continentia. 122. C  
 — eorum bella felicia in Gallia Cisalpina. 122. D  
 — eorum bella in Syria & cum Genuensibus. 122. D  
 — eorum Vicini. 122. F  
 — eorum Regionis custodia. 123. B  
 Venetia Italiæ tractus. 15. D  
 — Italiæ feracissimus ager. 20. B  
 — a Barbaris invaditur & vastatur. 24. 26  
 Venetiæ laudantur. 6. C  
 — Orientis Occidentisque emporium. 11  
 — earum situs. 15. D  
 — a quibus condi cæptæ. 16. C  
 — tam a mari quam a continenti tutæ. 16. D  
 — Canali Majori discriminantur. 18. C

Venetia a Sanfovino descriptæ. 18  
 — earum pulchritudo unde maxime contemplari 19. C  
 possit. 19. C  
 — gaudent aëre saluberrimo. 20. A  
 — ob situm multis gaudent commoditatibus. 20. B  
 — earum primordia & incrementa. 24. A  
 — earum incolæ in tres classes distributi. 22. B  
 — ob Hunnorum & Longobardorum invasionem 27. C. 28. B  
 in Italiam incolis augentur. 27. C. 28. B  
 — in factiones nunquam distractæ. 29. A  
 — pestilentia vim aliquando subierunt. 30. A  
 — earum primi habitatores nobilissimi ac opulen- 33. A  
 tissimi. 33. A  
 — quot ibi sint armis idonei; quotque Patricii. 37. D  
 — convectis universis opus habent. 124. A  
 — quæ exportanda habeant. 124. A  
 Verona Athesi. discriminatur. 18. C  
 — Venetorum ditionis. 117. C  
 — inexpugnabilis habetur. 123. C  
 Via Regia. 18. E  
 Vicarius metalli fodinis. 23  
 Vicentia Venetorum ditionis. 117. C  
 — relinquatur immunita. 123. D  
 Vicini Venetorum. 122. F  
 Viginti Quatuor Viri arcana Senatus excipiunt. 22  
 — Virum Collegium. 99  
 Vilioni (Joannes) 41  
 Virgines nobiles dotibus adjutæ. 23  
 Virtus Bellica quatenus necessaria & quatenus cul- 9  
 pabilis. 9  
 — Civilis quid. 9  
 Vitiges Gothorum Rex a Belisario captus. 28. A  
 Vitruvius loca palustria omnium deterrima habita 19. D  
 perhibet. 19. D  
 Undecim Viri quem Ducem creaverint. 89. E  
 Ungari cum Venetis bella gessere. 122. C  
 Volti quid vocetur. 120. F  
 Urbes ubi veteres voluerint conditas. 20. A  
 Urna in electione Ducis. 83. F  
 Urnae in electione Magistratum. 65. A  
 Urfeoli a magistratibus & honoribus exclusi. 44.  
 47. D  
 Urfeolus (Petrus) Dux Venetiarum. 46  
 — — hospitium Imperatori, inscio populo, 46  
 concessum convocata concione excusat. 46  
 Ursus Dux Venetiarum. 44  
 — commercium de mancipiis Christianis inhibuit. 45  
 — (Horleus) Dux Venetiarum. 42. B  
 — — interemptus. 14  
 Z.  
 Zenus (Carolus) Venetorum belli Dux. 122. D  
 — (Raynerius) Dux Venetiarum. 19. 48.  
 B. 113. B  
 — — Pupiliensium immunitatem confirmat. 33  
 — — propter molendini vectigal a Senatu au- 47  
 ctum convitiis & lapidibus petitis. 47  
 Zianus (Petrus) Dux Venetiarum quando electus. 51. A  
 — (Sebastianus) Dux Venetiarum. 40. 46  
 — — nova quadam ratione Dux renunciatur. 45. A. 89. E. 90. A  
 — — antezum qui exstiterint magistratus. 47. C  
 — — impræstita primus excogitavit. 48. A  
 — — Dux Venetorum quando electus. 51. A  
 — — multos fundos Aedi S. Marci legavit. 97. B  
 Zofimus Papa. 25

E M E N D A N D U M.

pag. 124. lin. 61. lege: Nicolai Crassi.

F I N I S.





**GASPARIS CONTARENI,**  
*Patricii Veneti, & S. R. E. Cardinalis,*  
DE  
**MAGISTRATIBUS**  
ET  
**REPUBLICA**  
**VENETORUM**  
*LIBRI QUINQUE,*  
Cum Notis


**NICOLAI CRASSI.**

*Accesserunt*

**BALTHASARIS BONIFACII,**  
**DE MAJORIBUS COMITIIS**  
**ET JUDICIIS CAPITALIBUS**

*DUÆ EPISTOLÆ.*

*Editio Novissima, emendatior & auctior.*



**LUGDUNI BATAVORUM,**  
Sumptibus **PETRI VANDER Aa,**  
*Bibliopolæ, & Typographi Academiæ atque Civitatis.*







# PRÆFATIO

## HUJUS NOVÆ EDITIONIS.

**V**ENETÆ per orbem terrarum celebratissimæ Reipublicæ, Tibi, *Benevole Lector*, hic offerimus descriptionem elegantissimam. Reliquit illam eruditæ posteritati *Gaspar Contarenus*, clarissimo Patricio genere Venetiis, *Aloysio Contareno*, & *Polixena Malipetria*, foemina primaria, natus, ac postea S. R. E. creatus Cardinalis. Ipsi quantum debeatur, nobis tacentibus, loquantur subsequencia statim Auctoris Elogia &c. quæ ex *Alphonso Ciaconio de Vitis Pontificum Romanorum & S. R. E. Cardinalium*, ex *Pauli Jovii Elogiis Doctorum Virorum* aliisque Auctoribus huc curavimus transcribenda; ubi & simul *Contareni* effigiem voluimus exhibitam. Opus vero præsens, ubi ex sæpius iterata librorum editione de ipsorum judicare licet dignitate, nulli cedat, necesse est. Prodiit illud separatim *Basileæ*, Anno 1543. & 1544. in octavo, apud *Frobenium*; *Venetiis*, Anno 1563. in Octavo, & 1589. in Quarto, apud *Aldum*; *Lugduni Batavorum*, Anno 1628. & 1654. in 24. apud *Elzevirum*: ac una cum omnibus Auctoris Operibus *Parisiis*, Anno 1571. in Folio, apud *Sebastianum Nivellum*; item *Venetiis* Anno 1589. in Folio, apud *Damianum Zenarium*. Nobis vero illud publici juris denuo facere volentibus exemplar *Venetum* de Anno 1589. exemplo proponere visum est. Tanta quippe tot editionum copia nos pæne reddidisset inopes. Ea enim inter diversa illa exemplaria offendeatur lectio- num varietas, ut destitutis exemplari *Veneto* genuinum Auctoris sensum di- vinare non posset non esse difficillimum. Subjecimus tamen quasdam alibi repertas lectiones variantes, quæ ad sensum nonnihil videbantur facere. In primis pagina 9. & 10. ubi de admittendis ad Consilium Magnum Patriciis agitur, insignem locum, qui in editione *Veneta* non legebatur, ex *Elzeviria- na* de Anno 1628. reperiet Lector; ut & in fine Operis binas *Balthasaris Bonifacii* Epistolas, alteram de Majoribus Comitibus, alteram de Judiciis Capita- libus. Ad nostrum vero opus ut redeamus, dignum illud fuerat visum *Ni- colao Crasso*, in quod, ut & in *Donati Jannotii Dialogum de Republica Veneto- rum*, sua conscriberet annotata. Separatim hæc erant impressa, nonnisi ali- quot verborum adjecta allegatione: ideoque maxima cum difficultate quæ- rendus erat locus, ad quem illustrandum hæc vel illa pertinebat Nota. Hac molestia levare Lectorem jam curavimus, ubi nuper denuo impressus a no- bis *Jannotii Dialogus*. Subjecimus enim ibi ipsis paginis *Crassi* annotata, ut Textus & Nota illum illustrans uno habeantur intuitu. Hanc & in hoc opere nobis observandam censuimus legem, quadam tamen admissa diffe- rentia. Cum enim *Crassi* annotata *Jannotium* respicerent ut plurimum, ipsi- que in hujus *Dialogo*, editionis nostræ, locus assignatus esset debitus; ea hic repetere videbatur supervacaneum. Hinc ubi Auctor materiam tractat, quam *Crassus* in *Jannotii Dialogo* reddidit illustratam, Notam illam citatam subjecimus, reservatis & justo loco positis, quæ in solum præsens opus erant



## PRÆFATIO HUIUS NOVÆ EDITIONIS.

conscripta. Præterea cujus nos in editionibus nostris semper sumus studiosissimi, illud nec hic desideratum iri, confidimus. Eam enim dedimus operam, ut opus exhiberemus literis exscriptum nitidissimis in charta purissima. Nomina propria, ut eo facilius pateant, diversis a contextu consignavimus literis, quod & observatum, ubi alia absoluta materia ad aliam transit Auctor. Errores typographicos, qui in priores editiones irreperant varii, studiose hic sustulimus. Paginas Editionis *Venetæ* de Anno 1589. in *Quarto*, in nostra ad marginem posuimus, ut, ubi locus ex illa occurreret allegatus, is in hac reperiri possit æque facile ac in priori. Indicem denique, quo alias editiones videbamus plane destitutas, subjunximus locupletissimum. Hi in Tui, *Benevole Lector*, gratiam nostri sunt conatus. Vale nobisque fave.





# GASPARIS CONTARENI,

Cardinalis,

## VITA, EPITAPHIA ET ELOGIA.

**P**ATRICKII ordinis Venetus, ab insigni memoriâ illustrique doctrinâ mirabilis, ad Rempublicam ita accessit, ut gravitate judicii, consummatâ prudentiâ Senatoribus æquaretur: & deinde maximarum Legationum munia ceperet, non ætatis quidem, sed unâ virtutis prærogativâ commendatus.

Juvenis, tanquam perfectus peripateticus, Aristotelem à calumniâ defendit, quanquam modestiæ causâ suppresso nomine, adversus Pomponatium Præceptorem, cum ille impio conatu, animas nostras interire cum corpore, ex Aristotelis sententiâ, persuadere libro edito contendisset.

Anno 1537. Paulus III. Pontifex Maximus nihil tale expectantem in Senatum legit, purpurâque ornatum titulo S. Prædis in Germaniam Legatum misit Anno 1541. ut Religionis dissidium Ratisbonæ in Comitibus Imperii conciliaret. Sed cum casso labore redisset Romam, Legatus Bononiæ creatus est, vel Summi Pontificis Locum tenens, in quo munere paucos post menses rapidâ febre correptus obiit Anno Christi 1542. nondum sexagenarius.

Vitam ejus disertè descripsit Johannes Casa, Episcopus Beneventanus.

Obiit Bononiæ Kal. Septembris anno 1542. Corpus in Divi Petronii lateritio in tumulo depositum est eo consilio, ut Venetias ad Divæ Mariæ ab Horto in familiæ facellum postea exportaretur, quod factum est, ibidemque collocatum in sepulchro majorum suorum cum hoc epitaphio:

GASPARIS CONTARENI S. R. E. CARDINALIS OSSA,  
CUIUS ADMIRANDAM INTEGRITATEM, DOCTRINAM,  
AC ELOQUENTIAM IN UTRAQUE REPUB. ET APUD  
SUMMOS REGES GESTA ET SCRIPTA TESTANTUR.  
BONONIÆ LEGATUS PONTIF. NATURÆ CESSIT  
MDXLII. VIXIT ANN. LIX.  
ALOYSIUS EQUES, ET GASPAR EX FRATRE  
NEPOTES TANTO VIRO. P.

*Ejusdem corpus in D. Petronii depositum cohonestavit Janus Vitalis hoc carmine:*

CONTARENE TIBI PIETAS DUM DIU PARENTAT  
ET QUERITUR LONGO AMISSUM RESPUBLICA LUCTU:  
ITE, AIT, ILLUSTRÉS ANIMÆ, VITALIA SECLA  
HEROUM, ET VESTRO ATHLETÆ EXORNATE SEPULCHRUM  
FLORIBUS: HIC VERIS DOCUIT RATIONIBUS ESSE  
IMMORTALEM ANIMAM SUMMA DE MENTE CREATAM.  
OBIIT NONDUM SEXAGENARIUS ANNO MDXLII.  
JANUS VITALIS AMICO POS.

*Sepulchrum ejus lateritii operis in æde D. Proculi conspicitur, cum hoc Carmine M. Antonii Flamini:*

CONTARENE, TUO DOCUISTI MAGNE LIBELLO,  
EXTINCTIS ANIMAS VIVERE CORPORIBUS.  
ERGO JURE TUI VIVUNT MONUMENTA LIBELLI,  
ET VIVENT SECLIS INNUMERABILIBUS.

*Ejusdem Flamini Epigramma  
in Contareni librum de Magistratibus & Republica Venetorum.*

*Descripsit ille maximus quondam Plato,  
Longis suorum ambagibus Voluminum,  
Quis Civitatis optimus foret status.  
Sed hunc ab ipsa sæculorum origine,*



## ELOGIA ET SCRIPTA AUCTORIS.

*Nec ulla vidit, nec videbit Civitas.  
At Contarenius Optimam Rempublicam,  
Parvi libelli disputationibus,  
Illam probavit esse, plus millesima  
Quam cernit ætas Hadriatico in mari,  
Florere pace, litteris, pecunia.*

Epigramma

*Latomi in Contarenium.*

*Lectus es in Venetum, Romanum deinde Senatum,  
Firmior ingenio qui stat uterque tuo:  
At nunc cælesti fulges trabeatus in ostro  
Sceptra Magistratus æthereique geris.*

---

## SCRIPTA AUCTORIS.

**D**E Elementis Libri V.

Primæ Philosophiæ compendii Libri VII.

De Immortalitate animæ adversus Petrum Pomponatium Libri II.

Non dari quartam figuram syllogismorum secundum opinionem Galeni, ad Oddum de Oddis.

De Homocentricis, ad Hieronymum Fracastorium.

De Ratione anni, ad Joannem Genesium Sepulvedam.

De Magistratibus & Republica Venetorum Libri V.

De Sacramentis Christianæ legis & Catholicæ Ecclesiæ Libri IV.

De Officio Episcopi Libri II.

Scholia in Epistolas Divi Pauli.

Catechismus.

Conciliorum magis illustrium summa, ad Paulum III. Pont. Max.

Confutatio articulorum seu questionum Lutheri.

De potestate Pontificis, quod divinitus sit tradita, ad Nicolaum Theupolum.

De Justificatione.

De Libero Arbitrio.

De Prædestinatione.

Explanatio in psalmum: Ad te levavi Oculos meos.







Faint, illegible text or markings, possibly a signature or date, located below the portrait.





GASPAR CONTARENUS,  
Cardinalis.



# GASPARIS CONTARENI,

*Patricii Veneti & Cardinalis,*

DE

## MAGISTRATIBUS

ET

## REPUBLICA

## VENETORUM

LIBER PRIMUS.



**S**ÆPENUMERO animadverti complures advenas, prudentes homines, nec bonarum artium ignaros, quum primum *Venetias* venissent, atque amplitudinem ejus urbis contemplati essent, tanta esse admiratione & veluti stupore quodam perculsos, ut nihil mirandum magis, aut illustrius se unquam vidisse præ se ferrent, ac totius oris significatione ostenderent. Non tamen omnes ejusdem rei capiebat admiratio. Nam quibusdam mira quædam res, ac prorsus incredibilis esse videbatur, tam magnam mercium omnium copiam ex omnibus terrarum oris ac regionibus, perpetuo quodam ac constanti tenore, in hanc unam civitatem invehiri, indeque in longe diversissimas gentes terra marique deduci. At alios detinebat urbis frequentia, & omnium propemodum gentium conventus, veluti commune orbis emporium, una *Veneta* civitas esset. Nonnulli mirabantur magnitudinem imperii, latamque & terra & mari ditionem: at plerique omnes politioris & acrioris ingenii homines, hanc novam situs urbis rationem adeo ad omnia opportunam, ut deorum immortalium potius, quam hominum opus atque inventum fuisse arbitrarentur, & ob hanc potissimum causam *Venetiam* urbem omnibus aliis præstare, quæ aut hoc tempore usquam gentium sint, aut unquam fuerint. Ac nimirum, si superiora perspexeris, etiam hac tempestate nonnullas urbes invenire facile poteris, quas cum hac nostra conferas; non paucas verò seculis retroactis, quæ & imperii magnitudine, & frequentia populi, rerumque omnium copia & magnificentia urbi *Venetae* longè præstiterunt. Verum post hominum memoriam, nulla usquam gentium civitas existit, quæ tam opportuno, tam tuto situ, atque adeo superante omnium fidem condita fuerit. Plerique in condenda urbe satis se fecisse arbitrati sunt, si locum delegissent, ad quem difficilis & incommodus hostibus accessus esset ad eam invadendam atque obsidendam. Inde evenit; ut complures civitates conditæ sint, aut in editioribus & præruptis, aspero difficilique accessu, aut palustribus demissisque locis. Diversa quadam ratione nonnulli nihil præferendum censuere commodo, opportu-

noque situi ad importanda exportandaque omnia sine quibus sufficere civitas sibi nequeat, tum ad necessitatem, tum ad molliorem atque elegantiorum quendam vitæ cultum. Qui verò utrique rei studuerint, paucos admodum invenias, pauciores verò, qui id præstiterint, nullos autem quos sciam, qui omni ex parte id fuerint assequuti. At *Venetiarum* situs divino potius quodam consilio, quam humana industria præter fidem eorum omnium, qui eam civitatem non videre, cum ab omni impetu terra marique tutissimus est, tum etiam aptissimus omnium ad cujusque rei copiam, sive ex mari, sive ex continente civibus suggerendam, atque ad commercia omnis generis mercium, cum omnibus penè nationibus habenda. Nam in recessu penetralique *Adriatici* pelagi est sita, unde qua mare attinet ad continentem, magna æstuaria panduntur, miro artificio naturæ munita. Nam XII. millibus passuum à continente mare incipit esse vadofum: intra vadofa brevique littus assurgit, veluti agger quidam. Hæc fluctibus impetuique marino obstitentia, universam eam stationem internam, longe lateque fufam adeo tutam reddunt, ut non tantum maris impetus, quum assurgit, valida tempestate actus, fractis fluctibus retrocedat, verum etiam neque navibus adventantibus liber aditus pateat. Quin potius opus est, nisi leves admodum fuerint, ut his in locis, ubi vadofum mare esse incipit, in anchoris consistant: nactæ deinde tranquillam tempestatem, à peritisque gubernatoribus, seu potius vadorum exploratoribus circumactæ, angusta quadam & implicata via, quæ scilicet altior est unda, (hæc verò singulis ferè diebus æstu maris mutatur & variat) tandem ad Urbem perveniant. Littus illud, quod assurgit post vada, sexaginta ferè millibus passuum extenditur, atque interiora æstuaria concludit. Non ita tamen continuum est, ut non septem locis disruptum mari aditum ad internam stationem præbeat. Distat autem à continente sex millibus passuum. Hac ergo ratione *Venetae* urbis æstuaria hæc partim continente terra, partim littore ac vadis conclusa sunt; in quibus mediis, ea regione quæ *Rivoaltus* dicta à Majoribus, in hunc usque diem nomen servavit.

4. Edit. Elz. habet: ubi qua mare.

5. Edit. Elz. habet: fluctibus fremituique; mox: stationem internam; ac tandem, ead. period. quum assurgit etiam valida tempestate, ad interiora non nisi fractus penetrare possit, verum etiam neque navibus, &c.

6. Conferatur hic Donati Jannotii *Dialogus de Republica Venetorum* pag. 23. Edit. nostra Novissima; ibique Nicolai Crassi annotata. Not. 1.

1. Edit. Elzev. habet: ac si commune orbis imperium Veneta Civitas esset.

2. Edit. Elz. habet: nulla unquam; & paulo post: tam tuto, ac tandem tam alieno ab hominum fide, situ condita fuerit.

3. Edit. Elz. habet: aut in montium salebris, aspero difficilique accessu, aut locis palustribus.



Condita urbs fuit *Veneta*, quo tempore *Hunni* Duce *Attila* totam oram *Venetiam*, insignem *Italiae* provinciam, quæ hisce æstuariis finitima est, igne ac cædibus devastabant. In qua calamitate *Patavii*, *Aquilejæ*, *Opitergii*, *Concordiæ* atque *Altini*, illustrium *Venetiae* urbium cives, qui & nobilitate, & divitiis aliis præstiterunt, primum se cum familiis receperunt in nonnullas insulas, seu potius tumulos, qui in æstuariis hisce paululum è mari eminebant: ibidemque oppida extruxerunt, in quibus tanquam in tutissimo portu turbulentissimam illam *Attilæ* tempestatem effugerunt. Eodem autem tempore in littore, (de quo supra meminimus) nonnulla oppida condita fuere, eo convenientibus ejusdem oræ incolis, qui patrias item sedes reliquerant, ab *Hunnis* direptas, ac dirutas: tutumque locum quæsierant uxoribus, liberisque, atque (ut ita dicam) diis penatibus. Postmodum *Caroli Pipinique* Regum temporibus<sup>2</sup> communi consilio omnes in *Rivoaltum* convenire, veluti in locum omnium tutissimum, & maximè commodum. Ita eò convenientibus omnibus, quicunque vexationem & devastationem eam *Italiae* ab immani illa Barbarorum illuvie illatam, effugere potuerunt, in eam magnitudinem, quam nunc cernimus, excreverunt *Venetie*.

4 Urbis igitur *Venetae* situm maximè tutum esse liquere omnibus potest, vel ex ipsa ratione ejus urbis constituendæ, quum sibi homines illam condiderint, qui eam *Italiae* cladem atrocissimam effugere: ibique incolumes cum familiis in tantis calamitatibus perstitere. Quin post ea tempora (quod nulli unquam civitati legimus contigisse) à prima Urbis origine ad hæc usque tempora<sup>3</sup> per mille ferè ac centum annos integra semper ab hostili vi urbs *Veneta* perseveravit, quum tamen opulentissima ditissimaque auri argentique ac rerum omnium Civitas ab extremis etiam orbis regionibus barbaros ad prædam potuerit invitare. Quo fit, ut non male sentire existimem eos, qui una hac ratione *Venetias* cæteris civitatibus præstare censuerunt.

Verum aliud quiddam est in hac civitate, quod longe omnium præstantissimum censuerim ego: mecumque omnes, qui civitatem, non tantum moenia ac domos esse putant, sed civium conventum, atque ordinem potissimum hoc sibi nomen vindicare existimant. Ea est *Reipublicæ* scilicet ratio & forma, ex qua beata vita hominibus contingit. Hoc ego reor esse eximium illud ac præclarum, quo *Venetie* maximè enitere, atque omnem antiquitatem superare videantur. Nam etsi compertum est, nonnullas *Respublicas* extitisse, quæ imperio, ditione, tum militiæ disciplina ac bellorum gloria *Reipublicæ Venetæ* longè præstiterint, nulla tamen fuit, quæ institutione ac legibus ad bene, beateque vivendum idoneis, cum hac nostra conferri possit: quo effectum esse perspicimus, ut neque adeo diuturna ulla unquam perstiterit. Quam rem cum mecum ipse considero, magnopere mirari soleo Majorum nostrorum sapientiam, industriam, excellentem animi virtutem, atque adeo incredibilem erga patriam charitatem. Fuere *Athenis*, *Lacedæmone*, ac *Romæ* nonnulli cives vitæ probitate, atque in republicam insignes pietate viri: sed adeo pauci, ut multitudine obruti non multum rei patriæ profuerint. At Majores nostri, à quibus tam præclaram *Rempublicam* accepimus, omnes ad u-

A num consensere in studio patriæ firmandæ, & amplificandæ, nulla prope privati commodi & honoris habita ratione. Hujusce rei conjecturam facere quis facile poterit, minimè, inquam, ambiciosos fuisse *Venetos* homines, sed patriæ commodo tantum studuisse: quod nulla, aut admodum pauca, antiquorum monumenta *Venetis* extant, cum tamen domi forisque præclarè se gesserint, optimeque de *Republica* meriti fuerint: non sepulchra, non equestres aut pedestres statuæ, non rostra navium, aut vexilla ab hostibus direpta, ingentibus præliis superatis. Vnum ex innumeris gentilis mei *Andreae Contareni* Ducis exemplum afferam. *Genuensi* bello gravissimo, ac longè omnium periculossimo, cum Dux hic nostræ *Reipublicæ* præesset, incredibili sapientia, animique magnitudine singulari rem patriam servavit, hostesque jam victores maxima clade illata profligavit, omnesque ad unum, aut trucidavit, aut captivos fecit: conservata patria, re aucta confirmataque *Republica*, diem extremum clausit, ac testamento cavuit, ne ejus sepulchro, quod ad hunc usque diem visitur juxta templum divo *Stephano* dicatum, ulla Ducis insignia, ullave gentis nostræ affigerentur. Ne nomen quidem ibi tam magni Ducis inscriptum videas. Quae ejus modestia effectum est, ut Viri celeberrimi illustrissimique Principis monumentum plerique ignorent. Certissimum hoc reor argumentum esse, non ambitionis ventosæque famæ Majores nostros studiosos fuisse, sed patriæ tantum bono, communique utilitati consuluisse. Hac ergo incredibili virtute animi, Majores nostri hanc *Rempublicam* instituere, qualem post hominum memoriam nullam extitisse, si quis hanc nostram cum celeberrimis antiquorum conferat, facile animadvertat. Quin asserere ausim, neque monumentis insignium philosophorum, qui pro animi voto formas *Reipublicæ* effinxerunt, tam rectè formatam atque effectam ullam contineri. Quamobrem putavi ego exteris hominibus rem minimè ingratham, atque inutilem me facturum, si tam præclaram *Reipublicæ* institutionem literis mandarem: quum præsertim nullum his temporibus videam ex quamplurimis doctissimis viris, qui multum ingenio, eruditione rerum omnium, ac eloquentia valent, hanc rem literis illustravisse. Cui licet nihil luminis ex oratione nostra afferri posse certò sciam, per se tamen est adeò illustris, ut non tantum sibi, verum etiam orationi alioquin tenui multum splendoris & dignitatis sit allatura.

E Quamobrem cum de hac nostra *Republica* scribere instituerim, ut quilibet facile dignoscere queat, rectène, an perperam se habeat, hinc mihi potissimum Exordium sumendum reor. Hominem scilicet à natura civile animal effectum esse, solum verò nedum rectè vivere, sed nec vivere posse: id quod quotidiana necessitas, ac victus vestitusque ratio plane ostendit: ac ob eam causam, & à principio homines convenisse in hanc civilem societatem, ac deinde perseverasse, ut bene beateque viverent, hoc est, ut mutuo adjumento atque opera summum hominis bonum assequerentur, quoad fieri potest, donec mortalem hanc vitam degimus. Quamobrem etiam universa ratio civilis institutionis eò pertinet, ut, qua faciliiori via id fieri queat, cives faciat felices vitæ compotes. At felix beataque vita usu virtutis præcipuè contineri à summis Philosophis perhibetur, quod etiam probant certissimis rationibus, & argumentis evidentissimis. Verum usus virtutis & in muneribus bellicis elucet, & in functionibus pacis. Atqui quamvis laus bellica,

1. Edit. Elzev. habet: primas item sedes.  
2. Conf. Donati Jannotti *Dialogum de Republica Venetorum* p. 27. Edit. dicta; ibique Nicolai Crassi annotata. Not. 1.  
3. Conf. ejusdem Nicolai Crassi annotata. p. 12. dicta Edit. Not. 1.



totaque militaris ratio tum necessaria sit civitatibus pro conservanda libertate, ac finibus tuendis, tum etiam dignitatis & splendoris plurimum habeat; nihilominus respuit communis hominum sensus officia bellica, (quibus cædes ac mortaliū detrimenta in primis procurantur,) esse per se expetenda, atque ad ea cætera omnia civilia munera esse referenda. Ac crudelis quidem ingenii, vel potius ab humanitate abhorrentis hominis esset, optare prælia, cædes, incendia, hactenus de causa, ut in re militari clarus sit; adde etiam, si libeat, ut summi Imperatoris laudem consequatur. Quare omnes philosophi insignioris notæ in hanc sententiam consentire, bellum propter pacem expetendum esse, omnemque functionem virtutis militaris atque universam laudem bellicam ad pacis officia esse referendam. Quamobrem is reipublicæ institutor, qui laude dignus haberi, & ut dici solet, omne punctum tulisse videri vult, eam moderationem adhibeat, ac eum ordinem tueatur, ut ad virtutem accomodata tota reipublicæ institutio videatur: atque ad pacis functiones magis quàm ad bellica munia spectare existimetur, bellicis interim & militaribus non neglectis. Nam plerumque & finibus tuendis & propagandis, (dummodo id sine injuria fiat) necessaria est militaris virtus.

Cæterum iis, quæ diximus, constitutis, illud statim in controversiam revocari solet, gubernationi civitatis rectiusne unus, an pauci præfideant, an potius universa multitudo: qualem plerique effingunt statum illius, quæ propriè reipublica vocari debeat. Mihi quidem egregie statutum, sapienterque dictum videri solet, hominum gubernationem perperam homini cuiquam demandari, sed divinius aliquid esse oportere, cui officium istud incumbat: quod cognosci facile potest ex plerisque generibus animantium. Gregem enim ovium ovis non regit, nec equorum aut boiū armentum bos equulve aliquis moderatur, sed animal quoddam longè magis eximium tuetur, ac regit brutas animantes: homo, inquam, qui quantum brutis antecellat, est omnibus compertissimum. Itaque non diversa ratione hominem moderari, ac regere debet quippiam homine præstantius & divinius, si ex animi sententia res successura sit. Sed cum in mundanis rebus, quæ sensu percipiuntur, inveniri minime possit melius ac præstantius homine, ac homo varium quoddam sit animal, & longè diversis partibus constet: inferioribus quippe animi viribus cum bellis communionem habet, at supremis quodammodo deos immortales attingit: id rectè inter homines gubernatoris atque moderatoris locum tenere debet, quod est in homine divinum. Id verò omnium consensu est mens, divini tantum splendoris radius quidam à natura insitus hominum animis. Non ergo satis reipublicæ consultum erit, si gubernatio homini committatur, quem brutæ illæ vires sæpe perturbant, atque à recta semita revocant rationis, sed menti puræ ac motionum animi experti, id munus deferendum est. Quamobrem divino quodam consilio, cum alia ratione id fieri non posset, inventis legibus hoc assequutum humanum genus videtur, ut menti tantum ac rationi nullis perturbationibus obnoxia, hoc regendi hominum cœtus officium demandatum sit. Quod sanè deorum munus, ne scio an ullo inferius existimari debeat, si quis accurate secum reputet legum commoda. Primo namque in fanciendis, plurimi sapientes viri conveniunt, qui multarum rerum experientia docti, inventis aliorum, exemplisque veterum collatis, tandem post diuturnam consultationem decer-

nunt id, quod optimum visum fuerit: neque odio tunc, aut amicitia, aliave animi perturbatione à virtute deduci possunt, quum nullius privati causa agatur in legibus constituendis, quod in forensibus judiciis semper accidere solet. Post verò leges sancitas, si quis contra eas fecisse deprehendatur, easque poenas dederit, quas leges iusserint, jure nullum habere odio poterit. Proindeque metuendum non erit, ne qua seditio aut simultas inter cives contrahatur, maxima & periculosissima rerumpublicarum labes. Contra plerumque cum hominum judiciis, non vi legum quispian plectitur, discordiæ inimiciæque graves proveniunt. Nam fieri vix potest, ut non male affecti in eum simus, qui nobis detrimentum attulerit. Quo circa haud scio, an hominum generi à natura omnium parente quippiam hac legum inventionem majus concessum fuerit, quæ etiam jure diis immortalibus fuit ab antiquitate consecrata. Quin quod magis mirum videatur, *Aristoteles*, philosophorum facile Princeps in eo libello, quem *De Mundo* ad *Alexandrum*, Macedonum Regem, scripsit, nil aliud reperit, cui similem Deum optimum faceret, præter antiquam legem, in civitate rectè instituta: ut id propemodum tam magni philosophi sententia sit Deus in hac rerum universitate, quod antiqua lex in civili societate. Ac in *Libris*, in quibus de *Repubblica* tractat, legem, inquit, esse mentem sine appetitu: perinde ac si diceret mentem puram lucidam, nullis affectuum morbis infectam, ex quibus effici illud, quod superius diximus maxime opportunum atque optimum esse, quilibet perspiciat homo etiam tardioris ingenii, ut scilicet divinius quippiam homine cœtus hominum moderetur, ac regat. Quod si huic gubernationis muneri præficiatur homo, quum rari admodum sint & prudentia & probitate præditi, sique plerumque ob affectuum animi vim cum in judicando errent, tum maximè à recta animi sententia dimoveantur, non sine turbatione magna, ingentique periculo res processura est. Quod etiam si fieri posset, ut hominem inveniremus, adeò sapientem atque probum, atque adeo propositi tenacem, ut nulla animi perturbatione ab officio revocaretur: utique neque hac conditione optandus esset pro legum principatu hominis dominatus, qui mortali fragilique natura præditus, diutius eo munere fungi nequiret, quum leges æternitatem (ut ita dixerim) æquare possint. Ex his jam persuasum esse reor, summam imperii commendandam esse legibus, non homini: quàm paucissima verò, quando legibus comprehendendi non possunt, hominis arbitrio permittenda.

Verum necesse est, ut custos quispian ac veluti vicarius & minister legibus constituatur, qui pro legis imperio rempublicam regat: & quoniam neque legibus comprehendendi possunt omnia, tum quæ in judicium veniunt, tum quæ consultanda sunt, arbiter sit hujusmodi omnium. Rursusque eadem controversia redit, quæ ex legum sanctione soluta esse alicui videri potuisset: an scilicet unus melius, an pauci, an potius multitudo tuendis legibus, & his dijudicandis, ad quæ satis esse leges non possunt, præferenda sit. Ac, quamvis multorum sententia Regius dominatus aliis habeatur præstantior, crediderim tamen ego, tametsi unius principatus, qui vere regiam dignitatem ac jure sibi vindicaret, si res per se consideretur, optimus omnium est, nihilominus propter sapius in deteriore partem labile ingenium hominis, ac vitæ brevitatem, optimum omnium statum minimè esse sub regio principatu, sed multitudinis gubernationem civili societati magis



convenire: idque experientia rerum omnium magistra luculenter docet. Nam nullum regium principatum apud veteres extitisse unquam legimus, neque nostra tempestate conspeximus, qui non brevi in tyrannidem lapsus sit. Contrà plurimas respublicas multis seculis perdurasse, ac pace & bello floruisse. Ac multitudo quidem omnis gubernationi per se inepta est, nisi in unum quodammodo coalescat: quandoquidem neque multitudo ulla esse queat, nisi unitate aliqua contineatur. Quae de re civilis quoque societas dissipabitur, quae unitate quadam constat, nisi quapiam ratione multitudo unum efficiatur. Quo fit, ut praeclarissimi philosophi, qui de reipublicae institutione accurate scripserunt, temperandam rempublicam censeant ex optimatum & populari statu, eo adhibito temperamento, ut incommoda uniuscujusque gubernationis vitentur, commoda verò comparentur. Quocirca rempublicam *Lacedaemoniorum* summo opere laudant, in qua Reges, & Ephori, & Senatus effecerint missionem quandam, ut bene dignosci nequeat, sub quam gubernationis specie fuerit ea respublica collocanda. Id tamen reprehendunt, quod duntaxat ad belli munera instituta fuerit, nulla interim habita ratione officiorum pacis, atque otii, ex quo effectum esse, ut respublica illa multis & clarissimis virtutibus insignis, ubi primum in otio esse coepit, in deterius lapsa sit, ac demum corruerit. Quod etiam *Romanis* accidisse eadem prope causa compertum est: nec id esse eventurum latuit praecipuos *Romanos* Senatores, ex quibus *Nasica* censuit *Carthaginem*, tametsi *Romani* nominis aemulam, vel potius inimicam sempiternam, minimè diruendam esse: ut semper *Romanus* hostem haberet; cum quo agendum armis esset: ne inimico atque aemulo sublato ea Respublica instituta ad bellum, juvenusque in armis educata in sese arma converteret. Quod *Nasicae* consilium, quamvis à Senatu tunc repudiatum fuerit, contraque ejus sententiam decretum, rerum tamen ipsarum eventus prudentissimum fuisse ostendit. Nam everfa *Carthagine* continuo ferè bella civilia exarsere, quibus tandem florentissima, ac potentissima omnium, quae unquam fuerunt, respublica concidit, ac demum in Barbarorum praedam cessit opulentissima, seu potius rerum domina Civitas.

Sed ut aliquando ad institutum opus veniamus, majores nostros, qui *Venetam* Rempublicam instituerunt, mira quadam sapientia atque egregia probitate praeditos fuisse apparet, qui nihil praetermiserint, quod ad rectam reipublicae institutionem pertinere videretur. Primum namque ad usum muneraque virtutis instituere omnem vitam, functionemque suorum civium, semperque eis fuere potiora studia pacis quam belli. Et in eam curam potissimum incubuere, ne qua ratione concordia civilis solvi posset, non neglectis interea officiis bellicis, his, inquam, quae nostrae Civitati maxime convenirent. Nam is est Urbis situs, ut valde idoneus sit maritimae militiae, terrestri verò parum aptus. Neque enim huic Urbi aliquo pacto accomodari queunt, aut equitum turmae, aut peditum acies, ut ex his, quae supra de Urbis situ à nobis accurate descripto diximus, perspicue conjici potest. Eam verò<sup>1</sup> in hac Republica moderationem ac temperamentum adhibuere<sup>2</sup>, eamque missionem omnium statuum, qui recti

1. Edit. Elzev. habet: Enimvero hac in re temperiem adhibuere.

2. Conferatur hic Nicolai Grassi de Republica Venetorum Liber Singularis, qui olim Notis in Donatum Jannotium & Auctorem nostrum subjunctus, nunc vero apud nos & separatim prodit.

A sunt, ut haec una Respublica & regium principatum & optimatum gubernationem, & civile item regimen referat: adeo ut omnium formas pari quodam libramento commiscuisse videantur, quod clarè ex operis processu liquebit.

Verum, ut tandem Reipublicae *Venetae* institutionem aggrediamur, summa totius Civitatis auctoritas, & ex cujus decretis & legibus, tum Senatus, tum Magistratus omnes jus potestatemque habent, penes illud Consilium est, in quod Nobiles omnes Cives conveniunt, qui annum XXV. excessere; nam plerique alii, qui nondum id aetatis habent, ubi tamen annum XX. peregerint, hoc jus fortis beneficio adipiscuntur: de cujus rei universa ratione inferius dicemus. Nunc à nobis illud primum omnium statuatur, probè à Majoribus nostris cautum fuisse, ne plebs admitteretur ad conventum hunc civium, in quo est summa Reipublicae potestas. Deinde non minore prudentia factam fuisse civium hanc definitionem generis nobilitate potius quam facultatum censu, quemadmodum fieri consueverat in priscis Rebuspublicis, ac plerique veteres philosophi praecipiant esse faciendum. Civitas namque civium societas est: nec tamen omnes hi homines, quibus indiget civitas, aut qui intra moenia urbis habitant, sunt habendi pro civibus, neque jure in civium numero sunt collocandi. Opificibus enim cuius civitati est opus, aliisque permultis, qui mercede operam suam locant, ac privatis demum servis: at nullus horum civis vere dici potest. Nam civis liber est homo: hi vero omnes servitutem serviunt, vel privatam, vel publicam. Mercenarii namque & opifices omnes veluti servi publici haberi debent. Etenim non dissimili modo à natura constitutum fuisse animal putandum est, ac civitatem ab hominibus constitui oportere. In animante verò multae sunt partes, quae animatae non sunt; illis tamen indiget animal, ut vivat: sic in civium coetu multis hominibus est opus, qui tamen minimè partes civitatis aut esse, aut haberi debeant, nec in civium numero collocari. Quamobrem sapienter à Majoribus nostris cautum est, ne universus populus summam potestatem habeat in hac Republica, quam longe optimam voluerunt. Summa enim turbatio, popularesque tumultus frequenter concitantur in illis civitatibus, in quibus summa rerum est apud populum: quod etiam in quibusdam rebuspublicis observatum fuisse legimus, & à nonnullis philosophis praecipuum. Hoc tamen rectè se posse assequi arbitrati sunt, si jus hoc administrandae reipublicae definiretur censu atque copia rei familiaris: verum in maximas difficultates, nec mediocria incommoda incidere. Nam frequenter evenit, ut infimae plebis homines comparent sibi ingentes facultates: quippe qui plerumque sordidis artibus, officiisque minime liberalibus dant operam augendae rei, neque unquam sibi parant, quin potius genium fraudant, ut opes accumulent. Contrà ingenui cives ac liberaliter educati pauperes fiunt, seu adversa fortuna, (ut frequenter accidit) seu quòd liberalibus studiis additi universam hanc augendae rei familiaris operam negligunt. Qua ratione fit, ut sordidi homines, qui nil aliud sapiunt quam lucrum, bonarum verò artium expertes sunt, paulatim rempublicam capestant: ingenui verò ac liberaliter educati, opibus sensim deficientibus, à jure civium decidunt. Inde maximas seditiones oriri, ac rempublicam turbari necesse est. Ideo Majores nostri, sapientissimi homines, ne sua Respublica quandoque in has calamitates incideret, hanc definitionem publici juris, generis nobilitate



tate longe melius fieri censuerunt, quam magnitudine census: ea tamen temperatione, ne tantum supremæ nobilitatis viri hoc jus haberent, (illud enim paucorum potentia fuisset, non reipublica) sed etiam quicumque alii cives non ignobiles. Itaque omnes, qui aut genere nobiles extiterent, aut virtute insignes, aut de Republica bene meriti, principio hoc jus Civitatis regendæ adepti sunt. Quod si post eum primum Civium conventum Nobiles alii fuere, qui tum opibus, tum strenuis gestis Rempublicam auxerint, nimirum illis omnibus jus administrandæ Reipublicæ concessum fuit, id quod & temporibus nostris vidimus. Nam nonnulli etiam advenæ, externique homines in hunc numerum Civium asciti sunt, vel ob eam causam, quod nobilissimi, vel quod officiosi erga Rempublicam fuerint, eamque insigni quopiam facinore honestarint.

Univertus ergo hic Civium conventus, seu (ut dicitur) *Magnum hoc Consilium*, penes quod summum totius Reipublicæ jus est, & à quo etiam Senatus Magistratumque omnium auctoritas pendet, in hac Republica vicem refert popularis status. Dux verò qui præfinitum imperandi tempus non habet, sed dum vixerit, præsidet, regiam præ se fert potestatem, præsertim cum regiam speciem habeat, ac gravitatem dignitatemque regis servet. Reliqui verò Cives regia veneratione Ducem prosequuntur, omniaque decreta & leges, tum etiam publicæ literæ, sub Ducis nomine prodeunt. At *Senatus, Decem-Viri, Seniorumque seu Præconsultorum Collegium*, qui apud nos vulgò *Sapientes* appellantur, eorum, inquam, qui præconsultunt, ac de Republica ad Senatum referunt, ostendunt quandam optimatum speciem.

Quæ cum sint præcipuæ Reipublicæ hujus partes, antequam ad inferiores Magistratus deveniamus, de iis primo sigillatim dicendum est. Initium verò sumatur à *Majori Consilio*, à quo universa pendet Respublica. Omnes ordinis Patricii juvenes, qui XX annum exegere, ad Magistratum, qui vulgò *Advocatorius* dicitur, accedunt, cui præcipuè legum tutela demandata est, coram quo constituti cum patre, aut matre, si pater decesserit, aut proximioris generis cognato, si utroque parente orbatu fuerint, adhibitis duobus testibus, honestis viris, sed alienis à matre, probant sese natos ex eo, quem patrem profitentur, non spurios: sed matrimonio legibus statuto & ex matre honesta muliere. Testes verò in hæc verba jurant, sibi id compertum esse ex omnium quos novere attestatone, atque ex omnium assensu. Deinde pater seu mater, vel consanguineus genere proximus, si fuerit is juvenis utroque parente orbatus, jurejurando asserit, adolescentem XX. annos excessisse. Quæ quum rite à Scriba Magistratus illius in codicem fuerint relata, diem

A quartam mensis Decembris opperiantur: eademque die omnium horum adolescentum nomina, qui nondum sortis beneficio jus Civis adepti sunt, nec vigesimum quintum annum excesserunt, in urnam conjiciuntur, & ad Principem deferuntur: ibique coram Consiliariis ea urna constituitur. Penes quam est & altera, in qua tot sunt pilulæ seu globuli, quot nomina in priori fuerint, suis quæque notata syngraphis. Pilularum quinta pars aurea est, reliquæ omnes argenteæ. Extrahit Princeps ex priori urna nomen, mox & ex altera pilulam: quæ si aurea fuerit, juvenis is, cujus nomen exierat, confestim publicæ potestatis jus habet, & in

B Majus Consilium admittitur: sin argentea, sorte decedit, ac insequentis anni sortem opperitur, nisi eo temporis spatio XXV. annum exegerit. Nam quicumque patricius ad id ætatis pervenerit, continuo jus habet civis, publicæque potestatis est particeps, atque in hoc Consilium Majus admittitur. Hac igitur ratione quinta pars candidatorum juvenum quotannis recipitur ad jus suffragii ferendi cum aliis Civibus. Quod si accidat, ut cujuspiam Patricii pater atque avus, vel propterea quod absentes fuerint, vel ob aliam causam nunquam hoc jure suffragii ferendi sint usi, eorumque nomina nunquam fuerint relata in

C publicos codices, in quibus Patriciorum omnium nomina sunt descripta: ne qua fraus confici posset, neve quispiam degener furim obrepat in hunc Nobilitatis cœtum, noluerunt arbitrio tantum Advocatorii Magistratus eam rem constitui ac decerni; sed lege cautum est: *Ut hi referentibus Advocatoribus ad XL. Viros agnationem Patriciam probent, atque testibus & scripturis publicis: sicque causa cognita disceptantibus Quadraginta-Viris decernitur, an ad ordinem Patricium admittendus sit.* Ne autem quispiam impune tentare hujusmodi judicium audeat; itidem decretum est: *Quicumque referre de Nobilitate sua voluerit ad eos juvices, prius ad Magistratum afferat quingentos nummos aureos, qui in ærarium referuntur, si ille deciderit à causa.* Ea fuit Majorum nostrorum diligentia, ne qua labe Nobilium hic cœtus inficeretur. Qua de causa etiam illi cives, qui vigesimum quintum annum excesserunt, non prius adipiscuntur jus suffragii ferendi, quam coram Advocatoribus constituti jurejurando patris seu matris, aut proximioris consanguinei probaverint, se ad id ætatis devenisse: ac duobus item testibus, se ex eo Patricio genitos quem parentem

E men, ejusque parentis utriusque. Ad hæc duo, qui sanguinis necessitudine infantem proxime attingant, sacramento verba sancientes testari coguntur infantem integris natalibus esse, idque omnium opinione approbat: sibi que matris ejus pudicitiam optime cognitam. Quorum quidem natalium attestaciones non possunt publicis monumentis consignari, nisi præstituto tempore, matrimonium prius Triumviris innoverit. Quod ne forte aliquando negligatur, proferuntur prius matrimoniorum catalogi, nec, nisi agnita quo de agitur matrimonii delatione, infantis natalia describuntur. Series autem utriusque delationis, hoc est nuptiarum inter parentes, ortusque liberorum, subscriptione Triumvirorum, qui de eis cognoverunt, intra dies quindecim roborari debet cum præscriptione diei & anni, quo eas muniri contigerit. Hujusmodi porro acta à nullis tabellionibus aut notariis, præterquam à duobus, quos Primarios appellant, scribi possunt, quod si scribantur, abrogata fide, irrita & nulla pronuntiantur, quibus omnibus ad amissum observatis pater candidati, si vivus est, alioqui mater, aut duo ex conjunctissimis sistunt juvenem coram Triumviris, poscentes, ut inter magni Consilii procures cooptetur. Primarius deinde intenta voce legit juvenis ortum ejusque parentum matrimonium, temporibus à lege statutis, professum atque delatum; tum ad Trium-viros conversus: *Illustrissimi Patres*, inquit, *Pater, aut Mater, aut cognati proximi sistunt vobis hunc nobilem juvenem (illum digitum ostendens) & jris-jurandi religione affirmabant, illum ipsum esse cujus modo natalis dies à me vobis pronuntiatus est, idque: absque furo & fraude dolore malo.*

A 3

1. Hic Edit. Elzev. addita habet sequentia:

*Eadem plenius & planius explicantur in hunc modum:*

Accedere possunt ad hoc Patricii juvenes annos viginti nati, certis tamen & constitutis quibusdam legibus servatis. Deferri enim oportet ac significari Trium-viris, quos Advocatores vocant, nuptias legitimas parentum intra mensem, postquam traducta uxor fuerit; quod si contingat unum aliquem ex Trium-viris esse affinem, aut agnatum, ejus in locum ad eam causam cognoscendam sufficitur Consiliarius ex superioribus. Sponsum jurare oportet, & matrimonium legitimum esse contractum, & eam sceminam, quam ipse duxerit, esse honestam, nullaque insignem nota. Conjurare item oportet quatuor testes, qui nuptiis præsentibus affuerint, quibusque mulieris status sit cognitus, cujus nomen & parentes debent profiteri: quo possint ex nuptiæ (quod attinet ad nobilitatem) rejici, quæ cum sceminæ impudicæ, aut servilis abjectæve alias conditionis constitissent. Deferri quoque, & in publicis describi opus est natalem diem, statim atque editus puer in lucem fuerit, aut certe intra proximum mensem, coram Trium-viris, nemine eorum absente; alioqui irrita delatio censetur explicandi verumque infantis no-



tem profitentur, non spurios nec matre pudenda.

Postquam omnis ferè ratio à nobis exposita est, qua civibus ad jus publicæ potestatis aditus fiat, illud animadvertendum existimo, Majores nostros sensisse plurimum ad amicitiam & unionem Civium conciliandam & conservandam conferre, si sæpius in unum convenirent. Quare tum legibus, tum veteri consuetudine inolevit mos ille, *ut octavo ferè quolibet die, interdum etiam frequentius, Consilium Magnum cogeretur.* Hujus præcipuum munus est, ut omnes Magistratus creet, tum eos qui in Urbe jus dicunt, & aliis Reipublicæ muneribus funguntur, Senatum quoque & Decem Viros, tum etiam Prætores, Præfectos, Quæstoreque oppidorum atque urbium, quæ in societatem *Venet*i Imperii sunt ascitæ, nec non Custodes arcium, classis Imperatorem, Legatos, item, classis triremium Præsides, ac demum (ut uno complectar verbo) quoscunque qui domi vel foris jus habeant publicæ potestatis. Leges item omnes, quæ ad constitutionem Reipublicæ pertinent, hujus Consilii auctoritate sanciantur, quod præcipuè fieri consuevit tempore interregni, cum scilicet mortuo Duce nondum alius ei suffectus sit. Sed inferius de Interregno.

Nunc omnis *Comitiorum* habendorum Ratio à nobis exponetur. Circa meridiem, quibusque ferè diebus festis Consilium hoc cogitur sub amplo spatioloque tecto, quod liceat appellare *Comitium*. In eo decem sunt sedilia longissima, utpote, quæ longitudinem Comitii penè æquent. Cives omnes, ut quisque eo loci pervenerit, sessum eunt, ut cuique libuerit. Nulli enim statutus est locus in Comitio, præterquam quibusdam Magistratibus, qui Comitii præfunt. Ii verò sunt Dux, Consilarii, & Quadraginta Virorum Præsides tres, qui in elatori suggestu sedent, atque soli jus habent referendi ad Magnum Consilium. Post hos in mediis ferè subelliis, quæ paulo elatiora sunt ad parietes Comitii posita, certis statutisque sedibus, Advocatores sedent, tresque Decem Virum Præsides, ac demum quàm longissime à suggestu Ducis sunt subsellia Auditorum Veterum, ac Recentium, de quibus omnibus Magistratibus à nobis infra dicitur. Cateri verò Cives omnes (ut dicebam) promiscuè pro animi arbitrio sedent. Statuta deinde hora fores Comitii clauduntur, ferunturque claves ad suggestum Principis, & ad ejus pedes locantur. Tunc Scriba primus, qui honos est non Patriciorum, maximæ tamen dignitatis, assurgit, atque elatiore loco constitutus vocè magna pronunciat Magistratus, quorum sunt eo die habenda Comitia. Pronunciatis Magistratibus, continuo ex eo loco confert se ad suggestum, in quo est Princeps, altaque voce citat Magistratus, præfides Comitiorum, quos supra memoravimus, ut ad Principem seu Consilarios, si Princeps abfuerit, accedant. Jussi confestim accedunt, ibique jurejurando interpositio pollicentur, *operam se duros, ut leges Comitiorum servantur, pronunciaturosque civem eum, qui contra decreta aliquid egerit, ac poena legibus constituta punituros.* His peractis ad sua quisque loca revertitur, præter unum ex Advocatoribus, ac unum ex Præfectis Decem Virum, qui ad extremam partem atrii se conferunt adversam Principis suggestui, ibique destinatis sedibus confident. Reliqui vero Advocatores in dextro latere Comitii, duo verò reliqui Decem Virum Præsides sinistro latere è regione Advocatorum se item locant. Consimili

A ratione Auditores Veteres & Recentis extremo loco Comitii, quem dicimus longissimè distare à suggestu Principis, oppositis lateribus confident, dextro inquam ac sinistro: ut hujusmodi Magistratum confessu universo Civium Consilio omni ex parte appositi custodes esse videantur, ne quis impune quippiam agere possit, contra leges & Comitiorum decreta. Magistratibus hunc in modum dispositis, tres urnæ<sup>2</sup> juxta Principis suggestum statuuntur, in quibus conduntur globuli aurei argenteique, hocque modo dispositæ, ut in medio suggestu sit una, ex utroque latere itidem una, in quarum utraque triginta tantum sunt globuli aurei, innumeri verò argentei. In media verò urna sexaginta tantum globuli conduntur, quorum triginta sex aurei, argentei verò viginti quatuor: suntque aurei omnes globuli, certis literarum notis inscripti, quas singulis Comitii sorte educunt, ne qua posset subesse fraus. Locatis urnis, tres Consilarii cæteris juniores è suis sedibus surgunt, ac ad extremam partem suggestus juxta tres eas urnas sessum eunt, ea ratione, ut singulis singuli Consilarii assideant. His ita actis & dispositis, sortes ducuntur, atque is ordo Civium, cujus fors exierit, consurgit ex utroque Comitii latere. Per atrium enim quod longum est, decem sunt sedilium ordines dispositi, in quibus pro cujusque arbitrio confidere Cives suprà diximus, unaque tantum fors duobus ordinibus inservit, iis scilicet, qui ex utroque latere Comitii sibi respondent. Is ergo ordo, cujus fors exierit, magna præconis voce citatur, & ex utroque latere Comitii, eo ordine, quo sorti libuerit, consurgitur: civesque eo quo sederint ordine, ad eas se urnas conferunt, quibus juxta suggestum Principis constituti Consilarii assident: ac manu imposita quisque globulum unum educit. Qui si argenteus sit, diverso itinere ad sedile, unde surrexerat, revertitur. At qui aureum eduxerit, confestim Consilario, qui urnæ illi præest, conspiciendum tradit: ille diligenter notam agnoscit. Illa notæ inscriptio ea ratione est inventa, ne quisquam efferre domo secum posset aureum, quem manu furtim impositum videretur ex urna eduxisse, sicque per fraudem Elector fieret. Is ergo cui fors aurei obtigerit, continuo ad mediam urnam se confert, indeque alium globulum extrahit. Qui si argenteus fuerit, impos voti revertitur ad eundem locum, unde discesserit; sin vero aureus fuerit, suggestum ascendit, atque è regione Principis destinato locu sessum it. Secundus qui eadem sorte usus fuerit, eodem etiam se recipit, ac item tertius: sicque deinceps cæteri, quousque novem fuerint, qui primum Electorum ordinem complent, atque ita eo in ordine disponuntur, ut solius ætatis ratio habeatur, præterea nullius rei.

Hoc loco institutum illud minime prætereundum est, illos qui sortis beneficio Electores sunt facti, statim alta voce à Scriba pronunciari sole-re, adeo ut omnes audiant: neque amplius facultatem ullam esse cuiquam ejus consanguineo, aut affini arcta necessitudine conjuncto tentandi sortem, qua Elector fieri queat: neque etiam pluribus quàm duobus Gentilibus aditus patet ad ordines Electorum, quod summa prudentia Majores nostri instituerunt, ut scilicet ad plures agnationes ac familias hoc munus eligendi perveniat, publicumque hoc beneficium latius pateat inter Cives: satis enim haberi debet, si ex una familia fors duobus contingat, qua publicæ auctoritatis compotes efficiantur.

Sed

1. Edit. Elz. habet: leges Comitiorum servantur, non pronunciaturos civem eum, qui contra decreta aliquid egerit, sed poena legibus constituta, &c.

2. Vid. Donati Jannotii *Dialog. de Rep. Venet.* p. 65. Edit. Novissima; ibique Nicolai Crassi annotata.



Sed eò revertatur, unde nostra divertit oratio. Primus hic Ordo Electorum Civium è vestigio ut completus fuerit, è Comitio egreditur, simulque novem illi se in certum conclave recipiant. Hic Scriba unus à Secretis Reipublicæ adest: primum Electoribus nunciat ea, quæ legibus præscripta in Magistratibus eligendis servari debeant. Leguntur item Senatusconsulta, ac cæteræ leges, quibus cavetur, ne pecunia corrupti Electores, seu quapiam mala arte & fraude eligant, vel, ut rectius dixerim, nuncupent eos, qui competitores futuri sunt, ac suffragiis consilii proponendi disponuntur. Deinde novem illi Electores, pro cuiusque ætate, seniores scilicet digniori loco, priorique sedent. Nullum enim aliud discrimen, præterquam ætatis, inter Cives *Veneti* esse volunt, quod seditionis nullius aut simultatis unquam id causa fuerit: neque à summis philosophis, Aristotele, inquam, in *Politicis*, & Xenophonte in *Cyri Persarum Regis Institutione*, opere longè celeberrimo, est prætermisum. Electoribus eo ordine dispositis, novem item globuli in urnam conijciuntur, numeris in quoque notatis, ab uno ad novenarium. In pagina verò paululum longiore inscripti sunt Magistratus, quorum habentur Comitia suo ordine. Maximus natu Electorum, ex urna sortem educit: numerus forti inscriptus inspicitur, ac quotus fuerit numerus, in eo etiam Magistratu, qui in pagina illo fuerit numero descriptus, pronuntiandi quem voluerit Civem jus habet. Idem contingit secundo, tertio, ac deinceps omnibus, ut scilicet ducta sorte quisque Electorum proprii Magistratus beneficio & arbitrio sortis sit pronuntiator effectus. Postmodum is, cui primi Magistratus fors obtigerit, eum Civem pronunciat, quem voluerit. Itur in suffragia à novem Electoribus. Si sex suffragia, vel plura tulerit Electus ab eo Electorum ordine, in eo Magistratu renuntiatur, ac ejus nomen in pagina ea oblonga, in qua Magistratus omnes, quorum habentur Comitia, sunt inscripti, ab uno Electorum subscribitur notæ primi Magistratus. Quòd si pauciora quàm sex suffragia tulerit, quod rarissimè evenit, iterum alius ab eodem Electore proponitur. Atque eadem ratione res deinde peragitur, & sic deinceps, quousque aliquis proponatur, qui approbetur sex Electorum judicio. Idem eligendi modus in secundo, tertio, omnibusque aliis servatur, quoad ille Electorum ordo in singulos Magistratus singulos Cives elegerit.

Interim verò dum hæc in Conclavi aguntur, reliqui Cives ordinem sortium in Comitio cœptum non intermittunt; sed ad urnas se conferunt, prout cuique sedilium ordini fors contingit: deinde globulos educunt, donec novem alii sortem utramque auream ex urna extraxerint. Hi complent Secundum Electorum Ordinem, qui habita (ut dictum est) ætatis ratione, & ipsi in Conclave destinatum seorsum secedunt: quo in loco adest & alius Scriba à Secretis, qui ratione nulla in re dispari à priore, tum leges ac Senatusconsulta, quæ servanda illis sunt, recitat palàm, tum suo quemque loco collocat: paginamque defert eisdem Magistratibus, eademque ferie, qua prior illa, quam in Conclavi primi Electorum ordinis delatam fuissè supra diximus. Itidem sortes ab Electoribus educuntur, ut quisque suam educit, à singulis pronunciantur Cives singuli in Magistratibus, quorum Comitia sunt, prout cuiusque Electoris fors tulerit. Ac eodem ferme modo post hos

14 tertii novem eadem ratione Tertium Ordinem

A complentes, in privatum quoque Conclave secedunt, in quo eadem ad amussim observantur. Sic etiam Quarti novem in suum, atque hoc pacto explent numerum triginta sex Civium; totidem enim fuerant globuli aurei in urna medio suggestu constituta. Quamobrem ex sexaginta Civibus, quibus ex primis urnis sexaginta pilulæ aureæ contingere, triginta sex Electores fiunt, in quatuor classes distributi: quatuor verò & viginti, qui ex media urna globulos argenteos eduxerunt, spe frustrati sessum redeunt. Non me latet, perquam arduum esse minuta hæc à veterum *Romanorum* usu longe remota, literis illustrare, sed potius inepti culpam mihi censeo subeundam, quàm parum diligentis. Ideo minima quæque etiam accurate sanè à nobis recensentur, adeò ut nihil amplius etiam ab homine diligenti desiderari queat.

B Nunc revertamur, unde digressa est oratio. Cum ergo in quolibet Magistratu, cujus eo die habentur Comitia, à classibus quatuor Electorum quatuor item Cives electi sunt, à singulis inquam singuli: nisi fortè contingat unum aliquem à duobus, aut tribus Ordinibus Electorum renunciari, quod interdum accidit, sed plerumque cuiusque Magistratus quatuor fiunt Competitores: in nonnullis tamen parvæ dignitatis, ac inferioris notæ Magistratibus duo tantum fiunt competitores: duæ namque priores Electorum Classes jus habent eligendi, ac pronuntiandi competitores, in illis minoribus Magistratibus, cum posteriores Classes eo jure sint privatæ. Postquam Magistratum omnium competitores electi fuerint, ea quam suprà exposuimus ratione, confestim Electores dimittuntur, neque suffragari ea die cuiquam possunt, nec etiam Comitii interesse: ac Scriba Magnus, qui (ut dixi) patricius honos non est, sed tamen maximæ est existimationis, ex suggestu magna voce pronunciat Competitores primi Magistratus: ac sigillatim recitat, quis, & à quo Electorum ordine electus sit, nec non quo Electorum auctore, & in quo ordine unusquisque Competitorum nominatus fuerit. Quo mihi in loco illud nequaquam prætereundum existimo, legibus sancitum esse, ut *Elector ille, quo auctore quisque Competitorum pronuntiatus ac electus sit, veluti fidejussor ejus habeatur: ac si contingat pronuntiatum Civem superatis Competitoribus voti compotem Magistratum eum adipisci, quem petebat, ac in eo Magistratu pecuniæ publicæ quippiam averterit, ac damnatus fuerit peculatus, nec solvendo sit, is Elector, quo auctore pronuntiatus est, in ærarios referatur.* Igitur alta voce à Magno Scriba pronuntiatis Competitoribus primi Magistratus, continuò pronuntiati, si adfuerint, cum Gentilibus quisque suis, ac maxime necessariis cognatis è Comitio egrediuntur, & in Conclave destinatum se conferunt. Ibique opperiantur, donec illius Magistratus habeantur Comitia. His peractis, idem Magnus Scriba omnes admonet, *divinis atque humanis legibus unumquemque teneri, ut ei suffragetur, qui omnium optimus ac Reipublice utilissimus fore videatur:* deinde primum Competitorem nominat, à primo scilicet Electorum ordine electum, pro quo in suffragia eundum sit. Continuo juvenes tot consurgunt, ut unicuique sedilium ordini bini inserviant. Hi urnas quasdam manibus gestant, miro artificio inter se coagmentatas, exterior est viridis, interior alba, unico fornice superius tectæ: in quem cum manum in-

3. Conf. Donati Jannotii *Dialogum de Rep. Venet.* ibique Nicolai Grassi annotata p. 71. *Edis. Noviss.*



15 injeceris, liceat tibi in utrum volueris suffragium demittere: cum tamen nullus, etiam qui adsit<sup>1</sup>, ac diligenter inspiciat, dignoscere queat, in utram urnam suffragium sive calculum conjeceris. Nec fabis suffragantur, sed pilulis quibusdam linteis, ne qua ratione ex sono, quem cadentes in urnam fabæ facturæ sint, dignosci possit, in utram urnam calculus sit jactus. Nam Majores nostri maximè Reipublicæ conducere existimavere, si libera judicia fierent: idcircoque summam operam dedere, ut suffragia quàm occultissima essent. Juvenes ergo illi cum suis quisque urnis invicem coagmentatis ad sedile suum concedunt, ac cuique Civium eo, quo sederunt ordine, urnas offerunt. Quilibet vero Civis palam ostenso calculo manum in fornem imponit, ac in utram voluerit urnam, eum demittit: si suffragari velit, in interiorē albam: si vero refragari, in exteriorē viridem. Simul in unoquoque sedilium hac ratione atque eo, quo diximus, modo in suffragia itur. Quo fit, ut brevi admodum temporis spatio ab universo conventu Civium suffragatum sit. Tunc urnæ deferuntur ad suggestum Principis, ibique collecta suffragia effunduntur in duo vasa patula, ea videlicet, quæ fuerunt in urnis albis, & quæ faverint, in vas candidum; at quæ in viridibus urnis collecta sunt suffragia, quibus repellitur Competitor ille ab eo Magistratu, itidem in viride vas conjiciuntur. Deinde ad Consiliarios numeranda deferuntur, inter quos medius sedet Princeps. Candidi vasis suffragia, Competitori faventia, ab eis Consiliariis numerantur, qui dextro Principis latere assident. At collecta in vase viridi, quæ scilicet refragantur, ab his, qui ad lævam Principis sederint, recognoscuntur. Scribæ publici Consiliariis adstant, statimque perscribunt numerum suffragiorum. Interea dum primi suffragia recensentur, eadem ratione pro secundo in suffragia itur, qui à secunda Electorum Classe fuerit electus. Deferuntur itidem suffragia ad Consiliarios. Numerant illi, Scribæ autem numerum suffragiorum scriptis mandant. Sic pro tertio, ac demum pro quarto, si tot fuerint Competitores, in suffragia itur. Numeratis suffragiis, is qui plurima tulerit, dummodo dimidia excedant, pronunciat Electus à Magno Scriba, quum peractis omnium Magistratum Comitibus consilium dimittendum est. Sin autem ejus Magistratus Competitorum nullus plura suffragia quàm dimidia omnium tulerit, præteriti hi omnes habentur, differturque electio ad altera Comititia. Post primi Magistratus Comititia peracta pronunciantur nomina Electorum in secundo. Discedunt in Conclave Competitores cum gentilibus ac cognatis. At illi qui conclusi erant, primorum scilicet Competitorum gentiles atque cognati, in Comitium redeunt. Eadem ratione nulla in re dispari à priori, eodem ordine itur in suffragia pro secundo hujusce Magistratus Competitoribus, atque item numerantur à Consiliariis. Is electus habetur, qui suffragiis alios superavit, dummodo plura dimidiis sint. Sic pro tertio, item deinceps pro quarto, hoc demum in omnibus aliis Magistratibus servatur. Comitibus confectis, Electorum nomina magna voce pronunciantur<sup>2</sup> à Scriba Magno, postea dimittitur Consilium: neque omnino ultra solis occasum protrahi Comititia queunt. Quod si ea solis occasus interceperit, statim renunciantur, qui

16 A ad eam horam fuerint electi: eorum, qui restant, nulla ratio haberi potest. Itaque beneficio, quod eis cum fors, tum electorum Classes attulerant, exclusi tempore<sup>3</sup>, minime frui queunt. Fuitque hoc summa ratione decretum: nam haud facile factu esset, si res in noctem protraheretur, ut tam magna Civium multitudo a Magistratibus, qui Comitibus præfecti sunt, in officio contineri posset, ut tenebris faventibus non aliquid contra leges agerent. Idcirco Majores nostri sapientissimi viri, qui eximia prudentia, & animi solertia omnia prospexisse videntur, statuere, ultra solis occasum Comititia ne protrahi liceret, neve ullo pacto lucernam ullam in atrium illud inferri, dum Comititia haberentur.

B Hæc est omnis Comitiorum habendorum ratio; in qua minime est prætereundum, ita inter Cives distribui Magistratus, ut tamen duo ejusdem gentis, aut etiam consanguinei maxime necessarii, in eodem magistratu esse non possint. Quemadmodum neque iisdem Comitibus duo gentiles, aut agnati, maxime necessarii, fortis beneficio Electores esse queunt, ut suprâ ostendimus. Quod summa quidem ratione statutum est, ut scilicet jus publicæ potestatis ad plures pertineat, non autem ad paucos necessarios contrahatur. Nam hi potestatem adepti moliri aliquid facile possent, Rempublicamque turbare. Plurimi præterea, honorum facti expertes, Rempublicam oderint, rebusque novis studeant, necesse est. Eam verò Rempublicam, quam pars civium, eaque magna non probat, diutius consistere posse, non videtur esse valde sperandum. Magis autem reipublicæ proprium nihil prorsus est, quàm publicam potestatem ad plures pertinere: nam cum Respublica ex iis planè civibus constet, quos inter summa sit æqualitas, ut in honoribus adipiscendis dispares sint, non minime convenit. Etenim paucorum statum, quem *Græci* *ὀλιγαρχίαν* dicunt, facile constituunt, qui jus publicum contrahunt ad paucos necessarios. Quamobrem in Republica *Veneta* ita magistratus inter cives distribuuntur, ut quoad fieri possit, omnes familiæ agnationesque honorum, munerumque Reipublicæ sint participes: ea tamen ratione, ut non quivis, sed hi tantum viri, qui & probitate & prudentia excellunt, Rempublicam administrant, ac muneribus publicis fungantur. Prior illa institutio populare quiddam sapit: altera verò optimatum gubernationem. Quare luce clarius intueri licet, omnes rectas gubernationes civitatum in hac una Republica esse commistas.

E Nam quamvis hoc Magnum Consilium speciem quandam referat popularis status, nihilominus in eo perspicitur commistam esse rationem optimatum gubernationis cum populari. Nam sorte eligi magistratus, populare est. In eo enim statu civitatis iustum atque æquum æqualitate Arithmetica metiuntur: atque ita reputant, quum unusquisque è populo unus sit civis, & liber, ac paribus paria debeantur, unumquemque ex populo pari jure ac commodò frui debere in Republica: neque esse causam, cur alius minus alio magistratus consequi possit. Quum vero omnes simul nequeant imperare, sed per vices, æquum esse existimant, ut res sorti committatur, utque imperent ii, quibus illa faverit. Contrà in paucorum potentia, quæ aberrat à Republica optimatum, usu venit. Quippe arbitrantur, cum imparibus imparia debeantur, divitesque superent alios cives copia rei familiaris, eis quoque supremos

1. Edit. Elzev. habet: etiamsi adsit.

2. Conf. Donati Jannotii *Dialogum de Republica Venetorum* p. 72. Edit. cit. ibique Nicolai Crassi annotata.

3. Edit. Elzev. habet: spe frustrati.



mos honores deberi. In quo utrique falluntur; longeque à vera ratione recedunt, licet verissimili nitantur. Nam quod inquit, paribus paria, aut imparibus imparia deberi, rectè statuunt; in eo verò, quòd paritatem priores numero tantum, posteriores imparitatem solum divitiis metiuntur, procul dubio perperam judicant. Etenim qui numero pares sunt, aliqua in parte pares sunt, non omnino pares. Et qui divitiis impares, non omnino impares censendi sunt, sed aliqua tantum ratione impares. Verum cum civilis societas ad bene vivendum sit instituta, virtus sola discrimen hoc efficit. His ergo, qui virtute præstant, tanquam imparibus ac potioribus, supremi etiam honores in republica debentur: æqualibus verò virtute ac civili industria æquales etiam honores. Hic modus, hæc norma optimatum est. Sicuti ergo populare est, uti sorte in Electoribus constituendis: ita est optimatum, ut is, qui virtute præstare iudicio Consilii existimatus fuerit, potior habeatur, ac reliqui repulsam ferant, qui indigniores habiti sint. Qua ex re facile perspicitur, in hac Comitiorum habendorum ratione commistam esse cum populari specie optimatum formam: eo tamen temperamento, ut id, quod est optimatum, superet rationem popularem. Nam fors in Electoribus tantum constituendis dominatur: cuius potestatis nequam etiam homines Reipublicæ absque detrimento

A compotes esse queunt, parque jus habere cum optimis civibus. At in mandandis honoribus nil fortis est, totum in electione & iudicio positum est.

Quo in loco non omittendum illud institutum censeo, in Comitibus Magistratum, qui exigunt viros præcipua quadam bonitate ac solertia præditos, quatuor Ordinibus Electorum, de quibus supra memini, Senatum velut quintum Ordinem explere. Nam dum Ordines illi in Conclavibus ad hoc munus destinatis eos pronunciant, quos voluerint Competitores, si fiant Comitibus cuiuspiam horum, quos dixi, Magistratum, cogitur Senatus in Minus Atrium: ibique unicuique Senatori licet eum, quem voluerit, in certis illis Magistratibus nominare, pro quibus in suffragia itur. At is, qui plura attulerit, pronunciat Electus Senatus Scrutinio, fitque quintus Competitor. Quamobrem liquidò apparet, præstantiorem esse in nostra Republica formam optimatum, quam status popularis. Cæterum huiusmodi Comitiorum modus, ac ratio satis hæcenus diligenter à nobis exposita est. Accedamus ad eam Reipublicæ partem, quæ, veluti in fidibus ad constituendam *Ἀνασών* consonantiam vox gravis proportionem quadam acutæ respondet, sic etiam specie quadam regia parti populari respondeat, ac demum in unum concentum optimæ Reipublicæ, injectis mediis Magistratibus, coalescat.

## LIBER SECUNDUS.



ULLUS est, qui ignoret Principem in urbe *Veneta* personam Regis, ac speciem regie gubernationis præ se ferre. Ideo non absque ratione, postquam is à nobis Conventus Civium est descriptus, qui populi formam habeat, si non satis pro rei ipsius dignitate, pro tenuitate tamen nostra non indiligenter: sequitur, ut explicare aggrediamur, qua ratione ducti Majores nostri, optimi atque sapientissimi homines, Principem unum Reipublicæ præesse voluerunt, tum verò, quibus temporibus ac qualis fuerit huius Principis præficiendi origo. Neminem puto latere, id quod à nobis sæpius hoc toto opere est repetendum, civitatem civilem quandam societatem esse, quæ per se sufficiat ad bene beateque vivendum. Omnem verò societatem unitate quadam contineri, quis ambigat? contra autem distractione solvi. Quo effectum est, ut discordia civilique dissidio, maximæ & opulentissimæ civitates brevi corruerint, funditusque eversæ sint. Unitas verò commodè contineri non potest, nisi ab uno, qui multitudini civium ac universis magistratibus, quibus certæ quædam functiones sint demandatæ, præsit, atque multitudinem quodammodo diffluentem colligat, atque in unum conciliet. Quod philosophi summi ac præcipui naturæ indagatores, cum in universi constitutione, tum etiam in microcosmo hoc, id est animali, animadvertere. Nam perpexerunt in hac rerum universitate multos ac difformes motus, prout scilicet uniuscujusque natura fert, ab uno cœlesti, ac diurno contineri: omnes etiam causas ab una prima omnium causa: demum in uno animali plurima ac longe diversa membra, quorum functiones variæ difformesque sint, una tamen amica & unico membro, corde scilicet, comprehendere, atque in unitatem quandam colligi. Pari propemodum ratione multitudinem civium, si ita fuerit legibus instituta, ut unum quempiam præsidem velit, cui bonum

D commune omnium, ac unionis civilis conservandæ cura præcipue incumbat, quò uniuscujusque civis, tum privati, tum magistratu fungentis actiones, tanquam ad ultimum finem & præcipuum referri debent; nimirum diutius non poterit conservari, sed in diversas partes distracta decidet. Quod ut nullius civis culpa aut injuria contingat, ex singulorum quidem sedulitate circa proprium, privatumque munus accidere necesse erit, cum commune bonum nulli præcipue sit demandatum. Age rem spectemus in rei frumentariæ Præfectis. Hi potissimum in hanc curam incumbunt, ut opera sua magna frumenti copia ex omnibus partibus invehatur in urbem, sitque tritici annona vilis. At hoc fortasse publicis vectigalibus officiet. Navalis quoque Rei Præsides, quod pulcherrimum habemus, non dissimili ratione maxime studebunt, ut quamplurimas triremes ædificent, omnibusque bellicis & nauticis instrumentis exornent egregie, atque pecunias publicas undique coactas in eum usum expendant: ex qua forsitan sedulitate reliqui redditus publici, & reficiendis arcium & oppidorum mœnibus, & custodibus regionum satis esse non poterunt. Quamobrem solutis compagibus, Respublica distracta dilabitur, non vitio, sed studio civium, dum quisque perquam egregie munus suum obire studet. Quod si hisce incommodis effici videtur, ut operæ pretium sit boni communis curam alicui præcipue demandare, cujus nullum sit certum quoddam officium, sed solum moderetur, & dirigat cuiusque functionem ad commune bonum, & ad reipublicæ unionem: pluribus æquè hoc negotium committi non reor expedire civitati. Etenim id, quod pariter plures curant, omnes pariter negligunt; ut inquit *Aristoteles*, neque si quid perperam agatur, culpa potest in unum quendam præ aliis conferri. Ut interim omittam æmulationem ac simultates, quæ inter pares plerumque esse solent. Sin verò unus huic rei præficiatur, qui temporaneum hunc magistratum gerat, utputa annum aut se-



meistrem, non autem quoad vixerit: hic nimirum bene secum agi putabit, si tantisper Respublica feliciter agat, donec defunctus fuerit magistratu, securus, quid postmodum sit eventurum, ac quo res casura sit. Quare contingit, ut male plerumque res cedat. Id quod certissimo experimento compertum esse potest, à plerisque rebus publicis sumpto, quæ hoc gubernationis genere nostris temporibus usæ sunt. Ideo à nostra Civitate sapientissime institutum fuit, ut in hac Republica constitueretur quædam species regiae gubernationis, adeò legibus temperata, ut quovis incommodo ac periculo, quæ Reipublicæ imminere possent, amotis, utilitate verò & commodo, quod regia gubernatio habere solet, ascito; nihil relictum esse videretur, quod esset desiderandum, ac simul Rempublicam liberrimam, & Regem præsidem haberemus.

Unus ergo *Princeps* eligitur, qui etiam habet *Ducis* nomen. Is quoad vixerit, Reipublicæ præest: præcipue curam boni communis habet; quo maxime civitates contineri, superius à nobis efficaci ratione probatum esse reor. Hujus nulla certa functio tamen est in universa Republica<sup>1</sup>, cujus expers esse debeat. Hic cum unumquemque privatum, tum etiam quoscunque magistratus ita debet in officio continere, atque ea ratione moderari, ut veluti quadam harmonia omnia consonent communi bono, atque ad unionem civilem referantur: ne qua scilicet functio aut nimia sedulitate magis quam opus sit intenta, aut negligentia remissa utilitati communi officiat. Hoc igitur est Principis munus, ut tanquam in quadam Reipublicæ specula positus conspiciatur, quid unusquisque rerum agat, eorum præsertim, qui publica auctoritate ornati fuerint: ac si quem perspiciat, qui officio suo desit, accersitum coram universo Collegio verbis primum castiget, ac si res ita tulerit, adhibitis Advocatoribus, seu *X* Virum Præfectis, mandet culpam ejus dignoscere, ac de Consilii sententia puniri. Ipse quoque Dux, si velit, tum Advocatoris, tum Præfecti Decem Virum auctoritate uti potest, atque de cujusque crimine, & de multa infligenda ad Consilium referre. Id quo more fieri soleat, infra docebimus, quum de Judiciis Criminum agemus. Eam enim Princeps obtinet potestatem, ut in quovis Civium Collegio sese adjungere collegam possit Magistratui Præsidi, parque cum aliis præfectis jus habeat: ut hac potissimum ratione omnibus consulere queat. Verum potestas hæc adeò est legibus contracta, ut nihil solus possit, aliis Magistratibus adjunctus non amplius auctoritatis obtineat, quam quivis unus eorum, qui eo Magistratu funguntur. Quin etiam Magistratum jus adeò modicum est, ut nullus quamvis summus sit, quidquam statuere possit, quod alicujus momenti haberi debeat, nisi de Consilii sententia. Sed de his suo loco luculenter dicetur. In quovis præterea Consilio Princeps unius tantum suffragii tanquam unus ex illis jus habet. In Magno item Consilio, in conventu omnium Civium dum Comitia Magistratum fiunt, neque gentili, neque consanguineo competitori suffragari potest, verum eodem parique jure cum omnibus utitur. Ex his igitur puto, quemcunque facile intellecturum, *Venetorum* Principi omnem ademptam esse facultatem Principatu abutendi, & pro tyranno se gerendi. Quæ res diuturna, vetustissimaque consuetudine, à primis originibus Urbis ad hæc usque tempora perducta, adeò ino-

A levit, ac confirmata est, ut nihil minus Urbi *Venetae* timendum sit, quam Principem Reipublicæ libertati ullum unquam negotium faceßere posse. Verum enim vero, cum maximos labores, atque ingentem sollicitudinem animi, ni aliqua tanquam merces adderetur, universi rejecturi essent, potestatis dispendium Principi repensum est, adhibitis honore, dignitate, ac specie regia. Nam ornatus corporis regius est, purpurea enim veste aut aurea semper utitur. Capite gestat velamen linteum pro regio Diademate: id supra gestat capitum purpureum, limbo aureo ornatum, cujus pars, quæ occiput tegit, in cornu formam assurgit. Sedem in suggestu habet veluti regiam. Omnes cives tum privati, tum Magistratum gerentes, detecto capite, ac stantes, sedentem Principem alloquuntur: honoris hac tempestate præcipuum signum. Nulli Princeps assurgit. Publicæ literæ omnes sub nomine ipsius prodeunt, obsignanturque. Orator quivis, Prætor, Præfectus, aut quilibet alius, qui ad Senatum scribere voluerit literas, ad Principem destinat: decretorum, legum, ac Senatusconsultorum promulgationes nomine Principis fiunt. Nummi omnes tam aurei, quam argentei cum nomine, atque imagine Principis excuduntur. Tandem ut paucis absolvam, ubique Regis speciem intueri possis, potestatem nusquam. Sapientissimè hoc quidem in Republica *Veneta*, ut cætera omnia, constitutum fuisse, nullus sanæ mentis inficiari ausit. Nam hac honoris mercede laboriosum alioquin Principis munus rependitur, quod solum virtutis præmium esse vulgus prædicat, & summi Philosophi prodidere. Ex quibus Aristoteles in *Ethicis* inquit: *Quum hi, qui rectè & sanctè magistratum gerunt, non suæ sed aliorum utilitati consulant, nulla alia ratione æquum eis præmium tribui posse, præterquam ut honore alios antecellant.* Præterea hujusce Principis dignitas in primis facit, ut omnes cives & castigationem ejus maximè vereantur, & injuncta munera majori sedulitate perficiant.

Adjuncti sunt Principi sex Consilarii<sup>2</sup>, ex senis tribus, in quas divisa est universa Civitas, delecti ex singulis scilicet singuli. Hi octimestrem magistratum gerunt, perpetuoque assident Principi, omnia cum Principe audiunt, nullæ literæ publicæ exeunt, nisi ex sententia quatuor Consiliorum, qui etiam nomina sua literis adscribunt, non his tamen, quæ prodeunt, sed illis, quas scribæ Reipublicæ primum scripserunt, atque post exempla edita servant. In qua quidem re illud haudquaquam est prætereundum, hæc literas, quæ non ex decreto Consilii, sed jussu Principis & Consiliorum datæ sunt ad quempiam, ut res parvi momenti, modicæ esse auctoritatis. Sanè illud sæpius nobis repetendum est, omne jus, omnemque potestatem Consiliis esse duntaxat attributam: nullum verò Magistratum per se ampliam potestatem obtinere. Sed de Consiliariis infra dicetur.

Nunc ad Principem, seu Ducem, quidem oratio redeat. Hac igitur specie regia Principi adfixa, quoniam plerumque contigerat, ut privatæ opes satis non essent ad tuendam eam dignitatem, atque ad eum locum honestandum, ex publico ærario constituta sunt in singulos annos Duci, tria millia & quingenti aureorum nummum, ac ne fortasse quisquam paulo avarior in rem

1. Edit. Elzev. habet: Hujus nulla est privata functio, nulla etiam est in universa Republica,

2. Conf. Donati Jannorii *Dialog. de Republ. Venet.* pag. 91. Edit. nostra; ibique Nicolai Crassi annotata.



rem familiarem, neglecta dignitate atque utilitate publica, cum pecuniæ summam convertat, iuncta sunt illi munera quædam, quæ suis impensis obeat, suæque ipsius dignitati & usui Republicæ consulat. Quæ si, ut pecuniis parcat, negligat, hæredibus adeo ingens pecuniæ multa est imposita, ut dum rei familiari augendæ Princeps studere velit, & hæredibus prodesse, magnam ejus jacturam faciat, si ob avaritiam dignitati suæ desit; hæreditariam quandam præterea ignominiam & dedecus posteris relicturus. Complures stipitatores alit, inermes tamen: sericis vestibus semper utitur: domum habitat aulæis mirifice instructam: suppellectilis argenteæ copiam habet, cæteraque id genus, quæ Principi viro conveniunt. Singulis annis quater prandium parat, sexaginta & amplius civibus, laute atque opipare instructum. Qua in re pervetustum *Lacedæmoniorum* morem atque *Cretensium* (quorum Republicæ illustres fuere) moderatum tamen, Majores nostri in hanc nostram Rempublicam transfudere. Nam quia summopere conducebat ad benevolentiam civium conciliandam conventus civium frequens, convivia quædam publica impensis ærarii fieri voluerunt tum *Lacedæmonii*, tum *Cretenses*: ad quæ cum cives convenirent, & unusquisque faciliè quemvis dignoscere poterat, & necessitudine quadam arctiori ex consuetudine illa communi invicem vincebantur. Verùm cum omnes promiscue convenirent, necesse erat plerumque in conviviis illis turbas ac tumultus excitari: quumque ii, quorum ea cura erat, pro se quisque cives laute excipere vellet, pecuniæ publicæ magnam jacturam faciebant. Quapropter correctione quadam modoque adhibito vetus illud institutum etiam ad *Venetos* deductum est, omneque id negotium Principi demandatum. Quater ergo singulis annis cives à Principe adhibentur, lautis sanè sed non invidiosis epulis. Nec unusquisque promiscuè accedit, sed hi tantum quos Princeps asciverit, præter Consiliarios & Advocatores, Præfectos Quadraginta Virum, ac Decem Virum Præsides, qui jure quodam eorum Magistratum semper conviviis Principum interfunt. Cæteri cives omnes invitati accedunt. Hac autem ratione quatuor hæc convivia distributa sunt, ut seniores dignioresque cives invitati, circa brumam die divo *Stephano* Protomartyri dicato summo mane conveniant in ædes publicas, habitationi Principum destinatas, ac solenni pompa domo Principem deducant in ædem divi *Marci*: simulque ibi sacris interfunt, quibus peractis ad ædes suas Principem reducant, ibique simul epulentur. Aprili etiam mense die *Marci* Evangelistæ cuius numen *Veneti* præcipuum habent, & quem Patronum sibi asciverunt, posteaquam corporis ejus reliquiæ ex *Alexandria*, illustri urbe *Ægypti*, *Venetias* delatæ sunt, cives ætate & dignitate minores invitati à Principe, eodem more ac pompa celebratis sacris, ad Principis prandium se conferunt. *Ascensionis* quoque die festo, quo die nundinæ *Venetis* fiunt, adhibentur à Principe hi, qui virilem ætatem attigerunt. Hi item summo mane deducunt domo Ducem unaque cum eo nave conscendunt quàm ornatissimè ad hos usus constructam, quam *Veneti* *Bucentaurum* vocant: postquam verò æstuarium sunt egressi, cum primum liberum apertumque mare intueri licet, antiquorum Pontificum beneficio, qui hanc Rempublicam pro rebus quamplurimis fortiter & egregiè gestis contra communes nominis *Christiani* hostes, honestare voluerunt, Princeps jacto annulo aureo in mare, inquit totidem ferè verbis, *se in signum veri perpetuique imperii eo annulo mare*

A *desponsare*. His adduntur ab urbis Præfule cærimoniarum quædam, quibus peractis, descendunt in ædem divo *Nicolao* dicatam, vetustam sanè, & quæ in littore condita est, quod mare ab æstuariis determinat. Ibi sacra mytheria celebrantur, quibus rite peractis, consensu rursus navi, *Venetias* reversi, Principem domum reducant, simulque convivantur. Quarto epulæ pertinent ad juvenes cives, qui duodecimo Calendas Iulias die dicata *Vito* & *Modesto* Martyribus, solenni pompa cum Principe ad eorum Templum accedunt, quod quidem Templum ultra Rivum magnum, qui urbem mediam dividit, est situm, qui quidem rivus ponte jungitur supra triremes ædificato, pro temporis ratione, ne immenso ferè circuitu iter illud conficiendum sit. Templum igitur invisunt, sacris interfunt, ac demum à Principe domum reducto lauto sanè excipiuntur convivio. Atque ad has epulas frequenter adhibentur saltatores, mimi, cantatores egregii, qui convivæ oblectent: intermiscuntur interdum ludi nonnulli, quibus mirifice spectatores tenentur. Sic igitur vetus illud institutum in *Venetam* Rempublicam concessit, moderatum tamen. Nam hac ratione cujuscunque ferè ordinis cives, pares tamen cum paribus, ad epulas accersuntur, sicque cum dignitati Principis, tum etiam maximè conciliandis invicem civibus egregiè consultum esse videtur. Cæterum, quoniam Cives Patricii singulo quoque anno hisce epulis honestari non queunt, ne ullus præteritus videatur, veteri instituto ac lege constitutum est, ut hyeme unicuique civi, qui in majori Consilio suffragandi jus habeat, à Principe mittantur quinque marinæ anates, veluti convivii quædam publici portio, quod etiam ad conciliandos cives Duci non parum adjuvare censei potest. Hisce impensis infumitur magna pecuniæ pars, quæ ex ærario Principi quotannis numeratur. Quo fit, ut etiam si propter avaritiam velit, nequeat tamen Dux ullis avaritiæ foribus feedare dignitatem, atque amplitudinem loci, quem tenet.

Hoc loco quoniam ferè omnis potestas, atque auctoritas Principis est à nobis explicata, referre operæ pretium est, quo initio quibusve temporibus Ducis hujusce creandi *Venetis* consilium initum fuerit: ac demum, quænam sit ratio committorum in Duce eligendo. A prima statim urbis origine cum nobilissimi quique *Venetæ* provinciae cives, *Aquileja*, *Altino*, *Concordia*, *Opitergio*, *Patavio*, ac plerisque aliis urbibus amplissimis atque opulentissimis, *Hunnorum* impetu everfis, qui Rege *Attila* Duce maximam *Italiæ* cladem attulere, in ea æstuarium maris *Adriatici* convenissent, in quibus postea *Veneta* Urbs condita est, ac in vicinioribus patriæ locis, quam liquerant, unusquisque sedes suas posuissent, ædificata fuere circiter duo & viginti oppida, partim in littore eo, quod interiora æstuarium claudit, partim in tumulis quibusdam, qui ex æstuariis eminebant. Ac primis initiis cum ea oppida, neque per se satis munita essent, neque navigiorum copia alicui oppido tanta suppeteret, ut piratis ac prædonibus pro se quisque obfistere posset, optimum fore censuere, si de omnibus in commune consulerent, cum omnium eadem etiam fortuna esset: ac communi consilio prospicerent, cum annonæ, tritici, vini, frugumque omnium, quæ victui necessariae sunt, tum maximè propriorum larium securitati: ne quam injuriam seu detrimentum acciperent à piratis, quibus nondum satis oppidis munitis expositi erant. Quamobrem cum prius unumquodque oppidum præfectum ac Præsidem sibi ex suis civibus



bus delegisset, quem Tribunum vocabant, constitutum est inter omnes, ut certis diebus Tribuni hi convenirent, ac de re communi decernerent. Paulò post usu compertum est, cum ulli nemini præter cæteros cura hæc incumberet, ac propterea multa incommoda paterentur, commodissimam & utilissimam rem omnibus fore, si uni cuiquam communis boni procuratio demandaretur, quem omnes alii uti Principem agnoscerent. Itaque decretum est omnium oppidorum consensu, ut Dux seu Princeps unus eligeretur. Huic principio constituta est sedes in oppido *Heraclea* nuncupato. Situm id erat in intimis æstuariis, in insula quadam juxta *Plavis* fluminis ostium, quæ nostris temporibus alluvione fluvii continenti conjuncta est. Postmodum verò cum locus is non satis idoneus videretur: nam cum in recessu eo esset, sæpenumero priusquam mali fama eò pervenisset, piratæ jam intra æstuarium penetrarant, ac vel imprudentes oppidanos oppræsserant, vel navigia diripuerant: idcirco statuerunt satius fore, Principem relicta *Heraclea Melamochum* concedere, oppidum in medio littore situm, ex quo Dux faciliè præsentire posset, si quid insidiarum à piratis strueretur, ac parvo negotio adesse ubicunque opus fuisset. Demum quo tempore *Pipinus* cladem & servitutem initiis illis & quasi elementis *Venetæ* Urbis minabatur, cum omnes *Rivoaltum* ex omnibus oppidis concessissent, Principis etiam sedes eò loci translata est, quo cunctis oppidanis convenientibus in eam amplitudinem, quam cernimus, *Venetæ* excrevere. Sic igitur perpetuo quodam tenore à primis statim Urbis originibus unus Princeps Reipublicæ *Venetæ* præfuit. Primi illi aliquanto majoris auctoritatis fuere: postea verò usu docente paulatim sanctioribus institutis, ac legibus potestas Principis ad hanc, quam cernimus, temperationem deducta est.

Ratio verò eligendi Ducis, qui priori vita functo successurus sit, primum quidem simplex fuit, nam cum Majores nostri singulari quadam bonitate præditi, atque ab ambitione penitus alieni essent, unusquisque pro se eam sollicitudinem recusabat. Quapropter acclamatione populi, is qui omnium optimus ac prudentissimus haberetur, Princeps renunciabatur. Post prima ea tempora aucta Civitate & populo ampliore effecto, inutile fore Reipublicæ visum est, si temeritati atque auræ populari res tam magna committeretur. Decretum itaque est, ut eligerentur undecim viri omnium probatissimi, qui creandi Ducis potestatem haberent. Deinde quum aliquantum simul cum Imperio etiam ambitio excrevisset, instituta sunt nova quædam atque inusitata Comititia, ac perplexa quædam Ducis eligendi ratio inventa. Hanc nos, ne quid incepto operi desit, paucis exponemus. Defuncto Principe ac iustis piæ, honorificeque persolutis, Consiliarii, qui interregni illius tempore se in sedes publicas habitationi Principis destinatas continuo post Principis obitum receperunt, Magnum Consilium vocant. In eo primo post interitum Ducis conventu, ea ratione Comitiorum, quàm suprà narravimus, quinque Cives creantur, qui defuncti Principis res gestas diligenter scrutari debeant, ac de Consilii sententia, si quid ab eo contra leges ac decreta sit factum, rescindant. Si à quopiam etiam munus acceperit, ac

A statuta pepercerit impensæ, ea quinque hisce referentibus irrogatur hæredibus à Consilio multa, quam leges jussérunt. Pecuniaria ea est, eaque summa aris de hæreditate Principis publicatur, atque in ærarium refertur. Eisdem Comititiis eliguntur quinque alii Cives, qui eodem momento quo renunciati sunt, recipiunt se in Conclave Comitio adjunctum: neque inde discedunt, antequam inter eos re consultata, statuant quid ipsis de potestate Principis detrahendum, aut addendum videatur. Re inter eos discussa, iterum cogitur Consilium, quo coacto egrediuntur illi è Conclavi, (nam prius non licet) ac suam quisque sententiam ad Consilium refert de Principis Jure, atque universis Civibus disceptantibus suffragiis decernitur id, quod maxime Reipublicæ usui fore visum fuerit. Id decretum inter leges, quas Principes servare debeant, statim refertur. Constituta Principis potestate, postmodum inquit perplexa illa Comitiorum ratio, quibus Princeps creari solet. Conveniunt Cives omnes, qui triginta annos exceßerint. Nam juniores eaque ætate minores veteri Reipublicæ instituto ad ea Comititia non admittuntur. Numerantur deinde universi cives, ac totidem globuli in urnam conjiciuntur, quot cives fuerint. Ex his triginta sunt aurei, cæteri omnes argentei. Ea urna statuitur ante suggestum Comitii, ubi Consiliarii confidunt. Adstat urnæ puerulus, qui sortes educat. Subsellia Civium vocantur. Ad eam urnam accedunt omnes eo, quo sederunt, ordine, nullus tamen, quod in aliis Comititiis fieri consuevit, in urnam manum imponit, sed puer qui astat, pro singulo quoque globulum unum educit. Il, quibus argenteus obtigerit, statim egrediuntur è Comitio. At is, cui fors faverit, educto aureo globulo, à Scriba alta voce pronunciatur. Continuo ille in certum Conclave secedit: ejus verò gentiles & consanguinei omnes arcta necessitudine conjuncti ex suo quisque loco assurgit: universique in partem atrii concedunt. Numerantur ibidem, ac totidem globuli argentei ex urna extrahuntur: exceduntque hi ex Comitio, hoc pacto triginta, quibus sortis beneficio aureus globulus obtigerit, deliguntur ex universo Civium cœtu. Quo peracto consilium dimittitur. Postquam omnes discessere, triginta illi è Conclavi egrediuntur, ac coram Consiliariis denuo sortem subeunt, ita ut novem quibus fors faverit Electores fiant, cæterisque dimissis in Conclave secedunt, huic muneri destinatum: ibique soli concluduntur, nullo prorsus, ne ministro quidem admisso: nulli copia fit eos alloquendi, neque inde discedere possunt, priusquam quadraginta Viros elegerint: nullusque referri potest ab eis electus, nisi sex suffragia tulerit. Quo fit, ut quatuor refragantibus nullus electus pronunciari queat. Quum primum quadraginta hosce viros elegerint, per internuncium custodem ac janitorem publicum certiores Consiliarios faciunt, se munus suum obiisse. E vestigio Consiliarii, nisi hora diei fuerit valde intempestiva, Consilium Magnum vocant. Postquam Cives omnes in Curiam convenere, profertur syngrapha ex Conclavi, in qua nomina descripta sunt civium Electorum. Ac Scriba primus ascenso suggestu magna voce pronunciat quadraginta designatos Cives. Horum quisque, si interfuerit, cum primum audierit se pronunciari, à loco ubi confederat, surgit, & ad suggestum Consiliarium, indeque in Conclave destinatum concedit. Sin autem eorum quispiam absens fuerit, confestim ab uno ex Consiliariis, item ex Quadraginta Virum Præfectis, vel per totam urbem conquiratur. Inventus primum

1. Edit. Elzer. habet: Paulo post experientia compertum est, cum nulli ex aliis præcipue cura hæc incumberet.

2. Conf. Donati Jannotii *Dialog. de Republ. Venet.* pag. 41. Edit. nostræ; ibique Nicolai Crassi annotata.







populum facit. Denunciat creationem novi Ducis, eumque modestè laudat. Post illum item Dux orationem habet, ac pauca de se prudenter præfatus, servaturum se pollicetur omnia, quæ bonum Principem deceant, bonoque Reipublicæ, nullius privati commodi habita ratione consulturum, in primis justitiæ munus sanctè obiturum, daturumque operam, ut æquum jus omnibus administretur: non rei familiari, non labori ulli, non denique vitæ parsum, si Reipublicæ suis incommodis prospici possit. Demum Deum Optimum Maximum, D. *Marcum* (sub cuius numine Civitas *Veneta* est) atque Divos omnes precatur, ut sibi faveant aspirentque læti, in tam magni muneris functione obeunda. Verba Ducis universus populus magno plausu excipit. Postquam Dux peroravit, omnes ex eo suggestu descendunt, Ducemque ante aram maximam templi statuunt. Ibi tactis Evangeliiis iurejurando Deo immortalis ac Reipublicæ fidem suam astringit, se nil eorum omisurum, quæ legibus Dux *Ventus* præstare teneatur. His actis Electores, qui eatenus cum Duce perstitierunt, discedunt omnes: at ipse ligneum pulpitum conscendit, adscito ex consanguineis eo, quem omnium habet carissimum. Nautæ, qui in pretio habentur, pulpitum humeris attollunt, magnoque plausu insidentem Ducem per totum Forum D. *Marci* deferunt. Dux verò ex pulpito pecuniam suo nomine excusam jacit. Summa nulla certa statuta est pecuniæ effundendæ, sed<sup>1</sup> is modus tenetur, quem rei familiaris copia, angustiaque, aut ipsius Ducis ingenium statuerit. Jactam plebs studiose colligit. Tandem circumlustrato Foro cum ad scalas ædium publicarum Principis ventum est, pulpitum sistunt, è quo descendit Princeps. Mos invaluit, ut vestes, quibus Dux est indutus, vasque argenteum, in quod populo effundenda pecunia congesta fuerat, nautis, qui pulpitum humeris sublatum gestaverunt, donodentur. Dux scalis ascensis excipitur à Consiliariis, qui ibidem operiebantur, & Caputio, quod Principis insigne supra esse diximus coronatur. Hæc series est totius pompæ.

Postridie Senatu in Curiam coacto, Dux orationem habet, Deo, ac Patribus gratias agit, quod ad id munus atque ad cum honorem evectus sit, simulque operam suam pollicetur nulli Reipublicæ commodo defuturam. Ejusmodi ferè orationem habet coram universis Civibus, primis statim Comitibus, quæ post se creatum Ducem fiunt.

Hactenus de Principe, seu Duce Reipu-

1. Edit. Elzev. habet: sed pensatur rei familiaris copia angustiaque. Ac novi Ducis liberalitate jactam plebs &c.

A blicæ nostræ dictum sit. Illud proximum est, ut de *Consiliariis* pauca perstringamus, quæ tamen satis exploratam facient omnem illius Magistratus auctoritatem. Assident Principi Consilarii sex<sup>2</sup>, quod supra quoque diximus, singuli inquam ex unaquaque Urbis regione. In sex enim regiones, sive tribus divisa est universa Civitas. Harum tres sunt citra magnum rivum, qui mediam Urbem dividit, tres verò aliæ ultra. Ex unaquaque Urbis regione Consiliarius unus eligitur eadem Comitiorum ratione, qua omnes Magistratus creari supra abunde satis explicuimus. Est Magistratus iste octimestris, simulque cum Principe omnium rerum, quæ ad Rempublicam spectant, curam habet. Verùm instituto admodum veteri universa Comitiorum ratio Consiliariis potissimum incumbit. Si qua etiam de re ad Magnum Consilium referendum, ejusque auctoritate sciendum sit, res tota Consiliariis referentibus decernitur, utpote qui soli id juris obtineant. His tamen interdum adjunguntur Quadraginta Virum Præfetti, quibus tamen solis referendi jus non esset. Nulli præterea Magistratui (Ducem semper excipio) concessa est ea potestas. Possunt etiam, si eis libeat, de re omni, & ad Senatum, & ad Decem Viros referre. Cæterum Praeconsultoribus ea præcipue cura demandata est, ut & Senatum cogant, & ad Senatum referant: quemadmodum & Decem Virum Præfectorum officium est, & Decem Viros cogendi, & ad eos referendi: de quibus à nobis infra tractabitur. At Consilarii ampliori auctoritate sunt præditi, utpote qui in Senatu par jus habeant cum Praeconsultoribus, & in Collegio Decem Virum cum illius Collegii Præfectis. Octo mensibus Duci assident, eoque munere funguntur, quod jam explicui. Quatuor vero menses interfunt, vel potius præfunt, Quadraginta Viris, quibus capitis graviores causæ sunt demandatæ, eisque decernentibus judicantur, de quibus suo quoque loco dicitur.

Nunc, postquam de Magno Consilio, quod popularem statum in hac Republica refert, & de Principe, qui regiam personam gerit, si minus eleganter, diligenter quidem tractatum est: institutum opus poscere videtur, ut de reliquis partibus hujusce gubernationis referamus, quæ Optimatum regimen representant. Hujusmodi enim gubernatio in *Veneta* Civitate cæteris facile præstat, quam sequenti volumine Deo annuente integre explicabimus.

2. Conf. Donati Jannotii *Dialog de Rep. Venet.* p. 91. Edit. cit. ibique Nicolai Crassi annotata.

## LIBER TERTIUS.



OMNIS hominum institutio, quæ quidem rectè se habitura sit, naturam optimam rerum omnium parentem imitari debet: quæ totius mundi vim, rationemque omnem ita disposuit, ut res sensus intellectusque expertes, ab iis, quæ mente præditæ sunt, gubernentur. Idem igitur servandum est in hoc hominum cœtu, quem civitatem appellamus: senes enim junioribus prudentia antecellunt, perturbationibus animi non æquè obnoxii atque illi, & rerum plurimarum, quas in longiori vita experti sunt, usu præditi. Quare sapientissimè Aristoteles in *Politicis* ait: *In unaquaque Republica, quæ naturæ so-*

lertiam & sapientiam æmulari voluerit, senes præficiendi sunt summæ rerum: juvenum vero officium esse debet, ea facere quæcunque jusserint senes. Neque, quando hoc institutum maximè secundum naturam est, seniorum imperium juniores detrectare possunt, aut ob hanc rem seditionem ullam concitare, quoniam in discrimine hoc, quod ætas facit, nullus invidiæ locus est, nullaque querela esse potest, quandoquidem juniores certò sperent sibi à minoribus vicem repensum iri. Hanc Aristotelis sententiam comprobant omnes Respublicæ, quæ quidem alicujus nominis fuerunt: in iis enim gubernationi civitatis, rerumque omnium publicarum, seniorum consilium præfectum est, quem Senatum etiam à senioribus nominarunt. Hoc loco leges atque insti-



stituta Romanorum proferrem; etiam Athenien-  
sum, & Lacedaemoniorum, & Carthaginiensium,  
plurimarumque aliarum civitatum leges, ni res  
notior esset, quam ut testibus indigeat.

Pari igitur ratione in nostra Republica institutus fuit *Senatus* ac Decemvirum Consilium, qui in *Venetâ* Civitate (cujus Rempubicam mistam esse dixi ex regio statu, populari, & optimatum) referunt optimatum statum, ac media quaedam sunt, quibus extremæ partes, status scilicet popularis, Magnum Consilium, ac Princeps, qui Regis personam gerit, invicem vincuntur. Sic inquit Plato in *Timeo* extrema elementa, terram ac ignem mediis elementis vinciri: sic in diapason consonantia, extremæ voces mediis diatessaron ac diapente vocibus, invicem nectuntur. Ut ergo cœptum iter peragamus, *Senatus Venetus* centum & viginti legitimos Senatores habet: multi tamen præterea Magistratus obtinent jus senatorium, adeo ut nostra tempestate ducenti & viginti, & amplius jus habeant ferendi suffragium in Senatu. Senatores legitimi singulis annis ab universo Civium cœtu (quem Magnum Consilium nominari sæpius est repetitum) creantur. Nec tamen hic honos vacationem ullam habet, quemadmodum omnes alii Magistratus: sed iidem, si ita fors tulerit, & Magno Consilio visum fuerit, quod plerumque fit, singulis quibusque annis in eo munere versari queunt. Modus & ratio electionis supra à nobis exposita est, cum formam omnem Comitiorum explicavimus. Eo igitur pacto, Augusto ac Septembri mense singulis Comitibus sex Senatores eliguntur, quæ decies repetita, summam sexaginta Electorum explent. Sexaginta reliqui adjuncti, seu adscripti sunt prioribus, omnesque hi simul propriis quibusdam Comitibus eliguntur. Nam ad tertium Calendas Octobris cogitur Senatus, atque unusquisque Senatorum & quivis alius, cui suffragii jus est, in Senatu unum civem nuncupat. Postridie illius diei mane ad horam diei tertiam conveniunt universi Cives in Comitium: prælectisque à Scriba Magno omnium Civium nominibus, quos pridie Senatores nominaverint, conjecta in urnam omnium nomina sorte educuntur. Mox in suffragia pro unoquoque itur, ex omnibus his sexaginta, qui plura suffragia tulerint quam cæteri, dummodo etiam dimidia exceßerint, eo anno adscripti Senatui sunt, ea tamen lege, ne plures, quam duo ejusdem gentis in eorum numero sint. Sic in numero legitimorum Senatorum tres tantum ex eadem gente esse queunt: qua lege optime consultum fuisse Reipublicæ existimari debet. Nam nulla perniciosior pestis in Rempubicam obrepserit, quam si quæpiam ejus pars cæteris prævaluerit. Ubi enim æquum jus non servatur, fieri non potest, ut societas ulla concors inter cives consistat: quod usu evenire solet, ubicunque plura Reipublicæ munera in unum conveniunt. Sic solvitur mistum, si quodpiam elementorum, ex quibus corpus constat, alia superaverit: sic omnis consonantia dissonans fit, si fidem unam seu vocem plus intendaris, quam par sit. Non impari ratione, si civitatem aut Rempubicam consistare volueris, necesse est in primis servari, ne qua pars aliis efficiatur potentior, sed omnes, quoad fieri possit, publicæ potestatis participes sint. Quocirca perquam egregie Majores nostri sancitum esse voluerunt perpetuum hoc jus in Republica nostra, non modo in Senatu, sed neque in aliis Magistratibus pluribus gentilibus locum esse, quam ad servandam æqualitatem opus esse videatur. Nec minus prudens institutio eligendi Senatus habenda est,

A ut scilicet sexaginta Senatores more Comitiorum solito, sorte, inquam, electioni ac judicio admitta, eligerentur, sexaginta verò adjuncti ratione diversa, in qua scilicet nil esset fortis. Et enim si in omnibus par forti locus esset, facile accidere posset, ut aliquando præcipuorum Civium ratio non haberetur, atque in eligendo Senatu præterirentur non sine Reipublicæ detrimento. Idcirco sexaginta Patres ascriptos nulla sorte, singulis tamen annis eligi placuit. Senatus igitur primum ex hisce centum ac viginti constat, quorum sexaginta proprio vocabulo Senatores, reliqui Adjuncti appellantur, quorum B Comitibus integra dies consumitur. Præter hos centum & viginti legitimos Senatores pari jure in Senatum cum Senatoribus veniunt, (ut Ducem & Consiliarios præteream) Decem Viri, Quadraginta Viri Judices capitalium causarum & criminum graviorum, salis & annonæ frumentariæ Præfecti, divi *Marci* Procuratores, multi- que præterea Magistratus, adeo ut nostris temporibus summa omnium ducentos ac viginti excedat. Hi omnes jus Senatorum obtinent. Univer- sa gubernandæ Reipublicæ ratio ad Senatum pertinet. Quicquid Senatus auctoritate decretum fuerit, id sanctum & ratum habetur. Eo C discrepante & decernente & paces fiunt, & bella suscipiuntur. Pecunia Reipublicæ, ejus jussu exigitur, & impenditur. Si res postulat, nova etiam tributa & decumæ, ex decreto tamen Senatus, tum imponuntur civibus, tum etiam exi- guntur. Si quando etiam visum sit à Republica esse, ut novus quispiam Magistratus pro tempore instituatur, is à Senatu eligitur. Præterea Senatus quibuscunque temporibus perpetuum jus obtinuit eligendi Oratores, qui ad Principes ex- teros à Republica destinantur, eorum etiam Col- legium creandi, qui jus habent & cogendi Sena- tum, & ad ipsum referendi. Hos *Aristoteles* D Præconsultores nominat, nostri homines Sapientes, arrogantiore vocabulo vocant: quo interdum nobis quoque utendum esse duximus, ne à communi loquendi consuetudine penitus abhor- rere videamur. Comitibus tamen hæc Senatus, quibus & Oratores & Præconsultores eliguntur, minus habet fortis, quam ea quæ supra descripsi, Magni scilicet Consilii, universique Civium cœtus. Unusquisque enim Senatorum nominat quem voluerit, deinde pro singulis in suffragia itur: isque, cui plura contigerint quam reliquis, dum- modo dimidium totius summæ excedant, electus renunciatur. Quod si quandoque necessitas & u- E sus Reipublicæ proposcerit, ut invito cuiuspiam munus aliquod publicum injungatur, unusquisque Senatorum clam in syngrapha ejus nomen notat, quem maxime idoneum duxerit: deinde in urnam ad id paratam schedulam eam jacit. Inde à Scriba extrahuntur, palamque leguntur omnes, ac demum pro quolibet itur in suffragia: isque pronuntiatur electus, cui plures suffragati fue- rint, dummodo etiam sint plures dimidiis. Hic F schedularum modus inventus est, ne quispiam veritus inimicitias sibi alterius civis, aut odium parare, illum ad aliquod munus vocando, quod probè quidem sustinere ille possit, sed tamen imponi sibi iniquo animo ferat, abstineat ab eo nominando: sicque privati commodi gratia Respu- blica detrimento afficiatur.

Nunc modus nobis recensendus est, quo Senatus consultitur, eaque decernit & sancit, quæ facienda sunt: & quo Senatusconsulta fieri consueverunt. Non latuit Majores nostros, si unusquisque Senator promiscuè tum referre ad Senatum, tum sententiam dicere posset, atque hoc offi-



officium proprium nullius esset, magnam semper in Senatu turbationem fore. Præterea ita usu compertum esse, ut id, quod omnes pariter curant, omnes etiam pariter negligant. Ideo legibus nostris statutum est, ut a Senatu sexdecim cives eligantur, quos vulgus, propterea quod maxime omnium sapere videantur, *Sapientes* appellat. Nos *Aristotelem* imitati eo quod præconsultant illa, de quibus consulendus est Senatus, Præconsultores merito appellare possumus. Hi jus habent & cogendi Senatum, & ad Senatum referendi. Magistratus hic semestris est. Cæterum hi Sapientes in tres ordines sunt distributi, qui longissimo intervallo inter se differunt. In primo enim ordine sex sunt Senatores, primarii Cives, qui cum usu rerum, tum dignitate, atque existimatione alios facile antecellunt. Horum præcipuum munus est, ut de administranda Republica, de bello, de pace, atque aliis majoribus negotiis præconsultent, atque Senatum consulant. In secundo autem ordine quinque sunt Cives, qui tametsi parem auctoritatem referendi ad Senatum habeant de rebus omnibus cum illis, qui sunt primi ordinis, nihilominus sunt dignitate atque existimatione superioribus longe inferiores. Ad eos pertinet in primis, cura militum, qui Reipublicæ stipendio aluntur, & merent sub *Venetarum* copiarum Imperatore. Tertiū quoque ordinis quinque sunt, quibus demandata est rei maritimæ cura, neque iis præterea jus est ulla de re ad Senatum referendi. Hic ordo apud Majores nostros in pretio habebatur, quo tempore apud *Venetos* res maritimæ florebant. Verum re maritima diminuta, nostrorumque studiis ad continentis imperium converfis, cœpit hic quoque Magistratus non magni æstimari: adeo ut ætate nostra adolescentes, ac vix puberes ad eum ordinem eligantur.

32 Hi ergo Cives sexdecim, quorum conventus apud *Venetos* proprio vocabulo *Collegium* appellari consuevit, summo mane conveniunt cum Principe ac Consiliariis: primumque ad tertiam usque diei horam privatos homines audiunt, quibus aliquid rei est, aut cum Republica, aut cum aliquo Magistratu; easque causas decernunt omnes simul, vel, si ita res poscere videatur, ad Senatum de illis referunt. Sub tertiam diei horam omnes privati è Curia dimittuntur, confestimque ab aliquo Scribarum, qui à Secretis Reipublicæ sit, leguntur omnes epistolæ ad Senatum missæ. Postmodum, nisi ab Oratore alicujus Principis, qui ad Ducem & Collegium admitti velit, aut a quopiam majoris momenti negotio, quàm ut in aliud tempus differri possit, interpelletur, secedunt hi Sapientes, sive Præconsultores in certum Conclave consultaturi de publicis negotiis. Postquam conventum est, & confederunt omnes, is qui Præfectus est (nam eorum unusquisque septenos dies vicissim rerum administrandarum primum locum obtinet) rem proponit, de qua sit consilium ineundum. Deinde singulos sententiam rogat, eo servato ordine, ut primæ classis Præconsultores, primarii Cives, primi etiam sententiam rogentur dicantque; post eos quinque illi, quos in secundo ordine constituimus. Postremi, si res proposita maritima sit, sententiam dicunt tertiæ classis Præconsultores, quibus earum rerum cura demandata est. Quod si ea res, quæ in consultationem venit, non spectet ad rem maritimam, hi postremi silent. In unaquaque verò classe primus sententiam dicit, qui septem proximis diebus præfuit; deinde is, qui natu maximus, deinceps alii, prout ætate præstiterint. Postremus omnium, qui alios rogat, remque deliberandam

A proposuit, quique per eos septem dies præfectus fuerit, sententiam dicit. Re tandem inter ipsos propè discussa ac deliberata, sive omnes in eandem sententiam convenerint, sive in duas aut tres diversas, ut varia sunt hominum ingenia, divisi fuerint, Principem & Consiliarios conveniunt, priusquam Senatum cogant. Ibi omniū sententiæ recitantur: quibus si Princeps, aut Consiliarius quispiam assentiri voluerit, suæque auctoritate favere, aut aliam novam invenerint, re iterum inter eos deliberata, tandem omnium sententiæ scriptis mandantur. Id muneris ad eos spectat, qui uniuscujusque horum trium B ordinum sunt Scribæ. Sic negotiis, quæ Senatus auctoritate decernenda sunt, consultatis, Senatum cogunt. Ubi Senatores in Curiam convenerint, primum recitantur omnes literæ, quæ alicujus sint momenti, quæve post dimissum proximum Senatum Principi & Præconsultoribus redditæ fuerint. Postea de his rebus, quæ à Collegio Præconsultorum deliberatæ fuerint, primum sententiæ leguntur, sive illæ concordēs sint, sive inter se diversæ, eodem ferè pacto, quo *Plato* significare videtur, apud *Athenienses* rogationes populi fieri solitas fuisse. Nullus verò præter eos, quos à *Venetis* Sapientes vocari admonui, referendi ad Senatum jus habet, suamque C sententiam illius ordinis auctoritate confirmandi & sancienti. Ducem tamen, & Consiliarios, & Quadraginta Virum Præfectos, de quibus infra dicemus, excipio. Lectis in Senatu omnium sententiis, primi ordinis Sapientium hebdomadæ Præfectus, si voluerit, fugit. Sin minus, natu maximus, aut is, cui dicere volenti, alii concesserint. Is elatiorem suggestum ad id factum conscendens, verba ad Senatum facit: rationes omnes, quibus sententiam suam confirmet, diffidentesque refellat, in medium affert: modestè tamen & graviter, ut Senatorii ordinis virum decet. Postquam is peroravit, surgit Præconsultor alius, qui à priori dissentiat, suamque ipse D sententiam confirmat, priorem verò confutat, aliasque, si quæ sunt præter priorem, quæ à sua discrepent. Surgit deinde tertius, si tot sententiæ fuerint, eaque in medium adducit, quæ secum facere videntur. Sicque deinceps res inter eos discutitur, quoad nullus eorum reliquus sit, qui verba facere velit: nulli enim Senatori locus dicendi datur, quousque Præconsultores omnes, qui id muneris subire voluerint, dicendi finem fecerint. Sed postquam ultro citroque quantum E visum fuerit, & orationibus & argumentis hi contenderint, aliis quoque Senatoribus dicendi facultas datur. Quod si Senatorum aliquis cuiquam ex dictis sententiis contradicere, aut earum quampiam tueri, sive novam afferre velit, dicendi copiam habet. Nullus tamen Senatorum de ea sententia, cujus ipse est auctor, jus ad Senatum referendi habet: sed plerumque contingit, si Consilium ejus Senatoris è Republica esse videatur, ut aliquis ex Collegio sive Consiliarius, sive F Quadraginta Virum Præfectus, de ea sententia ad Senatum referat. Hoc ergo pacto re bene discussa & deliberata, suffragiis omnium, qui sunt ejus ordinis, Senatus decernit, quamnam sententiam potissimum prober. Non tamen pedibus in sententiam eunt, aut in contrariam partem discedunt, quem morem *Romanos* servasse memoriæ proditum est, neque palam sententiam dicunt: sed urnis ac suffragiis rem decernunt, non dissimili ratione ab ea, quam in Comitibus servari supra docuimus. Scribæ, qui à Secretis Senatui sunt, ferunt totidem urnas, quot fuerint sententiæ, de quibus consulitur Senatus: unam-



namque viridem, quæ eorum suffragia excipiat, qui sententias eas omnes repudiant. Præterea urnam rubei coloris, in quam jaciunt suffragia Senatores, quibus nondum liqueat. Unusquisque autem Senatorem suffragium in ejus urnam demittit, cujus sententiam præ aliis probat: si verò omnes rejiciat, in viridem urnam. Quod si nondum liqueat, atque ambigatur, urna rubea præsto est. Consilarii suffragia numerant. Id vero pro decreto habetur, cui plures, quàm dimidia Senatorum pars fuerint suffragati. Quod si nullius sententia dimidium summæ exceßerit, primum ea rejicitur, cui paucissimi fuerint assenti: de cæteris repetuntur suffragia, eodem modo postrema semper rejecta, controversia ad duas deducitur: quarum altera necesse est, ut plura dimidiis ferat suffragia; in quam Senatusconsultum factum fuisse pronuntiatur. Re una expedita de aliis refertur, nisi hora dici intempestiva fuerit, idem in omnibus aliis modis servatur. Si verò cujuscumque Principis Orator ad Rempublicam *Venetam* accesserit, à Principe, Consiliariis, universo Collegio excipitur, auditurque ab eis: deinde consultandi tempus petunt. Quo dimisso, reque à Præconsultoribus eo, quem supra diximus, modo deliberata, Senatus consultitur. Princeps primum Senatui narrat, quæ petierit Orator. Deinde omnium, qui jus referendi ad Senatum habent, sententiæ leguntur, eadem ratione fit Senatusconsultum, quo petitioni Oratoris respondetur. Quo accito legitur ei Senatus decretum, sicque dimittitur. Hæc est ferè summa eorum, quæ tum ad Senatusconsulta, tum ad universam rationem atque ordinem consulendi Senatum pertinere videntur.

Atque hæcenus quidem à nobis explanata sunt cuncta membra, quæ Majoris Consilii sunt: quod in *Veneta* Civitate formam habet status popularis: tum ea, quæ ad Ducem spectant, qui quodammodo speciem quandam regiam in hac Republica præ se fert: ac demum universa ratio habendi Senatus: de Decem Viris deinceps dicendum videtur. *Decem Virum* hoc Collegium apud *Venetos* summæ est auctoritatis, & à quo non immerito quis asserat Reipublicæ incolumitatem præstari: cujus origo, ut ejus magistratus ratio omnis facilius intelligi possit, longius à nobis est repetenda. Divina quadam animi providentia Majores nostri perspexere, quemadmodum in corpore humano, putrescente humore quoque, innumeri ac periculosissimi plerumque morbi accidunt, qui sæpe etiam interitum afferunt: ita etiam in Rebuspublicis existere interdum improbos cives, qui negotium Reipublicæ facestant, dum potius prave imperare volunt, quàm legibus parere, sive adducti ambitione ac regnandi cupiditate, sive ære alieno oppressi, seu etiam scelerum conscii, poenæque ne à se exigantur, metuentes: quales *Romæ* legimus fuisse, *Catilinam*, *Syllam*, *Marium*, ac demum *Julium Cæsarem*, qui tyrannide potitus Rempublicam penitus evertit. In *Græcorum* etiam Rebuspublicis & quidem illustribus, ejusmodi cives nonnullos extitisse memoriæ proditum est. Nostri vero temporibus compertum est, omnes ferè civitates *Italiæ*, quæ populari statu, aut etiam optinatum utebantur, tandem in cujuscumque suorum civium tyrannidem devenisse. Quamobrem omnibus viribus Majores nostri sibi nitendum statuere, ne pulcherrime instituta Respublica optimisque legibus confirmata, à quoque hujusmodi monstro vexaretur. Nihil enim magis sibi metuendum esse duxerunt, quàm intestinum hostem & Civium inter se similitatem. Quare cum animadvertissent in Republica *Lacedæmoniorum* Ephoros summæ auctoritatis fuisse, *Athenis* Areopagitas, *Romæ* Decem Viros, qui

etiam leges condiderunt; operæ pretium se quoque facturos crediderunt, si, horum exemplum imitati, in dispari tamen causa, Magistratum summæ potestatis in hac nostra Civitate instituerent; cui providendi præcipuè cura esset, ne qua inter Cives discordia, quæ seditionem faceret, oriretur: ne qua factio, aut ne quis perniciosus civis Reipublicæ insidias moliretur. Quod si quispiam hujusmodi morbus malo fato in Civitatem obreperet furtim, summam haberet auctoritatem in eos animadvertendi, ac procurandi, ne quid Respublica detrimenti pateretur. Tam magna verò potestas, neque paucissimis sine periculo committi poterat; neque formidabilis, si multis committeretur, futura erat. Quocirca, ut ab utroque incommodo caverent, hoc instituerunt Decemvirale Collegium. Annum hi gerunt Magistratum, eamque vacationem habent, ut is, qui vel per diem in eo Magistratu fuerit, non tantum eo anno, sed futuro etiam ejus muneris vacationem habeat, neque fas sit ejus in Comitibus Decemviralibus rationem haberi. Quibus Decem Viris Principem quoque & Consiliarios ad-  
35 junxere: ita ut universum Collegium summam decem & septem Civium expleret, quibus hæc summa potestas tributa sit. Ex Decem Viris, singulis mensibus tres dicuntur ab illis, quibus fors obtigerit: hi Principes Collegii sunt, maternaque lingua *Capita Decem Virum* appellari consueverunt. Jus habent cogendi Decemvirale Collegium, atque ad illud referendi; certum conclave habent, in quod quotidie conveniunt: certos etiam ministros, janitores, apparitores, ac stipatores; adeo ut nullius Magistratus subsellia cum majori observantia adeas. Adeunt vero omnes, quibus cum Decem Viris negotium est. Literas quoque ad Collegium scriptas legunt, & de illis ad idem referunt. Ne tamen temere Senatus ille consulatur, non unus tantum ex his Principibus referendi jus habet, sed duo sint, opus est, qui referre de eadem re velint, seu quatuor Consilarii. Ob eandem etiam causam, ne quid temere à paucissimis civibus immutari possit, illud institutum est, ne, si quippiam, quod jam sancitum sit, abrogare velint, id habeatur pro rato atque decreto, nisi duæ Collegii partes suffragatæ sint. Illum quoque morem observant, ne reum, cum de eo judicium laturi sunt, in Collegium admittant, neque cognitorem, aut oratorem quempiam, qui ejus causam agat: quod tamen jus, cum apud alium Magistratum causam dicunt, reis concessum est. Ratio autem, quam in judiciis exercendis servant, hæc est. A Principibus Collegii reus auditur, ejusque dicta omnia scriptis mandantur. Cum autem causa ad Collegium deferatur, ipsi Collegii Principes, alique Judices, qui intersunt, & accusatoris & rei vicem agunt: resque decernitur maxima semper adhibita judicii moderatione. Initio Decem Viri huic tantum rei operam impendebant, ne quid existeret, quod Reipublicæ civilique concordie posset officere. Postea vero gravissima quædam crimina & enormia facinora hujusce judicii severitati ac censuræ commissa fuere, ut si qui rei facti essent, vel quod nummos adulterinos cudissent, vel quod venere mascula usi essent. Nostri etiam tempestate additum fuit, ut ab his Judicibus constitueretur multa, ac judi-

1. Edit. Elzev. saltem habet: Sed nostris temporibus Decem Virum auctoritas longius serpsit. Nam jam nonnulla maxime arcana, quæ ad Reipublicæ gubernationem attinent, ad Decem-Viros deferuntur: licet nihil majoris sit momenti, nil e sententia totius Senatus decernant.



dicium exerceretur in quosdam scelestissimos homines, qui maledictis Deum Optimum vel Beatam Virginem incescere ausi essent; nonnulla etiam, quæ maxime arcana essent, & ad summam Reipublicæ pertinerent, ut ad Decem Viros deferrentur, institutum est, qui tamen nihil, quod majoris momenti sit, nisi de sententia totius Senatus, decernunt. Res quoque pecuniariæ ab ipsis pleræque administrantur. Quocirca ne de tot, tamque arduis negotiis potestas paucioribus, quam par esset, civibus permetteretur, accersiti sunt in hoc Collegium <sup>1</sup> Sapientes primi ac secundi ordinis, Advocatores quoque & Procuratores sancti *Marci*, qui Magistratus summæ est venerationis: suntque præter hos huic Collegio adscripti quindecim Senatores, quos adjunctos vocant, universi tamen hi jus suffragii non habent, sed tantummodo decem & septem priores, & quindecim his adjuncti, adeo ut omnes summam expleant XXXII. suffragantium. Cæteri etsi omnibus negotiis interfunt, hoc jure privati sunt. Adjuncti quindecim neque à Senatu, neque Comitibus Magni Consilii eligi solebant: sed Decem Viri, quos voluissent, Senatores quindecim Collegas sibi adjungere consueverant, qui tamen neque gentiles eorum, neque arcta necessitudine conjuncti fuissent. Nunc verò Comitibus Magni Consilii eliguntur hi quindecim Adjuncti. Maximam ex Decemvirali Collegio Reipublicæ *Venetæ* utilitatem extitisse, ipsa experientia rerum omnium magistra compertum est. Nam anno abhinc decimo supra ducentesimo, *Marinus Faletrus Dux*, qui tyrannidem moliebatur, magnamque Reipublicæ turbationem allaturus fuerat, continuo Decem Virum auctoritate ac prudentia oppressus, temeritatis simul & sceleris poenas dedit: disceptanteque hoc Collegio capite mulctatus est una cum plerisque nobilissimis civibus, qui cum eo in perniciem libertatis conspiraverant, perpetuaque ignominiae nota fuit affectus. In ea enim Curiae parte, in qua pictæ sunt imagines omnium Principum cum elogiis rerum, quas optimè pro Republica gesserint, *Marini Faletri* sedes, imagine vacua, versiculis quibusdam inscripta est, quibus declaratur, eum *Ducem pro criminibus*, (ut nihil immutem) *securi percussum fuisse*. Perniciosissima certe, & quæ facile perniciem & exitum Reipublicæ allatura fuerat conspiratio, ni Decemviralis Collegii auctoritate statim oppressa fuisset. Nonnulli quoque cives, qui ambitione ducti periculosas quasdam leges promulgaverant, ut auram popularem aucuparentur, continuo Decem Virum severitate oppressi poenas temeritatis, atque immodicæ ambitionis Reipublicæ dederunt. Qua ratione effectum est Deo Optimo favente, ut nullus hujusmodi morbus nostram in Civitatem auctoritate hujus Collegii confirmata invaderet.

Jam præcipuæ Reipublicæ *Venetæ* partes, quibus universa ferè gubernatio continetur, à nobis expositæ sunt. Verum, ut omni ex parte institutum à nobis opus perfectum sit, de reliquis quoque Magistratibus dicemus, à quibus tum jura dicuntur, tum pecuniæ publicæ administrantur: nec non de Gubernatoribus civitatum, quæ sub *Venetæ* dirione sunt, deque classium, exercituumque Præfectis. Postremo nonnulla instituta exponam, quibus optimè meo quidem judicio cautum est, ne populus & plebs minutior ægre ferat, nullam sibi in hac Republica gubernationis partem esse. Docebimus item haudquaquam

A omissam fuisse, ut plerique existimant, publicam ad rem bellicam juventutis institutionem. Verum, antequam ad hanc rerum institutionem explicandam veniam, non ab re esse existimo, si lectorem admonuero, in ea ratione, qua supra dixi Senatum consuli solere, ipsumque Decem Virum Collegium, apparere perspicue missionem quandam legum popularis status, & Reipublicæ optimatum. Nam quod nihil possit Senatus decernere, nisi de eo prius ad ipsum Senatum à Præconsultoribus relatum sit, status optimatum est. Quod vero Præconsultores nullam habeant potestatem, nisi consulant Senatum, eorumque sententia illius auctoritate confirmata sit, profectò est popularis gubernationis institutum. Itaque non modò in universa hac nostra Republica, verum etiam in quacunque ejus parte, qui recte perpendet, inveniet hanc, quam dixi, missionem & temperiem, qua rectæ illæ gubernandi rationes, in unam formam atque speciem Reipublicæ nostræ coaluerint. Sed illuc, unde egressa est, nostra revertatur oratio. Omnium ergo prima ea pars nobis exponenda est, quæ ad jus dicendum pertinet.

C Universum igitur jus, quod à Magistratibus reddi solet, bitariam divisum est. Nam aut in suppliciis consistit, quæ sumenda sunt de hominibus facinorosis, qui patriam aut civem aliquem insigni injuria affecerint, vel in deos immortales impii extiterint; aut positum est in causis forensibus judicandis. Idcirco etiam *Venetis* duo genera judicum sunt: horum alterum causis forensibus; alterum verò judiciis rerum capitalium præficitur. Primum itaque de criminorum hominum judicibus, mox de forensibus dicemus. Ex delictis quædam minutiora, vel suapte natura, vel peccantium hominum conditione habentur; nonnulla graviora & majoris momenti, aut genere ipso peccati, aut peccantium nobilitate. Qua de causa duplices quoque sunt capitalium rerum Magistratus instituti. Ad horum alteros graviores causæ & insigniora crimina deferuntur, ad alteros verò leviora. In Republica quidem *Venetæ* judicia universa ad eam rationem, quam proposuimus, perquam egregie divisa atque constituta reperientur. Nos de insignioribus primo: mox de aliis dicemus. Præter delicta, quæ Decem Virum censuræ commissæ esse supra diximus, graviora omnia crimina Advocatoribus referentibus, Collegioque Quadraginta virali disceptante, discerni solent, iisque pro crimine poena constitui, qui in eis deprehensi fuerint. Quadraginta hi Viri, qui criminum causis Præfecti sunt, Criminales vulgò appellari consueverunt. De utrisque tractandum, sed primo de Advocatoribus.

F *Advocatorius Magistratus* priscis temporibus magnæ fuit auctoritatis incredibilisque existimationis. Præcipuum ejus munus est, legum custodia, ne aliqua scilicet in parte legibus officiat. Quamobrem quilibet eorum, qui in eo sunt Magistratu, eam prope intercedendi potestatem habet, quam apud *Romanos* Tribuni plebis obtinebant: sed illi ut tuerentur libertatem plebis *Romane*, nostri verò ut vim legum tueantur: quare non immeritò Tribuni legum vocari possent. Nos verò, ne perspicuitati, cui præcipue operam damus, ulla in parte officiamus à communi usitatoque vocabulo non recedemus. Illi ad populum seu plebem referebant, nostri vero Advocatores ad Quadraginta Viros quidem de levioribus causis, de majoribus ad Senatum, de maximis interdum, si ita eis visum fuerit, ad Majus Consilium referunt. Quamobrem antiquitus magna

2. Conf. Donati Jannotii *Dialog. de Rep. Venet.* p. 95. *Ed. cit.* ibique Nicolai Crassi annotata.



37  
 gna erat hujus Magistratus auctoritas. Nunc vero, quoniam Decem Virum potestas latius se dilatavit, ideo Advocatorum auctoritas diminuta, existimatio obscurata est. Caterum, quum is Magistratus tam amplam obtineat intercedendi potestatem<sup>1</sup>, legumque custodia ad eum potissimum pertineat; qui autem facinus aliquod perpetrarint, maxime contra leges fecisse videantur, illustres praesertim cives, ad quos praeter alios attinet, Reipublicae conservandae operam dare: idcirco peculiari quodam modo hujusmodi delicta censura Advocatorum visa sunt esse corrigenda, licet ipsi nullam habeant potestatem quippiam contra reos statuendi, praeterquam in parvis quibuldam causis, caetera omnia de Consilii sententia statuuntur. Hoc in loco non ab re futurum duco, si omnem judiciorum capitalium rationem explicuero, quae Advocatoribus referentibus sunt: quondamque nullibi, quod sciam, modus hic servari soleat: simulque (ut arbitror) perspicuum faciemus, quamnam auctoritatem habeat hic Advocatorius Magistratus. Quum crimen aliquod ad Advocatores delatum fuerit, si res digna censeatur eorum censura, confestim vel ab omnibus, vel etiam ab uno tantum (nam tres ei muneri praefecti sunt) interceditur, id est reus efficitur ille, cujus nomen delatum sit. Deinde ab intercessore refertur de eo crimine ad Consilium illud, quod maluerit Advocator, qui intercesserit, quamvis plerumque consulatur Quadraginta virale Collegium, quod judiciis capitalium criminum praefectum est. Ibi que causa recitata, de Consilii sententia decernitur, an reus sit in carcerem conjiciendus, & quaestioni adhibendus, an potius solutus causam dicere debeat. Reus postea ex Consilii decreto accersitur, vel ab apparitoribus Magistratus Advocatorum clam deprehenditur. Causam dicit vel solutus, vel ex vinculis: de crimine interrogatur: respondet, testes utrinque citantur: quaecunque ille dixerit, sive sponte, sive tormentis coactus, tum quae testes adducti coram Magistratu se scire fassi fuerint, sive pro reo, sive contra reum, omnia scriptis mandantur. Hac ratione tota causa in codicem publicum relata, omnium, quae scriptis mandata sunt, reo fit copia: constituiturque tempus, quo docere causam possit Advocatos atque Oratores, quos sibi adhibuerit, illique possint omnia diligenter perspicere, quae reo patrocinentur, & meditari, quo pacto objectum crimen, testimoniaque reo adversantia diluere possint. Tandem causa incipit agitari.

Hac in parte non est reticendus mos Majorum ad nostra usque tempora perductus. Si enim forte quispiam reus factus tam tenui re familiari fuerit, ut sumptum facere nequeat in conducendis Advocatis, qui partes suas tueantur, duo Oratores, qui Reipublicae stipendio conducti, id muneris habent, suscipiunt inopis illius rei partes tuendas. Sic enim lege cautum est, ne ullus indicta causa puniatur. Postquam vero satisfactum fuisse reo videtur, neque ad ejus defensionem quippiam amplius requiri, Advocatores Consilium indicunt, diemque reo constituunt, quo causam dicturus sit. Consilio coacto Magistratus hic Advocatorius accusatoris vice fungitur: eoque, qui in eo sunt Magistratu, maxime decet, ut accusatores acerrimos agant, qualis (dummodo id assequi possunt) fuit Cicero in Verrem & in M. Antonium, ita tamen, ut maledicta caveant, neque extra causam maledicendo vagentur. Nam is, qui maledictis indulget, potius inimici & pra-

A vi hominis officium facere, quam Reipublicae causam agere videtur. Hac enim in parte apud Venetos longe secus res se habet, quam apud Romanos. Olim Romae quivis civis alteri diem dicere poterat, eumque quam acerrime accusabat apud iudices. Venetiis vero nemo privatus hoc munus obire potest, sed ex Reipublicae lege officium illud est Advocatorii Magistratus. Qua in re magis naturam rerum imitati, sapientiusque concordiae Civium consuluisse Majores nostri videri debent, quam Romani. Nam quoniam, qui facinus aliquod perpetravit, maxime leges & Reipublicam laesit, ideoque praecipue Reipublicae poenas dare debet, jure Magistratus is, qui tuendis legibus praest, a facinoroso homine poenas poscere, atque ad id omni studio eniti debet. Contra privati officium est illatas sibi injurias oblivisci, facileque reo concedere. Praeterea nullus privatus civis potest accusatoris personam sibi sumere absque maxima invidia & incredibili odio ejus, cui diem dixerit: ex qua re facile seditiones oriuntur inter cives. Hoc igitur incommodum a nobis perquam egregie vitatum est, universo hoc accusandi munere Magistratui demandato, qui non privata similitudine ductus, sed ex legis praescripto id agat. Quo effectum est, ut nunquam ferè auditum sit Advocatorum cuipiam vitio datum fuisse, quod vehementius in reum sit invehctus, aut nimis acrem accusatorem se gesserit. Immo, qui acriter in hoc officio versatur, magnam sibi laudem comparat apud universos Cives. Sed ad inceptam judiciorum rationem redeamus.

Agit ergo coacto Consilio Advocator partes accusatoris, orationemque in reum habet acerrimam. Crimina & facinora objicit primum, deinde testibus objecta confirmat, ac verisimilibus conjecturis corroborat. Postquam dicendi finem fecerit, agitur causa rei ab eo patrono, quem sibi asciverit. Deinde si Advocatorum quispiam, antequam iudices sententias rogentur, adhuc urgere reum voluerit, locum dicendi habet: similiter Advocati rei respondendi, & objecta crimina diluendi facultatem habent: eaque ratione causa utrinque agitur, donec alter eorum, sive reus, sive Advocator, cui dicendi locus incumbit, se amplius dicere nolle pronunciaverit. Perorata causa reus ejusque patroni discedunt e Curia judicum. Cum iudicibus clauduntur in Conclavi Advocatores eorumque Scribae, praeterea nullus. Advocatores primum de puniendo reo ad iudices referunt, sententiasque rogant, an puniendus videatur, nulla tamen adhuc constituta certa poena; quem morem Athenienses ferè servabant. Athenis enim iudices duplices sententias ferebant. Primis aut absolvebant reum, aut condemnabant: secundis, si prioribus condemnatus fuisset, poena constituebatur, ut ex Apologia Socratis apud Platonem perspicue intueri licet. Consimili judiciorum ordine, & propè pari nos quoque utimur ratione. Refertur igitur primum ab Advocatoribus de condemnando reo. Iudices in suffragia eunt. Omnia enim Consilia apud Venetos res omnes suffragiis decernunt. Tres urnae deferuntur, quarum una reus condemnatur, altera absolvitur penitus absque multa, tertia colliguntur suffragia eorum, quibus nondum liquet, utrum sit statuendum. Prima urna, qua condemnatur reus, albi coloris est; secunda, qua absolvitur, viridis; tertia, rubei. Unusquisque iudicum, sive causa disceptantibus Quadraginta Viris (ut plerumque) agatur, sive Senatus consulatur, quod raro accidit, in gravioribusque causis tantum fieri solet, sive ad Magnum Consilium ab Advocatoribus relatum sit, quod rarissime acci-

1. Edit. Elzey. habet: potestatem in omnibus.



dit, gravissimisque in causis fieri consuevit, ne quis suffragium suum perspiciat, pilulam lineam in eam urnam, quam maluerit, demittit. Postea à Præfectis Consilii suffragia numerantur. Quod si plures dimidiis reum absolverint, confestim pronunciatur absolutus: estque Advocatorum rogatio repudiata. Sin plures dimidiis damnaverint, illico pronunciant damnatum. At si neutri dimidium excedant, quod multi sint iudicum quibus nondum liqueat, pronunciant reum comperendinatum fuisse, iudicesque causam amplius discuti velle. Si absolvitur, nihil amplius negotii habet, sed e vestigio liber dimittitur. Si comperendinatur, iudicibus & reo dies statuitur, qua denuo causa, Advocatoribus accusantibus, patronisque objecta crimina diluentibus, agatur. Post dictam & peroratam causam iudicum suffragia repetuntur. Quod si etiam tum nihil decernatur, quod suffragia, quæ neutram in partem venerint, dimidium summæ non excedant, iterum pronunciant reum comperendinatum, & tertio Consilium indicitur. Constituta die, qua tertio quoque causa eodem modo repetatur, demum in suffragia itur, nec tamen amplius ratio ulla eorum habetur, quibus nondum liqueat. Idcirco, nisi paria fuerint suffragia, necesse est reum vel damnari, vel absolvi. Si absolvatur, nihil amplius ei negotii est, ut dixi. Si pronuncietur damnatus, decernitur quam pœna in eum sit animadvertendum. De genere pœnæ referunt, tum Advocatores, tum Præfecti Collegio Iudicum. Mos tamen est, ut Advocatores eam pœnam proponant, quæ pro genere criminis videatur acerbissima. Etenim hujus Magistratus officium est, ut ad severitatem inclinet. Alii vero, Consilarii, inquam, ac Præfecti Quadragenta Virum, quibus jus est ad id Consilium Iudicum referendi, leviores pœnas proponere consueverunt, nisi crimen fuerit adeo atrox, ut clementiæ nullus sit locus, seu Advocatores lenius egerint, quam cum Magistratum deceat. Propositis omnium sententiis eodem fermè modo decernitur pœna, qua reus ille sit afficiendus, quo supra diximus Senatusconsultum fieri solere, ubi Præconsultorum sententiæ variant. Quam rationem si hoc in loco repetere vellem, importuneque tædio afficere lectorem; merito ineptus haberi possem. Hoc tamen dixisse satis est, eam sententiam Iudicum pronunciari, quæ rejectis aliis plura dimidiis suffragia tulerit.

Hoc in loco mihi videor non ab re facturum, si bina instituta annotavero prudentissimè à Majoribus nobis tradita. Primum est, quod nullius rei, seu iudicii quempiam Magistratum nedum civem sine provocatione arbitrum esse voluerunt, sed omni in re summum jus atque arbitrium esse Consiliis, seu Collegiis tributum. Alterum vero superiore illo non minus utile est, idque est tale, quod voluere iudices non ore sententias dicere, aut palam statuere, quidnam sentiant, sed clam suffragiis decernere, quod maluerint. Utrumque sanè, meo iudicio, prudentissimè. Nam, quod summa auctoritas nulli Magistratui concessa sit, recte se habet. Etenim, præterquam quod periculosum est, summam alicujus rei, quæcunque ea sit, committere paucis civibus: tum illud cavetur, ne, si fortè res deliberata male cesserit, Civitas de paucis Civibus queri possit. Ut vero clam decreta iudiciaque fiant, non minore prudentia sancitum est. Iudices enim, huiusmodi suffragiorum instituta ratione, liberius iudicant, quam si palam atque ore sententiam

A ferrent, ex quo interdum, vel propter ambitionem ab aequitate abducerentur vel amici ac bene de se meriti civis offensionem vererentur, vel potentioris indignationem extimescerent. Illud quoque provisum est, ut quisque iudicum iudicium suum sequatur, nec ab alterius iudicis auctoritate pendeat: quod facile accidere posset, si ille, qui prior dixisset sententiam prudentissimus, ac scientissimus haberetur. Quocirca nec etiam ab excellentissimis philosophis genus hoc iudiciorum omissum est. Sed ad rem redeo.

Postquam omnis iudiciorum ratio à nobis exposita est, ad *Quadragenta Capitalium Causarum Iudices*, de quibus dicendum institueram, revertar. Horum Collegium à Civitate nostra, ad quod Advocatores de causis capitalibus referant, eoque deliberante fontes puniantur, institutum est. Ideoque non nisi in causis gravissimis, ubi etiam Reipublicæ interfit, in utram partem iudicium cesserit, Advocatores Senatum consulunt, rarissime verò Majus Consilium. Verum omnes capitales causæ ad hoc Quadragenta virale Collegium deferuntur: cujus sententia rata est, nullusque ab ea amplius est provocationis locus. Gerunt hi Magistratum octimestrem, postquam sedecim menses expleverint in forensibus causis iudicandis. C Tria namque Collegia in Republica Veneta sunt, quodlibet ex *quadragenta Iudicibus* constat. Duo forensibus causis iudicandis præfecta sunt, tertium, de quo agitur, capitalibus. Hæc tamen distributa ratione sunt, ut cum primum functi fuerint Magistratu Capitales hi Iudices, in ordinem ipsi redigantur, alique quadragenta viri Magni Consilii Comitibus sufficiantur. Non tamen hi suffecti confestim ad iudicandas capitales causas accedunt, sed Collegium illud quadragenta virale, quod urbanis causis decernendis octimestri eo temporis spatio præfectum fuit, subit in locum Capitalium, qui jam defuncti sunt Magistratu. His verò forensibus atque urbanis Iudicibus succedunt tertii Quadragenta Viri, qui item eo octimestri intervallo exterorum causas iudicarunt, in eorumque locum illi nuper suffecti subeunt. Sicque per vices iidem Iudices, & de forensibus causis tum urbanis tum exteris, & de capitalibus decernunt, ac totum biennium in his iudiciis versantur. Tria hæc Collegia Iudicum proprias habent appellationes. Primum, ad quod extræ causæ deferuntur, Novum nominatur. Secundum, quod urbanis præficitur, Vetus dicitur. Tertium, quod de capite sententiam iudicat, Criminale à criminibus nuncupatur. Hi quadragenta viri Criminales nuncupati, præterquam quod in causis criminalibus, sive capitalibus summam iudiciorum habent, admittuntur etiam in Senatum, & jus suffragii in eo ordine obtinent. Habent præterea *Triumviros* ex suo ordine, qui singuli binis quibusque mensibus sorte educuntur, ac per vices semper affident Duci & Consiliariis, paremque cum illis auctoritatem ad Senatum referendi de quacunque re voluerint, habent; itemque ad Magnum Consilium, eo tamen modo, quem supra tetigi. Nec absque ratione quadragenta hi juniores Viri Senatoribus, qui plerumque senes esse solent, committi sunt, ut scilicet naturalis senum frigiditas juvenum calore temperetur. Non tamen juniores hi senibus numero pares sunt, sed longe pauciores; tot tamen, ut aliquod caloris vestigium in Senatusconsultis apparere, atque inesse queat: quod quandoque in rebus agendis perquam necessarium est. Accedit etiam illud, quod senatoria auctoritate his Quadragenta Viris concessa, Reipublicæ administratio aliqua ex parte inferioris notæ civibus com-

1. Edit. Elzev. habet: Alii leviores pœnas proponere &c.



communicata videri potest, quales plerumque hi sunt, qui Quadraginta Viratum gerunt, in quo ordine populari quadam lege Majores nostri usi sunt. Nam tribus his Quadraginta Virum Collegiis singulis quibusque diebus, quibus conveniunt, certum ex aerario stipendium constitutum est. Ideoque raro admodum divites cives hunc Magistratum petunt, facileque, si petierint, repulsam ferunt. Verum egenis civibus, probis tamen hominibus, facilis est ad hunc honorem accessus. Qua ratione tum inopiae proborum civium aliqua ex parte consulitur: tum etiam Reipublicae administratio non solum divitibus & insignioribus civibus, quod optimatum est status, & paucorum potentiae commissa est: verum etiam aliqua ex parte, mediocri tamen, cives inferioris ordinis ad Rempublicam accessum habent: qui mos pertinet ad popularem statum. Ex his cuilibet compertum esse potest, in omni parte Reipublicae Venetae temperationem illam apparere, cui plurimum studuisse Majores nostros, in hujus opusculi exordio diximus, ut scilicet popularis status ratio optimatum gubernationi permista esset: eo tamen temperamento adhibito, ut plures optimatum partes essent.

42 Satis itaque jam à nobis tum de Advocatoribus, tum de Quadraginta Viris causarum capitulum iudicibus dictum arbitror, qui ideo instituti sunt, ut in crimina, seu genere peccati, seu conditione peccantium insigniora, animadverterent.

Nunc tempus postulat, ut de nonnullis inferioribus Magistratibus, qui minutioribus, & genere ipso & hominum fortuna ulciscendis delictis & maleficiis praesunt, pauca quaedam perstringamus. Hi quoque duplices sunt: alteri jus capitis habent, alteri non habent: quorum potestas eo tantum extenditur, ut in vilissimos homines, atque in meretrices animadvertant: quos vel virgis caedi jubent, vel in carcerem conjici, prout quemque peccasse constiterit. Potior vero ille magistratus, qui capitis iudicium ferre potest, rursus bipartitus est. Nam non iidem iudices quaerunt de crimine, & quaestioni reum adhibent, ac sententiam ferunt: sed priores, Noctis scilicet Praefecti, totam prius causam reorum agitant, ac scriptis mandant, quae testes dixerint, quaeque rei vel sponte, vel coacti tormentis confessi fuerint: demum omnem causam ad *Judices Proprietatum* deferunt. Diversus à priori hic est Magistratus, hique sententiam ferunt,

A ubi de causa capitis agitur. Quod si levius fuerit delictum, ut tantum virgis caedendus, aut carceris aliquot menses coercendus reus esse videatur, Noctis Praefecti totam causam expediunt, neque Collegium Quadraginta virale consulunt, siue conicere quempiam in carcerem voluerint, siue quaestioni adhibere. Quod ipsum jus tamen Advocatorius Magistratus non habet, verum opus est, ut prius Collegium consulat, atque auctoritate decreti illius Collegii nitatur. Neque sine magna ratione hoc ita institutum videtur fuisse. Nam si pro quolibet crimine & pro iis reis, qui homines nullius pretii sunt, Consilium consulendum esset, incredibile negotium Reipublicae administrationi conflaretur: fontibus etiam viris major peccandi licentia tribueretur spe impunitatis majore proposita. Ut ergo judicia hujusmodi expeditiora essent ac breviora, Praefecti Noctis eam auctoritatem, qua Advocatores privati sunt, obtinent. Hi Noctis Praefecti sex sunt: sex item in minimo eo Magistratu, cui in infimos tantum homines, levibusque in criminibus jus est. *Capita Tribuum* Civitatis appellantur hi, qui cum Magistratum gerunt: quoniam ex unaquaque tribu (in sex enim tribus tota Civitas divisa est) tum Praefectus Noctis, tum Caput Tribus eligitur: quo more etiam in Consiliariis eligendis uti solemus, quod superius à nobis minime omisum fuit. Utriusque praeterea Magistratus officium est, ut nocturnas excubias per suas tribus agant alternis noctibus, ac vicissim modo Praefectus Noctis, modo Caput Tribus, suam tribum circumeant ad gallicinium usque, cum publicis stipatoribus & apparitoribus armati, provideantque, ne per nocturnas tenebras, quae majorem licentiam praestare hominibus scelestis solent, cuiuspiam fiat injuria: neve fur clam domum quampiam fodiat, aut ne latro ulla per vias grafsetur in quemquam. In primis *Venetae* Urbis originibus uterque hic Magistratus magnae existimationis erat, postmodum adjunctis novis Reipublicae Magistratibus, prout ratio temporum & commoditas exigebat, horum dignitas & auctoritas est obscurata: summaque potestate ad novos Magistratus translata, parva quaedam & viliora negotia veluti feces in eorum subselliis refedere. Haftenus de Magistratibus, qui capitales causas decernunt, dixisse sufficiat. De forensibus in sequenti volumine dicetur.

## LIBER QUARTUS.



Os ille in Republica Veneta perpetuus semper fuit, ne quicumque Magistratus in majoribus causis summam auctoritatem haberet: sed summum illud jus Collegiorum seu Consiliorum, ut usitatus loquar, esse voluerunt. Ideo in Forensibus quoque causis, quae summam quinquaginta quinque nummorum aureorum excefferint, nullius Magistratus iudicium est, à quo non sit provocatio ad *Auditores Urbanorum Causarum*, qui lingua vernacula Veteres appellantur, & ad Collegia Quadraginta Virum, de quibus supra commemoravimus. Sed, ut perspicue tota haec Iudiciorum Forensium ratio intelligatur, ab Auditoribus, qui quidem duplices sunt, ordiemur. Novi enim siue Recentes, atque Veteres sunt. *Veteres* à vetustate nomen sortiti, quod hic Magistratus apud *Venetos* multo vetustior sit, quam alter: qui non prius in hanc

E Rempublicam inductus est, quam Continentis imperium habuerit, multis seculis post Urbem conditam. Veteres hi Auditores eandem fere auctoritatem obtinent in iudiciis causarum forensium, quae urbanis Iudicibus disceptantibus dijudicantur, quam Advocatores in plerisque omnibus rebus, si qua in parte legibus officere videntur, intercedendi, inquam, potestatem habent. Cum ergo à iudicibus urbanis contra aliquem sententia lata fuerit, licet illi ab eorum iudicio ad Auditores provocare. Causa ad eorum subsellia deducta, & ultro citroque agitata ab his, inter quos controversia fuerit, nisi summam excedat quinquaginta aureorum nummum, omnesque iudices in eandem sententiam convenerint, possunt ipsi absque Quadraginta Virum Collegio rem decernere. Quod si inter se dissenserint, vel unus eorum potest intercedere: causaque illa apud minimum quoddam Collegium agitur, in quod uterque Auditorum Magistratus, tresque



alii Iudices conveniunt, qui Praefecti sunt Iudiciis de Inventis Rebus: ibique minores hae causae dijudicantur. Quod si universa causa eam summam excedebat, ante nostram aetatem non poterat ad Quadraginta Virum Collegium res deduci, nisi aliquis Auditorum latae à iudicibus sententiae intercessisset, de eaque ad Quadraginta Viros retulisset. Nostra vero tempestate lata lex est, qua conceditur illi, contra quem priores iudices sententiam pronunciaverint, ut post tres exactos menses, quamvis nullus Auditorum intercesserit, possit diem adversario dicere, & ad Collegium provocare. Qua lege Auditorum auctoritas valde est imminuta; quae tamen, cum intercedunt, nonnihil ad causam obtinendam valet. Nam neque tres menses operiri oportet, eorumque intercessio velut praerogativa iudicii videtur esse. Si Auditor intercesserit, prioribus iudicibus diem dicit, Collegium Quadraginta Virum aditur. Ante nostram aetatem uterque Magistratus orabat coram Collegio, sententiamque uterque suam tuebatur. Paulatim verò sententiae quadam factum est, ut priores iudices, quorum sententiae intercessum sit, non modo non orent, sed ne intersint quidem, cum apud Quadraginta Viros causa agitur, dictaque illis per tabellionem die, ut id, quod jus postulat, statuatur, respondeant. Mos verò ille, ut Auditores primum referrent ad Collegium de causa, cui intercessissent, orationemque haberent, ad nostra usque tempora deductus est. Nunc verò penitus intercidit, sed patroni tantum eorum, inter quos controversia fuerit, hoc munere defunguntur, tuenturque suorum clientum causas: quibus rebus effectum est, ut dignitas Auditorii Magistratus, quae diu illustris fuit, nostris temporibus obscura admodum & imminuta sit. Quadraginta hi Urbanarum Causarum iudices eundem fere morem servant in iudicando, quem à iudicibus Quadraginta Capitalium Causarum servari solere diximus. Hoc tantum discrimen est, quod in causis, in quibus de capite agitur, & fortunis reorum, nullum certum orandi tempus statutum est. In his verò urbanis litibus praescriptum est temporis intervallum, ultra quod orationem protrahere non possunt: hora enim cum dimidia tantum cuilibet oranti concessa est. Neque in forensibus iis causis iudicandis variae referuntur sententiae, ut eam Collegium eligat, quam maluerit, quemadmodum in sumendis poenis de nocentibus & parvi pretii hominibus fieri solere superius dictum est: sed tantum refertur, an lata prius à iudicibus sententia confirmanda sit, vel potius abroganda. De abrogatione refertur, si Auditor quis intercesserit. Quod si non fuerit intercessum, sed sine intercessore causa ad Collegium fuerit deducta, Praefecti Collegii perorata utrinque causa non de abroganda, sed de confirmanda lata sententia referunt. Jurati iudices omnes in suffragia eunt. Tres item urnae deferuntur. Viridi abrogatur id, de quo relatum fuerit: candida approbatur: rubea verò eis destinata est, quibus nondum liqueat, sed velint causam ampliari. Nihil autem decretum habetur, nisi plures quam dimidii abrogaverint, aut approbaverint. Quod si iudicibus nondum liqueat, & in neutram partem iudicium factum sit, causa ampliata pronunciatur ad alteram diem, qua eadem fere repetuntur. Quod si etiam eadem die iudicium pendeat, tertio cogitur Collegium, causa repetitur. Qua perorata utrinque itur in suffragia, neque amplius ulla eorum iudicium, quibus nondum liqueat, habetur ratio. Quare nisi paria fuerint suffragia, in alteram partem fit decretum, five

A de abroganda, five de confirmanda sententia lata. Abrogata sententia nequaquam admittitur potestas actori, quin de eadem re iudicium repetere possit. Nihil enim abrogatione statuitur, sed tantum lata sententia antiquatur. Confirmatione verò & approbatione rata fit sententia, quam priores Iudices pronunciaverunt, neque amplius provocationi est locus, neque iudicium repeti potest super eadem re, nisi causae quippiam novi accedat.

B Atque satis haecenus de Auditoribus Veteribus dictum sit: nunc pauca de Recentioribus perstringamus. Hic Magistratus in nostra Republica non fuit prius institutus, quam in continentem aetuariis hisce finitimam Venetum imperium extendi coepit. Ad hos à Praetorum iudiciis provocatio est, aliorumque Magistratum, qui extra urbem populis, qui in nostram venerunt societatem, jus dicunt. Veteres enim auditores utrisque causis, urbanis scilicet & exteris, haudquaquam satisfacere poterant. Quamobrem eam appellationem etiam sortitus est, ut Novorum five Recentium diceretur. Nam post constitutam Rempublicam Imperium Venetum extendi coepit in Venetiam oram, quae ad veteres dominos, veluti quodam postliminio volens ac libens rediit. Etenim, ut in exordio operis ostendimus, nobilissimi quique provinciae Venetiae barbarorum impetum, Italiaeque totius devastationem fugientes se in nostra aetuaria receperunt, urbemque hanc opulentissimam condidere. Cui etiam nomen Venetiae indiderunt multitudinis numero: ut posteris testatum esset, Florem Nobilitatis omnium civitatum Venetiae regionis eo convenisse. Igitur cum brevi imperium Venetum crevisset in immensum, unus haudquaquam Magistratus urbanis & exteris causis satis esse poterat. Idcirco Novus hic institutus est, Novumque Quadraginta Virale Collegium. Provocatio quoque, quae ab aliis, qui foris jus dicunt, fit, ad horum subsellia deferitur. Atque hoc demum Collegio disceptante omnes ejusmodi causae discernuntur. Eadem in omnibus ratio est, parque modus huius Magistratus & Collegii, quem paulo ante docuimus, ab Auditoribus Veteribus & Collegio Quadraginta Virali, Urbanarum causarum iudice, servari solere. Illud tantum jus Auditoribus Recentibus additum est, quod in causis, quae summam quadraginta nummorum aureorum non excefferint latam sententiam, de qua ad eos fit provocatum, moderari queunt, ejusque partem, si ita videatur, abrogare, partem verò comprobare, dummodo omnes in eandem sententiam conveniant. Quod ea de causa institutum est, ut exteri homines & advenae, quorum praecipue rationem haberi debere summi philosophi tradidere, molestia levarentur, & sine magno rei familiaris dispendio litium exitum invenirent. Hoc jure Veteres privati sunt. Necessè enim illis est, ut aut totam sententiam approbent, aut totam rescindant, atque irritam

fa-  
1. Illud jus Auditoribus recentibus. ] Permanet quidem idem jus Auditoribus Novis, ubi quis à Praetoribus ob facinus perpetratum, aut damnum illatum, pecunia mulctatur, quae summam quinquaginta aureorum non excefferit: at in causis forensibus, quas civiles appellant, Trium-Viri Auditores Novissimi creati sunt, à quibus ea iudicantur, quae L. aureorum summam non excedunt, eademque pollent in his autoritate, qua olim Auditores Novi. Etenim si in eandem convenerint sententiam, nulla ab iis datur provocatio: si verò dissenserint, ad Duodecim Virum Collegium causa deferitur, quae tamen, non tertio quoque die, qui dies tertium Consilium appellatur, ut aliae causae: sed vel primo, qui dies pendente, vel secundo, qui secundum Consilium dicitur, agi solet.



faciant. Sic Novi parti intercedere possunt, reliquis non intercedere: at Veteres contra: aut enim toti intercedunt, aut universam integram dimittunt. Hocque pacto exterorum lites breviori spatio dirimuntur, quam causæ urbanæ: quamvis patronorum & juriconsultorum versutia, quæ nihil contra fas intactum relinquit, in immensum quævis lites protrahuntur, quod ubique gentium fieri solet, ubi non temere, sed statuto ordine judicia fiunt.

Explicata ferè à nobis est judiciorum ratio. Supereft, ut paucis perstringamus eos Magistratus, qui primi in causis urbanis jus dicunt, à quibus ad Veteres Auditores provocaciones fiunt, & ad Collegium Quadringenta Virorum, quorum Judicium sex sunt subsellia: pro qualitate causarum & personarum distributa. Nam aut lites sunt de mercatura rebusque ad negotiatores spectantibus: vel de ædibus & fundis, quæ intra æstuaria fuerint: aut de possessionibus & agris, quæ in continenti sunt, aut de quibusvis aliis contractibus stipulationibusque: personæ autem, quæ lites inter se conferunt, aut sunt cives, aut exteri, iique aut alterutri inter se, aut alteri cum alteris experiuntur: denique vel cum pupillis res habetur, aut agunt viduæ foeminae post obitum mariti de dotibus recuperandis. Ne ergo inter tot diversorum generum judicia turbatio esset, neve aliud alii impedimentum afferret, plura instituta fuere judicium subsellia: ita ut, quantum fieri posset, unusquisque pro ratione negotii, & litis suos iudices cognosceret. Quæ enim lites ad ædes five fundos intra fines *Venetiarum*, id est in æstuariis positis pertinent, hæc omnes à *Judicibus*, qui *Proprietatum* nominantur, dijudicantur, quos etiam adeunt viduæ ab hæredibus maritorum defunctorum, dotes repetere volentes. Hancque appellationem habuerunt, quod Majores nostri ea tantum Civium suorum propria existimarent, quæ in æstuariis sita essent, utpote quæ ad alienos dominos non facile transferri possent. Cætera verò in continenti existentia five agri five domus fuissent, ut quæ facile invitis dominis possent auferri, injuriæque magis exposita essent, mobilia dici voluerunt. Quòd si de fundis continentis oræ controversia fuerit, Iudices Procuratorum sunt adeundi. Iisdem iudicibus cum pupillis, qui adhuc tutores habent, contenditur. Qua ex re ipsi iudices nomen obtinuerunt: nam

A apud Venetos *Curatores*, & *Tutores*, & *Procuratores* appellari consueverunt. Si item lis de mercimoniis inciderit, & ad mercaturam spectet, subsellia judicum adeuntur, qui ex ea re iudices, seu *Consules Mercatorum* nominantur. Hi majori quodam compendio judicant, quam alii forenses Magistratus: quod ea ratione institutum est, ne longioribus litibus impedimentum morave fieret negotiis mercatorum, quæ assiduam quandam operam exigunt. At si inter exteros homines lis fuerit, vel quispiam civium hospiti diem dixerit, opus est ad eos *Judices* accedat, qui ab *Advenis* nomen habent. Cæteræ verò omnes causæ contractus ac stipulati, ex quibus quispiam ab alieno sibi aliquid deberi contendat, idque iudicio petat, *Judicibus* veniunt, qui *Petitionum* nuncupantur: hique Prætoris Urbani vicem gerunt. Sunt præterea minimæ quædam, quibus dijudicandis Præfecti sunt *Judices Mobilium* dicti. Est & præter hos Magistratus alius, qui si quid inventum fuerit, aut olim reconditum aut nuper amissum, num ad ærarium, aut ad privatum quempiam, aut ad eum, qui repetit, res ea pertineat, decernit, omnesque hujusmodi controversias dijudicat.

C Expedita universa judiciorum ratione ad eos *Magistratus* transeundum est, qui *Ærarii* curam habent, quibusve pecuniæ publicæ administratio commissa est. Hi fortasse plures, quam par sit, alicui esse videbuntur, cum pauciores universæ rei pecuniariæ satisfacere possent. Verum hoc loco animadvertendum est, Patres nostros summam diligentiam adhibuisse, ne in administrandis pecuniis publicis aliqua fraus fieret. Arbitrati enim sunt, ex *Ærario* veluti alimentum universis Reipublicæ partibus suppeditari, quo deficiente seu imminuto deficere quoque Rempublicam, aut minui opus esse. Quocirca lege sanxerunt, ut si quis *Civis peculatus damnatus fuerit*, perpetua ignominia nota singulo quoque anno repetita inureretur. Majori enim Consilio coacto in concione Civium omnium statuta die ab Advocatore omnes illo crimine damnati pronunciantur: ut, qui tantum scelus ausi sunt, perpetuæ ignominia pœnas luant. Sed, ne ab instituto longius digrediamur, Magistratus, qui *Ærarii* curam habent, duorum veluti generum sunt. Qua ratione publicæ quoque pecuniæ divisa sunt. Nam vel

ex

1. Quorum iudicium sex sunt subsellia.] Iudicium Venetorum alii in Foro Marciano, alii in Rivoaltino jus dicunt. Inter Marcianos sex sunt præcipua subsellia, quæ D. Marci Curia appellantur: inter hæc rectè Contarenius quinque comprehendit, *Proprietatum*, *Procuratorum*, *Advenarum*, *Petitionum*, & *Mobilium*: sed *Consules Mercatorum* perperam & alieno loco inseruit, atque *Examinatorum* iudices omisit, qui no loco inseruit, ut vocant, Curiam constituunt. Hi trium-Viri vendandis pignoribus operam dant, & quæcunque circa pignora lis oriri potest, iudicio dirimunt: de jure congrui sententiam ferunt; contractus omnes examinant, quosque ex legum præscripto celebratos cognoscunt, iis, ut rati subscribunt, præsertim verò Donationibus. Creditoribus suffragantur, ut quæ facile auferri, aut abscondi possent res debitoris, eas Magistratus interdico memorari, ac sistere valeant. Sed præter sex, quæ commemoravimus subsellia, & id, quod inventis rebus præest, à *Contareno*, omisso nomine, positum *Cataverum* appellatum. Superfunt etiam Publicorum iudices, qui olim *Rivialti*, nunc in D. Marci foro ius dicunt. Hi cum præcipue caveant, ne quis vias, aut ædes, aut agros publicos sui juris faciat, Publicorum nomen sortiti sunt. De crimine quoque usurarum jus dicunt, & controversias, quæ xx librarum summam non excedunt, & celeriter dirimunt: provocatur tamen in his levioribus causis ad officium *Cataveri*. Sunt quoque in Marcianis Magistratibus Trium Viri Syndici, quorum munus est operam dare, ut iudicia rectè, atque ordine, & sincerè fiant, cunctique Scribae, Pracones, & alii in foro cum *Marciano*, tum *Rivoaltino* sua munera integre atque sine fraude exequantur. Hi præcipue subiecti sunt illi, qui cum litibus imponere finem sollicito animo procurare debeant, *Sollicitatores*, & *Procuratores* dicuntur. Nec quisquam hoc munere fungi po-

E test, nisi prius & vitæ innocentiam comprobarit, & se periculo factio aptum, nullæque fordidae arti operam dedisse demonstraverit, atque Syndicorum & Quadringenta-Virum Capitalium Præfectorum, qui Duci assidere solent, suffragiis sollicitator creatus fuerit. *Consules Mercatorum* Rivoalti de mercatoribus jus dicunt: sicut etiam Magistratus ille, qui *Supra Consules* dicitur, causas iudicat decoctorum atque adeo Judæorum, qui scenerantur.

F Multi sunt præterea Magistratus, qui à Senatu, ubi è Republica visum fuerit, creati solent, tamen nec ullum ex eo percipiunt emolumentum, neque cum fuerint candidati, id munus exprimitur ab Electoribus, ut de aliis dignitatibus, sicut superius diximus, fieri solet. Hujusmodi sunt Trium-Viri *Legum Conservatores*, qui ut leges observentur, operam navant, & præfunt Arbitris, ut ex legum præscripto judicent: ab iis vero provocatur ad Trium-Viros Advocatores. *Bonis Feudalibus Præfecti*, *Bonis communalibus*, id est iis, quæ Respublica rusticis utenda dedit, *Bonis incultis*, quæ scilicet olim vel nemoribus, vel aquis obruta non multis ante annis maxima industria, & majori impensa culturam adfuerunt: *Scriptura ordinanda*, *publica Pecunie exigenda*, & alii nonnulli, qui cunctis suis muneribus egregie perfunguntur, omnemque movent lapidem, ut Respublica adhibitis tot civium manibus, non conservetur modo, sed etiam inter omnes emineat, atque sublimè feratur.

Sunt etiam Senatorum Collegia, quæ x Sapientum vocantur, à quibus ea iudicantur, quæ Rempublicam attingere videntur: an subiecti immunitate aliqua donati fuerint, nec ne: quænam agri vestigalia pendant: ejusque generis multa, aut etiam, quæ iisdem collegiis delegata sunt, ut de iis cognoscant, statuunt, judicent.



ex publicis, vel ex vectigalibus in ærarium conferuntur: vel interdum, cum reditus Reipublicæ impensis videtur satis facere non posse, à Civibus pro cuiusque censu exiguntur. Id quod non raro fieri necesse est, bellis, quibus Civitas nostra frequenter vexari solet, aut mari, aut terra ingruentibus, vel cum *Turcæ* in nostram ditionem irruunt, quorum impetum non sine maximo detrimento complures annos sustinimus, acerbissimumque hostem in universam Rempublicam *Christianam* sævientem continuimus, vel cum Principes *Christiani*, quibus Imperii *Veneti* amplitudo quandoque officit, in perniciem nostram conspirant: quemadmodum anno abhinc XV. accidit, cum omnes ferè *Christiani* Principes inito inter se foedere in exitium Imperii nostri conspirarunt. Sed diis bene juvantibus omnes eorum impetus sunt repressi, resque pene collapsa in integrum restituta est. Duplex ergo cum sit publicæ pecuniæ genus, duplices quoque Magistratus ei rei sunt præfecti. Quidam enim pecuniæ ex censu civium collatæ præficiuntur: alii verò redditibus & vectigalibus Reipublicæ. Vectigalia quidem exiguntur ex iis, quæ exportantur ex urbe, aut in eam importantur. Quædam verò ex civitatibus, quæ in societatem Imperii *Veneti* sunt adscitæ. Urbana porro vectigalia, cum propter maximam mercium copiam mercatorumque conventum, tum ob ingentem hominum multitudinem; qui hanc Civitatem incolunt, omni omnium opinione majora sunt. Ac mercium quidem rerumque urbanarum varia sunt genera: ideo diversi quoque Magistratus sunt instituti, prout scilicet commodum visum fuit iis, qui his locandis atque exigendis vectigalibus præsumt: quos singulos enumerare sanè putidum est, fastidiumque potius afferret, quàm voluptatem. Quam ob causam illos etiam Magistratus, qui perpetui non sunt, sed cum res postulat, tum denique creantur, prætermittendos esse duco. In summa, horum omnium Magistratuum officium illud est, ut caveant, ne per dolum aliquid pecuniæ publicæ avertatur, aut per inertiam pereat. Omnes quoque controversias, quæ ad id genus pecuniæ pertinent, ipsi dijudicant. Pecuniam verò omnem, quam exegerint, continuo ad *Gubernatores Redituum* Publicorum deferunt. Eam enim appellationem is Magistratus obtinuit, qui huic rei præfectus est. Sed ea procuratio, quoniam magna, atque ampla est, non nisi insignioribus Civibus deferri solet. Qui, ut libentius hoc munus sibi deposcerent, neve demandatum rejicerent, oneri magno atque gravi magnum emolumentum adjunctum est, summa quoque tributa est auctoritas. Hi enim apparitores, viatores, lictores, omneque id genus ministrorum Reipublicæ creant, quibus omnibus ex ære publico stipendium persolvitur. Id verò, quod reliquum fuerit ad *Quæstores Urbanos* defertur, ad quem denique Magistratum pervenit omnis summa æris publici, à quibuscunque Quæstoribus sive Magistratibus, seu illi extra Urbem, seu in Urbe pecuniæ publicæ exigendæ curam habeant, allata fuerit. At Urbani hi Quæstores eam pecuniam ex Senatus decreto in usus publicos impendunt, eamque in codices accepti & expensi referunt. Quod munus quum operosum sit, laborisque non exigui, ideo Civibus junioribus committi consuevit: qui tamen, tum Nobilitate generis, tum innocentia vitæ clari sint, ne scilicet æs publicum ullo pacto in rem privatam avertatur. Quocirca Urbanis Quæstoribus jus senatorium est, idem propemodum, quod legitimi Senatores habent. Pecunia verò, quæ in Reipublicæ angu-

stis ex censu à civibus confertur, quamvis tandem ad Quæstores Urbanos omnis confluat, proprios tamen quosdam Magistratus habet. Interdum enim de conferenda ex censu pecunia ea ratione fit Senatusconsultum, ut nulla mentio habeatur, neque de restituendo eo ære, nec de aliquo emolumento civibus erogando, qui ex sua re privata eam pecuniam contulerint. Quod tamen raro admodum fieri consuevit: nam plerumque, immò potius semper, nisi res contrarium postulet, Senatus Reipublicæ ita consultum esse vult, ut privatorum res non negligantur. Promulgato igitur Senatusconsulto, de pecunia ex censu conferenda facto, temporeque, quod commodum visum fuerit constituto, unusquisque civium intra id tempus eam summam persolvit, quam ex censu debet. Exigunt autem Gubernatores Redituum, deferuntque ad Quæstores Urbanos. At multo sapientius ejusmodi Senatusconsultum fit de pecunia ex censu conferenda, ut post certum temporis spatium civibus, qui eam persolverint, restitui incipiat, aliquo etiam emolumento adjuncto: certaue in eam rem delegantur vectigalia. Interdum verò Senatusconsultum de collatitia ex censu pecunia ante nostram tempestatem ita fieri solebat, ut de reddenda nulla fieret mentio, neque ullum certum tempus constitueretur, nisi id commodum Reipublicæ fuisset. Sed Magistratus, qui *Præfectus Mutuis* dicebatur, quod nomen adhuc quoque retinet, acceptam ab unoquoque civium eam vim pecuniæ in codices referebat: interimque donec restitueretur, singulo quoque anno quini nummi aurei pro centenis collatis, veluti vectigalis loco, civibus creditoribus numerabantur: quem in usum multa vectigalia erant assignata. Qua ratione priscis bellis facilis erat pecuniæ exactio, quæ ex censu solvebatur: neque verò iniquum existimari debet, civibus, qui rem familiarem temporibus Reipublicæ necessariis consumpserant, aut magna ex parte imminuerant, vicissim aliquid impendi ex redditibus publicis. Nam, quemadmodum partes totius incolumitati consulere debent, ita natura comparatum est, ut totum curam habeat, ne partes magnum incommodum patiantur, sed pro viribus provideat, ut incolumes perdurent, alimentaue illis parata sint, quibus reficiantur, & conserventur. Verum nostra ætate hoc æs alienum Reipublicæ adeò ingens erat, ut in illud emolumentum, quod diximus civibus erogari, trecenta ferè nummorum aureorum millia singulis quibusque annis impenderentur. Quorum solutio proximis annis propter angustissima Reipublicæ tempora quum intermissa fuisset, tandem quarto abhinc anno, referentibus *Dominico Trivisano* Senatore amplissimo, atque *Andrea Gritto*, cujus Ducis auspiciis nunc Reipublica *Veneta* regitur, sapientissimo atque integerrimo Senatore, factum est Senatusconsultum, ut nulla amplius emolumentum erogandi mentio fieret, neque in codicibus publicis post id tempus id æris acceptum à civibus referretur. Verum, ne omnino à Republica fraudati esse viderentur capitis restitutione, nec non etiam emolumentum, quod ad eam diem eis debeatur, cum multa vectigalia assignata sunt, tum Reipublicæ possessiones in agro *Rodigiensi* positæ, sunt distributæ. Cujus muneris maxima parte nos functi sumus, qui illo tempore Magistratum gerebamus, qui ante nostra tempora institutus præcipue fuerat ad hujusmodi æs alienum Reipublicæ minuendum, aut si fieri posset extinguendum: de quo pauca infra dicemus. Sicque magna pars ingentis atque incredibilis fere publici æris alieni im-



49 minuta fuit, nec non privatorum civium facultatibus satis commodè consultum, ita tamen, ut prior ac potior semper fuerit Reipublicæ ratio, quàm privati commodi. Quod institutum à Majoribus nostris, ad hæc usque tempora per manus deductum est. Ut ergo redeamus, unde divertit oratio; Præfecti mutuis eam pecuniam exigunt, quæ à privatis ex censu in Reipublicæ usus necessarios confertur: acceptamque in suos codices referunt, ac demum Urbanis Quæstoribus numerant. Idemque Præfecti curam habent exigendi à Quæstoribus Urbanis eam summam pecuniæ, quæ quotannis erogari solebat in vicem redditus civibus privatis: eamque & acceptam, & expensam in suos codices referebant. Pecunia verò, quæ ea lege ex Senatusconsulto erogatur, à privatis, ut certo tempore restitui debeat, à proprio quodam Magistratu & exigi, & restitui solebat. Nunc universum hoc munus Gubernatoribus Reditus demandatum est. Alius etiam præter hos est Pecuniarius Magistratus minime prætereundus, qui in eam curam incumbit, ut cives ærarios factos, eosque, qui constitutam non persolverunt pecuniam, quam ex censu debent, investiget: eorumque bona publicet, & tandem sub hasta vendat. Nonnulli sunt præterea Magistratus Pecuniarii, à quibus ærarii cives investigantur: rationesque in publicis codicibus privatorum, ac Reipublicæ diligenter inspiciuntur, ne qua fraus publicis redditibus atque ærario fieri possit: quos consulto prætereo, ne tædio lectorem afficiam. Neque enim momenti quippiam habent ad eam, quam potissimum hoc opere mihi exponendam Reipublicæ gubernationem institui.

Præter hos Magistratus nonnulli etiam sunt, qui ad civitatis commodum, & ad bene, beateque vivendum plurimum valent, ideoque à nobis minime sunt omittendi. Primi nobis se offerunt *Monetæ auræ, argenteæque Præsides*, qua cum externis hominibus civium commercia, & ipsorum inter se maximè continentur: deinde *Annone Triticeæ Præsides*, itemque *Salubritati Venetæ Civitatis Præsides*, sine quibus vita consistere non potest: præterea amplissimi *Navalis Præsides*, *Aediles* quoque, qui viarum & pontium, & huiusmodi rerum refarciendarum curam habent, qui perquam necessarii sunt: postremo amplissimus *Magistratus*, quem *Procuratorum Veneti* appellant, Civitati nostræ longè opportunissimus. De *Præsidentibus monetæ* nihil est, quod plura dicamus. Ejus Magistratus illa cura est, ne argentum aut aurum imperfectius, aut impurius cudatur, quàm lex statuit: neve nummi sint minores pondere, quàm lex jubet. Quod sanctissime apud nos observatum fuit. Quamobrem maximo in pretio apud omnes nationes barbaras, nedum apud *Christianos*, *Veneti* nummi semper fuerunt, hodieque sunt. Cæteri namque Principes plerique omnes, impurius aliquanto argentum & aurum cuderunt, ut facilius impensis satisfacere possent. At nostri constantissime semper hac in re dignitatem à Majoribus acceptam retinere. Magistratus verò, qui *Annone Triticeæ Præsides* est, Civitati *Venetæ* perquam necessarius est. Etenim, cum nulla prope frumenti vis ex agro *Veneto* colligatur, quod omni ex parte Urbs æstuariis amplissimis continetur, Civitasque hominum multitudinem abundet, opus est rei frumentariæ magnam haberi curam: nequando populus, cujus commodo Majores nostri maximè consultum esse voluerunt, rei frumentariæ inopia laboret, nimiaque

annonæ caritate prematur. Idcirco rei frumentariæ tres sunt præfecti, qui XVI mensibus Magistratum gerunt. Horum est officium providere, ne Civitas unquam frumenti inopia laboret. Quæ si quando timeatur, Principem, Sapientumque Collegium adeunt, reque inter eos discussa decernunt, quæ ad frumenti copiam comparandam usui esse videntur. Quandoque etiam solet certa merces ex ærario his constitui, qui ex longinquiore provinciis frumentum *Venetias* advexerint. Interdum ære publico triticum mercantur à negotiatoribus, qui polliceantur certam vim frumenti statuto tempore, atque ex certis etiam provinciis se *Venetias* delaturos: quod nisi præstent, pecuniaria multa plectuntur: quod autem Reipublica magno pretio emerit, vili vendit, ut commodo populi atque inopiæ consulatur: qua in re magnam interdum jacturam ærarium facit. De re frumentaria præterea plurimæ sunt leges pulcherrimæque instituta: quæ si in præsentia recenserem, longius quàm par sit, ab instituto digrederer.

Sequitur Magistratus is, cui *Urbis Salubritas* est curæ. Hujus præcipuum munus est, providere ne aliquo pacto ex contagione tabes in Civitatem serpat. Quod, si clàm quandoque obreperit, ut nonnunquam solet accidere, sedulo operam dat, ne longius vagetur. Quare ædes publicæ amplissimæ in æstuariis ædificatæ sunt, intervallo trium millium passuum ab Urbe: quibus finitimi sunt horti lætissimi. Eas in ædes, si quis ex plebe eo morbo agrotare cœperit, confestim cum tota familia deferunt. Hi verò, qui cum ægrotante consuetudinem aliquam habuerant, opus est, ne alios inficiant, ut proprios lares deferant, concedantque ad alias ædes publicas, itidem extra Urbem in eum usum conditas, regione à prioribus longe diversa; ibique XL. dies detinentur: in quibus si sani persisterint, Civitati ac domesticis laribus restituantur. Supellectilis quoque magna cura habetur, ne ejus contagione quispiam inficiatur. Hic quoque Magistratus providet, ne quid putridum, aut quod incolumitati Civitatis officere possit, vendatur: demum id sedulo curat, ut quàm saluberrime *Venetis* degatur. Atque hoc Præfectorum genus non multo ante nostram tempestatem institutum fuit: cum quidem antea creberrime Urbs pestilentia laboraret, adeo, ut plerique omnes vi tabis scæviente proprios quandoque lares deferrent, & in continentem proximam secederent. Sed, postquam novo huic Magistratui hæc cura demandata est, Numine Divino favente, nulla penè pestilentia fuit. Interdum quidem, quod in magna hominum undique confluentium frequentia vitari non potest, nonnullæ domus infectæ fuerunt, cura vero hujus Magistratus, Deique auxilio, latius vagari malum non potuit.

Nunc de amplissimi *Navalis Præsidentis* dicendum est: quod certè non solum *Venetæ* Urbi magno est ornamento, sed etiam universæ *Italiæ* non mediocrem dignitatem affert. Immensum opus est & admiratione dignissimum. Nam in ea Urbis regione, quæ præter alias mari vicina est, & præterea maxime commoda, à Navale ædificatum, ac in tres sinus, seu, si malueris, recessus excavatum: intra quos mare recipitur unico tantum ostio tam lato, ut etiam satis sit ad maximas triremes capiundas. Munitum est ostium duabus turribus ex utraque parte, suntque hæc ponte sublicio<sup>2</sup> junctæ, portisque cancellatis, quæ nunquam

1. Conf. Donati Jannotii *Dialog. de Republ. Venet.* pag. 99. Edit. nostra; ibique Nicolai Crassi annotata.

2. Conf. Donati Jannotii *Dialog. de Republ. Venet.* p. 19. Edit. nostra; ibique Nicolai Crassi annotata.





quam referantur, nisi quum opus sit triremes educere, seu in Navale inducere. Nullibi etiam aditus ad interiora Navalis patet, præterquam hoc uno ostio ingredientibus. Primus occurrit omnium quidem minimus, sed amplius tamen sinus, tectis circum ac contignationibus in modum fornicis undique exstructis: huc subducuntur è mari triremes, ibique ab omni ventorum ac pluviarum injuria tutæ, si ita acciderit, ut illis utendum non sit, multos annos incolumes & illæsæ permanent. Novas item sub eisdem tectis ædificant, veteres subducunt, & refarciunt: magnum sanè opus, & maximi ornamenti, & ad naves fabricandas utilissimum. Post hunc sinum alius est interior amplissimus, omni ex parte circum ejusmodi tectis, ut dixi, instructus: nec ullum ex eis inspicias triremibus vacuum, sed aut binis plenum, si tecta fuerint latiora; aut singulis, si angustiora. Tertius verò non minor secundo, paulò ante nostram ætatem superioribus additus fuit, isque moenibus pulcherrimis circumseptus, in eo autem plura sunt tecta ædificata, quamvis non sint omni adhuc ex parte perfecta: verum summa cum diligentia opera datur, ut illi ædificationi manus imponatur extrema. Tres hi recessus invicem sunt pervii, atque unico muro ambiuntur nonnullis turribus distincto, in quibus vigiles excubias noctu agunt, ne quid detrimenti tam insigne opus vi ignis injecti, seu dolo facinorosi cuspis, seu casu quopiam, ut interdum evenire solet, accipiat. Intra moenia tabernæ sunt armamentorum amplissimæ, universæque nauticæ suppellectilis fabri suas ibi omnis generis rerum, quod ad Rem Navalem pertineat, officinas habent. Ibi funditur æs ad tormenta conficienda: magnaque in usum tormentorum vis pulveris conficitur. Ut totum in pauca conferam, nihil ad rem nauticam pertinet, quod non in eo Navali reperitur. Ibi videre licet ingentem fabrorum multitudinem, quorum quisque suo munere fungitur. Sunt præterea nonnulla atria bene ampla, in quibus ingens armorum vis, tormentorum scilicet ac telorum, ad usus bellicos servatur; ingens etiam velorum copia, remorum, armamentorumque omnium, in suis quæque cellis condita est: ut cum Senatus armandam classem decreverit, omnia, quæ requiruntur ad eam rem, prompta, atque parata habeantur. His rebus, officiisque omnibus præfectus est magistratus, de quo dicere institueram, cujus consilio ac diligentia omnia, quæ ad Navale pertinent, administrantur. Is fabros deligit, cum lignarios, tum ærarios, cæterosque opifices, qui ad opus faciendum admitti debent, ac ne quispiam desit officio suo, diligentissime curat. Huic Magistratui pecunia ex ærario ad sustinendos sumptus Navalis numeratur, Collegio tamen prius consulto, rationibusque apud illos Patres relatis. Apud Majores nostros, penes quos res maritimæ magno in pretio erant, hic honos magnus habebatur: temporibus tamen nostris Magistratus hujus dignitas est imminuta, ac penè cecidit. Itaque, si quando aliqua re extiterit, quam diligentius administrare oporteat, alios cives ac Senatores, summæ dignitatis homines, Senatus Navali præficit, qui jus in priores habeant, eisque veluti ministris utantur.

Postremo loco sunt à nobis recensendi *D. Marci Procuratores*, amplissimus omnium præter Ducem Magistratus: quippe, qui præfinitum tempus non habeat, sed unà cum vita terminetur. Huic honori conjuncta est perpetua Senatorii ordinis dignitas, ac jus suffragii ferendi æquum cum legitimis Senatoribus. Illud etiam præ aliis

A omnibus magistratibus obtinuerunt. Nam, cum cæteris à senioribus civibus non cedatur, nisi certis locis, certisque subselliis, Procuratoribus ubique idem honor præstatur. Quocunque enim loco sedeat, illis semper ceditur, digniorique sede semper honestantur: non secus, ac si quovis in loco sui Magistratus munere fungerentur. Horum officium est tutelam pupillorum habere, quibus propter ætatem tutela indigentibus, nullus defuncto parente ex testamento tutor est institutus. Veluti ergo publici quidam tutores a Republica sunt instituti. Hi *D. Marci* Procuratores dicuntur, quod munus cum egregiam fidem, ac sanctitatem vitæ præcipuam requirat, hi Cives huic officio delegantur, qui jam publicis fere omnibus muneribus defuncti, spectatæque sunt probitatis; in quo versantes tanquam milites emeriti perpetuam obtinent Reipublicæ administrationem. Priscis temporibus tam magna fuit non tantum *Venetis*, verum etiam apud exteras nationes, hujus Magistratus existimatio, ut plerique exteri homines, nedum indigenæ, testamento suo hosce Procuratores hæredum suorum tutores, ac totius rei domesticæ curatores instituerint. Eorum fidei magna pecuniæ vis pauperibus eroganda commissa est: adeo, ut nostris quoque temporibus ingentes opes ab hoc Magistratu administrantur, ac pro eorum arbitrio in usum pauperum distribuuntur. Hic Magistratus initio institutus fuit, ne hæreditates Civium, qui pro tuenda, seu etiam pro amplificanda Republica apud exteras nationes decederent, aut studio rei familiaris negotiis, ac mercimoniis occupati peregrè morerentur, nullo condito testamento, per fraudem quampiam ab hæredibus pupillis avertentur. Qua de causa effectum est, ut Civibus illis publice ea cura demandetur, de quorum probitate omnibus, compertum sit. Principio tres fuere. Deinde aucta civitate tres alii additi, hac tamen ratione distributi, ut veteres pupillorum, qui citra Rivum magnum, qui Urbem mediam interfuit, habitant, curam habeant: tres item curent eos, qui ultra Rivum magnum proprios habent lares: dimidiam urbem alteri, item dimidiam posteriores curent. Tres verò præter hos patroni sunt amplissimi, atque augustissimi templi, quod *D. Marco* Evangelistæ dicatum est, sub cujus numine *Veneta* Reipublica bonis legibus aucta est, in ditionemque imperii crevit. Ab his postremis tanquam à nobilioribus nomen in omnes deductum est, ut *D. Marci* Procuratores appellentur. De hujus templi structura, de marmorum, columnarumque copia, de porphyritide ac prasio lapide, de opere tessellato atque aurato, quo tum laquearia, omnesque fornices confecti, tum universum pavementum stratum est, quia nemo ferè mortalium est, quin vel visu cognoverit, vel fama perceperit, nihil mihi statui esse dicendum. Huic instaurando templo, si qua in parte labascit, ejusque sacerdotibus, tres hi Procuratores præfunt, operamque dant, ut pro Civitatis dignitate, & pro amplitudine patroni *D. Marci* Evangelistæ Deus optimus in eo templo pie, atque magnifice colatur. Hi sunt, qui præter cæteros Magistratus meo judicio perquam necessarii videri debent ad bene, beateque vivendum. Nam, & monetæ cudendæ cura nequaquam negligenda est, qua omnium commercia civium continentur, annonæque triticæ copia sedulo procuranda. Nec minor bonæ valetudinis civium cura habenda, minimeque omittenda viarum ac pontium, idque genus ædificiorum instauratio. Hæc communia cuique civitati: ista verò ad *Venetias* magis attinent, rei scilicet maritimæ



mæ procuratio ac pupillorum tutela, cum multum tum propter publica negotia, tum propter mercaturæ industriam peregrè profecti diem obeant. Idcirco Magistratus, qui his muneribus

incumbant, publicè instituti sunt, ut nulla in parte Majores nostri communi bono defuisse videantur, si quis diligenter omnem hujus Reipublicæ institutionem animadvertat.

## LIBER QUINTUS.



OSTQUAM omnis fere ratio gubernationis Reipublicæ à nobis exposita est, omnesque recensiti Magistratus urbani, non importunam, alienamve ab opere rem facturus videbor, si de Magistratibus Exteris verba fecero: iis scilicet, quibus civitates, quæ in nostram venerunt societatem, regi

soleant: postea de militaribus imperiis, ac demum de muneribus aliorum civium, qui patricii non sunt ordinis. His etenim expositis, extrema manus commode operi instituto imposita videri poterit. Insignioribus Civitatibus, quæ in Veneti Imperii societatem venerunt, quatuor Magistratus præficiuntur. Prætor unus omnibus jus dicit, & forenses lites dijudicat, atque in fontes animadvertit. Habet is Prætor in judiciis proferendis assessores homines jurisperitos, quorum consilio utitur, licet apud Prætorem sit omnis auctoritas. Præter hunc est Præfectus, qui militibus præest, qui urbem vel agros urbis coluerint. In hos Prætori nullum est jus, sed Præfectus tantum jus in eos habet. Arcis præterea, mœnium portarumque cura Præfecto est demandata; vectigalium etiam ac reddituum omnium tum urbis, tum agri totius. Præter hos Quæstor unus, aut duo. Hic Magistratus pecuniam publicam administrat, impendit, & exigit, habetque codices rationum publicarum. Nihil tamen ferè agit, nisi ex mandato Præfecti, ac interdum utriusque, scilicet Prætoris & Præfecti. Ea enim ratio administrandæ utilior visa est, quàm si penes eundem esset, & auctoritas & administratio ærarii, facilius namque liceret per fraudem ærarium peculari. Id vero pecuniæ, quod reliquum fuerit ab impensis, Venetias ad Quæstores Urbanos deferitur, ad quos, ut supra diximus, undique pecuniæ publicæ conferuntur. Quartus, qui in unaquaque urbium Magistratum obtineat, est Custos Arcium. Alibi unus, alibi plures sunt: hique militibus præfident, qui arcem timentur, curamque habent armorum, commeatus, & tormentorum, quæ ad munitionem contra hostes in arce posita sunt. Neque tamen Custos ita præest arci, quin Præfecti imperio subiectus sit: cui quidem omne jus, omnisque potestas in hujus generis rebus curandis tributum est.

In minoribus verò civitatibus, seu urbibus nullus est Præfectus, sed Prætor utriusque partes agit, in oppidis quoque, quæ in agris majorum urbium frequentia sunt, solus Prætor est, qui jus oppidanis dicat, nullus præterea magistratus. Nam Quæstores ac Præfecti principum urbium in universo quoque agro jus obtinent. A Prætoribus omnibus ad Auditores Novos provocatio est. Advocatores etiam quandoque sententiis capitalibus Prætorum intercedere solebant: sed, quoniam usu plerumque evenire solitum erat, ut judicia protraherentur, neque fontes criminum, ac scelerum poenas darent: lata fuit lex à Decemvirum Collegio, minime id juris Advocatoribus amplius in sententiis esse, quæ à Prætoribus assidentibus jurisperitis, quos secum comites ducunt, ut supra dixi, pronunciata essent.

Et hætenus quidem satis de Magistratibus,

quibus Respublica tum domi tum foris administratur. Verum, quoniam non tantum Pacis, sed etiam Belli gerendi Ratio habenda est, quam universam qui neglexere, ut inquit Plato in Politico, libertatem diutius tueri nequiverunt: ideo qui recte Reipublicæ institutionem posteris tradiderunt, illud in primis admonuerunt, ut cives instituantur ad utrumque munus, ut scilicet bello gerendo idonei sint, & domi in pace legibus subiecti, institutisque patriis in præclara aliqua functione vivant, ita utramque rem amplectentes, ut virtutes artesque bellicæ referantur ad studia pacis, tanquam ad potiora. Unaquæque etenim res eam habet à natura insitam vim, ut primum bonum sibi quisque conveniens appetat: deinde ut contrario obsistat, nitaturque, quantum possit, à se injuriam propulsare: quæ res in animante natura omnium perfectissima, dilucidius dignoscuntur. Nam unicuique animali tributa est vis appetendi, qua prosequatur id, quod naturæ suæ consentaneum fuerit. Præter hanc unicuique adjecta fuit vis irascendi, quam Plato in corde atque in præcordiis collocavit, ut scilicet animal quodcunque, ejus virtutis stimulis actum, contrarium naturæque repugnans repelleret. Utriusque igitur partis virtutes, quarum semina in animis hominum natura indidit, civilem virum fovere oportet, & ad frugem perducere, sicque & belli & pacis gerendæ rationem habere. Quæ ratio à Majoribus nostris non fuit neglecta, ut quibusdam videri solet: sed, quoniam initio in mari ædificata Civitas, quæ multis annis imperium contempsit continentis, terrestris belli studiis detineri non potuit, universam se ad maritimum bellum convertit: in quo egregie operam navavit, & pro tuenda libertate & in hostibus ulciscendis: multaque præclara Venetorum gesta prisca monumentis memoriæ prodita sunt, plurimique triumphus ex devictis hostibus, & eorum classibus superatis reportati: ex quibus facile quis intellexerit, Venetos in re maritima longe præstitisse. Victa tandem post longum tempus superioris consilii sententia precibus finitimorum populorum, quorum quisque sui Reguli tyrannidem, quam diutius passus fuit, amplius tolerare non poterat, adhibuit animum Senatus ad continentis imperium, universamque Venetiæ regionem, pulsus tyrannis, ac passim civibus deditionem facientibus, veluti postliminio recuperavit: quæ libenti animo redibat ad veteres incolas, ejectis tyrannis exteris, quæ ex reliquiis barbarorum in tota regione confederant, durissimaque servitute victos eos populos premebant.

Prolato igitur imperio in continentem, præterquam quod bonis legibus, & pacis studiis ii populi erant recreandi, qui nuper venerant in nostram societatem, danda etiam opera fuit, ut tueri libertatem possent, in quam se asseruerant. Cæterum Venetæ urbis situs, utpote, quæ condita est in mediis æstuariis, minime patiebatur nostros cives impensius operam dare bello terrestri, illiusve studio diutius detineri, sine magno periculo seditionis civilis. Nam cives illos, qui terrestris belli studiis se dedissent, majorem anni partem agere in continenti, ibique & equos alere, & terrestribus certaminibus se exercere opus



55 fuisset : quin ut peritiores rei militaris fierent, opus fuerat, si quando domi otium ab armis fuisset, externa bella adivissent, in iisque animum pariter & corpora durassent, ut in ea functione cum laude versari possent, & patriæ prodesse : secus autem si fecissent, inepti profecto non tantum Imperatores, verum etiam milites fuissent. Hæc vero frequens consuetudo continentis, urbanæque intermissio factionem quandam civium facile peperisset ab aliis civibus disjunctam. Quapropter procul dubio res *Veneta* brevi ad factiones, ac bella civilia deducta fuisset. Omitto interim, quam magnos spiritus animi civium concepissent, cum plurimum armis potuissent, habuissentque frequentes affectatores : ut hominum natura semper ad malitiam pronior est. Quæ res, ut ex prisorum monumentis facile intelligi potest, semper *Romanam* Rempublicam vexavit, contumacesque non paucos *Romanos* cives Reipublicæ legibus & Senatus decretis reddidit, ac demum *Julium Cæsarem* tyrannum *Romani* imperii fecit. Ne ergo huiusmodi quispiam morbus in *Venetam* Civitatem obreperet, satius Majores nostri esse statuerunt, ut continentis imperium externo potius, ac conducto milite, quam *Veneto* defenderetur. Stipendium verò illis statuitur ex vectigalibus totius provinciæ. Æquum enim erat ejus regionis impensis militem vivere, qui ad eam tuendam accersitus fuerat. In hanc militiam plurimi focii ditionis nostræ adscripti sunt : quorum nonnulli ad summam imperii in nostro exercitu devenere, atque ob res egregie gestas *Veneta* Civitate, Patricioque jure donati sunt. Viget adhuc nostra ætate nomen *Bartholomæi Coloni* Bergomensis, viri illustrissimi & summi Imperatoris, qui multa præclara bella confecit, ac *Venetam* ditionem auxit : quapropter equestri statua in celebri urbis loco à Republica honestatus fuit.

Cives igitur *Veneti* ea de causa, quam retuli, terrestris militiæ gloria privati sunt, eaque ad externos delata est. Siquidem lege cautum erat, nullum Patricium *Venetum* pluribus quam XXV. militibus præesse posse. Hæc tamen lex nostra tempestate ob bella frequentia, quibus vexati fuimus, vi consuetudinis tanquam abrogata est. Cum autem terrestre bellum ingruit, nonnulli Patricii ordinis cives in exercitum mittuntur, qui, dum bellum urget, temporarium magistratum gerunt. *Quæstores* hi sunt, item *Legati*, qui Imperatori exercitus externo homini semper adstant : neque ei quidquam aut facere, aut decernere licet, nisi ex Legatorum consilio. Bello finito utrique Magistratus domum revertuntur, ac in ordinem rediguntur, nec quidquam amplius juris habent. Hæcque est belli, terrestrisve militiæ ratio apud *Venetos*.

Bello verò maritimo, ac navali nostra Civitas natura magis idonea est, cujus studiis semper *Veneti* studuere. Nam Urbs in mari condita parum timere poterat terrestres copias, quæ ei negotium facefferent : ac non modo iniquum, sed etiam valde incommodum erat, comparare exercitum ex civibus, quem in continentem trajicerent, ac finitimos populos bello lacefferent. Verum à mari quoniam injuria timenda erat, quod-

A que illatam propulsare non erat difficile, ideo universa Civitas ad studia rei maritimæ conversa est, eoque juventutem legibus instituit, ac totius vitæ consuetudine firmavit. Hic enim mos instituendi Patricios homines semper fuit, ut à teneris annis usque ad pubertatem sub pædagogi disciplina degerent, ac Latinis literis imbuerentur pro cuiusque captu : ab ea ætate, præter paucos quosdam, qui literarum studiis se mancipant genio naturaque ducti, omnes ferè rei maritimæ, ac familiari operam darent. Ac alii quidem navigabant ad longinquas oras, ubi mercaturæ industria rem domesticam augebant, simulque efficiebantur periti morum ac consuetudinis, legumque multorum hominum. Plurimi conscendebant triremes armatas, atque à teneris annis & corpus laboribus firmabant, & animum excolebant rei maritimæ disciplina, ac navalis belli peritia : quibus artibus semper *Veneti* excellere.

Quin lege cautum fuit, quæ usque ad nostra tempora pervenit, ut in unaquaque triremi armata stipendium ex ære publico non exiguum duobus adolescentibus daretur ordinis Patricii : quorum officium nullum aliud esset, præterquam imbui disciplina rei maritimæ : utque id facilius assequerentur, quædam illis assignantur exigua munera, quibus curandis se exercentes proficiunt, & ad majora capeffenda idonei fiunt. Gravibus vero triremibus, sive ad classem, & rem bellicam instructæ fuerint, sive privatim civibus locatæ ad mercaturam, octoni cuique juvenes Patricii quandoque attribuuntur : nec mediocre eis stipendium constituitur, vel ex pecunia publica, vel ex ære privato, si ad mercaturas locentur, qui nauticis ac bellicis studiis in eis assuescant. Quin etiam privatorum navibus hoc onus legibus impositum est ad publicam utilitatem, ut ex ære domini privati hominis, uni seu duobus, si navis major fuerit, patriciis adolescentibus stipendium solvatur, quorum aliud nullum officium sit, præterquam exerceri muniis nauticis. Concessa quoque his adolescentibus facultas est, ut in triremibus onerariis, ac in navibus privatorum, quibus adscripti sunt, ferre queant certam mercium summam nullo naulo soluto : quam si non habeant, jus hoc suum aliis concedunt, ac locant. Qua lege consultum fuit non solum exercitationi juventutis, verum etiam utilitati tenuiorum civium, qui angustia rei familiaris premerentur. Quare facile intelligi potest, rationem <sup>1</sup> instituendæ juventutis <sup>2</sup> minime à Majoribus nostris neglectam fuisse, ut nonnullis videtur : immò in ea navium triremium copia ducenti, & amplius Nobiles adolescentes, legis istius beneficio, alienis impensis ad rem nauticam instruebantur : præterquam quod civili consuetudine, ac more patrio quilibet Patricius juvenis, aut literis, aut studiis rei maritimæ operam dabat : in qua exercitatione tum sibi plurimum, tum rei domesticæ non nihil consulebat, ac proderat. Hæ præscæ leges, & huiusmodi instituta etiam nostra tempestate perdurant, licet plerique adolescentes ambitione, aut luxu post ampliaturum imperium corrupti patrias institutiones neglexerint : ac civium copia adeo crevit, ut nostra ætate ingruentibus bellis, ac

1. Edit. Elzev. habet : curam.

2. Rationem instituendæ juventutis] Et armis, & literis dant operam *Veneti* Patricii, neque ullo pacto eorum cura à Republica prætermittitur. Nam præter ea, quæ *Contarenius* recensuit, Gymnasium est in Bibliotheca Reipublicæ, ubi humaniores literæ, lingua Græca, & Jurisprudentia publice leguntur. In insula præterea, quæ *Judaica* vocatur, Academia superioribus annis Patriciorum fuit instituta, in qua

F pueri & bonis moribus, & liberalibus doctrinis imbuuntur publicâ impensâ. *Joannes* vero *Theopulus*, Veneticarum Patriarcha, vir paucorum hominum, quique vitæ innocentia ac integritate non minus, quam scientia atque eruditione singulari inter omnes eminet, *Muriani* ludum literarium æperiendum curavit in ædibus D. *Cypriani*, in quo pariter *Veneti* cives optimis disciplinis instituuntur.



ac rerum domesticarum dispendiis longe plures effecti sint pauperes, quam, ut satis consuli illis queat istius legis beneficio. Ita namque natura comparatum est, ut nihil inter homines perpetuum esse possit: verum cuncta, quamvis initio perfecte constituta esse videantur, post aliquot annos, natura in deterius labente, instauratione indigent: adeo ut, quemadmodum corpus prandio saturatum diutius incolumitatem servare non potest, nisi post aliquot horas coena successerit: sic in unaquaque re opitulari oporteat naturae ad interitum labenti, atque instaurationem adhibere. Hujusmodi rationem nos quoque Deo bene

juvante imitabimur, ac aliquod remedium excogitabimus, quo fiat, ut hac etiam in parte nihil sit in nostra Republica desiderandum. Sed de his haecenus.

Nunc à nobis recensendi sunt *Magistratus*, qui praeficiuntur *rei maritimae*. Unaquaeque triremis ad bellum instructa Praefectum habet Virum Patricium, qui in ea triremi omnium potestatem obtinet, praeterquam ultimi supplicii inferendi; veluti in terrestri militia Centurio, seu aciei Praefectus eorum curam habent, qui fuerint in sua acie. Hic *Triremis Praefectus* nautas, cunctaque, quae in sua triremi sunt, & quae ad ejus apparatus faciunt, diligenter curat. Quotannis quamvis nulla necessitas, *Veneti* aliquot triremes armant, quae reddant mare tutum navigantibus, securamque navigationem compressis piratis praestent viris bonis, qui res suas agunt sine alicujus injuria.

Praeter triremium Praefides est totius *Classis Legatus*, qui imperium habet in universam classem, & in cunctos triremium Praefectos. Hic veluti Legatus exercitus, nisi adsit Imperator, jus habet & capite mulctandi, quos velit, & dirigendi classem, quod maluerit. Hic quoque Magistratus semper ferè etiam pacis tempore creatur, praeficiturque his triremibus, quae armatae sunt. Quod si tempora Reipublicae ita postulent, ut magna classis paranda sit, tunc universae classi praeficiunt *Imperatorem*, qui tum in classe, tum in cunctis provinciis maritimis amplissimam potestatem habet; ac eam propè, quam olim in *Romana Republica* Dictator, retinebat; nisi quod omnibus in rebus paret auctoritati Senatus, & Reipublicae decretis. Summum tamen illi jus tributum est, cum in classem, Praefectos, Legatosve classis, tum in Praetores ac Magistratus omnes, qui cum imperio sunt in locis insulisque maritimis, ac munus publicum exercent: adeo ut, cum classis Imperator ad aliquam civitatem acceperit, continuo ei sacerdotum clerus obviam prodeat, claves portarum & arcium ei dentur, jura Praetorum sileant, ab omnibus Magistratibus ad Imperatorem liceat provocare. Quin, si ita ei libuerit, potest solus jus dicere, solus administrare pecuniam publicam, ac denique solus omnium potestatem habet. Nullus est apud *Venetos* Magistratus majoris auctoritatis, idcirco raro admodum classi Imperator praeficitur. Non enim temere, nisi rerum necessitas ita exigat, alicui conceditur tam magna potestas, ut omnia unius civis arbitrio pendeant. Hoc in loco ea lex non est à nobis praetermittenda, *Imperatorem*, *Legatum*, *Praefectumve Classis* ullum non posse cum triremibus armatis ingredi *Venetam urbem*, neque etiam tunc cum in patriam redit: sed cum primum *Istriam* per-

*A* venerit, quae provincia centum ferè millibus passuum ab Urbe distat, *stipendium nautis ex legis decretis solvi debet, ibique omnes dimitti*: deinde triremes à paucis *Venetias* deduci solebant, ac in navale subvehi sub tecta in eum usum aedificata, ubi tutae servantur à ventorum & pluviarum injuria: nunc lex haec non ita omni ex parte servatur, quemadmodum Patrum nostrorum temporibus servabatur.

Recensiti à nobis sunt omnes ferè Magistratus, quibus, veluti coronam & apicem Majores nostri imposuere eos, quos vernaculo vocabulo à Graeca appellatione deducto, *Syndicos* dicere consuevimus. Nos eos appellamus *Recognitores*, novo fortasse nomine, sed satis idoneo ad id munus explicandum. Hi post quatuor, quinque annos creari solent, ac mitti tum in continentis oram nostrae ditionis, tum in regiones maritimas ac insulas: recognoscuntque gesta omnium Praetorum atque aliorum, qui foris publicam potestatem habuerint. In quos animadvertunt ea propemodum auctoritate, quae Advocatoribus tributa est. Nam, ut sapienter *Aristoteles* inquit, *hi, qui in potestate sunt, nisi ex aliis pendeant, ægre in officio persistunt propter ingenitam cuique malitiam.*

*C* Peregrinus jam omnes Patriciorum hominum Magistratus, quibus Respublica *Veneta* domi forisque administratur: reliquum est, ut ea ratio à nobis referatur, qua prudentissimi homines, Majores nostri semper in officio plebem, ac universum populum continuerunt, rem certè supra omnium fidem, tot annos populum gubernationis publicae expertem nunquam Patriciorum imperium detrectasse aut ægre tulisse, nec quippiam unquam molitum esse, ut mutata Reipublicae forma ipse quoque ad jus publicum admitteretur, immo semper amantissimum atque obsequentissimum nobilitatis se praestitisse. Verum, si quis praeter situs opportunitatem valde commodi ad Rempublicam tuendam, moderationem nostram in regendo animadvertit, comperiet populum non omnino repudiatum fuisse: sed ad ea munera fuisse admissum, quae ei committi poterant absque rei communis detrimento. Ideoque facile perspicere poterit, id in hac Republica temperamentum extitisse, quod cæteris hominibus tum priscis, tum junioribus semper defuit. Quamobrem evenisse etiam comperiet, ut in cunctis aliis tumultus populares frequenter fuerint excitati, qui tandem omnes Respublicas everterint: contra in nostra Civitate ob eam causam nullum unquam tumultum popularem, aut seditionem extitisse. Etenim necesse fuit, ut in exordio operis dixi, si recte Respublica instituenda erat, populum à gubernatione Reipublicae excludi. Qua in parte Majores nostri non tantum auctoritatem summorum philosophorum ac rationem secuti sunt, verum etiam imitati sunt *Sesostirim* antiquissimum *Aegyptiorum* legislatorem, qui, ut in *Politicis* *Aristoteles* perhibet, genere distinctos voluit esse eos, qui armis regionem tuerentur, quive de bono publico consultarent, ac judicia exercerent, ab agricolis mechanicasque artes exercentibus, mercenariam operam locantibus. Verum institutum hoc facile evertere Rempublicam poterat, nisi temperatio ea adhibita fuisset, quam Majores nostri, sapientissimi homines adhibuere. Primum ergo apud *Venetos* constantissime hoc ob-

1. Peregrinus jam omnes, &c.] Multos etiam Respublica mittit in Insulas, & in Continentem legatos proconsulari fere potestate, quos *Provisores Generales* appellant, & quamvis olim ea munera ad tempus essent, cum scilicet è Republica videretur aliquem mittere ad ea exercenda, qui re-

peracta domum revertebatur, nec successor aliquis eligebatur: attamen in praesens, & *Palma nova Civitati*, & *Istriae* provinciae, & insulis *Corcyrae*, *Cephaleniae*, atque *Zacyntho*, & regno *Creta* summi Senatores Legati praeficiuntur.



observatum fuit, ut omnibus æquum jus esset, neque ulli impune liceret quenquam, ne de plebe quidem vel infima, injuria afficere: Patricium verò hominem contumeliam facere plebejo pro sacrilegio, ac scelere maximo semper habitum fuit. Quòd si quis temerarius hujusmodi quippiam perpetrare ausus unquam fuit, is sensit se impune non abiisse: tantoque graviores poenas dedit, quanto majoris existimationis, dignitativè fuit. Præterea diligenter à Senatu consulitur, tum annonæ triticeæ, tum omnium rerum copiarum, quæ faciunt ad victum civium, & ad incolumitatem totius populi: adeo, ut magna interdum dispendia faciat publicum ærarium, ne Civitas penuria laboret: quod cuilibet exploratum esse potest ex his, quæ supra à nobis dicta sunt, cum de Præfectis annonæ triticeæ, ac de Curatoribus publicæ salubritatis ageremus. Ac populi quidem hæc duo potissimum requirunt à Rectoribus civitatum, ut scilicet commode vivant in rerum copia, neque obnoxii sint injuriæ potentissimorum civium: quæ cum affecti fuerint, res suas agunt cæterorum securi. Nihil verò à Majoribus nostris omissum fuit, quod ad ea duo pertineret. Quin potius multa præterea addita sunt, quibus mirifice consulitur populi commodo, atque eorum hominum inopiæ, qui in studiis honestis Reipublicæ utilibus versantur, aut olim versati sunt, nec amplius per ætatem, aut imbecillitatem valetudinis id muneris obire queunt. Nam *Venetis* innumeræ domus ædificatæ sunt satis idoneæ, aptæque rei domesticæ, quæ hominibus iisce gratis conceduntur, in quibus cum familia degant, quoad vixerint sine rei familiaris dispendio. His adde, quòd in Navali amplissimo, quod vicem oppidi obtinet, constitutum stipendium est non mediocri hominum multitudini: qui tamen nil agunt, seu propter senium, seu ob incommodum acceptum; cum tamen tunc, cum in florenti ætate essent, suum munus in ædificandis triremibus, aut in hujusmodi quopiam munere Reipublicæ utili obierint. Præterea veteri instituto in contractibus emptio- nis, venditionisque mercium pretiosarum alteruter, emptor scilicet aut venditor, certum quippiam solvunt pro summa mercium: quod pauperibus nautis impertitur, qui amplius ei officio satisfacere minime possint propter ætatem, quam tamen in ea functione consumpserint.

Cæterum præter hæc optima instituta ad continendam plebem in officio Reipublicæ nonnullas alias leges recensemus, quæ sapientissime mihi à Majoribus nostris inventæ videri solent, ut pro eorum hominum conditione satisfactum pulcherrime sit ambitioni & honoris cupiditati, quæ in cunctorum animis natura insita est, nec tamen propterea gubernatio Nobilitatis ulla in parte perturbetur. Universus populus<sup>1</sup> in duo genera est distributus. Nam quidam honestioris sunt generis, alii vero ex infima plebe, ut artifices, & id genus hominum, quod ab Aristotele in *Politicis* fervorum publicorum esse perhibetur. Utrisque meo judicio consultum est, nec incommodè, nec iniquè. Nam plebejis hominibus, qui suapte natura parum honori student, sed potius rei familiaris studio inserviunt, sua quædam jura concessa sunt, sui que honores. In tot enim classes distributi sunt, quot sunt artificia, in quibus degunt, ac unicuique classi propriæ quædam datæ sunt leges, sub quibus sua quisque exercet officia. His præficiuntur totius classis suffragiis ex eorum

A numero nonnulli, qui non incommodè artificii illius præfecti appellari possunt. Horum jussu multa præscribuntur, nonnullæque leviores plites horum arbitrio dirimuntur. Quo fit, ut plerique omnes artifices cum ejus honoris compotes fuerint facti, in eo munere sibi placeant, putentque se non parum dignitatis esse assequutos, cum eo pervenerint, ut à sui ordinis hominibus ea præfectura digni habiti fuerint. Sunt præterea in unaquaque classe quidam præfectis inferiores, qui tamen nonnullius existimationis sunt. Hoc igitur modo magna in parte satis fit honoris cupiditati, quæ indita esse videtur animis etiam plebejorum hominum, atque infimæ plebis. Alterum populi genus honestius in *Veneta* Civitate honoratiorem quoque locum habet, cui privata quædam, ac propria munera sunt constituta decora atque honesta, quibus Patricii ordinis viri privati sunt, nec ad ea ulla ratione accessum habent. Quorum multa sunt, ut nec Patricium hominem, tum propter emolumentum, tum honoris titulum eorum poenitere possit. *Scribarum* Ordo honestissimus est, qui Magistratibus quibusque affident. Id munus plebejis tantum hominibus datur, patricio nulli: quod quamvis illustre non sit, est tamen honestum. Eorum namque fidei & solertiæ codices, scriptaque publica, quibus res omnis privata & publica continetur, commissa sunt. Qua provincia atque munere, qui dignus habetur, is jure optimo & probi viri & industrii nomen habet, commendationemque apud homines non mediocrem. Id autem eorum plerisque stipendium constitutum est, ut rei domesticæ non tantum tuendæ, sed etiam amplificandæ satis sit. Illi autem, qui sunt à *Secretis Senatus*, omnes ex populo sunt, Patricius nullus. Hic ordo superiore honestior est, idcirco illi ex populo, qui nobiliori genere orti sunt, eo munere fungi solent. Reditus habent ex ære publico non mediocres, neque ullum Senatusconsultum hos latet. Semper namque interfunt & Collegii & Senatus consultationibus, ex qua re in magno pretio ab omnibus habentur. Ex his nonnulli seliguntur, qui Decem Viris ministrant, eorumque acta in codices referunt, ac conscii omnium sunt, quæ à Collegio aguntur. Quo in honore versantur, quoad vixerint, non per vices, quemadmodum Patricii viri in suis magistratibus, quorum nullus præter Procuratorium perpetuus est. Horum qui à secretis Senatus sunt, unus primas partes tenet ac *Cancellarius Venetiarum* nominatur, qui in maximo est honore. Nam à quovis Patricio ei loco ceditur, præterquam à Procuratoribus. Nullum is Reipublicæ ignorat arcanum: magni quoque sunt ei reditus ex ære Reipublicæ constituti: ac cum diem obierit, funebri oratione honestatur: quæ dignitas nulli in *Veneta* Civitate deferri consuevit, præterquam Duci, aut cuipiam civi, qui sit extra aleam, ut dici solet, præterea nemini, quasi Cancellarius Ducem ex populo referat. Hic unus creatur Comitibus Magni Consilii: cæteri omnes, qui à Secretis sunt, à Decem Viris eliguntur, atque subduntur eorum censuræ, si quid in functione publica, quam habent, deliquerint. Omnes etiam populares cœtus, ut artificum classes & cujusque artificii præfecti, nonnullique alii, de quibus infra dicemus, ex arbitrio Decem Virum pendent, atque eorum ditioni subiecti sunt: illiusque Collegii auctoritate & initio constituti fuere, & nunc continentur. Quod sapientissime institutum fuit, ut is Magistratus provideat, ne hujusmodi cœtus, qui ad bonum publicum sunt instituti, quandoque simulatione officii aliquid in Rempublicam moliantur: qui

1. Conf. Donati Jannotii *Dialog. de Republ. Venet.* pag. 21. Edit. cit. ibique Nicolai Crassi annotata.



qui ad ejus morbi cautionem initio creatus fuit, ne qua scilicet malorum civium conspiratio faceret negotium Reipublicæ.

Sunt præterea Venetiis *Quinque Societates* initæ sub divorum quorundam nomine & religione, in quibus innumeri homines sunt, & plebeji & Patricii ordinis. Harum suas quæque vestes habent suæque insignia, quibus tamen non semper ac passim utuntur, sed cum simul coacti prodeunt, aut honestandum cujuscumque funus, aut ad sacrum quodpiam munus. Festis diebus statutis cuncti ferè in suam societatem coguntur. Ibi sacris primum interfunt: deinde invisunt templa deorum immortalium, Deumque Optimum supplicationibus, pompæque solenni venerantur. Harum quæque societatum propriam ædem habent, in qua amplum atrium ædificatum est, quò statutis diebus conveniunt, ut exhibeant officium religioni, quod debent. Etenim celebrant quandoque sacra mysteria, interdum simul coacti templum cujuscumque Divi invisunt, sæpius exequias ac funus fratris exornant, cum eorum quispiam diem extremum clauferit: cujus etiam delicta expiant sacrificio, ac precibus identidem repetitis. Præter amplissima illa atria singulæ destinatum conclave habent, in quod coguntur *Societatum Præfecti*, qui Magistratus est annuus, atque inter plebejos non mediocris dignitatis. Hi simul congregati de agendis consultant, dantque operam, ne qua in parte desint bono societatis. Eorum quoque fidei magna vis pecuniæ pauperibus erogandæ commissa est. Nam priscis temporibus tam ingentis fuerunt existimationis hæ societales, ut plurimi, qui rem suam testamento legaverant in usum pauperum distribuendam, hos potissimum tutores fecerint, quorum arbitrio ea pecunia erogaretur. Quo effectum est, ut harum societatum aliquæ copia facultatum, quæ in hos usus quotannis erogandæ sunt, Procuratoribus *D. Murci* minime concedant: qui Magistratus Patricius amplissimus est. Ad hunc honorem, Præfecturam scilicet istam societatum, Patriciis viris nullus est accessus, quamvis sint e numero fratrum, sed plebeji tantum homines illius dignitatis compotes esse queunt, ut hac etiam in parte populus Nobilitatem æmuletur. Hi enim Societatum Præfecti quodammodo in populo refectunt Procuratoriam dignitatem. Verum, ne qua ratione hujusmodi Societates atque hi Præfecti, Reipublicæ officerent, omnes sub potestate Decem Virum continentur, ut ne quid immutare queant, aut in unum cogi præter tempora statuta, nisi ex eorum arbitrio atque auctoritate.

Hujusmodi honores in nostra Republica viris plebejis utriusque ordinis constituti sunt, ut omnino expertes non essent juris publici ac civilium munerum, sed suæ honorum cupiditati ambitionive hac ratione satisfacerent, neque statum Nobilium aut odio haberent, aut perturbarent. Quo gubernationis temperamento Respublica nostra id consecuta est, quod priscarum nulla alioquin illustrium. Nam à primis initiis usque ad hæc tempora mille, ac ducentis annis tuta permansit, non tantum ab exterorum hominum dominatu, veram etiam à civili seditione, quæ fuerit alicujus momenti. Quod adepta est non vi ulla, aut armatis satellitibus, seu munita arce, sed æqua, ac temperata ratione regendi: adeo ut populus libenti animo pareat Nobilitati: neque ullam mutationem rerum optet, quin potius egregie sit affectus erga Nobiles. Quæ res nostra tempestate potuit esse compertissima. Nam, cum omnes *Christiani* Principes conspirassent in perniciem atque exitium nominis *Veneti*, fufusque

A noster exercitus fuisset à *Ludovico*, Gallorum Rege, juxta *Cassanum*, oppidum agri *Cremonensis* ingenti clade, imminerentque inde *Germani*, hinc *Julius*, Romanus Pontifex, atque universa penè continentis ora ab imperio *Veneto* descivisset: ea rerum angustia perturbatus *Venetis* populus, adeo nihil in Nobilitatem est molitus, ut lachrymantem omnes se, suæque obtulerint ad Reipublicæ defensionem, reque ipsa præstiterint. Nam *Pavio* urbe propter incolarum animum erga nos egregie propensum nullo negotio recuperata, cum *Maximilianus* Imperator undique contractis auxiliis ingenti exercitu eam urbem obsedisset, B quàm plurimi non tantum Patricii, verum etiam plebeji ordinis sponte cum militibus stipendio eorum privato conductis ad tuendam illam civitatem profecti sunt, egregiamque in ea expeditione operam navarunt: adeo ut Imperator coactus fuerit reducere exercitum, expugnatione urbis non tentata. Nec majore negotio aliæ quoque civitates recuperatæ sunt, maximo populorum omnium favore ex alieno imperio ad *Ventum*, veluti ad portum tutissimum, confugientium. Clarissimum certè argumentum justæ dominationis, cum volentibus imperatur. Quod non absque ratione contigisse, si quis bene attenderit, facile comperiet. Cuique enim civitati, quæ in societatem *Veneti* imperii venit, municipales leges relictæ sunt, multisque honoribus cives in sua quisque civitate potiuntur: oppida autem non pauca in agris urbium sita à civibus ipsarum urbium ibi magistratum gerentibus gubernantur. His adde, quod Prætoribus civitatum, qui illustres sunt, affident cum jus populo dicunt homines jurisperiti: quibuscum consultant, antequam quippiam decernant. Qui honos est non exiguus, nec modicum inde emolumentum ad eos venit. Hujus generis magistratibus fungi Patricii *Veneti* non possunt, sed vel ex *Veneto* populo, vel, ut plerumque, ex fociis civitatibus deliguntur. D Ex quibus facile quivis intelliget, eam adhibitam fuisse in hac Republica moderationem, quæ maxime videatur rerum naturam imitari. Nam in animantis corpore videndi officium, respiciendique munus solis oculis est attributum, reliqua verò munera ignobiliora cæteris membris relictæ sunt, quæ ulu videndi careant, sed pareant, nec aliquo pacto obaudiant iis, quæ ab oculis ita esse nunciata fuerint, neve alio ferantur, quàm quò oculi ea direxerint: sicque optime universum corpus consistit & conservatur. Non dissimili ratione in Republica *Veneta* summa rerum gubernatio Patricio ordini est demandata, veluti quibusdam oculis civitatis, ignobiliora officia cæteris ex populo: sicque tanquam bene compactum corpus *Veneti* felicissime vivunt, cum oculi Reipublicæ non sibi tantum, sed universis membris prospiciant: cætera verò civitatis partes, non tantum sui habeant rationem, verum etiam hisce oculis, veluti potioribus membris Reipublicæ libentissime obtemperant. Quod si in quapiam Republica eò insanitæ venerint cives, quod in plenique contingit, ut populus videndi munere fungi velit, atque oculorum officium usurpet, continuo universam Rempublicam everti necesse est. F Quod si etiam Patricii cives sibi tantum prospexerint, alia verò civitatis membra contempserint, irritato populo ad perniciem Nobilitatis procul dubio male cum Republica, atque adeo pessime agetur. Nostri Majores naturam imitati utrique incommodo providere, illamque præstiterit moderationem, ut nullus, nisi invidus, locum habeat obrectandi tam rectæ, tamque legitimæ institutioni.

Quam



Quam Deum optimum precamur diu servet incolumem. Si enim quippiam boni à Deo immortalis hominibus provenire est credibile, hoc

A præcipue divinitus Venetæ Urbi obtigisse persuasissimum esse debet.

# ADDITAMENTA.

VIRO CLARISSIMO

JOANNI FRANCISCO  
CORNEA NIO,

Matrueli suo,

BALTHASAR BONIFACIUS

S. D.

**R**EGES Lacedæmoniorum, apud quos ejus Reipublicæ militaris potestas erat, cum civile imperium penes Ephoros esset, duplicis suffragii jure utebantur; duosque calculos ponebat, quisquis excelleret Regia dignitate; quod ex Xenophonte, Plutarcho, Luciano, cæterisque præcæ historiæ scriptoribus satis constat. Idem juris habere Venetorum Hegemona vulgo fama pecebreuit, quam veritati, reique ipsi ad-versari inter peritos publicæ administrationis comper-tissimum est. Nam quemadmodum Lacedæmone duo Reges creabantur, qui singuli binos calculos inferrent, imo tertium quoque, si quid pro se decerni vellent, su-peradderent; reique militari summo cum imperio præ-essent: ita ex contrario Venetiis unus tantum Dux dici solet, qui nihil bellicæ authoritatis, præter no-men, habeat, quique non amplius, quam Princeps Senatus, priore loco sententiam dicat; unumque dun-taxat, idque primum, suffragium ferat. Ut perele-ganter nescio quis dixerit, Venetorum Hegemona pompa & ornatu esse Regem, potestate senatorem, in Urbe captivum, extra urbem reo proximum, ac tan-tum non hostem: neque enim licet illi, Senatus injussu Urbe excedere. Hæc ut in literas darem, ad tollen-dam, quæ temere increvit, opinionem, Vir clarissime, præcepisti. Sed & illud visum est tibi nostræ huic qualicunque diligentie committere, ut suffragandi modum, quo Patres utuntur, mansuris apud posteros monumentis consignarem. Quanquam enim nostris om-nium votis, hominumque communi judicio, forsitan etiam Deorum immortalium fato Inclytæ Venetiæ, quam merito Urbem Aeternam nominamus, non nisi cum rerum natura, & mundi machina peritura vi-deantur, æquum tamen est, ut pulcherrimi instituti ratio, atque ingeniosissimi instrumenti longe utilior, quam operosa structura, cujus inventor perpetuum du-centorum aureorum stipendium ex ærario retulerit, exterarum nationes non lateat, quo vel exemplo juvari, vel administratione oblectari possint. In Comitio ma-ximo, cui majoris Consilii nomen est inditum, viginti subselliorum ordines recti, æquidistantes, & nusquam convenientes, tamquam parallele quædam lineæ, per longum producuntur, in quibus Patricii sedent suffra-gium daturi. Ordo item alius, qui superior voca-tur, quod supra cæteros aliquantisper emineat, pa-rietibus hærens, totum Comitii conclave circumam-bit. Singulis autem ordinibus inserviunt aliquot pue-ri, impuberes fere, & quartum decimum annum non excedentes; ex tribus ephebiis, Pietatis, Incurabi-lium, Divorumque fratrum Pauli & Joannis, ubi publice aluntur, evocati in hoc ministerium; terni fere, aut quatermi singulis Patriciorum lineis adscripti, neque enim sunt plures quatuor & quinquaginta uni-formi habitu induti, hoc est oblamide pumicea tanti-sper infra genua, non tamen usque ad talos demissa;

**B** ad femur dextrum peris coriaceis accincti, è quibus suffragia singillatim producta singulis Patriciis singula dantur; simulque porriguntur cadisci, pyxides, in-quam, suffragatorie, in quas ab ipsis Patriciis suf-fragia conjiciantur. Porro hujuscemodi suffragia non fabæ, aut lupini, non calculi, non tabellæ punctis insignes, aut lineis, non spondyli ænei, non conchæ, non testulæ, non ostracia, non denique ossa ex porci-nis cruribus, unde Græcis χολερα, Latine & χολη, suffragia latinis, à suffraginibus videntur nuncupa-ta; sed globuli sunt, ad nucis avellanæ magnitudi-nem prope accedentes, ex scutis linteis consuti, ne scilicet in vasculum decedentes, strepitu prodant suf-fragatorem, sed leniter, & sine ullo sonitu delaban-tur. Cadiscus enim ea concinnatus compactusque in-dustria est, ut, cum duas quasi cellulas conjunctim habeat, alteram viridem negantem, alteram candi-dam affirmantem, sitque superne contestus & concam-meratus, unumque tantummodo os proferat, in quod suffragatoris brachium inseratur, pervium cuique sit in utram velit cellulam suffragium occulte & clancu-lum ponere; nemine intelligente, utrum is legem ro-gaverit, an abrogaverit. In fronte vero hujus Cu-rie, seu Concilii majoris, quæ quidem est pœcile, longe lateque amplissima atque augustissima, conspi-cuum omnibus extat Prætorium, sive Tribunal, in quo medius sedet Princeps inter eos, qui Reipublicæ præsunt. In utroque cornu editioris hujus suggestus capsulæ duæ statuuntur, rectangulæ non tamen qua-dratæ sed altero tanto latitudine longiores, non solum loco, sed etiam colore inter se distinctæ, ad dexteram candida, in qua, quæ rogationi assentiuntur; ad le-vam viridis, in qua, quæ dissentiant, suffragia nume-rantur. Fit vero ingentis numeri mira celeritate, certitudine, & facilitate supputatio. Nam utraque capsula operculum habet, digituli spissitudine, super-ficie plana ac levissima asserculis eminentibus circum-quaque vallatum, instar cribri ordinate pertusum, ducentis foraminibus interstinctum, quibus totidem globuli sese inserunt, manu tantum expansi, aut ra-diolo protrusi: sustinentur autem, ne decident, neve per foramina dilabantur, tabella quapiam habili, supposititia, pertuso illi operculo subius coherente, hinc ad latus capsulæ cardinibus affixa, hinc ad latus di-versum obserata. Ubi vero foramina oppleta, & globuli reliqui, illic prius acervatim projecti, in ace-tabulum quoddam mobile & concavum, ad caput ca-psulæ binis ansulis vinctum, atque aptatum, radio sunt propulsi; cumque jam certum est globulos illos, foraminibus insertos, nec minus esse, nec plus, quam ducentos, compresso ferramento quodam, ultro citro-que justar ferræ Germanicæ commeante, laxatur ta-bella illa inferior, quæ perforatam alteram occlude-bat, foraminaque hætenus obstructa, aperiuntur;



tabella illa, quæ alteri substernebatur, inferius cedente; & globuli statim sponte sua in fundum capse præcipitant. Nec mora, adducto funiculo, asserculus ille inferior, perforatæ rursus tabule adhærens foramina obturat; nam pessulus, qui venienti concesserat, prætergressum intercipit. Mox versantur alii denuo calculi ex acetabulo, foraminibus includuntur; eoque, quem proxime declaravimus, modo numerantur. Tam admirabile artificium, nunquam post homines natos excogitatum, ab importuna sanionum scurrilitate videtur, quasi à pistoribus mutuo acceptum, quorum artophora rotundis quibusdam, concavisque scutulis ita panes excipiunt, ut sine ullo enumerandi labore exploratissimum sit, quot unoquo-

A que artophoro panes contineantur. Ac ita prorsus inveniendorum Antipodum fertur ab invidis exprobrata facilitas Christophoro Columbo. Quos ille perquam subtiliter elusus, sponsione conventa iussit eos ovum stans, ut erectum in mensa collocare. Quod cum illi frustra conarentur, tandemque factu impossibile pronunciassent; ille ovum ad perpendicularum allibratum, crebroque ad asperiores tabulam frictu aliquantisper obtusum, statuit in mensa rectissimum: Tritum illud usurpans, facile esse aliena inventa reprehendere, arcanaque hætenus esse arcana, donec ignorantur: At, ubi rescieris, quæ difficillima videbantur, videri facillima. Vale. Tarvisio, Die intercalari anni bissextilis, clō lō cxxviii.

AMPLISSIMO URBIS MAXIMÆ SENATORI,  
DOMINICO MOLINO,  
HERO SUO BENEFICENTISSIMO,  
BALTHASAR BONIFACIUS  
S. D.

NON tantum Adriaticum, & Jonium, verum etiam Ægeum, & Pamphylium, totumque adeo Mediterraneum Venetorum classibus velificatum, universasque opes, & omnem potentiam Italiæ principis populi è mari haustam fuisse: & Urbem urbium Venetias, Reginamque olim Peloponnesi Lacedæmona diversis inter se fati usas, apud omnes constat. Hanc enim tradit Philostratus, quamdiu terrestribus negociis intenta fuit, ad cælum usque gloriam suam extulisse; postquam vero maritimis studiis sese dedit, ad incitias redactam, & propemodum extinctam, terræ pariter, atque maris imperium amisisse. E converso Venetias multo præclarius maritimis, quam terrestribus studiis, atque artibus floruisse, & feliciorē mari, quam terra fuisse, liquet. Quippe quæ, ceu miraculum quoddam, tota in æquoris superficie sita, nihil solo debeat. Huic siquidem Urbium unicæ accepto ferimus, quod Italia nostra neque Græcorum machinamentis, neque Barbarorum conatibus, neque Romanorum operibus quicquam invidet. Nam, ut alia transeam, cum veteres Regis Persarum Cyri desidiā verius & ineptiam, quam laborem atque industriam suspiciant, qui Pyndem, Assyriæ fluvium, cuius vorticibus unus ex iis equis, qui trahere Regium currum albi solebant, fuerat abreptus, tam severe multavit, ut cum in trecentos sexaginta rivulos diduxerit; nos multo rationabilius Venetorum solertiam admiramur, qui urbem suam ita in mari medio collocarunt, ut mare ipsum, in quingentos, eoque amplius milos, & canales mirifice divisum, omnibus sese tantæ Urbis anfractibus, & omnium fere domorum penetralibus insinuet. Sed & aliud quiddam non minus mirabiliter atque operose, quam magnifice & sapienter memoria nostra Veneti fecerunt. Herculis enim labores, Græcorum fabulis inclytos, pari animo, ac viribus æmulati, Eridanum, & Medoacum, amnium Italiæ non obscurissimos, impensa atque industria pene incredibili avertentes, alio detulerunt. Nimirum metuentes ne stagna maris fluminum influentium impetu oblimarentur. Nam & Herodotus asserit Acheloum, per Acarnaniam in Echinadum pelagus influentem, eas insulas media ex parte fecisse continentem; & Diodorus memoriæ posteritatis mandavit, Egyptum, cum mare olim esset, Nili inundationibus exaggeratam, paulatim in siccam, & habitabilem terram evasisse. Quod si parva magnis conferre licet, maribus in euripos dispersitis, ac flu-

B minibus in dioryges dissectis suffragatoriam pyxidem tres in partes bellissime divisam, libenter comparaverim. De illa nunc loquimur pyxide, quam adhibent Venetorum magistratum Collegia, cum de fortunis, aut capite civium cognoscunt: nam de urna illa duplici, qua utuntur quoties munera atque honores distribuunt, satis à nobis alio loco dictum putamus. Græcis iudicibus, suffragium daturis, duæ tantum urnæ apponebantur, altera ἐλὲς, hoc est misericordiæ, quæ absolveret, altera θάνατος, hoc est mortis, quæ condemnaret. Romanis vero tres veluti schedulæ porrigebantur, quarum uni A. hoc est Absolvo, alteri C. hoc est Condemno, tertiæ N. L. hoc est Non Liquet, inscriptum erat; ut illam quisque in vasculum poneret, qua sensum, voluntatemque suam significare se commodo posse arbitraretur. Sed Veneti ex utriusque gentis institutis, quod optimum erat, decerpentes, subtiliter & prudenter unicam illam, eandemque triplicem pyxidem machinati sunt, quæ cum tres habeat cellulas, primam condemnantem, secundam dubitantem, tertiam absolventem, unico operculo affabre contectas, & unum duntaxat ostium, seu potius foramen exerat labrosum, ut exporrectum, manus in pugnum contractæ, & primoris lacerti capax; pronum & pervium cuique est aut condemnare, aut absolvere, aut neutrum facere. Ac, ut nemo divinare, sed ne suspicari quidem possit, quam in cellulam calculum injeceris, posteriore esse loco feliciorē voluerunt, quo scilicet oporteret manum tuam per alias minus prosperas cellulas transire, antequam ad meliorem perveniret; possetque facile, tam eunte manu, quam redeunte, calculus, summis digitis excussus, in pejorem urnam decidere. Hæc, mihi abs te, Domine, perhumaniter indicata, non tam tibi, quam feris olim nascituris nepotibus, si modo scriptiones meæ genium habebunt, declaranda putavi; me de hominum genere bene aliquid mereri posse ratus, si pulcherrima patriæ nostræ instituta ad semotas quoque & disclusas ab Italia nationes transferenda curarem; quibus edoctæ, publicis aliquando rebus consularent. Illis enim fortasse gratum fecero, qui Venetorum comitiis nunquam interfuerunt; præsertim cum de suffragiis nonnulla scripserit Contarenus, Reipubl. lib. ... cap. ... quæ tempus hoc præsens inspicientibus, partim supplenda, partim etiam corrigenda videantur. Vale. Tarvisio, pridie Nonarum Martii clō lō cxxviii.



# I N D E X RERUM ET VERBORUM.

A.

<b>A</b> Cademia in insula judaica.	55. F
Adjuncti Collegii X-Virum.	35. B
Administratio Reipublica quibus apud Venetos committatur.	16. B. D
Advenæ quare Venetiis in numerum Civium asciti.	9. B
Advenarum iudices.	45. E. 46. A
Advocati ubi res non concedantur.	34. D
— ubi reis concedantur.	37. D. 38. C. D
— rei pauperibus constituti.	37. E
Advocatores in Collegium X-Virum accersiti.	35. B
— quas partes in iudiciis criminalibus agant.	38. C. 39. C
— quid muneris habeant, ubi Patricius juvenis ad Magnum Consilium admittendus.	9. E. 10. C
— sententis Pratorum intercedunt.	53. F
— ubi in Electione Magistratum sedeant.	11. F
Advocatorius Magistratus.	36. E
— — cuius curam gerat.	9. D
Ædium lites ubi iudicentur.	45. C
Ægyptus, olim mare, quomodo exaggerata.	65. E
Æqualitas in Rebus publicis quam necessario servanda.	29. E
Ærarii Magistratus.	46. C
Altinates se in æstuarium recipiunt.	3. A
Altinum ab Hunnis eversum.	22. D
Annonæ frumentaria Præfecti ius Senatorum obtinent.	30. B
— triticea Præfecti.	49. D. E
Aquileja ab Hunnis everfa.	22. D
Aquilejenses se in æstuarium recipiunt.	3. A
Arcium cura cui demandata.	53. C. E
Areopagitæ apud Athenienses.	33. F
Aristoteles leges maxime extollit.	6. B. C
Arma Venetiis ubi servantur.	51. D
— in civitatibus exteris a quibus curentur.	53. E
Artificum classes & Præfecti.	59. F
— classes & Præfecti a quibus in officio continentur.	60. F
Atheniensium Areopagita.	33. F
— iudicia qua ratione cum Venetorum conveniant.	38. E
Attila oram Venetam vastat.	3. A
— Italia maximam cladem attulit.	22. E
Auditores ubi in electione Magistratum sedeant.	12. A
— Urbanarum causarum.	41. E
— Veteres.	41. F
— Recentiores.	44. A
— — ad eos a Pratoribus est provocatio.	53. F
— Novissimi.	44. F
Auditorii Magistratus auctoritas quomodo immutata.	43. A. C

B.

<b>B</b> elli ratio quanti habenda.	54. B
Bellum non nisi propter pacem expetendum.	5. A. B
— Venetiis Senatu decernente suscipitur.	30. C
— de eo Sapientes praconsultant.	31. B
— terrestre quomodo geratur a Venetiis.	54. F
— maritimum quomodo geratur a Venetiis.	55. E
Blasphemi ubi iudicentur.	34. F. 35. A
Bonis communalibus Præfecti.	46. E
— incultis Præfecti.	46. E

Bucentarus, navis.

21. F

C.

<b>C</b> ancellarius Venetiarum.	60. D
Capita Decem-Virum.	34. C
— Tribuum Civitatis.	42. B
Capitalium causarum iudices.	40. A
Carthago num a Romanis diruenda fuerit.	7. C
Cassanum (ad) Venetorum clades.	62. A
Cataverus Magistratus.	45. E
Census civium quomodo exigatur.	47. F. 48. A. 49. B
Cephaleniæ qui præficiantur.	58. F
Cives ingenui damno Reipublica pauperes sunt.	8. E
— Veneti unde definiantur.	8. B
— — terrestris militia gloria privati.	55. C
Civitas quid proprie sit.	3. D. 8. B. C
Civitates Venetorum sociæ a quibus regantur.	53. B
— — — leges municipales retinent.	62. B
Classis Imperator.	57. D
— Legatus.	57. C
Coleonius (Bartholomæus) Bergomensis, quare equestri statua honestatus.	55. C
Collegium.	31. D
— Praconsultorum Optimatum speciem ostendit.	9. C
Columbus (Christophorus) quomodo exprobratores eluserit.	66. A
Comitia ultra solis occasum non protrahuntur.	16. A
Comitiorum ratio.	11. C
Comitium describitur.	11. C. 63. D
Commeatus in civitatibus exteris qui curent.	53. E
Competitores Magistratum.	14. B. C
Concordia ab Hunnis everfa.	22. D
Concordienses se in æstuarium recipiunt.	3. A
Consilia omnem potestatem obtinent.	20. E
Consiliarii.	28. A
— quid muneris in electione Magistratum habeant.	12. B
— Principi sunt adjuncti.	20. D
— Ius Senatorum obtinent.	30. B
— cum Collegio conveniunt.	31. D
— X-Virum Collegio intersunt.	34. B
— quas partes in iudiciis Criminalibus agant.	39. C
— eorum, defuncto Principe, munus.	23. E
Consiliarius superior ubi sufficiatur.	9. E
Consilium Magnum summam auctoritatem possidet.	8. A
— — e quibus constet.	ibid.
— — vicem refert popularis status.	9. B
— — commistam rationem optimatum gubernationis cum populari refert.	16. E
— — quoties cogatur.	11. A
— — omnes Magistratus creat & Leges sancit.	11. A. B
— — defuncto Principe Inquisitores & Correctores eligit.	23. E. 24. A
— — Senatores creat.	29. B
— — Cancellarium creat.	60. E
— — quomodo suffragia ferat.	63. D
— — ejus comitia & confessus.	11. C
— — qui ad illud referant.	28. B. 36. F.
— — quomodo Patricii juvenes ad illud admittantur.	40. E
Consules mercatorum.	45. E. 46. A. E
Contarenus (Gaspar) quo munere functus sit.	48. F
Con-	





# INDEX RERUM ET VERBORUM.

Contarenius (*Andreas*) Dux Venetiarum. 4. A. B  
 Continentis imperium quomodo ad Venetos pervene-  
 rit. 54. E  
 — ora a Venetis defecit. 62. A  
 Convivia Ducis Venetiarum. 21. B  
 Corcyrae qui praeficiantur. 58. F  
 Correctores potestatis Ducalis. 24. A  
 Cretae qui praeficiantur. 58. F  
 Cretensium mos in Rempublicam Venetorum transla-  
 tus. 21. B  
 Curatores. 46. A  
 Curia D. Marci. 45. E  
 Custos arcium. 53. E  
 D. Cypriani in adibus ludus literarius. 56. F  
 Cyrus, Persarum Rex, quare Pyndem, Assyria  
 fluvium in trecentos sexaginta rivulos diduxerit.  
 65. C

## D.

**D**ecem Sapientum Collegia. 46. F  
 — Viri apud Romanos quanta fuerint au-  
 thoritatis. 33. F  
 — apud Venetos Optimatum speciem o-  
 stendunt. 9. C  
 — jus Senatorum obtinent. 30. B  
 — eligunt eos, qui sunt a Secretis. 60. E  
 — artificum classes & praefectos in officio  
 continent. 60. F  
 — eorum Praefecti ubi in electione Ma-  
 gistratum sedent. 11. F  
 — eorum potestate aucta, quorum aucto-  
 ritas imminuta. 37. A  
 — qui eos cogant & ad eos referant. 28. C  
 — 31. A  
 — Virum Collegium. 33. C  
 — refert Optimatum statum. 29. A  
 — ejus Capita. 34. C  
 — ejus Adjuncti. 35. B  
 — quanta ex eo Reipublica Veneta  
 existat utilitas. 35. C  
 Decreta Venetorum sub cuius nomine prodeant.  
 9. C  
 Desponsatio maris Adriatici. 21. E  
 Dominatus regius an aliis Reipublica formis me-  
 lior. 5. C. 6. E  
 Dotes ubi repetantur. 45. C  
 Dux Venetiarum. 19. B  
 — speciem Regis habet. 9. B. 63. C  
 — quantam obtineat Auctoritatem. 19. B  
 — Patricios convivio honestat. 21. C.  
 22. B  
 — quando creari coeptus. 22. D. 23. A  
 — olim majoris fuit auctoritatis. 23. C  
 — qua ratione olim electus. 23. D  
 — qua ratione hodie eligatur. 23. E. 24. B  
 25. E  
 — Senatum ingreditur. 30. B  
 — cum Collegio convenit. 31. D  
 — Decem Virum Collegio interest. 34. B  
 — pompa Rex, potestate senator. 63. C  
 — ejus nomine leges, decreta & publica  
 litera prodeunt. 9. C  
 — ejus annua pensio & impensa. 20. F  
 — ejus cum mari desponsatio. 21. E  
 — manera Patriciis missa. 22. C  
 — electio immutata. 26. C  
 — ipsi electo qui exhibeantur honores.  
 26. E  
 — in ejus defuncti gesta scrutantur quin-  
 que cives. 23. E. F

## E.

**E**lectio Ducis quando inceperit. 22. D. 23. A  
 — qua ratione olim peracta. 23. D  
 — hodie peragatur. 23. E.  
 24. B. 25. E  
 — immutata. 26. C  
 — Magistratum. 11. A. E. 13. A  
 Electores Ducis olim Undecim Viri. 23. D  
 — quomodo creentur, & munere suo per-  
 fungantur. 24. C. 25. C  
 — Magistratum qua ratione creentur & mu-  
 nere suo perfungantur. 12. C. 13. A  
 — Competitorum habentur fidejussores.  
 14. D  
 — quot eorum ordines. 12. E. 13. E. F.  
 14. A. 18. A  
 Electus Senatus Scrutinio quis dicatur. 18. B  
 Eleemosynae eroganda quibus commissa. 61. C  
 Emptionum quoddam pretium in quorum subsidium  
 solvatur. 59. D  
 Ephori Lacedaemoniorum. 33. F  
 — imperium civile obtinuerunt. 63. B  
 Eridanus fluvius alio detortus 65. D  
 Examinatorum Judices. 45. E  
 Externi homines quare Venetiis in numerum ci-  
 vium asciti. 9. B

## F.

**F**alerus (*Marinus*) Dux Venetiarum tyranni-  
 dem moliens oppressus & capite multatus.  
 35. C  
 Feudalibus bonis Praefecti. 46. E  
 Forensium causarum iudices. 40. C. 41. E  
 Frumenti copia a quibus comparatur. 49. E  
 Fundorum lites ubi judicentur. 45. C. D  
 Funebris oratione qui honestentur. 60. E

## G.

**G**ermani Venetis imminet. 62. A  
 Graeca lingua ubi publice legatur. 55. F  
 Grittus (*Andreas*) quomodo Dux Venetiarum  
 creatus. 26. C  
 — eo Duce, quid institutum, 48. E  
 Gubernatio civilis quae sit optima & cui deman-  
 danda. 5. C. 6. E  
 — quomodo temperanda. 7. B  
 Gubernatores civitatum quid maxime habeant ob-  
 servandum. 59. B  
 — civitatum, quae sub Veneta ditione sunt. 35. E  
 — Reditum. 47. D  
 Gymnasium in Bibliotheca Reipublica. 55. F

## H.

**H**eraclea prima Ducis Venetorum sedes. 23. A  
 Homo societate maxime indiget. 4. E  
 — quatenus gubernationis civilis capax. 5. C  
 Hunni provinciam Venetam vastant. 3. A. 22. D

## I.

**I**mperator classis. 57. D  
 Imperia militaria. 53. B  
 Inquisitores gestorum Ducis defuncti. 23. E. F  
 Inventarum rerum Magistratus. 46. B  
 Istriae qua praeficiantur. 58. F  
 Judaica insula. 55. F  
 Judices Advenarum. 45. E. 46. A  
 — Capitalium causarum. 40. A  
 — Examinatorum. 45. E  
 Ju-



Judices Forensium causarum.	40. C. 41. E
— Inventarum rerum.	43. A
— Mobilium.	45. E. 46. B
— Procuratorum.	45. D. E
— Proprietatum.	41. D. 45. C. E
— Publicorum.	45. E
— Urbanarum causarum.	45. A
Judicia Atheniensium qua ratione cum Venetis conveniant.	38. E
— Romanorum qua ratione a Venetis differant.	38. A
— Venetorum.	36. C
— — Capitalia, qua Advocatoribus referentibus fiunt.	37. B. 66. B
— — forensia.	41. F
— — quomodo in X-Virum Collegio exercentur.	34. E
— — urbanarum causarum.	41. C. 45. A
Julius Pontifex Venetis imminet.	62. A
— Cæsar unde tyrannus Romani imperii factus.	55. B
Juris prudentia ubi publice legatur.	55. F
Jus, quod a Magistratibus redditur, bifariam divisum.	36. C
— omnibus apud Venetos æquum.	59. A
Juventutis institutio.	56. A

L.

<b>L</b> acedæmon qua ratione a Venetiis differat.	65. B
Lacedæmoniorum Respublica qualis fuerit.	7. B
— mos in Rempublicam Venetam translatus.	21. B
— Ephori.	33. F
— militaris potestas apud Reges, civile imperium penes Ephoros fuit.	63. B
Legati Principum ubi audiantur.	33. B
— ad Principes mittendi a Senatu eliguntur.	30. C
— in exercitu.	55. D
Legatus Classis.	57. C
Leges Reipublicæ maxime utiles.	5. E
— ab Aristotele maxime extolluntur.	6. B
— ex summa imperii commendanda.	6. D
— iis custos constituendus.	6. E
— Venetorum sub cujus nomine prodeant.	9. C
— — a quibus sanciantur.	11. B
— — Ducis nomine promulgantur.	20. B
Legum conservatores.	46. E
— custodia quibus commissa.	36. E. 37. A
Litteræ publicæ sub Ducis nomine prodeant.	9. C. 20. B
Ludovicus, Gallorum Rex, Venetos clade afficit.	62. A

M.

<b>M</b> agistratus omnes a Magno Consilio creantur.	11. A
— apud Venetos inter Cives distributi.	16. B. D
— a Duce in officio continentur.	19. B
— pro tempore instituti a Senatu eliguntur.	30. C
— qua ad constitutionem Reipublicæ Venetæ non perineant.	35. E
— inferiores.	41. C
— qui primi in causis urbanis jus dicant.	45. A
— — inventarum rerum.	46. B
— ararii.	46. C
— qui cives ararios factos investigent.	49. B
— Commodo Civitatis prospiciant.	ibid. C
— Procuratorum.	ibid. D
— ex eri.	53. B

Magistratus rei maritimæ.	57. B
Magistratum electio.	11. A. E. 13. A
— exterorum gesta a quibus recognoscantur.	58. B
D. Marci curia.	45. E
— Procuratores.	51. F
— templum.	52. D
D. Marcus Patronus Venetorum.	21. E
Maritima res a quibus curetur.	31. B
— Venetorum potentia.	65. B
Maritimæ rei Magistratus.	57. B
Maximilianus Imperator Patavium frustra obsidet.	62. A
Medoacus fluvius alio detortus.	65. D
Melamochum Ducis Venetiarum sedes.	23. B
Mens hominis divini tanquam splendoris radius.	5. D
Mercatorum Consules.	45. E. 46. A. E
Meretrices a quibus judicentur.	41. C
Militaria Imperia.	53. B
Milites a quibus curentur.	31. B
— externi cur a Venetis conducantur.	54. F. 55. B
Mobilium Judices.	45. E. 46. B
Monetæ Præfecti s. Præsides.	49. D
Monumenta antiquorum Venetiis pauca.	4. A
Multitudinis Gubernatio civili societati convenit.	6. F
Multitudo qua ratione gubernationis capax.	7. A
Munera quomodo invitis injungantur.	30. E
Muneribus qui ob senium vel incommodum acceptum amplius fungi nequeunt, ubi sustententur.	59. C
Muriani ludus literarius.	56. F
Mutuis Præfecti.	48. C

N.

<b>N</b> aficæ salutare consilium a Romanis repudiatum.	7. C
Navale.	50. E
Navalis Præfecti s. Præsides.	49. D. 50. E
Nobiles Veneti qui in Magnum Consilium conveniant.	8. A
Noctis Præfecti.	41. D. 42. B
Nummi cum Ducis nomine & imagine cuduntur.	20. B
Nundinæ quo die Venetiis fiant.	21. E

O.

<b>O</b> fficia quomodo invitis injungantur.	30. E
Officiis qui ob senium vel incommodum acceptum amplius fungi nequeunt ubi sustententur.	59. C
ὀλιγαρχία quomodo constituatur.	16. D
Opitergienses se in astuaria recipiunt.	3. A
Opitergium ab Hunnis eversum.	22. D
Optimatum forma in quo a populari differat.	16. E. 17. B
— — in Republica Venetorum a quibus representetur.	9. C. 28. D. 29. A
Oratores ad Principes mittendi a Senatu eliguntur.	30. C
— Principum ubi audiantur.	33. B
— reis pauperibus constitui.	37. E

P.

<b>P</b> almæ novæ qui præficientur.	58. E
Patavini se in astuaria recipiunt.	3. A
Patavium ab Hunnis eversum.	22. D
Pa-	



# RERUM ET VERBORUM.

Patavium a Venetis recuperatum & a Maximiliano Imperatore frustra obseffum.	62. A
Patricii Veneti qui in Magnum Consilium conveniant.	8. A
— juvenes quomodo ad Magnum Consilium admittantur.	9. D
— quorum pater nunquam Comitibus interfuit, quomodo jure suo potiantur.	10. B
— a Duce aut convivio aut munere honestantur	21. C. 22. B
— qui in electione Ducis ad Comitibus admittantur.	24. B
— juniores quomodo instituuntur.	56. A
— ad societates plebejorum admissi ad eandem honores non habent accessum.	61. D
Patricius Venetus, quot militibus praesse possit.	55. C
Paupertas ingenuorum Reipublica noxia.	8. E
Pax instituenda Republica maxime respicienda.	5. B
— ejus ratio quanti habenda.	54. B
— ejus potiora quam belli Venetis studia.	7. E
— Senatus decernente concluditur.	30. C
— de ea Sapientes praconsultant.	31. B
Pecunia Reipublica Senatus jussu exigitur & impenditur.	30. C
— publica a quibus administratur.	35. A. 46. C.
— pauperibus eroganda quibus commissa.	53. D
Pecuniae publicae exigendae Praefecti.	46. F
Petitionum judices.	45. E. 46. B
Pignorum lites ubi judicentur.	45. E
Pipinus cladem & servitutem minatur Venetiis.	23. C
Plato quanti pacis & belli rationem faciat.	54. B
Plebei saepe damno Reipublica dutescunt.	8. E
Plebejis quae conferantur munera.	60. B
Plebs a Consilio Magno excluditur.	8. B
— quomodo in officio contineatur.	58. C
Poenae ad normam legum irroganda.	6. A
— reis infligenda ab Advocatoribus proponitur.	39. C
Pompa Ducis electi.	26. E
Pons publicus.	50. F
Pontifices Rempublicam Venetam honestarunt.	21. F
Populares coetus a quibus in officio contineantur.	60. F
Popularis status per magnum Consilium refertur.	9. B
— in quo ab Optimatum forma differat.	16. E. 17. B
Populus Venetiis in duo genera divisus.	59. E
Praconsultores optimatum speciem ostendunt.	9. C
— Senatum cogunt, & ad eum referunt.	28. C
— qui dicantur.	30. C. 31. A
— quomodo ad Senatum referant.	32. B
Praefecti X-Virum.	11. F. 34. C
— Electorum Ducis.	25. F
— XL-Virum Consiliariis adjunguntur.	28. B
— XL-Virum in judiciis criminalibus quas partes agant.	39. C
— Salis jus Senatorum obtinent.	30. B
— Annona frumentaria.	30. B. 49. D. E
— Noctis.	41. D
— judices de inventis rebus.	43. A
— Bonis feudalibus.	46. E
— — communalibus.	46. E
— — incultis.	46. E
— Scriptura ordinanda.	46. F
— Publica pecunia exigenda.	46. F
— Mutuis.	48. C
— Moneta.	49. D
— Salubritati.	49. D. 50. B
— Triremium.	57. B
— Societatum plebejorum.	61. B. C
— Artificiorum.	59. F

Praefecti artificiorum e quorum arbitrio pendant.	60. F
Praefectus Militum in Civitatibus Venetorum sociis.	53. C
Praefides Navalis.	49. D
— Triremium.	57. B
Praetor in Civitatibus Venetorum sociis.	53. C. E
Praetorum gesta a quibus recognoscantur.	58. B
Princeps Venetiarum.	19. B
— vid. Dux Venetiarum.	
Procuratores D. Marci.	45. F. 46. A. 49. D. 51. F
— — — jus Senatorum obtinent.	30. B
— — — in Collegium X-Virum accersiti.	35. B
Procuratoria dignitas a quibus in populo referatur.	61. D
Procuratorum Judices.	45. D. E
Proprietatum Judices.	41. D. 45. C. E
Provisores Generales.	57. F
Publicorum judices.	45. E
Pulvis in usum tormentorum ubi conficiatur.	51. C
Pupillorum causa ubi agatur.	45. D
— tutela a quibus habeatur.	52. A

## Q.

Quadragesima viralia Collegia.	40. A. C
Quadragesima Viri Capitalessus Senatorum obtinent.	30. B
— — — a quibus consulantur.	37. C
— — — Novi quare instituti.	44. E
Quaestores Urbani	47. E
— in civitatibus Venetorum sociis.	53. D
— in exercitu.	55. D

## R.

Recognitores.	58. B
Reditus Reipublica a quibus administrantur.	47. B
Redituum Gubernatores.	47. D
Reges Lacedaemoniorum militarem potestatem obtinuerunt.	63. B
Regimen quod sit optimum & cui demandandum.	5. C. 6. D
Regius Dominatus an aliis Reipublica formis melior.	5. C. 6. E
Rei in quo judicio Advocatum non obtineant.	34. D
— in quo judicio Advocatum obtineant.	37. D. 38. C
Respublica qua ratione maxime instituenda.	5. B
— ejus forma qua sit optima.	5. C. 6. E
— ejus gubernatio quomodo temperanda.	7. B
— ejus, dutescentibus plebejis, periculum.	8. E
Rivoaltus locus omnium tutissimus.	3. B
— Ducis Venetiarum sedes constituitur.	23. C
Romana Respublica quare corruerit.	7. C
— — unde civibus contumacibus vexata.	55. B
Romanorum Decem Viri quanta fuerint auctoritates.	33. F
— judicia qua ratione a Venetorum differant.	38. A. 66. B

## S.

Salis Praefecti jus Senatorum obtinent.	30. B
Salubritati Praefecti.	49. D. 50. B
Sapientes Optimatum speciem ostendunt.	9. C
— qui dicantur.	30. D. 31. A
— quomodo ad Senatum referant.	32. B
— primi & secundi Ordinis in Collegium X-Virum accersiti.	35. A
— eorum ordines & auctoritas.	31. A. B
Sapientum Decem Collegia.	46. F



# INDEX RERUM ET VERBORUM.

Scriba a Secretis Reipublicæ cujus Electores Magistratum admoneat.	13. A
— primus s. magnus cujus Ordinis & quantæ dignitatis.	11. D
— — quid muneris in electione Magistratum habeat.	11. E
— — Competitores Magistratum pronunciat.	14. C
— — pronunciat electos.	15. D. F
— — quid muneris in electione Ducis habeat.	24. C. F
Scribæ publici quid in Electione Magistratum agant.	15. C
Scribarum Ordo.	60. B
Secretis (a) Senatus qui sint.	60. C
Sedes Ducis Venetiarum quoties translata.	23. A
Seditiones Venetiis qua ratione præventa.	61. E
Senatus a Senioribus dicitur.	28. F
— Venetus refert optimatum statum.	9. C
— — velut quintum Electorum Ordinem explet.	18. A
— — a quibus cogatur.	28. C. 31. A
— — e quibus constet.	29. B. 30. A. B
— — quanta sit Auctoritatis.	30. C
— — quomodo consulatur.	30. F. 32. B
— — qui ad eum referant.	28. B. 36. F
Senatus a Secretis qui sint.	60. C
Seniores Optimatum speciem ostendunt.	9. C
Sesostris Ægyptiorum legislator.	58. E
Societas Civilis hominibus maxime necessaria.	4. E
— — quæ gubernationis forma ei conveniat.	6. F
Societates sub divorum nomine.	61. A
Sollicitatores.	45. F
Stipatores Ducis inermes.	21. A
Suffragia Lacedæmoniorum.	63. B
— Venetorum in Electione Magistratum.	15. A
— — quomodo in Senatu ferantur.	30. D. 32. E
— — quomodo in judiciis criminalibus ferantur.	38. E. 66. B
— — quomodo in Comitio maximo ferantur.	63. D
Supra Consules.	46. E
Syndici.	45. F. 58. A

## T.

Thaupolus (Joannes) Venetiarum Patriarcha, quid fundaverit.	56. F
Tormenta ubi servantur.	51. D
— incivitatibus exteris a quibus curentur.	53. E
Tribuni quando a Venetis creati.	22. F
— Legum qui vocari possint.	36. F
Tributa ex Senatus jussu imponuntur.	30. C
Tribuum Civitatis Capita.	42. B
Triremium Præfecti s. Præsides.	57. B

Trivisanus (Dominicus) Senator.	48. E
Trium-Viri Advocatores quid muneris habeant, ubi Patricius juvenis ad Consilium Magnum admittendus.	9. E. 10. C
— XL-Virum.	40. C
— Auditores novissimi.	44. F
— Syndici.	45. F
— Legum Conservatores.	46. E
Tutelam pupillorum qui habeant.	52. A
Tutores.	46. A

## V.

Vestigalia e quibus exigantur.	47. B
Venditionum quoddam pretium in quorum subsidium solvatur.	59. D
Veneta provincia ab Hunnis vastata.	3. A. 22. D
— Respublica singularissima.	4. C
— — sapienter instituta, eique potiora pacis quam belli studia.	7. D. E
— — missionem continet omnium formarum Reipublicæ.	7. F
— — describitur.	8. A
— — quibus jus regendi Civitatis concedat.	9. A
— — quot præcipuas habeat partes.	9. C
— — tyrannidem non habet timendam.	19. F
— — a Pontificibus honestata.	21. F
— — qua ratione differat a Lacedæmoniorum.	63. B
Veneti præsci laudantur.	3. E. 7. D
— in re maritima præstantes quomodo continetis imperium obtinuerint.	54. E
Venetia quæ miranda habeant.	1. A
— quando condita.	3. A
— situ maxime tuta.	2. A. 3. C. 7. E
— in sex tribus divisa.	20. D
— quam habuerint originem.	22. E
— quomodo in tantam amplitudinem excreverint.	3. B. 23. C
— cur ita dicta.	44. C
— qua ratione a Lacedæmone differant.	65. B
Viduæ dotes repetere volentes quos adeant.	45. C
Virtus in bello & pace elucet.	4. F
Urbanæ causæ a quibus judicentur.	45. A
Urbanarum causarum Auditores.	41. E
Urbani Quæstores.	47. E
Urbes ubi plerumque condita.	1. D
Urna in electione Ducis.	24. B
Urnæ in electione Magistratum.	12. A. 14. F. 64. C
— in suffragatione Senatus.	32. F
— in judiciis forensibus.	43. E
— in judiciis criminalibus.	38. E. 66. B

## Z.

Zacyntho qui præficiantur.	58. F
----------------------------	-------

# FINIS.





NICOLAI CRASSI,

*Veneti,*

DE FORMA

Potentissimæ ac Florentissimæ

REIPUBLICÆ

VENETÆ

*Per omnem ejus Ætatem Mista*

LIBER SINGULARIS,

Antehac Auctoris Notis in Donati Jannotii *Dialogum*, & Gasparis Contareni *de Republica Venetorum Libros V.* subjunctus, nunc vero ob elegantiam suam separatim impressus.

*Editio Novissima, nitidior & emendatior.*



LUGDUNI BATAVORUM,

Sumptibus PETRI VANDER Aa,

*Bibliopola, Academiæ atque Civitatis Typographi.*



# P R Æ F A T I O

HUJUS NOVÆ EDITIONIS.

## LECTORI SALUTEM.



*U*t Venetæ Reipublicæ per tot secula jam continuatus Splendor singularem tum in primis ejus Fundatoribus, tum in horum successoribus, ipsius Reſtoribus, testatur ſapientiam: ita & ſcriptoribus plurimis plurima ad eam monumentis ſuis celebrandam nata ſunt argumenta. Discrepantia tamen non exigui momenti offenditur, ubi de Forma ejusdem Reipublicæ ſermo eſt, aliis eam alii Rerumpublicarum ſpeciei annumerantibus. Hæc ſententiarum diverſitas Nicolao Craſſo cauſæ fuit conſcribendi præſentis operis, in quo, Venetorum a Majoribus ſuis ſibi traditam libertatem omni temporum intervallo inviolatam, & feliciffime conſervatam fuiſſe, ſolide non minus quam eleganter demonſtratum ivit. Dividit, ut ipſe innuit, cum aliis egregiis ſcriptoribus, omnem Reipublicæ Venetæ Ætatem, qua ex minimis initiis ad tantam excrevit Amplitudinem, in Infantiam, Pueritiam, Adoleſcentiam, Juventutem, & Virilem Ætatem; demonſtrans, omni Ætate, non obſtante ratione gerendæ Reipublicæ pro temporum & rerum circumſtantia variis conditionibus mutata, Formam tamen inſitam Reipublicæ miſtam nunquam ſublatam, ſed a ſuis primordiis unam eandemque perſitiſſe, & perſiſtere. Exemplar, quo in recudendo Opere uſi ſumus, prodierat anno 1642. in 24. Lugduni Batavorum ex Officina Elzeviriana, una cum Notis, quas in Donati Jannotii Dialogum, & Gaſparis Contareni de Republica Venetorum Libros V. conſcripſerat Noſter. Notas illas, ubi nominata modo opera denuo impreſſimus, Textui & paginis, majoris commoditatis ergo, ſubjecimus; de hoc vero Libro Singularem & ineunda fuit ratio. Nam licet, quod in Notis obtinet, Auſtor initio hujus operis quædam Jannotii & Contareni verba præmittat: non tamen ob peculiarem, quo inſignitum erat, Titulum videbatur commodum Notis illud immiſcere. Tacemus ejus prolixitatem, quæ legentes Jannotii vel Contareni Textum non potuiſſet non nimium diſtrahere. Inde hoc Libro ibi citato, Lectorem huc ablegavimus, opusque ipſum nunc ſeparatim edimus, eadem, quæ in aliis noſtris Editionibus, obſervata & typorum & chartæ elegantia. Nomina propria, Diplomata, verbaque Auſtorum aliorum huc tranſcripta, ut eo facilius pateant, diverſis a contextu exhibemus literis. Indicem denique, qualem Opus exigebat, ipſi ſubjunximus. Hi in Tui gratiam, Benevole Lector, noſtri ſunt conatus. Vale, nobisque fave.



## NICOLAI CRASSI

De Forma

REIPUBLICÆ  
VENETÆ  
LIBER SINGULARIS.JANNOT. *Posthac à Nicolao Leonico.*] 1.CONTAR. lib. I. *Enimvero hac in re temperiem.*] 2.

UOD olim *Lacōnum*, atque *Romanorum*, idem modo *Venetorum* contigit Reipublicæ, ut inter viros eruditissimos nondum satis constet, quænam sit ejus vera Forma. Nam quidam ad Popularem statum illas retulerunt, quidam vero ad paucorum sive Optimatum: quidam qui rem, ut dicitur, videntur acutius, non simplices, aut uniusmodi illas statuerunt, sed permixtas, & ex tribus formis temperatas, & Regia, & Paucorum, & Multorum. *Aristoteles* quidem hoc argumentum tradit perfectæ mixtionis, quando contigit, ut unam eandemque rempublicam alii Democratiam dicant, alii Oligarchiam. Ait enim Lib. IV. Polit. Cap. VIII. *Manifestum est id contingere iis, qui dicunt, propterea quod perfecta est mixtio, accidit etiam idem medio, quoniam utrumque extremorum apparet in ipso.* Id vero confirmat exemplo *Lacedæmoniorum* Reipublicæ, quæ visa est aliis popularis, quia populariter complura in illa constituta sunt; aliis verò visa est gubernatio paucorum, cum nonnulla haberet, quæ spectarent ad nonnullorum potentiam: sed omittam *Lacedæmoniorum* administrationem nec non *Romanorum*, de quarum genere fuit à multis satis disputatum, de *Venetæ* Reipublicæ Forma differamus. *Joannes Bodinus* Andegavenfis, vir literis multis perpolitus, & peracri ingenio, sed res novandi studio præceps, & nimium quam audax, extremo de Republica sua Libro Venetam Rempublicam statuit Optimatum esse, quam popularem omnino contendebat existere Lib. de *Methodo Historiæ*. Hominis autem hallucinatio ex eo fonte profluxit, quod simplices rerumpublicarum formas duntaxat agnoscit, easdem vero inter se permisceri præfate negat. Quapropter arguit summos Philosophos, ipsumque *Aristotelem*, qui præstantissimum reipublicæ genus illud statuerunt, quod foret è simplicibus formis probè temperatum. Et verò in quærenda simplicitate frustra laboranti, ubi mixta quærenti occurrere poterat, contigit id *Bodino*, quod *Aristoteles* monuit, ut distraheretur in varias adversas sententias, & alias probatas sibi rejiceret, posteaque probasset rejectas, prout ingerebat se illi diversa species in singulis reipublicæ formis perpendendis. Quemadmodum igitur secum diffidet *Bodinus* in *Romanæ* Reipublicæ forma statuenda, quam modò Popularem facit, modò regimen Optimatum; sic etiam pendet, ac nutat, dum agit de statu *Venetæ* Reipublicæ. In eo verò *Bodinus* præcipue

A peccat, quod permissionem formarum negat, ac de medio tollit, cujus aliquot argumenta, seu verius commenta, evidentissimis rationibus refellamus, ut hoc tanquam primo gradu factò, & constituto, ad alia progrediamur. Unum *Bodini* fundamentum præcipuum est, quo tota nititur fraus hominis, absurdaque opinio: *Esse res duas disjunctas, penitusque diversas, rationem gubernandi & statum civitatis*, qua in re tantopere sibi placet, ut omnes de rebus Politicis ante se scriptores, & nominatim ipsum *Aristotelem* arguat, quod ejusmodi distinctionem non animadverterit. Quia tamen in re perspicue fallitur, ne dicam B mentitur. Vidit enim hoc *Aristoteles*, & disertè monuit Cap. V. Lib. IV. Polit. *Neque vero latere nos debet, multis in locis contingere, ut quæ respublica secundum leges non sit popularis, nihilominus populariter gubernetur propter morem ac institutionem: similiter autem apud alios contra evenit, ut respublica secundum leges magis sit popularis; institutione autem, & moribus videatur magis ad paucorum regimen accedere.* Veruntamen id quandoque accidere, non fixum ac perpetuum esse, & præcipue post mutationem rerumpublicarum fieri, scripsit *Aristoteles*, secus atque *Bodinus* arripuit, ac nobis obtrudit, qui si philosophari seriò didicisset, in errorem tam fœdum nunquam lapsus esset, ut operationem propriam statueret omnino dissentaneam ab agendi principio, atque forma insita. Accidere id quidem potest aliquando seu materiæ vitio, quæ non satis aptè affecta sit atque disposita, sive quod operantis est remissa vis, aut forte impeditur. Sed hæc non eveniunt, nisi rarò, & fortuito, quæ in naturam ipsam transferre velle summæ amentitiæ est. Postulat enim ordo naturalis, & ratio, ut propriæ operationes propriæ formæ respondeant, quæ forma, si quando aberrat, dum operatur, id præter naturæ ipsius ordinem accidit, qui est certus, & constans. Quam igitur administrationem civilem *Bodinus* proponit, si vis integra constat illi naturæ suæ, fieri nullo modo potest, ut operationes à statu formæque sua sint diversæ ac dissimiles: sin autem vel jam corrupta est, vel certe ad corruptionem vergit, quemadmodum evenit in reipublicæ mutatione, non gravatè assentimur, una cum *Aristotele*, operationes quasdam existere à forma diversas, propterea quod innata vis deperit, & paulatim intercidit, quo tandem fit, ut formæ prioris corruptæ vestigia tantum maneant, dum alterius formæ sequentis affectio paulatim inducitur. Licet hoc intelligere cuilibet ex Tacito, qui libro IV. *Annalium* Romanæ Reipublicæ non modo à statu suo discedentis, sed jam propè extinctæ exhibet quandam speciem, sive imaginem, in qua tamen multa ad-

1. Leguntur hæc in Donati Jannotii *Dialogo de Republica Venetorum* pag. 124. D. Edit. Nostræ Novissimæ.

2. Hæc habentur apud Gasparem Contarenum Lib. I. de *Republica Venetorum* pag. 7. F. Editionis Nostræ Novissimæ.  
N. Crassius. A



adhuc superessent, quæ veterem majestatem arguerent, pristinumque statum, ut quamvis forma esset recens superinducta, non tamen vetus illa prior ita foret abolita, quin adumbrare saltem aliquid operando posset. Quod igitur *Bodinus* assumit tanquam certum axioma, hoc esse falsissimum, & ratio, & res ipsa docet, gubernandi rationem à statu suo diversam esse. Siquidem hoc nunquam contigit in republica integra, sed in illa tantum, quæ jam coepit mutari & corrumpi, atque a statu discedere, ubi profecto mirum videri non debet, si dissident, quæ prius inter se planè cohærebant, quod tamen est præter naturæ vim insitam, & per accidens evenit. Sed expendamus alterum *Bodini* argumentum: Ex duabus Reipublicæ administrationibus, quæ differunt specie, nihil optimum constari posse, tradit *Aristoteles*: ergo multo minus constari poterit ex tribus in se confusis. Antecedens ex eo probat, quod *Aristoteles* Libro II. Politicorum Capite VI. reprehendit illos, qui Rempublicam constituunt ex populari statu, atque tyrannide. Nam si ex paucioribus fieri non potest recta permissio, quomodo fiet ex pluribus? Sed vel hic Auctor oscitanter admodum *Aristotelem* legit, aut fraudem malitiosè facit. Cur ex Democratia, & Tyrannide nihil bonum constitui queat, *Aristoteles* eam rationem non affert, quam *Bodinus* inducit (nam quis nesciat, facilius esse duo simul permiscere, ac temperare, quam tria?) sed quia Democratia, Tyrannisque ejusmodi sunt, ut non reponendæ sint in numero formarum, vel certè longè deterrimæ existant formæ Reipublicæ, propterea ex his duobus generibus nihil optimum confici posse, tradit *Aristoteles*, nihil autem obstare, quo minus mixtio fieri possit è duobus tantum generibus, si ve formis: quæ Capite VIII. Lib. IV. Politicorum scripta sunt, apertè demonstrant, existere quoddam genus civilis administrationis, quod Politia à plerisque nominari solet, quæ nihil aliud sit, quam permissio quedam Oligarchiæ cum Democratia: licet enim ejusmodi binæ species connumeratæ fuerint ab *Aristotele* inter minus integras, hoc est, inter viciatæ & corruptæ Reipublicæ formas: nihilominus docuit, fieri posse, ut non ita multum declinent ab insita probitate, quo fit, ut inter mediocres censerì possint, quod quidem tyrannidi contingit nunquam, quæ semper est labe, & vitium, qualis qualis existat, propterea cum aliis misceri nunquam bene potest. Tertium *Bodini* argumentum ejusmodi est: Tres formæ Reipublicarum sunt inter se oppositæ, habent ergo diversos fines, diversas leges, & diversos status, qui si confundantur, simul perturbatio maxima orietur, ergo nihil ex iis bonum confici potest. Enimvero hic naturalis Philosophiæ se ignarum *Bodinus* prodit, quæ docet, eorum, quæ simul permiscuntur, naturam & vim tantum superesse, mixtione peractâ, non autem formas re ipsa, si ve, ut ajunt, in actu. Quæ igitur prius erant inter se pugnantia & opposita, hæc postea simul conveniunt atque coalescunt, ut efficiatur quoddam commune, sed tamen diversum à singulis formis, quæ ad mixtionem peragendam concurrunt. Singula tamen hæc vim suam exerunt & produnt, plus minusve, pro ratione ipsius temperamenti, quod propius quidem ad unum, quàm ad aliud inclinare potest, non tamen ita planè referre & repræsentare, quin discrimen percipi queat ab eo, qui aliquid sapit. *Bodinus* tamen fateri non veretur, se non intelligere, quomodo ex tribus generibus modice temperatis quantum exurgere possit genus Reipublicæ, quod vim quandam naturâ diversam à cæteris habeat. Quapropter probare nititur alterutrum;

A vel ex tribus Reipublicæ generibus nil constari posse; vel si constetur, futurum ut nihil differat à populari statu: sed omnis conatus hominis prorsus est inanis, & rationes ejus levissimæ, & ex iis, quæ solent in scholis proponi exercendi causâ acuendique ingenia eorum, qui Philosophiæ dant operam; itaque piget illas referre, nedum serio refellere. Quartum *Bodini* argumentum, quod quidem ducit ille: *Majestas per se ipsa est individuum quoddam, ergo non potest simul & uni, & paucis & pluribus communicari*. Antecedens firmatur auctoritate Jurisconsultorum, qui jura Majestatis esse individua affirmare solent; & hac ratione præterea, quia si Majestatis jura communicari possent, vel tribueretur omnibus ex æquo, vel singulis plus minusve: primum fieri non potest, quoniam alter impediret alterum: alterum quoque locum habere nequit, quia quod excederet, paulatim ad se traheret cætera, præterquam quod plus & minus recipere non possunt formæ suapte naturâ individua, qualis est Majestas. Sed homonymia multiplici *Bodini* hoc argumentum laborat: nam quis neget, formam rei cujuslibet unam esse oportere, proptereaque individua, quatenus est una? sed forma quævis dupliciter considerari potest: primò quatenus totum compositum respicit, cui dat esse (hic enim est opus in scholis usitatas usurpare formulas loquendi) & hac ratione forma necessario est una, quoniam *essentia* & natura cujuslibet rei compositæ est una: secundò forma immo etiam ipsa *essentia* spectari potest ex iis facultatibus, quas plures & diversas habet, quâ ratione non est individua, & una, sed multiplex. Quidam Philosophi admittunt etiam in una re plures formas, eo tamen ordine, ut una tantum potior sit, cæteras autem obsequentes subjectasque habeat, ut ratio constare possit unitatis. Quapropter in homine triplicem illi formam statuunt, vegetativam, sensitivam, nec non rationalem, quæ tamen alias in obsequio & imperio contineat, perinde ac Rex aliquis subjectos omnes, quibus dominatur. Utraque opinio suos habet Auctores, qui eas tuentur: prior tamen plures habet, atque potiores, quo fit, ut magis sit in scholis recepta: sed hæc an illa sit verior, ad rem nostram nil facit, quia cum necessario concedendæ sint, si non multiplices formæ in quavis re composita, at certè multiplices vires atque facultates, dubitari non potest, quin ejusdem rei natura & forma ita sit una, ut in plura tamen officia, vel partes discerni dividique possit: ita etiam Majestas ipsa, sit quamvis una, nihilominus complectitur varias potestates, vel in ferendis legibus, vel in creandis Magistratibus, vel in bello indicendo, vel in pace faciendâ: sed omnes enumerando persequi nihil attinet in præsens, satis est ostendere plures, & non unam esse, ad errorem *Bodini* coarguendum, qui homonymia deceptus studet alios decipere. Auctoritates vero jurisperitorum nihil ipsum juvant, quoniam loquuntur ipsi de tota Imperii Majestate, quæ quatenus est ejusmodi, id est absoluta, & summa, nulli tribuenda est parti Reipublicæ separatim, sed toti universæ Reipublicæ corpori conjunctim, quâ ratione planè est una, & individua, ut diximus. Quæ verò stabiliendæ ratiocinationi subicit, cuncta, quia nullo nituntur firmo fundamento, corrumpunt. Non enim tota Majestas omnibus tribuitur, nec quatenus est, quid unum plus aut minus recipit: plures tamen ejus partes, aut pauciores communicari possunt, vel pluribus, vel paucioribus, vel uni etiam tantum, prout exigit ratio, & natura Reipublicæ mixtæ, quæ tota pendet à legibus in ea



ea constitutis, quæ ex ordinum mutuo consensu in dies fanciuntur.

Postquam hæc scripseram, liber pervenit in manus satis longus *Henrici Arnisei*, in quo de Republica agitur. Is licet *Lib. II. Cap. VI.* ubi fuisse admodum disputat de *Missione Reipublicæ* ab opinione *Bodini* omnino dissentiat, ejusque rationes præcipuas infirmare conetur: nihilominus placitum illud firmat, ac tuetur, quod superius à nobis confutatum est, cum probavimus apertis verisque rationibus, à propria forma, quam consequitur, diversam non esse reipublicæ, ni ea propendeat in vitium, administrationem. Affert hic Auctor ejusmodi rationem potissimum: *Si æstimanda esset Reipublicæ forma ex administratione, fore, ut nulla inveniretur simplex Respublica popularis, nullumque regnum, quod esset pura Monarchia: propterea quod multa instituta Aristocratica reperiuntur in quavis populari Republica, multa quoque usurpari solent in omni Monarchia, quando Rex non modo arcana consilia, sed etiam honores & dignitates cum subjectis communicat.* Hic Romanorum Imperatorum multa exempla profert, quos ait Aristocratiam mistam Imperio habuisse, quod bonam partem Imperii Senatui indulgissent. Sed excidit docto viro eorum memoria, quæ argumentando objecit *Bodino*, non semel confundi ab eo potestatem propriam, & precariam, si multa Imperatores *Romani* permittebant Senatui. Si modo *Galliæ*, & *Hispaniæ* Reges permittunt suis Ducibus, quos cum imperio præficiunt Provinciis aut Regnis: certè proprio nomine ut administrarent, nunquam eis permittunt, alioquin à se abdicarent summam potestatem. Quam igitur conferunt in subjectos, ea precaria est, si spectemus subjectos, quibus ea impertitur; sin autem summos ipsos Principes, hæc ipsorum est propria; cui quidem potestati accidere potest, vel ex decreto certaue voluntate Principum: vel etiam eorum ob indulgentiam nimiam, & facilitatem: vel tandem quod extorqueatur per vim ab invitis, ut pluribus, aut fortè uni ex *Primariis* ac Ducibus Imperii, plures maximæque partes committantur. Ex his omnibus manifestissimè constat, *Bodinum* falli, formatamque missionem in rebus publicis negari non posse, quod doctissimis viris summisque Philosophis ex omnium seculorum memoria probatum est.

Reliquum modo est, expendere celebrem sententiam eruditissimi viri, *Casparis Contareni*, qui temperatam *Venetæ Reipublicæ Formam* statuit ex Regno, Aristocratia, & Populari statu, in quam deinde frequentes pedibus iverunt, quicumque de rebus *Venetis* sermonem habuerunt. Adversus hanc sententiam *Bodini* rationes magnam partem in superioribus confutatae sunt: supersunt aliqua tamen ab eodem objecta; molli, quod ajunt, brachio refellenda. Nam quod probare contendit, & pluribus differit, *Veneto Principi Imperii summum jus nullum esse, sed Imperii duntaxat speciem quandam apparentem*; huic sententiæ nil officit, immo suffragatur cum longè aliter ac *Bodinus* censet, sit ratiocinandum. Nam si *Venetus* Princeps summam haberet potestatem, simplex gubernationis forma esset *Venetæ Reipublicæ*. Cum vero statuamus ipsam temperatam, nihil est opus, Regiam potestatem integram persistere. Satis est enim, ut quadantenus insit intra certum modum, quemadmodum rebus omnibus evenit, quæ inter se miscuntur. Non enim re ipsa, sive actu, ut scholæ loquuntur, sed vi duntaxat, & facultate formæ mixtæ permanent, idque ad temperamentum perfectum, si quid aliud, requiritur. Fieri etiam potest, quinimmo

id per sæpe accidit, ut quodam tempore intendatur unius formæ vis, quæ inter cæteras interim plurimum eminet, principem locum concedat alteri: hæc autem, sed paulatim remittens procedente tempore, ubi suam vicem obierit, elanguescat paulatim, & alia succedat deinceps, & primas obtineat. Quod quidem cernitur in cunctorum animantium genere, sed in hominibus ipsis præcipuè, qui pro variis ætatibus, & fortunæ casibus temperamentum corporis, & mores animi commutant: neque tamen propterea mutatio isthæc efficit, ut plures homines dicantur esse pro variis ætatibus. Non igitur quæcunque mutatio intervenit, subito res perit: labefactari penitus debet, antequam intercidat. *Bodinus* tamen censet, diversam rempublicam effici, quotiescunque aliqua mutatio in eadem contigit. Sed hæc hominis oscitantia est, temere potius ex ingenio atque sensu proprio, quam ex ullius Philosophiæ certa regula disputantis, neque ipsi, neque alteri cuiquam probare erit integrum, mutationem tam vehementem, & gravem ullam extitisse, quæ omnino everterit statum *Venetæ Reipublicæ*: nobis autem hoc facile ostendere licebit, quicquid in ratione gerendæ Reipublicæ immutatum est, pro temporum & rerum circumstantium variis conditionibus, id formam Reipublicæ insitam nunquam sustulisse, quæ à suis primordiis ad hæc usque tempora una & eadem persistit; tametsi temperamentum illius eam vicissitudinem subiit, quæ cunctis rebus humanis solet esse communis, ut non semper eodem modo se habeant ea, quæ missionem perficiunt; sed quandoque incitentur, quandoque remittantur, modò parentis aut concedentis speciem quandam præbeant, modò eminentis permultum, atque dominantis.

Pervulgata sunt ea, quæ scriptores egregii de *Romanæ Reipublicæ* ætatibus prodidère memoriæ: suas etiam habuit ætates *Venetæ Respublica*, quas contemplari licet in prisca Annalibus, Infantiam, Pueritiam, Adolescentiam, Juventutem, & Virilem Ætatem, in quibus paucorum, multorum, & unius potestati, nunc plura, nunc pauciora permixta sunt, prout usus atque Reipublicæ tempora ferebant: idem tamen permansit status Reipublicæ, propterea quod, etsi leviter nonnunquam immutatum, nunquam tamen solum, atque sublatum est penitus id temperamentum, quod ab ortus sui initio primum est sortita ex illo triplici genere, quod superius diximus: sed operæ pretium fuerit ætates distinguere, & singulas ponderibus suis probè examinare, ut obstruatur os malignis, atque improbis.

Quod tempus prima continet Incunabula *Venetæ Reipublicæ*, & respondere videtur quodam modo Infantia, hoc habet annos LVI. aut paulo plus supra ducentos, qui effluerunt nimirum ab Urbe condita, usque ad optionem & creationem primi Ducis, quæ contigisse traditur anno à Christo nato DCXCVII. sive, ut *Bodinus*, & alii nonnulli malunt, DCCV. cum à nobis fuerit in notis ad *Jannotium* satis superque probatum, fabellas plus quam aniles commenta illa esse, quæ de primis *Venetæ* urbis fundamentis memoriæ sunt prodita, decreto publico à Consulibus *Patavinis* jactis: his consequens est, nullam consularem administrationem principio extitisse, sed Tribunis initio regimen commissum, qui Magistratus primus in Republica fuit: & qui contra sentire scribunt, ut aliquam, si possent, *Venetæ* libertati notam inurant, paulo post veritate coacti fatentur, temporibus illis nullam omnino inveniri inter Magistratus, qui civitates regerent, Consul

*Vid. Donati Jannotii Dialogum de Republica Venetorum, & Crassi Notæ ad eund. pag. 24. Edit. Nostre Novissime.*



lum mentionem. *Bodinus* vero existimavit ad hoc usque tempus, quot insulæ habitarentur in æstuariis, tot numero fuisse distinctas Respublicas. Veruntamen neque *Bodinus* ipse, neque quispiam alius ex monumentis historiæ probare unquam poterit, singulis insulis jura propria Majestatis, sociorum jure atque imperio, fuisse distincta, hoc est, Tribunalum quemlibet in sua insula de rebus publicis decernendi potestatem habuisse. Nam certo constat, complures insulas extitisse, quæ finitimis attributæ erant clarioris nominis, quas duodecim omnino fuisse memorant Annales, quæ tandem redactæ fuerint ad septem, quot perhibentur certis antistitum sedibus insignitæ. Episcopales autem sedes istæ memorantur: *Gratus* Patriarcharum *Aquilejensium* vetus domicilium, quo relicta metu *Longobardorum* prorsus *Aquileja Paulinus* Patriarcha se recepit cum omni sacra suppellectile: qui vero successerunt eidem *Probinus*, *Heliasque* non modo semper ea in insula commorati sunt, sed etiam petierunt, ac obtinuerunt à summo Pontifice, ut deinceps Ecclesia *Gradenfis* esset Metropolis omnium. *Caprula* vero ab *Joanne*, Episcopo *Concordiæ*, occupatæ sunt; *Torcellumque* cum proximis insulis ab Episcopo *Altinatæ*, *Metamaucum*, *Philisina*, & *Clodia* à *Patamino* Episcopo: *Opitergio* quoque capto à *Rothari* Rege cives quidem de nomine *Heracii* Imperatoris oppidum *Heracleam*; agrestes autem homines *Equilium* construxerunt, quæ proprios etiam Episcopos singulæ habuerunt: in *Olivola* tandem insula, quæ postea dicta fuit *Castellum*, novissimus Episcopus constitutus est, qui tandem abolito nomine Patriarchæ *Gradenfis*, successit in Patriarchæ *Venetiarum* nomen. Præcipuis igitur iis insulis qui præsidebant, hi nominantur Tribuni Majores in Annalibus; qui vero in minoribus insulis jus dicebant, quæ continebantur finibus & jurisdictione majorum, illi Tribuni Minores appellantur. Utrum vero Tribuni tantum Majores, aut etiam Minores, quotiescunque de rebus publicis consultatio fieret, in concilium convenerint *Heracleæ* indici solitum, neque negare, neque temere affirmare possum: sed conjectura certissima, & ratio nobis persuadet, non solum Tribunis omnibus, uniusque generis, sed etiam Tribunitiis Viris, hoc est, Magistratu eo functis, cæterisque honestioribus civibus aditum ad concilium illud patuisse: immò verò hoc ipsum *Andreas Dandulus* exprimere videtur iis verbis: *Interea Venetiæ maritimalis Regio propter bellicas clades populis aucta, in qualibet insula Tribunos annuales constituit, qui incolis justitiam exhiberent, facta vero Communi tangentia, ab omnibus comprovincialibus congregatis determinari consuevit erat. Comitibus verò solemnibus quinam præficerent, & quinam jus haberent cogendi Concilii, an Magister militum, quem pariter legimus ante Duces creatum, an unus, an plures Tribuni, an per vices, an simul, incertum est nobis, temporum injuriâ. Vetustissima namque Civitatis nostræ monumenta nihil aliud, quam Li Tribuni rendevano rason ciaschedun nella sua isola, nelle cose del governo doperavano il consiglio di tutti: ma se la cosa era d'importanza chiamavano l'adunation di tutte le Isole; id est, Tribuni singuli in suis insulis jus dicebant, in iis, quæ ad regimen pertinent, communi concilio utebantur; at si res esset magni momenti, insularum concilium convocabant. Quod si tota vivendi ratio à legibus penderet, quemadmodum sapientissimorum virorum iudicio constitutum est; cum ex Epistola *Cassiodori* constet ad Tribunos maritimarum communiter scripta, quicumque incolebant æstuarium eo tem-*

pore, iisdem prorsus institutis atque legibus usos, quæ forent pauperibus ac divitibus juxta communes ex æquo, quin una, eademque Respublica tunc fuerit, dubitare non licet, accedente præsertim imperii conjunctione, quam *Bodinus* ipse in *Methodo Historiarum* efficere probat, ut quamvis plures existant civitates, quod tamen contineantur eodem imperio, propterea non plures, sed eandem constituent Rempublicam. Veruntamen ad conflandam rempublicam minimè requiritur, ut unus ille perpetuò præsit ad conventus habendos: satis est enim, ut plures hoc per vices præstent. Sed concedamus *Bodino*, quod sicuti nunquam fuit, ita nunquam probare poterit, suum fuisse proprium imperium cuiusque insulæ ab aliis diversum: certè una ex iis *Rivus altus* sufficiet cumulatè ad Rempublicam unam statuendam: concesserunt cæteræ paulatim omnes in ejusdem jura procedente tempore: quo fit, ut meritò prima origo Urbis reperatur non à *Grado*, *Heraclea*, *Metamauco*, vel *Torcello* condita; sed ab ipsa *Rivoalto*, quæ ut antiquitate, sic etiam majestate prælata universis insulis, evasit domicilium maximi & supremi imperii. Unde Tribuni ductum sit nomen, nihil ad nos pertinet, quamvis non me lateat, non deesse, qui à tributo ductum obstinatè contendunt, ut *Venetorum* libertati notam aliquam inferant: quasi vero nullum fuerit in *Romana* Republica Tribunalium nomen post exactos Reges; & post Orientis atque Occidentis divisum Imperium, & ex pluribus, quæ supersunt, monumentis non sit in comperto, Tribunos appellatos, quibus aliquod munus obeundum non modò publicum, sed privatum tributum esset: *Venetos* vero Tribunos, & ab Insularis ipsis creatos, atque adeo institutos, ut singulis insulis jus dicerent; & neminem prorsus superiorem cognovisse præter Ducem, & Magistrum militum, postquam creati coepti sunt, adeo clarum & certum est, ut à nemine in dubium vocari possit.

Fuere quidam *Veneto* nomini cumprimis infesti, qui levissimâ conjecturâ, immò nullâ ducti, nescio quem Magistratum commenti sunt, qui nomine vel Imperatoris, vel cujuspiam Regis stagnis præficeret. Commento huic fidem ex eo facere conantur, quod *Tribunis Maritimarum*, & non *Venetiarum* Epistolam quandam suam *Cassiodorus* scripserit, quæ XXIV. est *postremi Libri Variarum*. Sed quis non videt, & si hanc epistolam obiter percurrat, non advenas, sed indigenas hos Tribunos existere, & æquo jure viventes cum cæteris incolis? Per multa hoc indicant, sed hæc ipsa verba præcipuè: *Per hospitium quodammodo discurretis, qui per patriam navigatis: carinæ vestræ fluctus asperos non pavescunt. Juvat referre, quemadmodum habitationes vestras sitas esse perspeximus. Arti vestræ omnis fluctus additus est.* Cur autem scripta fuerit hæc epistola *Tribunis Maritimarum* & non *Venetorum*, illud in causa fuit, quod alibi monuimus, hoc *Venetiarum* nomen non tantum *Cassiodori* ætate, sed multis etiam post sæculis toti *Venetæ* regioni, non autem his æstuariis proprium extitisse. Frustra se torquent plurimi in his *Cassiodori* verbis: *Venetie prædicabiles quondam plenæ nobilibus.* Nam quidam exemerunt vocem illam *quondam*: alii vero fatentur ingenuè, se non satis assequi, quid sibi velit ejusmodi *Cassiodori* verbum, aut *Nobiles* tunc omnes, derelictis insulis, ad sedes quemque suas reverteros fuisse suspicantur; quod tamen alienum est à veritate, propterea quod ex hac ipsa Epistola *Cassiodori* patet, divites æque, ac pauperes stagna tunc incoluisse. De *Venetæ* igitur



tur regionis Continente accipienda sunt verba illa *Cassiodori*, quæ diximus, cujus duos modo fines, ad Ortum atque Austrum, aliis duobus omissis, propterea commemorat, quod occuparent illos, qui ad mare confugerant, maritimarum nomine ab ipso nuncupati. Exhauserant autem Barbarorum rapinæ & incendia provinciam *Venetæ* ferè totam Nobilitatem, quæ plura detrimenta subiit atque mala, quò promptius obtulit se discrimini, atque dimicationi: quapropter tot passim stragibus populorum editis, maximisque urbibus vel solo æquatis, vel direptis, hujus provinciam, quæ prima occurrit *Italiæ* invadenti *Italiam* nobilitas, redacta fuerunt ad internecionem, quæ causa scribendi *Cassiodoro* fuit, *Venetias* quondam nobilibus plenas extitisse, hoc est, *Venetam* Provinciam stagnis adjacentem. Nam stagna tunc *Venetiarum* nomine insignita non erant, ex quibus vel inscicia, vel malitia illorum arguitur, qui ad insulas, & stagna pravè ac perperam trahunt, quæcunque de *Venetis*, aut *Venetis Cassiodorus*, & alii memorant. Canonicius *Venetiarum*, ad quem ille scribit, videtur Magistratus aliquis fuisse, qui canonem exigeret, hoc est, vectigal aut tributum. Vox enim *Græca*, ut regulam sive normam notat, ita etiam postremis imperii temporibus usurpari cœpit pro certo ac determinato genere tributi, quod à singulis, vel provinciis, vel gentibus persolvendum esset. Sed fugit improbos homines ratio, qui mentiti sunt, in æstuariis Canonicarium ejusmodi commorari solitum. Nam præterquam quod *Cassiodori* ætati imperitè adscribunt, quod multorum seculorum postea intervallo contigit, homines acutissimi minime viderunt, perficiendis mandatis Regis, aut Præfecti Prætorio, paludes has opportunam sedem minime fuisse: nisi forte *Veronensis* vini copiam comparare, & provinciam agros à Barbaris vastatos inspicere, ne pro iis vectigal ullum exigeretur ab incolis, aliaque ejusmodi Canonicario *Venetiarum* jussa *Epistola* 4. & 7. *Lib. XII. Variarum*, licebat melius, ac facilius exequi in paludibus, & stagnis agenti, quam in continente. Sicuti etiam ineptissimè, aut potius, ut fucum faciant, malignè ad insulas detorquent, quæ de *Venetia* ora maritima, & de iis qui maritimam oram incolerent, scripserunt Historici. Quod autem *Epistola XVI.* *Cassiodorus* admonet de tributaria asse prompte persolvendo, primo quidem scripta est epistola illa tantum Canonicario, non autem Canonicario *Venetiarum*, ut aliæ: atque ita cujusnam sit ille, non satis liquet: deinde ad æstuariorum incolas nequaquam transferri potest: siquidem jurisconsulti omnes nullum prope agnoscunt, quod Majestatis tam proprium sit, quam vectigal falis, nullum etiam, quod imminuat jura privatorum: quopropter impositorum vectigalium à Regibus licet immunitas *Romano* populo data esset per legem latam à Tribuno plebis, *Livius* tamen Censor obtinuit non invito populo, ut salinarium vectigal unum exciperetur, quod *Bodinus* etiam commendavit memoriæ. Si cui tributo igitur Insulani eo tempore, huic salinario certe obnoxii maxime fuissent, cum præsertim fortunæ tunc eorum cunctæ in salinis confisterent, *Cassiodoro* teste. Atqui ex eodem Auctore manifestò constat, vectigal tam opportunum, tamque justum ab Insulanis nullum persolutum fuisse: quò fieri ergo potuit, ut alia persoluta fuerint, quæ persolvere neque commodum, neque integrum erat?

Siquis tamen urgeat, pro fundis in continente possessis eorum dominos, quamvis in stagna demigrassent, consuevisse tributi nomine aliquid

A exsolvere; hoc ut inficias temerè non iverim, ita prorsus autumo, nihil officere libertati potuisse, quæ in æstuariis paulatim tunc adolefcebat. At enim tribunis mandat Præfectus Prætorio, ut triticum, vinum, oleum, atque id genus alia, quæ *Histrice* populis ab eodem imperata fuerunt, ex ea regione *Ravennam* suis navigiis convehant. Sed qui rerum humanarum notitia & peritia valet, magnorum Principum cognoscit eum morem esse, ut minoribus imperent, quasi pro sua potestate, tametsi neque ipsorum, neque ullius imperio subjectis. Plenæ sunt universæ historiæ ejusmodi exemplis, quorum similia ætas habet quoque nostra. Quid igitur novum foret atque mirum, si Regis *Gothorum* nomine Præfectus Prætorio mandasset, aut præcepisset elatius hominibus liberis, sed quorum opes tenues admodum imbecillæque essent? Veruntamen ipsa verba, quæ *Cassiodorus* usurpat, nihil elatum sapiunt, nihil arrogans. Qui vero imperandi verba illa, *Providete, Estote, Rescitate*, trahunt ad Dominatum, vel imperitiam suam produnt, quod nesciant latinè; vel certè malignitatem, quod rem certam dissimulent. Quid enim crebrius in omni scriptorum genere, quam jubendi ejusmodi voces formulæque incurrunt, minoribus æquè ac paribus, majoribusque usitatæ, vel in salute dicenda, vel dum aliud velint? *Vale, Veni, Scribe, Mitte, &c.*

Sed urgent, Insulani *Histros* exæquatos, proptereaque subjectorum numero recensitos, quod *Cassiodorus* initio *Epistolæ* ita scribat: *Sed vos, qui numerosa navigia in ejus confinio possidetis, pari devotionis gratia providete, ut quod Histria parata est tradere, vos studeatis sub celeritate portare.* Cæterum quid sibi velit nomen devotionis, postquam corrupta est integritas *Latini* sermonis, ne bajuli quidem modo ignorant, & agasones: nam famulos cujuslibet devotissimos cum in litteris, tum in sermone quotidiano omnes profitentur, ut in nostra *Italica* lingua, quæ *Latina* est corrupta, nihil aliud significet nomen devotionis, quam studium illud vehemens in aliquem hominem, cujuscunque ille sit generis, aut gradus, quo si res ita ferat, caput devovere pro salute, vel honore ipsius parati sumus. Non igitur servitutis, vel obsequii ac officii potest esse index vox devotionis, non modò his nostris temporibus, quod est exploratum, sed etiam *Cassiodori*, qui eam scripsit ætate. Nam quo anno *Eutharicus*, Regis *Theodorici* gener, is autem fuit à Christo nato DXIV. consulatum inivit, atque inter alia munera, amphitheatralia, venationes etiam diversi generis ferarum in circo edidit: his de rebus ita ille scripsit in suo Chronico: *Cujus spectaculi voluptates etiam exquisitas Africa sub devotione transmissit.* Quis autem affirmare ausit, his temporibus *Africam* Regis *Gothorum* imperio paruisse? Sed inclinante *Romano* Imperio in Occidente non tantum in forma publicæ administrationis, sed etiam in tota ratione, tum victus, tum cultus, quam forma quoque sermonis diversa consecuta est, apparet, insignem admodum mutationem factam, ut domini, ac famuli vocabula, atque alia similia, *Romanis* auribus quondam ingrata, immò intoleranda, tunc immutata conditione temporum passim audirentur, & versarentur in ore cunctorum frequenter, ad studium propensamque voluntatem testandam erga aliquem quamvis æqualem, aut etiam inferiorem dignitate. Quapropter ex ejusmodi formulis loquendi, quibus etiam hæc nostra ætas in præsentia utitur, per Barborum convictum in usum inductis, nullum, vel leve argumentum desumi potest ad libertatem eorum convellendam, quos nullius



Principis jussis unquam obtemperasse, ex antiquitatis monumentis compertum habemus. Gothorum totam gentem rectæ fidei infensam, præcipueque Theodoricum Regem accepimus fuisse, qui cum infectus esset Ariana labe, Catholicos Episcopos insequi ac divexare nunquam destitit. Odoacer autem Rex Herulorum, qui eundem præcessit, à religione Christiana fuit omnino alienus, qui postquam Romani Imperii nomine in Italia deleta, Regnum in ea forma bene satisque confirmasse sibi visus est, tunc exercere tyrannidem apertam aggressus in Christianos, præcipueque in Episcopos grassari cœpit. Marcellianus Aquilejæ Antistes, ut ejus Regis impetum declinaret, primus omnium, qui memorantur, in Gradum se recepit, anno Christi CDLXXXV, ubi (referre juvat ipsa verba Annalium) illam fidem & puram cum suis tenuit, populo eum tutante. Idem fecisse tradunt periculi evitandi causa, si quod à Gothis, aut etiam à Græcis immineret, qui proximi successerunt Marcelliano Episcopo, ut Gradum semper se conferrent, Aquilejæ relicta, quoad Albuino anno DLXIX. irrumpente in Italiam, Venetiamque regionem primam omnium petente, Paulinus & Clerici plerique omnes Aquilejæ pretiosam suppellectilem omnem, & sanctorum reliquias, fugientes in Gradum insulam secum asportarunt, quorum exempla secuti proceres, atque cives permulti Albuino adventanti cum maximis copiis ferè vacuum incolis reliquerunt urbem, & pagos circumjectos. Primus igitur omnium Paulinus in Grado sedem Aquilejensem certam fixit & locavit, quam deinde duodecimo post anno Pelagius secundus auctoritate decretoque suo firmavit, ac sanxit, ut metropolis esset Venetiæ atque Histriæ Gradenfis Ecclesia: quamobrem qui tunc erat Aquilejensis Antistes Helias, deinceps appellatus est Patriarcha Gradenfis. Veruntamen ad palam luce clarius comprobandum, Venetos qui inhabitarent insulas in æstuario sitas, nullius imperio obnoxios fuisse, præter jam dicta, evidentissimum ac firmissimum occurrit hoc argumentum. Quemadmodum prius obstiterant furentibus Gothis, ne Catholicos Episcopos, quos infectabantur, internecioni traderent ac de medio tollerent: ita etiam Justiniani edicto minimè paruisse, Imperatoris maximi atque potentissimi, cum tamen ille mularetur exilio & pœnis gravissimis, qui cum eo non sentirent, Antislites quoslibet, & ne Vigilio quidem ipsi parceret, Romano Pontifici, quem ut captivum diu Constantinopoli tenuit. Immunes, inquit Baronius, anno DLIII. à persecutione illi tantum fuerunt, qui non sub istius Justiniani debebant Imperio; hincque accidit, ut Venetiæ, & ei adjacentium regionum Episcopi, cum essent sub Francorum dominio, contra quintam Synodum cogerent concilium Aquilejæ, cujus meminit Beda. Atqui bellum contra Francos à Narsete susceptum, postquam Gothorum vires penitus accendit, initium habuit anno DLIII, quo ipso anno Vigilius Pontifex convocato Concilio de tribus capitibus Concilii Chalcedonensis Justiniano tandem assensus est: confectum verò & feliciter profligatum bellum idem fuit, à possessione Italiæ penitus deturbatis anno insequente DLIV, quo etiam celebratum fuit Aquilejæ Concilium, quod quidem apertè non solum Imperatoris edicto, sed etiam Concilio Constantinopoli habito adversabatur: negat tamen Baronius & quidem meritò negat, initio anni DLVI, ubi de hac re agit, à communione Catholica Episcopos illos recessisse, propterea quod tuebantur se Vigili constituto seu decreto, & præterea verebantur, nequid auctoritati Chalcedonensis œcume-

A nica Synodi detraheretur: si tria capita ex illa condemnarentur. Enimvero si dissidium hoc Ecclesiasticum centum ferè annos duravit, ut idem notavit, qui poterat Gradenfis Antistes, princeps earum partium, adversus Justiniani vim Francorum ope defendi, qui nihil amplius in Italia Imperii habuerunt, postquam à Narsete expulsi sunt, & quidem eodem anno. Tametsi verò Francis perpaucos annos Venetiæ Provinciæ quædam oppida tenuerunt, nunquam tamen penetraverunt in ipsa æstuarium, propterea quod navigiorum copiam non habebant, neque rei maritimæ ullam operam dabant. Expulsis verò Francis, Narsetes quidem poterat, nihil tamen aggressus unquam constat, licet Justiniani edictum atque imperium urgeret, Pelagius verò Pontifex non cessaret adversus Paulinum Episcopum illum incitare, quem admodum apparet ex iis litteris, quas Sigonius recitat. Quæ causa Narsetis fuerit hujus cessationis, an religio aliqua, quæ fuerit deterritus, ut nonnulli volunt, an voluntas propensa in stagnorum incolas, a quibus comiter exceptus, adjutusque fuerat, quando bellum Gothis facturus in Italiam venerat, cum neutrum certò affirmare possim, in medio relinquo. Hoc sanè apparet certum atque perspicuum, si tunc fuissent in Justiniani imperio ac ditione, quæ stagnis continebantur, oppida vel insulæ, aut non ausuras refragari ipsius auctoritati; aut facilè incolas ad parendum potuisse redigi per eos, qui nomine Imperatoris ad gubernacula sederent. Sed liberi erant, qui tunc incolebant insulas, quales nunquam non fuerunt, & licet Imperatorum ac Regum qui successerunt, vel amicitiam, vel etiam fidem persanctè colerent, non tamen imperium ac dominationem patiebantur, subjectorum more. Aliud porrò est amicitia, societate, ac fœdere conjungi; aliud imperio contineri. Hi enim subjectorum numero censentur, & re verà sunt: illi verò sunt liberi, sui que juris, quamvis in amicitia, & fœdere non raro contingat, ut qui est inferior, in eo suam fidem obstringat, ut superioris majestatem comiter conservet, quod ex Modestino & Cicerone notavit Bodinus ipse Cap. VI. suæ Methodi Historiarum. Fieri quoque solet, ut qui viribus multum supereminet, dominationem sibi arroget in socium, aut vicinos, & finitimos, cujus admodum imbecilles atque exiguæ sunt opes: sed utrum verbo seu titulo tantum, an reipsa id efficiat, hoc permultum referre, quis non intelligit? Non enim falsa ostentatione imperii, atque inani titulo, sed vi dominationis oppressa deperit libertas. Esto igitur (quod nequicquam probare nonnulli student) ut Imperatorum & Regum aliquis, qui sunt rerum in Italia potiti, ejus universæ dominationem nomine sibi vendicavit, sicut etiam nonnulli totius Italiæ Reges à Scriptoribus vocati sunt, propterea quod tantilla pars tantummodo propriis legibus viveret, nunquam tamen ipsa res apparere potuit. Nam singularis Dei benignitas effecit, ut Insulanos, & loci naturâ tutos, & dum sua retinuerunt, à vi prorsus abstinentes, quinimmo officii & obsequio Principes maximos prosequentes, dominatione atque imperio premere Princeps nullus cogitaret, cum operæ pretium vix se facturum videret, immò verò amissurum, si vim intentaret, quicquid acciperet à volentibus obsequii & officii. Ita Gothorum temporibus Cassiodoro petenti, ut ad oleum ac triticum, ex Histriâ Ravennam conveyendum, mitterent navigia, nihil se difficiles præbuerunt. Bellisarius verò, & Narsetem Justiniani Duces non solum eximie coluerunt, sed etiam juverunt, propter ami-



micitiam vetustam, & foedus, quod illis cum Imperatoribus semper intercessit. Ex his igitur omnibus manifestè apparet, Insulanos his primis annis sub nullius Imperium ac dominationem subiectos, non plures quidem Respublicas particulares, sed unius tantum habuisse Reipublicæ formam, eamque adeo mistam, ut in militum Magistro, ac Tribunis singulis, in eorum Consilio, ac denique in omnium ac singulorum Congregatione speciem quodammodo, ac imaginem præ se ferret simplicium formarum, ex quibus coalesceret, & unius, & paucorum, & multorum.

Reliquum modò est, ut de Pueritia quoque nonnulla dicamus. A creatione primi in *Heraclea* Ducis, usque ad Reipublicæ sedem in *Rivoalto* firmatam, circiter centum & decem anni effluerunt: hoc verò tempus pueritiam mihi Reipublicæ repræsentare quodammodo videtur, cum quasi vacillanti gressu, & nutanti pede, modo Ducibus, modo Equitum Magistris clavum tenentibus, sensim pedetentimque progrediretur, ut ad eam tandem, quam videmus, amplitudinem & maiestatem perveniret.

Primus itaque Dux creatus non alieno quidem beneficio, & concessu, ut nonnulli perversè scribunt, sed eadem ratione & auctoritate, cunctis gentibus communi, quæ omnes propè Respublicæ constitutæ sunt, quæque multis ante annis liberi homines, ut Barbarorum injurias effugerent, in æstuaria hæc auspiciato congregati, Tribunos & militum Magistros ad bene secureque vivendum sibi præfecerunt. Sicuti vero afferunt priusci Annales, qua de causa Dux ipse creatus, ita quænam ei fuerit tributa facultas, haud obscurè testantur. Etenim post ea verba: *Dum apud insularem Venetiam gentium multitudo copiosa in vico quolibet habitaret, Tribuni, & omnes Proceres, & Plebeji cum Patriarcha, & Episcopis, & cuncto Clero in Heraclea his diebus pariter convenerunt, ut imminentibus damnis & periculis obviarent, & suæ provinciae decus, & statum prosperum in melius augerent. Cum itaque Tribuni majores insularum de prioritate disceptantes sibi ad invicem deferre vellent, Longobardi absque resistantia eorum fines pluries invaserunt. Qua de re unanimiter decreverunt Ducem sibi præfisse. Statim Ducis auctoritas sequitur ex Ducario jure, & lege, quam in Nota XV. superius attuli; Qui scilicet, æquo moderamine populum sibi subiectum gubernaret, jus & potestatem haberet in publicis causis, concionem advocandi, tribunos etiam & iudices constituendi, qui in privatis causis jura tribuerent, &c.* Quo fit, ut Duce non precario, sed propria vi, atque auctoritate creato, nihil omnino fuerit de pristina libertate imminutum; Ducis verò facultate legibus circumscripta, eadem fermè permanferit mista Reipublicæ forma, quæ ab ipsis incunabulis fuit constituta. Illud tantum immutatum, quod Dux cum habitu & incessu Maiestatem quandam Regiam præ se ferret, unusque esset, ad quem provocatio concederetur, propius aliquantò, quam olim Tribuni, ad regale fastigium accedere videretur. At cum in publicis rebus nihil eidem ultra tributum fuerit, quàm *Concionem advocare*, non est, cur nonnulli ex hoc regium statum inductum, Reique publicæ formam ab omnibus ad unum conversam, judicent, quod superius etiam in eadem Nota XV satis superque à nobis ostensum est; sed duo præcipuè, quæ iis temporibus acciderunt, clarius demonstrant, quàm solis radii, cum sudum est, esse soleant.

Alterum evenit anno à Christo nato DCCXXV. Urso III. Duce: cum enim *Paulus* Italiæ Exarchus *Heracleam* confugiens, *Urso* Ducis opem adversus

A *Longobardos* flagitaret, velletque Dux ingenio ferrox, bellicæ artibus instructus illico auxilium ferre, noluit tamen *Veneta* Concio id statuere, quod paulo post, *Gregorio* Pontifice Maximo adhortante, frequentissimi Concilii suffragiis decretum est. Hoc sicuti ex Annalibus nostris cuicumque est in promptu: ita *Sigonius de Regno Italiæ Libro III. anno 726.* etiam memoriæ commendavit his verbis, quæ non pigebit referre: *Paulus Ravenna pulsus, se ad Venetos Heracleam contulit, atque Urso Ducis auxilium imploravit. Hoc ubi Gregorius sensit, privatas injurias publicæ causæ posthabendas ratus, statim litteras ad Ursum eundem misit, atque cum, ut Paulum omni ope juvaret, hortatus est. Litteræ adhuc existant in hæc verba conscriptæ:*

B *Gregorius Episcopus servus servorum Dei, dilecto filio Urso Duci Venetorum. Quia peccato favente Ravennatum civitas, quæ multarum caput ecclesiarum est, à nefanda gente Longobardorum capta est, & filius noster eximius Dominus Exarchus, apud Venetias, ut cognovimus, moratur, debeat nobilitas tua ei adherere, & cum eo nostra vice pariter decertare, at ad pristinum statum sanctæ Reipublicæ, imperiali servitio Dominorum filiorumque nostrorum, Leonis & Constantini magnorum Imperatorum, ipsa revocetur Ravennatum civitas, amore sanctæ fidei nostræ.*

C *Letitis litteris Veneti Pontificis auctoritatem secuti, Paulum summa ope juvandum decreverunt, ac ratione rei gerendæ cum eo composita, classem ornarunt, sermone dissipato, se adversus Saracenos rogatu Imperatoris contendere statuisse. His ita constitutis Paulus quasi à Venetis repulsus: aliquot contractis copiis Imola accessit, & quasi eam urbem premere oppugnatione veller, ibi exercitum quam maximum potuit, comparavit, ac die cum Venetis composita, castris inde Ravennam versus motis, urbem à terra repente invasit. Pridie vero Veneti, cum simulata in Orientem navigatione evecti è portu essent, nondum orto sole in ancoris steterunt, atque eadem prope, qua Paulus, hora, classe litus appulsa, navales urbi milites admodum. Ad tantum tumultum exciti Hildebrandus & Peredeus, omnes qui ferre arma possent, ad mœnia properare, eaque præsentibus animis corporibusque tutari jusserunt. Cum omnes haud aliter, ac jussi erant, impigre fortiterque fecissent, haud ægrè hostes clara in luce scalis apposis mœnia scandere contendentes sustinuerunt. Dum ad muros pugnatur, Veneti porta, quæ ad mare vergebat, effracta urbem intrarunt. Qua re animadversa Duces cum valido ar-*

E *matorum globo se objecerunt, ac prælium atrocissimum commiserunt: quod cum per aliquot horarum spatium fortiter sustinuissem, tandem superveniente cum terrestribus copiis Paulo circumventi acie excesserunt. Peredeus fugiens in Pineto occisus; Hildebrandus vivus in manus Venetorum pervenit. Recepta urbe Paulus sedem & præfecturam suam inivit. Veneti, opera egregiè navata, domum redierunt. Ex his præter Venetorum vires atque virtutem, apertum & manifestum est non modò, quod diximus, Venetos ipsos, non Ursum Ducem de Paulo summâ ope juvando decretum fecisse: verumetiam id, non uti Imperatori subiectos, quod perversi & malevoli homines pugnare audent, Exarchi jussu; sed uti liberos sui que juris Christi fideles, Pontificis Maximi suasu, & amore sanctæ fidei nostræ: immò cum voces in vulgus spargerent, se contra Saracenos navigationem dirigere, id non jussu, sed rogatu Imperatoris dixisse. Quam modò vellem præfractam frontem, & os impudentissimum eorum inspicere, qui Venetam Rempublicam eo temporis subiectam prædicare ausi sunt.*

Al-



Alterum verò, quod evenisse superius diximus; paucis post annis contigit: cum scilicet *Ursus*, ipse Dux, ingenti virtute, iustaque gloriâ plenus, atque elatiori animo, quàm moderato Reipublicæ Duci conveniret, *Heracleæ*que patriæ plus æquo addictus, inconsulto, immò invito populo bellum adversus *Equilianos* produceret, & militum delectum haberet. Id enim cum legibus adversari, plurimumque libertati officere, haud injuria visum esset, à furenti populo interemptus est, quod in Annalibus memoriæ proditum his verbis: *Ma volendo il Dose col suo Consiglio perseverare nella detta guerra contra la volontà del Popolo essendo in piazza à soldar gente, il popolo si mosse con furia, e l'amazzò: onde li tribuni per fuggire tal furia andorno à Malamocco: id est, Cum Dux cum suo concilio bellum invito populo producere vellet, essetque in platea milites conscripturus, populus impetu facto in eum irruit, atque interfecit, quo factum est, ut Tribuni ad impetum fugiendum Metamaucum se reciperent.* Hinc præter libertatis studium *Venetorum* animis innatum, cujus causa fortissimum Ducem, & rebus gestis clarissimum occisione occiderunt, illud etiam animadversione dignum, Tribunos à primis Ducibus in concilium adhiberi solitos Ducisque Concilium appellari; nullam tamen iis tributam facultatem belli inferendi, aut faciendi foederis aut pacis constituendæ, sed Concioni reservatam. Ducis vero patratâ cæde, cum perpetuus Reipublicæ Præses majores sibi spiritus fumere videretur, quàm par esset, Reique publicæ conducere, annum Magistratum creare libuit, qui præsideret, Magistrumque militum appellari: quod sicuti Insulanorum auctoritatem ostendit, præficiendi sibi pro arbitrio, quemcunque Magistratum vellent: ita Reipublicæ formam ex tribus illis simplicibus temperatam nihil immutavit. Id enim Magistro militum permissum, quod Duci concessum fuerat. Nec tamen diu annua potestas præfuit, quatuor post annis ad Ducem iterum creandum ventum est, cumque Duces iterum nimium sibi arrogarent, diminuta eorum facultas à Concione, duoque Tribuni ad causas administrandas adjuncti: nonnullisque Ducibus concessum à populo, ut filios aut fratres sibi socios atque collegas adjungerent. Nihil tamen magni ponderis atque momenti sine Concionis decreto à Ducibus atque à Tribunis statutum est: immo vero cum *Carolo Magno*, adversus *Desiderium*, Longobardorum Regem, pro *Romana Ecclesia* bellum gerenti, auxilium ferre vellent, rem in Tribunorum Concilio diu multumque agitatam, ad populi Concionem denique relatum, & constitutam fuisse, Annales testantur: cumque *Olivolensis* Episcopi creandi jus, pro rebus præclare gestis, à *Romano Pontifice* paulo post impetrassent, *Veneti*, Clero ac Populo ad concilium convocato, Obelerium crearunt, qui à Duce, pro suo Ducali jure, investitus, à Patriarcha consecrationem accepit. *Carolus* vero cum *Nicephoro Orientali Imperatore* foedus percutiens, *Venetorum* libertatem nulla ex parte imminutam voluit, quod *Sigonius* ipse testatum reliquit de Regno *Italiae* Libro IV. anno 402. quem ob id sæpius auctorem laudo, quod ab iis etiam, qui sunt *Veneto* nomini plurimum infensi, plurimum ei tribui, nec immerito animadverti. *Nicephorus*, inquit, Imperio inito, rebus pariter conducere suis arbitrat, pacem cum *Carolo* habere, legatos ad *Carolus*, ad *Solam* annem castra habentem, de feriendo foedere misit. Eos *Carolus* non benigne solum excepit, sed etiam foedere icto cum litteris domum remisit, in eo foedere illud nominatim expressum, ut *Veneti* in-

ter utrumque imperium positi, liberi atque immunes, & ab utroque securi viverent, & sine molestia res suas in regno Italico possiderent. Quod certe deberet malignis ac improbis impurum & ferreum os penitus obstruere, dum Imperatoribus hisce subjectam *Venetam* Rempublicam fuisse contendunt. At *Veneti* post bellum *Gallicum*, de quo in Nota XII. satis dictum est, Imperii sedem *Rivum altum* transtulerunt, *Angelo Patricio* Duce: hujus donationem *Joanni* cuidam Abbati *Santi Servuli* factam vidimus, in quâ *Venetorum* Procerum, & Populi nomen, præter Ducem, & filium Collegam disertè leguntur; nihil enim magni momenti sine populi, seu Concionis assensu fieri, notissimum est lippis, ut ajunt, atque tonsoribus. Quod si, ut *Bodinus* ipse Libri I. Capite 8. docet, in eo Principis Majestas elucet, cum populi tribus & ordines humili habitu ad Principem rogationes ferunt, nec ullam imperandi, prohibendive, nec suffragiorum potestatem habent; sed Princeps arbitrio suo, ac voluntate omnia moderatur, & quæcunque decrevit, & jussit, ea legum vim habent: non video, cur ipse Libri VI. Capite IV. *Venetorum* Ducis Principatum ante *Sebastianum Zianum* puram Monarchiam vocaverit; cum *Venetus* Populus suffragiorum potestatem semper habuerit, atque imperandi, & prohibendi facultatem, Ducesque Concionem convocare, & ad eam referre deberent; tantumque abfuit, ut omnia suo arbitrio & voluntate moderarentur, ut nihil ferè sine suo Concilio, nihil magni ponderis sine Concione statuerint: leges vero nunquam nisi à Concione sancitæ fuerint: quod sicuti hujus in Reipublicæ pueritia, sic deinceps in adolescentia obtigisse demonstrandum est.

Adolescentiam vero appellamus intervallum illud CCCLIII annorum, quod inter *Angelum Participatium* Ducem, & *Sebastianum Zianum* interjectum est; quo tempore aliquanto major auctoritas Ducibus tributa, nunquam tamen ejusmodi, ut regiam plane potestatem sibi arrogarent: immo vero si aliquando quicquam sibi assumerent, quod publicæ libertati obesse videretur, & in suspicionem inciderent appetendi regni, aut oculis capti, aut in sacra cœnobia detrusi, aut vitâ privati affectatæ tyrannidis pœnas luere cogebantur. Equidem satis mirari non possum, quid iis in mentem venerit, qui scripserunt Duces *Venetos* ante *Sebastianum Zianum* regalem auctoritatem habuisse. Leges enim his temporibus non à Duce tantum, sed à Proceribus atque Populo constituebantur, quarum unam aut alteram exempli causa referre non pigebit, in quibus etiam prisca *Venetorum* pietas eluceat. Anno à Christo nato DCCCLXIV. cum mercatores *Veneti*, uti verbis utar *Annalium*, lucri cupidi à piratis mancipia compararent, & transfretantes de eis commercium facerent, huic manifesto facinori Duces obviam euntes, unâ cum Clero & populo *Venetiarum* piè decreverunt, ne quis de mancipiis commercium faciat, imponentes graves pœnas. Anno vero XIII Petri Candiani Ducis, qui CMLIX creatus est, Dux ipse cum *Vitale* Patriarcha filio suo *Marino* Episcopo *Olivienfi*, & cæteris Episcopis, Clero, & populo *Venetie*, zelo fidei Catholice, cupientes etiam Imperatoribus *Constantinopolitanis* gratum facere, qui ad recuperandam terram sanctam operam dare proposuerant, piè statuerunt, ne quis subditus, vel fidelis *Venetie* audeat, vel præsumat mittere, vel differre ad terras seu loca *Saracenorum* arma, ferrum, lignamina, vel alia, cum quibus possint impugnare Christianos, vel ab eis se defendere, sub pœna centum librarum auri, Duci vel successoribus applicanda: & si contra facientes non haberent, unde solverent,

Vid. Donati Jan. notii Dialogum de Republica Venetorum, & Crassi Notae ad eundem pag. 28. Edit. Nostræ Novissimæ.



rent, capitalem subire debeant sententiam. Quæ vero ad bellum spectabant, si celeritate opus esset, & res dilatae perniciem afferre viderentur, à Duce tantum atque Tribunis, quos Ducis Concilium appellant, constituebantur: si de bello inferendo, de pace conficienda, aut de feriendo foedere decernendum esset, Dux re cum Tribunis diligenter excussa, ad Concionem referebat, quæ pro animi arbitrio suffragia ferebat, & quæcunque vellet, statuebat. Quo factum est, ut cum Narentari, Petro Tradonico Duce, Venetorum finibus ignem & depopulationem inferrent: Dux, ut referunt Annales, cum suo Concilio multas naves instruere & armare decrevit, quibus Joannes filius præfectus fuit, & victoriam habuit: cum vero Comacenses à Venetis defecissent, anno à Christo nato DCCCCXXXIII. Dux cum suo Concilio magnam cymbarum classem armavit, Comaculum citò recepit, ibique arcem ædificandam curavit. At Othone Urseolo Principe, cum Veneti Popponi Patriarchæ Aquilejensi, ob cladem contra fidem Grado illatam, vehementer infensi, urbem eandem repetere decrevissent, Dux, & Patriarcha eò cum exercitu, ut tradit Sigonius Lib. VIII. de Regno Italiæ; non suo prope consilio, sed populo ipso jubente profecti urbem invaserunt, eamque primo adventu, dedentibus custodibus, receperunt. Vitali vero Michaële Duce cum classis maxima adornanda, ei-que Imperator præficiendus esset, congregata concione, ut scriptum est in Annalibus, in capella Sancti Marci Henricum Contarenum Episcopum, & Joannem Michaëlem Ducis genitum, in Duces exercitus elegerunt, & CC ferè navigiorum parato solo, à portu secedentes in Dalmatiæ fines profecti sunt. Eadem ratione cum Dominicus Michaël Reipublicæ clavum teneret, ad Papam Calixtum, & Ducem Venetiæ Antiochenus, & Hierosolymitanus Patriarchæ, & Balduinus II. Rex Hierusalem legatos miserunt petentes, ut sicut necessitas exigebat, eis providerent, & auxilia necessaria ferrent: Calixtus etiam per suos nuntios Ducem ad hoc inducit, fideique vexillum illi tradidit. Dux igitur Christianis compatiens, Concione collecta in capella Beati Marci de subsidio exhibendo Venetos exhortatus est, populi ergo collaudatione crucem assumunt, & CCC circiter galeas, & naves bellicas, & onerarias parare decernit; tantum verò aberant Duces à Monarchia, quam Bodinus & alii nonnulli objiciunt, ut non solum in condendis legibus, paceque, & bello statuendo: sed in iis etiam, quæ ad agros publicos, vectigalia & ærarium pertinerent, cuncta ad Concionis arbitrium agerentur. Etenim cum Petro Tribuno Duce, Clodiæ civitati onera imponerentur, ea sanè non Dux unus pro jure suo, sed ipse cum suo Concilio, & omnes totius Venetiæ Majores, & Minores constituerunt, qui præter Ducem, & Judices L. tabulis publicis subscripserunt. Otho vero Urseolus Dux anno à Christo nato MIX cum Novæ Civitati ex pacto & convento, eadem ferè onera subeunda decernerentur, non ipse imponere ausus fuit, sed unà cum suis Judicibus Concilio & Populo Venetiæ; tabulis vero ad L. subscripti sunt. At cum Joannes Maurocenus Monachus insula, quæ D. Georgii appellatur, donatus fuit, Tribuno Memo Principe, id his ipsis verbis litteris consignatum est.

In nomine Dei Salvatoris nostri Iesu Christi, anno ab incarnatione ejusdem Redemptoris 982. mensis Decembris vigesimo, indictione undecima Rivo alti. Quia tu Joannes Mauroceno Monachus, Religioni Christi traditus, locum tibi aptum, & cæteris secutoribus Christi, diu considerans petisti, tibi & posteris Christo servituris monachis dari: hoc est Ecclesiam S. Georgii Martyris, quæ semper fuit capel-

A la Beati Marci, titulus, & jus nostri Palatii. Ideo nos Tribunus, Dei gratia Venetiæ Dux, motus tuis precibus, hortantibus & consentientibus nobis D. Vitale egregio Patriarcha, simul cum Episcopis nostris, & cum Primatibus seu Majoribus, & Populo Venetiæ, quorum manus optimorum, ob firmitatis indicia subtus adscriptæ sunt; assensum petitioni tuæ cum successoribus nostris damus, eandem Ecclesiam perpetualiter fieri Monasterium, ad laudem omnipotentis Dei, & nostræ Patriæ tuitionem, ita ut tu omnibus diebus vitæ tuæ monastico more vivas, ceteram Christo servitutam, juxta discretionem à Deo tibi traditam, ibi potestati tuæ ordinare debeas, sine nostra, vel successorum nostrorum, aut cujuscunque hominis contrarietate, cum toto edificio, libris, thesauro & vinea ibi conjuncta, & paludibus, rebusque mobilibus ad eam pertinentibus; quia æquum est, Christo famulari desiderantibus, libera in omnibus illi serviendi tribuatur facultas. Quicquid autem tu ibi dederis de tuis facultatibus, aut si tu eam melioraveris, nullus in vita, vel post transitum tuum inde aliquid requirere præsumat; sed in dominio ejusdem Ecclesiæ, quam deinceps monasterium perpetualiter manendi ordinamus, semper maneat ad succedentium fratrum subsidium: verum ob minas, molestias, aut contrarietates à nobis, aut successoribus nostris sibi inferendas præfatum monasterium relinquere non debeas; sed eum possidere, tenere, meliorare, & ad cultum divinum providere, juxta regulam Beati Benedicti, debeas sine nostra, aut successorum nostrorum, vel aliorum hominum contrarietate, ut dictum est. Post tuum vero transitum potestatem inde damus cum successoribus nostris Abbati, qui ibi per tempora fuerit, & cæteris fratribus, ut eorum sit monasterium per successionem, & consuetudinem, seu regulam cæterorum monasteriorum Dei. Verum quia Ecclesia fuerat pertinet ad dominium Basilicæ Sancti Marci, quæ est capella nostri Palatii, & libera à servitute sanctæ Matris Ecclesiæ, volumus, ut in eadem libertate semper consistat, &c.

D Huic vero diplomati Dux ipse cum Episcopis, & aliis ad CXXX subscripti sunt. Vitalis Michaël quædam Reipublicæ vectigalia ad annos XI vendidit; supersunt litterarum monumenta in hæc verba conscripta, ex quibus, quanta fuerit Ducis auctoritas, facile constabit:

E In nomine Dei, & Salvatoris nostri Iesu Christi anno Domini millesimo centesimo sexagesimo quarto, mensis Junii, indictione XII Rivo-alti. Si propriæ utilitati quicquid amare videmur, quæ ad communem spectant utilitatem, propensiori studio, vehementiori diligentia pertractare atque gubernare debemus. Quapropter nos quidem Vitalis Michaël, Dei gratia, Venetiæ, Dalmatiæ, atque Croatiae Dux, cum judicibus, & sapientibus, atque populi Venetiarum collaudatione & confirmatione, cum nostris successoribus concedimus, atque damus vobis quidem Sebastiano Ziano partes duas totius mercati Rivo-alti, & Aurio Mastropetro similiter partes duas, Annano Quirino partem unam, Gratonem Dandolo unam, Tribuno Burozzi unam, Petro Memo unam, Joanni Vaizo unam, Marco Grimano unam, Angelo de Bonaldo unam, item Aurio Aureo, & Leoni Faletro, & Petro Acotanto unam, de qua parte medietas est Auri Aurei; & alia medietas est inter Leonem Faletro, & Petrum Acotantum. Hunc igitur mercatum Rivo-alti, & omnes redditus nostri communis, quæ in Rivo-alto sunt, vobis concedimus &c. ab istis calendis Maji, usque ad undecim annos completos. Hæc ideo vobis damus, quia de vestro proprio habere nostro communi in maxima necessitate constituto subvenistis, videlicet marcas argenti mille centum quinquaginta inter vos omnes persolvistis, &c. Subscripti verò Dux, tres Judices,

N. Crassus. B

&c



& alii CIX. Quis verò regium statum his Ducibus tribuere potest, qui cuncta cum *Judicibus*, & *Sapientibus*, & quod caput est, cum ipsius Populi *collaudatione* & *confirmatione* faciebant? Neque verò nomen Ducis cæteris præpositum Monarchiæ signum, immò verò quod minime solum, sed Concilio, Sapientibus, & Populo præpositum fuerit, ejus quas diximus missionis, certissimum indicium esse debet. Quid? quod *Vitalis Faletrus* Dux, licet proprio expendio, ut *Annales* loquuntur, & pretio ædificasset à fundamentis castrum *Laureti*, cum id nonnullis incolendum concederet, non tamen sine Concilii, Populique auctoritate id ausus est efficere. Superest monumentum hoc, in quo disertè; *Vitalis Faletrus*, *Dei gratia* Dux, unà cum *Petro Baduario* venerabili nostro *Patriarcha Gradensi*, & cunctis nostris *Episcopis*, & *Judicibus*, nec non cum *Nobilibus principalibus nostris*, & *Populo Venetiarum* damus castrum ad perpetuum retinendum, &c. atque onera imponit. Subscripsit verò Dux, *Judices*, & alii LVI. Neque solum in hujusmodi rebus Concilii aut Concionis auctoritate & decreto opus erat, sed cum *Legati Reipublicæ* nomine creandi essent, Dux cum *Patriarcha*, *Episcopis*, *Clero*, & *Populo Venetiarum* eos eligebat: hi namque omnes *Joannem Contarenum*, & *Joannem Dentem* Diaconum delegerunt ad *Joannem Papam*, & *Othonem Imperatorem* in *Synodo Romæ* congregata, ubi visis & discussis privilegiis *Gradenfis Ecclesiæ* definitione *Synodi* terminatum est, dictam Ecclesiam esse *Patriarchalem*, & *metropolim totius Venetiæ*; quod fuit *Petro Candiano* Duce. Quod autem magis mireris, in rebus etiam parvi ponderis nihil Duces sine Concilio statuebant, quod apparet ex iis, quæ de supplicatione *Deiparæ Virginis* decreta, anno à *Christo* nato MD XLII. cum *Petrus Polanus* *Reipublicæ* præfideret, litterarum monumentis commendata sunt, ut in tabulario *Patriarchali* videre est:

In nomine Domini, & *Salvatoris nostri Jesu Christi*, anno millesimo centesimo quadragesimo secundo, mensis *Februarii*, indictione sexta *Rivoalti*, si ea quæ antiquitus, præsertim pro nostræ Patriæ honore & utilitate, à *Prædecessoribus nostris* provisæ, ac diligenti consideratione statuta sunt, in sua dispositione conservanda, & manutenenda continentur, inter cætera, quæ inde proveniunt, honor patriæ conservatur, & augetur, dissidium omne vitatur, ac nobis ipsis non modica quies confertur, siquidem, &c. Cumque nos *Petrus Polanus*, *Dei gratia*, *Venetiarum*, *Dalmatiæ*, atque *Croatiae* Dux, & *Joannes Polanus*, eadem gratia, *Castellanus Episcopus*, hujusmodi dissidium respiceremus, ne deinceps amplius fieret, operam dedimus. Congregatis igitur nobis in nostro *Palatio* unà cum nostris *Judicibus*, & ipsis viris *Sapientibus*, qui præerant consilio, quod hoc in tempore pro honore, & utilitate, seu & *salvatione nostræ Patriæ* habebatur, quorum concilio *Venetiæ* populus obedire *sacramento* est *ascriptus*; ipsique honorem, & profitum, ac *salvationem*, & quietem nostræ patriæ diligenter considerantes unanimiter dixerunt, & collaudaverunt, & nos prænominatus *Petrus Polanus*, *Dei gratia*, *Venetiarum* Dux, & *Joannes Polanus* eadem gratia *Castellanus Episcopus*, confirmavimus *Clero*, & *Populo Venetiarum* collaudantibus quod &c.

Monumentum hoc, si quicquam aliud, missam *Reipublicæ* formam non solum præ se ferre, sed etiam clamitare videtur; in eo namque Dux, qui *Regis* personam quodam modo sustinet, se pro jure suo Concilium coëgisse testatur: Concilium vero ex *Judicibus*, & viris *Sapientibus* constare, quorum concilio *Venetiæ* populus obedire sa-

A *cramento* erat *ascriptus*, quid aliud repræsentat, quam *Aristocratiae* formam? Quod autem à Concilio deliberatum fuit, id totius Populi firmatum esse consensu, nonne *Popularem* statum demonstrat? Hoc verò, nisi quid me fallit, quam longissime à purâ *Monarchiâ* disjunctum est. Unum omittere non possum, quod in *Annalibus* animadverti, antiquos Duces ne in *matrimonium* quidem peregrinam ducere ausos, sine Populi assensu. Cum enim *Annales Othonis Urseoli* Ducis nuptias referunt, hoc utuntur loquendi genere: *Hic Dux cum populi voluntate Græcam uxorem duxit, filiam Gettæ Ungarorum Ducis, & sororem Stephani Regis, qui pro sancto habitus est.* Eant modo *Veneti* nominis hostes, & *Regia* prorsus potestate præditos prædicent eos, qui ne uxorem quidem ex animi sententiâ alienigenam ducere possent. Jus tamen dicebant Duces ipsi, *Judices* pro arbitrio eligebant, à quibus provocare ad Duces cuicumque integrum erat; uno verbo, totam *Reipublicæ* partem, quæ ad *judicia* spectant, soli temporibus illis tractabant.

B Sed cum omnia *Reipublicæ* prosperè processissent, multis civitatibus in ejus ditionem & potestatem redactis, imperii finibus propagatis, ipsâque Civitate mirum quantum auctâ & amplificatâ, multos creare *Magistratus* necesse fuit, de quibus in *notis ad Contarenum & Fannotium* satis dictum est.

C Non desunt, qui *Venetorum* Duces ante *Sebastianum Zianum* non modò regali auctoritate præditos, quod hucusque refellimus, sed etiam *Imperatoribus* subjectos prædicent eo nomine, quod ab iis multa, ut vocant privilegia obtinuerint. Sicut enim in *foedere à Carolo Magno* cum *Leone* Imperatore innovato, de *libertate*, *immunitate*, & *quiete Venetorum* cautum fuit, anno à *Christo* nato DCCCXII. ut refert *Sigonius Lib. IV. de Regno Italiæ*, ita non modò *Carolus Crassus* *foedus*, ut *Sigonii* verbis utar, inter *Venetos* atque *Italicos* sibi subjectos in *quinquennium* renovavit, anno DCCCLXXI. & *Vido* Imperator post decennium *Petro Venetiarum* Duci, atque *Hugo* Rex *Urso*, anno CMXXVII. vetus privilegium de *tuta* *justaque rerum suarum* in regno *Italico* possessione firmarunt: sed etiam *Berengarius II*, anno CML. & *Henricus IV*, quem *Germani* scriptores V. appellant, anno MCXI, & *Lotharius III. MCXXVI.* *foedus* inter *Venetos & Italicos* redintegrarunt, ac fines posuerunt; quod etiam *Henricus III.* fecerat, qui in *Marchiam* cum venisset, *Tarvisii* *foedus* cum *Vitali Faletro* Duce *Venetorum* renovavit, & *filiam* ejus è *sacro fonte* suscepit, & cum corpus *sancti Marci* nova condita æde inventum, variis miraculis vicinorum in se oculos convertisset, & ipse *Venetas* adiit, atque *Urbem* lustravit, & *Reipublicæ* descriptionem laudavit, & *monasteriis* privilegia indulgit. Ego verò ex his ipsis privilegiis nihil pro regio statu, nihil adversus *pristinam libertatem* concludi posse existimo. Nam quod isti afferunt, *Venetorum* Ducibus, non *Reipublicæ* aut *Communitati* inscripta privilegia, id nullo negotio refellit *prisca* *Reipublicæ* consuetudo, quam ad hanc ipsam diem constantissimè retinuit, omnia tractandi, atque adeo scribendi Ducis nomine. Cæterum quis non videt, ex primo *foedere Caroli Magni* cum *Nicephoro* non datam, sed firmatam *Venetorum* libertatem, ut ab utroque Imperatore securi viverent? Quis non intelligit, id præcipuè cautum, ut sine molestia res suas, fundos scilicet, in *Patarvino*, & cæteris *Italici* regni partibus possiderent? Nonne testantur id ipsa verba? Cum vero *Carolus Crassus* *foedus* icisse dicitur inter *Venetos & Itali-*



cos sibi subiectos, nonne Venetos ab iis, qui subiecti sunt, distinguit, atque minimè subiectos ostendit? Quid tandem alii sibi volunt, qui de tuta iustaque rerum suarum in Italico regno possessione privilegium confirmant, quàm idem tribuere, quod Carolus Magnus, ut scilicet fundos sine molestia in continente possiderent? Multa possem privilegiorum fragmenta in medium proferre, ex Annalibus nostris collecta; sed cum omnia fere eadem tribuant, satis erit Henrici IV. qui à Germanis V. dicitur, privilegium, quod integrum ad manus meas pervenit, transcribere, ut nemini liceat imposterum tam absurda & inepta obijcere, quàm ea sunt, quæ nequissimi homines fingunt, & somniant.

In nomine sanctæ, & individue Trinitatis. Henricus, Divina favente Clementia, Quintus, Romanorum Imperator Augustus. Quoniam stabilem Christianorum Principum charitatem operari plurima bona, ad multorum utilitatem, evidenter novimus, & virorum sapientes, & discretos Rectores regnorum suorum, notos habere semper & amicos curavimus. Ordolphum Faletrum Dei donis Christianum, & clarum Ducem Veneticorum, quem luce sapientiæ, & totius honestatis ubertate prædicabiliter polere, manifestum est, habere notum & amicum ad decus Imperii nostri stabilitatem perpetua decrevimus, ad cuius rei perpetuam confirmationem hoc, quod ipse Dux, vir sapiens & honestus, fieri exaudibiliter postulavit à nobis, consilio nostrorum Principum digna postulatione impetravit. Hac igitur ratione tantæ dilectionis uniti, nostram utrinque caritatem rationabiliter observavimus, & in multis magnisque negotiis, publicis ac privatis, ejus sinceram dilectionem, & præclaram sapientiam Imperio nostro & nobis, nostrisque fidelibus utilem existere probavimus, & quia ipsius rei evidentia, & sapientum judicio sapiens ac discretus ipse Dux Venetici Regni rector existit, & egregia voluntas, & puræ dilectionis exhibitio, quam semper erga nos habuit, & nostrum Imperium, eum nobis in omnibus commendabilem exhibuit, dignus ejus, & honestus interventus apud nostram Imperatoriam Majestatem, locum charissimi amici & viri sapientissimi venerabiliter obtinuit. Igitur ob sinceram, & venerabilem ejus dilectionem veræ charitatis vinculis astrictam, quicquid ipse Dux, & Venetici Ducatus Ecclesiæ, & Populus, retro per tringinta annos, Imperii nostri potestate, secundum quod in præcepto nostri patris, & nostrorum prædecessorum, Regum, & Imperatorum continetur, & pacto Othonis Imperatoris legitur, iuste, & legaliter habuit, & tenuit, per hanc nostram Imperialem paginam renovamus, atque confirmamus. Hujus autem rei internuntii inter nos & prædictum Ducem, nostrum charissimum amicum, viri nobiles extiterunt, Vitalis Faletrus ejus consobrinus, Morocenus, & Stephanus dilectus ejusdem Ducis Capellanus & Cancellarius, atque Urso Fusinianus vir illustris, non quod istorum gratia vel cuiuslibet alterius hoc faceremus, sed solummodo dulci charitate Ducis charissimi nostri, cui indissolubiter uniti sumus, prout dictum est. Hoc egimus ita quidem ut pars parti nil malignum, aut injustum, sed semper quod rectum est, in omnibus rationibus rebusque facere præsumat; & si, quod absit, aliqua malitia vel læsio inter partes commissa fuit, per hujus fœderis decreta tegatur, ac facta satisfactione à rebelli & transgressoria parte ad pactum observandum, hæc series fœderis inviolabiliter semper maneat, per cuncta annorum curricula remota contradictione vel impugnatione tam nostra, quàm nostrorum successorum omnium; quia injustum videtur, ut aliquis vel suis, vel aliis æquis sanctionibus oppugnare nitatur, & ut maxime ac specialiter no-

tentur vicini populi, tam ex nostro Imperio, quàm ex prædicto Ducatu Venetiæ, à quibus omnimodo hanc pacis institutionem observandam esse decrevimus. Hi sunt ex nostro scilicet jure, Papienses, Mediolanenses, Cremonenses, Lucenses, Pisani, Genuenses, Placentini, Ferrarienses, Ravennates, Comaclenses, Florentini, Aritminenses, Pisaurienses, Censentenses, Janenses, Senogalienses, Anconenses, Humanenses, Fermenses, Eporienses, Veronenses, Monteficenses, Gautlenses, Vincentenses, Paduenses, Tarvisienses, Cenetenses, Forojulienses, Histrienses, & cuncti de nostro Italico regno, sive qui modò sunt, sive qui imposterum futuri sunt. Ex prædicto verò Ducatu Venetiæ sunt Rivoaltus, & Metamaucenses, Clujenses, Palestinenses, Caputargolenses, Brintellenses, Lauretenses, Babienses, Murianenses, Majorbienses, Torcellenses, Amianenses, Buriaretes, Constantienses, Aquilenses, Caprolenses, Civitatinenses, Finenses, Gradenenses, & cuncta generalitas Populi Venetiæ, sive qui modo sunt, sive qui futuri sunt. Confirmamus itaque Venetiorum fines à nemine nostrorum inquietari, invadi, vel minorari debere; sed liberè, & absque ullo impulsu, quæ retro ab annis possedere triginta, deinceps possideant. Proprietates vero, & prædia, quæ habere videntur tam ipse Dux, quàm suus Patriarcha, nec non & Episcopi, Abbates, & Ecclesiæ sanctæ Dei, & reliquus Populus Venetiæ sibi subiectus, infra potestatem Imperii nostri, sive in campis, sive in domibus, pratis, silvis, vineis, paludibus, salitis, sationibus, piscationibus, & cæteris possessionibus, quietè possideant, absque cujusquam insultantis machinatione, aut læsione, sive sinistra quapiam tergiversatione: ita ut nemo contrarietatem eis facere præsumat, nec etiam venationem, aut populationem, sine eorum licentia exerceat, neque violentiam ibi residentibus inferat. Neque aliquam navim ipsorum Veneticorum in aliqua nostri Imperii parte periclitantem prædari, seu hominibus naufragium patientibus aliquam controversiam inferre præsumat; quod si qui fecerint, componant centum libras auri purissimi illis, quibus injuriam facere præsumpserint, & res ejus dominio possidentium mancipientur, & quietè liceat possessoribus illas tenere ac frui: quod si excursus inter partes factus fuerit, persona ipsa, quæ in capite fuerit ad eandem malitiam faciendam, infra sexaginta dies tradatur, & omnia, quæ fuerint ablata, in duplum restituantur. Quod si ipsum duplum compositum non fuerit, vel si ipsa persona tradita non fuerit infra dies sexaginta, ut dictum est, tunc per unamquamque personam, quæ ipsam malitiam perpetravit, componantur auri solidi quingenti. Si furtum inter partes factum fuerit, duplum restituatur. Si servi, aut ancillæ inter partes confugerint, cum omnibus rebus, quas secum detulerint, reddantur, & judex, qui ipsos fugitivos reddiderit, accipiat pro unoquoque singulos solidos auri: sic tamen ut si amplius requirit, per sacramentum idoneum dominus illorum satisfactus sit. Si vero judex, vel alius ipsos fugitivos susceperint, & eos reddere negaverint, & exinde fugerint, tunc pro unoquoque fugitivo componat auri solidos septuaginta duos. Quod si dubium fuerit, & denegaverit judex, vel auctor loci illius, in quo ipsi fugitivi requiruntur, tunc præbeant sacramentum duodecim electi, quod ibi nec suscepti fuerint, nec illos habeant, nec in conscientia illorum sint, nec aliquas res eorum secum habuerint. Si autem hoc distulerint facere, post primam & secundam contestationem, præsentia testium per pactam jussionem judicis sui, liceat ei pignorare hominem de ipso loco, ubi causa requiritur, ita tamen, ut ipsum pignus prius peracta iustitia per integrum reddatur, & nullatenus liceat alicui pignus accipere per alia loca, nisi ubi fugitivi, aut causæ requiruntur.



tur. Et si pignoratō pervenerit, non præsumat alia pars pro pignore alium pignorare, sed expectet usque ad audiendum causam, ita sanè ut causæ in sex mensium spatio fiant, & sint finitæ, reddens prius quod ex iudicio condemnatus fuit, & pignus suum recipiat. Nam si quis de alio loco pignus tollere præsumpserit, aut sine causa tulerit, aut aliquem pro pignore pignorare præsumpserit, in duplum quod tulerit, restituat; si vero equi, vel equæ, aut armenta, aut alia quadrupedia fuerint furata, in duplum restituantur: si ipsa erraverint, modis omnibus reddantur. Quod si post primam & secundam contestationem minime reddita fuerint, tunc pignoratō fiat de loco, ubi requiritur, usque dum pars parti satisfiat, & post satisfactionem reddantur ipsa pignora. Et hoc statutum est, ut si fugitivus, seu res reddita fuerint, vel si per sacramenta satisfactio adimpleta fuerit, modis omnibus pars parti securitatem faciat. Si quis vero extra memorata capitula pignorare præsumpserit, causam perdat, & quæ tulerit, restituat. Negotia autem inter partes fiant; & liceat dare, & accipere, quicquid inter eos convenerit, sine aliqua violentia vel contrarietate, ita ut æqua conditio utrarumque partium negotiatoribus conservetur. De ripatico autem secundum antiquam consuetudinem, pars parti observet omnem quadragesimam, & licentiam habeant homines ipsius Ducis ambulandi per terram, sive per flumina totius Regni nostri; similiter & nostri per mare, & per flumina usque ad os, & non amplius. De hoc convenit, ut si qua læsio inter partes evenerit, legati non detineantur; si vero detenti fuerint, relaxentur & componantur eis solidi trecenti, & si, quod absit, occisi fuerint, componantur parentibus eorum pro ipsis solidi mille, & ipsa persona tradatur in manibus ipsorum. Si quis inter partes causam habuerit, vadat semel vel bis cum epistola iudicis sui: si ei iustitia minime facta fuerit infra dies 14, si ipse homo unde iustitia requiritur, infra ipsum locum fuerit, infra dies septem licentiam habeat pignorandi: iudex qui ipso tempore ordinatus fuerit infra causam suam, quantum ipsum debitum erit, & ipsum pignus usque ad prænominata notet: quod si ante steterit ipsum pignus, componantur solidi duodecim, causa manente, & pro eo iterum pignoratō fiat, ubi potuerit in finibus, ubi causa requiritur: si tamen ubi iudicium ambabus partibus annunciatum fuerit, residentibus duobus de utraque parte, de loco ubi causa requiritur, quod ipsi determinaverint per evangelium, pars parti satisfiat. Addimus autem, ut si quis homicidium perpetraverit, modis omnibus ipse, & quanti mixti fuerint in homicidio, ligati tradantur. Quod si factum non fuerit, pro unaquaque persona componantur auri solidi 300. Simili poena decernimus damnandum eum, qui in communibus tumultum populi excitans homicidium perpetraverit: quod si tumultus sine homicidio, aut plaga sedatus fuerit, componat pro excitatione solidos auri 300. Si aliqua pignoratō in sylva fieri debuerit: sine homicidio fiat, & si, quod absit, homicidium factum fuerit, pro libero homine componantur auri solidi 300, & pro servo 50, & si plaga facta fuerit, ut non moriatur, pro libero homine solidi 50, pro servo 30. Statutum est, ut in rebus sacrarum Ecclesiarum Dei nullus pignorationem faciat, excepto si cum sacerdotibus causas habuerit, & ante compellatio fiat semel, vel bis; nam qui aliter præsumpserit, duplum componat, & si nesciens pignoraverit, præbeat sacramentum, & sit solutus, pignusque salvum restituat. Et hoc stetit de capulo, quod Rivoaltenfes, Olivolenses, Metamaucenses, Albinenses, Torcellenses, Amianenses fecerunt retro ab annis 30, habeant licentiam faciendi secundum antiquam consuetudinem, sive per flumina, si-

ve per mare. Equilejenses vero capulari debent in ripa sancti Zenonis, usque in fossam Metamauci, & Gentionis, secundum consuetudinem, & omnem arborem vehere cum carro, aut ad collum, quantum sibi placuerit, & habeant licentiam pecudes in ipsis finibus pascere, vel pabulari. De finibus Civitatis Novæ dicimus, ut terminatio, quæ à tempore Liviprandi Regis facta est inter Paulucionem Ducem, & Marcellum magistrum militum, deinceps manere debeat, id est, de Plave majore usque in Plavem siccam, peculium quoque & gregem cum securitate pascere. Capriani vero in sylva Foro-Juliana, ubi semper capulaverunt, capulare debeant: similiter Gradenses secundum antiquam consuetudinem in sylvis Foro-Julii capulum faciant. Confirmamus etiam Lauretum, ut quantum aqua salsa continet, ejus subiaceat potestati. Et nullus Princeps, vel pauper aliquem Veneticorum distringere, aut legem facere de aliqua Veneta substantia, aut ad placitum ducere, nisi in præsentia illorum Ducis, aut sotrum tollere de illorum terris, quæ in nostro regno sunt, aut bannum mittere, tam de habitantibus in Venetia, quam de illorum hominibus ubicunque habitantibus iustitiam aliquam accipere præsumat, nisi in præsentia Dominorum suorum. Confirmamus, ut pars parti de causis Ecclesiarum & Monasteriorum omni modo iustitiam faciat. Volumus, ut pro una libra denariorum, ab uno homine sacramentum, & si usque duodecim libras denariorum, Veneticorum duodecim electi juratores addantur. Nam si ultra duodecim libras quæstio facta fuerit, juratores ultra duodecim non accedant. Statuimus etiam de pignoribus, quæ inter partes posita fuerunt, illi tribuatur arbitrium jurandi, qui pignus habuerit, soli, sive electio. De auctionibus verò simili modo agatur.

Si quis igitur Dux, vel Marchio, Comes, Vicecomes, aliquave magna persona hujus nostræ Imperialis paginæ violator extiterit, quod minime futurum credimus, sciat se compositurum libras auri optimi mille, medietatq; cameræ nostræ, & medietatem Duci Veneticorum; quod ut verius credatur, diligentiusque ab omnibus observetur, sigilli nostri impressione hanc paginam manu propria corroborante jussimus insigniri.

Signum D. Henrici V. Rom. Imp. jussissim.



Brucardus Cancellarius, & Monasteriensis Episcopus, vice Alberti Archicancellarii Moguntiae sedis electi recognovit. Datum XI. Kalend. Junii, indictione quarta, anno Dominice incarnationis millesimo centesimo decimo primo, regnante Henrico V, Imperante primo, ordinationis ejus XI. Actum est Verone in Christo feliciter. Amen.

Nihil igitur antiquius habuerunt Duces nostri à Caroli Magni temporibus usque ad hæc tempora, de quibus agimus, quam ut Veneti res in regno Italiae possessas retinerent, ad quaslibet ripas & littora naves applicare possent, atque in cunctis civitatibus Imperio subjectis gratis atque tuto negotiarentur. Quæ cuncta, & alia multa sicuti non gravatè, immò gratuito ab Henrico obri-



obtinuerunt, ita ab aliquo Imperatorum, & Regum, qui *Othonom* præcesserant, non nisi *aureo pallio soluto* consecutos nullus nego. Sed qui ob id libertatem amissam subiectamque Imperatori fuisse Rempublicam scribunt, nihil aliud quam improbitatem summam, ac summam inscitiam produnt, qui nullas viderint foederis tabulas, quibus sæpissimè maximi Principes, & nullius alterius potestati subiecti, levioribus etiam de causis, non paribus modo Principibus, sed longè inferioribus ex pacto & convento aliquid solvunt. *Henricus* autem *Veneto* nomini propensus, anno à *Christo* nato MCXVI. mense Martio *Venetias* profectus, atque honorificè habitus, Urbis situ, ædiumque decore, quæ diligenter invisit, mirificè delectatus, votis Sancto *Marco* solutis, & monasteriis, possessionibus regni auctis discessit. Etenim non sibi subijcere sed promovere, & ad cælum ferre curabant Reges, & Imperatores magnanimi, medio mari natam Urbem, ut contra hostium injurias libertatis domicilium æternum esset. Quæ maritimæ rei studio addicta, ingenti totius *Italiæ* commodo, non modo strenuam negotiatione operam daret: sed etiam *Saracenis* semel atque iterum navalibus copiis devictis, ingenti classe in Orientem missa ad *Christi* sepulcrum recuperandum, *Gallis* & *Ungaris* intra æstuaria animosè & fortiter repulsis, *Italicam* virtutem, & gloriam ubique præ se ferret: adeoque cunctis belli & pacis artibus inclaresceret, ut ei jam civitates se sponte subjicerent, & soluto quotannis tributo deditionem facerent.

Sed hæc hæcenus adolescentium juvenus consecuta est, quæ à *Sebastiano Ziano* ad *Marinum Georgium* Ducem usque provecta CXXXI. annorum ipatio comprehenditur. *Bodinus* & alii, qui superiores *Venetorum* Duces regali auctoritate præditos autumant, quod nos superius argumentis firmissimis & evidentissimis redarguimus, Reipublicæ quoque formam hoc tempore immutatam scripserunt, atque ab uno ad omnes conversam, longe tamen opinione falluntur. Quemadmodum enim multa de priorum institutis circa Ducem, multa circa Concilia immutata sunt, pro temporum conditione & Reipublicæ amplitudine; ita nihil omnino innovatum est, quo mista, quam attulimus, Reipublicæ forma dissoluta fuerit. Ducum sanè auctoritas non semel imminuta, & certis legibus circumscripta, ut à finibus regiae potestatis quam longissimè abesset: eorumque eligendorum ratio, qui olim à populo non sine maxima rerum perturbatione, porrigenda manu, fundendoque clamore creari solebant, variata fuit, eligendique facultas ad paucos translata. Duo sunt, quæ Ducis auctoritati plurimum detraxerunt, Tribuni, sive Consilarii seni, qui ei semper affiderent adjuncti, & multi magistratus instituti, cum Reipublicæ finibus propagatis, & Civitate mirum quantum amplificatâ, Dux ipse & judices cunctis muneribus pares esse non possent. De Consiliariis Annales ita loquuntur: *Hujus Ducis initio ordinatum est, ut sex Consilarii de novo eligantur, qui cum Duce semper adesse debeant ad regimen exercendum* Magistratus vero multi constituti Justitiarum primò, quibus annonæ & rei cibariæ cura commissa. Advocatores Communis, Judices Petitionum, & alii, ut anno MCCLXVII. in Ducario jure de his omnibus mentio facta fuerit, Consiliariis, Judicibus Proprii, Petitionum, Forensicorum, Examinatorum, Procuratorum, de Mobili, quatuor Procuratoribus sancti Marci, Advocatoribus Communis, Consulibus, Superconsulibus, Quinque de pace, Dominis de nocte. Quod verò caput est, ipsa lex sive Jus Duca-

rium, quod antè multis Plebiscitis dispersum & incertum erat, in unum coactum, & rectè dispositum, & ordinatum, electis Ducibus proponi cœptum est, qui conceptis verbis ab eo se ne transversum quidem unguem discessuros jurejurando firmarent: & IV. Viri electi, qui Ducis auctoritatem, prout Reipublicæ expedire judicarent, novis rogationibus corrigerent, Ducis autem electio à Concione ad XII. Viros primò deducta est. Etenim ante Ducis hujus, *Sebastiani* scilicet *Ziani* creationem, *Primarii Civitatis* statuerunt ad evitanda scandala, ut per *squitinium* eligerentur XXIV. ex Majoribus Civitatis, qui remaneant XII. his vero detur sacramentum de eligendo Duce optimo, posito amore & odio, qui per octo suffragia prospera eligatur; & hæc deliberatio fuit laudata in publica Concione. At in creando *Aureo Mastropetro* à XII. ad XL. Viros ventum est. Nam *Veneti* de convalescentia Ducis penitus desperati, electionis processum utilem sibi cognitum subtilius eliminantes sanxerunt, ut quatuor viri, providi eligendi quadraginta alios nominarent, per quorum majorem partem electus Dux ab omnibus haberetur, qui omnes quadraginta jurent ad sancta Dei Evangelia, coram omnibus, quod pretio, precibus, odio, & amore omisso illum eligerent in Ducem, quem ad hanc dignitatem cognoscerent potiorum, Verum cum Electores pari suffragiorum numero *Jacobum Theupolum*, & *Marinum Dandulum* Ducem creassent tanta constantia, ut nullis artibus de sententiâ dimoveri possent, quo factum est, ut ex Populi decreto res ad sortem revocata fuerit, sortisque beneficio *Theupolus* Dux renunciatus, ne imposterum aliquid tale accidere posset, *Veneti* cives sanxerunt, quod Electores sint XLI. & sicuti Dux à majori parte XL. Electorum eligebatur, ita nunc per majorem partem XLI. eligi debeat, & electus juramentum præstet. Cum vero Electores sine ulla suspitione fraudis creari deberent, neque tanta res sorti omnino committenda videretur, novam quandam atque subtilissimam eorum eligendorum rationem *Veneti* constituerunt, quam adhuc retinent. Etenim Consilarii, & Cap. de XL. Rectores *Venetiarum*, cum Majori Concilio & collaudatione Populi, formam electionis futuri Ducis subtilius eliminantes sanxerunt, quod defuncto Duce & sepulto, vocetur Majus Concilium, & capta parte de eligendo futurum Ducem, immediatè fiat electio de quinque probis viris, qui diligenter debeant examinare promissionem, & commissionem Domini Ducis, & facta examinatione corrigere, & addere id, quod visum fuerit corrigendum & addendum; & accepta probatione in Majori Concilio, de eo quod ipsi statuerunt, & correxerunt, deveniant postea ad electionem, & quod minores annorum XXX. completorum his consiliis interesse nequirent. Et quod congregato Concilio numeratisque omnibus, tot Ballotæ de cera ponerentur in uno capello, quot essent illi de consilio, & in triginta cedula interclusa esset, in qua scriptus foret Elector; & illico per nomina singulorum per tesseram venientium ad capellum infans unus extrahat unam ballotam, quæ detur uno Consiliario assistenti, & unusquisque, cujus nomine accepta fuerit ballotæ, cameram introëat, usque ad perfectionem numeri prælibati XXX. & tunc in capello ponantur 30. Ballotæ, & in novem ex ipsis fiat cedula cum inscriptione inclusa; & illi novem, quorum nomine exceptæ erunt Ballotæ cum scriptis, reliquis secedentibus, in camera debeant remanere. Et ipsi per septem ad minus eorum inconcordium eligant 40. qui eodem modo sortialiter remanere debeant in XII. qui duodecim per novem eorum ad minus inconcordium 23. prudentes homines eligant per antedictum modum, qui sortialiter remanere



nere debeant in novem, qui novem per septem ad minus eorum inconcordium 45. providos viros, ex quibus postea undecim remanentes, per novem ad minus concordēs XLI. notabiles viros eligere debeant, qui XLI. per vigintiquinque eorum ad minus in concordia futurum eligent Ducem: ita tamen quod in aliqua electione non possit esse, nisi unus per prolem, & sic per antedictum modum Dux fuerit procreatus. Et quod Consiliarius junior, antequam procedatur ad electionem, ire debeat in Ecclesiam sancti Marci, & facta oratione primum puerum parvulum, qui ei obviaverit, accipere debeat pro extrahendo Ballotas, & sit Ballottinus futuri Ducis. Igitur Dux Venetæ Reipublicæ ut semper fuit non natus, sed electus est (at majori curâ, & artificiosius elegi nihil mutat Reipublicæ formam) quamque semper habuit augustam Principis speciem, eandem adhuc retinet habitu, incessu, sella, & iisdem omnibus, quæ superius attuli, dignitatis insignibus, tantaque dignitate & auctoritate, ut repræsentet quodammodo, non re ipsa obtineat regiam facultatem, & eadem ferè permaneat, quæ ab ipso Urbis initio instituta fuit, mista Reipublicæ forma. Hoc vero sicuti ex iis, quæ Ducem attingunt, certissimum est, ita ex iis, quæ ad Concilia & Concionem pertinent, multo sane exploratius erit.

Vidimus Consiliarios senos Duci adjunctos Tribunorum loco, quos olim eadem auctoritate binos, & postea quaternos creatos superius ostendimus. Hi minoris Concilii nomen, quod olim Tribunis fuerat, retinuerunt, quod ex Ducario jure Maurini Mauroceni Ducis perspicuum est: Si autem sex Consilarii Minoris Concilii erunt concordēs cum majori parte Concilii Majoris, &c. nunc vero id Concilium Minus Dominatio vocatur.

Sapientes olim ad Ducis arbitrium convocabantur, qui pro re nata X. aut XX. proceres in Concilium adhibebant, id vero cum maximo emolumento rebus publicis esset, factum est, ut in bello, in fœderibus, aut pace tractanda sapientes viri à Majori Concilio eligerentur, qui Duci atque Consiliariis assidentes, rem aliquando probe discussam ad Concilium referrent; aliquando vero pro voluntate & arbitrio terminarent. Hinc sæpe legimus: *Decretum est, ut facta instantis belli per Ducem, & Consiliarios & XX. Sapientes nobiles viros debeat agitari.* Ex iis, prout credo, originem traxere Sapientes illi, qui Magni Concilii continentis, & Ordinum nomine à Senatu creati, Duci atque Consiliariis in Excelsio Principis Collegio assidere solent.

Concilium Rogatorum à Ducibus institutum est, qui, cum res magni ponderis atque momenti tractanda esset, seniores & prudentiores Reipublicæ Proceres, ut adessent, atque in commune consulerent, rogabant, quod cum usu rerum edocti Reipublicæ salutare cognovissent, *Veneti* cives perpetuum constituerunt. Hujus Concilii nomen anno à Christo nato MCCLIII legimus in publicis tabulis: *Capta fuit pars, quod qui à modo in antea iverit Reipublicæ causa, ultra Trontum, vel ultra Alpes, vel ultra Fadrâ, vel ultra Forum Julium, vel etiam aliqua occasione dictos confines pertransverit, quocunque modo vadant, sint foris de omni officio, & etiamsi de Concilio Rogatorum essent, sint foris de ipso Concilio:* quod tamen Rogatorum nomen in Annalibus multo ante legisse memini: anno tamen MCCLXXV. decretum est, ut in Majori Concilio eligeretur eodem modo, & eadem forma, qua eliguntur XL. etsi Concilium contra sit revocatum. Non tamen erat Concilium hoc ea auctoritate, qua modo fulget, sed cum à Majori Concilio multa Duci, Consilia-

riis, Rogatorum & XL. Virali Conciliis delegarentur his verbis; *Capta fuit pars, quod illud, quod D. Dux & Consilarii, cum Conciliis Rogatorum, & XL. fecerunt, & facient super facto D. Patriarchæ, sit firmum, sicut factum esset per Majus Concilium: vel, Capta fuit pars, quod D. Dux, & Consilarii cum Concilio Rogatorum & XL. possint, & debeant videre super facto Cretæ, & illud quod inter eos capietur, sit firmum & ita debeat observari, sicut factum esset in Majori Concilio.* Cumque id frequentissimè fieri contingeret, placuit tandem, quæ singula mandari solebant, universa committi: Concilium verò, Senatus etiam nomen adeptus, ad hanc ipsam amplitudinem & Majestatem pervenit, ut sapientissimus, & augustissimus totius orbis terrarum senatus & sit, & habeatur. Bodinus verò, qui cum tanta varietate mutabilem appellat, ut *Veneti* ob id ejus splendorem obscurant, & in apertum discrimen Rempublicam conjiciant, dum arcana pervulgantur, ac novis Senatoribus, rerum præteritarum ignavis, summa Reipublicæ gubernacula committuntur, excusandus videtur, cum nesciat quolibet anno, quanquam itur in suffragia, eosdem tamen Senatores creari; novos autem, in locum eorum, qui vel absunt Reipublicæ causa, vel diem suum obierunt, vel Republica malè administratâ rejiciuntur. Sed cum singula tantæ Reipublicæ mysteria cognoscere, non sit advenæ atque peregrini hominis, saltem prudentis fuisset, quæ nesciebat, non reprehendere.

Quadraginta-virale Concilium perantiquum est, & maximæ olim in Republica auctoritatis, cui ferè cuncta commissa erant, quæ nunc Senatui, vel Decem-Virum Concilio: à Concione præcis temporibus electum judico, anno vero MCCLXXIV. à Concilio Majori eligi cœpit, ut alia ferè cuncta Reipublicæ munera. Etenim cum lege latâ statutum esset, ut electio de XL. fiat de cætero in Majori Concilio per Rodulum, sicut sunt aliæ electiones; cautio tamen adhibita fuit, cum ista conditione, quod si invenietur, quod non posset fieri per Concilium, quod debent fieri cum Arengo, si expedierit.

Reliquum est, ut de Majori Concilio, & de Concione nonnulla dicamus. Majoris Concilii nomen in Reipublicæ infantia eâ de causâ non inveniri existimo, quod Tribuni, sive Consilarii Duci assidentes, aut nondum erant, aut Minoris Concilii nomen nondum obtinuerant: quapropter sicuti Judices, & Sapientes in pervetustis tabulis Minoris Concilii locum obtinent; ita Proceres, & Majores, Populique collaudatio Majoris Concilii, & Concionis vice legi solent. Prisca tamen Concio, quæ non ex universo populo, (qui namque in Ecclesiâ D. Marci, aut D. Nicolai, quæ tunc multo minor erat, congregari potuisset ex omnibus Insulis?) sed ut superius diximus, ex tribunitiis viris, & aliis nobilioribus, & sapientioribus constituebatur, tempore procedente à populi tumultuosa Concione, quæ Arengum appellari cœpta est, distincta Majoris Concilii nomen adepta est. Qui vero in id Concilium cooptabantur, ab Electoribus in singulos annos eligi solebant; sed iidem ferè, aut certè ex iisdem familiis, quod publicæ tabulæ atque monumenta vetustatis demonstrant: spurii tamen lege latâ nominatim arcentur. Cum vero quotannis per electores Majus Concilium crearetur, neque deessent novi homines, qui vel divitiis, vel partium studio elati tantum sibi fumerent atque arrogarent, ut ad Reipublicæ gubernacula admitti, atque in Majus Concilium cooptari vellent, ab Electoribus autem præteriti iniquissimo animo repulsam ferrent, jam res eò pervenerat, ut nisi prudenti ratione







# I N D E X

## NOMINUM, RERUM ET VERBORUM.

<b>A</b> dministratio Civilis quæ a Bodino proponatur.	2. D	Concilium Decem-Virum.	30. C. D
Adolescentia Reipublica Veneta.	16. C	— Ducis.	15. B
Advocatores Communis.	25. F	— Heraclea indictum, quibus patuerit.	7. D
Ærarii cura ad quos pertinuerit.	17. D	— Majus.	28. D. E
Ætas Firma Reipublica Veneta.	30. C	— — Democratia imago.	30. E
Ætates Reipublica Veneta.	6. D	— Minus quod vocetur.	27. C. D
Albuini in Italiam irruptio.	11. B	— Quadraginta Virale.	28. C
Annonæ cura quibus commissa.	25. E	— Rogatorum.	27. E
Aquilejense Concilium.	11. E. F	Concio Veneta olim magna auctoritatis.	13. A. 14. A.
Aquilejensis Patriarchatus in Gradum insulam translatus.	7. B. 11. C. D	— — — — — 15. C. D. 16. B. 17. D	
Arengum quid dicatur.	28. E. 29. C	— — — — — ex quibus antiquitus constituta fuerit.	28. E
Aristocratia species in X-Viris & XL-Viris.	30. E	— — — — — ei a Majori Concilio segregata quæ tributa sint.	29. C
Aristoteles argumentum perfectæ missionis tradit.	1. B	Consiliarii olim bini, post quaterni Duci adjuncti.	27. C
— arguitur a Bodino.	1. D. 2. A	— — — — — Minus Concilium dicti.	27. C
Arnifæus (Henricus) Libri de Republica scriptor.	5. A	— — — — — seni Duci adjuncti ejus auctoritati multum detraxerunt.	25. E
— — — — — refutatur.	5. B. C	— — — — — in Reipublica Infantia aut non fuerunt, aut Minoris Concilii nomen non obtinuerunt.	28. D
<b>B</b> aduarus (Petrus) Patriarcha Gradensis.	19. B	Constantiensis pacis tabula ad Venetam libertatem oppugnandam perperam detorta.	30. A
Balduinus II. Rex Hierusalem.	17. C	Contareus (Caspar) Venetam Rempublicam temperatam statuit.	5. D
Ballotæ, & Ballotinus, in Electione Ducis.	26. E.	— (Henricus) Episcopus.	17. C
— — — — —	27. A	— (Joannes) Venetorum Legatus.	19. C
Bellifarius ab Insulanis in æstuariis adjutus.	12. F	Correctores auctoritatis Ducalis.	26. A. E
Bellum a quibus olim Venetiis decretum.	17. A. D.	<b>D</b> andulus (Marinus) Dux electus.	26. C
— — — — —	27. D	Decem-Virum Concilium.	30. C. D
Bodinus (Joannes) Andegavensis, Venetam Rempublicam Optimatum statuit, quam alibi popularem existere contendit.	1. C	— — — — — Aristocratia species.	30. E
— — — — — erroris arguitur.	1. D. E	Democratia imago in Majori Concilio.	30. E
— — — — — ejus argumenta.	2. A. 3. B. D. E. 4. A.	Dens (Joannes) Venetorum Legatus.	19. C
— — — — —	6. B	Desiderius, Longobardorum Rex.	15. D
— — — — — tot Respublicas Venetorum statuit, quot insula in æstuariis habitata.	7. A	Devotio quid significet.	10. C
— — — — — quod obstinate negavit fateri coactus est.	30. E	Diploma Joanni Mauroceno, Monacho, pro edificando monasterio concessum.	17. F
— — — — — Rempublicam Venetam post tempora Sebastiani Ziani mutatam putat.	25. C. D	— — — — — pro vendendis quibusdam vestigalibus.	18. D
Brucardus, Cancellarius & Monasteriensis Episcopus.	24. E	— — — — — pro adificatione castri Laureti.	19. B
<b>C</b> alixtus Papa.	17. C	— — — — — pro Supplicatione Deipara Virgini decreta.	19. D
Cancellarius Venetiarum.	29. C	— — — — — Henrici V. Imp. de fœdere a se cum Venetis inito.	21. B
Candianus (Petrus) Dux Venetiarum.	16. E. 19. C	Dux Venetiarum num Imperii duntaxat speciem quandam apparentem habeat.	5. E
Canonicarius Venetiarum.	9. B	— — — — — primus qua ratione creatus.	13. B. C
Caprulæ, ab Episcopo Concordia occupata.	7. B	— — — — — ejus auctoritas.	13. D
Capulum in fœdere Venetorum cum Imperatore determinatur.	23. F	— — — — — nunquam regiam possedit potestatem.	16. D
Carolus Crassus fœdus inter Venetos & Italos sibi subjectos isit.	20. C. D	— — — — — semper a Monarchia multum absuit.	17. D
— Magnus contra Desiderium, Longobardorum Regem, bellum gerit.	15. D	— — — — — in matrimonium peregrinam ducere sine populi consensu non ausus.	20. A
— — — — — cum Nicephoro Imp. fœdus percutit.	15. E	— — — — — jus dicit, & judices constituit.	20. B
— — — — — cum Leone Imp. fœdus innovat.	20. C	— — — — — num Imperatoribus subjectus fuerit.	20. C
Cassiodori Epistola ad Tribunos maritimorum & Canonicarium Venetiarum citantur.	7. F. 8. D.	— — — — — ejus auctoritas imminuta.	25. D
— — — — —	9. D. 10. C	— — — — — ejus electio a multis ad paucos translata.	25. D. E
Castellum antea Olivola dictum.	7. C	— — — — — ejus auctoritati duo plurimum detraxerunt.	25. E
Castrum Laureti adificatum.	19. A	— — — — — ejus electio describitur.	26. A. B
Cibariæ rei cura quibus commissa.	25. E. F	— — — — — ejus electi ad Populum alloquium.	29. D
Civitatis status num a ratione gubernandi diversus.	2. A	— — — — — Regis exemplar.	30. D
Clodia ab Episcopo Patavino occupatum.	7. C	<b>E</b> piscopales sedes.	7. B
— sub Venetorum Imperio.	17. E	Epistola Gregorii, Pontificis Max. ad Ursum, Venetiarum Ducem.	14. B
Comaclenses a Venetis deficiunt & cito recipiuntur.	17. B		Equi-
Commercium de mancipiis interdictum.	16. E		



# INDEX NOMINUM, RERUM ET VERBORUM.

Equiliani ab Urso, Venetiarum Duce, bello petuntur. 15. A  
 Equilibrium conditum. 7. C  
 Eutharicus, Regis Theodorici gener. 10. D  
 Examinatores gestorum Ducis defuncti. 26. D. E  
**F**aletrus (Ordolphus) Dux Venetiarum cum Imperatore fœdus init. 21. B  
 — (Vitalis) Dux Venetiarum. 19. A  
 — fœdus cum Imperatore renovat. 20. D  
 Firma Ætas Reipublicæ Venetæ. 30. C  
 Fœdera Venetorum cum Imperatoribus. 20. C. D  
 Fœdus inter Carolum M. & Nicephorum. 15. E  
 Franci a Narsete bello petuntur, & ex Italia deturbantur. 11. E  
 Fridericus, Imperator. 30. A  
 Fugitivi reddendi. 22. E  
**D.** Georgii Ecclesia & monasterium. 17. F. 18. A  
**G** — insula. 17. E  
 Georgius (Marinus) Dux Venetiarum. 25. C  
 Getta, Ungarorum Dux. 20. D  
 Gradenfis Ecclesia in Synodo Romana Patriarchalis & Metropolis dicta. 19. C  
 — ejus Patriarchæ nomen abolitum. 7. C  
 Gradus, Aquilejensium refugium, Venetiæ & Histriæ Metropolis. 11. C  
 — Patriarcharum Aquilejensium domicilium. 7. B  
 Gregorius, Pontifex Maximus, Venetos ad juvandum Exarchum hortatur. 14. A. B  
 Gubernandi ratio num a statu Civitatis differat. 2. A  
**H**elias, Antistes Aquilejensis, Gradenfis Patriarcha appellatus. 11. D  
 — obtinet, ut Gradenfis Ecclesia fiat Metropolis. 7. B  
 Henricus III. Imperator, fœdus cum Venetis renovat. 20. D. E  
 — V. Imperator, fœdus inter Venetos & Italianos redintegrat. 20. D  
 — — ejus Privilegium. 21. B  
 — — ejus Sigillum. 24. D. E  
 — — Venetiis excipitur. 25. A. B  
 Heraclea condita. 7. C  
 — ibi Tribunalorum conventus indictus. 7. D  
 Hildebrandus, Longobardorum Dux, a Venetis vincitur & capitur. 14. E  
 Homicidæ, ex fœdere inter Venetos & Imperatorem, ligati tradendi. 23. D  
 Homines pro ætate varia & fortunæ casibus temperamentum & mores mutant. 6. A  
 Hominis triplex status. 4. C. D  
**I**mperandi verba non ad dominatum semper trahenda. 10. B  
 Imperator Exercitus Venetiarum. 29. C. D  
 Imperatoris Jurisdictio in Italia. 22. A  
 Infantia Reipublicæ Venetæ. 6. E  
 Insulæ in æstuariis maris Adriatici habitatae num unam vel plures respublicas constituerint. 7. A. 8. A  
 Insulani in æstuariis nulli tributo fuere obnoxii. 9. F  
 — num fuerint sub Imperio Justiniani. 12. B. C  
 Joannes, Concordiæ Episcopus. 7. B  
 — Papa. 19. C  
 Judices olim Minoris Concilii locum obtinuerunt. 28. D  
 — varii instituti. 25. F  
 Jurisdictio Imperatoris, & Venetorum. 22. A. B  
 Jus Ducarium. 25. F. 26. A  
 Justinianus, Imperator severus. 11. D  
 — num Insulis in æstuariis imperaverit. 12. B. C  
 Justitiiarii. 25. E  
 Juventus Reipublicæ Venetæ. 25. C

**L**aconum Respublica in quo cum Veneta convenit, & cujus fuerit formæ. 1. A  
 Legati Reipublicæ Venetæ cujus auctoritate creati. 19. B  
 Leges a quibus Venetiis conditæ. 17. D  
 Leo, Imperator, cum Carolo M. fœdus innovat. 20. C  
 Libertas quomodo pereat. 12. D. E  
 Livius, Censor. 9. E  
 Lombardiæ Societas. 30. A  
 Longobardi Ravennam capiunt. 14. B  
 — a Venetis vinctur. 14. E  
 Lotharius III. fœdus inter Venetos & Italos redintegrat. 20. D  
**M**agistratus multi in Republica Veneta quare creati. 20. B. C. 25. E  
 Magistri Militum quare electi. 13. C. 15. C  
 Majestas num possit pluribus communicari. 4. A  
 — Principis in quo eluceat. 16. B  
 Majestatis proprium, vectigal salis. 9. E  
 Majores olim vice Majoris Concilii legebantur. 28. E  
 Marcellianus, Aquilejæ Antistes. 11. A  
 B. Marci capella. 17. F. 18. A  
 — corpus. 20. E  
 B. Mariæ Supplicatio decreta. 19. C  
 Marinus, Episcopus Olivienfis. 16. E  
 Maritimi qui Cassiodoro nuncupentur. 8. F. 9. A  
 Maurocenus (Joannes) Monachus. 17. E  
 Memus (Tribunus) Dux Venetiarum. 17. F  
 Metamaucum ab Episcopo Patavino occupatum. 7. C  
 Michaël (Dominicus) Dux Venetiarum. 17. C  
 — (Joannes) Ducis filius, expeditioni in Dalmatiam præficitur. 17. C  
 — (Vitalis) Dux Venetiarum. 17. C  
 — quædam Reipublicæ vectigalia vendit. 18. D  
 Missionis perfectæ argumentum. 1. B  
 Mutatio rem non tollit. 6. A  
**N**arentari Venetis bellum inferunt. 17. A  
 Narses ab Insulanis in æstuariis adjutus. 12. B. F  
 — bellum contra Francos suscepit. 11. E  
 — contra Paulinum Episcopum incitatur. 12. B  
 Negotiatio inter Venetos & ditionem Imperatoris. 23. B  
 Nicephorus, Imperator, cum Carolo Magno fœdus percutit. 15. E  
 Novæ Civitati ex pacto onera imposita. 17. E  
**O**doacer, Rex Herulorum. 11. A  
 Olivola postea Castellum dicta. 7. C  
 Olivolenfis Episcopus a Venetis creatus. 15. E  
 Opitergium a Rothari Rege captum. 7. C  
 Otho, Imperator. 19. C  
**P**atavini Venetiarum Conditores falso dicti. 6. E  
 Patriarcha Venetus quando cœperit. 7. C  
 Patriarcharum Aquilejensium domicilium. 7. B  
 Patriciacus (Angelus) Dux Venetiarum. 16. A. C  
 Paulinus, Patriarcha Aquilejensis, Gradum se recepit. 7. B  
 — omnem pretiosam & sanctam suppellectilem Aquilejæ Gradum asportat. 11. B. C  
 — Pelagium Pontificem habet adversarium. 12. B  
 Paulus, Italiæ Exarchus, a Venetis adjutus. 13. F. 14. A. C. E  
 Pax a quibus decreta. 17. A. D  
 Pelagius Pontifex, in Grado sedem Aquilejensium figit. 11. C. 12. B  
 Peredeus, Longobardorum Dux, a Venetis victus occiditur. 14. E  
 Philistina ab Episcopo Patavino occupatum. 7. C  
 Pignoriatio quomodo fieri debeat ex fœdere Venetorum cum Imperatore. 23. E  
 Polanus (Joannes) Castellanus Episcopus. 19. E  
 N. Crassus. C Po-



# INDEX NOMINUM, RERUM ET VERBORUM.


Polanus (*Petrus*) Dux Venetiarum. 19. C  
 Politia, administrationis civilis genus. 3. C. D  
 Poppo, Patriarcha Aquilejensis. 17. B  
 Populi Collaudatio olim vice Majoris Concilii legebatur. 28. E  
 Potestas propria & precaria non confundenda. 5. C  
 Probinus obtinet, ut Gradenfis Ecclesia fiat Metropolis. 7. B  
 Proceres olim vice Majoris Concilii legebantur. 28. D. E  
 Pueritia Reipublicæ Venetæ. 13. A. B  
**Q**uadraginta virale Concilium. 28. C  
 — — Aristocratiae species. 30. E  
**R**agusa Respublica. 30. E  
 Ravenna a Longobardis capta. 14. B  
 Regis exemplar in Duce Venetiarum. 30. D  
 Ripaticum. 23. B  
 Reipublicæ Forma num ex administratione æstimanda. 5. A  
 Respublica mixta ab Aristotele descripta. 1. B. 2. B. 3. C. D  
 — — ejus exemplum Veneta Respublica. 5. D  
 — — ejus forma in Veneta Republica semper servata. 19. F  
 — — num statui civili conducatur. 3. B. D. E  
 Rivus altus Imperii Veneti sedes constituitur. 16. A  
 — — unam insularum in æstuariis Rempublicam fuisse, probat. 8. B  
 Rogatorum Concilium. 27. E  
 Romana Respublica a Bodino mox Optimatum, mox popularis statuitur. 1. D. E  
 — — ejus prope extinctæ species veterem tamen Majestatem arguens a Tacito exhibetur. 2. F. 3. A  
**S**alis vectigal cujus proprium. 9. E  
 Sapientes. 27. C  
 — — olim Minoris Concilii locum obtinuerunt. 28. D  
 Senatus Venetiarum. 27. E. 28. A. B  
 Sigonius, Libri de Regno Italiæ scriptor. 15. E. F. 20. C  
 Societas Lombardiæ. 30. A  
 Sortis beneficio Dux electus. 26. C  
 Stephanus Rex, pro Sancto habitus. 20. B  
 Synodus Romana. 19. C  
**T**acitus Reipublicæ Rom. prope extinctæ exhibet imaginem, ubi tamen vetus Majestas arguitur. 2. F. 3. A  
 Theodoricus Rex, Catholicos insecutus. 10. D. 11. A  
 Theupolus (*Jacobus*) sortis beneficio Dux electus. 26. C  
 Torcellum ab Episcopo Altinate occupatum. 7. B  
 Tradonicus (*Petrus*) Dux Venetiarum. 17. A  
 Tribuni Majores & Minores qui dicti. 7. C. F

Tribuni singulis insulis jus dicebant. 7. E. F  
 — — unde dicantur. 8. B. C  
 — — quare electi. 13. C  
 — — a Ducibus in Concilium adhibiti. 15. B  
 — — duo Duci adjuncti. 15. D  
 — — in Reipublicæ infantia aut non fuerunt, aut Minoris Concilii nomen non obtinuerunt. 28. D  
 — — Maritimorum. 7. F. 8. D  
 Tribunitii Viri qui dicti. 7. D  
 — — antiquitus Concionem constituebant. 28. E  
 Tribunus (*Petrus*) Dux Venetiarum. 17. E  
**V**ectigal salis cujus proprium. 9. E  
 Vectigalia a quibus imposita. 17. D. E  
 — — Reipublicæ vendita. 18. D  
 Veneta Provincia a Barbaris exhausta. 9. A  
 — — Respublica in quo cum Laconica conveniat, & cujus sit formæ. 1. A  
 — — a Bodino alibi Optimatum, alibi popularis statuitur. 1. C  
 — — temperata statuitur. 5. D  
 — — ejus ætates. 6. D  
 — — de ejus libertate in fœdere Imperatorum Caroli M. & Leonis cautum fuit. 20. C  
 — — ejus ditione aucta, multi Magistratus creati. 20. B. C  
 — — ejus jurisdictio in Italia. 22. B  
 — — num ejus forma tempore inter Sebastianum Zianum & Marinum Georgium, Duces, mutata. 25. C  
 — — Urbs a Patavinis condita falso dicitur. 6. E  
 Veneti ab iis, qui subjecti sunt, distinguuntur. 20. D. F  
 — — cum Imperatoribus fœdera sanciant. 20. C. D  
 — — eorum libertas fœdere Caroli M. & Nicephori nulla ex parte imminuitur. 15. E  
 — — Exarchum contra Longobardos juvant. 13. F. 14. A. C. D. E  
 — — num Imperatori subjecti fuerint. 12. B. C  
 — — Bellisarium & Narsetem juverunt. 12. B. F  
 — — unam habuerunt Reipublicæ formam mistam tempore Justiniani. 13. A. 14. E. F  
 Vexillum fidei Duci Venetiarum traditum. 17. D  
 Vigilius, Romanus Pontifex, Constantinopoli captivus. 11. D  
 — — Justiniano Imperatori assentit. 11. E  
 Virilis Ætas Reipublicæ Venetæ. 30. C  
 Vitalis Patriarcha. 16. E  
 Urfeolus (*Oibo*) Dux Venetiarum. 17. B. E  
 — — ejus nuptiæ. 20. A. B  
 Urfus, Dux Venetiarum. 13. F  
 — — interimitur. 15. A  
**Z**ianus (*Sebastianus*) Dux Venetiarum. 16. C. 20. C. 25. C

F I N I S.








Handwritten text in a non-Latin script, likely Persian or Arabic, is visible at the bottom of the page. The text is faint and appears to be written in a cursive style.





BLONDUS FLAVIVUS,  
*Historicus Celeberrimus.*



BLONDI FLAVII,

*Forliviensis, Historici Celebris, & multorum Pontificum Romanorum Secretarii,*

DE

ORIGINE ET GESTIS  
VENETORUM

LIBER,

*Ubi,*

Quæ a Venetis ab eorum Urbis initio usque sub Auctoris tempora vel mari, vel terra, vel pace, vel bello, fieri contigit memorabilia, breviter ac succincte enarrantur.

*Editio Novissima, nitidior & auctior.*



LUGDUNI BATAVORUM,

Sumptibus PETRI VANDER Aa,

*Bibliopola, Academiae atque Civitatis Typographi.*







# PRÆFATIO

## HUJUS NOVÆ EDITIONIS.

**A**mplissimum rerum maximarum campum, angustissimis verborum cancellis circumscriptum, Tibi, Benevole Lector, hic exhibemus. Ea enim est Auctoris, cujus nunc evolvis opus, felicissima dexteritas, ut paucissimis dicere possit quam plurima. Fuit iste, apud Orbem literarium, & genuinae in primis Historiæ Cultores, summæ Vir auctoritatis, quam profundissima eruditione refertis pluribus operibus promeritus obtinet, Blondus Flavius, Forliviensis, cujus opera quanti Eruditis habeantur, inter alia ejus ex P. Jovio, Gerardo Joanne Vossio, & P. Frehero a nobis hic addita Elogia docebunt. Tantum scilicet præconem Originis Venetorum, & Rerum ab ipsis gestarum requirebat dignitas, quantum hoc breviario se Noster probat, ubi, quæ a Venetis vel mari, vel terra, vel pace, vel bello, fieri contigit, recensens, ab alio ad aliud brevissimis quidem transit, at stupenda, quæ ea Respublica fecit incrementa, reddit eo clariora atque magis admiranda. Inde, licet hic Liber cum aliis Auctoris Operibus non solum Anno 1531. Basileæ ex officina Frobeniana prodierit, sed & Anno 1559. ipsius iterata fuerit impressio, ejus tamen nunc perrara occurrebat copia. Secuti itaque consilia & monita summi Nominis Virorum, Librum denuo prelo subjecimus, typisque nitidissimis in charta purissima exhiberi curavimus. Nomina propria, quæ in lectione præcipue Historiarum, quo facilius patent, eo magis adjuvant lectionem, diversis a contextu impressa sunt literis. Paginae Editionis veteris hic ad marginem sunt notatæ,



(4) PRÆFATIO HUIUS NOVÆ EDITIONIS.

*ut ex illa ab aliis Scriptoribus allegata in nova hac Editione reperiri queant eo felicius. Præter Elogia, de quibus jam diximus, Auctoris nostri, ejus & Effigie ex P. Jovio, ac Tumulo ex Sigifr. Rybischii Monumentis Illustrium Virorum, Editionem hanc reddidimus auctiorem. Indicem Rerum notabiliorum, quæ hic continentur, quoque addidimus. His, quæ in Tui gratiam, Benevole Lector, a nobis sunt tentata, utere felix. Vale, nobisque fave.*

ELOGIA AUCTORIS.

Ex PAULI JOVII Elogiis Virorum literis Illustrium, pag. 19.



ROLIVII, viæ Æmiliæ nota urbe, Flavius Blondus prodiit, rudi adhuc veteris elegantiae seculo. Is magno ausu, singularique industria, nec infelici eventu, multorum annorum intermorientes res gestas è tenebris excitare orsus, *Decadas* conscripsit, quibus ab inclinante Romano Imperio funesta tempora, ac ideo veritatis lumine orbata, in lucem proferuntur. De vetustate quoque collapsæ Urbis, ac ejus demum resurgentis dignitate, erudito operosoque volumine publicato, quam nec ambitiosè quæsitam exoptarit, in literis auctoritatem adeptus est: unde ei honestæ opes favore Pontificum accessere. Liberis operam dare, quam sacris initiari maluit: suscepitque *Gasparem* filium, quem uxor *Margania* Romani sanguinis, nobilitasse visa est: sed posteri, quamquam adauctis fortunis, conditori familiæ minimè responderunt. Fato functus est septuagenarius, tumulatusque in *Capitolio* extra limen templi *Deiparæ Virginis* (id enim *Jovis Tonantis* olim fuisse putamus) quod non secus ac antiquitus, authore *Tacito*, centum gradibus adeatur.

JANI VITALIS.

*Eruis è tenebris Romam dum, Blonde, sepultam,  
Es novus ingenio Romulus atque Remus:  
Illi urbem struxere rudem, celeberrima surgit  
Hæc eadem studiis ingeniosè tuis:*

*Barbarus illam hostis ruituram evertit, at isti  
Nulla unquam poterunt tempore obesse tua.  
Jure triumphalis Tibi facta est Roma sepulchrum,  
Illi ut Tu vivas, vivat ut illa Tibi.*

LATOMI.

*Dum stetit augusto Romanum limite regnum,  
Termine, Diis magnus æquiparandus eras.  
Cedebant illi venturo ex arce Tonanti:*

*Custodi imperii mansit, ut ante, locus.  
Cur nunc mortali cedis, dic Termine Blondo?  
Pondus habet meriti num Jovis, atque tui?*

Ex GERARDI JOANNIS VOSSII  
*de Historicis Latinis Lib. III. pag. 182.*



BLONDUS FLAVIUS *Forojuliensis*, Eugeni IV. plurimumque Pontificum Romanorum Secretarius, Scripsit Romæ Triumphantis Libros X; quod opus dedi-

*cavit Pio II. Pontifici: adhæc Romæ Instauratæ Libros III, quos inscripsit Eugenio IV. item Illustratæ Lib. VIII. Tum autem Historiarum Decades tres ab inclinato Romanorum Imperio*



hoc est anno cccc, usque ad annum Chr. cl. cccc xl. non autem cl. cccc, ut est apud Davidem Chytraum, Genebrardum, & Bellarminum. Agit enim postremo Libro de schismate Felicis Antipapæ contra Eugenium, quod incidit in annum cl. cccc xxxix. Aliquot annis post demum Commentarios suos edidisse, arguit, quod meminit mortis Callisti III, qui anno obiit cl. cccc lv, MSus exstat Cantabrigiæ in Collegio S. Benedicti. Oxonii in bibliotheca Balliolensi est MSus Blundius de Cosmographia Italiæ. Blondus, an alius, signetur, melius dicent, qui videre. Ad honorem Blondi non parum pertinet, quod scripta illius in epitomen contrahere dignatus sit Pius Pontifex. Dictione est non admodum culta: ut etiam Volaterranus agnoscit: sed de antiquitate tamen, utcumque interdum aliquid humani patitur, sanè pro ætate, qua vixit, optimè meretur. De eo sic Jo. Gobellinus Commentariorum Pii II. Pont. Max. Lib. XI. Prædixit nonas Junias hujus anni (signat autem cl. cccclviii) Blondus Flavius obiit, historiarum scriptor egregius, natione Foroliviensis; qui diu apud Pium II. P. P. Secretarium Apostolicum gessit, & Eugenio IV. Pont. Max. acceptissimus fuit. Ab Arcadio Honorioque Cæsaribus (quo tempore inclinasse Romanum Imperium memorant) usque ad ætatem suam, universalem scripsit Historiam, opus certè laboriosum, & utile; verum expolitore, emendatoreque dignum. Procul Blondus ab eloquentia prisca fuit: neque satis diligenter, quæ scripsit, examinavit: non quàm vera, sed quàm multa scriberet, curam habuit. Siquis aliquando vir doctus, scribendi peritus, opera ejus emendare atque ornare decreverit, haud parum utilitatis posteris adferet, & seipsum clarum efficiet, multarum ætatum gestis, quæ propemodum sepulta sunt, in lucem redditis. Extant & alia Blondi opera non parvæ utilitatis, quamvis cautè

legenda sunt, ne falsa pro veris accipias: in pluribus enim erasse deprehenditur. Scripsit Italiam Illustratam, Romam Instauratam, & eandem Triumphantem: quam paulò ante obitum absolvit. Mortuus est Romæ pauper, ut philosophum decuit. Patrimonium, quod habuit tenue, dotium causa inter foeminas divisit: masculis, præter doctrinam, bonosque mores, nihil reliquit, id morienti sat fuit, ejus ætatis filios dimisisse, qui sibi ipsis consulere possent. Reprehenditur à Georgio Merula Lib. X. Historiæ Vicecomitum. Hac in parte, inquit, nescio indiligentiæ ne Blondum, an magis invidiæ arguam. De eodem ita Floridus Sabinus apologia adversus L. L. calumniatores: Blondi Flavii Foroliviensis hoc in negotio summum studium amplectimur, quamvis in scribendo non admodum elegans habeatur: nec desunt, qui ab eo veritatis fidem multis in locis requirant, alioqui non paucis etiam lulentus fluere visus est. Romæ obiit, Jovio teste, jam septuagenarius, (imo ultra, ut mox patebit) inque Capitolio juxta Deiparæ templum sepultus est. Nempe in ara cæli ante introitum templi, ubi tale ejus epitaphium, ut est in Fabricii Roma:

BLONDO FLAVIO FOROLIVIENSI  
HISTORICO CELEBRI MVLTORVM  
PONTIF: ROM: SECRETARIO  
FIDELISSIMO BLONDI V. FILII PATRI  
BENEMERENTI VNANIMES POSVERE.

VIXIT ANNIS LXXI.  
OBIIT PRID. NON. IVNII  
A. SALVT. CHRISTIANAE  
M. CCCC. LXIII. PIO. PONT. MAX.  
SIBI NATISQ. FAVENTE.

Quos reliquit quinque filios, omnes, ut Leander testatur, egregie fuere literis eruditi.

Ex D. PAULI FREHERI

Theatro Virorum Eruditione Clarorum, Tom. poster. pag. 1426.

**F**LAVIUS BLONDUS Forolivii, Æmiliæ viæ urbe celebri, circa A. C. 1392. natus in virum evasit multæ eruditionis & summi judicii. Propterea Romam veniens, statim omnibus innotuit. Ut vero sæculo illo scientiæ raræ erant, barbarie occupante omnes ferè Christiani Orbis Academiæ, quoties ex illo ignorantie barathro aliquis emergebat cognitione bonarum disciplinarum clarior, statim excipiebatur cum plausu & admiratione omnium: idem accidit Blondo, qui postquam Romam venit, favore aliquot Cardinalium apud S. Pontificem gratiæ & authoritate pollentium commendatus est Eugenio IV. Pont. Max. in cujus aulam receptus Epistolarum Magister factus est. Uxorem Romæ duxit Margariam ex nobili familia, ex qua suscepit 5. filios, & inter hos Casparum, qui omnes paternæ doctrinæ & virtutum sicut & facultatum hæredes facti sunt: sed posteri quamvis fortunis adaucti conditori familiæ minime responderunt. Pater licet gravibus assiduisque negotiis in aulâ Pontificiâ occuparetur, non tamen desit multa scribere, quæ in lucem emis-

sa sunt magno Reip. literariæ emolumento: singulari enim industriâ nec infelici eventu, dictione licet non admodum cultâ fuerit usus, multorum annorum intermorientes res gestas è tenebris excitare studuit.

Ideo Bernardus Justinianus, Historiæ Venetæ Scriptor eximius, Blondum hunc Scriptorem admodum diligentem vocavit. Scripsit enim Historiam Inclinationis Romani Imperii ab A. C. 410. quo Roma à Gothis capta fuit, ad Ann. 1459. Romæ tandem mortuus est septuagenarius, sepultusque in Capitolio, in superiori parte graduum Aræ Coeli, eo loco, ubi visitur Luca Gaurici monument. Marmoris inscriptum legitur hoc Epitaphium: (quod paulo ante ex Vossio exhibitum.)

Ex Elogiis Viror. doctor. Pauli Jovii, & ex Vitis 50. Viror. doctrinâ præstantium Joh. Jac. Boissardi.

Scripsit:

De gestis Romanorum Decades III. De Româ, Triumphante Lib. X. De Româ Instauratâ Lib. III. De Italiâ Illustratâ Lib. VIII.





AGNUM *Francisce Foscari* Princeps Serenissime, Vosque Amplissimi Senatores, ac Viri Patricii negotium ac omnium majus, quæ excogitari possint, *Venetæ* Reipubl. nunc incumbit: utrum ne gestum diu in *Turcos* bellum continuare, an potius præsidii ab universo orbe *Christiano* afferendi desperatione pacem cum illis constituere debeat consultatio anxium animisque suspensum tenet. Quid vero supremi orbis *Christiani* Principes ad communem sibi vobisque hanc causam consilii, quid opis afferant, nec satis scio, qui os in cœlum non ponere, nec, si conjectura assequar, dicere ausim. Sed est alia ratio, ut ex pluribus ista sit non improbabilis, quæ me impulit ad scribendum. Ego enim nomine & professione, & utinam ne sola *Christianus*, ego *Italicus* orbi *Christiano* & ipsi *Italiae*, si quid sum, & imprimis si quid est in me ingenii, debeo: ut non improbe videar facere, si ea, quæ mihi sunt calami & rerum gestarum peritiæ, arma ad rei *Christianæ* & *Italiae* defensionem confero. Ego vester civis *Venetus* eam ab optimo quocunque vestrum in me benevolentiam recognosco, ut si rebus nequeo, cogitatione tantum & scripto difficillimis horum temporum rebus possibilem reipubl. opem & operam teneam impartiri. Gesta itaque à *Venetis*, tum aliter à vestra urbe condita, tum maxime in barbaros adeo brevibus commentariis coarctabo, ut memineritis ac attente consideretis, vos majorum vestrorum proposita ostensaque incedentes via, nusquam Dei & hominum favoribus, nusquam securitate, nusquam parti imperii conservatione ac amplitudine carituros. Nullam mihi quispiam historiæ ac rerum gestarum peritia celeberrimus urbem dabit, quæ admirabilem obstupendamque sicut urbs *Veneta* habuit originem. Qui enim urbem *Romam* condidit *Romulus*, pastores convenas ex vicina regione perfugas nactus est, quibus in tutum confugientibus Asylum coeptum non voluntarie magis, quam avide urbs & pro viribus aucta, & ab impetentibus est viriliter defensa. *Thebas* Cadmus dum conderet bonitate loci, & sua illectos suavi eloquentia populos faciliter congregavit. *Brenus Indutiomarus* Gallique *Mediolanum*, *Veronam*, *Vincentiam*, *Tridentum*que condentes populis repleverunt, quos vini avidos sitientes, cupientissimosque ea ratione sola traxerunt in *Italiam*. *Venetam* vero urbem non voluntas, sed timor: non propositum, sed occasio: non consilium, sed necessitas his condidit in locis, quæ nulla mentis sanè hominum prudentia elegisset. Fuit tamen causa loco tantæ urbis conditæ ineptissimo longe horridior condendæ admirabiliorque. *Attila* namque *Hunnorum* Rege potentissimo, quem sexcentorum armatorum millia sequebantur, *Aquilejam* urbem premente, *Altinum*, *Concordia*, *Patavium*, *Montisilicis* urbes solo æquatae sunt, pariterque capta & funditus diruta *Aquileja*, *Vincentinis*, *Veronensibus*, *Mantuanis*, *Brixianis*, *Mediolanensibus*que & *Papiensibus* contigisse constat. quarum tot urbium populi, ne ordinem nunc sequamur in historia diffuse servatum, in hæc palustria harena & calamis coenoque contexta confugerunt loca, in quibus conditam nunc urbem *Venetam* orbis aspiciens obstupescit. Nec factus est à tantis populis ad has paludes urbis ædificandæ animo & intentione concursus; sed barbaros efferatissimos homines viri nobiles & viribus potentatuque in singulis locis præstantiores, natos secum & uxores miserabili colluvione trahentes, id quærebant, id solum in votis habebant, ut salvus in cœno paludibus & arena corporibus quæque subirent sustinerentque incommoda, dummodo eam barbarorum sævitiem, & à filiis uxoribusque pejorem morte abigerent servitutem. Fato autem & Dei nutu ac providentia conditio illa urbi *Venetæ* debebatur, ut ea loca à barbaris complerentur diversarum *Italiae* urbium viris, quibus perpetua foret cura barbaras gentes populosque feroces & immanes à *Christianorum* cervicibus repellendi. Si quis enim invidia & odio carens ea viderit & attente legere, quæ in *Romani* Imperii Inclinationis Historiis triginta jam & duobus Libris scripta sunt à nobis, facilliter intelliget, *Venetis* solis æque ac cæteris omnibus *Christianis* simul acceptum deberi, *Saracenos* hæctenus *Italia* & *Ægæi* *Ionii* superique marium insulis pulsos esse, quanquam scriptæ à nobis Historiæ levem & mutilatam habeant gestorum à *Venetis* mentionem, cum in tanta, quam complexi sumus, historia *Romani* olim totius imperii non licuerit seriose ac diffuse à *Venetis* gesta attingere, quibus ordine & copiose explicandis separatam & quidem amplam conficere possemus historiam. quod quidem facile indicabunt ea, quæ ad hujus temporis propositum, & mutilata, ut diximus in nostris historiis, mentione, in hoc breve opusculum identidem restringemus. At jam sensim manum apponere incipiamus.





BLONDO FLAVIO FOROLIVIENSI  
HISTORICO CELEBRI, MULTORUM  
PONTIF. ROM. SECRETARIO  
FIDELISSIMO, BLONDI QUINQ. FILII PATRI  
BENEMERENTI UNANIMES POSUERE.



VIXIT AN. LXXV.  
OBIIT PRID. NON. JUN.  
ANNO SALUTIS CHRISTI  
M.CCCC. LXIII. PIO PONTIF. MAX.  
SIBI NATISQUE FAVENTE.

*Blondi Flavii Monumentum.*






ALONZO T. LOVELL  
HISTORICAL SOCIETY  
OF THE CITY OF BOSTON  
THE BOSTON MUSEUM  
OF NATURAL HISTORY



THE BOSTON MUSEUM  
OF NATURAL HISTORY  
HAS RECEIVED  
FROM THE  
HISTORICAL SOCIETY  
OF THE CITY OF BOSTON





## BLONDI FLAVII,

Forliviensis,

DE

ORIGINE ET GESTIS  
VENETORUM.

VENETAM urbem ad annum salutis sextum quinquagesimum & quadringentesimum condici-  
cæpisse, ita certe docuimus in historiis, ut labi à vero ac errare constet eos, quicunque aliter ausi fuerint affirmare:

nemo enim eorum, qui *Venetæ* urbis conditæ materiam attigerunt, negat continuata urbis *Aquilejæ* obsidione, quam tribus annis durasse constat, primum cæpisse in paludes & stagna confluere populos: à quibus, diruta *Aquileja*, & brevi post mortuo *Attila*, hujus novæ urbis fundamenta fuerunt inchoata. Et *Attilam* docet *Eusebii Cæsariensis* temporum supputatio ad anni finem excidii *Aquilejæ*, post urbes, de quibus est dictum, usque ad *Papiam* excisas cum *Italia* excederet, fluxu sanguinis interiisse. Erantque tunc *Martianus* Constantinopoli Imperator, *Genfericus* Vandalorum in *Aphrica*, *Meroveus* Francorum in *Galliis* Reges. *Leo Primus* Romæ Pontifex, & *Valentinianus junior*, undetrigesimum in *Romano* occidentali Imperio agebat annum, quem qui perquireret, sextum, ut diximus, quinquagesimum, & quadringentesimum salutis esse comperiet. Unde si me vestra exaudierit sapientia, quos millesimo conditæ urbis *Romæ* anno, *Philippus*, Romanorum Principum primus *Christiano* insignitus caractere, aliarum pridem conditarum urbium exemplo fecerit ludos seculares, vos quoque III. ab hinc anno facere disponetis solenni pompa, quam processionem appellamus primo, post aliis lætitiæ & jubilationis apparatus ita ostensis, ut actis Deo nostro gratias tantam urbem ad millesimum annum tanta cum rerum gestarum gloria, tanta cum opulentia perductam esse lætari, & ut decet, exultari significetis. Sed ad rem: *Venetæ* urbis conditæ primum omnis *Italia* maximum cepit fructum in favoribus *Narseti* & *Cartulario*, Justiniani Imperatoris cubiculario & copiarum ductori, præstitis, quando adversus *Totilam*, Ostrogothorum Regem urbis *Romæ* everforem, cum exercitu veniebat. Erat is annus conditæ urbis *Venetæ* LX. ad quem jam mirabile acciperat incrementum, urpote quam viri nobiles atque ditissimi, non pastores & latrunculi inchoassent. Cum itaque *Narsetes* permenso mari *Ravennam* à *Constantinopoli* peditatu, ipse cum equitatu *Italiam* ingressus esset, *Totila* hostis ejus apud *Tarvisum* patriam urbemque suam, apudque alia *Italiæ Transpadanæ* loca sibi subdita, ne ulterius progrediretur, armis resistere contendebat: fecissetque nisi imperatorium *Veneti* equitatum, & ejus Ducem *Narsetem* navibus transportatos in *Ravennatensem* agrum, ubi nunc est *Ferraria*, exposuissent. Cujus beneficii memor *Narsetes*, quamprimum *Ravennæ* fuit, opifices *Venetias* misit, à quibus *Sancti Theodori* sacellum, ubi ecclesia nunc est *Sancti Marci*, & *Sanctorum Menæ* & *Geminiani* ecclesia, in capite *Brolii* ædificata est. Sicque

*Venetorum* auxilio non quidem levi *Ostrogothi* *Italia* deturbati sunt. Ad annum inde circiter quadregesimum *Clevis* secundus *Longobardorum* Rex *Clevis* Rex. omnium crudelissimus, quos ad eam diem pertulisset *Italia*, populos ejus regionis, quam nunc dicimus *Lombardiam*, inauditis cædium rapinarumque cladibus afflixit: multique tunc ac penè omnes, qui prolabi potuerunt, *Venetias* confugerunt, ut à multis eam tunc alteram *Venetæ* urbis ædificationem fuisse tradatur. Quinimmo ex eo tunc facto inolevit proverbium: *Alias urbes pueros lactantesque alere, Venetam vero adolescentes ac planè viros sibi in populum procreare*. Per hæc ipsa autem *Longobardorum* tempora *Italiæ* infelicissima *Romanum* orientale Imperium aliam habuit infelicitatem, quæ pariter in *Italiam* redundavit. Ad quadregesimum enim annum *Longobardorum* in *Italiam* ingressus, *Saraceni* *Asiam* penè omnem ac brevi post *Aphricam* occuparunt, quam historiam nostro proposito minime necessariam hic omittimus. Sed quod ad rem nostram facit: cum *Saraceni* multa ac maxima alibi facinora perpetrassent, quinquagesimo tandem regni eorum anno, qui fuit conditæ urbis *Venetæ* sextus & ducentessimus, ab *Alexandria* solventes *Rhodium*, insulam *Romani* Imperii, pervenerunt: eaque capta *Colossus* fama celeberrimum, à quo civitas insulæ primaria nomen habuit, demoliti sunt: ex cujus *Colossi* ære noningentos camelos fuisse oneratos invenimus. *Rhodo* vastata *Saraceni* in *Ægeum* delati pelagus multas ex *Cycladibus* affligerunt. Inde in *Siciliam* navigarunt, quam maritimis in locis spoliata incendiis, etiam per mediterranea editis vastaverunt. Anno item conditæ urbis *Venetæ* quinto vigesimo & trecentesimo *Justiniani Secundi* Imperatoris *Constantinopolitani* temporibus, *Gregorio Tertio* Pontifice *Romano*, & *Pipino Primo* Francorum Rege, *Turci* primum *Asiam* invaserunt, *Alanos*que primo, post *Colchos* & *Armenios*: inde *Minoris Asiæ* populos, & ad extremum *Persas* *Saraceni* agrorum direptionibus & mortalium in agris repertorum ac congregi aursorum cædibus infestaverunt. Fueruntque ipsi *Turci* *Scythæ* ex his, quos *Alexandrum Macedonem* inter *Hyperboreos* montes ferreis clausisse repagulis cum alii tradunt scriptores, tum *Beatus Hieronymus* affirmat. Has vero *Saracenorum* *Turcorum*que originis digressiones hoc loco facere placuit, quia cum his maxime barbaris *Veneto* populo & magna sæpe fuit, & major gloriosiorque videtur futura contentio. Quamdiu autem apud *Constantinopolim* *Romanum* Imperium fuit integrum, *Veneti* illud integre constanterque reveriti exercendæ mari terraque mercaturæ, & recipiendis in urbem suam viris quibusque non magis *Italiæ* quàm aliarum provinciarum profugis, pacique, ubi possent, inter discordias missis propria impensa oratoribus constituendæ intentissimi fuerunt. Qui quidem, status nulla usquam labefactatus injuria per annos quinquaginta trecentosque



*Venetis* ab externis motibus quietissimus fuit : cum tamen ipsi inter se *Veneti* dissidia interim non parva habuerint, propriam ad declarationem historiam exposcentia, & tamen per id temporis majora sunt opinione omnium jacta Reipublicæ *Venetæ* fundamenta. Cum enim ad annum salutis sextum octingentesimum facta Imperii *Romani* divisione, *Carolus Magnus* occidentale accepisset Imperium, *Veneti* ex vetusta consuetudine *Constantinopolitano* magis parentes in difficultates maximas inciderunt, quarum finem bonum eorum innocentia bonitasque tunc est facta. Concedente enim *Carolo* Principe justo & magnanimo permitti sunt *Veneti* legibus propriis ita vivere, ut pariter utrique Imperio obedirent. Cui foederum conditioni *Leo III.* Pont. Rom. ad stipulatus est. Sed tertio abinde anno *Fortunatus* Patriarcha *Gradenfis*, quem conjuratio attigerat in *Joannem* & *Mauritium* Duces *Venetos* intentata, sibi timens in *Franciam* se recepit, & *Carolo* Imperatori *Venetos* detulit, quod illi à foederibus ictis discedentes, *Constantinopolitano* magis quàm *Romano* Imperio adhæsisent : adeo quod tantum apud Imperatorem ejus Patriarchæ verba valuerunt, ut *Pipino* filio *Italiæ* Regi scribens *Venetos* bello agitari opprimique jussit. Ducens itaque in *Venetos* *Pipinus* *Eracliam* terrestrem unicam illorum civitatem, cujus locum nunc *Civitatem novam* appellatis, & *Equilium* ejus civitatis oppidum invasit. Sed cives, qui ea loca frequentissime inhabitabant, campestribus locis suis munitioribus diffisi patriam deferentes cum liberis & uxoribus *Venetias* commigrarunt : nec alia fuerunt loca, unde major numerus familiarum *Venetorum*, qui nunc extent, originem traxerit : quandoquidem ad centum familias, eorum præsertim, qui nunc patricii sunt, *Eracliam* *Equilium*que deseruisse *Aquilejensis* ecclesiæ asserunt monumenta. Brevis tamen post *Uolerius* & *Beatus* *Venetorum* Duces, *Joanni* & *Mauritia* suffecti *Teodovium* delati, *Carolus*que Imperatorem allocuti cum eo foedera amicitiamque junxerunt. Sed *Niceta* Patricius à *Niceforo* Imperatore *Constantinopolitano*, cum ingenti classe in *Adriaticum* missus, *Dalmatas* primo, post *Venetos*, abjectis cum *Carolo* Imperatore foederibus recedere compulit : qui *Venetias* veniens, paucos ibi menses moratus inducias cum *Pipino* in paucos menses constituit. Quibus vix dum finitis *Pipinus* majore quam antea apparatu terra marique movit : gestumque est bellum illud memorabile, in quo illata Regi clades *Canali Orfano* nomen dedit : sed majori indigeret hæc historia volumine. Capita itaque illius satis fuerit commemorare. *Paulus* gente *Ciuranus* obsessæ urbi cum classe subvenit, paxque inter *Niceforum* Imperatorem & *Pipinum* Regem constituta est : in cujus foedere *Venetis* concessit Rex *Italicus*, ut immunitatem, qua à *Carolo* genitore donati fuerant, retinentes, *Nicefori* partium bello paceque censerentur. Eaque constituta pace *Veneti* publico omnium insularum consilio sedem à *Methamauco* translatam in *Rivoalto* manere, & quod *Rivusaltus* esset civitatis nomen, constituerunt, palatiumque quod nostra ætate superbis est ædificiis auctum, apud *Theodori* sacellum tunc primum fundare cœperunt. Pariterque eodem anno quia in *Olivolensi* insula littori proxima castellum fuerat, Episcopi sedem ibi constitutam appellant cum tota diœcesi *Castellanam*. Tria paulo post in orbe terrarum maxima sunt audita. Primum dictu leve malos postea successus habuit. *Saraceni* enim primam omnium *Italiæ* urbium *Centumcellas* urbi *Romæ* proximas spoliarunt. *Carolus* deinde Imperator vir excellentissimus obiit. Tertio loco *Saraceni* quatuor tunc primum tyrannos admiratos nomine habere cœperunt, quo-

*Carolus Magnus.*

*Veneti suis legibus vivunt.*

*Mauritius Dux.*

*Pipinus Rex Italia. Eraclia.*

*Equilium.*

*Niceta Patricius. Dalmata.*

*Canalis Orfano.*

*Rivusaltus. Palatium Venetorum. Olivolensi insula.*

rum unus *Ægyptum* & *Apbricam* occupavit, duo *Hispanias* inter se partiti sunt, & quartus *Palestinam* ac *Syriæ* loca cepit. Isque per *Gregorii* Pontificis *Romani* edictum, qui fuerat tituli *Sancti Marci* Cardinalis, sacrosancta *Palestinæ* loca obsœone foedata à nemine *Christiano* adiri permisit. *Maurique* in *Siciliam* classe delati late incendia commiserunt. Nec scivit potuitque *Michael* Imperator *Constantinopolitanus*, tantis malis aliter providere, quam quod *Venetis*, ne mercimonia occidentis in *Asiam* perferrent, inhibuit, & aliquot onerariarum navium triremiumque præsidia *Siculis* à *Venetis* afferri curavit : eratque per id temporis *Venetiarum* Dux *Iustinianus Particius*, anno cujus secundo Ducatus *Beati Marci* Evangelistæ corpus *Venetias* est translatus. Et eo, qui secutus est, anno conditæ urbis *Venetæ* primo septuagesimo & quadringentesimo, ecclesiæ, quæ nunc extat, *Sancti Marci* *Venetis* ædificari cœpta. *Iustinianus* enim Dux ea auctus gloria *Sancti* Evangelistæ Ducatus sui temporibus in urbem adducti à populo *Veneto* impetravit, *Joannem* fratrem suum, qui apud *Constantinopolim* exulabat, in patriam revocari, & sibi in consortem Ducatus dari. *Michael*que Imperator audiens *Saracenos* *Siciliam* invasisse, per *Joannem* in patriam reducem, & Ducem creatum à *Venatis* petiit, ut classe *Siculis* opem ferrent. Dumque classis à *Venetis* concessa armatur, dum navigat, dum *Siculis* laborantibus se ostentat, *Sancti Marci* ecclesiæ à *Joanne* Duce populi gratiam eo in negotio aucupante perfecta est. Anno, qui secutus est, *Saracenis* *Siciliam* iterum *Tarentum*que Duce *Sabba* Regis *Maurorum* præfecto, obsidione prementibus, *Theodosius* Imperatoris *Constantinopolitani* classis præfectus copiis, quas e *Græcia* ad duxerat, diffusus ad *Venetos* se contulit. Et *Petro Toverdenico* ac *Joanne* ejus filio *Venetiarum* Ducibus, *Spatarii* dignitate, quæ tunc erat omnium illius Imperii maxima, ornatis ab ea republ. impetravit sexaginta triremium classem à *Venetis* armari : auctusque tanta classe *Theodosius* non prius inchoata in portu *Venetiarum* velificatione destitit, quàm Sinum attigit *Tarentinum*. *Sabbas* vero *Saracenus* quamprimum eam omnem *Christianorum* classem *Adriatico* emenso in Sinum *Tarentinum* flectere intellexit, sive quia timuerit, sive quia timoris simulationem rebus suis conducere sit arbitratus, obsidionem solvit, & ad *Crithonitarum* littora repente navigans, *Christianis*, quid facturus esset, dubium fecit. Sed ea in magnarum classium propinquitate cum leviter per occasiones committerentur certamina, ad prælium vel invitis utriusque exercitus præfectis est ventum, quod quæ partium inchoasset, utriusque classis Duces ignorare visi sunt : fractis eo in prælio & fugatis *Christianorum* copiis, in *Venetos* pugnæ intentiones magna ejus cladis calamitas cecidit. Nam omnes eorum naves vel mersæ vel captæ sunt : militum vero paucis in barbarorum potestatem factis, reliqui aut enecti, aut ad internecionem fuerunt occisi. *Theodosius* autem Præfectus parte navium, quas e *Constantinopoli* duxerat, amissa, salutis suæ fuga consuluit. Ea elati victoria *Saraceni* in *Dalmatiam* ducentes *Austrense* oppidum vi captum spoliarunt. Forte tunc *Venetorum* naves mercimoniis onustæ à *Syria* reduces visa *Saracenum* classe in Sinum secesserant *Tergestinum* : quas casu inventas & fugam molientes barbari intercepterunt, odioque usi, quo *Venetum* persequabantur nomen, mortales in illis repertos ad unum trucidarunt. Exinde ad oram *Italiæ* flectentes *Anconam* vi captam spoliataque incenderunt. Ad annos inde plus minus viginti *Saraceni* *Alexandriam* incolentes, *Cretam* insulam aggressi, ea omni ditione potiti sunt, quorum pars maxima

B

C

D

E

F

276

*Mauri.*

*Iustinianus Particius Dux.*

*Joannes Dux ere- asur.*

*Theodosius Imperator.*

*Sabbas Saracenus.*

*Calamitas Venetorum.*

*Sinus Tergestinus.*

*Cretain- sula.*

in



in *Italiam* navigans, omnes urbes in Sinum *Adriaticum* ad *Ancone* Hydruntum vergentes, vel occupatas tenuerunt, vel fugientibus habitatoribus desertas incenderunt. Nec fuit, qui tantæ *Itolorum* calamitatis aliquam tulerit opem, præter *Venetos*, qui Duce *Urso Particiaco* illos exposita Sinui *Tarentino* vastantes classe adorsu fuderunt, & *Italia* expulerunt. Eo denique anno alii *Cretenses Saraceni* in *Dalmatiam* sunt delati, & non solum exposita mari loca, sed facta plerisque in locis exscensione mediterranea vexaverunt. Qui *Gradum* usque delati oppugnaverunt diu, urbe ideo non sunt potiti, quia *Veneti* vicinæ urbis periculo exterriti laborantibus præsidium attulerunt, & fugatos inde *Saracenos* mari quoque supero expulerunt: in cujus fortissimi facinoris gratificationem *Basilii* Imperator *Constantinopolitanus* apochryfarius *Dalmatiam* administrans *Ursu* *Particiacu* Duce *Venetum*, Protospatarium declaravit. Isque Dux accepti muneris gratias relaturus campanas duodecim magni ponderis *Basilio* Imperatori dono misit, eaque campanas constat primas fuisse, quas *Græcia* alicubi habuerit. Sed & alia barbaries per *Tertii Sergii* Pont. Rom. tempora *Italiam* est aggressa. Namque *Ungari* per viam *Forjulii*, quam malo nostro ab initio mundi Deus patefactam barbaris reliquit, *Italiam* ingressi sunt. Opposuit vero sese illis *Berengarius* Imperator *Romanus* ad ipsum *Forjulii* limitem cum quindecim millibus armatorum, & manu conferta fractum fugatumque amiserunt exercitum: tum furentes *Ungari* cæde, incendiis & rapinis cuncta vastantes *Tarvisum* pervenere, eaque expugnata urbe ultra progressi omniaque vastantes, per quæ facerent iter, *Mediolanum* invadere constituerant. tum exciti opulentia urbis *Venetiarum* fama jam tunc ingenti signa convertentes in eam duxerunt: & lembis tumultuarie fabricatis, quorum asseres pellibus conglutinantur, *Civitas nova* capta ad primum impetum est incensa. Exinde *Ungari* per littorales insulas debacchati *Equilium*, & ad alteram partem *Caput aggeris Clugiam*que populati sunt. Fuit vero animus *Rivumaltum* & *Methamaucum* primarias ejus urbis insulas invadere. Sed alia erat tunc ejus urbis forma, alia munitio: namque *Petrus* cognomento *Tribunus* Dux quamprimum eam gentem *Pannonia* movisse audiverat, urbem *Venetiarum* à rivo *Casselli* ad ædem *Sanctæ Mariæ* in *jubanico* appellatam muro cinxerat: *Canalem* vero, quem *magnum* dicunt, ferrea clauferat *catena*, cujus capita unum in *Sancti Georgii*, alterum in *Sanctæ Mariæ* prædictæ ædibus firmabantur. Cum itaque *Ungari* à *Clugia* moventes littus, quod contra *Methamaucum* est, cepissent, ut inde *Methamauco Rivo*que alto per *Albiolam* potirentur, *Veneti* *Petro* *Tribuno* Duce per arma illis resistere perrexerunt, pugnatumque est variis in locis, per quæ barbari multitudine freti irrumperere conabantur: & cum eo in certamine vano aliquot diebus laboratum esset, tandem ipso natalis *Petri* & *Pauli* Apostolorum die, *Ungari* victoriam desperantes re infecta profecti sunt. Sensit per id temporis clades *Italia* inauditas. Dum enim *Ungari* *Venetos* infestant, *Saraceni* *Montem* occupare *Garganum*, quem multis annis undique tenuerunt: & *Ungari* à *Venetis* in *Heiruscos* delati, eam commissis regionem summa & alias inaudita impietate cædibus, incendiis, & rapinis prope destitutam desertamque reddidere. Omnes enim mortales foeminas æque ac mares, qui cædibus superfuerant, aut fuga prolabi nequiverant, in *Ungariam*\* adduxere. quin etiam anno, qui secutus est, conditæ urbis *Venetæ* LXXXV. & quadringentesimo *Saraceni* *Aphricam* *Genuam*que urbem ceperunt, in quam maxima usi sunt sævitia. Urbe enim spoliata, & his, qui arma ad defensionem in-

duerant, primo impetu cæsis, omnes pariter puberes latebris eductos trucidarunt: rediturque in *Aphricam* mulieres omnis ætatis & impuberes masculos cum facta præda navibus impositos asportarunt. Sed jam sensim ad aliena prolapsus sum, ad res *Venetas* redeamus. Per *Agapiti* Pont. Rom. tempora *Albertus* *Berengarii* Imperatoris filius, apud *Ravennam* constitutus *Venetos* mercatores multis affecit incommodis. *Comaclensium* enim navigio, quod illi haud quaquam tenue habebant, fretus mare vestrum latrociniis tenebat infestum. Id cum *Veneti* diutius pati nec possent nec vellent, in *Comaclum* delati oppidum primo impetu captum, & naves simul *Comaclensiam* incenderunt. Forte paulo post *Petrus* cognomento *Candianus*, *Venetiarum* Dux, *Petro* filio, ut sui Ducatus consors omnia secum administraret impetravit. Isque *Petrus* genitori ingratus cum in eum conspirasset, in exilium est actus. Qui adolescens acris ingenii ad *Berengarium* *Albertum*que accessit: & cum forte XII. onerariæ naves vi tempestatis in primarium *Padi* ostium actæ essent, eas *Petrus* *Alberti* consilio præsidioque fretus intercepit. Et patre paulo post vita functo in patriam à *Venetis* reductus Dux est factus. Omitto nunc multas *Italiæ* calamitates, ut ea, quæ vestra sunt propria, enumerare possim potius quam describere. Ad annum vestræ urbis conditæ secundum quinquagesimum & quingentesimum *Saraceni* bipartito exercitu *Italiam* ingressi, hinc *Capuam* ceperunt, inde *Barrum* terra marique obsederunt: cui *Petrus* *Urseolus* vester Dux anonna importata subvenit, nec tamen solverunt obsidionem *Saraceni*. Quare cum essent *Constantinopoli* nunciata ea, quæ Dux *Venetiarum* fecerat, *Gregorius* imperialis Catipanus, id magistratus est nomen, cum classe in *Adriaticum* venit: qua *Venete* conjuncta itum est in *Saracenos*, de quibus superatis, cæsis & expulsis Dux vester triumphavit. Eo qui secutus est anno, *Adrie* civitatis, à cujus vicinitate superum mare nomen accepit, incolæ major tunc populus quam urbis vastitas tunc tolerasse videatur, *Venetorum* fines vastarunt: quibus *Otto* *Urseolus* *Venetiarum* Dux, *Otto* *Urseoli* defuncti filius, apud *Lauretum* *Pado* & *Athesi* vicinum occurrens conflixit, & superati *Adrienses* brevi pervenerunt ad eam opum tenuitatem, in qua eos obsorduisse videmus. Nono postea & XX. ac sexcentesimo vestræ urbis anno *Robertus* *Guiscardus* vir celeberrimus, ductu cujus regnum primo est constitutum, quod appellamus *Siciliæ* *citra Farum*, *Dyrachium* urbem terra marique premebat. *Nicephorus*que Imperator *Græcus*, quod per se ipsum nequisset, *Venetos*, ut pressæ urbi præsidium afferrent, oravit: qui *Dominico* *Sylvio* Duci suo, ut triremium onerariarumque navium classe educta Imperatori satisfaceret, publico consilio permiserunt: Duxitque in *Guiscardum* *Sylvius* classem, quam finis ostendit ingentem paratissimamque fuisse. Namque *Normannæ* congressa classi victoriam sed cruentissimam obtinuit, & mare *Dyrachinis* redditum est apertum. Post aliquot inde annos *Robertus* *Guiscardus* imperium ambiens *Constantinopolitanum*, quod *Alexius* Imperator pessimus invaserat, classem superiore majorem eduxit. *Veneti* non magis ut roganti *Alexio* satisfacerent, quam quod *Robertus* potentiam, si augeretur, libertati suæ ducerent formidabilem, classem pararunt spe *Alexii* ampliore, quæ item *Sylvio* Duce alto mari *Guiscardo* congressa est: & fractis fugatisque *Venetis* *Alexianisque*, qui advenerant, *Guiscardus* *Dyrachium*, *Dominicus* Dux *Venetias* de fuga te contulit, quem inde Patres in carcerem conjecerunt: *Vitalisque* *Falero* illi suffectus reparatam illico classem ad *Alexium* duxit. Qui Imperator *Guiscardo* ad Sa-

Agapitus Pontifex. Albertus Imp.

Comaclum.

Petrus Candianus Dux.

Saraceni Italiam ingressi.

Adriensis civitas.

Otto Urseolus Dux.

Robertus Guiscardus.

Nicephorus Imperator.

Alexius Imp.

Vitalis Falero.



sum congressus fractusque & fugatus imperium amisset, nisi *Robertus* brevi post febre & caumate per mensem Julium correptus apud *Casopam* insulam interisset. Inchoata est paulo post gloriosissima omnium expeditio, quam beatus Pontifex Romanus *Urbanus Secundus* in *Claramontensi* concilio decrevit, ad quam *Veneti* classem ducentarum omnis generis navium Præfesto *Michaële*, Vitalis *Michaëlis* vestri Ducis filio, transmiserunt: eaque classis non magis vestra militia quam cruce signatorum ex omni orbe *Christiano* ad vos confluentium plena fuit. *Dalmata*que constat eam navibus militibusque adauxisse. *Pisani* tunc *Veneti* insensu cum triremibus quinquaginta mediterraneum infestabant, id in primis querentes, ut naves *Venetas* casu obvias interciperent. Sive igitur classem *Venetorum Dalmatarum*que sua majorem esse ignorarunt, sive ea fuerunt audacia, ad portum *Rhodiensem* tanto navigio concurrerunt, superatique triremes duo de viginti, & in his milites quatuor millia amiserunt. Sed *Veneti* ob crucis, quod deferebant, signi reverentiam triginta *Pisanis* primoribus in obsides rentis cæteros incolumes cum redditis triremibus liberarunt. Subinde *Lassimiram* vel, ut credo, *Smirnam* *Asiæ* urbem, quæ sex à mari millibus distans tunc recens à *Turcis* diruta fuerat, ea classis cepit: & magni *Nicolai* corpus ibi repertum *Venetias* misit: Ea classis vestra cum *Boglioni Gothifredi* temporibus cæteræ *Christianorum* expeditioni auxilio accessisset, illo ad primi anni captæ *Hierosolymæ* finem mortuo ejus fratri *Balduino*, qui primus Rex fuit, primum usui esse coepit. Cum enim *Ptolomaidam*, quæ & *Accon*, & corrupte *Accia* à nostris est dicta, obsideret, vocata classis *Genuensis* primo, post *Veneta* accesserunt, quas simul fuisse tunc rostratas naves & triremes LXXX. refertur: & pressa mari ac terra *Accon* vigesimo obsidionis die facta est in Regis *Hierosolymæ* potestatem, liberisque duobus his de *Italia* populis privilegia Rex in ea urbe concessit amplissima. De quibus, quod ad *Venetos* spectat, infra diffuse dicemus. Ad annum namque *Venetae* urbis conditæ sexagesimum quartum sexcentissimumque *Balduinus* ejus nominis *Secundus* *Hierosolymæ* Rex, *Primo* suffectus *Balduino*, de quo proxime supra est dictum, *Saracenis* & *Turcis* resistendi spe destitutus *Venetorum* auxilia poposcit, societatem eis in capiendis de terra barbara provinciis urbibusque pollicitus: extareque vidimus, & vos scire non dubito foederum hujusmodi formulam cum *Dominico Michaële* vestro Duce, solenniter conceptam. Sed priusquam classem *Veneti* parare potuerint, *Balduinus* iste *Balach* *Parthorum* Regi *Hierosolymam* impetenti temere congressus cum magna procerum militumque *Christianorum* parte captus *Chairum* in carcerem est perductus. Id cum *Secundus Calixtus* Pontifex Romanus intellexisset, & forte tunc *Lateranense* Concilium celebrabat, *Venetos* oravit & sua impulit auctoritate, ut difficillimis *Christiane* expeditionis rebus in *Asia* subvenirent. Erat per id temporis *Hierosolymis* Patriarcha *Varinundus*, vir non magis doctrina & religione quam animis & prudentia conspicuus, cui *Balduino* capto *Hierosolymæ* & regni administratio à *Christianis* fuerat demandata. Qui & ipse sicut Pontifex Romanus ad *Venetos* mittens foedera cum *Balduino* icta illis confirmavit. *Dominicus* itaque *Michaël* classem adducens potentissimam ad annum salutis secundum & vigesimum supra centesimum & millesimum in *Asiam* navigavit. *Jacobus*que Theologus *Genuensis*, qui paulo post *Hierosolymis* diu vixit, & à quo hæc sumpsimus, LXX. onerarias naves eam classem habuisse scribit. In qua similis est vero triremes inter & ceteas ac alias minores quam ve-

Cruce  
signati.  
Dalmata.  
ta.

Pisano-  
rum per-  
fidia.

Magnifi-  
centia Ve-  
netorum.

Smirna  
civitas  
Asiæ.

Gothifre-  
dus Bog-  
lioni.

Hierusa-  
lem.

Genuen-  
ses.

Baldui-  
nus Se-  
cundus  
Rex.

Conci-  
lium La-  
teranense.

stra habent monumenta naves fuisse c.c. Interea 279 *Varinundus* Patriarcha, quo die certior est factus *Dominicum* *Venetiis* solvisse, omnes copias, quotquot *Hierosolymis* educere potuit, ad *Joppen* duxerat: quam *Hierosolyma* proximior cæteris maritimam urbem *Babylonica* septingentarum navium classis arcta & periculosissima obsidione premebat. Impetum, quem *Venetus* Dux in barbaram classem fecit, improvisum fuisse crediderim, quod *Genuensis* scriptor æque ac *Venetus* auctores sunt, barbaros illico profligatos fugatosque magna ex parte captos fuisse. *Joppe* liberata jussit Patriarcha omnibus *Christianorum* copiis terra marique in *Tyrum* iri, quam urbem omnium præter *Hierosolymam* & *Antiochiam* *Asiæ* potentissimam *Christiani* ad id temporis expugnare nequiverant. Ea tamen summis barbarorum conatibus aliquamdiu defensata, tandem multo, ut *Genuensis* verba imitemur, *Venetorum* sanguine capta & *Hierosolymæ* regno addita est. Concessum vero *Veneti* à *Varinundo* Patriarcha, & postea à *Balduino* Rege pecunia redempto confirmatum, quod vidimus ipsi privilegium, minora habuit quam quæ concedentibus in tanti beneficii præmium fuerint onerosa. Namque *Balduinus* hic *Secundus* eo primo confirmat, quæ *Primus* alter *Balduinus* Rex *Veneti* in acceptorum principio expeditionis beneficiorum præmium in hanc maxime formam in ecclesia *Sanctæ Crucis* apud *Achonem* altero concesserat privilegio: Haberent *Veneti* omnibus in urbibus *Hierosolymæ* & primatus *Antiochiæ* propriam fori jurisdictionem: vicum & plateam particularem, ubi furnum, stateram, cauponas, mensurasque proprias & cætera mercimonia nullis gravati vectigalibus exercerent. Si quis *Venetus* naufragium fecisset, si decessisset intestatus, bona cederent *Veneto* Magistratui. Tum in beatorum Apostolorum *Petri* & *Pauli* festo celebri regius minister ex *Hierosolymæ* ærario trecentos *Bizantios* *Saracenos* perolveret: hisque à primo *Secundus* addidit *Balduinus*, ut *Tyri* *Ascalonis*que urbium, quandocunque in *Christianorum* fierent potestatem, *Venetus* tertiam partem dominio possideret. *Tyro* capta & *Balduino* *Hierosolymam* reverso periculum palam est factum, quod *Christiane* expeditioni maximum imminabat, si ea à *Veneti* auxilia non venissent. Namque suffectus Calojohanni *Emanuel* tunc *Constantinopolis* Imperator, qui tantam *Christianis* *Latinis* victoriam sicut & sui prædecesores invideret, *Joppe* obsessa aperta in *Venetos* coeperat machinari, quos à ferenda *Christianis* ope cupiebat avertere. Ejus itaque Imperatoris per eam ætatem potentissimi motibus, qui continuabant, territi *Venetae* Reipublicæ magistratus *Dominicum Michaëlem* Ducem suum revocare coacti sunt. Isque probus vir *Rhodum* primo, post *Chium*, Græci Imperatoris insulas spoliavit, gloriosum nactus in *Chio* *Theodori* Martyris corpus, quod in *Sancti Marci* basilicam delatum in capella insigni servatur, quam *Narsetem* *Cartularium* ædificasse docuimus. Ductis inde apud *Chium* hibernis *Dominicus* Dux, *Samus*, *Mytilenas*, *Andrum* & alias de *Emanuelis* imperio insulas spoliavit: occupatoque *Morbonico* & præda ibi facta inter suos divisa urbem communivit: eademque classis in patriam reditura, *Spalatum* & *Tragurium* Regis *Ungarorum* urbes, quod & ipse *Veneto* inimicaretur nomini, vi cepit, quas urbes *Veneti* hucusque possident. *Dominicus* vero Dux celeberrimus tantis rebus intra trigessimum quam profectus erat mensem felicissime gestis in patriam est reversus. Immorati diu sumus in recensendis ordine gestis à *Dominico Michaële* rebus quidem maximis: sed eo plurimi à vobis & vestra Republica faciendis, quod jacta sunt tunc vestrae amplitudini fundamenta. Nam tunc

Joppe ci-  
vitas.

Tyrus.

Privile-  
gium Ve-  
netorum.

Rhodus.  
Chium.  
Corpus  
Sancti  
Theodori.

Samus.  
Mytilen.  
Andrus.

Spala-  
tum.  
Tragur-  
ium.



tunc primum extra portum & littora vestro Ducatu comprehensa aliquid domini urbs *Veneta* habere coepit. Idque, ut docuimus, maximo gravissimoque Pontificis *Romanorum* & *Hierosolymæ* Regis consensu, ac totius orbis *Christiani* applausu factum esse gloriosissimum vobis, ac felicissimum ducere ac existimare debetis. Nec parvo postmodum Reipublicæ decori fuit *Tertii Alexandri* Pontificis *Romanorum* ad vestram civitatem accessus. Eum enim primo vigesimo & septingentesimo *Venetæ* urbis conditæ anno venisse constat, ut promissam ex foedere pacem cum *Federico Primo Barbarossa* Imperatore *Romano* vestris auspiciis, vestro concluderet interventu. *Sebastianus*que *Zianus* Dux vester cum binos orbis *Christiani* Principes ea pace solenniter constituta, *Federicum* primo *Ravennam* usque, & post *Alexandrum* Pontificem longiore aliquantisper navigatione profectus fuisset, eodem anno tanta auctus gloria est defunctus. Cumque paucos post annos *Tertius Clemens* Papa *Federicum* antedictum Imperatorem, *Philippum* Regem *Francorum*, *Ricardum* Regem *Angliæ*, *Oddonem* *Burgundiæ* Ducem, ut laborantibus in *Asia Christianorum* rebus subvenirent, impulit: admoniti ab eodem Pontifice *Veneti* per *Henrici Danduli* Ducatus tempora classem, cui *Ravennas* Archiepiscopus Pontificis legatus præfuit, paravere. Primos vero & omnium pro tempore utilissimos ea expeditione ex *Italia Venetos* habuit, & qui se eis addiderant, *Pisanos*. Nam *Clementis* Papæ edicto palam facto, *Bela* *Ungariæ* Rex *Venetique* ut terræ sanctæ opitulari possent, pacem utrinque diu denegatam pari facilitate invicem concesserunt, & conjunctas in *Adriatico Venetam Pisanamque* classes magna vis *Italiæ* nobilium militumque est ingressa, quibus *Tyrum* delatis & in urbem expositis perterriti prius ac pene desperantes in illa *Christiani* respirare coeperunt. Perseverarunt hæc classes triennio rebus *Asiaticis* intentissimæ. Cumque navium reparatione & militum Regumque supplementis permaxime indigerent, sicut simul iverant eodem tempore, sed nequaquam simul aut eadem, cum qua iverant, amicitia littoribus *Asiæ* sunt profectæ: quin bellum utrinque mutuum in patriam est relatum, quod malo *Pisanorum* successu prius terminatum penè quàm gestum est. *Pisana* enim classis *Polam* delata *Lefinam* urbem *Venetis* tributa pendentem cepit, apudque eam hiberna egit. Et *Henricus* Dux *Venetus* hanc classem in patriam reducem exarmavit: inde novam triremium decem, navium sex cetearum raptim armatam emisit. Qua *Polam* ducta & urbs vi capta, & *Pisanorum* pars classis reliqua incensa est: partem enim classis maximam *Pisani* revo-carunt præsidio occursuram sex eorum navibus onerariis, quæ mercimonia à *Tanai* fluvio & mari *Pontico* advehebant. *Venetique* *Polæ* muro ita aperto dirutoque, ut in eam ultra *Pisanis* receptus esse nequiverit, *Mothonum* urbem suam in *Peloponneso* se contulerant, apud quam *Pisanis* aperto venientibus pelago congressa classis *Veneta*, & præsidium repulit male habitum, & duas ex ipsis sex mercimoniis plenas intercepit: paxque brevi maximo cum *Pisanorum* damno composita est. Sequitur in primis gloriosa *Venetis* expeditio. Anno conditæ urbis quarto quadagesimo septingentesimo *Bonifacius* Marchio *Montisferati*, *Baldwinus* Comes *Flandriæ*, *Henricus* Comes *Sancti Pauli*, *Ludovicus* Comes *Sabaudia* *Venetias* advenerunt nulla alia ratione, quàm ut via ad *Constantinopolim* per varios pridem in *Germania* & nuper in *Constantinopoli* exortos motus interclusa, à *Venetis* opem peterent transmittendis in *Asiam* copiis, quas *Christianorum* subsidio ducturi erant: pactique erant cum *Henrico Dandulo* Duce, quales quotque na-

ves habere, quantum pro naulo dissolvere deberent, quingentos & quatuor millia equites & octo millia pedites & commeatus necessarios traducturi. Militibus vero suis ad edictum tardiuscule convenientibus protracta est diutius opinione sua *Venetis* mora, ut æstate jam in autumnum vergente pecunias hi proceres expectando consumptas à *Venetis* mutuas capere sint compulsi. Forte per id tempus *Iadera* quintum à *Venetis* ad *Ungaros* defecit, cujus recipiendæ cura Ducem *Henricum* & *Venetos* adeo urebat, ut navigium importuno tempore poenituerit proceribus promississe, quam ut revocarent promissionem nullo abduci incommodo patiebantur: cum melior in re ardua ac difficili consultantibus occurrit sententia, dandas scilicet esse dono petitas majoresque proceribus pecunias, si inita societate illis in recipiendis *Dalmatiæ* urbibus oppidisque rebellibus Reipublicæ opem afferre animum induxissent. Itaque sunt in annum foedera educendas esse à *Venetis* in expeditionem triremes LX. & præter *Dalmatiam* quicquid urbium, oppidorum, insularumque, & omnifariam prædæ caperetur, æquis inter utrosque portionibus dividendum. *Henricus* itaque *Dandulus* *Venetorum* Dux cum expedita triremium classe primus omnium idibus *Octobris* solvit, cæteri postridie sunt secuti. Quam classem præter armatas jam Ducibus dandas *Urseriosque* quibus equi deferuntur viginti centum, ac onerarias naves LXX. habuisse constat: primumque *Tergestini* & *Mulgenses* mare latrociniis infestantes domiti, & *Venetis* tributarii sunt effecti. *Iaderam* vero delati diutius ad eam sua opinione sederunt, quam sæpe oppugnatam multis laboribus & multo sanguine fuso receperunt. Et quia ejus, quæ ter jam quaterque rebellaverat, respectu liberari voluerunt, *Veneti* muros urbis in mare versus aperuerunt. Actumque est inter socios, ut hyssem plane inchoatam & crebris jam sævientem tempestatibus ibi agerent: quare *Iaderenses* quique ditiores & urbis Primores *Venetorum* clementiam desperantes sponte migrarunt. Interim *Alexius* puer *Isaac* *Constantinopolitani* Imperatoris filius, *Alexii* patris sui fratricidæ manibus elapsus *Iaderam* se contulit, consilio fretus nonnullorum Procerum paternæ amicitia, à quibus *Venetias* ducebatur: petentem vero afflictis rebus opem & multa pollicentem *Alexium* focii bello exaudientum duxerunt: suntque in hac maxime forma foedera constituta. Restitutus in patriam *Alexius*, Imperatorque aut solus aut cum patre, si superstes in carcere inveniretur, constitutus *Græcanicam* ecclesiam & religionem *Romanæ* ecclesiæ ac ritui *Catholico* subiceret: pro damnis insuper, quæ tam *Venetis* quàm *Francis* ubique constitutis *Emanuel* Imperator pridem intulerat, triginta millia auri marchas dissolveret: Principibus vero expeditionis nauli impensæ satisfacerent, qua erant *Venetis* obligati. Solveruntque à *Iadera* ad veris initia bello focii perpetuo cursu *Constantinopolim* petitori. Et *Iaderenses* patria profugi piraticam ubique in *Liburnis* patria sua *Histrisque* finitimis infestissimam exercuerunt, in quos nova à *Venetis* educta classis, & præsidium *Iaderæ* imminenti insulæ impositum est: Cui *Malconseglio* indicta est appellatio: quod quidem præsidium *Iaderenses* patria extorres opibus *Ungariæ* Regis freti triremibus decem apud *Cajetam* armatis diruerunt. Quamobrem novam atque ingentem *Veneti* classem parare coeperunt. Id cum *Iaderenses* rescissent pacem à *Venetis* suppliciter petitam impetrarunt, ut datis obsidibus primatum filii in patriam reverterentur. Classem interim bello sociam *Bosphorum* ingressam ad *Margaria* locum *Galathis* è regione oppositum haud longe à *Constantinopoli* distantem remorata est catena,



Cretenses.

quam *Alexius* fratricida densissimam praesidiis ad utrumque latus tetenderat communitam: ad quam dum tentus esset exercitus, *Cretenses* duabus vecti triremibus publico consilio insulam *Alexio* puero dederunt, quae ille *Bonifacium* Montisferati Marchionem paterna sibi avitaeque affinitate conjunctum donavit: catenaeque interim non prius perrumpi potuit, quam aquilone navis cetera vento impulsae validissimo est immissa: forfexque simul immensus illam eodem juvante impetu succidit. Ea superata peregrini: nam eo se nomine totus exercitus appellabat: urbi appropinquant, proceresque terrestres copias ducentes primi exscensione facta ad urbis moenia portasque ferri coeperant, cum *Theodorus Lascara* adulterini Imperatoris gener, & copiarum ductor eruptione facta impetum fecit: & praedium utrobique cruentum & atrox commissum est. Tandemque *Græci* intra moenia est repulsus. Eodemque tempore classis *Veneta* ad portum urbis circumacta est, quam & catena item altera retardavit. Eam enim inclusae triremes viginti pro viribus defensabant. Continuato tamen perpetuo duorum dierum praedio, & scissa est forfice catena, & in portu triremes vacuae: nam *Græci* in terram profugerant: sunt inventae. Portu capto peregrini partitis muneribus illi terra portas, hi de navibus moenia perpetuis agitare oppugnationibus constituerunt. *Venetique* vineas ad promurale in portum vergens quam proximas adegerunt: binis insuper navium malis superne ad caveas colligatis pontes impositi sunt, de quibus muros altitudine superantibus oppidani sagittis catapultisque & fustibalis feriebantur: quin etiam ignis de pontibus caveisque navium in proxima continuantiaque moenibus urbis aedificia saepenumero jactus est: qui tandem amplissima corripens aedificia latissimum commisit incendium, ut eo territi metu, crebris insuper icti vulneribus murorum defensores eos linquere sine coacti, quos scalis innixa juvenus *Veneta* occupavit. Ad eumque tumultum in urbe concitum *Alexius* fratricida territus nocte concubia fugiens ingentem thesaurum, qui postea rescitus est, apud *Hirenam* filiam virginem in monasterio defossus liquit. Ea perdit viri fuga per urbem vulgata *Isaac* caecus carcere eductus & puer *Alexius* maximo populi favore patentibus portis in urbem est reductus. Exinde factis utrique Imperatori de more acclamationibus *Isaac* pacta à filio cum peregrinis foedera sponsionesque & pecuniarum obligationem praesente & consentiente populo approbavit: quorum executioni cum probus Imperator *Isaac* gratissime intenderet, morbo ab aëris, ut creditum est, insolentia contracto interiit. Nec segnior illo erat in ostendenda gratitudine puer *Alexius*, quem & satis debito facturum & ingentia etiam peregrinis in *Asiam* trajecturis allaturum apparebat, nisi ingrata & seditio-nibus per eam tempestatem nutrita civitas omnia ejus consilia subvertisset: tumultus enim in populo incertis auctoribus est exortus, & incursum ad imperiale factum convitia in Imperatorem iactata sunt, quod puer ignarus rerum pecuniis avarae & semper antea inimicae genti *Latinae* dandis urbem expilare, ac omnino intenderet exhaurire. Et puer *Alexius* sibi timens prudenti supra aetatem consilio alta inclamavit voce, sese in eorum

282

potestate dirigendis hujusmodi aliisque rebus de cetero permanfurum: haec noctu de prima vigilia fiebant. Mane Imperator consilio paucis communicato ad *Bonifacium* misit *Monteferatensem*: admonuitque atque oravit, ut de tertia vigilia cum armatis cohortibus ad portam, quae clanculum pateret, delatus in palatium advolaret. Fuit ejus consilii constitutique facinoris conscius quidam & ipse *Alexius* cognomine *Murtulus*, quem

A *Isaac* Imperator ex infima plebe in Patricium Protonotariumque, primariam aulicorum dignitatem, extulerat: is malo vir ingenio ad tyrannidem anhelabat. Quare primarios factionum & in plebe audentiores allocutus, tumultum ad primam vigiliam priori similem concitare curavit: quo tumultu vix tunc exorto *Alexium* puerum titubantem, ut in penitiora sordidioraque palatii delitesceret, admonuit, curavitque perductum ad locum à suis satellitibus custodiri: exinde in publicam delatus est aream: & multa concionabundus dixit ostendens praesentem urbis conditionem, imminens ab externa, avara, ambitiosa, & semper haecenus inimica gente periculum, viro non puero indigere: effecitque quod in primis anhelans satagebat, ut inconditis vocibus eum populi pars Gubernatorem, pars Ducem, pars Imperatorem acclamaverit. Secundum quas acclamationes magna stipatus caterva in palatium se proripuit, & puerum *Alexium*, quem datum bis venenum non occiderat, eliso gutture manu propria necavit. Tumultu exinde sedato copias contraxit, quantascunque urbs tunc populo frequentissima dare potuit: & suis jam urgentibus fatis hinc defuncti Imperatoris pueri amicos tollere, inde peregrinos pellere animum adjecit: primum tamen in peregrinos ducendae acies sunt instructae: & accersiti sacerdotes pompam producentes, Iconamque portantes gloriosae Virginis Dei genetricis, quae in sacratio servabatur, divina

C ituris in praedium armatis peregerunt. Secundum quae rite facta eadem Icona in vexillum & pugnae signum praemissa est. Forte impetus primus factus est in *Balduini* Flandrensis Comitatus stationes, quae ad suae legionis tabernacula servabantur. Isque Dux non magis corpore quam animo praesens cum paucis occurrens furentis *Græci* impetum tam diu moratus est, quoad omnis legio arma rapuit. Quae in praedium tota cum irruisset, pseudo Imperator in portam usque repulsus est, Iconaque casu à peregrinis capta parum abfuit, quin tyrannus cum multitudine suorum promurali exclusa fuerit interceptus. Iconem peregrini apud se mansisse in eam acceperunt partem, ut victoriam sibi de perfido hoste maligno homine à Deo sponderi in spem maximam sint adducti. Quare in consultationem est positum, quid plurimi quique majores natu, melioresque censerent à peregrinorum exercitu faciendum: vicique sententia, tollendum esse & dejiciendum tyrannide perditissimum hominem, qui tam multa in se tam horrenda in puerum *Alexium* commisisset. Foederaque primum omnium inter eos hac formula renovata sunt, ut urbis captae atque imperii *Romaniae* urbium ac locorum, quae in potestate fierent, dimidia proceribus peregrinis, altera pars *Venetis* possidenda daretur: urbsque ab his mari, ab illi terra, variatis per duos de septuaginta dies oppugnata est. Et licet magna *Græci* à peregrinis terra pugnantibus incommoda acceperint, muro tamen *Veneti* in portum verso superne de navium malis caveisque sicut alias expugnato priores urbe potiti sunt. Tyrannusque noctis umbra tectus cum pellicibus, uxore & thesauro fugiens evasit. Cives vero hinc ad capti ab hoste muri voces, inde ad tyranni fugam uno atque eodem tempore sunt exterriti. Sed dante ingenium necessitate convocatos in solennem pompam sacerdotes secuti sunt inermes, & crucibus Iconisque ad fidem comparandam praemissis, tenentes murum armatos veniam supplices oraverunt, quae facillime impetrata, portis undique patentibus *Latini* nominis multitudo undique est ingressa. De

E quiete urbi data proceres in consilio decreverunt quindecim viros ex omni exercitu deligendos, quibus creandi Imperatoris deligendique Patriarchae

*Alexii* mors.

*Virginis Dei genetricis* Icona.

*Balduini* nus.

*De eligendo Imperatore* et Patriarcha.



chæ potestas esset irrefragabilis attributa. Quod cum placuisset, id *Venetis* petitiu impetrarunt, nisi Imperator esset *Venetus*, Patriarcham ipsi possent ex arbitrio declarare à *Romano* Pontifice confirmandum. Partitio electorum in hunc maxime modum æquata est, ut quinque viros externi Principes *Flandrensis* & *Sancti Pauli* Comites, totidem *Montisferatensis* *Sabaudiensis*que, reliquos *Venetis* deputarent. *Balduinus*que *Flandrensis* summa concordia sublimatus, & *Thomas Maurocenus* in sacris agens in Patriarcham *Constantinopolitanum* à *Venetis* declaratus est: qui novo Imperatori ex more inuncto diadema imposuit, & brevi post pro confirmatione obtinenda *Romam* ad *Tertium Innocentium* Pontificem se contulit. Ubi vero sunt expeditionis hujusce Principes magna in novum Imperatorem liberalitate. Nam ut onera Imperii commodius tolerare posset, dimidia illum partis eos ex foedere tangentis tam urbis quam provinciarum vectigaliumque & portorum Imperii donaverunt. Inde ad nonam captæ urbis diem *Venetis* classe, cæteri omnes terra recipiendis *Balduini* Imperatoris nomine, provinciis, urbibus, & insulis eduxerunt. Primusque omnium *Bonifacius* *Montisferatensis* & *Henricus* Imperatoris germanus frater, omni *Thracia*, quæ *Adrianopolim* & *Constantinopolim* dierum trium itinere, quaqua versum interjacet, mirabili victoriæ cursu potiti sunt, & omnia ut Imperatoris potestate firmarentur, castra duces ad *Adrianopolim* sunt metati. Quam in urbem *Græci* Nobiles & Primores quique *Latinorum* exosi imperium copias contrahebant. Manserat apud Imperatorem *Constantinopoli* *Henricus Dandulus* vester Dux, quo partem quartam Imperii se tangentem certioribus discretam terminis, ac locorum nominationibus innotesceret. Et quia *Ægæi* pelagi (*Archipelagum* nunc appellant) insularum pars maxima, & adjacentes *Creta* & *Aulis*, *Eubœa* nunc *Nigropontus* in ea adnumerabantur quarta parte, classem suam illis primum recipiendis intendere curavit. Sed cum ad *Cretam* est perventum, omnis ea insula in *Bonifacii* *Montisferatensis* potestate pacifica est reperta. Quamobrem Imperator *Balduinus* concordiam in expeditione & foederum publice istorum justitiam conservandi cupidus, *Bonifacium* in *Thessalia* Regem declaratum, ut *Cretam* *Venetis* dimitteret, est hortatus: missique sunt ad castra in *Adrianopolim* firmata cum Imperatoris decreto *Marcus Sanutus* *Patricius Venetus*, & *Rabanus de Carceribus* *Veronensis*, *Venetis* Ducis oratores, qui *Bonifacium* imperialis decreti, quod exhibuerunt, auctoritate Regem *Thessaliæ* appellatum, ut accepta à *Venetis* pecunia quamquam modica jus illis ex *Alexii* pueri extorrisque donatione quæsitum cederet, facile in sententiam adduxerunt. *Thomas* interim *Maurocenus* *Romæ* fuerat, quem *Tertius Innocentius* Pontifex libentiore quam petitiu fuerat animo in Patriarcham *Constantinopolitanum* confirmaverat, quod ea ecclesia tunc vero *Romano* Pontifici subiecta erat. Isque Patriarcha, cum *Venetis* parvo fuisset tempore, *Constantinopolim* ad suam reverti voluit ecclesiam. Cui navigaturo *Senatus Venetus* triremes quatuor *Duci Dandulo* & ejus classi addendas tradidit. Quafretus armatarum triremium occasione Patriarcha, *Ragusum* urbem, quæ à *Venetis* Reipublicæ foederibus desciverat, recipit, & *Dyrachio*, quam *Græci* Imperatores desertam liquerant, instaurato præsidia imposuit. Exceptus verò est *Constantinopoli* Patriarcha summo applausu, quod Pontifex *Innocentius* *Balduinum* Imperatorem à Patriarcha confirmato jusserat auctoritate Apostolica coronari. Eaque dies celeberrimo totius penè *Græciæ* non magis *Latinorum* quam *Græcorum*

A conventu latissima fuit. Per annum, qui ab urbe  
Constantinopoli capta tunc finitus erat, quicquid  
Isaac & Alexius fratricida possederant terra &  
mari, unica Adrianopoli excepta, in Latini Im-  
peratoris Latinorumque Procerum potestatem fa-  
ctum erat. Sed perturbavit tantos Latinorum  
successus hinc Balduino Imperatoris, inde Henri-  
ci Danduli Ducis vestri, mors brevi sublecuta, &  
tamen res prospere successerunt. Sed jam hoc  
loco fidem promissi vestrae magnitudini super-  
gressus sum, qui penè historiam non breviarium  
hac una in parte descripsi, quod ab ea expeditione  
magna amplitudinis vestrae, quam nunc etiam  
obtinetis, pars originem habuit. Nec erant tunc  
vestrorum imo publicorum Christiani nominis hos-  
tium Saracenorum vires imminutæ, quin potius  
solito potentiores toto orbe effecti erant, excepta  
Italia, cui unica à vestro potentatu, & Regum  
Siciliæ tunc etiam potentium & bene Christiano-  
rum metu manum injicere formidabant. Ad an-  
num enim Tertii Innocentii Pontificis prædicti  
tertium Ilmamolinus Saracenorum Africam in-  
colentium Imperator, quem Tunicæ Regem Sol-  
danumque appellarunt, ingentes in Europam tra-  
jecit copias, primaque ad Toletum fixit castra, Toletum.  
& inaudito victoriæ cursu utramque Hispaniam Hispania.  
pervagatus latissimis omnia incendiis populationi-  
busque fœdavit, adeo ut hinc Arelatum, inde  
Avinionum Gallicas urbes illud idem afflaverit in-  
cendium. Avinio-  
Henrico interim Imperatore defuncto num.  
fratri Balduino apud Constantinopolim, & Petro  
Ziano Veneto in Ducem suffecto, crescebat in Petrus  
Latinorum manibus Imperium Romanæ. Impe- Zianus  
rator enim Adrianopolim agitabat, cujus & Græ- Dux.  
ciæ Imperii nomen Vatari occupaverat: & Dux  
Venetus liberum suis fecerat, ut præter majora  
Reipublicæ reservata ea, quæ cives Veneti cape-  
rent, sibi ipsis propria retinerent. Primique  
omnium Marcus Dandulus & Iacobus Viaderus  
Gallipolim ceperunt. Marcusque Sanutus & con-284  
fœderati secum aliquot cives, Naxo, Paro, Me-  
la, Herinea: eodemque tempore Marcus Dandu-  
lus Andro & aliquot Ægæi pelagi insulis sunt po-  
titi. Rabanus vero de Carceribus Veronensis &  
nepotes Euripium: Andreas & Henricus Glisi Ti-  
nas, Micholas, Schyron, Scopulum & Schy-  
atam: Philocalus navigator Stalimenum sibi do-  
minio subegerunt: per quod item tempus classis  
Venetorum unius & triginta triremium persequen-  
dis piraticis missa Corcyram, nunc Corphu dictam,  
& eodem victoriæ cursu Mothonum & Coronum  
Reipublicæ rebelles subegit. Dominicusque de  
la Rosa Campanus ex Gallia reliquiis Athenarum  
& omni Achaia potitus est, nec tamen deerant  
Græci in latrocinia cœnantes. Henricus namque  
cognomento Piscator, Maleæ Comes, Genuen-  
sium classe fretus, Cretam insulam ut caperet, est  
adnixus. Veneti autem classe viginti quatuor trire-  
mium immissa & suam tutati sunt insulam, &  
quatuor Genuensium triremes interceperunt. Ea-  
que Latinorum apud Constantinopolim victoria,  
animos Christianorum in Asia degentium erexit.  
Annus advenerat conditæ urbis vestrae septimus  
quingagesimus septingentesimusque cum guber-  
nandæ Cretæ rebelles animos ostendenti, & Mo-  
thono ac Corono gubernatores dedistis, qui magi-  
stratus freti sex navibus ceteris & totidem triremi-  
bus patria eductis & Cretam servarunt, & Ge-  
nuensium rebellibus faventium tres naves interce-  
perunt. Quin etiam Rabanus de Carceribus ne-  
potesque cum Nigropontis insula sese vobis feuda-  
tarios subegerunt. Pariter Gofredus de Villa Gal-  
licus, qui in Achaia principatu Dominico de la  
Rosa successerat. Et Michaël Cominos Græcus Pelopon-  
Nobilis, cum Peloponneso, nunc Morea dicta, par-  
nesus, nunt Mo-  
feudum Venetæ Reip. obedientiamque sponde-  
runt.



Creta co-  
lonia Ve-  
netorum.

Iacobus  
Teupulus,  
Dux Can-  
dia pri-  
mus.

Anno autem, qui secutus est, *Veneti* motus *Cretensium* rebellionis compescere cupientes equites ex suis & plebejos pedites eo in coloniam deduxerunt, prædiaque insulæ majora melioraque tum equestri ordini, tum plebejis divisa, primusque pro Republica *Veneta* Dux *Candia* fuit *Iacobus Teupulus*, qui paulo ante, cum præturam in *Constantinopoli* gereret, inducias cum *Vatari* Commينو Græcorum Imperatore *Adrianopolim* obtinente in quinquennium constituerat. Quæ quidem induciæ ab *Henrico* Imperatore pariter fuerant constitutæ. Suffectus *Henrico* mortuo *Petrus Altifiodorensis* ad urbem *Romam* veniens ab *Honorio III.* Pontifice Romano in *Sancti Laurentii* ecclesia, quæ est extra urbis muros, cum *Iole* uxore coronatus est. Isque Pontifex rebus *Romanie* & subsequenter *Hierosolymæ* opem laturus multos excivit cruce signatos, qui cum eo Imperatore *Constantinopolim* se conferrent. *Ioannes* quoque *Columna*, *Portuensis* Episcopus Cardinalis, in ejus expeditionis Legatum Sedis Apostolicæ declaratus est, qui ad nonum coronati Imperatoris diem urbe profectus *Brundisium* se contulit, quo Imperator Imperatrixque accesserunt, omnesque simul *Venetorum* navigio sunt excepti. *Ioannes* nunc Imperator *Venetis* promiserat, si ab eis, qui à *Constantinopoli* detulerunt, cum habito à Pontifice exercitu *Constantinopolim* reportaretur, *Dyrachium* eis recuperare, quam urbem *Theodorus Epirotes* furto dolisque surripuerat. Debellaturus autem *Dyrachium* Imperator, hinc *Iolem* uxorem, inde Cardinalem *Columnam*, *Constantinopolim* iussit accedere, inchoataque est obsidio & oppugnationes per dies pene singulos intentatæ, Sed urbem veteri muro, quem *Venetis* instaurasset, munitam *Theodorus* milite abundans ex *Epiro* fidei facile defensabat, adeo ut Imperator potiri desperans sibi constituerit abeundum. Et quia mediterraneas *Macedoniæ* urbes invifendi desiderio teneretur, petitam inter solvendum obsidionem à *Theodoro* fidei publicæ securitatem accepit. Secundum quam scripto sibi datam ad arctæ annis portum exscensionem in *Macedoniæ* littora primam fecit. Inde ad nemorosa tempe delatus cum ad montium saltus pervenisset silvis tectorum, structas à *Theodoro* Duce insidias incidit, & abductus in teterrimum carcerem est conjectus. *Andreas* per id temporis *Ungariæ* Rex, ab *Honorio* Pontifice in prædictam expeditionem accersitus, jus omne, quod in *Dalmatia* suum ad id temporis regnum habuerat, *Venetis* ideo concessit, quia cum usque ad *Damiatam* cum exercitu amplo navibus detulerunt. Esset hoc in loco dicendum, quo pacto *Constantinopolitanum* ad ruinam tendere cœpit Imperium, quia Imperator conciliatam sibi cum Rege *Exagonarum* à *Venetis* amicitiam noluerit, accepta in uxorem ejus filia, conservare. Sed major est res, quam quæ breviori comprehendi possit. In *Italia* vero per id temporis *Federicus Secundus* Imperator *Germanus*, non minus quàm si *Turcus* fuisset aut *Saracenus*, *Romanæ* Ecclesiæ & *Italiæ* ac *Romano* Pontifici infestus erat. Is repugnare & prælio resistere ausos *Mediolanenses* aggressus. *Petrum Teupulum* *Venetiarum* Ducis filium cepit, & in *Apuliam* missum in carcere occidi iussit. Quamobrem 285 *Gregorium Nonum* Pontificem Romanum, quem ipse persequeretur Imperator, *Iacobus Teupulus* solito attentius exaudivit. Pacemque eo rogante cum *Genuensibus* constituit annis novem his conditionibus duraturam, ut bella uterque populus susciperet, gereretque communia. Nec posset alter sine altero cum *Vatari* Græco Imperatore aliquid attentare, ut utriusque populi navigia amborum simul deferrent insignia. Obtestatusque est Pontifex, quod decreto sancitum pro-

Epirus.

Macedonia.

Andreas  
Ungariæ  
Rex.  
Dalmatia.

Federicus  
II. Imperator.

Petrus  
Teupulus.

Gregorius  
Nonus  
Pontif.  
Iacobus  
Teupulus.  
Pax Genuensium.

A mulgari fecit, partem, quæ hujusmodi constitutæ paci contraria primum faceret, excommunicationem, cujus sententia tunc est lata, interdictumque à sacrificiis incursum. Ea pax aliquin laudabilis vel ea maxime ratione fuit necessaria, ut hi præpotentes *Italiæ* populi, hinc *Federico*, inde *Græcorum* Imperatori *Latinos* apud *Constantinopolim* opprimenti, resistere possent. *Ioannes* enim *Brennus* Imperator ad eos obierat dies, & *Baldwinus* ex decreto acceperat Imperium. *Ioannes* item *Vatari* apud *Adrianopolim* Orientalis appellatus, & alter apud Mare Ponticum *Exagonarum* *Græcorum* Occidentalium Imperatores, partim divisis copiis, partim conjunctis, *Latinos* è *Græcia* ejicere adnitebantur: & *Vatari* continuatum ab *Adrianopoli* usque ad *Sataliam* obtinebat Imperium. Cui suberant aderantque in bellis assidui *Marcus Sanutus* *Ægæi* pelagi, & *Leo Ganala* *Rhodum* insulas tyrannide obtinentes. *Fregerunt* tamen *Veneti* aliquot ante constitutam pacem annis utriusque *Græci* Imperatoris audaciam. *Cretenses* in rebellionem pendentes comprimere cupiens Dux eam insulam pro *Venetis* gubernans *Marcum Sanutum* mercede conductum auxilio advocaverat. Cum accersitus à rebellibus *Vatari* tres & triginta in expeditionem adduxit triremes, & quem solum reperit cum triremibus octo resistentem *Sanutum* in patriam pro doto *Veneto* redire curavit. Obtinuitque tunc de insula *Creta* *Vatari* *Rhetinium*, *Mylopotamum*, & *Rhetinium*. Sed cum ulterius progredi *Græcus* Imperator obsistente *Veneto* nequiret, relicta oppida cum imposito præsidio amisit, tresque de sua classe triremes apud *Cythream* insulam perire naufragio. Tunc educa *Venetiis* ingens classis *Ragusinos*, qui suasionem pollicitationibusque *Vatari* seducti desciverant, data venia in solitam foederationem amicitiamque recepit. Neque vero potuerunt *Latinorum* debilitatem *Veneti* adjuvare, quin *Constantinopolis* tanta belli acerbitate sit pressa, ut *Baldwinus* Imperator *Philippum* filium infantem accepti æris alieni pignus tradiderit mercatoribus. Detractum quoque adium publicarum & basilicarum culminibus plumbum venit: nec erat alicunde auxilium præter opem, quæ multa à *Venetis* suo ipsorum impendio adveniebat. Tandem *Græci* Imperatores rebus elati prospere in *Latinos* patratæ *Constantinopolim* terra marique cinxerunt arctissima obsidione, unde in salutis desperationem Imperator adductus *Baldwinus* *Venetos* suis gravatos periculis magna evicit precum instantia, classem ab illis triremium viginti quinque armandam, cui pro dimidia communis utriusque fieret impensa. Et ne fraudem in solutione periculumve amissi forte Imperii *Venetus* timens impendium recusaret, Imperator dedit pignora omnium pretiosissima lanceam spongiamque, quibus Dominus & Salvator noster hinc potatus, inde vulneratus, & crucis ligni, in quo eam pertulit partem maximam. Immissæque illico *Venetorum* decretæ xxv. triremes expectantem in portu & ipsa urbis mœnia infestantem insolentissimum hostem *Græcum* prælio superarunt, & quatuor & viginti de inimica classe interceptis triremibus *Constantinopolis* obsidione liberata est. Quando etiam *Leo Ganala* Dux, qui *Græcorum* dictæ obsidionis classi præfuerat, eodem die *Rhodum* insulam & seipsum per foedera subjecit. Et hæc quidem *Constantinopolitane* urbis liberatio eodem facta erat anno, in quo pacem *Genuensi* cum *Venetis* Pontifex *IX. Gregorius* esse voluit. Quare Pontifex ipse majora indies adversus *Secundum Federicum* hostem suum tentare dispositus anno vestræ urbis conditæ septingentesimo octuagesimo tertio foedera cum *Venetis* iniit, per quæ classis triremium item

M. Sanutus.  
Leo Ganala.

Rhetinium.  
Mylopotamum.  
Castrum novum.  
Cythera.

Philippus.

Lancea  
Spongia  
Christi.

Constantinopolis liberata  
per Venetos.  
Leo Ganala.

Fœdus  
Pontificis  
cum Venetis.



item xxv. communi ac pari impendio est armata, quam adhiberi voluit Pontifex *Federico* Sicilia expellendo: ob quam injuriam *Federicus* ridiculum *Venetis* bellum intulit. Namque cum exercitu paratissimo *Sancti Hilarii* terram, quæ unica populo *Veneto* Italiæ solo erat, aggressus est, terra quæ *Veneto* subdita *Paduano* agro contigua vix sustinuit operientem sese *Romani* Imperatoris exercitum, in *Bebasque* turrim exiguam, cum non esset terra accessus, convicia sunt jactata. Superveniens interim à *Venetis* cimbarum sagittariis plenarum multitudo, quæ aquas æque ac illi terram compleret, *Federicum* pariter conviciis laceravit. Incubuerunt tunc totis viribus Pontifex *Romanus* & *Veneti* deturbando *Padua* *Ferrariaque* *Eccelino de Romano*, Tyranno omnium immanissimo, subditas, qui omnem quoque *Transpadanam* occupavit *Italiam*. *Iacobusque* *Teupulus* Dux, ad *Gregorium Montelongum* Sedis Apostolicæ Legatum, *Ferrariam* cum classe delatus, eam urbem deturbato per arma *Salinguerra* *Eccelini Romanæ* Ecclesiæ acquisivit, quam idem Legatus *Azoni* *Estensi* attribuit gubernandam. Favebant eo tempore *Pisani* *Federico*, classemque supra centum, ut fertur, triremium in *Genuenses* armaverant ducendam. Quare petitus ex foedere *Venetis* suppetias *Genuensi* afferre curavit, classisque triremium sexaginta, Præfecto *Andrea* *Teupulo* Ducis filio, subito est educta: quæ prima velificatione *Polam* delata, eam civitatem, quæ in suam triremem jussa non dederat imperatam pecuniam, & muro alicubi aperto punivit. Continuata exinde navigatione *Teupulus* *Diracium* est delatus: ubi à nuntio in id misso certior est factus, *Federici* & *Pisanorum* classem à *Genuensi* apud *Corsicam* fuisse fugatam. Quare *Andreas* Præfectus classe in *Polam* conversa, quam intellexerat iterum defecisse, eam vi receptam spoliataque igne ferroque vastavit: per quod tempus *Lodovicus* Francorum Rex, curante *Balduino* Imperatore, pignera redemit pretiosissima *Venetis*, sicut ostendimus, concessa, lanceam spongiamque & partem ligni crucis dominicæ passionis. Esset hoc in loco dicendum, quid classis *Veneta* expeditioni profuit in *Damiatam* ducta. Sed nec mutilari potest tot Regum, totque Principum, & varii successus historia, & propositum promissumque brevii modum excedere diu incepimus: ad ea itaque revertemur, quæ sunt de *Eccelino* superius inchoata. Ad annum *Veneta* urbis conditæ quartum octingentesimum, *Quartus* *Alexander* Pontifex *Romanus*, constituit laborantibus in *Lombardia* *Transpadanis* à tyrannide *Eccelini* ecclesiæ partium studiosis opem ferre, præsertim cum *Venetos* haberet ad id cupientissimos, qui recipiendi urbe *Padua* celeberrima navigium sibi & copias pollicebantur: creatusque *Philippus* ex nobili *Fontanensium* familia, Archiepiscopus *Ravennas*, Sedis Apostolicæ Legatus se contulit *Venetias*: qua in urbe armis primum usus ecclesiasticis vitæ æternæ præmia repromisit cruce signandis, qui in bello adversus *Eccelinum* barbaris truculentiorum signa Pontificis & ecclesiæ sequerentur. Et ne singula prosequantur hic, nimia *Venetorum* ope & opera *Eccelinus* *Paduam* primo, post cætera, facilius amisit, quæ plura tenuit cæteris omnibus tyrannis & Principibus, qui ad hæc tempora in *Transpadanis* fuerunt dominati. Nec vero minores fuerunt motus, qui Pontificis quoque *Alexandri* IV. temporibus hinc *Constantinopolim*, inde *Christianas Asiæ* urbes & insulas agitavere. Cupiverat *Alexander* ipse ad prima assumptionis suæ tempora *Christianis Asiæ* rebus subvenire, quod ut intentaret, nedum perficere posset, à *Man-*

A *fredi* Regem se appellantis agitationibus est prohibitus. Erant enim *Ptolomaida*, *Acon* Tyrusque urbes opum amplitudine populorumque frequentia adauctæ, utpote apud quas *Veneti*, *Genuenses*, & *Pisani* per annos jam quatuor & LX. quibus à *Christianis* fuerant possessæ, omnem orientis occidentisque contractaverant mercaturam: qui tres de *Italia* populi separatas quisque areas & vicos domibus continuatos, separata habebant prætoria, in quibus judicia in suos tam civilia quam criminalia exercebant: nihilque erat duobus eorum populis in eadem urbe præter ecclesiam commune. De qua tantum apud *Ptolomaidam* *Veneti* *Genuenses*que & altercationibus sæpenumero contenderunt, quod *Veneti* tertia ejus urbis parte in vim foederum pridem cum *Balduino* Rege *Hierosolymæ* ictorum donati, monasterium *Sancti Sabbæ* ejus urbis primum sibi proprium tenere quæsierunt. Hisque auditis contentionibus *Quartus Alexander* Pont. Rom. censuit, jussitque monasterii illius collationis jus & omnem dispositionem utrique populo fore commune: cujus concessionis apostolicas literas *Philippus Monteforti* Gallico, *Ptolomaidæ* urbi tunc de more expeditionis *Christianæ* Præfecto, ostendit, & ejus amicitia fretus monasterium in arcem castellumve communitum sibi, excluso *Veneto*, retinere constituit. Suborta exinde contentio tumentes prius non invidia magis quam illatis hinc inde injuriis & damnis duorum præpotentum populorum exacerbavit animos, quos tanto ab æstu demulcere ac mitigare quæsierit *Philippus*, qui *Venetos* populariter abire jussit. Eam injuriam, id dedecus, id damnum indigne tulit *Venetus*, & *Tyri*, quo se receperat, *Pisanos* allocutus facile in sententiam duxit, ut spreto foedere, quod cum *Genuensi* paulo ante icerant, societatem ipsi novam in communem utrique hostem inirent. Dum eis *Veneti* favoribus comparandis intenti sunt, *Placentia* Cypri Regina, Duxque *Antiochenus*, & templi *Hierosolymæ* Magister, ac *Ioannes* ibidem Comes, quibus esset assidua *Ptolomaidæ* *Tyrique* conversatio, *Montem fortem* insolentia, temeritatisque & injustitiæ increpaverunt, fore dicentes, ut, nisi re in integrum restituta *Venetos* conciliet, rem in *Asia* Christianam, id erratum, id scelus suum everteret. Cumque elatum, & quod constat, semiamentem hominem in pervicacia perstare *Veneti* rescissent, triremes tredecim, quæ sibi tunc *Tyri* erant, raptim educunt, *Ptolomaidam* advolant, catenam, qua portus claudebatur, refringunt, illicoque naves *Genuensium* tres & viginti triremesque hinc ibi exarmatæ incendio absumptæ & *Sancti Sabbæ* castellum monasterio impositum est destructum. *Genuenses* vero in-terea apud *Tyrum* & ipsi duas & viginti triremes armaverant, quæ adauctæ indices *Venetorum* classi sæpenumero concurrerunt. Secessit enim paulisper *Veneta* classis in Mare Ponticum, delataque *Mesembriam* urbem de *Saraceno* expugnatam diripuit. His, quæ apud *Ptolomaidam* gesta erant, *Genuæ* nuntiatis, classem ea Respublica ingentem armavit, triremes quadraginta, naves ceteas decem, quæ *Tyrum* sunt missæ: & pariter *Rainerius Zenus* Dux triremes *Venetis* quindecim, taradas decem, & qui ex *Venetis* *Ptolomaidæ* agebant, unde quadraginta vachetas, naves ceteas decem paravere: paresque potentatu & armis in *Asia* *Venetis* *Genuenses* hoc uno erant inferiores, quod *Tyrum* uterque populus communem habebat urbem: in qua, quantum claudebat portus, hostilia à *Latini* nominis magistratu invicem facere prohibebantur. *Ptolomaida* vero *Genuensis* cum suo *Monteforti* erat exclusus, unde *Veneto* commoda prælidiaque acce-  
debant.

Ptolo-  
maida.

Philippus  
Monte-  
fortis  
Gallicus.

Placentia  
Regina  
Cypri.

Naves  
Genuen-  
sium in-  
cendio ab-  
sumptæ.

- Zenus  
Dux.

B. Flavins.

B



debant. *Alexander* interim Pontifex Romanus his, quæ apud *Ptolomaidam* male inchoata, peiores apud *Genuam Venetiasque* progressus habebant, auditis, oratores ab utraque Republica & pariter à *Pisana* ad se mitti curaverat, pacemque inter eos componere erat connixus, quæ jam pro conclusa habebatur. Cum ad annum conditæ urbis *Venetæ* quartum octingentesimum ex *Asia* est allatum, ingentes, & nisi *Pisano* Venetus accessisset, pares eas classes *Ptolomaidam* inter & *Tyrum* acre prælium depugnasse, cujus victoria duobus conjunctis populis contigisset. & hinc *Genuensis*, quinque & viginti de suo amissis, navigio in *Tyri* portum confugit: inde victrix *Venetæ* *Pisanaque* classis *Ptolomaidam* est reducta. Abususque est victoria *Venetis*, qui publica tunc primum & privata *Genuensis* populi in *Ptolomaidæ* ædificia demolitus est: Turrim ingentem cum prætorio, cui erat apposita, & horrea mercatorumque apothecas, quin etiam viatores & apparitores, qui de *Genuensi* ad eam diem manserunt, *Ptolomaida* sunt expulsi. Cum itaque *Genuensis* Respublica suos à *Romana* curia revocasset ad pacem tractandam missos oratores, id à *Venetis* Pontifex impetravit, ut captos in prælio dimitterent *Genuenses*. Erant item ea tempestate res apud *Constantinopolim* in pessimum adductæ locum, adeo ut *Balduinum* Imperatorem cæterosque *Latini* nominis in *Romania* agentes retinendi ea, quæ erant reliqua, desperatio invasisset. Quibus & vires & animos restituit ducta in *Ægeum* primo, post in *Ponticum* Mare *Venetæ* classis, quam ex victoria in *Ptolomaidæ* portum reductam docuimus. Et forte tunc accidit *Theodororum* *Vatari* *Græcorum*, ut appellabant, Imperatorem mori, duobus filiis, quibus pueris *Michaëlem* *Paleologum* sibi affinitate conjunctum, testamento tutorem dederat. Qua, ut apparuit, securitate per Imperatoris *Græci* mortem *Latinorum* rebus addita, classem *Venetæ* à *Pontico* revocarunt. Sed *Michaël* *Paleologus* vir ingentis spiritus, multa in *Latinos* est aggressus, quæ *Vatari* penè decrepitis dimiserat intentata. Primumque omnium *Guilielmo* *Francigenæ* Achajam & proximas *Græciæ* regiones obtinenti prælio congressus cum superavit, captivumque *Adrianopolim* perduxit. Inde, versam in Mare *Ponticam* regionem ut reciperet, misso exercitu curare cœperat. Cum *Baldunus* Imperator copias, quæ sibi erant, omnes navibus imposuisset, quas præfecto classi *Constantinopolitano* gente *Venetæ* ad ipsius *Ponticæ* oræ defensionem voluit circumducere, interea, qui erant *Constantinopoli* vetusta origine *Græci*, odiosum pridem, ut est gentis natura, *Latinum* nomen inde constituerunt ejicere. Initiatque conjuratione *Paleologus* de urbe recipienda per idoneos est admonitus. Classe igitur imperiali, quæ omnes asportaverat *Latinorum* nervos, in *Pontico* jam agente, adveniens cum exercitu *Paleologus* refracta à conjuratis porta nocte concubia est admissus. *Baldunus* vero Imperator & *Pantaleo* *Iustinianus* Patriarcha navigio de repente cum suis omnibus & rapta suppellectile ad Euripum sese profugi receperunt. Potitus urbe *Paleologus* ea jecit rebus suis impietatis scelerisque fundamenta, quibus postea respondit omnis sua successorumque ex ea cognatione Imperatorum vita: qui tantum imperium, qui tantam *Romani* olim, post *Græci* *Latini*que nominis dignitatem, suis levissimis perditissimisque moribus in *Turcorum* manus dedere potius, quam pervenire aut prolabi permiserunt. Is enim tutor crudelissimus pueros fidei suæ ab affini homine, ab eo, qui eum extulerat, commendatos cum interfecisset, imperium assumpsit: finisque fuit *Latinorum* in *Constantinopolim* imperio per annos

Turris  
magna  
in Ptolomaida.

Michaël  
Paleologus.

Guilielmus  
Francigena.

Conjuratio.

A duo de sexaginta continuato. Erat is annus *Quarti Urbani* Pont. Rom. primus, conditæ urbis *Venetæ* quintus octingentesimus. In quo *Venetæ* *Paleologum* bello agitare perseverabant, quem vi & armis tyrannide deturbassent, nisi illum *Genuenses* summis conatibus protexissent. Namque belli societate secum inita, classem eo perduxerunt omnem, quam post acceptam prælio cladem apud *Tyrum*, majorem prima instructioremque habebant. *Guilielmus* ille *Gallicus* *Achajæ* & *Bithyniæ* Princeps, quem à *Paleologo* se tutorem gerente superatum captumque fuisse ostendimus, castrum *Malvasiæ* munitissimum obtinebat, quod cum *Paleologo* permisisset, carcere liberatus est. Isque *Venetis* fœderatus bellum acre in *Constantinopolim* subditasque *Paleologo* provincias gerebat, ut *Creta*, *Nigroponto*, *Motonio*, *Coronoque* & *Nauplio*, sive ut dicitur *Nepoli* *Romaniæ* *Venetorum* locis, *Guilielmi* principatus regioni bello conjunctis, tanto *Paleologus* indignatus præsidio, quantum invexerat *Latinensis*. *Venetæ* enim classi, quæ in *Ponto* fuerat, ad primos nuntiata *Paleologi* tyrannidis motus septem & triginta triremes *Rainerius* *Zenus* Dux ex *Venetis* addiderat, quæ dum *Ionio* mari navigat, LX. *Genuensium* *Græcorumque* triremibus ad *Thessalonicensem* sinum obviavit. Illisque nihil moventibus, *Venetæ* classis minor majorem impetere non est ausa. Sed hac nova classe *Nigropontum* appulsa, tresaliæ *Venetorum* triremes *Constantinopolim* prædatum iverunt. Dumque factam ingentem asportant prædam navigio, quod apud *Thessalonicam* *Genuensem* *Græcumque* habuisse diximus, in *Bosphoro* obviæ fuerunt captæ, & partem virorum, qui inerant, *Genuensis* interfecit: partem aliam omnem *Constantinopolim* ductam *Paleologus* excæcavit. Eademque *Genuensis* & *Græca* classis paulo post egressa *Bosphoro* ad *Venetidam* circumacta est. Cui duæ & triginta *Venetorum* triremes forte apud Montem *Patras* insulam sunt congressæ, præliumque potentissimæ classes magnis utrinque animis decertarunt. & *Venetis* superior quatuor ex hostili classe captas abduxit. cæteræ connixæ remis velisque in portum *Malvasiæ* confugium habuere. In *Asia* vero interim *Ptolomaidam* urbem incolentes *Hospitalis* *Rhodi* Magister, cæterique nominis *Latini* Proceres ita *Venetis* favebant, ut ipsorum ea urbs juris potius quam omnium *Latini* nominis populorum esse videretur. Contra *Tyrum* incolentes *Genuensi* favores pro viribus supraque præstabant. Anno inde urbis vestræ septimo octingentesimo *Rainerius* *Zenus* Dux quinque & quinquaginta triremes ad *Siciliæ* oram misit, quæ classis, *Genuensi*, ut sperabat, non inventa, in *Asiam* navigavit, casuque apud *Tyrum* obvia *Genuensium* navis cetea est expugnata. Portum deinde *Venetis* eadem, qua navim ceperat, lætitia ingressus, *Tyro* ut potiretur, adnixus est, auxiliis ad expugnationem terrestribus *Ptolomaidæ* *Accone* accersitis. cessit tamen conatus inanis. Tertio ab inde anno classis *Venetæ* quatuor & viginti triremium tribus *Genuensium* triremibus apud *Lilybaum* fortuito obviæ eas cepit. Quod cum *Genuam* perlatum est, educta advolavit duodeciginta triremium classis, quæ perquisitam accuratissime *Venetam* ad *Drepani* portum reperit. Conflictusque habitus est acerrimus: in quo maximum *Genuensis* Respublica accepit incommodum. Nam tribus ex suis triremibus in prælio crematis, cæteræ omnes in prælio superatæ utrinque crudelissimo fuerunt captæ. Quæ clades à *Genuensi* accepta effecit, ut *Michaël* *Paleologus*, illius societate spreta, inducias cum *Venetis* constituerit quinquennales. Eodemque anno triremes *Genuensium* xxv. *Venetis* xxx. apud *Mothorum* con-

Finis Latinorum in Constantinopolim imperii per annos LVIII.

castrum Malvasiæ. Creta.

Mare Ionium. Sinus Thessalonicensis.

Bosphorus.

Mons Patras.

Magister Hospitalis Rhodi.

Lilybaum.

Drepani portus.

Inducias quinquennales.

con-



concursum cum viderentur, retrocessit *Genuensis*: & navi oneraria mercibus *Venetorum* magni valoris plena apud *Euripum* expugnata *Genuenses* potiti sunt. Eademque *Genuensium* classis oram *Cretæ* circumvecta *Caveam*, illius insulæ oppidum, cepit spoliatumque penitus diruit. Urebat *Venetos* acceptæ in navi oneraria & *Caveæ* ruina cladis aliqua ulciscendæ cura. Miserunt itaque *Ptolomaidam* tres & viginti triremes occasionem ibi aliquam gerendæ rei expectaturas. Quæ casu *Ptolomaidam* inter & *Tyrum* duo de triginta *Genuensium* triremibus obviâ conflixerunt. Fecitque locorum cuique suorum propinquitas animos, & in rerum discrimine utrinque audentius depugnatum est. Inferior tamen *Genuensis* quinque triremes amisit. *Clemens Quartus* Pontifex *Romanus*, utrumque populum per nuntios & epistolas monuit, ut belli induciis constitutis oratores ad se acturos de pace *Viterbium* mitterent. Id ipsum etiam dictos orarunt populos Reges *Franciæ* & *Siciliæ*, suam uterque operam opemque in pacis, quæ fieret, conservationem stabilimentumque polliciti. Veneruntque *Viterbium* oratores, & re aliquot mensibus tractata nihil est conclusum. Fames ea tempestate valida *Venetias* affligebat. frumentumque ex *Apulia* & *Sicilia*, ut consueverat, absque classis præsidio importandi facultas *Genuensi* bello adimebatur. Orator tunc magna precum instantia *Tarvisinos*, *Patavinos*, & *Ferrarienses*, ut annona juvarent, *Laurentius Teupulus* Dux, *Rainerio Zeno* defuncto suffectus, pecunia etiam excessive promissa emollire nequivit. Nova itaque Mari *Adriatico* navigantibus tunc primum vectigalia, & ut certiore dicam vocabulo, frena imposuit. Lex enim tunc super indelata in hanc diem servata est, ut intra *Ostium Fanaticum* ad *Polam* promontorium & *Ravennatium* plagam navigantes ad vectigal solvendum mercesque & onera, si magistratibus collibisset, deponendum *Venetias* se conferrent. Creatusque magistratus cum barchis attributis, ne legi fiat fraus, die noctuque utriusque litoris plagas portusque perlustrat. Quæ ratio præter *Genuense* bellum *Venetos* impulit, ut cum *Pisanis* *Carolo* Regi ex *Andegavis* *Primo* apertis hostibus fœdera in quinquennium renovarent. Eodemque anno veltræ urbis conditæ quinto decimo octingentesimo *Bononienses* magnam *Romandiola* partem dominio prementes clausam à *Veneto* *Romandiolis* per *Adriaticum* Mare navigationem vi adaperire conati sunt. Parato enim variis modis simulationibusque exercitu cum *Veneto* per oratores egerunt, ut abrogata lege custodibusque amotis pristinam sibi *Romandiolis*que navigandi *Adriatico* redderent libertatem. movitque pariter cum oratore exercitus. Diversi vero hic *Ravennam*: ille *Venetias* petiere. Senferat dolum *Teupulus* Dux, parique fuerat versutia usus. Novem enim ejus triremes proximum *Ravennæ* *Primarium Padi* ostium ingressæ *Bononiensem* exercitum mare inter & *Padum* locum occupare accelerare viderunt. Et subito præsidia duo, unum *Bononiensis* ad *Primarium*, *Venetus* alterum ad *Sanctum Albertum* summis conatibus excitavere. In *Bononiensium* exercitu XL. millium copiæ militabant. Tandem superati prælio *Bononienses* pacem ea acceperunt conditione, ut suo exciso ad *Primarium* ostium castello libera sibi quarundam rerum educatione, custodia *Padi* ostiorum *Veneto* linqueretur. *Anconitani* autem cum *Bononiensium* exemplo *Venetis* bellum inferre non possent, ad *Gregorium* *Decimum* Pontificem mittentes querelas detulerunt: quibus Pontifex motus mare à *Venetis* liberum linqui iussit. *Venetique* tunc minime paruerunt, ea nuntiis prætena ad contumaciam excusatione, quod *Anconitani* maledictis mendaciis-

A que & falsâ suggestionem usi Pontificem seduxissent. Acta vero est paulo post in *Lugdunensi* Concilio, cui idem præfuit *Gregorius*, *Anconitanorum* cum *Venetis* causa, Abbasque *Nervosæ*, *Abbas* cui Pontifex eam commisit, *Anconitanos* nil satis solide probantes rejecit, permittit Pontificis auctoritate *Venetis* cura eam, de qua diximus, maris *Adriatici* oram à *Saracenis* piratisque simul cum vectigalium portorumque suorum jure viribus defendendi. Quo item tempore Pontificis *Gregorii* cura induciæ *Venetos* inter & *Genuenses* *Cremonæ* paulo prius constitutæ in biennium prorogatae sunt. Anno postea urbis conditæ undevigesimo octingentesimo *Venetos* inter & *Genuenses* bellum propè innovatum est. *Iacobo* enim *Contareno* in Ducem creato, duæ *Genuensium* triremes *Tandari* unam mercimoniis plenam de *Venetis* apud *Messanam* ceperunt, cujus rupti fœderis fama *Michael Palæologus* Imperator *Græcus*, suum & ipse fœdus, ut apparuit, violaturus, ad *Arta* usque *Acaraniam* cum classe pervenit. *Veneti* vero XXV. triremium classe intra dies XV. armata, Oratorem *Genuam* ad res repetendas miserunt. Quæ si non essent redditæ, bellum indici iustum: satisque fecit *Genuensis*, & Orator in reditu fœdus cum *Pisano* in quinquennium renovavit. *Adriano* paulo post *Quinto* in *Romanum* Pontificem assumpto, *Veneti* *Anconitanos* bello mari acerrimoque persecuti, quod ad oram *Istriae* & *Romandiola* navibus clandestine cum mercimoniis penetrantes latæ *Venetis* legi & vectigalibus portoriisque fraudem facere præsumpissent. Delectoque ad id bellum Præfecto sex & viginti triremes Dux *Contareno* attribuit. & machinæ ad urbis oppugnationem onerariis navibus comportatae. Dum autem portus magno oppugnatur conatu, tempestas derepente coorta navigium in altum pelagus transversum egit. Sexque triremes impactæ litoribus *Senegaliæ* perierunt. Immiserunt paulo post *Veneti* supplemento naves tardas & triremes, quibus aperte navigantibus mare *Anconitanus* perbelle struxit insidias. Omnibus enim, quæ sibi essent, navibus & triremibus *Venetorum* & Præfecti classis insignia sunt aptata, ad quas applausu nautico occurrentes cum duæ *Anconitanorum* declinassent *Venetorum* naves, captæ & *Anconam* magno gaudio sunt perductæ. Cujus cladis acceptæ bifariam indignatio Senatum perpulit *Venetum*, ut revocatus cum classe prima Præfectus in carcerem sit conjectus, & nova instructior expeditio in *Anconam* ducenda paulo post *Venetis* est educta. Eodem quoque tempore Templarii *Tyrum* urbem pro expeditione *Christiana* administrantes solitam ante bellum *Genuense* jurisdictionem & portorum exemptionem *Venetis* in ea urbe reintegrarunt. *Tertius* interea *Nicolaus* gente oriundus *Ursina*, in *Romanum* Pontificem & quidem præstantissimum est creatus. Venerunt ad ejus creationis novitatem in more *Veneti* Oratores, qui diu spreti cum ad salutationem reverentiamque sicut & alii non admitterentur, à *Contareno* Duce suo revocati urbe *Roma* profecti sunt. Sed eos de itinere accersitos Pontifex admisit, multisque & durissimis verbis de *Anconitanæ* urbis *Romanæ* Ecclesiæ juris oppressione redargutos, & respondere prohibitos rejecit. Sive autem interea paraverant eduxerantque *Veneti*, sive postquam ea intellexerunt, quæ suis apud Pontificem Oratoribus, certum est, octo eorum triremes, quo die Oratores *Venetias* attigerunt, ad cæteram classem *Anconam* obsidentem pervenisse. Miserunt per id tempus *Anconitani* *Venetias* legatos de pace acturos, quæ propemodum constituta erat, cum est allatum, duas *Anconitanorum* triremes tardam de *Venetis* secus *Siciliæ* litora prædatam esse. Quamobrem & dimissi sunt re infecta oratores,



Pax con-  
stituitur.

Crux da-  
tur.

Hospita-  
larum.  
Theuto-  
nici.

Carolus  
Rex Se-  
cundus.

& triremes quatuordecim *Venetis* eductæ in *Anconitana* castra expeditionemque advolarunt, quarum duas paulo post incaute ab aliis separatas *Anconitanus* silentio inter custodias delapsas cepit, in portumque perduxit. & pax paulo post æquis conditionibus est constituta. Ad annum postea secundum trigessimum octingentesimum urbis conditæ, *Quarti Nicolai* Pontificis anno secundo, *Tripolis* urbs insignis obsidione ac viribus facta est in Soldani *Babylonie* potestatem. quam quidem urbem ditissimam post commissam in mortalibus cædem maximam, postque abactam asportatamque omnifariam rerum prædam igne primum, postea ferro, absumi diruique curavit. Progressusque eodem furoris impetu barbarus *Tyrum* quoque, *Sidonem* & *Barutum*, ac earum urbium oppida inter tertium *Nicolai* Pontificis annum cepit, ac sicut *Tripolim* incensam diruit. Isque Princeps astu & prudentia æque ac viribus & potentatu pollens, ne ea clades accepta nominis *Christiani* Principes Occidentis in *Asiam* conciret, induciarum fœdera in duos annos *Ptolomaida* habitatoribus *Christianis* concessit. *Nicolaus* tamen Pontifex de more assumenda Cruce edicto proposita, statuit afflictis *Christianorum Asia* rebus subveniendum. Jussuque ejus exinde majoris fuerunt efficaciam, quod mille quingentos ipse equites ex publico Ecclesiæ fisco curavit primo omnium *Ptolomaidam* comportari, quem & multi in magnum exercitum sine certo præstantique, ut oportuit, aliquo duce secuti sunt, qui quo plures, eo fuerunt perniciosiores. *Ptolomaida* urbs populis tunc frequentata innumeris, quantos nunc non temere alat aliqua urbs *Italiae*, à septem diversis sibi invicem contrariis premebatur potiusque lacerabatur, quam gubernabatur, magistratuum gentiumque generibus. Patriarcha enim titulo *Hierosolymitanus* sibi temporalem æque ac spirituales vendicare quærebat gubernationem: eandem hinc *Templarii*, inde *Hospitalarii* & pariter *Theutonici* ab armorum tractatione & sanguinis, ut dicebatur, effusione repetebant: suam & ad se solum spectantem *Rex Cypri* vel ea ratione volebat, quod tertio ante anno regni *Hierosolymæ* titulos in Comitibus *Attrebatensis* contentionem sponte sua & paucis adstipulantibus assumpserat. *Rex* quoque *Carolus Secundus* *Neapolim* ex carcere reversus, nihil duxit antiquius, quam *Ptolomaidam* mittere, qui de *Hierosolymæ* regni titulis cum *Cyprio* Rege contententes paterna avitæque & proavita in illa urbe jura vel armis & viribus conservarent. Qua in re usque adeo exarsit animis, ut *Templariorum* *Hospitalarium*que, quos *Cyprio* Regi magis cupere audivisset, prædia in regno sita *Neapolitano* direpta vastaverit. Consulem quoque ibi habere *Pisani*, qui majore usus est ambitione, qua ibi quoque *Genuensis* & *Venetis* utebatur. Milites itaque novos *Quarti Nicolai* Pontificis iustum in exercitum sine Duce & Rectore, ejus, quæ requirebatur, auctoritatis, missos nullus, qui continere posset & sciret, nullus erat, qui à flagitiis & sceleribus prohiberet. Eaque militum multitudo in *Christianorum* cædibus & rapinis, adulteriis, violationibus, & incendiis aliquamdiu debacchata in agrum Soldani noctu aliquando, post parum interdiu per furta & latrocinia penetravit, atque eo usque progressa est, ut prædas jumentorum mortaliumque & rerum omnium tanquam iusto bello propalam abigeret. Tulit tamen patienter injuriam, dissimulavitque diutius omnium spe Soldanus, resque per nuntios & abactam prædam ter quaterque repetiit. Et quando tandem non sunt redditæ, annum præfixit, intra quem, nisi fieret satis, sese comminatus est *Ptolomaida* excidio postergatis, quas

A ipsi violassent, induciis accessurum. Annoque exacto centum quinquaginta millia armatorum in *Ptolomaidam* duce filio suo immisit. Dumque is adolescens duobus jam mensibus urbem premit, defuncto genitore Soldanus ab exercitu est suffectus, quo elatus successu urbis *Ptolomaida* prædam per edicta præconumque vociferationes, quæ à *Christianis* intra munitiones exaudita sunt, exercitui donavit. Tunc discordes in civitate nostris desperatione cepit. Multique nulla usi timoris simulatione partim captatis abeundi causis, partim clandestina per noctem fuga desertores effecti sunt: ad eamque paulo post animorum constellationem est ventum, ut publico omnes consilio mulieres primum, parvulos & debiles cum suppellectile emiserint. Deinde constituerunt duodecim millia armatos in urbe retinendos, qui defensioni sufficere viderentur, cæteris emigrandum. Manseruntque ex primoribus, *Rex Cypri*, Patriarcha, & *Hospitalis Templariorum*que Magistri; *Rex*que *Cypri* ignavia, quæ certiori vocabulo appellari posset, usus illico perfugam multitudinem est secutus. Fuitque exemplo ejus, ut omnes, quibus navigio facultas non defuit, *Ptolomaida* emigrarent. Postremi omnium *Hierosolymæ* Patriarcha Magistrique non prius urbem deseruere, quam Soldanum viderunt sive à casu, sive quod fugæ à *Christianis* commissæ certior esset factus, oppugnationem solito majore impetu ostentare. Hicque *Dromone* in id servato porta delapsi secunda primum navigatione sunt usi. Sed vento post parum in validam tempestatem mutato, sub ipsam *Cypri* plagam periere naufragio. Soldanusque eadem die & hora *Ptolomaidam* à paucis, quos navigii carentia detinuerat, *Christianis* male defensam cepit: & mortalibus in ea repertis ad unum trucidatis, prædam quidem militi suo promissam iterato concessit edicto. Sed tanto tenebatur illius excidendæ urbis desiderio, ut parumper suppositus, ubique eo præsentem atque incitante, ignis maximam prædæ ipsius partem absumpserit. Moenibus inde & urbis parietibus passim solo æquatis, duriore *Saracenus* miles Soldani imperio est oneratus, quod fundamenta ubique ita confodi dissiparique iussit, ut nullum urbis, nullum post hæc ædificii vestigium appareret. Annus erat is vestræ urbis conditæ quartus trigessimus octingentesimus, in quo tandem reliquias amissimæ victoriæ illius celeberrimæ, quam anno ante quarto de ducentesimo, *Urbani Secundi* Pontificis *Romani* auspiciis, & virtute *Christianorum* expeditio inchoaverat. Fui de industria prolixior recensendis rebus maximis, quas apud *Ptolomaidam* geri contigit, ut, quod feci, ostendere possem, propè ducentos annos pugnatum esse in *Saracenos*, per quod tempus ferè omnia cepit vestra Respublica, quæ aut mari contigua, aut insulis possideris. Expectabunt, credo, à me, qui hucusque legerint, quid post amissas à *Christianis Constantinopolim* & *Asia* civitates à vestris progenitoribus fuit gestum. Sed multa maximaque fuerunt & majori digna cognitione, quam hoc epitomate possimus velimusque describere. *Paleologus* enim & *Genuenses* cum posse vobis resistere diffiderent, *Turcos* tunc primum in *Europam* traduxere. qui tandem præsentem anno quinto ferè sexagesimo & centesimo meritis tanti sceleris & admissi flagitii poenas punitionemque acceperunt. Gesserunt inde paulo post res maximas *Veneti*. Tum in bello, quod cum ipsis *Genuensibus* diuturnum, varium, periculosum, & tandem per victoriam gloriosissimum fuit. Tum in tuenda urbe *Tarvisina*, quam per ea tempora primam omnium in solo *Italiae* continente possidere coepistis: *Massinusque Scaliger*, Tyrannus omnium ejus ætatis poten-

Desperatio  
Ptolomaidarum.

Ruina  
Ptolomaidæ  
à Soldano.

Genuenses  
Turcos in Europam  
traduxere.

Tarvisina  
civitas.

Massinus  
Scaliger.



potentissimus, à *Veneta* Republica sociisque bello *Florentinis* & *Bononiæ* pro *Romana* Ecclesia gubernantibus, *Italiæ Transpadanæ* & *Luce* & *Parmae* urbium dominio deturbatus est: & *Turci* interea à vobis cladibus & quidem ingentibus prostrati, cæsi afflictique fuerunt. Bella exinde sequerentur, in quibus capienda *Padua* excellentissima urbe, post *Verona*, deinde subigenda *Forum Julii* Patria, & demum *Brixia* ac *Bergomo*, nuperque *Crema* Reipublicæ imperio adjungendis maximis laboribus ac impensis, sed pari gloria depugnatum est. Notoria sunt hoc tempore supradicta, sed certe promerentia eleganti ornataque Historia posteris ita tradi, ut aliquot, qui Te præcesserunt Ducum & tuum in primis, Serenissime Dux, nomen, & vestræ Reipublicæ gloria, & multorum ac propè infinitorum ex vobis patria, ordinis decus gerendis tot bellis, tot obeundis laboribus quæsitum ad posteros transeat illustratum. Idque ego minimus sicut nunc epitomate & breviario assumendum non censui: sic ample fusa & copiosissima tractare ac absolvere historia, cum vos cupere intellexero, paratissimus essem: profectoque efficerem, ne aliquid memoratu dignum ex his, quæ a condita urbe *Veneta* in hanc diem, vel mari, vel bello, vel pace fieri contigit, aut nunc, aut futuris temporibus desideretur. Sed ad propositæ à principio intentionis nostræ finem conclusionemque veniendum

A est. Satis multis pro tempore, sed paucioribus fortasse quàm multi fieri oportuisse sunt opinati, ostensum est, urbem *Venetam* divina potius quàm humana ope ideo condi cœpisse, ut babaris *Christianæ* fidei & religionis hostibus adversaretur, ut profugis ab *Hunnorum*, *Ostrogothorum*, *Lombardorum*, *Ungarorum*, *Saracenorum*, & demum *Turcorum*, ac etiam à *Christiano* abutentium nomine tyrannorum facie ac persecutionibus confugium apud vos portus, asilum, & quietis, refrigeriique & salutis arx & domicilium sine muro, sine portis die noctuque pateret: ut irrumpentes discurrentes & impetere parantes barbaros efferatos populos *Christi* Dei & suorum populorum hostes Respublica repararet, abigeret ac conficeret: ut hortantibus, jubentibus *Romanis* Pontificibus, Dei ipsius nostri Vicariis, ut implorantibus ubique *Christianis* opem protectionemque afferret. Quæ quidem opera meriti apud Optimum Maximum Deum nostrum & laudis ac gloriæ apud seculi tam præsentis quam futurorum omnes plurimum promerentia, dum vestri præstiterunt majores, intra ducentos, de quibus diximus, annos, mari & post breviori temporis spatio terra amplam hanc præpotentem gloriosamque peperere Rempublicam, tam diu duraturam, & ipso Deo auctore nostro maximam & ingentem accepturam amplitudinem, quamdiu ea vitæ & gubernationis forma, qua est parta, illam regere & administrare pergetis.

## F I N I S.

# I N D E X

## N O M I N U M

### E T

### R E R U M N O T A B I L I O R U M .

A.



con, urbs opibus &amp; populis aucta.

18. A

Admirati quatuor Saracenorum.

3. F

Adriæ Civitatis incolæ Venetorum fines vastant, sed brevi superantur, &amp; ad tenuitatem perveniunt.

6. D

veniant.

Adrianopolis Civitas.

13. C

Adrianus V. Pontifex Romanus.

22. C

Adriatici Maris Imperium Venetis in Concilio Lugdunensi datur.

22. A

Ægæum pelagus a Saracenis turbatur.

2. C

Ægyptus a Saracenis occupatur.

4. A

Africa a Saracenis occupatur.

2. B. 4. A

Agapitus Pontifex Romanus.

6. A

Alani a Turcis infestantur.

2. C. D

Albertus, Berengarii Imperatoris filius, Venetos mercatores multis incommodis afficit.

6. A

Alexander III. Pontifex Romanus, Venetias venit, &amp; cum Federico I. Barbarossa pacem concludit.

9. A. B

IV. Pontifex Romanus, Christianis Asiæ rebus subvenire cupit.

17. D. F

— pacem inter Venetos &amp; Genuenses componi curat.

19. A

— Macedo.

2. D

Alexius, Isaac Constantinopolitani Imperatoris filius, Alexii patrui sui, fratricidæ, manibus elapsus, a Venetis auxilia petit &amp; obtinet.

10. D. 11. D

— a tumultuantibus in angustias adigitur.

11. E. F. 12. A

— interficitur.

12. B

— fraticida, Imperium Constantinopolitanum usurpat.

10. D. 11. A

— Constantinopoli a Venetis capta, aufugit.

11. D

— cognomine Murtulus, ad tyrannidem anhelat.

11. F. 12. A

— Imperatorem Alexium interficit.

12. B

— ad tollendos Imperatoris interfecti amicos, &amp; peregrinos pellendos animum adjicit.

12. B

— noctis umbra tectus aufugit.

12. E

Ancona a Saracenis capitur, spoliatur &amp; incenditur.

4. F

Anconitani de Venetis querelas ad Pontificem deferunt, sed rejiciuntur.

21. F. 22. A

— a Venetis bello acerrimo premuntur.

22. C

— bis duas Venetorum naves fraude capiunt.

D. 23. A

— pacem cum Venetis constituunt.

23. A

Andreas Ungariæ Rex, jus suum in Dalmatiam Venetis concedit.

15. D

Aquila ab Attila obfessa, &amp; diruta.

1. A

Arelatum a Saracenis turbatur.

14. C

Asia pene omnis a Saracenis occupatur.

2. B

B 3 Asia



# I N D E X N O M I N U M

Asia a Turcis invaditur. 2. C. D  
 Attila, Aquilejæ everfor. 1. A. B  
 Avinionum a Saracenis turbatur. 14. C  
 Austrense oppidum a Saracenis captum spoliatur. 4. E  
 Azo Estensis, Ferrariæ Gubernator. 17. B

## B.

**B**abyloniæ Soldanus Tripolim, Tyrum, Sidonem, & Barutum capit. 23. A. B  
 ——— Ptolomaidam excidit. 24. A. D  
 Balach Parthorum Rex, Balduinum II. Hierosolymæ Regem, vincit & capit. 7. E  
 Balduinus Rex Hierosolymæ, a Venetis & Genuensibus juvatur. 7. C. D  
 ——— II. Parthis temere congreditur & capitur. 7. D. E  
 ——— Comes Flandriæ. 9. F  
 ——— tumultuantium Constantinopolitanorum impetum fortiter repellit. 12. C  
 ——— Imperator Constantinopolit. eligitur. 13. A  
 ——— a Patriarcha coronatur. 13. F  
 ——— ejus obitus. 14. A  
 ——— alius, Imperator Constantinopolitanus. 16. A  
 ——— Philippum filium accepti æris alieni pignus tradit. 16. D  
 ——— Venetis lanceam & spongiam Christi pignori tradit. 16. E  
 ——— Constantinopoli a Michaële Palæologo conjunctione capta, aufugit. 19. E  
 Basilus Imperator Constantinopolitanus. 5. B  
 Beatus Dux Venetorum, cum Carolo M. fœdus & amicitiam jungit. 3. C. D  
 Bebæ turris conviciis laceffitur. 17. A  
 Bela Ungariæ Rex. 9. C  
 Berengarius Imp. Rom. ab Ungaris fugatur. 5. C  
 Boglioni (Gothifredus) Rex Hierosolymæ. 7. C  
 Bonifacius Marchio Montisferati. 9. F. 10. B  
 ——— Margaria insula donatur. 11. A  
 ——— ejus in Thracia gesta. 13. B  
 ——— in Theffaliæ Regem declaratur. 13. D  
 Bononia a Florentinis pro Romana Ecclesia gubernatur. 25. A  
 Bononienses navigationem a Venetis clausam vi aperire conantur. 21. D  
 ——— prælio superati pacem impetrant. 21. E. F  
 Brennus (Joannes) Imperator. 16. A

## C.

**C**alixtus II. Pontifex Romanus. 7. E  
 Campanæ, quas Græcia primas habuit. 5. B  
 Canalis Magnus ferrea catena clauditur. 5. D  
 ——— Orfanus unde nomen acceperit. 3. D  
 Candiani (Petri) pater & filius, Venetiarum Duces. 6. B  
 Capua a Saracenis capitur. 6. C  
 Carceribus (Rabanus de) Veronensis, Veneti Ducis Orator. 13. D  
 ——— Euripium sibi subigit. 14. D  
 Carolus Andegavensis Rex. 21. D  
 ——— Magnus Occidentale accipit Imperium. 3. A  
 ——— Pipinum Filium contra Venetos mittit. 3. B  
 ——— cum Venetis fœdus & amicitiam jungit. 3. C. D  
 ——— ejus obitus. 3. F  
 ——— II. Rex Neapolitanus, ejusque de Regni Hierosolymæ titulus cum Rege Cypri contentio. 23. D. E  
 Casiopa insula. 7. A  
 Castellana sedes Episcopalis & diœcesis. 3. F  
 Catipani dignitas. 6. C  
 Cavea Cretæ oppidum, a Genuensibus captum, spoliatum & dirutum. 21. A  
 Centumcellæ, prima omnium Italiæ urbium, a Saracenis spoliatur. 3. F

Civitas nova quomodo antea appellata. 3. C  
 ——— ab Ungaris capta & incensa. 5. C. D  
 Ciuranus (Paulus) Urbi obsessæ cum classe subvenit. 3. E  
 Claromontense Concilium. 7. A  
 Clefis Longobardorum Rex, Lombardiam inauditis cladibus affligit. 2. A  
 Clemens III. Pontifex Romanus. 9. B  
 ——— IV. Pontifex Romanus, pacem inter Venetos & Genuenses conciliare studet. 21. B  
 Clugia ab Ungaris depopulata. 5. D  
 Colossus Rhodi a Saracenis capitur. 2. C  
 Columna (Joannes) Portuensis Episcopus Cardinalis, in expeditione Hierosolymitana Sedis Apostolicæ Legatus. 15. B  
 Comaculum a Venetis captum, Comaclensiumque naves incensæ. 6. A. B  
 Cominos (Michaël) Græcus Nobilis, cum Peloponneso Venetis feudum & obedientiam spondet. 14. F  
 Constantinopolis tumultibus turbatur. 11. E. F.  
 ——— 12. A. B. C. D  
 ——— a Venetis occupatur. 11. C. D  
 ——— magna belli acerbitate premitur. 16. D  
 ——— a Græcis Imperatoribus obsidetur, & a Venetis liberatur. 16. D. E  
 ——— ejus res in pessimum adductæ locum. 19. C  
 ——— conjuratione a Michaële Palæologo capitur. 19. E  
 Constantinopolitanum Imperium a Venetis integra & constanti reverentia cultum. 2. D. E  
 ——— ad runiam tendere cœpit. 15. E  
 Contarenus (Jacobus) Dux Venetiarum. 22. B  
 Corcyra, nunc Corphu dicta, a Venetis subigitur. 14. D  
 Creta a Saracenis occupatur. 4. F  
 ——— in Bonifacii Montisferatensis potestate pacifica reperta. 13. D  
 ——— a Genuensibus frustra tentatur. 14. E  
 ——— Colonia Venetorum. 15. A  
 Crentenses Venetis rebelles. 16. B  
 Cruce signati. 7. A  
 ——— signandis adversus Eccelinum vitæ æternæ præmia promittuntur. 17. E  
 Crucis contra Soldanum Babyloniæ assumendæ edictum a Pontifice proponitur. 23. B  
 Cyclades a Saracenis affliguntur. 2. C

## D.

**D**almatæ a Niceta subacti. 3. D  
 ——— classem Venetam in expeditionem sanctam euntem navibus militibusque augment. 7. A  
 Dalmatia a Saracenis invaditur. 5. A  
 ——— Venetis conceditur. 15. D  
 Dalmatiæ urbes Venetis rebelles. 10. B  
 Dandulus (Henricus) Venetiarum Dux. 9. B. 13. C  
 ——— classem contra Pisanos mittit. 9. D  
 ——— cum Marchione Montisferati, Comite Flandriæ, Sancti Pauli, & Sabaudie fœdus init. 9. F. 10. A. B  
 ——— cum LX. triremibus contra Dalmatiæ urbes rebelles solvit. 10. C  
 ——— ejus obitus. 14. A  
 ——— (Marcus) Gallipolim capit. 14. C. D  
 ——— Andro, & aliquot Egæi pelagi insulis potitur. 14. D  
 Dyrachio a Thoma Mauroceno, Patriarcha Constantinopolitano, præsidum imponitur. 13. F  
 Dyrachium a Theodoro Epirote furto dolisque surreptum, frustra tentatur. 15. C

## E.

**E**ccelinus de Romano, Tyrannus omnium crudelissimus, omnem Transpadanam tenet Italiam. 17. B. D. E  
 Ec-



# ET RERUM NOTABILIORUM.

Eccelinus de Romano Paduam, post cetera, amittit. 17. F  
Emanuel Constantinopolis Imperator, in Venetos machinatur. 8. D  
Equilium a Pipino invaditur. 3. C  
— ab Ungaris depopulatur. 5. D  
Erachia a Pipino invaditur. 3. C

## F.

Falero (Vitalis) Venetiarum Dux. 6. F  
Fanaticum Ostium. 21. C  
Federicus I. Barbarossa Imperator, cum Alexandro III. Pontifice Romano pacem concludit. 9. A. B  
— — Christianis in Asia subvenit. 9. B  
— II. Imperator, Romane Ecclesie, & Italiae, ac Pontifici Romano infestus 15. E  
— Venetorum & Pontificis contra eum fedus. 16. F  
— — ridiculum bellum Venetis infert. 17. A  
— — ejus classis a Genuensibus fugatur. 17. C  
Ferraria Sedi Apostolice acquiritur. 17. B.  
Feudatarii Reipublice Venetiae varii. 14. F  
Florentini Bononiam pro Romana Ecclesia gubernantes, Mastinum Scaligerum Dominio deturbant. 25. A  
Fortunatus Patriarcha Gradensis, conjuratione tangitur, in Franciam se recipit, & Venetos Carolo Imperatori defert. 3. B

## G.

Gallipolis a Marco Dandulo, & Jacobo Viadero capta. 14. C. D  
Ganala (Leo) Rhodum insulam & se ipsum Venetis subjicit. 16. B. F  
Gensericus Rex Vandalorum in Africa. 1. B  
Genua a Saracenis capta. 5. F  
Genuenses pacem cum Jacobo Teupulo constituunt. 15. F  
— Federici II. & Pisanorum classem fugant. 17. C  
— de Ptolomaida cum Venetis altercantes magna afficiuntur clade. 18. B. D  
— ingentem classem Tyrum mittunt. 18. E  
— a Venetis & Pisanis ingenti clade afficiuntur. 19. A  
— Michaëlem Paleologum contra Venetos protegunt. 20. A  
— a Venetis navali praelio superati. 20. D  
— tres triremes ad Lilybaeum a Venetis captas amittunt, novam classem emittunt, sed ingenti praelio vicuntur. 20. F  
— eorum classis Cretae oram circumvecta, Caveam illius insulae oppidum capit, spoliatur & diruit. 21. A  
— Venetam navem onerariam capiunt. 21. A  
— praelio navali a Venetis superantur. 21. A. B  
— eorum cum Venetis induciae. 22. A  
— bello innovato triremem mercimoniis plenam Venetorum capiunt, sed eam Venetis repetentibus reddunt. 22. B  
— Turcos in Europam traducunt. 24. E. F  
Glifii (Andreas & Henricus) Tinas, Micoias, Schyron, Scopulum & Schyalam subigunt. 14. D  
Gradus a Saracenis frustra oppugnantur. 5. A  
Graecia Venetis navali praelio superati. 20. D  
Gregorius Imperialis Catipanus, Saracenos, auxiliis Venetis, fugat. 6. C. D  
— III. Pontifex Romanus. 2. C  
— IV. Pontifex Romanus. 4. A  
— IX. Pontifex Romanus. 15. F  
— — cum Venetis foedus contra Federicum II. Imperatorem init. 16. F  
Guilielmus Francigena, Achajam & proximas Graeciae regiones obtinens, praelio superatus capitur. 19. D

Guilielmus Francigena liberatus, Venetis federatus, bellum acre in Constantinopolim & Paleologo subditas provincias gerit. 20. A

## H.

Henricus, Balduini Flandrensis Imperatoris Constantinopolitani frater. 13. B. C  
— Comes Sancti Pauli. 9. F. 10. B  
— cognomento Piscator, Maleae Comes, Cretam insulam ut capiat, adnuitur. 14. E  
Hetrusci ab Ungaris invaduntur. 5. F  
S. Hilarii Civitas a Federico II. Imperatore tentatur. 17. A  
Hispania a Saracenis invaditur. 4. A. 14. B. C  
Honorius III. Pontifex Romanus. 15. A  
Hospitalarii Ptolomaida. 23. D

## I.

Jadera deficit a Venetis, & recipitur. 10. A. C  
Jaderenses piraticam exercent. 10. E  
— pacem a Venetis petunt & impetrant. 10. F  
Ilmamolinus Saracenorum Africam incolentium Imperator, in Hispaniam trajicit. 14. B  
Imperatoris Constantinopolitani creandi potestas quindecim viris attributa. 12. F. 13. A  
Innocentius III. Pontifex Romanus. 13. B. E. 14. B  
Ioppe Civitas a classe Babylonica obseffa, per Venetos liberatur. 8. A  
Isaac Imperator Constantinopolitanus. 10. D. 11. D. E  
Italia a Saracenis invaditur. 4. F. 5. A. 6. C  
— ab Ungaris invaditur. 5. B. C  
Justinianus II. Imperator Constantinopolitanus. 2. C

## L.

Lancea Christi pignori data. 16. E  
— redimitur. 17. C  
Lascara (Theodorus) copiarum ductor. 11. B  
Lassimira a Venetis capta. 7. B  
Lateranense Concilium. 7. E  
Latini Constantinopoli potiuntur. 12. F  
— eam amittunt. 19. F  
Leo I. Pontifex Romanus. 1. B  
— III. Pontifex Romanus. 3. B  
Lex de vectigali in Mari Adriatico solvendo lata. 21. C  
Lombardia a Clefi Longobardorum Rege inauditis claudibus afflicta. 2. A  
Ludi seculares. 1. C  
Ludovicus Comes Sabaudiae. 9. F  
— Francorum Rex, lanceam & spongiam Christi redimit. 17. C. D  
Lugdunenense Concilium. 22. A

## M.

Malconseglio insula. 10. E  
Malvaliae Castrum Michaëli Paleologo ceditur. 20. A. B  
Manfredus Regem se appellans, Pontifici adversatur. 17. F. 18. A  
S. Marci Evangelistae corpus Venetias allatum, & ejus Ecclesia ibi aedificari capta. 4. B  
Martianus Constantinopolis Imperator. 1. B  
Mauri in Siciliam delati. 4. A  
Maurocenus (Thomas) Patriarcha Constantinopolitanus eligitur. 13. A  
— — a Pontifice confirmatur. 13. E  
— — Constantinopolim rediens Ragusum recipit, & Dyrachio praesidium imponit. 13. F  
— — Constantinopoli summo applausu exceptus, Balduinum Imperatorem Auctoritate Apostolica coronat. 13. F  
Meroveus Rex Francorum in Galliis. 1. B  
Me-



# I N D E X N O M I N U M

Mesembria a Venetis expugnata & direpta. 18. E  
 Methamaucum ab Ungaris frustra tentatur. 5. E  
 Michaël (Dominicus) Dux Venetiarum, cum classe  
 potentissima in Asiam navigat. 7. D. F  
 ————— ejus gesta in Asia. 8. A. B. C  
 ————— revocatur Venetias. 8. E  
 ————— ejus in reditu gesta. 8. E  
 ————— Imperator Constantinopolitanus. 4. A  
 ————— a Venetis petit, ut Siculis opem ferant. 4. B. C  
 ————— Palæologus, Imperatoris Vtari filiorum tu-  
 tor, multa in Latinos aggreditur. 19. C. D  
 ————— Constantinopoli conjuratione potitur, &  
 Latinos ejicit. 19. E. F  
 ————— pupillos suos interficit, & imperium as-  
 sumit. 19. F  
 ————— a Venetis bello agitur, deturbatus  
 esset, nisi a Genuensibus fuisset protectus. 20. A  
 ————— cum Venetis inducias quinquennales init.  
 20. F  
 ————— fœdus rupturus cum classe ad Artam us-  
 que Acarnaniam venit. 22. B  
 ————— Turcos in Europam traducit. 24. E. F  
 Mons Garganusa Saracenis occupatur. 5. E. F  
 Montelongus (Gregorius) Sedis Apostolicæ Legatus.  
 17. B  
 Mulgeneses a Venetis domiti. 10. C  
 Murtulus (Alexius) ad tyrannidem anhelat. 11. F.  
 12. A  
 ————— Imperatorem puerum Alexium interfi-  
 cit. 12. B  
 ————— ad tollendos Imperatoris interfecti ami-  
 cos & peregrinos expellendos animum adjicit. 12. B  
 ————— noctis umbra tectus aufugit. 12. E

## N.

Narfes, Justiniani Imperatoris cubicularius &  
 copiarum ductor in Italiam venit. 1. C. D  
 ————— a Venetis contra Totilam adjutus, S. Theodo-  
 ri Sacellum fundat. 1. D. E  
 Nervosæ Abbas. 22. A  
 Niceforus Imperator Constantinopolitanus. 3. D  
 ————— cum Pipino pacem init. 3. E  
 Niceta Patricius, ab Imperatore cum ingenti classe  
 in Adriaticum missus, Dalmatas subigit, & Ve-  
 netos a fœdere cum Carolo M. recedere compellit.  
 3. D  
 Nicolai Magni corpus Venetias missum. 7. C  
 Nicolaus III. gente oriundus Ursina, Pontifex Ro-  
 manus. 22. E  
 ————— IV. Pontifex Romanus, edictum de cruce  
 contra Soldanum Babylonie assumenda proponit.  
 23. B

## O.

Oddo Burgundie Dux, Christianis in Asia subve-  
 nit. 9. B  
 Olivolenfis Insula. 3. F  
 Origo Venetiarum. 1. A

## P.

Padi Ostiorum custodia Venetis libera linquitur.  
 21. F  
 Padua Eccelino adimitur. 17. F  
 Palatium Venetorum fundatur. 3. E  
 Palestina loca a Saracenis capiuntur. 4. A  
 Pantaleo Justinianus Patriarcha, Constantinopoli a  
 Græcis conjuratione capta, aufugit. 19. E  
 Particiacus (Ursus) Venetiarum Dux, Saracenos  
 Italia expellit. 4. A  
 ————— ab Imperatore Constantinopolitano Pro-  
 tospatarius declaratur. 5. B  
 ————— Imperatori duodecim campanas dono  
 mittit. 5. B

Particii (Justinianus & Joannes) Duces Venetiarum.  
 4. B. C  
 Patras Mons. 20. C  
 Patriarchæ Constantinopolitani deligendi potestas  
 quindecim viris attributa. 12. F. 13. A  
 Peloponnesus, nunc Morea, Venetis feudataria.  
 14. F  
 Persæ a Saracenis infestantur. 2. D  
 Petrus Alifiodorensis ab Honorio III. Pont. Rom.  
 coronatur. 15. A. B  
 Philippus Romanorum Principum primus Christiano  
 charactere insignitus. 1. C  
 ————— Francorum Rex, Christianis in Asia subvenit.  
 9. B  
 ————— Balduini Imperatoris filius, accepti æris alieni  
 pignus a patre traditur. 16. D  
 ————— ex nobili Fontanensium familia, Archiepi-  
 scopus Ravennas, Sedis Apostolicæ Legatus. 17. E  
 ————— Montefortis Gallicus, Ptolomaidæ Præfectus.  
 18. B  
 ————— insolentiae, temeritatis & audaciæ  
 increpatur. 18. D  
 ————— Ptolomaida exclusus. 18. F  
 Pipinus I. Rex Francorum. 2. C  
 ————— Rex Italiae, Venetos aggreditur. 3. B. C. D  
 ————— a Venetis vincitur. 3. D  
 ————— cum Niceforo Imperatore pacem init. 3. E  
 Pisani Venetorum classem perfide invadentes ingenti  
 clade afficiuntur. 7. A. B  
 ————— Christianos in Asia adjuvant. 9. C  
 ————— eorum classis Polam delata Lesinam urbem ca-  
 pit, sed postea a Venetis cladibus affigitur, unde  
 pax cum damno Pisanorum. 9. E  
 ————— Federico II. Imperatori favent. 17. B  
 ————— eorum classis a Genuensibus fugatur. 17. C  
 ————— Venetorum contra Genuenses fœderati. 18. C  
 ————— Genuenses ingenti clade afficiunt. 19. A  
 Piscator (Henricus) Maleæ Comes, Cretam insulam  
 ut capiat, adnititur. 14. E  
 Placentia Cypri Regnia. 18. D  
 Pola vastata. 17. C  
 Privilegium Venetorum Hierosolymis & Antiochia.  
 8. C  
 Protospatarius. 5. B  
 Ptolomaida, auxiliantibus Genuensibus & Venetis, a  
 Rege Hierosolymæ expugnatur. 7. C  
 ————— opibus & populis aucta, contentionis inter  
 Venetos & Genuenses causa. 18. A. B. F  
 ————— ejus magnitudo & dissidia. 23. C  
 ————— a Soldano Babylonie tentatur. 24. A  
 ————— ejus incolæ desperant. 24. B  
 ————— ejus ruina. 24. D

## R.

Ragusium a Venetorum fœdere deficit, & recipi-  
 tur. 13. F. 16. C  
 Rhodus insula a Saracenis capitur. 2. C  
 ————— a Venetis spoliatur. 8. E  
 ————— Venetis per fœdera subjicitur. 16. F  
 Ricardus Angliæ Rex, Christianis in Asia subvenit.  
 9. B  
 Rivalsaltus Sedes Venetiarum constituitur. 3. E  
 ————— ab Ungaris frustra tentatur. 5. E  
 Robertus Guiscardus Dyrrachium urbem terra mari-  
 que premit, sed repellitur. 6. D. E  
 ————— Imperium Constantinopolitanum am-  
 bit. 6. E. F  
 ————— ejus obitus. 7. A  
 Romandiola magna pars sub Bononiensibus. 21. D  
 Rosa (Dominicus de la) Campanus ex Gallia, reli-  
 quiis Athenarum & omni Achaia potitur. 14. E

## S.

S. Sabbæ monasterium. 18. B  
 Sab-



# ET RERUM NOTABILIORUM.

Sabbas, Regis Maurorum Praefectus, Siciliam invadit. 4. C  
 — Christianorum classem vincit. 4. D. E  
 Sanutus (Marcus) Patricius Venetus, Veneti Ducis orator. 13. D  
 — Naxo, Paro, Mela, Herinea positur. 14. D  
 — Aegæi pelagi insulas obtinens, Vartari auxiliatur. 15. B  
 — a Duce Venetorum mercede conductur, sed prodito Veneto in patriam redit. 16. B. C  
 Saraceni Asiam pene omnem, ac brevi post Africam occupant. 2. B  
 — Rhodum capiunt & vastant. 2. C  
 — in Aegæum pelagus delati multas e Cycladibus affigunt. 2. C  
 — Siciliam invadunt. 2. C. 4. C  
 — Centumcellas spoliunt. 3. F  
 — quatuor Tyrannos Admiratos nomine habere coeperunt. 3. F  
 — Dalmatiam invadunt. 4. E. 5. A  
 — Greceam aggrediuntur, & ea potiuntur. 4. F  
 — Italiam invadunt. 4. F. 5. A. 6. C  
 — Montem Garganum occupant. 5. E. F  
 — Genuam capiunt. 5. F  
 — a Venetis Italia expelluntur. 5. A  
 — a Gregorio Imperiali Catipano, & Venetis fugantur. 6. C. D  
 — Venetorum metu Italiae manum injicere formidant. 14. B  
 Scaliger (Martinus) Tyrannus potentissimus, a Venetis Sociisque dominio deturbatur. 24. F. 25. A  
 Sergius III. Pontifex Romanus. 5. B  
 Sicilia a Saracenis invaditur. 2. C. 4. A. C  
 — a Venetis juvatur. 4. C  
 Smirna Asiae civitas, a Venetis capta. 7. B  
 Soldanus Babyloniae Ptolomaidam excidit. 24. A. D  
 — Tripolim, Tyrum, Sidonem, Barutum capit. 23. A. B  
 Spatarii dignitas. 4. C. D  
 Spongia Christi pignori data. 16. E  
 — redimitur. 17. C  
 Sylvius (Dominicus) Venetiarum Dux, classem Normannam vincit. 6. E  
 — Guiscardo iterum congressus fugatur, & a Patribus in carcerem conjicitur. 6. F  
 Syriae loca a Saracenis capiuntur. 4. A

## T.

Tarentum a Saracenis obsessum. 4. C  
 Tarvisina Civitas, omnium prima in Italiae continente sub Venetorum ditione. 24. F  
 Tarvisium ab Ungaris expugnatur. 5. C  
 Templarii Ptolomaidæ. 23. D  
 — Tyrum urbem pro expeditione Christiana administrant. 22. D. E  
 Tergestini a Venetis domiti. 10. C  
 Tergestinus Sinus. 4. F  
 Teupulus (Andreas) triremium sexaginta Praefectus. 17. C  
 — (Jacobus) primus pro Republica Veneta Dux Candiae. 15. A  
 — Pontificem attentius audit, & pacem cum Genuensibus constituit. 15. F  
 — Ferrariam Sedi Apostolico acquirit. 17. B  
 — (Laurentius) Dux Venetiarum. 21. C  
 — (Petrus) Venetiarum Ducis filius, a Federico II. Imperatore capitur, & in carcere occidi jubetur. 15. E. F  
 8. Theodori Sacellum a quo fundatum. 1. D. E  
 — corpus Venetias delatum. 8. E.  
 Theodorus Epirotes Dyrachium furto dolisque surripuit. 15. C  
 — ejus perfidia. 15. D

Theodosius, Imperatoris Constantinopolitani classis Praefectus, multis triremibus a Venetis adjutus, contra Saracenos versus Siciliam navigat. 4. C. D  
 — parte navium amissa, fuga saluti consulit. 4. E  
 Theutonici Ptolomaidæ. 23. D  
 Toletum Hispaniae urbs. 14. B  
 Totilas Ostrogothorum Rex, urbis Romae everfor, à Narsete, auxiliantibus Venetis, Italia deturbatur. 1. D. E. F. 2. A  
 Toverdenici (Petrus & Joannes) Venetiarum Ducis. 4. C  
 Tribunus (Petrus) Dux Venetiarum, Venetam urbem muro cingit. 5. D  
 — Ungaros repellit. 5. E  
 Tripolis in Soldani Babyloniae potestatem pervenit. 23. A  
 Turci Asiam invadunt. 2. C. D  
 — eorum origo. 2. D  
 — in Europam traducti. 24. F  
 — a Venetis ingentibus affiguntur cladibus. 25. A  
 Tyrus Venetis & Genuensibus communis. 18. F  
 — opibus & populis aucta. 18. A  
 — Venetorum sanguine capta, & Regno Hierosolymitano addita. 8. B

## V.

Valentinianus Junior Imperator. 1. B  
 Varinundus Patriarcha Hierosolymitanus. 7. E. 8. A  
 Vafari Graeciae Imperii nomen occupat. 14. C. 16. A. B  
 — Cretenses Venetis rebelles adjuvans, quaedam de ea insula obtinet, sed ea statim amittit. 16. C  
 — ejus obitus. 19. C  
 Ubolerus Dux Venetorum, cum Carolo M. foedus & amicitiam jungit. 3. C. D  
 Vectigal navigantibus in Mari Adriatico impostum. 21. C  
 Veneta Urbs quando condita. 1. A  
 — ejus conditæ omnis Italia maximum fructum cepit. 1. C. D  
 — ejus conditores. 1. D. 2. A  
 — quando ejus altera ædificatio fuisse dicatur. 2. A  
 — muro cingitur. 5. D  
 — fame affligitur. 21. B  
 — ejus maxima laus. 26. A  
 — Respublica inter magna licet dissidia magna tamen capit fundamenta. 3. A  
 — ejus amplitudinis fundamenta quando jacta. 8. F. 9. A  
 Veneti Narsetem contra Totilam adjuvant. 1. D. E  
 — Romanum Imperium, quam diu apud Constantinopolim fuit, integre & constanter sunt reveriti. 2. D. E  
 — concedente Carolo M. suis legibus vivunt. 3. B  
 — Carolo M. delati, a Pipino Italiae Rege invaduntur. 3. B. C. D  
 — cum Carolo M. foedus jungunt. 3. C. D  
 — ab eo foedere recedere compelluntur. 3. D  
 — Pipinum vinct. 3. D  
 — Imperatoris Constantinopolitani partium censentur. 3. E  
 — Theodosium, Imperatoris Constantinopolitani classis Praefectum adjuvant, & cum eo victi in magnam calamitatem incidunt. 4. D. E  
 — eorum naves mercimoniis onustæ a barbaris interceptæ. 4. F  
 — Saracenos Italia & mari supero expellunt. 5. A. B  
 — Comaclum capiunt. 6. A. B  
 — Saracenos Barrum obsidentes fugant. 6. C. D  
 — Adrienses superant, & ad tenuitatem redigunt. 6. D



# INDEX NOMINUM ET RERUM NOTABILIORUM.

Veneti Dyrachium contra Robertum Guiscardum  
adjuvant. 6.E  
— Classē ducentarum navium ad expeditionem  
sanctam emittunt. 7.A  
— a Pisanis perfide tentati eos ingenti clade affi-  
ciunt. 7.B  
— eorum erga victos Pisanos magnificentia. 7.B  
— eorum in Oriente gesta. 7.B.C.D.8.A.B  
— cum Rege Hierosolymæ fœdera ineunt. 7.D.  
8.B.C  
— Pisanos vincunt, & ad pacem ineundam adi-  
gunt. 9.E  
— Dalmatiae rebelles urbes domant. 10.B.C  
— Alexium, Isaac Constantinopolitani Impera-  
toris filium adjuvant. 10.D.E.11.D  
— Constantinopolin occupant. 11.C.D  
— Saracenis formidabiles. 14.B  
— plures Aegæi pelagi insulas capiunt. 14.D  
— piratas persequuntur, & Corcyram subigunt.  
14.D  
— Mothono & Corono Gubernatores dant, va-  
riosque feudatarios accipiunt. 14.F  
— eis jus in Dalmatiam conceditur. 15.D  
— cum Genuensibus pacem & fœdus constituunt.  
15.F  
— Græcorum Imperatorum audaciam frangunt.  
16.B.C  
— Constantinopolim obsidione liberant. 16.E  
— cum Pontifice contra Federicum II. Impera-  
torem fœdus ineunt. 16.F  
— Eccelinum Padua pellunt. 17.F  
— eorum cum Genuensibus Ptolomaidæ conten-  
tio. 18.B.C  
— Ptolomaida abire iussi, fœdere cum Pisanis  
inito, eam injuriam vindicant. 18.C.D  
— eorum classis in mare Ponticum secedit, &  
urbem Mesembriam expugnat. 18.E  
— novam classē parant. 18.F  
— Genuenses ingenti clade afficiunt. 19.A  
— classē a Pontico revocant. 19.D  
— Palæologum bello agitant. 20.A  
— Genuenses & Græcos navali prælio superant.  
20.B.C.D  
— novam classē emittunt, & tres Genuensium  
triremes capiunt. 20.E

Veneti Genuenses ingenti prælio navali superant, &  
cum Michaële Palæologo inducias ineunt. 20.F  
— navem onerariam, & Caveam, Cretæ oppi-  
dum, a Genuensibus captas amittunt. 21.A  
— Genuenses prælio navali superant. 21.A  
— Bononienses prælio superant. 21.D.E.F  
— Padi Ostiorum custodiam liberam obtinent.  
21.F  
— Maris Adriatici Imperium in Concilio Lugdu-  
nensi obtinent. 22.A  
— eorum cum Genuensibus induciæ a Genuensi-  
bus ruptæ. 22.A.B  
— Anconitanos bello acerrimo persequuntur. 22.  
C.F.23.A  
— eorum Oratores ad Pontificem salutandum  
non admissi revocantur. 22.E  
— Tarvisinam civitatem omnium primam in Ita-  
liæ continente possident. 24.F  
— Mastinum Sealigerum dominio deturbant.  
24.F.25.A  
— Turcos ingentibus cladibus afficiunt. 25.A  
— Paduam, Forumjulii, Veronam, Brixiam,  
Bergomum & Cremam depugnant. 25.A  
Viaderus (Jacobus) Gallipolim capit. 14.C.D  
Villa (Gofredus de) Gallicus, Achaje Principatum  
obtinet. 14.F  
Virginis Dei genetricis Icona. 12.C  
Ungari Heiruscōs invadunt. 5.F  
— Italiam invadunt. 5.B  
— Methamaucum & Rivurnaltum frustra ten-  
tant. 5.E  
Urbanus II. Pontifex Romanus. 7.A.24.D  
— IV. Pontifex Romanus. 20.A  
Urfeolus (Petrus) Venetiarum Dux, Saracenos  
Barrum obsidentes fugat. 6.C.D  
— Adrienses superat, & ad tenuitatem  
redigit. 6.D

Z.

Zenus (Rainerius) Dux Venetiarum. 18.F  
— — classē Venetam auget. 20.B  
— — ejus obitus. 21.C  
Zianus (Petrus) Dux Venetiarum. 14.C  
— (Sebastianus) Dux Venetiarum. 9.B

F I N I S.





PETRI BEMBI,

*Patricii Veneti, Cardinalis,*

HISTORIÆ  
VENETÆ,

LIBRI XII.

Editio Novissima, cum optimis Exemplaribus collata, accuratissimè castigata, atque Indice copiosissimo adaucta.



LUGDUNI BATAVORUM,

Sumptibus PETRI VANDER Aa,

*Bibliopolæ & Typographi Academiae atque Civitatis.*



THE UNIVERSITY OF CHICAGO

LIBRARY

OF THE

OF THE

OF THE

OF THE

OF THE

OF THE

OF THE


OF THE



# P R Æ F A T I O

Hujus Novæ Editionis.

## BENEVOLE LECTOR.


 icet Liber hic, ob singularem in conscribendis historiis Auctoris promptitudinem, in lucem sæpe sit editus, & per totum quasi terrarum orbem distributus. Attamen labori huic supersedere nolui, quin iterum cum aliis operibus Historias Antiquitatesque *Italiæ* continentibus promulgarem, non dubitans, quin liber hic, si in potestatem cujusdam venerit, & cum aliis Editionibus hanc comparaverit, benevolentiam lectoris ob nitorem, commoditatem, & puritatem sit capturus. Nam præter singulorum librorum Epitomen, & Tabulam locorum prisca & nova nomina explicantem, Corollaria sive Glossas breves, memoriæ causa marginibus paginarum adscriptas, quæ in nonnullis Editionibus desunt; accessit Rerum Vorumque memorabilium Index etiam copiosissimus. Hæc te mi Lector admonere volui, ut tibi curam & diligentiam meam in edendis libris manifestarem. His utere & Vale.

---

*Ad Illustrissimum ac Sapientissimum*

*VENETIARUM PRINCIPEM*  
**FRANCISCUM DONATUM,**

In Historias PETRI BEMBI Præfatio.

 Ulte sunt artes, Illustrissime Princeps, quod tu minimè ignoras, cum ad vitam sustentandam inventæ, tum ad cultum, aut etiam ad jucunditatem voluptatemque ab hominibus excogitatæ: quarum in singulis qui excellenti quadam scientia aliquando præter cæteros præstiterunt, magno apud omnes gentes in honore habiti sunt. Nec verò injuria id quidem: nihil est enim præstantius, nihil omninò homini laudabilius, quàm de hominum genere bene, quoquo modo possis, mereri: eamque cognationem, quam à natura habemus, nostra quoque opera, hoc est, dandis beneficiis, arctius etiam astringere. Quod si harum commoditatum utilitatumque effectoribus tantus honos habendus est singulis, quibusnam tandem aut literarum, aut operum monumentis ejus gloriam dignè illustrabimus, si cujus ars ac disciplina tanta sit, ut universa illa contineat ac completatur? aut si quis harum omnium artium moderator, & tanquam architectus, quatenus quemque quoquo modo progredi deceat, judicet, atque præscribat? est enim difficilis illa quidem & ardua in præclaris nonnullorum hominum ingeniis, cæterarum omnium princeps ac magistra, minimè tibi quidem incognita facultas quædam, quæ civitatum procurationem sibi vindicet, & Reipublicæ regendæ muneri præposi-  
ta



# P R Æ F A T I O.

*ta sit. atque eam artem civilem rationem, eandemque prudentiam licet appellare: cuius quidem disciplinæ qui compotes sunt, non una modo aut altera re separatim hominibus commodare ac prodesse, sed universam eorum gubernationem suscipere volunt: nec illud efficere solam conantur illi, privatim ut liberè, ut tutò, ut jucundè; sed ut benè etiam beateque publicè vivant. Quamobrem tanti ac tam præclari operis artifices, non ut reliquarum artium magistri laudibus solum extollendi sunt, sed etiam (si modo dictu fas est) in Deorum immortalium numero, quibuscum humanarum rerum procurationem propemodum communem habeant, venerandi atque colendi. Atque horum artificum vestro in Senatu maxima omnino facultas est, semperque fuit, id quod res ipsa declarat: nec enim tanta, tamque opulenta ac beata civitas vel constitui initio potuit, vel deinceps tantopere augeri & crescere: nec verò uno eodemque statu, & tanquam habitu, tot secula, id quod nullis gentibus, ut totius vetustatis memoriam quam longissimè repetamus, usu evenit, manere, sine eximia quadam prudentia, sineque admirabili ac divino cum patrum vestrorum, tum vestro, qui nunc eam talem tantamque tuemini ac regitis, consilio. Ac video equidem pluribus quam vos gentibus aliquot annos, domi natam olim esse civitatem unam aut alteram: veruntamen (liberè enim dicam quod sentio) imperium bello partum sepe feritatem, sepe violentiam atque iniustitiam, fortunæ quidem certè temeritatem semper habet: at bene domi constituta res, sineque ullo civitatis motu tot seculorum diuturnitate firmata, una eademque Reipublicæ ratio moderata & concors, ea verò tota virtutis est, ac prudentiæ. Itaque in bello illæ atque inter arma cum stetissent, in pace atque in otio conciderunt, quippe quæ non ratione, sed viribus nixæ erant: nec enim quietis, hoc est, parendi vicissim atque imperandi, artes didicerant: vos pacis, id est, juris atque æquitatis studia, quæ vincula sunt civitatis, cum domi coleretis, nihilominus foris belli gloria floruistis. Etenim cum civilis illa, quæ modo à me appellata ratio est, duabus contineatur partibus, bellicarum atque urbanarum rerum scientia & tractatione: illi, cum bellicam laudem nimio adamassent opere, alteram Reipublicæ partem incultam propemodum reliquerunt: vos utramque quidem, sed præcipuam, ut par fuit, maximè adepti complexique estis. Ergo ex omni Italia, tanquam è turbulento ac formidoloso mari aliquo, tanta hominum vis ad vos confluit, vestramque in urbem sese, quasi in portum, refert, vix ut jam capere tantam multitudinem suis illa tectis possit: qui cum è suis civitatibus in vestram migrant, protectiores ab injuriis fore domi sese vestræ advenas, quam suæ cives, certè confidunt. Maxima igitur laus vestræ Reipublicæ vobisque magnis clarisque in ea civibus debetur, quæ in eo munere, quod de humanis omnino muneribus longè præstantissimum sit, una excellat plurimum. Præstent enim alii aliis virtutibus populi, vobis autem id unum proprium perenneque est, rem tueri publicam, hoc est, humanum genus animi ratione, non felicitate aliqua, quæ casum habeat necesse est, & varietatem fortunæ propriam, conservare: hæc enim & stabilis ipsa est, & diuturnitatem atque adeo, quoad res humanæ ferre possunt, perpetuitatem, quod vestra est Respublica consecuta, parere consuevit. Fortunati igitur cives tui. Te verò equidem semper beatum, semper gloriatione dignum existimavi, cum propter multas magnasque virtutes tuas, animi magnitudinem, continentiam, suavissimos, eosdemque castitatis, religionis, pietatis plenissimos mores, dulcem illam tuam uberemque dicendi copiam, tum verò propter divinam istam animi tranquillitatem atque æquitatem. Cum enim tot annos in hac post hominum memoriam clarissima Republica summa cum gloria versatus sis, cumque dignitatis præstantia quamplurimis semper anteieris, communis juris æquabilitatem transisti nunquam, ac ne cogitasti quidem. Quin etiam (memini enim de hoc ipso Bembo sæpe audire) cum tua te virtus multos jam abhinc annos ad summam amplitudinem perduceret, tuaque præclarissima patria ad istum honoris gradum, quem unum altissimum habet, ipsa te tollere cuperet atque adniteretur, deque tua gloria sollicita esset, liberaisti tu eam omni cura, atque*

*aliis*



aliis quibusdam, in istum locum magna quadam properatione festinantibus, cum antevertere posses, ultrò cessisti. Magnifica verò laus, honorem tantum, præsertim cujus cupiditate ceteri inflammentur, tam modicè concupiscere. Sed eadem tamen ipsa Respublica, simul ac data facultas est, jamdudum tibi debitam, tibi que reservatam dignitatem istam, ad te scilicet eundem cupidissimè detulit: neque tamen, ne sic quidem, æquabilitatem animi tui tu illam veterem amisisti: atque hoc ipso in honore maximo gerendo, cum gravitatem ac dignitatem sic adhibeas, quasi Reipublicæ humanitatem facilitatemque ut tuam retineas, ita nec civitatis maximæ clarissimæque majestas desideranda est, nec optimi præstantissimique civis humanitas requirenda. Quid, quod duarum maximè insignium virtutum integritatis ac prudentiæ tuæ, duos esse certissimos testes videmus, paupertatem alterius, summam alterius tuam apud omnes gratiam atque auctoritatem? quo quidem ex testimonio intelligere omnes necesse est, ita te in Republica administranda ad octuagesimum usque annum ætatem contrivisse, ut publicas res sic procurares, ut tuas: sic autem ab iis manus abstineres, ut ab alienis: ita factum esse ut cum tu sic animum induxisses tuum, ut bono civi gratis Reipublicæ serviendum esse statueris, illa contra egregiæ tuæ erga se voluntatis tibi præmium, quod habuerit præclarissimum, laudis & gloriæ, tribuere cupierit. Ac mihi quidem in te intuenti verum omnino videri illud solet, quod à sapientibus traditum est: ajunt enim, homines ferreis alios, alios æreis, quosdam argenteis animis gigni: esse etiam, paucos illos quidem, sed tamen nonnullos, quibus aurea animorum natura data sit, iisque seorsum regendarum civitatum munus à Deo assignatum: illos alios, quò sua quemque aut deditia aut vilitas impellat, ferri: at vos ex illo aureo genere natura, ipsos per vos locupletes atque honoratos, ad salutem civium, populorumque incolumitatem, vitamque omnium quietam & beatam ortos, nec honores concupiscere, & divitias contemnere, & generosarum volucrum ritu cælum modò spectare, ubi vobis civitatum rectoribus ac conservatoribus certum locum ac diffinitum esse teneatis. Quæ cum ita sese habeant, tam præclari hominum maximorum coetus atque concilii instituta, tam diuturnæ Reipublicæ moderationem, tam eximie civitatis magistratuum descriptionem, opes, & copias, tam res vestras domi bellique gestas à populis gentibusque aliis audiri, manareque ad posteros, non jam ad vestram modo gloriam pertinet, sed etiam ad eandem ipsam, in qua versamini atque exercemini, hominum salutis curam: habebunt enim exteræ nationes non modò, quod magnopere laudent, quodque admirentur plurimum, sed etiam quod imitari cupiant, undeque exemplum petere possint, qualem esse, optimam firmissimamque Rempublicam, ac statum civitatis maximè diuturnum maximeque expetendum, oporteat. Quare rerum vestrarum historia hæc, quam P. Bembus Cardinalis, vir idem clarissimus, idem scriptor unus omnium politissimus, scripsit, meritò & flagitata jampridem à multis est, & expectata semper ab omnibus. quid enim aut ad delectationem jucundius, aut ad disciplinam (est enim historia vita magistra) gravius, constantiusve esse possit, quam civitatis omnium prudentissimæ leges, mores, instituta, consilia, magnarum variarumque rerum casus atque eventa, de omnium dulcissimo elegantissimoque autore audire, eoque ipso nec in mendacio gratiam quærente: nec in veritate simultatem extimescente? fuit enim Bembi non stylus modò purus & elegans, sed animus etiam sincerus inprimis ac simplex: qui cum summa jam senectute, patriæ vestræ rogatu, vel jussu potius, res vestras gestas scribere aggrediretur, neque ad hanc ætatem memoriamque nostram pervenire sese scribendo posse confideret, sæpe mecum locutus est, & quidem crebrò te appellans, cum permolestè ferret excludi sese tempore à tuarum laudum, tuique similium commemoratione: qua nos re commoti, faciendum nobis esse duximus, ut ejus historiam ad te potissimum mitteremus; optimi scilicet senis virique clarissimi atque hominis disertissimi, plenas gravitatis, plenas auctoritatis, plenas dignitatis lucubrationes, ad sanctissimum itidem, è germanoque illo Platonis auro



*Senem, in clarissima post homines natos Republica Principem, civemque unum omnium facundissimum. Accipies igitur tu illam, non à nobis quidem, sed à Bembo per nos tibi missam: patriæque tuæ utrunque gratulabere: eadem enim, res maxime scriptione ac memoria dignas ad historiam suppeditavit, eadem, gravissimum luculentissimumque suarum rerum gestarum scriptorem ac testem peperit.*

## RICHARDUS DESTRESIUS, LECTORI.

*Si claras Venetum te res terraque marique  
Scire juvat, Bembum, candide lector, habes.  
Si Latii te delectant sermonis amœnæ  
Deliciæ, Bembum, candide lector, habes.  
Si cariem cedro metuente poemata digna  
Sectaris, Bembum, candide lector, habes.*

*Annales tibi vel sit epistola docta paranda:  
Non alius Bembo dux imitandus erit.  
Facundos genuit tellus Oenotria multos:  
Vix alium palmam Bembus habere sinat.  
Aeterna nobis igitur sit laude colendus,  
Plura sed à grata posteritate feret.*

## INDEX LOCORUM BEMBI HISTORIÆ,

in quo novis ac pervulgatis, prisca Latinaque & vicissim priscis  
nova nomina, quoad fieri potuit, apposita sunt.

### A.

**A** Batia, vicus prope Ferrariam.  
Acarmania. Epiri pars, hodie quoque sic vocata, sed latius patet, nam etiam Ætoliam comprehendit ducatus nomine.  
Achaja, Græciæ Regio, hodie propriè Hellada, id est, Græcia nuncupata.  
Acrita, promontorium, C. Acrita, vel C. Gallo.  
Acroceraunii, Cimeriaci.  
Adriani arx Romæ, Castellum Crescentii, nunc Castell S. Anglo.  
Ægeum mare, Archipelago.  
Ægina insula, Legiena.  
Ænaria insula, Iscla, Pithæcusa, hodie Ischia.  
Ætolia, Achajæ regio hodie in ducatu Acarnaniæ comprehenditur.  
Agresta, oppidum in Rhetis.  
Albanus mons, prope Patavium & Fossam Clodiam.  
Alexandria, civitas in Gallia Cisalpinga, & vocatur Alexandria Palearia, olim Cæsarea.  
Alexium, Lisso, urbs Illyrici.  
Amasia, Marpurgum in Germania.  
Ambrosia, in Gallia in Turonibus.  
Ambracius sinus, Golfo di Larta.  
Ancona, urbs Piceni, olim Picenia.  
Anso, vicus in Cenomanis.  
Anguillaria, Annilaria, Fidenatium urbs, Anguillara.  
Anxur, Terracina urbs in Latio.  
Apforus insula, Ossaro, prope Illyricum littus.  
Apuani Ligures, Lunigiana.  
Apua opp. Bembo Ponsremuli, hodie Pontremolo.  
Apulia regio, Puglia.  
Aquæ Martinianæ pons, in Veronensi agro, Ponte di S. Martino.

Aquileja colonia, nomen retinet.  
Aquitania, Guascogna.  
Arabia, regio nota in Asia.  
Arba, Illyrici insula, Scordona.  
Arbona mons, Arbor felix olim, Germanicè Bar.  
Arcangelianum. S. Arcangelo, oppidum.  
Arcum municipium, prope Tridentum, Arco.  
Argenton, Argentius fluvius & oppidum in Gallia.  
Ariminum, Rimini, urbs Æmiliæ.  
Armenia, hodie Aladuli.  
Armorici, Britannia citerior, Bretagna.  
Arnus fluvius, Arno, in Hetruria.  
Ascrivium, vel Ascrivum oppidum in Dalmatia, hodie Cataro.  
Asta colonia, Asti, urbs prope Taurinos.  
Asulum, & Asula in Cenomanis, Asola.  
Atella, sive Avella, Aversa urbs in Campania Felice.  
Aternum, oppidum & fluvius, Pescara.  
Ateste, in Euganeis, Este oppidum.  
Athesis fluvius, Adice.  
Avernia, locus in Clusentinis Francisco sacer.  
Aulerci, Rotomagum, Roano in Gallia.  
Aulon, Lavalona, in Epiro.  
Aurelia via, Maremma, in Hetruria.

### B.

**B** Ajæ, in Campania Felice, Baja.  
Barbaranum, oppidum in Cenomanis.  
Bassianum, oppidum in Euganeis.  
Basilicata, Lucania, regio Italiæ.  
Bastia, castellum, prope Ferrariam.  
Bebia, le Bebe, vicus prope Fossam Clodiam.  
Belaere vicus, prope Ferrariam.  
Belgradum, in Carnis, nam alterum est in Pannonia.  
Belin.



Belinzona, *Bilitium* sive *Brennorum* aut *Viliconis* castrum vel *Zona*.  
 Bellunium, *Belluno*, oppidum in *Carnis*.  
 Benacus lacus, *Lago di Garda*.  
 Bergomascium, castellum in *Insubria*.  
 Bergomum, *Bara Orobiorum* oppidum olim.  
 Berytus, *Julia felix*, *Baruti*, urbs *Affrye*.  
 Beurenles, *Beysser* in *Norico*, inter *Lycum* & *Oenum*, forte olim *Breuni*.  
 Befinus vicus, *Pisino*.  
 Bibiena, oppidum in *Clusentinis*.  
 Bissinianum, olim *Beletra*, *Bisignano*.  
 Bozolum, oppidum in *Cenomannis*.  
 Bovolentia, in *Euganeis*, *Bovolenta*.  
 Bonæ spei promontorium, *Africe* ad austrum extremum. *Capo di Buona Speranza*.  
 Burianum, insula in *Veneto* porta, *Burano*.  
 Butistanium, vallis & castellum in finibus *Italiae* ac *Germaniae* prope *Noricum*. *Bostagno*.  
 Butrium, *Butri*, castellum, in *Æmia*.  
 Bretinorum vicus, *Bertinoro*, in *Æmia*.  
 Bretola, castellum, in *Gallia Cisalpina*.  
 Brisigelia, *Anemonis vallis* oppidum, in *Æmia*.  
 Brixia, *Brescia*, urbs in *Cenomannis*.  
 Brundisium, *Brindisi*, urbs.  
 Brutii, in *Calabria* sunt, nisi forte *Brutios* vocet eam regionem, quæ hodie *Abruzzi* dicitur, hoc est, *Marsos* & *Præcutinos*.  
 Byzantium, hodie *Constantinopolis*.

C.

Caduræ, fluvius & vallis; *Varanus fl.* & *Calerius*.  
 Cajeta, *Cajeta* urbs, in *Latio*.  
 Calabria, nomen retinet.  
 Calce, *Calci* castellum, in *Hetruria*.  
 Callianus vicus, *Calliano*, in *Hetruria*.  
 Camaldulense fanum, *Camaldoli*, in *Hetruriae* montibus.  
 Cameracum, *Samarobriga*, *Cambray* in *Morinis*.  
 Camertes, *Camerino*, urbs in *Piceno*.  
 Camisanus vicus, prope *Vicetiam*.  
 Campi Martiniani, *Campagna di Verona* in *Cenomannis*.  
 Candia oppidum, olim *Cytheum* in *Creta*.  
 Cania, *Cretæ* oppidum, *Cidon* olim.  
 Canibales, populi novarum regionum.  
 Cantabri, *Biscaglia*.  
 Canusium, *Canosa*, urbs in *Apulia*.  
 Capraria, *Padi ostium*, hodie magna vaca.  
 Capua, *Osca* olim *Hetruscorum* colonia, in *Campania Felice*.  
 Capuana arx, *Neapoli*.  
 Caravagium, *Carraca*, olim oppidum.  
 Carbonaria, *Padi ostium*, hodie le fornaci.  
 Carretium, *Caretto*, oppidum in *Liguria*.  
 Cariatum, *Cariati*, oppidum in *Liguria*.  
 Carni, in *Forojulii* hodie, *Carniola*, regio.  
 Carpos municipium, *Acerra*, vel *Campi Nacri*.  
 Carystus, *Carezzo*, in *Græcia*.  
 Casaboldum, in *Brixiano* agro, castellum.  
 Casale, vicus ad *Padum* prope *Mantuanam*.  
 Cassianum, *S. Cassano*, castellum in *Gallia Transpadana*.  
 Cassia via, qua *Roma* per eam regionem quæ hodie *Patrimonium* vocatur in *Hetruriam* itur, id est per *Viterbum* & *Mediterranea*.  
 Cassina, prope *Pisas*, castellum in *Hetruria*.  
 Cassinum, *Casinum* *Casilinum*; castellum.  
 Cassinus saltus, *Monte Cassino*, ubi olim fuit *Apolinis* templum in *Hirpinis*.  
 Castellatium, in *Liguria* prope *Genuam*, castellum.  
 Castellum francum, forte olim *Acedum*, castellum in *Euganeis*.

Castellum ovi, *Neapoli*, *Meager* sive *Meagrum antiquis*.  
 Castellum ubi alumen conficitur; in *Hetruria* *Tolfa nova*, olim *Forum Claudii*.  
 Catholica vicus, ad *Athesim*, in *Cenomannis*.  
 Centum Cellarum portus, *Civita vecchia*, aliquibus *Pyrgi* & *Castrum novum*, postea *vetus* appellatum.  
 Cephalæ regio *Africæ*, auro scatens, vulgò *Sofala*.  
 Cephalenes insula, *Cefalonia*.  
 Cere oppidum, *Ceri*, olim *Alsum*, in *Hetruria*.  
 Cesena, *Flaminie* civitas.  
 Cesenatium vicus, parvorum navigiorum statio ad mare, *Cesenatico*.  
 Ceva, oppidum in *Liguria*.  
 Chrysopolis, civitas *Græciæ*.  
 Citadella, oppidum in *Euganeis*.  
 Cividale in *Carnis*, *Forijulii* civitas, *Cividal di Frioli*.  
 Cividale Bellunianum, *Cividal di Belluno*.  
 Clastidium, *Chiesteggio*, oppidum.  
 Clissa, in *Illyrico*, vel *Sclissa*, olim *Lopfica*.  
 Clusa, in *Rhetis*, *Chiusadi Trento*, oppidum.  
 Clusentini saltus, *Casentino*, olim *Terra passumena*.  
 Collisaltus, *Colalto* castellum in *Carnis*.  
 Colocuetæ oppidum, *Calicut* olim *Cottiana*.  
 Colonia vicus, in *Euganeis* *Cologna*.  
 Comum, *Novocomum*, urbs *Galliæ Cisalpinae*.  
 Concordia oppidum, in *Forojulii* unum, & alterum in *Gallia Cisalpina*, illud castellum, hæc urbs est.  
 Corcyra, *Corfu*, urbs & insula in *Epiro*.  
 Coregium, *Rhegiates* populi, oppidum.  
 Cormonsa, in *Carnis*, oppidum in *Carnis*.  
 Corneliæ villa, *Cunejan*, *Congienses* populi.  
 Corone, *Coron*, urbs in *Epiro*.  
 Corytum, *Cornuetum*, *Innuum*, hodie *Corneto*, oppidum.  
 Covolum, specus est in *Vicetino* agro & pagus prope specum.  
 Crema, *Diuguntinorum* forum, urbs, in *Gallia Cisalpina*.  
 Cremona, *Clymena* olim, urbs in *Gallia Transpadana*.  
 Crespa insula *Illyrici*, *Crexa* *Plinio*, aliis *Crepse*, hodie *Cherso*.  
 Creta, *Candia* insula.  
 Crevacorium, vicus, in *Gallia Cisalpina*.  
 Crispinum, vicus in *Æmia* ad *Padum*.  
 Crotone, in *Calabria*, hodie *Cotrone*, urbs.  
 Cruculæ, vicus prope *Lemniacum* in *Cenomannis*.  
 Cuba, *Atlantici* maris insula.  
 Cubaga, ejusdem maris insula.  
 Cumana insula, in eodem mari.  
 Curcenses, *Curci*, urbs in *Pannonia*.  
 Cyclades insulæ, *Isole del Archipelago*.  
 Cymacium, *Comachio*, oppidum, in *Æmia*.  
 Cyprus insula, *Cerigo*.

D.

Daurii, *Apulia* plana.  
 Dertoma, *Tortoma*, urbs in *Insubria*.  
 Dioryctus ad *Leucadiam*, fretum inter *Leucadiam* & *Acarnaniam*, spatium trium stadiorum, hominum opera factum.  
 Dium oppidum, *Dio*, *Barax* olim.  
 Drinus fluvius, *Drilon*, *Lodrino*.  
 Divinum, prope *Tergeste*, oppidum.

E.

Elous fluvius, idem qui *Lous* & *Laus*, hodie *Valsusa*.  
 Epirus, *Romania*, regio.



Eubœa, *Nigroponte, insula.*  
Euripi angustia, *frctum inter Eubœam insulam & Aulidem Bœotia portum.*

F.

**F**Amagusa, *olim Salamina, urbs Cyprl.*  
Faventia, *Faenza, urbs Æmiliae.*  
Feltria, *Feltre, olim Fertini, urbs.*  
Ferraria, *urbs.*  
Ferentinum, *Ferentino, oppidum in Vejentibus, & alterum in Latio, & alterum in Apulia.*  
Figariolum, *vicus Aricoli prope Ferrariam.*  
Finarium, *Finale, in Liguria unum, & alterum in Æmilia, oppidum utrunque.*  
Fisconis mons, *Falisca colonia, Monte fiascone, oppidum.*  
Flaminia, *Romagna, regio.*  
Florianum, *in Carnis, oppidum.*  
Flumen, *Fluminenses in Istris oppidum.*  
Folia, *cast. & fluvius in Piceno.*  
Fortunatae insulae, *Canariae hodie.*  
Forum Claudii, *Tolfa nova, castellum.*  
Forum Cornelii, *Imola, urbs in Æmilia.*  
Forum Julii, *Frioli, Liburnia, Carni, Patria.*  
Forum Livii, *Furli, urbs Æmiliae.*  
Forum novii, *Fornuovo, castellum in Gallia Cisalpina.*  
Fortinus mons, *Frangete olim, oppidum.*  
Frangetium, *oppidum, Monte fortino oppidum.*

G.

**G**allia, *Lombardia, nam de Gallia Cisalpina intelligit plerunque.*  
Gallutiani, *Galluzzo cast. prope Venafrinos campos.*  
Garganus mons, *Monte di S. Angelo.*  
Genabum, *Orleans, Aurelia, Eburaci, Mediolanum, urbs in Gallia.*  
Genua, *Liguriae urbs.*  
Gerula vicus, *Giarella, Glareola.*  
Getulia Gaeae solitudo hodie.  
Gorgonum insulae, *eadem quæ Hesperides.*  
Goritiani, *in Carnis, oppidum.*  
Gradiscæ, *in Carnis, oppidum.*

H.

**H**atria, *Adria, Hetruscorum colonia, à qua Adriaticum mare, non procul à Ferraria sita.*  
Hellepontus, *Braccio di S. Giorgio.*  
Helvetii, *Suizeri.*  
Hesperides insulae puto eas esse quæ Capitis Viridis appellantur, *contra Arsinarium promontorium.*  
Hispaniola, *Atlantici maris insula, Spagnuola.*  
Hostia, *Ostia Tyberina, Civitas portuensis.*  
Hidruntum, *Otranto, urbs.*

I.

**I**adertini, *Zara, Iadera colonia, urbs Illyrici.*  
Iapides, *Bembo Stiria, quamvis alii secus censeant: Iapidiam enim aliqui vocarunt Carnos & Liburniam.*  
Idrus lacus, *prope Tridentum, Lago d' Idro.*  
Illyricum, *Schiavonia, regio.*  
Indus, *fluvius.*  
India, *regio.*  
Intimilium, *Albintimilium, Albio intemelium, hodie Vintimiglia, urbs Liguriae.*  
Ionium mare: *secundus Europæ sinus, à Lacinio promontorio incipiens, & in Acroceraunium Epiri promontorium desinens.*  
Issicum mare, *Golfo de la Iassa, vel de Lajazo.*  
Iuanum, *cast. prope Tridentum.*  
Iustinopolitani, *Capo d' Istria, urbs in Istris.*

L.

**L**aconia, *Hecatopòlis hodie, regio & urbs.*  
Larius lacus, *Lago di Como in Gallia Cisalpina.*  
Ladium, *Castellum in Gallia Cisalpina.*

Lauretum, *duplex, in Piceno unum Beatæ virginis dicatum, alterum prope Fossam clodiam vulgo Loreo nuncupatum.*  
Laus Pompeja, *Lodi, urbs in Insubria.*  
Leccum, *Leucum, Lecco, olim Lupia, oppidum.*  
Lemniacum, *Lineacum, vulgò Lignago, oppidum.*  
Leoniceorum municipium, *Lunigo, oppidum.*  
Lepontii, *Levantina, Germanicè Livinertal.*  
Leucadia insula, *S. Maura.*  
Libra facta, *Hetruria oppidum, prope Pisas.*  
Liburni, *Croatia Bembo.*  
Licates vel Licacii populi circa Licum incolentes, *Germanicè Lechgouuer.*  
Ligusticum mare, *Mar di Genova.*  
Limen, *Limine fluvius, olim Romatus.*  
Liventia, *Liquentia fluvius, vulgò Livenza.*  
Longaretum, *Longare, oppidum.*  
Lous, vel Laus fluvius, *Elous, hodie Vajusa, in Græcia.*  
Luca, *Hetruriae urbs.*  
Luceria, *in Apulia, Nocera Urbs.*  
Lugium, *Lucus, Lugo in Æmilia oppidum.*  
Luna, *in Apuanis ubi nunc Seretianum, urbs.*  
Lupi, *& Lupiae Apuliae oppidum.*  
Lyctii, *in Creta, Litro, oppidum.*

M.

**M**acedonia, *Albania.*  
Maclovium, *S. Malo in Gallia.*  
Magneſia, *hodie Sipilo.*  
Majorbium, *Mazorbo, urbs in portu Veneto.*  
Malea, *C. Malio.*  
Maratta, *cast. in Æmilia.*  
Mare rubrum, *& Erytreum, Sinus Arabicus.*  
Martinianum, *cast. in Carnis.*  
Martinianus pagus, *S. Martino in Veronensi agro.*  
Mauritania, *hodie Barbaria pars, Maroci & Fesse regna continet.*  
Mediolanum, *Milano, urbs Insubriae metropolis.*  
Medoacus fluvius, *Brenta, & apud veteres Brenesia.*  
Megares, *Sive Megara insula, Acatboe olim, nunc vulgo Megra.*  
Melacum, *cast. in Bergomensis agro.*  
Meldula, *castellum in Æmilia.*  
Melos insula, *Byblus, Zephiria, hodie Milo.*  
Menapii, *Gheldrenses.*  
Messico, *Temistanae regionis in nova Hispania metropolis.*  
Mestre, *Mensura oppidum in Venetia regione.*  
Menstrum, *idem.*  
Metaurenſes, *Ducato di Urbino.*  
Methone, *Modon, in Peloponneso, urbs.*  
Mintius fluvius.  
Mirandula oppidum, *Miranda, urbs in Gallia Cispadana.*  
Mitylene, *oppidum in Lesbo insula, Motelino.*  
Moetis palus, *Mar de le Zabache.*  
Moerna, *Meduna fluvius & mons.*  
Mogambice, *Mozambique in Africa.*  
Mopolitani, *urbs Apuliae.*  
Moluccæ insulae, *aromatum, contra Sinarum regionem in mari Indico.*  
Monopolis, *urbs Apuliae.*  
Mons altus, *in Insubria castellum.*  
Mons falconis, *Veruca oppidum in Carnis.*  
Mons felicianus, *oppidum in Cenomanis.*  
Monſilice, *Monſilicius, Acelum, Acedum, oppidum, in Euganeis.*  
Montanianum, *in Euganeis oppidum.*  
Montestus, *Montefior, oppidum in Piceno.*  
Montopolis, *in Hetruria, oppidum.*  
Morini Belgicae Galliae populi, *hodie Flandri.*  
Morosticum, *Morostica, oppidum in Euganeis.*  
Motto, *Meta, castellum in Gallia Cisalpina.*  
Mugia, *in Istris oppidum, Muglia.*



Murianum, *Muriano insula in portu Veneto.*

N.

**N**aupactus, *Lepanto urbs.*  
 Nauplia, *Napoli di Romania, Nauplia nava-  
 lis, urbs in Epiro.*  
 Naxus, & *Naxus insula, Nasso & civitas Nicsia.*  
 Neapolis, *olim Pharibenope, Italicè Napoli.*  
 Nicolai fanum, *Venetis.*  
 Nicosia, *Cypri urbs.*  
 Nola, *idem nomen retinet in Latio.*  
 Nomium, *cast. prope Tridentum.*  
 Norici, *Noricus ager, inter Danubium & Atthesim,  
 hodie Tirolis comitatus, & si Noricus nonnihil la-  
 tius pateat, complectitur enim etiam Norimbergam.*  
 Norimbergâ, *Segodunum, urbs in Norico.*  
 Nova arx, *Neapoli, Castelnovo.*  
 Novale oppidum, *in Euganeis.*  
 Novaria, *Novara, urbs in Gallia Cisalpina.*  
 Novium, *Novi, castellum in Æmilia.*

O.

**O**lcinium, *Dulcigno, oppidum in Istris.*  
 Ollius fluvius, *Oglio.*  
 Olyssipone, *Lisbona, urbs in Lusitania.*  
 Opiniacus vicus, *Oppi no in Cenomanis.*  
 Oricella, *Oriolo olim Aureolus, oppidum.*  
 Ornia castellum.  
 Ofopius mons, *in Carnis, Rosazo.*

P.

**P**adus fluvius, *Po.*  
 Pagenses, *Page, oppidum in Istris.*  
 Palitia, *in Gallia Lugdunensi, la Palissa.*  
 Pandinum, *castellum in Cenomanis.*  
 Pantænæ vallis, *valle Polliente in Cenomanis.*  
 Paphos, *Papho in Cypro.*  
 Parma, *civitas & fluvius in Gallia togata.*  
 Paros, *Pario, insula & civitas*  
 Paula, *Pola, in Lucania prope Dianæ vallem, urbs.*  
 Peloponnesus, *Morea regio.*  
 Petilianum oppidum, *Pitigliano, oppidum in He-  
 truria.*  
 Petra castellum prope Tridentum.  
 Petra plana castell.  
 Petra sancta, *olim Herculis templum in Hetruria.*  
 Phanaticus sinus, *Golfo di Quarner.*  
 Pharos, *insula Illyrici Liesena.*  
 Philistinæ fossiones, *Fossa filistina.*  
 Picenum, *Marca' Ancona.*  
 Pinnæ Marinianæ, *S. Marino, urbs in Piceno.*  
 Pirenæi, *montes Hispaniam à Gallia dividentes.*  
 Pifa, & *Pisæ Hetruriæ urbs, una ex primis duode-  
 cim coloniis.*  
 Pifanus vicus, *Vico Pisano in Hetruriæ.*  
 Pifaurum, *Pesaro, urbs in Piceno.*  
 Pischeria, *Cenomanorum oppidum.*  
 Pifinum, *in Istris, oppidum.*  
 Placentia, *Piacenza, urbs.*  
 Plavis fluvius, *Anassus, vulgò Piava.*  
 Poleselia vicus, *Polisella prope Ferrariam.*  
 Poliza, *Dalmatiæ oppidum.*  
 Pons sacci, *in Hetruria, Vigisioli pons.*  
 Pons stagni, *castellum in Hetruria.*  
 Popula, *Pola Lucaniæ oppidum.*  
 Populonia, *Porto Baratto, urbs Hetruriæ.*  
 Poppium, *oppidum in Hetruria.*  
 Portus Gruarius, *olim Portus Romantius.*  
 Portus longus, *in Spbagia insula.*  
 Portus Naonis, *Pordonon, in Carnis.*  
 Postoina, *Carnum oppidum.*  
 Pratum, *Hetruriæ oppidum, prope Florentiam.*  
 Premium, *castellum in Carnis.*  
 Prevesa fluvius, *Aractus in Epiro.*  
 Prodonus insula, *Prote, prima insula, Prodeno.*  
 Pulinianum, *Pulignano, Polynianum, oppidum.*

*Purlilia, villa de la Purla in Cenomanis.*  
*Puteoli, Pozzuolo, urbs, in Campania Felice.*  
*Pylon, Zonichia hodie.*

Q.

**Q**ualianum, *castellum.*  
 Quërium, *Quer regio, supra Taurisum in Al-  
 pibus prope Castellum novum.*  
 Quiloa, *Africæ regio.*

R.

**R**apallus portus, *Rapalle, sinus, vallis & ca-  
 strum.*  
 Raspum, *oppidum in Istris.*  
 Ravenna, *olim Navenna & Pentapolis.*  
 Reggium, *duplex in Italia, unum in Æmilia via  
 Reggium Lepidi, de quo Bembus, alterum Reg-  
 gium in Calabria.*  
 Revoluta oppidum, *Ripa alta, Rivolta.*  
 Rhenes insula, *nunc Fermentia.*  
 Rheti, *Alpinæ gentes, hodie Italicè Grigioni, Ger-  
 manicè Binter.*  
 Rhytimna, *Cretæ oppidum, Aretima, nunc Retimo.*  
 Rodigium, *Rovigo, urbs.*  
 Rotomagum, *olim Aulerci, nunc Roan.*  
 Roveretum oppidum, *Rovere prope Tridentum.*  
 Roxolani, *Rutheni, regio Russia, quamvis Roxola-  
 norum regem, Mossoritam Bembus vocet.*  
 Russum, *Castel di Russi in Æmilia.*

S.

**S**abatinus lacus, *Lago di Bracciano.*  
 Sacilium oppidum, *in Foro Julii.*  
 Salassi, *Val de Augusta, Cavaese, Ougstaler, in qua  
 Augusta prætoris civitas.*  
 Salernum, *Salerno, à Silero fluvio, urbs.*  
 Samothracia insula, & *civitas, Samus hodie Dar-  
 dania.*  
 S. Joannis mons, *oppidum in Hetruria.*  
 Sason insula, *Sason in mari Jonio prope Epirum.*  
 Savinianum, *Savignano, oppidum in Æmilia,*  
 Savon, *Savona, Sabata, urbs in Liguria.*  
 Saxolum, *oppidum in Æmilia.*  
 Scala, *castellum in Cenomanis.*  
 Scardona, *Illyrici urbs.*  
 Scotra, *Scutari, urbs Illyrici.*  
 Scyros insula, *Sciro.*  
 Sebinus lacus, *Lago d' Iseo.*  
 Segusiani, *Susa, urbs in Taurinis.*  
 Senogallia, *Sinigaglia, urbs in Piceno.*  
 Serezanula, *Serzanello, oppidum Hetruriæ.*  
 Sergianum, *Seretianum, Serezana urbs Hetruriæ.*  
 Sermene, *vicus prope Figariolum, Sermito Semi-  
 num.*  
 Serravallium, *oppidum in Venetia regione.*  
 Setia fluvius, *Sechia, olim Gabelus.*  
 Severinates, *S. Severino castellum.*  
 Silis amnis, *prope Taurisum.*  
 Sipontum, *Sipus olim, in Apulia.*  
 Sollianum, *castellum in Hetruria.*  
 Soncinium, *castellum in Gallia Cisalpina.*  
 Sontius fluvius, *Lasanzo.*  
 Spalathra, *in Illyrico Spalato, olim Epetium.*  
 Sphagia insula, *contra Methonem, Sapientia hodie.*  
 Spoletum, *Vilumbrorum sive Umbrorum metropolis.*  
 Stellata, *vicus ad Padum.*  
 Strata, *pagus prope Pataviam, Sira.*  
 Strigonia, *Pannoniæ urbs.*  
 Suavium, *Soave, castellum.*  
 Sueffa, *Sessa, urbs in Campania Felice.*

T.

**T**aprobana insula, *Samotra vel Sumatra.*  
 Tarentum, *Taranto, urbs.*  
 Tarus fluvius, *Taro.*  
 Taurisum, *Treviggi, urbs.*  
 Tela, *oppidum in Apulia.*



# INDEX LOCORUM.

Temistana regio, in Nova Hispania.  
 Tenedos, *Tenedo insula Aegei maris.*  
 Terarequa, *Indici maris insula.*  
 Terracina, *Anxur, urbs Latii.*  
 Tergeste, *Tergestum colonia, Trieste, urbs in Istris.*  
 Tefinus, *regio in Alpibus prope Feltriam à Tessina fluvio.*  
 Theanum, *Theana, urbs Apuliae.*  
 Thessalonica, *hodie Salonichi, urbs.*  
 Thessalonicus, *sive Thermaicus sinus, Golfo di Salonichi.*  
 Tibur, *Tivoli, urbs in Latio.*  
 Ticinum civitas, *Papia vulgò, & fluvius Ticinus, Tisino.*  
 Tifernates, *Citta di Castello, Tifernum.*  
 Tilbaventus amnis, *Tajamento.*  
 Tifana, *urbs in Istris.*  
 Tolfanuova, *Forum Claudii, castellum.*  
 Torcelium, *Veneti portus insula.*  
 Tornefum, *Toron, hodie Rampa, oppidum Illyrici.*  
 Toffinianum, *Tausinianum, oppidum.*  
 Tranum, *Trinium olim, vulgò Trani, urbs Apuliae.*  
 Tremezenum, *olim Timici, Barbari Telensin vocant.*  
 Trespontes, *cast. in Carnis.*  
 Tretium, *castellum in Insubria.*  
 Trevisa, *castellum in Istris.*  
 Trevium, *Mutascæ olim vel Trebule Umbrorum oppidum.*  
 Tridentum, *Trento, urbs.*  
 Triturrita, *Labronæ statio, Ligurum Livorno, urbs Hettruriae.*  
 Triumphilorum vallis, *Ger, Triplenter, Italicè Valtropia.*  
 Tuneta, *Tunisi, urbs Africae.*  
 Tuscanella, *Tuscanienses, vel Tussanana.*

## V.

**V**Alaca, *Apuliae oppidum.*  
 Valegium, *oppidum in Gallia Cisalpina.*

Vallis stagni, *in Hettruria.*  
 Varivicus *Vicus Varronis vel Valerii, vulgò Vicovaro.*  
 Vaticanum, *Romæ S. Pietro.*  
 Vatreum, *Padi ostium, Primaro, Spineticum olim.*  
 Udertium *Opitertium, Opitergium, Epitertius, vulgò Uderzo, Carnorum oppidum.*  
 Vegius insula, *Veglia, in Illyrico mari.*  
 Velitræ, *Belitri, urbs.*  
 Veneris portus, *Porto Venere, urbs Liguria.*  
 Venusia, *Venosa urbs Apuliae.*  
 Venzonium, *oppidum.*  
 Verona urbs in *Cenomannis.*  
 Vesuvius, *Monte di Somma.*  
 Vestini, *Vestæ sanum, vulgò Biestri, urbs Apuliae.*  
 Via regia, *Hetruriae oppidum, Via reggio ad mare situm prope Lucam.*  
 Vicetia, *Vicenza, urbs in Venetia regione.*  
 Vicus aggeris, *prope Patavium, urbs in Euganeis.*  
 Vicus qui abest Ferraria V. M. P. ad quem naves quæ à vadis Venetis veniunt appellantur. *Francolinum vocatur.*  
 Vigevenum, *Viglevanum, oppidum.*  
 Villafranca, *non eam quæ in Liguria est & portus Herculis vocatur intelligit, sed Veronensis agri cast.*  
 Vipaum, *castellum.*  
 Vipultianum, *in Carnis, castellum.*  
 Viterbium, *olim Hettruriae regia, vel Volturnia, Vetulonia, & Veinza, urbs.*  
 Umbria, *ducato di Spoleto,*  
 Volana, *Padi ostium, Olana sive Alane.*  
 Urbinum, *& Urbinates, cognomento Metaurense à Metauro fluvio, urbs.*  
 Utinum, *Udente in Forojulii, urbs.*

## Z.

**Z**Acyntus insula, *Zante.*  
 Zides, *Arabiae oppidum ad Rubrum mare situm.*

# F I N I S.





# PETRI BEMBI CARDINALIS

quæ in eum ad  
L A U D E M  
sunt scripta.

Ex JULII CÆSARIS CAPACII

Illustrium Virorum Elogiis & Judiciis.



*P*etro Bembo Venetiæ clariores redditæ sunt, quàm vel naturæ miraculo, quòd omnium admiratione in aquarum lacunis conditæ sunt; vel quòd felicissimæ Reipublicæ splendoribus inter Italas urbes, Italiæ totius præsidium, elucent. Latini sermonis observator is est; Itali, restaurator. At religionem appellas observantiam? En tu innocentem accusas. Quæ nam religio in candidè scribendi cupido, qui verecundè extrà Romanæ linguæ fines egredi plerunque voluit, ut (quod à Joanne Francisco Pico acceperat) plures ad benè dicendum imitaretur? An religiosum benè appellas eum, qui omni puritate conceptus parit? Hyperidæ, & Lyfiæ Atticam fortasse subtilitatem exposcis? An idcirco religiosus, quòd horridioribus verbis mutatis, additis numeris, aptiorem facit orationem? Ex antiquitate eligere, rejicere, ingenui scriptoris est, in quo tunc demum gravitas apparet, cum interlucet nitor. Si epistolarum Bembi volumina legeris, Paulo III. Pontifici dicata, à quo Cardinalis electus est, summa jucunditate res maximas, & eventu gravissimas, quæ Leonis X. Pontificatu florentissimo acciderant, facillimè animadvertes explicatas. Habuit in iis delicatos censores, qui aliquot ad summos procures conscriptas, jejuniiores dixere; aliquot verò ad artifices, humilesque homines, pleniores quàm par esset Summi Pontificis auctoritati. Si ejusdem historiam suæ ipsius Reipublicæ precibus in senectute editam percurres, quàm eleganter scriptam judicabis? quàm sincerè expositam, in qua nec mendacio gratiam aucupatus est, nec odium veritate extimuit? Si Latina carmina perleges quid dulcius, quid purius, quid magis Maroniano saporì proximum degustabis? Quid verò in Italico idiomate, Bembi disciplina accuratius est? Quid vitio tribuunt turgidi scriptores, quod à Francisco Petrarcha non discedendum statuit? A candore, & puritate, non discedendum sanxit optimus iudex; quam sanè deserere coguntur, qui salebrosa, & hiulca verborum curiositate redundant excurrunt, quique dum jucundiora interjicere student, pondus, gravitatemque sententiarum aspernantur. An fortasse satis illud Bembo non esse debuerat, ut se magistrum præbuerit, cujus præceptis doctorum virorum scripta pertulerint emendationem? Non nescimus Ludovicum Ariostum multos versus obelisco notasse & Sanazarium parere recusantem, in aliquot errores incidisse. Nec veremur, tanti fuisse quæ Bembi calamo vivunt, ut sint cum sæculo perduratura. A Constantino Lascare literas Græcas edidicit. Studiosorum amantissimus tum ambitiosius ab iis laudari cupiebat, quod hujusmodi Francisco Maurolico declaravit, ut cum Dialogos de ordine, & numero elementorum, & de Sphæræ circulis & Planetarum moribus ipsi dicaturum scripsisset; Se illud pervelle, respondit, nec uberiolem esse donationis inter vivos stipulationem, quàm ea, quæ nostri nominis memoriam in omnem posteritatem sit propagatura.

I N C E R T I.

*Adria Bembe tibi patria est, tibi Roma sepulcrum,  
Imperat hæc terris, imperat illa mari.  
Egregiè es Tusca lingua, Latiæque loquutus,  
Non hac, non illa dulcius ulla sonat.*

*Sunt testes Musæ Tuscæ, Musæque Latine,  
Magnanimum Venetum testis & historia.  
Nobiliore loco haud poteras nasci, nec obire,  
Nec magis ornate, nec magè dulcè loqui.*

P. Bembus.

\*\*\*

Ex 70-



ELOGIA DE PETRO BEMBO.  
Ex JOANNIS IMPERIALIS Museo Historico.



VENETI fulgor, ornatuſque cœli *Petrus Bembo*, meritò perſtringat acies intuentium venerabili frontis ſerenitate, oriſque configuratione protenſa valdè, ſed ingenua placiditate ſpectabili, ut barba etiam procera, & ad pectus uſque graviter expanſa. Extat enim marmorea ejus effigies in *Patavino D. Antonii templo* cum elogio *Hieronimi Quirini* opera ſubjuncto, quæ ab *Italica* juventute celeberrimi alumna *Gymnaſii* quotidie ſalutatur. Plurimas huic homini natura opifex inſevit ingenii dotes, quibus cùm ejus ſæculi vivens acclamationem, tum deſunctus poſteritatis ſtuporem eſt adeptus: unica proſectò ex iis, quemlibet orbi redderet illuſtrem, quæ in ipſo excellenti ſummoque gradu collectæ inveniantur: vorſæ ac proſæ orationis nitor inſignis, tam *Italica*, quàm *Romane*: antiquorum, ac recentium ſcriptorum egregia æmulatio: in tractandorum ſerie facilitas, in explicando puritas, in imitando tam eſſe habilem admiraris. Hinc optimæ ſe efferant vires inſtitutionis: quando is *Florentiæ* altus cum patre Legatum Reipublicæ *Venetæ* nomine tunc agente, imbibere medullitus ejus nationis idioma ſic potuit, ut ſerè nativum aboleret omninò. Patet in libello, quem *Aſolanorum* vocavit, & in *Hiſtoriis Venetis*, & alibi quàm ſe naviter *Florentinum* ſcriptorem ementiatur, quod immortalis cedat noſtratium gloriæ, quam impenſè pariter *Speronus Speronius Patavinus* vir anteaſti ſæculi eloquentiſſimus amplificavit. Hunc igitur dignitate nominis ubique clarum, *Feltria* domus *Urbini* olim ſolemne illud literatorum concilium agitans, ad ſe pluries pertrahere nixa, pluries etiam, & orantem audivit, & ſcribentem excepit: inter cæteros *Julianus Medicus* extorris inibi degens cum *Joanne* Cardinali, *Leonis* poſteà *decimi* nomine Pontificatum emerito, ſummis benevolentiæ officiis *Bembum* complexus, ſubinde ipſi ad *Leonis* aulam ſtravit aditum, injuncto ſecretorum (ut vocant) *Brevium* perſcribendorum munere, ætatis ſuæ anno quadrageſimo tertio, unà cum *Jacobo Sadoletto Mutinenſi* optimarum literarum laude *florenti*. Ea in aula tanquam amplos aucupatus reddituum titulos, purpurei etiam pilei decus fortè captaffet, niſi gravi, ac diuturno morbo præpeditus, *Romano* ſolo cedere, ideòque *Patavium* antiquam *Æſculapii* officinam petere coactus eſſet, ubi poſtmodum perenni annorum curriculo inſidens, incolumitatis ſuæ, ceu *Muſarum* in gremio fructum, prædulci ex otio, exoptatiſſimum retulit: ejus namque domus perpetuis magnorum hominum conventibus frequens, novum quaſi reſerare *Peripateti* oſtium, ſive alterius æmulum *Mæcenatis* diverſorium magnificè ſpectabatur. Hac vitæ norma ad ſeptuageſimum pertingens annum, à *Paulo III. Fa-neſio* amico perveteri vix designato Pontifice, renunciatus eſt Cardinalis, famoſa illa uſque adeò multorum electione, ut flores ingeniorum ex omni terrarum ambitu collecti, purpureoque ſacri nitoris ſtemmate inſigniti, fragrantiffimum exinde ſapientiæ, religionis, virtutumque maximarum odorem orbi afflaverint univerſo. Protractum aliquantiſper ajunt *Bembo* hujſce dignitatis decus, quodd nobilem concubina *Roma* perductam, laxiore ſenſus intemperamento coluerit; ſuſceptis nimirum ex ea tribus ſæminis, ac vel ad frigidum ſenium arcta ipſius conſuetudine propagata. Ita ex *Platonis ſententia ſumma ingenia, ſumma etiam plerumque vitia conſequentur*. Cæterum fidiffimo pietatis cultu, præaltaque diſciplinæ exiſtimatione, cùm in tanta *Romane* urbis luce verendus, & conſpicuus emereret, ad hortum fortè ſuum vectus equo ſcedens, in ſuperum aditus limen impingens, exitialem excepit ictum, à quo ſummo *Italiæ* ſqualore biduo eſt creptus.

Cynthii Gyraldi.

*Thuſca tuo debes Petrarchæ, Muſa, parenti*  
*Multum, Bembeæ ſed magis una lyra.*  
Namque is te genuit: *Bembo* revocavit ab Orco,  
Illud mortale eſt: hoc reor eſſe Dei.

Jo. Ambroſii Perſonæ.

*Dum nitet eloquio, rubro dum ſplendet amictu,*  
*Purpuream Petrum, quis neget eſſe roſam?*  
*Eſt roſa, dum loquitur, redolet ſic namque diſertus.*  
*Eſt roſa purpureus, ſic roſa namque rubet.*

J. Cæſaris Scaligeri.

*Si probitas, pietas, gravitas, animuſque quietus*  
*Cedunt iis numeris, qui Ciceronis erant:*  
*Sic palmam ex Cicerone feram, ſin gloria major*  
*Ex illis, palmam de Cicerone feram.*

Ex Auguſtino Beatiano Bembi tumulus.

*Bembe jaces, tecumque jacet, quæ prima canendi eſt*  
*Gloria ad extremos non reticenda dies.*  
*Bembe jaces, tecumque jacent cæleſtibus apti*  
*Mores, quos poſthac ſæcula nulla ſerant.*  
*Bembe jaces, tecumque jacet ſincera voluntas,*  
*Et, qui nos prohibet dicere falſa, pudor.*  
*Bembe jaces, animique jacet laudabile tecum*  
*Quicquid habet Latinum, Græcia quicquid habet.*

Incerti.

*Delitiæ Bembo Muſarum ad ſidera cantus*  
*Traxit Apollineos, Anſoniæque lyram.*  
*Carminibus ſat gemino mortales imbuit aures,*  
*Nunc immortales conciliare juvat.*

In templo D. Antonii Patavii.

PETRI BEMBI IMAGINEM, HIERONYMVS QVIRINVS  
ISMERII FIL: PVBLICE EXPONENDAM CVRAVIT.  
VT CVIVS INGENII MONVMENTA ÆTERNA SINT, CORPORA  
RIS QVOQVE MEMORIA, NE A POSTERITATE DESIDERETVR.  
VIXIT AN. LXXVI. MENS. VII. DIES XXIX. OBIIT AN. MDXLVII.

Ex FREHERI, Virorum eruditione ſingulari clarorum Theatro

Morte ſubitâ extinctus, non ſine toxici clam dati ſuſpitione, vitâ exceſſit *Romæ* 18. Jan. Ann. C. 1547. ætatis 76. Sepultus in Templo *Minervæ*.

In Sepulchro ejus hoc legitur Epitaphium:

D. O. M.

PETRO BEMBO, PATRITIO VENETO, OB EIVS SINGULARES VIRTUTES A PAVLO III. PONTIFICE MAXIMO, IN SACRVM COLLEGIVM COOPTATO TORQVATVS BEMBUS POS. OBIIT XV. CAL. FEBR. MDXLVII. ÆTAT. LXXVI.

*Hic Bembo jacet Aonidum laus maxima, Phœbi*

*Cum Sole & Luna vix periturus honos.*

*Hic & fama jacet ſpes & ſuprema galeri,*

*Quam non ulla queat reſtituiſſe dies.*

*Hic jacet exemplar vitæ omni labe carentis,*  
*Summa jacet ſumma hic cum pietate fides.*

Scriptit & edidit

*Hiſtoriæ Venetæ Lib. XII.*  
*De Guidone Ubaldo Feltrio, & Eliſabetha Gonzaga Urbini Ducibus librum.*

*De Imitatione Sermonis M. Tullii, contra Johannem Franciſcum Picum.*

*Epistoſarum Leonis X. nomine ſcriptarum lib. VI.*

*Epistoſarum Familiarium Lib. VI.*

*Libellum Carminum.*


*Libellum, quem Aſolanorum vocavit.*

*Benacum, Poëma venuſtum Heroicum.*

*Dialogum de Ætna, de Calice Virgilii, & Terentii fab.*

PETRI




















VENETI  
DOMINII,  
Novissima atque accuratissima  
Geographica delineatio.  
LUGD. BAT.  
Excudit PETRUS VANDER AA.





LIBRARY  
OF THE  
BIBLIOTHEQUE  
NATIONALE  
PARIS





11 JUL 1900

LIBRARY



# PETRI BEMBI

## RERUM VENETARUM

### HISTORIÆ LIBRI PRIMI

#### EPITOME.

**B**elli Rhetici causæ, initium & progressus. Rovereti expugnatio. Georgii Sonnenbergii cum Antonio Maria Severinate singulare certamen. Germanorum Rovereto discessus. Eorundem cum Venetis pugna, & Roberti Severinatis interitus. Eiusdem belli finis, & pacis leges. Sumptuariae leges Venetiis. & item ad viarum angustias ac pontes spectantes latae. Joannis Bentivoli, atque Daciae reginae Venetias adventus. Hieronymi Rhearii & Galeotti Manfredi interitus. Cyprium regnum in provinciam redigitur, & Regina se ad urbem confert. Vectigal navibus imponitur. Magistratus in Africam Tremezeni regis postulatu à Senatu mittuntur. Lex de suffragiis, & alia de Græcis equitibus lata. Roxolanorum regis ad Senatum legatio. Induciæ Senatus opera inter Federicum Cæsarem & Matthiam Pannoniæ regem dictæ. Cæsaris in Italiam adventus. Lex pro infantibus vulgo quæsitis, & pleraque alia leges latae. Paros insula à Venetis contra Turcas defenditur. Georgii Cernochii cum Antonii Erii filia connubium. Lex in fures domesticos lata. Guidimariæ Rubei obitus. Scoloporum descriptio, eorundemque usus à Senatu in imperium suum introductus. Ingens in Italia frigus. Hermolaus Barbarus patriarchatum Aquileiensem adipiscitur, & quæ inde sint sequuta, ac ejusdem obitus. Venetus magistratus Bizantio pellitur. Cives qui pro patria mortem oppetierunt, ornantur. Quadragesimale iudicium tertium additum. Suffragiorum ferendorum ratio. Quorundam malorum civium ambitus reprimitur. Laurentii Medices & Innocentii Pontificis obitus, atque Alexandri Borgiæ creatio. Inter Pontificem Mediolanensem ducem & Venetos fœdus. Giemis Sultani apud Pontificem captivitas. Leonoræ, Herculis Atellini conjugis, cum duabus filiabus Venetias adventus.

#### LIBER PRIMUS.



**U**rbis Venetæ res annorum quatuor & quadraginta scribere aggredior, non iudicio, aut quod ita mihi libuerit, sed quodam quasi fato, vel certè casu. Nam cum *Andrea Nangerio*, cui hæc publicè cura tradita fuerat, in legatione *Gallica* vita functo, *Decemviri* à me collegii decreto petiissent, ut, quando is moriens sua scripta comburi iussit, ipse ea in re atque munere patriæ meam opem requirenti ne deessem: pudore verecundiaque recusandi ad variam atque multiplicem, quodque verè possum dicere, multo maximè operosam scriptionem me contuli annos natus sexaginta, ut, nisi Reipublicæ extaret postulatio, meritò me homines reprehendant id ætatis ausum tantum onus sustinere. bella enim plurima propèque continentia atque maxima cum ab *Italiæ*, *Germaniæ*, *Galliæ*, *Hispaniæ* populis & regibus, tum à *Turcarum* Imperatoribus excitata, vel terra vel mari gesta, sunt scribenda, quorum quodque justum potius historiæ volumen atque separatum posse conficere, quam uno omnia comprehendere atque contineri, nemo non dixerit. Multa præterea domi vel senatus-consulta, vel leges, vel novi magistratus, multi hospitio reges liberaliter accepti, multi honores diis immortalibus habiti, multæ prodigiorum domi forisque prædictiones, tempestatum ac siderum miræ vicissitudines, hujus temporis memoriam exemplis innumerabilibus refererunt, quæ colligere & mandare literis, nec amantis otium animi est, nec minimæ industriæ. Sed nihil est profectò tam arduum, quin id patriæ charitas exsuperet, apud eos viros præsertim, qui præclara in urbe geniti, atque optima in republica educati, suæ civitatis temperationem institutaque adamaverunt. Ita qui rebus tot atque tantis complectendis nunquam sponte curam & cogitationem adhibuissim: mihi enim post *Romanos* labores bonæ tandem valetudini, quam penitus amiseram, restituto, paterna in villa fundi *Pata-*

*vin*i majorem anni partem requiescenti, satis erat pascere levioribus tractandis artibus animum: voluntate meorum civium perspectâ facilè adducor, ut nihil mihi refugiendum putem, dum eorum studiis satisfaciam. Ab illorum igitur commentariorum fine, quos *Marcus Antonius* conscripsit, exorsus, quo ab fine *Decemviris* placuit, ut initium scribendi facerem, continuato rerum filo, historiam ad hoc diei, si vita suppetet, perducam: tot enim, quot supra dixi, anni inter illius scripta atque hoc tempus intercefferunt.

Ac eo sane tempore quo in statu esset, quam haberet faciem respublica, satis est ab illo demonstratum: quæ bello *Ferrariensi* confecto, fœderibusque initis, plus biennium soluta oneribus civitate, & pacato imperio est usa. Idem autem post hæc & publicæ quietis, & *Sabellici* librorum finis fuit: pacemque illam & tranquillitatem reipublicæ bellum statim *Rheticum* excepit: neque ei profuit, quòd suo se in otii capto jam portu magna perseverantia continuisset. Ejus belli levissima de causa initium hoc fuit.

Erat nonnullarum cum *Rhetorum* & *Noricorum*, tum earum terræ *Germaniæ* gentium, quæ sunt his finitimæ, Dux atque princeps *Sigismundus Federici Romanorum* Imperatoris frater, homo non malus, sed qui facile malis hominibus crederet. Ei cum senatu *Veneto* jam inde à majoribus orta necessitudo intercedebat: itaque vetusta consuetudine homines mercaturæ dediti omnibus ex reipublicæ municipiorum vicinitatibus ejus ad oppida liberè commeabant, mercatumque in primis celebrem apud *Beurense* quotannis fieri solitum, statò tempore petebant. Id cum anno post urbem conditam millesimo sexagesimo sexto fecissent, *Sigismundi* jussu ipso in mercatu, ad quem fide publica venerant, comprehensi suis cum rebus, custodiæque sunt traditi. Et jam antea *Sigismundi* operæ nostros homines, qui argentifodinas in *Alpibus* exercebant, fugatos, conductis jure gentium secturis & cuniculis deturbaverant: eosque cuniculos, quòd essent ipso-

*Rheticum*  
bellum  
ejusque  
causæ.

Ann.  
1066. à  
*Venetis*  
conditis.



rum vicis & municipiis vicini, vi atque armis parvo negotio possidebant. Ejus rei causam quaerentibus dictitabant *Sigismundi* clientelas, quæ in imperio *Veneto* essent in *Benaci* lacus ripa, suis è finibus expelli: de qua tamen controversia jactari pridem coepta per interpretes ab utrisque amicè disceptabatur. Itaque cum eos, qui ex Reipublicæ municipiis ad ipsorum mercatum vere initio venerant, in vincula coniecissent, omnibus ex eorum oppidis atque agris, tum ex *Le pontiis* & *Helvetiis* coacto jam milite apud *Tridentum* *Germani* hominum numero ad decem millia, id enim agere constituerant, *Gaudenzio Amasiano* duce in *Veronensium* fines impetum faciunt. *Germanos* autem illos diximus, quando nunc quidem omnes ex ab *Alpibus* nationes, compluresque aliæ, uno nomine *Germani* appellantur. Flumen est *Athesis*, ex *Arbona* monte profluens, quod duobus auctum fluminibus *Tridentum* fertur, *Alpesque* reliquas dirimens, vallem plerumque angustam efficit *Veronam* usque, quam etiam intersecat: ejus fluminis lævam ingressi ripam *Germani*, ac quindecim millibus passuum confectis, oppidi *Rovereti* in *Alpium* angustis laxiore paulo atque apertiore loco positi, suburbanis ædificiis directis, pugnâ etiam cum præfidiariis militibus commissa, defenso municipio ad prædam & populationem sese convertunt: eaque facta, in vicinos oppido pagos tumultuose militem recipiunt.

Germani.

Athesis  
flumen.Veneto-  
rum ap-  
paratus  
belli.

Hac re nunciata Senatus decrevit, ut & veterani milites, qui in *Carnis* & *Taurisanis*, quique in *Gallia* hiemaverant, omnes illico *Veronam* convenirent, & delectu statim habito novi milites conscriberentur: creatis ad id confestim legatis *Petro Diedo* *Veronæ* præfecto, *Hieronymo Marcello* dat negotium, ut ex usu reipublicæ bellum administrarent. *Julium* etiam *Cæsarem*, qui regnum in *Camertibus* obtinebat, copiarum reipublicæ imperatorem, accersitum ex *Umbria* eodem contendere magnis itineribus jubet. Interea *Germani* ad oppugnationem *Rovereti*, iis quæ bello essent usui, celerrimè comparatis, & castris, ad oppidum positis, tormentorum vi, quibus maximè abundat ea natio, muros quater atque dejicere instituunt. Id cum plures dies labore non intermissio fecissent, ac magnam murorum partem aperuissent, neque *Venetus* imperator, qui jam eò venerat, propter *Germanorum* magnum numerum repellere hostem posset, sæpè oppugnare omni missilium telorum genere scalisque ad murum positis adorti, sæpè cum clade repulsi, postremò oppidum capiunt. Eis in oppugnationibus unum eorum teli genus maximè oppidanos terruit, de quo propter novitatem prætereundum non videtur. Pila ferreas non magnopere coherentes, picis atque bituminis plenas, igne incluso tormentis muralibus impellebant: ex pilæ muro impactæ infrangebantur, ac plures in partes dispergebantur, quibus ex singulis ignis proficiebat acri cum flamma, sic, ut quæque earum pars, quantumvis parva, hominem corripere: pice autem illisa retinebantur, ne excuti, neve rejici possent: ita fiebat, ut neque in muro consistendi, neque quæ opus essent administrandi, neque se defendendi militibus facultas daretur. Quod ubi semel atque iterum est animadversum, culcitras centonesque quos habere poterant, aquis immergebant, eosque pinnis & fenestris, ex quibus propugnarent, interponebant, iis neque pix adhærere, neque ignis nocere propter humorem poterat. Ita se tandem, compluribus fuorum ante absumptis, præmunire ac tueri didicerunt. Sed capto oppido, ut diximus, *Nicolaus Priolus* Prætor & milites, qui ad defendendum

Itug&C&A  
German-  
orum.

A municipium per *Alpium* crepidines missi hostem circumfufum & sedentem fefellerant, suæque virtute ac fortitudine eorum impetum ad eam diem sustinuerant, in arcem se recipiunt.

*Veneti*, qui omnino in se longè majus, quam initio crediderant, excitatum bellum viderent, neque in *Camerte*, quantum oportebat, industriæ virtutisque agnoscerent, à *Roberto Severinate* petunt, ut imperium totius belli unâ cum *Camerte* administrandi, magna opinione civitatis sibi delatum, læto animo accipiat, & quo celerius fieri potest, suis cum militibus, & liberis, claris bello adolescentibus, viæ se det, atque in *Rheticum* *Alpesque* contendat. *Robertus*, qui, posteaquam *Innocentius* Pontifex maximus cum missum fecit, in agrum *Patavinum* se contulerat, atque ibi apud oppidum *Citadellam*, quod ei unâ cum urbanis ædibus, cumque amœnissimo ac perampro apud *Veronam* fundo & villa in *Ferrariensis* belli exitu Senatus dono dedit, sine stipendio complures menses commoratus, ægre se suosque milites aluerat, illam ipsam sibi occasionem suæ vel amplificandæ, vel omnino retinendæ dignitatis dari votis omnibus cupiebat, itaque accepto peropportune imperio, ad bellum proficiscitur. Eò cum venit, modò in spe, modò in metu *Veneti* sæpè fuerunt: sæpè Marte ambiguo levibus præliis est certatum: ponte etiam navibus imposito, ut & copiæ transmitti, & comneatus ex altera fluminis regione supportari facile possent, utramque ripam conjunxit.

Robertus  
Severina-  
tes bel-  
li dux.

Eodem quoque tempore *Germanorum* militum centuriæ aliquot in *Vicetinos* & *Feltrinos* saltus, atque in *Carnorum* fines repente immisissæ, plus terroris quàm periculi intulerunt, propterea quòd *Hieronymus Saornianus*, summo in *Forojuliensibus* natus loco, cujus proavus *Federicus* ob singulare atque præclarum in rempublicam studium, & civitate ab ea, & jure comitiorum donatus fuerat, cum suis clientibus, & agrestium manu, quàm celeriter coegerat, atque armaverat, superatis *Alpium*, quæ adiri non consueverant, jugis, illos omnia vastantes ac depopulantes à tergo aggressus ita fregit atque concidit, ut nonnulli timore incitati è montium, in quibus erant, cacuminibus rupibusque fugientes se præcipitaverint, qua de re gratiæ illi à Senatu actæ, militesque tercentum attributi, quos *Hieronymus Jacobo* fratri habendos permisit, cum ipse pacatæ ac civili sese vitæ, quàm militari, mallet tradere.

German-  
orum  
irruptio  
& clades.

Sed dum reliqua sic, ut dixi, agerentur, *Rovereti* arce muralibus tormentis propè diruta, Prætor, quique cum eo erant milites, deditio- nem faciunt. Et jam summa ætas præterierat, cum veteris exempli res utrumque exercitum spectaculo haud magnopere cruento tenuit.

Rovereti  
expugna-  
tio.

Erat *Germanorum* numero juvenis acer & fortis *Georgius Sonnenbergius*, claro loco natus, qui turmæ equitum præerat: ad hunc cum esset allatum, *Antonium Mariam Severinatem*, imperatoris filium, inter suos jactavisse, si ex hostium copia egregius vir quispiam equestri pugna congredi velit, se cum illo decertaturum, proque sua parte ostensurum quantum belli gloria *Itali Germanos* antecellant: mittit ad *Venetos* tubicinem, qui *Antonio* denunciaret, se paratum esse certaminis fortunam experiri. Remissus ad *Georgium* tubicen refert, expectari cupidè illud ab *Antonio*: itaque die dictâ clausum in campum, atque ad id comparatum, æquo inter bina castra spatio diversa ex parte uterque armatus atque adornatus sese intulit: & parva interjecta mora, citatis equis concurrunt. *Antonius* hastam in *Germani* pectus infringit: thorax ægrè hastæ impetu- tum

Georgii  
Sonnen-  
bergii  
Germani  
monoma-  
chia  
cum An-  
tonio Ma-  
ria Seve-  
rinatæ  
Italo.



tum sustinet : tum verò equus *Antonii* jam incitator, neque sat habilis contineri, in trabales campi munitiones ita impegit, ut iis perfractis atque disiectis, ipso humi prolapsò *Antonius* se ejiceret. Itaque pedes ex equite factus ubi hostem inequo jam conversum districto in se gladio venientem videt, post tignum trabibus repagulisque sustinendis solo fixum sese continet : ita *Germanum* assultantem, atque ictus de superiore loco adigentem, districto item gladio repellebat, quaque ipsum poterat, appetebat : nam equum lege prius dictà ferire *Antonius* non poterat. Sed dum crebris ictibus acriter uterque rem gerit, neque quantum vult proficit, propterea quòd galea, thorace, cæterisque ferreis indumentis totum penè corpus protegebatur : *Antonius* iracundiæ plenus, quòd iniquam subire dimicationem cogeretur, seque ipse tacitè incendens, hosti cupidius ferienti impetu factò gladium aufert : ille ab ephippiis ferrea, quam gerebat, abrepta clava pro gladio utitur. Tum verò clara ad *Germanum* voce : Quid tu autem, inquit *Antonius*, me cogis unum cum duobus depugnare, quorum alteri lex, alteri aliena arma sunt præsidio? si vir es, æquo Marte manum confere. Ita *Germanus* existimationem hominum veritus, & magno præterea animo, equo & ipse desilit : comprehensique statim inter sese, atque arctè diu luctati, ambo concidunt. Erant utrisque magna & procera corpora, & vires corporibus pares. *Germano* tamen cadenti paulum superincubuit *Antonius* : sed ejus dextrum brachium à sinistro *Germani* humero, atque adeo armorum corporisque pondere sic premebatur, ut eo uti non posset : tum *Germanus* impedito atque implicito *Antonio*, ipse manu dextra liber, abrepta fida, quæ femori *Antonii* erat alligata, nates ei convulnerat : ea tantum corporis parte sua illum tegumenta non munerant. Vulnere *Antonius* accepto, cum omnino nullam defendendi sese viam sibi reliquam, & facultatem videret, sicæque aciem *Germanus* ictu altero atque tertio adegisset, Vince, inquit, quando ita voluit fortuna, casu enim, non virtute vincis, gloriam certaminis hosti dedit : quem quidem victor magno apud se honore plures dies ad exercitum habuit, curatoque vulnere, donis etiam additis, ad patrem remisit.

*Germanus* duelli victor.

Post hæc paucis interjectis diebus cum *Germani* insolentius atque laxius vagarentur, *Venetique* eos adoriri ex insidiis statuisent, re ab hostibus per exploratores cognitâ, ipsi in hostium insidiis inciderunt : ita excepti à pluribus pauciores, conglobati virtute atque armis se tuebantur, fortiterque præliabantur : ex quibus *Robertus* modò voce imperatoris curam, modò manu militis operam præstabat : verum crescente hostium multitudine circumseptus jamjamque tenebatur, cum *Antonius* filius id conspicatus (non enim longè aberat) in confertissimam hostium aciem se injecit, fortissimèque pugnans, aciemque submovens, patri se recipiendi facultatem præbuit : ipse in hostium potestatem venit, reliqui fugati, paucis captis atque interfectis, se in castra receperunt.

Filii in patrem pietas.

Neque multo post *Camers* in febriculam incidit, eoque *Veronam* delato, rerum & totius belli administratio in *Robertum* incubuit. *Germani* autem cum inopia commeatus adducti, qui segniter subministrabatur, tum stipendii fide non servatâ, indignabundi palam ad seditionem incitabantur : cujus rei periculum eorum præfecti veriti, inducias ab imperatore *Veneto* petierunt. Sæpius re jactatâ, non impetratis induciis, nocte intempesta *Rovereti* arcem incendunt, & prima luce conclamatis vasis omni cum exercitu abeunt. Mirum id *Venetis* videri, neque satis

*Germanorum* discessus.

A credere hostem abeundi consilio discessisse : itaque timere insidias, quas etiam essent experti : sed ubi illos longius profectos ab exploratoribus cognoverunt, *Rovereti* oppidum recipiunt.

Interim *Robertus* certior factus omnes hostium copias domum discessisse : auxerat enim eam rem atque affinxerat multa rumor : sibi autem miles ex *Ravennate* & *Piceno* & *Umbria* per eos dies accersitus animum addiderat : statuit ulterius progredi, *Tridentumque* ipsum, si res processerit, obsidere, ut qui ultro ac sine causa bellum *Venetis* intulissent, scirent atque cognoscerent, bellum gerere in eorum finibus & posse *Venetos*, & audere. Eo consilio cum Legatis communicato, *Lucas Pisanus* ætate jam gravior, quem Senatus *Petro Diedo* summisserat, atque illum ad præfecturam *Veronensem* reverti jusserat, existimare sese inquit, è republica non esse tantam rem eo tempore aggredi. Primum, quòd credibile non esset *Germanum* exercitum, quem ipsi florentissimum paulò antè vidissent, ita jam in ultimas *Germaniæ* terræ latebras se abdidiisse, ut non modò revocari atque restitui, sed etiam adaugeri paucis diebus non possit in tam promptis ad arma capienda populis, tantoque in periculo municipium ad gentes *Italas* continendas opportunissimum amittendi. Deinde, quòd si tum reipublicæ ad hostem repellendum copiarum satis fuit : quanquam quis eum repulit? sua ipse sponte se recepit. Sed sit omnino repulsus, ad inferendum tamen bellum, atque in hostium fines irrumpendum, obsidionesque ducendas, id ipsum non suffecturum, præsertim cum existimandum sit omnem *Germaniam*, ne tantum dedecus admittatur, eò conventuram, viresque suas in communem utilitatem explicaturam. Postremò, quòd si offensum in aliquo sit, non esset receptui locus circumventis ab hoste undique mediis in *Alpium* jugis : tum itinerum angustias esse pertimescendas, quas evadere vix pacati possent. Præstare autem reipublicæ bellum quoquo modo confecisse, dum oneribus extraordinariis finis imponatur, quàm spe melioris victoriæ ipsam periclitari, civisque conflictari tributorum conferendorum quotidie causa. Defessam civitatem bello *Ferrariensi*. otium inglorium laboribus paulò etiam honestioribus, certoque cum fructu præponere, nedum ambiguis & periculosis præferat. Hæc mea quidem, inquit, est sententia, qui fortasse vel meo vitio, vel etiam senectutis, omnia timéo : vos consulite, & quod optimum factu est, id sequamur.

*Lucas Pisanus* consilium de *Germanis* lacefendens.

E Tum *Marcellus* factò à collega silentio, in hunc est modum loquutus : Nihil sibi dubitationis dari, si ea ita essent, quemadmodum *Pisanus* dixisset, quin sit ab invadendis hostium finibus, *Tridentique* oppugnatione abstinendum. quæ enim ejus regionis pars, quod municipium tanti esset, ut cum ejusmodi conflatione belli, totiusque *Germaniæ* irritatione, consensuque comparetur? Verum habere se rem, suo quidem judicio, longè secus. Nam neque *Germanorum* copias sua se sponte dissipavisse : sed cum rei frumentariæ inopia coactas, tum stipendio non persoluto egentes, desperantesque, domum quemque suam revertisse : neque qui collectam jam manum, prospereque agentem commeatu supportando alere, stipendiique repræsentandis retinere, ne diffugeret, non potuerit, eum novo conficiendo exercitui stipem alimentaue subministraturum : multò enim facilius contineri stantia, quàm lapsa prostrataque sublevare. Neque verò esse verendum, conventuram contra *Venetos Germaniam*, quos amicos semper habuerit, ut *Sigismundi* rebus auxilio sit, qui nullo reliquorum principum

*Marcelli* de oppugando *Tridento* rationes.



consilio, nulla ipse laceffitus injuria, bellum reipublicæ intulerit: præsertim cum *Federicus* Imperator ejus frater, neque pecuniâ, neque milite, neque ullâ eum re omnino juverit, præ seque potius tulerit, id se nunquam bellum probavisse. Qui à suis negligatur, eum ab alienis exterisque hominibus auxilia impetraturum credere, cujus tandem esset timoris? Quod si dicatur, non jam quidem *Sigismundi*, aut alicujus privatim causa *Germanos* principes ad arma capienda conspiraturos, sed planè sua, non *Tridento* capto, *Venetis* aditus pateat ad sese: responderi posse, complura esse in *Alpibus* reipublicæ oppida, diversis acquisita adjectaque imperio tempestatibus, quibus ex oppidis *Germaniæ* populi adeantur: ab his ipsis non longinquam locis *Feltriam*, *Belunium*, quamque in *Carnis* *Cividalem* appellant: complura præterea itinera vicis & castellis munita, cum hoc in *Alpium* ad orientem solem tractu, tum verò etiam in *Brixianorum* finibus ad *Moërnâ* atque *Licates*: in *Bergomatium* *Sebini* lacus fauces, vallemque universam *Triumpilinorum*, quique ad *Lepontios*, *Lariumque* lacum saltus, atque angustiae pertinent. Neque tamen ullo tempore *Germanos* principes conspiravisse eis ab oppidis atque finibus repellendi *Venetos* causa: neque nunc, si *Tridentum* capiatur, conspiraturos: fassuros potius atque affirmaturos, jure id, meritòque *Sigismundo* accidisse, qui amicæ civitati bellum temerè intulerit. Nam quod ad viarum angustias attinet, quantulum esset iter *Tridentum* usque? id tamen ipsum patefieri antè oportere, quæque sint castella *Germanorum* ipsa in via, ea esse capienda, ne quid hostile post tergum relinquatur. Extremum autem quod fuerit in collegæ rationibus, defessam civitatem belli oneribus malle quiescere: ad id respicere ipsos non oportere. *Tridento* enim capto, non eam modò pecuniam, quam hanc in belli partem, paucorumque dierum moram erogari oportuerit, sed illam etiam quæ toto in bello per tot menses esset insumpta, cumulatè sarcitum iri, vel magno potius cum fœnore, magnisque utilitatibus repensum & restitutum: vindicatum præterea injurias ab iniquo acceptas hoste: auctum imperii fines: auctum etiam gloriam, nomenque reipublicæ clarius factum. quæ quidem omnia nisi tanti esse, quanti æstimanda jure sunt, majores nostri duxissent, nunquam ipsos tot labores atque tantos perlaturus: nunquam ullum bellum suscepturos fuisse, ut suam & reipublicæ gloriam unâ cum imperii finibus protenderent. Postremò, occasionis esse rem, ut *Tridentum* capiatur, vel militibus suâ celeritate atque virtute in oppidum non præmunitum irrumpentibus, vel quod repentino nostri exercitus adventu oppidani perterriti, ne diripiantur, deditionem faciant. Itaque ad eos casus eventusque tentandos, in iis, quas haberent ipsi, copiis satis virium atque præsidii fore. Id si rectè cesserit, ipsum illum suum collegam in primis imperatorem summis laudibus laturum, qui ejus rei consilium inierit: sin se oppidum tuebitur, vastatis finibus, incensis ejus regionis castellis vicisque, incussio magno terrore hostibus, exercitum ultorem reduci oportere. Id autem proclivius omnium hominum veniâ posse tum fieri, quàm si jam nunc inulti domum redeant. Porro non horis omnibus rei benè gerendæ facultatem exercitibus dari: quare cum datur, ab iis qui præsunt, ea esse magnopere utendum, ne lapsæ temerè atque præteritæ recordatione pœnitentiaque diu atque incassum torquantur.

Hac habita oratione à *Marcello*, *Pisanus* in collegæ sententiam se traduci facilè passus est:

A itaque ambo imperatori permiserunt, uti de eo, quemadmodum sibi agendum videretur, ita statueret. Ille dimissis legatis, ad rem explicandam maturandamque se dedit. Sed quod erat in ipsa læva fluminis ripa, quâ *Tridentum*, quâque *Roveretum* est, inter utrumque oppidum, ter mille ab *Rovereto* passus, castellum *Petra* loco alto atque edito, viæ imminens sic, ut *Petrensibus* invitis eâ commeari tutò non posset, *Petram* in potestatem suam redigere, & itineris & com meatus causa, & quod ita *Marcellus* censuerat, ne quid inimicum post se relinquerent, primùm omnium decrevit. Iis constitutis rebus propterea quod à *Rovereto* venientibus ob præcipitem montis & crepidinum declivitatem aditus ad *Petram* omnino nullus erat, ab altera ejus montis parte, qua adiri facilè poterat, castellum oppugnare instituit. Transmisso itaque *Atbesim* per eum pontem, quem initio fecerat, exercitu, atque adverso flumine sesquihoræ itinere confecto, ad *Callianum* vicum, quod ultra *Petram* est passus circiter mille, ponte altero navibus imposito iterum *Atbesim* exercitum transducit, atque in planitie sexcentorum fermè passuum, quæ à montis radicibus ad flumen pertinet, confedit, præmissis equitibus levis armaturæ, qui præcurrerent, atque an manus aliqua hostium cogeretur, cognoscerent sibi que renuntiarent. Equites spretis imperiis prædæ spe vagari, & populationem facere cœperunt. Interim cum *Tridentini* pontem esse factum cognovissent, non *Petrensibus* modò, sed sibi etiam suisque rebus veriti, soluto exercitu, oppido non communito, imparati ab rebus omnibus à *Georgio* *Petræplane* principe, quod est castellum ultra *Tridentum*, impetrant, uti cum iis, qui eò se receperant, militibus, coacta celeriter agrestium & montanorum hominum manu, ire obviam properet, hostemque, si potest, moretur, dum à *Sigismundo* auxilia conveniant.

D Ille collectis, quos ei casus obtulit, militibus, & tum suorum, tum eorum qui *Besinum* vicum in summis *Alpium*, *Calliano* imminentium, culminibus incolebant, rapto agmine ad mille hominum numerum, magno cum tympanorum & cornuum strepitu eo de monte se demittere incipit: atque, ut se jugum implicabat, agmenque partim se ostendebat, partim latebat, magnæ ad speciem esse copiae iis equitibus, qui prædatum ierant, videbantur: magnæ succedere, & priores consequi existimabantur: itaque cum propius, majoreque cum strepitu, descenderet, illi in fugam vertuntur, atque in alios incurrentes, eos in fugam vertunt: jamque permixti passim equites peditesque tumultuosè revertebantur. Id cum fieret adessentque *Germani*, fuga magis hostium, quàm sua virtute incitati manus *Venetæ*, quas ea planitie pars exceperat, retrocedere, ac fugere contendunt, atque in aciem imperatoris, qui acceptis de suorum fuga nunciis eò properabat, implicantur: tum imperator, quantum temporis exiguitas patiebatur, suos perterritos foedèque fugientes increpitare atque convertere, hostem sustinere ac reprimere, adnixus, fortiterque diu pugnans, ingenti cæde utrinque facta, urgentibus *Germanis* cum suorum globo in flumen dejicitur, ibique perit: reliqua multitudo magis magisque perterrita pontem fuga petere contendit. Id conspicatus *Andreas Burgius* præfectus militum, sperans, si pons rescindatur, fore ut milites equitesque ablatâ fluminis transeundi facultate continerentur, seque in hostes necessariò converterent, accurrens solutis retinaculis pontem propulit: quæ res in contrarium, atque ipse existimaverat, vertit, propterea quod timor consilium plerumque non recipit, qui enim semel

*Petra* ca-  
stellum.

*Germani*  
normi  
cum  
*Venetis*  
pugna.

*Robertus*  
*Severinus*  
iis inter-  
tus, acve-  
norum  
clades.







Veneto-  
rum na-  
valis ap-  
paratus.

Regina  
Cypriae.

Tristanus  
se ipsum  
necat a-  
daman-  
te.

classis praefecto designato mandarunt Patres, maturaret proficisci: & quoniam existimabant *Bajasetem* eo maximè tempore mentem atque animum ad *Cyprum* insulam adjecisse, eò quo celerius posset contendere iusserunt. Is mensè Aprili conscendens, *Corcyram*, deinde unà cum *Cosmo Pascalico* legato *Methonem* adnavigavit: quem subsecutus *Nicolaus Capellus* item legatus, auxit earum, quæ *Methone* erant, longarum navium numerum: quibus cum navibus praefectus (erant autem triremes vigintiquinque, minora navigia longa plus minus decem) die quinto *Cyprum* attingit. Eà intellecta re, *Turcarum* classis omnis generis longarum navium, cum à *Cypro* non longè abesset, mare *Issicum* prætervecta, sine ullo usu in *Hellepontum* rediit.

Auxerat *Cypriam* Patribus curam, quòd intellegebant *Ferdinandum* Regem *Neapolis* in *Federici* filii sui nuptias reginà pellectà, occupandæ insulae occasionem quærere. Ea erat *Catharina Venetiis* oriunda è gente *Corneliorum* clara atque illustri, quam *Marcus Cornelius* Pater *Jacobo Lusignano* Regi *Cyprio* in matrimonium collocaverat, numeratâ Regi pecuniâ dotis nomine auri ad libras mille. Eam rex brevi tempore profluvio ventris sublatus prægnantem reliquit, scriptis tabulis, quibus illam regni hæredem nascitura cum sobole instituerat sub *Veneti* Senatus tutela: quo à Senatu *Corneliam*, tanquam reipublicæ filiam, publicâ interpositâ fide acceptam, uxorem duxerat. Itaque post mortem patris natus filius anno vertente natali suo diem cum obiisset, novasque res nonnulli eo in regno principes molirentur, classâ ad insulam celeriter misse cum legatis, & *Cornelio* patre, qui reginæ assiderent, eos Senatus facile tumultus compressit. Tranquillitate insulae restitutâ, mulier vidua autoritate reipublicæ quindecim jam annos post viri mortem pacatè regnum obtinuerat, cum per Internuncios *Ritium Marinum Neapolitanum*, qui Regi *Cyprio* per familiaris fuerat, & *Tristanum Cibeletum Cyprium*, cui erat soror è reginæ famulis, *Ferdinandus* rex clam eas, quas dixi, nuptias procurabat. Ii cum à Rege missi in insulam descendissent, à praefecto classis capti, atque in vincula coniecti sunt, *Venetiasque* transmissi: tametsi *Tristanus*, qui propterea quòd post Regis *Cyprii* mortem tumultu excitato *Andream Cornelium* reginæ patrum interfecerat, exulque factus fuerat, sui poenas sceleris se persoluturum sciebat, Adamante, quem in annulo gestabat, per os in stomachum recepto, aqua insuper, quæ metalla dividit, epota, dum portaretur, interiit.

Iis permoti rebus *Decemviri* (quanquam quidem non *Ferdinandi* modò artes, sed *Turcarum* quoque insidias, inceptaque timuerant: neque nihil etiam ab Rege *Syriae* propter vicinitatem metuebant) *Georgio Cornelio* reginæ fratri dant negotium, uti se ad sororem conferat, eique persuadeat, ut relictâ regni procuratore reipublicæ ad urbem revertatur, atque in patria malit, interque suos, quod reliquum est vitæ, securè atque tranquillè degere, quàm in remota suspectaque insula alienigenis hominibus sese vitamque suam credere. *Cornelius* parvulo navigio, ut celerius iter faceret, parte itineris confectâ, brumalibus diebus in *Cyprum* transmisit, & sorori, quam ob causam venisset, exposuit. Novitate rei permota, recusare illa, neque sibi persuaderi velle, uti regnum opulentum relinqueret, mulier regio victu, regis honoribus assueta, quæque sciret, quam nullo præcipuo jure, quamque parcè in republica viveretur: satis esse dicere, si se mortua, ea insula in reipublicæ potestatem redigatur. Contrà *Cornelius* niti, rogareque,

A ne pluris terram *Cypriam*, quam natale solum, quamque rempublicam faceret: casus humanarum rerum esse incertos: fieri momento horæ posse, ut regno expellatur, tam potentibus regibus quasi obsessâ atque præcinctâ, ejus insulae dominationem affectantibus, quamplurimis etiam *Cyprii* principibus à foemina sese regi non obscurè indignantibus. His eam casibus & periculis una modò re atque consilio pulcherrimè ire obviam posse, suum si regnum, quoniam liberis careat, reipublicæ fidei jam nunc vivens florensque commiserit. Dum insidiarum & suspicionum tempora non plenissima fuerunt, eam regno suo B frui, non permisisse solum rempublicam, sed etiam uti frueretur adjuvisse: idque ipsi jucundissimum accidisse. Nunc autem, cum nihil à quoquam tuti sit, cum omnibus à vicinis regibus, atque etiam à longinquis & magno sejunctis atque separatis mari omnes artes adhibeantur, & tanquam retia ei insulae tendantur, quibus capi & teneri possit: Senatum ad id descendisse, quod unum sibi visum esset omnium impendentium malorum & periculorum remedium: quorum si reliqua ipsa nihil timeret, num illud non perhorresceret, quòd, nisi praesidio celerrimè comparato insulam Senatus firmavisset, æstate illam proxima C *Turcarum* classis occupavisset, atque ipsam vel fugæ sese dare coegisset, vel captam *Byzantium* duxisset? quod eam casus aut offensio aliqua compellere, turpiter uti faciat, potest: præstare, id incredibili reipublicæ gratia sui que facti summa cum gloria celebritateque antevertisse. Occasionem esse variam, multiplicem, subitam: non singula hostium consilia provideri semper posse: non semper homines in tempore adesse: intimum Adriatici maris sinum, *Cypriaque* littora multum terrarum, multa maria interesse, hæc illi cogitanda, hæc in primis pensitanda esse. Quòd si nulla necessitas urgeat, quid esse tandem aptius D atque commodius ad ejus famam nominis sempiternam, quàm suæ illam patriæ regnum nobilissimum tradere, ut in annalibus referatur, *Venetam* rempublicam à sua cive *Cypri* insulae opulentissimæ imperio auctam, atque condecoratam fuisse? omni eam in regione nomen regium obtenturam. Si optio ipfius sit, cum tot annos apud *Cyprios* vixerit, debere eam cupere suis etiam à civibus aliquando, suaque in patria se salutare atque conspici: splendorem suum fratri, sororibus, propinquis, familiæ, demum ei urbi, in qua nata atque sit, communicare. Nullius unquam foeminae, neque etiam viri, tam gratum adventum reipublicæ fuisse, quàm ipsius futurum. Quod si E *Venetia* abjectum aliquod oppidulum esset, locoque aspero atque ignobili situm, esse tamen ejus pietatis, atque humani planè animi, qua in terra nascens coelum hauserit, revivere eam velle, seseque suis omnibus tanto post tempore ostendere: at cum ea omnino urbs omnes alias urbes, quas sol aspicit, propè excellere omnium hominum consensu prædicetur, atque ipsa in *Italia* omnium sit ejus terræ urbium oportunissima, quidnam esse causæ posse, quamobrem à Senatu atque à republica tanto post tempore invitata, non se eò libentissimè conferat? Quod regina sit, quòd multos annos securè atque feliciter regnarit, gratiam esse Senatui, à quo id acceperit, referendam: eam gratiam pessimè relatum iri, si Senatum, se vocantem, omnibusque honoribus prosequi cupientem, despexerit. Postremò, cum ipse ei frater sit, atque is frater, cui multum illa semper tribuerit: si hoc non impetret, non tam eam adduci non potuisse, ut reipublicæ satisfaceret, quàm se noluisse, omnes homines existimatu- F ros: eoque se nomine magnam totius civitatis invi-

Georgii  
Cornelii  
reginæ  
Cypriae  
fratris  
oratio  
flexanti-  
ma.

Venetam  
republi-  
cam à qu-  
bus aucta  
& con-  
decora-  
ta.



invidiam subiturum, liberisque relicturum. Itaque flecti se sineret, & cum sibi ipsa in præsentia consuleret, tum in posterum respiceret ad suos. Nihil esse laudabilius, quàm secundâ fortunâ moderatè uti, neque in summo semper gradu velle consistere. Deos etiam immortales confuevisse, quibus se diu benevolos præstiterunt, eos aliqua non jucunda re interdum probare, an se homines esse natos reminiscantur: nullas eam preces posse illis gratiores adhibere, nullam potiorem victimam cadere, quàm eorum voluntati atqui numini sese præsto esse profiteri. Deorum autem voluntatem eam esse existimare nos oportere, quæ patriæ sit, optimæque constitutæ reipublicæ.

Hæc *Cornelius* cum dixisset, homo apprimè eloquens, non doctrinâ ille quidem, aut sapientiæ studiis, sed naturæ quadam vi liberali atque munere, regina obortis jam lachrymis, ubi primum fari potuit, si tibi hoc ita frater videtur, & mihi (inquit) videtur: aut, ut videatur, meo animo imperabo: sed magis à te patria regnum meum acceperit, quàm à me. His dictis, constitutoque quid facto opus esset, anno insequente jam inito, classis præfectus legatique re divinâ factâ, in *Famagustæ* oppidi foro, regina inspectante atque jubente, reipublicæ vexilla crexerunt, *Cypriumque* regnum in provinciam est redactum. Regina post hæc suppellectili regia imposita, *Cornelio* cum fratre naves longas conscendit, atque ad portus *Veneti* angustias æstate mediâ appulit: exceptaque ab *Augustino Barbado* civitatis principe, & Patribus, qui ei obviam ierant, ad *Nicolai* fanum, quod est in portus littore, magna omnium ordinum, atque adeo omnium hominum, in cymbis impositorum, prosequentiumque lætitia, ipsa vecta *Bucentauro* navi, media inter Patres, matronasque nobilissimas civitatis, urbem est ingressa, quod ante id tempus *Venetarum* foeminarum contigerat nulli: lætissimusque is profectò dies civitati fuit. *Asulum* subinde oppidum in *Taurisanis* collibus ei à *Decemviris* dono datum, atque auri quinquaginta libræ in annos singulos constitutæ pensionis nomine: tum muneris in præsentia decem libræ.

Superiore anno autem (ut ad eas res, quibus de rebus antè dicendum fuerat, revertamur) ne civitatem onerarium navium numerus, proventusque deficeret, Senatusconsultum factum est, quæ in navibus exterarum nationum mercaturæ causa imponerentur, ea fisco deberi, vino *Cretico* excepto: pro quo tamen portorii nomine *Venetis* magistratibus pares amphorarum numero auri semuncias mercatores solverent. tum quicumque navem magnam onerariam fabricandam institueret, uti ei quæstores de triginta auri libris commodarent, eodem Senatusconsulto continebatur.

Posthac cum *Tremezeni* Rex, quod est oppidum *Africæ*, non longissimè à freti angustias contra *Hispaniam* situm, à Senatu per legatos petisset, uti civem *Venetum* eò mitteret, qui suis in oppidis tribus jus reipublicæ hominibus diceret, Senatus censuit, quò regis postulationi satisficeret, uti magistratus crearetur, eoque mitteretur, ad quem centesima mercium omnium, quæ merces eis in oppidis venderentur, perveniret: estque ad ea oppida omnium primus *Aloisius Pizamanus* missus. Eodem tempore Senatus jussu in *Idri* lacus ripa, loco alto atque edito, quo in loco *Anso Brixiani* agri vicus est, magni arx operis, crebraque munitiones institutæ, ac tertio confectæ anno, omnem illam oram tutiorem, ac celebriorem reddiderunt. Eodem quoque anno *Decemviri* legem tulerunt, ne aperte suffragia inirentur:

A qui fecus fecisset, suffragiorum jure, magistratibusque annos duos careret. De *Græcis* item equitibus, qui reipublicæ militiam faciebant, lex est lata: qui eorum coloniæ nomine ad insulam *Zacynthum* ire vellent, uti iis agri publicè darentur, in primisque *Theodoro Paleologo*, si eò mittere aliquem suorum vellet, propter ejus summum in rempublicam studium, summam fidem, singularemque constantiam.

B Regis etiam *Roxolanorum* legatio cum pretiosarum pellium muneribus ad Senatum venit, petiitque, ut ad ipsorum littora reipublicæ onerariæ naves longæ ad mercaturam exercendam mitterentur. Ea de re, propter longinquitatem itineris, navigationisque tædium atque pericula, quòd *Mæotis* erat palus emetienda, nihil est impetratum. Legati, qui duo erant fratres, honorificè accepti, veste uterque auræ, & auri libra publicè donati, *Romam* profecti sunt.

C Insequente verò anno, de quo paulò antè dicere incepimus, *Franciscus Gonzaga*, qui *Mantue* regnum à majoribus traditum obtinebat, in reipublicæ militiam conscriptus est: eique Senatusconsultum est missum, quo ex Senatusconsulto equitibus cataphractis trecentis, sagittariis qui equo uterentur, quadringentis, militibus ducentis & quinquaginta præesset. Cum autem *Matthias Pannoniæ* rex, homo rei militaris scientia atque gloria clarus, bellum *Federico* Imperatori duobus exercitibus intulisset, uno in *Carnos*, altero in *Liburnorum* fines immisso: Senatus vicinitate belli adductus, per *Antonium Bolduum*, *Dominicum Bolanum* legatos, illum ad *Federicum*, hunc ad *Matthiam* missos; eorum regum animos jam exulceratos leniit: itaque induciæ inter eos dictæ.

D Earum induciarum tempore, solutus belli occupationibus *Federicus Tridentum* venit, omnem illum *Italiæ* tractum, qui à lacu *Benaco* ad *Aquileiam* secundum *Alpes* est, si per *Venetos* liceat, animi causa perlustraturus. Eâ intellectâ re Senatus *Hieronymum Barbarum*, *Dominicum Grimanum*, qui postea Cardinalis fuit, *Paulum Trivisanum*, *Hieronymum Leonem* legatos ad eum misit, qui ei venienti obviam *Roveretum* profecti sunt, reique publicæ nomine illum salutatum exceperunt: eaque postea legatio, quoad is in *Italia* fuit, ei præsto omnibus in reipublicæ locis fuit, atque uti pro copia locorum quammaximè ei honores haberentur, studium & diligentiam adhibuit. *Federicus Benacum* primum invisens, omniaque littora biremi circumvectus, ejus præsertim oræ, quæ ad meridiem vergit, aspectu atque fragrantia, quod est pomi *Medici* plena, mirificè exhilaratus, tum aquæ perlucidissimæ amœnitate oblectatus, piscationibusque delectatus est. Capitur eo in lacu propè medio, quaque altissima est aqua, piscis clarus *Carpio* ab incolis dictus, pedis plerunque longitudine: qui omnino piscis alibi non capitur: eum piscem capere atque cognoscere *Federico* voluptati fuit. *Veronam* deinde, tum *Vicentiam*, *Bassianum*, *Taurisum*, *Cornelianum*, *Forum Julii*, *Aquileiam* portumque *Naonis*, qui locus in ipsius ditione est, lento itinere pervenit. E *Naonis* verò portu tres legatos ad Senatum misit actum gratias, quòd per ejus loca tam liberaliter, tantisque honoribus susceptus fuisset, tamque benevolam in sese civitatis voluntatem cognovisset. Ab *Aquileiæ* finibus suum in regnum concessit.

F Eodem tempore ut infantibus vulgò quæsitis, qui publicè alebantur, quorumque magnopere numerus excreverat, largius uberiusque esset, in Senatu lex est perlata, ut navalium urbanorum magistratus in annos singulos tritici molita festaria, quæ appellant, ducenta, vini amphoras duo-

Lex de *Græcis* equitibus.

Legatio regis *Roxolanorum*.

*Franciscus Gonzaga*.

Bellum inter *Matthiam Pannoniæ* regem & *Federicum* Imperatorem.

*Federici* Imperatoris in *Italiam* profectio.

*Benacus* lacus.

*Carpio* in lacu *Benaco*.

Lex pro infantibus vulgò quæsitis.

*Cyprium* regnum in provinciam redactum.

Regina *Cyprie* splendide excepta à *Venetianis*.

Vestigal navibus impositum.

*Tremezeni* rex magistratum postulat à *Venetis*.

Arx in *Idri* lacus ripa condita.

Lex de suffragiis.



Turres  
fulmine  
tactæ.

Lex de  
portorii  
confer-  
vandis.

Paros in-  
sula à Ve-  
netis de-  
fensa.

Guidi  
Maria  
Rubei o-  
bitus.

Sclope-  
torum u-  
sus Vene-  
tis cog-  
nitus.

duodecim eorum curatoribus darent: iisque rebus ex reipublicæ horreis sylvæ cæsæ ad ignem domesticum carros ducentos eorum præfecti adderent. Terruit non multò post civitatem, quòd ad diem tertium Iduum Sextilis duæ turres omnium, quæ in urbe essent, maximæ atque altissimæ noctu de cælo tactæ conflagraverunt, culminibus incendio latè spectabili absumptis: una, quæ in foro est, cujus erat culmen inauratum, altera quæ est media in urbe ad *Francisci*. Senatus post hæc legibus aliquot promulgandis operam dedit, quæ leges ad portoria urbis conservanda pertinerent. Etiam in *Mariæ* clarum miraculis, unde ei nomen est, fanum exædificatum jam eo luculentiore opere, quo ipsum angustius est, ut ejus artificii elegantia & sumptus aliorum templorum magnitudinem exæquarent, extremo anni die virgines inductæ sunt. Anno insequente, quod in urbe sævire pestilentia coeperat, *Triumviros* sananda civitate Senatus creavit: isque postea magistratus nunquam est creari desitus.

Eo anno cum increbuisse rumor, *Bajasetis* regis classem non multarum navium in *Aegæum* pro-vehi, ut *Nicolaum Sumaripam* è *Paro* insula, quam obtinebat, expelleret, eaque potiretur: *Nicolaus Capellus* legatus cum triremibus quatuor *Zacynthum* contendit, ei præsidio, si opus esset, futurus. *Sumaripa* ubi adesse legatum cognovit, insigne *Venetum* sustulit, seseque reipublicæ addixit. Neque multò post *Joannes Cernoichius*, cujus erat magnum in *Illyrico* nomen, magna-que autoritas, legatos ad Senatum misit, cupere sese, ut *Georgius* filius suus *Antonii Erici* senatoris filiam in matrimonium duceret: petere ut sibi id facere Senatus voluntate liceret. Eade re consultus Senatus censuit, uti nuptiæ fierent. Erat eo tempore *Antonius* reipublicæ nomine *Ferrariæ* magistratus, qui *Prodominus* appellabatur: itaque factâ potestate ad urbem venit, *Georgio* filiam spondet. Ea dum per legatos in *Illyricum* traducitur, pater moriens filio regnum tradit: ita nuptiæ inter lachrymas & gratulationem celebratæ, clariorem exitum habuerunt. *Guidus Maria Rubeus* paulò post *Venetis* moritur magno totius civitatis dolore: funus ei publicè atque magnificè factum, laudatusque à *Sabellico* est. Ejus stipendium, equitumque numerus duobus ejus liberis æquis partibus distributus. Eodem anno tametsi pacata, neque ullo bello implicata esset civitas, rei militaris tamen studium non neglexit. Invaluerat jam in bellis consuetudo, invento Germanorum nobis tradita, ut milites fistulis ferreis uterentur: quibus fistulis glandes plumbeas magna vi ignis impetu mitterent, atque hostem è longinquo vulnerarent. Eæ erant fistulæ ad formam atque imaginem eorum tormentorum, quibus muri oppidorum dejiciuntur, nisi quòd illa ex ære fusili fiunt, maximisque sæpe sunt ponderis, ut carris solidissimis ferratisque ac magno jumentorum numero egeant, quibus sustineri atque regi possint. Fistulæ è ferro sunt, gestanturque singulis ab militibus singulæ ligneis alligatæ armamentis, per quæ capiuntur, & pulvere ad ignem celeriter comprehendendum idoneo infarciuntur, & glande immissa humeris sublatæ in hostem convertuntur. Eo telo qui uti scirent, ut reipublicæ suppeterent, peritissimos ejus rei homines undique conquisitos accersitosque, *Decemviri* suas ad urbes miserunt, qui juventutem instituerent: atque ut agrestes maximè homines id armorum genus docerentur, singulis in vicis pagisque uti duo puberes ei artificio assuefierent, edixerunt: atque iis omnium onerum immunitatem concesserunt, quòd studiosiores & diligentiores unum ad id munus obeundum reli-

A quis liberati oneribus ac tributis fierent: eosque puberes die dicta ad suum quosque oppidum quotannis signo glande feriendo convenire voluerunt: qui vicisset, ejus toti pago aut castello vacationem esse munerum annuam, eo excepto munere, quo ad *Medoaci* fluminis derivationem tenebantur, imperaverunt. Inter hæc cum antea fures domestici lege antiquitus instituta pœna multo leviori plecterentur, quàm ii, qui eandem domum non incolerent: qua ex re fiebat, uti aucta servorum & inquilinorum audacia, omnibus penè in domibus furta exercebantur, majoribus in comitiis mense Sextili lex est perlata, qua lege eadem esset in servos reliquosque fures contubernales pœna constituta, idem jus, qua pœna, quoque jure in alienos externosque fures animadvertere civitatis magistratus consueverant.

B At ea, quæ subsecuta est, hieme tantus tamque perpetuus nivium rigor fuit, ut omnia urbis æstuarialia congelaverint: neque pedibus modò, sed in equis etiam homines ex agris ad extremum urbis marginem commeatibus importandis sine periculo ventitarint: magistratusque *Mestrinus* ad *Secundi* fanum, quod est in mediis ad urbem vadis, curru pervenerit. quibus quidem diebus etiam in media latissimaque urbis via, per quam unam naves onerariæ magnæ permeant, constricto glacie mari, niveque superaddita, admissis per ludi speciem equis, *Græci* hastati equites concurrerunt. Vini, ficus, oleæ annis aliquot intra *Alpes*, *Athesimque* atque *Padum* flumina exustis super terram arboribus, proventum angustiore habuerunt.

C Vere insequente *Innocentius* Pontifex Maximus per suos internuncios ejusmodi sententiam *Tridenti* pronunciavit: Quod *Veneti* à *Sigismundo* laceffiti bello *Rhetico* se defendissent, impensasque magnas eo in bello fecissent, *Nomium* & *Ivanum* castella jure ab iis capta atque retenta sibi videri. à Senatu tamen petiit, vellet ea ipsa *Sigismundo* ultrò reddere: id se propterea cupere ostendens, ne pax inter ipsos inita ea de causa violaretur. Cujus autoritate moti Patres, præditiis abductis, *Nomium* & *Ivanum* *Sigismundo* restituerunt.

D Obiit per eos dies mortem *Romæ* *Marcus Barbus Pauli* Secundi Pontificis Maximi fratris filius è Cardinalium collegio, vir & doctrina, & probitate, & sanctitate vitæ, & *Romanorum* civium gratia egregiè insignis: quique comitiis Pontificalibus *Sixti* morte habitis, parum abfuit quin à collegio summum locum adipisceretur. Eo mortuo *Innocentius* Patriarchatum (sic enim appellant) *Aquilejensium*, quem is multos annos obtinuerat, *Hermolao Barbaro* legato apud se *Veneto* attribuit. quod ubi civitas intellexit, tametsi *Hermolaus* ad Senatum scripserat, coactum se à Pontifice vestem senatoriam mutavisse: quoniam tamen sacerdotiis cooptari cives *Veneti*, qui legati *Romæ* essent, lege prohibebantur, graviter tulit ausum illum contra leges patrias facere. Auxit ejus rei magnopere invidiam, quòd antea ex *Hermolai* literis, quas ad Senatum de *Barbi* morte dederat, more institutoque majorum comitiis senatoriis præjudicium Patres fecerant, cujus ipsi civis nomen ad id adipiscendum sacerdotium *Innocentio* commendarent: itaque deceptos in eo sese ac propè delusos querebantur. Erat omnino *Hermolai*, propter ejus summam in literarum atque optimarum artium studiis præstantiam magnum apud exterarum nationum nomen, apud suos quidem certè maximum: nam ad doctrinæ singularem opinionem, etiam vitæ perpetuam innocentiam adjunxerat: simul is multum patris opibus & gratia, qui summo proximum in civitate magistratum gerebat, multum clientelis, ne-

Lex in  
fures do-  
mesticos.

Frigus  
ingens.

Inno-  
centius Pon-  
tificis  
sententia  
de bello  
Rhetico  
lata.

Marcus  
Barbus  
Cardina-  
lis.

Lex in  
veste Se-  
natoria  
non faci-  
le mu-  
tanda.



necessitudinibus propinquitatibusque pollebat : quibus tamen in rebus omnibus satis sibi præsidii non habuit, cum pluris à Patribus una legum charitas majestasque, quam ullorum civium omnibus aucta nominibus dignitas atque claritas, fieret. *Decemviri* enim literas ad eum severè scriptas dederunt, morâ omni excusationeque sublata, sacerdotium repudiaret : id si non faceret, patrem magistratu remoturos, & bona ejus publicaturos, præ se tulerunt. At pater, perspectâ civitatis voluntate, omnibus tentatis rebus, cum jam eam flecti & leniri posse diffideret, ægritudine animi est mortuus. Filius non multo post *Romæ*, editis *Plinianis* castigationibus, immensi propè laboris opere, privatus plebeio morbo periiit. cum vitæ finem *Hermolaus* habuit, omnium ex sua civitate, qui ante illum nati essent, *Latinorum* & *Græcorum* literis planè doctissimus.

*Hermolai* obitus.

*Venetus* magistratus *Byzantio* pellitur.

Eo tempore ab *Hieronymo Marcello* literæ *Byzantio* venerunt : erat is *Venetus* eo in oppido vetere consuetudine magistratus : quibus literis *Marcellus* Senatum certiorum faciebat, sibi ab rege imperatum statim *Byzantio* discederet : ejus rei causam fuisse, quod rex diceret *Marcellum* suis de rebus & consiliis ad Senatum scripsisse : velle se, atque decrevisse, post hac suo in oppido ei magistratui locum non esse : fœdere tamen, quod cum *Venetis* haberet, uti antea tenebatur, sese teneri. His de causis Senatus ad regem *Dominicum Trivisanum* legavit, qui primâ ad navigandum idoneâ tempestate proficisceretur : neque multo post, anno insequente vix into, regis legatus ad Senatum venit, exposuitque Patribus, quas ob causas *Bajasetes* magistratum eorum *Byzantio* removisset : erant autem ferè illæ ipsæ, de quibus ad Senatum *Marcellus* perscripserat : adjunxitque illud, idem etiam omnibus aliarum nationum magistratibus fuisse denunciatum, quod rex *Marcello* imperavisset.

Civium pro patria mortientum præmia.

Iisdem diebus antequam mensis *Januarius* defineret, ornandi eos cives causâ, qui pro patria mortem oppetissent, Senatus decrevit, uti *Damiani Mauri* ejus classis præfecti, quæ prior bello *Ferrariensi* *Padum* flumen est ingressa, hostium castellis aliquot in ripa fluminis vi captis, bellicis ex laboribus mortui, duabus filiis dotis nomine quadraginta auri libræ ex publica pecunia darentur : sacerdotii autem nomine, si ei vitæ se dederent, senæ libræ.

Classis *Venetæ* apparatus.

Post dies paucos, cum esset nunciatum *Bajasetem* regem classem & exercitum parare, Senatusconsultum est factum, uti sexdecim triremes naves, alteraque navis oneraria magna reipublicæ, quæ ad anchoras erat deligata, confestim ornarentur : altera quæ aquam non tetigerat, deduceretur, atque instrueretur. Sed eo tamen anno eis navibus respublica non est usâ, classis exercitusque comparatione à *Bajasete* penitus intermissa. Neque multo post majorum comitiorum lege, quam *Lucas Pisanus* consiliarius tulit, quadragintavirale judicium tertium duobus prioribus est additum. nam sunt in urbe magistratus duo, quos appellare in civilibus actionibus licet : unum ab iudicibus urbanis, alterum ab iis, qui publicè in oppida atque provincias ad jus dicendum mittuntur. Ii tamen ipsi per se magistratus nihil statuunt, nisi de minimis quibusdam rebus ; sed ante eum diem ad alterum tantummodo eorum duorum judiciorum quadragintaviralem, quæ antiquitus sunt instituta, res ab aliis iudicatas deducebant : illi sententias ferebant, quibus aut probarent, quæ deducebantur, aut rescinderent : eas ratas haberi oportebat. Alterum judicium vitæ necisque habet potestatem, aliusque ad eos iudices magistratus causas defert. Illud igitur

Quadragintavirale judicium.

A judicium quadraginta virum ex duobus, apud quos ex provocationibus, quæ ad duos illos magistratus fiebant, disceptabatur, cum actionum & causarum multitudini non sufficeret, tertium simile ita est institutum, ut veteri illi alteri ab urbanis iudicibus, huic recenti & novo ab exteris interpositæ iudicibus appellationes proponerentur. ea re provocantium querelis aditus, & juris persecutio duplo facilior & explicatior est facta.

Lex de suffragiis ferendis.

B Aliam etiam magnopere utilem civitati legem majoribus comitiis *Antonius Tronus* consiliarius paucis post mensibus tulit : qua lege ferendorum suffragiorum nimiam creandis magistratibus licentiam, quæ ferri jam non poterat, facile suffulit. Porro ante id tempus suffragiorum ferendorum ratio erat ejusmodi. Loculi lignei tornatiles pedis altitudine bini civibus per subsellia confedentibus, alter prasinus, albus alter afferebantur. Eorum locorum superiore parte detecta, patulaque, uti manus inferri posset, media in angustum atque arcum pars contrahebatur eo usque, ut uni modò suffragio viam interius daret, extrinsecus ad circumferendum captu multo esset etiam habilior. Infima erat pars plurimorum suffragiorum capax : eaque detrahi, atque reponi poterat. detrahebatur autem numerandorum suffragiorum causa. In eorum loculorum utrum quisque vellet suffragium inferbat. Id erat glandula parvi pomi cerasi magnitudine, ex tela facta, non quidem solidè compacta atque firmiter, sed consultâ leviter, quod in quem cecidisset loculum glans, sentiri posse nolebant. Itaque pugno etiam clauso manum lege in utrumque loculum demittebant, ut ea quoque re cognosci non posset, quo in loculo suffragium esset relictum. Nam quæ album in loculum glandulæ cecidissent, eæ candidato favebant : quæ in prasinum essent conjectæ, iis glandulis candidati repellebantur. Hæc cum ita essent antiquitus constituta, ambitio, cui planè locus omnibus in rebus publicis semper fuit, eò licentiæ creverat, ut qui suorum aliquem creare magistratum volebat, & ipse summis prehensam digitis glandulam album in loculum palam projiceret, & qui ei proximi erant, idem uti facerent, postularet, illi candidatorum veriti invidiam, non suo plerumque iudicio, sed ad gratiam suffragium apertè ferebant : eâ re fiebat, ut indigni sæpe homines, propterea quod plus aut opibus, aut propinquitatibus, aut omnino clientelis valuissent, benè de republica meritis optimisque civibus anteferrentur, magistratusque adipiscerentur, boni rejecti ac repulsi jacerent. Eam ad perniciem atque malum cum plures latæ leges nihil profuissent, uti è civitate tolleretur, una omnino *Antonii* legislatio saluti atque decori civibus fuit. Nam qui bini ad eam diem loculi patuli atque aperti, binos erant per ministros publicè circumferri soliti, eos & à superiore tectos parte, & unâ conjunctos, inter seque continentes fieri statuit oportere : iisque ambobus sic connexis & conglutinatis unum tantummodo in superiori parte laterosum os dedit, eique ori tubum prominentem circumduxit semipalmæ spatium, ad interiores loculorum aditus obtegendos : quem per tubum rectum utrumque ad loculorum manus inferri aptè posset. rursum eorum loculorum prior, tuboque proximus is collocabatur, cujus loculi glandulæ candidatos rejiciebant. Id ea causa excogitaverat *Antonius*, ut si quis aliter atque ipsi libèret, suffragio ferendo cuiquam favere cogeretur, is, dum manum per tubi os ad posteriorem loculum protenderet, quod is esset loculus, cujus suffragia magistratum crearent, apertis clam digitis in an-

Suffragia quomodo ferebantur.

P. Bemus.

B

teriore



teriore fineret loculo glandulam decidere. Ita cives unum simulando, alterum dissimulando, illud re, quod cuique esset prius, audacter efficerent, neque deprehendi aut cognosci posset quid fecissent. Eâ lege post id tempus civitas majoribus in comitiis, atque in senatu, & *Decemvirum* collegio creandis magistratibus semper est usa: liberumque illi iudicium à gratia atque invidia semper fuit. tametsi capitalibus, cæterisque omnibus in judiciis, uti, si cui non liqueret, is eò deferri posset, tertium etiam loculum dhibuerunt, eumque se junctum à duobus atque separatum esse voluerunt.

Ambitus civium quorundam malorum repressus.

Lex de stipe ex ærario civibus quadragenariis danda, abrogatur.

Neque verò minus *Decemviri* ante anni exitum alia ex parte surgentem malorum civium ambitum severo iudicio represserunt. Erat in quadraginta viris, rerum capitalium iudicibus, qui omnes in Senatu adhibentur, *Gabriel Bonus*, eorumque magistrum gerebat. creantur autem semel à collegio magistrum numero omnes duodecim. Eorum magistrorum tres bimestre tempus apud Principem omnibus rebus præsumt: habentque cum in senatu, tum verò etiam majoribus in comitiis ferendi leges potestatem. Post eos tres, item alii ex eodem numero, tres eodem loci tantundem temporis præficiuntur, usque eò, quoad octo menses abeunt, quod est ejus collegii temporis universum spatium. Eo cum esset in magistratu *Gabriel Francisco Falerio* autore, Principi & reliquis ex ejus collegio Patribus legem à se scriptam proposuit, qua lege civibus omnibus, qui re familiari angusta uterentur, quadraginta annos natis, auri libra singulatim ex publica pecunia quotannis daretur, qua se stipe honestius, liberosque suos alerent: qui intra eos annos nati essent, annum autem vigesimum quintum excederent, ii semilibram eodem nomine acciperent. Eam ipse legem ferre ad Senatum majoraque comitia statuerat: itaque ut consultis Patribus ferretur (id enim fieri aliter non poterat) eis tradiderat legendam. Patres ubi legem inspexerunt, quæ morem improbi exempli in rempublicam induceret, ut unus temerè civis tantum pecuniæ publicæ cæteris civibus elargiretur: idque nulla alia de causa eum & *Falerium* esse aggressos animadverterent, nisi uti civium gratiam ad magistratus adipiscendos aucuparentur: Principi negotium dederunt, ut utroque ad se vocato, eos moneret, ne quod amplius ea de lege verbum facerent. Illi cum dies aliquot siluissent, multorum autem civium, quorum vitæ lex erat opportunissima, vocibus increparentur, suam ipsorum dignitatem ab eis negligi: legem ferrent, sese quos vellent magistratus adepturos principesque civitatis è vestigio futuros: ut si quid ejus facere possent, experirentur, curam & studium adhibuerunt. Eâ re ad collegium delatâ, *Decemviri Gabriele Bonum, & Franciscum Falerium* statim comprehensos, atque in vincula coniectos, in *Cyprum* insulam deportandos curaverunt, poenâ capitis adjectâ, ab oppido *Nicosiense* ullo tempore si emigravissent. Binos autem scribas ficti reipublicæ, quibus illi usi fuerant ejus legis consultoribus, & tanquam ministris, in *Cretam* insulam exulatum miserunt, eadem eis poena proposita ab *Rhytymna Cretæ* oppido diffugientibus. Atque hoc omnino *Decemviri* gravioris animadversionis esse iudicium voluerunt, non tam quidem ut de iis supplicium fumerent, qui legem, tametsi perniciosam, neque dum tamen ad Senatum tulerant, poterantque per se ab ea re defi-

stere, quàm ut reliqui etiam cives ab ejusmodi quicquam in posterum cogitandi consilio, similis timore poenæ duorum civium exemplo abstererentur.

Ejusdem anni vere *Laurentius Medices Florentinus*, excellenti vir ingenio, qui principatum in sua civitate obtinebat, vita functus est. æstate media *Innocentius*. Ille tres reliquit liberos, qui omnes brevi tempore & principatu & civitate ejecti, exulatum abierunt. Hujus locum *Alexander Borgia Valentinus* opibus & largitione nixus tenuit: atque hoc planè tempore civitas propè quievit.

Laurentii Medicis obitus.

Alexander Borgia.

Insequenti autem jam in ver progressu anno, ut firmatis inter se trium maximarum *Italiæ* civitatum rebus tempora etiam pacatiora fierent, ab *Alexandro* Pontifice Maximo & *Venetis*, & *Joanne Galeatio* adolescente, regnum in *Mediolanensibus* obtinente, autore *Ludovico* patruo, qui civitati ejus nomine præerat, foedus in XXV. annos percussum, atque uno eodemque die ab singulis concelebratum est: quo quisque foedere ad reliquorum sociorum ditiones defendendas, hostesque propulsandos teneretur. Et quòd erat ea tempestate *Romæ Giemes Sultanus, Bajasetis* regis frater, homo magni inter suos nominis, qui ab eo armis regno pulsus *Rhodum* confugerat: *Rhodii*, ne bellum in se converterent, eum ad regem *Galliæ*, rex ad *Innocentium* rogatu ejus miserat: itaque is ab *Alexandro* adhibitis custodibus asservabatur, cum ne fratri revocare bellum posset: cujus rei causa quadringentæ ab eo auri libræ quotannis Pontifici dependebantur, *Romamque* mittebantur: tum ut eo nomine *Bajasetem* à bello *Christianis* inferendo abstereretur. Est in foedere additum, ut si *Veneti* armis à *Bajascæ* lacefferentur, *Alexander* eis *Giemen* traderet, cujus autoritate atque gratia contra illum uti possent. Ei foederi *Hercules Atestinus* Dux princepsque *Ferrariensium*, *Ludovico* suadente, paucis post diebus se adjunxit.

Foedus Venetorum cum duce Mediolanensium.

Giemes Sultani Romæ custoditur.

His confectis rebus, cum propè omnia spectare ad quietem viderentur, *Leonora Ferdinandi* regis *Neapolitani* filia, *Herculis Atestini* uxor cum duabus filiis, altera *Francisci Gonzagæ* uxore atque *Alfonso* cum filio, & ejus uxore *Anna Joannis Galeatii* sorore, consensu ad *Padi* ripam navibus secundo flumine in æstuarium, *Venetiasque* se contulit, ut urbem læto illo tempore inviserent: quibus quidem foeminis uti quàm amplissimi honores haberentur, Senatus decrevit: itaque & obviam eis publicè itum in *Bucentauro* navi, qua in navi à magna Senatus parte, atque à matronis centum triginta, tota penè civitate circumfusa, atque adnavigante, sunt exceptæ, & per eos dies, quos in urbe confecerunt, nullum eis genus publicæ voluptatis aut liberalitatis defuit: nam & choreæ electissimarum foeminarum à principum liberis in comitio celebratæ sunt, & bellaria magni & operosi sumptus data, & ludi tota urbe, certaminaque multifariam edita, quibus ex omnibus unum novum civitati fuit, ut complures cymbæ, quibus in singulis quatuor foeminae remigarent, cursu propositis præmiis contenderent. quo in certamine propè mira res accidit: quæ à civitate animadversa, diei spectaculique lætitiâ & hilaritatem conduplicavit: ut quemadmodum *Leonora* duabus cum filiis & nuru aderat, quarum causa ea fiebant, ita cymba, qua in cymba mater cum duabus filiis ac nuru remos impellebat, vicerit.

Leonora regis Neapolitani filia.

Bucentaurus Venetorum.

Navale certamen foeminarum.







misit hortatum, ut id bellum fusciperet, suasque illi opes, copiasque pollicetur: facillimum factu esse, modo *Alpes* trajiceret, atque in *Italia* se ostenderet, eo regno potiri. Ea tanti hominis hortatio apud *Carolus* momenti plurimum habuit. Altera fuit ejus rei causa in *Antonio*, qui *Salernum* à majoribus suis traditum obtinuerat. Is cum ob *Ferdinandi* regis inimicum in sese animum sedibus patriis excessisset, seque in *Galliam* ad *Carolus* contulisset, propè quotidianis eum sermonibus admonebat, ut tam propriam regni opulentissimi capiendi oblatam sibi à diis immortalibus facultatem ne prætermitteret. *Ferdinandus* hominem esse avarum, crudelem, nullâ fide, nullâ justitiâ: omnes ejus regni principes, omnes populos illum odisse: nullius esse negotii rem, cum regno expellere, præsertim *Galliæ* regibus, quorum nomen atque autoritas illis in regionibus maximè omnium tum vigeret, fueritque semper plurimi. *Alexander* etiam Pontifex Maximus moleste ferens *Virginium Ursinum*, ejus familiæ principem, ausum esse à *Francisco Cibo Innocentii* Pontificis ante se Maximi filio oppidum *Anguillariam* in *Sabatini* lacus ripa, quod erat in Pontificum Maximorum ditione, abestque ab Urbe XVI. millia passuum, nullâ factâ sibi ab ipso ejus rei potestate, coëmisse: quoniam *Virginus* à *Ferdinando* fovebatur, ne quid facere invitus cogeretur. *Carolus* & ipse ad id fuscipiendum bellum hortabatur, vindicandi sese de adverso suis rebus suæque dignitati rege causâ. quas ad res omnes etiam illud adjungebatur, quod ex *Gallis* principibus iis, qui apud *Carolus* autoritate gratiaque pollebant, nonnulli rerum *Italicarum Romanique* Pontificis, quæ erat iter faciendum, occasione amplissimis sacerdotii dignitatibus sese iri auctum & honestatum confidebant: alios exercituum, & regendorum populorum, quos essent subjecturi, spes & cupiditas incendebat. multi etiam suâ levitate & novarum rerum studiis movebantur, ut regem ad protectionem impellerent.

Inundationes  
in Gallia  
regno.

*Athesis*  
fluvii  
violentia.  
*Medoacus*  
fluvius.  
*Padus*.

Interim autumnus mensibus tota ferè citiore *Gallia* ejusmodi tempestatibus, jamque continentes pluviae fuerunt, ut in *Bergomatium* finibus aqua denos quinos pedes præter consuetudinem excreverit, ædificiisque quam plurimis dirutis, ac pontibus lapideis abreptis, magnum puerorum & mulierum, magnum etiam virorum numerum repentino impetu opprefferit. Neque in *Brixianorum* finibus flumina non ingentem stragem ediderunt. *Athesis* quidem cum *Veronæ* urbis magnam partem pervassisset, & complures domorum parietes subruisset, etiam pontem firmissimum medio in oppido dejecit. *Medoacus* & ipse ripas non uno loco transgressus, optimam *Patarini* agri partem illuvie vastitateque fœdavit. *Padus* omnino utriusque ripæ vicinitates ita est depopulatus, ut omnia luctu & mœroribus impleverit. atque hanc quidem esse quasi deorum immortalium significationem, quæ *Gallorum* in *Italiam* adventum portenderet, omnes penè homines interpretabantur, & prodigii loco ducebant: erantque permulti, qui maximè ad *Venetos*, quod eorum regionibus & oppidis aquæ magnum detrimentum intulissent, eam rem, atque id prodigium existimabant pertinere.

*Joannis*  
*Georgii*  
Blasphemæ  
pœna.

Ordo rerum me admonet, ut duo civitatis judicia hoc ipso facta tempore silentio ne obruam. Erat in civium nobilitate *Joannes Georgius*, homo ferox, nullaque pietate, qui ab *Antonio Bernardo*, *Taurisanorum* prætore, ob maledicta in deos, aliaque scelera exul ejus oppidi factus fuerat, damnatusque, ut si eò rediret, lingua ei amputaretur, manusque altera præcideretur. Is

A *Taurisum* alio prætore cum revertisset, virginemque vi adhibitâ violavisset, *Decemviri* missis illò suis rerum capitalium ministris atque vindicibus, *Georgium* comprehendi, deque eo *Antonianum* supplicium medio in foro sumi jussunt: eo sumpto, *Venetias* adductum in *Cretam* deportari mandaverunt. Neque multò post *Antonius Boldus* Triumvir ex advocatis reipublicæ, *Dominicum Bolanum Candiani* filium collegam suum accusatum acceptæ eo in magistratu ab reis & litigatoribus pecuniæ, ad Senatum detulit. Cum Senatus eum comprehendi, atque ex vinculis causam dicere jussisset, ille autem fuga se judicio eripuisset, absens damnatus est, ut intra mensem se carceri dederet, *Caniam Cretæ* oppidum exulatum deportandum: quod si non faceret, comprehenso cervices absunderentur, bonaque publicarentur, magnis propositis præmiis iis, qui eum aut vivum magistratibus tradidissent, aut ipsi occidissent.

B Post hæc de adventu *Gallorum* fama percrebrescente, ac *Ferdinando* rege exercitum & classem ad hostes repellendos comparante, atque omnibus *Alexandrum* Pontificem Maximum pollicitationibus, ut suarum partium esset, sollicitante, *Ludovicus* veritus, ne si inter eos convenisset, *Ferdinandus*, præmissis in *Galliam* suis & *Alexandri* celeriter copiis, è regni eum procuratore atque fastigio ante *Caroli* adventum expelleret, ereptamque filii sui genero dignitatem atque imperium restitueret: à Senatu petiit, ut quos haberet milites equitesque, ad *Ollii* fluminis ripam, quod est in *Brixianorum* finibus, juberet proficisci, uti regem ab eo ineundo consilio abduceret: aut, si id non posset, ipsi flumen transirent, seseque tuerentur. Ea re à Senatu non impetrata, quod diceret sibi id necesse ejus tam firmis rebus non videri, iterum ad *Carolus* legatos misit rogatum, ut maturaret *Alpes* transmittere, sese ei de pecunia commodaturum, suasque copias cum illo conjuncturum, ubi primum terram *Italiæ* attigisset. *Carolus*, qui plures jam menses in ea modo prædicatione consumpsisset, velle se *Neapolim* armis suam facere, atque iis, qui apud illum plurimum poterant, partim bellum suadentibus, partim dissuadentibus, nihil etiam nunc constituisset, quod pro firmo atque certo haberetur: acceptis *Ludovici* tum hortationibus diligentioribus, tum pollicitis, fœdus cum *Ferdinando* & *Elisabetta Hispaniæ* regibus percussit, nonnullis eis oppidis in *Pyrenæo* saltu gratis restitutis, quæ pridem oppida *Aloisius* rex ejus pater à *Ferdinandi* parte pignoris nomine acceperat. deinde ad diem nonum Calendarum Januarii, adhibitis totius *Galliæ* principibus, statuit omnibus aliis omisissis rebus proficisci. De eo cum esset amicorum litteris celeriter *Ferdinandus* certior factus, primis anni diebus è venatu lectulum petens, acri urgente pituita, intra biduum est mortuus: cujus *Alfonsum* majorem natu filium *Federicus* natu minor, reliquique *Neapolitani* principes regem salutaverunt. *Alfonsus* regno patris inito, per legatum *Venetum*, qui paulo antè ad *Ferdinandum* venerat, in solitisque ab eo & obviam itionibus, & aliis honorum generibus exceptus fuerat, à Senatu petiit, ut cum *Ludovico* ageret, ne is *Carolus* ad protectionem incitaret, prædemque se apud illum constitueret: nihil ipsum ullo tempore moturum, quo minus is regni *Mediolanensis* procuratore, quoad vellet, uteretur. Senatus ea de re cum apud *Ludovicum Alfonsi* verbis egisset, eumque esset magnopere hortatus, ne *Gallis* in *Italiam* veniendi autor adjutorque esset, ille autem nihil ejusmodi respondisset, quo se ab eo consilio remoturus videretur: ne frustra opera

Belli  
Neapolitani  
initium.

*Ferdinandi*  
senioris  
regis  
Neapolitani  
obitus.

*Alfonso*  
rex  
Neapolis.



Veneto-  
rum Re-  
sponsum  
Caroli  
regis Le-  
gato da-  
tum.

ram infumeret, destitit, neque amplius eam cogitationem est aggressus. Miserat ante eos dies ad Senatum *Carolus Philippum Argentonium* legatum: si se respublica in belli *Neapolitani* societatem cum ipso conjungeret, quam vellet ejus regni partem sibi depolceret, nihil illum recusaturum: id si non vellet, quod pollicita esset se ab ejus amicitia non discessuram, in eo perseveraret: iussum se esse apud Patres moram trahere, omniaque regis consilia cum ipsis communicare. Ad hæc civitas ita respondit: Tantas esse *Caroli* regis ad id gerendum bellum facultates, tam præsentem omnium rerum copiam, ut sui auxilii nihil indigeat: itaque se more exemploque majorum, qui bella nisi laceffiti non fecissent, quieturam: nec partem sibi ejus regni postulataram, cujus nullum ipsa jus habeat: cæterum, quod aliis regis nunciis dixisset, pollicitaque esset, ab eo non recedere, regisque benevolentiam sese plurimi semper facturam: ipsum quidem eo nomine & nunc libenter vidisse, & si maneat, eo libentius visuram, quo erit etiam urbana mora & quotidianis colloctionibus familiarior: quæque regis intererunt, pro sua vetere in partem ejus atque ipsum necessitudine, ea indices, ut ipsi nota sint, curaturam.

Statua  
equestris  
*Bartholomæo*  
*Colliani*  
erecta.

Iisdem propè diebus Senatus *Bartholomæo Colliani Bergomati* imperatori suo, quod multa bella singulari virtute, fide incomparabili gessisset, remque militarem superiorum imperatorum negligentia collapsam restituisset, quodque de republicâ optimè meritis, auri libras decies centies ei moriens testamento legavisset, statuam equestræ æream inauratam in *Joannis & Pauli* aræa ponendam censuit.

*Naxii* in  
Reipublicæ  
Venetæ  
fide  
recepti.

Ea tempestate vita functus est apud *Naxios Joannes Crispus*, qui eam ex *Cycladibus* insulam tresque alias obtinebat, *Rhenem*, *Scyrum*, *Melum*, duobus liberis parvulis ex pellice relictis. Is propterea quod avarè atque crudeliter regnaverat, civitas concilio coacto statuit reges ulterius non perpeti. Erat tum fortunata in insulæ oppidique portu *Nicolaus Capellus* legatus, eò cum sex longis navibus ad piratas insequendos profectus: itaque nacti occasionem cives, plebsque omnis, ipsis cum natu majoribus, matribusque familiâs infantes in ulnis gestantibus, cumque virginibus & pueris, Legatum adierunt, orantesque uti se reciperet: mori enim malle omnes, quam amplius sub tyrannide esse: miro se studio reipublicæ dederunt. *Nicolaus* principibus eorum liberaliter appellatis, reliquam turbam solatus, civitatem in reipublicæ fidem recepit, civemque *Venetum*, qui præesset, jusque diceret, attribuit. *Naxii* paucis post diebus legationem ad Senatum miserunt, quæ apud Patres sacramentum diceret, se in ejus fide perpetuò futuros. Ea legatione adhibita Senatusconsultum factum est, uti *Naxii*, qui spontè in deditionem venerant, reciperentur: recepti autem non essent nisi prius *Crispi* liberis, & eorum matri alimenta præberentur. Itaque omnis insularum earum proventus illis, quoad viverent, dono datus est eo nomine.

Fœdus  
inter  
*Alexan-  
dram*  
Pontifi-  
cem &  
*Alfon-  
sum* re-  
gem  
*Neapoli-  
tanum*.

Interea cum inter *Alexandrum*, quem quidem multis de causis magnopere poenituerat *Carolus* regem ad id bellum incitavisse, atque inter *Alfonsum*, qui ambo ad *Vari* vicum venerant, ut ipsi inter se colloquerentur, iis conditionibus esset fœdus amicitiaque inita, ut Pontifex regem in *Romanæ* reipublicæ fidem reciperet, omni in illam ab hoste, quâ posset, tueretur: ille autem Pontifici ob tributis veteris reliqua, auri libras mille se representaturum, in annos verò singulos quadringentas persolaturum polliceretur:

A desponsa etiam filia *Giufredo Alexandri* filio, ut societas eo pignore firmaretur: utrique se ad bellum communire modis omnibus, explicareque ceperunt. Fuerat ea in re *Alexander*, ut sunt hominum mutabilia sæpe ingenia & voluntates, *Virginio* ipso usus interprete, qui etiam illum & *Alfonsum* lautissimè splendidissimèque sua in domo tunc suscepit. Erat enim *Virginii* oppidum *Vari*, de quo diximus, vicus. Jamque *Alfonsum* classe longarum navium amplius triginta, onerariarum maximarum duodeviginti, ad *Ligustici* maris oram infestandam, navesque hostium, quæ *Genuæ* instruebantur, impediendas comparata, equitatu peditatuque cogendo, &que *Brutiis* educendo, atque in Galliam mittendo distinebatur: cum ob *Bajasetis* regis novos motus, qui & classem & exercitum comparabat, respublica & ipsa parare classem instituit. Itaque primis comitiis *Antonio Grimano* classis præfecto declarato, naves longas, quas confectas habebat, deduci atque instrui jubet: quibus cum navibus *Antonius* mense *Quintili* solvens in *Illyricum* trajecit.

Classis  
contra  
regem  
*Thracum*.

B Eo tempore *Florentinorum* legatio ad Senatum venit petens, propterea quod *Carolus* rex à civitate postulaverat, ut per eorum fines exercitum ducere sibi liceret, uti Senatus consulere, quid ipsis esset ad regis postulata respondendum: tum hac tota in causa atque adventu regio quid cavere, quid præstare ipsos opus esset, pro sua fide atque consilio existimaret: magnopere enim se ejus prudentiæ tribuere, confidereque optimum factu id futurum, quod senatus censuisset. Senatus unum modò existimans fore, ut quicquid *Florentinis* consulisset, neque *Carolus* neque *Alfonsum* latèret, Legatis respondit, nescire omnino se tam ardua in re, tamque casibus & eventui propofita, quid præstaret: quod si se plures in unam sententiam conjecturæ, quam in alia omnia traherent, non tamen id audere ipsis dicere, propterea quod fortuna plerumque in bellis dominatur, temerèque facta sæpe melius quam ratione atque consilio suscepta ceciderunt: itaque auxilium à Diis immortalibus implorandum: eos unos scire, quid quaque in re quemque aut sequi aut fugere oporteat.

Legatio  
*Florenti-  
norum*.

Respon-  
sio *Vene-  
torum*.

D *Antonius Venetiis* profectus cum esset in *Illyrico*, legati ad eum ab *Scardona*, atque ab *Clissa* venerunt, qui dicerent, cupere sua municipia sub reipublicæ imperio esse, orare ut ab eo reciperentur. *Antonius* legatos cohortatus, ut reipublicæ voluntatem expectarent, literas ea de re ad Senatum dedit, *Corcyramque* contendit. At *Alfonfi* classis, cui *Federicum* fratrem præposuerat, mare *Ligusticum* invade, Objecto *Flisco Genuensi* non minimæ inter suos autoritatis, militibusque ad *Veneris* portum expositis, atque ab hostibus repulsis, infecta re *Trituritam* rediit.

*Scardo-  
na* &  
*Clissa*  
*Venetiis*  
se subi-  
ciunt.

E Confecerat autem per eos dies *Genuæ Carolus* itemque *Ludovicus* classem satis idoneam ad hostem repellendum: itaque & adverso prælio suorum, & classis hostium timore perterritus *Federicus*, neque amplius tentandam iis in locis fortunæ belli ratus, sese recepit. Ea spe lapsus *Alfonsum* suas cum *Alexandri* copiis conjunctas copias in *Flaminiam* properè misit, quod intelligebat *Caroli* exercitus præmissam jam partem *Padum* flumen trajecisse. Eæ cum *Ariminensium* finibus copiæ appropinquarent, *Pandulfi* eorum principis rogatu, qui erat in reipublicæ militia, suisque rebus veritus tam suspecto atque ambiguo tempore, opem à Senatu postulaverat. *Georgius Emus* est eò missus, qui autoritate reipublicæ oppidum finesque tueretur. per quos dum ii pacatè iter facerent, *Alexander Joannis Galeatii* frater nothus, qui erat in *Ludovici* partibus, *Parma* fu-

*Caroli*  
regis  
exercitus  
*Italiam*  
petit.



giens ad eos se contulit, ut contra patrum esset. Erant in eorum exercitu *Ferdinandus Alfonsi* filius, magnæ spei adolescens: *Nicolaus Urfinus*, qui *Petilianum* oppidum in *Hetruria* obtinebat, belli rebus atque artibus clarus: *Virginus* item *Urfinus*, de quo superius diximus, *Romanæ* factionis princeps: *Joannes Jacobus Triultius Mediolanensis*, homo magnâ inter suos gratiâ. hos est paulo post *Guidus Ubaldus Urbinas* dux, princepsque *Metaurensum* ad *Cesenam* consecutus, atque ii omnes equitum cataphractorum duum millium quingentorum, militum octo millium numerum habebant. Ad eos cum præmissæ *Caroli* atque *Ludovici* copiæ appropinquavissent, universi congregari non sunt ausi: itaque aut oppidi planè firmi, aut fluminis interjectu munitis castris complures se dies continuerunt: per occasiones tamen parvulis minutisque præliis, quid utrique possent, aliquoties periculum fecerunt. At *Carolus*, qui *Aloisium* propinquum suum, principatum in *Genabensibus* obtinentem, & *Julianum* Cardinalem *Sixti* Pontificis Maximi fratris filium, & *Antonium Salernitanum*, de quo supra dictum est, *Genuam* cum pedestri exercitu miserat, ut naves jam paratas conscenderent, suique itineris ratione habitâ, se sublequi jusserat, ut ingressum in regnum *Neapolitanum* suum mari etiam aperiret, cum reliquo exercitu bene magno planèque paratissimo, primis Septembris diebus *Alpes* trajecit, atque *Astam* venit: ibi illum *Ludovicus* cum muliebri uxoris *Beatricis* comitatu, & *Joannes Galeatii* fratris filius, *Herculesque Atestinus* focer obviam progressi venientem exceperunt: quicum de rebus utriusque *Ludovicus* collocutus, cum eisdem illis, quos adduxerat, *Ticinum* rediit. Ea itio atque reditio itinerum omnium postrema *Joanni Galeatio* fuit: profluvio enim ventris, ut videbatur, lectulo impositus, ut verò creditum est, veneni à patruo dati haustu, insequente mense periit. tantum in animis mentibusque hominum mala regnandi cupiditas atque ambitio potest. *Carolus* inter hæc *Astæ* cum esset, *Aloisium* *Genua* mutato consilio accersivit, ibique jussit esse. Erat autem *Aloisii* oppidum *Asta*, quod quidem ejus avia dotis nomine à patre *Mediolani* rege acceperat. Ipse putulis correptus est, eoque in oppido commoratus dum convalesceret, itineri deinde se dedit, atque ad diem duodecimum Calendarum Novembris *Placentiam* pervenit. Processerat eò unâ cum illo *Ludovicus*, qui postridie ejus dici de fratris filii morte nuncio accepto *Mediolanum* rediit, urbemque in veste regia perambulans, salutari regem se non modò passus est, sed maximè omnium voluit: neque enim minus id deliberatum propterea fuit, quòd *Joannes Galeatius* moriens duos liberos *Franciscum* & *Mariam* superstites reliquisset. *Carolus*, qui, antequam è *Gallia* proficisceretur, tametsi *Florentinis* ostendisset se per eorum fines iter *Neapolim* esse facturum, per *Flaminiam* tamen ire constituerat, ob eamque rem exercitus sui partem eò miserat, cum *Laurentii Medices Florentini* civis suasu, qui cum *Petro Medice* propinquo suo, cujus erat in potestate civitas, magnas atque acerbis similitudines exercebat, tum *Ludovici*, qui eundem *Petrum*, quòd is uxore ex *Ursina* gente ducta, in eorum atque *Alfonsi* partes se traduxerat, ingenti odio prosequeretur, ire *Florentiam* decrevit. Eares *Florentiam* perlata, civitatem ad novum atque subitum capiendum consilium perpulit. Rex post hæc *Placentiâ* profectus, dextrâ se per *Tari* fluminis vallem flectens ad *Apuanos*, in *Apenmini* radicibus municipium, Legatos *Florentinorum* obvios habuit, quos ad regem civitas, ut cum eo age-

*Joannis Galeatii Mediolanensium ducis interitus.*

*Asta oppidum.*

*Florentinorum*

rent, ne inimico ad sese animo accederet, misit. Ejus legationis *Petrus Medices* princeps fuit. Is cum regem à se alienatum *Laurentii* & *Ludovici* maledictis calumniisque comperisset, omnibus illum conditionibus lenire, benevolumque sibi reddere est aggressus: itaque tria civitatis oppida in *Apenmini* jugis, quæ *Genuensium* antea fuerant, tum *Pisas* & *Triturritam* in præsentia regi tradere, certasque quotannis, quoad is in *Italia* esset, pecunias tributi nomine, atque equitatum pollicitus, cum illo in amicitiam rediit. Quibus intellectis rebus civitas incitata, illum & *Joannem* & *Julianum* ejus fratres urbe finibusque suis expulit, domo eorum opulentissima direpta, bonisque fisco addictis: quorum duo se *Venetias* contulerunt. *Joannes Petro* natu minor *Bononiæ* primùm, deinde in *Tifernatibus* apud propinquos suos complures se menses continuit: erat tamen è *Cardinalium* collegio. Rex *Apenmini* superato jugo *Lucam*, inde *Pisas* venit: idque oppidum à *Florentiæ* imperio, ditioneque removit, & sui juris liberumque jussit esse: quod quidem civitas, plebesque omnis cupidissimè arripuit. *Florentiam* paucis post diebus est profectus, librisque auri duodecies centies imperatis, in reipublicæ formam civitatem redegit. *Pisis* libertati restitutis, senatores, reliquique cives concilio coacto, magistratus qui *Florentia* venerant, ex oppido suisque vicis & castellis expulerunt: ex se se, quos visum est, magistratus creaverunt. *Leones* marmoreos depictosque, quod est insigne *Florentinorum*, è foro, locisque omnibus sustulerunt. In exilium qui essent à *Florentinis* magistratibus missi, ii ut in oppidum atque in suos quisque lares remigrarent, edixerunt. Iisdem diebus ea *Gallici* pars exercitus, quæ in *Flaminiam* præcesserat, tribus in agro *Forocorneliensium* & *Forolivensium* tum vi, tum deditione captis castellis, *Faventiaque* in suas partes traducta, è *Bretinorovico*, qui eos recipere noluerat, & indignantes oppugnareque aggressos sustinuerat, *Apenminum* trajicere, atque ut cum rege se conjungeret, iter facere coepit. *Ferdinandus* cum omnino *Gallos* intercludere, morarique non posset, suis cum ducibus, quo itinere venerat, *Romam* rediit. At *Venetis*, ubi *Carolus* magna cum manu *Padum* flumen trajecisse nuntiatus est, legatos ad eum mittere decreverunt, qui ei honoris gratiâ præstò essent: seque ad omnes casus præmunire constituerunt. Missi legati *Dominicus Trivisanus*, *Antonius Lauredanus*, regem *Florentiæ* convenerunt, eumque postea sunt subsecuti.

Illis ipsis diebus *Joannes Senogalliam* obtinens, *Juliani* Cardinalis frater, *Bajasetis* regis legatum, qui *Anconæ* navi expositus *Romam* proficiscebatur, *Alexandro* pensionem annuam librarum auri quadringentarum *Giemis* nomine dependi solitum afferens, interceptis, ablataque pecunia dimisit. *Carolo Senas* urbem transgresso, *Alexander Virginium* & *Nicolaum Alfonsi* exercitus duces, & *Ferdinandum* regis filium, qui *Romæ* appropinquaverant, intra moenia recepit, ut & loca tuta hostibus præripere, & adversarios cohibere atque reprimere, & urbem ad *Gallos* repellendos velle communire magnopere videretur. Verumtamen paucis post diebus *Carolo Romam* rectâ veniente, *Ferdinandum* reliquosque duces est hortatus, uti *Roma* proficiscerentur, neque *Gallos*, quibus quidem jam nihil esset impeditum, expectarent. Illi, quos omnia planè deficerent, Pontifici paruerunt, *Tiburque* cum ea, quam habebant manu, se contulerunt. *Alexander*, qui quidem *Gallos* veritus de capienda fuga non semel cogitaverat, demum in *Adriani* molem comiteatu & tormentis communitam se recepit. *Carolus* omni cum exercitu

Legati ad Carolum regem missi.

*Petrus Medices cum fratribus Florentiâ pulsus.*

Rex *Carolus* quid in *Italia* peragebat.

*Leones Florentinorum insigne sublatum.*

Legati *Venetorum* ad *Carolus*.

*Bajasetis Legatus violatus.*



citu pridie Calendarum Januarii Romam venit, pauloque post, cum inter ipsum atque *Alexandrum Ascanio* interprete de pace sermones haberentur, *Ascanius* autem duras nimium & severas condiciones *Alexandro* imponeret, *Alexander* eam hominis audaciam compescendam ratus, Cardinalium concilio, ad speciem quærendarum ab eis sententiarum, coacto, illum, qui ad concilium venerat, retinuit, nec nisi pace cum rege facta dimisit. Romæ *Carolus* complures dies commoratus, *Alexandrum*, qui cum fœdus certis conditionibus percusserat, separatim primò, deinde publico in concilio salutavit, ejus ad pedes advolutus, solennibusque sacris ministrante illo interfuit. Post hæc Pontifex Episcopum *Maclovienfium*, cujus unius magnopere consiliis rex omnibus in rebus nitebatur, petente rege Cardinalem creavit: navesque onerariæ viginti, commeatum è *Gallia* provincia regis exercitui supportantes, ad *Centumcellarum* portum appelluntur.

Iisdem propè diebus ex tribus *Venetorum* longis navibus, quæ publicè in *Britanniam* ad mercaturam exercendam mittebantur, duæ in *Oceano* tempestatis vi absorptæ sunt fluctibus: quibus in navibus complures ex ipsa nobilitate cives, reliqui amplius quingenti perierunt. mercium ad quater mille auri libras summa deperdita. quod quidem antea nunquam acciderat, ut ejusmodi naves, terrâ non tactâ, mari atque undis absumerentur: tametsi anno ab urbe condita millesimo decimo sexto duæ item naves longæ onustæ mercibus eo ipso in mari ventorum contumelia impactæ littoribus sunt amissæ.

Dum ea Romæ apud *Carolum* geruntur, *Alfonsus* suis rebus planè diffidens, *Ferdinando* filio *Neapolim* accersito regnum tradit, *Federico* fratre adhibito: eumque uti Deos immortales vereatur, monet. Ea oratione apud filium habita, in artem, quæ est in oppidi littore, & mari undique alluitur, quæ castellum *Ovi* appellatur, noctu se contulit, ut naves longas conscenderet, quod tum facere Austro magno coorto vento prohibitus, paucis post diebus nactus idoneam tempestatem in *Siciliam* transmisit, eoque anno in *Panormitano* agro privatus moritur. *Ferdinandus*, profecto patre, regni principibus quatuor, qui erant in custodia, primum omnium dimissis, oppidum in veste regiâ unâ cum *Federico* patruo persequitavit: salutatusque rex cum se ad carceris parietem contulisset, reclusis patefactisque foribus rebelles aliquot damnatosque complures & libertati & municipio restituit: privatas publicasque injurias omnes remisit, pollicitusque est se proscriptos quosque revocaturum. Militibus deinde appellatis, eo stipendio donavit, atque oppida novis præfidiis firmavit.

*Carolo* ad diem quintum Calendarum Februarii Romæ profecto, *Velitrasque* progressus, *Cesar Borgia* Cardinalis, *Alexandri* filius, quem quidem pater Legati nomine *Carolo* dederat, ut obsidis loco apud illum esset, noctu aufugit: néve patris voluntate videretur id fecisse, non Romam, sed *Spoletum* se contulit. Eodem tempore missi à rege milites, qui ex fœdere *Hostiensem* & *Centumcellarum*, *Anxurisque* arces, quoad is in Italia esset, custodirent, repulsi sunt ab *Alexandri* custodibus: arcem enim *Hostiensem*, quam *Julianus* Cardinalis exædificaverat, præfidiis firmaverat, cum is *Alexandri* Pontificatus initio nihil illi fidens speculatoria biremi se ex ea sustulisset, conscendensque *Fabritio Columæ*, amico sibi homini, & magni ac erecti animi viro, illam commendavisset, *Genuamque* ac deinde in *Galliam* esset profectus, *Alexander*, *Nicolao Ursino* *Petilia-*

*A* norum principe cum exercitu eò missus, acri obsidione cinctam expugnaverat, sui que juris fecerat. Rex *Velitris* profectus *Fortini* montis oppidum munitissimum, quod quidem capi posse nisi longa obsidione non videbatur, paucarum horarum spatio cepit, itemque *Ferentinum*, quæ utraque in *Ferdinandi* erant partibus. Eâ re confectâ, suum hominem ad Pontificem misit: ni pactis, quæ sunt in ipsorum fœdere, steterit, sese primum omnium sua in illum arma converturum: quo accepto nuncio Pontifex regis militibus arces tradidit. Ferociore regis milites impetu primum in *Alfonsi* ditione castellum in *Cassinate* saltu, & militibus & commeatu communitum, vi captum diripuerunt, propugnatoribus incolisque omnibus ad unum interfectis, quod præmissi ad oppidanos de deditione nuncii ab iis malè accepti fuerant. Id castellum *sancti Joannis mons* ab incolis appellatur: tenebaturque ab *Aterni* regulo, quo uno nemo erat *Ferdinando* regi charior. Itaque hoc successu rerum suarum *Carolus* cum exercitu equitum militumque numero triginta millium, in regnum *Neapolitanum* ingressus, ad *Cassinum* venit: quo in oppido *Ferdinandus* cum esset, haberet autem milites numero ad quatuor mille; equites alteros totidem, oppidanos cohortatus, ne se diripi sinerent, sed fortunæ cederent, seque in aliud tempus referrent, oppido profectus, *Capuam* suis cum copiis contendit. *Cassinates* eo profecto sese *Carolo* dederunt. Ad quem non intermissis itineribus *Capuæ* appropinquantem, *Cajetæ* civitas legatos misit, ei se oppidum tradituram, imperataque facturam. *Cajetæ* in deditionem recepta, *Capuani* & ipsi regi oppidum tradiderunt. *Capuam* ubi rex venit, *Giemes*, quem *Roma* secum abduxerat, in morbum incidit, cujus sustinere vim non potuit.

*D* At *Ferdinandus*, cum *Neapolim* petiisset, ejus exercitu intra mœnia non admisso, ipse cum suo comitatu equitibusque paucis est receptus: qui voluntate civitatis intellecta, quæ *Gallos* expectare ne diriperetur, nolebat, combustis duabus navibus magnis ex tribus, quas in portu habebat, ne in manus hostium pervenirent, tertia *Obiecto Flisco* tradita, equos propè trecentos egregiæ foliolis suis civibus amicisque distribuit, deinde *Neapolitanâ* arce, quam appellant *Novam*, militibus reliquisque rebus ad obsidionem sustinendam idoneis apprimè communita, cum *Federico* patruo, & uxore *Ferdinandi* avi sui atque filia, in insulam *Megaram* sese contulit. Ex ea insula, quæ est non longè ab oppidi littore, *Neapolitani* reges arcem munitissimam effecerunt. *Carolo* rectâ *Neapolim* cum exercitu properante, *Virginus*, *Nicolausque* *Ferdinandi* duces quod intellexerant civitatem legatos de deditione ad *Carolum* misisse, *Nolam* se cum ea, quam habebant, manu receperunt. quos præmissi *Caroli* equites cum insequerentur, *Nolani* *Gallis* portas aperuerunt, retentis interceptisque *Nicolao* atque *Virginio*, qui ambo in *Gallorum* potestatem venerunt: tametsi jam ante à *Carolo* petiissent, ut in suam fidem sese reciperet, idque eis *Carolus* esset pollicitus. Itaque in eo fides est regia desiderata. *Carolus* intellectâ *Ferdinandi* fugâ, *Neapolim* venit, præmissis suis ducibus, ne militum & equitum introitu oppidum egregium atque opulentum diriperetur. Eo potitus, per legatos *Venetos*, perque literas Senatui gratias egit, quod otium sibi atque benevolentiam, quam pollicitus fuerat, præstitisset. *Ferdinandus* suis cum mulieribus & suppellectili bene magna, navibus longis duodecim ad *Aenariam* trajecit, insulam & situ & opere munitissimam: abest a *Neapoli* duodeviginti millia passuum.

In-

*Carolus*  
rex quas  
arces &  
oppida  
ceperit.

*Ferdinandi*  
regis *Neapolitani*  
fuga.

*Giemes*  
*Sultanus*  
moritur.

*Megara*  
Insula.

*Carolus*  
rex *Neapolim*  
capit.

*Carolus*  
rex Ro-  
mae.

*Venetorum*  
naves  
fluctibus  
absorptæ.

*Ovica-*  
stellum.

*Alfonsi*  
regis  
mors.

*Ferdinandus*  
*Neapolis*  
rex crea-  
tus.



*Turca*  
ob Galli  
victorias  
sibi me-  
tuunt.

Classis  
Hispa-  
norum  
in Sicilia  
defensio-  
nem  
missa.

Legatio  
Hispano-  
rum ad  
Venetos.

Interim fama de adventu, deque successu rerum Caroli ad Turcas perlata, propterea quod rex palam dictitaverat, Neapolitano regno capto, se in Turcas profecturum, eisque bellum terrarumque illaturum, tanta fuit ejus rei opinio, tantusque omnes eas gentes terror invasit, ut in Illyrico, Epiro, Acarnania, Macedonia, qui maritimas earum regionum oras atque portus incolabant, se introrsus reciperent, atque in longinquas à littoribus, & remotas latebras abderent. Literæ etiam ab Antonio Grimano ad Senatum venerunt, cum ad Naupactum Aetoliæ littora navibus longis præterveheretur, Turcas eam esse classem Gallicam verentes, omnes aufugisse, vacuæque littora custodiis reliquisse: ut quilibet existimare potuerit, si se modò Carolus illis in locis ostendisset, parvo eum negotio omnes eas regiones in suam potestatem redigere potuisse. Bajasetes quidem rex jam inde cum primum Florentiam Carolum esse ingressum cognovit, veteres triremes reficere, novas instituere cœpit: militibusque suis & equitibus edixit, se compararent, ut cum vellet, sibi præsto esse possent.

Eodem quoque tempore & naves sexaginta, quibus in navibus erant militum sena millia, equites sexcenti, ab Hispaniæ missæ regibus, ut Siciliæ præsidio essent, Trituritam appulerunt: & Laurentius Suares, quem iidem reges legatum ad Senatum miserant, Venetias venit. Causa mittendi fuit, quod timuerant, ne Carolus Neapolitano regno capto, in animum induceret, etiam Siciliam insulam, quæ aliquando Gallie regibus paruisset, eodem quo Neapolim jure velle suam facere. Ii cum suis rebus timerent, Gallorum audaciam atque potentiam veriti, existimabant Venetos vicinitate periculi adductos, quod magnum regem in Italia pollentem viderent, eodem in timore versari, propterea quod res omnes publicæ, validæ præsertim atque firmæ, suspectæ ac formidolosæ sunt regibus. Itaque Suari mandaverunt, ut salutato Principe, & patribus, eos certiores faceret, sese, quo ipsi animo in Carolum essent, eodem esse Venetos existimavisse. quod si cavere sibi ab illo cuperent, se paratos esse unâ cum ipsis omnem fortunam experiri. scire se, qua prudentia, qua fide Senatus Venetus esset: nemine cum regelibentius, quam cum ipso, foedus percussuros. venturum in societatem periculi Alexandrum Pontificem Maximum, qui nihil æquè cupiat, atque hoc, ut ipsos & Venetos sibi conjunctos habeat, quorum armis, si quid durius accadat, se munire ac tueri possit, eo socio non minimum roboris atque virium, plurimum quidem certè autoritatis, in commune accessurum: ut magnopere sperandum sit, si consenserint, omnia prosperè atque feliciter casura. Ea legati oratio gratissima fuit Patribus, quos jam Caroli rerum successus circumspicere se semet, & vereri multa cogeabat, quæ ambiguo adhuc eventu belli non æstimabantur. Huc accedebat, quod Ludovicus ipse diffidere Carolo cœperat, cum ob ejus literas imperiosiores ad se missas, quibus eum literis rex Neapolim evocabat: tum propterea quod Joannem Jacobum Triulium, quem quidem ipse Mediolano expulerat, exulemque fecerat, hominem sibi multis de causis inimicum, Carolus suam in fidem apud Neapolim receperat: postremò quod Aloisium propinquum suum, quem Astæ relictum supra demonstratum est, inde postea discedere Carolus noluerat. Eæ res, quod nonnullam ostendebant in Caroli animo inesse de Ludovici fide suspicionem, Ludovicum item suspensum animi fecerant, quantum regi esset credendum. de eo ipse apud legatum Venetum questus ei ostendit, libenter se

A à Gallis discessurum, foedusque cum republica renovaturum.

B Erant præterea in urbe Maximiliani regis legati, cujus pater Federicus Imperator eo anno mortem obierat, qui Senatum in Gallos incitare non desistebant. Eorum oratio, propterea quod Maximilianus Ludovici fratris filiam in matrimonium duxerat, eratque cum eo planè conjunctissimus, ex ipsius ore Ludovici mitti propemodum videbatur, tametsi Maximiliano quidem ipsi omnis erat ad Gallorum opes atque potentiam invisa molestaque accessio: quem quidem etiam recens accepta insignis injuria contra Carolum stimulabat, Margarita filia sua cum dote plures ante annos ei tradita, cui tamen Carolus propter ætatem puellæ nondum se adjunxerat, repudiata, Annaque Armoricarum gentium regina, quam Franciscus pater Maximiliano sponderat, sibi à Carolo prærepta, & uxore ducta.

C Interim Neapolitanis arcibus duabus partim vi, partim pretio expugnatis, magna Calabrorum populorum, magna Brutii, magna etiam Apuliæ parte in deditionem recepta, Carolo non jam ea, qua consueverat, facie facilitateque legatos Venetos admittente, non nihil etiam interdum jactante, brevi fore, ut qui se noluerant in Italiam trajicere, Neapolimque capere, eos suæ malevolentiae pœniteret: de foedere inter eos faciendo diligentius est agi cœptum per eorum omnium legatos apud Senatum: ad quem quidem Ludovicus eam ob rem novam etiam legationem miserat. Suares quidem ipse jam ab initio suarum hortationum Patribus dixerat, jussu se ab regibus, quamcunque foederis legem Senatus juberet, in ejus verba jurare: satis sibi fore, si unum modò scirent, Senatum ita statuendum judicavisse. Nam omnino Alexander, qui jam Gallos esset expertus, dixissetque palam, si redeant, se Venetias, ne eos iterum videat, profecturum: D cupidissimè avidissimèque illum ipsum expectabat diem, quo se cum republica reliquisque jungeret. Itaque pridie Calendas Aprilis foedus initum ab iis, sancitumque est in annos XXV. majestatem Romani Pontificis, dignitatem, libertatem, jura eorum, ditionesque omnium tuendi & muniendi causa. quo ex foedere equitum triginta quatuor millia, peditum viginti confecta parataque habere universi tenerentur, suo cuique sigillatim attributo numero. Is erat, equitum quidem Alexandro quatuor millium, Maximiliano sex, Hispaniæ regibus octo, reipublicæ totidem, Ludovico item octo. peditum verò singulis quatuor millium. quem si quis equitum peditumque numerum propter longinquitatem itineris, ac rei bene gerendæ celeritatem mittere in tempore non possit, ei sit in socios eorum stipendium conferendum auri sexcentenæ libræ: ii exercitum pro illo conficiant. Quod si classis bellum indigeat, quibus adest parandarum navium facultas, ii tantam, quanta opus erit, parent, ab reliquis pro sua cujusque parte stipendium attribuatur, ea lex ejus foederis fuit. quo omnino in conficiendo cum tot adessent legati, tot civibus tractandæ rei adhibitis, toto demum vocato sæpius & consulto Senatu, tanta tamen fuit jussu Decemvirum in Patribus reliquisque omnibus continendæ vocis cura, ut Philippus, Caroli regis legatus, cum in curiam quotidie ventitaret, atque ab legatis reliquis appellaretur, nihil ejus tamen cognoscere potuerit. Itaque cum postridie ejus dici, quo die scripta lex est, in curiam vocatus à principe foedus esse percussum intellexisset, & nomina foederatorum cognovisset, mens penè hominem reliquit. tametsi princeps ei dixerat, ea quæ fecissent, non propterea esse facta, uti bellum cui-

Federici  
Impera-  
toris obi-  
tus.

Legati  
Maximi-  
liani ad  
Venetos.

Maximi-  
liani si-  
multas  
cum Ca-  
rolo Gal-  
lie regis.

Foedus  
inter  
Pontifi-  
cem, &  
venos,  
Hispanos  
& Maxi-  
miliani-  
um  
contra  
Regem  
Caro-  
lum.



cuiquam inferrent, sed ut, si inferretur, propularent. Demum is revocato ad se paulisper animo, quid, inquit, meus rex in *Galliam* reverti non poterit? tum princeps, ille verò, inquit, poterit, si redire amicus volet, nosque illum rebus omnibus juvabimus. quo responso accepto discessit: atque ubi curia egressus, remensis, quas ascenderat, scalis in aream descendit, ad scribam Senatus, quicum comitabatur, conversus, rogo te, inquit, fodes, mihi eum sermonem recenseas, quem princeps mecum habuit: nihil enim jam ejus memini. Petierat à Senatu *Alexander*, antequam de fœdere esset confectum, vellent Patres pro ea, qua semper civitas fuerat in *Romanos* Pontifices pietate, equites levis armaturæ quingentos, milites bis totidem præsidii ad se causa mittere: ea enim factione, quæ regi se adjunxerat, *Romanorum* principum omnia ejus consilia magnopere impediebantur. Itaque percussio statim fœdere, Patres jusserunt ex illis, qui *Ravennæ* hiemaverant, equitibus, quique ibi adhuc quidem morabantur, is ut *Romam* numerus celeriter contenderet: tum ut *Hieronymo Georgio*, qui apud *Alexandrum* legati munereungebatur, pecuniam quæstores è vestigiò curarent, quâ is pecuniâ mille in urbe milites conscriberet. Literas ad *Ludovicum* præterea dederunt, ipse quoque idem faceret, mitteretque alteros totidem *Romam* milites equitesque: quo fultus auxilio Pontifex, dignitatem posset suam facilius atque honestius tueri. Legati post hæc, qui ad *Carolus* à Senatu missi fuerant, domum sunt redire jussi. ipse verò interea *Carolus* cognito, de quo dictum est, fœdere, veritus ne si moram *Neapoli* traheret, dum ii novas copias cogerent, exercitusque conjungerent, ab eis intercluderetur, ne in *Galliam* reverti posset, statuit optimum esse quamprimum discedere, sperans, si modo antequam ii omnibus ad bellum rebus instructi paratique essent, proficisceretur, *Italiae* itinera sibi ipsum, illis etiam nolentibus, patefacturum: nam mari tantum exercitum trajiciendi navium ei facultas non erat. quam enim *Genue* paraverat classem, ea maximâ contra tempestate afflicta, atque in litus ad *Populoniam* ejecta, nullum ei usum præbuerat: cujus quidem præfectus & princeps *Salernitanorum Antonius* pedibus se ad eum contulerunt. Interim à *Ludovico* maximè omnium se deceptum dictitans, avertere ab illius imperio *Genuensium* civitatem summo studio concupivit: itaque *Petro Fregosio* Cardinali, qui dux eorum fuerat, suas in partes traducto, eum, & *Obiectum Fliscum*, & præfectum ex suis *Segusianorum* principem cum navibus longis undecim, quas habebat, ex sua classe reliquas eò misit: ipse, equitum & militum octo millibus regni præsidio relictis, ad diem tertium decimum Calendarum Junii cum reliquo exercitu *Neapoli* profectus viæ se dedit. *Alexander*, ad quem quidem *Veneti* de *Carolo* id, quod accidit, opinione existimantes futurum, ut, nuncio de fœdere accepto, in *Galliam* redire contenderet, Pontificis timentes rebus, jam ante eos dies alteros equites levis armaturæ quingentos ex iis, quos ab *Epiro* *Laconiaque* accersitos celeritate præstantissimos habebant, miserant, quibus ad omnes casus uti posset, regem *Romæ* appropinquantem, Cardinalibus *Romanisque* principibus adhibitis, non expectare decrevit: septusque equitum numero duum millium quingentorum, discessit, atque *Urbem veterem* biduo venit. Illis diebus *Carolus* certum hominem ad Senatum misit, qui ei diceret, suum regem nulli unquam homini supplicavisse: scire tantum velle, utrum civitas amico in se, an

A/ hostili animo esset. Ad ea princeps ita respondit: Responsum *Venetorum*. Prudentium esse hominum, planèque sapientum, aliorum interdum voluntati se permittere, aliorum opem poscere, precari: illud in ipso esse, amicusne an inimicus reipublicæ velit esse. Is postea nuncius, & *Philippus* regis legatus unà *Venetis* discesserunt.

*Florentini* autem cum intellexissent *Venetos* cum Pontifice ac *Ludovico*, reliquisque regibus consensisse, *Carolus*que *Neapoli*, ut in *Galliam* rediret, discessisse, novas militum copias celeriter conscribere, seseque præsidio communire cœperunt, ut si *Carolus* eà vellet iter facere, oppidumque ingredi, repellere illum possent: statuerat enim civitas, nullis iterum conditionibus esse regem mœnibus recipiendum. Pontifice profecto, *Carolus* *Romam* venit, atque ad *Alexandrum* legatos misit, velle se eum alloqui: plurimum utriusque interesse, sibi ejus rei fieri potestatem. Colloquio non impetrato, *Tuscanellam* in via *Cassia* oppidum, quod quidem magna opposita rusticorum manu *Gallos* intromittere noluerat, ejus milites, itemque *Fisconis montem* vi ceperunt. quod ubi Senatus cognovit, reipublicæ socium, & quidem omnium dignitate principem à *Gallis* violatum, bellique factum à *Carolo* initium in fœderatos: eosque homines, cum intra fines imperii vel reipublicæ, vel *Ludovici* venissent, à maleficio non temperaturos existimaret: præter id quod in *Gallia* terrestrium copiarum comparabatur, decrevit, uti *Antonius* ea cum classe, quam civitas illis ipsis auxerat diebus, ad *Sasōnem* insulam accederet, ut in *Apuliam* trajiciendi, cum juberetur, mora ei nulla fieret: optimum enim esse statuerat, si *Galli* furere inciperent, ea etiam à parte illos laceßere. *Carolus* relicta *Florentia*, quæ se præsidiiis firmaverat, *Pisas*, deinde *Lucam* venit. Pontifex, qui *Perusiam* erat profectus, equitibus, quos à *Venetis* & *Ludovico* acceperat, reverti jussis, *Romam* rediit. Hæc dum agerentur, *Aloisius* princeps *Genabensium*, *Astæ* à *Carolo* relictus, *Salassis* adjuvantibus, tum è *Gallia* transalpina, atque ab *Helvetiis* milite celeriter accersito, vastatis *Ludovici* finibus, transmissis furtim *Pado* flumine, *Novariam* per prodicionem cepit. Erat eo in oppido civis, cujus fratris fundos valde quidem fructuosos *Ludovicus* post ejus mortem dolo malo suorum cuiquam addixerat, ipso ad sepulchrum in judicium sisti jussit. Is fraternos ulciscendi manes studio milites *Aloisianos*, reclusis bene manè poris, intra mœnia recepit. Ita *Galli* apertius eodem tempore alterius regnum socii reipublicæ invadere, ac priores bellum gerere cœperunt.

C *Carolus* colloquio Pontificis arcetur. *Tuscanella* capta. D *Novaria* prodicione capta. E Illis ipsis diebus Patres consulto Senatu decreverunt, uti quina millia *Italarum* equitum nova conscriberentur: bina millia ex *Epiro* *Græciaque*, præter illos, qui imperati jam erant, accerserentur. *Francisco* autem *Mantuanorum* principi Senatusconsultum prius in annos quatuor renovatum est, stipendiaque uberiora constituta. tum scriptus unà *Rodulfus* ejus patruus, scriptus etiam ante eos quidem menses *Guidus Ubaldus Feltrius*, qui regnum in *Metaurensibus* obtinebat, cum equitibus quadringentis septuaginta. Illis autem diebus *Hannibal Bentivolus Joannis* filius cum quadringentis, & *Paulus Manfronius Vicetinus*, qui *Neapolitano* in regno tunc erat, cum ducentis: equitesque ab *Epiro* *Acaraniaque* ad littus *Venetum* advecti circiter mille. Exercitu deinde lustrato, milites equitesque in fines *Brixianorum* jussi procedere: creatique legati *Malchio Trivisanus*, *Lucas Pisanus*, ad exercitum profecti sunt. Senatus etiam scriba *Bonomiam* missus, qui *Joannem Bentivolum* in officio contineret. Itaque



cum rex paulò post ad eum misisset, petens ut itineris per ejus fines oppidumque faciendi facultas sibi fieret, impetrare nihil potuit. Auri præterea quingentæ libræ *Ludovico* petenti mutuò à Senatu datæ, deinde etiam trecentæ. Post hæc Senatusconsultum factum est, uti militum in *Gallia & Venetia* quina millia imperarentur, ex *Helvetiorum* pagis bina millia accerferentur: qui autem jam tum pedites equitesque convenissent, ii omnes in *Parmensem* agrum mitterentur. Neque multò post alio Senatusconsulto *Franciscus* imperator dictus est, eique res militaris permiffa. Præfectus etiam *Græcis* equitibus *Bernardus Contarenius* datus: tum vexillum imperatorium publicè *Francisco* missum: qui factò ad *Ollium* flumen ponte, exercitum traduxit, & firmato munitionibus ponte ab ea ripa, quæ in *Cremonensi* agro est, alterum pontem in *Pado* flumine navibus imposuit, atque ex utraque ripa fossa & vallo aggereque præalto muniit. tum exercitus in *Parmensem* est agrum traductus. Ejus rei litteris acceptis, imperator à Senatu jussus est, si *Galli*, dum redeunt, ei molestiam exhibeant, ipse autem sine reipublicæ incommodo posse id fieri videat, in eos impetum faciat: sin res in angusto sit, prælio abstineat, suoque se loco atque milites contineat. quòd si pacati iter faciant, nihil eis noceat, sed sinat intactos discedere. Eo accepto nuncio, imperator ad *Tari* fluminis pontem ducto exercitu, qui pons abest à *Parma* oppido passuum millia quatuor, castra posuit: cumque eò *Ludovici* equites bis mille, milites totidem, *Joanne Francisco Severinate* duce convenissent, exercitum traduxit, atque ad *Oppianicum* vicum, quà *Gallis* erat iter faciendum, in ipsa *Tari* fluminis ripa, quod pedibus transmitti poterat, neque enim ripas præaltas habebat, confedit non omnino pleno exercitu, quòd non omnes, qui expectabantur, erantque jam in itinere, equites peditesque convenerant. reliquæ *Ludovici* copiæ apud *Novariam* distinebantur: ad quem quidem à Senatu petentem, ut *Græcos* equites ei mitteret, quibus eo bello uti posset, Senatus *Bernardo Contareno* præfecto sexcentos misit.

Rex *Lucà* profectus per *Apennini* juga ad *Apuanos Ludovici* municipium venit. Oppidani *Joannis Jacobi Triultii* suasu sese regi dederunt: quos tamen paulò post ejus milites pace fracta diripuerunt, oppidumque incenderunt. Ex eo loco rex *Triultium* cum prima acie præmisit, qui montano confecto itinere se expectaret, exploratoresque mitteret, ut quid hostes molirentur, scire posset. Interim imperator præmissis equitibus atque militibus, quot visum est ad *Gerulam* vicum, qui à *Foro Novii* abest passuum millia tria, uti regis itinera cognoscerent, locumque castris caperent, postridie ejus diei, mane cum reliquis copiis omnibus eò venit. erat autem universus exercitus equitum ad duodecim millia, militum propè altera totidem. Ibi cum esset imperator, à speculatoribus certior factus est, *Triultium* cum equitum cataphractorum & militum *Helvetiorum* manu præmissum, è jugis in planitiem ad *Forum Novii* descendere. Ille autem, ut postea cognitum est, vicum magnopere opportunum, in quo se regis copias confirmarent, atque ab *Apennini* itinere reficerent, capere volebat: eoque partem suorum præire jussit: ipse cum reliquis se, ut sequeretur, comparabat. Ea intellecta re, imperator *Græcos* equites sexcentos præmisit, qui eos impedirent: ipse cum equitum firmiter agmine illis præsidio est subsecutus. *Græci* velocitate suâ usi, ubi primos venientes conspexerunt, in eos impetu factò, prælioque commif-

A fo, universos repulerunt, repullos usque ad castrorum munitiones consecuti, complures eorum occiderunt, complures captivos fecerunt, uno suorum tantummodo amisso, quem parvi tormenti pila è vallo missa trajecerat. Eo mortuo, captivos propè omnes interfecerunt, capitaque abscissa in castra revertentes attulerunt circiter quadraginta. *Triultius* sibi suisque veritus extremum in jugum se recepit: regemque ibi triduum expectans, est commoratus: quo si tempore *Venetus* illum adortus esset, ea se manu defendere non potuisset: quo capto, reliquum exercitum expugnare haud maximi negotii fuisset.

B Ea re ab imperatore, atque ab legatis & principibus jactata, quòd existimabant, si primam aciem prælio vicissent, *Carolus* reliquasque copias *Lucam* reversuras, seque in tutum recepturas: ne qua eos manus elabi effugereque posset, ab illo aggrediendo destiterunt. quanquam postea fuere, qui crederent *Severinatem*, qui ejus consilii princeps fuerat, non eam ob causam, de qua dixi, sed propterea quòd ex *Ludovici* præscripto regi magnum fieri detrimentum nolebat, ne civitatis ex eo *Venetæ* nomen existimatioque augeretur, summopere in concilio, id ne fieret, obstitisse. Civitas interea cum intellexisset, regem

C magno animo in *Venetos* impetum facturum, quos imparatos adhuc plurimis ab rebus esse audierat, permota, largitiones in sacrarum virginum collegia, precesque ad omnia templa fieri jussit, vota pro salute patriæ publicè suscepta sunt. Rex triduum illud tormentis bellicis ex ære magni ponderis impeditissimis itineribus per invia atque abrupta montium convehendis moratus, non iis modò, quæ priore itione secum habuit, sed illis etiam, quæ cum reliquo exercitu in *Flaminiam* præmiserat, cum omnibus copiis *Forum Novii* ante meridiem se contulit. Eo die remissi *Græci* equites usque ad regis castra compluribus cum *Gallorum* capitibus ad imperatorem redierunt. Et *Foro* autem *Novii* missus tubicen à *Philippo Argentonio*, qui regis nomine itineris propter castra faciendi facultatem ab legatis peteret: ea non impetrata, quòd legati dicerent, nisi rex capta ab se atque suis sociorum reipublicæ oppida reslitteret, se id non concessuros, ad regem reversus spem pacis omnem sustulit. Ea intellecta res magnum attulit *Gallis* timorem, qui è collibus castra *Venetæ* prospexerant in amplissimum tabernaculis porrecta campi spatium: visumque eis est tantis oppositis hostium copiis rem ipsorum in angusto esse: itaque vulgò qui sapientiores erant, tribuni ducesque, magis magisque regi sibi que verebantur, gravissimumque omnibus impendere casum atque periculum arbitrabantur. qui quidem timor ea, quæ secuta est, nocte auctus conduplicatusque est: magnæ enim pluviae, ingentiaque tonitrua, & crebræ atque terrificæ coruscationes fuerunt, ut cœlum propè discedere videretur, ultimamque plurimi sibi noctem illam fore ea Deorum immortalium quasi denunciatione moniti crederent.

Solet autem ferè semper accidere, ut cum semel vehemens aliquis mentes hominum incescit timor, etiam iis, quæ timenda non sunt, animi eorum magnopere perturbentur. quamobrem cum parum in fomno, multum in consiliis inter se fuissent, orta vix luce, qui fuit dies pridie *Calendas Julias*, *Caroli* præfecti aciem instruxerunt, atque iter facere cœperunt. Interim consultis legatis, principibusque reliquis, quidnam esset potissimum agendum, legatis prælium dissuadentibus cum propter Senatusconsultum, de quo supra dictum est, tum verò etiam quòd complures equitum turmæ, militumque centuriæ neque dum

Spes pacis præcisa.

Castra Venetæ.

Timor in castris regis.

Timoris vis.

Prælium.

vene-



venerant: nam & *Pandulfus Ariminensium*, & *Joannes Pifaurensium* principes, & *Paulus Manfronius* cum sua quisque cataphractorum equitum copia, innumerique milites expectabantur, tandem *Gallos* aggredi, qui reipublicæ sociorum oppida cepissent, atque incendissent, præliumque committi placuit.

Erant *Gallorum* copiarum tres in acies instructæ: quarum in priore magnam spem duces habebant, quod eam & numero equitum, ac militum robore munierant: eique addiderat quatercentos ex cohorte regia eorum, qui sagittis in equo utebantur: quos quatuor millibus *Helvetiorum* militibus, quibus maximè confidebant, immiscuerunt. In media erat acie rex, eaque propè omnis *Galliæ* nobilitas continebatur, ab ultimæ lævi latere impedimenta sequebantur, tormenta omnibus aciebus erant præposita: eæque acies non ita magno inter se relicto spatio confistatæ, celeriter, uti si possent, *Venetos* effugerent, vadebant. Interea nuntii ad *Venetorum* castra, qui pacem ab legatis peterent, fallendi gratia mittebantur. Ubi id imperatori nuntiatum est, militibus ut arma caperent, imperavit, ipse deinde armato exercitu, & infestis equis copias omnes ita disposuit, ut ex iis novem acies efficeret: quarum quinque equitum cataphractorum essent, tres militum, equitum levis armaturæ una. quæ res impetum exercitus imminuit: nulla enim earum satis virium ad hostem propellendum habebat. Erat inter utrumque exercitum *Tarus*, de quo dictum est, flumen, quod ea nocte creverat: ejus autem vallis planities impedita non ripis modò fluminis, sed glareâ etiam, grandibusque saxis, tum & virgultis, &, quod magnæ pluvie fuerant, lubrico & lacunoso cæno, ut inæquabilem & difficilem transitum daret. *Gallorum* prima acies cum ante castra *Venetia* pervenisset, armari milites conspicata, magnum in eos pilarum ferrearum numerum tormentis immisit: quas tamen propè omnes supra militum capita vis ignis impetusque abstulit, ne magnopere nocerent: percommodeque ea in re accidit, quod tum cælum erat pluvium, ut sua *Galli* tormenta, quorum magnum numerum habebant, amplius exercere non potuerint. Tum verò imperator moras omnes posthabendas ratus, magno ipse animo, & rei bene gerendæ fiducia pleno, quem etiam provehebat adolescentia, instructo exercitu, constitutoque quid fieri oporteret, ac permissa patruo reliquas acies submittendi potestate, signo pugne dato, & transmissis pedibus flumine, regis exercitum, qui quidem mille passuum iter eoque amplius jam præcesserat, citato gradu insequi cœpit: cumque propè medium affectus, in regis aciem, quæ se converterat, impetum fecit. Prælio acriter commissio, cum fortissimè ab utrisque pugnaretur, *Rodulfus* acie una maxima atque plenissima, cui *Antonius Feltrius Guidi Ubaldi* frater nothus præerat, jussa consistere, altera castris præsidio esse, neque se loco ambas movere, donec ipse eas vocet, imperatorem subsecutus, cum secunda acie in *Gallorum* globum sese iniecit, acerrimèque pugnans eum disjecit: neque imperatori modò auxilium peropportune attulit cum illius acie se conjungens, sed magnum etiam addidit suo adventu ejus militibus animum. Itaque ambæ acies parvo temporis spatio magnum *Gallorum* numerum occiderunt, magnum ex suis amiserunt. Rex cum paucis relictus, admonitus à suis pugnantibus, se subripuit. Eodem ferè tempore acies tertia, cui *Severinus* præerat, primam *Gallorum* aciem confecta, pedem statim retulit, non ausa, vel potius non jussa progredi. Omnibus autem equitum

A aciebus, quæ ad regis exercitum contenderunt, idem fere perincommode accidit, ut & flumine transeundo, & ripis superandis, & saxis pervadendis, & virgultis ac cænosa via conficienda, multa etiam pluvia, non solum ordines servari non potuerint, sed complures prolaberentur, complures se medio itinere continerent, multi aliorum flecterent, ut parva eorum pars prælio interfuerit. nam milites plerique omnes, exceptis ducentis, *Genua Veneto* duce, paucisque ex imperatoris comitatu, qui equitibus interjecti ejus latus muniebant, pugnam detrectaverunt. At verò *Itali* equites levis armaturæ, quos una cum *Græcis* imperator jussit ab hostium tergo lævum latus montium capere, atque ab latere adverso in eos impetum facere, ubi impedimenta conspexerunt, in ea spretis imperiis propè omnes convolaverunt, custodibusque aliquot occisis, ea rapere atque abducere contenderunt: quos *Græci* equites imitati, idem fecerunt. exceptis eorum ducibus, qui cum paucis ad hostes lacefendos contenderunt. Ea res magna ex parte reipublicæ victoriam interpellavit: nam si in hostium acies à latere, ut debebant, eratque eis imperatum, ut omnes impetum fecissent, *Galli* se pugne subducere sine certa clade non potuissent. tametsi alia etiam ex parte casus adjumento atque præsidio *Gallis* fuit: duæ enim equitum acies, quemadmodum *Rodulfus* imperaverat, ne se loco moverent, prælio non interfuerunt, expectantes quam is in partem eas vocaret. Ille autem à *Gallis* interfectus fuerat. ita qui repulsi atque fracti fugæ se mandare cogitabant, restituto ab reliquis aciebus, quæ regi auxilio venerant, prælio, se continuerunt. Pugnatum igitur est acriter, ut antè dictum est, ab utrisque, cædesque ingens facta: eoque res horæ spatio deducta, ut neutris planè victoribus, defessis potius pugnando, quam permittentibus *Venetis*, *Galli* se celeriter subriperent: ac magna impedimentorum parte direpta, cumque iis regio tentorio & cubiculo, & suppellectili sacra, qua rex in templo utebatur, signisque militaribus aliquot amissis, tantum itineris quantum lassitudine atque vulneribus confecti poterant, contenderent, noctemque illam magno cum timore sub dio sine tabernaculis, sine castris exigerent. Imperator sua in castra rediit.

Desiderati sunt ex *Venetis* circiter mille quingenti: quorum non minimam quidem partem vel iniquitate loci detentam, & vagam, vel acceptis vulneribus, aut suffossis equis prolapsam & morantem, calones lixæque *Galli*, quorum permagnus erat numerus, qui ab equitatu leviori disjecti se ad acies referebant, desertos à reliquis militibus plures singulos adorti securibus interfecerant. Ex iis qui fortiter pugnantes interierunt, fuere, præter *Rodulfum*, imperatoris præfectus militum *Ranutius Farnesius Romanus*, claro loco natus, vir magnâ virtute, *Alexandri Farnesii* illius, qui postea Pontifex Maximus creatus, *Paulus* tertius dictus est, patruelis frater: & familiaris imperatoris comitatus parte plus media, tum præfecti equitum viri fortissimi duodecim, centuriones quatuor. *Bernardinus* autem *Montonius*, multis vulneribus acceptis, equo dejectus, inter cæcorum corpora repertus, per suorum humeros relatus in castra, servatusque est. In ipso verò prælio *Nicolaus Ursinus*, quem *Nole* captum à *Gallis* dixeramus, & rex custodiri jussit, pugnantibus omnibus elapsus, ad legatos *Venetos* contendit, suamque operam reipublicæ pollicitus, *Gallos* propè fractos esse, eos si quævis una ipsorum acies insequatur, terga daturus confirmans, contestansque Deos: id ut legati mandarent, magnopere suadebat: qui percussio temerè exercitu, mi-

Gallorum acies.

Venetorum acies instructa.

Tarus flumen.

Prælium.

Gallorum fugam.

Venetorum strages.

Ranutius Farnesius.

Bernardinus Montonius.

Nicolaus Ursinus.



litibusque aut dispersis, aut pedem referentibus, eam rem aggredi non sunt ausi.

Gallo-  
rum in-  
ternecio.

Regis  
fuga.

Ex *Gallis* interfecti sunt ad mille, atque ex iis dux vigilum regis, itemque sagittariorum, & magistratus is, quem ipsi magnum *Maresalem* appellant, alique praefecti militum decem: tum nothus *Boius*, primae ferè apud regem autoritatis & magni inter *Gallos* nominis, vulnere accepto, duoque magnorum principum liberi, & sacerdos regius, alique captivi facti, cum eo praelio ex *Venetorum* exercitu nemo vivus in hostium potestatem venisset. Postero die rex ante lucem igne plurimo facto, ut ejus copiae ibi esse viderentur, sine ullo strepitu abiit, celeritateque usus, quam longissime potuit, antecessit. *Veneti* mane consequi regem cum vellent, *Taro* flumine, quod ea nocte creverat, impediti resisterunt. Tum *Severinas*, qui praelio cum suis abstinerat, imperatori legatisque sese obtulit, si sibi equitatum leviores traderent, se regem remoraturum, dum ipsi cum reliquo exercitu veniant. Re impetrata, cum equitibus mille quintingentis *Italici* profectus, longiore itinere per occasionem suscepto, quod flumen crevisset, consequendi regem eo die volens tempus omisit: quem postea cum esset consecutus, ei dux ministerque itineris potius, quam morator fuit. *Astam* propè usque: ut id quod petierat ab imperatore legatisque propterea videretur petisse, ut illum in toto sisteret. Id ab eo de *Ludovici* sententia esse susceptum ea res indicio fuit, quod *Bernardo Contareno* ab *Ludovico* petenti, uti se cum suo equitatu extremum regis agmen aggredi fineret, *Ludovicus* non permisit. Eo biduo magnus equitum conscriptorum, multo major militum numerus ad exercitum *Venetorum* venit. Imperator subsidente flumine cum exercitu profectus, cum rex bidui cum itinere praecederet, consequendi regem facultate amissa, *Græcos* equites levissimos sexcentos misit, qui ejus agmen carperent, quaque possent, exercitui nocerent. Ii dum iter facerent, multa in via cadavera *Gallorum* passim jacentia conspexerunt: ut plus etiam, quam credebatur, exercitui regio esse illatum caedis appareret. atque ii quidem equites postremum regis agmen celeritate consecuti compluribus interfectis, præda etiam facta ad imperatorem redierunt.

Suppli-  
catio pro  
victoria.

Eo de praelio à Senatu supplicatio decreta est, gratiaque Diis immortalibus acta, quod civitatem magnopere suspensam tantarum rerum expectatione, fuga hostium liberavissent: *Nicolaoque Ursino* auri libræ decem dono datae.

Legati  
*Genuen-*  
*sium.*

Sed rege *Carolo Neapoli* profecto, ut paulisper ad superiora revertamur, *Veneti* de classe regià in *Liguriam* missa, ut supra demonstratum est, certiores facti, suum hominem cum pecunia *Genuam* ad naves onerarias, quibus ad mercaturam uti civitas privatim consuevit, habetque in portu ferè semper multas, militibus rebusque omnibus ad bellum propulsandum idoneis celeriter armandas, contendere jusserunt: cum *Ludovicus* item instrui naves longas aliquot ibidem jussisset. Pollicita præterea sunt procurentibus Patribus foederatorum legationes *Genuensium* magistratui, ut libentius contra *Gallos* arma caperent, se curaturas effecturasque, ut eis *Florentinorum* civitas *Serezanam*, *Serezanulamque* ac *Petram Sanctam* in *Apenmino* oppida restitueret: ejusque rei petentibus ipsis Senatus prædem se dedit. Fuerant ea oppida complures ante annos *Genuensium* magistratus, qui publicæ privatæque pecuniæ, quæ in ærario vulgò deponitur, præest, ob eamque pecuniam dominis ternas centesimas quotannis solvit: sed ab iis, qui civitati tum

A præerant, pignoris nomine ad rempublicam *Florentinorum* pervenerunt, tercentum auri libris mutuò ab illa eis datis. Ea sibi reddi oppida civitas magnopere studebat, erantque illa ipsa, quæ *Carolo* tradere *Petrus Medices* pactus fuerat. Regis igitur classis ad littora *Genuensium* appulsa, cui quidem etiam ex *Apenmini* jugis rex equites aliquot, peditesque *Gallos* quingentos auxilio miserat, totam illam oram, quæ ad orientem solem spectat, in ejus potestatem redegit, *Portu Veneris* excepto. ita belli ab *Carolo* initium ea etiam ab regni parte in *Venetorum* socios est factum.

B Postremò cum *Galli*, *Paulo* & *Obiecto* ducibus, successu rerum elati, pedibus *Genuam* aggredierentur, civitas armata illos fudit fugavitque eo ipso die, quo rex ad flumen *Tarum* adverso cum *Venetis* praelio dimicavit. Tum pridie Id. naves onerariæ longæque majori ex parte reipublicæ instructæ opibus obsessam in portu *Rapalo* classem *Gallicam*, *Rapalique* arcem expugnaverunt, navibus omnibus cum earum praefecto captis: quibus in navibus mulieres erant captivæ permultæ, virginesque sacrae aliquot suis è *Ca-*  
*jetæ* fanis abreptæ atque violatæ, aurumque item sacrum & argentum, ac fores aeneæ portarum affabrè illæ quidem factæ magnoque comparatæ pretio, quas arci *Neapolitanæ Galli* detraxerant. Pauloque post *Carretii* principes, qui *Nin-*  
*arium* oppidum à *Genuensibus* acceptum obtinebant, *Intimilium* oppidum, quod ad occidentem solem est, & *Galli* occupaverant, recuperaverunt: omnisque utrinque ora brevi ad *Genuenses* rediit, atque hæc quidem in *Liguribus* gesta sunt. Cumque ad *Ludovicum* signa *Caroli* regis quatuor è *Gallorum* capta navibus *Genuensis* civitas dono misisset, *Ludovicus*, magno reipublicæ merito id se facere pronuntians, duo eorum legato apud se *Veneto* dedit.

Galli ad  
*Genuam*  
caeli.

Sacrile-  
gia.

Intimilium re-  
cupera-  
tum.

D Eodem quoque *Genuenses* tempore legationem *Venetias* miserunt, quæ Senatui gratias ageret, quod ea, quæ feliciter contra *Gallos* gesserant, ejus liberalitate atque ductu primo, & initium, & incrementum, postremò etiam exitum habuissent. Imperator autem *Clavdii* cum esset, regem subsequens, *Ludovico* postulante equites militesque ad bis mille, *Dertonam Alexandriamque* Senatus jussu praesidio misit. Eodem etiam petente, ut respublica legatos ex principibus civitatis ad se duos mitteret, qui secum rebus omnibus tam ambiguo tempore praesent, uti sui cives, omnesque homines cognoscerent, ei se curæ, regnumque suum esse, *Lucam Zenum*, *Andream Venerium*, legatos Senatus creavit. Ab iis legatione propter ætatem renuntiata, *Marcus Georgius*, *Benedictus Sanutus*, ad id muneris eorum loco *Mediolanum* sunt ire jussi. Inter hæc Senatus decrevit, ut eorum, qui fortiter atque amanter ad flumen *Tarum* contra *Gallos* rempublicam gesserant, vel viventium vel mortuorum ratio haberetur. Itaque imperator *Rodulfi* patris equitatu stipendioque auctus est, nomenque ei clarius datum, ut latissime imperator appellaretur: præterea dono quotannis auri triginta libræ constitutæ, centumque in stipendium in presentia missæ. Auctus & *Bernardino Montonio* equitum numerus ad mille, sexque auri libræ dono datae in annos singulos: quæ quidem etiam nunc ad inutiles servato annos, ultimumque senium, & vitam modò producenti pecuniâ penditur. *Nicolao* item *Nonio* tum equitum *Græcorum* auctus numerus, tum verò etiam stipis summa, qua in annos singulos à republica donatus antea fuerat, amplior facta. *Rodulfi* verò liberi in reipublicæ fidem recepti, pensioque librarum auri decem victus

Legati  
*Genuen-*  
*sium.*

Legati  
*Venetorum.*

Niceteria  
iis qui  
fortiter  
pugna-  
runt à  
Republi-  
ca *Venetis*  
data.



victus annui nomine eis data: decretumque uti maribus singulis equitum turmae singulae, praefectique earum attribuantur, quoad ipsi exercere se per aetatem possint: foeminis, cum erunt nubiles, dos è pecunia publica pro earum gentisque nobilitate numeretur. *Farnesii* duobus liberis maribus equites quadringenti, quos primo à republica stipendio pater eorum habuerat, cum praefecto dati, dosque ampla foeminis publice pollicita. *Vincenzii Corsii* liberis patris equitatus datus: filiae, quam unam reliquit, dos auri librarum quadraginta constituta: intereaque dum fit nubilus, in virginum sacrarum collegio uti victus publice subministratur, Senatusconsulto additum. *Alexandri Beraldii Patavini* equitatus *Francisco* fratri, qui cum illo ea in pugna fuerat, vulneribusque acceptis superfuera, & pensio annua, quae ei à Quaestoribus curabatur, attributa. Idem in *Robertii Strotii* item *Patavini* fratre superstitite servatum. Literae praeterea publice ad legatos datae, curarent, ne quis, qui bene de republica meritis esset, ab ipsis praeteriretur, quin de eo ad Senatum scriberent: ex eorumque litteris in complures, compluriumque liberos fratresque Senatus pietas liberalitasque extitit.

At verò interea rex septimo post praelium die *Astam* ingressus fugae finem fecit, confecto cum timore ac labore viae, tum commeatus non omnino magna inopia exercitu. Nam ut sunt ad conferendas manus, praeliaque committenda *Galli* omnium propè hominum paratissimi atque fortissimi, ita ad perferendos paulò diutius labores, inediaque tolerandam, supra ceteros animus eorum mollis infirmusque est, omnisque illa ardens ac vehemens brevi tempore virtus elanguescit atque restinguitur. Paucis post diebus edicto magistratuum *Gallorum*, *Veneti*, *Mediolanenses*, *Liguresque* omni è *Gallia*, quae in imperio *Caroli* erat, exules facti sunt, poena iis qui recepissent, constituta. Itaque *Petrus Paschalicus Venetus*, qui *Lutetiae Parisiorum* Philosophiae studiis sacrisque literis operam dabat, servili veste sese occultans in *Morinos* aufugit.

Deinceps autem cum *Ludovicus* legatique *Novariam* omnes copias adduxissent, hostesque crebris ex oppido excursionibus eos lacefferent, fecundiora cum iis ferè semper *Veneti* praelia fecerunt: quibus in omnibus *Bernardi Contareni* virtus egregia extitit. Postea verò quam communi consilio oppidum obsidione cingi placuit, & *Aloisius* regis propinquus, quique cum eo erant in oppido equites militesve numero ad millia octo, inopia frumenti laborare commeatusque coeperunt, quod ante hostium adventum ejus rei nullam curam habuerant, missi ad eos furtim cum jumentis frumentariis equites regii ab eodem *Contareno* saepe intercepti, saepe una cum illis ii, qui ex oppido regiis equitibus subsidio venerant, caesi fugatique sunt. Neque rex interim novas copias, ut *Aloisium* obsidione liberaret, è *Gallia* quotidie postulare, accersere scriptis ad suos magistratus, atque ad uxorem literis, intermittebat: quas ad litteras illa, se jam viros, qui velint *Alpes* trajicere, omnino nullos habere, regi respondit: foeminas viduas se permultas habere, quarum viri in *Italia* periissent. ab *Helvetiis* etiam per legatos atque interpretes idem petebat: sed stipendiorum inopia, ne rem conficeret, impediabatur. Quinetiam ea de causa ex *Helvetiis*, quos habebat, milites centum, ex *Germanis* alteri totidem ad *Venetos* transferunt. Tum verò ab iis suburbana aedificia incensa, tormentaue muralia oppido propius admota, & obsessi modis omnibus acrius premi coepti: quibus in rebus administrandis *Nicolaus Ursinus* sistu-

lae glande plumbea supra renes percussus, pro mortuo sublatus, atque in castra relatus est, neque postea ei bello interfuit. *Gallos* igitur qui obsidebantur, magis magisque in dies rerum omnium egestas atque inopia premebat, ut equis in escam uti cogerentur: compluresque corruptis farinis, aut pane furfuraceo vescentes, tum aquae potu, quo *Galli Germanique* minimè omnium uti assolent; interirent. Percusserat autem paulò antea nummum aereum *Aloisius*, cum pecunia eum defecisset, qui pro *Argenteo* polleret. Haec cum crebris occultè nuntiis litterisque regi ab *Aloisio* significarentur, quorum plerique ab hostibus intercipiebantur, nonnulli noctu, magnisque imbribus profecti, diversis atque occultis itineribus ad regem perveniebant, seque illi perpaucos posse ulterius dies obsidionem sustinere, diceret, deceptum autem & destitutum quereretur: rex ab hostibus pacem petere constituit: itaque per *Argentonium* tentare imperatorem ea de re coepit. Ab eo ad legatos, ab iis ad *Ludovicum*, cujus causam bellum gerebatur, re delatam, saepius deinceps eo libentissimo jactata, qui jam quiescere, quam alendis exercitibus conteri & bello periclitari malebat, induciae primum factae, deinde *Aloisio* cum paucis abire *Novaria* permissum.

Demum pax ab rege, atque ab *Ludovico* circiter Nonas Octobres concelebrata, iis conditionibus, ut *Novaria Ludovico* redderetur: tum ex libris auri vicies centies, quas ab *Ludovico* rex in *Neapolitanum* bellum mutuo acceperat, mille ei & quingentae rependerentur, quingentae regi cederent: *Ludovicus* autem naves *Gallicas*, in *Rapali* captas portu, nunciis regiis reddendas curaret: & *Triultium*, cujus bona publicaverat, exulemque ipsum fecerat, ab exilio revocaret, in integrumque restitueret: neve auxilia *Ferdinando* regi mitteret: & *Carolus* quantam vellet classem in *Liguribus* comparare posset: easque ob res *Genuae* arx *Herculi Ferrariensi* principi vicè obsidum traderetur, quam ille regis nomine biennium obtineret. quam quidem ad pacem celerius faciendam ea etiam causa regem impulit, quod *Helvetiorum* multò major, quam ipse petierat, manus domo tandem egressa, ut regi auxilio eo in bello esset, partim *Vercellas* ad regem venerat, partim appropinquare nuntiabatur, omnes numero ad viginti millia, quibus quidem jam stipendium, quod rex pollicitus fuerat, arroganter ac seditiose postulantes rex persolvere non poterat, emuncta creberrimis ingentibusque in bellum thesauris regi subministrandis transalpina *Gallia*, vicinisque regibus ferè omnibus, accepta superioribus mensibus mutuo ab eis pecunia, prorsus exhaustis. Itaque cum intellexisset eos unos qui venerant nocturna concilia de se capiendi habuissent, veritus ne si reliqui *Helvetii* propius accessissent, vim eorum subterfugere non posset, pace statim facta eos serò venisse ad speciem questus, atque in *Taurinos* propere abiens, domum, qua conditione potuit, remisit.

Ea de pace cum rege ineunda *Veneti* ab ejus interpretibus, tum à *Ludovico* saepe invitati, consulto Senatu responderunt, sese omnino, nisi de sociorum voluntate atque consilio, quibus cum foedus percussissent, nihil acturos: nam quoniam ex iis, quae eo in bello gesserat *Ludovicus*, quantum ei esset credendum, non ambigè cognoverant, novo se foedere implicari cum tam infido homine planè nolebant. Id agerrimè cum ferret *Ludovicus*, existimans *Venetos* alieno ab sese animo esse, questusque apud legatos, Senatum omnia alia, praeterquam de sua salute, cogitare, suis militum praefectis clam imperavit, uti flumina, quae esset exercitui reipublicae transeundum,

*Ursini*  
infortu-  
nium.

Induciae.

Pacis inter  
*Ludo-*  
*vicum*  
*Sfortiam*  
& *Carolum*  
re-  
gem  
conditio-  
nes.

Senatus-  
consultum  
*Ven-*  
*etorum*  
de pace  
firman-  
da.




si domum redire vellet, communirent, navesque abigerent, ne trajicere se invito posset. Ea per amicos reipublicæ delata res ad legatos, magnopere eos commovit, quod tantis objectis fluminibus iter se impeditissimum habituros intelligebant, *Ludovici* exercitu munitissimis in locis se opponente. pontium autem efficiendorum facultatem sibi datum iri non videbant, præreptis navibus quibus imponi possent. Tum illud etiam timebant, ne, si vis adhiberetur, perfidia *Ludovicus* sua *Gallos* sibi adjungeret, ut rerum dominus, & pacis ac belli arbiter videri posset. Hæc versantibus legatis, *Contareno* adhibito, neque satis tutum ejus rei exitum reperientibus, ubi omnes paulisper conticuerunt, Ego, inquit, *Contareno* iter vobis domum, si annuitis, patens atque tutum comparabo. Ad ea cum legati, quoniam id tandem modo quove consilio esset effecturus, ab eo quævisissent: hodie, inquit, ut consuevistis, vos & *Ludovicus* unâ eritis communibus de rebus consulturi: aderunt cum illo sui duces. vester vobiscum imperator, præfectique: fores claudentur: disceptabitur: tum ego illum, tanquam allocuturus, hoc vobis gladio confossum atque confectum dabo: eâ re patratâ, neminem ex ejus ducibus ferrum educturum certò scio. quis est enim eorum omni non scemina timidior? aut quis illum non pessimè odit, unò aut altero excepto? qui tamen ipsi ad *Carolus* legati de pace profecti adesse non poterunt. *Ludovici* etiam exercitus ipso mortuo ad nos signa transferet, si se receptum iri intelliget, præsertim spe largitionis aliquâ oblatâ, quod si fit, ejus quoque regnum vestris in manibus versabitur: ita ille, ut meritis est, suorum scelerum poenas pendet: vos reipublicæ in-

Confi-  
lium de  
*Ludovico*  
*Sfortia*  
interfi-  
ciendo.

A jurias nullo dispendio ulti, vestram dignitatem pulcherrimè retinebitis. Erat *Contareno* procerum sanè corpus & vividum solidumque: vires immanes, vastæque, ac propè inexsuperabiles: animus cum prudens, tum omnium magnarum rerum capax, ut quod is polliceretur, etiam præstari posse confideres. Itaque ea legati cum intellexissent, maximis illum laudibus certatim efferentes, quod tantam rem aggredi pro communi salute non dubitaret, constituerunt, hoc ad extremum reservato consilio, experiri; num *Ludovicus* ad sanitatem bonis artibus converti posset, ea tamen de re, quam *Contareno* proposuerat, notis scriptas literas ad *Decemvirum* magistrum confestim dederunt, postulantes uti rescriberent, vellentne, atque permetterent, si necessitas urgeat, eo consilio ipsos uti. qui de collegii sententia rescripserunt, ex reipublicæ dignitate sibi eam rem non videri. *Ludovicus* interea cum legatorum dissimulatione atque prudentia, qui ea se nescire, quæ ab illo parabantur, ostendebant, tum suâ sponte, quod nihil omnino tuti irritandis legatis in tam nova suspectaque dominatione se habiturum videbat, ab eo per se consilio destitit.

C Iis confectis rebus, milites obsessi oppido *Novaria* emittuntur: oppidum *Ludovico* restituitur. Legati *Veneti* post hæc omni cum exercitu *Cremam* cum venissent, militesque, quos oportuit, dato stipendio missos fecissent, reliquosque milites equitesque in hiberna deducendos curavissent, cum imperatore *Mantuam* profecti, ludis ab eo dies aliquot habitis, ad urbem reverterunt. *Carolus* cupidissimis suis omnibus multò cupidius ipse, trajectis *Alpibus* suum in regnum concessit.

*Contareno*  
quæ-  
lis.





# PETRI BEMBI

## RERUM VENETARUM

### HISTORIÆ LIBRI TERTII

#### EPITOME.

**F**erdinandi regis in *Calabriam* adventus & adversa cum *Gallis* pugna. *Neapolitanorum* in *Gallos* odii causa. Eiusdem *Ferdinandi* *Neapolim* reditus. *Venetorum* in regno *Neapolitano* res pro *Ferdinando* gestæ. Classis à *Venetis* *Neapolim* missa. Cellæ farinariæ & reipublicæ horrea apud forum *Venetis* ædificata. *Pisani* sese *Venetis* dedentes à Senatu rejiciuntur. *Thracii* regis ad Senatum legatio & munera *Faventini* cum suo regulo à Senatu in fidem accepti. Horologium *Venetis* in foro factum. *Venetorum* cum *Ferdinando Aragonio* foedus. *Gallorum* & *Ferdinandi* varia in regno *Neapolitano* fortuna. *Pisani* à *Venetis*, Pontifice & *Ludovico Sfortia* in fidem accipiuntur, & *Pisani* belli initium; atque progressus. Triumviri rerum navalium instituti. Lex de bonæ fidei possessoribus lata. *Ludovicus Sfortia* à *Maximiliano* Cæsare rex appellatur. *Naupliorum* equitum cum *Turcis* pugna. *Bernardi Contareni* in regno *Neapolitano* res gestæ, ejusdemque obitus. *Ferdinandi Neapolitani* regis obitus, & *Federici* in regnum successio. *Bissinianorum* princeps à famulo vulneratur. *Gallorum Cajetæ* discessus, eorundemque naufragium. *Tarentinorum* de deditione & *Venetis* Senatus de illis accipiendis vel non, varia consilia. *Gallici* morbi origo. *Maximilianus* Cæsar, à *Ludovico Sfortia*, *Venetis* & reliquis foederatis accersitus, contra *Gallos* in *Italiam* venit. Res in *Hebruria* gestæ. ejusdemque in *Germaniam* reditus. Incendium naufragiumque passis à *Decemviris* prospicitur. *Gallorum* in *Insubria* conatus. Navalis inter *Florentinos* & *Venetos* pugna. *Caroli* regis è vita tollendi facultas à Senatu rejicitur.

### LIBER TERTIUS.

**F**erdinandus ubi *Carolus Neapolim* profectum cognovit, acceptis *Messanæ* militibus ad mille (ibi enim tunc erat) quos quidem civitas in vicini atque amici regis gratiam dependo trium mensium stipendio ei præstò esse jussit; navibus longis duodecim in *Calabros* trajecit, & *Rhegium Crotonemque* recepit: ac secundo cum *Gallis* pedestri facto prælio, interfectis captisque compluribus, reliquos cum eorum duce in proximum oppidum compulit. ad quos cum auxilia undique convenissent, victus ab iis ingenti clade cum paucis *Rhegium* fugiens, uni salutem consuluit suæ. Idem autem paulatim sese confirmans, cum jam *Gallorum* imperii plerosque eorum, qui eos lubenti animo receperant, magnopere pœniteret (nihil enim ferè cuiusquam neque sanctum, neque tutum ab illis erat) cum *Hispanæ* classis navibus quadraginta, quam superiore libro missam in *Siciliam* dixeramus, & suis cum triremibus duodecim *Ænariam* ad insulam, quæ ab eo non defecerat, venit.

Atque illis ipsis quidem diebus res ejusmodi acciderat, quæ magnam invidiam in *Gallos* conflaverit. Nam cum ii, qui *Cajetæ* præerant, navem longam remigibus instruere vellent, municipesque imponere, illi se cogi passi non sunt, palamque prædicaverunt, nolle se contra *Ferdinandum* regem duci: atque ad arma capienda proficierunt. *Galli* eos veriti, se in arcem oppidi receperunt, atque ad auxilia proximis ex oppidis evocanda miserunt: quibus adductis, magnam civium cædem fecerunt, magnam in oppidanos stragem ediderunt, matribus familiâs & virginibus vulgò in servitutem atque libidinem abductis. quæ intellecta res *Neapolitanorum* animos jam antè infensos & labantes ab *Gallis* magnopere averterat. Ea cum sic cecidissent, ipse autem *Ferdinandus Neapolim* non obscuris multorum vocibus sermonibusque accerferetur, quem etiam adventare intelligebant, spei atque fiduciæ plenus ab *Ænaria* naves solvit, atque ad littus

**A** *Neapolitanum* classè appulsa non longè ab oppido exponere milites cum vellet, impeditus à *Gallis* atque rejectus, de tota re desperans, quòd ab oppidanis nihil sibi auxilii emitti, nihil tumulti fieri animadverteret, ad *Ænariam* revertebatur. at civitas agrè id passa, armis captis *Gallos* partim ejecit, partim in arces, quæ ab illis tenebantur, conjecit. Id à piscatoria navicula *Ferdinando* nunciatum, spem ei pristinam facile restituit: quamobrem sua cum navi incitatis remigibus statim *Neapolim* rediens, magno populi consensu in oppidum receptus est. Ita parvo temporis spatio sæpius modò bonam, modò adversam expertus fortunam, ac variis rerum suarum eventis tanquam fluctibus jactatus, cum id minimè fieri posse consideret, ab eadem quasi tempestate atque ventis in portum conjectus est. Pauloque post *Galli*, qui ei arci præerant, quæ *Capuana* appellatur, sese atque arcem *Ferdinando* dediderunt. Tum naves *Gallicæ* sexdecim, quæ in portu *Neapolitano* erant, veritæ ne interciperentur, egressæ ad insulam *Megarem* jactis anchoris se continuerunt. *Ferdinandi* classis ad *Bajas* substitit. Iis nunciatis rebus, *Nolani*, *Atellani*, *Capuani*, aliaque vicina municipia propenso ad illum studio celeriter redierunt: videbanturque reliquæ ejus regni civitates idem facturæ, si modò rex firma cum manu eodem accederet. ille autem per se omnibus ab rebus, quæ ad bellum sunt usui, præsertimque à pecunia planè imparatissimus, magistratum *Venetum*, qui vetusta consuetudine ea in urbe reipublicæ hominibus juri dicendo præerat, perhumaniter est allocutus: sese quod *Neapolim* recuperavisset, reipublicæ acceptum referre, quæ foedus cum *Alexandro*, reliquisque regibus iniisset: quòd autem superesset (quod quidem certè magnum, atque perplexum sciret esse, tot municipiis toto in regno, tot munitis oppidis *Gallorum* imperium fecutis) ejus se fidei, liberalitatisque permittere. Eo sermone apud illum habito, *Federicum* patrum cum navibus longis tribus ad *Antonium*, quem in *Apuliam* cum classe venisse intellexerat,

con-

Ferdinandus regis in Calabriam adventus.

Conflictus cum Gallis.

Neapolitanorum in Gallos odium ejusque causa.

Ferdinandus Neapolim redit, & recipitur.



conveniendum, seque illi commendandum pro-  
perè misit. *Antonius*, paulò antè ad *Sasonem* in-  
fulam Senatusconsulto accepto, tantum ut in  
*Apuliam* trajiceret, *Brundisium*, quod municipi-  
um ad *Gallos* non transierat, venit. Oppidani  
*Antonium* amicè atque benevolè exceperunt, ei-  
que se dedere voluerunt, atque ut insigne reipu-  
blicæ in oppidi foro sustolleret, ab eo magno-  
pere petiverunt. *Antonius Brundisii* collaudatis,  
atque ut in regis sui fide permanerent cohorta-  
tus, ibi dies aliquot, dum quid imperarent Pa-  
tres scire posset, est commoratus. Illi autem nisi  
de foederatorum sententia, *Hispaniæque* in pri-  
mis regum confociata voluntate, qui classem para-  
ratam habebant, nihil omnino agere constitue-  
rant. Itaque à legato regio missi in *Siciliam* nun-  
cii, ejus rei eventum tardiores reddiderunt. Ac-  
cepto tandem altero Senatusconsulto, quo bel-  
lum *Gallis* inferre jubebatur *Antonius*, biduo sca-  
lis reliquisque rebus ad oppugnationem oppido-  
rum comparandis consumpto, cum triremibus  
XX. naveque una oneraria bellica, & altera, in  
qua erat equitum *Græcorum* non magnus nume-  
rus, ad oppidum *Monopolitarum*, quod est in  
maris littore, à *Gallis*que obtinebatur, accessit:  
præfectumque *Gallorum*, uti se dederet, per in-  
ternuncios cohortatus, ubi illum ad propugna-  
tionem paratum vidit, expositis equitibus, qui  
discurrerent, populationemque facerent, & ali-  
quid in agris aut vitis aut oleæ succiderent, te-  
ctorumque incenderent, si ea re cives ad dedi-  
tionem compelli possent: ubi neque id quidem  
quicquam proficere animadvertit, tormentis è  
navi oneraria murum oppidi dejicere aggreditur.  
Id cum propter longinquitatem parum ex usu  
administraretur, *Hieronymo Contareno* legato,  
præfectisque triremium uti naves tegerent, ad i-  
ctus cum tormentorum, tum verò lapidum at-  
que telorum, quæ de muro adigerentur, impe-  
ravit: postridicque ejus dici manè iis, qui primi  
morum ascendissent, propositis præmiis, navi-  
busque omnibus sub conspectum hostium dispo-  
sitis, oppugnare oppidum multò acrius est ador-  
tus: qua in oppugnatione *Petrus Bembi*, navis  
longæ præfectus, vir egregia virtute, cohortans  
suos, pila ferrea trajicitur. *Antonius* cum horas a-  
liquot *Gallis* atque oppidanis acerrimè propug-  
nantibus, suos vulnerari, hostes non defatigari,  
minus denique rem procedere animadvertisset,  
oppidum militibus diripiendum proposuit: tum  
verò prædæ spe milites remigesque incitati, co-  
hortatique inter se, ad murum convolaverunt:  
scalisque positis cum amplius horis duabus con-  
tinerent atque fortissimè pugnavissent, dejectis  
interfectisque propugnatoribus in oppidum se in-  
jecerunt, diripereque contenderunt, *Aloisumque*  
*Tantum Venetum*, qui eo in oppido mercaturam  
exercebat, imprudentes occiderunt, domumque  
ejus diripuerunt. *Antonius* reclusis portis in op-  
pidum ingressus, mulieres, quæ natumajorum  
usæ consilio, ad aras Deorum immortalium cum  
infantibus confugerant, à militum injuria defen-  
dit, oppidoque est potitus: factionemque earum  
rerum, quæ distractæ nondum essent, multò mi-  
noris, quàm vendi aliis potuissent, die laxissima  
oppidanis ipsis vendidit. quibus etiam, quo mi-  
nore damno amissis rebus suis afficerentur, annos  
decem omnium munerum & tributorum levatio-  
nem concessit.

Eo oppido capto, nonnulla ejus regionis mu-  
nicipia se *Antonio* dediderunt, atque hæc quidem  
adhuc ipsa *Ferdinando Neapolim* recipienti nota  
non erant. *Antonius Nicolao Cornelio*, qui *Monopolitani* præfesset, relicto, missoque *Pulinianum*,  
quod oppidum abest à littore, eique se dederat,

A *Alexandro Pisauro* eodem nomine, *Sipontum* est  
profectus, quod jam per sese, ob *Gallorum* info-  
lentiam atque libidinem in *Ferdinandi* partes op-  
pidum redierat, ejectis *Gallis*, qui se in arcem con-  
tulerunt. Ad quos cum *Antonius* misisset, uti  
arcem *Ferdinando* restituerent: id ni facerent,  
eos se hostium loco habiturum: responderunt,  
nihil sibi cum *Ferdinando* rei esse: ipse si velit eos  
recipere, ejus se fidei libenter permissuros. ita-  
que, acceptis in fidem *Gallis*, *Antonius Federico*,  
qui jam ad se *Ferdinandi* missu venerat, arcem  
reddendam curavit.

B Eodem tempore qui *Tranensium* arcem tene-  
bant, missis ad illum interpretibus, velle se ejus  
imperata facere, *Antonio* significaverunt. ille, ut  
*Ferdinando* sese dederent, hortatus, eos non tam  
lubentes, quàm autoritate sua compulso, tan-  
quam de manu *Federico* tradidit: eidemque *Græco-  
rum* equitum dimidiam partem, quorum jam e-  
rat numerus ad quadringentos quinquaginta, pe-  
tenti dedit.

C Patres cum intellexissent *Ferdinandum Neapo-  
lim* recuperavisse, decreverunt, ne quid *Anto-  
nius* oppidorum, néve omnino locorum amplius  
reipublicæ nomine in regno *Neapolitano* caperet,  
tum *Petri Bembi* uxori liberisque victus annuus  
à Senatu dono datus: duabus quoque filiis dotis  
nomine libræ auri quadraginta. duabus alteris in  
sacrarum virginum collegia jam destinatis, quod  
ad id satis esset, constitutum. *Antonio* autem *Tin-  
niti* fratri, ab adolescente me in amici hominis  
afflictis rebus, causa bis apud Patres perorata,  
proventus est annuus Senatus decreto & liberali-  
tate attributus: quo se nunc quoque, familiam-  
que suam, senex oculisque captus sustinet.

D Post hæc *Alexandro* à Senatu postulante, ut  
illa ipsam classem *Neapolim* ad *Ferdinandum* auxi-  
lio levandum tam opportuno tempore mitteret,  
tamen permagnis *Galli* exercitus impensis ci-  
vitas distinebatur, concedendum tamen censuit.  
Itaque *Antonius Græcis* equitibus centum, & na-  
vibus duabus *Monopolitarum* præsidio relictis,  
*Tarentum* adnavigavit: quod quidem oppidum,  
appulso eò cum septem navibus longis, quas ad  
ejus tres *Antonius* addiderat, *Federico*, ad *Ferdi-  
nandum* tamen non redierat. Ibi ventris profluvio  
arreptus *Antonius*, navibus viginti, quibus *Con-  
tarenum* legatum præfecit, *Neapolim* ad *Ferdinan-  
dum* jussis contendere, ipse cum reliquis navibus  
(aliæ enim nonnullæ ad illum interea naves con-  
venerant) *Corcyram* est profectus.

E Eodem anno cellis farinariis urbanis, quæ pu-  
blicè ad *Rivum altum* antiquitus sunt institutæ,  
longinquæ plebis & inquilinorum parti usum in-  
commodiorem præbentibus, alteræ apud forum,  
reipublicæque horrea, exædificatæ, Calendis  
Sextilibus exerceri coeptæ sunt, magistratibus  
adhibit.

F Iisdem ferè diebus *Florentinis Pisas* bello repe-  
tentibus, cum per se oppidani contra tantas opes  
municipium diutius se tueri posse diffiderent,  
suum ad Senatum interpretem secretò miserunt,  
velle se sub reipublicæ imperio esse: petere, ro-  
gare, ut reciperentur. Res primum nova Patri-  
bus, quæ neque statim rejicienda, neque teme-  
rè suscipienda esse videretur: deinde magis ma-  
gisque in eorum animos irrepere, pulchrum exi-  
stimantium augeri imperii fines, atque ad mare  
*Ligusticum* protendi. magnum porro esse *Venetum*  
nomen, cui sponte longinqua civitas, tamque  
nobilis sese dederet: sed factum propè similibus  
rerum eventis, quos si majores nostri despexis-  
sent, nulli nunc populi ejus imperium appete-  
rent: itaque recipiendas esse *Pisas*, quas *Dii* im-  
mortales reipublicæ addicerent. Ea cum senten-  
tia

Senatus-  
consultum de  
bello  
Gallis  
inferen-  
do.

Monopo-  
litano-  
rum op-  
pidum,  
ejusque  
obsidio.

Petri  
Bembi  
interitus.

Monopo-  
litano-  
rum op-  
pidum  
expug-  
natum.

Arx Tra-  
nensium.

Petri  
Bembi  
viduæ &  
libero-  
rum ra-  
tio habi-  
ta.

Taren-  
tum.

Cellæ fa-  
rinariæ  
Veneris  
conditæ.

Pisani  
Veneris  
deditio-  
nem ult-  
ro offe-  
runt.



Marcus  
Bolanus  
senator  
Veneto-  
rum.

Rationes  
cur Pisa-  
ni Venetis  
non sint  
recipien-  
di.

Antipa-  
thia na-  
turalis.

Ligures.

tia majori Patrum numero probaretur, res in *Decemvirum* collegio agitari coepta est, quo lex occultius ferri posset. Tum *Marcus Bolanus* sexvir ex iis qui Principi assident, tacentibus reliquis, ac legislationi propè assentientibus, suggestum ascendens, debere eos dixit, qui de rebus dubiis agunt, non tam quid velint ipsi, aut cupiant, quam quid sit utile reipublicae, constituere. necesse enim esse, si suam modò libidinem sequantur, ut sui eos consilii tum poeniteat, cum ea, quae provisà ipsis non sunt, magna interdum & formidolosa rerum momenta atque pericula existunt. An me quoque, inquit, Patresidem, quod vos, & optare maximoperè, & optato frui, cupere non existimatis? non *Pisas* modò, de quibus nunc consulimur, sed reliquas etiam *Italiae* civitates, oppida, populos, juris nostri esse, mareque superum atque inferum in reipublicae imperio contineri? ego verò ista percipio, meaque morte cum fortuna paciscar, ut tam prospera reipublicae sit. Sed cum hoc opto, tum illud timeo, ne, si *Pisas* receperimus, magno cum nostro dedecore, reique publicae incommode eas ipsas brevi tempore amittamus. nam quemadmodum quidem sitae positaeque sunt *Pisae*, ad eas defendendas auxilia mittere per alienos fines multorum dierum itinere nos oportebit: quorum populi nostris conatibus si adversabuntur, auterunt ipsi bello prius atque armis subigendi, ut quicquid inter nostros ac *Pisarum* fines jacet, pacatum iter atque tutum nostris exercitibus praebeat: aut nobis turpiter ab incepto desistendum. nam mari tanto circuitu, tam suspectis littoribus, tantum exercitum transmittere, quanto erit opus, ut cum unis *Florentinis* bellum geramus, qui poterimus? nullus vicinorum *Pisis* regum, nulla natio est, quae non *Florentinos* malit, quam nos, suae ditioni finitimos habere: propterea, quòd postram potentiam, nostrasque opes magis quam illorum verentur: magis nos, quam illos, sibi esse metuendos intelligunt. Est autem à natura omnibus animantibus comparatum, atque insitum, ut quae eis plurimum obesse possunt, fugiant: ad ea se applicent, quibus ad nocendum minus est virium & facultatis attributum. itaque passerculi gallinas anseresque non vitant, cum columbis verò etiam nidificant: ab accipitre autem, & ab iis, quae raptu vivunt, avibus maxime quidem semper volatu latebrisque sese auferunt. Quamobrem cogitare debemus, etiam *Ligures* (quae una quondam natio quam infesta reipublicae fuerit, annales nostri testes sunt: quantas à nobis clades acceperit, omnis ejus posteritas memoria retinebit) si suae spontis sint, nos *Pisarum* dominos fieri nullis conditionibus concessuros, sed sua cum *Florentinis* arma, suas classes atque opes communicaturos, ut nos potiri *Pisis* ne permittant. quanquam, ut horum temporum mores sunt, ut fides in plerisque fluxa, vereor, ne ii etiam, qui foedera nobiscum pepigerunt, qui nobis sua regna se debere profitentur, ubi nos consueque velle fines proferre nostros intelligent, nos celeriter deferant, neque deferant modò, sed arma etiam contra nos capiant, cumque hostibus nostris conjuncti, communi nos bello atque consilio esse avertendos & repellendos putent. Majores nostri *Vicetinos*, cum à rege *Patavino* premerentur, sese illis dedere, missis ad eos legatis, cupientes atque orantes, in fidem receperunt. quid in illa huic simile ditioni fuit? oppidum vicinitate propinquum, ac propè conjunctum, ut iter impediri, atque accessio non potuerit: ipsum liberum, quodque *Patavini* reges antea non obtinissent. itaque remissis cum auxilio legatis, facile defensum atque retentum est. hostis autem

A eam ob rem novus nullus factus, sed cum eo, qui semper hostis reipublicae fuerat, bellum acrius renovatum, majores iidem nostri prosperè atque feliciter gesserunt. quòd si tam facilem rerum statum, paresque conditiones in *Pisis* recipiendis esse vobis propositas hoc tempore videtis: si non amico populo & reipublicae, à qua laceffiti nullare sumus, ut id quod volumus assequamur, insignis est injuria atque calamitas inferenda: si non, quae in animis hominum jam pridem insedit opinio, nos regnandi cupiditate supra ceteros efferri, eam hoc exemplo sic confirmaturi sumus, ut non sit posthac inficiendi locus: si non etiam B *Ferdinandi* regnum adhuc quidem multò maxima ex parte, *Ludovici* haud ex minima *Gallorum*, quos hostes nostros fecimus, praesidiis & exercitibus tenentur, neque, quem finem ea res habiturae sint, satis consequi conjecturà possumus, ut non tam de novo bello capeffendo, quam de institutis conficiendis, flammaque illa, quae optimas atque pulcherrimas *Italiae* regiones incendio corripuit, extinguenda cogitare nos oporteat, legem Patres, quam rogamini, decernite: ego ipse meum suffragium ad eam faciendam volens ac libens affero. sin verò longè aliter omnibus à partibus se res habet antequam *Pisas* esse recipiendas statuatis, ea quae ad bellum cum positis inter nos atque *Pisas* nationibus, cumque finitimis ei civitati populis agendum erunt usui, comparate. Hac à *Bolano* dicta sententia, magna est commutatio facta voluntatum: neque quisquam omnium fuit, cui non *Bolanus* prudens ac sapiens videretur: itaque lex in praesentia rejecta.

Atque eo quidem tempore *Alexander* certior factus, *Carolus* regem ad *Novariam* obsidione liberandam multa quotidie aggredi, multa moliri, neque adhuc *Neapolitani* regni cogitationem abjecisse illum intelligens, quòd quidem & firmis etiam nunc veteribus praesidiis, & novis comparandis tuebatur: naves enim *Genuae* atque *Massiliae* complures ad bellum instrui, onerarique mandaverat: gravioribus eum literis monuit, ut intra mensem ex omnibus *Italiae* locis omnem belli apparatus abduceret: id ni faciat, sese illi ejusque populis aqua & igni interdicturum. *Novaria* deinde *Ludovico* restituta: paceque facta, dedit etiam literas ad *Genuensium* civitatem, eodem se in eos interdicto usurum, si quid in classem opis *Carolo* contulissent. atque id ab eo *Ludovicum* petiisse, nemini dubium fuit, ut ea se re, si uni foederis capiti non steterit, *Carolo* purgaret, quòd pluris apud eam civitatem *Alexandri* autoritas fuerit, divino praesertim jure adhibito, quo plerunque homines magnopere continentur, quam omnino sua.

Miserat ad Senatum prosperis reipublicae rebus cognitis *Turcarum* rex certum hominem gratulatum, quòd *Carolus* *Galliae* regem *Italia* suis armis expulisset. Is equum egregià formâ dono Patribus attulit: Patres *Bernardo Contareno* miserunt.

Interea *Ferdinando* rebus modò prosperè cedentibus, qui etiam *Luceriam* in *Dauniis* vi cepit: modò autem relabentibus, cum eum *Galli* aliquando intra oppidum ad *Neapolim* compulissent, diversisque in locis ei fortuna laeta interdum, saepius tristi se ostendente, ac spe regni sui recuperandi apud illius animum planè labante, *Alexander* ejus precibus atque periculo permotus, à Senatu magno studio petiit, uti exercitus partem aliquam ejus, qui *Novaria* redierat, ad *Gallos* expellendos, *Ferdinandumque* sublevandum mitteret: se curaturum, ut aliquot ejus regni oppida, quae mare attingant, pignoris nomine, quoad, quicquid ea in re Senatus sumpti fecisset, *Ferdinandus* reponeret, reipublicae tenenda traderentur. Senatus, nondum decreta exercitus profectio, inclinatis tamen ad

*Pisani*  
repulsam  
passi.

*Alexan-  
dri* ad  
*Carolus*  
regem  
litterae.

*Turca*  
legatio  
& mune-  
ra *Veneris*  
missa.

*Luceria.*



eam rem civium animis, *Bernardum Contarenum* cum *Græcis* equitibus sexcentis *Ravennam* præmisit, quo minus ei, cum decerneretur, itineris illò perveniendi superesset. Quod posteaquam est *Romam* renunciatum, *Ascanii* suasu, qui diceret, *Venetos* suâ sponte bellum suscepturos, non oportere quicquam eis oppidorum sumpti nomine à *Ferdinando* tradi, res dilata: legatique regii, qui jam *Venetias* ad paciscendum cum Senatu venerant, rogare tantum de exercitu, nihil ultra polliceri. Id ubi Senatus cognovit, & *Ludovicum* invidiæ suæ in reipublicam stimulis impelli agique animadvertit, (nihil enim ferè iis de rebus unquam *Ascanius* nisi à fratre monitus iussusque loquebatur) legatos ab se reiecit, nihil esse confirmans, quòd ea causa in urbe horæ spatium morarentur.

*Faventini* in fidem *Venetorum* suscepti.

*Dominicus Trivisanus*.

Horologium *Venetis* in foro extructum.

Fœdus *Venetorum* cum *Ferdinando Arragonio*.

Capita fœderis.

Interim cum *Faventini*, qui æstate proxima petierant à Senatu, ut, quoniam certorum exulum insidias magnopere timerent, ipse pro sua pietate, oppidique vicinitate, ejus regendi curam susciperet, *Hestoremque* planè puerum, *Galeoti* ejus, de quo priore libro sermonem habuimus, filium, cujus erat in potestate civitas, autoritate sua tueretur. postea rogandi & obtestandi Patres ea de re tempus nullum intermisissent, mense decembri Senatus decrevit, uti *Faventinorum* civitas, puerque princeps in reipublicæ fidem reciperentur: mitterentque Patres eò civem *Venetum*, qui pueri nomine jus diceret: ipse autem puer equites cataphractos centum haberet, stipendiumque in eos libras auri annuas octoginta, neque non tamen, antequam decerneretur, iisdem exulibus *Florentinorum* adjutis ope in eorum fines irrumpentibus, *Bernardus Contareus*, qui *Ravennam* venerat cum *Græcis* equitibus, militumque manu auxilio à Senatu missus, eos fudit fugavitque, ac regnum illud puero, quod jam propè amiserat, plane constituit. pauloque post Patrum suffragiis *Dominicus Trivisanus*, vir gravis atque prudens habitus, qui puerum Senatus nomine tueretur, oppidanisque jus diceret, Legatus est *Faventiam* profectus.

Atque ante eos quidem dies, uti horologium in foro ex reipublicæ dignitate fieret, cui ædis *Marcie* procuratores aream darent, Senatus censuit.

At *Ferdinandi* legati cum multis dies Patribus placandis consumpsissent, pollicitique essent, *Ferdinandum* tria oppida nobilissima cum eorum agris atque finibus, *Tranum*, *Brundisium*, *Hydruntem*, eo quod dictum est nomine reipublicæ traditurum: anni insequentis initio fœderatorum omnium non approbantibus modò, sed etiam adnitentibus Legatis, pacta inita, fœdusque percussum est: quo civitas fœdere traditis oppidis equites cataphractos septingentos, milites ter mille ad *Ferdinandum* mittere celeriter teneretur, qui unà cum ea classe, quam *Neapolim* *Contareus* legatus adduxerat, tandiu ejus imperata facerent, quoad bellum esset confectum. capitaque fœderi sunt addita, uti à quæstoribus urbanis libræ auri centum quinquaginta mutux *Ferdinandi* legatis è vestigio curarentur, uti si parte aliqua *Ferdinandus* *Græcis* equitibus, quàm cataphractis, uti mallet, pro eo cataphractorum numero, quem de summa detraxisset, *Græcos* sesquialteros haberet: uti ex publicis oppidorum proventibus, si quid in magistratuum & præfidiorum stipendia factis impensis superesset, id in accepti à *Ferdinando* tabulis ferretur: uti quenquam eo in regno virum principem civitas in fidem, nisi *Ferdinandi* permissu, ne reciperet: uti frumentum, oleum, reliquumve commeatum eis ex oppidis & finibus asportari sine solitis portorii ne liceret: uti *Gargani* montis saltum, qui à *Gallis* tenebatur, cum illum *Ferdinandus* recu-

peravisset, reipublicæ traderet. quod tamen caput scriptum non est, voce tantum atque verbis fidem fore quod convenerat facientibus agitatum. atque id omnino fœdus *Alexander* suis ad Senatum scriptis litteris ratum sanctumque jussit esse. nam quoniam antiquitus in regnum *Neapolitanum* Pontifices Maximi jus habent, caverant cum primis Patres, ea ut res *Alexandri* autoritate per scripta firmaretur. Fœdere confecto, qui oppida reipublicæ nomine à *Ferdinando* reciperent, missi: imperatorque *Franciscus* cum ea, de qua dictum est, manu iussus in regnum sine mora proficisci. Iis cognitis rebus, quas porrò celerius more atque instituto civitatis fama vulgaverat, quamplurima ejus regni municipia brevi tempore ad *Ferdinandum* redierunt. Arces autem *Neapolitanæ* munitissimæ duæ, longa obsidione, certis conditionibus separatim *Ferdinando* sunt hos intra menses, pauloque post redditæ, cum *Galli*, qui eas obtinebant, *Alfonsum Avalum*, *Aterni* principem, virum magnâ excellentique virtute, ad colloquium vocatum occidissent: quæ quidem planè mors *Ferdinando*, qui cum impensè amabat, aliti enim educatque unâ fuerant, incredibilem moerorem ægritudinemque attulit. qua tandem excussa, *Joannam Ferdinandi* avi sui filiam, *Alfonsi* patris alia matre sororem, in matrimonium duxit: easque nuptias *Alexander*, quando legibus fieri non poterant, sua indulgentia comprobavit. atque hæc tunc quidem in *Ferdinandi* partibus agitabantur.

Pontificum jus in regnum *Neapolitanum*.

At *Carolus* in *Galliam* rediens, nondum trajectis Alpibus, *Philippum Argentonium* ad Senatum misit, existimare se, eodem in fœdere, quod cum *Ludovico* fecisset, reipublicam esse comprehensam, propterea quòd imperator *Venetus* legatque ei fœderi, cum scriberetur, assuissent: quod si aliter se res habeat, scire se cupere, an vellet civitas tum demum comprehendi: petere autem,

ut *Monopolitanorum* oppidum, quod ab suis vi atque armis classis reipublicæ præfectus cepisset, Senatus restitueret, atque à *Ferdinando* auxiliis juvando abstinere. quarum is rerum neutra impetrata discessit. *Carolo* in *Galliam* profecto, filius, quem unicum habebat, tres natus annos moritur. qua quidem morte accidit, ut, cum postea *Carolus* iterum exercitum coëgisset, quem ad *Ferdinandum* repellendum *Aloisio* propinquo suo duce mari *Cajetam* mitteret, *Aloisius*, cui regnum *Gallie*, *Carolo* sine liberis maribus moriente, lege *Gallorum* obveniebat, protectionem respuerit. Itaque *Carolus*, cum alio duce nollet exercitum mittere, rem jam propè confectam distulit: pauloque post dilapsis cunctando militibus, ea omnino missio magnis impensis instituta, certissimaque iis, quos *Neapoli* reliquerat, ducibus, cum verbis tum litteris ac nunciis promissa totiens auxilia, interpositaque regia fides, ad nihilum reciderunt. *Ludovicus* autem *Gallici* belli metu deposito, cum id quod *Pisaurum* civitas à Senatu petierat, amicorum literis cognovisset, *Pisani* verò patefacta ipsorum postulatione legatos etiam palam *Venetias* eadem de re misissent, ne id quod verebatur accideret, uti ea civitas sub unius reipublicæ imperium redigeretur, sese Senatui obtulit, si *Pisas* esse defendendas existimaret, ejus rei socium & adiutorem futurum: videri autem sibi æquissimum esse eas defendi, propterea quòd *Florentini* fœdus cum *Carolo* percussissent, cujus ipse fœderis legatum occultè ad *Carolum* proficiscentem suis in finibus interceperit. Re sæpius à Patribus agitata, *Ludovico* magis magisque quotidie adnitente, lex tandem in Senatu lata est, fœderatorum omnium Legatis approbantibus, uti *Alexandri*, & reipublicæ

*Carolus* à *Venetis* *Monopolitanorum* oppidum postulat.

*Pisano-*  
*rum* postulatio.

Lex de *Pisanis* defendendis.



blicæ ac *Ludovici* armis atque opibus *Pisæ* defenderentur: additumque legi, ut in *Liguribus* milites bis mille reipublicæ pecunia conscriberentur, *Pisasque* mitterentur. id autem uti *Ligures* permitterent, *Ludovicus* antea se receperat effecturum.

Florentinorum in Pisanos impetus.

Iis intellectis rebus *Florentini*, antequam auxilia contra se convenirent, omni cura diligentiaque adhibita, sex militum millibus celeriter coactis, non sine spe potiundi oppidi *Pisas* contenderunt, atque ad portas cum tormentis accesserunt. Hostes patefactis portis impetum in illos fecerunt, fortiterque pugnantes propulerunt, eorumque tormentis sunt potiti. Neque multo post *Paulus Vitellius*, ex *Ursina Romanorum* factione ac gente, vir fortis, quem *Pisani* suis copiis præfecerant, eorum stipendio emerito ad *Florentinos* sese contulit, ac præfectura, quam ei contulerant, inita, cum exercitum decem millium hominum confecisset, *Pisas* acerrimè adortus, in oppidi suburbium se injecit: ex quo tamen ab oppidanis, qui quam magnam potuerant manum & ipsi coegerant, rejectus expulsusque est. Sed illud idem suburbium *Florentini* postea cum cepissent retinerentque, *Petrus Medicem* veriti, qui *Ursinos* affines suos secum ducens, in ipsorum fines jamjamque irrupturus dicebatur, *Pisani* relictis ad sua tuenda converterunt. Interim conscriptis per internuncios reipublicæ quingentis *Genue* militibus, *Pisasque* missis, *Ludovicus Gasparem Severinatem* cum militibus, ut pollicitus est, alteris totidem, ut re evenit, paucissimis illo misit, qui utrisque præfesset. quo quidem tempore *Florentinis* ab *Carolo* contendentibus, ut *Pisarum* arcem, quæ ab ejus militibus tenebatur, pretio redimere sibi liceret, *Pisani* majore etiam quàm illi pollicebantur, pecunia partim pollicita, partim jam tradita, arcem receperunt, receptamque diruerunt. Ejus pecuniæ partem *Decemviri Genue* curatam perolverunt libras auri ad quadraginta. Vere autem jam adventante, quod *Dominicus Calbus* majoribus in comitiis *Bernardino Minoto Petri* filio pugnum in os impeggerat, *Decemvirum* Magistrum *Calbum* è comitiis in carcerem duci iusserunt: deinde collegii decreto in insulam *Cyprum* exulatum deportari mandaverunt.

Triumviri reorum navalium instituti.

Tum, ut urbanorum navalium res multiplices atque variæ, quæque magna & perpetua indigent cura, diligentius administrarentur, ad reliquos navalium magistratus, qui antiquitus majoribus comitiis creantur, *Triumviri* ex principibus civitatis ex Senatorum suffragio adlecti sunt, additique illis tanquam magistris: iique postea *Triumviri* nunquam sunt creari desisti. Æstate verò proxima, ne possessores bonæ fidei omni tempore turbarentur: nonnunquam enim accidebat delatorem improbitate atque audacia, uti de suis rebus periclitari aliquem contingeret, etiam si per multos annos possedisset: legem *Decemviri* iusserunt, quarum rerum quis triginta annos in possessione fuisset, earum rerum peti ab eo nihil licere, neque deferri quenquam licere, nisi si *Decemvirum* magistris permisissent.

Lex de bonæ fidei possessoribus.

Ludovicus Sfortia Rex Mediolani.

*Ludovicus* cum ejusdem veris tempore à *Maximiliano* magnis largitionibus impetrasset, ut eum regem *Mediolani* appellaret, ea de re gratulatum *Hieronymum Leonem*, quem antea ad *Ludovicum* Senatus legaverat, ire Patres iusserunt.

Nauplia-

Atque illis etiam diebus à præfecto classis reipublicæ certum hominem *Naupliam* cum pecunia missum, ut equites quot posset illis in locis conscriberet, navigiisque imponeret ad urbem deportandos, adversa tempestate complures *Malæ* dies cum detineretur, iterque pedibus facere vellet, accersitis *Nauplia* equitibus ducentis, qui

A ei præsidio essent, septum in itinere *Turcarum* equitatus magno impetu est aggressus numero amplius sexcenti: quibus cum *Nauplii* equites fortissimè pugnantes majorem eorum partem interfecerunt, reliquos fugæ mandarunt, paucis ex suis desideratis, vulneratis paulò pluribus.

norme  
quitum  
pugna  
cum  
Turcis.

B *Contareus* autem cum *Græcis* equitibus quingentis, petente *Ferdinando*, in ejus regnum à Senatu præmissus, ubi *Suessam* venit, seque cum *Federico* regis patruo, qui *Suessæ* erat, conjunxit, oppida quatuor, quæ à *Gallis* tenebantur, se uti dederent compulit. Idem cum ad *Gallutianos* tentandos cum trecentis equitibus se contulisset, *Galli* autem, ut eos tuerentur, pluribus ex locis manu coacta impetum in illum fecissent, fortiter pugnans eas sustinuit, prælioque non intermisso interfectis compluribus, in fugam vertit, oppidumque cepit. Idem etiam paulò post eodem equitum numero in insidiis se occultans, præmissis *Frangetium*, quo in oppidulo erant *Galli*, paucis ex suis, qui discurrerent, *Gallos* paucitatem illorum suam prædam opinantes insectosque ubi ad insidias pervenerunt, evolans incitatis in eos equis, cum multò illi plures essent, tamen fudit non parvo eorum interfecto numero, atque capto. Interim imperatore cum reliquo exercitu adventante, *Philippum Rubeum Guidi* filium per silvam *Casinatam* sua cum equitum turma temerè vadentem, *Joannis Juliani* Cardinalis frater magna equitum, multo majore militum, manu clamore sublatò excepit: quibus cum *Rubeus* diu pugnans, paucis ex suis interfectis atque captis, sarcinariis jumentis aliquot amissis, ad imperatorem se recepit. quod tamen detrimentum *Contareus* facile sarcivit: nam cum *Ferdinandi* missu excursionem in *Severinatum* fines usque ad ipsorum oppidi muros atque portas fecisset, quo in oppido esse *Virginium Ursinum* atque *Vitelliam* ab exploratoribus cognoverat, neque

Bernardi  
Contareus  
ni expe-  
ditio in  
Gallos.

C quisquam egredi ausus ei se obviam ostendisset, rediens *Trojanum Sabellum*, cum equitibus cataphractis quinquaginta se ad illos conferentem, in itinere deprehensum fudit, parte plus equitum media tum interfecta, tum capta. Paulò autem post cum *Gallorum* exercitus timore, quierat equitum cataphractorum ad octingentos, levis armaturæ ad quingentos, militum *Helvetiorum* ad quatuor millia, rex in oppidum *Folcam* se cum suo exercitu contulisset, præsertim quod illis diebus *Galli* septingentos milites *Germanos*, qui in *Rhetis* conscripti ad illum se conferebant, interceptos male habuerant, seque oppidi muro *Gallis* obsidentibus tueretur: *Contareus*, qui cum eo erat, apud eum questus, non esse æquum *Græcos* equites mœnibus inclusos contineri, petiit uti se emitteret. qua impetrata re, *Gallos* sæpe laceffendo, sæpe imparatos aggrèdiendo, sæpe in vigiliis noctem totam continendo, nonnunquam malè mulctando, obsidionem relinquere, ac longius recedere, seque in tutum recipere coëgit. Neque multò post imperator *Gallis* aliò conversis *Valacam* oppidum cingens, murorum parte tormentis diruta, scalisque positis, vi captum diripuit, interfectis qui in oppido erant omnibus, cum milites nec mulieribus nec infantibus pepercissent, propterea quod ea in oppugnatione centum ex imperatoris exercitu fortes viros hostes oppidanique interfecerant. Eodem impetu imperator multa ejus regionis oppida brevi ad deditionem compulit. *Galli Canusium* aggressi, cum ab oppidanis quinquaginta auri libras accepissent, ne oppidum diriperent, néve ingrederentur: tamen *Helvetiis* militibus irrupentibus cædes ingens facta, oppidumque direptum est.

D In ea verò regione, quam *Basilicam* appellant, regio, *Canusium* direptum.

Valaca  
obsessa  
& capta.

Canusium  
direptum.

Basilica  
regio,



Consal-  
vus Cro-  
tonem  
capit.

trium oppidorum populi per sese Gallos, à quibus regebantur, occiderunt, seque regi dediderunt. *Contarenius* & ipse multa cum præda per *Severinatum* fines ad exercitum se referens, magnam hostium manum oppido egressam, secumque congressam disiecit, militibus equitibusque septuaginta interfectis, captis nonaginta. Tum *Consalvus Hispaniæ* classis præfectus, vir magni animi egregiæque virtutis, in *Calabris* egressus, *Crotonem*, quod fugato pridem rege ad Gallos oppidum redierat, vi cepit, Gallosque quique eorum erant partium, iusto prælio fudit, interfectis centurionibus, præfectisque equitum septem, militibus & equitibus ducentis, captis egregii nominis plus viginti, equis militaribus larcinariisque quadringentis. Iis diebus naves longæ sex ex classe reipublicæ, quæ in portu *Neapolitano* erat, *Gemam* sunt ire iussæ: rumorem enim invaluerat, *Carolo* regi classem in *Galliæ* pronuntiæ portubus comparari: ut quæ à *Gallis* administrarentur, inspicerent, & si possent, impedirent, navesque incenderent.

Tela op-  
pidum  
dire-  
ptum.

Hæc dum sic agitantur, diversisque in locis dispari etiam eventu belli, meliore tamen quam antea fortuna, *Ferdinandi* regnum cædibus & rapinis arderet, *Galli* ex eventu rerum timidiore aliquando facti *Telam*, quod à *Venusia* oppidum duodecim millia passus abest, non magna spe ejus potiundi cum eorum duce aggressi, oppidanos certis conditionibus se dedentes, fide fracta ingressi diripuerunt. Id intelligens *Ferdinandus*, *Contarenum* eo præmisit, qui *Gallorum* partem prope oppidum repertam in fugam, atque intra muros compulit, equitibus cataphractis triginta captis. eum subsecutus rex, mille ad oppidum passus loco tuto castra posuit. Eodem *Consalvus* è *Calabris* cum ea quam habebat manu, *Guidus Ubaldus Metaurensium* dux, quem senatus foederatique auxilio regi miserant, è *Brutiis* venerunt. Aucto exercitu apud *Telam* rex cum esset, ad molas frumentarias corrumpendas, quibus oppidani utebantur, itineraque duo intercludenda, *Consalvi* milites, qui tragulis utebantur, misit, cum paulò ante *Contarenum Venusiam* misisset, veritus ne inde hostibus, quorum erat in potestate oppidum, auxilia mitterentur, commeatusque subministraretur. Relinquebatur hostibus iter unum montanum, quo itinere commeatus in jumentis subvehi poterat: idque magnis adhibitis præfidiis cum fieret, *Contarenius* congressus præsidium dissipavit, commeatumque cum jumentis omnibus interceptum abduxit. Posteroque die, centum ex suis uti *Venusiam* accurrent, imperavit. ii præda facta, sub oppidi muris cum essent, oppidani autem milites tercentum cum paucis equitibus egressi recuperandæ prædæ spe prælium commisissent, ex illis octoginta occiderunt, captivosque complures fecerunt: ex quibus erat *Fundos* obtinens.

Paula  
oppidum  
deditionem  
facit.

Eo tempore *Antonio* primùm anno superiore propter valetudinem à classe reipublicæ, quæ *Neapolim* mittebatur, remoto, deinde domum revocato, *Malchio Trivisanus* ei succedens cum navibus longis aliquot *Corcyra* in *Apuliam* trajecit, atque in *Calabros* contendens, cum reliqua classe, quam ad se vocaverat, conjunctus, complura in littore aut vicino mari oppida regis imperium recipere coëgit. Demum *Paulam* veniens, cum oppidani missis ad eos, qui oppidum regi peterent, deditionem renuissent, ille autem ad oppugnationem se comparavisset, velletque muro succedere, mulieres passis crinibus porta cum infantibus egressæ ad illius se navem plorantes, ac pacem petentes, profuderunt. quibus commotus, milites continuit, oppidumque *Pan-*

*lam* in regis fidem omnibus incolumibus oppidanis recepit.

*Ferdinandus*, quo ad *Telam* Gallos diligentius obsideret, omnemque iis commeatus facultatem eriperet, castra propius oppidum ad moveri mandaverat. ea re *Gallis* enuntiata, magnum calorum & lixarum numerum, equitesque cataphractos, qui eis præsidio essent, centum quinquaginta, levis armaturæ, qui sagittis utebantur, alteros totidem celeriter portis emisertunt, uti ex vicinis oppido villis vicisque, quicquid possent pabuli colligerent, atque in oppidum comportarent: reliquum omne succenderent, ne hostes eo uti possent. Imperator ea de re certior factus, cum *Philippo Rubeo*, equitibusque *Italibus* levis armaturæ, quos circum se habere confueverat, celeriter infecutus, prælio cum *Gallis* acriter commisso, cædeque facta, refugere illos in oppidum compulit. quibus pulsus, castrisque regiis prope oppidum positus, cum *Galli* commeatu laborarent, diesque complures sine spe levandæ inopiæ se continuissent, equitibus præterea & militibus stipendium deberetur, neque pecunia suppeteret, missis ultro citroque internunciis, ipsoque duce cum rege ad colloquium admissio, tertio decimo Calendas Sextiles pacti sunt, uti si auxilia intra mensem ab rege *Carolo* ad sese non mitterentur, quibus auxiliis exire oppido, atque in aperto consistere audeant, regno *Neapolitano* cederent, exceptis oppidis *Venusia*, *Cajeta*, *Tarento*: ipsis interim ab rege commeatus copia fieret: cedentibus autem rex suum præsidium adjungeret, quo *Puteolos* accedere, navesque in *Galliam* trajecturi conscendere tutò possent, ejusque rei cum ipsi obsides regi dedissent, legatum *Venetum*, quem cum *Ferdinando* esse intellexerant, ab rege adhiberi voluerunt, qui eis ita fore, uti convenerat, reipublicæ nomine sponsor esset. Iis scriptis firmatisque conditionibus, *Gallorum* dux regi est pollicitus, si sibi centum auri libras mutuò det, quibus stipendia, quæ debet, exercitui persolvat, sese triduo cessurum, oppidumque traditurum. Accepta rex conditione quinquaginta ei libras numerari statim iussit: reliquas alteras quinquaginta *Helvetiis* militibus, quibus debebantur, quosque sacramentum apud se dicere cupiebat, quæstorem suum numeraturum recepit. Illi à *Gallis* missi regi lubentes paruerunt, ad illumque transierunt. *Gallis* oppido tradito abeuntibus, rex imperatorem *Venetum* adjunxit, qui cum *Græcis* equitibus, reliquisque *Italibus* levis armaturæ curaret, ne quid eis in itinere noceretur. *Contarenius* febri permolesta implicitus adesse ipse non poterat, ex eaque febri paucis post diebus est mortuus, vir ad bella gerenda, atque rempublicam armis illustrandam, si ei vita suppeditavisset, planè natus. cuius postea matri auri libra annua in victum à Senatu constituta: duabus autem sororibus, alteræ dos auri libræ viginti, alteræ in sacrarum virginum collegium ternæ libræ.

Postea cum rex *Salernum* ac nonnulla alia vi, nonnulla conditionibus oppida municipiaque recepisset, aliqua etiam sponte ad illum sua rediissent, *Ursinos*, *Vitellios*, qui ex *Gallorum* erant partibus, fugavisset, planèque dissipavisset, ipse autem, si qui reliqui essent in ejus regno *Galli*, ab iis nihil sibi magnopere verendum existimaret, *Græcos* equites, quorum opera egregia & fidei fuerat usus, quo minus sumptus faceret, primos omnium missos fecit. paucis post diebus imperatori valetudine tentato omni cum exercitu abeundi facultas data. *Metaurensium* autem & *Pisaurantium* principes, *Alexandrique* filium, quibus stipendium à foederatis pendebatur, *Prospe-*

Præ-  
lium.

Actio de  
Tela op-  
pidi de-  
ditione.

Bernardi  
Contare-  
ni obitus.

Ferdi-  
nandus  
exerci-  
tum di-  
mittit.



rumque *Columnam*, cum sua quemque manu, navesque longas reipublicæ decem, onerarias *Hispanæ* classis quamplures, tum *Federicum* patrum, qui præfesset, *Cajetam*, quod *Galli* oppidum communierant, misit. atque à *Malchione* triremes duæ *Salernitanorum* principi, sedibus patriis pulso, quibus ille in *Galliam* provinciam transmitteret, petente *Ferdinando*, traditæ. acceperat etiam in urbe à Senatu *Ferdinandus* mutuas auri libras sexaginta. Iisdem diebus *Vesini* legatos de deditioe ad Senatum miserunt, neque sunt recepti. cumque à *Calabris Ferdinandi* navem onerariam *Galli*, qui illis in locis erant, pace facta *Neapolim* appulsi conscendissent, nautæque cursum eò dirigerent, illi nautis comprehensis navem aliò convertere cœperunt: sed cum magna coorta tempestate malo infractò antennæ concidissent, nautis ad gubernaculum revocatis, *Neapolitano* portu capto, omnes in vincula coniecti sunt.

*Ferdinandus* autem cum graviter ex intestinis in *Vesuvio* laboraret, episcopum *Theani*, quem habebat in custodia, securi uti percuterent, suis imperavit: addubitansque ejus rei ministros sese ægrè dicto audientes non fuisse, episcopi caput in cubiculum ad se afferri jussit: quo inspecto quievit. pauloque post *Neapolim* allatus, urgente vi morbi Nonis Octobribus excessit è vita: cuius locum *Federicus* eo ipso die unà cum *Malchione Cajeta Neapolim* approperans, à regni principibus susceptus tenuit. Is regiis acceptis insignibus primum omnium *Salernitanorum* principi ab initio paranti autor, ne discederet, fuit, regni præfectura, qui magistratus habetur amplissimus, ei tradita, filiaque sua illius desponsa filio. reliquos deinde viros principes, qui cum *Ferdinando* dissidebant, propè omnes sibi amicos certis conditionibus atque muneribus reddidit. Nondum autem iis confectis rebus, dum reginas *Federicus* inviseret, unam, quæ patris, alteram, quæ fratris filii uxor fuerat, *Bissinianorum* principis, qui unà cum plerisque in procubiculo regem operiebatur, famulus gladio districto herum percussit, geminatis ter ictibus interficere illum cupiens: comprehensus, quæstione habita dixit, id efficere, quod fecisset, se in animo annos tredecim habuisse, propterea quod princeps suam olim fororem violavisset: antea patranda facinoris occasionem idoneam sibi nullam datam: tunc rem ad exitum perducere vel certo vitæ suæ periculo voluisse. Paucis post diebus *Federicus Malchione* omni cum classe dimisso, suum *Cajetam* exercitum adduxit: ac parte suburbiorum & montis capta, tormenta muralia ad portum conversa collocavit, ut naves quas habebant *Galli*, collaberet atque deprimeret. quod quidem illi veriti, ea se conditione dederunt, si rex eos suis cum rebus omnibus mari discedere permetteret. itaque tribus onerariis consensu navibus oppido tradito, non multis ante brumam diebus sunt profecti. Accidit autem ut navis ea, in qua erat *Cajetæ* magistratus, cum militibus trecentis magno adverso impellente vento *Terracine* injecta littori cum vectoribus perierit.

*Tarentini* verò, qui ad eam diem *Gallorum* fidem secuti, in magna rerum omnium inopia, magnisque in difficultatibus versabantur, Cæsare *Ferdinandi* fratre notho & terrestribus obsidente oppidum copiis, & mari navibus longis tribus commeatus importari prohibente, præsertim, quòd si quid antea in villis aut frumenti, aut pabuli circa oppidum fuerat, eo ne hostes potirentur, tectis incensis corruerant ipsi. *Ferdinandi* morte cognita, concilio coacto quid agendum sibi esset, inter se quærebant. Ea re longis dis-

ceptationibus agitata, ac tribus dictis sententiis, una ut *Federico*, altera ut regi *Turcarum*, tertia ut *Venetæ* reipublicæ oppidum traderent, legem tandem magno studio tulerunt, ut Senatus fidei & pietati sese committerent: itaque insigni reipublicæ sublatò, literas ad *Aloisium Lauredanum* præfectum *Monopolitanorum* dederunt, orantes uti se reciperet. Literæ *Aloisii* ea de re ad Senatum perlata, alteroque post eas litteras die legati *Tarentinorum* cum eisdem mandatis *Venetias* advekti, ejus rei expectatione civitatem exererunt. atque illis quidem hospitium publicè datum est. Patres vocati complures dies sententiis dicendis consumpservunt: quarum pars non esse *Tarentinos* recipiendos, propter eam quòd in fœdere caput erat, ne dedititios, rege non permittente, civitas acciperet: pars recipiendos censebant, ne obstinatis in *Neapolitanos* reges animis *Tarentini* regi *Turcarum* sese dederent: quod si fieret, non illis modò nationibus *Federicoque* imprimis, sed toti etiam *Italix* perniciosum futurum. Nullum Senatui cum *Federico* fœdus *Ferdinando* mortuo: quod tamen si esset, præstare id uno in capite negligi, quàm permittere oppidum naturâ munitissimum, atque ad exercitus in *Italiam* transportandos, classesque continendas, opportunissimum, inimico *Italix* omnibus regi atque bellicosissimo attribui. Vicere demum quæ, neutra earum probata, *Tarentum* civem *Venetum* mitti oportere, sententiæ censuerunt, qui autoritate reipublicæ *Federico* civitatem conciliaret, com meatumque sufficeret. Itaque *Andreas Zancanius* Senatorum suffragiis legatus est ad *Tarentinos* lectus. atque is antequam navem conscenderet, *Alexandri* atque *Hispaniæ* regum legati, itemque *Ludovici*, Principem & Patres adierunt, eosque, ne se in causam *Tarentinorum* insinuarent, nève quid agerent, monuerunt. quorum intellecta voluntate, ne laborem cum invidia Patres fumerent, *Andreas* Senatusconsulto retentus, neque postea missus est. Atque illis diebus *Ludovici* ad *Alexandrum* scriptas litteras *Ursini* prope urbem interceperant, quibus literis *Ludovicus* ab *Alexandro* petebat, uti Patres commonefaceret, à *Tarentinis* recipiendis abstinere: nève eos augere suas opes, suamque potentiam nimium quàm jam auctam permetteret. Eas illi Senatui literas miserunt, ut quo esset in ipsos animo *Ludovicus*, Patres inspicerent, qui tantis ab republica tamque illustribus affectus beneficiis, à suis tamen moribus non recederet. *Zancanio* retento, Patres, quod cum *Tarentinorum* civitate illo misso facere decreverant, id cum eorum legatis ipsimet sunt aggressi, ut illos *Federico* per ejus legatum conciliarent: quod quidem perfecerunt, sponsoresque *Tarentinis* fuerunt, regem illos in eum, quo antea erant, statim restitutum, neque quicquam, propterea quòd à regibus *Neapolitanis* descivissent, civitati succensurum. quibus constitutis rebus *Georgium Francum*, Senatus scribam, unà cum legatis revertentibus *Tarentum* miserunt, earum rerum firmandarum causa: annusque insequens jam inierat. Illi autem intellecta oratorum suorum literis de sese regi pacandis Senatus voluntate, pridie quàm is *Tarentum* appelleret, aliquanto minus bonis conditionibus, quàm illæ erant, de quibus transegerat Senatus, se *Federico* dederunt. Eum exitum *Tarentinorum* obfirmatio habuit.

Jamque in urbe advenarum contagione, investigationeque syderum, morbus peratrox initium acceperat is, qui est *Gallicus* appellatus: quo genitalibus ante omnia plerumque vitatis, corpus doloribus afficiebatur, deinde pustulæ maculæque prodibant cum in membris reliquis, tum ma-

Consultatio Patrum Venetorum an Tarentini recipiendi?

Gallici morbi origo.



*Fracastor-  
iani de  
morbo  
Gallico  
libri.*

*Pisani  
belli  
conti-  
nuatio.*

*Præ-  
lium.*

*Pons sac-*

gnopere in capite facieque: ac sæpe tumores & tanquam tubera primum subdura, post etiam saniosa, exoriebantur: itaque multi diu vexati membrorum propè omnium doloribus, deformatique tuberculis & ulceribus, ut vix agnoscerentur, miserabiliter interibant: neque quorum medicamentorum pestilentia indigeret nova insolensque, sciri poterat. quamobrem annos complures omnibus in reipublicæ municipiis & finibus licenter pervagata, magnum hominum numerum absumpsit, cœdavit multò maximum. Sed quoniam eo de morbo *Fracastoriani* libri tres heroicis versibus multa cum dignitate venustateque conscripti vulgò in manibus habentur, nihil nos quidem attinet hæc scribentes commorari, præsertim quòd ejus acerbitas & vis multò nunc jam remissior tolerabiliorque facta, vel inventis ad ea mala perfugis opibusque, vel cœlo minus in dies sæviente, planè deferbuit.

Verum ad *Pisanum* bellum, de quo superius dicere cœpimus, revertamur: quod tamen ipsum impeditum magis, & diuturnum variumque, cum impensæ plurimæ atque multiplicis, quàm usui aut gloriæ civitati fuit. quanquam ejus quidem rei culpam omnem *Ludovici* æmulatio atque perfidia sustinuit: quæ tamen culpa uno ab illo fonte derivata, paulò post in ipsius caput redundavit. Magnum enim hostem nactus, cum reipublica sæpius ab illo laceßita & prodita, hominis infidelissimi atque arrogantissimi societatem semel renuisset, regno expulsus, deinde etiam captus, turpissima in custodia vitam reliquit. Adductis *Pisas* reipublicæ auxiliis equitatus gravioris leviorisque armaturæ per *Ludovici* fines, qui & ipse suos equites, multò tamen pauciores, eodem miserat, tum per *Lucensium*, quos suscepti à tribus maximis *Italiae* populis communi consilio belli fama compulerat, nihil ut eis esse negandum existimarent, conscripti *Pisis* reipublicæ pecuniâ milites plus mille, quos ex *Umbria* & *Piceno* & *Corfica* prædæ atque stipendii spes evocaverat, ad eos qui *Genua* venerant, milites adjunguntur: itaque spei bonæ plena civitas suis sociorumque copiis ad vicum, qui *Pisanus* appellatur, eratque in ipsius potestate, hostium equitatum cæde facta in fugam vertit, captis compluribus. Milites, qui tunc ab equitibus tria millia passus aberant, cum suis præsto esse non possent, quòd inter se, equitesque interpositum hostem videbant, ejus adventu non expectato, raptim temerèque, quòd cuique visum est, fuga comparata sibi met consuluerunt. Paucis autem post diebus eodem ex municipio emissos pabulatores hostium est manus parva ex insidiis consecuta: ad quos cum ii, qui erant in municipio, equites cataphracti sexaginta, leviter armati centum, milites minus trecenti, auxilio accurrissent, reliqui se hostes ostenderunt, impetumque in eos fecerunt, equites utriusque armaturæ quingenti quinquaginta, milites ad duo millia: illi se paulatim referentes, ad ejus loci pontem confiterunt, fortiterque pugnantes, cum aliquot ex suis amississent, aliquot etiam capti essent, setamen loco non movebant, vulneraque & cædes inferebant. quo in certamine *Franciscus Siccus* hostium præfectus accepto vulnere prælio excessit, pauloque post est mortuus. eo cedente finis est pugnae factus. atque illa quidem in pugna *Veneti* cum ad *Lucium Malvetium Bononiensem Ludovici* legatum, qui non longè aberat, misissent, uti sibi auxilio confestim veniret, prandere se prius velle respondit. Is, quòd ex ejusmodi ludibrio responsi, nec allato celeriter auxilio, omnium se vocibus culpari sentiebat, honoris sui causa

*Pontem sacci castellum Florentinorum noctu ador-*

tus, scalisque ad murum positus cepit, cum tamen eo in castello esset *Antonii Martiani* filius adolescens cum equitibus cataphractis sexaginta, quorum pars in *Lucii* potestatem venit. atque illud quidem castellum *Florentini* decimo post die, quàm est captum, iisdem propè artibus recuperaverunt, è vestigioque diruerunt. ita utrisque hæc, atque consimilia multa conantibus, aliquot menses abierunt, cum utri eorum superiores in bello essent, constaret satis nulli.

Interim cum *Pisani* commeatus inopiâ propter anni tempus laborarent, idque Patribus significavissent, Senatus ad suum statim hominem, qui erat *Genuæ*, trajectâ pecuniâ imperavit, uti frumenta cœmeret, *Pisasque* transmitteret. qui cum Senatu celeritate adhibita paruisset, annona sublevata reipublicæ munere civitatem recreavit. Senatus ubi ea manu, quam *Pisas* miserat, quamque ibi atque *Genuæ* conscripserat, æstatis parte jam præterita parum se proficere animadvertit, quingentos equites *Græcos Justiniano Mauroceno* præfecto *Pisas* mittendos decrevit. Is ante medium *Quintilem* mensẽ omni cum equitatu eò se contulit. Tum autem, quod erat jam antea in *Alexandri* & *Ludovici* & reipublicæ militia *Joannes Bentivolus*, pro sua parte missò ad illum stipendio, Senatus, cum etiam *Alexander* misisset, uti se ad *Pisanum* bellum compararet, imperavit: simul ab *Ludovico* petiit, suam *Joanni* partem itidem mitteret. Id ille negare cum non posset, se facturum recepit, neque misit tamen: quinetiam ne ulla conditione proposita proficisceretur, clam ab eo impetrasse illum nemo non credidit: nam *Joannes* multa quotidie causari, multa temerè ab Senatu petere, denique diem de die ducere, ut quilibet scire posset illud Senatum callidis & propinquis ab hominibus *Ludovico* & *Joanne*. Duxerat autem *Hannibal Joannis* filius in matrimonium ex *Herculis Atestini* filiis notham: altera, ut antè dictum est, *Ludovico* nupserat. Itaque eam affinitatem etiam animis ad improbitatem mutuis paribusque conglutinabant. qua in mora illud accidit, ut *Hercules* eam equitum militumque manum, quam tuendo regno habere consueverat, propè omnem cum præfectis dimitteret. Missi è vestigio *Florentiam* militatum abierunt: ne cui dubium fieret, qua hæc mente, quove consilio essent instituta. Sed & illud Senatusconsultum factum est, ut præfectis tribus, qui erant *Pisis*, equitum numerus augeretur: *Jacoboque Tarsæ*, qui *Ravennæ* erat, pecunia subministraretur ad milites in *Faventinis* finibus conscribendos mille, quibuscum *Pisas* accederet, cæteris quoque militibus, qui reipublicæ stipendium mererent, eo bello imperaturus. tum missi *Pisas* præfecti equitum cum sua quisque turma quatuor. Iis imperatis rebus, ac propè etiam confectis, *Helvetii* quadringenti, quos *Ludovicus Pisas* miserat, domum discesserunt, cum dicerent, sibi stipendium non subministrari. Reliquæ deinde *Ludovici* copiae præfectique paucorum dierum spatio sigillatim abeuntes idem fecerunt, *Lucio* excepto, qui quidem consilia cæterorum cognoscendi, atque impediendi belli causa cum paucis equitibus remansit. ita, quod initio de communi sociorum sententia *Ludovicus* sumpserat, ut *Pisas* unâ cum reliquis tueretur, id privato consilio rejecit, furtim in medii fervore belli sese subtrahens. Sed antequam *Helvetii* & reliquæ *Ludovici* copiae discessissent, propterea quòd multò plus oneris & vastitatis civitati, quàm aut præsidii aut emolumenti, afferebant, videbaturque id unum *Lucio* deliberatum esse, ut *Pisanos* conterendo & maleficiis everteret, civitas ad Patres misit, sese ulterius *Ludovici* auxilia

*ci castel-  
lum.*

*Pisani  
annona  
sublevati.*

*Pisano-  
rum pe-  
nitio.*



xilia perpeti sustinereque non posse: velle, ac decrevisse, uni Senatui se addicere, vexillaque reipublicae subtolle: rogare ut eorum voluntate id sibi facere liceret. Patres *Pisani* collaudatis, quod eo erga rempublicam studio, ea mente essent, aliud posse tempus accidere dixerunt, cum id & illi tuto facere, & ipsi eis permittere uti facerent, jure possent: nunc vero illud curarent, ut liberi per eorum fidem essent: qui pepigerunt se in eo suas partes omni diligentia praestituros: bonoque animo esse iustos dimiserunt.

Naves interea reipublicae longae sex *Neapoli* in *Liguriam* atque in *Galliam* provinciam missae, cum nihil earum rerum, quarum causa missae, reperissent, conversae ad eas naves *Florentinorum* insectandas, à quibus ne frumenta, neve reliqui commeatus supportari *Pisas* possent, magnum impedimentum afferebatur, plurimo usui ea in re fuerunt. quibus quidem navibus aliae naves longae complures additae, eundem sane usum atque operam reipublicae praestiterunt, hostium navibus commeatibusque, qui *Triturritam* invehantur, deinde in eorum castra comportabantur, saepe disjectis fugatisque, saepe captis. Neque tunc terrestres reipublicae copiae in cessatione fuerunt, sed & castella hostium aliquot sunt ab iis capta, & legatus eorum *Petrus Capo* interfectus, & praelia nonnulla secundiora facta. Quo etiam tempore *Pisani* *Librasactae* castellum ipsorum, quod ab eisdem *Gallis*, qui arcem *Pisanam* restituerant, etiam nunc obtinebatur, auri libris triginta praefecto traditis, magna hostium invidia recuperaverunt. Omnibus autem ex utilitatibus, quas quidem classis exercitusque reipublicae in medium ejus belli contulit, ea crebriores neque postremae fuerunt, quae ab *Gracis* sunt equitibus profectae: nam & praedae saepe ingentes abactae ab illis sunt, & plurimi commeatus intercepti, & hostium turbata eorum audacia, atque celeritate consilia: quodque magis mirum videbatur, castella quoque ab iis nonnulla capta: caedes vero pluribus locis factae: ut laudari & bene de republica meriti existimari jure possent.

Dum haec ad *Pisas* geruntur, è *Gallia* transalpina nuntii venerunt, ab rege *Carolo* reditum in *Italiam* magno studio comparari: ipsum paucis diebus ad *Lugdunum* fore: in via quidem certe jam esse. quamobrem *Ludovicus* à Senatu quaesivit, vellentne, si *Carolus* urgeat, sibi exercitum & auxilia mittere: nam se promeritum, ne quam sui curam respublica fumeret, probe intelligebat. Senatus ei respondit: Tametsi *Pisano* bello implicata civitas esset, cui bello quanto studio, quantisque impensis opus sit, sciret ipse omnium optime, tamen se in eo tuendo non defuturum. simul *Marcum Beatianum* ad *Helvetios* misit, qui eis ab republica stipendium polliceretur, ne ad *Carolum* se converterent. Pauloque post, cum *Triulcius Gallorum* manum secum ducens trajectis *Alpibus Astam* venisset, *Ludovicus* ad Senatum misit, videri sibi optimum esse *Maximilianum* regem suo, & *Alexandri* & reipublicae stipendio in *Italiam* accersiri: ut sit, qui regem *Carolum* & autoritate sua deterre, ne *Alpes* trajiciat, & si trajecerit, suis & sociorum opibus & copiis comprimere facile possit: ejusque fere jam apud illum initia & fundamenta jecisse per legatos suos, à qua, ut videtur, non abhorreat. Ea agitata re de *Alexandri* & *Hispaniae* regum legati sententia celeriter à Patribus sextodecimo Calendas Junias Senatus decrevit *Maximilianum* accersiri oportere: cui sint in trium mensium stipendia (tot enim menses satis fore) à republica quadringentae auri atque octoginta librae, à *Ludovico* altera totidem, ab *Alexandro* parte dimidia pauciores: ducatque

A is *Helvetiorum* secum militum quatuor millia, quibus ipse stipendium numeret, singulis mensibus libras auri centum viginti, ea cum lege, mandatisque, *Franciscum Foscarum* legatum Senatus ad illum misit, quae quidem lex eo festinantius est lata, quod literae ad Senatum venerant, *Helvetiis*, qui se profitebantur nihil eorum, quae vellet *Carolus*, esse facturos, nisi prius reliqua, quae debeat, quaeque permagna sint, eis persolvat, jam ab rege quingentas auri libras esse curatas, quod tamen, ut postea cognitum est, falsum fuit. *Beatianus* ad *Helvetios* missus effecit, ut tres eorum pagi reipublicae sacramentum dicerent, stipendiumque eis dedit. *Maximilianus* accepta à Patribus pecunia, in fines regni sui venit, *Comensem* agrum versus. Eum *Ludovicus* cum uxore *Beatrice* obviam profectus excepit: praeque una venatum secum duxerant. Qua commotus fama *Aloisius* dux *Genabensium Astam* oppidum communiavit, veritus *Maximilianum* eo primum omnium suas copias adducturum. Ille autem, ut *Philippo* filio *Belgarum* regi ad se veniendi potestatem faceret, etiam interius in *Alpes* reversus, suspicionem multis attulit sese amplius in *Italiam* non venturum. Atque illis ipsis diebus *Henricus Britanniae* rex inter foederatos est receptus: missique ad *Maximilianum* legati duo, *Antonius Grimanus*, *Marcus Antonius Maurocenus*, qui venientem exciperent. *Maximilianus* convento filio rediens *Comum*, quod ei praesto *Ludovicus* fuit, deinde in agrum *Mediolanensem* ad *Vigerenum* venit. Ibi cum esset, literas ad *Pisanos* dedit, velle se suum hominem, qui eis consuleret, civitatemque regeret, eo mittere. Civitas ad ea respondit, unum se ab ejus initio belli semper optavisse diligentissimèque curavisse, ut in libertate, qua permultos annos caruerant, quamque dii eis reddiderant, permanerent: si ejus praefectum recipiant, contrariam rem suis studiis facturos, sibi que ipsos dominum imposituros: se vero non consiliorum indigere, sed auxilii. Itaque cum paulò post *Maximilianus* illum ipsum praefectum ad eos misisset, non est receptus.

Interim cum de adventu *Caroli* rumor nuntii que refrixissent, *Ludovici* suasu, qui omnino nihil eorum, quae impedire paulum modò possent, ne *Pisae* sub reipublicae ditionem redigerentur, praetermittebat, Senatu non abnuente, *Maximilianus* statuit *Pisas* accedere, ut ei bello finem imponeret. Itaque *Dertonam* est profectus cum equitibus, quos secum duxerat, trecentis, militibus *Helvetiis* duobus millibus, equitibus *Ludovici* mille. *Dertonae* res hujusmodi accidit. Legatis *Florentinorum* duobus, qui ad *Maximilianum* venerant. in via fortè obviis legati *Veneti* salutem dixerunt: illi eis ne verbum quidem unum reddiderunt, sed illiberali contumacia ire perrexerunt. Postridie autem ejus diei iterum obvii cum de via legatis reipublicae non cederent, arrogantiusque in eos cum suo comitatu propè conglobarentur, *Maurocenus*, cui quidem praecleara atque mirifica faciei dignitas cum vasta membrorum magnitudine inerat, alterum illorum ita repulit, ut in luto provolveretur, Disce cedere majoribus pronuncians.

F A *Dertona Genuam* *Maximilianus* profectus, arcem oppidi sibi tradi postulavit. ea non tradita, postridie ejus diei oppido egressus in suburbio paranda classe complures se dies continuit. Nonis autem Octobribus omni cum sua copia conscendens navibus longis reipublicae octo, *Genuensium* duabus, onerariis item decem, quas *Genuae* armari atque instrui curaverat, adversa tempestate quod in onerariis tunc erat, paulisper est jactatus: post à *Dominico Maripetro* praefecto classis

*Maximilianus* in *Italiam* adven-tus.

*Henricus Britanniae* confederatus.

*Pisani* ob libertatem retinendam praefectum non recipiunt.

Legatorum *Venetorum* cum *Florentinis* concentratio.

*Maximilianus* navigatio.

Patrum *Venetorum* responsum.

*Librasactae* castellum recuperatum.

*Caroli* regis in *Italiam* expeditio nova.

Decretum de *Maximiliano* rege in auxilium vocando.

*Vene-*



Triturri-  
ca arx.Præ-  
lium.Naves  
Gallica.Gallica  
navis  
frumen-  
to oner-  
ata cap-  
ta.Triturri-  
ca arx  
oppug-  
nata.Maximi-  
liani in

*Venetæ* receptus, cum dies aliquot in mari portubusque consumpisset, *Arni* fluminis ostium ingressus navicula cum eodem præfecto, prioreque legato reipublicæ (nam recentiores affecti valetudine domum abierant) *Pisas* appulit: ibi explorato loci situ, concilio legatorum, & præfectorum, & civitatis coacto, *Triturritæ* arcem, quæ mari undique alluitur, & ponte sublicio littori conjungebatur, eratque hostibus opportunissima, quod ea una omnes maritimi *Pisanorum* conatus, & rei frumentariæ administratio magnopere impediabantur, oppugnare instituit. itaque legatis reipublicæ, qui exercitui præerant, iussis in diversas partes equitatum mittere, ut hostes aliis in rebus occupati morarentur, milites *Helvetios* trecentos è navibus cum tormentis & præfectis suis principibus egressos occupare eum collem, qui è regione arcis est, imperat, ædiculamque in colle positam capere, ne auxilia iis, qui in vico atque in arce sint, quod erat illac transeundum, ab hostibus submitti possint. Quare animadversâ, *Triturritani* portis emissi animo ædiculæ præripiendæ in collem evolant. Prælium committitur, cædesque utrinque fit. tum præfectus classis milites è navibus, remigesque auxilio laborantibus submittit: ab iis hostes repelluntur, ipsi & *Helvetii* fugatis hostibus ad naves revertuntur, hostes postea eam ædiculam diruerunt. Interim naves aliquot è longinquo visæ sunt eò cursum tendere: ad quas suis cum triremibus præfectus, ut unde, aut cur venirent, scire posset, & si hostiles essent, ipse eas adoriretur, statuit accedere: naves enim onerariæ, quod ventus erat adversus, commovere se non poterant. *Maximilianus* ejus consilio comprobato, triremes & ipse conscendit. Cum ad naves præfectus appropinquasset, quæ quidem erant sex, omnesque *Gallicæ*, ac plenæ commeatus, & armatorum militum à legatis *Florentinis Caroli* permissu in *Gallia* provincia conscriptorum, eas aggredi non est ausus: quarum una erat amphorarum supra mille ducentarum capax, reliquæ plus minus quadringentarum. itaque sine molestia cursum tenentes ad *Triturritam* jactis anchoris constiterunt. Sequebatur magno eas intervallo navis una reliqua longa, verum non ita velox remigioque habilis, ut triremes sunt, sed altior, latiorque, ac magno ad bellum usui, amphorarum circiter sexcentarum: ad quam præfectus omnibus cum triremibus contendens, eamque affecutus, ubi se, qui in navi erant, milites septuaginta velle defendere cœperunt, tormentis æneis pilas ferreas in eos magni ponderis emitti è triremibus imperavit. quorum terrifico strepitu audito, conspectisque ignibus, *Maximilianus* sua cum triremi abiit. eum aliæ quatuor triremes sunt subsecutæ. Præfectus cum reliquis in navem *Gallicam* facto impetu, eam cepit: qua in navi erat frumenti magnus numerus. Id navis hostium major, quæ in portu jam erat, conspicata, vento paulisper converso sublatis anchoris, ut auxilio sociæ navi esset, vela ad naves *Venetæ* fecit: sed præfectus navem captam remulco brevior in aquam abstraxit, quam illa terra tacta assequi non potuit. Venerat interim *Pisas Hannibal Bentivolus* patris loco cum equitibus septingentis, & militibus ducentis: cum *Lucius* veritus, quod erat ex adversa factione, abiit, neque postea *Pis* fuit. Is igitur *Hannibal*, copiarumque reliquæ *Venetorum* omnes cum legatis instructo exercitu sese ad *Triturritam* contulerunt. In itinere castellum unum vi ceperunt: alia se duo sponte dederunt. Exercitus castris positus, ubi arcem obsidere, ac concutere tormentis cepit, ii sunt imbres consecuti, ut *Maximilianus* obsidionem reliquerit: itaque suis cum

A equitibus quingentis, militibus mille trecentis, ad vicum *Pisanum* profectus est: inde propè subirator, seque deceptum dictitans, nullo loco commoratus, *Ticinum*, pauloque post suum in regnum rediit.

At domi, ut more institutoque majorum, civibus ædium suarum incendio damna perpeffis publicè subministraretur, quò facilius amissa restituerent, *Decemviri* legem tulerunt, ut *Petri Molini* filiis auri libras viginti, *Hieronymo* & *Marino Albertis* quindecim, quibus utrisque ædes ad *Rassiani* & *Apollinaris* conflagraverant: *Andrea Ripe*, cui suburbium in *Muriano*, alteras totidem: *Veneriis*, quibus domum cum taberna mercium *Indicarum* maximè celebri ad *Bartholomei* absumpserat, auri libras triginta, *Quinquvirum* sale procurando magistratus daret. Neque multò post, onerariis navibus duabus naufragio amissis, *Philippo Bernhardo*, *Aloisio Contareno*, quorum illæ fuerant naves, auri libræ sexaginta æquis partibus, *Decemvirum* item lege ab eodem magistratu sunt curari iussæ, ea conditione, si navem alteram eorum uterque fabricandam reciperet.

*Florentini* ea re elati, quod *Maximilianus*, à quo sibi magnopere timuerunt, infecto negotio discesserat, castella complura, quæ à *Pisanis* tenebantur, aggressi, partim vi, partim se deditia recuperaverunt. Legati *Veneti* exercitu distributo, *Pisanum* ad vicum, & *Cassinam*, & *Butrium*, & *Librafactæ* municipia se in hiberna contulerunt. *Græci* equites centum, ut commeatus inopiam sublevarent, quod illis diebus naves *Gallicæ* quatuor *Venetorum* naves duas frumentarias, *Pisas* convehentes, interceperant, hiemandi causa *Ravennam* profecti sunt insequente anno inito. aliquot etiam eorum, qui remanserant, ad hostes ob stipendia non soluta transierunt.

Quibus etiam diebus *Faventia* arcis præfecto ægerrimè ferente oppidum à reipublicæ legato ita regi, ut sibi, quod antea consueverat, magistratus creandi, pecuniam publicam avertendi, quicquid collibisset patrandi facultas non esset, novasque res cum sui similibus moliente, ut legati jus & majestas impediretur, puero etiam delinito, & in suas partes traducto: Senatus ea intelligens, literas ad legatum dedit, quibus literis legatus jubebatur, *Hestori* puero civitate adhibita denunciare, Senatum non ambitionis aut dominationis causa civem suum *Faventiam* misisse, sed cum prius otii & quietis cupiditate ejus hostes, qui illum regno propè dejecerant, suis auxiliis repressisset, postea & civium precibus, & ipsius periculo permotum, constanti ejus diuturnoque rogatu id fecisse, ut esset, & qui oppidanis jus æquabiliter diceret, & quem ejus inimici propter rempublicam vererentur, ne is quotidie ob ætatis imbecillitatem, & hostium audaciam de suo regno periclitari cogeretur: illum etiam in suam militiam scripsisse, stipendio juvisse, ornatumque esse voluisse, dignitate auxisse, sua benevolentia pietateque fovisse: atque hæc illum ab Senatu omnia sine ullo foenere, tanquam à patre filium, impetravisse, annumque integrum his reipublicæ muneribus & liberalitate usum fuisse: nunc verò, quando non modò nulla gratia tantis officiis referatur, sed etiam Legati jurisdictio impediatur, reipublicæ autoritas labefactetur, velle Senatum, & Legato jubere, ut statim decederet: fatuum porro eum esse, qui alteri suo cum dispendio beneficium dat, quod ipse, cui datur, invitus accipiat. Iis literis palam à legato recitatis, puer rogare illum lachrymans obtestansque cœpit, ne decederet: multique idem optimates frustra fecerunt: nam legatus nihilo fecius decedens domum rediit.

Lex qui-  
bus in-  
cendium  
naufragiumve  
passis  
succurritur.Florenti-  
norum  
ausus.Faventia  
præfecti  
insolentia.



Carolus  
reditum  
in Ita-  
liam pa-  
rat.

Inter hæc Carolus, *Juliano Genuæ ac Savonis* ei deditioem pollicente, *Alexandriæ Dertonæque Triultio*, modò ipse reditum in *Italiam* apparet, *Lugdunum* venit. quibus intellectis rebus fœderati trium millium militum numerum in *Liguria* celeriter conscripserunt, eosque per arces oppidorum & castella distribuerunt: & *Joannem Aloisium Fliscum* adversæ factionis, hominem magna autoritate, qui tum *Genua* exulabat, resque novas moliebatur, civitati restitutum, communi stipendio ei tradito, ut quiesceret, effecerunt. Crebrescente verò iterum fama, *Carolus* ad *Lugdunum* magnos exercitus cogere, *Senatus* decrevit, ut trecenti equites cataphracti *Ludovici* auxilio mitterentur: Principisque collegium civem legeret, qui eis quæstor & legatus esset. Patres *Vincentium Valerium* legerunt. Pauloque post equites levis armaturæ alteri totidem *Mediolanum* sunt à *Senatu* missi. *Triultius* cum eo, quem & secum è *Gallia* transalpina ducere, & in *Salassis* ac *Helvetiis* cogere potuit, exercitu in *Ludovici* fines ingressus, castella quinque haud paulum opportuna communitaque perceleriter cepit, expulso *Joanne Francisco Severinate*, *Ludovici* præfecto, qui ne primum quidem hostium impetum sustinuit. alia ex parte cum militibus sex millibus *Astâ* *Julianus* profectus *Savonem* versus, præmissis qui eam civitatem pollicitationibus incitarent, cum nihil eo studio profecisset, itinere non intermisso illò venit, atque in colle apud oppidum castra posuit. Jamque *Pifis Savonem* *Senatus* iussu venerat classis præfectus cum triremibus reipublicæ septem, onerariis navibus *Federici* regis quatuor: ad quas utrasque *Genuenses* duas ejusdem generis addiderant. Itaque *Lucius* & *Severinas* legati, quos eodem *Ludovicus* miserat, sua cum manu, & cum equitibus *Græcis*, militibusque, quos ex hibernis & *Pifano* agro *Genuam* contendere *Senatus* jussèrat, adjunctis classiariis, prælio cum *Juliani* copiis commisso, eas repulerunt. Iis repulsis submotisque (retrò enim cesserant) *Novium* oppidum tormentis positis, ut se dederet, compulerunt. Classis autem præfectus ea littora percurrrens, naves magnas parvasque complures commeatu onustas, qui è provincia cum *Juliano*, quem quidem jam *Galli* oram illam tenere confidebant, tum *Florentinis* afferebatur, naviculasque longas milites aliquot paucis diebus cepit. *Triultius* autem rebus successibusque cognitis, *Senatus* decrevit, ut *Nicolaus Ursinus*, cui omnium reipublicæ copiarum præfectura decreta erat, & *Bernardinus Montonius Mediolanum* celeriter contenderent, imperatorque *Franciscus* se compararet, ut, si opus esset, ipse quoque eò proficisceretur. Legati etiam ab bellum *Gallicum* lecti, *Nicolaus Fuscarenus*, *Andreas Zancanius*, ire celeriter sunt iussi. tum centuriones militum tribunique delectibus conscribendis, quibus uterentur, ad plura loca missi. Ubi *Ursinus* unà cum altero legato *Mediolanum* venit (nam *Zancanius* in itinere ad *Cremam* luxato pede restitit) *Ludovicus* edici frequenti foro iussit, quæ legati *Veneti* iussissent, mandavissent, iis velle jubere se ita omnes homines audientes esse, uti si ea ipsemet imperavisset. *Triultio* verò, cui, antequam exercitus reipublicæ illuc accessisset, omnia secundiora fuerant, *Ursino* & *Montonio*, reliquisque præfectis & tribunis militum suas ei copias opponentibus, primò ad *Castellatium*, quod municipium tormentis concutere instituerat, mille & quingentis *Gallis* ab equitatu reipublicæ levis armaturæ malè habitis, non leve detrimentum est illatum. Deinde, cum prælio decertare non auderet, paulatim sese retrahens, & castella *Ludovici* capta deferens, apud *Astam* octo millia passuum

A castra posuit, & communivit: antè tamen *Bergomascio Ludovici* castello de via ei obvio, propterea quòd se dedere voluerat, vi capto, interfecitque ad unum, qui in eo erant, omnibus.

B Ex *Veneto* etiam & *Ludovici* exercitu equites & milites *Montis alti* municipium, quod à *No-varia* tria millia passuum abest, expugnaverunt, simulque diripuerunt, atque incenderunt. *Savone* autem & *Genua* rectè firmatis, cum *Pisani* commeatus inopia conflictarentur, propterea quòd classis reipublicæ ab eorum littoribus abfuerat, *Florentini* suis navibus frumenta in oppidum supportari prohibuerant. Pauculosque se dies sustinere posse ulterius significavissent reipublicæ classis præfecto cum triremibus quinque, navigiis minutis frumentariis, quibus erat præsidio, supra quinquaginta è portu *Veneris Pifas* revertenti, ex omni sua copia *Florentini* fortissimo quoque milite navibus imposito, *Triturrita* solvantes occurrerunt. naves erant eorum sex, quatuor biremes, una & ipsa longa, sed triremibus multò vastior atque procerior: oneraria magna alia, militibus amplius sexcentis, tormentorum atque missilium omni genere instructissima. ex iis ad impediendas frumentarias, ne *Arni* fluminis ostium ingredi possent, biremes miserunt: reliquæ duæ magnæ, ut in triremes impetum facerent, remis velisque propellebantur. Id præfectus conspicatus, triremem unam, cui maxime confidebat, commeatui præsidio reliquit: ipse cum reliquis provectus, tametsi periculosum esse intelligebat cum tam magnis navibus confingere, tamen, propterea quòd videbat omnem ejus belli fortunam in eo commeatu supportando consistere, ad eas conversus citatis remigibus suæ navis proram, in longæ hostium latus magno animo imprimit. Conflictu mutuo ambæ naves concutiuntur, & hostes manum ferream in præfecti navem jaciunt, eamque retinent. Itaque omni telorum genere cominus acerrimè utrinque pugnatur: sed de superiore loco hostium milites tela in *Venetos* adigentes, faciliè eos vulnerabant, tum pilas piceas igne succenso in triremem jaciebant: quæ res magnum incommodum præfecto attulit, transtris compluribus, & majore velo igne combustis, ut qui proximi pugnarent milites remigesque perterrerentur, atque animos virtutemque remitterent. Veruntamen & reliquæ aderant, ut quæque poterat, triremes, & utramque navem hostium virtute magis atque artificio gubernandi, celeritateque remorum, quàm viribus & facultate laceßebant, & modò hac, modò illac concitata inferebantur. At navis magna hostium pilas ferreas creberrimas tormentis in triremes jaciebat, & si qua ei appropinquasset, saxa & tela insuper è carchesiis jaculabatur. Pugnatum est acriter ab utrisque continenter horas fermè quatuor: cum interea navigia commeatum conventientia unius triremis præsidio, quæ biremes quatuor fortissimè pugnando repulerat, ostium *Arni* fluminis capiunt, uno tantummodo navigio amisso, quod tamen sponte ad *Triturritam* vela converteret. Præfectus id, quod unum maxime cupiebat, assecutus, ut commeatum in tuto sisteret, navibus hostium, magno & ipsis detrimento illato, vento adspirante se subtrahentibus, interfecit suæ navis hominibus permultis, vulneratis centum viginti, ex reliquis navibus non paucis desideratis, vulneratis parte plurima, hostes discedentes *Triturritamque* conversos reliquit. Terrestri autem itinere dum reipublicæ milites & *Græci* equites *Pifas* missi reverterentur, *Ceva* oppidi, quod est supra *Savonem*, atque in *Gallorum* partibus à regulis indigenis obtinebatur, fines ingressi, eos percurrere cœperunt. Ea intellecta re

Montis  
alti mu-  
nicipium  
expug-  
natum.

Navalis  
inter Ve-  
netos &  
Florenti-  
nos pug-  
na.

Ceva op-  
pidum.

P. Bembo.

E

oppi-



oppidani permoti, cum militibus, quos habebant complures, armis captis ad eos contendunt: quos illi excipientes universos fuderunt, complures occiderunt, captivos ducentos fecerunt: deinde ulterius progressi, cohortatique inter se, in oppidi suburbia bipartito irrumpentes, præda & cæde facta duabus ex partibus ignem intulerunt. Atque ea propè omnia, tametsi ex *Ludovici* usu, & reipublicæ voluntate maximè tunc quidem cecidissent, tamen propterea quòd illis ipsis diebus nuncii crebriores sunt allati, *Carolus* omnino aut ipsum in *Italiam* venturum, aut magnos exercitus missurum, Senatus decrevit, ut imperator cum equitibus octingentis ad exercitum contenderet, copiæque reipublicæ omnes ad *Padi* ripas sese sisterent. Delecti etiam centuriones decem, militibus *Brixie* conscribendis mille, ad exercitumque adducendis. Ex *Rhetis* quoque trium millium militum numerus pusilla pecunia conscriptorum adventare dictus est, ut *Brixia* solidum stipendium acciperet.

Confilium de  
Carolo  
rege ve-

Ea per populos opinione de *Carolo*, timoreque crebrescente, *Tristanus Saornianus* è *Fori Julii* principibus, *Hieronimi* frater, homo reipublicæ

A amantissimus, *Bernardum Bembum* patrem meum *Decemvirum* magistrum adit, proponit habere se necessarium sibi hominem *Epirotam*, callidum, & ingenio peracri, nihil omnino ut sit, quod ei non mandari rectè possit: huic esse cum propinquo suo, quem *Carolus Gallorum* rex cubiculi ministrum habeat, magnam perque veterem benevolentiam: audere illum in *Galliam* proficisci, & vel propinquo persuadere, ut veneno, quod secum allaturus est, regem tollat: vel illo de ea re celato, ipsum per se regem tollere, si *Decemviri* velint *Epirotæ* illi tantæ rei præmium aliquod statuere: sperare se atque confidere, brevi negotium ab eo confectum iri. *Bembus*, tametsi sciret ea flagitia à magistratibus repelli, more tamen institutoque majorum re cum reliquis *Decemvirum* magistris communicata, atque ab ipsis ad collegium perlata, *Tristano* ad se vocato, de collegii sententia respondit, ejusmodi contra hostes insidiis ad eam diem nunquam usam rempublicam fuisse, cum sæpenumero potuerit: neque nunc velle incipere: magis Deos immortales, quàm humanas opes, vereri: porro vinci ab suamet nequitia illos, qui per scelus alios vincere perque nefas parant.

neno  
tollendo.

Pium  
Senatus  
Venetice-  
sponsum.





# PETRI BEMBI

## RERUM VENETARUM

### HISTORIÆ LIBRI QUARTI

#### EPITOME.

Inter *Carolus* & *Hispania* reges induciæ constituuntur. Legati à Senatu ad pacem inter *Hispania* & *Gallia* reges procurandam mittuntur. *Hispania* reges unius *Fortunatarum* insularum regem ad Senatum mittunt. *Franciscus* imperator apud Senatum accusatur. *Pisani* belli progressus. Longæ reipublicæ navis cum *Turcica* classe pugna. *Bernardi Ciconia* cum *Peruca* pirata navalis pugna. *Petri Cantabri* classis ab *Andrea Laureano* incenditur. *Joanni Corvino* civitas & jus comitiorum datur. *Armenis* domus *Venetis* datur. *Ludovici Sfortia* in *Lucenses* insidiæ. *Caroli Gallia* regis obitus. *Florentinorum* prope *Castellum* clades. *Ludovici Sfortia* consilia & artes. Quorundam in magistratus arrogantia mulctata. *Venetorum* apud *Lunam* & *Cassinam* clades. *Pise* à *Paulo Vitellio* oppugnantur. *Venetorum* in *Clusentinis* & *Itagni* valle conatus. *Thracii* regis contra *Venetos* apparatus & consilia, ejusque rei causa. *Aloisius Gallia* rex salutatur, ac *Venetorum* ad eum legatio & munera. Eorundem cum *Aloisio* rege foedus. Eorundem quoque cum *Florentinis* in *Pisanis* rebus compositio. *Gallorum* in *Insubriam* irruptio. *Mediolanum* à *Gallis*, & *Cremona* à *Venetis* capitur. *Ludovicus Sfortia* *Insubria* excedit. *Gallia* regis *Mediolanum* adventus. *Ludovicus Lucenburgus* & complures alii civitate ac jure comitiorum donantur. *Gallia* rex in *Galliam* redit.

#### LIBER QUARTUS.

Induciæ  
Caroli  
cum Hi-  
spanis.



Is in *Italia* rebus administratis, *Caroli* & *Hispania* regum legati, qui quidem reges ad saltum *Pyrenæum* exercitibus missis bellum inter se gerebant, sex mensium inducias in *Aquitania* faciunt: quibus uterque rex induciis non ab altero modo ipsorum, sed à fociis etiam & foederatis bello laceffendis abstinat. quamobrem *Carolus*, ubi id ei nuntiatum est, ad *Triulium* mittit imperans; ne quam *Ludovici* rebus induciarum tempore turbam aut molestiam inferat. Ea intellecta re Senatus suas & ipse copias domum revocat. ita, quæ ex parte, quoque tempore maximi tumultus expectabantur, subitum otium est allatum. Eas ob res Senatus *Dominicum Trivisanum*, *Antonium Bolduum* ad *Hispania* reges legavit, qui procurarent, uti ex induciis semestribus diuturna pax fieret. Quibus profectis *Antonius*, eloquentia planè singulari, & præstanti vir ingenio, in itinere adversa valetudine interceptus, *Genue* interiit. Ejus morte auditâ, Senatusconsultum factum est: cum *Antonius Bolduus Andreæ* frater ex equestri ordine nullum laborem pro republica refugiens, legatione ad reges *Hispania* susceptâ, in itinere mortem obierit, Senatui placere, ut *Gabrieli Bolduo* ejus filio primo quoque tempore in fano *Patavino* sacerdotium attribueretur, quo se fratresque suos alere commodius atque honestius possit: idque paulò post sacerdotium ab *Alexandro* Senatu petente *Gabrieli* est attributum. Miserant illi quidem reges superioribus mensibus ad Senatum per *Franciscum Capellum* legatum, qui ex *Hispania* domum redierat, *Fortunatarum* insularum unius regem dono medius fidiis non spernendo: quando ea porro elementi ora solidi, quæ in *Occano Atlantico* est circiter decies centena millia passus à continenti meridiem versus, multis ante Patres nostros seculis ignorata, eorum indagatione ac diligentia tota tum demum reperta, & colonis magistratibusque missis, in potestatem redacta, orbi terrarum adjungitur. Eum regem publice *Patavii* enutrirî Senatus jussit.

Eodem ferè tempore Patres certiores facti

A *Franciscum* imperatorem stipendio reipublicæ non confecto cum rege *Carolo* agere, ut se in suam militiam recipiat, illum ad urbem accersitum, ubi morbo, ne venire posset, impediri se respondit, *Decemviri* decreto missum fecerunt. Is auri libras ducentas stipendiorum nomine ante tempus acceptorum reipublicæ debebat: salis autem crediti, neque dum soluti, centum. Accidit tamen, ut eo ipso missionis die in frequenti comitatu *Franciscus Venetias* appelleret, dictitans se à *Ludovico* ejusque genero *Galeatio* in fraudem ob invidiam conjectum, qui literas ab eo conscriptas finxissent, ad Patresque misissent, quas ipse nunquam scripserit, ejus rei satis magnum argumentum esse, quod ipse in eorum potestatem venerit. quod si alia etiam pignora Patres postulent, arces se sui regni, suosque liberos reipublicæ traditurum, modo sibi purgandi jure criminis facultas ne intercludatur. neque tamen ut sententiam Patres mutarent, impetrare potuit: qui ad eum tertio post die miserunt, moram in urbe diutius ne traheret. Is etiam, quo ab urbe discessit die, *Joannem* fratrem ad Patres misit, quibus se ab eo conveniri non est visum.

B Post hæc dum induciarum *Aquitanicarum* tempus labitur, *Hercules* ad urbem venit, Principem & Patres salutatum, rogatumque ut *Ferdinandum* filium suum in equitatu reipublicæ vellet esse: quod quidem ei Patres liberaliter concesserunt, equitibus cataphractis alendis centum stipendio adolescenti per Senatum attributo.

C Quod autem ad *Pisanum* bellum attinet (ut eodem sæpius revertamur) is quidem annus & pro parte insequens nihil propè, quod magnopere memoratu dignum esset, habuerunt. Missi ad *Florentinos* per *Triturritam* commeatus in tam magnis navibus, ut eas aggredi naves reipublicæ non sint ausæ. Capti ab eorum exercitu milites *Veneti* centum, & exuti armis. Conscripti ab eisdem equites levis armaturæ tercentum, qui sagittis contra *Græcos* uterentur: atque si eorum impetus admodum reprefferunt. Ob id ab Senatu equites ferreis cum fistulis ad exercitum missi, & item *Græci* submissi: cataphracti quoque equites conscripti novi, dilapsis veteribus. Qui *Pi-*

*Franciscus Venetorum* imperator suspectus.

*Pisani* belli continuatio.



*farum* portas custodiebant, iis addita ab Senatu stipendia, ut studiosiores suo in munere obeundo essent. Missa etiam ad Senatum *Ludovici* nova legatio, quæ ad componendas *Pisanorum* cum *Florentinis* controversias Patres hortaretur: præstare eos *Florentinis* attribui, quàm bellum diutius alere: omnia in *Italia* pacis & quietis plena momento temporis futura, si *Pisæ* restituantur: ut non tam commutata illius tempore aut eventibus consilia viderentur: quid enim tum novi? quàm semper illum id unum spectasse palàm fieret, ne respublica eo municipio potiretur, sed nihil planè ultra: aliis verò de rebus perpauca.

Navis reipublicæ longa ex earum genere, quæ ad mercaturam proficiscuntur, more institutoque majorum, convehendis iis hominibus, qui aut voto suscepto, aut religione permoti Christi Dei filii sepulchrum, quod est *Hierosolymis*, adire atque invisere cupiunt, in *Syriam* quotannis statuto tempore mitti solita, cum ad *Maleam* iter faceret, in *Turcarum* regis classem, *Arige* præfecto, incidit. Ea erat navium onerariarum duarum, triremium item duarum, biremium quinque, quarum biremes duæ ad navem reipublicæ præmissæ vela dimittere iusserunt. Mos est nauticus ejusmodi, ut qui plus aut viribus aut dignitate pollent, velint, ut quæ sibi occurrerint naves, velificationem intermittant, antennisque demittant, cum honoris sui causa, tum ut, si quid ab illis quærere aut petere velint, possint: id qui nolunt facere, jus est bello cogere ut faciant: sæpeque accidit, ut ea de causa pugnae maximæ existerent, plurimorumque hominum cædes consequerentur.

*Aloisius Georgius* (is enim erat navis *Venetæ* præfectus) classem esse illam piratarum existimans, antennis non dimissis cursum tenuit. quod ubi *Turcæ* conspexerunt, ab utroque illum latere suis triremibus cinxerunt, & sagittarum magnam vim in eum mittere cœperunt. Id cum parum proficeret, navibus suis omnibus illum expugnare contenderunt. eo in certamine *Turcæ* navis *Venetæ* scalam sæpe conscenderunt, aliisque à partibus in navem profilierunt: sæpe ignem iniecerunt, quo & plutei combusti, & præfecti cœnaculum ipsa in puppi, & majora vela conflagraverunt. sed tanta remigum & nautarum, atque in primis advenarum virtus fuit, ut cum ab hora diei sexta usque ad quartamdecimam pugnavissent, *Turcæ* receptui canentes, & signo pacificationis sublato, priores pugnam desinerent, *Arigesque* missis ad *Aloisium* ex suis, qui salutem illi dicerent, magnumque atque fortem virum eum esse testarentur. pacem benevolentiamque cum illo inivit. Missi quadraginta milites ex iis, quos *Jani-zaros* appellant, suis in navibus interfectos esse *Aloisio* significaverunt. Ex *Venetâ* interierunt quinque: vulnerati complures: in his præfectus quatuor vulneribus acceptis neque tamen periit.

In *Punicis* etiam littoribus *Bernardus Ciconia* ejusdem generis navibus à republica præfectus *Perucam* piratam ingenio magis quàm viribus expugnavit. Erat uterque ad *Tuneta* in portu: atque ille navem onerariam permagnam habens, ut exirent *Veneti*, expectabat, illos in mari aggressurus: seque id conaturum, palàm antea præse tulerat, multa minaciter oblocutus. Interim *Dalmatæ*, qui sub imperio reipublicæ degebant, navem non magnam eundem in portum adducunt. Id ut est *Ciconiæ* nuntiatum, nocte ex suis navibus homines complures in illam imponit, navesque aptari ad pugnam imperat. Ea re, tametsi furtim fiebat, tamen à piratis animadversa, confestim *Peruca* relictis ob celeritatem anchoris è portu sese eripit. *Ciconia* illum cum triremibus sequitur: tranquillitateque oborta, remigum la-

bore affectus, oppugnansque cominus, ubi propter navis altitudinem nihil fermè virtute militum proficit, & suos facilè vulnerari de superiore loco videt, fabros in navis scapham jubet descendere, eosque suæ puppis pluteis armamentisque contegens, ex piratæ navi stuppas inter tigna constipatas paulùm sub aqua extrahere imperat. Ea re hostibus imprudentibus effecta, implenteque se navi aqua, *Peruca* illi deditur.

Nostro autem in mari *Andreas Lauredanus*, navis onerariæ bellicæ à Senatu præfectus, magna vir virtute, cum intellexisset à *Crotoniatis Peritrum Cantabrum* piratam recipi, qui reipublicæ hominibus damna intulisset, cumque ad *Oricellam* esse cum navibus longis quatuor, secum naviculas, quas appellant *Gripos*, quæ commeatum advexerant, duas ducens eò proficiscitur: jactisque procul anchoris, noctem oppericens in suæ navis scaphis duabus atque in *Gripi* milites trecentos imposuit, imperans ut ante lucem egressi, turrim ipso in littore, qua in turri esse *Cantabrum* intellexerat, circumfunderentur, ne is effugere posset, eamque expugnare conarentur. Missi, quòd iter erat longius, orto jam sole in littus descenderunt. *Cantaber* ubi naves advenientes è longinquo vidit, coactis non suis modò, sed ejus etiam loci copiis equitatus & pedatus, quas *Antonius Centilius*, cujus erat in potestate castellum, ut ei præsidio essent, ad illum statim miserat, in eos impetum fecit. *Veneti* cum sex horas continenter pugnavissent, interfectis compluribus, vulneratis octoginta, *Cantabroque* ipso, omnes in fugam conjecerunt. fugientes loci castellum recipiens texit. Turri deinde expugnata, quique in ea erant propugnatoribus novem recte suspensis, castellum capere sunt aggressi. Biduo in ea oppugnatione consumpto, cum acerrimè castellum defenderetur, murorum parte dejecta, vastato agro, tormentis hostium abductis, uno suorum tantummodo amisso, vulneratis perpauca, piratæ classem incenderunt, ad navemque redierunt.

Superiori verò æstate *Joannes Corvinus*, *Matthiæ* regis *Pannoniæ* filius, per suum legatum Senatui significavit, cupere sese perpetuo amoris & benevolentiae vinculo cum republica coniungi: itaque petere, ut in civitatem & jus comitiorum reciperetur. quamobrem majoribus in comitiis civitas, & jus comitiorum ei datum.

*Armenii* quoque, qui *Venetias* venerant, tabellas testamentarias, *Ziani* principis tempore ab homine *Armenio* confectas, ædis *Marcie* procuratoribus ostenderunt: quibus tabellis domum in urbe demortui pecunia emere procuratores jubebantur, quam quidem domum *Armenii* ad urbem venientes incolerent: eamque postea domum cum facello emptam ad *Juliani* fuisse in laternarum via, quæ tunc à procuratoribus locetur: itaque illam ipsam domum sibi restitui ex testamento petierunt. A procuratoribus intellecta eorum postulatione, domus est *Armenis* restituta, atque ab iis incoli cœpta. Ipsi à civitate comiter & liberaliter accepti, gens tam longinqua urbi amico spectaculo fuerunt.

Vere autem insequentis anni jam medio, *Ludovicus* regni ac dominationis ingenio & natura cupidissimus, ejusque rei magnopere impatiens, quòd videbat *Pisarum* civitatem multò reipublicæ amiciorem esse, magisque tribuere, quàm illius vel benevolentiae, vel fidei, *Lucam* oppidum suam in potestatem redigere malis artibus est conatus, quò facilius vel *Pisas*, si qua posset, occuparet ipse, suasque faceret, vel reipublicæ occupare illas cupienti, firmius obfisteret, municipio omnem ad copiam opportunissimo, & vicini-

*Petri Cantabri* classis incensa.

*Gripi* naviculae.

*Joannes Corvinus* civitatem & jus comitiorum *Venetis* confecit.

Domus *Armeniorum Venetis*.

Mos nauticus in demittendis antennis.

Navis reipublicæ *Venentorum* cum *Turcis* pugna.

*Bernardi Ciconiæ* pugna cum *Peruca* pirata.



Ludovici  
Sfortia  
in Lucen-  
ses insi-  
diæ.

nitate conjunctissimo suæ ditioni adjecto, ad seque traducto. Itaque compositis, quas intendebat ei municipio, insidiis, ire se *Genuam* simulat, ut *Lucenses* imparatos aggredi, tanquam aliò properans, improvise possit. Sed in itinere dum esset, detectâ proditione oppidans se communiunt. Potiundi oppidi occasione amissa *Ludovicus*, ne simulâ videretur, *Genuam* profectus est, ibique dies aliquot commoratus domum rediit. Senatus iis *Ludovici* artibus cognitis, cum in se planè uno positam omnem ejus belli rationem & constitutam videret, *Græcos* equites trecentos, qui in agro *Patavino* hiemaverant, *Pisas* mittere, prioribusque addere decrevit, militumque numerum duum millium statim imperare, qui *Pisas* mitterentur: tum legatum exercitui legere, qui *Justiniano* domum redire postulanti succederet. Lectus *Thomas Zenus* viæ se dedit. quæ intelligens *Ludovicus*, palam ut etiam reipublicæ legatus exaudierit, ea quidem Senatusconsulta, inquit, quò spectent, video: volunt enim Patres *Pisæ* potiri: sed eos eventus frustrabitur, nunquam enim potientur.

Caroli  
regis o-  
bitus.

Inter hæc *Carolus Galliæ* rex moritur. itaque accidit, ut cum *Marcus Lippomanus* reipublicæ legatus ab *Ludovico* peteret, uti *Zeno* cum *Græcis* equitibus *Pisas* eunti iter ad *Apuanos Ligures* pateret, *Ludovicus* nihil responderit, tum ipsi in *Ludovici* fines progresso itineris facultas permittenda non fuerit. Senatus iis de rebus certior factus, reputansque id, quod erat, *Ludovicum* nihil sibi amplius à *Carolo* timentem, propter quod reipublicæ indigeret, spiritus sumpsisse, neque quicquam præterea in *Pisani* belli administratione reipublicæ concessurum illum existimans, ad *Herculem* misit, ut equitibus & legato reipublicæ per *Mutinæ*, *Regiæque Lepidi* fines iter daret: qui quidem dedit. *Ludovicus* autem ea re cognita, tum è *Gallia* certior factus *Aloisium* ducem *Genabensium*, qui in *Galliæ* regnum *Carolo* successerat, quem *Galli Ludovicum* appellabant, jam ad bellum in sese animum & cogitationem adjecisse, Senatui significavit, nihil se de itinere legato reipublicæ negavisse: illum potius perperam ipsius verba interpretatum: suos fines omni tempore Senatus exercitibus patuisse, neque unquam occlusos fore. quamobrem *Zenus* ipse per *Ludovici* fines, quod iter erat commodius, *Pisas* venit: cum tamen equites, *Pado* jam trajecto, per *Herculis* fines antea misisset.

Ludovi-  
cus rex  
Galliæ.

Florenti-  
norum  
edictum.

*Florentini*, qui omnino sæpe à *Græcis* equitibus male habiti, eos pessimè oderant, edictum proposuerunt, ne quis ex eis captivus duceretur, sed captus interficeretur. Ea intellecta re, legatus *Venetus* edici contrà jussit, idem sui milites facerent, neque ulli omnino ex hostium numero parcerent, sed omnes peræquè interficerent. statimque in eorum fines *Græcos* equites educens, excursione introrsus facta, quoscunque in agris reperit, interfecit. quâ re cognitâ, *Florentini* edicto publicè rescisso ad morem belli pristinum redierunt. pauloque post *Butrium* magno impetu aggressi, scalisque ad murum positis, repulsi sunt à propugnatoribus detrimento parvo accepto. Sed non parvo illis detrimento ea, quæ subsequuta est clades, fuit.

Alumi-  
nis fodi-  
næ.

*Jacobus Savormianus* turmæ equitum reipublicæ præfectus, adolescens impiger, cum suis equitibus centum, *Græcis* quatercentum, in hostium fines *Populoniam* versus è castris prædabundus proficiscitur: multisque millibus passuum confectis, ad Castellum, quo in castello alumen proximis è secturis erutum incredibili dominorum lucro plurimarum nationum usui conficitur, accedens, oppidanos ad illum repellendum egres-

A fos fugat: ædificia, quæ pro portis sunt, incendit: alias in partes incurfione facta, atque in ea biduo consumpto, magna cum pecudum & armentorum præda dum revertitur, hostes de ea re certiores facti, omnibus copiis ad ea loca, per quæ illum iter facturum putabant, contenderunt. Alia ex parte *Zenus* legatus ob *Jacobi* longiorem moram veritus ne hostes intellecta re, in itinere illum aggrediantur, cum reliquo exercitu obviam *Jacobo* proficiscitur, præmissis tubicinis, qui eum de suo adventu certiores faciat. Hostes *Jacobum* nacti, impetum in eum faciunt. Interim tubicen celeritate usus, de legati adventu cum admonet. Ille id intelligens, hostium modo impressionem lentè sustinere, etiam cedere interdum, deinde pugnam paulisper redintegrare. Id ubi aliquandiu facit, legatus advenit, hostes pugnantes à tergo repentè aggreditur: tum *Jacobus Græcique* clamore sublato acerrimè in eos invehuntur. quod ubi hostes viderunt, omnes perterriti fugere contenderunt. Interfecti ex iis plus ducenti: capti ex præfectis, *Ranulii Martiani* frater, *Gallusque* is, qui ob virtutem bellator magnus appellabatur, alique complures: ex equitibus centum septuaginta, ex militibus quingenti: signa militaria quinque relata. *Ranulius* ipse toti exercitui præfectus, equo amisso fugiens, vix ægrèque se in proximum oppidum contulit: reliqui aut idem in oppidum, aut in montes atque silvas fugientes se abdiderunt. *Florentini* clade accepta, *Paulo Vitellio*, qui priore stipendio confecto ad gentiles suos, quibus cum *Alexander* bellum gerebat, in *Romanum* agrum se contulerat, imperium totius belli deferunt: *Vitello* ejus fratris præfecturam equitum tradunt. ii cum equitibus trecentis in eorum castra perceleriter veniunt.

Florenti-  
norum  
clades.

*Catharina Forum Livii & Forum Cornelii* obtinens, *Ludovici* fratris filia notha, mulier vidua, milites quater mille suis in oppidis atque finibus imperat magna celeritate adhibita. eos, quod nulla suberat causa cur imperarentur, *Ludovici* jussu cogi omnes homines existimaverunt, ut illos auxilio *Florentinis* mitteret. *Ludovicus* ipse *Franciscum Mantuanorum* principem, quem reipublica missum fecerat, imperatorem suis copiis delegit, sub *Maximiliani* copiarum nomine. Iis intellectis rebus, Senatusconsultum fit, ut equitum præfecti aliquot *Ravennam* mittantur: ut *Vincentius Naldus Faventinus* magna in oppidi finibus autoritate homines montanos cogat reipublicæ pecunia numero ad mille: ut *Antonius Ordelaus Foroliviensis*, cujus pater ejus oppidi regnum obtinuerat, quemque ipsum reipublica complures in urbe annos nutritierat, *Ravennam* proficiscatur, bellum *Catharinæ*, ni quiescat, suorum factione reique publicæ opibus illaturus: ut *Ferdinandus Herculis* filius, quem Senatus in suam militiam adlegerat, & *Joannes Ripa* equitum præfectus iter *Pisas* è vestigio suscipiant: ut *Nicolaus Ursinus*, *Bernardinusque Montonius* ad *Ollii* fluminis ripas sese conferant.

Cathari-  
na Ludo-  
vici fra-  
tris filia.

Post hæc, propterea quod *Ludovici* legatus, eo Senatusconsulto intellecto, inter Patres dixerat, res, quas vellent, alias cogitarent, unum modò, *Pisas* se tueri posse, ne cogitarent, nève in animum inducerent: adhibitis foederatorum legatis *Barbadicus* Princeps eis ostendit, quod bellum reipublica in *Florentinos Pisæ* tuendis suscepisset, factum sociis quidem omnibus consentientibus, *Ludovico* autem magnopere hortante, ac belli æquam partem in sese recipiente, quantas eo bello impensas Senatus fecerit, quantos exercitus eò miserit, aluerit, quot triremes, naves, ignorare prorsus neminem. *Maximilianum* in Ita-

Barbadi-  
ci princi-  
pis oratio  
ad lega-  
tos.



liam adduxisse quidem & reliquos, sed unius *Ludovici* causa, ut esset qui illum ab *Carolo*, bellum ei primum omnium parante, pari auctoritate tueretur, eos tamen sumptus omnes unum prope Senatum sustinuisse, largiterque *Maximiliano* suppeditavisse. Annos esse elapsos duos, ex quo bellum initium habuerit: nunc autem, cum eo res perducta sit, ut si, quam *Pisanorum* civitati fidem *Ludovicus* dedit, etiam praestet, illa suam libertatem facile retineat, eum non modo suas domum copias reduxisse, sed hostes etiam *Pisanorum* fovere milite, pecunia, consilio, rebus omnibus: ut qua ipse perfidia volens lubensque in *Pisanos* utitur, velit alios cogere, ut eandem perfidiam vel inviti exercent. Is quoniam Senatui animus non est, scire cum cupere, quid sibi his rebus *Ludovicus* postulet: nam si pacem agere destinat, pacis ei Senatum autorem fore, dum in fide, quam *Pisanis* dedit, maneat: sin bellum gerere mavult, bellum ei per Senatum non futurum. earum duarum rerum pacis bellicae, utra ei magis cordi est, ejus eligendae sese potestatem illi facere. ipsos autem legatos non tam suae orationis testes habuisse, quam ut, si quid durius *Ludovico* acciderit, sciant memoriaque teneant jure id meritoque accidisse. Ea oratione habita, legatus *Ludovici* tempus se dixit sumere, dum quid ad illa responderi *Ludovicus* velit, scire possit: neque tamen dubitare se jam nunc, quin auri libras quindicies millies *Ludovicus* habeat, quibus *Florentini* tanquam suis eo bello uti possint.

*Ludovici* litterae post diebus litterae sunt ab *Ludovico* ad Patres datae, mirari sese, quam ob causam ea Senatus mandata nuntiari sibi iussisset, qui quidem non socius modo atque amicus, sed plane filius reipublicae semper fuerit. aequissimum sibi videri, quam pecuniam *Pisis* tuendis civitas erogarit, eam pecuniam Senatui restitui: itaque si velint, cum reliquis foederatis rationem Patres ineant, quoniam id quidem modo agi commodè conficique possit, se nihil ejus impediturum.

Iisdem diebus *Decemviri* *Petro* & *Hieronymo* & *Aloisio* *Bragadenis* *Andreae* filiis, propterea quod ii *Nicolaum* *Georgium*, rationibus publicis praefectum, in ejus aedibus dum alloquerentur, verbis arrogantioribus interjectis minis fuerant usi, jus comitiorum & magistratum adipiscendorum facultatem annos decem interdixerunt: qui quidem ante id tempus nequeant restitui, nisi omnibus collegii sententia ea lege absolvantur. Idem postea in *Vincentio* *Barbaro* servatum, quod is *Dominico* *Lamberto* magistratus pacis Scribae maledixerit.

*Florentini* aestate ineunte per *Catharinam*, perque *Ludovicum*, qui eis pecuniam mutuo dederat, confirmati, novisque aucti copiis, militum reipublicae non magnum numerum, qui *Lunam*, ut eorum locorum dominis praefidio essent, ab legato missi fuerant, caede facta in fugam vertunt. Deinde, tamen Senatus cum *Petro* *Duodo* altero legato *Pisas* profecto equitatum, qui sagittis utebatur, eodem misisset, tamen apud *Cassinam* magna caligine oborta, ita ut conspici non possent, maximam copiarum omnium partem fuderunt, *Joanne* *Gradonico*, qui eis praerat, interfecto, captis compluribus: reliqui, *Savornianus* *Tersiasque*, qui erant *Cassine*, veritine interciperentur, tormentis abductis sese *Pisas* contulerunt, atque ad muros castris positos confugerunt. Iis intellectis rebus Senatus exercitui restaurando *Guidum* *Ualdum* *Metaurensem* ducem suam in militiam adscivit, cui stipendium esset in equites cataphractos ducentos, levis armaturae centum, auri librae annuae centum sep-

tuaginta. *Petrum* autem *Marcellum* legatum declaravit, qui *Urbium* accederet, ut *Guido* *Ubaldo* praesto esset, militesque mille in ejus finibus conscriberet. Tum, quod *Petrus* *Medices* Patribus significaverat, quoniam *Ursini* propinqui sui pacem cum *Alexandro* fecissent, si ei pecunia in stipendium subministraretur, illos se omnes, quocunque opus esset, adducturum: Senatus ea de causa *Petro* *Medici* pecuniam decrevit, equitesque *Græcos*, qui aestiva in agro *Taurisano* habebant, quique tum e *Græcia* venerant, in *Flaminiam* mittendos censuit, ut alio itinere *Pisas* contenderent: nam per *Ludovici* fines unum modo militem, aut omnino nuntium eo Patres mittere non poterant, quando is & itinera clauserat, & omnes tabellarios excutiebat atque interciperat, ne Senatus certior illis de rebus fieret. itaque nihil jam novi *Pisis* afferebatur, compluresque dies magna earum rerum ignoratio Senatum tenuit.

Emanavit tamen hoc, *Florentinos* cum *Genuesibus* *Ludovico* procurante foedus percussisse, quo ex foedere *Genueses* littora *Florentinorum* ab reipublicae classibus tuta reddere tenerentur. Neque multo post eorum magistratus *Marco* *Beatiano*, quem antea Senatus *Genam* miserat, asperioribus verbis denunciavit, se nunquam passuros, ut in reipublicae imperium *Pise* redigantur. cui *Beatianus* respondit, minus injustè eos & *Ludovicum* facturos, si semel injurii in rempublicam fierent, foederum & societatis, quam Diis hominibusque testibus sanxissent, laesae atque violatae nomine: nunc illos dupliciter peccare atque delinquere: semel in eo, quod infidelitate se polluant: iterum autem propterea, quia rempublicam ambitionis insimulant, quae profecto nunquam *Pisas* sui juris facere concupivit, sed tantum libertati restituere, quemadmodum se facturum unà cum ipsis initio spopondisset. His igitur atque aliis unius *Ludovici* artibus (nunquam enim quiescebat) cum suum magnopere *Florentini* exercitum autumnus mensibus amplificassent, reipublicae autem copiae multis essent partibus attenuatae, *Paulo* imperatore *Butrium* aggressi per deditionem oppidum capiunt: eo tamen ita capto, omnibus tormentorum magistris, ne amplius exercere artem possent, manus dextras praeciderunt, suaeque cujusque collo appensa, eos dimiserunt. quorum pars ad urbem veniens sese Patribus commendavit. Patres quoad viverent, stipendium singulis cum vacatione omnium munerum tribuerunt. illi manibus ferreis fabrefactis se ad artem redituros, & reipublicae usui futuros, suasque injurias, si *Pisas* remittantur, vindicatu-  
Genuesium foedus cum Florentinis.

ros, si *Pisas* remittantur, vindicatu-  
Butrium oppidum captum.  
Magistris tormentorum dextrae abscissae.

ros, si *Pisas* remittantur, vindicatu-  
Pisa à Paulo Vitellio oppugnantur.

Arrogantia in Magistratus quorundam metata.

Venetorum apud Lunam & Cassinam clades.



exploratores significatâ, repulsi à propugnatoribus, tum inreditu ab hostibus intercepti, magnam cladem acceperunt. Vico capto, & clade accepta, Senatus censuit, uti *Perusia* milites conscriberentur numero adduo millia: &, quod *Senarum* civitas per suos fines iter reipublicæ copiis non dabat, *Petrum Medicem Guidumque Ubaldu* in *Flaminiam* vocavit, ut per *Faventinorum* fines in hostium agrum irrumperent. ea enim de causa cum ad eos *Jacobum Venerium* legatum misisset, civitas concilio convocato, reipublicæ copias sententiis propè omnibus recipiendas censuerat. Itaque etiam *Hestori* puero poenitentia ducto, quod se per suos malis artibus à republica distrahi permisisset, pristinum Senatus locum gratiæ restituit, cum reliquis stipendii veteris, novo stipendio tradito. Hostes interea *Pisanum* vicum, quem quidem murorum parte magna tormentis nudaverant, restituant. *Veneti* se in *Pisaurum* suburbii vallo cinxerunt. *Librasactæ* autem in colle, qui è regione oppidi est, castello excitato, clastariisque septuaginta cum tormentis introductis munierunt, quæ tamen eis cura studiumque haud multum contra *Pauli* artes profuit: nam cum illi *Librasactæ* copiis omnibus profecto, diesque complures castellum oppugnant, parum usui cætera fuissent, cuniculis partem muri sustulit, submissisque per ruinas militibus, non tamen sine cæde, castello est potitus. Eo capto, *Librasactæ* jam & ipsum tormentis murorum parte nudatum, tridui spatio ad deliberationem sumpto, se dedit.

Rebus apud *Pisas* in adversum reipublicæ labentibus, & *Paulo* nihil eorum, quæ ex usu esse possent, prætermittente, Senatus decrevit, ut *Guidus Ubaldu*, *Petrus Medices*, per *Faventinorum* fines *Maratam Crispinumque* municipia, natura magis quàm artificio communita, quæ prima eo latere in hostium sunt finibus, aggredierentur, ut illis expugnatis, aditus in agrum *Florentinorum* eis pateret. Itaque tormenta ad muros dejiciendos *Ravennam* Patres miserunt, quæ eò supportarentur: *Joannemque Paulum Gradonicum* & in *Ubaldu* exercitu *Quæstorem*, & *Græcis* equitibus, quos ei præstò esse jusserant, præfectum legerunt. *Julianus* autem *Medices*, *Petri* frater, cum *Faventiam* prior venisset, *Maratam* profectus ab oppidanis libentissimis recipitur. *Laurentius Medices* enim recordatione, magni clarissimique viri, eorumque municipio amicissimi, qui civitatis principatum multos annos obtinuerat, permoveri sese dixerunt, ut quam benevolentiam patri, si viveret, se debere sentiebant, filio præstarent. *Maratæ* arx summo in colle posita militibus referta sese tenuit.

Interim *Bartholomæus Livianus* ex *Ursina Romanorum* gente in *Medicum* partibus, homo paratissimus, *Faventiam* & ipse cum equitatus parte præmissus, milites centum quinquaginta, quos in *Ferrariensium* finibus *Catharina* scripserat, atque ad se venire jusserat, in itinere aggressus omnes cepit, armisque exiit. *Petrus* medio inter *Maratam Faventiamque* spatio, ne commeatus intercludi eis posset, *Guido Ubaldo* relicto suis cum equitibus militibusque mille, jugum, quod *Maratæ* arcis imminet, capit: tormentisque in eo jugo positis muros dejicere aggreditur. Iis vallo portæ diruto, legatus, qui in arce erat, sibi veritus, ac domum clam recurrens, ejus capiendæ occasionem hostibus utique dedisset, si ejus fuga cognosci potuisset. Ille verò ad arcem defendendam, quæ maximo momento ipsorum rebus esset, civitatem incitans, majoris etiam præsidii celeriter eodem submitteudi causam præbuit. quare effectum est, ut, tametsi in ea oppugnatione

A complures dies exercitus reipublicæ consumpsisset, arx tamen capi non potuerit, quoad *Joanne Francisco Severinate*, *Gaspareque* ejus fratre cum exercitu ab *Ludovico Forum Livii* missis, ut unâ cum *Florentinorum* conjuncti copiis in *Ubaldu* impetum facerent, *Petrus* & *Julianus* oppugnationem relinquere coacti sese *Ubaldo* adjunxerunt. *Baliones* tardius profecti *Ravennæ* constiterunt.

Itaque cum in magna consiliorum inopia Patres versarentur, *Paulo* modis omnibus *Pisanas* res urgente, novo exercitu reipublicæ nihil proficiente, *Franciscus Mantuanus* Senatui se obtulit, si ei pristinum locum gratiæ restituat, illi præstò celeriter futurum, veteremque suam fidem magno cum reipublicæ usu tam dubiis temporibus præstaturum. Re à Patribus agitata, *Decemviri* priore judicio in *Franciscum* rescisso, ac lege missionis antiquata, Senatui permiserunt, uti de eo, quod sibi è republica videretur esse, id statueret. Eo cognito *Decemvirum* decreto, *Franciscus* equites levis armaturæ septuaginta, quos ad *Catharinam* miserat, statim revocavit, & *Ravennæ* jussit esse reipublicæ obtemperaturos: & *Joannem* fratrem ad urbem misit actum Patribus gratias, tum ut militiæ conditionem à Senatu acciperet. Senatus *Francisco* equites cataphractos ducentos quinquaginta, *Joanni* centum attribuit: qui si numerus in tempore expleri ab illis non posset, binos equites sagittarios unius cataphracti loco uterque eorum conficeret: statuitque ut ex reliquo equitatu reipublicæ tot ad hos cum præfectis adjungerentur, ut essent omnes octingenti, quos *Franciscus* secum adduceret. itemque ut milites ter mille magistratus *Taurisani*, *Vicetini*, *Veronenses*, *Brixiani*, *Bergomates* celeriter conscriberent, qui *Francisco* traderentur, ut *Pisas* vel invitis iis, per quorum fines iter esset faciendum, pervenire posset: legatumque ei *Nicolaum Fuscarenum* declaravit. Senatus consulto accepto, *Franciscus* è vestigio ad urbem venit, Principisque pedibus propè advolutus, tempus dixit sibi exoptatissimum venisse, ut fidem studiumque in illum suum, atque amorem erga rempublicam, quem à puero susceptum constantissimè semper coluisset, improborum, eorumdemque invidorum hominum maledictis offusum & interpellatum Senatui probaret. Patres ei libras auri centum in stipendii partem numerari statim jusserunt, quibus decem dono datæ adjungerentur. Iis *Pisas* rebus celeriter perlatis, civitas animos jam propè infractos confirmavit, spemque cepit, fore ut hostes non diutissimam ex recenti victoria lætitiâ essent habituri: seseque ad omnem oppugnationem sustinendam, dum auxilia instituta adducerentur, comparavit. Neque tamen ea porro fama deterri *Joannes Bentivolus* satis potuit, ut per suos vellet fines exercitui reipublicæ, Senatu postulante, iter dare, quod diceret, sibi apertissimè *Ludovicum* denunciavisse, si id faceret, exules se *Bononiam* rediturum, atque illum principatu oppidoque ejeturum: tanta tamque atrox in rempublicam æmulatio, tam averâ à bonis moribus cupiditas ejus mentem atque animum occupaverat. Sed fuit ea plaga levior: vel enim vi contendere *Joannes* noluisse, vel copiis multò majoribus exercituque firmiore per *Faventinos* in hostiles iri fines atque irrumpi potuisset. illa gravis, quod statim *Franciscum* à suscepti cura muneris novis pollicitationibus *Ludovicus* avertit: misso enim ab Senatu legato, cum ad professionem suscipiendam admoneretur, quod reliquæ copię jam convenissent, nolle se dixit proficisci, propterea quod ab *Ludovico* meliores ei conditiones proponerentur: quibus quidem conditionibus se addixisset, quo

Franciscus Mantuanus in gratiam redit.

Franciscus levitas & inconstantia.

Librasactæ castellum.

Laurentius Medices.

Maratæ arx.

Maratæ arcis oppugnatione.



quoniam Patres, quo se nomine appellarent, nihil dum deliberavissent: itaque libras auri novaginta ex centum, quas in urbe acceperat, *Niccolao* restituit: decem, quæ essent reliquæ, se dixit reipublicæ militibus adnumeravisse, Conditiones autem erant huiusmodi: *Maximilianus* bello in *Italia* gerendo suis illum copiis imperatorem declaraverat. *Ludovicus* item suis. *Florentini* præfectum ipsorum loco. equitatus utriusque muneris magnus ei numerus ab singulis attributus: itaque nummi etiam eo nomine missi, sed à *Ludovico* tantum: *Maximilianus* enim suam modò unius auctoritatem in commune proponebat, pecuniæ nihil conferebat. *Florentini* propter belli diuturnitatem, quas afferrent, non habebant. Additum etiam conditionibus, ut, si bellum in reipublicæ finibus geratur, quicquid agri, quicquid oppidorum in regum *Mantuanorum* ditione aliquando fuisset, quod nunc *Veneti* possideant, id omne *Francisco* restitueretur. quibus intellectis rebus legatus à Senatu iussus domum rediit. Neque multò post *Joannes Francisci* frater se ad urbem contulit, velleque reipublicæ stipendium facere Patribus confirmavit. Patres eum missum fecerunt. Verum enimverò cum antea de *Francisco* restituendo Patres agerent, Senatus decrevit, ut is exercitus, qui *Marata* se receperat, *Antonium Ordelaesium* in *Fori Livii* regnum induceret, expulsa *Catharina*, quæ *Florentinis* auxilia in rempublicam miserat. Id cum propter municipium in foeminam impudicam & crudelem odium, tum pro *Antonii* factione posse ad exitum perducere Patres existimaverunt: sed provisus ad eam oppugnationem iis rebus, quarum exercitus indigeret, nova occasio Patribus oblata Senatum sententia removet.

*Sollianum* castellum.

Est in *Apennino Metaurensium* proximum finibus castellum *Sollianum*, cuius castelli ager ad *Florentinorum* fines pertingit: id castellum *Rambertus Malatesta* obtinebat. Is igitur *Rambertus* ad *Petrum Medicem* veniens ei ostendit, posse *Venetos* per fines suos in hostium, qui sibi finitimi essent, agrum atque vicos penetrare, nullo prohibente. facillimum esse docet, propterea quod nemo id cogitet, nemo vereatur, hostes eo ab latere imparatos adoriri, magnumque iis terrorem incutere, magnam perniciem inferre, antequam occurrere eis possit. cupere sese in reipublicæ fidem recipi: non sine reipublicæ usu futurum demonstrat, si recipiatur. *Medices* explorato ab eo itinere, reliquisque rebus cognitis, ad urbem celeriter venit, Patribusque rem denunciat. Patres *Rambertum* in reipublicæ fidem recipiunt, stipe annua quinque auri libris ei constituta. Reverso in castra *Medice*, reliquisque rebus à legato ducibusque constitutis, *Livianus*, cui quidem & item *Carolo Ursino*, *Virginii* filio, Senatus præfecturam equitum tradiderat, ad eam rem tentandam deligitur. Is itaque *Livianus* castris, quæ in *Foroli-viensi* erant, magno silentio profectus cum equitibus levis armaturæ ducentis quinquaginta, militibus octingentis, per *Cesene* agrum & *Solliani* fines noctu itinere confecto, ante lucem ad fanum *Camaldulense*, quod est in valle angusta magnis montibus circumdata, dum sacerdotes nocturnas preces facerent, pervenit: vocatisque qui portas aperirent, esse se reipublicæ *Florentinæ* milites, qui ad imperatorem mitterentur, patefactis portis fano capto, &, quoniam arcis vicem turri præalta parietibusque solidis præbebat, præsidio in eo collocato, ac refectis cibo potuque militibus, *Bibienam* oppidum eadem usus celeritate contendit: præmissisque paucis equitibus *Leonis* nomen antiqua eorum appellatione clamantibus (ea est enim significatio *Florentinæ* civitatis,

*Camaldulense* fanum occupatum.

A. quæ voce accipitur, & redditur) magistratum, itemque arcis præfectum ad speciem imperatoris iussu ad se vocatos retinuit, oppidumque cepit: statimque ad *Marcellum*, qui rem ei nunciarent, atque ut occisimè cum reliquo exercitu subsequi contenderet, hortarentur, misit. Legatus *Carolum Ursinum* & *Baliones*, qui ad eum aliquando tandem venerant, auxilio ad *Livianum* iussit percurrere. Ille interim aliud ad castellum profectus, eo capto, *Popium* venit celebre municipium, & sibi jam exemplo *Bibienensium* cavens: quod quidem ad municipium, infidiis cognitis, *Florentini* milites ducentos cum legato & stipendio miserant:

*Popium* municipium.

B. sed eos *Livianus* ex itinere congressus fudit, interfectis captisque compluribus: parumque abfuit, quin legatus caperetur, stipendiumque interciperetur. *Popio* deinde per imperatorem *Paulum* militibus sexcentis intromissis confirmato, *Carolus Balionesque* adveniunt. *Guidus Ubaldus* recensito exercitu, in quo erat *Hannibal Bentivolus*, à Senatu in reipublicæ militiam separatim antea subiectus, itineri se dedit. *Livianus* auxilio submisso castella hostium quatuor, quorum in uno erant milites ducenti, *Popio* circumfusa vi cepit. Venerat autem *Popium* cum militibus ducentis, etiam *Populonium* obtinens. *Guidus Ubaldus* eo in itinere tardior, quàm cogitaverat, fuit. propterea quod milites ad duo millia singillatim fugientes eum reliquerant, *Hannibale* furtim, ut id facerent, per suos cohortante, sub non dati in tempore stipendii querela: ejus enim fugæ initium ab iis, qui cum illo venerant, factum, Legatus postea quærendo reperit: tum illos ipsos qui aufugerant, propè omnes ex *Bononiensibus* fuisse cognovit. quinetiam *Hannibalis* equites clàm se quotidie castris atque turmis subtrahebant. jamque *Gaspar Severinas* cum equitibus à *Ludovico* missus ad ea loca pervenerat, *Ranutiusque* unà cum illo *Martianus*: cui, uti *Veneti* occurreret,

*Florentini* caesi.

C. *Florentini* mandaverant, etiam libræ auri centum *Florentiam* à *Ludovico* missæ, magno eis usui ad celeritatem, cujus res magnopere indigebat, adhibendam fuerunt.

Militum secessus.

*Livianus* aliud castellum cepit, vulnere in facie accepto, ac diripuit. atque illis ipsis diebus (hyems autem jam advenerat) milites ter mille, qui *Francisco* attribui debuerant, *Ravennam* sunt, ut ad *Marcellum* contenderent, missi.

Dum hæc sic administrantur, *Paulus* ad *Pisas* castris positus verberare muros tormentis cœpit. Id cum parum propter murorum firmitudinem processisset, crates in latitudinem quoquo versus

*Pisani* oppugnatione à *Paulo* interitura.

E. pedum denum, in altitudinem senum, inter se conjunctas noctu muris admovit, injecta milites uti murum suffoderent tecti cratibus imperavit. *Pisani* autem cum in muro consistendi propter tela multitudinemque hostium potestas esset nulli, fossam intra muros latam atque altam duxerunt, castellisque munierunt. *Paulus* turrim oppidi muro conjunctam dejecit: ea dejecta per ruinas militibus introire iussis, ubi fossam esse objectam, & *Pisanos* in aggere circumjectos hostes operiri, ut in fossa telis atque ignibus eos conficerent, & magnum irruentibus instare periculum cognovit, receptui cani iussit: paucisque post diebus in hostium captis ab se castellis præsidio relicto, castra movit, ut in *Clusentinos* saltus contra *Medices Livianumque* contenderet.

F. *Pisani* obsidione liberatis, *Græci* equites portis emissi castellum *Calcem* dejecto *Pauli* præsidio expugnatum diripuerunt. Classis præfectus, qui *Pauli* obsidionem unà cum reliquis sustinuerat, cum classiariis egressus, eosdem *Græcos* equites secum ducens castellum ad Pontem stagni ei appositum itineri, quod *Triturrita Pisas* ducit, magna

*Venetorum* in *Clusentinis* & stagni valle conatus.



magna ipsum opportunitate tormentis concussum ad deditionem compulit, agrumque *Pisanum* eo ab latere satis patentem ad sementes faciendas civitati colonisque restituit. Neque multo post iidem *Græci* equites, quod intellexerant in *Populoniae* fines *Clusentinos* homines, ut primum exercitus reipublicæ ad ea loca venerit, sua, quæ potuerant, armenta compulisse, eò celeriter profecti ingentem inde prædam abduxerunt: deinde *Volateranum* percurrentes agrum, præda onusti *Pisas* redierunt.

Paucis autem post diebus *Tarsias* unà cum *Valerio* quæstore & præfectis militum equitumque *Pisis* egressus, itinere in fines hostium medio ferre inter *Pisas Florentiamque* spatio ad castellum *Montopolim* noctu confecto, oppugnare portas coepit. Eæ cum ab oppidanis, qui clamoribus interea exciti undique convenerant, portæ defenderentur, *Tarsias* ad aliam castelli partem, quæ quod ab latere nihil timebatur, propugnatoribus vacua tum quidem erat, milites tacite atque celeriter misit. horum audacissimi atque levissimi murum per hastas sublevati conscenderunt, aliosque ut conscenderent, adjuverunt. intromissi portas aperuerunt: ita oppidum captum ac direptum est, nuptiarum apparatu, quas erant illo die oppidani celebraturi, prædæ militum atque direptui addito.

*Ubaldu* cum ad fanum *Camaldulense* pervenisset, quod quidem fanum, ejecto *Liviani* præsidio, ejus regionis homines recuperaverant, prælio aggressus portas irrumpere non potuit. itaque discedens, *Popiumque* versus ducens, *Græcos* equites, ut præcurrerent, dimisit. Ii milites hostium centum, qui molas frumentarias *Popianorum* muris propugnaculisque communitas, tormentis circum dispositis, custodiebant, aquila trajecta in fugam verterunt: quorum major pars tum caesa, tum capta, tormenta incensis ædificiis abducta. Id *Populoniam* obtinens cum intellexisset, ne intercluderetur, *Popio* relicto discessit.

*Ubaldu* *Bibienam* profectus, tormenta, quibus *Popianorum* muros dejiceret, à Senatu missa expectare constituerat: sed ea propter nives, quarum magna vis itinera impenetrabilissima reddiderat, adduci non potuerunt, exceptis levioribus minoribusque aliquot, quæ tamen ipsa vix ægréque sunt perducta. quibus cum nihilo fecius *Livianus* castellum *Orniam* obsidens, cui castello milites erant ducenti præsidio, brevi spatio cepit. Eò digressus ad castellum *Oualianum* castra posuit. oppidani casu *Orniensium* permoti se celeriter dederunt. itaque duobus captis castellis, cum pluviae continentes omnia itinera illuvie fœdassent, *Bibienam* rediit.

Tædet me ejus belli leviora conspectari: quis enim legat sine fastidio singula, præsertim si ad rerum exitus, ut plerumque fit, tantummodo properet? sed mihi facile veniam omnes homines duros puto, cum scierint illud me assequi hoc scribendi labore vel cum primis cupere, ne cui videar publicè gesta meorum civium, quæ nihil habeant dignitatis, silentio dissimulavisse.

Hostibus post hæc propter *Pauli* adventum ad sese (jam enim is in *Clusentinos* fines venerat) magnopere confirmatis, in *Veneto* exercitu de ducendo bello ducibus diversa sentientibus Senatus anni exitu decrevit, uti *Ubaldu* cum parte copiarum legatoque *Bibienæ* in hibernis se contineret, reliquam *Livianus* partem ad *Averniam* hibernorum causa deduceret. Is abest vicus à *Bibiena* septem millia passuum, monti vastæ crepidinis impositus, *Francisci* in deorum numerum recepti mora atque domicilio celebrer. Tum ut militum duo millia in *Ubaldi* finibus conscribere-

rentur, ad eosque mitterentur præsidii hibernorum causa, eodem Senatusconsulto constitutum. *Liviano* etiam propterea quod equites illius octoginta *Orniæ* præsidio relictis, ab hostibus furtim introductis capti fuerant, pecunia est amissis faciendis à Senatu dono tradita.

Antè autem quàm hæc ita fierent, *Ramberti* suavis, qui diceret, si sibi exercitus tribuatur, in vallem stagni sibi finitimam, quæ in *Florentinis* esset finibus, se irrupturum, quæ capta, priorem ad exercitum & commeatus supportari, & copiarum submitti facile possent, *Brixia* equites cum præfectis septem evocatos, *Joannem Paulum Gradonicum* cum *Græcis*, quibus præerat, equitibus, & militum non magno numero *Ravenna* profectum, Senatus eò mittendos censuit. Ii *Ramberto* duce usi, vallemque ingressi, castellis hostium quatuor captis, aliud castellum, quod erat communius, tormentis levioribus adorti, *Cyriacum* præfectum, virum fortem cum militibus sexcentis egressum, prælio commisso in fugam conjecerunt: *Turcam* centurionem cum plerisque occiderunt, castellumque ceperunt. neque tamen is exercitus propter nives impeditaque itinera ulli præterea usui reipublicæ fuit. *Gradonicus* etiam adversa valetudine implicitus, *Ravennam*, deinde ad urbem rediit.

Anno autem insequente vix inito, ex *Caroli Ursini* turma complures, qui nondum in hiberna convenerant, sunt cum castello, in quo erant, capti: captus etiam à *Gaspere Severinate* legati scriba *Marcelli*, ex *Ubaldi* finibus cum stipendio & commeatu & militibus quatercentis, *Græcis* equitibus ducentis, *Bibienam* sese conferens, in quos quidem *Severinas* difficillimis in jugis superiore loco impetum fecerat. pauloque post cum equites circiter quingenti à *Guido Ubaldo* in ejus fines propter commeatus inopiam missi, per angusta loca iter facerent, ab hostibus intercepti sunt, magnumque iis detrimentum est illatum: quorum plerique fuga capta itinerum ignoratione, in manus hostium, montanorum hominum, pervenerunt. Hic acceptis incommodis, Senatus *Nicolaum Ursinum*, paulò antè ab se stipendio auctum, cum equitibus gravioris leviorisque armaturæ octingentis, militibus quot contrahi & conscribi possent, commeatu, quem oporteat, *Bibienam* submittendum *Ubaldi* auxilio censuit. Ejus quoque uxor per sese, & milites, & commeatus, quod ad virum mitteret, comparavit: sed is valetudine tentatus, ab hostium ducibus cum peteret, uti medico ad se venienti iter darent, nihil impetravit: sibi autem paulò post morbo ingravescente domum redire cupienti, uti darent, impetravit: itaque cum paucis suum in regnum discessit.

Ad hæc intentis Patribus cum nuntiis esset crebrioribus allatum, à *Turcarum* rege classem non spernendam comparari, *Andream Zancanum* Senatus legatum ad illum misit. Causa mittendi fuit, quod timebat *Bajasetem* in rempublicam cum aliis de causis incensum, tum propterea, quod *Nicolaus Pisaurus*, classis legatus, navem onerariam unius ex regis ducibus, quos illi *Bassas* appellant, æstatis exitu in *Aegæo* deprefferat, bellum facere *Venetis* instituisse. Ea res autem sic acciderat. Dum *Nicolaus* apud *Mitylenem* cum triremibus quatuor iter faceret, & navis onerariæ bellicæ militibus, tormentis, reliquisque rebus omnibus ad pugnandum idoneis, instructissimæ amphorarum plus trecentarum, quam vento ferri viderat, appropinquavisset, vela uti demitterent, vectores admonuit: illi autem non vela modò non demiserunt, sed pilis ferreis, tormentis emissis, *Nicolai* præfectum interfecerunt, ac nonnullos ex remi-

Vallis stagni.

Turcarum contra Venetos apparatus & confilia, ejusque rei causa.

Montopolis castellum captum & direptum.

Camaldulense fanum recuperatum.

Avernia.



gibus sagittis celeriter coniectis vulneraverunt. Quod ubi fieri *Nicolaus* vidit, arma suis uti caperent imperavit, atque in navem *Thraciam* impetu facto eam expugnavit, cumque omnibus qui pugnae superfuerant, decessit. Erant ea in navi homines circiter ducenti quinquaginta. *Zancanius Byzantium* profectus magnum quidem classis apparatus institutum cognovit: à rege tamen nullo ostenso in rempublicam offensi animi indicio, liberaliter est acceptus: qui cum reipublicae bellum facere decrevisset, existimans, propterea quod ei *Ludovicus* receperat, eodem se tempore bellum in *Gallia* reipublicae illaturum, hostibus, eo ab latere occupatis, omnia sibi prosperè atque feliciter cessura: ut magis *Venetos* eluderet, foedus quidem cum *Zancanio* renovavit: sed foederis capita latinis scripta literis ei dedit. Est autem in eorum legibus, ut quae suae linguae verbis scripta non sunt, ea praestari non sit necesse.

Lex  
Turcarum de  
foedere,  
peregrini-  
nis litte-  
ris firma-  
to, non  
servan-  
do.

Erat tum *Byzantii* civis *Venetus Andreas Gritus*, qui mercaturam ea in urbe annos complures exercuerat, vir facie elegantia, corporisque pulchritudine, qua inter *Venetos* suae tempestatis omnes facile praestitit, & morum gravitate ac liberalitate insignis, eique nationi apprimè atque magnopere charus: is, quod omnia *Turcarum* instituta callebat, ea de re *Zancanium* admonuit, atque uti foedus verbis *Thraciis* conscriptum haberet, pro sua in patriam charitate illum est hortatus. *Zancanius* re tentata cum nihil efficere potuisset, cum foedere latinis scripto literis ad urbem rediit: néve nihil videretur attulisse, id quod ab *Gritto* ea de re *Byzantii* accepisset, Senatui reticuit. Ea foederis tam propensa renovatio magis etiam suspensos Patres fecerat, existimantes, ea de causa regem sua consilia suppressisse, ut eos imparatos atque inermes adoriretur, praesertim quod missae ad illum à *Ludovico* atque à *Florentinis* communi consensu paulò antè legationes multa de Senatu questae, nihil eorum, quae regis animum in rempublicam inflammare possent, praetermiserunt. quamobrem ut muniti ad omnes casus essent, Senatus decrevit, uti naves onerariae bellicae tres confestim ornarentur, eisque praefectus legeretur: lectusque est *Aloisus Marcellus*. uti navis item oneraria magna, quam *Sebastianus Marcellus* aedificari sibi curaverat, quaeque *Nauplie* tunc erat, armaretur, classique adungeretur. literaeque ad illum publicè datae, ut *Corcyram* navem adduceret: uti naves triremes triginta deducerentur: quarum navium decem ipsa in urbe, totidem *Creta*, sex in *Apulia*, quatuor in *Illyrico* magistratus *Veneti* remigibus atque militibus instruerent, pauloque post decem aliae triginta prioribus sunt additae.

Veneto-  
rum ad  
Aloisium  
regem  
legatio  
& mune-  
ra.

At *Aloisio* rege *Galliae* salutato, uti supra dictum est, legati sunt ad eum ire iussi tres gratulatum reipublicae nomine, *Antonius Lauredanus*, *Nicolaus Michaelis*, *Hieronimus Georgius*. Missae deinde ab Senatu regi dono *Aquila* in *Creta* insula captæ sexaginta, ex earum genere, quibus in aucupio reges uti consueverunt: pellesque pretiosiores canis ab summo inter nigrum colorem conspersae ducentae: quae ille munera vultu lætissimo accepit, egitque de iis Senatui gratias apud legatos, cum jam ii ad illum pervenissent.

Bretola  
oppidum  
captum.

Sed ea dum ad regem legatio proficiscitur, *Triulcius*, qui se *Asia* cum equitatu continuerat, *Bretolam* oppidum, quod quidem illis in finibus fratres duo in *Ludovici* fidem recepti obtinebant, capit. *Ludovicus* per legatum ea de re certiores Patres facit, eorumque consilium exquirat. Patres molesta sibi esse, quae intellexissent, legato responderunt: belli enim initium sese factum vi-

dere: ita se tamen *Ludovici* prudentia confidere, ut omnibus illum incommodis remedia celeriter adhibiturum esse non dubitent, praesertim cum is tantum auri possideat, quantum paulò antè ipsemet ejus legatus exploratum sibi esse palam dixerit.

Legatis in *Galliam* profectis rex proposuit, constitutum sibi esse, *Mediolani* regnum, quod sibi hæreditatis jure deberetur, ab *Ludovico* armis repetere: cupere se rempublicam ejus belli sociam habere. Illi se ad Senatum ea de re literas daturos dixerunt, eique, quod Senatus iussisset, renunciaturus. Illis autem in litteris legati adscripserunt, nihil praetermittere *Ludovicum*, per amicos regios orando, pollicendo ut se in Regis amicitiam insinuet.

Rex Gal-  
liae Vene-  
tos in bel-  
li socie-  
tatem  
solicitat.

Patres, re complures dies agitata, tametsi viderent periculosum esse, maximum amplissimumque regem sibi finitimum in *Italiam* adducere, tamen, propterea quod existimabant, neminem eo in regno perniciosiorem civitati esse posse, quam is erat, quem permultos annos habuissent, verebanturque, si regis amicitiam repudiarent, ne se is cum *Ludovico* in reipublicae fraudem conjungeret, quam certè societatem *Ludovicus* nullis non conditionibus esset accepturus, ut bellum ab se averteret, ei rei animum adhibuerunt. Accedebat ad superiores causas etiam hæc, quod non nihil recentes ac perpetuae in rempublicam *Ludovici* contumeliae, oblata propè à Diis immortalibus facultate, civium animos ad vindictam expetendam incitabant: nonnullos etiam augendi fines imperii cupiditas, iusto praesertim nomine, iustisque de causis, incendeat, ut sunt plerumque homines natura proclinati ad ea propaganda, quae possident. Itaque literas ad legatos dant, regi respondent, se cum eo consensuros, bellumque unà suscepturos atque gesturos, modò is ipsorum ditionem tutam ab se atque tectam velit esse. Ab legatis quærenti regi quamnam id ratione vellent fieri, quodve septum suis finibus aut propugnaculum exposcerent: responderunt, si *Cremonam* oppidum reipublicae concesserit, cum eo agro finibusque omnibus, qui citra flumen *Abduam* sint, tutos se fore existimatos. Tum rex concessurum quidem se reipublicae eam, quam peterent ex *Ludovici* regno partem, recepit, quam quidem sciret esse totius regni optimam atque opulentissimam, *Leco* tantummodo excepto, de quo nulli cedere statuerat (id est municipium in laeva *Abduæ* è lacu *Lario* exeuntis ripa) petere autem & ipsum pro iis rebus ab republica equites in id bellum septies mille, milites sex mille, auri libras mille: ea sibi datum iri si polliceantur, foedus se cum illis initurum.

Lecum  
municipi-  
um.

His intellectis regis postularis, Senatus legatis rescripsit, sese milites equitesque, quot rex peteret, in communè adducturos: de pecunia nihil polliceri, cum propterea quod tribus gerendis nullo interjecto temporis spatio bellis, *Gallico*, *Neapolitano*, *Pisano*, grandem pecuniam insumpissent: tum etiam, quia in id, quod ab *Turcarum* rege in praesentia bellum reipublicae imminet, ejus rei fama certioribus in dies nuntiis jam percrebuerat, ad classem comparandam satis superque civitas muneris atque oneris esset habitura. Ea rex cum intellexisset, in alium diem re dilata, ubi ea dies venit, pecuniam nisi dent, nihil se de foedere acturum legatis renuntiavit. Id ea causa fiebat, quod erant nonnulli magna apud illum *Galli* homines autoritate, qui *Ludovici* rebus favebant: ii cum palam regi obsistere, ne bellum susciperet, non auderent, existimarent autem *Venetos* ad conditionem dan-



da regi pecuniæ non descensuros, in eo illum ut perseveraret, hortabantur. nonnulli etiam fingi à *Venetis*, quæ de rege *Thracio* nuntiarent, dictitabant.

Turcarum  
classis in  
Venetos.

Accidit autem, ut dum hæc agitantur, literæ ab *Rhodiis* magistratu ad regem venerint, quibus rex literis certior fiebat, *Bajasetem* classem ingentem comparare, atque in ea cura dies atque noctes versari, ut quam posset maximam atque ornatissimam educeret. Ea intellecta re, *Venetos* nihil fingere ubi rex vidit, quinto Idus Februarias nulla pecuniæ mentione habita, iis quibus dictum est legibus foedus in omne tempus cum legatis percussit, ea etiam conditione foederi addita, ut, si quo rex tempore in *Italiam* transmitteret, bello *Thracio* respublica impediretur, ad auxilia ei danda non tenerentur.

Venetorum  
cum  
Aloisio  
rege  
foedus.

Icto foedere (quæ quidem res longæ alium, ac sibi *Ludovicus* persuaserat, exitum habuit: is enim, cum quis ei suorum, consensuros cum rege *Galliæ Venetos* contra illum diceret, bono es animo, inquebat, nunquam id Senatus decerneret: nunquam *Veneti* maiorem se finitimum sibi regem statuent esse: itaque in rempublicam quos volo, meo jure ludos facio, ejus rei non dubius, quin me malit, ita ut sum, quam regem *Galliæ* mei regni dominum) sed foedere concelebrato, *Ludovicus* sæpe se ipse accusans, qui nunquam id in animum potuerit inducere, *Joannem Franciscum Severinatem*, quem quidem ad *Pisanum* bellum bona cum manu *Florentinorum* auxilio mittere statuerat, retinuit, ut *Astam* versus, ubi jam *Triultium* copias cogere nuntiabatur, cum mitteret.

Interea cum in fines *Guidi Ubaldi Nicolaus* cum eo, de quo diximus, exercitu pervenisset, neque propter nives difficiliaque itinera, & hostium copias per angustos montium aditus & castella distributas, *Bibienam* se conferre satis potest confideret, civitas verò defessa stipendiis, in id bellum erogandis, furdior ad tributum vocem fieret, præsertim bello *Gallico* alia stipendia, alias impensas jam deposcente, Senatus *Herculi*, qui se reipublicæ pridem obtulerat, si vellet, se cum *Florentinis* curaturum, uti bellum pro ejus dignitate componeretur, aures tandem præbuit, permisitque ut ea de re agere inciperet. Ille primò per *Bernardum Bembum* patrem meum, qui *Ferrariæ* Prodominum gerebat, deinde per suos, quos in urbe interpretes habebat ad fallendum idoneos, sat bonis conditionibus propositis effecit, ut Senatus, existimans illum de conditionibus fidem servaturum, cum de iis ipsis Patres omnibus in sermonibus & collocautionibus antea egissent, atque inter ipsos *Herculemque* convenisset, potestatem ei faceret de *Pisano* bello, quemadmodum sibi videretur, ita statuendi: potestate ab utrisque tradita, *Hercules* cum legatione, quam ad illum *Florentini* miserant, cumque *Ludovici* legato ad urbem venit. In urbe cum esset, tres ei cives Principis collegium attribuit, qui ei præsto essent, si quid petere aut cognoscere vellet, atque ad principem Patres renuntiarent. Scripto autem nequedum prolato judicio, cum se id *Hercules* Patribus ostensurum esse diceret, ut, si quid aboleri aut commutari vellent, liceret, *Georgius Cornelius* unus ex principis collegio Patres est hortatus; afferri ad se libellos juberent, atque inspicerent, ne ignaris ipsis, quid *Hercules* indicaturus esset, sententia proferretur. Sed is reprehensus à Patribus, quid dicerent, non esse æquum data *Herculi* per Senatum potestate suo arbitrio judicandi, nunc ei leges velle imponere, si quæ scripserit, sint improbatum: si non sint, frustra inspicere quæ non improbantur, conticuit.

Herculis  
in rebus  
componendis  
conatus.

A *Hercules* octavo Iduum Aprilium sententiam tulit, ut remissis atque abolitis, quæcunque in *Florentinos* quoquo modo *Pisani* detrimenta eo bello intulissent, *Pisæ* restituerentur: ut reipublicæ auri libras mille octingentas *Florentini* darent annis duodecim expensi nomine: multis capitibus ad speciem *Pisane* rei meliorem in statum atque formam redigendæ, quam antea fuisset, summæ judicii additis: re autem, quibus ad pristinam servitutis conditionem temporis momento *Pisæ* reciderent.

B Biduo post *Hercules* salutatis Patribus, quorum nemo fuit qui cum non invitatus & non mœsto vultu viderit, vel etiam qui non de eo magnopere sit questus, quod fidem, quam reipublicæ dederat, tantis præsertim de rebus, non præstittisset, mediam per urbem verbis contumacibus & sibilis à populo explosus domum rediit. Senatus *Ferdinandum Herculis* filium, & *Bentivolos* patrem & filium, & *Baliones*, & *Marcum Martingium*, quo exercitus præfecto *Pisæ* usus fuerat, qui se omnes neque strenuè nec amanter eo bello gesserant, missos fecit. *Guidum Ubaldum* autem, qui valetudine curata se ad Patres salutandos invisendosque contulerat, præfectura equitum & stipendio confirmato, in reipublicæ fidem recepit.

C *Aloisius Galliæ* rex *Ludovico* bellum illaturus, ex eorum numero, quos consulere singulis de rebus consueverat, legatos *Venetos* facit. Ipse legationem ad Senatum mittit. Ad bellum equites ejus generis mille octingentos, quorum singuli more *Gallico* equites sex secum ducerent, militum numerum decem millium habere instituit. *Triultium* suis exercitibus in *Italia* præficit. *Veneti* ubi foedus cum rege ictum ab legatis intellexerunt, sacris in æde *Marcia* solemnibus ritu factis, foro apparatissimo verba foederis in vulgus pronuntiari pro suggestu voluerunt. Ea dum pronuntiantur, ventus coortus vexillum reipublicæ templi turriculis implicuit, vexilli parte abscissa, quod quidem postea ex eventu rerum portenti loco civitas habuit. Neque multo post alios regi legatos, *Marcum Georgium*, *Benedictum Trivisanum* Senatus creavit, prioribusque legatis, cum hi ad regem pervenissent, domum reditionis facultas data.

Portentum.

D Rex ætate media, suis in *Italiam* copiis præmissis, *Lugdunum* venit. Senatus exercitu & ipse comparato, *Melchionem Trivisanum*, *Marcum Antonium Maurocenum* legatos exercitui sublegit: alteroque ex duobus legatis, quos ad urbem rex miserat, una cum illis ad exercitum reipublicæ profecturo, ut rebus omnibus interesset, equis pro ejus dignitate, ac tentorium, & ferrea corporis tegumenta cum auri libris duabus à Senatu dono data.

Aloisii  
regis  
expeditio.

E Inter hæc *Federicus* rex *Neapolis* per suum legatum Patribus significavit, velle se equites quingentos *Ludovici* auxilio *Mediolanum* mittere. Patres, neque cum illa copia *Ludovico* profuturum, cui longè firmioribus præfidiis ad salutem opus esset, & se ea re inferri sibi magnam ab eo injuriam existimatos, regi rescribere legatum jusserunt, nullos planè homines majora in *Ludovicum* beneficia contulisse, quam sese: pro quibus ille rebus gratiam una tantum semper re, maleficiis contumeliisque, alia super aliam inferendis, reipublicæ retulisset: venisse nunc tempus, ut Deos iratos habeat, quos sefellit: rectius itaque cum facturum, si quieverit.

F Pauloque post *Ludovicus* ipse, si quo pacto *Venetos* placare posset, legatum ad Senatum misit: sed is cum *Ferrariam* appulisset, *Hercules* suum hominem ad Patres cum *Ludovici* literis præmisit, petiitque ut *Ludovici* legato ad eos venient.

Ludovici  
legati  
ad  
Venetos.



niendi potestatem facerent. In *Ludovici* literis erat scriptum, se magnis utilibusque de rebus suo & *Ascanii* fratris sui nomine legatum ad eos mittere: petere à Patribus ut reciperetur, mandataque cognoscerent. Patres lectis literis *Herculis* internuncio iusserunt, uti statim urbe discederet: literasque *Ludovici* legato regio legendas dederunt.

Gallorum in Insu-  
briam ir-  
ruptio.

*Triultius*, ad quem quidem regis duces duo cum equitum duobus millibus accesserant, in *Ludovici* regnum ingressus municipia complura partim vi cepit, partim ad deditionem compulit. *Novium* profectus, quod quidem municipium *Ludovicus* septingentis militibus intronissis communierat, tormentis ad murum positis, atque uno tempore omnium ferreis missis pilis oppidanos ita terruit, ut confestim se dederent. Milites in arcem recepti, cum se ad propugnationem comparavissent, tantus *Gallorum* militum impetus, & tormentorum reliquarumque rerum apparatus tam subitus tamque ardens fuit, ut quinque horarum spatio arcem expugnaverint, militesque *Ludovici* omnes ad unum interfecerint. quo successu ad celeritatem usus *Triultius*, paucis diebus castella numero ad viginti, *Tortonamque* oppidum cepit.

Is rebus cognitis *Antonius Maria Severinus Galeatii* frater, qui unà cum illo *Alexandriae* praerat, *Ticinum* rediit, neque ab oppidanis est receptus. *Veneti*, ubi à *Triultio* belli factum initium cognoverunt, exercitu equitum amplius septem millium, militum supra sex millium coacto, *Ollioque* flumine cum parte copiarum *Liviano* duce transmissio, plura uno die municipia per deditionem capiunt: reliquaque ad priorem exercitus partem adjuncta parte, parvo temporis spatio vicis castellisque, quæ cis *Abduam* flumen sunt, compluribus in deditionem acceptis, *Caravagium*, quod est ejus regionis caput, exercitum adducunt. Legati ad oppidanos miserunt, si se oppugnari sinerent, sese oppidum militibus tradituros. Ea nocte nullum est responsum datum: itaque stationibus militum ad oppidi fossas dispositis, legati ut muros manè quaterent se comparabant. Oppidani autem prima luce ad legatos venerunt, seque eis dederunt, arce excepta, quæ ab ipsis non tenebatur: eamque fuisse causam dixerunt, cur non se legatis e vestigio permisissent, quod arcem quoque tradere voluissent. Legatis introductis, missisque ad præfectum arcis internunciis, postridie ejus diei arx deditur, legato *Ludovici*, qui in ea erat, militibusque omnibus abundi potestate concessa, oppidanis postulantis. Hoc idem *Sonzinates* fecerunt. Sed arcis præfectus missio ad legatos internuntio, velle se arcem tradere sponte pollicitus, quæ quidem esset tormentis rebusque omnibus munitissima, ab eis petiit, ut sibi civitatem & jus comitorum darent. Illi ejus rei facultatem se habere nullam cum respondissent, literasque ad Senatum daturis recepissent, præfectus se in eo reipublicæ fidei velle permittere, ne qua propterea mora legatis fieret, liberaliter pronuntians, arcem tradidit.

Alexandria  
capta.

Isdem diebus parte altera *Triultio Alexandria* tormentis oppugnante, *Galeatius Ludovici* gener, qui oppidum defendebat, cum paucis clam noctu egressus *Mediolanum* abiit: qua intellecta re, complures ejus equites militesque oppido aufugerunt: itaque mane *Galli*, ab oppidanis introducti, oppidum capiunt.

Mediolani  
multus.

*Placentini* missis ad *Triultium* legatis, itemque *Ticinenses*, sese ei dederunt. *Mediolani* autem militibus *Ludovici* stipendium postulantis, cum eos *Ludovicus* ad quæstorem suum rejecisset, ille

A verò moram interponere ei rei vellet, milites multis illatis vulneribus quæstorem propè interfecerunt. Civitatis principes veriti ne diriperentur, simul quod novis rebus studebant, agrestes homines in oppidum adduxerunt, seseque munierunt. Quibus rebus cognitis, *Ludovicus* incitatae plebis studia, omniumque planè hominum in se invidiam pertimescens, liberos & concubinam (nam uxor mortem obierat) & *Ascanium* Cardinalem fratrem, *Federicumque Severinatem* item Cardinalem, *Galeatii* fratrem, oppido eductos *Comum* misit. Oppidani ubi *Ludovicum* suis rebus diffidere ipsum intellexerunt, concilio civitatis coacto, quatuor ex principibus legerunt, qui rebus omnibus præessent: si ad *Ludovicum* profecti, velle se oppidum regi tradere dixerunt: ejus autem rei causam ipsum dedisse, qui liberos & familiam emisit. *Ludovicus* intellecta civitatis voluntate, stipendio equitibus levis armaturæ quingentis dato, postridie ejus diei unà cum *Galeatio* genero equitibusque paulò plus ducentis discessit, cum reliqui stipe accepta ejus imperio se subtraxissent: arcemque artificio atque immani mole murorum omnibusque idoneis ad obfidionem sustinendam rebus, tum militum duobus millibus apprimè communitam, *Bernardino Curtio*, uni ex suis maximè intimis, cui supra cæteros confidebat, quemque ipse à parvulo aluerat, commendavit, cum eam tradere *Ascanio* fratri custodiendam, qui se illi obtulerat, noluisse. *Triultius* quadriduo post à *Mediolanensibus* magna hominum gratulatione in oppidum receptus est: reliqua oppida, quæ supererant, ei se confestim dederunt.

Mediolanum  
Gallis  
traditur.

*Venetis Cremonæ* appropinquantibus civitas legatos obviam misit, qui tempus ad deditionem peterent. quo tempore missis ad *Triultium* interpretibus, ubi se principes civitatis in ea regni parte, quæ ad reipublicam ex fœdere spectabat, esse intellexerunt, omni cum Senatu & sacerdotibus atque pontifice ad portas progressi, legatos unà cum ducibus accersitos sub tentorio sacro in oppidum introduxerunt: postulantesque ut tributis à *Ludovico* vel impositis novis, vel adauctis acerbissimè veteribus, civitatem leverent, impetraverunt. Erat in oppido arx perquam munita, difficilisque captu, si qua alia: eam *Petrus Antonius Battalio* à *Ludovico* acceptam custodiebat. Legati postridie ejus diei, qui arcem reipublicæ nomine ab illo peterent, miserunt. à præfecto interpretibus ultrò citroque missis, cum ei libras auri ducentas quinquaginta legati partim dedissent, partim se daturis recepissent, civitatem & jus comitorum ipse patrique ejus posterisque eorum unà cum domo urbana & fundo & villa in agro *Veronensi* Senatus permisso donavissent, arce sunt potiti.

Cremona  
Venetis  
dedita.

Eodemque ferè die *Triultius* auri libris item ducenties quinquagies *Curtio* numeratis, concessitque *Ludovici* & *Galeatii* suppellectile sanè regia, quæ in ea erat, *Mediolani* arcem, de qua diximus, tenuit. Ita is, cui fides ab sese data rata atque sancta nunquam fuisset, neminem habuit suorum, qui ei fidem, quam dederat, cum id facere nullo negotio posset, tam duro ejus tempore pauculos modò dies præstaret. *Cremonâ* in reipublicæ potestatem redactâ, magistratus, qui jus dicerent *Dominicus Trivisanus*, *Nicolaus Fuscarenus* eò missi: oratoresque adlecti duo ad priores alios, qui adhuc in urbe præstolabantur, *Nicolaus Michaelis*, *Benedictus Justinianus*: *Mediolanumque* unà omnes ire jussi ibi regem excepturi, eique reipublicæ nomine novo de regno gratulaturi, quos quidem postea rex, *Mediolanum* cum venisset, nam tum quidem esse in *Alpibus* dicebatur,



batur, perhonorificè tractavit, apud seque habuit. Eorum tres, quorum in numero erat *Antonius Lauredanus*, qui ex *Gallia* cum rege venerat, suo functi munere domum redierunt. Petierat ab legatis reipublicæ, qui in *Gallia* transalpina fœdus cum rege percusserant, *Ludovicus Lucenburius* regis propinquus, ut, cum ad urbem rediissent, sibi à Patribus civitatem & jus comitiorum impetrarent: itaque ejus postulatis intellectis, civitas utrumque munus *Ludovico* est elargita. Eadem liberalitas in *Hannibalem Anguscium*, qui arcem *Sonzinatum* reipublicæ legatis tradiderat, & *Marsilium* ejus fratrem collata: annuusque insuper proventus utrique dono additus. *Victor* quoque *Martinengius Brixianus*, unus ex principibus civitatis, *Joannesque Maria* ejus frater, ob eorum egregia in rempublicam officia, civitatem & jus comitiorum paucis post diebus sunt adepti.

*Ludovicus* in *Rhetos* profectus, ut exercitum

A cogeret ad *Gallos* repellendos (id enim fama vulgaverat) *Helvetiis Lepontiisque* tentatis nihil efficere, quod ex usu esset, potuit.

Rex adhibitis legatis, qui *Mediolani* erant, omnibus, velle se *Federico* regi bellum inferre pronuntiavit, ut regnum *Neapolitanum*, quod paulò antea *Caroli* fuisset, suam in potestatem redigeret. Cui statim *Hispaniæ* regum legatus, Ego verò, inquit, bellum tibi à meis regibus denuntio, si id aggredi statueris: non enim sunt passuri, ut propinquum suum regno quis ejiciat.

B Rex de eo se cogitaturum respondit. Deinde duos cum menses *Mediolani* fuisset, *Genuensium* civitatem certis conditionibus in fidem recepisset, *Triultium*, cui etiam *Vigevnum*, in *Ticinensi* agro oppidum, regiis ædibus atque ad venationes opportunum dono dederat, unà cum altero ex suis ducibus novi regni rebus omnibus præfecisset, in ulteriorem *Galliam* rediit.

*Aloisii* regis de *Neapolitano* regno occidendo ausus.

Regis in *Galliam* reditus.





# PETRI BEMBI RERUM VENETARUM

## HISTORIÆ LIBRI QUINTI

### EPITOME.

**C**orvorum ac vulturum in *Apulia* prodigiosa pugna. *Turcæ* ac *Venetorum* ad bellum apparatus. *Venetæ* classis cum *Turcica* pugna. *Naupactus* à *Turcis* capitur. *Antonio Grimano* classis imperium abrogatur. *Casaris Borgia* in *Flaminia* bella. *Ludovici Sfortiæ Mediolanum* reditus. *Ludovicus* & *Ascanius* capiuntur. *Turcici* belli progressus. Altera *Venetæ* cum *Turcica* classium pugna. *Methone* à *Turcis* expugnatur. *Pylon* à *Turcis* capitur. *Corone* item & *Aegina* à *Turcis* capiuntur. *Turcæ* se *Byzantium* recipiunt. *Aegina* à *Venetis* recuperatur. *Venetæ* classis res adversus *Turcas* feliciter gesta. *Samoethracia* à *Venetis* capitur. *Caroli Contarexi* supplicium. *Hispaniæ* reges classem *Venetis* auxilio mittunt. *Pylus* à *Venetis* recipitur. *Cephalenes* oppugnatur & capitur. *Consalvo* jus comitiorum datur. Præmia eorum, qui pro republica mortem oppetierant, propinquis data. *Venetorum* cum *Uladislao Pannoniæ* rege fœdus. Auxilia ab *Alexandro Pontifice Venetis* contra *Turcas* data, & sacræ pecuniæ summa. *Alexiani* se *Venetis* dedunt. *Baptiste Zeni* Cardinalis obitus. *Pylus* iterum à *Thracio* rege capitur. *Megara* à *Venetis* deletur. *Venetorum* & *Turcarum* varia fortuna. *Augustini Barbadici* ducis obitus. *Dyrrhachium* à *Turcis* capitur.

### LIBER QUINTUS.

**D**UM hæc in *Gallia* citeriore geruntur, ad *Bajasetis* novos motus, qui exercitum & classem magno studio comparabat, *Antonio Grimano* præfecto classis declarato, uti profectioem maturaret, Patres iusserunt. Is antequam conscenderet, propterea quod ab civibus, tot superiorum defessis continentium bellorum muneribus, lentè ac morosè tributa exigebantur, libras auri octoginta in remigum stipendia reipublicæ mutuò dedit: alteras octoginta secum se laturum est pollicitus, quibus *Corcyræ* reliquisque in locis ad classem constituendam uteretur.

Constat illis diebus in *Apulia* corvos vulturesque tanta ex aère vi tantisque agminibus inter se conflixisse, ut carri duodecim eorum cadaveribus explerentur.

*Corcyrenses* eum viderent in magnis parandæ classis difficultatibus propter temporis angustias rempublicam versari, quod *Bajasetis* classis vela jam facere dicebatur, polliciti sunt, si eis frumentum & tormenta subministrarentur, sese gripos sexaginta suis hominibus suæque pecunia ornatos, quibus *Antonius* eo bello uti posset. quod quidem *Corcyrensi* auxilium opportunè oblatum Senatus libentissimè accipiens, nummum aureum in singulos eorum, qui conscenderent, ad ea quæ petierant *Corcyrenses*, etiam addidit.

Jamque ab *Hiadertinorum* magistratu literæ ad Senatum datæ certiores Patres fecerunt, *Turcas* equites ad duo millia incurfiones in eorum fines fecisse, magnumque agrestium hominum numerum abegisse, neque postea discessisse, sed ibidem consedisse, quæ res omnem dubitationem expulit, quod esset classe rex irrupturus, cum in fines reipublicæ terrestres copias induxisset. nam eum nonnulli *Rhodiis* bellum esse illaturum etiam nunc arbitrabantur.

Lectione itaque legati duo, *Franciscus Ciconia*, qui in *Aetolia* & *Achaia* reipublicæ oppidis præesset: *Andreas Lauredanus*, qui *Corcyræ*: tum *Andreas Zancanius* item legatus cum præsidio in *Carnos* missus, cum Patres eo etiam ab latere *Turcas* impetum facturos comperissent. latum e-

Atiam, ut biremes complures ornarentur, quæ maris *Adriani* præsidio essent contra biremes *Turcarum*, quas *Eloi* fluminis ostio *Aulonem* deductas Senatus intellexerat: eisque biremibus *Augustinus Maripetrus* præfectus datus cum trireme una, quam ipse conscenderet. Ob eas res atque bellum, quod quidem fore omnium, quæ civitas cum *Turcis* unquam gessisset, maximum & formidolosissimum videbatur, aucta per Senatum urbis vectigalia sunt parte ex tertia, vini, panis, carnis, portoriis tantummodo exceptis: atque uti magistratus omnes urbani provincialesque mediam stipendiorum partem unius anni reipublicæ remitterent, lex lata: cautum tamen, ne

quadragesimavitalia judicicia ea lege tenerentur. lecti etiam viri, qui censum civibus omnibus pro cuiusque opibus decernerent, ea conditione, ut is quem decrevissent, reipublicæ à quoque cive census donaretur, si auri semunciam non excederet, supra id mutuò erogaretur: neque tamen auri libras tres ullius civis census posset excedere. Simul, quod illis ipsis diebus terrestres etiam equitatus & peditatus copias ex *Gallorum* regis foedere Senatus contra *Ludovicum* cogere, atque in *Galliam* mittere tenebatur, pecuniaque erat uno tempore in classem atque in exercitum separ-

ratim subministranda, lex est lata ut quæ civitates sub reipublicæ imperio in continenti essent, iis litteræ darentur, vellent pro suo in rempublicam studio tam difficili ejus tempore subsidii nomine pecuniam publicè ad urbem mittere, sua cuique civitati dicta & constituta summa, *Patavinis* auri libris centum, *Vicetinis* octoginta, *Veronensibus* totidem, *Brixianis* centum viginti, *Bergomatibus* quinquaginta quinque, *Taurisanis* quinquaginta, *Cremensibus* viginti, cæterisque item infra hæc: quæ quidem civitates, ut in rebus tam urgentibus, lubentes atque alacriter suam quæque partem in ærarium contulerunt. *Alexander* etiam Pontifex Maximus omnium proventuum, quibus sacerdotes in imperio reipublicæ fruerentur, partem plus tertiam in id bellum Senatui concessit, Cardinalium sacerdotiis exceptis.

Iis administratis rebus, æstatis parte jam præterita

Corvorum ac Vulturum prodigiosa pugna. *Corcyrensi* auxilium *Venetis* ablatum.

*Turcarum* irruptio.

*Venetorum* apparatus ad bellum *Turcicum*.

Vestigalia aucta.

Census civium.

Lex de pecunia subsidia civitatum reipublicæ *Venetis*.

Pontificis largitas.

*Turcarum* classis.



terita *Bajasetis* classis navium omnis generis circiter ducentarum septuaginta, quo in numero erant triremes septuaginta, biremes quadraginta, naves duae onerariae immani magnitudine, freto egressa, *Eubœamque* insulam prætervecta, ad reipublicæ in *Achaia* littora se convertit: & exercitus maximis instructus copiis, cui præerat rex ipse, terrestri itinere eodem proficiscitur: cum rex, antequam *Thessalonica* discederet, cives *Venetos*, qui *Byzantii* commorabantur, in vincula conjici mandavisset: in quibuserat *Andreas Gritus*, de quo supra dictum est. Is quod ad magistratum, qui erat *Naupacti*, charitate patriæ juvenilem animum stimulante, literas notis conscriptas omnibus de rebus, deque regiis consiliis dederat, duriore conditione quam reliqui omnes in custodia fuit: parumque absuit, quin interficeretur.

*Antonius* magna diligentia omnibus ex reipublicæ maritimis municipiis atque insulis classe celeriter coacta, pulcherrimæque instructa, quæ quidem erat triremium quadraginta sex, longarum navium ex iis, quæ ad mercaturam proficiscuntur, decem septem, navium onerariarum numero ad quadraginta, biremium & reliquarum item quadraginta, *Methone* ex anchoris, quid *Turcæ* facerent, circumspiciebat: pauloque post è portu apud *Acritam* egressos appropinquare eos intelligens, ad *Sphagiam* insulam, quæ contra *Methonem* est, vela cum omnibus navibus facit.

*Venetias* cum esset nuntiatum, classem *Thraciam* ad ea reipublicæ littora processisse, quibus in littoribus & portubus esset *Veneta*, neque esse dubium quin sint congressuræ, supplicatio est à Senatu decreta: tum in sacrarum virginum & sacerdotum collegia farinæ triticeæ sextaria trecenta dono data: atque auri libræ quinque remigibus senectute aut valetudine affectis, qui aliquando stipendia in classibus reipublicæ fecissent, per urbem distributæ.

*Antonius*, constituto qua ex parte hostes, quotque cum triremibus quisque legatorum aggrederetur, quemque locum præfecti navium onerariarum majorumque longarum caperent: quot naves post reliquas, ut subsidio laborantibus essent, se continerent: media ipse in acie, quatuor circum se triremes ducens, provectusque paululum in mare, cum naves *Thraciæ* non longe ab eo iter facerent, possetque illas secundo vento aggredi, prælium tamen distulit. At *Aloisius Marcellus* navium onerariarum præfectus, ut ei erat imperatum, paulisper se ad classem hostium convertit: qua re animadversa, illi statim alia insulæ parte se in portum, qui *Longus* appellatur, receperunt. Constat autem illis diebus ita eos reipublicæ classis nomen perhorruisse, ut multi se suis cum navibus littori applicuerint, quo facilius, si classes congrederentur, terra fugam caperent. *Antonius Methonem* rediit: idque cum bis terque postea paucorum dierum spatio accidisset, ut & *Turcæ* portu egressi conspecta classe *Veneta* in eundem portum redierint, aut in proximum se intulerint: & *Antonius*, eductis navibus ut confligeret, visis hostibus, cum ei visum non fuisset congregi, eos redire aut progredi sine impedimento permiserit: *Turcæ* audientiores facti, quod existimarent *Antonium* metu percussum ea facere, pridie Idus Sextiles se, ut iter facerent, explicabant. Erant autem non longè à *Methone*, littori, quam mari aperto, propiores. *Antonius* classe educta, quod superioribus fecerat diebus, ut, quemadmodum ab initio communi legatorum & præfectorum omnium consilio constituerat, in eos impetum faceret, se comparabat. Atque eo ipso tempore *Andreas*

*Lauredanus Corcyrae* magistratus advenit, gripos undecim, & naves onerarias quatuor, in quibus erant milites plus mille, secum afferens. Is ad *Antonium* recta profectus, venisse se ad rempublicam auxilio juvandam proponit: petit, ut quid se facere velit, imperet. Erat in *Andrea* magnus animus, magna virtus, plurima belli & rerum maritimarum experientia: itaque illo viso universa classis clarum lætitiæ signum dedit, salutatusque est plausu vocibusque militaribus mirandum in modum. Id an ægrè tulerit *Antonius*, venisse hominem, qui si quid rectè sit administratum, favore vulgi atque benevolentia ejus rei omnem sibi laudem præripiat, explorati nihil habeo: multi quidem certè crediderunt, & testatum reliquerunt. Sed illi navem onerariam ex duabus magnis reipublicæ navibus, quas habebat, uti conscenderet, eique imperaret, permisit.

*Andreas* cymba ad navem statim vectus (neque enim temporis exiguitas longiorem moram dabat) in eam sese intulit. Altera in navi magna reipublicæ erat *Albanus Armerius* præfectus. Is, ubi est imperatum ut in hostes impetus fieret, quod sciebat de concilii sententia datum sibi negotium ab *Antonio*, ut navem *Thraciam* alterutram ex duabus, de quibus supra dictum est, adoriretur, ad eam ex illis, quæ quidem erat vastior, contendit. *Lauredanus* sua cum navi ad navem hostium alteram appropinquat. Sed ea, fuga comparata, in mare sinistrorsum se proripuit. Tum *Lauredanus* suam & ipse navem in majorem hostium navem convertit: quam cum essent ambo consecuti, injectis manibus ferreis eam reliquant. Erant in nave *Thracia* milites mille, qui se cominus acriter fortiterque defendebant. Id dum fit, ignis in navem hostium jactus puppim succendit: qui extingui cum non posset, neque nostris navibus explicandi se ab illa facultas daretur, vento latus naves *Venetæ* comprehendit: ita tres earum classium maximæ instructissimæque naves conflagraverunt. Sed fuit quidem eorum, qui in navi *Thracia* erant, longè casus atque fors melior, propterea quod *Turcæ* reliqui, ubi suam comburi navem viderunt, biremes naviculasque aliquot eò celeriter miserunt: eæ biremes atque naviculæ, qui se in mare projece- rant milites, quod necesse erat fieri, eis auxilio fuerunt, omnesque sustulerunt. Nostris homines, quibus in tempore subsidium adesse non potuit, cæsi ab iis, qui suis venerant auxilio, omnes interierunt, præter paucos ex utraque navi, quos *Thomas Duodus*, qui in oneraria erat, suæ navis scapha sublatis conservavit: præterque *Albanum*, quem *Turcæ* inter suos è mari captum sustulerunt. Processerat eodem impetu atque ardore animi unà cum *Albano*, cumque *Lauredano* navis alia oneraria non ita magna, ut naves *Thraciæ* adoriretur: sed ea pilis ferreis, ab hostium navibus pugnae initio coniectis, depressa, suis cum militibus interiit. Unus *Vincentius Polanus* triremem, cui præerat (erat autem ex iis, quæ ad mercaturam instituuntur) in classem *Thraciam* magno animo intulit. Is parvo temporis spatio circumscriptus ab hostium longis navibus omnis generis compluribusque, cum se fortissimè horas duas defendisset, navesque hostium nonnullas tormentis perforavisset, ipsos audacter in ejus sæpe navem conscendentes interfecisset, aliquot ex suis amisisset, vulnerata parte plurima, coorto fortè vento, velisque factis sese hostibus eripuit. Ex reliquis reipublicæ navibus nulla cominus congressa, pilis tantum è longinquo emissis, omnes in mare dexteram ad partem, classe hostium relicta, abierunt: ex quibus *Aloisius Marcellus* in navem hostium

Pugna  
classis  
*Venetæ*  
cum  
*Turcis*.

Navium  
confla-  
gratio.

one-

Veneto-  
rum clas-  
sis.

Suppli-  
cationes  
& elec-  
mosynæ  
pro vi-  
ctoria  
conse-  
quenda.



onerariam incidens, injecta manu ferrea eam secum abduxit, longèque ab reliquis navibus captam atque direptam incendit. Ibi *Antonius* animo turbatus, ob eos eventus, quos tristes conspexerat, nihil præterea tentare ausus, se recepit. Classis *Thracia* eodem ipso in loco se continuit. *Veneti* ad *Prodonum* insulam jactis anchoris constiterunt, cum tamen naves onerariæ complures majoresque triremes propè omnes biduum ferè, antequam eò convenirent, consumpissent. *Albanus* postea *Byzantium* productus, dum ei rex vitam se concessurum dixisset, si *Mahumetum Turcarum* deinceps coleret, negans id unquam se facturum, in duas sectus partes magna constantique voluntate mortem obiit.

Petierat ab *Aloisio Gallie* rege jam à primo *Bajasetis* apparatu *Rhodiorum* magistratus classem, qua se tueri posset: propterea quòd eam ad insulam atque oppidum suas esse copias, suamque classem *Bajasetem* illaturum, multorum vocibus & nuntiis afferebatur. Rex ne sui regni initio parum diligens ad reipublicæ Christianæ partes munendas atque tuendas videretur, classem navium duarum & viginti in *Gallia* provincia coactam ad *Rhodos* miserat: ea classis uti cum classe reipublicæ se conjungeret, quòd *Rhodiis* navium nihil opus esset, Senatus ab Rege libentissimo impetraverat: qui etiam omnes suas opes, seque ipsum per litteras, perque legatos in id bellum reipublicæ obtulisset. Itaque dum *Antonius* eo loci est, nuntiatur ei classem *Gallicam Zacynthi* esse: qua intellecta re, ipse tota cum classe *Zacynthum* profectus cum illa se conjunxit: ad quam quidem *Rhodi* & ipsi naves onerarias tres adjunxerant. Classis interim *Thracia* inferius aliquanto ad eum locum, qui *Tornesium* appellatur, se receperat. *Antonius* *Gallique* eam aggredi communi consilio decreverunt: itaque cum omnes, ut videbantur, alacriter ad eam *Zacyntho* contendissent, animadversum est *Turcas* classem ad litus accommodavisse, sic, ut ferè terram puppis tangeret, proras navium in mare convertisse. Ea re cognita, *Antonius* naviculas onerarias sex, minus ad bellum idoneas, hominibus, tormentis, cæterisque rebus ablatis, ulva sicca implendas curavit, pulvere ad comprehendendum ignem idoneo interjecto, quas incensas classi *Thracia* objiceret. Is dies ea in re consumitur. Postero die manè iis cum navibus triremes magnæ sexdecim *Antonii* jussu ubi se in hostes promoverunt, illi statim classis partem contra eas miserunt: quibus visis, *Venetæ* triremes sese continent: *Turcæ* progressi naviculas sex eas, quæ remulco longarum navium processerant, ab iis relictas qui attraxerant, capiunt. *Veneti* ea re commoti, in illos se concitant, atque usque ad classem infecuti, aliquot eorum navigia deprimunt. triremesque tres & biremem unam cum hominibus capiunt. Biduo autem post, cum omnino aggredi classem *Thraciam* *Antonius Gallique* statuisent, atque ad eam proximè accessissent, ut tormentorum pilæ in hostes mitterentur, nescio quo fato paululum commorati redierunt: id quod à *Gallis* damnatum fuit. Demum eo triduo hostibus vela facientibus, ut finum, qui proximus erat, caperent, *Antonius* classem explicuit, eosque consecutus cum aggredi suo vento posset, eodem iniquo fato, ut tunc quidem creditum fuit, se continuit: aliquot tamen naves longas hostium audacter progressas, quæ paulò ulterius ex *Venetis* processerant naves, facto in eas impetu, ceperunt. Quod si reliquis eadem vis animo fuisset, hostes deleri facile potuissent: omnibus enim illis diebus, quibus parte aliqua prælium commissum est, cum plures naves *Thracias* mili-

Albani  
Armerii  
miserri-  
ma  
mors.

Gallica  
classis  
Zacyn-  
thi.

Pericu-  
lum in  
mora.

tibus rebusque omnibus instructas *Veneti* ceperint, nulla tamen ex eorum navibus cum hominibus est capta. Quinetiam illud accidit: extrema erat navis una oneraria *Gallorum* eo in reditu, ut sæpè fit, multò reliquis tardior: itemque ex *Venetis* altera: in eas præfectus classis *Thraciæ* magnam suarum navium partem convertit, ut plus triremes ac biremes triginta navem *Gallicam* circumfisterent, *Venetam* plus viginti: quæ tamen duæ cum acriter diuque oppugnantur, præter pilas tormentorum, quas hostes ejaculaverant, sagittarum vi tanta in eas conjecta, ut mali, antennæ, plutei, latera earum denique signorum modo sagittis consilipatis fixa essent, complures hostium biremes deprefferunt, ut reliquæ magno accepto detrimento eas reliquerint.

*Galli* post hæc cum sibi nulla in re defuisse viderentur, cognoscerentque fortunam omnibus nostrorum conatibus adversari, *Antonio* relicto abierunt. hostium classis *Naupactum* se contulit: eodemque antea rex cum magno exercitu erat profectus. Is cum oppidum terra marique uno tempore cinxisset, nullo à nostris auxilio allato, oppidani coacti deditionem faciunt.

Hæc ad urbem allata, civium animos, qui longè alium rerum exitum expectabant, magno dolore affecerunt: cumque vulgò legati, reliquique, qui separatim aut navibus onerariis imperaverant, aut longis præfuerant, hominum sermonibus carperentur, *Antonius* ante alios, totius populi, quemadmodum imperatoribus, qui res minus feliciter tentaverint, plerumque accidere solet, maledictis lacerabatur, quod is tantam tamque speratam, atque à diis immortalibus oblatam, ac planè traditam augendi imperii facultatem suis è manibus dimisisse videretur, si eam hostium classem *Antonius* justo prælio superavisset, prout eum facere potuisse existimabant, omnem *Peloponnesum Græciæque* oram *Eubœamque* insulam sub reipublicæ imperium redigere illum nullo negotio potuisse: nunc cum omnia secus, quam speraverant, evenisse intelligerent, ac *Lauredani* & *Armerii* interitus memoriæ hæreret infixus, omnes magno odio in eum ferebantur, acerbiusque accusabant.

His atque talibus causis Patres moti, legem in *Decemvirum* collegio tulerunt, ut *Antonio* præfectus classis sublegeretur, qui statim conscenderet: ipsi imperium abrogaretur. Et quoniam *Thomas Zenus*, qui magni animi, magnæque virtutis esse vir ab omni planè civitate existimabatur, fisco pecuniam debebat, fisci autem debitoribus antiqua lege magistratus mandari nullus poterat: uti *Thomæ Zeno* ea lex fraudi ne esset, quo minus ei navium præfectura quælibet attribui per Senatum possit, in lege *Decemvirum* est additum. Itaque & *Malchioni Trivisano*, qui legatus bello *Gallico Cremonam* illis diebus per ditionem ceperat, majoribus comitiis classis est imperium delatum, & à Senatu præfectura longarum navium majorum decem septem *Zeno* tradita magna cum potestate: lectique à Principis collegio earum navium præfecti tredecim veterum præfectorum loco: qui omnes statim profecti sunt cum militibus triginta quilibet. Latum etiam de veteribus, ut ob malè gestam rempublicam ad urbem redirent, custodiæque tradarentur. datumque *Triumviris* ex advocatis reipublicæ negotium, ut eos in judicia deducerent, quibus à judiciis, qua meriti essent, pœna condemnarentur. Idemque postea de *Antonio* constitutum. Lectus etiam per Senatum, qui *Coreyræ* magistratus esset, *Lucas Quirinus* cum militibus mille oppidi præsidio. Is & *Zenus* sine mora sunt

profes-

Classis  
Venetæ  
& Galli-  
ca cala-  
mitas.

Naupac-  
tum à  
Turcis  
occupat-  
tur.

Antonio  
Grimani  
classis  
Impe-  
rium ab-  
rogatur.

Lex de  
fisci de-  
bitori-  
bus.

Coreyræ  
magistra-  
tus.



profecti. pauloque post *Malchio Cremona* à Senatu accersitus vexillo reipublicæ accepto conscendit, cum ei libras auri ducentas quinquaginta, quibus in classem uteretur, Patres ex ærario dedissent. *Zancanius* mense *Quintili* in *Carnos* profectus, ut ab hostium impetu, quos eò Patres venturos intellexerant, reipublicæ fines tueretur, ratione hominum, qui ferre arma poterant, earum regionum habita, quorum fuit numerus circiter centum viginti millium, Græcis equitibus, & levis graviorisque armaturæ *Italici* quamplurimis peditibusque coactis, munitissimo in castello apud *Sontium* flumen, quod *Gradisca* appellatur, paulò ante nostram ætatem publicè exadificatum, multos est dies commoratus, dum ad eum ex *Gallico* exercitu auxilia convenissent.

Turcarum excursiones violentæ.

*Turcæ* interea equites septem millia magno ac difficili itinere confecto per *Japidum* & *Liburnorum* fines *Sontio* trajecto, non longè à *Gradisca* castris positus se continuerunt, eo consilio, ut si *Zancanius* castello exiret, prælium committerent. Eorum dux ubi *Zancanium* extra munitiones non audere egredi animadvertit, duo millia equitum prædatum mittit, jubet, quoquò versus incurfiones faciant, celeriterque uti redeant, monet. Equites planitiem nacti magnam atque apertam, agrestes homines inopinantes, quòd se ab illis tutos opposito reipublicæ exercitu fore credebant, capiunt, vi eos diripiunt, incendunt, qui se defendere parant, interficiunt: in quibus fuerunt agrestes ducenti, qui *Vicetia* missi ut ad *Zancanium* contenderent, in eos ex itinere inciderunt. Ea re à proximis audita, usque eò fugere omnibus ex partibus contenderunt, ut cum duorum fluminum objectu *Plavis* *Silisque* hostes impedirentur, quorum alterum nullo tempore vado transiri potest, alterum ita sæpe augetur, ut magnum etiam detrimentum vicinitatibus inferat, ad urbis tamen æstuarium plerique nullo loco commorati pervenerint: neque *Taurisanorum* modò, sed *Patavinorum* etiam magna multitudo timore se in oppida receperit. A *Forojulensium* magistratu autem *Græci* equites, *Italique*, qui sagittis utebantur, ex oppido emissi trecenti, ut si quà possent, hostibus nocerent, partem nacti centum eorum occiderunt, quòd si *Zancanius* cum suis, quorum erat magnus numerus, in hostes impetum audacter fecisset, honestiorem res exitum habere potuisset: sed is pedem porta egredi, adoriendi hostes causa, nemini omnino homini ex suo exercitu permisit. *Turcæ*, qui excurrerant, præda facta cum ad ducem redire vellent, atque ad *Tillaventi* fluminis ripas, quòd ea nocte creverat, pervenissent, quò latum flumen trajicere facilius possent, superioris ætatis quos habebant captivos, in ripa fluminis ad duo millia interfecerunt: reliquos traduxerunt, & præda onusti unà cum duce, qua venerant, abierunt.

Zancanii timiditas.

*Zancanius* imperii malè gesti accusatus, cum in Senatu à magistratibus defenderetur, iique legem tulissent, qua lege *Zancanio* imperium prorogabatur, *Franciscus Bolanus* Quadraginta virum rerum capitalium magister legem tulit, ut is ad urbem è vestigio rediret, carcerique se dederet: eamque legem Senatus frequens damnata altera comprobavit: qua ex re *Bolanus* magnopere laudatus, paulò post, quo die cives sexaginta suffragiis comitialibus deliguntur, quantum in Senatu sint (usu autem semper fit, ut omnes civitatis principes, & natu majores, ad id muneris deligantur) ipse non unus modò ex eo numero fuit, quod tamen ipsum ei ætati atque ordini magnum & inusitatum videri poterat, sed pluribus etiam suffragiis, quàm cæteri complu-

Bolani lex in Zancanium lata.

*res*, eum magistratum est adeptus: quod prope incredibile ante illum diem fuisset, tantam eo tempore imperator, legati, præfectique, ob ignavia opinionem, civitatis in se invidiam excitaverant: amorem autem & benevolentiam conciliaverat fortitudo. Nam & *Antonius Lauredanus*, *Andree Lauredani* frater, & *Aloisius Armerius*, *Albani* frater *Armerii*, magistratum sale procurando omnibus suffragiis sunt adepti: quem omnino per sese dignitatis & civitatis gradum decennio post uterque posse assequi ne speravisset quidem. Et *Jacobo Polano*, *Vincentii Polani*, ejus, de quo sermonem habuimus, patri, magno consensu locus datus inter sexaginta cives, qui quotannis Senatu adjici solent. Itaque *Zancanius* ad urbem rediens, custodiæque traditus, à Senatu condemnatus est, ut *Pataxii* annos quatuor exularet. Neque ei profuit, quòd *Antonii* & reliquorum, qui rempublicam malè gessisse dicebantur, necessarii & propinqui ei faverent, ut vel omnino absolveretur, vel levissimè condemnaretur, quo Patres hujus exemplo judicii placabiliores in sese fierent: quæ eos opinio fefellit.

Zancanius in exilium mittitur.

*Naupacto* *Antonius* amisso, navibus longis majoribus & onerariis compluribus abeundi facultatem concessit. Ea res molestissima fuit Patribus, qui nuntio de *Naupacti* deditione accepto, per litteras *Antonio* mandaverant, ne classem diminueret: visumque est multis id *Antonium* non satis bono consilio fecisse. Ipse deinde *Cephallenem* insulam aggressus, ubi nihil se proficere cognovit, *Corcyram* reliqua cum classe se recepit: ibi acceptis de Senatusconsulto imperioque abrogato litteris, classe, pecunia, rationibusque publicis legatis traditis, ad urbem rediit: cui præstò fuit *Dominicus*, vir Philosophiæ studiis clarus, è Cardinalium insuper collegio, *Roma* veniens, ut si quid posset apud civitatem, sua pietate atque officio, ordinisque amplissimi auctoritate, patrem sublevaret. Neque multò post tamen majoribus comitiis, causa in vinculis dicta, quòd Senatus lenitatem *Triumviri*, qui eum accusabant, veriti, rem ad multitudinem & judicium totius nobilitatis deduxerant, exilio in *Illyrici* maris insulas *Asporum* & *Crepsum* damnatus exulatum abiit. *Nicolaus Michaelis* unus ex *Triumviris* magno favore civitatis ejus locum ad ædis *Marcie* procuracionem suffectus tenuit.

Antonius Grimanus exilio damnatur.

His rebus civitate domi forisque occupatà, quoniam *Alexander* à Senatu atque ab rege *Gallicie* impetraverat, uti eorum voluntate aliquot in *Flaminia* oppida, quæ *Romani* juris essent, *Cæsari Borgie* ejus filio obtinenda cederentur: *Cæsar* sua cum manu, cumque iis, quas ab rege altero cum duce *Mediolani* acceperat, copiis in *Flaminiam* est profectus. Erat is antea, ut superioribus libris dictum est, in Cardinalium collegio: sed magistratu repudiato, uxorem in *Gallia* duxerat. ac primùm quidem *Forum Cornelii* & *Forum Livii* oppida ipsa, castris ad muros positis, tormentisque adductis, acri oppugnatione ad deditionem compulit. Arces verò eorum oppidorum, quòd erant munitissimæ, varios eventus habuerunt: altera enim complures dies obfessa conditionibus acceptis *Cæsari* anni exitu deditur. *Foroliviensium* arcem autem, in qua erat *Catherina* ipsa, diu ac magnis oppugnatam viribus, paulò post *Cæsar*, muro tormentis dejecto, militibus irrupentibus multa cum suorum cæde tandem cepit: *Catherina* captiva facta.

Cæsaris Borgia in Flaminia excitata bella.

Interea, ut suos & eorum fines Senatus, quos è *Flaminia* in fidem recepisset, ab *Alexandro*, atque ab *Cæsare* tantum exercitum habente, si quid aggredi & conari vellent, tueretur, tria militum millia, duo equitum, *Liviano* duce, *Ravennam*

Foroliviensium arx capta.

P. Bembo.

G

misit,



misit, quos per oppida distribueret: simul legati duo, *Franciscus Capellus*, *Christophorus Maurus*, alter *Ariminum* alter *Faventiam* profecti, qui eis oppidis reipublicæ nomine præessent.

Arce *Foroliviensium* capta, *Cæsar*, cum *Pisaurum* vellet Patribus permittentibus exercitum adducere, propter novos *Mediolani* motus destitit: nam Patres, cum ad urbem *Joannes* princeps *Pisaurensium* de *Cæsaris* in se voluntate certior factus venisset, oppidumque vellet reipublicæ tradere, modò ipsi aliquid in reipublicæ finibus oppiduli aut castelli Senatus daret, quo se alere & sustinere posset, consulto Senatu responderunt, nolle se ei præsidio esse, qui reipublicæ obesse voluisset. Id autem propterea Patres commemoraverant, quòd *Ludovici* legatos, ad *Turcarum* regem contra rempublicam missos, *Joannem* hospitio accepisse, navibus, rebus omnibus juvisse, regisque item ad *Ludovicum* legatum nave *Pisauri* egressum domi suæ habuisse, clamque ad illum misisse, tum ipsum singulis de rebus, quæ in urbe agerentur, litteras ad regem dedisse, antea cognoverant. Sed *Mediolani* motus fuerant ejusmodi.

*Ludovicus* copiis non maximis in *Rhetis* comparatis, eorum factione, quos *Galli* irritaverant, quique res novas moliebantur, magnopere adjutus, in fines se regni contulerat inequente anno inito. Ejus adventu *Triultius* duxque regius ex duobus alter vehementer permoti atque perturbati, quòd civitatis defectionem timebant, copias regias, quæ cum *Cæsare* aberant, revocaverunt, atque ad se celeriter reverti jusserunt: itaque *Cæsar* multò majore sui exercitus parte ablata, de *Pisauro* expugnando cogitationem in aliud tempus omisit, *Romamque* se contulit.

*Ludovico* ad recuperanda quæ amiserat cum exercitu revertente, Senatus decrevit, ut milites equitesque reipublicæ omnes in agrum *Cremonensem* è vestigio contenderent: ut *Helvetiorum* militum tria millia celeriter accerferentur: legatique ad bellum *Petrus Marcellus*, *Christophorus Maurus* lecti. Ipse Interea *Ludovicus* *Como* per suos sine vi atque celeriter recepto (*Galli* enim, qui in eo erant, veriti ne ab oppidanis atque ab hostibus intercluderentur, municipio relicto discesserant) *Ascanium* fratrem cum parte copiarum *Mediolanum* præmisit: quo appropinquante, cives armis captis *Triultium* & *Gallos* ejecerunt, ei que portas aperuerunt: biduoque post ipse cum reliquo exercitu adveniens in urbem est receptus. His intellectis rebus *Decemviri* legem tulerunt, uti civis probata virtute *Cremonam* mitteretur, qui arci oppidi præesset: missusque est ipsorum suffragio lectus *Nicolaus Priolus* decemviralis. Missi etiam alii quatuor egregii nominis, qui totidem oppidorum in *Cremonæ* *Abduæque* fluminis finibus arces custodirent.

*Mediolani* *Ludovicus* paucos commoratus dies, dum à civibus humili subdolaque oratione pecuniam corrogaret, *Ticinum* proficiscitur: neque ullo in loco magnopere impeditus, *Gallos*, qui se quotidie in ulteriore regni partem recipiebant, insequens, postremò *Novariam*, quam *Triultius* præsidii firmaverat, aggreditur: & quòd erat à muralibus tormentis imparitior, crebris assultibus premere oppidum insistit. Simul ad illum *Sequani* equites sexcenti auxilio à *Maximiliano* missi adveniunt: iis ad summovendos hostes usus, & modò per insidias detrimento accepto, modò fufis hostibus illato, abductis demum à *Triultio* præsidii, quòd diffidere oppidanis coeperat, neque jam commeatus interclusis suppetebat, *Novariam* se dedentem recipit.

Interea exercitus reipublicæ *Cremonam* *Abduæque* ad ripas confestim profectus, *Laudem Pom-*

*pei*, quod jam oppidum *Ludovici* milites introduxerat, misso præsidio expulsisque militibus regi retinuit. *Placentiam* nutantem per se atque labantem confirmavit. *Triultius* reversis iis, qui cum *Cæsare* in *Flaminiam* ierant, *Gallis*, simul ab rege missis ad eum equitibus ex *Gallia Transalpina*, atque ab *Helvetiis* coacto exercitu, non longè ab *Novaria* contra *Ludovicum* castra posuit: itineribusque, ne commeatus *Ludovico* supportari posset, propè interceptis, paulò post commissio prælio illum in oppidum repulit: posteroque die, cum se fugæ dare decrevisset, omni cum exercitu oppido egressum, veste pabulatoria & strigoso in equo inter milites se celantem, permittentibus *Helvetiis* perquisitum cepit. Ea re cognita, pars regni omnis, quæ defecerat, ad regem statim rediit. *Ludovico* capto, *Ascanius* principesque civitatis permulti ex iis, qui *Ludovici* rebus favebant, unà *Mediolano* aufugerunt *Padum* flumen versus, ut se in tutum reciperent. verum ab *Soncino Benzonio*, turmæ equitum reipublicæ præfecto, qui id, quod reevenit, opinione existimans futurum, itinera observabat, in *Cremonæ* finibus intercepti sunt. *Ascanius* etiam *Venetias* adductus, in comitii turricula publicè observatus est: paulòque post, rege illum ab Senatu petente, septem custodibus in *Galliam* transmisit, quòd antea *Ludovicus* perductus, custodiæque traditus, ea in custodia aliquot post annos est mortuus.

Ea æstate, propterea quòd *Gaspar Severinus* reliquique fratres *Roberti* liberi bellum contra rempublicam gesserant, Senatusconsulto *Citadella* oppidum receptum, & bona eorum fisco sunt addicta.

Sed *Naupacto* amisso, ut docuimus, *Aloisium Manentium*, in *Decemvirum* collegio scribam, Senatus *Byzantium* ad regem misit questum, quòd nullà laceffitus injuriâ, pacem, quam paulò antè cum *Zancanio* legato firmaverat, bello terra marique illato violavisset: postulatumque ut mercatores *Venetos*, qui nihil deliquissent, quorum etiam adventu ejus portoria facta essent meliora, quos belli initio in vincula conjecerat, liberaret: *Naupactum* injusto bello captum reipublicæ restitueret: demum, si id nolle, pacem renovaret. Id autem ea de causa sibi tentandum Senatus decreverat, quòd ab nonnullis, qui plurimum apud regem poterant, spes ei proponebatur, fore, ut si legatum mitteret, pax inter ipsos conciliaretur: tum quòd gravissimum civitati fore intelligebat, si classis eo etiam anno esset comparanda, contritis per tot bella non urbanis modò opibus, sed etiam provincialibus, republica insuper nihil prosperè contra illum moliente. Nam cum *Naupacto* ab hostibus expugnato, *Cephallem* insulam capere primò *Antonius*, ut antea dictum est, deinde *Zenus*, postremò etiam *Malchio* classe adducta diuturna oppugnatione tentavissent, labor tamen omnis omnium irritus & inanis fuit. *Manentius* anni initio profectus *Byzantium* ubi pervenit, nihil eorum, quorum causa missus fuerat, impetrare potuit: rex enim ita respondit, pacem *Veneti* si velint, *Methonem*, *Coronem*, *Naupliam*, quæ haberent in *Peloponneso* oppida, sibi tradant, auri que libras centum stipendii nomine singulis annis dependant: alia se conditione pacem cum republica non facturum: itaque infecta re discessit.

Sed *Manentio* ab urbe profecto, quòd nuntii afferebantur in *Epiri* finibus magnum *Turcarum* equitum numerum cogi, Senatus veritus eam manum superioris anni præda impunitateque allectam, in *Carnos* finesque reipublicæ esse venturam, *Petrum Orium*, *Angelum Barotium* legatos creavit, qui unà cum *Forojulensium* magistratu, carumque rerum peritis regiones inviserent, &, quibus in locis atque

*Ludovicus* & *Ascanius* fratres capiuntur.

*Venetorum* legati ad *Turcam*, *Naupacti* restitutionem sollicitantes.

*Turca* responsum Legato *Venetorum* datum.

*Veneti*  
*Cæsari*  
*Borgia*  
subsidium denegant.

*Ludovici*  
*Sfortia*  
reditus.

*Venetorum* novus belli apparatus.



itineribus operæ pretium esset, munitiones infinituendas curarent, quibus hostes repelli possent: *Livianumque* cum equitibus, quibus præerat, & *Gurlinum Ravennatem*, qui priores ordines gerebat, cum militibus duobus millibus legatis dedit. *Petrus* etiam *Marcellus*, alter ex duobus in *Gallico* exercitu legatis, iussus cum copiis in *Carnos* proficisci. *Turcæ* tamen, propterea quod Rex eorum ducem *Byzantium* evocaverat, se in *Carnos* non intulerunt.

Turci  
belli pro-  
gressus.

Aestate autem media, quod eadem rursus fama crebrioribus nuntiis percrebuerat, parari hostium exercitum, qui sit in fines reipublicæ impetum facturum, *Nicolaus Ursinus* cum magna copiarum parte, cumque *Joanne Baptista Caratio* militum omnium reipublicæ præfecto, Senatu jubente in *Carnos* est profectus, omnesque ejus regionis incolæ se & sua in oppida & castella contulerunt. Hostes, vel quod loca communita scirent esse, vel quod iis in bellum *Peloponnesiacum*, de quo dicturi sumus, uti rex voluerit, ab incursionibus in eam reipublicæ partem se continuerunt.

*Manentius* tantum ad urbem redierat, cum Patres *Corcyra* insulæ veriti, propterea quod ea in potestatem hostium redacta, quæ oppidum munitum & portus egregios haberet, omnis *Adriani* maris navigatio, & in *Jonium* reliquaque maria exitum magnopere impediabantur: *Decemvirum* lege *Angelum Quirinum*, *Aloisium Decanalem* cum militibus centum eodem miserunt, qui duabus oppidi arcibus præessent: quæ quidem arces quod promontoriolis item duobus oppido conjunctis sunt impositæ, spatiumque perangustum habent, multorum propugnatorum non indigent.

Turcarum clas-  
sicus ap-  
paratus.

Nuntii deinde Aprili mense venerunt, classem *Thraciam*, quæ *Naupacti* ea hieme fuisset, magno studio esse refectam, aliamque in sinu *Ambracio* institutam classem deduci, ut se cum illa conjungeret: ipsum regem maximo cum exercitu brevi in *Peloponnesum* venturum, ut quæ oppida in pacis conditionibus à *Manentio* petierat, bello persequatur. Iis rebus cognitis Senatus decrevit, uti naves longæ decem ex iis, quæ ad mercaturam instituuntur, onerariæque magnæ quatuor armarentur: decemque iis qui imperaret, *Jacobus Venerius* datus: singulis autem navibus suis præfectus cuique: auctaque iis stipendia, quo libentius proficiscerentur: missusque ad supplendam classem remigum opportunus numerus, quem ex continenti Senatus conduxerat. Iussi etiam præfecti militum viginti bona cum manu, cumque iis rebus, quæ idoneæ ad munitiones faciendas essent, *Methonem* proficisci: pecunia insuper in classis stipendium missa. Senatus etiam consultum factum, ut naves longæ minores non paucæ prioribus adderentur: biremesque complures confestim armarentur, classique submitterentur. *Malchio* & ipse, qui *Corcyram* venerat, navibus aliquot relictis ad *Cephalennæ* insulæ non tam quidem oppugnationem, quam ut in statione ibi essent, ne præsidium hostibus submitti posset, recentioribus de classe *Thracia*, regioque exercitu nuntiis certior factus, uti è *Creta* milites & commeatus & tormenta *Naupliam* mitterentur, curam & diligentiam adhibuit. & quod *Naupliam* primum omnium venturum regem multi existimabant, pars ab illo præfectorum militum est eodem transmissa: commeatum etiam omnis generis *Methonem* misit. Ipsi etiam oppidani, qui frumenta in agris pabulaque omnia circum oppidum corruperant, ædificia combusserant, ne hostibus opportuna fierent, munitionem in portu magni operis effecerunt,

Venetorum clas-  
sis.

Munitio  
in Nau-

A aggeremque in mari excitaverunt, quo ab aggre-  
re naves hostium arcerentur, ne ad muros pro-  
pius accederent: aditumque uni tantum navi reli-  
querunt, quo se tueri facilius possent, quam si  
cum multis uno tempore navibus eis esset propugnandum. *Malchio* deinde *Zacynthum* profectus classem eodem convenire iussit, navium longarum & onerariarum circiter septuaginta: in quibus erant naves longæ magnæ sexdecim.

*Turcæ* interea suam classem duobus locis comparatam, apud insulam *Leucadiam* coegerant magna reipublicæ populorum querela, quod *Malchio* quique præerant legati, ne id per hostes fieri posset, minus prohibuissent: partem ejus classis utramlibet, separatam ab altera parte atque semotam, superari ac deleri non maximo negotio potuisse: nunc eam conjunctam atque plenam nihil non ausuram, ad exitumque perducturam. Adjungebatur ad eas querelas etiam hoc, quod *Malchio* laborare adversa valetudine coeperat. Sed rex, coacta classe navium omnis generis plus ducentarum viginti, cum exercitu in *Naupliæ* fines est ingressus, missa equitum parte, qui ad oppidum accederent. Cum iis oppidani equites congressi mille quingenti, prælium secundissimum fecerunt: itaque *Naupliæ* relicta rex *Methonem* venit. Præmissi autem ab eo *Turcæ Pylon* oppugnare sunt aggressi, quod quidem abest *Methone* millia passuum decem, loco edito impositum, portu adjecto. Ii, quod eo ipso tempore *Contareus* legatus cum navibus longis aliquot adveniens, auxilium propugnatoribus attulerat, repulsi, spe castelli capiendi amissa, abeuntes cum reliquo se exercitu conjunxerunt. Inter hæc *Malchio* apud *Cephalennem* moritur: pauloque post legatorum & præfectorum omnium suffragio *Hieronymus Contareus* legatus *Malchioni* pro imperatore sufficitur, quoad Patres, quem præesse velint, imperent. Rex *Methonem* omni cum exercitu acerrimè oppugnans, magnam prooppidi murorum partem tormentis dejecerat. Milites, qui priores ordines gerebant, à Senatu missi, principesque municipii veriti non posse se eam partem tueri, rebus omnibus & materia, quæ in eo erat, ablata, atque in oppidum abducta, prooppidum reliquerunt. Hostes ingressi majore jam spe murum oppidi dejicere labore non intermisso institerunt.

Dum hæc ad oppidum geruntur, *Contareus* omni cum classe *Zacyntho* proficiscitur, ut si quæ posset, aut afferret oppidanis auxilium, aut classi hostium noceret: cujus classis naves onerariæ *Sphagiam* insulam circumvehebantur: reliquæ naves è *Pylæ* portu se promovebant. quas ubi *Veneti* è longinquo viderunt, eas aggredi magno animo decreverunt, itaque tribus effectis ex omni classe cornibus in hostes contenderunt, quorum in uno naves erant longæ, minores, universæ: in altero majores continebantur: tertium cornu naves onerariæ conficiebant. atque hoc aperto mari, illud littori propius erat. Naves triremes magnæ medium, satis idoneo inter utraque spatium relicto, classis locum obtinebant. Hostes ubi contra se venire animadvertunt, naves longas circiter centum in *Venetos* converterunt. *Venerius* medio è cornu, cui præerat, signo pugnae dato, omnium primus impetum in hostes facit, trirememque contra se venientem unam ex prioribus aggreditur: ex eaque trireme magnus hostium numerus tormentis est interfectus: ex reliquis triremibus magnis sex & ipsæ cladem non parvam classi *Thraciæ* intulerunt, compluresque triremes deprefferunt, ex minoribus viginti prælium commiserunt: eoque res est deducta, ut *Turcæ*, quemadmodum postea cognitum

plie por-  
tu.

Veneta  
cum  
Turcica  
classium  
pugna.

Methone  
oppu-  
gnata.



est, littori naves impingere, fugamque capere cogitarent. reliquæ triremes congregari non sunt aulæ. Obfuit autem plurimum etiam fortuna ipsa, quæ multum in bellis potest, quod naves onerariæ, tranquillitate magna oborta, fovere non potuerunt. *Turcæ* utrumque conspicati, & naves onerarias vento silente detineri, & longarum magnam partem à pugna conferenda deterri, animum sumserunt, prælioque reintegrato atque ad noctem perducto, cum horas tres continenter pugnavissent, ex *Venetis* triremibus majoribus una depressa interiit, altera interfectis quamplurimis est capta, cum omnibus abeuntibus tamen sola totam noctem impetum hostium sustinisset. *Contarenius* proimperator, navi sua perforata, atque aqua eam degrevante, in aliam se contulit, *Zacynthumque*, ut & illam & reliquas aliquid ex concursu passas incommodi reficeret, est profectus.

Interea cum de *Malchionis* adversa valetudine Senatui esset nuntiatum, Patres è vestigio, ut ei classi imperator sublegeretur, decreverunt: qui si eum salvum offendisset, reipublicæ nomine hortaretur, ut ad urbem rediret: idque eo deliberatius fecerunt, quod de *Malchione* quotidie, quæ non magnopere vellent, audiebant. Itaque majoribus comitiis *Benedictus Pisaurus* magna cum potestate lectus, pecuniâ in stipendium largitur ei curatâ, die, ab ea die, tertia conscendit.

*Contarenius* relictis navibus auxilium & comitum *Metbonem* mittere cum decrevisset, veritus ne oppidani omni subsidio desperato sese hostibus dederent, naves longas quinque omni ex classe delegit, atque in iis quæ opportuna essent, imposuit: antè tamen optimum esse ratus oppidanos ea de re certiores facere, ut se ad frumentum atque arma reliquasque res celeriter ex navibus extrahendas compararent, hominem fortem atque audacem cymba ei tradita cum remigibus decem eò misit: is per mediam hostium classem, omnibus inspectantibus, quod erat meridiei ferè tempus, celeritate adhibita pervolans, mandata *Contareni* oppidanis pertulit: posteroque die, qui dies erat ante diem quintum Iduum sextilis, *Contarenius* nactus idoneam tempestatem *Metbonem* versus vela omnibus cum triremibus facit. Hostes classe visa, id quod erant rati, ad oppidi se portum opposuerunt. *Contarenius* præfectos cohortatus, ut magno animo ad oppidum contenderent, remque suorum civium opis & virtutis egentem sublevarent, eos ab se dimisit. Ex iis quatuor triremes inter hostium naves elapsæ, se ad oppidum magna difficultate contulerunt. una quod erat tardior, multis hostium navibus iter impredientibus, cum reliquarum celeritatem se imitari posse diffideret, ad *Contarenum* rediit. Oppidani navibus auxiliariis conspectis, ut ea quæ afferebantur, celeriter in oppidum asportarent, læti ad portum convolaverunt: tantaque fuit ejus rei cura, ut ii etiam, qui muros alia ex oppidi parte contra hostium exercitum servabant, cum festinari ab aliis viderent, eodem & ipsi accederent, stationesque relinquerent sic, ut murus defensoribus spoliaretur. Id ubi hostes ab exercitu conspexerunt, occasione rei bene gerendæ non omiſſa, per ruinas murorum, quas tormenta fecerant, scalis positos nixi, paucis defendentibus interfectis, se in oppidum intulerunt. Oppidani præfectique & milites præsidio & comitatu jam è navibus abducto, ea de re certiores facti, hostibus medio in oppido occurrerunt, atque ibi prælio acerrimè commisso, cum diu fortiter pugnavissent, ac magnum eorum numerum occidissent, demum crescente

A hostium multitudine, plenis jam omnibus & obfessis viis, circumsepti undique ac pressi, propè omnes interfecti sunt una cum præfectis navium, qui tunc venerant, duobus, remigibusque permultis. Ex municipibus ii, qui superfuerant, omni ex parte oppidum incenderunt, suæque omnia & suos comburere voluerunt: ita oppidum ardens ac semicom bustum capitur, cum quidem *Veneti* multam in noctem se defendissent.

Eo capto Rex *Pylon* ducem suum misit: is ut fidem oppidanis faceret *Metbonem* in regis potestatem venisse, magistratum reipublicæ, qui *Metbone* erat in vinculis, adductum eis ostendit, cum civibus *Venetis* nonnullis: quibus visis, ea conditione, ut neque libertatem, neque quicquam ex rebus suis amitterent, oppidum regi tradiderunt.

At classis *Veneta* cum *Zacynthum* reverteretur, magna coorta tempestate cursum non tenuit: itaque navibus omnibus disiectis, nonnullæ longinquas insulas, *Cretamque* usque delatæ, vel amissis gubernaculis, vel malo infracto, vel dissitis contignationibus jactura facta, ægrèque se in tutum receperunt: triremis una impacta littori salvis hominibus interiit.

C *Coronem* post hæc cum magna exercitus parte unus ex ducibus ab rege missus oppidanis proposuit, si se, antequam oppidum obsidione cingeretur, regi dederent, fore ut bonis conditionibus uti possent: sin vim expectarent, omnes ad unum interituros. quibus intellectis rebus *Coronæi*, casu *Metbonensium* perterriti, spretis præfectorum imperiis, qui se ad propugnationem comparaverant, æquissimis conditionibus ducem intromiserunt.

D Rex deinde *Naupliam* eadem qua *Coronem* celeritate suo se imperio adjecturum existimans, exercitus partem in *Naupliorum* fines induxit: missoque ad oppidum cum suis equitibus *Paulo Contareno* cive *Veneto* egregia virtute, *Bernardi Contareni*, ejus qui bello *Neapolitano Epirotarum* equitum præfectus mortem obierat, fratre, qui *Corone* uxorem duxerat, illisque in regionibus erat notissimus, quemque rex, ut ad id uteretur, *Corone* in deditionem recepta habere secum voluerat, jussit illum oppidanis suadere ut se regi dederent. Is medio in sermone, quem cum *Naupliis*, ad urbis muros atque portam vocatis, ingressus fuerat, equo incitato equitibus imprudentibus se subripuit, atque in oppidum, vallo saltu equi superato, est receptus. Oppidani primò cum *Pauli* hortatu ac studio, tum per sese planè paratissimi, magno animo impetum hostium sustinuerunt: egressique præterea per occasiones prælia nonnulla secundiora fecerunt: postea verò quàm rex cum reliquo exercitu eò venit, portas clausurunt, & munierunt: itaque inclusi magna se virtute atque constantia tuebantur. Interim ex classe *Thracia*, quam rex *Naupacto*, ut terrorem hostibus incuteret, *Naupliam* veterem convenire universam voluerat, naves triginta *Aeginam* ad insulam missæ oppidum capiunt: relictisque regio nomine qui præessent, *Naupliam* revertuntur.

F Hæc dum sic administrarentur, *Benedictus Pisaurus Corcyram*, deinde *Zacynthum* profectus, dies ibi aliquot, antequam classis, quæ propter tempestatem aberraverat, eò conveniret, se continuit. Coacta classe navium longarum majorum duodeviginti, minorum vigintiquinque, onerariarum plus viginti, quam quidem paucorum dierum spatio magna cum diligentia, tum verò etiam severitate adhibita, remigibus, militibus, rebusque omnibus ornatiorem melioremque reddiderat, ad hostium classem insequendam sese promovet,

Veneta  
classis  
clades.

Pylon à  
Turcis  
capitur.

Veneta  
classis in  
fortut-  
nium.

Coronæ à  
Turcis  
occupatur.

Pauli  
Contareni in ser-  
vanda  
Nauplia  
astutia.

Metbone  
à Turcis  
capitur.

Veneto-  
rum clas-  
sis resti-  
tuta.



vet, eo animo, ut si assequi posset, prælium committeret. Sed rex de illius ad *Zacynthum* adventu certior factus, suæ classis præfectis, ut domum redirent, *Byzantiumque* se reciperent, imperavit: posteroque die ipse, qui quidem non magnopere suis jam copiis confidebat, propterea quod neque parvam, neque sanè spernendam militum equitumque partem eorum, qui *Methonem* obsedissent, eo in bello expugnationeque amiserat, omni cum exercitu abiit.

Eodem tempore *Pisaurus Naupliam* speculatoriis præmissis navibus classem *Thraciam* & exercitum abiisse certior factus, *Aeginam* contendit, expositisque militibus, *Turcas*, qui præerant, interfecit, eorum duce capto: atque insulam reipublicæ restituit. *Mitylenen* deinde triremibus levioribus accelerans, quòd appulso hostes intellexerat, ferro atque igni omnia demetens, prædam, & quidem opulentam, quam abegerat, renigibus & militibus concessit: posteroque die *Tenedum* diripuit, incendit, classisque hostium fugientis, atque in *Euripi* angustias jam ingressæ, reliquias assecutus, naves complures extremo in agmine cum hominibus cepit: fixisque utroque in littore non unis crucibus, captos *Europæ* atque *Asiæ* spectaculo recte suspendit, agros & viros depopulatus, ut qui oras incolerent inagnopere perterrerentur. *Samothraciam* ad insulam post hæc eadem celeritate adveniens, cum intellexisset oppidanos agerrimè *Turcarum* imperium perpeti, *Aloisio Decanali* triremis præfecto ad oppidum misso, eos libentissimos in deditionem recepit: petentibusque civem *Venetum* qui præfesset, pollicitus est se missurum. Illi partem decimam suorum fructuum quotannis ei se daturos receperunt. Deinde *Carysto* directa, ad naves longas majores onerariasque rediens, *Naupliam* se contulit, municipibusque & militibus collaudatis, stipendio; quos oportuit, recreavit, & sua liberalitate sublevavit.

Iis confectis rebus discedens, dum *Corones* littora prætervehitur, de *Carolo Contareno*, qui magistratui reipublicæ *Pylî* præfuerat, oppidumque situ & natura communitum, hostibus nulla coactus vi obsidioneque tradiderat, in suæ navis prora supplicium sumpsit. Ibi cognoscit *Hispaniæ* regum classem reipublicæ auxilio missam *Zacynthum* venisse: ibi enim reges *Aloisii Galliæ* prædicatione permoti, qui regnum *Neapolitanum* bello aggredi statuisset, tum classe ab rege *Thracio* comparata, ne insulam *Siciliam* sine præsidio relinquerent, classem & ipsi confecerunt, illoque miserunt, *Consalvo Ferdinando* præfecto, qui bello *Neapolitano* dux eorum fuerat. Eam classem ut reges auxilio reipublicæ vellent esse, posteaquam suis jam finibus nihil timerent, Senatus ab iis impetraverat, *Alexandro* adjuvante. Ea erat navium plus quinquaginta: quibus in navibus milites imposuerant numero ad septem millia.

Cognito *Consalvi* adventu, *Pisaurus Zacynthum* ad illum venit: quem quidem reipublicæ magnopere prodesse cupientem cum reperisset, rebus belli rationibusque omnibus unà cum illo communicatis, ex ipsius & reliquorum *Hispanarum* navium præfectorum, quos *Consalvus* in concilium adhibuerat, & legatorum sententia statuit ad *Methonem* recuperandam unà proficisci. Eam ad profectionem atque bellum quòd res multæ materiæ indigebat, cum ad castella, quæ parare instituerant, excitanda, tum ad navium scaphas contendas, quibus in primis uti decreverant, dato omnibus qui aderant jurejurando, ne quis quid enuntiaret, concilio dimisso *Cephallem* ad insulam, quæ silvis admodum abundabat, uterque suam classem adduxit. Illis propè diebus

A cum ex *Joannis Crispi*, de quo dictum est, qui *Naxum* insulam obtinebat, liberis, is qui natus erat major, *Matthæi Lauredani* filiam in matrimonium duxisset, Senatui placuit, ut magistratus reipublicæ amplius eo non mitteretur, *Naxique Joannis* filio jam adulto restituerentur, dum is paterni regni formam ne vellet imitari, Senatusque liberalitate ad justitiam & temperantiam uteretur. Interim autem dum ad *Cephallem* materia cæditur, & turres reliquæque, quæ sanè plurima ejus belli administratio requirebat, per fabros conficiuntur, ne reliqui milites tempus temerè contererent, communi consilio statuerunt *Cephalles* oppidum aggredi, turpe futurum existimantes, si ab insula re non tentata discessissent: posse *Turcas* gloriari, duabus classibus tam paratis atque tantis, animum ad id capiendum defuisse. Iis constitutis rebus, navis una oneraria trium millium amphorarum *Genuæ* ab *Aloisio* rege *Galliæ* auxilio reipublicæ comparata *Cephallem* appellitur, ut *Pisaurus* præfesset. ad ejus navis præfectum, qui erat infirma valetudine, *Pisaurus* legatos misit salutatum, actumque regi gratias, quòd in rempublicam liberalis tam opportuno tempore fuisset. Præfectus expectare sese navem alteram dixit, quæ item *Genuæ* instructa secum unà solvisset, tempestateque acta cursum non tenuisset: earum navium, & militum mille quingentorum, qui in illiserant, trium mensium stipendia regem subministravisse: ca stipendia definere ad diem duodecimum Calendarum Decembris. Is autem dies, quo die illa dicebantur, erat ante diem sextum Iduum Novembrium. eis si navibus post eum diem uti vellent, ipsos stipendia præstare oportere. Ad ea *Pisaurus* respondi jussit, se nisi de Senatus autoritate nihil acturum, literasque de eo ad Senatum daturum.

Præfectus ubi ei rei moram esse interpositam vidit, nactus idoneam tempestatem vela fecit, atque abiit. de navi altera post illam nihil est auditum. *Pisaurus* interea *Consalvusque* tormentis muralibus eductis, oppidi muros verberare complures dies instituerunt: nam quòd erat loco editiore, monti etiam pluribus à partibus prærupto oppidum impositum, ea res magna cum difficultate administrabatur. deinde suo cuique legatorum & præfectorum navium attributo munere, ut quam quisque oppidi partem signo dato aggrediretur, irrumpereque conaretur, antea cognosceret, statuerunt experiri quantum in hostibus ad propugnationem animi virtutisque inesset. Erant autem, quemadmodum à profugis intellectum est, milites oppidi præsidio trecenti. Die oppugnationis dicta ejusmodi tempestates fuerunt, ut res differri oportuerit: demum pluvius remittentibus, pilis ferreis frequentioribus ejaculatis, omnes se ad muros contulerunt: conscendereque scalis positos aggressi, hostibus saxis, sagittis, omni missilium telorum genere acerrimè se defendentibus, oppidum capere non potuerunt: itaque nonnullis interfectis, vulneratis compluribus, se in castra receperunt: quorum ex numero fuere, *Hispani* præfecti aliquot, *Venetique* cives sex, & *Gurlinus* vir egregia explorataque virtute, quem *Pisaurus Nauplia* obsessa plurimum oppidanis profuisse, & præclara multa oppido tuendo instituisse effecisseque cognoverat, & secum abductum militibus suis omnibus tum præfecerat: atque is magno nostrorum omnium, & *Consalvi* dolore, qui ei largiter jam tribuebat, paucis post diebus est mortuus. Eo accepto detrimento, duces vallum excitari usque eò, ut munitionem, quam hostes intra oppidum dejecto muro fecerant, superaret, suis militibus mandaverant.

*Cephalles* oppugnatur.



*Pylos à  
Venetis  
recipitur.*

*Militis  
stratage-  
ma.*

Dum hæc ad *Cephallem* geruntur, *Pylos* per infidias ad rempublicam rediit. Erat in *Pisauri* trireme miles signifer *Demetrius* quidam *Methonensis*: is amicum *Epirotam* item militem in *Pyli* præsidio cum haberet, ad eum bis terve amicitiae nomine ubi venit, hominem spe pollicitationibusque impulit, sibi ut socius magni facinoris vellet esse. Re constituta ad *Pisaurum* revertitur. *Pisaurus* ei milites quinquaginta ex omni classe deligendi potestatem facit: eos ei milites attribuit. Ille cum iis triremi impositus *Pylos* noctu proficiscitur: expositusque clam in *Epirotæ* domum, oppidi muro vicinam, se atque milites occulit, quoad die inlucescente portæ oppidi aperirentur: apertis portis *Demetrius* cum suis in oppidum irrumpit, *Turcas*, qui in oppidi erant præsidio, imparatos obruncat circiter quinquaginta, paucis elapsis, qui se muro deiecerunt. Ita oppidum recipitur. Ad id *Pisaurus* triremes duas cum militibus & *Hieronymo Pisano* legato, qui præfesset, oppidumque communiret, *Venetoque* cive *Sylvestro Trono*, quem is magistratum ibi relinqueret, statim misit: nam quod erat portu egregio, reipublicæ fore usui ad classes recipiendas & tuendas mirum in modum existimabatur. Eo capto equites centum quinquaginta cum uxoribus & liberis *Corone* se *Pylos* & vestigio contulerunt, oppidumque munierunt.

Sed jam vallo ad *Cephallem* excitato, uti de superiore loco nostri in oppidum introspicerent, duces oppugnare, quibus à partibus poterant, uno tempore sunt adorti, eo uterque animo, eaque cura, ut utrius plures essent eo in bello partes, non facile dignosceres, *Consalvusque* civis esse *Venetus* & ipse videretur: neque ejus quidem milites ullo in munere à nostris se militibus relinqui sustinebant, homines duri, parcoque victu assueti, & cum audaci in primis virtute, tum maxime habiles qui oppidorum oppugnationibus adhiberentur. Ea in aggreffione *Marcus Orius* navium onerariarum præfectus, unâ cum *Hispano* homine impigro, quem ei *Consalvus* muneris socium dederat, militesque aliquot se in muro atque munitionibus primi omnium illatis signis ostenderunt. Ea re hostes perterriti, cedere, seque recipere in arcem oppidi cum vellent, irrumpentibus omni ex parte reliquis, cæsi captique sunt, præter paucos, qui se primo impetu in arcem intulerunt: qui tamen paulo post se *Consalvo* dediderunt, cum *Venetorum* iram, quos & ipsi sæpius elusissent, & rex eorum maximis incommodis affecisset, non injuria pertimescerent.

*Cephallem* in reipublicæ ditionem anni exitu redacta, oppido *Aloisius Salomonius*, arci *Joannes Venerius*, toti insulæ *Franciscus Leo* à *Pisauro* sunt præfecti dati in annos duos. Arx etiam ut multo communior fieret, institutum. Misitque *Pylon* navis oneraria magna, qua in navi *Coronæi*, qui cum familiis eo venerant, *Cephallem* adveherentur: nam quod eam insulam propter bonitatem agrorum maxime esse feracem intelligebant, & illi, qui liberè *Pylo* exire atque agros colere, hostibus *Methonem* obtinentibus non poterant, & multi præterea homines *Turcas* perosi, eo ad incolendum è continenti commigraverunt. quam quidem ad rem portus perampli perque optimi facultas, quo nullus est eo toto mari ferè præstantior, magnum adjumentum afferebat. Itaque parvo temporis spatio à magna est advenarum multitudine coli cœpta, cum per biennium à classibus reipublicæ vexata, cultoribus infrequentior fuisset.

Illis diebus triremes duæ *Naupliam* à *Pisauro* missæ, dum redeunt, biremes *Thracias* quatuor expu-

gnaverunt, birememque unam *Venetam*, quam illi ad *Aeginam* insulam ceperant, recuperaverunt.

*Consalvus*, qui suam classem in aqua menses complures habuisset, magnamque navium partem inutilem ad navigandum brevi futuram videret, *Methones* autem recuperandæ negotium *Pisaurus* in aliud tempus distulisset, quod *Turcæ*, *Pylo* amisso, eam militibus apprimè communicant, diligentiusque tuebantur: se reverfurum Vere ineunte pollicitus, ad classem reficiendam primis anni diebus in *Siciliam* rediit. Antè autem quam proficisceretur, vini *Cretici* amphoræ quingentæ, casei libræ sexaginta millia ei dono à *Pisauro* datæ. alia etiam ab urbe munera pretiosiora à Senatu mitti nuntiatum, quæ ille, Senatui gratias agens, se non cupere præ se tulit: suorum enim regum in rempublicam benevolentiae causa venisse, quibus satis omnibus pro muneribus esset, par atque mutua Senatus in illos voluntas & benevolentia. Senatus tamen, posteaquam de *Consalvi* abitu est ei nuntiatum, legem tulit, uti *Consalvo* civitas cum jure comitiorum daretur, civisque *Venetus* cum libris argenti fabrefacti ducentis sexaginta sex in *Siciliam* ad illum mitteretur, qui cum de republica optime meritum diceret. lectusque *Gabriel Maurus*, unus ex magistratibus, qui res maritimas in Senatu procurant, paulò post est profectus.

*Pisaurus* cum sciret in sinu *Ambracio* naves longas complures, quas hostes fabricari curavissent, esse jam deductas, navibus longis aliquot, onerariaque una *Cephallem* præsidio relictis, decimo Calendas Februarias sua cum classe triremium leviorum quatuordecim, graviorum octo, navium onerariarum quatuor (reliquas enim missas fecerat) ad insulam *Leucadiam* est profectus. Ejus in insulæ portu, in quo nihil offendi poterat ex omni triremium numero, levioribus lectis octo, atque in illas ex reliquis navibus, quos visum est, remigibus & militibus impositis, cum iis ad sinum *Ambracium* provehitur, reliquis navibus in portu relictis. Is habet sinus aditum perangustum, quæ naves commeant, ut lapide manu jacto ferè trajiciatur: reliqua latitudo vadis brevioribus impedita, navigia triremesque non recipit. In ejus ore sinus, turris est communita ad arcendos, si qui ingredi vi experiantur. *Pisaurus* citatis remigibus dum turrim prætervehitur, jactu ab ea tormentorum tribus aut quatuor militibus interfectis, ad triremes *Thracias* numero undecim, rebus jam omnibus armamentisque instructas, processit. Portus est in sinu *Ambracio*, in quem flumen, quod nunc appellatur *Prevestus*, influit: eo in portu navalia ad tuendum locum idoneo sunt castello proxima: aditus verò ad portum ejusmodi, ut singulæ tantum triremes ingredi possint. iis in navalibus fabricatæ naves *Thraciæ* tum in portu stationem habebant. Eò ingressus *Pisaurus*, expositisque militibus, hostes castello egressos, quique naves adservabant, acerrimè cum iis congressos fudit, incensisque ædificiis, præda etiam rerum ad armandas naves comparatarum ingenti facta, triremes hostium novas omnes remulco è portu abduxit: duas veteres, quæ semiplenæ aqua ad littus erant deligatæ, incendit, cum iis in rebus administrandis quadraginta ex suis præda cupidius allestos, temerèque procurentes amississet. abductas deinde lateri suarum navium adglutinans, atque ad turrim conversas trahens, reliquis omnibus incolumibus, ad eos, quos in portu *Leucadiæ* reliquerat, rediit, *Corcyramque* omnibus cum navibus, ad supplendam classem ante diem Calendarum Februarii venit. Ibi *Hieronymo Contareno* legato reperto, qui ex *Leucadiæ* littoribus valetudinis,

*Consalvi  
modestia.*

*Consalvo  
civitas &  
comitiorum  
jus conceditur.*

*Pisauri  
in Ambracium  
sinum navigatio.*

*Ambracius  
sinus.*

*Portus  
Ambracius.*

*Cephallem à Venetis expugnatur.*



ut ajebat, causa, nullo *Pisauri* permisso, *Corcyram* discesse, cum ignominia notavit, ut legatione præfecturisque omnibus annos duos careret.

Lex de præmiis eorum, qui pro republica oppetierunt.

Eodem tempore, uti qui pro republica mortem oppetiissent, inornati nerelinquerentur, in Senatu lex est lata, ut *Gurliu Ravennatis*, qui *Cephalenæ*, *Antonii Fabri*, *Pauli Epirotæ* præfectorum militum, qui *Methone* interfecti fuerant, liberis, quoad viverent, pensiones annuæ curarentur: ipsorum præterea filiabus sex, dos sesquilibra auri singulis constituta. Neque multo post *Aloisii Michaelis* liberis, & *Joannis Maripetri* fratribus, quos utrosque triremium præfectos, auxilio *Methonensium* à Proimperatore missos, ab hostibus interfectos dixeramus, arcis *Mestrinæ*, itemque *Patavinæ* ad *Medoaci* in oppidum influxum præfecturas, alteris per annos quindecim, alteris quoad eorum major natu viveret, & uni virgini dotem civitas dono dedit. Reliquis triremium præfectis, qui *Methone* capti eodem impetu fuerant, seque pecunia redemerant, *Alexandro Gotio Corcyrensi*, in ea insula magistratus: *Nicolao Cucaro Hydruntino*, in sua urbe item magistratus, & auri libra unciaque septem annuæ: *Jacobo Balbo Parenfi* auri itidem libra unciaque. Item singulis omnium tributorum immunitas attributa: præmia insuper in complures vivos, qui se fortiter atque amanter gesserant; ex *Pisauri* literis honorificè collata: dataque lectis ad id magistratibus cura, ut *Methonensium*, quibus quidem aut parentes, aut fratres, aut liberi pro republica interfecti fuissent, qui *Venetias* venissent, causas cognoscerent, deque eis ad Patres referrent, ut pro cuiusque incommodis & jacturis à Senatu sarcirentur, aut omnino sublevarentur. Latum præterea de *Naupliis*, ut eis, bello confecto, immunitas per annos decem concederetur: domusque eorum, quas ipsi dirui permisissent, ut oppidum communius fieret; reipublicæ pecunia restituerentur.

Lex de *Naupliorum* immunitate.

Iis rebus domi forisque administratis, *Cæsar Alexandri* filius, cui paulo antè, à republica petente patre, cum jure comitorum civitas data fuerat, puellam ex *Elisabethæ Metaurensum* reginæ famulatu, ad *Carratium* reipublicæ militibus præfectum, cui erat nuptui tradita, proficiscentem, medio inter *Ariminum Ravennamque* itinere, missis *Cesena* suis equitibus vi rapuit, comitatu ejus pulso, vulneratis compluribus. Ejus ille oppidi paucis ante mensibus regnum obtinuerat, *Alexandro* tradente, tum *Pisauri* atque *Arimini* reipublica ægrè illa quidem, quod ad *Ariminum* attinet, ac penè subinvita, sed tamen ut perpetuis *Alexandri* postulatis precibusque satisficeret, unà cum *Aloisio* rege *Galliæ*, qui suas ei copias iterum dederat, annuente atque permittente. Ea erat puella miræ pulchritudinis: itaque amore incensus adolescens, cum pretio aut precibus assequi sese posse nihil videret, sumptis à novo regno animis, ad vim faciendam se convertit, & virgine per scelus est potitus. Ea re ad Patres celeriter delata, *Decemvirum* decreto *Aloisius Manentius* est ad *Cæsarem* eo ipso die jussus contendere (is erat *Fori Cornelii*) questum de injuria tam insigni, quam respublica pro suis in eum beneficiis nihil meruisset, puellamque repetitum. Posteroque die *Aloisii* regis legatus, re à Patribus graviter apud illum exposulantibus cognita, sua sponte ad *Cæsarem* iidem cum mandatis est profectus, cum eam fraudem atque injuriam etiam ad suum regem, qui *Cæsarem*, ut *Flaminia* potiretur, adjuvisset, existimaret pertinere. nihiloque secius literæ sunt ad *Alexandrum* à Senatu datæ magna cum querela: Sed neque *Manentius*,

Sponsa raptà à *Cæsare*, amore impellente.

A neque regis legatus quicquam apud eum valuerunt, nedum literæ ad patrem missæ proficerent, pernegavit enim ille suo jussu id fecisse, qui puellam rapuissent, neque se, qui essent, adhuc quidem comperisse: repertis autem raptoribus, cui quidem rei omnem esset diligentiam adhibiturus, se daturum operam, ut & rex, & Senatus *Venetus*, & omnes homines intelligerent, quàm ægrè tulerit suis in finibus id fuisse facinus atque flagitium perpetratum: puellas sibi non deesse, quas habere facile possit: ne hac tanta cum reipublicæ offensione atque invidia, & suo cum probro, per vim atque fraudem potiri concupierit. Patres verba sibi dari intelligentes, cum mittendis nuntiis ac literis multos dies consumpsissent, quod rebus belli ab ea cogitatione avocabantur, *Carratium*, qui ad eos questum venerat, consolati, ejus vindictam sceleris in aliud tempus distulerunt.

B Post hæc autem reipublicæ legati, qui ad *Uladislaum Pannoniæ* regem anno superiore missi fuerant, ut illum ad bellum in *Turcas* incitarent, foedus cum rege aliquando tandem percusserunt: quo ex foedere bellum regi *Thracio* inferre omnibus copiis *Uladislaus* jubebatur: res verò publica mille auri libras tribus pensionibus regi *Pannoniæ* mittere quotannis tenebatur, quoad bellum esset confectum. Ei foederi feriendo *Alexander* & auctoritatem adhibuit suam, missio *Roma* legato è Cardinalium collegio, & auri libras annuas quadringentas regi *Pannoniæ* per triennium pollicitus est se daturum.

*Venerorum* cum *Uladisla* *Pannoniæ* rege foedus.

C Domi verò inter hæc, ne ad bellum pecunia deesset, lex est lata, uti qui fundos atque agros in continenti possiderent, pro quoque soli culti jugero, filiquas argenti septem in ærarium conferrent, semel quidem tantum, præter *Carnos*, quorum se in fines *Turcæ* superiori anno intulissent: literæque ad civitates datæ, quæ eas hortarentur, tam duris reipublicæ temporibus ne deessent, atque urbem laborantem sublevarent.

Lex de agrorum censu.

D *Pisaurus* classe *Corcyræ* remigibus reliquisque rebus instaurata, ad naves longas, quas *Turcæ* in *Loi* fluminis ripis ædificaverant, atque in flumen deduxerant, capiendas aut incendendas animum adjecit: itaque cum sciret ejus fluminis ostium adiri magnis à navibus non posse, alveo diffundente sese magis quàm demittente, nisi cum flumen ex imbris crevisset: tametsi invecsta hostium navigia fatis alta aqua excipiebat: onerariarum & longarum navium scaphas complures integri jussit, quibus in scaphis atque in biremibus duabus milites imposuit, *Marcumque Orium* navium onerariarum præfectum, qui se obtulerat, ei negotio præposuit: ipse *Aulonam* cum longis navibus est aggressus, ut hostes occupatos ea in propugnatione distineret, ne suas peti naves existimarent. Porro *Turcæ* vel de ea re, ut sæpe fit, certiores facti, vel ipsimet propter recentem in sinu *Ambracio* navium suarum jacturam idem in *Loo* flumine metuentes, eas naves longius ab ostio in flumen introduxerant, passuum millia quatuordecim, atque unà composuerant sic, ut proras secundum cursum fluminis conversas haberent: ipsæ, quod remi nondum erant impositi, inter se conjunctæ totum flumen caperent. *Ripas* autem *Turcæ* tormentis communierant ad naves hostium repellendas. *Orius* audacissimè superato flumine, cum navibus *Thraciis* appropinquavisset, eas magno militum præsidio fultas atque instructas est conspicatus: tum missis in eum ex utraque ripa frequentibus tormentorum pilis, ad illas propius accedere non potuit: itaque omnem aditum frustra expertus, crescente hinc atque hinc hostium multitudine, scaphas

*Pisaurus* *Turcarum* naves capere niti-tur, sed frustra & infelicit-ter.



scaphas retrahi imperat. Redeuntibus *Turcae* summis in ripis atque ipso propè in flumine occurrerunt, naviculamque unam truncis ramisque arborum, quos in flumen dejecerant, impeditam opprefferunt. Ipse cum reliquis incolumibus ad ostium fluminis cum revertisset, atque interim mare, quod vadofum latè erat, magno coorto vento se excitavisset, erumpere ausi mediis in vadis naufragium fecerunt: quorum pars interiit, atque in his *Hieronimus Maurocenus* propinquus meus, navis onerariæ bellicæ præfectus, magno animo, magnaue virtute: reliqui plerique in litus ejecti, ab hostibus capti sunt, præter naviculas pauculas, quæ tempestate superata Dyrrachium sese contulerunt, quò jam venerat *Pisaurus*, eaque illum de re certiores fecerunt. *Marcus Orius*, & *Vincentius Pascalicus*, navis item bellicæ præfectus, capti. ac fuit eorum qui interierunt, & qui in manus hostium pervenerunt, numerus circiter trecenti.

*Pisauro* Dyrrachio digresso, *Georgii Castriotæ* Epirotæ hortatu & *Antonii Boni* legati, sponte se *Alexiani* dederunt. Est *Alexium* in *Drino* flumine, quod vado transiri non potest, insula triquetra, mare uno ab latere attingens, ab reliquis flumen, quod ipsa dirimit. Eorum quodque laterum tria millia passuum efficit: ipsa vallo circummunita: quam ad insulam, capta ab rege *Thracio Scodra*, eorum locorum sese homines contulerunt, atque incolere cœperunt. Ea *Turcae* ad mercaturam utebantur, magnumque frumenti numerum, quo montani latè homines earum regionum alerentur, neque parvam falis copiam quotannis eò convehebant, picis autem ceræque ac mellis magnam vim eodem ab interioribus *Illyrici* finibus, atque ab *Epiro* importari solitam cœmebant. isque reipublicæ usui futurus locus videbatur.

Eo tempore *Alexander* triremes reipublicæ viginti pecunia sua sacraque se armaturum pollicitus, quibus civitas bello *Thracio* uteretur, quindecim modò per suos ministros, ut instruerentur, diligentiam adhibuit: reliquas quinque Senatui armandas remisit, cum ei pecuniam sacram, quam homines in imperio *Veneto*, ut criminibus & maleficiis obnoxii ob commissâ post mortem apud inferos poena liberarentur, ex *Alexandri* literis persolverent, bello *Thracio* infumendam permisisset: quarum omnino viginti navium imperium legatus ab sese datus obtineret. Is fuit *Jacobus Pisaurus* Episcopus *Paphiorum* ex *Veneta* nobilitate: qui etiam majori earum navium parti, quam *Venetis* armandam curavit (nam reliquam in *Flaminia* maritimis municipiis *Anconæ* instruxerat) præfectos cives sibi *Venetos* adlegit.

Pecuniæ verò sacræ summam libuit mihi huic loco adscribere, ut intelligi possit, quamque ardens eo tempore fuerit in hominum mentibus religionis existimatio, & Deorum immortalium timor. Porro in urbe auri libræ ducentæ nonaginta septem eo nomine sunt confectæ, *Patavii* una & sexaginta, *Vicetiæ* sexagintaquatuor & semilibra, *Veronæ* una & triginta, *Brixie* quadraginta octo, *Bergomi* ferè quadragintaquatuor, *Cremonæ* duodecim, *Cremae* plus novem, *Tauris* viginti quatuor, *Feltrie* duodecim & semilibra, *Cividali Carnico* novem, *Utini* quadraginta duæ. atque ut à claris urbibus ad tenuiora oppida descendamus, *Fossa Clodia* libras auri paulò minus octo facillè contulit: Portus, quem *Gruarium* appellant, ferè undecim: *Colonia*, qui quidem vicus est in *Vicetinarum* finibus, quatuor: itemque supra quàm quis crederet alia in continenti castella, vicique, ut esset summa omnis auri libræ septies centies & nonies, eoque amplius.

Atque illo ipso tempore *Cæsar Alexandri* filius diu pressam armis atque acri obsidione *Faventiam*, à qua Patres *Alexandri* precibus legatum suum revocaverant, certis conditionibus tandem cepit: *Hæstorique* puero ea lege se dedendi, ut salvus sospesque esset, fidem fregit: *Romamque* adductum, atque in custodia complures ad menses adservatum necavit.

Per eos etiam dies *Patavii Baptista Zenus* è Cardinalium collegio moritur, grandi pecunia, argentique fabrefacti magno pondere testamenti tabulis suæ genti, & propinquis, & sacerdotium collegiis, & reipublicæ relicto. Absconderat is *Roma* veniens, aliquot ante annos auri libras ducentas sexaginta *Anconæ* in ædis sacræ pariete: de eo *Alexander* à Senatu certior factus, aurum abstulit. *Zeno* ad urbem delato, funus amplissimum publicè curatum. Laudavit *Angelus Gabriel*. Postea ei ex testamento Senatus in ædis *Marcie* porticu sepulcrum ex ære ponendum locavit.

Interea in *Achaja* magnum incommodum publicè est acceptum, *Pylo* ab rege *Thracio* iterum capta. Is enim cum eò & terrestri itinere equitum millia complura, & mari triremes quatuordecim, & biremulas quinque (sic enim naves eas appellant, quæ ferè semitriremium loco sunt) *Camali* præfecto misisset, essentque in *Pyli* portu triremes reipublicæ tres sine nulla statione aut specula, eas *Camales* improvise aggressus, non magno negotio cepit. aliquot ex iis, qui in eis erant, fuga in scaphis elapsi ad triremes quinque majores reipublicæ, quæ cum mercibus *Beryto* illo ipso tempore venerant, erantque in anchoris portui vicinæ, se contulerunt. Eæ quinque eadem formidine usæ, cum terrori esse hostibus potuissent, velis factis abierunt. quarum conspecta fuga, qui *Pylo* præerant, sese hostibus dediderunt. Earum triremium præfectis eo minus ignoscendum fuit, quòd paulò antè *Cretæ* cum essent, à *Pisauro* eis erat imperatum, ut se *Pyli* expectarent: isque postero die cum triremibus quindecim eò venit. Sed *Camales*, cum *Pisauri* classem è longinquo venientem ii, qui in specula erant positi, conspexissent (id enim ne accideret, verebatur, ut in *Pisaurum*, quem brevi eò venturum à captivis intellexerat, imprudens incideret) è vestigio triremes captas abducens, litusque proximum legens, ei se vitabundus eripuit.

*Pisaurus* deinde *Corcyram* adveniens, quòd audierat naves longas *Turcas* è *Loo* flumine, quæ in eo erant, brevi educturos, triremes aliquot misit, quæ ostium fluminis adservarent: ipse cum reliqua classe longarum navium vigintiquinque in *Achaiam* revehitur, atque in *Coronæ* finibus magnum hominum numerum cum uxoribus & liberis suis in navibus imposuit, quos *Cephalenem* ad incolendum traduceret.

Paulò post *Aeginæ* cum esset, intellexissetque *Megara* & biremes fabricari, & frumenti magnam copiam esse, *Aloisium Lauredanum* legatum cum navibus octo, si quid ex usu efficere posset, eò misit. Is bireme una cum hominibus, altera vacua captis, expositis militibus, & equitibus *Nauplii* adhibitis, prælio cum *Megarensibus* commisso eos fudit: atque arcem, quæ à *Thracibus* defendebatur, magno impetu cepit: ac recte suspensis iis, qui oppugnationi superfuissent, quosque cum biremi ceperat, frumentoque omni abducto, oppidum incensum ac solo æquatum delevit, ne impedimento *Naupliis* esset, quo minus eo ab latere quam vellent liberè vagari eis liceret.

Idem postea complures ad insulas postremò ad

*Faventia*  
à *Cæsare*  
capta.

*Baptista*  
*Zeni*  
Cardina-  
lis obi-  
tus, di-  
vitiae, &  
sepul-  
chrum  
æreum.

*Pylos* se-  
cundò à  
*Turcis*  
capitur.

*Megara*  
à *Venetis*  
capitur  
& dele-  
tur.

*Veneto-*  
*rum* &  
*En-*

*Alexium*  
Insula.

*Alexan-*  
*dri* Pon-  
tificis  
auxilia  
*Venetis*  
data.

Pecuniæ  
sacræ  
summa.



Vene-  
rum &  
Turca-  
rum for-  
tuna  
ambigua.

*Eubœam* profectus, prædam, & quidem opulentam, abegit, oppidaque aliquot & castella multa incendit, ac magnum propugnatorum numerum interfecit, ingenti undique omni illo in mari terrore hostibus atque formidine incussa. Quo quidem tempore captis ab se oppidis rex metuens, *Coronem*, *Metbonem*, *Pylon* muris & propugnaculis, reliquisque rebus ad hostem repellendum idoneis, & militum præsidio apprimè communit. *Nauplii* autem equites, cum hostes ad illos laceffendos in eorum propè suburbia irrupissent, egressi eos fuderunt: ex quibus ducenti quinquaginta interfecti atque capti. Idem paulò post alii hostium equites *Catarbeio* duce aggressi, omnes à *Naupliis* capti sunt præter ducem, qui

A cum duobus equitibus aufugit. Reverso *Corcyram Pisauro*, ut classem regis *Lusitaniæ*, de quibus proximo libro dicetur, expectaret: magistratus reipublicæ, qui *Dyrrbachio* præerat, morbo affectus, ut valetudinem curaret, *Olcinium* se contulit cœli salubrioris gratia. Eam occasionem nacti hostes, noctu *Dyrrachium* furtim aggressi, scalis ad murum positis se in oppidum intulerunt: interfectisque paucis somno expergefactis, oppido sunt potiti. Sed ea æstate foris *Pylo* atque *Dyrrbachio* amissis, nullo autem negotio, quod magnopere ex usu esset, confecto, domi *Augustinus Barbadicus* vita functus est, de  
B mense Septembri, cum annos X V. civitatis principatum obtinuisset.

*Dyrrachium* à  
*Turcis*  
capitur.

*Augusti-  
ni Barba-  
dici* obi-  
tus.





# PETRI BEMBI

## RERUM VENETARUM

### HISTORIÆ LIBRI SEXTI

#### EPITOME.

NOvarum terrarum gentiumque narratio. *Gallia* regis cum *Maximiliano* Cæsare pax. *Leonardus* *Lauredannus* princeps *Venetis* declaratur. *Gallica* & *Lusitana* clasces *Venetis* auxilio missæ re infecta recedunt. *Federicus* rex ab *Gallie* & *Hispaniæ* regibus, regnum inter se dividendum, pellitur. *Venetorum* cum *Turcis* belli progressus. *Pannoniæ* regis cum *Thracio* bellum. *Mitylenes* à *Veneta* & *Gallica* classe oppugnatur. *Ericus* pirata capitur comburiturque. *Antonii Minii* & *Lauredani* principis, de stipendiis magistratuum dimidiis accipiendis, contrariæ actiones. *Tiremium* præfecti, qui rem ignaviter gesserant, ignominia notati. *Lucretia Borgia* *Alphonso Atestino* nubit. Res à *Pannoniæ* rege contra *Turcas* feliciter gestæ. Cives *Veneti* *Byzantii* libertati restituti. *Metaurensum* ducis regnum à *Cæsare Borgia* insidiis occupatur. *Anna Candala* *Pannoniæ* regi nubit, & *Venetias* venit. *Aloisius* rex iterum in *Italiâ* venit, ejusdemque cum *Hispaniæ* regibus ob imperii fines in regno *Neapolitano* bellum. *Leucadia* à *Veneris* capitur. *Guidus Ubaldus* nullo apud *Aloisium* regem præsidio invento, se *Venetias* confert. Deinde *Ursinorum* auxilio in regnum suum redit. Multi populi se reipublicæ dedere volentes rejiciuntur. *Hispaniæ* regum ad Senatum legatio. *Guidus Ubaldus* iterum à *Cæsare* regno pellitur, & ab eodem multi principes necantur. Lex in eos, qui sacerdotia emerent, lata. *Joannis Michaelis* Cardinalis interitus. *Bajasetis* cum *Venetis* & *Pannoniæ* rege pax. *Gallie* rex novum cum *Venetis* fœdus petit. *Alexandri* Pontificis interitus & *Cæsaris Borgia* calamitates. *Benedicti Pisauri* obitus. *Guidus Ubaldus* iterum in regnum suum rediit. *Pius Tertius* Pontifex creatur & moritur, eique *Julius II.* succedit. Multa *Flaminiæ* oppida reipublicæ deduntur. *Florentinorum* contra *Venetos* artes. *Pandolphus Malatesta* *Ariminum* *Venetis* tradit. *Faventia* à *Venetis* capitur. *Julii* Pontificis contra *Venetos* consilia. *Nicolao Ursino* imperium prorogatur.

#### LIBER SEXTUS.

**I**N ALIBUS jactatæ incommodis civitati, malum etiam inopinatum ab longinquis gentibus & regionibus extitit. *Petri* enim *Pascalici*, apud *Emanuellem Lusitaniam* regem legati, litteris Patres certiores facti sunt, regem illum per *Mauritaniam* *Getuliamque* Oceanum convehendis ex *Arabia* *Indiaque* mercibus itinera, suis tentata sæpe navibus, demum explorata compertaque habuisse: navesque aliquot eò missas pipere, & cinnamis, ejusmodique rebus onustas *Olyssipponem* revertisse: itaque futurum, ut ejus rei facultate *Hispanis* hominibus tradita, nostri in posterum cives parcius angustiusque mercarentur: magnique illi proventus, qui urbem opulentam reddidissent, toti penè terrarum orbi rebus *Indicis* tradendis, civitatem deficerent. Eo nuntio Patres accepto, non parvam animi ægritudinem contraxerunt, quam tamen compendiis aliorum populorum solabantur. Simul & illud cogitabant, amabile profectò esse, novas regiones alterumque propè acquiri orbem, gentesque abditas atque sepositas celebrari.

Ac posteaquam hunc ad locum meorum me commentariorum cursus perduxit, non alienum esse arbitror, quod ejus rei omnium, quas ulla ætas unquam ab hominibus effectas vidit, maximæ atque pulcherrimæ fuerit initium: tum quæ terrarum portio: post id, quæve gentes, & quibus moribus sint repertæ, quantum suscepti operis ratio permittet, breviter dicere.

Erat *Columbus* homo *Ligur* ingenio peracri, qui multas emensus regiones, multum maris & Oceani perlustraverat. is, ut est humanus animus novarum rerum appetens, *Ferdinando* & *Isabelle* *Hispaniæ* regibus proponit, edocetque illud, quod omnis fere antiquitas credidit, quinque esse cœli partes, quarum media caloribus, extremæ duæ frigoribus sic afficiantur, ut quæ sub illis sint totidem terræ plagæ, incolæ ab ho-

minibus non possint: duæ tantum inter eas sub eisdem positæ cœli partibus possint: inanem esse antiquorum hominum fabulam, & nullis veris rationibus fultam, & confirmatam descriptionem: improvidum propè necesse esse haberi Deum, si ita mundum sit fabricatus, ut longè major terrarum pars propter nimiam intemperiem hominibus vacua, nullum ex sese usum præbeat. globum esse terræ hunc ejusmodi, ut commeandi per omnes ejus partes facultas hominibus ne desit, cur sub media cœli conversione degi non possit, ubi diei calor cum noctis frigore, pari dimenso utriusque moræ spatio, temperetur, præsertim cum tam citò sol in alterutram declinet partem? cumque sub iis cœli conversionibus, in quibus nostro vertici propior longinquam sol moram trahit, tamen degatur? argentes sub septentrionalibus esse terras, sed eas hominibus non defici, sic sub Australi terras esse frigidas vertice, esse animantium atque hominum genus. quem Oceanum scriptores appellarint, eum non esse inertis magnitudinis, sed insulis atque terris scatere, quas homines inhabitent: itaque vigere atque incolæ universum globum, qui ubique sit vitalis auræ particeps. Hac oratione apud reges habita petit, ut sibi liceat eorum opibus novas insulas, nova littora quærere: spem se habere, non defore inceptis fortunam: ditionemque ipsorum magnopere iri auctum, si rem susceperint, confirmat.

Ab regibus nova spe allectis sententia *Columbi*, quam quidem totum septennium rejecerant, ad extremum comprobata, quam tamen multò antea *Possidonii* philosophi *Panetii* discipuli primum, deinde etiam *Avicennæ* medici fuisse video, magni & præclari viri: anno ab urbe condita millesimo septuagesimo primo, tribus cum navibus *Columbus* ad insulas *Fortunatas*, de quibus superioribus libris sermonem habuimus, quas *Canarias* appellant, profectus, atque ab iis tres & triginta totos dies occidentem sequutus solem, sex numero insulas

Novarum terrarum negotiationes.

*Columbi* de nova orbis parte incognita investiganda institutum.

Veterum de novo orbis opinio.

*Canarie* fortunatæ insulæ.



las reperit, quarum sunt duæ ingentis magnitudinis, quibus in insulis lusciniæ Novembri mense canerent, homines nudi, ingenio miti, linteribus ex uno ligno factis uterentur. Frumentum hi habent, quod *Maicem* appellant, multò quàm nos, spica & culmo grandioribus, arundineisque foliis, & plurimo ac rotundo grano, quod spicæ infixum membrana pro aristis vestitur, quam quidem maturescens rejiciat. Animalium quadrupedum genera habent perpauca: ex his canes pusillos, qui muti etiam sint, nec latrent: avium verò longe plurima, nostris tum grandiora, tum etiam minora, adeò ut aviculæ inveniantur, quæ singulæ suo cum nido vigesimam quartam unciae partem non exsuperent. *Pfittacorum* magnam copiam, forma & colore variam, vellera sponte nascentia ex nemoribus atque montibus colligunt: sed ea cum volunt candidiora melioraque fieri, ipsi purgant atque apud domos suas ferunt. Aurum, quod in fluminum arenis legunt, habent: ferrum non habent: itaque præduris atque acutis lapidibus, & ad lintres cavandos, & ad reliquam materiam in usum domesticum formandam, aurumque molliendum, pro ferro utuntur. Sed aurum cultus tantummodo gratia molliunt, idque auribus & naribus perforatis pendulum gerunt, neque enim numos noverunt, neque stipis ullo genere utuntur. Harum duarum insularum unius cum rege amicitia fœdereque inito *Columbus*, duodequadraginta ex suis apud illum relictis, qui mores & sermonem gentis addiscerent, seque brevi rediturum expectarent, decem ex insularibus secum ducens in *Hispaniam* rediit. Hæc illorum itinerum origo, institutæque ad incognitas orbis terrarum oras navigationis initium hoc fuit.

Anno autem insequente, ut pollicitus fuerat, *Columbus* cum navibus decem septem, & militibus, & fabris, & commeatu omnis generis missi regum eodem rediens, cum se ad lævam versus parum perflexisset, quamplures ad insulas est delatus: quarum partem homines incolebant feri trucesque, qui puerorum & virorum carnibus, quos aliis in insulis bello aut latrociniiis cepissent, vescerentur, à fœminis abstinebant, *Canibales* appellati. Vicos hi habebant, vicenis aut tricenis domibus singulos: domusque erant omnes ligneæ, æ rotundæ formæ, palmis & stipulis contextæ, certarumque arborum & arundinum foliis, ad arcendos imbres. Aëre utebantur adeò temperato, ut Decembri mense avium aliæ nidos ponerent, aliæ pullos educarent suos. Sed cum ad illam insulam, à qua reditum anno superiore apparaverat, *Hispaniolamque* ipsam appellaverat, *Columbus* revertisset, propter soli bonitatem magnitudinemque insulæ, oppidum opportuno loco condere, ac terram colere cœpit. Arbores frondibus nullo anni tempore spoliabantur, una aut altera exceptis, quarum *Hispani*, præter Pinum, *Palmasque* nobis cognitam viderunt nuditas. Insulæ duobus se è specubus terra proditos atque natos dicunt. Deos penates, quos appellant *Zemes*, colunt. eos plebs habet communes. Suum verò ex regibus quilibet, eorumque simulachra lana contexta in bellum profecturi capiti alligant, juvarique se ab iis majorem in modum putant. Noctu vagari mortuos credunt, posseque omnia humana membra sumere præter umbilicum. Ab suis *Zemibus* ejusmodi responsa non multos ante annos accepisse illos constat: venturum eò indutam vestibus gentem, quæ regionem subigeret, & ipsorum aboleret Deos.

Sed vicinæ huic insulæ hominibus alterius ex duabus, de quibus suprà dictum est, insulis,

A quam quidem & propter magnitudinem *Hispani* terram esse continentem crediderunt, & hominum genere atque auri copia multum præstare cæteris intellexerunt, & *Cubam* appellari didicerunt, serpentes nova totius corporis specie ac forma præditi, sesquipedis plerumque longitudine, qui ex terra & aqua vivunt, in lautioribus erant epulis. Verumenimvero & illi, & qui proximas obtinebant insulas, quarum magnus erat numerus, plerique auream ætatem agere, nullum agri modum noscere, non judicia, non leges habere, non literis, non mercatura uti, non in posterum sed in dies vivere.

B Ac dum hæc conquiruntur, *Joannes Lusitaniæ* rex per legatos apud *Hispaniæ* reges queritur, sua littora, suasque regiones ab ipsis tentari: eas quas reperissent insulas ad se spectare, qui *Hesperides* habeat, & cujus majores Oceanum percurrere ante omnes alios sint ausi. Contra *Hispaniæ* reges dicere: quæ non fuerint ullo ab homine antè parta, omnibus hominibus patere: se nulli esse injurias, si ab cæteris ignorata labore & studio acquisiverint suo. Itaque magnis ex ea re obortis inter eos disceptationibus, ne controversiæ ejusmodi ad bellum deducerentur, utrique se *Alexandri* Pontificis Maximi judicio staturos

C spondent. *Alexander* tota se cognita statuit, ut à Septentrionibus directâ ducta in Australem polum linea, quæ à *Gorgonum* insulis trecenta millia passus in occasum distaret, quæ pars orbis in Oceano ad occidentem solem esset, ea *Hispaniæ* regibus cederet: quæ ad orientem spectaret, juris *Lusitani* censeretur. Ita orbis terrarum ab ea Oceani ora in duas divisus partes, duobus regibus perquirendus & obtinendus est traditus. ad quam quidem certè rem magna uterque diligentia consequendam se dedit. Sed *Hispanis* ulteriora tentantibus terra est objecta continens paulò minus decies

D centena millia passuum ab *Hispaniola* protensa meridiem versus: atque in ea populi sub rege bellum cum finitimis gerente occurrerunt: quorum fœminæ virum passæ, nullam partem corporis præter muliebria, virgines ne illam quidem tegebant. Regem ii suum honoris gratia sublime in humeris ferunt. Tum alii deinde populi capillo promisso, & liberali aspectu, auro atque gemmis culti. Vino ii utuntur albo nigroque ex quibusdam confecto fructibus, sapore delectabili. Post hos item alii, qui certarum se herbarum coloribus pullo & purpureo inficiunt: aspectuque sunt in pigna eam ob rem tetriore ac horribiliore. Demum gens inventa agilis admodum, & item nuda, genitalibus

E tantummodo cucurbitula vel marina testa inclusis. Cadavera ibi regum & magnorum hominum deficcata in domibus asservantur, eaque in honore magno habent. est etiam, ubi arida facta contebant, eoque pulvere in epulis & poculis honoris causa utantur. Postremò autem ad meridiem audacius in dies iter flectentibus *Hispanis*, cum vertex se subducere noster cœpit, tum è regione alia quædam magnopere splendentium quatuor stellarum forma atque series extitit, quam esse Australis verticis faciem crediderunt. Visi post hæc homines nostris longe proceriores, & magno ad obeundas

F pugnas animo. tum flumen refertum insulis immani latitudine: patet enim amplius passuum millia centum: & silvæ arborum, quæ materiam habent ad tingendas lanas idoneam, aliarumque ita procerarum, ut eas viginti hominum extremis se manibus contingentium capere complexus sæpe nequeat. Siliquas hæc producant longitudine palmari, pollice crassiores, lanæ mollissimæ conficæque plenæ, quæ quidem ob tenuitatem & brevitatem deduci in subtegmina fusis non possit,

In *Cuba* insula serpentes.

*Lusitaniæ* & *Hispaniæ* regum de novarum insularum dominio controversia.

*Alexander* Pontifex regum arbiter.

Orbis divisus.

Gentium variarum nationes.

Arbores miræ crassitudinis.

Siliquæ lanæ plenæ.



simul-  
pa ani-  
mal.

Homi-  
num no-  
vi orbis  
regio-  
nem in-  
colen-  
tium  
mores  
varii.

Flumina  
aurifera.

Gem-  
marum  
& mar-  
garita-  
rum In-  
sulæ.

Auri a-  
bundan-  
tia.

Messicum  
oppi-  
dum.

sed ad farcienda strata culcitraque magnopere sit idonea. Animal eæ silvæ nutriunt cuniculi magnitudine, gallinis infestissimum: quod quidem fœmina loculum habet è pelle utero adnexum, quasi uterum alterum, fœcundum uberibus, in quo catulos secum gestat, emittitque cum vult, itaque si animal noxium videt, si venatores adesse intelligit, loculo illos recipit, & inclusos fugiens aufert: idque tandiu facit, quoad catuli per se, & quæ sibi usui ad victum sunt, quærere, & vitam tueri possint. In ea terrarum parte homines impuberes in omni ætate sunt propè universi, neque ullos habent pilos. Idem magnopere natandi artem callent, tum mares tum fœminæ: eique rei à parvulis insuecunt, filios ex sororibus sibi hæredes instituunt, quoniam non dubiè suæ gentis sunt. Mulieres adolescentes parere, servile ducunt esse: itaque si prægnantes fiunt, herba ad eam rem idonea abortum faciunt. cum verò ætatis flos exaruit, tum pariunt, ac proli student. Sed quæ regio sunt sanguine, negare aliquid ulli viro, qui ex nobili sit genere, in turpibus habent rebus, ferè semper cum rege mortuo uxor una & altera sepeliri vult eo cum ornatu, quem vivens adamavit: tum servietiam, & clientes: ita enim se cum illo apud superos tota tempora victuros putant. Nonnullæ gentes Deorum imagines filiorum suorum infantium spargunt sanguine. Mitiores aliæ sacerdotes ita habent institutos, ut barbam, si quam habent, aut capillum neque tondeant, neque peccant totius vitæ tempore. Quibusdam in locis propter paludes incolæ domos in arboribus ædificant, easque inhabitant cum uxoribus & liberis. Atque omnibus ferè in continentis regionibus aurum ex fluminibus colligunt, aut ex vicinis fluminibus locis, non magna tamen diligentia (neque enim nummos cudunt) minutis plerumque cum terra globulis, sed sæpe etiam librali pondere, ac nonnunquam multò majoribus. Gemmas verò maximeque margaritas ii habent populi, qui *Cubagæ*, & *Cumaneæ*, & *Terarequi* insulis (sic enim eas appellant) in Septentrionem versis paulum à media coeli conversione declinantibus sunt proximi: ubi eas urinatores expiscantur, tanta cum mari assuetudine, ut semihoræ interdum spatium conchis margaritarum conquirendis sub aqua se contineant. Earum magna vis ab incolis regibus *Hispanis* tradita, nobilium fœminarum mundum facilè auxit.

Atque ea quidem omnia ante hos plane annos, quibus hæc à nobis conscribi cœpta sunt, contigerunt: nam quæ proximè gentes bello ab *Hispanis* sunt devictæ, eæ porro & vestium cultu, & oppidorum nobilitate, & bellandi studio, & hominum frequentia, & finium ac regnorum amplitudine, reliquis earum regionum omnibus multum præstant, quorum nonnulli solem, lunam, uti virum & uxorem, colunt. neque impuberes planè sunt, venusta etiam forma, & probis moribus fœminæ, tum ornatae gemmis præter cætera extremas quoque furas ad talos usque. auro autem sic abundant, ut parietes templorum ac domorum reges eo vestiant: & vasis ad victum domesticum prope omnibus, uti nos ab ahenis aut testaceis, sic illi aureis utantur. itaque victi magno auri pondere *Hispaniam* referferunt.

Cum iis, quos superius diximus, populis, *Messicum Temistaneæ*, regionis oppidum egregium in lacu falsæ aquæ situm, sub Cancro ferè ad conversionem positum, numerare nos oportet, cum plerisque non oppidis modò, sed etiam regionibus, ac magno terrarum spatio vectigale factum. quòd si quas etiam terras ad Australem

A verticem positas *Hispaniæ* imperio adjecerint, æstimatur, nullus propè antiquorum hominum labor eorum industriam æquaverit. Alia ex parte *Lusitani* classe ab rege comparata, in Austrum ab Hesperidibus conversi, Africæque promontorio, quod *Bonam spem* appellant, trajecto, *Aethiopici* Oceani se primum ostendentibus littoribus, ad continentem nigrorum hominum terram, quæ appellatur *Cephala*, naves appulerunt, auro divitem, quod interiores eò important populi, ut res alias contrà mercentur, nullo id pondere aut mensura, sed tantum fructus ex oculorum fide atque arbitrio permutantes, ut qui accipiunt, sæpe lucrum centupli faciant, atque ibi arcem condiderunt. Deinde ad *Mogambicem* regionem delati, portu egregio, & advenarum frequentia nobilem, arce item posita, ejus sunt imperio potiti. Labrum inferius hi sibi homines perforant, ossulaque aut gemmas foraminibus appendunt cultus honestioris gratia. *Quiloæ* deinde regem bello devictum expulerunt, eumque tenuerunt. Oppidani domus nostro more habent exædificatas, colore ipsi inter nigrum albumque vestibus liberaliter induti. Aliis post hos relictis populis, mare *Rubrum* ingressi complures nigrorum, item & bonorum hominum, ac bello fortium civitates adierunt, qui natis statim fœminis naturam consuevit, quoad urinæ exitus ne impediatur: easque cum adoleverint, sic consuevit in matrimonium collocant, ut sponsi prima cura sit, conglutinatas atque coalitas puellæ oras ferro interficere: tanto in honore apud homines barbaros est non ambigua ducendis uxoribus virginitas. Ac *Lusitanis* mediam *Rubri* maris partem transgressis, *Zides* se oppidum obtulit amplo cum portu, ad quod quidem *Indici* populi suas merces convehbant: eas *Aegyptii*, qui eò loci mercaturæ causa quotannis convenire consueverunt, *Camelis* imponebant, *Alexandriamque* perferebant: quas quidem *Venetii* merces, statò anni tempore eam ad urbem adnavigantes, coëmebant, domumque convectas omnium gentium mercatoribus, ea se de causa vulgò petentibus, venditantes, incredibili auri proventu civitatem locupletabant suam.

Sed posteaquam ad eas regiones *Lusitani* venerunt, magna rerum commutatio est consecuta: quicquid enim ferè mercaturæ causa ex omnibus *Arabiae* *Indiæque* locis mare *Rubrum* importabatur, ipsi emere domumque convehere cœperunt: qua adductus necessitate rex *Aegyptius* anno ab urbe condita millesimo octogesimo, *Zidensum* in portu, qui quidem in intimi ejus maris sinu sunt, classem magno sumptu comparavit, ut ab *Indiæ* maris navigatione *Lusitanos* averteret, sed ab illis ad *Dium*, in ostio *Indi* fluminis oppidum, victus, classicapta atque incensa, rem inchoatam reliquit. *Zidenses* nullam postea, vel omnino modicam, rerum *Indicarum* advectionem habuerunt: ita *Aegyptios* *Venetosque* instituta antiquitus mercaturæ ratio, quæ intercipi nullo posse tempore videbatur, aliò conversa propè defuerunt.

F Neque hercule propterea *Lusitani* finem progrediendi fecerunt, sed ad complures *Arabici*, *Persici*, *Indicique* insulas Oceani, atque ad innumeros continentis portus conventusque hominum profecti, silvis felicibus odorum omni genere, ebore, argento, auro, gemmis beatos, se contulerunt: & *Colocute*, oppido propter affluentem earum rerum, quas in primis quærebant atque adamabant, copiam maxime omnium opportuno, præliis secundis factis

*Cephala*  
terra au-  
ri dives.

*Mogam-  
bice* re-  
gis.

*Virgini-  
tatis*  
confer-  
vandæ  
mira ra-  
tio.

*Zides* op-  
pidum &  
empori-  
um.

Rex *Ae-  
gyptius* à  
*Lusita-  
nis* vi-  
ctus.

*Colocute*  
regio.



factis, & munitionibus institutis in potestatem redactis, eas regiones tenuerunt: *Taprobaneque* insula multorum mensium itinere post tergum relicta, quod nemo unquam penetravit, sui regis signa audacissime felicissimeque intulerunt. Tamen si maiore omnino audacia, felicitate autem nunquam alias audita, si vixisset, *Ernandus Maglajanes Lusitanus* fuit, qui *Hispaniæ* regum opibus classe comparata, viæ initio in Austrum se flectens, atque ultra mediam cœli conversionem propter continentis terræ oras dextrorsum velificans, magno spatio ad polum versus peracto, ut illum longius altiores, quam nobis noster sit, eo in itinere habuerit, & freti, quod nunc *Maglajanis* appellant, angustiis trecentorum millium passuum in longitudinem decursis, iterum ad medium cœli spatium se convertit: deinde ad aurore populos atque insulas odoratarum arborum plenas, quas *Molucas* appellant, medium complexus globi spatium pervenit, ibique pugnans interit: postremo illius comitatus per *Lusitanorum* partis Oceanum labore plurimo universi orbis terrarum navigatione triennio confecta, in *Hispaniam* rediit: cumque totius itineris enumeratis diebus rationem, quam in tabulis habebat, repetisset, uno sibi annos illos die longiores factos, de dierum nominibus domi audiens, reperit: qui omnino anni, si se is ad Orientem, domo profectus, convertisset, ac contra solem usquequaque currens illud ipsum iter universum confecisset, uno breviores die redeunti sanè fuissent: semper enim tanto citius orienti soli occurrens, quanto plus itineris post se circumvectus reliquisset, emenso demum totius terræ globo, die uno prius solem sibi orientem, quam cum viæ se dederat, profectus habuisset.

Eodem ferè tempore, quo legati *Pascalici* litteræ ad Senatum venerunt, *Aloisius* rex *Gallorum Tridenti* per legatum suum Cardinalem *Rotomagensem*, cui *Mediolano* proficiscenti (illi enim urbi atque regno præerat) *Georgium Cornelium Brixie* magistratum, reginæ *Cypriæ* fratrem, Senatus legavit, pacem cum *Maximiliano* imperatore certis conditionibus fecerat: quarum illa erat maxima, ut is se regem *Mediolani* appellaret, ipse in corona, ex qua *Maximilianus* iure imperator dici posset, more institutis majorum à Pontifice Maximo Romæ tradenda, autoritate opibusque suis præstet ei esse teneretur. Cardinali per fines reipublicæ cum magno comitatu eunti & redcunti sumptus est publicè factus.

Sed *Barbadici*, quem vita functum dixeramus, loco, *Leonardum Lauredanum*, plurimis necessitudinibus & propinquitatibus atque affinitatibus fultum, civitas sibi principem declaravit. Ea comitia primum habente, ædis *Marcis* procuratio, quo in magistratu *Philippus Tronus*, cuius pater *Nicolaus* annos sex civitatis principatum obtinuerat, illis ipsis diebus erat mortuus, *Benedicto Pisauro* classis præfecto magno favore civitatis est delata. Eiusdem verò ædis procurationem eam, ex qua *Lauredanus* summum locum inierat, *Marinus Garzonius* alteris comitiis est adeptus.

Classis interim *Gallica* itemque *Lusitana*, quas uterque rex, ut reipublicæ auxilio essent, sese receperat missurum, non uno tempore altera *Corcyram*, altera *Zacynthum* adveniunt: tamen si neutra omnino earum ulli reipublicæ usui fuit. *Galli* enim priores apud *Zacynthum* cum essent, *Pisauro* non expectato, quem Auster ventus *Corcyræ* multos dies perincommodè flans detinuerat, *Rhodum* versus profecti sunt.

Sed naves illas *Aloisius* ad *Federicum* regem *Neapolis* regno expellendum inita cum *Hispaniæ* regibus societate comparaverat: itaque pulso il-

lo, ac divisis regni regionibus ex fœdere, ut *Apulia Calabrisque Consalvo* eorum duci traditis, reliqua omnia *Aloisius* obtinuerit, classem, cuius præterea non magnopere indigebat, juvandæ ad speciem reipublicæ illò misit.

*Lusitani* autem paulò post à *Pisauro Corcyræ* perliberaliter accepti, cum ille ab eis petiisset, ut secum aut ad *Dyrrhachium* recuperandum, aut ad insulam *Leucadiam* oppugnandam accederent, neutro negotio suscepto, quod dicerent suum sibi regem mandavisse, ut contra classem *Thraciam* unà cum *Veneta* omnem belli fortunam experirentur, ab oppidis obsidendis aut omnino tentandis abstinere, quo itinere venerant, domum discesserunt. Ea erat classis navium onerariarum una de triginta: quarum quinque satis magnæ, reliquæ pusillæ, sed omnes magna tormentorum vi & numero militum pulcherrimè instructæ, tum opertis singularum tegumento versicolore puppibus, ut latè aquam tentoria tangerent, fluctibusque verrerentur (quoniam in nostris classibus id non fit, præterquam in navibus longis: neque illo impendio, sed ad usum tantum) inusitatam atque egregiam classis faciem præbuerunt. illis destituti Patres classibus rogationem iusserunt, ut triremes in *Creta* insula decem armarentur, eisque triremibus, quo libentius civitates imperata facerent, præfecti *Cretenses* imponerentur. Itaque triremes ex navalibus, pecunia in stipendium ex ærario est in *Cretam* missa. Latum etiam, ne quid intentatum Patres relinquerent, ut *Franciscus Capellus*, cui legatione apud *Aloisium* functo *Dominicus Trivisanus*, *Hieronymus Donatus* de regno *Neapolitano*, sub ejus imperium redactis, gratulatum à Senatu missi successerant, ad *Henricum Britanniæ* regem socium atque amicum reipublicæ proficisceretur auxilium in *Turcas* postulatam. Tamen si nuntii venerant, *Bajasetem*, à rege *Pannoniæ* bello lacescitum, suas vires eò convertisse, navium ædificatione intermissa: nam è *Pannonia* literæ ad Senatum datæ certiores Patres fecerant, *Turcas* equites, cum *Danubium* flumen trajecissent, ut in fines hostium incursiones facerent, à regio exercitu fusos, duobus millibus interfectis, revertisse: tum transmissis ab eodem exercitu flumine, *Turcas* duobus itineribus interclusos malèque habitos, partem suorum non spernendam, unà cum duce filioque ducis amisisse.

*Pisaurus* profectis *Lusitanis*, uti cum classe *Gallica* se conjungeret, omnem diligentiam adhibuit: itaque eam demum ad *Maleam* nactus, muneribus & comæatu largiter præfecto classis missis, ad *Mitylenem* expugnandam propè invitatus unà se contulit, cum *Galli* nihil ea de re antea cum illo communicavissent, neque quid sui consilii esset, ab eo petiissent: nihil tamen secius omnibus in rebus suam illis operam præstitit. Itaque tormentis expositis *Galli* nostrique oppidum aggressi, muro dejecto, repulsis atque occisis propugnatoribus, magno impetu ipsum ceperunt. Arcem oppidi autem, sine qua teneri oppidum non poterat, cum jam *Veneti* turri dejecta signa in muros intulissent, idemque *Ligures* ex classe *Gallica Venetis* proximi fecissent, tamen capere non potuerunt, quod duorum præfectorum interitu, quos hostes interfecerant, *Galli* perterriti se in castra receperunt. Erant autem ex *Armoricis* finibus plerique, qui suorum ducum dicto audientes non fuerunt: omnes subsequuti, oppugnationem reliquerunt: ita victoria jam planè parta, si suum *Galli* munus obissent, interpellata pedem retulit. Accidit autem ab *Thracibus* ea in oppugnatione res permira, quæ virtutem illorum atque animum ostenderet. Nam cum tot navibus oppidum obsideretur, tot hostium millia circum-

Classis  
*Lusitana*, cum  
opertis  
puppibus  
vario colore.

*Veneto-*  
rum cum  
*Turcis*  
belli con-  
tinuatio.  
*Pannoniæ*  
regis  
cuni  
*Turca-*  
rum bellum.

*Mitylene*  
à *Gallica*  
& *Veneta*  
classe op-  
pugnata.

*Turca-*  
rum au-  
dacia.



fusa ad muros stationes haberent, una in biremi & tribus navigiis milites trecenti à *Bajasetis* filio è *Magneſia*, cui præerat, auxilio miſſi, in arcem ſe inferre velle non dubitaverunt: ſed ab *Gallis* intercepti, cùm ſe fortiffimè defendiffent, reliquis interfectis, viginti eorum *Gallos* elapſi, quò intenderant, tenuerunt, atque in arcem recepti ſunt. Præfectus claffis ea ſpe dejectus, *Piſauro* relicto diſceſſit: tempeſtate turpidiffima deprehenſus ad *Cytheram* inſulam, navi ſua elifa, ex hominibus quingentis, qui in ea erant, ipſe perpaucique, qui ſe in parte navis fracta ſcopuloque infixæ continuerunt, evaſerunt. Navis ex hujus claſſe altera cum ſexcentis hominibus interiit.

*Piſaurus*, multis diebus ad bellum gerendum idoneis *Gallorum* cauſa fruſtrà conſumptis, hyeme præcipiti ſe ad *Melum* inſulam contulit. Fortè ibi *Ericus Trax*, qui piraticam multos annos exercuerat, plurimæque damna *Venetis* hominibus intulerat, quod ex *Africa* veniens naufragium ad inſulam fecerat, captus à *Meliis* in cuſtodia tumerat. Id ſimul eſt *Piſauro* nuntiatum, *Ericum* ad ſe adduci imperavit, proptereaque quòd is aliquot ante annos civem *Venetum Ambroſium Contarenum*, *Franciſci* filium, cum quo mercaturæ ſocietatem inierat, nihil ab eo metuentem, cum ejus navi per inſidias contra jurisjurandi religionem, apud *Theſſalonicam* à ſe captum igni excruciatum necaverat, vivum comburi juſſit.

Hæc dum foris adminiſtrantur, domi, quòd pecunia publicè deerat, Senatus decrevit, uti quam ipſe legem prius, deinde comitia hujus belli initio juſſerant, ut magiſtratus omnes provinciales atque urbani mediam ſtipendiorum partem reipublicæ remitterent, ea in annum unum prorogaretur: itaque primis anni diebus cùm in comitio *Lauredanus*, quique illi aſſident ſexviri, & quadragintavirum magiſtri eam legem pronuntiaviſſent, *Joannes Antonius Minius*, civis in dicendo ſatis audax, qui omnem ſuam ætatem, erat enim jam ſenex, cauſis agendis in privatorum patrociniis conſumpſerat, ejuſmodi concionem habuit. Non ignoro cives magnam me rem, & multorum invidiæ propoſitam ſuſcepſiſſe, qui ſim contra Senatus præjudicia, contra magiſtratuum voluntatem, pro veſtris commodis & veſtra incolumitate liberè, quæ ſentio, dicturus: neque dubito, quin me plerique arroganter facere exiſtiment, quòd ea, quæ Patres conſcripti jam pridem juſſerunt, vosque ipſi rata eſſe voluiſtis, nunc Patribus iterum jubentibus, ego unus, tanquam plus omnibus provideam, improbaturus ſurrexerim. Sed me præſtat omnem invidiæ aleam atque pericula ſubire, dum vos decipi, & reipublicæ muneribus ſpoliari, quoad potero, non patiar. Legem hoc bello, quod cum rege *Thracio* gerimus, in Senatu latam, veſtris ſententiis ſancitam, præteritis expletam menſibus prorogare Patres decreverunt, uti magiſtratus omnes, qui per nos creantur, mediam ſtipendii partem annum reipublicæ remittant: itaque Senatu approbante ad vos veniunt, ut eam ratam & ſancitam habeatis, quid eſt hoc aliud, quàm velle vos qui liberos, qui uxores, qui domos familiasque veſtras, qui vos ipſos beneficio reipublicæ magiſtratibus obeundis ſuſtinetis, quando annum jam omnibus in difficultatibus confeciſtis, alterum non habere annum, unde inopiam levare, & vitam tolerare veſtram queatis? An, quoniam divitibus ea lege parum iri nocitum vident, reliquos, qui re anguſta utuntur, non reſpiciunt? eſtne id alteros tanquam ſeipſum diligere? quo uno medius fidius præcepto omnis humana ſocietas continetur. Ego verò cives ſic exiſtimo: quòd contra hoſtes nihil proſperè gerimus, adverſa verò multa & miſera

A ſingulis diebus nuntiantur, hoc ex fonte manare, quòd ipſi inter nos non amamus, neque quifquam alteri conſultum vult: nemo, qui opibus pollet, ei qui debilior eſt, proſpicit. Dii proſectò immortales, qui acta & cogitationes noſtras perſpiciunt, irati nobis inſenſique ſunt, conatusque noſtros fruſtrà ſuſcipi, evaneſcereque omnes ſiunt, hoſtibus virtutem & conſilia ſubminiſtrant. Tria ſunt omnino hac in urbe civium genera: unum locupletum atque potentium: aliud eorum, qui ſunt dignitate opibusque tenuiſſimis: mediæ inter hos fortunæ tertium. Primum illud atque ſummum, propter potentiam in tributa ſæpe nihil dat, propterea quòd nemo principes viros cogere audent, qui plerunque in magiſtratibus ſunt, remque publicam adminiſtrant. à mediis, quæ imponuntur publicè onera, multi magiſtratus exigunt: ab inſimis planè univerſi: nam ab iis minimè reſiſtitur: ita ſit, ut qui rei minus habent, plus in ærarium conferant: illi, qui omnia poſſident, nihil tribuant, niſi cùm libet: tanquam reliqui ſerviant, ipſi regnent atque impendant. quòd ſi divites fiſco quæ debent, etiam dependant, nihil ſit neceſſe curarum & laborum veſtrorum obeundis magiſtratibus mercedem reipublicæ condonari, ut in bellum pecuniam ſuppeditet: ea ſumma omnis pro parte media tercentum auri libras non exſuperat. locupletum & potentium reliqua ſi ratio ſubducatur, tantundem decies aut plus etiam conficient: illa exigite, qui præpoſiti eſtis pecuniæ publicæ magiſtratus: neque vos fiſco debentium autoritas deterreat, ne quid facere contra ipſorum voluntatem audeatis: abundè vobis aderit, quod quæritur: neque tenuiorem, ſed bonorum tamen civium ſudorem, aut potius ſanguinem exugere cogemini. Quid autem? nonne cives illud etiam vos impellere ad legem repudiandam poteſt, quòd multi magiſtratus, ut ſit unde ſe, liberosque ſuos alant, non tam juſtitiam in juſdictionibus agitare, quàm ſervire quæſtui, & ſtudere lucro ſtatuent, dum ea, quæ injuria ſibi erepta exiſtimabunt, quoquo modo ſarciant? Quamobrem omnia paſſim erunt venalia, neque immeritò, quoniam ita Senatus & civitatis principes decreverunt. Animus mihi cives eo anno tum, cùm primò lex eſt lata, ſua-debat, ut ejus lationi contradicerem: ſed me Senatus autoritas continuit, quod exiſtamabam ea veſtra incommoda annum tantum duratura, neque legem tam iniquam iri prorogatum verebar: ita me meæ cogitationes ſefellerunt. nunc eò res eſt perducta, ut in veſtra manu atque ſententiis tamen ſit totius rei exitus. quòd ſi vos legem iterum juſſeritis, quid erit cauſa, quare non aut eam optimates ſingulis annis ferant, aut vos, quod ſecundò probaviſtis, tertio etiam & quarto ſanciat? ita res in exemplum ceſſerit: vos, cùm rumor belli aliquis paulum excitabitur, ſtatim pleſtemini: ea ſemper erit magiſtratibus opportuna erogandæ pecuniæ ratio: ſemper reipublicæ beneficio ſpoliabimini, quod eſſe veſtrum ſolidum atque proprium debuerat. quare cenſeo ut legem rejiciatis, ne, veſtra quæ ſunt, ipſimet projiciatis, nève ullis ab hominibus ludibrio vobis libentibus habeamini.

F Hæc cùm eſſet *Minius* concionatus, magna perturbatio comitium tenuit, quoad, quis ei reſponſurus eſſet, ſciri potuit, *Lauredano* Principe ſua ſe è ſella ſublevante, qui ſtans dicere ſic eſt exorſus: Valde me hodie cives à mea de *Joanne Antonio Minio* ſpe atque opinione deceptum fateor, qui, cum mihi heri eſſet dictum, contra legem, quam ferimus, verba illum apud vos velle facere, non credidi: neque enim perſuadere mihi poteram, hujusce civitatis hominem, quatuor & ſexa-

*Ericus*  
pirata  
captus &  
combu-  
ſtus.

Conten-  
tio de ſti-  
pendiis  
magiſtra-  
tuum di-  
videndis.  
Oratio  
*Antonii*  
*Minii*.

Cauſa  
malè ge-  
ſtarum

Civium  
tria ge-  
nera.

*Laureda-  
ni* Re-  
ſponſio  
ad ora-  
tionem  
*Minii*.



sexaginta annos natum, qui aliquando rempublicam attigisset, tam æquam, tam etiam necessariam rogationem, quam Senatus ipse frequens probavisset, esse impugnaturum. Quanquam fuisse qui dicerent, quoniam *Minus* ad senectutem sine ulla dignitate pervenerit, semel tantum anno superiore in magistratu adolescentulis mandari solito fuerit, id illum cogitavisse, si causam tenuiorem suscepisset, qui stipendio munerum reipublicæ fraudari se magnopere indignantur, fore ut favorem sibi atque suffragia illorum ad magistratus adipiscendos conciliaret. quod quidem ego, ut reliqua, falsum esse facile putavi: vos, qui melius hæc cognoscitis, quid sibi is hoc suscepto negotio voluerit, vobiscum reputatote. Tu verò *Mini*, solusne es omnium, qui, quo impliciti bello duos jam annos versemur, quantas in eo impensas fecerimus, quantas facere necesse sit, quibus in difficultatibus cogendæ pecuniæ dies totos solliciti noctes insomnes conficiamus, ut hoc imperium ab hoste omnium acerrimo tucamur, nescias? remigum, militum, præfectorum navium nostrarum, quos innumeros alimus, stipendia immane auri pondus requirunt: in arcium & oppidorum præsidis multum pecuniæ infumitur: navalia urbana, tot classibus exhausta, magni æris singulis mensibus indigent, ut naves, ut tormenta, reliqua, quæ de bello usui sunt, nostris imperatoribus subministrant. Regi *Pannoniæ*, ut cum nostris hostibus bellum gerat, mille auri libræ ternis curationibus sunt ex fœdere quotannis dependendæ: his tot atque tantis impensis pecunia suppeditari quæ potest? cives enim nostri, tributis innumerabilibus persolutis, amplius quod tribuant, non habent. Provinciales, nova pecunia imperata, agrisque suis præter morem censui addictis, conqueruntur: neque quicquam, nisi coacti, fortunisque suis divenditis, in ærarium conferunt. vectigalia reipublicæ portoriis, propter bellum impeditis, angustè redimuntur. mercatores nostri ad exterarum nationes, exteri ad nos mari commercare non permittuntur. Itaque nisi nos, quorum maximè interest, quibus possumus rationibus reipublicæ, belli fluctibus jactatæ, opem ferimus, quis omnino erit reliquorum hominum, qui ferat? omnes enim nobis alieniores sunt, quam nos ipsi. Nummi autem nervi bellorum sunt: sine iis bellum gerere nulla natio potest. Nos quidem cives, quos huic urbi atque imperio præesse voluistis, reliquique magistratus, qui nobiscum unâ rempublicam administrant, hanc inviti legem, magnoque nostro cum dolore, ad vos ferimus, propterea quod urbes nostras ab hostibus capi, dirui, teneri, regiones vastari, populos dissipari, cives nostros aut interfici, aut in servitutem abduci multò pejus est, quam hanc munerum mercedis portionem pro sua quemque parte reipublicæ remittere, quæ adhuc mala & acciderunt, & deinceps accidere necesse est, nisi bellum magno apparatu, magnis opibus gesserimus. opes autem hæc pecunia comparantur. *Minus*, qui vobis, ut legem repudietis, suadet, illa suadet ut perpetiamini, dum, ne pecunia comparari possit, nititur efficere. Ego verò hujus sum animi atque sententiæ, ut à fanorum & templorum adytis aurum atque argentum sacrum omne nummis cudendis auferamus, quibus bellum commodius administrari possit, potius quam ea, quæ commemorata sunt, perferamus, remque publicam periclitari, atque hoc imperium proteri ab hoste impurissimo, deterrimoque permittamus: idque nos Diis ipsis libentissimis, quorum templa spoliabuntur, facturos puto. Verum adhuc quidem ad id nos descendere nulla res cogit, modo vos hoc, quod multò est æquius, quodque vo-

A bis facere nulla religione impeditis licet, quod ordo amplissimus probavit, vestris hodie sententiis, vestra in patriam liberalitate pietateque jubeatis. Nam quod *Minus* Deos nobis esse iratos commemoravit, mihi quidem dubium non est, quin qui malè atque perperam agunt, ii Deorum sibi iram pariant: itaque præfecti nostri, qui improbè rempublicam gesserunt, partim interierunt, partim exilio ignominiaque mulctati, Deorum numen suis infensum rebus, dignitatibus, rationibus habuerunt. Vos, si quæ decet, quæ tempus exigit, quæ status reipublicæ turbulentus, quæ pecuniæ cogendæ difficultas in præsentia postulat, statueritis, nihil ab Diis immortalibus timetote: prospera nobis omnia ab illis secundaque advenient. Quid, quod vos injustitiæ *Minus* infumat, quos lege iussa in magistratibus obeundis jurisdictiones vestras ad quæstum conversuros putat? conjecturam scilicet de aliorum moribus à se ipse capiens, qui linguam atque ingenium, ex quo primum loqui cœpit, usque ad hos annos, atque senium in lucro & quæstu semper habuerit, atque opes sibi amplas ea tantum ratione comparavit: quasi nesciat, qui naturâ boni sunt, magistratibus initis in rebus difficilibus meliores porro fieri, qui pravi & mali, eos à Triumviris, vel qui ad urbem sunt, vel quos querelis populorum cognoscendis in provincias mittitis, ad urbana judicia deduci, quibus à judiciis improbè factorum pœnas luant: ita fit, ut suo ingenio cives duris in rebus afflictati, tanquam in cote virtutem subigant & exacuant suam: aut metu iudiciorum à maleficiis nullo non tempore aut rerum casu absterantur. Ausus etiam tu quidem es *Mini* tria esse genera nostrorum civium dicere, locupletum, mediocrium, tenuiorum: atque hæc inter se dissidere ostendisti, dum à divitibus in tributa nihil penditur, à reliquis onera omnia sufferuntur. regnare etiam illos dixisti, hos servire, atque in ea civitate, quæ, ex quo nata est, libera & sui juris semper fuit. Id te non pœdavit in concione esse mentitum. Hoc quidem, esse tria genera, nihil impedit: id enim omnibus in civitatibus accidere consuevit: neque aliter propemodum se habere hominum conventus ullus atque societas potest. Divites verò nihil conferre, cæteros omnia, hoc falsum & injuriosum est: nulli enim homini paritur: omnes peræque, quod fisco debent, etiam solvunt: aut, si id per se non faciunt, ab iis qui præsumunt, facere coguntur. quære à fisci magistratibus rationes: subduci jube: reliqua civium inspicere: nihil eorum reperies, quæ dixisti. An, quod bona locupletum minus hastæ subiciuntur, mediocrum autem & tenuiorum quotidie, propterea tu divites conferre nihil existimas, reliquos omnino unos omnia? malè tu quidem urbis nostræ mores & rerum conditionem dispicis, aut te dispicere simulavisti. Divites, quia solvendo sunt, sua distrahi non sinunt, sed in ærarium sponte conferunt. quod cum reliqui non faciunt, sæpe fit, ut eorum infulas, fundos, prædia, magistratus ad licentes transferant. Sed quid illud tandem est, quod tu servitutis & regni nomina in hanc rempublicam induxisti? alteramque civium partem in alterius invidiam trahere his impuris vocibus excogitavisti? an, qui ab urbe condita uni atque iidem semper fuimus, ut dissideamus inter nos, ut secessiones facere incipiamus, tibi uni esse optabile & conducibile existimas? Id vis, id postulas, id efficere conaris. Vos appello magistri *Decemvirum*, qui sedetis, cui antiquitus magistratui cives improbos coercendi omnis est potestas attributa, vos ab eo hujus rei causam reposcite. Bello, quod cum *Liguribus* quartum gessimus, *Italici* populis atque



in reipublicæ temperatione constitutis, ærario exinanito, majores nostri edixerunt, si quis rempublicam pecunia juvisset, cum se civitate & jure comitiorum muneraturos: itaque bello confecto, eam ob causam triginta homines ad rempublicam admiserunt, ii totidem familias in nobilitate intulerunt, quæ nostro jure, nostris muneribus, nostro imperio deinceps sunt usæ. Nobis hoc tempore bellum cum barbaris nationibus, cum gente à nostra vitæ ratione, à nostris moribus alienissima, cum rege infestissimo ferocissimoque gerentibus, vos hujus reipublicæ alumnos, ut patriæ laboranti succurratis, ejus pecuniæ, qua una cum magistratibus ab ipsa republica donamini, mediam partem eidem reipublicæ pigebit restituere? Illi suam civitatem, nobilitatem, jura, imperia in externos, propterea quod in ærarium contulissent, libenter transfuderunt: vos vestrorum stipendiorum partem vestræ patriæ, vestrarum aris atque focis, vestris liberis cedere gravamini? nam nunc quidem, ut vestri liberi ne serviant, est à vobis cautio atque curatio adhibenda. Quis hoc in animum, nisi hujus urbis, horum templorum, hujus comitii atque curiæ hostis & everlor, posset inducere? Inventus tamen est *Minius*, qui hoc vobis suadere sit conatus. Sed illum sua mens, suus animus, sui mores punient. Vos autem cives, quos scio vestræ ditionis atque imperii, quemadmodum semper estis participes, ita nunquam non amantes fuisse, ne desinite, quod semel libentissimè fecistis, legem iterum velle jubere, iterum pro vestra in patriam charitate hoc, quicquid est incommodi, alacri animo annum alterum sufferre & perpeti, dum hæc reipublicæ procella decedat, quæ longinqua esse, nisi me meus fallit animus, non potest. confirmate vestris sententiis illud, quod eorum, qui ad gubernacula reipublicæ sunt positi, sententiis optimum esse factu videtis, statuite hoc judicio, quàm cuique chara esse debeat suæ patriæ libertas, cum ipsi vestræ libertatis causa, vestra vitæ præsidia reipublicæ condonetis. ostendite provincialibus, atque iis, qui vestris legibus parent, quid ipsi facere debeant, quando vos, qui ceteros cogere potestis, communis omnium utilitatis causa, leges vobis unis detrimentosas imponitis. nemo erit hac in urbe, nemo in reliquis, ubi nomen *Venetum* viget, qui non vos summis laudibus efferat, atque omnibus regendis populis & gentibus dignos putet, cum intelliget, nihil vos muneris aliis præcipere, quin prius alterum tantum, eoque multo amplius, vobismet imperaveritis.

Lex de stipendiis magistratum dimidiis accipendis confirmata.

Hac à *Lauredano* concione habita, ubi ille consedit, lex est ferri cœpta. Erant omnino in comitio iudices mille quadringenti quadraginta duo: ex iis mille octoginta octo legem probaverunt, trecenti quadraginta septem rejecerunt: quibus non liqueret, fuerunt septem. Itaque magno consensu civitatis lege jussa, *Lauredanum* omnes laudare, bonum esse principem dicere, cui respublica curæ esset.

Postridie ejus diei *Minius* ob concionem seditiosam à *Decemviris* condemnatus est, ut in *Arba Illyrici* insula, quoad viveret, exularet, triginta auri libris ei, quicumque illum extra insulam captum magistratibus tradidisset, ex ejus bonis constitutis: eique rei bona sunt pignori addicta: ipsi, ut laqueo vitam finiret, poena addita.

Illis diebus ignominiae notam, qua *Pisaurus* in triremium præfectos quinque usus fuerat, Patres in foro promulgari voluerunt. Ea nota erat ejusmodi: Dum classem *Gallicam* *Pisaurus* consequi cuperet, *Paulus Nanus*, *Georgius Trivisanus*, *Marcus Antonius Decanalis*, *Nicolaus Barbadicus* è colonia *Cretensi*, *Petrus Capitellus Apulus*,

A ejus missu ad *Maleam* profecti, quod *Galli* esse illis in locis dicebantur, in biremes *Thracias* septem inciderunt, quæ navem onerariam hominum *Cretensium* à se captam remulco trahebant. Ea re animadversa, biremes aggredi communi consilio statuerunt, itaque incitati remigibus ad illas contenderunt. Sed cum eis appropinquassent, timore impediti remiges inhibuerunt, seseque turpiter à congressu dimicationeque continuerunt. Accidit autem paulò post, ut naves triremes aliquot è classe *Gallica*, quæ non longè aberat, idem conspicatæ, biremes *Thracias* magno animo aggredierentur, quæ quidem res auxit illorum dedecus, quod eos reipublicæ hostes, quos propter formidinem ipsi dimiserant, *Galli*, quorum minus intererat, virtute essent atque animi præsentia consequuti. ob eam imbecillitatem atque formidinem *Pisaurus* annos quinque à præfecturis omnibus illos removit, stipendiaque ab iis emerita fisco addixit.

Iisdem diebus *Gabrielem Maurum*, *Andream Fosculum*, Senatus legatos creavit, qui *Ferrariam* proficiscerentur *Lucretiæ Borgiæ Alexandri* filiæ, quam pater *Alfonso Atestino Herculis* filio in matrimonium sponderat, *Roma* ad illum venienti, & ipsi foceroque eis de nuptiis reipublicæ nomine gratulatum.

C E *Pannonia* verò crebriores allatæ literæ, *Turcas* pluribus locis fusos à regiis ducibus occisione, & præda ingenti facta, Senatui attulerunt: neque tamen ob eas res classis curam ulla ex parte *Bajasetes* intermittebat: quam quidem curam cum magnopere agitare, reficique naves veteres suis ducibus mandavisset, atque id ei tardius negligentiusque agi ab illis atque administrari videretur, arcum sibi afferri & sagittas imperavit: quibus adductis, stantem ante se illum ipsum ducem, qui priore apud se erat loco, indignabundus transfixit.

D Restituerat idem rex paulò antè ad libertatem cives *Venetos*, quos belli initio *Byzantii* in vincula conjectos, in turri ad fretum servandos miserat: ii se libris auri centum redemerunt: quorum è numero *Andreas Gritus* Idibus Martiis ad urbem rediit: eique est universa civitas gratulata. Attulit is ab *Admete Bajasetis* duce literas ad Senatum, cum mandatis, ut si bello, quod inter ipsos & *Bajasetem* vigeat, vellent finem imponere, mitterent *Byzantium* aliquem ad pacis conditiones tractandas: ei se adiutorem futurum.

E Interea *Cæsarem Alexandri* filium augendi regni cupiditas magnum in scelus & prodicionem impulit. Nam cum *Guidi Ubaldi Metaurensium* ducis regnum, quod unum ei deerat ad omnem *Flaminiam* obtinendam, propter mirificum populorum in illum amorem aggredi aperto bello non auderet, neque *Venetos* sibi permissuros ut illum expelleret, arbitraretur, neque ullam haberet suscipiendi belli causam, *Guido Ubaldo* omnibus in patrem suum obsequiis, in se officiis benevolentissimisque hominis planè functo, velle se bellum *Camertibus* inferre simulavit, ut ad fines *Urbinatium*, quæ iter erat ei faciendum, sine *Guidi Ubaldi* suspicione, tanquam aliò tendens, cum exercitu accederet: atque ut bono se in illum esse animo fidem ei majorem faceret, & suis eum opibus exueret, ne tueri sese posset communitior, à *Guido Ubaldo*, ut auxiliares ad id bellum copias cum tormentis muralibus ad se mitteret, pro amicitiae jure per legatos postulavit. Iis impetratis, atque missis, cum ad fines regni venisset, repentè in illos hostiliter irrupit, & magna celeritate adhibita, quod neminem obvium habebat, *Urbinum* contendit, parumque absuit quin *Guidum* ipsum *Ubaldu* caperet. Sed

*Lucretia Borgiæ nuptiæ.*

*Turca à Pannoniis victi.*

*Turca tyrannis.*

*Cives Veneti Byzantii libertati restituantur.*

*Metaurensium ducis regnum à Cæsare Borgiæ insidiis occupatur.*

*Guidi Ubaldi furia.*



is paucarum horarum beneficio, in jumentis agricolarum, & veste rustica, itineribus deviis, quod omnia nota loca per *Cæsaris* milites obsecrata tenebantur, fugiens, *Ravennam* se recipit, atque inde *Mantuum* est profectus, quam ad urbem paulò antè uxor ejus *Elisabetta*, *Francisci Mantuanorum* ducis soror, pudicissima lectissimaque se contulerat, cum officii causa *Alexandri* postulatu *Lucretiae Borgiae*, ad maritum proficiscenti, comes itineris fuisset. Ea re permotis Patribus, equites quingenti, pedites mille *Ravennam* sunt missi, ut cum iis copiis, quæ ibi erant, conjuncti, oppidi præsidium augerent, si quid à *Cæsare* consilii, cui fides haberi nulla poterat, contra rempublicam iniretur.

Neque multò post *Anna Candala*, natione *Aquitana*, *Aloisii* regis *Gallorum* propinqua, ad *Uladislaus* *Pannoniae* regem, cui erat nuptui per legatos tradita, proficiscens *Venetias* venit cum magno utriusque regis comitatu. Ei fines reipublicæ ingressæ, sumptus est publicè atque largiter factus. Ad urbem ubi fuit, omnia in illam liberalitatis & benevolentiae officia profusè collata, ut, cum exacto mense discederet, *Lauredano* Principi dixerit, tum primùm se reginam sibi ipsi visam, cum apud illum fuit: postea verò quàm in *Pannonia* regiam exercere dignitatem cœpit, amica & benevola reipublicæ omnibus in rebus semper fuerit.

Interim *Aloisius* rex domo discesserat, ut in *Italiam* se conferret, *Neapolitano* bello, quod cum *Hispaniæ* regibus propter finium controversiam gerebat, auxilia comparaturus. Ea *Mediolani* finibus appropinquante, Senatus *Bernardum Bembum* patrem meum è prætura *Veronensi*, qua in prætura tunc erat, legatum misit, ut *Aloisio*, reipublicæ nomine salvere jussu, de adventu gratularetur. Is regi ad *Vigevenum* oppidum occurrit, estque apud illum commoratus, dum is *Mediolani* fuit: sed rege in *Liguriam* profecto, ad auxilia in regnum *Neapolitanum* mari transmittenda, *Veronam* rediit.

Dum hæc domi administrantur, à *Pisauro* apud *Chrysopolim*, atque in sinu *Thessalonico* depositis militibus damna sunt plurima illata, prædæque ingentes factæ tum in *Ægeo* captæ naves onerariæ duodecim, biremes undecim. atque is ad *Maleam* cum venisset, naves triremes *Rhodiorum* tres, onerarias duas, regis *Gallorum* triremes quatuor ad se missas reperit. Neque multò post *Jacobus Pisaurus*, *Alexandri* legatus, suas triremes cum *Pisauri* classe conjunxit. Erat autem universæ classis navium omnis generis numerus ad septuaginta: quibus cum navibus de legatorum consilio ad insulam *Leucadiam* oppugnandam se convertit. Eò cum appropinquaret, Pontificis legatum præmisit, qui per vada eo ab latere, quod ad orientem spectat, oppidum aggrediretur. vadis autem ea parte insula maximè cingitur. Is accelerans per *Diorictum* in vada sese inferens, duodecim biremes, quæ ibi stationem habebant, eaque maria percurrentes, *Venetorum* navibus insensissimæ diu fuerant, & tunc, ut aditu classem prohiberent, occurrebant, omnes fugavit, pauloque post vacuas hominibus occupavit, cum ii sese raptim in littus ejecissent: quos oppidani fugientes receperunt. Iis captis, quod illis in vadis erat à continenti ad oppidum via aquis tecta, sic, ut equites commeari ea possent, ibi naves aliquot disposuit: quibus navibus *Thracum* turmas equitum tres, qui per illam viam, ut essent oppidanis auxilio, vicinis ex locis adventabant, repulit: cum tamen antea munitionem pro tempore, quæ transitum impediret, media in via effecisset. Ea *Thraces* munitione retardati, dum per-rumpere conantur, tormentis se navium vulnerandos præbuerunt: amissisque per pluribus, du-

ce eorum equo dejecto, nulla parte munitionis perrupta, unde venerant redierunt. Atque idem interea legatus suorum militum partem equitesque omnes, quos in navibus eam ad rem habebat, cum primo adventu in terram exposuisset, atque in oppidum contendere jussisset, illi itinere, quod quidem erat passuum millium quatuor, celeriter confecto, circumvecti audacissimè pugnantes, eo ipso die pro oppidum capiunt. *Pisaurus* præfectus, quem mari reliquam classem ventis non secundis, qui eo die flaverant, circumducere oportuit, postero die ad oppidum oppugnandum sese contulit, ac muros quater tormentis cœpit. Erant in oppido milites *Thraces* quingenti, qui se acerrimè unà cum oppidanis defendebant: ii cum magna tormentorum vi, oppugnatione non intermissa, premerentur, septimo die deditiorem facere voluerunt. is fuit dies ad diem tertium *Calendarum* Septembris. Sed dum inter se ea de re consulunt, militibus irrumpentibus oppidum capitur. ipsi atque oppidani captivi facti, præda omnis viritum divisa. Hostes prima oppugnationis die *Gabrielem Superantium*, triremis præfectum, interfecerunt, capite pila ferrea disjecto. Ejus frater *Hieronymus* adolescens nullo reipublicæ munere antea functus, paucis post diebus quàm id est *Venetias* allatum, magno comitiorum favore in Senatu allectus est, præteritis quamplurimis, qui & magistratus gesserant, & ætate longè præstabant.

Patres ut primùm ex *Admetis* literis in spem pacis venerunt, propterea quod hyems suberat, *Pisauro* mandarunt, ut triremibus viginti apud se retentis, classem reliquam domum remitteret. atque ad regem *Pannoniæ* literas dederunt, quibus litteris, quid ab *Admete* habuissent, certiorum illum fecerunt, velleque se suum hominem *Byzantium* mittere significaverunt, atque ab eo petierunt, ut & ipse suum hominem eodem mitteret, quo majore cum dignitate pax æquioribusque conditionibus tractari conficique posset. *Uladislaus* intellecta re, Patrum consilium probavit, facturumque quod vellent, de legato se recepit. Illi *Zachariam Frescum*, *Decemvirum* scribam, ire *Byzantium* jusserunt.

*Guidus Ubaldus* regno amisso ad *Aloisium* regem *Galliæ* *Mediolanum* sese conferens, auxilia in *Cæsarem* postulatum, ubi nihil in eo probitati & innocentiae, contra perfidiam & crudelitatem esse præsidii cognovit, cum uxore *Venetias* venit. Patres eum lubentes exceperunt, & domo pro illius dignitate publicè tradita, bono esse animo jusserunt: qua ex domo paulò post, cum *Metaurense*, *Cæsaris* arcium præfectis & militibus interfectis, oppidisque aliquot receptis, ejus imperio se subtraxissent, suum in regnum facillè rediit: atque in eo ab *Ursine* gentis principibus adjutus, devictis hostibus, suam dignitatem aliquot menses obtinuit.

Ea rerum mutatione plerique se populi reipublicæ commendaverunt, orantes ut se in deditiorem reciperet. Est in *Ariminensium* finibus mons excelsus, duplici jugo, quàm mare prospicit, præruptus: alia parte declivitatem habet latè in occasum patentem, vinetis & segetibus uberem. Illis in jugis duæ arces sunt summa in crepidine, quibus oppidum subjacet, civitasque montanorum hominum, qui rempublicam administrant, neque ulli regi serviunt, *Crepidines Pinnæ Marinianæ* appellantur. Ii & ipsi, ne ab *Cæsare* infervitutem redigerentur, cum magnopere timerent, Senatui eo tempore significaverunt, velle se sub ejus imperio esse: mitteret ad se aliquem reipublicæ nomine, se illius dicto audientes futuros, imperataque facturos. Sed neque hos, nec cæte-

*Leucadiam*  
à *Venetis*  
capta.

Pacis tra-  
ctatio in-  
ter *Vene-*  
*tos* &  
*Thraciæ*  
ducem.

*Guidus*  
*Ubaldus*  
*Venetias*  
secedens  
*Ursino-*  
*rum* au-  
xiliis re-  
gno ressi-  
tuitur.

Populi  
quidam  
Reipu-  
blicæ *Ve-*  
*netorum*  
se dedere  
volentes  
reji-  
ciuntur.

*Crepidines*  
*Pinnæ*  
*Marinianæ*.



ros, qui se reipublicæ dedere cupiebant, Patres recipiendos censuerunt.

*Hispania*  
regum  
legatio.

Miserant inter hæc reges *Hispaniæ* ad Senatum *Laurentium Suarem*, illum eundem, qui legatus eorum bello *Gallico* apud rempublicam fuerat: is clam itinere per *Galliam* confecto, paucis ante Calendas Decembris diebus ad urbem venit: atque illi auri libra singulis est mensibus in sumptum à Senatu constituta. In primis apud *Lauredanum* Principem & Patres sermonibus *Suares* de *Aloisio* rege *Gallorum* questus, quod foederi cum suis inito regibus non stetit, ut cui neque sua, neque aliena satis essent: ab ejus amicitia Patres avertere modis omnibus est conatus, illum affirmans propterea *Cæsaris* rebus tanto studio fuisse, ut esset qui reipublicæ finibus immineret, neque quiescere illam sineret. gaudere implicitam esse bello *Thracio* civitatem. quam ad eos classẽ miserit, ad speciem, non ad ullam reipublicæ frugem misisse. id eventum patuisse, quod obfuerit potius, quàm ulli usui fuerit. *Hispaniæ* regum voluntatem omni tempore cum reipublicæ voluntate consensisse, quoniam utrique fidem & pietatem colerent: si se ii foederibus unà firment, neminem nocere eis posse. Hæc & his similia de *Suare* non semel à Patribus audita, tametsi vera esse pleraque cognoscerent, illos tamen non moverunt, ut quod ipsis cum *Aloisio* foedus intercedebat, ulla ex parte violarent: tantum dicere, sese *Hispaniæ* regum fidem atque virtutem, & propensum in rempublicam animum, plurimi sanè facere, semperque facturos: cum *Aloisio* foederis conditionibus se teneri: molestè ferre bellum inter ipsos exerceri potius, quàm vigere pacem: si quid possent ad reconciliandam inter eos gratiam, de eo si admoneantur, se non defuturos, amicissimorumque hominum officio in utrumque functuros.

Trans-  
actio  
cum rege  
*Pannoniæ*.

Cum *Uladiſlao* autem *Pannoniæ* rege, de legati ad *Bajasetem* missione diem ex die ducente, propterea quod pace cum illo à Senatu inita, nisi novæ sponſiones intercederent, stipendiis reipublicæ carendum ipſi erat: ne restanta differretur, legati reipublicæ pacti sunt, uti mille auri libræ, regi annis singulis ab Senatu bello *Thracio* dari solitæ, ad tercentum redigerentur, quoad *Bajasetes* viveret, tribus item pensionibus persolvendas.

*Guidus*  
*Ubalduſ*  
iterum  
regno  
pellitur.

*Alexander* cum vidisset *Guidum Ubalduſ* *Ursinæ* gentis studiis regnum suum recuperavisse, orando, territando, magna pollicendo, ejus familiæ principibus in suas traductis partes, foedus cum illis percussit. Simul ab *Aloisio* missis ad se auxiliis *Cæſar*, magnisque copiis undique comparatis, *Guidum Ubalduſ*, quem quidem sine spe, sine opibus destitutum amici deseruerant, iterum regno expulit, cum tamen ille munitissimum naturâ totius regni oppidum, misso ad id custodiendum *Oſtaviano Fregosio* adolescente, sororis suæ filio, cum militibus, & omnium rerum pro tempore copia, communitius factum obtineret. *Urbinatibus* receptis ad *Senogalliam* oppugnandam *Cæſar* primis anni diebus rectâ profectus, ubi civibus sine mora se dedentibus, oppido est potitus. *Ursinæ* gentis principes eos ipsos, cum quibus paulò antè foedus percusserat, quique secum unà venerant, omnes in vincula conjecit: eaque de re *Alexandrum* patrem mira celeritate certiorẽ fecit. Ille statim *Baptistam Ursinum* Cardinalem, qui foederis autor fuerat, magna apud suos autoritate, nihil ejusmodi verentem, ad se vocatum custodiæ tradidit: qua in custodia paucis post diebus est mortuus, conjectis ab *Cæsare* in vincula partim nocte proxima, reliquis in *Senensium* fines adductis, quò *Cæſar* cum exercitu contenderat,

*Baptista*  
*Ursinus*  
in carce-  
re mori-  
tur.

*Cæsaris*  
*Borgie*  
fævities.

A laqueo gula fracta. Idem vitæ finis *Venantio* & *Oſtaviano* adolescentulis, *Camertium* regis liberis, captis à *Cæsare*, *Pisauri* datus. Pater eorum regno amisso clam elapsus, paulò post ad urbem venit. Ob eas *Cæsaris* actiones, qui cum *Camertibus Ariminum* etiam in suam ditionem redegerat, Senatus, uti suos fines magis communiret, *Livianum Caracciolumque* cum equitibus & militibus *Ravennam* misit. *Guidus Ubalduſ* hostem fugiens cum se *Pitilianum* in *Hetruriam* contulisset, diesque complures ibi fuisset, *Cæsare Pitilianum* bello aggredi velle dictitante, ut illum interciperet, magno cum periculo per *Senarum* & *Florentinorum* agrum in fines reipublicæ, atque ad urbem se recepit: cui à Senatu libra auri dono in sumptum singulis mensibus constituta.

*Ubalduſ*  
*Venetias*  
redit.

B Quoniam autem libido ea inter cives creverat, ut quamplurimi sacerdotia, quæ habere bonis artibus non poterant, *Romæ* coemerent, qua in urbe ejus rei consuetudo facultasque ab *Alexandro* instituta latè palamque invaluerat. *Decemviri* fanxerunt, si quis in posterum id faceret, ejus bona fisco inferrentur, ipse ab urbe atque urbis finibus quamdiu viveret exul esset.

Lex in  
Sacerdo-  
tia e-  
mentes.

C Neque multò post *Joannes Michael* civis *Venetus* Cardinalis, qui *Pauli* secundi Pontificis Maximi fororis filius fuerat, *Romæ* veneno interiit, quod ei *Alexander* à præfecto *Michaelis* epularum dari jussit. Causa interficiendi hominem fuit aurum atque argentum, quod is habere existimabatur, quarum omnino rerum inexplebilis *Alexandri* animum cupiditas ad omnem iniquitatem incendebat, uti filio pecuniam exercitibus alendis suppeditaret, quo is *Itolorum* principum regna occupare celerius posset, se jam sene. Minister veneni haud multò post, *Julio* Pontifice Maximo, re per indicium entintata, in vincula conjectus, quæstione habita sui sceleris poenas persolvit.

Papa ve-  
neno  
Cardina-  
lem tolli  
jubet.

*Alexan-  
dri* Pon-  
tificis  
avaritia.

D *Bajasetes* interim induciis cum *Sophi Armeniæ* rege initis, cum quo sibi atrox bellum intercedebat, ad bellum *Venetum* solutior factus, animos, quos dejecerat, sumpsit, deque pace cum republica nihil se facturum dixit, nisi *Veneti Leucadiam* sibi insulam restituerent. Patres de eo per *Admetis* ad *Andream Gritum* literas, perque nuntios certiores facti, ne diutius eo bello conterrerentur, pacem cum *Bajasete* fecerunt, *Leucadiamque* insulam, cujus oppidum magna impensa *Pisaurus* longè firmitus jam communitiusque fecerat, *Bajaseti* restituendam curaverunt, *Pisauro* domum reditione permissa. Ea de pace uti Diis immortalibus gratiæ agerentur, atque auri libræ tres dono in sacerdotum collegia distribuerentur, Senatus censuit. Et quoniam *Bajasetes* legatum suum unà cum *Zacharia* domum redeunte ad urbem miserat, ut quando ipse legato reipublicæ jusjurandum dederat, fore de pace, uti pollicebatur, ita is dando item à *Lauredano* principe jurejurando præfens adesset: Senatus *Andream Gritum* legavit, qui ad *Bajasetem* cum eodem legato, reverti properante, proficisceretur. cui legato vestis aurea, & item serica, cum ternis auri libris dono data. Eadem est pax aliquot post menses à *Bajasete* cum *Uladiſlao* rege *Pannoniæ* inita.

*Bajasetis*  
pax cum  
*Armeniæ*  
rege &  
*Venetis*.

Legatus  
*Veneto-  
rum* ad  
*Bajase-  
tem*.

*Bajasetis*  
pax cum  
*Uladiſlao*  
rege  
*Pannoniæ*.

F His rebus ita constitutis, ab *Aloisio* rege *Galliæ* missus ad Senatum legatus paucis ante Calendas Quintiles diebus postulavit, uti novum suo cum rege Patres foedus sancirent. Is fuit *Joannes Lascaſis Byzantius*, Græcis literis eruditus. atque id ea de causâ rex procurandum sibi & contendendum statuerat, ut quoniam *Consalvus, Hispani* dux exercitus, in *Brutiis* suum exercitum interfecto duce fuderat, fugaverat, regnumque *Neapolitanum* propè omne sub regum suorum imperio

*Galliæ*  
rex no-  
vum  
cum  
*Venetis*  
foe-  
dus solli-  
cit.



perio redegerat, renovato fœdere *Veneti* cum *Hispaniæ* regibus bellum unâ facere tenerentur, atque ut ad eam rem Patres animum inducerent, amplissimæ ab *Aloisio* conditiones proponebantur: quas omnes Senatus respuit, veteri se fœdere contentum dictitans.

*Alexander* veneno, quod furtim dari *Adriano* Cardinali familiari suo iusserat, cujus in hortis unâ cum *Cæsare* filio cœnabat, per ministri imprudentiam epoto, quintodecimo Calendas Septembris excessit è vita. *Cæsar* eodem haustu penè absumptus, difficilem in morbum incidit. quâ in re Deorum immortalium mens & voluntas visa est magnopere adfuisse, cum ii, qui plurimos & *Romanæ* reipublicæ principes, & clientes suos, ut eorum opibus & thesauris potirentur, veneno necaverant, & tunc suum hospitem atque alumnus adjungi ad reliquos, necarique mandaverant, eo ipso in ministerio semet pro illo interficerent.

Illis diebus *Benedictus Pisaurus* classis præfectus, vir egregia virtute, cum se ad reditum compararet, valetudine impeditus *Corcyræ* interiit.

Patres ob *Alexandri* mortem id, quod re evenit, existimantes fore, ut multa oppida, malis artibus ab *Cæsare* capta, ejus imperium essent detrectatura; præfectis aliquot *Revennam* missis copiarum, quæ ibi erant, numerum duplicaverunt. pauloque post *Decemviri Christophorum Maurum*, unum ex quinqueviris, qui res bellicas in Senatu procurant; legatum creaverunt, atque in *Flaminiam* contendere iusserunt, ut, si quod ex *Cæsaris* oppidis sponte reipublicæ se dederet, ab eo reciperetur. Cumque complura jam *Romanorum* principum castella pagique ejectis aut interfectis *Cæsaris* ministris, ad priores dominos rediissent; *Pisaurum*, *Ariminum*; *Camerinum*, *Senogallia*, etiam *Populonia*, cujus regem *Cæsar* expulerat, oppidumque ceperat, idem factura dicerentur, *Guidus Ubaldu*s & ipse suum ad regnum recuperandum à popularibus accersitus, triginta auri libris à Senatu mutuo acceptis, viæ se dedit, eoque adveniens omnibus ab oppidis magna gratulatione est receptus. *Cæsar*, non tam quod esset morbo implicitus, quam propter *Romanorum* civium in sese odia vitæ suæ metuens, quicquid equitum & militum habebat, in urbem introduxit.

Ea re accidit, quod accidere erat necesse, ut Cardinales, qui jam propè omnes convenerant, ad novum Pontificem legendum, ne facere id possent, *Cæsaris* exercitus timore impedirentur. quâ intellecta re Senatus literas ad eos dedit, si ita opus esse ducerent, se celeriter omnes suas copias *Romam* missurum; quibus facilius *Romanæ* reipublicæ majestatem, & suam dignitatem tueri, & quæ ex usu essent, administrare liberè ac sine metu possent. *Antonius* etiam *Justinianus* legatus coram idem est pollicitus Senatus reipublicæque nomine: quod quidem illis tam suspecto tempore gratum ac peropportunum fuit: ea enim re permotus, ut in se rempublicam incitaret, *Roma* cum suis omnibus egressus copiis *Cæsar*, *Vaticanum* sacro Senatu reliquit. Interim à *Guido Ubaldo* nuntius ad Senatum venit, sese regnum & salutem suam illi acceptam referre, cupere cum equitibus gravioris armaturæ centum, levioris, qui sagittis uterentur, centum & quinquaginta, stipendia reipublicæ facere: milites se habere paratissimos numero ad duo millia, quibus sine stipendioensem eoque amplius Senatus uti possit: rogare, ut in ejus fidem recipiatur. Cognitis his postulatis, satis est ei omnibus in rebus ab Senatu factum, atque auri libræ centum annuæ in stipendium constitutæ.

A Cardinalium collegium, *Cæsaris* habitu liberum factum, Cardinalem *Senensem* Pontificem Maximum creavit, qui se *Pium* tertium appellari voluit. Huic ante mensis exitum vitiatae tibiæ doloribus mortuo successit *Julius* secundus *Ligur*, quem respublica Pontificem fieri majorem in modum concupiverat, eique rei omnem suam operam adhibuerat. Sed *Pio* vita fruente, *Jacobus Venerius*, *Ravennæ* præfectus, *Cesenam* ab ejus oppidi civibus accersitus, qui se reipublicæ dedere volebant, cum militibus noctu se contulit frustra, propterea quod non ea, quæ inter ipsos convenerat, sed nocte postera eò venit: illi autem cum se superiori nocte ad illum recipiendum comparavissent, neque is se ostendisset, studium & diligentiam remiserunt.

B Accidit autem ob ejusmodi moram, uti *Cæsaris* militibus res in suspicionem veniret, qui ad portas & in muris stationes habuerunt: itaque *Venerius* infectâ re *Ravennam* rediit. Paucis post diebus *Petri Remiri Hispani*, qui *Fori Livii* arcem munitissimam *Cæsari* custodiebat, nuntius *Ravennam* ad legatum venit, si respublica eam arcem velit, *Remirum* illam tradi turum, modò ei liceat, quæ in arce sit suppellex *Cæsaris*, *Ravennam* atque ad urbem asportare: tum ab Senatu præfecturam habeat equitum quinquaginta, totque in urbe insulas, quibus ex insulis duarum auri librarum fructus annuus ad sese redeat. Eâ intellectâ re, Senatusconsultum factum est, legato licere præfecto arcis fidem dare reipublicæ nomine, fore, quemadmodum velle se ostendisset, arcemque ab eo accipere, atque ea de causa *Forum Livii* accedere cum ea copia, quam ex usu esse reipublicæ statuisset: néve quis eam rem enuntiaret, à Senatoribus omnibus cum *Pandulphum Malatestam*, qui *Ariminum* à *Roberto* patre traditum aliquot annos injustè regnans obtinuerat, & ab *Cæsare* ejectus oppido fuerat, eò cum copiis accedentem oppidani repulissent: *Guidus Ubaldu*s per legatum suum Senatui significavit, *Pandulphum* cupere, ut, quoniam oppidani adduci non poterant ut ei sese dederent, reipublicæ autem imperium magnopere optarent, Senatus oppidum reciperet: sperare sibi ab reipublica non defore vitæ pro dignitate traducendæ facultatem: itaque si Senatus jubeat, ipsum eam rem curaturum, quo *Ariminenses* magnopere confiderent. quamobrem Senatus censuit legato respondendi oportere: si *Guidus Ubaldu*s, uti *Ariminum* oppidum reipublicæ se dederet, suo studio & auctoritate, quam cum illa civitate habeat, effecisset, eam rem Senatui gratam fore. postremò cum *Guidus Ubaldu*s aliquot pagos & castella ex *Ariminensium* & *Cesenatium* finibus valde vel communita, vel propter agrorum bonitatem opportuna, vi expugnasset, & Senatui significavisset, ea se omnia reipublicæ traditurum, modò id se non nolle ostendat, alterum Senatusconsultum factum est, ea recipi Senatui placere. Tum *Faventinis* civibus aliquot, qui *Ravennam* ad legatum venerant, reipublicæ sese dedere cupientibus idem uti legatus eis ostenderet, imperatum. & quoniam *Arimini*, *Faventinæ*, *Forique* *Cornelii* arces munitissimæ singulatim à præfectis *Cæsaris* obtinebantur, quorum pars reipublicæ eas vendere cupiebat: latum, uti de conditionibus cum eorum nuntiis legatus ageret. *Russum* præterea in *Faventinorum*, & *Archangelianum* ac *Savinianum*, in *Ariminensium* finibus pagi frumentarii, & magna uterque fertilitate, itemque castellum *Urbinate* finitimum summo in jugo, quod incolæ *Montisfloris* rem appellant, reipublicæ deduntur. Etiam *Faventinæ* ager propè universus unâ cum arce oppidi egregia, legato cum copiis accedente, in fidem recipitur.

C totque in urbe insulas, quibus ex insulis duarum auri librarum fructus annuus ad sese redeat. Eâ intellectâ re, Senatusconsultum factum est, legato licere præfecto arcis fidem dare reipublicæ nomine, fore, quemadmodum velle se ostendisset, arcemque ab eo accipere, atque ea de causa *Forum Livii* accedere cum ea copia, quam ex usu esse reipublicæ statuisset: néve quis eam rem enuntiaret, à Senatoribus omnibus cum *Pandulphum Malatestam*, qui *Ariminum* à *Roberto* patre traditum aliquot annos injustè regnans obtinuerat, & ab *Cæsare* ejectus oppido fuerat, eò cum copiis accedentem oppidani repulissent: *Guidus Ubaldu*s per legatum suum Senatui significavit, *Pandulphum* cupere, ut, quoniam oppidani adduci non poterant ut ei sese dederent, reipublicæ autem imperium magnopere optarent, Senatus oppidum reciperet: sperare sibi ab reipublica non defore vitæ pro dignitate traducendæ facultatem: itaque si Senatus jubeat, ipsum eam rem curaturum, quo *Ariminenses* magnopere confiderent. quamobrem Senatus censuit legato respondendi oportere: si *Guidus Ubaldu*s, uti *Ariminum* oppidum reipublicæ se dederet, suo studio & auctoritate, quam cum illa civitate habeat, effecisset, eam rem Senatui gratam fore. postremò cum *Guidus Ubaldu*s aliquot pagos & castella ex *Ariminensium* & *Cesenatium* finibus valde vel communita, vel propter agrorum bonitatem opportuna, vi expugnasset, & Senatui significavisset, ea se omnia reipublicæ traditurum, modò id se non nolle ostendat, alterum Senatusconsultum factum est, ea recipi Senatui placere. Tum *Faventinis* civibus aliquot, qui *Ravennam* ad legatum venerant, reipublicæ sese dedere cupientibus idem uti legatus eis ostenderet, imperatum. & quoniam *Arimini*, *Faventinæ*, *Forique* *Cornelii* arces munitissimæ singulatim à præfectis *Cæsaris* obtinebantur, quorum pars reipublicæ eas vendere cupiebat: latum, uti de conditionibus cum eorum nuntiis legatus ageret. *Russum* præterea in *Faventinorum*, & *Archangelianum* ac *Savinianum*, in *Ariminensium* finibus pagi frumentarii, & magna uterque fertilitate, itemque castellum *Urbinate* finitimum summo in jugo, quod incolæ *Montisfloris* rem appellant, reipublicæ deduntur. Etiam *Faventinæ* ager propè universus unâ cum arce oppidi egregia, legato cum copiis accedente, in fidem recipitur.

D cum copiis accedentem oppidani repulissent: *Guidus Ubaldu*s per legatum suum Senatui significavit, *Pandulphum* cupere, ut, quoniam oppidani adduci non poterant ut ei sese dederent, reipublicæ autem imperium magnopere optarent, Senatus oppidum reciperet: sperare sibi ab reipublica non defore vitæ pro dignitate traducendæ facultatem: itaque si Senatus jubeat, ipsum eam rem curaturum, quo *Ariminenses* magnopere confiderent. quamobrem Senatus censuit legato respondendi oportere: si *Guidus Ubaldu*s, uti *Ariminum* oppidum reipublicæ se dederet, suo studio & auctoritate, quam cum illa civitate habeat, effecisset, eam rem Senatui gratam fore. postremò cum *Guidus Ubaldu*s aliquot pagos & castella ex *Ariminensium* & *Cesenatium* finibus valde vel communita, vel propter agrorum bonitatem opportuna, vi expugnasset, & Senatui significavisset, ea se omnia reipublicæ traditurum, modò id se non nolle ostendat, alterum Senatusconsultum factum est, ea recipi Senatui placere. Tum *Faventinis* civibus aliquot, qui *Ravennam* ad legatum venerant, reipublicæ sese dedere cupientibus idem uti legatus eis ostenderet, imperatum. & quoniam *Arimini*, *Faventinæ*, *Forique* *Cornelii* arces munitissimæ singulatim à præfectis *Cæsaris* obtinebantur, quorum pars reipublicæ eas vendere cupiebat: latum, uti de conditionibus cum eorum nuntiis legatus ageret. *Russum* præterea in *Faventinorum*, & *Archangelianum* ac *Savinianum*, in *Ariminensium* finibus pagi frumentarii, & magna uterque fertilitate, itemque castellum *Urbinate* finitimum summo in jugo, quod incolæ *Montisfloris* rem appellant, reipublicæ deduntur. Etiam *Faventinæ* ager propè universus unâ cum arce oppidi egregia, legato cum copiis accedente, in fidem recipitur.

E cum *Guidus Ubaldu*s aliquot pagos & castella ex *Ariminensium* & *Cesenatium* finibus valde vel communita, vel propter agrorum bonitatem opportuna, vi expugnasset, & Senatui significavisset, ea se omnia reipublicæ traditurum, modò id se non nolle ostendat, alterum Senatusconsultum factum est, ea recipi Senatui placere. Tum *Faventinis* civibus aliquot, qui *Ravennam* ad legatum venerant, reipublicæ sese dedere cupientibus idem uti legatus eis ostenderet, imperatum. & quoniam *Arimini*, *Faventinæ*, *Forique* *Cornelii* arces munitissimæ singulatim à præfectis *Cæsaris* obtinebantur, quorum pars reipublicæ eas vendere cupiebat: latum, uti de conditionibus cum eorum nuntiis legatus ageret. *Russum* præterea in *Faventinorum*, & *Archangelianum* ac *Savinianum*, in *Ariminensium* finibus pagi frumentarii, & magna uterque fertilitate, itemque castellum *Urbinate* finitimum summo in jugo, quod incolæ *Montisfloris* rem appellant, reipublicæ deduntur. Etiam *Faventinæ* ager propè universus unâ cum arce oppidi egregia, legato cum copiis accedente, in fidem recipitur.

F latum, uti de conditionibus cum eorum nuntiis legatus ageret. *Russum* præterea in *Faventinorum*, & *Archangelianum* ac *Savinianum*, in *Ariminensium* finibus pagi frumentarii, & magna uterque fertilitate, itemque castellum *Urbinate* finitimum summo in jugo, quod incolæ *Montisfloris* rem appellant, reipublicæ deduntur. Etiam *Faventinæ* ager propè universus unâ cum arce oppidi egregia, legato cum copiis accedente, in fidem recipitur.

*Pius* tertius Pontifex creatur & moritur. *Julius* secundus eligitur Pontifex.

Oppida quædam *Flaminia* deduntur Reipublicæ *Venatorum*. *Fori Livii* arx.

*Ariminum*.

*Montisfloris*.

*Alexander* Pontifex proprio parato veneno perit.

*Benedictus* *Pisauri* obitus.

Rerum mutatio post Pontificis obitum.

*Guidus Ubaldu*s in regnum redit.

Cardinalium in eligendo Pontifice sollicitudo.



Julius  
Pontifex  
favet  
Reipu-  
blicæ  
Veneto-  
rum.

Quo ferè die allatum est, *Julium* Pontificem Maximum esse factum: itaque in urbe omnes magnopere lætari, oppido egregio ad reipublicæ imperium accedente, & *Julio* Pontifice, in quem Senatus largiter omnia sua studia atque officia contulisset, lecto. ipse verò *Julius*, cum ad eum gratulatum *Antonius* legatus accessisset, hominem hilariter complexus, omnia se reipublicæ debere profiteri: nihil esse quod de se Senatus polliceri sibi non posset. Cumque ab legato sermo de *Cæsare* institutus esset, propterea quòd nonnullis ab hominibus prædicabatur, illum ab *Julio* fòtum ac defensum iri: legato, ut nihil ejusmodi vereretur, fidem fecit. Illud etiam se dixit cupere, ut quæ *Cæsar* possideret in *Flaminia* oppida, ea illi eriperentur. quæ quidem certè oratio gratissima civitati fuit. Inter hæc *Pandulphus*, nonnullorum factione inter eos excitatâ, ab *Ariminensibus* recipitur.

Florenti-  
ni quales  
in Vene-  
tos.

*Florentini* quod ægrè ferrent *Faventiam* in reipublicæ potestatem venire, copias miserant, quæ civium parti, qui secum sentiebant, auxilio essent, ut sibi potius, quàm reipublicæ se dederent. Ea pars milites & agrestes homines in oppidum introduxerat: ab iis reliqui perterrebantur, ne portas legato aperirent: itaque milites, quos *Guidus Ubaldus* Senatui pollicitus fuerat, legatus ab eo accersit: alios comparat, & delectum habet: tormenta adduci imperat, equites mittit, qui *Florentinorum* copias in montibus morentur & repellant.

Legati  
Veneto-  
rum  
Romam  
missi.

Dum hæc foris administrantur, Senatus legatos creavit, qui *Romam* proficiscerentur *Julio* Pontifici Maximo gratulatum, ob propensam in illum reipublicæ voluntatem, octo: quod ante eam diem nunquam acciderat, ut tot legati ad Pontificem non *Venetum* mitterentur.

Florenti-  
norum  
artes.

*Florentini*, cum potiri *Faventia* non possent, per *Franciscum Soderinum* civem suum Cardinalem egerunt, ut is suspectam *Julio* rempublicam faceret: omnes ejus oppidi fines, arcemque oppidi jam in reipublicæ potestate esse: oppidum etiam brevi futurum: id illam, non tam ut ab *Cæsare* malè parta extorqueantur, quàm ut sibi acquirat, contendere, & tantopere conari: quod semel *Veneti* ceperint, nunquam eos reddere consuevisse: ipsum eam rem serò cogniturum, cum jam ii rerum domini ejus permisso fuerint. De eo *Antonius* legatus certior factus ut Senatum purgaret, *Julium* adiit, rogavitque ne reipublicæ calumniatoribus aures tribueret, quos non defore sciebat. cumque quod visum fuit in eam sententiam dixisset, *Julius* neque se quicquam credidisse iis, qui maledictis rempublicam infectati essent, respondit, neque in posterum crediturum: scire, se amari à *Veneta* civitate, ejusque rei per multa haberi indicia: & ipsum contra amore summo erga illam affici: gaudere etiam, cum quis ob id non *Ligurem*, sed *Venetum* appellet: quod quidem jam fieret ab iis, qui tantam ipsius & reipublicæ conjunctionem, & inter ipsos benevolentiam molestè admodum ferunt. Sed quod ad *Cæsaris* regnum ditionemque attinet, cupere se, ut quæ in reipublicæ imperio ante illum erant oppida, eidem reipublicæ restituantur. Hoc sermone habito ab se legatum dimisit.

Pontifex  
Venetum  
se appel-  
lari gau-  
det.

*Arimi-  
num* Ve-  
netis tra-  
ditur à  
*Pandul-  
pho* Ma-  
latesta.

Inter hæc *Pandulphus* ad urbem venit: qui, cum vereretur sese *Ariminum* propter civium insensam in se voluntatem obtinere diutius non posse, ad id, quod per *Guidum Ubaldum* paulò antè Senatui proposuerat, rediit, atque *Ariminum* reipublicæ certis conditionibus tradidit. Itaque *Dominicum Maripetrum* legatum, qui oppidum, & *Vincentium Valerium*, qui arcem reciperet, Patres *Ariminum* miserunt, *Pandulpho* posterisque ejus *Citadella* oppidum

A in *Patavinorum* finibus, & paulò post civitas cum jure comitiorum ipsi & *Carolo* fratri ejus data. *Pandulphus* etiam in reipublicæ militiam receptus, ei que præfectura equitum attributa, uxori & fratri *Carolo* quinque auri libræ annuæ utrique constitutæ: alteri ex liberis duobus sacerdotia liberiora promissa, quot petierat. ipsi datæ dono in præsentia auri libræ centum. Ea de re per *Antonium* legatum Senatus *Julium* certiore facit, qui in eo perseverat, ut velle se ostendat, quæ fuerint Romanæ reipublicæ oppida, ei restitui: itaque petere à Senatu, ut auxilio suo atque opibus ad ea recuperanda sese juvet.

B Miserat ante illos dies Senatus alterum *Faventiam* legatum *Nicolaum Fuscarenum*, ad oppidi oppugnationem majore studio & celeritate procurandam, lentè adhuc administratam existimans. Jusserat etiam, ut *Nicolaus* copiarum reipublicæ præfectus cum iis *Faventiam* contenderet. Is statim viæ se dedit. Sed antequam *Ravennam* perveniret, muro tormentis percussio, legatisque proponentibus se oppidum ad prædam militibus daturus, si cives deditionem differant, ante diem tertiumdecimum Calendarum Decembrium *Faventia* deditur. *Venetias* ubi de eo est allatum, Senatusconsultum fit, ne *Julii* animus irriteretur, nihil oppidorum *Cæsaris* recipi amplius ab legatis oportere: satis in *Arimino* atque *Faventia* reipublicæ factum. Deinde legatorum alter jussus *Ariminum* se conferre, honestandi oppidi causa.

*Faventia*  
à *Venetis*  
oppu-  
gnata ca-  
pitur.

C Iisdem diebus *Andreas Gritus*, quem Senatus ad regem *Thraciæ* miserat, pacis conditionibus aliquot in reipublicæ utilitatem recognitis, ipsa rectè firmatâ, domum rediit.

At cum paulò post *Româ* *Antonii* legati literis Patres intellexissent, multorum sermonibus confirmari, *Julii* permisso *Cæsarem* ad suum in *Flaminia* regnum propediem reversurum: proximo Senatusconsulto rescisso, literæ sunt ad legatos ab

D Senatu datæ, ut quidquid possent, de *Cæsaris* ditione reipublicæ addere capereque festinarent. Ea re evenit, ut *Meldulam* in *Ariminensi* agro, & *Tossinianum* in *Foro Corneliano*, pagos muris arcibusque communitos, missi ab legatis equites ad reipublicæ imperium libentissimos adjecerint.

E Post hæc *Angelus* Episcopus *Tiburtinus*, qui *Alexandri* legatus aliquot annos apud rempublicam fuerat, eoque mortuo *Romam* redierat, iterum missu *Julii* *Venetias* venit eodem legati nomine. Is primo adventus sui die salvere ab *Julio Lauredanum* Principem & Patres jussit humanifimis amantissimisque verbis: eisque gratias ingentes agere illum dixit, quòd in se juvando, ut Pontifex Maximus legeretur, multum operæ studiique contulissent: plurimumque ex eo se debere Senatui libenter profiteri, neque unquam ejus officii memoriam abjecturum: amare insuper sua sponte *Venetam* civitatem, remque publicam optimis utentem & institutis, & legibus: itaque omnia ei omni tempore tributurum, quæ ex dignitate sua tribui amicissimis hominibus possint. Hoc sermone habito appellatis suo nomine Patribus, quibuscum priore legatione assueverat, discedit, mandata reliqua, quæ longioris essent moræ, in aliam se differre diem pronuntians. Ea dies ubi venit, secretò apud illos, *Decemvirum* adhibitis magistris proponit, velle *Julium* & petere, uti *Ariminum* & *Faventia*, quæ interceperint de *Romana* ditione oppida, ea ipsi restituantur: rogare etiam, ut ad reliqua recuperanda eum juvent: decrevisse enim, ne ulla *Cæsari* turricula, cui imperet, relinquatur, sed omnia cò redeant, unde recessere.

Legatus  
Pontifi-  
cis ad  
Rempu-  
blicam  
Veneto-  
rum.

F Patres questi, non esse hoc illud, quod ob suam

Pontifi-  
cis postu-  
lata.



Veneto-  
rum re-  
sponsa.

in *Julium* pietatem & studium ab eo expectarent, rem ad Senatum deferunt. Senatus censuit legato respondi oportere, quod *Ariminum* & *Faventiam* respublica ceperit, ea ab *Cesare* homine importunissimo crudelissimoque cepisse, *Julio* ipso, antequam Pontifex Maximus fieret, hortante, facto autem permittente atque assentiente: eaque oppida, uti à vicariis obtineri solita, rempublicam modò sua fecisse, reliqua non attigisse: quæ si voluisset, non fuisse difficile capere, atque retinere: eorum duorum oppidorum nomine se vicariam *Romanæ* reipublicæ velle esse, ut priores domini fuissent. quid in eo *Julius* amitteret? quare, ea sibi esse retinenda, statuisse. quod ad cum ad reliqua juvandum attineret, suas omnes copias atque opes polliceri: eis ille tanquam suis uteretur. Hæc responsi lex.

*Julii*  
Pontifi-  
cis in *Ve-*  
*netos*  
consilia.

Illud autem hortatorem *Julium* ejus negotii fuisse, verissima Senatus oratio fuit: nam cum apud *Julium Antonium* legatus *Pii* Pontificis regno in cum sermonem esset ingressus, ut de *Cæsaris* injustissima *Flaminie* possessione quereretur, autor reipublicæ ejus magnopere consilii *Julius* fuerat. Is de rebus sæpe ultro citroque datis ad legatum *Romam* literis & acceptis, *Julio* à sententia non recedente, affirmante interdum potius, quoniam sibi ad bellum cum republica gerendum vires non suppetcerent, se à Christianis regibus auxilia contra eam imploraturum, quos sciret *Romanæ* reipublicæ opes eorum egenti nunquam defuisse. *Antonio* autem legato ipsum illum ab eo nondum Pontifice habitum secum sermonem repetente, atque ut ejus reminisceretur, ab illo postulante, cujus omnino rei *Julius* satis idoneam afferre excusationem non poterat: tantum inquebat, quæ non Pontifex dixerit, ea se expendere non oportuisse. Annus ad exitum labitur: itaque prima insequentis anni die *Antonius* oratione apposita & leni *Julium* satis hilarem aggressus familiariter petiit, ut, quoniam ea die clientibus atque amicis dari munera consuevisset, ipsi dono reipublicæ tam illi deditæ, tam affectæ atque amanti daret, ut *Ariminum* & *Faventiam* eo libente obtineret, quo ipse vellet nomine. Ad quæ subridens *Julius* ita respondit: Ageret ipse cum republica ut *Tossinianum*, quod esset in *Fori Cornelii* finibus postremo captum, ante omnia restitueret, post id de *Arimino* atque *Faventia* peteret, aliquid fortasse impetraturum. Hoc *Julii* sermone ad Senatum *Antonii* litteris celeriter perlato, dum de eo Patres consulunt, resque altercatione magistratuum ex die in diem rejicitur, *Angelus* legatus literas *Julii* Patribus reddit: quibus literis omnem illis spem *Julius* adimit, aliter inter se remque publicam non posse convenire, quàm si ablata restituantur: id ni fecerint, Deos se & homines in auxilium vocaturum, atque ad omnia descensurum minatur. Tum verò Patres magnopere turbati, idque se ab *Angelo* magis, quàm ab *Julio* agnoscere, qui de Senatus in illum voluntate perincommodè sæpe scripserit, cum moderatius atque sedatius agere debuisset, *Julii*que animum, quem quidem cum iracundum per se, tum calumniis malevolorum incitatum & succensum, restingui bonis verbis oportebat, digna atque indigna conge-

Pontifi-  
cis literæ  
minaces.

Arens malis persuasionebus inflammavisset. eoque magis indignabantur, quod omnia, quæ in Senatu secreto agitabantur, idem cognoscere modis omnibus nitebatur, dabatque operam ut ea quamprimum *Julius* intelligeret, odiosasque ad eum literas dabat.

B Illud etiam Patribus ad hanc molestiam accedebat, quod *Julius* suum hominem legatum ad *Aloisum* regem *Galliæ* miserat questum de reipublicæ injuriis, auxiliaque contra illam postulatam, idemque apud *Maximilianum* per oratoris ipsius scribam *Jacobum Bannisium Romanum* missum fieri procurarique mandaverat, scriptis ad eum literis acerbioribus ea de re, decimamque fructuum ex sacerdotiis *Germanicis*, quam quidem *Maximilianus* ab eo magno studio petierat, ultro illi deferens, si se juverit. Apud quem utrumque, Senatus ab legatis reipublicæ facti excusationem afferri jussit: se *Ariminum* & *Faventiam* non ab *Romanis* Pontificibus, sed ab latrone omnium teterrimo avertisse: alterum, ne à *Florentina* civitate, sibi propter recentem *Pisani* belli memoriam inimicissima, quæ eò suas copias miserat, interciperetur: alterum, permutatione oppidi cum ejus regulo facta in reipublicæ finibus, ea oppida ante *Cæsarem* per vicarios obtineri consuevisse: si se illorum vicarium fieri Senatus velit, nihil novi petere: id pro ejus plurimis in rempublicam Christianam meritis æquum esse ei tribui, quod sæpe aliis nihil merentibus sit datum: neminem in *Flaminia* vicarium, neque ad eam ipsam reliquaue *Romanæ* ditionis oppida defendenda firmiorem, quàm Senatus sit, neque qui majori illi usui, si res exigat, possit esse, hac *Julium* tempestate habiturum, quænam invidia sit, quod temerè cuilibet, ac sine ullo usu condonatur, id & præteritis reipublicæ promeritis & spei futurorum, cum se occasio dederit, proventuum & commodorum pernegari? Ipsum præterea *Julium* suasorem Senatui per legatum abripiendi ab *Cesare* *Flaminiam* extitisse: post id, præter illud, cujus ipse hortator fuit, nihil novi accidisse: ut non tam *Julius* habere causam, cur à sententia recedat, quàm quonam modo reipublicæ noceat, quærere ac meditari videatur, petere itaque rempublicam ab *Aloisio* quidem, ne fœderis religionem, quod ei cum Senatu est, propter *Julium* tam injustè se effrentem violet: à *Maximiliano* autem, ut amicus reipublicæ, quæ finitima illi est, atque benevola semper fuit, bona in causa malit esse, quàm *Julio*, qui longè ab ejus regno abest, in periniqua, si fides inter homines atque constantia suum jus obtineant. qua accepta excusatione, uterque à se reipublicæ causam apud *Julium* defensum iri liberaliter pollicitus, Senatum paulo quietiorem reddidit.

F Illis diebus, propterea quod *Nicolao Ursino*, qui *Ravennæ* erat, reipublicæ copiarum præfecturæ tempus explebatur, ob ejus fidem atque constantiam, quod à compluribus civitatibus & regibus, ut ipsorum stipendia faceret, magnis pollicitationibus invitatus, rempublicam deferere noluerat, per triennium imperatorium ei nomen cum stipendio annuo auri librarum quingentarum Senatus dandum censuit.

Pontifex  
Principum  
auxilia &  
favorem  
amplis  
promissionibus  
tentat.

Veneto-  
rum ex-  
cusatio.

*Nicolao*  
*Ursino*  
imperium  
prorogatur.



# PETRI BEMBI

## RERUM VENETARUM

### HISTORIÆ LIBRI SEPTIMI

#### EPITOME.

**F**ranciscus Maria à Guido Ubaldo adoptatur. Aloisii cum Maximiliano Cæsare fœdus. Tronus Venetiis ob prodicionem suspenditur. Joannes Pisaurum obtinens Venetiis uxorem ducit. Isabella Hispania regina moritur. Herculis Atestini obitus. Germanorum domus Venetiis conflagrata, magnificentius à Senatu iterum ædificatur. Senatus controversiæ cum Julio Pontifice compositæ, & legati octo ad eum missi. Alphonsi Atestini Venetias adventus. Aloisii cum Ferdinando fœdus. Piraticum bellum. Tunetani regis ad Senatum legatio & munera. Norimbergenses Venetarum legum exemplum petunt. Senatus Alexium Thracio regi tradit. Sabellici obitus. Egyptii regis legatus componendarum controversiarum causâ Venetias venit. Philippi Austrii in Hispaniam profectio & obitus. Ferdinandi regis Neapolim adventus. Julii Pontificis literæ à Senatu rejiciuntur. Joannes Bentivolus à Julio Pontifice Bononia pellitur. Senatusconsultum in eos, qui principum legatorumve favore uterentur, latum. Petri Barozii obitus: Liguribus petentibus civitas & securitas datur. Aloisii in Italiam adventus. Genuæ expugnatio. Ejusdem cum Ferdinando rege colloquium, & in Galliam reditus. Milites ex agris à Venetis instituti. Maximiliano petenti itineris cum exercitu facultas denegata. Reipublicæ ad bellum apparatus. Germanorum in Rhetos & Carnos irruptio. Eorundem ad Cadoras clades. Tergeste cum multis aliis oppidis à Venetis expugnatur. Venetorum cum Maximiliano induciæ. Terræmotus in Creta ingens. Contareus Camalis naufragio perit. Lex in eos, qui largitione magistratus quærent, lata. Pax Maximiliano petenti denegatur. Novi homines in Britannico Oceano capti. Cameracense fœdus. Venetorum ad bellum apparatus. Pulvis tormentarius & Urbana navalia fulmine tacta. Hispani regis fraudes. Belli contra Venetos initium. Fœdus cum quatuor Helvetiorum pagis à Venetis ietum. Gallie rex Venetis bellum indicit. Pontifex Venetis aqua & igni interdicat. ejusque progressus. Gallie regis Mediolanum adventus, ejusque copiæ. Venetorum cum Gallis ad Abduam pugna.

#### LIBER SEPTIMUS.

Vincentii  
Naldii  
merito-  
rum  
præmia.



**B**ODEM ferè tempore, quod Vincentius Naldius Faventinus, magna in oppidi finibus gratia, omne studium & diligentiam adhibuisset, ut Faventia in dedicationem potestatemque reipublicæ redigeretur, ei militiæ insignia cum veste aurea, aurique libræ viginti sunt à Patribus dono datæ, tum quinque in annos singulos constitutæ pensionis nomine, immunitate omnium rerum, quam hæredes ejus sequerentur, addita, primis quoque proximi ordines militum belli tempore promissi: ejus etiam propinquis quatuor victus annuus attributus. neque multò post eadem honestates, donaque totidem, quot in Vincentium Senatus contulerat, in Dionysium item Naldium ejus consobrinum sunt collata.

Francis-  
cus Ma-  
ria à  
Guido U-  
baldo ad-  
opta-  
tur.

Æstate verò inita cum Guidus Ubaldis Julii suâsu Franciscum Mariam, sororis suæ filium, cui fuerat pater Joannes Julii frater, Senogalliam obtinens, adoptavisset, eam adoptionem Julius de collegii sententia magno studio comprobavit. qua una quidem re suam in Venetos iracundiam injustiorem reddidit, cum videri posset, quod illis juris in Romanæ reipublicæ oppida tam obstinate pernegaret, suis facillè propinquis tribuisse.

Legati  
Maximi-  
liani ad  
Venetos.

Maximilianus autem suscepti patulò antè reipublicæ apud Julium patrocini planè jam immemor, duos legatos Venetias misit, qui Senatum hortaretur, uti Julio Faventiam atque Ariminum restitueret: eam in primis curam ad se spectare, sui que esse muneris Romanæ reipublicæ Pontificisque rerum procuracionem: id si nolit, causam ad judicium remittat: se curaturum, ut item ab Julio remittatur: quod si se arbitrum velint ejus disceptationis facere, se non recusaturum, & pro rei æquitate sententiam laturum. Iis legatis Lauredanus, consulto Senatu, cum omnes ejus rei causas, quas quidem Maximiliano civitatis legati antea ostenderant, enumera-

**A**visset, unum modò respondit, reipublicæ jus illis in oppidis satis esse clarum atque notum per sese: itaque nolle Patres id in ambiguum vertere. Eo responso accepto, legatorum alter Romam discessit, altero apud Senatum relicto, eique sumptus publicè factus, quoad apud Patres fuit. Julius interim arcem Forolivianam auri libris centum quinquaginta, quas ab Cæsare acceperat, Remiro præfecto traditis, unaque oppidum obtinuit, cum antea Cesenam & Corneliolum Forum iidem propè artibus suæ potestatis fecisset. Præfectus arcis Forolivianæ cum Cæsaris fupelletili Venetias venit.

Foroli-  
vianâ  
arx Pon-  
tifici  
compa-  
rata.

**B** Post hæc inter Aloisium Gallorum regem & Maximilianum fœdera sunt firmata, cum de eo per legatos diu multumque disceptavissent. quibus confectis Joannem Lascarem Byzantium Aloisius iterum ad Senatum misit, qui diceret, hortari sese Patres, ut aliquam cum Julio inirent ad concordiam & consensionem viam: qua inita unanimi omnes studio ea de bello Thracio cogitare possent, quæ jampridem cogitanda atque agenda sunt. adderet & illud sibi cum Maximiliano convenisse, pacemque & benevolentiam inter ipsos esse constitutam, non illam quidem, ut cuiquam nocerent, sed suarum utriusque rerum & regnorum tuendorum causa. Patres auri libra in sumptum mensibus singulis legato regio à quæstoribus dari jussâ, nihil se fecisse reliqui dixerunt orando, pollicendo, uti Julium placarent: descendisse enim etiam ad illud, tametsi Alexander Faventiam & reliqua oppida Cæsari libera immunitaque dederit, velle tamen se stipendiarios Romanæ reipublicæ fieri, Faventia Ariminique nomine: legem ipsè stipendiorum diceret, nihil se recusaturos, auroque Veneto recenter signato annis omnibus ea libenter persoluturos: neque quicquam tamen profecisse. ceterum lætari se, duorum tantorum regum animos ab odio exercendo ad pacem & benevolentiam esse conversos. verum,

Fœdus  
inter  
Maximi-  
lianum  
& Aloisium re-  
gem.



rùm, propterea quòd in fœdere, quod reipublicæ cum *Aloisio* intercedebat, caput unum erat ejusmodi, neutri fine alterius voluntate fœdus ullum cum rege ulli facere licere, scire Patres cupere, cur de eo rex nihil antea Senatui significavisset. Ad ea legatus, cùm aliquandiu siluisset, tandem se scire nihil respondit, nisi unum, ei fœderi tempus quatuor mensium esse præstitutum, quos uterque velit, sibi socios & fœderatos nominandi: itaque posse adhuc quidem regem ei fœderi inferere rempublicam. Qui legati tamen sermo Patrum animos, quibus quidem ea pax, Senatu non appellato, confecta suspicionem haud parvam afferebat, nihil leniit.

Post hæc *Decemviri* certiores facti servi indicio, qui ab eo vapulaverat, *Hieronymum Tronum* (qui bello *Thracio Naupacti* arcem, quam reipublicæ nomine custodiebat, hostibus tradiderat, eamque ob rem exul aliquot annos fuerat) id quod fecerat de tradenda arce, pretio accepto fecisse: *Tronum* ab exilio domum redeuntem in vincula conjecerunt, pauloque post quæstione habita, è superiore curiæ porticu, quæ in foro est, inter rubri lapidis columnas recte suspensio carnifex gulam fregit.

Atque ultimis ferè anni diebus *Joannes Pisaurum* obtinens, *Matthæi Teupoli* filiam duxit uxorem, nuptiis in urbe per legatos institutis. Tum literæ ex *Hispania* ad Senatum venerunt, *Isabellam* reginam, *Ferdinandi* uxorem, magno animo excellentique fœminam, è vita excessisse: ejusque generum *Philippum Maximilianum* filium, in *Belgis* regem, testamenti tabulis permagna *Hispaniæ* terræ parte auctum fuisse, quibus duabus de causis *Vincentius Quirinus*, vir in philosophiæ studiis clarus, ad *Philippum* legatus à Senatu lectus est, ut illi & de fœderis morte reipublicæ molestiam ostenderet, & de regni accessione gratularetur. Pauloque post *Hercules Ferrariensis* dux item moriens *Alphonso* filio regnum reliquit.

Erat in celeberrima urbis regione ad *Rivum altum* domus reipublicæ perampla, quæ antiquitus à *Germanis* mercatoribus incolis consueverat: in eam illi cujusque modi res, quas quidem vendere cuperent, advectas suis ab oppidis inferebant, & civitati emendas proponebant: quasque in urbe ipsi coëmebant, ut in *Germaniam* conveherent, eòdem congerebant, quoad essent deportandæ. Ea domus, ut erat mercium omnis generis plenissima, insequentis anni initio magna cum plurimorum honestorum hominum jactura conflagravit: quam tamen domum illo ipso anno civitas à fundamentis, fornicibus inædificatam, ne ignis nocere posset, magnificentiore multò forma commodioreque restituit. Ejusdem initio anni *Bartholomæo Liviano*, qui in republica peractò stipendiorum tempore, Patribus non permittentibus, discesserat, ut illatas suæ in primis genti, reliquisque *Romanis* principibus ab *Alexandro* atque ab *Cæsare* cædes & vastitatem vindicaret, *Hispaniæque* regum militiam fecerat, iterum recipi postulanti, præfectura equitum, cum stipendio annuo librarum auri centum quinquaginta, est à Senatu data. Cùmque *Cesene*, *Fori Livii*, *Forique Cornelii* legati apud *Julium* quæsti essent, se à *Venetis* magna agri parte spoliatos, angustis uti finibus, atque inopia multarum rerum premi, *Julius* per *Guidum Ubaldum* *Antonio* legato proposuit, si Senatus eos fines sibi restituat, de *Faventia* atque *Arimino* se deinceps verbum non facturum, reique publicæ oppida illa in omne tempus uti retineat, permittiturum. Ea *Guidi Ubaldi* oratione *Antonii* literis ad Patres perlata, Senatus, ne cuiuspiam obstinatori videri posset, *Antonio* rescripsit: si ei *Julius* fidem

A faciat, ita fore, uti *Guidus Ubaldus* ei dixit, se fines illos restitutum, legatosque, quos creasset, octo ad illum missurum, suumque in eum studium & observantiam præstaturum. Quo responso accepto, *Julius* & *Antonio* de *Arimino* atque *Faventia* liberaliter est pollicitus, & magnam se ex eo voluptatem cepisse, apud suos familiares præ se tulit. Senatus de eo certior factus, oppiduladecem numero cum eorum finibus uti *Julio* restituerentur, censuit: in quibus *Cesene* portus, qui est in maris littore, *Savinianum*, *Tossinianum*, *Archangelianum* fuere. Iis *Julii* internuntio, quem ad id in *Flaminiam* miserat, per legatos reipublicæ restitutis, *Julius* rem ad collegium deduxit, laudatusque ab omnibus, quòd se ad concordiam cum Senatu dedisset, magnum consilii fructum tulit. Unus *Franciscus Soderinus* Cardinalis, cum & ipse *Julium* verbis honorificis extulisset, addidit, eò se magis illum laudare, quòd quemadmodum fines illos recuperavisset, ita etiam *Ariminum* ab eo atque *Faventiam* brevi recuperatum iri confidebat. Legatio postea, de qua supra dictum est, *Romam* missa ab *Julio* libentissimo recipitur: ii fuerunt *Bernardus Bembus* pater meus, *Paulus Pisanus*, *Hieronymus Donatus*, *Nicolaus Foscarenus*, *Andreas Venerius*, *Andreas Grittus*, *Leonardus Mocenius*, cujus pater *Joannes Venetorum* dux fuerat, & *Dominicus Trivisanus* templi *Marci* procurator. Ejus legationis *Bernardus Bembus* propter ætatem principem locum tenuit. *Andreas Grittus* & *Nicolaus Foscarenus* è sexviris, qui principi assident, legationem inierunt. *Antonio* autem, cùm diu *Romæ* in ea legatione fuisset, reique publicæ singulari suo studio atque prudentia magnopere satisfecisset, domum est reditio permittitur. Atque hæc Vere medio eum, quem diximus, eventum habuerunt.

Æstate verò inita, *Alfonso Atestinus*, ut *Lauradam* Principem & Patres regni suo initio salutare, magno comitatu ad urbem venit, honorificèque acceptus, & auri libra diebus singulis in sumptum à Senatu donatus, gravi cum Patribus benevolentia fœdere amicitiaque arctiore constituta, domum rediit.

Patres sub hæc de adventu in *Italiam Maximiliani*, qui *Romam* se velle ire dictitabat, ut Imperii insignia à Pontifice Maximo acciperet, sæpe consulti, ejus legatorum postulatis amicè & benevolè sunt polliciti. Decembri demum mense de confectis ab *Aloisio Gallorum* rege *Ferdinandoque* inter se fœderibus cognoverunt: quæ omnino res susceptam ab illis jam antea de *Aloisii* in sese animo suspensionem facilè auxit, propterea quòd is nihil antè de ea quoque re Senatui significavisset. *Ferdinandus* quidem per legatum suum Patribus ostendit, propter nova illa inita cum *Gallorum* rege fœdera, nihil se de veteri sua cum ipsis benevolentia diminuere, quam non retinere modò atque alere, sed augere etiam studiis atque officiis in dies singulos cuperet. nullos eventus eam sibi mentem eruturos.

Anno insequente, ob nonnullos mare *Ægeum* atque *Jonium*, demum etiam *Adriaticum* navigantibus infestum reddentes piratas, Senatus quamplurimas triremes non uno tempore armandas curavit: quibus à triremibus capti aliquot latrociniorum poenas reipublicæ dederunt.

Eo tempore *Tunetis* regis legatus ad Senatum missus, equos miræ pernecitatis more *Punico* ephippiatos quatuor, aquilasque aucupio idoneas totidem, & canes venaticos Patribus dono attulit, petens, ut naves longas ad mercatum eò mitterent: velle enim regem suum amicitiam cum republica instituere. Is legatus liberaliter acceptus, domumque cum muneribus remissus, opti-

Legatio  
Veneto-  
rum Ro-  
mam  
missa.

*Alfonso*  
*Atestini*  
*Venetias*  
adven-  
tus.

*Aloisii*  
cum  
*Ferdinando*  
fœdus.

Pirati-  
cum bel-  
lum.

*Tunetani*  
regis ad  
Venetos  
legatio  
& mu-  
nera.

*Tronus*  
proditor  
*Venetis*  
suspendi-  
tur.

*Isabella*  
*Hispania*  
reginæ  
obitus.

Legati  
*Veneto-*  
rum ad  
*Philip-*  
pum re-  
gem *Hi-*  
*spaniæ*.

*Germano-*  
rum  
*Venetis*  
domus  
confla-  
grata,  
restaura-  
tur.

Senatus  
*Veneti*  
cum *Julio*  
Ponti-  
fice con-  
trover-  
sia, &  
trans-  
actio.



optimam in regem civitatis voluntatem reportavit.

Norim-  
bergenfes  
à Venetis  
legum  
exem-  
plar pe-  
tunt.

Etiam *Norimbergenfes*, ampla & florens, atque in primis libera fuique juris in *Germania* civitas, missis ad urbem legatis, exemplum *Venetarum* legum à Patribus petierunt: velleque sese eis uti legibus ostenderunt: quod quidem illis Senatus frequens concessit.

Alexium  
Bajaseti  
restitui-  
tur à Ve-  
netis.

Petente autem ab Senatu arroganter *Bajasete* rege ut *Alexium* in *Illyrico* insulam, bello *Thracio* captam, sibi restitueret, obstinatis ejus atque assiduis postulationibus Patres victi, ne is pacem, quam cum illo fecerant, si rejiceretur, frangeret, ab *Alexio* incolis omnibus emigrare jussis, aliis in locis collocatis, rebus asportatis, arce diruta, eam inanem atque vacuum importuno regi relinquendam censuerunt.

Sabellici  
obitus.

Erat paucis ante id Senatusconsultum diebus *Marcus Antonius Sabellicus*, qui res *Venetas* conscripfit, ipsa in urbe mortuus: laudaveratque illum *Egnatius*.

Aegyptii  
regis le-  
gatus ob  
contro-  
versias  
compon-  
endas  
Venetiis.

Quoniam verò civibus *Venetis*, qui tunc in *Aegypto* mercaturam exercebant, multa incommoda rex *Alexandrinus* intulerat, auctis præter morem *Indicarum* mercium pretiis, ipsorum bonis vi directis, aliquot in vincula coniectis, Senatusque ea de re per legatos apud regem questus fuerat: regis legatus ad Senatum venit ejus controversiæ dirimendæ atque componendæ gratia, *Tangavardinus*, homo *Hispanus*, qui multos annos *Alexandriæ* fuisset. ei est sumptus de mercatorum pecuniis, æquis portionibus æstimatis, datus.

Literæ  
Pontificis  
per Re-  
gem Se-  
natui of-  
feruntur.

E *Gallia* etiam ab rege literæ *Julii* literas ad Senatum datas attulerunt, quibus litteris, quoad *Julius* viveret, *Ariminum* & *Faventiam* retinendi reipublicæ facultas dabatur. Eas literas *Julius* ad regem miserat, ut per illum Senatui redderentur, quo major autoritas intercederet, quod intelligebat, illarum scripto multò minus se præstare quam id erat, quod pactus cum republica fuisset, legatoque ipse *Veneto* suamet oratione confirmavisset. Id ubi Patres de legato regio intellexerunt, magna eos indignatio tenuit, ingrato animo esse *Julium* prædicantes, nullaque constantia, qui tantis receptis finibus, tot ad se missis una legatione civibus, quot nemini unquam externo, tam insignibus in illum civitate functa officiis, tamen nunc conditionibus à se uno positis non stet, nisi tenuissima ex parte, atque ejus quidem partis rege internuntio, ut illius autoritate res, quemadmodum quidem vult, minore negotio transigatur. Eas ob regis litteras coacto biduum Senatu, decernitur, literas *Julianas* non esse accipiendas.

Julii  
Pontifi-  
cis levi-  
tas.

Ferdinandi in  
Italiam  
adven-  
tus.

*Ferdinandus* interea rex classe *Neapolim* adventabat, ut, quoniam ad *Philippum* generum omnis propè *Hispaniæ* nobilitas confluebat, atque ipsum pristina populorum gratia, dignitasque apud eas nationes destituebant, id in regnum se conferret, cujus ille particeps non esset. Eam ob rem Patres *Georgium Pisanum*, *Mærcum Dandulum* legatos creaverunt, qui *Neapolim* ad *Ferdinandum* proficiscerentur, de ejus in *Italiam* adventu gratulatum. atque is nequedum *Neapolim* attigerat, cum *Philippus* in *Hispania*, quò focu mortua mari è *Belgico* venerat, pituita interiit: ita sunt magna incepta spesque ingentes unà cum vita juveni abruptæ. Eam ob filii mortem *Maximilianus* pater suum in aliud tempus *Romanum* iter distulit, quique jam præmissi ab eo in *Alpibus Germani* erant milites, domum revocati redierunt.

Philippi  
Austrii  
obitus.

Julii  
Pontifi-  
cis cona-  
tus.

*Julius* autem, qui omnes suos conatus eò intenderat, ut oppidum *Bononiam* in suam ditio-

A nem atque imperium revocaret, cujus quidem oppidi regnum tametsi *Romani* juris esset, à *Joanne* tamen *Bentivolo* obtinebatur, comparatis rebus omnibus, quæ ad bellum usui essent, *Roma* cum exercitu & collegio in *Flaminiam* æstate jam confecta discesserat, ut illum oppido expelleret. quod omnino longè facilius, quàm hominum opinio ferebat, propter ingens civitatis in illum odium, adductis in fines oppidi, quas & ipse habebat, & ab rege *Gallo* acceperat, copiis, mense *Octobri* est assëcutus. Ea illi de re ab *Dominico Pisano* legato, qui *Antonio* successerat, reipublicæ nomine gratulatio est facta: tametsi ipse quoque *Julius* suum tabellarium cum literis ad Senatum miserat, quæ illum iis de rebus docerent.

B

Ultimis anni diebus propterea quòd sæpe fiebat, ut qui impetrare magnam aut difficilem rem aliquam à magistratibus cuperent, regum & Pontificum maximorum legatis uterentur, qui eos Principi Patribusque commendarent, interdum etiam ipsorum regum principumque civitatum ad urbem venientium patrociniò nitebantur, quorum autoritati Patres propè negare nihil poterant: Senatusconsultum factum est, cui quid à Patribus impetrare sit necesse, is neque virum principem, neque legatum adhibeat, cujus commendatione apud eos niti possit, pœna pro genere hominum iis, qui Senatusconsultum neglexissent, constituta.

C

Primis verò ineuntis anni diebus *Petrus Barotius*, *Patavinorum* Episcopus, moritur, vir politionibus literis & sacrarum ac multarum disciplinarum doctrina insignis, moribus, vitaque sanctiore, quique sublevandis egestate pressis civibus sacerdotii sui fructus omnes largiebatur, ut unius illius liberalitate non parva oppidanorum pars viveret: itaque mortuo neque nummi neque supellex pretiosa ulla inventa, præter bibliothecam. eas ob res sepulchrum ei marmoreum in templo *Patavino* faciendum publica pecunia, Patres conscripti censuerunt.

D

Pauloque post cùm cives plurimi *Ligures* emigrare domo, atque urbem velle incolere sese Patribus ostendissent, modò tuti publicè fierent, si quid in *Venetos Ligur* quispiam deliquisset, sua bona ea re non teneri: Senatusconsultum factum est, quo eis civitas atque securitas est data, navigatione mercaturæ causa in Orientem excepta.

E

Sub idem tempus *Aloisio Gallorum* rege in *Italiam*, properante, ut *Genuensium* civitati, quæ ab eo defecerat, seseque in libertatem vindicaret, bellum inferret, *Dominicum Trivisanum*, *Paulum Pisanum* *Patavinorum* magistratum Senatus legatos ad regem de adventu gratulatum misit. Ille autem recepta paucis diebus *Genua*, *Mediolanum* se contulit, ibique eum legati conveniunt. Sed cum in *Galliam Transalpinam* rediens, apud *Astam* cognovisset *Ferdinandum* regem, qui *Neapoli* classe in *Hispaniam* revertebatur, ex itinere *Genuam* appulisse, convenireque se cupere, ei præsto ad *Savonam* oppidum fuit, magnoque illum honore excipiens, cum unà dies aliquot fuissent, *Ferdinando* abeunte, ipse in *Galliam* profectus est, legati domum reverterunt. Eum ab

F

*Aloisii* tam celerem in *Italiam* adventum, cùm illum, si inimico esset in rempublicam animo, non longinquitas itineris, non reges interpositi, non denique *Alpes* moraturæ viderentur, quin, cum vellet, in citeriorem *Galliam* parvo negotio trajiceret: tum etiam quòd rumor increbuerat, *Maximilianum* in *Italiam* cogitare: ne respublica ad ejusmodi casus imparatior offendi posset, Senatusconsultum factum est, in *Veronensium* finibus eorum, qui arma ferre possent, certus agrestium homi-

Joannes  
Bentivo-  
lus Bono-  
nia pelli-  
tur.

Lex de  
Princi-  
pum Le-  
gatorum  
interces-  
sione.

Petri Ba-  
rotii obi-  
tus & li-  
beralitas  
insignis.

Liguri-  
bus civi-  
tas & se-  
curitas  
data.

Aloisii  
regis in  
Italiam  
adven-  
tus.

Genua  
expugna-  
tio.

Milit es  
ex agri-  
colis à  
Venetiis  
lecti.



hominum numerus conscriberetur, qui rei militari assuefierent: iisque immunitas reliquarum rerum daretur, quo paratiores ad obeunda belli munera essent, & cum vocarentur ad signa, è vestigio convenirent. Ea militum ex agris deinceps institutio ad reliquos reipublicæ fines, ut est usus omnium magister, brevi permanavit: itaque nunc quidem cujusque oppidi, vici, pagique partem habent suorum, qui ei rei student, ut armati paratique sint, nullo ut interposito temporis spatio ad bellum prodire, reique publicæ celerem navare operam possint, hosque omnes uno nomine milites pro ordinibus appellaverunt.

Pax cum  
Alexan-  
drino re-  
ge con-  
firmata.

Rex post hæc *Alexandrinus* controversiis, quas habebat cum republica, sine facto, ad justitiam & æquitatem sese dedit: itaque triremes ad mercatum eò remissæ cum magistratu *Veneto*, qui *Alexandriæ* moram traheret, cumque legato regio, de quo supra dictum est: cui proficiscenti vestis aurca cum pretiosis pellibus, aurique libræ decem sunt à Senatu dono datæ: comitatuique ejus omni indumenta honestiora tradita.

Maximi-  
lianus  
cur in I-  
taliā  
iter sus-  
ceperit.

Interim à *Vincentio Quirino* legato, quem ad *Maximilianum* Patres miserant, acceptis sæpeli-teris significabatur, *Maximilianum* spreta, quam superiore anno fecerat cum rege *Gallorum*, pace, neglectisque foederibus, quibus illum non stetisse conquerebatur, de *Germaniæ* consilio statuisse, in *Italiam* cum exercitu accedere, ad speciem ut tuto *Romam* se conferret, re, ut *Mediolani* regno illum ejiceret. Senatus novis equitatus & peditatus copiis munire reipublicam decrevit: itaque præfecti sunt equitum adlecti quamplures, in iis *Vitellius Tifernas*, & *Guidus Vainus* è *Cornelii Foro* cum militibus sexcentis, equitibus quinquaginta ambo. *Jacobusque Siccus* è *Gallia Cisalpina*, & *Lucius Malvetius Bononiensis*, cum turma equitum uterque gravioris armaturæ centum: tum, ut milites numero ad decem millia conscriberentur, latum, qui sub tribunis & centurionibus in castris versarentur, quique per oppida præsidii causa disponerentur, ad quinque millia. equites etiam levioris armaturæ tercentum quadraginta *Nauplia* & *Zacyntho* accersiti urbano in littore, quò appulerant, à magistratibus lustrati, stipendio accepto se *Taurisum* contulerunt.

Maximi-  
liano pe-  
tenti iti-  
neris  
cum  
exercitu  
facultas  
denega-  
tur.

Iis rebus confectis, *Maximiliani* legati tres ad urbem veniunt postulatam: propterea quòd rex eorum iter haberet nullum aliud, uti *Romam*, quò eundem illi erat, per fines reipublicæ regi exercituique regio itineris faciendi Senatus facultatem daret: recipere *Maximilianum*, fidemque suam in eò interponere, sese sine maleficio atque injuria per eos fines iter facturum, exercitumque ducturum. quòd si propter eam, quam haberet reipublica cum rege *Gallorum*, amicitiam, Senatus id se minus rectè posse facere existimet, monere Patres *Maximilianum*, atque apertè profiteri, nullam esse in eo rege fidem, nullam constantiam: id se esse sæpenumero expertum: itaque rectius facturum Senatum, si nihil in illo sibi præsidii putet esse constitutum: sese Patribus foedera, quæ pepigerit, vita sua diligentius servaturum. Ea re ad Senatum relata, cum plures sententiæ dicerentur, essentque nonnulli ex magistratibus & principibus civitatis, qui *Maximiliano* credi oportere contenderent, vicit tamen ea sententia, quæ legatis in hunc modum uti responderetur, censuit: si *Maximilianus* pacatè sineque exercitu velit iter facere, reipublicam ei quòd peteret libentissimè concessuram, legatosque missuram, qui illum exciperent, omnibusque honoribus prosequerentur: sin cum exercitu proficiscatur, à pace, quam cum rege *Gallo* habeat, non posse discedere

A Senatam sine perfidiæ crimine. itaque nihil ei permissurum.

Atque his ipsis nondum ab urbe profectis legatis, *Gallorum* rex novam legationem ad Senatum misit, mentem ac voluntatem reipublicæ si *Maximilianus* ei bellum inferat, sciscitatum: magno enim timore afficiebatur, propterea quòd fama vulgaverat, *Germaniæ* populos *Maximiliano* ingentes copias subministraturos, ne ab eo tanta in re tam unanimi illarum nationum consensu Patres perterriti deficerent, aliorum mores hominum, ut plerumque sit, suorum morum modo atque consuetudine metiens. Senatus autem omnes reipublicæ facultates legatis ad regem defendendum est pollicitus: quæque *Maximiliani* legati à republica petiissent, quòd ad illa responsum habuissent, amico eis animo aperuit.

Rex Gal-  
lorum  
reipubli-  
cæ *Vene-  
torum*  
auxilia  
solicitat:

B Patres post hæc venientem ad urbem *Nicolaum Ursinum* imperatorem ab ipsis accersitum, ut cum eo & *Liviano* & *Carraciolo*, qui utrique jussu eorum venerant, de bello consilium caperent, ei obviam in navi *Bucentauro* profecti civitate circumvecta exceperunt: insequentibusque diebus quibus in locis *Maximiliano*, quamque ante diem, copiarum reipublicæ essent opponendæ, unà cum his constituerunt: cosque è vestigio reverti, &

C quam quisque partem reipublicæ finium tuendam suscepisset, ad eam illum contendere jusserant. certiores enim facti tractari arma in *Maximiliani* finibus, militesque pluribus in locis cogi, nihil sibi reliqui ad exercitum comparandum, copiasque partiendas fecerunt, ut in tempore occurrì posset. Ubi *Maximilianus* de legatis suis cognovit, nolle Senatum ei armato per fines reipublicæ iter dare, *Vincentium Quirinum* ab se dimisit, profectus ille cum in primis reipublicæ finibus subsedis- set, ne injussu Patrum propius accederet, Senatu permittente domum rediit. Patres tametsi De-

Reipu-  
blicæ ad  
bellum  
contra  
*Maximi-  
lianum*  
appara-  
tus.

cembri appetente mense multis verisimile non fieret, *Maximilianum Alpes* esse cum exercitu trajecturum, tamen *Georgio Emo* legato ab Senatu declarato, qui in fines *Veronensium* cum copiis accederet, eo se ab latere celeriter munire decreverunt: præsertim quòd intelligebant; *Germanorum* militum certam jam manum adventare, ut illis ex *Alpibus* se demitteret. quæ quidem manus neque dum munitis itineribus & saltibus facilè tra-

D jecit, sine ullo tamen reipublicæ maleficio, pacataque in *Mantuanorum* se fines contulit. Ii erant milites circiter mille ducenti. Paucisque post diebus cum nullo accepto in *Italia* stipendio domum redire statuissent, *Emusque* interea legatus exercitu adducto itinera clausisset, ut reverti ejus voluntate sibi liceret, ab eo petiverunt. Ille armis depositis iter facere jussit. Sed cum iisdem in locis atque in *Vicetinarum* saltibus anno insequente inito *Germani* sæpenumero se ostendissent, ut in fines reipublicæ irrumperent, omnino neque in eo perfecerunt quicquam ipsi, neque à *Venetis* ulla est res paulò illustrior gesta: neque oppidum quodpiam nobilius captum, aut cædes aut fuga hostium memorabilior facta: tametsi *Aloisius* rex, qui sæpe Senatum per legatos oratione magnifica confirmaverat, sese eum nunquam deserturum, ipsum etiam, si necesse sit, reipublicæ auxilio venturum, *Triultium* cum copiis in castra *Veneta* mis-

E fisset, & Senatus *Andream Gritum* legatum magna cum manu eodem accedere jussisset. Nam cum duos uno tempore legatos Senatus creavisset, *Gritum* & *Georgium Cornelium*, ut alter in *Rhetos*, alter in *Carnos* proficisceretur (inde enim etiam in reipublicæ ditionem velle perrumpere *Germanos* literis nuntiisque afferrebat) iis uti fortè imperia partirentur, Patres permiserunt: tum *Gritto Rheti*, *Cornelio Carni* provincia obtigit: atque in *Rhetis*

F qui-



Germanorum in  
Rhetos &  
Carnos  
irruptio.

quidem hunc unum res eventum habuerunt, ut repressi & repulsi sæpe hostes ex reipublicæ ditione atque imperio nullum sibi iter patefecerint, nihil omnino ceperint, amiserint autem potius ultimis belli diebus montanum oppidulum *Agrestam*. At in *Carnis*, quæ nihilo fecius Germani aditum in reipublicæ fines tentaverant, *Livianus*, qui exercitui præerat & *Cornelius* legatus, rem sanè publicam naviter atque feliciter gesserunt. Nam cum mense Februario rumor increbuisse: hostium non parvam coactam in *Carnis* manum, eo ab latere bellum illaturam, adventare, *Daniel Dandulus Feltriam* à Senatu missus est, rebus, quæ ex usu essent, procurandis, commeatuque exercitui, qui eò venturus erat, durissimo anni tempore locis impeditissimis subministrando. *Gradis* quoque castellum apud *Sontium* flumen, arte atque opere communitum, *Justinianus Mauronensis*, Senatu jubente, iisdem cum mandatis est profectus. Tum *Cornelius* & *Livianus Bassiano*, in *Alpium* radicibus ad *Medoaci* ripam sito, quod ad oppidum multis è reipublicæ finibus exercitum cogeant, iussi cum copiis ad Germanos reprimendos contendere. Interim repentino hostium adventu, qui per devia asperaque *Alpium* iuga, præcipientesque declivitates ferratis pedibus iter confecerant, centurionem cum militibus sexaginta *Clusæ* pagi angustias servantem profugisse, *Cadorasque* oppidulum ad flumen *Plavime*, quod ab *Clusæ* quinque millia passuum abest, unà cum arce & *Petro Ghisio* prætore in hostium venisse potestatem, nuntiatur. Ea intellecta in castris, *Livianus* celeritate adhibita cum duobus familiaribus ad vicina hostibus loca sese contulit speculatum, relicto *Cornelio*, qui cum copiis paratioribus diurnis nocturnisque itineribus subsequeretur.

In urbe *Donatus Lagius* à Sena lectus est, qui *Civiale Carnicum* contenderet, daretque operam ne quid incommodi reipublica eo in oppido acciperet. In *Forolivienis* autem *Hieronimus Saornianus*, de quo supra commemoravimus, vir egregia fide atque virtute, princepsque civitatis, primò paucis cum equitibus è sua familia ad eos fines est profectus, quibus in finibus hostes impressionem fecerant, magnaque celeriter auxilia reipublicæ conventura confirmans, earum regionum incolas labantes jam, ad imperataque *Maximiliani* facienda pronos, in officio continuit. deinde coactis hominum duobus millibus quingentis, equitatu etiam addito, iter impeditissimum faciebat, ut contra hostes cum legato exercituque reipublicæ illa cum manu se conjungeret.

Legatus  
Maximiliani ad  
Venetos.

Dum hæc agitentur, *Lucas Renaldus Maximiliani* legatus ad Senatum venit, illud idem postulatum, de quo antea sæpe rex egerat, iter *Romam* per fines reipublicæ repetens: regem suum propterea velle armatum incedere, quod se tutum ab suis hostibus aliter fore non confidebat: reipublicæ nihil ab eo nocitum iri, omnibus illum modis confirmaturum: vel Senatus obsides ei daret, nociturum esse illi neminem: hoc si præstet, sine armis regem iturum. Ad hæc *Lauredanus* respondit: Scire regem, quàm propensa semper fuerit reipublicæ erga *Federicum* imperatorem patrem suum seque ipsum voluntas: quo magis indignum esse, bellum ab eo inferri non unis reipublicæ finibus, prædas abigi, castella expugnari: de eo se magnopere conqueri, deosque testes adhibere, non esse ita de rege meritam rempublicam, sed rem se ad senatum relaturum, deque ejus sententia respondurum. Nam quod à *Cornelio* literæ venerant, confidere *Livianum*, propèque recipere, hostes sibi pœnas citò duros, Patres re-

A spondendi *Maximiliani* legato tempus interponere volebant, dum à *Carnis* aliquid confecti afferretur. Legato autem focii sunt atque custodes dati, ne quis eum alloqui posset, cui Patres id non permisissent.

*Livianus* adductis ad se militibus mille octingentis, quorum erat dux *Petrus Montius*, vir magna virtute, equitibusque levis armaturæ ex *Epiro* propè ducentis, quibus præerant *Palæologus* & *Busichius*: tum ex iis qui sagittis utebantur, alteris ferè totidem, graviorisque armaturæ ex ipsius & reliquorum turmis paulò plus ducentis: *Saorniani* literis ac nuntiis de locorum situ, de hostium numero, deque belli rationibus admonitus, qui quidem jam adventabat, atque ab altera montis parte in trium pontium loco Germanos observare, eisque occurrere statuerat, prima luce hostes aggredi constituit. Is erat Martii Calendarum dies. Sed propterea quod nix ea nocte plurima ceciderat, prælium in aliam rejectum est diem: quod quidem secundissimum postridie fuit. Nam cum Germani, redeundi domum itineribus præseptis, ad se venire certiores facti, ne intercluderentur, *Venetos* aggredi viamque ferro sibi aperire statuisent, atque in editiorem proximæ vallis partem cum impedimentis & tormentis se collegissent numero ad duo millia quingenti, ut è loco superiore in *Venetos* subeuntes impetum facerent (erant autem è *Maximiliani* comitatu, quamplurimis centurionibus viris fortibus interjectis) ipse acie instructa per nives rectà progressus prælium audacissimè commisit: eosque primò fortiter pugnantes, post impedimentis exutos, tormentisque abreptis, desperatis rebus non magnopere resistentes concidit, præter illos, qui projectis armis pacem suppliciter petiverunt. pauci fuga in montes elapsi, ab *Epirotis* equitibus eundem casum subierunt, capitaque sunt eorum in castra relata, pro quibus singulis *Livianus* pecuniam pollicitus intersectoribus fuerat. ex *Venetis* desiderati sunt sanè pauci. Noctè ea, quæ secuta est, exercitui ad quietem data, *Livianus* ad Germanos, qui arcem *Cadorasum* custodiebant, amplius sexaginta misit, imperans uti arcem traderent. Ii trium dierum spatium ad eam rem sibi dari petiverunt. *Livianus* eorum postulatione rejecta, ad arcem expugnandam est profectus: quam cum diem totum omni missilium genere, tormentisque in adverso iugo positis continenter oppugnavisset, magnamque propugnatorum partem interfecisset, muro etiam propugnaculi subrupto, reliqui postridie deditionem fecerunt. In ea oppugnatione *Carolus Malatesta* adolescens, saxo ab arce percussus, cum nonnullis viris fortibus interiit. Captivi, qui arcem tradiderant, unà cum prioribus dedititiis, omnes quingenti armis cæterisque rebus exuti, *Liviani* permissu domum redierunt.

Harum rerum primis in urbe nuntiis acceptis, idem est responsum legato *Maximiliani* à Senatu datum, quod superioribus legatis Patres antea dederant: neque quicquam cum illo de cæde Germanorum communicatum. ac, ne quid ei redeundi ab armatis in *Rhetico* noceretur, comites sunt ducesque itineris per fines reipublicæ attributi. Ubi ex literis *Cornelii* legati de prælio, deque arcis expugnatione singula ordine civitas intellexit, *Livianique* & consilium, & celeritas, & virtus laudari vocibus omnium cœpit: Patres, ut & illius animum alacriorem in posterum ad belli munia redderent, honorum insignibus, & magnitudine præmiorum excitatum, & reliquorum voluntates accenderent ad bene de republica promerendum, cum vide-

Germani  
exercitus  
clades ad  
Cadoras.

Cadoras  
oppugnatae &  
captæ.

Liviani  
ducis  
merita  
remunerata.



Præfe-  
ctura  
omnium  
copiarum  
qualis  
digni-  
tas.

viderent fortes industriosque viros ab ea fieri plu-  
rimi, præfecturam omnium reipublicæ copia-  
rum *Liviano* detulerunt. Ea est amplissima post  
imperatoris nomen dignitas, quæ pro eorum  
meritis ab Senatu militaribus viris tribui con-  
fuevit, auctusque est equitum illius numerus,  
qui erat sexcentorum, ad integrum mille. au-  
ctum quoque stipendium ab auri libris centum  
quingenta, ad ter centenas libras: tum decem  
in præsentia dono datæ cum iis tormentis  
bellicis, quæ hostes è *Germania* secum attulerant,  
quæque ipse ob rei bene gestæ memoriam à Pa-  
tribus sibi dari cupere in sermonibus cum lega-  
to habitis ostenderat: *Caroli* autem *Malatestæ*  
uxori ac duobus liberis infantibus illa ipsa pensio  
annua, qua is vivens à republica donatus fruebat-  
ur, in victum tradita.

Conful-  
tatio de  
be. lo  
*Maximi-  
liani* fi-  
nibus  
inferen-  
do.

Deinde cum Patribus nuntiatum esset, à *Ma-  
ximiliano* copias in *Carnis* comparari, tum in-  
cursionem in reipublicæ ditionem à *Goritianis* fie-  
ri, quod est oppidum in monte ultra *Sontium*  
flumen situm: Senatusconsultum factum est, ut  
milites ter mille celeriter conscriberentur, at-  
que ad legatum mitterentur. Cæterum quod e-  
rant plerique magistratus, qui bellum inferri  
*Maximiliano* censebant oportere, atque in ejus  
fines exercitum introduci volebant, *Dominicus*  
*Maurocenus* templi *Marci* procurator, vir re at-  
que cognomine sapiens, ætate valde proclinata;  
erat enim annos natus nonaginta, Patres mone-  
re ac rogare cœpit, ne id fieri permitterent:  
*Germaniæ* civitates, quæ liberæ sui que juris es-  
sent, ægrè ferre à *Maximiliano* arma contra rem-  
publicam exerceri, cum pace frui possit: eas-  
dem, si ei bellum inferatur, moleste id laturas,  
neque passuras sui regis nomen dignitatemque  
convelli ac proteri: non magnas esse ab illo inju-  
rias in rempublicam illatas, de iis tamen deorum  
immortalium benignitate pœnas ipsum reipubli-  
cæ dedisse: omnem illam in *Carnis* manum con-  
cisam deletamque esse, *Cadoras Clusamque* recep-  
ta: in *Rhetis* nihil amissum, neque ullam contu-  
meliam acceptam: quod si eo contenti, inquit,  
erimus, magnum nos fructum continentiae latu-  
ros, *Germaniæ* totius benevolentiam: quæ qui-  
dem certè *Germania* commeatibus asportandis,  
mercibusque reciprocandis, & rerum plurima-  
rum communicatione ita est conjuncta nobiscum  
& confociata, ut magni inde proventus in rem-  
publicam portorii nomine, magnæ privatim uti-  
litates in omnem genus civium inferantur. Laudabi-  
le profecto esse hostes bello superare, propagare  
imperii fines: multo autem laudabilius, seipsos  
continere ac vincere, justitiæ, moderationis,  
gravitatis opinionem apud omnes homines auxil-  
se, latèque promovisse. Bellorum eventus à fortu-  
na plerumque administrari, quæ fluxa atque in-  
certa sit: prudentiæ consilia stabilem habere exit-  
um, semperque plus proficere constantia & matu-  
ritate, quam illa impetu usum ex sese præbuerint.

*Dominici*  
*Mauro-*  
*cenis* pru-  
dens  
consi-  
lium.

*Germa-*  
*nia rei-*  
*publicæ*  
*Veneto-*  
*rum per-*  
*quàm u-*  
*tilis &*  
*commo-*  
*da.*

Hæc cum senex sapiens dixisset, ardor ille ma-  
gistratum ad bellum gerendum parumper re-  
stinctus est, itaque nihil latum, nisi uti ea de  
re Patres amplius consulerentur.

*Alfonfus*  
*Ferraria*  
dux Se-  
natui se  
purgat.

*Alfonfus* post hæc *Ferrariensium* dux ad urbem  
familiariter se contulit Patribus purgatum, quod  
suspectus eis fuerat literas nuntiosque ad *Maxi-  
milianum* misisse societatem incundi, seque cum  
illo conjungendi causa, confirmans nihil se un-  
quam ejusmodi cogitavisse: cupere autem & sta-  
tuisset, unâ cum republica omnem fortunam ex-  
periri, neque ullo tempore à Senatus autoritate  
velle recedere, Patres eam orationem auribus li-  
bentissimis acceperunt, collaudatumque, atque  
ut omnia summæ benevolentiae officia à Se-

A natu expectaret, confirmatum domum remife-  
runt.

Interim nulla in *Rhetico* belli cessatione à *Ma-  
ximiliano* fieri cognita, in *Carnis* milites non unis  
in locis cogi rumore nuntiisque afferentibus, Se-  
natus suam in illum lenitatem frustra adhibitam  
sentiens, pridie Nonarum Aprilium constituit;  
uti bellum omnibus à partibus *Maximiliani* fini-  
bus inferretur. itaque non legatis modò *Gritto* &  
*Cornelio* id Senatusconsultum celeriter est mis-  
sum, sed omnino etiam *Hieronymo Contareno*,  
qui cum classe aliquot triremium legatus in *Istria*  
tunc erat, literæ sunt à Senatu datæ, uti mari-  
tima *Maximiliani* oppida, quæ vellet, aggredi  
capereque conaretur: se alias paucis diebus tri-  
remes ad illum missurum. Senatusconsulto ad  
*Cornelium* perlato, voluntateque civitatis *Livia-*  
*no* reliquisque principibus declarata, magnum iis  
studium, magna omni exercitui alacritas innata  
est belli gerendi: quam ob rem tormentis mura-  
libus adductis, quod oppidum *Cormonse*, citra  
*Sontium* flumen natura atque arte communitum,  
monti enim impositum muro præalto cingeba-  
tur, opportunum hostibus receptum dabat, om-  
nibus ad id copiis accesserunt, magnaque vi ag-  
gressi, dejecta muri parte, celeriter ceperunt,  
quod cum diriperetur, *Cornelius* mulieres omnes  
uno in templo compulsas ab injuria militum de-  
fendit: suppellectilemque sacram, ipsis ab adytis  
abreptam, fanis & sacerdotibus restituit. Inde ad  
arcem expugnandam eodem impetu cum perre-  
xissent, ac tormentis quaterere cœpissent, à pro-  
pugnatoribus deditio est facta. Ea intellecta e,  
tria se castella spontè legato dederunt. *Portus*  
autem *Naonis* civitas legatos de deditioe ad Se-  
natum misit. eos legatos liberali oratione Patres  
prosequuti, ad *Cornelium* rejecerunt, ut cum il-  
lo agerent, cui ea omnia mandaverat Senatus.  
*Cornelius*, cum ad illum legati venissent, oppi-  
dum in fidem deditioemque accepit.

Eodem tempore *Lucas Renaldius* à *Maximilia-*  
*no* ad urbem remissus cum tabellis, regis manu  
subscriptis, Patres adiit: quibus in tabellis, certas  
*Maximilianus* induciarum condiciones reipublicæ  
proponebat: quarum erat una, ut annuas secum  
inducias Senatus faceret, quo tempore de suis  
cum *Gallorum* rege controversiis in communi  
*Germaniæ* concilio disceptari & cognosci posset.  
Eas patres inducias legato sese paratos esse face-  
re dixerunt, dum eadem induciarum conditione  
foederati reipublicæ includantur: neque enim si-  
ne iis quicquam posse conficere Senatum. *Renal-*  
*dinus* his cum mandatis tantum discesserat, cum  
majoribus comitiis haberi cœptis, literæ nuntii-  
que à *Cornelio* venerunt, qui dicerent: Postea-  
quàm ponte, quem hostes resciderant, in *Sontio*  
flumine celeriter confecto, exercituque tradu-  
cto, *Goritianos* duabus maximis uno die impres-  
sionibus *Livianus* oppugnavisset, qua in oppu-  
gnatione centum milites amisisset, velletque po-  
stero die acrius vehementiusque idem facere, op-  
pidanos perterritos sese ei dedidisse. Eæ literæ,  
antequam suffragia inirentur, comitiis recitatae  
sunt, magnaque ab iis gratulatio Patribus est fa-  
cta. Erat in oppido arx, quam milites ducenti  
custodiebant: ii cum pulvere ad tormenta exer-  
cenda carerent, neque se arcem tueri posse sine  
iis confiderent, pro eis armamentis reliquoque  
commeatu libras auri quadraginta sibi datum iri  
fide accepta, quatrduo intermisso, arcem tradi-  
derunt. ante quos quidem dies *Belgradum* facta  
deditioe legati præfectum introduxit: itemque  
*Vipaum*, admodum elegans & ipsum oppidu-  
lum, quod abest ab *Goritia* millia passuum vigin-  
ti *Japidas* versus. *Contareno* quatuor triremibus

Belli in  
*Maximi-*  
*lianum*  
appara-  
tus.

*Cormon-*  
*se oppi-*  
*dum ex-*  
*pugna-*  
*tum.*

Legatus  
*Maximi-*  
*liani* ad  
*Venetos.*

*Goritiani*  
victi.

*Vipaum*  
oppi-  
dum.



Tormentum bellicum *Basilium* vocatum.

Regis Gallie postulata de foedere cum Hispano.

*Tergestino* diu oppugnati se dedunt.

*Tergestinos* magno animo aggressus, quarum erant duae medii inter bellicas generis atque eas triremes, quibus ad mercaturam civitas utitur, quas *Nothas* appellabant, muros tormentis dejicere instituit, qua parte mari oppidum alluitur. Et tormenta ejusmodi tum erant, ut ex aere tota confecta pedes vicanos binos in longitudinem protenderentur, acclinataque in priore navis parte sic, ut cauda malo proxima ore proram contingerent, pilam ferream librarum centum, si nihil impediret, bis mille atque octingentorum passuum spatium impellebant: itaque muris vicina vehementi eos impetu concutiebant. Id tormenti genus *Basilium* appellabatur: neque sustineri propter pondus, nisi à magnis triremibus, aut à *Nothis* poterat, duasque in partes divisum, ut tractari facilius posset, collectione inter se mutua circumvolutum ita introrsus conglutinabatur, ut esse unum & continens videretur, nihilque aëris per spiras admitteret. Ea instituta oppugnatione *Duinum* maritimum castellum deditur: quatuorque triremes ejusdem, quo priores, generis missae à Patribus *Contareni* classem duplicaverunt: Senatusque ad *Cornelium* scripsit, si ei è republica esse videretur, cum exercitu ad *Tergeste* oppugnandum accederet. *Cornelius* ea de re *Livianum* consuluit: ille *Contareni* conatus terrestribus adjuvandos esse copiis magnopere existimans, cum tormentis muralibus, quae mari deportanda curaverat, celeriter eò venit, atque ad *Contarenum* primum omnium navicula perlatus, belli consiliis cum illo communicatis, ad muros oppidi omnibus à terrae partibus demolandos rediit.

Inter hæc, propterea quòd *Aloisius Gallie* rex valde se cupere ostenderat, ut in eodem, quod secum & cum republica foedus intercedebat, *Ferdinandus* rex *Hispanie* particeps esset, novaque cum illo societas, iisdem tamen legibus, institueretur: res agitari cœpta hanc difficultatem habuit, ut, quoniam Senatui longum atque impeditum videbatur id, quod in priore foedere erat, se nullam pacis conditionem, quæ plerumque in parvis temporum momentis existeret, posse à suis hostibus accipere, nisi prius, dum eant in *Hispaniam* tabellarii, dùmque redeant, expectarit, caput illud Patres ita refici censebant oportere, uti qui pacem facere vellet, sociorum modò nomina infereret foederi scribendo, ne multorum dierum itinere literis mittendis, & responsis præstolandis, occasionem pacis amitteret. veruntamen ut id regum voluntate fieret, tempus intermitteri placuit, dum id sciri posset. itaque foederis confectio in alium rejecta est diem.

*Contarenus* classe aucta, ad quem etiam naves duas rectas Patres miserant, quæ muris se subjicere auderent, iis ab eo latere oppidi majore multo impetu percussis, ædificiisque nonnullis intra urbem dirutis, *Livianus* parte altera perforatis dejectisque oppidi mœnibus tormentorum impulsione non intermissa, *Tergestinos* ad deditionem compulerunt: itaque pridie Nonas Majas unâ cum arce oppidum receptum est, nulla conditione interposita, nisi ut militibus, qui oppidum atque arcem custodierunt, recedere armatis liceret. Oppidani, ne diriperentur, libris auri centum quinquaginta exercitui persolvendis, se suaque omnia redemerunt, *Liviano* & legatis procurantibus, quibus erat oppidum nobile diripi permolestum. Ejus rei literæ lætitia & gratulatione civitatem impleverunt. *Livianus*, *Cornelius*, *Contarenus* omnium ordinum studiis certatim laudati, quod tantam rem tam celeriter confecissent, magnam sunt ex

eo virtutis atque industriæ gloriam consequuti. atque iis statim literæ à Senatu datæ sunt, in eam cogitationem incumbere, ut *Pisinum Flumenque Maximilianum* oppida sub reipublicæ imperium redigerentur: quorum alterum mediterraneum est, abestque à littore millia passuum XVI. multoque maximam inter *Isiros* habet auctoritatem: *Flumen* ad mare plurimarum rerum copiam subministrat, estque illis gentibus & regionibus opportunissimum. Prætor etiam *Tergestinus* declaratus *Franciscus Capellus*, arcis præfectus, *Aloisius Zenes Vipao*, qui utrumque munus exerceret, *Marcus Antonius Erizius*: qui *Duino*, *Nicolaus Baldus*: qui *Cormonsi*, *Trojanus Bonus*, paulò post ad magistratus obeundos in provinciam abierunt, cum antea *Dominicum Gritum*, qui arcem custodiret, Senatus *Goritiam* misisset: nam opido *Justinianus Maurocenus* à legato datus præerat, Senatusconsulto accepto cum *Pisinum*, quod est in monte tribus à partibus valde præcipiti situm, *Contarenus* classarios suos & *Liviani* equitatus, peditatusque magnam partem cum tormentis adduceret, castello *Trevisa*, quod est in via quinque millia passuum à *Pisino*, seque magno animo ad defensionem comparaverat, vi capto atque direpto, omnes celeriter ad *Pisineses* oppugnandos contenderunt: tormentisque prima vesperi positis, cum muri partem, quæ una ex quatuor adiri poterat, vellemus dejicere cœperunt. Id cum mane postero die acrius continentiusque fecissent, ac portæ turrim propè apparuissent, oppidani una salutis conditione impetrata deditionem fecerunt. In ejus oppidi finibus castella erant decem septem, quorum sexdecim sub reipublicæ ditionem sunt redacta. at cum *Vipaum* indiligentius custoditum hostes recuperavissent, præfectumque cepissent, *Vipaenses* postea, missis eò militibus, iterum capti ac direpti sunt. Præsidio *Pisinesibus* relicto, *Contarenus* ad *Phanatici* sinus insulas se contulit, atque ex *Aspero Crespa Vegio* reliquisque plus mille armatis hominibus naves longas conscendere jussis, ad *Flumen* oppugnandum rediit: cumque mille passus ab oppido abesset, hominem, qui oppidanos uti se dederent postularet, misit: si se cingi ab exercitu sinerent, quem postridie affuturum confirmabat, non fore liberam se dedendi potestatem.

Id cum illi magnopere timerent, pacti ne quid ex suis rebus amitterent, eo die *Contarenus* intromiserunt. Ea confecta re, quod erat oppidum mediterraneum illis in finibus, non postremæ apud *Isiros* auctoritatis, *Postoina*, *Cornelius* & *Livianus* eò exercitum converterunt, atque ad vicinos ei oppido pagos equites levis armaturæ plus ducentos præmiserunt. Illi præda passim abacta, nullis è *Postoina* exire ausis, cujus ad muros incurfionem fecerant, in vico sese proximo receperunt: ibi cum noctu armis positis sine vigiliis quieti se dedissent, hostes *Postoina* silentio emissi equites circiter centum quinquaginta, quorum erant duces *Bernardinus Rainicher* oppidi præfectus, & *Christophorus Friapanes*, homo ferox acerque, eos inopinantes aggressi partim interfecerunt, partim ceperunt: paucos in fugam coniectos noctis umbra occuluit. Eare nuntiata, *Livianus* majorem hostium numerum veritus, unâ cum legato *Goritiam* exercitum reduxit. Hostibus eo successu elatis, castellisque omnibus, quæ circum se amiserant, nisi ad se redirent, bellum & direptionem denuntiantibus, magnus est ab iis concursus ad legatum factus, orantibus uti se tueretur, neque diripi, propterea quòd se reipublicæ dedidissent, sine- rent. quam ob rem non parvo armatorum hominum

*Flumen* oppidum.

*Pisini* oppugnatione.

*Flumen* oppidum à Venetis occupatur.

*Venetia* ni casti.



Premium  
tormen-  
torum  
pulvere  
incenso  
diruitur.

minum numero in *Forojulensibus* celeriter impe-  
rato, atque ad se adducto, *Cornelius* ad *Pos-  
toinam* oppugnandam est profectus. Eo itinere  
nondum confecto, iidem illi hostes *Postoina* e-  
gressi, ad *Premium* municipium, quod est in  
*Tercestinorum* finibus, animati armatique, id ut  
caperent atque diriperent, accesserunt. quod  
cum se magno animo defenderet, forte fortu-  
na ignis tormentorum pulvere succenso, om-  
nem locum atque arcem, qua ex arce propu-  
gnabatur, ita corripuit, itaque foedavit, ut  
*Ludovicus Contarenus* praefectus, *Hieronymus-  
que Saornianus*, qui omnibus illis in rebus to-  
toque bello egregiam operam reipublicae nava-  
verat, *Premiumque* tunc propè unus defendebat,  
ne comburentur, aut fumo necarentur, sese  
hostibus dederint. Legato post hæc & *Liviano*  
*Postoinam* cum pleno exercitu accedentibus, tor-  
mentisque positis, ubi ea murum quaterere cœpe-  
runt, *Rainicher* praefectus, ne diriperetur, se  
atque oppidum tradidit: cui statim comites dati,  
qui illum abeuntem in tuto sisterent.

Veneto-  
rum cum  
Maximi-  
liano in-  
duciae  
tractan-  
tur.

Dum hæc in *Istria* geruntur, *Pauli Licesteni*  
suavis, prudentis in primis hominis, & recti ac  
temperati viri, qui magna erat apud *Maximilia-  
num* regem gratia, atque ab eo impetraverat, ut  
se ad pacem cum republica converteret, *Tridentinorum*  
Episcopus Senatum per litteras certiorum  
facit, cupere *Maximilianum* inducias cum repu-  
blica facere: quod si nunc eadem est ei mens,  
quæ paulò antea fuit, mittat aliquem, quo cum  
ipse regis nomine agere, quæ tractanda erunt,  
possit. Senatus ea intellecta re, *Zachariam Conta-  
renum* legavit, qui eò dandis induciis proficisce-  
retur. *Contarenus* cum in *Rhetos* venisset, cum  
Episcopo, tribusque viris principibus, quibus  
omnino quatuor eam rem mandaverat, *Maximi-  
liani* jussu *Licestenus*, in regis & reipublicæ fi-  
nium loco medio colloquutus, causam satis qui-  
dem perplexam atque difficilem *Gritti* legati  
consiliis explicuit, ut vellent illi trium annorum  
inducias cum republica facere, cumque ejus fœ-  
deratis *Galliae Hispaniaeque* regibus, atque iis, qui  
in *Italia* focii aut ipsius, aut illorum regum es-  
sent: nam cum *Transalpinis* uti facerent, adduci  
nullo modo potuerunt. Id cum Senatus cognovisset,  
adhibitis regum legatis quæsit, num id  
illis caput placeret, quibus annuentibus, facul-  
tate sic consciendi per litteras celeriter ei missa,  
*Contarenus* octavo *Idus Junias* induciis triennali-  
bus cum rege factis, scribendo adfuit reipublicæ  
nomine. quod quidem gratissimum Senatui fuit,  
qui pacem, quam bellum & onerum vacationem  
dari civibus, quam ab iis tributa exigere quotidie,  
malebat. tum illud etiam verebatur, ne *Maximi-  
liani* oppida capi ac diripi sentiens frænum Ger-  
mania momordisset, tam forti nationi, tantæque  
multitudini resisti ab sese, & illarum gentium fe-  
rocissimarum bellum respublica defendere susti-  
nereque non posset. Erant in *Rhetico* exercitu  
*Joannes Jacobus Triultius*, ut suprà dictum est, &  
*Guifredus Carolus*, consiliariorum *Mediolanensium*  
magister, quem praefectus regius *Mediolano* mi-  
serat rogatum ab Senatu, ut aliquem regis sui no-  
mine in *Rhetis* vellet consciendis induciis adesse:  
uterque eas inducias fieri nisi priusea de re ab re-  
ge literæ venissent, noluerat, atque in eo perse-  
veraverat: itaque foederi scribendo neuter eorum  
adfuit. *Triultius* postridie ejus diei cum suo co-  
mitatu *Mediolanum* abiit: ei *Gritus* legatus per  
omnes reipublicæ fines Patrum jussu comes fuit.  
*Nonis autem Junius*, qui dies postridie quam in-  
duciae firmarentur, fuit cum *Aloisius* rex in fœ-  
dere, cum *Ferdinando* rege, cumque republica  
faciundo id pertinaciter caput inferi voluerit, se

Trien-  
nales in-  
duciae.

Germa-  
nia fortis  
natio.

A non admonito nullam omnino pacem fieri posse:  
uti societas ea lege firmaretur, fœdusque confi-  
ceretur, Senatus tandem censuit. Pauloque post,  
quoniam induciis in *Rhetico* firmatis, *Postoinam*  
in *Istria* oppidum *Cornelius* legatus ceperat, uti  
oppidum *Postoina Maximiliano* restitueretur, idem  
Senatus, petentibus *Germanis*, jussit.

Gesta in  
Carnis &  
Rhetis.

Interim milites equitesque è *Rhetis* & *Carnis*  
in hiberna sunt deducti, oppidaque capta præsi-  
diis communita: muri eorum, quos tormenta  
dejecerant, atque arces in meliorem multò for-  
mam uti reficerentur, cura praefectis tradita. quo-  
rum omnium ratione habita, oppidorum fines  
centum millia passuum in longitudinem patere,  
B *Cornelius* legatus in Senatu dixit. Post quem, re-  
deuntem ad urbem *Livianum* in *Bucentauro* na-  
vi *Lauredanus* & Patres exceperunt: pauloque  
post & *Portus Naonis* oppidum, & jus comitio-  
rum ei posterisque ejus sunt ob rempublicam be-  
ne gestam dono data. *Cornelius* etiam illum lau-  
tioribus in epulis, cum principibus civitatis, &  
fœminarum nobilissimarum choro, diem unum  
domi suæ habuit.

Cognitis *Aloisius* rex induciis, vehementer per-  
turbatus questusque est cum legato reipublicæ  
*Antonio Condulmerio*, non se id ab ea meruisse, ut  
C responso ab se non expectato, ullas cum *Maxi-  
miliano* Senatus inducias faceret: nihil ad se, in  
*Italia* fœderatos aut amicos illis induciis esse in-  
clusos, pertinere: unum *Menapiorum* ducem *Ma-  
ximiliani* potentiae non objici se tantummodo vo-  
luisse: id ereptum sibi esse ab republica à qua ju-  
vari in primis debuit: sibi tamen auri libras esse  
paratas decies millies, iis illi auxilio se futurum,  
neque passurum, ut fœderatorum suorum inju-  
ria opprimi ab ullo possit. Ea oratione iracundiae  
suæ impetu apud legatum pronuntiata, cum se id  
fecisse poenitisset, ad tranquillitatem se conver-  
sum postea simulavit, mitioresque sermones ha-  
buit, praesertim cum *Antonius* legatus reipubli-  
cæ factum excusavisset: Senatum id respexisse,  
D ne *Maximilianus* induciarum tempore *Mediolani*  
res perturbare, atque ei molestiam id ob regnum  
inferre posset: neque cum illo rempublicam ulla  
alia, nisi *Italicarum* rerum causa, esse conjun-  
ctam. quid enim ei cum *Transalpinis*? sed qui jam  
antea non amico in rempublicam animo esset, e-  
jusque secundis rebus magnopere invideret, fa-  
cile eam ob rem succensus, clam ad malas cogi-  
tationes se dedit: tametsi suo chirographo se in-  
ducias comprobaturum *Antonio* legato confirma-  
visset.

Aloisius  
rex indu-  
cias cum  
Maximi-  
liano im-  
probat.

E Iisdem ferè diebus, quibus ea intellecta sunt,  
*Hieronymi Donati*, *Petri Marcelli* magistratuum  
*Cretensium* literis Patres cognoverunt, tantos ter-  
rae motus ea in insula fuisse, ut magna ædium &  
fanorum pars corruerit: ipsorum domos in oppido  
*Candia*, tum reliquorum propè omnes, quas mo-  
dò tremor solo non æquaverit, ea vitia fecisse,  
ut lapsurae jamjamque videantur: mortuos sub  
ruinis ad eam diem esse repertos circiter quadrin-  
gentos, in quibus sint ex coloniae nobilitate non  
pauci: arcem in *Lyctiis* defectam esse: omnes pa-  
tresfamilias cum uxoribus & liberis sub dio de-  
gere, ejus rei periculo perterritos. Huic ingenti  
F malo reipublicæ illud etiam est incommodum ad-  
jectum, quod *Contarenus* cognomine *Camalis*,  
triremium & ipse reipublicæ praefectus, dum è  
*Corcyra* domum reverteretur, duabus ex sua classe  
navibus, quarum in una erat ipse, tempestate  
disiectis, atque in *Piceni* elisis littore, una cum  
XL. hominibus periit. Itemque *Carratius*, mili-  
tum reipublicæ praefectus, homo impiger egre-  
giaque virtute, in agro *Veronensi* equo insidens ab  
homine cive suo, de quo nihil verebatur, inter-  
fectus

Terra-  
motus  
in *Creta*  
insula.

Contare-  
nus *Ca-  
malis*  
naufra-  
gio perit.

*Carra-  
tius* præ-  
fectus  
occisus.



Lex in  
eos qui  
largitio-  
ne magi-  
stratus  
quære-  
rent, lata.

Legatus  
Maximi-  
liani à  
Republi-  
ca Veneto-  
rum pa-  
cem pe-  
tit.

Pax qua-  
lis inter  
Venetos  
& Maxi-  
miliani-  
um esse  
possit.

fectus est gladio renibus infixo. De ficario, quem *Mantuanorum* dux suis in finibus captum magistratui *Veronensium* tradiderat, poena sumpta. Is, dum ea de re quæstio haberetur, se propterea *Carratium* occidisse, quod sibi olim maledixerit, magistratui confirmavit. tanta est homini in hominem tamque diuturna parvula sæpe de re suscepta iracundiæ vis & indignatio. Sub hæc, æstatis exitu, quoniam magistratibus comitiis majoribus creandis leges jubent, ut ii, quibus id forte munus obtigerit, ut nomen alicujus civis ad honores publicos suffragiis provehendi palàm ederent, optimum quemque civem renuntient, ac nonnulli, divites ex civibus qui essent, non nihil donarent eis, qui illos ad suffragia legissent, quo priores ad eos in posterum renuntiandos fierent: legem *Decemviri* tulerunt, Qui civi cuiquam, qui cum ad suffragia legisset, uti magistratus crearetur, pecuniam aut quid aliud ob eam rem dederit, donaverit, qua in insula *Decemviris* placebit, exul esto: eo relicto loco captus, foediore in urbis carcere vitam producito, ac relinquito: eam poenam minorem, nisi omnibus ad unum suffragiis, collegium ne facito: qui facere volet, ei decem auri libræ multa esto.

Paucisque post diebus *Maximiliani* regis consiliarius *Joannes Raublerius*, nullo comitatu, secretò ud urbem venit, *Zachariamque Contarenum* adiit, seque ad illum ab rege missum ostendit, petens, ut quemadmodum is induciis conficiendis paulò antè operam dedisset, ita nunc eadem opera vellet efficere, ut aliqua pacis tractatio regem inter atque rempublicam iniretur. *Contarenus*, quæ secum regius interpretes communicavisset, Senatui exposuit. Senatus *Paulum Pisanum* legit, qui, quæ *Raublerius* afferret, ab eo Senatus nomine cognosceret: nam *Contarenus* re exposita *Cremonam* prætor statim abierat. Cum itaque *Raublerius* cum *Pisano* ageret, confirmavit velle regem pacem cum Republica facere: utque ea fieret, multis rationibus conatus est suadere. Et *Pisanus* ostendit, salva fide reipublicæ, cui cum *Aloisio* rege firma pax esset, id confici non posse: contraque suadebat eam concordiam, pacemque ineundam esse, quæ Christianis omnibus communis esset. Denique cum *Raublerius* sibi à Patribus responderi peteret, Senatus paucis respondit, illum quidem libenti lætoque animo exceptum fuisse, tum regis sui causa, quem respublica unicè diligeret atque observaret, quemadmodum etiam cunctos illius majores amaverat colueratque, tum ob proprias hominis virtutes: verùm longè magis ob eam rem, ob quam in primis missus fuerat, ut scilicet de pace concordiaque ageretur, quam respublica magis cæteris omnibus rebus semper coluerat, atque hoc tempore multo libentius amplecteretur, si modò omni ex parte ea firma perpetuaque constitueretur: id quod facile evenire posse sperabat: namque exploratum ei erat, *Aloisii*, itemque *Ferdinandi*, *Galliæ Hispaniarumque* regum sibi sociorum animos pronos ad pacem esse: quamobrem eum hortari, ut regi suo hujusmodi pacem persuaderet, quæ Christianis rebus securitatem dignitatemque esset allatura, regi verò laudem & gloriam sempiternam: tempus maxime ad id opportunum esse: ad eam pacem tractandam omni opera studioque rempublicam paratam esse, modò comperitum sit illam communi regum omnium consensu probari: tunc verò constituere, qua ratione, quove loco, aut quibus arbitris ea tractanda sit, haud magnum negotium futurum. Hunc *Raublerii* adventum, responsumque eidem redditum, mandatum fuit *Condulmerio* reipublicæ legato, ut *Aloisio* regi declararet, eademque cum *Albione*

A *Ferdinandi* apud regem legato communicaret: quæ omnia etiam utriusque regis legatis *Venetis* agentibus initio declarata fuerant. Censuit enim Senatus, se legibus amicitiae foederisque, quod cum iis regibus percusserat, teneri, ut ea faceret. Illa quoque ratio huc accedebat, ut scilicet regum animos ad tuendam pacem magis firmos Senatus redderet.

Interim è *Flaminia* *Petrus Landus Faventiae* magistratus Senatui significavit, *Franciscum Mariam, Metaurensium* ducem, *Julii* Pontificis Maximi copias proximis in finibus coegisse lustrandi exercitum, ut ajebat, causa: itemque *Florentinos* mandavisse, uti sub eorum ditione quilibet paterfamilias, aut omnino quæque domus hominem unum armatum legato ipsorum mitteret certum ad locum, ubi essent milites recensendi: neque cur id fieret, proponebatur: itaque darent Patres operam, ut *Faventia* communior fieret, ne quid incommodi respublica, si quid *Julius* contra eam moliatur, accipiat. Patres iis acceptis nuntiis, pecuniam ad milites legendos *Petro Lando* celeriter mittendam, *Lactantiumque Bergomatem*, qui se *Carnico Istrique* bello fortiter atque amanter gesserat, omnibus militibus, quos ibi esse respublica juberet, præponendum censuerunt. Equites quoque utriusque armaturæ non pauci cum præfectis *Faventiam* è vestigio contendere sunt iussi.

C Non me piget inter hæc ejusdem temporis rem dignam propter novitatem, quæ legentibus nota sit, scribere. Navis *Gallica* dum in Oceano iter non longè à *Britannia* faceret, naviculam ex mediis abscissis viminibus arborumque libro solido contextis ædificatam cepit: in qua homines erant septem mediocri statura, colore subobscurus, lato & patente vultu, cicatriceque una violacea signato. hi vestem habebant è piscium corio, maculis eam variantibus. coronam è culmo pictam septem quasi auriculis intextam gerebant. carne vescebantur cruda, sanguinemque uti nos vinum bibebant, eorum sermo intelligi non poterat, ex iis sex mortem obierunt: unus adolescens in *Aulercos*, ubi rex erat, vivus est perductus.

D *Aloisius* rex, cupidus imperii sui fines in *Italia* propagare; intelligensque id se consequi non posse, nisi prius sibi *Maximilianum* adjungeret, quo cum dissidebat, neque quibus illum artibus, multis infensum veteribus recentibusque injuriis, sibi amicum facere posset, omnia cogitans reperiebat: iis rebus ab legato cognitis, quæ Patres à *Raublerio* acceperant, ratusque eam optimam esse occasionem *Maximiliani* animum sibi conciliandi, ad eum legatos misit, qui ut illum in rempublicam accenderent, ei declararent, se quidem ab legato reipublicæ edoctum fuisse omnibus de rebus, quas *Raublerius* ad eam attulisset, omniaque consilia sibi patefacta: ex quibus *Maximilianus*, quantum hujusmodi hominibus credendum esset, qui illum tam apertè despicerent, ac, quo erga eum animo iidem essent, facile cognoscere posset: totumque hoc factum rex ex animi sui libidine composuit, auxitque. Neque ipsum cogitatio fefellit: nam ubi ea *Maximilianus* ab rege excepit, iis omnibus fidem planè adhibens, perinde ac si vera fuissent, magnopere exarsit, atque animum, quem in rempublicam benevolum ad eam diem semper habuerat, his rebus commotus ad *Aloisium* transfudit. Id cum *Aloisius* cognovisset, magnis illum pollicitationibus atque illecebris quotidie captum fovens, agere cum *Julio* Pontifice Maximo, & cum *Ferdinando* rege coepit, quos quidem oppidorum, quæ respublica eorum ditione in *Flaminia* atque *Apulia* obtinebat, recuperandorum cupiditate alterum magnopere teneri sciebat, alterum pro animi sui motu

*Julius*  
Pontifex  
milites  
confer-  
bit.

Homi-  
nes novi  
in Bri-  
tannico  
Oceano  
capti.

*Aloisius*  
rex Ma-  
ximiliani  
animum  
lucratur  
astu, &  
in Vene-  
tos sti-  
mulat.



ac propensione duci vehementer existimabat (nam *Ferdinandus* ipse nullam ejus rei offensionem fecerat) uti secum & cum *Maximiliano* contra *Venetos* foedere inito bellum fumerent. quanquam sunt qui affirmant, agitatum de eo ab *Aloisio* multo antea cum utroque fuisse, & cum *Ferdinando* quidem eo maxime tempore, quo ei *Neapoli* classe in *Hispaniam* redeunti *Aloisius* in *Liguria* obviam se obtulit, diesque aliquot cum illo fuit. Utcunque autem illud ceciderit, ea re ab neutro repudiata, *Alberto Pio* homine vafro callidoque, & qui *Carpis* oppido circumpadano ejectus, quod hereditario jure ad se spectare dictitabat, ad *Aloisium* regem auxilii petendi causa se contulerat, *Gallicas* partes fovente, ac magnopere adniten- te, propterea quod, si res ad exitum perduceretur, sese domum reditum confidebat, inter eos omnes foedus est percussum ultimis Octobris diebus apud *Cameracum Belgarum* oppidum: quo in oppido *Margarita Maximiliani* filia, quam *Carolus Gallorum* rex repudiaverat, coelebs eas nationes regebat, eique rei omne studium adhibue- rat, tametsi non parvam etiam operam in eo navaverat *Georgius Ambosius* Cardinalis *Rotomagensis*, *Aloisi* legatus: qui, quod *Romæ* comitiis Pontificalibus *Alexandri* sexti morte præteritus, eam repulsam reipublicæ acceptam referebat, eximio erat in illam odio: & *Nicolaus Frisius*, homo *Germanus*, *Italici* imbutus moribus, *Maximiliano* perfamiliaris, qui ad utrosque non semel ventitaverat cum mandatis, foederique demum feri- endo adfuit *Maximiliani* nomine. Foederis lex præter cætera fuit, uti omnes uno tempore reipublicæ bellum inferrent: quo si *Veneti* bello victi essent, quæ ab iis ultra *Veronæ* urbis fines ditione tenebantur, *Gallorum* regi cederent: *Verona*, quæque ab ea usque ad mare *Adriaticum* pertingunt, *Maximiliano*: *Flaminia* oppida, quæ reipublicæ tunc essent, *Julius*: *Apulia*, *Ferdinandus* obtineret. Tanta verò fuit *Gallorum* regis cura, ne quid eorum, quæ in concilio statuis- sent, enuntiaretur, ut diu nihil certi rescire potuerit, *Aloisiusque* ipse *Antonio* reipublicæ legato ab eo societatis jure quærenti, equodnam *Cameraci* foedus percussisset, affirmans dixerit, se amicum reipublicæ esse, neque quicquam fieri contra illius dignitatem permisisse: *Antoniusque* Senatui scripserit, nihil omnino actum quod reipublicæ nocere posset, fidem sibi regem suam non semel interposuisse.

Erat *Mediolani* reipublicæ nomine *Joannes Jacobus Carolus* Senatus scriba, cui fidem regii ministri sæpe fecerant, dum in concilium ab legatis iretur, deque ea re sermo frequens esset, regem omnino nunquam ab republica dissen- surum, omnibusque rebus charius reipublicæ amicitiam semper habiturum: scire enim eam conjunctionem magno sibi & usui & ornamento esse: is, quod *Guifredum Carolum*, de quo supra commemoravimus, confecto statim foedere inter suos gloriantem dixisse intellexerat, sese brevi sui civis mortem cumulatè vindicaturum, deque iis, qui eum interfecissent, pœnas sumpturum, *Carminiolam Venetorum* imperatorem avorum nostrorum memoria publicè ab iis ob proditorem capite multatum, eo involucro verborum designantem: utrique enim eadem tellus patria fuit: id, quod erat ratus, Senatui primus omnium per literas denunciavit, eo ab foedere sibi caveret: habere se, contra rempublicam fuisse ictum, indicia. Sed confecto, ut dictum est, foedere, *Julius* tamen cupidine ferebatur *Arimino Faventiaque* potiundi, quia tamen & *Gallorum* regem magnæ per se potentiæ multo majorem suo permissu fieri volebat, & cum illam nationem, tum

A *Germaniæ* populos in possessionem *Italici* venire, optimæque ejus partis atque populosissimæ dominos fieri, sibi reliquisque *Italici* detrimentosum existimabat futurum, ut ab illis *Venetos* opprimi fineret, adduci propè non poterat. Itaque cum videret ab *Aloisio* exercitum reliquaque ad bellum idonea per hyemem magno studio comparari, ut primo pabuli tempore *Alpes* trajiceret, seque ab eo per legatos perque literas sollicitari animad- verteret, ut suas & ipse copias paratas haberet ad reipublicæ fines eodem tempore à *Flaminia* latere infestandos, atque in ejus ditionem irrum- pendum, ne sui colligendi aut omnino resistendi reipublicæ facultas daretur: *Constantino Comina- to Epirota* non postremæ apud *Maximilianum* au- toritatis, qui *Romæ* tunc erat, quoque ipse fa- miliarissimè utebatur, mandavit, ut in occulto *Joannem Baduarium* reipublicæ apud se legatum alloqueretur, quæque ab eo dici vellet, ei osten- dit. *Constantinus*, qui à *Gallis* regno pulsus, quod quidem aliquot ante annis uxorio nomine in *Sa- lassis* obtinuerat, magno illos odio prosequabatur, adhibita diligentia noctu amotis arbitris, legatum alloquitur, atque omnia *Aloisi* regis consilia ei aperit, quæque reipublicæ impendeant proponit. addit, si Senatus *Ariminum* atque *Faventiam* re- stituere *Julio* velit, propterea quod is reipubli- cæ vastitatem non æquo animo ferat, confidere sese ab eo impetraturum, ut unà cum *Maximi- liano* à *Gallis* desciscat, detque operam ne quid ab illis reipublicæ noceri possit. Legatus *Constan- tino* collaudato, quod tanta secum de re sermo- nem habuerit, nihil sibi spei esse reliquum dixit posse se ad id perducere Senatum: sed quæ ab eo cognoverit, uti ad *Decemvirum* magistrum quam celerrimè perferantur, se curaturum pollice- tur.

D *Decemviri*, qui jam de foederis conditionibus aliunde cognoverant, neque oppida illa ab se di- mittere ullam ob causam in animum induxerant, nihil omnino ad legatum, qui ad eos literas de- dederat, iis de rebus rescripserunt: sed ad *Maxi- milianum*, de quo porro ad eos afferebatur, posse illum adhuc quidem ab amicitia *Aloisi* regis ab- strahi (nondum enim eam rem ob vetus erga il- lum odium, plurimasque odii causas in ejus ani- mo coaluisse) *Joannem Petrum Stellam* Senatus scribam, qui aliàs ad *Maximilianum* ventitaverat, eratque illi admodum familiaris, secretò mise- rant, ut illum quibuscunque posset modis Sena- tui reconciliaret. Is cum ob nimium conficiendæ rei studium immatura festinatione se apud *Maxi- miliani* familiares patefecisset, sic, ut ejus adven- tus *Aloisi* regis legatis, qui apud *Maximilianum* erant, celari non potuerit, nulli reipublicæ usui fuit. *Leonardus* quoque *Vicentinus*, ex nobili *Por- torum* gente, vir & clari in bonarum artium dis- ciplina nominis, & reipublicæ amantissimus, magnis itineribus summa hyeme ad amicos suos *Maximiliani* familiares, qui se ei obtulerant, à Senatu missus, ut per illos regis animum leniret, nihil profuit. *Decemviri* enim certas pacis condi- tiones, quæ ab illo proponebantur, quod ex rei- publicæ dignitate non essent, re inter ipsos agi- tata respuerunt.

F Quin etiam illud accidit: nam quod erant *Romæ* duo reipublicæ legati, *Joannes*, de quo dixi, *Baduarius*, homo lenissimis omnino moribus, & *Georgius Pisanus* morosi admodum ingenii, cum *Julio Centum cellas* petente *Pisanus* in comitatu fuit, *Baduario Romæ* ob valetudinem relicto. Ibi cum *Julium* tranquillo mari navicula exhilara- tum, qua una illa re magnopere delectabatur, *Pisanus* de eo ipso reipublicæ in *Flaminia* negotio alloqueretur: quin tu, inquit *Julius*, non cum

Venero- rum le- gatus ad *Maximi- lianum*.

Julii Pontifi- cis calli- dum confi- lium.

Camera- ense fo- dus.

Lex fœ- deris.

Veneti de foedere Camera- ensi moniti.

Julii Pontifi- cis pro- videntia.



Senatu tuo agis, ut is aliquem ex suis civibus mihi proponat, cui ego *Ariminum*, *Faventiam*que dem *Romane* reipublice nomine obtinenda stipendiariumque illum meum faciam? ita & habebitis re vos à me oppida illa, & ego ad speciem non amifero. Ad quem quidem *Julii* sermonem *Pisamus* respondisse dicitur: non consueſſe rempublicam quempiam ex sua civitate regem facere: tumque nihil de ea re ad Senatum scripsit: neque quicquam cum collega postea communicavit suo, ita sive casu, sive fortuna, sive deorum immortalium voluntate, qui rempublicam florentem opibus, egregiam & illustrem fama, pollentem auctoritate, in finitimorum regum invidiam adduxerint, ut ex adversis ejus rebus animos hominum erudirent, quæ civitas, quodque imperium annos plus mille octoginta semper creverit, posse id unius diei spatio vehementer conteri ac debilitari.

Venetorum ad bellum sibi imminens apparatus.

Patres pacis spe deposita, ad bellum propulsandum ingenti animo se converterunt. Itaque uti equites gravioris armaturæ supplerentur numero ad decem millia. levioris ad tria millia quingenti, quorum essent ab *Epiro* duo millia, militesque ad millia tredecim conscriberentur. Senatus statim jussit, tum ut ei quoque rei prospiceretur, si quid reges mari molirentur, naves triremes quindecim, quarum essent *Nothæ* quatuor, ut in urbe *Cretaque* insula armarentur, classique reliquæ conjungerentur, latum. Missus quoque ab *Decemviris* ad regem *Britanniæ Andreas Baduarius*, qui multos annos ea in insula fuerat, linguamque illam callebat, ut eum reipublicæ amicum faceret.

Legati utrinque dimittuntur.

Interim & *Lascaris Gallorum* regis legatus, Patribus valere jussis, ab urbe in *Galliam* discessit ultimis Januarii diebus: & *Antonio* legato reipublicæ uti domum reverteretur, regii in *Gallia* interpretes edixerunt, cum ei prius torquem aureum dono regis nomine attulissent. *Antonius* autem non egere se inimici regis muneribus pronuntians, torque repudiato viæ se dedit. *Carolus* etiam *Mediolano* dimissus cum *Triultium* discedens salutavisset: ille verò, pudet me, inquit, *Caroli* hujus belli, quod parari video, nam injustum est: nulla enim in re violatam à vobis *Gallorum* societatem possumus dicere: nam quod rex de induciis queritur, id quidem nihil est: Senatus enim illi ob res modò *Italas* tenebatur, reliquis in rebus erat liber.

Cremonæ arx munitior redditur.

Paucis autem post diebus cum parum esse superioribus Senatusconsultis provisum exercitu comparando Patribus videretur, additum ad illa est, uti equitum levis armaturæ mille, militum quina millia advenarum nationum scriberentur, sagittariique è *Creta* insula mille, ex *Acroceraniis* alteri mille cujusque modi armorum accerferentur. quodque *Genue* atque provinciæ portubus naves innumerarum amphorarum quatuor, triremesque non paucas armari ab rege Patres intellexerunt: naves triremes duodecim, quarum essent *Nothæ* duæ, prioribus addendas censuerunt. latum etiam, ut *Cremonæ* arx ad sustinendos hostium impetus longè munitior fieret. itaque mille operæ ei rei à magistratibus addictæ, opus ante inceptum bellum perfecerunt. reliqua etiam eorum finium oppida castellaque, quibus id usui esset, communitiora fieri, magna cura atque impendio cœpta sunt. Ea dum *Nicolaus* imperator inviseret, *Bergomum*que adire, quod postremum erat, die dicta statuisset, re per exploratores *Mediolani* præfecto nuntiata, noctu ejus equites ducenti cum militibus totidem, quos singuli singulos suis in equis imposuerant, *Abdua* flumine trajecto, se in sylvas abdiderunt, ut imperatorem,

A qui nihil ejusmodi veritus cum paucis itineri se dederat, de via interciperent. quorum de insidiis cum esset *Bergomum* per agricolas earum regionum magistratibus nuntiatum, tabellarii nuntiique citatis ad imperatorem equis missi ab iis, parvo illi spatio ex hostium manibus erepto, salutis & incolūmitati fuerunt.

Pulvis tormentarius & urbana navalia fulmine tacta.

B Iis rebus foris administratis, domi claro ac sereno die urbanis in navalibus dum pulverem ad tormenta exercenda confectum in arculas ligneas operæ infarciunt, ictu mallei favilla emicuit: ca ingentem ejus pulveris acervum comprehendit, disjectisque immani cum fragore ac tonitru, terræque motu ejus conclavis, in quo asservabatur, parietibus & tecto, ut lateres, tegulas, afferes, tignaue ipsa longo per aëra tractu volantia ignis vis atque impetus in diversa tulerit, fumo & caliginè urbem totam puncto temporis integens civitatem perterrefecit: Senatusque qui habebatur, miraculo exterritus in forum frequens descendit. eo igni & cadentibus passim iis, quæ sublimè ierant, fragmentis, ex fabrū collegio quamplurimi, magisterque ipse fabrū, & honesti homines aliquot interierunt: habitaque pro ostento res fuit.

C Regis sub hæc *Ferdinandi* legatus Patres adiit, regem suum eo se foedere, quod ictum *Cameraci* esset, uno modo capite, quo sit bellum *Thracibus* inferendum, cum *Aloisio* rege conjunxisse: velle enim, quod cum republica foedus habeat, in eo amantissimè permanere: cupere autem, propterea quòd fiat certior ab *Aloisio* arma in rempublicam parari, scire à Patribus, quænam sit ejus rei causa: demum, quicquid aut opibus, aut benevolentia valeat, id omne reipublicæ polliceri. Ejusmodique sermonem ipse in *Hispania* rex cum reipublicæ legato *Francisco Cornelio* habuit, ut Senatus ea, quæ multis autoribus aliunde cognovisset, de *Ferdinandi* ab se alienatione, falsa esse crederet. ita sunt prona hominum ad fallendum ingenia, non quorumlibet modo, sed regum quoque.

Hispaniæ regis fraus & dolus.

D Ubi patres de insidiis imperatori factis in agro *Bergomati* ab *Gallis* equitibus intellexerunt, ea re belli factum initium rati, duos ad id legatos legerrunt, illos ipsos, qui paulò antè bellum *Rheticum Carnicum*que administraverant, *Andream Gritum*, *Georgium Cornelium*. atque is, antequam proficisceretur, majoribus comitiis templi *Marci* procurator lectus est, *Dominici Mauroceni*, qui mortem obierat, de quo supra commemoravimus, loco. Erat *Cornelius* annorum LV. neque post *Franciscum Foscarum*, qui dux *Venetorum* fuerat, quenquam minorem natu illum magistratum esse adeptum constabat: adeò uni senectuti eo creando ferè semper honos fuit. Præfectus quoque à Senatu lectus est *Epirotis* equitibus *Justinianus Maurocenus*: quæque ad eam diem in nobilitatem aditum nunquam habuerat, *Vincentio Valerio* tormentorum cura tradita. Proficiscentibus autem ab urbe legatis, quæstor est exercitui *Paulus Nanus* declaratus. Quoniam verò magistratus regii edictum *Mediolani* proposuerant, ut cum ejusurbis cives, tum verò etiam *Ligures*, aut omnino *Galli*, qui in ditione reipublicæ eo temporis moram traherent, viginti dierum spatio domum reverterentur, id qui non fecisset, mors ei poena esset, ejusque bona publicarentur: quæ ex re fiebat, ut per plurimi, qui vel mercaturam faciebant, vel plebeias artes exercebant, domiciliaque in urbe habebant, emigrare cogerentur: legem contra Patres jusserunt, qui ea de causa urbem reliquisset, quive illum navicula evexisset, aut comes itineris fuisset, ejus bona fisco inferrentur, aliquandoque captus annum in carcere teterrimo conficeret. ea poena proposita, omnes, quibus qui-

Belli contra Venetos initium.

Galli è ditione Venetorum edicto evocantur.

Edictum Reipublicæ Venetæ.



quidem aut insulae, aut fundi, aut omnino res aliqua familiaris esset, emigrare veriti restiterunt. Iis rebus bellicisque apparatus, & *Maximiliani* cum *Aloisio* rege nova ex foedere conjunctione, *Germani* mercatores, qui in urbe erant, permoti, concilio coacto à Patribus petierunt, uti se tutos, si quid reipublicae ab suo rege accidat, velint esse. quod quidem illis Patres libentissimi concesserunt: amplissimaque iis facultas est omnia, uti consueverant, in tota reipublicae ditioe liberrimè agendi tradita.

Germanis mercatoribus agendi facultas libera concessa.

Classium apparatus.

Comitiis deinde majoribus praefectus est classis *Angelus Trivisanus* declaratus, iussusque à Senatu quamprimum conscendere: nam praeter eas naves, quae à *Gallorum* rege armabantur, *Ferdinandum* quoque regem parare classem, quam in *Siciliam* & *Tarentum* mitteret, reipublicae apud illum legatus ad Senatum scripserat. tametsi ejus legatus Patribus fidem faceret, *Africanarum* rerum causa eas opes comparari: nil omnino esse, quod eo ab rege sibi verendum existimarent, qui esset reipublicae amantissimus.

Ea res, & quod *Julius* exercitum & ipse in *Flaminia* ex *Heituria* & *Umbria* & *Piceno* coge-  
bat, & *Galli* magna manu *Alpes* jam trajecerant, longè majore aut unà cum rege in dies trajecturi dicebantur, & *Maximilianum* omnes homines idem per se facturum existimabant (misceri enim & tractari arma ex *Germania* rumor attulerat) Senatum sollicitum fecerat, quonam pacto unus tot tantorumque hostium impetus terra marique sustineret, praesertim cum *Julius Roma*, suisque omnibus ab oppidis & finibus manum ullam ad reipublicae stipendia venire non permetteret, editis durioribus interpositis: ut, qua ex parte plurimi se duces reipublicae obtulerant, multumque copiarum secum adducturos se receperant, resque publica magno eos usui sibi futuros confidebat, ab ea illam parte spes omnis atque opinio destituerit. Quae cum ita se haberent, praestare Patribus visum est, uti ad Senatum derestituenda *Julio Faventia* referretur, si fortè illum eo munere avertere ab incepto possent: verum *Georgio Emo* rem vehementer resellente, nihil latum.

Consultatio de Faventia Pontifici restituenda.

Legatis *Brixiam* *Cremonamque* profectis, templi *Marcii* altera procuratio, quo in magistratu *Marcus Antonius Maurocenus* mortem obierat, *Andreae Gritto* comitiis majoribus est delata, ut eo munere ad bene de republica promerendum rebus tam dubiis accederetur, *Andrea Venerio* cive prudente, publicique juris retinente, octo suffragiis praeterito: qui eo anno Patribus autor fuerat uti *Aloisii* regis societate, suspecta illa quidem ac planè dubia, repudiata, cum *Maximiliano*, magnopere id efflagitante, se conjungerent. *Petrum* interim *Landum Faventiae* magistratu decedentem, in *Flaminia* legatum Senatus iussit esse. Is *Ariminum* profectus detecta proditione ab *Julio* instituta, qua ejus militibus noctu oppidi portam tradi convenerat, de proditore poenas sumpsit.

Foedus Veneto-rum cum quatuor pagis Helvetiorum.

Miserant ad *Helvetios* superioribus diebus Patres *Hieronimum Soarnianum* societatis instituentis causa: atque is quatuor eorum pagis persuaserat, uti se cum republica conjungerent: fidemque ab iis acceperat, si per decennium ducentae quinquaginta auri librae annis singulis à Senatu eis dentur, se cum republica futuros, atque in *Galliam* transalpinam è vestigio contra regem erupturos. ea intellecta re, uti ita fieret, à Senatu lex est lata.

Belli praenuntii.

Duo sub hac nuntii *Venetias* allati, magno timore pro belli initio civitatem affecerunt: quorum alter, *Franciscum Mantuanorum* principem *Casale* municipium in *Padi* fluminis ripa, sibi finitimum, collecto equitatu & peditatu repenti-

A no impetu cepisse, Patres certiores faciebat: ab altero, *Gallorum* magnas copias *Abdua* trajecto *Trevium* oppidum aggressas, cum illis obviam; qui in oppido erant, equites & milites exissent, omnem illam manum fudisse, ex militibus non parvum numerum interfecisse: *Paulum Memmium* praetorem, & *Justinianum Maurocenum* unà cum filio, praefectosque tres captivos fecisse, atque oppidanos ad deditionem compulisse, confirmabatur: equites tamen *Epirotas* ducentos, quibus *Maurocenus* praerat, reliquis fuis fugatisque, conglobatos per mediam hostium aciem sese incolumes in tutum recepisse, neque eos laceßere ex hostibus ausum quenquam fuisse, idem nuntius adjecerat.

B

Regis etiam *Gallorum* praeco ad urbem venit, ut bellum reipublicae indiceret. Ab eo Patres, semotis aliis, ne civitas re nova permoveretur, se adiri voluerunt: itaque porta de via in vestibulo curiae admissus, veste liliis aureis intertexta sese induit: tum curiam ingressus ante Patrum subsellium stans, Bellum, inquit *Lauredane Venetorum* dux, ceterique hujus urbis cives, *Ludovicus Gallorum* rex indicare me vobis iussit tanquam infidis hominibus, Pontificisque *Maximi* & reliquorum regum oppida per vim perque injuriam capta possidentibus, omniumque omnia dolo malo sub vestram ditionem rapere atque redigere festinantibus. ipse ad vos armatus ea repetiturus venit.

Gallie rex Venetis bellum indicit.

C

Ad hæc *Lauredanus* Patrum medius sua in sella sedens ita respondit: Res hæc publica *Galle*, quam adiisti, nihil injustè possidet: nam jure agit, neque fidem cuiquam fallit: quam certè fidem nisi valde plus justo regi ipsi servavissimus tuo, ille verò ubi pedem in suo poneret, in *Italia* non haberet. Sed praestat nos vel cum periculo esse qui semper fuimus, dum *Aloisius* æquè arrogantia atque perfidia polleat. bellum quod denuncias, propulsaturi cum diis immortalibus sumus, quos ille vindices habiturus est; aut hinc aut apud manes, rupti per scelus foederis.

Lauredani ducis responsum Gallorum praconi datum.

D

Hoc responso accepto est dimissus: ac ne quis eum violaret, quos itineris comites à reipublicae magistratibus adveniens habuerat, iidem sunt reducere, atque in regis finibus sistere illum iussi.

*Brixiani*, ubi de captis oppidis & praefectis nuntiatum est, concilio civitatis coacto, milites sex mille sua pecunia legere decreverunt, atque ad legatos mittere. civisque unus ex iis *Aloisius Auogarius* sexcentos milites se celeriter confecturum, magistratibus est pollicitus, eosque sine ullo reipublicae impendio menses quatuor in exercitu habiturum. quod quidem *Brixianae* civitatis factum, plenum fidei atque benevolentiae, postea *Veronenses* æmulati, quinquaginta auri libras exigi ab sese, atque in milites ad exercitum mittendos stipendii nomine distribui, concilio coacto statuerunt.

Brixianorum fides & solertia.

E

*Galli* eo successu cohortati inter se *Caravagium* capere aggressi, ubi oppidanos, quique oppidum custodiebant, milites apertis exire ad praelium portis magno cum clamore ingentique tubarum sono è propinquo viderunt, veste atque argento temerè ubi confederant relicto, sese fugae mandaverunt.

Galliturbiter fugati.

F

Domi autem Patribus pecunia in bellum eroganda sollicitis praeter tributa alia de hoc quoque Senatusconsultum factum est, & quidem solido fieri superioribus in bellis altero tanto gravius, uti à magistratibus urbanis sex mensium stipendia integra reipublicae remittantur: reliquorum verò compendiorum, quae omnino ex jurisdictione ipsa, vel ex portoriis fraudatis, vel quacunque alia ex re ad eos redeunt, media pars in aera-

Tributa alia imposita.



rium inferatur, quadragintaviralibus judiciis exceptis, quibus unis media stipendiorum pars maneat, propterea quod aliunde nihil lucrantur: magistratus autem provinciales, & arcium praefecti, intra sinum *Phanaticum* qui sunt, mediam stipendiorum partem reipublicae remittant, reliquis in rebus eadem, qua urbani, lege teneantur. Horum autem magistratuum urbanorum & provincialium omnium juris interpretes, & scribae, ministrique mediam & ipsi cum stipendiorum partem; tum compendiorum tribuant reipublicae *Veronae, Brixiae, Bergomi, Cremae, Cremonaeque*, atque *Flaminiae* magistratibus item exceptis, & iis, qui ultra sinum *Phanaticum* sunt missi, qui omnes quartam modò partem earum utrarumque rerum conferant: satis enim magna alteris incommoda bellum esse ipsum allaturum, alteris iter longum & impeditum jam attulisse, ne aliis etiam oneribus ferendis aequè ac ceteri affligerentur.

Eam legem, uti dictum est, cum Senatus iussisset, majora quoque comitia triduo post habitata pari studio iusserunt. Latum est etiam, uti exules illatae fortuitò mortis causa, qui una cum quatuor bello idoneis hominibus militiam reipublicae menses quatuor sua pecunia fecerint, ab exilio revocentur. Legatus deinde *Bergomatibus* datus *Marinus Georgius, Ariminensibus Aloisius Armerius*, qui eis in oppidis administrando bello praesint.

Interim cum à *Petro Lando* Patres certiores facti essent, ab *Julianis* copiis incursiones in reipublicae fines fieri, abigique praedas, & agrestes homines vulgo interfici, vel captos in vinculis abduci, eadem est in *Julii* finibus patrando exercitui reipublicae à Senatu facultas tradita: *Laurentiusque Sagredus*, praefectus classis in *Flaminiae Picenique* littoribus, suis cum navibus *Ariminum* contendere est iussus. Cumque hostium numerus in *Cremonae* finibus *Abduaeque* ripis vehementer augetur, castellaque ad eos & pagi aliquot defecissent, uti naves aliae adverso *Padi* flumine in *Galliam* mitterentur, aliae in lacu *Benaco* armentur, lex est lata: praefectique alteri classi *Sebastianus Maurus*, alteri *Zacharias Lauredanus* dati. *Gaspar* etiam *Severinus*, qui *Cesena* erat, seque reipublicae obtulerat, & *Antonellus Neapolitanus* cum turmisequitum ad reipublicae militiam sunt conscripti: atque hic quidem, quod erat planè dives, confectis in urbe testamenti tabulis, templi *Marcii* procuratores ex assè sibi haeredes instituit, atque ad bellum profectus est. *Leonardus* etiam *Pratus*, è *Lupis Apuliae* oppido, ex societate *Rhodiorum* militum, se ad rempublicam contulit, homo & gentis nobilitate, & rei militaris scientia clarus: cui paulò post, ut virtuti ejus honos haberetur, equites levis armaturae centum quinquaginta, reliquorumque omnium ejusdem modi equitum praefecturam Senatus tradidit. Is quoque *Leonardus* cum ad urbem quinquaginta auri libras domo secum attulisset, Patribus dixit, tanto se auro in praesentia non egere: decemque ex ea summa suos in usus retentis libris, reliquas quadraginta eis obtulit, atque à curia in diverforium abiens statim misit. tam prono in alieno homine atque advena liberalitas cum benevolentia in rempublicam extitit.

Venienti autem ad urbem *Hannibali Bentivolo*, Patribusque pollicenti, si favore suo velint opibusque sibi praestò esse, brevi se una cum fratribus & suorum factione, *Bononiam* ab *Julio* aversum, magnamque illi plagam, quàm nihil timeat, iniursum: Senatusconsulto sunt omnia, ut petierat, permessa, literaeque ad praefectos in *Flaminiam* datae, rem omni studio juvarent: atque ipsi equi-

tes quingenti, *Hermeti* fratri ejus milites sunt bis mille cum pecunia pro re, quam parabant, traditi. Equiti etiam *Vulpio* è *Cornelii Foro*, ob seditiones civitate ejecto, equitum gravis armaturae turma data: *Herculique Tiberto Cesena* item exuli milites quingenti spe novandarum rerum suo in oppido ab utroque: quibus revocatus motibus *Julius*, suisque rebus timens, ab incepto bello desisteret.

Inter hæc binas auri libras sacris virginibus *Patres* dono dari à quaestoribus curaverunt, ut preces diis immortalibus tam duro tempore pro reipublica facerent: perque omnia urbis templa sacerdotès à Pontifice iussi numina, quorum sub tutela *Venetum* imperium est, votis supplicibus, & solemni ritu placare.

Verum enimvero cum belli facies quotidie formidolosior fieret, eque *Gallia* transalpina operae fabrique magno numero *Mediolanum, Laudemque Pompeii* advenissent, pontesque tres diversis locis in *Abdua* flumine ab hostibus instituerentur, regemque ipsum multo maxima cum manu paucis diebus adfuturum, fama nuntiisque vulgavissent, atque à *Flaminiae* latere *Julii* exercitus modò *Ariminum*, modò *Faventiam* invasurus magnopere urgeret, ob ingentes autem tot tamque praesentibus in rebus factas impensas pecunia rempublicam deficeret, quod profecto malum omnium maximum plerisque videbatur: coacto Senatu *Lauredanus* dux auri libras decem mutuò se daturum reipublicae pollicitus, cives reliquos, quibus non deesse facultatem sciebat, idem pro se quisque uti facerent, est cohortatus: itaque eo die posteroque plurimae auri librae mutuò in aerarium collatae, eo metu civitatem liberaverunt. *Tauriso* deinde reliquisque ditionis *Venetae* locis, urbe excepta, restitutus est ab exilio *Jacobus Collaltus* (cujus exilii damnatus ob necem patrui fuerat) dum is in exercitu reipublicae, quemadmodum quidem Patribus se obtulerat facturum, cum turma equitum centum, menses quatuor sua pecunia militiam faciat.

Erat tunc in sermone civitatis haud modico *Faventia*: quo in oppido detecta proditio fuerat *Francisci Brixiani* equitum turmae praefecti, deque eo poena sumpta: oppidi enim portam noctu *Julianis* se militibus aperturum cum eorum interprete pepigerat, atque insigne *Julianum* cum quercu aurea & coronis, quod in muris manè poneret, ab eo traditum domi suae custodiebat. Illi autem, patefacta re, in *Faventiae* se fines intulerunt, ut oppidum montanum *Brisigelim*, cui civitas propter optimum genus militum, ex eo educi solitum, magnopere confidebat, expugnarent: jamque *Tartarum* Centurionem reipublicae, qui *Brisigelim* cum tribus cohortibus praesidii causa se conferebat, insidiis positis interceperat, pauloque post cum oppidum tormentis cinxissent, eo sunt potiti, praetore, quaeque cum eo erat copia, & *Joanne Paulo Manfronio* equitum praefecto magna virtute, qui tuendi oppidi causa eò cum paucis equitibus per medios hostes sese inferens venerat, in arcem se recipientibus: quos tamen omnes multis oppugnatos praeliis, arce etiam dejecta, captivos fecerunt: & *Faventia* frustra tentata, in *Ravennae* fines ad *Russum* oppidulum oppugnandum se contulerunt.

Eas ob res civitate perturbata, cum lentius tributa exigenterentur, Senatus censuit, ut qui jure comitiorum praediti die sibi praestituta in aerarium non intulissent, eorum nomina comitiis majoribus recitarentur, ut ab universa civitate cognosci posset, qui cives non amantes patriae essent. quod si ob eam contumeliam alia praestituta

Supplicationes *Venetorum* pro consequenda victoria.

Aerarii publici exhausti remedium.

*Jacobus Collaltus* ab exilio restitutus.

*Franciscus Brixianus* proditio detecta.

Edictum contra negligentem tributa inferentes.

Exules revocantur.

*Julii* Pontificis Exercitus incursiones.

*Hannibalis* *Bentivoli* institutum.



tuta die non inferrent, tum verò à Senatu atque à collegiis secretioribus, demum ab omnibus reipublicae muneribus arceantur, eorum loco alii subrogentur, ipsi ad ferenda suffragia ne admittantur. Hæc tum fuit nobilitati poena multiplex constituta. Plebi verò id unum, ut in ærarium non inferens, à publicis & ipsa muneribus amoveatur: quæ cum plurima quidem sunt, tum certè etiam perutilia, ut magna pars civium ea fere alat perliberaliter. Eam legem majora comitia primum habita comprobaverunt, acerbitate temporum civium animos frangente, ut quod aliàs non tulissent, neque unquam latum antea meminissent, tum quidem non perferrent modò impositum patienter, sed ipsi quoque sibimet imponerent perferendum.

Medelaci  
castellum  
cap-  
tum.

Lege lata *Bergomo* literæ venerunt, hostes in oppidi finibus *Medelaci* castellum, magna vi oppugnatum, cepisse: omnes qui in eo erant interfecisse: non mulieribus infantibus pepercisse: ut civitas perterrefacta, tuendi oppidi auxilium à legatis petat.

Liviani  
alacritas  
in hoste  
aggre-  
thendo.

Interim magna ex parte collecto ab imperatore *Livianoque* reipublicæ in *Gallia* exercitu, ad quem quidem equites *Epirotæ* per plures modò alati se contulerant, magnaque vi optimorum tormentorum à *Valerio* adducta, cum de *Abdua* flumine transeundo sententiæ ab iis, atque ab legatis, & reliquis præfectis dicerentur, *Livianus* autem magnopere transiitum probaret: multum enim, si transeant, posse ipsos proficere nondum collectis hostibus, rege non præsentem, populis adhuc in ambiguo utram sequi partem præstet, constitutis: audacia & celeritate plurima confici, cum sua hostibus consilia impediuntur, ipsis animi augeantur: sed reliquis eam rem non probantibus, quod fines reipublicæ hostibus direptioni, si & ipsi *Abduam* transissent, essent relinquendi, *Livianus* ad legatos conversus, Agite, inquit, si cunctari hic volumus, scribite ad Senatum, decies millies auri libras paratas habeat, quibus producere bellum possit. quæ de contentione Senatus certior ab legatis factus, petentibus ut quid fieri malit imperet, literas ad illos dat, eam se rem imperatori *Livianoque* permittere, qui rebus omnibus intersint: & moram se & fluminis trajetum ita probaturos, uti ipsum alterutrum è reipublicæ commodo susceperint.

Pontifex  
Julius  
Veneris  
aqua &  
igni in-  
terdicit.

Interim *Julius*, qui *Ursine* gentis duces, ne ad reipublicæ militiam accederent, partim minis, uti supra demonstratum est, edictisque terruerat, partim per filiam suam *Felicem*, quæ *Joanni Jordano* ejus familiæ principi nupserat, precibus & fœmineis consiliis ab itinere instituto revocaverat, stipendiaque sibi ab reipublicæ legatis *Romæ* curata ne restituerent, interdixerat, data eis venia jure illa retinendi, fideique præstandæ religionem sublata: præter quòd exercitum in fines reipublicæ introduxisset, ad illud etiam pertinaciter descendit, ut *Lauredano principi*, Senatuque omni *Veneto*, & civibus singulis aqua & igni interdiceret: ejusque rei literas omnibus hominibus vulgandas proponeret maledictorum & execrationum plenas, nisi die præstituta non *Faventiam* modò atque *Ariminum*, sed *Ravennam* quoque *Cerviamque* sibi tradiderint: quæ quidem oppida centum ferme annos in reipublicæ imperio fuerant, neque ullus ea Pontifex Maximus in dubium revocaverat, quin jure à republica possiderentur.

Veneta  
Reipu-  
blica à  
Papa ad  
Conci-  
lium ap-  
pellatio.

Qua intellecta re, ne plebs ejusmodi literis, plus quàm tempora & reipublicæ difficultates postularent, permoveretur, Senatus cavit, ne reciperentur, neve, qui afferrent, admitterentur. appellavit etiam de eo futurum concilium, missis *Romam* affixisque in templorum foribus publicæ

A expostulationis literis: missis etiam in *Pannoniam* ad *Thomam* Cardinalem *Strigomensem*: nam ei propter Patriarchatum *Constantinopolitanum*, cui præerat, unà cum tribus Episcopis concilium cogen- ti jus potestasque antiquitus erat attributa.

Strige-  
nensis  
Cardina-  
lis auto-  
ritas.  
Suppli-  
cationes  
publicæ.

Has ob res & belli *Gallici* pericula supplicatio decreta est, aurique tantundem, uti paulò ante, sacris virginibus publicè datum, placandi Deum causa.

Edictum  
Neapoli  
proposi-  
tum.

B Patres interea certiores facti edictum *Neapoli* propositum fuisse, ne quis ad reipublicæ stipendia se conferret: cogi verò exercitum à Prorege, qui cum in *Apuliam* ad reipublicæ oppida expugnanda contenderet: expectari autem ab eo *Roma* milites quingentos, quos Legatus apud *Julium* regius in urbe conscripserit: reliqua omnia esse jam parata, ut viæ sese det: adhibito legato apud se item regio, ea quæ non ambiguis autoribus intellexerant, exposuerunt: quæstique sunt, non esse hoc illud, quod sæpe reipublicæ sit pollicitus. Ille verò confidenter pernegare, rogareque Patres, ne quid ejusmodi crederent: agi à Prorege illa omnia muniendi regni causa, propter *Gallorum* in *Italiam* adventum, non autem ut reipublicæ bellum inferat, suis cum regibus fœdere atque benevolentia conjunctissimæ. quæ tametsi C Patres quorsum dicerentur, haud obscurè cognoscerent, dissimulanda tamen sibi esse statuerunt, dum de belli exitu cum rege *Galliæ* sciri posset. At cum aliquando de *Abdua* flumine non transeundo, nisi prius quæ oppida & castella *Galli* jam ceperant, ab ipsis expugnarentur, ne post se hostes relinquerent, inter duces *Venetos* convenisset, aliquot ex iis parvo negotio castellis receptis, *Trevium* se cum exercitu contulerunt: quod op- D pidum equites militesque ex optimo *Gallorum* genere bis mille custodiebant: muroque tormentis celeriter dejecto, hostes ad deditionem compulerunt, nulla conditione interposita, nisi ut iis, equis detractis, rebusque reliquis abreptis, cæteris sacramento ab ipsis dato, eo se anno bellum reipublicæ non facturos abeundi facultas permitteretur: duces captivi tamdiu essent, quoad eorum, quos ex *Venetis* eo in oppido *Galli* cepissent, cum his permutatio fieret. Ab ea oppugnatione uti *Venetos* repellerent, *Galli* magno numero vicini ex locis coacti ad eorum quidem castra venerant, manus autem conferere non sunt ausi, ut penè in eorum conspectu oppidum captum sit: quod quidem *Liviani* permisso statim direptum atque incensum est: qua in direptione mulieres virginesque propè omnes à militibus vim passæ ac violatæ, oppidi casum inhonestiorem reddiderunt.

Trevium  
expu-  
gnatum,  
& miserè  
direp-  
tum.

E Eo negotio confecto *Hispaniæ* regum legatus *Lauredanum* Patresque gratulatum adiit, scire se affirmans, suos reges magnam ex eo voluptatem percepturos.

F Pauloque post *Mantuanam* ducis equites quatercenti, milites sexcenti, *Alexio* duce ad castellum *Casaboldum*, quod abest ab *Asula* oppido in *Brianorum* finibus millia passuum quatuor, cum tormentis, id ut caperent, improvise accesserunt. Pagani, qui in eo erant, armis captis fortiter se defendere cœperunt: simul ad *Federicum Contarenum* à *Decemviris* legatum, *Asulanis* præesse jussum, miscrunt, auxilium imploratum. *Federicus* confestim quingentis militibus, quos habebat fortes viros, ut eò contenderent, petentibusque opem ferrent, imperavit. Ii celeriter itinere confecto, prælium cum *Mantuanis* commiserunt, eorumque partem interfecerunt, partem ceperunt, reliquis in fugam coniectis, tormentisque abductis, nullo ex suis desiderato, vulneratis per paucis, læti *Asulam* ad *Federicum* reverterunt. Ea clades *Mantue* nun- tiata

Casabol-  
dum ca-  
stellum, à  
Mantua-  
nis ob-  
sesum,  
Veneti  
liberant.



tiata magnos luctus excitavit: erant enim in ea manu honesti cives permulti, quorum pars major interierant.

*Veneti*, quod *Trevio* capto, oppidum militibus diripiendum tradiderant, haud levem ex ea rejecturam fecerunt: plurimi enim milites Tribunis & Centurionibus relictis cum præda vulgò domum profugerunt: ut magna illos perturbatio tenuerit.

Regis  
Gallie  
Mediolanum  
ad-  
ventus, &  
cum ex-  
ercitu  
valido  
progres-  
sus.

Eo incommodo ad regem ab exploratoribus perlato, qui *Mediolanum* Calendis Maji venerat, pauloque antea ex oppidi & suorum deditione graviter commotus, quò utiliter belli consilia verteret, non reperiebat, omnibus suis coactis copiis *Cassianum* venit, ut cum vellet, flumen trajiceret. Habebat autem lectissimorum millia quindecim, quibus duces clari nominis præerant militum triginta: eorum pars *Helvetii*, *Vascones* reliqui erant, ad hæc omnem ferè totius *Gallie* nobilitatem sibi stipendiariam secum ducebat, postremò, quicumque in *Gallia* citeriore aut princeps suæ civitatis, aut ampla familia natus, aut magnis opibus, aut omnino aliquo apud suos loco esset, eos omnes nominatim evocaverat. quæ duæ quidem res ad reliquum equitatum adjectæ, & numerum, & robur, & certè faciem ac splendorem exercitus majorem in modum adaugebant.

*Venetorum*  
exercitus.

*Venetus* erat exercitus equitum graviorum millium sex, leviorum quatuor, militum trium & triginta: tametsi nequedum omnino omnes nostræ in castra copiae venerant: nam & *Lucius Bononiensis*, & *Leonardus Apulus* præfectus leviorum equitum reipublicæ suis cum turmis, qui quidem erant *Brixie* à magistratibus retenti, ut eos fines tuerentur, in quos *Mantuanorum* dux invasurus putabatur, & equites *Epirotæ* per plures, tum demum appulsis ad urbana littora navibus egressi, & milites non pauci, quos *Brixianorum* civitas cogebat, expectabantur, abierat etiam ex legatis *Cornelius*, qui paulò antea calculo & urinæ vitio vitæ suæ diffidens *Brixiam* se contulerat. Erat autem is exercitus qui convenerat, ita florens etiam sine iis, ita instructus, & animo, ut videbatur, paratus ad decertandum, cum ut rempublicam defenderet, tum verò etiam, ut quam *Italiae* partem *Galli* occupaverant, in libertatem vindicaret (id enim propè palam profitebantur, ejusmodique voces eorum creberrimè ab hostibus exaudiebantur) ut nullo tempore aut meliores, paucis equitum ductoribus exceptis, aut omnino ampliores copias respublica suis in exercitibus habuerit: & nisi duces illis defuissent, nihil omnino videbatur eorum aut claram victoriam, aut pacem honorificam fuisse interpellaturum. constat enim *Aloisium* regem, ubi is prope se hostium exercitum habuit, atque ex captivis & numerum & alacritatem copiarum ad pugnandum cognovit, suis ducibus dixisse, nunquam se tantas *Venetorum* opes atque copias existimavisse: haud sibi tum sui exercitus victoriam satis exploratam esse: foedus se cum *Maximiliano* reliquisque regibus ad *Venetos* eodem tempore opprimendos fecisse: decrevisse, si ita illis videatur, non decertare, atque ad legatos *Venetos* mittere, qui nuntiet, posteaquam reliqui foederati nihil in commune conferant, ut se ad bellum juvent, velle sibi rempublicam amicam esse, cumque ea foedus renovare potius, quàm congregi: verum ab suis ducibus suasum, ut ea de re prolixius sibi esse cogitandum statueret: loco esse propter flumen ejusmodi, ut elici invitatus ad pugnandum non possit: semper *Venetos* eum nuntium libenti animo accepturos: rem in alium diem distulisse. hæc ab illis, qui concilio interfuerant, Patres postea cognoverunt.

*Aloisius*  
rex *Vene-*  
*torum*  
copias  
miratur  
& timet.

A *Cassianum* est oppidum in *Abduæ* fluminis ripa loco paulò editiore: pontemque habet ante portam ad fluminis trajectum planè commodum. trans flumen locus est ad semicirculi propè formam, quamvis magnarum copiarum capax: cum omnem locum aqua fluminis in altitudinem pedum sex, in latitudinem circiter viginti, à superiore parte derivata, inque flumen rediens claudit communique, arboribus etiam impedita, ut introspecti non facillè possit. *Cassiani* rex biduo confecto, cujus bidui tempore *Mantuanorum* dux ab eo accersitus cum equitibus quingentis ad illum venerat, flumen magno silentio exercitum trajecit, atque in eo, quem diximus, loco castra posuit: inter quæ & nostrorum castra planities tria passuum millia patebat. In ea planities parva utrinque ab equitibus prælia fiebant, quibus in rebus ob *Epirotarum* celeritatem atque virtutem *Galli*, quàm *Veneti*, sæpius interficiebantur & capiebantur, aut omnino repellebantur. verum propterea quòd *Galli* tormentis, in *Cassiani* arce positis, illam planitiem longè latèque verberabant, nostri non modò ad hostium castra propius accedere prohibebantur, sed neque num rex flumen trajecisset, planè cognoverant: His ita constitutis rebus regi nuntiatur, *Revolutam* oppidum suis ab castris abesse millia passuum paulò plus trium: in eo esse hostium milites ad tercentum: perfacillè capi posse, si eò celeriter se conferat: itaque de media nocte castris cum exercitu egressus, sese itineri secundum flumen dedit. *Livianus*, qui nequedum etiam sciebat *Gallos Abduam* trajecisse, ab exploratoribus certior factus, ex tumultu strepituque carrorum, quem exaudierant, *Gallos* loco se movisse, atque iter secundum flumen facere, cum equitibus levissimis quatercentis sub lucem castris est profectus, ut quid hostes agerent, cognosceret, & si citra flumen essent, moraretur dum reliquus exercitus accederet. Caligo verò ita densa eo manè campis incubuit, ut *Livianus*, qui citatus ferebatur, temerè in *Gallorum* incideret agmen, eosque tum demum & *Gallos* esse, & flumen transisse cognosceret: sed illos laceßere tantis in tenebris non ausus, properè ad *Revolutanos*, quò regem iturum suspicabatur, misit, qui diceret, si ad se hostes accederent, parumper sustinerent, sese omni cum exercitu confestim affuturum, auxiliumque eis allaturum. His datis mandatis ad imperatorem recurrit, motisque statim castris, aciebusque dispositis, ad *Revolutanos*, si sicri posset, tuendos exercitui dux fuit. Sed ea in re, quòd moram interposuerat, nulli usui cum fuisset (*Galli* enim confecto interim itinere, tormentisque ad muros positis, parvo temporis spatio deditione municipium ceperant) nostri castra quingentos prope hostes passus suo loco posuerunt: ibique diem alterum uterque se exercitus continuit. Postero die autem, qui dies fuit pridie Nonas Majas, rex, ut *Pandinum* municipium item caperet, bene mane secundum flumen acie disposita iter facere coepit, ea spe, ut si *Cremonæ* appropinquare, ad oppidique muros se ostendere cum exercitu posset, nonnihil confideret se oppidum, civibus tradentibus, quorum voluntates antea cognoverat, in suam potestatem redacturum. qua in re sua illum spes atque opinio fefellisset, si *Veneti* se continuissent, neque prælium commisissent: erant enim loco editiore, ac ferè medio regionum earum: quo ex loco omnibus eorum oppidis, ne quid aggredi contra reipublicæ voluntatem auderent, una tanti exercitus fama facillè prospiciebatur, quamcunque se in partem rex incitavisset: quem si, ut facillimum factu erat, paucos modò dies elusissent, propterea quòd

*Cassianum* oppidum.

*Revolutam* oppidum à *Gallis* capta.



Triulii  
con-  
tium  
ma-  
le  
negli-  
gitur.

Impera-  
tor Ve-  
netus  
Liviani  
præci-  
piti-  
am  
coercere  
frustra  
nititur.

Ambitio  
militaris.

quod laborare com meatu cœperat, qui ad ejus exercitum, *Abdua* flumine interposito, tum *Epirotis* equitibus omnia diripientibus, atque in castra reipublicæ trahentibus, magna difficultate afferebatur, ipsa necessitas flumen iterum trajicere, *Laudemque Pompei* aut *Mediolanum*, nulla re confecta, illum reverti cœgisset. Quem rerum exitum metuens *Triulius*, homo jam senex, atque in rebus bellicis exercitatus, regi autor fuerat, ne *Abduam* exercitum traduceret: cùmque nihil profuisset, *Gallique* transire flumen jam inciperent, inter suos, video inquit hodie *Triulius Venetos Italiae* dominos nobis imperium tradentibus fore. Alia ex parte imperator senex & ipse, multaue rerum experientia in bellis eruditus, eundem res eventum habituras tum existimans, modis omnibus, ut à pugna se abstineret, *Livianum*, quem ardere committendi prælii studio cognoverat, hortabatur. *Gallos* inopia coactos sua sponte brevi se in suos fines recepturos, confectum bellum, & victoriam sine sanguine partam dictitans. Itaque cùm esset nuntiatum, hostes loco se movisse, *Livianusque* eorum se consilia sua celeritate ante venturum imperatori recepisset, petiissetque ab eo, ut cùm ipse ad illum mitteret, cum reliquo exercitu subsequi maturaret: minimè, inquit imperator, me accerseris, nisi tam longinquis hostibus, ut congregari non possint: hoc unum mi fili! néve te animi magni tui confidentia ulterius, quam oportet, provehat, etiam atque etiam abs te peto: si enim gladiis reconditis vincimus, quid nos attinet belli fortunam periclitari? Hæc imperator idcirco dixerat, quod non multum equitatu confidebat: quo in equitatu nonnullos esse præfectos, qui *Gallicis* partibus occultè faverent, non obscurè cognoverat: eosque pugnam detrectaturos, si esset conflegendum, majorem in modum verebatur. tum *Gallorum* naturam ejusmodi esse sciebat, ut primo impetu fulmini ægrè possent, multaue recentes conficerent, quæ spatio interposito non essent præstaturi: fieri enim illis omnia in dies duriora ac difficiliora, quod moram ferre nequeant. Sed profectò longè aliter res, quam ipse existimaverat, cecidit, propter *Liviani* cum eo disceptationum atque invidiæ suscepta pridem semina, qui non superiorem modò sibi illum esse, sed ne exæquari quidem imperio ac dignitate patiebatur, sumptis ab iis rebus animis, quas anno superiore in *Carnis* atque in *Istria* gesserat: itaque spreto prudentiore consilio *Livianus*, tum longissimè abiisse hostes confirmans, imperatorem ad insequendum incendit: non cunctando, neque sedendo reipublicæ consuli, quæ se suaque omnia ipsorum fidei commiserit: frustra tantum confectum exercitum, tantos thesauros insumptos, si ante ipsorum oculos imperii municipia, nullo defendente, capiuntur: suum hoc esse dedecus, non reipublicæ.

His vocibus impulsus *Nicolaus*, castra moveri, & signa tolli imperat, suoque loco relicto, in demissiores, atque impeditiores campos exercitum instructum producit. quatuor nostrorum

A erant acies equitum militumque numero ferè pares, quæ ita jam processerant, ut prior ab extrema, cui *Livianus* præerat, tria millia passuum abesset. Rex de eo certior factus, cùm esset inter utrosque fossa ab incolis ad derivandas aquas confecta, in longum porrecta terræ spatium, alta lataque, ut trajici ab alterutris sine magno discrimine non posset: ad extremam ejus partem agmen sistit, atque ab itinere continet eoque, ut tres nostrorum acies suum exercitum prætergressas sciret esse: tum agmen & tormenta retorqueri, atque in ultimam nostrorum aciem impetum fieri imperat: aciemque plenior suam, cui magnopere confidebat, in impeditos atque inopinantes immittit. *Veneti* primum omnium frequentes ab *Gallis* missas tormentorum pilas exceperunt: interfectisque non paucis, in quibus fuere legati comites aliquot, qui ante ipsum dejecti ejus modò sanguine os non resperferunt, ut temporis exiguitas patiebatur, conversi quantum poterant pugnaverunt: sed quod erat magna eorum pars ex proordinibus, neque multum rei militaris usum habebat, facile omnes interfecti fugatique sunt. erant autem numero ad millia quatuor. Apud hos ea in acie cùm esset *Petrus Montius*, de quo suprà dictum est, cum militibus, qui sub eo merebant, mille is hostium impetum excipiens cùm fortissimè, & quantum humana vis poterat, pugnavisset, magnumque hostium numerum interfecisset, reliqui fessi vulneribus jam cederent, submissis ab rege multis optimorum militum millibus, qui prælium restituerunt, cum octingentis suorum in media hostium acie confossus occubuit. Erant apud illum *Saccocius Spoletinus* cum septingentis militibus, *Citolusque Perusinus* cum ferè totidem, viri & ipsi magna excellentique virtute: horum alter interfectus est: *Citolus* multis vulneribus acceptis, in hostium potestatem venit: ex reliquis, ea in acie qui erant, militibus perpauci *Gallorum* impressionem paulisper sustinuerunt. *Livianus* pugnae initio, prælium commissum conspicatus, alio ab latere cum sua turma in hostes se injecit: atque ab ipsis, equo defesso, ut in recentem se inferret, cum desiluisset, vulnere sub oculis accepto, captus est, captique qui cum illo prælium inierant, fortes viri, & claro loco nati sanè plurimi: apud quos *Francus Burgius*, equitum sagittariorum turmae præfectus, acriter pugnans occubuit, reliquis equitatus cùm præfectorum prodicione, tum timore pugnandi, nulli omnino reipublicæ usui fuit: neque ulla ex tribus aciebus, quæ antecesserant, pugnantibus quartæ auxilium attulit. ita parvo temporis spatio *Galli*, quos quidem magna hostium exercitus formidine affectos paulò antè valde poenituerat bellum reipublicæ intulisse, quos timuerant, in fugam conjecerunt: nemo enim ex omni reipublicæ copia, fuis fugatisque iis, se continuit: ingentique optimorum tormentorum vi, quam *Vincentius Valerius* præfectus ministrique incustoditam mediis in campis fugientes prædæ hostium reliquerant, sunt potiti.

Veneto-  
rum cum  
Gallis  
congres-  
sus.

Livianus  
temeri-  
tatis poe-  
nas sol-  
vit.



# PETRI BEMBI

## RERUM VENETARUM

### HISTORIÆ LIBRI OCTAVI

#### EPITOME.

**V**enetorum post cladem consilia, & successus. *Brixiani* se regi dedunt. *Veneti* *Apulie* oppida *Ferdinando* regi offerunt. *Julio* Pontifici itidem *Flaminie* oppida tradunt, & *Cæsari* quæ ad *Romanum* imperium spectant. *Georgiani* sacerdotes *Venetis* *Ferrariam* se conferunt. *Julis* Pontificis & *Alphonfi Atestini* perfidia. Multæ civitates sese *Gallis* dedunt. *Veneti* ad urbis propugnationem consilia sua convertunt. *Taurisani* sub *Venetorum* imperium redeunt. *Alphonfi Atestini* in *Venetos* injuriæ. Captivorum *Venetorum* cum *Gallis* permutatio. *Antonius Grimanus* ab exilio revocatur. *Cremonæ* arx à *Gallis* capitur. *Julius* Pontifex interdictum in *Venetos* abrogat, ac pacem cum eis init. *Maximiliani* *Cæsaris* in *Venetorum* fines irruptio. *Venetorum* Legati quomodo à *Julio* accepti. *Patavium* à *Venetis* recuperatur.

#### LIBER OCTAVUS.



**U**B I nuntii literæque de ea re ad Senatum venêre, tantus repente dolor omnes tenuit, nunquam ut aliàs Patres majorem animo agritudinem contraxisse civitas meminerit: ferreque omnes tam inexpectatum reipublicæ casum graviter dolebant. Nam ex *Liviani* litteris, qui eos bono animo esse jufferat, & læta prosperaque multa non semel fuerat pollicitus, victoriam de *Gallis* propè certa spe animo conceperant: quam si essent consecuti, neque *Julium*, qui in ipsos nova interdicti forma usus fuerat, neque omnino quenquam timuissent: nunc se victos, exercitumque reipublicæ fufum & profligatum esse, gravissimè ferebant: & resstantem patriæ fortunam & difficultates, in quas incidere posset respublica, animo volutabant. quanquam aliis super alias acceptis literis, neque imperatorem neque legatos cum multò majore exercitus parte prælio interfuisse cognovissent, tamen quod eisdem quoque literis admonebantur, omnium mentes timore prosternatas jacere, peditesque in primis, qui retineri non poterant, quin vulgò dilaberentur, seque à signis subtraherent, difficilè omnino videbatur reipublicæ oppida vel à victore rege, vel à *Julio* posse defendere.

*Pauli Barbi* oratio in senatu.

Erat in templi *Marcii* procuratorum collegio *Paulus Barbus*, cives sanè prudens, diuque multa cum laude in republica versatus: is, quod erat senio confectus, à publicis muneribus abstinens domi suæ aliquot se menses continuerat: huic *Lauredanus* princeps misit, qui cladem exercitus nuntiaret, & Senatum cogi diceret, ipsumque adesse, si posset, hortaretur. quod ubi senex audivit, vestem senatoriam poposcit, atque in curiam membris trementibus sese trahens, orationem, quam tempora poscebant, habuit: venisse in Senatum sese corpore infirmo, nullis viribus, ut eam sententiam diceret, quam præfens rerum status pateretur: quoniam enim quemque esse, qui in tanta tam repente offusa urbi caligine possit quid fieri expediat, rectè dispicere? gravem esse reipublicæ casum, illius opes fractas debilitatasque esse: exterorum auxilia unde peti possint, non videri: verum esse Deos immortales, quos ruptis foederibus hostes violaverunt,

**A** cosque neque arma hominum vereri, neque posse decipi ab iis, qui nos in necessitudine ac fide illorum requiescentes, plurimisque nostris maximis atque perpetuis benevolentiae officiis constantiaque fretos prodiderunt: eos tanti sceleris vindices futuros, reique publicæ auxilium laturos, se confidere.

Hæc ille cum dixisset, ad ea quæ essent procuranda atque statuenda, orationem convertit, quod idem multi magistratus fecerunt. pluribus igitur dictis sententiis, ut in tam dubiis rebus cuique aliud fore usui succurrebat, primum omnium pecuniâ legatis, qui se ex fuga apud *Brixiam* receperant, ad exercitum instaurandum decreta est: nam *Cornelius* ex morbo paulisper recreatus, dum in castra se referret, clade audita unâ cum fugientibus eò redierat. tametsi eis è stipendio, ante prælium exercitui dato, non minimum pecuniæ supererat. deinde ad *Dominicum Grimanum*, & *Marcum Cornelium*, *Georgii* legati filium, qui utrique in Cardinalium collegio *Romæ* tunc erant, datæ literæ, uti *Julio* ea, quæ ipsemet petierat edicto suo, ex reipublicæ ditio- ne oppida intra eos, quos præstituerat, dies iri ei traditum Senatus nomine pollicerentur: rogarent, ne rempublicam conteri à barbaris exercitibus permetteret: quam si unam pessundabunt, tutum illum reliquosque deinceps *Romanos* Pontifices ipsa in urbe non futuros: id quàm sæpe aliàs experta *Roma* sit, nescire porro neminem: decere ipsum, qui in *Italiæ* præclara parte natus coelum hauserit, reliquos *Italos* tueri potius, quàm exterarum nationum plusque nimio per se appetentium vires opesque, quibus vastitatem *Italiæ* inferant, augere.

**D** Latum etiam, ut *Antonius Justinianus*, qui *Cremonæ* legatus à Senatu lectus proficiscebatur, ad *Maximilianum* rectà contenderet, & cum illo, si posset, pacem quantumvis duris conditionibus faceret: *Tergestæque* oppidum, & *Portum Naonis*, reliquaque municipia, quæ respublica ex ejus ditio- ne superiore anno ceperat, Senatum ei paratum esse restituere, ac quæ oppida ex *Romanorum* imperatorum ditio- ne in *Carnis*, & *Gallia* & *Venetia* respublica possideret, ea se omnia illi tanquam accepta relaturum nuntiaret: nisi enim ab altero eorum aliquid auxilii afferatur adversus *Gallorum* audaciam atque impetum, nul-

Consultationes *Venetorum* de clade accepta faciendæ.

Legatus *Venetorum* ad *Maximilianum*.



nullum satis firmum obicem futurum esse verébantur.

Demum lecti legati ad exercitum duo priorum legatorum loco, *Georgius Emus*, *Paulus Capellus*, legationibus renuntiatis propter alios magistratus, quos obibant, ex quibus magistratibus ad alia munera invitos evocari non licebat; magnam Senatus, magnam totius civitatis invidiam subierunt: neque eorum loco quisquam subiectus postea fuit, quod jam de priorum legatorum diligentia, quæ Senatus vellet, nuntiarentur. Rogatio tantum in *Decemviri* collegio lata, ne cui deinceps ulli ullam ob causam adversis reipublicæ rebus cuiquam sibi delato muneri rejiciendi facultas sit. Lecti post hæc legati duo, *Perrus Duodus*, *Christophorus Maurus*, quorum qui plura suffragia tulisset, *Brixia*, *Veronæ* alter præfesset. Horum prior clarè, Senatu audiente, pronuntiavit, se id vehementer cupiisse, ut suam reipublicæ tam tristi ejus tempore navare operam posset, quando lætiora non dabantur: itaque legationem libentissimè obiturum. *Maurus* autem ante *Lauredani* subfellium progressus Patribus dixit, post Deum immortalem suam se vitam reipublicæ devovisse, ea, uti vellet, uteretur: læto se illam animo patriæ, à qua acceperit, redditurum. quorum oratio ab omnibus laudata; multorum Senatorum patriæ charitate implente dulcedine animos, lachrymas elicit. atque ii statim profecti sunt. *Dionysio* autem *Naldio*, qui prælio interfuerat, cujusque centuriones militesque perplures & capti à *Gallis* & intercepti fuerant, ipse fortiter pugnans repulsis hostibus se receperat, omnium reipublicæ militum præfectura est à Senatu tradita. Auxere Patrum dolorem inter hæc è *Flaminia* nuntii, *Joannem Græcum*, hominem impigruum, & spectata fide; equitum sagittariorum turmæ præfectum, cum ea, quæ *Ravennæ* erat, manu hostes aggressum, ut eos ab obsidione *Russi* averteret; quod abest municipium ab *Ravenna* passuum millia XV. diuque ab *Julianis* oppugnabatur, equi lapsi captum fuisse, eoque ab hostibus ad murum oppidi producto, *Russianos* unà cum prætore sese illis dedidisse: eorum exercitum jamjamque ad *Ravennam* oppugnandam affuturum.

Ejusmodique nuntiis alii è *Rhetis* nuntii successere, qui dicerent, manus illis in locis & *Maximiliani* finibus cogi: tormenta *Tridentum* afferri: com meatus comportari: certam esse famam, bellum inferri à *Maximiliano* reipublicæ. Ex *Carnis* item & *Tergeste* Patres certiores fiebant, milites ad octo millia in *Alpibus* probè conscriptos esse; qui reipublicæ ditionem aggrediantur. Ex castris quoque ab legatis literæ afferebantur, regem *Caravagio* esse potitum: *Jacobumque Siccum* ejus oppidi municipem, equitum reipublicæ præfectum, eò cum suo equitatu contendisse, regique sponte se atque illos tradidisse: nullum vicinorum municipiorum exercitum *Gallorum* expectare: omnes illas regiones in timore magno esse. *Brixianos*, qui antea & fidem & audaciam reipublicæ præstabant, timere suis rebus & diffidere cœpisse, quod scirent prætores suos uxores & liberos & suppellectilem domesticam ad urbem misisse: quæ res vehementer reprehendebatur: itaque sese in difficultate plurima versari rerum omnium: milites enim vel imperia recusare, vel accepto largiter stipendio, tamen perferre: tormenta eis deesse, quibus oppidum tueri possint, si rex eò veniat: quamobrem vereri, ne *Veronam* se recipere cogantur. Sed quod ad *Caravagianos* attinet, eam rem postea intellectum est ita cecidisse. Nam quod oppidani, ne diriperentur, statuerant regem, qui cum exercitu ade-

rat, recipi ab ipsis oportere, *Ludovicus Michael* arcis oppidi præfectus, qui se celeriter & militibus & com meatu communierat, prætore in arcem recepto, se ab *Gallis* magno animo defendebat. *Galli* cum triduum tormentis innumerabilibus arcem continenter verberavissent, neque multum profecissent, accidit ut ignis in cellam, qua tormentorum pulvis affervabatur, temerè illatus, omnem illam defendendæ arcis facultatem præfecto puncto temporis ademerit: qua re milites perterriti, se atque arcem & præfectum & prætorem regi dederunt: ipsisque est ea tantum conditione interposita salus data. Cives autem ii *Veneti* duo jussi se ad mortem comparare, à sacerdote *Franciscino*, precibus regi suppliciter adhibitis, (nam ei cum rege in *Gallia* familiaritas intercesserat) vitam modo non amiserunt, atque in *Galliam* captivi missi sunt, in custodiaque diu habiti.

*Patavini* cum viderent rempublicam omnibus à partibus premi, concilio civitatis convocato, rogationem tulerunt, ut quingentæ auri libræ confestim exigenterentur, atque ad urbem mitte- rentur, omniaque se facturos ad eam juvandam, quæ imperarentur, quæve ipsi per se cognoscerent profectura, legati statim legendi Patribus renuntiarent. quæ res sanè grata illis fuit, non tam quidem quod ea magnopere levarentur, quam propterea quod exemplo aliis civitatibus esse poterant amanter se in rempublicam gerendi. At cum ad urbem venisset *Gasparis Severinatis* scriba, exposuissetque Patribus, magna illum difficultate propter *Julii* edictum ad vicinos *Cremonæ* oppidi fines sese unum in veste pastoralis contulisse (nam suos equites secum adducere nequaquam potuisse) quævissetque quid illum facere Patres vellent; responderunt, uti, quantum posset, ipsorum ad exercitum suum adventum maturaret: statutum enim sibi esse, *Livia- ni* equites ei tradere. Ille verò spreta reipublicæ conditione, ad regem *Gallie* postea se contulit rogatum, uti se *Maximiliano* commendaret; peteretque ab illo, ut in *Citadellæ* principatum, quem pater suus obtinuerat, se restitueret: scire enim, nihil illi *Maximilianum* negaturum.

*Ferrariæ* verò Prodominus *Aloisius Mula* Patribus significavit, clade exercitus reipublicæ cognita, magnæ voluptatis signa cives illos misisse, plebemque omnem vocibus procacioribus & tympanorum sonis lætam atque hilarem per oppidum cucurrisse: *Alfonsum* autem ducem, quem ipse adierit, nolle se tutum sua in urbe præstare, propterea quod dicat incitatz plebis studia non posse contineri: itaque illi, ut discederet, suasisse: redire postea posse, cum belli fervor, & interdicti *Juliani* acerbitas atque injuria resederit. Quibus rebus cognitis, *Mula* Senatusconsulto revocatus, medio è magistratu decedens domum rediit.

Jamque regi omnibus ferè populis se dedentibus, quod à reipublicæ copiis nullum eis præsidium afferebatur, Senatus jussit, uti milites ad decem millia, quo celerius fieri posset, conscriberentur, quorum tribuni, centurionesque partim à magistratibus in civitate, reliqui in castris legerentur: equites ad tria millia utriusque armaturæ conficerentur. Ea postea res quod nullum propè habitura exitum in tanta rerum omnium perturbatione videbatur; nam neque in urbe, qui vellent dare nomina, reperiebantur: imperatoris autem & legatorum jussa vulgò despiciebantur: pleraque omnia privatim administrabantur. Patres veriti brevi fore, ut omnis *Italie* continentis pars, quam tenerent ipsi, à reipublica deficeret: ad urbem tuendam, & com meatibus

*Caravagianorum* arx casu expugnata.

*Patavini* in rempublicam *Venietorum* fidelitas.

*Ferrarienses* *Venietis* insulant.

*Veneti* denuo milites conscribunt.

Legati lecti ad reipublicæ defensionem.

*Brixianorum* trepidatio.



Classis  
aucta.

Frumen-  
ti com-  
portatio.

Prospero  
Columna  
Impera-  
toris mu-  
nus of-  
fertur.

Brixiani  
se regi  
dedunt.

Cremen-  
ses in  
Gallo-  
rum par-  
tes trans-  
eunt.

tibus classibusque muniendam animum adjece-  
runt. Confirmavit hoc eorum consilium cum  
*Brixianorum* civitas, quæ copias reipublicæ in-  
tra oppidum recipere noluerat, quod diceret  
nolle se ab exercitibus conteri, fatis sibi ipsos  
præsidio futuros: tum quod intelligebant clas-  
sem à *Ferdinando* rege in *Sicilia Calabrisque* esse  
comparatam, qua ab classe frumenti ad urbem  
convectiones facile prohiberi posse videbant, ni-  
si respublica majores ad resistendum opes obje-  
cisset: ita latum, ut classi supplementum adde-  
retur, ut essent omnes ad triremes quinquaginta.  
Ab annonæ quoque magistratu edicta sunt pro-  
posita, quibus frumenta facilius omnibus à locis  
ad urbem comportarentur. literæque ad *Cyprios*  
datæ, ut quantum maximum possent, frumenti  
numerum navibus imponerent. navesque perplu-  
res ad eos missæ, ne navigiorum indigentia con-  
vectiones tardarentur: imperatumque ut quæ ab  
insula naves sale onustæ jam solvissent, ubi-  
cunque essent, ejus salis jacturam facerent, & in  
*Cyprum* reverterentur, frumentoque compleren-  
tur. Missæ etiam in *Epirum* cum mercatoribus,  
pretiaque iis, qui adduxissent, ampliora lege  
facta. Latum etiam, ut quæ leges prohiberent,  
ne advenarum navibus frumenta reliquique com-  
meatus *Venetias* afferrentur, quo civium naves  
majora lucra facerent, eæ leges abrogarentur,  
dum de bello decernatur, liceretque quibuscum-  
que hominibus suis cum navibus commeatuum  
causa ad urbem sine anchorario accedere.

Iisdem diebus *Ferdinandi* legatus Patribus ex-  
posuit, regis seliteris in *Hispaniam* revocari: qua  
de re coacto Senatu lex est lata avertendi ab in-  
ferendo reipublicæ bello ejus regis causa, ut le-  
gato *Lauredanus* princeps diceret, Senatui plae-  
cere, quæ haberet in *Apulia* respublica oppida,  
regi oblatum iri: Patres missuros, qui ea, cum  
volet rex, ejus ministris tradat. His cum man-  
datis legatus postero die abiit. *Alfonsi* etiam le-  
gatus salutatis Patribus domum rediit. His per-  
moti rebus Patres, & quod exercitu redintegran-  
do eos omnia deficiebant, neque multum in *Ni-  
colao* imperatore spei repositum, diminutis ejus  
copiis, ad rempublicam tuendam habebant, ro-  
gationem jusserunt, ut certus homo ad *Prospe-  
rum Columnam* mitteretur (is in finibus regni *Nea-  
politani* tunc erat) qui cunctaret, si reipublicæ  
velit præstare esse, Senatum ei nomen imperato-  
rium cum stipendio auri librarum sexcentarum  
singulis annis daturum, modò is equites mille du-  
centos secum adducat: rogare, uti & conditio-  
nem acciperet, & protectionem, quantum pos-  
set, maturaret.

Interim rex à *Brixianis* intra moenia recipi-  
tur: arcibusque duabus, quas ii dolo à præfectis  
interceperant, suos ministros præficit, *Sebastia-  
nus Justinianus* prætor, quod in oppidanos mag-  
nâ continentia & moderatione usus fuerat, cum  
unâ cum reliquis magistratibus captivus factus ef-  
set, publica civitatis commendatione à Rege li-  
bertati restitutus, *Gallorum* comitatu in castra  
ad Legatos sese contulit.

*Cremenenses* quidem cum oppidum haberent mu-  
nitissimum, jam ante hos omnes *Sonzinii Benzo-  
nii* eorum municipis, turmæ equitum reipubli-  
cæ præfecti, suavis in *Gallorum* partes transferant:  
nam cum in clade exercitus *Gritus* legatus, qui  
eò se recipere cogitaverat, *Benzonium Cremam*  
præcurrere jussisset, civitatisque nuntiare bono  
animo ut esset, se jamjamque affuturum, eique  
præsidio futurum: ille ad cives suos advolans,  
uti portas legato clauderent, neque illum neque  
quenquam *Venetum* intromitterent, oratione sua  
dedecoris perfidiæque plena, & autoritate, qua

A pollebat, perfecit. Quibus intellectis rebus im-  
perator legatque *Pischerie*, municipio in *Min-  
tii* fluminis ripa, ubi è *Benaco* exit, posito, e-  
quitibus levis armaturæ trecentis, militibus non-  
gentis ex itinere præsidio relictis, *Veronam* se  
recipiunt, castrisque in campo, qui appellatur  
Martius, ad muros oppidi positos, rerum exi-  
tum expectare constituunt. Omnes equitum ad  
quina millia, milites mille quingentos redacti.  
nam quod rex edictum vulgaverat, omnes ex  
*Gallia*, quam ipse ceperat, qui reipublicæ mili-  
tiam facerent, nisi ad suam quisque patriam decem  
dierum spatio rediissent, eorum se bona pub-  
licaturum, atque ipsos hostium loco habitu-  
rum: præter cætera plurimi eam ob rem etiam  
Legatis permittentibus discesserant. eorum ad-  
ventu sollicita civitas, ut plebs ad exercitum ju-  
vandam pronior fieret, portorium frumento mo-  
lendo exigere vetuit, quoad bellum esset confe-  
ctum. Ad id ut Senatus voluntas accederet, cum  
eadem civitas per Legatos petiisset, Patres in e-  
jus gratiam portorium in omne tempus sustule-  
runt.

Iisdem diebus templorum aliquot urbanorum  
sacerdotes edicti *Juliani* metu, quo iis omnibus  
aqua & igni interdiceretur, nisi è ditione reipubli-  
cæ recederent, atque imprimis *Georgiani*, quo-  
rum est celeberrimum in insula è regione comi-  
tii fanum, cum suppellectili aurea argenteaque  
*Ferrariam*, atque in *Mantuanum* agrum profu-  
gerunt, ut urbs eo genere hominum pene de-  
stitueretur, civitasque in primis rei divinæ as-  
sueta, magnam ex eo molestiam caperet. *Anto-  
nii* etiam *Justiniani* literæ ex *Alpibus* datæ Sena-  
tum certiores fecerunt, *Tridenti* Episcopum se  
audire noluisse, quod diceret ab aqua & igni in-  
terdictorum sermonem atque aditum esse defu-  
giendum. itaque paucis post diebus cum nihil  
impetrare potuisset, Senatus permissu domum re-  
diit. Miserant in *Flaminiam* Patres *Joannem Ja-  
cobum Carolidum*, uti *Ravennam* urbem, & *Cer-  
viam*, & *Ariminum*, & *Faventie* arcem (nam  
oppidani se dederant) reliquaque *Venetæ* ditio-  
nis in *Flaminia* municipia abductis tormentis, re-  
ceptisque iis, quos bello captivos hostes fece-  
rant, Senatus autorite *Julii* ministris traderet.  
Ii cum fide scripto data, sese & tormenta aspor-  
tari permissuros, & captivis libertatem donatu-  
ros, & præter hæc, quod erat primum atque  
maximum, uti è vestigio interdictum antiqua-  
retur, curaturos, oppida ipsa recepissent, in  
nullo eorum, quæ pepigerant, perstiterunt, re-  
tentis tormentis, & captivis *Romam* missis, non  
iis modò, qui bello capti fuerant, sed illis quo-  
que, qui præfecti oppidorum atque arcium illa  
ipsa pacatè tradiderant, civibus *Venetis* undecim,  
quos in ipso negotio circumventos in vincula con-  
jecerant, & interdicto non rescisso. Ea *Julii* fi-  
des, ea pietas in supplices fuit, atque omnino in  
eisdem, qui paulò antea *Romæ*, ut is Pontifex  
Maximus fieret, omnes suas opes, omnem auto-  
ritatem, gratiam, studia publicè contulissent.

Non absimili injuria *Alfonsus Ferrariensium* dux  
*Rodigianos* apud *Padum* flumen positos, quod op-  
pidum bello *Ferrariensi Veneti* ceperant, atque  
ex pacis fœdere postea tenuerant, parva manu  
eò adducta in deditionem recepit. qua intellecta  
re, *Antonio Bragadeno* prætori, qui se in oppidi  
arcem intulerat, Patres per literas mandaverunt,  
ut tormentis abductis arcem duoque reliqua ejus  
regionis municipia *Alfonso* restitueret, sed is an-  
tequam eæ ad eum literæ perferrentur, captus  
ab hostibus unâ cum arce, *Ferrariamque* perdu-  
ctus, paucis post mensibus in custodia interiit.  
Itemque ad *Sebastianum Maurum*, qui decem &

*Georgi-  
ni* sacer-  
dotes *Ve-  
netis*  
*Ferra-  
riam* mi-  
grant.

*Julii*  
Pontifi-  
cis infi-  
gnis per-  
fidia.

*Alfonsi*  
*Atefimi*  
perfidia.



septem navibus in *Athesim* missus fuerat, literæ A  
sunt à Senatu datæ, ut in tutum se reciperet :  
is cum ab agricolis in reditu ab utraque ripa om-  
ni telorum genere premeretur, ac propter sicci-  
tates contraciore aqua minus se subducere cele-  
riter posset, ejectis aliquot in flumen tormentis  
gravioribus, incitatisque remigibus *Bebiam* re-  
diit.

Civitates  
aliæ se  
Gallis  
dedunt.  
Cremo-  
na.

Pischa-  
ria.

At in superiore *Padi* fluminis ripa *Cremonen-*  
*ses* Gallis equitibus & militibus in oppidum ad-  
missis, sese regi tradiderunt : eoque biduo nun-  
tius ad Senatum venit, *Pischaariam* municipium  
rege oppugnante captum : milites oppidanosque  
ad unum cæfos : *Andream Ripam* arcis præfe-  
ctum recte ad arborem exanimatum fuisse. Ea  
re audita *Zacharias Lauredanus* in *Benaco* præ-  
fectus, simul quod omnia ejus lacus municipia  
partim ad regem, partim ad *Maximilianam* de-  
ficientibus, trireme & bireme, quibus præerat,  
incensis, unâ cum suis omnibus hostibus adven-  
tantibus se subripuit.

Veneri ad  
sum-  
mam an-  
gustiam  
reducti.

Patres ob hæc perspecta difficultate quicquam  
in *Gallia* atque in *Rhetis* oppidorum retinendi,  
legatis mandarunt, ut in agrum *Patavinum*  
exercitum reducerent : *Veronensibus* permise-  
runt, si *Maximilianus* ad eos mitteret, qui uti  
se dederent postulare, ne recusarent. Cumque  
*Taurisani* tumultu civitatis & plebis excitato,  
plerisque non idem sentientibus, per legatos,  
quid se vellent Patres facere, à Senatu peti-  
issent : id unum quod conducere sibi ipsi existi-  
marent, legatis responderunt. Scribere etiam  
ad suos in *Carnis* atque *Isiris* magistratus, ut quæ  
oppida superiore anno è *Maximiliani* ditione  
republica ceperat, ea omnia, armamentis com-  
meatibusque publicis abductis, regis petentibus  
ministris restituerent.

Veneri ad  
urbis  
propu-  
gnatio-  
nem  
confilia  
conver-  
tunt.

Molæ  
farina-  
riæ.

Materia  
ad muni-  
tiones  
extruen-  
das.

Vicetini  
Maximi-  
liano se  
dedunt.

Postremo, quod ab ea cogitatione non lon-  
gissimè aberant, ut urbi quoque ipsi timendum  
putarent, docti à præsentibus rebus, quantam  
reipublicæ diuturnitas & incrementum in se unos  
omnium regum invidiam atque odium concita-  
visset, *Decemviri* duodecim legerunt cives digni-  
tate præditos, qui vada urbana atque littora,  
adhibitis ejus rei peritis hominibus, diligenter  
inspicerent, ut aditus, si qui essent apertiores,  
castellis munirentur. Tum auctus operarum  
publicarum numerus : jussumque ut omnes in-  
sulas & domos vicorum magistri perlustrarent,  
quantaque esset in urbe advenarum multitudo,  
quanta armorum privatim ab his comparatio,  
cognoscerent : edictumque pœna capitis propo-  
situm, ne quis armatus incederet. vigiliæque  
noctu vicatim & præfecti cum militibus disposi-  
ti, ne quis temerè tumultus exoriri posset. e-  
tiam lex lata, ut triremes octo urbis præsidio  
armarentur. missusque multò maximus frumenti  
numerus ab annonæ magistratu ad molas farina-  
rias in *Taurisanos* fines domi molitus adservan-  
dus, ne, si eæ ab hostibus molæ interciperen-  
tur, civitas farinæ inopiâ laboraret, molæque  
aliquot, quas naves sustinebant, è *Pado Athesi-*  
*que* ad urbem perductæ : cogitatumque ut molæ  
aliæ, quas vertere ventus quiret, in suburbanis  
insulis fabricarentur : puteique per plures in por-  
tus litore foderentur, ut si à fluminibus aqua  
propter hostes circumfusos peti non posset, iis  
puteis civitas uteretur. Missi etiam publicè lecti  
cives ad arborem in *Medoaci* ripis cædendam,  
atque ad urbem devehendam, ut materia civi-  
bus ad munitiones in propugnatione suppeteret,  
& hostibus ad oppugnandam vel obsidendam ur-  
bem deficeret.

Dum hæc domi administrantur, *Vicetini* cum  
intellexissent *Veronæ* se Urbem *Maximiliano* de-

didisse, omniaque in *Alpibus* castella & municipia  
ejus civitatis præjudicium secuta idem fecisse,  
neque à Senatu impedirentur quo minus  
consilium pro tempore & pro necessitate cape-  
rent, ad *Leonardum Trissinum* civem suum,  
quem *Veneri* exulem fecerant, quique à *Maxi-*  
*miliano* præmissus in eorum fines se intulerat,  
miserunt, se paratos esse deditionem facere :  
cúmque is ad oppidum paucis cum militibus ac-  
cessisset, certis conditionibus interpositis sese re-  
gi dederunt.

*Patavini* autem, quorum erant nonnulli ci-  
ves, qui rebus novis magnopere fludebant, B  
coactis inter se privatim conciliis, eidem se re-  
gi dedere statuerunt : itaque magistratibus pri-  
mum quidem nolle se exercitum, qui adven-  
tabat, intra moenia recipere denuntiaverunt :  
portasque ipsi, ejectis qui in statione erant,  
tenuerunt : deinde, ut abirent domum, neque  
plebis impetum expectarent, eos monuerunt.  
postremo agrestes homines armatos in oppidum  
introduxerunt, ut illi Senatu primò jubente,  
post etiam nolente, discedere cogerentur.  
quamobrem Patrum jussu exercitus *Patavium*  
prætergressus, & ponte in *Medoaco* decem milia  
passuum supra eum locum, ubi munitione  
ad naves transportandas à maris aqua flumen  
discluditur, navibus imposito traductus, atque  
ad *Mestre* municipium progressus, ibi castris  
positis substitit. *Patavini* ad *Leonardum Trissi-*  
*num* missis interpretibus, ei *Patavium* cum ho-  
nesto comitatu venienti se tradiderunt, impera-  
taque fecerunt.

*Patavini*  
se de-  
dunt  
*Maximi-*  
*liano.*

Interea cum *Roma* literæ ab *Grimano* & *Cornelio*  
Patribus significavissent, nisi novam lega-  
tionem ad *Julium* misissent, nihil spei esse illum  
à sua in rempublicam pertinacia recessurum. Se-  
natus sex legatos creavit ex principibus civita-  
tis, *Dominicum Trivisanum*, *Leonardum Moe-*  
*nicum*, *Paulum Pisanum*, *Hieronymum Donatum*,  
*Paulum Capellum*, *Aloisium Maripetrum*, qui  
*Romam* proficiscerentur : ab *Julio*que peterent,  
ut ea, quæ reipublicæ polliciti ejus ministri  
fuerant, repræsentaret. quibus de rebus non-  
nulli ex civibus dolore affecti, in eos, qui Se-  
natum regebant, voces plenas querelarum pri-  
vatim jaciebant, fortasse non percipientes hu-  
jusmodi decreta bonis rationibus facta esse, ac  
ne populi, qui reipublicæ parerent, eorumque  
urbes & regiones hostium prædæ exposita essent,  
quorum viribus impetuique eo tempore cedere  
è re omnium esse videbatur, lætoremque for-  
tunam expectandam : ea flante, recipi tunc  
posse, quæ vitandarum populationum causa de-  
fererentur, quemadmodum Diis bene faventi-  
bus evenisse postea compertum est. Hi igitur,  
qui non satis propè rem intelligerent, querelas  
graves amarasque adversus eos, qui civitatem  
regebant, spargere : non adeò timidè rempubli-  
cam administrari oportuisse : non tot egregia  
oppida tradi hostibus ita facile debuisse : neque  
enim majores nostros tantis impensis, tot exer-  
citibus, tantis suis laboribus & sanguine, tot  
annorum longinquitate ea imperio adiecisse, ut  
paucis post diebus sponte amitterentur : errare  
qui mitiores futuros hostes crederent : propterea  
quod respublica tam facilis in illos fuerit, ut  
quæ nulla certa cum spe, maximisque sumpti-  
bus bello agere statuerant, pacatè ab iis pro-  
peque nictu oculi sint confecta : augeri potius  
ea re eorum audaciam, quod debiliorem multò  
ad resistendum armis rempublicam offenderint,  
quàm putarant : itaque invitari eos jam allicique,  
tanta confecti belli celeritate, ad majora appe-  
tenda : id effectum esse hujusmodi decretis for-

Legatio  
*Veneto-*  
*rum* ad  
Pontifi-  
cem.

Populus  
*Veneto-*  
*rum* con-  
tradicit  
Senatui.



midine plenis, ut vereri amplius, & pejora præteritis timere nunc cogantur. quod si regi Gallorum propter exercitum victorem cedendum fuit (quanquam si majorum pristina virtus in viventium civium animis resedisset, non is tam propitios habuisset sanè Deos) quid attinuit vel *Maximiliano*, nullos exercitus contra rempublicam mittenti, tot oppida ultrò dedisse? vel *Julii* exercitum, antequam ille pactis stetit, reipublicæ oppida in *Flaminia*, firmata munitionibus propugnatoribusque recepisse? nunc etiam legatos esse ad illum *Romam* mittendos, ut & ab republica suppliciter adiri se permittat, & interdictum abrogare velit.

Senatus  
sententia  
populo  
opposita.

Hæc & his similia cum jactarentur, una *Matthæi Prioli* sententia, quam in Senatu dixerat, à prudentioribus repetebatur, atque iis opposebatur. Ea erat ejusmodi: Quemadmodum gubernatores boni atque industrii solent, qui cum vim tempestatis ferre nequeunt, naufragique periculum propter mercium, quas in navi habent, pondus gravitatemque imminet, jacturam partis earum faciunt, ut navi è fluctibus emergente, ipsam reliquasque res, & vitam unà suam tueantur: sic in reipublicæ turbulentis his temporibus fuisse faciendum, ut quando ejus exercitu fortunæ magis turbine quàm telis hominum disjecto, populi municipiaque omnia, quibus præsidia mitti non poterant, arma hostium timerent, dederent ipsi per se Patres, traderentque illis ea, quæ captui essent propiora atque opportuniora, ut ea re illorum cursum atque impetum sisterent, potius quàm frustra suas vires jam infractas opposcentes, tamen illa ipsa unà cum libertate imperii amitterent.

Forojuliensium  
legati.

Inter hos sermones & querelas legati à *Forojuliensibus* ad Senatum venerunt auxilium rogatum, quo se tueri, si quid hostes molirentur, & bellum propulsare possent: velle enim omnes è reipublicæ imperio non recedere. ad quos *Epirotarum* equitum turmam militesque ab exercitu legati Patrum jussu statim miserunt. idem *Justinopolitanis* postulantiibus milites trecenti sunt ad eos missi, equitesque centum quinquaginta, qui illis diebus ab *Epiro* venerant. Requie exercitui ad *Mestre* municipium data, libras auri septingentas à Quæstoribus urbanis Senatus legatis curari jussit: utque ii recognito copiarum omnium numero, stipendioque eis dato, quas esse idoneas ad bellum gerendum, & virtute ac fide præditas cognoscerent, eas omnes retinerent, reliquas dimitterent, imperavit. Triremes quoque uti quatuor in *Illyrico* armentur cura est à magistratibus adhibita. *Crespa* videlicet, *Aschrevio*, *Jadera*, *Pharo*: itaque & naves vacuæ cum armamentis, & stipendium, & præfecti eò ab urbe missi.

Venetorum  
in urbis  
propu-  
natione  
assidu-  
itas.

At in navalibus nulla cessatio fiebat: materia undique convecta importabatur: triremes novæ biremesque instituebantur, veteres reficiebantur: navigia humilia viginti tormentis per vada ferendis ædificabantur: cratesque ex malis navium contexebantur: scaphæ cum festucis ad palos in æstuariis figendos, qui munitiones sustinerent, accelerabantur: ipsa ex ære fusili tormenta magno numero, armamenta omnis generis, tela omnia parabatur: fabri, qui suppetere, ex urbis officinis privatisque navalibus accersebantur: etiam machinationes ad molas frumentarias vertendas inchoatæ plurimæ perficiebantur. In his agendis ab omnibus diligenter administrabatur, ut ne festis quidem diebus quicquam eorum intermitterent. *Bassiano Maximiliani* interpretibus tradito, *Scala* in

Scala castrum.

A *Alpibus* castellum, quod *Federicus Michael* præfectus timore animi incustoditum reliquerat, Regis insignia sustulit. quod ubi *Feltrini* cognoverunt, prætorum ipsorum *Federico Mauroceno* item profecto, ne diriperentur, idem fecerunt.

Feltrini.

B Senatus certior factus *Taurisanorum* civitatem præter paucos, qui *Maximiliani* partes sequebantur, in officio cum republica velle esse, literas ad eos dedit, quibus literis immunitas omnium rerum annos quindecim civitati dabatur, portoriumque frumento molendo removebatur. Iis rebus cognitis cives plebsque omnis in primis magna voluptate affecti, ad propugnandum summo se studio confirmaverunt. quam eorum voluntatem *Petrus Duodus* legatus, quem Senatus *Verona Vicetiaque* abeuntem eò miserat, magnopere auxit, tabulis, in quibus fisci rationes & civium reliqua erant scripta, publicè abolitis, atque in foro, plebe aspectante, igni absumptis: pauloque post milites quingenti ab exercitu Senatus jussu ad eos præsidio missi, cupidissimis omnibus in oppidum recepti sunt. Quod autem etiam *Cividale Belunianum Maximiliano* nolle se tradere perseverabat, cumque republica omnes casus experiri statuerat, Senatusconsultum factum est, uti *Epirotæ* equites ducenti *Paulo Contareno* præfecto *Cividale* mitterentur.

Taurisani in officio cum republica manent.

Cividale Belunianum.

C Non tanta in rempublicam, cujus stipendia faciebat, virtute ac fide *Pandulfus Malatesta* est usus, qui non salutatis legatis *Citadellam* profectus in partes *Maximiliani* sese transtulit. *Alfonfus* autem *Ferrariensium* dux *Ateste* municipio, à quo antiquitus originem ducebat, quodque abest *Patavio* passuum millia quindecim, in suam potestatem redacto, omnibus probris rempublicam afficere est aggressus, ejus insignibus è foro aliisque locis fœdè abreptis, & fundis domibusque *Venetorum* civium sub hasta positis. Idem tamen haud ita multò post, quod ab *Galhis* suo ipse regno timuisset, ejusque rei suspicio sermonesque non infimorum hominum in vulgus emanaverant, quas sui milites domos *Venetorum* civium *Rhodigii* atque *Ateste* diripuerant atque diruerant, eæ uti publicè restituerentur, imperavit: literasque à domesticis suis dari ad amicos, quos in urbe habebant, voluit, quibus literis certiores eos facerent, *Alfonsum* ducem quæ in *Venetos* hostiliter egisset, timore Gallorum coactum atque invitum fecisse: animo autem esse in rempublicam uti semper fuerit, amico, deque adversis ejus rebus molestiam capere, quod sciret, detrimenta reipublicæ in universam esse *Italiam* atque in omnes bonos brevi recasura.

Alfonfus Atestini in Venetos injurias.

D Miserat ad regem *Gallie* Senatus unum ex iis, qui captivi ab exercitu reipublicæ *Caravaggio* recuperato facti, *Venetiasque* perducti fuerant, ut cum rege ageret, ut si vellet suos omnes dimitti, unum *Livianum* restitueret. Is ab rege tum redierat cum mandatis ejusmodi, ut certos cives *Venetos*, & Tribunos ac præfectos ex captivorum, quos habebat, numero pro suis se dimissurum rex diceret, de *Liviano* nullam se conditionem accepturum confirmaret. Aiebat is etiam, in eo, quem secum rex habuerat, sermone regem sibi dixisse, singularem in prælio *Venetorum* militum fuisse virtutem, quam si equites præstitissent, pelli se atque superari parvo negotio potuisse: aut etiam, si à pugna *Veneti* paucos se dies continuissent, futurum fuisse ut ipse non sine ignominia *Mediolanum* recederet: magno enim timore multò maximam sui exercitus partem perculsam à dimicatione abhorruisse. *Citolus* quoque *Perusinus* tribunus militum

Venetorum captivorum cum Gallis permixtatio.

Calamitatis Venetorum causa.



ab iis, qui cum in pugna multis vulneribus penè confectum ceperant, nummis traditi dimissus, secundo *Padi* flumine ad urbem venit: quem quidem Patres omni studio curari mandaverunt, neque dum enim vulnera coaluerant. hujus de praelio sermo apud *Lauredanum* habitus, cum sermone *Galli* congruebat: *Gallos* pugnae initio fugae sese dare decrevisse: idque futurum sine dubio fuisse, non modò si *Veneti* equites, uti debuerant, depugnassent, sed omnino etiam, si se loco non movissent: eorum temerè fuga coepta fieri, hostes retentos se confirmavisse, atque ita non tam ulla sua virtute, quàm ingenti equitatus *Veneti* formidine atque perfidia vicisse. At Senatus ea, quam supra commemoravimus, de captivis accepta conditione, quos habebat ex *Gallis*, regi restituit: atque ille, quos pollicitus fuerat, ex *Venetis* missos fecit: in quibus *Naldius*, *Braccius*, *Vitellius* fuerat.

Patres interea cùm statuissent reipublicae exercitum esse omni cura atque impensa retinendum, & quod ejus missis ad *Taurisanos* & *Belunienses* praefidiis decreverat, esse reponendum, centurionibus non paucis, qui post praelium è *Gallia*, quique post restituta *Julio* oppida è *Flaminia* redierant, uti novos milites conscriberent, mandaverunt. Verum enimvero, propterea quòd magna civium parte in tributa non conferente, pecunia eos deficiebat, *Decemvirum* decreto decem cives lecti sunt, qui exigendae pecuniae omni cum potestate atque imperio praessent: eosque qui majori eorum parti solvendo esse latis suffragiis censerentur, modis omnibus cogerent ad stipem conferendam: in reliquos mitius quidem agerent, aliquid omnino tamen etiam ab iis consequerentur, atque ii peracto magistratu, qui quidem esset annus, quo tempore senatoriam dignitatem exercere eis liceret, annum alterum in Senatu essent. eaque re pecuniae postea exigendae ratio Patribus aliquanto faciliior atque expeditior fuit.

Rogaverant illis diebus demississimè *Antonii Grimani* exulis liberi *Bernardum Bembum* patrem meum, *Marinum Justinianum*, *Aloisium Gradenicum*, Triumviros ex advocatis reipublicae, vellet ob reliqua totius patris sui vitae in rempublicam officia & studia cum civitati aliquando tandem restituere, ut qui esset jam conclamata senectute, in patria saltem sepeliri sua posset. quam quidem rem adjuvabant *Dominici* Cardinalis adhibitae *Julio* pro republica assidue diligentissimaeque preces: tametsi adhuc quidem propter naturae illius illiberalitatem atque inclementiam parum profuissent: tum perturbatis atque adeo tantopere inclinatis civitatis rebus ad lenitatem dari sese, profectò aequissimum magistratibus videbatur: itaque Triumviris legem majoribus comitiis ferentibus, ante diem XV. calendarum Quintilium, *Antonius* ab exilio frequentibus sententiis revocatus, reique publicae restitutus, paucos post dies *Roma*, ubi aliquot annos fuerat, domum rediit, cùm illum Patres etiam nunc absentem in Sexvirum, qui rempublicam in Senatu procurant, collegium pluribus quàm ceteros suffragiis adoptavissent.

De legatis à Senatu lectis, qui ad se venirent, & nuntium *Julius* læto animo accepisse praefertulit, & literas de ea re ad *Aloisium* & *Maximilianum* statim dedit: quibus literis eos certiores faciebat, velle se rempublicam eam, quae ante bellum secum intercedebat, necessitudinem benevolentiamque recipere. Id autem ea de causa scire eos voluit, ne quid amplius contra illam cogitarent: sibi ipse suisque rebus, si ii rempublicam oppressissent, posse idem accidere non

temerè existimans. quòd si id minus erat extimescendum, omnino se coactum iri imperata eorum facere, subactis deletisque *Venetis*, pro explorato ducebat. Senatui autem per *Dominicum* & *Marcum* Cardinales significavit, ubi legati *Romam* venissent, se interdictum remoturum: quam ob rem à Senatu jussi sunt naves triremes quamprimum conscendere, *Anconam*que proficisci, ut *Flaminiam* evitarent, quam respublica turpiter amiserat.

At apud *Mestre* *Cornelius* legatus certior factus, in *Taurisanis* civibus esse nonnullos, qui tum quoque novis rebus studerent, eò cum quingentis equitibus *Epirotis* profectus duodecim eorum in vincula coniectos ad *Decemvirum* collegium misit, munireque oppidum instituit: pauloque post ex tribus legatis, qui erant in exercitu, *Gritto*, *Cornelio*, *Mauro*, *Cornelius* à Senatu revocatus domum rediit.

Concupiverat *Aloisius* rex *Maximilianum* regem alloqui, ut illum in rempublicam accenderet: valde enim deliberatum ei erat, quicquid esset reliqui ex reipublicae ditione in continente, urbemque ipsam, si res procederet, capere: id autem sine *Maximiliani* voluntate, quibus posset modis, quibus artibus consequi, non videbat: itaque ut hoc illi persuadere coram posset, suum interpretem Cardinalem *Rotomagensem Tridentum* ad illum misit, qui ab eo peteret, ut de magnis utriusque rebus colloqui secum vellet: tempus & locum ipse diceret: se, qua die, quoque loco vellet congregi, ad illum venturum. *Maximilianus*, qui neque hominem amaret, & majorem ac potentiorum nollet fieri, satisque haberet, quae respublica superiore anno ditionis suae oppida ceperat, sibi restitui, & se praeter haec *Verona*, *Vicetia*, *Patavio* esse potitum, cùm, quam ob rem colloquium peteretur, haud dubiè cognosceret, fictis quibusdam abeundi causis, colloquio evitato interius in regnum se recepit, perque suum legatum questus apud *Aloisium* est, pagos nonnullos & municipia in *Veronae* finibus, quae ad se spectarent, illum occupavisse. quibus intellectis rebus *Aloisius*, *Pischeria*, quam munire coeperat, discedens, in *Brixianos* fines rediit.

*Cremona* interim arx militum, qui in ea erant, scelere atque perfidia *Gallis* deditur, *Aloisio Mula*, *Zacharia Contareno* urbis praetoribus, *Sebastiano Maripetro* quaestore, qui in ea se receperant, *Marco Lauredano*, *Andrea Dandulo* arcis praefectis in praedam hostibus traditis, *Mediolanum*que abductis. quae sanè res magno dolori civitati fuit: nemo enim verebatur, quin omnem *Gallorum* impetum & obsidionem, si modò viri essent, quamdiutissimè sustinere potuissent. Ea capta, rex *Cremonam* se contulit.

Illis diebus quòd venerant *Bassianum* milites è *Germania* quatuor mille (id autem est oppidum in *Medoaci* ripa sub *Alpium* jugis, abestque *Patavio* passuum millia vigintiquatuor) *Maurus* legatus cum parte exercitus in *Taurisanos* fines profectus, ea loca tutiora & quietiora reddidit. *Aloisius* *Cremonae* dies paucos moratus, cùm ibi *Triultium* oppidi praesidio reliquisset, *Galeatium* *Palavicinum* *Brixiam*, *Antonium Mariam* ejus fratrem *Bergomum*, *Palitiae* principem *Cremonam* misisset, *Mediolanum* rediit.

*Julius* *Aloisio* profecto, exercituque ejus propè dimisso, nihil jam gravius ab illo metuens, neque *Maximilianum* per sese magnum quicquam atque arduum contra rempublicam ausurum existimans, per *Dominicum Grimanum* suadere Senatui coepit, ut *Taurisum*, & *Forum Julii*, quae duo quidem oppida ex foedere, quod is cum *A-*

*Taurisani* seditioni.

*Aloisius* rex *Maximilianum* in *Venetos* irritare satagit.

*Cremona* arx à *Gallis* occupatur.

*Julii* Pontificis postulatione.

Tributorum exactio.

*Antonius* *Grimanus* ut ab exilio revocatus in patriam redeat, petentibus conceditur.

*Julii* Pontificis in *Venetos* animus anceps.



*loisio* percussisset, ad illum spectarent, pacatæ ac lubentes ei traderent potius, quam bello atque inviti paulò post amitterent tamen. Id an prop-  
terea sit aggressus, quòd cuperet nihil reipubli-  
cæ reliqui in continente esse, ne vires ad illa  
recuperanda, quæ ipse ex ejus ditione in *Flami-  
nia* ceperat, redintegrare posset: an ut *Italiae*  
cladibus ea re finis imponeretur, quo facilius  
bellum in *Thracas*, perdiu illud quidem cogita-  
tum, atque adeo sermonibus agitatum, unani-  
mi omnium regum consensu opibusque sumi  
posset, quod unum præ se ferebat, quia nobis  
nihil liquet, in ambiguo relinquimus. Sed om-  
nino Patribus molestissima ea *Julii* suasio fuit,  
qui sæpius jam, quæ via eorum oppidorum, quæ  
*Maximiliano* se dederant, recuperari aliquod  
posset, quàm ut ex iis quæ haberent in conti-  
nente reliqua, quicquam ei traderent, cogita-  
bant: itaque legatis, qui *Anconam* classe appulsa  
iter *Romam* pedibus faciebant, scripserunt, da-  
rent operam, cum ad Urbem essent, mandata-  
que reipublicæ confecissent, ut ab ea cogitatio-  
ne *Julium* abducerent.

*Joannes* interim *Baduarius*, *Georgius Pisanus*,  
qui legati *Romæ* fuerant, domum redierunt. Pa-  
tres cum ab *Gritto* intellexissent, propter *Ma-  
ximiliani* milites, qui *Bassianum* venerant, alios-  
que permultos, qui pluribus in *Alpium* munici-  
piis civitatibusque cogebantur, atque ipsum in  
primis *Maximilianum*, quem cum exercitu *Fel-  
trie* appropinquare nuntii venerant, tutius futu-  
rum si copiæ reipublicæ *Taurisum* ducerentur,  
ita uti fieret, censuerunt: præmissique *Tauri-  
sum* sunt virtute & fide præditi ac probati Patri-  
bus viri è plebe tres cum suis quisque militibus,  
qui tribus oppidi portis præessent, easque ad  
omnes casus custodirent. Ad *Castellum novum*  
autem, quod est in *Alpibus* supra *Taurisanos* fines  
in regione *Querio* appellata, natura & artificio  
communitum, milites *Germani* cum venissent,  
& tormentis murum quaterere cœpissent, atque  
*Andreas Rimundius* præfectus, qui eum locum  
sibi tuendum à Senatu sumpserat, turpiter se fu-  
gæ mandavisset, castello sunt potiti. *Maximi-  
lianus Feltriam* venit. Ea re ad *Maurum* legatum  
per cives *Patavinos*, amicos reipublicæ, confestim  
delata, qui illi magnum esse *Germanorum* mili-  
tum cum rege numerum significaverant, *Mau-  
rus* nocte intempesta omni cum ea manu, quam  
habebat, ad imperatorem, qui *Mestre* nondum  
abierat, se recepit: castellumque *Francum*, quo  
in municipio erat *Maurus*, regi se è vestigio  
tradidit. His interjectis diebus dato ab omnibus  
jurerando, se in fide atque officio cum republi-  
ca futuros, exercitus *Mestre* eductus, *Taurisum-  
que* perductus est, quò tubicen *Maximiliani* ve-  
nerat, petens ut regi se oppidani traderent, ni-  
si diripi atque interfici mallent. Ei consulto Se-  
nato ab legatis est responsum datum, velle se  
oppidum tueri reipublicæ, atque in eo cives om-  
nes consensisse: neque direptionis aut mortis me-  
tu absterri posse, ne fidem præstent, quam se-  
mel pepigerunt: virtuti nullam vim fieri: nul-  
lum incuti timorem iis, qui honestè occumbe-  
re, quàm turpiter vivere satius atque prius pu-  
tant. Iisdem legatis deinde certioribus factis ho-  
stium copias ad *Citadellam* convenire, ut in illas  
impetum faceret, *Grittus Tauriso* cum *Leonardo*  
*Apulo*, cumque *Epirotis* equitibus ad vicina ei mu-  
nicipio loca sese contulit.

*Andreas* interim *Fusculus*, qui *Byzantii* reipu-  
blicæ negotia procurabat, Patres facit per liti-  
ras certiores, clade reipublicæ cognita Regem  
*Thracium* sibi ostendisse, magnam se ex ea re  
molestiam accepisse: questum etiam apud illum

A fuisse, quòd non secum de hostium consiliis ap-  
paratibusque communicarit, atque auxilium in  
tempore petierit: quòd quoniam factum non sit,  
suas nunc opes terra marique amico se animo  
atque benevolo reipublicæ polliceri: petere,  
ut id quamprimum *Lauredano* principi signifi-  
cet.

B Vix cæ literæ in Senatu recitatae sunt, cum  
ab legatis *Roma* item literæ perferuntur, in qui-  
bus erat scriptum: ubi ipsi ad urbem appro-  
pinquavissent, misisse *Julium* qui diceret, velle  
se eos *Romam* noctu ingredi sine ulla obviam  
C itione civitatis, neque ei sacra administrari,  
quoad se convenerint: ipsum autem *Julium* sta-  
tim se *Hostiam* contulisse, ut illi interim in con-  
temptu & squalore diutius manerent. Cum au-  
tem is ad urbem aliquot post dies redisset, uno  
ex legatis *Hicronymo Donato* ad se vocato osten-  
disse, placere sibi uti foederis, quòd *Cameraci*  
percutsum sit, capita omnia impleantur: si  
*Taurisum Forumque Julii* respublica *Maximiliano*  
tradiderit: si juri, quòd in *Ferrariæ* urbis domi-  
nato, quòdque in sinu *Adriatico* habeat portorii  
ab omnibus, qui eo mari navigent, *Venetis* sol-  
vendi renuntiavit: si sacerdotia non modò pro-  
vincialia, sed etiam urbana Pontificibus *Maxi-  
mis* remisit, ipsa nullam eorum partem tribu-  
tis exigendis interceperit: si se in ipsum deli-  
quisse facta fuerit, ejusque rei veniam subjectissi-  
mè petierit, tum se interdictum remoturum:  
eorum si quid facere Senatus recusarit, suas se  
copias *Maximiliano* traditurum, regemque *Gal-  
liæ* idem facturum, ut is rempublicam oppri-  
mat. Adjuvisse autem eam rem totam ejusdem  
regis *Galliæ* magnopere legatos, qui ab *Julio*  
diligentissimè petierant, ne ad se legatos *Vene-  
tos* admitteret, nève interdictum aboleret, aut  
republicam sublevari pateretur: ita enim il-  
lum reliquis *Italici* principibus, & regum cæte-  
rorum omnium animis & cupiditatibus arbitra-  
tu suo moderaturum, si reipublicæ non frænum  
modò, sed etiam vincula injecisset. His recita-  
tis literis, nullus ordo in Senatu fuit, qui non  
*Julium* omnibus probris & maledictis fuerit pro-  
secutus: nemo, qui non se ipse magnopere dam-  
naverit, quòd legem de legatis ad illum mitten-  
dis suo suffragio comprobavit: ea lege sex civi-  
tatis principes reliquis civibus, qui captivi con-  
tra fas, contra pactiones, contra fidem datam  
*Romæ* sint, adjectos in reipublicæ ludibrium,  
D *Julii* iracundiæ traditos: itaque omnes magi-  
stratus ira indignationeque ardere, reliquos fre-  
mere, atque in illos invehi: neminem profectò  
scire jam, quid agi, quid tentari oporteat. U-  
nus *Laurentius Lauredanus*, *Leonardi* principis  
filius, clara voce, Cur non, inquit, ad regem  
*Thracium*, qui nobis sese obtulit, legatos statim  
mittimus auxilium contra istum non Pontificem  
Maximum, sed carnificem omni crudelitate  
præditum, imploratum? Hac à plerisque sen-  
tentia probata, nonnullis mitius & temperatius  
agendum statuentibus, neque sine consiliorum  
reperito, jussis Patribus ea in re diligenter cogi-  
tare quid præstaret, Senatus dimittitur.

F At in *Carnis* oppido *Sacilio* ab hostibus, qui  
primo id impetu ceperat, civitate eos expellen-  
te recuperato, *Joannes Vitturius* civis egregia vir-  
tute à Patribus statim præsidio cum militibus &  
equitibus est illò missus. Ab *Gritto* etiam legato  
*Franciscus Beraldus Patavinus*, equitum reipu-  
licæ centum & quinquaginta præfectus, qui ad  
hostes profugerat, aliisque item præfecti equi-  
tum tres, quorum erat unus *Busichii Epirotæ* fra-  
tris filius, capti ad urbem in custodia perducun-  
tur. Nam cum *Epirotæ* propè trecenti ab lega-  
to

Castel-  
lum no-  
vum à  
Germa-  
nis capi-  
tur.

Francum  
castel-  
lum.

Turca  
Venetiis  
subli-  
dium of-  
fert.

*Julii*  
Pontifi-  
cis in *Ve-  
netos* fe-  
veritas &  
condi-  
tiones  
iniquæ  
oblatae.

*Venetio-  
rum* in  
Pontifi-  
cem  
concitati  
animi.

*Lauren-  
tii Lau-  
redani*  
confi-  
lium.

*Sacilium*  
oppidum  
recupe-  
ratum.



to præmissi, hostibus qui *Citadella* exierant, appropinquavissent, fuga simulata in apertos ante villam *Cornelianam* campos & planitiem eos pertraxerunt: tum repente conversis equis, impetuque in illos facto, quinquaginta ex iis interfecerunt, sexaginta captivos fecerunt, duces reliqui *Mercurius Bua*, *Ranerius Saxeta*, *Pandulfus Malatesta* fugere perseverantes se in tutum receperunt.

Legatus  
Veneto-  
rum ad  
Maximi-  
lianum,  
Electo-  
res & ci-  
vitates  
Imperii.

His rebus agitatis, propterea quod ab amicis reipublicæ Patres cognoverant, *Maximilianum* cupere, ut Senatus civem aliquem ad se mitteret, qui cum agere de communibus utriusque rebus posset: *Aloisium Mocenicum*, unum ex quinqueviris Senatu regendo legerunt, qui ad illum proficisceretur. Literæ quoque ad eos, qui creandi *Romanorum* Imperatorem jus habent, tum ad liberas *Germaniæ* civitates datæ sunt: quibus literis Senatus petebat, ne *Maximilianum* sævire contra rempublicam, quæ in illum tam liberalis fuisset, ulterius permitterent.

Patavi-  
na Rei-  
publicæ  
status.

Neque tamen propter hæc intermittebant Patres in eam cogitationem incumbere, ut *Patavium*, quod planè oppidum ante oculos esset civitas, improvise magis & repentino incurfu, quam aperto bello recuperarent. Accendebat eorum animos illorum magnopere avaritia, qui *Patavium* regebant, quod nulli *Venetorum* civium, qui in eo agro fundos possessionesque habebant, qui quidem erant plurimi, fructus suos evehendi facultas ab iis permittebatur, sed ipsi eos inter se pro libidine distrahebant. Multæ in oppido insulæ, domusque, quas jure & more majorum privatim *Veneti* ab oppidanis emerant, aut ipsi ædificaverant, ab illis direptæ possidebantur: multa prædia villæque alienissimis hominibus vulgò donabantur. Itaque Patres antequam ad alia descenderent, *Franciscum Capellum*, quem quidem virum *Leonardus Trissinus*, de quo supra commemoravimus, quod in legatione *Gallica* aliquot antè annos in ejus comitatu adolescens fuerat; locumque apud illum penè filii obtinuerat, magno cultu prosequabatur, *Patavium* miserunt ad speciem, ut legatus ad *Maximilianum* proficisceretur: re, ut *Leonardum* conveniret, eique polliceretur, si *Patavium* reipublicæ restituat, exilii se legem rescissuros: tum ei, liberis, posterisque ejus civitatem, & jus comitiorum, & *Citadellam* municipium, quod *Pandulfus Malatesta* prodicione amiserat, cumque iis præfecturam ipsi equitum ducentorum rempublicam dono daturam. *Capellus Patavium* subvectus, dum oppidum ingreditur, cognitus ab iis, qui portam custodiebant, ab oppidanisque retentus alloqui *Trissinum* secretò non potuit: cumque se apud eos legationis jure defenderet, suffragiis egerunt, num illum interficere, quod *Patavium* furtim venisset, an domum remittere deberent, quod legati munere fungeretur. Octo erant ex nobilitate cives, octo ex plebe, qui suffragium ferebant. Septem ex iis *Capellum* condemnaverunt, novem absolverunt. ita in magno vitæ periculo à fortuna versatus, tantuloque discrimine sententiarum ab eadem servatus, multis ab civibus pro ejus dignitate ac nomine ad oppidi portam, qua venerat, flumenque perductus conscendit, ad urbemque rediit. Patres eo consilio depulsi, ad aliam se cogitationem converterunt. nam quod erant eo in oppido cives duo Centurionis reipublicæ fratres, quibus ambobus cum portæ oppidi præfecto summa necessitudo intercedebat, petiit ab iis per occultos internuntios centurio, darent operam, ut ea porta legato reipublicæ aperiretur. Re complures dies agitata, cum demum inter ipsos convenisset, *Aloisius Molinus* Quin-

Consilia  
Veneto-  
rum de  
Patavio  
recupe-  
rando.

A quevir Senatu regendo Patribus proposuit, tantas hostium injurias ulterius non esse perferendas: sperare sese atque confidere, si *Patavium* exercitus de improvise mittatur, civibus iis portam tradentibus, qui se reipublicæ obtulerunt, oppidum capi facile posse: neque enim fatis esse communitum: itaque ad *Gritum* legatum scribi oportere, ut eam rem quamprimum suscipiat.

Laure-  
dani ora-  
tio.

Ad ea *Lauredanus* princeps, videri sibi periculofum respondit; *Aloisio* rege *Galliæ* reipublicæ nervis ac sanguinis magnopere imminente, *Julio* Pontifice Maximo ad civitatis perniciem atque interitum omnia moliente, *Maximiliano* mediis in imperii finibus visceribusque grassante, *Ferdinando Hispaniæ* rege, quasi quarto scriptis tabulis hærede, in possessiones reipublicæ se inferente, *Patavium* velle recipere: quam quidem paulò antè urbem unà cum aliis plerisque oppidis & municipiis, ut hujus belli tempestatem à suo capite averteret, Senatus *Maximiliano*, tanquam de manu tradidit: valde enim se timere, id si fit, ne hostes reipublicæ, qui ea Senatus liberalitate victi nihil ultra propè cogitant, magnam redintegrandi belli causam se habere statuentes, iterum in rempublicam universi convertantur, neque *Patavium* modò brevi recipiant, sed reliquam imperii partem, quæ in continente est, etiam suam faciant: nam vires ad eos repellendos reipublicæ suppeditaturas, neminem tam stultum esse, qui sperare audeat: neque esse credendum, qui pares illis integri non fuerint, fractos ac debilitatos superiores fore: civium privatim jacturam; qui fructus suorum prædiorum in agro *Patavino* amittant, tantam non esse, ut rempublicam periclitari malint; si amantes patriæ sint: quod si alia mens eorum est, non esse in civium habendos loco, qui rempublicam sua potiore charioremque non habeant: majores ipsorum opes suas maritimis auxisse rebus, atque imperium longè latèque ea tantum ratione promovisse: si ad illum unum maris exercendi morem atque consuetudinem redeundum sit, bene cum ipsis fortunam agere, omnes rectè sentientes existimatuos, quod quæ artes imperio constituendo profuerunt, eisdem etiam usquequaque vel crescat propageturque artibus imperium, vel optimè tutissimèque retineatur. Cum ea ita se habeant, tamen *Taurisum Forumque Julii* adhuc quidem in reipublicæ ditione contineri: ea ne amittantur, magis providendum ipsis esse, quam ut aliquid acquiratur: id autem facile fieri moderatione, si iis contenti sint: neminem enim jam reipublicæ magnopere invidere illam partem, quod si *Patavium* receperint, verendum in primis esse (dicat ne, an fileat? sed non filebit, quæ prævisa omnibus multumque cogitata debent esse) ne cum fines in continente reliquos amiserint, urbs quoque ipsa parensATRIX civitatis, de qua paulò antè ipsi non obscurè timuerint, in hostium suorum potestatem, quod Dii omen obruant! redigatur: sæpe enim accidisse, ut qui nimia pertinacia in iis, quibus carerent, appetendis rebus essent, etiam earum, quas habebant, quibusque pacatè frui poterant, amissione plecterentur, suæque eos intemperantiæ vehementer poeniteret.

F Hac oratione ab *Lauredano* habita, plerique magistratus in ejus facile sententiam abierunt: pauci cum *Molino*, rei bene gerendæ occasionem non esse amittendam, perseveraverunt: nonnulli tum dubia in re, quid probarent, & eligerent, propè ipsimet se nescire fatebantur: itaque magna inter eos altercatione orta, cum finis rei nullus reperiretur, *Molinus* ad Senatum conversus ejusmodi orationem habuit: Non tam se quidem

*Molini*  
oratio.



ea re angī ac dolore confici, quod hoc tempore fortuna, quæ plerumque res humanas administrat, plures potentioresque quam unquam antea hostes in rempublicam armaverit, fato enim id, necessitateque accidisse, itaque moderatè esse ferendum: quàm propterea, quòd ipsa sibi respublica desit, quodque ex iis, qui eam regunt, nonnulli sint, qui dum immodico terrore opprimuntur, plus detrimenti civitati important, quàm ii, qui ei bellum intulerunt. quid autem se potissimum commemorare, ac conqueri? quatuor-ne *Flaminie* oppida communita *Julii* ducibus aperire portas iussa, interdicto non rescisso? civésne perplures eorum atque arcium præfectos proditos, atque abductos in servitutem? sexne legatos principes civitatis ultrò *Romam* missos in dedecus Reipublicæ? an verò *Apulie* optimam fertilissimamque partem *Ferdinando*, antequam de ea verbum faceret, condonata? an *Vicetiam* atque *Patavium*, præclaras nobilissimasque urbes, *Maximiliano* non petenti, nihil armorum paranti traditas, & inculcatas? nam quòd *Taurisum* retentum sit, id virtute factum, atque constantia ejus oppidi civium, qui soli firmè, & destituti, ob eorum tamen in rempublicam studium manere in fide atque officio voluerunt. Ego verò, inquit, ô Patres, qui tantopere formidatis, ad vos nunc tantum orationem me convertere, operæ pretium est. Maris quidem artes atque studia deferenda nobis esse non existimo, sed omni studio diligentiaque percolenda, dum ne id imperium, quod in continente majores nostri suis laboribus, suo nobis sanguine pepererunt, nostrorum animorum debilitate amittamus: quod quidem certè malum semel nostro vitio si contractum est, an nunc etiam à nobis, cum ex parte corrigi potest, negligatur? ac obloquendi occasio hac ratione omnibus hominibus facilè præstetur, non tam fortunæ vi atque impetu nos, quàm nostra ipsorum imbecillitate victos esse? At etiam additis, civium privatim damna tanti non esse, ut ea de causa Respublica in periculum adducatur. quòd si unà cum privatis rebus salva esse potest publica, nonne in multò justius accendimini, quàm si res quidem publicæ saluti esse valeamus, privatæ nequeamus? præsertim cum privatæ nostrorum civium opes maximè ad rempublicam pertineant, quæ suorum civium pecunia maxima ex parte bella gerere & sustinere consuevit. Atque hoc eo libentius dico, quòd nulla mihi prædia in *Patavino* agro sunt, ne quisquam meis me commodis ductum existimet ad legem ferendam, ut *Patavium* recipiatur. Res me publica impellit, quæ mihi est mea vita charior: ad quam unam cum meorum civium commoda atque utilitates adjungantur, quid est quod aut me, aut quemquam civem bonum atque industrium deterere à suo suffragio probanda lege debeat? Superest pars illa plena formidinis, ut negotio capeffendo desistamus, ne si ea re hostes nostros irritaverimus, illi inter se ad reliqua nostræ ditionis adorienda iterum parati atque animati conveniant: quasi aut facillimum eis sit, tantos exercitus comparare atque cogere: aut ex regia dignitate videatur esse, *Aloisium*, qui suum in regnum se recipit, statim in *Italiam* recurrere, ut *Maximiliano* præstò sit: aut ignoremus *Ferdinandum* nostris potitum oppidis ne unum quidem nummum ulterius in beilum insumpturum: aut *Maximilianus* abundare thesauris consueverit ad copias contrahendas, qui duorum mensium spatio pauculas cohortes propè nudas ad *Veronam*, *Vicetiam*, *Patavium* tuendum vix ægréque miserit: aut *Julius*, quo demissius atque abjectius cum illo agimus, eò non majores sumat in nos spiri-

A tus, duriorē seque atque implacabiliorem multò præbeat, quòd si intelliget *Patavium* receptum, nobisque pristinam inesse virtutem ac vim sentiet, non despiciet tam arroganter eos, quos obeffe sibi posse aliquando verebitur. At etiam veremini, hæc ne urbs parens nostra in hostium nostrorum potestatem redigatur? quid, vos quæso, interest, urbs ne ipsa in potestate sit hostium, an ejus incolæ ac cives, qui que illam regimus, omnia quæ hostes nostri velint, atque optent, statuamus? optabile illis est *Patavium* non recipi, ut eo ipsi oppido unà cum reliquis pacatè frui possint: optabile etiam est, ut *Taurisum* *Julique Forum*, tractumque hunc *Venetia*, qui nobis reliquus est, ipsis, ut alia multa tam præclara dedimus, etiam tradamus: vos eis morem gerere vultis. hocne hanc urbem fervire non est? hoc non est eam suorum hostium esse factam? non est libertatem reipublicæ, quæ unà cum hujus urbis parietibus semper crevit, quam majores nostri nobis integram atque intactam reliquerunt, prorsus atque omnino perdidisse? Si majores iidem nostri ab ea coeli regione, in qua beatissimi sempiternam vitam agunt, hîc existant, atque ad vos conversi ejusmodi sermonem habeant: Nos urbem vobis dedimus cum liberam, tum eo situ & natura loci, ut nisi ipsi vobis desitis, nemo cogere vos possit: cur quæ hostes vestri optant, facere didicistis, homines maximè omnium, qui hodie sub cælo degunt, liberi? cur imperium pulcherri-  
C mum, quod vobis constituimus tam formidolosè regitis? cur *Patavium* malè ab hostibus custoditum, quòd penè vestris sub oculis est, vosque appellat atque obtestatur, non recipitis? quid illis obsecro respondeatis? primum scilicet, uni vos servisse tempori, quodque tempus postularit, id fecisse. Jam istud vobis omnes concedimus: tempori enim hostium perpulchrè inservitum est: de hac urbe autem timere vos, ne amittatur, dicere non audebitis: neque opinor tam timide in Senatu locuti essetis, nedum etiam apud illos ipsos majores vestros optimos fortissimosque viros, qui sciunt urbem hanc capi non posse, ejusmodi proferre quicquam audeatis: reposcent enim statim vos, repetentque à vobis parta gravibus verbis: quodque tam pusillo animo fueritis, conquerentur, qui, ne hoc imperii domicilium vestris ab hostibus tueri possitis, pertimueritis. Sed de eo plura me dicere minimè necesse esse arbitror: urbs enim pro se ipsa satis loquitur, quæ obsessa vadis undique, neque à justis classibus, neque à terrestribus exercitibus adiri se permittit. Itaque ad  
E vos omnes revertar Patres: tota enim hæc vestra causa est: nam propterea quòd imperio retinendo timidiore nos, quàm par erat, præstitimus, quum & nunc in recuperando acres atque fortes esse, ut eam infamiam, quam formidine contraximus, animi robore atque præstantia deleamus. *Aloisium* regem copiis dimissis *Galliam* ulteriorem petere, certiores facti sumus. *Maximiliano* quàm prompta sint quæ in bellum requiruntur, sanè cognoscimus. *Julius* in alios quàm sit largus, quàm munificus, satis superque exploratum nobis est. quàm hinc longè absit *Ferdinandus*, etiam videmus: qui tamen ipsi velint, si festinent bellum nobis facere, ut *Patavium* recuperent, æstas abierit: ita hyemis beneficio res in annum alterum differetur. quid vultis amplius? quam occasionem aptiorem, opportuniorem à diis immortalibus postulatis? quod tempus ad hanc rem paratius atque accommodatius esse potest? quamquam quæ simultates, odii que semina in illorum regum animis jam dudum insita radices altas habent, quæ fortunæ, ac rerum humanarum vi-  
F ces sunt, sperandum nobis est, neque illos ampli-



plius conventuros, & nos brevi magnam reliquorum oppidorum partem facile recuperaturos: ita enim cum his civitatibus ac populis, quos à nobis habuerunt, hostes se nostri gerunt, nihil ut malint jam, quàm illorum jugum suis à cervicibus excutere, nostramque in se benevolentiam indulgentiamque requirant. Est autem prudentiæ vestræ, Patres, hæc, si Deorum beneficia sunt, qui nobis ea, quæ fœderatorum nostrorum scelere perfidiaque amisimus, reddere statuerint, sive temporis, quod illorum dominatum in satietatem atque invidiam subjectorum populorum verterit, planè non despiciere. semel, aut iterum homines ad regendum imperium natos, maximis in rebus timide lapsos esse, humanum fortasse sit, veniaque non indignum: usquequaque autem sine causa eosdem illos omnia vereri, neque dignum venia est, nec excusatione: ad interitum enim tendit qui id agit. satis obdormivimus Reipublicæ, satis longos dies in pavore, inertiaque jacuimus: expergiscamur jam, timoremque hunc nostrum, nocturnum atque umbratilem; aliquando tandem exuamus copias, quantis opus est, habemus proximas atque paratissimas. agrestes homines universi nobis favent, nos expectant; morari conqueuntur. oppidani etiam accersunt nos, rogantque ne sui obliviscamur, nè se barbaros perpeti dominos addiscere servitutis longinquitate cogamus. *Patavium* verò ipsum ejusmodi est, ut si receptum semel sit, amitti amplius propè non possit, cum & custodire ipsi illud municipium, tanquam domum suam quilibet, ob propinquitatem facillimè queamus, & ob reipublicæ utilitates, quas ex eo percipere consuevit, & facti laudem atque gloriam maximè debeamus, & propter privata civium commoda, fructuumque copiam, & villarum amœnitates, magis ut velimus, adducamur honestissimè. Unum Patres moneo, ut ne tempus ullum rei gerendæ interponatur, ne, si parumper distulerimus, hostes se interim muniant; atque ab iis conatus nostri omnes retundantur. nihil est in bello celeritate conducibilius, nihil omnino victoriarum efficientius: ea & qui utuntur alacriores facit, quod in hostes imparatos impetum se facturos vident: & hostes ipsos imbelles reddit, propterea quod sæpe imprudentes nec opinantes offenduntur, ut arma capiendi, seque defendendi tempus facultatemque non habeant. Postremum est, ut Deos omnes orem, teque in primis *Marce* urbis hujus parens & conservator, cujus templum inauratum atque augustum ante curiam majores nostri antiquitus ædificaverunt, omnique pietate semper coluerunt, quodque nunc persanctè ipsi adimus atque incolimus quotidie, ut si ipsi hanc mihi mentem dederunt, ut legem ad vos ferrem *Patavium* recipi è republica esse, neque enim aliunde recta hominibus consilia, quàm à Diis immortalibus veniunt, & vos eam Patres conscripti vestris suffragiis hoc vesperi fanciatis, & ipsi mihi, & vobis, ac civitati, & reipublicæ totum negotium faustum, felix, fortunatum velint esse.

Hac oratione habita, cum nonnulli magistratus ad *Molini* se sententiam adjunxissent, lex est perlata, ut ad *Patavium* recipiendum *Gritus* legatus è vestigio contenderet, datumque omnibus jusjurandum, ne quid ejus quis enuntiaret. De ea re perlatis statim ad *Gritum* Senatus literis, ille cum equitibus mille, militibus item mille *Tauriso* profectus, medio itinere ad *Novale* municipium se continuit: eodemque die *Decemviri* cymbas suas cum armatis hominibus ad omnia itinera diligenter custodienda miserunt, ne quis *Patavium* ejus rei nuntius ab urbe mitti posset.

A Postero die autem, qui fuit dies decimus sextus Calendarum Sextilis, noctu reliquo itinere confecto, legatus ante lucem prope oppidum substitit: interim carri aliquot frumento imposito, quos legatus ad id præparaverat, cum bulbulcis ante portam se contulerunt; atque, ut sibi aperiretur, paulisper expectaverunt. apertis portis, quæ ad priorem *Medoaci* fluminis alveum sunt, quo tum alveo naves permeabant, ac demisso ponte, & carris in transmissu commorantibus, legati pedites levissimi adveniunt, portamque capiunt, pauloque post legatus cum reliquo agmine in oppidum irrumpit: profectusque ad interioriorem oppidi portam, qua murus item alter postremo longè altior atque solidior unà cum altero *Medoaci* alveo tanquam circino circumductus urbem reliquam tuebatur: ea refracta ad forum omnes magno cum clamore ac tubarum sono rectà contendunt. quibus obviam progressa gens *Parmensis* (id erat fratrum illorum ac Centurionis familiæ nomen, quæ se ad hoc ea nocte comparaverat) armata cum legato læta atque hilaris se conjunxit. Eo tumultu excitus *Brunorus Saregius Veronensis*, clara gente natus, qui stipendia *Maximiliani* faciebat, eoque biduo *Patavium* venerat, cum turma equitum ducentorum, *Venetos* qui forum jam omnesque vias atque aditus obsederant, repellere aggressus, amissis per plurimis ex suis, ab iis capitur. *Germani* quoque milites ad prætorium qui erant, cum præfectis regiis eodem accurrerunt, sed commissio prælio repulsi, se in arcem oppidi fugientes intulerunt. Oppidani magna pars se legato, qui eorum prætor summa cum laude paulò antea fuerat, gratulantes dederunt. ita parvò temporis spatio *Patavium* recipitur eo ipso die, quo primo captum fuerat, anni ab urbe condita nongentesimi octogesimali secundi, cum binos & quadragenos dies in *Maximiliani* partibus fuisset. Miserant ea nocte *Decemviri* magnam armatorum hominum manum cum ex plebe urbana, & navalibus, quorum omnes propè operas eduxerunt unà cum eorum præfecto *Nicolao Pascalico*, qui eas regeret, tum ex suburbanis municipiis, *Torcellio*, *Majorbio*, *Buriano*, *Muriano* evocatum suis cum naviculis, ut *Medoaco* flumine superato, *Patavium* legato auxilium ferentes mane accederent: ii celeritate adhibita, turri etiam, quæ in *Strata* pago flumini adjacet, expugnata: is abest pagus à *Patavio* millia passuum quinque: à qua remulco subvehi, *Germanis* militibus, qui in ea erant, lapides & tela conjicientibus, non mittebantur, progressi, in oppidumque recepti, unà cum legati militibus *Judeorum*, fœneratorum domos valde quidem plenas, quarum erat magnus numerus, universas spoliaverunt. à quibus digressi, nonnullas etiam eorum civium, qui reipublicæ adversissimi fuerant, vitæ inquilinorum parcentes, diripuerunt. verum edicto legati proposito, ut prædandi finis fieret, & luminibus singulis in domibus è fenestris tota nocte ardere jussis, ne tenebræ licentiam peccandi adderent, stationibusque in foro atque ad portas dispositis, ipso etiam legato cum militibus oppidum perambulante, non tamen quorundam *Venetorum* civium, qui spe prædæ privati *Patavium* venerant, audacia comprimi potuit, quin cum armatis direptiones exercerent, atque in legati milites, à quibus prohibebantur, impetum facerent. Ea de re ab legato ad *Decemviros* datis literis, quod statuere ipse in cives *Venetos* non auderet, *Hieronymum Quirinum* magistrum suum, *Marinum Maurocenum* triumvirum ex advocatis reipublicæ *Decemviri* *Patavium* celeriter miserunt: hi

*Patavium à Venetis stragemate recuperatur.*

*Judeorum domus spoliata.*

Lex de  
*Patavio*  
recipien-  
do.

re-



retentis nonnullis atque in vincula coniectis, tumultum sedaverunt.

Arx Patavina expugnata.

Proximo verò die tormentis ad arcem oppidi positis, & magna circumfusa armatorum multitudine, demum parte propugnaculi dejecta, dum de deditioe hostes agunt, milites superatis per ruinas muris arcem capiunt: in qua captivi facti *Leonardus Trissinus* præfectus vulnere in capite accepto, & *Manfredus Facinus*, vir egregia virtute, qui complura stipendia,

A multisque in exercitibus reipublicæ magna cum laude meruerat, & *Germani* viri fortes & claro loco nati sex, civesque *Patavini* tres, iique omnes Patrum jussu sunt ad urbem missi, *Facino* excepto, quem *Gritius* legatus cum magnopere diligeret, liberaliterque appellatum, quòd cum tot annos reipublicæ militiam fecisset, tam duro ejus tempore in hostium numero esse voluisset, nullo accepto incommodo statim dimiserat.





# PETRI BEMBI

## RERUM VENETARUM

### HISTORIÆ LIBRI NONI

#### EPITOME.

**M**aximilianus Tridentum redit. Multa oppida à Venetis recipiuntur. Venetorum ad Patavii propugnationem, & hostium ad oppugnationem apparatus. Franciscus Mantuanorum dux à Venetis capitur. Senatus in suos pietas & liberalitas. Patavium à Maximiliano oppugnatur. Hieronymi Saorniani res pro republica gestæ. Maximilianus à Patavii oppugnatione discessus. Ut omnia circa Patavium excinderentur lege constitutum. Res in Liburnis, Illyrico, Isthis, Carnis & Foroliviensibus gestæ. Vicetia à Venetis capitur. Bellum à Senatu in Alphonsum Atestinum decernitur & geritur. Reipublicæ exercitus Veronam frustrà mittitur. Multa oppida à Venetis recipiuntur. Classis in Alphonsum missæ progressus. Classis Veneta ab Alphonso fracta. De parente, filia pro concubina utente, supplicium sumitur. Julii placandi ratio à Senatu inventa.

#### LIBER NONUS.

Maximilianus Tridentum redit.



**P**ATAVIO recepto, Monslice, Ateste, pleraque alia agri Patavini municipia parvo negotio ad rempublicam redierunt, Maximilianus, qui Marostica tunc erat (id est municipium in primis Alpium jugis, abestque Patavio millia passuum vigintiquatuor) veritus ne interciperetur, è vestigio Tridentum abiit.

Rustici immunes.

Senatus sex ex plebe homines fide præditos à Patribus legendos censuit, qui sex Patavii portas custodirent cum triginta militibus quilibet. & quod magnum rusticorum hominum studium in rempublicam extiterat, eos immunes annos quinque iussit esse, fisci reliquis etiam remissis.

Dum hæc decernerentur, à Maximiliano literæ ad Senatum venerunt, pridie quam Patavium reciperetur, datæ: quibus literis rex petebat, ut Aloisium Mocenicum ad se Marosticam Patres mitterent. Aloisius Patrum jussu postero die Taurisum profectus, quod rumor attulerat, Maximilianum suos se in fines recepisse, præmissis tabellario, qui, ubi rex esset, quoque se venire vellet, sciscitaretur: alteris regis literis certior factus est, nolle amplius Maximilianum cum eo colloqui: itaque Taurisi paucos moratus dies, à Senatu revocatus domum rediit. Gaspar etiam Severinas, de quo supra dictum est, ab incolis in oppidum Citadelam introductus, dum se ad Maximilianum Pandulfus Malatesta contulisset, missis ad urbem internuntiis Senatui se obtulit: neque tamen est receptus, ob levitatem atque inconstantiam, quæ nimia usus fuerat.

Oppida quedam à Venetis recipiuntur.

Serravallium interea, castellumque Francum recipiuntur, pulsas ab altero non sine cæde prope quingentis Maximiliani militibus, in altero omnibus ad unum interfectis. Erant autem ex Hispania milites centum quinquaginta: & sunt oppida Patavio in septentriones versus: A meridie fere autem Montanianum in Patavinis finibus, & Lemniacum, quod est ad Athesim flumen, in agro Veronensi, ejectis hostibus reipublicæ insignia sustulerunt. equitatusque ab Alfonso Ferraria emissus, ut ejus oppidis præsidio esset, à militibus reipublicæ & agricolarum manu disiectus interfectusque est, eorum duce capto, ad

urbemque missis. Lemniacum, petente civitate, per legatos ab imperio Veronensium, in quo erat, liberum à Senatu factum est: permissumque iis, ut à magistratibus ab urbe ad se mittendis regerentur. Prætor quoque, qui jus Patavinis diceret, comitiis majoribus creatus est Petrus Balbus, civis prudentia moderationeque insignis, qui haud multo antea illum ipsum magistratum obiebat.

Julius Pontifex Maximus cognitis magna cum molestia reipublicæ prosperis rebus, Dominico Grimano, Hieronymo Donato ad se vocatis, animi ægritudinem dissimulans, ostendit cupere se, ut Taurisum Forumque Julii reipublica ne amitteret: seque ejus rei autorem apud Maximilianum fore pollicetur: atque ad sacra legatos reliquos, qui domi detinebantur, admitti imperat. Ac tum quidem ex Pannonia Guidotii Senatus scribæ, qui reipublicæ negotia procurabat, literis Patres certiores facti sunt, Aloisium regem Gallie, Juliumque Pontificem Maximum omni studio apud Pannonie regem egisse, ut is reipublicæ bellum inferret: perfacile esse, propterea quod reipublica omnes suas opes amisisset, essetque ad extremum redacta casum, ejus oppidis omnibus, quæ in Isthis atque in Illyrico essent, illum potiri: regem tamen aures eorum hortationibus non adhibuisse, neque quicquam contra rempublicam aggredi aut statuere voluisse.

Julii Pontificis simulatio.

Aloisii regis & Julii Pontificis animus in Rempublicam Veneto-rum.

Interim quod Maximiliani copiarum augebantur, eratque Vicetie ejus præfectus Constantinus Cominatus, de quo superioribus libris sermonem habuimus, qui manus cogere dicebatur: Senatus iussit, ut Citolus & Lactantius suorum militum numerum & ipsi augerent, ut essent utriusque ad octingentos. Lucioque Marquetio Bononiensi equitum cataphractorum centum præfecto auctus numerus ad CL. cum liberali stipendio: auctusque Meleagro Foroliviensi, Tadeoque Vulpio Forocorneliensi, qui se amanter fortiterque gesserant. Alexandrino Bigolo autem uni ex Patavinis civibus, qui in Citadelia obsidenda hostibusque vexandis cum agricolarum manu egregiam operam navaverat, uti equites levis armaturæ centum, milites ducentos conficeret, cura data, & stipendium à Senatu missum. Lancilloto etiam Soncinio patri liberisque sex, Patavinis item civibus, qui in partibus reipublicæ constantissimè sem-

Venetorum ad Patavii propugnationem, & hostium ad oppugnationem, apparatus.



per fuerant, fundi aliquot eorum, qui à republica defecerant, dono permitti: tum *Saccardo* uni ex iis equitum cataphractorum centum, & eorum, qui sagittis uterentur, viginti, præfectura tradita. Et quoniam cum *Prospero Columna* confici nihil potuit, *Popule* dominum, qui in *Brutiis* tunc erat, cum equitibus cataphractis trecentenis Senatus conduxit libris auri vicenis & trecentenis annuis: qui tamen postea, *Ferdinando* rege id ei non permittente, domi se continuit. Centuriones etiam & præfecti equitum, qui ad urbem se conferebant, ut stipendia reipublicæ facerent, per plures à Senatu sunt recepti, iussique ut se quamprimum cohortibus turmisque confirmarent, *Pataviumque* proficiscerentur. Inter hæc *Civiale Belunianum* ad rempublicam rediit.

Civitates  
quædam  
ad Rem-  
publicam  
redeunt.

Id cum *Feltrini* cognovissent, & ipsi sponte idem fecerunt. quod quidem etiam in *Noricis* aliquot populi civitatesque imitæ, se ad rempublicam pari studio retulerunt. At *Maurus* legatus, qui, ut *Citadellam* interciperet, eò cum copiis properaverat, reque frustra dies aliquot tentata, quòd oppidum à magna *Hispanorum* militum manu defendebatur, *Taurisum* redierat, præsidio ad oppidum tuendum relicto, cum Imperatore & reliquo exercitu Senatus iussu se *Patavium* contulit. Magnæ enim manus hostium pluribus in locis ad eam urbem obsidendam comparabantur, *Maximilianumque* ipsum eò brevi venturum fama vulgaverat. Eas ob res pedites quatuor mille ex plebe urbana sunt conscripti, quos *Patavium* Patres mitterent.

Cives  
quidam  
suspecti  
detinen-  
tur.

Ex *Patavio* cives permulti, quorum fides atque animus suspectus erat Patribus, ad urbem nominatim evocati, iussique inde, quoad de bello decernatur, non recedere. Idem post dies aliquot de *Taurisanis* civibus nonnullis imperatum.

Res ge-  
stæ in  
*Carnis*.

*Hieronymusque Saornianus*, qui jam antea Patrum missu ad *Helvetios* profectus, eos ad rempublicam juvandam propè armaverat, sed clade exercitus nuntiata, impetrare ab illis nihil postea potuit, quique tum ad urbem redierat, in *Carnos* patriamque suam à Senatu missus est, ut illis in finibus legatis reipublicæ præstò esset. ad quos etiam equitatum Patres miserant, quòd hostes eo quoque ab latere impetum facturi dicebantur. Atque ii paucis post diebus ad *Civiale Carnicum* oppugnandum sunt profecti, tribusque præliis frustra oppidum aggressi, *Joannem Paulum Gradenicum* in *Foroliviensibus* legatum, qui eò venerat, ut ab obsidendo municipio illos averteret, vulnere illato repulerunt. *Tiberto* è *Puriliarum* principibus equitum levis armaturæ ducentorum præfecto, benemerito de republica homine, & *Camillo Malefacto Patavino* totidem militum Centurione cum plerisque viris fortibus interfectis, è vestigioque abierunt. nam dum ii ab oppido digressi in *Gradenicum* impetum faciunt, oppidani egressi hostium tormenta clavis ferreis confixerant, ut eis uti eo tempore non possent. quibus abeuntibus *Portunacenses* ad *Gradenicum* miserunt, seque reipublicæ reddiderunt.

Ex *Benaci* autem ripa vallibusque homines quingenti sponte, ut reipublicæ opem ferrent, se *Patavium* intulerunt: quos *Grittus* legatus liberaliter appellatos, stipendioque dato *Taurisum*, cujus agrum hostes depopulabantur, earum regionum auxilio statim misit: quòd etiam *Maurus* legatus cum equitibus mille ea de causa redierat. *Maximiliani* verò manus, pluribus ex finibus coactæ, fugatis in *Alpibus* reipublicæ copiis primò *Castellum novum*, deinde *Feltriam* recupera-

*Feltria*  
incendio  
vastatur.

verunt, prædaque ingenti facta atque abducta, oppidum incenderunt. Eo incendio turris portæ oppidi imminens concidit: qua in turri carmen solido in lapide legebatur, antiquitate mira præditum: is lapis igne absumptus haud parvo civitatis desiderio interiit. Carmen erat ejusmodi:

*Feltria perpetuo nivium damnata rigori,  
Fortè mihi posthac non adeunda, vale.*

Carmen  
antiqui-  
tatis.

Supra carmen *Julii Caesaris* nomen erat inscriptum.

*Cretensibus*, ubi de *Gallorum* victoria deque defectione oppidorum est allatum, magno ex eare morore affecti, domi se universi plures dies continuerunt: scriptisque ad illos à præfecto classis literis, uti vellent ad *Cyprum* insulam firmandam, nequis eam vicinorum regum aggredi audeat, tam afflictis reipublicæ rebus præsto esse, ex sese libras auri centum sexaginta ad triremes, gripas, reliquasque naves armandas, atque in *Cyprum* celeriter mittendas curaverunt.

*Cretensibus*.

Inter has jactationes alternosque fluctus reipublicæ *Franciscus Mantuanorum* dux à *Maximiliani* ducibus stipendio *Veronæ* accepto, quod quidem illi à civitate nullo more perque vim exegeant, cum equitibus sexcentis octavo Iduum Sextilium sese *Mantuum* referebat. Ea de re *Grittus* legatus ab amicis reipublicæ antea certior factus, *Lucium Bononiensem* cum equitibus sexcentis, ex quibus erant *Epirotæ* ducenti, & *Citolum Perusinum* cum militibus octingentis, transverso itinere *Lemniacum* præmisit: qui eò ejusdem diei sole abeunte cum venissent, missis qui vias custodirent, ne quis ad *Franciscum* nuntius afferretur, ante Solis ortum interius in fines *Veronensium* ad pagum, quo in pago erat dux, magnis itineribus contenderunt: impetuque facto illum seminudum, ut se repente expergefactus domo ejecerat, atque in mili segetem abdiderat, agricolarum indicio repertum, unà cum suo comitatu omni, interfectis iis, qui se defendere institerunt, & equorum peregrinorum magno numero, & majore stipendii parte ad libras auri octoginta, argentique in mensam affabrè cælati gravi pondere: statimque cum præda captivisque reliquis *Patavium* adduxerunt, Præda inter omnes divisa: ipse *Venetias* perductus, atque in Comitii turricula custoditus, haud minimæ civitati lætitiæ ex inopinato fuit. Neque multò post *Hieronymo Pompeio Veronensi*, qui cum equitibus levioribus stipendia reipublicæ faciebat, quòd is à fratribus, qui *Veronæ* erant, de *Mantuanorum* ducis abitu cognoverat, legatoque indicaverat, equites gravis armaturæ à Senatu additi: agricolisque, qui illum latitantem reipublicæ militibus ostendissent, immunitas pensioque annua, quas posteri eorum sequerentur, dono data. ipsi veste liberaliter induti, aurique libra itineri domum inter eos divisa. Deinde cum *Pompejus* ipse ad urbem venisset, uti ei fratribusque ejus quinque auri libræ, sex singulis annis curarentur, castellumque *Lasium*, cujus in finibus prædia eorum erant, dono eis daretur, *Decemviri* sanxerunt. *Marco* etiam *Ariminensi* Centurioni reipublicæ, *Lemniaci* qui erat, ad eamque rem faciendam & studio & diligentia usus fuerat, duæ auri libræ pensionis nomine annis item singulis, quoad viveret, constitutæ: auctusque militum numerus ad alteros totidem. Latum etiam, ut ei Centurioni civi *Patavino*, cujus fratres legato oppidi portam aperuerant, ex eorum bonis, qui hostes reipublicæ fuissent, proventus annuus attribueretur, quo se liberaliter familiamque suam aleret. Idem munus ex *Taurisanorum* reipublicæ hostium bonis, domusque percommoda in oppido, atque immunitas onerum omnium,

*Franciscus Mantuanorum dux à Venetiis capitur.*

Reipu-  
blicæ *Veronensium*  
in bene-  
meritos  
pietas &  
liberali-  
tas.



omnium, quam posterius ejus sequerentur, *Marco Pelliciaro* civi *Taurisano*, cujus virtute ac fide civitas in officio erga rempublicam se continuerat, utque ipse in suæ civitatis Senatum extra ordinem legeretur, datum. Atque ad hæc Senatusconsulta illud quoque Patribus frequentissimis est additum: cujuscunque rebus atque fortuneis damnum aliquod ab hostibus aut illatum jam sit, aut deinceps inferatur, rempublicam spondere ac polliceri, sese ei bello confecto æquis factis æstimationibus omne detrimentum sarcitutam. Cujus rei edictum, publicè *Pata-vii* propositum, ubi est ab hominibus auditum, Senatusque in suos ea pietas & liberalitas cognita, tantus subito cives plebemque omnem atque ipsum etiam exercitum benevolentiae in rempublicam sensus atque lætitia tenuit, ut magna alacritas oppidi defendendi omnium sit animis innata, omnesque ad omnia pericula subeunda multò audentiores & paratiores fierent.

Maximilianianae copiae Pata-vium oppugnant dum ag-grediuntur.

*Maximilianianae* copiae, reliquis municipiis eo ab latere captis, ad vicum *Aggeris* profectæ, qui abest *Pata-vio* vicus duo millia passuum, à *Medoac* quoque flumine interfecatur, pontem qui in vico est, occupaverunt, atque ex iis nonnulli equites usque ad oppidi portam cucurrerunt, repulsique sunt à reipublicæ militibus, qui in porta stationem habebant. Est ad *Medoacum* sex mille ab oppido passus, quæ flumen dividitur, parsque fluminis altera recto cursu *Venetias* versus, altera pars *Pata-vium*, circuminterque vecta ambæ ad *Stratam* vicum se conjungunt, atque in unum redeunt, arx antiquitus instituta, ne repentinis hostes incursionibus illam fluminis partem, quæ *Pata-vium* tendit, derivare in alteram possent: quod quidem non difficile factu est, nisi arx impediatur, propterea quod ea fluminis pars, quod multò breviorum cursum habeat, trabibus in flumine infixis, ac mole lapidea inter trabes excitata retinetur, quoad per trium ferme cubitorum rimam perviam, quæ visa est, aquæ pars delabatur, reliqua sustineatur ad *Pata-vium* irrigandum: ea si moles non sit, omnis fluminis vis in breviorum alveum, qui demissior est, sese fundat, neque pars aquæ ulla *Pata-vium* perveniat. Is locus pagusque *Limen* appellatur. Ad arcem itaque *Limenis* capiendam omnis hostium exercitus, ad quem jam *Maximilianus* venerat, paucos se post dies contulit. Erant in arce milites CL. II, quod arx satis communita non esset, dum quid agant consulunt, hostes intromissi eos propè omnes interfecerunt. Arce capta *Maximilianianae* milites mercede proposita molem interficere aggressi, cum partem ejus dejecissent, flumenque pro ea portione averteretur, constaretque omnibus, si pergerent dejicere, totum flumen ea descensurum: *Maximilianus* operas ab incepto revocavit, imperavitque, ne quis molem ulterius dejiceret: neque tamen quisquam scire potuit, quam ob rem *Maximilianus* id jussisset, ita ea fluminis pars, quæ *Pata-vium* defluebat, nunquam postea defluere univèrsa desiit. Cæterum cum vidisset *Bacillionem* etiam flumen, quod in agro *Vicetino* ortum habet, quinque millia à *Pata-vio* passuum ad pagum, qui *Longare* appellatur, dividi, ejusque partem *Ateste*, partem *Pata-vium* deferri: uti hæc quoque pars *Ateste* deflueret, eam interciperent sunt conati, ne quæ *Veneti* ejus fluminis aqua ad *Pata-vium* tuendum uti possent: sed ab equitibus reipublicæ sæpe vexati, sæpe comitatibus interceptis, sæpe captis non gregalibus modò ex ipsis magno numero, sed præfectis quoque, incepto desisterunt. Inter captos *Manfredus Facinus* fuit, qui spreto jurejurando, quod legato *Gritto* dederat, iterum cum hostibus se conjunxit: ei est

Arx Limen.

Manfredus Facinus per-jurus suspenditur.

A ob perjurium *Pata-vii* laqueo gula fracta.

Hostes post hæc, quod erat eo ferè ab latere municipium *Monfilice*, quod abest *Pata-vio* decem millia passuum, monti præcelso adjacens, in cuius summo vertice est arx, quæ muro ab utraque parte ducto cum oppido conjungitur: cum *Ateste*, quod nemo defendebat, antea cepissent, se *Monfilice* contulerunt, oppidumque magno impetu aggressi ceperunt singulari *Hispanorum* militum virtute, qui ad arcem per montis crepidines repserant, elusis reipublicæ qui in ea erant militibus præfectisque, arcem posse capi non verentibus; ii enim cum ad priorem ejus partem, quam tormentis antea perforaverant, se ostendissent; per posterioris angulum, qui nudus à propugnatoribus relictus fuerat, pauci se in murum improvise intulerunt, deque muro in arcem dejecerunt: ad quos reliqui convolantes perterritis omnibus magna cæde facta, arcem tenuerunt, oppidumque diripuerunt: *Danielemque Maurum*, & *Petrum Gradonicum*, quorum alter *Atestinis* prætor fuerat, captoque municipio fugiens *Monfilice* se intulerat, alter ibi magistratus erat, captivos fecerunt.

Municipium *Monfilice* à *Maximilianianae* militibus occupatur.

Eo successu fretus *Beraldus Patavinus*, qui stipendia *Maximilianianae* faciebat, *Montanianum* municipium cum militibus accedens, uti se dederent, oppidanos est hortatus. Ii velle se imperata facere simulantes, *Beraldum* cum iis, quos visum est, equitibus intromiserunt, portæque rete ferreo repente demisso, ipsum vulneraverunt, captivumque cum plerisque fecerunt: reliquos interfecerunt.

*Montanianum* municipium.

*Glassium* quoque *Pium* in *Patavinis* montibus cum sua equitum turma & *Maximilianianae* militibus iter facientem, agrestes homines congressi occiderunt. equites XX. & milites LX. captivi facti. *Nicolaus* imperatori, quod ejus stipendiorum cum republica renovandorum tempus appetebat, eadem est in annum potestas dilata, decemque auri libræ singulis mensibus in victum à Senatu constitutæ.

*Maximilianus*, qui tormenta gravi ære permulta ad muros *Patavinos* verberandos domo ad se comportari imperaverat, dum ea per *Alpes* magna difficultate convenerunt, modò ad hanc, modò ad illam suburbani agri partem exercitum circumtulit, ne frustra tempus terere videretur: vel etiam, ut plerique crediderunt, ne cognoscere *Veneti* possent, quo ab latere ille quater oppidum vellet, ut dum omnia latera omnesque muri partes munitionibus firmandas sibi esse intelligunt, pro oppidi magnitudine diligenter muniant. Ea res, quod flumina omnibus regionibus agrum interfecant, pontesque sæpe erant reficiendi, magnam difficultatem atque moram afferebat: simul equites *Epirotæ*, quorum erat cum magnus in oppido numerus, tum virtus atque industria singularis, improvisis incursionibus neque die neque nocte ullam hostibus quietem relinquebant, quotidieque cum præda, cumque captivis in oppidum revertebantur. Unum fuit magno usui, quod plurima eo tempore ad *Maximilianum* auxilia convenerunt: nam & *Aloisius* rex duce homine impigro, qui *Palitiæ* principatum obtinebat: & *Julius* Pontifex Maximus & *Alfonsus Ferrariensis* dux magnos equitatus & peditatus ad illum miserunt. His præerant ab *Julio Ludovicus Picus*, qui bello *Mirandulam* fratris oppidum occupaverat: ab *Alfonso Hippolytus* ejus frater, qui erat in Cardinalium collegio, magna animi ostentatione vir, magna sui confidentia, bellicarum rerum non ignarus. Venerant eodem præter hos omnes ferè *Italiæ* aliarumque nationum principes suis expulsi regnis cum ea copia, quam cogere majorem poterant.

*Maximilianianae* auxiliares copiae.



Veteto-  
rium ap-  
paratus  
militaris,  
& exer-  
citus.

tuerunt : præfecti Centurionesque cum turmis cumque militibus sua etiam sponte plerique. Ex *Germania* verò *Galliaque Maximilianus* ingentes copias adduxerat cum ex omnibus propè regionibus, tum verò ex *Sequanis* optimum & plenissimum equitatum : ut universum ejus exercitum octogies millies hominum numerum supergressum opinio tenuerit. ad quem quidem *Veneti* sustinendum nihil non curæ diligentiaque jampridem adhibuerant : nam & sat magnam bonorum militum manum ad se confluentium, & equitatum utriusque armaturæ, quanto opus erat, *Patavium* intulerunt, eisque tribunos & præfectos fortissimos lectissimosque homines dederunt : & omnes ferè navalium urbanorum operas, quas antea oppido recuperando eorum magistratus *Patavium* subvexerat, iterum eò redire voluerunt, permanereque quoad oppidum defendi opus esset. Præter hos sagittariorum è plebe urbana, atque ab *Epiro Græciaque* plurimis cohortibus evocatis, dato stipendio idem uti facerent mandaverunt : ut essent milites omnes numero ad millia quatuordecim, equites cataphracti ad sexcentos, *Epirotæ* ad septingentos, qui sagittis uterentur ad quingentos. Ex nobilitate quoque primarii adolescentes permulti reipublicæ hortatu se in oppidum inferre non dubitaverunt cum suo armatorum comitatu singuli : ut plerique Senatorum & magistratuum liberi ea obsidione, quos oportuit, militiæ labores & ærumnas forti animo pertulerint. *Lauredanus* quidem dux princepsque civitatis duos ibi filios & ipse in armis habuit : quos perplures item ex nobilitate cives comitati, haud parvum clientum militumque numerum secum adduxerunt. Ad priores etiam legatos *Gritum Maurumque* tertium legatum *Joannem Paulum Gradonicum*, cui ex vulnere ad *Cividale Belunianum* in vitæ periculum adducto *Franciscus Capellus* legatus successerat, Patres addiderunt, qui labores & vigilias inter se partirentur. Postremò tormenta omnis generis, arma omnia, vectium, ligonum, reliquique ad terram fodiendam instrumenti vim ingentem, cumque iis frumenti magnum numerum, cæterosque abundè commeatus ad inopiam levandam *Patavium* importari curaverunt. quibus rebus omnibus accessit, ut quoniam agrestes homines, quòd essent reipublicæ amantissimi, passim ab hostibus diripiebantur, vulgoque in vinculis atque in omni supplicio detinebantur, ut plerique vitam cruciatibus amitterent, non parvus eorum numerus, ut tuti esse possent, se in oppidum intulerit, qui munitionibus instituendis magno reipublicæ usui ad celeritatem fuit. Illa quoque non postrema Patres cura cogitatioque tenuit, propterea quod existimabant ea bina flumina, quæ *Patavium* inferuntur, de quibus supra dictum est, esse hostes primo quoque tempore averfuros : ne tanta hominum multitudo farina deficeretur, uti molæ frumentariæ, quas jumenta verterent, omnibus in oppidi regionibus & vicis ædificarentur : nam plurimæ, antiquitus in oppido quæ erant, aqua subtracta ulli esse usui non poterant. demum, quòd omni ab oppidi latere omnesque ad portas erant prooppida in agrum porrecta longo pleraque tractu ongisque viis, quorum partem *Patavini Venetique* cives animi causa magno sumptu exædificaverant, cum sacris ædibus ac fanis : ea prooppida, ne hosti receptacula munitionesque præberent, legati dirui mandaverant. Sed ea res parva erat ex parte confecta, cum *Maximilianus* singula oppidi latera quinque fluminum alveis transmissis circumvectus, urbis situ undique perspecto, uno in loco omnes suas copias continere, ut à captivis cognitum est, oppidumque aggredi collectis viribus statuerat. Quod ubi

A Patres intellexerunt, alios decem ex nobilitate cives *Patavium* miserunt, qui cum obæratibus & clientibus suis fide præstantibus, ad omnia obcunda munera legatis præstò essent. Iis oppidum ingressis ratio inita est, qui numerus nobilium ad obsidionem sustinendam se *Patavium* intulerit : ii fuerunt centum septuaginta sex : quique item ex plebe optimorum civium : sed is exiguus fuit. Iidem Patres, quòd ægerrimè ferebant ab *Alfonso Hippolytum* fratrem magna cum manu ad *Maximilianum* auxilio missum, omnemque ei commeatum ab illius finibus, omnes ad tormenta exercenda res *Ferraria* subministratas, triremes quinque à *Tergefinis*, quos obsidebant, evocatas, atque è navalibus navigiola perplura educta atque adornata, fossam *Clodianam* progredi jusserunt, ut *Pado* subvecti in *Alfonsi* fines impetum facerent. Progressis, quoniam *Maximilianum* omnem suam copiam, omnes opes, *Patavium* ut caperet, brevi explicaturum constabat, Senatus ad earum præfectum *Hieronymum Contarenum* misit, ut *Patavium* legatis auxilio cum classiariis contenderet : atque is itatim naviculas conscendens, flumenque *Medoacum*, ubi in mare influit, ingressus, eo festinanter superato, armatos homines quingentos, ex quibus erant sagittarii *Cretenses* plerique, ex sua classe in oppidum intulit : Iisdem diebus *Petrus Pascalicus* à Senatu lectus est, qui ad regem *Pannoniæ* in foedere, quo cum republica plures annos fuerat, continendum proficisceretur : valde enim illum & *Julius*, & *Aloisius*, uti supra demonstravimus, & cum iis unà *Maximilianus* per internuntios, perque literas hortabantur, atque obtestabantur, ut bellum inferret reipublicæ.

In *Forojulensibus* autem, & in *Carnis*, ab hostibus, qui *Goritia* reliquisque *Maximiliani* ex finibus earum regionum coacti reipublicæ ditionem invaserant, nihil est cessatum : pluraque oppida & castella, cum incursionibus & vicorum incendiis,

Res in  
Carnis  
gestæ.

D tum castris & tormentis positus sunt ab iis tentata, nonnulla capta & diruta : molestique sæpe nuntii ad urbem in *Patavinum* bellum suspensam & occupatam, præfectorum & legatorum literis allati, graves tumultus & querelas excitaverunt.

Quibus in rebus præclara *Hieronymi Saorniani* virtus fuit, qui suorum clientum & agrestium ac montanorum hominum manu omnes ferè hostium impressiones atque impetus audacissimè sustinuit, itaque postea pridie calendarum *Octobrium*, quo die antiqua consuetudine cives sexaginta majoribus comitiis creantur, qui annum in Senatu sint, eum is honorem est adeptus, atque ita quidem adeptus, ut omnes cives principesque civitatis suffragiorum numero vicerit : quæ res antea nunquam acciderat, ut cujus majores domicilium extra urbem semper habuissent, ipse in urbem suis modò temporibus, ac per occasiones, ventitaret, in Senatum legeretur. Ut autem pluribus etiam suffragiis, quàm ullus alius, eam rem consequeretur, id verò magnopere mirum omnibus atque inauditum fuit : sed etiam comitiorum & civitatis in illum benevolentiam paulò post ea res etiam auxit, quòd is *Castellum Novum*, egregium in *Carnis* municipium, peropportune ab hostibus custoditum, magno animo aggressus, tormentis celeriter prolatis, muroque verberato, ad deditionem, nulla neque rerum neque salutis conditione interposita, compulit.

*Hieronymi Saorniani* res pro reipublica fideliter gestæ.

Erat *Fori Julii* æger *Franciscus Capellus* legatus, neque exercere se poterat : quod ubi Patres cognoverunt, *Aloisium Delphinum* ei legatum è vestigio submiserunt.

Aucta verò paulò post suspicione, *Patavio Tauris-*  
ma-



magnopere communito, *Maximilianum* suas copias ad *Taurisum* obsidendum velle convertere, Patres *Aloisium Mocenicum* magna cum potestate legatum eo miserunt, oppidumque rebus omnibus munire decreverunt. quod cum esset difficile, exhausta & pecunia & militibus & plebe ad bellum idonea civitate, magnam ea res perturbationem afferebat: quam tamen sublevabat, Patres certiores esse factos, aquam *Silis* fluminis, quod non longè ab oppido multis fontibus largiter ex terra exit, posse munitionibus adeo sustineri, ut quingentos eoque amplius circa oppidum passus majori ex parte ager sub aqua redigatur, ne hostibus ad murum accedendi facultas sit: easque munitiones propè confectas esse.

*Maximilianus* autem, siue id nunquam in animum induxerit, siue desperarit posse ad exitum perducere, exercitus sui partem ad eam agri *Pata-vini* regionem, quæ ad *Fossam Clodiam* mareque pertingit, fertilissimam scilicet pecorisque plenissimam, quod sua illò reliquarum regionum homines armenta contulerant, prædatum misit: qua ex re tanta agrestium multitudo cum conjugibus ac liberis, cumque ea, quam subito abripere secum suppellectilem potuerunt, missis ad eos publicè naviculis, fuga se in urbem contulit, loca ut publica omnia porticusque ac fana & privata domus plurimæ ea turba complerentur. Iis Senatus reipublicæ pecunia com-  
meatum dari iussit, quoad hostium discessu liberum illis reverti domum fuit.

Post hæc ad *Medoaci* munitionem, quæ cymbæ ad urbem transmittuntur, omnesque ad illud vadorum urbanorum latus hostes plurimas incursiones multis & illatis & acceptis detrimentis cum fecissent, castra quamproximè potuerunt ad muros *Patavinos* à Septentrionibus posuerunt, & tormentis oppidum quater verberareque cœperunt, tametsi à militibus reipublicæ haud parva cum clade repulsi sæpe fuerint. *Maximilianus* ipse in templo *Carthusiano*, quod templum oppidani non diruerant, medio ferè castrorum spatium confedit. Erat ab ea regione portæ oppidi proxima turris terrea muro conjuncta, sed in agrum exporrecta, quantum ejus spatium in latitudinem patebat, pedes propè quatercentum, quam magna celeritate ac diligentia imperator legatique excitari mandaverant, ut esset toti ei lateri contra hostium exercitum munitione ad eorum impetus repellendos: ad eamque conficiendam non agrestes modò homines militesque reipublicæ operam navaverant, sed cives etiam ex nobilitate *Veneti*, atque ipsius *Lauredani* principis liberi suis terram manibus convexerant. Ei turri *Citolus Perusinus* cum militibus mille præpositus, *Gallos* atque *Germanos* ex hostium copiis aditum incursionesque tentantes, sæpe rejecerat. quod agrè passus *Maximilianus*, *Hispanis* militibus ad se vocatis, magnis propositis præmiis eos incendit, ut aggredi capereque munitionem vellent. Erant autem milites ii ex omni numero virtutis opinione facilè principes: qui re magno animo suscepta, quinque signis ad munitionem se audacissimè contulerunt: reliquæ copiae in armis non longè ab illis se continebant, ejus rei finem opperientes, si negotium ab *Hispanis* perficeretur, sese in oppidum confestim illaturæ. *Citolus* suos silentio adhibito intra munitionem versari jubet, resque ad ignem celeriter comprehendendum idoneas in vallo disposuit: atque in illos, qui scalis positos, nemine repellente, omnibus a partibus se in munitionem inferebant, ubi constiteret, ignem succendit: à quo plurimi correpti sunt: reliquos acerrimè invadit, omnesque interfecit, dejecitque: simul tormentis in proxi-

A mos emissis, eos fugæ dat, ut se ad *Maximilianum*, magna clade accepta, retulerint. Etiam *La-etantius* egredi ausus usque ad hostium munitiones accessit, cædeque facta, & tormentis hostium confixis, pulvereque ad ea exercenda partim succenso, partim abducto, nullo ex suis desperato, in oppidum rediit. Is eventus rerum certam propè spem inclusis attulit, nihil regem in ea obsidione profecturum.

At legati, quod stipe, quam darent exercitui, plures dies caruerant (nam propter hostium excursiones suspectaque omnibus à regionibus itinera nihil afferri poterat) missis tandem ad Senatum internuntiis, quo id pacto fieret, constituerunt, itaque Senatus aurum in stipendia ad *Medoaci* ostium, quod est ad *Fossam Clodiam* quinque millia passuum, in *Decemvirum* naviculis misit: ibi equites *Epirotæ* ex oppido noctu emissi trecenti eam stipem acceperunt, atque inter se ita diviserunt, ut qui velocioribus equis uterentur, eorum quisque ejus pecuniæ partem ferret, ut si hostes in reditu eos adorirentur, reliqui prælium committerent, impetumque sustinerent, si se fuga hostibus eriperent, atque in oppidum contendere perseverarent. *Epirotas* autem equites *Lucius Bononiensis* cum equitibus gravioris armaturæ ducentis, paucis est post horis subsequutus, ut cum illis revertentibus se conjungeret. atque ut hostes, si se adorirentur, eluderet, duos magnopere valentes mulos sacculis arenæ plenis ad speciem atque similitudinem pecuniæ dorso impositis medio in agmine secum duxit: qui quidem muli magno ei usui fuerunt: hostes enim per exploratos de ea equitum reipublicæ protectione certiores facti, medio ferè in itinere ingenti equitatu circumfuso ita se undique in nostros redeuntes intulerunt, ut iis, qui stipendium ferebant, facultas fugiendi non daretur, sed omnes peræquè sese defendere, manusque conferere cogerentur. Verumenimvero ubi illos in mulis sacculos hostes medio in prælio viderunt, eam illam esse prædam, quam petebant, rati, magna se pars ad eos capiendos convertit, ut reliquis minus negotii ad se defendendos relinqueretur. *Epirotæ* autem qui cum mulis erant, neque numos ferebant, ut hostes longissimè ab reliquis abducerent, quemadmodum *Lucius* initio constituerat, fugæ se finistrorsum per campos unà cum illis raptim dederunt: quos quidem hostes plura passuum millia consequuti, tanta celeritate uti tamen non potuerunt, ut eos assequerentur, quoad emissus oppido ab legatis, id futurum opinantibus, equitatus recentissimus salutis atque præsidio illis fuit. *Lucius* ea de re atque consilio magnam ab legatis atque ab omnibus laudem, optimum sui laboris fructum, tulit.

Milites deinde *Hispani* LX ex *Maximiliani* exercitu perfugæ in oppidum à legatis recepti sunt, stipendiumque eis datum. Diebus autem insequentibus non semel eam, de qua supra dictum est, turrim *Maximiliani* milites omnium gentium aggressi, præterquàm quod *Citolus* vulneraverunt, eundem reliquis in rebus eventum habuerunt, quem *Hispani* antè habuerant. Et murus oppidi eo ab latere diu multumque verberatus, tametsi longissimo spatium conciderat, tamen & hostibus ipsa ejusmodi ruina ascensum impediabat, & oppidani eodem tempore intra murum fossam & vallum efficiebant: quibus rebus muro ipso longè tutior ab iis defendendi sese ratio institutioque comparabatur. Uni tamen tormentorum generi adhiberi remedium non potuit, ne urbi noceret: quod quidem erat ejusmodi, ut pilam lapideam sesquipedis crassitudi-

Stratagemata aliud.

Tormenti genus maximè nocens.

Pata-vium à Maximiliano machinis oppugnatur.

Stratagemata Citolus Perusini.



ne in sublime ad fastigii speciem magno cœli tractu propelleret: ea intra oppidum pila ex alto cadens domorum tecta contignationesque perforabat, latèque vastabat, cum eorum, qui suberant, interitu, ruinamque inopinantibus afferebat. Sæpius tamen accidit, ut in vias atque in fora & aperta ædium eæ pilæ, quàm in tecta cœtusque hominum deciderent. Quas ad res omnes *Maximilianus* illud etiam addidit, ut literas sagittis alligatas intra oppidum mitteret, quibus literis oppidanos hortabatur, ut à republica deficerent, plurima eis atque ingentia pollicitus, si ita fecissent: sed cum ea quoque re nihil proficeret, singulis autem diebus plurimi ex ejus exercitu vel tormentis interficerentur, vel ab *Epirotis* equitibus caperentur, commeatusque interciperentur: timeret etiam propterea quod perpetua serenitate usus fuerat, si pluviae, ut plerumque accidit, cum per diu cœlum siccum fuit, magnis tempestatibus deciderent, fore ut relinquere tormenta *Patavio* decedens cogere-  
 tur, quæ reportari impeditis itineribus non possent (ita fiunt brevi tempore imbribus cadentibus lutosæ omnes circa oppidum viæ) ad diem sextum Nonarum Octobrium sublatis castris *Meduacum* ad vicum *Aggeris* trajecit, pontemque rescidit: deinde itinere lentissimo *Vicetiam* se contulit, atque à civitate honorificentissimè receptus, manere tamen in oppido noluit. At *Alfonsi* copiae cum domum versus cum impedimentis iter facerent, equites levissimi *Patavio* emissi impressione in eos ad castellum *Bovolentiam*, quod abest *Patavio* passuum millia duodecim, cæde-  
 que facta, milites ex iis centum, equites sexaginta, centurionemque ipsum, qui castellum custodiebat, & præfectum equitum captivos fecerunt. *Alfonsi* frater vix ægrèque fuga se hostibus eripuit. castelloque capto, magno frumenti numero, magno multarum rerum commeatu, tormentisque triginta cum jumentis curribusque sunt potiti: iisque *Patavium* adductis, frumentum omne, ut esset agrestibus hominibus inopiæ levamen, ibidem dereliquerunt. *Joannes Græcus* ab *Julio* dimissus, vulnere levissimo accepto, eam rem confecerat. *Hippolytus Montanianum*, ut eo in loco reliquum eventum rerum opperiretur, se contulit.

Discessu in urbe *Maximiliani* cognito, ob agrestium in rempublicam fidem Senatus jussit, ut annum totum nemo ex iis qui deberet, à creditoribus ad solvendum cogi posset: agrestesque in urbe qui erant, triduo reverti domum jussi. Hostibus progressis, animadversum est eos sub terra tabernacula habuisse, ut tormentorum ex oppido verberationes evitarent: cuniculosque per plures, ut occultè muro appropinquarent, effecisse. Tellus ipsa odore tetro infecta, sanguinem necemque redolens, cadaveraque omnibus in locis jacentia horridum spectaculum habitumque toto ab eo oppidi latere ac regione multos dies præbuerunt.

Senatus ubi cognovit templum *Carthusianum*, cujus diruendi facultatem legati non habuerant, magno usui *Maximiliano* fuisse, firmæque ei munitionis & castelli instar præbuisse, arborumque magnam vim sæpe hostes reipublicæ militibus occultavisse, sæpe à tormentorum ictibus defendisse, legem scivit, ut à portis mœnibusque mille & quingentos circa *Patavium* passus quoque versus ædificia omnia eorum domini solo æquarent, arboresque cujusque generis succiderent, lateres, regulas, marmora, ferramenta, materiam aridam viridemque, quod vellent, asportarent: qui id intra dies præstitutos non fecisset, illius ejusmodi fisco omnia cessura: maximè enim

A voluit, ea ut planities spatiumque ab omni re, quæ umbram faceret, essetque solida ac resistens, nudum vacuumque permaneret, ne *Patavium* ullo cum hostium comodo, aut præsidio amplius obsideri posset: eaque postea lex ad hoc usque tempus sancta inviolataque semper fuit.

Eodem tempore, quod hostes in *Liburnis* reipublicæ fines longè latèque vastabant, *Raspm-que* municipium ceperant, rogatio est in Senatu lata, ut *Aloisius Delphinus*, in *Forojulienibus* legatus, cum *Epirotis* equitibus & manu reliqua eò celeriter contenderet. Interim *Angelus Trivisanus* ab *Illyrico* ad *Isiros* classẽ triremium quindecim, cui præerat, à Senatu jussus contulit: *Flumen-que* municipium, quod superiore anno captum reipublica *Maximiliano* restituerat, audacissimè aggressus, interfectis repulsisque propugnatoribus, & scalis ad murum positis, paucarum horarum spatio cœpit. milites remigesque illati cæde facta oppidum diripuerunt: qua in direptione cum vidissent reipublicæ insignia, quæ in foro posita fuerant, fœdè diruta deletaque ab oppidanis fuisse, indignatione perciti oppidum incenderunt. Idem de arce, cujus præfectus eodem se die dedit, animorum ad ulciscendum ardore nequedum sedato, fecerunt.

C Iisdem diebus cum ad urbem *Hieronymus Saornianus* venisset, in Senatu cum reliquis, qui eo munereungebantur, affuit: nam (ut supra diximus) senator suffragiis declaratus fuerat. Accidit autem, ut eo ipso tempore cum magistratum à Senatu creari necesse esset, qui magistratus rationes tabulasque militares conficit, quibus in tabulis nomina eorum, qui stipendia reipublicæ faciunt, continentur, exercitibusque conscribendis, aut omnino recensendis, probat, rejicitque quos vult: quem Collateralem appellant *Veneti*: creaturque perpetuus: quas ob res magna est is apud exercitum autoritate, magnoque apud rempublicam in honore, & nomine. Eum magistratum cum legere Patres vellent, omnia ferre Senatorum suffragia *Saornianum* renuntiaverunt, hominis honori dignitatieque faventium: qui Senatui parens, ad exercitum munere obeundo *Patavium* est profectus. At in *Tergestinorum* finibus noctu manus hostium, quæ prædatum oppido exierat, interfecta est à reipublicæ militibus, & capta: pauci silvarum & noctis auxilio se occultaverunt, cladisque nuntium oppidanis attulerunt.

E Cognita interim cum *Maximiliani* mora medio inter *Vicetiam* *Veronamque* itinere, tum *Hippolyti* ad *Montanianum* oppidum cum suis copiis sessione, legati *Lemniaco* veriti, quod inter utrosque ferè erat, milites quos oportuit eò miserunt, oppidumque munierunt. Id *Hippolytus* intelligens linguam non continuit, questusque est, gravi addito ad querelam maledicto, ejus rei, quam se brevi posse consequi confidebat, eventum sibi è manibus ereptum fuisse. ea hominis in rempublicam maledicentia Senatus cognita, *Alfonsique* studium obsidendo *Patavio* adhibitum repetens, ad illam cogitationem rediit, ut utriusque plena odii facta atque consilia quamprimum vindicanda omnibus sibi esse modis statueret: itaque literæ secretò ad *Angelum* præfectum classis datæ, *Fossam Clodiam* classẽ celeriter adduceret: atque uti navigia minora *Pado* flumine subvehenda in navalibus confestim ædificarentur, præfectis eorum imperatum, ad simulationem *Tergestinis* obsidendis: utque is sermo in vulgus efferretur, ne cognito reipublicæ consilio suos fines *Alfonsus* præmuniret, Patres curaverunt. tametsi *Angelus* propterea quod ad *Raspm* perandam *Delphinus* legatus & *Franciscus Pasca-*

Res gestæ in *Liburnis*, *Illyrico*, *Isiris* & *Forojulienibus*.

Collateralis magistratus perpetuus.

Literæ sagittis alligatæ.

*Maximiliani* à *Pata-vii* oppugnatione discessus.

*Patavini* hostium prædâ potiuntur.

Lex de ædificiis & arboribus circa *Pata-vium* removendis.



licus equitum *Epirotarum* præfectus cum suorum manu & classiariis eo se tempore conferebant, quod quidem paulò post primo impetu ceperunt, tardior ad eam rem fuit.

Maximiliani discessus.

*Maximilianus* missis ad *Gasparem Severinatem*, quem *Vicetiae* oppidi præsidio reliquerat, militibus *Germanis* tribus millibus, *Veronam* adiit, pauloque post cum paucis equitibus se *Tridentum* contulit: ad quem uxor ejus eodem venerat. De ea re Senatus per exploratores certior factus, simul reipublicæ amicorum literis admonitus, *Vicetinos* ob *Maximiliani* præfectorum quotidianas direptiones, quas quidem propterea, quod nulla eis ab rege stipendia persolvebantur, in oppidanos exercebant, ita esse animatos, ut si ad eos exercitus reipublicæ mittatur, fore ut eum in oppidum recipiant: pluribus biduo dictis sententiis, uti legati ad *Vicetiam* recuperandam omni cum exercitu proficiscerentur, tandem censuit. quodque ad eas res quæ parabantur, magno auri pondere respublica indigebat, legem scivit, quam postea majora comitia probaverunt, uti magistratus omnes sine ulla stipe reique publicæ impensa sex à Calendis Novembris menses obirentur: nam tributa quidem exigi amplius propè non poterant, excussa prorsus jam tot in ærarium collationibus, tot privatim dispendiis civitate: constabat enim subductis rationibus undecies millies in id bellum auri libras rempublicam insumpsisse: multumque per sese civium plurimos, obsidione *Patavina* sustinenda, multum suorum fructuum direptionibus, & propinquorum, quos captivos hostes fecerant, redemptionibus amisisse. Imperator legatique Senatus voluntate intellecta, recensò exercitu, qui erat præter equites, militum octo millium, *Citolo*, qui ex vulnere nondum convalescerat, & *Lucio* & *Joanne Græco* oppidi præsidio relictis, *Patavio* exierunt, atque ad *Camisanum* vicum in *Vicetinis* finibus castra posuerunt: cum quibus *Tauriso* profectus *Petrus Marcellus* legatus, milites mille, equites *Epirotas* tum quinquaginta, copiasque alias conjunxerat. postero die omnes ad eam oppidi portam, qua *Patavium* aditur, se ostenderunt: & quod murus eo ab latere vetustate dirutus propè intermittebat, fossæ aqua, quæ pluvii creverat, magna difficultate superata, paucis *Germanis* defendentibus, *Naldius* cum suis militibus se in prooppidum injecit: *Gasparemque Severinatem*, qui ut *Venetos* repelleret, cum turma equitum eo properaverat, prælio commissio, disiectis primo impetu quamplurimis militibus, interfectis perpaucis, tandem in oppidum repulit: *Naldique* peregrina ea in re virtus fuit. alio ab latere *Laetantius* muro tormentis perforato, atque immissis per foramina militibus, magnum timorem *Germanis* propugnantibus injecerat: quæ quidem prælia nox diremit: & nisi diem totum ingentes pluviae vias omnes foedavissent, fossas opplevissent, difficilioremque militibus pugnandi rationem, & murum verberandi tormentariis effecissent, urbs eo die capi facile potuisset. *Naldius* tamen & *Laetantius* cum suis cohortibus, ab iis ubi pugnaverant locis, ea nocte non discesserunt, portasque oppidi atque fossas obsederunt. Erat unus intus civis *Guidus* nomine, qui, dum ea sic agerentur, magno reipublicæ amore incensus, tribus cum liberis aliquotque amicis suis prooppidi portam, quæ *Berga* appellatur, cepit: missoque ad *Venetos*, qui rem significaret, pollicereturque eis se portam illam traditurum, armatus ut eos exciperet expectabat. Legati equites *Epirotas* quinquaginta eo miserunt, qui rem cognoscerent, ad seque reverterentur. *Guidus* è summa turri visis equitibus,

Veneri Vicetiam recuperare satagunt.

A magna voce appellare eos coepit, valvasque aperuit: illi se intromiserunt, paulumque progressi milites, *Germanos* offenderunt, qui facto in eos impetu, extra oppidum, quæ venerant, universos repulerunt: portaque capta, cum *Guidus* reliquique de superiore loco se defenderent, neque *Germani* expugnare illos possent, dato ab eis iurarejurando nihil sibi nocituros *Germanos*, sese eis dediderunt, statimque omnes ad unum contra fidei religionem partim ab illis interfecti sunt; partim se è turri præcipitaverunt, atque ita interierunt. Ea nocte à *Germanis* concilio civitatis coacto, cum illi nihil præsidii ab animi fortitudine peterent, timore autem propè omnia trepidationeque administrarentur, eorum voluntate legati tres è civitate ad imperatorem & legatos missi, oppidum se reipublicæ tradituros pacti sunt, ea conditione interposita, ut quibus antea legibus sub reipublicæ imperio *Vicetini* fuissent, eisdem etiam deinceps uterentur: *Maximiliani*que militibus nullum ab exercitu detrimentum inferretur, liberumque illis esset suis cum rebus proficisci. His firmatis conditionibus *Hieronymus Saornianus* præfectique aliquot cum parte exercitus temperatiore manè in oppidum recepti sunt: reliquus exercitus est ingredi prohibitus, ne urbem nobilem opulentamque diriperet.

C Hostes eodem die *Germani* milites quatuor mille quadringenti, optimè armis instructi, ipsi & ætate & corporibus spectari maximè & timere digni, & nisi animus eorum ducibus defuisset, ad eam urbem tuendam præclare idonei: equitesque L X. cum tormentis & impedimentis, & magno foeminarum & calorum numero abierunt, *Gasparque Severinas* cum equitibus paucis: atque ii cum *Veronam* petere vellent, *Bassianum* iter facere sunt iussi. Postremi equites *Juliani* CXX. qui unà cum reliquis imperata *Maximiliani* faciebant, oppido egressi *Ferrariam* profecti sunt. quibus emissis omnibus, imperator & legati se in oppidum intulerunt: quos civitas incredibili lætitia excepit, ut propè ab interitu erepti esse omnes viderentur.

D Senatus iis de rebus certior factus, cum legati ad eum scripsissent, imperatori esse in animo ad *Montanianum* reliquaue eo ab latere municipia, quæ ab hostibus tenebantur, exercitum ducere: eo consilio improbato, literas ad eos dedit, victoriæ ipsorum ad magnas res conficiendas cursum levioribus iis occupationibus non esse interpellandum: nec fortunæ reipublicæ afflanti, & præstò ei esse properanti, moram afferri oportere: itaque ad *Veronam* recipiendam statim contenderent: fore enim, si eo celeriter se conferrent, ut hostes imparati offendantur, civitasque & amico per se in rempublicam animo, & hostium durissimis imperiis laceffita, oppido non communito, primo aggressu sese dedat, ut *Vicetina* fecerit. Atque ut exemplo ejus reliquæ civitates optimam de republica spem caperent, *Vicetiae* atque agri ejus finiumque incolis quinque annos omnium rerum atque onerum levatio est permissa: utque ii, qui debent, annum ad solvendum cogi nequeant, ei legi additum. *Aloisio* etiam *Porto*, è *Vicetina* nobilitate fortis ac præstantis animi adolescenti, ob ejus in rempublicam studium, ad equos levis armaturæ, quos ei Senatus antea dederat, alteri totidem sunt ab eodem Senatu additi. etiam ut legati edictum proponerent: si cives, qui in hostium partibus fuissent, intra dies XV. *Vicetiam* redierint, veniam illis à Senatu datum iri, præter paucos, quorum nomina recitata sunt, Patres sanxerunt: *Christophoroque Mauro* legato, ne *Vicetia*, reliquis tribus ne ab exercitu discederent, mandaverunt.

Vicetia à Venetis recipitur.

Consilium de Verona recuperanda.

Inte-



Angeli  
præfecti  
confi-  
lium de  
Pisauro  
& Anco-  
na reci-  
piendis.

Interim *Angelus* præfectus classis, qui *Fossam Clodiam* triremes duodecim adduxerat, tribus in *Istria* relictis, Senatus permisso ad urbem venit, Patresque monuit, *Pado* flumine classem subvehi sine magno periculo non posse, munitionibus in ripa, ut ferebatur, ab *Alfonso* institutis, aqua propter ficcitates exigua, nullo exercitu, qui à terra classi præsidio sit: præstare autem, eas omnes, quas haberent, copias *Veronam* magna cum rei bene gerendæ spe ac tutò mitti, quàm incerto eventu earum ullam partem in *Ferrariæ* finibus periclitari: esse *Pisaurum*, esse *Anconam*, quæ ipse oppida si Senatus velit, posse capere non diffidat: habere enim se ab eorum nonnullis civibus internuntios, qui totum munus civitates concitandi, rei que publicæ se dedendi sibi deposcant, modò ipse classem reipublicæ ad illa oppida ex inopinato afferat. esse *Fanum*, *Senogalliamque*, quas diripere atque incendere nullum negotium sit, quòd si à *Romanæ* reipublicæ municipiis abstinendum sibi esse Patres statuunt, posse se in *Apuliam* paucis horis ex *Illyrico* trajicere, ibi materiam sibi non defore, neque etiam fortunam Diis volentibus defuturam, reipublicæ injurias à *Ferdinando* rege illatas ulciscendi.

Bellum à  
Venetis in  
*Alfonsum*  
*Ate-*  
*stinum*  
decerni-  
tur.

Hoc sermone apud *Decemvirum* magistratos habito, *Angelus* ad classem rediit. *Decemviri* paulò post reliquis repudiatis rebus, classis in *Alfonso* fines protectionem deferri è republica esse, legem jusserunt. Alia deinde lex ab eisdem *Decemviris* jussa, ut eorum *Taurisanorum* & *Patavinorum* & *Vicetinanorum* civium, qui hostes reipublicæ fuissent, bonorum possessiones reipublicæ nomine caperentur: Duumvirique ad eam rem *Joannes Cornelius*, *Antonius Condulmerius*, qui ambo ex *Quinqueviris* Senatu regendo erant, lecti, quibus binæ centesimæ ex iis, quæ fisco addixissent, cederent. Classis itineri mora à *Decemviris* adhibita senatoribus sermonem dedit, querentibus, tot *Alfonso* contra rempublicam plena odii scelerumque facta non vindicaturi: frustra triremes classemque ex *Istria* evocatam, frustra classem alteram biremium & parvorum navigiorum ad *Padum* *Athesimque* flumina facilius enaviganda jam esse comparatam: tantum pecuniæ temerè impensum, si *Decemviri* protectionem impediunt. quibus illi vocibus permoti rem Senatui permiserunt. Senatus pluribus dictis sententiis literas ad magistratus *Patavinos* dedit, *Fossam Clodiam* ad præfectum classis milites quingentos statim mitterent. *Angeloque* mandavit, ut iis in naves receptis militibus ostio *Carbonaria Padum* ingrederetur, prædas abigeret, regiones quas posset ab utraque ripa popularetur. posteroque die in foro edictum publicè propositum, qui vellent ad diripiendos *Ferrarienses* suis privatim navibus cymbisque proficisci, per rempublicam licere, dum præfecto classis dicto audientes sint: quam quisque prædam faceret, suam fore. Ea re magnus plebis numerus suis in navigiis se ad classem contulit.

Edictum  
de *Ferrari-*  
*ensibus*  
diripien-  
dis.

Veneto-  
rum ad  
*Veronam*  
occupan-  
dam  
exercitus  
mittitur,  
sed fru-  
stra.

Dum hæc administrantur, imperator legati que *Veronam* cum exercitu videntes, *Suavium* municipium in plano ad primam *Alpium* declivitatem ita positum, ut arx in jugo sit, præmisso equitatu & *Gradenico* legato receperunt, interfectis hostium militibus non paucis, qui à *Maximiliani* præfectis *Verona*, ut in arcem se inferrent, mittebantur: cumque *Veronæ* appropinquarent, equitatum præmiserunt, ut ad portas se ostenderet, si quis in oppido tumultus per amicos reipublicæ fieret. Iis ad portas perequantibus, nemine se commovente, equites *Sequani* centum egressi, prælio levissimo commisso, se in oppidum receperunt: ex quibus captus

A unus legatis renuntiavit, esse in oppido militum tria millia, atque ex iis *Hispanos* plurimos, equitum alteros totidem, ex quibus erant *Galli* quingenti, quos amissa *Vicetia* præfecti regii *Brixia* evocaverant. Quibus rebus cognitis, imperator veritus, ne si ejus copiarum oppido circumfunderentur, aliquod incommodum acciperet, imperatoris consilium ab *Gritto* & *Marcello* legatis, atque ab *Lucio*, qui ad eos *Patavio* venerat, probabatur: tametsi *Gradenicus* legatus & *Naldius* audendum & conandum esse dicerent, oppidumque obsideri, & muros verberari oportere contenderent. Inter quos cum minus convenire potuisset, scriptis ab legatis ad Senatum de ea controversia literis, quid ab eo juberentur, expectare constituerunt. Senatus legatis respondit, imperatori se totam rem permittere: confidere sese, quòd è republica sit, illum facturum. Atque interim, quoniam ab *Lemniaco* milites equitesque reipublicæ cum agrestium manu ab ea regione, quæ trans *Athesim* est, ad *Veronæ* muros jussu imperatoris se conferebant, ipse quoque suo ab latere partem exercitus ad oppidum misit, ut hostes duobus à lateribus peti se intelligerent, civitasque ea re magis magisque permoveretur. acciditque ut utrique sæpius cum hostibus congressi, non paucos ex iis caperent, plures etiam interficerent: præliisque secundissimis se recipere: neque tamen is, qui futurus putabatur, oppidanorum motus fuit: neque civitas parte ab ulla deditiois vocem aut indicium protulit. Eas ob res relicto ad *Suavium* præsidio, *Epirotis* adjectis equitibus, qui quotidie ad *Veronæ* portas currerent, & pabuli, cujus magnopere hostes indigebant, copiam eis fieri prohiberent, imperator ad *Montanum* recipiendum cum reliquo exercitu profectus, qui oppidum reipublicæ nomine peterent, manè adveniens præmisit. Præfectus *Alfonso* tueri se illud velle cum respondisset, tormentis statim positus muri partem *Veneti* celeriter dejecerunt: qua re oppidani permoti deditioem facere volentes, modò ipsi militesque suis cum rebus tuti ab exercitu essent, recepti non sunt: itaque postridie direptionem atque interitum veriti, sese nulla conditione interposita dederunt. Erant in oppido *Alfonso* milites equitesque septingenti, qui omnes armis, & equis exuti sunt. *Augustinus Villa* præfectus in custodia habitus, ut cum eo *Federici Vendramini*, qui propinquus legato *Gritto* erat, atque in municipio eorum finium *Abatia*, cui præerat, paulò antea captus *Ferrariæ* custodiebatur, permutatio fieret.

Monta-  
nianum.

Oppida  
quædam  
à Venetis  
recipiuntur.

E Postero die *Atefinesi* ad rempublicam redierunt. quos *Rhodigienses* cum plerisque earum regionum municipiis imitati, idem fecerunt. *Monsilice* dein, missis eò *Patavinis* è vicinatis agrestium hominum aliquot millibus, qui parvo equitum militumque interjecto numero magni exercitus speciem præbuerunt, atque oppidanis, qui illos in acie adeuntes de superiore loco prospectabant, ea re perterritis, se reipublicæ deditit. In *Alpium* quoque jugis *Marosticani*, finitimique his in plano positi *Bassianenses Germanis* ejectis militibus tum maximè campestres *Citadelani*, missis ad præfectos *Patavinos* internuntiis, rei se publicæ lubentissimi dederunt. Eorum finium pagis octo, propterea quòd præstanti studio in rempublicam fuissent, eadem munerum levatio, quam Senatus *Vicetinis* dederat, atque securitas tradita. Laxior etiam custodiæ conditio *Leonardo Trissino*, *Brunoro*, *Saregio*, reliquisque *Maximiliani* præfectis, in urbe captivi qui erant, ob regias literas ad Senatum scriptas, est à *Decemviris* permissa.

Oppida  
ad rem-  
publicam  
Venetiam  
redeunt.



Classis  
Padi flu-  
minis ri-  
pas igne  
& ferro  
popula-  
tur.

*Angelus* interim classis præfectus, subvectis *Pa-*  
*do* navibus, utramque fluminis ripam proxima-  
que ripis loca populabatur. prædæ undique abi-  
gebantur: quæ asportari minus poterant, cor-  
rumpebantur. ædificia villæque, quarum magna  
erat & peregrina illis in finibus copia, quoquo  
versus incendebantur. quod ubi Senatui est al-  
latum, literas ad *Angelum* dedit, ædificia in-  
cendi non oportere: quas vellet, atque unde  
vellet, prædæ ageret: à villis atque tectis com-  
burendis abstineret. Ingens autem vastitas jam  
illata, eas literas inutiliores reddidit.

Cives in  
rempu-  
blicam  
infidi pu-  
niantur.

In Urbe *Patarinis* civibus, qui erant in custo-  
dia, quatuor, *Alberto Trapolino*, *Bertucio Baga-*  
*rotio*, *Jacobo Leoni*, *Ludovico Comiti*, propterea  
quod in sexdecimvirum collegium à sua civita-  
te adlecti, nullo unquam lacesciti maleficio, nul-  
la injuria pelli, hostiliter se in rempublicam  
gesserant, Calendis est Decembribus in foro  
*Decemvirum* lege laqueo gula fracta, & bona  
fisco addicta. quæ quidem res, quod ferè sem-  
per in Urbium & regnorum conversionibus fie-  
ri consuevit, ut plerique in novorum domino-  
rum gratiam se prioribus dominis adversarios præ-  
beant, à multis habita est aliquanto acerbior,  
& ab hujusmodi temporibus aliena: namque  
multi ejus supplicii exemplo fortasse perterriti,  
ad reipublicæ nomen, atque ad deditionem ef-  
fecti sunt duriores. *Joannes Franciscus Mussatus*  
item *Patarinus* eadem lege *Decemvirum* condem-  
natus est, ut in *Creta* insula quoad viveret, exu-  
laret: qui tamen quadriennio post ab exilio re-  
vocatus est, patriæque redditus.

Classis  
Veneta  
ab *Al-*  
*phonso*  
fracta.

*Angelus* cum ad eum vicum, qui abest *Ferra-*  
*ria* quinque millia passuum, ad quem naves, quæ  
à vadis *Venetis* veniunt, appelluntur, superato  
flumine classem adduxisset, hostes magna cum  
manu obviam progressi duas ab aggeribus trire-  
mes, quarum erat una, qua ipse utebatur, tor-  
mentis perforaverunt, remigesque aliquot inter-  
fecerunt: qua necessitate adductus præfectus,  
quod hostibus noceri propè non poterat (nam  
ripæ agger ad fluminis incrementa antiquitus  
institutus eos tuebatur, ne vulnerari è navibus  
sagittarum aut fistularum & tormentorum jactu  
possent) ad vicum *Poleseliam*, in ea *Padi* ripa  
situm, quæ *Rodigium* spectat, rediens, muni-  
tionem in altera fluminis ripa celeriter excita-  
vit, qua hostes, si adventarent, repellerentur,  
neu classi nocerent. Vix effecta munitione, ho-  
stes, ut eam caperent, se non semel circumfu-  
derunt. Postremo cum firmioribus copiis adorti,  
cum propè in aggere munitionis versarentur,  
*Hercules Cantelmus*, *Sigismundi Neapolitani*, cla-  
ro loco nati, filius, magnæ spei adolescens,  
cum se audacissimè in propugnantes incitavisset,  
equi lapsu humi fusus à remigibus interfectus  
est: cujus in oculis amicæ manu scriptæ sunt  
repertæ literæ, quibus illa multis precibus ab  
adolescente petebat, ne cum *Venetis* prælio con-  
tenderet.

*Hercules*  
*Cantelmus*  
ab  
amica  
præmo-  
nitus pe-  
nit.

Eoque die *Gradenicus* legatus ab exercitu cum  
equitibus & militibus octingentis, Senatus jussu  
classi auxilio ad alteram fluminis se ripam contu-  
lit.

*Civiale*  
arx à *Ve-*  
*netis* ex-  
pugna-  
tur, for-  
tuna mi-  
rè faven-  
te.

*Civiale* interim *Carnicum* in *Alpibus*, *Feltriæ-*  
que arx, dein *Scala* municipium natura & artifi-  
cio communitum, itineri, quo *Germania* ma-  
gnopere aditur, adjacens, à reipublicæ copiis  
est capta. Erant in ejus arce milites *Germani*  
octoginta (neque enim ferè plures capere locus  
exiguus poterat) qui se fortissimè defendebant:  
in quos cum à reipublicæ militibus tormenta  
exercerentur, pilæ, quas emitterent, ipsos defe-  
cerunt: eamque ob rem differri oppugnationem

A necessitas cogebat: atque unus ex agrestibus,  
qui aderant, desiderari pilas sentiens, ad præfe-  
ctos accurrens, ego vobis, inquit, opportunè  
pilas dabo: ad proximumque ei loco tumultum  
eos duxit, quo à tumultu pilæ ferreæ triginta  
tegebantur, quas hostes abscondiderant. Haud  
facile dictum est, quantum in bello fortuna pos-  
sit. nam ut casus tulit, ut is agrestis, qui sci-  
ret eas ibi pilas esse, illo temporis puncto eo-  
dem venerit, quæque dicerentur, audierit: ita  
casu magno factum est, ut pilæ hostium tor-  
mentis reipublicæ ita convenirent, ut ad id con-  
fectæ viderentur: infartæque iis & ejaculatæ per-  
fecerint, ut arx eo die caperetur cum *Germano-*  
rum omnium interitu, præter eorum præfectum,  
qui ad urbem vivus est perductus: quam quidem  
paulò post Senatus arcem magnis munitionibus  
tutorem reddidit.

Fortunæ  
vis.

Atque est eodem in itinere ter mille passus an-  
te *Scalam* mons faxeus præcellus maximèque di-  
rectus, ad perpendicularum viæ imminens, in cu-  
jus superiore parte ipso in saxo specus cum pe-  
rennis aquæ fonte natura factum homines con-  
cinnaverunt, arcemque parvam ex eo effece-  
runt. Ea omnino arx adiri pedibus non potest:  
fune autem demissi cum lignea sedecula, singuli  
homines rota desuper vertente attolluntur: ac  
quicquid aliarum rerum inferendum est, eodem  
uno sublevatur, atque in arcem importatur mo-  
do. Ei arci inter montem flumenque, quod arctam  
atque angustam vallem dirimit, subest ea, de qua  
dixi, perexigua sanè via, qua commeare iis, qui  
in arce sunt, invitis licet nulli, propterea quod  
saxis modò ab ea devolutis quoslibet obrui atque  
interfici nullum negotium est. Ea quoque arx,  
quam *Covolum* appellant, eorum deditione qui  
illam custodiebant, ad rempublicam rediit.

*Covolum*  
arx natu-  
ra muni-  
tissima  
ad rem-  
publicam *Ve-*  
*netam*  
redit.

In *Iliris* etiam præda celebris ab *Epirotis* est  
equitibus & cædes hostium facta. *Germanis* au-  
tem, qui urbem incolebant, à Senatu petenti-  
bus, ut quoniam *Maximilianus* permiserat, ut  
qui vellent ex ejus ditione urbem adire mercaturæ  
causa, eis liceret, Patres item concederent,  
eos tutò venire posse, fides est ei reipublicæ in-  
terposita, itineraque, quæ toto bello clausa fue-  
rant, patefieri cœpta sunt cupidissimis omnibus.

*Germa-*  
nis liber  
aditus  
concedi-  
tur à re-  
publica.

*Marcus Antonius Contarenus* cognomine *Cá-*  
*malis*, quem Senatus parvis navigiis præfecerat,  
Patrum jussu ab *Angeli* classe profectus, *Cyma-*  
*clium* inter duo *Padi* ostia *Vatrenum* & *Capra-*  
*riam*, oppidum magnopere piscatorium, diri-  
puit, ædificiaque plurima incendit: quæ *Alfon-*  
*so* non parva clades fuit, quod ex ejus oppidi  
septis calamo reticulato vadis, triginta millia in  
circuitu passuum eo ipso ferè tempore ingens  
vis piscium biduo triduoque maximè pluvio cap-  
ta, & sale injecto repolita, magnis redimi pre-  
tiis portoriisque consuevit.

*Cyma-*  
*clium*  
oppidum  
direp-  
tum.

*Angelus* cum navibus triremibus, ad latitudi-  
nem fluminis dispositis, pontem injecisset, quo  
*Gradenici* equites transportarentur ad incurfiones  
exercendas, hostesque qui munitionem copiis  
omnibus aggressi sæpe fuerant, sustinendos: po-  
stea, ne triremes impedirentur, quo minus ad  
gerendum bellum præstò essent, eundem mino-  
ribus in navibus pontem imposuit, trajectoque  
levissimo equitatu, omnem illam oram fuga ter-  
roreque implevit, quoad hostes missis ab *Julio*  
*Ferrariam* equitibus *Ludovico Pio* præfecto, quem  
*Verona* evocaverat, atque ab *Aloisii* regis mini-  
stris, *Brixia* item equitibus & militibus quam-  
plurimis, exercitum duodecim millium arma-  
torum confecerunt. Ac *Ludovicus* quidem u-  
nà cum *Hippolyto* ad classem ripamque fluminis  
audacissimè se inferens interfectus est, capite



media cum galea pila ferrea, casu in eum cadente, perfracto. Deinde, quod hostes in munitione capienda frustrabantur, *Alfonsus* infra eum locum duo millia passuum munitionem & ipse in ripa facere instituit, qua in reditu impedire classē posset, tormentisque deprimere. Quod ubi Senatui est allatum, literas ad Angelum dedit: si ei videretur, classē reduceret, ne confecta hostium munitione periclitaretur: id unum in primis curaret, ut classē, quam à civitate accepisset, salvam sospitemque reipublicæ restitueret. Ad quas ille literas ita rescripsit: Si classē reduxisset, fore ut omnem illam oram, quæ cis *Padum* est, hostium exercitui diripiendam relinqueret: itaque id se tum facturum, cum illa munita esse loca cognovisset.

Eodemque tempore, quod ad Patres venerat *Bulfardus Germanus*, qui ad urbem ventitare consueverat, ad speciem, ut eis se offerret ad pacem inter regem remque publicam tractandam, re, à *Maximiliano* ejus rei cupidissimo clam missus: *Decemviri* legatos duos creaverunt, qui cum *Bulfardo* ad regem statim proficiscerentur, *Joannem Cornelium* Quinquevirum Senatu regendo, *Aloisium Mocenicum*, qui *Feltria* atque in *Alpibus* legatus tunc erat. Egerant autem cum rege civitates *Germaniæ* liberæ, ut pacem cum republica faceret: quarum quidem ferè omnium municipes non pauci in urbe mercaturam exercere consueverant, ægrèque ea re carebant. *Paulus* quoque *Liësthenius*, cujus erat multò maxima apud regem autoritas, uti antea demonstravimus, pacis ei autor semper fuerat. Uxor insuper regia idem cupere maximopere videbatur. Præter hæc *Henricus Britannia* rex ab *Julio* & *Aloisio* & *Maximiliano* per literas diligentissime scriptas petierat, ne cum *Veneta* civitate bellum exercerent: quæ si nusquam existeret, construi tamen omnibus ab hominibus ad publicam orbis terrarum utilitatem atque ornamentum profectò debuisset. Idem quoque multò etiam accuratius legatus regis, *Romæ* qui erat, ad *Julium* detulerat. Quibus rebus cognitis spes Senatum tenuit, brevi fore, ut sibi cum *Maximiliano* conveniret. Atque illis quidem diebus *Baldassari Scipioni Senensi*, qui *Liviano* propter virtutem maximè charus fuerat, equitum gravis armaturæ L. præfectura est à Senatu tradita. *Bonifacioque Sonzino*, qui se amanter pro republica *Patavino* bello gesserat, auri libra annis singulis immunitasque rerum omnium ei liberisque & posteris ejus, tum ut ipse liberique extra ordinem in Senatum legerentur, dono datum.

*Padus* interim aucto *Gallicis* repentinis imbribus flumine, ut summas planè ripas adæquaret, pontem, qui minoribus erat navibus impositus, aquarum violentia disjecit. *Angelus* tractu ne careret, triremes, uti antea fecerat, contra cursum fluminis iterum firmavit, quæ pontem sustinerent. Hostes autem ubi viderunt fluminis incremento triremes altè sublatas pulcherrimè tormentorum pilis objici, nocte magna cum manu *Ferraria* egressi ad ripam contenderunt, tormentisque plurimis adductis naves impeditas verberare ex aggere ictibus creberrimis cœperunt: neque prius destiterunt, quam classē penè universā perforata & disjecta. *Angelus*, qui somno expergefactus suo se lectulo ejecerat, cum signo aureo, ne hostes eo potirentur, publicisque literis, tum ductores reliqui cymbis navium excepti fuga salutem peterent. Remiges se flumini omnibus è navibus dederunt: adversamque ad ripam delati magna pars ad *Gradenicum* se receperunt. Una triremis primo ad-

ventu per remos, qui aggerem contingebant, ab hostibus ad ripam attracta, cum hominibus non paucis est capta: ipsi omnes interfecti, altera succensa est. Ex omni classe triremes duæ navigiaque minora aliquot secundo se flumine demiserunt, ad finesque reipublicæ nullo accepto detrimento redierunt. tres depressæ interierunt: munitione cum plurimorum remigum & militum interitu hostes potiti: triremes novem *Ferrariam* sunt perductæ.

Ea clade Patres cognita, è vestigio literas dederunt, cum ad *Gradenicum* legatum, si hostes *Padum* trajicerent, interiorē *Atthesi* fluminis ripam interscinderet, ne *Rodigium* possent accedere, ipse se in tutum cum iis, quas haberet, copiis reciperet: tum ad legatos *Gritum* & *Marcellum*, qui erant in exercitu ad municipium *Leonidenorum*, ut aliquid copiarum auxilio ad *Gradenicum* mitterent, quo se facilius finesque illos ab hostibus victoribus tueri posset. Scripsere etiam ad *Fossæ Clodiæ* magistratum, cimbis juberet *Padum* ingredi, quæ fugientes reciperent, & si qui se in sylvas aut paludes abdidissent, perquisitos repertosque sublevarent. Datæ insuper ad *Joannem Maurum* literæ, qui in *Istria* cum triremibus, quas appellant nothas, tribus, legitimis duabus relictus fuerat, ut ad *Padi* ostia contenderet, cumque *Marco Antonio Contareno*, qui triremem suam navigiolaque non pauca incolumia conservarat, se conjungeret. Senatu postea eodem die coacto, ad classē redintegrandam multoque ampliorem instituentdam, latum, ut in *Creta* triremes octo, *Corcyra* duæ, in *Dalmatis* sex, in urbe quatuordecim confestim armarentur, atque ex his duarum remiges postridie, aliarum duarum perendie protinus conscriberentur.

*Angelus* inter hæc ad urbem rediit, cladēque illam non tam verè ac exploratè, quàm ut ipsi minus dedecoris afferebat, Patribus exposuit: quem tamen ejus sermonem plerique ex eorum, quæ perierant, triremium præfectis ad urbem & ipsi redeuntē audacter refellerunt, probraque omnia in illum jaci cœpta: nihil in eo consilii, nihil prudentiæ, nihil omnino providentiæ: crudelitatis, avaritiæ, arrogantiae plurimum semper fuisse: triremes ponte implicari minimè omnium debuisset: si paulum supra eum, in quo erat, locum ripæ aggerem dejecisset, flumen ipsum, quod tam altè creverat, suamet illuvione & munitionem & classē tutam ab hostibus puncto temporis redditurum, regionemque illam pulcherrimam & fertilissimam longè latèque vastaturum & foedaturum fuisse. quānam autem aptior atque facilior reipublicæ morem gerendi occasio dari ei à fortuna potuisset, quàm quod est illi ea fluminis tam vasti magnitudine exuperantiaque subministratum? ita illum, quæ è republica non erant, effecisse: quæ usui & dignitati magnopere fuissent, quæ securitatem classi attulissent, quæ hostium cogitationes & conatus omnes frustravissent, prætermis-  
 E  
 F  
 Unum modò magna semper diligentia curavisse, ut cymbas præda onustas singulis diebus domum mitteret. His cum vocibus penè omnium, qui in ea classe fuerant, & cladi superfuerant, *Angelus* palam accusaretur, Senatus frequens rogationem jussit, uti de ea re *Triumviri* ex advocatis reipublicæ quærerent: quod reperissent, intra dies XV. ad Senatum referrent, atque is ea pœna, quam Senatus probavisset, plecteretur. atque ut proximis comitiis præfectus classis ejus loco legeretur, etiam perlaturum: lectusque est *Antonius Tronus* templi *Marcii* procurator: quo præfecturam respiciente, quod non esset rebus maritimis

Germania liberæ civitates pacem inter Venetos & Maximilianum procurant.

Britannia regis intercessio.

Padi inundatio.

Veneta classis disturbata, capta & incensa.

Classis collectio & instauratio.

Angelus ob classem amissam graviter accusatur.



Incestus  
punitus.Julii  
Pontifi-  
cis pla-  
candi ra-  
tio à Se-  
natu ex-  
cogitata.

mis affuetus, comitia *Petrum Balbum Patavii* A magistratum sublegerunt. qui quidem *Balbus* antequam *Patavio* decederet, hominem ex plebe, qui filia pro concubina utebatur, ipsamque filiam, scelere per indicium delato, comprehendi jussit, fassosque securi ambos percussit, igne patris cadaveri etiam supposito.

Ad hæc, ut aliquando *Julii* iracundiæ finis fieret, Senatus sæpe consultus, sæpe amplius consuli jussus, tandem censuit, ut legati reipublicæ, *Romæ* qui erant, tabulis ab *Julio* traditis, quibus indignissimæ conditiones reipublicæ imponebantur, scribendo adessent, ut juri scilicet, quod in sinu *Adriatico* antiquitus respublica obtinuerat, ab omnibus, qui eo mari navigent, exigendi, pro eorum tantum navigiis, qui *Romani* pontificis imperio subessent, & eo mari navigarent, quodque in *Ferrariæ* dominatu, quam aliquando in suam potestatem redegisset, per multos annos habuerat, quodque ullo unquam tempore in *Flaminie* oppidis eis fuisset, reipublicæ nomine cederent: eamque contra rem *Ro-*

*manam* fecisse faterentur, veniamque suppliciter peterent. Ea res quod vi fiebat, Senatui nulla liberè decernendi potestate relicta, tot regibus hostibus, tot reipublicæ oppidis bello captis, retentis ab *Julio* in urbe sex legatis, summa dignitate & nobilitate civibus, tum illis, qui è *Flaminia* in vinculis ad illum sunt perducti, ipsius interdicto, cui tamen jampridem paruerant satisque fecerant, etiam nunc urgente, minus molesta Patribus fuit, minusque ei rei, ne fieret, obstiterunt: illud animis atque sermonibus diu multumque repetentibus, vi atque injuria coactis ab hominibus quod fit, pro infecto haberi consuevisse: itaque & naturæ, & gentium & civili jure & legibus omnium populorum esse constitutum. Unum autem sese consequi, ut *Julius* inimicum in rempublicam animum deponeret, neque amplius ejus hostibus auxilio vellet esse (quod quidem se facturum pollicebatur) magno sibi adjumento ad reliquum bellum conficiendum fore arbitrabantur. Atque his rebus agitatis, annus finem habuit.





# PETRI BEMBI

## RERUM VENETARUM

### HISTORIÆ LIBRI DECIMI

#### EPI TOM E.

**V**enetorum cum *Casariensis* ad aquæ *Martinianæ* pontem pugna. *Hatrianis* petentibus magistratus & naves, quibus se tuerentur, à Senatu concessæ. *Pannoniæ* regi pro pensionibus quomodo satisfactum. Variæ *Casarianorum* *Verona* eruptiones. *Nicolai Ursini* obitus. Captivorum cum *Gallis* permutatio. Varii belli inter *Alphonsum* & *Venetos*, & item inter *Venetos* ac *Casarianos* circa *Veronam* eventus. *Julius* Legatos *Venetos* ad se admittit, & interdictum abrogat. Legati ad pacem cum *Maximiliano* conficiendam missi re infecta revertuntur. Leges ad pecuniam colligendam latæ. *Veronæ* oppugnatio frustra tentata. Lex, quæ sacerdotum propinquos in pontificiis causis senatu excluderat, antiquata. *Julii* consiliorum ambiguitas. Senatus de imperatore eligendo consilia. *Gallorum* in reipublicæ fines irruptio. Nova *Germanorum* domus exædificata. *Vicetia* cum plerisque aliis oppidis à *Gallis* capitur. *Gallorum* in eos, qui se in concamerationem contulerant, immanitas. *Casarianorum* in *Carnos* irruptiones. *Lemniacum* à *Gallis* capitur. *Rotomagensis* Cardinalis obitus. *Julii* & *Venetorum* cum *Helvetiis* foedus. Variæ *Germanorum*, *Venetorum* & *Gallorum* excursiones, levioraque prælia. *Phariorum* seditio sedata. Classis *Julio* contra *Genuenses* missa. *Laurentio Ceriti* arma ex comitii armamentario data. *Cypri* reginæ obitus. *Gallici* exercitus in *Venetos* progressus. *Ferdinandus Hispaniæ* rex equum album tributum nomine ad *Julium* mittit. *Franciscus Mantuanorum* dux à *Venetis* dimittitur. *Monsilice* à *Gallis* capitur. *Joannis Sportie* obitus. *Julii* cum *Alphonso* belli initium. *Lucius Bononiensis* reipublicæ exercitus imperator declaratur. Sexviri sale procurando ad quatuor redacti. *Julii* in *Genuenses* conatus irriti, & classis *Centumcellas* reditus. *Pannoniæ* rex *Venetis* bellum indicit, nec tamen infert. *Julii* in *Alphonsum* edictum, ejusdemque in *Galliæ* regem maledicta. *Venetorum* de *Brixia* capienda consilia. *Veneti* & Pontifex iterum classem *Genuam* mittunt. *Mutina* à Pontifice capitur. *Helvetiorum* in *Gallici* regni fines irruptio. Lex de magistratibus, qui rempublicam in Senatu procurent, lata.

#### LIBER DECIMUS.



Veneto-  
rum cum  
Casaria-  
nis ad a-  
quæ  
Martini-  
anæ  
pontem  
pugnæ.

**A** NNO insequente inito hostes *Verona* egressi, ut in pagos ple-  
rosque, qui exercitum reipu-  
blicæ receperant, rebusque  
omnibus juverant, iracundiam  
exercerent suam, atque inde  
pabuli copiam aliquam in oppi-  
dum importarent, cum quinque millia passuum  
processissent, ad aquæ *Martinianæ* pontem substi-  
terunt, ut nostris, qui re per exploratores cogni-  
ta, ad illos repellendos contendebant, fluminis  
transitum impedirent. Erat autem præmissus ad  
eam rem ab Imperatore legatisque *Leonardus Apu-  
lus* cum expeditis militibus & equitibus quamplu-  
rimis: is ubi pugna ante pontem magno animo  
commissa tamen trajicere hostibus, ut se priores  
in ponte constipaverant, angustias defendenti-  
bus se non posse vidit, equites *Epirotas* triginta  
ad superiorem fluminis partem longo circuitu,  
ne ab hostibus conspicerentur, cum reliquis  
mandatis misit. Illi itinere celeriter confecto,  
reperitis in primo colle vadis flumen transierunt:  
eodemque & circuitu & celeritate usi, magno  
clamore sublato, repente in hostes à tergo impe-  
tum fecerunt: qui nova re perturbati, cum re-  
liquum adesse exercitum crederent, & prælio  
incipiti sibi esse decertandum existimarent, at-  
que ii, qui à fronte nostros sustinebant, sibi ve-  
riti sæpe respicerent, pugnamque interim remit-  
terent, nostri ardentius instarent, relicto ponte  
omnes se in fugam conjecerunt. Ea in fuga per-  
plures interfecti sunt: capti equites cataphracti  
L. ex levioribus circiter ducenti, præfectique cla-  
ri nominis sex, ad urbemque missi, & signa qua-  
tuor relata. *Saornianus* post hæc ad urbem rediit,  
magistratuque repudiato, aliis in rebus majori se  
reipublicæ fore usui, est pollicitus.

Legatus  
regis  
Panno-  
niæ pen-  
sionem  
postulat.

Erat tum in urbe *Philippus Uladislai* regis *Pan-  
noniæ* legatus, qui à republica superiorum pen-  
sionum reliqua sibi dari postulabat. Ei Senatus,  
quod pecunia propter quotidianos belli sumptus

dependi minus posset, excusatione interposita,  
gemmas, purpuram, telasque cæteras sericas  
laneasque pro summa librarum auri trecentarum  
dari jussit: pauloque post eodem legato petente,  
ad reliquas res quadraginta sunt auri libræ nu-  
meratò additæ: ipsi libræ quatuor dono cura-  
tæ.

Ad *Henricum* etiam *Britanniæ* regem adolescen-  
tem Senatus legatum creavit *Franciscum Capel-  
lum*, honoris illius & benevolentiae institutæ  
causa.

**B** *Hatriani*, quod est oppidum inter *Padi* ostia, prædæ nomine ab *Angelo* præfecto classis sub rei-  
publicæ imperium redacti, cum ab *Alphonso* ut ad  
se redirent, sollicitarentur, legatos ad urbem mi-  
serunt, velle se ab republica non recedere: ita-  
que & qui sibi jus diceret reipublicæ nomine, &  
armatas naves, quibus se defendere ab *Alphonso* con-  
tumeliis possent, suppliciter petere. Quamobrem  
Senatusconsultum factum est, *Hatrianos* defendi  
oportere, Senatui videri: igitur & prætor eis da-  
tus *Leonardus Bemus*, & naves armatæ decem ad  
eos missæ: quibus præsidiiis postea usi, in fide at-  
que officio permanferunt: tametsi *Alphonso*, ante-  
quam auxilia convenirent, illos, pagosque ali-  
quot demissiores in *Padi* ripa *Venetisque* finibus  
male habuerit.

*Hatri-  
anis* na-  
ves, qui-  
bus se  
tueren-  
tur, Se-  
natus  
concedit.

**C** At hostes iterum *Verona* egressi, multosque  
vicos depopulati, interfectis propè incolis omni-  
bus, partem suorum, quos nostri obviam progres-  
si aut occiderant, aut captivos fecerant, ami-  
serunt. Tertiò autem ob pabuli inopiam idem au-  
si, multò majore accepta clade, *Alexio* tamen  
*Bua*, turmæ *Epirotarum* præfecto, ob equi lassitudinem ab ipsis capto, se in oppidum receperunt,  
quibus in rebus omnibus imperatoris maxime  
studium vigilantiaque extitit: itaque febricula  
tentatus, accersitis *Patavio* medicis, tamen con-  
valescere non potuit: crescenteque vi morbi  
cum se brevi moriturum cognosceret, adhibitis  
legatis exercitum *Lucio Bononiensi* commendavit,  
atque

*Casaria-  
norum*  
variæ  
*Verona*  
eruptio-  
nes.

*Nicolai*  
*Ursini*  
febricula  
& obitus.



atque ipsum & præfectos reliquos gravissimis amantissimisque verbis monuit, ut suam fidem & benevolentiam reipublicæ præstarent: quæ si perierit, virtus omnis *Italorum* animorum, resque ipsa militaris, quam adhuc quidem ipsi uni sustinissent, unâ cum illa perierit. Quis enim, inquit, vos alet, provehet, ad exercitus regendos vocabit, hac terrarum parte in regum barbarorum potestatem redacta? Hæc atque his plura cum dixisset, paulò post mortem obiit apud *Leoniceños* septem & sexaginta annos natus: molestaque ea magnopere civitati exercituique mors fuit. cadaver ad urbem delatum funere amplissimo & concelebratissimo atrata civitas extulit.

Imperatore mortuo, *Janes Fregosius Ligur* ejus equitibus regendis præficitur: quibus tamen, etiam vivo illo, præesse consueverat, *Leonardusque Apulus* ob virtutem, atque in rempublicam studium stipendio à Senatu auctus est, duobusque fratris ejus liberis pensiones annuæ dono datæ: eamque profecto legem sententiis omnibus Patres conscripti probaverunt, ut non modò nulla rejecerit, sed etiam ne una quidem cui non liqueret, in loculis refederit: quæ res penè pro miraculo est habita. Fuit quidem certè singulare ac peregre regium omnium ordinum, totiusque civitatis in *Leonardum* studii atque benevolentiae indicium.

Captivorum cum Gallis permutatio.

*Ubaldo* deinde *Gallorum* internuntius *Mediolano* ad urbem venit, pollicitusque est præfectorum regionum nomine: si *Gallos*, qui essent in custodia urbana, Senatus restituat, ipsos cives quosque *Venetos* unâ cum præfectis reipublicæ, qui *Mediolani* custodirentur, missos facturos: itaque quatuordecim *Gallis* *Ubaldo* traditis, *Brixiamque* missis, ipsi *Justinianum Maurocenum*, *Aloisium Bonum*, *Petrum Gradenicum*, *Franciscum Memnium*, civesque alios, quos habebant, hominesque militares tres; *Vincentium Naldium*, & *Vitellium*, & *Braccium*, libertati restituerunt.

Res ad Veronam gestæ.

Atque ut scribendo sæpius ad *Maximiliani* exercitum, qui *Veronæ* erat, redeatur, *Hispani* ex eo milites, hominum scilicet natura & moribus multò callidius ac sapientius *Gallis* atque *Germanis* hominibus genus, cum viderent *Venetos* castris ponendis oppido propiores esse factos (nam à *Leoniceñis* aliquot passuum millia *Veronam* versus se contulerant) simul eos brevi ad murum atque portas accessuros, urbemque obsessuros vererentur, ut quid quæque domus atque familia voluntatis in rempublicam haberet, si possent, fallendo cognoscerent, nocte intempesta per oppidum, cum magno armorum sonitu incitati cucurrerunt, nomenque *Marcium*, quod est insigne reipublicæ, sæpe in cursu conclamaverunt: quo exaudito, à plerisque illos esse *Venetos* credentibus, qui se in oppidum intulissent, eadem nominis acclamatione est responsum datum, salutatioque veluti mutua facta: illi eas domos, unde voces veniebant, atramento signaverunt, posteroque die repetitis notis omnes ad unam diripuerunt, quibus rebus consequuti sunt, ut & reliquis amicis reipublicæ timor injiceretur, ne quid ultra facere aut dicere auderent, & ipsi præda illa pro stipendio, quod non persolvebatur, ad se sustinendos uterentur.

Strategema.

Erant in urbana perliberali custodia, uti suprà demonstratum est, cum *Patavii*, tum in *Istria*, capti *Germani* regis præfecti sex: salutabanturque quotidie ab amicis & familiaribus suis propè ut liberi: eorum quinque noctu, custodibus in cœna occupatis, tenui perrupto muro ad aquam se nullo strepitu contulerunt: cymbaque ad biremem clam à suis comparatam vecti, in ea *Terge-*

Germanorum captivorum fuga.

*ste* perfugerunt: uni ut fugeret persuaderi non potuit, ne fidem, quam unâ cum reliquis reipublicæ dederat, se non abiturum, falleret.

Post hæc Triumviri, quorum erat è collegio *Bernardus Bembus* pater meus, confecta quæstione *Angelum Trivisanum*, qui classem turpiter amiserat, ad totius civitatis judicium majora comitia detulerunt, ea lege per ipsa comitia prius rescissa, quam Senatus, ut ad se referrent, jusserrat, tabellisque eorum recitatis, qui permulti contra eum testimonium dixerant, causaque dies aliquot agitata, condemnare tamen illum primis sententiis non potuerunt, propterea quòd ab reliquis civibus, qui eo bello improbè rempublicam gesserant, qui quidem erant plerique, atque ab eorum propinquis & necessariis magnopere laboratum est, ne condemnaretur, veritis, si ille pœnas dedisset, ne ad ipsos etiam ejusmodi judicia descenderent, quæ sanè res bonis omnibus magnam molestiam attulit, quòd *Angelo* absoluto nihil amplius in republica severè, nihil omnino ex dignitate posse agi propè constaret. Postremò verò cum Triumvirum actionibus diligentioribus, tum ejusmodi bonorum querelis permota concio, triennium ab urbe urbisque finibus esse *Angelum* exulem jussit.

At ne classi redintegrandæ, quam in rem Patres incubuerant, milites aut remiges deessent, lex est in Senatu lata, ut exules maritimis ab oppidis atque insulis reipublicæ ob homicidium qui essent facti, si pace cum mortui propinquis inita, menses sex in classe reipublicæ sua impensa operam navaverint, aut ad id vicarium dederint, restituerentur, exceptis iis, qui hominem constituto occidissent.

Lex de exulibus reducendis.

*Alfonsus* verò classis reipublicæ clade non contentus, copias, quas confecerat, trajecto *Pado* ad fines *Rodigianos* vexandos ac depopulandos misit. eæ copię in pago *Alfonsi* finium postremo sese vallo munierunt, & parvo præsidio, ad vallum relicto, instructæ, ut quod intenderant, etiam perficerent, progrediebantur. *Gradenicus* Legatus, *Rodigii* qui erat, ea de re ab exploratoribus certior factus, ante lucem cum equitatu & pediatu oppido egressus, *Epirotas* aliquot præmisit, qui hostes velle aggredi simularent, lentèque revertentes eò traherent, ut æquo loco prælium committi posset. Hostes *Epirotis* visis in eos impetum fecerunt. Illi, ut erat eis imperatum, paulatim recedentes in nostri agminis conspectum eos perduxerunt. Legatus cohortatus suos pugnae signum dedit: neque hostes sibi defuerunt: concursus est ab utrisque ita acriter, ut pugna diu anceps atque ambigua fuerit: tandem hostes fessi repelluntur, seque ad pagum munitionesque suas recipiunt. Nostri hostium regressu incitatiores facti, cum aliquamdiu ante vallum pugnavissent, munitionem perfregerunt, eosque in fugam omnibus à partibus dederunt. quos *Epirotæ* consecrati plerisque interfecerunt: equites utriusque armaturæ circiter nonaginta cum eorum præfecto captivos fecerunt. Capti quoque sunt eodem tempore in *Veronensium* finibus *Sequani* equites non sanè pauci, cum tamen illi etiam *Epirotas* duodenos temerè à reliquis digressos, quodam in pago dormientes, cepissent. captusque paulò post unâ cum viginti ex ejus turma præfectus equitum *Gallorum Cleta*, qui *Maximiliani* auxilio *Veronam* venerat, ad urbemque missus.

Alfonsi cum Venetis conflictus.

*Julius* autem Pontifex Maximus ubi à republica omnibus suis postulatis satis esse factum cognovit, Legatis, qui quidam erant quinque (nam *Pisanus* paulò antè morbo implicitus mortem obierat) ad sacra, quæ se præsentem fiebant, atque ad pedis osculum admissis, magna populi *Ro-*

Julius Pontifex interdictum Venetorum abrogat.



mani frequentia interdictum abrogavit, deque eo literas ad omnes reges dedit. Quibus rebus cognitis, supplicatio à Patribus est indicta, gratiæque diis immortalibus omnibus in templis actæ. Paucisque post diebus *Hieronymo Donato* apud *Julium* manere iussu, qui legationem exerceret, cæteri legati pedibus *Anconam* profecti, reliquo itinere in longis navibus, quas Patres ad eos sublevandos eo miserant, confecto, domum redierunt.

Cives  
*Veneti*  
custodia  
liberan-  
tur.

Diebusque æquè post paucis cives ii *Veneti*, qui belli initio in *Flaminia* contra fidem datam capti, atque in *Romanos* fines perducti, eo tum loci custodiebantur, ab *Julio* sunt dimissi. dimissi quoque ab *Joanne Jacobo Triultio*, liberalitatis in rempublicam nomine, cives item *Veneti* tres, qui tribus *Galliæ* municipiis præfuerant, *Mediolani-que* in custodia illos menses totos fuerant, *Joannes Grimanus*, *Alexander Georgius*, *Philippus Calbus*, atque usque in urbem ab ejus ministro perducti.

Legati  
ad *Maxi-  
milia-  
num* ob  
pacem  
confi-  
ciendam  
missi re  
infecta  
redeunt.

*Alotius Mocenicus*, *Joannes Cornelius* legati ad pacem cum *Maximiliano* tractandam missi, uti superiore libro demonstratum est, atque in *Alpes* profecti, regiis internuntiis, qui ad eos venerant, reipublicæ datis muneribus (ea erant vini *Cretici* pretiosioris, ceræ albæ ad tenebras expellendas, fructuum in *Aegypto* conditorum ad regias epulas omnis propè generis non parva copia) sermonem cum iis complures dies habuerunt, non unisque in locis unà fuerunt, neque tamen pax iniri potuit, cum illi omnia, quæ in *Maximiliani* potestate proximè fuerant, à Senatu peterent, Senatus nihil eorum, quæ ante bellum obtinebat, veller amittere: dependere quidem *Maximiliano* aliquam pecuniæ vim se obligasset, si de reliquis fœderis capitibus, quæ proponebantur, convenire inter ipsos potuisset: sed obstinatione, duritiæque ambarum partium factum est, ut infectis rebus ab utrisque domum discederetur: ita ea multorum dierum tractatio & mora, quæ suspensos atque sollicitos Patrum animos habuerat, postremò ad nihilum rediit.

Immu-  
nitates  
afflictis  
concef-  
sæ.

Interim quod *Lauretanos*, qui est pagus in *Padi* fluminis derivatione, *Alfonsi* copiæ incenderant, Senatusconsultum factum est, ut ejus pagi homines *Fossam Clodiam* ad incolendum se recipe- rent, atque ab oppidanis rebus omnibus juvarentur: qualque antea onerum & tributorum immunitates domi obtinebant, eisdem immunitatibus eis frui *Fossæ* quoque *Clodiæ* liceret. itemque alterum, uti *Belunienses* & *Pagenses* annum unum immunes essent, neque ad solvendum creditoribus cogi possent.

Leges ad  
pecu-  
niam  
colligen-  
dam la-  
tæ.

Idem Senatus cum videret multò maximam esse in urbe copiam eorum ex plebe civium, qui aliquo reipublicæ munere fungerentur, quo in munere aut stipendii menstrui, aut quotidiani quæstus nomine lucrum facerent: ut ii quoque aliquid, neque id tamen sine compendio, tam angusta pecuniæ publicæ procuratione in ærarium conferrent, rogationem iussit: qui è plebe civis munus perpetuum à republica obtineret, si decuplum stipis annuæ, aut si ea non sit, lucri summam, de qua apud magistratum constet, reipublicæ intra dies quindecim curaverit, id omnino munus ipso mortuo aut filius, aut nepos, aut frater ejus sequatur: aut is, quemcumque sibi ipse ejus muneris hæredem instituerit. quibus autem sua sint ad tempus munera, iis octuplam stipem ærario inferentibus, ea vivis munera eripi non possint, illis exceptis muneribus, quæ à Senatus, templique *Marcii* procuratorum scribis & ministris obirentur. ea tamen octupli summa liberalitate Patrum paulò post lege ad quincu-

plum rediit. Ab *Decemviris* quoque, ut etiam nobilitas sui æris aliquantum sponte reipublicæ tribueret, alia est rogatio paulò post iussu. qui è nobilitate civis triginta annos natus libras auri vicenas mutuo reipublicæ dedisset, quemque civem major pars *Decemvirum* probavisset, ei civi annum in Senatu esse, adempta suffragii ferendi potestate, licere. Hujus autem mutui *Decemviri* eam esse conditionem voluerunt, ut pars pecuniæ media in ærarium novissimum ei, qui dedisset, accepta referretur: altera parte media, si quid is onerum tributorumve nomine in posterum publicè debiturus esset, ex eo tantumdem potestas ei fieret dissolvendi: pauloque post, ne horum civium numerus denos excederet, iidem *Decemviri* sanxerunt.

Dum hæc domi administrantur, consilio *Veronam* per insidias capiendi ab legatis complures dies agitato, certorum oppidi civium fuasu, qui per suos interpretes clam ad *Sigismundum Caballum* necessarium suum, egregium atque amantem reipublicæ civem, qui se pro patria exercebat, bellique munera & præfecturas obibat, *Patavium* missos, res quemadmodum perfici posset, eis ostenderant: ambo prima nocte ad pagum *Martinianum* exercitum adduxerunt, quingentosque milites ex omni copia lectos, ad arcem, quæ ab ea oppidi parte cum mœnibus erat conjuncta, non nimis communitam miserunt, qua fore in urbem tractum cognoverant. Illi per duas propugnaculi intromissi portas (eas *Benedictus Peregrinus* multa arte diligentiaque, ferreis ad eam rem confectis *Vicetiæ* malleis vectibusque aperuerat) ad murum oppidi scalas, quas secum attulerant, posuerunt, ut eo superato ad portam, ad quam convenerant, accederent, interfectisque custodibus, atque apertis valvis exercitum admitterent. Eæ scalæ cum essent breviores, quam muri altitudo requirebat: ad ejusmodi ejus rei subsidium comparandum, ut alteram alteri alligarent, atque ita longiores eas facerent, se dederunt. In eo dum sunt, signa in oppido ei loco proxima casu concinere cœperunt: illi veriti adventum ipsorum militibus *Germanis* tribus millibus palam factum esse, qui eam oppidi partem custodiebant, relictis scalis extra propugnacula celeriter se, quæ venerant, receperunt: deinde ad exercitum, qui non longè aberat, ut se in oppidum inferret, re infecta magno cum dolore omnium atque molestia redierunt. Hostium præfecti haud ita multò post de plerisque civibus, quos fuisse ejus rei conscios, non tam quidem reperissent, quàm essent suspicati, graviores pœnas sumpserunt. *Peregrinus* unà cum nostris militibus oppido fugiens ad legatos se contulerat: cui Senatus ob facti audaciam atque in rempublicam studium pensionem annuam, quam posteri ejus sequerentur, paulò post dono constituit. Eadem in illorum, quos hostes interfecerant, liberos reipublicæ pietas extitit.

Erat domi lex decemviralis, nemo ut civis, Lex, quæ  
cujus aut filius aut frater aut fratris filius sacer-  
dotium haberet, cum de rebus, quæ ad Ponti-  
ficem Maximum atque ad rempublicam pertine-  
rent, ageretur, in Senatu esse posset: quam qui-  
dem legem eo consilio Patres jusserant, ne, qui  
suo compendio propter sacerdotiorum adipiscen-  
dorum cupiditatem in consulendo duci poterat,  
ut plus Romanis rebus, quàm suæ civitati fave-  
ret, ei aut sententiam dicere, aut suffragium fere-  
re in Senatu liceret: eam tum legem *Decemviri*  
antiquari voluerunt: non enim arbitrabantur  
quemquam esse civem posse, qui tam duris rei-  
publicæ temporibus alieniori voluntate suæ pa-  
triæ commoda, quàm Pontificis Maximi, à quo  
tam

*Veronæ*  
oppu-  
gnatio  
frustra  
tentata.



Julii  
Pontifi-  
cis con-  
sistorum  
ambi-  
guitas.

tam insignitè læsus esset, in Senatu administraret. Itaque & *Antonius Grimanus* & *Georgius Cornelius*, reliquique sacerdotum propinqui, cum ad Senatum ex literis, *Roma* ab *Donato* missis, est relatum, deinceps affuerunt: quæ quidem literæ magnam in *Julio* ambiguitatem consiliorum, magnamque voluntatis hæsitacionem ostendebant: modò enim de republica honorificentissimè amicissimèque loquebatur, seque ei adiutorem ad ea recuperanda, quæ in *Rhetis Galliaque* amiserat, fore pollicebatur: *Gallorum* modò regem se vereri ostendebat, quem quidem propediem in *Italiam* rediturum pro explorato ducebat. A *Maximiliano* quoque suum legatum propè amplius non admitti, inimicumque sibi illum ex amico esse factum, quòd interdictum in rempublicam, se nolente, rescidisset, conquerebatur. easque ob res uti republica quibus posset conditionibus cum *Maximiliano* pacem faceret, Senatui erat autor, præsertim posteaquam inter *Aloisium* & *Henricum Britanniae* regem, qui diffidere putabantur, quod quidem certè diffidium animorumque disjunctio morari *Aloisium* & retinere, ne itineri sese daret, una omnino poterat, foedus esse ictum & celebratum cognovit: itaque interdum neque cui confideret, neque quò converteret cogitationes suas, neque quem susciperet tuendum, neque quid omnino aut faceret, aut planè diceret, reperiēbat.

Respon-  
sum à  
Republi-  
ca *Venetæ*  
*Julio*  
Pontifici  
datum.

Quibus rebus cognitis Senatus, cui quidem omnia penè deficiebant, *Julium* tamen per legatum est hortatus, bono animo ut esset: non facturum, quæ ab eo jactabantur, *Aloisium*: cujus omnes planè populi ab *Alpium* trajectu & bello in *Italia* gerendo magnopere abhorrerent: *Maximilianum* quidem & pecuniæ inopia, & aliena *Germanarum* civitatum à bello contra rempublicam voluntate, & aliarum rerum implicationibus perfacile ad pacis cogitationem descensurum: *Henricum* verò, cur nocere *Venetis* cogitet, nullam habere porrò causam, cujus & maritimæ civitates necessitudinem quasi quandam antiquitus cum nostris hominibus institutam colant plurimique faciant: & portoria à navibus reipublicæ, quæ mercaturæ causa eò ventitant, etiam augeantur: sese autem & exercitum non spernendum jam habere, & classē satis magnam propediem habituros: easque opes non illi minus, quàm reipublicæ præstò, cum vellet, futuras: quamobrem confideret, cum tam bonam causam suscepisset, ut rempublicam scelere perfidorum hominum proditam ac violatam, tueretur: Deos profectò immortales, quorum ipse in terris majestatem obtineret, sibi non defuturos.

Respu-  
blica no-  
vum ex-  
ercitum  
parat.

Ejusmodi cum literis labentem *Julii* animum atque consilia Senatus confirmavisset, legem sciuit, ut quingenti armaturæ gravioris equites, militum quatuor millia celeriter conficerentur, atque ad eas, quas haberet, copias adderentur. Id autem non tam jussit spe quam aleret, ut res ad exitum perduci posset (nam neque unde is tum numerus accerferetur, ei constabat: neque pecunia in stipendium planè suppetebat) quam ut ejus rei sermo nuntiique ad *Julium* allati dejectas illius cogitationes & timoris plenas erigerent, exercitumque reipublicæ, quem quidem & *Veronæ* recuperandæ difficultate, & *Gallicarum* rerum fama, quas rumor latius atque inflatius attulerat, tardiorē ac suspiciōsiorem factum sciebat, litteræ de eo ad legatos datæ ad pristinam belli gerendi alacritatem studiumque revocarent. quod sanè accidit, *Epirotæ* enim equites, ubi de augendo exercitu nuntium acceperunt, *Atthesi* flumine trajecto hostium equites centum captivos fecerunt: milites alteros totidem, ne-

A mine suorum desiderato, interfecerunt. Aliæ deinde literæ ad *Donatum* datæ, ut quoniam is ad Senatum scripserat, *Julio* placere, ut bello, quod respublica cum *Alfonso* exercebat, finis imponeretur, ei diceret, Senatum de eo id, quod vellet, esse facturum. Quo responso accepto *Julius* suum hominem *Ferrariam* misit ejus rei causa: neque tamen *Alfonso* persuasit, uti bello defisteret: nam quoniam exploratum ei erat, *Aloisium* regem ad *Lemniacum* oppidum, quod a *Maximiliano* libris auri CL. emerat, capiendum omnes suas quamprimùm copias missurum, quo capto ipse quoque *Rodigium* posse capere, spem non ambigam fovebat, arma deponere noluit.

B Senatus autem pluribus & literis & nuntiis certior factus, *Aloisii* præfectos magnis equitatus & peditatus copiis coactis, in fines reipublicæ impetum brevi facturos, *Lemniaco* veritus, præter milites sexcentos sub egregiis centurionibus, cives etiam *Venetos* è nobilitate quatuor cum militibus quinquaginta, è plebe urbana singulos, commeatumque omnis generis, & res ad tormenta exercenda, ignemque in fossis atque aggeribus ex inopinato excitandum idoneas, & sagittarum magnum numerum eò misit. *Vanissa* præterea ex *Dalmatis*, homo fortis, cum turma lectissimorum equitum octoginta, majore quàm consueverat stipendio, ab Senatu accersitus, eodem se contulit. Ad *Gradenicum* quoque legatum auxilia ab exercitu submissa, ne si *Alfonso* ad *Rodigianos* oppugnandos, dum reliquis exercitus à *Gallis* alios reipublicæ fines tueretur, suas copias adduceret, imparatior offendi posset. Classi demum paucarum triremium, quæ erat *Fossæ Clodiæ*, naves breviores permultæ urbanis è suburbiis eductæ atque adornatæ uti adderentur, quæ in *Alfonsi* fines se inferret, ejusque copias distineret, latum. Ad *Vitellium* verò, quem captivum, permutatione facta, uti suprà demonstratum est, *Galli* restituerant, *Capinumque* ejus propinquum, *Pauli* illius, quem *Florentini Pisanò* bello imperatorem habuerant, securique percusserant, filium: quibus utrisque Senatus præfecturam equitum gravioris armaturæ CL. paulo antea dederat, atque illi eos equites in *Tifernatibus* municipibus suis jam confecerant, mari *Fossam Clodiam* deportandos, naves in *Flaminiam* missæ: quibusque etiam milites quingentos ipsorum in finibus quamprimùm conscribendi, ad exercitumque adducendi, cura tradita. Eandem antea curam *Citolo* Patres dederant, ut è *Perusia* finibus mille octingentos milites educeret: isque jam numerus adventare dicebatur.

E Turmis insuper in exercitu reipublicæ plerisque redintegrandis, quæ quidem erant magnopere diminutæ, stipendium à quæstoribus curatum, pensioque annua, quam Senatus ultra stipendiorum nomen *Citolo* dederat, ut ea quoad viveret, frueretur, etiam aucta. quas ad res atque sumptus, quo fisci debitoribus facilior solutio fieret, Senatus jussit, ut qui ex iis aurum aut argentum cælatum, quod plerique sibi comparant, aut à majoribus comparatum domi habent, ad Duumviros numis eudendis intra dies XXV. attulissent, id eis aurum argentumve cum lucro partis decimæ acceptum referretur: qui Duumviris neque aurum neque argentum dedissent, neque pecuniam numeratam curavissent, eorum bona, etiam si fideicommissa essent, vendi per magistratus oportere, iis exceptis bonis, quæ dotium nomine mulieribus deberentur. easque venditiones ratas & firmas haberi oportere, neque ullis posse legibus infirmari, Senatusconsulto additum. Pauloque post, quòd Patribus constabat cives plerosque ex iis, quibus ampla res esset,

Gallo-  
rum in  
Reipubli-  
cæ fi-  
nes ir-  
ruptio,  
& *Vene-  
torum*  
occursio.

Numos  
confi-  
ciendi  
ratio.



esset, adduci tamen non posse, ut in ærarium conferrent, quod nulla suæ patriæ charitate, nullo reipublicæ amore tenerentur, *Decemviri* suis ministris mandaverunt, ut illos prius ea de re admonitos, si post dies octo nihil contulissent, captos in carcerem contruderent: quod si se occultavissent, ab eorum domibus rem familiarem abriperent, magistratibusque traderent distrahendam, quæ duæ quidem res uti publicæ juberentur, ante id tempus nunquam acciderat. *Vicetina* quidem civitas, reipublicæ difficultatibus permota, sponte sua vicens auri libras dono in ærarium contulit.

Senatus  
de Impe-  
ratore  
eligendo  
consulta-  
tio.

Quoniam autem & legati non semel ad Senatum scripserant, egere imperatoris reipublicæ exercitum: sine eo qui summæ rei præsit, omnes indiligentiores & dissolutiores quotidie fieri, & ipsi per se Patres singulis horis ea de re admonerentur: sæpe cum essent inter se magistratus colloquuti, magna eos ambiguitas hæsitatioque diu tenuit: nam quod ex præfectis reipublicæ plures parem ferè honoris locum obtinebant, existimabant Patres, in potiore adipiscendo loco alterum sibi præferri neminem eorum, satis æquo animo laturum. Tum illud accedebat, quod ipsimet Patres, quisnam illorum esset reliquis antefereendus, non dispiciebant. De externis cum quærerent, plerique in eam sententiam conveniebant, ut *Franciscus Mantuanorum* Princeps, quem habebant in custodia, ei muneri maxime omnium esse præficiendus videretur: quod profecto munus & aliàs apud ipsos gessisset, & nunc eò libentius eoque diligentius ab illo suscipi atque administrari oporteret, quod ex ipso carcere atque custodia ad tam amplam dignitatem atque imperium Patrum munere ac liberalitate vocaretur. verum propterea quod annis etiam superioribus ad illud ipsum munus à Senatu revocatus, uti tum à nobis demonstratum est, stipendio etiam accepto à republica defecerat, atque ad *Maximiliani* militiam, autore & consuasore *Ludovico Idortia*, uxoris suæ sororis viro, se contulerat, idcirco, nisi Senatui fatisdaret, se fidem reipublicæ præstaturum, omnes unà magistratus committendum ei esse non putabant. Id ut sciri ab eo posset, *Lauredanus* Patresque eum ad sese cum honesto senatorum comitatu è custodia venire voluerunt, amicissimèque appellato suam ei mentem aperuerunt, Senatusque consultum ea de re factum ostenderunt. Ad quem ille sermonem inopinata lætitia commotus atque il-lachrymans, magnas Patribus gratias cum egisset, confirmavit filium se suum *Federicum* natu majorem suæ fidei obsidem reipublicæ daturum: uxoriq; scripturum, ut eum ad legatos è vestigio mitteret. Quod cum Patribus probaretur, *Ludovicum Firmium* familiarem suum cum mandatis ad uxorem misit. Illa verò parère viro noluit, neque filium ab se dimittere. *Alfonsi* enim soror *Gallicis* rebus magnopere favebat: quibus fore impedimento, si vir imperium à republica oblatum accepisset, pro explorato ducebat, ita ea res exitum non habuit. Quamobrem cum Patres iterum de eo eligendo, qui exercitui præficeret, consulerentur, magistratusque nonnulli *Lucio*, nonnulli *Gritto* legato imperium deferrent, neutra lege suffragiis probata, Senatus est dimissus. Quod ubi *Gritus* rescivit, Patribus literas dedit, non esse è republica se, qui non magnum in re militari usum haberet, tot fortibus & claris bello viris, qui in ejus exercitu essent, præfici: neque id eos æquo animo luros: itaque alia omnia cogitarent, sese nolle imperium cum invidiosum, tum suis majus viribus accipere.

*Vanissa* interim, quem *Lemniacum* profectum

A dixeramus, cum suis equitibus aliisque perpau-  
cis, qui sagittis utebantur, manè prædatum op-  
pido egressus, in *Veronæ* finibus hostium *Gallo-  
rum* equites gravis armaturæ plus centum, levio-  
ris non plurimos, milites quatercentum nactus,  
manum cum illis conferuit. Id dum fit, hostes  
unum ex ejus famulis captum nullo more jugu-  
laverunt. quod *Vanissa* ubi vidit, suos cohorta-  
tus, uti eam necem vindicarent, ita acriter pu-  
gnavit, itaque eum sui acriter pugnantem imita-  
ri studuerunt, ut parvo temporis spatio globum  
hostium universum disjecerint, ex iis ceperint  
plus ducentos, quibus omnibus cervices absci-  
derunt, nemine suorum, præter illum unum,  
desiderato. ea res magnum illi nomen apud om-  
nem exercitum hostesque ipsos attulit.

Veneto-  
rum cum  
Gallis  
pugna.

B *Alfonsus* interea coactis cum militibus tum na-  
viculis, atque in eis tormentis levioribus imposi-  
tis, *Venetos*, qui minorum in *Rhodigianis* finibus  
fluminum ripas custodiebant, depulit. Pauloque  
post, cum *Gradenicus* nihil non ab hostibus ve-  
ritus, *Rodigio* relicto, se in tuta retulisset, op-  
pidum vacuum recepit: tantusque fuit ejus rei  
terror, cum *Galli* magna cum manu adventare  
dicerentur, ut neque auxilia submissa ullo in loco  
consistere, neque *Gritus* legatus confidere, in  
C quibus erat, castris auderet, omnesque omnibus  
à partibus sese *Patavium Vicetiamque* versus, nul-  
lis hostium insequentibus, tamen reciperent.

Gallo-  
rum ir-  
ruptio.

Deliberatum est etiam domi ut *Patavium* mu-  
niretur, tormenta ac farinas & vinum *Creti-  
cum* magistratus eò mitterent, civesque in primis  
D *Venetos* decem, qui Urbem custodirent: tum, ut  
reliqui commeatus pabulique copia in oppidum  
importaretur, cura adhibita. Datæ quoque à Se-  
natu literæ in *Epirum* ad suos magistratus, ut  
*Thraces* equites, quos possent, reipublicæ stipen-  
dio conscriberent, *Faderamque* mitterent ad ur-  
bem transvehendos: id enim regionum ministro-  
rum voluntate fieri poterat. Latum etiam, ut lex  
de mercede magistratuum reipublicæ condonan-  
da, in sex menses prorogaretur. Jussus etiam  
*Joannes Franciscus Polanus*, qui longis navibus in  
*Istria* non segnem operam reipublicæ navabat, ut  
*Fossam Clodiam* ad præfectum se classis è vestigio  
reciperet. Quibus intellectis rebus *Zoilus Detri-  
cus*, ex *Faderensi* civitate, amantissimus reipubli-  
cæ vir, aurum quod in suos usus domo attulerat,  
Patribus principique dono dedit.

Confi-  
lium de  
*Patavio*  
munien-  
do.

E *Gritus* cum exercitu *Vicetiam* veniens, ad  
quem civitatis magistratus cum armatorum ex  
plebe atque agris decem millibus iter faciebat, ut  
ei opem ferret ne ab hostibus cladem aliquam ac-  
ciperet (magni enim de eo rumores afferebantur)  
cum vellet extra murum castra ponere, ne one-  
ri oppidanis esset, à civibus omnia perpeti rei-  
publicæ causâ sese velle pronuntiantibus, atque  
ab illo, ut copias omnes introduceret, majorem  
in modum postulantes, noctu hilariter in op-  
pidum est receptus: postridieque ejus diei abiens,  
medio ferè inter *Patavium Vicetiamque* itinere  
confedit, ut urbi, si necessitas urgeret, auxilio  
esse posset.

*Gritus*  
cum ex-  
ercitu  
progres-  
sus.

F Patres, ut *Vicetinae* civitatis plena fidei ac be-  
nevolentia officia tanti facere, quanti par erat,  
viderentur, per literas sibi gratum id fuisse osten-  
derunt, seque memores ejus rei fore in posterum  
confirmaverunt. Deinde cum de *Gradenico* deque  
*Marcello* legatis non commodi sermones jactaren-  
tur, eorum loco est ab iis legatus lectus *Paulus*  
*Capellus*, qui se, cum vellent Patres, profectu-  
rum est pollicitus. paucisque post diebus duo sunt  
sublegati reliquis legatis lecti, *Federicus contare-  
nus*, *Joannes Diedus*: quorum alter Senatui pa-  
ruit, profectusque est: *Joannes* excusatione va-  
letu-

Francis-  
cus Man-  
tuano-  
rum  
Princeps.

*Gritus*  
Impera-  
toris offi-  
cium su-  
scipere  
recusat.



letudinis adhibita, domi remansit. Ejus est loco paulò post *Sigismundus Caballus* sublectus.

Montanum à Gallis captum.

Hostium conatus in Carnis.

At *Galli Triultio & Palitia* & Magistro magno ducibus, audito nostrorum recessu, missis *Montanum* paucis equitibus, deditioe oppidum capiunt, itemque *Ateste*, tum *Coloniam* & *Leonicanos*.

Cùm verò è *Carnis* nuntii venissent, omnes eo ab latere hostium regiones in armis esse, cogique milites plerisque in locis: *Forolivienſes* ad Senatum miserunt, velle civitatem sua stipe equites ducentos alere: rogare Senatum, ut *Epirotas* alteros totidem iis adjungat, quibus se suosque fines tueantur: velle omnes magno animo suam fidem omni cum vitæ periculo Patribus & reipublicæ præstare. atque ita ut fieret, Senatus censuit. Etiam in *Illyrico* apud *Spalathram* incursiones, & prædæ factæ, abductique pueri & mulieres haud parvo numero. *Vicetini* destituti ab exercitu, qui se ad *Medoacum* receperat, cum suis rebus vulgò ad urbem confugiebant: à quibus cum publicani vini portorium exigerent, lata rogatio est, ut sine portorio rerum alendi se causa importandarum *Vicetini* reciperentur.

Germanorum nova domus extructa.

Monflice.

Pauloque post domus nova *Germanorum* mercatorum societati publicè exædificata, quam inhabitarent, eis tradita. *Gallorum* duces ad *Marcum Marcellum Monsilicensem* magistratum miserunt, qui oppidum peterent. Ea intellecta re *Grittus* legatus cum equitibus levissimis *Monflice* contendit: firmatoque præfidiis oppido, præter eos, qui ex plebe urbana tum venerant, sua in castra rediit: *Citolumque Perusinum* cum militibus octingentis, Senatu approbante, *Taurisum* misit, qui optimè meritæ civitati præsidio esset: eo enim etiam ab latere hostes impetum facituros rumor attulerat.

Interim missus *Lemniacum Baptista Doctus*, vir fortis, cum stipe, ne, si oppidum obsideretur, pecunia defensoribus introclufis persolverenda deficeret, ab hostibus in itinere deprehensus vix ægrèque fuga se ab illis eripuit, infectaque re cum numis ad legatos rediit.

Decretum de Francisco Gonzaga.

Post hæc cum *Julius Pontifex Maximus Franciscum Gonzagam Mantuanorum* principem, captivum Senatui commendavisset, Patres in ejus gratiam legem sciverunt, ut si uxor *Ludovicum* filium *Bononiam* misisset, *Franciscus* & libertati restitueretur, & reipublicæ exercitibus præficeretur, imperatorque crearetur, modo *Julius* puerum ad urbem postea mitteret: quod quidem se receperat facturum.

Vicetini se Gallis dedunt.

*Vicetini*, ad quos legatorum & exercitus discessu *Galli* duces miserant, qui & oppidum & quingentas ab iis auri libras peterent, concilio coacto, curatisque è vestigio libris auri quinquaginta, alteris totidem pollicitis, sese eis dediderunt, militibus perpluribus receptis, quos illi *Verona* evocaverant. eorum exercitus in oppidi agrum se conferens, ad *Barbaranum* in collibus vicum castra posuit.

Gallorum immanitas in eos, qui se in concamerationem receperant.

Est in *Vicetinis* montibus *Patarium* versus concameratio, antiquitus effodiendis ad ædificationes lapidibus facta ingentis magnitudinis, ut terna millia passuum introrsus pertineat: in eam perfugii causa, quod os angustum habet, atque id unum tantum, ut facile defendi posse videatur, hostibus appropinquantibus eorum finium incolæ cum uxoribus & liberis & ætate confectis propè ad sex mille se abdiderunt: eos cùm expugnare *Galli* non possent, tametsi perfractis & dejectis objicibus se intulissent: loco enim perobscurò, & viarum flexionibus cùm ambiguis tum innumeralibus aqua etiam, quæ in eo specu stagni instar est, muniebatur: plurima

stipula internè succensa magnum eorum numerum fumo, cameras implente, interfecerunt.

At in *Carnis Aloisius Delphinus* legatus cùm intellexisset, præmissos hostium antecursores centum è *Montis Falconis* planitie prædas agere: suis militibus sequi se iussis, cum equitibus levissimis quinquaginta itinere celeriter confecto, illos qui se in insidiis non magna in sylva occultaverant, aggressus, partem eorum interfecit, partem cepit: reliqui vulneribus acceptis fuga se ad suos retulerunt. Legatus *Sontio* flumine trajecto, hostes, qui fuga suorum & cæde audita magna cum manu ad illum intercipiendum contendebant, è ripa sagittis & pilis ferreis à fluminis transitu prohibuit, indeque se cum suis omnibus incolumibus *Gradiscas* recepit.

In *Patarinis* autem finibus, quod hostium equites adventare nuntiatum est, præmissi à *Gritto* legato equites levissimi in eos venientes, qui quidem erant sexcenti, impetu facto non paucos interfecerunt, centum captivos fecerunt. Duces eorum *Ludovicus* & *Federicus Gonzaga* fratres, qui *Bozolum* oppidum in *Mantue* finibus obtinebant, se à Victoribus equorum pernecitate vix ægreque subriperunt. Alio ab latere *Vanissa*, *Citadella* (quod ad oppidum *Lemniaco* venerat) non semel egressus, *Germanorum* manum ex *Alpibus* demissam ut incursiones faceret, binis claudibus disjecit, interfectis perplurimis.

Inter hæc paulum lætitiæ habentia magnam Patribus molestiam attulit *Lemniacum* captum: nam quod est ipsum in dextra *Arbesis* ripa, sic ut magna ex parte flumine abluatur, *Galli* altera in ripa castello, quod è regione *Lemniaci* est, capto, ingenti tormentorum vi dies aliquot oppidum verberaverunt. Id cùm parum profuisset, rati bus flumen trajecerunt, tribusque à partibus tormentis positis, murum labore continenti dejicere instituerunt, ut ii, qui erant in oppido atque in arce magistratus præfectique, timore non magnopere necessario perculsi, oppidum primum, deinde arcem seseque dederent. oppidani direpti, milites armis spoliati & dimissi: ipsi uni cum magistris tormentorum sunt captivi facti. Eodem ferè tempore *Julius* certior factus *Cardinalem Rotomagensem* in *Gallia* mortem obiisse, incredibili lætitia est affectus: illo enim vivo hostem magna autoritate nunquam sibi defuturum sciebat. quam quidem lætitiâ cum legato *Veneto* de communibus agens rebus, haud obscurè præ se tulit: gratulatusque ei est, nihil omnino commodius, nihil amicus de Cardinalis in rempublicam animo planè sentiens. Is auri libras ter mille signatæ pecuniæ testamento legaverat: quas omnino *Julius* ea de causa, quod legari jure non potuerint, sibi dari postulavit, frustratusque ea postulatione est: nihil enim profecit.

Cives autem è nobilitate *Veneta* quatuor, & *Joannes Jacobus Carolidius* Senatus scriba, qui captivi in *Flaminia* superiore anno facti in *Romani* agri arce custodiebatur, à *Julio* dimissi ad urbem redierunt. *Joannesque Paulus Manfronius* ab hostibus est ad *Grittum* missus, *Bonvicini Galli*, quem captivum nostri fecerant, tum ad *Gallos* item missi loco: cui Senatus paulò post equitum cataphractorum centum quinquaginta stipendium constituit, cum librarum auri sex pensione annua, præter illud ejus quoque filio stipendium in equites sagittarios IX. datum.

*Julius* ægrè ferens *Gallos* in reipublicæ locis prosperè versari, & cum vicinis ei regibus polere, legato reipublicæ proposuit, se cum *Helvetiis* fœdus initurum, ut sex eorum millia à *Belinzona* oppidi finibus regi bellum inferant, quo ille suas copias revocare *Mediolanum* cogatur,

Cesarianorum in Carnos irruptiones.

Lemniacum à Gallis captum.

Rotomagensis Cardinalis obitus.

Cives captivitate liberati.

Julii Pontificis postulat.



Veneto-  
rum re-  
sponsum.

tur, modò Senatus partem mediam stipendio-  
rum persolvat: eaque confecta re, suas ei co-  
pias attribuat ad *Ferrariam* capiendam. Senatus  
ad hæc legato scripsit, *Julio* stipendium ad ter-  
tiam *Helvetiorum* partem polliceatur: quo si con-  
tentus non erit, etiam ad mediam descendat, ut  
ei planè satisfiat. de altera verò postulatione,  
cùm *Galli* abierint, facturum Senatum quæ ius-  
serit. Postea verò nolentibus *Helvetiis* tam par-  
va manu domo exire, petentibus ut X. eorum  
millia saltem *Julius* conducere, inter ipsos ut  
octona millia scriberentur, lex est inita. Ex uni-  
verso stipendio *Donatus* legatus pactus cum *Ju-  
lio* est, ut à Senatu triginta auri libræ mensibus  
singulis penderentur, nummique *Romam* per  
chirographa missi.

Germā-  
norum,  
Veneto-  
rum &  
Gallo-  
rum va-  
riæ ex-  
cursion-  
es ac præ-  
lia.

*Vanissa Thracæ*que cum præfectis turmisque  
leviorum equitum plerisque contra *Germanos Vi-  
cetiæ* egressos agrumque populates à *Gritto* iussi  
contendere, cæteris, cum nullis occurrissent,  
revertentibus, longius progressi eosque conse-  
quuti commisso prælio CC. ex iis interfecerunt,  
& prædam, quam abigebant, earum rerum do-  
minis restituerunt. duobusque post diebus idem  
propè facinus & ausi sunt, & perfecerunt, CL.  
ex hostibus interfectis, captis non paucis. tam-  
etsi eodem tempore aliis etiam in *Venetorum* fi-  
nium locis cædes hostium à nostris equitibus fa-  
ctæ nuntiabantur.

Tumul-  
tus plebis  
in *Pharo*  
insula.

Nuntiatum est etiam in *Pharo Illyrici* insula,  
ob primorum quorundam juvenum in agrestes  
mulieres audacem incontinentiam, plebem ad  
arma incitatam, nonnullos ex nobilitate interfe-  
cisse, alios oppido expulisse, parem sese nobili-  
bus in regenda civitate fieri esseque voluisse: eos  
tamen animorum plebis motus, *Hieronymi Con-  
tarenæ* classis præfecti, qui eò peropportune se  
contulit, edictis sævioribus interpositis ad pri-  
stinam concordiam redactos fuisse, magnumque  
eo in oppido exortum bellum ejus hominis ad-  
ventum sedavisse.

*Hieronymi*  
Geor-  
gii stu-  
dium in  
Reimpu-  
blicam.

Nuntiatum quoque in *Creta* insula triremes  
septem instructas *Corcyram* brevi venturas: ea-  
rum uni *Hieronymum Georgium* è colonia *Cretensi*  
præfectum sua pecunia remiges & milites im-  
posuisse, cujus pater plurima in rempublicam  
officia bellis superioribus contulerit. Ei non  
multò post hæc ipsa in rempublicam studia  
Senatusconsulto permissum est, ut quotiescum-  
que voluerit triremi præesse, liceat priori sem-  
per loco: immunem præterea tributorum illum  
posterorū ejus esse fructuum suarum possessio-  
num causa: tum ut militiæ insignia ei dentur,  
cùm ad urbem venerit, eadem lege Patres sta-  
tuerunt: literasque iis de rebus ad magistratus  
*Cretenses* dederunt testes perpetuas Senatus in il-  
lum voluntatis.

*Petri*  
*Vampi*  
filiabus  
ob patris  
meritum  
victus  
annuus  
datus, &  
dos con-  
stitutæ.

Miserant paulò antè *Ferrariam Decemvirum*  
magistri *Peirum Vampum* è plebe hominem, qui  
se obtulerat classem ex *Venetis* navibus in flumine  
oppidi moenia præterlabente custoditam succen-  
surum: sed illum focii facinoris indicio punitum  
*Ferrarienses* interfecerunt. Ea re ad *De-  
cemviros* delata, tribus *Vampi* filiabus parvulis  
victus est annuus è publica collegii pecunia cum  
domo, quam inhabitarent, dono datus, & dos,  
cum adoleverint, singulis auri sesquilibra consti-  
tuta. Mulieri etiam viduæ *Corcyrensi*, cujus vir  
in fluminis oppidi *Istrici* oppugnatione interfe-  
ctus fuerat, pecunia in victum annum dari ab  
ejus insulæ quæstoribus imperata.

*Lauren-  
tius Ur-  
sius* Rei-  
publicæ  
suum of-

Sub hæc *Laurentius* è gente *Ursinorum* qui  
*Cere* oppidum obtinebat, mutatis jumentis *Ro-  
ma* ad urbem venit, Patribusque salutatis sese ob-  
tulit eorum militiam facturum, dixitque id sibi

A *Julium* uti faceret, permisisse: suum comitatum fert offi-  
equitum centum brevi adfuturum: qua vellent cium, cui  
conditione se uterentur: nihil ipsum sibi præci- arma  
puum petere, nihil recusare: qua quidem oratio- dantur ex  
ne libentissimè audita, omnibus illum laudibus cu- arma-  
mulatum Patres exceperunt, atque uti ad exerci- menta-  
tum se conferret, ab eo petiverunt, quod existi- rio.  
marent suo illum consilio legatis usui magnopere  
futurum interea, dum sui equites adveniunt. &  
quoniam sine armis venerat, ex comitii armamen-  
tario legendi sibi arma potestatem ei fecerunt,  
quod externo ante id tempus contigerat nulli.

B His ita constitutis rebus quòd suspicio Patres  
tenuit, propterea quòd in *Patavio* muniendo ni- *Pata-  
vium*  
hil non curæ diligentiaque adhibuissent, fossas muni-  
purgavissent, muros propugnaculaque firmavisse-  
rent, omnis generis comitatum, magnam tor-  
mentorum vim importari mandavissent, molas fru-  
mentarias per plures, quæ sine aqua usui essent, æ-  
dificari curavissent, cives è nobilitate, uti superio-  
re anno fecerant, portis & moenibus & foro præ-  
posuissent, fore, uti *Patavio* relicto hostes ad *Tau-  
risum* obsidendum accederent, quòd minus in ea  
oppugnatione se laboris confiderent habituros: Apparatus de  
Senatus censuit, ut milites quatuor mille confe- *Tauriso*  
stium undecumque scriberentur, atque iis Patrum obsiden-  
collegium legeret qui præessent, *Chiræumque* do.  
*Burgium* in primis, quem sibi unum à *Manfronio*  
commendatum, atque omnibus ornatum virtutis  
industriæque laudibus illis diebus cohorti esse præ-  
ponendum statuissent. *Federicus Contarenus* suble-  
gatus, *Citadellæ* qui erat, cum *Epirotis* CC. egres-  
sus hostium *Gallorum* turmam, quæ prædatum ad *Galli cæ-  
Medoaci* ripas venerat, disjecit, atque ex illis quin- si.  
quaginta cum eorum præfecto captivos fecit. *Ger-  
mani* etiam, cùm ad *Clusæ* fines in primis *Alpibus* *Germani*  
venissent, *Hieronymi Saorniani* adventu perterriti fugati.  
confestim recesserunt. Hostium autem universo  
exercitu *Citadellam* versus accedente, *Vanissaque*  
& *Thracibus*, qui se illi obviam longius provexe-  
rant, ab eo cum cæde repulsis, *Contarenus* suble-  
gatus & *Alexander Bigolinus* oppidi retinendi spe  
deposita, præfidiis abductis *Patavium* sunt profe-  
cti. Paulòque post, cùm *Galli* propius *Vene-  
tos* ad *Limen* se castellum contulissent, pontesque  
duos in *Medoaco* facere cœpissent, ut exercitum  
reipublicæ aggredi commodius possent, legati  
concilio præfectorum coacto, non esse *Gallos* ex-  
pectandos statuerunt, seque bene manè quarto *Ca-  
lendas Julias* omni cum exercitu *Patavium* intu-  
lerunt. quos magna agrestium hominum multitu-  
do cum uxoribus & liberis subsequuta, in oppi-  
dum recepta est, civibusque dispertita, apud quos  
esset, proque cujusque facultatibus aleretur. Ve-  
rumenimvero cùm paulò post hostium exercitus  
*Bassianum* versus se promovisset, Senatus iterum  
*Tauriso* veritus, *Joannem Diedum* ex *Veneta* nobi-  
litate virum fortem, militaribusque rebus assue-  
tum, qui *Patavii* erat, eò legatum miserunt, ut unà  
cum *Mocenico* belli rebus præesset, qui quidem  
*Joannes* eo rejecto stipendio, quod ei Patres mune-  
ri obeundo decreverant, sua impensa reipublicæ  
laboranti operam se daturum proficiscens est pol-  
licitus. militesque item quingenti, equites levissi-  
mi CC. à legatis *Patavio Taurisum* missi. Erant au-  
tem in hostium exercitu *Galli* equites gravioris *Gallo-  
rum ex-  
ercitus.*

C *Alfonsum Ferrariensem* Princeps cum equitibus  
CC. Is exercitus depopulatis reipublicæ agris il-  
lorum finium, *Castellum Novum*, quod est in *Al-  
pibus*, profectus, paucis defendentibus oppidum ce-

D *Castellum Novum* cap-  
tum &  
incen-  
sum.

E *Castellum Novum* cap-  
tum &  
incen-  
sum.

F *Castellum Novum* cap-  
tum &  
incen-  
sum.



cepit, diripuit, incendit, ut nihil ex eo neque domorum, neque templorum, uno fano excepto, non ardens dirutumque sit relictum. Idem post *Feltria* passa est in maiorem sui partem, ut à priore vastitate superfuerat, aut cives eam restituerant. *Cividale* quoque *Belunianum* parvo negotio captum, cum civitas oppidum, uti *Feltria* acciderat, incendi nollet. Itemque *Scala*: nam qui eam defendebant, primis tormentorum pilis in eos jactis, & centurione interfecto, deditionem fecerunt. Eodem tempore in *Iustinopolitanorum* finibus milites reipublicæ circiter quadringenti equitesque aliquot, insidiis ab hostibus dispositis capti ad septuaginta, interfecti ad X. poenas imprudentiæ dederunt.

Inter has bellicorum eventuum audiciones *Catharina Cornelia*, quæ *Cyprii* regis uxor fuerat, de qua in horum commentariorum priore libro scripsimus, sexto *Nonas Julias* stomachi vitio in urbe mortem obiit, annum agens quartum & quinquagesimum: elataque est à Patribus magna frequentia civitatis è *Cassiani* ad Apostolorum fanum ponte navibus imposito, quo ad minuendum viæ spatium aqua, quam *Canalem magnum* appellant, transmittenda duceretur, atque ab *Andrea Naugerio* laudata. eoque postea in fano *Georgius Cornelius* frater, templi *Marcii* procurator, sepulchrum marmoreum cum ædícula forori optimè de se meritiæ faciendum curavit.

Interim quoniam *Julii* postulatione, ut classis reipublicæ ad *Genuam* à *Gallis* avertendam in mare superum vela facere juberetur, ab *Decemviris*, qui eam dies aliquot suo in collegio continuerant, superiore desinente mense ad Senatum prolata, Senatusconsultum factum fuerat, triremes duodecim, & biremem unam, quæ *Corcyræ* essent, *Centumcellas* celeriter mitti oportere, quæ *Julio* præsto essent: alterum Senatusconsultum factum est, dandas esse *Julio* literas, quibus certior fieret, naves triremes majores duas ex iis, quas *Notbas* appellant, & minorem unam, quæ ad urbem sint, Senatum armari confestim iussisse, ut *Centumcellas* classi priori submitterentur. Hæc ea re à Patribus fiebant, ut *Julii* animum, quem experti fuerant & superbum & perferocem esse, his officiis delinitum proclivorem haberent ad bellum *Gallis* & *Alfonso* inferendum. quæ quidem ei gratissima acciderunt. Sed cum videret classis adventum tardiorum expectatione sua esse, moræ impatiens legato reipublicæ accersito dixit, statuisse se tribus cum longis navibus *Genuam* aggredi: misisse *Viam regiam* *Marcum Antonium Columnam*: missurum cras *Octavianum Fregosum*, *Francisci Mariæ Metaurensium* ducis fratris sui filii consobrinum, magna adolescentem virtute, magna inter cives suos autoritate, propter factiones, quas majores sui vetusto more civitatis exercuerant: qui quoniam quartana esset implicitus, petere à Senatu, ut & ipse *Janem Fregosum* confestim eodem mittat, ut unâ cum illo rem juvet. Quibus de rebus Patres acceptis à legato literis, *Jani Patavio* evocato *Julii* petitionem ostenderunt, atque is, Patribus hortantibus, libenti animo statim conscendens *Ravennam* est profectus, ut inde pedibus, mutatis jumentis, *Viam regiam* contenderet.

Sub hæc equites *Hispani* gravioris armaturæ quatercenti *Vicetiæ* appropinquaverant, ut cum hostibus reipublicæ se conjungerent: tametsi *Julius Donato* legato pollicitus fuisset, id illos non facturos: ita sibi cum *Ferdinandi* regis legato convenisse: à quo publicè illis ipsis diebus tributum nomine pro regni *Neapolitani* permissione equum album acceperat, quem quidem ea conditione sublata non fuisset accepturus.

A Idem *Julius Troilo Sabello* petenti, ut ejus voluntate ad reipublicæ stipendia facienda conferre sese posset, libenti animo permisit.

*Lecabuas* interea *Epirota* triginta equitum præfectus, *Patavii* qui erat, ab agrestibus admonitus, citra *Medocum*, quem magna hostium exercitus pars trajecerat, certo in pago equites *Germanos* ferè centum divertisse, indiligerenterque ibi & incustoditè versari, eò profectus, atque illos improvisò aggressus, cum unum ex ejus turma temerè progressum hostes interfecissent, ipse reliquique tam acriter in illos impetum fecerunt, ut quadraginta ex eis interfectis, quindecim captis, equis abductis, se *Patavium* cum præda victor receperit.

Patres, quibus *Julius* non semel autor fuisset, ut *Franciscum Mantuanorum* principem missum facerent, demum etiam ut ad sese mitterent, se illum recturum, & in officio contenturum, atque ita *Mantuam* in *Gallorum* partibus non futuram: *Donato* legato scripserunt, sese *Julio* obtemperaturos, atque illum in trireme *Ariminum* missuros: tametsi, propterea quòd imperatoris magnopere indigebat reipublicæ exercitus, cogitaverat Senatus illum suis copiis præficere. Itaque *Franciscus* postridie custodia

C eductus, atque inter Patres per forum ad aquam perductus, unâ cum *Bartholomæo Contareno*, *Daniele Vendramino*, quos ei principis collegium comites & curatores dederat *Ariminum* usque, conscendens est profectus. Equites quibus *Janes Fregosius* præerat, qui quidem erant ii, quos stipendarios habuerat *Nicolaus* imperator, Senatusconsulto attributi sunt *Laurentio*, qui *Cere* obtinebat, usque ad *Janis* ad urbem reditum: suusque ipsi equitum centum quinquaginta gravis armaturæ constitutus numerus, cum auri libra in victum mensibus singulis. Pauloque *Manfronio* ejusdem generis equitum auctus numerus

D ad centum. quodque hostium exercitus unâ cum equitibus *Hispanis*, de quibus supra diximus, *Patavio* appropinquaverat, ut omnes crederent eum ad oppidi moenia venturum: neque deerat suspicio ab amicis reipublicæ ad legatos delata, ex iis qui *Patavium* custodiebant, nonnullos cum hostibus consensisse, oppidique portam eis tradituros: eodem Senatusconsulto iussum, ut præter *Citolum Perusinum* cum sua cohorte, equites peditesque universi, qui *Taurisi* essent, & tormentorum magistri, sine mora *Patavium* proficiscerentur: utque legatis pecunia suppeteret, præter eas, quas superioribus diebus sæpe miserant, centum auri libræ, à civibus mutuo acceptæ, sunt ad illos missæ. Eo in tumultu quòd

E *Angelus Trivisanus*, qui ob classem in *Pado* amissam in exilium missus fuerat, reipublicæ est pollicitus, se *Patavium* cum militibus centum quinquaginta iturum, eique urbi præsidio menssem totum sua impensa futurum, si restitatur: lex est in comitio perlata, ea illum conditione ab exilio revocari reipublicæ placere. atque is intra biduum eo cum militum numero se in oppidum intulit. *Philippum* quoque *Maurocenum*, quem quidem ob vulneratum ab eo *Robertum Maurocenum* consobrinum suum XL. viri in carcerem conjecerant, auri libris X. in ærarium illatis, *Decemviri* libertati & civitati restituerunt.

F Hostes cum dies aliquot de adventu suo *Patavium* suspensum tenuissent, *Monsilice* sunt profecti, tormentisque positis oppidum verberare occæperunt, murosque duabus à partibus dejecerunt. Interim *Epirotæ* XX. *Patavio* emissi, omnemque agrum percurrentes, *Sonzinum Benzonium*, qui se ad hostium exercitum *Verona*

bum tributum nomine ad Pontificem mittit.

*Germani* equites cæsi.

*Franciscus Mantuanorum* dux à *Venetis* dimittitur.

*Patavini* quidam de prodicione suspecti.

*Angelus Trivisanus* quibus conditionibus ab exilio revocatus.

*Robertus Maurocenus* carcere liberatus.

*Monsilice* à *Gallis* oppugnatur.



conferebat, quorum erat rei frumentariae procurator, in itinere ceperunt non longè à *Montaniano*, cum equitibus paucis & jumentis sarcinariis plerisque, & captum *Patavium* adduxerunt: quem quidem hominem, propterea quòd cùm civitate & jure comitiorum majoribus suis tradito frueretur, & præterea stipendia reipublicae faceret, planè Senatui charissimus, anno superiore in clade exercitus *Cremam* à legato missus, id oppidum *Gallis* hostibus tradiderat, posteaque semper bellum reipublicae fecerat, legati laqueo gula fracta, vetusto in proditores exemplo pedibus suspendi mandaverunt. *Stanio Clementi Epirota* & tribus ejus equitibus, qui *Sonzinum* ceperant, pensiones sunt annuae omnibus suffragiis à Senatu dono datae: ipsi uni & militiae insignia, & vestis aurea superaddita.

Proditoris patriae poena.

Legatus Pontificis ad Maximilianum missus.

Dionysii Naldii obitus.

Monflice ab hostibus capitur.

Joannis Sfortiae obitus.

Julii Pontificis cum Alphonsi belli initium.

*Constantinus Arenites Epirota Maximiliano Julioque* charus, ab *Julio* ad *Maximilianum* missus, ut illum reipublicae placaret, pacemque ac foedus inter eos conficeret, *Roma Venetias* venit ea in triremi, quae *Franciscum Mantuanorum* principem *Ariminum* adduxerat: *Lauredanoque* & *Patribus* salutatis, atque ab iis liberaliter acceptus, aurique libris quatuor & equo peregre donatus, *Taurisum* atque inde in *Alpes* contendit.

*Dionysius Naldius Faventinus*, militum reipublicae praefectus, vir fortis, complures dies febribus non remittentibus vexatus, atque ad urbem delatus, morbo cedens periit. cadaver in aede *Gemellorum* apud imperatoris *Nicolai* cadaver positum, domus fundique à republica illi, quoad viveret, dono dati, ut ad ejus filiam, quam unam puellam reliquerat, transirent, Senatus censuit. *Dionysii* milites *Vincentio Naldio* ejus consobrino sunt traditi, ut, quòd erant plerique *Faventini*, facilius ab illo regerentur. Inter hæc *Monflice* ab hostibus capitur. Ea in re *Palitiae Galli* opera egregia fuit: is enim pedes in primis cum suis per eam muri partem, quam tormenta dejecerant, irrumpens occasionem reliquis dedit, ut omnes unà propugnatoribus dejectis, in oppidum se inferrent. *Hispani* ab alia muri diruti parte idem & ipsi fecerunt, neque se à *Gallis* virtute superari permiserunt. Tormenta ejusmodi rotis erant imposita, ut ab extrema parte ad terram prona fieri, à priore in fastigium erigi nullo negotio possent, ad pilas in sublimem ejiciendas. ea sic aptata usui magnopere fuerunt. caedes est ab hostibus ingens atque indiscretè facta: tametsi etiam ex ipsis ceciderunt non sanè pauci. Arx usque ad noctem defensa est. *Sebastianum Naugerium* oppidi praefectum, ab *Hispano* captum milite, ignaro quisnam esset, cùm ei pollicitus fuisset auri libram, uti se redimeret, daturum, *Vascones* eam rem improbantes interfecerunt. Arcis item praefectus cum centurionibus & militibus permultis interiit. Hostium exercitus timore agrestes eorum finium ad millia duodecim *Fossam Clodiam* profugerunt: quibus ea civitas, uti poterat, è publica pecunia in victum est elargita.

*Joannes Sfortia*, qui *Pisaurum* obtinebat, illis diebus suo in oppido mortuus filium reliquit, quem *Junipera Matthaei Teupoli*, civis *Veneti*, filia uxor sex menses ante patris mortem pepererat. *Galeatius* frater nothus ex ejus testamento regnum administrandum iniit, literasque ad Senatum ea de re dedit.

Hostes commeatus inopia propè coacti *Monflice* abierunt *Montanianum* & *Lemniacum* versus, abeuntesque arcem incenderunt. id incendium ab iis, qui *Patavii* erant, facile conspectum, eorum abitus indicium fuit. *Monflice* capto, quòd *Julius*

*missus in Ferrariensium* fines suis copiis aliquot castella jam ceperat, *Alfonsus* cum *Gallis* equitibus CCC. præter suos, & *Hispanis* militibus non plurimis, & suis cum tormentis domum rediit ad bellum *Julianum* propulsandum. Et *Chiriacus Burgius* cum sexcentis militibus ex *Apennini* jugis vallibusque ad reipublicae stipendia sese conferens *Fossam Clodiam* venerat.

Patres saepe consulti quisnam esset ad copiarum reipublicae imperium praefectis reliquis antefendus, sententiaque legatorum ea de re per literas non semel cognita, *Lucium Bononiensem* declaraverunt, exercituique praefecerunt: cui libras auri duas in victum singulis mensibus præter eam stipem, quam antea Senatus ei constituerat, addiderunt. Lecti postea sunt à principis collegio, qui ei vexillum & sceptrum, ejus imperii insignia, *Patavium* adferrent, *Laurentius Orius*, *Petrus Maurocenus*, ambo ex *Quinqueviris* adolescentioribus, qui rebus bellicis maritimis in Senatu tractandis praeficiuntur. Literas etiam Patres *Romam* ad legatum dederunt, quibus à *Julio* petebant, ut *Joanni Paulo Balioni Perusino* permitteret, ut ejus voluntate reipublicae stipendia facere posset: idque sunt facillimè consequuti. Paucis post diebus *Martini Burgii* & *Philippi Graeci* centurionum, qui *Monflice* interfecti fuerant, liberis & ii sunt fundi dono dati, quos Senatus eorum antea patribus dederat: & militum numerus cum stipendio attributus. Atque in comitio *Michael Naugerius*, *Sebastiani Naugerii* item interfecti, pater, in filii mortis solatium omnibus suffragiis *Triumvir* proventibus reipublicae procurandis declaratus.

Lex etiam perlata, quam quidem menses aliquot antea Senatus censuerat, ut *Sexviri* sale procurando ad quatuor redigerentur: isque postea numerus magistratuum in collegio fuit.

Jamque ad nihilum conatus *Juliani* reciderant, in *Genuensium* civitate à *Gallorum* dominatione vindicanda, cùm se illi, antequam & reipublicae classis & terrestres *Julii* non magnae copiae ad eos fines accederent, & classe & militibus peropportunè muniissent. Ea in re tentanda *Joannes Franciscus Polanus* triremis reipublicae praefectus pila ferrea percussus interiit. Neque non tamen *Hieronymi Contareni* praefecti classis industria omnibus in rebus diligens, quantum esse potuit, fuit: itaque infecta re *Marcum Antonium Columnam* & *Fregosios* & majorem militum partem suis in navibus recipiens, *Centumcellas* rediit, indeque ad urbem pedibus *Julii* vocatu sese contulit: atque eo liberaliter acceptus, epulisque adhibitus, & stipe ad panem remigum donatus auri libris duabus, jussus est classem, & militum manum longè numerosiore ad rem iterum tentandam propediem conficere: suaeque *Julius* consilia patefecit, atque ad naves longas majores reipublicae, de quibus supra dictum est, celeriter accersendas, tabellarium cum literis *Corcyram* misit.

Eo ferè tempore *Uladislaus Pannoniae* rex *Ludovici Gallorum* regis & *Maximiliani* assiduis hortationibus petitionibusque permotus, in suorum principum concilium *Petro Pascasio* legato reipublicae adhibito proposuit, statuisse se bellum reipublicae inferre, nisi *Dalmatas* suos quondam populos sibi restituat: nolle se ulterius ea ditione, quae majorum suorum fuerit, carere: si reipublica sua voluntate eam tradat, se illi amicum futurum: sin bellum malit, citò eam cognituram, quam praestet pacatè restituere, quod retineri bello non possit. Legatus cùm vellet pro Senatu verba facere, rei publicae causam tueri, ab illis est prohibitus: itaque quod unum in sua esset

Lucius Bononiensis exercitus Imperator declaratur.

Lex de salis procuratoribus.

Julii in Genuensibus conatus irriti.

Classis Centumcellas reditus.

Pannonia rex Venetis bellum indicit, nequam infert.



set potestate, se de eo Patres certiores facturum dixit: tempus petere, ut quid ad ea respondeant, sciri possit. Eo concilio dimisso, fuere nonnulli ex iis ipsis, qui in concilio fuerant, qui secreto ad legatum detulerunt, bono animo esset, bellum regem facere non posse, quod numi non suppeterent: satisfactum ea denuntiatione, cum regibus petentibus, tum principibus aliquot *Pannonicis*, quos suæ ipsorum cupiditates impellebant, ut bellum suaderent: sed re nullum fore bellum: quod ita esse postea eventu ipso patuit.

Hostium  
Monslice  
discessus.

Hostium autem, qui *Monslice* abierant, pars *Vicetiam* profecti, tormenta, quæ priore adventu in oppidum intulerant, ibique reliquerant, abstulerunt *Germani Vasconesque*, quos adibant pagos villasque, incendiorum vastitate plerumque foedatas relinquebant, *Galli* cum vellent à reliquo exercitu recedere *Mediolanum* versus, ab rege literas acceperunt, quibus in literis juebantur, duos etiam menses cum *Germanis* belli fortunam experiri. Cives *Veneti*, qui missu Patrum *Patauii* portis & mœnibus præfuerant, à legatis sunt dimissi. Ex iis *Angelus Quirinus* legatorum ad Patres literis laudatus, quod magna diligentia cum eo comitatu, quem adduxerat, in sua tuenda porta esset usus, sine ulla præterea stipe reipublicæ, quam reliqui omnes accepissent; sed impensa unius sua, ad *Lauredanum* principem & ad Patrum collegium domum rediens cum se, ut mos erat, contulisset, suæ in rempublicam liberalitatis & virtutis fructum tulit, ipsorum & totius civitatis in sese benevolentiam. *Citadella*, *Bassianum*, *Asulum*, post hostium abitum non magno sunt negotio recepta: *Marostica* etiam, sed difficilior aliquanto, arce tormentis expugnata, captique in ea *Germani* milites cum eorum centurione non pauci, & inermes omnes dimissi. capti & *Taurisani* rebelles aliquot, atque à *Mocenico* legato, qui aderat, supplicio affecti. Interim *Troius Sabellus* ex *Romani* principibus reipublicæ militiam facturum ad urbem venit, cum in itinere equites septuaginta reliquisset. eum Patres liberaliter exceperunt. Iidem Patres *Joanni Beltramo Hispano* mercatori sanè industrio, qui ob *Julianas* interminationes *Ferrariam* ab urbe se contulerat, petenti ut tutum se liberosque suos faceret ab iis tributis, quæ sunt ab ipsis ante eum diem in ærarium inferri iussa, ita se in urbem reversurum, neque postea discessurum, libenter annuerunt: literasque ad illum ejus rei obfides dederunt.

Liberali-  
tatis &  
virtutis  
in pa-  
triam re-  
munera-  
tio.

Loca  
quædam  
recupe-  
rata.

Joannes  
Beltra-  
mius  
Merca-  
tor reci-  
pitur.

Julii  
Pontifi-  
cis in *Al-  
phonsum*  
edictum.

*Julius* autem magnopere in *Alphonsum* incensus, expugnatis oppidis nonnullis ab ejus copiarum imperatore adolescente *Francisco Maria Metaurensium* duce, *Joanne Paulo Balione* equitum præfecto, in primis ab *Ravenna Faventiaque* finibus, à Senatu petiit, ut suos equites levissimos & ipse ab alio finium latere in ejus regnum prædabundos immitteret: atque ipse primum *Romæ* in Cardinalium collegio edictum in *Alphonsum* promulgavit, in quo rebellem illum in sese *Romanamque* rempublicam sæpe appellabat: deinde id edictum & in valvis templorum *Romæ* affigi, & *Bononiæ* in foro recitari, perque orbem terrarum vulgatis impressione tabulis omnibus in urbibus atque locis proponi atque appendi mandavit. Præter hæc augendo eo, quem in illius fines induxerat, exercitu, duo alia *Helvetiorum* millia, stipendio ad eos misso, per suos internuntios accersivit. Minis etiam & maledictis *Aloisium Gallo-*rum regem omnibus in sermonibus quotidie infectabatur, onerabatque perfidiæ in Christi vicarios notâ, quorum ipse tutelam & propugnationem clarissimo vocabulo præ se ferret, perter-

Julii  
Pontifi-  
cis in re-  
gem  
Gallo-  
rum ma-  
ledicta.

A rere illum volens, ne ulterius *Alphonsum* tueretur, missaque ad illum auxilia sua revocaret. Quibus de rebus *Aloisius* certior factus, animum propè induxerat, ut se ab *Alphonso* defendendo abstineret, præsertim quod ejus uxor *Anna* regina, optima sanctissimaque foemina, quæ prægnans tunc erat, magnopere virum quotidianis precibus obtestabatur, ne arma in *Romanum* Pontificem exerceret: existimari sese ventrem, quem ferebat, aliter prosperè se non gestaturam. vehementissimè autem rex cupiebat prolem, quam adhuc nullam habebat, ex ea suscipere.

Rex cur  
Pontifi-  
cis minas  
veritus  
sit.

B Alienandæ verò ab *Aloisio Genuensium* civitatis cogitationem *Julius* non modò non abjecerat, non prospero eventu rerum deterritus, sed etiam auxerat, ardentior repulsâ irritatiorque factus: itaque ad naves duas onerarias maximas conducendas atque armandas, & classem reliquam addendas *Neapolim* misit: *Helvetiosque* priore à se stipendio in regis fines impulsos, ad *Genuam* expugnandam esse adducendos cogitavit. quas ad res id ei etiam animos addiderat, quod plerosque ex iis, qui *Romæ* erant sacerdotes magnis thesauris præditi, ea æstate mors abstulerat: quibus thesauris jure ad se redeuntibus ditior factus, fortunam ipsam favere suis rebus cogitationibusque dictitabat, planèque gloriabatur. Senatus autem, uti *Julio* satisfaceret, naves triremes duas & biremes aliaque navigia perplura armari, *Marcoque Antonio Contareno*, qui ad *Fossam Clodiam* cum triremi una erat, mitti oportere legem scivit: quam ille classem *Pado* flumine in *Alphon-* fines induceret: edictumque in foro proponi jussit, qui prædam vellent in *Alphon-* finibus facere, per rempublicam licere, dum ab incendiis prorsus abstineant. Quamobrem ducentæ fere privatorum hominum naviculæ paulò post se ad præfectos reipublicæ in *Pado* contulerunt. *Vin-*centium etiam *Guidotium* scribam suum *Bononiam* misit, ut apud Cardinalem *Papiensem*, qui amplissima cum potestate ei urbi & toti *Flaminie* rebusque in bellum administrandis præerat, reipublicæ nomine esset: ita enim *Julius* petierat. Eodem tempore ab legatis *Patavio* Senatus jussu equites leviores CC. cum militibus CCCC. *Leonardo Apulo* & *Meleagro Forolivienfi* ducibus in *Rhodigianos* fines missi: & triremes nothæ duæ, atque una levioris generis, cui *Franciscus Cornelius Georgii* filius præerat, *Hostiam* appulerunt,

Julii  
machi-  
namenta  
in *Ge-  
nuenses*.

D deindeque cum reliqua se classe *Centumcellis* conjunxerunt. & *Hieronymus Contarenius*, vexillo cum clavibus & corona triplici ab *Julio* cupidè ad se misso, ut ea sui etiam juris esse classis videretur, unâ cum vexillo reipublicæ, Patribus permittentibus, deinceps est usus cum foederis præfecti nomine: *Francumque Ghibertum* unum ex iis, qui ærarii *Romani* causas administrant, quem *Julius* præfecti socium esse voluit, ut ita maximè ei classi suam auctoritatem impertiret, apud se sua in triremi habuit. Eum *Ghibertum* cum *Julius* in collegio Cardinalium ad id munus publicè legeret, ad *Gallos Italia* expellendos, remque *Venetam* juvandam, sese legere palàm dixit. Post hæc ad *Contarenum* misit, ut classem *Hostiam* adduceret: quam cum diligenter inspe-

Julii  
Pontifi-  
cis vexil-  
lum.

E xisset, ampliterque probavisset, vini *Corfi* caros sexdecim, boves sexdecim (tot enim erant naves) hircos genitalibus defectis bis totidem, panis cum semel cocti tum bis cocti magnum numerum ei dono in classem misit: cumque ea classe postridie sua in triremi *Centumcellas* est profectus. Eo deinde *Viterbium* petente, *Contarenius* suos remiges sociosque cum tentari valetudine videret, per *Senensium* portus, qui eo in tractu maris sunt, quosque ultrò civitas ob veterem in



republicam benevolentiam ei obtulerat, classem circumduxit. Jamque ab *Julii* exercitu arce *Lugiana* vi expugnata, *Vasconibusque* ducentis, qui in ea erant, interfectis, *Mutina* oppidum, ne postea graviora perpeti cogeretur, ejus seministris, qui illò copias converterant, certis conditionibus interpositis tradidit. Et *Marcus Antonius Contarenius*, ut erat ei à Senatu imperatum, *Pado* subvectus *Rhodigianos* ad deditiōem compulit. *Mocenicus* quoque legatus, qui se cum *Citolo Perusino* & equitibus levioribus per plurimis in *Alpes* intulerat, ut *Cividale Belunianum* expugnaret (quæ civitas in *Maximiliani* partibus obstinatè *Joanne Diedo* altero legato antea cum copiis eò misso, se continuerat) muro tormentis perforato, cum se milites vellent intromittere, nulla spe oppidanis reliqua se tuendi, ne urbs honesta diriperetur, *Citolo* adjuvante illos continuit, & pacatè oppido est potitus.

Post hæc & qui in *Alfonsi* fines se intulerant reipublicæ præfecti, omnia ferè earum regionum oppida castellaque in suam potestatem redegerant: & *Julianæ* item copię captis municipiis, eo ab latere quæ erant, magna ex parte, *Ferrariam*, cui urbi appropinquaverant, jamjamque irrumpere se posse confidebant. *Gritus* verò & *Capellus* legati Senatus permissu *Patavio* cum exercitu egressi, non *Vicetiam* modò reliquaque finium eorum municipia nullo negotio receperunt, sed hostes etiam, qui se in *Veronæ* finibus nostros veriti, aquarum derivatione atque aggeribus communierant, ad vicina eis loca motis castris in oppidum compulerunt. quo in itinere præmissi equites levissimi, ut illos lacefferent, non semel & prædam & cædem fecerunt, & captivos abduxerunt. Patres interim *Laurentium Ceretanum* omnibus suis militibus præfecerunt, & *Naldio Faventino* pensionem annuam librarum auri quinque, quoad viveret, persolvi mandaverunt.

Dum hæc administrarentur, cum *Joanne Francisco Gambarà* homine inter civitatis *Brixianæ* principes claro, qui anno superiore turmæ equitum reipublicæ præfectus ob simultatem, quam cum uno ex *Lauredanis* civibus *Venetis* graviter ab eo offensus exercebat, in clade exercitus ad *Gallos* hostes sua cum turma transierat, atque ab rege stipendio accepto, in ejus exercitu postea contra rempublicam semper fuerat, Cardinalis *Papiensis* per suos internuntios clam ad eum missos egit, ut dare operam vellet efficereque, sua ut civitas ad rempublicam rediret. Ille autem, cui quidem *Gallorum* imperii valde jam pertæsum esset, ita se rem facturum est pollicitus, si reipublica eum sibi apud se gratiæ locum, quem habebat ante cladem, restituat. Ea de re Cardinalis *Julium* certiorum facit. *Julius* per *Donatum* legatum à Senatu postulat, ut suam fidem *Joanni Francisco* det, fore uti ipsemet constituisset, si reipublicæ *Brixiam* tradiderit: addiditque habere se etiam, qui sint *Parmam* sibi oppidum iisdem artibus tradituri: itaque sperare se brevi *Gallos Italia* ejectionem. *Donati* literæ iis de rebus ad Senatum perlatae magnam in spem belli celeriter conficiendi Patres erexerunt: itaque Se-

natusconsultum factum est, de *Joanne Francisco Gambarà* ita fore, uti ipse constituisset, si *Brixiam* reipublicæ restituat: suam ei fidem *Julius* interponeret, Senatus illam omnibus numeris servaturum: magno silentio imperato, ne quid ejus sciri posset. Iidem Patres, *Julio* permittente, literas ad *Franciscum Mantuanorum* principem dederunt, velle se imperium reipublicæ copiarum ei tradere: mitteret ad urbem suum hominem, qui cum res transigi possit.

*Triulcius* inter hæc *Brixia Mediolanum* proficiscens propter *Helvetiorum* in *Gallici* regis fines impressionem, tormenta ibi quæ erant, secum ut ferrentur, imperavit. *Helvetii* autem cum ad *Abduæ* fluminis è lacu *Lario* exitum *Galli* eis occurrissent, binis eos cladibus affecerant. Legati reipublicæ non longè à *Verona*, qui erant certiores facti hostes in timore esse, neque satis sibi confidere: cum non longius ab eorum castris passuum sex aut septem millibus abessent, singulis centurionibus & equitum præfectis appellatis interrogatisque, vellentne atque auderent cum hostibus configere: atque ab omnibus responso alacriter dato, nihil se malle, quam pugnare, atque ab ipsis periculum de sua virtute fieri, communi consensu statuerunt illos aggredi: itaque præmissis equitibus levioribus sexcentis, qui hostes morarentur, castra enim jam moverant, subsequi ipsi omni cum exercitu coeperunt. Equites suam operam legatis præstiterunt. quod si illi etiam in eo, quod constituerant, persistissent, bellum confici eo die profectò poterat: fusis enim fugatisque iis, quod erat sanè perfacile (nam propter *Gallorum* abitum qui partim *Ferrariam*, partim *Mediolanum* recefferant, ad non magnum redacti erant numerum) neque *Verona*, neque *Brixia*, neque reliquorum oppidum ullum in hostium manere partibus perseveravisset. Verumenimvero fortuna, quæ reipublicæ invidere non desierat, *Lucii*, qui exercitum regebat, animum socordia infecit, ut ille sæpe suos in itinere aliam atque aliam ob causam inanem quidem atque futilem remorando tempus triverit, dum hostes se in oppidum reciperent: quos tamen iidem equites confectati, tantum eis formidinis injecerunt, ut qui intraverant, portæ pontem erigentes viginti quatuor ex suis oppido excluderint: quos nostri captivos fecerunt, *Epirotamque* unum, qui se cum hostibus iniecerat, amiserunt.

Domini autem *Henrico Britannie* regi per literas petenti, ut arcuum millia quadraginta ex urbe asportare suis hominibus liceret: etsi id contra leges erat, Senatus tamen ob veterem cum rege benevolentiam de media ejus numeri parte permisit.

Atque ut cum pacatæ rei memoria huic decimo meorum commentariorum libro finis imponatur, *Decemviri* cum viderent in magistratibus, qui rempublicam in Senatu procurant, nullum discrimen collegarum fieri, legem sciverunt, nemini esse in eis magistratibus licere, cui esse in illis magistratibus, quos comitia declarant, propter propinquitates affinitatesque non liceat.

*Helvetiorum* in *Gallici* regni fines irruptio.

*Britannie* rex à reipublica arcuum millia quadraginta petiit.

Lex de magistratibus rempublicam in senatu procurantibus.



# PETRI BEMBI


## RERUM VENETARUM

### HISTORIÆ LIBRI UNDECIMI

#### EPITOME.

**V**eneta classis cum Pontificis copiis tertio *Genuam* petit, & cum *Gallica* congredditur ac redit. Pontifex *Bononiā* se confert, ejusque in *Alphonsum* bellum. *Veneti Veronam* oppugnant, & obsidionem solvunt. *Veneta* classis in *Alphonsum* missa frangitur. Altera classis in eundem mittitur, resque terra inter eosdem gestæ. *Gallorum* prope *Montanianum* clades. *Franciscus Mantuæ* princeps, *Veneti* ac Pontificii exercitus imperator declaratur. Lex de ambitu *Venetis* lata. *Venetorum* in *Tesinum* regionem excursio. Pontifex *Gallis* igni & aqua interdicat. Reipublicæ & *Julii* exercitus contra *Alphonsum* conjunguntur, eorumque res gestæ. Exercitus iterum *Veronam* mittitur, indeque re infecta recedit. Concordia à *Venetis* capitur. *Infans biceps* in urbe natus. *Gallorum* ad *Setiam* clades. *Mirandula* à *Julio* capitur. Idemque *Mutinam* *Maximiliano* tradit. *Alphonfus Julii* exercitum fundit. *Venetis* & in imperio terra tremuit. Concordia à *Gallis* recuperatur. *Bononia* à *Gallis* & *Bentivolis* capitur. *Veneti* prope *Bononiā* à montanis hominibus fracti. *Alidosius* Cardinalis à *Francisco Maria* trucidatur. *Julii* in *Bononienses* edictum. Concilium *Pisis* indicitur, & ad id Pontifex vocatur. Variæ in *Carnis* pugnae. *Venetorum* prope *Veronam* clades. *Taurisum* miro artificio munitur.

#### LIBER UNDECIMUS.



**J**ULIUS à *Centumcellis* per *Aureliam* proficiscens, *Genuensium* civitatis à *Gallorum* imperio avertendæ cupiditate n dies magis magisque ardens, *Corytum* profectus est, ibique in littore cum præfecto classis

*Venetæ Contareno*, quam quidem classis illò adduci jussèrat, hilariter pransus, classiariis ferè universis se adeuntibus mira facilitate ad pedis osculum admissis, & militibus quatercentum in triremes impositis, iterum ei, ut celeriter in *Liguriam* contenderet, imperavit: qui confestim *Populoniā* se contulit. Quoniam autem triremes *Venetæ* in *Ægei* mari navem magnam *Genuensium* mercibus onustam ceperant, per *Donatum* legatum, perque suas literas à Senatu petiit, ut eam navem *Genuensibus* restitueret, eo illos munere lenire cupiens. Patres servatam apud *Corcyrenses* navem omnibus cum mercibus *Genuensium* internuntio tradi mandaverunt.

Idem Patres, quòd *Lucii* timore atque ignavia hostibus clapsis pulcherrimam *Veronæ* capiendæ occasionem turpiter amiserant, indignabundi de *Julii* consilio, qui *Romam* redierat, *Franciscum Mantuanorum* principem suarum copiarum omnium imperatorem faciunt, eodem ferè Senatusconsulto, quo antea quàm honorificentissimo fecerant. Is cum imperium non modò libentissimè, sed etiam hilariter, ut videbatur, accepisset, deque eo immortales gratias Senatui egisset, seque ad exercitum atque ad legatos brevi iturum recepisset, dum equites cogere, dum comparare sese, per literas perque suos interpretes ad urbem sæpe missos certiores Patres facit, cum etiam contra priorem animi sui alacritatem Senatusconsulto non contentus, duriores reipublicæ conditiones interponit, pedem *Mantuanusquam* protulit. Interim *Troilo Sabello*, de quo supra dictum est, equites gravioris armaturæ centum, levioris qui sagittis uterentur, alteri totidem à Senatu traditi: *Thracisque* hominis, qui equites levissimos ducentos in *Epiro* paratos habebat, oblatio accepta ut reipublicæ militiam facerent, auri semuncia ipsis singulis in menses

**A** singulos, eorum præfectis unica cum sextante stipendium constituta: jussique quamprimum conscendere. In *Forojuliensibus* autem cum hostes cogi, ut in eos impetum facerent, undequaue dicerentur, *Joannes Viturius*, vir magni animi, qui in *Saciliensibus* magistratum gerebat, ad illos legatus est à Senatu missus. *Julius* iterum *Roma* per *Flaminiam* profectus à *Spoletum* in dexteram flexit, ad templum *Lauretanum* se contulit, ibique in Virginis ædícula sacris à semet peractis, *Anconam* venit, ut *Bononiā* ad bellum, quod cum *Alfonso* gerebat, administrandum procederet.

**B** Legati *Veneti* & *Lucius* præfectus in campis *Martinianis* recensito exercitu, tormentisque à *Lactantio*, qui eorum curam gerebat, ad *Veronæ* muros positus, eos dejicere oppidi capiendi spe adoriuntur. Id cum dies aliquot fecissent, partemque non parvam diruissent, quòd mons difficultatem magnam dabat, aggredi omnibus copiis atque irrumpere non sunt ausi, cum id facere debuissent: milites enim & audebant quæ proponebantur, & quæ imperabantur obibant magno animo: sed inerat in *Lucio* incredibilis omnium rerum, etiam non magnopere timendarum, suspensio animi, & cordis gelidus quidam pavor, qui cum retinebat, ne quid egregium atque altum auderet: quem tamen timorem verbis & prudentiæ simulatione tegebat, ut non facile appareret, utrum timidior, an prudentior esset. In ea oppugnatione dum tempus terunt, hostes ex oppido prima luce repente egressi ad tormenta configenda, quæ indiligenter custodiebantur, convolaverunt: nam *Lactantius* pridie ejus diei pilæ jactu in femore percussus, curando vulnere *Patavium* se perferri voluerat: parvoque negotio repulsis qui aderant, quod intenderant, assequiebantur: cum *Citulus*, clamore fugientium audito, è tentorio ita, ut erat, sine galea cum suorum paucis accurrens, repellereque illos aggressus in medium eorum agmen imprudens se iniecit, atque ibi vulnere in capite accepto, tellure prostratus confossusque interiit. ita *Veneti* duos longè reliquis præstantiores præfectos militum, viros, quorum virtuti legati exercitus-

*Julius*  
Pontifex  
ad bellum  
proficiscitur.

*Veneti*  
*Veronam*  
oppugnant.

*Veneta*  
classis  
cum  
Pontificis  
copiis  
tertio  
contra  
*Genuam*.

*Franciscus*  
*Mantuanorum*  
dux  
fit Imperator  
exercitus  
*Venetorum*.



citique omnis summopere confidebant, bidui A  
spatio amiserunt. *Lactantius* enim suo ex vulnere  
paucis post diebus est mortuus. *Citolo* interfecto  
ejus milites ad vindictam incitiores facti, ac-  
currente reliquorum globo hostes a tormentis re-  
pulerunt, interfecti circiter quadraginta, & quæ-  
store *Germanorum* militum, captis ad quinquaginta cum præfectis tribus: quorum ex numero  
*Franciscus Maldonatus Hispanus* fuit, qui quidem  
*Venetias* est perductus.

Obsidio  
Veronen-  
sis solvi-  
tur.

Rebus ita se habentibus, cum nihil proficere  
muris *Veronæ* verberandis legati se cognoscerent,  
& *Galli* equites peditesque, qui auxilio inclusis  
a *Mediolani* præfecto mittebantur, jam ad *Bena-*  
*ci* lacus derivationem *Minciumque* pervenissent,  
atque è *Germania* appropinquare manus à *Maxi-*  
*miliano* jussæ dicerentur, tormentis præmissis ad  
pagum *Martinianum* exercitum reducant. Oppi-  
do obsidione liberato, milites *Hispani* & *Germa-*  
*ni*, in eo qui erant, octingenti sese in *Pantena*  
vallis, urbi proximæ, incolas, propterea quod a-  
micæ nostros omnibus rebus juverant, eam inju-  
riam vindicatum egressi inferebant: qua intelle-  
cta re equites trecenti, *Joanne Græco* duce, ad  
illos sustinendos properè à legatis missi, eos om-  
nes fuderunt, fugatos usque ad montis *Feliciani*  
cacumen insequuti partem interfecerunt, partem  
captivos abduxerunt circiter ducentos.

Confi-  
sus.

Classis  
Veneta  
disturba-  
ta.

In *Ligustico* verò mari iisdem ferè diebus non  
longè ab *Genua* classis *Julii* & reipublicæ trire-  
mium XV. classisque *Gallica* magnarum navium  
& triremium XXV. propiores factæ, atque in  
suas utræque acies conspectis hostibus distributæ,  
cùm ejaculandis tormentorum pilis duarum ho-  
rarum spatio se laceffere perseveravissent, coor-  
to vento abductæ in diversa abierunt: & quod  
oppidum magnæ *Gallorum* introductæ copiæ tu-  
tissimum reddiderant, *Contareus* omni comnea-  
tu consumpto, infectis rebus *Populoniæ* rediit:  
triemesque duæ nothæ ab Senatu è *Corcyra* ad  
*Contareum* missæ, cum ejus se classe conjunxe-  
runt: tum quæ naviculæ urbanæ in *Julii* gra-  
tiam *Pado* subvectæ, *Alfonsi* ab ejus exercitu a-  
lio ab latere vapulantis damna atque molestias  
adaugebant, earum partem *Alfonsus* ipse, cum  
equitibus *Gallis* *Italisque* sexcentis, militibus duo-  
bus millibus trajecto repentè flumine, vacuum  
hominibus (fugæ enim sese dederant) cepit: re-  
liquas ipsi *Veneti*, ne hostes illis potirentur, in-  
cenderant.

*Hatrianos* etiam itemque *Rhodigianos* reliqua-  
que eorum locorum municipia, fugatis magistratibus  
recipit *Leonardus Apulus*: cæterique equi-  
tes elusis locorum cognitione & celeritate sua  
hostibus, *Montanianum* se contulerunt.

Senatus non nihil ab *Alfonso*, quem ipsa ho-  
stium vel fortuna vel indiligentia tuebatur, at-  
que ab *Gallis* metuens, legatis collaudatis, quod  
*Verona* exercitum abduxissent: uti tormenta *Pa-*  
*tavium* mitterent, imperavit. Jamque in *Leoni-*  
*canos* se exercitus receperat, cùm intellecta pro-  
pter *Alfonsi* prosperas res *Leonardi Apuli* & reli-  
quorum equitum fuga, *Gritus* legatus cum e-  
quitatu *Montanianum* profectus, & incolas illo-  
rum finium omnes, & municipes ipsos, quos  
inopinatus hostium timor inceserat, opportuno  
adventu atque auxilio confirmavit.

Classis  
altera in  
Alphon-  
sum mis-  
sa.

Patres ut amissæ in *Pado* classiculæ damna de-  
decusque sarcirent, naviculas centum biremes-  
que aliquot celeriter armari, & earum nomine  
latissimo præfectum in *Pado* flumine, quod nun-  
quam antea factum meminerant (id enim nominis  
ad illum usque diem bella tantum in mari exer-  
cenda sibi vendicaverant) creari statuerunt: le-  
ctusque *Joannes Maurus* egregia virtute, naviter

ad suum munus obeundum se dedit. Audita *Ve-*  
*netorum* equitum & magistratuum fugâ, *Gallici*  
equites & milites, *Lemniaci* qui erant, *Atthesi*  
trajecto ut cum *Alfonianis* se conjungerent, at-  
que in perturbatos impetum facerent, *Monta-*  
*nianum* cum tormentis muralibus duobus oppidi  
capiendi spe se conferebant. Ea re per agricolas  
opportunè cognita, missi confestim ab legatis  
præfecti equitum tres bona cum manu medio fe-  
rè in itinere hostibus adventantibus occurrunt,  
eodemque temporis puncto cum longè maxima  
suorum parte pugnam ineunt: & reliquis ut pon-  
tem, qui non longè aberat, eratque hostibus in  
reditu transeundus, rescindant, ad intercluden-  
dum eis abitum si superarentur, imperant. ab iis  
ponte rescisso, hostes ab reliquis intercepti cùm  
se trium propè horarum spatio acriter fortiterque  
defendissent, demum superantur, atque in fu-  
gam versi, transitu pontis impedito, omnes ad  
unum vel cæsi vel capti sunt, equites optimi no-  
minis CL. pedites primorum ordinum CCCC.  
& capti omnes *Venetias* perducti custodiæque tra-  
diti centum & decem. Ejus cladis fama celeriter  
percrebrescente, municipia quæ *Veneti* amise-  
rant, propè omnia recepta sunt, ut amplius tri-  
duo in hostium potestate non fuerint.

Res inter  
Venetos  
& Al-  
phonsum  
terrâ ge-  
stæ.

Gallo-  
rum clas-  
des.

Iisdem diebus *Episcoporum Monopolitanorum Ju-*  
*lii* legatus ad urbem venit, ut apud Patres mo-  
ram traheret, communemque rem ejus nomine  
autoritateque juvaret. Ipse *Julius Bononiam* sa-  
cris præeuntibus introierat. Eo magnopere adni-  
tente, qui *Ludovici Francisci Mantuanorum* prin-  
cipis filium obsidis loco apud se habebat, post  
plerasque interpositas à patre satis quidem duras  
atque illiberales & stipendiorum & reliquarum  
rerum condiciones, quæ ejus animum ab uxore  
depravatum ostendebant, tandem alterum Sena-  
tusconsultum factum est, quo per quinquennium  
idem imperium est ei traditum cum stipendio li-  
brarum auri quingentarum in annos singulos,  
dum ipse equites gravioris armaturæ tercentum  
quinquaginta, levioris centum, milites ducen-  
tos belli tempore paratos habeat: resque publi-  
ca omnia ejus ditionis incommoda omnibus ab  
hostibus se præstituram pollicebatur. pauloque  
post illius familiari *Vico Patavino* homini, quo  
is pluries iisdem de rebus internuntio apud Patres  
usus fuerat, equites levis armaturæ centum at-  
tributi.

Senatus-  
consultum de  
Mantuanorum  
principe.

Ob *Citoli Lactantique* interitum milites non  
pauci ex illorum ordinibus nulla abeundi facul-  
tate sibi permessa, sigillatim ab exercitu discede-  
bant: quod quidem factum nonnulli reliquorum  
tribunorum & centurionum milites imitabantur;  
quamobrem edictum est ab legatis propositum;  
ut qui non missi abitum paravissent, omnibus in  
reipublicæ locis caperentur, & armis exueren-  
tur, ignominiaque notarentur. ea res ei licentiæ  
opportuno remedium fuit.

Milites  
secessio-  
nem fa-  
ciunt.

Cæterum cùm ex *Alpibus* certis autoribus af-  
ferretur *Germanorum* manus comparari, ut rei-  
publicæ municipia in primis jugis invaderent,  
quibus captis ac direptis in planiciem descende-  
rent, *Sigismundus Caballus* est ad ea loca cum co-  
piis ab legatis contendere jussus præfecti nomine.  
Franciscus imperator *Bononiam* ad *Julium* profe-  
ctus hilariter ab illo exceptus est, imperatorque  
*Romanæ* etiam reipublicæ dictus. *Galli*, qui ad  
*Mincium* venerant, uti suprâ dictum est, ad *Al-*  
*phonsum*, ut ei auxilio contra *Julium* essent, se  
contulerunt. Legati, ut *Julio* satisficeret, equites  
gravioris ducentos & quinquaginta, leviores fe-  
rè totidem, milites mille in *Alfonsi* fines intro-  
miserant: *Maurusque* classis præfectus cum navi-  
giolis plurimis & biremibus aliquot, cumque tri-



triremibus, qua ab *Isiris* & *Dalmatis* ad illum venerant, *Padum* flumen ingredi damnis *Alfonso* inferendis est à Senatu iussus.

Lex de  
Ambitu  
Venetiis  
lata.

Inter has belli cogitationes rei etiam pacatæ, quæ malum in exemplum invecundia civium impudentiaque vertebatur, Patres animum adhibuerunt. Nam cum in creandis magistratibus ambitus eo anno magnopere viguisset, ut prensandis civibus, qui suffragia in comitio daturi essent, à candidatis & candidatorum propinquis clientibusque nullus modus fieret, nulla eos modestia contineret, lex est in *Decemviri* collegio perlata, Qui deinceps civis civem rogaverit, ut sibi aut alicui suorum in dando suffragio fautor sit, is ad ullum magistratum, aut omnino reipublicæ in comitio munus X. annos ne admittatur, & si in magistratu fuerit, ab eo rejiciatur: cui autem rogari se contigerit, is rogatoris nomen ad *Decemviros* deferat: id si non fecerit, quinque annos eandem mulctam subeat. ita magnæ civium molestiæ à Patribus obviam est itum.

Exerci-  
tus in  
*Alfon-*  
sum mit-  
titur.

Iussi etiam sunt *Dominicus Trivisanus* templi *Marcii* procurator, *Leonardus Mocenicus*, legati ad *Julium* à Senatu pridem lecti, ut statim conscenderent, *Ravennamque* proficiscerentur, ut *Bononiam* se conferrent. Literæ post hæc ad legatos *Gritum* & *Capellum* datæ, uti alter eorum cum exercitus parte in fines *Rhodigianos* atque ad *Padi* ripas accederet, ut quantum posset *Alfonso* noceret. ita factum à *Paulo* est, cum id illi muneris sorte ducta obtigisset. *Maurus* classis præfectus cum triremibus tribus *Padi* ostium, qui *Vatrenus* appellatur, ad triremes ex *Venetorum* classe jampridem capta duas, quas *Alfonso* suis hominibus armaverat, ibique continebat, atque iis, qui itinerum causa mare illud exercebant, multa damna intulerat, capiendas aut omnino repellendas est ingressus, frustra: illi enim sive admoniti, seu etiam casu, ad superiora sese fluminis jam receperant.

Census.

Senatus interim ad pecuniam belli rebus subministrandam, cujus magnopere indigebat, mediam unius censi partem civibus imposuit, certis conditionibus, quo facilius ea ipsa pars exigeretur, adhibitis.

*Figariol-*  
um ex-  
pugna-  
tum.

*Paulus* autem legatus cum se *Figariolum* in *Padi* ripa castellum, quod supra *Ferrariam* est millia passuum XII. cum exercitu contulisset, tormentis positis dirutaque porta, *Alfonso* milites in eo qui erant, paucarum horarum spatio ad deditionem compulsi: alterumque item in fluminis ripa è regione castellum fugatis hostibus cepit: iisque captis, equites levissimos flumen trajecit, qui celeritate usi & prædas abegerunt, & agrum illum omnem fuga terroreque impleverunt.

*Venetorum*  
in  
*Tesinum*  
regio-  
nem ex-  
curso.

Diversa quoque à belli parte *Joannes Delphinus Feltriae* magistratus cum iis quas habebat copiis, & agricolarum manu complures in *Alpibus* hostium pagos repente aggressus, in regione, quæ *Tesinus* appellatur, eos planè omnes, qui quidem erant rebus plurimis & ad comæatum & mercaturam exercendam refertissimi, interfecit aut fugatis incolis, incendit omnique vastitate regionem fœdavit: ut damna atque incendia, quæ ii *Feltrinis* intulerant, propè ex æquo vindicarit. In *Isiris* quoque nonnihil incommodi per illos dies & acceptum & illatum est.

Ad *Pa-*  
*dum* flu-  
men ge-  
ssa.

Sed ut ad *Padum* flumen revertamur, *Paulus* legatus pontem in eo facere cum vellet, ad exercitum trajiciendum, ut se cum *Julii* exercitu conjungeret (quod quidem ut faceret, *Julius* ab eo per literas diligentissimè petierat) ab uxore *Francisci* impeditus, quæ naves retinebat, desti-

tit: quingentos tamen equites levissimos cum præfecto eorum *Federico Contareno*, trajecto in navibus flumine, obviam imperatori misit, ut *Mantuum* redire tutius posset. *Galli* enim hostes haud longissimè aberant: quos etiam unà cum *Alfonso* eò venturos, impetumque in se facturos, non unis literis nuntiisque cognoverat. *Maurus* sub hæc à *Paulo* admonitus reipublicæ interesse, ut ad sese cum minorum navigiorum classe quam citissimè accederet, quatuor navibus *Hatriani* municipii, ubi tunc erat, auxilio relictis, cum navigiis reipublicæ L. reliquis privatorum hominum propè CC. superato flumine, nullo ab hostibus, qui in ripis se ostendebant ut eum impedi-  
B  
rent, detrimento accepto, ad illum se contulit, animum alacritatemque exercitui, qui timere multa & cavere coge-  
C  
batur, adventu suo spe omnium celeriore afferens. Paucisque post horis cum nuntii *Paulo* venissent, *Franciscum* imperatorem unà cum *Federico Contareno* ad vicum *Sermone-*  
nem, qui est in *Padi* ripa *Figariolo* proximus, suos se in fines retulisse, ad illum profectus communica-  
D  
tis de bello inter se consiliis, sua in castra rediit: ille *Mantuum*, ut suos equites militesque cogeret, multa pollicitus, multa spe concipiens, ut in-  
E  
quiebat, se recepit. Attulerat imperator secundas *Julii* literas legato, quas in itinere acceperat, quibus ab eo *Julius* multò impensius petebat, ut copias reipublicæ, trajecto celeriter flu-  
mine, cum suis copiis conjungeret: *Gallos* enim hostes magna cum manu, quam omnibus è locis evocaverant, suum in exercitum velle impetum facere, quæque ipse de *Alfonso* oppidis ceperat, expugnare decrevisse, non obscure cognoverat. Legatus eas literas ad Senatum misit, petens, ut juberent Patres, quid se vellent facere: nihil enim tantis de rebus Senatu non consulto se ausu-  
rum: interea tamen quæ ad trajiciendum opus sint comparaturum, & curaturum ut si ipsi jusserint, nulla trajectui mora interponatur. Patres non his  
F  
modò à *Paulo*, sed etiam ab *Hieronymo Donato* & *Trivisano* ac *Mocenico*, qui jam *Bononiam* se contulerant, acceptis eadem de re literis, Senatu coacto *Julio* satisfieri oportere legem sciverunt: Senatusque consulto *Bononiam* ad legatos misso, ut transitum maturaret, *Paulo* mandaverunt. Ad *Gritum* etiam literas dederunt, ut ad *Paulum* augendis ejus copiis equites graviores ex suis centum, leviores CC. confestim mitteret. Pecunia etiam à Senatorum nonnullis mutuo, quæ *Mantuum* in stipendium imperatori mitteretur, Patribus est tradita: tum ab iisdem Patribus frumenti staria ducenta in sanctiores monachorum societates dispertienda dono data, ut in eo rerum discrimine Deo optimo maximo pro *Julio* proque republica preces facerent. *Paulus* dum conficiendo ponti sese dat, eundem *Federicum* cum equitibus septingentis propè *Bononiam* præmisit *Julii* auxilio, seque cum exercitu confestim subsequiturum & brevi affuturum confirmavit. *Donatus* enim & reliqui legati duo certiore illam fecerant, omni à *Gallis* arte procurari, ut cum *Julio* fœdus ineant, avertendi eum à reipublicæ tuendis rebus causa. Imperatore interea moras omnes interponente, ut quod primum atque maximum *Paulo* promiserat, se ad eum celeriter venturum, id non ambigè differret, ac nulli omnino usui *Julio* aut reipublicæ velle esse videretur statuisse, Patres de eo admoniti consulto Senatu *Franciscum Capellum* ejus familiarem ac necessarium, qui erat in Senatu, illa ipsa hora contendere ad imperatorem jusserunt, monereque illum ne ulterius expectari sese tam opportuno atque etiam tam necessario reipublicæ tempore patiatur: publicam

*Julii* &  
reipubli-  
cæ exer-  
citus  
conjun-  
guntur.



omnium salutem in eo positam, ipse se ad exercitum statim si conferet, munusque obierit, ac fidem præstiterit suam. *Franciscus* nondum dimisso Senatu apertis sibi uni foribus *Mantuam* est profectus.

Galli ca-  
stella  
quædam  
occu-  
pant, &  
Ponti-  
ficiis me-  
tum in-  
cutiunt.

Dum hæc administrantur, *Galli* castella quædam in *Alfonsi* finibus ab *Julianis* capta acriter aggressi recipiunt: incursionibusque in *Bononiensem* agrum atque usque ad oppidum factis magnum timorem *Julio* incutiunt, ut jam, quid se præstet facere, planè non dispiciat. Augebat eum timorem, quod *Bentivoli* *Gallis* adjuncti, *Bononiensem* civium factionem excitatum iri haud ambigere putabantur, ut & ad portas, & ipso in oppido *Julius* hostes uno tempore esse habiturus videretur: qui quidem quoniam febribus aliquot jam dies tentabatur, nullam propè legatis *Venetis* se adeundi facultatem dabat: tamen etiam à *Francisco Alidosio* Cardinali, qui *Julii* nomine civitatem regebat, & *Gallis* maximopere favebat, studium per cubicularios adhibebatur, ne alloqui illum possent.

Ponte confecto, & parato ad trajiciendum exercitu, *Maurus* classis præfectus, cum eodem *Padi* alveo, quo venerat, reditum sibi ab *Alfonso* tormentis in ripa fluminis non uno in loco collocatis, aut omnino interclusum, aut plurimis maximisque periculis propositum videret, superato reliquo usque ad *Castellum Novum* flumine, traductisque ripam navibus, ac per campos aquæ plenos ob interfectas *Athesis* ad *Lemniacum* à *Gallis* ripas, decem millibus passuum confectis, classem ducentarum navium in *Athesim* ad *Caudam* vicum incolumem perduxit, deinde prono flumine ad fossiones *Philistinas* sese recepit. Aliquot ex ea classe naves, quæ quod majores erant aliis, ripam trajicere non potuerant, *Mincium* se in flumen, deinde *Mantuam* contulerunt. Expectaverat *Paulus* legatus per eos dies imperatorem, qui jamjamque se affuturum pollicitus fuerat, ut unâ trajecto flumine quò vellet *Julius*, proficiscerentur. Ille verò causis moræ post causas non ita cautè interpositis, quin falso quæsitæ agnoscerentur, neque se in viam dabat, neque suos equites militesque ad illum mittebat, neque verò etiam *Franciscus* ab Senatu ad eum excitandum missus quicquam proficiebat. Quamobrem ne à Patribus reprehendi posset, mandata reipublicæ tanta de re tam angusto tempore differens, pridie Calendas Novembrium *Paulus Padum* exercitum traduxit. Uno tempore ea de re *Julius* nuntios accepit, & *Fabricius Columna* vir egregiæ virtutis, quem *Ferdinandus Hispanie* Rex cum trecentis equitibus ex *Neapolitanis* finibus ad *Julium* mittebat, ut ei auxilio in *Ferrariensi* bello esset, cum expeditoribus ad illum venit, reliquis bidui post se intervallo in itinere relictis, quæ duæ res ita *Julii* animum exhilaraverunt, ut febris eum continuò reliquerit: itaque confirmatior factus edictum proposuit, quo edicto *Gallorum* præfecto, qui magister magnus appellabatur, reliquisque *Gallis* igni & aqua, sacris conceptis verbis, interdicebatur, si deinceps *Alfonsi* causam ulla ex parte tulerentur: idque impressis publicè tabulis vulgari jussit.

Hispania  
rex Pon-  
tifici  
auxilia  
mittit.

Pontifex  
Gallis  
igni &  
aqua in-  
terdicit.

Gallo-  
rum irru-  
ptio.

Imperator domi sedens, *Paulum* legatum trajicere admonitus, infesso equo cum suorum paucis ad *Stellatam* vicum, ubi se ille continuerat, totius exercitus trajectum operiens, ad eum venit, atque unâ *Mutinam* versus diem unum omnes processerunt. Ea verò nocte, quæ est diem illum subsequuta, ab uxore per literas, ut aiebat, certior factus, *Gallos*, qui *Veronæ* erant, in ejus agrum populationem & cædes fecisse, ædificia combussisse, prædas abegisse, *Paulo* con-

A vento ad sua tuenda redire se domum velle, ei denuntiavit. atque ita, cum legati preces & *Julii* atque reipublicæ maximorum erga se promeritorum commemoratio, & sui nota nominis, quam quidem notam atque calumniam accepto ab utroque stipendio eorum causam tali tempore deferens, erat magnam indelebilemque subiturus, nihil apud ipsum valuissent, *Mantuam* rediit. Erat *Brixia* in *Joannis Francisci Gambare* equitatu honesta conditione *Petrus Longena*, ejus oppidi civis, qui indignans se arma ferre contra eam ditionem, sub qua natus altusque annos triginta vixerat, coacto equitum idem sentientium numero, ex oppido profectus *Montaniam* ad *Gritum* venit, ut militiam reipublicæ faceret, orans obtestansque serrecipi: de eo *Griti* literis certiores Patres facti, *Petrum Longenam* recipiendum, & præfecturam L X. leviorum equitum ei dandam censuerunt.

Petrus  
Longena  
ad Vene-  
tos sece-  
dit.

In comitio verò postridie ejus diei *Marco Venerio*, qui pridem vulneribus in expugnatione *Monfalconsi* acceptis, usum propè manuum amiserat, scribæ munus in prætura *Forolivien- si* per quatuor magistratuum tempora dono datum, ut se alere familiamque suam posset. Filiis autem *Ludovici Michaelis*, quem *Caravagiane* arcis custodem *Galli* captivum fecerant, atque in *Galliam* miserant, in triremibus reipublicæ balistarum loca decem, nobilibus adolescentibus dari solita, ad eorum matrem seque ipsos sustinendos item dono attributa.

Veneto-  
rum in  
beneme-  
ritos grā-  
titudō.

Inter hæc Senatus certior factus *Hispanos* equites, qui *Veronæ* erant, à *Ferdinando Neapolim* reverti jussos, ab oppido tuendo discessisse, literas ad legatum *Gritum* dedit, ut cum iis quas habebat copiis *Veronam* contenderet: confidere se, si id celeriter faciat, posse ab eo urbem propè vacuum recipi, præsertim si edictum proposuerit, nullius civis in rempublicam injurias Senatum vindicaturum, civitatemque immunem omnium onerum jubere esse, si ad rempublicam redeat. Quibus acceptis mandatis legatus, tamen si parum spei aleret, rem cum exitum habituram tam exiguo copiarum numero (cataphracti enim equites amplius quatercentis, milites amplius quatuor millibus non erant) idque ipsum Senatui rescripserit, tamen accitis quamplurimis è vicinis locis operibus, & tormentis *Patavio* afferri imperatis, se ad iter comparabat. De maritimis autem rebus ut ratio haberetur, impensisque reipublicæ inodus fieret, Senatusconsultum factum est, ut *Maurus*, classis in *Pado* flumine præfectus, privatorum hominum naviculas, quibus non magnopere indigebat, missas faceret, triremesque, quas habebat, leves retineret, *Hieronymusque Contarenus* classis in mari supero legatus, qui *Genua* sæpius tentata, quod ab *Gallis* hostibus largiter erat communita, nihil profecerat, ut *Julii* missu *Corecyram* se reciperet, retentisque apud se quatuor, quas vellet triremibus, reliquas ad urbem redire permetteret.

Exerci-  
tus Vene-  
tus ite-  
rum con-  
tra Vero-  
nam mit-  
titur.

Senatus-  
consultum de  
mariti-  
mis re-  
bus.

Interim ab *Julii* reiique publicæ exercitu *Saxolum* in *Mutinensi* agro ad *Setiam* flumen castellum, arce atque opere communitum, tormentis positum, cum à quatercentis propugnatoribus *Gallis* defenderetur, ardore militum, per muros irrumptentium, celeriter est captum. *Joannes* etiam *Delphinus Feltriæ* magistratus in magnam hostium manum, eum *Alpium* tractum depopulantem, impetu acriter facto, majorem eorum partem cecidit, reliquos omnes fugavit: specusque illud montanum, de quo antea dictum est, quod *Corvolum* appellant, compulsis timore ad deditionem iis, qui in illo erant, recipit. Qua intellecta re, ut

Saxolum  
castel-  
lum Vene-  
ti ex-  
pugnant.

Corvolum  
specus  
captum.

civi-



civitati optimè de republica meritæ, omnia perpeſſæ ab hoſtibus damna, Patres grati eſſent, omnium tributorum immunitas, ea pecunia excepta, quæ ab illa in Principis ſalarium quotannis ad urbem mittitur, municipio *Feltrinorum* eſt ab Senatu dono data.

Ab *Joanne* quoque *Viterio* in *Carnis* hoſtes quatercenti è *Goritia* egreſſi, *Sontiumque* flumen transgreſſi omnia vaſtantes, ita cæſi fugatique ſunt, ut eorum plurimi timore ſe in flumen præcipitaverint. Ea in re *Aloſii Porti Vicetini* equitum leviorum turmæ præfecti virtus plurima extitit.

Redierat *Mantua* per eos dies ad urbem *Franciſcus Capellus*, retuleratque Patribus, nullam eſſe in imperatore rei bene gerendæ voluntatem, nullam fidem: uxoris artibus ejus animum delinitum: *Alfonſo* illius fratri cupere omnia, neque *Julium* neque rempublicam præ illo quicquam facere: favere etiam *Gallis* plurimum.

*Gritto* ad *Veronam* iterum obſidendam profeſto, eæ ſunt tempeſtates conſequutæ, ut recedere, ſequæ ad *Suavium* municipium recipere, ut equites & milites ſub tectis contineret, ſit coactus: Demum intelligens *Veronam* communitiorem eſſe factam, *Montanianum* exercitum reduxit. qua re cognita juſſus à Senatu eſt, equites quingentos, milites octingentos, ad *Rhodigianos* reliquaue circa *Padum* ejus regionis municipia tuenda & cuſtodienda mitteret.

*Juliani* exercitus *Franciſco Maria* Imperatore & *Fabritio Columna* reliſque ducibus, qui erant *Mutinae*, ſe non explicantibus, *Paulus* legatus ad oppidum *Concordiam* foſſis atque aggeribus communitum ſuis cum copiis accedens, tormentiſque eo veſperi collocatis, & verberatis prima luce muris, paucarum id horarum ſpatio contra ſpem omnium cepit: tanta tamque præſens militum virtus fuit. Propugnatores, qui ab oppugnatione ſuperfuerant, in arcem repulſi, ſine mora ſe legato dederunt.

Atque antè eos dies in urbe puer è plebe natus eſt cum duobus capitibus, quatuorque humeris & manibus, tum femoribus, atque pedibus quatuor, ut duo eſſe pueri unà conglutinati viderentur, ſi corpus reliquum duplex habuiſſet. habebat autem unum tantum cum renibus unis tergoreque reliquo pectus: vixitque ſeſquihoram, ut *Chriſtianæ* aquæ ablutione non caruerit.

Et *Nicolao Triviſano* templi *Marcii* procuratore mortuo, *Antonius Grimanus*, quem Civitas ab exilio revocaverat, magno omnium ordinum favore in ejus locum ſuſſectus eſt. atque illa quidem in procuratione eo erat tempore *Antonius*, cùm eſt exul factus: itaque bis eam dignitatem eſt adeptus, quod nemini antea contigerat. annuſque cum iis ferè comitiis finem habuit.

Prima verò ineuntis anni die, quòd *Galli*, qui ad *Carpos* municipium ſe receperant, in *Setiæ* fluminis ripa, quod auctum imbris obſtendebant, vado non poterat, ſingulis horis oſtendebant, atque à noſtris, qui trans flumen eam regionem tenebant, ita vulgò conſpiciebantur, ut etiam colloquia ex utraque ripa inter ſe haberent, *Paulus* legatus noctu ponte celeriter in naviculis conſecto, ſuarum copiarum partem cum *Troilo Sabello* benè manè flumen trajecit, atque in primum *Gallorum* agmen, quod ad flumen veniebat, impetu facto, eos ſudit fugavitque, interfectis captiſque non paucis. Eo timore percuſiſ reliquis, nocte intempeſta univerſi *Rhegium Lepidi* verſus abierunt.

*Julius* ſuos duces nihil omnino amanter, nihil ex re agere cùm videret, omnes autem moras, omnia impedimenta ei bello interponere il-

los non ambiguè cognosceret, unum *Capellum* ejusque fidem atque animum ſummis laudibus proſequens, ſtatuit ſe ad exercitum conferre, ut *Mirandulam* oppidum munitiſſimum præſens oppugnaret: quò capto facilius poſſe ſe *Ferrariam* obſidere, ſuæque ditionis eam facere confidebat. tametſi illud etiam cogitaverat *Julius*, cùm *Ferrariæ* appropinquaviſſet, ſe *Hippolytum* Cardinalem *Alfonſi* fratrem ad colloquium evocaturum, qui fratrem hortaretur, uti bello finem imponeret, ne damna ultima perpeti cogeretur: ſe ei, ſi vellet, *Ferrariam* habere permiſſurum, *Mutina* modò ſibi *Rhegioque Lepidi* cederet: quorum tamen oppidorum alterum ſe jam ſuum feciſſe. quam quidem cogitationem ſuam *Julius* reipublicæ legatis aperuerat, illi ad *Decemviros* literas ea de re dederant. Patres conſulto *Decemvirum* collegio, eam *Julii* moderationem primumque ad pacis ſtudia animum maximopere laudaverant reſcriptis ad legatos literis, eaſque literas legati *Julio* recitaverant. Sed *Julius*, uti dictum eſt, quanquam hyems duriffima ingrueret, lutoſiſſimæque eſſent viæ, & nix largiter cecidiſſet, ad vicina tamen *Mirandulæ* ædificia & agricolarum caſas lectica veſtus ſe contulit: cùmque ſuis ducibus parum confideret, belli munera per ſeſe perque *Paulum* legatum plerumque adminiſtrabat: nam omnino *Franciſcus Maria*, ſive quòd *Alfonſi* ſororis filiam in matrimonium duxerat, ut novæ affinitatis ſtudiis adoleſcens viginti annos natus traheretur, ſive quòd ita ei ſuaderet ſuus animus, neque bellum probabat, neque ſuas in eo partes ſuamque diligentiam patruo præſtabat, ut quæcumque faceret, ea omnino lentè atque invitus facere videretur: ſi quid autem operæ *Venetos* egregiè navaffe intelligebat, id ægrè illum moleſtèque ferre omnes planè homines cognoscerent. *Julio* itaque imperante, ut tormenta cùm à ſuis tum à legato *Veneto* ad muros oppidi deſiciendos collocarentur: quod quidem magna cum difficultate fieri erat neceſſe, cùm propterea quòd oppidani è propugnaculis & turri maximè communita, ſuis item tormentis appropinquare muro neminem permittebant, tum quòd nix duos ferè pedes in altitudinem creverat: legatus virtute militum difficultatibus ſuperatis, celeritate uſus verberare muros ſenis tormentis cœpit, cum *Juliani* neque poſt triduum unam in eos pilam miſiſſent. Muris igitur oppidi ita deſectis, ut qui in eo erant, equites ſeptuaginta, milites trecenti, tueri oppidum ſeſe poſſe non confiderent, præſertim cum omnis foſſæ aqua frigore conglociaviſſet, mulier vidua, *Joannis Jacobi Triultii* filia, quæ *Ludovici Pici*, de cujus morte ſuperioribus commentariis diximus, uxor fuerat, quæ oppido præerat, reliquique præfecti, ad diem duodecimum Calendarum Februarii conditionibus interpoſitis ſe atque oppidum *Julio* dederunt. *Julius*, quòd oppidi porta ruinis clauſa, deſectusque pons fuerat, per muralem ſcalam in oppidum eſt receptus: is mulctæ nomine oppidanis, uti auri libras ſexaginta ſolverent, imperavit, præfecti & centuriones qui erant, iis captivis eſſe juſſis, reliquis miſſis, mulieri ad patrem abeundi poteſtatem fecit: paucosque ibi dies commoratus, dum exercitum luſtraret, ſtipendiaque perſolveret, *Mirandulæ* imperium *Joanni Franciſco Pico*, quod oppidum pater teſtamento ei reliquerat, *Mutinae*, *Maximiliani* internuntio, eam ob rem ad ſe miſſo, tradidit: ejus enim oppidi, & *Rhegii Lepidi* juſ, juſ Imperatoris eſſe *Romanorum* intelligebat. idque propterea minus gravatè fecit, ut eo exemplo *Maximilianus* etiam *Rhegium* ſibi à *Gallis*, qui in eo erant,

trahere non ambigere.

Quod quidem magna cum difficultate fieri erat neceſſe, cùm propterea quòd oppidani è propugnaculis & turri maximè communita, ſuis item tormentis appropinquare muro neminem permittebant, tum quòd nix duos ferè pedes in altitudinem creverat: legatus virtute militum difficultatibus ſuperatis, celeritate uſus verberare muros ſenis tormentis cœpit, cum *Juliani* neque poſt triduum unam in eos pilam miſiſſent. Muris igitur oppidi ita deſectis, ut qui in eo erant, equites ſeptuaginta, milites trecenti, tueri oppidum ſeſe poſſe non confiderent, præſertim cum omnis foſſæ aqua frigore conglociaviſſet, mulier vidua, *Joannis Jacobi Triultii* filia, quæ *Ludovici Pici*, de cujus morte ſuperioribus commentariis diximus, uxor fuerat, quæ oppido præerat, reliquique præfecti, ad diem duodecimum Calendarum Februarii conditionibus interpoſitis ſe atque oppidum *Julio* dederunt. *Julius*, quòd oppidi porta ruinis clauſa, deſectusque pons fuerat, per muralem ſcalam in oppidum eſt receptus: is mulctæ nomine oppidanis, uti auri libras ſexaginta ſolverent, imperavit, præfecti & centuriones qui erant, iis captivis eſſe juſſis, reliquis miſſis, mulieri ad patrem abeundi poteſtatem fecit: paucosque ibi dies commoratus, dum exercitum luſtraret, ſtipendiaque perſolveret, *Mirandulæ* imperium *Joanni Franciſco Pico*, quod oppidum pater teſtamento ei reliquerat, *Mutinae*, *Maximiliani* internuntio, eam ob rem ad ſe miſſo, tradidit: ejus enim oppidi, & *Rhegii Lepidi* juſ, juſ Imperatoris eſſe *Romanorum* intelligebat. idque propterea minus gravatè fecit, ut eo exemplo *Maximilianus* etiam *Rhegium* ſibi à *Gallis*, qui in eo erant,

trahere non ambigere.

Quod quidem magna cum difficultate fieri erat neceſſe, cùm propterea quòd oppidani è propugnaculis & turri maximè communita, ſuis item tormentis appropinquare muro neminem permittebant, tum quòd nix duos ferè pedes in altitudinem creverat: legatus virtute militum difficultatibus ſuperatis, celeritate uſus verberare muros ſenis tormentis cœpit, cum *Juliani* neque poſt triduum unam in eos pilam miſiſſent. Muris igitur oppidi ita deſectis, ut qui in eo erant, equites ſeptuaginta, milites trecenti, tueri oppidum ſeſe poſſe non confiderent, præſertim cum omnis foſſæ aqua frigore conglociaviſſet, mulier vidua, *Joannis Jacobi Triultii* filia, quæ *Ludovici Pici*, de cujus morte ſuperioribus commentariis diximus, uxor fuerat, quæ oppido præerat, reliquique præfecti, ad diem duodecimum Calendarum Februarii conditionibus interpoſitis ſe atque oppidum *Julio* dederunt. *Julius*, quòd oppidi porta ruinis clauſa, deſectusque pons fuerat, per muralem ſcalam in oppidum eſt receptus: is mulctæ nomine oppidanis, uti auri libras ſexaginta ſolverent, imperavit, præfecti & centuriones qui erant, iis captivis eſſe juſſis, reliquis miſſis, mulieri ad patrem abeundi poteſtatem fecit: paucosque ibi dies commoratus, dum exercitum luſtraret, ſtipendiaque perſolveret, *Mirandulæ* imperium *Joanni Franciſco Pico*, quod oppidum pater teſtamento ei reliquerat, *Mutinae*, *Maximiliani* internuntio, eam ob rem ad ſe miſſo, tradidit: ejus enim oppidi, & *Rhegii Lepidi* juſ, juſ Imperatoris eſſe *Romanorum* intelligebat. idque propterea minus gravatè fecit, ut eo exemplo *Maximilianus* etiam *Rhegium* ſibi à *Gallis*, qui in eo erant,

trahere non ambigere.

Res in  
Carnis  
geſtæ.

Impera-  
tor exer-  
citus ſuſ-  
pectus.

Exerci-  
tus re in-  
ſecta re-  
dit *Verona*.

Concor-  
dia à *Ve-  
netis* ca-  
pitur.

Infans  
biceps in  
urbe na-  
tus.

Anto-  
nius *Gri-  
manus*  
bis digni-  
tatem  
procura-  
toris *Di-  
vi Marci*  
adeptus.

*Galli* ad  
*Setiam*  
cæſi.

*Julius*  
Pontifex  
bellum  
admini-  
ſtrat.

*Miran-  
dula* à  
*Julio*  
Pontifice  
obſeſſa  
capta.

Impera-  
toris *Ro-  
mani* juſ  
*Miran-  
dula* &  
*Rhegii*.



tradi postulare, ut quoniam illos *Maximiliano* morem minimè gesturos confidebat, *Maximilianus* eam ob rem *Gallorum* amicitiam repudiaret, & cum ipso se conjungeret.

Iis constitutis rebus *Ferrariam* versus tormenta perferri exercitusque procedere imperavit: quæ cum Senatus futura intellexisset, in *Julii* gratiam classè navicularum è suburbiis, & biremium & aliorum navigiorum è navalibus urbanis celeriter instructa, cum ea, cumque iis quæ ad *Fossam Clodiam* erant triremibus *Maurum* iterum ingredi *Padum* jubet, qui pontem ad naves, quæ eum sustinerent, catenis jungendas secum adduceret, ad copias & equitatum trajiciendum. *Gritus* etiam Senatus jussu unà cum *Lucio* ad *Padi* ripam eas quas habebat copias duxit, militibus paucis & equitibus *Montani* relictis. Interea cum Senatus decrevisset, ut triremes octo in *Creta* insula, *Zacynthi* una, *Cephallene* altera, duæ in *Dalmatis Jadera* & *Ascrivio*, decem & octo in urbe armarentur, omnes numero ad triginta, quarum decem essent ex iis quæ nothæ appellantur, nothis quidem est præfectus lectus idem *Maurus*, qui classis in *Pado* exercendæ imperabat: reliquæ sunt triremes singulatim iis civibus, qui se *Decemviris* obtulerant, dari jussæ. Jamque *Julii* & reipublicæ copię ad *Finale* municipium & *Crevacorium* vicum eaque loca se continebant: & *Gallorum* duces, *Triultius*, atque is, qui magnus magister appellabatur, evocatis *Verona* & *Lemniaco* auxiliis ad *Padum* processerant conferendi manus causa, ut ipse afferebat rumor: itaque & *Julius* suorum militum numerum celeriter auxit, & *Veneti* se communitiores, quibus opibus poterant, reddiderunt: neque tamen ea diligentia opus fuit, hostes enim nullo facinore aut gesto aut tentato sese *Carpos Rbegiumque* retulerunt: *Mutinamque* de improviso aggressi, ut eam suam facerent, à *Marco Antonio Columna*, quem *Julius* cum quingentis militibus eò miserat, ut oppidum *Maximiliano* tueretur, facillè repulsi sunt.

Classium  
Veneta-  
rum ap-  
paratus.

*Julii*  
Pontifi-  
cis ani-  
mus de  
*Ferraria*  
aggre-  
dienda.

*Alfonso*  
*Julii*  
exerci-  
tum pro-  
figat.

Verumenimvero iis agitis rebus *Julius*, id quod existimaverat, ut capto *Mirandula* municipio aditus sibi ad *Ferrariam* oppugnandam eo ab latere patefieret, cum in dies singulos plus rem difficultatis habere animadvertisset, cogitare coepit, si ab *Ravennæ* finibus in *Ferrariensem* agrum suas copias introduceret, castellumque, quod est in *Padi* ripa, quod *Bastia* appellatur, expugnaret, se facilius bellum posse conficere, præsertim, reipublicæ classè duorum exercituum impressiones adjuvante: quam quidem classem audierat *Volanæ* ostium ingressam *Alfonsi* biremes duas cepisse, cum eas *Maurus* præfectus per tresdecim millium passuum iter contra cursum fluminis celeritate suorum remigum assequutus fuisset, navemque onerariam advenarum mercatorum, quam biremes illæ in mari expugnata, in ostium fluminis attraxerant, recuperavisse: itaque moræ impatiens (erat autem inexplabilis etiam animi, & alias semper ex aliis res atque incepta temerè plerumque aggredientis) cogitata perficiendi spe, cum in reditu paucos dies *Bonniæ* fuisset, *Ravennam* proficiscitur, magno suarum copiarum & comitatus labore, difficillimo anni tempore, impeditissimis viis: nam reipublicæ copię in illis, in quibus erant locis, ferè se omnes continuerunt. Sed aliter res atque ipse sibi finxerat, cecidit: ubi enim *Julii* copię (erant autem equites graviore sexcenti, leviores quingenti, milites quater mille) castello appropinquaverunt, *Alfonso*, qui se ad id comparaverat, eas fudit, interfectis captisque non paucis. Neque profuit quod *Maurus* classem rei-

A publicæ plus quam centum diversi generis navigiorum proximè castellum adduxisset, nonnullosque ex *Alfonsi* equitatu tormentorum pilis interfecisset: qui quidem *Maurus* postea, cum intellexisset ex amicorum reipublicæ literis, non unis in riparum inferiorum locis *Alfonsum* sua tormenta disponi mandavisse, ut classi noceret, sine ulla offensione ad fluminis ostium rediit.

B Hac re intellecta, *Galli* apud *Rbegium* qui erant, iterum *Carpos* venerunt, flumenque *Setiam* factis pontibus iterum trajecerunt, ut reipublicæ copias aggredierentur: quod tamen facere neque tum quidem sunt ausi. qua in re cognosci potuit, sanè justas *Pauli* legati querelas fuisse, cum dolenter sæpe diceret *Julianos* duces vincere noluisse: si enim secum, ut ipse cupiebat, eisque proponebat, conjuncti ad hostes persequendos se comparavissent, profectò *Galli* deleri una pugna potuissent: quo facinore confecto *Ferrariam* capere *Julio* non magnopere difficile fuisset, quacumque is à parte cum utroque exercitu in ejus se fines intulisset: nunc se relictum, qui unus neque integris copiis *Gallorum* impetum exciperet: præfectos enim equitum tres unà cum *Julii* ducibus eò miserat, unde repulsi ab *Alfonso* cum detrimento ignominiaque fuerunt; pauloque abfuit quin etiam caperentur. Sed *Galli* nulla molestia *Paulo* adhibita, cum ad *Padum* se contulissent, submissis *Alfonso* secundo flumine auxiliis militum non plurimorum, unde discesserant, redierunt: magnusque eorum magister *Rbegii* febribus confectus mortem obiit, cum ab *Julio* veniam totius suæ vitæ criminum, missis ad eum internuntiis, impetravisset. Itaque unus eorum ductor atque imperator *Triultius* deinceps fuit. Atque illis ipsis diebus *Marinus Georgius*, multæ philosophiæ vir, quem legatum apud *Bergomates* agentem in clade exercitus ahno superiore *Galli* captivum fecerant, atque in *Galliam* perduxerant, in custodiaque unà cum *Liviano* habuerant, fide illis data intra sex menses vel pecuniam quam petebant, ut eum liberum facerent, se eis missurum, vel in *Galliam* atque in custodiam reversurum, *Venetias* venit.

*Juliani*  
duces vi-  
ctoriæ  
segnitie  
pereunt.

*Marinus*  
*Georgius*  
carcere  
liberatus.

D *Vanissa Thrax* equites septuaginta secum ducens, ab exercitu *Pauli* legati missu profectus, ut quid hostes molirentur, circumspiceret, cum eorum militibus quamplurimis, in quos incidit, congressus, interfectis plus centum triginta, quos captivos fecerat, *Francisco Mariæ* imperatori dono misit.

Ea dum administrantur, ad diem septimum Calendarum Aprilium in urbe terra tremuit motu tam vehementi, ut Senatu qui habebatur, ante ullam latam legem præter morem dimisso, Patres ruina tectorum intercipi metuentes, tumultuosè se foràs truderent. cadebant autem è summis curiæ templique *Marcii* parietibus pinnae ac signa marmorea, quæ in iis antiquitus posita prominebant: turresque templorum nutare cacuminibus & commoveri prospiciebantur: & æs Campanum in plerisque earum, maximèque in ea turri quæ in foro est, sponte insonuit: pleræque etiam vitium fecerunt. & aqua urbanis in alveis altè excitata contremuit: innumeraque fumi receptacula, quæ supra ædium culmina tubo atque calatho attolluntur, quassu divulsa in vias ipsaque in tecta corruerunt: domusque non una cum incolentium interitu, parietes verò domorum & fanorum frequentes ruinam traxerunt. mulieresque prægnantes permultæ timore perterrefactæ abortum fecerunt, mortuæque sunt. unum juvit, quod is non longinquus terræ tremor fuit. atque eas ob res, quæ acciderant, postridie ejus diei Deo optimo maximo supplicationes omnibus in urbis regionibus

Terræ-  
motus  
*Venetii*.

Suppli-  
cationes  
& jeju-  
nia.



nibus dies tres fieri, & ne quid præter panem & aquam ad vescendum omnes puberes sumerent, ab *Antonio Contareno* Patriarcha *Venetorum*, consultis Patribus, indictum. Pauloque post eundem propè terræ motum cum eisdem ferè prodigiis *Patarvi*, *Taurisi*, *Fori Julii*, nonnullisque aliis in reipublicæ oppidis & finibus fuisse, magistratus eorum Patribus significaverunt.

Sed nihil æquè eis molestum per eos dies fuit, nihil tam ægrè universa civitas audivit, quàm id quod *Pauli* legati literæ attulerunt, *Leonardum Apulum*, cum ad hostes *Gallos*, quos paucos esse audierat, repellendos, ad vicum *Balearem* cum quadraginta equitibus processisset, interfectum ab illis fuisse, magna scilicet fide, magno animo & virtute hominem, atque in primis *Veneti* nominis amantissimum: cujus postea cadaver ad urbem delatum marmoreo in sepulchro, reipublicæ impensa exædificato, in æde *Gemellorum* Senatus condi jussit.

*Franciscus* reipublicæ copiarum imperator, cum fictis pro tempore causis *Mantue* se ad eum diem continuisset, calumniam à Senatu atque omnibus ab hominibus veritus, ad *Julium* velle se conferre palàm fecit, profectusque *Coregium*, quod municipium abest *Mantua* passuum millia circiter triginta, ibi se adversa valetudine correptum simulans domum rediit. Interim quoniam *Paulus* clarè ad Senatum scripserat, nihil se confidere boni à reipublicæ exercitu posse confici, *Julii* ducibus in contraria omnia obstinatè nitentibus ne *Alfonsus* domo expellatur, Senatus ad eum rescripsit, omnem curam adhiberet ne pugnare cogeretur: pro explorato enim sibi esse, si manus conferat, illos eum media in pugna deserturos: itaque *Paulus* cum per sese, tum à Senatu admonitus operam dabat, ut neque timoris indicium suis hostibus proderet, neque universum exercitum periculis objiceret, quamobrem in minutis & quotidianis expeditionibus cum *Gallis*, qui ad *Padi* ripam venerant, sæpe congressus, non semel eos fudit, fugavit, superiorque manu semper, inferior nunquam fuit. tantum *Paulum Manfronium Galli* hostes cum X. equitibus captivum fecerunt. Neque à *Gritto* quidem legato eodem tempore hostes non malè habiti, quas quidem pugnas referre nihil necesse esse duximus.

Venerat autem antea *Bononiam* *Matthæus Lancus Curcensium* Episcopus ex *Germania* magno comitatu, homo arrogantia & elatione insignis, à *Maximiliano* missus, ut cum *Julio* de fœdere cum *Venetis* ineundo ageret: qui paucos ibi dies moratus, cum nimis duras pacis condiciones attulisset, infectis rebus in *Germaniam* rediit.

Senatus quoque censuerat dignitatis & existimationis apud *Julium* reliquosque reges retinendæ causa, ut equites gravis armaturæ, quos habebat, ad duum millium numerum augerentur, militum sex millia veteribus addenda conscriberentur. paucisque post diebus ei Senatusconsulto alterum fuerat Senatusconsultum additum, ut ex *Epiro* equites mille levissimi accerferentur: uti etiam magnum arcuum numerum amphorasque vini *Cretici* quingentas *Petrus Pisaurus*, cui cum rege *Britanniæ* necessitudo mercaturæ exercendæ causa intercedebat, ad illum mitteret, fuerat à Senatu permissum. *Mauro* autem classis præfecto, adversa valetudine laboranti, *Andreas Bondimerius* sublektus est, sexque triremes in *Creta* insula armari jussæ. Cùmque *Julius Helvetiorum* militum sex millium numerum conducere statuisset, qui in *Mediolani* fines contra *Gallos* impetum facerent, velletque ut tertiam eorum stipendiorum partem respublica impenderet: *Julius* de eo à Se-

natu laudatus, & conditio libenter accepta, & lex de media mercedum parte à magistratibus reipublicæ remittenda, quæ tempus sex mensium expleverat, in alteros sex menses prorogata.

Ad hæc *Concordiæ* municipium, quod à *Julianis* indiligenter custodiebatur, facilè ab hostibus receptum est. Captum autem à legato *Gritto* propugnaculum natura & opere communitum in paludibus positum *Crucula Lemniaco* vicinum missis noctu militibus in naviculis cum tormentis, præsidiumque impositum.

In urbe uni ex nobilitate civi *Gaspari Valerio*, quod hominem *Rocchum* nomine, tabellariorum reipublicæ præfectum, *Taurisi* interfece-  
rat, *Decemvirum* judicio medio in foro cervices sunt abscissæ.

Iis ita administratis rebus, *Galli* hostes ab exulibus *Bentivolis* adjuti, qui factionis suæ montanorum hominum magnum numerum excitaverant, ex inopinato *Bononiam* contenderunt: cujus portas ejusdem factionis cives furtim eis aperituros convenerat: itaque timore perterritus *Juliani* dux exercitus *Franciscus Maria* reliquique duces, præripere sese hostibus statuentes, relictis tormentis impedimentisque omnibus constipati ipsi fugam capiunt, & ad *Paulum* legatum mittunt, qui hæc ei nuntiet, atque illum idem facere suadeat: nullum aliud relictum subsidium: in eo uno positam esse salutem, si hostes præcesserint. *Paulus*, qui de hostium adventu tam inopinato nihil dum audierat, querens in fraudem ab *Julianis* se projectum, quod spatium colligendi recipiendique sese sibi non dederint, cum suis omnibus subsequi *Julianos* celeriter cœpit, relictis iis, quæ imitari eandem celeritatem non poterant. Et quoniam *Bentivolos* oppidani jam introduxerant, expulso *Alidosio* Cardinali, qui per aliam se oppidi portam ejecerat, *Juliani* autem ad *Bononiæ* muros accesserant, ut iis circumactis in fines *Forocornelianos* se reciperent, quod nullam aliam habebant itineris faciendi rationem, idem ipse quoque sua cum manu *Paulus* facit, ei-  
que accidit quod *Julianis*, qui eum antecesserant, non acciderat: illac enim contententi armatorum hominum montana incolentium plures manus occurrerunt: à quibus disjecti, ut quisque potuit, fuga capta se eripere sunt conati. ita tormentis impedimentisque amissis, militibus magna ex parte vel captis vel diffugientibus, interfectis nonnullis, equitatu non frequenti, se in tutum receperunt.

Hac intellecta fuga Patres ad *Gritum* legatum, qui *Lemniaco* capiendò animam adjecerat, eratque eò cum exercitu profecturus, literas statim dederunt: quoniam ad *Bononiam* malè gesta respublica sit, à *Lemniaco* aggrediendò abstineat, eque *Padi* ripis & regionibus tormenta *Patarvium* abduci curet: & si quid *Galli* molirentur, ne intercipi ab illis possit, se recipiat. Etiam magistratibus *Patarvinis* & *Taurisanis* mandaverunt, perficere maturarent. Pauloque post ea re non contenti, legatum, qui munitionibus procurandis *Patarvii* præfesset, reliquasque res ad oppidi præsidium curaret, *Christophorum Maurum* legerunt, qui statim proficisceretur: militesque, quot poterant, in urbe conscriptos eodem miserunt, verentes ne *Galli* fuga exercitus reipublicæ sublato *Padum* trajicerent, atque in ejus oppidi fines irrumperent, si quid eo capiendò & sua celeritate, & reipublicæ indiligentia possent efficere, tentatur. Legato verò *Donato* Senatusconsultum est missum, quo *Julium* Patres hortabantur, ne propter recentia exercituum detrimenta animo perturbaretur, rempublicam ei nunquam defu-

turam,

Concordia à Gallis recuperatur.

Concordia à Gallis recuperatur.

Homicida punitus.

Bononia à Gallis & Bentivolis occupatur.

Venetia montanis hominibus dissipati.

Veneti post cladem Bononiensem municipia muniunt.





turam, omnem fortunam libentissimè cum illo subituram, urbicas provincialesque opes, animos denique civium omnium promptos paratosque ei polliceri: quo Senatusconsulto accepto, *Julius* lætari se primum constantiâ reipublicæ respondit, firmioremque multò & alacriorem adversis rebus contra *Gallos* sese factum confirmavit.

*Patavinorum civium contumacium bona dividuntur.*

Eo ferè tempore res à Patribus non semel antea agitari cœpta finem habuit: nam ut eorum civium *Patavinorum*, qui improbi & contumaces fuissent, bona & possessiones inter illos centuriones, quos amanter fortiterque in obsidione *Patavinorum* reipublicæ navasse operam consliterat, vel si ipsi mortui essent, in eorum liberos & propinquos partirentur, Senatus censuit.

*Alidosi Cardinalis calliditas & versutia.*

Venerat *Ravennam* ad *Julium* pulsus *Bononia*, uti dictum est, *Alidosius* Cardinalis: atque ut ea quæ acciderant, nulla sua culpa cecidisse illi ostenderet, multa de imperatore tanquam rerum bellicarum propter adolescentiam imperito questus apud eum est, atque ut erat sermone satis accommodato ad fallendum, omnes ejus oppidi amissas causas, quarum ille propè omnium autor fuerat, in unum illum derivavit. constat enim *Alidosium* omne studium adhibuisse, ut quæ ab imperatore procurabantur, ea illi omnia in contrariam partem cederent, neque ullum ad exitum perducerentur: oderat enim adolescentem non tam ejus vitio, quàm suo: cupidoque illum ingens incefferat, sui ut fratres, quos esse fortes viros prædicabat, magno in honore apud *Julium* essent, bellicisque rebus præficerentur, & auctoritate potentiaque pollerent, quarum rerum illo prosperè imperante spem habere nullam poterat. Itaque ut in patruum eum invidiam adduceret, ea præsertim in re, qua nullam se unquam aptiorem & commodiorem habiturum confidebat, cum criminationibus subdolè confectis est adortus: quod quidem ei apud hominem turbulentum, planèque iracundum, cui erat ipse antiqua consuetudine & quotidiano victu perfamiliaris, facillè factum fuit. quamobrem cum paulò postea imperator, qui de calumnia sibi ab *Alidosio* apud patrum conflata ex *Julii* familiaribus amicis suis pleraque intellexerat, se ad *Julium* purgandi sui causa contulisset, *Julius* furore percitus verba in eum doloris contumeliæque plena temerè effudit, neque audire illum voluit, submisit ut patruo responderet se comparantem, atque à conspectu suo indignissimè repulit. Adolescens contumeliam tam insignem *Alidosio* acceptam referens, magnum facinus facere animum induxit suum: itaque à patruum cubiculo discedens cum septem aut octo, quos habebat secum, ex suis familiaribus ad id diversorium *Alidosianum* pedibus rectà contendit, atque ipsum domo egressum media in via frequenti comitatu, septumque militibus plurimis, & equitibus armatis plus sexaginta, unà cum sororis suæ viro *Guido Vaino*, illorum equitum præfecto, se ad *Julium* conferentem conspicatus, ubi *Alidosii* vicinus fuit, quasi eum alloquuturus à viâ latere ad illum inter arma omnium declinavit, mulæque ephippiis, qua is vectus incedebat, læva manu admota, educto dextra gladio hominem transverberavit. quod factum ejus comites intuentes, gladiis eductis & ipsi idem fecerunt. ita illum pluribus confossum vulneribus, sui à fræno milites mulæ detractum, in eam domum, cujus ante fores erant, humeris intulerunt. qui quidem paulò post se ipse sæpius accusans egit animam, turpis & flagitiosæ vitæ vir, cui nulla fides, nulla religio, nihil tutum, nihil pudicum, nihil unquam sanctum fuit. Imperator gladio recondito, eo quo venerat passu pacatè suum ad hospitem rediens, infessis equis, egres-

fusque oppido, ad *Metaurense* se suos retulit.

*Paulus* legatus cum iis, quas secum habuit, copiis, cumque illis, quæ cladis initio per diversa ab hostibus & invia montium fuga capta sese illis eripuerant, atque ad eum venerant, in *Cesennatium* vicum ad mare se contulit, ut in naves militibus & equitibus impositis in fines *Patavinos* se atque illos sisteret. Quod ubi Patres cognoverunt, navigia plus centum ex urbe & suburbanis & *Fossa Clodia*, triremesque septem majores è navalibus eductas paucis pro re administrantibus ad vicum *Cesennatium* miserunt ea de causa. Dum verò hæc procurantur, milites propè universi, qui disjecti apud *Bononiam* à *Bentivolorum* factione vel capti fuerant, singulatim ad *Paulum* inermes venerunt, centurionesque illorum militum omnes, quorum nonnullos interfectos fuisse rumor attulerat: eos *Paulus*, ut ad se navigia appellerant, impositos ad *Albanum* montem mittebat: is est locus in primis *Patavinorum* à *Fossa Clodia* finibus. Ipse autem *Paulus*, universo exercitu præmissis, triremem instructiorem è classe *Bondimeriana* ad se præter alias missam conscendit, & me, qui casu tunc ad eundem vicum *Urbino* veneram, ut *Bembum* patrem meum adversa valetudine *Patavii* laborantem inviserem, lætissima unius diei navigatione *Fossam Clodiam* vexit. Is fuit dies octavum Calendas Julias. *Paulus* ad Patres se contulit, atque ab iis missionem postulans, ea non impetrata ad *Leoniceanos*, ubi erat *Grittus*, est profectus. Patres exercitu reficiendo consulentes, *Mariano Prato*, *Leonardi* illius, quem *Galli* hostes interfecerant, fratris filio tribunatum quingentorum militum concesserunt, atque ut eum numerum quamprimùm conficeret, ad *Grittum*que legatum adduceret, mandaverunt.

Erant *Veronæ* milites *Hispani* mille, ii oppido egredi ad *Grittum* miserunt, quoniam nullius tunc hominum stipendia mereant, si legatus velit, se ad illum venturos stipendiaque reipublicæ facturos. Ea de re Patres admoniti, coacto Senatu cum plures sententiæ dicerentur, ea vicit, quæ non esse eis confidendum censuit: itaque non sunt recepti.

*Julius Romam* rediens in itinere edictum in *Bononienses* protulit, ni ad se remque publicam *Romanam* revertantur, sese eos ab aqua & igni, à sacrorum communione, à convictu hominum divinis imprecationibus arcere.

Cumque post eos dies acta è nubibus grando solito major atque frequentior, omnes terræ fructus, qui in agris erant, per X. millia passuum circa oppidum abstulisset, vulgo suspicio tenuit. edicti *Juliani* causa eam conflata vastitatem cœlo missam cecidisse.

Eo tempore è *Pannonia* literæ venerunt, in conventu regio, qui postremus *Budæ* indictus fuerat, statutum fuisse à reipublicæ fœdere discedi non oportere. In *Carnis* quidem hostes ad *Utinum* incursiones fecisse, vicisque tres apud oppidum incendisse, Patres certiores facti, *Aloisio Mocenico* legato *Forojulensibus* à Senatu lecto, uti statim proficisceretur, mandaverunt.

Nondum erat *Romæ Julius*, cum novem numero Cardinales, quorum erat princeps *Bernardinus* Cardinalis sanctæ Crucis, homo *Hispanus*, literas ad illum *Mediolano* dederunt, quibus literis eum certiore faciebant: quoniam ipse tot annos, ex quo summus Pontifex esset, contra majorum decreta generale concilium ad rempublicam Christianam juvandam cogere distulisset, se communem causam obire agereque statuisse: itaque illum, ut *Pis* se ante diem Calendarum Septembr. concilio agendo sisteret, monebant. Nè *Julius* eas literas inficiari posset se accepisset,

Milites Veneti disjecti colliguntur.

*Hispani* ultro sese *Venetis* offerunt.

*Julii* Pontificis in *Bononienses* edictum.

Grando & agrorum calamitas.

Res in *Carnis* gestæ.

Concilium *Pis* indicitur à Cardinalibus, & Pontifex ad id vocatur.



se, quòd nemo esset tam audax, qui ei se allatum ullo præmio polliceretur; in foribus templorum *Parmae* atque *Placentiae*, tum verò etiam *Arimini* eas præfigi curaverunt. quod quidem *Julio* permolestum sanè fuit, præsertim cum illis eis in literis testarentur, habere se consiliorum suorum adjuutores *Galliarum* & *Hispaniarum* reges *Ludovicum* & *Ferdinandum*: tametsi spem aleret *Julius*, autoritate potentiae suae vel interminando vel hortando vel pollicendo, aliquos ex eo conventu in suam voluntatem se abstracturum, eamque conjunctionem divulsurum, ipso eorum Principe homine ventosissimo parum prudentiae tantam ad rem, reliquorum nonnullis parum auctoritatis adferentibus: quæ effecta re nihil ab aliis posse confici eorum, quæ speraverant, confidebat. Sed omnino post illud tempus plenior solito curarum & cogitationum *Julius* fuit.

Variae in  
Carnis  
pugnae.

In *Carnis* cum hostes sat magno equitum & militum numero ex *Goritanis* finibus ad *Cremonensem* oppidum accessissent, ut illud, si possent, caperent, prædas autem abigerent, damnaque incolis & vastitatem inferrent: *Joannes Viturius* legatus obviam illis factus, prælium acriter magnoque animo iniit, ipse manu promptus ac paratus, ut quivis alius: itaque eos fudit, interfecitque captisque per plurimis. Erat cum illo *Aloisius Portus*, de quo supra dictum est, validorum & pulcherrimorum membrorum excellentisque virtutis atque invicti planè animi adolescens. Is cum se medios in hostes audacissime intulisset, eosque jam in fugam conjecisset, ab uno ex illis in collo apud tenentes vulnere tam tenui accepto, ut vix pellem gladius perforarit, omnibus tamen membris captus ab equo statim decidit, sublatusque à suis per manusque servatus, prorsus immobilis per plures menses fuit; cæterum exercere se postea in armis nequivit unquam: qui profectò casus cladem illam hostium *Viturio*, à quo *Portus* propter virtutem amabatur sanè plurimum, odiosam in primis & lachrymabilem reddidit.

Magistri  
scriba-  
rum ora-  
tio in se-  
nato de  
aerarii  
angustiis,  
ejusque  
medela.

Interim domi Patres ob aerarii inopiam in magna curandæ pecuniæ difficultate versabantur: quamobrem ubi dies comitiorum venit, sedentibus in curiæ subsellis civibus, Principis & reipublicæ nomine scribarum magister sic eos est alloquutus: Putare sese neminem in curia esse, quem aerarii angustiae hoc tempore lateant: neminem, qui non videat, quàm ad ea recuperanda, quæ indignè amissa sunt, pecuniæ reipublica indigeat: ea suppeditari ad impensas belli possit, omnia excogitata à Patribus esse, nihil relictum inexploratum, nihil intentatum superesse, præter unum, ut qui fisco debent cives, ii solvant, atque in aerarium quod debent conferant: id si fiat, superfuturam pecuniam magistratibus palam esse: si non fiat, rem ipsam publicam in prædam hostibus & direptionem venturam, non esse ab ullo jam ulterius ambigendum: utrum eligere malint, fortunam ipsam eis hodie proponere, vel eam portionem, qua reipublicæ tenentur, sua ipsos manu ei tribuere, vel hostibus invitos omnia (nihil enim victis superesse, quod non in victorum potestate sit) ex altero parva suarum rerum parte ipsos defecturos: ex altero prædia, fundos, insulas, domos, uxores, liberos: quibus nihil in vita charius, nihil esse dulcius potest, lares, templa, libertatem reipublicæ, communicationem imperii, cælum denique hoc, auramque ipsam, qua vivunt, ipsos in periculum adducturos. majores ipsorum hanc eis patriam suo sanguine peperisse, eos autem parvo suo incommodo tueri eam nolle, neque deos neque homines probaturos. nihil esse miserius servitute: itaque dura eis omnia perpe-

tienda potius esse, quàm serviendum: *Leonardum* Ducem ipsorum magistratusque universos, qui hanc rempublicam procurant, rogare obtestarique eos per ea, quæ unicuique jucundissima suavisimaeque sunt, ut qui fisco debent, quamprimum in aerarium inferant, ut ope auxilioque eorum nixa Respublica sublevare se erigereque tandem possit, ne in timore amittendi omnia perpetuò versentur.

Hoc sermone habito, ad magistratus creandos se cives converterunt. *Sigismundus Caballus*, qui legatus extraordinarius in exercitu reipublicæque locis fuerat, facultate à Senatu sibi permessa domum rediens, in sermone quem ad Patres habuit, multa de *Lucii* copiarum reipublicæ præfecti timore formidineque animi in consilis capiendis, plura de tarditate negligentiaque in maturandis & perficiendis, actione planè libera & severa dixit: quæ quidem propè omnia Patres, ipsi per sese præterita repetentes, majori cum dolore, quàm adhibendis ei malo remediis, agnoverunt. tametsi haud multò post eos dies, cum ea inter ipsos opinio percrebuisse, perniciosum esse reipublicæ copiis hominem imperare & semper timidum, & nunquam diligentem, eoque maxime, quòd *Lucii* præfecturæ tempus explebatur, coëptum est à magistratibus agi de alio in ejus locum eligendo, cui se tutius civitas in belli rebus tradi & permitti possit: itaque Senatu coacto, aliqui ex illis *Laurentium Cereetanum*, qui militibus reipublicæ præerat: aliqui *Marcum Antonium Columnam*, qui *Julii* stipendia merebat: alique *Gasparem Severinatem*, *Mantuae* qui erat, certioresque Patres fecerat, libentissime suam se operam reipublicæ navaturum, esse præficiendum censebant. *Laurentii* virtutem egregiam elevabat *Gallicus*, qui appellatur, morbus, à quo interdum impediabatur, ne exercere se quantum opus erat, posset. *Severinatem* cum nonnihil adjuvaret inimicus in *Gallos* animus, à quibus *Veronæ* cum esset, custodia traditus per invidiam fuerat, alia multa premebant. *Marco Antonio Columnæ* adolescentia erat adversaria. Neque tamen defuerunt, qui tunc quoque uti alias, *Gritto* legato id imperium esse dandum existimarent, quòd ea res neminem ex reipublicæ præfectis lædebat. Eæ sententiae cum non semel in Senatu dictæ essent, à *Joanne Medice* Cardinali literæ *Romæ* datæ Patribus proposuerunt: si suis copiis præficere *Joannem Paulum Balionem* velint *Perusine* civitatis principem, magno in re militari nomine, se curaturum ut is internuntios ad urbem suos mittat, quibus cum agere, quæ agenda erunt, Patres possint. quæ intellecta res magistratuum controversiam diremit, pluresque in eam sententiam, quàm in ullam aliam ierunt, ut *Balioni* præfecturam traderent.

*Lucius*  
copiarum  
præfectus ac-  
culatur.

Consultatio de  
præfecto  
exercitui  
præficiendo.

Ipse verò *Lucius* hæc vel prævidens futura, vel facta de amicis suis cognoscens, literas ad Patres dedit senem se factum, minusque jam ad bellum munera & labores obeundos idoneum, quàm antea fuerit: itaque cupere artem desinere, si per eos liceat, atque ad quietem se vitamque reliquam dare, petere ut liceat. Quam quidem ejus petitionem Patres opportunè oblatam libentes acceperunt, honorificoque responso missum eum fecerunt.

*Lucius*  
dimissionem  
petitionemque  
præoccupat.

Milites *Epirotæ* quingenti, *Veronæ* qui erant, ab exercituque reipublicæ profugerant, stipendiis apud hostes fraudati, commeatuum egentes, omnia perpeffi mala, impetrata venia ad *Gritum* redierunt.

*Hispania*  
rex Cardinales  
de mendacio arguit.

*Ferdinandus Hispaniæ* rex agrè ferens Cardinales eos, de quibus supra dictum est, in illa concilii *Pisis* agendi missa ad *Julium* denuntiatione, nomen



nomen suum adscripsisse, cum se ab illo adjuvari prae se tulissent, *Julio* per legatum suum confirmavit, nullam se ad id voluntatis suae partem adhibuisse, nulla omnino se in re cum illis consensisse: quod si *Julius* eum in primis, qui *Hispanus* esset, dignitate illa & sacerdotiis, quae in suo regno habet, spoliaverit, privatumque reddiderit, sibi eum rem gratissimam esse facturum, & suum illi mendacium eam, quam debeat, mercedem allaturum: uti autem *Bononiam* recipiat, omnes suas copias, quas fore propediem satis multas exploratum sibi esse, *Julio* se daturum polliceri. quae legati oratio gratissima *Julio* fuit.

Benemeriti re-mune-rantur à Repu-blica.

Interim *Joanni Paulo Balioni* omnium reipublicae copiarum praefectura per annos tres cum equitibus gravioribus ducentis, levioribus quinquaginta, militibusque centum, atque iis unis belli tantum tempore, cumque eorum omnium stipendio, tum ad ipsius mensam libris auri triginta annis singulis à Senatu traditi. *Tadeo Vulpio Forocorneliensi*, quod ad *Bononiam* in exercitus fuga unus omnium praclare se gesserit, *Bentivolorumque* amicos porta oppidi exire properantes, uti agmen praetereuntium aggredierentur, magno animo reprimens in oppidum reverti compulerit, numerus equitum gravioris armaturae, quem habebat, est à Patribus auctus ad CL. ejusque fratri equites leviores L. attributi.

Mat-thaeus Se-dunorum episcopus.

Venerat ad urbem in veste plebeia tenuique comitatu *Matthaeus Helvetius Sedunorum* Episcopus, quem *Julius* in Cardinalium collegium cooptaverat, homo magni animi, *Gallis* inimicus atque adversarius maximè. Causa veniendi fuit, ut *Julii* pecuniam ibi acciperet libras auri ad ducentas, militibus *Helvetiis* sex mille conscribendis, qui ejus stipendia facerent: moratusque in diverbio, quod Patres ei paraverant, dum sibi numi curarentur, per *Lauredani* Principis domum salutatis semel Patribus, *Pisaurum* in triremi, quam ei Patres dederant, se contulit, numis per suos domum missis: inde *Romam* ad *Julium* est profectus, atque is tantum abierat, cum ad urbem item venit homo reipublicae amicus *Maximiliani* regis familiaris, ut Patres certiores faceret, si legatum ad *Maximilianum* secretò miserint, qui cum roget, uti cum civitate foedus ineat, honestasque ei conditiones proponat, *Maximilianum* cum republica consensurum. Ea intellecta re Patres Senatu coacto *Antonium Justinianum* legunt, qui statim ad *Maximilianum* proficisceretur, cum foederis ferendi potestate, si conditiones non respuerit: inter quas erat, ut si is *Veronam* reipublicae restituat, *Antonius* polliceatur rempublicam ei daturam aliquam pecuniae vim: eaque res ut bene reipublicae verteret, omnibus in templis dies tres supplicatio decreta est. *Antonius* tacitè profectus *Feltriam* ubi venit, literas sibi obviam missas accepit, quibus ei *Maximilianus* suis in locis atque oppidis dies octo commorandi potestatem faciebat. Eis literis non contentus *Antonius*, quod tam brevi temporis spatio *Maximilianum* convenire, remque tantam perficere posse se non confidebat, alias longioris morae literas sibi mitti postulavit, easque in castello *Butistanio*, quod est in extremis reipublicae finibus, se expectaturum confirmavit.

Legatus Venetorum ad Maximilianum ob pacis tractationem missus.

Venetorum prope Veronam clades.

*Antonio* itaque *Butistanii* eas litteras expectante, hostes qui *Veronae* erant, à *Maximiliano* atque ab rege *Galliae* haud parva manu aucti, compectu & tormentis per *Athesim* flumen ad eos in ratibus *Tridento* missis, oppido egressi, ut exercitum reipublicae aggredierentur, ad *Gritum*, qui non longè aberat, contenderunt: congressique, cum *Veneti* propter paucitatem premerentur, eos repulerunt, ducentosque ex equitibus captivos

A fecerunt, interfectis per plurimos, & *Suavium* ac *Leoniceos* ceperunt. *Gritus* cum reliquis, qui quidem fortissimè pugnaverant, in *Atestinorum* se fines recepit. Fuerat hostium numerus equitum gravis armaturae septingentorum, levis mille quingentorum, militum circiter septem millium cum *Vasconum*, tum *Germanorum*, ad quos gregariorum magna multitudo accesserat: quibus omnibus *Palitia Gallus*, homo non obscuri inter suos nominis, praerat. Ejus praelii nuntio accepto, non mediocris timor Patres incessit, ne eo successu hostes sublatis *Patavium* improvisò se conferrent, quod vacuum defensoribus sciebant esse, ut de eo capiendo, quid possent, experirentur. Augebant eum timorem literae à magistratibus *Alpinis* ad eos datae, *Maximilianum Tridentum* venisse, rumoremque satis constantem vagari illum propediem in fines reipublicae *Taurisum* versus impetum facturum. quas ob res legatum, qui *Taurisi* rebus belli praeset, *Joannem Paulum Gradenicum* Patres legerunt: & militum quina millia undecumque celeriter conscribenda esse sanxerunt: atque uti è nobilitate cives viginti *Patavium*, decem *Taurisum* mitterentur ad eas urbes custodiendas, cum X. militibus singuli totidemque è plebe urbana cum tribus, qui portis eorum oppidorum adfuerint, Senatus consulto addiderunt: *Gritumque* exercitum sine mora *Patavium* adducere jusserant: scripsisse enim *Justiniano*, ut si quippiam cognosceret, quod impedimento esset, quo minus conveniret inter *Maximilianum* atque rempublicam, quamprimum posset, ipse operam daret, ut quicquid id esset, omnibus modis è medio prorsus tolleretur. Quoniam autem Principis, & ejus collegii jussu edictum propositum fuerat, ne cui, qui fisco deberet, frumenta possessionum suarum in urbem advehere, nisi ipsis permittentibus, liceret: ne eas res advectiones moraretur, altero edicto facultas in urbem advehendi civibus omnibus est data. quodque sunt in *Sili* flumine molae frumentariae per plures, quibus civitas utitur, eas qui custodirent, armatos homines in naviculis XXIV. uti suburbia, quae à Septemtrionibus sunt, mitterent, Senatus jussit, aequè inter ea, quae quatuor sunt, diviso navicularum numero, cum *Muriani Torcelique* magistratibus, qui eis praesent: panisque classicus omnibus cum viginti dierum stipendio publicè datus: quorum dierum spatio quid hostes molirentur, sciri posse Patres existimaverant.

Edictum de frumentis advehendis.

Exercitu *Patavium* adducto, militibusque mille in *Rhodigianis* finibus qui erant, quos Patres evocaverant, eodem introductis, magna est hominum fuga ex agris cum *Patavium* tum etiam *Taurisum* facta, ut omnes viae carrorum, pueros, mulieres & impedimenta domestica convehentium, implerentur. quem timorem augebat, quod adferebatur, quoniam hostes *Leoniceis* captis majorem oppidanorum partem unà cum mulieribus & infantibus interfecerant, oppidumque & vicos aliquot incenderant, eos omnibus in reipublicae locis idem esse facturos. itaque *Bassiani Asulique* magistratus relictis municipiis, quibus praerant, nullis eos hostibus impellentibus, sed sola earum rerum auditione perterriti, *Taurisum* profugerunt. Missus autem eo *Laurentius Ceretanus*, praefectique alii cum militibus & equitibus levissimis, fractos jam civium & reliquorum animos confirmaverunt: qui unà cum *Gradenico* legato, ut oppidum redderent communitius, animum intenderunt, magnumque agricolarum numerum, qui in oppidum confugerant, nacti celeriter ejus quod intenderant, non parvam partem effecerunt. Frumenta, quae in agris erant, in oppi-

Hominum fuga ex terrore panico.



oppidum comportari mandaverunt. Præterea, ut in urbe major numerus reperiretur eorum qui è nobilitate, quive è plebe *Patavium* aut *Taurisum* accederent: utque ad id faciendum eò promptiores essent, præter *Bartholomæum Mustium*, qui jam sese Patribus obtulerat, cum armatis hominibus XXX. duos menses, in utro vellent oppido, sua impensa reipublicæ operam navaturum, & *Sabam* hominem è plebe, qui cum decem, ac propterea magnopere laudabantur, proposita fuerunt præmia, tam iis qui è nobilitate, quam iis qui è plebe, pro sua quibusque conditione, qui ad tutanda ea oppida ire vellent.

*Vicetia*  
desolata  
occupatur  
ab  
hostibus.

Hostes interea vacuum hominibus *Vicetiam*, quod propè universa civitas fuga *Patavium* atque ad urbem se contulerat, facile ceperunt: *Pandulfusque Malatesta Citadellam*, ab illis eò cum equitibus quadringentis propinquo ejus misso. Eas ob res Patrum jussu sacerdotum & sacrarum virginum collegiis tercenta staria frumenti dono data, ut preces Diis immortalibus pro republica facerent.

Lex de  
Senatori-  
bus fisci  
debitori-  
bus.

Atque ut pecunia quibus posset modis exigeretur, lex antea perlata, nunquam autem palam proposita, quod asperior duriorque esse Patribus videbatur, in Senatu lecta est. Ea erat ejusmodi: Qui senatores fisco deberent, decem dierum spatio in ærarium conferrent: qui id non fecerit, à Senatu excludatur, aliusque in ejus locum sublegatur. Et alia item ejusmodi: Qui in ærarium pecuniam inferret, ea illi accepta unà cum decima à quæstoribus referatur: qua is pecunia quæ ipse quæve quis alius portoria ullis urbanis magistratibus debiturus in posterum sit, solvere, acceptumque ac relatum facere possit. Etiam à *Decemviris*, prædia reipublicæ fundique aliquot in *Cypro* insula ut venirent, eaque statim ad urbem pecunia trajiceretur, latum. Sed eam legem, quæ de iis, qui fisco debent, à Senatu ejiciendis loquebatur, paulò post etiam ad omnes alios magistratus cum urbanos tum provinciales extensam atque amplificatam majora comitia probaverunt: itaque per plures magni viri à rebus publicis tractandis ejecti, in privatorum numero sunt habiti.

*Lucii* co-  
piarum  
præfecti  
ob dimis-  
sionem  
querela,  
& obitus.

*Lucius* molestè ferens se à Senatu missum fuisse, tametsi velle quiescere ipsemet Patribus significavisset, querelisque ea de re legatorum aures quotidie obtundens, id perfecit, ut Senatus, ne in illum ingratus esse ulli hominum videri posset, pristinum ei locum restituerit: quo in loco tamen parum temporis esset futurus, *Joanne Paulo Balione* brevi ad exercitum venturo, cui parere *Lucium* oporteat: tametsi, etiamsi ad exercitum *Balio* nunquam venisset, non tamen irrita ejus Senatus opinio fuisset, non multum scilicet temporis in sua præfectura futurum *Lucium*: paucos enim post dies in febriculam incidens, ea in horas graviore facta, mortem obiit.

*Julii*  
Pontifi-  
cis consi-  
lium de  
bello Re-  
gi *Gallie*  
inferen-  
do.

*Romæ* autem accito ad sese reipublicæ legato *Julius*, qui cum erant *Hispaniæ Britannique* regum legati, ei proposuit, se cum illorum legatorum regibus cumque republica fœdus inire statuisse, quo ex fœdere *Galliæ* regi bellum eodem tempore omnes facerent: ei bello *Ferdinandum* confirmare equitum gravioris armaturæ mille ducentorum, levioris mille, millium numerum se præstaturum: totidem item *Heinricum*: quibus copiis bellum à suis finibus in *Galliæ* fines inferat: ipsum autem suum exercitum bene plenum paratumque in commune allaturum: idem ut *Venetis* se facturos polliceantur, non tam hortari, quam confidere, nulla eos in re desiderari suum munus atque officium permiffuros: neque enim ullius sociorum tam referre id bellum fieri, quam

reipublicæ, itaque jubere ipsi, ut ea Senatui perscribat, petatque ab eo syngrapham, qua pro ejus parte fœdus confici & conscribi possit.

Eum *Julii* sermonem uterque Regum legatus *Donato* comprobavit. Quibus rebus cognitis, ex *Donati* literis Senatus omnibus suffragiis syngrapham fieri, atque ad illum mitti jussit.

Monuerant *Gritus Paulusque* legati Senatum, quoniam equites gravis armaturæ vulgò conquirebantur, eo quo merebant stipendio non posse sese equosque suos alere tam duro tempore, tam frequenti omnis commeatus propter fugam agriculturalum inopia, tantisque laboribus perferendis: optimum factum esse, si stipendia illorum Patres auxerint, ut lætioribus animis suam reipublicæ operam uberius cum fructu navent: quamobrem eis Senatus & stipendiorum summam auxit ad auri libram in annos singulos, quæ prius erat quinta parte minor: & duorum mensium stipendia repræsentari à quæstoribus imperavit.

Equitum  
gravis  
armatu-  
ræ sti-  
pendia  
aucta.

Quod autem pecunia publicè defecerat, à civibus ditioribus, quod opus esset, mutuo petere Patres constituerunt: utque cæteri eo exemplo moverentur, dux ipse *Lauredanus* libras auri decem eo nomine in ærarium primus contulit. Id reliquorum civium per plures imitari, & ipsi pro suis facultatibus idem fecerunt, ut esset omnis ea pecunia libras auri ad ducentas, eoque amplius.

Pecuniam à  
ditioribus mu-  
tuam colligit  
Reipubli-  
ca.

Scripserant Patres ad *Balionem*, ut è *Perusii Spoletique* finibus pedites bis mille conscriberet, secumque adduceret: pecuniamque ad eam rem suis internuntiis dederant. Itaque ad eos reliquosque illius milites & equites & comitatum advehendum, triremes nothas tres vacuas paucis administrantibus aliaque navigia ad eam rem accommodata Patres in *Flaminiam* miserunt ad vicum, qui appellatur *Catholica*. eisque navigiis euntibus & redeuntibus *Bondimerium Padanæ* classis præfectum esse præsidio jusserunt, ne quid eis *Alfonsus* in itinere noceret.

*Gradenicus* in *Taurisanis* legatus de *Laurentii* & *Vitellii* multæ virtutis hominum consilio, ut oppidum communiret, magnam curam & diligentiam adhibebat: muros reficiebat: è turribus, quæ in iis erant, veteri consuetudine altiores, quam præsens rei militaris ratio postulabat, superiorem partem detrahebat: fossas latiores & profundiores faciebat, aggerem construebat, extra oppidum per quingentos passus tecta diruebat, arbores succidebat, ut nihil aut prospectui, aut ejaculandis tormentorum pilis obesset. Aqua *Silis* fluminis, quod flumen oppidum interfuit, ut in oppido sustineri posset, quæ hostibus accedentibus effunderetur ad omnem circa oppidum regionem submergendam, alveos è lateribus solidissimos cum ostiis lapideis plurimis, ad quamvis vim aquæ brevi evomendam, concamerationesque sub mœnibus, perque aggerem firmissimas exædificabat. quod opus magna impensa postea perfectum expletumque ejusmodi nunc quidem est, ut neque pulchrius & elegantius, neque aptius atque accommodatius quicquam ullum ad oppidum muniendum & tuendum aliis in locis ferè conspiciatur.

*Taurisum* novo  
artificio mu-  
nitur.

Hostes autem, quorum erat numerus propè viginti millium, ulterius per *Vicetinos* fines progressi, incendiisque omnia fœdantes, *Camisanumque* maximè, totius agri plenissimum vicum, ut incendia usque *Patavio* prospicerentur, *Bassianum* oppidum ceperunt, diripuerunt, virgines violaverunt: è quibus tamen equites *Epirotæ* reipublicæ extremum agmen aggressi triginta captivos *Patavium*, unde venerant, intulerunt. in iis *Hieronymus Posterla*, *Mediolanensis* civis, homo satis dives fuit.

Hostium  
per *Vicetinos*  
fines pro-  
gressus &  
irruptiones.



Legatus  
Venetus  
à Maxi-  
miliano  
re infecta  
redit.

Bartho-  
lomeus  
Mustius  
senator  
ob meri-  
ta decla-  
ratur.

Laureda-  
ni ducis  
oratio de  
populi in  
beneme-  
ritos gra-  
to ani-  
mo.

Interea *Justinianus*, quem ad *Maximilianum* foederis ineundi causa missum à Senatu dixeramus, cum regiis procuratoribus colloquutus, cum ii se ad illum non semel contulissent, spre-  
tisque quas adferebat conditionibus, eum tandem missum fecissent, demum etiam revocavissent, neque tamen convenire inter ipsum atque illos posset, à Senatu revocatus ad urbem rediit.

Ac domi quidem magistratibus comitia habentibus, *Bartholomæoque Mustio*, qui amanter *Pata-  
vium* profectus tuendo oppido cum triginta mi-  
litibus sua impensa, uti suprà dictum est, reipub-  
licæ operam dabat, senatore tanta civium vo-  
luntate declarato, ut multò ipse majore suffra-  
giorum numero, quam ullus ex suis competitoribus id muneris adeptus esset: tametsi magna il-  
lorum pars in eo magistratu sæpius fuerint, quæ  
res maximè adversaria solet esse iis, qui idem pe-  
tunt: *Lauredanus* Dux ad cives conversus ejus-  
modi sermonem habuit: Lætari se plurimum,  
quòd ipsi favore suo atque benevolentia eos in  
primis cives prosequantur, suffragiaque sua iis  
honestandis conferant, qui communi commodo  
inserviunt, seque pro patria periculis obji-  
ciunt, & impendia rei familiaris erecto animo sustinent:  
itaque, inquit, non omnino Deos immortales  
iratos nobis esse atque adversos puto, cum hanc  
vobis mentem datam, atque hunc ab illis sensum  
videam, ut qui amore patriæ in labores, in di-  
scrimen sese dant, maximè dignos vestris mune-  
ribus existimetis, atque illis, qui minus id faciunt,

A præferendos vestris sententiis judicetis. Gratu-  
lorque *Mustio*, quem hoc honore amplificavistis:  
quo quidem gavisurum eum puto in illis suis la-  
boribus longè magis, quam si omnibus commo-  
dis affluens, plurimis in voluptatibus versaretur,  
summaque vitæ securitate frueretur: hoc  
est enim verè vivere, prodesse patriæ, defendere  
republicam, tueri cives suos, vitam sine li-  
bertate minimi facere, etiam præferre mortem  
servituti: hæc qui secum reputat, qui sentit,  
ille mihi præstans & magnus civis videtur, ille  
dignus in quem unum à sua civitate omnia stu-  
dia, omnes honestates conferantur. Hæc vos ci-  
ves, mea mihi vita chariores, dies atque noctes  
B cogitare oportet, ut *Mustio* similes, cum usus  
erit, patriæ laboranti succurratis: quòd si fece-  
ritis, & illa beneficiorum & laborum vestrorum  
memor, omnes suas dignitates in vos profundet,  
& ipsi non ab ea modò, quod tamen civi egre-  
gio & amanti patriæ satis esse planè debet, sed  
etiam omnibus ab hominibus laudabimini: nam  
qui acta civitatis nostræ conscribunt, vestra no-  
mina suis libris inferent: ita virtutes & benefacta  
vestra legentur, aliis narrabuntur, per ora gen-  
tium & seculorum pervagabuntur, nomenque  
vestrum æternitati commendabitur.

C Hac oratione à *Lauredano* habita, perplures  
cives ipsi & magistratibus se paratos obtulerunt,  
neque rei familiari, neque vitæ suæ parcere, ut  
saluti publicæ pro virili sua opem atque præsidium  
adferant. Ita comitia dimissa.





# PETRI BEMBI

## RERUM VENETARUM

### HISTORIÆ LIBRI DUODECIMI

#### EPITOME.

Clades in *Istria* à *Friapane* accepta. Gallorum ac Germanorum in *Carnis* & alibi progressus. *Julii* ægritudo. *Pisaurum* à *Julio Francisco Mariæ* traditur. Germanorum ex *Alpibus* populationes. Gallorum ad majus littus usque incursiones. Venetorum cum *Julio* & *Britannia* rege foedus. Galli & Germani *Taurisum* obsident, eorumque discessus. Lex de novo navalium magistratu creando lata. Exercitus ad amissa in *Carnis* recuperanda missus, ejusque res gestæ. *Vicetia* ad reipublicæ imperium redit. *Julius* eos qui *Pisanum* concilium coegerant, Cardinalatu spoliatur. *Brixia* & *Bergomum* à *Venetis* capitur. Varia pacis cum *Maximiliano* negotia. *Bononia* à Pontificiis & *Hispanicis* copiis obsessa, à *Gallis* liberatur. Venetorum ad *Villam Francam* clades. *Brixia* à *Gallis* expugnatur. Duodecim *Helvetiorum* legati ad urbem veniunt. Induciæ inter *Maximilianum* & *Venetos*. Pugna apud *Ravennam*. *Lateranensis* concilii initium. *Ravenna* à Pontifice cum arce recuperatur. *Helvetii* se *Veneto* exercitui conjungunt, eorumque res gestæ. *Bononienses* se iterum *Julio* dedunt. Galli totâ *Insubria* pelluntur. *Selimus* patri regnum eripit, ejusque ad *Venetos* legatio. *Genua* à *Fano Fregosio* capitur. *Alphonsum Atestinum* à *Julio* interdicto absolvitur, & *Româ* aufugit. *Helvetii* à *Julio* *Romanæ* reipublicæ defensores appellantur. *Julii* in *Alphonsum* conatus irriti. *Mediceorum Florentiam* reditus. *Julius Gallia* regi aqua & igni interdicat. *Veneti* *Cremam* recipiunt. Gallorum in *Aquitania* clades. *Veneti* cum *Aegypti* rege foedus renovant. *Neapolis* prorex *Brixiam* capit. *Julii* cum *Maximiliano* foedus, à *Venetis* alienatio & obitus. *Leonis X.* creatio.

#### LIBER DUODECIMUS.

Clades in  
*Istria* à  
*Friapane*  
accepta.



O tempore in *Istria* incommo- dum acceptum est, fugatis equitibus & militibus reipublicæ cum legato ejus regionis *Andrea Suriano*, à *Christophoro Friapane*, qui se in insidiis occultaverat, prædaque facta. quas ob res paulò post *Suriano* à civibus malè audiente, *Sebastianus Justinianus* à Senatu lectus est, qui legatus *Istria* regendis eò se statim conferat, cum antea regendis *Dalmatis* lectus fuisset.

Gallorum & Germanorum in *Carnis* populationes & progressus.

Ab hostibus verò *Gallis Germanisque Asulum* & *Marostica* facilè capta: qui cum in planitie populationes facerent, *Epirotis* reipublicæ extremum illorum agmen carpentibus, plurimos ex suis non semel amiserunt: quod quidem detrimentum sarcitum cum fœnore est, *Vasconibus* mille quingentis aucto eorum exercitu. A *Fossæ* autem *Clodiæ* municipibus classicula celeriter coacta, fugatis *Alfonsi* navibus, perplura ab eis capta optimis mercibus onusta navigia recepta sunt in *Vatreni* ostio, atque ad urbem & ipsum ad forum magnis acclamationibus & tubarum ac tympanorum strepitu & tibiarum sonis, tanquam in triumphum ducta.

*Julii* ægritudo, ob quam *Pisaurum* *Francisco Mariæ* tradit.

Auctis verò admodum febribus, quibus iterum tentari cœperat *Julius*, ut se moriturum crederet, *Francisco Mariæ* fratris sui filio, quod *Alidosium* Cardinalem interfecerit, ne crimini esset, decrevit, scriptisque id literis est testatus: *Pisaurumque* oppidum regendum & obtinendum ei tradidit, quod hæredes ejus sequerentur, stipendio levissimo in annos singulos dari Romanis Pontificibus imperato: filiaque suæ *Felici* libras auri centum viginti, totidemque *Francisco Mariæ*, alterosque totidem *Nicolao Ruxero* sororis suæ filio dono dedit.

Exierant *Vicetia* hostium equites gravis armaturæ centum, levioris ferè ducenti, milites *Vascones* quatercentum *Verona* profecti, ut *Marosticam* se conferrent: id cum ab agricola *Federicus Contarenus* cognovisset, qui *Patavio* egressus cum equitibus levioribus quingentis, ut hostibus, si

A quâ posset, noceret, eandem regionem versus se conferebat, cum tertia suorum equitum parte, quò illos iter facturos arbitrabatur, se convertit: reliquas duas partes diversis itineribus si hostes reperire possent, misit, cum mandatis, ut qui priores hostium agmen conspicerentur, id celeriter reliquis significandum curarent. Accidit autem, ut ipse in eos prior incideret: itaque unâ cum *Guido Rangonio* magni animi adulescente sine mora congressus, parum abfuit quin ab eis caperetur. *Rangonius* quidem ab equo dejectus in manus hostium venit: quorum impetum *Federicus* temperanter sustinens eos morabatur, dum reliqui, ad quos accersendos miserat, accederent: id dum per horæ spatium fit, reliqui adveniunt, tum redintegrato simul prælio, cum diu atque acriter utrique pugnassent, hostes superantur, seque fugæ mandantes, quod equitum nostrorum celeritatem effugere non poterant, milites conciduntur: reliqui omnes ad unum capiuntur cum jumentis sarcinariis permultis, quæ supellectilem magni pretii ad *Palitiam* reliquosque duces adferebant, cumque mulierum turba, quæ agmen sequebantur. *Rangonius* equitem, qui eum ceperat, à se captivum factum, in equi sui postremo dorso *Patavium* in reditu ingrediens adduxit. erat autem hora noctis ferè tertia, ut multis luminibus allatis utrumque agmen victores simul & victi non ingratum spectaculum *Paulo* legato, qui in porta aderat, & oppidanis dederint. *Gritium* legatum ob adversam valetudinem, Senatu permittente, *Patavio* sui ad urbem detulerunt: & *Bondimerium* è *Fossa Clodia* eadem de causa item sui.

*Veneto-*  
rum cum  
hostibus  
conflic-  
tus.

*Lucio* mortuo dum *Balio* ad exercitum venit, *Bernardinum Braccium*, egregia fide hominem, pro præfecto copiarum reipublicæ Senatus esse iussit: quæ res præfectis reliquis exercituique omni gratissima sanè fuit: eique in præsentia datæ libræ auri decem in stipendium, quinque autem in menses singulos ad victum institutæ. *Meleagro* etiam *Foroliviensi*, quoad *Joannes Græcus*, qui longinquo morbo detinebatur, convalesce-



ret, ejus equites regendi dati unà cum aliis levioribus quinquaginta, qui *Lucii* fuerant: ex centum autem gravis armaturæ, qui fuerant ejusdem *Lucii*, *Guido Rangonio* septuagintaquinque, reliqui *Tadeo Vulpio* distributi.

Theodor-  
us Pa-  
laologus.

Atque inter hæc *Theodorus Palæologus*, homo reipublicæ amantissimus, *Zacyntho* rediens equos quinquaginta levissimos ad urbem secum duxit. cujus ab insulæ prætura, *Joannes Barbadicus* Triumvir ad magistratum provincialium furta criminaque cognoscenda, *Hieronymum Bernardum* ejecerat, pecuniis omnibus, quas nullo jure abstulerat, restitutis, ipso ad urbem se fisti jussu, *Stephanoque Capello* Proprætore in insula instituto: eam enim illi potestatem *Decemviri* dederant.

Germano-  
rum ex Alpi-  
bus po-  
pulationes.

Castel-  
lum Fran-  
cum.

Hostes cum frequentes populationes in *Alpi-  
bus* fecissent, *Belunium* cepissent, castella multa & vicos diripuissent, cum carris quamplurimis, qui naviculas ad pontes sustinendos binas singuli, quique ipsos pontes disclusos, atque in partes plurimas se junctos ferebant, *Plavim* flumen versus se contulerunt. quorum discessu cognito, *Federicus Contarenius* *Janesque Fregosius*, *Patavio* ad castellum *Francum* procurentes, porta succensa municipium capiunt unà cum præfecto, quem hostes ibi reliquerant ad commeatum procurandum, & ejus equitibus aliquot militibusque triginta, cumque iis, qui panem exercitui conficiebant, quorum erat non parvus numerus: farinæque carros aliquot abstulerunt, frumentique aliquantum modum, ut *Epirotæ* ferè omnes oneratos admodum ea præda equos suos in reditu habuerint.

Taurisano-  
rum in  
perfi-  
ciendis  
munitio-  
nibus se-  
dulus.

*Taurisi* autem Legatus præfectique quod hostes ad se venturos intellexerant, eam diligentiam perficiendis munitioibus adhibuerunt, ut non ipsi modo reliquique cives *Veneti* & *Taurisani*, ex nobilioribus, sed ipsæ etiam mulieres singulis diebus plures horas suis manibus fouenda & convehenda laborem forti animo subierint.

Germano-  
rum  
progres-  
sus.

Posito in naviculis ad *Plavim* ponte, *Germani* flumen transierunt. *Galli* trajicere noluerunt, verentes ne *Germani*, cum suæ terræ finibus appropinquavissent, cupiditate domum redeundi, & quod eis stipendia ferè non persolvebantur, se relinquerent. erat autem *Gallorum* numerus propè viginti millium, *Germanorum* duodecim millium, præter equites utriusque armaturæ circiter octingentos: quorum graviore more iptorum duos ad summum singuli, sæpe etiam unum tantum equum habebant. *Germani* igitur *Sacilium* profecti, oppido defensoribus vacuo facile potiti sunt, atque ibi commeatu, quo antea caruerant, exercitum refecerunt. Eo capto municipio magnus est omnibus illis populis injectus timor, ne ab iis ferro atque igni ob innatam genti feritatem & crudelitatem vastarentur. Qua re cognita, fortunæ favore usi, & sua paulisper remissa vulgò sæviendi consuetudine, non multis diebus eam omnem regionem in suam potestatem redegerunt.

Lex de  
bonis ci-  
vium  
fisco de-  
bentium.

Ea tempestate ne pecunia Patres deficeret, propterea quod rerum fisco cedentium Triumviri magnum suis in libris publicè debentium civium numerum habebant, Senatus legem scivit, ut iidem Triumviri bona civium fisco debentium omnia, quæ sui juris fecissent, facturive essent, ipsi in foro licerentur, licentibus partem eorum bonorum tertiam Fisci. novissimi pecunia vel sua, vel aliorum, cujus essent creditores, emere liceret, si pro reliquis duabus partibus numeratò persolvissent: eaque bona ita distracta si redimere priores domini voluerint intra dies octo eo modo, quo emptæ erunt, possint: si noluerint, eæ emptiones nullum postea præjudi-

cium patiantur, sed firmæ solidæque sint tota tempora.

At in *Carnis Germani* etiam *Covoli* arcem, quæ quidem nulla vi expugnari poterat, uti antea dictum est, qui in ea erant se deditibus, ceperunt. quo accepto nuntio *Aloisius Gradenicus*

Germani  
Covoli  
arcem  
occu-  
pant.

*Utini* magistratus, magni sanè, sed parum muniti oppidi, relictis prædæ hostium magni pretii tormentis, ex eo discessit. Dein *Portus Gruarius*, pauloque post *Mota* ad *Liventiam* flumen municipium, & non longè ab eo flumine *Udertium* captum, quoniam verò earum regionum ferè omnium, quæ citra *Plavim* sunt, agricola se in ultimas *Taurisanorum* collium sylvas abdiderant, *Galli* magna cum manu eò profecti, atque introitus patefactis viis, non parvam eorum partem conciderunt, magnamque armentorum pecorumque vim, quam illi secum adduxerant, abstulerunt, mulieresque eorum ætate ac forma non spernenda tenuerunt. Alia autem ex parte à *Germanis* *Sacilium Carnicum* est captum. Ea re audita Patres, ut *Gradiscas* communirent, curam adhibuerunt, missis eò celeriter equitibus, & quos in urbe conscripserant, militibus cum centurionibus & præfectis: quæ tamen cura nihil illis profuit: positis enim

Gallo-  
rum ra-  
pina.

B

ad castelli muros castris, cum *Germani* tormentis, quæ nec multa nec magni ponderis habebant, eos quaterere cœpissent, qui in eo erant sese hostibus dederunt, cum defendere municipium parvo negotio potuissent. Fovebantur autem *Germani* à plurimis *Forolivianis* civibus, atque ab *Antonio Saorniano* quidem maximè, uno ex *Utini* principibus & nobilitate & opibus, & reipublicæ paulò antè gratia in primis claro, qui nulla unquam laceffit injuria ad *Maximiliani* duces profugerat, eosque rebus omnibus juvabat, autorque illis fuerat, ut se *Gradiscas* conferrent. nisi tamen injuriam accepisse illum est existimandum, quod paucos ante menses coactis agrestibus hominibus clientibus suis magnam in civitate cædem fecerat, trucidatis plerisque honestissimis civibus adversariis suis, eorumque ædificiis incendio absumptis, ut neque jus, neque pudor, neque timor reipublicæ, neque magistratus qui aderat, reverentia continere illum potuerint: quod tamen ejus consilium apud consobrinum suum

Gradiscas  
Germani  
capiunt.

C

*Hieronymum Saornianum* tanti non fuit, ut eum ab officio atque ab amore reipublicæ abduceret. nam cum illè suum in castellum, quod in *Oso-  
pio* monte est loco alto atque edito, viæ quæ *Germania* plurimum aditur, imminens, quodque pridem has ad res magna sua impensa exædificaverat, se contulisset, ducesque *Maximiliani* ad eum misissent, uti se dederet, eique necem & incendium exemplaue ultima interminati essent, nisi paruisset, spretis eorum minis se ad defensionem forti & constanti animo comparavit, literasque ad Senatum ea de re dedit, pollicitusque est Patribus, nihil se indignum suis majoribus, nihil à reipublicæ erga se charitate alienum, nihil *Antonii* rebus simile commissurum. quibus acceptis literis Patres *Joanni Viturio*, *Taurisi* qui erat, mandaverunt, ut *Oso-  
pium* è vestigio cum quadringentis equitibus contenderet *Hieronymo* auxilium laturus. Cumque dies comitorum fenatoribus sexaginta creandis venisset, *Hieronymus Saornianus* pluribus suffragiis, quam ullus alius, est fenator renuntiatus: tantum civitati in tam turbidis reipublicæ temporibus, optimus in illam *Hieronymi* animus gratus & jucundus fuit.

Oso-  
pium  
mons.

E

Idem Patres cum fisco debentes in tot eos latis legibus non tamen in ærarium conferrent: ad eas

Hierony-  
mus  
Saornia-  
nus Se-  
nator.



Lex a-  
lia de Fi-  
sci debi-  
toribus.

Fisci de-  
bitores  
custodiæ  
mandan-  
tur.

Suavium  
per insi-  
dias ca-  
ptum à  
Venetiis.

Gallo-  
rum ad  
majus  
littus uf-  
que oc-  
cursio-  
nes.

Pacis in-  
ter Ven-  
etos &  
Maximi-  
lianum  
tractatio.

cas leges, de quibus in superiore libro dictum est, A aliam etiam in Senatu legem sciverunt, quæ paulò post majoribus in comitiis est perlata: qui magistratus vel sint, vel futuri sint, afferant singuli reipublicæ scribis fidem quatuor magistratuum scripto confirmatam, Triumvirum scilicet, qui proventibus reipublicæ præsumt, quique res fisco cedentes administrant, & qui regni Cyprii Triumviri appellantur, & item Quinquevirum fidei reipublicæ procurando, se, quod debeant, persolvisse: qui non attulerit, is magistratum reipublicæ neque obire, neque adire ullum possit. qui autem ex iis magistratibus fidem fecerit aliquem civem solvisse, qui non solverit, is magistratus multæ nomine civis illius omne debitum reipublicæ persolvat: scriba verò qui tabellam confecerit, à suo munere obeundo expellatur. Neque tamen ea lege satis esse factum *Decemviri* existimantes, pleniore coacto collegio sanxerunt, ut fisci debitores detinerentur, custodiæque traderentur, à qua nequirent liberari, quoad solverent: tabellamque cum centum eorum nominibus suis ministris dederunt jubentes, ut quemlibet eorum caperent.

Inter hæc legati, *Patavii* qui erant, *Paulus* & *Christophorus* certiores facti, *Mediolano* *Brixia*que hostium equitatum optimi generis ad *Suavium* municipium venisse numero ad quatercentos cum præfectis octo, ut ad *Palitiam* se conferrent, equites & milites *Guido Rangonio* duce miserunt, qui eos, si possent, interciperent. Ii celeriter *Suavium* profecti, cum ante lucem ad oppidi se portas tacite contulissent, partem militum collem, in quo est arx, ascendere jusserunt, ut se in arcem inferrent. Missi elusis qui arcem custodiebant militibus, cum se & ipsi custodire illam dicerent, scalis, quas secum attulerant, positis muros conscenderunt, interfectisque qui primi se opposuerant, arcem tenuerunt, nomenque *Marcium* conclamaverunt. Iis exauditis vocibus præfecti hostium armis captis equisque infestis, cum portas obsideri à *Venetis* intelligerent, facto ex equitibus gravis armaturæ, quos habebant quinquaginta, priore agmine, ceteris omnibus subsequenter, condensi aperta oppidi porta eruptionem facere contenderunt, omnesque ad unum capti sunt, *Patavium*que perducti. Ex præfectis fuere *Continus Melzius Galeatii Mariae*, qui dux *Mediolanensium* fuerat, filius nothus, *Sebastianus*que *Atestinus Alfonsi Ferrariensis* ducis patruelis frater, alique claro loco nati quatuor. *Melzius* adversa valetudine confectus in itinere interiit.

Eodem ferè tempore à *Gallorum* hostium equitibus, vado in *Liquentia* flumine invento, incursiones sunt usque ad littus, quod *Majus* appellatur, & vicina tribus portubus littora, qui portus à Septentrionibus propè ad urbis æstuarium pertinent, omnia prædantibus armentaque abigentibus, factæ. atque ii redire ea cum præda volentes, quod flumen imbribus creverat, trajicere non potuerunt. Ea re à Patribus intellecta, missi cum cymbis bellicis è plebe urbana qui illos interciperent, celeritate non magnopere usi, eos in castra revertisse intellexerunt, quatuor equitibus in flumine amissis.

*Petrus* etiam *Dureus* non multo antè à rege *Hispaniæ* ad *Maximilianum* Legatus pacis cum Patribus incundæ causæ missus, cum apud illum dies aliquot fuisset, *Venetias* venit, hortatusque Patres est, inducias cum *Maximiliano* faceret: quarum induciarum tempore pax tractari commodè conficique inter ipsos posset. Senatus literas *Romam* ad Legatum dedit, qui de eo *Julium* certiore faceret, eumque ad foedus, de quo

pridem agebatur, conficiendum omni studio & diligentia hortaretur: quod quidem foedus impediri ulla induciarum tractatione nolebant.

Idem Patres sanxerunt, ut quæ oppida, quæ ve arces captæ ab hostibus fuissent, earum magistratus & præfecti, quæ eas tradidissent, quæve profugissent, in urbe se ad carcerem sisterent, ut de eis judicium fieri posset. Ex iis pridie *Nonas Octobris* viginti duo numero in publicas custodias profecti sunt, adhibito suo præde quilibet, è custodia se non abiturum.

*Romæ* autem paucos post dies Legato procurante foedus ab *Julio* & *Ferdinando* & *Venetis* percussum est: quo foedere *Ferdinandus* mittere ad *Juliam* viginti dierum spatio tenebatur equites gravis armaturæ mille ac ducentos, levioris mille, militum decem millia: & si mari opus erit bellum facere, triremes undecim: quam quidem militum & equitum manum in regno *Neapolitano* jam propè paratam habebat: in quorum stipendia *Julius* quadringentas auri libras in menses singulos daret, duorum mensium stipendio in præsentia *Neapolim* missis. Ejus stipis universæ mediam partem se persoluturos *Veneti* receperunt, classemque suam *Julio*, cum vellet, daturus.

Fœderis socium sese fieri cupere *Henricus Britannia* rex, *Ferdinandi* gener, per Legatum suum, qui *Romæ* erat, & tractando fœderi interfuerat, magnopere ostendebat: ejusque tantummodo syngrapha, quæ id confieri posset, expectabatur: eaque postea perlata, fœderi & ipse se addixit. Causa fœderis proposita est, ut quæ *Julius Gallis* ejus hostes adjuvantibus amiserat, recuperarentur. *Ferdinandus* enim videri se propter *Venetos* ulla ex parte fecisse noluerat, ne *Maximilianum* offenderet, cui se amicum profitebatur. Verum ipse *Julius* persuas literas *Venetis* separatim est pollicitus, quicquid oppidorum & ditionis eorum fuisset, si recipiatur, id se ut reipublicæ restituatur, effecturum. posteroque die ejus belli legatum *Joannem Medicem* Cardinalem creavit.

Patres *Andream Gritum*, qui ex morbo in urbe convaluerat, iterum Legatum legerunt, & *Patavium* reverti jusserunt. Cum autem *Daniel Barbadicus* & *Laurentius Priolus* lecti à Patribus, Quinqueviri rebus maritimis in Senatu procurandis ætatem probare non potuissent, paucique eis menses legitimi temporis deessent, datis mutuo reipublicæ senis auri libris, ad magistratum obeundum sunt admissi.

Atque in *Istria* quidem cum earum regionum hostes *Christophoro Friapane* duce aliquot oppidula reipublicæ cepissent, viginti quinque equites *Mugiam* ad mare oppidum cum turbis & tympanis miserunt, qui illud *Maximiliani* nomine à civibus peterent: illi se tueri velle urbem reipublicæ responderunt. Magistratus autem *Venetis* ibi qui erat, quæ equitibus in reditu erat transeundum, *Bombizam Mugianum* fortem hominem cum bireme atque navicula breviori itinere misit, qui spatio celeriter confecto, navi proficiens cum revertentibus congressus majorem eorum partem cecidit. posteroque die *Friapanes* cum militibus quinque millibus, equitibus nongentis ab ea parte, qua salinæ sunt, castris positis, muros tormentis muralibus decedere aggressus, eos qui solidissimi non erant facile aperuit, sic, ut ingredi sese posse consideret. at cives universi una cum mulieribus eo in loco aggere intra moenia celeriter excitato, se munierunt. Interim *Andreas Ciuranus*, equitum *Epirotarum* præfectus, *Justinopoli* adveniens alia ex parte in oppidum se intulit, auxilioque *Mugianis* fuit. Hostes labore oppugnationis frustra suscepto, interfe-

Præfecti  
arcium  
dedita-  
rum cu-  
stodiæ  
mandan-  
tur.

Fœdus  
inter  
Pontifi-  
cem *Fer-  
dinan-  
dum* &  
*Venetos*,  
ejusque  
conditio-  
nes.

Britan-  
nia rex  
fœderis  
fit socius.

*Mugianis*  
obhiden-  
tur, sed  
fortiter  
se defen-  
dunt.



etis ex eorum exercitu non paucis, vulneratis per plurimos, in quibus *Friapanes* ipse & magistratus *Tergestinus* fuerunt, discedere sunt coacti. Ea in oppugnatione *Bombizæ* virtus magno usus suis civibus fuit.

Galli & Germani *Taurisum* obsident, sed frustra.

Cum hæc in *Istria* gererentur, *Galli* & *Germani* ad *Taurisum* obsidendum profecti, non longè ab oppido, modò hac modò illac castris positis, quòd ab hostibus ex muro tormentorum pilis interficiebantur, urbem aggredi non sunt ausi: sed *Silum* flumen naviculis, quas secum in carris ferebant, trajicientes, quod non satis res illis frumentaria suppetebat, prædas undequaque abigebant eò facilius, quòd agricolæ, tametsi iussi non semel edicto præfectorum fuissent, ut sua in tutum exportarent, id tamen facere magna ex parte neglexerant. itaque latè atque ad loca longinquiora vagabantur, verum sæpius non impunè: nostri enim equites *Epirotæ* aliquam eorum manum assequuti cædes faciebant, prædas auferbant, commeatum qui eis superioribus è regionibus afferebatur, intercipiebant: quamobrem diebus pluribus in ea cogitatione consumptis, ad extremum desperantes oppidum rebus propè omnibus ad sustinendam obsidionem communitum capi posse, abierunt, ut se *Vicetiam* reciperent. cum paulò antea ob adversam valetudinem *Joannes Franciscus Gambara Brixianus* ex principibus civitatis, de quo superioribus libris diximus, in *Colle Alto* mortem obiisset.

*Gritus* cum stipendio exercitui dando *Patavium* est profectus. quò quidem *Balio* è *Fossa Clodia*, advectis ad continentem per æstuaria suis equitibus & militibus, urbe ac Patribus, ne tempus tereret, ad dexteram relictis, breviorè itinere paulò post & ipse se contulit, duobus à magistratibus, qui res bellicas in Senatu procurant *Antonio Justiniano*, *Andrea Trivisano*, quos Patres ad illum honoris causa miserant, eò perductus. Quoniam verò literæ *Roma* venerant, *Hieronymum Donatum* Legatum maximis iliis doloribus ita jam confectum esse, ut spes propè nulla ejus vitæ sit relictæ, *Franciscum Foscarum*, qui Prætor *Patavinus* fuerat, Senatus ei sublegavit, qui celeriter, si *Donatus* mortem obierit, proficiatur.

Fœderis recitandi solennitas, & divitiarum ostentatio.

Cum autem fœderis, de quo suprà dictum est, in urbe recitandi dies advenisset: quem quidem diem propter imbres & non serenas tempestates eousque Patres distulerant: à *Lauredano* duce & principibus civitatis, ac omni Senatu, divinis auditis in æde *Marcia* sermonibus, ea celebritas in foro est facta, is parietum ejus ornatus, is sacrorum collegiorum, is omnium ordinum, omnis ætatis conventus & perambulatio fuit, ea vis argenti atque auri fabrefacti, & gemmarum monumentorum per manus hominum atque ipsis in canistris & corbis circumducta, ut mirum sanè fuerit, in tam exhausta bellis & tributorum collationibus civitate, tantam honestorum & ornatissimorum hominum frequentiam, tantos thesauros, tantas opes extitisse. In ea celebritate ubi *Lauredanus* in forum venit, capita fœderis è saxo edictorum clara voce à præcone pronunciata, magnis populus acclamationibus exceperat.

Hostium in fines *Patavinorum* reversio.

Hostes *Taurisum* profecti cum ad *Plavim* flumen iter flexissent, ut commeatui, qui *Corneliano* erat mittendus, obviam fierent, ne à *Venetis* intercepti posset: eo demum à *Joanne Gonzaga Francisci* fratre, qui *Corneliani* ejus rei procurandæ causa restiterat, in *Carnis* centum adducto, in fines *Patavinorum* reverterunt, ædificia, quæ adire poterant, *Venetorum* civium, quorum erat celebris neque parvus numerus, plerumque com-

*A* burentes: *Medoaco* flumine trajecto, *Vicetiam* propè hominibus vacuam, deinde *Veronam* non sine crebris detrimentis ob equitum reipublicæ eos insequentium audaciam se receperunt, domum reditione è *Germanorum* parte plurima ex itinere *Veronaque* suscepta.

Profectis hostibus, *Cornelianum*, *Servallium*, *Udertium*, *Mota*, sponte ad rempublicam redierunt: idemque factura *Sacilium* & *Cividale* nuntiabatur. *Portus* autem *Gruarii* municipes *Nicolao Vendramino*, qui *Tisanæ* ejus regionis vico in agris suis erat, accersito, ut prætorem in oppido ageret, magistratum *Germanorum* captivum fecerunt, atque ad urbem miserunt, neque tamen non à militibus *Germanis* duobus millibus, qui repentè in *Carnis* extiterunt, plura reipublicæ loca infestabantur.

Inter hæc, ut belli sumptibus pecunia suppeteret, Patres legem sciverunt, ut mediis domorum fructibus, qui ex locationibus proveniunt, æquam partem inquilini omnes in ærarium inferrent, exceptis iis, qui hoc bello ab hostibus reipublicæ domo sua pulsi, se ad urbem recepissent: atque iis, quorum fructus decimam uncie partem non excederent.

*C* Aliam etiam legem iidem Patres sanxerunt, ut in proximo senatu ad navalia rectius atque commodius procuranda novus magistratus legeretur, qui adesse in Principis & Patrum collegio, legesque ferre in Senatu posset: lectusque est *Antonius Tromus* templi *Marcii* procurator. itemque ut *Romam* literæ ad Legati scribam mitterentur, ut si Legatus mortem obiisset, ipse ab *Julio* Senatus nomine sacerdotium aliquod uni ex Legati liberis impetraret, quo munere de mortui familia sat gravis, neque victu abundans fulciretur. Ipse autem Legatus jam obierat. At in proximis comitiis cum *Cypro* insula regenda magistratus crearetur, qui reipublicæ locum terneret, *Gradenicus Taurisum* Legatus, & bellum diligenter administrans, eum magistratum magno favore civitatis obtinuit: quamquam competitores, ut illum eundem sequeretur, salutando prehensandoque ei rei multos dies operam dedissent: id quod *Gradenicus* absens, & in castris facere nequiverat: verum illum tot labores pro republica perpeffi commendatum apud omnes reddebant.

*E* Post hæc Senatui placuit, ut *Gradenicus* præfectique equitum propè omnes ad recuperanda ea quæ respublica in *Carnis* amiserat, se conferrent: itaque pridie Nonas Novembris *Taurisum* cum tormentis profecti sunt. postridieque ejus diei Senatus hortatu *Hieronymus Saornianus*, in urbe qui erat, reliquique illorum oppidorum cives, amici reipublicæ, in *Carnis* ad Legatum juvandum reverterunt.

*Nicolaus* autem *Bolanus*, qui *Maximiliano* magna manu *Butistanum*, quòd est in *Istria*, obsidente, ejus municipii arcem, cui præfectus erat, militibus se deditibus, amiserat, in urbem rediit, ut se ad carcerem sifteret. Eorum autem civium, qui propter ejusmodi causas carceri se tradiderant, eo tempore per plures à iudicibus absoluti sunt, atque ad rempublicam admissi.

*F* Ab *Epirotis* verò equitibus quadraginta prope *Veronam* homo *Sequanus* omnium *Maximiliani* equitum præfectus, quem *Rosæ* dominum appellabant, interceptus, cum se magno animo defendisset, vulnere in facie accepto, cum non paucis equitibus captus, *Pataviumque* perductus est: quem quidem Legati honorificè exceptum *Venetias* miserunt: eumque postea è custodia in Patrum collegium à duobus magistratibus adductum, atque ad principis latus sedentem, *Lau-*

Oppida quædam reipublicæ iterum accedunt.

Lex de fructibus ex domorum locationibus.

Lex de novo navium magistratu creando.

Exercitus ad amissa in *Carnis* recuperanda.

*Rosæ* dominus, equitum præfectus à *Venetis* captus.



*redanus* ipse reliquique Patres bono animo esse iustum, amantissimis sunt verbis prosequuti: *Vicetiaque* ad rempublicam rediit.

*Vicetia*  
ad rem-  
publicam  
redit.

Lex de  
frumenti  
adve-  
ctione.

Bene-  
merito-  
rum re-  
munera-  
tio.

*Rhodigia-  
ni* reipu-  
blicæ se  
adjun-  
gunt.

*Julius*  
*Pisani*  
Concili  
auctores  
Cardina-  
latu spo-  
liat.

Lex de  
Legato  
ad *Alexan-  
dri-  
norum*  
regem  
mitten-  
do.

Verum cum annonæ caritas in urbe atque in reliquis reipublicæ oppidis magnopere crevisset, *Decemviri* legem sciverunt, quicumque se receperit ex maris *Adriani* à læva regionibus, atque ab *Epiro*, *Acaronia*, *Ætolia*, frumentaliquem numerum ad urbem advecturum, ei in singula frumenti staria viginti solidos rempublicam dono daturam, atque, ut is tertiam universi frumenti partem venundare in omni sua extra urbem ditione possit, permissuram. A Senatu etiam undecim *Cividalis Beluniani* civibus, qui se amanter pro republica gesserant, vigintiquinque agri jugera in *Portus Gruarii* finibus dono singulis data sunt: quæ jugera hæredes ipsorum sequantur.

A *Rhodigianis* autem oratores *Patavium* ad legatos missi venerunt, qui dicerent, omnes *Alfonsi* equites & milites *Padum* trajecisse, eaque loca reliquisse, itaque redire se ad rempublicam cupere: rogare, ut qui præsit, in oppidum mittant. quamobrem *Valerius Marcellus*, quem Patres magistratum *Rhodigianis* antea creaverant, eratque tunc *Patavii*, Legatorum jussu eò se contulit.

*Romæ* verò ante diem nonum Calendarum Novembris in publico Cardinalium collegio *Julius Hispanis* duobus & *Gallis* totidem, qui concilium *Pisanum* coegerant, Cardinalatum, quo in ordine erant, abrogavit.

In urbe prætor est *Vicetinis Franciscus Valerius* datus: & qui plerisque municipiis paucorum dierum spatio spontè se reipublicæ reddentibus præessent, lecti: & qui antea lecti erant, ad suos magistratus obeundos ire jussi. Utinunque receptum est. *Octavianus* autem *Fregosus* magnæ virtutis adolescens, qui cum *Balione* venerat, & *Joannes* ex eadem familia, de quo sæpe dictum est, *Julii* rogatu, *Januensium* statum renovare magnopere cupientis, Senatu concedente, *Romam* ad illum profecti sunt. *Troilus* verò *Sabellus* ob avaritiam (suorum enim equitum stipendia fraudabat; eaque de causa nihil illis negabat, atque illi indigna omnia patrare non verebantur) cum sui muneris tempus explevisset, à Senatu est dimissus. atque ob pecuniæ indigentiam omnes pensiones solutionesque à republica fieri solitæ, ab Idibus Novembris usque ad Calendas Martias, ab eodem Senatu suspensæ ac retentæ sunt. Quoniam autem propter res ad usum & mercaturam civium non rectè ab *Aegyptiis* administratas, ad *Alexandrinorum* regem, quem *Soldanum* appellabant, erat mittendus, qui civitatis causam reipublicæ nomine tueretur: Patres legem sciverunt, ut legatus ad id munus crearetur obeundum etiam ex iis, qui in magistratu essent, eique è communi mercatorum pecunia auri libræ X. in præsentia darentur: salarii vero nomine in menses singulos ternæ libræ, cum navigiorum, quæ illum adducerent & reducerent, mercedibus: atque ita *Petrum Balbum*, quem quidem antea rei maritimæ imperatorem comitia creaverant, statim legerunt. A *Balbo* legatione non suscepta, quod quidem facere unis imperatoribus licebat, *Dominico Trivisano* templi *Marcii* procuratori eam curam mandaverunt.

Redierat in fines reipublicæ *Christophorus Friapanes*, de quo paulò antea diximus, ad eisdem *Mugianos* vexandos: quod ubi *Andrea Ciurano* renuntiatum est, qui non longissimè aberat, cum suis ad illum contendit, commissoque prælio *Friapanem* medio in agmine conspiciat, in illum se intulit. Non respuit congressum *Fria-*

*panes*: itaque cum uterque alterum sæpius stricto gladio petiisset, *Ciuranus* tandem hostis faciem mediam lato vulnere faucia vit, atque illum in fugam convertit. eo diffugiente major pars agminis dilapsa: reliqui aut interfecti, aut capti. *Ciurani* egregia eo die virtus fuit.

*Friapa-  
nis &  
Ciurani*  
duellum.

*Grademco* in *Carnis* ad *Cremonse* municipium profecto, missisque ad oppidanos internuntiis, cum mandatis, nisi antequam exercitus se ad muros conferat, deditionem fecerint, eos se omnes eorumque omnia in prædam militibus concessurum: illi minas veriti sine ullis conditionibus se legato tradiderunt.

*Cremonse*  
deditio-  
nem fa-  
cit.

Venerant secretò ad ostium *Lauredani* principis *Germani* duo, à *Matthæo* Episcopo *Gurcensium* missi, qui ejus nomine petierunt, ut ei liceret per fines reipublicæ iter facere, triremesque habere, quibus se in *Flaminiam* trajiciat: velle enim *Romam* ad *Julium* accedere tractandarum rerum inter *Maximilianum Venetosque* causa. atque ii quæ postulaverant, à Senatu impetraverunt.

*Mat-  
thæus*  
*Gurcen-  
sium*  
Episco-  
pus.

Sub hæc *Andream Trivisanum*, qui *Utini* magistratus reipublicæ locum teneret, cum Senatorum prærogativa majora comitia creaverunt. Pauloque post *Albertus Pius Maximiliani* legatus *Venetias* venit, petens à Patribus, ut quatuor cives, binos ex *Decemvirum*, binos ex Senatorum ordine, in *Germaniam* mitterent, qui obsidum loco essent, ut *Matthæus* Episcopus *Gurcensium* tutò se reipublicæ posset committere, navesque triremes quatuor paratas ei traderent, quæ illum *Anconam* adducerent sub *Maximiliani* signis: aut, si id ipsi negaretur, sub *Julii*. Iis de rebus consulto Senatu, dare obsides non placuit, ne reipublicæ dignitas, cujus fides nullo tempore ullis principibus defuisset, minueretur: reliqua facile concessa. Quod cum *Pius* intellexisset, de eo literas ad *Maximilianum* dedit, atque in urbe, quid is scriberet, operiri sese velle dixit. Etiam *Thomæ Strigonienfi* Cardinali bene de republica merito ex *Pannonia* proficiscenti triremis, qua in triremi *Anconam* adveheretur, tradita: missusque ad illum *Vincentius Guidottus* Senatus scriba cum muneribus reipublicæ nomine salutandi eum causa.

*Maximi-  
lianus*  
petit ob-  
sides à  
republica  
*Veneta*.

Post hæc *Hieronymi Saorniani* perceleri ad urbem adventu Patres certiores facti sunt, reipublicæ exercitum *Clusam* & *Venzonium* cepisse: isque illos multis de rebus admonens statim ad exercitum rediit. Alia ex parte à *Maximiliani* copiis *Cadore* captæ atque incensæ sunt. In urbe autem à Senatu decima cum medio censu civibus imposita.

*Thomas*  
*Strigo-  
nienfi*  
Cardina-  
lis.

Atque illis diebus *Augustinus Maurocenus Helvetiorum* interpretes itinere devio propter Gallorum suspiciones, qui loca omnia custodiebant, ad Patres missus, eis proposuit, statuisset *Helvetios* ab *Italia* Gallos expellere: itaque velle eos primum omnium *Venetis* auxilio esse, ut postea conjunctis opibus illos facilius rejiciant, modò ipsis à republica commeatus, tormenta, & equites quingenti tribuantur: eas tantum res satis *Helvetiis* ad bellum gerendum futuras: ipsos ad hoc jam signum illud explicuisse, sub quo *Carolus Sequanorum* ducem vicerant, atque interfecerant ante annos paulò minus quinquaginta. quod signum nunquam postea explicaverant *Helvetii*.

*Helvetii*  
cogitant  
Gallos  
*Italiam*  
expelle-  
re, &  
auxilia  
*Veneto-  
rum* pe-  
tunt.

Cumque dies esset majorem in modum pluvius, aperto in æde sacra signo serenitas mira illuxit: quod quidem illi optimum in omen acceperunt, omnia ipsis è sententia successura. Is etiam, quod in familia ejus nominis esset, quod maximè celebre apud *Venetos* est, amicum esse reipublicæ cupereque illi omnia se ostendit: itaque cum Pa-

tres



tres liberaliter exceperunt. Consulto deinde Senatu, omnibus ad unum suffragiis, quod raro fieri affolet, oblata *Helvetiorum* accepta, & quæ petierant, eis promissa.

Interim *Julio* magnopere hortante, ut quæ petierat *Albertus Matthæi* Episcopi nomine, ea illi concederentur, Senatusconsultum factum est, uti de quatuor obsidibus in *Germaniam* mittendis, totidemque triremibus *Matthæo* dandis, omni ex parte *Alberti* postulationi satisfaceret. neque tamen obsides sunt missi. *Alberto* ipso non multos post dies ex *Maximiliani* literis apud Patres pronuntiante: quoniam is *Romæ* per *Julium* perque suos internuntios agere, quæ agenda erant, cum republica statuerat, non opus esse ut mitterentur.

*Gradenico* autem legato in *Carnis* non sat prosperè bellum administrante, cum ob durum & intractabile anni tempus, bruma enim appetierat, nivosis præsertim & frigidioribus in locis: rum verò propter stipendia non in tempore persoluta, & commeatus inopiam, quem direptis oppidis & vastatis agris, plerumque ab urbe subvehi, expectari oportebat: à mari autem per continentem eò usque omnia ad boum & jumentorum infrequentiam tardè & difficulter afferebantur: *Grittus* legatus cum ea quam habebat manu Senatus jussu *Feltriam* venerat. itaque cum *Gradenico* suo exercitu *Gradiscas* oppidum cinxisset, tormentisque positis parum proficeret, Senatus statuit, ut *Grittus* eò accederet, suasque copias cum illius copiis conjungeret, neque tamen ea re *Gradiscæ* capi ab illis potuerunt, utriusque militibus & equitibus & præfectorum plurimis à tanto se labore subtrahentibus.

His rebus Senatui palàm factis, quòd *Helvetii* in fines *Mediolanensium* jam irruerant, castellaque nonnulla ceperant, Senatus litteras ad *Grittum* dedit: si se paucorum dierum spatio in *Gradiscis* capiendis nihil profecturum esse intelligat, *Vicetiam* suis cum copiis redeat, ut *Helvetiis* auxilio possit esse. Dum ex literæ perferuntur, legati ambo *Vipulzanum* & *Martinianum* & *Florianum* castella in collibus posita, acriter cum *Maximiliani* militibus, qui ea tuebantur, atque ad prælium exierant, congressi fuga eorum & cæde facta ceperunt: quodque ab iis reipublicæ populi magnopere vexabantur, oppidanos diripuerunt, ædificiaque in agris incenderunt. Hostes quoque illi qui erant *Cadoris*, duorum exercituum conjunctione perterriti, iis relictis in *Alpium* se interiora receperunt. Ejus verò loci homines qui supererant, internuntiis ad Patres missis, qui se regerent, ab eis petierunt: velleque sese arcem incensam reficere reipublicæ sunt polliciti.

*Gritto* *Vicetiam* revertente, *Joannes Græcus* equitum sagittariorum præfectus, reique publicæ amantissimus, homo jam senex, suo in lectulo ea in urbe mortem obiit. Ejus equites C.L. *Meleagro Foroliviensi* cum omnium equitum leviorum præfectura à Senatu traditi.

Miserat *Venetias* *Joannes Cardona Neapoli* Prorex *Ferdinandi* regis jussu *Joannem Baptistam Spinellum*, *Cariati*, ut aiebant, Comitem, internuntium suum, ut optimum Proregis ad rempublicam juvandam Gallosque oppugnandos animatum *Lauredano* principi & Patribus ostenderet, eosque ad pacem cum *Maximiliano* conficiendam hortaretur: adderetque, si id fecerint, omnia eis prosperè ventura, sese confidere. Patres hominem eo libentius exceperunt, quòd is aliàs etiam annis superioribus *Ferdinandi* legatus ad ipsos fuerat. Is se manere in urbe velle dixit. Patres ei domum paratam publicè tribuerunt.

Isdem diebus milites *Hispani* numero ad novem millia *Julio* ab rege suo traditi, cum ad *Bastiam Alfonsi* castellum ad *Padi* ripam, de quo superius diximus, apprimè communitum se contulissent, tormentis eam verberare quàm proximè poterant, coeperunt: deinde adhibitis ante se cratibus, quæ eos tegerent, ne noceri eis posset, terra effossi per eam demissiores & tutiores facti, etiam propius pluribus à partibus accesserant: tertio demum die ad fossas & murum perducti, multis vulneribus & illatis & acceptis, scalisque positis eum perforaverunt, sic ut in eo, qui erat latissimus, tanquam concameratiunculam efficerent, atque in eam tormentorum pulverem injecerunt, cameramque plenam pulveris concluderunt, parvo relicto foramine, per quod ignis succendi posset, seque à muro parumper retrahentibus, cum visum est igne immisso camera cum muri parte decemque hominibus, qui in eo erant, in sublime ita est disjecta, ut homines speciem volantium præberent. neque tamen reliqui propugnationem intermiserunt, fortissimeque se defendebant: qui etiam ab *Alfonsianis* altera ex *Padi* ripa duobusque terreis propugnaculis tormentis muralibus non parum juvabantur. verum *Hispani* per plurimis adductis scalis, sesquihoræ spatio in arcem se intulerunt. *Alfonsi* milites, qui erant circiter centum, interfecti omnes sunt cum eorum Centurione *Vestitello*. Ex *Hispanis* item centum in ea oppugnatione occubuerant. Tertioque ab ea re die anni finis fuit. Neque tamen diu ab *Hispanis* id castellum retentum est: Januario enim mense ferè medio *Alphonfus Bastiam* castellum recuperat.

Scripserat magistris *Decemvirum Aloisius Avogarius Brixianus* è principibus civitatis, si exercitum Patres *Brixiam* mitterent, se urbis portam noctu ei aperiturum, per quam se universus intromitteret, urbemque caperet libentissimis oppidanis propè omnibus, quibus jam magnopere pigeret arrogantiae contumaciæque *Gallorum*, quos perferre ulterius nequeant. Ea res in *Decemvirum* collegio plures dies agitata, demum ab ipsis ad Senatum est delata, ut de ea Patres statuerent, accipiendane *Aloisii* oblatio esset, an rejicienda. Pluribus igitur dictis sententiis in utramque partem, atque à *Lauredano* duce in primis, qui, ne ea tunc reciperetur, censebat, Senatus jussit, eam recipi è republica esse, *Aloisiumque* magnopere laudari oportere, qui se tantam rem curaturum reipublicæ obtulerit, dato jurejurando senatoribus singulis, ne quid ejus rei quis efferret. Itaque Patres *Grittum* legatum de eo certiores fecerunt, cum mandatis, uti *Brixiam* se quamprimum cum exercitu conferat, quam ad portam, quàmve ante horam ipsi cum *Aloisio* convenerit: certosque *Gritto* internuntios, quibus uteretur, dederunt. *Gradenico* legato sæpe id à Patribus postulanti, domum reditio tandem est permissa: ejusque loco paucos post dies *Joannes Viturius* sublectus. *Grittus* acceptis à Senatu literis, cum equitibus gravioris & levioris armaturæ tribus millibus ex omni exercitu lectis, cumque militibus quot visum est, in equitum dorso impositis, *Brixiam* noctu profectus oppidum ingredi non potuit, detecta *Aloisii* oblatione, quam unius ex conjuratis uxor ad arcis præfectum amore ejus plecta detulerat. *Aloisius*, ne à *Gallis* interciperetur, oppido egressus magnum hominum numerum in illos excitavit, qui nonnullos regios ministros ex ipsorum municipiis, quibus præerant, in fugam sese dare coegerunt.



Vanissa in  
interfici-  
tur.

Aloisii in  
Gallis ex-  
pellendis  
conatus,  
& de Bri-  
xia capi-  
enda in-  
lilitu-  
tum.

Brixia ab  
Aloisio  
occupat-  
ur.

Patres ea spe dejecti, de pacis cum *Maximiliano* ineundæ conditionibus *Romæ* apud *Julium* constituendis, cum plures sententias in Senatu dixissent, ea tandem placuit, ut induciæ per *Foscarum* legatum peterentur; quoad pax confieri posset. *Vanissa*, de quo sæpe dictum est, multæ virtutis homo, cum *Polizam Dalmataram* oppidum suam in patriam rediisset, seditione concitata interfectus est à suis civibus. *Gaspar* autem *Severinas*, suis rebus suæque dignitati omnibus a partibus atque adeo à principibus & regibus parum fidens, se *Venetias* contulit, ut in ea urbe degeret, cujus civitate & jure comitiorum pater ejus una cum libris posterisque donatus fuerat. Eum *Vicetini* cives aliquot, in urbe qui erant, suis opibus juverunt: amice enim atque moderate incivitate, cum pro *Maximiliano* ibi esset, segefferat.

*Avogarius* ob detectam conjurationem non deterritus, multa ex proximis municipiis & finibus hominum millia jam excitaverat ad *Gallios* expellendos: qua re moti *Amphiani*, arcem natura & artificio communitam, vi atque astu occisis *Gallis*, qui in ea erant, in suam potestatem redegerunt, eamque se reipublicæ servaturos *Aloisio* significaverunt; *Benaci* lacus populi fere omnes expulsis *Gallis* se reipublicæ dediderunt. His auditionibus concitati reliqui, in *Gallorum* nomen magno ardore voluntatum & arma capiebant, & se *Aloisio* permittebant. Ea re Senatui nunciata; Patres alteras ad *Gritum* literas dederunt, uti *Aloisii* & aliorum plena fidei & benevolentiae incepta, quibus posset modis aleret, atque ad urbis muros una cum illis exercitum adduceret, quo ipsius & illorum præsentia freti oppidani, pulchrum aliquod facinus facere aggredierentur, portasque aperirent: tam pronos in rempublicam *Aloisii* & eorum populorum animos non esse negligentia & desidia reprimendos. His allatis ad *Gritum* literis, tametsi interea animorum ille ardor eorum hominum, qui cum *Aloisio* erant, paulatim refrixisset: *Galli* enim præfecti cives aliquot, quos favere rebus *Venetis* existimabant, cum custodibus *Mediolanum* miserant: minusque multi jam essent, qui se paratos ostenderent ad omne subeundum discrimen, ut *Brixia* capi posset: tentandum tamen sibi & enitendum legatus existimavit, ut Senatui satis faceret, à quo etiam reprehendi se, ac timoris argui non obscure intelligebat: itaque *Aloisio* ad se vocato, constitutoque quid quemque facere oporteret: quarto Nonas Februarias exercitum nocte ad oppidum duxit, tribusque à partibus copiis æquè distributis cum tormentis non magni ponderis (neque enim habebat graviora) portas dejicere aggreditur. Id cum plures horas omnes acies magno impetu fecissent, ea disiecta primum porta, ad quam se *Aloisius* contulerat, ipse quique cum eo erant milites sub lucem se oppidum injecerunt. pauloque post legatus reliquique altera aperta porta subsequuti, magna lætitia & gratulatione ab oppidanis excepti sunt. *Galli* se in arcem, quæ summo in monte est, pluribus eorum interfectis, fugientes contulerunt: quibuscum eodem se recepit *Alda* ea, quæ *Joannis Francisci Gambaræ* uxor fuerat, suis cum liberis, & *Marcus Martinengius* homo infensus reipublicæ. Eo tempore *Anna Galorum* regis uxor puerum peperit, qui primis diebus est mortuus. *Brixia* statim capta, *Gritus* per literas à Senatu petiit, ut sibi tormenta magni ponderis mitti confestim imperaret, sine quibus expugnari arx non poterat: qua in arce

A erant equites *Galli* circiter ducenti, qui suos equos ob celeritatem fugæ in oppido prædæ hostium reliquerant: milites trecenti. Senatus ex iisdem *Gritti* literis duos legatos, alterum qui *Brixiam* regeret, *Antonium Justinianum* alterum, qui in exercitu esset, *Paulum Capellum* creavit: legemque scivit, ut quinque militum millia undecunque conscriberentur, ad prioresque adderentur, ut bellum confici facilius atque celerius posset.

Dum hæc administrarentur, *Roma* literæ venerunt, velle *Julium* ut Senatus cum *Maximiliano* pacem faceret iis conditionibus, quas legato dari jussisset: quæ nisi pax suum finem quamprimum habeat, se cum reliquis contra rempublicam consensurum, aperte profiteri. Eæ autem conditiones multò erant duriores, quam quæ paulo antea proponebantur: non enim *Veronam* relinqui sibi *Maximilianus* tantum petebat, sed *Vicetiam* etiam tradi suis cum finibus. De *Forojuliensibus* verò & *Cividale* & *Feltria*, ut *Julii* iudicium esset, cui ea dari æquum esset, postulabat: tum ut suis populis, qui aliquid eo bello amisissent, ablata restituerentur, statuebat. demum, quas auri libras tercentenas pro *Patavio* & *Tauriso* reipublicæ concedendis ei esse dandas propè convenerat ejus rationis ac ponderis, ut novem uncie libram conficerent, eæ ut singulæ duodecim unciarum esse libræ intelligerentur, reliquis conditionibus addiderat. His igitur conditionibus uti pacem Patres firmarent, *Julii* & *Ferdinandi* legatis, atque *Alberto Pio Maximiliani* legato, qui & ipse literas de ea re acceperat, magnopere petentibus, responderunt Patres, se de iis Senatui consulturos: tametsi *Brixia* recepta tam iniquas eum esse conditiones accepturum non credebant. neque *Julium* ipsum, cum id intellexisset, in sententia existimabant permanfurum. atque ii, antequam Senatui cogerent, à *Gritto* certiores facti sunt, non omnes modò *Brixie* fines ad rempublicam rediisse, sed *Bergomates*, quoque *Gallios* ex oppido ejecisse, & vexilla reipublicæ erexisse, oppidique arcem, quam milites CCL. tuebantur, deditione recepisse: missisque ad eum internunciis petiisse, ut ad se mitteret qui præesset, cum uti de coelo missum excepturos: atque ipsum ad illos *Federicum Contarenum* unà cum *Petro Longena* misisse. *Cremam* quoque idem fuisse facturam, nisi *Galli* milites bis mille *Mediolano* evocatos magna celeritate in oppidum introduxissent, per pluresque ejus oppidi cives obsidum nomine *Mediolanum* abduxissent. *Galli Bergomo* ejecti, se in arcem, quæ extra mœnia est summo in monte, receperunt. quibus intellectis rebus Patres Senatu coacto *Dominicum Contarenum* legerunt, qui statim *Bergomum* legatus accederet: *Gasparique Severinati*, cui XX. auri libras annuas se in victum duros polliciti sunt, ut se in castra conferret, mandaverunt & quod pecunia eos defecerat, legem tulerunt, ut mutuo à Patribus sumeretur: atque ita *Lauredano* Principe auri libras X. pollicente, aliisque plurimis pro suis opibus quolibet, paucarum horarum spatium satis est publicis necessitatibus factum. Etiam, propterea quod à *Joanne Medice* Cardinali, quem *Julius* legatum suis in castris ad *Bononiam* esse jussisset, admonebatur, uti aliquem ex suis civibus legatum ad *Cardonam* Proregem *Neapolitanorum*, in eisdem castris qui erat, mitterent, ut quæ opus esset, diligentius inter eos tractarentur, *Marinus Georgius* est ab illis ad id muneris lectus:

Pacis  
cum Ma-  
ximiliano  
Venetis  
ineundæ  
graves  
condi-  
tiones  
variaque  
negotia.

Brixia &  
Bergo-  
mum à  
Venetis  
recepta;

Cremæ

Legatus  
Veneto-  
rum ad  
Prore-  
gem Nea-  
politano-  
rum.



qui legatione suscepta, paucos post dies viæ se dedit.

Bononia à Pontificiis copiis obfessa à Gallis liberatur.

Julii Pontificis ingenium.

Venetorum ad Villam Francam clades.

Brixia à Gallis recepta.

Interim præfectus *Mediolanensium Fojus*, magni & præstantis animi adolescens, *Mediolano* cum equitibus *Gallici* generis septingentis, militibus quinis millibus, incredibili celeritate nivosis lutosissimisque itineribus *Bononiam* profectus, ita se tacite in oppidum intulit, ut *Hispanos*, qui ad fossas castris & tormentis positæ stationes habebant, erantque singulis propè horis in oppidum, quod muro ea parte nudaverant, irrupturi, ejus adventus unum diem planè latuerit: quo die, ut requiem exercitui daret, movere se non potuit: postridie ejus diei præfecti *Juliani* casu ab agricola, qui *Gallos* in via viderat, de eo certiores facti, oblidione soluta tormentisque abductis abierunt, seque in tutum contulerunt. *Julius* permoleste ferens recipiendæ *Bononiæ* partem jam propè a se victoriam *Gallos* interpellavisse, oppidumque tam illustre sibi ab illis tanquam è manu atque sinu ereptum inconsolabiliter dolens, homo natura sua in iram atque ardorem animi pronus maximè, ubi de recepta ab exercitu *Veneto Brixia* nuntium accepit, incredibilem voluptatem cepit: vocatoque confestim ad se, ut erat intempesta nox, legato reipublicæ, gratulatus ei est amantissimè, ut præ gaudio lachrymas non continuerit, horasque illum propè duas in lectulo jacens latus hilarisque secum tenuit. cujus quidem voluptatis signa publicè postea dedit, accensis in *Vaticano* atque in *Adriani* arce luminibus cum tormentorum strepitu binis iis noctibus, quæ sunt cum nuntium subsequutæ.

Auxilio *Bononiensibus* allato, *Fojus* ad *Brixiam* recuperandam se convertit eo celerius, quod pontem *Pado* flumine trajiciendo, quem ad *Stellatam* castellum in *Alphonsi* finibus magna diligentia fieri jusserat, esse factum, atque in navibus impositum cognovit: itaque eadem celeritate qua venerat, rediens, eo ponte *Pado* transmissio, in *Veronensium* finibus ad *Villam Francam* reipublicæ copias quæ cum *Balione* erant, fudit, *Guido Rangonio* cum pluribus capto: & rectà *Brixiam* contendens, oppidumque circumvectus, copiis eorum finium, quæ in monte arci vicino venientibus se opposuerant, rejectis, in arcem ab inclusis magna gratulatione est receptus. *Grittus*, qui sæpe id ipsum veritus, per literas à Patribus tormenta graviora diligentissimè petierat, ut antequam auxilia convenirent, capere arcem posset: ubi *Fojum* esse in illa cognovit, spe retinendi oppidi suum apud animum planè deposita, plurimum questus, quod quæ ad rei bellicæ usum petierat, in tempore allata non fuissent, curam tamen & laborem atque audaciam defendendi non remisit: itaque existimans postero die *Fojum* in oppidum descensurum, ne quis in fuga spem ullam poneret, occludi portas oppidi imperavit, dispositis militibus, qui eas nemini aperiri permitterent. tum milites *Faventinos*, quibus plurimum confidebat, circiter quingentos, cæterarumque nationum alios item quingentos ad priorem arci portam, quæ est in urbem exitus, constituit, ut in venientes impetum facerent, exitumque prohiberent. equites verò gravis armaturæ ad hostis excipiendos, si in oppidum irrumperent, levioris, *Epirotasque* maximè, ut ubi oporteret, præliarentur, disposuit: præfectum eorum *Federicum Contarenum*, qui eo ipso die cum equitibus tercentis *Bergomo* redierat, cohortatus, ut in libera maximè omnium civitate se

A esse natum meminisset, libertatemque patriam, quam *Galli* sibi esse obterendam proposuerant, quantum posset tueretur: reliquisque item & præfectis & tribunis ac centurionibus, quid cuique defendendum esset, separatim mandavit. Vix ea *Grittus* constituerat, cum manè *Fojus* ex equitibus quos habebat probatiores, equis detractis acie quingentorum confecta, eos tota armatos corpora, galeisque obfignatis, semilanceas in manibus longi latique ferri habentes aperta porta priores emisit. quibus *Faventini*, ut eis erat imperatum, magna se virtute opposuerunt: majoreque eorum parte interfecta, reliquos repulerunt. In hos milites bis mille *Vascones* subsequuti impressionem fecerunt, interfectisque non sine ipsorum cæde quamplurimis, in oppidum proruperunt. Pugnatum est acriter reliquis à reipublicæ militibus, ab equitibus & præfectis horas aliquot ita, ut de viarum spatiis paulum hostibus cederent: verum aperta vi ab *Epirotis* equitibus oppidi porta, per plurimisque eorum diffugientibus, ubi id ab hostium equitibus, qui in arcem propter loci angustiam recepti non fuerant, atque armati non longè aberant, est animadversum, ipsi in oppidum irruerunt, magnoque suis auxilio fuerunt: itaque urgente hostium multitudine undique cædes est ingens in omnes facta. *Contarenius* ipse prælians interficitur cum præfectis *Epirotis* duobus *Irassina* & *Basta*: *Grittus* & *Antonius Justinianus*, qui paucos ante dies *Brixiam* legatus venerat, & præfecti *Itali* plurimi captivi facti prælium à secunda diei hora usque ad vesperam protractum urbs magna ex parte direpta. matres familiæ & puellæ suis in domibus ante parentum & maritorum ora, quos in vincula hostes conjece- rant, passim violatæ. virgines sacræ è templis atque aris & deorum imaginibus quas ample- xabantur, abstractæ, ad libidinemque abdu- ctæ. atque ea quidem scelera *Germani* milites maximè omnium patrabant. *Vascones* minus impii, *Galli* tolerabiliores fuerunt. *Aloisio Avogario*, quem oppido exeuntem hostes cepe- rant, biduo post medio in foro cervices sunt abscissæ.

Contare- nus in- terfici- tur.

Germanorum in Brixianos captos sævitia.

Aloisius Avogarius decollatur.

Ejus rei nuntio Patres accepto, magnopere commoti sunt, quod jam nihil prosperè ab i- sis tentari agive posse videretur: plurimumque conquerebantur, quod in perducendis tormen- tis ad legatum *Grittum* minus diligenter actum esset: eam unam ob causam omnes omnium labores magno cum reipublicæ detrimento ir- ritos, & opulentum ac præclarum oppidum hostibus prædæ ac direptioni traditum. Iidem Patres ad copias reintegrandas, quibus modis poterant, animum intenderunt: additumque ad reliqua Senatus consulta, uti in *Creta* insu- la militum bina millia, qui sagittis uti scirent, conscriberentur, *Venetiasque* celeriter mitte- rentur: navisque longæ majores ad equites *Epirotas* quamplurimos ad urbem convehendos pararentur. etiam libræ auri ducentæ quas Pro- regi *Neapolitano*, & *Hispanis* ducibus dari con- venerat, *Ravennam* illis sunt diebus missæ, & quibus oportebat, datæ. Milites interea equi- tesque, qui *Brixie* non fuerant, vel oppido effugerant, se *Vicetiam* contulerunt: eodem- que qui ab hostibus se redemerant, spoliati at- que inermes sese passim referebant. *Grittus* & *Justinianus Mediolanum* sunt adducti. *Dominico Busichio* equitum *Epirotarum* præfecto, qui *Brixia* effugerat, uti domum redire posset, permissum: mediaque stipendiorum, quæ à re- publica merebat, pars tribus ejus filiabus post mor-

Veneti novum exerci- tum col- ligunt.

Beneme- ritorum præmia.



mortem patris condonata: quatuorque *Epirotis* equitibus in *Gallico* exercitu qui erant, curamque adhibuerant ne *Busichius* à *Gallis* captivus fieret, pensio annua singulis, quoad viverent, impetrata: duobusque *Frassinæ Epirotarum* item equitum præfecti liberis pensio ipsius tradita. Idem in tres *Bastæ* fratres servatum: paucosque post dies *Federici Contareni* sorori dotis nomine auri libræ quindecim è reipublicæ pecunia constitutæ. civibus autem *Brixianis* aliquot, qui amissis suis rebus omnibus ad urbem venerant, *Jacominoque Tropiano*, ejusque filio à Patribus pecunia in victum subministrata. is *Jacominus* suæ vallis homines egregio studio atque animo ad rempublicam tuendam evocabat. *Ludovico* etiam *Cocajo*, qui ut *Benaci* lacus oppida se reipublicæ dederent, studium & laborem contulerat, pensio annua liberaliter instituta, ejusque filio magistratus reipublicæ ex iis, qui à præfectis civitatum eliguntur, quem is vellet, dono datus. *Petro* quoque *Pinio Bergomati*, qui ad *Aloisium Avogarium* sæpe ventitaverat, interpretisque apud illum de *Brixia* reipublicæ restituenda fidus atque diligens fuerat, octo scribarum tempora apud totidem castri *Franchi* magistratus paulò post à Patribus assignata. Curatores interea duo ad munitiones perficiendas atque amplificandas, *Aloisius Barbarus Patavium*, *Bartholomeus Musius Taurisum* cum stipendio missi. majoribusque comitiis lex est perlata, uti bini *Patavii* præfecti, qui creandi erant, annui, & prærogativis primum senatorum suffragiis, deinde comitialibus legerentur: estque *Aloisius Emus* secundæ dignitatis magistratus ea lege lectus.

Legatis post hæc *Helvetiorum* duodecim ad urbem venientibus, ut cum *Julio & Ferdinando* à Patribus ad bellum contra *Gallos* se jungerent, cives è nobilitate, qui eos exciperent, obviam missi: ipsi liberali reipublicæ hospitio accepti, & victus datus. *Julius Brixiam* à *Gallis* recuperatam intelligens, uti Patres cum *Maximiliano* foedus facerent, non modò consulendo & suadendo, sed minis etiam atque obnuntiationibus contendebat. Tabellarius interim reipublicæ qui apud *Gallos* erat in custodia, libertati restitutus *Mediolano* ad Patres venit, afferens *Jacobum* sibi *Triultium Gritto* adhibito mandavisse, Patribus diceret, si vellet, se cum rege curaturum, uti foedus cum republica faceret, ea conditione, ut *Verona* reliquaque intra *Athesim* flumen oppida reipublicæ cederent. Ea erat conditio conscripta in quadam pagina ex *Gallia*, ut videbatur, ab rege ad *Triultium* missa: ineratque in ea caput etiam ejusmodi, regem præter ea redditurum Patribus *Flaminie* atque *Apulie* oppida, quæ reipublicæ fuissent: ipsum enim si unos *Venetos* conjunctos secum habeat, *Julium* & reges reliquos non magni æstimaturum aut omnino reveriturum: verum linea superinducta illud ipsum oblitaverat caput, ita tamen ut legi facile posset. Patres Senatu vocato eam rem per literas legato *Foscario* significaverunt, atque uti uni *Julio* notam faceret, mandaverunt: de foedere autem cum *Maximiliano* ineundo, quod ad *Vicetiam* pertineret, velle Patres *Julii* iudicio sese permittere: in reliquis capitibus ita fieret, uti *Julius & Maximilianus* voluissent.

Altero autem Senatusconsulto *Vicetiam Maximiliano* dari Patres censuerunt, cum ea pecunia, qua de convenerat, non tamen antea, quam *Maximilianus* bellum *Aloisio* intulisset. Postremo, propterea quod in foedere tractan-

A do magna rerum difficultas proponebatur, omnibus placuit, uti spatium à bello vacuum intercederet, quo in tempore pax commodius confici atque ad exitum perducì posset: itaque octavo Idus Aprilis inter *Maximilianum Venetoque* decem mensium concelebratæ induciæ sunt *Romæ* ab utrorumque legatis. *Julio* eis suam auctoritatem adhibente, qui scribentibus affuit, ea conditione interposita, uti à Patribus quadringentæ auri libræ *Maximiliano* duabus pensionibus solvendæ curarentur. quas quidem postea inducias adjectis ad eam pecuniam centum auri libris, ut essent omnes quincentæ *Maximilianus* confirmavit.

B Post hæc *Marcus* Cardinalis *Sedunus* ad urbem *Roma* rediens, à *Lauredano* Principe & Patribus in *Bucentauro* navi usque ad *Clementis* fanum, quod in vadis est, obviam euntibus est exceptus. Cum eo & Patribus colloquuti *Helvetiorum* legati duodecim non semel cum fuissent, constituto quantum pecuniæ in stipendium esset *Helvetiis* à republica perfolvendum, eadem scilicet portione librarum auri octoginta, ad quam reliqui singuli tenerentur, ternis auri libris ad iter à republica donati domum reverterunt.

C Neque multò post *Julii & Ferdinandi* regis *Hispaniæ*, & *Aloisii Galliæ* regis exercitus propinquiore facti, cum se dies aliquot munitis castris tenuissent, *Galli* ad *Ravennam* oppugnandam se contulerunt. Erat in ea *Marcus Antonius Columna Julii* nomine cum militibus mille quingentis, equitibus trecentis, seque fortis ac præstanti animo defendebat, & cladem hostibus ex muro inferebat, *Neapolitanus* autem prorex oppido veritus, ut *Gallos* ex eo averteret, non longè ab eorum copiis suas copias adduxit. *Galli* relicta oppugnatione se ad pugnam celeriter comparaverunt: itaque eo ipso die manè, qui fuit dies percelebris, ad diem tertium Iduum Aprilium, uterque exercitus animo æquè magno ac parato ad dimicandum inter se conflixerunt. Pugnatum est horis plus sex incredibili virtute: qua in pugna militum & equitum millia supra decem & octo interfecta sunt, pari ferè utrorumque numero, fortuna dispari, *Julii* enim & *Hispanorum* copiarum fusæ, fugatæque: *Galli* locum tenuerunt. Captivi ab *Gallis* facti *Fabritius Columna*, ejusque gener *Alfonsus Avalus Aterni* dominus, *Petrus Navarrus Cantaber* & *Joannes Medices* Cardinalis *Julii* legatus, alique clari viri non pauci, & signa complura ablata, & tormenta capta. Eo in certamine *Alfonsi Ferrariensium* ducis, cum tormentis exercendis, tum acie sua è transverso in hostem ducenda, virtus egregia, & victoriæ magna ex parte conficiens fuit. Dux *Gallorum Fojus* cum se in militum *Hispanorum* globum qui supererat, audacissimè intulisset, cæsus ab illis unà cum pluribus clari nominis ducibus, cum suo exercitui diem lugubrem magis, quàm lætum, aut ulla gratulatione celebrari dignum reddidit. Postero die *Galli*, conditione adhibita, ut *Columnæ* suis cum copiis *Ravenna* exeundi potestas fieret, neque oppidanis noceretur, oppido potiti sunt, quod quidem intromissi, conditione non servata, foedè crudeliterque diripuerunt: arcem autem oppidi capere non potuerunt, iis, qui in ea erant, fidem *Julio* velle se præstare dictitantibus.

F Patres, qui eo tempore per *Vincentium Naldium* in *Flaminia* milites mille sua pecunia confecerant, ut ea cum manu *Julii* oppida, quantum posset, tueretur, ei mandaverunt. Is *Fa-*

Induciæ  
inter  
Maximilianum &  
Venetos.

*Helvetiorum*  
transactio.

Pugna  
apud  
*Ravennam*  
inter  
*Gallos*  
& *Pontificios*.

*Ravenna*  
à *Gallis*  
occupatur.

Curatores  
munitionum.

Duodecim  
*Helvetiorum*  
legati.

*Julius*  
pacem  
cum  
*Maximiliano*  
urget.

Literæ  
de foedere  
cum Rege  
*Gallia*  
faciendæ  
urget.



De Gal-  
lis Italia  
expel-  
lendis  
novus  
conatus.

Julius  
Pontifex  
pacem  
cum re-  
ge Gallo  
facien-  
dam si-  
mulat.

Lateranensis  
Concilii  
initium.

Fœdus  
cum re-  
ge Bri-  
tanniæ  
celebra-  
tum.

Ravenna  
recepta.

Galli  
quatuor  
vivi se-  
pulti.

ventiam propter cladem *Hispanorum* nutantem se contulit, atque oppidum opportuno præsidio communivit. Prorex ipse qui *Anconæ* post fugam primùm constitit, suas ut copias ad signa revocaret, omnem curam & diligentiam adhibuit: certior enim factus, majorem ex suis & potiolem multò partem in prælio *Gallos* amisisse, in spem venerat, adhibitis *Helvetiis* posse illos *Italia* expelli, si universi celeriter munus obierint, & virtutem gnaviter exercuerint suam. Quod ubi Patres intellexerunt, eum solari & erigere omniaque auxilia ei polliceri non dubitaverunt. *Joannem Antonium Dandulum* etiam à Senatu lectum cum auri libris CXX. ex superiore stipendio reliquis, quas tamen ipse in fugam versus jure belli amiserat, ad illum miserunt, juvandi & excitandi hominis causa. quam quidem rem legatus apud *Venetos* *Ferdinandi* imitatus, se ad illum cum pecunia contulit. Cymbæ interim duæ in navalibus confectæ atque instructæ, quæ propter velocitatem hirundines appellabantur, in *Ravennæ* portu naviculam *Alfonsi* longam remigum quadraginta captam à se, interfectis ex illis plerisque, navelque duas mercibus & occisorum in pugna spoliis onustas, item unâ captas ad fori marginem *Alfonsi* signa per aquam trahentes duxerunt.

*Julius* ut Regem *Galliæ* deliniret, ejusque cogitationes & incepta, si qua contra se ageretur, ea spe sisteret, Senatu Cardinalium vocato, proposuit, velle se fœdus cum illo facere: capitaque fœderis in quibus inerat, ut ei rex *Bononiæ* restitueret, quæque in *Flaminia* ad *Padum* flumen oppida pertinerent, ipsi cederent: in reliquis sese regi satis liberaliter permittebat: per eos, qui rebus *Gallicis* Cardinales favebant, conscripta & obsignata ad illum misit. Pauloque post vocatis ad se legatis *Ferdinandi* & reipublicæ eis dixit, ne propter ea quæ fecisset perturbarentur, neve se priore contra *Gallos* voluntate ulla ex parte mutatum crederent: invitum enim ad id descendisse fallendi & consopendi regis causa. Quibus intellectis rebus Patres sciverunt, *Julio* scribi oportere: si cum *Aloisio* fœdus facere statuerit, se non recusare, dum in eo rempublicam includat, fociamque fœderis efficiat.

*Guidum Rangonium* post hæc, qui è *Gallorum* custodia se redemerat, ad urbem venientem Patres amanter exceperunt, & præfectum equitum gravis armaturæ fecerunt: ejusque fratri *Joanni Francisco*, qui cum eo venerat, equitum leviorum præfectura item tradita.

*Romæ* ad diem tertium Nonarum Maji concilium celebrari cœptum est ab *Julio* in templo *Lateranensi* magna sacerdotum frequentia, precesque Deo Optimo Maximo ut vota hominum ritè nuncuparentur, factæ. *Marco* Cardinali *Seduno*, *Venetis* qui erat, ad suos abeunti argentum in mensem dono à Patribus datum.

Cum *Henrico* autem rege *Britanniæ* fœdus à sociis atque à republica initum, XV. Cal. Junias in urbe celebratum est: concupivit enim rex petiitque se in eo recipi.

Illis diebus *Julius Vitellius Tifernatium* Episcopus, qui conditionibus acceptis *Ravennæ* arcem *Gallis* obsidentibus tradiderat, eò cum copiis ad expugnandam illam rediens, traditis conditionibus recepit. Oppidani cladis suæ contra jus contra fas acceptæ memores, quatuor *Gallorum* præfectos in arce qui fuerant, fide non servata vivos sepelierunt, cervicibus supra terram extantibus.

- A *Julii* & *Ferdinandi* legati, itemque duo civitatis magistratus, *Leonardus Mocenicus*, *Nicolaus Bernardus*, *Helvetiis* se ad bellum contra *Gallos* comparantibus ex urbe profecti cum auri libris CXX. ad illos se contulerunt cohortandi & juvandi eos causa. Ii se *Veronam Maximiliani* præfectis libentissimis intulerant *Antonius Saornianus*, qui *Utini*, uti suprà dictum est, cæde civium secum dissidentium ingenti facta, rempublicam cujus erat è nobilitate civis, deseruerat, atque ad hostes profugerat, omniaque ingrati & malefici hominis studia contra illam exercuerat, ab inimicis suis in
- B *Maximiliani* finibus trucidatus, dignam tot sceleribus mortem obiit. *Ferdinandus* clade suarum copiarum, quæ cum *Gallis* apud *Ravennam* depugnaverant, intellecta, literas ad *Julium* dedit, ne propter eam rem animo perturbaretur: suum exercitum bene plenum ad *Pyrenæos* in *Galliam* quamprimum irrupturum unâ cum *Britannico* exercitu, qui modò expectabatur: mittere autem se in *Italiam* *Consalvum* *Ferdinandum* suarum copiarum ducem, eumque esse quinto Idus Majas profecturum: venturum etiam sese ipsum, si oporteat, non obscure confirmabat. *Julius* ea spe fretus de Cardinalium sententia binas literas scribi jussit: quarum alteris Cardinali *Medici* ejus legato, qui à *Gallis* in custodia servabatur, permittebat, uti omnes homines, qui ab eo delictorum suorum veniam peterent, etiam si hostes *Romanæ* reipublicæ fuissent, expiare posset, dum ii parère Pontifici Maximo suum in animum induxissent: alteris à rege *Galliæ* petebat, ut eundem legatum librum sui que juris vellet esse: id ni faceret eum se igni & aqua interdicturum, regnique dignitate multaturum, minabatur. *Antonius Saornianus* legatus ad regem *Pannoniæ* à Senatu lectus, illis diebus viæ se dedit. Patrum jussu in omnibus Sacerdotum & sacrarum virginum collegiis preces factæ sunt pro republica, nostro & *Helvetiorum* exercitu contra *Gallos* in *Veronæ* finibus se conjungente: qui quidem *Helvetii* circiter decem & octo millia militum numerum conficiebant. *Veneti* *Valegium* & *Pischeriam* primis aggressibus cum cepissent *Benaci* lacus oppida omnia sponte ad rempublicam redierunt. *Cremonenses* exercitibus eò tendentibus sibi veriti, quadringentis auri libris Cardinali *Seduno* pollicitis, conditione adhibita ne oppidum ingrederentur, se ei dederunt. ejus interpretes rei *Julii* legatus, itemque *Venetorum* scriba, equitum & militum qui *Collateralis* appellatur, fuerunt, quos oppidani ad colloquium intromiserant. *Caravagium* subinde atque *Soncinium* Cardinali se *Seduno* tradiderunt: is eis & *Cremonæ* suos milites præposuit, atque id quidem arroganter & barbarè, cum *Venetis* tradere debuisset. *Julius* enim pollicitus fuerat primis in sermonibus ea de re habitis, idque suis ad Senatum scriptis literis confirmaverat, ut quicquid eo bello caperetur, quod quidem reipublicæ fuisset, reipublicæ ministris traderetur: reliqua earum regionum oppida, quæ ad *Abduam* flumen sunt, sese reipublicæ dederunt: itemque *Bergomates* suis cum finibus *Bentivoli Bononiæ* qui erant, exercitum *Julii*, qui eò properabat, metuentes, oppidanis sese dedere volentibus. *Ferrariam* profecti sunt cum suarum partium civibus non paucis. atque illi paulò post *Julii* se interpretibus tradiderunt. *Albertus Pius* interea *Maximiliani* legatus *Romam* profectus est. *Joannes* item *Baduarius* ad *Ferdinandum* regem reipublicæ legatus viæ se dedit.

*Helvetii*  
*Veneto*  
exerci-  
tui se  
jungunt  
eorum-  
que res  
gestæ.

Literæ  
*Julii*  
Pontifi-  
cis.

Preces  
pro vi-  
ctoria in-  
stitutæ.

*Bononienses*  
se *Julio*  
de-  
dunt.



dit. Appropinquante ad *Italiam* *Matthæo* Episcopo *Gurcensi*, magnæ apud *Maximilianum* autoritatis viro, uti *Romam* se conferret, Patres *Petrum Landum* legatum ad illum miserunt honoris illius & societatis ex itinere causa.

*Ticineses*  
& *Mediolanenses*  
*Julio* se  
permittunt, ut  
& alia  
oppida.

Post hæc *Ticineses* repulsis ter hostibus eorumque tormentis potiti, itemque *Mediolanenses*, sese *Julio* & foederatis permiserunt, cum hi libris auri sexcentis, illi quadringentis sui oppidi direptionem redemissent. quod quidem factum *Laudis Pompejæ* cives imitati, tercentenas, *Pormenses* atque *Placentini* ducentenas polliciti, *Helvetiorum* avaritiam subterfugere non dubitaverunt. *Comum* etiam post hos, interfectis iis qui suis in finibus erant *Gallis*, idem fecerunt, itemque *Tortonenses* & *Alexandrini*. Omnibus autem iis in rebus malus in reipublicam *Seduni* animus fuit, qui ut *Venetis* legatis & exercitui timorem incuteret, ne petere, quæ eis debebantur, auderent, omnibus in *Cremona* *Cremaque* & *Laudis Pompejæ* finibus, aut comburi aut retineri naves universas imperavit, ne esset, unde illi pontes facere, atque in tuta reverti possent. qua quidem ille re maximam sibi omnibus ab hominibus invidiam excitavit.

Dum hæc agitentur, *Joannes Medices* Cardinalis amici hominis *Blasii Crivelli* opera *Mediolano* fugiens, *Mantuum* se contulit: interpretisque ab adolescente rege *Thracio Sultano Selymo* literas ad Patres attulit, quibus ille literis Senatui certiore faciebat, patrem suum sponte sibi regnum tradidisse: itaque velle se cum republica eam in qua diu pater suus fuerat, benevolentiam & necessitudinem exercere; quæ quidem tamen res aliter se habebat atque ille scripserat: vienim atque armis patrem coegerat, ut se regem institueret.

*Selymus*  
patri regnum  
eripit  
ejusque  
ad *Venetos*  
legatio.

*Genua* à  
*Jane Fregosio*  
capta.

*Janes Fregosius* *Julii* rogatu rei que publicæ permissu in *Ligures* profectus, atque à *Genuensibus* eorum oppido præpositus, literas ea de re ad *Julium* dedit: quibus ille magnopere gavissus, lætitiæ suam urbanis ignibus & tormentorum strepitu protulit: idemque uti *Veneti* facerent, triremesque ipsorum tres, quæ erant in *Apulia*, *Genuam* celeriter mitterent ad arces ejus oppidi duas, quæ à *Gallis* tenebantur, facilius expugnandas, à legato *Foscario* petiit: quod quidem ei Patres libenter concesserunt: *Janis*que filio *Alexandro* puero equitum gravis armaturæ quinquaginta turmam per vicarium regendam dederunt. Idem *Julius* triremes item septem Regis *Ferdinandi*, quæ in portu *Neapolitano* erant, ad eandem rem conficiendam ab ejus legato *Hieronymo Vico* petierat. quibus omnibus nec dum *Genuam* appulsis altera ex arcibus tormentis positis deditionem fecit.

*Lemniacum*  
à *Maximiliano*  
traditum.

*Galli* petente *Maximiliano* ut ei *Lemniacum* traderent, quod quidem nullo jure possidebant, erat enim in *Veronæ* finibus, satis ei facere voluerunt, atque ministris ejus tradito, *Mantuanum* se in agrum receperunt.

*Alfonsus*  
*Atestinus*  
à *Julio*  
absolvitur & *Roma*  
aufertur.

*Alfonsus Ferrariensis* dux *Romæ* profectus, cum ab *Julio* Cardinalibus publicè adhibitis petiisset, ut sibi, cui aqua & igni interdictum ab eo fuerat, propterea quod in bello contra illum cum *Gallis* fuisset, suppliciter postulanti, & commissâ consenti, ignosceret, ab eo absolutus, atque ad pedis osculum est admissus. Is cum intellexisset, *Julium* post hæc tacitè curam adhibuisse ut se caperet, *Fabritii Columnæ*, qui in clade ad *Ravennam* se captivum ejus fecerat, cumque ipso

A *Romam* venerat, tum ope, tum consilio aufugiens, in ejus se fines contulit: deinde in *Apuliam* contendens, quod itinera terrestria intercludi sibi, ab *Julio* facilè posse sciebat, mare *Adriaticum* ad *Illyricum* trajecit, ut eo inde iterum trajecto, per *Padi* fluminis ostia domum reverteretur.

In urbe autem *Decemviri* fæminam meretricem, quæ in Deos maledicta conjecerat, & se fuga subripuerat, exulem ea conditione fecerunt, ut si ullo in imperii loco caperetur, cervices ei absunderentur, ipsa igni combureretur. *Fosseque Clodiæ* civis, qui tres suas filias virgines vitiaverat, à Præatore concrematus dignam commissi pœnam persolvit.

Fœmina  
in deos  
maledicta.

B *Julius Helvetios* rebus bene gestis in *Cardinalium* collegio *Romane* reipublicæ defensores appellavit, atque uti eo nominè omnibus ab hominibus appellentur, censuit.

Incestus.

*Galli* eo tempore *Brixia* emissi, equites quatercentum, milites mille, ut è vicinis oppido locis prædas abigerent, atque in oppidum importarent, cum agricolas plerosque una cum mulieribus atque infantibus interfecissent, tumultu hominum à tergo excitato, copiisque *Venetis* se in reditu opponentibus, capti & interfecti magna ex parte, ac præda quam fecerant amissa, reliqui se in oppidum fugientes vix ægreque intulerunt.

*Helvetii*  
*Romane*  
Reipublicæ  
defensores.  
*Galli*  
prædones.

C *Laurentio Ceretano*, qui ad Patres se contulerat suarum rerum causa, auctus equitum & stipendiorum numerus. Auctus item *Vitellio* & ejus fratri: pensionesque annuæ *Joanni Brandolino*, & *Marco Castellatio*, & *Saccardo Sonzino*, pro cujusque bene rebus gestis à Senatu traditæ.

Bene-  
meritorum  
remune-  
ratio.

D Lex est etiam perlata, ut ex *Lepontiis* milites bis mille celeriter conscriberentur, reliquisque adderentur, ut essent omnes numero ad decem millia: jusserant enim Patres ut reipublicæ legati ad *Brixiam* recuperandam accederent, certiores à nonnullis ejus urbis civibus facti, non posse se ulterius *Gallorum* imperium perpeti: sese reipublicæ si exercitum eò miserit, oppidum sine mora tradituros. Quamobrem ut pleniore cum exercitu profiscerentur, militum numerum esse augendum statuerunt.

Lex de  
conscri-  
bendis  
militi-  
bus.

E *Julius* etiam, sua se inexplebili novarum dominationum cupiditate ad omnia difficilia impellente, propterea quod *Alfonsus* aberat, posse se *Ferrariam* capere eo puncto temporis confidebat. itaque scriptis ad ducem *Metaurensium* literis, ut se cum exercitu celeriter eò conferret, à Senatu petiit, quibus posset navibus in *Padum* flumen immisis sua in consilia juvaret. Id à Patribus cum esset diligenter procuratum, *Alfonsique* copiarum, quæ in oppido erant, de eo certiores factæ, se ad defensionem comparavissent, & *Pado* trajecto etiam *Rhodigium* de improvviso cepissent, conatus omnes *Julii* ad nihilum redierunt.

*Julii*  
Pontificis  
in  
*Ferraria*  
capienda  
conatus  
irriti.

F Legati autem reipublicæ cum se ad *Brixiam* contulissent, tormenta quæ ad muros verberandos aptavissent, *Gallis*, qui nova jam auxilia intromiserant, se acerrimè defendentibus, nihilo minus irritus eorum apparatus futurus videbatur.

*Veneti*  
frustra  
*Brixiam*  
oppugnant.

Interim Cardinale *Medice* liberrati restituto, Proregi *Neapolitano* itemque *Julio* cupiditas est injecta *Florentinæ* reipublicæ statum ordinisque commutandi: ut ut enim se tunc ea civitas regebat, omnibus in bellis *Gallorum* partium studiosissima semper fuerat. Id autem nulla re alia melius se consequuturos existimabant, quam si *Medicum* familiam ab exilio restituerent: itaque

*Florentiam*  
*Mediceorum*  
reditus  
instituitur &  
consequitur.



que eam rem tentare omnibus suis copiis, Cardinale accersito, & *Bernardo Bibiena* Cardinalis familiari *Julii* missu singula tractante, statuerunt: tribusque itineribus susceptis, ut commeatus facilius suppeterent, per *Apennini* juga magna rerum omnium difficultate ad *Pratum* oppidum, quod est in plano, abestque *Florentia* millia passum decem, Prorex & *Julii* ministri acceperunt. quod quidem planè oppidum, tamen si esset & militum numero, & tormentis apprimè communitum, sese tamen defendere non potuit: itaque captum & direptum est dives sanè municipium, & rebus omnibus etiam ad commodiorem & delicatiorum victum opportunis plenum. *Florentia* civitas ea re perterrita, ducem suum *Petrum Soderinum* inimicum *Medicibus* hominem, à reipublicæ administratione removet, ex octo, qui urbem unà cum illo regebant, sex cum condemnantibus, domumque amici ejus civis *Pauli Victorii* ægrè propter motum plebis deduxit (parum enim absuit, quin ab adversariis ejus factionis hominibus interficeretur) missisque ad *Joannem* Cardinalem & *Julianum* ejus fratrem internuntiis, ut urbem ingrederentur, non permisit modò, sed etiam concupivit: itaque magna totius civitatis frequentia & gratulatione Calendis Septembribus urbem ingressi, domi suæ recepti sunt.

*Julius*  
*Gallia*  
regiaqua  
& igni  
interdicit.

Interim *Julius* Cardinalibus adhibitis aqua & igni Regi *Gallie* interdixit, datis ea de re literis, nisi se à *Pisano* concilio abdicarit.

*Veneti*  
*Cremam*  
recipiunt.

Tum *Benedicto Cribello*, ejusdem Regis in *Crema* oppido Tribuno militum, ab iis qui reipublicæ favebant delinito, muneribusque plurimis unà cum civitate oblatis, oppidum *Veneti* receperunt, *Cribellumque* è nobilitate civem creaverunt, & domum *Patavinam* fundumque per amplum cum villa egregia ei dono dederunt & Tribunalum militum fecerunt. Oppidi autem præfectum *Nicolaum Pisaurum* renuntiaverunt, & *Cremam* miserunt: isque ibi paucos post menses est mortuus.

Apparatus ad bellum *Ferrariense*.

*Julio* autem postulante Senatus censuit, ut & classis, & tormentorum opportunus numerus, & nummi militibus duobus millibus in *Flaminia* conscribendis ad *Ferrariense* bellum, quo ipse vellet, mitterentur: eaque paulò post *Ravennam*, quò se *Franciscus Maria Julii* copiarum imperator contulerat, sunt missa. qui quidem *Julius Prospero Columnæ*, ut se in *Galliam Cisalpinam* trajiceret, cumque *Hispano* exercitu conjungeret, id magnopere cupienti, ad *Gallos* ex *Italia* expellendos, potestatem fecit. Et *Franciscus Donatus*, uti *Florentiæ* legatum reipublicæ ageret, à Senatu lectus, *Patavinorum* & *Taurisanorum* rebellium uxoribus & filiabus nummi, quibus sese alerent, à Decemvirum collegio dono dati.

*Gallorum*  
clades.

Eodem ferè tempore *Gallie* Regis exercitus ab *Hispaniæ* Regis exercitu in *Aquitania* malè habitus, magnum suorum numerum desideravit.

*Veneti*  
cum  
*Egypti-*  
*orum* re-  
ge foedus  
renovant.

Miserat *Memphim* ante eos dies Senatus Domiticum *Trivisanum* templi *Marcii* procuratorem, ad *Laseraphum* Regem *Egyptiorum*, rebus quæ ad mercaturam exercendam pertinebant procurandis legatum: quæ omnino res majorem in modum regionum magistratum & ministrorum injuria lapsæ, ingentem jacturam *Venetis* civibus, qui eò proficiscebantur, ibique morabantur, inferebant. Rex cum audisset tantum ad se hominem Senatus *Veneti* missu venire, illustri suorum obviam itione & omni honorum genere illum excepit, in hor-

A torum suorum electissimorum porticu amplissima: cujus ad singulas columnas appensæ lusciniæ, cantus exercebant suos, & aquæ fontium non unis à partibus decurrentes propè aviculis non illepidè concinebant: itaque & loci amœnitate ac specie, & Regis oratione perliberali eo hilariter facto legationis suæ initio, plures ibi dies *Trivisanus* commoratus, & renovato ex reipublicæ dignitate antiquiore foedere datis & acceptis muneribus, cum Regis ad Senatum honorificentissimè scriptis literis ejus rei testibus domum rediit.

B *Antonius* etiam *Justinianus* captus ab hostibus in *Brixia* prætura, atque in *Galliam* perductus, datis pecuniis quas poposcerant, iisdem fere diebus suos se ad lares recipit, cum prius cum Senatus in *Quinquvirum* collegium, qui belli res eo in ordine procurant, cooptavisset. Annus interim finem suum habuit.

*Antonius*  
*Justinianus*  
captivitate  
solutus.

Insequente autem inito, *Neapolis* Prorex *Medicibus* in *Florentiæ* dominationem restitutis, & *Prati* oppidi direptione, & plurimis auri libris dono acceptis communitior factus, cum intelligeret *Venetorum* exercitum in *Brixia* recuperanda magnopere laborare, nec tamen satis proficere, *Gallis* qui in ea erant, sese acriter defendentibus: ut ea quoque à parte, si quid posset, lucraretur, homo alieni appetentissimus, in agrum *Brixianum* suas copias adduxit, ibique modò pollicendo nihil se reipublicæ nociturum, modò fallendo, legatissime *Venetis* suos interpretes mittendo, qui monerent, ut cum *Maximiliano* pacem facerent potius, quàm quæ illius essent, ei præripere contenderent, se in urbem intulit, & oppidum antea direptum, & omni exutum dignitate, radicitus depopulatus, si quid erat reliqui, abstulit: atque ut *Galli* domum reverterentur, secumque prædam, quam ingentem capto oppido fecerant, asportarent, potestatem eis fecit. *Veneti* capiendi oppidi spe deposita, tormenta, quibus muros urbis verberabant, abstulerunt.

Prorex  
*Neapolis*  
*Brixiam*  
capit.

D Et jam *Joannes Medices* Cardinalis & *Julianus* ejus frater, de successu rerum suarum literas ad Senatum dederant, seque & fortunas suas omnes reipublicæ obtulerant: itaque respublica, quæ amico semper animo in illos fuerat, in civitatem & nobilitatem eos & *Laurentium* eorum fratris filium more majorum intulit, missis ad eos *Florentiam* de ea re literis. Pauloque post & *Prosper Columna* suæ factionis princeps, cum equitatu & peditatu ad Proregem sese contulit: & Senatus cives quatuor, qui *Cremæ* portas, quoad opus esset, custodirent: deinde municipiis quatuor in vicinis *Cremæ* locis, quæ ad rempublicam redierant, ejus nomine præessent, creavit. Tum arcem *Bergomatium* extra urbem summo in monte positam, quam *Capellam* appellabant, ejus præfectus homo *Gallus* reipublicæ internuntiis tradidit.

*Medicorum*  
cum *Venetis*  
conjunctio.

E Senatus cum intellexisset, nummos qui in bella infumebantur, non omnino rectè administrari; cives duos magnæ autoritatis viros, *Hieronymum Quirinum*, *Petrum Capellum*, qui eis præessent, creavit: deinde *Petrum Pascalicum*, qui legatum *Genuæ* ageret, renuntiavit. Erat autem eo in oppido Dux & Princeps recentior civitatis *Janes Fregosius* amantissimus reipublicæ.

F Post hæc *Mattheus Gurcensium* Episcopus *Maximiliani* interpres *Romæ* venit, atque à *Julio* suam in domum in *Vaticano* est exceptus. Pauloque post *Maximiliani Hispaniæque* Regis & reipublicæ legatis adhibitis, ejusmodi se foedus velle *Julius* facere pronuntiavit: Ut *Verona Vicetiaque Maximiliano* cederent. Pro *Patavio* autem

Fœdus  
inter *Julium*  
Pontificem  
& *Maximilianum*.



autem & *Tauriso*, quæ jam *Veneti* obtinebant, ut ea oppida retinere jure possent, tercentas auri libras tributum nomine *Maximiliano* quotannis penderent: semel autem pro totius rei ac tabularum confectio, bis mille & quingentas. De iis verò quæ in *Carnis* essent oppidis, *Julii* iudicium esset, reine publicæ an *Maximiliano* tradenda jure essent. Reliquo fœdere *Maximilianus* & *Hispaniæ* rex abolere *Pisanum* Concilium, omnemque suam auctoritatem atque opes *Julio* tradere ad *Ferrariam* capiendam tenebantur. quæ duæ quidem causæ *Julii* animum vehementer exagitabant: nam & concilii contra se initi mirum in modum timore commovebatur: & cupiditate, ut *Ferrariam* in potestatem suam redigeret, nihil culpæ nihil sceleris, nihil flagitii prætermittebat: itaque *Venetos*, qui in illum tot officia contulerant, tantum pecuniæ, ut ad omnes ejus nutus præsto essent, animis libentissimis impenderant, nulla fide, nulla pietate fultus, non deseruerat modò eo conficiendo fœdere, sed plane etiam in prædam hostium, sanguinem & omnem succum reipublicæ fugere cupientium, projiciebat. quamobrem reipublicæ legati ad *Julium* conversi, non esse hoc illud, quod ab eo expectabatur, conquesti sunt: malè, quod injustè amiserant, eo pacto recuperari: sed se confidere Dei optimi maximi auxilium reipublicæ non defuturum.

Demum ubi *Julius* ira percitus fœderis capita scribi jussisset, ne scribendo adessent, abierunt. quæ tamen postea capita scripta & confecta sunt. Id cum esset *Venetias* allatum, literæ à Senatu datæ sunt ad legatos, ne post hac his tractandis rebus interessent. *Joannes Medicus* Cardinalis, *Juliano* fratre civitate regenda *Florentiæ* relicto, se *Bonomiam* ad legationem suam contulit. arcisque *Brixia* custos, homo *Galus*, regis sui jussu eam *Hispanis* ducibus in vitus tradidit.

*Julius* autem Episcopo *Gurcensium* in Cardinalium collegium adscito, quartum *Lateranense* Concilio affuit. quo in concilio adesse *Gurcensis*, nisi prius literæ, quibus aqua

A & igni *Venetis* interdiceretur, sibi essent traditæ, noluit. *Roma* deinde profectus est: cumque in *Galliam* citeriorem venisset, *Maximiliani Sfortiæ Ludovici* filii, qui se *Mediolanum* inferebat, socius comesque itineris fuit.

Eo ingressu peracto, *Hispani Tretium*, in *Abduæ* ripa oppidum, commeatu, pecunia, rebus omnibus munitissimum, quod à *Gallis* tenebatur, vi & immani tormentorum verberatione captum diripuerunt.

*Julius* interim *Maximiliani* obsequio amicior ei factus, qui suas copias *Ferraria* statim avocaverat, ut ei satis faceret, *Staphileum Romani* fori litium ministrum *Venetias* misit, Patres hortatum, ut fœderis condiciones acciperent: tamen si jam nonnihil poenitentia ducebatur, se in eos tam durum tamque illiberalem fuisse, quod mehercule cum improbari maximorum hominum sermonibus intellexisset, qui dicerent, eam rem occasionem *Venetis* daturam, ut se cum *Gallis* conjungerent, eosque in *Italiam* adducerent, quos ab *Italia* expellere *Julius* in primis nitebatur: in dies singulos ejus rei mœrore magis magisque distractus, neque cibum, neque somnum capere poterat, itaque febri tentari cœptus est: qua in febri cum *Pisauri* oppidum *Metaurensum* Duci fratris sui filio tradidisset, & Cardinalium collegio Urbem remque publicam Christianam commendavisset, undecimo Calendas Martias mortem obiit. Senatus Cardinalium collegio literas dedit, orans obtestansque eos, ut in eligendo Pontifice totius orbis beneficio consulere: suasque opes omnes & exercitus ad eos juvandos est pollicitus. qui cum se in conclave more majorum intulissent, *Bernardi Bibienæ* amabilissimi hominis magna ex parte studio, consiliis & prefationibus diligentioribus permoti, *Joannem Medicum*, annos natum triginta septem, Pontificem Maximum creaverunt: isque priusquam è conclavi exiret, me, & *Jacobum Sadoletum*, qui *Romæ* tunc eram, sibi ab epistolis adscivit.

*Tretium* oppidum ab *Hispanis* direptum.

*Julii* Pontificis varium ingenium.

*Julius* mœrore distractus febre correptus obit.

*Joannes Medicus* Pontifex Maximus creatur Leo X. dictus.

## F I N I S.

INDEX VERBORUM  
&  
RERUM MEMORABILIUM.

<i>Ægina</i> à <i>Venetis</i> recuperatur.	105 B
<i>Ægypti</i> rex legatum ob controversias componendas ad <i>Venetos</i> mittit.	143 B
<i>Ærarii</i> publici exhausti remedium.	164 C
<i>Albani Armerii</i> miserrima mors.	95 A
<i>Alea</i> à <i>Venetis</i> prohibita.	10 C
<i>Alexander Borgia Valentinus</i> , Pontifex.	20 A
— Pontifex cum <i>Alphonso</i> fœdus init.	25 F
— ejus fœderis condiciones.	ibid
— Pontif. fugam sæpius parabat.	28 F
— in gratiam <i>Caroli</i> Episcopum <i>Macloviensium</i> Cardinalem creat.	29 B
— <i>Venetis</i> condiciones dat, de auxilio <i>Ferdinando</i> mittendo.	50 F
— Pontifex Regum arbiter.	118 C
— Pontifex proprio parato veneno perit.	133 A
— <i>Joannis Galeatii</i> frater erat à partibus <i>Ludovici</i> .	26 F
— ad <i>Genuensium</i> civitatem literæ.	50 D

— ad <i>Carolum Regem</i> literæ.	ibid.
— Pontificis in <i>Venetos</i> largitas.	92 D
— Pontificis auxilia <i>Venetis</i> data.	111 D
<i>Alexandria</i> à <i>Triultio</i> capitur.	87 E
<i>Alexium</i> insula sponte se dedit.	111 B
— <i>Bajazeti</i> à <i>Venetis</i> restituitur.	143 A
<i>Alidosii</i> Cardinalis calliditas & versutia.	251 B
<i>Alidosius</i> Cardinalis à <i>Francisco Maria</i> trucidatur.	251 E
<i>Alimenta</i> infantibus inventis decreta.	14 A
<i>Aloisii</i> Regis expeditio.	86 D
— regis de <i>Neapolitano</i> regno occupando ausus.	90 A
— Regis <i>Galliæ</i> in <i>Italiam</i> adventus.	129 C
— cum <i>Ferdinando</i> fœdus.	142 D
— regis in <i>Italiam</i> adventus.	144 D
— de <i>Brixia</i> conatus irritus.	272 F
— in <i>Gallis</i> expellendis conatus & de <i>Brixia</i> capiendâ institutum.	273 B
— regis & <i>Julii</i> Pontificis animus in rempublicam <i>Venetorum</i> .	194 B
	<i>Aloisius</i>





Aloisius Pizamanus Tremexenum missus.	13 F	Magnam pecuniæ summam reipublicæ mutuo dedit.	ibid.
— pecunia deficiente, plumbeos nummos cudit.	42 A	— exilio damnatur.	98 C
— protectionem in Regnum Neapolitanum respuit.	52 D	— bis dignitatem procuratoris Divi Marci adeptus.	245 E
— dux Gennabensium Astam oppidum ob adventum Maximiliani communivit.	62 B	— classis præfectus Venetæ.	26 B
— Georgius, pugna commissa, cum Turcis pacem init.	71 E	— ut ab exilio revocatus in patriam redeat, petentibus conceditur.	181 D
— dux Gennabensis Carolo regi successit, Ludovicus à Gallis vocatur.	73 D	— Justinianus à Gallis captus soluto lytro, captivitate solutus.	284 B
— in Galliam redit.	90 B	— Maria Severinas singulare certamen expetit.	4 E
— Genuensium civitatem in fidem recipit.	ibid.	— Minius in exilium mittitur.	127 E
— rex Venetis suspectus redditur.	131 A	— Tronus legem de suffragiis ferendis promulgat.	18 A
— novum fœdus cum Venetis sollicitat.	132 F	Apparatus de Tauriso obsidendo.	228 B
— & Maximilianus ineunt fœdus.	140 B	— classium Venetarum.	247 B
— Rex inducias cum Maximiliano improbat.	154 B	— ad bellum Ferrariense.	283 D
— Rex Maximiliani animum lucratur astu & in Venetos stimulat.	156 D	Apuani Joannis Jacobi Triulzii suasu sese Regi Carolo dediderunt.	35 D
— Rex Gallie Venetorum copias miratur & timet.	167 E	Arbona mons.	3 B
— Rex Maximilianum in Venetos irritare satagit.	182 B	Arbores miræ crassitudinis.	118 F
— Avogarius decollatur.	276 D	Arces & oppida cetera Ferdinando restituntur.	48 A
— Barbarus, Bartholomæus Mustius munitionum curatores.	277 C	Arcum municipium.	9 C
Alphonſi classis contra Regem Thracum.	26 A	— quod ejus principes Venetorum hostes existimantur, diruendum censetur.	9 D
— classis re infecta redit.	26 E	Argenti fodina in Alpibus.	2 D
— cum Venetis conflictus.	218 C	Ariminum Venetis traditur à Pandulpho Malatesta.	135 F
— Atestini Venetias adventus.	142 D	Armenii Venetis spectaculo fuerunt.	72 E
— Atestini perfidia.	176 E	Arx in Idri lacus ripa condita.	13 F
— Atestini in Venetos injuria.	180 C	— liminis à Maximiliano capitur.	197 D
Alphonſus Ferdinandi filius Isabellam Johanni Galeatio in matrimonium collocat.	22 B	— Patavina expugnata.	191 A
— Rex Neapolis salutatur.	24 E	— Tranensium Ferdinando se dedit.	48 B
— per legatum Venetum à senatu petit, ut cum Ludovico ageret, ne fœdus cum Carolo faceret.	24 F	Ascanium Alexander in Concilium venientem retinuit.	29 A
— cum Alexandro fœdus init.	25 F	Ascanius duras & severas conditiones Alexandro imponit.	29 A
— cum Alexandro ad Varivicum colloquitur.	ibid.	Asta oppidum Albisii.	27 D
— copias suas cum Alexandri copiis conjunctas in Flaminiam mittit.	26 E	Aternus S. Joannis montis Regulus Ferdinando carus.	30 B
— Ferdinando filio regnum tradit.	29 C	Athesis fluvius.	3 B
— in Siciliam transmisit, ibique privatus moritur.	29 D	— fluvii violentia.	23 E
— Avalus Aterni princeps à Gallis occiditur.	52 B	Avaritia Alexandri Pontificis.	132 C
— Ferrarie dux senatui se purgat.	149 F	Avernia vicus mora atque domicilio Francisci celebr.	81 F
— Julii exercitum profigat.	247 F	Augustini Barbadiçi civitatis Venetæ princeps obitus.	114 B
— Bastiam castellum recuperat.	272 C	Augustinus Maripetrus maris præfectus.	92 A
— Atestinus à Julio absolvitur & Roma aufugit.	281 F	Auro novæ insulæ abundanti.	119 E
Aluminis fodina incredibile lucrum dominis creant.	73 F	B.	
Ambitio regnandi magna tentat.	27 D		
— militaris.	169 D	Bajazetes Turcarum Rex classem parat.	10 F
Ambitus civium quorundam malorum reprimitur.	19 B	Bajazetes Rex Turcarum cum Armenia rege & Venetis pacem init.	132 D
Ambracii sinus descriptio.	108 D	Bajazetis pax cum Uladislaſo rege Pannoniæ.	132 E
Andreas Burgius militum præfectus.	8 F	Baliones, familia Perusina in militiam adsciscitur.	76 E
— ut milites contineret, pontem solvit.	8 F	Baptistæ Zeni Cardinalis obitus, divitiæ & sepulcrum æreum.	112 B
— proditoris accusatus, & absolutus.	9 D	Baptista Urſinus in carcere moritur.	131 F
— Grittus Venetis faciei elegantia, corporisque pulchritudine omnes præstat.	83 B	Bartholomæo Collioni Bergomati imperatori optimo statua ponitur.	25 C
— Grittus instituta Turcarum omnia callebat.	83 C	Bartholomæus Mustius senator ob merita declaratur.	259 A
— Grittus in vincula cum aliis mercatoribus à Turca conjicitur.	93 A	Basilium tormenti genus.	151 B
— Grittus ob literas ad legatos Venetos datas, fere interfectus.	93 B	Bastia Castellum ab Hispanis pulveris tormentorum vi expugnatur.	272 A
— Lauredanus Corcyra imperat.	91 D	Bastiam castellum Alphonſus recuperat.	272 C
— Zancanius legatus ad Tarentinos lectus.	58 C	Beatianus ad Helvetios missus.	62 A
— Zancanius.	65 E	Bella, quæ Veneti gesserunt.	1 B
Angeli præfecti consilium de Pisauro & Ancona recipientis.	207 A	Belli Rhetici initium.	2 B
— Trivisani causa ventilata, ejusque exilium.	218 A	— Rhetici finis.	10 A
Angelus classis præfectus ob classem amissam graviter accusatur.	212 C	— Neapolitani causæ.	21 C
— Trivisanus quibus conditionibus ab exilio revocatus.	230 E	— Neapolitani multi adhortatores.	23 A
Anna Amoricarum gentium regina Maximiliano sponsa, à Carolo præripitur.	32 B	— Neapolitani initium.	24 B
Antipathia naturalis.	49 D	— Pisani continuatio.	59 B
Antiquitatis carmen.	196 A	— continuatio.	70 C
Antonii Severinatis verba morientis.	5 D	— Turcici progressus.	101 A
Antonio Grimano classis imperium abrogatur.	96 D	— in Maximilianum apparatus.	150 A
Antonius Salernum ob inimicitiam Ferdinandi reliquit.	23 A	— Regis Gallie contra Venetos initium.	160 D
— sedibus patriis relictis, in Galliam ad Carolum se contulit.	23 A	— prænuntii veniunt Venetias.	161 F
— Bernardus Taurisanorum prætor.	23 F	Bellum præstat conficere, quam rem suam spe melioris victoriæ periclitari.	6 D
— Boldus Triumvir.	24 A	— inter Matthiam Pannoniæ Regem, & Federicum Imperatorem.	14 C
— eloquentia singularis Genuæ interit.	69 B	— Piraticum.	142 E
— Grimanus classis præfectus.	91 A	— à Venetis in Alphonſum Atestinum decernitur.	207 C
		Benacus lacus.	14 D
		Be-	



# I N D E X.

Benedictus Pisaurus mortem obit.	133 B
Beneficium qui exhibent reipublicæ, beneficio remunerandi sunt.	127 A
Bernardi Contareni expeditio in Gallos.	54 A
Contareni obitus.	56 E
Ciconiæ pugna cum Petruca pirata.	71 E
Bernardino Curtio arx Mediolani committitur.	88 C
Bernardinus Montonius equo dejectus servatur.	38 F
Bernardus Bembus Petri pater, legatus ad Pontif. Innocentium.	10 B
Ferraria prodominus.	85 D
Aloisio de adventu in Italiam reipubl. nomine gratulatur.	129 C
Ciconia stratagemate hostem vincit.	72 A
Contarenius præfectus Græcorum equitum.	35 A
Beurensum mercatus annuus.	2 C
Bissinianorum princeps a servo ob stuprum occiditur.	57 D
Bolani lex in Zancanum lata.	97 E
Bononia a Gallis & Bentivolis occupatur.	250 B
a Pontificiis copiis obfessa a Gallis liberatur.	274 F
Bononienses se Julio dedunt.	280 F
Bretola oppidum captum.	83 F
Britanniæ Regis intercessio.	211 C
rex a republica arcuum millia quadraginta petiit.	236 D
Britanniæ Rex fœderis fit socius.	266 C
Brixia ab Aloisio occupatur.	273 E
& Bergomum a Venetis recepta.	274 D
a Gallis recepta.	275 D
Hispanis tradita.	285 C
Brixiam Veneti frustra oppugnant.	282 E
Prorex Neapolitanus capit.	284 B
Brixiani se regi Gallia dedunt.	175 E
Brixianorum fides & solertia.	162 D
trepidatio.	173 E
Bucentaurus navis Venetorum.	20 E
Butrium oppidum Florentini capiunt.	76 D

## C.

Cadora oppugnata & capta.	148 D
Cæsar Borgia Alexandri filius Spoletum se contulit.	29 E
Carolo obfes datur.	29 E
noctu aufugit.	ibid.
filius Alexandri Pontificis.	98 E
collegium Cardinalium relinquens, uxorem ducit.	99 E
rapuit sponsam amore impulsus.	109 D
Cæsarianorum in Carnos irruptiones.	226 A
varie Verona eruptiones.	216 C
Cæsaris Borgiæ sevitias.	131 F
in Flaminia excitata bella.	98 E
Cajeta urbs Federico sese dedit.	57 E
Cajetam Federicus navibus obsedit.	57 D
Cajetani contra Ferdinandum pugnare nolunt.	45 C
Calamitatis Venetorum causa.	180 F
Calliditas & Versutia Alidosii Cardinalis.	251 B
Camaldulense sanum occupatum.	79 F
sanum recuperatum.	81 C
Cameracense fœdus.	157 B
Cameracensis fœderis lex.	157 C
Canariæ insula vocata Fortunata.	116 C
Canibales insularum a Columbo inventarum incolæ appellabantur.	117 D
Canusium contra datam fidem diripitur.	54 F
Captivitate cives a nobilitate Veneta liberati.	226 E
Caravagium a Venetis occupatum duce Liviano.	87 C
Caravagianorum arx casu expugnata.	174 A
Carmen antiquitatis.	196 A
Caroli Regis exercitus Italiam petit.	26 E
& Ludovici congressus.	27 C
Regis acta in Italia.	28 B
copie Faventiam occupant.	28 D
in regnum Neapolitanum ingressus.	30 B
interrogatio ad Venetos.	33 F
filius unicus moritur.	52 D
Regis in Italiam expeditio nova.	61 D
cum Hispanis induciæ.	69 A
Regis obitus.	73 B
Contareni Supplicium.	105 D
Carolo appropinquante Romam, Ferdinandus reliquique duces Roma proficiuntur.	28 F
Cassinas sese dederunt.	30 C
uxor Regina dedidit. nollebat.	41 E
Carolus fœdus cum Ferdinando & Elisabetha Hispaniæ Regibus percussit.	24 D
statuit in regnum Neapolitanum proficisci.	24 E
Venetos adhortatur, ne societatem cum Alphonsò conjungerent.	25 A

& Ludovicus classem parant.	26 E
cum exercitu Astam venit.	27 C
Petrum Medicem calumniis Laurentii & Ludovici oderat.	28 A
Pisas a Florentinis alienavit.	28 B
Florentinis tributum imposuit.	28 B
Florentiam in reipublica formam redegit.	28 B
cum exercitu Romam venit.	29 A
cum Alexandro fœdus iniiit.	29 A
Rex arces quas & oppida cepit.	30 A
Cajetam in deditionem recepit.	30 C
Neapolim capit.	30 E
discessum a regno Neapolitano meditabatur.	33 C
colloquio Pontificis arcetur.	34 B
pacem a fœderatis petit.	42 B
re infecta in regnum rediit.	44 C
reditum in Italiam parat.	65 A
Carpio in lacu Benaco capitur.	14 E
Carratus præfectus occisus.	154 F
Casaboldum castellum, a Mantuanis obsessum, Veneti liberant.	166 E
Cassianum oppidum in Abduæ fluminis ripa.	168 A
Castellum novum a Germanis capitur.	183 C
Novum captum & incensum.	228 F
Catharinam pater Marcus Cornelius Jacobo Lusitaniano Regi Cyprio in matrimonium collocat.	11 B
Catharina Venetiis oriunda Regina Cypriæ.	11 B
heres cum sobole nascitura a viro instituta.	11 B
Cypriæ Regina maluit inter Regios honores mori, quam parce in Republica vivere.	11 F
Cypriæ Regina Venetias appulit.	13 C
a Venetis splendide excipitur.	13 C
Catharinæ Asulum oppidum a decemviris dono datur.	13 C
Ludovici fratris filia Fori Livii & Fori Cornelii Princeps.	74 C
Causa calamitatis Venetorum.	180 F
male gestarum rerum & infortunii.	124 A
Cellæ farinariæ Venetiis conditæ.	48 E
Censum Veneti civibus imponunt.	241 D
Census civium.	92 B
Centum-cellas classis reditus.	232 D
Cephala terra auri dives.	120 A
Cephallene a Venetis expugnatur.	107 D
Cephallenes oppugnatur.	106 D
Ceva oppidum.	66 F
Christophorus Maurum Faventia præficitur.	99 A
Citadella urbs Pataviæ.	4 A
Cirolis Perusini stratagemata.	201 F
Citolus, vulnere accepto, tellure prostratus, confossusque interiit.	238 C
Cives quidam suspecti detinentur.	195 C
in rempublicam infidi puniuntur.	209 B
captivitate liberati.	226 E
Cividale Belunianum noluit se Maximiliano tradere.	180 B
arx a Venetis expugnatur, fortuna mire favente.	209 F
Belunianum occupatur.	235 A
Civitates quædam ad rempublicam redeunt.	195 B
Civium tria genera.	124 A
Clades in Isthis a Friapane acceptæ.	267 A
Classis Venetæ apparatus.	17 D
Turcarum quanta.	93 A
Venetorum contra Turcas quanta.	93 B
Venetæ pugna cum Turcis.	94 C
Gallica cum Venetæ conjungitur.	95 B
Venetæ & Gallicæ calamitas.	96 A
Venetæ infortunium.	104 B
Classis Venetorum restituta.	104 E
Hispanica in auxilium Venetis missa.	105 D
Venetorum ad Leucadiam oppugnandam.	129 D
Venetorum aucta.	175 A
Venetæ ab Alphonsò fracta.	209 C
Venetæ disturbata, capta & incensa.	211 E & F
Venetæ collectio & instauratio.	212 B
Centum-cellas reditus.	232 D
Venetæ disturbata.	239 C
Venetæ altera in Alphonsum missa.	239 F
Classium apparatus.	161 A
Clissa urbs Illyrici.	26 D
Colloquente regio a Lusitanis inventa.	120 F
Columbi de nova orbis parte incognita investiganda institutum.	115 C
dissertatio de plagis terræ incognitis.	115 C
novarum insularum prima inventio.	117 A
Columbus homo ingenio peracri.	115 C
Conatus novus de Gallis Italia expellendis.	273 B 279 A
Concilii Pisani auctores Julius Cardinalatus spoliatur.	269 C
Lateranensis initium.	279 E
Concilium Pisis indicitur a Cardinalibus, & Pontifex ad id vocatur.	252 F



———— <i>Pisanum aboletur.</i>	284F
———— <i>Lateranense convocatur.</i>	285D
Concordia à <i>Venetis</i> capitur.	245C
———— à <i>Gallis</i> recuperatur.	250A
Conditiones de <i>federe cum Rege Gallie</i> faciendo.	277E
Consalvi <i>modestia.</i>	108A
Consalvo <i>civitas &amp; comitiorum jus</i> conceditur.	108B
Consalvus <i>Hispanie classis præfectus, Crotonem capit.</i>	55A
———— <i>Ferdinandus classis Hispanie præfectus.</i>	105E
Consilia <i>Venetorum de Patavio</i> recuperando.	185D
Consilium de <i>Carolo Rege veneno</i> tollendo.	67B
———— <i>Venetorum Regi Neapolis datum.</i>	86F
———— <i>prudens Dominici Mauroceni.</i>	149C
———— <i>callidum Julii Pontificis.</i>	158F
———— <i>Triultii male negligitur.</i>	169A
———— <i>Laurentii Lauredani.</i>	184E
———— <i>de Verona</i> recuperanda.	206F
———— <i>Julii Pontif. de bello Gallie Regi</i> inferendo.	257E
———— <i>de Patavio</i> muniendo.	224C
Consultatio de <i>bello Maximiliani finibus</i> inferendo.	149B
———— <i>Venetorum de Faventia Pontifici</i> restituenda.	161D
———— <i>Senatus de Imperatore</i> eligendo.	223B
———— <i>de Præfecto exercitui</i> præficiendo.	254C
———— <i>de Brixia</i> capienda.	272D
Consultationes <i>Venetorum de clade accepta</i> sarcienda.	172A
Contareni <i>staturæ &amp; qualitatum</i> descriptio.	44A
Contarenius <i>consilium de interficiendo Ludovico dat</i> <i>Venetis.</i>	43B
———— <i>Gallis insidias</i> struit.	54B
———— <i>Camalis naufragio</i> perit.	154F
———— <i>interficitur in prælio.</i>	276C
Corcyræ <i>magistratus Lucas Quirinus.</i>	96F
Corcyrensiū <i>auxilium Venetis</i> oblatum.	91B
Cornelii <i>Catharinæ Reginæ Cypriæ fratris oratio.</i>	12A
Corone à <i>Turcis</i> occupatur.	104C
Cormonse <i>oppidum expugnatum.</i>	150B
Corvorum ac <i>Vulturum prodigiosa pugna.</i>	91B
Covoli <i>arcem Germani</i> occupant.	264A
Covolum <i>specus captum.</i>	244F
———— <i>arx natura munitissima ad rempublicam Venetiam</i> redit.	210C
Crema <i>Venetis se dedere</i> querit.	274D
Cremam <i>Veneti</i> recipiunt.	283C
Cremenenses in <i>Gallorum partes</i> transeunt.	175E
Cremona <i>Venetis</i> dedita.	88D
———— & <i>aliæ civitates se Gallis</i> dedunt.	177A
Cremonæ <i>arx munitior</i> redditur.	159E
———— <i>arx à Gallis</i> occupatur.	182D
Cremonense <i>deditionem</i> facit.	270A
Cremonenses <i>levantur</i> tributis.	88D
Crepidines <i>Pinne Marianæ populi liberi.</i>	130F
Cretæ <i>insula terræ motus.</i>	154E
Cretensiū <i>tristitia.</i>	196A
Crispi <i>liberis alimenta</i> præbentur.	25E
Cuba <i>insula secunda à Columbo</i> inventa.	118A
Cubæ <i>insula incolæ</i> vescuntur serpentibus.	118A
Cupiditas in <i>scelus magnum est</i> impulsor.	128D
Custodiæ <i>mandantur Præfecti arcium</i> deditarum.	266A
Cymacium <i>oppidum direptum.</i>	210D
Cypri <i>Reginæ obitus ejusque sepultura.</i>	229B
Cyprium <i>regnum in provinciam</i> redactum.	13C
Cyprus <i>insula à vicinis &amp; longinquis Regibus</i> petitur.	12B

## D.

Daciæ <i>Regina Venetias</i> advenit.	10E
Dalmatæ <i>sub imperio reipublicæ</i> degunt.	71F
Deo <i>magis confidendum, quam mediis</i> prohibitis utendum.	68B
Dionysii <i>Naldi militum præfecti obitus.</i>	231C
Domini <i>Mauroceni prudens consilium.</i>	149B
Dominicus <i>Bolanus Candiani filius acceptæ ab reis pecuniæ</i> accusatur.	24A
———— <i>Maripetrus Præfectus classis Venetæ.</i>	62F
———— <i>Trivisanus legatus Venetus ad Regem Byzantii.</i>	17C
———— <i>Antonius Lauredanus legati ad Carolum.</i>	28D
———— <i>Legatus Venetus Faventiam</i> profectus.	51D
———— <i>Atonius Boldus legati Venetorum ad pacem</i> procurandam in <i>Hispaniam</i> missi.	69B
———— <i>Nicolaus Fuscarenus Cremonam ut</i> justitiarum missi.	88F
Domus <i>Armeniorum Venetiis.</i>	72E
Dyrrachium à <i>Turcis</i> capitur.	114A

## E.

Edictum <i>reipublicæ Venetæ</i>	160F
———— <i>contra negligentem tributa inferentes.</i>	164F
———— <i>Neapoli propositum.</i>	166A
———— <i>de Ferrariensibus</i> diripiendis.	207E
———— <i>Julii Pontificis in Alphonsum.</i>	233E
———— <i>de frumentis</i> advehendis.	256C
———— <i>Julii Pontif. in Bononienses.</i>	252D
Ericus <i>pirata captus &amp; combustus.</i>	123B
Ernandi <i>Lusitani navigatio.</i>	121A
Excursionēs <i>Turcarum violentæ.</i>	97B
Exeditio <i>Bernardi Contareni in Gallos.</i>	54A
———— <i>nova Caroli Regis in Italiam.</i>	61D
———— <i>Aloisii Regis.</i>	86D
Exules <i>revocantur.</i>	163B

## F.

Faventia à <i>Cæsare</i> capta.	112A
———— à <i>Venetis oppugnata</i> capitur.	136B
Faventia præfecti <i>insolentia.</i>	64C
Faventini in <i>fidem Venetorum</i> suscepti.	51C
Federici <i>Imperatoris obitus.</i>	32A
Federico <i>Imperatori legati Venetorum obviam</i> eunt.	14D
Federicus <i>Imperator in Italiam</i> proficiscitur.	14C
———— <i>invisit lacum Benacum.</i>	14D
———— <i>per legatos gratias agit Venetis pro honoribus exhibitis.</i>	14F
———— <i>inimicos Ferdinandi sibi amicos</i> reddidit.	57C
———— <i>Rex Neapolis appellatur.</i>	57C
———— <i>Rex Neapolis equites 500 auxilio Ludovico Mediolanum</i> mittere constituit.	66E
———— <i>rex Neapolitanus regno</i> pellitur.	121F
Feltria <i>incendio</i> vastatur.	195F
———— <i>plane diruitur.</i>	229A
Feltrini <i>castellum incustoditum</i> relinquunt.	180A
Ferdinandi <i>senioris Regis Neapolitani obitus.</i>	24E
———— <i>Regis in Calabriam</i> adventus.	45A
———— <i>Neapolitani Regis obitus.</i>	57C
———— <i>in Italiam</i> adventus.	143E
———— <i>Regis legatus pacem cum Maximiliano</i> suadet.	271F
Ferdinandus <i>Rex Neapolis insulam Cyprum</i> occupare querit.	11B
———— <i>per Ritium Marinum &amp; Tristannum Cibeletum clam nuptias inter filiam &amp; Catharinam Cypriæ Reginam</i> procurat.	11D
———— <i>Rex pessimus.</i>	23B
———— <i>Alphonfi filius, magnæ spei</i> adolescens.	27A
———— <i>impar Carolo Romam</i> redit.	28D
———— <i>Rex Neapolis creatus.</i>	29D
———— <i>captivos atque damnatos</i> dimisit.	ibid.
———— <i>Rex Neapolitanus Capuam</i> fugit.	30C
———— <i>Megaram se</i> contulit.	30D
———— <i>cum suppellectile Anariam</i> trajicit.	30F
———— <i>à Gallis</i> victus.	45B
———— <i>Gallis ejectis, Neapolim</i> redit, & recipitur.	46A
———— <i>frustra Neapolim</i> occupare conatur.	46A
———— <i>Gallis expulsi, exercitum</i> dimisit.	56F
Ferrariæ <i>magistratus Prodominus</i> appellabatur.	15C
Ferrarienses <i>Venetis</i> insulant.	174D
Fidelitas <i>Patavinorum in republ. Venetorum.</i>	174B
Figariolum à <i>Venetis</i> expugnatur.	241D
Filci <i>debitores custodiæ</i> mandantur.	265B
Flaminia oppida <i>se se</i> dedunt <i>Venetis.</i>	134B
Florentiam <i>Mediceorum reditus</i> instituitur & consequitur.	282F
Florentini <i>legatos ad Carolum</i> mittunt.	27F
———— <i>proscriptos</i> revocant.	28C
———— <i>eodem Pontem sacci, sicuti captus erat, recuperant.</i>	60A
———— <i>discessu Maximiliani elati,</i>	64B
———— <i>complura castella</i> recuperarunt.	64C
———— <i>edictum de interficiendis hostium militibus</i> rescindunt.	73E
———— <i>ex improvise à Venetis</i> ceduntur.	74B
———— <i>Venetos apud Lunam &amp; Cassinam</i> profligant.	75E
———— <i>Magistris tormentorum dextras</i> absciunt, & collo appendunt.	76D
———— <i>Butrium oppidum</i> capiunt.	76D
———— <i>à Liviano</i> caesi.	80B
———— <i>quales in Venetos.</i>	135B
Florentinorum <i>legatio ad Senatum Venetum.</i>	26F
———— <i>apparatus bellicus contra Carolum.</i>	34A
———— <i>in Pisanos</i> impetus.	53A
———— <i>legati duo Maximilianum</i> accedunt.	62E
———— <i>&amp; Venetorum navalis pugna.</i>	66D
———— <i>edictum de interficiendis Græcis equitibus.</i>	73D
———— <i>artes.</i>	135D
Flu-	



# I N D E X.

Flumen oppidum à Venetis occupatur.	152 D
— oppidum Venetis opportunissimum.	152 A
Flumina aurifera.	119 E
Fœderis Cameracensis lex.	157 C
— socius fit Britannie rex.	266 C
— recitandi solennitas, & divitiarum ostentatio.	267 E
Fœdus inter Pontificem, Venetos, Hispanos & Maximilianum contra Regem Carolum factum.	32 D
Fœderis hujus conditiones.	161 E
Fœdus Venetorum cum Ferdinando Arragonio.	51 D
— istius capita.	51 E
— Cameracense.	157 B
— Venetorum cum quatuor pagis Helvetiorum.	161 E
— inter Pontificem Ferdinandum & Venetos, ejusque conditiones.	266 B
— cum Rege Britannie celebratum.	279 E
— cum Ægyptiorum rege Veneti renovant.	283 E
— inter Julium & Maximilianum.	284 F
Forojulienium legati ad Venetos.	179 C
Foroliviana arx Pontifici comparata.	140 A
Forolivienium arx capta.	98 F
Fortiter in bello se gerentium vel adhuc viventium vel mortuorum ratio habenda.	40 E
Fortunatarum insularum descriptio.	69 C
Fortunæ magna vis.	210 A
Forum Cornelii & Livii oppida in Flaminia.	10 E
— Cornelii & Forum Livii à Cesare Borgia capiuntur.	98 E
Fracastoriani libri de morbo Gallico.	59 A
Francisci Venetorum imperatoris justificatio.	70 A
— levitas & inconstantia.	78 F
— Brixiani proditio detecta.	164 D
Franciscus Capellus Arimini imperium obtinet.	99 A
— Ciconia Ætolie & Achajæ præfectus.	91 D
— Foscarius ad Ludovicum legatus Venetus.	62 A
— Gonzaga Mantuæ Princeps.	14 B
— in reipublicæ militiam conscribitur.	ibid.
— Imperator exercitus dictus.	35 A
— Mantuanus in gratiam senatus redit.	78 A
— Mantuanorum dux à Venetis capitur.	196 C
— Princeps.	223 C
— dux à Venetis dimittitur.	230 C
— dux fit imperator exercitus Venetorum.	237 C
— Maria à Guido Ubaldo adoptatur.	139 B
— Priolus classis præfectus.	11 A
— Coreyram, deinde Methonem postremo Cyprium tendit.	11 A
— Sicetus Præfectus vulneratus occubuit.	59 E
— Venetorum imperator suspectus.	70 A
Francum castellum Regi Gallie se tradit.	183 E
— castellum captum.	263 B
Fretum Magellanicum.	121 B
Friapanis & Ciuvani duellum.	270 A
Frigus sentitur ingens Venetis.	16 B
Fruimenti comportatio.	175 B
Fuga militum Regiorum.	39 B

## G.

Gabriel Bonus & Franciscus Falerius in vincula con- jecti.	19 E
— Senator Venetus.	19 B
Gabrieli Bolduo Sacerdotium attribuitur.	69 C
Galeatus Ludovici gener noctu Alexandria Mediolanum aufugit.	87 E
Galeotus Manfredus Princeps Faventie à Sicariis ab uxore admissis in lectulo confoditur.	10 F
Galli capiunt fugam.	38 C
— ad Genuam caesi.	40 A
— sacrilegium commiserunt.	40 B
— Intimilium amittunt.	40 C
— in Cajetanos magnam stragem fecerant.	45 C
— naufragio pereunt.	57 E
— è ditone Venetorum edicto evocantur.	160 E
— turpiter fugati.	162 E
— à Venetis sunt caesi.	228 C
— castella quedam occupant, & Pontificiis incutunt incutunt.	243 A
— ad Setiam caesi.	245 F
— cum Pontificiis apud Ravennam pugnant.	278 C
— quatuor vivi sepulti.	279 F
— prædones interfecti.	282 B
Gallie rex reipublicæ Venetorum auxilia sollicitat.	146 A
— regis postulata de fœdere cum Hispano.	151 C
— Rex Venetis bellum indicit.	162 B
— regis Mediolanum adventus, & cum exercitu valido progressus.	167 A
Gallica navis frumento onerata à Venetis capitur.	63 E
Gallici regni inundationes.	23 D

— morbi origo.	58 F
— morbi qualitates.	58 F
Gallis spes pacis præcinditur.	36 B
— de bello inferendo senatus consultum Venetum.	47 B
— Pontifex igni & aqua interdicat.	243 E
Gallorum in Italiam adventus prodigia.	23 E
— acies instructa.	37 A
— internecio.	39 A
— natura in rebus bellicis.	41 C
— in Insuliam irruptio.	87 A
— in reipublicæ fines irruptio, & Venetorum occur- sio.	222 B
— immanitas in eos, qui se in fodinas lapidum re- ceperant.	225 E
— clades.	240 B
— & Germanorum in Carnis populationes & pro- gressus.	261 B
— rapina.	264 B
— ad majus littus usque occurrence.	265 E
— clades ab exercitu Regis Hispaniæ facta.	283 E
Gallos Italiam expellere, Helvetii cogitant.	270 E
Gallus qui ob virtutem bellator magnus vocatur à Vene- tis capitur.	74 B
Gaudentius Amasianus Dux belli.	3 A
Gemmarum & margaritarum insula.	119 D
Genua à Jane Fregesio capta.	281 D
Genuæ expugnatio.	144 E
Genuenses in societatem à Venetis alliciuntur.	39 F
— signa capta Ludovico dono miserunt.	40 C
— legatos Venetias miserunt.	40 D
Genuensium fœdus cum Florentinis.	76 B
Georgiani sacerdotes Venetiis Ferrariam migrant.	176 B
Georgii Sonnenbergii Germani monomachia cum Anto- nio Maria Severinate Italo.	4 E & F
Georgius Sonnenbergius Germanus, juvenis acer & fortis.	4 E
— Germanus duelli victor.	5 D
— Emus Ariminensium fines & oppidum tuetur.	26 F
Germanæ civitates libera pacem inter Venetos & Maxi- milianum procurant.	211 C
Germani, quinam dicti.	3 B
— tormentis abundant.	3 D
— stipendiis non solutis seditionem movent.	5 F
— inducias à Venetis petunt.	5 F
— gens bellicosissima.	6 B
— equites caesi.	230 A
— exercitus clades ad Cadoras.	148 C
— fortis natio.	153 E
— à Venetis fugati.	228 C
— Covoli arcem occupant.	264 A
Germania reipublicæ Venetorum perquam utilis & com- moda.	149 D
Germanis mercatoribus agendi facultas libera concessa.	161 A
— liber aditus conceditur à republica.	210 D
Germanorum irruptio & clades.	4 C
— discessus.	5 F
— cum Venetis pugna.	8 E
— Venetiis domus conflagrata restauratur.	141 D
— in Rhetos & Carnos irruptio.	147 A
— captivorum fuga.	217 F
— nova domus exstructa.	225 B
— Venetorum & Gallorum variæ excursionis ac prelia.	227 B
— ex Alpibus populationes.	263 B
— progressus.	263 D
— in Brixianos captos sævitia.	276 C
Gesta in Carnis & Rhetis.	154 A
Giemes Sultanus Romæ custoditur.	20 B
— à fratre Rege Bajazete regno pellitur.	20 C
— à Rhodiis ne bellum in se converterent ad Regem Gallie mittitur.	20 C
— Rhodum confugerat.	20 C
— Sultanus moritur.	30 C
Goritiani victi.	150 E
Gradenicus se confert ad amissa in Carnis recuperanda.	268 E
Gradiscas Germani capiunt.	264 C
Gradiscæ frustra obsesse.	271 C
Græci equites ob stipendia non soluta ad hostes transseunt.	64 C
Grando solito major, & agrorum calamitas.	252 D
Gripi naviculæ.	72 B
Gritti cum exercitu progressus.	224 D
Grittus imperatoris officium suscipere recusat.	223 F
Guidi Ubaldi fuga.	128 F
Guidus Maria Rubeus fortiter dimicat.	9 A
— hostes victores cedit.	8 B
— Maria Rubeus Venetiis moritur.	15 D
Gui-	



# I N D E X.

Guidus Ubaldus <i>Metaurensium princeps.</i>	27 A
———— <i>Metaurensium Dux auxilio Regi mitti-</i>	55 C
———— <i>tur.</i>	75 F
———— <i>Copiarum Venetorum praefectus.</i>	130 D
———— <i>Venetias secedens Ursinorum auxilium</i>	131 D
———— <i>regno restituitur.</i>	133 D
———— <i>iterum regno pellitur.</i>	106 F
———— <i>in regnum redit.</i>	
Gurlinus vir egregia virtute mortuus.	

## H.

Hannibali Angusciole arcem Sonzinatum legatis tra-	89 A
———— <i>denti civitas datur.</i>	163 F
Hannibalis Bentivoli institutum.	216 B
Hatrianis naves, quibus se tuerentur, senatus concecit.	60 E
Helvetii ob non solum stipendium abeunt.	249 F
———— <i>militibus conducti.</i>	270 E
———— <i>cogitant Gallos Italiam expellere, &amp; auxilia Ve-</i>	279 A
———— <i>netorum petunt.</i>	282 B
———— <i>Veneto exercitus se jungunt eorumque res gesta.</i>	277 C
———— <i>Romanae reipublicae defensores.</i>	278 A
Helvetiorum duodecim legati.	236 A
———— <i>tractatio.</i>	271 C
———— <i>in Galliae fines irruptio.</i>	62 C
———— <i>in fines Mediolanensium irruptio.</i>	16 E
Henricus Britanniae confederatos inter recipitur.	17 B
Hermolaus Patriarcha Aquilejensium eligitur.	20 D
———— <i>mortem obiit.</i>	86 A
Hercules Atestinus Princeps Ferrariensium federi Ale-	209 E
———— <i>xandri, Venetorum &amp; Johannis Galeatii se adjunxit.</i>	85 D
———— <i>sefellit Venetos.</i>	200 D
———— <i>Cantelmus ab amica praemonitus perit.</i>	227 D
Herculis in rebus componendis cum Florentinis conatus.	3 C
Hieronimi Saorniani res pro republi. fideliter gesta.	10 E
———— <i>Georgii studium in rempublic.</i>	4 D
Hieronimus Marcellus Venetorum belli dux.	264 F
———— <i>Rhearius occisus a suis civibus.</i>	32 C
———— <i>Saornianus magis amans vitam pacatam quam mili-</i>	252 C
———— <i>tari.</i>	131 A
———— <i>Saornianus senator.</i>	160 B
Hispani fedus inire cupiunt cum Venetis contra Carolum.	230 A
———— <i>ultra sese Venetis offerunt.</i>	243 D
Hispaniae regum legatio.	254 F
———— <i>regis fraus &amp; dolus.</i>	117 E
———— <i>Rex equum album tribui nomine ad Pontificem</i>	117 E
———— <i>mittit.</i>	31 B
———— <i>Rex Pontifici auxilia mittit.</i>	31 C
———— <i>Rex Cardinales de mendacio arguit.</i>	217 E
Hispaniola Insula à Columbo primo inventa fuit dicta.	250 A
Hispanioli penates suos appellant Zemes.	84 C
Hispaniolorum mores.	118 E
Hispanorum classis in Siciliae defensionem mittitur.	156 C
———— <i>legatio ad Venetos.</i>	51 D
———— <i>stratagemata in Veronenses.</i>	
Homicida punitus.	
Homines natura proclinati ad ea propaganda quae possi-	
———— <i>dent.</i>	
———— <i>Hispanis proceriores.</i>	
———— <i>novi in Britannico Oceano capti.</i>	
Horologium Venetiis in foro extructum.	

## I.

Jacobo Tarfia pecunia, ad conscribendos milites, submi-	60 D
———— <i>nistratur.</i>	164 C
Jacobus Collaltus ab exilio restitutus.	73 F
———— <i>Savornianus ad praedandum exit.</i>	225 E
Immanitas Gallorum in eos, qui se in concamerationem	193 A
———— <i>reperant.</i>	219 D
Inimunitas rusticorum ob fidelitatem.	213 A
Immunitates afflictis concessa.	282 A
Incestus punitus.	42 B
———— <i>poena in cive exercita.</i>	69 A
Inducia inter Carolum & foederatos facta.	153 C
———— <i>Caroli cum Hispanis.</i>	153 D
———— <i>Venetorum cum Maximiliano tractantur.</i>	277 F
———— <i>triennales.</i>	70 B
———— <i>inter Maximilianum &amp; Venetos.</i>	10 D
Induciarum Aquitanicarum finis.	245 D
Infans biceps Patavii natus est.	9 E
Infans biceps in urbe natus.	16 C
Innocentii Pontificis legatus de pace concilianda missus	20 A
———— <i>ad Sigismundum.</i>	73 A
———— <i>Pontificis sententia de bello Rhetico lata.</i>	54 B
———— <i>Pontificis obitus.</i>	
Insidia Ludovici in Lucenses.	
Insidias Gallis Contarenius struit.	

Joannes Aloisius Fliscus homo res novas moliens.	65 A
———— <i>Beltramius mercator Hispanus à patribus reci-</i>	233 D
———— <i>pitur.</i>	10 D
———— <i>Bentivolus Bononiensis civitate ac jure comitio-</i>	144 A
———— <i>rum à Venetis donatur.</i>	15 C
———— <i>Bononia pellitur.</i>	15 C
———— <i>Cernoichius Georgio filio suo Antonii Erici se-</i>	72 D
———— <i>natoris filiam in matrimonium petit.</i>	25 C
Joannes Cernoichius Illyricum obtinet.	228 E
———— <i>Corvinus civitatem &amp; jus comitiorum Venetiis</i>	27 D
———— <i>consequitur.</i>	27 A
———— <i>Crispus apud Naxios moritur.</i>	ibid.
Joannes Diedus stipendium rejicit & gratis Reipubl.	31 E
———— <i>operam dat.</i>	28 E
———— <i>Galeatius profluvio ventris, aut veneni haustu</i>	28 E
———— <i>perit.</i>	132 F
———— <i>Jacobus Triultius Mediolanensis.</i>	286 D
———— <i>Gratia inter suos valens.</i>	
———— <i>Jacobus Triultius Mediolanus exul.</i>	
———— <i>Juliani frater, Bajazetis legatum pecunia spoliatur.</i>	
———— <i>Lascaris legatus Aloisii.</i>	
———— <i>Medices Pontifex maximus creatur, Leo X di-</i>	
———— <i>ctus.</i>	
———— <i>Michael Venetus, Cardinalis à Papa Alexan-</i>	
———— <i>dro veneno tollitur.</i>	
Johannis Galeatii educatio prava.	
———— <i>Georgii blasphemiae poena.</i>	
———— <i>Sfortiae Pisauri Principis obitus.</i>	
Irruptio Helvetiorum in Gallici Regni fines.	
Isabellae Hispaniae reginae obitus.	
Itali Germanos gloria bellica antecellunt.	
Judæorum domus spoliatur.	
Judicium quadraginta virale à Luca Pisano institutum.	
Juliani duces victoriae segnitie pereunt.	
Julianus Caroli copiarum praefectus.	
Julii legatus ad rempubl. Venetorum.	
———— <i>Pontificis in Venetos consilia.</i>	
———— <i>Pontificis levitas.</i>	
———— <i>Pontificis conatus.</i>	
———— <i>Pontificis providentia.</i>	
———— <i>Pontificis callidum consilium.</i>	
———— <i>Pontificis exercitus incursiones.</i>	
———— <i>Pontificis insignis perfidia.</i>	
———— <i>Pontificis in Venetos animus anceps.</i>	
———— <i>Pontificis postulatio.</i>	
———— <i>Pontificis in Venetos severitas &amp; conditiones ini-</i>	
———— <i>que oblate.</i>	
———— <i>Pontificis simulatio.</i>	
———— <i>Pontificis placandi ratio à senatu excogitata.</i>	
———— <i>Pontificis consiliorum ambiguitas.</i>	
———— <i>Pontificis postulata.</i>	
———— <i>Pontificis superbum &amp; impatiens ingenium.</i>	
———— <i>Pontificis legatus ad Maximilianum missus.</i>	
———— <i>Pontificis cum Alphonso belli initium.</i>	
———— <i>in Genuenses conatus irriti.</i>	
———— <i>Pontificis in Alphonsum Edictum.</i>	
———— <i>Pontificis in Regem Gallorum maledicta.</i>	
———— <i>minas cur Rex veritus sit.</i>	
———— <i>machinamenta in Genuenses.</i>	
———— <i>Pontificis vexillum.</i>	
———— <i>&amp; reipublicae exercitus conjunguntur.</i>	
———— <i>Pontificis animus de Ferraria aggredienda.</i>	
———— <i>duces suspecti.</i>	
———— <i>Pontificis in Bononienses Edictum.</i>	
———— <i>Pontificis consilium de bello Regi Galliae infe-</i>	
———— <i>rendo.</i>	
———— <i>agritudo, ob quam Pisaurum Francisco Marie</i>	
———— <i>tradit.</i>	
———— <i>Pontificis ingenium.</i>	
———— <i>Pontificis in Ferraria capienda conatus irriti.</i>	
———— <i>Pontificis in Venetos animus ingratus.</i>	
———— <i>Pontificis varium ingenium.</i>	
Julius Cæsar copiarum Venetorum imperator.	
Julius Camers ob rem segniter gestam dimissus.	
Julius II. eligitur pontifex.	
Julius Pontifex favet reipublicae Venetorum.	
Julius Pontifex milites conscribit	
———— <i>Pontifex Venetis aqua &amp; igni interdicat.</i>	
———— <i>Pontifex interdictum Venetorum abrogat.</i>	
———— <i>Pontifex ad bellum proficiscitur.</i>	
———— <i>Pontifex bellum administrat.</i>	
———— <i>Pisani concilii auctores Cardinalatu spoliatur.</i>	
———— <i>pacem cum Maximiliano urget.</i>	
———— <i>Pontifex pacem cum Rege Gallo faciendam simu-</i>	
———— <i>lat.</i>	
———— <i>Pontifex Galliae Regi aqua &amp; igni interdicat</i>	
———— <i>maerore distractus febre correptus obit.</i>	
Jus Pontificum in regnum Neapolitanum.	
Justinianus Maurocenus militum Praefectus Venetus.	
Justinopolitanis postulata sunt concessa.	



# I N D E X.

## L.

Lateranense concilium convocatur.	285 D
Lateranensis concilii initium.	279 E
Lauredani responsio ad orationem Minii.	124 F
ad legatos Maximiliani responsio.	140 A
Principis Veneti responsio ad legatum Maximilianum.	147 E
ducis responsum Gallorum praconi datum.	162 C
oratio.	186 A
Laurentii Lauredani consilium.	184 F
Laurentii Medicis obitus.	20 A
Laurentius Medices etiam post mortem amicis carus.	77 D
Laurentius Ursinus reipubl. suum offert officium, cui arma dantur ex armamentario.	227 F
Lecum municipium in lava Abduae fluminis.	84 D
Legati à Venetis ad Regem Aloisium de novo regno gratulari sunt missi.	88 F
Venetorum Romam missi ad gratulandum Julio.	135 C
Venetorum ad Philippum regem Hispaniae.	141 C
Maximiliani oratio.	147 E
Utrique dimituntur.	159 C
lecti ad Reipubl. defensionem.	173 A
Forojulienis ad Venetos.	179 C
ad Maximilianum ob pacem conficiendam missi, re infecta redeunt.	219 B
Helvetiorum duodecim.	277 C
Legatio Venetorum ad Pontificem.	178 D
Legatus Venetorum ad Bajazetem.	132 E
Maximiliani ad Venetos.	147 E
Maximiliani ad Venetos.	150 D
Maximiliani à republica Venetorum pacem petit.	155 C
Venetorum ad Maximilianum.	172 C
regis Pannoniae pensionem postulat.	215 D
Maximiliani ad Pontificem.	249 D
Leges sumptuariae Venetiis restitutae ob luxum domesticum.	10 B
ad pecuniam colligendam latae.	219 E
Lemniacum à Gallis captum.	226 C
Maximiliano traditum.	281 E
Leonardus Apulus ab hostibus interemptus.	249 A
Leonardus Lauredanus Princeps Venetiis declaratur.	121 E
Leonora Regis Neapolitani filia cum aliis feminis naves conscendunt, Venetiasque se conferunt.	20 D
Leonora cymba victoriam deportavit.	20 F
Leucadia à Venetis capta.	130 B
Lex de suffragiis lata.	13 F
de Graecis equitibus.	14 A
pro infantibus vulgo quaesitis lata.	14 F
de portoriis conservandis datur.	15 A
in fures domesticos lata.	16 B
Veneta de veste Senatoria non facile mutanda.	16 E
de stipe ex arario civibus quadragenariis danda, abrogatur.	19 C
de Pisaniis defendendis.	52 F
de bonae fidei possessoribus.	53 E
quibus incendium naufragiumve passis succurritur.	64 A
Turcarum de federe peregrinis literis firmato, non servando.	83 B
de pecunia subsidiaria civitatum reipublice Venetae.	92 C
de Fiscis debitoribus.	96 E
Bolani in Zancanum lata.	97 E
de praemiis eorum, qui pro Republica oppetierunt.	109 A
de Naupliorum immunitate.	109 C
de agrorum censu.	110 C
de stipendiis magistratuum dimidiis accipiendis confirmata.	127 E
in sacerdotia ecentes.	132 B
de Principum legatorum intercessione.	144 C
in eos, qui largitione magistratus quererent, lata.	155 A
Federis Cameracensis.	157 C
de Patavio recipiendo.	189 F
de aedificiis & arboribus circa Patavium removendis.	203 E
de exulibus reducendis.	218 C
que sacerdotum propinquos in Pontificiis causis senatu excluderat, antiquata.	220 E
de Salis procuratoribus.	232 C
de Magistratibus rempublicam in senatu procurantibus.	236 E
de ambitu Venetiis lata.	241 A
de fructibus ex domorum locationibus.	268 B
de Senatoribus fisci debitoribus.	257 C
de bonis civium fisco debentium.	263 F

alia de Fiscis debitoribus.	265 A
de novo navalium magistratu creando.	268 C
de frumenti advectione.	269 A
de legato ad Alexandrinorum regem mittendo.	269 E
de conscribendis militibus.	282 C
Liberalitatis & virtutis in patriam remuneratio.	233 C
Librafactae castellum Pisani recuperant.	61 C
Ligures quomodo sint affecti erga Venetos.	49 D & E
Liguribus civitas & securitas data.	144 D
Literae Ludovici ad Alexandrum Pontif.	58 D
Ludovici ad Venetos.	87 A
Maximiliani ad Pisanos.	62 C
sagittis alligatae.	203 A
Pontificis minaces.	137 D
Pontificis per Regem Galliae senatui offeruntur.	143 C
Julii Pontificis.	280 B
Liviani Ducis merita remunerata.	148 F
alacritas in hoste aggrediendo.	165 D
Livianus multa castella & municipia stratagemate capit.	80 B
temeritatis poenas solvit.	170 D
Lucæ Pisani consilium de Germanis laceffendis.	6 B
Luceriam Ferdinandus capit.	50 E
Lucii copiarum praefecti ob dimissionem querela & obitus.	257 D
Lucius Bononiensis exercitus Imperator declaratur.	232 A
Malvetius Bononiensis Ludovici legatus.	59 F
copiarum praefectus accusatur.	254 B
praefectus dimissionem, petitionemque praecipuat.	254 E
Lucretiae Borgiae Alexandri Pontif. filiae nuptiae.	128 B
Ludovici pollicita Carolo proposita.	24 C
duces faminis timidiore.	43 C
legati responsum ludicrum.	59 F
consilium Venetis datum de componenda controversia Pisavorum cum Florentinis.	71 A
literae ad patres Venetos, ejusque consilia.	75 A
Regis Mediolani fiducia.	85 B
Mediolanensis legati ad Venetos.	86 F
Sfortiae in Lucenses insidia.	73 A
reditus.	99 B
Ludovicus se Regem salutari voluit.	27 D
qua de causa à Carolo alienatus.	31 F
Sfortia Rex Mediolani appellatus.	53 E
in custodia vitam reliquit.	59 C
flagrat cupiditate Pisas accipiendi.	72 F
Lucam oppidum suam in potestatem redegit.	72 F
noluit permutare, ut Veneti per fines suos iter facerent.	73 C
mutat consilium de itinere faciendo à copiis Venetiis.	73 D
seditionem timens liberos ac propinquos Communit.	88 A
iterum Mediolanum intrat.	99 D
& Ascanius fratres capiuntur.	100 B
in Gallia in custodia moritur.	100 C
Rex Galliae Venetos in belli societatem sollicitat.	84 A
Luxemburgius ambit civitatem & jus comitiorum Venetorum.	89 A
Lugiana arx expugnata.	235 A
Lusitana classis cum operis puppibus vario colore.	122 B
Lusitani Aegyptium Regem vincunt.	120 E
Lusitaniae & Hispaniae regum de novarum insularum dominio controversia.	118 B

## M.

Magistratus Collateralis perpetuus.	204 C
Maice nomen frumenti.	117 A
Majoribus cedendum.	62 E
Manfredus Facinus perjurus suspenditur.	197 F
Maratae arcis oppugnatio.	77 F
Marcelli de oppugnando Tridentino rationes.	6 E
Marcus Antonius commentator.	2 A
Barbus vir doctrina & probitate insignis mortem obiit.	16 D
Marinus Georgius Venetus à Gallis carcere liberatur.	248 A
Matthaeus Sedunorum Episcopus Venetias à Pontif. mittitur.	255 C
Gurcensium Episcopus.	270 B
Maximiliani in Italiam adventus.	62 B
navigatio.	62 F
legati ad Venetos.	139 C
copiae Patavium oppugnandum aggrediuntur.	197 B
à Patavio oppugnatione discessus.	203 B
discessus.	205 A
legatus Matthaeus Lancus ad Julium Pontif.	249 D
Maximiliano potenti itineris cum exercitu facultas denegatur.	145 D
auxiliares copiae accedunt.	108 E



# I N D E X.

Maximilianus in auxilium vocatur.	61 F
—— Pisas appulit.	63 A
—— in Germaniam rediit.	64 A
—— cur in Italiam iter suscepit.	145 B
—— Tridentum redit.	193 A
—— petit obsides à republica Veneta.	270 C
Medelaci castellum captum.	165 A
Medicorum Florentiam reditus instituitur & consequitur.	282 F
—— cum Venetis conjunctio.	284 D
Mediolani tumultus.	87 F
Mediolanum Gallis traditur.	88 C
Medoacus fluuius.	23 E
Megara à Venetis capitur & deletur.	112 F
Mellicum oppidum.	119 F
Metaurensum ducis regnum à Cæsare Borgia insidiis occupatur.	128 E
Metho oppugnatur à Turcis.	102 D
Methonem classarii recuperare parant.	105 F
Milites ob Citoli Lactantique interitum secessionem faciunt.	240 D
Minas Julii cur Rex veritus sit.	234 A
Mirandula à Julio Pontifice obsessa capitur.	246 D
Mirandulæ & Rhegii jus Imperatoris Romani.	246 F
Mitylene à Gallica & Veneta classe oppugnata.	122 E
Mogambice regio ab Lusitanis occupata.	120 B
Molini ad patres oratio.	186 F
Molis farinarii urbs instruitur.	177 E
Moluccæ insule inventæ.	122 B
Monopolitanorum oppidum obsidetur.	47 B
—— oppidum militibus diripiendum proponitur.	47 D
—— expugnatur. 47 E — Civibus post expugnationem decem annos tributorum levatio conceditur.	47 F
—— oppidum Carolus à Venetis postulat.	52 D
Monfalice municipium à Maximiliani militibus occupatur.	198 A
—— ad deditionem tentatur.	225 C
—— à Gallis oppugnatur.	230 F
—— ab hostibus capitur.	231 C
—— hostium discessus.	233 A
Montanianum municipium hostes sefellit.	198 C
Montanium à Venetis receptum.	208 C
—— à Gallis captum.	225 A
Montis Alti municipium expugnatum.	66 A
Montopolis castellum captum & direptum.	81 B
Morbi Gallici origo.	58 F
Mores Gentium variarum in insulis inventis.	118 D
—— varii hominum orbis novi regionem incolentium.	119 B
Mos nauticus in demittendis navibus.	71 C
Mugiani obsidentur, sed fortiter se defendunt.	266 E
Mulieres Paulam oppidum direptione liberarunt.	55 F
Mutatio rerum post Pontificis obitum.	133 B
Mutina certis conditionibus se tradit.	235 A

## N.

Navis Veneta ad res sacras destinata in Turcas incidit.	71 B
—— Venetorum cum Turcis pugna.	71 C
Naupactum à Turcis occupatur.	96 B
Naupliarum equitum pugna cum Turcis.	54 A
Naupliæ portus munitio.	102 A
Naxii Nicolaum Capellum adveniunt, auxilium petunt.	25 D
—— reipublice se dedunt.	ibid.
—— statuunt Reges ulterius non perpeti.	25 D
Neapoli edictum propositum.	166 A
Neapolitanorum in Gallos odium ejusque causa.	45 C
Neapolitanum regnum inter Regem Gallie & Hispanie fuit divisum.	122 A
Niceteria iis qui fortiter pugnarunt à republica Veneta data.	40 F
Nicolai Ursini febricula & obitus.	216 C
Nicolao Ursino imperium prorogatur.	138 E
Nicolaus Capellus Naxium in fidem recipit. 25 D — Magistratum ibi statuit.	ibid.
—— Francus, Episcopus Taurianorum. 9 F — Internuntius Pontificis.	9 F
—— Fuscarenus legatus ad bellum Gallicum.	65 E
—— Priolus hostem sefellit.	4 A
—— Priolus Cremonam missus.	99 D
—— Ursinus bello & artibus clarus.	278
—— Ursinus suadet Venetos Gallos persequi.	38 F
—— Ursinus vulneratur.	42 A
—— Ursinus reipubl. copiarum præfectus.	65 D
Norimbergenses à Venetis legum exemplar petunt.	143 A
Novaria proditione capitur.	34 D
—— à federatis obsidione cingitur.	41 D
—— Ludovico restituitur.	44 C
Novariam Ludovicus aggreditur.	99 E
—— Ludovicus recipit.	99 F
Novarum terrarum narratio.	115 A
Novium licet munitissimum se dedit.	87 B

Nummos ratio conficiendi.	222 E
Nuptiarum celebritates non sunt interdictæ.	10 C

## O.

Obsides Maximilianus petit à republica Veneta.	270 C
Oblidio Veronensis solvitur.	239 A
Ollus flumen in Brixianorum finibus.	24 C
Omen bonum Venetiis apparet.	270 F
Opinio veterum de novo orbe.	116 C
Oppida quedam ad rempublicam Venetam redeunt.	208 E
Oratio Antonii Minii de Stipendiis Magistratum dividendis.	123 D
—— Barbadici principis ad legatos.	74 F
—— Beatini legati Venetorum ad Genuenses.	76 C
—— Contareni de aperienda via.	43 C
—— Cornelii Reginae Cypriæ fratris.	12 A
—— Ferdinandi ad legatos Venetos.	46 C
—— Lauredani in Antonium Minium.	125 F
—— Lauredani ad patres.	186 A
—— Lauredani ducis de populi in benemeritos grato animo.	259 B
—— legati Maximiliani.	147 E
—— legatorum Hispanorum ad Venetos.	31 C
—— legatorum Maximiliani Imperatoris ad Venetos.	32 A
—— Marcelli ad collegas.	6 E
—— Marci Bolani Senatoris Venetorum.	49 A
—— Molini ad patres.	186 F
—— Pauli Barbi in senatu.	171 C
—— Peronis legati Caroli Reges Gallie.	21 A
—— scribarum magistri in senatu de ærarii angustiis, ejusque medela.	253 D
Orbis divisus in duas partes ab Alexandro.	118 C
Osiopus mons.	264 D
Ostentatio divitiarum.	267 E

## P.

Pacem Julius cum Maximiliano urget.	277 C
Pacis inter Ludovicum Sfortiam & Carolum Regem Gallie conditiones.	42 C
—— tractatio inter Venetos & Thraciæ ducem.	130 C
—— inter Venetos & Maximilianum tractatio.	265 F
—— cum Maximiliano Venetis incunda graves conditiones, varique negotia.	274 A & B
Padi fluminis ripas igne & ferro populatur classis.	209 A
—— inundatio.	211 E
Padus fluuius.	23 E
Pannoniæ regis legatus pensionem postulat.	215 D
—— Regis cum Turca bellum.	122 D
—— rex Venetis bellum indicit, nec tamen infert.	232 E
Paris Episcopus Auximi. 9 E — Legatus Pontificis.	9 E
Passerculi cum columbis nidificant ab accipitre semper se auferunt.	49 D
Patavina arx expugnata.	191 A
Patavinæ reipublice status.	185 C
Patavini se dedunt Maximiliano.	178 A
—— hostium præda potiuntur.	203 C
—— quidam de proditione suspecti.	230 D
Patavinorum civium contumacium bona dividuntur.	251 A
—— in fines hostium reverso.	267 F
—— in rempubl. Venetorum fidelitas.	174 B
Patavium à Venetis stratagemate recuperatur.	190 A
—— oppugnandum copie Maximiliani aggrediuntur.	197 B
—— à Maximiliano machinis oppugnatur.	201 C
—— quomodo muniendum sit.	224 C
—— munitum.	228 B
Paula oppidum deditionem facit.	55 F
Pauli Barbi oratio in senatu.	171 C
—— Contareni in servanda Nauplia astutia.	104 D
Paulo Vitellio à Florentinis imperium totius belli deferitur.	74 C
Paulus Vitellius copiarum Pisanarum præfectus ad Florentinos se contulit.	53 B
Pax inter regem Gallie & Maximilianum.	121 C
—— cum Turca firmata.	136 C
—— cum Alexandrino rege confirmata.	145 B
—— qualis inter Venetos & Maximilianum esse possit.	155 E
Pecunia est nervus bellorum.	125 D
Pecuniæ sacræ summa.	111 E
Pecuniam à ditioribus mutuam colligit respublica.	258 B
Perfidia in caput auctoris redundat.	59 E
Periculum in mora.	95 E
Permutatio Venetorum captivorum cum Gallis.	180 E
Pestilentia in urbe sævit.	15 B
Petra castellum.	8 A
Petra plana castellum.	8 C
Petri Barotii obitus & liberalitas insignis.	144 C
Petri Bembi interitus.	47 D
Petri	



Petri Bembi viduæ & liberis victus annuus dono datus. 48 C  
 Petri Cantabri piratæ classis incenditur. 72 D  
 Petri Medicis conditiones Venetis data. 76 A  
 Petri Vampi filiabus ob patris meritum victus annuus datus & dos constituta. 227 E  
 Petrus Antonius Battalio arcem Cremonensem fere invincibilem certis conditionibus Venetis tradit. 88 E  
 Petrus Capo interficitur. 61 B  
 Petrus Diedus Veronæ præfectus. 3 C  
 Petrus Longena ad Venetos secedit. 244 B  
 Petrus Medices uxorem ex gente Ursina duxit. 27 E  
 — Medices à parte Alphonsi stabat. 27 F  
 — Medices princeps legationis. 28 A  
 — Medices tria oppida Carolo in pignus amicitie tradit. 28 A  
 — Medices cum fratribus Florentia pelluntur. 28 B  
 Petrus Patthalicus Venetus, servili veste Lutetis Parisiorum aufugit. 41 D  
 Pharo Illyrici insula. 227 C  
 Philippi Austrii obitus. 143 F  
 Philippus Caroli legatus federis facti infans. 32 E  
 Pietas filii in patrem. 5 E  
 Pise à Paulo Vitellio oppugnantur. 76 E  
 — à Florentinis occupantur. 76 E  
 Pisana arx demolita. 53 C  
 Pisani concilium aboletur. 284 F  
 Pisani magistratum Florentia venientem expellunt. 28 C  
 — Insignia Florentinorum tollunt. 28 C  
 — Venetis deditionem ultro offerunt. 48 E  
 — cur Venetis non sint recipiendi rationes. 49 B  
 — repulsam passi. 50 C  
 — belli continuatio. 59 B  
 — amona sublevati. 60 A  
 — ob libertatem retinendam præfectum non recipiunt. 62 C  
 Pisanorum postulatio. 52 E  
 — à Venetis petitio. 60 F  
 — responsio ad literas Maximiliani. 62 C  
 Pisanorum oppugnatio à Paulo instituta. 80 D  
 Pisaurus Turcarum naves capere nititur, sed frustra & infelicitè. 110 D  
 Pisauri in Ambracium sinum navigatio. 108 C  
 Pischeria municipium. 177 A  
 Pisini oppidi oppugnatio. 152 C  
 Pisis libertas restituta. 28 B  
 — Concilium à Cardinalibus indicitur, & Pontif. ad id vocatur. 252 F  
 Pius III. Pontifex creatur & moritur. 134 A  
 Placentini & Ticinenses Trinitate sese dederunt. 87 F  
 Poena arrogantie in Magistratus. 75 D  
 — blasphemie. 23 F  
 — formidinis in præfectos promulgata. 127 F  
 — homicidii. 250 A  
 — incestus in cive exercita. 282 A  
 — in feminam in Deos maledictam statuta. 282 A  
 — proditoris patrie. 231 A  
 Poenæ exemplo ceteri absterrentur. 20 A  
 Pons sacci adortus, capitur. 6 A  
 — sacci castellum Florentinorum. 59 F  
 Pontifex Venetum se appellari gaudet. 135 E  
 Pontificis postulata. 136 F  
 Populus Venetorum contradicit senatui. 178 D  
 Portentum Venetis exoritur. 86 D  
 Portus Ambracius. 108 E  
 Postulata de federe cum Hispano regis Gallie. 151 C  
 Præfectura omnium copiarum qualis dignitas. 149 A  
 Prælium à Gallis cum Venetis committitur. 37 C  
 — cum Gallis prope Telam committitur. 56 B  
 — inter Pisanos & Florentinos. 59 E  
 Præmia civium pro patria morientium. 17 D  
 Præmium municipium tormentorum pulvere incenso diruitur. 153 A  
 Præfagium à Diis Hispaniolorum de adventu Hispanorum factum. 117 F  
 Præces pro victoria institutæ. 280 D  
 Prodigia infortunii Gallis impendentis. 36 E  
 Proditoris patrie poena. 231 A  
 Prospero Columnæ imperatoris munus offertur. 175 D  
 Providentia Julii Pontificis. 157 F  
 Pugna prodigiosa Corvorum ac Vulturum. 91 B  
 — Classis Venetæ cum Turcis. 94 C  
 — apud Ravennam inter Gallos & Pontificios. 278 C  
 Pugna in Carnis variæ. 253 B  
 Pulvis tormentarius & urbana navalia fulmine tacta. 160 A  
 Pylon à Turcis capitur. 104 A  
 Pylos à Venetis recipitur. 107 A  
 — secundo à Turcis capitur. 112 B  
 Pugna Germanorum teli genus. 3 E  
 — Venetis terribilia. 3 D

## R.

Rambertus Malatesta in fidem reipublicæ recipitur. 79 D  
 Ranutius Farnesius Romanus interit. 38 E  
 Ratio nummos conficiendi. 222 E  
 Ravenna à Gallis occupatur. 278 F  
 — recepta. 279 F  
 Rem, quæ nobis obest, à natura fugimus. 49 D  
 Remuneratio virtutis & liberalitatis in patriam. 233 C  
 — Benemeritorum. 282 C  
 — Benemeritorum. 269 B  
 — Benemeritorum. 276 F  
 Remunerations Benemeritorum. 255 B  
 Res stantes facilius continentur, quam lapsæ sublevantur. 6 F  
 — nova neque statim rejicienda, neque temere suscipienda est. 48 F  
 — quæ utilis est, non quam cupimus eligenda. 49 A  
 — gestæ in Carnis. 195 D  
 — in Carnis gestæ. 200 C  
 — in Carnis gestæ. 245 A  
 — in Carnis gestæ. 252 E  
 — gestæ in Carnis. 271 B  
 — gestæ in Liburnis Illyrico, Isthis, Carnis & Forolienisibus. 204 A  
 — ad Veronam gestæ. 217 D  
 — inter Venetos & Alphonsum terra gestæ. 240 A  
 — gestæ ad Padam flumen. 241 F  
 Responsum pium Senatus Veneti. 68 B  
 — Lauredani ducis præconi Gallorum datum. 162 C  
 — à Republ. Venetæ Julio Pontifici datum. 221 C  
 Revoluta oppidum à Gallis capta. 168 E  
 Rhodii in sui defensionem classem à Rege Gallie petunt. 95 B  
 Rhodigiani ad deditionem compelluntur. 235 A  
 — Reipubl. se adiungunt. 269 B  
 Roberti Severinatis interitus. 8 E  
 — filii Caspar atque Antonius in militiam conscripti. 10 A  
 Roberto Severinati imperium totius belli delatur. 4 A  
 Robertus Maurocenus carcere liberatus. 230 E  
 Rodulfus imperator Venetus occubuit. 38 E  
 Rosæ dominus Maximiliani equitum præfectus à Venetis capitur. 268 F  
 Rotomagensis Cardinalis obitus. 226 D  
 Rovereti urbis expugnatio. 4 E  
 Roveretum urbs prope Alpes. 3 B  
 — urbs à Germanis capitur. 3 D  
 — urbem Germani obsederunt. 3 D  
 Roxolanorum legatio pretiosa ad senatum Venetorum. 14 A

## S.

Sabellicus rerum Venetarum scriptor moritur. 143 B  
 Sacillum oppidum à Venetis recuperatum. 184 F  
 Sævitia Germanorum in Brixianos captos. 276 C  
 Sainothracia Venetis in deditionem cedit. 105 C  
 Saxorum castellum Veneti expugnant. 244 E  
 Scala in Alpibus castellum. 180 A  
 Scardona urbs Illyrici. 26 D  
 Sclopetorum usus Venetis cognitus. 15 E  
 — usum Veneti subditos docuerunt. 15 F  
 Sebastianus Baduarus Venetus, legatus ad Pontif. Innocentium. 10 B  
 Seditio plebis in Pharo insula. 227 C  
 Sedulitas Taurisanorum in perficiendis munitionibus. 263 C  
 Selymus legatum ad Venetos mittit. 281 A  
 — patri Regi Turcarum regnum eripit. 281 A  
 Senatus Veneti ordo. 19 B  
 — sententia populo opposita. 179 B  
 Senatus consultum de mittendis obsidibus. 271 A  
 — de auxiliis Julio Pontifici mittendis. 229 C  
 — de Mantuanorum principe. 240 C  
 — de Maritimis rebus. 244 D  
 Sententia senatus populo opposita. 179 B  
 Severinatis obitus. 9 E  
 Sigismundus Federici Imperatoris frater credulus. 2 B  
 — erat ei necessitudo cum senatu Veneto. 2 C  
 — fedus cum Venetis iniit. 9 F  
 — Federis istius conditiones & pacis leges. 10 A  
 Siliquæ lana plena. 118 F  
 Simulatio Julii Pontificis. 194 A  
 Simulpa animal. 119 A  
 Simultas inter Laurentium & Petrum Medicem propinquos. 27 E  
 Sollianum in finibus Metaurensum castellum. 79 C  
 Stipendia aucta Equitum gravis armatura. 258 B  
 Stratagema militis. 107 A  
 — Citoli Perusini. 201 F  
 — aliud Citoli Perusini. 202 B  
 — Hispanorum in Veronenses. 217 E  
 Strigonienfis Cardinalis auctoritas. 166 A  
 Suavium per insidias captum à Venetis. 265 C  
 Suffragia quomodo ferebantur. 18 B  
 Sup-



# I N D E X.

Supplicationes & eleemosynæ pro victoria consequenda sunt factæ. 93 C  
 Venetorum pro consequenda victoria. 164 A  
 publica. 166 A  
 & jejunia indicuntur. 248 F 249 A

## T.

Taprobaneque insula in potestatem Lusitanorum venit. 121 A  
 Tarentini, quo se vertant dubii. 57 F  
 Federico sese dediderunt. 58 E  
 Tarentinorum literæ ad Aloisium Lauredanum. 58 A  
 legati Venetias missi. 58 A  
 diversæ sententiæ. 58 A  
 Tarus flumen. 37 C  
 Taurisani in officio cum republica manent. 180 A  
 seditiosi. 182 A  
 Taurisanorum in perficiendis munitionibus sedulitas. 263 C  
 Taurisi ager aqua inundatur. 201 A  
 Taurisum novo artificio munitur. 258 D  
 Galli & Germani frustra obsident. 267 A  
 Tela oppidum direptum. 55 C  
 de Telæ oppidi deditione actio. 56 C  
 Temeritatis Livianus pœnas solvit. 170 D  
 Tempore opportuno esse utendum. 7 E  
 Tergestini diu oppugnati se dedunt. 151 E  
 Terræ motus in Creta insula. 154 E  
 Venetiis sentitur. 248 D  
 Terror panicus adigit homines ad fugam. 256 E  
 Theani Episcopus decollatus. 57 B  
 Theodorus Palæologus reipubl. amantissimus. 263 A  
 Thomas Strigonienſis Cardinalis. 270 D  
 Thomas Zenus legatus ad Pisas. 73 B  
 classi præficitur. 96 E  
 Ticinenses & Mediolanenses Julio se permittunt, ut & alia oppida. 281 A  
 Timiditas Zancanii. 57 D  
 Timor prohibet bonum consilium admittere. 8 F  
 in castris Regiis dispersus. 36 E  
 Timoris vis quantum potest. 36 E  
 Tormenti genus maxime nocens. 202 F  
 Tormentum bellicum Basilium vocatum. 151 B  
 Transactio cum rege Pannoniæ. 131 D  
 Tremezeni Rex magistratum postulat à Venetis. 13 E  
 Tremezenum urbs Africa. 13 E  
 Tretium oppidum ab Hispanis direptum. 286 A  
 Trevium expugnatum, & misere direptum. 166 C  
 Tributorum exactio. 181 C  
 Tridentum urbs. 3 B  
 Maximilianus redit. 193 A  
 Trifanus Cibeletus internuntius Regis Neapolitani. 11 D  
 adamante se ipsum necat. 11 D  
 Andream Cornelium Regina patrum interfecerat. 11 D  
 Tristitia Cretenſium. 196 A  
 Triturrita arx Maximilianus oppugnaturus erat. 63 A  
 arx oppugnatur. 63 F  
 Triultii consilium male negligitur. 169 A  
 Triultius Regis exercitus præfectus. 86 C  
 paucis diebus viginti castella Tortinamque oppidum cepit. 87 B  
 Triumviri rerum navalium instituti. 53 D  
 Troilus Sabellus ob avaritiam à senatu est dimissus. 269 D  
 Tronus proditor Venetiis suspenditur. 141 B  
 Tumultus plebis in insula Pharo. 227 C  
 Tunetanus Rex ad Venetos legatos & munera mittit. 142 F  
 Turca Venetis subsidium offert. 183 F  
 Turcæ ob Galli victorias sibi metunt. 31 A  
 legatio & munera Venetis missa. 50 E  
 magnas prædas agunt. 97 E  
 responsum legato Venetorum datum. 100 E  
 Byzantium revertuntur. 105 A  
 à Pannoniis victi. 128 C  
 ad pacem sunt proclives. 128 D  
 Turcarum contra Venetos apparatus & consilia ejusque rei causa. 82 E  
 lex de federe peregrinis literis firmato, non servando. 83 B  
 apparatus classis in Venetos. 85 A  
 in ditionem Venetorum irruptio. 91 C  
 classis quanta. 93 A  
 excursiones violentæ. 97 B  
 classicus apparatus. 101 C  
 audacia. 122 F  
 Turres duæ omnium maxime Venetiis fulmine tactæ, conflagraverunt. 15 A

## V.

Ubalduſ Venetias redit. 132 A  
 Valaca obsessa & capta. 54 E  
 Vallem stagni Rambertus ingreditur. 82 B

Vanissa multæ virtutis homo, à civibus interſcitur. 273 A  
 Vectigal navibus onerariis à Venetis imponitur. 13 D  
 Vectigalia à Venetis aucta. 92 A  
 Vellera sponte ex nemoribus ac montibus nascuntur. 117 B  
 Veneta Respublica à quibus aucta & condecorata. 12 D  
 castra in amplissimum spatium porrecta. 36 D  
 classis ab Alphonso fracta. 209 C  
 classis cum Pontificis copiis tertio contra Genuam. 237 B  
 classis disturbata. 239 C  
 Venetæ classis apparatus. 17 D  
 classis clades. 103 A  
 reipublicæ à Papa ad concilium appellatio. 165 F  
 Venetorum classium apparatus. 247 B  
 Veneti in Veronensium fines impetum faciunt. 3 A  
 in Germanorum insidias incidunt. 5 D  
 oppidum Rovereti recipiunt. 6 A  
 centuriones ob operam egregiè navatam donis militaribus augent. 10 A  
 ad Federicum Antonium Boldum dominicum Bolanum ad Matthiam legatos mittunt. 14 C  
 legatos ad Carolum ad Padum flumen mittunt. 28 D  
 prælium cum Gallis committunt, & repellunt. 36 A  
 Imperatorum filiabus in prælio mortuorum dotem & pecunia publica dant. 41 A  
 Mediolanenses, Ligures & Gallia exules facti sunt. 41 C  
 legatis Ludovici urbem interdicunt. 51 B  
 non audent naves Gallicas aggredi. 63 D  
 Senatus pium responsum. 68 B  
 Johanni Principi Pisaurensium confugium dene-gant. 99 B  
 cives Byzantii libertati restituntur. 128 D  
 senatus cum Julio Pontifice controversia & trans-actio. 141 F  
 se præparant ad bellum contra Maximilianum. 146 C  
 caesi ad Postoinam. 152 E  
 de federe Cameracensi moniti. 157 F  
 præter ordinaria alia tributa indicunt. 162 F  
 denuo milites conscribunt. 174 A  
 ad summam angustiam redacti. 177 B  
 ad urbis propugnationem consilia convertunt. 177 D  
 materiam ad munitiones exstruendas Venetias mit-tunt. 177 F  
 quedam oppida recipiunt. 193 C  
 Vicetiam recuperare satagunt. 205 C  
 Veneti quedam oppida recipiunt. 208 E  
 captivos cum Gallis permutant. 217 C  
 cives custodia liberantur. 219 A  
 novum exercitum parant. 221 E  
 Veronam oppugnant. 238 B  
 exercitum in Alphonsum mittunt. 241 B  
 censum civibus imponunt. 241 D  
 Saxolum castellum expugnant. 244 E  
 exercitus imperator suspectus. 245 B  
 à Montanis hominibus dissipati. 250 D  
 post cladem Bononiensem municipia muniunt. 250 E  
 milites disjecti colliguntur. 252 A  
 quedam oppida recipiunt. 268 A  
 novum exercitum colligunt. 276 E  
 frustra Brixiam oppugnant. 282 E  
 cum Egyptiorum rege fœdus renovant. 283 E  
 Cremam recipiunt. 283 C  
 Venetiarum urbis celebritas. 12 E  
 Venetiis in foro horologium exstruitur. 51 D  
 Venetis Scardona & Clissa se subjiciunt. 26 D  
 civibus census imponitur. 270 E  
 Venetorum subditi à Sigismundo custodia traduntur. 2C3 A  
 apparatus belli. 3 C  
 clades. 8 E  
 navalis apparatus. 11 A  
 fœdus cum duce Mediolanensium. 70 B  
 navale certamen feminarum. 20 E  
 responsum Caroli Regis legato datum. 25 A  
 responsio ad interrogata Florentinorum. 26 C  
 naves fluctibus absorbentur. 29 B  
 multi naufragio perierunt. 29 C  
 responsum ad Interrogata Caroli. 34 A  
 decretum de belli apparatu. 34 E  
 mandatum Francisco Imperatori datum de itinere à Gallis faciendo. 35 C  
 acies instructa. 37 B  
 strages in prælio contra Carolum. 38 D  
 senatus supplicationem decrevit. 39 D  
 SCtum de pace firmanda. 42 E  
 patres equum à Turca dono datum Contareno mi-serunt. 50 E  
 Patrum consultatio an Tarentini recipiendi? 58 B  
 Patrum ad Pisanos responsum. 61 A  
 legatorum cum Florentinis concertatio. 62 E  
 & Florentinorum navalis pugna. 66 D  
 edictum de interficiendis Florentinorum militibus. 73 E



Venectorum in Clusentinis & stagni valle conatus.	80 F	exercitus adauctus.	249 E
ad Aloisium regem legatio & munera.	83 E	legatus ad Maximilianum ob pacis tractationem	
munera ad Regem Gallie missa.	83 E	mittitur.	255 D
cum Aloisio Rege foedus.	85 A	prope Veronam clades.	255 F
apparatus ad bellum Turcicum.	91 D	cum hostibus conflictus.	262 A
novus belli apparatus.	99 C	cum Maximiliano pacis tractatio.	265 F
legati ad Turcam, Naupaeti restitutionem solici-		legatus ad Proregem Neapolitanum.	274
tantes.	100 C	ad Villam Francam clades.	275
classis contra Turcas.	101 D	Venetis magistratus Byzantio pellitur.	17 B
cum Turca pugna navalis.	102 B & E	imperator Liviani precipitantiam coërcere frustra	
res adversus Turcas feliciter gestæ.	105 B	nititur.	169 B
cum Uladislo Pannonia rege foedus.	110 B	exercitus iterum contra Veronam mittitur.	244 C
& Turcarum fortuna ambigua.	113 A	legatus à Maximiliano re infecta redit.	259 A
cum Turcis belli continuatio.	122 C	Veronæ Exercitus re infecta redit.	245 B
reipubl. quidam populi sese dedere volentes rejiciun-		Veronæ oppugnatio frustra tentata.	230 B
tur.	130 E	Veronam Veneti oppugnant.	238 B
responsa legato Julii data.	137 A	Veronenfis obsidio solvitur.	239 A
apud Aloisium & Maximilianum excusatio.	138 B	Veronenfium studium.	162 E
legatio Romam missa.	142 B	Vestini in fidem sese dedituri, non sunt recepti.	57 A
cum Maximiliano inducia tractantur.	153 C	Viæ ac pontes refecti.	10 C
legatus de federe Cameracense ad Maximilianum		Vicetia à Venetis recipitur.	206 B
	158 D	desolata ab hostibus occupatur.	257 B
ad bellum sibi imminens apparatus.	159 B	ad Rempubl. redit.	269 A
foedus cum quatuor pagis Helvetiorum.	161 E	Vicetini Maximiliano se dedunt.	177 F
exercitus contra Regem Gallie.	167 C	se Gallis dedunt.	225 E
cum Gallis congressus.	170 A	irruptiones hostium patiuntur.	258 F
consultationes de clade accepta sarcienda.	172 A	Vincentii Naldi meritorum præmia.	139 A
legatus ad Maximilianum.	172 C	Vincentius Valerius legatus Venetus.	65 B
legatio ad Pontificem.	178 C	Vipaum elegans oppidum.	150 F
populus contradicit senatui.	178 D	Vipulzanum, Martianum & Florianum castella Veneti	
in urbis propugnatione assiduitas.	179 E	recipiunt.	171 D
captivorum cum Gallis permutatio.	180 E	Virginitatis conservande mira ratio.	120 C
in Pontificem concitati animi.	184 D	Virginus Ursinus à Francisco Cibo Anguillariam emit.	23 B
legatus ad Maximilianum Electores & civitates		à Ferdinando fovebatur.	23 C
imperii.	185 B	Ursinus Romane factionis princeps.	27 B
consilia de Patavio recuperando.	185 D	& Nicolaus Alphonsi duces & Ferdinandus ejus	
ad Patavii propugnationem & hostium ad oppu-		filii Romam fugiunt.	28 E
gnationem apparatus.	194 C	& Nicolaus Ferdinandi duces in potestatem Ca-	
reipublice in benemeritos pietas & liberalitas.	196 D	rola veniunt.	30 E
apparatus militaris & exercitus.	199 A	Vitellotio Pauli Vitellii fratri equitum præfectura datur.	74 C
ad Veronam occupandam exercitus mittitur sed		Virtutis in patriam remuneratio.	233 C
frustra.	207 F	Uladislai regis Pannonia cum Anna Candala connubium.	129 B
cum Caesarianis ad aque Martinianæ pontem pu-		Urfini literas Ludovici ad Alexandrum scriptas intercepe-	
gna.	215 A	runt.	58 D
occursio in erumpentes Gallos.	222 B		
de Imperatore eligendo consultatio.	223 B		
cum Gallis pugna.	224 A		
ad Julii postulata responsum.	227 A		
belli successus.	235 B		
de Brixia capienda consilia.	235 D		
in Tesinum regionem excursio.	241 E		
in benemeritos gratitudo.	244 B		

## E M E N D A N D A.

Pag. I. lin. 57. pro repubblica: lege republica.  
Pag. II. lit. C pro Classe misse: lege Classe missa.

## F I N I S.





# CATALOGUS VARIORUM LIBRORUM,

Quos PETRUS VANDER A A, è diversis Locis nuperrime  
accepit, & qui sua in Officina Venales prostant.

- E** Pistolæ ad Gallos, Grotii, 12.  
— Gudii & alior. 4. — Henr. Navarror. Reg. 12.  
— Langueti, 12. — J. Lipsii, quatuor. 8.  
— Selectæ Insignium Viror. per Meelium, 8.  
— &c. Mureti, 8. — et Panegyri Plinii cum  
Not. Variorum, 8. — Angeli Politiani et alior. 4.  
— et Longolii, 8. — Scaligeri, 8. — Vossii, Fol.  
Catalogus Bibliothecæ publicæ Amstelod. fol.  
— Universit. Francof. ad Viadr. fol.  
— publicæ Acad. Lugd. Bat. fol.  
— Biblioth. publ. Acad. Ultraj. fol.  
— Manuscriptorum Angliæ et Hiberniæ, fol.  
— Bibliothecæ Bodlejanæ, fol.  
— Manuscriptorum Bibliothecæ Cottonianæ, f.  
— Operum D. Erasmi Rott. 8°.  
— Nundinarum Francof. ad Mænum, 4.  
Bibliotheca Bigotiana, 12°. 2 voll.  
— Clementis, 4°. — Coisliniana, per Montf. f.  
— du Fresne, 4°. — Joh. Galloys, 12°. —  
— Cardinalis Imperialis, fol.  
— Gudii, 4°. — Snabelii, 8°. — Telleriana, fol.  
— Thevenotiana, 12°. — Thuana, 8°. 2 v.  
Notitia Bibliothecæ Vinariensis, aliæque, Schurz-  
fleischii, 4°.  
Bibliotheca Eruditorum curiosa, per van Beug-  
hem, 12°. 4 voll. Musæum Boecleri, 8°.  
Clementis Musæi extractio, 4°.  
Bibliotheca Critico-Sacra, fol. 4 voll.  
— Historica Dano-Norvegica, Sibbern, 8°.  
Delrii & Brossæi Miscellanea Scriptorum Uni-  
versi Juris Civilis, 4°.  
Bibliotheca Classica, Draudii, 4°.  
Fabricii Bibliotheca Græca, 4°. 8 voll. & Lat. 8.  
Gryphius de Scriptoribus Historiæ Secul. XVII. 8.  
Bibliotheca curiosa, Hallervordi, 4°.  
Pândeetæ Brandeburgicæ, per Hendreich, fol.  
Catalogus Autorum qui de re Heraldica Scri-  
pserunt, 4°.  
Index Librorum expurgator. Hispani: sub De-  
ce Albæ, 8°. — Hispanicus & Romanus, fol.  
Musæum Italicum, per Mabillon, 4°. 2 voll.  
Jonsius de Script. Hist. Philos. 4°.  
Bibliotheca juris Canonici Veteris, Justelli, fol. 2 v.  
— Anglorum Theologica, Kempii, 4°.  
— Eruditorum Præcocium, Klefkeri, 8°.  
— Konigii, fol. — Bibliothecar. per Labbe, 12°.  
Catalogus omnium Librorum quos hæcenus in  
Lucem emisit aut sub praelo habet Phil.  
Labbe, 4°.  
Nova Bibliotheca M. S. S. Libror. per Labbe, 4°.  
Vander Linden de Scriptis Medicis, 4°.  
Bibliotheca Realis Theologica, Juridica,  
Medica, & Philosophica, fol. 6 voll.  
— Sacra, per P. Le Long, 8°. 2 voll.  
— Attica, Meursii, — Græca, Meursii, fol.  
— Ecclesiastica, Miræi, fol. 2 voll.  
Diatribe de Musæo Alexandrino, per Neocor. f.  
Bibliotheca Novorum Librorum, 8°. 5 voll.  
Exercitationes, Palmerii in Optim. Auth. Gr. 4°.  
Anth. Posslevini Bibliotheca Selecta, fol.  
Bibliotheca Hispaniæ, Schotti, 4°.  
— Juris Selecta, Struvii, 8°.  
Athenæ Belgicæ, Sweetii, fol.  
Catalogus MSS. Biblioth. Palat. Sylburgi, 4°.  
— Authorum qui Catalogos, &c. scripserunt,  
Teisseri, 4°.  
— omnium Librorum qui in Thesauro An-  
tiquit. Græcar. & Roman. 25 v. reperiuntur, 4°.  
Indices Generales Thesaur. Antiq. Græc. Gron. f.  
Schediasma de commentariis Historicis qui  
Galli Memoires vocantur per Menkenium, 4°.  
Acta Lipsiensia, 4°. complet. cum Supplem.  
& Indicibus. — Idem vol. & mens. Separat.  
Miscellanea Berolinensia, 4°.  
Vockerodt de Eruditorum Societatibus, & va-  
ria re Litteraria, 8°. 2 voll.  
Capita Deorum, Ortelii, fol.  
Pantheon Mythicum, Pomey, 12°.  
Promtuarium Iconum, 4°.  
Vetus Academia J. Christi, Spizellii, 4°.  
Vitæ Sanctorum, Ribadeneiræ, fol.  
Baluzii Vitæ Paparum Avenionensium, 4°. 2 v.  
Vitæ & Miraculæ Patrum Emeritenfium, per  
Paulum Diaconum, 4°.  
Historia & Effigies Imperatorum Romanorum  
per Hennium, fol.  
Icones Imperatorum Romanorum, Gokzii, fol.  
Strada de Vitis Imperatorum, fol.
- Series Caesarum, per Patarol, 8°.  
Vita Julii Caesaris, per Jul. Celsum, 12.  
— Carol. V. Imper. per Tempeest, fol.  
— Pontificum, per Platina, 4°.  
— & Res Gestæ Pontificum Romanor. Alph.  
Ciacconii, fol. 4 voll.  
Effigies Pontificum & Cardinalium nunc vivent. f.  
— Regum, Principum, Virorum & Fœmina-  
rum Illustrum, Hondii, 4°.  
Vitæ & Icones Regum Galliae, per Boissard, 4°.  
— & Icones Regum Poloniæ, per Boissard, 4°.  
— ac Icones Regum & Ducum Ungariæ, fol.  
— & Icones Principum Turcicorum, Persa-  
rum, &c. Boissardi, 4°. 12.  
Effigies Virorum ac Fœminarum Veter. Illu-  
strum, fol. 4 voll.  
Imagines Principum & Eruditorum Virorum, f.  
Icones Virorum nostra Patrumque memoria Il-  
lustrum, per Hondium, 4°.  
Monumenta & Elogia Illustr. Viror. fol.  
Melch. Adami Vitæ Eruditorum Virorum, fol.  
Censuræ, Vitæ & Elogia celeberrimorum Autho-  
rum, per Blount, 4°.  
Icones Virorum Doctorum Boissardi, 4°.  
Cave Historia Literaria, fol. 2 voll.  
Theatrum Eruditorum Virorum, Freheri, fol. 2 v.  
Pinacotheca Imaginum Illustrum Virorum, per  
Jan. Nic. Erythraeum, 8°.  
Vitæ J. Consultorum B. Rutilii, J. Bertrandi  
& G. Grotii, 4°.  
Onomasticon Chronologicum Virorum Literis,  
dignitate & virtute Illustrum, per Krugern, 4°.  
Pacificatores Orbis Christiani, fol.  
Quensted de Patriis Illustrum, 4°.  
Clarorum Ligurum Elogia, per Folietæ, fol.  
Ragusæ Elogia Siculorum, 8°.  
Vitæ Ill. & Erud. Virorum, Smithii, 4°.  
Imagines & Vitæ Illustrum, Fulvii Ursini, 4°.  
Vitæ Selectorum aliquot Virorum, 4°.  
Effigies. Vitæ et Elogia a Illustrissimorum An-  
glorum fol.  
Icones Illustrum Philosophor. & Sapientum. f.  
Jacotius de doctrina Philosophorum, fol.  
Morellus de Origine, Successione, Ætate &  
Doctrina Veterum Philosophorum, fol.  
Anastafius a Sala de Vita & moribus Veterum  
Philosophorum, 4°.  
Historia Philosophiæ, Stanleii, 4°.  
Imagines Medicorum & Philosophorum, per Sam-  
bucum, fol.  
Vitæ Veterum Illustrum Medicorum qui in toto  
orbe usque ad Sec. XIII. in Floruerunt, fol.  
Theatrum Veterum Rhetorum, Orator. &c. fol.  
Fabri (Tanaq.) Vitæ Poetarum Græcor. fol.  
Vossius de Poetis Græcis, 4°.  
Barberius de miseria Poetarum Græcorum fol.  
J. Chiffletius de Juris Utr. Architect. 4°.  
Athenæ Batavæ, Meursii, 4°.  
Notitia Universitatis Francof. ad Oderam, per  
Becmannum, 4°.  
Oratio de Viris Erudit. Lipsiens. 4°.  
Historia Templariorum, Gurtleri, 8°.  
Pictorum Effigies, fol.  
Accoltus de præstantia Virorum sui Ævi, 8°.  
Vitæ SS. Wilh. Abb. Herlaug. et Wilh. Gel-  
lonensis, Strugelii, 4°.  
Basilica S. Uldarici & Afræ, fol.  
Gratianus de Casibus Virorum Illustrum, 8°.  
Pierius et Tollius de Literatorum infelicitate, 12°.  
Historiæ Tragiciæ Sacræ et Profanæ Hoyerii, 12°.  
Chronicum Tragicum Principum, Tyranno-  
rum, etc. per Car. Jes. Imbonatum, 4°.  
Vita Ælfredi Magni, Spelmanii, fol.  
Æschylus, Sophocles, Euripides, per Meur-  
sium, fol. D. Augustini Vita, fol.  
Vita Joh. Basilidi Magni Moscovæ Ducis, 8°.  
Puffendorf de rebus gestis Caroli, Gustave, Succ.  
Reg. fol. 2 voll.  
Baluzii Petri Castellani Vita, 8°.  
Vita Celsi, 4°.  
— Laurentii Chadertoni, et Jacobi Usserii, 8°.  
— et Opera Clerici, 12°.  
Dionysius, Meursii, fol.  
Vita Justii a Dransfeld, 8°.  
— et Epistolæ Selectæ Desid. Erasmi, 4° & 12°.  
Mabillon Eusebius Rom. 4°.  
Vita Georgii Fabricii, per Schreberum, 8°.  
Guiljelmus Auriacus, Meursii, 4°.



# CATALOGUS LIBRORUM LATINORUM.

Heraclides, Meurfii. fol.  
 Vita Thom. Hobbes. 8°.  
 Allatius de Patria Homer. fol.  
 — Homeri Natalitia, fol.  
 Vita Jephthae, Schudt. 8°.  
 — Jobi Ludolphi. 8°.  
 — et res gestae Francisci Mauroceni. 4°.  
 — Philippi Melanthonis, per Camerarium. 12.  
 — Claudii Peleteri et Petri Pithoei, per Joh.  
 Boivin. 4°. Dodwel de aetate Phalaridis. 8°.  
 Pifistratus Meurfii fol. Vita Plinii per Maffon. 8.  
 Solon, Meurfii. fol.  
 Almeloveen de Vitis Stephanorum. 8°.  
 Theophrastus, Meurfii. fol.  
 Thefeus, Meurfii. fol.  
 Vita Divi Thomae, per Vaenium. Fol.  
 — et Epistolae D. Thomae, Archiep. Can-  
 tuar. per Lupum. 4°. 2 voll.  
 Doctorum Virorum Elogia Thuanea. 8.  
 Augustinus et F. Urfinus de Gentibus et fami-  
 liis Romanorum. fol.  
 Historia Genealogica Regum pariumque, per  
 Imhof. fol.  
 — Genealogica Excellentium Familiarum in  
 Gallia, per Imhof. fol.  
 Genealogia viginti Illustrium Familiarum Hi-  
 spaniae. per Imhof. fol.  
 Historia Italiae et Hispaniae Genealogica, per  
 Imhof. fol. 2 voll.  
 Genealogia viginti Illustrium in Italia Familia-  
 rum, per Imhof. fol.  
 Supplementum Genealog. Rittershusian. per  
 Imhof. fol. Matthaeus de Nobilitate, 4°.  
 Mendo de Ordinibus Militaribus fol.  
 Obrechtus de Vexillo Imperiali et S. Term. 4°.  
 Observaciones Hist. Genal. Schowarti. 8°.  
 Stemmata Illustrium Familiarum Perizonii. folio.  
 Genealogicon Romanum, Reusneri, fol.  
 Tituli Honorum, Selden. 4°.  
 Streinius de gentibus et familiis Roman. fol.  
 Vredii Opera Omnia, Fol. 5 voll.  
 Almeloveen Opuscula Antiquitatum, 8.  
 Alarius de Invidia et Fascino Veterum, et  
 Schefferus de antiquorum Torquibus fol.  
 Astorius in antiquum Alcanis monumentum, f.  
 — de Diis Cabiris. 8.  
 Autores Var. de Cruce, 12. 4 voll.  
 Jac. Bosius de Cruce. fol.  
 Bayfius de Vasculis. fol.  
 Berosii Antiquitates. 8.  
 Monumenta Coptica, per Bonjour. 4.  
 Boxhornii Quaestiones Romanae. 4.  
 Bulengerus de Oraculis, Vatribus et Templis  
 Ethnicorum. fol.  
 Casalius de ritibus Aegyptiorum, Roman. et  
 Christian. 4.  
 Claudius de Salutationibus Veterum. 12.  
 Cuperi Harpocrates et Monumenta antiqua. 4.  
 Dissertatio de Sybillarum Oraculis. 4.  
 Gallaeus de Sybillis. 4.  
 Oracula Sybillina. Gallaei. 4.  
 Gronovius de Icuncula Smetianae. 4.  
 Guthrieus de Jure Manium. 8.  
 Gyraldi Opera Omnia. fol.  
 Heineccius de Sigillis Veterum. fol.  
 Homeri Nepenthes, seu de abolendo luctu  
 Liber, per la Seine. fol.  
 Jenfius de Oraculis Sybillinis. 8°.  
 Laurentius de Sponsalibus & Nuptis Antiq. fol.  
 Polymathia, Laurentii. fol.  
 Electa J. Lipsii. 8°.  
 Historia Strenarum, Lipenii. fol.  
 Lipsii Tractatus peculiares octo. 12.  
 Palaeographia Graeca, per Montfaucon. fol.  
 Orbis Maritimus, Morisoti. fol.  
 Mufonii Opus de Luxu Graecorum. fol.  
 Epistola Consularis, Noris. fol.  
 Scrinium Antiquarium. Olearii. 8°.  
 Panvinus de Comitibus. 8°.  
 Petitus de Amazonibus. 8°.  
 Magni Dei Matris Ideae & Attidis initia, Pi-  
 gnorii. fol. Pignorius de Servis. 4°.  
 Popma de Operis Servorum, 8°.  
 Olympiades, Puteani. fol.  
 Monumentum Ancyranum, Ptolomaei. 8°.  
 Quensted de Sepultura Veterum. fol.  
 Robertellus de Laconicis & de Sudatione. fol.  
 Schefferus de Novis Tabulis. fol.  
 Senfleben de Alea Veterum. fol. & 8°.  
 Souterii Palamedes, five de tabula lusoria,  
 Alea. & variis Ludis, libri tres. fol.  
 Sperlingius de Crepidis Veterum. fol.  
 Sponii de origine Strenarum Dissertat. fol.  
 Struckius de Sacrificiis Gentilium. fol.  
 — Opera. fol. et Ch. Maj.  
 Manus aenei Cecropii votum referentis diluci-  
 datio per Tomafinum. Fol.  
 Tractatus de Donariis, per Tomafinum. F. et 4.

— de Tesseris Hospitalitatis, per Tomafin. F. et 12.  
 — de Dodone Triglandii. Fol.  
 Venerius de Oraculis et Divinationibus Anti-  
 quorum. Fol.  
 Uratus de Notis Romanorum. Fol.  
 Tractatio de Polymathia. Woweri. Fol.  
 La Seine de Abolendo Luctu. 8°.  
 Almeloveen Fasti Consulares. fol.  
 Bacchinus de Siftris. fol. — Idem 4°.  
 Barlaei Introitus Mariae de Medicis in Amst. fol.  
 Bartholinus de Poenula. 8°.  
 — de Tibiis Veterum. 12.  
 Bayfius de re Vestiaira. fol.  
 Bellonii de admirabili operum antiquorum et  
 rerum Suspiciendarum praestantia. Libri tres. f.  
 — Veterum Sepulcra Rom. et Etrusc. fol.  
 — Sepulcrum Nafoniorum, fol.  
 — Veterum Lucernae Sepulcrales. fol.  
 Gratulatio Ernesti Archiducis Austriae, per Joh.  
 Bocchium. fol.  
 Profect. et Inaugur. Alberti et Isabellae, per  
 Joh. Bocchium. fol.  
 Boisleau de re Vestiana hominis Sacri. 8.  
 Brissonius de Spectaculis et Fetiis. fol.  
 Bulengerus de Triumphis, Spoliis Bellicis. etc. f.  
 Bynaeus de Calceis Hebraeorum. 4.  
 Casalius de Conviviis, Hospitalit. et Tesseris  
 Veterum, fol.  
 — de Insignibus, Annulis, Fibulis, etc. fol.  
 Casalius de ritu Nuptiarum, ac de Jure Con-  
 nubiali Veterum, fol.  
 Cornarius de Conviviis Veterum Graecorum, fol.  
 Fabri (Petri) Agonisticon, five de re Athletica,  
 Ludisque Veterum, &c. fol.  
 Ferrarius de re Vestiaira & Analect. fol. et 4.  
 — de Veterum Acclamationibus, fol.  
 — de Veterum Lucernis Sepulcralibus, fol.  
 Laurus Europae Petri Francii. 8.  
 Kobierzykus de Luxu Romanorum, fol.  
 Fasti Consulares Idatiani, per Ph. Labbe, fol.  
 Laurentius de Agytis, Histrionibus, Acclama-  
 tionibus et Osculis, fol.  
 — de Conviviis, Hospitalit. Tesseris & Stre-  
 nis, fol.  
 — de Funeribus Antiquorum, fol.  
 — de Natalitiis, Conviviisque quae in iisdem  
 agitantur, fol.  
 — de Praeconiis, Citharœdis, Festalis ac  
 Tintinnabulis, fol.  
 — de re Vestiaira, fol.  
 Licetus de Annulis, fol.  
 — de Lucernis Antiquorum recondit. fol.  
 Lipsius de Amphitheatro, fol.  
 Fasti Romanorum Liviani, 4°.  
 Maderus de Coronis Nuptiarum, &c. fol.  
 Manutius de Toga Romanorum, &c. fol.  
 Historia Urnae Sepulchr. Sarmat. per Mellen, 4°.  
 Mercurialis de arte Gymnastica, 4°.  
 Meurfius de Funere, fol. — de Luxu Rom. f.  
 Orchestra, Meurfii, fol.  
 Phlegon Trallianus de Olympiis, per Meurf. f.  
 Modius de Triumphis, Ludis & Spectaculis  
 Veterum, fol.  
 Pompa feralis, Morestelli, fol. & 8°.  
 Morestellus de priscorum Romanorum Fetiis, f.  
 Commentatio de ritu Bacchanaliorum, J. Ni-  
 colai, fol.  
 Nicolaus de Triumphis Romanor. 12°.  
 Fasti Consulares Anonymi, per Noris, fol.  
 — Ducales, Palatii, 4°.  
 Panvinus de Ludis Circensib. & Triumphis, fol.  
 — de Ludis Sæcularibus, fol.  
 — Fasti & Triumphi Rom. fol.  
 Pompa, Funeris Archid. Alberti Puteani, fol.  
 Reliquæ convivii prisci Puteani, fol.  
 Raynaudus de Pileo, fol.  
 Rubenius de Re Vestiaira Veterum & de La-  
 to Clavo, fol.  
 Sarisberienfis Polycrasicus, 8°.  
 Commentar. in Fastos & Triumph. Rom. Sigo-  
 nii, 8°. Solerius de Pileo, 12°.  
 Tractatus de Lustrationibus Veterum Gent. 4°.  
 Vefalius Mobachius de triumpho Roman. 8°.  
 Voetius de Lulu Alex, 12°.  
 Augustini Numismata Regg. & Impp. Rom. fol.  
 — Gemmae Antiquae, 4°.  
 Bandury Numismata, fol. 2 voll.  
 Begerus de Alceste, fol.  
 — Bellum Trojanum, 4°.  
 — Colloquia contra Thef. Antiq. Graecar. fol.  
 — contemplatio gemmar. Gorlaei, 4°.  
 — Cranæ Insul. 4°.  
 — Examen dubiorum quorundam, fol.  
 Florus, Begeri, fol.  
 Begeri Numismata Impp. Roman. fol.  
 — Meleagrides, 4°.  
 — Observationes & Conjecturae in quædam  
 Numismata antiqua. 4°.



# CATALOGUS LIBRORUM LATINORUM.

Begeri Poenæ infernales, fol.  
 — Numismata Pontificum Romanorum, fol.  
 — de nummis serpentiferis, fol.  
 — Spicilegium Antiquit. fol.  
 — Thesaurus Brandenburgiens, fol. 3 voll.  
 — idem tomus 3. fol.  
 — Ulysses Sirenes interfectus, fol.  
 Bellorii notæ in Numismata tum Ephesia, tum  
 aliatum Urbium, fol.  
 Bornitius de Nummis, 4°.  
 Historia rei Nummariae, Camdeni, fol.  
 Catalogus Nummorum Antiquariorum, 4°. Be-  
 rolini. — — Europæorum, 8°.  
 Cenalus de ponderum ac mensurarum ratione, fol.  
 Vitæ Pontificum Romanorum, Ciacconii, fol.  
 4 voll. Antiquitates Macedonicae, Crophii, f.  
 Cuperi Observationes, 8°.  
 Dissertatio de Nummo Pompilio, 4°.  
 Faschius de Nummo Pylæmenis Everg. Regis, f.  
 Falconerius de Nummo Apamensi, Deucalion-  
 ei diluv. typ. exhib. fol.  
 Favissæ utriusque Antiquitatis, tam Romanæ  
 quam Græcæ, per Spoor, 4°.  
 Freherus de re Monetaria Veter. Romanor. &  
 hodiern. apud Germ. Imp. fol.  
 Epistola de Charondæ Effigie in Catan. num-  
 mo expressa, per Raph. Trich. du Fresne, fol.  
 Goltzii Opera Omnia, fol. 7 voll.  
 Gorlæi Dactyliotheca, sive de Gemmis & An-  
 nulis, 4°. 2 voll.  
 Harduinus de Nummis Herodiad. 4°.  
 Hekelius de Nummis, 4°.  
 Historiæ rei Nummariae Scriptores, 4°. 2 voll.  
 Hottomannus de re Nummaria, 8°.  
 Numismata Imp. Rom. Hulsi, 8°.  
 — Selectiora, Landi, 4°. — Luckii, fol.  
 Historia Pontificum. per Molinet, fol.  
 Dissertatio de Nummo Pantheo, Nicassii, 4°.  
 Numismatum Antiquorum Sylloge Populis  
 Græcis, Municipiis & Colonis Romanis  
 cusorum, 4°.  
 Itagoge ad Numophylacium, Olearii, 4°.  
 Pætus de Mensuris & Ponderibus Roman. &  
 Græcorum, fol. Familiae Romanæ, Patini, fol.  
 Patinus de Numismata antiquo Augusti & Pla-  
 tonis, fol.  
 Numismata Horatii Coclitis & aliorum, per  
 Patin, 4°.  
 Porcius de re pecuniaria Antiquorum, Ponde-  
 ribus, Mensuris, Stipendiis militarib. &c. fol.  
 Prisciani & alii Authores de Nummis, Ponde-  
 ribus Mensuris, &c. fol.  
 Achates Tiberianus, per Le Roy, fol.  
 Rubenius de Gemma Tiberiana & Augustæ, fol.  
 Sardus de Nummis Veterum, fol.  
 Savot de Nummis Antiquis, fol.  
 Scaliger de re Nummaria Antiquorum, fol.  
 Schlegelius de Nummis Antiquis Menacensi-  
 bus, &c. 4°.  
 Numismata Antiqua Seguini, 4°.  
 Snellius de re Nummaria, fol. & 8°.  
 Spanheimii Numismata, fol. 2 voll.  
 Sperlingius de Nummis non cufis, 4°.  
 Numismata Imperatorum, per Strada, fol.  
 Historia Regum Syriæ, per Vaillant, 4°.  
 Numismata Tenzelii, 4°.  
 — Imperator. &c. per Vaillant, fol. 2 voll.  
 — Imperatorum Romanorum, per Vaillant,  
 4°. 2 voll. Vaillant Numismata Græca, 4°.  
 Numismata Selectiora, per Vaillant, 4°.  
 Imagines Cæsarum, Vici, 4°. &c. 5 voll.  
 Familiae Romanæ Fulvii Ursini, fol.  
 Weidnerus de Nummis, 4°.  
 Gemmæ Antiquæ. Wilde, 4°.  
 Numismata, Wilde, 4°.  
 Selecta Antiqua, Wilde, 4°.  
 Signa Antiqua, Wilde, 4°.  
 Ælia, Lælia, Crispis, fol.  
 Inscriptiones Hamburgenses, una cum Aucta-

rio, Th. Anckelmanni, fol.  
 Antiquæ Inscriptiones, qua L. Scipionis Bar-  
 bati F. expressum est elogium explanatio, fol.  
 Astorii commentariolus in Monumentum An-  
 tiquum Alcanis, Poetæ Laconis, fol.  
 Ciacconii explicatio in Columnæ rostrat. In-  
 scription. fol.  
 Inscriptiones Emanuelis Thesauri, 8°.  
 — Athleticae, Falconerii, fol.  
 — per Fleetwood, 8°.  
 Marmorea basis Coloss. Tiber. erect. per Laut.  
 Gronovium, fol.  
 Inscriptiones, per Gruterum, fol. 4 voll.  
 — Antiquæ Reinesii, fol.  
 Salmassii Explicatio duarum Inscriptionum Vett. 4.  
 Ignotum atque obscurorum quorundam Deor.  
 Aræ, Sponii, fol.  
 Turrigii Notæ ad Inscriptionis urbi togati, fol.  
 Weissius de argutis Inscriptionibus, 8°.  
 Lexicon Universale Hofmanni, fol. 4 voll.  
 — Antiquitatum, Pitisci, fol. 2 voll.  
 Baudrand Lexicon Geographicum, fol. 2 voll.  
 Lexicon Geographicum, Ferrarii & Baudrand,  
 fol.  
 Dictionarium Geograph. Hist. Poet. fol. & 4°.  
 — Poeticum, Jacobi Vanieri, 4°.  
 Pollucis Onomasticon, Gr. Lat. fol. 2 voll.  
 Animadv. in Julium Pollucem, per Kuhnium, 12°.  
 Glossarium Archæologicum Spelmani, fol.  
 Diatriba de Suida, Neocori, 4°.  
 Lectiones Theophrastæ, per Meursium, fol.  
 Cange Glossarium Græcitat. fol. 2 voll.  
 Lexicon decem Oratorum, Gr. Lat. Mauffaci,  
 Valesii & Blancardi, 4°.  
 — Idem Valesii & Gronovii, 4°.  
 Glossarium Græco-Barbarum, Meursii, 4°.  
 Dictionarium sive Lexicon Gr. Lat. Schrev. 8°.  
 — Lat. Græc. & Germ. Lindneri, 8°.  
 Institut. Lat. Græcæ, Clemenardi, 8°.  
 Syntaxis Ling. Græcæ, Posselii, 8°.  
 Rudimenta Græca, Vossii, 8°.  
 Thesaurus Linguarum Septentrionalium Hic-  
 kesii, fol. 3 voll.  
 Hickesii Linguar. Vett. Septentr. Thesauri  
 Grammatico-Critici, & Archæologici con-  
 spectus brevis. per G. Wottonum, 8°.  
 Pomptuariarum Linguae Latinae, Trebellii, fol.  
 2 voll.  
 Dictionarium VIII. IX. XI. Linguarum, Cale-  
 pini, fol. & 4°.  
 Fabri Thesaurus Erudit. Scholasticæ, fol.  
 Dictionarium Teuton. Latin. fol. & 8°.  
 — Belgico-Latinum, 4°. — Latino-Belg. 4°.  
 — Lat. Belg. Pitisci, 4°.  
 — Biglotton, Belg. Lat. 8°.  
 — Tetraglotton, Lat. Gall. Belg. & Gr. 8°.  
 — Latino-Gallicum, 8°.  
 — Lat. Gall. & Gall. Latin: Daneti, 4°. 2 voll.  
 — sive Lexicon Atriale Lat. Latinum.  
 Comenii, 8°. Dialogi Belg. Lat. Gall. Torris, 8°.  
 Janua Linguar. Interlin. Lat. Belg. Comenii, 8°.  
 Indiculus Universalis Lat. Franç. & Flamen,  
 per Pomey, 8°.  
 Corderii Colloquia, Lat. Fr. 12°.  
 Grammatica Latin. & Græciæ Vestibulum,  
 Verwey, 8°.  
 — Elementa Linguae Latinae, 8°.  
 — Janua Linguar. Lat. Germ. Gall. & Itali-  
 cæ, Comenii, 8°.  
 — Latina Major, Vossii, 8°.  
 — Junii Nomenclator, 8°.  
 — Gallica, de Coux, 12°.  
 — vel Elementa Gallica Marchais, 8°.  
 — Gallica & Germ. Martini, 8°.  
 — Institutio L. Gallicæ, & Entretiens Fa-  
 mil. Lat. Franç. Fenne, 12°.  
 Dictionarium sive Thesaurus Hispano-Latinus, 4°.  
 — Hisp. Lat. & Lat. Hisp. Ælii Ant. Nebrissi,  
 fol.

F I N I S.





M. ANT. COCC. SABELLICI,

D E

SITUURBIS  
VENETÆ.

MAGISTRATIBUS, ET OFFICIO  
PRÆTORIS, ATQUE SCRIBARUM  
INGENIOSA DESCRIPTIO:

Ut & Ejusdem

GENETHLIACUM AC ORACULUM.

*Editio omnium postrema, magisque in ordinem redacta.*



LUGDUNI BATAVORUM,  
Sumptibus **PETRI VANDER AA,**  
*Bibliopolæ, & Typographi Academiae atque Civitatis.*







# PRÆFATIO AD LECTOREM.



Um ad unum omnes fateantur, quod quælibet societas civilis eo diuturnior & stabilior evasura sit, quo magis ejus administrationis forma ad illustrissimæ Reipublicæ Venetæ normam dirigatur & instituatur. Iccirco illius Reipublicæ admirandi regiminis aliqualem prægustum & tanquam Apparatum, ad ejusmodi normam perveniendi, Clarissimi Auctoris Marci Antonii Coccii Sabellici Tractatus, DE VENETÆ URBIS SITU: DE VENETIS MAGISTRATIBUS: DE PRÆTORIS OFFICIO: DE OFFICIO SCRIBÆ: GENETHLIACUM & ORACULUM URBIS VENETÆ in uno fasciculo typis nitidissimis Curiositati benevoli lectoris communicare deesse nolui. Hi quam avide arrepti sint, testantur toties iteratæ illæ Editiones: Sed ut omnia, sic & hoc præstantissimum opus paulatim ob correctionem minus accuratam nonnihil obscurum factum, quam multa enim in id irrepserint vitia, judicare potest, qui præcedentes Editiones, scilicet Venetæ 1514. Basileæ 1560. Francofurti ad Mœnum 1600. excusas leget, & cum nostra summo cum studio ac diligentia recognita conferet. Indicem quoque horum tractatum annexui, ut ne quid desiderari possit, quod in requirendis horum tractatum contentis allevamento cuidam esse queat. Cæterum, ut hoc opere solerti benevoli lectoris curiositati satisfiat, opto. Vale.

MARCUS ANTONIUS COCCIUS SABELLICUS,  
HIERONYMO DONATO,  
*Viro omnibus Disciplinis Ornatissimo, Salutem.*



Uærebam nuper Hieronyme, vir omni literarum genere præstantissime, cui tandem tres hos breviores libros, quos de Venetæ urbis situ & vetustate superiore anno accuratissimè conscripsi, potissimum legendos traderem: nec quum omnia circumspicerem, occurrebat mihi te uno dignior quisquam: vel quia meas aliquid nugas esse, ut lepidissimi Poëtæ utar verbis, putare sis solitus: vel quod non multo post publicæ legationis nomine te à patriæ & tuorum conspectu longissimè abfuturum intelligebam: nullaque ob id lectio tibi suavior futura videretur, quam ea quæ urbis hujus quæ te genuit, in qua majores tui omnia sunt cum dignitate consecuti: cui mentem omnem, curam, studium, consilia dedicasti, tuis posset oculis vel cum longissimè abesses, imaginem repræsentare. Etenim quæ figurationis ratio, ubi hac una aut utilior, aut gratior hoc tempore proponi possit, non facile reperio: nec video quæ perdocta artificis manus, non si Euphranor ille adsit, qui amorem, judicium & ultionem in uno Paride expressit, plura in hoc genere quam stylus queat explicare: præstitit ille quæ dixi, fuitque me hercule non parum, quod non unus affectus in uno sentiretur: abditissimas tamen templorum aras, aureas testudines, pavimenta, & alia quæ tecto & parietibus continentur, nudare nunquam potuisset. Addo cœli naturam, civitatis mores, commercia, sermonem, quæ tam multa non magis opifex ullus coloribus & penicillo exprefferit, quam iis quæ effingenda sunt, animam (quod fieri non potest) aut mentem adjicere: at nos hæc omnia, ni fallor, consecuti sumus: speroque ita futurum, ut quoties hæc nostra legeris, media patria, mediis necessitudinibus, quibus post virtutem nihil esse potest sapienti viro charius, tibi constitutus videare. Superest igitur, ut quamdiu domo abfueris, ad levandum eorum quæ tibi charissima sunt desiderium, hæc nostra intuearis. Erunt fortasse & alii qui in hunc usum hos nostros libros suarum peregrinationum comites habere non recusabunt: sed ego omnia quæ volui, mihi consecutus videbor, si tibi viro summo, qui soles omnia gravi judicio expendere, non displicuero. Satis enim placuisse arbitrabor, si quicquid hoc est, quod tuo nomine primum in lucem exiit, cognoscere non dedignaberis. Vale.



# HUJUS LIBRI CONTENTA.

LIBER PRIMUS.			
<b>D</b> e Prima Regione Urbis Venetæ.	Pag. 1	<i>De Triumviris novarum rationum.</i>	ibid.
<i>De Secunda Urbis Regione.</i>	3	<i>De Duumviris farinariis:</i>	ibid.
<i>De tertia Regione.</i>	6	<i>De Consulibus negotiatoriis.</i>	48
LIBER SECUNDUS.		<i>De Triumviris extraordinariis.</i>	ibid.
<b>D</b> e Canaregia Regione.	10	<i>De Triumviris decem officiorum.</i>	ibid.
<i>De Olivulensi Regione.</i>	ibid.	<i>De Provisoribus urbanis.</i>	ibid.
<i>De Sexta &amp; Ultima Regione.</i>	12	<i>De Supraconsulibus.</i>	ibid.
LIBER TERTIUS.		<i>De Quæstorum Præfectis.</i>	49
<b>D</b> e Suburbanis Locis &c.	17	<i>De Triumviris argentariis:</i>	ibid.
DE VENETIS MAGISTRATIBUS.		<i>De Triumviris aurei panni.</i>	ibid.
<i>De Civitatis Ordinibus.</i>	21. usque ad 30	<i>De Duumviris lignariis.</i>	ibid.
<i>De Comitibus sive supremo Concilio.</i>	30	<i>De Regionum Præfectis.</i>	50
<i>De prima eorum qui suffragia ineunt, Electione.</i>	31	<i>De Triumviris solventium.</i>	ibid.
<i>De altera suffragantium Electione.</i>	32	<i>De Triumviris emporiacis.</i>	ibid.
<i>De Comitiorum Moderatione.</i>	ibid.	<i>De Triumviris præstitorum.</i>	ibid.
<i>De creandorum Magistratuum Ratione.</i>	ibid.	<i>De Quæstoribus urbanis.</i>	ibid.
<i>De prima in Comitibus Sortitione.</i>	33	<i>De Quatuorviris monetariis.</i>	ibid.
<i>De secunda Sortitione.</i>	ibid.	<i>De aquarum Curatoribus.</i>	51
<i>De Suffragiorum Ratione.</i>	ibid.	<i>De Quinqueviris Decimariis.</i>	ibid.
<i>De Ambitus Animadversione.</i>	ibid.	<i>De supremis Calculatoribus.</i>	ibid.
<i>De Consulatu, vetustissimo urbis Magistratu.</i>	ibid.	<i>De Triumviris caducariis.</i>	ibid.
<i>De Tribunis Insularibus.</i>	ibid.	<i>De Sexviris. Exactoribus.</i>	ibid.
<i>De Principis Creatione.</i>	35	<i>De Decemviris Censoriis.</i>	ibid.
<i>De Ducariæ Electionis Variatione.</i>	ibid.	<i>De Collegio Civili.</i>	ibid.
<i>De Ducariis Comitibus.</i>	ibid.	<i>De Divi Marci Syndicis.</i>	ibid.
<i>De Principis Electione.</i>	36	<i>De Rivoaltinis Syndicis.</i>	52
<i>De Consiliariis &amp; supremo Collegio.</i>	ibid.	<i>De Nexorum advocato.</i>	ibid.
<i>De ejusdem Collegii Potestate.</i>	37	<i>De Duodecim Sapientibus.</i>	ibid.
<i>De Magistro Militum.</i>	ibid.	<i>De Duumviris Punctatoribus.</i>	ibid.
<i>De publicis Advocatoribus.</i>	ibid.	<i>De Advocatorum Numero.</i>	ibid.
<i>De quadraginta virali Judiciali.</i>	38	<i>De Armorum Provisoribus.</i>	ibid.
<i>De quadraginta virali civilium causarum Judiciali.</i>	ibid.	<i>De tribus publici navalis Præfectis.</i>	ibid.
<i>De inferioribus Consiliariis.</i>	ibid.	<i>De Triumviris Cannabariis.</i>	53
<i>De Decemviris.</i>	39	DE PRÆTORIS OFFICIO.	
<i>De Senatu sive Rogatorum Consilio.</i>	ibid.	<b>D</b> e Prætorii Muneris Origine.	ibid.
<i>De Moderatione eorum, quæ in senatu aguntur.</i>	40	<i>De Prætoris muneris Incrementis.</i>	ibid.
<i>De majoribus sapientibus, &amp; his qui in senatu sententiam dicunt.</i>	ibid.	<i>De Electione Prætoris.</i>	ibid.
<i>De Divi Marci Procuratoribus.</i>	ibid.	<i>De Provinciæ optatione.</i>	57
<i>De Scribarum Præfecto.</i>	41	<i>De Delectu Prætorie familiæ.</i>	ibid.
<i>De tribus petitionum Judicialibus.</i>	ibid.	<i>De Prætorie familiæ Cultu.</i>	58
<i>De quinque Viris Ordinum.</i>	ibid.	<i>De comitatus Moderatione.</i>	ibid.
<i>De quinque Viris continentis oræ.</i>	ibid.	<i>De Prætoris officio in prima congratulatione.</i>	ibid.
<i>De Examinatorum Judicialibus.</i>	42	<i>De prima Concione Prætoris.</i>	ibid.
<i>De peregrinis Judicialibus.</i>	ibid.	<i>De domestica Admonitione.</i>	59
<i>De mobilium Judicialibus.</i>	ibid.	<i>De Monitione Liberorum.</i>	ibid.
<i>De Curia Judicialibus.</i>	ibid.	<i>De Monitione Legati.</i>	ibid.
<i>De Procuratorum Judicialibus.</i>	ibid.	<i>De Apparatu bellico.</i>	ibid.
<i>De Judicialibus propriariis.</i>	ibid.	<i>De juris dicendi Ratione.</i>	ibid.
<i>De veteribus Auditoribus.</i>	43	<i>Qualis esse debeat Prætoris Vultus, quum jus dicit.</i>	60
<i>De novis Auditoribus.</i>	ibid.	<i>De Iracundia frenanda.</i>	ibid.
<i>De Præfectis frumentariis.</i>	ibid.	<i>De matura Causarum Cognitione.</i>	ibid.
<i>De Triumviris frumentariis.</i>	44	<i>De callida Juris Interpretatione evitanda.</i>	ibid.
<i>De fisci Recuperatoribus sive Cataveriis.</i>	ibid.	<i>De moderata Animadversione.</i>	61
<i>De Triumviris publicis.</i>	ibid.	<i>De Severitate in Animadversione servanda.</i>	ibid.
<i>De Sexviris nocturnis.</i>	ibid.	<i>De Quæstione.</i>	62
<i>De solenni Collegio.</i>	ibid.	<i>De Humanitate Domi servanda.</i>	ibid.
<i>De Ducariis scribis &amp; Castaldis.</i>	45	<i>De Moderatione Domesticorum.</i>	ibid.
<i>De Præfectis Carceris.</i>	ibid.	<i>Quid cuique credendum sit.</i>	ibid.
<i>De Triumviris armamentariis.</i>	ibid.	<i>De Annulo Prætoris.</i>	63
<i>De Annone Præfectis.</i>	ibid.	<i>De Provincialium Assentatione evitanda.</i>	ibid.
<i>De Triumviris maritimi vectigalis.</i>	ibid.	<i>De Delatoribus audiendis.</i>	ibid.
<i>De Vectigalium Præfectis.</i>	ibid.	<i>Quæ Familiaritates recipiendæ sunt.</i>	ibid.
<i>De Quinqueviris vinariis.</i>	46	<i>De Muneribus non omnino capiendis.</i>	64
<i>De Quatuorviris advectitiis.</i>	ibid.	<i>De Factionibus compescendis.</i>	ibid.
<i>De Triumviris exactitiis.</i>	ibid.	<i>De Provinciæ Lustratione, &amp; ultima Satisfactione.</i>	ibid.
<i>De Quatuorviris Missiteriis.</i>	ibid.	DE SCRIBARUM OFFICIO.	
<i>De Quatuorviris ternariis.</i>	ibid.	<b>D</b> e Officii Partitione.	65
<i>De Quatuorviris lanariis.</i>	ibid.	<i>De veteri Scribarum Officio circa Sacra.</i>	67
<i>De Duumviris aurifolliis.</i>	ibid.	<i>De necessariis Virtutibus Scribæ.</i>	ibid.
<i>De Quatuorviris salinariis.</i>	ibid.	<i>De Fide Scribæ &amp; Taciturnitate.</i>	68
<i>De Quinqueviris pacalibus.</i>	ibid.	<i>De Scribæ Ingenio &amp; Urbanitate.</i>	69
<i>De veteris justitiæ Adilibus.</i>	47	<i>De Scribæ Industria &amp; Prudentia.</i>	70
<i>De novæ justitiæ Adilibus.</i>	ibid.	RERUM VENETARUM GENETHLIACUM	
<i>De Triumviris hospitalibus, sive veteris calculi.</i>	ibid.	DE VENETÆ URBIS APPARATU ORACULUM.	
			79

F I N I S.

MARCI



# MARCI ANTONII COCCII SABELLICI,

## DE

# VENETÆ URBIS SITU,

## LIBER PRIMUS.



UOTIES mecum cogito repetoque animo diversarum gentium statum, vel earum inprimis, quæ rerum quandoque potitæ sunt, solet præter cætera illud nobis constare, populorum omnium, qui sunt hodie in terris, quique olim fuere, eos semper & nominis celebritate & opibus longe præcelluisse, quibus urbes & ad pacis otia, & ad belli usum, quam opportunissimas habere contigisset. Poteramque ego idipsum non unius civitatis exemplo demonstrare: nisi vetus *Apollinis* oraculum notum esset, quo *Chalcedonis* conditores constat cæcos ob id iudicatos, quia parum considerate urbem posuissent. Tanti *Delphicum* oraculum referre censuit, quo potissimum loco nova statuerentur mœnia. Fuerunt ad hæc ex nobilissimis scriptoribus quidam, qui affirmare sunt ausi, ne *Romanos* quidem tam facile sibi imperium quæsituros fuisse, si urbem a suis maioribus, quæ alio sita erat solo, accepissent. Quanquam hoc ipsum non magis de *Romanis* ipsis, qui virtute armorum omnibus gentibus longe præstiterunt, quam de *Pœnis*, *Atheniensibus* & aliis, qui late terra marique olim imperium tenuerunt, dictum videri potest: mittam reliquos, de his loquar. An dubium cuiquam videri potest, strenuitate gentis, fortunave, an munitissimo potius urbis situ illud evenerit, quod *Carthaginenses* traditis *Romano* populo armis, traditis liberis, sine præsidio ullo, sine auxiliis tertium bellum *Punicum* tam diu distulere? aut antiquissimos poetas tam otiose & inepte nugatos dixerimus, ut non aliquid viderint, quum ob *Athenas*, *Palladem* & *Neptunum* in apertum committere certamen, iudicarunt, (quis non videt?) viri illi sapientissimi, nihil novis urbibus commodius, salubrius, auspiciatius posse contingere: quam si eo ab initio conditæ essent loco, pro quo tanquam pro perpetuo quodam, mansuroque templo ne dii quidem ipsi certare recusassent. Quod quum ita sit, constetque inter omnes, ob id ipsum plerosque populos fama & opibus maxime claruisse: *Venetæ* quidem urbis stupendus magis quam admirandus situs, non solum fastigium hoc rerum, ad quod ventum est, primis illis conditoribus ab initio pollicitum videri potest: sed posteris etiam stabile, perpetuum & mansurum imperium. Ne igitur res sanè memoranda, & ad quam cognoscendam summi interdum principes, ab extremis terrarum oris, velut in rem præsentem, peregre profecti sunt, non omnibus nota esset, de ea breviter scribere constitui: confisus ita fore, ut quum inauditam alioquin loci sedem, ædificiorum præstantiam, divitem cultum; quum denique vetusta & recentia omnia explicavero, ii, qui *Venetam* urbem quandoque viderint, inciderintque forte in hanc lectionem, uno sint ore affirmaturi, me non solum urbis huius situm descripsisse: sed velut in tabula quadam simillimam illius expressisse imaginem. Quibus vero ad id tempus rem tantam videre non contigit: & ipsi aperte fateantur, hanc unam urbem præ cæteris, quæ hodie sunt, maxime spectari di-

agnam, ac vere talem, cui neque situs novitate, neque magnifico rerum apparatu, alia in toto orbe ulla comparari possit. Et quia satis superque evagati sumus, jam hinc de re dicere incipiam.

### NARRATIO.

ALLUITUR itaque urbs ipsa (ad quam ultro describendam venimus) non ut pleræque aliæ suis partibus marino fluctu, sed ipsa tota mediis est aquis sita: in qua præter ædificia nihil facile reperias, quod non idem sit & mare. idcirco tota navibus commodius quam pedibus peragrat. Quanquam ne hoc ipsum quidem daretur: nisi pontibus jungerentur rivus, quibus non solum insulæ, sed tecta quoque pene singula inter se sunt discreta. Affert & illud miraculum primo spectantibus, cum pelago suburbanæ aquæ aguntur, singulis senis horis variatur locorum facies: ut hic ubi nuper alti navigabantur fluctus, paulo post vada fiant, mox vero quicquid ubique vadorum fuit, subita videas inundatione operum. Quæ perpetua alternantis æstus variatio, non patitur in tanta cœni alitudine perniciosum aliquid concrefcere. Nam quanta sit ipsius cœli temperies, vel ex eo potest intelligi, quod cæteris paribus multo plures in hac una quam in reliquis terræ *Italiæ* civitatibus senes reperiuntur: atque illi ipsi pleniori corporis habitu, minusque offensa valetudine. Nec *Auster*, *Italiæ* parum alioqui saluber, multum urbi ipsi formidabilis: quippe qui in tanta maris vastitate fractus, quanta illi a *Libya* ad *Adriam* evolanda est, minus violentus applicat: aut certe quo magis *Alpinis* frigoribus propinquat, eo minus minusque illorum occurfu, ut antea tepescit. Quo fit, ut præter vastissimos fluctus non sine inundatione in *Venetum* litus dejectos, nihil ultra civitati habeatur infestus. Sed nos non ad hæc scribenda venimus: ad institutum opus redeo. Si quis eminentiore loco tanquam ex specula quadam subjectam urbem diligenter consideret, illius faciem magis quidem rotundam iudicet, quam alterius figuræ oportet: si *Judaicam* insulam ad meridiem urbi applicet, quæ in theatri speciem lunata, ad duo stadia illi ex adverso respondet. Sed illud ædificiorum efficit altitudo, quæ aquarum conspectum hoc se loco, aut illo insinuantium procul aufert spectantibus; nec sic quoque ita absolutam intelligi volo formam, ut nulla prorsus uspiam promineat inæqualitas: quum sane & ad *Olivolensem* ædem, quæ æstivum solis ortum spectat, & ad extremum *Canaregium* inter septentrionem & solstitialem occasum, ac rursus ad *Marthæ* fanum, quod ad hybernum solem occidentem vergit, tanquam in tres angulos paululum prominentiores excurrant ædificia: sed illa ipsa longis inter se spaciis distantia, atque tectorum interventu omni ferme obliquitate castigata, circularem figuram magis, quam ullam aliam, perscribunt. Domorum adhæc frequentia & altitudo ingens omnem pene urbanarum aquarum auferunt prospectum: quo fit, ut qui superne ex specula aliqua eminentiore urbem contempletur, turritam teluris imaginem, medio oceano figuratam, se putet inspicere. Navigantur aquæ ipsæ suburbanæ non



minori navigiorum frequentia quam altum mare (sed a locorum peritis) lembis, aut aliis levioribus navigiis; quo patet, urbem tutiore omnino loco sitam, quam si alto allueretur pelago. Ad usum igitur rerum vicinarum & ad piscationes fluctus mœnibus circumjecti frequentantur: quippe qui etsi non sint, tamen vastissimi cujusdam stagni habent speciem; objectu namque littorum, neque tam facile ut in alto, agitantur fluctus: neque ubi moti sunt, tam atrociter sæviunt. Quanquam non eo inficias, in his quoque locis subitis deprensos procellis, nonnunquam periclitari solitos: quod raro accidit. Sed ut ad eorum, quæ in urbe sunt, enarrationem redeam: primum omnium non ignorare oportet urbem, de qua hæc scribere orsi sumus, præalto & inflexo rivo, qui in *Mœandri* speciem illam pererrat, in duas esse partes divisam: quarum hæc ad meridiem & occasum vergat, illa ad septentrionem & ortum: utraque in tres distincta regiones, (sextertia vulgo appellant) citerior in *Canaregium*, *Castellum*, & eam, quæ ab aurea Divi *Marci* æde *Marciana* est nuncupata: in *durum Dorsum* ulterior & alias duas a sacris ædibus nominatas: quarum *Crucejam* hanc, illam vero *Paulinam* recte dixeris; antiquus *Medoaci* fluminis alveus (si *Medoacus* est, quem hodie vulgo *Breniam* vocant) alio aquarum impetu operibus averso, vetustam retinuit laterum altitudinem: quam marini fluctus hodie complent. Prisci illi *Veneti* urbis conditores ab altioribus (ut arbitror) vadis potius quam ripis, rivum altum ab initio dixerunt: nunc quoque pars urbis valde illustris nomen habet inde acceptum. Is ab occasu urbi insinuatus, *Marthæ* fanum primo perstringit: inde lævam ædificiorum oram abluens, ad *Claræ* ædem urbanis tectis infusus *Crucejam* regionem a *Canaregio* disternit: mox inter utramque octo ferme stadiis allapsus, ab ortu paululum in meridiem flexus, inter *Paulinam*, quam dexteram habet, & *Divi Marci* regionem, ad occasum convertitur: atque ita recto alveo stadia quatuor emensus, priusquam ad *Samuelis* ripam sit ventum, iterum ad orientem solem inclinat, ac recto placidoque cursu inter *Marci* regionem jam dictam, & *durum Dorsum* ad *Georgii* usque fanum, quod e regione fori est, urbis & tectorum patiens procedit; mox vero omnem angustiam quasi vincula declinans urbe ad lævam relicta, per aperta evagatus stagna, in portum urbis ultimum detorquet cursum.

#### DE PRIMA REGIONE.

Quum hanc igitur sua natura urbs ipsa recipiat partitionem, ea nobis regio auspiciatissimum dabit exordium, quæ procacissimo occurso propinquantem *Medoaci* alveum gremio exciperet: nisi ab eo fastidita ad dexteram, ut dixi relinqueretur. Fuit regio *durum Dorsum* ab initio appellata ab eo, ut arbitror, quod priusquam locus inhabitari cœpisset, (quod constat aliquanto recentius contigisse) prædurus esset illic scopulus, inque dorsi speciem productus. Protenditur regio a *Marthæ*, quæ occidentem spectat solem, usque ad salinum caput, *Trinitatis* fano prætentum. Est locus in triremis speciem fastigiatus, atque omnium qui in regione sunt novissimus ad ortum: quanquam *Judaica*, quæ illi obversa jacet, quæque regioni ascribitur, aliquanto longius pergat, maritimis occurrere fluctibus: sed illa ad duo stadia, quasi diversum à reliquo membrum, ac totius æmula, a cætero refugit corpore. Habet itaque universa regio Insulas viginti, sacras ædes totidem, & sex amplius. Sed de summa hæc est: quod ab initio docuimus opus recens, frequentique virginum conventu. Hic ad *Mendicorum*

A ædem piscatorius vicus: eo enim quam longissime ab oculis civitatis concessere, quicunque fere hodie in urbe quæstum ex piscium captura faciunt. Tota inter utramque ædem ora, quæ Austro obversa est, quæque ad sagittæ jactum & amplius excurrit, crebris pontibus stagno procumbentibus suspensa est; his illi pro tentoriis ad exsiccanda retia, aut certe explicanda utuntur. Intus nihil memoria dignum: in summo vico brevi ponte ad *Nicolai Mendiculi* fanum transcenditur (modica Insula clauditur.) Tres supra vestibulum virgines muro clausæ: quarum unam hodie ob creditam sanctitatem, quasi futurorum præsciam vulgo, ut audio, matronæ consulant. B Ædem subeuntibus ad lævam, priusquam ad aram maximam sit ventum, *Nicetæ* martyris occurrit tumulus. Dexterò inde templo, ligneo ponte in adversam transcenditur insulam; in ea nihil memoria dignum, proceditque recta fronte illa cum aquis, usque ferme ad proximum trivium, quod & ad *Sebastianum* ducit, & ad *Eremitanam* ædem. Sed cum eo non est longius procedendum. Ad *Raphaëlem* (qui in adversa sedet ripa) proximo ponte transcenditur. Magni *Opitergini* opus vetustissimum, templi vero dedicatio longe recentior. *Nicetæ Antiochenus* ad aram maximam marmorea est clausus arca. C *Judaicæ* frons ad occasum versa divo valde contra respondet; est vicus hic, aut insula potius, duobus ferme stadiis ab urbe, ut dixi, dirempta: quæ in longum ad mille passus protenta, circa medium devexa, cornibusque hinc inde paululum reductis, theatralem pene exprimit formam. Urbicæ itaque longitudinis æmula, hinc longe ad ortum cum ea excurrit, donec victa ad *Georgii* fanum subsistat. Tota ferme habitatur: sed qua urbem intuetur frequentius; habet in extremo ad occasum latere (nam quando regioni, de qua agitur, attributa est, de ea satis erit semel dicere) D *Blasio* & *Coraldo* communem ædem: opus & ipsum insigni vetustate, frequentique virginum conventu. Recta inde secus aquas ad *Euphemie* itur: habetque ad meridiem ultra rivum, qui mediam dirimit, *Cosmi* & *Damiani* fanum, in quo virgines pleræque sacris operantur; inde Crucis ara cum virginio frequentissimo. At virgines alterius sexus omnes circa divorum templa perpetuo clausas, adhuc nominamus: tum quia nulla honestiore nuncupatione videntur mihi appellari posse, quæ perpetuum Deo vovere obsequium: tum quod ferme innuptæ ea ætate, qua jure virgines credi possunt, soleant initiari. Magis inde ad ortum, *Baptistæ* ædes occurrit, ipsa quoque, ut fertur Divi *Magni* vetustum opus, & in summa *Judaica* *Georgii* templum loculentissimum E canali a reliqua insula diremptum, utrobique frequens conventus: sed ad *Georgium* frequentior. Mira inibi hortorum amœnitas: & in æde porphyretici lapidis lacus hilarissimus: plurimæ divorum reliquiarum, vestimentorum egregius apparatus, & in vestibulo ædis tota ora, quæ urbem spectat, quinque pontibus peragrat: tribus ligneis, duobus lapideis. Redeo nunc nonnihil evagatus ad institutam urbis descriptionem, & ad *Raphaëlis* aram: unde propinquus angiportus ad *Sebastianum* postico ducit. In eo omnia recentia: sacrorum apparatus tenuis, religio multa; hic quoque plerique, sed pro religione non adeo multi, sacris operantur: rivus citro ultroque enavigatus, ædem perstringit: quo sublicio ponte superato, ad *Basili* dextera fundamentis ducit. Vetusta templi facies: duobusque coelitis, *Constantio Anconitano*, & *Petro Acotantio Veneto* illustris; introrsum *Pantheon*, cum virginio: opus, ut illud, de quo dixi, vetus: ita hoc nova facie nitens; rivus illi a tergo, & a meridie infunditur: unde recta ad *Gervasium* ducit via, templum vetustissimum cum porticu, quæ virenti aræ in-



incubat, testudo ad aram maximam aurea *Græcanici* operis. In ora, quæ a rivo sese in conspectu ædis finuat, usque ad *Basilii* aquas longo rectoque margine excurrit, ingens vis lignæ materiæ ad ædificandum comparatæ, & domesticatim, & in aquis disjecta visitur. Barbaricæ familiæ ædes, & ad lævam, & à fronte in adversa insula *Gervasio* adjacent: ædes vel hoc uno memoria dignæ, quod his paucis annis duos optimos principes civitati dederunt, *Marcum Barbaricum* defunctum, & *Augustinum* ejus fratrem: quo principe non poterit res publica non semper beatissima esse. Sequitur alia insula, quæ eodem aquarum derivio a meridie ad septentrionem excurrit: utrinque extremis lateribus loca duo insignia, sed de eo, quod in intima ora sedet postea, nunc de *Jesuatico* cœnobio. In eo plerique agunt: sed illi minime initiati sacramenti ministerio religionis inhihentur, orare non facere eorum est: vulgus *Jesuatos* appellat. Ligneus pons hinc in *Agnetinam* transmittit insulam: in *Jesuaticæ* domus conspectu præjacenti area *Agnētis* vetusta ædes modice assurgit, cui perexiguum virginium accubat. Divæ ara vetustissima: sed *Viti* martyris, qui in adversa sedet insula (si muscolæ fronti credimus) omnino vetustior, hic *Georgii* corpus religiose conditum. Loci aram quotannis stato die princeps cum bona parte patrum, quasi divo gratulaturus, ob civitatem periculosa conjuratione servatam, structo ad tempus supra rivum maximum ponte, invisit. Adjacet a tergo insula ad meridiem versa: in ea novum almi spiritus virginium in ipsa pene ora, juxta navale ingens, cum lateritiis fornacibus. Intus pium *Viti* hospitium: læva fornacibus ipsis sedet insula: in fronte ad meridiem novem publici salis conclavia parietibus tantum inter se, ædificiorumque superciliis discreta. Inde ad salinum caput ponte transcenditur: locum & ipsum, a publici salis conclavibus nominatum, fastigiatur in navalis rostri speciem: immo efficit, ut tota regio, de qua adhuc diximus triremis formam pene exprimat: utrinque extremis frontibus in puppim & proram extenuatur, latius circa medium patet. Quicquid a *Trinitatis* fano ad ortum decurrit, publica obtinent ædificia: sed illa ipsa valde recentia, huc triremes, ac navigia peregre appulsa, quicquid mari subvehitur, publicanorum oculis subjiciunt, ne qua vestigialibus fraus fiat. *Dovanam* vulgo nominant, ædes ipsa internam oram, ut multa quæ sequuntur, spectat. *Teutonicum* in ea collegium. Proxima inde insula, *Gregorii* templum, *Bartholomæo Perutio* Antistite nuper instauratum: atque ob id festiva, & hilari facie; hinc ad ædem publicæ charitatis nihil, præter privata ædificia, conspectione dignum: sed nos publica scribimus. Hæc est vetus illa *Alexandri Romani* Pontificis latebra: unde a principe & patribus revulsus, in Pontificiam est (ut fertur) dignitatem restitutus. Extant adhuc monumenta non pauca: quæ rem ita gestam, ut proditum est memoriæ, manifeste arguunt. *Ammianus Alexandrinus* Antistes, & (ut fama est) Divi *Marci* discipulus ad aram maximam est conditus; olim ædícula illic, magnifici *Juliani* (ut quidam tradunt) opus: nunc splendidum templum, præcipuaque religione præditum. Turris præalta Canonorumque cœtus ingens: accubat templo nobilissimum conclave; cum celeberrimo urbis collegio, visuntur hic illustrium pictorum tabulæ circumquaque non magis ad religionem, quam ornatum dispositæ. Plurima sunt, in urbe ejusmodi collegia: sed omnium quinque celeberrima, atque ex iis unum hoc, de quo loquimur. Per inflexos inde vicos ac pontes aliquot itur ad *Barnabæ* limina. Templum facie pene cariosa patenti area; divi vestibulum recta ducit ad lapideum pontem, unde per obliquas semitas ad *Margaritam* panditur

accessus: *Mauri* Antistitis opus, & ipsum mirandæ vetustatis: utpote anno urbis circiter CCCC. conditum; aurea illi testudo cum columnis quatuor porphyritæ lapidis: aut certe illi perquam similis. Vastus ad meridiem inde spatietur campus, per quem ad *Carmelitas* itur; virginis hæc sedes, satis opulenta, ac nonnihil a tergo instaurata: plurimi in ea operantur. Ex area, quæ ædi præjacet, ligneo ponte in adversam transcenditur insulam: quæ regionis novissima est ad occasum; hinc dextero rivo ad *Amagianas* columnas pene perpetuis fundamentis itur: quæ regionem ea parte terminant; locus est citra crucis fanum, rivo cymba, aut lapideo ponte superato; alterutro enim modo fieri potest. Adversis fundamentis retro ad *Pantaleonis* aram est reditus; cætera vetustatem arguunt: templi tamen dedicatio recens. Lapidæus pons hinc ad *Margaritam* ex adverso sedentem transmittit; & quamvis valde ipsæ inter se propinquæ sint ædes, ac pene contiguæ: utraque tamen plebanica est. A Divi limine inflexo angiportu, unoque ponte ad figulorum aream proceditur. Hinc digredi volentibus læva occurrit area Minorum fanio a tergo hærens: ubi hoc biennio instauratum Divo *Roccho* templum; unde collegium cum sacris alio translatus fuerat. Locum cum herbido campo, qui, humilibus ac paucis interjectis domibus, a tergo patet, Castellum vulgo appellari audio: sed causam adhuc requiro; nisi forte proximis inquilinis fidem habendam putamus: qui mihi dicebant accepisse se a majoribus, in propinquis hortis, ubi nunc infectorum, fullo numque tentoria visuntur, locum olim munitissimum fuisse: cujus vetusta operis aliqua hodie appareant vestigia.

#### DE SECUNDA URBS REGIONE.

Sequitur hinc proxima regio, quam a vetustissima Divi æde, quæ ea ferme media tollitur, *Paulinam* recte dixeris. Hæc cum *Cruceja* in summum rivum altum excurrit: unde fit, ut si fronte paulo magis fastigiata procederent, dimidiata Pyramidis haberet formam. Sunt in ea insulæ tredecim, sacræ ædes totidem numero, atque in his plebanicæ octo; & ne quid ab instituta narratione aberremus, describendæ regionis inde sumeretur exordium, ubi ea, de qua proxime diximus, habuit exitum. Erit igitur basis hujus linea a trivio, quod est ultra Evangelistæ fanum post Minorum ædem, per campum, in quo castellum fuisse memorant, præterque *Thomæ* aram in rivum maximum deducta. Est id templum de quo loquimur in ipsa pene ora: habetque a tergo trajectum ab eo dictum. Ex area, quæ illi præjacet, per inflexos calles itur ad nobilissimum virginis templum. Hic Minores fratres frequentissimo conventu sacris operantur. Domum maximam vulgo ab ædificii magnitudine vocant. Hic sanguis Christi summi regis visitur. Hic ejus simulachrum, ab hinc triennio miraculis illustratum: sacrarium nobilissimo opere præditum: in cujus fronte eminentiore loco equestris *Pauli Sabelli* statua conspicietur. Navavit is reipublicæ *Patavino* bello optimi ducis operam; od aram maximam ducaria monumenta *Francisci Foscaris* marmore & auro præditum: & *Nicolai Throni*, materia & opere, ut aliquanto recentius ita facie magis conspicua. Prominet adversa templi parte aliud sane eximium *Jacobi Marcelli*, qui *Venetæ* classis Imperator *Gallipolitana* perit expugnatione, magnitudine duobus illis minime comparanda: cæterum opere & materia haud quam dissimili; respondet contra *Ludovici Foscareni* viri sapientissimi sepulchrum: cujus magnitudo quo minus luxuriatur, ita frons hilarior. Porticatum ex hac æde ad *Nicolai* itur aram, quæ a tergo est; *Sabellus.* A a eadem



eadem & hic religio: sed aris plane diversis. Lapideus pons, & ex iis, qui hodie sunt, pene vetustissimus, ad propinquam *Steni* aram transmittit: hic nihil præter cariosam templi faciem conspectu dignum, præjacet arenosus illi campus, per quem euntes læva semita excipit, qua brevior ducit ad Evangelistam via. Hujus vestibulum marmoreo est opere munitum: ita ut quum intra pene omnia sint situ obrita: longe tamen fronte splendeat; asservatur hic dominicæ crucis lignum plurimis insignitum miraculis. Unum hic ex quinque maximis urbis collegiis, piumque hospitium vicinis ædibus objectum. Brevissimus hinc processus ad geminos pontes, qui trivivio, unde lineam duximus, incubat regionis finis. Inde per *Steni* aream recta & ampla semita ad sublicium pontem proceditur: unde digressum continuo *Augustini* ara excipit, & ipsa multo senio conficta, acclivi turre; ac primo ampliore via, mox ultra pontem, qui haud procul inde superandus est, per angiportum ad *Eubaldum* cursus brevissimus: nec ipsum vicino tholo juniorem; rivus divi aream alluit, regionis est ea parte finis. Ubi te ille ad pontem remiserit, duobus rectis vicis citra utraque lapideum pontem, atque ad caput alterius, brevi inflexu in *Paulinum* transcenditur campum: locum frequenti mercatu insignem; incubat illi vetustum *Pauli* templum cum porticu, aut vestibulo potius, media etiam luce sub obscuro. Si retro unus hic pons fuerit transcensus, duplex vicus excipiet; hic ad Minoritanam virginem, ille ad *Thomæ* limina, uterque duobus pontibus, remittit. A *Paulina* area rivum altum versus tribus pontibus ad *Apollinarem* itur, locum vetustate confectum: aurea testudine tessellatoque pavimento. Eminens illi turris incubat, præter quam viæ huc & illuc inflexæ in *Carampanum* vicum ducunt, unde nuper sublatum lupanar; lævus *Apollinaris* per augustum vicum ad *Silvestrum* mittit: Patriarchiam olim sedem. In ora trajectus frequens, & conclave amplissimum a *Rocchiano* collegio nuper instauratum: mox in pristinas sedes omni sacrorum pompa relata destitutum; ædes ipsa ad aram maximam, post collegii digressum magnifice instructa. Quicquid inde est aquarum ad *Cassiani* ripam, citra utraque toto *Rivoaltino* inflexu, negotiatoriis obtegatur navigiis: occurritque primo trans rivum (ut oram peragremus) farinarium emporium; incredibile relatu, quanta vis in eo venalis annonæ semper adsit: quam libera occasio mercari volentibus. Ad jactum fere lapidis *Italica* exoticæque farinæ utrinque tabernæ patent: qui eam appendant, quique appensam bajulent præsto adsunt. Ab emporio ad pontem, omnium qui in urbe sunt amplissimum, altiora tecta a magistratibus occupantur; in his duo amplissima fere urbis vectigalia contiguus pene locis, vini unum, omnium continentis oræ mercium alterum: quod & ipsum *Dovanam* vocant; in imo tabernæ frequentes oleariæ, cum publico carcere à latere fito. Vici a tergo interjecti conclavia habent peregrinarum mercium refertissima: unde ad incendium per noctem his locis contractum memini tantam vim aromatum in publicum nocturna illa trepidatione depromptam, ut rerum imperitiores vulgo judicarent, non *Italica* solum, sed toti *Europæ* decennium suffecturam. Libet hic narrare exemplum privatae largitionis, quod dicitur ea nocte accidisse. Quum jam ignis effuse evagari cœpisset, ac non sine periculo totius insulæ invalescere, ferunt privatum civem, cujus domus adhuc erat igni intacta, cum fisco auri pleno in apertum prodivisse: hicque ingenti largitione proposita omnem ferme multitudinem, ad ædes suas proximo incendio tuendas convertisse; nemo dicitur ea limina subiisse, qui prius aureo saltem non fuerit nummo dona-

A tus: quo officio accensis animis fortiter præsentis periculo itum est obviam, atque ea potissimum ratione non sola domus: sed nobilissima pars civitatis creditur nocturna illa clade servata. Inapte igitur faciunt, qui aurum semper ut rem perniciosam insectantur: quum plus in ignem manifesto argumento interdum agat, quam aqua contrarium elementum; sed hæc natura, illud vero avaritia. Post carcerem a tergo, area ubi serica, argentea & aurea stamina ab opificibus ad texturam depectuntur, ad dexteram publici magistratus qui salis vectigal procurant: a fronte Philosophiæ Gymnasium: cui *Antonius Cornarius Bragadini* auditor præsidet: homo moribus & excellenti doctrina inter veteres Philosophos merito reponendus. Sed hinc in oram unde modo digressi sumus est reditus; ac priusquam ad pontem sit ventum, porticus cum venali ferro, & mercibus aliis passim disjectis: in ea plerique urbis magistratus, de quibus abunde in altero seorsum opere. Tota ripa ab ipso mercium genere ferraria nuncupata est. Pons inde incubat omnium, qui in urbe sunt, ut maximus, ita frequentissimus: nulla ferme est diei hora, quæ ob citro ultroque commantium turbam non anguste superetur. Eminent adversa fronte ædes publicæ & ipsæ ab urbis magistratibus infestæ; responder contra ad dexteram porticus aquis incubans, novisque a tergo materia & opere perspicuo aucta ædificiis; ad lævam *Jacobi* templum vetustissimum, votoque publico a priscis *Venetis*, urbis conditoribus, ob civitatem incendio servatam, ut dicitur erectum. Explicatur ante illam area nobilissima: in qua omnia urbis (imo orbis) negotia transiguntur. Coit huc mane & vesperi negotiorum causa tota ferme civitas. Sed quum omnia mortalium frequentia constipata videas: illud primo spectantibus miraculo esse potest, quod in tanto hominum conventu nulla vox, nullus auditur strepitus, non libelli, non altercationes, non jurgia stipulationesve ullæ: omnia remissione voce aguntur; unde manifeste apparet, verissimum esse illud, quod in ore multorum esse solet, rectam negotiandi rationem nihil minus quam verbis indigere. Duo vel amplissimum conficiunt negotium; si quid inter se pactum volunt, ad nummarias mensas itur, quæ plurimæ in ipsis sunt porticibus: atque ex his vel ex proximo pecuniæ creditoribus repræsentantur. Amplissima conclavia duobus porticibus imposita, magna ex parte in fori usum absumuntur; humilior inde porticus (sed ea quam longissime spatiat) tabernis plurimis cum venali panno referta: in ejus fronte celeberrimum quadrivium. Si ad lævam flectas continuo *Joannis* vestibulum eodem latere occurrit; medio Divi templo *Pauli Pergulani*, sophistæ sua tempestate celeberrimi conspiciuntur tumulus: turris valde eminens templo incubat. Quicquid inde est recta ad *Apollinarem*, hinc inde densis perstrepat tabernis & officinis. A trivii fronte annularius vicus dextra, lævaque annulariæ officinæ: inde publicum lupanar, in quo vetustum *Matthæi* fanum: in summo calle vicus argentarius, nihil eo, de quo diximus, infrequentior. Sed iccirco illum, neque aurificinum, neque argentarium libuit vicum appellare, quoniam etsi monilia, torques, segmenta, atque alia pleraque aurea & argentea opera, in eo conficiuntur: præcipua tamen opera in annulis consumitur, atque ob eam rem tanta interdum vis gemmarum in artificum manibus ac mensis ipsis exposita conspiciuntur, ut ejus spectaculi insuetos primo aspectu stupore defigat: vixque credat evenire potuisse, ut civitas una quamvis amplissima tam frequentem opificum numerum aleret. Sed in nulla re sumptuosa civitas sibi magis indulgit: ut una interdum mulier duo honesta patrimonialia, altera gestet manu. Sed de civium cultu postea.



postea. Dextera quadrvii per densissimas tabernas in forum olitorium mittit: quod *Rivoaltino* foro a tergo accubat; hinc per salarium vicum in piscarium forum itur: utrumque ripis proximum. Ex piscario præter macellum ad lapideum pontem, qui foro lignario incubat, regionis confinium itur: ultra nihil ad *Paulinam* attinet regionem; a tergo usque ad *Eubaldi* limina præter paniceas tabernas, quæ macello adhærent, nihil dignum memoria reperio.

### DE TERTIA REGIONE.

Superest, ut de tertia regione dicamus, quæ ab eadem lignarii fori ripa ad *Clare* ædem, quæ in extrema urbe sita est, procurrit; eam, quando ab antiquissimo Crucis fano nominari placuit, *Crucejam* (ut arbitror) non absurde nuncupavi. Habet tota regio insulas undecim paremque fere sacrarum ædium numerum: quicquid a ponte novissime dicto ad *Cassiani* trajectum in fronte est, ad præsentem urbis regionem scribendam præbebit aditum; quantacunque est ea ora. Est enim omnino brevis: quippe quæ jactum lapidis non excedat. Ad forum lignarium attinet; totam ripam insident onerariæ naves, venalibus lignis onustæ. Duæ hinc viæ modico inter se spacio distantes, ab aquis introrsum recedunt. Hæc amphorarium habet vicum; ab trajectu illa ad *Cassianum* ducit; habet id templum *Cæcilie* caput, cujus olim fuit & ædes, tabulaque hic *Messenii* pictoris, cui ad exprimenda quæ voluit, nihil videtur, præter animam, quam dare non potuit, defuisse, incubat ædi turris entinens. Duobus inde pontibus, varioque vicorum inflexu, ad matris domini itur: ara virginis vetustissima, & ab Magno *Opitergino* condita, testudineum templum; argentea hic tabula: turris valde alta acclivis cum præjacenti area ad ortum. Ex hoc loco reditus est ad *Eustachium* (*Catherine* ab initio ædes fuit) hic divi, hic conjugis, natorumque capita eodem sacrario condita. Herbidus inde campus ad ripam extensus, unde in *Canaregium* frequens trajectio; nec procul hinc publica horrea nuper instaurata. Ab *Eustachio* retro flectenda via, dextraque angiportum

A ingressus sublicio ponte in virentem transcendens campum, qui ad lævam occurrit (*Luprium* veteres a palustri facie dixere) vetus *Jacobi* fanum cum turri: in parte aræ dextra sublicio ponte semita ad *Atestenes* ædes ducit, in ora illa sitas: sed per angustos, & in anguis speciem inflexos vicos commodius ad *Joannis* cognomento decollati, patet accessus. Divi ædes vetus, & ipsa in *Luprio*: & quod vix in ulla aliarum insularum reperies tam hæc quam illa, quam *Jacobi* in proximo ostendimus plebanica; hic, ut plerisque locis acclivis turris. Unde apparet in fundandis molibus olim priscos *Venetos* non ca usos fuisse, quam hodie, diligentia: quum id vitium in recentioribus operibus non sit fere reperire: contra non uno loco in veteribus. A fronte rivus excipiens reliquos totius regionis ab Aquilone ad *Africum* decurrentes: qui sequuntur a septentrione & meridie regioni infunduntur. Duobus hinc pontibus in *Nebulonium* venit campum: eo egressis *Simæonis* confestim se offert templum, facies senio obsoleta; ad lævam inde longissimis fundamentis ad trivium itur: quo non procul Evangelistæ fano regionem perscripsimus; in eo nihil memoria dignum. Dextra longiore angiportu, *Simonis* & *Jude* parva est ædes adeunda; nuda hic quoque decrepitas in ora ipsa pene est sita: cui parum abest, quin *Lucie* tholus contra respondeat. Sunt qui præfenti regioni id fanum ascribant: sed ob id credo quia rivus maximus non semper ea parte pervius fuit; nunc quia utrumque locum ab altero spatioso dirimit alveo, de ea in sua regione dicitur. Ab comuni divorum area jam dicta ad Crucis limina brevis accessus, ac ponte uno pervius; ex hoc templo regio nominata ubi & angustissima. Frequens hic virginium; exit deinde in duos angulos: in hoc *Clare* virginium, ubi clavus unus ex iis, quibus Christus Rex cruci fuit affixus visitur, (insula ea est, ac longiusculo ponte cæteræ regioni applicata) altero angulo adversa fronte *Andreæ* respondent tecta: ibi quoque virgines plurimæ. Inter utrumque locum in ora aggeribus secus aquas pervius est usus: introrsum horti non inamœni. Et hæc de tertia urbis regione.

## LIBER SECUNDUS.



DE tribus urbis regionibus, quæ ad meridiem & occalum vergunt, priore volumine abunde diximus: nunc de reliquis quæ ad Septentrionem & ortum spectant, ordine dicemus. Offert se mihi omnium *prima Canaregium* regio, *Crucejæ* magna parte ex adverso objecta: pene pari cum illa progressu in stagna ad occasum excurrit. Ejus insulæ circiter xx. Insularum numerum iccirco confuse adhuc retuli: quoniam regionatim ita angustis finibus aquæ nonnunquam coeunt, ut singula etiam ædificia, quia undique sunt circumflua, insulæ speciem expriment; quo fit, ut parum exploratum habeam, pluresne quam opus sit, an pauciores potius, quam oportuisset, singulis regionibus ascripserimus. Sacræ ædes veris insulis pauciores esse nequeunt: quum plurimum singulæ singulas sortitæ sint. In ora igitur introrsum ad *Eucharistie* ædem præclararum virginium: templi facies adhuc pene recens, respondet *Crucis* fanum valde contra in eadem ora: ac ita proximo loco, ut parum absit, quin ipsa se contingant ædificia. Alterum ad *Lucie* tholum, sacrarum virginum chorus: in æde ipsa divæ corpus marmorea arca

E clausum, multis clarum miraculis. Hæc duo loca quidam *Crucejæ* adscribunt regioni: nos ob eam, quam dixi causam, *Canaregio* attribuimus. Itur inde rectis aggeribus ad vicum, qui in *Hieremie* campum excurrit, hic divi fanum non tam amplum, quam vetus objicit se herbido campo in rivum spatiosi volenti: castigatque ea parte, qua sedet, aræ vastitatem turris ad summum quadrata: dexter illi rivus, a quo tota est regio nominata. Quidam ab eo nomen factum existimant, quod in extrema regione, ubi olim naves construi consueverant, cannarum palustrium fasces ad navalis fabricæ usum comparati, passim ordine exponerentur. & quia veteres: quod adhuc plerique dicunt, ad regium locari dixere, quicquid suo loco, & ordine poneretur: ab re ipsa factum esse nomen affirmant: ut *Canaregium*, una litera detrita, dictum sit quasi *canaregium*. Verum quia plurium opinione constat (quod pene res subjecta oculis arguit) canalem ipsum hominum opera, ut plerosque alios, non natura constare: haud absurdum sit dicere, abscissione ipsa factum esse nomen, *ῥήγνυμι* frango est, sive rum-po: unde & rogæ dicuntur fluviorum derivia: & in extrema *Italia*, oppido admodum illustri hinc quoque nomen inditum plane constat: ut quem majores ab initio canalem regium, hoc est, scissum dixerint: recentiores corrupto nomine *Canaregium* dicere.



dicere perseverarint. Qui a rege appellationem loco datam autumant quid sibi velint non intelligo. Ubi igitur ab *Hieremie* conspectu ad proximum pontem veneris, qui rivo, cujus nunc meminimus est impositus, læva ad *Job* fundamenta per oram ducunt. hic *Luce* conditorium: opus ipsum vetus, sed *Mauri* principis impensa instauratum. Hic & ipse situs est. Visitur in parte ædis *Joannis Bellini* tabula insignis, quam ille inter prima suæ artis rudimenta in apertum retulit. Sacrorum curam *Francisci* gymnopodes habent. In extrema insula, unde in *Margariam* vicum trajicitur, Parvum navale, atque idipsum exiguum, secundanæ objectum insulæ: huic pene junctum *Mauranum* atrium ad pauperum usum ab eodem principe privato sumptu constructum, undique domiciliis circumplexum: intus leucæria & in hortis pannorum tentoria. Si in proximam transeundum sit insulam cymba opus est, aut sublicium potius *Hieremie* pontem revise: ubi eum transcenderis ad lævam flectito. hic subito dextera occurrit aurificina vetus (patrio sermone *Factum* vocant) locus hodie magna ex parte dirutus: ex ea insula in campum undique ædificiis clausum ponte transcenditur. est is undique ut insula, circumfluus, recentiore *Factum* nominant. Tenuis rivus *Hieronymi* aram inde dividit. *Sphæritici* martyris in ea sacrarium; frequens virginum cœtus; inde ad stagna nihil memoria dignum. Infectorius vicus in adversa ripa a stagno, ad aceti pontem latioribus fundamentis peragrat: angusta hinc semita in misericordiæ insulam, ab æde credo, quæ in summa parte sita est, nuncupatam, ducit: altera vero nihilo amplior ad *Alovisum*, cujus virginium cum modica æde stagnis alluitur. In eodem tractu hortensis virginis fanum (*Christophori* olim fuit) illustris locus multaque religione virginis. Ex *Hortensiana* ara in adversam insulam est reditus: in ea *Bassejum* atrium ad usum pauperum comparatum. In fronte misericordiæ ara cum frequenti clero collegioque, uno ex urbis clarissimo. *Mauræ* familiæ opus, omnique sacrorum impensa. Omnes ad hunc locum rivi ab occasu ad ortum rectis influentes eodem tractu insulas figurant: unus omnium præter ædem a Borea insulus cæteros ordine excipiens in Rivum altum recta decurrit. Quæ intus dicenda restant, prius sunt referenda, quam in adversam transcendatur insulam. Ab misericordiæ aræ fundamentis, (in cujus parte infectorium statuimus vicum) brevis ad *Marcellini* pontem nec omnino recta ducit via: ex adverso divi fanum & in eo virginis miranda effigies. *Arimino* (ut fama est) miraculo delata: *Spartani* ad hæc lapidis, aut certe illi perquam similis delubrum. in eodem tractu ad occasum magis conspicuum virginis templum cum numerofo fervorum cœtu (sic enim se qui ibi sacris operantur nominant) ad aram maximam *Marie Cleopæ* caput. Lapideo inde ponte vicorum inflexu ad geminos pontes ad occasum potius, quam ad meridiem est reditus: donec trivio navigetur in rivum altum sinistris aquis. dexteris retro ad fervorum aram recta in *Margariam* vicum. In læva igitur procedentis rivi ora, modica area, vetustissima accubat *Leonardi* porticus: ædes & ipsa insigni vetustate. inde retro ad *Hermagoram* carpenda semita, templum cum præalta turri. Hic mihi urbem recognoscenti, *Joannis Baptiste* dexteram per otium spectandi facta est copia: eam dico quæ Christum Deo genitum atque ipsum Deum ad *Jordanem* amnem, baptismi lavacro resperfit: licuitque antistitis indulgentia eam non solum inspicere, sed aureo depromptam tabernaculo (quo vix optatius quicquam contingere potuisset) identidem exosculari, una omnium reliquiarum, quæ in urbe sunt, hæc in publica ceremoniarum pompa sub umbella circumfertur. intus *Thassi* lapidis columnæ

A pleræque: præter hæc in eo nihil dignum memoria. Patet hinc per implicitos vicos & quem exaggeratum rivum vocant, ad *Magdalenam* via, unde abeuntes continuo post sublicium pontem *Fusæ* brevis area cum templo excipit. annosa loci facies: cæterum nihil in eo quod ad sui contemplationem invitet. A Divæ liminibus supinus pons idemque sublicius ad *Felicem* transmittit: alluuntur propemodum divi postes rivo, qui a septentrione, ut dixi, infusus secundum misericordiæ aram in Rivum altum decurrit. *Petri Michaëlis* opus pons, qui in conspectu est, in adversam insulam transmittit. ab eo modico processu, læva ad *Catharinæ* itur. longissimi angiportus duobus ligneis pontibus ad ædem ipsam recta ducunt: sedet illa cum numerofo virginum cœtu in extrema ad Aquilonem insula. Unde dextro rivo ad *Crucigeros* in summa insula sacris operatos profectio est; crucem illi veteri instituto præ se ferunt: unde nomen sortiti. *Cletus Petri* discipulus religionis auctor: sed *Cyriacus Hierosolymitanus* antistes, qui dominicam crucem cum *Helena Constantini* matre curiose quæsitam invenit, circumferendæ crucis decretum induxit. *Barbaræ* corpus penes illos *Christophori*que scemur; in fronte, domus vetustissima ad pium usum constructa. Ac quam nitidum & hilare eorum cœnobium nuper instauratum, *Alovisii Dardani* procuratione: tam hujus loci, de quo loquor, facies situ obsita. Remensis viis, ad *Feliciani* pontis diverticulum, læva ad *Sophiam* flectitur: præjacet ædi patens campus celeberrimus, qua patet in piscarium torum tractus: præter divæ postes angustiore calle ad Apostolos brevis ducit via: unum ex Magni *Opitergini* operibus. Vetus turris incubat; hinc retro ad *Crucigeros* duplici angiportu suis utroque pontibus peragrandu datur regressus ingens: adhæc pro luco area. In fronte pons sublicius, qui per intortos vicos ad *Chrysostomum* ducit, ipsum etiam non sine vetustatis vestigio; angiportus inde ad lapideum fert pontem, qui in summo calle angineo sedet: regionis confinium. Ex Divi vestibulo duobus pontibus, rectoque ferme vico retro ad *Cantianum*, & *Virginem* cognomento novam, aris pene contiguus patet reditus: utraque facies situ & vetustate consumpta; rivus qui novam virginem ab ea, quæ miraculorum dicitur, ponte ditterminat, *Canaregii* & *Olivolensis* est regionis terminus.

## DE OLIVOLENSI REGIONE.

E *Olivolensis* regio (quæ & *Castellum* recentiore verbo dicitur) duarum est regionum humeris imposita, nonnihil & ipsa ad ortum fastigiata: ac nescio, an non omnium maxime post *Durum dorsum* in acumen exitura, nisi augustissimum urbis templum, pari forma fronte cum virginio, quod contra respondet in stagna procurreret. Basis (quantum parum rectilinea) patet, perscriptis a stagno finibus inter *Cantianum* & miraculorum ædem, mox inter *Marie* & Salvatoris fanum, *Julianum*, & ædem auream in canalem usque maximum. Quæ nunc *Castellana* est, ædes *Olivolensis* quondam fuit; recte igitur tam hinc regionis nomen, quam inde traxeris. Insulæ in ea circiter xx. sacræ ædes aliquanto plures, & ut descriptionis ordo omni perplexitate careat: hæc quoque ea parte adeunda est, qua proximæ regionis relatio invenerat sibi exitum. Referentur itaque primo ea, quæ ad borealem attinent oram: mox reliqua dicuntur. Ab ara virginis, quæ novæ olim cognomentum sortita est, sublicius pons ad miraculorum transmittit ædem, locum, ut nova ita præcipua religione insignem; fuit brevis Virginis tabula angusto calle affixa (quod in plerisque locis urbis cernere est) ea proximis annis subitis miracu-



raculis illustrata, magno mortalium concursu frequentari cœpta est: quo brevi contigit, ut amplissimis donariis eodem, quo fuerat loco, marmorea sit ædes erecta, opus magnificum, ac nescio an post auream ædem omnibus, quæ in urbe sunt opere & materia longe præferendum. Exterior facies ædis à summo ad imum *Ligustico* saxo, *Histrico* & *Bena-censi* interjectis, est ceu tabulis contexta: a fronte porphyrites, *Spartanusque* lapis ad ornatum reliquum per intervalla distinguunt materiam, opus ad consummationem spectat. Contra ædem novum virginium, & ipsum non vulgari apparatu ab imo educatum, utrumque opus *Francisci Dedi* equitis, & *Francisci Zeni* procuratore a fundamentis excitatum: mox *M. Superantio*, & *Thoma Contareno* procurantibus productum opus, novissime *Leonardo Lauretano*, & *Augustino Superantio* extrema pene manus est operi admota. Fuerat *Amantiae* familiae imago illa, priusquam illustrari contigisset: atque rei monumento publice decretum, ut duo *Amantii* cum duobus patriciis sacram pecuniam donariaque procurarent. Recto deinde calle ad lapideum itur pontem, qui tenui angiporstu, atque altero ponte ad gemellos mittit; opus amplissimum, ac præ nimia altitudine caliganti fastigio: vasta magnitudine, cultuque pene pari Prædicatorum conventus, quatuordecim principum cœmeterium; sparsim tota æde visuntur illorum monumenta: sed omnium, ut maxime recens, ita nobilissimum *Petri Mocenici* Principis, ex hostium manubiis erectum. Præjacet templo area cum lapideo ponte, qui in minores birros, & majores mittit: medio tractu circa pontem *Marciani* collegii conclave illud clarissimum nobilibus tabulis, & auro præditum, quod hoc quadriennio non sine totius civitatis mœrore nocte una conflavit; nunc materia longe sumptuosiore, quam antea instauratum, novissimeque a fronte *Alovisio Dardano* collegii magistro, apparatu longe opulentiore excultum. Eadem area *Bariholomæi Bergomatis* equestris statua aurata, marmoreæ moli imposita, (opus visendum) quum hæc proderemus publica impensa defuncto posita est, vasta a tergo atria templo adjecta; ac tam ampla conclavia, ut centum, & amplius sacrorum causa inibi ferme agant. Bibliotheca adhæc ingens hortis incubans: qui cum non parva ædificiorum parte stagno alluuntur. Ad *Justinam* inde aliquandiu recta itur: euntique ad lævam post gemellos herbidus occurrit campus, ubi hi, qui in navales turmas scribuntur, sagitandi peritiam delectum habentibus, probant. Contiguus inde vicus cum venalibus tabulis utrinque ad ædificandum dispositis. Barbarum vicum vocant; quem rectius tabularium dicerent. Per aream inde, pontemque unum sublicium hilari fronte, instaurata nuper, euntem *Justina* excipit, ædes alioqui vetustissima: utpote unum ex Magni *Opitergini* operibus. Accubat recens fano virginium *Petri Mauroceni*, *Berthucii Delphini*, *Michaelis Cornarii*, & *Laurentii Delphini* (qui aream obtulisse dicitur) procuratore erectum, addiderunt aliquid templo *Zacharias Barbarus*, *M. Antonius Maurocenus*, *Hieronymus Contarenius*, *Mattheus* & *Andreas Donati* fratres, & *Hieronymus* cognomento *Joannes*, qui hodie procurant. Angusto vico eunti herbidus aperitur campus, cum antiquo in *Murianum* trajectu, qui frequentari desit: excurrit planicies illa, utpote in urbis recessu, aliquanto licentiosius ad alteros *Francisci* gymnopodas, qui ad novam divi aram sacris operantur. Tenuis templi hujus ornatus: sed ædificia ædi circumjecta, quæque in stagnum protenduntur, amplissima, ingentes undique explicant porticus, & supra illas frequens bibliotheca. *Andreas Bragadinus* sexaginta auri pondo in id opus contulit, *Hieronymus Badovarius* quadraginta, atque

A uterque vivens dono aurum dedit. Monstratur in vicinis hortis ædicula Divo *Marco* sacra, a principe, & patribus veteri instituto quotannis statò die adiri solita; hic quum ab gymnopodum uno quæsissem, ecquid esset, quod locus vinea diceretur, quum nulla circumjecta essent vineta: insulam esse ab urbe respondit, ad quinque millia passuum, quas vineolas hodie vocant, ibique divum *Bernardinum* præfuisse aliquandiu æditi nominis: unde postea translata in urbem religione loci nomen retinuisse. Visitur in ædis vestibulo *Ludovici Siciliae* regis sepulchrum, corpore ex *Hierosolymis* in urbem pro sanctiore quodam deportato: verum cognito errore placuit purpureo pallio ejus arcam editiore loco sitam, operiri. Ab *Francisci* ara deflexa via præter opium *Bocolorum* hospitium, inflexosque vicos ad altera itur *Trinitatis* testæ: ubi *Anastasiae* corpus, a *Valeresio Valeresii* cognominis *Byzantio* delatum. Ex area quæ vestibulo ædis præjacet sublicius pons ad *Celestinam* mittit ædem (ubi chorus ingens virginum) annosum templum cum effigie virginis, miraculis multis illustrata, *Celsique* Principis marmoreo sepulchro. Hic quoque locus, quia in ora stagno alluitur, post *Trinitatis* fanum, Geminolque puteos, pium *Joannis Zachariae* hospitium medio ferme vico cum tenui sacello occurrit. Publicum hinc navale visitur, cujus mœnia procul venienti vaste se pandunt: immensum opus, ac ita longelateque excurrens, ut xx. circiter stadia circuitu pateat: undique valide munitum, sed intus, si quis omnia collustrat, haud facile expediet, navalene an armamentarium potius sit dicendum: siquidem præter ingentem triremium numerum in pontibus stantium ad omnem occasionem paratarum, præter alia navigia, & multa & varia, quisquis vim tormentorum maximam, arcuum, sagittarum, telorumque omnis generis, quorum amplissima sunt conclavia referta, si quis anchorarum, velorum, funium, remorum, omnisque nauticæ rei stupendum inspexerit apparatus, fateatur necesse est, nullum esse tam arduum bellum, nullum tam diuturnum, sive terrestre, sive maritimum, ad quod instruendum id navale non abunde esset arma suffecturum. Sed ab ipsa rei magnitudine efficacius exprimenda, quoniam id verbis præstari non potest consulto abstineo. Sub ipsius navalis mœnibus in *Martini* Pontificis aream transcenditur: annosa templo facies id subeuntibus, ad lævam paulo eminentiore loco vetus est sepulchrum, tribus familiis olim commune: sed tam angustum, ut ne extensa quidem cadavera possit capere. Unde quum forte locum spectarem, subiit animum reputatio illa: quanta fuisset olim civitatis parsimonia, in qua plures familiae quinque pedum & quadrantis possedissent tumulum. Intus sub delubro basis, cum harpyiis duabus, veteri opere incisis, ostenditur, nobiliore quidem opificio quam materia: certum hodie statuariis, & pictoribus figurandi monstri exemplar. Dexterò inde templo ad navalis itur januam, *Maripetri* principatu marmoreo opere munitam. Eminentissimus pons transcenditur rivo impositus, per quem triremes in apertum protrahuntur; hinc præter navalis mœnia in sagittarium itur stadium: unde per *Tanaisidis* campum ad hospitium duobus Apostolis sacrum ducit via. Verrusta hic omnia tam me hercule, quam in *Danielis* virginio, quod ad lævam hinc digressis collapsa pene fronte occurrit; templum senescenti facie infirmum, testudine & fornicibus fultum: in ejus vestibulo marinæ belluæ, portentosæ magnitudinis ossa. Duæ hic virgines *Joannis* Martyris sacrarium nobis referarunt: corpus pene integrum; & ut ex illis didici *Byzantio* delatum. Ad hæc usque loca decurrunt navalis mœnia. Adversam insulam obtinent, quæ inter sanctimoniales urbis, peculiari appellatione



ne Virgines dicuntur: in æde nihil præter vetustatem occurrit observatione dignum; virginium ipsum nocturno incendio nuper deflagavit, atque biennio minus sumptuose instauratum. Hinc subito pons longissimus in *Olivolensem* transmittit insulam, ubi patriarchica nunc sedes, ubi & divi *Petri* fanum, Magni *Opitergini* opus: vetustas in eo nobilis, sed rerum apparatus longe nobilior; aurea testudo aræ maximæ incubans: pavementum tessellatum: columnæ & multæ & magnæ: sed omnes peregrini lapidis. Herbidus campus ad rivum procurrens, turrisque in eo candidi lapidis paucis ante annis ad fastigium ferme perducta. Insula omnium extrema ad ortum, nunc quinta a quibusdam vallis dicitur: olim ut plane constat, *Olivolensis*, ab olivis in ea confitis, ut quidam memoriæ prodiderunt, nominata. Post longissimum pontem, cujus proxime facta est mentio lævo calle, perque alium sublicium pontem ad *Annam* transcenditur, sedet ea in insula, quæ omnium regionis hujus maxime est australis: virgines hic quoque plurimæ; hinc rectis aggeribus profectum *Dominici* limina excipiunt: frequens in eo prædicatorum conventus. Rectissima inde via lævo templo ad *Antonium* ducit. Per aperta ligneo uno ponte superato, eundem. In divi æde Virginis imago miraculis insignis: & ad aram maximam *Victoris Pisani Venetæ* classis *Genuesi* bello Imperatoris ex Pario marmore sepulchrum; nobilissimum templo opus incubat, atque idem recens, ad pium usum paucis annis clarissimo opere constructum, inter recentia urbis ædificia, præcipua admiratione conspicuum. Citra ligneum sacellum ad tempus religionis gratia erectum; vestigiis retro observatis, lævum occurrit navale, cum publica illa, arce verius, quam nave in pontibus adhuc stante: inde per *Dominici* callem in ora pientissimum illud omnium, qui in urbe sunt domicilium, ubi ex abjectiis certus puellarum asservatur numerus, quæ ab ineunte ætate optimis artibus instituuntur. Sed inprimis morum habetur ratio: tam severa adhibetur disciplina, ut non modo compellendi cujusquam alterius sexus, aut alloquendi, sed ne videndi quidem ulla relinquatur occasio. Ubi vero per ætatem adolevere, & jam viro maturæ esse cœperunt: publico ære honesto matrimonio locantur. Incubata fronte aquis adversa ripa *Ducarium atrium*, ad pium usum nuperrime absolutum: ex eo ad supinum itur pontem, qui aquis a superiore publici navalis parte corrivatis incubat. Ex adverso ad meridiem *Antoniana* insula definit ulterius procedere. Publica lignorum conclavia circa pontem ad opportuniore civitatis usus comparata. Reliqua ora, usque ad pontem, regionis confinium (eum palearem vulgo vocant) quinque peragrat pontibus, jam hinc ordine referendis. A primi pontis transensu *Blasiana* excipit ara, in tenui æde, quæ aræ introrsum præjacet. Græci perquam pauci nuper hic sacris operabantur. Onerariarum navium vis ingens proximæ hæret ripæ: tota ora nautæ pro statione tutissima utuntur; circa pontem, qui proximus se offert, citra utraque publica horrea: mox & publici furni, ubi ad navales usus panis vis ingens conficitur. Inde domus, quæ Dei optimi maximi dicitur, occurrit: mox ligneus pons, unde ad *Cælestinam* introrsum navigatur ædem. Occurrit fundamenta tenentibus dextrum Christi regis sepulchrum, cum virginio: pons inde lapideus a proxima pietatis domo nuncupatus occurrit. Huc pueri furto concepti abjiciuntur, abjectique diligenti cura, & studio aluntur. Subjectus huic ponti rivus *Justinam* vario inflexu spatietur: hinc ad *Bragolanam* ædem diverticulum ducit. Est & a mediis retro fundamentis huc deflexus brevi angiportu: est res ipsa jam ævo confecta, utpote jam inde a *Longobardico* tumultu

A condita: Ingens area templo accubat, ubi mihi de loci nomine diligentius sic sciscitanti, senes quidam, ut ex eorum sermone adverti non omnino deliri, memorabant accepisse se a majoribus, priscos illos *Venetos*, qui ab initio urbem tenere, mercatum *Bragolam* appellasse, & quia olim eo loco frequens mercatus celebraretur, datum ob id loco nomen: fuerunt postea qui mihi dicerent, illic olim piscosa fuisse loca: atque idcirco quia piscationem veteres *Bragolam* dixissent, a re ipsa nomen locum accepisse. Non desunt, qui *Bragolam Joannis* cognomento Eleëmofynarii patriam fuisse memorent, atque a divi sacrario nomen vicinæ datum: alii a *Patavinis*, quos patria a barbaris ejectos primos omnium eam urbis partem tenuisse constat, torcular bragolarium dici ajunt. Sed cur in insulas sit nomen translatum non expediunt. Angiportus mali vadi per quem a pietatis ara in *Bragolanum* divertitur. Proximi inquilini narrabant mihi, existimare se, verissimum esse illud, quod majorum relatu vulgo percubisset, eo olim loco reos capitali supplicio affici solitos, atque in argumentum fabulæ adducebant infelix ibi vadum esse, affirmantes, vidisse sæpius se, illic viros subito congressu contrucidatos: alios vero, aut lapsu pedis, aut diverso casu periclitatos. Per hunc ipsum vicum obliqua semita *Basæja* domo ad dexteram relicta in oram brevis est reditus; sequuntur duo inde pontes, hic aquis *Zachariæ* virginium a tergo alluentibus incubans: ille rivo qui ejusdem divi lapideum pontem a fronte irrigat, novissimus omnium qui a venali palea, quæ nunc ad *Georgiæ* fanum venditur, nomen habet, atque hic regionis finis. Sed huc non est venire, ut reliquum regionis peragrari possit: quin retro per *Rasianum* vicum in proximam venire oportet aream; ad lævam viculus brevis ad communem *Jacobi & Philippi* aram ducit: templum ipsum aquis dirimentibus divi *Marci* tergo pene hæret averfa aræ parte. A fronte *Joannis* cognomento novi limina: sed illa ipsa veteri non nova facie: ad dexteram eodem vestigio stantis *Zachariæ* virginium, vetus & ipsum opus: sed nunc proximo loco fanum ornatissimo apparatu erectum, nullique novorum operum sumptuositate & ædificii ratione posthabendum. Ad veterem aram, *Gregorii, Zachariæ, Theodori, Sabine, Pancratii, Nerei, & Achillei* corpora, uno condita sunt sacrario. Divi atrium egressis ad dexteram in conspectu se procul templum offert: in eo præter ævum nihil hodie miramur; in adversa insula sedet *Mauritius*: unde per brevem vicum ad geminos pontes est aditus. E Dextero relicto, per eum, qui a fronte occurrit, in subiectum angiportum, & vicinum pontem dextera ad *Antoninum, Particiatæ* familiæ opus vetustum transcenditur: ubi & *Sabæ* sacrarium; fundamenta sacræ ædi propinqua, ac paululum incurva in *Bragolanam* retrahunt aream, sed de loco plura fortassis quam oportuit: si læva a ponte procul ire pergas, de quo nuper diximus, ad *Joannem Hierosolymitanum*, & in *Foro-Julianum* vicum venies, ultra quos ad occasum adversa insula *Laurentianum* virginium, cum æde ei, quam proximo loco *Antonino* sacram ostendimus æquali; id quoque *Particiatorum* opus fuisse memorant, anno conditæ urbis circiter cccc. extructum: utramque insulam veteres geminas dixerunt. Per pontes novissime dictos ad divi ædem retro patet reditus; dextero rivo post geminum pontem, septentrionem versus fundamentis itur: lapideus pons ad divum & virgines ducit: hinc longissimis patentioribusque vicis ad pontem venit, qui in longum transmittit callem: hinc dextera ad *Lateranum* ducit, locum pene sacris destitutum. Recta ad *Mariam* formosam, vastus campus atque herbidus blande venientes excipit: ad meridiem templum attollitur. Magni *Opitergini* monumentum. Delubrum



brum in eo porphyretici lapidis, cum subjecta columna nobili materia, sed opere nobiliori, duobus hinc pontibus semitisque pene rectis ad *Mariæ* aram venit: ibi Divæ corpus *Byzantio* delatum. Per ejus aram, & lapideum pontem fit reditus ad miraculorum ædem, unde scribendæ regionis sumpseramus initium: versam inde viam, quæ in fronte Divæ est ingressus ad *Leonis* fanum inflexis vicis unoque ponte transcendens (*Lium* vulgus corrupto nomine vocat) opus per se vetus: sed magna nuper ex parte instauratum, & hæc sacrarum ædium, quæ in *Olivolensi* sunt regione novissima, ac pene confinium ipsum. A tergo introrsum capsiarium habet vicum, qui usque ad pontes regionem ea parte claudentes, bifariam extenditur.

#### DE SEXTA ET ULTIMA REGIONE.

**R**eliquum erat, ut de nobilissima urbis regione diceremus: quæ eadem est & *Divi Marci*, in XIV. divisa insulas, sacras ædes decem & octo: Ejus forma ad occasum resupinata basim duabus insulis affinem, nec rectilineam habet: *Duro dorso*, & *Paulinæ* regioni est a lateribus & a fronte inserta; ejus descriptio a *Canaregii* finibus sumet exordium. Lapidus ibi pons *Germanici* emporii tergo hærens: mox & inflexus vicus, qui in anguis speciem intortus anguinus dicitur; sed illi ipsi ambitus hinc inde densissimis sunt officinis referti: in quibus omnis urbis purpureæ texturæ apparatus, non sine spectantium admiratione, conspicitur, incredibilis opificum manus, in auro, & serico varii coloris explicando est occupata. Ad lævam sinuosus callis ad pontem ducit, per quem ad *Leonem Olivolensis* regionis transcenditur: ad dexteram *Germanicum* se offert emporium; locus alto rivo imminet. Plurimi hic *Germani* sanguinis conductis ad id circa atrium cubiculis, negotiantur: ingens inde *Reipublicæ* vectigal. Quicquid mercium ex urbe in *Germaniam* & circumjectas oras devehitur, hinc propemodum depromitur: quicquid rursus inde affertur, hic negotiatorum oculis subjicitur, plura semper navigia, ad mercium vecturam, quæsitæ subjectis hærent ripis. Ab emporio in apertum egressis rivoaltinus pons dexter occurrit, ad lævam frequentissima urbis via ad auream usque ædem, & ipsa admodum sinuosa decurrit. Tota intercapedo, quæ quatuor pene continet stadia densissimis dextra lævaque aromatiis aliisque omnifariam tabernis officinisque promiscue fervet interjectis; in his omnis urbicæ, peregrinæque mercis copia venalis exponitur: adeo ut quum omnia in apertum deferuntur, inter blanda urbis ornamenta id soleat magnorum hospitum oculis subjici spectaculum. Per eam aliquanto progressis *Bartholomæi* vestibulum fano accubans ad dexteram se offert, & Salvatoris ædes cum *Isidori* corpore, conventu celebri; opus testudineum præcipua religione præditum: nec multo post contractiore fronte, & *Julianus*, (qui a latere spatharium habet vicum, aquarium vero a tergo) mercaria via a fronte pergit in aureæ ædis aream procedere; sed ad oram unde digressi fuimus, est redeundum, ut ordine dicantur, quæ hinc sequuntur. Quicquid igitur a ponte omnium maximo (qui idem est & rivoaltinus) secus aquas peragrari potest, totum aggeribus est suffultum: quibus hærent mercatoria exotici *Italicique* vini naves: ita inter se frequentia stipatæ, ut mutuus sit inter illas transensus. In fronte tabernæ plurimæ oleariæ, vini apothecæ: hic bajulorum, & omnium fere, qui sordidum faciunt in civitate quæstum semper turba ingens. In extremis aggeribus angustus vicus in *Lucæ* aream ducit: hic a tergo ærarius vicus, per quem ad Salvatoris ædem retro patet accessus: a fronte angiportus, qui ligneo ponte in sagittarium callem mit-

**A** tit. Haud procul ab area diverticulum ad *Divi aram*, unde in apertum reversis, perfringendum *Lucæ* diverticulum, & mox *Paterniani* vestibulum. Hoc cum æde ad lævam relicto, duplici angiportu sublicio ponte diremto, ad *Benedicti* vetustam itur ædem, *Divi tholus* cum præjacente introrsus area ad ripam usque qua in adversam trajicitur insulam. Post diverticulum recta procedit via ad *Angeli* fanum; nova hic turris: vetus, quæ ibi fuerat subita ruina non sine plurium perniciæ noctu repente corruisse dicitur: quin & tertio ab hinc anno item noctu e cælo tacta, adeo omnibus pene lateribus concussa est, ut res sit in prodigium versa: sed latera subito instaurata. Eremitanorum atrium cum augusto protomartyris templo ab *Angelo* digressum lapideo excipit ponte; frequens hic conventus, templumque sacellis plurimis, & pavimento ornatum: in fronte cæmeterium, mox & vicus cum bubulis stabulis, & lacte omnifariam venali. Hinc flexus ad *Rochi* & *Susanne* aram; huc his paucis annis *Rochianum* collegium concesserat, ac pluribus ædificiis solo æquatis, quæ ad hoc ipsum coëmerat, novum sibi conclave, cum *Divi* æde, erigere adortum est, sublato inde veteri lupanari ingentem explicaverat ad ædificandum aream: quum repente mutato consilio cum ipsis sacris, ac *Divi* corpore, ex *Gallia* nuper delato & quod pro tempore in *Geminiani* fano religiose fuerat asservatum, in vetustissimum fanum ultra rivum commigravit. Novissime hinc cum omni ceremonia profectum, eum circa Minorum ædem locum instauravit, ubi prima fuerant *Divo* jacta fundamenta: est id hodie (quanquam recens) ex quinque celeberrimis urbis collegiis unum. Illis igitur abeuntibus locus est iterum profanatus: sed non multo post in sacrum usum restitutus, traductusque eo frequens virginum cœtus; ædes cum virginio tumultuario pene opere extructa, *Rocho* & *Susanne* sacra. Relinquant hoc commune fanum ad lævam hi, qui ad *Samuelem* ire pergunt: præjacet illi area cum trajectu omnium ferme, qui in urbe sunt frequentissimo. Jam hinc atque aliquanto retro usque ad *Trinitatis* fanum citra utraque rivum clarissima spectantur urbis ædificia: inde eisdem vestigiis ad *Stephani* aream redeundum. Cymba, qui volet, ad proximam *Vitalis* ripam evehitur: exiguum id templum, hinc publicam charitatem spectans, inde virentem protomartyris campum. Mox ex *Divi* conspectu cymba ablatus: post appulsum ad *Mauritium* per tenuem ibit angiportum; parum abest quin ille Eremitanæ areæ a tergo accubet: tenui rivo discernitur. Campus, qui *Divo* præjacet ad lapideos mittit pontes: post illos *Jubanicæ* virginis vetusta occurrunt limina, cum turri præ multa vetustate jam collapsa: in æde columnæ pleræque & peregrini lapides vetustissimum loci arguunt apparatus. Campus a fronte ad *Gregorii* trajectum excurrit: secus *Jubanicæ* testæ per inflexos calles ad *Angelum* læva, dextra ad *Fantini* itur aram. Hic virginis imago multa religione, assiduisque miraculis illustrata; frons ædis nitida, candidoque saxo nuper instaurata. Duplici inde via in *Divi Marci* itur aream, læva per sagittarium vicum, dextera pontibus duobus. In ulterioris conspectu, *Mosis* fanum cum acclivi turre; hic quoque virginis icon, & ipsa miraculis multis insignis, tenueque fabrorum collegium: sed hujusmodi collegia regionatim omnibus ferme templis reperiuntur. Recta hinc ad ædiculam virginis ducit; omnia ibi tenuia. Viculus ex hujus conspectu in *Geminiani* fert vestibulum: id in aureæ ædis aream cum ipso templo decurrit: duæ deinde porticus dextra lævaque usque fere ad auream ædem longe lateque spatiantem amplexantur aream. Imæ utrinque partes publice locantur, & cum his lævæ porticus superiora domicilia: dexteræ vero a *Divi Marci* procuratoribus inhabitantur. A *Geminiani* ve-



stibulo illa profecta per pontes, & in ærarium vicum & alia ignobilia a tergo loca pervia est: ipsa cum area usque in mercariam excurrit viam. Tum publica quædam sine porticu ædificia ad *Bassi* usque vestibulum protenduntur: quæ spatharium vicum & aquarium post se propinquo loco habent, sed illa superius dicta procuratoria porticus, & ipsa spatiantis aræ æmula, pergeret ad auream usque ædem procurrere, vel potius in forum ipsum, cui magis contra responderet, nisi superbissimæ turris occurſu comprimeretur. Est omnium illa quæ in urbe sunt eminentissima, adcoque altis fundamentis nixa: ut pene plus operis latere credatur quam ad auras extet; summus apex adeo sublimis, ut fulgor auri, quo illitus est, ad ducenta stadia ex alto navigantibus, velut saluberrimum quoddam occurrat sidus; sanctiora conclavia, in quibus pecuniæ & alia quoquo modo *Divi Marci* procuratoribus administranda diligenter asservantur: festiva facie turri accubant: pervii fornices a summa porticu ad pium *Divi Marci* transmittunt hospitium. In aditu magnum conclave, ubi publico decreto his annis literarium est Gymnasium constitutum; hinc postea egressis ad meridiem explicatur area; quæ & ipsa duabus cohibetur porticibus, forensi ad ortum, ad occidentem solem tabernaria. Hæc a fronte paniceas tabernulas habet, intus superiore parte meritoria hospitia: infra cauponulæ multæ, cum sellariolis popinis; in summa porticu janua ingens quæ ad nummariam ducit officinam. Hic assidue vis ingens auri & argenti cuditur: opificum ingens numerus; mox hinc alterum hæret macellum cum piscario foro, & tabernis plerisque sellariolis nummariæ officinæ contiguus. Post piscarium forum sequitur & cæparium: terram novam eam loci intercapedinem veteres dixerunt. Ædificia illi imposita, ubi nunc publica sunt horrea, olim carceris usum præbuere; constat ibi *Genueses Clodii* captos in vinculis olim habitos. Ripa a veteribus cloacis, quæ hodie non sunt usque ad palearium pontem, tum cymbæ plurimæ, tum majora navigia, partim oneraria, partim ad vectores excipiendo parata, die noctuque hærent: medio tractu introrsum in *Marciana* area, qua ad meridiem excurrit, geminæ columnæ præstanti forma prominent; mira in illis spectatur proceritas: in hoc epistyllo *Divi Marci* simulachrum ea forma, qua alatum imitatur leonem, in illo *Theodori* martyris intenta hasta draconi incubantis: in utriusque numinis tutela civitas ad hunc diem mansit: in martyris olim, nunc in *Divi Marci* est. In ipso intercolumnio fontes capitali afficiuntur supplicio.

Reliquum est, ut de Ducario ipso & aurea æde dicatur: quorum ingens rerum apparatus, si a nobis accuratius explicetur, tertium explebit libellum, nec adhuc rem plene prosecuti erimus: sed brevitate verborum perstringam, ut ea solum memorentur, quæ præcipue visa fuerint admiratione digna. Tribus Ducarium ipsum patet lateribus: ad Aquilonem aureæ ædi accubat: qua Austrum & Zephyrum spectat, crassioribus subnixum columnis, longissimas explicat porticus: quarum hæc publico prætenta est carceri, illa institutoribus magna sui parte deservit. Utroque latere eminentior porticus, his duabus imposita, duplici columnarum serie suffulta: totaque in fori usum assumitur: amplissima conclavia porticibus incubant: quorum hoc quod occidui est lateris publicandæ bibliothecæ fuerat destinatum: illud meridianæ oræ comitium habet, ubi totius ordinis suffragio magistratus creantur. Duplex hic armamentarium utrumque comitio contiguum, publicis armis refertum: sub quorum altero *XL*. Viri civiles audiunt causas: reliquum latus, quod hodie ob novam instaurationem est pene dimidiatum, sub veteri structura vetustissimam *Nicolai* ædiculam habet, & tribunal, pro quo publici advocatores causas au-

A diunt; supra veteri instituto senatus habetur: reliquum, ubi verus fiat principum sedes, quæ medio *Ferrariensis* belli tempore deflagavit, materia quidem nobili, sed opere adhuc nobiliori ab imo ad fastigium est nuper instauratum: Aureæ ædis forma, quæ eadem est & *Divi Marci*, crucis videtur mihi figuram exprimere: quemadmodum fuit in historiis a me demonstratum. Et ut ab imis partibus superbium apparatus scribere incipiam: pavementum habet partim tessellato distinctum opere, partim marmoreis tabulis, aliisque non parvi pretii lapidibus munitum: in quibus (vix aliquis credat) semipedales spectantur carchedonii. Ad aram maximam columnæ duæ alabastritæ lapidis: plures ad hæc circa aram maximam, & columnæ, & tabulæ, ex porphyrite & *Laconico* marmore: facies templi ad dimidium fere tabulis compacta est marmoreis: quicquid inde ad fastigium tollitur, purissimo fulget auro. Altissimæ tectudines, *Græcanici* operis, Divorum habent simulacra: quæ mœsta præsentia non plus venerationis spectantibus incurrunt, quam horroris. Vestibulum cum exteriori facie eodem opere & materia præditum: sed eo superiore aspectu quo marmoreæ columnæ multiplici serie & a fronte, & a lateribus omnia convallant. In ipsis laterum fastigiis, crebrisque pinnaculis, marmoreæ Divorum statuæ genis colludentibus ordine impositæ: in vestibuli supercilio quatuor ænei equi alacri statu prominent: quod spectaculum non parum affert ornamentis opulentissimo alioqui templo. Plumbeæ tegulæ, ædem forum, & curiam operiunt: *Divi Marci* corpus occultiore conditum est sacratio, ac omnino paucis noto. Ad aram maximam gemmata tabula inter publicos spectatur thesauros: Hæc ibidem semper: illud sanctiore asservatur loco. Frequens hic clerus cum Antistite, quem primicerion vocant. Et hæc de situ & illustribus locis urbis. Nunc pauca in universum dicam. Omnium sacrarum ædium, quæ tota urbe sunt, aut quadrato lapide, aut tessellato opere tabulisque marmoreis substructa sunt pavimenta: omnes circa aram maximam, & in vestibulis peregrini habent lapidis columnas: pleræque aureas testudines, circa aras aureæ tabulæ, quas pallas vulgo nominant, Plebanicæ ædes, quæ singulæ singulis sunt insulis sitæ; suum quælibet Antistitem est sortita (plebanum hunc vocant) famulantem habet & clerum, a quo canonico ritu sacra transiguntur, eaque ad organorum cantum. Hoc in Virginiis ipsis, hoc in cæteris ædibus sacris collegium habentibus: ita ut sine rubore affirmare possis hanc unam urbem in toto orbe vere sacrificulam hodie nominari posse & debere, atque sacrorum cultu ceremoniaque solemnem, nulli earum quæ in terris sunt, posthabendam. Totam ad hæc quacunque pedibus peragrat lateribus munita. Privatæ ædes domesticatim puteos habent. Quæ aquis incubant, ripas ad navalem usum, atria, porticus, vestibula columnis *Dalmatici Histrici* lapidis fulta: sed intus hæc magis quam foris spectantur: ex eadem materia cœnacula, fenestræ, partesque ædium eminentiores, nulla ferme est recens domus, quæ non aurea habeat cubicula: nec procul aberat, quin jam ædes pro tectorio essent aurum habituræ, nisi luxuriæ in dies validius incumbenti legibus itum esset obviam. Idem in muliebri cultu splendor: qui & ipse paucis annis sæpius est coercitus. Nulla, invalescente luxuria, fuit tam mediocris fortunæ fœmina, quæ non in auro conspiceretur: nulla quæ non aureos torques immensi ponderis collo induceret; utrumque lege, ut dixi, ademptum. Quo factum est, ut jam omnis deliciarum impetus, in gemmarum & unionum ostentationem incubuerit. Quum igitur ornatiores in publicum exeunt, quicquid a medio sur-



fursum est, gemmis & grandioribus splendet margaritis. Virorum cultus in urbe civilior, quam foris; a pueris, vestibus ad pedes demissis utuntur, atque ipsis plurimum nigris. Violaceus color satis frequens, sed cocceus adhuc frequentior. Æqualis utpote in libera civitate habitus: permissum cuique colore, amictu, veste, qua volet uti; quo fit, ut nullum inter ordines primo aspectu appareat discrimen. Capillus vulgo flavus, ac fluidus, ita ut adhuc juvenes plerique calvi fiant: color candidus: statura magis procera quam brevis: tacitus incessus, ac curiosus: sermo gravis, & demissus, & qui plus

A gratiæ sibi vendicet, si aliqua sit ex parte adulteratus. Patriciorum studia, aut in Republica administranda, aut in negotiatione sita: philosophiam nonnulli attingunt, quidam etiam eloquentiæ studia: ac facilis in utroque profectus, quo apparet totius gentis ingenia, non minus ad liberalium artium cultum capeffendum, quam ad id, quod curant, natura comparata. Medius ordo mercaturæ, & opificiis vacat: vulgus remigia explet. Victus omnibus magis nitidus, quam sumptuosus: parsimonia, & lege, & natura quæsita, in cæteris moderatur.

## LIBER TERTIUS.



Itus urbis, viæ, templa, areæ, rivi, pontes, omniaque ædificia, publica & privata, & cum his civium cultus, & mores sic habent: nunc de suburbanis dicam locis. Quæ narratio eo erit, ut spero jucundior: quo & magis varia, majoreque vultate referta. Cæterum littoris natura (rara alioqui visu, ac nescio an usquam alibi terrarum mirabilius operata) gratiam afferet non mediocrem residuæ huic instituti operis lucubrationi. Habet (ut breviter dicam) *Venetæ* littorum ora, quæ ab ostio *Padi* maxime in Aquilonem verso initium sumens, ad *Gradatas* usque aquas, quæ *Aquilejæ* in fluctu præjacent, littore plurifariam abrupto percurrit, marinos fluctus in placidissimi stagni speciem conceptos: qui æstu pelagi in vada adacti, passimque fluminibus occurrentes, novum quoddam exhibent naturæ certamen: nunc terra sibi quicquid id est, nunc aquis vendicantibus; & quod magis adhuc mirari possis, sedet interrim amœnissimum litus perpetui certaminis arbiter: quin auctior potius, hinc pluribus fluviorum ostiis maris æstum in stagna transmittens, inde admissio procul a se terram distinens: & ipsum totum pene cultum, & ut intra se cætera colantur, ab omni maris injuria suo objectu defendit. Quo fit, ut alibi vineta, horti: alibi salinæ, piscationes, templa, turres, ædificia publica & privata, effusa toto stagno existant. Et quum aquæ omnia intra litus obtineant: imperat tamen aquis humanus cultus. Sed quantumcunque alternantis naturæ id spatium est, quod objectu littorum diximus his finibus contineri, *Longobardicis* temporibus fuit priscis *Venetis*, ex regione, quam longe lateque in terra *Italia* ad id tempus habuerant, reliquum: fuerant antiquæ *Venetæ* fines (quod in historiis monstravimus) *Abdua*, *Alpes*, *Padus*, & *Adriatici* littoris ora *Aquilejam* usque: sed barbaricis armis, ex omni continentis ora *Veneti* depulsi, ex foedere hos, ut dixi, sunt fines sortiti: id totum suburbanæ regioni damus: cujus explicatio, ut magis sit perspicua, eam in x. partes, & quasi regiones dividemus, quas in fronte ipsa fluviorum ostia præscribunt, intra litus ad internos suos in stagna exitus ipsi amnium meatus. Dabit itaque *Eridanus* fluviorum (ut poeta ait) rex, institutæ narrationi exordium. Is boreali suo ostio cum *Athesi*, qui *Tridentinis* montibus ortus, *Veronæque* infusus, in *Adriam* evolvitur, primam constituet regionem. *Plinius* hunc *Padi* fluvium carbonarias nominavit fossas, quas hodie fornaces dicunt. Suspiciari libet, aut antiquam ostiorum rationem omnino mutatam: aut *Plinium* non omnia vidisse, quum non *Padi*, sed *Athesi* ostium, recentes accolæ fossiones vocent. Extrema regionis ora

inculta, utpote ab urbe ad 400 ferme distans stadia: nec circa litus omnino palustris, sed densa virgulta solum fructæque, & arbores admodum raræ vestiunt. Intra *Lauretum*, a littore tria millia passuum, *Vitalis Phaledri* principis opus, ut plures annales habent, *Adrianorum* clade insigne. *Adrienses* his locis a *Venetis* ingenti prælio victi opes & celebritatem omnem in perpetuum amisere. Pervia præter oppidum ex *Athesi* in *Padum* navigatio, extremo rivo, secus *Athesim*, turris cognomento nova: sed facie pervetusta, supra vastæ paludes, & in his antiquæ ædis vestigia, quæ divo *Andræ* fuit olim sacra, nunc prophana omnia; inde ad caput aggeris nihil memoria dignum; sedet locus extrema *Athesi* ripa, ubi fluvialis agger sumit initium: ita ut hinc non aliunde nomen loco factum suspicari possis. Extrema regionis linea a *Pado* producta, per paludes a tergo in extremos oppidi fines decurrit, centum quadraginta stadia mari procul relicto; nullibi regio latius patet. Nobilior quæ sequitur, fossionibus & *Brundulo*, quem *Athesi* & *Bacchilionis* scissiones faciunt, comprehensa, incultum, qua fossiones spectat litus, eademque pene facies, quæ & primæ regionis. Nihil ea parte memoria dignum, præter *Georgii* ædem, *Athesinæ* ripæ accubantem, palustrique vastitate interjecta in eadem ripa *Lazari* fanum. Qua ex *Athesi* *Bebias* rectis aquis navigatur, sedet *Bebiana* turris fluvio, qui postea ad *Brundulum* emittit, contigua: omnia supra infraque paludibus, modicisque pascuis infesta; hinc namque *Athesi*, suarum aquarum impatiens, sese in eas non uno loco exonerat: inde *Bacchilionis* scissio (quam audio ab locorum accolis *Brentonem* vocari) cuncta inundatione complent, locaque obiter inaccessa faciunt. Toto hoc palustri ferme tractu, qui longissime mari recedit, præter *Bebianas* molas, infra *Athesinarum* corrivationem & *Brentonis* confluentem fitas, nihil quod opus sit cognoscere reperio: circa litus qua *Clodiam* spectat, vineta passim & horti terram obtinent. Proximum *Veneti* portum *Clodiaco* bello *Germanensibus* interceptis occludere; his littoribus pertinacissimi illi duorum populorum conatus pluribus hædere mensibus, hostibus in apertum abire nolitibus: terram *Venetis*, & mare illis pertinaciter inhibentibus, sed illa in historiis latius. Sequitur regio humano cultu omnium, de quibus dicere orsi sumus, memoratissima, *Brundulo*, & *Bacchilionis* ostio interjecta, in hac *Clodia* sita. Quærente me quandoque a proximis locorum accolis, compertumne haberent, unde *Brundulum* id ostium diceretur, negabant se habere quod respondere possent; sed quum ex illis cognovissem *Brentonem* vocari partem illam *Bacchilionis*, quæ *Athesinis* aquis congressa id ostium faceret: non absurda est visa conjectatio, *Brundulum* existimare a recentioribus dictum, quod veteres *Brentulum* dixissent; nomen a *Brentone* fluvio: ut manifeste apparet ductum. Sed id non ita tra-



dimus, ut non liberam aliis de ea re conjecturam relinquamus. In fronte portui obversa *Michaelis* ædes, atque inibi turris vestigia, quæ *Genuensi* bello *Venetis* tormentis concussa repente concidit: nec sine hostium clade. *Chinatius Taurisinus* auctor est *Petrum Aurium*, cum quo *Ligustica* vires circa *Clodiam* conciderunt, improvisa hujus turris ruina oppressum; nec procul inde introrsum in stagno *Blasii* fanum: nunc vestigia vix extant. *Clodiaco* bello, *Veneti* hoc quoque loco internas *Liguri* aquas vallo obstruxere adhibita navium statione; nullo circa *Clodiam* loco magis utrinque est laboratum. Quicquid soli inter mare & paludes, à *Brundulo* ad oppidum patet, miro hominum studio colitur: olitorii horti, interjectis vitibus, frugiferisque arboribus, longe lateque insulam obtinent; uliginosum solum accolarum ingenio magis quam locorum natura ferax: foveis aggeribusque arcent aquarum alluvionem. Cæterum incredibilis inde vis omnium olerum, omniumque hortensium herbarum *Venetias* conveyitur: adeo ut in urbe rerum omnium alioqui ob assidua negotia opulentissima, nulla sit uberior annona: casæ palustri calamo ac cæmentitiæ quædam sparsim omnibus prædiis visuntur: quæ ibidem operantium arguunt sedulitatem. *Clodia* undique interius aquis alluitur; auctores quidam eam ab *Atefanis* & *Silicensesibus*, qui *Hunnici* temporibus in stagna ex continentis ora profugerant, conditam prodidere: quod in historiis aperte diximus. Sed veterum scriptorum plerisque, qui tempora illa pluribus ætatibus præcessere, fossæ *Clodiæ* meminerunt. Bifariam olim culta, & circa littus, quam parvam nominavere *Clodiam* (ea *Genuensi* bello intercudit) & hic ubi hodie urbs duorum millium passuum circuitu sedet incolumis; pervius utrinque usus fuit ponte stadiorum quatuor aquis imposito: cujus vestigia nunc quoque mediis visuntur aquis: tam frequens olim utrobique cultus: ut *Gerardus Roseus* publicus *Clodiensium* scriba, homo spectatæ fidei, qui longissimos mecum de locorum ratione trahere solebat sermones, in municipalibus monumentis legisse se affirmaret, utraque *Clodia* censei olim solita hominum omnis promiscue sexus & ætatis capita quindecim millia, quum hodie VII. non amplius censeantur. Ambiunt illam undique canales, navigabilisque rivus mediam interfecat; ædes in ea sacræ x. & in his Virginis una cum Antistite & Clero. Extra ad meridiem *Francisci* fanum post *Genuense* bellum instauratum, & *Johannis Baptistæ* alterum stadia quatuor ab urbe. Circa portum, qui averſa parte est, quem *Bacchilio* amnis facit, turris aquis incubans: eam lupæ ab initio nominatam certe constat: sed causam non reperio. Multis velut canaliculis, & quasi occultioribus semitis circumjecta oppido navigantur stagna: & in his salinæ interjectæ. Nec procul his memorabilis fossa illa, quam paucissimis horis *Franciscus Carrarius* irrequeto opere, ut *Clodiæ* laborantibus subveniret, *Ligustico* bello effodit. Stagna supra hæc loca late discurrunt creberrimis vallis (sic enim spatia quædam harundineo vallo septa *Veneti* vocant) ad piscationes quæſita. Medio ferme tractu turris, *Nasariola*, a proximis *Nasarioli* aquis scinditur, ut dixi, circa conchas. *Bacchilio*, qui supra *Vincentiam* ad *Gennas* villas ortus, perque *Patavinum* agrum lapsus, paludibus immergitur: inde post scissionem altera ex parte in *Athesim*. Miror *Plinium* ex *Patavinis* agris tantum fluere dixisse. Ea pars quæ dextera *Athesim* versus abit, supra eam turrim iterum scinditur in partes duas: quarum hanc *Nasariolum* vocant, illam *Brentionem*. His plane locis recentioris *Venetie* fines maxime acclinant: adeo, ut nusquam fere suburbana regio minus pateat. Panditur quarta regio a *Bacchilionis* ostio ad *Medoaci* portum, omnia intra litus aquæ sibi vendicant: nec

A præter vetustæ ædis ruinas quæ scopulo, *Bacchilionis* alveo propinquo, circa portus visuntur (*Divo Marco* sacram fuisse memorant) & salinarum turrim, quod unum *Clodiaco* bello præsidium, totis stagnis *Veneto* est retentum, nihil relatu dignum occurrit; est turris ipsa non multum infra *Bacchilionis* inflexum, qua regionis fines præcipue contrahi docuimus. Littus ipsum in stagna obversum (facies dico interior) passim humano iplendescit cultu, ejusque ratio *Clodiaco* perquam similis vici plures ordine, olim oppida *Philistina*: nunc corrupto nomine *Pelestriam* vocant. Duæ adhuc sacræ ædes, & cum his paucissima ædificia: ipsa *Genuensi* bello intercudit; olim frequentius habitata, & quo *Veneti* annum mittere magistratum solebant. *Corregium*, *Paſtina*, *Albiola*, quæ & ipsa *Ligusticis* temporibus colli desiit. Hæc loca prisca *Veneti*, e continentis ora dejecti, ab initio tenuere, ubi *Albiola* fuit: sola nunc ædes visitur, atque ea principi apostolorum sacra. *Medoaci*, seu, ut alii scribunt, *Metboaci* portus, a nostris *Mathemauci* dicitur. Huc licet *Medoacus* fluat: adjuvat tamen aquarum vim non mediocriter *Siochus* ex *Patavino* & ipse agro stagnis infusus: sed *Medoaco* congressus ad littus nomen non perfert. Ex eo æstimare æquum est factum esse in *Patavinis* finibus non ignobili oppido nomen; quod indoctum vulgus *Sacci* plebem nominant: quum *Siochi* potius sit dicendum. Hic est portus ille, quem victor *Ligur* post *Clodiæ* expugnationem valida classe infudit: quem non multo post metu, ne a tergo circumveniretur, trepide reliquit; hoc quoque litus illud, unde aliquot ante ætatibus solverat moles illa verius quam ratis *Gallicis* armis instructa: qua soluta tam insignis est ab hoste clades accepta, ut proximis aquis, quemadmodum suo dicitur loco, nomen dederit. Oritur *Medoacus* ipse in *Alpibus*, ad decimum ferme lapidem a *Tridento*, ignobili lacu. *Plinius* duos *Medoacos* celebrat, quorum hic *Edronem*, cujus proxime memini, faciat: ille circa *Fossam Clodiam*, celebri portu *Adriæ* infundatur; hinc puto esse, quod duplicem etiam *Brentam* recentiores fecere, novam quidem unam, veterem alteram & ab urbe magis *Auram* sequitur, quæ verissime omnium, quas diximus, suburbana appellari potest: quippe quæ urbem ipsam aliqua ex parte contingat. Duo ea in ora portus perscribunt, *Medoaci* proxime regionis confinium, & qui *Venetus* dicitur. Vetustissimus *Medoaci* alveus is videtur mihi esse, quem hodie *Brentam* vocant: *Strabo*, auctor gravissimus a mari inquit (quum de *Patavio* interim loqueretur) sursum habet navigationem fluvio per paludes. CCL. a magno portu stadiis; portus ipse eodem quo fluvius nomine *Medoacus* vocatur. Quibus verbis nemo non aperte intelligit, *Medoacum* eum esse, quem hodie *Brentam* vocant; quo magis miror ausos esse ex recentioribus quosdam, fluvium ipsum *Timavum* appellare, *Virgiliano* credo carmine adducti, quo *Timavus Patavio* proximus videtur significari. Sed quemadmodum in libris de *Aquilejæ* vetustate docuimus, in *Carnorum* ora ultra *Aquilejam* scatet *Timavus*: sic enim proximi accolæ ejus fontes appellant. Sic ædes sacra fontibus propinqua, a *Timavo* cognominata est. *Plinius* in *Atinate*, inquit, campo, fluvius merſus post 20 millia passuum exit: & in *Aquilejensi* *Timavus*. Nec debet quempiam *Martialis* carmen diversum trahere, qui *Euganeum* vocat *Timavum*: quando idem alibi eum *Aquilejæ* fecerit accolam: Et tu *Ledæo*, inquit, felix *Aquileja Timavo*; hoc credo fuit, quod quidam duplicem *Timavum* celebrare sunt ausi: sed de *Patavino* gravem nullum habent auctorem præter *Martialem*, & *Lucanum*, quorum uterque ad *Virgilianum* carmen alludunt. Id si quis altius rimetur, aliud quiddam diversum a *Timavo* demonstrari intelliget; sed



sed de *Medoaco* hactenus; qui proximo etiam oppido nomen dedit. Prisci *Veneti* id condidere: ac tam frequenter olim cultum, ut Ducaria illic sedes quandoque fuerit. Anno inde ab urbe condita circiter septingentesimo, incendio prius, inde maris alluvione intercidit. Est nunc recens aliud, nec multum loco distans, undique aquis & opere munitum, cum annuo magistratu: & introrsum contra litus *Popilia* ab his, qui post *Tradonici* principis cædem ducarium occuparunt non quia ipsi paricidii auctores essent: sed quum ultores potius videri voluissent, hi priusquam in æquum descenderent, pacti dicuntur, ut eam insulam acciperent incolendam. Quidam annales habent relegationem eam fuisse, non pactionem. Desiit & ipla *Genuensi* bello habitari; nunc præter ædem unam sacram & mercenarium tugurium omni alioqui cultu deserta est. Hæc contra *Medoacum*: a tergo autem *Leonardi* fanum portui propinquum respiciunt, canalem orphanum (sic a memorabili *Gallorum* cæde, ut credere par est, nominatum) medium amplectuntur; mox eodem quo *Medoacum* littore almi spiritus ædes: conventus frequens, perspicuus & pene recens apparatus. Religio ingens, sed quam initiatorum vita; quam pia hospitalitas etiamnum maiorem faciat: pari pene spatio clemens (*Petri Gatilosi* opus) & ara, & pium hospitium aræ contiguum: a tergo in ora Lazaretum vetus, in speciem parvi oppidi communitum. Huc ab initio, qui pestilentia in urbe languere ocepissent, ad contagia tollenda deferri contuevere: nunc altero ad hunc usum publice quaesito, non nisi morbo defuncti eo deferuntur; quos utique placuit, non prius urbem ingredi, quam non morbi tantum: sed cœli quoque gravioris omnem excussam arbitrarentur offensam. Multa in orbem utrobique cubicula, suppellex, & quæ in tali discrimine desiderari possunt, publice parata: quo præsidio civitas pestilentibus annis, supra quam dici possit, levatur contagione. Inibi *Lazari* fanum: discretoque cœnobio elephantiorum cætus: suburbanus portus, regionis confinium: & in ostio geminæ turres, utrinque aquis incubantes, tam hæc, quam illa præsidio tenentur; lumina inde noctu nautarum cursum ex alto dirigunt. Introrsum citeriore ripa *Nicolai* cognomento littorei ædes (eam *Dominicus Contarenus* princeps statuisse dicitur) conventus multa religione. Visuntur adhuc his locis vestigia muri *Clodiensi* bello ad subitos hostium incursum arcendos mira (ut in historiis tradidimus) celeritate confecti; inde ad *Georgii* aram, quæ contra comitium sita est, nihil circa alveum relatu dignum. Ejus loci in urbanarum rerum relatione meminimus. A *Georgio* ad gratiarum aram retro aquæ ad duo stadia navigantur; ara *Virgini* sacra est, conventus & religio multa, ædificiorum apparatus ingens, hortique amœnissimi circumjecti. Hinc præter *Judaicam* navigantibus, Angeli sese offert virginium: & ipsum *Contareni* jam dicti opus. Pari inde intercapedine, *Georgii* cognomento *Alani* solennis conventus: auctor loci & religionis *Petrus Justinianus*. Post *Alganum*, officina leuca: qua gravi machina cymbæ ex stagno in *Medoacum*, seu *Brentam* transvehuntur; ad lævam supra amnis deflexum, locis minus stagno obnoxiiis, *Hilarii* turris: nec procul inde *Curanella*: & in finibus supra ignobilem confluentem, quæ *Curania* dicitur; ubi cum *Patavinis*, ob finium ambiguitatem, est quandoque armis disceptatum. Et hæc de quinta regione. Sextam, quæ urbi adversa parte contigua est, suburbanus portus, quem verus *Medoaci* fluvius effecit, & *Silis* ostia continent: ostia ipsa trinos portus vulgo nominant; nulla regio incolatu frequentior. Et ut ab littore (quod in cæteris referendis adhuc fecimus) sumatur exordium. Geminarum turrium

(A) altera pene in fronte tollitur: de ejus usu in proxima regione, tota colitur; medioque fere tractu *Erasmi* portus ignobilis, ac citra utraque raræ prædiis ipsis casæ interjectæ. Intra a littore Lazaretum novum; usus tristis, sed frons loci lætissima: omnia hic majore sumptu, quam in veteri illo comparata. Interior, & magis alvæo propinqua *Andree* fanum: *Carthusinus* conventus nescias majorne sit loci religio, an amœnitas. Visitur hic *Ursati Justiniani* ex *Pario* marmore sepulchrum, affabre cælatum templum ab imo hodie instauratum, nobiliorum lapidum apparatu pene incredibili. Subjecta est oculis nuper mihi, & *Antonio Cronio* scribæ, tanta inibi ejusmodi lapidum copia, in præsentem usum quaesita, ut vix dimidium *Italiae* tantundem habere crederetur; & quod magis omnino miretur aliquis varius in illis, & numerosus color: *Laconici* hic lapidis æmulus, ille *Sinadici*, aut *Thassi*, alii *Numidicum*, alii *Augusteum* imitantur: nonnulli etiam ophitem (& alia pleraque genera a veteribus longe celebrata) & ne exoticam materiam arbitretur quisquam, indigenas lapides eos esse constitit, circaque *Alpes*, qua illæ in *Italiam* resupinantur, temere a locorum incolis recentissime repertos. Quo subiit animum, potuisse *Romanos* veteres ex proximo sibi quaerere, si omnia vidissent: quæ laboriose alioqui, quia procul *Italia* ab eis in ornanda urbe fuerunt accersita. Sed sunt illi fortasse molem & in peregrino lapide secuti: quam *Alpes*, ut ex iis, quæ vidimus, conjectare potui, præstare nequiverunt. Vicinior aliquanto urbi *Helena*: & ipsa suo conventu celebris. *Christophori* fanum urbi vicinissimum: quippe quod ad quingentos nec amplius passus ab urbe distet, tantundem ad *Michaëlem Murianum*: is festa fronte prætervectos excipit. Utrobique frequens conventus. *Murianum* inde vicus: sed qui ædificiorum magnificentia, & amplitudine, urbs procul spectantibus appareat; longitudine ad mille passus patet: vitriariis officinis præcipue illustratur; præclarum inventum; primo ostendit vitrum posse crystalli candorem mentiri: mox, ut procacia sunt hominum ingenia, & ad aliquid inventis addendum non inertia, in mille varios colores, innumerasque formas, ceperunt materiam inflectere: hinc calices, phialæ, canthari, lebetes, cadi, candelabra, omnis generis animalia, cornua, segmenta, monilia: hinc omnes humanæ deliciae: hinc quicquid potest mortalium oculos oblectare, & quod vix vita ausa esset sperare; nullum est pretiosi lapidis genus, quod non sit vitriaria industria imitata. Suave hominis & natura certamen. Quid quod & *murina* hinc tibi vasa sunt: nisi pro sensu sit pretium. Age vero cui primo venit in mentem brevi pila includere omnia florum genera, quibus vernantia vestiuntur prata; atqui omnium gentium hæc oculis maritima subjecere negotia: ut quæ nemo alioqui credibilia putasset, jam nimio usu vilescere oceperrint, nec in una domo, aut familia novitium hæsit inventum: magna ex parte vicus hujusmodi fervet officinis. Ædes in eo sacrae duodecim: & in his plebanicæ duæ, duo virginia, conventusque unus. *Altino* profugi locum condidere: persuasumque vulgo est, quod quidam etiam annales habent, a portarum nominibus, quæ *Altini* fuissent *Murianum*, & alia illi circumjecta loca, mox ordine referenda, nomen accepisse. Hinc solventibus, intra mille passus, *Jacobi* fanum, cognomento palustris, celebri conventu occurrit: atque deinde medio stagno alterum cariosa facie, olim *Nicolao* sacrum: profanum hodie, omnique cultu desertum. *Majorbium* quatuor & 20. à *Muriano* stadia: & ut paribus auspiciis conditum, ita longitudine, & forma pene pari. Ædes in eo sacrae septem; *Buranum* ad quingentos passus dextrum se offert in *Carnorum* oram



navigantibus, quatuor hinc templa, & ex his plebanicum unum, celebri conventu alterum. Sed *Torcellum* quod medium ab his qui in *Carnos* tendunt, cursum eremigatur, longe omnium celeberrimum. Etenim præterquam quod magnitudine sua nulli est eorum, quæ diximus, posthabendum: Pontificiam etiamnum habet sedem, per *Paulum Altinatem* Pontificem eo translatam; quo ferme tempore cum omni sacrorum cerimonia *Medoacum Patavinus* migravit Antistes; sedis utrobique figendæ *Severinus Romanus* Pontifex factus est auctor. Constat primum *Torcelli* vicum a *Constantino Heraclii* Imperatoris filio, qui ubi locus frequentius inhabitari cœpisset, eo forte appulisset *Constantiacum* appellatum. Post Pontificiam ædem, quinque aliæ ibi sacræ & in his cum virginio una. Supra hæc loca ad continentis oram late funditur stagnum, suntque circa flumina, & rivorum ora in stagnum rumpentia. Loca insignia converso ordine dicenda: *Ciconia*, *Tessara*, *Severi fanum*, *Martini fanum* cognomento *Stratensis*, *Margarita* vicus. *Juliani* fanum, & in stagno *Secundi* fanum cum virginio, urbi ad octo stadia proximum; regioque omnium suburbanarum nobilissima sic habet. Septimam præscribunt *Trini* portus, & *Plavis* fluminis ostium. Miror tam celebris hodie fluminis nomen apud veteres auctores nusquam, quod sciam, celebrari; nisi hunc suspicari liceat eum esse, quem *Plinius Anaxum* in *Venetis* appellat; quamquam idem auctor eum circa *Aquilejam* statuit: quod præsentī opinioni repugnat. Sed quocunque est nomine vocandus, in *Alpibus* oritur, mediusque inter *Feltrum* *Bellunum*que lapsus, vorticoso gurgite per confragosas valles agitur: nec prius mitescit, quam in apertos evasit campos; quamquam sic quoque citatiore cursu inter *Trinos* portus, & *Liquentiam* ad mare defertur. In ora regionis accolarum domicilia perquam pauca, atque idem fere cultus, qui & aliarum: sed ea potissimum parte qua *Trinos* portus spectat: intra vero circa *Silis* alveum *Adriani* virginium, contra *Torcellum* situm: mox circa rivum, quem majorem accolæ appellant vetusta turris, cum templo magna ex parte diruto. Omnia circumjecta loca situ & domorum ruinis squalent: manifesto argumento, frequentissimi olim cultus. Sed *Gallicis Pannonicisque* temporibus, priscis *Venetis* inde bellorum injuria, depulsis, loca incolæ desisse. Hac quoque parte stagna late regionem obtinent, pascuis aliqua ex parte interjectis. A turri, cujus proxime meminimus, fossa stadiorum XL. humano opere ad *Plavem* usque citro ultroque frequens navigatur: & in fluminis ripa turris, quæ *Caliginis* nuncupatur, & pauca circa illam ædificia. Hinc secundo alveo in octavam trajicitur regionem. Eam duo grandia flumina *Plavis* & *Liquentia* amplectuntur; oritur *Liquentia* in *Carnorum* finibus, haud longe a *Pulcinico* tribus uberimis fontibus, qui (ut in *Carnorum* chorographia scripsimus) ex *Bellunensi* agro subterraneo meatu fluere creduntur: sed locorum accolæ, quibus id persuasum est, argumento nullo evidentiori id probant. Hæc regio, ut minus aquis infessa, eo humano cultui habilior; sed sic quoque parum læta occurrit fronte: præter rara in littore domicilia, cætera solitudinis plena. Prata paludesque vastæ objacent littori: nec solum ipsum ullis vestitur arboribus; quod ipsum, adhuc magis insigne facit densissimum nemus, mari medio regionis tractu accubans, vel ex alto *Hadriam* navigantibus conspicuum *Galeolam* a triremis forma vocant. Interius aquæ a flumine ad flumen navigantur: canalis duorum sibi concurrentium lemborum capax; in fronte circa flumen meritorium hospitium: in cujus conspectu ruinæ ingentes, & grandia ædificiorum vestigia, quæ aveprum & hederarum complexu, sese magis sua ma-

A gnitudine quam humano auxilio adhuc vindicant. *Jesulum* nunc vocant: sed *Equilium* olim circa illa loca fuit, ab his, qui *Longobardicis* temporibus in *Heraclia*, ob nimiam frequentiam recipi nequivere, conditum, & ipsum priscorum *Venetorum* opus. *Opitergio* a *Rothari Longobardorum* rege everso, populariter inde cum *Magno* Antistite in stagna est concessum, ibique in *Heraclii* Imperatoris gratiam, urbem, quam condiderant, *Heracliam* nominarunt: unde profuga multitudo eodem tempore exclusa, *Equilium* ædificare coacta est. Utrunque *Gallico* tumultu, quum ea quoque parte *Venetæ* opes ab hoste premerentur, in *Rivum altum*, & *Medoacum* est migratum: sic utraque civitas desolata. Scio ego *Heracliam* quandoque instaurari contigisse, ac mutato nomine novam civitatem nuncupatam: sed hodie ne vestigia quidem ulla, præterquam sacræ unius ædis extant; cætera navigatio oblonga fossa, prius humano opere facta: mox spatioso alveo. *Largonem* a rei argumento vocant; habet navigatio stadia supra centum XL. In tanta locorum vastitate, *Culicina* turris *Largoni* incubat: & in *Liquentia* ripa meritorium hospitium, & vix parva ædes *Margaritæ* sacra. Nonam regionem *Liquentia*, & *Limenis* ostia constituunt; oritur (quando de *Liquentia* abunde diximus) & ipse *Limen* in *Carnorum* ora: mox medium portum *Gruarium* intersecans (cui loco nomen etiam dedisse videri potest) *Concordiam*que præstringens, circa *Caprulas* mari infunditur. Præter piscatorias casas, secus mare nihil memoria dignum: & in *Liquentia* flexu *Abrianum* hospitium; mox stagna paludibus interjecta *Caprulas* usque. Eam urbem *Concordia* profugi condidere, sub id tempus, quo *Attila Hunnorum* rex *Aquilejam* evertit; procedente deinde tempore, subita barbarorum manus, ex *Illyrico* profecta foede populata est, *Tradonici* principatu. Hodie infrequentissime colitur; restat tamen Pontificia ædes cum Clero. Visuntur passim circumjectis stagnis veterum ædificiorum vestigia, perspicuum veteris fortunæ argumentum: & ad *Limenis* in stagna exitum, meritorium hospitium. Sed id ad decimam regionem attinet, quæ recentioris *Venetia* novissima fuit. Eam *Limen* jam dictus, & *Gradus* insula (alii *Gradatas* vocant aquas) constituunt; sed in hac referenda, non portuum, non fluviorum (qui utique non pauci sunt numero) sed dicendarum rerum ratio habenda: quum nudum littus nil habeat, præter rara piscatorum domicilia: intraque paludes, aut pascua modicis interjecta canalibus, quibus internæ frequentantur aquæ. Portus igitur, & ostia in hunc modum habent. Post *Limenis* ostium *Ligunane* portus sive Basilicæ *Tiliaventi* ostium. *Plinius* duplex *Tiliaventum* nominat: sed unum agnoscitur, qui in *Alpibus* oritur, ut in *Carnorum* chorographia scripsimus. *Maurum* montem vocant, in quo fontes habet; post *Tiliaventi* ostium *Lignani* portus nobilissimus, quem *Stela* fluvius efficit. Oritur is in *Carnorum* campis, magna-que ex parte palustrium aquarum corrivationibus conflatur. *Alse* fluminis ostium, *Amphoræ* ostium, *Natissæ* ostium, qui *Aquilejam* intersecat ( *Plinius* *Natisonem* vocat: sed *Natison* in eodem terræ tractu, ut in vetustate *Aquilejæ* ostendimus diversus agnoscitur) *Gradus* regionis confinium. Eam *Aquileja*, *Hunnici* armis ejecti, tenere: quo omnis sacrorum pompa cum Patriarchica migravit sede. Ea res gravium discordiarum materia inter utriusque Ecclesiæ Antistites extitit. Sed *Gradenis* illa procedente tempore *Venetias* est translata, fortuna loci variis casibus concussa: utpote *Aquilejensi* Ecclesiæ, unde fluxerat invisa, & ob vicinitatem magis injuriæ obnoxia; nec vicina inde arma tantum: sed & barbara sæpius *Veneti* arcuere. Verum nos non ad hæc scribenda venimus. Colitur hodie pro-



veteri fortuna omnino infrequenter: superest religio adhuc aliqua, ob ædem in ea virgini sacram. His olim finibus se tenuit *Venetorum* fortuna *Hunnis* *Longobardisque* armis ex ea terra, quam bellica virtute prisca *Veneti* suam multis ante ætatibus fecerant, depulsa: cujus oræ, ut magis perspicue pateat mensura operæ pretium est cognoscere, quantum inter se distent ipsa fluviorum ostia. Atque retro littore remenso a *Gradatis* aquis ad *Natisæ* ostium stadia XL. ad *Lignani* portum CXL. ad *Tilia-venti* ostium XL. ad *Basilicas* plus duplo: ad *Limenis* ostium XL. ad *Liquentia* ostium tantundem: ad *Plavim* quatuor & quadraginta supra centum: ad *Trinos* portus c. quatuor: inde ad *Venetum* portum XL. ad *Medoaci* portum sex & nonaginta: ad *Clodia* portum CXX. inde *Brundulum* duo & XXX. ad *Fossionis* sex & quinquaginta: hinc ad primum *Padi* ostium; alterum oræ confinium, tantundem; quæ ratio colligit ad mille & quinquaginta octo stadia. Quæ si quis ad passuum numerum redigat centum triginta millia passuum & amplius aliquid, omnem suburbanam oram patere constabit; quo magis miror *Blondum Foroliviensem* in sua *Italia* a *Laureto* gradum, octoginta, nec amplius, millia passuum collegisse. Sed nos hæc ab iis qui quotidie citro ultroque oram ipsam navigant diligenter explorata tradimus. Amplitudo varia. In fronte circa *Padum* &

A *Caput aggeris*, qua longissime a mari fines recedunt, ad centum quadraginta patet stadia: inde paulatim se coarctans ad *Conclias* & *Bacchilionis* inflexum, lineæ acclinat. Scandit inde rursus pari pene fastigio supra *Curianam* turrim; sic toto tractu gaudet amplitudinem variare. Hæc felix illa ora, in qua *Romano* inclinante imperio suum ultro fortuna condidit caput; quæ hodie terra marique omnibus gentibus frequenti cultu celebratur: cujus imperium, modicis, ut cætera, principiis ortum, ab *Abdua* in *Pamphiliū* & *Syrium* usque mare est hodie propagatum: eoque melioribus usæ fatis, quod libertas, in qua urbs nata est, semper genti incolumis mansit, perpetuoque duratura, si res humanæ hæc essent; quæ hominum consiliis perpetuo stare possent: si quidem nullus unquam populus (quod bona aliorum venia sit dictum) sanctioribus vixit institutis, nulli gentium sic jura æquata. Accedit ad hæc regionis situs, qui is est, ut neque maris sit fluctibus obnoxius, unde major aliquis timeri possit incursus, neque ullis terrarum conatibus: sed incerta locorum natura, & quasi divina providentia inter duo elementa suspensa, quorum neutri fas sit eam sibi ex toto vendicare. Quæ alternantis naturæ ratio, & coelum ipsum salubrius efficit, & accolarum otia ab omni humana tuetur injuria.

F I N I S.

# MARCI ANTONII COCCII SABELLICI

D E

## VENETIS MAGISTRATIBUS, L I B E R.

INCLYTO VENETIARUM PRINCIPI,  
AUGUSTINO BARBADICO,  
MARCUS ANTONIUS COCCIUS SABELLICUS, Sal.



Ene ac feliciter tuæ urbi evenit, jucundissime Princeps, quod his paucis annis in te & fratre tuo viro omnium, qui unquam fuerunt, prudentia & pietate, summo, sit illa pene idem experta, quod de *Castore* & *Polluce* vetus est *Græcia* fabulata, fuisse *Deorum* munere inter sidera relatos, atque alterno ortu omnibus esse gentibus quam saluberrimos: tam me hercule salutaris, nec minus tuus tuique fratris principatus, *Veneto* nomini contigit. Jam enim ille continuo, ubi ex adepta dignitate rempublicam adiit, quasi novum aliquod sidus publicæ fortunæ affulisset, incredibilem secum rerum omnium ubertatem & lætitiā traxit. Pax vero & otia, quæ per manus acceperat, ut sanctius certiusque manerent, incredibili moderatione effecit. Veteris pestilentia vestigia adhuc civibus residua, difficile dictu est majorene providentia sustulerit, an religione, ita ut verissime dici possit, nulli unquam Principum, qui a prima origine urbis ad id tempus fuere, felicius quam illi rempublicam administrare contigisse. Sed quo omnibus optatior fuit illa regiminis forma, eo certe brevior: quippe quem ne annum quidem implere potuisset. Sed quo minus defuncti desiderium sequeretur, tuus felicissimus Principatus, qui illum continuo exceperat, procul dubio effecit. Tentavit tamen invida fortuna florentissimum civitatis statum subito bellorum motu labefactare: sed quam temere res aliunde mota est, tam profecto celeriter & majestate publica incolumi & imperio aucto, ea es solitudine liberatus. Cætera cum amplissimis animi virtutibus, tum felicitate tua tam prospere fluxere, ut nemo sit, qui non rempublicam ipsam, teque beatissimum putet, cui præterquam quod ex successu illo fraternæ administrationis nihil mutatum vides, pleraque etiam in melius aucta, longior tibi vita quam illi contigerit: quo factum sit, ut & pluribus prodesse possis, & urbem ipsam operum magnificentia, omnique rerum apparatu in dies ornatiorem inspicias, longeque opulentiore. Sed quum multa & magna commoda, ex sapientissima administratione tua, sint ad hunc diem in publicum profecta, haud quaquam minora illis in futurum expectantur, & in his *Ducariæ* bibliothecæ publicatio nobis totiens promissa; opus omnium, quæ te principe aut inchoari aliquando, aut conscribi potuerint, maxime



xime inclutum, & unde spes certissima sit tibi immortalitatis expectanda. Sed tantisper dum te ad id opus accinxeris, perlege, Princeps jucundissime, libellum hunc, quem de Venetis magistratibus tibi inscripsimus: ex eoque & vetustatem illorum, & originem recognosce & cum his originum causas. Erit lectio ipsa, ut spero, tibi non injucunda: quum propter alia multa, tum quia ex ea perspicue intelliges, in quam moderata, recteque instituta civitate, eminentissimi ordinis consensu, summam sis dignitatem adeptus, gaudebisque non aliter tecum, quam prægrandis alicujus navis rector, quam etsi medio pelago omnia ad opportunos casus videt tempestive disposita, plustamen fiduciæ ex ipso trahit nautarum ministerio, quum singulos in officio esse intelligit. Verum quocunque nostram hanc lucubrationem animo accipies, ego, quasi operæ pretium fuerit id facere, remque Serenitati tuæ non ingratam exhibuerim, pergam jam hinc aliud majorum vigiliarum opus cudere, cui si quandoque extremam manum imposuero, tuo, inclyte Princeps, unde rite sumpsit exordium, non alterius nomine, in apertum referam. Vale.



ACERSEBAR ego sæpissime, quum Veronæ essem, ad magistratum præsentiam. Erant tum ibi Sebastianus Badovarius, & Benedictus Trivisanus, hic urbis præfectus, ille prætor. Administrabantque hi ambo tanto animorum consensu rempublicam in ea urbe, ut cum duo essent, diversaque & re & nomine obirent munera, magistratus tamen unus, unumque munus geri videretur. Cum iis igitur longum sæpe antiquarum rerum sermonem & in primis earum gentium, quæ imperio quandoque potitæ essent, non invitus trahebam. Sed quum res Romanas illis præter modum extollere videremur, haud ultra id Badovarius passus, amice quidem nos, ut semper alias, intuitus: Ecquid est hoc, inquit Sabellice? Admirarisne tu ita eam rempublicam quam Romani tui olim habuere, ut in aliis quæ antea fuerunt, quæque hodie sunt, nihil vera laude dignum reperiās? Ego ut Atheniensium rempublicam omittam, quam idcirco præclare institutam fuisse arbitror, quia primarium quoddam sapientiæ domicilium ea urbs diutissime habita est: ut item Thebanos & Lacedæmonios, qui ut armorum gloria sunt a Romanis victi, ita civilibus fortasse institutis longe præcessere: De nobis loquar. Audesne tu, vir amicissime, affirmare, majores nostros, qui hanc Rempublicam tam accurate fundatam nobis reliquerunt, minus cordis, quam veteres illos tuos Quirites habuisse? cognosce quæso prius, quæ sit nostræ civitatis forma, quæ regiminis ratio: ac tum, si videbitur, vetera illa, & in primis quæ Romanorum fuere, quod sponte facis, non solum suspicito, sed ut illi Tarpejum Jovem, venerare. Ad ea vehementer ego cupere me dixi, ex ipso, aut alio cognoscere, & quæ ea esset Venetæ civitatis institutio, quam adhuc utpote peregrinus homo, non satis perspicue tenerem, ac si per otium liceret, ut pergeret rem breviter narrare, rogare occepi: quandoquidem non mihi solum, sed ut pro eis quoque qui aderant, desponderem, id futurum omnibus esse gratissimum. Tum ille: Ego, quia vacat, inquit, & vos, ut dicis, cognoscere id cupitis, istuc tibi & aliis libens, Sabellice præstabo. Sed quia non omnes, ut sapiens poëta inquit, omnia possumus, Trivisani nostri ad id operam requiro, qui, si qua mihi in tanta rerum serie exciderint, ut est urbanarum rerum non ignarus, brevi admonitione non patiat me aliquid silentio præterire. Quod quum ille, ut verecundo erat ingenio, remissiore pollicitus esset assensu, tum indicto omnibus silentio, in hunc modum est Badovarius exorsus.

#### De Civitatis Ordinibus.

Duo, quemadmodum vos plane scire arbitror, sunt hodie nostræ civitatis ordines, Patricius, & quem honestiore appellatione, popularem dici placuit. Suffragia totiusque rei summa penes eum hodie sunt, qui fortuna, consilio & dignitate semper præstitit. Quod ipsum, non qua ratione contigerit, sed quam feliciter sit comparatum, quærendum puto. Hæc

est Aristocrata illa, quam divinus Plato nunquam satis laudatam credidit, qua liberæ civitates, amplissimi populi semper florere, ut hodie hic noster: his namque auspiciis Venetum imperium, quod late hodie terra marique patet, non solum est auctum, sed perpetua etiam ordinum concordia, nullos sævientis fortunæ reformidat impetus. Nulla in musicis harmonia tam sibi ex omni parte respondet, quam nostræ civitatis diligens administratio, quæ cujusmodi sit, jam hinc, si vacat, cognoscite.

#### De Comitibus sive supremo Concilio.

Comitia quibus omnes urbis magistratus creantur, patricii omnino sunt ordinis: sed ut patriciæ solum gentis, non ita tamen omnis ætatis: quippe quum ante legitimos annos, nulli permissum sit suffragii causa comitium intrare, sorte aut prærogativa, aut quod omnium supremum est, ætate ad eam dignitatem patet accessus.

#### De prima, eorum qui suffragia ineunt, Electione.

Pridie nonas Decembris patricii sanguinis adolescentæ, qui octavum supra decimum attingere annum, ad populi advocatores adducti, ætateque sub gravi testimonio confessa (per parentes ipsos, aut propinquorum aliquem id fiat necesse est) quodque ingenue sit procreatus, constare oportet: singuli dare jubentur nomina, quæ mox in urnam conjecta, sorte educuntur, ac quo quisque loco primus secundusve exierit, ad alteram accersitur urnam: in ea tot aureæ pilæ conditæ sunt, ut quantum productorum expleant numerum (tot concilio solent quotannis ascribi) reliquæ omnes argenteæ: tum vero qui ex eo numero auream eduxerint, comitiis adjiciuntur, ac biennio post, quum ad vicesimum vitæ annum ventum fuerit, libere suffragari incipiunt, prius vero lege prohibentur.

#### De altera suffragantium Electione.

Verum ne non semper virtuti locus ad dignitatem relinqueretur, alia certe via relicta est iis, qui forte excluduntur, qua ingressi, eo multi præmatura gravitate redeunt, unde forte fuerant dejecti. Si qui autem inter æquales, ingenio & probitate præstare creduntur, suffragio lecti circa judicum tribunalia esse jubentur, parvique interim advocati nuncupantur: atque ita anno circumacto (quo temporis spatio aliquid certe inter assiduas causarum actiones profecisse creduntur) ad suffragia (constet modo ætas) admittuntur. Eorum extrema conditio, qui neque sorte, neque prærogativa ulla adjuti, quinto & vicesimo ætatis anno quasi matura jam ætate comitiis interfunt. Patet & peregrinis hominibus nonnunquam ad hanc dignitatem accessus, si ob recens aliquod suum, aut majorem in Rempublicam meritum sint non civitate solum, sed patricia etiam dignitate donati.

#### De Comitiorum Moderatione.

His rationibus supremum nostræ urbis conflatur concilium, cujus cogendi, Principi & primoribus patrum, qui in maximis rebus consultandis illi assident, jus est: octavo quoque die, atque interdum sæpius, ad campani æris signum, in amplissimum conclave omnis patritius ordo suffragaturus intrat: locum ipsum, quia omnis eo coëat nobilitas, a re ipsa a te & aliis quibusdam, Sabellice, comitium



appellari audio: hic leges fanciuntur, urbani peregrinique magistratus creantur: hinc imperia, hinc præturae, hinc denique amplissimum quodque reipublicae, velut ex primario quodam fonte, manare solet beneficium. Sed quo majora ibi negotia tractantur, eo attentius ex veteri instituto cavetur, ne quis in ferendis suffragiis adsit dolus. Mox ubi pulsari desit, quibus non licet illic esse per viatores exclusis, comitii ostia clauduntur.

*De creandorum Magistratuum Ratione.*

Hic Principe ingentique magistratuum corona praesidente, scribarum maximus editiore loco pronunciat, qui eo die magistratus sint creandi: tum vero prius quam ineantur suffragia, ex populi advocatoribus unus, ac decemviris qui tum sit collegii caput, in Principis verba iurati, pro amplitudine magistratus & potestate quam gerunt, nihil contra leges patriumque morem praesentibus comitiis fieri passuros, duos comitii angulos a Principis tribubali maxime aversos occupant, quibus, omnia tacitis oculis lustrantibus, non minor reverentia, qui extrema tenent subsellia, incessit, quam eos qui propinquiore loco Duci & magistratibus confederunt.

*De prima in Comitii Sortitione.*

Habet comitium, velut olim augurale templum a regionibus mundi insignibusve locis, quaque verum obsignata latera, ut quota haec vel illa sorte ducta sint, inde primum patricii ad urnas vocentur: hi quia bini ad suffragia mittuntur, ex geminis urnis argenteas educunt pilas, & cum his aureas, eo videlicet caractere notatas, quo praesenti die Principi, & his qui comitiis praesident, ne qua fraus fieret, inscribi placuit. Tum si quis auream eduxerit, is primo domesticos & agnatos omnes sua sorte praesenti illius diei suffragio privat: inde iussus ex tertia quadam urna, quae media inter utramque est, fortiri: si argenteam eduxerit, in ordinem redactus se tacitum ad subsellia recipit: si forte auream, tum eminentiore loco ante ducarium tribunal locatur: atque ita fit, donec lectorum sit numerus expletus, tum novem illi, tot enim sunt numero, in aliena verba iurati, eorum se potissimum rationem habituros, quos publico beneficio maxime dignos iudicarent, in proximum conclave concedunt: at quia alii magistratus alia sortitione creantur, etenim maximi quique, ut nullus ambientibus ad fraudem relinqueretur locus, quaterno creantur lectorum ordine. Alii vero, ut sunt inter se gradu inferiores, ita paucioribus indigent ordinibus: hinc est, ut in maioribus illis quaterni, ut dixi, creentur, cum in aliis longe sint pauciores. Ea igitur sortis ratione, quam in uno ostendimus, ducti, proxima subeunt conclavia: evenitque, ut quot lectorum ordines ad magistratum creandum in secretum concesserint, tot ex conclavibus ipsis depromantur competitores, interdum etiam ex pluribus unus.

*De secunda Sortitione.*

Huiusmodi ordinibus in sua conclavia abeuntibus, ut quisque maximus est natu, ita primum sortitur locum: mox ubi alii ordine confederunt, pilas sortiuntur pro dignitate magistratuum eo die creandorum insignitas: si plures novem creandi sint, duplicem ducunt: si pauciores, quasdam inanes & sine nota sortiuntur: quo evenire solet, ut in plurimorum creatione nonnulli duos, diversorum tamen magistratuum, dent competitores: in paucioribus creandis e collegio aliqui nullum, quia inanem utique pilam sortiti sint. Illud quoque saepe accidit, ut qui minimus natu est, is in maximo det magistratu competitorem: qui vero longe aetate antecedit, aut postremum, aut nullum: fors enim in eo dominatur. Is igitur, cuius jus erit competitores in primario magistratu legendi, in

A primum transgressus locum, quem vult nominat: eum plures e collegio probent necesse est: sex enim rite probant: si minus, alium nominat, atque deinde alium, donec omnium unus fuerit probatus. Sic reliqui, suum quisque pari ratione in eo quo debet magistratu, parat competitorem: hic evenit (quando in reliquis id quoque servatur) ut maximorum magistratuum ex quaternis conclavibus quaterno ordine depromantur competitores, in minoribus vero omnino pauciores: quippe qui tot esse possunt, quot ad eorum quemlibet creandum fuerint novem ordinibus, sorte ducti.

*De Suffragiorum Ratione.*

B His in hunc modum per conclavia paratis, competitorum nomina ordine notata, ad conspectum principis, & eorum qui comitiis praesunt, deferuntur: tum eorum si quis reipublicae, aut aëriarius fuerit (nam super ea re diligens adhibetur quaestio) aut si non sextus adhuc sit actus mensis, ex quo peregrino magistratu abiit: si cognatorum aliquis tum in ea urbe praetoram gerat, nulla ipsius ratio habetur in comitiis: reliqui, ut suo quisque depromptus est loco, alta voce pronunciantur. Domestici & agnati omnes ejus, pro quo ineuntur suffragia, comitio abesse jubentur: inde C pro primo primi magistratus competitore citantur suffragia, mox pro eo qui ex secundo fuerat conclavi depromptus. Sic ordine pro reliquis. Duo ex scribarum numero ad hoc ipsum constituti, suffragia toto comitio duabus colligunt urnis: alba una assensus indice, rubra altera negationis; his undique lectis, ad eorum conspectum quibus id negotium est datum ambo reversi, singulorum suffragia numerantur: ac tum demum ille cui plures ultra dimidium fuerint suffragati, pro recepto habetur: id ferme in aliis servatur, nisi quod competitorum, ut docuimus, in illis variatur numerus.

*De Ambitus Animadversione.*

D His patrius creandorum magistratuum mos, haec lex est: verum ne quid in ea re ambitu peccetur, diligenter, ut antea docuimus, magistratus quidam advertunt, ac priusquam comitia solvantur, attente cognoscunt, ambiveritne quempiam is qui praetoram magistratumve alium est adeptus: ac si quid in ea re fuerit compertum animadversione dignum, comitiis adhuc tenentibus, publici advocatores rem severissime cognoscunt, atque cum ipsum in quem inquisitum sit, reum ambitus agunt. Solutis comitiis nulla intenti criminis habetur amplius ratio.

*De Consulatu, vetustissimo urbis Magistratu.*

E Princeps autem civitatis majore quodam suffragiorum ambitu creatur, de quo praesenti loco dicere, nisi vetustissimi quidam nostrae urbis magistratus occurrerent: qui etsi jam inde ab ipso exordio urbis, aut certe nondum civitatis viribus firmatis exolvere: ut tamen plane intelligi possit, quibus auspiciis res Veneta non solum sit orta, sed aucta etiam, ab illis rite ordiemur. Exordium ipsum vel auspiciatissimum dabit consulatus omnium, si Bonitendio scribae, qui de origine urbis scripsit, fidem habemus, civitatis nostrae magistratum vetustissimus. Is nascentem urbem consulari potestate administratam, videtur innuere, fuisseque eum magistratum in biennium creatum: sed in re tam verusta parum liquere potest, quibus illos auspiciis creari contigerit, nec quatenus ea potestas se in civem extenderit. Illud vero conspectio dignum, ab ea regiminis forma, qua Romanus populus CC. ac quadragesimo circiter suae conditionis anno, primum libertatem delibasse dicatur, ab eadem illa nostra civitas suam inchoaverit infantiam.

*De Tribunis insularibus.*

Fuitque in nova urbe magistratus ille usque ad Sabellius.



*Attile* adventum, quo sane tempore *Hunnici* armis circa littora vagantibus, major mortalium concursus in insulas factus dicitur, coeperuntque omnia in stagnis passim inhabitari. Decretum est, ut in singulis insulis singuli tribuni crearentur, qui annua potestate suis popularibus jus dicerent, severaque animadversione scelera vindicarent. Cætera quæ ad reipublicæ statum attinerent, frequentissimo insulanorum conventu consultanda reliquere. Quidam anno ab urbe condita circiter sexagesimo, eam regiminis formam aliquanto, videlicet post *Attile* accessum, receptam affirmant: in eo omnibus convenire video cccxxx. & amplius annos reipublicam in insulis tribunitia potestate administratam.

*De Principis Creatione.*

Verum quia nihilo felicior is magistratus nostræ urbi futurus videbatur, quam olim *Romano* populo fuisset: coeperant illi omnia sua discordia turbare: adduxissentque fortassis libertatem ipsam in discrimen, nisi illorum temeritati mature itum esset obviam. Novum in civitate Principem insulani *Heraclien*si conventu creaverunt, penes quem omne imperii decus, maiestatemque esse voluerunt. Qui vocandi quotiens visum esset, concilii jus haberet, crearetque annuus in insulis Tribunos, a quibus ad se esset provocatio. *Paulutius Heraclien*sis homo inclyta ea tempestate iustitiæ, primus omnium Dux declaratus, anno ab urbe condita, ut quidam tradunt, octogesimo secundo, ac ducentissimo: ut alii, supra ducentiesimum septimo atque nonagesimo.

*De Ducariæ Electionis Variatione.*

Sed in eo creando haudquaquam hanc suffragandi rationem, quam hodie servari videmus, initam contenderim: verum aliam quandam longe simpliciore ab initio usurpatam: quippe quum nullus adhuc in tam proba civitate esset ambitus, nulla honorum affectatio: cui quamplurimi suffragati fuerant, is civitatis Princeps declarabatur, tenuitque simplex illa suffragiorum ratio ad *Vitalis* usque *Michaëlis* declarationem. *Sebastianus* cognomento *Cianus* qui illi successit, undecim virorum suffragio, quos quatuor & triginta ad hoc ipsum sorte creati suffragio legerant, Dux declaratus dicitur: is supremo sui regiminis anno autor extitit quatuor virorum ducariis comitiis creandorum, qui quadraginta viros legerent: quorum arbitrio futuri Principes crearentur. *Aurius Mastropetrus*, ac quatuor inde Duces secundum id decretum summam sunt dignitatem adepti. Unus & quadraginta, *Marinum Maurocenum* successorem legere. Novissime in *Laurentii Tepuli* creatione, diversam omnino rationem, ac longe cautiorem initam manifeste constat. Sed qualis ea sit, *Trivisanus* noster, qui ducariis comitiis sapius interfuit, melius nisi illi grave est, vobis explicabit. Ipse interim paululum me colligam ad ea, quæ postea dicenda sunt promptius explicanda. Tum ille, quando ita tibi *Badovari* visum est debere me laborem hunc omnino tecum fortiri, haud gravate istud tibi & aliis præstabo, ac cum his in hunc modum memini eum exorsum.

*De Ducariis Comitiis.*

Omnium, inquit, primum quum Ducaria instant comitia, quinque viri suffragio creantur, qui futuro Principi quasi novas quasdam præscribunt leges, eas supremum concilium sciat necesse est, ac quas sciverit, probet. Si probaverit, tum comitia iis patricii generis indicuntur, qui tricesimum sint transgressi annum. Hic primo triginta viri sorte creantur. Ex his novem sortito remanent. Qui remanere, quadraginta viros suffragio legunt. Hi vero ad sortes revocati duodecim aureas fortiuntur pilas: qui eas adepti sunt, quinque & viginti viros creant. Horum novem sorte potiores, quinque & quadra-

ginta privo suffragio legunt: ex hoc numero undecim auream pilam sortiti, unum & quadraginta viros creant futuri Principis lectores.

*De Principis Electione.*

Hi vero in ea parte curiæ clausi, ubi senatus ferme quotidie habetur, sub primum ingressum tres totius collegii Principes, & quasi suffragiorum moderatores creant viros autoritate præcipua & ætate summos, quos ipsi inter se priores vocant. Tum a divinis orsi adactique in aliena verba jurare, habituros se in primis in novo Principe creando, reipublicæ rationem: tribus illis rei gerendæ præfectis pro tribunali sedentibus, alii alia occupant subsellia: inde ad suffragium ordine vocati, singuli complicatos libellos manibus habentes, quibus nominatim exprimunt, quem quisque privo suffragio destinet principem: ad illorum trium conspectum eos deferunt, hisque in urnam coniectis, subsellia repetunt. Hic duo ex collegio viri nihil ambiguae fidei scribarum munere functi, diligenter perspiciunt, quot cuique sint quæsitæ suffragia, atque illorum nomina in urnam coniecta forte educuntur, ac quo inde ordine unumquodque fuerit eductum, ita primo alterove loco cum suis notatur suffragiis. Sed hæc omnia non tam ad Principis creationem attinent, quam ad animorum dispositionem percipiendam. Redactis itaque in ordinem nominibus, ac diligenter in urna quadam confusis: tum pro eo cuius nomen prius fuerit sorte eductum, petitur. Ipso interim in proximum conclave ablegato priusquam suffragia incantur, sit unicuique potestas libere, quid de eo sentiat, loquendi. Tum si quid fuerit illi objectum, quapropter appareat non expedire reipublicæ Principem creatum iri: ex secretiore loco in medium accersitus quanto accuratius potest, objecta diluit crimina: ubi vero id præstitit, in secretum se recipit, ac quotiens aliquid objicitur, velut reus in medium producitur: tum novissime pro eo petitur, pilas certis characteribus inscriptas, nequa fraus inesse possit, in duas urnas assensus, ac negationis indices, singuli demittunt, numeranturque diligenter. Si quinque & viginti suffragatoriæ fuerint repertæ, Princeps is est pro quo quæsitæ erunt suffragia: si pauciores, pro eo petitur, cuius nomen fuerat secundo loco sorte ductum: si huic quoque non omnia constabunt, ad tertium venit: inde ad quartum & alios, donec nova Principis declaratio sequatur. At non eo inficias posse evenire, ut cum numerum quem dixi, suffragia non expleant: quod quia accidere potest, satis habet qui suffragiorum dimidium transgressus, aut primus si paria fuerint suffragia, aut propius ad præscriptum numerum accesserit. Hæc sunt quæ de Principis creatione habui: nunc prætor noster pergat si placet, institutam sequi narrationem. Quem ille excipiens, diligenter, inquit, *Trivisanus* hæc, ut cætera: verum ad reliquos magistratus, haud prius transeundum censeo, quam illud admonuero: quemadmodum ab initio non eam, qua nunc utimur, adhibitam creando Principi formam, ita ne hunc quidem quo hodie dignitas illa instruitur, apparatus fuisse, contenderim. Nam præter capitis insigne, & alia pauca, quæ cum ea dignitate nata videri possunt, argenteæ tubæ, umbella, pulvini, auratus ensis: alia insignia, quæ solenni pompa illum præcedunt, omnino recentiora esse constat. Ea potestas satis quidem ampla, sed publicæ libertati minime formidolosa.

*De Consiliariis & Supremo Collegio.*

Affident hodie illi sex grandiores natu ex primoribus patrum, qui ex senis regionibus urbis (*Sexteria* vulgo appellant) ex singulis singuli creantur: octimestre id munus: verum quia non omnes uno tempore leguntur, si unus creandus sit, duos com-



competitores dat supremum concilium: tertium suo nomine senatus, atque ex tribus competitoribus in hunc modum diverse comparatis, is collegio ascribitur, qui in comitiis fuerit suffragio probatus. Sæpe evenire solet, quod vix quisquam futurum sperasset, ut is quem senatus dedit, superior in suffragiis reperiatur. Hi quia in consulendo & decernendo frequentes principi assistunt, ab re ipsa consilarii sunt nominati: estque is magistratus non recens, sed non multo post ducariam potestatem natus: quippe qui *Dominici* cognomento *Monecarii* principatu, qui post *Theodatum* & *Gallam* magisterio equitum successit, in republica esse cœperit. Constat enim ob præceps ingenium, duos illi annuos consiliarios datos, quos utique Tribunos ab initio dictos reperio: his absentibus nullum principi publicum curare licet negotium, non audire, non decernere, non publicas literas resignare: si quatuor eorum coiverint, vel eo absente negotium omne recte transigunt.

*De ejusdem Collegii Potestate.*

Sex illi in quibusdam cum principe decernunt, si quod decernunt æquo & bono decretum sit, ratum habetur: & hæc in privatis ferme causis, si quis hinc provocare volet, ad publicos advocatores provocet necesse est. Sed de advocatoria potestate paulo post. Cœterum pleraque publica auctoritate transigunt, quæ omnia tum demum rata haberi solent, si senatus ea prius sciverit, & quæ sciverit, probaverit: alioquin, neque sancire illis quicquam, neque rescindere est permissum.

*De Magistro Militum.*

Et quia in militaris magisterii mentionem nuper incidimus, operæ preitum est referre priusquam ad alios transeamus, quæ magistratus illius creandi causa nostris olim majoribus fuisset. *Orleo* principe cognomento *Verso*, a suis popularibus *Heracleæ* cæso, fit is alter a *Paulutio* nostræ urbis princeps, vel ut plures ajunt, ab eo tertius: quum de novi Ducis creatione variari cœpissent sententiæ, placuit in aliquot annos eum magistratum e republica tolli, atque ejus loco alium interim surrogari. Communi igitur consensu *Dominicus Leo*, magister militum annua potestate est declaratus: cui nihil præter nomen ex Ducaria dignitate est ademptum. Sed anno quinto ab eo nondum acto *Fabritiano*, qui tum eo honoreungebatur, excæcato: cum miro Ducis desiderio teneretur civitas, magistratus ille e republica est sublatus.

*De publicis Advocatoribus.*

Dixi de magistro militum, nunc de publicis Advocatoribus dicam, qui tres numero eisdem creantur suffragiis, quibus & principis consilarii: vetus magistratus, & ut quidam existimant *Aurio* principe institutus. Tribunitiæ *Romanorum* potestati in eo similis, quod magis intercessione pollet, quam potestate, aut judicatione: tuereturque severissime civitatis jura, atque ob id sanctissimo cuique interesse licet concilio, reum capere sine Ducarii collegii permisso prohibetur: nec captum ultra triduum retinere, nisi quæstionis habendæ gratia id fecerit, atque id ipsum quadraginta virorum permisso. Cæterum causas & urbanas & peregrinas reorum provocatione, aut patrum decreto ad se delatas, ad quadraginta viros, quorum de criminibus est judicare, agunt, aut si libitum fuerit ad Ducarium collegium, quin & ad senatum sæpius: nonnunquam etiam & supremum ad discussionem rei sibi concilium deponunt, cui rem velut universo ordini judicandam permittunt. Nullum sanctius in urbe concilium sine unius saltem ejus collegii interventu transigitur, ne decemvirale quidem, quod jure habetur omnium gravissimum.

*De quadraginta virali Judicio.*

At locus admonet, ut de quadraginta virali judicio dicamus, in cujus mentionem proximo loco incidimus. Patet his non sorte aut suffragio, sed gradu ad eam dignitatem accessus, ut non multo post dicetur. Tres ipsi inter se præfectos in duos menses vicenosque dies suffragio creant: quos vulgo vocant quadraginta virorum capita: præfident illi non solum in iis quæ priva potestate transiguntur, sed si quando circa principem, consilarii infrequentes coivere, rebus interfunt gerendis. Horum præterea supplemento consuevit Ducarium collegium expleri. Eorum ab initio fuit tam civiles causas, quam crimina judicare, intererantque cognoscendis & judicandis rebus princeps, quique illi veteri instituto assident: mox vero aliis reipublicæ curis averfi *Marco Cornario* principe Ducarii collegii loco duo inferiores consilarii (de his quoque suo loco dicetur) interesse cœperunt. Cum iis igitur & duobus illis concilii capitibus quadraginta viri de parricidiis, furto, aliisque criminibus judicant, tam integras hi causas, quam provocatione ad se delatas cognoscunt. Cognitas non libello, sed suffragio judicant, eas agunt, aut publici advocatores, aut maris continentisve oræ Syndici: sic enim provinciæ recognitores vocant; adsunt interdum & hi qui provocarunt, quorum quidam per se, alii per causarum patronos rem rite agunt: adsunt & ii a quibus fuerat provocatum, quibus absentibus, nisi ipsi ita evenire velint, nihil mutari potest: tum causa citro ultroque jactata, aut quadraginta virali suffragio probatur, quod fuerat alibi judicatum, aut certe rescinditur: suffragandi ratio in iis ab ea quæ in comitiis servatur, aliquanto diversa. Tribus urnis non duabus suffragia leguntur, harum una damnat, absolvit altera, tertia neutrum præstat: hujus suffragia eorum sunt, quibus causa nondum perspecta est, quo accidit, ut quotiens tot ambigua reperiuntur, ut satis sint ad remotionem judicii, iterum causa agatur necesse est, atque ita fit, ut sæpe tertio priusquam ullum sequatur judicium, eandem causam agi contingat: tum vero nulla amplius ambiguitatis habetur ratio: hunc quoque triplicis urnæ usum in judiciis majores nostri a *Romanis* qui in tabellis id factitarunt, ut pleraque alia, accepisse videri possunt. De ejus magistratus ordine dicere, ni viderem eos qui aliqua de vetustate urbis scripserunt, omnino diversa tradere.

*De quadraginta virali civilium causarum Judicio.*

Parem judicium numerum *Foscari* principatu civilium causarum cognitio in nostra est civitate adepta: hi octonis comitiis creati tres & ipsi collegii præfectos, sive capita in idem tempus, quod & illi de quibus proxime locuti sumus, sorte legunt: inde alios atque alios subfortiti octo menses civiles judicant causas, quibus exactis gradu per eam dignitatem ad aliam facto sine sorte, sine suffragio ullo: judicandorum criminum munus adeunt, alteriusque quadraginta viratus esse incipiunt. Horum igitur (de civilibus loquor) tam urbanas, quam peregrinas causas judicare est. Sed quæ trecentorum aureorum nummum summam excedant, veteribus novisve auditoribus eas pro collegio agentibus, his si ab externis magistratibus, illis vero si ab urbanis sit provocatum, tertia ad summum actione pari suffragiorum ratione, qua & in criminibus judicatur: ac fieri solet, ut ipsis inter se sententia diffidentibus, si res ad exitum aliter perducere nequeat, ex altero quadraginta viratu huic iudices adhibeantur.

*De inferioribus Consiliariis.*

Illud quoque silentio non præteribo, esse consilarios quosdam, quos inferiores vulgo appellant, non tam a dignitate, quam a loco ubi causas audire solent, ita nominatos. Hic XL. viralibus causis, *Sabellicus.* C 2 quæ



quæ ad criminum cognitionem spectant: cum collegii præfectis primo cognoscendis mox etiam iudicandis præsidet: sunt hi qui aut majores nuper consilarii fuerunt, aut certe non multo post futuri sunt.

*De Decemviris.*

Severissimus autem omnium nostræ civitatis magistratum decemviratus merito habetur, & ut virorum numero ei, qui olim Romæ fuit, ita terribili potestate pene par. Sed quo celebriores illi, quia legumlatores, hoc nostri salubriores, qui latas mira severitate tuentur. Uterque annuus magistratus, uterque sine provocatione, sed brevis ille citoque in perniciem versus, hic ut ab initio semper reipublicæ salutaris. Mittam illos, de nostris loquar. Qui, ut cæteri magistratus, majoribus comitiis creati, omnes imperii partes attentissima cura perspiciunt: majestatis crimina, Cinædicam fœditatem, nummorum adulterationem, aliaque atrociora scelera severa vindicant animadversione: nec reo licet per se, aut per patronum aliquem causam dicere, pro collegio aliquis existat, oportet: qui rei causam quoquo modo agat. Quicquid ab iis judicatum fuerit, provocatione caret, ipsorum est non alterius, si quid statuerint mutare: si id tale est, ut postea mutari possit, poterunt & illi qui anno circumacti eorum loco surrogati fuerint: hi quoque tres collegii principes quot mensibus sibi in orbem legunt, quorum jus est octavo quoque die, ac sæpius, si ita factum opus sit, concilium vocare, quoscunque ex primoribus collegiis visum fuerit, concilio adhibere, si jure adhibuerint, principes & consilarii adsint, omnino oportet. Illud sane in eo magistratu formidabile, quod illius judicia nullis extant literarum monumentis, ut quod semel judicatum sit, nulla queat potestas rescindere. Constat jam inde *Petri Gradonici* principatu magistratum ipsum in civitate institutum.

*De Senatu sive Rogatorum Concilio.*

Nec Senatus illius quem *Quirites* tui, *Sabellice*, habuerunt, nostrum Rogatorum concilium, ratione caret, ac nescio an æquum sit dicere, hoc in plerisque sanctius, quam illud institutum. De hujus origine nihil habeo, quod omnino affirmem: non desunt, qui quadraginta Viratui æquale faciant, satis constat ab initio sexaginta creatos. *Laurentio* deinde *Celfo* rempublicam administrante, quinque & viginti ob *Cretensium* defectionem ascriptos: mox ob pacem cum *Pannonum* rege faciendam totidem. *Joannis Delphini* ducatu: dein ob *Patavium* bellum, ac postea alia atque alia de causa idem sæpius factitatum: quoad res in morem transiit, ut quotannis viginti supplementi nomine Senatui adjicerentur. *Steno* autem duce quadraginta dari coeperunt. Novissime *Francisci Foscarini* principatu priori numero viginti adhibitis par numerus supplementi nomine est senatui datus: ut jam inde præter alios magistratus, qui curiam cum illis ingrediuntur, centum & viginti Rogatorum numerum expleant. Notum est vobis, credo, quid de hoc nomine vulgus teneat: ideo id nomen ab initio factum, quia per viatores olim majores nostri rogarentur, ut in curiam ad consultandum de republica venirent: nec ignoro *Sabellice* quid tu in hanc sententiam quandoque scripseris, est is magistratus non perpetuus, ut apud *Romanos*, sed annuus, nec una domo, aut familia, plus duobus huic ordini in supplementum ascribuntur, alioqui tres adhiberi possunt. Omnia reipublicæ negotia ardua & eximia horum decreto sanciantur, pax, bellum, induciæ, fœdera, privilegia, prærogativæ: ex ipso senatu velut ex primario quodam reipublicæ fonte manant. Majora negotia perpetuo silentio sanciantur. Capitale est, si quis volens secretum ullum curiæ retexerit, ejus bona publican-

A tur, nullum jusjurandum, nulla religio tanti habetur, quæ perpetuum id rumpere debeat silentium. Si quis in eo offenderit, decemviri causam cognoscunt: cognitam inexorabili animadversione, lege vindicant. Sunt & alia hujus ordinis decreta, sed non ita silentio consecrata, si Senatus cogendus est, viatores circa senatorum ædes missi, id nunciant, si pauciores septuaginta coiverint, nihil decerni potest, sed duplo frequentiores ferme semper adesse consueverunt.

*De Moderatione eorum, quæ in senatu aguntur.*

B Prius igitur quam patres in curiam vocentur, hi quorum in senatu sententiam dicere jus est (cæteri enim suffragio in alienam eunt sententiam) inter se comparant, quid eo die potissimum sit ad patres referendum: si omnibus convenerit quid maxime referri oporteat, scribarum unus totius collegii nomine pronunciat, quid sit illud, quapropter in curiam sint patres vocati: appellantque id ipsum inter se partem: si vero prius quam res delata sit, in senatum parum inter illos convenerit, quotquot fuerint, aut principis, aut aliorum sententiæ, ordine notatæ ad patres in consultationem deferuntur. Tum vero cui libet senatorum, licet prius quam suffragia ineantur adversus unam vel plures earum dicere, perspicue ostendere: cur e re publica non sit facere id quod in consultationem sit allatum, aut docebit quid in eo mutari placeat: nec ii, qui sententiam dicunt refellere ea quæ objecta sint, prohibentur. Sic sententiis citro ultroque jactatis, alterutrius auctores ex tota curia legunt duabus urnis suffragia. Sequuntur hos scribæ cum totidem urnis assensus & negationis indicibus, sic quot prius dictæ fuerint in senatu sententiæ ad unam omnes suo indigent suffragio. At ea quæ omnium maxime probata fuerit, quod ex ipso suffragiorum colligitur numero, pro recepta habetur, senatusque consultum dicitur.

*De majoribus sapientibus, & his qui in senatu sententiam dicunt.*

D Et quia docui non omnium esse magistratum sententiam dicere, creat ne ignoret quisquam senatus ipse suo suffragio sex sibi viros, eos autem sapientes majores vocant, nunc concilii præfectos. Quinque viri ad hæc, qui & ipsi bellorum, sive continentis oræ sapientes dicuntur. Atque ordinum totidem aliquanto ætate juniores: hi mane circa tertiam dici horam principi pro collegio sequentes adsunt, tum peregrinis literis, aliisque publicis negotiis inspectis, in medium consultant, quid potissimum opus sit factum, ac si inter illos convenerit, quid decerni oporteat, senatum accersunt. Si variabunt sententiæ, suam cuique, ut docuimus, licet frequenti curia celebrare, præter eos, quos ordinum sapientes vocant: illis quæ ad rem maritimam attinent, curare fas est: deque his patres rogare sententiam, supra hæc nil juris est illis permissum.

*De Divi Marci Procuratoribus.*

F In his magistratibus omne ferme reipublicæ pondus residet, horum consilio tota imperii agitur moles: accedunt ad hos alii plerique, quorum administratio, etsi non adeo onerosa, nihilo tamen est illis dignatione inferior. Sed omnium maxime *Divi Marci* procuratores dignitate pollent, & auctoritate. Sunt hi quidem hodie novem numero, quum ab initio unus tantum fuisset: quippe cui templi cura decreta esset. Verum post amplissimum *Ciani* principis legatum, quum ille duplici curæ impar esse crederetur, alter est suffragio creatus, ut hic sacris thesauris, ille recentioris legati procuratori præesset. Mox vero ob legatorum multitudinem, *Rainero Zeno* principe tertius est collegio ascriptus: sicque comparatum, ut hic citra *Rivumaltum*, ille ultra legata procuraret, atque in hunc modum tres numero esse coeperunt: inde eodem *Zeno* adhuc rem-



republicam administrante, quartus est additus, ac illi qui sacris thesauris præerat collega datus: inde *Joannis Superantii* ducatu, quum alia atque alia his essent negotia suborta, duo illis sunt adhibiti: novissime *Foscaro* principe tres alii collegio adscripti, qui hodie numerus tenet: sunt patricii ordinis omnes, & anteaetæ vitæ laudibus, & ætate principes: quippe quorum nemo, nisi maximus natus, eam ferme dignitatem adipiscatur: comitiis & ii creantur, estque magistratus ipse eo dignior, quo & diuturnior: honor semel adeptus, cum vita finitur. Creatur ad hæc ex eo ferme ordine civitatis princeps. Tres horum augustissimi urbis nostræ templi & sacrorum qui in eo sunt, thesaurorum curam habent. Tres alii legata trium regionum citra *Rivumaltum* cognoscunt. Hæredes ipsos testatoris voluntatem sequi, si opus sit, potestate compellunt: suæ fidei credita rite disponunt. Reliquis ultra aquas totidem regionibus idem procurant. Cui dederint, nullius est cognoscere, publicas ædes incolunt. Post principem & eos in quibus publica residet majestas, reliquos magistratus veteri instituto præcedunt. Sunt his scribæ, quorum opera ad hæc omnia rite transigenda utuntur.

#### De Scribarum Præfetto.

At quando in Scribarum mentionem incidimus, non ab re fuerit referre, quam honoratum locum Scribarum maximus in curia sibi veteri instituto vendicet. Sedet is post eos qui in senatu sententiam dicunt, majoribusque comitiis, ut cæteri urbis magistratus creatur. Verum diversa conditione, ut quum illi annui sint, aut aliquanto breviores: ille honor non nisi cum vita hominis finiatur. Sunt & alii Scribæ Sapientum collegiis tributis, qui & ipsi curiam ingrediuntur: sed horum dignitas omnino inferior.

#### De tribus petitionum Judicibus.

Sequuntur plerique alii magistratuum ordines, quorum munus quoniam pene totum forensi umbra consumitur, operæ pretium est cognoscere duplici causarum nostram civitatem uti foro, *Ducario* & *Rivoaltino*: est & patriarchicum tertium, in quo sacrarum rerum causæ aguntur: sed de hoc nihil in præsentia attinet dicere. Reliquorum *Ducarium*, quod & divi *Marci* dici potest, nobis curia egressis primo occurrit: in eo plures judicum ordines, atque omnium primi, qui petitionum dicuntur. Sunt hi tres numero in sexdecim menses comitiis creati. Magistratus omnino vetus, utpote jam inde a *Jacobi Tepuli* Ducatu institutus, atque ad id primo indutus, ut urbanas peregrinasque hominum querelas, petitiones, quas ad id tempus princeps pro collegio audire consueverat, cognosceret, infraque centum libras priva potestate judicaret; supra vero absque Ducis *Ducarii*que collegii autoritate nihil permissum: inde *Francisci Danduli* principatu recentiore decreto datum, ut in summa decuplo majore jus dicerent, ac civibus sibi caveri postulantibus, rerum ambiguarum fidei sisterent, pignora caperent, captaque hæstæ venalia subjicerent.

#### De quinque Viris Ordinum.

Excidit mihi magistratus in nostra urbe non ignobilis, Sapientes, qui Ordinum dicuntur, quibus negotium datur triremes ad mercaturam ornandi, navigationum rationem, rerumque omnium maritimarum habere, ac pro potestate omnia mature expedire: adhibentur supremo collegio, neque quum senatus habetur, curia excluduntur: quin & sententiæ in senatu dicendæ in his quæ ad eorum munus attinent, jus habent.

#### De quinque Viris continentis oræ.

In hunc modum rei maritimæ majores nostri cautum voluerunt: nec ubi imperii fines intra continentem propagari cœperunt, eam reipublicæ partem

fuo magistratu carere voluerunt: sed *Tauriso* adepto confestim quinque Viri creati sunt, qui sollicita attentione prospicerent, quæ ad illustrem urbem nuper imperio quæsitam viribus protegendam attinerent. Dictique ob id primum *Taurisii* sapientes. Mox vero finibus imperii longius propagatis, continentis oræ dici cœperunt.

#### De Examinatorum Judicibus.

Sunt præterea tres Examinatorum judices *Rainerio Dandulo* principe creati. Hi ex eo quod ipsorum sit testium peregre proficiscentium, aut vita quoquo modo periclitantium (modo cujuscumque inter sit) dicta cognoscere, cognitaque sanctiore loco asservare; nomen traxere. Coemptiones ad hæc venditionesque an rite fiant diligenter prospiciunt, ac cognitæ, si quid dolo malo actum sit, potestate retractant. De pignoribus eadem cognitio: deque supremis voluntatibus, si testamento non appareant: & hæc utroque foro, mane in *Ducario*, vespere *Rivoaltino* transigunt.

#### De peregrinis Judicibus.

Verum enimvero ne tantum civibus consultum videretur, *Aureo* principe peregrini, & ipsi suum in nostra urbe tribunal habere cœperunt. Tres judices eorum causas audiunt, tam si inter eos, quam si cum civium aliquo rei aliquid vertatur. Hi quoque æquo & bono judicant: si quid inter locatorem & inquilinum de pensione aut locationibus controversiæ oriatur, eorum est cognitio. De naulis etiam navigiorum omnium præter quam triremium jus dicunt.

#### De mobilium Judicibus.

Proximo his loco tres mobilium judices civium causas audiunt. Sed quæ selibram auri non excedant, olim in summa triplo majore lege judicant: ac solum (unde nomen magistratui datum) in mobilibus testamento legatis, quod judicium *Francisci Danduli* ducatu a peregrinis judicibus fuerat ad hos translatum: mox vero *Celfo* principe, ad selibram auri eorum judicatio est retracta: hi quoque, ut plerique alii, nunc æquo & bono, nunc lege judicant.

#### De Curie Judicibus.

Et quia negotiorum varietas effecit, ut ii penes quos essent judicia in suspensionem venire possent, si litigator aut reus, eorum quæmpiam necessitudine attingeret: si quis eorum judicatione decidat, tres *Laurentii Tepuli* regimine instituti dicuntur, qui sorte ducti, illius loco jus dicerent.

#### De Procuratorum Judicibus.

Oportuit ad hæc quando procuratoria dignitas amplissima est, lateque ejus patet administratio, ut essent tres judices, ad quos causas illi agerent, quibus aliquid rei cum collegio, aut collegii aliquo esset: ut si quando legata exigenterent, aut remittenda quoquo modo essent: id jure non eorum arbitrio factum putaretur, æquo & bono super ea re ab initio judicatum ferunt. Verum quia in tres velut terniones procuratorum numerum divisum ostendimus, ita sane inter eos est comparatum, ut ternionum singuli in ordinem cum judicibus in foro pro tribunali biduo causas audiant. Creduntur tres illi judices *Laurentio Tepulo* Duce creati, quibus procedente tempore est permissum, ut prædiorum causas, & quæ inter viros & uxores discordiæ aut lites subortæ essent, cognoscerent, deque his rite judicarent.

#### De Judicibus propriariis.

Parum fuisset aliis civitatis ordinibus consuluisse, nisi imbecillioris etiam sexus & fortunæ cautum majores nostri voluissent: & in primis nubentibus unde urbium propagationes pendent, earum dos quasi peculiare quoddam habetur prædium: ne hujusmodi possessione sexus ille in nostra civitate injuria fraudaretur. Placuit magistratum in urbe esse, cujus



æquitate & aura subnixæ mulieres ex paternis ædibus dotem exigent, aut si ita fors tulisset, aliunde repeterent. Dotalia ad hæc prædia, tam urbana, quam externa & eorum fines, solenni scripto recipiunt: horum etiam testamentis cavere est, ne quid aut incuria, aut fraude eorum quos id præstare oportuit, in his periclitetur. Tutores pupillis, furiosis curatores quærere: eorum bonis qui intestati decessere, ac creditoribus, si qui extant cavere. De furtis ad hæc & levioribus homicidiis, aliisque ejus generis sceleribus, cum præfectis vigillum judicare. *Vitale Phalerio Duce* is magistratus dicitur institutus: ut princeps multis alioquin districtis curis hujusmodi novorum judicum munere veteri onere aliqua ex parte levaretur. Multa extant argumenta, quibus datur intelligi hos judices inter agendum principi pro collegio affidere solitos: etenim hoc quoque tempore solenni pompa dextrum illius claudunt latus: multaque illis princeps ipse, velut ex antiquo instituto munera aliunde allata, solet impartire.

#### De veteribus Auditoribus.

Et ne ullus gratiæ ambitionive locus in iudiciis relinqueretur, *Andreae Danduli* principatu, tres auditores majores nostri instituere: ad quos a iudicum tribunali liceret civibus provocare: hi causas ab initio audire cœperunt, de quibus in urbe, aut maritima ora quæ a *Gradatis aquis ad caput aggeris* protenditur, fuisset judicatum: mox & peregrinas propagatis imperii finibus aliquamdiu recepere: verum novis auditoribus creatis, veterem cognitionem retinere. Si igitur ab his, qui provocarunt, aliquid assertur quod parum recte judicatum videatur, recepta causa, si triginta aureorum nummum summam non exceßerit, quod *Trono Duce* est eis decreto permissum, cum antea infra minorem summam ea se potestas teneret: de ea re arbitrio judicant, rescissa aut probata, quæcunque de ea re lata esset sententia. Si majoris summæ causa deferatur, ad trecentos usque aureos ipsis causam agentibus pro frumentario collegio de ea judicatur: si autem major XL. Virali iudicio rem cognoscendam subjiunt, auditoribus ipsis causam agentibus, tertia ad summum actione XL. viri civiles de ea suffragio judicant.

#### De novis Auditoribus.

Parum huic auditorum numerum terra, marique propagatum imperium *Steno Duce* excogitare coegit, ut essent qui externorum magistratuum iudicia cognoscerent, exirentque ob hoc ipsum quotannis ad statum provinciæ recognoscendum. Et quia nimis longa esset ea cognitio, ita comparatum est, ut tres illi tota continentis ora ab *Abdua* ad *Phanaticum* sinum perlustrarent: duoque extra ordinem in Senatu lecti, maritimam oram cum insulis inviserent. Hi provincialium & insularum causas audiunt, de quibus dico: sit quoquo modo a magistratibus judicatum, ac si quid est in quo leges videantur offensæ, id recipiunt, ac ubi *Venetas* venerunt XL. Virali iudicio, modo huic, modo illi, ut ratio susceptæ causæ exigit, cognoscendum subjiunt.

#### De Præfectis frumentariis.

Fuit, quis non videt, hoc admodum salutare iudicis, & provocatione omnibus leges æquasse. Sed sapientes illi viri, qui nostram rempublicam instituere, optimos pictores imitati, quibus non satis est caput & humeros imaginis alicujus recte effinxisse, nisi singula operis lineamenta sibi invicem respondeant: parum cautum civitati existimarunt, si re frumentaria sæpius laborandum esset, quod ne aliquando accidere posset, duos *Joanne Dandulo* principe negotio præfecere: unus recentissime est collegio additus, qui summo studio curarent, ne ci-

vitas, quandoque caritate annonæ premeretur; quod ut tutius præstari posset, ingens vis auri in hunc usum conflata est, ac ita institutum, ut quum remitti annona in civitate cœpisset, confestim ex publicis horreis vulgus sublevaretur, quanquam id ferme semper præstatur, ut nisi in summa tritici ubertate aliquanto vilius, quam privata, publica veneat annona.

#### De triumviris frumentariis.

Et quia nunquam civium commodis satis consultum putarunt, ut majore undique studio triticum convectaretur, procedente tempore triumviri creati sunt, qui certam frumentatoribus pecuniam in singulos modos constituerent: ita ut hodie pluribus aureorum nummum millibus negotiorum stare soleat reipublicæ frumentatio: sed quantuncunque constet, bene tamen vertit, quando sane vilius in ea urbe, quæ mediis est aquis sita, veneat annona, quam ubi summo studio coluntur agri.

#### De fisci Recuperatoribus sive Cataveris.

Ingens, ut videtis, fuit illorum qui hæc instituere prudentia studiumque in civitatem, cui ex omni parte consultum voluere. Sed quum omnium ordinum commodis studerent, publica illis utilitas nullo modo excidit, quin tres fisci recuperatores creaverent (eos vulgo *Cataverios* appellant) qui diligenti cura cognoscerent, quæ quisque ex publico sibi bona dolo malo vendicasset, ac ubi aliquid tale satis exploratum haberent, jure cum eo agerent, essetque eis libera tam pecuniæ, quam prædiorum assertio, cujusmodi sunt illorum bona, qui intestati decedunt, si nemo interim extet, ad quem lege agnationis bona ipsa sint proventura: vectigalium ad hæc fraudem vendicant. Cognoscebant ab initio de iis quæ xx. aureorum nummum summam non excederent, de quibus altera partium absente esset judicatum: nunc quoque de decem aureorum summa illorum judicatio est.

#### De triumviris publicis.

Ne ulli ad hæc libelli, pactionesque foeneratoriæ inter divites fierent & inopes, qua avarissimus ille ordo, sæpe ingressus in miseros cives ad libitum grassari solet, triumviri creati placuit, qui ea cognoscerent, cognitaque lege vindicarent: in hæreseos quoque accersitos, illorum potestas intenditur, judicant & infra viginti libras. Horum quoque est curare ne publicæ viæ, vici, canales, aræ, aliquo privato occupentur ædificio.

#### De sex viris nocturnis.

Quemadmodum magistratus, de quo proxime diximus, cum ædilitia *Romanorum* potestate, nescio quid commune habet, ita hic qui sequitur cum præfectis vigillum. Sex viri sunt ex singulis urbis regionibus singuli creati, quos idcirco ab initio nocturnos appellatos existimo, quia custodiendæ noctu urbis ab incendiis aliisque sicariorum incurisibus, negotium sortiti essent: nunc indifferenter diurna nocturnaue flagitia insectantur: suntque sex Vigillum præfecti illis attributi, quorum tres circa *Ducarium* forum assidue excubant, in *Rivoalto* reliqui: hi arma contra edictum habentibus, adimunt, in omnes quæstionem exercent, præterquam in majestatis reos: publicorum advocatorum ea cognitio est, iudicium habent in neminem: quicquid illi quæstione acquisiverunt, Princeps nonnunquam, etiam propriarii iudices pro causarum conditione pro collegio vindicant. Cœpit is magistratus *Marini Mauroceni* principatu in urbe esse: duoque ab initio instituti: ut hic citra *Rivumaltum*, ille ultra potestatem exerceret: mox vero *Rainerio Zeno* rempublicam administrante, quatuor additis, sex numero esse cœperunt.

#### De solenni Collegio.

Causarum multitudo ingens, quæ gravis alioqui prin-



Principi & iis qui pro collegio illi assident, esse coeperat: patres olim admonuit, ut præter *Ducarium* collegium recens aliud illi excogitarent, id solenne dixerunt, conficiturque hodie ex tribus consiliariis, ex advocatore uno, tribusque præfectis annonæ, ac paucioribus aliis magistratibus, ita ut xiv. numero ad summum coeant: rerum provocationes a *Rivoaltinis* iudicibus, qui computationibus & calculis præfunt, ad hos perferuntur: de testamentorum brevioriis, ut in cæteris, suffragio iudicant.

*De Ducariis scribes & Castaldis.*

Sunt, ut quæ judicata fuerint rite transigantur, duo ex populari ordine scribæ, qui ideo Principis dicuntur, quia ab eo priva potestate legi soleant: hi sane sunt plebani, sive alterius ecclesiæ Antistites, quibus id negotii est, ut quicquid per Principem olim, nunc per ordinarios iudices sit iudicatum, rite exequantur: suntque ad hoc ipsum jam inde ab initio ministri duo creati, eos Castaldos a nostris appellari audio, quorum opera in transigendis rebus scribæ utuntur: ac si quis in eo quod illi egerint, provocatum volet ad auditores, ob id tres numero creatos velle debet, hi quid in eo fieri velint, pronunciant. Si hinc quoque provocandum sit, ad publicos advocatores oportet, rem xl. virali iudicandam collegio deferunt. Cæterum, si qua de executionis ratione suborta olim esset dubitatio, *Ducarii* scribæ eam cognoscebant. Deinde sub ipsam throni Principis creationem duo protocastaldos creari placuit, qui rem autoritate componerent: postea *Marcello* Duce tertius est collegio adhibitus.

*De Præfectis carceris.*

Et quia foro egressis, carcer, qui illi subjectus est, primo occurrit, non ab re erit, quando hinc in *Rivoaltinum* forum sit transitus faciendus, priusquam loco digrediamur, de Præfectis carceris pauca referre. Sunt hi duo, quos Princeps priva potestate creat, utriusque est suæ custodiæ traditos diligenter asservare: eorum injussu nulli ad eos qui in vinculis jacent, patet accessus, nec cuiquam exire illis insciis permissum: demum publicæ custodiæ cura horum tota est.

*De Triumviris armamentariis.*

Reliquum est ut de Triumviris armamentariis breviter dicamus, quorum est navales socios & remiges conscribere: triremes, cetheas, aliaque publica navigia armis & commeatu instituere, & brevi omnia ad usum navium tam ad negotiationem, quam ad bellum paratarum, mature providere.

*De annonæ Præfectis.*

Sunt ad caput *Salinum* duumviri jam inde a *Thomæ Mocenici* ducatu constituti, qui annonæ dicuntur: horum est salitarum carni, casei, & aliorum quorundam esculentorum, ac quicquid ejusmodi rerum mari convehitur, curam habere: ea primo appendunt, inde quæ diligenti attentione appensa, aut recte æstimata sunt, ad Triumviros ternariacos transmittunt.

*De Triumviris maritimi vectigalis.*

Contiguo ferme loco sedent maritimi vectigalis (id vulgo *Doanam* vocant) præfecti, jam inde a *Thomæ Mocenici* principatu anno ab urbe condita circiter millesimo creati, tres illi numero, quorum oculis omnia quæ publicis triremibus, aliisque navium generibus in urbem advehuntur, cognoscenda subiiciuntur: nec nisi vectigalibus solutis permittitur cuiquam res inde in tabernas, aut alio e navibus transferre.

*De vectigalium Præfectis.*

*Rivoaltini* magistratus, de quibus hinc nobis dicendum est, multi quidem & varii, & ut imperio potestate inferiores, ita fortasse publico usui non minus quam illi, de quibus diximus, necessarii: occurritque omnium primus magistratus sane recens,

A utpote, *Foscaro* Principe institutus: sed in quo omnis vectigalium & tributorum ratio sita est. Triumviri comitiis creati, negotium locandorum vectigalium habent, tributaque a civibus exigendi: pecunias inde exactas, aut quæstoribus urbanis distribuendas tradunt, aut in alios reipublicæ, patrum decreto, dispartiunt usus.

*De Quinqueviris vinariis.*

B At quia in vectigalium mentionem incidimus, octo, ne quis ignoret, primaria sunt urbis nostræ vectigalia, quorum singula singulos sortita sunt magistratus, qui exactas portorii pecunias, ad quæstores deferunt. Estque ut omnium maximum, ita fortassis antiquissimum vini vectigal, cujus gratia Quinqueviri creantur, qui diligenter cognoscunt quicquid exotici vini mari terraque urbi importentur, quantum inde alio devehatur, ne fraus vectigali fiat, potestate cavet: si quem de fraude deprehenderit, pecunia & merce, lege puniunt.

*De Quatuorviris advectitiis.*

C Est & aliud vectigal, introituum mensam vulgo appellant. Quatuorviri res peregre advectas cognoscunt, appendunt, metiuntur, negotiatorum fraudes puniunt, pecunias exactas quæstoribus numerandas procurant. Tres ab initio fuere, atque anno millesimo ferme ab urbe condita *Mocenici* Ducatu, cum iis Magistratibus, de quibus proxime dicemus, instituti: verum procedente tempore, quartus collegio est adhibitus.

*De Triumviris exactitiis.*

Id juris Triumviri habent in his quæ urbe negotiatoribus & exteris exiguntur. Horum mensa exituum nominatur, fuitque is magistratus cum eo de quo proximo loco diximus, ex veteribus quibusdam aliis *Mocenici* principatu institutus: nihil in utroque præter nomen mutatum.

*De Quatuorviris Missiteriis.*

D Tertia ab his Missiteria mensa est, ubi Quatuorviri eorum quæ emuntur, venduntur, cognoscunt pretia, ac secundum ea portoria rite exigunt.

*De Quatuorviris ternariacis.*

E Olei ad hæc, casei, salitarum carni, aluminis, lignorum ad ædificia quæstorum, lanarum, metallorumque diligens circa mercatorias tabernas recognitio Quatuorvirorum est. Cavent hi ne inopia rei alicujus in urbe laboretur: ut igitur mature venalia civibus proponantur, & in his quæ proponuntur, ne aliquo modo vectigali fraus fiat, diligenti cura prospiciunt. Magistratus vetus & jam inde a *Joannis Danduli* Ducaria administratione, ut creditur, institutus, variatusque pro tempore numerus.

*De Quatuorviris lanariis.*

F Lanii quoque suum recognoscunt magistratum, ac eorum si quis contra civitatis institutum venderit, appenderitve aliquid, a Quatuorviris ad hoc ipsum creatis, pecunia mulctatur: vectigal ab his exactum publicani huic magistratui, magistratus ipse quæstoribus urbanis dinumerant: fuit olim id munus cum eo conjunctum, quod vetus hodie justitia dicitur, sed curis crescentibus ex uno duos magistratus fieri contigit.

*De Duumviris aurifolliis.*

Habent aurifolia, quæ passim nostra urbe cuduntur, suum vectigal: ingens opificum numerus effecit, ut peculiarem & ipsi haberent magistratum: Duumviri iis jus dicunt, opera inspiciunt, ac ne quid adulteretur, aut fraude fiat, cognoscunt: vectigales pecunias hinc exactas in publicum redigunt.

*De Quatuorviris salinariis.*

Quamquam urbs nostra marinis undique alluatur fluctibus, habet tamen ingens salis vectigal, quando non omnibus neque ubique id fas sit conficere. Sed *Clodii* aliisque remotioribus locis, in quibus publicæ sunt salinæ institutæ. Venditur in urbe pu-



publice duobus locis, ac quicquid inde pecuniarum exigitur, quæstores urbani in ærarium deferunt: locant hodie sex viri salinarii (olim quatuor fuere) per urbes & loca, quæ *Veneto* parent imperio salis vectigalia, & in urbe publica circa *Rivumaltum* prædia. Horum quoque est maris littora aggeribus munire, quod opus ad coercendos maris impetus institutum, quotannis ad dena exposcit aureorum nummum millia.

*De Quinquoviris pacalibus.*

Sequuntur reliqui magistratus, quorum Quinquoviri pacales *Jacobi Tepuli* temporibus præclare a majoribus instituti mihi videntur. Hi convicia, & alias injurias, quibus privatae aluntur inimicitiae cognoscunt, ac de fontibus lege judicant. Si multa delinquentibus irrogata non fuerit mature persoluta, admissum facinus quilibet impune vindicat.

*De veteris justitiæ Aedilibus.*

*Sebastiano* cognomento *Ciano* rempublicam administrante Triumviri instituti dicuntur, quum hodie quatuor creentur, qui veteris justitiæ nominantur. Hi fabrorum contra cujuslibet pretium operæ æqua æstimatione metiuntur: rerum venalium pondera, si iniqua deprehenderint, lege puniunt: obsoniis, frugibus, oleribus, & lignis venalibus pretium ascribunt.

*De novæ justitiæ Aedilibus.*

Fuit quorum proxime meminimus olim munus, quod nunc tres novæ justitiæ ædiles obeunt. Molitoribus hi (quod *Rainerio Zeno* Principe est institutum) & cauponibus non solum jus dicunt, sed etiam si quid deliquerint, lege vindicant.

*De Triumviris hospitalibus, sive veteris calculi.*

Sunt præter hos, de quibus diximus Triumviri, qui veteris calculi dicuntur. Accipiunt hi summos Principes aut legatos publico nomine, lautissimeque hospitio habent. Ecquando *Athenienses*, quando *Lacedæmonii*, quando *Romani* ipsi magistratum ad publicam hospitalem colendam habuere? quid aliud est perpetuum magistratum ad hoc creatum in aliqua esse civitate, quam hospitalis munificentiae publicæque charitatis signum in urbe omnibus gentibus præfigere: habent ad hæc illi aulae ornatiissima, stragula purpurea, aliamque pretiosam supellectilem ad aedes instruendas. Horum quoque est publica prædia quoquo modo fraude occupata asserere: rationes ad hæc, magistratum omnium maritimæ oræ libello ab eis accepto recognoscere.

*De Triumviris novarum rationum.*

Est pari numero, autoritate fortasse minori, magistratus qui pecuniam & alia oratoribus ad externos principes & populos ituris, necessaria subministrat, Triumviri novi calculi dicuntur. Hi vero non solum abeuntes instruunt, sed post reditum etiam expensæ ab eis pecuniæ libellum exigunt, principum munera illis adempta in publicum redigunt: nec tam pretium in eo quaeritur, quam ne quisquam plus quam publicum hominem deceat, regum alicui, aut principum spe munerum se se insinuare audeat: obsoniorum publicanos, si pecuniam singulis pensionibus non dissolverint, certa pecunia prius multatos, ad eam quam publicam debeant dissolvendam cogunt: fuit totum ferme id munus ejus olim magistratus, cujus proximo loco mentio facta est, ita ut vere dici possit, qui duo nunc sunt, olim unum fuisse.

*De Duumviris farinariis.*

Est & in *Rivoaltina* ripa locus undique jam inde a *Ciani* principatu munitus, ubi farinæ vis ingens populo venalis proponitur. Hic ne frumentorum avaritia quandoque annona laboretur, duæ assidue tabernæ patent, in quibus farina vilis, quam in privatis publico nomine venditur. Præfident Duumviri qui emporii claves asservant, quique attentissima cura prospiciunt, ne quis in mensuris, aut in

A corrupta annona vendentium fraude, accipiat injuriam.

*De Consulibus negotiatoriis.*

Et quia nullius rei secundum libertatem, nostra civitas ab initio studiosior fuit, quam negotiationis, qua tantum Dei benignitate ad hunc diem profecit, ut omnium Christiani nominis urbium merito nostra opulentissima habeatur: ut igitur in maximo orbis emporio, iis cautum esset, qui negotii causa eo navigarent, tres ab initio (quartus *Foscari* principatu est collegio adjectus) judices majores nostri instituerunt: eos consules hodie, ut ab initio appellant, in eo foro jus dicunt, in cujus porticu omnia urbis transfiguntur negotia: hi sine libello judicant, quæ judicarunt duo, velut consulum ministri (massarios vulgo appellant) quadraginta virali suffragio ad id lecti, judicata exequentur.

*De Triumviris extraordinariis.*

Cæterum ne pro pecuniis verba creditoribus darentur, Triumviros creari placuit, qui publicorum navigiorum ad peregrinam mercaturam exeuntium, modum & numerum tenerent: inde post reditum ea cum nauticis instrumentis recognita, in publicum redigerent, exigerentque ab iis vectigal, qui publicis navibus usi essent: mox & triremium locandarum eis negotium datum, quod *Petri Gradonici* principatu creditur institutum, ut publicis tantum triremibus navigaretur: sed hæc aliorum spectant, quam ad ea quæ polliciti eramus. Nulli igitur prius ex urbe solvere licet, quam ex singulorum magistratum, ad quos vectigalium exactiones spectant, chirographo exploratum habuerint, an hi qui navigaturi sunt, publice aut privatim pecuniam debeant: quod si ita esse constiterit, haud prius illis solvere permittitur, quam creditoribus ita placere cognoverint: ac ne post reditum quidem naves mercibus exonerare, nisi chirographo idem magistratui constiterit. Horum præterea fuisse tradunt *Marianos* ludos, qui *Genuensi* bello celebrari desierunt, publico sumptu instruere.

*De Triumviris decem officiorum.*

Utiliter quidem & is de quo dicam, magistratus, *Thomæ Mocenici* felici administratione fuit a majoribus nostris institutus, Triumviri decem officiorum dicuntur ii ab omnibus magistratibus, qui urbanis vectigalibus præfunt: exacto pensionum tempore, libros cum eorum nominibus, qui nauli aut vectigalis nomine reipublicæ pecuniam debent, accipiunt. Debitores prius pecunia multatos ad publicum æs solvendum potestate cogunt.

*De Provisoribus urbanis.*

Sunt & alii Triumviri *Petri Gradonici* auspiciis creati, quorum prospicere est, ne naves illegitima magnitudine texantur, aut nimis onerose stipentur: cognoscunt ad hæc qui civitate donati sunt, quibus in urbe utantur privilegiis: illud quoque attente perspiciunt, ut mos patrius ac navigandi lex indifferenter ab omnibus civitatis servetur ordinibus, cursores ad ea quæ toto orbe fiant, mature cognoscenda publico nomine instruunt: fuit is magistratus quandoque e republica sublatus, mox vero utpote necessarius restitutus. Magistratum ipsum ob id ajunt ab initio creatum, ut ii quibus id negotium esset datum, recognoscerent quantum alieni æris publico nomine deberetur, nimios sumptus cohiberent, ne vectigalia quoquo modo fraudarentur, fraudemque potestate vindicarent. Est præterea a magistratibus plerisque ad hos provocatio: viasque publicas sternendi cura recentissime ad eosdem devoluta est.

*De Supraconsulibus.*

Admonuit præterea miserorum civium fortuna eos qui nostram civitatem instituere, nullam esse tam humilem civium conditionem, cui non aliquod in libera civitate pateret præsidium. Hoc igitur effecit,



cit, ut magistratus in urbe crearetur, qui in pignori-  
bus, aliisque rebus alienandis eis caveret, qui fœ-  
neratorum inexplibili avaritia ad ossa usque, ut ajunt,  
consumpti essent: idque præstaret, quod ultimum om-  
nium erat præsidium, ne in rerum etiam venditione  
circumscriberentur: cæterum ne & illos qui alieno  
ære ultra modum laborare cœpissent, facto a credi-  
toribus impetu, cum omnibus fortune darentur præ-  
cipites: sed essent potius ad quos illi confugerent, po-  
stularentque sibi tempus ad se alieno ære exoneran-  
dum, quod pro ob æratorum conditione longius bre-  
viusque impetrari solet. Si quis perditis rebus ob eam  
causam solum verterit, publica fide ab eo magistratu  
in certum tempus accepta, in urbem, si velit, tuto ve-  
nire permittitur, ubi illi per otium licet cum credito-  
ribus agere de matura conflati æris solutione: quibus  
in sententiam adductis, aut si non omnibus, præcipua  
saltem eorum parte, in civitate tuto esse potest. Si au-  
tem id minus consecutus fuerit, confestim exeunte  
præstitæ fidei tempore, iterum solum vertit: sed raro  
id accidit, ipsis etiam iudiciis inopiam sublevanti-  
bus, quorum favor pro laborantibus natura stare con-  
suevit. Multa ac diversa fuerunt ab initio magistratus  
hujus munera, quæ nunc publici provisores obeunt:  
nec quatuor, ut hodie, sed tres usque ad *Foscari* Prin-  
cipis tempora, collegium explevere.

#### De Quæstorum Præfectis.

Omnes, ut dixi, veteres urbis nostræ modera-  
tores consultum voluere: sed ante omnia reipublicæ  
cui ne non ubique & semper cautum videretur, nul-  
lam ejus partem magistratum præsidio nudam re-  
liquere. Parum enim illi cautum putarunt, si non  
ea fide a provinciarum Quæstoribus publicæ pecu-  
niæ, qua & ab urbanis magistratibus ministrarentur:  
quod ne accideret, Triumviros, quos fisci procu-  
ratores dixere, creatum iri placuit, quibus urbium  
& provinciarum continentis oræ Quæstores admi-  
nistratæ pecuniæ rationem redderent: horum quoque  
jus est tam publicas pecunias, quam prædia ab in-  
juste occupantibus vindicare.

#### De Triumviris argentariis.

Ingens ad hæc pondus argenti facti infectique ma-  
teriam præbuit Triumvirorum in civitate creando-  
rum, qui quum id venderetur, fundereturve, adef-  
sent, deque ejus vena & pretio judicarent: estque id  
munus perpetuum. Sunt & qui argenti aliunde in  
urbem advecti, vestigal exigunt, Triumviri ad hoc  
ipsum creati.

#### De Triumviris aurei panni.

Luxuria nostri sæculi, quæ ita perditæ incubuit, ut  
scurræ principum & præcones plus contexti auri ho-  
die conterant, quam olim summi reges, negotium  
dedit opificibus nostræ urbis amplissimum auræ tex-  
turæ. Sed quum passim in *Veneta* urbe aurum pro lana  
intexi cœpisset, necesse fuit, ut tam pretiosum opifi-  
cium suum haberet magistratum, essentque tres vi-  
ri, qui diligenter inspicerent auræ purpureæque  
texturæ rationem, & operum pretia, ne qua fraus  
inde negotiatores sequeretur. Si qua adulterata of-  
fenderint, pannos vel magni pretii rescindunt.

#### De Duumviris lignariis.

Ut pretiosis rebus, ita & iis quæ viliora sunt non  
inutiliter novum olim magistratum veteres invene-  
re: quanquam ne vile quidem dici potest, quod hu-  
manæ vitæ maximum præstat adjumentum. Duum-  
viri hodie sunt, olim unus fuit *Christophoro Mauro*  
Principe creatus, publica pecunia ligna ad domesti-  
cum usum quæsitæ mercantur, aut ex publicis ne-  
moribus accersunt, ac utrolibet modo comparata,  
quum hyeme mare est minus tractabile, ne eorum  
inopia in urbe laboretur, diligenter prospiciunt. Di-  
stribuunt, quum opus est, illa pauperibus, a quibus  
sine aliquo majore incommodo debitam postea exi-  
gunt pecuniam.

#### De Regionum Præfectis.

Est urbs nostra, quod alio loco, ni fallor, do-  
cuimus, in sex regiones divisa, quibus singulis sin-  
guli *Joanne Superantio* Principe, præesse cœperunt:  
habent hi negotium cum vigilum præfectis: die no-  
ctuque videre, ne qua parte urbis respublica aliquod  
adeat incommodum. Horum quoque munus est,  
famulos & ancillas conditione quæsitæ, domestica-  
tim conscribere, sicariorum licentiam cohibere, le-  
nonum & meretricum flagitia severa vindicare ani-  
madversione.

#### De Triumviris solventium.

Fuerunt majores nostri rerum omnium urbanarum  
vehementer studiosi, sed mercaturæ (quod ex multis  
datur intelligi) sane studiosissimi: nam præter cætera,  
quæ non minus utiliter quam prudenter circa negotia  
domi forisque statuere, illud certe non est silentio præ-  
tereundum, quod lege prohibitum est iis, qui ad merca-  
turam ex urbe profecturi sunt, prius nostris littoribus  
solvere, quam a Triumviris *Rainerii* (ut quidam ajunt)  
*Zeni* principatu creatis: quique Solventium, sive ut  
vulgo ajunt, Levantium dicuntur chirographum im-  
petrarint: inspicitur ab illis navium magnitudo, quid  
mercium earum quælibet ferre possit: scrutantur ad  
hæc an arma metallave, aut quid aliud contra legem sit  
navibus impositum, an legitime sint naves armis &  
viris instructæ: in quibus, si quid præter civitatis in-  
stitutum offenderint, potestate corrigunt.

#### De Triumviris emporiacis.

Est contra *Rivoaltinum* forum, *Germanicum* em-  
porium, hic negotiorum vis ingens frequenti ho-  
minum commerciotransigitur. *Theutonici* sangui-  
nis negotiatores locum circumquaque cubiculis por-  
ticibusque vallatum habitant. Triumviri, quibus &  
loci & ordinis regimen est datum, inquilinorum  
singula singulis comparant cubilia: eorum quæ in-  
vehuntur, aut asportantur vestigal exigunt: ha-  
bent & rerum gerendarum arbitros, quos quadra-  
ginta viri privo iussu legunt: eorum opera in  
vendendis emendisque rebus utuntur negotiato-  
res.

#### De Triumviris præfitorum.

Gravissimi veterum bellorum sumptus in causa  
fuere, ut Respublica aliquando coacta fuerit a priva-  
tis aurum mutuari ea conditione, ut quod appensum  
esset, integra illis sorte maneret, acciperentque ipsi  
interim pro ea summa quotannis ex publico pecu-  
niam: ut essent igitur qui certis pensionibus id cre-  
ditoribus repræsentarent, quique æs alienum ex fide  
publica, quum opus esset, dissolverent, Triumviri  
*Vitale Michaële* (ut quidam ajunt) Principe instituti  
fuerunt, qui rite id præstarent.

#### De Quæstoribus urbanis.

Duo ad hos Quæstores urbani creantur, ad quos  
omnes publicæ pecuniæ a reliquis magistratibus de-  
feruntur, quas illi Principis supremæ collegii jussu,  
aut etiam senatus decreto in varios reipublicæ distri-  
buunt usus, ab omni alioquin dispensatione, quo-  
niam non impune fieret, pertinacissime abstinere.

#### De Quatuorviris monetariis.

Necessum fuit in tam pecuniola civitate, illud  
quoque providere, ut ex puris metallorum venis,  
nihilque adulteratis publicæ cuderentur pecuniæ:  
quod ut fieret, placuit Duumviros creari, qui num-  
maria officinæ præessent, quorum arbitrio & auto-  
ritate, tam æs quam argentum recte signandum cu-  
raretur: in de ubi officinæ esset illatum, nummusque  
feriri cœpisset, attentissima appensione examinaretur:  
suspiciari libet antiquissimum hunc esse magistratum,  
& jam inde a *Petri Badoarii* principatu institutum,  
quo Rempublicam administrante argentea pecunia  
*Berengarii Cæsaris* (ut ajunt) munere in urbe nostra  
signari occeperit: pari fama a majoribus accepimus,  
*Joanne Dandulo* Principe aureum nummum primo a

D

Sabellius.

ma-





majoribus nostris percussum: ac tum quoque credibile est novæ officinæ reliquos duos præfectos, qui cudendum aurum appenderent, fuisse in civitate institutos.

*De aquarum Curatoribus.*

Nec eorum tantum quæ in urbe essent, veteres illi memores fuisse videntur, quum si quid extra erat, quod ad urbis usum pertinere credidissent, diligenti assertione vendicandum putaverunt. Triumviros idcirco instituere, qui fluviorum cursus procul averterent, ne assidua illi exaggeratione urbem in salo alioquin positam, vel magno annorum circuitu continentem redderent.

*De Quinquaviris Decimariis.*

Sunt, ut ad res urbanas redeam, Quinquaviri decimarii, quos sapientes vocant: eorum quidem est a cetariis, olitoribus, salariis, & aliis qui fordidum in nostra civitate faciunt quæstum, tributum pro lucri magnitudine exigere: æquum sane videri eos aliqua velut pensione Rempublicam juvare, in qua tam quæstuose, tutoque negotiarentur.

*De supremis Calculatoribus.*

Ne præterea ullus cuiquam peccandi relinqueretur locus, Joannis Mocenici ducaria administratione Triumviri in civitate sunt creati, ad quos magistratum quorundam qui publicam administrant pecuniam, libri deferrentur, quos illi attente perspiciunt, an ex fide sint omnia ab illis pernotata: ac si quid offendunt minus perspicue positum, ad discussionem vocant ipsos librorum auctores.

*De Triumviris caducariis.*

Civium avaritia, aut quorundam potius inopia causam præbuit, ut tributis haud suo tempore solutis, Christophori Mauri ducaria administratione tres sint suffragio creati, qui multa illis irrogata, captis, venditisque pignoribus, cives ad tributum solvendum compellerent.

*De Sexviris Exactoribus.*

Verum ne deessent qui illorum iussa tempestive exequerentur, sex numero exactores singuli in singulas regiones Marcello duce sunt eis attributi, qui & pignora caperent, capta riteque hastæ subiecta illorum arbitrio venderentur.

*De Decemviris Censoriis.*

In eo quoque qui civitatem nostram instituere, Romanos imitati videntur, quod magistratum in urbe esse voluerunt, qui singulorum civium opes certo temporis intervallo censerent. Verum quia in tributis solvendis, quæ nos decimas nominamus, plerique rebus aucti, ea quæ post proximum censum quæsiwere, ad levandum tributis onus occultare contendunt, Decemviri Vendramino Principe creati fuere, qui recognoscendi census jus habent: ac si quem nacti fuerint plura possidere, quam censi voverit, pecunia mulctant, & ad tributis restitutionem compellunt.

*De Collegio Civili.*

Inter novos urbis magistratus, qui plerique numero Foscaro Principe instituti dicuntur, civile collegium non est silentio prætereundum. Constat ad Principem curis exonerandum non inutiliter cum magistratum excogitatum: sexque ab initio creati, qui infra libram auri causas audirent, sed quum paucis annis vehementer eorum judicium numerus auctus esset, eo recenso viginti in eo collegio sunt retenti, atque hi ferme omnes ex aliquo magistratu huic ascripti, qui hodie de summa triplo quam antea majore judicant.

*De Divi Marci Syndicis.*

Non pigeat quando jam ferme ad calcem nostræ enarrationis venimus, paucissimos subicere magistratus, atque eos ipsos promiscue: primoque ad eos quos circa Ducarium forum per incuriam præterieram, Syndicos revertar, qui XL. virali suffragio creati,

A tam civium, quam peregrinorum querelas audiunt. Si qua in eos injuria scribarum, five notariorum ordinibus sit profecta, eam arbitrio vindicant.

*De Rivoaltinis Syndicis.*

Pari numero atque eodem suffragio in Rivoaltino foro sunt, qui idem negotium quod & illi de quibus proximo loco diximus, procurant: atque a loco in quo id munus præstant, Rivoaltini sunt nuncupati.

*De Nexorum advocato.*

B Fuit eodem Foscaro Rempublicam administrante, ne in civitate optime alioquin instituta, iis qui in vinculis jacerent, præsidium deesset, advocatus unus institutus, qui salarium ex publico acciperet, atque nexorum causas, & ad patres & circa magistratuum tribunalia, tueretur: is postea antiquatus Nicolai Marcelli ducatu restitutus est.

*De Duodecim Sapientibus.*

Petri Mocenici principatu cum Rempubliâ cum Othomanno Turcarum imperatore adhuc in armis esset, placuit novum Sexvirorum collegium institui, cui vectigalium gubernatores cum paucis aliis, ita ut duodecim numero sint, ascriberentur, haberentque illi negotium vectigalia ipsa augendi, nova conscribendi tributa, aliaque hujusmodi ad pecuniam mature expediendam procurandi.

*De Duumviris Punctatoribus.*

C Superest, ut de Duumviris punctatoribus dicamus, cujus magistratus instituendi aliorum desidia in causa fuit: ut igitur omnia mature in utroque foro transigerentur, Foscaro Duce duo instituti sunt: ut alter suum munus in altero exerceat foro, judicesque ad tribunal causarum hora invitarent: quod nisi illi cum scribis & aliis, qui in alterutro foro minora obeunt munera, tempestive affuerint, pecunia mulctant.

*De Advocatorum Numero.*

D Quando autem ad id venimus, ut jam in calce nostri sermonis de iis qui in foro sunt, loqueremur, non gravabor breviter referre, quonam modo advocati qui in forensi turba & strepitu, & rerum turbatione maxime pollent, sex ab initio fuerint constituti, qui in duos divisi terniones, causas circa tribunalia utroque foro agerent: verum causarum multitudine cum imperio aucta, Mauro Duce auctus est numerus, decemque esse cœperunt. Novissime Marcelli principatu, qui non multo post illi successit, sexdecim constituti, qui circa curias, tribunalia, & reliqua magistratuum collegia, causas tam publicas, quam privatas agunt. Duo præter hos Mauro Principe creati, qui in Rivoaltino foro tantum causas agunt, cum reliqui utrobique id præstent.

*De Armorum Provisoriis.*

E Digrediar nunc tandem a foro ad arma: non semper bonum civem togatum esse oportet. Orto nobis gravissimo cum Othomanno Turcarum Imperatore bello, quo, ut scitis, post multos annos, multumque cruorem terra marique fufum, defuncti sumus: Mauro Principe Duumviri creati fuerunt, qui arma & omnia ad belli rationem necessaria mature expedirent. Is magistratus ne pacata quidem civitate antiquari potuit, quin recentioribus bellis, & auctoritatem & negotium Duumviri ipsi retinere.

*De tribus publici navalis Præfectis.*

F Eram jam finem factururus, nisi Trivisanus noster me tacita voce publici navalis admonuisset, nos locum vulgo Arcinarium vocamus: hic biennio, Triumviri navali fabricæ assidue præsunt. Octavo quoque die publico decreto opificibus qui circiter mille quotidie ibi operantur, integram dissolvunt mercedem. De magnitudine & apparatu loci dicerem, nisi res omnino amplior esset, quam ut brevi sermone complecti possit: nunc de altero magistratu dicam, qui intra easdem munitiones suum habet negotium.



*De Triumviris Cannabariis.*

Est namque in ipsius navalis parte locus, in quo immensum cannabis pondus in nauticos funes torquendos absumitur: huic operi, quod sane perpetuum est, Triumviri præsunt: ab initio duo fuere, ab eo negotio quod curant Cannabarii jure nuncupantur. Compellunt hi ad id opus assiduum sua præsentia & adhortatione mercenarios opifices: confectos funes reponendos curant, operariis emeritam dissolvunt pecuniam. Hæc quam brevius potui de nostræ civitatis magistratibus. Scio ego fuisse olim & alios in nostra urbe magistratus, qui quoniam aut prorsus sublati sunt, aut aliis omnino annexi, super-

A vacuum duxi de illis referre: sunt & hodie alii quidam ignobiles ac paucissimis annis, partim ad tributa exigenda, partim ad ea quæ exacta essent recognoscenda, instituti. Sed illi ipsi indigni sunt, de quibus nos longiorem trahere velimus sermonem, aut vos audire: jam satis superque ex iis quæ diximus, cognoscere potestis, quæ sit hodie nostræ civitatis administrandæ forma: atque ex ea ipsa quales fuerint majores nostri, qui rempublicam ipsam tam præclare fundatam nobis reliquere. Finem fecerat *Badorarius*, cum omnibus qui aderant ejus sermonem probantibus confessus ille, quia jam dies inclinabat, solutus est.

F I N I S.

MARCI ANTONII COCCII  
SABELLICI,  
DE  
PRÆTORIS OFFICIO,  
LIBER UNUS.

MAGNIFICO VIRO  
ANTONIO CORNARO,

Philosophiæ Studiis eminentissimo VICENTIÆ Prætori,

MARCUS ANTONIUS COCCIUS SABELLICUS Sal.



*Prætoris* fuit illud credo, vir clarissime, quod septimo ab hinc anno ex veteri Carnorum ora Venetias appulsus, librum de Prætoris officio proxima apud me sætura natum, tibi in primis cognoscendum tradidi: accepisti tu quidem vernam librum perhumane, ut soles, amplitudinemque tui nominis & splendorem formidantem, crepundiis etiam adhibitis molliter pertractasti: tum vero lineamenta corporis non aspernatus, cetera, si recte memini, probare perseverasti: unum ni fallor, in eo visus es mihi desiderare, ut quando membra locorum fortassis natura nonnihil remacruissent, plusculum haberent aliquid & carnis & sanguinis. Tuo itaque sapientissimo judicio non aliter quam cœlesti quodam oraculo monitus, cepi tecum continuo considerare, qua potissimum ratione ea resarci posset calamitas: constititque duobus in primis opus esse, tempore & diligentia, quorum neutrum, sine altero id satis præstare posset: fuit itaque ille diu in tenebris, eratque adhuc diutius futurus, nisi ultro per hos dies forte bibliothecam recognoscenti, squalida, bone Deus, sed sic quoque haud inamabili se mihi fronte obtulisset: cum ego nonnihil intuitus, quia non adeo multa me in illo offenderant, quasi ex durissimo ergastulo in castam traduxi, ubi vel natura vel mangonica potius industria ita brevi profecit, ut dignus non multo post sit mihi visus, quem libertate donarem: sed quum jam manumissus liberalique cultu esset in medium processurus, non videbam cui honestius tutiusque commendari posset quam tibi vir clarissime, per quem ornari melioremque fieri contigisset; sed duriuscule fortasse adhuc tecum egimus translatione magis longa, quam necessaria usi: nunc omen illud magis quam consilium fuisse dicam, quod nostra hæc lucubratio ad te primum sit delata, cujus erat nomine aliquando in apertum referenda: quæ si tibi cultior pleniorque quam antea videbitur, tuæ auctoritati ascribito: illud vero a tua amplitudine studiosissime contendo, ne eo consilio existimes hæc a nobis præcepta tibi missa, quod te illis aliquo modo indigere arbitraremur: essem ego vere stultus, si viro in philosophiæ studiis eminentissimo, quippe qui Venetam academiam multa nominis celebritate plures annos rexit, civilis administrationis præcepta proponere auderem: qui id potius feci, ut quum hæc legeris, sentiesque istam administrationis formam, tuo sapientissimo consilio institutam, his, quæ breviori hoc libello continentur, ex omni parte respondere: uberiores tuorum studiorum voluptatem percipias, simul ut & alii, qui non ita saperent, si quando in hanc forte lectionem inciderint, per te haberent, quibus in Prætorio munere obeundo præceptis uterentur: reliquum est, ut Vicentinos meos, quod constanti omnium prædicatione facis, quam commendatissimos habeas: eaque animi prudentia & moderatione tractes, quæ tua sit sapientia & mansuetudine maxime digna: ex omnibus tuis officiis, immo beneficiis, quæ & multa & magna in me contulisti, erit illud certe mihi longe gratissimum. Vale.





## De Prætorii Muneris Origine.



Prætoris dignitas & amplitudo quanta ab initio fuerit, non solum nomen quod ex eo, ut *Varro* tradidit, est factum, quia jure & exercitu is magistratus præiret, sed *Lucilii* quoque carmen testatur: ergo inquit Prætorum est præire. Cæterum ipsa originis ratio, veterem arguit muneris hujus dignitatem: vulgato namque consulari honore quem *Romana* plebs per summam contentionem optimatum factioni extorserat, senatus contra miro studio adnixus obtinuit, ut unicus magistratus ex suo ordine crearetur, penes quem & publici & privati juris esset potestas. Hunc curulis sella data, trabea, cæteraque fere ornamenta, quibus consularis dignitas instrueretur: numerus fascium diminutus, ut sex lictores illum non duodecim, ut consules, præirent: quanquam *Emilio Paulo Hiberiam* ex prætura fortito, publico decreto duodecim datos scribat *Plutarchus*. *Pompejus Festus* Prætores eosdem olim fuisse suspicatur, qui & consules fuere: *Livius* haud obscure demonstrat eos qui publicos olim ducarent exercitus, a majoribus Prætores appellatos: quo factum sit, ut & prætorium imperatoris tabernaculum sit dictum, & cohors prætoria, & castrensis porta, ac nonnulla hujusmodi alia hinc, non aliunde, nomen sint sortita.

## De Prætorii muneris Incrementis.

Verum quia ab initio inter cives jus tantum dicere sit solitus, idcirco urbanus dictus est: procedente vero tempore cum peregrinorum multitudo ingens, petendi juris causa, in urbem afflueret, neque Prætor unus causarum turbæ par esse videretur, alter ab eo Prætor creatus est, qui ab ipsa dicundi juris ratione peregrinus est nominatus: superante demum multitudine eo usque eorum numerus est auctus, ut duo deviginti quandoque fuisse tradantur: etenim *Sicilia*, *Sardinia*, & *Hispania* provinciis factis, totidem ferme quot provinciæ essent, creari cepti sunt, *Cornelius Sylla* quatuor numero adjecit, per quos de ficariis & parricidis quæstio haberetur. *C. Cæsar* duos, qui rei frumentariæ præessent: *Augustus* & *Claudius* princeps numerum variasse dicuntur; hæc & pleraque alia, ii qui de urbis magistratibus scripsere, non inscite tradiderunt: *Livius* auctor gravissimus tantum Prætorum numerum nullo, quod sciam, loco retulit: nec plures apud illum fere creari solitos reperio, quam provinciarum numerus postulare, duobus duntaxat numero adjectis, quorum hic urbanam juris dictionem, ille peregrinam haberet: sed inter omnes constat, tam eos qui *Romæ* essent, quam qui in provincias proficiscerentur fortiti, dicundi juris ab initio potestatem habuisse: siquidem qui foris rempublicam administrabant, aut per se, aut, quod sæpe evenisse crediderim, si majore aliqua belli cura occupati fuissent, id munus per legatos obire consueverunt; scio ego eos qui hoc munere postea functi sint, a nonnullis non Prætores, sed Præsides vocatos: nos vero, licet hæc quæ breviter tradituri sumus, ad omnes qui jus ubique dicant, æque attinere sciamus, rationem tamen loci in quo hæc scribimus, secuti, de Prætoris officio libellum inscribendum diximus: sed jam ad præcepta transeamus, deque ipsius magistratus electione, quanquam id liberi populi, aut Principis sit officium, primo loco differamus.

## De Electione Prætoris.

Qui magistratus hujus electionem habituri sunt, si provinciæ, & ei quem eligunt consultum volunt (utrique enim velle debent) si reipublicæ, cujus in primis ratio habenda est, ingenium & ætatem in competitoribus spectabunt; nam qui divitias & no-

Abilitatem sequuntur, superbiam & avaritiam comites futuro Prætori destinant: nunquam enim satis expletur habendi sitis, sed ita sane evenit, ut quanto plura quis habeat, eo majore habendi, ut *Satyrus* ait, laboret cupiditate: quod ipsum non solum provinciæ, sed reipublicæ quoque perniciosum esse consuevit. *M. Crassi* exitus id olim declaravit. Est præterea, quis non videt? in stulto & insolenti ingenio domestica nobilitas nil aliud, quam intolerabilis superbiæ materia, qua nihil in iis qui rempublicam gerunt esse potest odiosius: verum non ita hæc dicimus, ut tutius obscuro loco natis quam nobilibus provinciam committi existimemus, quo nihil dici posset ineptius, sed si alterum in suffragiis secuturi simus, ignobilem virtutem citius probemus quam furiosam nobilitatem, magis continentem paupertatem, quam rapacissimas divitias: nemo alioqui non plane videt domesticum splendorem, pretiosamque supellectilem ad magistratus existimationem augendam, haud mediocriter spectare. Redeo nunc ad ea quæ in primis in ipsa electione advertenda duximus: si igitur pacata erit provincia, quia totum ferme Prætoris officium in juris dictione atque forensi umbra versabitur, jure prudentem & moderatum, ferocissimo cuique prætuleris: severum & gravem violento ac pertinaci; gaudet Prætoris comitate forum non minus, quam Martio vigore militia: nulla est virtus quæ magis valeat ad conciliandam forensis turbæ auram, quam Prætoris comitas, comitas dico, quæ non omnino gravitate careat. Ætas quoque diligenter spectanda est: ut enim juventæ temeritas, ita senii perpetua est comes prudentia. Sed ne hoc ipsum quoque ita asserimus, ut omnino negemus posse fieri ut aliquis sit idem senex & stultus: contra juvenis & prudens. Verum enimvero aliquid vidisse putandum est illos *Quirites*, quibus lege cautum est, ne ante certum tempus consulatus aliudve imperium cuipiant demandaretur: certe aliquid censebant esse oportere in eo qui reipublicæ præsit, quod res nulla præter ætatem ipsam præstare possit. Sed res ipsa non ita semper habet: haud enim minus natura interdum ipsa hominis peccat quam ætas. *Marcus Marcellus* quum jam sexagenarius esset, ultra modum pugnandi cupiditate laborasse dicitur: quippe cujus colloquia, studium, consilia, atque ipsa nocturna, ut *Plutarchus* tradidit, insomnia, eo spectarent, ut justa acie cum hoste configere liceret: quod juvenile studium ut in homine parum ob ingravescentem ætatem ad pugnam idoneo, temeritatis vitio caruisse, nemo quidem dixerit, sed ultima ejus expeditio id facile declaravit, quæ non illi solum, sed collegæ quoque ipsius perniciosa fuit: quanquam rerum gestarum gloria id vitium in eo homine merito cælavit, quod in *M. Crasso*, cujus paulo ante mentionem feci, & *C. Flaminius* qui rempublicam ad *Trasmenum* præcipitavit, evenire non potuit. Contra *Scipio* ille qui *Major Africanus* cognominatus est, quum per ætatem adhuc non liceret rempublicam capere, *Hispaniam* tamen extra sortem adeptus eo consilio, prudentia & maturitate provinciam administravit, ut brevi tempore *Carthagenenses* quatuor eorum imperatoribus, quatuorque exercitibus fuis fugatisque, ex utriusque *Hispaniæ* possessione dejectis: hujus adhuc pene adolescentis est vox illa notissima, malle se civem unum servare, quam mille hostes perdere: non immerito igitur ejus indolem miratus *Hasdrubal*, suspicatus dicitur, quantum periculi non patriæ solum, sed universæ quoque *Africæ* ab eo viro immineret: verum hæc eo tendunt, ut neque semper hanc ætatem temeritatis damnemus, neque illam omnino absolvamus: habebunt itaque horum quæ diximus, rationem, qui magistratum aut suffragio, aut priva potestate creaturi sunt:



sunt: & ut rem omnem breviter colligam, pleno erit functus officio, qui quantum in se fuerit dabit operam, ut huic provincia demandetur, qui huiusmodi virtutibus sit præditus, quæ ad id munus obeundum maxime videbuntur necessariae: gratiam omnino abesse volumus, quæ, ut in omni publico negotio periculosa est, ita in hoc periculosissima, sed jam de primo ipsius Prætoris officio dicamus.

*De Provinciæ optatione.*

Prætoris designatione vulgata, is qui populi senatusve, aut Principis beneficio provinciam adeptus est, si prudentis viri officio uti volet, haud continuo purpuram, ut sic loquar, & fasces arripit, oblatam dico dignitatem non temere adibit, sed quum iis unde honor oblatus est, gratias egerit, poscet sibi tempus dari ad deliberandum, sit nec ne Provinciam aditurus; quod si e republica suaque esse cognoverit id facere, paratum se esse dicat eorum uti beneficio: interim vero secum reputet, quantum oneris sibi ex futura Provinciæ administratione immincat, consideretque diligenter terræ situm, gravine sit cœlo, an salubri: consideret mores & ingenia incolarum, quæ interdum magis noxia sunt, quam cœlum: quæ si nesciat, ex aliquo interim qui eorum non ignarus sit, discere curabit: consideret terræ statum, pacatusne sit an bello obnoxius: sed hæc his præcipiuntur, quorum magis interest, quam reipublicæ Provinciam capeßere. Cum itaque hæc omnia diligenter secum prospexerit, tum seipsum metiri incipiat, ingenium, mores, doctrinam, corporis firmitatem, ac si se parem futuro muneri cognoverit, atque talem ut quantum hominis prudentia præstari possit, pulchrè sit Provinciam obiturus: quando non solum nobis nati sumus, ut præclare a Platone scribitur, sed patria ipsa nostri ortus partem sibi vendicat, partem amici: rectius is (quis non videt) in luce hominum, atque in ea humanæ vitæ parte versabitur, in qua multis utilis esse possit, sibi que & suis splendorem comparare, quam publica cura solutus in privato otio senescere: præclare quidem id fecerit. Sed illud quod dicam adhuc præclarius, si se oblato muneri non idoneum senserit (nam qui melius se uno cognoscere id possit, est nemo) delatam sibi dignitatem repudiabit, excusabitque interim aliquid quapropter appareat magis, non potuisse alieno uti beneficio quam noluisse. *Venerit* ut prudentissimi in gerenda republica, ita in illa adeunda verecundissimi hunc morem publice privatimque in iis servare solent. Quia quod parum civiliter, contraque morem patrium facere putaretur, qui in huiusmodi deliberationem non certum sibi tempus depoposceret: consulat itaque non sibi solum, sed reipublicæ quoque atque illorum etiam æstimationi, per quos electio facta est. Non enim damnare videbitur alienum de se iudicium, qui *Venerit* hunc morem diligenter servaverit: est enim ut verecundiæ plenus, ita & necessarius.

*De Delectu Prætorie familie.*

Si igitur Provinciam receperit, illud omnium primum curabit designatus Prætor, ut eorum quos ex prætoria, ut dicitur, cohorte esse volet, mores & vitam diligenter teneat: nec quenquam (si fieri potest) sibi comitem destinet, qui non sit idem & notissimus, sitque talis quem neque quæstus ullus, neque privatum commodum ab officio possit avertere, cui ob spectatam fidem, negotia & multa & magna tuto committi queant: vellem ego omnes si fieri possit, innocentissimos esse: sin minus, ab his quorum opera in administranda Provincia Prætor usus est, peccandi voluntas ut absit omnino oportere dixerim: sint dico ita instituti, ut si per occasionem delinquere possint, nolint: possunt oculi, frons, verba, nos fallere, longa con-

A fuetudo vix potest. Sint itaque multa prius familiaritate noti, quibus dignitatem suam commiserit Prætor: verum quia nemo est, ut vulgo dicitur, qui omnino vitio careat, satis eos probos duxerit, quos neque superbia, neque avaritia laborare senserit: quarum altera humanitati, altera abstinentiæ inimica est. Necessitudo & gratia in hoc quoque parum valere debebunt: ille necessitudinibus longe alios anteire putetur, qui sua prudentia, humanitate & innocentia prætoriam dignitatem maxime & tueri & augere poterit, & quia potest, velit.

*De Prætorie familie Cultu.*

B Perspiciet mores suorum, ut diximus Prætor, sed nec cultum ipsum omnino neglexerit, qui non tam superbus & sumptuosus, quam nitidus & decens esse debet, & brevi talis qui magis gratiam conciliet quam invidiam. Hoc quoque de domestica supellectile præcipiendum puto: nemo amat quæ in aliis suspicit & miratur: ut ignis, semper summa petit invidia, quamquam si quid eiusmodi est, ut invidia carere possit. Nam non omnino negaverim aliquid esse, qui in alio miremur & amemus: luxuriam tamen uni famulantem nullus unquam valde amare potuit.

*De comitatus Moderatione.*

C Quum ita omnia diligenter providerit, atque in Provinciam proficisci parat, non imprudenter fecerit, si ex cognatis & necessariis qui officii gratia eum sequi volent, aut nullum aut quam paucissimos secum ire permiserit, ne immodicus ille comitatus sit gravis iis qui venientem in Provinciam Prætorem, aut publico, aut privato sumptu excipere consueverit: in hoc quoque *Venerit* modestia satis quidem spectata est, quippe qui uno aut altero ad summum ex omni necessariorum numero admissio: cæterum his contenti quorum ministerio Provinciam administrare constituerunt, minime gravem suum accessum cuiquam esse patiuntur.

*De Prætoris officio in prima congratulatione.*

D Adita vero Provincia, quia primores civitatum, & omnes fere qui in luce hominum versantur, studiose venienti illi se obviam effundunt: tum primo congressu inter ipsas congratulationes, quam maxime poterit vultu, verbis, gestu, circumfusam turbam in ancipitem comitatus suæ ac severitatis opinionem adducet: habeant ab initio quod simulament in eo & revereantur: ubi vero progredi urbem versus coeperit, atque aliquis, ut assolet, ex principibus civitatis proximus adequitaverit, non gravabitur, imo pro negotio non parvo habebit eum ad se vocare: quem si aut fama prius, aut ipso alloquio (nam ut æra tinnitu, ita homines sermone noscuntur) prudentem rerumque humanarum non imperitum noverit, tum ex illo per speciem mutui sermonis, non pauca de ratione & statu Provinciæ, deque civitatis moribus intelliget, quod ipsum si ad futuram administrationem non multum conferet, haud quidem aliquid non prodesse poterit.

*De prima concione Prætoris.*

E Sed quum urbem ingressus fuerit, atque in prætorio sive in foro pro concione steterit, sceptrum & reliqua dignitatis insignia sumpturus, non ab re fuerit de modo suæ futuræ administrationis aliquid differere, quo animo, quo consilio, qua denique ratione sit Provinciam administraturus, seque nil antiquius habiturum, quam ut patrius mos, leges, instituta, atque omnia ferventur, quibus provinciæ & civitatum regimen & moderatio, ad eam diem stetisset, recte iudicata, prudenter decreta, ac cætera facta dictaque optimi cuiusque, vel eorum inprimis quos ipsis provincialibus quæ charissimos fuisse senserit, tum laudabit maxime, tum eorum se æmulum futurum declarabit; proderit, quis non videt? huiusmodi concio non solum ad conciliandam benig-



gnitatis & iustitiæ famam, sed ad eloquentiæ quoque opinionem, quam hi qui in foro versantur, in magistratibus non solum laudant, sed longe etiam suspiciunt & reverentur: nec immerito nulla remagis cohibetur forensis temeritas, quæ pene tota in garrulitate versatur, quam tempestiva Prætoris facundia.

*De domestica Admonitione.*

Missâ demum concione, quum se in prætorium receperit, continuo domesticos quasi secretiori adhibeat concioni, & qua parte provinciæ cujusque opera uti volet, demonstrabit: inibi conjugem (si conjugem habebit) liberos & reliquam familiam monebit, ea ratione provinciam sibi demandatam, ut illi non solum præsit, sed profitetiam: ac quantum in se fuerit, omnium commodis consulatur, velle se monereque proinde, nequis eorum putet in provinciam a se ductum, ut imperium in quenquam exerceat, sed potius, ut suæ sit voluntatis minister. Tu itaque conjunx non solum non peregrinaberis per provinciæ oppida & conventus, sed ne in vulgus quidem exieris, nisi sacrorum causa: nec siquid videris in provincia quod tuos delectet oculos, delectasse placuisseve dixeris: ne in suspicionem venias voluisse te dono & gratia consequi, quod aperte concupiveris. Afferentur tibi munera fortassis non pauca, illa meo injussu non modo non attigeris, sed ne respexeris quidem: Illustrium virorum ignobiliumque matronas, quæ officii causa ad te venerint, benigne liberaliterque atque uno vultu omnes accipito: nullius adversos rumores admiseris. De fama hujus vel illius minime laborato, neque ornatus corporis is sit, qui nobis invidiam parare possit. Denique me Prætore te eam geras, quam in privata fortuna gerere consuevisti.

*De Monitione liberorum.*

Liberi autem tui sexus a te continentiam & sanctitatem discant, mares non gladiatorium ludum, non conventum immoderatorum juvenum, non triviales tabernas frequentent, non thermas occasione (ut fit) lavandi, non ganeas & cauponulas, ubi eos venenum potius quam merum potare putaverim: sed sapientiæ aut dicendi magistros studiose colant, illorum lateri hæreant, aut si ætate provecti id facere erubescunt, aucupia & venationes exerceant, forum nunquam nisi festis diebus nostrique aut deducendi, aut reducendi gratia ingrediantur. Ambitiosas affectationes fugiant, ne alterutrius partium eo obsequio haberi incipiant.

*De Monitione Legati.*

Legatus noster jura ac leges intueatur, has mihi sibi omniū civilium actionum duces destinet, hoc ipsum prætorii præfectus sibi statuendum sciat. Reliqui apparitores non obliviscantur se nostræ voluntatis ministros a me ductos non provinciæ Præfides, quorum quisque eo magis gratia, fide & auctoritate penes nos valebit, quo majore fide, studio, & innocentia erit præditus. Cæteri vero nisi in officio perstiterint, cum nervis & carcere rem eis futuram denuntio.

*De Apparatu bellico.*

Hac salubri usus admonitione, si provincia suspicionem belli laboraverit, de præfidiis, comæatu, & urbium munitione cogitare incipiet: hæc partim per se, partim per viros fidelissimos, atque eosdem impigros quam celerrime poterit, obeunda curabit. Speculas præterea opportunis locis statuet, exploratores ad præsentandos futuros hostium motus destinabit, & brevi omnia impigre provisâ volet, quæ ad commissæ provinciæ salutem attinere videbuntur.

*De Juris dicendi Ratione.*

Secundum hæc quæ diximus ad forensia officia animum adjiciet, atque omnium primum curabit illud, ut in dicundo jure sit, summa severitas, eam

A dico quam neque gratia ulla, neque odium variare possit: huic summa gravitas adhibenda est, quæ non gratiæ solum, sed suspicioni etiam resistat, facilitatem quoque ad hæc requiro in audiendo, in decernendo lenitatem, diligentiam in disputando, ac satisfaciendo: esset, quis non videt, ipsa severitatis facies dura & nimis aspera, nisi quibusdam humanitatis mitigetur condimentis. *Xenophon* ille *Socraticus*, quum optimi imperii effigiem exprimeret, tanquam præcipuas virtutes in eo, qui aliis præsit, gravitatem cum comitate conjunxit, quod prudentissimus Philosophus non fecisset, nisi illorum neutrum sine altero recte administrationis officium implere posse credidisset. Erit itaque Prætoris jurisdictionis gravis & severa, sed quæ his virtutibus non careat, quibus sublatis nullum humanitatis officium constare potest.

*Qualis esse debeat Prætoris Vultus, quum jus dicit.*

Quid? quod iudicis inadulabilem oris habitum vulgo damnari video, & quasi pro execrabili haberi, quare *Chrysippum* aliquid vidisse putandum est, qui iustitiam in illis libris, quos *ἐὐκαλῶς καὶ ἡδονῆς*, id est de honesto & voluptate scripsit, neque humili neque atroci aspectu, sed reverenda quadam tristitiæ dignitate, non obscuris verborum coloribus figuravit, quo filo illius simulacrum consummatissimo opere expressum hodie in *Hunniensi* visitur.

*De Iracundia frænanda.*

Iracundiam quoque cum ab omni prætoris actione, tum in primis a tribunali ipso abesse oportere arbitror, quippe quæ recti iudicii verum tricarium dici potest: nihil est enim quod magis a suo officio hominem dimoveat, quam is affectus qui unus vere a *Stoicis* dictus est, non trahere mentem hominis, sed præcipitare. Intempestivas igitur causidicorum interpellationes, odiosam dicacitatem, alterna jurgia, amarissimas exprobrationes, indigna forensium linguarum convicia, constanti severoque oris habitu, honestius quam iracunda aliqua objurgatione castigabit, in objurgationem vel iustissimam reclamabunt fortasse temerarii rabulæ, in eam vultus moderationem, nisi stultus aliquis & temerarius reclamabit nemo.

*De matura Causarum Cognitione.*

Judicium nullum aut decretum temere interposuerit, nec per legatum, nisi causâ perspicue cognita interponi patietur, in quo non gratiam, non metum, non emolumentum ullum, non hominis cuiuspiam dignitatem, non suam, non alienam opinionem, sed jura, leges & æquitatem respiciet: has duces quoad usque volet, sequetur, velle autem debet semper, quanquam non negaverim posse fieri prava quadam callidaque juris interpretatione, ut cum jure agi videatur, tum aperta agatur injuria: unde illud, *Summum jus summa injuria*: huic fraudi, Prætoris doctrina & prudentia occurrat necesse est, ne cum se jus sequi credat, pravam & inhumanam, ut sic dicam, oratoris alicujus persuasionem sequatur. Si eruditus fuerit juris, scientiæ dico peritus, a recto iudicio, si volet, non recedet, nec eum transversum (ut dicitur) traxerit quispiam. Verum si is erit qui per juris inscitiam facile decipi possit, quia quid sit rectum non omnino intelligat, tum legatum, (ita enim a majoribus appellatum existimo, quem nunc vicarium appellari video) identidem moneat, ne quid temere agat: quin diligenter potius matureque perspiciat, ubi lateat veritas, latet enim nonnunquam non tam sua natura quam argumentantium calliditate.

*De callida Juris Interpretatione evitanda.*

Marcus Cato censuit *Carneadem Academicum Romanum* ab *Albeniensibus* missum, ad *Oropi* causam orandam nullo pacto in curiam admittendum: quoniam illo viro argumentante, intelligi non posset ubi



ubi lateret veritas; nec immerito: nam multis viris doctis audientibus in vestibulo curiæ ad ostendendam & ingenii & eloquentiæ facultatem, acri disputatione ostenderat nullam esse justitiam: quod si vir ille sapientissimus veritus est universum Senatum unius acuta dissertatione posse decipi, quid mirum si vel sapientis etiam Prætoris mentem a frequenti oratorum cœtu quandoque circumveniri posse suspicemur. Maturabit igitur, non præcipitabit iudicium suum Prætor, nihil temere decernet. Incunctis non ab re fuerit assidentis legati opinionem sciscitari: nescio etiam an tutius fuerit honestiusque illi multa delegare, in quibus acri denuntiatione demonstret Prætor, velle, jubereque se juris & æquitatis inoffensam formulam servari.

*De moderata Animadversione.*

Eundem pene tenorem in puniendo servandum crediderim, quem in dicendo jure oportere diximus: nisi quod iracundiam non modo frænari, sed excuti etiam atque longissime ab eo abligari oportere arbitramur, qui supplicium de aliquo sumpturus sit: numquam enim iratus, ut præclare a *Marco Tullio* dicitur, qui ad iudicandum scelus accedit, mediocritatem illam servabit, quæ inter nimium & parum est: quam *Peripatetici* jure laudant: sed quo pacto hanc in aliquo reperire possint, ipsi videant, qui iracundiam perpetuam dant homini comitem, qua nihil moderationi magis contrarium esse potest. Sint itaque legum similes, qui ad puniendum accedunt: quæ ad ultionem non iracundia, sed æquitate ducuntur: memineritque simul duas omnino esse, ut *Platonem* placuit, puniendorum scelerum rationes; aut ut is in quem animadvertitur, corrigatur ac melior fiat: aut ut exemplo cæteris sit, qui fontem male affectum conspicati, præ metu reddantur meliores: cujus animadversionis genus Græci τιμωρίαν, id est pœnam appellant: quidam vero in quibus est *Annæus Seneca*, tertiam addunt causam, ut sublatis malis cæteri tutiores fiant: quum itaque prodesse velit is, qui ad puniendum accedit, ira omnino eum carere decebit, qui affectus omnis officii impatientissimus est. Sit itaque vultus Prætoris in ipsa animadversione, quali sapientem esse oportere ex persona sua *Plutarchus* ostendit, is enim ut *Gellianus* ille *Taurus* differit, quum servum nequam ac contumacem flagris admovisset, essetque ab eo increpitus quod ira ductus adversus quam multa disputasset in eo libro quem περὶ διορησίας, id est de non irascendo scripserat, plurimis se plagis mulcicaret, cui ille leniter & vultu minime turbato: Numquid ego quum tu vapulas irasci tibi videor? ex vultu meo, an ex voce, an ex colore, an ex verbis correptum esse me ira intelligis? mihi quidem, ut opinor, neque oculi truces sunt, neque os turbidum, neque immaniter clamo, neque in spumam ruboremve effervesco, neque pudenda dico, neque poenitenda, neque omnino trepido, aut gestio: quæ omnia signa sunt ejus qui ira affectus sit, talis inquam sit, necesse est punientis vultus, sed non satis id erit, nisi animus quoque hoc affectu sit liber. *Plato* in contumacem servum animadversurus: Pulsassem te, inquit, nisi iratus essem: putavit vir ille veritatis amicus, nullo pacto ab irato animo modum in ultione teneri posse.

*De Severitate in animadversione servanda.*

Sed quum hoc disputo, iramque omnem ab iusmodi Prætoris actione excludo, severitatem tamen non modo non tollendam, sed adhibendam quoque censeo: quanquam nescio quonam modo qui facilius cohæreat civilibus actionibus, quam his de quibus loquor, ut in illis comitatis condimento gaudet, in his vero tota in rigorem justitiæ exeat: sed non video qua ratione quispiam humanitatis oblivisci possit. Difficile est enim ut *Pyrrho* ille *He-*

*liensis* dixisse traditur, penitus hominem exuere: ego ut dicam quod sentio, non hominem sed immanissimam belluam judicabo, qui alieni supplicii cupiditate teneatur: quique inter amarissimos gemitus & profunda eorum qui torquentur suspiria, non saltem animo moveatur.

*De Quæstione.*

Debet, fateor, quæstionantis vultus clementiæ oblivionem præ se ferre quamdiu sit in reum agendum: ne si mitior interea appareat, misericordiæ fiducia adductus perstet negare, quod alioquin longioris cruciatus metu fuisset dicturus: verum spectanda est causa, quapropter ille adhibitus sit quæstioni, spectanda vita, mores, ingenium, & in primis corporis firmitas, quæ omnia non obscure demonstrant, quantum cuique instandum sit: at reperi sunt, qui cruciatorum fletu & ejulatu non minori voluptate afficiantur, quam suavissimo aliquo tibiæ cantu. Hos ego verius tortores quam Prætores appellandos contenderim: vendicet itaque in hac quoque prætorii muneris parte sibi locum humanitas, qua sublata, non est cur quispiam vere homo dici possit: summa autem omnium hæc est, ut nullam putemus esse Prætoris actionem, ad quam humanitati & clementiæ non pateat accessus. Sed jam nimis longo fortassis sermone hæc, quæ ad forum attinent, executi sumus: nunc ad domesticum institutum redeamus, & pauca quæ adhuc de Prætoris officio dicenda sunt, breviter absolvamus.

*De Humanitate domi servanda.*

Quemadmodum severitas in forensi luce primum inter Prætorias virtutes sibi locum vindicat, & merito, est enim perpetua justitiæ comes: ita humanitas quum in prætorium ventum est, sit illa quæ cæteris dominetur affectibus, hæc facile ad Prætoris conspectum omnibus paret accessum: pateant ostia & aures querelis omnium, tamdiu quisque dicat, quamdiu dicere voluerit, dummodo is sit, qui per se sciat dicendi modum invenire: nullius inopia, aut solitudo foribus illis excludatur, omnia plena sint mansuetudinis & humanitatis, nemo illinc tristis abeat, quod eorum, qui aliis præsent, proprium est curare, ut *Titus* ille *Vespasiani* filius, qui per manum a patre traditum orbis imperium mansuetissime administravit, dicere solebat: cujus rei adeo studiosus fuit, ut omnium consensu humani generis delicias appellatum quidem scripserint: sint apparitores & domestici omnes tales, qui domi credantur habere unde facilitatem, mansuetudinem, & modestiam discant.

*De Moderatione domesticorum.*

Sed quia parum erit Prætorem eum esse quem diximus, nisi his quoque virtutibus qui illi & publice & privatim apparent, sint præditi: idcirco identidem admonendi sunt, nequid avaro, superbe, arroganterve faciant, tantoque impensius, si quid deliquerint, puniendi sunt, & in suo officio continendi, quanto eorum natura ex dignitatis insolentia pronior in hæc vitia esse solet: nulli convicium faciant, nullam humanitatem contemnant, a nullo pretium aut munera accipiant, tam diviti quam pauperi ad Prætorem aditum patefaciant, sciantque se ministrare se, & non qui in quempiam per se exercere habeant imperium.

*Quid cuique credendum sit.*

Eorum cuique tantum credendum est, quantum eorum fides postulat, ut quisque optimus fuerit reperi, ita dignissimus judicabitur cui multa & magna credantur negotia: sed ut hos publicæ privatæque administrationi recte admiseris, ita eos qui a flagitio non abstinebunt, quam rectissime arcueris. *Cato* ille qui *Uticensis* cognominatus est, quum in *Cyprum* provinciam Quæstor venisset, repudiato suorum ministerio, multa per sese obiisse dicitur, quæ illis



illis haud tuto committi posse arbitrabatur, sapienter *Hercules*: haud enim recte alienam famam ei credideris, qui suam facile contempserit. Sunt itaque identidem admonendi, nequid domesticorum consiliorum in vulgus referant, in quo vitio pene assidui sunt omnes qui in illustrium virorum ædibus versantur. Est enim, ut *Satyrus* ait,

*Lingua mali pars maxima servi:*

Sunt itaque non minis solum, sed verberibus etiam & vinculis (si opus sit) coercendi: domestica quidem disciplina magis quam nostra silentium imponet. *Catonis* illius majoris servi sæpius rogati quid domi fieret: semper se nescire respondisse dicuntur.

*De Annulo Prætoris.*

Nec annulum quoque his recte commiseris: unus Scriba sit illius cultos: scribæ digito & tutius & honestius quam servi aut apparitoris alicujus spectabitur: quanquam ne huic quidem nisi cum opus est, tradendum dixerim: debet enim annulus non alienæ mentis, sed illius solum cujus imperium est, esse testis.

*De Provincialium assentatione evitanda.*

Vitanda ad hæc provincialium studia & assentationes: quibus admittis nihil esse potest iis, qui reipublicæ præfunt, perniciosius, frons ut diximus, oculi, vultus persæpe mentiuntur, oratio vero sæpissime. Hujusmodi hominibus aures haudquaquam præbendæ sunt: eorum adulatio, aut non audienda, aut si audiveris, levis existimanda: non pauci reperti sunt, ac quotidie reperiuntur, qui vanis hujusmodi opinionibus inflati in turpissimos prolabantur errores: nec tum velim eos aperte damnari, aut eum ignominia repelli: sed immoto vultu, aut paulum exporrecto labello, oculoque pene risum significante audiri: ita, inquam, ut quum multa in gratiam fuerint locuti, nullam sciant se fecisse fidem; nihil profecto est, quo magis id vitium frigescat, quam si se levitatis damnari sentiant, metietur se ipsum Prætor: nec se ut sapiens *Satyrus* ait, extra quæsierit: haud enim difficile erit, quum omnem suæ administrationis rationem diligenter reputaverit, jurene laudetur judicare.

*De Delatoribus audiendis.*

Pari acrimonia & severitate delatores audiendos dicerem: nisi quod ii reipublicæ causâ serius accipiendi sunt, deferuntur nonnunquam ea, quæ etsi vana judicari possunt, ab illis tamen, qui publicam gerunt personam, ne sui muneris videantur obliti, quasi pro veris sunt recipienda: quod si ea, quæ delata fuerint, talia sint unde periculum provinciæ, aut civitatum alicui, aut majestati imminere possit, maturatione inquisitione cognoscenda sunt: levia vero & quæ cognoscere velle, nullum sit operæ pretium, omnino dissimulanda.

*Quæ Familiaritates recipiendæ sunt.*

Hos vero in familiarium numero habere non dedignabitur: nam non pauci haberi cupient a quibus nihil præter gratiam & benevolentiam spectari cognoverit, cognoscere aut id poterit ex eorum vita, moribus & fortuna: nec quenquam temere admiserit, immo vero nullum nisi qui tam se provincia ab eunte amaturus sit, quam ab initio fuerat pollicitus: multi sordidi homines sui commodi causa sub primam administrationem magistratuum studiosissimi videri cupiunt, sataguntque omni officio illis gratificari, quod simulatum studium mox cum ipso regiminis processu turpiter senescit.

*De Muneribus non omnino capiendis.*

Munera quæ speciem quandam aucupii habere creduntur, aut nulla, aut quam paucissima accipiet, ea scilicet, quæ omnino suspicione carebunt: si quidem donantis voluntate & studio cognito, facile & ipsa datorum munerum deprehenditur ratio. Verum parum fuerit suas manus ab hujusmodi illecebris continere, nisi uxor, liberi, ministri quoque, id fecerint: atque ab omni munere non minus quam a candenti ferro abstineat: fordescat necesse est omne ferme lucrum huic, qui ex provincia vult incolumen famam reportare: quæ nullo alio vitio facilius periclitatur, quam avaritiæ suspicione: simul quoque illud meminerit, quod præclare a *Platone* scriptum accepimus, oportere eos, qui reipublicæ præfunt, sic civium utilitatem tueri, ut quicquid agunt, commodorum suorum obliti, ad ea referant: sapienter quidem: nemo enim & sui & alieni commodi æque studiosus fuit unquam; obliviscatur, opus est, omnis domestici emolumenti, qui suæ famæ vult consulere. *C. Gracchum* gloriari solitum accepimus, facculos quos pecuniæ plenos in provinciam detulisset, se domum vacuos reportasse.

*De Factionibus compefcendis.*

Civiles discordias, superba odiosaque factionum nomina, quæ magnas sæpe civitates everterunt, aut imperii majestate tollet: aut si ita sint, ut inveterata odia tam cito tolli non possint, non ab re fuerit prætorio edicto, severaque animadversione ad tempus consopire: mira, quis nescit, opus erit prudentia ad hoc ipsum quod dicimus consequendum: sed majore quadam cavendum est, ne quandoque commissâ provincia fame aut peste laboret: dixissem, ne laborare incipiat, nisi alterum præstare divinum sit potius quam humanum: satis vero consuluisse videbitur, qui alterutram pestem si non illico ortam, non tamen adhuc grassantem consilio & diligentia opprefferit.

*De Provinciæ Lustratione, & ultima Satisfactione.*

Nec interim gravabitur intra annum munus semel ac sæpius, si opus sit oppida, municipia, & conventus provinciæ circuire: nec magno ad hoc utetur comitatu, ne aut ob nimium sumptum sit civitatibus ejus accessus gravis, aut nimis formidabilis, quod non modo non jucundus esset, sed odiosus etiam, oderunt enim quem metuunt, ut est apud *Ennium*, quin potius, sint omnia humanitatis plena, nullus terror nisi malis prætendatur: quod vel ipsum severitatis & justitiæ nomen præstare poterit: reliqua moderationis plena esse oportet, intelligant omnes eum ut custodem, non ut tyrannum: ut hospitem, non ut exploratorem, & publica & privata tecta subire. *Cato* ille senior, cujus nuper mentionem feci, cum *Sardinie* Prætor urbes adiret, si ne rheda adiisse dicitur, publico uno ministro sequente, qui vestem ferebat & thuribulum, quo rem divinam faceret: sed quum alioqui ob severam animadversionem esset omnibus formidolosus, ejus tamen accessus ut modestiæ erat & continentiæ plenus, ita omnibus jucundissimus. Demum circumacto anno antequam provincia decedat, & se & suos omni alieni æris onere exsolvet, voletque & publice & privatim omnibus satisfactum. Quum itaque hæc omnia præstiterit, optimi Prætoris functus erit officio, eximiamque ex ipsa provincia laudem omni quidem triumpho præstantiorem merito reportabit.

F I N I S.



M A R.



# MARCI ANTONII COCCII SABELLICI,

## DE

# SCRIBARUM OFFICIO;

## DIALOGUS.

CALPHURNIUS.



Uis te huc ad nos Deus appulit *Sabellice? Sabellicus*. Ne quæras *Calphurni*, quis Deus, sed quæ causa potius. *Calphurnius*. Iltuc igitur ipsum quærimus. *Sabel*. Ut *Pomponium* viderem, quem audio ad nos incolumem ex *Sarmatia* rediisse. *Calph*. Rediit certe: sed ut omnino huc tarde, nam *Pomponius* jamdudum *Ariminum* versus navigat. *Sabel*. Inauspicato ergo huc accessimus. *Calph*. Imo si me audis auspicatissime: nam etsi *Pomponii* conveniendi non datur facultas, quod non vereor quin tibi jucundissimum fuisset, superest tamen aliquid in quo vel biduum te hic mecum oblectare possis. *Sabel*. Tu vero dic si placet quod hoc ipsum sit: cupio enim desiderium hoc abeuntis viri aliqua ratione levatum iri. *Calph*. Dicam *Marce*: proximis his diebus sacerdos quidam homo meo iudicio mathematicæ disciplinæ non ignarus, tabulam cum terræ & æquoris figuratione in curia suspendit, ad quam inspiciendam magnum literatorum hominum per aliquot dies audio factum esse concursum. Cupio itaque vehementer te novo huic spectaculo adhibere, atque aliqua ad geographiæ rationem attinentia tecum diligenter considerare: ne graveris igitur hoc biduum nobiscum hic esse, quando ne mora quidem ipsa inutilis futura sit. *Sabel*. Ego *Calphurni* & cupio & opto, tabellam istam videre, etsi per otium vacat, ut ad locum me continuo ducas vehementer te rogo. *Cal*. Mihi satis quidem vacat, quando ita tibi cordi esse video, atque nunc si ita libet, eamus: sed ecce video *M. Aurelium* solum in curiæ vestibulo deambulantem: conveniamus si placet, hominem: nam qui eo commodius nos ad locum trahere possit, est nemo. *Sabel*. Cur non? si sic est. *Calph*. Salve *Meccenas*. *Aurel*. Quid tam otiose hodie *Calphurnius* nostra hæc terit limina? quod nisi festis diebus facit fere nunquam. *Calph*. Ut cum hoc nostro *Sabellico* hanc vestram tabulam, velut illam *Phidiae Minervam* in arce locatam viderem. *Aurel*. Estne hic ille *Sabellicus*, de quo tu alias ad me non pauca? *Calph*. Ille quidem. *Aurel*. Gaudeo plurimum contigisse mihi te videre, etsi quid *Sabellice* (nam ita tua postulat virtus) in me est, quod conducere tibi posse putes, gratissimum mihi feceris si nostra opera quandoque uti voles. *Sabel*. Merito te *Meccenatem* omnes nostri seculi poetæ vocant *Aureli*: sed quod ad istam tuam liberalitatem attinet, cumulatissimum ego a te officium acceperisse putabo, si posthac me in tuorum numero habueris. *Aurel*. Quid habuero, imo libens faxim, ut te in meis familiarissimis esse brevi omnes intelligant. Sed quid vobis *Calphurni* cum nostra tabula? *Calph*. Cupiebamus, ut dixi, vehementer eam per otium considerare, ad quod ipsum tua opera nobis opus est: nam neque omnibus, ut audio, neque semper videre volentibus ad eam patet accessus. *Aurel*. Sic certe est, ut ais, velut nunc, quum proximo loco senatus habetur: sed quid ista opus est festinatione? Vos poetæ quia otiosi & quodammodo feriari vivitis, nullam temporis jacturam plus æquo æstimare debetis. *Calph*. Quasi vero nos qui Musarum sacra colimus, desides & inertes jure habeamur.

A *Aurel*. Non ita inquam, ut poetæ desides vocem id volo videri a me dictum: absit a me, ut nomen illud quod semper summa veneratione colui, ulla verborum incessam petulantia: sed ut præ laboriosa hac & vere curiosa vita quam nos scribæ agimus, vestram istam (quia sibi tantum deserviat) nostro jure otiosam appellemus. *Calph*. Sunt ne ita tot & tanta scribarum officia *Aureli*, quanta vos prædicare soletis? nam ut libere dicam quod sentio, omnino res ipsa neque ingenio, neque doctrina, neque industria magnopere indigere videtur. *Aurel*. Falleris profecto, & quam onerosum sit hoc munus omnino ignoras *Calphurni*.  
B *Calph*. Quale sit istud ipsum, aut quam magnum non intelligo: etsi per otium potes, id nobis demonstrare, parati sumus, ut pro nostro *Sabellico* spondeam, id libenter audire. *Aurel*. Et vacat (nisi quid interim acciderit) & libet vobiscum aliquantisper esse, atque de hujusmodi munere aliqua differere, postquam vos ita velle video: sed ne pedibus stando, longiore fortassis sermone, quam expectatis defatigemini: concedamus, si placet, in eam porticum, quæ e regione est. *Calph*. Tuum est optare locum, in quo velis esse *Meccenas*: quod autem ad nostram operam attinet, nos ubique parati sumus te libenter audire. *Aurel*. Scio id ego & gaudeo vehementer: sed ecce ab iis qui locum tenebant nobis venientibus ultro ceditur. Utamur eorum humanitate, dum ipsa interim de re dicetur, incipiam. Conjecerant omnes qui prope aderant in *Aurelium* oculos, qui ubi illum sedisse apparuit, de re non parva disserturum: tum vir ille, ut non inhabilis erat ad dicendum, in hunc ferme modum est de scribarum officio dicere exorsus.

*De Officii partitione.*

Scio ego, viri optimi, nec ut puto fallor, a vobis fando aliquando auditum, *Platonicas* partitiones, non solum omnem disputandi legem constituisse, sed lucem etiam maximam his rebus attulisse, quæ nullo sermone illustrari posse videbantur. Divini igitur hominis doctrinam secuti nos quoque partitione utemur, ne quid a nobis obscure, aut parum perspicue dici videatur. Primum itaque neque unum esse scribarum ordinem dicimus, neque idem omnium munus: quamquam non ita diversos esse dicimus, ut quasi alias virtutes in aliis, & non omnes in singulis, si fieri possit, esse velimus. Pulchrum est, quis nescit? in omni humanæ vitæ gradu excellere, atque longè aliis præstare, quod haud quidem fieri potest, nisi hic qui omnium maximus videri velit, idem sit & optimus. Ausim itaque ab eo qui egregius scriba & videri & vere dici velit, cumulatissimam, ut ita loquar, virtutem requirere: sed quia tum nostra desidia, tum vitæ ipsius brevitate fieri non potest, ut plenum quidquam ab homine proficiatur, de his quæ in primis necessaria sunt, & sine quibus nullo pacto officium, de quo loquor, constare potest, breviter differam. Verum antequam de his dicere incipiam, pauca de veteri hujus ordinis institutione & apparatu, altius nobis repetenda sunt: & ut Divina humanis præferantur, quod in omnibus censeo fieri oportere, ab iis qui rerum sacrarum curam sortiti sunt, proficietur hic sermo.

*Sabellicus.*

E

*De*



## De veteri Scribarum Officio circa Sacra.

Horum autem institutio quam sit vetus, vel ex hoc quod dicam, intelligi potest. *Aegyptii*, qui mortalium antiquissimi perhibentur, rerum sacrarum scribis ferme semper usi sunt, quod & *Syri Judæi*, qui, ut *Strabo* tradidit, ab illis originem traxere, fecisse dicuntur: id divinæ humanæque literæ testantur. *Græci*, qui fortassis hunc morem, ut literas aliunde advectas suscipere, inter primos civitatis ordines hunc ipsum retulere. Hos autem viros innocentissimos ab initio fuisse, atque eosdem sapientissimos credere æquum est: quippe qui non tantum sacrarum pecuniarum summa fide rationes administrabant, sed & rerum divinarum doctrinam, caerimoniarumque ritum percallebant, ut si qua sacra instituenda, si quæve mutanda essent, non ministros solum, sed autores quoque se eorum sacerdotibus pontificibusque exhiberent: oportuit hos quoque veterum factorum & temporum in illis contentorum non mediocrem scientiam habere, quum eorum ministerio multis his addi consuevissent, multa subtrahi, interdum non pauca immutari; quid quod si *Herodoto* credimus, nonnulli in hoc ordine reperti sunt, qui non vulgaria quædam de situ orbis, vel in primis de *Nili* ortu, de quo & *Græci* & *Latini* scriptores nihil affirmant, disputare sunt ausi: sed quid aliena ac minus nota sectamur? Quæro an quatuor illi spectatæ fidei & sanctitatis viri, qui Evangelium scripsere, plene scribarum functi sint Officio: quid *Divi Pauli* epistolæ, quid reliquorum, an aliud munus quam hoc ipsum de quo loquor præ se ferunt? quæ quantum & divinæ & humanæ sapientiæ contineant, vel ex hoc judicari potest, quod pro mortalium consensu, inter Divinas lectiones quotidie referantur, & ut taceam reliquos, quid præpetis illius aquilæ Apocalypseos libri, an aliud quicquam quam secretarii optimi sapientissimique officia continent? nonne celestis mens illa quasi domicilium Trinitatis scrutata, velut per manum traxerit hominem ad veri Dei cognitionem, ab ipso Divini verbi principio exorsa, secretissima mysteria miro præconio retexit? Diligentis Scribæ est, quis nescit? salutiferi Principis consilium gentibus significare: Scribæ optimi tam publicanda dicere, quam tegenda cælare. Cæterum summi Pontifices Divina opera imitati, nonne & ipsi quoque jam inde a primis Ecclesiæ incunabulis hunc ordinem penes se esse voluerunt? per quem omnia quæ ad ornamentum religionis attinerent memoriæ mandarentur: eos ego esse puto, quos nunc vulgo protonotarios appellant: sed plura fortassis quam oportuit de his diximus. Venio nunc ad eos qui hæc terrena curant, in quibus quanto earum rerum status corruptior est, ac proinde facilius lapsu, eo majore innocentia, industria, & doctrina opus est, ne quid per incitiam, aut ignaviam, aut fraudem, offendatur.

## De necessariis virtutibus Scribæ.

Oportet itaque eos qui in hac humanæ vitæ parte, & quasi in media hominum luce versantur, amplissimique alicujus Principis, aut liberi populi, aut magistratus nascentes excipiunt curas, exceptas fideliter aut tegunt, aut transigunt, præter cætera singulari doctrina, spectata fide, amœno liberalique ingenio & industria & providentia non modica esse præditos. Nam ut de doctrina loquar, quo nam modo hic honoratus scriba publicis rebus par esse poterit, nisi sit idem & literatissimus, ac plures, si fieri potest, percalleat linguas? Enimvero non video qua ratione hic idem (quod in hoc Senatu frequenter usu evenire solet) aut *Græco* aut magis ignoto sermone notatas literas sit recitaturus, qui tantum *Latine* sciat, atque illud ipsum, quod deterius sit, fortassis non recte teneat. Quid quod interdum aut orandum, aut respondendum, aut disputandum est peregrino sermone? quod ab iis qui nostratem hunc tantum sortiti sunt, minime præstari poterit: quid de nostratibus literis lo-

A quamur, quarum si quis imperitus sit, multo honestius se curiæ præconem quam scribam destinabit: sed ut est perdita quorundam audacia, reperti sunt non pauci ac quotidie reperiuntur, qui sine literis in amplissimas aulas migrare sunt ausi, quorum imperitia pene prius nota fuit, quam facies; sed quid mirum? nullum certe vitium facilius deprehenditur, quam arrogans ignorantia. Redeo ad id, de quo dicere institueram. Non video inquam qua ratione quispiam hujusmodi muneribus, de quibus ante diximus, sine multiplici doctrina par futurus esse possit, & ut cætera omittam, horum certe est Senatusconsulta, principum edicta, magistratuum decreta, dictare, quæ quoniam suasionem, autoritatem, æquo rectoque non carent, quiseam recte navabit operam, nisi idem orator sit, jurisque & æquitatis non imperitus? quid quod idem de quo loquor, si is sit quem esse oportet, nonnunquam in magnarum rerum consultatione, aut in senatu, aut apud Principem magistratumve suam rogatus non inepte dicet sententiam: eaque fortasse assert, quæ iis quorum ea est consultatio, quanquam e republica essent, non succurrerant: id haud facile præstabit, nisi qui varia sit lectione imbutus, qui antiquorum principum, populorumque consilia, exempla, stratagemata, iussa, decreta, atque ipsos denique horum omnium eventus cognoverit? *Onesicritus*, *Calisthenes*, & *Anaxarchus*, & reliqui sapientiæ Professores, qui ex *Græcia Alexandrum Macedonem* ad ipsum ferme solis ortum secuti sunt, si quis recte opinetur, Scribarum munere potius quam Philosophorum penes illum defunctos, arbitrabitur: quippe qui non solum illius gesta, sed omnia memoratu digna scrutati suis scriptis æternitati consecrarunt: quæro an ad *Brachmanas* & *Gymnosophistas* visendos *Onesicritus* cujus paulo ante mentionem feci, mitti potuisset, nisi (quod fecit) de rerum natura ipse quoque primo congressu scite sapienterque differere potuisset: quo factum est, ut non magis Imperatoris fama, quam legati sapientia adducti, duo ex arenoso illo Gymnasio *Onesicritum* secuti, non cæci cæcum, ut dicitur, sed sapientes potius sapientem, in *Macedonum* castra venerint. Quotidie præterea videmus eruditos nostri ordinis viros, amplissimas legationes apud summos Principes potentissimosque reges cum dignitate obire: quod ab imperito homine, quia eruditione, ac proinde prudentia caret, expectari non potest.

## De Fide Scribæ &amp; Taciturnitate.

Necessaria est, ut plane ostendimus, eruditio futuro Scribæ, sine qua vix magis illi officium constare poterit, quam materia ulla sine forma. Nunc autem de fide, quæ non minus in eo requiritur, quam doctrina, breviter dicam: quid enim virtus ipsa, de qua proxime verba fecimus, quid prudentia, quid denique cæteræ virtutes sine fide valebunt? & omne quidem scribæ officium sine illa imperfectum & mancum esse oportet: ac tam secreta credentibus, quam Secretario perniciosum. Est quis non videt? Scribæ quasi cor & mens curiæ: quippe qui & nascentes patrum curas sentiat, & natas velut sanctissimum sacrarium custodiat: quo factum est, ut non uno in loco hic idem secretarii nomen obtineat: cui eo major fides constare debet, quo majora sibi negotia velut credi, omnes multa & magna sibi credi volunt: sed quo opinionis hujus consequendæ studiosiores sumus, eo majore taciturnitate præditi esse debemus, ne levitatem admittamus, quod, ut aliquando consequeremur, multum diuque nobis elaborandum duximus. Sed nihil sapienti viro tam facile est, quam linguam frænare, ut stulto difficile. Debet præterea hic idem meminisse fidem, ut *M. T.* placet, dictam ab eo quod omnino fieri debeat, quod promittitur: qui secreta Principis, senatus, alicujusve magistratus sibi credi voluit, debet silentium, quod promissit, præstare, ne in hoc



hoc ipso peccet, in quo maxime probari voluit: & brevi in hac luce & simplicitate delectabitur, hanc solam in maximis minimisque rebus intuebitur, quæ qui præditus fuerit, secretarii nomen vere est adeptus: sed adhuc de ea fide loquimur, quam alio nomine fidum silentium appellare possimus. Verum si aliqua interim aut scribenda, aut recitanda, aut interpretanda sunt, fraus omnis abesse debet, quæ fidei inimica est, atque non mediocriter cavendum, ne quid plus minusve aut scribendo tribuatur cuiquam aut eximatur, quam illi qui ea mandarunt voluere, quod inepti quidam & temerarii longe secus faciunt, qui partim negligentia eorum quæ mandantur, partim temeraria arrogantia quod ea quæ nondum audire, quasi se divinitus tenere arbitrantur, sæpe ea dictant aut scribunt, quibus nihil magis contrarium diversumque esse possit ab eorum mente, quorum iussa erant secuturi. In eo quoque turpiter falluntur quidam, fidem & innocentiam publicis in rebus sanctissime custoditam, in privatis violant, quasi vero non sit idem semper peccare, & plus a recto recedat is qui magistratum, quam qui privatum hominem prodiderit, aut alia fides publicis, alia privatis rebus adhibenda sit: sed hoc sciant qui huic virtuti student, quique a fraude quam longissime abesse volunt, oportere fidem homini in cunctis constare, atque in omni humanæ vitæ actu primum ei locum tribui debere: quod qui ita esse statuet, nunquam ab hoc, de quo loquor, officio aberrabit.

*De Scribæ ingenio & urbanitate.*

Non fides parum & doctrina, ut satis abunde monstratum est, ad nostri ordinis officium consummandum attinet: ac nescio an ea duo cæteris exclusis id possint efficere, non æquum est credere, sed proculdubio ingenio quoque opus est: hoc qui caret, nihil omnino feliciter tentabit. Hinc illud *M. T.* nihil invita *Minerva*, atque ita esse manifesto apparet; nam ne ab instituto sermone recedamus, quæ alia ratione hic ordo sibi aut gratiam conciliabit, aut quibus charus jucundusve esse poterit, nisi liberali quadam urbanitate, mansuetudine, facilitare, atque reliquis hujusmodi virtutibus quæ ad concilianda hominum studia non parum valere creduntur, polleat? sit doctus licet, sit spectatæ fidei vester Scriba, nisi his artibus se illis insinuarit, quibus gratificandum putat, recte licet dicat, faciatque omnia, omnino tamen ingratus fuerit: nihil est enim odiosius aulica rusticitate: declinabit parum ab hoc vitio, cujus scripta genio non carebunt: appello hoc loco genium gratiam quandam, quæ in iis quæ scribuntur etiam solet elucere, nec possem aperte dicere, quid sit illud quod in simili figura atque materia alia lectio magnopere delectet, alia tædio afficiat: sed ut video pluribus placere perspicuitas est, quæ præcipuam gratiam affert orationi. Claro itaque & perspicuo sermone utetur ingeniosus Scriba, omnia quæ aut dictabit, aut scribet, non significare, sed effingere, ac propemodum percipientis mentem cælare videantur: sed de scribendi ratione paulo post dicemus. Nunc redeo ad illud, de quo agere institueram. Ineptus quidem, ne dicam ridiculus erit ille, qui quum necesse fuerit, neque ingenii facilitate, neque urbanitate ulla queat eorum mentes versare, quibus charissimus esse cupiat, & quod ad hoc ipsum attinet, non video quo pacto multorum sibi gratiam conciliare possit hic, qui nec benigne quemquam appellare soleat, nec appellatus officiose respondere. Dū boni nesciunt dura & inepta quorundam ingenia, quid valeat humanitas: appello humanitatem facilitatem illam in homine sive potius comitatem, non dico erga eos quibus omnino parendum (nulla enim invita actio virtus dicenda est) sed in illos qui humili loco & fortuna

A constituti immensum se putant accipere beneficium, si in suis negotiis transigendis ab aliquo nostri ordinis recto, ut dicitur, oculo inspiciantur: quid si ope, consilio, commendatione, aut hortatione aliqua juventur? Hæc omnia nisi ab eo qui sit facili & amœno ingenio præditus, præstari fere non consueverunt. Verum hæc minora sunt, illa autem quæ sequuntur omnino non parva: multa prudenter dicta, acute responsa, memoria teneat, & quasi ad manus habeat hic idem necesse est, ut quum opus sit sese quasi clypeum molestis magistratum interpellatoribus objiciat, eorumque lophismata, pravas tergiversationes, licentiosa dicta, liberius responsa, moderata dicacitate, & si opus sit acri etiam disceptatione eludat: sit autem dicacitas ipsa non illiberalis, sed urbana atque ab omni scurrilitate aliena: turpe est enim pro ingenioso ridiculum, pro urbano scurram, se effingere.

*De Scribæ industria & prudentia.*

Sunt hæc, quis non videt? ut necessaria; ita & utilia quæ diximus: sed industria quoque his addenda est, eam alio nomine, quando propinquius ulum non invenio, diligentiam nominabo: ejus autem qui fuerit expers, quid deceat, verum scribat, aut nunquam, aut omnino tero intelliget: ac si quid interim recte dicet, aut faciet, quoniam id ipsum casu potius quam aut consilio, aut diligentia profectum creditur, vix ulla secum videtur ferre posse gratiam: qui autem virtutis hujus studiosus fuerit, nihil non suo tempore efficiet: maturabit negotia, non præcipitabit, eritque in omnes sui muneris partes semper intentus, illudque præcipue curabit, ut si quæ dictanda scribendave fuerint, mentem ejus cujus facit iussa, quasi in tabella quadam figuratam, & verborum proprietate & sententiis exprimat: a qua virtute remotissimi sunt illi, qui inertia & stupore quodam pressi, omnia potius scribunt quam quæ scribenda fuerant: sed hæc non minus prudentiæ sunt, quam industriæ, de qua quia locus ipse postulat pauca subjiciam. Efficit enim illa, ut non incerta pro certis habeamus, quod qui faciunt, in turpissimos sæpe labuntur errores, suntque non sibi solum, sed illis quoque quorum nomine scripserunt quam perniciosissimi. Beneficio itaque memoriæ ad hoc ipsum in primis opus est, ea ut *M. T.* præclare demonstrat, maxime exercitatione augetur. Cavebit ille qui munere hoc fungitur non sibi solum, sed iis quoque quibus aut rescripta, aut senatusconsulta, aut privilegia, aut quid aliud simile dictaverit, ne quid plus minusve scribant, quam is cui parendum est, mandaverat. Et quia nunquam satis cavisse nocuit, non gravabitur ipse epistolarum magister, is dico qui epistolas dictabit, diligenter inspicere, ne quid aut barbare, aut confuse, aut præpostere scripserint, qui dictata excipiunt, quod ipsum non magis eis qui fecerunt vitio vertitur, quam qui corrigere debuerunt. Et quia nemo tam sæpe perspicuitatis fuit admonitus, quin idem adhuc sit sapius admonendus, hujus si mihi credit virtutis amator erit, hic qui omnibus placere studet: nec est quicquam quod nostros homines magis alienet a gratia eorum quibus in primis placere cupiunt, quam obscurus dicendi stylus, verbaque parum usitata, quod omnino valde difficile est, ut incolumi elegantia perspicuitas nobis constare possit, quandoquidem hoc ipsum quibusdam literarum prorsus ignavis, sapius præstari oporteat. Scio ego nostras literas hoc nomine tanquam vitiosas ab ineruditis quandoque male acceptas, quales fuerunt illæ, in quibus pro beneficii pensatione, hostimentum erat: sed tu hoc non ignoras *Sabellice*. Audio enim te quum *Hunnii* nostræ literæ recitarentur publice, ad ejus verbi interpretationem accersitum: subdurus quis nescit tum multis sum fortasse visus, tibi vero cui hæc nota



sunt, non modo non durus, sed olorina, ut dicitur, pluma mollior. At me Hercule sic est, pravo hominum iudicio cogimur relicta scribendi lege indotis auribus placere: sed quid cogimur dixi? coguntur fortassis alii, ego quod ad me attinet, nunquam huiusmodi rumoribus adduci potui, ut imperitorum studium secutus, parum elegans videri passus sim: at sic ego probo recte scribendi scientiam, ut veritatis rationem in primis habendam censeam: malo enim simplicem ignorantiam, quam vitiosam eruditionem: & brevi is sciat se prudenter ac recte agere, qui veritati in primis consultum volet: nec illud quidem ab officio de quo loquor alienum existimo diligenter considerare, sed atone animo an periculo & irato sint ii qui nos aliquid scribere voluerunt: & quia nullus est affectus qui longius a ratione recedat, quam ira, quæ vere dicta est una omnium affectuum non trahere mentem hominis, se præcipitare, prudentis est, ut dixi, officium, mandantium iram & asperitatem verbis mitigare, atque ea

A scribere, quæ ille, quem commotum cernimus pacato animo iussisset: inhæreat præterea Principis magistratusve lateri, aut non procul absit diligens Scriba, ut si quid accidat, continuo vocatus adesse possit: sigillum autem sive annulum, aut illico ubi eo usus est, restituat, aut secum non pigeat gestare: omnino non recte multis creditur, quod vix uni aut alteri ad summum credi solet: non parum suæ æstimationi consultit, qui omnem peccandi materiam suis aufert. Restant adhuc non pauca, quæ de huiusmodi ordinis officio dici poterant, quanquam ex iis quæ diximus, facile intelligi potest, quam onerosum & arduum sit hoc, non autem leve & ignavum, quemadmodum tu *Calphurni* existimabas: eram ego materiam adhuc copiosius tractaturus, sed video magistratuum apparitores senatorum cymbas ad ripam accersere: & ecce ipsi quoque prodeunt. Valete viri optimi, & quando aliquid otii nacti eritis, huc ad nos revisite.

F I N I S.

# MARCI ANTONII SABELLICI, RERUM VENETARUM, PANEGYRICUS PRIMUS, QUOD GENETHLIACON INSCRIBITUR.



UIS superum mihi plectra dabit? Quis certa roganti.

Otia pandet iter? Cirrhæaque in antra receptum

Instruet Aonio cantu? videt *Adria* mater  
Pulchra diem flavi quo *Tibridis* æmula tandem  
Abluit æquoreis nascentem fluctibus urbem:  
Urbem terrarum imperio pelagique potentem  
Quam gremio complexa fovet: Non *Phœbus* & *Euan*:  
Non mihi *Pegasides* dederint in carmina vires  
Ex *Helicone* *Deæ*: Tu qui super æthera magnum  
Præpetibus volitas pennis, quique ardua coeli  
Scrutatus miranda canis, pater urbis aquosæ  
Dexter ades cœptis; neque enim nunc horrida bella  
Condere fert animus, vanasque cupidinis artes:  
Sed gentis, dux alme, tuæ primordia, & urbis  
Dulcia nascentis sunt incunabula curæ.  
Tu, genus antiquum, causasque, & tempora rerum  
Da vatem memorare tuum: si grata vetustas  
His tibi dive locis *Pario* de marmore templa  
Quæsitumque procul *Phario* de littore corpus,  
Æternum imperii pignus, sacravit honore.  
Denique coelicolum si nulla frequentius ara  
Humana pietate calet: terraque marique  
Supplicibus votis *Veneto* tibi *Marce* litatur:  
Da faciles cursus (sunt nam tua cærula & undæ,  
Quicquid ubique jacet) da tuto insistere portu.  
Sparferat antiquæ fatum lacrymabile *Trojæ*  
*Dardaniam* sobolem miseranda forte per orbem.  
Hinc alias alii, divum responsa secuti,  
Sortiti terras: gelido pars una sub axe  
Constitit: hi *Libyen* profugi videre calentem.  
*Hesperias* illi gentes majoribus acti  
Auspiciis: sedit *Laurenti* littore victor  
Dux *Anchisiades* *Romani* sanguinis auctor.  
Hinc *Vesta* illa potens, arcanæque sacra, penates,  
*Silvia* progenies, *Albanaque* purpura patrum:  
Hinc gemini fratres, proles *Mavortia*, & ingens  
*Roma* fuit: *Roma* imperio quæ insignis, & alta

C Fruge virum sese sublimibus intulit astris.  
Undivagam sed qua vetus excipit *Adria* *Tethym*,  
Quaque latus lævum vicinæ nubibus *Alpes*,  
Squalentesque humeros pene alto in gurgite tingunt:  
His mediis terris quas flumine sulcat amœno  
Hinc *Silis*, inde rapax *Athesis*, post *Pergama* bella  
Evicta, *Antenor* per ferrum lapsus: & ignes  
Argolicos, fatis concessa sede quievit.  
Ocio hic cursus (nec enim tam grandia rerum  
Pondera moliri, fatorum immobilis ordo)  
Sed melior fortuna fuit, quæ certa trahebat  
Imperia, & nullos unquam frustrata nepotes.  
Venerat *Antenor*: sed non *Sigeia* tantum  
Dardanii sunt signa viri Regemque secuti.  
Ipsa viæ comites dederat sociosque laborum  
Eventus fortuna parens, quos *Cromnia* mater  
Miserat ad *Trojam* *Venetos*, quum *Phocidos* aulis  
Tot *Danaas* classes ultriciaque arma teneret.  
Hic circum llicas arces dum sæva cieret  
Proelia, magnanimum regem furialis *Enyo*  
Abstulit, & *Stygiis* undis damnavit & *Orco*.  
Morte ducis percussa phalanx *Antenor*is armis  
Hæserat: at postquam *Priami* domus excidit ingens,  
Exilii comites facti, per tela, per hostes,  
Perque novos casus, & mille pericula rerum,  
*Eugænea* potiuntur humo. Tum *Troius* heros  
E (Virtutes ne virum: an divum responsa secutus,  
Incertum est) quoscunque sacra deduxerat *Ida*:  
Quosque dedit *Scythicis* undis objecta *Carambis*  
Nomen ferre iubet *Veneturum*, *Veneturamque* vocari  
Quæsitam bello terram, populumque laremque.  
Quis (proh fata *Deum*, & tu fors ignota futuri!)  
Crediderit gentem extorrem tam magna daturam  
Momenta *Hesperii* rebus totque urbibus olim?  
Tot populis mite imperium regimenque futuram?  
Sed sic *Byrsa* potens, parvis sic *Martia* *Roma*,  
Exortam auspiciis paulatim scandere cœlo  
Progeniem meminere suam. Primordia cunctis  
Esse dedit natura parens non grandia rebus.

Nec



Nec lætis mora longa fuit successibus inde  
 Condidit Antenor spatiosis mœnibus urbem,  
 Euganeumque simul dudum fera bella moventem,  
 Haud semel evictum, patriis procul expulit oris.  
 His magni Alcidae comites, post Martis Iberi  
 Proelia, & infames superatas cursibus Alpes,  
 Consedere locis: alto cognomine fassi  
 Sanguine se claro genitos. Tum major haberi  
 Res Venetum, cœpitque novis se gloria rebus  
 Tollere, & Oenotrios longe transcendere fines.  
 Quantum flava Ceres, Cererique immixtus Iachi  
 Cultus habet terrisque vagus discurrit amœnis  
 Hinc qua frugiferos ambit celer Abdua campos  
 Littus in Adriacum, septenaque ad usque Timavi  
 Flumina ab Arctoa rursus cœloque nivali  
 Præcingunt Alpes, tepidoque infusus ab Austro  
 Eridanus, Venetis tantum concesserat armis:  
 Victricisque tulit gentis terra Italia nomen.  
 Tantarum sed tristis opum mox cura, laborque,  
 Per dubios rerum motus, perque horrida bella,  
 Successus fregere novos: hinc Gallia fractis  
 Alpibus: inde ferox surgens Germania, & omnis  
 Arctoi rabies cœli, læta otia terræ  
 Motibus assiduis, subitoque evertere bello.  
 Nec meminisse juvat quotiens ab origine prima  
 Fluxerit huc Rhenus Rhenoque nocentior Ister:  
 Aut quas hic rerum clades, quas vexerit ille,  
 Nec quam præcipites post Gallica damna procellas  
 Sparserit hic terris Geticis furor excitus oris:  
 Sed quid nunc Scythicas clades? quidve Hunnia dicam  
 Tempora? in Hesperium nomen tum protinus omnem  
 Europam jurasse putes: (proh fata dolorque!)  
 Cardine ab extremo devexerat ultima Tethys  
 Infandas armorum acies, infandaque bello  
 Pectora: non ullam nisi quam fecere ruina  
 Contenta ire viam; diros arcere furores,  
 Non potuit vis ulla Patrum, non ipsa nivosis  
 Occurrens natura jugis: non flumina sævis  
 Cursibus: Oenotrias subito gens dira tumultu  
 Fregit opes, sparsum vidit miserabile vulgus  
 Adria mœsta suum, pullumque a sede vetusta  
 Æquoreis trepidare vadis, medioque profundo  
 Casibus infractum, terramque & summa paventem  
 Sidera. Parce novo nimium indulgere dolori  
 Cromnia progenies: & tu precor Adria mater  
 Præsentes cognosce deos, hisque annue fatis.  
 Si domus Assaraci Phœbeaque mœnia nunquam  
 Versa forent flammis: non inelyta Roma fuisset.  
 Carthago non illa potens, ni morte Sichei  
 Fraternalque ejecta dolis Sidonia Dido  
 Exul in ignotis sedisset foemina terris.  
 Quid vehat ignoras seges hæc immensa laborum,  
 Exiliumque frequens, disjectaque fata tuorum.  
 Quid si res Venetas tot sævis casibus actas  
 His sistat fortuna locis, medioque profundo  
 Destinet imperium mansuraque limina genti?  
 Haud aliter quam quum saxo concussa vetusto  
 Pars montis divulsa ruit, subitoque fragore  
 Condidit in pelagus: tum quamquam vertice multo  
 Emineat, pateatque recens licet area Ponto,  
 Huc tamen instabilem fluctus propellit & illuc,  
 Nec certo finit esse loco; si cœperit unquam  
 Inniti illa vadis, fundoque cohæserit imo,  
 Inconculsa manet, longoque immobilis ævo  
 Ventorum ridet rabiem: pelagique furentis  
 Aspernat minas, statio est tutissima nautis.  
 Nunc tibi cuncta labant, tristisque impulsa ruina  
 Fata premunt: verum foeda hæc & dira remittet  
 Tempestas, aderuntque tui sine turbine soles.  
 Sunt mundi rerumque vices: has terra fretumque  
 Alternis agitant, alternant ignis & aer.  
 Usque adeo summis una minimisque negatum  
 Certo stare loco, stabilique insistere cursu.  
 Hoc quoque triste nefas, & ineluctabile fatum,

A Excutiet ventura dies: jam candida parce  
 Incipient lætis tibi currere stamina fufis.  
 Immensum succedet opus, Venetisque sorores  
 Fatorum adjicient miranda volumina rebus.  
 Sed quid ego hæc tanquam venturis obruta seclis  
 Nec dudum vulgata cano? nil maxima tellus  
 Quod majus miretur habet: nil denique pontus  
 Quum Venetas respexit opes, famamque, decusque,  
 Imperium, & mediis surgentem fluctibus urbem.  
 Quin potius, sacros quando hæc sibi vendicat ortus  
 Æternum memoranda dies, huc sedulus ultro  
 Pieriam contendo chelim; sed læta paranti,  
 B Dicere adhuc superant, quæ candida plectra morentur.  
 Vix etenim sævi jam vulneris alta cicatrix,  
 Cœperat exactis sensim se obducere lustris,  
 Cæruleosque abscissa sinus, disjecta capillos  
 Hadria adhuc nitidos lachrymis tergebat ocellos  
 Invidiam factura Deis: quum tristis ab Arcto,  
 Ripheisque excussa jugis; vis Hunnia flammis  
 Obruit incautam, nec jam graviora timentem  
 Quam dudum perpessa foret: tum denique fatis  
 Littus, & ejectæ cesserunt mœnibus urbes.  
 Ac velut, æstivis subito quum mensibus anni,  
 Induit obscuram faciem sub nubibus æther  
 Fulgurat, & toto crebescunt murmura cœlo  
 C Tum si forte ruat rutilum per inania fulmen,  
 Disjiciatque cadens veteris fastigia templi,  
 Excultumve caput surrectæ ad nubila turris,  
 Cœlestis dum flamma micat, dum cuncta fragore  
 Diffiliunt, gremio complexæ pignora matres  
 Attonitæ sine voce sedent, nec cura futuri  
 Ulla metus mentes tremefactave corda recusat.  
 Interea si flamma recens, majorque ruina  
 Concidat, irato terris Jove: tum pavor amens  
 Omnia præcipitat; jam sese & cuncta perisse  
 Mens humana putat. Talis fuit Adria, tales  
 Supremis evicta malis sub pectore curas  
 Versabat, quum jam ferus omnia perderet Hunnus.  
 D Jamque Aquileja potens, placidaque Limenis ad undas  
 Exciderat Scythicis pinguis Concordia flammis.  
 Altinumque vetus, doctæque Antenoræ arces.  
 Jam vicina freto tellus, & nobile littus  
 Ter face barbarica mersum, tristisque favilla,  
 Sparserat antiquos prætenta in stagna colonos.  
 Flebat Amycei cultu spoliata Timavi  
 Nympha vetus, patrisque moras damnabat inertes.  
 Quod non septenis, Dryadas quum forte videret  
 Attonitosque malis Faunos incumbere ripis,  
 Assurgens vidisset aquis, clademque levasset.  
 Flebat, & innisos quærebat condere fluctus  
 E Damnatæ Cilina vadis, his questibus ire  
 Mœsta per arva Silis, viduitque Lipientia campis.  
 Has alii centum jactati fontibus amnes,  
 Exequias patrio lachrymasque in fundere busto.  
 Paulatim sed tristis hyems sese illa remisit:  
 Cessit & ipsa maris genio fatisque futuris,  
 Per tot lustra tenens series immensa malorum.  
 Tum nitidi venere dies vultuque sereno  
 Fulsit uterque polus: mediis tum blanda sedentem,  
 Fluctibus extorrem gentem complexa benigno  
 Excepit fortuna sinu; decesserat olim  
 Invita Ausoniis terris, atque urbe Quirini,  
 Imperii quum pompa vetus, nomenque decusque  
 F Bistonias Latio presserunt pondere terras:  
 Optaruntque locum regno sceptrisque futuris,  
 Hic qua Cyaneis agitata cautibus undas  
 Transmittunt tenui Neptunia claustra meatu,  
 Quaque freto Inachiae vestigia pressa juvenæ  
 Tristia dant, rapidos testantia nomina cursus.  
 Illa quidem lachrymis vultumque obducta per omnem  
 Oenotriam fasces Romanaque signa secuta est.  
 Mox ubi dilectæ superis confinia terræ  
 Attigit, hic hærens lachrymis sic creditur orsa:  
 Te ne ego, terrarum specimen, Saturnia tellus,



Cujus dextra potens rerum moderatur habenis,  
 Dum sequor incertas fatorum conscia curas,  
 Destituam? tu ne immodicis assueta triumphis,  
 Quæ virtute virum rebusque innixa secundis  
 Sub pedibus domitum terrarum despicias orbem,  
 Præsidio spoliata deum, veterique favore,  
 Mox ruere incipies, retroque abjecta referri?  
 Non erit hinc cultrix Tarpejæ rupis ut olim  
 Imperii fortuna comes? vix excidet omni  
 Ut reor Hesperia; nec, si jam littore toto  
 Submoveor, primaque vetor consistere terra,  
 Fluctibus in mediis sedes optare recuso.  
 Dixit & Oenotriis egressum finibus agmen,  
 Fulgentesque aquilas, tot jam quibus illa per annos  
 Fida comes fuerat, lachrymis spectat obortis.  
 Tum fletu perfusa genas, miserabilis uno  
 Obtutu defixa sedet, moeretque tuendo,  
 Dum procul ire videt, totisque excedere campis  
 Signa mari terrisque olim gratissima, nunquam  
 Ad visus reditura suos; tum denique ab imo  
 Pectore dat gemitus, postquam vaneſcere contra  
 Omnia prospexit, sensimque affecta retorſit  
 Lumina in Ausonias terras, qua Martia septem  
 Roma sedet tumulis, lacrymansque hæc ore locuta est:  
 Felices inquit sedes; felicia templa,  
 Romuleique lares; quos demum invita reliqui  
 Accipite (extrema namque hæc vos alloquor hora)  
 Illic æternum jam me Deus advocat ille,  
 Ille Deus qui cuncta regit, qui cuncta gubernat,  
 Cujus jussa sequor (neque enim mihi certa potestas  
 Qualem Roma putas, finxitque indocta vetustas)  
 Illius immensis alienas quærere sedes  
 Cogimur imperiis sed tu mortalia tantum  
 Desine mirari, non arx eris orbis, ut ante.  
 At pietatis eris; dixitque, & jussa sedere  
 Finibus Hesperii, immensas suspicit Alpes:  
 Suspicit, & coelo surrecta cacumina damnat,  
 Perpetuasque nives, liquidumque per aëra lapsa  
 Præpetibus pennis: varioque insignis amictu,  
 Perstringit gelidum talaribus Apenninum.  
 Hinc vada prospexit Vari, scopulosque Monceci,  
 Devexumque latus quod Gallica verberat unda,  
 Quoque Ligur succinctus arat; mox littore lævo  
 Accelerat limosque oculos huc flectit & illuc.  
 Protinus occurrunt injectæ fluctibus arces.  
 Incubat & vacuum præscribit flexibus orbem,  
 Ingeminatque instans plausus, geniumque locumque  
 Pene probat; sed fata vetant: similemque volenti  
 Sidere convellunt. Ligurum confinia Macran,  
 Thuscorumque avulsa videt, jamque Herculis ara  
 Offert sese oculis, jam jam se lucidus Arnus,  
 Tyrrhenas placido qui gurgite verberat undas.  
 Huc quoque deflexit volucris fortuna parumper  
 Lumina, & avertens liquidas agitata per auras  
 Præpes iter celerat; nec te Populonia mater  
 Respicit, aut pigros veteres, pinguesve Gravisças.  
 Hinc procul inspecta flaventis Tibridis unda  
 Ingemuit, mœstosque oculos detorſit in Austrum.  
 Ac velut orba parens natum quum luget ademptum,  
 Ne totiens doleat lachrymasque effundat inanes,  
 Proxima busta fugit, cineresque videre sepultos  
 Mens affecta nequit. Romam sic illa propinquam  
 Non potuit spectare suam: sed concita cursu  
 Inde procul fugiens Laurentia præterit arva.  
 Nec Circeja juvant Ithacis immitia regna,  
 Dirave Læstrigonum sedes, non Dardana nutritrix,  
 Non littus Phrygio quod quondam insigne sepulchro  
 Æmulus effecit Triton, non nobilis urna,  
 Aula nec Ismario periit quæ Acheloia cantu.  
 Præterit inde tuos tumulos Palinure, nec ultra  
 Respicit, æquorei refugit vernantia Pæſti  
 Littora, non Siculam patitur spectare Charybdim  
 Scillæosque audire canes, latrantia saxa.  
 Inde averſa ruit, nec te Lacinia plausu,

A Herculeive probat littus geniale Tarenti.  
 Linquntur Ioniis obnoxia fluctibus hydrus,  
 Quodque satis fida potuit statione placere  
 Brundisium: fugit illa tuos Gargane recessus  
 Quæque inculta fecat Latio fatalibus undis  
 Aufidus: & Venerem quam Dorica perdidit Ancon:  
 Hic quamvis late circumsonet Adria fluctu.  
 Non Senonum placet ora ferox, non proximus illi,  
 Multifido qui se traducit in æquora lapsu,  
 Eridanus: nec quæ pelago dedit Adria nomen.  
 Alludit sed læta locis: sentire putasses  
 Jam fatale solum, terræque astare repostas.  
 It procul, ac celeres cursus librare per auras  
 B Incipit, & læto sese demittere plausu.  
 Spargitur Adriaco passim non una recessu  
 Insula, qua Dorim infusam, lateque vagantem  
 Littus ab infano fluctu defendit, & Austro.  
 Huc, simul iratum præſenſit Nerea Tethys,  
 Natarum comitata manu se proripit alto,  
 Glaucæque furtivo complectens flumina nexu.  
 Æquoreas undas undis fluvialibus ultro  
 Miscet, & ignoto geminat nova pignora furto.  
 His fortunatis nullus tunc incola terris,  
 Aut (si fama vetus vera est) perrarus agebat:  
 Lascivis sed sparsa choris per densa vagari  
 Agmina nympharum, lentæque sub arboris umbra,  
 Naidibus mixtæ Nereides alta fovere  
 C Oria, & aprici, vernantia littora circum,  
 Spargere fatidicos cantus ad sidera signi.  
 Substitit, & mentem Oebalio demulta canore,  
 Terque quaterque vagos repetitis plausibus orbes  
 Explicat, & coelo sensim demissa sereno,  
 Fata secuta Deum felicibus incubat oris.  
 Sic ubi in Eoo reparavit secula busto,  
 Sensit & invisa se exutum membra senecta  
 Lætus ad Æthiopas remeat, terræque beatas  
 Aspiciens læto phoenix clangore salutat.  
 Tum vero infantes populi, quos pallidus auri  
 Nil movet aspectus, visa procul alite currunt,  
 D Allapsamque polo excipiunt, votisque receptæ  
 Mille optant annos majoraque tempora vitæ.  
 Tam placido fortuna gradu, præpeseque volatu  
 Affuit, & superum vatis allapsa per auras  
 Desilit æthereas: lætos sentire putasses  
 Accessus toto plaudentes æquore nymphas,  
 Prostratumque fretum, ripisque inflexa canoris  
 Flumina, & hæc circum meditantes carmen olores  
 Illa autem coelo libratissimè molliter alis  
 Labitur, & stabiles dextro sibi numine terras  
 Deligit, atque omen secum fert læta futuri  
 Imperii: cui terra olim serviret, & æquor.  
 E Tempore jam ex illo palam succincta sedebat,  
 Exceptura suos felix fortuna colonos:  
 Quos ubi dejectos vidit jam sede vetusta,  
 Infractosque malis medio sibi quærere fluctu  
 Effugia, arridens sese venientibus offert,  
 Pronaque in amplexus duplices simul explicat ulnas,  
 Suscipit, & trepidos pergit complexa fovere.  
 Non secus ac viso personæ horrentis hiatu,  
 Quum natum trepidare videt, matremque vocare  
 Præcipitante metu, fit nutritrix obvia, & alte  
 Excipit: ac fotum gremio jam vana timere  
 Blanda vetat, secumque novos miserata pavores  
 F Abstergit lachrymas, mulcentiaque oscula figit.  
 At non admotos tunc respicit Hadria vultus,  
 Non blandos irata sinus: quin plorat & odit  
 Infandas tot passa vices. Jam federat alto  
 Septa mari miseranda manus: juvenesque senesque,  
 Consortesque thori, traductæque pignora nati,  
 Ipsaque nobilitas, præſagia certa futuri  
 Imperii: hortatur sparsum per cærulea vulgus  
 Damnatæ totiens bellorum casibus urbes  
 Linqere, & undoso circumdare limina ponto,  
 Mansurosque optare focos, pro mœnibus unda  
 Stet;



Stet, quibus adverso quæque exeat obvia bello.  
 Hic mansura domus, fas hic servare penates  
 Cladibus innocuos, fas libera jura tueri.  
 Extulit his animum dictis generosa juvenus,  
 Consiliumque probat; jam jam mens omnibus una  
 Deferere infauſtas terras, altumque tenere.  
 Jam tegetes, humilesque casæ, jamque alta palustri  
 Culmina consurgunt calamo: pro dulcibus arvis,  
 Littus & unda placet, proque ipsis mœnibus, alta  
 Æquora, multivago sese cingentia fluctu.  
 Bis terdena vago distinguitur insula Nereo  
 Quas rerum natura parens collegit in orbem,  
 Omnia cernere erat has inter crescere cultu,  
 Quotque salo steterant numero tot castra putasses  
 Disponi, & vastis simul oppida surgere campis.  
 Urbs erat una tamen: sed qua stetit alta profundis  
 Insula septa vadis, hinc atque hinc ardua ripis,  
 Res dedit ipsa loco nomen: nil cedere turbæ  
 Sedula nobilitas, urbiue intenta futuræ  
 Hortatrix operum stabat, pariterque movere  
 Consilia, ut cultus genti, utque immota maneret  
 Religio qua parte forum, qua prima senatus  
 Limina, & his cultrix superum consurgeret ara.  
 Et jam tempus erat quo averſi cornua Tauri,  
 Auratumque caput, radiorum verbere pulsat  
 Phœbus, & a tergo vectorem respicit Helles.  
 Vernabat stratum Zephyris mulcentibus æquor,  
 Sidereiue poli sese jam mollibus horis,  
 Induerat varios tellus adoperta colores.  
 Certabant passim scopulis: & littore curvo,  
 Æquoræ volucres, alterno ad sidera cantu.  
 Ibat in amplexus sublimis & oscula natæ  
 Juppiter, & læto radians Cyllenius astro  
 Infernum fugiebat avum, merſumque profundo  
 Æthere, & Antipodum meditantem prælia Martem  
 Hæc erat astrorum felix concordia, & anni  
 Temperies, quando vulgi claudente corona  
 Nobilium stetit ille palam venerabilis ordo:  
 Hic urbis, quæ prima piæ fundamina genti  
 Ponere, & extructo placuit nova limina saxo.  
 Non augur lituo innixus, de morte vetusto,  
 Inspecturus aves, extisve admotus aruspex:  
 Sed pius in nivea productus veste sacerdos  
 Constitit ante aras, supplexque hæc ore locutus:  
 O mundi supreme parens, o rector olympi,  
 Qui super æthereas nubes, & sidera, trina  
 Majestate sedes, profugis, da conditor orbis,  
 (Nam tua turba fumus) mansuram sedibus urbem  
 Condere? quam tumidæ amplexam pro mœnibus undæ  
 Perpetuo servant, pergantque augere nepotes.  
 Si jussu, pater alme, tuo vultuque potenti,  
 Æthere se medio tellus libravit & æquor:  
 Si volucer discretus aquis sublimius ignis  
 Constitit, obliquo septenaue sidera lapsu  
 Contendunt adversa, polo totque ardua secum  
 Lumina perpetua raptat vertigine mundus:  
 Si cœli rerumque vices, si mensis & anni,  
 Quæque inferna tegunt, tua grandia jussa sequuntur:  
 Da stabilem sedem, mansuraque mœnia dextra  
 Hunc populum fundare pia, da fluctibus altis

A Crescere nascentem lætis successibus urbem.  
 Per te antiqua ratis, quum cuncta immerſa jacerent  
 Diluvio, incolumis per cœrula vasta cucurrit,  
 Rectoremque suum, servataque semina rerum  
 Restituit terris, qua primum illæsa resedit.  
 Ter tua, dum Judam servas, Nilumque Pharonque  
 Dexterâ percussit, tumidamque refregit Erithen.  
 Cui per lustra vago rigidis e cautibus undam  
 Elicis, & largo immensis erroribus actum  
 Rore levas; tantum pietas vetus illa movebat.  
 Tu genus humanum, & sortem miseratus iniquam  
 Antiqui sceleris, quum cœlum & cuncta teneres  
 Ingenti complexa manu, te virginis alvo  
 B Includi, atque humili cingi dignatus amictu,  
 Passus & exiguis quæ sunt immensa coire.  
 Non ortus latuere tui: procul astra secuti  
 Grandia ab Eois portarunt munera reges,  
 Thus simul & mirram, mirrhaque potentius aurum.  
 Obstupuit latices versos in pocula Bacchi  
 Mundus, & admissa multos jam morte receptos.  
 Terga insueta potens glauci tua planta cucurrit  
 Nereos, & vacui tibi janua cessit Averni.  
 Te Stygii tremuere lacus, te pallidus Orcus  
 Fugit, & admissam tenebrosa in tartara lucem.  
 Tum vero illa vetus numerosaque turba piorum.  
 Postibus everſis Erebi, fractisque catenis,  
 C Vindice te superas victrix emerſit ad auras.  
 Denique si cœlum, si te ipsa elementa sequuntur,  
 Observantque tuos labentia tempora nutus,  
 Dexter ades, votisque piis, pater, annue, & aram  
 Hanc tibi perpetuam præſenti numine firma.  
 Da populum antiqua se religione tueri,  
 Successusque augere suos, da grandibus ausis  
 Digna eventa precor, stabit sine divite cultu  
 Nunc hæc parva tuo, quæ nomine tollitur, ara.  
 Nuda colet pietas; at si non irrita vota  
 Hæc fuerint, centum his terris tibi grandia templa,  
 Cœlitibusque tuis radiabunt marmore & auro.  
 Dixit & intonuit læva de parte serenum,  
 D Juveruntque preces populi non improba vota,  
 Et favor & tacitis conceptum mentibus omen.  
 Jam deus, & lætis labentia curſibus astra  
 Signa dabant manifesta polo: jam mollior annus,  
 Et formosa dies aderat, si vera vetustas.  
 Hæc lux illa fuit mundo quæ prima recenti  
 Fulſit, & e summo missam quæ sensit olympo  
 Prima dei sobolem. Plaudebant omnia cœptis  
 Sidera, terra, fretum, fervensque accentibus æther:  
 Jam vero superum monitus, & læta secutæ  
 Omnia, mille manus, operosaque brachia mille,  
 Sese operi expediunt, pars hæc fundamina sacris  
 Prima locant aris, instant pars claudere fulco  
 E Et qua tecta fori; nec adhuc miranda federet  
 Curia sed qualem rerum fortuna sinebat.  
 Sic fervebat opus, passimque antiqua locorum  
 Mutari facies, pro culmo ulvaeque palustri  
 Consurgunt fragili postes, & limina texta.  
 Materies hæc prima fuit; nam marmor, & aurum,  
 Et quibus ipsa recens urbis nunc forma coruscat,  
 Illa vetus meruit pietas: peperere nepotes.





MARCI ANTONII COCCII SABELLICI,  
D E  
VENETÆ URBIS APPARATU,  
PANEGYRICUS SECUNDUS,  
QUOD ORACULUM INSCRIBITUR.



Ic ubi in alterno fortuna immobilis æstu  
Accubat, & rebus non impacata secundis  
Dat pelago variare vices, tibi maxime re-  
ctor

Undarum cui glauca cohors deseruit &  
omnis

Thetyos aula vagæ (si vera est fama) per umbram  
Reddita vox cœlo tua grandia fata retextit.  
Illa per obscuram noctem dum sponte per artus  
Insinuat se grata quies, allapsa jacentem  
Terque quaterque ciens, ultro hæc tibi fatur ad auras:  
Hic ubi sacratos actus, & grandia regis  
Monstratis monumenta tui, magne aliger orbi  
Undosis qua septa vadis nunc hospita tellus  
Te tenet, æternum tua molliter ossa quiescent.  
Annueras fatis; sed quæ tam certa futuri  
Tunc mens ausa foret, clara hæc penetralia cultu,  
Hoc rerum sperare decus? quis limina divum  
Tercentumque aras posse hoc consurgere fluctu  
Crediderit vates? sed sic cui summa potestas  
Jusserat immotas deducere stamina Parcas.  
Nuda erat hæc terræ facies, quam stagna refusi  
Nereos, & placido sulcabant flumina cursu.  
Nondum coelicolûm sedes, hominumve superbi  
Fluctibus extabant postes: non littora circum  
Aurea sublimes feriebant sidera turre.  
Stagnanti non ulla freto navalia, nulli  
Remorum pulsus, non lenta celeumata nautûm:  
Sed pelagi planctus audiri & questus ad auras  
Nocturnus volucrum.  
At quamvis hominum cultu deserta jacerent  
Omnia, credibile est (nam mens afflata propinquo  
Numine, fata videt, fati nec cæca futuri  
Ulla obstat caligo piis) tibi nocte silenti  
Hanc, quæ sparsa jacet spatiosa per æquora molem  
Obversatam animis, curvisque hunc flexibus orbem.  
Scilicet, arcana suspensus luce, per umbram  
Jam mediam, tacito quærebas pectore, qualis  
Illa recens templi facies, cui Palladis arbor  
Proxima forte fuit? nascenti occurrere Phœbo  
Pergeret, & festa cervice afflaret Euro:  
Clavigeramque senis dextram, nomenque magistri  
Miratus servare tui; mox læva per undam  
Lumina laxabant longo pomeria ductu.  
Extremumque latus gelidam quod suspicit arcton,  
Illa vetus pietas baculo subnixa tenebat,  
Quam non mille olim clades, non morbus, & atra  
Funera natorum subita fregere ruina.  
Humidus hinc limes fluctu tibi visus aperto  
Currere ad Hesperios fluctus, qua Martha sedebat  
Virgineo stipata choro dehinc curva per Austrum,  
Perque sacras divum sedes, arasque madentes.  
Rursus ad Eoas currebat semita metas.  
Hic subito miranda vides, per littora, & altos  
Fluctibus extantes scopulos, quos cæcula curvis  
Area discurrens spaciis, complexa tenebat,  
Culmina divorum surgunt, clarique penates,  
Perpetuique lares hominum, suprema relictis  
Nubibus aëreæ tolluntur ad æthera turre.  
Unde hoc quod passim tectis, & postibus aurum

A Fulget, ais, pelago? quisve huc quis imetia faxa?  
Taigetumque tulit viridem: niveamque Cariston?  
Quid sibi vult hic æquoream concursus ad urbem?  
Quid Tyriæ Phariæque rates hæc stagna frequentant?  
Divitias huc ferre suas quid vesper & arctos  
Sic properant? densæque premunt hæc littora puppes?  
Unde frequens statio hæc? stipataque puppibus ora?  
Quidve secant passim fluctus tot millia cymbæ?  
Quid nunc Chalcidicis obnoxia fluctibus aulis  
Jactat mille rates Danaum? quid flebilis Helle  
Se sub Achæmenia queritur jacuisse carina?  
Majores oriuntur opes; sed marmore & auro  
Hæc quæ templam micant, Petreia nomina servant.  
B Nimirum manet hoc, postquam terrena relinquet,  
Clavigerûm penetrare senem, limenque vetustum.  
Hæc quæ sudificum consurgit ad æthera turris,  
Herbidus & tota campus deserviet ora.  
Fallimur; an contra respondet virginis ara?  
Ara puellari cœtu venerabilis; heu heu!  
Nocturnas cohibete faces, & dira ministræ  
Semina flammæ; sed longe cautius ornat  
Vicus sua sacra chorus, defendit & ignes  
Fatidicus nil damna timens tam tristia vates.  
Nec cui terribiles vati parere leones.  
Quæ moles hinc dextra sedet? quæve urbis imago  
Cæruleis prætenta vadis? navaliam mirum  
C Ni hæc sint; ecce rudes, longo nunc ordine, sidunt  
Pontibus æquata tercentum fronte carinæ.  
Ec quæ congeries sparti? quæ immensa rudentum  
Materies vasta jacet hæc contortilis aula?  
Aut quos remorum cerno confusus acervos?  
Velaque Threïcium Boream factura: notumque  
Structilibus congesta tholis? uncosque tenaces?  
Vel quæ vulnificis telis stipata recumbunt  
Tecta adoperata procul? ni olim mentita vetustas  
Effet vana deos, sævi hæc sacraria Martis  
Credere, & æquorei poteram penetralia regis.  
Tot galeæ, clypeique cavi, tot protinus enses  
Argolicas potuere manus armare Phrygasque,  
D Inter Pergameas arces, ripasque sonantes  
Fatalis Scamandre tuas, te in Bactra moventem  
Nine, & Abydenis metantem Persida campis.  
Moenibus hic vero campus navalibus hærens,  
Herbida quem vestit facies, succincta pharetris  
Agmina quis labor exercet, quid figere metas  
Usque procul tendunt? vel quæ in se nostra retorquet  
Lumina tercentum stratis domus ardua fulcris?  
Suprema pietate patet sanctissima partu  
Virginis alma parens, sed filia sanctior una est,  
Læva suburbanis incumbit fluctibus, hancque  
Undique circumstant vittata fronte ministræ.  
Hunc propiore tholo tam tetrica tecta tenentem  
E Haud equidem agnosco: cœlesti lumine quamvis  
Os radiat; quid pulla toga est? tunicæque nivales  
Cœlitis ante pedes? quid tam numerosa recumbit  
Calva cohors? stantem cuncti mirantur & orant.  
Ignota illa etiam facies extrema prementis  
Stagna senis, madidos qui longius exit in Austros.  
Canticies veneranda genis, proluxaque barba,  
Mortales oculos humanaque pectora tangunt.



O pelagi ventura dies, o tempora rerum!  
 Quos ego suspicio Pario de marmore postes?  
 Aut quos sub nivea famulantis veste ministros?  
 Sed quo jam retro capimur? quæ obliqua sacrorum  
 Hanc geminos inter fluctus sibi vendicat aram  
 Religio? aut quales surgunt à fronte penates  
 Coelicolum regi? sed cur altaria cultu?  
 Cur auro gemmisque vacant? ingrata vetustas  
 Cur non Dalmatico splendent hæc templa metallo?  
 Quem magis altus honos decuit? Sed nuda tonantem,  
 Nuda juvat pietas: litat hæc non cultus & ara.  
 Sed mihi quis fletus infantum perculit aures?  
 Quæ miseranda manus puerorum hæc curva recurvat  
 Atria? Scire vetor: rapitorque per arcta viarum.  
 Nec satis agnosco campo qui cultus aperto  
 Comminus assedit Thrax linguâ hic, Grajus amictu.  
 Nec propiore tholo multo mihi notior ore est  
 Ille acri qui vectus equo: pietatis amore,  
 Ignarusque doli, sua pallia dividit orco.  
 Provehor in Boream, gelidamque Lycaonis Arcton.  
 Ecce iterum immensi genitrix veneranda tonantis  
 Sese offert, gremio centum complexa ministras.  
 Glauca sub extremis quâ moenibus æquora rauco  
 Murmure diffiliunt, contra lux trina coruscat  
 Ulteriore solo; nativâ veste quis ille est  
 Stigmata grata gerens? cui circumfusa ministrat  
 Turba frequens exuta pedes & fune recincta?  
 Quod simul Oebaliis terris quum bruma coerchet.  
 Perque Numæ silvas densæ coire palumbes?  
 Aut quum sævit hyems passim per stagna lacusque,  
 Æquoreæ glomerantur aves: lentaque sub umbra  
 Accubat ætivistis ovium grex Appulus horis:  
 Tam numerosa manus pergrata silentia servat,  
 Pastoris decreta tui, cultumque propagat.  
 Hæc quæ virgineo frontem vittata decore  
 Inde averfa sedet, stadio submota virenti,  
 Nota mihi facies: sacris operata sacerdos  
 Plurima, perque vices solennibus incubat aris.  
 Vel quæ hæc ante oculos dextrâ lævâque reclusis  
 Porticibus piceæ dissectaque robora passim  
 Materies projecta jacet? quæ turba pharetris  
 Certat Ituræas sumptis imitari artes?  
 Est domus an potius sunt hæc penetralia divum  
 Porro æquata polo? gemini fastigia fratres  
 Alta tenent: sed ferri acies intenditur illis.  
 Infandas inhibete manus; neu perditæ sævi  
 Infantem sobolem; jam jam pietatis amore  
 Optat uterque mori, coeloque admota rependunt  
 Supplicia; alternum fidus fulgebit uterque.  
 O merito proles cœlo spectanda: quid ultra  
 Vana Therapnæos miratur Græcia fratres?  
 Martigenas quid Roma suos? Acheronta reclusit  
 His sua cuique dies; at vos convexa tenetis  
 Sidera: vos pedibus lunam calcatis & astra.  
 Sed cui Chalcidico latè hæc pendentia saxo  
 Mausolæa vacant? quando huc aut unde relatæ  
 Exuviae? Phrygios arcus, Scythicaeque secures  
 Aspicio; sed scire nefas, quo ex hoste trophæa  
 Hæc sint, aut quales passim pendentibus umbræ  
 Claudantur tumulis. Quis plenis calvus inerrat  
 Porticibus coetus nigranti cultus amictu?  
 Heu quæ flamma nocens hæc aurea tecta profanis  
 Postibus invasit? nocturnæ occurrere pesti,  
 Ferte citi lymphas, jactatis ordine saccis.  
 Invaluit sed dira leves; heu damna meorum!  
 Artis Apelleæ quantum nox abstulit una?  
 At meliora adsunt: latè tenet improbus ignis  
 Omnia, nec deest in medium qui conferat aurum,  
 Quique trabes & saxa ferant; en altera rursus  
 Moenia, & aurato surgunt fastigia saxo  
 Nec procul hinc geminae consurgunt virginis aræ:  
 Quarum dextra situ saxoque exela vetusto,  
 Stat rudis aspectu: nec quem post terga reliquit  
 Agnosco Divi faciem: nec notior ore est

A Hic qui doctiloqua meditatur murmura lingua  
 Aurea verba sonans; ast hæc, quæ læva recumbit  
 Virginis ara recens, proh quanto assurgit honore?  
 Quid sibi vult hominum subitus concursus eodem?  
 Quid chorus iste recens? congestaque munera totis  
 Postibus? Arridet Spartano blanda metallo (venæ;  
 Frons procul; hanc Libycæ commendat purpura  
 Niliacusque lapis, Phrygiusque, & quicquid Hetrusco  
 Littore Luna secat, secuitque Argiva Carystos.  
 Sed rapimur dum plura sequor; quæ Graja sacerdos  
 Vicina regione sedet vittata capillos,  
 Pallentesque affecta genas, pallamque recincta?  
 B Nec satis ille senex notus, cui tempora cana  
 Mitra tegit, sacroque caput confurgit honore.  
 Dulcior affatu: quamvis & murmura linguæ  
 Nil triviale sonent. Jamque in se nostra retorquet  
 Lumina fiderei mater formosa totiantis.  
 Sed quid me fessum rapiunt hinc fata retrorsum?  
 Objiciturque procul juvenis? qui nuda revinctus  
 Membra jacet mediis flammis, nec dira recusat  
 Supplicia, admotumque rogum non sentit: honore  
 Percitus arcano; hinc oculis, hinc pectore toto  
 Pendet, & admotas non respicit ore ministras.  
 Accubat ardenti, furas nudatus & ulnas,  
 Contectusque humeros ventrisque extrema rigenti  
 C Cortice, demissi cui sunt pro veste capilli.  
 Nimirum hic ille est celebrat quem maximus orbis;  
 Quique tuis castum fatorum conscius agnum  
 Jordanes immerfit aquis; vox ferrea mundo  
 Inclamat, properate viri, sit semita regi  
 Undique aperta suo. Sed quid crucis agmen ad aras  
 Conspicor armiferum? vel quæ manus impigra circum  
 Excubat? an nunquam statio hæc tam fida remittit?  
 Heu nimium segnis, quid me mea vota morantur?  
 Per geminos scopulos surgentia limina divum:  
 Hujus dextra quatit palmam, quatit ille sinistra  
 Præmia devictæ per tot certamina terræ.  
 Fallor? an arcanos cœli scrutata recessus  
 D Hæc avis illa potens, quæ nunc super ardua mundi  
 Præpetibus volitat pennis, nunc læta relabans  
 His sacrata vadis sibi debita templa revisit?  
 O divum memoranda domus, circumflua tellus!  
 Ecquæ nam superum non his simulacra coruscant?  
 Littoribus, sparsis en circum tempora canis,  
 Fatidicus vates, magnus cui voce sacerdos  
 Proditur ante diem terris: nunc sidera pulsant  
 Vertice, & exhaustis uni cadit Ida metallis,  
 Dalmaticumque latus, Chalcisq; undosa refedit.  
 Miratur sua templa senex, miratur honores  
 Fœmineumque chorum, & plena sacraria divis.  
 Cui super imposito parva hæc vacat ara sacello?  
 E Aut qualem ante oculos proles Alpheia molem  
 Suspicit? ex summo surrecta palatia cœlo  
 Miratur; quorum late candentia duro  
 Saxa adamante rigent? falluntque cacumina sensum?  
 Hic te suspensum dudumque incerta moventem  
 Marce, reor raptum (neque enim pia credere cuiquam  
 Arbitror esse nefas) liquidumque per aëra vectum  
 Continuo ante fores aurataque limina templi  
 Aligeri statuisse manus, qui missus ab alta  
 Affluit arce poli: ne te tua fata laterent.  
 Tum vero ambiguos visus per cuncta ferentem  
 F Hærentemque animo, nec adhuc bene prima tenentem  
 Limina, purpureo affatus sic cœperit ore.  
 Quid tu suspensus premis hic vestigia? divum  
 O Coetus aucture senex, lux fida piorum!  
 Ne dubita nil vana vides: tibi nuncius adsum  
 Sedibus æthereis, teque hic ventura docebo.  
 Hæc templi facies quæ marmore splendet & auro,  
 Cujus adaëta polo radiant fastigia Grajis  
 Artibus, & fulvo signis distincta metallo,  
 Tergeminaque procul surgens testudine pendet,  
 Tercentum nitidis hinc atque hinc fulta columnis:  
 Cui venosa Thasos latus hoc præstruxit, & illud



Taigetufque virens, nec non cerealis Himetus.  
 Aspice quam variis serpant Aarota figuris  
 Sparfa solo: quæ vestit onyx quæ blandus Apistos  
 Molle rubens croceros, maculisque inspectus Ophites.  
 Et nomen cui flamma dedit: gymnosque thaosque  
 Quid Carchedonios pretiosaque nomina mille  
 Venarum consecra loquar? sacraria quanquam  
 Sint hæc digna Deo: multum veneraberis illis.  
 Te postes te summa colent fastigia, nulli  
 Serviet usque tholus plus hic: tibi tota vacabunt  
 Limina, post cineres defunctaque membra jacenti  
 Hic tibi certa quies. Age nunc tibi fatâ tuorum  
 Expediam; cernis vacua hæc ambita vetustis  
 Atria porticibus, sublimis curia lævam  
 Degravat? an spectas qualis confederit ordo?  
 Biscentum coiere senes, quos purpura vestit,  
 Canicies mento, & tacito venerabilis ore  
 Majestas; vetus illa fuit, fuit indole talis  
 Curia quam doctæ quondam vidistis Athenæ:  
 Vidit & intonfos talis sua Roma Quirites.  
 Aspice ut in medium sedeant, censere parati,  
 Quisque æqui rectique tenax, ut cultus in auro  
 Sublimisque throno sedeat velut arbiter illis,  
 Purpureus quem velat honos, cui candida barba  
 Subnixus folio tacite moderatur habenis.  
 En tibi quam nullo subeat suprema tumultu  
 Limina patricius nec supplex ambiat ordo:  
 Sancta sed immoto fervet vestigia ritu.  
 Subter strata fori, trepidis subsellia fervent  
 Septa reis; iræ hic regnant, rabiesque, dolorque,  
 Ancipitesque metus, infandaque murmura vulgi.  
 Ima tenent fontes, damnataque crimina sævis  
 Suppliciis, gemitus cæcis tractæque catenæ  
 Insultant tenebris, quod si componere fas est  
 Nomina perpetuis fato debentia rebus:  
 Sic procul æthereis Styx sedibus atra recessit.  
 Infernique lacus: sic jam minus improba pœnis  
 Quamvis dira satis confurgunt mollius arva,  
 Elysiis vicina jugis. Tuque impiger adsis  
 Et mea digressus latè hinc vestigia serva.  
 Hæc geminæ quarum fastigia celsa columnæ  
 Astra petunt, scelerum diras expendere pœnas  
 Aspiciant fontes: toto nec major in orbe  
 Justitiæ tum cultus erit; sed suspice qualis  
 Fulget apex, quantumque illi sit fideris instar  
 Dum procul igne micat; nec quæ subjecta recumbunt  
 Sint tibi tecta moræ: latè hæc sine currat & illa  
 Porticus: & spatiis late discurrat apertis  
 Area. Sed postes & pulvinaria divûm  
 Luminibus serva; nec quas post terga relinquis  
 Bassanas mirare fores: sacraria pandit  
 Nascenti geminæ tulerint cui nomina sortes,  
 Nomina nunc noctis tenebris immersa, sed olim  
 In medium ventura diem? Jam respice quales  
 Virgo tenet sedes celebrat, quam terra fretumque  
 Sulpiciunt, quam templa poli, quam tartara rursus  
 Effugiunt eadem multum itatione propinqua  
 Miratur laudatque senis pia limina vatis.  
 Quæ procul æquatis tollunt se frontibus ultro,  
 Hæc verus, illa recens, ambæ sed virginis aræ.  
 Sed quæ dextra sedet, quam supplex turba fatigat  
 Assiduis votis, cumulatque altaria donis,  
 Assidet huic cultos succinctus murice, palmam  
 Concutiens dextrâ, sublimique hospite gaudet.  
 His submotâ locis, fluctuque injecta trifulco  
 Culmina prisca colet, saxoque instructa vetusto  
 Maurius: ignotus terris nunc Marce, sed olim  
 Insignem faciet pietas; fovet altera magnus  
 Aliger, ante polos Pontumque & Tartara mecum  
 Mente fatus purâ, rerumque ab origine primâ.  
 Respice ut ejectum pedibus premat aureus hostem  
 Victor, & examen librans stet pronus in hastam.  
 Sed caveas, lux fida poli, ne corruat ingens  
 Turris apex, feriatve cadens per inania fulmen.

A Proxima templa tenet, lapidoso infringitur imbri  
 Cui juvenile caput Solymis dejectus aduflis  
 Procubuit, moriensque manus servare nocentes  
 Urgentis populi didicit, crimenque levare.  
 At nunc diffusi carpit pius ille cruoris  
 Præmia: stant aræ, nitido stant culmina cultu,  
 Sacrificusque chorus; sed quæ mora segnis inertes  
 Nos tenet? eja oculis opus est, & præpete gressu.  
 Huc ades, & divûm quæ sint prope templa docebo.  
 Hæc quæ amplexa crucis gestat venerabile nomen  
 Regibus infestum Stygiis, cui nobile flavum  
 Præcinxit diadema caput: memorabilis olim  
 Multum prole sua, sed famam cultumque perennem  
 B Culta dabit pietas, stabit succincta ministris,  
 Hospitii memor antiqui, vatisque propinqui,  
 Martyris inde aram trinis prope fluctibus udam  
 Respectans, nunc adde gradum, & vestigia retrò  
 Corripe, & hunc nigro lævâ qui occurrit amictu,  
 Atque hujus dextra perstringas limina plantâ  
 Acceleransne quære precor; sunt nomina prorsus  
 Nunc ignota viris: sed erunt post inclyta terris.  
 Collegæ secreta tui, nec tecta requiras  
 Quæ contra abducta se conduunt fronte: per æra  
 Perque graves sonitus properans atque arcta viarum,  
 Differtas opibus cerne hinc atque inde tabernas,  
 C Nobilis auratâ qua semita currit ab arâ.  
 Nec te tantarum teneant miracula rerum:  
 Sed divos mirare tuos, sedesque beatas.  
 Jam tibi notus erit vicinâ sede propinquus  
 Cui subducta viæ non grandia templa recumbunt.  
 Haud procul aspicio antiquæ testudinis aurum  
 Quam rerum servator habet; stat proximus illi  
 Exsectam qui humeris pellem, ceu pallia, portat.  
 Non ratibus te ripa frequens, non fervida pontis  
 Agmina defigant, nec quas Germania dives  
 Explicat hinc merces, illinc sua stamina Seres.  
 Quin errata prius repetens tria compita retrò  
 D Prospice bisseis sacratam fratribus ædem.  
 Hinc Sophiæ penetrabile sacrum, campumque viren-  
 tem  
 Qui jacet ante fores: & quâ mox dextra recedit,  
 Ut virgo stet cincta rotis, iraque minaces  
 Negligat, & fidens folium miretur & ora,  
 Virginis ora suæ; prohibent hæc dira timere  
 Supplicia. Auxilio ternis simul excubat aris  
 Diva parens: hinc signa movens victricia nati:  
 Tercentum inde viros, pietas quos junxit, alitque:  
 Hortanamque manum; magni hanc tutela gigantis  
 Arma timere vetat. Sed quis madet usque supremis  
 Fluctibus? an spectas regum hic qui ex stirpe creatus  
 E Ut miseras contemnat opes? diademata calcet?  
 Cernis & inde senem diversa in parte sedentem  
 Quique utrâque manu divina volumina versat.  
 Cesserit ille licet meritò tibi magna paranti  
 Scribere, & ingentes quisquis cantaverit actus,  
 Et regis monumenta pii: post ecce virentem  
 Vendicat ipsa viro dulcis facundia palmam:  
 Et nunc virgineum proprius jam respicit agmen.  
 Sed majus miratur opus, quod ad ubera cernit  
 Virginis admotum coelum qui & cuncta creavit.  
 Hoc stupet ille senex: non grandia tecta, nec aurum  
 Servitiumque frequens, plenisque altaria donis.  
 Hoc stupet adverso obtutu Marcellus: & oræ  
 F Arbiter extremæ Felix, & juncta duobus  
 Fusca sedens divis nec non pia cominus unctrix,  
 Flaventes resoluta comas, tergensque capillis  
 Quos sine fine pedes lacrymis rigat anxia sacros.  
 At qui præcelsâ stat nixus turre sacerdos,  
 Quique altis objecta vadis altaria servat,  
 Idem olim Oebalio quâ Carnica regna Timavo  
 Late obversa jacent, post te tua templa tenebit.  
 Nunc age & hic sævâ insignem quem compede cernis,  
 Quantus erit, nunc scire nefas: sed in astra receptus  
 Hisque olim terris templo sacratu, & arâ



Ultro aderit, manicas nexis & dura relaxans  
 Vincula. Dexter abi & celeri fastigia gressu  
 Pontis age exsuperata, nec quæ post terga relinquis  
 Sint tibi tesqua moræ, licet his plus fuderit auri  
 Posteritas opulenta locis, quam Lydius Hermus  
 Volvat, & Hesperii Tagus impiger obruat undis,  
 Nec procul illa senis facies, toleratibus apta  
 Humanisque invicta malis, quæ suspicit Arcton,  
 Extremamque urbis calcat miserabilis oram,  
 Te teneat: nec quæ circum navalia crebro  
 Artificum resonant pulso non atria, & una  
 Permixtæ pueris lusu glomerante puellæ.  
 Sed tu quid dudum spectas? quid lumine fixo  
 Respicias auratam collegæ immobilis urnam?  
 Jamque hinc tolle gradum, & quæ se tibi cernuus offert  
 Fatidicum cognosce senem, qui turris ad ima  
 Accubat, & rectam mecum per opera secutus  
 Perque salicta viam, duplicem properans ad aram  
 Virginis hanc: placitura procis (mirabile dictu)  
 Lumina cui rapit cælo devota volenti  
 Virginitas, ne offensa ruat; jam Graja Carystos  
 Sicanio dives meditatur dona sepulchro.  
 Sanctior affinis longeque beator ara,  
 Cui sacrata dabit venerabilis hostia nomen.  
 His dare thura focis, discreta sede ministras  
 Olim cernere erit: nunc densis ripa salictis  
 Undique operta jacet; nec qui modo separat Isthmus  
 Arctior allapsam Tethin fluvialibus undis  
 Semper erit: nec cur jam desinet esse requiras;  
 Quin dextrum potius scopulum pes occupet; illic  
 Qua datur apricis statio nunc ardua mergis  
 Immodico stipata choro, miranda sacerdos  
 Nuda pedes & recte latus succincta sedebit.  
 Talis in adversa famulantum cœtus arena  
 Per stygios gestata lacus, & flumina averni,  
 Nunc nitido radiata polo crucis alma fovebit  
 Signa tenax; nec qui extrema metatur in ora  
 Limina, piscator quondam, nunc incola cœli  
 Marce tuum remoretur iter: deserviet illi  
 Quamvis casta manus, multusque altaria circum  
 Stabit honos; quin ambo adversam invisimus oram  
 Fluminis? & retro scopulum per aperta remensi  
 Littora? devexæ facies hæc parva lacunæ.  
 Discimus, ut sedes divis (mirabile dictu)  
 Una duobus erit: reddet tamen ampla capacem  
 Relligio. Caput incanum barbamque verendam  
 Prospice nunc vatis palmas mirantis & ulnas,  
 Quæ regem tetigere suum; sed discere dignum est,  
 Gaudeat ut lucu lætusque recumbat in umbra  
 Nec semper brevis hæc quæ amplectitur area lucum,  
 Quum Zephyri spirant: calamis stridebit & ulva.  
 Mille simul radii percussas pectine telas  
 Percurrent sonitu; nec quæ mox Gallia & omnis  
 Daunia tendebunt, lassent tot vellera dextras.  
 Hic quoque post geminos pontes suspectus ad auras  
 Qui tibi surgit apex, rueret nisi divus ad ima  
 Accubet innixus lateri; fervetque vetustis  
 Sedibus ambiguam molem; stat proximus illi  
 Cui optare thronos cœli Zebedeia conjunx  
 Inscia fatorum nixa est; linque ocyus aram  
 Cœlitis, & vastos surgunt qui à fronte penates.  
 Nunc rerum simulachra vides: sed vera nepotes  
 Omnia conspicient. Hæc quæ lacrimabilis urna  
 Tollitur ante oculos, gemina cum stirpe parentes  
 Conteget, effigies quos torserit impia tauri.  
 Corruat hic anceps vertex, qui nutat ad auras  
 Qua tholus hic dexter delubraque sacra recumbunt,  
 Ni regat incipitem molem teneatque supremæ  
 Virginis alma manus, subnixaque cominus ara.  
 Sed tu marmoreos postes limenque venustum  
 Ne nimium mirare precor: quin protinus hinc te  
 Proripe, & accelerans surgunt quæ templa propinquo  
 Limite, cui pateant ne sit cognoscere curæ.  
 Huc geminam sed flecte aciem qua lenis ab Austro

- A Flectit in Hesperios sensim sua flumina soles  
 Medacus, scopulumque sinu curvoque meatu  
 Alligat implicitum: nomen vada grande madenti  
 Alta dabunt ripæ. Silvis nunc, Marce, coruscis  
 Omnia-merfa jacent: olim commercia mundi  
 His fervere locis, Maurosq; videbis & Indos  
 Mercibus alternis inter se jungere dextras.  
 Quicquid habet rerum tellus, huc quicquid & æquor  
 Puppibus advectum pretio mox transiget orbis.  
 Hærebunt ripis oneraria turba carinæ,  
 Et vocum ambiguo resonabunt cuncta susurro,  
 Quid fora terna loci memorem? mensasque beatas?  
 In mensisque ingens argenti pondus & auri?  
 B Aut quid votivam trepidatis ignibus aram?  
 Quantaque porticibus geminis spatiabitur umbra,  
 Hic ubi in extremo riparum margine mollis  
 Silva viret: quicquid nunc lenior occupat alnus  
 Nobile marmor erit; tantum mutare valebit  
 Longa dies. Surget juxta vicinior astris  
 Pons opere insignis, ripamque amplexus utramque  
 Fluminis, & cunctis calcandus gentibus olim.  
 Hujus dextra latus claudit quæ terra sub altis  
 Aggeribus, gemet Alpinis tumultata metallis.  
 Par onus excipient passim conclavia centum  
 His differta locis: sed onus puto gratius illis.  
 Namque Arabum messes & odoris mercibus Indus  
 Horrea stipabunt: accumbet ditior intus  
 C Area; portabunt procul huc sua munera Seres,  
 Hesperiaque rates tepidis quod merfit ahenis  
 Docta Tyros, Coæque olim radioque coloque  
 Explicuere manus; nihil ambitiosa vetustas  
 His conferre queat; stabunt venalia longo  
 Margine riparum populo quæ sita receptis  
 Obtulit hospitibus quæ mystica dona sacerdos,  
 Nec plus hic infra majorave pondera rerum  
 Quam supra æquatis suspendet lancibus auri  
 Posteritas. Nunc adde gradum, mecumque retrorsum  
 Aspicias densa stipatas merce tabernas.  
 Nec nova Academiae facies, sacrataque divi  
 D Limina detineant: sed tendere longius ultra  
 Perge precor, gentisque tuæ cognosce futuram  
 Luxuriem. His mensis quarum nunc conspicias umbram  
 Cernere erit, quicquid gemmarum prodiga mittit  
 India: quicquid opum pelago scrutatur Erithræo.  
 Nec sua templa coli post hæc pius abnuet ille,  
 Qui simul accitus quæstus odisse nefandos  
 Dicitur, & vitæ contrarius isse prior.  
 Oderit inde nefas; sed habendi insana cupido  
 Has circum sedes adiget foedare nepotes.  
 Sanctius inde procul templum sacrabitur huic, qui  
 Pastorum excipiet dotalis munera terræ  
 E Primus ab imperio; verum hæc sacraria linque;  
 Et quæ dextra, volens colet is qui ab Apolline nomen  
 Tam verum quam grande feret: Jam comminus ecce  
 Post geminos fluctus pandunt se limina Pauli,  
 Limina quæ vultu strictoque tuebitur ense  
 Ille senex, magno totum qui concutit orbem  
 Eloquio, monstratque viam quæ mittit ad astra.  
 Inde erat unda triplex, inflexaque semita nobis  
 Exsuperanda prius quam relligiosa paterent  
 Tempa Syri, cui ni permissum cernere coram  
 Trajectumque latus ferro contingere dextra,  
 Quod sibi certa salus Stygiis remeasset ab undis;  
 F Credere non potuit; sed qua se dextera nobis  
 Area diffundit brevior via ducit ad umbram  
 Frondentis luci: luco hoc gaudebit & ara  
 Inter coelicolas non ultima fama, decusque,  
 Si quando ad vitæ superas emerferit auras.  
 Sed famæ majora manent momenta sedentem  
 Limite in adverso, ritus & jura parantem  
 Scribere supremis pacatæ civibus aulae.  
 Altius hic alius Lunam transcendit & astra  
 E regione sedens: magnæ alitis instar in auras  
 Nititur æthereas, & sidera verberat alis.



In lævam nunc flecte oculos, nec discere tentes  
 Cui sacer hic fuerit limes, quem contegit ulva.  
 Multa latent quæ longa dies post deteget; at tu  
 Hanc cœlo eductam molem, lateque vagantem  
 Suspice, & ingentes maneat quam pulchra nepotes  
 Relligio jam scire potes; venerabile nomen  
 Virginis hærebit templo: jam cernere fas est  
 Sacrorum qui cultus erit, quam densus ad aram  
 Serviet usque chorus. Sed tu per cuncta vagari  
 Define luminibus, nec ditia Mausolæa  
 Te teneant, passim radiant quæ marmore & auro:  
 Nec quæ poticibus vacuis bina atria currunt,  
 Pontificis qua tecta senis secreta recumbunt.  
 Quin age, & angusta digressus virginis æde  
 Hunc mecum mirare virum, quem Gallica vestit  
 Penula, & innixum baculo domat ulcus aperti  
 Inguinis; hic terris olim, mox urbe vagatus  
 Inter odoratas sylvas, opulentaque dona  
 Perpetuo contentus aget; nunc protinus ecce  
 Fluctibus incumbit geminis, cui Græcia nomen,  
 Cui tellus hæc templa dabit, jam respice contra,  
 Qualis virgo sedet sævum pressura draconem?  
 Sed nec virgo ferox dudum properantibus obstet:  
 Quin per aperta soli divæ veniamus ad ædem,  
 Sacrificumque chorum, mollis cui Syria, & ingens  
 Detulit extremo nomen Carmelus ab ortu.  
 Contiguas nunc præter aquas, qua semita rectum  
 Monstrat iter molire gradum (non pauca supersunt)  
 Et qua trigeminus se fundit in æquora fluctus  
 Siste pedem: vultuque novo postrema tenentem  
 Culmina prospecta; nostri hæc illa hospita regis  
 Quæ, simul admonita est vitæ melioris, abegit  
 Dulce ministerium; castis nunc septa puellis  
 Læta sedet, luditque choro: miraberis, olim  
 Retia mille vagis pendentia pontibus, hîc qua  
 Explicat extrema cursum via mollis in ora.  
 Baretis sed templa senis quæ proxima surgunt  
 Pontibus, & pueri quam dux habet aliger aram  
 Posse procul spectare satis. Nunc aspice dira  
 Supplicia & juvenem infontem post terga revinctum,  
 Telorum quem spissa seges confixa per artus  
 Texerit; ast illi pietas immensa reponet  
 Præmia; respondet contra sed notior Austro  
 Ara vetus, Latia hic artis sunt tecta, foresque  
 Veste sacra Latius custos: per cætera Grajus.  
 Solis ad æstivos ortus pia limina divis  
 Omnibus hæc statuere vicinis sedibus olim  
 Postera relligio, sacrisque operabitur agmen  
 Virgineum; sed qua tellus procedit ad Euros  
 Consurgent geminæ sedes, hæc verget in Arcton  
 Illa Notum: similis facies ambabus & ætas.  
 Sed cultus non unus erit: comes ille supremi  
 Regis at hic martyr: cœlo sed dignus uterque.  
 Haud nunc scire licet, sed tempora longa recludent  
 Quis sit in extremæ latitans qui margine ripæ  
 Personam sub veste tegit, mitramque jacentem  
 Luget, & ignotæ miserabilis affider aræ.  
 Sed melius sperare licet ne indulge dolori  
 Chare senex: jam jam tuta tibi linter in unda est  
 En tibi sacra cohors, quamvis ignobilis adsis,  
 Expedit hospitium pelagi dum sæva remittat  
 Tempestas: aderunt placidi sine turbine soles.


A Littore in adverso qua plurima vergit in austrum  
 Insula, cernere erit nostri qui nomina regis  
 Marce ferant: contra paucis comitata sedebit  
 Virginibus princeps, Latiis quæ in montibus ultro  
 Supplicia expendet, trinæ dum lucis amore  
 Prodere non dubitat sancti commercia cultus.  
 Prodere non dubitat sancti commercia cultus.  
 Martyr erit, qui templa colit vicina sed undis  
 Hoc discreta solo: divo (quis crederet?) olim  
 Omnibus huc annis veniet tuus ille senatus  
 Gratatum, populusque frequens; quod turbine sævo  
 Sit patriæ servatus honos, armisque retenta

B Libertas; festa patietur luce revinctus  
 Medoacus sua terga premi: Nunc aspice quali  
 Septa choro radiet viridi lux alma recessu.  
 Sed tu quid circum lustras navalia & altis  
 Horrea culminibus? quin hanc quæ læva recumbit  
 Miraris sedem Latii pastoris, & aram  
 Cui trinus præfedit honos, triplexque potestas.  
 Hoc caput extremum, volucres qua currit in Euros  
 Insula, velivolæ rostrum quæ imitata carinæ est,  
 Perferet impositam molem: limosa refusus  
 Obruta nunc undis ulvaque immersa palustri  
 Hinc atque inde jacet, planta calcabitur olim  
 Humidus hybernæ scopulus qui suspicit Arcton

C Omnia fervebunt densis hinc puppibus; inde  
 Qua Notus usque ruit salis horrea vasta patebunt,  
 Fors & multa dabit terræ post copia nomen.  
 Quæ contra ingenti tellus tibi curva recessu  
 Objicitur, sua sacra colet divosque chorosque.  
 Æmula nunc certe reparantis cornua lunæ:  
 Ast urbis post instar erit: quam vincere cursu  
 Aut æquare volet, ni mox pius armiger illi  
 Vectus equo infestam venienti intenderit hastam,  
 Hic tibi sacrorum cultus, teque inclyta circum  
 Centum cœlicolæ servabunt tecta pioque,  
 Rite sibi jam quisque choros, sibi quisque ministros  
 Nec minor alter honos venturaque gloria rerum.  
 Nam tuus hic pelagi populus regnator, & idem  
 Terrarum placidus rector censebitur auro  
 Fluctibus Hesperii & Lydo ditior hermo.  
 Regia quod Cræsi cæpit, quod Persica regum  
 Gaza vetus, quicquid victo mox abstulit orbi  
 Roma ferox, uni genti pia fata reponent.  
 Dives erit rerum populus, divesque senatus,  
 Inque toga duplex patria spectabitur ordo.  
 Omnibus unus erit cultus, jus omnibus unum.  
 Hæc modo discrimen fugient: at cœtera cuique  
 Instruet affectus sumptusque oblita cupido.

E Justitiæ sed cura tenax, nec parvus honesti  
 Gentis amor: facies candens, flavusque capillus.  
 Dulcia congressu, & tacitæ commercia linguæ.  
 Hæc te fata manent: atque his lætabere regnis  
 Fortunate senex; veniet labentibus annis  
 Certa dies, qua cuncta tibi quæ insomnia monstrant  
 Ipse videns spectes templo sublimis ab alto.  
 Nunc spe lætus abi, meritisque hæc omnia firma.  
 Dixit: & in tenues auras lux illa recessit,  
 In sedes abitura suas. Tu protinus orta  
 Jam luce excuteris somno, numenque precatus  
 Rite secundaret visus; nec plura moratus  
 Surgis, & accelerans sequeris pia iussa magistri.

F I N I S.






# INDEX NOTABILIUM,

## HORUM PRÆCEDENTIUM LIBRORUM.

A.

de  dvocato nexorum. 52. A  
de Advocatoribus publicis. 37. D  
de Advocatorum numero. 52. C  
Adulatio est levis existimanda 63. C  
Adulatione homines in turpissimos errores prolabantur. 63. C


Ædes publicæ charitatis. 5. E  
---- fuit Alexandri Rom. Pontif. latebra. 5. E  
---- hujus ædis descriptio. 5. E. F  
Ædes Agnetis. 5. B  
Ædes Baptiste. 4. D  
Ædes Barnabæ. 5. F  
Ædes Basili. 4. F  
---- duobus cœlitibus illustris. 4. F  
Ædes Benedicti 18. A  
Ædes Bragolana. 15. F  
---- unde dicta. 16. A. B  
Ædes Cœlestina. 14. B  
Ædes Claræ. 3. C  
---- Claræ. 9. A  
Ædes Eremitana. 4. B  
Ædes Eucharistiæ. 9. F  
Ædes Eustachii. 9. C  
Ædes Johannis decollati. 10. A  
Ædes Joannis Bellini. 11. A  
Ædes Mendiculorum. 3. F. 4. A  
Ædes Raphaëlis. 4. B  
Ædes Simonis & Judæ. 10. B  
de Ædilibus veteris justitiæ. 47. B  
de Ædilibus justitiæ novæ. 47. C  
Ædis aureæ descriptio. 20. A. seqq.  
Ægyptii omnium primi scribis usi sunt. 67. A  
Æneas Venetias venit. 72. E  
Agnetina Insula. 5. B  
de Ambitus pœna. 34. C  
Amici non sunt omnes, qui cupiunt haberi. 63. E  
Anaxarchus scribæ munere penes Alexandrum Maced. est defunctus. 68. C  
Anchises Romanorum auctor. 71. E  
Andreæ Bragadini liberalitas. 13. F  
Anianus poeta, omnium optime versus Fescenninos scripsit. 15. D  
---- fuit ex Faliscis. 15. E  
---- fuit Probi Grammatici discipulus. ibid.  
---- Auli Gellii amicus ibid.  
de Animadversione ambitus. 34. C  
de Animadversione moderata. 61. B  
de Annonæ Præfectis. 45. D  
Annulus sigillaris est testis mentis. 63. B  
Annulus non multis creditur. 72. A  
Antoniana Insula. 15. D  
de Apparatu bellico. 59. E  
de Aquarum curatoribus. 51. A  
Ara Augustini. 7. B  
Ara Blasiana. 15. E  
Ara Crucis. 4. D  
Ara Pantaleonis. 6. B  
Ara Raphaëlis. 4. E  
Ara Rocchi & Susanne. 18. B  
Ara Steni. 7. A  
Ara Viti Martyris. 5. B  
de Arcinarii præfectis. 52. F  
de Argentariis Triumviris. 49. D

Aristocratia liberæ civitates florere. 32. A  
de Armamentariis triumviris. 45. D  
de Armorum Provisoribus. 52. E  
Aromatum copia. 7. E  
Assentatio est vitanda. 63. B  
Athesis fluvius, Tridentinis montibus oritur. 21. F  
---- Veronæ infunditur. ibid.  
---- in Adriam evolvitur. ibid.  
---- Plinius vocavit fossas. ibid.  
---- ab urbe 400. distat stadia. 22. B  
Attila Hunnorum Rex Aquilejam evertit. 28. C  
Avaritiæ suspitione fama periclitatur. 64. B  
Avaritiæ sitis nunquam expletur. 56. A  
de Auditoribus veteribus. 43. B  
de Auditoribus novis. 43. D  
de Aurifolliis duumviris. 46. F  
Auster Italiæ parum saluber. 2. C  
---- urbi Venetæ formidabilis. 2. C

B.

Bacchilionis scissio. 22. D  
Badovarius Veronæ urbis Præfectus. 31. A  
Bartholomæi Bergomatis statua. 13. D  
de Bellico apparatu. 59. E  
Benedictus Trivisanus Veronæ Prætor. 31. A  
Brento fluvius. 22. D  
Brundulum Ostium. 22. F  
---- unde dictum. ibid.  
Buranum vicus. 26. F

C.

de  alculatoribus supremis. 51. B  
Calisthenes Scribæ munere penes Alexandrum Macedonem est functus. 68. C  
Campus Hieremiæ. 10. E  
Campus Luprius. 10. B  
Campus Nebuloni. ibid.  
Campus Tanaidis. 14. E  
de Cannabariis Triumviris. 53. A  
Canaregii nomenclatura. 10. E. F  
---- descriptio 9. E. 10. E. 11. & 12. per tot.  
Canaregium regio. 9. E  
Caput Cæcilie. 9. C  
Caput Mariæ Cleopæ. 11. E  
Caput Salinum. 5. C  
---- unde dictum. ibid.  
Carampanus vicus. 7. C  
de Carceris Præfectis. 45. E  
Carthusinus conventus. 26. A  
Cassiani ripa. 7. D  
de Castaldis. 45. A  
Castellum regio, olim Olivolensis. 12. E  
---- ejus descriptio. 12. E  
de Cataveriis. 44. B  
Cato fuit modestus, & continens. 64. E  
Cavisse satis nunquam nocuit. 70. E  
de Causarum matura cognitione. 60. D  
Celsi Principis sepulchrum. 14. B  
Chalcedonis conditoris cœci judicati, & quare. 1. B  
Christi sanguis in templo Thomæ Venetiis visitur. 6. E  
Christi simulacrum in Templo Thomæ miraculis clarum. 6. E  
Cletus Petri discipulus. 12. B  
Clodia Regio. 21. F. 22. A. B. C  
de Collegii supremi potestate. 37. B  
de Collegio supremo & consiliariis. 36. F  
de Collegio solenni. 44. F  
de Collegio Civili. 51. E  
Columnæ Amagiane. 6. A  
de Comitatus Moderatione. 58. B  
Comitas valet ad conciliandam turbæ auram. 56. C



Comitia cogendi Principi & primoribus jus est. 32. E  
 de Comitibus Ducariis. 35. E  
 de Comitiorum Moderatione. 32. E  
 Comitium intrare non omnibus licet. 32. B  
 de Concilio Rogatorum. 39. D  
 de Consiliariis & supremo Collegio. 36. F  
 de Consiliariis inferioribus. 38. F  
 de Consiliariorum potestate. 37. B  
 de Consulatu, vetustissimo urbis Magistratu. 34. D  
 de Consulibus negotiatoriis. 48. A  
 de Creatione Principis. 35. B  
 de Credulitate Prætoris. 62. F  
 Crucejæ regionis descriptio. 9. B  
 Crucis dominicæ lignum miraculis insignitum. 7. A  
 de Cultu Prætoris familiæ. 58. A  
 de Curatoribus aquarum. 51. A  
 de Curia judicibus. 42. D  
 D.  
 de Decemviris. 39. A  
 de Decemviris Censoriis. 51. D  
 Delatores non sunt audiendi. 63. D  
 Discursus generalis de urbe Veneta. 20. D. seqq.  
 Divi Marci Regio. 17. B  
 ----- in XIV. insulas divisa. ibid.  
 Divi Marci Regionis descriptio. 17. B. 18. 19. 20. per tot.  
 de Divi Marci Procuratoribus. 40. E  
 de Divi Marci Syndicis. 51. F  
 Divina humanis sunt præferenda. 66. E  
 de Ducariæ electionis Variatione. 35. C  
 Ducarii descriptio. 19. E. & seqq.  
 de Ducariis Comitibus. 35. E  
 de Ducariis scribis. 45. A  
 Ducarium atrium. 15. D  
 Durum Dorsum Regio habet insulas 20, & totidem  
 edes sacras. 3. F  
 Durum Dorsum unde dictum. 3. E  
 ----- ejus descriptio. 3. E. 4. & 5. per tot.  
 de Duumviris aurifolliis. 46. F  
 de Duumviris farinariis. 47. F  
 de Duumviris lignariis. 49. E  
 de Duumviris Punctatoribus. 52. D  
 E.  
 de Electione prima eorum, qui suffragia ineunt. 32. B  
 de Electione suffragantium altera. 32. C  
 de Electione Principis. 36. A  
 de Electione Prætoris. 55. F. 56. per tot.  
 de Electionis Ducariæ variatione. 35. C  
 Emporium farinarium. 7. D. E  
 Emporium ferrarium. 8. B  
 Emporium Germanicum. 17. C  
 Emporium Olitorium. 9. A  
 Emporium pannorum. 8. D  
 Equilium Heraclia in gratiam Heraclii fuit dictum.  
 28. A  
 ----- hodie vocatur nova civitas. 28. B  
 Eridanus fluviorum Rex. 21. F  
 Evangelistæ fuerunt scribæ. 67. C  
 Eustachii ædes. 9. C  
 F.  
 Factiones civitates evertunt. 64. C  
 de Factionibus compefcendis. 64. B  
 de Familiæ Prætoris electu. 57. E  
 ----- Prætoris cultu. 58. A  
 Fanum Angeli. 18. A  
 Fanum Cosmi & Damiani. 4. D  
 Fanum Francisci. 23. D  
 Fanum Georgii. 3. D  
 Fanum Gervasii. 4. F  
 Fanum Johannis Baptiste quatuor stadia ab urbe. 23. D  
 Fanum Leonis. 17. A  
 ----- corrupte Lium. ibid.  
 Fanum Marthæ. 3. C. F  
 Fanum Matthæ. 8. E

Fanum Mosis. ibid.  
 Fanum Nicolai Mendiculi. 4. A  
 Fanum Sebastianum. 4. B  
 Fanum Trinitatis. 3. E  
 de Farinariis duumviris. 47. F  
 de Fiscis Recuperatoribus. 44. B  
 Forum Cæparium. 19. C  
 Forum piscarium. ibid.  
 de Frumentariis Præfectis. 43. F  
 de Frumentariis triumviris. 44. A  
 G.  
 Georgii Corpus in Viti Martyris templo est condi-  
 tum. 5. B  
 Gerhardus Roseus Clodiensium scriba. 23. C  
 Græci inter primos Civitatis ordines Scribas retulere.  
 67. A  
 Gregorii templum. 5. D  
 H.  
 de Humanitate Prætoris domi servanda. 62. C  
 I.  
 Jacobi templum vetustissimum. 8. C  
 Jacobus Marcellus Venetæ Classis Imperator. 6. F  
 Jesuaticum Cænobium. 5. B  
 Ignorantia facilius, quam ullum aliud vitium depre-  
 henditur. 68. A  
 Insula Agnetina. 5. B  
 Insula Misericordiæ. 11. C  
 Inventis aliquid addere facile. 26. D  
 Joannis Baptistæ dextera Venetiis visitur. 11. F  
 Ira longe à ratione recedit. 71. B  
 de Iracundia frænanda. 60. C  
 Iracundia est homini perpetua Comes. 61. C  
 Iræ proprietates & signa. 61. D  
 Judaica Insula ab urbe duobus stadiis distat. 4. C  
 Judaicæ insule species est lunata. 2. D  
 ----- insule descriptio. 4. C  
 de Judicibus tribus petitionum. 41. C  
 de Judicibus Examinatorum. 42. A  
 de Judicibus peregrinis. 42. B  
 de Judicibus mobilium. 42. C  
 de Judicibus Procuratorum. 42. D  
 de Judicibus Curia. 42. D  
 de Judicibus propriariis. 42. F  
 de Judicio quadraginta virali. 38. A  
 de Judicio quadraginta virali civilium causarum. 38. D  
 de Juris dicendi ratione. 59. F  
 ----- qualis esse debeat Prætoris vultus, cum jus di-  
 cit. 60. B  
 de Juris interpretatione callida evitanda. 60. F  
 Jus summum summa injuria. 60. E  
 Juventutis temeritas, senii perpetua est comes prudentia.  
 56. C  
 L.  
 Lapidum varia genera. 26. B  
 Largitionis exemplum. 7. F  
 Lauretum Vitalis Phaledri principis opus. 22. B  
 ----- Adrianorum clade insigne. ibid.  
 Liberalitas Andreæ Bragadini. 13. F  
 de Liberatorum Prætoris monitione. 59. C  
 de Lignariis duumviris. 49. E  
 Lignum dominicæ crucis miraculis insignitum. 7. A  
 Linguam frænare sapienti facile stulto difficile. 68. F  
 Lipientia fluvius. 27. E  
 ----- oritur in Carnorum finibus. 27. E  
 Ludovici Foscareni sepulchrum. 6. F  
 Ludovici Siciliæ Sepulchrum. 14. A  
 Luprius campus virens. 10. A  
 M.  
 Magdalena via. 12. A  
 de Magistratuum creandorum ratione. 33. A  
 de Magistro Militum. 37. C  
 Majorbium vicus. 26. F  
 de D. Marci Procuratoribus. 40. E



de D. Marci Syndicis. 51. F  
 Marcus Marcellus pugnandi cupidus. 56. E  
 ----- somniat de pugna. ibid.  
 Maria formosa. 16. F  
 Martini Pontificis area. 14. D  
 Materia sine forma constare non potest. 68. E  
 Mediocritas judici servanda. 61. B  
 Mediocritas consistit inter nimium & parum. 61. B  
 Medoacus fluvius hodie Brenta. 3. B  
 Medoacus Crucejam à Canaregio determinat. 3. C  
 Messenius pictor. 9. C  
 ----- ejus tabulæ in templo Cæcilie. ibid.  
 de Militum magistro. 37. C  
 de Moderatione eorum, quæ in senatu aguntur. 40. A  
 de Moderatione Comitatus. 58. B  
 de Modo creandorum magistratuum. 33. A  
 de Modo suffragiorum. 34. B  
 de Monetariis quatuorviris. 50. E  
 Munera speciem aucupii habent. 64. A  
 Munera non sunt accipienda. ibid.  
 de Muneris Prætorii origine. 55. A  
 a Muneribus tanquam a candenti ferro abstinendum.  
 64. A  
 de Muneris Prætorii incrementis. 55. C  
 Munus Scribarum non est unum, nec idem omnium mu-  
 nus. 66. D  
 Murianum vicus. 26. C  
 ----- ob amplitudinem urbs apparet. 26. C  
 ----- vitriariis officinis illustratur. 26. D  
 N.

**N**atura hominis interdum minus peccat quam ætas.  
 56. D  
 Navale publicum. 14. C  
 ----- vel armamentarium. 14. C  
 Neptunus & Pallas ob Athenas certamen commise-  
 runt. 1. C  
 de Nexorum Advocato. 52. A  
 Nicetæ martyris tumulus. 4. B  
 Nobilitas in stulto est intolerabilis superbiæ materia.  
 56. A

O.

**O**dimus quem metuimus. 64. D  
 Officina nummaria. 19. C  
 Olivolensis regio nunc Castellum. 12. E  
 Olovilensis regio, unde ita dicta. 15. B  
 Onesicritus scribæ muneris penes Alexandrum est defun-  
 ctus. 68. C  
 Onesicritus ad Brachmanas & Gymnosophistas ab Ale-  
 xandro missus. 68. C  
 Opificum numerus Venetiis valde frequens. 8. F  
 de Ordinum quinquemviris. 41. E  
 de Origine Muneris Prætoris. 55. A  
 Ostium Alse. 28. E  
 ----- Amphoræ. ibid.  
 ----- Natissæ. ibid.  
 ----- Tiliaventi. ibid.

P.

de **P**acalibus quinquemviris. 47. A  
 Pallas & Neptunus ob Athenas certamen commi-  
 serunt. 1. C  
 Pantaleonis ara. 6. B  
 Patria partem nostri ortus sibi vendicat. 57. C  
 Pauli Sabelli statua. 6. E  
 Pauli templum ubi. 7. B  
 Pauli Pergulani tumulus. 8. E  
 Paulina Regio Urbis Venetæ secunda. 6. D  
 ----- habet formam dimidiatæ pyramidis. 6. D  
 ----- habet insulas 13. & tot ædes sacras. 6. D  
 ----- ejus descriptio. 6. D. 7. 8. per tot.  
 Paulus Apost. fuit scriba. 67. C  
 Paulus Sabellus Venetorum Dux. 6. E  
 de Panni aurei Triumviris. 49. D  
 Pecuniam in loco negligere, maximum interdum est lu-  
 crum. 8. A

de Petitionum tribus Judicibus. 41. C  
 Philistina oppidum olim, nunc Pelestrina. 24. A  
 Plato leges disputandi constituit. 66. C  
 Plavis fluvius hodie celebris. 27. C  
 ----- in Alpibus oritur. ibid.  
 de Poena moderata. 61. B  
 Poetæ feriati vivunt. 65. E  
 Portus Erasmi. 26. A  
 Portus Ligunæ. 28. E  
 Portus Lignani. ibid.  
 Portus Medoaci. 24. B  
 ----- hodie Brenta. 24. E  
 ----- ab aliis dicitur Timavus. 24. E  
 Portus Trini. 27. B  
 Portus Venetus. 29. A  
 Portuum oc Ostiorum longinquitas. 29. A. B  
 de Potestate Consiliariorum. 37. B  
 de Potestate Consilii supremi. ibid.  
 de Præfectis Frumentariis. 43. F  
 de Præfectis Carceris. 45. C  
 de Præfectis annonæ. 45. D  
 de Præfectis vectigalium. 45. F  
 de Præfectis Quæstorum. 49. C  
 de Præfectis Regionum. 50. A  
 de Præfectis tribus publici navalis. 52. F  
 de Præfecto Scribarum. 41. C  
 de Prætorie Familie delectu. 57. E  
 ----- Familie Cultu. 58. A  
 de Prætorii muneris incrementis. 55. C  
 Prætor debet esse moderatus non ferox. 56. B  
 ----- gravis non pertinax. 16. B  
 Prætor quomodo se gerere debet in inquirendo. 62. A  
 Prætor debet esse custos non tyrannus. 64. D  
 ----- hospes non explorator. ibid.  
 de Prætoris Muneris origine. 55. A  
 de Prætoris Electione. 55. F. 56. per tot.  
 de Prætoris designatione. 57. A  
 de Prætoris officio obeundo. ibid.  
 ----- officio in prima Congratulatione. 58. C  
 de Prætoris concione prima. 58. E  
 de Prætoris domestica adminotione. 59. A  
 de Prætoris monitione liberorum. 59. C  
 ----- monitione legati. 59. E  
 de Prætoris apparatu bellico. ibid.  
 ad Prætoris actiones humanitas & clementia debet ac-  
 cedere. 62. B  
 de Prætoris humanitate domi servanda. 62. C  
 de Prætoris credulitate. 62. F  
 de Prætoris moderatione domesticorum. 62. E  
 de Prætoris annulo sigillari. 63. B  
 ----- cui credendum. ibid.  
 de Principis creatione. 35. B  
 de Principis Electione. 36. A  
 de Procuratoribus Divi Marci. 40. E  
 de Procuratorum Judicibus. 42. D  
 de Provisoribus urbanis. 48. E  
 Prudentia senii perpetua est Comes, juvenæ temeritas.  
 56. C  
 Pulchrum est aliis præstare. 66. D  
 in Puniendo duo sunt observanda. 61. C

Q.

de **Q**uæstoribus Urbanis. 50. E  
 de Quæstorum Præfectis. 49. C  
 de Quatuorviris advectitiis. 46. B  
 de Quatuorviris ternariis. 46. D  
 de Quatuorviris lamiariis. 46. E  
 de Quatuorviris Mysteriis. 46. C  
 de Quatuorviris Salinariis. 46. F  
 de Quatuorviris Monetariis. 50. E  
 de Quæstione. 62. A  
 de Quinquemiris ordinum. 41. E  
 de Quinquemiris continentis oræ. 41. F  
 de Quinquemiris vinariis. 46. A  
 de Quinquemiris pacalibus. 47. A

de



# INDEX NOTABILIMUM.

de Quinqueviris decimariis. 51. B  
R.  
de Recuperatoribus fisci. 44. B  
Reliquiæ Venetiis inveniendæ. 12. B  
Ripa Cassiani. 7. D  
Rivus altus unde dictus. 3. C  
D. Rocchi templum. 6. B  
Romani virtute cæteris gentibus præstiterunt. 1. B  
S.  
de Salinariis quatuorviris. 46. F  
Sanguis Christi Venetiis visitur. 6. E  
de Sapientibus maioribus. 40. D  
de Sapientibus duodecim. 52. B  
Scipio Africanus extra sortem adeptus est Hispaniam. 56. E  
Scriba agit vitam laboriosam vere curiosam. 66. A  
Scriba egregius debet habere virtutem cumulatissimam. 66. E. 70. B  
Scriba est cor & mens curiæ. 68. E  
Scribæ à Græcis inter primos civitatis ordines sunt relati. 67. A  
Scribæ antiquitus Sacrarum pecuniarum rationes administrabant. 67. A  
Scribæ officium est Principis Consilium gentibus significare. 67. A. D. 68. A  
Scribæ divinarum doctrinam, ceremoniarumque ritum callebant. 67. B  
de Scribæ fide & taciturnitate. 68. E. F. 69. A. & seqq.  
de Scribæ necessariis virtutibus. 67. E. F. 68. A. B. C. D  
de Scribæ ingenio & urbanitate. 69. C  
de Scribarum Præfecto. 41. C  
de Scribis Ducariis. 45. A  
de Senatu. 39. D  
de Senatus actione. 40. A  
de Senatus officio. ibid.  
Sepulchrum Celsi Principis. 14. B  
Servis nihil credendum. 63. A  
de Severitate in animadversione servanda. 61. F  
de Sexviris nocturnis. 44. D  
de Sexviris Exactoribus. 51. D  
Silvestris olim Patriarchica sedes. 7. C  
Simeonis templum. 10. B  
Sitis avaritiæ nunquam expletur. 56. A  
Situs Venetæ urbis est stupendus. 1. D  
de Sortitione prima & secunda in Comitibus. 33. B. & E  
Sphæritici martyris sacrarium. 11. C  
Statua Pauli Sabelli. 6. E  
Statua Bartholomæi Bergomatis. 13. D  
Stela fluvius. 28. E  
de Suffragiorum ratione. 39. B  
Superbia Rempublicam gerentibus nil odiosius. 56. A  
de Supra Consulibus. 48. F  
de Syndicis Rivoaltinis. 52. A  
de Syndicis D. Marci. 51. F  
Syri Judæi Scribis sunt usi. 67. A  
T.  
Tabernæ panicæ. 19. B  
Tanaisidis campus. 14. E  
Temeritas juventæ, prudentia senii perpetua est comes. 56. C  
Teutonicum Collegium. 5. D  
Thomæ ara. 6. E  
Timavus fluvius. 24. E  
Titus Vespasianus deliciæ generis humani habitus. 62. D  
Tortellum vicus omnium celeberrimum. 27. A  
----- Pontificiam habet sedem. 27. A  
----- à Constantino Heraclii Imperatoris filio inhabitatum. 27. B  
----- ab eo Constantiacum appellatum. ibid.  
de Tribunis insularibus. 34. F  
de Triumviris frumentariis, & publicis. 44. A. & D  
de Triumviris publicis. 44. D  
de Triumviris armamentariis. 45. D

de Triumviris maritimi vectigalis. 45. E  
de Triumviris exactitiis. 46. C  
de Triumviris hospitalibus, sive veteris calculi. 47. C  
de Triumviris novarum rationum. 47. D  
de Triumviris extraordinariis. 48. B  
de Triumviris decem officiorum. 48. D  
de Triumviris Argentariis & aurei panni. 49. D  
de Triumviris solventium. 50. B  
de Triumviris Emporiacis. 50. C  
de Triumviris Præstitorum. 50. D  
de Triumviris Caducariis. 51. C  
de Triumviris Cannabariis. 53. A  
Turris in urbe eminentissima. 19. A  
V  
de Variatione electionis Ducariæ. 35. C  
Vectigal Dovana vel Donna Venetis vocatur. 5. D  
de Vectigalis maritimi triumviris. 45. E  
de Vectigalium Præfectis. 45. F  
Veneta urbs spectari digna. 1. E  
----- nulli comparari potest. 2. A  
Veneta urbs commodius navibus quam pedibus peragatur. 2. A  
----- urbs aquis est sita. 2. A  
in Veneta urbe multi senes reperiuntur. 2. C  
Veneta urbs in duas partes rivo præalto est divisa. 3. D  
----- urbs olim in Theodori Martyris tutela fuit, nunc in D. Marci. 19. D  
----- urbs omnibus gentibus frequenti cultu celebratur. 30. A  
----- urbs inter duo elementa suspensa. 30. B  
Venetæ urbi fastigium summum pollicitem ab initio videtur. 1. D  
Venetæ urbis situs stupendus. 1. D  
----- urbis constitutionem videre Principes peregre profecti. 1. D  
----- urbis facies singulis horis variatur & est rotunda. 2. B  
Venetæ urbis ædes prospectum aquarum auferunt. 2. E  
Venetæ urbis ædificia in tres angulos excurrunt. ibid.  
Venetæ urbis utraque pars in tres Regiones distinguitur. 3. B  
----- citerior pars vocatur Canaregium, Castellum & Marciana. 3. B  
----- ulterior Durum Dorsum, Cruceja & Paulina. ibid.  
Venetæ Urbis ordines, quot. 31. E  
Venetæ urbis comitia. 32. A.  
Veneti juvenes calvi fiunt. 21. A  
Veneti sunt prudentissimi in gerenda, in adeunda republica veracundissimi. 57. D  
Venetiæ Antiquæ fines. 21. E  
Venetorum cultus verus. 8. D  
Venetorum littora multis & variis ædificiis sunt confita. 21. D  
Venetorum victus magis nitidus, quam sumptuosus. 22. A  
Venetorum ingenia ad omnia sunt comparata. ibid.  
de Vetustate Officii Scribarum. 67. A  
Vicus Argentarius & Annularius. 8. E  
Vicus Salarius & Amphorarius. 9. A. B  
Vicus Margaria. 11. A  
Vicus Barbaricus. 13. E  
Vicus Rastianus. 16. C  
Vicus Capsarius. 17. A  
Vicus Murianum. 26. C  
de Vinariis quinqueviris. 46. A  
Virginium Zachariæ & Laurentianum. 16. D. E  
Virgo futurorum præscia. 4. A  
Viti Martyris ara. 5. B  
Vitium nullam facilius deprehenditur, quam arrogans ignorantia. 68. A  
Virtus dicenda non est invita actio. 69. F  
Virtutes cæteræ sine fide nil valent. 68. E  
Urbi salubre est, situm habere commodum. 1. D




























209



ANTIQ  
ITALIÆ

TOM. 3.

O. 1.



906